

রামানন্দ চট্টোপাধ্যায় প্রতিষ্ঠিত

# প্রবাসী

৬২শ ভাগ, প্রথম খণ্ড, ১৩৬-

সূচীপত্র

বৈশাখ-আশ্বিন

সম্পাদক—শ্রীকেশবরাম চট্টোপাধ্যায়







## লেখকগণ ও তাঁহাদের রচনা

<p>শ্রীঅজিত চট্টোপাধ্যায় —স্মৃতিক (গল্প) ... ২৭৪</p> <p>শ্রীঅজিত কুমার মুখোপাধ্যায় —করলা-কালি-তেল (সচিত্র গল্প) ... ৭৪৫</p> <p>শ্রীঅর্ণব সেন —আর কেউ হয়ত আসবে না ... ১১৭</p> <p>শ্রীঅবনীনাথ রায় —অধ্যাপক রবীন্দ্রনাথ বন্দ্যোপাধ্যায় (সচিত্র) ... ২২৯ —আমাদের সমসাময়িক সাহিত্য ও আঙ্গকালকার সাহিত্য ... ৯৭</p> <p>শ্রীঅমিতাকুমারী বসু —কোলহাপুরে মহালক্ষ্মীর মন্দির (সচিত্র) ... ৫৪৭</p> <p>শ্রীঅশোক কুমার দত্ত —গ্রন্থাবলীর ভবিষ্যৎ ... ৪৭০</p> <p>শ্রীঅশোক মুখোপাধ্যায় —আতশবাজির ভূমিকা ... ৪৪০ —জনমত ও গণতন্ত্র ... ৫০২</p> <p>শ্রীআনন্দ কুমারবাসী : অনুবাদ : শ্রীশ্রী বসু —শিল্পী ও পৃষ্ঠপোষক ... ৩১২, ৪৩৫, ৫২৫</p> <p>শ্রীআতা পাকড়াশী কোশানীতে সরল-বেন এর "লক্ষ্মী আশ্রম" (সচিত্র) ... ৩৭০ মথুরা স্মৃতি (সচিত্র গল্প) ... ৭১৬ বোরখার আড়ালে (গল্প) ... ৪৮৭ সুখুয়া-দুখুয়া (গল্প) ... ২১০</p> <p>শ্রীআশাপূর্ণা দেবী —নিঃসঙ্গ (সচিত্র গল্প) ... ৭৮৪</p> <p>শ্রীউষা বিবাস —রবীন্দ্রনাথের শ্রীশিল্পীর স্মরণ ... ৩৫৪</p> <p>শ্রীকমলা দাশগুপ্ত —১৯০০ সনের বিপ্লব-সাধনার পশ্চাৎপট ... ৫২২ —সফ্রেটসের স্মৃতি ... ১৩</p> <p>শ্রীকমলেন্দু ভট্টাচার্য —শব (কবিতা) ... ৭৬৩</p> <p>শ্রীকার্ত্তিকচন্দ্র দাশগুপ্ত —যমরাজার প্রাজ্ঞা ... ৬৬১</p> <p>শ্রীকানাইলাল দত্ত —পল্লীউন্নয়ন প্রসঙ্গে রবীন্দ্রনাথ ... ৩৫৭</p> <p>শ্রীকামাক্ষীপ্রসাদ চট্টোপাধ্যায় —একটি আকাশ (কবিতা) ... ৭৬৩</p> <p>শ্রীকালিদাস রায় —কবির ভাষা (কবিতা) ... ৪৪৪ —কবির ভাষা (কবিতা) ... ৭৬০</p> <p>শ্রীকালীপদ ঘটক —ঐক্যের সাঁওতাল বিদ্রোহ ... ৪৭৬ সাঁওতাল বিদ্রোহ ও পাকুড় অঞ্চল (সচিত্র) ... ৩১২</p>	<p>শ্রীকুমারচন্দ্র রসিক —দেবকার্য (কবিতা) ... ৪০ ভালবাসা (কবিতা) ... ৭৬০</p> <p>শ্রীকৃষ্ণদেব —আত্মহত্যার আগে (কবিতা) ... ৭৬১ নার্স (কবিতা) ... ৩১১ গল্পীকবির স্মৃতি (কবিতা) ... ৬০১</p> <p>শ্রীক্ষেত্রমোহন বসু —বাৎসর্যের কালে নাপরক জীবন ... ৪১৫</p> <p>শ্রীপিরিবালা দেবী —আম টুঙ্গার্ন (গল্প) ... ৪৬৫</p> <p>শ্রীচাঁপক্য সন —সে নহি সে নহি (উপন্যাস) ... ৪৫</p> <p>শ্রীজয়স্বামী বন্দ্যোপাধ্যায় —তাবেজীর ভাবান্তর (আলোচনা) ... ১৫০</p> <p>শ্রীজ্যোতিষ্মতী দেবী —বাংলা কথাসাহিত্যে বিভিন্ন প্রদেশের মানুষ ... ১৭২</p> <p>শ্রীতপতী মুখোপাধ্যায় —বিধানচন্দ্রের একটি জন্মদিন ... ৫০৮ —ইমতী ও মতি (গল্প) ... ১৭৫</p> <p>শ্রীতরুণবিকাশ লাহিড়ী —ভারত-সীমান্ত ... ৫৫৪</p> <p>শ্রীতারকনাথ ঘোষ —অভ্রাময়-অপবর্গ (কবিতা) ... ৭৬৪</p> <p>শ্রীতেজেন্দ্রলাল মজুমদার —আমি : তুমি : মিতা (গল্প) ... ৬২০</p> <p>শ্রীতৃপ্তি রায়চৌধুরী —মধ্যযুগের বালা সাহিত্যে মানবধর্ম ... ১৫২</p> <p>শ্রীদুর্গেশচন্দ্র বন্দ্যোপাধ্যায় ১৯৪৮ সালের বাইশে আশ্বিন ... ৫২১ —বাংলা মঙ্গলকাব্য ও রবীন্দ্রনাথ ... ৩২৭ শান্তিনিকেতনের উৎসব ও তার বৈশিষ্ট্য ... ৯৩</p> <p>শ্রীদিলীপ কুমার রায় —বিপ্লবী যোগী রসিক (স্মৃতিচারণ) ... ১৭৯</p> <p>শ্রীদেবীপ্রসাদ রায়চৌধুরী —কাল মেয়ে (গল্প) ... ৫২৭</p> <p>শ্রীদুলাল দেব বর্মান —গণতন্ত্র, গণতন্ত্রের সঙ্কট ও ভারত ... ২৬৯</p> <p>শ্রীধর্মদাস মুখোপাধ্যায় —চিরন্তন (সচিত্র গল্প) ... ৭৩৯</p> <p>শ্রীনরেন্দ্র ভট্টাচার্য —যৌদ্ধ ভারতে গণতন্ত্র ... ১৪১</p> <p>শ্রীনারায়ণ চক্রবর্তী —কণ-বসন্ত (গল্প) ... ৫৬৫</p>
--	---

লেখকগণ ও তাঁহঁর রচনা

।.পি. সি. সরকার		শ্রীশঙ্কর কুমার সেন	
— ইঞ্জিনার	... ৫৫২	— দীপেশচন্দ্র সেন ও বাংলা সাহিত্য	... ২৪০
শ্রীমতী দেবী		— কাজী নজরুল ইসলাম বাংলা কাব্যের নবতম দিগ্গম্বিন	... ৬৮১
— প্রমোদনিবন্ধ (কবিতা)	... ২০৮	শ্রীমেন কর	
শ্রীশ্রীনাথ মুখোপাধ্যায়		— আকাশের রঙ	... ৫৪৮
— শান্তি (কবিতা)	... ৪৪৪	শ্রীরামপদ মুখোপাধ্যায়	
শ্রীপ্রফুল্ল কুমার দাস		— পক্ষিতীর্থ— মহাবলিপুরম্	... ৬২
— রবীন্দ্রনাথের সাধনার ভক্তিতত্ত্ব	... ৫৫০	— ওদেরও বক্তব্য ছিল (গল্প)	... ৪১৭
শ্রীপ্রফুল্ল সরকার		শ্রীশান্তা দেবী	
— অদৃশ্য খণ্ডন (সংগীত গল্প)	... ৭২০	— বৃগান্তর (গল্প)	... ১২
— আর একজন সতী (গল্প)	... ১৮২	শ্রীশান্তিলতা চক্রবর্তী	
শ্রীপ্রেমেন্দ্র মিত্র		— ২৬ পাঠ (গল্প)	... ৪০৫
— স্তব্ধ প্রহর (উপন্যাস)	১২২, ২৩৫, ৩৭৭, ৪৮০	শ্রীশৈলেন কুমার বন্দ্যোপাধ্যায়	
শ্রীবাণী রায়		— রবীন্দ্রনাথের স্বদেশী সমাজ	... ২৭৭
— কবিতা (কবিতা)	... ৭৬১	শ্রীজ্ঞানমল কুমার চট্টোপাধ্যায়	
— সত্য ঘটনা নয় (গল্প)	... ৮২	— বাংলা উপন্যাসে বাস্তবচেতনা	... ৪২২
শ্রীবালকদেব চট্টোপাধ্যায়		শ্রীসমর বসু	
— বৃগসঙ্কল্পে আফ্রিকা	... ৩৩৫	— ভুলের মাংশল (গল্প)	... ৩৬
শ্রীবিজয়লাল চট্টোপাধ্যায়		শ্রীসমরাদিত্য ঘোষ	
— মানব সেবার শ্রীরামকৃষ্ণ মিশন	... ৫৬২	— চায়ের কাব্য (কবিতা)	... ৭৬০
শ্রীবিমলচন্দ্র চট্টোপাধ্যায়		শ্রীসমীরণ চক্রবর্তী	
— শিক্ষার সঙ্কট	... ৫-২	— শঙ্করলোপাধ্যায় ১-ত্রেণে	... ২৪২
শ্রীবিমল মিত্র		শ্রীসরোজ কুমার রায়চৌধুরী	
— হরহরন (উপন্যাস)	১০৬, ২২১, ৩৪৬, ৪৫১, ৬২৩, ৮০২	— মামী (সচিত্র গল্প)	... ৭৫০
শ্রীবিমলাঙ্গনপ্রকাশ রায়		শ্রীসাদনা কর	
— অধ-চক্র (নাটিকা)	... ২২২	— লান্তা গল্প	... ১৬৫
শ্রীশক্তি বিশ্বাস		শ্রীনীতা দেবী	
— গোমুখের পথে	... ৪০	— কাকড়া বিহে (সচিত্র গল্প)	... ৭২২
শ্রীভূপেন্দ্রকুমার দত্ত ও শ্রীকমলা দাসগুপ্ত		— রঙ্গমণী (উপন্যাস)	২৭, ১৫০, ২২০, ৪২৬, ৫৭৫, ৬৮৮
— বিপ্লবের অভিব্যক্তি	... ৭১০	শ্রীজিত কুমার মুখোপাধ্যায়	
শ্রীমনোমা রায়		— হৈমবতী পণ্ডিতের চক্রে রবীন্দ্রনাথ	... ২৪
— খর্গট উপন্যাসিকের রায়চৌধুরী	... ৫২২	শ্রীমুখাঙ্কর দে	
শ্রীমিত্র নিম্ব		— বিপদ (সচিত্র গল্প)	... ৬৭২
— ককি হাউসের গল্প (সচিত্র গল্প)	... ৭৭৫	শ্রীমুখাঙ্করবিমল বড়ুয়া	
— 'কালের বাণী' প্রসঙ্গে (সচিত্র)	... ৬২৬	— বাঙালীমানস ও বুদ্ধ সংস্কৃতি	... ৩৬২
— ট্রেন কেস (গল্প)	... ৩০৮	শ্রীমুখাঙ্করবিমল মুখোপাধ্যায়	
— বাঙ্গলা দেশে আধুনিক চিত্রাঙ্কন শিল্পের ইতিহাস (সচিত্র)	... ৮১৬	— সর্বোদয়	... ১১১
— বিজ্ঞাপনে কাজ হয় (গল্প)	... ১২৪	শ্রীমুখাঙ্করশর মুখোপাধ্যায়	
— সত্যজিৎ রায়ের কাকনজন্মা (সচিত্র)	... ৪২১	— উর্ধ্বশী ও পুণ্ডরবা (গল্প)	... ২১২
শ্রীমুগাল ঘোষ		শ্রীমুখাঙ্করলাল রায়	
— বোরান তিলার রবীন্দ্রনাথের সুরের স্বজনলীলা	... ৪২৭	— ১৮১৭ সালের বিদ্রোহ	... ৫০৪
শ্রীযতীন্দ্রমোহন দত্ত		শ্রীমুখী কুমার চৌধুরী	
— মহারাজা কৃষ্ণচন্দ্র বিধবা বিবাহে আপত্তি		— অমরত্ব (কবিতা)	... ২০৭
— কেন করিয়াছিলেন ?	... ১০২	— এ কোন্ আকাশ (কবিতা)	... ৭৬২
শ্রীযোগানন্দ দাস		— কোথায় বসব ! (কবিতা)	... ৫৭১
— অবনীন্দ্রনাথ ঠাকুর ও সাপ্তাহিক পরিবারের চিত্র	... ৫৮৪	— প্রহারা (কবিতা)	... ৪৪২
শ্রীযোগেন্দ্রনাথ গুপ্ত		— চেম্বা-অচেনা (কবিতা)	... ২১
— পুরাতন ইতিহাস ও প্রত্নতত্ত্ব (সংগীত)	... ২৩১	— সুখোপাসক (কবিতা)	... ২৮৮
		শ্রীমুখী দেবী	
		— বিজয়চন্দ্র বসুদেব	... ১২৭

## প্রবাসী

কুমার নন্দী		শ্রীহরপ্রসাদ মিত্র	
গান্ধীজী কবি মৃত্যুঞ্জয় আজিম অবলম্বনে (কবিতা) : ৮৯, ৪৫০, ৬০৯		—কলকাতার বৈশাখ (কবিতা)	... ২৫
ব্রিটিশ স্ট্রট অবলম্বনে (কবিতা)	... ৯২	শ্রীহরিনারায়ণ চট্টোপাধ্যায়	
ইমেল বনহুনি (কবিতা)	... ১০৪	—বাণধি (সচিত্র গল্প)	... ৩১৮
সর্প (কবিতা)	... ২০৯	শ্রীহরিশঙ্কর বন্দ্যোপাধ্যায়	
স্বপ্ন সাহ		—বাবলুর মন (গল্প)	... ১৪৬
১৯শ সত্ৰ থেকে উত্তর সাগর (সচিত্র)	... ৮৫	শ্রীহেমলতা দেবী	
স্বপ্ন সাংখ্য বেদান্ততীর্থ		—তোয়ের প্রসাদ (কবিতা)	... ১২৬
ভারতের নবজাগরণের মূল উৎস আত্মীয়-সন্তা	... ২৪৫	শ্রীহেমন্ত কুমার চট্টোপাধ্যায়	
ঘটক		—বাঙলা ও বাঙ্গালীর কথা	৩৩, ৪৭৬, ৬১০, ৭৬৫
এ শুধু গানের রাত (গল্প)	... ৫৫৮		

— ০ —

## বিষয় সূচী

সালের বিদ্রোহ		আর কেউ হরত আসবে না (গল্প)	
— শ্রীমদীন্দ্রলাল রায়	... ৫০৪	— শ্রীঅর্পণ সেন	... ১১৭
সমের বিপ্লব-সাধনার পঞ্চাংগ		ইন্দ্রজাল	...
— শ্রীকমলা দাশগুপ্ত	... ৫৯২	— শ্রীপি. সি. সরকার	... ৫৫২
দেবী ভূমিকা		এ শুধু গানের রাত (গল্প)	
— শ্রীঅশোক মুখোপাধ্যায়	... ৪৫০	— শ্রীসৌরি ঘটক	... ৫৫৮
— (নাটিকা)		একটি আকাশ (কবিতা)	
— শ্রীবিমলাঙ্গুপ্রকাশ রায়	... ২৯৯	— শ্রীকামাকৌপ্রসাদ চট্টোপাধ্যায়	... ৭৬০
আঙন (সচিত্র গল্প)		উর্কশী ও পুকুরবা (গল্প)	
— শ্রীপ্রবুল সরকার	... ৭৯৩	— শ্রীস্বধাংশুশেখর মুখোপাধ্যায়	... ২ ৩
গন্ধ রবীন্দ্রনাথ বন্দ্যোপাধ্যায় (সচিত্র)		ওদেরও বক্তব্য ছিল (গল্প)	
— শ্রীঅবনীনাথ রায়	... ২২৯	— শ্রীরামপদ মুখোপাধ্যায়	... ৪১৭
শ্রীনাথ ঠাকুর ও সাপ্তাহিক শনিবারের চিঠি		ককি হাউসের গল্প (সচিত্র গল্প)	
— শ্রীযোগেন্দ্র দাশ	... ৫৮৪	— শ্রীমিহির সিংহ	... ৭৭৫
স্বপ্ন—অপবর্গ (কবিতা)		কবিকে (কবিতা)	
— শ্রীতারকনাথ ঘোষ	... ৭৬৪	— শ্রীবাণী রায়	... ৭৬১
স্বপ্ন (কবিতা)		কবির ভাষা (কবিতা)	
— শ্রীমদীন্দ্র কুমার চৌধুরী	... ২০৭	— শ্রীকালিদাস রায়	... ৪৪৪
গানের রঙ		কলকাতার বৈশাখ (কবিতা)	
— শ্রীরমেন কর	... ৫৪৫	— শ্রীহরপ্রসাদ মিত্র	... ২০৯
স্বপ্নের আগের (কবিতা)		কমলা-কালি-তেল (সচিত্র গল্প)	
— শ্রীকমল দে	... ৭৬১	— শ্রীঅজিত কুমার মুখোপাধ্যায়	... ৭৪৫
স্বপ্নসর্গ (গল্প)		কাজী নজরুল ইসলাম বাংলা কাব্যের নবতম দিগ্গর্জন	
— শ্রীসিদ্ধিবালা দেবী	... ৪৪৫	— শ্রীরঞ্জিত কুমার সেন	... ৬৮১
স্বপ্নের সময়কার সাহিত্য ও আত্মকালকার সাহিত্য		কাল মেয়ে (গল্প)	
— শ্রীঅবনীনাথ রায়	... ৯৭	— শ্রীদেবীপ্রসাদ রায়চৌধুরী	... ৫২১
স্বপ্ন : ভূমি : স্মৃতি (গল্প)		'কালের বাঁধা' প্রসঙ্গে (সচিত্র)	
— শ্রীতেজেন্দ্রলাল মল্লিক	... ৬২০	— শ্রীমিহির সিংহ	... ৬২৬
স্বপ্ন একজন সতী (গল্প)		কান্দারী কবি মৃত্যুঞ্জয় আজিম অবলম্বনে	
— শ্রীপ্রবুল সরকার	... ১৮৯	— শ্রীমদীন্দ্রকুমার নন্দী	২৮৯, ৪৫০, ৬

বিষয় সূচী

কাঁকড়া বিহে (সচিত্র গল্প)		বট গাছ (গল্প)	
— শ্রীমীতা দেবী	... ৭২৯	— শ্রীশান্তিলতা চক্রবর্তী	... ৪০৫
কোথার-বসব ! (কবিতা)		বাঙালী মানস ও বৌদ্ধ সংস্কৃতি	
— শ্রীহরী কুমার চৌধুরী	... ৫৭১	— শ্রীহুখাণ্ডবিসমল বড়ুয়া	... ৩৩৯
কোলহাপুরে মহালক্ষ্মীর মন্দির (সচিত্র)		বাংলা দেশে আধুনিক চিত্রাঙ্কন শিল্পের ইতিহাস (সচিত্র)	
— শ্রীঅমিতাকুমারী বসু	... ৫৪৭	— শ্রীমিহির সিংহ	... ৫৮৩
কেশানীতে সরলা বেন-এর "লক্ষ্মী আশ্রম" (সচিত্র)		বাবলুর মন (গল্প)	
— শ্রীআভা পাকড়াশী	... ৩৭৩	— শ্রীহরিশঙ্কর ভট্টাচার্য	... ১৪১
গণতন্ত্র, গণতন্ত্রের সঙ্কট ও ভারত		বাংলা ও বাঙালীর কথা	
— শ্রীজলালদেব বর্মান	... ২৬৯	— শ্রীহেনস্ত কুমার চট্টোপাধ্যায়	৩১, ৪৩৭, ৬১০, ৬৬৫
গোমুখের পংখ		বাংলা উপজাতিতে বাস্তবচেতনা	
— শ্রীতপ্তি বিহাস	... ৪০	— শ্রীশ্রামণ কুমার চট্টোপাধ্যায়	... ৪২২
গ্রন্থাবলী (কবিতা)		বাংলা কথা সাহিত্যে বিভিন্ন প্রদেশের মাত্র	
— শ্রীহরী কুমার চৌধুরী	... ৪৪৯	— শ্রীজ্যোতির্শ্রী দেবী	... ১৭২
গ্রন্থাবলীর ভূমিকা		বাংলা বঙ্গলকাব্য ও রবীন্দ্রনাথ	
— শ্রীঅশোক কুমার দত্ত	... ৪৭৩	— শ্রীদুর্গেশচন্দ্র বন্দ্যোপাধ্যায়	... ৩৯৫
ঘণ্টার ভাষা (কবিতা)		বাতিক (গল্প)	
— শ্রীকালিদাস ঙায়	... ৭৩০	— শ্রীঅজিত চট্টোপাধ্যায়	... ২৭৪
চায়ের কাব্য (কবিতা)		বাসা-বদল (গল্প)	
— শ্রীসমরাদিত্য ঘোষ	... ৭৫৩	— শ্রীরঞ্জিত চট্টোপাধ্যায়	... ৩২৬
চিরদিন (সচিত্র গল্প)		বাংলায়ণের কালে নাগরক জীবন	
— শ্রীধর্মদাস মুখোপাধ্যায়	... ৭৩৯	— শ্রীক্রেমমোহন বসু	... ৪১৫
চেনা-অচেনা (কবিতা)		বিজয়চন্দ্র বসুদায়	
— শ্রীহরী কুমার চৌধুরী	... ৯১	— শ্রীহনুতি দেবী	... ১৩৭
জনমত ও গণতন্ত্র		বিজ্ঞাপনে কাজ হয় (গল্প)	
— শ্রীঅশোক কুমার মুখোপাধ্যায়	... ৫৫২	— শ্রীমিহির সিংহ	... ১৩৪
ট্রেন-কেল (গল্প)		বিধানচন্দ্রের একটি জন্মদিন	
— শ্রীমিহির সিংহ	... ৩০৮	— শ্রীতপতী মুখোপাধ্যায়	... ৫০৮
ড্রিট-ফট-অবলম্বনে (কবিতা)		বিপদ (সচিত্র গল্প)	
— শ্রীহনুল কুমার নন্দী	... ৯২	— শ্রীহুখাকান্ত দাস	... ৩৭২
নৈবিক পণ্ডিতের চক্ষে রবীন্দ্রনাথ		বিপদা যোগী রসিক (স্মৃতিচারণ)	
— শ্রীঅজিত কুমার মুখোপাধ্যায়	... ২৪	— শ্রীদিলীপ কুমার রায়	... ১৭২
দীর্ঘশব্দ সেন ও বাংলা সাহিত্য		বিপদের অভিব্যক্তি	
— শ্রীরঞ্জিত কুমার সেন	... ২৪০	— শ্রীভূপেন্দ্র কুমার দত্ত ও কমলা দাঁশঙ্কর	... ৭১৫
দেবকার্য (কবিতা)		বীরভূমে সাওতাল বিদ্রোহ	
— শ্রীকৃষ্ণদরশন মলিক	... ৪৫৩	— শ্রীকালীপদ বটক	... ৪৭৬
নিঃসঙ্গ (সচিত্র গল্প)		বোরখার আড়ালে (গল্প)	
— শ্রীআশাপূর্ণা দেবী	... ৭৮৪	— শ্রীআভা পাকড়াশী	... ৪৮৭
পক্ষিতীর্থ-মহাবলিপুত্র		বৌদ্ধ ভারতে গণতন্ত্র	
— শ্রীরামপদ মুখোপাধ্যায়	... ৬৯	— শ্রীনরেন ভট্টাচার্য	... ১৪১
পঞ্চশত (সচিত্র)	৭৪, ২০২, ৩৩৮, ৪৬০, ৬০১, ৮০৮	ব্যাধি (সচিত্র গল্প)	
পল্লী উন্নয়ন প্রসঙ্গে রবীন্দ্রনাথ		— শ্রীহরিনারায়ণ চট্টোপাধ্যায়	... ৩৩৮
— শ্রীকানাইলাল দত্ত	... ৩৫৭	"ভাবের জীবন ভাবান্তর" (আলোচনা)	
পল্লীকবির মৃত্যু (কবিতা)		— শ্রীঅরুণাকান্ত বন্দ্যোপাধ্যায়	... ১৫০
— শ্রীকৃষ্ণদে	... ৩৩১	ভারত-সীমান্ত	
পুরাতন ইতিহাস ও প্রত্নতত্ত্ব (সচিত্র)		— শ্রীতরুণবিকাশ লাহিড়ী	... ৫৫৪
— শ্রীযোগেন্দ্রনাথ স্ত্য	... ২৩১	ভারতের নব জাগরণের মূল উৎস আন্দোলন-সভা	
পুস্তক-পরিচয়	১২৭, ২৫৪, ৩৮২, ৫০৯, ৬৩৩, ৮৬০	— শ্রীহরেন্দ্রনাথ সান্থ্য বেবান্তীর্থ	... ২৪৫
প্রাণোপনিষৎ (কবিতা)		ভালবাসা (কবিতা)	
— শ্রীপুষ্পদেবী	... ২০৮	— শ্রীকৃষ্ণদরশন মলিক	... ৭৬০

## প্রবাসী

<p>সর মাণ্ডল (গল্প) — শ্রীসর বসু ... ৩৩</p> <p>স্বপ্নের প্রসাদ (কবিতা) — শ্রীহেমলতা দেবী ... ১২৫</p> <p>স্বপ্নের বাংলা সাহিত্যে মানবধর্ম — শ্রীতৃপ্তি রায়চৌধুরী ... ১৩২</p> <p>সর সূর্য (সচিত্র গল্প) — শ্রীমাতা পাকড়াশী ... ১১৩</p> <p>সরাজা কুমার বিধবা বিবাহে আপত্তি কেন করিয়াছিলেন? — শ্রীকর্তী প্রমোদন দত্ত ... ১০২</p> <p>সর শহর থেকে উঠর সাগর (সচিত্র) — শ্রী হরেশচন্দ্র সাহা ... ৮৫</p> <p>সবসেবায় শ্রীমানকৃষ্ণ মিশ্র — শ্রীবিজয়লাল চট্টোপাধ্যায় ... ৫৩১</p> <p>সরী (সচিত্র গল্প) • — শ্রীসরোজকুমার রায়চৌধুরী ... ১৫৩</p> <p>সরানি ভিলার রবীন্দ্রনাথের স্থানের স্মরণ-লীলা — শ্রীমৃগাল ঘোষ ... ৬২৭</p> <p>সরকার রাজ্যে (সচিত্র গল্প) — শ্রীকার্তিকচন্দ্র দাশগুপ্ত ... ৬৬১</p> <p>সরকারে আফ্রিকা — শ্রীবাহুদেব চট্টোপাধ্যায় ... ৩৩৫</p> <p>সরাসর (গল্প) — শ্রীশান্তা দেবী ... ১২</p> <p>সরাসী (উপস্থান) — শ্রীসীতা দেবী ... ২৭, ১৫৩, ২৯০, ৪২৫, ৫৭৫, ৬৮৮</p> <p>সরাসরনাথের পাঁচটি চিঠি ... ৪৫৭</p> <p>সরাসরনাথের সাধনার ভক্তিত্ব — শ্রীপ্রফুল্ল কুমার দাস ... ৬৫৩</p> <p>সরাসরনাথের স্ত্রীশিক্ষা আদর্শ — শ্রীউষা বিশ্বাস ... ৩৫৪</p> <p>সরাসরনাথের সঙ্গী সখ্যতা — শ্রীশৈলেশ্বরকুমার বন্দ্যোপাধ্যায় ... ২৭৭</p> <p>সরাসরনাথের বহুকে লিখিত পত্রাবলী পাঠ্য (গল্প) ... ৮২৫</p> <p>— শ্রীসাধনা কর ... ১৩৪</p> <p>সরাসরলোপাধ্যায় চিত্রণে — শ্রীসমীর্ণ চক্রবর্তী ... ২৪৯</p>	<p>সর (কবিতা) — শ্রীকমলেন্দু ভট্টাচার্য ... ১৩৩</p> <p>সরাসরিনিকেতনের উৎস: ও তার বৈশিষ্ট্য — শ্রীদুর্গেশচন্দ্র বন্দ্যোপাধ্যায় ... ৯৩</p> <p>সরাসর (কবিতা) — শ্রীপৃথ্বীজনাথ মুখোপাধ্যায় ... ৪৪৪</p> <p>সরাসর সঙ্কট — শ্রীবিমলচন্দ্র ভট্টাচার্য ... ৫৭২</p> <p>সরাসরী ও পৃষ্ঠপোষক — ডা: শ্রীমানন্দ কুমারস্বামী, অনুবাদক: শ্রীমধা বসু ... ৩১২, ৪৪৫, ৫৩২</p> <p>সরাসরী ও মতি (গল্প) — শ্রীতপতী মুখোপাধ্যায় ... ১৭৩</p> <p>সরাসরিসের সূত্র — শ্রীকমলা দাশগুপ্ত ... ১৩</p> <p>সরাসরী বননা নয় (গল্প) — শ্রীবাণী রায় ... ৮২</p> <p>সরাসরী রায়ের কাব্যজন্ম (সচিত্র) — শ্রীমিহির সিংহ ... ৪২১</p> <p>সরাসরী-স্মরণ (গল্প) — শ্রীমাতা পাকড়াশী ... ২১৩</p> <p>সরাসরীপাসক (কবিতা) — শ্রীসুধীর কুমার চৌধুরী ... ২৮৮</p> <p>সরাসরীদয় — শ্রীমধাচন্দ্রবিমল মুখোপাধ্যায় ... ১১১</p> <p>সরাসরী (কবিতা) — শ্রীসুনীল কুমার নন্দী ... ২০৯</p> <p>সরাসরী সে নহি সে নহি (উপস্থান) — শ্রীচারণ্য সেন ... ৩৫</p> <p>সরাসরী প্রচর (উপস্থান) — শ্রীপ্রেমেন্দ্র মিত্র ... ১২২, ২৩৫, ৩৭৭, ৪৮৩</p> <p>সরাসরী উপেক্ষিকেশ্বর রায়চৌধুরী — শ্রীসুনীল রায় ... ৫২৯</p> <p>সরাসরী বিমোহ ও পাকড়া অঞ্চল (সচিত্র) — শ্রীকালীপদ ঘটক ... ৩১২</p> <p>সরাসরী (উপস্থান) — শ্রীবিমল মিত্র ... ১০৬, ২২১, ৩৪৬, ৪৫১, ৬২৩, ৮০২</p> <p>সরাসরী বনভূমি (কবিতা) — শ্রীসুনীল কুমার নন্দী ... ১৬৪</p>
--	--

— ০ —

## বিবিধ প্রসঙ্গ

<p>সরাসরী সাইকেল? ... ১২২</p> <p>সরাসরী প্রতিক্রিয়া ... ৩৪১</p> <p>সরাসরী গুণ। আভ্যন্তরীণ বিরুদ্ধতা ... ১৩৬</p> <p>সরাসরী বিধানচন্দ্র ... ৩২৫</p> <p>সরাসরী উন্নয়নের প্রথম প্রথা ... ৬৩৮</p> <p>সরাসরী উন্নয়ন তথা স্বপ্ন বিলাস ... ১৩৭</p> <p>সরাসরী নরককুণ্ড উদ্ধার ... ৫১৪</p> <p>সরাসরী "স্বাভিবেদ" ... ৬৪২</p>	<p>কলিকাতার পথ ও আলিঙ্গন ... ৫১২</p> <p>কলিকাতা পৌরসভা ... ১২৪</p> <p>কলিকাতা পৌরসভা তথা সঙ্গর মণ্ডলী ... ৬৪৮</p> <p>কলিকাতা পৌরসভার ক্ষমতা হ্রাস সভাবনা ... ৫১১</p> <p>কলিকাতা বন্দরের উৎসাহজনক অবস্থা ... ১২৯</p> <p>কলিকাতা বন্দরের পাইলট ও কর্তৃপক্ষ ... ৪</p> <p>কলিকাতা ও তাহার প্রতিকার ... ৩২৪</p> <p>কলিকাতার সূত্রম নীতিজ্ঞানের সূত্রম সঙ্গী ... ২৬২</p>
---	--

## চিত্র-সূচী

কংগ্রেসের নতুন সভাপতি	... ২৬২	বৈদেশিক মুদ্রা সংরক্ষণ	... ২৬০
কংগ্রেসের বিজয় লাভ	... ৮	ব্যবসা ও ৎর্ষ	... ১০
কালীপদ মুখোপাধ্যায়	... ২২০	ভারত সরকারের ব্যবসাপরিচালনা	... ৫১৪
কেন্দ্রীয় মন্ত্রিসভা গঠন	... ১	ভারতে ইংরেজী ভাষার স্থান	... ২৬৩
চীন, ভারত ও পাকিস্তান	... ৫১৫	ভারতের নিরাপত্তা ও প্রতিরক্ষা	... ৩৮২
ছবি বিধান	... ২৬৬	ভাষা লইয়া সরকারের পক্ষপাতিত্ব	... ৫১৮
জাকার্তা	... ৬৪৬	তেজাল ঔষধ প্রয়োগে কাহারো সর্বাপেক্ষা অপরাধী	... ৮১৬
জাতির ঐক্য ও সংহতি	... ২৫৭	মুখ্যমন্ত্রীর প্রতিভাংশ	... ৬৪৫
টেলিফোন ও বিদ্যুৎ সরবরাহের তার চুরি	... ১৩০	মোকদ্দম বিবেচনা	... ১৩৮
ডাঃ নীরেশচন্দ্র গুহ	... ১২	মোরাবজীর রাজস্ব আদায় নীতি	... ৫১৫
ডাঃ মুহম্মদ সিকান্দার	... ১৩৯	বন্দারোগের প্রতিষেধক 'টেবকেন'	... ৩৯৫
ডাক্তার না জাহাদ ?	... ১১	রমেশচন্দ্র সেন	... ২৬৬
ডাঃ রাজেন্দ্রপ্রসাদের বিজয়বাগী	... ১৫৫	রাজনীতির অভিশাপ	... ২৬৫
তৃতীয় শ্রেণীতে আজকেই উন্নীত করতে হবে !	... ৫২০	রাজর্ষি পুরুষোত্তমদাস ট্যাগোর	... ২৯৬
ত্রিপুরাতে পাকিস্তানী অনুপ্রবেশ	... ৫৯২	রাষ্ট্রপতির বিদায় সন্দর্ভনা	... ১৩৮
দুর্নীতি দমনে পুলিশ পোরেন্দা	... ১২	রিজার্ভ ব্যাংক ও বৈদেশিক মুদ্রা	... ৬
নিত্য ব্যবহার্য প্রযোজ্য বুদ্ধিতে সরকার	... ৬৫১	রেলগাড়ী ও রেলবাণী	... ১৫২
নতুন শহর নির্মাণের নতুন ব্যবস্থা	... ১৩৪	রেল ট্রাফিকের জঙ্গল দারী কে ?	... ৬৫২
পরলোকে কল্পলুপ হক	... ১৪০	লালমুখী ও পরে তৃতীয় আঘাত	... ৫১৩
পশ্চিমবঙ্গে চাউলের অবস্থা	... ৩৯৩	লীলা পুরস্কার	... ৬৫০
পশ্চিমবঙ্গের ছাত্রদিগের বিদেশযাত্রা	... ৩৮৭	শিক্ষা বিভাগে সরকারী প্রচেষ্টা	... ৩৯৩
পশ্চিমবঙ্গের নতুন মন্ত্রিসভা	... ৩৯৬	সস্তর বৎসর পূর্তিতে পবিত্র গঙ্গোপাধ্যায়ের সন্দর্ভনা	... ৬৫০
পশ্চিমবঙ্গে তৃতীয় পাঁচশালা পরিকল্পনা	... ২৬০	সমস্ত শক্তি ও জাতীয় মূলধন	... ৫১৬
পশ্চিম বাংলা ও বেকার সমস্যা	... ৭	সরকারের "ক্ষপাত নীতি"	... ১৩৭
পাকিস্তান ও ভারত	... ১৩১	সীমান্ত সংক্ষেপে সীমাহর	... ২৯২
পৃথিবী ছুড়িয়া এ ছাহাকার কেন ?	... ৬৫০	স্বয়ং সরকারের বিরুদ্ধ	... ৫১৫
প্রচণ্ড ভূমিকম্পে ইরান অঞ্চল বিধ্বস্ত	... ৬৪৯	"খাদীন" অর্থ ও রাষ্ট্রনীতি	... ৩৯১
পূর্বে সীমান্তে পূর্বের চীন	... ৬৪৭	খাদীনতা দিবস	... ৫০৯
বাউশে আবণ	... ৫১০	খাদীনতার ক্রমবিকাশ	... ২৬৫
বিধানচক্র রায়	... ৩৮৫		

## চিত্রসূচী

রঙীন চিত্র	একবর্ণ চিত্র
আলপনা	অধাপক স্বীকৃতিস্বরূপ বন্দোপাধ্যায়
— শ্রীমতী নিরোয়ী	... ২২৯
কমলিনী	অনেক গোষ্ঠী করেও লীলা বলতে পারিল না। ধর ধর করে
— শ্রীকুলজ্যোত্স্ন চৌধুরী	... ১০১
কড়ের পরে	কৈপে ওঠা টোটার মাঝখানকাণ্ডে ত চক্রগুণ্ডা এই পরম
— শ্রীদীপসার রায়চৌধুরী	... ১০৭
পুষ্কারিণী	মুহুর্তে তার মন বিধাক্ত হলে মন হ'ল না।
— শ্রীবিমলরত্ন সেনগুপ্ত	... ৩২০
বর্ষকসাকস কখন— শ্রীজয়লাল বসু	অবসর বিনোদন
... ১৩০	... ৩২০
বর্ষামঙ্গল— শ্রীঅক্ষয় দাশগুপ্ত	আমি বলল'ম, কি দেবে ?
... ১৩০	... ১৩০
রাস কমল (খাচীন চিত্র)	সে জানতে চাইল, কি চাও ?
— শ্রীঅশোক চট্টোপাধ্যায়ের সৌজন্যে	... ১৩১
রাগিনী পৌড়ী	ইট কাটা গিলোটিন
— শ্রীঅশোক চট্টোপাধ্যায়ের সৌজন্যে	... ১৩১
শ্রীবৃক্ষ (খাচীন রাজপুত্র চিত্র)	উত্তর প্রদেশে নতুন পুস্তক প্রকাশের কাজ চলিতেছে
— শ্রীঅশোক চট্টোপাধ্যায়ের সৌজন্যে	... ১৩২
	উদয়পুরে পীচোলা হ্রদের তীরে সূর্য্য ও স'দেহী
	... ১৩২
	একটু খুললেই দেখা গেল গোছ গোছ করকরে নতুন শোট
	... ১৩৭
	কড় বাঁচ
	... ৮৭
	কতকগুলি মাছবাঁজা জাহাজ
	... ৮৮
	কালের বাঁজা : মঙ্গলজা
	... ৬২৮
	কৌশানির টীড়ের শোভা
	... ৩৭২
	কৌশানিতে সরলাবেনের লক্ষ্মী কাম্রম
	... ৩৭৫

বিলাস—ঐজমিলবরণ স'হা	•	৮২২	— হাওয়ার নৌকা	•••	৬০৮
শুভ যুগের স্বৰ্ণমুষ্টি	•	২:০	— হাওয়ার কুশন	•••	৬০৫
গৌড়ের হা'স (কটো : ঐজমিল মুখার্জী)	•	৭০৪	— হাওয়ার চেয়ে হালকা বিমান	•••	৪৬১
গ্রীষ্মবীর বিরাট-কিশ-ডক	•	৮৯	— হিঙেনবার্গ	•••	৩৫
চক্রপাণীর শিবমন্দিরের ধ্বংসস্তম্ভ (পাকুড়)			— হিঙেনবার্গের বা'সীকক্ষে জানসা	•••	৪৬১
পাশে সেবারেত ঐজমিল চক্রাভা	•	৩১১	পন্নীগীতির আসর		
ঠোঁড়িয়া পুকুর (পাকুড়)			— ইশৈলেন মিত্র	•••	৮২১
হানদরালকে এখানে হত্যা করা হয়	•	৩১৩	পাহাড়ী মেয়েরা মাছ ধরতেছে	•••	১২২
ডক সংলগ্ন বাজারে মাছের ওপরে লেবেল খাটা হয়েছে	•	৮৯	প্রণয়ী যুগল—ঐসনৎ কর	•••	৮২৫
তুমু নেহি বোপনা সাব। আব বোলনা চাহিরো মেরা ইজ্জত			কিস্ ডকে কর্ণবন্ত কর্ণচানীরা	•••	৮৬
আপ দেকে ত আপকো তি মায় হুজা	••	৭৫১	বাজে মানে? বা: তুমি এত কর, আমার বুকি ইচ্ছে করে না?		
হুই ছেলে	•	৩২০	কেন, তোমরা খাও না লিচু?	•••	৭৮৮
দেবি, আমার কাছ ঘেঁষে দাঁড়িয়েছে মমিটা	••	৭২৭	বিধানচন্দ্র রায়	•••	৫৮৫
দেহাবয়ব (ভাষ্য)—ঐজমিল চক্রাভা	•	৮১৮	বিভিন্ন ভূমিকার বিধানখন, করণা বন্দোপাধ্যায়, ছবি বিধান,		
পক্ষিতীর্থ—সেদগিরী	••	৬৯	অলকানন্দা	•••	৪২৫
পঞ্চম চিত্রাবলী—			বহারী বিড় বিড় করে ময় পড়তে লাগল	•••	৬৬২
— ২২ বৃষুদ	••	৮০৯	বেশ ত মশাই কাজ আছে কাজে যান। লেकिन নোটিঙলো		
— ইজ্জেরারে বসে মাছ ধরা	••	৬০৬	পকেটে রেখে দিন	•••	৭৫৫
— ওষাট	••	৪৬৬	বেশ শব্দ করে পড়ে গেল একটা টুল, আমি মেটাকে হাত দিয়ে		
— কলেব রেস্তোরা	••	২০৪	সোজা করে রাখলাম	•••	৭২
— কাটা-খাল বিহার	••	২০৫	রৌক নির্মিত বিষ্ণুমুষ্টি	•••	২৫২
— কুড়ি চাঁদার গাড়ী	••	৪৬৫	মদনমোহনের মন্দির (পাকুড়)	•••	৩১৫
— ক্রিস্টিয়ান রাডিশ	••	৩৪১	মন্দিরের উত্তর পূর্ব দিক	•••	৫৫১
— হোর ধরা বাগ	••	৮১৪	মহাকাশযানের চন্দ্রলোকে অবতরণ ও প্রত্যাবর্তন	•••	২০৫
— টিউনিসীয় মরাই	••	২০৬	মহালক্ষ্মী	•••	৫৪৯
— ডাক ব্যাগের ঐজ করা গাড়ী	••	৪৬৫	মহালক্ষ্মী মন্দিরের অর্ধমণ্ডপ	•••	৫৪৭
— ডাক নিউগিনির অধিবাসীদের যুদ্ধসজ্জা	••	৩৪৪	মা—ঐশ্রামল দত্তরায়	•••	৮১৭
— ডানা ঝাপটানো এরোপ্লেন	••	৪৬৬	মাউন্ট আবুতে নাকি হৃদের দৃশ্য		
— ডেভিলস্ টাওয়ার	••	৮১২	মানুষ ও পাখী—ঐঅরুণ বহু	•••	৮১৬
— ধূমপানের অ ময়	••	৩৪৫	যখন এতখানি শীতল হওয়ার কামনা করে সে	•••	৭৪৩
— নূতন ধরণের পিনান ধন্দর	••	৬০২	যারা গাড়ী টানে—ঐহাস রায়	•••	৮২১
— পড়ী বাস বা পা-বাস	••	৮১০	রণের রশি	•••	৩৩০
— ক্রীষ্ণ ঘোষের ছিম্বুক সংগ্রহকারিণী	••	৮১০	রবীন্দ্রনাথ (পার্শ্ব হইতে)—ঐদেবীপ্রসাদ রায়চৌধুরী	•••	৫৭২
— বামশ্রী এলিজাবেথ	••	৭৯	রবীন্দ্রনাথ (দক্ষিণ হইতে)—ঐদেবীপ্রসাদ রায়চৌধুরী	•••	৫৭৩
— বাইসাইকেল স্টেন	••	৪৬২	রাণীক্ষেতের হোটেলের বারান্দা হইতে দৃশ্যমান স্নো রেঞ্জ	•••	৩৭৪
— বিচিত্র হোটেল	••	৮১	রামানন্দ চট্টোপাধ্যায়	•••	২৫
— বীরভরৎ	••	৭৫	রায়বাহাদুরের পত্নীর ভূমিকায় ঐমতী করণা বন্দোপাধ্যায়	•••	৪২৩
— বৈজ্ঞানিক তাল	••	৬০৪	রায়বাহাদুরের পৌত্রির ভূমিকায় ইশ্রাণী সিংহ	•••	৪২৪
— বাণিস্থাপ	••	৬০৩	লক্ষ্মী-আলমের শেতের দৃশ্য	•••	৩৭৬
— বৃহত্তম অর্ধপোত	••	৭৬	লাকার	•••	৮১৫
— ভ্রাম্যমান গৃহ	••	২০৩	শিব অর্ধ ন রীষর	•••	২৩৩
— ব্রহ্মলিঙ্গায় কৃষ্টি প্রতিযোগিতা	••	৬০১	শিলালিপি	•••	৭০৪
— ব্রহ্মলিঙ্গায় ছেলেবুড়ো স্রোপু-ময় বোড়নোড়	••	৬০	শিওদের স্তম্ভ পারকল্পিত নূতন ধরণের সেরার মাঠ	•••	৭০৪
— মুংগীদের ঘুরপাক খাওয়া ঘর	••	৪৬৫	শাড়ী দেখে সাপুড়ে বউ আহ্লাদে আটখানা	•••	৭৩৫
— ম্যামথ	••	৭০৯	শোন বন্ধু তোমার কি স্তম্ভ ডেকেছি বুঝেছি কি?	•••	৬৭৭
— আমদেশের য'বাবর	••	২০৬	ঐমতী—ঐসোমনাথ হোড়	•••	৮১৯
— বড়খা	••	৬০২	সাপুড়ে সাপ খেলাচ্ছে	•••	৭৩০
— সাইকেল স্টেন	••	৮১১	সেই পথে যেতই হঠাৎ তাঁর দৃষ্টি পড়লো গাছটার দিকে	•••	৬৬৯
— স্কিঃ ভিত্তির গাড়ী	••	৭৫	হংস-মিথুন (কটো : রামকিষ্ণর সিংহ)	•••	৭০৪
— হলের মধ্যে ফুটবল	••	৬০৪			







# প্রবাসী

“সত্যম্ শিবম্ সুন্দরম্”

“নামমাস্মা বলহীনেন লভ্যঃ”

৩২শ ভাগ  
৩ম পত্র

বৈশাখ, ১৩৩৯

৩ম সংখ্যা

## বিবিধ প্রসঙ্গ

### কেন্দ্রীয় মন্ত্রিসভা গঠন

“ডিমক্রেসী”, অর্থাৎ সাধারণতন্ত্র বলিতে যাহা বুঝায় তাহার নানা দেশে, নানা জনে, বহু বিভিন্ন ও বিচিত্র অর্থ করিয়াছেন ও সংজ্ঞা দিয়াছেন। চলিত যাহা আছে তাহার মধ্যে গ্রীক দার্শনিক প্লেটোর “রিপাবলিক” পুস্তকে প্রদত্ত সংজ্ঞায় বলে,

“Democracy, which is a charming form of government, full of variety and disorder, and dispensing a sort of equality to equals and unequals alike.” (Plato—*The Republic*. Book VIII.—Translated by Benjamin Jowett).

“ডিমক্রেসী বলিতে শাসনতন্ত্রের এক মনোহর রূপ বুঝায় যাহা দ্বারা সমশ্রেণী ও অসমশ্রেণীর সকলের মধ্যে সাম্য প্রদত্ত হয়।”

প্লেটোর পরে আর এক গ্রীক মনীষী, আরিষ্টটল, ঐ সংজ্ঞাতেই আরও প্রসারিত করিয়া বলিয়াছেন :

“If liberty and equality, as is thought by some, are chiefly to be found in democracy, they will be best attained when all persons alike share in the government to the utmost.” (Aristotle. *Politics*. Book IV—Translated by B. Jowett).

“যদি সাম্য ও স্বাধীনতা প্রধানতঃ ডিমক্রেসীর মধ্যেই পাওয়া যায়—যে রূপ অনেকেই মনে করেন—তবে ঐ দুই অধিকারপ্রাপ্তির শ্রেষ্ঠ ব্যবস্থা হইবে যখন সর্বজনে সমানভাবে শাসনতন্ত্রে পূর্ণরূপে অংশ গ্রহণ করিবে।”

প্লেটো এবং আরিষ্টটল এই দুই প্রাচীন মনীষী খ্রীষ্টপূর্ব পঞ্চম ও চতুর্থ শতকে যাহা প্রচার করিয়াছেন,

কালের স্রোতে সে সকল সত্ত্বের পরিবর্তন ও প্রতিক্রম নানাভাবে হইয়াছে। বিখ্যাত বিটিশ লেখক ও বিদ্বান টমাস কার্লাইল খ্রীঃ উনবিংশ শতকে বলিয়া গিয়াছেন :

“Democracy is, by the nature it, a self-cancelling business; and gives in the long run a net result of Zero.”—Thomas Carlyle. *Chartism*, Chap. 6.

“ডিমক্রেসী, তাহার নিজস্ব প্রকৃতির গুণে নিজেকে বাতিল করে; এবং দীর্ঘদিন পরে তাহার হিসাব-নিকাশের ফল দাঁড়ায় শূন্য।”

মহাজনের মতামত যাহাই হউক, এই ডিমক্রেসী বা সাধারণতন্ত্র এখন সারা জগতে স্বাধীনতা ও প্রগতির মূলমন্ত্র হিসাবে স্বীকৃতি পাঠিয়াছে এবং জগতের অধিকাংশ দেশে শাসনতন্ত্রের অধিকারবর্গ মুখে এই নীতি সাধারণতন্ত্রবাদ প্রচার করেন এবং ঐ মূলমন্ত্রের গান গাইয়া চলেন—কার্য্যতঃ অবশ্য দাঁড়ায় অস্ত্র ব্যাপার, অধিকারবর্গের ইচ্ছা ও প্রকৃতি অশুভার্থী।

এই সাধারণতন্ত্র বিভিন্ন দেশে ও বিভিন্ন সময়ে নানা বিচিত্র রূপ লইয়াছে। এবং প্রত্যেক দেশেই শাসনতন্ত্রের রকমফের ও রদবদল হইয়াছে ও হইতেছে দলগত স্বার্থের প্রভাবে ও বিকারে, যেমন সম্প্রতি হইতেছে ফ্রান্সে এবং কিছুদিন পূর্বে হইয়াছে সোভিয়েট দেশে। ইহার কারণ সাধারণতন্ত্র বলিতে এখন যাহা চলে তাহার নাম দলতন্ত্রই হওয়া উচিত। কেননা যে সকল দেশে সাধারণতন্ত্র চলিতেছে তাহার প্রায় সর্বত্রই শাসনতন্ত্রের পূর্ণ অধিকার ও ক্ষমতা সে দেশের রাষ্ট্রনৈতিক দলগুলির মধ্যে

প্রবলতম অথবা গরিষ্ঠতম যে বা যাহারা দাঁড়ায়, সে বা তাহারাই গ্রাস করে। আবার ঐ দলের মধ্যে যাহার প্রভাব বা প্রতাপ সর্বাপেক্ষা অধিক সেই একটি উচ্চতম অধিকারীর দল গঠন করিয়া রাষ্ট্রের শাসন ও পরিচালন করে। এই পরিচালনা ও শাসন ঐ উচ্চতম অধিকারী মহাশয়গণের স্বভাব প্রকৃতি অহুযায়ী চলে এবং দেশের অবস্থাও সেই চালনা অহুসারে উর্দ্ধগামী বা অধোগামী হয়।

এই সাধারণতন্ত্রের যে আদর্শ মার্কিন যুক্তরাষ্ট্রের রাষ্ট্রপতি আব্রাহাম লিঙ্কন দিয়া গিয়াছেন, সেই আদর্শই নাকি আমাদের দেশে চলিতেছে। সেই আদর্শ তিনি উচ্চারণ করেন তাঁহার ১৯শে নভেম্বর ১৮৬৩ খ্রীষ্টাব্দে প্রদত্ত বিখ্যাত “গেটিসবর্গ” বক্তৃতায়। সেই বক্তৃতায় ছিল :

“—That this nation, under God, shall have a new birth of freedom, and that government of the people, by the people, for the people, shall not perish from the earth.”—

(Abraham Lincoln, Gettysburg address).

—“ঈশ্বরের ইচ্ছাধীনে এই জাতি যাহাতে নূতন জন্মলাভ করিবে এবং যাহাতে জনসাধারণ প্রতিষ্ঠিত শাসনতন্ত্র, জনসাধারণ চালিত এবং জনসাধারণের স্বার্থ অহুগামী হয়”—

আদর্শ খুবই মহান্ সন্দেহ নাই, এবং আমাদের বুদ্ধি-বিচার অহুযায়ী যে মহাশয়বর্গ ভারতবর্ষের কেন্দ্রে ও বিভিন্ন রাজ্যে পরম আনন্দে আরও পাঁচ বৎসরের জন্ত অধিষ্ঠিত হইলেন, তাঁহাদের মুখের বাণীতে ঐ আদর্শের মাহাত্ম্য আমরা অহোরাত্র শুনিয়া পুলকিত হইব সন্দেহ নাই। কিন্তু কথা এক এবং কার্য্য অত্র, এই যা বিপদ! এ যেন হিন্দীর প্রবাদবাক্য “রাজায়েঁ কি বাত তাখী কি দাঁত—খানেকা এক দিখানেকা অওর।” এবং ঐ প্রবাদের পূর্ণ সমর্থন আমরা পাই নূতন মন্ত্রিসভা গঠনে, যাহাতে দলগত স্বার্থ ও দলগত অধিকার ভিন্ন অত্র কিছুই বিশেষ প্রভাব লক্ষিত হয় না।

কেন্দ্রীয় মন্ত্রিসভার সদস্যবর্গের নাম ও বিবরণ আনন্দবাজার পত্রিকায় নিম্নলিখিত ভাবে দেওয়া হইয়াছে :

নয়াদিল্লী, ২ই এপ্রিল—আজ প্রাতে রাষ্ট্রপতি ভবনের এক ঘোষণায় ভারত সরকারের নূতন মন্ত্রিসভার সদস্যদের নাম প্রকাশ করা হইয়াছে। প্রধানমন্ত্রী শ্রীনেহরু সহ এই মন্ত্রিসভায় ১৭ জন পূর্ণমন্ত্রী এবং ৬ জন

রাষ্ট্রমন্ত্রী আছেন। এক কথায় বলিতে গেলে এই মন্ত্রিসভা নূতন কিন্তু ইহার আদল পুরাতন।

আগামীকাল সকাল সাড়ে নয়টায় নূতন মন্ত্রিগণ রাষ্ট্রপতি ভবনে শপথ গ্রহণ করিবেন। বিদায়ী মন্ত্রিসভার ১১ জন সদস্যকে নূতন মন্ত্রিসভায় গ্রহণ করা হইয়াছে। ৫ জন রাষ্ট্রমন্ত্রীর পদোন্নতি হইয়াছে এবং শ্রী সি সুব্রহ্মণ্যম নূতন মন্ত্রী নিযুক্ত হইয়াছেন। ৬ জন রাষ্ট্রমন্ত্রীর মধ্যে ডাঃ সুশীলা নায়ার নূতন নিযুক্ত হইয়াছেন।

শ্রম ও নিয়োগ বিভাগে শীঘ্রই আরও একজন রাষ্ট্রমন্ত্রী নিযুক্ত করা হইবে। বিদায়ী মন্ত্রিসভায় যাহারা রাষ্ট্রমন্ত্রী ছিলেন তাঁহাদের মধ্যে ডাঃ বি ভি কেশকার বিগত নির্বাচনে পরাজিত হইয়াছেন এবং শ্রী ডি পি কার-মারকার, ডক্টর পাঞ্জাব রাও দেশমুখ ও শ্রী বি এন দাতারকে নূতন মন্ত্রিসভায় গ্রহণ করা হয় নাই।

আজ মন্ত্রীদের নামের যে তালিকা প্রকাশিত হইয়াছে, তাহাতে কোনও সহকারী মন্ত্রীর নাম নাই। সহকারী মন্ত্রীদের নাম পরে ঘোষণা করা হইবে বলিয়া জানান হইয়াছে।

#### পূর্ণ মন্ত্রিগণ

শ্রীজগদীশ্বরলাল নেহরু—প্রধানমন্ত্রী এবং পররাষ্ট্রমন্ত্রী।  
 শ্রীমোরারজী দেশাই—অর্থমন্ত্রী।  
 শ্রীজগজীবন রাম—পরিবহন ও যোগাযোগরক্ষামন্ত্রী।  
 শ্রীশুলজারীলাল নন্দ—পরিবহন, শ্রম ও নিয়োগমন্ত্রী।  
 শ্রীলালবাহাদুর শাস্ত্রী—স্বরাষ্ট্রমন্ত্রী।  
 সর্দার শরণসিং—রেলমন্ত্রী।  
 শ্রী কে সি রেড্ডী—বাণিজ্য এবং শিল্পমন্ত্রী।  
 শ্রী ভি কে কৃষ্ণমেনন—প্রতিরক্ষামন্ত্রী।  
 শ্রী এম কে পাতিল—খাদ্য ও কৃষিমন্ত্রী।  
 তাফিজ মহম্মদ ইব্রাহিম—সেচ ও বিদ্যুৎমন্ত্রী।  
 শ্রীঅশোককুমার সেন—আইনমন্ত্রী।  
 শ্রীকেশবদেব মালব্য—শনি এবং ইন্ধনমন্ত্রী।  
 শ্রী বি গোপাল রেড্ডী—প্রচার ও বেতারমন্ত্রী।  
 শ্রী সি সুব্রহ্মণ্যম—ইম্পাত এবং ভারী শিল্পমন্ত্রী।  
 ডাঃ কে এল শ্রীমালী—শিক্ষামন্ত্রী।  
 শ্রীহাম্মদ কবির—বৈজ্ঞানিক গবেষণা এবং সাংস্কৃতিক বিভাগের মন্ত্রী।

শ্রীসত্যনারায়ণ সিংহ—সংসদীয় বিভাগের মন্ত্রী।

#### রাষ্ট্রমন্ত্রিগণ

শ্রীমেহেরচাঁদ খান্না—পূর্ভ গৃহনির্মাণ এবং সরবরাহ বিভাগের মন্ত্রী।

শ্রীমাহুভাই শা—বাণিজ্য এবং শিল্প মন্ত্রণালয়ে  
আন্তর্জাতিক বাণিজ্যমন্ত্রী।

শ্রীনিত্যানন্দ কাহুনগো—বাণিজ্য এবং শিল্প মন্ত্রণালয়ে  
শিল্পমন্ত্রী।

শ্রীরাজবাহাদুর—পরিবহন এবং যোগাযোগ রক্ষা  
মন্ত্রণালয়ে জাহাজীমন্ত্রী।

শ্রী এস কে দে - সমাজ উন্নয়ন, পঞ্চায়েতী রাজ এবং  
সমবায় বিভাগের মন্ত্রী।

ডাঃ সুনীলা নায়ার—স্বাস্থ্যমন্ত্রী।

মন্ত্রিসভা গঠনের জ্ঞপ্তি পরামর্শ দিতে রাষ্ট্রপতি প্রধান-  
মন্ত্রীকে নির্দেশ দিবার পর আজ পঞ্চম দিন মন্ত্রিসভার  
সদস্যদের নাম ঘোষণা করা হইল।

ভারত প্রজাতন্ত্রের এই তৃতীয় মন্ত্রিসভার কয়েকটি  
বৈশিষ্ট্য হইল :

(১) মন্ত্রিসভায় আঞ্চলিক প্রতিনিধিত্বের প্রশ্নটি  
খুবই উপেক্ষিত।

(২) মন্ত্রীদের মধ্যে মাদ্রাজের শ্রীসুব্রহ্মণ্যম নুতন।  
ইম্পাত এবং ভারী শিল্পগুলি ( সরকারী ও বেসরকারী  
উভয় ক্ষেত্রের ) তাঁহার হাতে দেওয়া হইয়াছে।

(৩) ১৯৫৭ সনের মন্ত্রীদের মধ্যে মাত্র একজনই  
এই মন্ত্রিসভায় নাই। তিনি ডঃ সূর্যাবানান। তিনি  
মহারাষ্ট্রের রাজ্যপাল নিযুক্ত হইয়াছেন।

(৪) কয়েকটি দপ্তর এক হাতে হইতে অপর হাতে  
গিয়াছে। শ্রীজগজীবন রামকে রেলের ভার দেওয়া হয়  
নাই। তাঁহাকে পরিবহন ও সংযোগরক্ষার দায়িত্ব  
দেওয়া হইয়াছে। এই দপ্তর ছিল ডঃ সূর্যাবানানের  
হাতে। সর্দার শরণ সিং ছিলেন ইম্পাত, খনি ও  
জালানি মন্ত্রী। তিনিই এবার রেলমন্ত্রী হইলেন।  
শ্রীগোপাল রেড্ডী তথ্য ও বেতারমন্ত্রী হইয়াছেন।  
এই দপ্তর পৃথক মন্ত্রণালয় হিসাবে এই প্রথম পূর্ণ মর্যাদা  
পাইল।

(৫) বাণিজ্য ও শিল্প দপ্তর এবং ইম্পাত, খনি  
এবং জালানী দপ্তর ভাঙ্গিয়া নুতন ভাবে গঠন করা  
হইয়াছে। ইহার ফলে দুইটি নুতন দপ্তর গঠিত হইয়াছে ;  
ইম্পাত ও ভারী শিল্প একটি দপ্তর। যে দপ্তরের মাথায়  
আছেন শ্রীসুব্রহ্মণ্যম। অপর দপ্তরটি হইল খনি ও  
জালানী দপ্তর। যে দপ্তরের ভার পাইয়াছেন শ্রী কে  
ডি মালব্য। বাণিজ্য ও শিল্প দপ্তর হইতে ভারী শিল্প  
বাদ গিয়াছে। ইহা এখন নুতন দপ্তর।

বাণিজ্য ও শিল্প দপ্তরে একটি বিভাগ খোলা  
হইয়াছে। ইহা হইল আন্তর্জাতিক ব্যবসায়। শ্রীমাহু-

ভাই শা যিনি পূর্বে শিল্প দপ্তরের ভারপ্রাপ্ত ছিলেন তিনি  
রাষ্ট্রমন্ত্রী হিসাবে এই নুতন দপ্তরের ভার লইবেন।  
বাণিজ্য ও শিল্প দপ্তরই শিল্প-নীতি স্থির করিবেন।

(৬) একটি দপ্তর - পুনর্কাসন, বিলুপ্ত হইয়াছে।

পুনর্কাসন এখন পূর্ত, গৃহনির্মাণ ও সরবরাহ দপ্তরের  
অন্তর্ভুক্ত হইবে। শ্রীমেহেরচাঁদ খান্নাই পুনর্কাসনের  
কাজ দেখিবেন।

(৭) পাঁচজন রাষ্ট্রমন্ত্রী পূর্ণমন্ত্রীর পদে উন্নীত  
হইয়াছেন। তাঁহারা হইলেন : সর্দার কে ডি মালব্য, বি  
গোপালন রেড্ডি, হুমায়ুন কবীর, ডঃ কে এল শ্রীমালি  
ও সত্যনারায়ণ সিংহ।

(৮) মন্ত্রিসভায় ছয়জন রাষ্ট্রমন্ত্রী আছেন। তার  
মধ্যে মাত্র একজন— ডাঃ সুনীলা নায়ার নুতন।

১৯৫৭ সনে প্রধানমন্ত্রী প্রদত্ত তালিকায় রাষ্ট্রমন্ত্রীর  
সংখ্যা ছিল পনেরো। আইনমন্ত্রী শ্রীঅশোককুমার সেন  
পূর্ণমন্ত্রিত্ব লাভ করিলে ঐ সংখ্যা চৌদ্দয় গিয়া দাঁড়ায়।  
এই চৌদ্দজনের মধ্যে পাঁচ জন এইবার পূর্ণমন্ত্রী হিসাবে  
উন্নীত হইলেন। একজন ( ডঃ কেশকর ) নির্বাচনে  
পরাজিত হইয়াছেন।

এই তালিকায় প্রদত্ত “রাষ্ট্রমন্ত্রী” দলের মধ্যে শ্রীমহু-  
ভাই শা প্রথমে ঐ পদ গ্রহণ করিতে অস্বীকার করেন।  
সে সময় যে বিবৃতি তিনি দিয়াছিলেন তাহাতে বুঝা  
গিয়াছিল যে, তিনি দীর্ঘদিন নিজ প্রদেশের ও কেন্দ্রের  
মন্ত্রিসভায় কাজ করিয়াছেন, অথচ তাঁহাকে নিজ দপ্তরে  
পূর্ণ অধিকার দেওয়া হয় নাই এবং ইহাতে তাঁহার ঐ  
কাজে বাধা রাখিয়া দেওয়া হইয়াছে। পরে অবশ্য তিনি  
ঐ পদই গ্রহণ করিয়াছেন। এ বিষয়ে কোন মন্তব্য  
নিপ্রয়োজন।

এখন যদি প্রশ্ন করা হয় যে, এই তালিকায় যে সকল  
নাম আছে তাঁহাদের মধ্যে পুরাতন যাহারা তাঁহাদের  
যোগ্যতা, জনস্বার্থ চিন্তা বা কার্যক্রম উদ্যোগের কি  
পরিচয় দেশের লোকে আগের পাঁচ বৎসরে পাইয়াছে,  
তবেই হয় গোলযোগ। অবশ্য এই বর্তমান তালিকায়  
চতুর লোকের অভাব নাই, তবে প্রশ্ন দাঁড়ায় যে, সেই  
চাতুর্যের কি ফল পাইয়াছে জনসাধারণ। কয়েকজন  
আছেন যাহাদের সততা সন্দেহের অতীত কিন্তু তাঁহারা  
নিজ বিভাগ চালানে দক্ষ ও কার্যক্রম বলিয়া বিশেষ খ্যাতি  
অর্জন করিতে পারেন নাই। কর্মভার যাহারা অতীতে  
লইয়াছেন এবং বর্তমানেও গ্রহণ করিলেন তাঁহাদের মধ্যে  
দায়িত্বজ্ঞানের অভাব কয়েকজনের ক্ষেত্রে একাধিকবার  
দেখা গিয়াছে, অল্পদের মধ্যে তিন-চারিজন মাত্র দায়িত্ব-

জ্ঞানের সুস্পষ্ট পরিচয় দিয়াছেন, অত্বেরা দিনগত পাপ-ফয়েই সম্বলিত—এবং নিজ অধিকারের ফলভোগে ব্যস্ত ও উৎসাহিত।

এহেন মন্ত্রিত্বের মধ্যে কিসের আশা নিহিত থাকিতে পারে? দলগরিষ্ঠ যাহারা এবং যাহাদের প্রাদেশিক প্রতিনিধিত্বেও ওজন আছে তাহাদের আশা এই যে, ভারতরাষ্ট্র নামক কামধেনু তাহাদের সকল প্রকার আশা, ভরসা, পিপাসা ও লালসা পূরণ করিবেন। এবং ঐ কামধেনুর ছন্ধের ক্ষীর, সর ইত্যাদির জন্তই এত মনের জ্বালা তাহাদের, যাহারা আসন দখল করিতে পারেন নাই, এবং এতই উল্লাস সেই মহাশয়গণের যাহারা স্বনাম-ধন্য “নেপোল” মতই দধিভাণ্ডে হস্তক্ষেপের অধিকার পাইয়াছেন।

জনসাধারণের আশা কোথায়? এই পঞ্চদশ বৎসর যে সকল অভ্যুত্থানের নিদারুণ ক্রুদ্ধসাধন ও অভাব-অনন্দের দুর্ভাগ্যের বহনের ফলে কেন্দ্রীয় ও বিভিন্ন রাজ্যস্বত্ব অধিকারিবর্গ সদর্পে প্রতিষ্ঠিত রহিয়াছেন, তাহাদের এই মন্ত্রিসভা হইতে আশা কি? এই যে এতদিন যাবৎ, বর্তমকের অনেক সুখ স্বাচ্ছন্দ্যের পথ বন্ধ হওয়া সত্ত্বেও এবং জীবনযাত্রার পথ দুর্ভাগ্য এবং কষ্টকিত হইলেও আমরা একের পর এক পাঁচশালা পরিকল্পিত নন্দনকাননে আকাশকুসুমের সপ্ন দেখিয়া সকল কষ্টই ভুলিয়া পাইতেছি, সেই পরিকল্পনা ও রাষ্ট্রচালনা যাহাদের হাতে আমরা পরোক্ষভাবে আবার দীর্ঘদিনের জন্ত দিলাম, তাহাদের কাছে আমরা কি প্রত্যাশা করিতে পারি?

সংসদ, কাপাইলের ভাষায় বলিব—শূন্য!

### কলিকাতা বন্দরের পাইলট ও কর্তৃপক্ষ

১৯৪৮ সালের ১৫ই জানুয়ারি কলিকাতা বন্দরের পাইলটদের সহিত বন্দরের অধ্যক্ষ, শ্রী বি. সি. ঘোষ এক চূড়ান্ত আলোচনার বৈঠকে বসেন। এই আলোচনার ফলে উচ্চতম কর্তৃপক্ষের সহিত পাইলট এসোসিয়েশনের যে বিরোধ চলিবেছিল তাহার—অন্ততঃপক্ষে সাময়িক-ভাবে অবসান ঘটে। এই আলোচনার আদান-প্রদানে উভয় পক্ষই সম্মত হইয়াছেন। শোনা যায়, এবং উহার পরিণতিতে পাইলট এসোসিয়েশন তাহাদের কাজকর্মে পূর্ণরূপে যোগদান করেন। এখন কলিকাতা হইতে সমুদ্রপথের যাতায়াত সমানে চলিতেছে এবং তাহাতে বাধাবিঘ্ন বিশেষ নাই।

কলিকাতা হইতে বঙ্গোপসাগর বা সাগর হইতে

কলিকাতা যাতায়াত সমুদ্রগামী জাহাজের পক্ষে অত্যন্ত বিপদসঙ্কুল। তাহার কারণ এই যে, বন্দর হইতে গঙ্গার মোহানা পর্যন্ত এই জলপথ বালিচরে ভর্তি এবং গঙ্গাবক্ষ এই পলি পড়ার দরুণ প্রায় অধিকাংশ স্থলে অগভীর হইয়া গিয়াছে। ক্রমাগত সেই বালিমাটি ড্রেজার দিয়া হেঁচিয়া কাটিয়া বা তোলা সত্ত্বেও বড় জাহাজ চলাচলের জলপথ প্রশস্ত ও গভীর রাখা যায় না। বড় বড় চরগুলি যথা : বলারি চড়া এড়াইয়া যাইবার যে সঙ্গীর্ণ পথ ঐ ভাবে কাটিয়া পরিষ্কার করা হয় তাহাও এই যথেষ্টকারিণী নদীর মতিগতি অসুযায়ী আঁকাবাঁকা ও অস্বায়ী ভাবে গোলা থাকে। আজ যেখানে গভীর জল, কাল সেখানে চর গঙ্গার কুপায়—এ ত আছেই, উপরন্তু রূপনারায়ণ ও সুবর্ণরেখা যে বালিমাটি ও কঁকর গঙ্গায় ঢালিয়া দেন, প্রবল জোয়ারে, বিশেষে ষাঁড়াষাড়ির বানে তাহাও ঠেলিয়া আনে ঐ কষ্টার্জিত যাত্রাপথেরই উপর। ফলে সমুদ্রগামী জাহাজের যাতায়াত নির্ভর করে অতি নিপুণ ও তীক্ষ্ণবুদ্ধি পথপ্রদর্শকের নির্দেশের উপর। এই পথপ্রদর্শক অর্থাৎ পাইলট প্রতিমুহূর্তে জাহাজের গতিমুখ নির্দেশ করেন এবং তাহার সজাগ দৃষ্টি ও নিচুঁল আদেশের নির্দেশের উপরই জাহাজের নিরাপত্তা নির্ভর করে। পাইলটদিগকে এই দীর্ঘপথের ক্ষুদ্রতম অংশ সম্বন্ধে অবহিত থাকিতে হয় এবং তাহাদের এই নদী-জলপথের স্থিতি-পরিষ্কৃতি বিষয়ে খবরাখবর পুরামাত্রায় প্রতিদিন লইতে হয়।

পাইলটের দায়িত্ব অনেক এবং সেই কারণে এই কাজের শিক্ষা ও নৈপুণ্য তাহারাই অর্জন করিতে পারেন যাহাদের এই কাজে নৈপুণ্য, অধ্যবসায় ও দায়িত্বজ্ঞান দীর্ঘদিনের শিক্ষানবিশীতে অর্জিত হয়।

বলা বাহুল্য এই কাজ যাহারা করেন তাহাদের কার্যের দায়িত্ব ও নৈপুণ্য অসুযায়ী বেতন ও অগ্র ব্যবস্থা হিসাবে একটা সম্বোধনজনক মীমাংসা না হওয়াতেই এই বিরোধ উপস্থিত হয়। ১৯৪৮ সনে পোর্ট কমিশনার-দিগের চেয়ারম্যান, শ্রী এন. এম. আইয়ারের সঙ্গে পাইলট এসোসিয়েশন ঐ সকল ব্যবস্থা সম্পর্কে একটি চুক্তি করেন। ঐ চুক্তিতে যে সকল সর্ভ আছে সেইরূপ ব্যবস্থা তাহারা চাহেন এবং সেই চুক্তির সাক্ষররূপে তাহারা সেই সময়ে নির্দ্ধারিত সর্ভগুলি যাহাতে লিপিবদ্ধ আছে সেই চুক্তিপত্র দাখিল করিতে চাহেন। কেন্দ্রীয় সরকার সে আবেদন অগ্রাহ্য করায় পাইলটেরা চাকরিতে ইস্তফা দিবার নোটিশ দাখিল করেন। সেই নোটিশের



সময়কাল উত্তীর্ণ হয় বিগত ২৩শে ও ২৪শে চৈত্রের মধ্যরাত্রে।

কেন্দ্রীয় সরকার বাহাদুর ইহার জবাবে এক অর্ডিনাল জারী করিয়া এই পাইলটদিগকে ভয় দেখাইয়া কাজ করিতে বাধ্য করার চেষ্টা করেন। কিন্তু ৪৬ জনের মধ্যে ৪০ জন বলেন যে, তাঁহারা কেন্দ্রীয় সরকারের ঐ হুকুম মানিবেন না, তাহাতে তাঁহাদের যদি কারাবরণ করিতে হয় তাহাতেও তাঁহারা প্রস্তুত, কেননা কেন্দ্রীয় সরকার ঐ চুক্তিসম্বলিত দলিলের অকৃত্রিম-সত্যতা স্বীকার না করায়, তাঁহাদের মত দায়িত্বজ্ঞানসম্পন্ন কর্মচারীদের বিশ্বস্ততা সম্পর্কে সন্দেহ প্রকাশ করা হইয়াছে। এই অপমানজনক পরিস্থিতিতে তাঁহারা কাজ করিতে অসমর্থ ও অনিচ্ছুক এই কথা তাঁহারা স্পষ্ট ভাবে বলেন।

পোর্ট কমিশনারদিগের নূতন চেয়ারম্যান এই অবস্থার একটি সন্তোষজনক মীমাংসা করিতে পারিয়াছেন ইহা সুখের বিষয়। কিন্তু এখনও জানা যায় নাই যে, কেন্দ্রীয় সরকার এ বিষয়ে শেষ নিষ্পত্তি কি করিবেন। সুতরাং এই মীমাংসা এখন সাময়িক বলিয়াই স্থির করা উচিত, যদিও ইহার ফলে সম্প্রতি কলিকাতা বন্দরে জাহাজ চলাচলের কাজ অব্যাহত রহিল। পাইলটগণ উক্ত শনিবার দ্বিপ্রহর আড়াইটে, হইতে মধ্যাহ্ন কাঙ্ক্ষিত নাশিমাছেন ও কাজ চলিতেছে। এই সাময়িক মীমাংসা যেভাবে হইয়াছে তাহার বিবরণ আনন্দবাজার পত্রিকা নিম্নরূপে দিয়াছেন :

“পাইলটরা শনিবার রাত্রেই কাজে যোগদান করেন। তবে তাঁহারা এখনও আনুষ্ঠানিক ভাবে পদত্যাগপত্র প্রত্যাখ্যান করেন নাই। এ সম্পর্কে কলিকাতা বন্দরের জনৈক মুখপাত্র জানান, এই বন্দরের মেরিন সার্ভিসকে অত্যাবশ্যক ঘোষণা করিয়া কেন্দ্রীয় সরকারের সাম্প্রতিক অর্ডিনাল জারীর ফলে পাইলটদের পদত্যাগপত্র প্রত্যাখ্যানের কোন দরকার নাই। কারণ অর্ডিনালের বিধি-অনুযায়ী তাঁহাদের পদত্যাগপত্র অকেজো হইয়া পড়িয়াছে।

“১৯৪৮ সনের যে চুক্তিতে কলিকাতা বন্দরের মেরিন সার্ভিসের বিভিন্ন বিভাগের তৎকালীন বেতন হার বজায় রাখিবার প্রতিশ্রুতি দেওয়া হইয়াছিল বলিয়া পাইলটরা দাবি করিতেছেন, এইদিনের বৈঠকে পাইলট এসোসিয়েশন সেই দলিল চেয়ারম্যান শ্রী ঘোষের নিকট উপস্থিত করেন। প্রকাশ, চেয়ারম্যান শ্রী ঘোষ এই দলিল সম্পর্কে তাঁহার মতামত জানান নাই। তবে ৩০শে

এপ্রিলের মধ্যে তিনি এ সম্বন্ধে তাঁহার সিদ্ধান্ত বন্দর-কমিশনারদের সভায় উপস্থিত করিবেন। মে মাসের প্রথম সপ্তাহ মধ্যেই পাইলটদের বিভিন্ন দাবি সম্পর্কে পোর্ট কমিশনারদের সিদ্ধান্ত তিনি কেন্দ্রীয় সরকারের নিকট পাঠাইবেন। আরও প্রকাশ যে, চেয়ারম্যান শ্রী ঘোষ পাইলটদের দাবিগুলি সহানুভূতির সহিত বিবেচনা করিয়া দেখিবার আশ্বাস দেন।

“এই বৈঠকের পর পাইলট এসোসিয়েশনের পক্ষে এক বিবৃতিতে জানান হয় যে, একটি সম্মানজনক মীমাংসায় উপস্থিত হওয়ায় শনিবারই পাইলটরা কাজে যোগ দিতেছেন। কোন জাহাজ ছাড়িতে দেরি হইবে না। জাহাজ চলাচলের জাতীয় স্বার্থ অব্যাহত রাখা হইবে। ঐ বিবৃতিতে আরও জানান হইয়াছে যে, অতঃপর পাইলট সার্ভিস প্রত্যক্ষ ভাবে চেয়ারম্যান শ্রী বি. বি. ঘোষের নিঃস্বত্বাবধানে থাকিবে। পরিশেষে পাইলট এসোসিয়েশন জাহাজী ব্যাপারে সংশ্লিষ্ট মহল ও সংবাদ-পত্রগুলিকে প্রত্যবাদ জানাইয়াছেন।

“এইদিন সন্ধ্যায় সরকারীস্বত্রে প্রচারিত এক সংবাদে জানান হয় যে, পাইলটদের চাকুরির সর্ভাদি সম্বন্ধে পরিচিত হইবার জন্ত পোর্ট কমিশনারের চেয়ারম্যান সাময়িক ভাবে পাইলট সার্ভিসকে তাঁহার তত্ত্বাবধানে রাখিবেন। পাইলটদের বিভিন্ন দাবি এই মাসের মধ্যেই চেয়ারম্যান কমিশনারদের সভায় উপস্থিত করিবেন ও সরকারকেও উক্ত সিদ্ধান্ত গ্রহণ করিতে অহরোধ জানাইবেন বলিয়া চেয়ারম্যান শ্রী বি. বি. ঘোষ পাইলট এসোসিয়েশনের প্রতিনিধিদের জানান।”

এই বিরোধের শেষ মীমাংসা যাহাই হোক—আমরা অবশ্য আশা করি যে, তাহা সন্তোষজনক হইবে। আমাদের মনে একটি প্রশ্ন জাগিতেছে—কলিকাতা বন্দরকে ঘায়েল করার জন্ত এইরূপ আগ্রহান্বিত কে বা কাহারো? কেন্দ্রীয় মন্ত্রিসভায় বুদ্ধি-বিবেচনার প্রাচুর্য নাই একথা জানিতে গণ্যকারের সাহায্য প্রয়োজন হয় না। কিন্তু যদি কলিকাতা বন্দরের পাইলট এসোসিয়েশনের মত দায়িত্বজ্ঞানসম্পন্ন কর্মচারী-সংস্থাকে সত্য সত্যই কেহ জাল দলিল প্রস্তুত ও দাখিল করার মত ঘৃণ্য কাজের জন্ত সন্দেহভাজন বলিয়াছেন বা ইঙ্গিত দিয়াছেন, তবে সেই মহাশয় ব্যক্তি কে সে কথা জানিবার অধিকার আমাদের আছে। লোকসভায় আমাদের মুখপাত্র খুবই কম, কিন্তু যে দুই-একজন সক্রিয় তাঁহাদের উচিত এই বিষয়ে প্রশ্ন তোলা।

## রিজার্ভ ব্যাঙ্ক ও বৈদেশিক মুদ্রা মঞ্জুরি

পশ্চিম বাংলার কোনও ছাত্র বা অধ্যাপক, উচ্চতর শিক্ষা বা পাশ্চাত্যদেশের অত্যাধুনিক গবেষণাপদ্ধতি নিরীক্ষণ ও অধ্যয়ন করিতে বিদেশযাত্রার উদ্যোগ করিলে, তাঁহাদের প্রবলতম বাধা আসে রিজার্ভ ব্যাঙ্কের কাছে বৈদেশিক মুদ্রাক্রয়ের অনুমতির ব্যাপারে। বিদেশ-ভ্রমণ করিতে হইলে বা বৈদেশিক সভা-সমিতির আহ্বানে বক্তৃতা করিতে বা সম্মেলনে যোগ দিতে হইলেও সেই বাধার সম্মুখীন হইতে হয়। যদি কোনক্রমে তাহার কোনও স্বল্পতম পরিমাণে ব্যবস্থা হইল তবে ফিরিয়া আসিলে বিদেশে বেড়াইবাব বা কোনও সামান্য কিছু ক্রয় করিবার বৈদেশিক মুদ্রা আসিল কোথা হইতে সেই প্রশ্নের উত্তর দিতে এবং সরকারী বিভাগের সন্দেহ ও অভিযোগ অতিক্রম করিতে অনেক ক্ষেত্রে নাজেহাল হইতে হয়। এককথায়, বিদেশযাত্রার পথে বৈদেশিক মুদ্রাক্রয়ের অনুমতি লাভ এক বিভীষিকায় দাঁড় করান হইয়াছে। অবশ্য যাহারা স্বদেশী বা বিদেশী সরকারী তরফের আওতায় অর্থাৎ আমন্ত্রণ বা বৃত্তিলাভ করিয়া যান বা যাহাদের ক্ষেত্রে অনুমতি না দিলে কোনও প্রভাবশালী সংবাদপত্রের আক্রোশের ভয় আছে সেখানে অল্প কথা।

আমরা জানি যে, এক বাঙালী সজ্জন বিদেশী সরকারের আমন্ত্রণে বিদেশযাত্রা করিবার সময় কলিকাতায় রিজার্ভ ব্যাঙ্কে বৈদেশিক মুদ্রাক্রয়ের অনুমতি প্রার্থনা করায়, তাঁহাকে অনেক ঘুরাইয়া শেষে মাত্র ২৫ ডলারের অনুমতি দেওয়া হয়। ঐ যাত্রায় অল্প প্রদেশের আরও তিনজন নিমন্ত্রিত ব্যক্তি ছিলেন এবং দিল্লীতে গিয়া বাঙালী ভদ্রলোক গুলিলেন যে, তাঁহাদের প্রত্যেককে ২৫০ ডলারের অনুমতি দেওয়া হইয়াছে। তিনি সে কথা তাঁহার এক উচ্চপদস্থ আঙ্গীয়কে জানাইলে, তাঁহাকে সঙ্গে লইয়া সে ভদ্রলোক নয়া দিল্লীতে রিজার্ভ ব্যাঙ্কে খোঁজ করেন এবং সেখানে তাঁহাদের বলা হয় যে, ওটা ভুল হইয়াছে।

আমরা জানি ও বুঝি যে, এইরূপ কড়াকড়ির প্রয়োজন আছে এবং ইহা না করিলে সরকারের পঞ্চ-বার্ষিকী পরিকল্পনার বৈদেশিক মুদ্রাব্যবস্থা ব্যাহত হইতে পারে। কিন্তু যাহা আমরা বুঝিতে অক্ষম তাহা হইল এই যে, একই কাজে বিদেশযাত্রায় ভিন্ন ভিন্ন প্রদেশের লোকের জ্ঞান বা ভিন্ন অবস্থার লোকের জ্ঞান ব্যবস্থার এইরূপ প্রভেদ হয় কেন?

এইরূপ কড়াকড়ি একদিকে, অথচ যে সকল সচিত্র সাময়িকপত্রে দিল্লী, মাদ্রাজ ইত্যাদি রামরাজত্বের দেশের "সোসাইটি" নামক অপকৃত সংস্কার সদস্য ও সদস্যাদিগের কার্যকলাপের সচিত্র বৃত্তান্ত দেওয়া হয়, সেগুলিতে প্রায়ই দেখা যায় যে, শ্রীমান অমুক সপরিবারে, স্বাস্থ্য বাণিজ্য সংক্রান্ত ব্যাপারে এরোপেনযোগে বিদেশযাত্রা করিয়াছেন এবং এই যাত্রায় তিনি ইয়োরোপের পাঁচ ছয়টি দেশ, ব্রিটেন ও মার্কিন যুক্তরাষ্ট্র পরিভ্রমণ করিয়া জাপানের পথে প্রত্যাবর্তন করিবেন। সঙ্গে চিত্রে দেখা যায় যে, শ্রীমান সুপুষ্ঠা স্ত্রী ও পাঁচ-সাত দশটি সুপুষ্ঠ সন্তান লইয়া মানন্দে বিরাজ করিতেছেন, বলাবাহুল্য এইরূপ ব্যবস্থা এখনও চলিতেছে, এবং গোড়জনকে বিস্মিত ও চমৎকৃত করিতেছে।

এইরূপ হয় কেন এবং কি পদ্ধতিতে উহা সম্ভাব্য, সে প্রশ্নের উত্তর আমরা অনুমান করিতে পারি এবং ২৫শে চৈত্রের যুগান্তরে প্রকাশিত এক সংবাদে সেই অনুমানের যথার্থতা সম্বন্ধেও আমাদের ধারণা দৃঢ়তর হইয়াছে। সংবাদটি এই:

কলিকাতা, ৭ই এপ্রিল—ভূয়া আবেদনপত্রের সাহায্যে রিজার্ভ ব্যাঙ্ক অব ইণ্ডিয়া হইতে লক্ষ লক্ষ টাকার বৈদেশিক মুদ্রা বাহির করিয়া লইবার এক চাঞ্চল্যকর ঘটনা সম্পর্কে কলিকাতার গোয়েন্দা পুলিশ তদন্ত শুরু করিয়াছে বলিয়া জানা গিয়াছে। প্রাথমিক তদন্তের পর পুলিশ অনুমান করিতেছে যে, এই গুরুতর ঘটনাটি ব্যাঙ্কের আভ্যন্তরীণ শৈথিল্যের ছিদ্রপথেই ঘটিতে পারিয়াছে।

অত্যন্ত মূল্যবান বৈদেশিক মুদ্রা সংরক্ষণ ও ব্যয় সম্পর্কে যখন ভারত সরকার বিশেষ সতর্কতা অবলম্বন ও কড়াকড়ি করিতেছেন তখনই এইরূপ অবাঞ্ছনীয় ক্ষতির সংবাদ সংশ্লিষ্ট দায়িত্বশীল মহলকে উদ্ভিগ্ন করিয়া তুলিয়াছে।

এই ঘটনা সম্পর্কে জানা গিয়াছে, একদল লোক বিদেশে শিক্ষা গ্রহণ করিতে যাইবে কিংবা ব্যবসায়ের উদ্দেশ্যে যাইবে ইত্যাদি নানা অজুহাত দেখাইয়া রিজার্ভ ব্যাঙ্কের কলিকাতা অফিস হইতে লক্ষ লক্ষ টাকার সম পরিমাণ বৈদেশিক মুদ্রা মঞ্জুর করাইয়া লইতে সমর্থ হয়। পরবর্তী পর্য্যায়ে ব্যাঙ্ক কর্তৃপক্ষের সন্দেহ হওয়ায় তাহার ব্যাপারটি গোয়েন্দা পুলিশের হস্তে অর্পণ করেন। পুলিশ সংশ্লিষ্ট আবেদনপত্রগুলি সম্পর্কে প্রাথমিক তদন্ত করিয়া দেখিয়াছে যে, অধিকাংশ ক্ষেত্রেই হয় আবেদনকারীরা ভূয়া নামে আবেদন করিয়াছে কিংবা যে ঠিকানা দিয়াছে তাহা ভূয়া। স্বভাবতঃই অনুমান করা হইতেছে



যে, এই সকল ক্ষেত্রে প্রাপ্ত বৈদেশিক মুদ্রা চোরাবাজারে চলিয়া গিয়াছে।

এ বিষয়ে যখন তদন্ত চলিতেছে তখন তদন্তের ফল প্রকাশিত হওয়া পর্যন্ত অপেক্ষা করিতে হয়। কিন্তু সংবাদে বলা হইয়াছে যে পুলিশ অহুমান করিতেছে যে, “ঘটনাটি ব্যাঙ্কের আভ্যন্তরীণ শৈথিল্যের ছিদ্রপথেই ঘটিতে পারিয়াছে” সে বিষয়ে আমাদের প্রশ্ন এইমাত্র যে, ঐরূপ ঘটনায় ব্যাঙ্কের তরফে কি শুধু “শৈথিল্য” মাত্র এই অহুমানের অবকাশ আছে? যাহাদের হাতে এই ভাবে গাঁজা খাইয়া অস্ত্র বমাল সমেত সরিয়াছে, তাঁহারা কি সত্য সত্যই ঐরূপ “মনভোলা” লোক? কি জানি!

### পশ্চিম বাংলার বেকার সমস্যা

এই প্রদেশের বেকার সমস্যা দিনে দিনে আরও নিদারুণ ও বিপজ্জনক হইয়া দাঁড়াইতেছে। ইহার দরুন কর্তৃপক্ষের, অর্থাৎ পশ্চিম বাংলা সরকারের অধিকারী-বর্গের মনে উদ্বেগের সৃষ্টি হইয়াছে এ কথা সরকারি পক্ষ হইতে আগেও বলা হইয়াছে এবং সম্প্রতি (মঙ্গলবার ২৮শে চৈত্র) ভারত বণিক সভার বার্ষিক অধিবেশনে মুখ্যমন্ত্রী ডাঃ রায় সে কথার পুনরুল্লেখ করেন। তবে সেই কথার আলোচনায় ঐ সমস্যা সমাধানের বিশেষ কোনও পথনির্দেশ কেহই করেন নাই। আনন্দবাজারের বিবৃতিতে সংক্ষেপে বলা হইয়াছে যে:

• পশ্চিমবঙ্গে ক্রমবর্দ্ধমান বেকার সমস্যার প্রকৃত সমাধানের জন্ত ছোটখাট শিল্পের উন্নতির প্রতি গুরুত্ব দিতে হইবে এবং বেকাররা যাহাতে চাকুরির আশায় বসিয়া না থাকিয়া নিজেরাই ছোট শিল্প ও ব্যবসা শুরু করিতে উত্তোগী হন, তাহারও চেষ্টা করিতে হইবে।

মঙ্গলবার কলিকাতার গ্র্যাণ্ড হোটেলে ‘ভারত বণিক সভা’র ৬২তম সাধারণ বার্ষিক সভার উদ্বোধন-কালে পশ্চিমবঙ্গে শিক্ষিত বেকারের সংখ্যা-বৃদ্ধিতে গভীর উদ্বেগ প্রকাশ করিয়া মুখ্যমন্ত্রী ডাঃ বিধানচন্দ্র রায় এই মন্তব্য করেন।

মুখ্যমন্ত্রী ডাঃ রায় বলেন যে, শিল্প এবং বিশেষ করিয়া ছোট-খাট শিল্পের উন্নতির জন্ত এই রাজ্যে একটি ‘শিল্প পর্ষৎ’ স্থাপনের প্রয়োজন রহিয়াছে এবং রাজ্য সরকার ঐ ব্যাপারে বিবেচনা করিতেছেন। প্রস্তাবটি হয়ত শীঘ্রই রূপায়িত হইবে।

ডাঃ রায় আরও বলেন যে, স্বল্পবিস্তার সাধারণ লোক যাহাতে শিল্প অথবা ব্যবসা শুরু করার ব্যাপারে

অসুবিধা ভোগ না করে সেজন্ত ব্যাপক ভাবে সমবায় সমিতি স্থাপনের এক পরিকল্পনা সরকারের বিবেচনায় রহিয়াছে।

প্রারম্ভে রায় বাহাদুর মদনগোপাল রুংতা সভাপতির ভাষণে এই অভিমত প্রকাশ করিয়াছিলেন যে, পশ্চিমবঙ্গে সরকারী ও বেসরকারী পর্যায়ে বৃহৎ শিল্পের প্রসার চাকুরি অথবা ব্যবসা-বাণিজ্যের ক্ষেত্রে মধ্যবিত্ত সমাজে বেকার সমস্যার সমাধানে উল্লেখযোগ্য ভাবে সমর্থ হয় নাই। তিনি ছোট এবং মাঝারি শিল্পের উন্নতি ও প্রসারের উদ্দেশ্যে এখন এক “শিল্প পর্ষৎ” স্থাপনের দাবীও জানান।

আমরা এই বিবৃতিতে শিক্ষিত বেকারদিগকে সমস্যা-মুক্ত করার কোনও সম্ভাবনাকর ব্যবস্থা দেখি না। ডাঃ রায়ের মনে উদ্বেগ রহিয়াছে নিশ্চিত এবং তিনি পশ্চিম বাংলায় সরকারী তরফে বৃহৎ শিল্প যোজনায় উত্তোগী হইয়াছিলেন প্রশ্নাতঃ ঐ সমস্যার সমাধানের জন্ত ইহাও ঠিক। সেই প্রচেষ্টা বিফল হইয়াছে এ কথা এখন সকলেই জানে, সুতরাং শ্রীমদনগোপাল রুংতার মন্তব্যও ঠিক। কিন্তু আমাদের মনে হয় যে, ছোট ও মাঝারি শিল্পের উন্নতি ও প্রসারের জন্ত, শ্রীকুংতার এক “শিল্প পর্ষৎ” স্থাপিত হইলেই এই ছত্রস্ত সমস্যার কোনও ব্যাপক সমাধানের পথ খুলিবে না। আমরা ঐরূপ ‘শিল্প পর্ষৎ’ স্থাপনের বিরোধী নহি। কিন্তু ঐ পর্ষৎ কি উদ্দেশ্যে স্থাপিত হইবে এবং কি ভাবে ও কাহার দ্বারা চালিত হইবে তাহা প্রথমেই স্বম্যক ভাবে নির্দ্ধারিত হওয়া বিশেষ প্রয়োজন।

এক, পর্ষৎ স্থাপিত হইলে কয়েকজন লোকের কাজের সংস্থান হইবে এবং সেই পর্যন্ত বেকার সমস্যার পূরণ হইবে—যদিও দেখা যায় যে, পেন্সনপ্রাপ্ত স্ববিরলা অহুগ্রহ-প্রাপ্ত বান্ধবস্বজনের সংস্থানেরই সংস্থান হয় বেশী—ইহা ঠিক, কিন্তু তাহার পর? যদি পর্ষৎ পথনির্দেশ ঠিক মত করিতে সমর্থ হয় এবং সেই নির্দেশ অনুযায়ী কাজ অগ্রসর করার জন্ত যথায়থ শিক্ষা ও অভিজ্ঞ লোকের পরামর্শের ব্যবস্থাও করে, এবং সরকার কিছু আর্থিক সাহায্য বা ঋণের ব্যবস্থাও করেন, তবেই কি সমস্যা পূরণ হইবে? আমাদের কর্তৃপক্ষ সেদিকে চিন্তা করিতেছেন না বলিয়াই এই সমস্যা ক্রমে এত জটিল ও গভীর হইয়া দাঁড়াইতেছে।

সরকারা মহাশয় ব্যক্তিগণ যদি একটু অবসর মত এই দিকে চিন্তা করিতেন তবে বুঝিতেন যে, জলাধার নির্মাণ ও জলে পরিপূর্ণ করিয়া কাঠের ঘোড়াকে “পানি পিয়ো” বলিলেই সে জল পায় না। জল খায় অস্ত্র—

বিশেষে অবাহিত জনে। আমাদের বেকার শিক্ষিত ছেলেমেয়েদের অবস্থা নানা কঠিন ও বিরূপ অবস্থার পরিবেশে ক্রমেই “দারুভূত” হইতেছে। যাহারা ঐ ভাবে বিকারগ্রস্ত হইয়াছে বা হইতেছে তাহাদের রোগের প্রতিকার অত সহজ নয়। এবং ভয়ের কারণ এই যে, বেকারের মধ্যে শতকরা ৮০।৯০ জন রোগাক্রান্ত হইয়াছে।

ইংরেজীতে যাহাকে বলে “conditioning” অর্থাৎ কোনও কাজ, শিক্ষা বা পরিস্থিতি অমূরূপ দেহমন গঠিত করার জন্ত অমূকুল স্বভাব ও অমূভূতির ক্রমবিকাশ—সেই ব্যবস্থা আরম্ভ হওয়া উচিত কিশোর বয়সে এবং যৌবনের মুখে, স্কুলে-কলেজে নিজ পরিবারের মধ্যে। সেইরূপে স্বভাব গঠিত হয় নাই যাহাদের তাহাদের কাজে নিযুক্ত করিতে হইলে প্রথমে প্রয়োজন রোগের প্রতিকার ব্যবস্থা। নহিলে সেই “কাঠের ঘোড়া পানি পিয়ে”রই পুনরাবৃষ্টি হইবে।

### কংগ্রেসের বিজয়লাভ

কংগ্রেসের সভ্যগণ ভারতের জনসাধারণের নির্বাচনের ফলে আবার ভারতের শাসনকার্যের ভার পাঁচ বৎসরের জন্ত পাইলেন। তাহারা অবশ্য এই নির্বাচনকে যে ভাবে জগতের সম্মুখে সাজাইয়া দেখাইতে চাহেন, আসলে বিষয়টি ঠিক সেরূপ নহে। তাহারা জগৎকে বুঝাইতে চাহেন যে, তাহাদিগের ব্যবস্থাতে ১৯৪৭-১৯৬২ এই চতুর্দশ বৎসরের মধ্যে ভারতের জনসাধারণের সুখ স্বাচ্ছন্দ্য অসম্ভব রূপে বাড়িয়াছে এবং ভারতের সর্বাঙ্গীন উন্নতি দ্রুতগতিতে এক শিখর হইতে আরও উন্নততর শিখরে পৌঁছাইয়া যাইতেছে। এবং আমরা সেই সোসিয়ালিজমের পথে মহাবেগে চলিয়াছি—যে সোসিয়ালিজম্ আমাদিগকে সাম্য, মৈত্রী, স্বাধীনতার শেষ সীমানায় লইয়া যাইবে ও যাহার প্রবল শক্তিতে দেশ হইতে দারিদ্র্য চিরতরে নির্মূলা হইয়া যাইবে। দারিদ্র্যজাত অপরাপর সকল শরীর ও মনের দৈন্ত ও আর থাকিবে না। আসলে কি হইতেছে ও হইবার সম্ভাবনা তাহা বিচার করা যাউক। কংগ্রেস রাজ্য-শাসনপ্রণালীর মধ্যে যে জিনিষটি প্রধানতঃ সকলের দৃষ্টি আকর্ষণ করে, তাহা হইল অর্থের অপব্যয়। দিল্লীর রাষ্ট্রীয় বিলিব্যবস্থার মধ্যে শত শত বৃহৎ অট্টালিকা ও প্রাসাদের ছড়াছড়ি ইউরোপ আমেরিকার বিপুল ঐশ্বর্যশালী দেশগুলিকে লজ্জা দিতে পারে এতই তাহাদের সংখ্যা ও শোভা। এই সকল বৃহৎ বৃহৎ ইমারতের মধ্যে অনেকগুলি ব্রিটিশ আমলের। কিন্তু

পণ্ডিত নেহরুর অন্তরে দেশের দারুণ দারিদ্র্যের সহিত সামঞ্জস্য রক্ষা করিয়া চলার কোন আবেগ আমরা দেখি না। তিনি কত শত কোটি মুদ্রা ঐকজমক জলুস ও রাজধানীর শোভা বৃদ্ধির জন্ত ব্যয় করিয়াছেন তাহার হিসাব আমাদিগের জানা নাই। তাহার রাজত্বের আমলাদিগের মধ্যে বড় দরজার কোন আমলাই দেশের অর্থ ব্যয় করিয়া বিদেশ ভ্রমণ করিতে বোধ হয় আর বাকি নাই। কত শত লোক, কমিটি ও ডেলিগেশন যে রাজকীয় খরচাতে নানা দেশে ঘুরিয়া আসিয়াছে তাহার ঈয়ত্তা নাই। তাহাদিগের মধ্যে অধিকাংশের বিদেশ ভ্রমণ না করিলে দেশের কোন ক্ষতি হইত না। বড় বড় আপিস-দপ্তরগুলির বিরাট বিরাট প্রাসাদতুল্য গৃহগুলিও অনেক ক্ষেত্রেই অপ্রয়োজনীয় এবং আড়ম্বর মাত্র। লক্ষ লক্ষ গ্রামের যে নিদারুণ দারিদ্র্য, তাহার তুলনায় এই সকল আড়ম্বর ও শোভাবৃদ্ধির চেষ্ঠা অত্যন্তই অশোভন। নানাবিধ পরিকল্পনা ও বহুবিধ ডিপার্টমেন্টের চাপে দেশবাসী প্রজাদিগের দেয় রাজস্ব ক্রমশঃ বাড়িয়া বাড়িয়া তাহাদিগের দারিদ্র্য আরও দুঃসহ করিয়া তুলিয়াছে। কংগ্রেস রাজত্বের জমকালো ভাব প্রচার অভাব ও কষ্টের উপরেই জগদল পাথরের মত প্রতিষ্ঠিত। যে দেশের লোকের মধ্যে অধিকাংশই পুরাপেট খাইতেও পায় না সেই দেশের পক্ষে এত ঐশ্বর্যের আতিশয্যের অভিনয় বড়ই দৃষ্টিকটু। কিন্তু ত্যাগব্রত-পালনকারী, ভোগবিলাসে অবিশ্বাসী কংগ্রেস দলের সভ্যগণ রাজকার্য করিতে নামিয়া রাজা-বাদশাদিগের তুলনায় কিছুমাত্র কম যাইলেন না। তাহারা প্রত্যেক কর্মে নিযুক্ত সভ্যকে ধরবাড়ী ও খরচের টাকা দিয়া এবং অল্প বহুবিধ উপায়ে চাকুরি-ব্যবসা প্রভৃতির ব্যবস্থা করিয়া দলের লোকেদের ও তাহাদিগের সম্পর্কিতজনের সুবিধার সৃষ্টি করিয়াছেন। পৃথিবীর অল্প কোন দেশে রাজকর্মের সহিত সংযোগের এত সুখ-সুবিধা দেখা যায় না। বহু ঐশ্বর্যশালী জাতির শাসনকার্যে নিযুক্ত হই একজন অতি উচ্চপদস্থ ব্যক্তি ছাড়া অপর কাহাকেও বাসের জন্ত প্রাসাদ ও গাড়ী প্রভৃতি দেওয়া হয় না। গরীবের বুকের উপর ভার চাপাইয়া এবং প্রায় কোন কাজ না করিয়া, এমন কি শুধু অপকর্ম মাত্র করিয়া এতটা সুবিধা ভোগ কেবল ভারতবর্ষের শাসনকর্তাদিগের কপালেই জুটিয়াছে। কংগ্রেস দলের সাধাসিধা জীবন-যাত্রা পদ্ধতি শুধু বক্তৃতাতেই শুনা যায়। যাহাদিগের অর্থ আছে এবং যাহাদিগের নাই; উভয়ের নিকট হইতে সমান ভাবে জোর-জবরদস্তি করিয়া রাজস্ব আদায় করিয়া

এই ভোগ-বিলাস ও জাঁকজমকের কার্য্য চালান হইয়া থাকে। সকল ব্যক্তি সমানভাবে উৎপীড়িত হইলে যদি সেই অবস্থার নাম সাম্য হয়, তাহা হইলে আমাদের দেশে সাম্য পূর্ণমাত্রায় প্রতিষ্ঠিত বলা চলে।

আসল অবস্থা কিছুমাত্র সুবিধাজনক নহে। না-খাইয়া মরা ও উপযুক্ত পুষ্টির খাওয়া লাভ ইহার মধ্যে নানা প্রকার কম-বেশী ভোজন ব্যবস্থা সম্ভবপর হইতে পারে। ভারতবর্ষের অধিকাংশ লোক এখনও দুইবেলা পুরাপেট খাটতে পায় না। খাওয়ার পুষ্টিদান ক্ষমতার অনুপাতে হিসাব করিলে ভারতবাসী জনসাধারণ অন্ধ বা তাহা হইতেও কম খাইয়া থাকে। বস্ত্র নাই বলিলেও চলে। বাসস্থানগুলি পত্তর বাসের অযোগ্য। পানীয় জল অথবা আবর্জনা দূর করিবার ব্যবস্থা অতি সাগাথ। কাজ-কারবার ও তাহার মূলধন নাই। কর্ত্ত করিলে শতকরা ১০ হইতে ২০ টাকা মাসিক হারে টাকা ধার পাওয়া যায়। অর্থাৎ বার্ষিক হার শতকরা ১২০-২১০ টাকা! তাহাও এক শত টাকা কর্ত্ত করিলে দুই শত লিখিতে হয়। কাজের সুবিধা ভারত সরকারের বাহিরের মাল আনদানী বন্ধ করার ফলে ক্রমশঃ বিলীণমান। আনদানী পস্থা শুধু সরকারী ব্যবসায় চালাইয়া রাখিবার জন্য নিরূপিত হইয়াছে। ফলে গ্রামে ও শহরে অন্ধকের অধিক লোক বেকার। যদি কেহ কোন কাজ পায় তাহা সম্বৎসরে এক শত দিবসও চলে না। ভারত সরকার সকলকে পূর্ণরূপে কর্ম্মে নিযুক্ত করিতে অপারগ এবং তাঁহাদিগের যে অর্থনৈতিক পরিকল্পনা অনুসারে তাঁহারা চলিতেছেন তাহার পরিণাম বেকার অবস্থা ক্রমশঃ আরও বাড়িয়া যাওয়া, এ কথা স্থির নিশ্চয়। কাজ চালাইবার মাল-মশলা যন্ত্রাদি পাওয়া যায় না। যাইলেও কালোবাজারের দরে পাওয়া যায়। মূলধন শুধু কয়েকঘর ধনপতির হস্তে অথবা সরকারের সাহায্যে বিদেশী নিকট কর্ত্ত করিতে পারা যায়। সাধারণের আয়ত্তের মধ্যে নাই। এমতাবস্থায় যে দেশে বেকারের সংখ্যা ক্রমশঃ বাড়িয়া চলিয়াছে ইহাতে আশ্চর্য্য হইবার কিছু নাই। কিন্তু বড় বড় কারখানা গঠন করিয়া কোটি কোটি টাকা উপার্জিত হইতেছে। পাঁচ হাজারী ও ততোধিক হাজারী মাসিক বেতনভোগীর সংখ্যা কম নহে। কারখানাতে সাধারণ কর্ম্মী মাসিক দুই-তিন শত টাকা অনায়াসে রোজগার করিতেছে। কনট্রাক্টর ও মাল সরবরাহকারিগণ লক্ষ লক্ষ টাকা লাভ করিতেছে। এই সকল লোকের সংখ্যা অতি অল্প। ইহা হইতে ইহাই প্রমাণ হয় যে, কংগ্রেস রাজত্বে সাম্য প্রতিষ্ঠিত না

হইয়া আর্থিক ক্ষেত্রে অসাম্য আরও প্রকট হইয়া উঠিয়াছে। জাতীয় অর্থনৈতিক ক্ষেত্রে একটি “ভিতরের” কারখানা-ভিত্তিক চক্র গড়িয়া উঠিয়াছে যাহার মধ্যে থাকিলে “কুলি”র বেতন মাসিক দুই-তিন শত টাকা হয় ও কর্ম্মচারিগণ ৫০০।৫০০০ টাকা উপার্জন করিতে পারেন। সরকারী কর্ম্মচারিগণও মোটামুটি এই ভিতরের চক্রেরই হইয়া দাঁড়াইতেছেন এবং তাঁহাদিগের সুখ-সুবিধা বেতন ও উপরিও অপর সকল লোকের তুলনায় বেশ উচ্চই আছে। এই ভিতরের চক্রের মোট লোক-সংখ্যা ২ কোটির অধিক হইবে না। অর্থাৎ শতকরা ১৫ জন ভারতবাসী “বাহিরের” দারিদ্র্য-নিপীড়িত অর্থনৈতিক পরিস্থিতিতে অবস্থিত ও তাঁহাদিগের ভবিষ্যৎ বিশেষরূপে নিরাশার মধ্যে আচ্ছন্ন।

পৃথিবীর সর্ব্বজাতির মধ্যে মৈত্রী স্থাপন করিতে পশ্চিম নৈরু আশ্রয় চেষ্টা করিয়া থাকেন বলিয়া জনশ্রুতি। এই উগ্গনৈত্রীর জন্ত ভারতের গরীব প্রজার কষ্ট-অজ্ঞিত অর্থের কোটি কোটি মুদ্রা ভারত সরকার প্রতি বৎসর ব্যয় করিয়া থাকেন। কিন্তু বিশ্বমৈত্রী আসিবার কোনও লক্ষণই দেখা যায় না; উপরন্তু ভারতের বুকের উপর পাকিস্তান ও চীন জোর করিয়া জমি দখল করিয়া জুলুম করিয়া থাকে ও ভারত সরকার সে জুলুম অক্ষমের মত হজম করিয়া থাকেন। সুতরাং ভারতের যত শত কোটি মুদ্রা বিশ্বমৈত্রীর জন্য গত চৌদ্দ বৎসরে ব্যয় করা হইয়াছে তাহা জলে গিয়াছে বলিলে ভুল হয় না। কংগ্রেসী আন্তর্জাতিক রাষ্ট্রনীতি বিফল ও ক্ষতিকর হইয়াছে বলা চলে। কংগ্রেসের স্বদেশের রাষ্ট্রনীতি যে সাম্যমৈত্রী ও স্বাধীনতার বড়াই তাহাও মিথ্যা; কারণ পূর্বেই দেখান হইয়াছে সাম্য নাই—অর্থে, সামাজিক ভাবে অথবা দেশের ও বিশ্বের কোনও দরবারে। মৈত্রীও নাই, কারণ ভারতের প্রদেশগুলি এখন পরস্পরের সহিত স্বল্পে নিযুক্ত ও কে কাহার জমি অথবা সম্পদ কাড়িয়া লইবে সকলে সেই চিন্তায় মগ্ন। বাংলার অন্ধকের অধিক জমি পাকিস্তানকে দিয়া কংগ্রেস স্বাধীনতা ক্রয় করিয়াছিলেন। আর হিন্দু-স্থানী প্রদেশগুলির খাতিরে বাংলাকে সিংভূম, মানভূম, সাঁওতাল পরগণা, পূর্ণিমা প্রভৃতি ফিরাইয়া দেওয়া হয় নাই। ইহাতে মৈত্রী বৃদ্ধি পায় নাই। পেটে ভাত নাই, অঙ্গে কাপড় নাই, মাথার উপর ছাদ নাই, অঙ্গের ঔষধ নাই, বিদ্যা অর্জনের সুযোগ ও ব্যবস্থা নাই, কাজ করিবার ও উপার্জন করিবার পথে অনেক বিঘ্ন, সরকারী অর্থ প্রধানতঃ শুধু জাঁকজমক, অট্টালিকা

নির্মাণ। বৃহৎ কারখানা ও ডিপার্টমেন্ট গঠনে ব্যয় হয়, দেশবাসীর ভিটানাটি হয় গবর্নমেন্ট, নয় ধনপতিদের কবলে পড়িয়া সাধারণে উচ্চয়ে যায়,—এইরূপ অবস্থায় কংগ্রেস দেশের খুব উন্নতি করিয়াছেন আমরা মর্নিত্তে পারি না। তাঁহারা বহু অর্থ ব্যয় করিয়াও দেশবাসীর বহু অসুবিধার সৃষ্টি করিয়া যাওয়া করিয়াছেন তাহা যথেষ্ট ত নয়ই বরং ক্ষতি ও অবনতির দিন ঘোঁষিয়াই আছে। তাহা হইলে জনসাধারণ কংগ্রেসকে পুনর্বার রাজত্বের আসনে বসাইল কেন? কারণ এই যে, কংগ্রেসের তুলনায় কম্যুনিষ্ট পার্টির ইচ্ছিত আরো নিচে। কংগ্রেস দেশের কোন উপকার করেন নাই ও ভাগবাট করিয়া অনেকটা অংশ নিজেদের কবলে রাখিয়াছেন; কিন্তু কম্যুনিষ্ট পার্টির হস্তে দেশকে তুলিয়াই দিবেন বলিয়াই বহু লোকের বিশ্বাস। এই ভয়ে এবং গতানুগতিকতার স্রোতে ভাসিয়া চলিবার অনাধার অবসাদক্রান্ত প্রেরণায় অনেকেই কংগ্রেসকে নির্বাচন করিয়াছেন। ইহাতে কোন গৌরব নাই। কংগ্রেস যদি সত্য গৌরব অর্জন করিতে চাহেন তাহা হইলে তাঁহাদিগকে ভোগ বিলাস আশ্রয়প্রতিষ্ঠা ও হামবড়াই ছাড়িয়া গরীবের অন্ন-বস্ত্র-গৃহ-চিকিৎসা-শিক্ষা ও উপার্জনের ব্যবস্থা করিতে হইবে। না করিলে তাঁহারা পরে অপমানের পথেই রাজত্ব ছাড়িয়া আবার মুসিকত্ব প্রাপ্ত হইবেন সন্দেহ নাই।

### ব্যবসা ও ধর্ম

ব্যবসা ও ধর্ম উভয়ই কোন কিছু একটা স্থির নির্দিষ্ট বিষয় নহে। ব্যবসা বলিতে ঠিক কি বুঝায় তাহা বলা শক্ত। পুরাকালে সওদাগরেরা দূরদূরান্তর হইতে দ্রব্য-সম্ভার আনিয়া স্বদেশে বিক্রয় করিতেন এবং স্বদেশজাত বস্তু বিদেশে বিক্রয় করিবার ব্যবস্থা করিতেন। ইহাকে সকলে ব্যবসা-বাণিজ্য বলিতেন। ব্যবসার মধ্যে আরও ছিল ক্ষুদ্র বৃহৎ দোকান সাজাইয়া দ্রব্যাদি বিক্রয় করা। এবং বিক্রয়বস্তু উৎপাদনও ব্যবসাই ছিল; যথা তৈল নিষ্কাশন অথবা বস্ত্র রমন। ব্যবসার আকার ও ক্রেতা-দিগের ক্রয়ের উদ্দেশ্য বুঝিয়া ব্যবসা পাইকারী কিম্বা খুচরা বলিয়া পরিচিত হইত। ব্যবসাদার ও সওদাগর-দিগের মধ্যে লক্ষপতি ক্রোড়পতি ব্যক্তিও অনেক থাকিতেন এবং তাঁহারা দেশের দেশের উপকার ও সেবার জন্ত অনেক সময় অকাতরে অর্থদান করিতেন। বৌদ্ধ-যুগে শ্রেষ্ঠদিগের মধ্যে ধর্মের জন্ত উন্মুক্ত হস্তে দানের অভ্যাস দেখা গিয়াছিল এবং ভারতে বর্তমানে যতগুলি

মন্দির প্রভৃতি আছে তাহার মধ্যেও অনেকগুলি প্রাচীন কালে ব্যবসাদারদিগের অর্থেই নির্মাণ করা হইয়াছিল। ব্যবসা-বাণিজ্য ও ধর্মের সম্বন্ধ পুরাতন ও ঘনিষ্ঠ। ইহার প্রধান কারণ ব্যবসাদারদিগের নিজ নিজ পাপক্ষয় করিয়া পূণ্য অর্জনের চেষ্টা। কারণ ব্যবসা করিতে গেলে প্রাচীন কালেও অধর্ম ও অত্যাচার করিয়া লাভ করিবার চেষ্টা সকল যুগেই দেখা গিয়াছে। এই সকল অধর্ম ও অত্যাচারের মধ্যে উচ্চ মূল্যে নিকট বস্তু বিক্রয় করা সর্ব প্রধান। ওজনে কম দেওয়া, একপ্রকার বস্তু বলিয়া অন্যপ্রকার বস্তু সরবরাহ করা, মিথ্যার সাহায্যে ক্রেতাকে বঞ্চনা করা প্রভৃতি বহুকাল অবধিই হইয়া আসিতেছে। যে সকল ব্যবসায়ী কারবার খুলিয়া মাল তৈরী করিতেন ও বর্তমানে করেন, তাঁহারা শুধু যে ক্রেতাকেই ঠকাইতেন তাহা নহে; নিজেদের নিযুক্ত কর্মীদের বেতন প্রভৃতির হিসাবে ঠকান ও গরীবকে অতি অল্প বেতনে কাজ করিতে বাধ্য করাও সর্বত্র প্রচলিত ছিল। ১৮৬ খ্রীষ্টাব্দের পূর্বে ইংলণ্ডে দৈনিক এক পেনি বেতনে শ্রীলোকদিগকে কয়লার খাদে কাজ করিতে বাধ্য করা হইত। আমাদের দেশে ১৯৩৯ খ্রীষ্টাব্দের পূর্বে কয়লার খাদের কুলিদিগের বেতন ছিল দৈনিক পাঁচ আনা (শ্রীলোক তিন আনা)। পরে কিছু কিছু করিয়া বেতন বৃদ্ধি হইয়া বর্তমানে যাহা হইয়াছে তাহাও কর্মীদের পরিবার প্রতিপালনের পক্ষে অত্যন্ত অল্প। কাঁচা মাল, যথা পাট ইত্যাদি, অল্পমূল্যে ক্রয়ের ব্যবস্থাও ব্যবসাতে লাভ করিবার একটা বড় রাস্তা। চাষ করিয়া অর্দ্ধাহারে কর্মী থাকে এবং ব্যবসাদার অতিরিক্ত লাভের পয়সায় ফুলিয়া উঠিয়া লোকসমাজে প্রতিষ্ঠা লাভ করে।

বর্তমান যুগে ব্যবসাদারদিগের প্রতিষ্ঠা আরও বাড়িয়া চলিয়াছে। ইহার কারণ দুইটি। প্রথমতঃ বৃহৎ কারখানা ও সকল সীমানা অতিক্রম করিয়া ব্যবসার প্রসার ও বিস্তার হওয়ার ফলে দানবীয় আকারের ব্যবসা ক্রমশঃ পৃথিবীময় ব্যাপ্ত হইতেছে। আধুনিক যুগেব্য ব্যবসাদারগণ সকল মানবতা ও ধর্মের উপরে। তাঁহারা কখনও কখনও অঙ্গুলি সঞ্চালনে লক্ষ লক্ষ লোকের উপকার করিয়া দেন; কখনও বা আরও অধিক লোকের চরম দুর্গতির কারণ হইয়া থাকেন। লোকসেবার আদর্শ যেকোন বর্তমানে নূতন রূপ ধারণ করিয়া সর্বত্র গ্রাহ্য ও প্রতিষ্ঠিত হইতেছে, সর্বমানবকে শোষণ করিয়া বিরাট বিপুল ঐশ্বর্য্য ও উৎপাদন শক্তির অধিকারী হওয়াও তেমনি সর্বজনসম্মত হইয়া



মানুষের কষ্টের স্বাধীনতা-হানির কারণ হইয়া দাঁড়াইয়াছে। এই কর্মে শুধু যে ধনপতিগণ নিযুক্ত আছেন তাহা নহে : রাষ্ট্রীয় শক্তিও মানবের বুকের উপরে শাসনের পাথর চাপাইয়া তাহাকে অর্থনৈতিক দাসত্বে আবদ্ধ করিয়া রাজত্ব ও ধনবাদের এক অশুভ সমন্বয়ের সৃষ্টি করিয়াছে। আমেরিকা ও রাশিয়ার মধ্যে পার্থক্য মাত্র এই যে, আমেরিকাতে ধনপতিগণ ব্যক্তিগত এবং রাশিয়াতে তাঁহারা শুধু ধনপতি নহেন জনপতিও। বর্তমানে রাষ্ট্রীয়শক্তি ও ধনবাদের মধ্যে যে সখ্য স্থাপিত হইয়াছে তাহার ফলে মানব সমাজে ব্যক্তির স্বাধীনতা ক্রমশঃ লোপ পাইতেছে। রাষ্ট্রীয় অর্থনৈতিক প্রচেষ্টা কোথাও ব্যক্তিগত ধনবাদকে ধারিয়া গ্রাস করিয়া ফেলিয়াছে, যেমন রাশিয়াতে ; কোথাও বা ধনপতিদিগের সাহায্যে ও সহায়তায় এক ভাগ বাটোয়ারার ব্যবস্থা করিয়া যুগ্মভাবে কম্যুনিষ্ট সমাজের উপর এক নূতন প্রভুত্বের প্রতিষ্ঠা করিয়াছে। এই কারণে কোন কোন দেশে যথা, ভারতবর্ষে ধনপতি ও রাষ্ট্রপতিদিগের মধ্যে একুণ্ডার প্রবল হইতে প্রবলতর হইয়া গেলিতেছে। ধনপতিগণ রাষ্ট্রীয়ক্ষেত্রে রাষ্ট্রপতিদিগকে সমাজের চক্ষে খাসান হইতে সাহায্য করেন ও রাষ্ট্রপতিগণও প্রতিদান হিসাবে ধনপতিদিগকে ধন ও যশ আহরণে সাহায্য করেন। ধর্ম যে এই পরিস্থিতিতে হোণায় তাহা বলা বড়ই কঠিন। অবশ্য ধর্ম কি তাহাও কেহ জানে না। সুতরাং যদি অল্প বেতনে বহু লক্ষ লোকে কাজ করিয়া ও অল্প মূল্যে নিজ শ্রমজাত বস্তু বিক্রয় করিয়া সর্বমানবরাষ্ট্রীয় অথবা ব্যক্তিগত ধনবাদকে উন্নতির উচ্চতম শিখরে উঠাইয়া দিয়া, তৎপরিবর্তে কয়েকটি হাসপাতাল ও স্কুল পাইয়া খানন্দে অধীর হইয়া উঠেন ; তাহাতে আমরা কিছু আশঙ্কিত জানাইলেও অধিক লোকে সে কথা গুনিবে না। আমাদের মানিতেই হইবে যে, যেমন রাষ্ট্রীয় ধনপতি-জনপতিদিগের সমাজের দরুপ্রকার দুঃখ ও অসুবিধার কারণ হইয়া রাজস্ব আদায় করিয়া ও জাতির নামে বিদেশী অর্থ বর্জ করিয়া সকল অর্থ অপব্যয় করিবার অধিকার আছে ; তেমনি ব্যক্তিগত ধনবাদের প্রবলতম পুঞ্জারিগণেরও পূর্ণ অধিকার আছে কম্যুনিষ্ট ও ক্রেতাকে ঠকাইবার ও নানাপ্রকার অত্যাচার উপায়ে বিপুল অর্থ আহরণ করিবার। কারণ এই দুই জাতীয় মানবশক্তিদিগেরই প্রতিষ্ঠা ছলে-বলে-কৌশলে সুপ্রতিষ্ঠিত এবং ইহারা যখন মদগর্ভে মত্ত হইয়া সমাজের বুকের উপর পদ সঞ্চালন করিয়া নব মানবধর্মের পথে অগ্রসর হইতে থাকেন তখন কাহারও ক্ষীণ কণ্ঠের ক্রন্দনে

সে গতি রুদ্ধ হইতে পারে না। বিশেষ করিয়া যখন লক্ষ লক্ষ লোকের চাকুরি ও কাজ-কারবার করিয়া বাঁচিয়া থাকা ইহাদিগের ইচ্ছার উপরেই নির্ভর করে। আমরা তাই সকল অধর্মের কারণ যাহা তাহাকেই ধর্ম বলিয়া উচ্চ কণ্ঠে প্রচার করিব কারণ না, করিলে অনাচার কেহ থানাইতে পারিবে না। মানুষকে নানানভাবে আহত করিয়া তাহার চিকিৎসার ব্যবস্থা করাই আত্মকালকার ধর্ম। ইহা যে বুঝে না সে অতি বড় মুখ। • অ

### ডাক্তার না জন্মান ?

হাসপাতালের বিরুদ্ধে অভিযোগ, এ প্রত্যাহ সম্বাদ-পত্রগুলিতেই দেখিতে পাওয়া যায়। অভিযোগ আছে কিন্তু প্রতিকার নাই। সরকারও এ বিষয়ে উদাসীন। আগে ছিল হাসপাতালের অব্যবস্থা, পরে দেখা গেল কর্মচারীদের কাজে শৈথিল্য। নার্স ডাক্তারদের রুগীদের প্রতি দুর্ব্যবহার ইহাও ত্রী সঙ্গে দেখা দিল। দেখিবার লোক না থাকিলে, এই অবশ্যজ্ঞানী পরিণাম স্বাভাবিক। ডাক্তাররা কেহ কিছু বিচার না করিয়াই কাজ করিয়া বসেন, ইহাও কয়েকটি ঘটনা হইতে আত্মকাল লক্ষ্য করা যাইতেছে। অতঃ আগে একরূপ ছিল না। বিশেষ করিয়া মেডিকেল কলেজের সুনাম চিরপ্রসিদ্ধ ছিল। ইহাতে স্বাধীন সরকারের অবশ্যজ্ঞানই প্রকাশ পাইতেছে।

বর্তমানে চিকিৎসা-বিজ্ঞান প্রভূত উন্নতিলাভ করিয়াছে ইহাই গুনিয়া আসিতেছি। বিশেষ করিয়া সার্জারি-বিভাগ ডাক্তারের ছুরি স্বঃ ভগবানকেও তাক লাগাইয়া দিয়াছে। এখন ডাক্তারের হাতে পরম নির্ভরতার সহিতই মানুষ রুগীদের ছাড়িয়া দেয়। অতঃ হাতে বিপদের সম্ভাবনা আছে বুঝিযাই লোকে ছুটিয়া আসে মেডিকেল কলেজে। কারণ জানে, হাসপাতালের ডাক্তাররা সকলেই অভিজ্ঞ এবং প্রয়োজনীয়রূপে সকল সরঞ্জামই সেখানে হাতের কাছে মিলিবে। কিন্তু কার্যতঃ দেখা যায়, হাতের কাছে জিনিস থাকিতেও ডাক্তার তাহা ব্যবহার করিতে ভুলিয়া গেলেন এবং অভিজ্ঞ ডাক্তার হইয়াও অনভিজ্ঞের মত কাজ করিয়া বসিলেন। একটি দৃষ্টান্ত দিতেছি :

চার-পাঁচ বছরের ছেলে। খেলা করিতে করিতে তাহার চোখে কয়লার গুঁড়া যাইয়া পড়ে। বালক-বুদ্ধিতে চোখ রগড়াইবার ফলে উহা অস্বাভাবিকরূপে ফুলিয়া যায়। চোখের অবস্থা দেখিয়া বাপ-মা তাহাকে মেডিকেল কলেজে লইয়া আসেন। ডাক্তার চোখ পরীক্ষা করিতে গিয়াই কয়লা দেখিতে পাইলেন। আসলে

কিন্তু ঐ কয়লা-বিন্দুটি কয়লার নহে, চোখের ভিতর তাহার একটি তিল-চিহ্ন ছিল। “বুদ্ধিমান ডাক্তার উহাকেই কয়লার গুঁড়া ভাবিয়া নির্দিষ্টারে ছুরি চালাইয়া দিলেন। কিন্তু কোথাও কয়লার চিহ্ন পর্য্যন্ত পাওয়া গেল না। শেষে হতাশ হইয়া ঔষধ দিয়া ব্যাণ্ডেজ করিয়া তাহাকে ছাড়িয়া দেওয়া হইল। ইহারাই মেডিকেল কলেজের নির্ভরযোগ্য ডাক্তার।

এই বালকটি নব বারাকপুরের ক্ষিতীশচন্দ্র চক্রবর্তীর পুত্র। তিনি স্বয়ং এই ঘটনাটি আমাদের কাছে আসিয়া বিবৃত করিয়াছেন। পুত্রটি এখনও শয্যাগত। চোখের পরিণাম এখন তাহার ভাগ্যের উপর নির্ভর করিতেছে। আমাদের বলিবার কিছু নাই, কোথায় আমরা নামিয়াছি ইহাই শুধু চিন্তা করিবার বিষয়।

### দুর্নীতি দমনে পুলিশ গোয়েন্দা

কয়েক বৎসর ধরিয়া পুলিশের গোয়েন্দা-বিভাগ উচ্চপদস্থ এবং নিম্নপদস্থ কেন্দ্রীয় সরকারী কর্মচারীদের মধ্যে দুর্নীতিমূলক কার্য্য দমনের জন্ত দেখিতেছি উষ্টিয়া পড়িয়া লাগিয়াছেন। এবং সেজন্ত বহু লোক দণ্ডিত, কর্মচ্যুত কিংবা বিভাগীয় শাস্তিও পাইয়াছেন দেখিতেছি। গত ফেব্রুয়ারী মাসেও ছয়জন গেজেটেড অফিসারসহ ৮৭ জনের প্রতি প্রকাশ্য তদন্তের ব্যবস্থা হইয়াছে। সংক্রামক ব্যাধির ন্যায় দুর্নীতি সরকারী দপ্তরের প্রায় সকল বিভাগেই পরিব্যাপ্ত। প্রতিরক্ষা, পূর্ত, শিল্প, বাণিজ্য, রেলওয়ে, খাণ্ড, সরবরাহ কোনটাই বাদ পড়ে নাই। সবচেয়ে আশ্চর্য্য, অভিযোগও থাকে না, ঘূসও থাকে না। যাহারা দুর্নীতিপরায়ণ কর্মচারীদের দমনে আত্মনিয়োগ করিয়াছেন তাহাদের উচ্চম প্রশংসনীয়। কিন্তু শাস্তি দেওয়াই ত শেষ কথা নয়, দুর্নীতি অবসানই প্রধান কাম্য। তাহা কহিতেছে কই?

সরকারী ব্যাপারে একের দোষে অহের শাস্তিভোগ করিতে হয় এমন দৃষ্টান্তও বিরল নয়। আবার কতকগুলি এমন ঘটনা ঘটে, যাহাতে দুর্নীতির প্রকৃত দায়িত্ব কাহার, তাহা ধরাও কঠিন হয়। এই জন্তই গোবিন্দবল্লভ পন্থ বলিয়াছিলেন, সরকারী দপ্তরের ফাইলে বহু কর্মচারীর স্বাক্ষরের বহুর কমানাইয়া বিভাগীয় কর্মচারীদের উপরেই দায়িত্ব দিলে দুর্নীতি সূত্র অহুসঙ্কান সহজ হইবে। কিন্তু তাহাই বা পালিত হইল কই? নূতন মন্ত্রীসভা এবিষয়ে অবহিত হইবেন কি?

### ডঃ বীরেশচন্দ্র গুহ

গত ২০শে মার্চ লন্ডোনে অকস্মাৎ হৃদরোগে আক্রান্ত হইয়া বৈজ্ঞানিক ডঃ বীরেশচন্দ্র গুহ পরলোক গমন করেন। মৃত্যুকালে তাহার বয়স মাত্র ৫৮ বৎসর হইয়াছিল।

১৯০৪ সনে ময়মনসিংহে বীরেশচন্দ্র জন্মগ্রহণ করেন। তিনি বরিশাল জেলার বানরিপাড়ার সুপরিচিত গুহ-ঠাকুরতা পরিবারের সন্তান। তাহার পিতার নাম রাসবিহারী গুহ। তিন ভ্রাতার মধ্যে তিনি ছিলেন সর্বকনিষ্ঠ। মহাত্মা অশ্বিনীকুমার দত্ত ছিলেন তাহার মামা। ছাত্রজীবনের সুরু তাহার বরিশালেই। পরে কলিকাতায় প্রেসিডেন্সী কলেজে ভর্তি হন। ছাত্রজীবন হইতেই স্বদেশী আন্দোলনের সহিত যুক্ত হন এবং তাহার ফলে তিনি ইংরেজ সরকারের কোপদৃষ্টিতে পড়েন। যাহার ফলে, গবেষণার জন্ত তিনি ইংলণ্ড যাঠিতে চাছিলে, সরকার তাহাকে পাসপোর্ট দিতে অস্বীকার করেন। পরে আচার্য্য প্রফুল্লচন্দ্র তাহার জামিন হইয়া তাহাকে বিলাত পাঠাইবার ব্যবস্থা করেন। লণ্ডনে থাকাকালীন তিনি মার্কসবাদী রাজনীতির সঙ্গে জড়াইয়া পড়েন। মার্কসবাদী চিন্তানায়করূপে তাহার খ্যাতিও সে সময় ছড়াইয়া পড়ে। রাশিয়ার মার্কসবাদী চিন্তানায়ক বুখারিনের সহিত তাহার গভীর বন্ধুত্ব ছিল। কিন্তু তিনি কখনও প্রত্যক্ষভাবে রাজনীতির আসরে অবতীর্ণ হন নাই। বিলাতের শিক্ষা সমাপ্ত করিয়া তিনি দেশে ফিরিয়া আচার্য্য প্রফুল্লচন্দ্রের অধীনে অধ্যাপনা ও গবেষণা কার্য্য আরম্ভ করেন।

পরে এই বীরেশচন্দ্র ভিটামিন ‘সি’ সম্বন্ধে মৌলিক গবেষণা করিয়া আন্তর্জাতিক খ্যাতি অর্জন করেন। রসায়নের গবেষণায় তাহার অবদান অবি-স্মরণীয়। তাহার এই অবদানের স্বীকৃতিস্বরূপ ভারত সরকার তাহাকে খাণ্ডবিভাগের উপদেষ্টা নিযুক্ত করিয়া-ছিলেন। তিনি বিভিন্ন জাতীয় ও আন্তর্জাতিক বিজ্ঞান প্রতিষ্ঠানের সহিত যুক্ত ছিলেন। গত বৎসর মস্কোতে তিনি আন্তর্জাতিক প্রাণরসায়ন সম্মেলনে ভারতের প্রতিনিধিত্ব করেন। তাহার মৃত্যুতে ভারতের বিজ্ঞান জগতের এক কীর্ত্তিমান পুরুষের তিরোধান ঘটিল এবং কলিকাতা বিশ্ববিদ্যালয় উহার একজন শ্রেষ্ঠ সম্পদ হারাইলেন।

## সক্রেটিসের মৃত্যু

( প্লেটো লিখিত "ফিডো" হইতে )

শ্রীকমলা দাশগুপ্ত

সক্রেটিস ছিলেন গ্রােস দেশের মহাজ্ঞানী দার্শনিক । খ্রীঃ পূঃ ৪৬৯ সনে তাঁর জন্ম এবং মৃত্যু খ্রীঃ পূঃ ৩৯৯ সনে । এথেন্সের ইতিহাসে সে সময়টা ছিল সাহিত্য, শিল্প, রাষ্ট্রনীতি এবং বাণিত্যের সর্বশ্রেষ্ঠ কাল ।

সক্রেটিসের স্বাভাবিক মৃত্যু হয় নিঃ চিরাচরিত সংস্কার ও চিন্তাধারাকে তিনি বিচার বিশ্লেষণ করে সত্য আবিষ্কারের চেষ্টা করতেন বলে অঙ্ক কুসংস্কারাচ্ছন্ন প্রতিপত্তিশালী শক্রিমান্ন মানুষের দল তাঁর প্রতি ক্ষিপ্ত হয়ে ওঠে । একটা বিচারের প্রসঙ্গ পাড়া করা হয় । অভিযোগ ছিল যে, তিনি এথেন্সের যুবকদের মধ্যে দেবদেবীর প্রতি অনাস্থা সৃষ্টি করে তাদের বিপথগামী করতেন । এই বিচারের প্রসঙ্গে তিনি অপরাধী সাব্যস্ত হন এবং তাঁর প্রতি দণ্ডদেশ দেওয়া হয়, হেমলক বিষ পান করে তাঁকে মৃত্যুবরণ করতে হবে । সে বিষের পেয়লাও নিজে হাতে নিয়ে তাঁকে পান করতে হবে ।

সক্রেটিস ছিলেন জ্ঞানপিপাসু । সারা জীবন ধরেই তিনি জ্ঞানের অন্বেষণে বিভোর ছিলেন । সংসারের প্রতি দৃষ্টি না দেওয়াতে তাঁকে ঘোর দারিদ্র্যের মধ্যে জীবন কাটাতে হয়েছে ।

তাঁর চেহারায কোন আভিজাত্য ছিল না । সাজ-পোশাকও ছিল অতি সাধারণ ধরণের এবং ধোপহরস্ত নয় । কিন্তু একদল অমুরাগী ভক্ত তাঁকে সর্বদা ঘিরে থাকত । তিনি লোকশিক্ষক ছিলেন, কিন্তু পেশাদার শিক্ষক ছিলেন না, বেতনও গ্রহণ করতেন না । তাঁর কোন নিয়মিত ক্লাস করারও রীতি ছিল না । তিনি নিজের এবং অপরের চিন্তাধারাকে বিশ্লেষণ করে, বাটাই করে, পরীক্ষা করে দেখতেন । এর জন্ত যাকে পেতেন তাকেই প্রশ্ন করতেন, তার সঙ্গেই কথা বলতেন, আলোচনা করতেন । যেখানেই অধিক জনসমাগম হত সেখানেই তাঁকে দেখা যেত, সেখানেই তিনি বক্তৃতা দিয়ে তাঁর দর্শন সম্বন্ধে বক্তব্য প্রকাশ করতেন ।

সক্রেটিসের শিক্ষাপদ্ধতি ছিল ঘোর অজ্ঞেয়তাবাদীর মত, ঈশ্বরে অবিশ্বাসীর মত । তিনি বিশ্বাস করতেন যে, প্রকৃত জ্ঞানের সাধনাই একমাত্র ধর্ম । তাঁর এই

দিশ্বাসের অগ্নিপরীক্ষায় যা উত্তীর্ণ হতে পারত না তাতে তাঁর কোন আস্থা ছিল না । এটাই ছিল তাঁর কাছে ধর্ম । কিন্তু তাঁর দুর্বলচিত্ত অমুরাগীরা এটাকে ঈশ্বরে অবিশ্বাসের সামিল মনে করতেন । তাঁরা আরও ভাবতেন, এতে তাঁদের নৈতিক অসংপত্তন ঘটিয়ে আবেগের দাস করে তুলবে । সক্রেটিসের এই দুর্বলচিত্ত অমুরাগীরা পরে কিন্তু আল্পপ্রদক্ষনা, আল্পবিনোদন ও নীতিশ্রেষ্টতার স্রোতে ভেসে গিয়েছিলেন ।

তখনকার প্রচলিত দিশ্বাসে সক্রেটিসের আস্থা ছিল না । জ্ঞানের প্রচলিত ধারণাকে তিনি অসার ও ফাঁকি মনে করতেন । সেই সব ভ্রান্ত ধারণা ও দিশ্বাসের বিরুদ্ধে সংগ্রাম করতে এবং প্রকৃত দর্শন ও বিজ্ঞানসম্মত জ্ঞানভাণ্ডারের দ্বার উন্মুক্ত করতে তিনি নিজের জীবন বিসর্জন দেন । কোন কিছুকেই তিনি নির্বিচারে মেনে নিতেন না । নিজের বিচারে যা তিনি অস্বীকার বলে মনে করতেন তা করা তাঁর দ্বারা সম্ভবই ছিল না । তন্ন তন্ন করে অমুসন্ধানের জন্ত প্রতিটি বিষয়ে তিনি প্রশ্নের পর প্রশ্ন করে চলতেন । তাঁর এই স্মৃতীয় প্রশ্নের সম্মুখে অন্ধবিশ্বাস, আনুমানিক সিদ্ধান্ত এবং মিথ্যা প্রত্যয় এক সঙ্গে সম্বৃচিত হয়ে উঠত । কিন্তু তিনি নিজে তাঁর বক্তব্য কিছু লিখে যান নি । তাঁর অমুরাগী-শিষ্য প্লেটো এবং সমসাময়িক অস্বাভাবিক জ্ঞানী ব্যক্তিরা তাঁর শিক্ষাকে বিশদ ভাবে বর্ণনা করেছেন ।

প্লেটো লিখিত "ফিডো" নামক পুস্তকে একেক্রেটিস ও ফিডোর কথোপকথনের কিয়দংশ নিয়ে দেওয়া হ'ল ।

একেক্রেটিস—ফিডো, কারাগারের মধ্যে যেদিন সক্রেটিস বিসর্জন করেছিলেন সেদিন কি তুমি নিজে সেখানে উপস্থিত ছিলে ? অথবা অন্যের মুখে সেই কাহিনী শুনেছিলে ?

ফিডো—আমি নিজেই সেখানে উপস্থিত ছিলাম, একেক্রেটিস ।

একেক্রেটিস—তবে আমাকে তুমি বল, আমাদের গুরুদেব মৃত্যুর পূর্বে কি বলে গেছেন ? কেমন করে তিনি মৃত্যু বরণ করলেন ? তুলে আমার বড় আনন্দ

হবে। আজকাল আমাদের এখানকার লোকেরা এথেন্সে বড় একটা যায় না। অনেকদিন সেখান থেকেও এমন কেউ আসে না যে, এই সব ঘটনার কথা সঠিক ভাবে বলতে পারে। শুধু এটুকু জানা যায় যে, তিনি বিমপান করে মৃত্যুবরণ করেছিলেন। এর বেশী আর কিছু আমরা জানি না।

ফিডো—তা হ'লে কি তুমি তাঁর বিচারের কাহিনী শোন নি ?

একেক্রেটিস—হ্যাঁ, সে কথা আমরা শুনেছি কিন্তু অবাক হয়েছি এই দেখে যে, বিচার শেষ হবার পরেও বহুদিন পরগণ্ডা তাঁর মৃত্যু হয় নি। এমন কেন হ'ল, ফিডো ?

ফিডো—সে একটা আকস্মিক ঘটনা, একেক্রেটিস। এথেন্সবাসিগণ যে-জাহাজ প্রতি বছর ডেলোস মন্দিরে পাঠায় সেই জাহাজের পশ্চাতের গলুই ক্রাউনে ভূষিত করা হয়েছিল বিচারের আগের দিন।

একেক্রেটিস—এই জাহাজের তাৎপর্য কি ?

ফিডো—এথেন্সবাসিগণ বলে যে, এই জাহাজে করে খিসিউস সাতজন তরুণ ও সাতজন তরুণীকে ক্রীটঘোঁপে নিয়ে যায় এবং তাদের মৃত্যু থেকে রক্ষা করে। সে নিজেও রক্ষা পায়। কথিত আছে, এথেন্সবাসিগণ তখন দেবতা এপোলোর কাছে এই শপথ গ্রহণ করে যে, নিজেদের রক্ষার জন্ত তারা প্রতি বছর জাহাজে করে ডেলোস মন্দিরে পবিত্র ধর্মযাত্রা করবে। সেই অবধি আজ পর্যন্ত প্রতি বছরেই তারা এ কাজ করে আসছে। এই ধর্মযাত্রা শুরু হবার মুহূর্ত থেকে এথেন্স নগরকে পবিত্র রাখার নিয়ম ছিল। আইন ছিল যে, যতদিন পর্যন্ত না ডেলোস মন্দির থেকে জাহাজটা ফিরে আসবে ততদিন পর্যন্ত কারও মৃত্যুদণ্ড কাঞ্চে পরিণত করা যাবে না। অনেক সময় প্রতিকূল বাতাসের জন্ত জাহাজের ফিরে আসতে বহু বিলম্ব ঘটত। যখন এপোলো মন্দিরের পুরোহিত জাঁটাট্রি ক্রাউনে ভূষিত করতেন তখনই এই পবিত্র ধর্মযাত্রা শুরু হ'ত। এবারেও একেক্রেটিসের বিচারের আগের দিন এই ধর্মযাত্রা শুরু হয়। সেজন্তই একেক্রেটিসের বিচার ও মৃত্যুর মধ্যে এত দীর্ঘ সময় তাঁকে কারাগারে থাকতে হয়েছিল।

একেক্রেটিস—তাঁর মৃত্যুর কাহিনী আমাকে বল, ফিডো। কি কি ঘটেছিল সেখানে ? আমাদের গুরুদেবের কাছে তাঁর বন্ধুদের মধ্যে কে কে ছিলেন সে সময়ে ? জেল-কর্তৃপক্ষ কি তাঁদের সেখানে থাকতে দেখে নি ? তিনি কি নিঃসঙ্গ অবস্থায়ই মৃত্যুবরণ করেছিলেন ?

ফিডো—না, না, তাঁর বন্ধুদের মধ্যে কয়েকজনই সেখানে উপস্থিত ছিলেন।

একেক্রেটিস—যদি তুমি ব্যস্ত না থাক তবে সেদিনের সমস্ত ঘটনা যথাসম্ভব সঠিক ভাবে আমাদের বল।

ফিডো—না, আমার কোন কাজ নেই। সবটাই আমি বলতে চেষ্টা করছি। গুরুদেবের কথা নিজে ব'লে অথবা অন্দের কাছ থেকে শুনে মনের মধ্যে যে স্মৃতি জাগে তাতে আমি সবচেয়ে বেশী আনন্দ পাই।

একেক্রেটিস—সত্যিই ফিডো, আমাকে তুমি তোমার মত শ্রোতাই পাবে। যা ঘটেছিল সঠিক ভাবে তাই বলতে চেষ্টা কর।

ফিডো—তাই করব। আমি নিজে সেদিন এমন ভাবে অভিভূত হয়েছিলাম যে, আমি অশুভবই করি নি আমার প্রিয়বন্ধুর মৃত্যুকালে আমি উপস্থিত আছি। তাঁর প্রতি আমার করুণাও হয় নি, কারণ, তাঁর কথাবার্তায়, হাবভাবে এবং এমন নিষ্ঠুরতার সঙ্গে প্রশাস্তিচেষ্টে তিনি মৃত্যুকে গ্রহণ করেছিলেন যে, তাঁকে আমার স্মৃতি মনে হয়েছিল, একেক্রেটিস। একথা আমি না ভেবে পারি নি যে, তাঁর অন্তিম যাত্রায় দেবতারা তাঁকে রক্ষা করে চলবেন এবং তিনি যখন পরপারে পৌঁছবেন তাঁর মঙ্গল হবে, যদি সেখানে মানুষের মঙ্গল ব'লে কিছু থাকে। সেজন্তই আমি তাঁর প্রতি করুণা বোধ করি নি, যদিও এমন শোকের সময় তোমরা করুণাই আশা কর। তাঁর সঙ্গে দার্শনিক তত্ত্ব আলোচনা-কালে যে আনন্দ আমি সাধারণতঃ পেতাম সেই আনন্দও আমি সেদিন অশুভব করি নি, যদিও দর্শন সম্বন্ধেই আমাদের কথাবার্তা হয়েছিল। সেদিন যখনই আমার মনে হচ্ছিল যে, অবিলম্বেই তিনি মৃত্যু-কবলিত হবেন তখনই আনন্দ ও বেদনার অদ্ভুত মিশ্রণে এক অপূর্ব অশুভূতি আমাকে অভিভূত করে দিচ্ছিল। আমরা যারা সেখানে উপস্থিত ছিলাম সকলেরই মনের এই একই অবস্থা ছিল—সকলেরই একবার হাসি, আবার কাশি। বিশেষ করে এপোলোডোরাস। তাঁকে ত তুমি চেন, তার ধরন-ধারণও তুমি জান।

একেক্রেটিস—ভাল করেই জানি।

ফিডো—সে একেবারেই নিজেকে সংযত করতে পারে নি, অল্প সবাই এবং আমিও খুব বিচলিত হয়ে পড়েছিলাম।

আমি শুরু থেকে সে কাহিনী বলতে চেষ্টা করব। যে কোর্টে একেক্রেটিসের বিচার হয়েছিল সেখানে অন্তদের সঙ্গে আমি প্রতিদিন প্রাতে মিলিত হ'তাম। কারাগারের



কাছেই ছিল কোর্ট। কোর্ট থেকে আমরা কারাগারে সক্রেটিসের কাছে যেতাম। জেলের দরজা সকাল সকাল খুলত না। প্রতিদিনই আমরা দরজা খোলার সময় পর্যন্ত সেখানে কথাবার্তা বলতে বলতে অপেক্ষা করতাম।

দরজা খুললে আমরা সক্রেটিসের কাছে যেতাম। এবং সাধারণতঃ সমস্তটা দিনই তাঁর সঙ্গে কাটাতাম। কিন্তু সেই মৃত্যুর দিনে আমরা অল্প দিনের চেয়ে আগেই মিলিত হয়েছিলাম। কারণ, পূর্বদিন সন্ধ্যায় আমরা জেল থেকে বেরিয়েই জানতে পেরেছিলাম যে, ডেলোস মন্দির থেকে জাহাজটি ফিরে এসেছে। সেজন্য আমরা সেদিন যত শীঘ্র সম্ভব যথাস্থানে পৌঁছবার ব্যবস্থা করেছিলাম।

যখন আমরা জেলের দরজায় পৌঁছলাম তখন যে দ্বাররক্ষক অল্পদিন আমাদের ভিতরে ঢুকতে দিত সে এসে আমাদের অপেক্ষা করতে বলল, যতক্ষণ সে নিজে না ডাকে। সে বলল, এগারজন বিচারক আজ সক্রেটিসের লৌহ-শৃঙ্খল খুলে দিয়ে তাঁর মৃত্যুর নির্দেশ দিচ্ছেন। একটু পরেই দ্বাররক্ষক ফিরে এসে আমাদের ভিতরে যেতে বলল। আমরা ভিতরে ঢুকে দেখলাম, সবের আগে সক্রেটিসকে শৃঙ্খলমুক্ত করা হয়েছে। তাঁর স্ত্রী জ্যানথিপি আমাদের দেখে বিলাপ করতে করতে তারস্বরে কেঁদে উঠে বললেন, “সক্রেটিস, তুমি তোমার বন্ধুদের সঙ্গে এই শেষবারের মত কথাবার্তা বলবে।”

সক্রেটিস ক্রিটোর দিকে তাকিয়ে বললেন, “ক্রিটো, এঁকে বাড়ী পাঠিয়ে দাও।” ক্রিটোর লোকেরা জ্যানথিপিকে বাড়ী নিয়ে গেল, জ্যানথিপি বুক চাপড়াতে চাপড়াতে ভীষণ ভাবে কাঁদতে লাগলেন।

সক্রেটিস বিছানায় উঠে বসে শৃঙ্খলমুক্ত পা মুড়ে নিয়ে তাতে হাত বুলাতে বুলাতে আমাদের বললেন, আনন্দ জিনিষটা কি অল্প! বেদনার সঙ্গে এর আশ্চর্য ঘনিষ্ঠ সম্পর্ক অথচ মনে হয় ছুঁটো যেন বিপরীত অহুভূতি। মানুষের জীবনে এ ছুঁটি বস্তু এক সঙ্গে আসে না, কিন্তু যদি সে অহুসরণ করতে করতে একটাকে পেয়ে যায় তবে অল্পটাও সে পেতে বাধ্য—যেন আলাদা ছুঁটো জিনিষের প্রাপ্ত এক সঙ্গে বাধা। তিনি ব’লে চললেন—আমার মনে হয়, ঈসপ যদি এটা লক্ষ্য করতেন তা হ’লে তিনি এ নিয়ে এই রকম একটা গল্প লিখতেন যে, আনন্দ ও বেদনা যখন পরস্পর ঝগড়া করছিল ঊগবানু তাদের মধ্যে মিলন ঘটতে চেয়েছিলেন। কিন্তু তাতে বিফল হয়ে তিনি ঐ ছুঁটি বস্তুর প্রাপ্তকে মিলিয়ে জুড়ে দিলেন। সেই জন্মই মানুষের জীবনে ওর একটা এলে অল্পটাও পিছন পিছন অনিবার্য ভাবেই আসবে। আমার বেলায়ও

সেই অবস্থা। শৃঙ্খলে বাধা ছিল ব’লে পায়ে আমার ব্যথা ছিল, সেই ব্যথাকে অহুসরণ ক’রে এখন আরাম এসে পৌঁছেছে।

সিবিজ তাঁকে বাধা দিয়ে বললেন, একটা কথা আনাকে মনে করিয়ে দিয়ে ভালই করেছ। অনেক লোক তোমার কবিতা সম্বন্ধে প্রশংসা করেন। জেলে এসে তুমি এপোলো সম্বন্ধে স্তব লিখেছ এবং ঈসপের গল্পগুলি ছন্দোবদ্ধ কবিতায় রূপ দিয়েছ। ছুঁএকদিন আগে ইভেনাস আমাকে জিজ্ঞেস করছিলেন, জেলে এসে তোমার কবিতা লেখার কারণ কি? আগে তুমি কখনও এক লাইনও লেখ নাই। যদি তুমি আবার আমাকে জিজ্ঞেস করেন তবে কি উত্তর দিতে বল আনাকে?

সক্রেটিস বললেন, তাকে সত্য কথাই বলবে। বলবে যে, তার সঙ্গে বা তার কবিতার সঙ্গে প্রতিদ্বন্দ্বিতা করার আকাঙ্ক্ষা আমার ছিল না। আমি জানি সেটা সহজ কাজ নয়। আমি শুধু কতকগুলি স্বপ্নের তাৎপর্য নিয়ে পরীক্ষা করছিলাম। সে স্বপ্ন যদি আমাকে এই ধরনেরই সঙ্গীত লিখতে নির্দেশ দিয়ে থাকে তবে সেই নির্দেশ পালন ক’রে আমার বিবেককে হালকা করছিলাম। প্রকৃত ঘটনা এই যে, অতীত জীবনে একই স্বপ্ন আমি বার বার দেখেছি বিভিন্ন রূপে এবং সময়ে। কিন্তু সেই স্বপ্ন সর্বদাই আমাকে একই কথা বলত, “সক্রেটিস, তুমি সঙ্গীত নিয়ে কাজ কর, সঙ্গীত রচনা কর।”

আগে আমি মনে করতাম, দৌডের বাজীতে অংশ গ্রহণকারীদের যেমন দর্শকগণ উৎসাহিত করেন তেমনি স্বপ্নও আমার জীবনের কর্মকে উৎসাহিত করেছে। মনে করতাম, যে-সঙ্গীতের কাজ আমি ইতিমধ্যেই ক’রে চলেছিলাম সেই সঙ্গীত রচনা করতেই স্বপ্ন আমাকে উৎসাহিত করেছে; কারণ আমার ধারণায় দর্শনই হচ্ছে সর্বশ্রেষ্ঠ সঙ্গীত এবং দর্শন তত্ত্ব নিয়েই আমার সারাজীবন ব্যয়িত হয়েছে। কিন্তু তার পর আসে আমার বিচার। বিচারের পর যখন ডেলোস মন্দিরে ধর্মোৎসব হেতু আমার মৃত্যু হ’তে বিলম্ব হচ্ছিল তখন আমার মনে হ’ল হয়ত স্বপ্ন আমাকে সাধারণ অর্থেই সঙ্গীত রচনা করতে নির্দেশ দিত। তা হ’লে ত আমার তা করা উচিত, সে নির্দেশ অমান্য করা ঠিক হবে না। ভাবলাম পৃথিবী ত্যাগ ক’রে যাবার পূর্বে স্বপ্নের নির্দেশ অহুযায়ী কবিতা রচনা ক’রে আমার বিবেককে মুক্তি দেওয়াই ভাল। সেজন্য ষে-দেবতার তখন উৎসব হচ্ছিল তাঁরই উদ্দেশে আমি প্রথম স্তব লিখলাম। তার পর ঈসপের যে-সব

গল্প আমি জানতাম এবং যা আমার হাতের কাছে ছিল তাই দিয়ে আমি কবিতা রচনা করলাম। যেটা প্রথম পেলাম সেটাই প্রথমে লিখলাম। আমার বিবেচনায় কবিতা লিখতে গেলে গল্পের উপর নির্ভর করতে হয়, তথ্যের উপর নয়, এবং আমি নিজে কাল্পনিক কাহিনী সৃষ্টি করতে জানি না। সিবিজ, তুমি ইভেনাসকে এই কথাই বলবে এবং আমার বিদায়-সম্ভাষণ জানাবে। তাকে আরও বল যে, সে যদি জ্ঞানী হয় তবে যেন যত শীঘ্র সম্ভব আমার অহুসরণ করে। মনে হচ্ছে আজ আমার চ'লে যাবারই দিন, কারণ এথেন্সবাসিগণ তাই চায়।

সক্রেটিস বলে যেতে লাগলেন—ইভেনাস মৃত্যুই কামনা করবে এবং যে কেউ এই তত্ত্ব অশুশীলনের যোগ্যতা রাখে সে-ই মৃত্যু চাইবে। কিন্তু সে নিজের উপর জ্বরদস্তি ক'রে মৃত্যু চাপিয়ে দেবে না, কারণ সেটা অত্যাচার। এই কথা বলতে বলতে সক্রেটিস বিছানা থেকে পা নামিয়ে দিলেন এবং কথাবার্তার বাকি সময়টা এই ভাবেই ব'সে রইলেন।

তখন সিবিজ জিজ্ঞেস করলেন—সক্রেটিস, এই কথা বলে তুমি কি বোঝাতে চাও? জোর ক'রে নিজের মৃত্যু ঘটানো অত্যাচার বলছ, অথচ যে-মামুষ পরলোকে যাত্রা করছে তাকে অহুসরণ করার আকাঙ্ক্ষা দার্শনিকের হবেই বলছ। কথাটার তাৎপর্য বুঝিয়ে বল।

[এর পর, মৃত্যুর জন্ত দার্শনিক আকাঙ্ক্ষা এবং আত্মহত্যার নৈতিক বোধ (Ethics of Suicide) সম্বন্ধে দীর্ঘ আলোচনা হয়।]

সক্রেটিসের কথা শেষ হ'লে ক্রিটো বললেন, তাই হোক, সক্রেটিস। কিন্তু তোমার সম্মানদের ব্যাপারে এবং অত্যাচার ব্যাপারে তোমার বন্ধুদের ও আমার কি করণীয় সে সম্বন্ধে তোমার নির্দেশ কি? কি ক'রে আমরা তোমার সবচেয়ে বেশী কাজে লাগতে পারি?

সক্রেটিস—ক্রিটো, আমি সর্বদাই তোমাদের যা বলে আসছি শুধু তাই কাজে পরিণত করলেই হবে। তোমরা নিজেদের প্রতি মনোযোগী হও, তা হ'লেই তোমরা যা কিছু করবে তাতে আমার এবং তোমাদের সকলেরই মঙ্গল বিধান করা হবে—যদিও এখনই তোমাদের সে সম্বন্ধে কোন প্রতিশ্রুতি দেবার প্রয়োজন নেই। কিন্তু যদি তোমরা তোমাদের নিজেদের প্রতি অমনোযোগী হও এবং আজ ও অতীত সময়ে আমাদের আলোচনা কালে জীবনের যে সুপথ দেখিয়ে দিয়েছি তা যদি অহুসরণ না কর তবে তোমাদের এখনকার প্রদত্ত প্রতিশ্রুতি যত

জোরাল ও আন্তরিকই হোক না কেন, তা কোন কাজেই আসবে না।

ক্রিটো—আমরা সর্বতোভাবে তাই করতে চেষ্টা করব। কিন্তু কি ভাবে আমরা তোমাকে সমাধিস্থ করব?

সক্রেটিস জবাব দিলেন—যেমন তোমাদের ইচ্ছা তাই ক'রো। শুধু আমাকে তোমরা ধ'রে থেকো, তোমাদের মন থেকে হারিয়ে ফেলো না।

তার পর তিনি আমাদের দিকে তাকিয়ে স্মিত হাস্তে বললেন, বন্ধুগণ, ক্রিটোকে আমি বিশ্বাস করাতে পারছি না যে, আমি হচ্ছি সেই সক্রেটিস যে তোমাদের সঙ্গে কথা বলছে এবং যুক্তিবিদ্যাস করছে। ক্রিটো মনে করছে যে, আমি হচ্ছি সেই দেহ যাকে এখন সে মৃতদেহরূপে দেখবে। তাই সে জিজ্ঞেস করছে কি ভাবে আমাকে সমাধিস্থ করবে।

আমার বিসপানের পরে আমি যে আর তোমাদের সঙ্গে থাকব না আনন্দময়ের কাছে চ'লে যাব, এই কথাটা আমি যত যুক্তি দিয়েই প্রমাণ করতে চেষ্টা করি না কেন এবং তার দ্বারা তোমাদের ও নিজেকে সান্ত্বনা দেবার প্রয়াস পাই না কেন, ক্রিটোর কাছে সে সব বৃথা হয়ে যাচ্ছে। সেজন্ত ক্রিটোর কাছে তোমরা আমার জন্ত জামিন থাকবে, ঠিক যেমন আমার বিচারের সময় সে আমার জন্ত জামিন ছিল। কিন্তু একটু ভিন্ন ধরণের জামিন। ক্রিটো আমার জন্ত জামিন ছিল যে, আমি বিচারালয়ে উপস্থিত থাকব, পালাব না। কিন্তু তোমরা আমার জন্ত ক্রিটোর কাছে জামিন থাকবে যে, আমার মৃত্যুর পর আমি চ'লে যাব, তোমাদের সঙ্গে থাকব না। তা হ'লে সে আমার মৃত্যু কম অহুসরণ করবে এবং যখন সে আমার দেহ অগ্নিদগ্ধ হতে অথবা সমাধিস্থ হ'তে দেখবে তখন সে এই ভেবে শোকাভিভূত হবে না যে, আমি একটা ভয়ঙ্কর বিভীষিকায় কষ্ট পাচ্ছি। তখন আমার অন্ত্যেষ্টিক্রিয়ার সময় সে বলবে না যে, সে সক্রেটিসকে সমাধিস্থ করবার জন্ত প্রস্তুত করছে অথবা সমাধিস্থলে নিয়ে যাচ্ছে অথবা সমাধিস্থ করছে।

সক্রেটিস বলে যেতে লাগলেন—প্রিয় ক্রিটো, তোমার জানা উচিত যে, ভুল শব্দ ব্যবহার করা শুধু দোষেরই নয়, এতে আত্মারও অনিষ্ট হয়। তোমরা মন প্রফুল্ল রেখে বলবে যে, তোমরা আমার দেহকে সমাধিস্থ করছ। তোমাদের ইচ্ছামত খেভাবে ভাল মনে কর সেই ভাবেই সমাধি দিও।

এই কথা বলে তিনি উঠে অতীত ঘরে গেলেন স্নান করতে। ক্রিটো আমাদের অপেক্ষা করতে বলে তাঁর

সঙ্গে গেলেন। আমরা সক্রেটিসের যুক্তিসমূহ নিয়ে আলোচনা করতে থাকলাম। কত বড় বিপদ ও দুঃখের মধ্যে আমরা পড়েছি তা নিয়েও কথাবার্তা হতে লাগল। মনে হচ্ছিল যেন আমরা পিতাকে হারাতে যাচ্ছি, বাকী জীবন পিতৃহীন হয়ে থাকব। যখন তিনি স্নান শেষ করলেন তখন তাঁর সন্তানদের—একটি বড় ছেলে আর দু'টি ছোট ছেলে ও তাঁর স্ত্রীকে তাঁর কাছে নিয়ে যাওয়া হ'ল। সক্রেটিস ক্রিটোর সামনে তাঁদের সঙ্গে কথা বললেন এবং তাঁর অন্তিম আদেশ দিলেন। তার পর স্ত্রী ও সন্তানদের বিদায় দিয়ে তিনি আমাদের কাছে এলেন। তখন সূর্য অস্ত যাবার সময় প্রায় হয়ে এসেছে, কারণ তিনি বহুক্ষণ পর্যন্ত ভিতরে ছিলেন।

তারপর তিনি আমাদের কাছে এসে বসলেন, কিন্তু আর বেশী কিছু কথা হ'ল না। তখনই এগার জন কতৃপক্ষের আজ্ঞাবাহী সেবক এসে সক্রেটিসের সামনে দাঁড়িয়ে বলল, “সক্রেটিস, আমি জানি অত্ লোকেদের মত আপনি যুক্তিহীন নন। আমি যখন তাঁদের বিষপান করতে বলি তাঁরা আমার প্রতি ক্রুদ্ধ হন, আমাকে অভিশাপ দেন। আমি ও কতৃপক্ষের আজ্ঞাবাহী সেবকমাত্র। এ পর্যন্ত যত লোক এখানে এসেছেন তাঁর মধ্যে আপনাকে আমি প্রথম থেকেই মহত্তম, শিষ্টতম ও সবোত্তমরূপে পেয়েছি। আমি নিশ্চিত জানি, আমার উপর আপনি রাগ করবেন না, প্রকৃত দোষী কারা তা আপনি জানেন এবং আপনার রাগ হবে তাঁদেরই উপর। আমাকে বিদায় দিন। যা অবধারিত তাঁকে যথাসম্ভব হাল্কা ভাবে গ্রহণ করতে চেষ্টা করুন। আপনি ত জানেন কেন আমি এসেছি।” এই কথা ব'লে সে পিছন ফিরে কাঁদতে কাঁদতে চলে গেল।

সক্রেটিস তাঁর দিকে তাকিয়ে বললেন, বিদায়, তোমার কথা মতই আমি কাজ করব। তার পর আমাদের দিকে ফিরে তিনি বললেন, লোকটির কত সৌজন্য! আমি যতদিন ধ'রে এখানে আছি লোকটি সর্বদাই আমাকে দেখতে আসে এবং মাঝে মাঝে আমার সঙ্গে কথা বলে। কি চমৎকার মানুষটি। আবার দেখ আমার জন্তু সে কত কাঁদছে। এস ক্রিটো, আমরা ওর আদেশ পালন করি। বিষ যদি তৈরী হয়ে গিয়ে থাকে তবে তা আনা হোক, যদি না হয়ে থাকে তবে তা তৈরী করা হোক।

জবাবে ক্রিটো বললেন, না সক্রেটিস, আমার মনে হয় সূর্য এখনো পাহাড়ের উপরে রয়েছে, এখনো অস্ত যায় নি। তা ছাড়া, আমি জানি অত্‌রা বিষপানের

আদেশের পরেও বেশ দেরীতে বিষ পান করেন। প্রাণ ভ'রে তাঁরা পানভোজন করেন, এমন কি মনোনীত বন্ধুদের নিয়ে আমোদও করেন। তাই বলছি, তুমি ব্যস্ত হয়ো না, এখনো সময় আছে।

সক্রেটিস উত্তর দিলেন, ক্রিটো, তুমি যাদের কথা বলছ তাঁদের পক্ষে এটা করাই স্বাভাবিক। কারণ, তাঁরা মনে করেন যে, এরকম করলেই তাঁরা লাভবান হবেন। আমি স্বভাবতঃ এরকম করব না। কারণ, আমি মনে করি একটু দেরী ক'রে বিষ পান করলে আমার কিছুই লাভ হবে না। বরং যে জীবনটা শেষ হয়েই গেছে তাকে লোভীর মত আরও কিছুক্ষণ ধ'রে রাখতে গেলে আমার নিজেকেই অবমাননা করা হবে। কীজেই আমি যা বলছি তা পালন করতে অস্বীকার ক'রো না।

তখন ক্রিটো পাশে দণ্ডায়মান তাঁর ক্রীতদাসটিকে কিছু ইশারা করলেন। ক্রীতদাসটি বেরিয়ে গেল এবং একটু দেরীতে আর একটি লোককে নিয়ে সে ফিরে এল। এই লোকটিই বিষ দেবে, তৈরী করা বিষের পেয়লা তাঁর হাতে। তাকে দেখে সক্রেটিস জিজ্ঞেস করলেন, মহাশয়, এসব ব্যাপার আপনার জানা আছে, আমাকে কি করতে হবে?

উত্তরে সে বলল, আপনাকে শুধু এটা পান করতে হবে এবং হাঁটাচলা করতে হবে যতক্ষণ না আপনার পা দু'টো ভারী হয়ে আসে। তার পর শুয়ে পড়বেন, বিষের ক্রিয়া তখন আপনাকে থেকেই হবে। এই কথা ব'লে সে সক্রেটিসের হাতে বিষের পেয়লা তুলে দিল। সক্রেটিস প্রসন্নবদনে সেই পেয়লা গ্রহণ করলেন, একেক্রেটিস। তাঁর হাত কাঁপল না, মুখের রং বদলাল না, ভাব পরিবর্তন হ'ল না। তিনি লোকটির মুখের দিকে স্থির দৃষ্টি রেখে জিজ্ঞেস করলেন, এই পানীয় থেকে কিছুটা কি দেবতার উদ্দেশ্যে নিবেদন করতে পারি, অথবা পারি না? লোকটি উত্তরে বলল, সক্রেটিস, আমরা শুধু ততটুকুই তৈরী করি যতটুকু প্রয়োজন, আর বেশী নয়।

সক্রেটিস বললেন, আপনার কথা আমি বুঝেছি। কিন্তু আমি মনে করি ভগবানের কাছে আমি নিশ্চয় প্রার্থনা করতে পারি যেন এখান থেকে যাত্রা আমার শুভ হয়, মঙ্গলময় হয়। এটুকুই আমার প্রার্থনা—তাই যেন হয়। এই কথা ব'লে সক্রেটিস বিষের পেয়লা মুখের কাছে তুলে ধরলেন এবং শাস্তভাবে প্রসন্নবদনে সবটাই নিঃশেষে পান করলেন। এর আগে পর্যন্ত আমাদের অধিকাংশ বন্ধুরাই তবু শোকটা বেশ সংযত রাখতে পেরেছিল। কিন্তু যখন আমরা তাঁকে সবটা বিষ নিঃশেষে

পান করতে দেখলাম তখন আর আমরা শোক সংবরণ করতে পারলাম না। আমি না চাইলেও আমার চোখের জল আর বাধা মানল না, আমি মুখ ঢেকে নিজের জন্তই কাঁদতে লাগলাম। তাঁর জন্ত নয়, কিন্তু আমার এমন বন্ধু হারাবার দুর্ভাগ্যের জন্তই আমি কাঁদতে লাগলাম। এমন কি যে-ক্রিটো এর আগে অবধি তার কান্নাকে রোধ করে রেখেছিল সেও এখন বেরিয়ে গেল। এপোলো-ডোরাস প্রথম থেকেই সর্বক্ষণ কেবল কাঁদছিল, একটু-ক্ষণের জন্তও থামে নি, সে এখন উচ্চস্বরে ফুঁপিয়ে ফুঁপিয়ে কাঁদতে লাগল এবং তাতে আমরাও সকলে এবার ভেঙে পড়লাম; শুধু সক্রিটস ছাড়া।

প্রতিবাদের সুরে সক্রিটস বলে উঠলেন, বন্ধুগণ, তোমরা কি করছ? আমি স্ত্রীকে বাড়ী পাঠিয়ে দিলাম বিশেষ করে এই জন্ত যে, তারা যেন আমাকে এ ভাবে কষ্ট না দেয়, আঘাত না করে। আমি শুনেছি, মাহুষের শাস্তিতে মৃত্যু হওয়া উচিত। অতএব তোমরা শাস্ত হও, ধৈর্য ধর। একথা শুনে আমরা লজ্জিত হলাম এবং কান্না থামিয়ে দিলাম। তিনি হাঁটাচলা করতে থাকলেন। অবশেষে তিনি বললেন যে, তাঁর পা ভারী হয়ে আসছে। তার পর সেই লোকটির কথা মত তিনি চিৎ হয়ে গুয়ে পড়লেন।

যে লোকটি বিষ দিয়েছিল সে তাঁর পা ও পায়ের পাতা বার বার পরীক্ষা করে দেখতে লাগল। তারপর

সে তাঁর পায়ের পাতা জোরে চেপে ধরে জিজ্ঞেস করল, তিনি সেটা অনুভব করতে পারছেন কিনা। সক্রিটস বললেন, না। তার পর তাঁর পা দুটো এবং ক্রমেই দেহের উপরের দিকে অবশ হয়ে আসতে লাগল। তিনি আমাদের দেখালেন যে, তাঁর দেহ ঠাণ্ডা ও শক্ত হয়ে আসছে। সক্রিটস নিজেই সব বুঝতে পারছিলেন এবং বলছিলেন যে, যখন এটা উপরের দিকে উঠতে উঠতে তাঁর হৃৎপিণ্ড পর্যন্ত পৌঁছবে তখন তিনি চলে যাবেন। যখন তাঁর কোমর অবধি ঠাণ্ডা হয়ে গেল তখন তিনি মুখের আবরণ সরিয়ে দিয়ে শেষ বারের মত কথা বললেন। তিনি বললেন, ক্রিটো, এ্যাসক্রিপিয়াবের কাছ থেকে একটা মোরগ ঋণ নিয়েছিলাম, সেটা শোধ করে দিতে ভুলে যেও না। ক্রিটো উত্তর দিলেন, তাই হবে। তোমার আর কোন ইচ্ছার কথা বলবার আছে? সক্রিটস এই প্রশ্নের আর কোন জবাব দিলেন না। একটু পরেই তাঁর দেহটা একটু নড়ে উঠল। সেই লোকটি তখন তাঁর মুখের কাপড়টা সরিয়ে দিল। তাঁর চোখ দু'টি তখন স্থির হয়ে গেছে। ক্রিটো তখন তাঁর মুখ ও চোখ বন্ধ করে দিলেন।

এই ভাবেই আমাদের বন্ধুর জীবন শেষ হয়ে গেল, একেক্রিটস। আমি জীবনে যত মাহুষ দেখেছি তার মধ্যে সক্রিটস ছিলেন সর্বশ্রেষ্ঠ জ্ঞানী, সর্বাধিক ত্রায়-পরায়ণ এবং সর্বোত্তম মানব।





## যুগান্তর

শ্রীশান্তা দেবী

কতদিন পরে সুলেখা আবার কলকাতায় এসেছে। ছোট্ট মেয়ে, প্রথম য়েবার আসে দীর্ঘদিনই ছিল এখানে। কিন্তু এ পাড়ায় নয়। সে ছিল উত্তর অঞ্চলে। রাস্তাটার নাম ছিল স্কিয়ারা ষ্ট্রীট। ভোর হলেই অশ্বতরবাহিত ময়লা-ফেলা গাড়ী খড়বু ঘড়বু করে ঘুম ভাঙ্গিয়ে দিত। তার পর রোদ একটু ঝলমলিয়ে না উঠতেই দেখা দিত মেয়ে স্কুলের গাড়ীগুলি। মহাকালী পাঠশালার গাড়ীতে পাশের তিন-চারটি বাড়ীর ক্ষুদ্রকায় মেয়েরা বিছালাভের আশায় বইখাতা প্লেট পঁজা করে নিয়ে এসে উঠত, সঙ্গে সঙ্গে এ বাড়ী সে বাড়ী থেকে পাঁচ-সাতটি ছোট ছেলেও ছুটে বেরিয়ে আসত এবং সজোরে চেষ্টাতে থাকত— “মহাকালী পাঠশালা

• বিপ্তে হবে কাঁচকলা।”

বেথুন কলেজের বিরাট গাড়ীর অভ্যর্থনাও এই ছেলেদের কাছে বেশী শোভন হ'ত না। ছড়াটি ব্যাকরণ সঙ্গত না হলেও ছেলেদের খুবই প্রিয় ছিল। রোজ শোনা যেত— “বেথুন কলেজ, হাত নো নলেজ।

বড় বড় থাম, কুছ নেছি কাম।”

সে সময় স্কুলের মেয়েদের সাজ-পোশাকও ঠিক এখনকার মত ছিল না। মহাকালী পাঠশালার মেয়েরা ত সনাতন মতে শাড়ী পরেই শিশু বয়স থেকে চলতে অভ্যস্ত ছিল। অত্যাঁত স্কুলেও দশ-এগার বছরের চেয়ে বড় বয়সের মেয়েরা সকলেই শাড়ী পরত। অনেক মেয়ে আট-নয় বছর বয়সেই ফ্রক ত্যাগ করত। স্কুলের ছোট ছোট মেয়েদের পায়ে মল, মাথায় খোঁপা, পরণে শুধু ব্লাউস আর শাড়ী দেখা তখন কিছুই বিস্ময়কর ছিল না। শিক্ষয়িত্রীদের যত কমই বয়স হোক সাদা শাড়ী আর কালো জুতা পরাই ছিল নিয়ম; অনেকেই পুরা হাত ও উঁচু গলার সাদা জামা পরতেন, প্রসাধনে কোনরকম বাহুল্য ছিল না। স্নানের পর তোয়ালে ছাড়া মুখের উপর আর কিছু বুলোনের কোন চিহ্ন কারুর বেশভূষায় লক্ষিত হ'ত না।

সেবার কলকাতায় থাকতে সুলেখা কিছুদিন স্কুলেও পড়েছিল। ঘোড়ায়-টানা বাসেই মেয়েরা যাতায়াত করত; কাজেই প্রথম ক্লেপের মেয়েদের পৌনে আটটার

আলুভাতে ভাত পেয়ে বাড়ী থেকে বেরিয়ে পড়তে হ'ত; দ্বিতীয় ক্লেপের মেয়েরা একটু দেরীতে স্কুলে যেত 'বটে, কিন্তু সে আনন্দটুকু তাদের মুছে যেত বিকেল বেলা। বিকেলে যখন সমস্ত স্কুল শূন্যপ্রায়, বোর্ডিং-এর মেয়েরা বড় বড় টেবিলে সারি বেঁধে খেতে বসে গিয়েছে, তখন সুলেখা প্রভৃতি ডে-স্কলার কয়েকটি মেয়ে অভুক্ত অবস্থায় ওকুনো মুখে গাড়ী বারান্দার কাছে বই কোলে করে বসে থাকত গাড়ীর আশায়। দ্বিতীয় ক্লেপের বাসে ক'রে যখন তারা বাড়ী পৌঁছত তখন শীতকালে ত ঘরে ঘরে আলো জ্বলে উঠতই, গ্রীষ্মকালেও সূর্য্য ডুবে যেত! যাবার সময় পথে দেখত স্কুল-কলেজের ছেলেরা বই হাতে ছুটেছে নিজ নিজ বিদ্যালয়ের দিকে, মেয়ে স্কুলের গাড়ী দেখে হুই-একটা রসিকতাও করছে। ছেলেদের পোশাক-আশাকের তখন কোন ঘটা ছিল না, সাদা ধুতি আর সাদা সার্ট সঘল। রিষ্টওয়ান্স আর ফাউন্টেন পেন তখন ছিল বিলাসী বাবুদের সম্পদ। ফেরবার সময় এতই বেলা গড়িয়ে যেত যে, পথে ছেলেদের কোন চিহ্নও দেখতে পাওয়া যেত না।

সুলেখাদের স্কুলে ছিল টানা পাখা। গ্রীষ্মকালে পাখাকুলিরা পাখা টানতে টানতে ঘুমিয়ে পড়ত, কাজেই পাখা বন্ধ হয়ে যেত। মাষ্টারমশায়রা গরমে বিরক্ত হয়ে উঠে দাঁড়িয়ে পাখা ধ'রে দিতেন সজোরে এক টান। দড়িতে টান লেগে পাখাকুলি বেচারী হুমড়ি খেয়ে প'ড়ে জেগে যেত। আবার কিছুক্ষণ পূর্ণবেগে পাখা চলতে থাকত। এবার কলকাতায় এসে সুলেখা দেখেছে মেয়েদের স্কুলের মাষ্টারমশায় বা পণ্ডিত-মশায়রা সম্পূর্ণরূপে লুপ্ত হয়ে গিয়েছেন। দরওয়ান আর ড্রাইভার ছাড়া স্কুলের সব কর্মীরাই নারী। মেয়েদের পড়াতে পড়াতে অকস্মাৎ নস্তির-কোঁটা ধুলে নাকে নস্তি গুঁজতেন চাপকান-পরা সেকালের পণ্ডিতমশায়, আজও মনে পড়ে। ইতিহাসের মাষ্টারমশাই টাইশন ক'রে ক'রে ক্লাস্ত হয়ে এসে স্কুলের ক্লাশে ঘুমিয়ে পড়তেন আর মেয়েরা সেই সুযোগে পিছনের বেঞ্চে স'রে গিয়ে আড্ডা দিতে শুরু করত। সামান্য কোন আওয়াজে ঘুম ভেঙে গেলে মাষ্টারমশায় পকেটঘড়ি বার করে

টান হয়ে ব'সে তেড়ে বলতেন, "কি মায়েরা, জিহ্বা লক্ লক্ করছে?" অপ্রস্তুত হয়ে মেয়েরা বইগুলো কোলের উপর টেনে নিত। মাষ্টারমশায় তবুও গজ গজ করতে থাকতেন, "সখিড় করছেন মায়েরা, সখিড় করছেন!"

সুকিয়া স্ট্রিটের বাড়ীর সরু বারাণ্ডা থেকে সুলেখা সন্ধ্যাবেলা ঝুঁকে দেগত, বড় বড় দুই-একটা বাড়ীতে ইলেক্ট্রিক লাইট জ্বলে উঠছে, বাকি সব বাড়ীতেই কেবাসিনের লণ্ঠনের স্নান আলো। তাদের পরিচিত বন্ধুদের বাড়ীগুলির মধ্যে একটিতে মাত্র বিজলীর উজ্জ্বল আসো। স্কুলের কথা মনে পড়ে, পণ্ডিতমশায় বলেছিলেন, "শীঘ্র স্কুলে ইলেক্ট্রিক পাখা চলবে।" তখন মজুমদারদের বাড়ীর মতন তাদের স্কুলেও আরামে হাওয়া খাওয়া যাবে।

সন্ধ্যা একটু গড়িয়ে রাতের দিকে গেলেই তাদের বাড়ীর পথটি নির্জন হয়ে যেত। সন্ধ্যা আমদানি করা মোটর গাড়ী বা ট্যাক্সি মাঝে মাঝে বাঁশি বাজিয়ে ছুটলেও বর্ধদা যে দুই-চারটা গাড়ী চলত, তা বড় লোকদের ঘোড়ায় টানা পান্ধী বা ক্রহাম গাড়ী অথবা দ্বিতীয় কি তৃতীয় শ্রেণীর ঠিকে গাড়ী। তার দুইপাশের জানালাই প্রায় তোলা থাকত, ভিতরের আরোহীদের বিশেষ দেখা যেত না। পাদচারী পথিকবৃন্দের মধ্যে দুই-একটা বিরাধুনী ছাড়া স্ত্রীলোক সচরাচর চোখে পড়ত না। নিরা সবই একবস্ত্রা, সেই একমাত্র বস্ত্রও ধূলি-মলিন। সব জড়িয়ে সন্ধ্যায় রাস্তাটা কেমন যেন ক্রান্ত বিশগ্ন মনে হ'ত। আলোর ঝলমলানি নেই, পোশাকের ছটা নেই, রেডিওর গানে পথিক উৎকর্ষ হয়ে ওঠে না। দেয়ালে দেয়ালে সিনেমার নায়িকাদের নানা ভঙ্গিতে আট ফুট লম্বা রঙীন ছবি নেই, মোড়ে মোড়ে সিনেমা হাউস নেই, ট্যাক্সি-গাড়ীর মাথায় রঙীন আলো নেই, দোকানের বেসাতি ও নাম রঙীন আলোর অক্ষরে নেচে নেচে চলে না। ক্রান্ত অবসন্ন কলকাতার ধূসর পথে নতমস্তক জনকতক পথিক এদিক্-ওদিক্ চলছে মাত্র।

পথে সন্ধ্যার আলো জ্বলে উঠলেই সুলেখা বাড়ীর কেবাসিন লণ্ঠনগুলি জ্বালাতে যেত। নিজেদের ঘরে ঘরে এক-একটা লণ্ঠন দিয়ে টেবিল-ল্যাম্পটা ভাল ক'রে পরিষ্কার ক'রে নিয়ে জ্বালিয়ে সুরেশ্বরের পড়ার টেবিলের উপর রেখে আসত। এই বাড়ীতে থেকেই সুরেশ্বর কলেজে পড়ত। সে ছিল সুলেখার কাকীমার ভাইপো। এক বাড়ীতে থাকলেও এই ছেলেমেয়ে দু'টি পরস্পরের সঙ্গে কথা বলত না। তরুণ ছেলেমেয়ের পরস্পরের

সঙ্গে বাক্য-বিনিময় সে বাড়ীর আইনে অসম্ভব ছিল। সুলেখা মাঝে মাঝে রান্নাঘরে পরিবেশনের সময় তার খালায় খাবার তুলে দিত, স্নানের সময় গরম জলের কেটলিটা স্নানের ঘরে রেখে আসত; সুরেশ্বর কাকীমার বাজার ক'রে আনলে সুলেখা তুলে রাখত। কিন্তু ঐ পর্যন্তই। সকালে ঘুম থেকে উঠে ঘর থেকে বেরোবার আগেই সুলেখা খতটা পারিপাট্য বেষভূষায় করা যায় তা ক'রে নিত। কারণ রাত্রে শোওয়া চটুকানো কাপড়-চোপড় সুরেশ্বরের সামনে প'রে যেতে তার ভাল লাগত না। স্কুলের গাড়ী এলে সুলেখা বেশ বুঝতে পারত উপরের বারান্দায় দাঁড়িয়ে সুরেশ্বর বই হাতে তার গাড়ী-চড়া দেখছে। কিন্তু সাহস ক'রে সুলেখা পিছন ফিরে তাকাতে না। গাড়ীটা যখন মোড়ের কাছে পৌঁছত তখন সুলেখা চকিতে একবার তাকিয়ে দেখত, সুরেশ্বর পিছন ফিরে বারান্দা থেকে ধরে চ'লে যাচ্ছে। রোগা, লম্বা ছলে, বড় বড় চোখ, কিন্তু অতি গম্ভীর মুখ। পরনে মোটা মিলের ধুতি আর প্রত্যহ সাবান-দেওয়া ফরসা গেঞ্জি। বাইরে না বেরোলে সার্ট পরত না সে। কিন্তু তার প্রতি সামান্য ঘরোয়া পোশাকও সাদা ধপ্পপ্ করত।

সুরেশ্বর কলেজ থেকে ফিরে প্রত্যহই কাকীমার ঘরে নিয়ম ক'রে দুটো-একটা গল্পের বই রেখে দিয়ে যেত। কার জন্ত রাখত কখন বলত না। সুলেখা সেগুলি তুলে নিয়ে পড়া শেষ হলে খাবার কাকীমার ঘরে ফিরিয়ে দিত। সুরেশ্বরকে বলতে হ'ত না। সে ঠিক বুঝত সুলেখার পড়া হয়ে গিয়েছে। আজও সুলেখার মনে আছে এমনি করেই মারী করেণী, জেন অষ্টেন আর শার্লট ব্রটের বইগুলি তার পড়া হয়ে গিয়েছিল। ইংরেজী নভেল তার খুব প্রিয় হলেও কাকীমার বাড়ীতে আর কেউ ওসব পড়ত না। নভেল পড়ার নেশা ছিল শুধু তাদের ছ'জনের।

কলকাতার এবার এসে মনে পড়ছে, সেবারের সেই ভূমিকম্পের কথা। হঠাৎ ছপুর রাত্রে ঘরটা ঝটকা দিয়ে ছলে উঠল। ঘুম ভেঙে যেতে মনে হ'ল, ঘরের খোলা জানালা ছোড়া যেন পাশের বাড়ীর জানালায় গিয়ে ঠেকেছে। সুলেখা ষড়মড় ক'রে উঠে দাঁড়াল। দরজা খুলে বেরোবার সময় অণু সব দরজা খুলেই লোকে বেরিয়ে পড়ছে বোঝা যাচ্ছিল। লণ্ঠনের আলো কখন নিভে গেছে। অন্ধকারে ভাল ক'রে মাহুনের মুখ দেখা যায় না। কে যে বেরিয়েছে আর কে যে বেরোয় নি বোঝা বড় শক্ত। সুলেখা সুরেশ্বরের দরজায় হাত দিয়েই টের পেল, ভিতর থেকে দরজা তখনও বন্ধ। সে

শুম্ শুম্ ক'রে দরজায় কিল দিতে লাগল। যুমস্ত চোখে দরজা খুলে সুরেশ্বর ছুটে বাইরে বেরিয়ে এল। সুলেখা তাড়াতাড়ি স'রে গেল। ধরা পড়ে যেতে সে চায় না। মনে হ'ল সুরেশ্বর যেন হাতটা সামনে বাড়িয়ে দিয়েছে। পরদিন সকালবেলা কাকীমা সকলকে লুচি আর চিনি জলখাবার দিচ্ছিলেন। সুলেখা দেখল সুরেশ্বর তার মুখের দিকে পূর্ণ দৃষ্টিতে তাকিয়ে আছে। কেউ লক্ষ্য করবে কি না করবে সে চিন্তা যেন তার একেবারেই নেই। সুলেখা মুখ তুলতেই সুরেশ্বরের গঞ্জীর মুখে একটা মধুর করুণ হাসি ফুটে উঠল। তার মুক্তার মত দাঁতগুলি চাকচিক্যে ছিল, কিন্তু হাসির আলো মুখে যেন ছড়িয়ে পড়ছিল। সুলেখা তখনই মুখটা নীচু করে নিল।

দিনের চাকা আবার একই ভাবে ঘুরতে থাকল। সেই স্কুল, কলেজ আর বাড়ী। সকাল হতেই স্কুল যাওয়ার আয়োজন, সন্ধ্যা না হ'লে সেখান থেকে ফেরবার উপায় নেই। ছুটির পর বড় বড় থামের পাশে পাশে কয়েকটি ছোট ছোট মেয়ে ক্লাস্ত পায়ে ঘুরে বেড়ায় : স্কুলের ছিপ্রঃরের পূর্ণতার পরে অপরাহ্নের শূন্যতা যেন মেয়ে-গুলিকে গ্রাস করতে আসে। তার পর অন্ধশূন্য বাসে বাড়ী ফিরেই আগের মত জলখাবার পেয়ে লগ্নন জালা আর টেবিল ল্যাম্প সাজানোর পালা। উত্তর পক্ষেই সেই চিরদিনের পূর্ণ নীরবতা। কিন্তু তারই মধ্যে কি যেন একটা আনন্দ ছিল : এই সে দিনগুলিকে আশ্রয় ভোলা যায় না।

বি, এ, পাশ ক'রে সুরেশ্বর চাকরি নিয়ে পাটনা চ'লে গেল। যাবার সময় এক সেট ডিক্লেসের গ্রন্থাবলীতে "সুলেখা দেবী" লিখে কাকীমার ঘরে রেখে গিয়েছিল। বিদায় নেওয়ার এর চেয়ে বেশী কোন সুস্পষ্ট চেষ্টা সে করে নি। সে বইগুলি আঙু সুলেখার কাছে আছে।

সুলেখারও আর বেশী দিন কলকাতা বাস হ'ল না। বছর দুই পরে সেও বি, এ, পাশ ক'রে মা-বাবার কাছে ফিরে গেল। বাবা থাকতেন বীরভূমের গ্রামে। শুধু কলকাতার দেশ, সন্ধ্যার পর নিরন্ধ অন্ধকারে জোনাকির আলোও বিশেষ দেখা যায় না। গাছপালা কম, কোথাও বা জোনাকির দল এসে ভীড় করবে? শুধু আকাশের তারাগুলি মিট্ মিট্ করে জলে। মনে হয় এই তারার আলো কলকাতার আকাশে, পাটনার আকাশে সর্বত্রই জ্বলছে : কিন্তু কাহারও কোন খবর এরা বলে না। শুধু চেয়ে চেয়ে দেখে।

মা'র মৃত্যুর পরে কত দিন ধ'রে এই কঙ্করবহুল দেশে মাটির ঘরের ছোট সংসারটি সে চালিয়ে এসেছে। বাকি

পৃথিবীটাকে তার ভুলে থাকতে ইচ্ছা করত না, কিন্তু যোগ রাখবার কোন উপায় অবলম্বন করতেও সাহস হ'ত না। মাঝে মাঝে কাকীমার চিঠি আসত। স্কিকিয়া ষ্ট্রীটের বাড়ীর মানুষগুলির স্বাস্থ্য ভাল আ'ছে এবং শীত, গ্রীষ্ম, বর্ষা কখন কি রকম কষ্ট তাদের দিচ্ছে, এর বেশী অল্প সংবাদ তাতে থাকত না। পাটনা বলে যে একটা শহর আছে কাকীমা বোধহয় ভুলেই গিয়েছিলেন।

শেষে একদিন বাবাও তাদের মায়া কাটিয়ে চ'লে গেলেন। সুলেখাকে নূতন কোন বন্ধনে বেঁধে দিয়ে তিনি যান নি। ওটা যে তাঁর একটা কর্তব্য এটা মনে ভাবতেন কি না কেউ জানে না, মুখে কিছু প্রকাশ করতেন না। বাবার বাগজপত্র নাড়তে-চাড়তে গিয়ে তার নামে একটা তারিখহীন চিঠি পাওয়া গিয়েছিল। তিনি সুলেখাকে লিখেছিলেন, "মা, তোমার ভবিষ্যতের একটা উজ্জ্বল স্বপ্ন দীর্ঘদিন ধ'রে দেখেছিলাম। কেন যে তা সফল হ'ল না জানি না। হয়ত আমার ভীকৃত্য। প্রার্থী হয়ে কোথাও যেতে পারি নি।"

এতদিন বাবা-মা'র উপস্থিতি সুলেখার জীবনে ঘড়ির দমের মত ছিল। তাঁদের জীবনযাত্রার চারি ধারেই তার জীবন পাকে পাকে ঘুরত প্রতিদিন। সেই যুগল-জীবনযাত্রার অবসানে ঘড়ির দম ফুরিয়ে গেল। কিসের গানে আনার সে পাকে পাকে ঘুরবে? জীবনটাকে একটা ছন্দে বেঁধে না চালালে সে ত একই ছায়গায় স্থাগু হয়ে থাকতে চায়। সুলেখা পড়াশুনা করেছিল, কিন্তু তা কাছে পাগায় নি। এতদিন পরে ঠিক করল চাকরির আবের্ডেই নিজেই ধোরাবে। না হ'লে একটা চলৎ শক্তিহীন প্রকাণ্ড বোঝার মত বাকি জীবনটা তার খাড়ে চ'ড়ে থাকবে। চাকরির কথা মনে হতেই মদার আগে মনে হয় কলকাতার কথা। সেখানেই সে পড়াশুনা করেছিল, সেখানেই দেখেছিল সংসার বন্ধন-হীন নারীও একটা গতিশীল জীবনের পথে ছুটে চলে। পরের জীবনে যার রসের উৎস শুষ্ক, বাহিবের জীবনে সে একটা নূতন উৎস আবিষ্কার করতে পারে।

চেষ্টা তার সফল হল। কলকাতাতেই একটা কাজ জুটে গেল। এ স্কিকিয়া ষ্ট্রীট নয়, কলকাতার দক্ষিণ অঞ্চল। সেই বাল্যকালের স্কুল-কলেজের দিনে এই অঞ্চলটা তার এবং আরও অধিকাংশ বাঙালীর কাছে একটা অনাবিস্কৃত ছিল। সুলেখা মনে মনে ভাবত সেখানে গাছপালায় ঢাকা বড় বড় কম্পাউণ্ডের মধ্যে ছু-চারজন রাজা উজির বা জমিদার অথবা প্রভূত খ্যাতিমান ব্যারিষ্টার বিরাট প্রাসাদের মধ্যে বাস

করেন। সাধারণ মানুষের অঞ্চলে তাঁরা আসেন না, সাধারণ মানুষরাও তাঁদের অঞ্চলে যায় না।

এতদিন পরে সেই সুলেখা দক্ষিণ কলকাতাতেই এসে পড়ল। দেখল এ ত তার সেই কল্পিত কলকাতা নয়। মাত্র ছ'চারটে রাজা-উজীর গাছপালার অন্তরালে লুকিয়ে এখানে থাকে না। হাজার হাজার মানুষ দিবারাত্রি ঘুরছে ফিরছে, আসছে যাচ্ছে। অবশ্য নিরালা অঞ্চলও যে নেই তা নয়। সে তার বন্ধুর অহুর্কর বীরভূমের মত নয় বা স্বপ্নের মায়া কাননের মতও নয়। জনবিরল পথের দুই ধারে থাম দেওয়া ফটকের ভিতর মোটা মোটা দেয়ালে বড় বড় দোতলা বাড়ী। যানবাহনের মধ্যে ঘোড়ার গাড়ীর কোন চিহ্ন নেই। রাত্রে পথের আলো স্তিমিত, লোকজন আরও কম। কিন্তু এই নিরালা অঞ্চলে সুলেখার গতিবিধি বিশেষ ছিল না। রাস্তার গোড়ে মোড়ে নির্জন পার্কে, পুকুর বান্ধে অন্ধকার পথ দুই-একবার সে দেখেছিল। বড় বড় গাছের আড়ালে সাদা কাপড় পরা দুই-একটা মানুষ চলেছে, মুখ দেখা যায় না, শুয়ে কেমন যেন গা চম্ চম্ করে।

দিনের বেলায় উজ্জল আলোর যে সব যানবাহন-লাঙ্কিত চলচঞ্চল পথ তাকে এবার প্রতিদিন এই বিরাট নগরীর সঙ্গে পরিচয় করিয়ে দিত সে সুলেখার চোখে সম্পূর্ণ নূতন। ছেলেবেলায় যে কলকাতায় সে বাস করে গিয়েছে সেখানের পথে সহস্র মানুষের মধ্যে দু'টি-তিনটির বেশী নারীকে দেখা যেত না, আজ সেখানে সকালবেলাই পথ ছিঁড়ি রমণীর স্রোত চলেছে। কলকাতায় কি মেয়েরা গৃহকর্ম ছেড়ে দিয়েছে? মেয়ে-গুলি ত শুধু পাঠশালার পোড়ো নয়। শুধু যে তারা ব্যস্তভাবে পথ দিয়ে ছুটেছে তাই নয়, তাদের মাথার ঘোমটা সকলেরই খসে পড়েছে। এ কি মহারাষ্ট্র না মাদ্রাজ? সিন্দুরশোভিতা সীমস্তিনীরাও অবগুণ্ঠন ভুলে গিয়েছেন। শুধু তাই নয়, কেউ বা ঘাড় পর্যন্ত চুল ছুলিয়ে, কেউ বা লম্বা বেণী ঝুলিয়ে, কেউ বা চুলের গোড়ায় রঙীন প্রজাপতি ফাঁস বেঁধে পথচারীর দৃষ্টি আকর্ষণ করছেন। তাঁরা বয়স্ক। কিন্তু বয়সের পরিচয় চাকা দিয়ে রেখেছেন।

সুলেখার মনে পড়ে গেল ছেলেবেলায় সে একটা হাসির কবিতা পড়েছিল, এক বালক প্রেমিক একটি শিশু বালিকার প্রেমে পড়ে বলেছেন, "ঐ বেণী দোলানো মেয়েটির বড় ভালবাসি, তাই এই পথেতেই এই গলিতে নিত্য যাই আসি।"

বাংলা দেশে যে এত রকম শাড়ী ছিল আর তাতে

এত রঙের হিল্লোল ছড়াতে পারত তা সুলেখার জানা ছিল না। শান্তিপুরে আর ফরাস-ভাঙ্গার ছুঁছুঁ শাড়ী কোথায় তুলিয়ে গিয়েছে? স্কুলের শিক্ষিত্রীরা চৌধুরী, তেরছা ডুরে, বুটদার, খাড়া ডুরে কত রকম রঙবেরঙের চোখ-বাঁধানো শাড়ীই পরেছেন। আগে ত বালিকা ছাত্রীরাও এ রকম পরত না। গায়ের জামা ছোট হতে হতে এক বিঘতে পরিণত হলেও তাতে রঙের প্রাচুর্য আছে। সুলেখার মনে পড়ল কলেজে পড়ার সময় সে শান্তিনিকেতনের একটি মেয়ের কাছে শুনেছিল যে, রবীন্দ্রনাথ যখন কাঠিয়াওয়ার ভ্রমণ করে আশ্রমে ফেরেন তখন তিনি আশ্রমের মেয়েদের বলেছিলেন, "তোমাদের পোশাকে পরিচ্ছদে রঙের কোন উচ্ছ্বাস নেই। ওখানকার মেয়েরা রঙে রঙে চারদিক আলো করে রাখে।" সেই রঙের হিল্লোল আজ কলকাতার পথে পথে বয়ে চলেছে, বর্ণধীন কলকাতা আর নেই। বৈধব্যের নিরাশ্রয়তাও অতি বিরল হয়ে এসেছে।

বং শুধু মেয়েদের কাপড়ে নয়, প্রসাধনেও দেখা দিয়েছে। মাথায় ফুল, চোখে কাজল, নখে, ঠোটে রং সুলেখাদের সেই কলকাতায় ত দেখা যেত না। জানাটা বন্ধ ঠিকে গাড়ীতে বা স্কুলের লম্বা কালো বাসে যে সব মেয়েরা যাতায়াত করত তাদের পোশাক-আশাক সাদা-সিধাট, পথও ছিল বর্ণধীন, পথের ধারের বাড়ীগুলিও রোদ-জলে ধুয়ে ধোঁয়া ধোঁয়া রং; গাছপালা, ফুলপাতা কিছুই প্রায় চোখে পড়ত না। দুই-একটা জীর্ণ ছাদে বেলফুলের টব কচিং দেখা যেত।

দক্ষিণ অঞ্চলে আধুনিক বাড়ীতে ছোট-বড় ছাদ আর বারান্দাও ফুলের পাতার রং আকাশে ছড়াতে শিখেছে; বেশী সৌখীন আর ব্যবসাদারী অঞ্চলে পথে পথে রঙীন আলো নৃত্য করে পথিকের মন ভোলাচ্ছে। তার সঙ্গে চলেছে নানা সুরের ঝঙ্কার। দ্রুত ধাবমান গাড়ীগুলি তার সঙ্গে তাল রেখে ছুটেছে।

রঙের নেশা থেকে ছেলেরাও মুক্তি পায় নি। সেই সাদা ধুতি, সাদা সার্ট পরা ছেলেরা আজকাল চলেছে রঙীন হাফসার্ট আর রঙীন প্যান্ট পরে। ছবি আঁকা জামারও অভাব নেই! সাজ বদলে তাদের চেহারায় চাকুচিক্য বেড়েছে। চলার গতিও দ্রুত হয়েছে।

দীর্ঘকাল গ্রামের মেটে রঙের মধ্যে কাটিয়ে সুলেখার মনে হচ্ছিল যেন আলো আর রঙের রাজ্যে এসেছে, শহরটার গায়ে আর তার অধিবাসীদের মধ্যেও যেন একটা তাক্রণ্য ফুটে উঠেছে। যদিও পথের ধারের আস্তাকুঁড়গুলো কেবল আগের মতই অপরিবর্তিত। তবু



সুলেখার মনে হচ্ছে কলকাতার এই রং, আলো আর প্রাণের চাকল্য যেন তার প্রাণটাকে নুতন করে তুলছে। রাস্তায় অবিশ্রান্ত ধাবমান জনশ্রোতের সঙ্গে তারও ছুটে চলতে ইচ্ছা করছে। কোথায় যাবে জানে না। কিন্তু চলার আনন্দ, নুতন পরিচয়ের আনন্দ তাকে টেনে নিতে চাইছে। এই নবাবিষ্কৃত জগতের নুতন রূপটা সে উপভোগ করতে চায়। নুতন বাস্তুবীরা কাফেতে চা খেতে ডাকছে, সিনেমার নেশা জীবনকে কৃত্রিম সৌন্দর্য্য ও উদ্ভেজনার চঞ্চল করে তুলছে, খেলার মাঠে খেলার উন্মত্ততার অংশ যেন শাস্ত জীবনকে উৎসাহিত করছে। এ জীবনের সঙ্গে স্ক্রিয়া ষ্ট্রিটে, কি বীরভূমে ত সুলেখার পরিচয় ছিল না! কৈশোরে তার জীবনটা ছিল ছায়ায় ঢাকা, আজ উজ্জ্বল আলো তার মুখে কাঁপিয়ে পড়েছে। অনেক দিনের বিমোহিত জীবনকে জাগিয়ে তুলেছে।

সুরেশ্বর কি আজও তেমনি শান্ত নীরব গভীর আছে? তেমনি সকালে উঠে কাজে যায় আর সন্ধ্যায় কাজ থেকে ফিরে আলো জ্বলে বই নিয়ে বসে? মনের কোন কথা বলে না, কোন ইচ্ছা, কোন সখে চঞ্চল হয়ে ওঠে না? যদি তাকে একবার দেখতে পেত হয়ত দেখত সেও এ যুগের মানুষের মত চঞ্চল হয়ে ছুটে চলেছে নানা নুতনের মধ্য দিয়ে, সকালের বেশভূষা ত্যাগ করে আধুনিক চটকদার সজ্জায় সজ্জিত হয়েছে। এই যে অবিশ্রাম ঘোরা, জীবনের নিকট থেকে এই যে শব্দ বিন্দু পর্যাঙ্ক রস নিঙড়ে নেবার অক্ষয় চেষ্টা, সুরেশ্বর কি তা শেখে নি? সে যুগে তাদের পরিবারে জীবনযাত্রার এ প্রথা ছিল না: থাকলে হয়ত আজ সুলেখার জীবন অন্তরকম হ'ত। যদি আজকের মত স্কুল-কলেজের পর অনাস্থীয় ছেলেমেয়েরা বই-খাতা হাতেই ছোড়ে ছোড়ে বেড়াতে যেতে পারত, বা লেকের ধারে বাসে বাসে চানাচুর আর কোকাকোলা খেতে পারত তা হ'লে তার জীবনে যে ক্ষীণ একটা রোমান্সের আলো ফুটি ফুটি করে ও ফুটে পারে নি তার প্লাবনে জীবনটা উজ্জ্বল হয়ে উঠত। সেই ভূমিকম্পের রাত্রে সুরেশ্বরের হাতটা একবার স্পর্শ করাও পাপ মনে হয়েছিল। আজ মনে হয় কি মুখ সে ছিল! কিন্তু এখন কি এর কোন প্রতিকার আছে? কিছু সে চায় না। শুধু একবার দেখতে চায় সুরেশ্বর কেমন ভাবে চলছে আর সেই দিনগুলো তার মনে আছে কি না। মনে যদি থাকে তবে সেই আনন্দ জীবনটাকে একটু রঙীন করে তুলবে। ঐটুকুই সে সম্বল করে রাখবে মনের ভাগুরে।

কাকীমা আজ নেই। কিন্তু স্ক্রিয়া ষ্ট্রিটের সংসারটা

আছে। সুলেখা যদি একদিন সেখানে গিয়ে উপস্থিত হয় ত কিছু কতি হয় না নিশ্চয়। কাকীমার ছেলে বৌরা ত আছে। কাকীমা তাদের ধর-সংসার বেঁধে দিয়ে গিয়েছেন। কেন যে সুরেশ্বরের জন্ত কিছু করেন নি বোঝা যায় না।

কিন্তু কাকীমার বাড়ী যেতে হ'ল না। সুরেশ্বরকে আকস্মিকভাবেই দেখতে পেল সুলেখা। রঙীন আলোর স্নাত চৌরঙ্গীর ওয়ুধের দোকানে সুলেখা চুকতে যাচ্ছিল সেদিন সন্ধ্যাবেলা। ফুটপাথে পা দিতেই একটা গাড়ীর আওয়াজে পিছন ফিরে তাকাতে হ'ল। চোখ পড়ল কার চোখের উপর? ছ'জনেই থমকে দাঁড়াল। "এই কি সুরেশ্বর? প্রকাশ্যে নুতন গাড়ী থেকে আগাগোড়া পটুবস্ত্রে সজ্জিত সুরেশ্বর নামল। সেই ঘন কৃষ্ণ-কেশের কোন চিহ্ন নেই। বড় বড় উজ্জ্বল চোখ দু'টি চশমায় ঢাকা। কিন্তু সুরেশ্বরের জীবনেও রং লেগেছে। বৈরাগ্যের রং। সুরেশ্বরকে গৈরিক ধারণ করে মুণ্ডিত মস্তকে দেখবে, সুলেখা ভাবে নি কোন দিন। তার মনের চোখে সুরেশ্বর আজও তেমনি তরুণ ছিল যেমন এক সময় প্রতিদিন সে দেখত। কিন্তু আজ সেই ঋজু শরীর একটু হয়ে গিয়েছে, সেই ক্ষীণ দেহ মেদবহুল হয়ে উঠেছে। সকলের চেয়ে বিষয়কর সেই নীরব কণ্ঠে আজ তার নাম থনাথাসে ধ্বনিত হয়ে উঠল, "সুলেখা যে! তুমি এতকাল পরে কোথা থেকে?"

এতকাল? সত্যই ত বহুকাল। সুলেখা ভুলে গিয়েছিল যে, সেই স্ক্রিয়া ষ্ট্রিটে স্কুল-জীবনের পর দীর্ঘ দিন কেটে গিয়েছে। যে সুরেশ্বরকে সে রঙীন ব্লু সার্ট-পরা দেখবার আশা করেছিল তার মেদবহুল দেহে গৈরিক আলথার্মা দেখে সুলেখার মনে পড়ে গেল জীবনটা অনেক পথ মাড়িয়ে চলে এসেছে। সুলেখা একটু চমকে উঠে বললে, "হ্যা, আপনাকে—তোমাকে এখানে দেখব মনে করি নি। আমি আপনার কলকাতায় এসেছি চাকরি নিধে।"

সুরেশ্বর বললে, "আমি এখানে একটা আশ্রম খুলেছি: তুমি যাবে দেখতে?"

সুলেখা বললে, "এই সিমেমা, রেডিও আর পিয়েটারের কলকাতায় আশ্রম? এ আমাদের বীরভূমে মানাত।"

সুরেশ্বর হেসে বললে, "এই কলকাতার উপযুক্তই আমার আশ্রম। সেখানেও নিয়ন লাইট, সিনেমা, রেডিও আছে। দেখছ না আমার গৈরিকও মুর্শিদাবাদ সিন্ধের, যানও মোটর। আধুনিক না হ'লে আধুনিক যুগে

বৈরাগ্য-সাধনও বৃথা। মনটা যখন আমাদের রঙীন ছিল, তখন আমরা ভীকু মৌনী সন্ন্যাসী ছিলাম। আজ মনের রঙটা পুড়ে গেছে, তাই বাইরে রঙের প্রলেপ দিয়েছি। বৈরাগ্যের মধ্যে রসের সন্ধান করছি। এ

নূতন যুগের পছন্দ নূতন। সে যুগ, সে দিন আর নেই।”  
সত্যই ত। মনে মনে হিসাব করল সুলেখা, পঁয়ত্রিশ বৎসর আগে মৌনী সুরেশ্বরকে সে প্রথম দেখেছিল। সে যে তিন বৃগ হয়ে গেল!

## ত্রৈবিণ্ড পণ্ডিতের চক্ষে রবীন্দ্রনাথ

শ্রীশুজিতকুমার মুখোপাধ্যায়

১৯৩৬ সন। আমি তখন বঙ্গীয় আর্য়সমাজের বেদ প্রচার বিভাগের কর্মী। শ্রীহট্টে আর্য়সমাজ স্থাপন করে নমঃশূদ্রাদি অমূল্যশ্রেণীর উন্নয়ন কার্যে আয়নিয়োগ করেছি।

কলকাতা হতে কর্তৃপক্ষের পত্র পেলাম—একজন প্রসিদ্ধ বেদজ্ঞ পণ্ডিতকে তাঁরা শ্রীহট্ট পাঠাচ্ছেন।

তাঁর প্রতীক্ষায় আছি। কখনও তাঁকে দেখি নাই। কেমন আকৃতি, কিরূপ প্রকৃতি কিছুই জানি না। অবশেষে একদিন তিনি এসে পড়লেন।

তাঁকে অভ্যর্থনা করে বসিয়েছি। জলযোগের ব্যবস্থা হচ্ছে—এমন সময় তিনি বললেন—“রাখ, ওসব পরে হবে। আমার পৈতে ছিঁড়ে গেছে—আগে একটা পৈতে দাও দেখি।”

বাড়ীতে পৈতে ছিল না। বাজার থেকে আনাতে যাচ্ছি—তিনি বললেন—“বাজারে কেন? ঘরে টোয়াইন স্মতো নেই?”

আমি চমকিত হয়ে বললাম—“টোয়াইন স্মতো ত আছে, তাই দিয়ে—!”

তিনি বাধা দিয়ে বলে উঠলেন—“হাঁ হাঁ! তাই দিয়েই পৈতে করব! দেখ বাপু! আমি জাতিতে মুসলমান—ধর্মে বৈদিক! উচ্চতর হিন্দু বিধবার হাতের তৈরি পৈতে না হলেও চলবে!”

আমি অধিকতর সচকিত। তিনি আমার মনোভাব বুঝলেন। বললেন—“ভাবছ, তাহলে পৈতেরই বা প্রয়োজন কি? প্রয়োজন আছে। তবে পৈতে গেলেই জাত বা ধর্ম গেল—একরূপ বিশ্বাস আমার নাই। এই ত ঠিক, ঠীমারে প্রায় চব্বিশ ঘণ্টা ছিলই না। ওটা কি জান? ওটা হ’ল আমাদের ধার্মিক পতাকা। ওই জাতীয় পতাকার মত!”

প্রথম আলাপেই মুগ্ধ হলাম। পরে ধীরে ধীরে তাঁর অপূর্ব চরিত্রের অধিকতর পরিচয় পেলাম।

বেদ, কোরাণ, বাইবেল তাঁর কণ্ঠস্থ। বোগদাদে তিনি আরবী ভাষার অধ্যাপক ছিলেন। হিব্রু ভাষায় বাইবেল পড়েছেন। অবশেষে কাশীতে বেদ অধ্যয়ন করেছেন।

স্বামী শ্রদ্ধানন্দের কাছে তিনি বৈদিক ধর্ম গ্রহণ করেন। সেদিন সারা ভারতে—এমন কি ভারতের বাইরেও তোলপাড় পড়ে যায়।

পণ্ডিতজী বললেন—“ত্রিবেণী-সংগমে স্নান ক’রে আমার বহু সংস্কার দূর হয়েছে। বেদ, কোরাণ বা বাইবেল, কোন শাস্ত্র অপৌরুষেয় বা অপ্রাকৃত, এ কথা আমি মানি না। তবে সকল শাস্ত্রই জ্ঞানের আকর এবং নিজ নিজ বৈশিষ্ট্যে সমৃদ্ধ।”

দিন পনের-সোল তাঁর সঙ্গে অতি অন্তরঙ্গ ভাবে কাটাই। সে দিনগুলি আমার জীবনে অক্ষয় হয়ে আছে।

রবীন্দ্রনাথের “গুপ্তধন” গল্পে মৃত্যুঞ্জয়ের স্বর্ণগৃহ আবিষ্কারের মতই আমার অভূতপূর্ব আনন্দলাভ হয়েছিল। দিনরাত আমার সে এক নেশার ধোরে কেটে যেত। প্রশ্নের পর প্রশ্ন করেছি। জিজ্ঞাসার আর অন্ত নাই। সমস্ত জিজ্ঞাসা পরিভূক্ত হয়েছে। আগে আনন্দের পর আনন্দের তরঙ্গ বয়ে গেছে।

তিনি বৃদ্ধ। আমি যুবক। কিন্তু তিনি স্বাস্থ্যবান। হয়ত তিনি আমার চেয়ে শক্ত। কাজেই রাত একটা-দেড়টা পর্যন্ত আমরা শাস্ত্রালাপ চালাতাম। কেউ ক্লান্ত হতাম না।

তিনি বলতেন—“দেখ বাপু, কুপমণ্ডুক হয়ো না। মনে ক’রো না—তোমার হিন্দু-ধর্মেই সব কিছু আছে।

হিন্দুর, মুসলমান, খ্রীষ্টানের কাছে অনেক কিছু শিখবার আছে। আবার মুসলমান, খ্রীষ্টানও হিন্দুর কাছে যথেষ্ট শিখতে পারে।”

একদিন রাতে শুগব্দ-বিষয়ক শাস্ত্রালোচনা চলছিল। তিনি বললেন, “বেদে একটি মন্ত্র পেয়েছি যার তুলনা নাই। এমনটি আর কোথাও পাই নাই।”

আমি পরম ঔৎসুক্যে প্রশ্ন করলাম—“কোন মন্ত্রটির কথা বলছেন?”

তিনি তাঁর অতুলনীয় কণ্ঠে উচ্চারণ করলেন—

“বেদাহমেতং পুরুষং মহাস্তম্  
আদিত্যবর্ণং তমসঃ পরস্তাং।  
তমেব বিদিত্বাতি মৃত্যুমিতি  
নাশ্চঃ পশ্বা বিম্বতেহয়নায়।”

বাজসনেয়ি-সংহিতা, ৩।১।১৮।

গভীর রাত্রি। চারিদিক নীরব নিস্তর। সেই মহানীরবতা, নিশীথ-মৌনতা ভেদ ক’রে গুরুগভীর উদাস্ত কণ্ঠে মৃত্যুঞ্জয়ী বেদমন্ত্রের আবৃত্তি আমাকে স্থান কাল ভুলিয়ে দিল। মনে হ’ল—প্রাচীন ভারতের কোন এক মতপোবনে মন্ত্রদ্রষ্টা ঋষি তাঁর মহান্ আবিষ্কারের কথা জগদ্বাসীকে শোনাচ্ছেন।

মনে আছে তাঁর কণ্ঠের অপূর্ব ওকার ধ্বনি। মনে আছে তাঁর “আজান” দেওয়া।

ওকার শুনে মনে হ’ল—দ্যালোকে, ভুলোকে, অস্তরীক্যে যে-অব্যক্ত সঙ্গীত নীরব ছিল—মৌন ছিল, তাই যেন ভাষা পেল; সমস্ত জগৎ যেন এক সঙ্গে একস্বরে গেয়ে উঠল তাঁর নামগান। ওই ক্ষুদ্র ও শব্দের উচ্চারণ যে অমন ক’রে সমস্ত অস্তিত্বকে কম্পিত করতে পারে, তা আমার কল্পনারও অতীত ছিল।

প্রভাতের “আজান” জলস্থল আলোড়িত ক’রে, স্বপনের কুহকজাল ছিন্ন ক’রে সুষুপ্ত বিশ্বজগৎকে যেন উদ্বোধিত করল—“উত্তিষ্ঠত জাগ্রত।” এই বাক্যই যেন বাক্যের অতীত বিশ্বসঙ্গীতের সুরে ধ্বনিত হ’ল।

একদিন বললেন, “হিন্দুধর্মের মহত্ব আমার আকৃষ্ট করত। কিন্তু হিন্দুর সমাজব্যবস্থা, হিন্দুর পুতুল-পূজা আমি বরদাস্ত করতে পারতাম না। জন্মাবধি তোমরা এতে অভ্যস্ত—তাই বুঝতে পার না, কিন্তু তোমাদের

সমাজের বাইরে যারা, তাদের চক্ষে এ যে.কি ভয়ানক, কি জঘন্য—তা তোমরা কল্পনা করতে পার না।

“যখন জানলাম—হিন্দুদের মধ্যে এমন সমাজও আছে, যেখানে জাতভেদ নাই, পুতুল-পূজাও পরিত্যক্ত, তখন আমার হিন্দু হবার আশ্রয় হ’ল। ঠিক এমনি সময়ে স্বামী শ্রদ্ধানন্দের সঙ্গে আমার পরিচয় হ’ল। একজন মানুষের মত মানুষ দেখলাম। ধার্মিক, মানব-প্রেমিক, তেজস্বী, নিষ্ঠীক পুরুষ! মন বললে, ‘হাঁ! এঁরই কাছে দীক্ষা নেওয়া যেতে পারে!’

“তিনি কিন্তু আমাকে সহজে দীক্ষা দেন নি। প্রথমেই বললেন, ‘শাই, ভাল ক’রে ভেবে দেখ। ধর্ম পরিবর্তন ছেলেখেলা নয়।’

“ভাল করেই ভেবে দেখেছিলাম। যখন তাঁর বিশ্বাস হ’ল যে, আমি সত্যই দৃঢ়প্রতিজ্ঞ, তখন তিনি আমাকে দীক্ষা দিলেন।

“আর্যসমাজ জাতিভেদ রহিত করেছে এবং বৈদিক একেশ্বরবাদ প্রচার করেছে। জাতিভেদের উচ্ছেদ এবং একেশ্বরবাদের প্রচার, এ আমারও জীবনের ব্রত।

“সংস্কার দূর করা সহজ নয়। আর্যসমাজেও এক ধরনের প্রতীক-উপাসনা দেখেছি। আবার মুসলমান সমাজেও যে তা দেখি নাই—তা নয়।

“দিল্লীতে এক শেঠ আর্যসমাজীর অতিথি হয়েছিলাম। একদিন তাঁর উপাসনাগৃহে গিয়ে দেখি—একটি গেরুয়া রঙের ‘ল্যান্ডট’ টাঙানো রয়েছে। নীচে তার ধূপ-ধূনা! ব্যাপার কি জিজ্ঞাসা করায় শেঠ পরম ভক্তিভরে বললেন, ‘এটি স্বামীজীর (দয়ানন্দের) ল্যান্ডট।’ তাছাড়া ব্যাপার!

“দিল্লীতে জুম্মা মসজিদে গেছ? আমি দিল্লী গেলেই সেখানে যাই। মুসলমানদের সমবেত উপাসনার তুলনা নাই! তার আকর্ষণ এখনও আমার বিদ্যুত্বাত্ত কমে নাই। কিন্তু এই জুম্মা মসজিদে হজরত মহম্মদের ‘পদচিহ্ন’ রক্ষিত আছে। হিন্দু, মুসলমান, খ্রীষ্টান যে-কেউ জুম্মা মসজিদে দর্শন করতে যান—তাকেই সেই পদচিহ্ন দেখান হয়। একটি ক্ষুদ্রগৃহে পটুবেস্তে আবৃত উচ্চাসনে বিরাজমান সেই পদচিহ্ন-ফলককে ভক্তিভরে বাইরে এনে দর্শকদের সম্মুখে উপস্থাপিত করা হয়। এবং দর্শকগণ, হিন্দু, মুসলমান, খ্রীষ্টান প্রায় সকলেই তাকে প্রণাম করেন।

“আমার সঙ্গে যে-আর্যসমাজী ভৃত্য ছিল সে প্রণাম না ক’রে বলে উঠল—‘মৈ বুৎপরন্ত নহী হ’।’ পদচিহ্ন-ধারণক চমকে উঠলেন।

“আমি জেনেছি তাঁহারে,

মহাস্ত পুরুষ বিনি অর্জনারের পারে

জ্যোতির্ময়। তাঁরে জেনে, তাঁর পানে চাচি

মৃত্যুরে লজ্বিতে পার, অগ্ৰগণ নাহি।” মৈবেস্ত।

“জানি না। হিন্দুর সংস্পর্শে এসে মুসলমানও পৌত্তলিক হয়ে উঠেছে কি না।”

আমি সবিনয়ে বললাম, “কথাটা বোধহয় মিথ্যে নয়। তা ছাড়া পৌত্তলিক হিন্দুরাই ত মুসলমান হয়েছেন। বাইরের থেকে মুসলমান কতই বা এসেছেন।”

“বাংলা দেশে অশিক্ষিত মুসলমানের মধ্যেও অত্যন্ত দৃঢ় চরিত্রের একেশ্বরবাদী আমি প্রত্যক্ষ করেছি। শ্রীহট্টে নবীগঞ্জ অঞ্চলে এক মুসলমান কৃষকের মুখে এই ঘটনাটি শুনেছি :

“আমার সহোদর ভাইকে সাপে কামড়ায়। ওঝারা এসে ঝাড়ফুক করতে থাকে। ভাই আমার ক্রমশঃ নিজীব হয়ে আসছে। এমন সময় আমার কানে এল কেউ বলছেন—‘মনসার শরণ নাও। দেবী বিষহরিকে ডাক—তোমার ভাই বেঁচে উঠবে।’

“আমি তখন ভাই-এর অচেতনদেহ কোলে নিয়ে বসে। মনের অবস্থা অবর্ণনীয়। ‘কিন্তু আল্লাকে ছেড়ে মনসার শরণ নেব—এও কি হতে পারে।’

“ওঝারা আশা ছেড়ে দিয়েছে। ভাই-এর দেহ ক্রমেই অবশ হয়ে আসছে—কানের কাছে সকলেই বলছে—‘গা বিষহরিকে ডাক।’ হিন্দুরা বলছে, অনেক মুসলমানও বলছে।

“কিন্তু আমি বলে উঠলাম—‘এক ভাই যাচ্ছে শত ভাই যাক, ছেলে যাক, মেয়ে যাক—আল্লা ছাড়া আর কারও কাছে মাথা নোয়াব না।’

“পশুিতজী। ভাই আমার মারা গেল—কিন্তু বিষহরির কাছে আমি মাথা নোয়াই নি।”

বেদজ্ঞ চমৎকৃত। কিছুক্ষণ তাঁর মুখে কথা সরল না। পরে ধীরে ধীরে বললেন—“এই হৃজরত মহম্মদের ধর্ম। বীরের ধর্ম।”

একদিন বললেন, “তোমাকে আর্ঘ্যসমাজীর ‘ল্যান্ডট-পূজা’র কথা বলেছি কিন্তু তাদের উপর স্তুবিচার করতে হ’লে আর একটি ঘটনার কথাও বলতে হয়।

“হায়দরাবাদে আর্ঘ্যসমাজ-মন্দিরে সনাতনী ও আর্ঘ্যসমাজীর মধ্যে শাস্ত্রবুদ্ধি চলেছে। বিষয়—প্রতিমা-পূজা।

“তুমুল তর্কের মধ্যে এক সনাতনী ব’লে উঠলেন, ‘তোমরা মূর্তি-পূজা কর না—তবে দয়ানন্দ সরস্বতীর ছবি টাঙিয়ে রেখেছ কেন?’

“বলামাত্র আর্ঘ্যসমাজী তार्কিক তৎক্ষণাৎ ক্রমে বাদান স্বামীজীর ছবি একটানে নাবিয়ে এনে তার উপর পদাঘাত করলেন। ছবি চুরমার হয়ে গেল।

“ব্যাপারটা কিন্তু উপস্থিত জনতাকে ধর্মাহত করল। বহু সনাতনী পশুিত ও শ্রোতা এবং অনেক আর্ঘ্যসমাজীও

এতে ক্ষুব্ধ হলেন। অনেকেই বললেন, ‘পূজা না হয় নাই করলে—তাই ব’লে পূজ্যব্যক্তির প্রতিকৃতিতে পদাঘাত! সমস্ত ব্যাপারেই একটা সংযম ও সীমা থাকা প্রয়োজন।’

“যাই হোক, আর্ঘ্যসমাজ অসাধ্যসাধন করেছে—একথা স্বীকার করতেই হবে। মুচি, মেথর, মূর্দাফরাস’ স্পৃশ্য, অস্পৃশ্য ভেদ দূর ক’রে, সমস্ত হিন্দু জাতিকে পৈতে পরিষে, গাছ, পাথর, ভূত, প্রেত, সাপের পূজা ছাড়িয়ে এক পংক্তিতে আহাৰ এবং এক মন্দিরে উপাসনার সমবেত করা সহজ কথা কি?

“সমাজে সাম্য আনবার জন্তে চিন্তাশীল আর্ঘ্যসমাজীগণ বহু চিন্তা করেছেন। এই চিন্তার ফলে তাঁরা এক অপূর্ব প্রথা প্রবর্তন করেছেন। সেটি হচ্ছে ‘কুলপদবী ত্যাগ! উচ্চ জাতীয়েরাই প্রথমে এই আদর্শ দেখাচ্ছেন। সকল কার্যে পদবীবিহীন নামমাত্রই তাঁরা ব্যবহার করেন। যেমন—হংসরাজ, ঋষিরাম, কাহনচাঁদ, রামদেব, কুশলচাঁদ ইত্যাদি। বৈষম্যের ইঙ্গিতমাত্রও তাঁরা বরদাস্ত করবেন না।”

একদিন রাতে আমার হাতে একটি “ব্রহ্মসঙ্গীত” গ্রন্থ দেখে তিনি তা থেকে কিছু পড়তে বললেন। আমি রবীন্দ্রনাথের রচিত কোন গান আবৃত্তি করলাম। তিনি বাংলা জানতেন না। কিন্তু গংস্কৃতবহুল রবীন্দ্র-সঙ্গীতের অর্থগ্রহণে বিশেষ বাধা হ’ল না।

তিনি আমাকে আরও আবৃত্তি করতে বললেন। আমি একের পর এক আবৃত্তি ক’রে চললাম। রাত প্রায় কাবার। শেষে আমিই নিজে নিবৃত্ত হই, তাঁকেও বিশ্রাম নিতে বাধ্য করলাম।

তার পরদিন থেকে আর অল্প আলোচনা নাই! কেবল রবীন্দ্রনাথ সম্পর্কে আলোচনা। আহাৰ নিজে ভুলে আমাদের উভয়ের মধ্যে চলেছে অবিরাম রবীন্দ্র-রচনা পাঠ ও শ্রবণ! কিছুতেই আর তাঁর পরিভূষিত হয় না!

অবশেষে বিদায়ের দিনে তিনি বললেন, “আমি ঔর নামমাত্র শুনেছিলাম। আমার ক্ষেত্র এবং বিষয় বিভিন্ন। বাংলাও আমি জানি না। কাজেই ঔর সাহিত্য পাঠের সুযোগ কখনও হয় নাই। আজ দেখছি মস্ত ভুল করেছি। তিন বেদ (বেদ, বাইবেল, কোরাণ) আমি অধ্যয়ন করেছি। আজ চতুর্থ বেদের সন্ধান পেলাম। শেষ জীবনে এই চতুর্থ বেদ পাঠ করব।”

ত্রৈবিদ্য পশুিতজীর সঙ্গে জীবনে আর সাক্ষাৎ হয় নাই। তাঁর শেষজীবনে চতুর্থ বেদের অধ্যয়ন তিনি আরম্ভ করেছিলেন কি না অথবা আরম্ভের পূর্বেই তাঁর জীবনের সমাপ্তি ঘটেছে—কিছুই আমার জানা নেই।



# রঙ্গমল্লী

শ্রীসীতা দেবী

১

বেলা পড়িয়া আসিতেছে, ছেলেমেয়েদের সকলের ফিরিবার সময় হইল। সেই সাত সকালে নামে মাত্র খাইয়া সকলে বাহির হইয়া যায়। ইস্কুলে, কলেজে কিছু খায় কিনা ছুপুরে তা কেই বা জানে? সুরবালা ভয়ে কোনদিন কিছু জিজ্ঞাসা করেন না। পূর্ণিমা বড় চাপা মেয়ে, কোনদিনই অভাব-অভিযোগের কথা মায়ের কাছে বলে না। সে জানে সংসারের অভাব মিটাইবার ভার তাহার উপর, সে আবার কাহার কাছে অভিযোগ করিবে? এই বয়সেই সে বয়স্কা গৃহিণীর মত গভীর হইয়া গিয়াছে, বাড়ীর কাহারও সঙ্গে গল্পগাছা করে না। প্রাণপণে খান্দে, প্রাইভেট টিউশনি করে, তাহার উপর সারা ছুপুর স্কুলে কাজ করে। এই ত তাহাদের আয়। ইহার উপর ছোট মেয়ে সরমার কলেজে পড়ার খরচ এবং একমাত্র ছেলে রমেন্দ্রের ইস্কুলে পড়ার খরচ বাবদ তাহার এক বড়মামুল বোনপোর কাছে কিছু অর্থসাহায্য পান, এই যা রক্ষা। না হইলে এ দুটিকে মূর্খ হইয়াই থাকিতে হইত। পূর্ণিমা বি-এ পর্য্যন্ত পড়িয়া কলেজ ছাড়িয়া দিতে বাধ্য হইয়াছে। প্রাইভেট পড়িয়া পরীক্ষা দিবার ইচ্ছা তাহার ছিল, কিন্তু এখন আবার স্বল্প অবসর সময়ে টেনোগ্রাফি ও সেক্রেটারির কাজ শিখিবার জন্ত প্রাণপণ করিতেছে। এটায় সফল হইলে সে অবস্থার উন্নতি করিতে পারিবে। শিক্ষয়িত্রীর কাজে কিই বা পাওয়া যায়? চিরকালই আধপেটা খাইয়া থাকিবার ইচ্ছা তাহার নাই।

রণেন ফিরিয়া আসিল সবার আগে। বইখাতা খাটের উপর ছুড়িয়া ফেলিয়া বলিল, “খাবার-টাবার কিছু আছে ঘরে? যা কিন্দে পেয়েছে।”

সুরবালা ভয়ে ভয়ে বলিলেন, “দাঁড়া, দিদিরা আসুক, সকলকে একসঙ্গে চা দেব। নইলে একজন খাবে, বাকিদের চা ঠাণ্ডা হবে। ওরা যে আবার গরম-করা চা খেতেই চায় না।”

“কখন লেডীরা সব আসবেন, তার জন্তে আমাকে না খেয়ে বসে থাকতে হবে নাকি? যাও, চাই না খেতে আমি।” বলিয়া সে রাগিয়া চৌকাঠ ডিঙাইয়া একলাফে

বাহিরে গিয়া পড়িল। সৌভাগ্যক্রমে গলিতে দুই পা অগ্রসর হইতে না হইতে দুই দিকিকেই গলির মোড়ে দেখা গেল। সরমা ভাইকে দেখিয়া উচু গলায় বলিল, “এখন বোরয়ে কোথায় যাচ্ছিস?”

রণেন বলিল, “যাব আর কোন চুল্লয়? তোমরা দয়া করে আসছ কি না তাই দেখছিলাম। তিনজন একসঙ্গে না জুটলে ত মা খেতেই দেবেন না।”

পূর্ণিমা তখন কাছে আসিয়া পড়িয়াছে। একটু নীচু অথচ দৃঢ় গলায় বলিল, “আচ্ছা, চেষ্টায়ে সারা পাড়াকে নিজেদের হাঁড়ির খবর জানাতে হবে না। চল ঘরে।”

তিনজনে বাড়ীতে আসিয়া ঢুকিল। মা পূর্ণিমাকে একপাশে ডাকিয়া লইয়া বলিলেন, “কিছু থাকে ত দে বাবা। খোকাটা না হলে চেষ্টায়ে পাড়া মাথায় করবে। আমার কাছে কাল সকালের বাজারের পয়সা ছাড়া কিছু নেই।”

পূর্ণিমার হাতব্যাগে কয়েক আনা পয়সা প্রায় সর্বদাই থাকিত। সারাদিনই তাহাকে ঘুরিতে হয়। সব সময় ট্রামে-বাসে যায় না। হাঁটিয়াও যায় মাঝে মাঝে। বেশী ক্লান্ত থাকিলেই ট্রামে চড়ে। এখন ব্যাগ হইতে একটা সিকি বাহির করিয়া দিল। ইস্কুল খুব দূরে নয়, না-হয় কাল হাঁটিয়াই যাইবে। এখনকার মত ত সকলের মেজাজ ঠাণ্ডা হোক।

ঠিকা বি পলাইবার জন্ত ব্যস্ত হইয়া উঠিয়াছিল। তাহাকে কোনরকমে দাঁড় করাইয়া, সুরবালা তাহার হাতে সিকিটা গুঁজিয়া দিলেন। “একটু মুড়িটা এনে দিয়ে যা।”

বি গজবু গজবু করিতে করিতে চলিয়া গেল। রণেন নিজের ঘরে একটা হাতল-ভাঙা চেয়ারে বসিয়া পা নাচাইতে লাগিল। দুই দিদি অল্প ঘরে ততক্ষণ ইস্কুলের বেশ ছাড়িয়া কাপড়-চোপড় পাট করিয়া রাখিতে লাগিল। এই একখানি ঘরেই দুই মেয়ে ও মায়ের বাস। সংসারের বেশীর ভাগ জিনিষপত্রই এখানে। রণেনের ঘরটা এতই ছোট যে, তাহাতে নিজের বই খাতাপত্র ও কাপড়-জামা লইয়া রণেন মাত্র থাকিতে পারে, আর কিছু সেখানে ধরে না। বাহিরের কেহ কালেভদ্রে আসিলে



এই ঘরে মোড়াতে বা ভাঙা চেয়ারে বসে। স্বীলোক হইলে মেয়েদের ঘরেই বসে।

মুড়ি আসিল, তাহা তেল হন লক্ষা দিয়া মাখা হইল। ছেলে-মেয়েরা চা খাইতে বসিল। পূর্ণিমা নিজে ছ' চামচ মাত্র লইয়া বাকি ভাই-বোনকে ভাগ করিয়া দিল। মা জিজ্ঞাসা করিলেন, "নিজে এত অল্প নিলি যে?"

পূর্ণিমা বলিল, "কিঁদে নেই, ইস্কুলে একবার খেয়ে এসেছি।"

এ কথা সে প্রায়ই বলে, মায়ের বিশ্বাস হয় না। মেয়ের চেহারা ত যা হইতেছে দিনের দিন। ছোটবেলায় কি সুন্দর মোটা-সোটা ছিল। রঙও কত পরিষ্কার ছিল। তাই ত তাহার বাবা আদর করিয়া নাম রাখিয়াছিলেন পূর্ণিমা। কিন্তু এখন আর সে রূপ কোথায়? সারাদিন খাটুনি আর আধপেটা খাওয়া। কাহার অদৃষ্টে ভগবান কি যে লিখিয়া রাখেন তাহা কে বা জানে? তবু এখনও যে দেখে মেয়েকে, চোখ ফিরাইতে পারে না। প্রশ্নটিত শ্বেতপদ্মের মত দেখিতে। তেমনি নির্মল, তেমনি সুন্দর।

সুরবালা সচ্ছল ঘরের মেয়ে, সচ্ছল ঘরেই বিবাহ হইয়াছিল। কলিকাতায় ঘর-বাড়ী অবশ্য ছিল না, কিন্তু ভাল ফ্ল্যাট ভাড়া করিয়া তাঁহারা থাকিতেন। স্বামীর উপার্জন মন্দ ছিল না, মধ্যবিত্ত পাঁচটা মানুষ যে-ভাবে থাকে তাহাই তাঁ কলে তিনি দুই পয়সা রাখিয়াও যাইতেন। কিন্তু তাঁহার চালচলন ছিল বড়লোকের মত। ছেলেমেয়েকে সুসজ্জিত রাখা, ভাল ইস্কুলে পড়ানো, খাওয়া-দাওয়া বেশ ভাল দেওয়া, ইহার কোনটাই বিনা পয়সায় হয় না, কাজেই তিনি সামান্য কয়েক হাজারের জীবন বীমা ছাড়া আর কিছুই রাখিয়া যাইতে পারেন নাই। সুরবালার গহনা-গাঁটি কিছু ছিল, তবে উল্লেখ-যোগ্য কিছু নয়।

পূর্ণিমার বয়স যখন তেরো বৎসর, তখন হঠাৎ তাহার পিতৃবিয়োগ হইল। মেজো মেয়ে সরমা তখন আট বৎসরের, ছেলে রণেন পাঁচ বৎসরের। সুরবালার মনে হইল, হঠাৎ একটা উঁচু পাহাড়ের চূড়া হইতে কে যেন তাঁহাকে नीচে ছুঁড়িয়া ফেলিয়া দিল। ছেলেমেয়েগুলি নির্ঝাক আতঙ্কে তাঁহাকে জড়াইয়া ধরিয়া রহিল।

শোকের অসহনীয় তীব্রতা কিছুদিনের পর খানিকটা কাটিয়া গেল। এখন চক্ষু মেলিয়া আবার তাকাইতে হইল সংসারের দিকে। সুরবালা একটা বুদ্ধির কাজ করিলেন, ঘটি-বাটি বেচিয়া, লোক দেখান ঘটা করিয়া স্বামীর শ্রাদ্ধ করিতে গেলেন না। আত্মীয়বন্ধনে নিষ্কা

করিল, কিন্তু পরলোকগত স্বামী এই সব ভড়ংকে অত্যন্ত অপছন্দ করিতেন বলিয়া সুরবালা নিজের মতই বজায় রাখিলেন, সংক্ষেপেই কাজ সারিলেন।

ইহার পর আসিল সংসারের ভাবনা। খাইতে হইবে, পরিতে হইবে, কোথাও মাথা ঝুঁজিয়া থাকিতে হইবে। ছেলেমেয়ের পড়াশুনা বন্ধ করিলে চলিবে না। বড় বাড়ী ছাড়িয়া তখন এই ছোট ছ'খানি ঘরে উঠিয়া আসিলেন, ঝি-চাকর সব ছাড়াইয়া দিলেন। দিন চলিতে লাগিল কোন মতে। গহনা-গাঁটি সব বিক্রী করিয়া দিলেন, আসবাবপত্র অনেক ছিল, স্বামী সখ করিয়া কিনিয়াছিলেন, সেগুলিও বিদায় হইল। এই দেড়খানি ঘরে সে-সব রাখিবার জায়গা কোথায়? একখানা বড় খাট শুধু রহিল, যাহা সুরবালার বিবাহের সময় ফুলশয্যার তত্ত্বে আসিয়াছিল।

সবচেয়ে ঘা খাইল পূর্ণিমা। বাবাকে সে অত্যন্ত ভালবাসিত, তাঁহার সম্বন্ধে নির্ভর ছিল তাহার অসীম, গর্ব ছিল অপ্রভেদী। ভালভাবে থাকা, পাঁচজনের মধ্যে মাথা উঁচু করিয়া ঘোরা এ তাহার মজাগত হইয়া গিয়াছিল। সে যেন মরমে মরিয়া গেল। কিন্তু ছেলে-মানুষের মন, আবার যে সুদিন আসিবে এ বিশ্বাস তাহার গেল না। তাহাকেই চেষ্টা করিয়া পরিবারটিকে দারিদ্র্যের পক্ষ হইতে টানিয়া তুলিতে হইবে। যথাসাধ্য ভালভাবে সে পড়াশুনা করিতে লাগিল।

সে যখন থার্ড ইয়ারে পড়ে তখন মা একেবারে নিঃশ্ব হইয়া পড়িলেন। পূর্ণিমা কলেজ ছাড়িল। ইস্কুলে টিচারের কাজ জুটিল একটা, প্রাইভেট পড়ানোর কাজ জোগাড় করিল গোটা দুই। এইভাবে সংসার চলিতে লাগিল। নিকট আত্মীয় একজনের অবজ্ঞাভরা সাহায্যে ভাই-বোনের পড়া চলিতে লাগিল। মনের ভিতরটা পূর্ণিমার জ্বলিয়া যাইত, কিন্তু উপায় বা কি? পড়াশুনা বন্ধ করার কথা চিন্তাও করা যায় না। তিনজনে যদি রোজগার করিতে পারে, কয়েক বৎসর পরে, তাহা হইলে হয়ত আগেকার সেই দিন ফিরাইয়া আনা যায়।

মা বলিলেন, "কি এত ভাবছিস হাঁ ক'রে? চা-টা যে জুড়িয়ে গেল।"

পূর্ণিমা পেয়ালাটা তুলিয়া শূন্য করিয়া আবার নামাইয়া রাখিল। বলিল, "দাবছিলাম আজকাল সব কিছু নিয়ে ত আবেদন-নিবেদন, মিছিল হচ্ছে, ভগবানের কাছে যদি একটা আবেদন করা যেত যে, চক্ষিণ ঘণ্টার বদলে ছাঞ্চিণ ঘণ্টা অন্ততঃ দিনটা ক'রে দাও। তাহলে

আর একটু কাজ করার সময় পাওয়া যায়, আরো দুটো পরস। ঘরে আসে।”

রণেন বিজ্ঞের মত বলিল, “কেন বাপু, দিব্যি ত খাচ্ছ-দাচ্ছ, ঘুমোচ্ছ। কি অভাবটা তোমার শুনি?”

তাহার মা তাড়া দিয়া বলিলেন, “খাম্ ত ভুই। সব কথায় কথা বলা।”

“আমি এরপর মুখটা শেলাই ক’রে রাখব। যা বলি, তাতেই তোমাদের রাগ হয়”, বলিয়া একলাফে রণেন ঘর হইতে বাহির হইয়া গেল।

সরমা জিজ্ঞাসা করিল, “কেন দিদি? টাকার খুব দরকার নাকি? কি কিনবে?”

পূর্ণিমা বলিল, “শ্রাণ্ডাল্ একজোড়া কিনতেই হবে, এটার দফা হয় এসেছে। যে ছুখানা শাড়ী বাইরে পরি, তারও একটা ছিঁড়বার উপক্রম করছে। মাইনে পেতে ত সাত তারিখ উৎরে যায়, অথচ দরকারগুলো সব পরলা তারিখেই উপস্থিত হয়।”

সরমা বলিল, “আমাকেও দু’ একটা জিনিষ কিনতে হবে, তবে একেবারে এই মাসেই নয়।”

• পূর্ণিমা বলিল, “যাই, একটু পার্কে ঘুরে আসি, মাথাটা গরমে ধ’রে আসছে।” সে উঠিয়া পড়িল। সরমা একটু মুখ টিপিয়া হাসিল, মা অন্ধদিকে তাকাইয়া রহিলেন।

বালীগঞ্জে ছোট-বড় পার্ক অনেকগুলি, সকাল-সন্ধ্যা এখানে ভিড় লাগিয়া থাকে। পূর্ণিমার দুই বেলাই একটু বেড়াইয়া আসা অভ্যাস হইয়া গিয়াছিল, বাল্যকাল হইতে। এখন সকালে আর ঘটিয়া ওঠে না, কাজের তাড়ায়, সন্ধ্যায় বেড়ানোটা সে ছাড়ে নাই। আশঘাটী অন্ততঃ সে বাহিরে ঘুরিয়া আসে, কাজের তাড়া যতই থাক।

মুখ-হাত ধুইয়া, চুল আঁচড়াইয়া সে বাহির হইয়া পড়িল। দরজার কাছে দাঁড়াইয়া একবার নিজের পরণের শাড়ীখানার দিকে তাকাইল। হাল্কা সবুজ রংএর, ময়লা হইয়াছে বলিয়া কিছু মনে হয় না, আজ কাজ চলিবে।

লোকের ধারের বেড়াইবার জায়গাটাই তাহার পছন্দ। লোকের ভিড় আছে বটে, তবে অনেকখানি বড় জায়গা, মাঝে মাঝে কাঁক পাওয়া যায়। ওপারে রেল লাইনের দিকে চলিয়া গেলে ভিড়ও অত থাকে না। পার্কের ভিতরে ঢুকিয়া এদিক-ওদিক তাকাইতে তাকাইতে পূর্ণিমা আন্তে আন্তে অগ্রসর হইতে লাগিল। চেনা মানুষ এখান-ওখান দেখিতে পাওয়া যায়। এই একই পাড়ায় তাহার বহুদিন আছে, কাজেই পরিচিত লোকের

সংখ্যা নিতান্ত কম নয়। কিন্তু পূর্ণিমা যেন পরিচিত লোকদের কাছাকাছি থাকিতে চায় না। হাঁটিতে হাঁটিতে একটু জনবিরল স্থানেই সে আসিয়া উপস্থিত হইল। ঘাসের উপর একটি ছেলে বসিয়া ছিল। সে বলিল, “আজ এত দেরি হল যে?”

ছেলেটি লম্বা তত নয় তবে রোগা বলিয়া লম্বাই দেখায়। রং ফরশা বলা চলে, মুখশ্রী চলনসই।

বসিয়া পড়িয়া পূর্ণিমা বলিল, “ইস্কুল থেকে বেরোতেই আজ দেরি হয়ে গেল। মেয়ে পড়ানোর কাজ ছাড়াও অন্য কাজ জুটে যায় ত মাঝে মাঝে?”

ছেলেটি বলিল, “ও, এই সময় তোমাদের প্রাইজের সব হান্সাম বেধে যায়, না?”

পূর্ণিমা বলিল, “সে ত আছেই। তার উপর গরমও ত প’ড়ে আসছে? এখন আর হুড়োহুড়ি ক’রে কাজ করতে ভাল লাগে না।”

ছেলেটির নাম দীপক। সে বলিল, “যাদের খাটতে হয় সারাদিন, তাদের কাছে কোন কালটাই ভাল নয়। এই ত চার-পাঁচ দিন আগে অবধি শীতকালকে অভিশাপ দিচ্ছিলাম, ছোট দিন, মশা, শীতের জ্বালায় অস্থির, রাতে ঘুম হয় না, আর এখন আবার শীত চলে যাওয়াতে রাগ হচ্ছে। গরীব মানুষ, সারারাত ফ্যান চালাতে পারি না, গরমে ঘুম হয় না। এর মধ্যে আবার মশার কামড়ের জ্বালায়, মশারি বাদ দেওয়া যায় না। সারারাত সেদে হয়ে যাই যেন।”

পূর্ণিমা বলিল, “প্রাচীন ভারতে ত ফ্যান ছিল না, কিন্তু তখন লোকের চলত কি ক’রে? কোথাও ত হা হতাপ দেখি না পাখার অভাবে? আমরাই ইস্কুলে, অফিসে ফ্যানের হাওয়া খেয়ে অভ্যাস খারাপ ক’রে ফেলেছি, বাডীতে শীতল জ্বালাতন লাগে।”

দীপক বলিল, “এমনি তাপের কথা কিছু নেই বটে, তবে বিরহের তাপ নিবারণের জন্তে গায়ে চন্দন-পঙ্ক মাখা আর পদ্ম-পাতায় হাওয়া খাওয়ার ব্যবস্থা আছে।”

পূর্ণিমা বলিল, “সেও ত শুধু তপোবনে, শহরের মধ্যে ত ও প্রেসক্রিপশন্ চলবে না। তা হলে পুলিশে ধরবে, যে?”

দীপক বলিল, “আরে না, আমাদের দেশের পুলিশ উদারনৈতিক আছে অনেকখানি। বেশীর ভাগ মানুষ, আমরা যে বেশে বাডীতে থাকি, তা ত কবিগুরুর ভাষায় ‘দিকু বসনের সুন্দর অঙ্করণ!’ কিন্তু কাকে কে ধরছে? এই যে সব এখানে বেড়াতে এসেছে, সেখানেও কি শুদ্ধতার ব্যতিক্রম কোনখানে দেখছ’না?”

“তা ত দেখছি, কিন্তু কিই বা করা যাবে? যা গরীব দেশ। খেতেই পায় না ত কাপড় পরবে কোথা থেকে? গান্ধীজি একবার গ্রাম অঞ্চলে গিয়েছিলেন সফর করতে। গ্রামের মেয়েদের পরিচ্ছন্নতার বিষয়ে উপদেশ দেওয়ার তাদের মধ্যে একজন গান্ধীজির স্ত্রীকে ডেকে বলল, মা, আপনি ঠুকে বলুন যে, আমাদের প্রত্যেকের জন্তে যদি উনি এক-একখানা শাড়ীর ব্যবস্থা করে দেন, তা হলে আমরা রোজ স্নান করতে পারি। যে শাড়ীখানা পরে আছি, তা ছাড়া ঘরে দ্বিতীয় কাপড় নেই। স্নান করে কি পরব?”

দীপক বলিল, “শহরেও অনেক ঘরে এই অবস্থা। গামছা পরাব ঘটা দেখে তাই আমার মনে হয়। কিন্তু থাক এখন শাড়ীর ভাবনা। তুমি এসে অবধি ত খালি গরম আর শাড়ীর গল্পই হচ্ছে।”

পূর্ণিমা বলিল, “ছুটোই আজ নিজের সমস্তাধিকার খানিকটা দেখা দিয়েছে, সেই জন্তে বোধহয় ঐ কথাই খালি বলছি।”

দীপক একটু যেন চকিত হইয়া বলিল, “সে কি? আমি বরং অবাক হয়ে যাই যে, এত অভাবের মধ্যেও তুমি এরকম ফিট-ফাট থাক কি করে। তোমাকে বাইরে কোথাও দেখলে কেউ কোনদিন গরীব ঘরের মেয়ে বলে ভাববে না।”

পূর্ণিমা বলিল, “গরীব ঘরের মেয়ে ত নই। অস্তুত: জন্মেছিলাম যে ঘরে, সে ঘর গরীবের ঘর ছিল না। আজ যদিও নিজেরা গরীব হয়ে গেছি। দেখ, জীবনের সেই প্রথম দিকের কিছু কিছু অভ্যাস আমি কিছুতেই ছাড়তে পারি না। আমি তালি দেওয়া চটি বা ছেঁড়া, ময়লা কাপড় কিছুতেই পরতে পারি না। রোজ শাড়ী-জামা কাচি, রোজ ইস্ত্রি করি নিজে। ধোপার পাট আমাদের নেই, কিন্তু যাদের আছে, তাদের তুলনায় বরং আমরা বেশী পরিষ্কার, তবু কম পরিষ্কার নয়।”

দীপক মুখখানা একটু অপ্রতিভ করিয়া বলিল, “তুমি আমাকে বেশ নোংরা ভাব, না? সব সময় তত সাবধান থাকতে পারি না, আর পরিচ্ছদের বাহ্যিক ত নেই, কাজেই পরিচ্ছন্নতায় ক্রটি নিশ্চয়ই ঘটে।”

পূর্ণিমা তাড়াতাড়ি কথাটা অল্প শ্রোতে চালাইয়া দিল। বলিল, “কাল যে ছেলে পড়ানোর কাজটার interview দিতে যাবে বলেছিলে, তার কি হ’ল?”

দীপক বলিল, “গিয়েছিলাম, তবে হ’ল না বিশেষ কিছু। তাদের লোক রাখা হয়ে গিয়েছে। তবে

সেখানেই আর একটা কাজের সন্ধান পেলাম। কাল যাব সেখানে।”

পূর্ণিমা জিজ্ঞাসা করিল, “সেটাও কি ছেলে পড়ানোর?”

“তা ছাড়া অন্য কাজ আর আমাকে কে দেবে বল? সাধারণ গ্র্যাজুয়েট, বিশেষ training ত কোনদিকে নেই? তবে এই যে কাজটার কথা কাল শুনলাম, তাতে ছুটো বাচ্ছা ছেলেমেয়েকে পড়াতে হবে, মাইনেটা সামান্য কিছু বেশী।”

পূর্ণিমা হঠাৎ বলিল, “তোমার আর আমার কয়েকটা জায়গায় বড় বেশী মিল, না দাপক?”

দীপক বলিল, “অমিলেরও অভাব নেই। কিন্তু কোন্ মিলের কথা বলছ তুমি?”

“এই ছুজনেই পিতৃহীন, এবং আগে সম্পন্ন ঘরের ছেলেমেয়ে ছিলাম, এখন গরীব হয়ে গেছি।”

দীপক বলিল, “আর ছুজনেই বাড়ীর প্রথম সন্তান হওয়াতে সব ভার ঘাড়ে পড়েছে আমাদেরই। তোমার তবু পরের বোনটি মাহুশ হয়ে উঠতে পারে বছর দুইয়ের মধ্যে, তখন সে তোমার বোঝা খানিকটা লাঘব করতে পারে, কিন্তু আমার বোনগুলিও যত দিন যাচ্ছে তত নিজেরাই বোঝা হয়ে উঠছে। মা-বাবা কি ভেবে যে এই দারুণ জীবনসংগ্রামের দিনে তাদের এরকম মুখ্য করে রেখেছিলেন তাঁরাই জানেন।”

পূর্ণিমা বলিল, “আমাদের tradition আর সংস্কার মেয়েরা খালি রাখবে, খাবে এবং বংশবৃদ্ধির সহায়তা করবে। খাওয়াটা যে আসছে কোথা থেকে তার ঠিক নেই।”

দীপক বলিল, “আদর্শ হিসাবে মন্দ নয়। সব মেয়েরাই ঘর-সংসার ফেলে সারাদিন বাইরে ছুটে বেড়াবে, এটাও ভাল নয়। অস্তুত: ঝারা ঘরের গৃহিণী, সন্তানের মা। বাচ্ছাগুলির দুর্দশার শেষ থাকে না, সংসারও গোল্লায় যেতে বসে। অথচ কাজ না করে করবেই বা কি? হুবেলা ছ’ মুঠো খেতে ত হবে?”

পূর্ণিমা বলিল, “অপূর্ক সব পরিস্থিতি। অথচ ভগবান্ মাহুশের পেটে যেমন ক্ষিদে দিয়েছেন, হৃদয়েও সেই রকম সঙ্গীর জন্তে আকাঙ্ক্ষা দিয়েছেন। অত্যন্ত দুঃখ পাবে জেনেও মাহুশ এই সব পরিবার ফেঁদে বসে। এবং কে জানে, হয়ত কিছু সুখ এরই মধ্যে পায়।”

দীপক বলিল, “মনে ত হয় না। চারপাশে ঝাদের দেখি সারাদিন, তাঁরা হয় পরস্পরকে দাঁত খিঁচোচ্ছেন,

নয় ছেলেমেয়েদের ঠ্যাঙাচ্ছেন। এতে আর কি সুখ থাকবে ?”

পূর্ণিমা বলিল “নিজেকে এইরকম একটা অবস্থায় কল্পনা করতে পার ?”

দীপক বলিল “Heaven forbid ! দরকার নেই আমার অমন চমৎকার কল্পনা ক’রে। ওটাকে আমি একটু ভাল কাজে লাগাবার জন্তে ভুলে রাখি।”

পূর্ণিমা একটু বিষণ্ণভাবে হাসিল। বলিল, “আমার মা এত দুঃখ পেয়েও এই ভাবনা ভাবা ছাড়েন না। এখনও মেয়েদের বিয়ের সম্বন্ধের নামে তাঁর দুই চোখ জ্বল জ্বল করে। অথচ মেয়ে যদি বিয়ে ক’রে চ’লে যায়, তা হ’লে নিজের যে কি দশা হবে একবার জ্ঞাবেন না।”

দীপক বলিল “সে ক্ষেত্রে মানুষ স্বভাবতঃই আশা করে যে, জামাই মেয়ের হয়ে তাঁর ভরণপোষণের ভার নেবেন।”

পূর্ণিমা বলিল, “মধ্যবিত্ত ঘরের জামাইয়ের সে সাধ্য থাকলে ত ? নিজেদের সংসার চালাতেই জিব বেরিয়ে যায়।”

দীপক বলিল, “সবাই ত আমার মত নয় ? মধ্যবিত্ত ঘরেও ভাল আয় করে এমন অনেক ছেলে আছে। তোমার কি আবার বিয়ের সম্বন্ধ এল নাকি ? কোথা থেকে ?”

পূর্ণিমা বলিল, “আসে মাঝে মাঝে এক-একটা। আমি বেশী আগ্রহ দেখাই না তা হ’লেই মা পেয়ে বসবেন।”

দীপক বলিল, “দাও না সরমার বিয়ে দিয়ে। ও ত দেখতে মন্দ কিছু নয় ? রং ত তোমার চেয়ে ফরশাই আছে।”

পূর্ণিমা বলিল, “আমার কিছু আপত্তি ছিল না। কিন্তু মা যে বড় মেয়ের বিয়ে না দিয়ে ছোট মেয়ের বিয়ে কিছুতেই দেবেন না।”

দীপক এই সময় হাত-ঘড়ি দেখিয়া বলিল, “এবার উঠতে হয় আমায়।”

২

দীপক আর পূর্ণিমা একই পাড়ায় বাস করে, তবে খুব নিকট প্রতিবেশী নয়। একজনের বাড়ী হইতে আর একজনের বাড়ী পৌঁছিতে প্রায় চার-পাঁচ মিনিট লাগে। ছেলেবেলা হইতেই রাস্তার ঘাটে, পার্কে তাহারা পরস্পরকে দেখিয়াছে। পূর্ণিমার চেহারা ভাল, কাজেই সে তরুণ দীপকের দৃষ্টি প্রথম হইতেই আকর্ষণ করিয়া-

ছিল। দীপক সুন্দর নয়, তবে উদ্ভ্র প্রকৃতির বলিয়া পূর্ণিমা তাহাকে লক্ষ্য করিত সর্বদাই।

তবে আলাপ যে তাহাদের খুব অল্প বয়সেই হইয়াছিল তাহা নয়। একই কলেজে যখন ভর্তি হইল, তখন কথাবার্তা বলিতেও আরম্ভ করিল। এক সঙ্গে তাহারা ক্লাশ করিত না বটে, তবে মেয়েরা সকালের ক্লাশ সারিয়া যখন বাড়ী ফিরিবার জন্ত ফুটপাথে নামিয়া আসিত তাহার আগে হইতেই ছেলের দল রাস্তা জুড়িয়া দাঁড়াইয়া যাইত। চোখে চোখে সারাক্ষণই পড়িত।

একদিন বৃষ্টির মধ্যে পূর্ণিমাকে বাহির হইতে দেখিয়া দীপক বলিল, “একটু দাঁড়িয়ে যান, একেবারে ভিজ্ঞে যাবেন এখন ট্রামে উঠতে গেলে।”

একেবারে অপরিচিত হইলে পূর্ণিমা নিশ্চয়ই কথার উত্তর দিত না। কিন্তু একে, কাহাদের বাড়ীর ছেলে, কোথায় থাকে সবই তাহার জানা, কাজেই অত কড়া-কড়ি করিতে তাহার ইচ্ছা হইল না। বলিল, “সহজে থামবে ব’লে ত মনে হচ্ছে না। বৃষ্টি শেষ হওয়া অবধি দাঁড়িয়ে থাকতে হ’লে ভয়ানক দেরি হয়ে যাবে।”

দীপক বলিল, “জলে ভিজ্ঞে জরে পড়লে, কলেজে ফিরতে তার চেয়েও বেশী দেরি হবে।”

এই ভাবে আলাপ আরম্ভ। ইহাতে আর ছেদ পড়িল না। আগে শুধু কলেজের রাস্তায় কথা হইত, এখন পার্কেও কথাবার্তা হইতে লাগিল। পাড়া-প্রতিবেশীর নজর পড়িল এই দুই জনের উপর। মুখে মুখে কথা ছড়াইতে লাগিল।

মা একদিন পূর্ণিমাকে বলিলেন, “ওদের দীপকের সঙ্গে অত মেশামিশি করিস কেন ? লোকে পাঁচ কথা বলতে শুরু করবে।”

পূর্ণিমা বলিল, “এক কলেজে পড়ি, বললামই বা কথা ? আর ভারি ত মেশামিশি। পার্কে হাজার লোকের মধ্যে কথা বলি, না হয় রাস্তায় বা ট্রামে একটা কথা বলি। এর পর যখন চাকরি ক’রে বেতে হবে, তখন কথা না ব’লে পারব মানুষের সঙ্গে ?”

মা বুঝিলেন, মেয়ে কথা গুনিবে না। সে ক্রমেই স্বাধীনচেতা হইয়া উঠিতেছে। সেদিন আর তিনি কথা বাড়াইলেন না। তাহার পর ত পূর্ণিমাকে বাধ্য হইয়া পড়া ছাড়িয়া দিতে হইল। পার্কে তাহাকে দেখিয়া দীপক বলিল, “পড়াটা ছেড়েই দিলে পূর্ণিমা ? আর একটা বছর কোনমতে টেনেটুনে চাল্লালে পরীক্ষা দিয়ে ফেলতে পারতে। চাকরির বাজারে গ্র্যাডুয়েটের যাও বা মান আছে, undergraduate-এর ত তাও নেই।”



ইহারা এখন পরস্পরকে নাম ধরিয়ে ডাকে, “তুমি” বলিয়া সম্বোধন করে।

পূর্ণিমা বলিল, “না ছেড়ে করব কি? বাড়ীস্বত্ব ত অনশনে আত্মহত্যা করতে পারি না? খেতে হ’লে আমাকে কাজ করতে হবে। মায়ের হাতে যা কিছু ছিল, তা প্রায় শেষ হয়ে এসেছে। শুধু ওর উপর নির্ভর করলে আর দু’তিন মাসের বেশী চলবে না। এর মধ্যে আমাকে কাজ খুঁজে নিতে হবে।”

দীপক বলিল, “চটু ক’রে যা পাওয়া যায়, তা হচ্ছে ছেলেমেয়ে প্রাইভেট পড়ানোর কাজ। আমি ত এখন তাই করছি সারাদিন ধ’রে। কলেজে নামে মাত্র যাই, পরীক্ষাটা আয় দিতেই হবে।”

বেদনার মুখ কালো করিয়া পূর্ণিমা বলিল, “আমার পড়াগুলো ঐ পর্য্যন্ত।”

একটা দীর্ঘ নিঃশ্বাস ফেলিয়া দীপক বলিল, “ভগবান যদি মুখ তুলে চান, তা হ’লে আমি তোমার সাহায্য করব পূর্ণিমা।”

পূর্ণিমা বলিল, “ক’রো, তোমার কাছ থেকে সাহায্য নিতে আমার আপমান লাগবে না বোধ হয়।”

দীপক বলিল, “এর মধ্যে আবার ‘বোধহয়’ আছে নাকি কিছু? আমি কি শুধু একটা প্রতিবেশী ছেলে ছাড়া আর কিছুই নয় তোমার কাছে?”

পূর্ণিমা সোজা তাকাইল এবার দীপকের দিকে, বলিল, “না, তা নয়। সে ত তুমি জানই।”

দীপক বলিল, “জানি, কিন্তু এই যে কথাটা বললে নিজের মুখে, এও আমার আশ্চর্য্য ভাল লাগল।”

পূর্ণিমা শুধু একটু হাসিল। পরস্পরের মনোভাব তাহাদের জানাই ছিল। কিন্তু দুজনেই ত সংসারের বোঝায় ভাঙিয়া পড়বার উপক্রম করিতেছে, হৃদয়ের ডাকে সাড়া দিবার সময় তাহাদের কোথায়? কিন্তু সময় নাই বা থাকিল? এ ডাক একবার হৃদয়ের ভিতর আসিয়া পৌঁছিলে আর ত ভুলিয়া থাকা যায় না? যাহা বাহিরের সংসারে এখন সম্ভব হইল না, অকরণ ভাগ্যের অভিশাপে, কল্পনায় তাহাই তাহাদের জীবনের সবচেয়ে বড় সত্য হইয়া দাঁড়াইল।

সে ত দুই বৎসর আগের কথা। দিন তাহাদের একই ভাবে কাটিতেছে। দীপক আর পূর্ণিমার বাহিরের জীবনে খুব বেশী পরিবর্তন দেখা যায় না। এখনও তাহাদের দেখা করিবার জায়গা, পার্কে বা ট্রামে। দীপক তাহাদের বাড়ী আসে না, কারণ পূর্ণিমার মা তাহাকে একেবারে পছন্দ করেন না। পূর্ণিমা এই

কপর্দকহীন ছেলেটাকে হয়ত বিবাহ করিয়া বসিবে, ভাবিতেই তাঁহার বুক ভাঙিয়া যায়। তাঁহার হতভাগ্য জীবনে আশান্তরসা আর কি-ই বা আছে? মেয়ে দু’টি তাঁহার দেখিতে ভাল, তাঁহাদের কুল উচ্চ, আত্মীয়স্বজনও অনেকেই সম্পন্ন অবস্থার। যদি কোন গতিকে পূর্ণিমা আর সরমার ভাল বিবাহ হইয়া যায়, তাহা হইলে যে তিনি মুক্তির নিঃশ্বাস ফেলিয়া বাঁচেন। তাইকে তাহারাই মাহুষ করিয়া তুলিবে। কিন্তু তাঁহার পূর্ণিমাকে গ্রাস করিতে কোথা হইতে এই রাহ আসিয়া জুটিল?

পূর্ণিমাও যায় না কখনও দীপকের বাড়ী। সেখানে তাহার জন্তও কোন সাদর আমন্ত্রণ নাই। দীপকের মা এই সব আধুনিক ‘ধিঙ্গী’ মেয়েদের পছন্দ করেন না। ইহারা ত প্রায় পুরুষ মাহুষই? না আছে কোন লাজ-লজ্জা, না আছে কোন স্ত্রী। এমন মেয়ে বধুরূপে তিনি চান না। বাহিরে বাহিরে সারাদিন যদি চাকরি করিয়া বেড়াইবে, তাহা হটলে ঘর-সংসার, ছেলে-পিলে দেখিবে কে? তিনি জীবনান্ত কাল পর্য্যন্ত কি হাঁড়িই ঠেলিবেন? দীপক তাঁহার বড় ছেলে, সে যদি এইরকম মেয়ে বিবাহ করিয়া আনে, তাহা হইলে ঘর-সংসার ফেলিয়া নিশ্চয় তিনি কাশী চলিয়া যাইবেন। আজকালকার ছেলেদের পছন্দকেও বলিহারি! কি তাহারা চায় পত্নীর কাছে? তাঁহারও দুইটি মেয়ে আছে, যথাসাধ্য সুশিক্ষাই তিনি তাহাদের দিয়াছেন। ধরকরণার কাজ, শেলাই-কোঁড়াই সব জানে। কিন্তু নাচিতে গাহিতে জানে না, পুরুষের মত হটু হটু করিয়া আফিস আদালত ঘুরিতে পারে না। কাজেই কোন বরের তাহাদের পছন্দ হয় না। বাড়ীতে বসিয়া তাহারা বুড়ী হইতেছে। তাঁহার স্বামী নাই, ছেলের কোনও চেষ্টা নাই বোনদের বিবাহের জন্ত। নিজে রস-বস করিতে ব্যস্ত। তাহারই খাইয়া তিনি বাঁচিয়া আছেন, তাহাকে আর তিনি কি বলিবেন?

বুকের ভিতর থাকিয়া থাকিয়া পূর্ণিমা বড় গুরুত্ব অহুভব করে। কবে সে মাহুষের মত করিয়া বাঁচিতে পারিবে? খাটিতে তাহার আপত্তি নাই, কিন্তু এই অনশনক্রিষ্ট মন লইয়া কতদিন খাটা যায়? শেষ পর্য্যন্ত শুধু খাটিয়াই মরিবে? কাহারও হাত ধরিতে পারিবে না? কাহারও বুকে মাথা রাখিতে পারিবে না? জীবনের উষ্ম মাহুষ কত রঙীন স্বপ্ন দেখে, কিন্তু পূর্ণিমার চোখের সম্মুখে পৃথিবী ইহারই ভিতর মরুভূমির রূপ ধরিতেছে কেন?

জীবনযাত্রা তাহার বড়ই বৈচিত্র্যহীন। একটানা ক্লাস্ত স্বরে কাজের চাকা ঘুরিয়া চলিতেছে। সকালে



মেয়ে পড়াইতে যাওয়া, তার পর তাড়াতাড়ি ছুটিয়া আসিয়া ইস্কুলের জন্ত প্রস্তুত হওয়া। আবার ইস্কুলেরই ফাঁকে স্টেনোগ্রাফি শিখিতে যাওয়া। বিকালে বাড়ী ফিরিয়া ক্ষুধার অন্ত হয়ত ভাল করিয়া কিছু জোটে না, তবে ছন্দয়ের ক্ষুধা একটু হয়ত মেটে। দীপকের সঙ্গে দেখা হয়, কথা হয়। এইটুকুই। দীপকও ক্রমে যেন মুমড়াইয়া পড়িতেছে। উৎসাহের কথা, আশার কথা সে বলিতে পারে না কেন? পূর্ণিমা নারী, কিন্তু তাহার মনে যতটুকু সাহস আছে, দীপকের কি তাহাও নাই?

অসহ্য গরম পড়িয়া গেল দেখিতে দেখিতে। ইস্কুলের কাজে মাহিনা কম, তবে খাটুনিও কম। আজকাল বেলা দীর্ঘতর হইয়াছে। সাড়ে চারটার মধ্যে বাড়ী আসিলে অনেকক্ষণ সময় হাতে পাওয়া যায়, রাস্তার আলো জলিয়া উঠিবার আগে। পূর্ণিমা পার্কে আজকাল একঘণ্টা কাটাওয়া আসে, আগে যেখানে আশু ঘণ্টা কাটাইত। সুরবালার মুখটা বড় অপ্রসন্ন হইয়া ওঠে এই সময়।

আজ ইস্কুল হইতে ফিরিয়া পূর্ণিমা দেখিল মা অসময়ে শুইয়া আছেন। ব্যস্ত হইয়া জিজ্ঞাসা করিল, “কি ইয়েছে মা?”

মা বলিলেন, “খুব কিছু নয়, তবে মাথাটা একটু ধরেছে, গাটা জ্বর জ্বর করছে।”

পূর্ণিমা বলিল, “চুপ করে শুয়ে থাক গা হলে, একেবারে উঠে না। যা করবার আমরাই করছি,” মনটা তাহার একটু ক্লিষ্ট হইয়া উঠিল, আজ আর তাহা হইলে বোধ হয় পাকে যাওয়া যাইবে না। দীপক আসিয়া বসিয়া থাকিবে, তাহার পর এক সময় উঠিয়া চলিয়া যাইবে।

মা বলিলেন, “খুব একটা কিছু করতে হবে না। শরীর ভাল ঠেকছিল না বলে ছুপুরেই আমি ভাল তরকারি রান্না করে ঠাণ্ডা জলে বসিয়ে রেখেছি। শুধু ভাতটা করে নিবি, সেই সঙ্গে দুটো আলু ভাতে দিয়ে নিস। চায়ের জল বসিয়ে ঝি বাজারে গেছে খই-মুড়ি আনতে, চাটা করে নিতে হবে।”

পূর্ণিমা বলিল, “আচ্ছা।” বাহিরের কাপড় বদলাইয়া সে চা তৈয়ারি করিবার জোগাড় করিতে লাগিল। সরমা আসিয়া পৌছিল, ঝিও আসিল। রণেনেরই বরং আজ দেরি হইল।

পূর্ণিমা বলিল, “খাব ত সেই আটটায়। এত আগে ভাত করে হবেই বা কি? একটু ঘুরে আসি, তার পর সময় মত ভাত চাপালেই হবে।”

সরমা উদারভাবে বলিল, “তুমি যাও না। সারাদিন

যা ভুতের মত খাটো। শুধু ভাত ত? সে আমি করে নেব এখন।”

মা বলিলেন, “অল্প অল্প করে সব শিখে নেওয়া ভাল, তোমারও ত একদিন দরকার হবে? কি আর এমন রাজা-বাদশার ঘরে যাবে?”

সরমা বলিল, “কারো ঘরে যদি নাও যাই, তা হলেও ত ভাত রেঁধেই খেতে হবে? তুমি কি আর চিরকাল রেঁধে দেবে? বুড়োও ত হচ্ছ?”

ছাড়া কাপড়-চোপড় গুছাইয়া রাখিতে রাখিতে পূর্ণিমা ভাবিল, সত্যই মাঘের কি সুখের জীবন। হাড়ভাঙা খাটুনি, আর অনশন ও অর্ধাশন। কত আরামে কাটিয়াছে তাহার বাল্য ও যৌবন। হঠাৎ ভগবান তাহাকে কোথা হইতে কোথায় ফেলিয়া দিলেন। পূর্ণিমা নিজে ত এখন অভাবপীড়িত, কোনদিন তাহার জীবনে পরিপূর্ণতা আসিবে কি?

পার্কে আসিয়া দেখিল, দীপক তখনও আসে নাই। যেখানে তাহারা সচরাচর বসে, সেখান হইতে একটু দূরে বসিয়া সে অপেক্ষা করিতে লাগিল। হঠাৎ চমকাইয়া দেখিল, দীপকের মা আর দুই বোন বেড়াইতে আসিয়াছেন। পূর্ণিমার খুব কাছে নয়, একটু দূরেই বেড়াইতেছেন। ইহাদের বিশেষ কখনও বেড়াইতে বাহির হইতে দেখা যায় না। আজ হয়ত গরমের আতিশয্যে বাহির হইয়া পড়িয়াছেন, অথবা কোন কারণও থাকিতে পারে। তাহাকে দেখিলে কথাবার্তা বলিবার চেষ্টা নিশ্চয়ই করিবেন না, কারণ পূর্ণিমার সঙ্গে দীপক কোনদিনই মা-বোনদের আলাপ করাইয়া দেয় নাই। তবু সে পিছন ফিরিয়া বসিল।

মিনিট পনেরো-কুড়ি পরে তাহারা চলিয়া গেলেন। এতটা সময় নষ্ট হওয়াতে পূর্ণিমা মনে মনে খুবই বিরক্ত হইয়া উঠিতেছিল। তবে তাহারা চলিয়া যাইবার কয়েক মিনিটের মধ্যেই দীপক আসিয়া উপস্থিত হইল।

পূর্ণিমা বলিল, “কি, আজই এত দেবু ফে? আমার আজ আবার তাড়াতাড়ি ফিরতে হবে।”

দীপক বলিল, “মা আর বড়কী-ছুটকীর হঠাৎ আজ বেড়াতে বেরোবার সব হ'ল। ওদের চোখের সামনে বসে তোমার সঙ্গে গল্প করা ত চলবে মা? তাই ওরা ফিরে গিয়েছে দেখে তবে আমি বেরোলাম।”

পূর্ণিমা বলিল, “মাকে তুমি ভয়ানক ভয় পাও, না?”

দীপক একটু খামিয়া বলিল, “মাকে ভয় করি ঠিক নয়, তবে অশান্তিকে ভয় করি। সেটা কি তুমিও কর না? আমাকে কোনদিন ত বাড়ীতে যেতে বল না?”

পূর্ণিমা স্বীকার করিল, “তা বলি না বটে। অশান্তি আর কে চায় বল?”

দীপক বলিল, “চায় না কেউ-ই। আর এখন ও সব নিয়ে টেঁচামেটি ক’রে হবেই বা কি? পাকাপাকি কিছু হতে এখনও ঢের দেরি।”

পূর্ণিমা বলিল, “আচ্ছা দীপক, ঘর কথার কথা, যদি কখনও তোমার বিয়ে করবার মত অবস্থা হয়, তখন কি করবে তুমি?”

দীপক বলিল, “বিয়ে করব, আবার কি করব?”

পূর্ণিমা বলিল, “আমাকে বিয়ে করবে? তোমার পরিবারে আমার জায়গা হবে?”

দীপক স্নানভাবে একটু হাসিয়া বলিল, “বিয়ে করব আমি, তা আমার পরিবারে জায়গা হবে না ত কোথায় হবে?”

পূর্ণিমা বলিল, “তোমার মা কিছুতেই রাজী হবেন না। ভীষণ গণ্ডগোল বাধবে।”

দীপক বলিল, “বোঝাপড়া তখন একটা করতেই হবে। এক সঙ্গে থাকা ছাড়া আর কি উপায় আছে বল? দুটো সংসার চালাবার মত আয় আমি কোন-দিনই করতে পারব না। আপোস একটা হবে। তুমি কিছু ছাড়বে, তিনি কিছু ছাড়বেন।”

পূর্ণিমা বলিল, “আমি কি ছাড়ব? কি তুমি expect করবে আমার কাছে?”

দীপক একটু ভাবিয়া লইয়া বলিল, “বাইরে গিয়ে চাকরি করাটা চলবে না। ওটা বাদ দিতে হবে। তবে ঘরে ব’সে কাউকে যদি পড়াও তাতে আপত্তি করতে পারবেন না।”

পূর্ণিমা ক্ষীণ হাসি হাসিয়া বলিল, “আর তোমার মা কি ছাড়বেন?”

দীপক বলিল, “বিনাপণে ছেলে বিয়ে ক’রে বৌ আনবে, সেটা সম্বন্ধ করতে হবে। বাড়ীর মধ্যে তুমি যে-ভাবে চলতে অভ্যস্ত সেই ভাবেই চলবে, মা তাতে আপত্তি করতে পারবেন না।”

পূর্ণিমা বলিল, “আচ্ছা দীপক, আমি যে চাকরি ছেড়ে দেব, তা আমার মা, ভাই-বোন এদের কি হবে?”

দীপক বলিল, “আজই ত আমরা বিয়ে করছি না? ততদিনে সরমা তৈরি হয়ে নেবে, সে তোমার জায়গা নেবে আর কি?”

পূর্ণিমা বলিল, “তার তৈরি হতেও অন্ততঃ তিন বছর, আর খোকায় অন্ততঃ সাত বছর। নাঃ, প্রসূপেক্টটা খুব লোভনীয় মনে হচ্ছে না।”

দীপক মুখটা কালো করিয়া বলিল, “অপেক্ষা করা ছাড়া আর কি করা যায় বল? তুমি কি আর কোন plan ভেবে পাও?”

পূর্ণিমা বলিল, “বেশ অনেককাল ধ’রে ভাবলে কিছু যে একটা না বার করা যায়, তা নয়। এবার সেই চেষ্টাই দেখতে হবে। কিন্তু তোমার আমার মতে যে মেলে না? আমি যেটাকে সম্ভব মনে করব, তুমি হয়ত সেটাকে একেবারেই অসম্ভব বা অসুচিত মনে করবে।”

দীপক বলিল, “ব’লেই ত আগে দেখ। তখন বোঝা যাবে, আমি অসুচিত মনে করি কি না করি। কিন্তু তুমি এখনই ওঠার জোগাড় করছ কেন?”

পূর্ণিমা বলিল, “মা বড় অসুস্থ। কাজেই রান্নাবান্না একটু দেখতে হবে।”

দীপক বলিল, “কি হ’ল আবার তাঁর? আমাদের বাংলা দেশের বিধবারা নিজেদের উপর যা অত্যাচার করেন, তাতে তাঁরা একদিনও যে ভাল থাকেন, সেই আশ্চর্য্য। আমার মাকে দেখ, সকাল থেকে খালি কি যে হটর-পটর ক’রে বেড়ান, তিনটার আগে তাঁর না হয় নাওয়া, না হয় খাওয়া। অথচ কি যে এত কাজ বুঝি না। রান্না ত ভাল ভাত আর বড় জোর শাক চচ্চড়ি, জল-খাবার সকালে আটার রুটি, বিকেলে কিছুই না। ঘর ত ছ’খানা, পরিষ্কার করতে দিন কেটে যাবার কথা নয়, পরিষ্কার বিশেষ করা হয়ও না। বোন দুটোও সারা দিন কি যে করে বুঝতে পারি না। ভূতের মত সেজে মায়ের পিছন পিছন ঘোরে। তা তোমার মায়ের কি জ্বর হয়েছে?”

পূর্ণিমা বলিল, “জ্বরই, যদিও দেখতে দিলেন না। বড় ভয় করে মায়ের জ্বরে। তিনি আছেন ব’লে, তবু একটা সংসারের মতো বজায় আছে। নইলে কে কোথায় ভেসে যেতাম কে জানে? বড় বেনী খাটুনি ওঁর, এবং খাওয়া-দাওয়াও কিছু করেন না। একবেলা দুটো ডাল ভাত খেলেই কি মানুষের শরীর থাকে? এক ফোঁটা দুধ স্ক্রু তাঁকে দেবার উপায় নেই। এদিকে সব ভদ্রতা বজায় রাখতে হবে, পাকা বাড়ীতে থাকতে হবে, কাপড়-জামা পরে থাকতে হবে, খাটে শুতে হবে, কিন্তু অল্প দিকে হাঁড়ি যে শিকের উঠছে তা আর কে দেখতে আসছে বল?”

দীপক বলিল, “আজকাল খোলার ঘর, টিনের ঘরও খুব সস্তা নয় পূর্ণিমা। কাজেই রাগের মাথায় যদি এ ঘর ছেড়ে দিয়ে ঐরকম কোন জায়গায় যাবার চেষ্টা কর, তাতেও কোন সুবিধা হবে না।”

পূর্ণিমা বলিল, “ভগবান্ এরকম বেড়া আঙনের মধ্যে কেলেই কেন মানুষকে? কোনদিকে কোন উপায় নেই?”

দীপক বলিল, “তবে আর জীবনসংগ্রাম কথাটার উৎপত্তি হয়েছে কেন? এই যুদ্ধ করতে করতেই যদি কোন পথ পাওয়া যায়। অনেক মানুষ জীবনের শেষ দিন পর্যন্ত যুদ্ধই করে যায়, কিন্তু খুঁজে কিছুই পায় না। তাদের কথা ভেবে নিজেকে সান্ত্বনা দিতে চেষ্টা করি।”

পূর্ণিমা উঠিয়া পড়িল। বলিল, “তুমি খুব ভাল ছেলে দীপক, তোমার সান্ত্বনা পাওয়া সহজ। আমি যুদ্ধ করতে ভয় পাই না, কিন্তু আমার চেয়েও দুর্ভাগ্য মানুষ আছে ভেবে আমার কোন সান্ত্বনা নেই। আমার চেয়েও যারা ভাল আছে, তাদেরই কথা ভাবি। তারা কোন্ গুণে এত সৌভাগ্যবান হ’ল?”

দীপক বলিল, “মনে হচ্ছে যেন আমাকে ঠাট্টা করছ।”

পূর্ণিমা বলিল, “ঠাট্টা আমি কাউকেই করছি না। হয়ত নিজেকে করছি। কিন্তু আজ আর সময় নেই, আমি চললাম এখন।”

বাড়ী আসিয়া দেখিল, সরমা সবে ভাত চড়াইয়াছে। মা ঘুমাইয়া পড়িয়াছেন। রণেন রান্নাখরের দরজার কাছে দাঁড়াইয়া সরমার সঙ্গে কি বিষয়ে গভীর আলোচনায় মগ্ন। পূর্ণিমা কাছে আসিয়া বলিল “কি নিয়ে এত তর্ক হচ্ছে?”

রণেন বলিল, “আচ্ছা, তুমিই বল না দিদি।

রোজ ডাল-ভাত এক তরকারি খেতে ভাল লাগে মানুষের?”

পূর্ণিমা বলিল, “কিছু না খেতে পাওয়ার চেয়ে ভাল লাগে।”

রণেন বলিল “আহা, ও আবার একটা কথা হল নাকি?”

পূর্ণিমা বলিল, “আচ্ছা, কথা নাই হ’ল, কিন্তু তুমি এখানে দাঁড়িয়ে ছোড়দির সঙ্গে আড্ডা দিচ্ছ কেন? পড়াগুলো নেই?”

রণেন বলিল, “যা একটু আছে ভোর বেলা উঠে করে নেব। সব সময় বইয়ে মুখ গুজড়ে বসে থাকতে ভাল লাগে না। মাথা ঘোরে, চোখ ঘোলা হয়ে যায়।”


পূর্ণিমা বলিল, “এও ত এক নূতন কথা তুমি। মাথা না হয় ধরে, চোখ কেন ঘোলা হবে? কৈ, আমাদের ত কখনও হয়নি।”

রণেন কথার উত্তর না দিয়া সেখান হইতে সরিয়া গেল।

ভাত হইয়া গেল, খাওয়া-দাওয়া চুকিল খানিক পরে। মা কিছু খাইতে চাহিলেন না। তাঁহার সঙ্গে খানিক তর্কাতর্কি করিয়া মেয়েরা শেষে বাতি নিভাইয়া শুইয়া পড়িল।

দীপকের কথা থাকিয়া থাকিয়া পূর্ণিমার মনের মধ্যে খেলিয়া যাইতে লাগিল ছেলেটির উচ্চাকাঙ্ক্ষা বলিয়া কোনও জিনিস নাই নাকি?

(ক্রমশঃ)



## ভুলের মাশুল

শ্রীসমর বসু

ঘরের-দাওয়ায় ব'সে ব'সে বাঁশী বাজাচ্ছিল চন্দন। একটা বাউল গানের সুর। গত বছর চৈত সংক্রান্তির মেলায় চড়কতলায় কোথা থেকে একটা বাউল এসেছিল, তারই মুখে শুনেছিল গানটা। কথাগুলো মনে নেই, সুরটা কিন্তু শেগে আছে কানে। অনেক দিন ধ'রে ভেঁজে ভেঁজে তবেই সেই সুরটা আড়বাঁশীতে তুলতে পেরেছে চন্দন। একমনে বিভোর হয়ে বাঁশী বাজিয়ে চলেছে। খেয়াল নেই রাত কত হ'ল।

ফেত-খামারের কাজ সেরে সন্ধ্যার আগেই রোজ বাড়ী ফেরে চন্দন। গা-হাত ধুয়ে এসে কোনও দিন চারটি ভাত খায়, কোনও দিন পঁয়াজ মুড়ি আর একটু চা! তার পর দাওয়ায় এসে ব'সে ব'সে বাঁশী বাজায়। বাজাতে বাজাতে যখন ঘুম আসে তখন সোজা চ'লে আসে রান্নাঘরে। উত্থন থেকে একটা নিভু নিভু কাঠ বের ক'রে নিয়ে বিড়ি ধরায়। কোলের ছেলেটাকে বুকে নিয়ে ঠিক সেই সময় সহুও উঠে আসে ঘর থেকে। ঘুম জড়ানো গলায় জিজ্ঞেস ক'রে—কি—এতক্ষণে বুঝি পেটের জ্বালা পরল!

বিড়ির ধোঁয়া আচমকা আটকে যায় গলায়—কাশতে কাশতে জিজ্ঞেস করে,—কি রেঁধেছিস!

রোজের মত আজও সহু কেঁচে ওঠে,—যা জোটাচ্ছ তাই। আমি ত আর হাটবাজারে যাই না, পয়সাও রোজগার করি না।—এখন খাবে, না, রাত ছুপুরে ছাকরা করবে।

চন্দন কিন্তু রাগ করে না। এই সময়টা ও কিছুতেই রাগতে পারে না। রাগ করতে ইচ্ছেও করে না। কিসের খুশিতে মনটা যেন টলটল করে। বাঁশীর সুরটা মনটাকে মাতাল ক'রে রাখে। সহুর কোল থেকে ছেলেটাকে নিছের বুকে টেনে নেয়। টেনে নিয়ে বলে,—তুই ঠাঁই কর, 'আমি একে গুইয়ে আসি।

আসলে মামুসটা কিন্তু মন্দ নয়,—ভাত বাড়তে বাড়তে সহু ভাবে।—বেশ নিজেকে নিয়ে ভুলে থাকতে পারে। পাড়ার আর পাঁচটা মানুষের মত নেশাভাঙ কিছু করে না। অল্প কোনও বদখেয়ালও নেই। এ্যাদিন ত ঘর করছি, একদিনের তরেও গায়ে হাত তোলে নি।—

কিন্তু আরও ছ'পয়সা রোজগার করতে পারে ত। দড়ি পাকাতে পারে, কিংবা ঘুনি বুনতে পারে,—তা নয় শুধু ব'সে ব'সে বাঁশী ফৌকা। তাও যদি যাত্রাদলে যেত,—পাড়ার পাঁচ জনে দেখত। তা নয় শুধু ঘরের কোণে ব'সে থাক। ধরকুণো ব্যাটাছেলে ছ'চক্ষের দিস।—সেবারে ওরা বত সাধাসাধি ব'রল অর্জুন ক'রবার জন্তে। বাবুর অমনি দেমাক হ'ল। চেহারাটা ভাল, তাই লোকে সাধাসাধি করে। ঘটে ত আর কিছু নেই।—পাঁচকড়ি পরমাণিকের ছেলে মগ্নথ,—করল অর্জুন। যেমন হাড়গিলে মার্কী চেহারা, তেমনি ঘডঘড়ে গলা। ওর জন্তেই ত সব মাটি হয়ে গেল। এবারের গাজনেও ত একটা পালা হবে গুন্ডি।—এবার কিন্তু ওরা আর বলতে আসে নি। কেনই বা আসবে? চের চের মামুস দেখেছি বাপু, এমন বে-আক্কেলে ছুটো দেখি নি।

মনে মনে সুর ভাঁজতে ভাঁজতে চন্দন উঠোনে এসে বসে। লঠনের 'খালোটাকে একটু বাড়িয়ে দেয়। চন্দনের সামনে ছম্ ক'রে ভাতসুদ্ধ খালাটা বসিয়ে দিয়ে সহু চলে যায় ধরে, ছুগ্গাটাকে ডেকে তুলতে হবে। ঘুমিয়ে পড়লে মেয়ের জ্ঞান থাকে না। ঘুম থেকে উঠে কিছুতেই খেতে চায় না। অথচ বাপের সঙ্গে খাবে ব'লে ঠায় ব'সে থাকে। তার পর কখন ঘুমিয়ে পড়ে। বাপের সে-দিকে একটুও খেয়াল আছে? মেয়েটার বয়স হচ্ছে—কাপড় দরকার, ব'লে ব'লেও সহু সেটা আনাতে পারে নি। বলতে গেলেই বলে, ওর চেয়ে কত খিজি মেয়ে জামা প'রে ঘুরে বেড়ায় দেখতে পাও না! শুদ্ধর লোকেদের মেয়েরা বুঝি আর মেয়ে নয়।—শোন কথা। শুদ্ধর লোকেরা যা করবে, ওকেও তাই করতে হবে? ওদের পয়সা আছে, ওরা লেখাপড়া জানে। ওরা যা করে তাই মানিয়ে যায়। ওদের সঙ্গে কি আমাদের কোনও তুলনা হয়! ছোট মুখে অত লম্বাচওড়া কথা যে কি ক'রে আসে সহু বুঝে উঠতে পাবে না। সহু কতদিন বলেছে, একজোড়া হেলে আর একটা লাম্বল কিনতে। দরকার হলে কানের মাকড়ি জোড়া, 'আর ছ-গাছা চুড়িও না হয় খুলে দেবে সহু। ঘরে লাঙল-গরু থাকলে আবার ভাবনা! অম্মুখ-বিস্মুখেও ছ'দিন কাজে না বেরলেও ক্ষেতি নেই।



কিন্তু মানুষটার সেদিকেও কোনও হাঁশ আছে? পরের মজুর খেটে খেটে হাড়-মাগ কালি হয়ে গেল, তার ওপর রাতহপুর পর্যন্ত বাঁশী ফৌকা। সংসারে কি আছে কি নেই সে-সব খবর কিছু রাখে? খুঁজ-শাউড়ী, দেওর-ভাসুর কেউ নেই তাই রক্ষে; নইলে অমন সোয়ামার ঘর করতে পারত না সহ! নিজের পরিবারের যে খবর রাখে না, সে আবার কিসের সোয়ামী।

ছগ গার হাত ধরে টানতে টানতে ওর বাপের সামনে বসিয়ে দিয়ে সহ রান্নাঘরে চলে যাব। ওর ভারী ভারী পা-ফেলার শব্দ থেকে চন্দন সব বুঝতে পারে। তাই মেয়েকে সাম্বনা দিতে দিতে পরোক্ষে বউকেই শাস্ত করবার চেষ্টা করে। মেয়ে-মেয়ে ঘুমুলেই ত পারিস। রোজ-রোজ ডেকে খাওয়ান। নে, কাঁদিসনে, মেয়ে নে!

সহ কিন্তু আরও চটে যায়—সকাল সকাল খাবে কি! সন্ধ্যা থেকে বায়না ধরে বসে আছে, বাপের সঙ্গে খাবে। মেয়ের ওপর বাপের টান ত কত! মেয়েই বাবু বাবু করে সারা।

—তা আমাকে কি করতে বলিস! চন্দন আর পারি না। একটু কর্কশ হয়ে ওঠে। সহ এতে বরং একটু খুঁশ হয়। বোবা হয়ে থাকলেই বিপদ। বোবার সঙ্গে আবার ঝগড়া করা যায় নাকি! এবার সে ছ'কথা বলতে পারবে। এতক্ষণে নিজের মনে মনেই গজরাচ্ছিল, তবুও চন্দনের ভাতের থালার দিকে একবার আড়চোখে চুখে নেয় সহ। রাগ করে ভাতের থালা উপুড় করা আবার অভ্যেস আছে মানুষের। খাওয়া না হ'লে,—সহরও রাত কাটবে উপোসে। আর সে অশান্তির বোঝা কতদিন যে টেনে টেনে চলতে হবে কে জানে। ঝগড়া করা সহর উদ্দেশ্য ত নয়, মানুষটাকে ছোটো কথা বুঝিয়ে বলা।—কাঁসিতে নিজের ভাত বেড়ে নিয়ে রান্নাঘর থেকে বেরিয়ে আসে সহ। চন্দনের সামনে এসে বসে।

সেই থেকে তুই অত গজ গজ করছিস কেন বল ত! —চন্দনই আগে বলতে শুরু করল। সারাদিন হাড়ভাঙা খাটনি পেটে এসে বাড়ীতেও যদি মুখঝামটা খেতে হয়, তা হ'লে একদিন—

কথাটা শেষ করতে দিল না সহ,—বললে—মুখঝামটা আবার কি। যা সত্যি তাই বলছি। সকাল সকাল খেয়ে নিলে, মেয়েটাও পেট ভরে ছোটো খেতে পারে। এই ঘুম-চোখে ঝাকড়-চ্যাকড় করে খাওয়া! এতে কি আর গা-গতরে গস্তি লাগে। এরপর ত বিয়ে-খা দিতে হবে! কি দেখে তোমার মেয়েকে তারা ঘরে তুলবে? আমাদের গরীব গেরস্থের ঘরে মেয়েমানুষের গতর গেল ত সব গেল।

কি বলতে গিয়ে কি সব বলে ফেললে সহ! ছগ্গার বে'র কথা একটু আগেও মনে করে নি সে। ইচ্ছে ছিল চন্দনকে বলবে বাঁশী বাজান বন্ধ করে যাতে আরও ছোটো পয়সা ঘরে আসে সেই চেষ্টা দেখতে।—ছগ্গার বে'র কথা উঠতে, সব কেমন জল হয়ে গেল। ফিক্ করে হেসে ফেললে চন্দন,—বললে, তুই আবার শাউড়ী হবি সহ! জামায়ের সামনে বেরুবি! কথা কইবি!—না একহাত ঘোমটা টেনে ফিস্ ফিস্ করবি? আমাকে দেখে তোর মা যেমন কর'ত?

সহও এবার হেসে উঠল। জিজ্ঞেস করল—আর ছ'টি ভাত দেব?—চন্দন ঘাড় নেড়ে জানাচ্ছিল, না।

সহ ভাবল, ভালই হ'ল,—বেগে-মেগে না বলে এবার সে বুঝিয়ে বলতে পারবে। ছগ্গার বে নিয়েই কথাটা পাড়া যাবে। এবার থেকে কিছু কিছু টাকা জমাতে হবে,—বুঝলে। খরচা-খরচি ত আছে।

—কিসের খরচা!

—খোকার ভুজনের খরচা, ছগ্গার বে'র খরচা।

গলার মধ্যে আলগোছে ঘটির সমস্ত জলটা ঢেলে দিয়ে—চন্দন টেকুর তুলতে লাগল। সহ বললে, বাড়তি কিছু রোজগার না করলে, পয়সা জমবে কি করে?

—বাড়তি রোজগার? সে আবার কি? রাত-বিরেত খাবি নাকি।

রাত-বিরেত কেন? সাঁঝের বেলায় ইষ্টিশনের ধারে ত বাজার বসে। ক্ষেতের শাক-পাতাটা নিয়ে গিয়ে বসতে পার ত। ছ'কাঁদি কলা পুরুষ্টু হয়েছে। খোড়-কলা, তার সঙ্গে ছোটো লাউ-কুমড়া শাক। কিছু কলা-পাতাও সঙ্গে নিতে পার। লোক বেড়েছে কত বুঝতে পার না। ইষ্টিশানের ধারে কত নতুন নতুন বাড়ী হয়েছে গুনছি। বাগানের তাজা শাক বাজারে পড়তে পায় না। বিকেলের দিকে আমিও যখন গা ধুতে যাব, চাট্টি কলমা শাক ভুলে আনব'খন।

—তাতে তোর ক'পয়সা হবে গুনি? . . .

—যা হয়, তা-ই বা আসে কিসে?

—তা ত বুঝলাম, কিন্তু সন্ধ্যা বেলায় ঘরে ঢুকলে আর বেরুতে ইচ্ছে করে না। আর ইষ্টিশান কি এখানে? পো-তিনেকের পথ। বিক্রিগুণা চুকিয়ে ফিরতে সেই যার নাম রাত ন'টা। অত রাত পর্যন্ত ঘরে তোরা একলা থাকবি।

—একলা আবার কি। আশ-পাশে ত কত লোক রয়েছে। আমার অমন ভয়ডর নেই।

—কিন্তু দিনকাল ভারী খারাপ, বুঝলি। কে কি



মতলবে দোরে কিছু বোঝা যায় না।...নে, তুই খেয়ে নে। রাত অনেক হয়েছে।

চন্দন উঠে পড়ল, একটা বিড়ি ধরিয়ে নিয়ে আবার গিয়ে বসল বাইরের দাওয়ায়। বাঁশীটা প'ড়ে রয়েছে। তুলে নিয়ে কোঁচার খুঁট দিয়ে মুছে, সেটাকে বাতায় শুঁজে রাখল।

পরদিন থেকে একবারে বদলে গেল চন্দন। সকাল সকাল ফিরে এল কাজ থেকে। চারটি ভাত খেয়ে গামছাটা বেঁধে নিল কোমরে। বাগান থেকে নিয়ে এল গোটা দুয়েক কুমড়া, কিছু শাক আর এক কাঁদি কলা। বড় মুড়িটা ভর্তি ক'রে নিয়ে মাথায় তুলে নিল বোঝাটা। যাবার সময় ব'লে গেল—সাবধানে থাকিস দুগ্গির মা। রাত হলেই দোরে আগড় দিয়ে গুয়ে পড়িস।

একটু বোধহয় আঘাত লাগল সত্বর মনে। আহা এই খাটাখাটি ক'রে এল। তা হোকগে, সবাই ত এই কাজ করছে। না করলে চলবে কি ক'রে? কি দিনকাল পড়েছে! সত্ব তাড়াতাড়ি বেরিয়ে এল দাওয়ায়। খুঁটিটা ধ'রে দাঁড়িয়ে দাঁড়িয়ে দেখতে লাগল, চন্দন কলা-বাগানের ভেতর দিয়ে যেতে যেতে বড় রাস্তায় গিয়ে পড়ল। মাথার ঘোমটা খুলে গেছে, সে-খেয়াল নেই। চন্দনের চওড়া পিঠে কত খাঁজ পড়েছে, এখনও গায়ে জোর কি কম? কোলের ছেলেটা হামা দিয়ে এসে এতক্ষণ ওর পা আঁচড়াচ্ছিল। চন্দন চোখের আড়াল হতেই, ওকে কোলে তুলে নিল সত্ব। চুমো পেতে পেতে ওকে নিয়ে ঘরে ঢুকল।

ক্রমশঃ সবই সয়ে গেল। সন্ধ্যা বেলায় ঘণ্টা কয়েকের মধ্যেই চার-পাঁচ টাকা ক'রে রোজগার করা চাটখানি কথা নয়। সত্ব-চন্দন দু'জনেই ওরা উঠে প'ড়ে লাগল। টাকার নেশা। টাকা জমাবার নেশা। চন্দনই শুধু খাটাখাটি করে না। আজকাল সত্বও ওর সঙ্গে হাত লাগায়। নিজের হাতেই ও আনাজপাতি তুলে নিয়ে আসে। বিকেল বেলায় চন্দনকে একটু জিরোবার অবকাশ দেয়। নিজেরই বাজরা সাজায়। চন্দন ব'সে ব'সে দেখে, সত্ব যেন একটু চকচকে হয়েছে। গা-গতরে মাংস ধরেছে। ভেতরটা চন্ চন্ ক'রে ওঠে। মনে পড়ে যায় বিয়ের কথা। চাঁদনের বৌ চাঁদপানা হয়েছে—যেন হর-গৌরী। পাড়াপড়শীর কথা মনে প'ড়ে যায়। এতদিন এসব কথা ভুলে গেছিল চন্দন। আজ হঠাৎ মনে প'ড়ে যেতেই বুকটা যেন ধড়াস ক'রে উঠল। অনেক রাত পর্যন্ত একলা-থাকে দুগ্গির মা। সবাই ত জানে চাঁদন গেছে ইষ্টিশানে। কেউ যদি আগড় ঠেলে ঢোকে।

এমন সর্বনেশে রূপ।...চন্দন শিউরে উঠল। বিড়িটা ছুঁড়ে ফেলে দিয়ে সত্বকে ডাকল।

বলল, বাজরা আজ সাজাতে হবে না, শরীরটার জুত নেই।

—সে কি গো এত আনাজপাতি যে নষ্ট হয়ে যাবে!

—তা ত সত্যি কথা! অনেক টাকার জিনিষ। চন্দন একবার ভাবল। শোন্—আজ সন্ধ্যা হলেই মোড়ল বাড়ী চলে যাস, বুঝলি—ফেরবার মুখে তোকে ডেকে নিয়ে আসব! ব'লেই, মাথায় তুলে নিল বাজরাটা।

—সে কি! দুগ্গি কোথায় থাকবে!

—ওদের সকলকেই নিয়ে যাবি। ঘরে চাবি দিয়ে যাবি।

—তার পর, কেউ যদি তাল ভেঙে ঢোকে? জান, ঘরে কত টাকা আছে!

মাথা থেকে বাজরাটা নামিয়ে উবু হয়ে ব'সে পড়ল চন্দন। বিড়িটা খুলে হাওয়া খেতে লাগল। তার পর বাজরাটা আবার মাথায় তুলে নিয়ে বলল, আমি যাবার সময় মোড়লপিসীকে ব'লে যাচ্ছি। সন্ধ্যাবেলায় সে এসে থাকবে। ঘরে একা মেয়েমানুষ থাকা ভাল নয়।

তবুও সন্ধ্যাটা খচ্ খচ্ করতে লাগল। মাছের কাঁটা গলায় আটকে থাকলে যেমন খাবার-দাবার কিছুই ভাল লাগে না, সব সময় শরীরটা হাঁচড়-পাঁচড় করে—তেমনি অস্থির মন নিয়ে ইষ্টিশানের দিকে একটু একটু ক'রে এগোতে লাগল চন্দন। একবার ভাবল, বাজরা ফেলে ছুটে একবার ঘরে গিয়ে দেখে আসি—একা একা দুগ্গির মা কি করছে। সেই লোকটা চন্দনের খোঁজে ওদের বাড়ী আসতে পারে ত?—যাত্রাদলের কানাই-মাষ্টার। চোখ দু'টো লাল লাল। মাথায় এক কাঁকড়া চুল। ও-পাড়ার যতেকাকার কুটুম। ওদের বাড়ীই থাকে ক'টা মাস। গাজনের আগে আসে। সারা বৈশাখ-জ্যৈষ্ঠ মাস ধ'রে এখানে-সেখানে যাত্রা ক'রে বেড়ায়। চন্দনকে তার নাকি খুব ভাল লাগে। অনেকবার বলেছে ওর দলে ঢুকতে। চন্দন রাজী হয় নি। লোকটাকে দেখেই মনে হয় বদমাইস। রাতদিন নেশাভাঙ ক'রে প'ড়ে থাকে। মুখে খালি মেয়েমানুষ-দের কথা। দুগ্গির মা লোকটাকে চেনে। মাষ্টার যদি আসে, হয়ত দোর খুলে দেবে। ওর আবার ভারী যাত্রার সখ। চন্দন যাত্রা করে না বলে ওর কত রাগ। লোকটা যদি ঘরে ঢুকে পড়ে? কাপড় দিয়ে হয়ত বেঁধে কেলেবে ওর মুখটা, সত্ব চোঁচাতেও পারবে না। ছেলেমেয়েরা হয়ত ঘুমিয়ে থাকবে!...

ভেতরে আঙন জ্বলে লাগল চন্দনের। ভাবল, তাড়াতাড়ি মালগুলো একটু কম দরে পাইকেরদের কাছে ফেলে দিয়ে এখনই ফিরে আসতে হবে। তাড়াতাড়ি পা চালাল চন্দন। সারা শরীর বেয়ে ঘাম গড়াচ্ছে। মাথার বোঝা নামিয়েই পাইকেরদের ডাকল। বাজরা খুলে তারাই সব মালপত্র নামিয়ে রাখল। লম্বা মোজার মত খলেতে নোট আর খুচরোগুলো পুরে নিয়ে পেটকাপড়ে বেঁধে ফেলল চন্দন। সামনের টিউবওয়েল থেকে পেট ভরে জল খেল। হাতে মুখে কাঁধে জল চাপড়াতে লাগল।

—কি গো স্ত্রীশ্রী, আজ যে এত তাড়াতাড়ি! চন্দন ঘাড় ফিরিয়ে দেখল তার দিকে চেয়ে, কানাই-মাষ্টার মুচকে মুচকে হাসছে।—ইস, লোকটা তা হ'লে এখানেই রয়েছে! মুহূর্তের মধ্যেই সব রাগ গ'লে গিয়ে জল হয়ে গেল। মিছামিছি খামোকা কতকগুলো পয়সা কম শেল, এই ভাবনাতেই যা একটু কাতর হ'ল চন্দন। বলল, এখানে কি করছ মাষ্টার, বাড়ী ফিরবে না?

—তুমি কি এখনই ফিরছ নাকি!

—কি আর করি! বেচাকেনা যখন চুকে গেল।

—কেমন কামালে?

—আজ সুবিধে হ'ল নি।

—এই সাঁঝসকালে বাড়ী গিয়ে করবে কি! চল একটু গান শুনে আসি। বাজরাটা এই সাইকেলের দোকানে রেখে দাও, যাবার সময় নিয়ে গেলেই চলবে।

—কোথায় গান-বাজনা হচ্ছে।

—চল না, গেলেই দেখতে পাবে।...

ষ্টেশনের ধারেই কতকগুলো খোলার ঘর। মাষ্টারের সঙ্গে চন্দনও একটা বাড়ী গিয়ে ঢুকল। তার পর মাষ্টারের হাত ধরে টলতে টলতে যখন বাড়ী ফিরল, রাত তখন অনেক। গ্রাম নিঃশব্দ। শুধু চন্দনের ঘরে টিম্টিম্ করে আলো জ্বলছে। ব'সে ব'সে কাঁধা সেলাই করছিল সত্বে। ওদের গলার আওয়াজ পেয়ে তাড়াতাড়ি দরজা খুলে বেরিয়ে এল। তবুও লোকটাকে ভাল করে দেখতে পেল না। চন্দনকে ঠেলে দিয়ে গাছের আড়ালে গা-ঢাকা দিয়ে লোকটা চ'লে গেল। আর চন্দন দাওয়ার সামনে এসে হুমড়ি খেয়ে পড়ল।

এতক্ষণ ধরে যা ভাবছিল তাই। ফিরতে যখন রাত হচ্ছিল, তখনই বৃষ্টি পেরেছিল সত্বে—বদসঙ্গী জুটেছে। এবার তার কপাল পুড়বে।—বিশী গন্ধ বেরুচ্ছে মুখ থেকে। হাত ধরে টানতে টানতে ওকে ঘরে তুলে নিয়ে গেল। মেঝের ওপর মাদুর বিছিয়ে

তুইয়ে দিয়ে মাথার জ্বল ঢালল, অনেকক্ষণ ধরে পাখার বাতাস করল। নিজের ঘরে এ উৎপাত না থাকলেও, পাড়াপড়শীর ঘরে এ সব কাণ্ড দেখেছে সত্বে। দেখে দেখে শিখে নিচ্ছে—কি হলে, কি করতে হয়। পাখা টানতে টানতে ওর পাশেই শুয়ে পড়ল সত্বে। তার পর কখন ওর গলা জড়িয়ে ঘুমিয়ে পড়ল।

সকাল থেকেই সত্বে খুব সাবধানে রইল। একবারও মনে করিয়ে দিল না কাল রাস্তিরের কথা। চন্দন মনে মনে ভয় পেয়ে গিয়েছিল, ভাবল সত্বে বুঝি রাগ করেছে, তাই আর বেশী ঘাঁটাবার চেষ্টা করল না। যেমন রোজ মজুর খাটতে যায়, তেমনি বেরিয়ে পড়ল।

বিকলে চন্দন যখন ফিরে এল, তখন যেমন রোজ দেখ তেমনি এক খালা ভাত বেড়ে দিল সত্বে, কিন্তু বাজরা মাজাতে বসল না। ভাত খাওয়া হলে একটা পান সেজে নিয়ে এল। বলল, দাওয়ায় গিয়ে বস গে, আজ আর বাজারে যেতে হবে না। কতদিন বাঁশী বাজাও নি—আজ বরং ব'সে ব'সে একটু বাঁশী বাজাও। চন্দনকে অবাক হয়ে চেয়ে থাকতে দেখে, সত্বে ঠোঁট ফুলিয়ে বলল, বা রে! আমার বুঝি বাঁশী শুনেই ইচ্ছে করে না।

পানটা মুখে দিয়ে চন্দনও ভাবল, তাই ভাল। আজ একটু বাঁশী বাজানো যাক। বাতা থেকে বাঁশীটাকে পেড়ে নিয়ে, গায়ের ধূলা-বালি ঝেড়ে-মুছে কোলের ওপর ফেলে রাখল। পান খাওয়া শেষ করে বাঁশীটাকে তুলে নিল ঠোঁটে। অনেকক্ষণ ধরে চেষ্টা করল, কিন্তু সেই সুরটা কিছুতেই বাজাতে পারল না চন্দন। কাল রাস্তিরে শুনেছিল গানটা। খোলার ঘরে ব'সে মেয়েটা গেয়েছিল, কানাই-মাষ্টার বাজিয়েছিল হারমনিয়ম। কি যেন নাম মেয়েটার—কুসুম। চন্দন আবার চেষ্টা করল, পারল না। বাঁশীটাকে দাওয়ায় ফেলে রেখে চন্দন উঠে পড়ল। আর একবার গিয়ে গানটা ভাল করে শিখে আসতে হবে। আর একবার যেতে হবে কুসুমের কাছে। কুসুম। কপালে কাঁচপোকাকার টিপ। পানের রসে পুরু পুরু ঠোঁট দুটো টুকটুকে রাঙা। চন্দন পা টিপে টিপে বেরিয়ে গেল। কলাবাগানের ভেতর দিয়ে, বড় রাস্তার ওপর প'ড়েই জোরে জোরে পা চালাল।

ঘরে সন্ধ্যা দিতে গিয়ে সত্বে দেখল, দাওয়ায় কেউ নেই। বাঁশীটা প'ড়ে আছে। চাপ চাপ অঙ্ককারে চোখ দিয়ে চিরে চিরে চন্দনকে খুঁজতে খুঁজতে বাঁশীটা কুড়িয়ে নিল সত্বে। ওর গায়ের ধূলা মুছিয়ে দিয়ে বাঁশীটাকে ঠোঁটে ঠেকাল। হয়ত বাজাবার জন্তে, কিংবা হয়ত বলতে চাইল—পোড়াকপালা, তুইও পারলি না ধরে রাখতে।

# গোমুখের পথে

## শ্রীভক্তি বিশ্বাস

চিরবাসা ধর্মশালা খুবই ছোট। পাথরের তৈরি চার-পাঁচটি ঘর ও কয়েকটি ঢাকা বারান্দা। কিছু বাসনপত্রও আছে। কোন লোক নেই—এমন কি চৌকিদারও নেই। এখানে আমাদের জিনিষপত্র রেখে পরদিন কেবল স্নান করবার সরঞ্জাম ও খাবার নিয়ে আমরা গোমুখ যাব এবং সেইদিনই ফিরে রাত্রে এখানে আশ্রয় নেব। ছুটি রাত্রি এখানে কাটাতে হবে।

ধর্মশালার কাছে পৌঁছে চারদিকে তাকিয়ে দেখলাম। সামনে ভগ্নীরথ পর্বতশ্রেণী উজ্জ্বল হয়ে দেখা যাচ্ছে। গঙ্গা ওখান থেকেই নেমে এসে আমাদের পাশ দিয়ে বয়ে যাচ্ছে। ডাইনে শিবলিঙ্গ শৃঙ্গ—চিরতুমারাবৃত। অপূর্ব সে দৃশ্য।

গঙ্গার গর্জনকে ছাপিয়ে আর একটি গর্জন কানে আসে আমাদের। ঝুঁজতে থাকি সেই গর্জনের উৎস। আমরা যেখানে দাঁড়িয়ে তার উন্টোদিকের পাহাড় থেকে একটা ঝরণা বহু উঁচু থেকে নেমে এসে গঙ্গায় মিশেছে। তার কিছু অংশ সোজা নিচে পড়ছে জলপ্রপাত হয়ে। তাই তার অত শব্দ ও সৌন্দর্য। একটু দূরে পূর্বের পাহাড়ের পেছনে পূর্ণিমার চাঁদের আলো দেখা যাচ্ছে। গাঢ় নীল আকাশ আলোতে ভেসে যাচ্ছে। চাঁদ তখনও পাহাড়ের আড়ালে। অবাক বিষ্ময়ে প্রকৃতির অপূর্ব সৃষ্টির দিকে তাকিয়ে থাকি একদৃষ্টে।

সন্ধ্যা আগতপ্রায়। প্রচণ্ড শীত, বাইরের কনকনে হাওয়া হাড়ে এসে বিঁধছে। কাঁপতে কাঁপতে আশ্রয় নিলাম ধর্মশালায়। এরই মধ্যে দিলীপ সিংরা পাহাড় থেকে শুকনো লম্বা লম্বা ঘাস ছিঁড়ে এনে শোবার ঘরের মেঝেতে বিঁছিয়ে দিয়েছে। তার ওপর দিয়েছে বিছানা পেতে। শুকনো ডালপালা কুড়িয়ে এনে আগুন জালিয়ে দিয়েছে হাত-পা সঁকবার জন্ত। সুল্লরানন্দজী গরম জল করেছেন মুখ ধোবার জন্ত। চায়ের জলও তৈরি হয়ে এল। এঁদের ব্যবহারে, সেবাতে ও আন্তরিকতাতে মুগ্ধ হয়ে যাচ্ছি।

রান্না করতে করতে গল্প চলে। এদিকে ভালুক আছে। তা ছাড়া চিতল হরিণ মাঝে মাঝে দেখা যায়। গাইউঁ বললে, পরদিন দেখিয়ে দেবে। তা ছাড়া আর কোনো জানোয়ার আছে বলে কেউ শোনে নি।

রাত্রে সুল্লরানন্দজী পরিপাটি করে রান্না করলেন। ভাত, রুটি, আপেলের কুসি দিয়ে ডাল আর আলুর তরকারি। যত্ন করে কব্বলের আসন পেতে ভোজপাতাতে পরিবেশন করে খাওয়ালেন। জীবনে এমন তৃপ্তি করে খেয়েছি বলে মনে হয় না। গরম জল দিলেন হাত ধুতে।

ভোজপাতা অর্থাৎ এই ভূর্জপাতা স্বভাবতঃই আমাদের মনে অতীতের অনেক গাঁথা স্মরণ করিয়ে দিচ্ছিল। অবশ্য বর্তমান সহযাত্রীদের মধ্যে কেউ মনে মনে ‘ভূর্জপাতায় নবগীত করো রচনা’ আবৃত্তি করছিলেন কি না তা নিশ্চয় করে বলতে পারি না।

এই ভূর্জপাতা কিন্তু জল নিরোধক অর্থাৎ ওয়াটার প্রুফ।

বাইরে ছুঁদাস্ত শীত, চাঁদ আকাশের মাঝখানে। সমস্ত পৃথিবী ভেসে যাচ্ছে জ্যোৎস্নাতে। আজ পূর্ণিমা। সামনে, পেছনে ও পাশে বরফে ঢাকা চূড়ায় আলো পড়েছে। গঙ্গার জলে আলো পড়েছে—গলানো! রূপোর স্রোত যেন বয়ে যাচ্ছে। এক কণায় মোহিনী মায়ায় সৃষ্টি করেছে পূর্ণিমার আলো।

রাত্রে প্রচণ্ড শীতে কেউই ভাল ঘুমুতে পারলাম না। ভোরে উঠেই আগুনের পাশে গিয়ে বসেছি। আরও ভোরে উঠে সাধুজী পূজোপাঠ শেষ করে আমাদের সেবাতে মন দিয়েছেন।

চা ও গত কালকার রুটি খেয়ে সকাল সাড়ে ছটার মধ্যে রওয়ানা হলাম আমরা। এক মাইল পরে ভোজ-গাছের জঙ্গলের মধ্যে ভোজবাসা। এখানে ভোজবাবা কুটীর। দেয়াল পাথরের—ছাদ ভোজপাতা ও ডাল দিয়ে তৈরি। “বাবা” নিজের ভোজপাতার কোপি ছাড়া আর কিছুই পরেন না। বিরাট লম্বা পুরুষ—রোটে ঝলসানো ভস্ম মাখা দেহ—লম্বা লম্বা জটা মাথায় ছলছে মিষ্টভাষী। আমরা প্রণাম করে বসলাম। ছাতু চিনি দিয়ে তৈরি প্রসাদ দিলেন—জল দিলেন।

—“গোমুখ যায় গা? হামু ভি যায়ে গা।” চলতে চলতে দিলীপ সিংকে বললেন, “কিধরসে যায় গা উপরসে? কেঁও—নিচেসে আও।”

—অর্থাৎ গঙ্গার কূলের পাথরের ওপর দিয়ে। দিলী জানাল—এদের কষ্ট হবে।

—“ঠিক হায় ! তোমলোগ উপরসে আও—হাম নিচেসে যার গা।”—

তিনি তার ছোট লাঠিটি হাতে নিয়ে লাফাতে লাফাতে গঙ্গার দিকে নামতে লাগলেন। আমরা পাহাড়ের গায়ের পথ দিয়ে চলেছি আর তাঁর দিকে তাকিয়ে তাকিয়ে দেখছি। দেখতে দেখতে তিনি গঙ্গার ওপরের পাথরে চলতে শুরু করলেন। পাথীরা যেমন হাঁটে, দূর থেকে তাঁকে তেমনি দেখাচ্ছিল। অজস্র পাথরের ওপর দিয়ে টুকটুক করে লাফাতে লাফাতে তিনি ছোট কালো বিন্দুটি হয়ে গঙ্গার বুকে যেন মিশে গেলেন।

আমরা এগুচ্ছি। আধ-মাইলের মধ্যে আরও দু’টি কুটীর। একটি শূন্য পড়ে আছে—রঘুনাথজী গত বছর দেহরক্ষা করেছেন। আর একটি কুটীর বন্ধ পড়ে আছে। সাধুজী গঙ্গোত্ৰী গিয়েছেন।

গঙ্গার ওপারে স্মদর্শন শৃঙ্গ পূর্ণমূর্তিতে দেখা যাচ্ছে। এপারে চিরতুষারাবৃত শিবলিঙ্গ। মনে হয় একটু হাত বাড়ালেই যেন ছোঁয়া যাবে। স্মদর্শনের পেছনে সূর্য উঠেছে। তার রশ্মি গোলাকারে চারিদিকে ছড়িয়ে পড়েছে। সম্মুখে শুগীরথ পর্বতশ্রেণী, তারও পেছনে সার্থকনামা চৌখাম্বা পর্বতশ্রেণী। তার চারটি খাম অর্থাৎ শৃঙ্গ। পথের আশে পাশে, সামনে পেছনে অজস্র ফুলের গাছ। গাছ ভর্তি নানা রঙের ফুল। বেগুনী রঙের রডোডেনড্রন—এরা পথের আকর্ষণ বাড়িয়েছে। সাধুজী গঙ্গাপূজার জন্তু ফুল সংগ্রহ করে তাঁর থলে ভরিয়ে ফেললেন।

কত যে ঝরণা পার হলাম। অল্প অল্প জল। জলের ওপরের পাথরে পা রেখে সাবধানে পার হচ্ছি। পাশে— একটু নিচে প্রচণ্ড গর্জন করে ভাগীরথী বয়ে চলেছেন। একটা পাহাড়ের ঝরণা পেরিয়ে ওপরে উঠে দেখলাম চীং ও ভোজগাছের জঙ্গল শেষ হয়েছে। সামনের শুগীরথ পর্বত খুব কাছে এসে গেছে। মনে হয় আমাদের পথ প্রায় শেষ হয়ে এল। গাইড দেখাল—“ওই যে দূরে পাহাড়ের গায়ে গোল মতন দেখছেন ওইটিই গোমুখ। আমরা আরও এগিয়ে গেলে ভাল করে দেখব।”

আরও এগিয়ে দেখি দু’পাশের পাহাড় মিশে এক হয়ে গেছে। মাঝখানটা যোগ করেছে বিরাট গ্লেশিয়ার। এখানে-ওখানে গঙ্গার অনেকগুলি ধারা পার হয়ে আমরা গ্লেশিয়ারের সামনে এসে দাঁড়াই। আশে-পাশে অসংখ্য বৃহদায়তন পাথর পড়ে আছে। পঁচিশ-ত্রিশ গজ দূরে দশতলা সমান উঁচু বরফ খাড়া উঠে গেছে। তার

মাথার উপর উঁচু পাহাড় থেকে গড়িয়ে-আসা মাটি, পাথর ও বালি জমা হয়ে আছে। বরফ ক্রমাগত গলছে আর জলের সঙ্গে সঙ্গে ঐ সব বালি ও পাথর গড়িয়ে গড়িয়ে কবুকবু করে পড়ছে। নিচে গঙ্গা পাহাড়ের মাঝখান দিয়ে বয়ে চলেছে। কি যে তার গর্জন!— আর কি যে তার আক্ষালন। গ্লেশিয়ারের এখান থেকেই কি পুণ্যতোয়ার শুরু? কিন্তু—না, গঙ্গা আরও পেছনে বহুদূর থেকে আসছে। কোথায় তার শুরু কেউ বোধ হয় জানে না।

বিস্ময়ে স্তব্ধ হয়ে যাই। আমাদের সামনে-পাশে গ্লেশিয়ার ভাঙছে গলছে—শুমশুম শব্দ হচ্ছে। হঠাৎ প্রচণ্ড শব্দে চমকে উঠি। গ্লেশিয়ারের মাথার উপর একটা বিরাট পাথর, আমরা কিছুক্ষণ ধরে লক্ষ্য করছিলাম যেন পড়বে পড়বে করছে। সেটি প্রচণ্ড শব্দে নীচে পড়ল। আমাদের থেকে কুড়ি গজ দূরে। জায়গাটা গড়ানে ছিল না, তাই রক্ষা।

গ্লেশিয়ার যেখানে পাহাড়ে মিশেছে, সেখানে গ্লেশিয়ার থেকে গড়িয়ে-আসা পাথরের জমা পাহাড়। জমা পাহাড় গঙ্গার জলে শেষ হয়েছে। এই পাহাড়ের মাথায় কে জানি না একটা ঝাঙা লাগিয়ে রেখেছে—‘গোমুখের নিশানা।’

আমাদের দিকে তাকিয়ে হাসতে থাকেন স্মন্দরানন্দজী। তারপর ডাকেন আমার ভাগ্নেকে। বলেন—“চ’ল, আমার সঙ্গে চ’ল। জুতো খোল, প্যাণ্ট গুটিয়ে নাও।” ইসারা করেন গাইডদের—দুজন এগিয়ে যায়। আমাদের নতুন সঙ্গী ভাই সাহেব বলেন তিনিও যাবেন।

গঙ্গার তুহিন শীতল প্রবল শ্রোত পার হয়ে স্মন্দরানন্দজী তাঁর দলবল নিয়ে উপরের দিকে উঠে যান। বেলা বাজে এগারোটা। আমরা চুপ করে বসে থাকি। সূর্য মাথার উপর উঠে যায়—বেলা বাড়তে থাকে ক্রমশঃ। অবশিষ্ট গাইডকে জিজ্ঞাসা করি “ওরা কোথায় গেল?” —“পাহাড়ের ওপর দিয়ে চলবার সুবিধে মতন পথ আছে কি না তাই খোঁজ করতে গেছে—একুণি ফিরবে।”

আমরা অপেক্ষা না করে স্নান সেরে নি। বরফগলা জল। অবশ্য হয়ে আসে সর্বাঙ্গ। একটা অভূতপূর্ব শিহরণ জাগে দেহ ও মনে। স্নানের পর যেন নবজন্ম লাভ করি। তখনও প্রচণ্ড শব্দ করে গ্লেশিয়ার ভাঙছে। শুধু তাই নয়, বেলা বাড়বার সঙ্গে সঙ্গে তার ভয়ঙ্করত্বও বেড়ে চলেছে।

এদিকে সদলে স্মন্দরানন্দজীর দেখা নেই। একটা ভয়-



ভর ভাব আমাদের জড়িয়ে ধরল। এই ভয়ঙ্কর-এর রাজত্বে আমাদের সঙ্গীরা কোন্ নিরুদ্দেশ যাত্রা করল!

হঠাৎ জ্ঞানানন্দ দেখল—“ওই ওরা আসছে।”

কি ভয়ানক! গ্লেশিয়ারের মাথায়—যেখান থেকে পাথর ও বালি খসে পড়ছে—অজস্র পাথরের মাঝে দাঁড়িয়ে ছুটি কাল বিন্দু হাত নেড়ে ইসারা করছে বলে মনে হ’ল। মনে হ’ল তারা নীচে নামবে কি না জানতে চাইছে। ভয়ে আমরা সমস্তরে চোঁচিয়ে উঠি—“নেমো না—নেমো না ওদিকে পথ নেই। সরে যাও।”

হার ভগয়ান! সে কথা তাদের কানে যাবে এমন কোন সম্ভাবনা নেই। গঙ্গার শব্দে সব ডুবে যাচ্ছে। চোখের সামনে গলস্ত পাহাড়ের সঙ্গে নেমে তারা চুরমার হয়ে যাবে। জ্ঞানানন্দ হাত নেড়ে ইসারা করে। তারা সরে যায়। যেদিকে বরফ নেই, বস পাহাড় শুরু হয়েছে সেদিকে চলে যায়।

আমরা জ্ঞানানন্দকে প্রশ্ন করতে শুরু করি—“ওরা কি করবে?”

—“ওরা নামবে।”

—“কেমন ক’রে? কোথা দিয়ে নামবে?”

—“দেখ ওরা কেমন নেমে আসে—ওই পাহাড় দিয়ে।”

আকর্ষণ উৎকর্ষা ও বিস্ময় নিয়ে তাকিয়ে দেখতে থাকি। আর জ্ঞানানন্দ ইসারা করতে থাকে। ওরা সামনে এগিয়ে আসছে। ওই ওদের দেখা যাচ্ছে। ওরা নামছে। মনে হচ্ছে যেন বস পাহাড় থেকে বালি পাথর গড়িয়ে পড়ছে। এই—নেমে এল। ছুটি পা তাদের স্পষ্ট দেখা যাচ্ছে। তাদের অবয়ব স্পষ্ট হয়ে উঠছে। ওরা বস পাহাড়ের নীচে জমা হওয়া বড় বড় পাথর ডিঙিয়ে গঙ্গার জলের ওপর হেঁটে পেরিয়ে আমাদের সামনে দাঁড়াল। ঠিক ‘দাঁড়াল’ বললে কম বলা হয়। আবিভূত হ’ল যেন। দিলীপ ও হরচাঁদ। কিন্তু ওরা তিনজন কই? প্রশ্ন করি সমস্তরে। দিলীপ সংক্ষেপে জানায়—“আতা হ্যায়।” ধৈর্য ধরে বসে থাকে সবাই। বেলা গড়িয়ে যায়। প্রশ্নের উত্তরে স্বল্পভাষী দিলীপ জানায় বারবার—“ওরা একুনি আসবে। আপনাদের ওপরে নিয়ে যাবার জন্ত আমরা পথ খুঁজতে গিয়েছিলাম। এদিকের পথ ত দেখলেন আপনারা—খুব খারাপ। আপনারা এখানেই স্থান করুন।”

—“রান্না?—খাওয়া?”

—“সে সব স. . . . . করবেন।”

চুপ ক’রে সবাই বসে বসে বিরাট স্বঃসের মাঝে সৃষ্টির দৃশ্য দেখতে থাকি।

বেলা একটার সময় দিলীপ বলে—“বেলা বেশী হয়ে যাচ্ছে—জল বাড়ছে। আমরা বরং ফেরার পথে এগিয়ে আধমাইল দূরে বসে থাকি। সেদিকেই ওরা আসবে। আর এখানে বসে থাকিও বিপজ্জনক। এইসব পাথর গড়িয়ে আমাদের গায়েও পড়তে পারে।

আমরা জিনিষপত্র গুছিয়ে জুতো পরে রওনা হই। সত্যই দেখি জল অনেক বেড়ে গেছে। পথ অনেক জায়গায় জলে ভেসে গেছে। তবু অনেক কষ্টে গাইডের হাত ধরে গঙ্গার ছোট ছোট ধারা পার হয়ে কিছুদূরে পাথরের ওপর বসি। সামনে গোমুখের পাহাড়—ওখান দিয়েই ওরা ফিরবে। কেননা ওরা গ্লেশিয়ারের ওপর দিয়ে ঘুরে ফিরবে, এতক্ষণে ভেঙ্গে কথা বলে দিলীপ।

আমরা চুপ ক’রে অপেক্ষা করি। মনের মধ্যে ঝড় উঠেছে। মনে একটি প্রশ্ন গুমরে উঠছে কেবল—ওরা এখনও ফিরছে না কেন? নতুন সঙ্গিনী বহিনজী ও পাথরের ওপর স্থির হয়ে গোমুখের দিকে মুখ ক’রে বসে আছেন। আমরা অজানা আশঙ্কাতে চুপ ক’রে থাকি। হঠাৎ সবাই লক্ষ্য করি—হরচাঁদ নেই।

—“কোথায় গেল সে?”

—“সে ওদের আনতে গেছে,” উত্তরে দিলীপ বলে।

কখন চুপিসারে দিলীপ ওকে পাঠিয়ে দিবেছে!

বেলা প্রায় আড়াইটার সময় বহিনজী নড়ে ওঠেন। বলেন—“ওই ওরা আসছে।”

ঠিকই। দূরে কয়েকটি কালে। বিন্দু নড়ছে দেখা গেল। তারা আসছে—এক, দুই, তিন, চার—তা হ’লে সবাই স্তব্ধ আছে। আনন্দে আমরা উঠে দাঁড়াই।

পরম ক্লান্ত ও পরিশ্রান্ত দেহ নিয়ে চার জনা এসে কাছে বসে। মুখ কিন্তু খুশীতে ভরা। আমরা প্রশ্নের পর প্রশ্ন করতে থাকি। ওঁনি, তারা গঙ্গার সবচেয়ে বড় ধারাটি খালি পায়ে হেঁটে পার হয়ে গ্লেশিয়ারের পাহাড়ে উঠে যায়। গ্লেশিয়ারের উপর দিয়ে চলবার সময় ভাই সাহেব ছ’বার পড়ে যান। তাকে টেনে তোলেন সাধুজী। আর একবার পড়ে আমার ভাগ্নে। একদম গ্লেশিয়ার বেয়ে নীচে পড়ে যাচ্ছিল। পড়লে আর তাকে আস্ত পাওয়া যেত না। দিলীপ সিং আচমকা উপুড় হয়ে ওয়ে তার হাতটা ধরে ফেঁসে, তারপর বহু কষ্টে তাকে হিঁচড়ে টেনে ওপরে তোলে। ভাগ্নের লাঠিটা গঙ্গায় ভেসে যাচ্ছিল। সাধুজী লাফ দিয়ে জলে নেমে সেট উদ্ধার ক’রে তার হাতে দেন। এই ভাবে নিশ্চিত



বৃত্ত্যর হাত এড়িয়ে তারা গঙ্গার গর্ভে আবার নেমে গিয়ে স্নান করে। সাধুজী পূজো করেন। এইজন্তই ওদের এত দেরি হ'ল। দিলীপ সবই জানত। আমাদের হুর্ভাবনা বাড়বে শুনে আর বলে নি। এই বিপদের মধ্যে ওদের টেনে নিয়ে যাবার জন্ত সে খুব অসন্তুষ্ট হয়েছিল সাধুজীর ওপর।

সবাই ফেরার জন্ত খুব ব্যস্ত হয়ে উঠি। এখন পাঁচ মাইল পথ ফিরতে হবে। তাও আবার সরল পথ নয় মোটেই। সাধুজী গা ঝাড়া দিয়ে ওঠেন। বলেন, "চলুন গঙ্গার পূজো করবেন।" বহিন্জী, ভাই সাহেব এবং আমি তাঁর নির্দেশমত চলি। সাধুজী গঙ্গাস্তোত্র আবৃত্তি করেন সুললিত স্বরে। আমরা অঞ্জলিভরে ফুল ভাসিয়ে দি গঙ্গার জলে। গোমুখের বরফ-গলানো জলের প্রবল শ্রোতে ফুলগুলি নাচতে নাচতে মিলিয়ে যায়।

দিলীপ ও তার সঙ্গীরা চা তৈরী করে ফেলেছে ততক্ষণে।

চা ও নাস্তা খেয়ে আমরা ফেরার পথে রওনা হই। জুপুরের পুরো খাওয়ার আর সময় নেই।

কিন্তু বিপদের উপর বিপদ। আশ্চর্যও বটে! আসবার সময় অনেকগুলি ছোট ও মাঝারি ঝর্ণা হেঁটেই পেরিয়ে এসেছি। ফেরবার সময় দেখছি সারাদিন বরফ গলে সেগুলির জল এত বেড়ে গেছে যে, আর সহজে পার হওয়াই যায় না। কোথাও কোথাও সুবিধে মত ওপর দিকে উঠে পার হচ্ছি। কোথাও বা গাইডরা পাথর গড়িয়ে গড়িয়ে এনে দিচ্ছে। এদিকে সঙ্ক্যা হয়ে আসছে। ভীষণ ঠাণ্ডা পড়বে। কিন্তু তাড়াতাড়িও যে পথ চলা যাচ্ছে না। ক্ষুধায়, তৃষ্ণায়, পরিশ্রমে অবসন্ন আমরা। কিছুদূর গিয়ে একটা ঝর্ণা এল। এতবড় হয়ে গেছে যে, জুতো পরে পার হওয়ার উপায় নেই—মাথা উঁচু করে কোন পাথর দাঁড়িয়ে নেই। তা ছাড়া এটি খুবই ধরশ্রোতা। দিলীপের ইসারায় হরচাঁদ জুতো খুলে মাল নামিয়ে রাখল মাটিতে। পিঠে করে এক এক করে পার করে দিল আমাদের। অনেকগুলি ঝর্ণা এইভাবে পার হতে হ'ল। ঝর্ণার সংখ্যাও যেন বেড়ে গেছে অনেক। রৌদ্রে বরফ গলে নতুন ঝর্ণার সৃষ্টি হয়েছে।

খানিকটা পথ যেতে গাইডরা প্রায় সমস্তরে চেষ্টা করে অনতিদূরের উঁচু পাহাড়ের দিকে আমাদের দৃষ্টি আকর্ষণ করল। কিন্তু আমরা মুখ ঘোরাতে না ঘোরাতেই কতগুলি চিতল দৌড়ে বনের মধ্যে চলে গেল। ভাল করে দেখতেও পেলাম না। কতগুলি

ছোট ও মাঝারি পাথর ঝর ঝর করে পাহাড়ের গা বেয়ে পড়ল ওদের চটুল পায়ের আঘাতে।

চলেছি—প্রায় ভোজবাসার কাছে এসে পড়েছি। বড় বড় পাথরের উপর দিয়ে পথ আমাদের এখন। চলছি—দেখি পাথরের উপর বরফ জমে রয়েছে অনেকটা পথ। কই, আসবার সময় ত চলবার পথে কোন বরফ দেখি নি। কোন কোন ঝর্ণার উপরে বরফ ছিল বটে, কিন্তু সে ত পাহাড়ের খানিকটা উঁচুতে। পথে কোথাও বরফ পেরোতে হয় নি। গাইডদের জিজ্ঞাসা করি। উত্তর পাই—“উপরসে আয়া ছায়।” অর্থাৎ পাহাড়ের উপর বিরাট বরফের চাকটি সবগুচ্ছ নেমে এসেছে রেঙ্গুদে খানিকটা গলে গিয়ে। বড় বিপজ্জনক পথ। কোথায় পা বসে যায় তার ঠিক নেই। ওপর থেকে বোঝাও যায় না কিছু। লাঠি হুঁকে হুঁকে আন্দাজে খুব সাবধানে চলতে হয়। আমার কষ্ট দেখে খানিকটা পথ হরচাঁদ পিঠে করেই নিয়ে গেল। একবার আমাকে পিঠে নিয়ে ওর পা ওড়কে একটা গর্ভের মধ্যে পা পড়ে গেল। আঘাত কান্নারই লাগে নি। কিন্তু দিলীপ ওকে খুব ধমকাতে শুরু করল।

ভোজবাসা পৌঁছলাম প্রায় সন্ধ্যার কাছাকাছি। ভোজবাবা বসে আছেন কুটীরে। প্রণাম করে বসলাম। প্রসাদ ও জল দিলেন। সবাইকে দেখে ভারী খুশী। বললেন যে, উনি তপোবনে গিয়েছিলেন। অর্থাৎ গোমুখের পরে আরও আড়াই মাইল পথ। ফিরেছেন বারোটোর সময়, অর্থাৎ চার ঘণ্টার প্রায় পনের মাইল পথ অতিক্রম করেছেন। আর সেই পার্বত্য পনের মাইল যে কি ভয়ঙ্কর দুর্গম তা আমরা নগরবাসীরা কল্পনাই করতে পারি না।

বেলা পড়ে গেছে। ঠাণ্ডা হাওয়া দিচ্ছে। তাড়াতাড়ি করে আমরা চিরবাসার উদ্দেশ্যে রওনা হই।

চিরবাসায় পৌঁছলাম সন্ধ্যা সাতটার। প্রচণ্ড শীত ও হাওয়া। সারাদিনের পরিশ্রমে ক্লান্ত ও ক্ষুধার্ত হয়ে এলিয়ে পড়ি আমরা। কিন্তু সাধুজী ও তাঁর দল সেবা-তৎপর হয়ে ওঠেন। ওদের শ্রান্তি ক্লান্তি কিছুই নেই। বিছানা পাতা হয়, আশুন জলে। চা ও নাস্তা মুখের সামনে হাজির হয়। রাতের খাবারও তাড়াতাড়ি করে তৈরী করেন সাধুজী, সহাস্তবদনে সবাইকে যত্ন করে খাওয়ান।

পরদিন সকালে উঠেই তোড়জোড় শুরু করতে হয় যাওয়ার জন্ত। আজ উৎসাহ কম। চেনা পথের আকর্ষণ কম গেছে। শরীরও দুর্বল হয়ে পড়েছে, ধীরে ধীরে অগ্রসর হই।

ভোজ গাছের জঙ্গলের কাছে এসে সাধুজী থামতে বলেন। আজ পরিপাটি করে বনভোজন হবে।

ভাগীরথার প্রণুস্ত তীরে ভোজের জঙ্গল। আমরা পাথরে মাথা রেখে গাছতলায় শুয়ে পড়ি। মাঝে মাঝে স্মরণানন্দজীর কাজ দেখতে থাকি।

গঙ্গায় স্নান সেরে নিলেন সাধুজী। প্রথমেই চা তৈরী হ'ল ৫ তার পর ভোজপাতাতে আটা মেখে হাতে করেই রুটি তৈরী করলেন। আলুর ঝোল আগেই উনানে বসে গেছে। এদিকে হরচাঁদ কতগুলি বুনো টকপাতা কুড়িয়ে এনে ছোটো পাথরে বেঁটে চাটুণী তৈরী করল। মাটিতে পাথর দিয়ে ঠুকে ঠুকে গর্ত করে ভোজপাতা বসিয়ে "বাটি" তৈরী হ'ল। তাতে আলুর ঝোল রেখে রুটি আর চাটুণী দিয়ে খাওয়া—সে স্বাদ অপূর্ব। আকণ্ঠে খেয়ে এক ঘণ্টা বিশ্রাম—সুখের যেন আর শেষ নেই।

গঙ্গোত্রীতে পৌঁছলাম তখন বিকেল পাঁচটা। এসেই স্বামিজী মহারাজের সঙ্গে দেখা করতে গেলাম।


ঘরের ভিতর বসে আছেন তিনি। ছোট্ট দরজার সামনে দাঁড়াতে বসলাম। বললাম, "আমরা এইমাত্র গোমুখ থেকে ফিরে আসছি..." কথা শেষ হওয়ার আগেই দেখি তিনি হাসছেন ছলে ছলে।

—“আ—গিন্না, আ—গিন্না বাঃ! বাঃ! হাম্ ওনা, সব আচ্ছা হয়। হাম্ ওন লিয়া।”

খুশীর আবেগে তিনি হাসছেন ছলে ছলে। সর্বাঙ্গ দিয়ে তাঁর হাসি করে পড়ছে। প্রিয়জনরা ফিরে এসেছে কিনা।

—“বৈঠো, বৈঠো। লেও খাও। পানি পিয়োগি ৭ আরামসে পিয়ো।”

দেহের অবসাদ কেটে যায়। খুশীমনে প্রণাম করে তাঁর আশীর্বাদ নিই।



সে নহি

সে নহি

শ্রীচাণক্য সেন

১৬

সাবিত্রী আশ্রমার মৃত্যু-খবর দেববাণী পেল প্রভাতী সংবাদ-পত্রে।

নার্সিং হোমে টেলিফোন করে জানল, মৃতদেহ সাবিত্রী আশ্রমার বাসগৃহে স্থানান্তরিত হয়েছে। বাসন্তী দেবীকে নিয়ে ফিরোজ সা' রোডের বাড়ীতে যখন দেববাণী পৌঁছল তখন সেখানে বেশ কিছু গণ্যমান্ত লোকের সমাগম। পার্লামেন্টের সদস্য যারা দিল্লীতে আছেন প্রায় সবাই এসে গেছেন, আসছেন। একে একে মন্ত্রীরাও উপস্থিত হচ্ছেন। সাবিত্রী আশ্রমার প্রাণহীন দেহকে সোনালি সিল্কের লালপেড়ে সাড়ী, চন্দন, কুসুম, সিঁহুর ও ফুলে সজ্জা করে সাজিয়ে তাঁর শোবার ঘরে রাখা হয়েছে। সবাই এসে মৃতদেহ প্রদক্ষিণ করছেন, ফুল বা ফুলের মালায় শেষ-সম্মান জানাচ্ছেন। দেববাণী মাকে নিয়ে সাবিত্রী আশ্রমার সামনে শেষবারের মত কয়েক মুহূর্তের জন্তে দাঁড়াল। গভীর প্রশান্তিতে চির-নিদ্রিত সাবিত্রী আশ্রম। স্নান কাঞ্চনবর্ণ সে প্রশান্তিকে কেমন যেন বিষণ্ণ করেছে। বিদায় নেবার সময় সাবিত্রী আশ্রম বুকি ব'লে গেছেন, ক্রোভ নেই, নালিশ নেই, কিন্তু হ'ল না, হ'ল না, যেমন ভেবেছিলাম জীবন তেমনটি হ'ল না।

দেববাণীর ইচ্ছে ছিল, কিছু ফুল নিয়ে যায়, টাটকা, তাজা ফুল। নিউ দিল্লীতে ফুলের দোকান নেই, যেমন আছে কলকাতায় অজস্র; এখানে পাওয়া যায় কেবল গাঁদা ফুলের মালা, বাসি ফুলের তোড়া, গোলাপের পাপড়ি। সুতরাং খালি হাতেই যেতে হয়েছিল। সাবিত্রী আশ্রমকে শেষ-দর্শন করে বাসন্তী দেবীকে নিয়ে বাইরে এসে দেববাণী পুনরায় বিস্ময় ও বিরক্তির সঙ্গে দেখল, সমাগত স্ত্রী-পুরুষ সবাই মূহুরে বেশ জটলা শুরু করে দিয়েছে; মৃত্যুকে অভিবাদন করবার উপযুক্ত নীরব গাঙ্গীর্য প্রায় কারুর মধ্যে নেই। কান পেতে শুনে দেখা যায়, এমন কোনও বিষয় নেই যা আলোচিত হচ্ছে না; কেবল বোধ করি সাবিত্রী আশ্রম ছাড়া। মৃত্যু

এসে তার স্বাভাবিক দাবীতে একটি পরিণত বয়সের মহিলাকে তুলে নিয়ে গেছে; এ রকম ঘটনার আনুষ্ঠানিক রীতি পালন করবার জন্তে এদের আসতে হয়েছে, তাই এরা এসেছে।

এর মধ্যে দেববাণী একবার সরোজার খোঁজ করল। দ্বিতীয় ঘরে, সে দেখল, একজন গুত্রকেশ, স্বাস্থ্যবান বৃদ্ধ কিছু লোকের সঙ্গে তামিল ভাষায় কোনও গুরুত্বপূর্ণ বিষয় আলোচনা করছেন। নামজাদা কেউ এসেছেন খবর পেলে উঠে এসে বাইরে দাঁড়াচ্ছেন, এবং তাঁকে নিয়ে সাবিত্রী আশ্রম ঘরে যাচ্ছেন। দেববাণী অসুস্থ করল, ইনি সাবিত্রী আশ্রম স্বামী, সরোজার বাবা। অত্যন্ত গভীর রাশভারী চেহারা, বড় বড় চোখ জীবৎ রক্তবর্ণ। দীর্ঘ, মজবুত নাকে কঠিন ব্যক্তিত্ব সুপ্রকাশ। শুভ্রলোককে দেখে দেববাণীর মনে হ'ল, পৃথিবীকে তিনি সন্দেহে, ভয়ে, তুচ্ছতায় ও সচেঁষ্ট প্রতিরোধে সর্বদা খানিকটা দূর সরিয়ে রাখছেন।

সরোজাকে দেববাণী কোথাও দেখতে পেল না।

আর একটু খোঁজার পর রামস্বামীকে দেখতে পেল দেববাণী। তাকে প্রশ্ন করল, “সরোজা কোথায়?”

জিভ দিয়ে অস্তুত শব্দ করে রামস্বামী জানাল, “সে জানে না।”

বাসন্তী দেবী লনের এক প্রান্তে দাঁড়িয়েছিলেন। দেববাণী এসে বলল, “মা, এবার চল।”

“সরোজাকে পেলি?”

“না।”

“সে কি?”

“চল, মা।”

গাড়ীতে ব'সে দেববাণীর সেই দিনের কথা মনে পড়ল যেদিন সে প্রথম সাবিত্রী আশ্রম কাছে এসেছিল। কেন, এসেছিল ভাবতে বড় বিস্ময় লাগল। দিল্লী এসে প্রথম প্রথম বন্ধুবান্ধবহান দেববাণী কার কাছে যাবে, কোথায় সাহায্য পাবে কিছুই বুঝতে পারে নি। শিক্ষা-মন্ত্রণালয়ে ছুঁতিনবার যাতায়াতের পর সে বুঝেছিল সরকার নামব

হবির যন্ত্রকে সচল করতে হলে তব্বির নামক তেলের বড় প্রয়োজন। দিল্লী বিশ্ববিদ্যালয়ে প্রথম-যেদিন সে দেখা করতে গেল, বক্তৃতা দেবার কয়েক দিন আগে, অধ্যাপক-দের সঙ্গে আলাপ-আলোচনায় এ কথাটা আরও পরিষ্কার করে সে বুঝতে পারল। রসায়ন বিভাগের প্রধান অধ্যাপক সাবিত্রী আশ্মার নাম করে দেববাণীকে তাঁর সঙ্গে দেখা করবার পরামর্শ দিয়েছিলেন। তাঁর কথাগুলি আজ দেববাণীর মনে পড়ল। ওঁর খুব কিছু ক্ষমতা নেই, তিনি বলেছিলেন, কিন্তু ভাল কোনও উদ্যোগ দেখলে উনি যেমন উৎসাহের সঙ্গে সাহায্য করতে এগিয়ে আসেন, এম. পি.-দের মধ্যে তেমন বোধ হয় খুব কম আছেন।

সামান্য কয়েক সপ্তাহে দেববাণীকে স্নেহ ও প্রীতির বন্ধনে বেঁধে ফেলেছিলেন সাবিত্রী আশ্মা। শুধু যে সাধ্যের ও শক্তির অতিরিক্ত সাহায্য করতেই এগিয়ে এসেছিলেন তা নয়, তাঁর সঙ্গে স্নেহ-শ্রদ্ধা-স্নিগ্ধ সম্পর্ক গড়ে উঠেছিল। এর মধ্যে কতবার দেববাণী তাঁর কাছে এসেছে, প্রত্যেকবার তিনি সাদরে তাকে গ্রহণ করেছেন। শুধু তাই নয়, নিজের জীবনের কত-না গল্প করেছেন, দেববাণীর জীবনের কথা সাগ্রহে শুনেছেন, এমন কি তাঁর একমাত্র সমস্যা—কণা সরোজাকে নিয়ে পর্যন্ত তাদের অনেক কথাবার্তা হয়েছে। সাবিত্রী আশ্মার চরিত্রের নির্মল ঔদার্য দেববাণীকে গভীর ভাবে স্পর্শ করেছিল। যখন সে বুঝতে পেরেছিল, রিসার্চ ইনস্টিটিউট ব্যাপারে সত্যিকারের সাহায্য করবার ক্ষমতা সাবিত্রী আশ্মার নেই, যে সব স্মৃষ্টি, জটিল, অহুচ্চারিত কারণে ব্যক্তি-বিশেষের আয়ত্তে রাজনৈতিক ক্ষমতা এসে থাকে তার বাইরে বাস করে তিনি কেবল প্রারম্ভিক ব্যর্থ চেষ্টা করতে পেরেছেন, তখনও দেববাণী ক্ষুণ্ণ হয় নি, বরং তাঁর অসহায় গুণাহুধ্যায়ের আরও বেশি আকৃষ্ট হয়েছিল। অসাধারণ জীবন-তৃষ্ণা আশ্চর্য সাহসে, বিচিত্র পথে তাঁর জীবনকে বিকশিত করেছিল। দৃষ্ট মধ্যাহ্ন উত্তীর্ণ হয়ে সে যখন ম্লান গোষ্ঠুলিতে উপনীত হ'ল, শীতের বিশীর্ণা নদীর মত স্তিমিত হয়ে গেল তার তেজ, তখন, অপরিহার্য নিষ্ঠুর হিসাব-নিকাশে, সাবিত্রী আশ্মা দেখতে পেলেন, তাঁর অগোচরেই অনেকখানি ফাঁক ও ফাঁকি জমা হয়ে গেছে। একদিন এ সব কথা নিজেই তিনি দেববাণীকে বলছিলেন। “ফুরিয়ে যাওয়া যে কত দুঃখের তা ফুরাবার মুখে না, এলে আমরা বুঝতে পারি নে,” বলেছিলেন সাবিত্রী আশ্মা। “বৃদ্ধকালে কেবল মনে হয়, জীবনে ছুঁলগুলি যদি না হ'ত-। ইচ্ছে হয়, আর একবার নতুন

জীবন শুরু করি। অথচ এ-ও জানি যে, নতুন করে শুরু মানে আবার নতুন ছুঁল।”

আশ্চর্য লাগে দেববাণীর ভাবতে পৃথিবীর বিভিন্ন অঞ্চলে মানুষের জীবনে কি ভয়ানক তফাৎ। পশ্চিমে মানুষ জীবনকে ভোগ করতে চায়, তার চেয়ে বড় পাওনা তাদের নেই। ভোগ করবার বাধাও তারা কাটিয়ে উঠেছে। যে দারিদ্র্য জীবনকে উপবাসী রাখে, বঞ্চিত করে, সে দারিদ্র্য পশ্চিমে আর নেই। মানুষে মানুষে ব্যবধান ঘুচে গেছে অনেকখানি। পর পর মহাযুদ্ধে সামাজিক বিধি-নিবেধ গেছে ভেঙে। বিজ্ঞান ও যন্ত্র মানুষের জীবনকে ত্বরিত-গতি করেছে, ধীর-স্থিরতা আর নেই। এখনকার জীবনদর্শনের সবচেয়ে বড় কথা, ভোগ কর। নরনারীর দৈহিক আনন্দ সবচেয়ে বড় হয়ে দাঁড়িয়েছে। পশ্চিমে তাই যৌবনের এত সম্মান, কদর, যৌবন আছে ত সব আছে; যেহেতু যৌবন চিরদিন থাকবে না, তাই যতদিন আছে, আনন্দ কর, স্মৃতি কর, ভোগ কর।

অথচ ভারতবর্ষে মানুষের জীবন এখনও ভিন্ন তালে চলছে। দারিদ্র্য মানুষকে উপবাসী করে রাখছে। ভোগ-বিলাস কেবলমাত্র মুষ্টিমেয় পয়সাওয়ালার মানুষের প্রাপ্য। তারা নাইট-ক্লাবে যায়, ক্যাবারে দেখে, মদ খায়, মেয়েমানুষ নিয়ে স্মৃতি করে। তারা দেশে-বিদেশে ঘুরে বেড়ায়। তাদের কেউ কেউ অক্সফোর্ড স্ট্রীটে স্মৃতি তৈরি করে, ভিয়েনার অর্কেস্ট্রা, মস্কোর ব্যালে ও প্যারিসের নাটক নিয়ে আলোচনা করে। কিন্তু মূলতঃ ভোগ এদের জীবনেও খিড়কির দরজা দিয়ে ঢোকে। ভারতবর্ষের জীবন-দর্শনে এখনও ভোগ-বিমুখতাকে, না-পাওয়াকে উচ্চ স্থান দেওয়া হচ্ছে। সেজন্তু হয়ত ভারতীয় জীবন ক্ষুদ্র, ভীক, স্বল্প-তৃপ্ত, দুঃসাহস-বিমুখ। তবু সে শাস্ত, স্থির, মন্থর। হয়ত এ সবই বাধ্যতামূলক; বঞ্চিত মানুষের একমাত্র সখল পরলোক-নির্ভর, বাস্তব উদাসীন জীবন-দর্শন। কিন্তু ভারতবর্ষ যে এখনও ভোগী হয়ে ওঠে নি, উঠতে পারে নি, উঠতে আরও বেশ কিছুদিন লাগবে, এরই মধ্যে বর্তমান ভারতীয় বাস্তবের অনেকখানি নিহিত রয়েছে। সাবিত্রী আশ্মা স্বামীকে ভাল না বেসেও গভীর অনিচ্ছায় তাঁর সম্মান গর্ভে ধারণ করেছিলেন; জীবনের অতৃপ্ত আকাঙ্ক্ষার উদ্গত পরিতৃপ্তি খুঁজেছিলেন দেশপ্রেম ও দেশসেবার মধ্যে; উদ্ভেজনার বহরগুলি কেটে যাবার পর বুঝতে পারলেন ফাঁক ও ফাঁকি। সরোজা, তাঁর কণা, সে ফাঁক ও ফাঁকির দুঃসহ বোঝা বয়ে বেড়াচ্ছে। পশ্চিমে হ'লে,



দেববাণী ভাল, সরোজা আধুনিক গল্প-উপন্যাসের নারী-চরিত্র অঙ্কন করত; মনোবিকলন-পারদর্শীরা, ওকে নানা রকম পরামর্শ দিতেন। কিন্তু ভারতবর্ষে সরোজা মা, বাবা, ছ' হাজার বছরের প্রাচীন সভ্যতা, এবং বর্তমান যুগের অগভীর অবিশ্বাস—সব কিছু বোঝা অজ্ঞানে অবচেতনে সজ্ঞানে ব'য়ে বেড়াচ্ছে; পশ্চিমের যে আধুনিকতায় সে খানিকটা অন্তত মুক্তি পেতে পারত তা থেকে বঞ্চিত হয়ে নিঃসার আক্রোশে কেবল আঘাত করছে।

বাসন্তী দেবীকে নীরব দেখে সারা রাস্তা দেববাণীও কোনও কথা বলল না। মৃত্যু মনকে বড় বিমগ্ন ক'রে দেয়। সাবিত্রী আন্নার কথা ভাবতে ভাবতে বার বার সরোজার কথা মনে হতে লাগল। মার মৃত্যুর পর তার সঙ্গে যে দেখা হ'ল না একথা সে ভুলতে পারল না।

সারা দিনে দেববাণীর অনেকগুলি কাজ করবার ছিল। সাবিত্রী আন্নার অস্ত্যেষ্টিক্রিয়া দেখবার জন্তে যমুনাতীরে নিগম্বোধ ঘাটে যাবার ইচ্ছে দেববাণীর হল না; বরং মনে পড়ল, সন্ধ্যার দিকে দরকারী একটা সাক্ষাৎকার আছে। বাসন্তী দেবী ছ'দিনের জন্তে হরিদ্বার, ঋষিকেশ, লহমনঝোলা বেড়িয়ে আসতে চাইছেন; রামকৃষ্ণ মিশনে চিঠি লিখে অতিথিশালার থাকবার ব্যবস্থা ক'রে নিয়েছেন। কাল তিনি যাবেন, তাঁর টিকেট কেনবার ব্যবস্থা করতে হবে। অত্যাঁত কাজের মধ্যে, হিমাদ্রি ও খোকনের আসন্ন আগমনের আশায়, ছোট একটা ক্ল্যাটের সন্ধান পাওয়া গেছে, সেটা একবার দেখে আসতে হবে।

নিজামুদ্দিনের বাসায় ফিরে চটপট তৈরী হল দেববাণী। স্নান সেরে, সাজ-পোশাক সমাপ্ত ক'রে দেখল, বাসন্তী দেবী তার জন্তে লুচি ভেজেছেন, সঙ্গে আলুর তরকারি। ব্রেকফাস্ট সেরে দেববাণী তাড়াতাড়ি তিন খানা জরুরী চিঠি লিখে ফেলল। তার পর বেরিয়ে পড়ল।

প্রথমে যার সঙ্গে দেখা করতে গেল দেববাণী, তিনি মার্কিন দূতাবাসের সংস্কৃতি ও বিজ্ঞান বিভাগে উচ্চপদ অফিসার, নাম আর্থার অসওড্‌স্‌ সারকিসিয়ান। ছ' ফুট ছ-ইঞ্চি লম্বা, তেমনি চওড়া, মাথায় একটি চুলও নেই, মাংসল মুখখানায় থমথমে গাভীর মতো, মার্কিন চেহারার সচরাচর যেমন হয়ে থাকে, কোথায় একটু অপক হেলেমাহুবি লুকানিত। চাখ গভীর নীল, সুপুষ্ট দীর্ঘ নাক। আর্থার সারকিসিয়ানের সামনে ব'সে দেববাণীর আর একবার মনে হল, মার্কিন জাতটার জীবনে পদে পদে খামখেয়ালি বিপরীতের দৌরাত্ম্য। এরকম দশাসই

মাহুশকে সংস্কৃতি ও বিজ্ঞান বিভাগের অধিকতা ব'লে গ্রহণ করতে গেলে সংস্কৃতির যে বাস্তব ব্যাখ্যা প্রয়োজন, একমাত্র আমেরিকায় তা বিনা দ্বিধায় গৃহীত হ'তে পারে।

আর্থার সারকিসিয়ান দেববাণীর সঙ্গে সৌজন্যপূর্ণ ব্যবহার করল। কিন্তু যে প্রয়োজনে দেববাণী এসেছিল সে বিষয়ে কথাবার্তায় সে খুব প্রীত হ'ল না।

দেববাণী বলল, “আপনি হয়ত জানেন আমি এবং আমার বন্ধু ডাঃ এইচ্‌ বসু, দিল্লীতে উচ্চতর বৈজ্ঞানিক গবেষণার একটি কেন্দ্র স্থাপন করতে চাই। আমাদের উদ্দেশ্যে কয়েকটি মার্কিন বন্ধু এবং একটি ফাউন্ডেশন সাহায্য করবার প্রতিশ্রুতি দিয়েছেন।”

আর্থার সারকিসিয়ান গভীর মুখে বিশ্বয় আমদানী ক'রে বলল, এ বিষয় সে কিছু জানে না।

দেববাণী আশ্চর্য না হয়ে একটু হাসল। সে জানে, আর্থার সারকিসিয়ানের সব ব্যাপারটা খুব ভাল জানা আছে। যুহ হাশ্বে সে জানিয়ে দিল, তুমি যে জান তা আমি জানি। এবং অল্প কথায় সে সারকিসিয়ানকে বিষয়টা বুঝিয়ে দিল।

সারকিসিয়ান প্রশ্ন করল, “আমেরিকায় কারা আপনাদের সাহায্য করছেন?”

দেববাণী জানত, সারকিসিয়ানের এ সব খবর জানা আছে। তাই নিঃসঙ্কোচে সে বলল।

সারকিসিয়ান আবার প্রশ্ন করল, “আপনি ত অনেক বছর আমেরিকায় আছেন?”

“আট বছর কাটিয়েছি আপনাদের অতিথি বংসল দেশে,” দেববাণী জবাব দিল।

“আপনার যে গবেষণায় নাম হয়েছে তা আমরা জানি। এমনকি আপনার গবেষণার কথা একাধিকবার আমরা এদেশে প্রচারও করেছি।”

“ধন্যবাদ। আপনাদের দেশে অকুণ্ঠ সাহায্য না পেলে আমি কিছু করতে পারতাম না,” দেববাণী আন্তরিক কৃতজ্ঞতার সুরে বলল।

“আপনার গবেষণা কি শেষ হয়েছে?”

“গবেষণা কি কখনও শেষ হবার, ডাঃ সারকিসিয়ান?”

“তা হ'লে একুনি দেশে আসতে চাইছেন কেন?”

“চেষ্টা করলে গবেষণা দেশে এসেও চলতে পারবে।”

“কিন্তু, একটা ইনস্টিটিউট গ'ড়ে তোলা ত সহজ কাজ নয়। তার বন্ধি সামলাতে গিয়ে ইট-সুরকির ব্যবসাদার,



সরকারী দপ্তরে হানা দিতে দিতে আপনাকে বিজ্ঞান ছাড়তে হবে।”

“একবার ইনস্টিটিউট চালু হয়ে গেলে তখন এসব সমস্যা আর থাকবে না।”

“তার চেয়ে আমেরিকায় আরও কিছুদিন কাজ করলে আপনার সুবিধে হ’ত না? ওখানে কি আপনার কোনও অসুবিধা হচ্ছে? যদি তাই হয়—”

“না, না। আমার কোনও অসুবিধা হচ্ছে না। কি জানেন, ভারতবর্ষের এখন সবচেয়ে বেশি প্রয়োজন বিজ্ঞানের। তাই আমরা বাইরে গিয়ে যেটুকু শিখেছি দেশে এসে তার ব্যবহারিক বিনিয়োগের চেষ্টা করা আমাদের প্রত্যেকের কর্তব্য।”

সারকিসিয়ান বলল, “তা ত বটেই। আমার অবশ্য মনে হয়—এটা আমার একান্ত ব্যক্তিগত ধারণা—এদেশে সবচেয়ে বেশি প্রয়োজন কৃষি-উন্নয়ন। আপনার পরিকল্পিত গবেষণাগারের চেয়ে ছোট ছোট লেবরেটরী তৈরী ক’রে মাটি, সার, শস্যের হুমকি-পতঙ্গ ধ্বংস, এসব নিয়ে কাজকর্মের প্রয়োজনীয়তা অনেক বেশি। আমার মনে হয়—মাপ করবেন, আমার ভুলও হ’তে পারে— ভারতবর্ষে প্রাথমিক কর্তব্যগুলি উপযুক্ত প্রাধান্য পাচ্ছে না। অনেক বড় বড় কাজে আপনারা হাত দিচ্ছেন, অথচ যে-সব ছোট ছোট ব্যাপারের সঙ্গে আপনাদের বেশির ভাগ মানুষের জীবন ঘনিষ্ঠ জড়িত, সেদিকে উপযুক্ত নজর আপনাদের নেই।”

“আপনি যা বলছেন তা কতটা সত্যি আমার জানা নেই। আমি দেশে কাজকর্ম কোথায় কতটুকু হচ্ছে বিশেষ জানি নে। তবে এটুকু বুঝতে পারি যে, ছোট ছোট ব্যাপার নিয়ে ব’সে থাকার সময় আমাদের নেই। আমরা বড় দেরিতে শুরু করেছি। আমরা এখনও গরুর গাড়ীর যুগে আটকে রয়েছি, আপনারা মহাব্যোমে অভিযান চালাচ্ছেন। আমাদের ঘরে এখনও কেরোসিনের বাতি জ্বলে; আপনারা আণবিক শক্তিতে শিল্প-চালনার চেষ্টায় লেগে গেছেন। আমাদের হাতিয়ার এখনও কুপাণ, বড় জোর রাইফেল; আপনারা আণবিক বোমায় পৃথিবী ধ্বংসের ক্ষমতা অর্জন করেছেন। যারা এগিয়ে গেছে আর যারা এগোতে পারে নি, তাদের মধ্যে প্রভেদ আজ যত বেশি ইতিহাসের অস্ত্র কোনও যুগে এতটা ছিল না। স্বতরাং আমাদের একসঙ্গে অনেক কিছু করতে হবে, এবং তাড়াতাড়ি করতে হবে। আমাদের সমাজ হেঁড়া প্রাচীন কাঁথার মত, তাকে তালি দিয়ে আর চলবে না।”

“আপনি যা বললেন একথা এদেশে সর্বদা তখনতে পাই,” অর্থাৎ সারকিসিয়ান কিঞ্চিৎ হতবুদ্ধি হয়ে বলল, “অথচ এর অর্থ বুঝতে পারলেও যথার্থ্য সম্বন্ধে আমি নিজে নিঃসন্দেহ নই। উচ্চাশা খুব বড় জিনিষ, কিন্তু আশার বীজ ছড়িয়ে যদি ফসল কাটা না যায় তা হ’লে ফল অত্যন্ত খারাপ হ’তে পারে। ধরুন, আণবিক বোমা। এ কথা আজ সবাই জানে যে, আণবিক বোমা প্রায় প্রত্যেক মধ্যম অগ্রসর দেশে তৈরী হ’তে পারে। কিন্তু কথা হচ্ছে, তৈরী হওয়া দরকার কি না। একটা আণবিক বোমা তৈরী করতে যে অর্থ খরচ হয় তা দিয়ে অনেক অল্প ভাল কাজ করা সম্ভব। এবং ভারতবর্ষের মত ছ’চারটে দেশ দু-দশটা আণবিক বোমা তৈরী করলে পৃথিবীর বর্তমান বিভীষিকার ভারসাম্য কোনও মতে বদলাবার সম্ভাবনা নেই।”

দেববাণী বলল, “আপনার তুলনাটা একটু বেখাপ্পা হল, কিছু মনে করবেন না। যতদূর জানি আমাদের দেশে আণবিক বোমা তৈরীর কোনও প্ল্যান নেই। বরং আপনারাই ব্রিটেন ও ফ্রান্সকে আণবিক বোমা তৈরীর সুযোগ এবং কিছু কিছু সুবিধে ক’রে দিয়েছেন। কিন্তু আমাদের আণবিক শক্তির প্রয়োজন আছে। শিল্প সংগঠনে বা বিদ্যুৎ নির্মাণে আণবিক শক্তি অবশ্য এখনও আপনাদের দেশেও খুব একটা সাহায্য করে নি, বা তাকে করতে দেওয়া হয় নি, কিন্তু এমন এক দিন নিশ্চয় আসবে যখন আণবিক শক্তির বিনিয়োগে আমাদের অগ্রগতি সহজতর হবে।”

অর্থাৎ সারকিসিয়ান যে ধূশী হল না, দেববাণী তা বুঝল।

সারকিসিয়ান কয়েক মুহূর্ত চুপ থেকে গলার স্বর মোলায়েম ক’রে প্রশ্ন করল, “আপনার গবেষণার বিষয় আমরা কি করতে পারি?”

দেববাণী বলল, “আমি খোলাখুলি কথা বললে অপরাধ নেবেন না ত?”

“নিশ্চয় না।”

“আমি শুনেছি, এ বিষয়ে আমাদের সরকার আপনাদের মতামত জানতে চেয়েছেন।”

“আর কি শুনেছেন?”

“আপনারা খুব একটা উৎসাহ দেখাচ্ছেন না।”

সারকিসিয়ান গভীর নীল-চোখে নীরবে তাকিয়ে রইল।

দেববাণী বলল, “উৎসাহ দেখান, না-দেখান আপনাদের ব্যাপার, আপনারা বুঝবেন। আমি :

আপনাদের দেশ থেকে কোন সরকারী সাহায্য চাই নি। এদেশে গভর্নমেন্টের কাছে আমরা কেবল জমি চেয়েছি। আমাদের গবেষণাগারকে সরকারী প্রভাবের বাইরে রাখার চেষ্টা করছি আমরা। আপনার কাছে অহরোধ, এমন কিছু করবেন না যাতে আমাদের উন্নয়ন ব্যর্থ হয়।”

আর্থার সারকিসিয়ান নীরবে চিন্তা করল।

তার পর বলল, “আপনি কবে আমেরিকা ফিরে যাচ্ছেন?”

“আরও কিছুদিন আছি। ছুটি একটু বাড়তেও পারি।”

“একদিন আমাদের সঙ্গে ডিনার খেতে আসুন; খুব খুশী হবেন মিসেস সারকিসিয়ান।”

“ধন্যবাদ।”

“কবে আপনি ফ্রী আছেন?”

“সপ্তাহখানেক পরে।”

“কেন? এক সপ্তাহ পরে কেন?”

“ডাঃ বসুর আসার কথা ছুটার দিনের মধ্যে।”

“হামি আপনাকে ফোন করব এখন।”

আর্থার সারকিসিয়ান সাক্ষাৎকারের সমাপ্তি সূচনা করল।

দেববাণী তবুও ব'লে উঠল, “আমার অহরোধ সম্পর্কে আপনি কিন্তু কিছু বললেন না।”

আর্থার সারকিসিয়ান তখন উঠে দাঁড়িয়েছে। দেববাণীর দিকে হাত বাড়িয়ে দিয়ে করমর্দন করতে করতে বলল, “এ বিষয়ে আমাদের বিশেষ কিছু বলার নেই। কিন্তু আপনার সঙ্গে পরিচয় পাকা করার ইচ্ছে রইল। ডাঃ বসু ও আপনি একদিন ডিনারে এলে খুব খুশী হব।”

দেববাণী বুঝতে পারল গবেষণাগার স্থাপনে এঁদের উৎসাহ নেই। বুঝতে পেরে মনটা তেতো হয়ে উঠল। বর্তমান কালে সবচেয়ে বড় মুশকিল, দেববাণী ভাবল, সরকারকে বাদ দিয়ে বা এড়িয়ে কোনও কিছু করা যায় না। বিদেশী মুদ্রার চলাচল সরকারের কঠোর তত্ত্বাবধানে। বেসরকারী সাহায্যও মার্কিন ও ভারত গভর্নমেন্টের সম্মতি ছাড়া পাবার উপায় নেই। অথচ সরকারী মানসের রীতিনীতি অনেক সময়ে ব্যক্তি-মানসের চিন্তাধারা থেকে একেবারে আলাদা। গবেষণাগারের প্রস্তাব কেন মাঝপথে আটকে গেছে তার কিছু আন্দাজ এবার দেববাণী পেয়ে গেল। পাবার সঙ্গে সঙ্গে তার মনে সেই কথাটাই আবার নতুন করে মনে হ'ল: এ

আমার কাজ নয়। আমার ওপর এ দায়িত্ব চাপান হিমাত্রির উচিত হয় নি। এ এক বিচিত্র ছনিয়ায় আমরা বাস করছি। কোনও কিছু রাজনীতি কূটনীতি থেকে আলাদা করে দেখবার উপায় নেই। বিজ্ঞান পর্যন্ত রাষ্ট্রনীতির অন্ততম বাহনে পরিণত হয়েছে।

ঘড়িতে দেববাণী সময় দেখে নিল। আরও একজনের সঙ্গে দেখা করবার আছে। তিক্ত মন নিয়ে স্টুথানে যাবার খুব উৎসাহ নেই। তবু যেতে হবে। অ্যাপয়েন্ট-মেন্ট করা হয়ে গেছে।

গোকুলভাই বিপিনভাই দেশাই কনট সার্কাসে একটা ফ্ল্যাটে বাস করেন। আজীবন গান্ধীর সহচর-শিষ্য। উনিশ শ' একুশ সালে গান্ধীজি যখন অসহযোগ আন্দোলন শুরু করেন, গোকুলভাই তখন পুণায় একটা প্রতিষ্ঠাবান্ কলেজে দর্শনশাস্ত্রের অধ্যাপক। অধ্যাপনা ছেড়ে গান্ধীর শিষ্য হলেন। পরে মহারাষ্ট্র অঞ্চলে অন্ততম ত্রাণনাল কলেজের অধ্যক্ষ নিযুক্ত হন। তিন দশকে বিপিনভাই গান্ধীর আশ্রমে চ'লে যান। তার পর থেকে এখন পর্যন্ত শিক্ষা-বিষয়ে নানা জাতীয় কাজকর্মে তিনি লিপ্ত। তিন-চারটে সরকারী কমিশন কমিটিতে তিনি সদস্য হিসেবে কাজ করেছেন; কয়েক বছর বরোদা বিশ্ববিদ্যালয়ের ভাইস-চ্যান্সেলারও ছিলেন। গোকুলভাই দেশাই-এর বয়স এখন পঁয়ষট্টি। গুত্র-কেশ খুব ছোট করে ছাঁটা; ফর্দা গোলগাল মুখখানায় বুদ্ধির দীপ্তি, দার্শনিক প্রশাস্তি। বড় বড় শাদা চোখের মাঝখানে কালো মণি এখনও আশ্চর্য উজ্জ্বল। বেঁটে-খাট দেহ, হালকা, গতিশীল।

গোকুলভাই দেশাই-র সঙ্গে একদিন সাবিত্রী আশ্রম বাসায় দেববাণীর আলাপ হয়েছিল। গান্ধীজির শিষ্যত্ব ছ'জনের মধ্যে গভীর বন্ধুত্ব গড়ে তুলেছিল; সাবিত্রী আশ্রম গোকুলভাইকে দেববাণীর কথা বেশ একটু ভাল করেই বলেছিলেন। দেববাণীরও অল্প সময়েই গোকুলভাই-এর প্রতি শ্রদ্ধা জন্মেছিল। দেববাণী-বিদ্যায় নেবার সময় তিনি বলেছিলেন, প্রয়োজন হলে সে যেন তাঁর সঙ্গে দেখা করে।

সিঁড়ির নীচে এক শিখ-দরজি ছোট্ট দোকান খুলে বসেছে। তার পাশে পেভ মেণ্টে মুচি বসেছে তার যাবতীয় সরঞ্জাম নিয়ে। সিঁড়ি উঠে গেছে বক্র গতিতে দৃষ্টির আড়ালে। পেভ মেণ্টে দাঁড়িয়ে নিশ্চিন্ত হবার জন্তে দেববাণী দরজিকে জিজ্ঞেস করল, দেশাই-সাব কি ওপরে থাকেন? দরজির মাথা নাড়া শেষ না হতেই সে সিঁড়ি বেয়ে ওপরে উঠে গেল।

দোতলার দরজার গায়ে গোকুলভাই দেশাই-এর নাম দেখতে পেল। বেল টিপতে একটি তরুণ এসে দরজা খুলল।

“মিঃ দেশাই আছেন?”

“আছেন। আপনি ভেতরে আসুন।”

ভেতরে গিয়ে সে দেববাণীকে যে ঘরে বসাল তাতে আলোর অভাব। পুরাণে একটা সোফা সেটের স্থানে স্থানে রেঙ্কিন উঠে গেছে। এক কোণে একটা গোল টেবিলে এক রাশি সংবাদপত্র ও ম্যাগাজিন জড়ো হয়ে আছে। ঘরটায় খুব একটা আলো ঢুকতে পারে না। দেখালের অনন্যস্থানিতে রং-এর প্রলেপ, কিন্তু মাঝে মাঝে প্রলেপ উঠে গিয়ে সাদা বেরিয়ে পড়েছে। দেববাণী দেখল, দেয়ালে মাত্র দুখানা অলংকার। একখানা মহাশয় গান্ধীর ছবি—মৃত দেহের আলোকচিত্র; অপরখানা ইংরেজী ক্যালোগ্রাফ।

একটু পরেই বিপিনভাই ঘরে এলেন। মোটা খন্ডের কুর্টা ও পায়েজামা। তাঁতে-বোনা মোটা পশমী চাদরে দেহ আবৃত।

দেববাণী দাঁড়িয়ে নমস্কার করতে বিপিনভাই তার দুখানি হাত ধরে ফেললেন। মুখখানা তাঁর বিষম; গম্ভীর।

“এই একটু আগে আমি ফিরেছি,” বিপিনভাই বললেন। “আপনাকেও ত দেখলাম ওখানে।”

“আমি খবরের কাগজ খুলে জানলাম তিনি মারা গেছেন।”

“সাবিত্রীকে আমি অনেক বছর ধরে জানি। সে আমার অত্যন্ত আপনার লোক ছিল।”

দেববাণী চকিত দৃষ্টিতে বিপিনভাই-এর চোখে তাকাল। দেখল, নিস্তরঙ্গ বিবাদের মধ্যেও মুহূর্তে আলোর ঝলকানি। গভীর অন্ধকার রজনীতে নক্ষত্রের আলো।

“সাবিত্রীর মত সাহসী স্ত্রীলোক সচরাচর দেখা যায় না। জীবনে কোনও প্রতিকূল অবস্থাই তাকে আটকাতে পারে নি। অমন সংসাহস আমি খুব বেশি দেখি নি।”

“আমি ঠিক জীবন-কাহিনী কিছু কিছু শুনেছি,” দেববাণী মুহূর্তে বলল।

“ক’র কাছ?”

“উনিই বলেছেন।”

“আরও অনেক গুণ ছিল সাবিত্রীর। সে ছিল যাকে বলতে পার পরমা স্নানরী। যেদিন সে প্রথম গান্ধীজির আশ্রমে এল—সে আজ অনেক দিনের কথা, তখন তার বয়স কম হয় নি—তাকে দেখে আমরা সবাই মুগ্ধ

হয়েছিলাম। আমার চেয়ে দু’এক বছরের ছোট ছিল সাবিত্রী। অল্প দিনেই আশ্রমে সে নিজের প্রতিষ্ঠা বিস্তার ক’রে নিয়েছিল।”

“খুব স্নেহশীল ছিল তাঁর মন,” দেববাণী যোগ দিল।

“আর আশ্চর্য উদার,” সোৎসাহে বললেন বিপিনভাই। “কোনও রকমের সঙ্কীর্ণতা সাবিত্রীর মনে স্থান পায় নি। আরও একটা বিশেষ গুণ ছিল তার—সংগ্রামে উৎসাহ। লড়তে না পারলে সে শাস্তি পেত না। ছোট-বড় আন্দোলন যাই যখন হোক না কেন, জেলে যাবার জন্তে সাবিত্রী সবার আগে তৈরি।”

“অমন উদার ছিলেন বলেই অত সহজে আমাকে তিনি এত স্নেহের সঙ্গে গ্রহণ করেছিলেন,” দেববাণী বলল, “সংগ্রামী ছিলেন, তাই আমার জন্তেও কম চেষ্টা করেন নি।”

“আপনার মধ্যে যে ‘ফাইট’ আছে তাই সাবিত্রীকে আকর্ষণ করেছিল। কাউকে ভাল কাজের জন্তে লড়তে দেখলেই সে আনন্দ পেত, তার পাশে দাঁড়াবার চেষ্টা করত। আর এ জন্তেই স্বাধীনতার পর তার প্রতিষ্ঠা কমে গেল। তখনও সব কিছু নিয়ে তাকে লড়তে দেখে নেতারা অসন্তুষ্ট হলেন।”

“ও কথা আমাকেও তিনি বলেছিলেন।”

“আমাদের বেশির ভাগ নেতারা, বোধ করি সমস্ত দেশটাই, স্বাধীনতার পর সংগ্রাম-ক্লান্ত। ইংরেজ বিদায় নিয়ে যেন আমাদের সংগ্রামের সমাপ্তি ঘটিয়ে দিয়ে গেছে। দেশ গ’ড়ে তোলাও যে বিরাট সংগ্রাম, হয় স্বাধীনতা পাবার চেয়েও বড়, সে কথা আমরা মনেতে রাজী নই। সাবিত্রী ছিল সেই মুষ্টিমেয়দের দলে যারা কিছুতেই লড়াই ছাড়তে রাজী নয়। আমি একবার তাকে জিজ্ঞেস করেছিলাম, ‘ইংরেজ গেল, এবার লড়বে কার সঙ্গে?’ মুহূর্তের দ্বিধা না ক’রে সে বলেছিল, ‘ইংরেজের চেয়েও বড় শত্রু আছে, তার সঙ্গে।’ আমি প্রশ্ন করলাম, ‘কে সে?’ উত্তর হ’ল, ‘আমরা নিজেরা।’

সাবিত্রী আশ্রম সঙ্ঘে আরও অনেক কথা বললেন বিপিনভাই দেশাই। দেববাণী বুঝল, এ সব কথা বলতে পেরে এই পঁয়তাল্লিশ বছরের বৃদ্ধের মন হালকা হতে পারছে। হয়ত সে বাইরের অল্প-পরিচিত মেয়ে বলেই বিপিনভাই প্রাণ খুলে এত কথা বলতে পারছেন, ফিরে যেতে পারছেন সেই সুদূর অতীতে যেখানে, অল্প কোনও যুগে, অল্পতর পরিস্থিতিতে, অল্প চরিত্রের ভূমিকায় তিনি, সাবিত্রী আশ্রম এবং আরও অনেকে একদিন এক ভিন্ন রঙ্গক্ষেত্রে আবির্ভূত হয়েছিলেন। বিপিনভাই-এর কথা

তখনতে তখনতে দেববাণীর মনে হ'ল, জীবন কি বিরাট আশ্চর্য, আর তারও চেয়ে বড় বিশ্বয় মানুষের ভালবাসা।

সাবিত্রী আশ্চার সঙ্গে বিপিনভাই দেশাই-এর জীবন কোন্ অসুস্থ নৃত্রে অতীতের কোনও এক অসতর্ক মুহূর্তে বাধা পড়েছিল, দেববাণী কেবলমাত্র আন্দাজ করতে পারল। এ বন্ধনের গভীরতা ছিল কতখানি, কিংবা তার ব্যাপকতা, বিপিনভাই-এর কথা তখনতে তখনতে মন তার তাই নিয়ে কৌতূহলী হয়ে উঠল। বিপিনভাই ব'লে গেলেন সেই অতীতকালের রোমাঞ্চকর সব কাহিনী, যখন দেশের মুক্তির মধ্যে কত-না নরনারী নিজেদের জীবনের নানাবিধ সমস্যার মুক্তি-সন্ধান পেয়েছিল। আশমিক জীবনের শাস্ত্রী বাতাবরণে হৃদয়ের উত্তাপ নিয়ে এঁরা সেদিন কি করতেন, দেববাণীর মন প্রশ্ন করল, কিন্তু বিপিনভাই-এর সন্ত-শোকতপ্ত স্বতঃস্ফূর্ত জবান-বন্দীতে তার সম্যক জবাব পেল না। তার মনে পড়ল, মা বাসন্তী দেবীর কথা। “নবীন বাংলা”র যুগে বিবেকানন্দ-অরবিন্দের আদর্শে উদ্ভুদ্ধ হৃদয় যে পাশাণ কঠিন নীরব সংযমে ত্যাগকে সবচেয়ে বড় ব'লে মেনে নিত, বিশশতাব্দীর উত্তর-তিরিশের অনেক-তরল পরিস্থিতিতেও কি সে-রকম সংযমে প্রেমকে এঁরা কামনার আশ্রয় থেকে রক্ষা করতে পেরেছিলেন? বিপিনভাই দেশাই অকৃতদার : তাঁর এই আত্মজীবন কোমার্গের পেছনে সাবিত্রী আশ্চার প্রভাব কতটুকু? দেববাণী সবিস্ময়ে লক্ষ্য করল, বিপিনভাই একবারও সাবিত্রী আশ্চার স্বামীর নাম উল্লেখ করলেন না। সরোজার কথাও একবার তাঁর মুখে উচ্চারিত হ'ল না। সে সাবিত্রীর কাহিনী বলতে বলতে বার বার তিনি উদ্বেলিত হলেন, সে স্ত্রী নয়, মা নয়, শুধু নারী।

এমনি ক'রে প্রায় এক ঘণ্টা কেটে গেল। এক সময় হঠাৎ বিপিনভাই-এর খেয়াল হ'ল, দেববাণীকে তিনি কেবল নিজেদের কথা ও সাবিত্রী আশ্চার কথাই ব'লে গেছেন, তার কথা একবারও জিজ্ঞেস করেন নি।

কথাবার্তার রাশ টেনে, সলজ্জ হাসির সঙ্গে বললেন, “এতক্ষণ আমি কেবল আমাদের কথাই ব'লে গেলাম; আপনার নিশ্চয় ভাল লাগছে না। আসলে মৃত্যু মানুষের মনকে বড় নরম ক'রে দেয়। স্মরণ করিয়ে দেয়, তোমারও সময় হয়ে এসেছে, ঠৈরি হয়ে নাও।”

“আপনার কথা শুনে আমার খুব ভাল লাগছে,” দেববাণী আন্তরিকতার সঙ্গে বলল।

“আমরা কেউ একবারে মরি না, আস্তে আস্তে মরি।

বয়স হবার সঙ্গে সঙ্গে মৃত্যু শুরু হয়। জীবনের এক-একটা দিক মরতে থাকে। এক একজন আত্মীয়-বন্ধু-স্বজনের মৃত্যুর সঙ্গে আমাদেরও খানিকটা ম'রে যায়।”

দেববাণীকে এবার তিনি বললেন, “এসব কথা থাক। আপনার বয়সে মৃত্যুর কথা তখনতে ভাল লাগে না। এবার আপনার কথা বলুন। সাবিত্রীর কাছে আপনার গবেষণাগারের কথা আমি শুনেছিলাম। কতদূর কি হ'ল বলুন।”

দেববাণী সব কিছু শুঁড়িয়ে বলল। মার্কিন দূত্ববাসে একটু আগে কথাবার্তা পর্যন্ত।

বিপিনভাই গভীর মনোযোগে শুনেছিলেন। দেববাণী থামলেও তিনি কিছুক্ষণ ভাবলেন।

তার পর বললেন, “ব্যাপারটা কোথায় আটকেছে আন্দাজ করতে পারছি। আপনাদের গোড়ায় ভুল হয়েছে, আপনারা নির্দিষ্ট পথে এগোন নি।”

“নির্দিষ্ট পথ মানে?”

“গবেষণাগার স্থাপনের পরিকল্পনা প্রথমে আপনাদের ভারত সরকারের কাছে পাঠান উচিত ছিল। বিদেশী সাহায্য সংগ্রহের ব্যবস্থা তঁরাই করতেন।”

“তা হ'লে উদ্যোগটাও তঁদেরই হ'ত।”

“কিন্তু আপনাদেরও তাতে স্থান থাকত।”

“সে রকম স্থান আমরা চাই নি। আমরা চেয়েছিলাম বেসরকারী ভাবে কিছু তৈরি করতে।”

“বর্তমান অবস্থায় তা সম্ভব নয়। ভবিষ্যতেও এদেশে হবে কি না সন্দেহ।”

“কেন?”

“সম্ভব যে নয় তা শুধু দেখতেই পাচ্ছেন। ভারত সরকার জানেন না, ঠা'রা আপনাদের অর্থ ও যন্ত্রপাতি দেবার আশ্বাস দিয়েছেন তঁরা কেমন লোক, তঁাদের উদ্দেশ্য কি। মার্কিন গবর্নমেন্টও তঁাদের সরাসরি সাহায্য দিতে অসুমতি দেবেন, মনে হচ্ছে না। এদেশে যে কয়টি মার্কিন ফাউন্ডেশন কাজ করছে, সবার সঙ্গে হ'দেশের গবর্নমেন্টের ঘনিষ্ঠ যোগাযোগ রয়েছে।”

“কিন্তু আমি নিজেই দেখেছি জার্মানীতে কয়েকজন বৈজ্ঞানিক নিজেদের প্রচেষ্টায় মার্কিন সাহায্য নিয়ে মস্ত এক গবেষণাগার স্থাপন করেছেন। জার্মান সরকার তঁাদের বাধা দেন নি।”

“জার্মানীতে যা সম্ভব ভারতবর্ষে তা সম্ভব নয়। প্রথম কথা, ওরা অনেক এগিয়ে গেছে, ওদের প্রত্যেক



পদক্ষেপের আগে সতর্ক হয়ে চারদিকে তাকাতে হয় না। দ্বিতীয়তঃ, ওরা ধনতন্ত্রের পথে চলছে, আমরা মোটামুটি সমাজতন্ত্র গঠন করতে চেষ্টা করছি। এদেশে দেশ গঠনে সরকারের যতখানি দায়িত্ব ও অভিভাবকত্ব, জার্মানীতে তা নয়। তা ছাড়া, আমার মনে হচ্ছে, মার্কিন সরকারও হঠাৎ একটা উচ্চতর বৈজ্ঞানিক গবেষণাগারের জন্তে অর্থ সাহায্য দিতে চট্ট করে রাজী হবেন না।”

“তাই ত দেখছি।”

“ওরা আমাদের অনেক সাহায্য করছে, কিন্তু মার্কিন জাতটা এমন দুর্ভাগা, সুনাম একেবারে পাচ্ছে না। তার কারণ ওরা আমাদের নতুন করে গেলে সাজবার প্রয়াসে সাহায্য করতে এগিয়ে আসছে না। ওরা বলছে, তুমি রুগ্ন, দুর্বল, তোমার উপসর্গগুলি যাতে কমে আসে তার ব্যবস্থা করছি। আমরা বলছি, উপসর্গ নয়, আসল রোগটার চিকিৎসা প্রয়োজন। ওরা মানছে না।”

“ওদের বোঝাবার চেষ্টা করেছি আমরা?”

“সরকারের তরফ থেকে চেষ্টার ক্রটি হয়েছে বলে ত মনে হয় না। একটা কথা সচরাচর আমাদের দেশের লোকে জানে না। মার্কিন দেশের সঙ্গে ভারতবর্ষের ভাবগত আদান-প্রদান আজকের নয়, বহু দিনের। স্বামী বিবেকানন্দ আমেরিকা যাবার বেশ আগে আমাদের বেদান্ত দর্শন ওদেশে কিছু প্রভাব বিস্তার করেছিল। ইংরেজের সঙ্গে আমাদের লড়াই-এ আমরা প্রথম মহা-যুদ্ধের পরেই আমেরিকার সমর্থন চেয়ে আবেদন-নিবেদন, প্রচার-প্রভাব শুরু করেছিলাম। গান্ধীজী নিজেও মার্কিন জনমত সংগঠনের জন্তে কম চেষ্টা করেন নি। লালা লাজপত রায় ও সরোজিনী নাইডুকে তিনি আমেরিকায় ভারতের স্বাধীনতা-দাবীর সমর্থন সংগঠনের জন্তে বার বার নির্দেশ দিয়েছেন। প্রথম মহাযুদ্ধের শেষ থেকে দ্বিতীয় মহাযুদ্ধের মাঝখান পর্যন্ত আমরা মার্কিন জাতটাকে ভারতবর্ষের সঙ্গে পরিচিত করার চেষ্টা করে এসেছি। স্বাধীনতা পাবার পরে, ইংরেজের কথা বাদ দিলে, আমেরিকার সঙ্গেই আমাদের আদান-প্রদান সবচেয়ে বেশি। আজ ভারতবর্ষে বোধ করি কয়েক হাজার আমেরিকান ‘নিশেষজ্ঞ’, ‘পারদর্শী’, ‘পরামর্শদাতা’ অবস্থান করছেন। তাঁরা সমস্ত দেশে ছড়িয়ে রয়েছেন। অনেকে বিশ্ববিদ্যালয়ে বক্তৃতা করছেন, অনেকে গ্রামাঞ্চলে কাজ করছেন, আবার অনেকে শিল্প, স্বাস্থ্য, বিজ্ঞান, এ সব বিবিধ বিষয়ে লিপ্ত আছেন। মার্কিন সংবাদপত্র-গুলি একে একে এদেশে প্রতিনিধি পাঠাচ্ছে। সুতরাং ভারতবর্ষকে জানবার ও বুঝবার সুযোগ-সুবিধে

আমেরিকার যতখানি ছিল বা আছে ততটা, ইংরেজ ছাড়া, বাইরের আর কোন দেশের নেই।”

“তবু, আপনি বলছেন, ওরা বুঝতে পারে নি?”

“আমাদের ত তাই মনে হয়। ওরা হয়ত নিজেদের দিক থেকে বেশ ভালই বুঝে নিয়েছে। আমাদের মনে হয়, অল্প কোন জাতকে বুঝতে ও জানতে হ’লে যে অস্তুদৃষ্টি, যে নিস্পৃহ আত্ম-নিবর্তনের প্রয়োজন তা ওদের কমই আছে। ওরা কেবল ওদের দৃষ্টিতে, মাপকাঠিতে সবকিছু বিচার করে দেখতে চায়।”

“আমি অনেক দিন ওদের দেশে কাটিয়েছি,” দেববাণী বলল। “ওদের চরিত্রের ভাল-মন্দ অনেক কিছু নিজের চোখে দেখেছি, মনে বুঝেছি। কিন্তু ভারতবর্ষে ব’সে ওদের কেমন দেখায় তা জানতে পারি নি।”

“তা হ’লে আপনি এবার কি করবেন ভাবছেন?”

“আপাততঃ আমার আর কিছু করার নেই। আমার বন্ধু ডাঃ বসু হয়ত কয়েক দিনের মধ্যে এসে পড়বেন। গবেষণাগারের প্ল্যান আসলে তাঁরই।”

“সাবিত্রী আপনাদের কথা একদিন আমাকে বলছিল।”

দেববাণী একটু আড়ষ্ট হ’ল।

বিপিনভাই বললেন, “তিনি ত ভিয়েনা থেকে আসছেন।”

“হ্যাঁ।”

“কবে আসবেন?”

“ঠিক জানি নে। আজ-কালের মধ্যে জানাচ্ছি পারব।”

“তিনি এসে কি কিছু করতে পারবেন?”

“আমি বিশেষ ভরসা পাচ্ছি নে। না পারলে, আমরা ফিরে যাব। ছ’জনেরই চাকরি আছে।”

তার সঙ্গে বিপিনভাইও হাসলেন।

“দেশে কিছুদিন কাজ করুন না কেন?”

“কাজ কোথায়?”

“কাজ হয়ত জুটে যাবে। আগে মন স্থির করুন।”

“আপনি কি আমাকে বিশেষ কোনও চাকরীতে ডাকছেন?”

“ওধু আপনাকে নয়। আপনাদের ছ’জনকেই।”

হঠাৎ দেববাণীর মুখে কথা জোগাল না। সে নীরবে বিপিনভাই-এর মুখে তাকিয়ে রইল।

“আমি বরোদা বিশ্ববিদ্যালয়ের শাইস-চ্যান্সেলার ছিলাম। এ বছর বোধ করি আবার আমাকে এ দায়িত্ব



নিতে হবে। যদি আপনারা দেশে কাজ করতে চান, খুব সম্ভব হ'জনকেই আমরা নিতে পারব।”

“আপনাকে ধন্যবাদের ভাষা নেই আমার। অবশি আমরা দেশে কাজ নেব কি না তার কিছুই ঠিক নেই।”

“জানি। যদি নিতে চান, আমাকে লিখবেন।”

“আপনি আমাদের সম্বন্ধে খোঁজ-খবর নিয়েছেন?”

“এক-আধটু নিয়েছি। বরোদা বিশ্ববিদ্যালয়ের বিজ্ঞান বিভাগকে অনেকখানি বাড়াবার প্ল্যান তৈরী হয়েছে। গবর্নমেন্ট সে জন্তে টাকা দিচ্ছেন। পদার্থ ও রসায়ন দুটো বিভাগকেই আমরা অনেক বাড়াব। পদার্থ বিজ্ঞান বিভাগে খাণবিক শক্তি নিয়ে রিসার্চ করবার ব্যবস্থা হবে। কথা হচ্ছিল হ'চার জন বিদেশী বিশেষজ্ঞ আনবার। আপনারা যদি আসেন তা হ'লে বেশ ভালই হবে। আপনার কাজকর্মের কিছুটা পরিচয় আমার জানা আছে; আমার বন্ধু ডাঃ ভগবান্দাসের কাছে ডাঃ বসুর কথা তুলেছিলাম।”

“কিন্তু আপনি কি ক'রে জানলেন আমি আপনার সঙ্গে দেখা করব, বা আমাদের দেশে চাকরি নেবার ইচ্ছা আছে?”

বিপিনভাই হেসে বললেন, “আপনারা আমাদের যত অলস ও অকেজো ভাবেন ততটাই আমরা নই। আমরাও সর্বদা উপযুক্ত লোক খুঁজে বেড়াচ্ছি। হুঃখের কথা, শিক্ষাবিভাগে উপযুক্ত লোক পাওয়া যায় না, গেলেও ধ'রে রাখা যায় না। কিছুদিন পরে হয় তারা বিদেশে চ'লু যায় নয়ত সরকারী চাকরি নিয়ে বসে। বিশ্ব-বিদ্যালয়গুলি তখন মাইনে দিতে পারে না, তাই তাদের ছোর কম। সাবিত্রীর কাছে আপনার কথা শুনে শুখনই আমি ভেবেছিলাম বরোদায় আপনাকে আনা যায় কি না। সাবিত্রীকে বলেওছিলাম। কিন্তু আপনার গবেষণাগারের ব্যাপারটা ঠিক মত ক'েসে যাওয়ার আগে আপনাকে কিছু বলা উচিত মনে করি নি।” হাসতে হাসতে বললেন, “ক'েসে যে যাবে আমি আগেই জানতাম। আপনার ঠিকানা আমার কাছে ছিল, আপনি আমেরিকায় ব'সেই আমার চিঠি পেতেন। কিছুদিন আগে ডাঃ ভগবান্দাসের সঙ্গে বরোদা বিশ্ববিদ্যালয় নিয়ে কথাবার্তা হচ্ছিল। জিজ্ঞেস করেছিলাম, বাইরে ভাল ভারতীয় বৈজ্ঞানিক তাঁর জানা কারা আছেন। অল্প হ'চার জনের সঙ্গে ভিয়েনায় ডাঃ বসুর কুথাও'তিনি বললেন। তখনই আমার মনে পড়ে গেল, ইনি সাবিত্রীর বাড়ীতে দেখা বাঙালী মেয়েটির বন্ধু। বুঝতে পারলেন—

বিপিনভাই এবার উচ্চকণ্ঠে হেসে উঠলেন—“আমরা

অনেক বড় জাল ফেলে মাছ ধরবার চেষ্টা করি। কিন্তু পাই নে। গবর্নমেন্ট সব ভাগিয়ে নিয়ে যায়।”

দেববাণী বলল, “শিক্ষাক্ষেত্রে উপযুক্ত শিক্ষকের অভাব, একথা আমি অনেকের কাছে শুনছি। বিদেশে কিন্তু এতটা নেই। আমেরিকায় পর্যন্ত বিশ্ববিদ্যালয়গুলি ব্যবসা-বাণিজ্য বা গবর্নমেন্টের সঙ্গে পাল্লা দিয়ে মাইনে দিতে পারে না। ধ'রা শিক্ষা ও গবেষণা নিয়ে জীবন কাটাতে চান, তাঁরা অপেক্ষাকৃত দারিদ্র্য স্বীকার ক'রে নেন। তাঁদের পুরস্কার অনেকখানি পারমাণ্বিক। আমাদের দেশে আমরা খুব বড় গলায় স্পিরিচুয়ালিজমের কথা বলি, কিন্তু কাজের বেলায় আমরা বেঈধ্য হয় কারুর চেয়ে কম ভোগবিলাসী নই।”

“বরং অনেকের চেয়ে বেশি,” ছোর দিয়ে বললেন বিপিনভাই দেশাই। “অবশ্য তার কারণও আছে। বহুদিন না পেয়ে পেয়ে আমাদের ক্ষুধা আজ অনেক বেশি; সবকিছু আমরা একসঙ্গে, অস্তিত্ব খুব তাড়াতাড়ি পেতে চাইছি।” একটু থেমে আবার বললেন, “আপনি যখন কথাটা তুললেন, তখন আমার পক্ষে প্রশ্ন করা কি অশ্রায় হবে যে, আপনারা হু'জনে কত টাকার চাকরি হলে দেশে ফিরতে পারবেন?”

আরক্ত হয়ে দেববাণী বলল, “হু'জনের কথা ত আমি বলতে পারব না।”

“তা হ'লে আপনার কথাই বলুন।”

“ভেবে দেখি নি। দেশে আসব চাকরি নিয়ে একথাটাই এখনও পরিষ্কার ক'রে ভাবি নি।”

“কিন্তু একটা আভাস দেওয়াও আপনার পক্ষে সম্ভব নয়?”

একটু ইতস্ততঃ ক'রে দেববাণী বলল, “কাজ পছন্দ হলে টাকার ব্যাপারে আটকাবে না শুধু এটুকু আপনাকে বলতে পারি।”

“আপনার একার কথা, না হু'জনার?”

লজ্জা পেয়ে দেববাণী বলল, “আমার একার। ডাঃ বসু খেখাল হলে বিনে মাইনেতেও কাজ করতে পারেন।”

বিপিনভাই বললেন, “আমরা কি দিতে পারব জেনে রাখতে পারেন। সঠিক বলতে পারছি না, তবে হু'জনকেই আমরা অধ্যাপকের পদে নিতে পারব। এক-একটা বিভাগের সম্পূর্ণ পরিচালনার ভার থাকবে আপনাদের ওপর। আট শ' থেকে বার শ' গ্রেডের যে-কোন স্থানে আপনারা সুরু করতে পারবেন।”

দেববাণী বলল, “আপনার প্রস্তাব লোভনীয় সম্ভেহ

নেই। ভেবে দেখব। যদি দেশে ফিরে আসতে চাই তা হ'লে এর চেয়ে ভাল কিছু ভাবতে পারি নে।”

বিপিনভাই প্রশ্ন করলেন, “বাধা কিসের?”

“বাধা একটু আছে,” দেববাণী আস্তে বলল।

উঠল দেববাণী। এ প্রশ্ন সে বাড়তে দিতে চায় না। বিপিনভাইকে মাথা নীচু করে নমস্কে জানাল। তিনি দরজা পর্যন্ত এগিয়ে দিলেন।

সিঁড়ি বেয়ে নামবার মুখে হঠাৎ দাঁড়িয়ে দেববাণী বলে উঠল: “আপনি সরোজা কোথায় জানেন? সকালে ও-বাড়ীতে সরোজাকে ত দেখতে পেলাম না!”

বিপিনভাই-এর নরম শাস্ত মুখে অচানক কাঠিন্দ দেখতে পেল দেববাণী।

তিনি বললেন, “না।”

সিঁড়ি দিয়ে নামতে নামতে দেববাণীর মনে হ'ল বিপিনভাই এক ঘণ্টা সাবিত্রী আখার গল্প করেছেন; এর মধ্যে যে তাঁর স্বামীর নামই উচ্চারণ করেন নি তা নয়, সরোজার নামও তিনি মুখে আনেন নি।

১৭

সন্ধ্যার পরে হিমাদ্রির কেবল পেল দেববাণী।

“তোমার জরুরী আহ্বানের অর্থ বুঝতে পারছি না। তবুও আসছি। আজ ছুটি মঞ্জুর হ'ল। দেবকুমারকে ‘তার’ করেছি। কাল ছেনিভায় পৌঁছব। ওখান থেকে কবে দিল্লী পৌঁছব জানাব।”

কিছুক্ষণ আগে কাছাকাছি বাড়ীতে বড় গোছের একখানা ফ্ল্যাট একমাসের জন্তে দেববাণী পেয়ে গেছে। আইরীণই ঠিক করে দিয়েছে। স্যুইডিস এক শুদ্ধ-লোকের ফ্ল্যাট, স্ত্রী দেশে চ'লে গেছেন, তিনি মাস দু-একের জন্তে হায়দরাবাদে যাচ্ছেন কাজ; দেববাণীকে ‘কেয়ার-টেকার’ হয়ে থাকতে হবে; ভাড়ার অর্ধেক দিলেই চলবে। অত বড় ফ্ল্যাটের কোনও প্রয়োজন ছিল না দেববাণীর; তবু সুবিধে অনেক, ভাড়া খুব বেশি নয়। আইরীণের গাড়ী দরকার হ'লে ব্যবহার করা যাবে, যদিও কিছুদিন হ'ল সে প্রায়ই ট্যাক্সি চড়েছে; ফ্ল্যাটে টেলিফোন আছে; শয়নঘর থেকে রান্নাঘর পর্যন্ত বিলেতী কায়দায় সাজান-গোছান। মা ত কাল হরিদ্বার যাচ্ছেন; দেববাণী বুঝতে পারছে, হিমাদ্রি আসবার সময় ইচ্ছে করে তিনি স'রে পড়ছেন। যদিও বলছেন, দু'চার দিন পরেই ফিরে আসবেন, দেববাণীর ধারণা তিনি সপ্তাহ খানেক থাকবেন। খোকনকে নিয়ে তাকে একাই নতুন ফ্ল্যাটে

থাকতে হবে। হিমাদ্রির জন্তে দেববাণী হোটেলের একটা ঘর বুক করতে যাচ্ছিল, এমন সময় আইরীণ এসে হাজির হল।

“তোমার একটা কেবল এসেছে, না? হিমাদ্রির ত?”

“হ্যাঁ।”

“কবে আসছে?”

“তা জানি নে। তবে আসছে।”

দেববাণী কেবলটা আইরীণের হাতে দিল।

পরে ছুটু হাসিতে আইরীণের মুখ-চোখ ভ'রে গেল।

“কোন বাঁধনে এমন শক্ত করে বেঁধেছ জানতে পারি কি?”

“আমাদের কবির ভাষায়, বন্ধনহীন গ্রন্থি।”

“আর গন্তে?”

“বন্ধুত্ব।”

“না, না। প্রেম।”

“মস্তুরা রাখ। তুমি একটু বস। আমি ইম্পিরীয়েলে একবার ফোন করি।”

“কেউ এসেছি বুঝি?”

“না। হিমাদ্রির জন্তে একটা ঘর বুক করে রাখি।”

“বাঃ। একটা পুরো ফ্ল্যাটে তোমাদের দু'জনের জায়গা হবে না?”

“মার খাবে।”

“আর কতদিন এই ছেলে-খেলা চলবে তোমাদের?”

“দেখি কতদিন চলে।”

“অর্থাৎ চালিয়ে যাবেই?”

“না চললে আর চালাব কি করে?”

“বাণী, তুমি এবার সীরিয়স হও।”

“সীরিয়স হয়েই ত আমার সব মুশকিল হয়েছে।”

“তা হ'লে হালকা হও।”

“দেখি হ'তে পারি কি না।”

“হিমাদ্রির জন্তে হোটেলের ঘর খুঁজছ কেন?”

“তবে সে থাকবে কোথায়?”

“কেন? তোমার কাছে?”

“তুমি বড্ড বেড়েছ।”

“আচ্ছা, আচ্ছা, হিমাদ্রির থাকার ঘর ঠিক হয়ে গেছে।”

বিস্মিত দেববাণী প্রশ্ন করল, “কি বললে?”

“হিমাদ্রির থাকার ঘর ঠিক হয়ে গেছে।”

“কোথায়?”

“তা নিয়ে তোমাকে ভাবতে হবে না।”

“অল্প কেউ ভাবলে আমার পক্ষে খুব খুশী হবার কথা নয়।”

“আ-হা! এই ত তোমার মুখ খুলেছে। মাহুঘ হয়েছ দেখতে পাচ্ছি।”

নিজের অসতর্ক প্রগল্ভতার লঙ্ঘিত হয়েছিল দেববাণী।

সে বলল, “সঙ্গদোষ।”

“সঙ্গুণ বল। মোট কথা, হিমাদ্রির বাসস্থান ঠিক আছে।”

“কোথায় ঠিক হ’ল?”

“এখানে।”

“তার মানে?”

“খুব সহজ। হিমাদ্রি এখানে থাকবে। এই ভূমি এখন যেখানে আছে।”

“আইরীণ!”

“বাণী!”

“তুমি কি ঠিক বলছ?”

খুশিতে উচ্ছল দেববাণী।

“বেচারি হিমাদ্রি। তোমার সঙ্গে থাকতে না পারলে, অন্তত তোমার কাছাকাছি ত থাক!”

“তুমি একটি এঞ্জেল, আইরীণ।”

“ধন্যবাদ। তা হ’লে তাই ঠিক রইল।”

“ববুকে জিজ্ঞেস করেছ ত?”

“না।”

একটু দমে গিয়ে দেববাণী বলল, “তা হ’লে কি ক’রে হবে?”

“ববু নিজেই এ ব্যবস্থা দিয়েছে।”

“তাই নাকি?” আবার খুশিতে উচ্ছলে উঠল দেববাণী।

“এবার বল, ববু একটি কিউপিড?”

এতদিন দেববাণী শুঁহিয়ে যে-সমস্তার কথা ভাবে নি. ভাবতে চায় নি, তাকে না জানিয়েই তার মন সে-সমস্তার ওপর অনেকখানি প্রলেপ লাগিয়ে রেখেছে। দেশের মাটি, বায়ু, জল আর মাহুঘের স্পর্শে দেববাণীর অন্তর্দ্বন্দ্ব যেন অনেকখানি কোমল ও নরম হ’য়ে এসেছে। সলিসিটর তালুকদার বৈষয়িক বাস্তব যুক্তিতে তাকে কিছুটা ভয় পাইয়ে দিয়েছিলেন, কিন্তু ভয় তার সমস্তাকে মেটাতে পারবে না, দেববাণী তা ঝালই বুঝতে পেরেছিল। তার মায়ের নীরব আকাজকা ও অহুরোধ, সাবিত্রী আশ্রমের অভিজ্ঞতা-নিকবিত উপদেশ এবং বিপিনভাই দেশাই-এর অপ্রত্যাশিত কর্তব্য-প্রস্তাবনা : সবকিছু মিলে দেববাণীর

অন্তরে একটা অশুভ, অস্পষ্ট অহুভূতি সৃষ্টি করে’ছে, যাকে ভাষায় রূপ দিতে গেলে হয়ত বলতে হবে, সব কিছু আমাকে তোমার কাছে টেনে আনছে, আমি নিজে আর নিজেকে সরিয়ে রাখতে পারছি না। দেবকুমার হিমাদ্রিকে মায়ের স্বামীর ভূমিকায় গ্রহণ করবে কি না এ প্রশ্নের জবাব দেববাণী এখনও পায় নি; কিন্তু মন তার বার বার বলছে, এ প্রশ্নের সমাধান আর ঠেকিয়ে রাখা যাবে না; এবার তার একটা বিহিত করতে হবে। দেশের সঙ্গে সামান্য নতুন পরিচয়েই দেববাণী বুঝতে পেরেছে, বিদেশে তারা যে-ভাবেই বছরের পর বছর কাটাক না কেন, ভারতবর্ষে তাদের সম্পর্ককে সামাজিক অনুমোদনে সুপক্ক না করতে পারলে সসন্মানে কাজ করা যাবে না। বিপিনভাই দেশাই তাদের দু’জনকে বরোদা বিশ্ববিদ্যালয়ে আহ্বান করেছেন; কিন্তু তাদের সম্পর্কে সামাজিক বৈধতার ছাপ না থাকলে এ চাকরি যে করা যাবে না, এটুকু দেববাণী ভালই বুঝতে পেরেছে।

স্বাধীন ভারতবর্ষের নীতি-মান দেববাণী খুব একটা এখনও জানতে পারে নি। তবু, যেটুকু দেখেছে এবং যা-সব এক সপ্তাহে শুনেছে তাতে বুঝতে পেরেছে, জাতীয় জীবনের অত্যাচার কেত্রে যেমন, এখানেও তেমনি নানা বিরুদ্ধ প্রভাবের সংগ্রাম চলছে। শহরে সমাজের উঁচু স্তরে নীতি-মান অনেকখানি নেমে এসেছে। নতুন ধনী-দের মধ্যে বোধকরি সবচেয়ে বেশি। অত্যাচার ভোগের সঙ্গে নারী ও স্ত্রী ভোগও ভারতবর্ষে অনেক বেড়েছে স্বাধীনতার পরে। এককালের ভোগবিমুখ নেতাদের বর্তমান সন্তোষ-বিলাসের যে-সব কাহিনী এরই মধ্যে সে শুনেছে তার যদি কিছুটাও সত্যি হয় তা হ’লে বুঝতে হবে, নীতি-বাণীপতা দেশে আর নেই। পরস্পরকে বিবাহ করার কয়েকটি কাহিনী দেববাণী শুনেছে; ডিভোসের পর মেয়েরা স্বচ্ছন্দে আবার বিয়ে করছে। সাবিত্রী আশ্রম একদিন হেসে বলেছিলেন, ডিভোস-করা মেয়েদের যত সহজে বিয়ে হয় কুমারী মেয়েদেরও তা হয় না। চলতি ভাষায় যাকে সোসাইটি বলা হয় তার মধ্যে সন্তোষ-প্রবাহ যে অনেকখানি ছড়িয়ে পড়েছে তাতে সন্দেহ নেই।

সামাজিক নীতি-মান শুধু জীবনের পক্ষে অবশ্যই অনেকখানি উদার হয়েছে। কে কাকে বিয়ে করল তা নিয়ে দেববাণীর ছাত্রকালেও যে আলোড়ন হ’ত, আজ আর তা নেই। কাজিন-ম্যারেজ পর্যন্ত সমাজ উদারতার সঙ্গে গ্রহণ করছে। একজনের স্ত্রীকে ভাগিয়ে নিয়ে বিবাহ করলেও সমাজে সে গৃহীত হচ্ছে : কিছুদিন আগে দেববাণীর সঙ্গে এমনি এক দম্পতির পরিচয় হয়েছিল

দিল্লীর কোনও কলেজে তাঁরা ছুঁজনেই পড়ান। মেয়েটি আগের স্বামীকে ছেড়ে বর্তমান স্বামীকে বিয়ে করেছে; ডিভোর্স পর্যন্ত নেয় নি। ভারতবর্ষের আইন বোধ হয় এ বিষয়ে যথেষ্ট কড়া নয়। আনুষ্ঠানিক বিবাহ আইনত স্বীকৃত; উত্তরাধিকারে উইল সবচেয়ে বেশি জোরাল। বিবাহ সম্পর্কে সমাজ ও দেশ যে অত্যন্ত উদার হয়েছে তাতে, অভাব, সন্দেহ নেই। কিন্তু অবিবাহিত নরনারীর একত্র জীবনকে সমাজ এখনও গ্রহণ করে নি। সহজে করবেও না। বিদেশে এ-ধরনের সম্পর্ককে সমাজ গ্রহণ না করলেও বর্জন করে না; সহ্য করে নেয়। ভারতবর্ষে তা হবার নয়। এমন কি বিবাহের বাইরে ঘনিষ্ঠ বন্ধুত্বও এদেশে কুৎসা ও ব্যঙ্গের বিষয়। অর্থাৎ, দেববাণী বুঝতে পেরেছে, ভারতবর্ষ কোনও রকমে মিলিয়ে দেবার জন্ত ব্যগ্র; না মেলান পর্যন্ত তার মনে যেন শাস্তি নেই। হিমাদ্রি ও আমি যদি দেশে এসে কাজ করতে চাই, বাস করতে চাই, দেববাণী মনে মনে গত কয়েকদিন বার বার বলেছে, তা হ'লে...তা হ'লে আমাদের বিয়ে করতে হবে, স্বামী স্ত্রী হতে হবে।

অথচ, কি আশ্চর্য, ছুঁজনের টাকায় লেকের ধারে বাড়ী করবার সিদ্ধান্তের সময়ও এমন স্পষ্ট করে একথা দেববাণীর মনে হয় নি।

সেদিন উজ্জীর্ণ সন্ধ্যায় ম্যাসাচুসেট্‌স্ থেকে হিমাদ্রি অমন করে বিদায় নেবার পর দেববাণী পরম নিশ্চিন্তে সারারাত ঘুমিয়েছিল। হিমাদ্রিকে সাধারণ পুরুষের নথ ভূমিকায় দেখতে পেয়ে তার রমণী হৃদয় প্রগল্ভ পরিতৃপ্তিতে ভরে গিয়েছিল। সে যে নিজেকে দিতে পারে নি, এজন্ত কোনও বেদনা সেদিন রাত্রে তার মনকে আঘাত করে নি। তার না-দেবার মধ্যে যে পরিপূর্ণ দান লুকিয়ে ছিল হিমাদ্রির মত অন্ধ মানুষের পক্ষেই তা দেখতে না পাওয়া সম্ভব; কিন্তু হিমাদ্রির কামনার বহিঃ দেববাণীর সর্বদা নিবিড় সুস্পর্শের মত সারারাত লেগে রইল।

পরের দিন সে হিমাদ্রিকে চিঠি লিখল, সপ্তাহ-শেষে আমি তোমার অতিথি হ'ব। এয়ারপোর্টে এস।

বেশ সেজেগুজে দেববাণী হারভার্ডে এসে উপস্থিত হ'ল। হিমাদ্রি কোনও দিন তাকে এমন সযত্নে সুবেশিত দেখে নি। এয়ারপোর্টেই অবাক হয়ে তাকিয়ে রইল।

“কি দেখছ?”

দেববাণী চিঠিতেই ‘তুমি’ লিখেছিল। মুখে এবার সন্মোহনটা একটুও আটকাল না।

“খুব সেজেছ, তাই দেখছি।”

“হঠাৎ একটু সাজতে ইচ্ছে হ'ল।”

হিমাদ্রি হাসল।

“চিঠিতে কিছু লেখ নি। হঠাৎ চ'লে এলে যে?”

“হঠাৎ চ'লে আসার ইচ্ছে হ'ল।”

“খুব ছেলেমানুষি করছ দেখছি,” হিমাদ্রি খানিক হতবুদ্ধির মত বলল।

“কেন? আমি কি বুড়ী হয়ে গেছি?”

হিমাদ্রির হোটেলেই দেববাণীর জন্ম ঘর নেওয়া হয়েছিল। তখন সন্ধ্যা হয়ে এসেছে। হোটেলে পৌঁছে ছুঁজনে যে যার ঘরে গিয়ে হাত মুখ ধুয়ে একত্র বেরিয়ে পড়ল।

দেববাণী বলল, “চল কোথাও গিয়ে বসি।”

“পার্কে যাবে?”

“বড় ভিড়।”

“তা হ'লে?”

“ইউনিভারসিটির পার্কে চল। সেখানটা নির্জন।”

হিমাদ্রি একটু ইতস্তত করল।

“চল।” দেববাণী বলল, “তোমার ছাত্র ও সহকর্মীদের কাছে লজ্জা পাবার কিছু নেই।”

ছুঁজনে এসে ফুলে-শুঁরা রং-বাহার পার্কের ধন সবুজ লনের একধারে বসল। হিমাদ্রির মুখে কথা নেই।

কথা বলল দেববাণীই।

“অমন হন্ হন্ করে চ'লে এলে কেন সেদিন?”

“তা ছাড়া আর কি করবার ছিল, বল?”

দেববাণীর মুখে হঠাৎ কথা এল না। নিজেকে সে গুছিয়ে নিল। খোলাখুলি কথা বলা তার এমনই স্বভাব, আজ আরও মনস্থির ক'বে এসেছে পরিষ্কার কথা বলবে।

একটু পরে বলল, “তুমি আমাকে বিয়ে করতে চাও?”

হিমাদ্রি চমকিত হয়ে তাকাল। ব্যথা-আনন্দে অস্থির তার বড় বড় গভীর চোখ দু'টি।

“হ্যাঁ।”

“তুমি সুখী হবে?”

“তাই ত মনে হচ্ছে।”

“আমার সবই ত তুমি জান।”

“সে কথা আবার তুলছ কেন?”

“আগে তোমাকে একটা কথা বলে নি। এ কথা শোনবার জন্মে তুমি অস্থির, শোনার অধিকারও তোমার পুরো। কথাটা আর কিছু নয়। আমি তোমাকে ভালবাসি।”



নির্বাকু আনন্দে হিমাদ্রির মুখ উদ্ভাসিত হয়ে উঠল।

“আমি তোমাকে ভালবাসি,” দ্বিতীয়বার বলল দেববাণী। “আমাকে চেয়ে যে সম্মান তুমি দিয়েছ তাতে আমার জীবন যে কতখানি মূল্যবান হয়েছে তা তুমি বুঝবে না।”

“তা হ’লে তোমার মত আছে?”

“কিন্তু পুরুষ ব’লে তুমি আমার কতগুলো সমস্যা বুঝতে পারছ না। এ সমস্যার সমাধান না হওয়া পর্যন্ত আমি মত দিতে পারছি না।”

“কি সমস্যা?”—হিমাদ্রির কণ্ঠে ব্যথার ধ্বনি দেববাণীর অন্তরে প্রতিধ্বনি তুলল।

“আমি মা।”

“তা কি আমি জানি না?”

“তুমি জান। কিন্তু খোকন আমাকে ছাড়া আর কাউকে জানে না। সে আগাকে তোমার স্ত্রী হিসেবে গ্রহণ না-ও করতে পারে।”

“কেন করবে না? আমি তাকে যথেষ্ট স্নেহ করি।”

“খোকন তার বাবাকে ভোলে নি।”

একটু চুপ থেকে হিমাদ্রি প্রশ্ন করল, “তা হ’লে খোকনের জন্তে আমাদের বিয়ে হবে না?”

করুণ হাসল দেববাণী। “তুমি এ ব্যথার অর্থ সবটা বুঝবে না। খোকন তোমাকে গ্রহণ না করতে পারলে আমাকেও সে পাবে না।”

“তা হ’লে খোকনকে বুঝিয়ে বল।”

“সে সময় আজ নয়। খোকন এখানে নেই। সে বড় ছোট, এসব এখনও বুঝবে না।”

“তা হ’লে ভাবছ কেন?”

“সে আমাদের কথা বুঝবে না। কিন্তু নিজের কথা ঠিক বুঝবে। ভাববে, মা তাকে ছেড়ে চ’লে গেল।”

“তা হ’লে?”

“খোকন ছাড়া আরও একটা কথা আছে।”

“বল।”

“যদি সে রাজী হয়, যদি আমরা কোনও দিন এক হ’তে পারি, তবু আমি আবার নতুন ক’রে মা হ’তে পারব না।”

“কেন?”

“খোকনের জন্তে। তা ছাড়া, সে-বয়সও আমার নেই।”

হিমাদ্রি ভাবল। বলল, “বয়স তোমার আছে। কিন্তু তুমি যদি না চাও, তা হ’লে আমার সম্মানের জননী তোমাকে হতে হবে না।”

“তুমি দুঃখ পাবে না?”

“হয়ত পাব। কিন্তু সে দুঃখ সহ্য হবে।”

দেববাণীর চোখে জল এসে গেল।

“তুমি অনেক বড়, তোমাকে যত দেখছি, তত তোমার মাহাত্ম্যের কাছে আমি ছোট হয়ে যাচ্ছি। আজ আমার সকল সমস্যা, হৃদয়, চিন্তা, ভাবনা আমি তোমাকে দিলাম। তার সঙ্গে আমাকেও দিলাম তোমার হাতে তুলে। • তুমি সব গুনলে, সব বুঝলে। এবার যা বলবে আমি তাই করব।”

হিমাদ্রি দেববাণীর হাত দু’টি হ’ হাতে ধরল।

বলল, “তা হ’লে আমার প্রথম হুকুম শামিল কর।”

“হুকুম কর।”

“বড় ক্ষিধে পেয়েছে। চল খেতে যাই।”

হোটেলের ডাইনিং ঘরে দু’জনে খল। অনেক রাত্রি পর্যন্ত দু’জনের কত কথা হ’ল। এক সময় দেববাণী বলল, “রাত অনেক হ’ল। এবার গুতে যাই।”

হিমাদ্রি উঠে দাঁড়াল।

দেববাণীকে বুকে টেনে নিয়ে হিমাদ্রি দেখল তার দেহ জ্বলল না। গভীর প্রেম তাকে শাস্ত করেছে।

দু’দিন আনন্দে কেটে গেল, দুঃখেও। নিজেদের সমস্যা নিয়ে অনেক আলোচনা হ’ল। হিমাদ্রি বুঝল, দেববাণীর অন্তর্দ্বন্দ্ব বাস্তব, কঠিন; না মিউলে দেববাণী পুনরায় স্ত্রী হতে রাজী হবে না। হিমাদ্রি আরও দেখল, পুত্রকে দেববাণী যেমন ভালবাসে, তেমনই ভয় করে। তাকে নিজের আকাঙ্ক্ষার অহুকূলে আনবার কোনও পথ বা উপায় তার জানা নেই, তাকে নিজের সমস্যা বুঝিয়ে বলতে সে ভয় পায়। দেববাণীর একমাত্র ভরসা খোকন নিজেই একদিন মার অবস্থা বুঝবে। দেববাণীর মত বুদ্ধিমতী বৈজ্ঞানিক যে অসহায় ভাবে এমন একটা ভুলকে আঁকড়ে থাকতে পারে হিমাদ্রি ভাবতে পারে নি। তাকে গভীর ভাবে ভাল না বাসলে সে নিশ্চয় অত্যন্ত বিরক্ত হ’ত। বর্তমানে তার প্রধান চিন্তা হ’ল কি ক’রে দেববাণীর মন থেকে এ সংশয় দূর করা যায়। জোর ক’রে দেববাণীকে বাঁধা যাবে না। অথচ তাকে দাঁরে আঁস্তে বন্ধনের মধ্যে নিয়ে আসতে হবে।

দেববাণী ফিরে যাবার আগে হিমাদ্রি ষাড়ী তৈরির কথা পাড়ল।

“তুমি একদিন বলেছিলে তোমার কলকাতায় লেকের ধারে একটা ষাড়ী তৈরি করার ইচ্ছে।”

দেববাণী হেসে বলল, “সে ইচ্ছে এখনও আছে। আমাদের ছাত্রকালে লেক বড় রোমাঞ্চিক ব্যাপার ছিল।



আমরা উত্তর কলকাতার মেয়েরা কালে-ভদ্রে বালীগঞ্জ যেতাম। আমি লেকে বেড়াতে ছুঁতিনবারের বেশি যাই নি। কিন্তু সে ছুঁতিনবারের কথা এখনও আমার মনে আছে। সুদীর্ঘ সরোবর, মাঝে মাঝে ছোট ছোট দ্বীপ, নারিকেল গাছের সারি, বিস্তীর্ণ সবুজ ঘাস; সব কিছু মিলে এক আশ্চর্য কোমল অহুভূতি। ওখানে যারা রোজ বেড়াবার সুযোগ পেত তাদের বেশ হিংসা হ'ত আমার, এখনও মনে পড়ে। কলেজের মেয়েরা লেক-পারের রোমান্স নিয়ে অনেক গল্প করত। আমি ভাবতাম, জীবনে যদি কিছু করতে পারি, লেকের ধারে একখানা ছোট্ট বাড়ী করব।”

“রোমান্সের লোভে?”

“ছোট্ট একখানা একতলা বাড়ী, যার জানলা খুললে লেকের জল দেখা যাবে, নারিকেল গাছের ছায়া পড়বে জলে, ঝিলুঝিলু হাওয়া বার বার কাঁপিয়ে তুলবে লেকের জল। খুব ভোরে উঠে আমি একবার বেড়িয়ে আসব লেকের ধারে, লোকজন কেউ তখনও আসে নি, রাত্রি-শেষে লেক সবে জেগে উঠেছে।”

“সর্বনাশ! তুমি এত রোমাণ্টিক ছিলে নাকি!”

“কি ভয়ানক রোমাণ্টিক যে ছিলাম ছোটবেলা তা বুঝি বলার নয়। অসম্ভব রকম রোমাণ্টিক ছিলাম ব'লেই জীবনে অত বড় ভুল করা সম্ভব হয়েছিল।”

হিমাদ্রি তাড়াতাড়ি বলল, “লেকের ধারে বাড়ী একটা তৈরী ক'রে নাও না কেন?”

নিজের মনেই দেববাণী বলল, “করা হয়ত যায়। কিন্তু সে রামও নেই, সে অযোধ্যাও নেই।”

হিমাদ্রি বলল, “এস ছুঁজনে একসঙ্গে একটা বাড়ী কিনে ফেলি?”

চমকে উঠল দেববাণী। হঠাৎ কিছু বলতে পারল না।

হিমাদ্রি বলল, “আমারও ইচ্ছে লেকের কাছাকাছি একটা বাড়ী করার। ছুঁজনের ছুঁটি ছোট্ট বাড়ী যোগ দিলে বেশ বড় একটা বাড়ী হতে পারে। বড় বাড়ীর অনেক সুবিধে।”

“কিন্তু সে বাড়ীতে বাস করবে কে?”

“বাড়ী খানালেই যে বাস করতে হবে তার কোনও মানে নেই। তুমি আর আমি একসঙ্গে ত কিছু এখনও করলাম না, এস আগে একটা গৃহ-নির্মাণ করি। যদি কোনও দিন আমরা বাস না-ও করি, আমাদের ভালবাসা ওখানে বাস করবে।”

দেববাণী তক্ষুনি রাজী হয়ে গেল।

“বেশ। কিন্তু কারুর বাড়ী আমি কিনতে রাজী নই। আমরা নতুন বাড়ী তৈরী করব।”

“সে ভয়ানক ঝামেলা।”

“মা সব ব্যবস্থা করতে পারবেন। তুমি মাকে জান না। তুমি এখন থেকেই ভাল কনট্রাক্টর ঠিক করতে পারবে। তোমার ত চেনা-জানার অস্ত নেই।”

“টাকা কিন্তু আমি বেশি দেব।”

“কেন?”

“তাই নিয়ম।”

দেববাণী হাসল।

“দিয়ে। যত খরচ হবে তার একগুণ ভাগ তোমার, উনপঞ্চাশ ভাগ আমার। কনট্রোলিং শয়ার তোমারই থাকবে।”

বাড়ী তৈরী হবার সঙ্গে সঙ্গে দেববাণীর মনে আশ্চর্য পরিবর্তন এল। হিমাদ্রি আলগোছে দায়িত্বের প্রায় সবটুকু তার ওপর ছেড়ে দিল। আরকিটেটের প্ল্যান নিয়ে হিমাদ্রির সঙ্গে আলোচনা করতে গেলে হিমাদ্রি বলল, “বাড়ীর আমি কি বুঝি বল? ও-সব তুমি যা ভাল মনে কর তাতেই আমার মত। বরং তোমার ওখানে এদেশী কোনও আরকিটেটকে দেখাও।” টাকা হিমাদ্রি দেববাণীর ব্যাঙ্কে তার নামে জমা ক'রে দিল। অর্থাৎ বাড়ী নিয়ে দেববাণীকে, অল্প সব কাজের মধ্যে, যথেষ্ট ব্যস্ত থাকতে হ'ল। মাকে টাকা পাঠান, মা'র চিঠির উত্তর দেওয়া, কনট্রাক্টরের সঙ্গে পরামর্শ, সব কিছুই তাকে করতে হ'ল। মাঝে মধ্যে হিমাদ্রি এতদূর ছুঁ চারবার পরামর্শ দিল, টেলিফোনে অনেকবার তার সঙ্গে দেববাণী আলাপ করল, কিন্তু হিমাদ্রি কেমন অনায়াসে একপাশে সরে দাঁড়াল।

শুধু তাই নয়, বাড়ী মাত্র কিছুটা তৈরী হয়েছে, এমন সময় হিমাদ্রি আমেরিকা ছেড়ে যুরোপ চলে গেল।

হার্ভার্ডে হিমাদ্রির পড়ানোর মেয়াদ শেষ হয়ে আসছিল। ইচ্ছে করলে সেখানেই, বা আমেরিকার অল্প কোনও বিশ্ববিদ্যালয়ে সে আবার চাকরি পেতে পারত। কিন্তু দেববাণীকে সে জানাল, আমেরিকায় থাকবার ইচ্ছে তার আর নেই। সে যাচ্ছে লন্ডনে।

ছুঁজনে এবার যখন দেখা হ'ল, দেববাণী দেখতে পেল, হিমাদ্রি কেমন অস্থির হয়ে উঠেছে।

“তুমি আমার কাছ থেকে পালাচ্ছ কেন?” প্রশ্ন করল দেববাণী।

“পাছে তোমার ওপর জুলুম ক'রে বসি, তাই।” পরিষ্কার জবাব দিল হিমাদ্রি।

“তুমি পালিয়ে গেলে কি জুলুম কম করা হবে?”

“কাজে থাকলে আরও বেশি হবে।”

“এই সব বাড়ীঘরের দায়িত্ব আমার ওপর চাপিয়ে তুমি সরে পড়ছ?”

“তুমি অনেক বোঝা বহিতে পার, বাণী, এ বোঝাও তোমার সহিবে। আমি এমনি ক’রে আর পারছি না।”

বড় ক্রান্ত মনে হ’ল হিমাদ্রিকে। দেববাণীর অন্তর ব্যথিয়ে উঠল। চাখে জল ধনিয়ে এল। মনে মনে সে বলল, “আমি একাই বৃদ্ধি সব পারি! আমার ক্রান্তি নেই, আমি ভেঙে পড়ি না?”

হিমাদ্রি লগুনে চ’লে যাবার পর দেববাণী একাই তাদের গোপ গৃহ-নির্মাণের দায়িত্ব পালন করল। বাড়ীটা তৈরী হবার সঙ্গে সঙ্গে আশ্চর্য হলে দেববাণী দেখল, তার নতুন একটা সস্তাও বাস্তব জন্ম নিয়েছে।

হিমাদ্রির সঙ্গে সম্পর্কের এই প্রথম শরীর্ষী প্রতিচ্ছবি দেববাণীর নতুন সস্তা। এর সঙ্গে তার পূর্বকার জীবনের কোন সম্পর্ক নেই। এমনকি খোকন পর্যন্ত এর সঙ্গে জড়িত নয়। স্নেহের ধারে এই অদৃষ্ট গৃহ দেববাণী-হিমাদ্রির ভালবাসাকে প্রথম বাস্তব রূপ দিল। শুধু যে বাড়ীঘর প্রতি সুগভীর মমতা দেববাণীর হৃদয় জুড়ে বসল তা নয়, এই প্রথম তার মনে সম্পত্তি-বোধ জগে উঠল। মনে হ’ল, আমার এবার স্থিতি আছে, আমি এবার বড় কিছু বাস্তব সম্পত্তির মালিক। শুধু আমি নই, আমি ও হিমাদ্রি। এ আমাদের গৃহ, এর প্রত্যেকটি প্রাণ, প্রতি বিন্দু সুরকি, প্রতি ইঞ্চি লোহা আমাদের একত্র করেছে। স্নেহের প্রশান্ত জল আমাদের বাড়ীর ছায়া বহন করেছে, নারকেল গাছের ছায়া পড়েছে আমাদের বাড়ীর দেওয়ালে; বুদ্ধ মন্দিরের ঘণ্টা শোনা যাচ্ছে আমাদের বাড়ী থেকে; ঘন-সবুজ ঘাস এসে মিলেছে আমাদের বাড়ীর ফটকে।

বাড়ী তৈরী শেষ হলে তার অনেকগুলো ফটো আনাল দেববাণী। নানা দিক থেকে তোলা, প্রত্যেক-খানায় নতুন গৃহের নবতর শোভা। তিনতলা বড় বাড়ীর স্বাপত্য অনেকখানি মার্কিন, এবং হাল-ফ্যাসানের সুন্দর। কয়েক দিনের ছুটি নিয়ে দেববাণী লগুনে চ’লে গেল হিমাদ্রিকে ফটোগুলি দেখাতে।

খোকন তখন স্কুলের ছেলুদের সঙ্গে নর্থ আয়ারল্যান্ড বেড়াতে গেছে। সাতদিন দেববাণী এবার লগুনে কাটিয়ে এল। বড় আনন্দের সাতটা দিন। খোকনের সঙ্গে তার দেখা হ’ল না। আর সে কিছুই প্রায় দেখল না। যত দীর্ঘ সময় সম্ভব সে কাটাল হিমাদ্রির সঙ্গে।

লগুন যুনিভার্সিটির কিংস্ কলেজে হিমাদ্রি তখন পড়ায়। ছুতনে তারা লাঞ্চ খেল, বিকেলে বেড়াতে গেল, একসঙ্গে সঙ্গীত, নাটক, ছায়াচিত্র দেখল। আর প্রাণ খুলে কথা বলল।

শুধু তাই নয়। টেম্‌স্ নদীর ধারে হিমাদ্রিকে গান শোনাল দেববাণী। বহু বছর পরে আবার সে গান পর্যন্ত গাইতে পারল।

বাড়ীর ছবিগুলি দেখে হিমাদ্রি মহা খুশী।

“গৃহ ত হ’ল,” একদিন সে বলল, “এবার গৃহ-প্রবেশ?”

“আশীর্বাদ কর, তাও যেন একদিন হয়।”

“আর কতদিন এমনি ক’রে কাটবে?”

বিষয় মুখে দেববাণী বলল, “জানি না। এখনও জানি না।”

“চল দেশে ফিরে যাই।”

“না। সময় তার এখনও আসে নি।”

“তুমি অকারণ ভয় পাচ্ছ, বাণী। আমি তোমার সমস্তা বুঝতে পেরেছি। খোকনকে তুমি তোমার অতীত জীবন থেকে আলাদা ক’রে দেখতে পারছ না; তাই তোমার ঠকে নিখে এত ভয়। যে অতীত মিথ্যা, যার কোনও অর্থ নেই, তার সঙ্গে বেঁধে রেখেছ তুমি খোকনকে। তাতে তার ওপর ভয়ানক অস্তায় করছ তুমি। খোকনকে তোমার নতুন জীবনের সঙ্গে মিলিয়ে নিতে পার নি। পাবলে তোমার আর কোনও সংশয় থাকবে না।”

“তুমি ঠিকই বলেছ।”

“কিন্তু এভাবে ত চলতে পারে না। তুমি নিজেই কেবল এ অস্তায়ের প্রতিকার করতে পার। প্রতিকার তোমাকে করতেই হবে।”

“করব। আর কিছু সময় দাও আমায়।”

“কত সময়?”

“আরও কিছু দিন। যদি পারি প্রতিকার করতে, তোমার পাশে এসে দাঁড়াব। যদি না পারি, তুমি আমার কমা করবে।”

বছরখানেক পরে হিমাদ্রি ভিয়েনা চ’লে গেল। তার মনে হ’ল, দেববাণীকে ভারতবর্ষে না নিয়ে গেলে তার সমস্তার সমাধান হবে না। দেববাণীর জানতে হবে, বুঝতে হবে, সে কোথাকার মেয়ে, কোন্ দেশের জল-মাটি-হাওয়া, প্রাচীন ইতিহাস, দূর-অতীত ঐতিহ্য তার ধমনীতে প্রবাহিত। যে-গৃহের প্রতি তার এত মমতা,

সে গৃহ তাকে দেখতে হবে। ভারতবর্ষে নতুন করে দেববাণীকে বাধতে হবে।

ভিয়েনায় বসে হিমাদ্রি দেববাণীর দেশে আসবার ব্যবস্থা করল। দিল্লী ও মাদ্রাজ বিশ্ববিদ্যালয়ের নিয়ন্ত্রণ তারই চেষ্টায় সম্ভব হ'ল। দেববাণী জানতেও পারল না।

ভারতবর্ষে রওয়ানা হবার দিন পনের আগে হিমাদ্রি আচমকা আমেরিকা চলে এল। নিউ ইয়র্কে দু'দিন কাটিয়ে সোজা ম্যাসাচুসেট্‌স্‌।

দিল্লীতে গবেষণাগার স্থাপনের প্রস্তাব শুনে প্রথম দেববাণী ভাবল, হিমাদ্রি বুঝি রসিকতা করছে। কিন্তু সে অবাক হয়ে দেখল, হিমাদ্রি যে কেবল আন্তরিক তাই নয়, বেশ কিছুদিন এ নিয়ে সে কাজ করে গেছে, বহু বৈজ্ঞানিকের সঙ্গে পরামর্শ করেছে। আমেরিকায় একটি ফাউন্ডেশনের কাছ থেকে সহযোগিতার প্রতিশ্রুতি পর্যন্ত আদায় করেছে। দেশে কয়েকজন বন্ধুর সঙ্গে চিঠিপত্র লিখে নানা ধরনের খোঁজ-খবর, পরিসংখ্যান সংগ্রহ করেছে। এমন কি গবেষণাগার-ভবনের প্ল্যান পর্যন্ত জার্মান আর্কিটেক্ট দিয়ে তৈরী করে নিয়ে এসেছে।

তিন-চার দিন ধরে কেবল এই নিয়েই তাদের আলাপ আলোচনা। দেববাণী প্রথমে জোরের সঙ্গেই আপত্তি করেছিল, কিন্তু হিমাদ্রি তার প্রত্যেকটি আপত্তি খণ্ডন করে তাকে উৎসাহিত করে তুলল। বিদেশে, সে বলল, দীর্ঘদিন কেটে গেল, আর বেশিদিন কাটান ঠিক হবে না। দেববাণী হয়ত ভাবছে দেশে গিয়ে লাভ নেই, কিন্তু দেশে না গিয়ে লাভ আরও কম। ভারতবর্ষ আমাদের ডাকছে, বাণী : সে তার সব সম্ভানদের ডাকছে। মনে করে দেখ, বিরাট আমাদের দেশ, সহস্র বছর নিশ্চল দাঁড়িয়ে থেকে, আজ হঠাৎ যুরোপ-আমেরিকা-রাশিয়ার সঙ্গে দৌড়তে চাইছে। বিজ্ঞান ভারতবর্ষে যা করতে পারে পৃথিবীর আর কোথাও তা পারে না। এরা বিজ্ঞানের শক্তি নিয়ে কি করবে ভেবে পাচ্ছে না, এদের বাড়তি উৎপাদনের জন্তে বাজার নেই, বিলাস-আরামের সামগ্রী নিয়ে জীবনটাকেই এরা অঙ্ক-অপচয়ে উড়িয়ে দিচ্ছে; আর আমাদের দেশের লক্ষ লক্ষ গ্রামে এখনও কেরোসিনের লণ্ঠন পর্যন্ত জ্বলছে না। বিজ্ঞানের ব্যবহারিক অবদানের জন্তে ভারতবর্ষ আজ উন্মূখ হয়ে বসে আছে। আমরা যে যা শিখেছি, জেনেছি, বুঝেছি তা যদি দেশের সেবায় না লাগে তা হ'লে সে যে ব্যর্থ!

“দেশকে আমরা কতটুকু জানি? তুমি হয়ত কিছুটা

জান, আমি তা একেবারে জানি নে।” দেববাণী ভয়ে ভয়ে বলল।

“বিদেশকেই কি আমরা একটুও জানি? তুমি এতগুলো বছর আমেরিকায় কাটালে, আমেরিকাকে তুমি কতটুকু জানি? এদের ভাঙার অপরাধ, উপহাস-পরা; নিজেদের সব চাহিদা মিটিয়েও এরা আমাদের কিছু দিতে পারছে। তাই আমরা মোটা মাইনের চাকরি করছি, ব্যাঙ্ক টাকা জমছে। কিন্তু এরা কি আমাদের প্রাণ-খুলে গ্রহণ করেছে? সর্বদা কি মনে করিয়ে দিচ্ছে না, মানুষ হিসেবে, দেশ হিসেবে তোমরা ছোট, আমাদের দয়া ও উদারতার প্রার্থী? এদের ব্যবহারে সহদয় অহুকম্পা দেখে তোমার গা জ্বলে যায়নি? আমাদের দেশের রাজনৈতিক নেতারা সত্যিকারের বুদ্ধিমান ও দেশপ্রেমিক হলে যে-সব ভারতীয় বিদেশে বিজ্ঞান শিখেছে তাদের সবাইকে দেশে ফিরে কাজে নেমে যেতে বাধ্য করতেন। রাশিয়া তাই করেছিল; কোন কোন আফ্রিকান দেশ আজও তাই করছে।”

“তোমার গবেষণাগারের প্রস্তাব ভারত সরকার গ্রহণ করবেন, ভরসা কি?”

“না করলে ক্ষতি নেই, আমরা একবার চেষ্টা করে ত দেখি। আমিও বহুদিন বাইরে, দেশের মতি-গতি, দৃষ্টি-ধারণা আবার জানা নেই। এমন হ'তে পারে যে, বে-সরকারী মার্কিন সাহায্যে বে-সরকারী গবেষণাগার গঠনের প্রস্তাব গভর্নমেন্টের মনঃপূত হবে না। আবার এমন না-ও হ'তে পারে। তুমি যখন যাচ্ছ দিল্লীতে তখন চেষ্টা করে দেখতে দোষ কি? চেষ্টা করতে গিয়ে তুমি অনেক মানুষের সংস্পর্শে আসবে, অত্যা সে স্বযোগ তোমার হবে না। স্বাধীন ভারতের সঙ্গে তোমার বেশ খানিক পরিচয় হয়ে যাবে। হয়ত নিজেই বুঝবে, যেমন আমি মনে মনে নিঃসন্দেহে বুঝেছি, ভারতবাসী বাইরে যত সাফল্যই পাক না কেন, যে স্বাভাবিক শাস্ত্র সাধনায় জীবন সত্যিকারের সফল, তা সে কেবল পেতে পারে ভারতবর্ষে।”

“অর্থাৎ তোমার ইচ্ছে আমরা দেশে ফিরে যাই।”

“আমার ইচ্ছের সঙ্গে তোমার ইচ্ছে একত্র না হলে তা যে সম্ভব নয়, বাণী! আমার মনে হয়, ভারতবর্ষে গিয়ে তুমিও আমার ইচ্ছের শেষ পর্যন্ত সাধ দেবে। আমাদের দেশের মাটি-জল-হাওয়ার সবচেয়ে বড় গুণ কি জানি? তারা টেনে কাছে আনে। মানুষের মনকে নরম, সিক্ত করে।”

দুঃখের সঙ্গে দেববাণী বলল, “আমার মত কঠিন-  
কনয় মেয়েকে তাই বুঝি তুমি দেশে পাঠাচ্ছ?”

“আমি পাঠাচ্ছি না। তুমি যাচ্ছ। আমি তোমার  
এ-যাওয়াকে মনে প্রাণে স্বাগত করি। দেশে গিয়ে তুমি  
দেখবে কত সহস্র অদৃশ্য বন্ধনে তার সঙ্গে তুমি বাঁধা।  
কলকাতায় গিয়ে দেখবে, তোমার সঙ্গে তার কত যুগের  
অহুঁচারিত বন্ধন। অতীতের অনেক কিছু তোমার মনে  
পড়বে, তুমি বুঝবে কোন্ গভীর ধারায় জন্ম-জন্মান্তর  
থেকে আমাদের জীবন একসঙ্গে প্রবাহিত। আমরা  
ভারতবর্ষের লোক, বাণী, জীবনটাকে আমরা হঠাৎ-  
গজান মাশ্রুম ব’লে মনে করি না। আমাদের কাছে  
জীবন অনাদি-অনন্ত : এক ঘাটের দেনা-পাওনা নিয়ে সে  
অন্ত ঘাটে উপস্থিত হয়, তার একটা রহস্যময় ধারা-  
বাহিকতা আছে। দেশে না গেলে তোমার মনের  
অশরীরী ভয়গুলি কান্দবে না, দুঃখের মতোই যে সময়ের  
বীজ লুকিয়ে আছে তার সম্ভান তুমি পাবে না।”

আজ দেববাণী বুঝতে পারছে হিমাদ্রির কথার  
সত্যতা। যে গুণগুলিকে হিমাদ্রি ‘অশরীরী’ নাম দিয়ে-  
ইল তার কেমন স্তিমিত হয়ে পড়েছে। কলকাতায়  
লেকের ধারে তাঁদের বাড়ী দেখে দেববাণীর মনে আশ্চর্য  
বেদনা মোচড় দিয়ে উঠেছিল : সে পরিবার বুঝতে  
পেরেছিল, হিমাদ্রিকে বাদ দিয়ে বাকী জীবনে কোনও  
আনন্দ পাওয়া তার পক্ষে আর সম্ভব নয়। কলকাতায়  
সেখানেই সে গেছে—সায়ান কলেজে, নিজের কলেজে,  
সেই গানের হাঁটবগানের ছোট্ট সেই প্রাচীন ক্লাসে  
—সেখানেই হিমাদ্রির পদচিহ্ন তাকে বিম্বল করেছে :  
সঙ্গে সঙ্গে অতীত জীবনের আতঙ্কিত চাখাও দেখতে  
পেয়েছে দেববাণী ; পথ চলতে মানে মাঝে মাঝে  
উঠেছে : এবং আরও বেশি কবে অহুঁভব করেছে  
হিমাদ্রির সংরক্ষক ব্যক্তিত্বের অভাব। দিল্লী এসে  
গবেষণাগারের প্রস্তাব নিয়ে গভর্ণমেন্ট ও অস্থায়ী  
অনেকের সঙ্গে দেখা-সাক্ষাতে, আলাপ-পরিচয়ে, বন্ধুত্ব-  
আত্মীয়তায় দেববাণীর বিস্মিত অন্তর হিমাদ্রির সঙ্গে  
একত্র হয়ে কোনও বড় কিছু করবার আনন্দের প্রথম  
আস্বাদে বার বার শিহরিত হয়েছে। বাইরে সে মানতে  
চায় নি, কথাবার্তায় তার সমস্তকে সে অনেক বড় করে  
প্রকাশ করেছে, কিন্তু অলক্ষ্যে অন্তরের গভীরতম কোটরে  
দেববাণীর মন কোমল, স্নিগ্ধ, শান্ত হয়ে উঠেছে।

সাবিত্রী আশ্রমের সঙ্গে এত ঘনিষ্ঠ পরিচয় ও বন্ধুত্ব  
না হলে, দেববাণী জানে, এই নতুন পরশ-পাথর উপলব্ধি  
তার হ’ত না। সাবিত্রী আশ্রমের মধ্যে দেববাণী নিজের

জীবনের অপেক্ষাকৃত পুরাতন সংস্করণ দেখতে পেয়েছিল,  
যেমন তার মধ্যে তিনি নিজেকেই নতুন করে দেখে-  
ছিলেন। হিমাদ্রি যে জীবনের ধারাবাহিকতার কথা  
বলত, তার অর্থ এতদিনে দেববাণীর কাছে একটু  
পরিষ্কার হ’ল। যে-পথে এই শতাব্দীর পাদদেশে সাবিত্রী  
আশ্রম নিদ্রোহ করেছিলেন, যে অসামান্য দৃঢ় সাহসে,  
বলিষ্ঠ বিদ্রোহী আত্ম-বিশ্বাসে তিনি এক থেকে অল্প  
সংগ্রামে কাঁপিয়ে পড়েছেন, প্রায় চল্লিশ বছর পরে  
দেববাণীও সে পথেরই নবতর শাখায় দুঃসাহসে আত্ম-  
প্রতিষ্ঠায় লেগে গিয়েছিল। তবু, যুগের ব্যবধানে, এই  
দুঃসাহসের মধ্যে প্রভেদ অনেক। সাবিত্রী আশ্রম দেশের  
সেবায় স্বাধীনতা-সংগ্রামে নতুন করে বাঁচবার আশ্রম  
পেরেছিলেন। দেববাণীর জীবনে আজ পর্যন্ত ব্যক্তি ও  
পরিবারের বাইরে দেশ বা সনাতনের বৃহত্তর উত্তাপ  
আসে নি। বিপিনভাই দেশাই-এর সঙ্গে আলাপ হবার  
আগে সাবিত্রী আশ্রমের জীবনের একটা দিক তার অজানা  
থেকে গিয়েছিল : যদিও আভ্যন্তরীণভাবে সে বুঝতে  
পেরেছিল, গোপন কোনও ব্যপার নুক নোকা তিনি বহন  
করে চলেছেন। তাঁর নিঃশেষিত জীবনে এই নতুন  
আলোকপাতের পর সাবিত্রী আশ্রম শেষ উপদেশ  
আরও গভীর ভাবে দেববাণীর মনকে প্রভাবিত করল।

১৮

তার দিন বাস্তব দেবীকে হরিদ্বারের রেল গাড়ীতে  
তুলে দিয়ে ছ’একটা কাজকর্ম করে দেববাণী যখন  
নিজামুদ্দিনের বাসায় ফিরল এখন ছপুর শেষ হয়ে  
অপরাজিত হয়ে আছে। নিস্তব্ধ বাড়ী—আইরীণদের  
কেউ বাড়ী নেই সিঁড়ি বেয়ে দেববাণী ওপরে উঠে  
বাবান্দায় এসেই চমকে গেল।

দেখল, বাবান্দায় আরাম কুরসিতে ঘুমিয়ে রয়েছে  
সরোজা।

চুপ করে দাঁড়িয়ে রইল দেববাণী কিছুক্ষণ।  
সরোজার চুলে তেল পড়ে নি, রুক্ষ কুস্তল কোনও মতে  
বেঁধে রেখেছিল, এখন খুলে ছাড়িয়ে পড়েছে চেয়ার  
ছাপিয়ে প্রায় মেঝে পর্যন্ত। চোখের কোণে কালি  
পড়েছে। অমন সোনার মত রং লান। ঘুমন্ত মুখখানায়  
একবিন্দু কাঠি নেই, বরং ক্রান্ত সৌন্দর্য অব্যক্ত বেদনার  
সঙ্গে মিশে অপূর্ব স্নেহমা সৃষ্টি করেছে। দামী কাঞ্চীপুর  
সিল্কেব সাড়ী পরেছে সরোজা, তার সঙ্গে আজ আর  
স্নাউজের মিল নেই ; সাড়ীটাও অগোছাল করে পরা।  
একটা কাঞ্চী শাল গায়ে জড়ান ; কিন্তু বুক থেকে



সরে গেছে, ঘুমন্ত নিঃশ্বাসে-প্রশ্বাসে তার ছুটি সুপুষ্ট কুমারী বুক উঠছে, নামছে।

ক'দিন ধরেই সরোজার কথা বার বার মনে হচ্ছিল দেববাণীর। সাবিত্রী আশ্রম অস্থলের সময় তার অল্প রূপ দেখে আরও বেশি। পরশু দিন সাবিত্রী আশ্রম বাড়ীতে তাকে খুঁজে না পেয়ে দেববাণী বিস্মিত ও খানিকটা উদ্ভ্রম হয়েছিল। বিপিনভাই দেশাই-এর কাছে এ জন্তেই সে সরোজার খোঁজ নিয়েছিল। কিন্তু ইচ্ছে থাকলেও তার চেয়ে বেশি কিছু সে করতে পারে নি। তা ছাড়া, মনে মনে দেববাণী এ-ও ভেবেছে, সরোজাকে নিয়ে সত্যিই তার কিছু করার নেই। যে পরিস্থিতিতে লিওনার্ড হোপকে একদিন ফিরোজশাহ রোডের বাসায় নিয়ে যাবে ভেবেছিল, সাবিত্রী আশ্রম দেহান্তের সঙ্গে সে পরিস্থিতিরও অবসান হয়েছে।

সরোজা যে এ ভাবে তার ফ্ল্যাটে এসে নিশ্চিন্তে ঘুমিয়ে থাকবে, দেববাণী একবারও ভাবে নি।

তার প্রথমই মনে হ'ল, বেচারী ঘুমুক। কতদিন ভাল ক'রে ঘুম হয় নি নিশ্চয়; কত না ক্লান্তি ওর দেহে জমেছে। বারান্দায় জুতো খুলে খালি পায়ে দেববাণী এগিয়ে এসে সাবধানে ল্যাচ-কী দিয়ে দরজা খুলল।

কিন্তু সে সামান্য শব্দই ভেঙ্গে গেল সরোজা।

সে যে ভেঙ্গে গেছে, দেববাণী বুঝতে পারল না। দরজা খুলে ঘরে ঢুকবে, এমন সময় সরোজার কণ্ঠস্বর শুনে পেল, “মাপ করবৈন, ঘুমিয়ে পড়েছিলাম।”

দেববাণী ফিরে এসে তার সামনে দাঁড়াল। সরোজার চোখ রক্তিম। সে নিজেকে যেন চাবুক মেরে চেয়ারে সোজা ক'রে বসল। দেববাণী বুঝল, আর যাই হোক, এ মেয়ে সহায়ত্বের, সমবেদনার প্রার্থী হয়ে আসে নি।

“তাই ত দেখলাম,” সে সামান্য হেসে বলল, “অনেকক্ষণ এসেছ বুঝি?”

হাত-ঘড়ি দেখে সরোজা বলল, “পঁয়ত্রিশ মিনিট।”

“তোমার ঘুম দেখছি খুব হালকা। আমি ঠিক উঠে। একবার ঘুম-এলে সহজে ভাঙ্গবে না।”

“আমি আপনার কোনও কাজে ব্যাঘাত ঘটাইছি না ত?” সরোজা প্রশ্ন করল। “তা হ'লে বরং আমি আজি যাই।”

“না, না,” দেববাণী জোর দিয়ে বলল, “আমার আজ এখন আর কাজ নেই। মা হরিদ্বার গেলেন।

তাকে গাড়ীতে তুলে দিয়ে ছ'একটা কাছ সরে এসেছি, আবার সেই বিকেলে বেরুব।”

ঘরে ঢুকল দেববাণী। ঘর থেকেই বলল, “তুমি বোস। কফি বানাচ্ছি। বড় তেষ্ঠা পেয়েছে।”

ইলেকট্রিক পারকোলেটেরে কয়েক মিনিটে ছ'কাপ গরম কফি তৈরি ক'রে নিল দেববাণী। সরোজা কফি পানে আপত্তি করল না। দেববাণী তার মুখোমুখি চেয়ারে গা এলিয়ে বসল।

বলল, “শীত শেন হয়ে আসছে। ছুপুরে ত রীতিমত রৌদ্রের তেজ। আজ দেখলাম রাস্তায় গাছ থেকে পাতা ঝরছে।”

কফি পান করল সরোজা একটাও কথা না ব'লে। পাত্র নামিয়ে রেখে প্রশ্ন করল:

“আপনার লেবরেটরী কবে তৈরি হচ্ছে?”

হেসে ফেলল দেববাণী। বলল, “আপাতত বোধ হয় হচ্ছে না।”

“ভেস্তে গেছে তা হ'লে?”

“একেবারে না গেলেও বোধ করি যাবে।”

“আমি খুব খুশী হয়েছি।”

“হবারই কথা। তুমি ভাবছ, কেমন, যা বলেছিলেন তাই হ'ল ত?”

ঈশ্বর হাসি খেলে গেল সরোজার বাক্য অধরে।

“মা নেই আপনার জন্তে দুঃখ করবার লোকের অভাব।”

“সত্যি তাই। দুঃখ আমারও হচ্ছে না।”

বিশ্বাস করল না সরোজা।

“হলেও আপনি স্বীকার করবেন না।”

“সত্যি হচ্ছে না। কারণ, এ ব্যাপারে আগাগোড়াই আমার উৎসাহের অভাব।”

“তা হ'লে এত উঠে-প'ড়ে লেগেছিলেন কেন?”

“স্বভাব। যা করি অমনি উঠে-প'ড়ে করি।”

“আপনি কবে ফিরে যাচ্ছেন আমেরিকা?”

“আরও মাস খানেক আছি।”

“মাদ্রাজ যাচ্ছেন কবে?”

“ছ'সপ্তাহ পরে।”

“এখানে আবার ফিরে আসবেন?”

“সম্ভবতঃ আসব না। কলকাতা থেকে চ'লে যাব।”

সরোজার কথা ফুরোল। চূপ ক'রে জানলার বাইরে তাকিয়ে রইল সে। কিছু দূরে নতুন-তৈরি পথের ধারে সুপড়িতে কয়েকটি দোকান বসেছে। বাড়ী-ঘর তৈরি



করতে রাজধানী মজুরদের রোজ আমদানী দিল্লী শহরে। তাদেরই দোকান। অমনি একটা দোকানের পানে তাকিয়ে রইল সরোজা।

দেববাণী ব'লে উঠল, “তুমি এবার কি করবে?”

বাইরে তাকিয়েই সরোজা জবাব দিল, “এবার মানে?”

“তুমি কি চাকরিই করবে?”

“তবে কি করব?”

বিরক্ত লাগল দেববাণীর খানিকটা। যদি সে কথা বলতেই না চায় তবে কেন এ ভাবে তার ধরে এসে অপেক্ষা করতে করতে ঘুমিয়ে পড়েছিল?

সরোজা যেন তার মনের ভাব টের পেল।

বলল, “আপনি আমাকে দেখে অবাক হন নি?”

“খুশী হয়েছিলাম বেশি।”

“খুশী কেন?”

“তোমার মা মারা যাবার পরের দিন সকালে তোমাদের বাসায় তোমাকে দেখতে পাই নি। খোঁজ ক'রে দেখলাম, তুমি কোথায় কেউ জানে না।”

“কারুর জানবার প্রয়োজন ছিল না।”

“তার পর কাল বিপিনভাই দেশাই-র সঙ্গে দেখা হ'ল। তাঁকে তোমার কথা জিজ্ঞেস করলাম। দেখলাম তিনিও জানেন না।”

“আপনি দেখছি আমার খুব খোঁজ করেছেন। মামরা মেয়েটার জন্তে নিশ্চয় আপনার দুঃখ হ'চ্ছিল।”

দেববাণী সোজা তাকাল সরোজার চোখে।

বলল, “অনেকবার আমার কি মনে হয়েছে জান মনে হয়েছে তোমার গালে ঠাস ক'রে একটা চড় মেরে দি।”

সরোজা হতভম্ব হয়ে গেল। বড় বড় চোখে চেয়ে রইল দেববাণীর মুখে। ঠোঁট কেঁপে উঠল। মুখে এক ঝলক আগুন খেলে গেল। তার পর সে হঠাৎ হেসে উঠল।

সরোজা রেগেমেগে বেরিয়ে গেলে দেববাণী আশ্চর্য হ'ত না; তার অস্বাভাবিক দমকা হাসিতে সে হতবুদ্ধি হ'ল।

হাসতে হাসতে সরোজা বলল, “সে মন্দ হবে না। অন্তত নতুন কিছু হবে। কোনোদিন চড় পেয়ে দেখি নি। খুব ব্যথা লাগবে বুঝি? গালে দাগ পড়বে না ত?”

দেববাণীর সহ্য হ'ল না। টেঁচিয়ে ধমক দিয়ে উঠল, “চুপ কর, সরোজা!”

বেহ'স হাসি খামিয়ে সরোজা গভীর হ'ল।

দেববাণী বলল, “তুমি আমার কাছে কেন এসেছ? কোনও কাজ আছে?”

অবাক হ'ল সরোজা। মনের মধ্যে হাতড়ে দেখে বলল, “না ত!”

“তবে এসেছ কেন?”

“এমনি। যাবার মত আর কোনও স্থান মনে পুড়ল না, তাই।”

দেববাণীর দুঃখ হ'ল। বলল, “তোমার বাবা চ'লে গেছেন?”

“আমার মৃত জনমীর ভূতপূর্ব স্বামী চ'লে গেছেন।”

“ছিঃ, সরোজা,” দেববাণী আবার শাসন করল, “অমন ক'রে বলতে নেই।”

“তবে কেমন ক'রে বলতে আছে, ব'লে দিন। মার হাটের ব্যারাম হ'ল, হাসপাতালে নিয়ে গেল সবাই। বার বার মাকে জিজ্ঞেস করলাম, বাবাকে খবর দেব? প্রত্যেক বার বললেন, দরকার নেই। অবস্থা যখন খুব বাড়াবাড়ি হ'ল তখন ভয় পেয়ে মা'র সহকর্মীরা মিলে বাবাকে তার করলেন। তিনি যখন এলেন তখন মার আর জ্ঞান নেই। মার শবদেহ চিতায় ভস্ম হবার বারো ঘণ্টা পরে তিনি বিদায় নিলেন।”

ককণ, ঠিক হাসির সঙ্গে সরোজা যোগ দিল, “এবার বলুন, কেমন ক'রে বলব।”

দেববাণীর মুখে সহজে ভাষা এল না। কষ্ট ক'রে সে বলল, “তবু তিনি তোমার বন্ধু।”

“তাই ত মুশকিল! তিনি—তবু—আমার বাবা; স্বর্গগতা সাবিত্রী আত্মা—তবু—আমার মা।” সরোজা ‘তবু’ কথাটা জোব দিয়ে বেকিয়ে উচ্চারণ করল।

দেববাণী চুপ ক'রে রইল। সরোজা এবার একটানা ব'লে গেল: “সব ক'রকি, জানেন? সব ক'রকি। মা বারো-তেরো বছর বয়সে বিধবা হয়েছিলেন। ভাইদের সংসার থেকে পালিয়ে গিয়ে অ্যানি বেসলস্টের পরগাপন্ন হলেন। লেখা-পড়া শিখলেন, বড় হলেন, যৌবন তাঁকে সৌন্দর্যে সুমমায় সাজিয়ে তুলল। তাঁকে দেখে ধর্মরাজ নামে একটি যুবকের আদর্শ-প্রবণতা উজিয়ে উঠল। তিনি চেয়েছিলেন বিধবা বিয়ে ক'রে সমাজসংস্কারের পথ দেখাবেন, হাতের কাছে অমন একটি সুন্দরী বিধবা পেয়ে তাকেই বিয়ে ক'রে বসলেন। কিন্তু তাকে সন্তানের জননী করতে পারলেন না। অতৃপ্ত মাতৃ-ক্ষুধা নিয়ে সাবিত্রী আত্মা চরিত্রহীন হতে পারতেন; না হয়ে দেশসেবিকা হলেন। তিনি নামলেন দেশের কাজে,

ধর্মরাজ মাতলেন ধর্ম নিয়ে। এমনি ক'রে বছরের পর বছর কাটল। সাবিত্রী ধর্মরাজের কাছ থেকে একেবারে দূরে সরে গেলেন। ধর্ম নিয়ে ধর্মরাজের মন ভরল না, তলে তলে ব্যর্থ পৌরুষের অপমানে তিনি দক্ষ হচ্ছিলেন। সাবিত্রীর যত নামডাক হতে লাগল, ধর্মরাজের ঈর্ষা তত বেড়ে গেল। গোপনে তিনি আয়ুর্বেদ চিকিৎসা করালেন। তার পর একদিন এসে হাজির হলেন গান্ধী-আশ্রমে। সাবিত্রী তখন বিপিনভাই দশাই নামে আর একজন দেশসেবকের প্রেমে পড়েছেন। দু'জনই দু'জনকে ভালবাসেন। গান্ধী-আশ্রমের ভালবাসায় ও 'দেহ' নেই, তাই তার তীব্রতা আরও বেশি। তবু সাবিত্রী তাঁর স্বামীকে সৌভাগ্য ও ভদ্রতার সঙ্গে গ্রহণ করলেন। কিন্তু এত দীর্ঘ বছর পরে ধর্মরাজ যে স্বামীর সক্রিয় ভূমিকায় অবতীর্ণ হবেন তা কি তিনি জানতেন? আর ক'রে স্বামিও পাটিয়ে ধর্মরাজ বিদায় নিলেন। কয়েক সপ্তাহ পরে আতঙ্কে, লজ্জা, ঘৃণা ও দুঃখের সঙ্গে সাবিত্রী দেখলেন, তিনি মা হবার পথে। এই হ'ল সরোজা-সম্ভব মহাকাব্য।”

দেববাণী কি একটা বলতে গেল, সরোজা তাকে খামিয়ে ব'লে চলল, “মা আমাকে একেবারে চান নি, তবু আমি এলাম। বাবা আমাকে মার ওপর নির্ভর প্রতিশোধ নবার অস্ত্র হিসেবে মাক্ষম ব্যবহার করলেন। আমি বেড়ে উঠলাম আশ্রমে। মনে আছে, শিশুকালের যে-ক'টা দিন মা কাছে থাকতেন, হয় অবাক হয়ে আমাকে দেখতেন, যেন আমি অচেনা, অজানা, অনাথা কোনও শিশু, নয়ত আমার দিকে তাকাতেও তাঁর লজ্জা হ'ত। সর্বদাই তিনি জলে বাবার জন্তে উন্মুখ হয়ে থাকতেন। এমনি ক'রেই কিন্তু আমি বড় হয়ে উঠলাম। তার পর একদিন এক ভদ্রলোক এসে আমায় মাদ্রাজ নিয়ে গেলেন।”

একগুচ্ছ চুল কপাল বেয়ে চোখে নৈমে আসছিল। হাত দিয়ে সরিয়ে সরোজা ব'লে চলল, “তিনি যে আমার বাবা প্রথমে আমি জানতে পারি নি। মা তখন জেলে। আশ্রমের সেক্রেটারী আমায় ডেকে শুধু বলল, তুমি আজ মাদ্রাজে স্কুলে যাবে, জামা-কাপড় গুছিয়ে নাও। দেখলাম, বলিষ্ঠ এক বৃদ্ধ তার ঘরে ব'সে আছেন। তিনি আমায় একবার তাকিয়ে দেখলেন। কাছে ডাকলেন না, কথা বললেন না। পরে আশ্রমের কেউ একজন আমায় বলল, উনি আমার বাবা। মনে আছে, শুনেই আমি তাকে হাতের কাছে একটা পাথর ছুঁড়ে মেরে-ছিলাম। সে ভদ্রলোক আমাকে সত্যিই মাদ্রাজ নিয়ে

গেলেন। ট্রেনে কয়েকবার খেতে বলা ছাড়া একটা কথাও তিনি আমার সঙ্গে বললেন না। আমি ভয়ে কাঠ হয়ে রইলাম। মাদ্রাজে নেমে সোজা আমাকে নিয়ে তিনি স্কুলে গেলেন। বন্দী হলাম আমি কনভেন্টে।”

একটু খেমে সরোজা আবার বলতে লাগল, “মাসে একবার তিনি আমার খোঁজ নিতেন। সেদিন বোর্ডিং সুপারের আপিস ঘরে আমার ডাক পড়ত। গিয়ে দেখতাম আমার 'বাবা' বসে আছেন। তিনি আমার দিকে তাকিয়ে বলতেন, সব ভাল ত? আমি ঘাড় নাড়তাম। আর বলতেন, কিছু চাই? আমি আবার ঘাড় নাড়তাম। প্রত্যেক মাসে একবার এই প্রশ্ন হ'ত। তবু আমি বড় হতে লাগলাম। এমনি ক'রে যখন আমার বারো বছর বয়স তখন একদিন মা এসে স্কুলে হাজির। আমি কয়েকটি ময়ের সঙ্গে খেলছিলাম, একটা চাকর এসে আমায় আপিসে ডেকে নিয়ে গেল। গিয়ে দেখি একজন মহিলা ব'সে আছেন চেয়ারে, চমৎকার দেখতে। তাকে চিনতে আমার সামান্য একটু দেরী হ'ল। তিনি চেয়ে রইলেন আমার দিকে। আমি কেমন ভয় পয়ে গেলাম। ইচ্ছে হ'ল ছুটে পালানো, অথচ পা ছুটো কেমন অবশ। কিছুক্ষণ তিনি কোনও কথা বললেন না। আমিও মাথা নীচু ক'রে দাঁড়িয়ে রইলাম। তার পর হঠাৎ তিনি আমাকে কাছে ডাকলেন। ভয়ে ভয়ে আমি এগিয়ে গেলাম। তিনি একখানা ইতস্ততঃ অনিচ্ছক হাত আমার কাঁধে রাখলেন। আমার ইচ্ছে হ'ল কান্না দিয়ে দি সে হাত। আমি কেবল দু'স' সরে গেলাম।”

দেববাণী গান্ধীর মনোযোগে গুনছিল, সরোজা ব'লে চলল, “মাঝে মাঝে আসতেন, যখন তাঁর সুযোগ-সুবিধে হ'ত। তা জানতে পেরে বাবার আসাও বেড়ে গেল। আমি বড় হবার সঙ্গে সঙ্গে দু'পক্ষের নতুন টানাটানি শুরু হ'ল আমাকে নিয়ে। মা মাঝে মাঝে কাঁঠর চোখে আমার দিকে তাকিয়ে থাকতেন, হয়ত আমাকে বুঝতে চাইতেন, চিনতে চাইতেন, কাছে টানবার পথ খুঁজতেন। কিন্তু আমাদের মধ্যে আদান-প্রদানের কোনও রাস্তা ছিল না। আমার নিজের জীবনের ফাঁকি দিয়ে মার জীবনের ফাঁকি আমি পরিষ্কার দেখতে পেতাম। তখনও কলেজ-জীবন আমার শেষ হয় নি। বাবা একবার এসে আমাকে তাঁর কাছে পশুচেরীতে নিয়ে গেলেন। তখন তিনি মাদ্রাজ ছেড়ে পশুচেরীতে বাস করতেন, অরবিন্দ আশ্রমে নয়, কাছাকাছি নিজের আস্তানায়। আমাকে টানতে চাইলেন,

ধর্মের পথে। আমার প্রচণ্ড হাসি পেল। আমাদের মধ্যে কথা হ'ত না একেবারেই, শুধু তিনি ঘণ্টাখানেক আমায় ধর্মোপদেশ দিতেন। দিন চারেক পরে আমার অসহ্য লাগল। চতুর্থ দিন তিনি ধর্মকথা শুরু করেছেন, আমি ব'লে উঠলাম, কাল আমি হেঁটলে ফিরে যাচ্ছি।

“তিনি বললেন, কেন ?

“আমি বললাম, এমনি। আমার এখানে ভাল লাগছে না।

“তিনি বললেন, ধর্মকথা তোমার ভাল লাগছে না?

“আমি বললাম, না। একেবারে না।

“তিনি রেগে বললেন, মায়ের মেয়ে ত? তারই মত ধর্মে মতিহীন। যাও তবে, রাজনীতি কর গে।

“আমি বললাম, রাজনীতিও আমার ভাল লাগে না।

“তিনি বললেন, তবে কি ভাল লাগে।

“আমি বললাম, কিছু না।

“কিন্তু একদিন হেঁটলে ছাড়তে হ'ল। কোথায় যাব বুঝতে না পেরে মার কাছে দিল্লীতে চ'লে এলাম। মা এখন লোকসভার সদস্য। তিনি নতুন নেশায় মশগুল, কিন্তু আমার চোখে প্রচণ্ড ভাবে ধরা প'ড়ে গেল তাঁর জীবনের বিরাট ব্যর্থতা। তিনি দেখলেন না, অথচ আমি পরিষ্কার দেখতে পেলাম তাঁর একবিন্দু প্রভাব নেই, কেউ তাঁকে মানে না, সবাই তাঁকে নিয়ে হাসে, বড় জোর করুণা করে। কোনও কিছু না-করতে পারার অসহ্য শূন্যতা থেকে বাঁচবার জন্তে তিনি অনেক কিছু করতে চেষ্টা করতেন। অনেক কিছু নিয়ে লড়তে চাইতেন। কিন্তু তাঁর কথা বড় কেউ জ্ঞাত না, শুধু মানে মধ্যে তাঁর গুইসেস ভ্যালুর খাতিরে এক-আধটু খাতির দেখাত। এ ফাঁকি কেবল মা'র জীবনে নয়, মা'র সহকর্মীদের অনেকের জীবনেই আমি দেখতে পেতাম। তাঁদের লোকসভার সদস্য হবার কোনও বিশেষ যোগ্যতা ছিল না; হযেছেন, একদা কংগ্রেসে কাজের পুরস্কার হিসাবে। তাদের সে কাজ বহুদিন শেষ হয়ে গেছে, বর্তমান কাজে মন নেই, তবু জীবনের নিষ্ঠুর শূন্য অহমিকা ও দর্প কোনওমতে ঢেকে-চুকে তাঁরা স্বচ্ছন্দে বিচরণ করছেন। তাঁদের দেখে-শুনে আমার অসহ্য লাগত, ইচ্ছে হ'ত মুখের ওপর বলে দি, তোমরা মিথ্যে, ভুলো, ফাঁকি; বলতে না পেরে নিজেবু মধ্যেই জ'লে মরতাম। মা'র জন্তে মাঝে মাঝে দুঃখ হ'ত। তিনি মানুষ ভাল ছিলেন, মুষ্টি উদার ছিল, মনে সঙ্কীর্ণতা ছিল না; জীবনের পরিণত বছরগুলিতে অতৃপ্ত ভালবাসার স্নিগ্ধ বেদনা তাঁকে

কোমল, সহানুভূতিশীল, শাস্ত করেছিল। জানি, আগাকে নিয়ে তাঁর ভাবনা ছিল অনেক, সরোজা-সমস্কার কোনও সমাধান তিনি খুঁজে পান নি। আমাকে কোনওদিন তিনি বুঝতে পারেন নি, বোঝবার চেষ্টাও বড় একটা করেন নি। বরং আমাকে সর্বদাই একটা ভয় ও আতঙ্কের চোখে দেখেছেন। আমি যে তাঁর জীবনের সবটুকু ফাঁকি জেনে ফেলেছিলাম, এ অপরাধ তিনি ক্ষমা করেন নি। তাঁর প্ল্যাটোনিক প্রেমের খবরও আমার জানা ছিল। এ জন্তেও তিনি আমার ওপর অসন্তুষ্ট ছিলেন, আর বিপিনভাই দেশাই আমাকে দেখতে পারতেন না। হৃদের দু'জনকে একসঙ্গে দেখলেই আমার হাসি পেত : দুই বুড়ো-বুড়ী, সারাজীবন একে অতৃপ্ত চেয়ে এসেছে অথচ পাবার মত সাহস রাখে নি, ভাবতে আমি হেসে ফেলতাম, আর সেই হাসির আভাস দেখে বিপিনভাই ভয়ানক চটে যেতেন। কিন্তু সবকিছু সত্ত্বেও শেষ পর্যন্ত মা হয়ত আমাকে ভালই বাসতেন; মাঝে মাঝে নির্বোধ দৃষ্টিতে তাকিয়ে থাকতেন আমার দিকে, আমাকে নিয়ে কি করবেন ভেবে পেতেন না, অথচ এটুকু বুঝতেন যে, কিছু একটা তাঁর করা দরকার। অসহায় হয়ে যাকে ভাল লাগত আমার জন্তে তাঁরই শরণাপন্ন হ'তেন। যেমন আপনার হয়েছিলেন।”

সরোজার কণ্ঠস্বর একবার সাগাথ ভারী হয়ে এসেছিল, শেষের কথাগুলি বলবার সময় আবার কঠিন হয়ে উঠল। “যেমন আপনার হয়েছিলেন” ব'লে যে-চোখে সে দেববাণীর দিকে তাকাল, তাতে দুর্বোধ্য প্রতিরোধ।

দেববাণী এতক্ষণে কথা বলল, “যে-সমস্কার সমাধানে তুমি তাঁকে বিন্দুমাত্র সাহায্য কর নি, বরং আরও জটিল করেছ, তাতে তিনি বিশ্বাসযোগ্য কারুর সাহায্য চাইলে তুমি রেগে যাবে কেন?”

সরোজা বলল, “শুধু এ জন্তে যে বিনয়বস্ত্রটা আমি। আমি একটা দুর্ভটনা হয়ে জন্মেছিলাম, দুর্ভটনা হয়ে বেড়ে উঠেছি, দুর্ভটনা হয়ে একদিন ম'রে যাব। অনাকাঙ্ক্ষিত, অস্বাগত, অনির্মমিত জীবনের বোঝা আপনাকে যদি বইতে হ'ত তাহলে বুঝতে পারতেন।”

সাপের আক্ষালিত নিঃশ্বাস-প্রশ্বাসের মত হেসে উঠল সরোজা।

“এমনি একটি ‘বিশ্বাসযোগ্য’ বন্ধুর কাছে মা আমাকে সুপথে আনবার ভার দিয়েছিলেন। তাঁর নাম কর্তে আমার আর কোনও আপত্তি নেই, কেবল ঘৃণা ছাড়া। আপনাকে মা একদিন কয়েকজন এম. পি.-র সঙ্গে

আলাপ করিয়ে দিয়েছিলেন, মনে আছে? সেখানেও তিনি ছিলেন। দেশকর্মী হিসেবে একদিন নাকি তাঁর নাম ছিল, মা তাঁকে খুব খাতির করতেন, কারণ তিনি প্রায়ই এসে মা'র কাছে বসে তাঁর প্রশস্তি করতেন। আমি তখন সব কলেজ ছেড়ে দিল্লী এসেছি। সে বন্ধুকে মা আমার কথা বললেন। বোধ হয় বললেন, ওকে একটু মানুষ ক'রে দিন। তিনি সোৎসাহে এ দায়িত্ব গ্রহণ করলেন। আমার নতুন সংরক্ষকের বুদ্ধি ও পছন্দ সূক্ষ্মতা ছিল মানতেই হবে। আমার সঙ্গে তিনি ধীরে আস্তে আলাপ জমিয়ে নিলেন। চুল-পাকা এক শুদ্ধ-লোককে একেবারে সমীহ না ক'রে পারা যায় না। তিনি কখনো আমাকে একটি উপদেশ দিলেন না। সে জন্তেই তাঁর সঙ্গ আমার অসহ্য লাগে নি। আমাকে নিয়ে বেড়াতে যেতেন, সিনেমায় যেতেন, গল্প করতেন—আমাদের কথাবার্তায় সরোজা নামক সমস্তার আমদানী হ'ত না। অথচ আমি জানতাম তাঁর আসল কাজ হচ্ছে আমাকে 'সুমতি' দেওয়া, তাই আমি সতর্ক নজর রাখতাম। দু'তিন মাসেও যখন তিনি আমাকে সুমতি দেবার চেষ্টা করলেন না তখন আমার সতর্কতা কমে গেল, বোধ করি আমি একটু সহজ হলাম। অন্ততঃ কলেজ ছেঁলের বাইরে কারুর সঙ্গে এর আগে এতটা সহজ আমি হই নি। এবার সুযোগ বুঝে মার সেই হিতৈষী বন্ধু, আমার চতুর সংরক্ষক ছোবল মারলেন।”

গা থেকে কাশ্মীরী শাল মাটিতে প'ড়ে গেল। সরোজা জানলার বাইরে তাকিয়ে ব'লে চলল, “একদিন দুপুরে, মা তখন কাজে গেছেন, তিনি এলেন আমাদের বাড়ী। চাকরটা তার ঘরে শুয়েছিল। আমিই তাঁকে বসতে দিলাম, কাছে ব'সে কথাবার্তা বললাম। কিছুক্ষণের মধ্যে তাঁর এতদিনের মুখোস খ'সে পড়ল, তিনি আমায় জোর ক'রে কাছে টেনে নিলেন।”

দেববাণীর দিকে তাকিয়ে হেসে উঠল সরোজা। “প্রথমটা আমি অবাক হলাম, তার পর ভয় পেলাম, তার পর রাগ হল, তার পর আমার ভয়ানক হাসি পেল। পাকা-চুল একটা বড়ো মানুষ, যে নাকি দেশের সেবায় নাম করেছে, যার হাতে এক নির্বোধ জননী সজ্ঞানে তার একমাত্র কন্ঠার মঙ্গল-দায়িত্ব সঁপে দিয়েছে, তার এই চমৎকার ব্যবহারে আমার পেটের মধ্য থেকে হাসি ঠেলে উঠে আসতে লাগল। তিনি ভাবলেন, আমাকে বুঝি অনেকখানি আয়ত্তে এনেছেন। আমি মনে মনে ভাবলাম, হে ঈশ্বর, এ সময় মাকে এখানে নিয়ে এস, তাঁকে দেখতে দাও এই ঐতিহাসিক নাটকের অভিনয়। মার বন্ধু

যখন উন্মত্ত হয়ে উঠেছেন, আমি আস্তে বললাম, ‘একটু দাঁড়ান।’ তিনি থামলেন। আমি উঠে দরজা বন্ধ করলাম। ফিরে এসে তাঁর কাছে দাঁড়িয়ে বললাম, ‘কি চান?’ তিনি রুদ্ধশ্বাসে বললেন, ‘তোমাকে!’ আমি বললাম, ‘কেন?’ তিনি উত্তর না দিয়ে আমাকে টানতে গেলেন। আমি বললাম, ‘টানবেন না। আমি দেব আপনাকে। শুধু একটা সর্ভে।’ তিনি নিঃশ্বাস চেপে বললেন, ‘কি সর্ভ?’ আমি বললাম, ‘আপনি চ'লে গেলে মাকে ফোন ক'রে ডেকে এনে সব ব'লে দেব।’ তিনি ঝাঁকে উঠলেন। আমি তখন দারুণ মজায় হাসছি। বললাম, ‘শুধু তাই নয়, যারা এখানে রোজ আসেন তাঁদের প্রত্যেককে বলে দেব। রাজী আছেন?’ তিনি তাড়াতাড়ি উঠে দরজা খুলতে গেলেন। আমি বললাম, ‘পালাচ্ছেন কেন? এতটুকু সাহস নেই আপনার? আমি কিন্তু রাজী!’ তিনি দরজা খুলে দৌড়ে পালালেন। এর দিন তিনেক পরে মা আমাকে কাছে ডেকে বললেন, ‘বিয়ে করবে?’

সরোজা এবার উচ্চকণ্ঠে হেসে উঠল। সে যে এত জ্বোরে হাসতে পারে দেববাণী জানত না। হাসতে হাসতে বলল, “বি-য়ে করবে? আমি কি উত্তর দিলাম জানি নে, পরের দিন চ'লে গেলাম কেপ কমোরিণ। সমুদ্র বাধা না দিলে আরও দূরে চ'লে যেতাম।”

দেববাণী দেখল, তার কিছু বলার মত কথা নেই।

সরোজাই আবার বলতে লাগল—এবার সে যেন থামতে ভয় পাচ্ছে—“কাঁকি, বুঝলেন, সব কাঁকি। দেশপ্রেম থেকে মনুষ্যপ্রেম পর্যন্ত সব কাঁকি। এর মধ্যে যা একমাত্র সত্যি তা হচ্ছে দেহ। দেহের দাবী না মিটিয়ে উপায় নেই। দেহের আহাৰ চাই, গৃহ চাই, পোশাক চাই—এবং যেহেতু দুর্ভাগ্যক্রমে মানুষ আদিম-জীবন ত্যাগ করেছে—স্কুল, কলেজ, সব চাই। মার সেই পুরুষের বন্ধুর কথা আমি অনেক ভেবে দেখেছি। দোষ তাঁর কিছু নয়, দোষ দেহের। মা যাকে ভালবাসেন নি তাঁকে বিয়ে করেছিলেন, যাকে ভালবেসেছিলেন তাঁর সঙ্গে মিলিত হতে পারেন নি। তাঁর দেহ, তাই কোনও দিন তৃপ্তি পায় নি। দেহ না থাকলে তিনি কখনও সরোজার জন্ম দিতেন না।”

দেববাণী বলল, “মানুষ ত শুধু দেহ নয়, তার আত্মাও আছে।”

সরোজা সে-কথা কানে তুলল না।

বলল, “কেপ কমোরিণ থেকে আমার ফিরে আসতে হল। যতই অপছন্দ হোক না, মা ছাড়া যে আমার কেউ



নেই এই বিশ্বাস সত্য আমি বুঝতে পেরেছিলাম। কিন্তু ফিরে এসেও মিথ্যা আর কাঁকির মধ্যে আমি হাঁপিয়ে উঠলাম। সব চেয়ে অসহ্য লাগল আমার চতুর্দিকের মানুষগুলির নির্লজ্জতা। সুযোগ পেলেই আমি তাদের দংশন করতে লাগলাম। কিন্তু কারুর একবিন্দু লজ্জা হত না। মা বিব্রত, ক্ষুব্ধ, হুঃখিত হতেন। তাঁর সেই বন্ধুকে তিনি বাড়ীতে ডাকতেন, তিনিও নির্লজ্জ নিঃসংকোচে আসতেন, বার বার তাঁর চোখ আমাকে খুঁজে বেড়াত। আমার মনে হল, এ-ভাবে বেঁচে থাকা অসম্ভব। চাকরির চেষ্টা করতে লাগলাম। মার সাহায্য না নিয়ে। কিছুদিন ঘোরা-ফেরার পর সংবাদ-পত্রের এ কাজটা জুটেও গেল। আর এই সময় মা আপনাকে পেয়ে বসলেন। তাতে আমার আপত্তি হ'ত না, যদি-না আপনাকেও আমার পেছনে লাগিয়ে দিতেন। আপনার আগে আরও দু-চার জনকে লাগাবার চেষ্টা করেছিলেন, তাঁদের আমি একটুও এগোতে দিই নি। ভেবেছিলাম আপনাকেও এক-পা এগোতে দেব না। কিন্তু পারলাম না।”

দেববাণী ব'লে উঠল, “আমি তোমার জন্ত কিছু করতে চেষ্টা করি নি, চেষ্টা করবও না।”

সরোজা বলল, “আপনার সৌভাগ্য, আপনার বাবা ধার্মিক, মা দেশনেত্রী নন, আপনি সুন্দরী নন। আমার সবচেয়ে বড় বিপদ মা, ম'রে গিয়েও তিনি আমায় রেহাই দেন নি। আর একটা বিপদ আমার সৌন্দর্য। আমি যদি কুৎসিত হতাম, তাহলে বোধহয় আমার পক্ষে বেঁচে থাকা সহজ হত। সৌন্দর্য আমার শত্রু। পুরুষের লোভকে সে ডেকে আনে। কাগজের সম্পাদক, রাজ-নৈতিক নেতা, ব্যবসায়ী, সরকারী চাকুরে সব যেন হাঁ রে গিলছে। ক্ষুধার্ত, উপবাসী পুরুষের দোরায়ে একটু ~~সেই~~ আমাদের দেশে স্বাধীন, স্বতন্ত্র ভাবে বাঁচতে পর্যন্ত পারে না। অথচ যত নীতিকথা এদেশে প্রতিদিন উচ্চারিত হয় তার একাংশও আর কোথাও গুনতে পাবেন না।”

দেববাণীকে নীরব দেখে সরোজা আবার বলল, “আমার দেহকে আমি ঘৃণা করি। আমার সৌন্দর্যকে আমি ঘৃণা করি। কেউ যদি আমাকে জোর ক'রে ধর্ষণ করত তাহলে আমি খুশী হতাম। আমার দেহকে শাস্তি দিয়ে, সৌন্দর্যকে অপমান ক'রে আমি তৃপ্তি পেতাম। কিন্তু সে হুঃসাহস পর্যন্ত এদেশের পুরুষগুলির নেই। ওরা চুরি করতে পারে, ঠকাতে ওস্তাদ, কিন্তু ঠাকাত্তের হুঃসাহস ওদের নেই।”

নিথর নীরবতা হুঠাৎ নেমে এল, সরোজার কথা শেষ হ'ল। দেববাণী উঠে দাঁড়াল। কিছু বলার নেই তার। সরোজা নিজের কথা বলতে পেরেছে, এতে ওর উপকার হবে। দেববাণীও টের পেল তার ক্ষিধে পেয়েছে। সরোজাও নিশ্চয় কিছু খায় নি। এখন আর রান্না করবার সময় নেই। বাইরে কোথাও খেয়ে নিতে হবে।

তাকে উঠতে দেখে সরোজা কেমন ভয় পেয়ে গেল। ব'লে উঠল, “বলতে পারেন, মার এখন মরবার দরকারটা কি ছিল? আমি কোথায় যাই? আমি যে একেবারে একা!”

আচমকা কেঁদে ফেলল সরোজা। কান্নায় একেবারে ভেঙে পড়ল। তখী দেহ বার বার কেঁপে উঠতে লাগল।

দেববাণী কিছু করল না, কিছু বলল না। শুধু তার মনে একটা অহুস্তর প্রশ্ন জাগল। সাবিত্রী আশ্রম আর দেববাণী যদি একই জীবনধারার দুটি শাখা, তাহলে সরোজা কি? কোন্ জীবন-নদীর উপশাখা সে? কোথায় কোন্ নদী বা সমুদ্রে, তার মোহানা?

ক্রিওপাট্টা একটি হীরকখণ্ডকে সুরায় গলিয়ে মার্ক এন্টনীকে পান করতে দিয়েছিল। প্রত্যেক নারীর জীবনে সে হীরার টুকরো থাকে, তার বাসনা, তাকে গলিয়ে পরম দয়িতের ওষ্ঠাধরে তুলে দেয়। কিন্তু সাবিত্রী আশ্রমের হীরা কে পান করেছিল? সরোজা তার জীবনের হীরা সুরায় গলিয়ে পানপাত্রটিকে আছড়ে দিয়ে কঠিন প্রস্তর মেরেতে ভেঙ্গে ফেলতে যাচ্ছে।

জীবনে বহুবার যে প্রশ্নে দেববাণীর হৃদয় উদ্বেলিত হয়েছে, নীরব কান্নায় কম্পিত সরোজার সামনে দাঁড়িয়ে আর একবার সে প্রশ্ন তাকে অস্থির করল। তার সবটুকু নারী-সত্তা একসঙ্গে চেষ্টিয়ে উঠল: আমি কে, কোথায় আমার পরিণতি, আমার পূর্ণতা? চিত্রাঙ্গদা অজুর্নকে দৃঢ়-প্রত্যয়ে বলেছিল, সে দেবী নয়, সামান্ত নারীও নয়; সে কবির পূজা চায় নি, অহংকৃত পৌরুষের অবহেলা চায় নি, দৃঢ়-বলিষ্ঠ পুরুষ-জীবনের সঙ্কট-সম্পদে পাশ থেকে কেবল সহায় হতে চেয়েছিল। চিত্রাঙ্গদা জানত না, পুরুষ-জীবনের সমভাগী হওয়া সহজ নয়। কোন জীবনই কোনও জীবনের সমভাগী হতে পারে না। এক-একটি মানুষ এক-একটি পর্বতচূড়া। তারা একে অত্বে দেখে, একে অত্বে পানে হাত বাড়ায়, এমনকি হৃদয় পর্যন্ত বাড়িয়ে দেয়; মিলে মিশে এক হতে পারে না। জীবনের পর জীবন পুরুষ নারীকে, নারী পুরুষকে, কোন অজ্ঞাত, অপ্রাপ্য স্পর্শমণির অন্বেষণে। বার বার মুখোমুখি দাঁড়িয়ে পরম আগ্রহে প্রশ্ন করে—স্বর্ষ যেমন



সমুদ্রকে প্রশ্ন করে—তুমি কি সেই? সে প্রশ্নের এক বিষয় উত্তর, সে নই, আমি সে নই।

১২

অনেক মানুষের মধ্যে দাঁড়িয়ে দেববাণী নিজের বুকের কাঁপন শুনতে পার নি। মহাকাব্য এরোপ্লেনের গর্জনে সে কম্পন ডুবে গিয়েছিল। নিঃসার, নৈর্ব্যক্তিক মনে হয়েছিল দেববাণীর নিজেকে। আমি দেববাণী নই, সে নিজেকে বার বার বলছিল, আমি দেবী নই, সামান্য নারী নই, আমি কেউ নই। আমি শুধু জীবনের টুকরো ঝিলিক, অনেক ছাই-এর মধ্যেও আমি জ্বলছি, অঙ্গারে আমার কৃষ্ণ পরিণতি জেনেও আমি জ্বলছি। আমি জ্বলছি দেহের তাপে, আল্লার উত্তাপে। যে এক টুকরো আগুন মানুষের জীবনকে পবিত্র করে, অমৃতত্বের আশ্বাদ এনে দেয়, তাতে আমি পুড়ছি। ভারতবর্ষের সুপ্রাচীন জীবন-বহির সামান্য ছোঁয়ায়, পৃথিবীর জীবন-তৃষ্ণার মূহুর্ত হাওয়ায় আমি জ্বলে জ্বলে প্রতি মুহূর্তে ফুরিয়ে যাচ্ছি। এই জ্বলন্ত ঝিলিকটুকু আমার জীবনের একমাত্র হীরক-খণ্ড, ক্রিওপাট্রা যা মার্ক এন্টনীর মুখে সুরায় গলিয়ে তুলে দিয়েছিল, সাবিত্রী আন্না যা কাউকে দিতে পারেন নি, সরোজা যার ছ্যতি সহঁতে পারছে না।

হিমাদ্রি দেবকুমারকে সঙ্গে করে এরোপ্লেন থেকে নামল। দূর হঁতে দেববাণী দেখল, ওরা নামছে। অনেক মানুষের মধ্যে ছুটি মানুষ। তবু তাদের সঙ্গে এত মানুষের কোনও যোগাযোগ নেই। ছুটি আগুনের ঝিলিক তৃতীয় ঝিলিকের পানে এগিয়ে আসছে। ছুটি জ্বলধারা তৃতীয় জ্বলধারার সন্ধান করছে। দেববাণী স্থির অপেক্ষায় নিশ্চল দাঁড়িয়ে রইল। কে যেন তার অন্তরে বলে উঠল, তৈরি হও, এবার তোমার অস্তিম মুহূর্তের জন্মে তৈরি হও।

হিমাদ্রি দেবকুমারকে বাহতে জড়িয়ে দেববাণীর

মুখোমুখি দাঁড়াল। দেববাণী দেখল, তার মুখে বিজয়ের সূর্যালোক। একটি কথা না বলে হিমাদ্রি শুধু বিজয়ী হাশ্বে, জ্বলন্ত দৃষ্টিতে বলে দিল, এই নাও তোমার পুত্র, এই নাও তোমার মিত্র। যে সমস্তার সমাধান তুমি এত দীর্ঘ বছরে করতে পার নি, মাত্র ছুটো দিনে আমি তা মিটিয়ে দিয়েছি। এবার তুমি আমাদের নাও।

দেববাণী সে জ্বলন্ত দৃষ্টি সহঁতে পারল না। তাকাল দেবকুমারের পানে। স্নিগ্ধ কিশোর মুখে জীবনের প্রথম অরুণালো ফুটে উঠেছে। দেবকুমার, পোকন, এক হাতে ধরে আছে হিমাদ্রির হাত, অন্য হাতে দেববাণীর। যেন বলছে, আমি ব্যবধান নই, সংযোগ।

দেববাণী চোখ বুজে হীরক-খণ্ডের সন্ধান করল। এই ত সেই অস্তিম মুহূর্ত, কোথায় আমার সে হীরার টুকরো, ক্রিওপাট্রা যা মার্ক এন্টনীর পান করিয়েছিল? অন্তরে ডুব দিয়ে তার সন্ধান পেল না দেববাণী। সে পালিয়েছে।

তার ব্যথিত ব্যর্থ সন্ধান বুঝি টের পেল হিমাদ্রি। যা সে কোনও দিন করে নি, আজ তাই করে বলল। সবার সামনে দেববাণীর মাথায় হাত রাখল হিমাদ্রি। সে নিঃশব্দ হাতের স্পর্শ দেববাণীকে বলল, হারায় নি, তোমার স্পর্শমণি হারায় নি; শুধু এই মুহূর্তে তোমার অন্তর থেকে পালিয়ে সে আমাদের মধ্যে লুকিয়ে আছে।

দেববাণী ভাবল, জীবনে চাওয়ার চেয়ে গ্রহণ করা অনেক কঠিন। যা চেয়েছি, যা গ্রহণ করার ভয়ে বার বার সরে গেছি, এবার আর তাকে ফিরিয়ে দেবার উপায় নেই। এবার সে ছয়ার ভেঙে ধরে উঠে এসেছে, আর ফিরে যাবে না।

ছুজনকেই লক্ষ্য করে সে বলল, “চল।”

হিমাদ্রি মূহু হাশ্বে প্রশ্ন করল : “কোথায় বাবা?”  
দেববাণী তার দিকে তাকাল। ভয়ে ভয়ে, নির্ভয়ে বলল; “ধরে।”

সমাপ্ত

## পক্ষীতীর্থ—মহাবলিপুরম্

শ্রীরামপদ মুখোপাধ্যায়

কন্যাকুমারী থেকে ফিরছিলাম চিদম্বরম্ হয়ে, সন্ধ্যায় ট্রেনে চেপেছি—চিংলিপুটে নামব রাত ছুটোয়। কার্তিকের শেষ, বাংলায় ঋতু বদলের আয়োজন চলছে। হেমন্ত শেষ হয়ে আসছে শীত। এখানে বর্ষা এলায়েছে তার মেঘময় বেণী। একেবারে অঝোর ধারে বর্ষণ। সারা রাত্রি ধরে চলেছে সে পালা। ভোরবেলাতে পক্ষীতীর্থের বাসু ধরন বলে রেলওয়ে বিশ্রামাগারে আশ্রয় নিয়েছি।

বাসে উঠে দেখি আকাশের চেহারা বদলে গেছে। এখন পথের ছ'ধারে দেখছি অপূর্ব দৃশ্য। বৃষ্টির দেবতা তাঁর অতি প্রচণ্ড জলপূর্ণ পাত্রটিকে চিংলিপুটের মাথাতেই যেন উজ্জ্বল করে দিয়েছেন। আকাশে ছেঁড়া মেঘ আছে প্রচুর, সে মেঘ নিঙড়ালে এক ফোঁটাও জল বরবে না বরি। ভরসার কথাই।

ছ'পাশে জুড়ে টাইটুপুর মাঠ—তার বুক চিরে আঁকা-বাঁকা সরু পথটি কিন্তু অক্ষত। সেই পথ ধরে বাসু ছুটছিল। আশেপাশে তাল নারিকেল বন—দূরে কয়েকটি পাহাড়। বাসু থেকে দেখা যাচ্ছিল একটি পাহাড়—ওরই মধ্যে একটু বিশিষ্ট। গুনলাম, ওটাই বেদগিরি পাহাড় অর্থাৎ পক্ষীতীর্থ। যত কাছে মনে হচ্ছে তা নয়, চিংলিপুট থেকে নয় মাইল। গ্রামটির নাম তিরুক্কাল কুণ্ড্রুন্। এ গ্রামেও একটি চমৎকার শিবমন্দির আছে, প্রকাণ্ড সরোবর আছে। এই মন্দিরের গায়ে উৎকীর্ণ শিল্প-সুসমা ছ'দণ্ড চেয়ে দেখবার মত। দেবতাকে নিয়ে পার্শ্ব-উৎসবের ঘটা আছে—পথের ধারে ছাউনির মধ্যে রথখানি তার প্রমাণ। দোকানপসার আর যাত্রীতে জমজমাট একটি ক্ষুদ্র শহর। ধর্মশালা আছে ছ'টি। অপেক্ষাকৃত পরিষ্কার-পরিচ্ছন্ন যেটি তার ঘরভাড়া দৈনিক পাঁচ সিকে করে। তা হোক, বাসস্থান হিসাবে নিন্দার নয়। ধর্মশালা পরিদর্শকের সতর্ক দৃষ্টি থাকাতে জিনিস-পত্র খোয়া যাবার ভয় কম।

পৌছলাম বেশ সকালেই। একটু জিরিয়ে নিয়ে পক্ষীতীর্থে বেদগিরি পাহাড়ে উঠব ঠিক করলাম। সে এমন কিছু দূরে নয়—ধর্মশালার পিছন থেকেই পাহাড় শুরু হয়েছে। ছরারোহও নয়, মাত্র পাঁচ-ছ'শ' সিঁড়ি। কিম্বা তারও কম। কিন্তু কামার বুড়ো হলে লোহা যে

কঠিনতর হয় এই প্রবাদ বাক্য অতি সত্য। স্মৃতরাং পাহাড়ে উঠবার সময় ছ'তিন জায়গায় বিশ্রাম নিতে হ'ল—রীতিমত হাঁপাতে লাগলাম। অতি কষ্টে শেষ হ'ল উদ্ধারোহণ, বেদগিরীশ্বর মহাদেবের মন্দিরে পৌছলাম। এখানে লিঙ্গমূর্ত্তি শিব—মন্দিরগাত্রে মেশদিত আরও কয়েকটি মূর্ত্তি—দুর্গা, কার্তিক, গণপতি, ব্রহ্মা, বিষ্ণু প্রভৃতি। এইসব দেখে একটি ফাঁকা জায়গায় এসে বসলাম।



পক্ষীতীর্থ—বেদগিরি

পাখীর সম্বন্ধে পুরাণ-বর্ণিত গল্প বা প্রতিকূল মন্তব্য যাই থাকুক, এতগুলি সিঁড়ি ভেঙ্গে এই উর্দ্ধলোকে না আসতে পারলে আক্ষেপের সীমা-পরিসীমা থাকত না। শৈলশিখর থেকে নাঠ, গ্রাম, সরোবর সমেত দূর দিগন্তকে যে না প্রত্যক্ষ করেছে তাকে লাভ-লোকসানের হিসাব দিতে যাওয়া বিড়ম্বনা। শহরের রাজপুথো-মাহুস শুধু হারিয়ে যায় না, দৃষ্টির শক্তিও হ্রাস পায়। চারিদিকের বাড়ীঘর বস্তৃপুঞ্জ বাধা হয়ে সত্য দর্শনের অন্তরায় সৃষ্টি করে। সামান্য অংশ দেখে সমগ্র কল্পনা করতে কষ্ট হয়। কিন্তু উর্দ্ধের এই দর্শন, এ শুধু নিসর্গশোভা বা গ্রাম-শহরের পূর্ণাঙ্গ রূপটিকে দেখা নয়—মাঠে-বনে-জলায়-পাহাড়ে-মন্দিরে-বাসগৃহে-যানবাহন-জনতায় মাখামাখি একটি অভিনব চিত্র। পাখী নাঈআগা পর্বাস্ত্র আমরা প্রাণ ভরে দেখতে লাগলাম। মাহুসের হাতে তৈরী আর প্রকৃতির দানে সমৃদ্ধ স্থির পটভূমিকায় একটি দৃশ্য

স্পন্দমান অপক্লপ আলোক্য। দেখে দেখে দেখার আশ মেটে না।

দৃষ্টি মেলে রাখলাম দূরে—শাপত্র পাকী'টি কখন কোন্ দিক থেকে আসবে। ওরা নাকি বারাণসীর বাসিন্দা। প্রতি প্রত্যয়ে বারাণসী থেকে যাত্রা করে রামেশ্বরে সমুদ্র স্নান সেরে দ্বিপ্রহরে আসে এই শৈল-শিখরে। এখানে আহাৰ্য্য গ্রহণ করে ও সামান্যকণ বিশ্রাম নিয়ে ফিরে যায় স্বধামে। প্রতিদিন ভারত পরিক্রমা আর কি। যুগ যুগ ধরে চলে আসছে এই নিয়ম। নিত্য তীর্থ পরিক্রমা, পুণ্যসলিলে অবগাহন, দেবদর্শন—এত করেও কি পাপক্ষয় হচ্ছে না—ফুরোচ্ছে না অনাদি কাল থেকে এই আসা-যাওয়ার পালা? সেই অতি পুরাতন পাকীরা হয়ত মুক্তি লাভ করেছে। কিন্তু তীর্থ-মাহাত্ম্য অক্ষুণ্ণ রাখতে ভোগ-অর্চনার বিধিবিধান-গুলিকে জীইয়ে রাখতে হয়েছে। পুরোহিত যথা নিয়মে চাকুড়াও নিয়ে অপেক্ষা করেন—পেতে দেন দু'পানি কাঠের পিঁড়ি, পাকীর সামনে ধরে দেন ভোজ্য। পাকী আসে নিয়মিত ভাবেই। মেঘবৃষ্টি হলে কচিং কখনো আসে না। কোনদিন বা একটি আসে, কোনদিন যাত্রীদের ভাগ্যে যুগল দর্শন হয়।

দূরের পাহাড়ের দিকে চেয়ে আছি। সেই দিকে চেয়ে আছে সব যাত্রী। পাকী নাকি ওই দিক দিয়েই আসবে। আকাশে যে চিলগুলি পাক খাচ্ছে অনবরত তারই গা ঘেঁষে আসবে। বিশিষ্ট একটি বিন্দুর মত অথবা বিশেষ একটি ভঙ্গিকে আশ্রয় করে। চেয়ে থাকি আমরা। অপলক রুদ্ধশ্বাস।

হঠাৎ পাকী এলো অতর্কিতে—পাথরের পাশ দিয়ে। এলো একাকী। খাবার বাটিটা পাথরে ঠুকে পুরোহিত আহ্বান জানালেন। এগিয়ে এল পাকী। পিঁড়ির উপরে উঠে এল। চক্র খেলে পরিতৃপ্তি করে। পাথরের ফাটলে একটু জল জমে ছিল, তাতে ঠোঁট ধুয়ে পাথরের আড়ালে চলে গেল। আবার বাটি ঠুকে লাগলেন পুরোহিত। খানিক পরে এল আর একটি। মনে হ'ল প্রথমটিই ফিরে এল। অঙ্গমোষ্ঠব দেহবর্ণ পালকের বিজ্ঞাস কোথাও এতটুকু অমিল নাই। অনেকটা শঙ্খচিল জাতীয় পাকী, কিম্বা বইয়ে-দেখা ঝগল পাকীর ছবিটা যেন পাথরের উপরে জীবন্ত হয়ে উঠল। দ্বিতীয়টি ভাল করে আহাৰ করল না, মুখও ধুলে না। সবাই বলল, প্রথমটিই ফিরে এয়েছে। একটু আগে কেয়েছে আর কেতে পারে কখনও?

পাণ্ডার ছড়িদার বলল, না বাবু ছোটোই আছ এসেছে।

পাহাড় থেকে নেমে এসে বলল, ওই দেখুন একটা পাক খাচ্ছে মন্দির ঘুরে—আর একটা স্থির হয়ে বসে আছে মন্দির চুড়ায়।

ঐখাটা মিথ্যা নয়। কিন্তু এদিকের সম্বেহ নিরসন হলেও অপর দিকের প্রত্যয় দৃঢ় হ'ল। বললাম, তা বটে। ওরা দেখছি মন্দিরেই থাকে—বারাণসীতে ফিরে যায় না।

ছড়িদার স্নানমুখে জবাব দিল, যায় বইকি—একটু বিশ্রাম নিয়ে।

বাদানুবাদে ফল নাই। পাকী দেখতে পাহাড়ে না উঠলে একটি অপূর্ব-দর্শন থেকে বঞ্চিত থাকতাম—এই সত্যটিই বার বার অসুভব করতে লাগলাম।

আহাৰাদি সেরে ঠিক করলাম, মহাবলিপুরমে যাব। মাত্র ন' মাইল পথ—ঘণ্টা তিনেকের মধ্যে আসা-যাওয়া আর দর্শন।

নাতি ও গৃহিণী বললেন, আমরা কিন্তু যাচ্ছি না, কাল রাতে ভাল ঘুম হয় নি—ছোটোছুটি সহিবে না।

শরীর ক্লান্ত ছিল আমারও, কিন্তু শিল্প-তীর্থের ছুধারে এসে নিরর্থক ফিরে যাব—এই চিন্তা পীড়ন করতে লাগল। একাই বেরিয়ে পড়লাম। চমৎকার পথ—লোকালয় ছাড়িয়ে ছুধারে অক্ষুরস্ত শস্ত্রশামল মাঠ। আকর্ষণ জলে ডুব ধানের চারাগুলি বাতাসে ছলছে। আকাশ নীচের নেমেছে অনেকখানি, নরমও। ক'দিন ধরেই প্রচুর বর্ষণ হয়ে গেছে দু'পাশের নয়নজুলি দিবে কলকল শব্দে জলশ্রোত বয়ে চলেছে। সেই শ্রোত নেমে এসে এক জায়গায় সৃষ্টি করেছে একটি খাল। মেহাৎ দশ-বিশ হাত সঙ্কীর্ণ খাল নয়—এপার-ওপার নিয়ে চওড়া একটি নদীই। পথের নদী বলে জল গভীর নয়—তবু ওরই প্রতাপে ছুধারে মোটর রিকশা গোয়ান প্রভৃতি আটক পড়েছে। আমাদের বাসুও থমকে দাঁড়াল। মনটা খারাপ হয়ে গেল, এত করেও মহাবলিপুরমে পৌঁছানো গেল না! ওপারেও একখানা বাসু দাঁড়িয়ে। খানিক পরে সেটা চলতে আরম্ভ করল এবং শ্রোত ঠেলে এপারে এসে উঠল। আমাদের চালকও সাহস করে দরিয়ায় ভাসিয়ে দিলেন বাসু। ভাগিৎস সেটা ভেসে যায় নি কিংবা ইঞ্জিনে জল ঢুকে বিকল হয় নি! জল ঠেলে উঠল বাসের মেঝে পর্যন্ত—মেঝেতে চেউ খেলতে লাগল। আমরা তাড়াতাড়ি জুতোওদ্ধ পা উঁচু করে আড়ষ্ট হয়ে যে যার জায়গায় বসে বইলাম। নিৰ্ব্বিয়ে অপর পারে পৌঁছল বাসু।

এটা কিন্তু মহাবলিপুরমের রাস্তা নয়। কতকগুলি

যাত্রী নিয়ে বাস্‌ছ' মাইল দূরের এই গ্রামখানিতে এসেছিল। যাত্রীরা নেমে গেলে আবার উজ্জ্বল নদী পার হইবে মহাবলিপুরমের পথ ধরল। জানি না, সামান্য পরসার জন্ত এমন ঝুঁকি ওরা কেন নিয়েছিল।

এইভাবে বেশ খানিকটা সময় নষ্ট হওয়াতে অপরাহ্ন বেলায় মহাবলিপুরমে পৌঁছলাম। বাস্‌ থেকে নামতেই কিশোর গাইডের দল ছেকে ধরল। ওরই মধ্যে একজন বেশী বয়সের ছোকরাকে বেছে নিলাম। তার বয়স তেইশ-চব্বিশের বেশী হবে না। চমৎকার ইংরেজি বলে, প্রাজ্ঞল করে বুঝিয়ে দেবার ক্ষমতাও আছে। বললে, তাড়াতাড়ি আসুন—এক জায়গার ব্যাপার ত নয়, ঘুরে ঘুরে সব দেখতে হবে।

একরকম দৌড়ে দৌড়েই তাকে অহুসরণ করলাম। নৃসিংখানের মধ্যে দেখাশোনা করতে হবে। সব দেখতে হলে মাইল দুই পথ অস্ততঃ ঘুরতে হবে।

পাহাড়ের এক প্রান্ত থেকে আরম্ভ হ'ল পরিভ্রমণ। প্রথমেই দেখলাম, একটা ঢালু পাহাড়ের গায়ে প্রকাণ্ড একটা গোলাকার পাথর কাত হয়ে রয়েছে—মনে হয় একটু ঠেলা পেলেই ওটা গড়িয়ে পড়বে। কিন্তু অনেক ঝড় জল এবং মাহুষের চেষ্টাকে উপেক্ষা করে যুগযুগান্ত ধরে ওটা যথাস্থানেই রয়ে গেছে।

গাইড বলল, এর নাম মাখন গোলা ( বাটার বল ), শ্রীকৃষ্ণের লীলার একটি উপাদান। ওই পাহাড়ের প্রান্ত ভাগে রয়েছে আর একটি লীলা-চিহ্ন—গোপীদের ঘোল মওয়ার পাত্র। ঘোল মউনি। এটিও অখণ্ড একটি পাথরে তৈরি, আকারে বৃহৎ হলেও স্বগঠিত।

গাইড বলল, এ সবই শ্রীকৃষ্ণলীলার চিহ্ন—যদিও শ্রীকৃষ্ণ কোন দিন এখানে আসেন নি আর গোপীরাও এই পাত্রে দধি মছন করে নি।

এই-সব দেখে মনে প্রশ্ন জাগে কোন্‌ সময়ে হয়েছিল মহাবলিপুরমের পত্তন? কৃষ্ণলীলার এই বস্তুগুলি কে তৈরি করিয়েছিলেন? পুরাণের কথা সর্লজনগ্রাহ্য নয়। কাজেই, বলি রাজার থেকে মহাবলিপুরমের উৎপত্তি এ তথ্য তর্কিকের জন্ত নয়। আবার ঐতিহাসিকরাও এ সম্বন্ধে একমত নন। কেউ বলেন, সপ্তম শতাব্দীতে পল্লব যুগে নরসিংহ বর্ধনের সময় এই নগরীর পত্তন হয়—আর সেই সময় থেকে শিল্পসৃষ্টির কাজ চলে। এই বিরাট শিল্পকর্ম শেষ হতে আরও দু'এক শতাব্দী লেগেছিল। শিল্পকর্মে বৌদ্ধ প্রভাবও প্পষ্ট। অন্তমতে কল্যাণপুরার চালুক্যরা এর নির্মাতা। ষষ্ঠ শতাব্দী যুগে বিজয়নগরের হস্তক্রেপও কিছু রয়েছে—তার

গাক্য কৃষ্ণদেব রাক্ষ নিশ্চিত অর্ধসমাপ্ত মন্দিরটি। এটি ছাড়া পাহাড়ের মাথায়—গোবর্ধন গুহায়, ঠিক উপরেই অবস্থিত।

গাইড বলল, কৃষ্ণদেব রায়ের আমলে এটির নির্মাণ-কার্য আরম্ভ হয়—শেষ হয় নি।

মনে হ'ল, মন্দিরের ভগ্নাবশেষ বলতেই বা আপত্তি কি?

মন্দির দেখে নেমে এলাম পাহাড় থেকে। নীচের পাহাড়ের একটি প্রশস্ত গুহায় ব্রজলীলার বিরাট একটি চিত্র উৎকীর্ণ রয়েছে। গিরি গোবর্ধন ধারণের চিত্র। শ্রীকৃষ্ণ একটি অঙ্গুলি দ্বারা অবলীলাক্রমে ধারণ করে আছেন গিরি গোবর্ধন। তার তলায় শাস্ত নিরুৎসেগ লোকযাত্রার গতি। গোা দোহন করছেন যশোমতী, ছ'পাশে কৃষ্ণ বলরাম, রাখাল বালক, আর ব্রজ গোপীর দল। গাভী, বৎস, যশোমতী, বলরাম, রাখাল বালক, গোপাঙ্গনা সকলেই পূর্ণ অবয়ব বিশিষ্ট। কেবল শ্রীকৃষ্ণের মূর্তিটি অপেক্ষাকৃত বড়—ঐশী সত্তাকে পৃথক করে দেখানোর জন্তই হয়ত বা। বেশ খানিকক্ষণ চেয়ে দেখবার মত ছবি।

কিন্তু সময় কম। এক ছবির রস মনের মধ্যে পরিপাক হতে না হতে আর একটি বিরাট ছবির সামনে এসে পড়লাম। ষাট-সত্তর হাত লম্বা ও চোদ্দ-পনের হাত উঁচু দ্বিধাবিভক্ত একটি পাহাড়ের গায়ে অসংখ্য দেবদেবী নরনারী ও যাবতীয় প্রাণীমূর্তির সমাবেশ। শিলাপটে অবিস্মরণীয় রিলিফ চিত্র।

গাইড বললে, এ হ'ল অর্জুন-তপস্তার ছবি। ঐ দেখুন উর্দ্ধবাহ শীর্ণকায় অর্জুন বসেছেন তপস্তায়—সামনে দেবাদিদেব মহাদেব এসেছেন বর দান করতে। ছ'পাশে নাগনাগিনী, হস্তীযুথ, বৃগ, বানর, মুসিক, মার্জ্জারের সঙ্গে গন্ধর্ভ যক্ষ কিন্নরের দল মিলে দেখছেন এই অপক্লপ তপস্তা।

অর্জুন-তপস্তা ব'লে ছবিটি পরিচিত হলেও আসলে এটি গঙ্গাবতরণের দৃশ্য। দ্বিধাবিভক্ত পাহাড়টিকে অনায়াসে নন্দীরূপে কল্পনা করে নেওয়া যায় কারণ ঐখানেই যাবতীয় জলচর প্রাণী ক্রীড়ারত। জলধারার বাগে ছোট্ট একটি মন্দিরে দণ্ডায়মান শিবমূর্তি—সামনে তপস্তারত কীর্ণদেহ উর্দ্ধবাহ ভগীরথ। প্রাণীবৃন্দের মধ্যে দক্ষিণে বৃহদাকার হস্তীযুথ এবং ভগীরথের অহুক্যরী তপস্তারত মার্জ্জার, তার পায়ে তলায় ক্রীড়ারত মুসিক। ওরই বিপরীতে গুহামুখে এক বৃগদম্পতি হরিণটি পিছনের পা দিয়ে তার নাক চুলকোচ্ছে। ছবিতে



একটু দূরে রয়েছে এক বানর পরিবার—কপিপুঞ্জব বানরীর গা থেকে উকুন তুলছে—বানরী পিছন ফিরে বসে স্তম্ভপান করছে দু'টি বাচ্চাকে। পুরাণ কথার মহিমার সঙ্গে প্রাণীজগতের এমন বাস্তবাহুগ মিশ্রণ পদ্ধতি কম ছবিতেই দেখা যায়। দেব, নর, যক্ষ, কিন্নর, নাগ প্রভৃতি ভক্তিভারাবনতচিত্তে চেয়ে রয়েছে শিলাগাজ্জ্যত বারিপ্রবাহের দিকে। শিলা-রচিত এমন বিরাট রিলিফ-চিত্র পৃথিবীতে খুব বেশী নাই।

সবুজ দশটি মণ্ডপ আছে মহাবলিপুরমে। সবগুলিই গঙ্গাবতরণের মত বিরাট নয়, কিন্তু বিষয়বস্তুর নির্মাচনে ও বৈশিষ্ট্যে সমুজ্জ্বল। মহিষমর্দিনী ও বরাহগুহা দু'টি দর্শকের দৃষ্টি আকর্ষণ করে।

বরাহগুহায় আছে বরাহ ও বামন অবতার, সূর্য্য, দুর্গা, গজলক্ষ্মী মূর্তি। এর সঙ্গে রয়েছে সপত্নীক ও সপার্বদ রাজমূর্তি। মূর্তিটি নাকি রাজা মহেন্দ্র বর্মণের।

মহিষাসুরমর্দিনীগুহায় রয়েছে সর্পশয্যায় অনন্তশয়ান বিষ্ণুমূর্তি আর যুদ্ধরত দেবী দুর্গা। এই বিস্তীর্ণ গুহা জুড়ে রণক্ষেত্রের তাণ্ডব দৃশ্য। প্রতিটি দেব ও দানব মূর্তিতে রণমত্ততার দাপট—মাথখানে রণদৃপ্ত ভঙ্গিতে দশ করে নানা আয়ুধ নিয়ে শক্তিক্রপিনী দুর্গা। রণক্ষেত্রের ভয়াবহতা পরিস্ফুট করার জন্তু রণশায়ী অসুর মূর্তিও রয়েছে কতকগুলি। কর্ণিতহুও মহিষদেহ হতে অঙ্গ বিনিক্ষান্ত মহিষাসুর—তার বলদৃপ্ত ভঙ্গিমায়া যুদ্ধং দেখি ভাব। অপরূপ শিল্পশৃষ্টি! সে যুগে অতি স্বল্প তক্ষণ যন্ত্রের কথা কেউ ভাবতেও পারত না, অথচ একটি হাতুড়ি ও পাথর কাটা ছেনি মাত্র সম্বল করে এমন স্বল্প রেখা-বিজ্ঞাসে কর্ণশ পামাণ গাত্রে স্বনয়ন মূর্তিগুলি কোন্ যাচুমন্ত্রবলে যে জীবন্ত হয়ে উঠত সে রত্নশের সন্ধান কে দেবে!

মহিষমর্দিনী গুহার সামনেই পুরাতন বাতিয়া (লাইট হাউস)। আজও সেখানে বাতি জ্বলে, কিন্তু এখানে বন্দরের কাল শেষ হয়েছে। মহাবলিপুরম্ এককালে সমুদ্রের সংযোগে বাহির বিশ্বকে আত্মীয় করেছিল। আজ কতকগুলি পুরাতন শিল্পের নমুনা দেখতে যাত্রীরা ভিড় জমায় এখানে। আমাদেরই মত অল্প সময় হাতে নিয়ে ছুটে ছুটে শিল্প-উৎকীর্ণ পাহাড়ের গুহাগুলিতে ও রথ-গুলিতে চোখ বুলিয়ে মুগ্ধ বিশ্বয়ে বলে ওঠে, বাঃ—চমৎকার। ছুটির দিনে মাদ্রাজ থেকে দল বেঁধে যাত্রী আসে পাহাড়ের ধারে ক্যান্সারিণা কুঞ্জ। ওখানে বসে তারা চুই ভাতি করে, গ্রামোফোন বাজায়, বেহালা, হাঙ্গী বা হারমোনিয়ামে সুর তোলে, ছবি আঁকে, দূরবীণ

কষে দূর সমুদ্রে। হাটের প্রচণ্ড কোলাহল দিয়ে অতীতে: ক্ষীণ সুরটিকে চাপা দেয়, বেলা-প্রতিহত সমুদ্র-তরঙ্গে ওয়ে বিলাপধ্বনি।

মহিষাসুরমর্দিনী গুহা থেকে পোয়াটাক পথ ডিম্বলে পঞ্চ পাণ্ডবের রথগুলি চোখে পড়বে। মনোলিখিক রথ অর্থাৎ আস্ত একটি পাথর কেটে তৈরী হয়েছে। দ্রৌপদীর, যুধিষ্ঠিরের, ভীমের, অর্জুনের এবং নকুল-সহদেবের একত্রে এই পাঁচখানি রথ মানে পাঁচটি মন্দির। পরিষ্কার একা বালুময় প্রাঙ্গণে ঝাউ কুঞ্জের মধ্যে রয়েছে এগুলি। দূর থেকে সর্কপ্রথমে দৃষ্টি পড়ে প্রকাণ্ডকায় একটি হাতীর উপরে। স্বাভাবিক গাত্রবর্ণের জন্তু এটিকে দূর থেকে জীবন্তবৎ মনে হয়। জলবায়ু প্রভৃতি প্রাকৃতিক দুর্যোগ সহ করেও এগুলি অবিকৃত রয়েছে।

রথগুলি পঞ্চ পাণ্ডবের নামে চিহ্নিত হ'ল কেন—কেন জানে! তবে পাণ্ডবদের বলবীর্য্য আকৃতি প্রকৃতি পদ-মর্য্যাদা অহুযায়ী এগুলি তৈরী হয়েছে তাতে সন্দেহ নাই। যেমন যুধিষ্ঠিরের রথে কারুকর্ষ্যের সমাবেশ, ভীমের রথখানি সব চেয়ে বড়, নকুল সহদেব দু'ভাইকে মিলিয়ে একখানি রথ, ইত্যাদি।

তাড়াতাড়ি শেষ করলাম রথ দেখা। একজন সরকারী রক্ষী মাত্র ছিল পাহারায়—আর গাইডের সঙ্গে ছিলাম আমি—সেই জনবসতিহীন প্রাঙ্গণে আর কেউ ছিল না। সমুদ্র খানিকটা দূরে—তার গর্জন শোনা যাচ্ছিল, আর ঝাউখের শাখায় বায়ুর শৌ শৌ শব্দ, বিরামহীন বিলাপধ্বনি। মনকে কিছুতেই বর্তমানের ভূমিতে ধরে রাখা যায় না। অতীতকালের শিল্পকীর্তি দেখতে দেখতে কেমন যেন বেদনায় ভারাক্রান্ত হয় মন। চোখে অক্ষুরস্ত বিশ্বয়, মনে অকারণ বেদনা, এদিকে সূর্য্য অন্তাচলে—বিদায়ের বাঁশীই বেজে চলেছে অবিদ্যুৎ... অশিভূত ভাবে বালুপ্রাঙ্গণে বসে পড়েছি।

বসলেন কেন বাবু—তাড়াতাড়ি না গেলে শো'র টেম্পলে পৌঁছতে পারব না। গাইড তাড়া দিল।

চকিতে উঠে দাঁড়ালাম। বললাম, কতটা দূর ? পোয়া মাইল হবে।


এক রকম ছুটেই চললাম।

যেতে যেতে বাতি ঘরের সামনে বাঁ দিকে পড়ল একটি পাহাড়—তার গায়েও নানা শিল্প-নমুনা। সবগুলিই অসম্পূর্ণ। এ পাহাড়ের গায়েও অর্জুন-তপস্তার (?) কাহিনী উৎকীর্ণ রয়েছে—শেষ হয় নি।


গাইড বলল, আসল থেকে নকল করান চেয়ে।







উদয়পুরের পীচোলা হ্রদের তীরে স্বয়ম্ব প্রাসাদ শ্রেণী



গাউন্ট আবুতে মাকি হ্রদের দৃশ্য

এখানকার সব পাহাড়েই অল্পবিস্তর এই নমুনা দেখতে পাবেন।

ভাবলাম এটা সম্ভব। এ হ'ল শিল্পক্ষেত্র, শিল্পী-মন এ ভূমিতে নিরুত্তম থাকতে পারে না।

পঞ্চগুণি বৈশাখ সুসংস্কৃত—মোটর-বিহারীদের সুখ স্বাচ্ছন্দ্যের প্রতি সরকারের খরদৃষ্টি রয়েছে। মন্দির রক্ষণার ব্যবস্থাও নিশ্চার নয়। শো'র টেম্পলটিকে সমুদ্র-গ্রাস থেকে বাঁচাবার জন্ত যথাসাধ্য করেছেন সরকার। পাথরের পাঁচিল তুলেছেন তীরে—বেলা-ভূমিতে পাথর ফেলেছেন রাশি রাশি—তারই পারে নিফল আক্রোশে আছড়ে পড়ছে বঙ্গোপসাগরের দূরস্ত চেউগুলি। ফেনার ফুল ফুটেছে রাশি রাশি।

প্রাচীন প্রবাদ বলে—সমুদ্র বেলাভূমি অতিক্রম করে না। তাই যদি হবে ত আর দু'টি মন্দির সমুদ্রগর্ভে বিলীন হ'ল কেমন করে? একদা যে মন্দিরের স্বর্ণচূড়া দেখে অর্ধবপোত থেকে স্থান নির্ণয় করতেন নাবিক ও বণিক দল—সেই স্বর্ণচূড়াবিশিষ্ট মন্দির আজ কোথায়?

প্রসঙ্গ ভারতবর্ষের বহির্বাণিজ্যের চিত্রটি চোপের সামনে ভেসে উঠছে। অতি প্রাচীনকাল থেকে ভারতবর্ষের দক্ষিণাংশের সঙ্গে অপর অংশের ও বাতির বিশ্বের কয়েকটি রাজ্যের বাণিজ্যিক যোগাযোগ স্থাপিত হয়েছিল। স্থল এবং সমুদ্র উভয় পথে দস্যুভয় ছিল বলে বণিকরা সঙ্ঘবদ্ধ হয়ে চলাফেরা করতেন। এই সময়কার দক্ষিণের একটি উল্লেখযোগ্য বণিকদল হ'ল আইহোলের পঞ্চগত স্বামী। রাজাদের মত এঁদের কুলপঞ্জী ছিল—এঁরা বাণিজ্য-ধর্মের রক্ষক। এঁদের কেতন ছিল পৃথলাঙ্কিত। এঁরা বাসুদেব, খাগুনি ও মূল-অন্দের বংশধর এবং বিষ্ণু, মহেশ্বর ও জীনদেবের উপাসক। জল ও স্থলপথে এঁরা চোল, চের, পাণ্ড্য, মালোয়া, মগধ, কোশল, সৌরাষ্ট্র, কাম্বোজ, গল, পারস্ত, নেপাল, ধর্ম্ম, কুরুক্ষা প্রভৃতি দেশে ভ্রমণ করতেন। পণ্যদ্রব্য ছিল—হস্তী, মণিমুক্তা, হীরক, এলাচ, লবঙ্গ, কপূর, মৃগনাভি, জাকরাণ ও নানাবিধ গন্ধদ্রব্য।

আবার বিদেশী বণিকরাও ভারতরাজ্যে অভ্যর্থিত হতেন। তাঁদের নিরাপত্তার ভার নিত রাজ্য। একজন ইহুদী পর্যটক বেঞ্জামিন, চোল রাজত্বকালের বিবরণে বলেছেন—এঁরা অত্যন্ত বিশ্বস্ত জাতি, বিশেষ করে বাণিজ্যক্ষেত্রে তা প্রমাণিত করে থাকেন। বিদেশী বণিকরা এঁদের বন্দরে প্রবেশ করা মাত্র রাজার কর্ম-

চারীরা এসে নাম, ঘাম, পণ্যদ্রব্য প্রভৃতির বিবরণ লিখে নিয়ে সেটি রাজসমীপে প্রেরণ করতেন। রাজা বণিক-দলের প্রাণ ও পণ্যদ্রব্যের নিরাপত্তার ভার নিতেন। সে সব জিনিস বিনা পাহারায় খোলা মাঠে পড়ে থাকলেও খোয়া যাবার ভয় থাকত না। একজন রাজকর্মচারী পণ্যবিক্রয় কেন্দ্রে অর্থাৎ কেনা-বেচার বাজারে বসে থাকতেন; তাঁর কাছে হারাণো জিনিসের বিবরণ দেওয়া থাকলে প্রাপ্তিমাত্র তিনি সেই জিনিসগুলি আবেদন-কারীকে প্রত্যর্পণ করতেন। আমাদের বর্তমান কালের সঙ্গে তুলনা করলে সে যুগকে সাম্রাজ্যের যুগ বলে মনে হবে না কি!


যাই হোক, আজ দু'টি মন্দির সমুদ্রগর্ভে বিলীন হয়েছে, মাত্র একটির ভগ্নাবশিষ্ট দিগ্ভয়মান। সেই সপ্ততম এবং শেষতম মন্দির প্রাপ্তি পুরাতন চিহ্ন রয়েছে বহু। মন্দিরের সামনে নাটমন্দির, ভোগমন্দির, পুণ্যসভা প্রভৃতির ভগ্নাবশিষ্ট চিহ্ন—পুরাতন বিভাগ এগুলিকে ভাগ করে রেখেছে। মন্দিরটি আছে অবিকৃত। একখানা অথও পাথর দিয়ে তৈরী নাকি এ মন্দির—যায় ভিতরের অনন্ত শয্যার শায়িত বিষ্ণুদৃষ্টিটি পর্য্যন্ত।

ভিতরে সূচীভেদ অন্ধকার। কোন রকমে টর্চ জ্বলে প্রবেশ করা গেল। কিন্তু যুগযুগান্তরের সঞ্চিত জমাট বাঁধা অন্ধকার, মাধ্য কি কম-জোরী টর্চে আলো তা ভেদ করে। অন্ধকারে দৃষ্টি বুলিয়ে বাইরে এসে দাঁড়ালাম।

উঁচু বাঁধের উপর বসে অনেকে সমুদ্রবায়ু সেবন করছেন। পিছনে অক্ষুরস্ত মাঠ—সামনে অক্ষুরস্ত জল। ডান ধারে বনকাউ-এর কুঞ্জ পরিপাটি করে সাজান। এখানে ছুটির দিনে বৈচিত্র্যপিয়াসী নরনারীর ভিড় জমে—অতীতের পটভূমিকায় বর্তমানের জলছবি তুলে দেখার চেষ্টা চলে। সে ছবি জলের আলপনার চেয়ে স্থায়ী নয়—আঁকার সঙ্গে সঙ্গে মুছে যায়। কাউবনের দীর্ঘনিশ্বাস বলে—নাই—নাই।

সূর্য্য অস্ত গেছেন বহুক্ষণ—গোধূলি আলোও এক-সময়ে ফুরিয়ে গেল। ধীরে ধীরে অন্ধকার গ্রাস করছে সমুদ্রকে। মহাবলিপুরমের মন্দির পাহাড় কাউবন পথ প্রান্তর একে একে মুছে যেতে লাগল। শুধু সমুদ্র-কল্লোল-ধ্বনি আর কাউবনের শনুশনানি আরও স্পষ্ট হয়ে উঠতে লাগল। নিরবধি কালের সঙ্কেতধ্বনি কি?

ফিরবার মুখে সেই অদৃশ্য মহাস্থালকেই হাত জাডে প্রণাম জানালাম।



### বরপণ-কন্যাপণ

বাঙালী বর্ণহিন্দু মধ্যবিত্ত সম্প্রদায়ের মধ্যে বরপণ যেমন একটি স্ত্রীবাহ সামাজিক কু-প্রথা, নিম্নবিত্ত নিম্নজাতীয় কোন কোন বাঙালী হিন্দু সম্প্রদায়ের মধ্যে কন্যাপণও প্রায় তদৈবচ। এই কন্যাপণ বরকে নিজে রোজগার করে দিতে হয়, তার হয়ে তার পিতা বা অন্য কাউকে দিতে হয় না বলে এ নিয়ে চেঁচামেচি হয় না। মধ্যবিত্ত সমাজের কুমারী মেয়েরা অনেক আজকাল উপার্জনক্ষম হয়েছেন। তাঁরা যদি অতঃপর স্বোপার্জিত অর্থের কতকাংশ বা বহুলাংশ স্বামী-সংগ্রহে ব্যয় করেন, তা নিয়েও উচ্চবাচ্য হবে না বলে আমাদের বিশ্বাস।

একেবারে সোজাহুজি না হোক, কার্যতঃ এখনই যে তাঁরা করছেন না, তাই বা বলি কি করে? খবরের কাগজের বিজ্ঞাপনে প্রায়ই দেখতে পাওয়া যায়, বিবাহার্থী পুরুষ উপার্জনক্ষম স্ত্রীর সন্ধান করেন : এর অর্থ, অর্থ চাই, শুধু স্ত্রী নয়। অনেক ক্ষেত্রে বিজ্ঞাপন দেওয়া মার্ধক না হলে গাঁটের পয়সা খরচ করে বিজ্ঞাপন এঁরা দিতেন না।

অবশ্য উপার্জনক্ষম কন্যার জন্যও প্রচুর বরপণ দিতে হয়েছে এমন দৃষ্টান্তের অভাব নেই এ দেশে।

আফ্রিকার কোন কোন জাতের মধ্যে কন্যাপণ দিতে গিয়ে বরেরা সন্দেহস্থ হয়ে যায়। বাগাঙার বরকে কন্যার পিতামাতা তাইবোন প্রত্যেকের কাছে বিবাহের ইচ্ছা জ্ঞাপন করে চিঠি লিখতে হয়, সেই চিঠির প্রত্যেকটির সঙ্গে টাকা দিতে হয় বেশ অনেকটা করে। কন্যাপণ ত দিতেই হয়, তা ছাড়া কন্যার অসংখ্য রকম ব্যবহারের জিনিস, বিবাহের মিসিলের বাদ্যশাও, এসবও আছে। ইতিমধ্যে কন্যার দিকের কেউ যদি মারা যায় ত তার অস্ত্রাঙ্গির এবং মৃত্যুব্যক্তির আত্মীয়-স্বজনদের শোকে সাহুনা দেবার জন্যে পয়সাও পরিমাণ বিয়ারের ব্যবস্থাও তাকেই করতে হয়।

বিবাহের রাতটাই সবচেয়ে স্ত্রীবাহ। বিয়ার যেমন শোকে সাহুনা দেয়, বিয়ার না হলে আনন্দও তেমনি জমে না ভাল করে, সুতরাং তার ব্যবস্থা চাই-ই চাই, আর শোকগ্রস্ত লোকের চেয়ে আনন্দকামী লোকের সংখ্যা বে অনেক বেশী তা ত বলাই বাহুল্য। বিবাহ হয়ে শাবার পরেও নিশ্চিন্তি নেই। কন্যা স্বামীর গৃহে প্রবেশ করবেন, তার জন্যে দক্ষিণা, আসন পরিগ্রহ করবেন, তার জন্যে দক্ষিণা, হানাহার করবেন, তার জন্যে দুই দফা দক্ষিণা ; তার পর স্বামীর সঙ্গে এক শস্যায় শয়ন করবেন, তার জন্যে ত অবশ্য বেশ একটু মোটা রকমের দক্ষিণা আছেই।

এই শেষ দক্ষিণাটা দেবার মত টাকা তখন যদি বরের হাতে আর টঙ্ক না থাকে ত অবস্থাটা কি দাঁড়ায় জানতে ইচ্ছে হয়। চড়া মুদে হ্যাঙনোট জাতীয় কিছু লেখা হয় না নিশ্চয়ই।

করপণ হিসেবে মেয়েদের যে কত কি দিতে হয় সে প্রসঙ্গে আর একটি নির্দিষ্ট উল্লেখ করা যেতে পারে। অধিকাংশ সভ্যদেশে সকলেই গরু এবং আশা করে, যে, বিবাহের কন্যা কুমারী হবেন। সাইবেরিয়ার

অঞ্চলে এর ব্যতিক্রম। বিবাহের রাতে বর যদি বুঝতে পারে যে, তার পত্নী অক্ষতবোনি কুমারী ত পরদিন ভোরে উঠেই সে খসুরবাড়ীতে চড়াও হয়ে এই বলে ঝগড়া করে যে, মেয়েটির যপোপযুক্ত শিক্ষাব্যবস্থাতে অবহেলা হয়েছে। এই শিক্ষা দেওয়ার কাজে বুদ্ধিভোগী পুরুষ নিয়োজিত হয় কোন কোন উপসম্প্রদায়ের মধ্যে। এও বরপণ ছাড়া আর কি ?

### ন্যাটা

ক্রিকেট খেলোয়াড়দের মধ্যে ন্যাটা অনুক, ন্যাটা তমুকের রুপ প্রায়ই আপনারা শুনে থাকেন। ফুটবল খেলোয়াড়দের মধ্যে কাঁকর বা পা ডান পা'র চেয়ে বেশী চলে কি না লক্ষ্য করে কেউ দেখে না, কারণ সহজে লক্ষ্যগোচর হবার মত নয় ওটা।

ইংল্যান্ডের রাণীমাতা এলিজাবেথ যে ন্যাটা তিনি বিনিয়ার্ড টেবিলে এলেই সেটা বোঝা যায়।

বাঁ-হাতে বিনিয়ার্ড খেলেন বলে এলিজাবেথের লক্ষিত হবার কোন কারণ নেই। ইংরেজীতে বলা যায়, 'শা ইজ ইন গুড কম্পানী।' আলেকজান্ডার দি গ্রেট ন্যাটা ছিলেন, তা সংগে তখনকার পরিচিত পৃথিবীর একটা বৃহদংশ জয় করা তাঁর পক্ষে কঠিন হয় নি। শালমাহন ন্যাটা ছিলেন, বিজ্ঞতা যোগা বা সাম্রাজ্যপতি হিসেবে তাঁর স্থানও বেশ উঁচুতে। তখনকার দিন থেকে দেখতে পাওয়া যাবে, অনেক বিখ্যাত ব্যক্তিই ন্যাটা। যেমন, চারজন বিশ্ববিখ্যাত চিত্র-শিল্পী, মিকালোঞ্জেলো, লেনাদে' দাভিকি, রাকায়েল ও আধুনিককালের পিকাসো। অবশ্য দাভিকির বিশেষত্ব একটু ছিল। অন্য সকলের চেয়ে তিনি যে কত আলাদা, সেইটে প্রমাণ করবার জন্যে তিনি ডান এবং বাঁ হাতেই সমান ক্রহন্দে লিখতে এবং আঁকতে পারতেন।

লেখার কাজে ডান হাত ও বাঁ হাত সমানভাবে চলে এমন লোক একজনকে আমরা জানতাম, তিনি প্রবাসীর এককালীন সহযোগী সম্পাদক স্বর্গত চার বন্দোপাধ্যায়। Writers' Cramp রোগ হবার জন্যে ডান হাতে একটানা বেশীক্ষণ লিখতে পারতেন না বলে বাঁ হাতে লেখা তিনি অভ্যাস করেছিলেন এবং সব্যসাচীর মত ছু'হাতেই পর্যায়ক্রমে লিখতেন। তাঁর লেখা ডান হাতের না বাঁ হাতের বলতে পারবার জন্তে প্রবাসীর সে-সময়কার সহকারী সম্পাদকরা প্রতিদ্বন্দিতায় অবতীর্ণ হতেন।

### আরোহণ সমস্যা

মাথা ঘুরে যাবার মত গল্প একটা শুনুন। হিমালয়ের অরুপূর্ণা গিরিশিখর বিজয়ী মরিস হার্টজগ করাসী দেশের সর্বশ্রেষ্ঠ গিরি-আরোহী বলে খ্যাত।

তাঁর একজন শুক সম্প্রতি এক বন্ধুকে লিখে জানিয়েছেন, তাঁর শুক্তির শ্রোতে হঠাৎ একটু ভাঁটার টান পড়েছে। কারণ, তিনি জানতে পেরেছেন, হার্টজগের স্ন্যাট-বাড়ীতে এখনই আলোর কণ্ঠ

দ্বাভাব প্রয়োজন হয়, তিনি স্টিমট্রলিং ম্যানিটর, অর্থাৎ ধবরদারি  
করবার লোকটিকে ডেকে পাঠান। সে বতকণ না আসে, বাষপ  
বদলানো হয় না, আলোও অলো না স্টিমটে। মরিস হার্ট্রিং অককারেই  
বসে থাকেন, কেননা মই বেয়ে ত্রিনশাপ উঠলেই তাঁর মাথা ঘুরতে থাকে।

### বীরভরণ

বেসব পুরুষ সাজগোত্র করতে ভালবাসেন তাঁরা সবাই যে বীরপদবাচা  
তা মনে করবার কোন কারণ নেই, কিন্তু সর্বদেশে সর্বকালে এইটে  
দেখা গেছে যে, বীরপুরুষরা প্রায় সময়ই একটু আভরণ-বিলাসী হয়ে  
থাকেন।



বীরভরণ

আফ্রিকার মাসাই বোদ্ধাদের জুড়ি সেই মহাদেশে মেলা ভার।  
এদের দিনের অনেকটা সময় কেবলমাত্র কেশবিন্যাসেই কেটে যায়।  
এর জন্যে প্রয়োজন হয় লাল মাটি, পুঁপি এবং নানা ধাতব অলকার।  
সন্দের ছবিটি কোন কেশ-প্রসাধন-সচেতন মননার নয়, ছবিটি একটি  
মাসাই বোদ্ধার, বীরছে যে অধিতীয়।



শ্রীঃ ত্রিন্তির বাড়ী

### হুংপিঙের স্পন্দন ফিরিয়ে আনা

হঠাৎ নিঃস্পন্দ হয়ে যাওয়া হুংপিঙের স্পন্দন ফিরিয়ে আনবার  
জন্যে সম্প্রতিকালের চিকিৎসকরা অস্ত্রোপচার করে পাঞ্জরার ভিতর  
হাত চালিয়ে হুংপিঙ মাসাজ করে কোন কোন ক্ষেত্রে স্পন্দ পান, অনেক  
ক্ষেত্রেই পান না। দেখা গেছে, এত ঝামেলা করবার কোন  
প্রয়োজনই আসলে নেই। হুংপিঙের উপরকার পাঞ্জরায় খুব জোরে  
জোরে চাপ দেবার স্পন্দ একই হয়, বরং এটা করতে কোন তোড়জোড়  
দরকার হয় না এবং সময়ের অপচয় হয় না বলে রোগীদের বাঁচবার  
সম্ভাবনা বাড়ে।

অনেক বিশেষজ্ঞদের মতে এই নতুন পদ্ধতিটি কাজে লাগানো এতই  
অনায়াস-সাধ্য যে, রেডক্রসের কর্মীদের এবং বয়-স্কাউটদের এটি শেখাবার  
ব্যবস্থা অবিলম্বে হওয়া উচিত।

### ভূমিকম্প কাঁপবে না

ব্যক্তিস্বাতন্ত্র্য নিয়ে রাশিয়ার বিজ্ঞানী ও ইঞ্জিনিয়াররা, যে কারণেই  
হোক, বেশী মাথা ঘামাচ্ছেন না বলে মনে হয়। কারণ, তাঁদের নানা  
চমকপ্রদ আবিষ্কার আবিষ্কার চলেছে। কাজের মধ্যে ডুবে গিয়ে  
তাঁরা তাঁদের পারিপার্শ্বিককে ভুলতে চাইছেন কি ?

সম্প্রতি সে দেশের তুর্ক মেনে বড় বড় বাড়ী তৈরী হচ্ছে, দৃঢ়ভিত্তির  
উপরে নয়, ধন-সম্মিবিধ সার সার স্প্রিংএর উপরে। রাশিয়ার সে-  
অঞ্চলে ভূমিকম্প খুব বেশী হয়, আর এই কম্পনের প্রকোপ অনেকটাই  
এই স্প্রিংগুলিতে অবশিষ্ট হয় বলে বাড়ীগুলোর কোন ক্ষতি হয় না।


বাড়ীগুলোর আভ্যন্তরীণ জলের পাইপ ইত্যাদিও কতকটা নমনীয়  
পদার্থ দিয়ে তৈরী হয়, যাতে কম্পনের ফলে তাদের কোথাও ক্ষতি না  
ধরে।

দৃঢ়ভিত্তির উপরে সাধারণ পদ্ধতিতে তৈরী বাড়ীর তুলনায়, এই  
বিশেষ ধরণের বাড়ীগুলির নির্মাণব্যয় শতকরা পঁচিশ টাকা বেশী।


### পৃথিবীর বৃহত্তম অর্গবপোত

আমেরিকার এই এয়ারক্রাফট কারিগর, অর্থাৎ এরোপ্লেনবাহী  
জাহাজটি পৃথিবীর সবচেয়ে বড় সমুদ্রগামী জাহাজ।

এর বিভিন্ন পর্যায়ের কর্মচারী ও খালাসীদের সংখ্যা ২,৭০০।  
এর একশ'টি সংগ্রামী এরোপ্লেন নিয়ে ওড়বার এবং সেগুলোর তত্ত্বদারক







বৃহত্তম অর্ধবগোত

করবার জন্য মোটামুটি বর্ষায় সাধা ১,৪০০। এই ৪১০০ লোকের পানীয় জলের ব্যবস্থা হয় ২৬৪,০০০ গ্যালন লবণাক্ত সিফুজল জাল দিয়ে বাষ্প করে সেই বাষ্পকে আবার পান্ডা জলে রূপান্তরিত করে।

এই জাহাজে আছে, পোম্পাফিস, ডাই-ক্রিনি, ভূত্রে দেয়ালস্তের দোকান, দর্জির দোকান, কয়েকটি হেয়ার-কাটি সেলন অর্থাৎ চুলদাড়ি কামাবার জায়গা, এয়ার কন্ডিশনিং অর্থাৎ তাপনিয়ন্ত্রণ, টেলিফোন, টেলিভিশন, এমন কি বাপা না দিয়ে দাঁত তোলার ব্যবস্থা।

এই জাহাজটির নির্মাণব্যয় ৮ কোটি টাকা।

স. চ.

### তেনারা কি আছেন ?

একটি বিশিষ্ট ইংরেজী কথোক্ত একজন সাংবাদিক লিখছেন :

প্রত্নতাত্ত্বিকদের দুর্গান আছে যে, তারা পবনের কণজের সংবাদদাতাদের

যে, আনি ভূত অপবা "ড্যাপি" কখনই দেখি নি

বতস্বপ্ন পর্যন্ত অরঙ নির্ভরযোগ্য ব্যাখ্যা না দিতে পারি, তত্পন্ন পর্যন্ত আমাদের ভেবে নিতে হচ্ছে যে, "ড্যাপি" আমাদের দেখেছে এবং আপাতদৃষ্টিতে আমাদের উপস্থিতিতে রাগ করেছে।

ওয়েস্ট ইন্ডিজের যে সকল পুরাণো ভূত্বাঙ্ক বাড়া প্রাথমিক দেশের প্রাকৃতিক বিক্রমতার মধ্যেও টিকি আছে তাদের এখন সৌখন তোটেলে রূপান্তরিত করা হয়েছে। এখন পাকত হলে দিনে ১৮ পাউণ্ড পরচ করতে হয়। যদিও শনি-রবিবারের দুটি উপভোগ করার মানসে, যে সকল হাজারা এখন এরোপ্লেন উড়ে আসেন তাঁরা কোন গভীর প্রকৃতির প্রেরণার ঠিক যেটা সঙ্গা নন, তবু না দমে গিয়ে ভূতরা অনতিদূরে এখন এখনকার "কটন উড" গাছগুলিতে বাস করেছে।

জামাইকাত্তে এমন কেউ নেই যিনি বলতে পারেন ভূত কি। কিন্তু সকলেই নিশ্চিত যে, ভূত আছে, এবং তারা শান্তিতে না থাকতে পারলে বিরক্তি দেখায়, এবং সাপোপমুক্ত কার্যনাচরন্ত ব্যবহার ও সজ্জা চায়।

যখন কোন ভূত গাছের ছোট ডাল ভাঙে, তখন যদি ফিরে না তাকান, তা হলে আপনার রক্তে ধারণা সময় আসছে। যদি কোন জ্বালোক স্বামীর মৃত্যুর পরে, লাল পেটিকোট না পরেন তা হলে ভূতেরা তাঁকে কোন্ শাস্তি দেবে না। একটি ছেলে নাকি কোনও একটি ভূতের দিকে চিল ছোঁড়ার পর একবারে বোবা বনে গিয়েছিল।

পতাধিক ফিটের বেঁধা উঁচু এই কটন "উড" গাছগুলি, যে যুগে

ক্রীতদাসদের দিয়ে এই দীপের কৃষি প্রতিষ্ঠানগুলির কাজ চলত, তার রক্তাক্ত ইতিহাসের প্রধান ভীষণ সাক্ষী।

এদের ডাল হতে বন্দা পলাতকদের দেহ কুলত। অপরাধীদের এই বৃক্ষকাণ্ডের উপর চেপে ধরে, হাত পা বেঁধে বেত মারা হ'ত, এবং একাধিক বিফল বিজ্রোহের পরিকল্পনা এদের ছায়ায় করা হয়েছে, অপবা এই বিজ্রোহীদের শাস্তি দেওয়া হয়েছে, এইসব স্থানে।

অ'জকাল এই বিশাল বৃক্ষগুলি শান্তিপূর্ণ কাজে লাগে। এই নির্জন বিশাল শিকড়গুলি প্রণয়ীদের জন্ম আড়াল-ভরা আদর্শ মিলন ক্ষেত্র তৈরী করে। কিন্তু অতি অল্পসংখ্যক নিগ্রো ও ততোধিক অল্পসংখ্যক মেংকায় ব্যক্তিরাই এখন রাতে এদের কাছাকাছি ঘুরতে গাঃস করে।

"ড্যাপি" একটি অশাস্ত দেহমুক্ত অ'জা অপবা নরকাগ্নির অংশ দিয়ে তৈরী পূসক এক রকমের মত দেহতারা ভাব, এই বিষয়টি নিয়ে অনেক তথ্য-বিত্তক চলে।

কিন্তু কোন র'শভারা যুগীকে একটু কাঁড়বুড় দেওয়া, অপবা অত্রাধিক আবেগপ্রবণ পাণিপ্রাণীর বিশেষ অঙ্গপ্রত্যঙ্গে চিনটি কাটা ছাড়া এদের মূল জগতের অ'গতায় আসতে বড় একটা দেখা যায় না।

অবশ্য যদি এদের বৃক্ষের আশয়ে চূপচাপ থাকতে দেওয়া যায় তা হলেই। যদি বিরক্ত করা যায় তা হলে এরা একেবারে শয়তানে পরিণত হয়।

বেশীর ভাগ দেশেই এই হোঁপরা "কটন উড"র কোন বিশেষ ব্যবসায়িক মূল্য নেই, কিন্তু জামাইকাত্তে এরা অধিবাসীদের দুই-তৃতীয়াংশের ঘরবাড়ী তৈরির কাজে লাগে।

এই বিশাল বৃক্ষগুলি এখন কু'রাবাতে ভূতলশায়ী হচ্ছে, নিজেদের পাতা-পেরা বাসস্থান চলে যাওয়াতে ভূতরা এখন নিশ্চয় শুকনো কাঠের মধ্যে ঢুকে যাচ্ছে। যে এই বিশেষ কাঠ দিয়ে ঘর বানাবে সেই হতভাগ্য নিগ্রোর কপালে দুঃখ আছে।

আনি এইরূপ ভূত্বাঙ্ক পুঁড়ে ঘরের অনেক গল্প শুনেছি এবং পড়েছি। তাদের ইতিহাস একই রকমের। অনেকদিন শান্তিপূর্ণ অবস্থানের পরে হঠাৎ একদিন কোন বিশেষ কারণবশতঃ নয়, পাপের ছোঁড়া, জানলা ভাঙ্গা, অ'শু জলাধার থেকে নেজের জল কেনা, অদৃশ্য হাত দিয়ে অ'সবাবপত্র ভাঙ্গা, এসব ঘটে।

প্রথম জায়গাটি যেখানে আনি গিয়েছিলাম সেটি ছিল "প্যানিশ টাউন"। এটি সরকারের পুরাণো রাজধানী, বর্তমান রাজধানী কিংস্টন থেকে কয়েক মাইল দূরে। এই বাড়ীটি একটি বাংলো বাড়ী তিনটি

দর। চারিদিক দিয়ে বড় রকম জনতা একে ঘিরে ছিল। পুলিশ চব্বিশ ঘণ্টা পাহারা দিচ্ছিল।

আমি একটি তরুণ দম্পতিকে দেখতে পেলাম, এঁরাই এই বাড়ীটির মালিক।

গৃহকর্তাটি বলেন যে, তিনি নিজের এই বাড়ীটি তৈরী করেছেন, এক বছরেরও বেশী কোন অত্যাচার না হয়ে এখানে আছেন। কিন্তু এক সপ্তাহ আগে একটি পাথর মাঝরাতে জানলা দিয়ে ঘরে এসে পড়ে, তার পরের দিন একটা "দানী" ফুলদানী মাটিতে পড়ে যায়, তার পর থেকে অবস্থা উত্তরোত্তর খারাপ হতে থাকে। পাথরের ছোট নুড়ী থেকে পাউণ্ড ওজনর বড় পাথর বাড়ীর উপর ঘটায় ঘটায় পড়তে থাকে- চেয়ার টেবিল, বাড়ীতে ব্যবহৃত তৈজসপত্র সব ছুঁড়ে ছুঁড়ে কে যেন ফেলতে থাকে। একটি দরজাকে কে যেন বড়ল দিয়ে ছুঁটুকুরো করে দেয়, আর পড়ের চালে ছ'বার আঁগুন লেগে যায়।

বাড়ীটি পরীক্ষা করে দেখা গেল, এঁর গল্পটি সত্য। কিন্তু আমি যতক্ষণ এখানে ছিলাম, নতুন কিছু ঘটল না। আমি বাপারটিকে নমনত হিষ্টিরিয়া (mass hysteria) ঠিক করে ওইখানেই ছেড়ে দিলাম। কিন্তু "সি" ফিল্ডের বাড়ীটির কাণ্ডকারখানা অত সহজে হেসে উড়িয়ে দেওয়া যায় না।

"সি" ফিল্ড একটি পার্বত্য গ্রাম, ঘাঁপের আরেকদিকে অবস্থিত। আমি বাড়ীটির কথা তিন-চারজন লোক-পরম্পরায় শুনেছিলাম। আমি বাড়ীটির ঠিকানাও জানতাম না। কিন্তু আমার কাছে যে প্রাণীলোকটির বাড়ী তার নামটা ছিল। কিছু ভিজাসাবাদের পর তাকে একটি চীনের লোকটির সম্মুখে তুলতে দেখলাম। বয়স তার ৮০ বা ৯০ এর মাথা, ঠিকতে অপব্য পড়তে জানে না, সংবাদপত্রের সংবাদ-দাতাদের প্রতি বিশেষ কোন উৎসাহ সে দেখাল না।

তার কাছ থেকে একটু বাঁধের স্বাক্ষরানি ও সঙ্গে একটা স্বাক্ষরিত পাওয়া গেল। তার বাড়ীতে একটা "ডাঁপ" আছে। অনেক ভিজাসাবাদের পর সে একটু নরম হয়ে বসে, তার বাড়ীটি ওই স্থান হতে এক মাইল দূরে শুভান দিকে।

আমি বাড়ীটি খুব সহজেই খুঁজে পেলাম, রাস্তা থেকে পঞ্চাশ গজ দূরে। পাহাড়ের উপর কাউকে দেখা যাচ্ছিল না এবং এমন কোন জায়গা ছিল না যখন থেকে আমাকে দেখা যায়। আমি ছটা বাঁকা সিঁড়ি দিয়ে উঠে ভিতরে গেলাম।

এই বাড়ীতে পালি ছটা ঘর ছিল, একটি সরু ছুই পালাওয়াল দরজা ঘর আঁকক নেই, এহ ছুটা ঘরকে পরস্পর সংযুক্ত করে রেখেছিল।

বাইরের বৃহত্তর ঘরটি একেবারে খালি, এবং এর একমাত্র প্রবেশপথ ছিল এর দরজাটি, যা দিয়ে আমি ঢুকেছিলাম। আরেকটা ঘরে ছুটা ছোট জানালা, আর ছিল একটি খোলা আলমারী।

এই অল্পস্বল্প অসংবোধিত, আমার মতে যেগুলি বড় ঘরে ছিল, সেগুলিকে কে যেন ছোটঘরে ছুঁড়ে ফেলেছে বলে মনে হচ্ছিল।

এই আলমারীতে তিনটি মেহগনি কোণের "ব্র্যাকেট" গুঁজে দেওয়া হয়েছে এবং এগুলির উপরে কাঠ ভেঙ্গে বেতে পারে এতটা জোরের সঙ্গে ছুঁড়ে কেলা হয়েছে ছুটা রান্নাঘরের চেয়ার ও একটি ছোট টেবিল।

আরেকটি বড় গোল টেবিল ঘরের মাঝখানে দাঁড়িয়ে আছে। কিন্তু এটার ওপরটা ভেঙ্গে গিয়েছে, একটি গুঁড়ি বুলছে, আর আরেকদিকে একটা উন্টান লোহার খাচের উপর গদী কেলা আছে। একটি দেওয়াল-আলমারী এর উপরে ছুঁড়ে কেলা হয়েছে। ছুটা জানালার চারটে কাঁচের আয়রনী ভাঙ্গা আর কতগুলি নানা "সেট" থেকে নেওয়া বাসন-কাঁচ, কতগুলি মরচে-খরা ছুরী ও বাঁটা, একটা চূর্ণবিচূর্ণ বাতিদান

ও ছুটা তাক দরজার পিছন থেকে বেগুলিকে হিঁচড়ে বার করা হয়েছে, আর ভাঙ্গা কাঁচের মধ্যে ফুলী আঁকা ছুটা "ওয়াল পেপার"।

একটি জিনিষ, যেটা স্বহানে ছিল মনে হচ্ছিল, সেটা হচ্ছে জানালার পাশে একটা পেরেক আটকান বড় কাঁচি।

আমি পাঁচটি দেখছিলাম, এমন সময়ে আলমারীর ওই জিনিষের গাদা থেকে ছোট টেবিলটি মাটিতে আঁছড়ে পড়ল। সেটাকে যথেষ্ট সাবধানেই রাখা হয়েছিল বলে মনে হয়েছিল, যখন প্রথম দেখেছিলাম, কিন্তু এখন মনে হ'ল আমি ভুল করেছিলাম। আমি এটাকে জিনিষের গাদার উপরে তুলে রাখছিলাম, এমন সময়ে একটা দেওয়াল বিছানা থেকে মাটিতে গড়িয়ে পড়ল। এবার আমার মনে হ'ল, দেওয়াল-আলমারীটা সামনের দিকে ধুঁকে পড়েছে। আমি সেটাকে হেলান দিয়ে রাখছি, এমন সময়ে ছোট টেবিলটা আবার পড়ে গেল। সবচেয়ে বিস্ময়কর জিনিষ হ'ল যে, আমি কোন জিনিষকেই নিজের চোখে পড়তে দেখি নি।

একটা চেয়ার একটু পিছলে গিয়ে আরেকটা চেয়ারের পায়ে আটকে গেল ও বিপন্নকভাবে ছলতে লাগল। যেই আমি সেটাকে ধুঁকলাম, অননি ছুটোই আমার ছুই বাহুর ঘেরের মধ্যে পড়ে গেল। যতক্ষণ আমি নিজেকে ভারমুক্ত করছি ততক্ষণে দেওয়াল-আলমারীটা বিছানার পিছনে পড়ে গেল। যদিও আমি শপথ করে বলতে পারি যে, গদীটা দেয়ালের সঙ্গে শক্ত করে লাগান ছিল।

আমি ভাবলাম, কেউ বোধ হয় বাড়ীতে ঢুকিয়ে আছে, কিন্তু খুঁজে কাউকে পাওয়া গেল না। পাড়াতেও লোকজন কেউ ছিল না, এবং বাড়ীটার থেকে কাউকে যদি পালিয়ে চোপের আড়াল হ'লে হয় তা হ'লে তাকে ছ'তিন মিনিট দৌড়তে হবে।

যখন আধঘণ্টা ধরে আর কোন সাড়াশব্দ পাওয়া গেল না, তখন আমি চলে যেতে মনস্থ করলাম।

আমার অস্বস্তি লাগছিল এই ভেবে যে, আমি একটু তাড়াতাড়িই হাল ছেড়ে দিচ্ছি, কিন্তু আমার গুণা বোধ হচ্ছিল। যেই আমি রাস্তার নামলাম অননি আমার পাশের একটা ঝোপের মধ্যে মস্ত একটা পাথর এসে পড়ল।

এবার আমি মনস্থির করে ফেললাম। আমি ভাবলাম গুণা পাক আর না পাক, আমি এ রকম কাউকে ভাবতে দেব না যে, আমি তাড়া খেয়ে পালাচ্ছি।

আমি বাড়ীতে ঢুকে অল্পরকম একটা ফলি বার করলাম; আমি ঘরের মাঝখানে দরজার মধ্যে ঢুকে চূপ করে দাঁড়িয়ে রইলাম।

অন্ধকার হয়ে এল, যতদূর সম্ভব ভুঁটটি হাল ছেড়ে দিয়েছে... আমি আঁস্তে আঁস্তে বেরিয়ে যাচ্ছিলাম, এমন সময়ে ঘুরে দাঁড়াতেই আমার পায়ে একটা টান পড়ল ও কাপড় ছেঁড়ার শব্দ পাওয়া গেল। আমি দেশলাই জালিয়ে নাচে তাকলাম। আমার ডান পায়ের প্যাঁটুলুনের নীচের দিকের পটির কাপড় ভেদ করে একটা কাঁচির ফলা বাড়ীর নরম কাঠের মেজের গভীর ভাবে গুঁপে গিয়েছে।

কিন্তু কয়েক সপ্তাহ পরে, যখন আমি ওই বাড়ীতে ফিরে গেলাম তখন সেই বৃদ্ধাটি আবার বাড়ীতে বাস করছে আর সব চূপচাপ। বৃদ্ধাটি ভুঁতের আবিভাবের অ'রম্ভ বা শেষের কোনই সম্ভব কারণ দেখাতে পারল না। খালি বল যে, ভুঁতটি বোধ হয় কাঠের থেকে নিজেকে মুক্ত করে আবার কোন একটা গাছে ফিরে গিয়েছে।

স্মি

### ভাসমান বাসা

মানুষের বাস করবার বাসা ত অনেক রকম হয়। সম্প্রতি একধরনের নতুন বাসস্থান এ ক্ষেত্রে আবিষ্কৃত হয়েছে, সেগুলি ভাসমান বাসা। বড় বড় বজরাকে মানুষের বাড়ীঘরে রূপান্তরিত করা হচ্ছে। রূপান্তরিতও

টিক বলা যায় না, কারণ এগুলি পুরণো বঁররা নয়, মানুষের বরাবর বাস করবার মত করেই এ গুলিকে তৈরি করা হয়েছে।

তিন ধরণের বঁররা এখন পাওয়া যায়। খুব সৌখীন জিনিষ বেগুলি তাদের দাম হল সাড়ে সাতেরো শ' পাউণ্ড। এতে একটি বড় শোবার ঘর আছে, ছোট একটি শোবার ঘর আছে। তা ছাড়া স্নানের ঘর, রান্নাঘর ও প্রবেশ পথ স্বল্প একটি ছোট হল আছে। বসবার ঘরও আছে তাতে দিনে সোকা ও রাত্রে শোবার খাটরূপে ব্যবহার করা যায়, এমন একটি আসবাব আছে। এখানে রেফ্রিজারেটর ও রান্নার স্টোভ আছে ছুরকম। বঁররাটিকে এগুলির সাহায্যে উত্তম রাখা যায় ও গরম জলের ব্যবস্থা সারাক্ষণ করা যায়।

যেট সর্বসাধারণের ব্যবহারের উপযুক্ত করে গড়া। সেটির দাম সাড়ে তের শ' পাউণ্ড। এতে তিনটি শোবার ঘর আছে, তা ছাড়া স্নানের ঘর ও রান্নাঘর। চুকবার ছোট হল এবং বসবার ঘর আছে, বসবার ঘরে সেই অসবাবটিও আছে যেটা দু'ভাবে ব্যবহার করা যায়।

সব চেয়ে শস্তা যেগুলি, তার দাম আট শ' পঁচাত্তর পাউণ্ড। এগুলিকে আধা-বোট প্রোগ্রামের ঘর বলা হয়। এতে একটা বড় শোবার ঘর, স্নানের ঘর ও রান্নাঘর আছে। প্রবেশ পথে ছোট হল ও পূর্বোক্ত অসবাব সহ বসবার ঘরও আছে।

জন সন্ন্যাসী ও জন নিষ্কাশনের ব্যবস্থা উন্নত "কপার পাইপ" দিয়ে করা। গ্যাসের ব্যবস্থা প্রভৃতি অধুনিক। জিনিষপত্র রাখবার মত জায়গা, বঁররার সামনে ও পিছনে অনেকখানি করে। অনেকগুলি দেওয়াল আলমারি আছে। কাপড় রাখবার আলমারিও আছে।

তিন ইঞ্চি পুরু ওক কাঠের পাটনের উপর এই বঁররাগুলি নির্মিত। সমস্ত ফুট এক একটি পাটাতনের দৈর্ঘ্য।

অ'মি বা বর্ণনা দিচ্ছি তাতে এই বাসাগুলি সম্বন্ধে একটা মোটামুটি ধারণামাত্র হয়। লগুনে অস্থিত একটি অফিস এই বাসাগুলি নির্মাণের সব ব্যবস্থা করেন। বঁররাগুলি তৈরি হয় "সের"র "বাসিংস্টোক" খালে।

এই খালে যদি কেউ বঁররা সারাবছর রাখতে চান তাঁকে বাৎসরিক চল্লিশ পাউণ্ড হিসাবে ভাড়া দিতে হয়। এই ভাড়ার খালের ধারে খানিকটা করে বাগান করবার জমিও পাওয়া যায়। আবহাওয়া পরিষ্কার করে নিয়ে যাওয়ার জন্ত বৎসরে দুই পাউণ্ড দিতে হয়। যদি বাসিন্দা চান, তাহলে বঁররাতে জল ও বৈদ্যুতিক শক্তি সন্ন্যাসীর ব্যবস্থা করে দেওয়া হয়।

অবশ্য জলে বাসা রাখা জিনিষটা নতুন কিছু নয়। অনেক বড় নৌকা-কেই বসতবাড়ীতে রূপান্তরিত করা বহুকাল থেকেই চলে আসছে। তবে বরাবর বাস করার জন্তই তৈরি করা ভাসমান গৃহগুলিকে অনেকেই বেশী পছন্দ করবেন বলে মনে হয়।

অজ্ঞান খালি বাড়ী বা খালি ফ্ল্যাট পাওয়া অনেক টাকা খরচের ব্যাপার। শীঘ্র যে এগুলি একটু গুলত হবে, তার বিন্দুমাত্রও লক্ষ্য দেখা যায় না। এই জন্ত মনে হয় এই ভাসমান গৃহগুলি লোকের কাছে আকর্ষণের বিষয়ই হবে।

সী

### • রঙের চিকিৎসা

ফ্রোরেন্স নাইটিংগেল ছিলেন অসাধারণ মানুষ। শুধু সেবিকা সম্বন্ধে প্রতিষ্ঠাতা বলে নয়, আজকালকার বহু ব্যবহৃত একটি চিকিৎসা-

পদ্ধতিরও আবিষ্কারী তাঁকে বলা যায়। এটি হচ্ছে বিভিন্ন রঙের সাহায্যে চিকিৎসা। এ চিকিৎসা নানা স্থানে চলে, যেমন হাসপাতাল, নার্সিং হোম, বিকৃত মস্তিষ্কদের চিকিৎসাগার, এমন কি সাধারণ অপরাধীদের বেস্থানে রাখা হয়, সে সব জায়গায়ও। ফ্রোরেন্স নাইটিংগেল বলেছিলেন, "রোগশয্যায়, হুম্মর জিনিষের, বিশেষ ক'রে উজ্জ্বল বর্ণবিশিষ্ট জিনিষের প্রভাব যে কতখানি, তা অনেকেরই সম্যক বোধগম্য হয় না। নানা আকৃতির ও নানা উজ্জ্বল রঙের জিনিষ রোগীর সামনে উপস্থিত করলে তার হৃদয় হয়ে ওঠার খুবই সাহায্য হয়।"

১৯০৮ খ্রীষ্টাব্দে অ্যাড্রিয়ান হিল্ অস্থায়ী হয়ে মিড্‌হস্টের 'কিং এডওয়ার্ড দি সেভেন্থ' হাসপাতালে ছিলেন। এক বন্ধু সর্বদা তাঁর বিছানার পাশে হুম্মর রঙের ফুলের গোছা সাজিয়ে রাখতেন। এই ফুলগুলি ক্রমাগত দেখে দেখে শিল্পী অ্যাড্রিয়ানের হঠাৎ আঁকবার প্রেরণা এসে গেল। হুম্মর একটি ফুলের কুঁড়ি আঁকলেন তিনি। আরোগ্যের পথে এই তাঁর প্রথম পদক্ষেপ। ফ্রোরেন্স নাইটিংগেল যা অনেক দিন আগে আবিষ্কার করেছিলেন, তিনি তা নতুন ক'রে আবিষ্কার করলেন।

কিছুদিন পরে সম্পূর্ণ হৃদয় হয়ে উঠে তিনি একখানি বই সেখেন, সেটির নাম "আর্টের সাহায্যে নীরোগ হওয়া।" এর পর থেকে রঙের সাহায্যে লোককে নীরোগ করার চেষ্টায় তিনি অনেক সময় ব্যয় করতে লাগলেন।

রঙ কি ক'রে শারীরিক বা মানসিক রোগ সারাতে পারে এ একটা জিজ্ঞাস্য প্রশ্ন বটে।

এ বিষয়ে বিশেষজ্ঞ বলেন রঙ মানুষকে অনুপ্রাণিত করে, দেহে মনে উত্তেজনার সঞ্চার করে। রঙ অবশ্য দেহ-মনকে নিশ্চেষ্ট ক'রে ফেলতে পারে। ধরুন একটা ঘরের চারটা দেওয়ালই যদি পাচ নীল রঙের হয়, তবে সেটাকে দেখলে দর্শকের মন অপ্রফুল ও নিশ্চেষ্ট হয়ে যাবে, মন ঋতাপ হবে। হয়ত এ বিষয়ে তিনি খুব সচেতন না-ও থাকতে পারেন, কিন্তু মনের উপর এই রকম ক্রিয়াই হবে। আবার ঘরখানি যদি টাটকা মাখনের রঙে মণ্ডিত হয় তা হ'লে দর্শকের মন প্রফুল হবে, তিনি খুব হৃদয় বোধ করবেন।

কেন এ রকম হয়? গাঢ় নীল রঙ কি স্রষ্টার অজ্ঞাতসারেই মহা-শৃঙ্খলের কথা স্মরণ করিয়ে দেয়? আবার মাখনের উজ্জ্বল রঙ কি প্রথম আলোর কথা মনে পড়িয়ে দেয়? তা হ'তে পারে বটে। আমাদের জ্ঞাতসারে না হলেও আমাদের মন সর্বদাই এই রঙের লীলায় সাড়া দেয়। বিজ্ঞানেও এর সমর্থন পাওয়া যায়।

প্রথম বিশ্বযুদ্ধের পর দলে দলে সৈন্যরা যখন দেশে ফিরতে লাগল তখন বস্ত্র-ব্যবসায়ীরা এই প্রত্যাশ্বর্ভনের দ্রুত তৈরি হতে লাগলেন। তাঁদের প্রধান সমস্যা হ'ল যে, যুদ্ধ-কেন্দ্রিত মানুষগুলিকে কি রঙের কাপড় দিলে তারা শ্রী হবে। তাঁরা লর্ডস্ বিশ্ববিদ্যালয়ের বস্ত্র-বিভাগের অধ্যাপকের কাছে নিজেদের সমস্যা নিয়ে হাজির হলেন। তিনি বললেন, নীল রঙটা ভাল চলবে এবং কার্যতও দেখা গেল যে, গৃহ-প্রত্যাগত যোদ্ধার দল বেশীর ভাগই নীল রঙ পছন্দ করল। এটা হ'ল কেন? বিশেষজ্ঞ বললেন, এটা ত সোজা কথা। 'বে-নব মানুষ একটা রঙ অতিরিক্ত রকম ব্যবহার করেছে তারা সহজেই তার পরিপূরক রঙের দিকে কুঁকে পড়ে। মৈনিকরা থাকী রঙটা পরে, সেটা হলদের কাছাকাছি একটা রঙ, কাজেই বদলাতে বললে তারা নীল রঙটাই পছন্দ করে।

রঙের সাহায্যে নিজে যে বরলাভ করেছিলেন অ্যাড্রিয়ান হিল্, তাঁ

তিনি এখন অপরকে দান করতে আরম্ভ করলেন। এইভাবে রঙের সাহায্যে চিকিৎসা আরম্ভ হ'ল। হিলের প্রবর্তিত প্রণয় এখন হাসপাতালে ও উদ্ভাটনাগারে চিকিৎসা চালানো হয়।

দিন দিন অন্ধতা বৃদ্ধি লাগল ততই মানুষের সঙ্গে রঙের সম্পর্কে অনেক তথ্য আবিষ্কৃত হতে লাগল। যেমন, সবুজ রঙটা মানুষের মনে স্নিকতার স্পর্শ দেয়। আমরা যখন ইটি-কাঠের রাজ্য ছেড়ে মাঠে বা বনে বাই তখন এই সবুজ রঙই আমাদের মনে প্রফুল্লতার প্রাবণ আনে। কিন্তু সবুজ বর্ণও বৃষ্টি খুশি যেখানে সেখানে লাগান চলবে না। খুব দুর্বল রোগী গাঢ় সবুজ বেশী সহ্য করতে পারে না, হলুদটাও খুব বেশী পারে না। দুর্বল অবস্থার এই রঙগুলির ক্রিয়া হয়, খুব ভাল ওষুধ অত্যধিক পরিমাণে পাইয়ে দেওয়ার মত।

যখন রঙের সাহায্যে চিকিৎসা হয় তখন রোগী নিষ্ক্রিয়ও থাকে, সক্রিয়ও থাকে। তাকে খুব নামকরা ভাল ছবির নকল দেখান হয়, তাকে নিজে ছবি আঁকতেও বলা হয়। অনেক রোগীর এইরকম ক'রে হাত খুলে গেছে, তারা জলে গোলা রং দিয়ে ছবি এঁকেছে, রঙীন ঝড়ি দিয়েও এঁকেছে। নিজেরাও বিশ্রিত হয়েছে। বন্ধুদেরও বিশ্রিত করেছে। প্রতিদিন এই ধরনের শিল্পচর্চা করায়, শরীরের সর্ব অঙ্গ-প্রত্যঙ্গে আবার স্বাস্থ্যের শ্রোত এসেছে, বাধির দিক থেকে মুখ ফিরিয়েছে। নিজের রচিত জিনিষ খুব উঁচু দরের না হলেও এর ব্যাধাত হয় না।

মানসিক রোগগ্রস্তদের চিকিৎসায় রঙ ছ'রকম কাজ দেয়। রোগী নিজের মনের সব করণা, ভাবনা, ভাবোচ্ছ্বাস তুলির ভিতর দিয়ে বাইরে প্রকাশ ক'রে নিজের চিন্তকে হালকা ক'রে কেনে, আবার এই ছবিগুলির সাহায্যে মনস্তাত্ত্বিক রোগীর মনকে ভালভাবে বোধন, রোগের বীজও অনেক সময় ধরা পড়ে। একজন রোগী সর্বদা সূর্যকে কালো রঙে আঁকত। সূর্যের উজ্জ্বল আলো এই ব্যক্তির স্তিমিত মনে বেন ধরাই পড়ত না। আর একজন ছবি আঁকত খালি সুরক্ষিত স্থানের। লোককে এ'র আঁকা একখানি ছবি দেখান হয়। একটি খামার বাড়ীর ছবি। বাড়ীর চারদিকে গোল ক'রে গাছের সার বসানো, চারদিক প্রাচীর এবং খাল দিয়ে সুরক্ষিত। এই রোগীটি সারাক্ষণ সস্ত্র, সে সারাক্ষণ নিজেকে নিরাপদে রাখতে চায়, কাজেই ছবিগুলি এই ধরনের।

মানসিক রোগীদের একটি হাসপাতাল দেখতে চলুন। ঘুরতে ঘুরতে একটি উজ্জ্বল বর্ণে সজ্জিত ঘরে এসে দেখবেন, সেখানে অনেকগুলি মহিলা ব'সে নানারকম কাজ করছেন। একজন কোণে বসে ছবি আঁকছেন। সঙ্গের ডাক্তারটি হয়ত বলবেন, "উনি কি আঁকছেন দেখবার চেষ্টা করবেন না, উনি কাউকে দেখতে দেন না। তাঁর ছবিগুলি যদি আমরা দেখতে পেতাম ত তাঁর বিষয়ে কিছু জানা যেত। কিন্তু দেখতে না দিলেও এই ছবি আঁকার কাজে ব্যস্ত থাকায় তিনি আর আগের মত রাগারাগি মারামারি করেন না।"

ব্রিটিশ সৈন্যতাত্ত্বিক আর্ল হেগ একবার উত্তর আফ্রিকার শত্রুর হাতে বন্দী হন। তিনি বলেন, "আমাকে একটা তারের বেড়া দেওয়া আরম্ভ করেছিল। আমি মুক্ত প্রকৃতির বুক থেকে অত্যন্ত, আমার নিজেকে অতি উৎসাহিত ও আশাহীন লাগত। আমি সৌভাগ্যক্রমে একটা উপায় খুঁজে পেলাম, যাতে এই বন্দীশালার ভীষণতা কমে গেল। রোজ ছুটী ক'রে আমি ছবি আঁকতাম, এবং সর্বদাই অনেকটা স্তিমিত অনুভব করতাম।"

অন্যে কিরে এসে লর্ড হেগ নিজের এই ভিত্ত অন্ধতা ভুলে যান নি। ছবি আঁকার সাহায্যে নৈরাশ্র ভয় করার কথা তাঁর মনে ছিল। তিনি শুনলেন দেশে ছবি আঁকার সাহায্যে রোগ নিরাময়ের ব্যবস্থা কিরকম হচ্ছে এবং মনে মনে চিন্তা করতে লাগলেন যে, এই চিকিৎসা পদ্ধতিটি সাধারণ জেলখানাগুলিতে চালুকরা যায় কি না।

তিনি শুনলেন অল্পবয়স্ক অপরাধীদের জন্তে 'ল্যাটমিয়ার রিসেপশন সেন্টারে' এই ব্যবহার প্রচলন হচ্ছে এবং বয়স্কদের জন্তেও মেড্‌স্টোন জেলখানায় এটা অবলম্বন করা হচ্ছে। অল্পবয়স্কদের ছবিগুলি বেশ তাৎপর্যপূর্ণ। এই ছবিগুলিকে নানাভাবে বিশ্লেষণ ক'রে রাখার সুবিধা হ'ল এর পক্ষে। তাদের বিভিন্ন ধরনের আকাঙ্ক্ষা, হৃৎস্পন্দ সব চিকিৎসকের চোখে ধরা পড়ল। বহিনুর্বা মনের অধিকারী-গুলির যৌনচেতনা বেশী, হিংসাত্মক ভাবও বেশী। অল্পমুর্খীগুলি অতি বিষাদগ্রস্ত। তারা বেশীর ভাগই জাহাজডুবি প্রভৃতি ধ্বংসমূলক ছবি আঁকত এবং কবরের ছবি আঁকত।

এখন এটা সুপ্রমাণিত হয়েছে যে, কোন প্রকারের রোগীকেই ছবি আঁকার কাজে নিয়োজিত করলে ফল একটা ফলেই। এবং এই হস্তভাগাদের যারা সাহায্য করতে চায়, তাদেরও সাহায্য হয়।

সী.

## বামপন্থী

ইংলণ্ডের রাজমাতা এলিজাবেথের একটি সম্প্রতি তোলা ছবি দেখে দর্শকদের ভিতর শতকরা দশজন অন্তত খুব উৎসুক অনুভব



বামপন্থী এলিজাবেথ

করবেন। কেন বলতে পারেন? কারণ রাজমাতা খুব নিশ্চিতভাবে বিলিয়ার্ড টেবিলে বল চালাচ্ছেন একটি লাঠির সাহায্যে এবং লাঠিটি তিনি ধরেছেন বাঁ হাত দিয়ে।

শুধু রাজমাতা এলিজাবেথ নয়, পৃথিবীতে আরো অন্ততঃ ত্রিশ কোটি লোক বাস করে, যারা বাঁ হাতে কাজ করে। এতে অসুবিধা আছে বৈ কি? খুব কষ্ট করেই তাদের দরজার হাতল ঘোরাতে হয়, জামার বোতাম লাগাতে হয়। বস্ত্রপাতি ব্যবহার, কাঁচি চালান, বাঁজন বাঁজন, টেলিফোন ধরা, কর্কজু ব্যবহার করা, খাবারের টিন খোলা,



কোনটাই বা সোজা? সবগুলিই ডান হাতে ধরে ব্যবহার করবার মত করে তৈরী।

তবে সম্প্রতি বাম-পন্থীরা একটু স্বেচছিতা পেয়েছে। আপেকার কালে কোন ছেলে বা মেয়ে বা হাতে কাজ করবার চেষ্টা করেছে দেখলেই বাবা মা গর্জন করে উঠতেন, “এই ধবরদার! ডান হাত ব্যবহার কর নইলে দেখবে মজা।” ফলে ছেলেমেয়ের দু হাতের কাজই খেমে যেত এবং তারা রেগে গর্গ করত থাকত।

আজকাল মনস্তাত্ত্বিক ও ডাক্তাররা বাবা-মাকে সাবধান করে দিয়েছেন। এখন ছেলে বা মেয়ে বা হাতে কাজ করছে দেখলে তাঁরা আর ছেলেকে ধাঁটান না। এখনকার অভিমত হচ্ছে, “যদি বাঁ হাতেই কাজ করবে ত ভাল ভাবেই কর।”

শতাব্দীপানিক আগে এই সব ছেলেমেয়েদের জন্যে যে বিশেষ ব্যবহার প্রয়োজন আছে, তা কেউ মনেই করত না। সামান্য চেষ্টা হয়ত কখনও-সখনও হয়ে থাকবে। দাড়ি কামাবার জন্য “শেভিং মগ” অনেক তৈরী হয়েছিল যা বাঁ হাতে ধরা সহজ। হাতের ডান দিকে একটা ছোট আয়না লাগান।

বাঁ হাতে কাজ করে এমন লোক আমেরিকায় ১ কোটি ৮০ লক্ষ আনুমানিক আছে। এদের জন্যে আজকাল ব্যবসায়ীরা বিশেষভাবে তৈরী কাঁচি, বেসবল খেলার দস্তানা, কাণ্ডে, রিক্রিজারেটর, ছুরি, গলক খেলার ‘ক্রব’, বঁড়শি, ক্রিকেট বল প্রভৃতি অসংখ্য জিনিস বাজারে ছাড়ছেন।

বছর ১৯১৬ আগে, অর্থাৎ ১৯৪৫ খ্রীষ্টাব্দে, নিউইয়র্কের Trade Bank & Trust কোম্পানী কতকগুলি নতুন ধরণে ছাপা চেকবুক বাব করেছিলেন। যে দিকে যেটি থাকলে বাঁ হাতে লেখা সহজ হয় এটি সেই ভাবেই ছাপা।

বাঁ হাতে লেখার মুশকিল হচ্ছে এই যে, লেখক বা লিখলেম, তারই উপর দিয়ে তাঁর হাতটা টেনে ডান দিকে নিয়ে যেতে হয় এতে লেখা খেবড়ে যাবার সম্ভাবনা। ডান হাতে যারা লেখে তাদের এ অসুবিধা নেই। তা ছাড়া বাঁ হাতে যিনি লিখবেন তিনি শেষে কি লিখেছেন তা সহজে পড়তে পারবেন না, কেননা হাতটা সে লেখা আড়াল করে রাখবে। অবশ্য তিনি কলমটা খানিকটা উঁচু করে যদি ধরেন তবে কিছু সুবিধা হয়। কাগজ কি ভাবে সাজাবেন, কলম কেমন করে ধরবেন এ সবের অনেকরকম নির্দেশ আছে বা মেনে চললে লেখা অপেক্ষাকৃত সহজ হয়।

বাঁ হাত দিয়ে কাজ করাটাকে আপাতদৃষ্টিতে একটা দারুণ অসুবিধা বোধ হতে পারে। কিন্তু এটাকেও একটা বড় সুবিধায় পরিণত হতে দেখা গিয়েছে। গলক খেলোয়াড়দের মধ্যে “বেয়ো” এডওয়ার্ড আর. মরো খুব নাম করেছিলেন, তাঁর জুড়ি মেলা ভার ছিল। বেসবল খেলোয়াড়দের মধ্যেও “বাম-পন্থী” বেরন, লেফট গ্রোভ, স্ট্যান মিউসিয়াল, জনি পোয়েস, প্রভৃতির নাম চিরস্মরণীয়।

বৈজ্ঞানিকরা এখনও বলতে পারেন না যে, এই বিশেষত্বটি বাম-পন্থীর মায়ের মায়ের হাত করে না পরিবেশের ফলে অর্জন করে। অনেকেই মনে করেন যে, ছুইয়ের মিশ্রণে এর উদ্ভব হয়। অনেক প্রমাণ পাওয়া গেছে যে, বাবা-মা দুজনেই “বেয়ো” হলে ছেলেমেয়েদের অর্ধেকগুলি বাম-পন্থী হয়ে উঠে। যদি জনক-জননীর একজনের এই দোষ থাকে, তা হলে দুজনেই বাম-পন্থী হলেও বোলম্যান সম্ভাবনার মধ্যে একজনের এই দোষ থাকতে পারে।

একটি ব্যাপার লক্ষ্য করলে বাম-পন্থী হবার সম্ভাবনাটা বেশ অনেকটা ছুঁকল হয়ে যায়। একেবারে একরকম দেখতে যে সব বয়স্ক সম্ভাবন হয় তার ১০০ ভাগের কুড়িভাগ হয় একজন ডান হাতব্যবহারী ও অপরজন বাম হাতব্যবহারী। একই বয়সে দুজনে বিভক্ত হয়ে এদের জন্ম, তবে এরা দুজনে দুইরকম হয় কেন? এতে ত মনে হয় ব্যাপারটা বাম-পন্থী নয়। আর একটা জিনিষের মানে বোঝা যায় না, যে পরিমাণ মেয়ে বাঁ হাতে কাজ করে, তার শিশু সংখ্যক ছেলের এই বিশেষত্ব আছে।

ডাক্তাররা অনেকদিন থেকেই জানেন যে, অনেক লোকে একটা চোখ বা একটা পা অস্ত্রচির চেরে বেশী ব্যবহার করতে ভালবাসে। চোয়ালের একদিকের দাঁত অস্ত্রদিকের দাঁতের চেয়ে ব্যবহারে ভারী সুবিধা। যে দিকের চোখ বা দাঁত, তার উল্টো দিকের মস্তিষ্কের ভাগ দিয়ে নিয়ন্ত্রিত হয়। যেমন বাঁ হাতকে আদেশ দেয় মস্তিষ্কের দক্ষিণ ভাগ। মস্তিষ্কের যে ভাগ মানুষের কথাবার্তা বলার আদেশ দেয়, তার অঙ্গ-প্রত্যঙ্গ চালনা করার ব্যবস্থাও সেই ভাগে, দুটি খুব কাছাকাছি। এর থেকে একটা ধারণা হয়েছে যে, মানুষকে জোর করে কোন একটা বিশেষ হাত দিয়ে কাজ করালে, তার কথাবার্তাও জড়িয়ে যায়।

এটার অবশ্য কোন প্রমাণ নেই যে, এরকম জোর খাটালে ছেলে তোতলাসি করবে। কুরুর-বেড়ালকে বিরক্ত করলে তার এ দোষ হওয়ার মতটা সম্ভাবনা, এতেও তাই। মনস্তাত্ত্বিকরা বলেন যে, ভাবপ্রবণ ছেলেপিলেকে কখনও জোর করে কিছু করান উচিত নয়। বুঝিয়ে-সুঝিয়ে করাও, কিন্তু জোর খাটানো না।

একটা ব্যাপার একটু পোলমেনে ঠেকে। সদ্যজাত শিশুগুলি দুই হাতই সমানভাবে ব্যবহার করে। যে হাতের কাছে ধরবার জিনিষটা থাকে সেই হাত দিয়েই ধরে। ডান হাত ব্যবহার করাটাই যাতে তার অভ্যাস হয়, এই শিক্ষা দেবার জন্যে তার দরকারী জিনিষপত্র সবই তার ডান হাতের কাছে রেখে দেওয়া উচিত।


ছ’মাস থেকে এক বছরের মধ্যেই বোঝা যায় যে, শিশু কোন হাতটা ব্যবহার করা পছন্দ করছে। বেশীর ভাগ ছেলেমেয়েই তিন থেকে সাত বছর বয়সের মধ্যে এটা পাকাপাকি রকম ঠিক করে নেয়।

ছেলে বেশ বড় হয়ে উঠেছে অথচ কোন হাতের উপর তার আস্থা বেশী তা সে ঠিক করতে পারছে না, এমনটি যদি হয়, তা হলে নিকটতম মনস্তাত্ত্বিক ডাক্তারের বাড়ী তাকে নিয়ে যাওয়া ভাল। তিনি পরীক্ষা করে ঠিক বলতে পারবেন, কোন হাতটা তার বেশী ব্যবহারযোগ্য।

যদি ছেলেটির বাঁ হাত দিয়ে কাজ করার ঝোঁক খুব বেশী মনে না হয়, তা হলে সহজেই তাকে উৎসাহ দিয়ে ডান হাত ব্যবহার করার দিকে ক্রিয়িত দেওয়া যায়। যদি প্রকৃতি দেবী তাকে সত্যসত্যই ‘বাম-পন্থী’ করে থাকেন, তবে সেই হাত ব্যবহারেই সে সুন্দর হোক।

এর ভিতর সাধনার কথা অনেক আছে। Wisconsin University-তে গবেষণা করে দেখা গেছে যে, যারা ডান হাত চালায় তাদের চেয়ে বাঁ হাত চালান যারা তারা ক্রমতর বেগে কাজ করে। ক্রম-ক্রমতে অনেক জানোয়ারই বাঁ পাবা দিয়ে কাজ করে। অনেকে আছে যাদের দক্ষিণ-বাম প্রভেদ নেই, দুটোতেই সমান ভাবে কাজ করে।





বিচিত্র হোটেল

প্রথম কখন যে বা দিকটা সম্বন্ধে মানুষের আপত্তি বোধ হ'ল তা বলা যায় না, সেটা ইতিহাসের গর্ভে নিহিত। গ্রীকরা বা দিক পেকে বজ্রধনি গুলে সেটাকে কুলক্ষণ ভাবত। কলহস সমুদ্রযাত্রা করার সময় গুয়াটিমালার লোকরা এক ভবিষ্যৎবক্তার পা নিয়ে ব্যস্ত হয়ে উঠল। সে ব্যক্তি ছুটো পা সজোরে ঘসত, যদি ডান পা-টা কাপত তা হ'লে লক্ষণ ভাল, বা পা কাপলে অমঙ্গল-চিহ্ন।

আফ্রিকায় অনেক উপজাতির মধ্যে মেয়েদের ডান হাত দিয়ে রান্না করা নিয়ম। বিয়ের আংটি বা হাতে পরার নিয়মটা বোধ হয় ভূত-প্রত্যের দৃষ্টি এড়ানোর জন্যে।

বা হাত দিয়ে কাজ করে অতি যত্নবী হয়েছেন, এমন অনেক লোকের নাম ক্রমেই জানা যাচ্ছে। আনেকজাতির দি গ্রেট পেকে রাণীমাতা এলিজাবেথ পর্যন্ত। কাজেই এত আর একটা পাবার এখন আছে কি!

সী.

### বিচিত্র হোটেল

গ্র্যাণ্ড ক্যানিয়নের দক্ষিণ পাড়ে একটি ১৮ তলা ৬০০টি পর-বিপিন্ড বিচিত্র হোটেল আছে। ছবিটা পেকে আন্দাজ করা যাচ্ছে যে, হোটেলটি ক্যানিয়নের একদম গা ঘেঁসে রয়েছে এবং প্রত্যেক তলাটা দি'ড়ির ধাপের মত পরের পর চোকান। এই বিচিত্র হোটেলের প্রবেশ পথটি আরও বিচিত্র। এর প্রবেশ পথ হ'ল একদম মাথার ওপরে। নীচে আবার একটা হুইমিংপুলও আছে।

### গরিলারা আর কতদিন থাকবে ?

আফ্রিকার বন্যজন্তু-সংরক্ষক সমিতির সর্বপ্রধান কাজ হ'ল, ওখানকার পার্শ্বত অঞ্চলে এখনও বেশ গাচেক গরিলা আছে তাদের রক্ষা করা। উইটওয়ারটার স্ট্যাণ্ড বিশ্ববিদ্যালয়ের অধ্যাপক ডঃ রেমণ্ড ডার্ট-এর মতে এই গরিলারা এখন আর ততটা হিংস্র নেই, বতটা লোকে মনে করে।

গরিলারা যে সব সময়ই হিংস্র হয় না, মাঝে মাঝে বন্ধুও হয়, তার একটা উদাহরণও এই অধ্যাপক মহাশয় দিয়েছেন। তিনি বলেন যে,

উপাঙার একটি গরিলা-প্রধান জায়গায় রিউবেন নামে একজন গাইডকে তিনি জানেন যে, যখনই কোন হিংস্র গরিলার সামনে পড়ে, তখনই নিশ্চল হয়ে দাঁড়িয়ে যায়। তার পর জানোয়ারটি আক্রমণ অথবা গর্জন করা পর্যন্ত সে অপেক্ষা করতে থাকে। তাদের চোখের দিকে সে সোজা দৃষ্টি তাকিয়ে থাকে। তার মতে এদের তর্জন-গর্জন সবই অসার। তার পর দেখা যায়, তারা সঠিই আস্তে আস্তে শান্ত হয়ে যায় এবং সেপান পেকে চলে যায়।

এমন অনেক বন্যজন্তু দেখা গেছে, যারা শত্রুপক্ষের কাছ পেকে আঘাতপ্রাপ্ত না হ'লে অনেক সময় বন্ধুতেও পরিণত হয়।

পার্ক এ্যালবাট, ক্রয়গা, এই সব জায়গায় একজাতীয় কুসংস্কারাঙ্কুর পাগড়ী লোক বান করে। তাদের কাছে গরিলাদের জীবন ধুবই বিপজ্জনক হয়ে পড়েছে।

এইখানে গুয়াটুসি নামে একজাতীয় লোক বাস করে যারা গবাদি পশুর উপাসক। তাদের দেশে যায় মত বেশী গবাদি পশু আছে (তা হস্ত বা অহস্ত, বাই হোক) সে তত বড় লোক। দিনের পর দিন খেতে না পেলেও এরা এই গবাদি পশুদের মারে না।

এই পাহাড়ী অঞ্চলে ১০ হাজার ফুট উঁচু পর্যন্ত জায়গা সম্পূর্ণ ভাবে গরিলাদের নিজেদের ছিল। কিন্তু এখন সেই সব জায়গায় এই গবাদি পশুরা অবাধে বিচরণ করে আর সেই জায়গায় ঘাস খেয়েই এরা বেঁচে থাকে। এই ভাবে তারা ঘাস খেতে খেতে উপরের দিকে উঠতে থাকে। ক্রমে ঘাস নিঃশেষ হয়ে যায় আর মাটির বড় বড় টিবি বেরিয়ে পড়ে। এই ভাবে এমন একদিন আসবে যেদিন এই ক্রয়গা গরিলাদের আর থাকার জায়গা বা ঘাবার কিছুই থাকবে না। ফলে তাদের সংখ্যাও ক্রমে ক্রমে কমে আসবে। সঠিই কি এমন কোনদিন আসবে যেদিন এই পৃথিবী থেকে গরিলা একেবারে নিঃশেষ হয়ে যাবে ?

### মাছ ধরার জালে কি শুধু মাছই ওঠে ?

জেলেরে মাছ ধরার জালে যে সব সময়ই মাছ ওঠে তার কোন নিশ্চয়তা নেই; অনেক সময় তাদের জালে অনেক অদ্ভুত জিনিষও উঠে থাকে। অনেক সময় দেখা গেছে যে বড় বড় কাগড়ামা রাখার আলমারি পর্যন্ত তাতে উঠে এসেছে।

একবার ব্রিটেনে ছোটো মাছ ধরার নৌকা পরস্পরের প্রায় ২০০ মাইল তফাতে থেকে মাছ ধরছিল। এদের জালে বা উঠেছিল, তার থেকে বেশী আশ্চর্যজনক কিছু মাছ ধরার জালে উঠতে পারে বলে আমার মনে হয় না।

প্রথম নৌকাটি, যেটি কর্ণওয়ালের কাছে নিউকেতে মাছ ধরছিল, তার জালে গুঠে এক হাতীর মাথা। আর দু'দিন পরে দ্বিতীয় নৌকাটি, যেটি স্কটল্যান্ডে মাছ ধরছিল, তার জালে একটি হাতীর মস্তক-বিচ্ছিন্ন দেহ ধরা পড়ে।

অনেকে হয়ত ভাবছেন যে, একই হাতীর মাথা আর শরীর দুই নৌকার ধরা পড়ল। কিন্তু সত্যিই তা হয় নি। এই আশ দু'টি, দু'টি আলাদা আলাদা হাতীর।

### স্পেনদেশীয় ক্রুশো

সিরান নামে এক হতভাগ্য লোক একবার জাভাজুবি হওয়ায়, ভাসতে ভাসতে একটা দ্বীপে গিয়ে পৌঁছয়। সম্পূর্ণ অনুরোধ এই দেশে, জল, শস্য কোন জিনিষই মিসত না। তার কোন কাপড়-জামা ছিল না আর প্রথমে সূর্যকিরণ থেকে নিজেকে রক্ষা করার মতও সে কিছু খুঁজে পেত না। সমুদ্রের কচ্ছপ, কিনুকের শাঁস, আর

ছোট ছোট চিংড়ি মাছ ছাড়া আর কিছুই সে খেত পেত না। তার পানীয় ছিল বৃষ্টির জল আর কচ্ছপের রক্ত। এই ভাবে দু'দিনটে বছর সেখানে একলাই কাটিয়ে দিল।

তার পর একদিন সে দেখল তারই মত একজন একটা তক্তায় ক'রে ভাসতে ভাসতে সেখানে এসে পৌঁছল। তারা তখন পরস্পরকে দেখে শয়তান বলে ভাবতে আরম্ভ করল। সিরানোর মনে হ'ল যে, ওই লোকটা যমের চর হয়ে তাকে প্রলুব্ধ করতে এসেছে। ওদিকে নতুন লোকটা সিরানোকে দেখে মনে করল যে, স্বয়ং যমই বৃষ্টি তার সামনে দাঁড়িয়ে আছে। তার পর সেই লোকটা চৌৎকার করে যীশুর নাম ক'রতে সিরানো নিশ্চিন্ত হ'ল।

একদিন দেখা গেল একটা জাহাজ তাদের দিকে আসছে। তখন তারা এই লোকদের উদ্দেশ্যে তাদের গোত্র ও ধর্ম সম্বন্ধে চৌৎকার করে বলতে আরম্ভ করল।

তার পর সিরানোকে স্পেন দেশে নিয়ে যাওয়া হয় এবং ওপান থেকে সে জার্মানীতে যায় পঞ্চম চার্লস-এর সঙ্গে দেখা করতে। তখনও তার চুল, দাড়ি আগের মতই বড় বড় ছিল। সেই রাজনৈতিক রীতিমত একটা স্ট্রোবা জিনিষ হ'ল। সম্রাট তাকে বাৎসরিক কিছু টাকা বৃত্তিবদ্ধ দান করেন। কিন্তু হতভাগ্য সিরানো এই হাথ ভোগ করার আগেই মারা যায়।

স. না.

—০\*০—

## সত্য ঘটনা নয়

শ্রীবাণী রায়

খেটে-খাওয়া মেয়েটি উদ্ভেজিত হয়ে বলে চলল, “কি আর বলি আপনাকে? জানপ্রাণ যে কতবার বিপন্ন হতে গিয়েছে এই সামান্য সখটুকু রাখতে, বলা যায় না। আপনার লিখিয়ে বলে নাম হয়েছে, ‘অফিসের স্যুভেনিরে লেখা চাইতে এলাম, মুখের ওপর ‘না’ বলে দিলেন ত! কিন্তু আমাদের কাছে কখন লোক ডাকতে আসবে সেই আশায় দোর খুলে রাখতে হয়। নিজে বয়ে নিয়ে যাই গীটারটা অনেক জায়গায়। গাড়ীটাও দেয় না।”

আমি মুখ খোলবার চেষ্টা করা মাত্র মেয়েটি পুনরায় উদ্ভেজিত কণ্ঠে বলে চলল, “জানি, আপনি কি বলতে চাইছেন। বলবেন, ‘তবে যাওয়া কেন?’ এই ত? ওই যে রেজে উঠে মাইকের সামনে বসে একটু চান্স পাব। নামটা বলে দেবে, শেষ হলে হাততালি পড়বে; এর লোভ ছাড়া আমাদের মত মানুষের পক্ষে সহজ নয়। রূপ নেই, গুণ প্রবেশিকা পার। অর্থের ঘরে শূন্য। অতিকষ্টে টাকা জমিয়ে সেকেওয়া গীটারটি কিনেছি।

পাড়ার গানের স্কুলে শিখেছি প্রাণ দিয়ে, যদি কেউ ডাকে-টাকে বাজাবার জ্ঞে। এবার রবীন্দ্র-শতবর্ষিকী, তাই আহা! নিদ্রা ত্যাগ করে ক'খানি রবীন্দ্র-সঙ্গীত রপ্ত করেছি।”

চেয়ে দেখলাম, মেদশূন্য ছিপ্‌ছিপে শ্যামা মেয়েটির চেহারায় রূপ না থাকলেও দৃঢ় সংকল্পের তেজ আছে।

কিন্তু এত উদ্ভেজিত হচ্ছে কেন ও?

আমি ওকে চা-খাবার অনুরোধ জানাতে গেলাম, “দেখুন, একটু—”

“বুঝেছি। বলতে চান সাধনা করতে, ঘরে বসে। কি লাভ? তিরিশের উপর বয়স আমার। কেরাণী-গিরির সাধনার বুড়িয়ে গেলাম। কিছু ফল হল?”

আমি বলতে আরম্ভ করলাম, “তা বলছি না—”

ঘড়ি-বাঁধা, অস্ত্র আভরণ শূন্য হাতখানা নেড়ে মেয়েটি উদ্ভেজিত হয়ে উঠল আবার, “কি বলছেন জানি। যার জীবনে ছোট ভাইবোনের ঝগড়া, মা-বাবার রোগ ছাড়া

কিছু নেই, তার কাছে এটুকু অনেক। আপনি কি করে বুঝতে পারবেন? অনেক পেয়েছেন যে!”

অনেক না হোক, কিছু পাওয়ার লজ্জায় আমি নির্ঝাঁক হয়ে বসে রইলাম। চটি দিয়ে আমার বসবার ধরের সবুজ গালিচা নির্ঝম ভাবে পেশন করতে করতে গেটে-খাওয়া মেয়েটি ছটফট করতে লাগল অস্তর্দাহে।

কি হয়েছে ওর?

কথা বলবার চেষ্টা করে লাভ নেই। মেয়েটি আমাকে কথা বলতে দেবে না। এই আসরে আমার ভূমিকা নির্ঝাঁক প্রহরী অথবা কাটা সৈন্যও বলতে পারেন। ওর কথার বাণে আমি কর্তৃত্ব হয়ে নিরুত্তরে তনতে লাগলাম। মেয়েটি বলে চলল:

বিখ্যাত রবীন্দ্র-জয়ন্তীর মেলায় একদিন একটা চাল পেয়েছিলাম। আমাদের কলীগ অতসীর মামা সেক্রেটারী। ধবে পড়ে ওকে পাঁচ-মিনিটের প্রোগ্রাম পেলাম। অমন জায়গায় চাল পেয়েছি। নিজেই গাড়ী ভাড়া করে গীটারটা টেনে নিয়ে গেলাম।

যেয়ে প্রথমে কোথা দিয়ে চুকব ঠিক নেই। পাঁচ-ছ’টা গেট, অল্প অস্থানও হচ্ছে। ট্যাক্সি নিয়ে বাধ্য হয়ে গোটা ময়দান চক্কর দিয়ে মরলাম। শিখ ড্রাইভার ছোর করে মিটারে বহু উঠিয়ে দিল খামোকা।

শেষে চুকলাম প্রধান ফটক দিয়ে। কার্ডে কিছু হদিশ ছিল না কোথায় আমার বাজনাটা হবে। আধো অন্ধকার মাঠে সারি সারি ষ্টল। কোথাও খুঁজে-পেতে একটা ভলাটিয়ারের দেখা পেলাম না। এখানে-ওখানে লোকজন ছড়ানো, ছিটনো। কাউকে খুঁজে পাই না।

অবশেষে একজন শুভ্রলোককে আমার অবস্থাটা বললাম। আমি বাজাতে এসেছি। কিন্তু কোথায় বাজাব জানি না। ওরা আমার কোন খবর নেন নি বা দেন নি, একপানি কার্ড পাঠানো ছাড়া। আশেপাশে একাধিক ষ্টেজ দেখছি, সুতরাং কি করব?

শুভ্রলোক বললেন, “আমি দর্শক মাত্র। তবে ওই দিকে যেন একটা অফিস-মত দেখেছিলাম। আসুন, দেখা যাক।”

কাগজে-কাগজে এই জয়ন্তী-উৎসবের জয়জয়কার। আসল বস্তুটি কি এই ছাড়া-ছাড়া আয়োজনটি?

সেখানেও কেউ কিছুই বলতে পারলেন না কোথায় কি হবে। অথচ প্রোগ্রামে আমার নাম ছাপানো হয়েছে। সময় প্রায় হয়ে এসেছে।

মরীয়া হয়ে নিজেই বোরামুরি শুরু করলাম। অবশেষে একজন মহিলা দেখলাম। বকের মত সবুজ

ঘাসে পা কেলে কেঁপে চলছেন কোন একদিকে।

সে কি সাজপোশাকের ঘট। আপনার চেয়েও বয়সে বড় কিন্তু আপাদমস্তক ধোলাই।

আমি মরমে মরে গেলাম। মেয়েটি একটু আপোষের সুরে বলল, আমার মুখ ভাব লক্ষ্য করে:

মানে আপনার মায়ের বয়সী তিনি। ওকে জিজ্ঞাসা করলাম। ঝামুঝামু মুখখানা টেনে তুলে চলছিলেন। ওকেই মরীয়া হয়ে জিজ্ঞাসা করলাম, “কোনদিকে কালচারাল প্রোগ্রামটা হচ্ছে?”

ওকনো চামড়াঘেরা চোখে ধূঁক দৃষ্টি ঝলসে উঠল, রংমাখা ঠোঁট ফেটিয়ে আমার আপাদমস্তক দেখে আত্মবিশ্বাসে জানালেন, “ওঃ! আসুন।”

ওর সঙ্গে একটা রুপসী—নীচু করে বাঁধা তাঁবুর নীচে এলাম। সেখানে একটি ষ্টেজ আছে, কিন্তু সীন সাজানো হচ্ছে পরবর্তী অস্থান রবীন্দ্র-নাটকের। নীচে সাংস্কেতে মাটির বুকে নীচু ভাঙা তক্তপোশ, ধুলোঢাকা, সামনে পলকা ভেনেস্তা চেয়ার।

মনটা দমে গেল। দর্শক নেই বললেই চলে। সার্কাসের লোক ডাকবার প্রথায় একটা লাউডস্পীকারে লোক ডেকে ডেকে ঘরে ঢোকানো হচ্ছে। আমি কোনমতে একটু স্থান পেলাম।

বাজনা যা হ’ল কি বলব! নামটাও ভাল করে বলে দিল না। দায়সারা ভাবে যেন আমাকে দয়া করছে এমন প্রথায় দিল একটু পাঁচ মিনিট।

কোনমতে শেষ করলাম। দু’একটা হাততালি শুভ্রতার খাতিরে পড়ল। সঙ্কুচিত হয়ে তক্তপোশের এক কোণে গুটিয়ে বসলাম।

ঝামু-ঝামু মহিলাটি দেখলাম পাণ্ডা ব্যক্তি একজন। তিনিই বলে দিলেন, “এবার এখান থেকে উঠে ওধারে বসুন যেন। আরও প্রোগ্রাম আছে কি না?”

কোথায় বসব বুঝতে পারলাম। নাকী-সুরে রবীন্দ্র-সঙ্গীত শুরু হয়ে গেছে ততক্ষণ। পিল্পিল্প করে যারা কানাতে চুকে চেয়ার টেনে টেনে বসছে তারা কেউ ঠিক সাংস্কৃতিক অস্থানের বোদ্ধা বলে মনে হ’ল না।

গীটার হাতে দড়িদড়া বাঁশ বেধে হোঁচট খেতে খেতে অবশেষে লোকের দৃষ্টির আড়াল এড়িয়ে বার হয়ে বাঁচলাম। তখনি বীথি সেনের সঙ্গে দেখা হয়ে গেল।

ও এসেছে মেলা দেখতে, সাংস্কৃতিক অস্থানে বিন্দুমাত্র লোভ নেই। আমি এহেন স্থানে গীটার বাজাবার ছাড়পত্র পেয়েছি তনে সত্যিই বলে উঠল “অ!” তার পরে আমরা একটু এধার ওধার সুরে

বেড়ালাম। হাতে বাজনাটা থাকায় আমি বাড়ী ফিরতে ব্যস্ত হয়েছিলাম। বীথি সেন বলল, “একটু দেখে যান। এমন বড় জায়গায় ত বোজ আসা হয় না। দেখার বহু জিনিষ আছে।”

গলা ঝুকিয়ে এসেছিল। ভাবলাম এক কাপ চা খাই। চার পাশে যেন মনে হ’ল চায়ের ঠেলই বেশী বেশী।

আবছা অন্ধকারে বসে আছে সারি সারি স্ত্রীপুরুষ। বাড়ী পালানো কলেজের ছেলেমেয়েই জমায়েৎ বাধিয়েছে। সাংস্কৃতিক অহুষ্ঠানে কারুর চোখ নেই। ঠেলে ভিড় নেই। খাবার দোকানে চেয়ার খালি পাওয়া যায়। গব্ গব্ করে গিলছে সবাই। অথচ ওনি নাকি এদেশে টি. বি.র প্রকোপ বেশী।

কিন্তু চা খেয়ে গলা যেন ঝুকিয়ে উঠল আরও। মরীয়া হয়ে মাংসের কাটলেট চাইলাম। ভিড়ের মধ্যে চেয়ে পাওয়া যায় না। দিয়ে গেল চিংড়ির চপ। ;

বীথি সেনকে বললাম, “চলুন, বাড়ী যাই। এখানে যে ধরনের ভিড় দেখছি, ভাল নয়। গীটারটা আস্ত নিয়ে ফিরতে পারলে বাঁচি।”

বীথি সেন বলল, “ব্যালেরিনার নাচটা একটু দেখে তবেই যাবেন। বাইরে থেকে আনিয়েছে।”

গোলা মাঠে ঠেজ—দপদপ করে আলো জ্বলছে। নীচে আধভেজা ঘাসে বসে হাজার হাজার নরনারী। সেখানে একটা ফ্লাডলাইট বা অল্প কোন আলো দেওয়া উচিত ছিল। কিন্তু সেই অন্ধকার অমাবস্তার অন্ধকারকে হার মানিয়ে। কেমন করে যে এমন অন্ধকারে ছেলেমেয়ে পাশাপাশি বসে আছে জানি না।

আমি কিছুতেই ভিড়ে ঢুকতে রাজী হলাম না। অবশেষে বীথি আর আমি একটু বাইরে দাঁড়িয়ে উঁকি দিতে লাগলাম।

এখানে মেয়েটি দম নেবার জন্ত একটুকু চুপ করা মাত্র আমি উঠে যেয়ে কোনমতে চায়ের কথা বেয়ারাকে বলে এলাম। কারণ, এই রেষ্টে কথা বললে নিশ্চয় গলা ঝুকিয়ে যায়।

ফিরে আসা মাত্র মেয়েটি বলে উঠল :

জানি আপনি কেন ভেতরে গিয়েছিলেন। রেফ্রিজারেটরের একপাত্র জল খেয়ে জিরিয়ে নিতে। বড়লোকদের অভ্যাস আমার বেশ জানা আছে।

আমি বলবার চেষ্টা করলাম, এই শীতে কি— আমাকে বাধা দিয়ে মেয়েটি বলল, হ্যাঁ, শীতে গলা ঝুকিয়ে ওঠে সত্যি। আমার কাহিনী শুনেই এই যদি

হয়, তবে প্রকৃতপক্ষে ঠেলে আপনার মাথায় যে বরফ চাপাতে হ’ত।

আমি বলার চেষ্টা করলাম, আপনার অনেক অসুবিধা—

মেয়েটি উত্তেজিত হয়ে উঠল, অসুবিধা শুধু? আপনি ত কিছুই শোনেন নি। শুধু তা হলে।

মেয়েটির মুখখানা যেন একটু করুণ-করুণ দেখাল, কিন্তু তার পরেই সে আবার জ্বলে উঠল।

ব্যালেরিনার পোশাক পরতে সময় লাগছে, শুনলাম। পোশাক পরতে মানে পোশাক না পরতে সময় লাগল।

আমি সপ্রশ্ন দৃষ্টিতে তাকানো মাত্র সে বলল, মানে শীতের দিনে গায়ে কিছু কাপড়-চোপড় ছিল ত। সেগুলো খুলে জনগণসমক্ষে বার হতে হবে ত। ততক্ষণে মোটা গলায় এক শুদ্রলোক লোকসঙ্গীত ভাঁজতে লাগলেন। ভাষাটা অসমীয়া কি ওড়িয়া বুঝতে পারা গেল না।

ব্যালেরিনা এলেন। সমস্ত দেহে দু’সারি ফ্রিল ছাড়া কিছুই নেই, একটি বুকে, একটি কোমরে। লোক ভেঙে পড়ল দেখতে। ঠেলাঠেলি শুরু হল দারুণ।

হঠাৎ বীথি সেন বলে উঠল, “আমার বটুয়া!” হাতে ধরা একটা প্লাষ্টিকের বালতি ব্যাগ ছিল ওর। অফিস থেকে সোজা এসেছে। কাগজপত্রে, জিনিষে ভর্তি। তার মধ্যে নুতন কেনা কাঁচ বসান কাল বটুয়ায় গোটা বারো টাকা ছিল। কোন ফাঁকে পিকু ব্যাগ হয়ে গেছে।

আমি বললাম, সর্বনাশ! দেখুন, পড়ে টেড়ে যায় নি ত? সঙ্গে সঙ্গে মনে পড়ল আমিও ত ওর পাশে ছিলাম। তাড়াতাড়ি দেখি ডানহাতে গীটারটা ঠিক ধরা আছে, কিন্তু বাঁ হাতের কব্জী থেকে ঝোলান হাতব্যাগের জিপ খোলা। মধ্যে টাকার মানিব্যাগ নেই, কুড়িটি টাকার নুতন নোট ছিল।

মেয়েটি রাগে ফুলতে ফুলতে উঠে দাঁড়াল :


কি বলতে চান, ওনি? আমরা গরীব মানুষ, যেখানে এমন করে আমাদের টাকা পোয়া যায়, আমরা যাই কেন? সংস্কৃতির মূল্য দিতে হয়। এমন করে মূল্য দিয়েছে কে?

আমি সান্ত্বনা-প্রয়াসে মুখ খুলতে না খুলতে মেয়েটি বলে উঠল, বলতে পারেন কি, এমন রবীন্দ্রজয়ন্তী করা কেন? গরীবের টাকা মেরে দেয়া ভিন্ন কিছু দিয়েছে এই সমস্ত অহুষ্ঠান? বলতে পারেন? জানি, পারবেন না।

ঝড়ের মত বেগে খেটে-খাওয়া মেয়েটি নিজস্ব হয়ে গেল ঘর থেকে।

আমার ওকে চা-খাওয়ার কথা আর বলা হল না।





## মৎস্যশহর থেকে উত্তর সাগর

শ্রীশুরেশচন্দ্র সাহা

ব্রিটেনের পূর্ব উপকূলে উত্তর সাগর তীরে লিঙ্কনশায়ার। এর ঐতিহ্য আছে, ইতিহাস আছে। লিঙ্কন শহরে হাজার বছর আগের তৈরি ক্যাথিড্রাল আজও অনেকের বিস্ময়। লর্ড টেনিসনের মর্মর মূর্তি প্রতিষ্ঠায় এখানে গ'ড়ে উঠেছে সাহিত্যিকদের কবিতীর্থ।

রোমান আক্রমণের প্রধান ঝাপটা লেগেছিল এই লিঙ্কনশায়ারে। ১০০ খ্রীষ্টাব্দে তৈরি পাসাণ প্রাচীর 'রোমান ওয়াল' আজও স্মরণ করিয়ে দেয় রোমকদের ব্রিটেন বিজয়ের কথা। রোমক কৃষ্টি ও সভ্যতার পরিচয় এখনও ছড়িয়ে আছে লিঙ্কনশায়ারের একাধিক গ্রাম আর শহরে। গ্রীম্‌স্‌বী, লেস্‌বী, থরনস্‌বীর 'বী' আজও বহন করে চলেছে রোমান নামের স্বাক্ষর।

হাথার নদীমোহনার অদূরবর্তী গ্রীম্‌স্‌বীর গৌরব কিন্তু এজন্ত নয়; অধুনা জগতে এটা এক অভুলনীয় মৎস্য-শহর। গ্রীম্‌স্‌বীবাসীরা গভীর সমুদ্রে মাছ ধরে, বেচে আর বাঁচে; ছনিয়ার হাতে পাঠায় মৎস্যের পসরা।

এক রৌদ্রকরোজ্জ্বল দিনে রেলওয়ে স্টেশনের বাইরে এসেই পড়া গেল আধ ডজন লোকের কবলে। ক্যান্‌ আই হেল্প ইউ, স্তারু—বললেন এক বৃদ্ধ ভদ্রলোক। লুণনের মত কস্মোপলিটান শহরে আনাগোনা পৃথিবীর 'নানা জাতের—সাদা, কাল, পীত। এখানে কচিং-

দেখা ভারতীয়ের প্রতি এদের ঔৎসুক্যের অস্ত নেই। নটিক্যাল স্কুল কোথায় জিজ্ঞেস করাতে বৃদ্ধটি বললেন—টেক্‌ দ্যাট বুস্‌, গেট ডাউন এ্যাট রাইবী স্কোয়ার, এনিবডি উইল শো ইউ। বুস্‌ মানে বাস—উচ্চারণে আঞ্চলিক অভিনবত্বের নমুনা, আমাদের পদ্মার এ-পারের 'খাব না' স্থলে 'খামুনা'র মত। বুস্‌ ধরার আগে খানিকটা আলাপ করে নেওয়া গেল। বৃদ্ধ ভদ্রলোকটি মাছধরা জাহাজের প্রাক্তন স্কীপার বা ক্যাপটেন, অপঘাতে আজ অচল। এখানকার লোকের উচ্চারণে নেই লণ্ডনীয়ার বকুনী টান, বাচনে নেই ট্রেনের কামরায় দেখা-হওয়া গোমড়ামুখো আত্মাভিমানী ইংরেজের পালিশকরা স্বল্পভাগিতা। • •

বেশ কিছুদিন কেটে গেছে। শহরের অগ্রতম মৎস্য-শিল্প কারখানা ফ্রেড্‌ স্মীথ্‌ এণ্ড কোম্পানীর অফিসে বসে আছি। কারখানার কর্মীরা অধিকাংশ মহিলা, সংখ্যায় দু'শতাধিক। ট্রলারের মাছ বাজার থেকে লরীভরা হয়ে আসছে কারখানায়। এখানে প্রত্যেক মাছের নাড়াভুঁড়ি, ডানা, লেজ, মাথা, কাঁটা বাদ দিয়ে মাংসখণ্ড তুলে নিয়ে টাটকা অবস্থায় বিক্রীর জন্ত স্বাস্থ্যসম্মতভাবে প্যাকিং হচ্ছে। কারখানার অপরাংশে চলছে মাছের দীর্ঘস্থায়ী রক্ষণ-ব্যবস্থার কাজ—স্মোকিং,





ফিশ-ডকে কর্মব্যস্ত কর্মচারীরা

সল্টিং, ড্রাইং, কুইক-ফ্রিজিং। এমনতর কারখানা কারখানার সংখ্যা শহরে অনেক। গ্রীষ্মসূরীর নক্ষত্র হাজার লোকসংখ্যার শতকরা সাতজন কর্মী করে পাচ্ছে মৎস্যশিল্পের উপর—জাতিজরাজী থেকে কারখানার মালিক, শ্রমিক, কেরাণী পর্যন্ত।

মিঃ স্মিথের সঙ্গে আলাপ হ'ল। তাঁরই সৌজন্যে সম্ভব হ'ল আমার উত্তর সাগরে মৎস্যভিযানে যাওয়ার। ব্যবসায়িক রাত সাড়ে তিনটায় এলাম ফিশ ডকে, ভাঁটার সঙ্গে সঙ্গে জাহাজ ছাড়বে। বিলেতের ফেরারী মাস, কি প্রচণ্ড শীত। সোঁ সোঁ করে বাতাস বইছে। পেঁজা তুলোর মত বরফ পড়ছে অকোরে। মাথার টুপি, গায়ের ওভারকোটের উপর জমেছে বরফের এক খেত স্তর। একে একে এল জাহাজের ডেক আর ইঞ্জিন কর্মীরা। সবাই সাহেব। সকলেরই আবহাওয়া উপযোগী পোশাক—বাইরে বেরোবার উপযুক্ত শার্ট, টাই, কলার, হাট, কোট। পারিপাট্যের ক্রটি নেই।

মুহূর্তে মনে হ'ল দেশের ধলেশ্বরী নদীতে মাছধরা জেলেদের কথা। কত তফাৎ!

জাহাজের নাম ইরইক্যান, প্রায় চল্লিশ বছর আগের তৈরি। মালিক সার টমাস রবিন্সন কোম্পানী। এই কোম্পানীর আছে প্রায় পঁচিশখানা ট্রলার।

পৌছান গেল উত্তর সাগরে। জলের রং সবুজ— কোথাও হালকা, কোথাও ঘন রং। ইংলিশ চ্যানেলে প্রবেশপথে প্রথম দর্শন মেলে এই রকম জলের। আরব সাগর নীল, লোহিত সাগর লাল নয়। ভূমধ্যসাগর কোথাও সুনীল, কোথাও ভাস্কর; আটলান্টিক ছাই-ছাই। এদিকে বঙ্গোপসাগর কোথাও হালকা সবুজ, কোথাও প্রচণ্ড ঘন নীল, কোথাও বা ফিকে রং। উত্তর সাগর ছাড়া আর কোন সাগরের জল মনে হয় নি এমনি একটানা সবুজ।

উত্তর সাগরের ইতিহাস দার্ব দিনের। এর মৎস্য-চারণক্ষেত্র মৎস্যপ্রাচুর্যে পৃথিবীতে অতুলনীয়। উত্তর সাগরের উত্তর ব্যাঙ্কে মাছ ধরা হয়ে আসছে কত যুগ ধরে, তবু শেষ নেই। আজ উত্তর ব্যাঙ্কের যেখানে সবুজ জলরাশি থৈ থৈ করছে, অতি সুদূর অতীতে ছিল সেখানে কত বনচারী হিংস্র প্রাণীর আবাস, গভীর অরণ্যানী। প্রাগৈতিহাসিক যুগের সে অরণ্য গেছে তলিয়ে, অরণ্যচারী জীবের স্থলে আজ বিচরণ করছে জলচারী মৎস্যকুল।

এইবার ফেলা হ'ল জাল। জাহাজ প্রায় পূর্ণ গতিতে এগিয়ে চলেছে, আর প্রায় সাড়ে তিন শ' ফুট জলের নীচে নারকেলের কাতার মত দেখতে শক্ত ম্যানিলা সূত্রোষ তৈরি জাল চলেছে অমস্বণ সাগরতলের মাটি ঘেঁসে। তিন ঘণ্টা পর জাল উঠিয়ে আনা হ'ল। কত মাছ—কড, প্লেইস, লেমন সোল, ডোভার সোল, হোয়াইটিং, টারবট, হ্যাডক, ফ্লাউণ্ডার, স্কেট ইত্যাদি। বঙ্গোপসাগরের চিরপরিচিত ভেটকী, চাঁদা, ফ্যাসা, চিংড়ি, পম্ফ্রেটের দর্শন মেলে না এখানে। ক্যাপটেন আণ্ডারউড নানা যত্নকৌশলে জাল তোলার কাজ পরিচালনা করবার সময় বললেন—দেখেছ, জালের শেষ প্রান্তে যেখানে সমস্ত মাছ আটক হয়ে পড়ে, সেই কড এণ্ড ভেসে উঠেছে? প্রচুর কড মাছ ধরা পড়েছে কি না! বঙ্গোপসাগরেও এমনটি দেখা যায় যদি অনেক ভোলা আর ভেটকী মাছ ধরা পড়ে জালে। প্রায় চল্লিশ মণ মাছ উঠল—জলাভূমির অক্ষুণ্ণ ফসল। এক স্থানে স্পীকৃত এত মাছ আগে কখনও দেখার




কড় মাছ

সৌভাগ্য হয় নি। উন্মত্ত পুচ্ছ কটপটানিমুখর মাছের স্তূপে মৎস্যতর প্রাণী, বা হাঙর মোটেই চোখে পড়ল না, যেমনটি পড়ে বঙ্গোপসাগরে।

কনুনে হাওয়া, ঘন কুয়াসা, মাঝে মাঝে ছিট্‌ছিট্‌ বৃষ্টি, উৎকট শীত আর দোলা খাওয়া সাগর—এরই মধ্যে অনলসভাবে কাজ করতে হচ্ছে কর্মীদের। এদের আপাদমস্তক ছিল ওয়াটারপ্রুফের পোশাকে মোড়ক করা, ভেতরে শীতরোধক গরম কাপড়। নিমেষের মধ্যে সমস্ত মাছের পেট চিরে নাড়ী-অস্ত্র ফেলে পাইপে টানা সাগরের জলে ধুয়ে পরিষ্কার করা হ'ল। এক জাহাজ মাই নিয়ে বন্দরে ফিরলেও দেখা যায় জাহাজটি কেমন ঝকঝকে। এতে আঁশটে গন্ধের বালাই নেই, অপরিচ্ছন্নতার প্রশয় নেই। কড়, হাডক ইত্যাদি মাছের লিভারগুলি সংরক্ষিত হতে লাগল এক পাত্রে, বন্দরে ফিরে কড়লিভার তেল তৈরীর কারখানায় বিক্রীর জন্ত। এর পর আরম্ভ হ'ল সমস্ত মাছ ডেকের নীচে ঠাণ্ডা ঘরে নিয়ে গুঁড়ান বরফের স্তরে স্তরে সাজিয়ে রাখার কাজ। সমস্ত কাজ নিষ্পন্ন হ'ল নিখুঁত নিষ্ঠা আর অসীম ক্ষিপ্ততায়—প্রায় এক ঘণ্টার মধ্যে। জাল ফেলার কাজ শেষ হয়েছিল আগেই; আবার চলল জাহাজ সমুখের দিকে এগিয়ে, তিন ঘণ্টার জন্ত। এইভাবে রাতদিন চক্ষিণ ঘণ্টা চলল জাল তোলা-ফেলার কাজ, আর কাজের ফাঁকে ফাঁকে কর্মীদের খাওয়া, ঘুমান, বিশ্রাম।

আলোচনা হ'ল স্থাপার আগারউডের সঙ্গে। উত্তর সাগর থেকে ধ'রে-খানা মাছের প্রতিযাত্রায় গড় বিক্রীত মূল্য প্রায় বার হাজার টাকার কাছাকাছি। আর ডীপ সী বা দূর পাল্লার সাগরের এক ট্রিপের গড় মূল্য নিরূপিত হয়েছে প্রায় ৬৫,০০০ টাকা। বঙ্গোপসাগরের আট থেকে দশ দিনের যাত্রায় শিকার করা হাজার মণ মাছের দাম কমপক্ষে ২০,০০০ টাকা। নিয়মিত মৎস্য-শিকারের কাজ চলতে থাকলে প্রতি-যাত্রায় গড় বিক্রয় মূল্য ১০,০০০ টাকা হওয়া অসম্ভব নয়। স্থাপার আর তাঁর পরবর্তী অফিসার মেট ওদেশে বেতন পান না। মোট বিক্রীত মূল্য থেকে ট্রিপের সমস্ত খরচ কেটে নেওয়া হয়। বাকী টাকার শতকরা দশভাগ পান স্তীপার, সাতভাগ মেট। খাওয়া খরচ নিজেদের। কুদের বেতন সপ্তাহে প্রায় ৮০ টাকা; তাছাড়া প্রত্যেকে বিক্রীত অর্থের প্রতি ১,০০০ টাকায় ৮ টাকা এবং আরও অতিরিক্ত ভাড়া ১ টাকা করে পাবে প্রতিদিন—তা সে যতদিনই সমুদ্রে থাক। খাওয়া ফ্রি।

এখানে একটা কথা বলা দরকার। উত্তর সাগরও গভীর। কিন্তু উত্তর সাগর ছাড়াও ইংল্যান্ডের ট্রলার-গুলি নানা জায়গায় মাছ ধরতে যায়। যে সব জাহাজ গ্রীনল্যান্ড, আইসল্যান্ড, বেয়ার অ্যান্ডল্যান্ড, বালটিক সাগর, হোয়াইট সী ইত্যাদি স্থানে মাছ ধরতে যায় সেগুলিকে চিহ্নিত করা হয়েছে ডীপ সাস্ ট্রলার বা



কতকগুলি মাছধরা জাহাজ

ডিস্ট্যান্ট ওয়াটার ট্রলার্স হিসেবে। আর ঘরের কাছে সাগরে মাছধরা জাহাজগুলিকে ভাগ করা হয়েছে নর্থ সী ট্রলার্স বলে। এখানকার জাহাজ বেশীর ভাগ চলে কমলায়, দূর পাল্লার জাহাজ ডিজেল তেলে।

একে একে পরিচয় হ'ল জাহাজ কর্মীদের সকলের সঙ্গেই। স্বজন বান্ধব থেকে দূরে সাগরে-থাকা এই মানুষদের সঙ্গে বিশেষ কোন পার্থক্য নেই অল্প দেশের সমুদ্র-ধীর সম্প্রদায়ের। সাগরে এদের এক জাত—এরা ফিসারম্যান। আচরণে যত্ন, মধু, রাম, স্যামের মতই—রাফ্, রেডি, সিন্‌সিয়ার। এদের স্ল্যাঙ্-বিকীর্ণ অস্ত্র অপ-ভাষা শুন্লে প্রথম প্রথম অবাক লাগে। এরা সমুদ্রে দিনের অবসরে বই পড়ে, টফী খায়, ছবি তোলে; পকেটে রাখে অপৰ্য্যাপ্ত ছবির প্যাকেটে আপন গার্ল ফ্রেণ্ডের ছবি, স্মৃতি দিয়ে ঘেরা। এদের পড়া বেশীর ভাগ বইগুলি ক্রাইম, কমিক, কাটুনে ভরা। এরা সাগরে বয়ে নিয়ে যায় সেই জাতের পত্রিকা যাতে স্থান পায় উচ্চ, মধ্য, নিম্নবিস্তৃত ঘরের নানা কেচ্ছার আদিরস সম্মত বর্ণনা—নিউজ অব্‌ দি ওয়ার্ল্ড্, এম্পায়ার নিউজ ইত্যাদি। এমন কি প্রগতিপন্থী ডেইলী মিররও এই পত্রিকাগুলির সমগোত্রীয়—অন্তত উদারনৈতিক দলের নিউজ ক্রণিকুরে এই মত।

একদিন পশ্চিম সাগরে চেয়ে আছি। দিনের শেষে কাচের জানালার মধ্য দিয়ে দেখা গেল লালরঙের গোল সূর্য। সাগরের জলে প্রতিচ্ছবি; দেখে মনে হ'ল অস্তাচলগামী রক্তিম রবি যেন দোল-পাওয়া সাগরের কোল ছেড়ে লাফ দিয়ে আকাশে উঠতে গিয়ে বার বার আছাড় খেয়ে আবার লুটিয়ে পড়ছে সাগরের বুকে। ক্রমে ঘনায়মান কালো কুয়াসার অন্তরালে বিলীন হয়ে গেল দিশেহারা দিনমণি।

পরদিন। জাহাজের চিলেকোঠা থেকে চারদিকে তাকিয়ে দেখা গেল শুধু জাহাজ, জাহাজ আর জাহাজ—মৎস্যশিকারে রত। মাঝে মাঝে চোখে পড়ল ছ'চারটে মাল আর যাত্রীবাহী নানা দেশগামী জাহাজ। চারদিকে মৎস্যশিকাররত জাহাজগুলি গুণে দেখলাম প্রায় পঞ্চাশ খানা। সাগরের মাত্র এইটুকু অংশে। এক জাহাজ থেকে দূরবর্তী আর এক জাহাজের ক্যাপটেনের সঙ্গে আলাপ চলছে রেডিও টেলিফোনে :

কখন এলে, বিলু ?—এই ত বিকেলে।

কত মাছ পেলে ?—২০ মণ।

একেবারে কিন্তু বাজে কথা। পেয়েছে হয়ত পঞ্চাশ মণ। সত্যি কথাটা বলতে চায় না। পাছে ঐ জাহাজটিও এসে পড়ে এই ভাল মাছের জায়গায়। সকলেরই জানা আছে এই গুলমারার কথা। তবু পদ্ম্পর আলাপ করে, শুভ কামনা করে, আলাপের ছেদ টানে—হালো বিল, শুভ বাই, ওল দি বেষ্ট ব'লে।

এদিকে ব্রিটেন,ওদিকে ডেনমার্ক, বেলজিয়াম, হল্যান্ড, জার্মানী, দক্ষিণ নরওয়ে—মধ্যখানের উত্তর সাগরে কত দেশের কত জাহাজ চ'বে বেড়াচ্ছে একবার কল্পনা করুন। বিচিত্র নয়, ১৯৩০ খ্রীষ্টাব্দের মধ্যে উত্তর সাগরের মৎস্যচারণযোগ্য আর কোন অংশই অর্কিত থাকে নি; এমন কি মৎস্যচারণ ক্ষেত্রের প্রতি-বর্গফুট স্থানেও জাহাজ-টানা জালকে চালিয়ে দেওয়া হয়েছে। আর গ্রীম্‌স্বী যে চারশ' ট্রলারের বাহিনী নিয়ে পৃথিবীর শ্রেষ্ঠ মৎস্যবন্দরে পরিণত হবে তাতে আর আশ্চর্য কি? গ্রীম্‌স্বীর মত স্বয়ংসম্পূর্ণ মৎস্যবন্দর না দেখলে কল্পনা করা শক্ত হয় মৎস্যশিল্পের অধুনা বিরাটাকারের কথা।

ইংল্যান্ডের গভীর জলের মৎস্য শিকারের ইতিহাস বহু যুগ আগের। আর সুসংবদ্ধ শৃঙ্খলায় এর পরি-কল্পনা নেওয়া হয় আজ থেকে ৭৬ বছর আগে ১৮৮৬ সনে। এদেশে তখন ভগবান্‌ শ্রীরামকৃষ্ণ দেহরক্কা করেছেন। একটা তমসাচ্ছন্ন জাতকে বিবেকমস্ত্রে জাগিয়ে তোলার প্রস্তুতি চলে। তখন এদেশবাসী ভাবতে পারে নি গভীর জলে মৎস্য-শিকারের কথা, বিলেতের লোকেও কল্পনা করে নি এর অধুনা বাণিজ্যিক ব্যাপকতার কথা। প্রথম যেদিন বিলেতের বাজারে আমদানী হয়েছিল অদ্ভুতদর্শন সমুদ্রের মাছ, চিররক্ষণশীল ব্রিটেনবাসীরা স্বাগত জানায় নি তাকে—এখনও যেমন আছে আমাদের দেশে সমুদ্রের মাছের স্বাদ আর মৎস্যরূপ সম্বন্ধে জনমনের সন্দেহ। বহু যুগের ব্যবধানে অবস্থা



গ্রীম্‌স্বীর বিরাট ফিশ-ডক

এমন দাঁড়িয়েছে, আজ গোটা ইংল্যান্ডে সারা বছরে যত নদীর মাছ ধরা হয়, একমাত্র গ্রীম্‌স্বী বন্দরে প্রতিদিনে ট্রলার থেকে খালাস করা হয় সেই পরিমাণ সমুদ্রের মাছ। এখানে রোজ গড়ে ২০ খানা ট্রলার থেকে খালাস করা মাছের পরিমাণ প্রায় পঁচিশ হাজার মণ।

সাগর থেকে আবার ফেরা গেল শহরে। ফিশডকে প্রেস রিপোর্টার অনেক প্রশ্ন করলেন: উত্তর সাগরের ট্রিপ্ কেমন লাগল, কি ধারণা হ'ল ওদেশে মাছের কারবার দেখে, সাগরে মাছ ধরার রাজসিক আয়োজনের অসুপাতে বাজারে মাছের দাম কম, না বেশী মনে হয়—ইত্যাদি নানা প্রশ্ন। পরদিন সংবাদপত্রে বের হ'ল সমস্ত আলোচনার সচিত্র বিবরণ।

স্টার টমাস রবিনসন কোম্পানীর আর একটা জাহাজে উত্তর সাগরে এসেছিলাম দ্বিতীয়বার। ক্যাপ্টেনের নতুন কোন কৃতিত্ব দেখাবার সে কি চেষ্টা। নিজে সিনিয়ার, অভিজ্ঞ ও বহুদর্শী। ইরইফ্যান জাহাজের ক্যাপ্টেনের প্রতি ওর উন্নয়ন ভাব গোপন রইল না। কারণ আছে। ওদেশে গণ্ডায় গণ্ডায় পাস করা ক্যাপ্টেন আছেন যাদের অনেকের ভাগ্যে কোন জাহাজের চার্জ মেলে অনেক সময় হয়ত গঙ্গাযাত্রার কিছুদিন আগে। বহু ভাগ্যবান্ মি: আণ্ডারউড চার বছর সাধারণ ডেক-কর্মী হিসেবে কাজ করার পর পরীক্ষায় পাস করেই পেয়েছেন একটা জাহাজের চার্জ। এজন্য অনেকের ঈর্ষার পাত্র তিনি।

ফিশডকে একটা জাহাজ থেকে মাছ নামাল দেখা গেল। বাট ব্রাদার্স এণ্ড কোম্পানীর ১৫০ ফিট লম্বা ট্রলার। নাম সেরণ। এই কোম্পানীর আছে ২০ খানা

মাছ-ধরা জাহাজ, সব ক'টা ডীপ্‌সী ট্রলার। সেরণের মত একটা ট্রলারের নির্মাণমূল্য ২,৬৩৫,০০০ টাকা। গরম ও ঠাণ্ডা জলের ব্যবস্থা, আধুনিক পার্থানা, বাথরুম, খাওয়ার ঘর, থাকার ঘর—সবই আছে এখানে। আধুনিক বিলাসোপকরণ সম্বিদ্ধ একখানা ট্রলারে স্বাচ্ছন্দ্য যাত্রীবাহী জাহাজের তুলনায় কিছুমাত্র অকিঞ্চিৎকর নয়। সেরণের প্রতিযাত্রা ২১ থেকে ২৬ দিনের। ক্যাপ্টেন থেকে ক্রুসহ ২১ জন লোকের সেরণ ফিরেছে ২,৯৭৫ মণ মাছ নিয়ে। ভোর ছ'টার আগে সমস্ত মাছ নামান শেষ হয়ে সমবেত ক্রেতাদের মধ্যে অকুণনে বিক্রী হয়ে গেল। বিক্রীর সময় উপস্থিত ছিলেন কোম্পানীর প্রতিনিধিরা। এইরূপে মাছ কিনে ব্যবসা করার জন্ত গ্রীম্‌স্বীতে আছে ৬০০ ব্যবসায়ী। এরা মাছ কিনে প্রতি বাক্সে নিজেদের লেবেল এঁটে দেয়। তার পর লরী ভরে নিয়ে যায় নিজ নিজ প্রতিষ্ঠানে বা কারখানায়।



ডক-সংলগ্ন বাজারে মাছের ওপর লেবেল আঁটা হয়েছে

মি: ড'সন লক্ষপতি—পাকা ব্যবসায়ী। আইস্ল্যান্ডে মাছধরা নানা দেশের ট্রলার ধৃত মাছসহ সরাসরি গ্রীম্‌স্বীর বাজারে আমদানী করা যায় কি না তারই পরিকল্পনা করছিলেন। এতে ওদেশী গৃহিণীরা খুব খুশী—সস্তায় মাছ মিলবে কিনা! কিন্তু স্থানীয় ট্রলার-মালিকদের দুশ্চিন্তার অস্ত নেই, বেশী আমদানীর জোরে দাম পড়ে যাবে যে। ভারতের বাজারে আইস্ল্যান্ডের মাছ বিক্রী করবেন মি: ড'সনের এমন ইচ্ছাও ছিল।

নানা মৎস্য-প্রতিষ্ঠানের মত জাল তৈরীর কারখানা, জালে ব্যবহৃত নানা সরঞ্জাম তৈরীর কারখানা ইত্যাদিতে অনেকদিন যাতায়াত করতে হ'ল। কনসোলিডেটেড্‌ ফিশারিজ্‌ লিমিটেডের জাল তৈরীর কারখানায় গেলাম। কয়েকশ' মহিলা কর্মী আছে শুধু জাল বোনার কাজে।



জালের নানা অংশ এরা বুনে চমোছে কোরম্যানের নির্দেশে। কলেও চলে জাল বুনটের কাজ। পরীক্ষার দেখা গেছে কলের চাইতে হাতে তৈরী জালই দীর্ঘস্থায়ী, ব্যবহারের পক্ষে বেশী সুবিধাজনক। এরপর যাওয়া গেল এই কারখানার নেট কিম্বিং ডিপার্টমেন্টে। সেখানে শুধু জালের নানা অংশ জুড়ে পূর্ণাঙ্গ জাল তৈরী হচ্ছে। ক্যানাডার এক বিখ্যাত মৎস্ত-প্রতিষ্ঠানের জেনারেল ম্যানেজারের সঙ্গে আলাপ হ'ল এইখানে। শুধু চোখে দেখেই চলে যাওয়া নয়—হাতে-কলমে কিছু কাজ করা থাকলে একটা বিরাট প্রতিষ্ঠান পরিচালনার সুবিধা হবে। বিশেষজ্ঞ হওয়া উদ্দেশ্য না হলেও মাসখানেক যাবৎ করছেন জালের কাজ।

অনেকদিন পর। শেষবারের মত গিয়েছি উত্তর সাগরে। কাঁকড়া ধরা ছোট্ট জাহাজে। এবার আর খুব গভীরে নয়—উপকূলের কাছে কাছে। একটা বাস্কে গোটাকতক পাত্র আছে, তাতে টোপ। এমন কয়েকশ' বাস্ক ফাংনা বেঁধে ডুবিয়ে রাখা হয়েছিল কয়েকদিন আগে। আজ তুলে তুলে দেখা গেল বড় বড় কাঁকড়া আর সাদা ছিট্ ছিট্ নীল খোলস গলদা চিংড়ি। এক জাহাজ কাঁকড়া আর গলদা চিংড়ি নিয়ে কেঁরা গেল সেই দিনই, সন্ধ্যায়। জাহাজের দাম সওয়া লক্ষ টাকা; গভর্ণমেন্টের তহবিল থেকে তৈরী। বর্তমান স্বীপারই গভর্ণমেন্টের কাছে কিনে নিয়েছেন দশ হাজার টাকা জমা দিয়ে। অবশিষ্ট টাকা কিস্তিতে শোধ দেবেন। সরকারী মৎস্ত-বিভাগের কর্মচারীরা এইসব মালিকদের সঙ্গে সর্বদা যোগাযোগ রাখেন। কার কি অসুবিধা হ'ল, আর

কতটুকু সাহায্য করলে যাতে একেজো পড়ে-থাকা জাহাজ আবার চালু হতে পারে ইত্যাদি দেখা এঁদের কাজ। কিম্বডকে, কারখানায়, অফিসে ঘুরে নানা তথ্য সংগ্রহ করেন এই কর্মচারীরা। এই সব সংগৃহীত বিবরণ সামগ্রিকভাবে মৎস্ত-শিল্পের কাজে লাগে।

ডকে ঢোকান সময় লক-গেটের প্রহরীকে কিছু দক্ষিণা দিতে হ'ল স্বীপারকে। দেওয়ার কাছন না থাকলেও দিতে হয় এক অলিখিত নির্দেশে। এখানেও এই—ছবির পর্দায় যমালয়ে জীবন্ত মানুষ ঘুবের কারবার দেখে বোধ হয় এমনি অবাক হয়েছিলেন। আমাদের দেশে আদালতের পিয়ন, গেটের দারওয়ান, অফিসের কেরাণী-কুল, থানার তিনিরা—এদের খুশী না করলে কোন কাজ হয় না। তবু ওদেশে আমার জানা একটিমাত্র ক্ষেত্রে এইভাবে পয়সা আদায় করতে দেখে মনটা কচ কচ করল।

এবার কি আবিষ্কার করলে স্ত-রে-সু—জিজ্ঞেস করলে কেউ কেউ। সস্ত ডিপ-সী-কিম্বিং আরম্ভ করা দেশের একজন শিক্ষার্থীর পক্ষে উত্তর সাগরের অভিজ্ঞতা নতুন আবিষ্কারের মত ত বটেই। কিন্তু তাই বলে কাঁকড়া ধরা জাহাজে! কিই বা থাকতে পারে অভিযানে—এমনিতর আলোচনা-মস্তব্য শোনা গেল কিছু কিছু। সাগরে যাওয়ার আগে কিন্তু রুমাল উড়িয়ে বিদায় সম্ভাষণ জানিয়েছিল জন, আলফ, ম্যাক্স, বারবারা—আরও অনেকে। বারবারার মুখে ছিল এ্যাপ্রিসিয়েশনের হাসি—অভিনন্দনের হাসি।

বারবারা একটি মেয়ের নাম।



## চেনা-অচেনা

শ্রীসুধীরকুমার চৌধুরী

অচেনা আকাশ, অচেনা সূর্য্য,  
গ্রহতারাদের অস্ত্র চেহারা।  
পৃথিবী বস্ত্র, পৃথিবী আর্দ্র, উষ্ণ পৃথিবী  
অস্ত্র চেহারা।

অগ্নিগর্ভ কল্পিত দেহে  
কুৎসিত কোন্ সৃষ্টি লালসা,  
লোভ-লেলিহান উষ্ণ লালসা

অহোরাত্রির লাভা-উৎসারে।

আকাশে মেঘের অস্ত্র চেহারা,  
প্রলয়-প্রতিভূ সৃষ্টির মেঘে  
বিদ্বৎলিপি অচেনা ভাবার।  
উদ্বা-উলোল দূর দিগন্ত ধূম-সমাকুল  
অস্ত্র চেহারা।

পরিচিত শুধু উদ্বাহ আলো  
চির-সন্ন্যাসী ক্রবতারকার,  
হয়ত অস্ত্র ক্রবতারকার।

আদিম বস্ত্র পৃথিবী মাতার  
স্তম্ভধারায় অজস্রতা।  
ক্ষীতবক্ষের স্তম্ভধারায় সুধাহলাহলে  
অজস্রতা।

সৃষ্টির ভোরে মৃত্যু-আহবে আহতি জীবের  
অজস্রতা।  
মহা-অরণ্যে মহা-মহীক্লহ, মহাকায় কোটি করালমূর্ত্তি  
ত্র্যেণোসরাস, মেগালোসরাস, ডাইনোসরের  
বীভৎসতা,  
বীভৎসতার অজস্রতা।

আজকে তাদের কসিল্ দেখছি।  
ভাবছি, আজকে এই যে পৃথিবী,  
পুরাতনী সেই পৃথিবী এই ত ?  
আজ ঢাকুরিয়া লেকের ওপারে  
তরুণ-তরুণী হয়ত একটু  
এদিক্ ওদিক্ দেখে নিয়ে খুব হরিতে একটি  
চুম্বো খেয়ে নিল।

ত্র্যেণোসরাস, মেগালোসরাস অধ্যুষিত সে  
পৃথিবী এই ত ?  
হয়ত তরুণ লিখেছে কবিতা,  
সন্ধ্যার স্নান আলোতে পড়তে  
অসুবিধে নেই,  
কবিতার সব কথা ক'টা তার  
মনে গাঁথা আছে,  
মনেরই কথা যে।

হয়ত তরুণী কোন্ গান গেয়ে  
ঠিক জবাবটি দেবে তার তাই  
ভাবছে।  
আর আমি

ভাবছি, তুমি ত রয়েছ দেবতা,  
ঐখানে ঐ লেকের ওপারে  
ওদের প্রেমের পুরোহিত হয়ে,  
সাক্ষী হয়েও তুমি ত রয়েছ,  
মুঞ্চ সাক্ষী ?  
ওরাও তোমাকে ভাবছে দেবতা,  
ভাবছে, এ প্রেমে এত মধু আছে  
তুমি এ প্রেমের দেবতা ব'লেই।

ত্র্যেণোসরাস, টিরানোসরাস, ডাইনোসরের বীভৎসতার  
পৃথিবীতে তুমি ছিলে ত দেবতা ?  
যুগযুগান্ত সেই পৃথিবীতে ছিলে ত দেবতা ?  
কোন্ মুখে ছিলে ?  
আমারই মতন  
মন ত তোমার ? রূপের পূজারী তুমিও ত দেব  
আমারই মতন ?  
কি ক'রে বাঁচতে ?...

ফিরে যাই সেই প্রাক-ইতিহাসে।  
অচেনা আকাশে অচেনা সূর্য্য  
দিবসের পথ পাড়ি দিয়ে চ'লে  
গেছে তমিস্র অস্ত-অচলে।

মেগালোসরাস করালমূর্ত্তি,  
 বিনিন্দ্র ছুটি চোখে নিভে গেছে  
 হিংসা-অনল, সন্ধিনী তার  
 কি এনেছে ব'হে কুৎসিত আর  
 বীভৎস তার দেহ-সীমানায়,  
 কৃষিক আলোর বলকানি যেন  
 অচেনা আকাশে মেঘদের গারে,

যেই মেঘদের অস্ত্র চেহারা। পৃথিবী বস্ত্র,  
 পৃথিবী আর্দ্র, উষ্ণ পৃথিবী।  
 উষ্ণ, আর্দ্র উৎসবকণ বীভৎসতার,  
 এরই সন্মানে রূপহীনতার অন্ধকার ও বজুর পথে  
 বারবার তুমি ফিরেছ বহু,  
 লোভে ছুরু ছুরু বকে, তোমার  
 চক্রে স্বপ্ন রূপসৃষ্টির।

## ডব্লিউ স্কট অবলম্বনে

সুনীলকুমার নন্দী

সময় গড়ায় মুক্ত শ্রোতে শ্রোতে। সে-আদিম জাতি,  
 যাদের জাহুর পরে আমাদের শৈশব নাচার,  
 যাদের কাহিনীরাজ্যে শিশুকালে মুগ্ধ কান পাতি,  
 সাহসবিশ্বয়রাশি দেশে দেশে, চেউয়ের চূড়ায়,  
 তাদের অস্তিত্বদীপ্তি কী করে যে যায় মুছে যায়!  
 তাদের সামর্থ্যশক্তি কত স্বল্প, কত না দুর্বল,  
 অক্ষয় স্বর্গের ওই অন্ধকার কিনারে দাঁড়ায়,  
 সমুদ্র-চড়ায় জীর্ণ জাহাজের মতো অবিকল,  
 জোয়ার কর্কশ কণ্ঠে ভাসায়! বিমুক্ত শ্রোতে সময়ের জল।

তথাপি এখনো কেউ বেঁচে আছে মনে তুলে আনে,  
 বাজাতো পর্বতরাজ তার সেই বিষাগ যখন,  
 সে-স্বনিসংকেত চিনতো শৈলচূড়া, খাড়াই শিখানে  
 উপত্যকা, অরণ্য, প্রাস্তর, গুহা, আগাছা বিজন;  
 যখন স্মৃতিত্র রবে ভেসে যেত সতর্ক ঘোষণা,  
 বিশ্বস্ত আত্মীয়গোষ্ঠী দ্রুতটানে এসে তার পাশে  
 জমা হতো, উড়াতো স্ফুটলে গোষ্ঠীর নিশানা,  
 বার্তাবহ রক্তচিহ্ন উদ্ধাবেগে দিকে দিকে ভাসে,  
 আত্মান-সংকেত বাজতো যুদ্ধশিঙা উচ্চরোলে  
 উল্লোল সন্ত্রাসে



# শান্তিনিকেতনের উৎসব ও তার বৈশিষ্ট্য

শ্রীহর্গেশচন্দ্র বন্দ্যোপাধ্যায়

‘আনন্দাঙ্কোব খন্ডিমানি ভূতানি জায়ন্তে’—আনন্দ থেকেই জীবের জন্ম, আনন্দের মধ্যেই জীবনের প্রকাশ, আবার আনন্দ নিয়েই জীবের প্রত্যাবর্তন। বিশ্বের চারদিক তাকালেই দেখতে পাওয়া যায়, সর্বত্র আনন্দের লীলা চলছে; মানুষও যদি তার জীবনকে এই আনন্দ-শ্রোতে সিক্ত করতে পারে, তবে কেবল আনন্দরসাস্বাদনই হবে না, আনন্দময়ের সঙ্গে পরিণামে হবে তার মিলন। এতে জীবন হয়ে উঠবে প্রফুল্ল ও সার্থক। রবীন্দ্রনাথ এই আনন্দের সদা-জাগ্রত ভাব জাগিয়ে রেখে গেছেন আশ্রমের উৎসব-অনুষ্ঠানের মধ্য দিয়ে। দেশের মধ্যে উৎসব-অনুষ্ঠান ত ছিলই: কিন্তু রবীন্দ্রনাথ একে নূতন একটি রূপ দিয়েছেন ঋতু-উৎসবের মাধ্যমে। তিনি দেখেছেন, শারদীয়া পূজা, লক্ষ্মী পূজা, বাসন্তী পূজা ইত্যাদির মধ্যে ঋতু-উৎসবই মুখ্য। তাঁর হাতে উৎসব-গুলি হয়ে উঠেছে সার্বজনীন ও স্বতন্ত্রমর্গাদাসম্পন্ন। একদিকে এতে যেমন ভাবরাজ্যের সৃষ্টি হয়েছে, তেমনি অত্রদিকে রচিত হয়েছে অজস্র গান, কবিতা, নাটক ইত্যাদি। নাটকোচিত নানা রস-ব্যঞ্জনা উৎসবগুলিকে করে তুলেছে অতি অপূর্ব। কবিগুরু ছিলেন প্রকৃতির পূজারী; এই পূজার অর্থ্য তিনি নিবেদন করেছেন নানা ভাবে; মনের কথা অকপটে বলতে পেরেছেন এষ্ট সুযোগে। বিবিধ নৃত্যের মধ্য দিয়ে ঋতু-পূজার অন্তর্নিহিত ভাব হয়েছে অভিব্যক্ত: আর এই সুরুচি-সমৃদ্ধ নৃত্যে অংশ গ্রহণ করেছে শিক্ষিত ছেলেমেয়েরা। অভিনয়ে মেয়েদের যোগদানে উৎসব হয়ে উঠেছে অকৃত্রিম। বাইরে থেকে এ-বিষয়ে নানা বিরূপ সমালোচনা, বিরুদ্ধতা ইত্যাদি হলেও কবি তাতে কণপাত করেন নি; কারণ তিনি জানতেন, কোন বিষয়ে অন্তঃস্থলে প্রবেশাধিকার না জন্মালে কেবল বাইরে থেকে তার সমালোচনা করা যায় না। সেজন্য তিনি এর বিরুদ্ধাচরণ উপেক্ষা করে কাজ চালিয়ে গেছেন। এ-উৎসব কেবল নিছক আমোদ-আহ্লাদের মধ্যেই সীমায়িত নয়; এর স্থান অনেক উর্দ্ধে। কবি বসুন্তের দক্ষিণ বাতাসকে মনে করতেন উর্দ্ধলোকের দৈববাণী, শালবীথিকায় শাখার আন্দোলনকে তিনি মনে করতেন সেই চিরন্তনের অনাহত বীণার অক্ষত গানের সুর। শোক-হুঃখের কারণ উপস্থিত

হলেও তিনি কখনও উৎসব বন্ধ করতেন না। ১৯৩২ সনে ‘বর্ষামঙ্গল’ উৎসবের আগে কবির একমাত্র বংশধর দৌহিত্র নীতীন্দ্রের অকাল দেহাবসানে আশ্রমে শোকের ছায়া সর্বত্র পরিব্যাপ্ত হয়ে পড়ে। আসন্ন উৎসবের জন্ত প্রস্তুতির কথা কারও মনে স্থান পায় না, নাচ-গানের মহড়া হয়ে যাব বন্ধ। কবি এ-সব লক্ষ্য করে সবাইকে ডেকে বললেন, ‘আমার ক্ষতি হয়েছে, বা আমার ঘরে এসেছে আঘাত, তাতে বন্ধ থাকবে আশ্রমের উৎসব! একে আমোদ-আহ্লাদ বলে দেখো না, তা দেখলেই জাগবে সংকোচ। এ জিনিস শোক হুঃখ আঘাত আন্দোলন থেকে উর্দ্ধে; বর্ষে বর্ষে, কালে কালে পৃথিবীতে অনেক হুঃখের মধ্যে দিয়েই হয়েছে আনন্দের আগমন।’ এ প্রসঙ্গে উল্লেখযোগ্য, কবিগুরুর তিরোভাবের পর আশ্রমে যে সমারোহে বর্ষামঙ্গল অনুষ্ঠিত হয়, তা কবির উক্ত নীতিরই অমুসরণে।

আশ্রমের উৎসব প্রসঙ্গে দিনেন্দ্রনাথের নাম সর্বাণ্ডে অরণীয়। তিনি ছিলেন ‘সকল গানের ভাণ্ডারী, সকল নাটের কাণ্ডারী’। তিনি প্রতিসঙ্ক্যায় বসতেন গানের আসরে প্রধান পুরোচিত হয়ে। ছাত্র-শিক্ষক তাঁকে ঘিরে নিয়ে বসত। আসর গরম হয়ে উঠত গান, নাটকোভিনয়, গল্প ও পাঠে।

আশ্রমে এখন যে সাহিত্যসভার মধ্য দিয়ে সাপ্তাহিক উৎসব হয়, তার গোড়ার কথা একটু বিচিত্র। প্রথম যখন সাহিত্যসভার পত্তন হয়, তখন এর উৎসবের রূপ ধরে নি। চেয়ার-টেবিল নিয়ে অত্র পাঁচ জায়গার মত সভা হ’ত। আশ্রমের অত্রতম শিক্ষক ক্ষিতিমোহন সেন মহাশয় ছিলেন কাশীর লোক; তিনি সেখানেও অত্র নানা শিল্পকলা দেখেছিলেন। তাঁর ইচ্ছা হ’ল শান্তিনিকেতন আশ্রমে শিল্পকলার প্রবর্তন করতে। তিনি এই কাজে মুকুল দে, যতুকিশোর চক্রবর্তী প্রভৃতি ছাত্রদের উৎসাহিত করে তুললেন। ফলে, সভার আসবাব টেবিল-চেয়ারের স্থান অধিকার করল নানারকম ফুল, গাছের পাতা, ধূপ-ধূনো, আলপনা ইত্যাদি। তার পর বেদী রচনা করে তাতে সভাপতিকে বসান ও মাল্যচন্দনে ভূষিত করানর প্রথা এল। এ সমস্তই করা হ’ল ভারতীয় ঐতিহ্য অমুসরণ করে। অভ্যাগতজনকে নমস্কার



দেবার প্রথা প্রবর্তিত হ'ল এই সময় থেকে। ক্রমে ক্রমে ছেলেদের মধ্যে এই নুতনদের নেশা জেঁকে বসল। তারা বহু দূর-দূরান্তর থেকে নানারকমের বস্ত্র ফুল সংগ্রহ করে আনত; এর মধ্যে বিশিষ্ট ফুল ছিল কেয়া, পদ্ম, নীলোৎপল ইত্যাদি। এই সব ফুল নিয়ে সভা সাজানর ব্যাপারে ছেলেমেয়েদের শিল্পজ্ঞানের পরিচয় পাওয়া যেত। আল্পনা-রচনার মধ্যে ফুটে উঠত শিল্পরেখাঙ্কনের অপূর্ব সৌন্দর্য। রবীন্দ্রনাথ ছাত্র-ছাত্রীদের এই বিশিষ্ট রুচিবোধে পরম পরিতুষ্ট হলেন। সেই থেকে সাহিত্য-সভা স্বতন্ত্র ধরনের উৎসবে পরিণত হ'ল। এই অস্থানে প্রতিযোগিতাও হ'ত। এক-একটি 'ঘরকে' এক এক সপ্তাহে ভার নিতে হ'ত। ছেলেরা যে সমস্ত লেখা পড়ত, সেগুলি হাতে-লেখা পত্রিকার মধ্য দিয়ে প্রকাশ করা হ'ত। ভিন্ন ভিন্ন ঘর থেকে পত্রিকা বের হ'ত বলে পত্রিকার সংখ্যাও ছিল একাধিক। বীথিকা, শাস্তি, বাগান, প্রভাত ইত্যাদি পত্রিকার অস্তিত্বের কথা পাওয়া যায়। শাস্তি পত্রিকাটি এখনও সেই পুরোনো দিনের স্মৃতি বহন করে চলেছে।

পৌরাণিক ঋতু-উৎসবের কথা রবীন্দ্রনাথের মনে জাগরুক ছিল। এ সম্বন্ধে ক্রিতিমোহন সেন মহাশয়ের সঙ্গে তাঁর আলোচনা হয়। একবার রবীন্দ্রনাথ বর্ষার সময় আশ্রমে উপস্থিত ছিলেন না, তখন ক্রিতিবাবু পৌরাণিক ধারা অনুসরণ করে বর্ষা-উৎসব করলেন। তিনি, শাস্ত্রী মহাশয়, দীহুবাবু প্রভৃতি সকলে মিলে বর্ষার শ্লোক, কবিতা, গান ইত্যাদি নির্বাচন করলেন। মহা-সমারোহে উৎসব সুসম্পন্ন হ'ল। পরে আশ্রমে ফিরে কবিগুরু হেঁচু হয়েছিল সভাটির পুনরুষ্ঠান করাতে; কিন্তু তখন শরৎ প্রায় ঘরে এসে উপস্থিত হয়েছে। রবীন্দ্রনাথ বললেন, তিনি শরতের গান বেঁধে দেবেন। শরৎকালে অনুষ্ঠিত এই শারদোৎসব নাটকখানির এক ইতিহাস আছে।

লাহঁত্রেরী ঘরের দোতলায় খড়ের ঘরে রবীন্দ্রনাথ থাকতেন কয়েকজন ছেলেকে নিয়ে। ছেলেরা তখনও ঠিক পোশ মানেনি। তাই তাদের অশাস্ত চিন্তা শাস্ত করার জন্ত তিনি ঐ ঘরে ব'সে একটি নাটক লিখলেন 'শারদোৎসব' নামে। এতে যে-সব গান রচিত হ'ল, তাতে সুর দিয়ে তিনি ছেলেদের শেখাতে লাগলেন। পরে ঐ ঘরে সভা ক'রে তিনি নাটকটি সবাইকে শোনালেন। নাটকে ঠাকুরদার অভিনয় করেছিলেন ক্রিতিমোহন শাস্ত্রী মহাশয়। তিনি গান তেমন জানতেন না; রবীন্দ্রনাথ নেপথ্যে গান গেয়ে দিলেন আর অঙ্গভঙ্গি

দিয়ে তা প্রকাশ করলেন ক্রিতিমোহনবাবু। দর্শকের ধারণা হয়েছিল যে, রবীন্দ্রনাথের পরে এমন কণ্ঠস্বর আর শোনা যায় নি। তখন ক্রিতিবাবুকে সকলে ঘরে বসল গানের জন্ত। বেকায়দায় পড়ে তিনি তখন সব কথা কাঁস করে দিলেন।

রবীন্দ্রনাথের জন্মোৎসব এই প্রসঙ্গে উল্লেখযোগ্য। ১৯১০ খ্রীষ্টাব্দে তাঁর পঞ্চাশ বৎসর পূর্ণ হওয়ার কবির জন্মোৎসব পালন করা হয় একটি বিশেষ প্রণালী অবলম্বন করে। প্রচলিত নিয়মামুসারে উৎসবস্থানটি পত্রপুষ্প ও আল্পনার সাজান হয়; কিন্তু যেভাবে মন্ত্রাদির পাঠ হয় তাতে কথা ওঠে, দেবতার পূজাক্ষেত্রে প্রযুক্ত মন্ত্রাদির ব্যবহার মাহুঘের পক্ষে প্রয়োগ করা সমীচীন কি না। কিন্তু পাঁচ বৎসর পরে অর্থাৎ ১৯১৫ খ্রীষ্টাব্দে মহাত্মা গান্ধী যখন শাস্তিনিকেতনে এলেন, তখন তাঁর সম্মানের জন্ত ২১টি তোরণ নির্মিত হয়, আর প্রত্যেক তোরণের স্তম্ভপদমূলে ছিল ২১ রকম বস্ত্র, যেমন, মহী গছদ্রব্য শিলা ধাতু ছুঁবা ফুল ফল দই ঘি স্বস্তিক সিঁদূর শঙ্খ কঙ্কাল গোরোচনা শ্বেত সর্ষপ কাঞ্চন রৌপ্য তাম্র চামর দর্পণ দীপ। অভ্যর্থনা-বেদীও ছিল উক্ত ২১টি মাস্তুলিক দ্রব্যে পূর্ণ; এ ছাড়া ছিল অর্ঘ্যপাত্র, পুষ্পপাত্র, ধূপ, দীপ, পঞ্চশস্ত্র, মধুপর্ক ইত্যাদি। এই রীতিতে উৎসব করায় নানা অহুকুল ও প্রতিকুল সমালোচনা হয়; কিন্তু পরে কলকাতায় এই রীতি অনুসারেই রবীন্দ্রনাথের জন্মোৎসব পালিত হয়েছিল।

শুধু মুখের কথায় মনের ভাব প্রকাশ করার চেয়ে বিচিত্র সজ্জাপ্রকরণ, মুদ্রা ব্যবহার, আল্পনা ইত্যাদির প্রয়োগে উৎসব যে অধিকতর মহীয়ান হয়ে ওঠে, তা ভারতের বিদগ্ধজন ভেবে আসছিলেন বহুদিন থেকে। এগুলি হ'ল ভাষা প্রকাশের এক রূপান্তর। মঙ্গল-ইচ্ছা প্রকাশের ঐগুলি ছিল সাঙ্কেতিক রূপ; যেমন, বটপত্রের আল্পনা আঁকা হ'ত অভ্যর্থনার উৎসবে। বটপত্র হচ্ছে বন্ধঃস্থলের আকারের অভিব্যক্তি। এই চিত্রাঙ্কনে কোণলে বুঝিয়ে দেওয়া হ'ত, 'হে ভদ্র, সমস্ত হৃদয় পেতে তোমাকে আমরা অন্তরের মধ্যে গ্রহণ করছি।' শুভাশীর্বাদের চিত্র ছিল একটি ত্রিভুজের উপর অঙ্কিত আরেকটি ত্রিভুজ, অথবা কুণ্ডলাকৃতি সর্পমূর্তি। একদিন ভারতে এই সব চিত্রাঙ্কনের যে এক বিরাট অভিব্যক্তি ছিল তার কিছু লুপ্তপ্রায় চিহ্ন পাওয়া যায় আল্পনা, বিগ্রহ প্রসাধন, পূজোর সাজসজ্জা বা তন্ত্রোক্ত মুদ্রাবিধিতে। রবীন্দ্রনাথ ভারতের সেই প্রাচীন ঐতিহ্য লোকসমক্ষে উপস্থাপিত করলেন এবং স্বীকৃতিও পেলেন সকলের।

আশ্রমের উৎসব সেই থেকে এইভাবে অহুষ্ঠিত হয়ে আসছে এবং অল্পত্রুও এর বিরীচি বিস্তৃতিলাভ ঘটেছে।

উৎসবে চিত্রকলাৰ আবির্ভাবের মত নৃত্যেরও প্রবর্তন হয়েছিল শাস্তিনিকেতনে এইরকম ভাবেই। বৈদিক যাগযজ্ঞে নৃত্যের একটি স্থান ছিল; কিন্তু পরবর্তী-কালে কোন কারণে নৃত্যের মহত্ব নষ্ট হয়ে গেলে তার অবশেষ রয়ে যায় মন্দিরে দেবদাসীদের মধ্যে; কিন্তু এদের নৃত্য সাধারণতঃ বিলাসী জনসমাজের ভোগতৃষ্ণাই বাড়িয়ে তুলত। সুতরাং এর মহিমা ঢাকাই পড়ে রইল, বলতে হবে। রবীন্দ্রনাথ বিশেষ চেষ্টায় নৃত্যের লুপ্ত মাহাত্ম্য উদ্ধারের জন্ত বন্ধপরিকর হলেন। নৃত্যকে ললিতকলার খাঁটি রূপ দিয়ে একে তিনি পরিণত করলেন শিক্ষার অঙ্গরূপে, আর তার প্রতিষ্ঠা হ'ল প্রথম শাস্তিনিকেতনে। সৌন্দর্য বর্ণনা ও সাস্ত্রীতিক রসাত্ম-সুভিহই হ'ল নৃত্যের প্রধান লক্ষ্য। রবীন্দ্রনাথ নাটকে নিজে নেচেছেন ঠাকুর্দা বা বাউলের ভূমিকায়। নৃত্যকলার সুপরিচ্ছন্ন ভাবটি তিনি লক্ষ্য করেছিলেন ত্রিপুরাধিপতির সভায়। সেখানে তিনি গিয়েছিলেন রাজবন্ধুর আমন্ত্রণে। সেখানে মেয়েদের শালীনতাপূর্ণ নৃত্যকলা দেখে তিনি এর মহিমা ধরতে পারলেন; পরে শ্রীহট্টে মণিপুরীদের রাসনৃত্য দেখে এর প্রাচীন সামাজিক মূল্য সম্বন্ধে তাঁর দৃঢ় প্রত্যয় হ'ল এবং কি করে আধুনিক কালে এই নৃত্যকে সমাজের প্রয়োজনীয়তার মধ্যে স্থান করে দেওয়া যায়, সে-সম্বন্ধে চিন্তা করতে লাগলেন। সঙ্গীত ও শিল্পকলার মত নৃত্যকেও শিক্ষার অঙ্গ বলে স্বীকার করে নেবার জন্ত রবীন্দ্রনাথ শাস্তিনিকেতন আশ্রমে মণিপুরী নৃত্যের প্রবর্তন করলেন। এ-জন্ত তিনি ছুইজন শিক্ষক আনালেন মণিপুর ও ত্রিপুরা থেকে। নৃত্যের মধ্য দিয়ে পূজো-নিবেদনের একটি অধ্যায় রূপ তিনি লক্ষ্য করেছিলেন কাঠিয়াবাড়ে। তিনি আশ্রমে নৃত্য শেখাবার জন্ত বহু অর্থ ব্যয় করেন। নৃত্যের সঙ্গে গান-রচনাও করেছিলেন তিনি সার্থকভাবে। শেষে মৃত্যুকুশলী পূজাবধু প্রতিমা দেবীর সহায়তায় তিনি আশ্রমে নৃত্যশিক্ষা-প্রসারের সুযোগ পেলেন। প্রতিমা দেবীকে নিয়ে ইউরোপ এবং দক্ষিণ-পশ্চিম ভারতের বিভিন্ন স্থানে ভ্রমণকালে রবীন্দ্রনাথ নানা নৃত্য ও নৃত্যকুশলাদের সঙ্গে পরিচিত হন। প্রতিমা দেবী পূর্ব থেকেই এ-বিষয়ে অভিজ্ঞ ছিলেন। রবীন্দ্রনাথের সঙ্গে ভ্রমণের সময় নৃত্যকলার নানা রূপ তাঁর চোখে পড়ল। আশ্রমে ফিরে প্রতিমা দেবী করেকজন মেয়েকে নিয়ে নৃত্যের মাধ্যমে ঋগ্বেদের দ্বারা আশ্রমবাসীদের আনন্দ দিতে লাগলেন।

উৎসাহিত হয়ে কবি লিখলেন 'নটীর পূজা'। ১৯২৭ খ্রীষ্টাব্দের ২৪শে জানুয়ারী শিল্পীগুরু নন্দলাল বসুর মেয়ে গৌরী দেবী এই নাটকটিকে নৃত্যে রূপ দিলেন। শাস্তিনিকেতনের ইতিহাসে পড়ল এক নতুন পরিচ্ছেদ; দেশের মধ্যেও আশ্চর্য সাড়া লাগল।

এই নৃত্যগুলি ছিল ঋতু উৎসবেরই অঙ্গ; প্রত্যেক গানের সঙ্গে তার অন্তর্নিহিত ভাব ও ব্যঞ্জনা দিয়ে নৃত্য রচনা হ'ত। গানগুলি ছন্দোময়; কিন্তু গণ্ডেরও যে সাস্ত্রীতিক নৃত্যছন্দ আছে, তার প্রমাণ পাওয়া যায় রঙ্গ-মঞ্চে রবীন্দ্রনাথের পাঠের মধ্যে। তিনি যখন পাঠ করতেন তখন পাঠের বিষয় সুরে সুরে মূর্ত হয়ে কলনাদিনী তটিনীর তরঙ্গভঙ্গের মত সঞ্চালিত হ'ত। কবির সপ্ততিতম জন্মোৎসবের জন্ত 'শাপমোচন' নাটকের দ্রুত আদায় করা হ'ল তাঁর কাছ থেকে; আর এর প্রয়োজনীয়তার নিলে প্রতিমা দেবী। নৃত্য-নাট্যের সৃচনা হ'ল এর থেকেই। সুরের সংযোগ-পঠিত উপনিষদাদির অংশের ছায় নাটকের পাত্রপাত্রীর বক্তব্য গদ্যাংশ প্রাচীন কথকদের বলার ভঙ্গির মত সুরের সংযোগে প্রকাশ করা হ'ল 'শাপমোচনে'। এইভাবে সৃষ্টি হ'ল চিত্রাঙ্গদা, শামা, চণ্ডালিকা ইত্যাদি নৃত্য-নাট্যের। দক্ষিণ ভারতের 'কথাকলি' নৃত্যও রবীন্দ্রনাথ প্রবর্তিত করেন তাঁর আশ্রমে।

শাস্তিনিকেতনের উৎসব মূলতঃ ঋতু উপাসনা নিয়ে। বর্ষামঙ্গল, শারদোৎসব ও বসন্তোৎসব—এই তিনটি মুখ্য। বর্ষামঙ্গলের সঙ্গে রবীন্দ্রনাথ পরে দু'টি উৎসব জুড়ে দিয়েছিলেন ১৯২৮ খ্রীষ্টাব্দে। একটির নাম বৃক্ষরোপণ ও অপরটির নাম হলকর্ষণ। বৃক্ষরোপণের প্রয়োজনীয়তা কবিগুরু অহুস্তব করেছিলেন বহু আগের থেকে। তিনি বলেছেন, 'পৃথিবীর দান গ্রহণ করবার সময় লোভ বেড়ে উঠল মাহুকের। অরণ্যের হাত থেকে কৃষিক্ষেত্রকে সে জয় করে নিলে, অবশেষে কৃষিক্ষেত্রের একাধিপত্য অরণ্যকে হটিয়ে দিতে লাগল। নানা প্রয়োজনে গাছ কেটে কেটে পৃথিবীর ছায়াবস্ত্র হরণ করে তাকে দিতে লাগল নধ করে। তাতে তার বাতাসকে করতে লাগল উত্তপ্ত, মাটির উর্বরতার ভাণ্ডার দিতে লাগল নিঃস্ব করে। অরণ্যের আশ্রয়হারা আর্ধ্যাবর্ত আজ তাই খরস্বর্ষতাপে ছঃসহ।'

'এ কথা মনে রেখে কিছুদিন পূর্বে আমরা যে অহুস্তান করেছিলাম সে হচ্ছে বৃক্ষরোপণ; অপব্যয়ী সম্মানকর্তৃক মাতৃভাণ্ডার পূরণ করবার কল্যাণ-উৎসব। আজকের অহুস্তান পৃথিবীর সঙ্গে হিসাবনিকেশের উপলক্ষে নয়।

মাহুঘের সঙ্গে মাহুঘের মেলবার, পৃথিবীর অন্তর্গত একত্র হবার যে-বিভাগ, মানব-সভ্যতার মূলমন্ত্র যার মধ্যে, সেই কৃষিবিভাগ প্রথম উদ্বোধনে আনন্দ-স্মৃতিরূপে গ্রহণ করব এই অহুষ্ঠানকে।’

বর্ষা-সম্বন্ধে কবিগুরু রচিত গান, কবিতা ইত্যাদিতে বর্ষামঙ্গল-উৎসব মুখর হয়ে ওঠে। কোন কোন সময় দেখা গিয়েছে যে, উৎসবের সময়েই তুমুল বর্ষণ আরম্ভ হয়ে গেল। কবির কথা যেন মেঘের কানে ঠিক পৌঁছেছে আর মেঘ দলবল নিয়ে হাজির হয়েছে অহুষ্ঠানের সঙ্গে সহযোগিতা করতে।

বৃক্ষরোপণ-উৎসব বর্ষামঙ্গলেরই একটি অংশ। আশ্রমের বহু গাছ কবির স্বহস্তে রোপিত। যখন এদের রোপণ করা হয়, তখন ‘নাচে গানে আনন্দ-উৎসবে তাদের প্রাণপ্রতিষ্ঠা’ হয়। যে-পঞ্চভূতে গাছের সৃষ্টি, সেই ক্ষিতি, অপ, তেজ, মরুৎ, ব্যোম—এই পঞ্চভূতকে আবাহন করে ‘তাদের স্নেহধারায় বৃক্ষকে প্রাণবান্ করে তোলাবার আয়োজন করা হয়’। হলকর্ষণ-উৎসবটি শ্রীনিকেতন-উৎসবের অন্তর্গত। এর নাম দেওয়া হয় সর্বপ্রথম ‘সীতায়জ্ঞ’। এর প্রথম উদ্বোধন হয় ১৩৩৬ সালের ২৫শে শ্রাবণ। একজোড়া হালের গরুকে উত্তম-রূপে সাজিয়ে তাদের খেতে দেওয়া হয় কলাপাতায় করে যব, গুড় ইত্যাদি। এর পর তাদের লাঙ্গলের সঙ্গে জুড়ে দিয়ে খানিকটা ভূমিকর্ষণ করা হয়, আর তার সঙ্গে মন্ত্রে গানে চারদিক মুখরিত হয়ে ওঠে।

শারদোৎসব হয় ঠিক পূজোর ছুটির আগে। আগমনীর সুরে চারিদিকে বইতে থাকে আনন্দের বজা। সকলের মধ্যে ছুটি ছুটি রব পড়ে যায়; ছেলেমেয়েদের মন সেই আনন্দরসে হয়ে উঠে সিক্ত। এই সময় শান্তিনিকেতনে প্রাকৃতিক সৌন্দর্য বিশেষভাবে ফুটে ওঠে; সকলের মনে বইতে থাকে অপার আনন্দের সহস্র ধারা। এই আনন্দ পূর্ণ হয় কবির লেখা ‘শারদোৎসব’ নাটক অভিনয়ে। এই শারদোৎসবের সঙ্গে আরেকটি উৎসব যুক্ত হয়, এর নাম ছেলেমেয়েদের আনন্দবাজার। এই শারদোৎসবের ঠিক পরে আর ছুটির দুই বা তিন দিন আগে ছেলেমেয়েদের এই আনন্দের হাট বসে। ‘গৌর-প্রাঙ্গণে’ নিজেদের রুচিমত তারা দোকান সাজায়। চা-সরবৎ মিঠাইমণ্ডার দোকান, ম্যাজিকের ঘর, খেলার দোকানে জায়গাটি যায় ভ’রে। ছেলেমেয়েরা নিজেরাই পসলা তৈরি করে সাজায়; জিনিসের দাম হয় একটু সৌখিন ধরণের। যার যত বিক্রী বেশী, সেই হয় কৃতিত্বের অধিকারী। দোকানের লভ্যাংশ যায় দরিদ্রসেবায়।

বসন্তোৎসব অহুষ্ঠিত হয় দোল পূর্ণিমায়। এই উৎসব স্মরণ ও স্মৃতিপূর্ণ করে তোলাই রবীন্দ্রনাথের উদ্দেশ্য। এর মধ্যে প্রাদেশিকতা লেশমাত্র না থাকায় উৎসবটি সার্বজনীন হয়ে পড়েছে। এর অন্ততম বৈশিষ্ট্য হচ্ছে যে, এতে কোন নোংরামি বা অসংযমের নামগন্ধ নেই। বাসন্তী রঙে আশ্রম হয় রঙিন আর ছেলেমেয়েদের মনে নুতন প্রাণের সঞ্চারে যেন তারা নবীন হয়ে ওঠে প্রকৃতির শ্যামলতার সঙ্গে। বসন্ত ঋতুর আবাহন করা হয় গান, আবৃত্তি ও পাঠে।

পৌষ-উৎসব ঋতু উৎসবের সঙ্গে যুক্ত নয়। পৌষ মাসের ৭ই তারিখ শান্তিনিকেতনের ইতিহাসে উজ্জ্বল হয়ে আছে নানা কারণে। ১২৫০ সালের ৭ই পৌষ মহর্ষি দেবেন্দ্রনাথ ঠাকুর পণ্ডিত রামচন্দ্র বিদ্যাবাগীশের নিকট ব্রাহ্মধর্মব্রত গ্রহণ করেন; শান্তিনিকেতন মন্দিরের ধারোদ্ঘাটন হয়েছিল ১২৯৮ সালের ৭ই পৌষ; ১৩০৮ সালের ৭ই পৌষ মহর্ষির অহুষ্টি নিয়ে রবীন্দ্রনাথ শান্তিনিকেতনে ব্রহ্মবিদ্যালয় স্থাপন করেন; মহর্ষিকৃত ট্রাষ্ট-ডিডে বৎসরে একটি মেলা বসানর কথা আছে, সেই মেলার উদ্বোধন হয় ৭ই পৌষ, সুতরাং এই তারিখটি চিরস্মরণীয় হয়ে আছে। ৭ই পৌষের মেলায় যে কোন ধর্মসম্প্রদায়ের সাধুপুরুষ এসে মেলাতে ধর্ম-বিচার ও ধর্মালোচনা করতে পারেন। এই উৎসবে পৌস্তলিক আরাধনা, কুৎসিত আমোদ-প্রমোদ, মদ্য-মাংস ইত্যাদি নিষিদ্ধ। এই মেলার অন্ততম উদ্দেশ্য, আশ্রমের ভাবের সঙ্গে জনসাধারণের পরিচয় ঘটান। শান্তিনিকেতনের প্রথম সাংবাৎসরিক উৎসবের বিবরণ তত্ত্ব-বোধিনী পত্রিকা থেকে অংশতঃ উদ্ধৃত করা গেল :

“রাত্রি প্রভাত না হইতেই ব্রহ্মনামগানে গগন পরি-পূরিত হইতে লাগিল। প্রাতে আট ঘটিকার পূর্বে সমাগত সাধু সজ্জন সকল মঠের অভিমুখে কীর্তন করিতে করিতে অগ্রসর হইতে লাগিলেন। চারিদিকে মাঠ ধু ধু করিতেছে। রক্তবর্ণ কুঞ্জাটিকা ভেদ করিয়া দিনমণি সবেমাত্র আকাশে উদ্ভিত হইয়াছেন। এই সকল অহুকুল অবস্থায় সহজেই ত ঈশ্বরে মন সমাহিত হয়। তাহার উপরে ‘চলো ভাই সবে মিলে যাই সবে পিতার ভবনে’ এই সংকীর্তনের প্রত্যেক শব্দ যেন মর্মদেশ স্পর্শ করিতে লাগিল। বোধ হইল অসার সংসার ছাড়িয়া সত্য সত্যই আমরা সকলে প্রেমময়ের প্রেমরাজ্যের যাত্রী হইয়াছি।...শ্রদ্ধাস্পদ প্রতাপবাবু উদ্বোধন উপাসনা ও বক্তৃতা করিলেন। অনাথ অন্ধ ধর্মদিগকে দিবার জন্ত এ বৎসর পাঁচ শত বস্ত্র, পর্বাণ্ড

ততুল ভিন্ন ভিন্ন পাণ্ডে মন্দিরের চারিদিকে সোপান শ্রেণীর উপরে সাজাইয়া রাখা হইয়াছিল। উপাসনা ভঙ্গ হইবার পরেই সকলে কীর্তন করিতে করিতে সপ্তচ্ছদ বৃক্ষের নিম্নে মহর্ষির সাধনা-বেদির দিকে চলিলেন। সেখানে বাবু কুঞ্জবিহারী দেবপ্রমুখ কয়েকজন অনেককণ ধরিয়া সঙ্গীত ও সংকীর্তন করিতে লাগিলেন।...মধ্যাহ্নের পর মঠের ভিতরে রাজকুমার বাবুর সংকীর্তন আরম্ভ হইল।...সংকীর্তন শেষ হইতে অপরাহ্ন হইয়া আসিল।...সন্ধ্যার সময় আগন্তুক লোকসংখ্যার ইয়ত্তা রহিল না।...সন্ধ্যা ৬টার সময় উপাসনা আরম্ভ হইল। ভক্তি-ভাজন আচার্য ষিজেন্দ্রনাথ ঠাকুর, শ্রদ্ধাস্পদ চিন্তামণি

চট্টোপাধ্যায় ও পণ্ডিত অচ্যুতানন্দ একত্রে বেদি গ্রহণ করেন। চিন্তামণি চট্টোপাধ্যায় উদ্বোধন ও উপাসনা করিলেন, ষিজেন্দ্রনাথ ঠাকুর উপদেশ দিলেন ও পণ্ডিত অচ্যুতানন্দ হিন্দিতে গায়ত্রী ব্যাখ্যা করিলেন। বেদির পার্শ্বদেশ হইতে শ্রদ্ধাস্পদ নবীনকৃষ্ণ বন্দ্যোপাধ্যায় ব্রাহ্মধর্ম কি বুঝাইয়া দেন। পরিশেষে বন্দনগীতি হইয়া উপাসনা ভঙ্গ হইল।” (১৮১৪ শকের ৭ই পৌষ বুধবার)

রবীন্দ্রনাথের কাছে ৭ই পৌষ যে কত মহিমময় ছিল তা জানা যায় তাঁর লেখা একাদিক চিঠিতে। এ বিষয়ে অহুসন্ধানের ভার রইল শ্রদ্ধাবান পাঠকের উপর। •

## আমাদের সময়কার সাহিত্য ও আজকালকার সাহিত্য

শ্রীঅবনীনাথ রায়

আমাদের সময়ে বাংলা সাহিত্যের এবং সাহিত্যিকের অবস্থা কিরকম ছিল এবং এখন কিরকম হয়েছে, সে সম্বন্ধে ছুঁচার কথা বলতে ইচ্ছা করি। আশা করি আমার এই ইচ্ছাকে কেউ ধ্বষ্টতা বলে মনে করবেন না, কারণ আমাদের যখন সাহিত্যে হাতেখড়ি হয় তার পর দীর্ঘ চল্লিশ বছর পার হয়ে গেছে। চল্লিশ বছর মানে প্রায় চারটে যুগ। ইতিমধ্যে ছোটো মহাযুদ্ধ শেষ হয়েছে। তার ফলে মানুষের আশা-আকাঙ্ক্ষার, চিন্তার ধারার, আদর্শের, ব্যবহারের আমূল পরিবর্তন হয়েছে। এ ভাল কি মন্দ সে কথা বলছি না, পরিবর্তন হয়েছে এটা ‘ফ্যাক্ট’। কালক্রমে পরিবর্তন আসবেই, এও নিয়ম।

অবশ্য আমি সাহিত্যের বহিরঙ্গের কথাই বলব অর্থাৎ সাহিত্যিকদের পরস্পরের মধ্যে মেলামেশা, প্রীতির আদান-প্রদান, সাহিত্যিকদের আদর-আপ্যায়ন প্রভৃতির কথা। সাহিত্যের আদর্শ, মান এবং বিষয়বস্তুর কি পরিবর্তন হয়েছে, সে কথা তুলব না। কারণ, সে বিষয়টা তর্কের জটিল জালে জড়িত এবং বাদ-প্রতিবাদের সম্ভাবনার কণ্টকিত। সুতরাং সে প্রসঙ্গ পরিত্যাগ করাই যুক্তিযুক্ত।

আমরা সাহিত্যের যে সকল মহারথীদের দেখেছি এবং যাদের নিকট-সম্পর্কে এসেছিলাম তাঁরা আজ বেঁচে

নেই। আমাদের পরবর্তী যুগের লেখকেরা, হয়ত তাঁদের মধ্যে অধিকাংশই তাঁদের দেখেন নি। আমার মনে হয়, এতে তাঁদের লোকসান হয়েছে অপরিণীম। কারণ সাহিত্যিকের এবং তার মধ্যে দিয়ে সাহিত্যের একটা জীবন্ত রূপ এবং পরিচয় তাঁরা হারিয়েছেন। আমার বিশ্বাস সাহিত্যিকেরা সাধারণ মানুষের মত নন—তাঁদের দিয়ে সংসারের যোল আনা কাজ চলে না। তাঁরা একটু বেশি পরিমাণে স্পর্শকাতর (sensitive) এবং আনুপ্র্যাক্টিক্যাল (unpractical). তাঁদের বিষয়-বুদ্ধি কম। এগুলি শুণ তা বলছি না কিন্তু তাঁদের মনের গঠন এইরকম বলেই তাঁরা সাহিত্যিক হয়েছেন—নয়ত ভাল উকীল, ম্যাজিষ্ট্রেট বা সুদখোর মহাজন হতে পারতেন। ভাবপ্রবণ বা ইমোশনাল প্রকৃতির না হলে তাঁরা লেখক বা সাহিত্যিক হতে পারতেন না।

আমরা যাদের দেখেছি তাঁরা হলেন রবীন্দ্রনাথ, শরৎচন্দ্র, প্রমথ চৌধুরী, রামানন্দ চট্টোপাধ্যায়, সত্যেন্দ্রনাথ দত্ত, মোহিতলাল মজুমদার, করুণানিধান বন্দ্যোপাধ্যায়, মণিলাল গঙ্গোপাধ্যায়, চারু বন্দ্যোপাধ্যায়, কেদারনাথ বন্দ্যোপাধ্যায়, উপেন্দ্রনাথ গঙ্গোপাধ্যায়, শৈলেন্দ্রকৃষ্ণ লাহা, অহরুপা দেবী, ইন্দ্রিরা দেবী চৌধুরাণী, মাণিক বন্দ্যোপাধ্যায়, সুকুমার সরকার এবং আরও



অনেকে। প্রথম তিনজন ত সাহিত্যের দিকপাল, চতুর্থ জন সংবাদ-সাহিত্যের দিকপাল। এঁরা ত নিজেরাই একটা ইনষ্টিটিউশন্ স্বরূপ ছিলেন। কিন্তু বাকি সকলেও সাহিত্য এবং সাহিত্যিকের প্রতিমূর্তি ছিলেন, এ কথা ঠাঁরা তাঁদের দেখেছেন তাঁরা স্বীকার করবেন।

নিজের সাহিত্য-জীবনের কথা মনে পড়ে। কৈশোরে যদিও রবীন্দ্রনাথের নিকট-সংস্পর্শে এসেছিলাম কিন্তু আমার মধ্যে লেখার যে কোন শক্তি আছে, এ কথা কোনদিন মনে করি নি। এমন সময় ১৯১৮ খ্রীষ্টাব্দে প্রথম মহাযুদ্ধের শেষের দিকে চাকরি করতে গেলাম পুণায়। সেখানে বেঙ্গলী এসোসিয়েশনের একটা সাহিত্য শাখা ছিল। তার সেক্রেটারী শরৎচন্দ্র চৌধুরী একদিন ধরলেন, সাহিত্য শাখার আমাকে একটা প্রবন্ধ পড়তে হবে। আমার শাস্তিনিকেতন-বাস ছিল এই অহুরোধের হেতু। অহুরোধের ফলে একটা লেখা দাঁড় করাতে হ'ল। যতদূর মনে পড়ে, অবকাশ বা অবসর কিরকম করে কাটাতে হয়, এই ছিল সে লেখার বিষয়বস্তু। শ্রোতার খুশী হলেন, আরও লেখার উপদেশ দিলেন। সে লেখার কোন রেকর্ড আজ আমার কাছে নেই কিন্তু উৎসাহের কথাটা মনে আছে। তার পর দীর্ঘ ৮ বছর একেবারে চুপচাপ। ১৯২৬ খ্রীষ্টাব্দে বদলি হয়ে এলাম দিল্লী। সেখানকার বেঙ্গলী এসোসিয়েশনের সেক্রেটারী তখন সুরেন্দ্রকুমার সেন, হিন্দু কলেজের অধ্যক্ষ। তিনি এবং তাঁর সহযোগী সকলেই রবীন্দ্রপন্থী ছিলেন। তাঁরা স্থির করলেন, রবীন্দ্রনাথের “ফাল্গুনী” অভিনয় করবেন। সুরেন্দ্রকুমার অক্সফোর্ডের এম-এ—তিনি অক্সফোর্ডের উদাহরণ উদ্ধৃত করে বললেন, সেখানে সেক্সপীয়রের কোন নাটক অভিনয় করতে হ'লে প্রোগ্রামের গোড়ায় নাটকের একটা সারমর্ম দিতে হয়। এই সারমর্ম শুধু যে বইখানির গল্পের একটা সারাংশ হবে তাই নয়, উপরন্তু নাটকের বিষয়বস্তুর একটা উঁচুদরের সমালোচনাও হবে। সুরেন্দ্রকুমার এসোসিয়েশনের তিনজন সদস্যকে এই সারমর্ম লিখতে বললেন। আমার লেখাটা তাঁদের পছন্দ হ'ল। এই সময় প্রবাসী বাঙালীদের উত্তর ভারতের পত্রিকা “উত্তরা” বের হয়েছে। লঙ্কো-এর ব্যারিষ্টার এবং কবি অতুলপ্রসাদ সেন তার সম্পাদক। সুরেন্দ্রকুমার সেন এবং তাঁর বন্ধুদের প্রস্তাবে এবং উৎসাহে ঐ লেখাটি ছাপার জন্য “উত্তরা”র পাঠান হ'ল। সহকারী সম্পাদক সুরেশ চক্রবর্তী লেখাটি ফিরিয়ে দিলেন। সুরেন্দ্রকুমার এবং তাঁর বন্ধুরা কিন্তু আদৌ বিচলিত হলেন না। তাঁরা লেখাটি কের পাঠালেন “সবুজপত্র” সম্পাদক প্রমথ

চৌধুরীর কাছে। মাঝখানে তিন মাস কোন সংবাদ নেই। চতুর্থ মাসে আমাদের তিনজনের লেখাই “সবুজপত্রে” শুধু ছাপা হ'ল তাই নয়, প্রমথ চৌধুরী তার উপরে ভূমিকা করে লিখলেন যে, দিল্লীর উচ্চ যেমন “সাক আউর চুস্ত”, সেখানকার বাংলাও সেইরকম “সাক আউর চুস্ত”। অধিকন্তু কোন ফরাসী লেখকের লেখা উদ্ধৃত করে প্রমাণ করলেন যে, ‘ফাল্গুনী’র সারমর্ম আমরা যেসকল লিখেছি, তার সঙ্গে উক্ত ফরাসী লেখকের মতের সামঞ্জস্য আছে।

আশাতীত সম্মান। যে লেখা ‘উত্তরা’ ফিরিয়ে দিয়েছিল, সেই লেখা সাহিত্যিক ধরন্ধর প্রমথ চৌধুরী শুধু ছাপলেন তাই নয়, তার উপর আবার অহুকুল টিপনী দিলেন। এর কিছু পরেই আমি ছুটি নিয়ে কলকাতা গিয়েছিলাম। তখন ‘কালি-কলম’ বেরিয়েছে। মনে আছে, কোন বন্ধুর সঙ্গে কলেজ ষ্ট্রাট মার্কেটের উপর ‘কালি-কলম’ আপিসে যাই। সম্পাদক মুরলীধর বসু বসে ছিলেন। তিনি আমার নাম জিজ্ঞাসা করলেন। আমি বললাম। তখন তিনি বললেন, কোন্ অবনীনাথ রায়? যার লেখা ‘সবুজপত্রে’ বেরিয়েছে? আমি ঘাড় নেড়ে সম্মতি জানালাম। মুরলীধর চোখ থেকে চশমাটা খুলে টেবিলের উপর রাখলেন—তার পর হুঁগাত জোড় করে নমস্কার জানালেন।

এত কথা বলার উদ্দেশ্য আশ্বস্তাধা নয়—বলার উদ্দেশ্য কিরকম করে আমি সাহিত্যের পথে এলাম এবং আমার নিজের উপর আশ্বস্তাধা জন্মাল। আমি নিশ্চিত জানি ‘ফাল্গুনী’ সম্বন্ধে আমার যে লেখা সেটা এমন কিছু উঁচুদরের নয় যে, প্রমথ চৌধুরী সেটা প'ড়ে মুগ্ধ হয়ে গিয়েছিলেন। তাঁর আসল উদ্দেশ্য নিশ্চয় ছিল একজন দিল্লী-প্রবাসী বাংলা-লেখককে লেখায় উৎসাহ দেওয়া। কিন্তু এই উৎসাহের উদারতা ব্যর্থ হ'ল না—আমি সাহিত্যের পথে টিকে গেলাম। আমি দেখতে চেষ্টা করছি, আমাদের সময়ে সাহিত্যিকদের মনে এই উদারতা ছিল, প্রসন্নতা ছিল। মুরলীধর বসুর উদাহরণ দিয়েছি, তিনি ‘কালি-কলম’ নামক একখানি ছোট কাগজের সম্পাদক হয়েও কোন্ লেখকের লেখা কোথায় কি বেরুচ্ছে সব খবর রাখতেন। আজকালকার সম্পাদকেরা যে তা রাখেন না তার পরিচয় আমি নিজের জীবনেই পেয়েছি। কলকাতার কোন বিখ্যাত মাসিকপত্রে (ইচ্ছে করেই নাম করলাম না) একটা লেখা দিতে গিয়েছিলাম। সম্পাদকের সামনে ধূমায়িত চায়ের কাপ রাখা ছিল। আসন গ্রহণ করতেও বললেন না। আমি দাঁড়িয়ে



দাঁড়িয়েই নিজের বক্তব্য পেশ করলাম। তিনি চোখ বুঁজে মুঁকুসিয়ানার সুরে জিজ্ঞাসা করলেন, আপনার লেখা আর কোন্ পত্রিকায় বেরিয়েছে? ইত্যাদি। আমার বলার উদ্দেশ্য যে, আমাদের সময়ে এই অপমানটা ছিল না। আমি একজন বড় লিখিয়ে অর্থাৎ সাহিত্যিক না হতে পারি, কিন্তু আমিও একজন মানুষ। যে সাহিত্যকে আমি পেশা বা নেশা হিসাবে গ্রহণ করেছি, তার জন্তই আমার সম্মান হওয়া উচিত। নব্বত সাহিত্যকে গ্রহণ না করে আমি ব্র্যাক মার্কেটের এজেন্টও হতে পারতাম, তাতে পয়সা নিশ্চয় বেশি হ'ত।

এই প্রসঙ্গে আমার দিল্লীর বন্ধুদের আন্তরিকতার কথা আজও ভুলতে পারি নি, যদিও তার পর দীর্ঘ পঁয়ত্রিশ বছর কেটে গেছে। যেদিন "সবুজপত্র" ঐ লেখা ছেপে এল সেদিন প্রথম দফা ডাঃ সুধীন্দ্রকুমার সেনের ল্যাবরেটোরিতে আনন্দোচ্ছ্বাস হ'ল। ডাঃ সেন সেদিন ল্যাবরেটোরির কোন কাজই করলেন না। তার পর দল বেঁধে যাওয়া হ'ল আত্মবাবুর দোকানে অর্থাৎ এইচ. সি. সেন কোম্পানীর দোকানে। আত্মবাবু নিজের হাতে চা করে সকলকে খাওয়ালেন। মিউনিসিপ্যালিটির ইঞ্জিনিয়ার নিত্যগোপাল ভট্টাচার্য হঠাৎ আনন্দের আতিশয্যে টেবিলের উপর উঠে দাঁড়ালেন। পাখা চলছিল—অল্পের জন্ত তাঁর মাথাটা ফাটল না। সেখানেই শেষ নয়। তার পর সন্ধ্যার দিকে দল বেঁধে অধ্যক্ষ সুরেন্দ্রকুমারের কাশ্মীরী গেটের বাসায়। সেখানে রাত্রি পৌঁছে দশটা পর্যন্ত চা-ছলখাবার খাওয়া, আনন্দ, নৃত্য ইত্যাদি। 'সবুজপত্র' হাতে হাতে ফিরতে লাগল। আনন্দ ততটা আমার নয়, যতটা আমার বন্ধুদের। পরিশেষে ক্লাস্ত হয়ে রাত্রি দশটার ঠেঁনে আমি দিল্লী নিউ ক্যান্টনমেন্টে (তখন তাই নাম ছিল) নিজের বাসায় ফিরে গেলাম।

এখানে সব ঘটনা বলার উদ্দেশ্য এই কথা প্রমাণ করা যে, আমাদের সময় বন্ধুপ্রীতি এবং আন্তরিকতা সহজ ছিল—মানুষ আত্মকেন্দ্রিক ছিল না। বন্ধুর সম্মানে নিজে বিগলিত হয়ে সেই সম্মান নিজের ব'লে গ্রহণ করতে মস্ত বুকের পাটা লাগে—স্বার্থকেন্দ্রিক হৃদয়ের সাধ্যও নেই সেই বিরাট আনন্দের বেগকে ধারণ করে।

অবশ্য এই প্রশ্নের ফলে মানুষ একটু বাতিকগ্রস্তও হয়ে ওঠে অর্থাৎ যার যে-শক্তি নেই, তার সে-শক্তি আছে সে মনে করে। হয়ত আমার বেলায়ও সে রকম একটু হয়েছে। নব্বত আমি যখন দিল্লীর পর মিরাতে বদলি হয়ে গেলাম, তখন শনিবার শনিবার দিল্লীতে সাহিত্য-সেবা করতে আসতাম কি ক'রে! আজ পরিণত বয়সে সে কথা

মনে করে নিজের মনেই হাসি পায়। মিরাত থেকে দিল্লী ৪২ মাইল পথ—ট্রেনে ঘণ্টা তিনেক সময় লাগত। তা ছাড়া ছ'দিকে রিক্‌শার খরচও আছে। শনিবার আপিসের পর বেরোতাম এবং রবিবার রাতে কিংবা সোমবার সকালে মিরাতে ফিরে যেতাম। "চতুরঙ্গ" নামে নয়া দিল্লীতে আমাদের একটা ক্লাব ছিল। লেখক অপূর্বমণি দত্তের বাড়ীতে শনিবার রাতে তার বৈঠক বসত। সেখানেই রোজ রাতে আহার এবং শয়ন। আমি যে বাড়িয়ে বলছি না তার প্রমাণ স্বরূপ অপূর্বমণি দত্ত, যামিনীকান্ত সোম, ভবানী মুখোপাধ্যায় প্রভৃতি কয়েকজন সাহিত্যিক বন্ধুর নাম করতে পারি যারা আমার কথার সত্যতার সাক্ষ্য দেবেন।

আজকের দিনে নিশ্চয় এই ঘটনাকে বাড়াবাড়ি বলে মনে হবে এবং আমাকে অনেকে সাহিত্যের বাতিকগ্রস্ত বলে মনে করবেন। আজ যে বয়সে পৌঁছেছি তাতে পিছন ফিরে জীবনের ঘটনার একটা মূল্যায়ন বা হিসাব-নিকাশ করতে ইচ্ছা হয়। সাংসারিক বুদ্ধির দিক দিয়ে যে ভুল করেছি তাতে সন্দেহ নেই। আজকে দেখি, সংসারে প্রতিটি পয়সা হিসাব করে চলতে হয়। তার উপর নিজের পরিবারের সুখ-দুঃখ, সুবিধা-অসুবিধার প্রতি দৃষ্টি দিই নি। এও নিশ্চয় ত্রুটি। কিন্তু সেদিন তা মনে হয় নি। মনে হলে আর পারতাম না। একটা যেন কোঁকের মাথায় চলেছিলাম। সে কোঁক হ'ল সাহিত্যের কোঁক বা বাতিক।

কিন্তু যখন এই বাতিকের অপবাদ নিজের উপর নিই তখন বন্ধুর অপূর্বমণি দত্তের কথাও মনে হয়। তাঁরই বা এই বাতিক কম কি ছিল! সপ্তাহে তিন বেলা এক বন্ধুকে পোষণ করা নিশ্চয় সাংসারিক বুদ্ধির লক্ষণ নয়!

মোদ্ধা কথা হ'ল, যতই বাতিক বলে একে উড়িয়ে দিই না কেন, এর মধ্যে যে ভাল কাজ করার একটা জেদ আছে, সে কথা অস্বীকার করা যায় না। জগতে সব বড় কাজই এই রকম বিষয়বুদ্ধিহীন জেদ থেকে হয়েছে।

বুদ্ধিহীনতার আরও বড় রকম প্রমাণ দিতে পারি। তখন প্রবাসী বঙ্গ সাহিত্য সম্মেলনের প্রতিষ্ঠা হয়েছে এবং ভারতের ভিন্ন ভিন্ন শহরে তার অধিবেশন হচ্ছে। এই সব অধিবেশনে যোগ দিতে হ'ত, অথচ যাতায়াতের যে পাথের লাগত নিজের স্বল্প বেতন থেকে তা সংকুলান হ'ত না। গঙ্গারাম বলে একজন কুশীদাসী আমাদের সঙ্গে চাকরি করতেন। প্রতি সম্মেলনের আগে তাঁর

কাছে পঞ্চাশ টাকা ধার নিতাম হাণ্ডনোট লিখে। অধিবেশন থেকে ফিরে এসে কয়েক মাস লাগত এই ঋণ পরিশোধ করতে। টাকার দিকুটা ছাড়া সাংসারিক সুবিধা-অসুবিধার দিকুটা ছেড়েই দিলাম। একাধিকবার বাড়ীর অসুখের জন্ত টেলিগ্রাম করে আমাকে সম্মেলন থেকে ফিরিয়ে আনা হয়েছে।

এ সব উদাহরণ দেওয়াও নিজের সাহিত্যপ্রীতিকে বিজ্ঞাপিত করার উদ্দেশ্য নয়। এর থেকে এই কথা বোঝাতে চাই যে, আমাদের যুগে অর্থাৎ আজ থেকে চল্লিশ বছর আগে মানুষের সাংসারিক বুদ্ধি এই রকমই ছিল। তখন মানুষ আদর্শবাদী ছিল। তার কারণও ছিল। খাওয়া-পরা তখন এত কষ্ট হয় নি। দ্বিতীয় মহাযুদ্ধ বাধার সময় এবং তার কিছু পরেও অর্থাৎ ১৯৩২-১৯৪০ সনেও মানুষ পেট ভরে খেতে পেয়েছে এবং নিজেদের ইচ্ছামত পরতে পেয়েছে। চাউলের দাম মানুষের ক্রয়শক্তির বাইরে বাড়ে নি, কেরোসিন তেল বাজার থেকে উবে যায় নি, কয়লার জন্ত দোকানে গিয়ে ঘণ্টার পর ঘণ্টা কিউ দিয়ে দাঁড়িয়ে থাকতে হ'ত না। তার পর এর মোলকলা পূর্ণ হ'ল ১৯৪৩ সনের মধ্যস্তরে। এই মানুষের সৃষ্ট ছুঁড়িকে হাজার হাজার লোক মানুষের লোভের পায়ে আঙ্গুলি দিল। বাংলা দেশের এ এক কলঙ্কের ইতিহাস। শহরে রাস্তার ফুটপাথে, ল্যাম্প-পোস্টে কুলে কত লোক অনশনে, অর্ধাশনে, কুখাত্ত খেয়ে প্রাণ দিয়েছে—সভ্য মানুষ তা চোখ মেলে দেখেছে কিন্তু নিজের লাভের মুনাফা কম হবে ব'লে চাল মজুত রেখেছে, বিক্রয় করে নি। এই সময় থেকেই মানুষ একেবারে পত্তর স্তরে নেমে গেল। নীতি, আদর্শ, সভ্যতার বড় বড় বুলি ঘরের তাকে তোলা রইল—মানুষ নির্লজ্জ ভাবে আঙ্গুলপরাণ হ'ল। সাহিত্যে এবং সাহিত্যিকদের জীবনেও তার অসুপ্রবেশ দটল—কারণ সাহিত্যিকেরাও ত সামাজিক মানুষ। অধিকন্তু তাদের উপর প্রভাব পড়ল পা-চাঁদ্য দেশের কয়েকজন চটুল এবং জড়বাদী সাহিত্যিকের লেখার। সে-সব লেখকের নাম উল্লেখ করার স্থান এ নয়। ১৯৪৫ সনে দ্বিতীয় মহাযুদ্ধ শেষ হ'ল বটে কিন্তু মানুষ যে নৈতিক অধঃপতনের স্তরে নেমে গিয়েছিল তার থেকে তারা আর উঠল না। এই সময় যারা তরুণ অর্থাৎ যারা বিংশ শতাব্দীর প্রথম বা দ্বিতীয় পাদে জন্মগ্রহণ করেছে, তাদের নৈতিক জীবন ঐ সময়ের আবহাওয়ার রচিত এবং পুষ্ট হয়েছে। সে জীবনের নীতি আঙ্গুলি, আঙ্গুলত্যাগ নয়। বন্ধুবর নীরদ চৌধুরী তাঁর আঙ্গুলজীবনীতে (Autobiography of an

Unknown Indian) যে কথা লিখেছেন তার সঙ্গে অধিকাংশ লোকের মতের মিল হবে না জানি, কিন্তু আমার মনে হয় তার মধ্যে গভীর সত্য আছে। তিনি লিখেছেন—

“Thus we were acquiring and assimilating a culture at that stage of its ripeness which precedes decline. For this reason, we, who were born in the last quinquennium of the nineteenth century can claim to be the last of the old contemptibles, and I am fond of saying without wishing to be taken too literally that no one born after 1900 has any living, first hand sense of that modern Indian culture which was built up by the great Bengali reformers from Rammohun Roy to Tagore, and which is now decaying.” (p. 179).

নীরদবাবুর মতে রাজা রামমোহন রায় থেকে আরম্ভ করে রবীন্দ্রনাথ পর্যন্ত যে ভারতীয় সংস্কৃতি গড়ে উঠেছে, সেটা এমন একটা পরিপক অবস্থায় পৌঁছেছিল যে, তার পরে তার অপহব হতে বাধ্য। সেই কারণে যারা ১৯০০ খ্রীষ্টাব্দের পরে জন্মগ্রহণ করেছে তারা সেই সংস্কৃতির সাক্ষাৎ এবং জীবন্ত স্পর্শ পায় নি। আমরা যারা উনবিংশ শতাব্দীর শেষ পাঁচ বছরের পাদে জন্মেছি তারাই সেই সংস্কৃতির শেষ প্রতিনিধি। নীরদবাবু তাঁর বক্তব্যকে আরও পরিষ্কৃত করেছেন এই কথাগুলি দিয়ে :

“This degradation of Bengal, is, of course, part of the larger process of the rebarbarisation of the whole of India in the last twenty years, a story which is as sensational and as ominous for human civilization, but not as well-known, as the story of the barbarisation of Germany by the Nazis. But somehow, one did not expect Bengal, with her record of cultural achievement in modern times, to follow in the wake of the rest of India, to which she had given a new culture. In actual fact, the barbarisation of Bengal has been ever more complete than the barbarisation of the rest of India.”

আমাদের সময়ে সাহিত্যিকের কোন আদর ছিল না, বরঞ্চ শ্লেষ এবং বিদ্রূপ ছিল। আমি যখন মিরাতে রাস্তা দিয়ে যেতাম তখন লোকে অঙ্গুলি-নির্দেশ করে দেখাত, ‘ঐ যে ছাহিত্যিক যাচ্ছেন’। প্রবাসী বঙ্গ সাহিত্য সম্মেলনের অধিবেশনে গাঁটের কড়ি খরচ করে যোগ দিয়েছি এবং আহাৰ বাসস্থানের সুপ্রচুর অসুবিধা ভোগ করেছি। সেদিন মিত্র ঘোষ কোম্পানীর এক বন্ধু খুব উচ্ছসিতভাবে বললেন, ট্যাক্সি করে নিয়ে না গেলে

আমরা কোন সাহিত্য-সভায় সভাপতিত্ব করতে যাই নে মশায়। কলকাতার উপরেই এই ব্যবস্থা, মফঃস্বলের কথা ছেড়েই দিলাম। আর রবীন্দ্র-জয়ন্তীতে সভাপতিত্ব করার লোকই পাওয়া যায় না, এ কথা ত হামেশাই সংবাদপত্রে পড়ি। বাড়িতে থেকেও সাহিত্যেকেরা দরজায় ঝুলিয়ে দেন 'Not at home' পতাকা তা-ও জানি। যুগ পালটেছে কিন্তু আমাদের সময় সাহিত্যের প্রতি যে দরদ এবং সাহিত্যিকদের মধ্যে যে ভালবাসা দেখেছি, আজ তার একান্ত অভাব অহুভব করি।

আমাদের সময়ে লেখার মান নির্ধারিত হ'ত মাসিক পত্রের মধ্যস্থতায়। 'প্রবাসী' এবং 'ভারতবর্ষে' লেখা বেরুলে তা নিয়ে যথেষ্ট আলোচনা হ'ত। এখন সে 'ফোকাস' স'নে গেছে সাপ্তাহিক পত্রে এবং রবিবারের সাহিত্য বিভাগীয় লেখায়। "দেশ" কাগজে এবং "অমৃত" কাগজে লেখা বেরুলে তাই নিয়ে আলোচনা হয় এবং 'আনন্দবাজার' এবং 'যুগান্তরের' সাহিত্য আলোচনী বিভাগে লেখা ছাপা হলে পাঠক-পাঠিকার দৃষ্টি আকর্ষণ করে।


আমাদের সময়ে পত্র-পত্রিকার লেখা পাঠালে তার প্রাপ্তি সংবাদ আসত এবং লেখা অমনোনীত হলে ফেরত পাঠানর ব্যবস্থা ছিল। এখন স্বীকারপত্রীর কথা ছেড়েই দিলাম, ডাক টিকিট দেওয়া থাকলেও কোন লেখা ফেরত আসে না। মাসের পর মাস যায়, লেখা ছাপা হয় না, ছাপা হবে কি না বোঝা যায় না এবং অভিমতের মত সে লেখার নিষ্কাশনের পথ রুদ্ধ। রিপ্লাই কার্ড দিয়েও উত্তর পাই নি, এমন ঘটনা আমার নিজের অভিজ্ঞতার মধ্যেই আছে।

নবীন সাহিত্যিকদের প্রতি আমাদের বিদ্যুৎমাত্র আক্রোশ নেই, বরঞ্চ অপরিসীম শ্রদ্ধা এবং স্নেহ আছে।

তাদের সঙ্গে মিলতে গিয়েও ব্যর্থ হয়েছি। তার কারণ বয়সের বাধাই একান্ত নয়, আমরা আমাদের নিজেদের ধারণা এবং অভিজ্ঞতার দুর্গে বন্দী, এই ধারণা এবং অভিজ্ঞতা তাঁদের সঙ্গে মেলে না।

আর একটা কথাও এই প্রসঙ্গে উল্লেখযোগ্য। আমাদের সময়ে কোন লেখক বা লেখিকা উল্লেখযোগ্য কোন লেখা লিখলে আমরা তাঁকে খুশী হয়ে অভিনন্দন জানাতাম। কারণ, তখন ঐ টুকুই ছিল ভাল লেখার পুরস্কার। অভ্যাসবশত এখনও কোন কোন লেখককে উপযাচক হয়ে তাঁদের ভাল লেখার জন্য অভিনন্দন জানিয়ে থাকি। বলা বাহুল্য এর কোন উত্তর আসে না। তাঁরা সেটা তাঁদের প্রাপ্য বলেই গণ্য করেন—ফলে আমাদের লজ্জাই সার হয়।

এতক্ষণ যে দুই যুগে এবং দুই দলে বিভেদের কথা উল্লেখ করলাম তার অন্তর্নিহিত কারণ হ'ল পারিশ্রমিক দেওয়ার ব্যবস্থা। আমাদের সময়ে লেখা ছিল সখের—তাতে পরস্রা আসত না—কাজেই বেশি লোকে এই নিয়ে মাথা ঘামাত না। এখন লেখা হয়েছে একটা উপার্জনের পন্থা—সুতরাং সঙ্গে সঙ্গে এসেছে প্রতিযোগিতা। শুধু উপার্জন নয়, সেই সঙ্গে সম্মান এবং সরকারের দেওয়া পুরস্কার। অতএব প্রতিযোগিতা না এসে পারে না। অনেক লেখা পত্র-পত্রিকায় ছাপা হয়ে একেবারে পুস্তক প্রকাশকের দপ্তরে চলে যায় এমন ব্যবস্থাও হয়েছে উনেছি। তার পর আছে সিনেমার প্রলোভন। আজ-কালকার দারুণ অনটনের দিনে এই দুর্নিবার লোভের হাত থেকে কয়জন অব্যাহতি পাবে? প্রতিযোগিতার পিছনে আছে বিদ্বেষ, সংঘর্ষ এবং হয়ত বা মৃত্যু। বাংলা দেশের সংস্কৃতি তার সাহিত্যকে এই অবাঞ্ছনীয় ঘোড়দৌড় এবং সাহিত্যিককে তার অপমৃত্যুর হাত থেকে রক্ষা করুক, এই প্রার্থনা জানাই।



## মহারাজা কৃষ্ণচন্দ্র বিধবা-বিবাহে আপত্তি কেন করিয়াছিলেন ?

শ্রীযতীন্দ্রমোহন দত্ত

১। একটা প্রবল জনশ্রুতি আছে যে, ঢাকার রাজা রাজবল্লভ বাংলা দেশে বিধবা-বিবাহ প্রচলন মানসে বড় বড় ব্রাহ্মণ-পণ্ডিতদের মত লইতে থাকিলে মহারাজা কৃষ্ণচন্দ্র ইহার বিরোধিতা করেন। ফলে ইং অষ্টাদশ শতকের মধ্যভাগে যে সমাজ-সংস্কার হইতে পারিত তাহা শতাধিক বৎসর পিছাইয়া যায়। কেহ কেহ বলেন যে, মহারাজা কৃষ্ণচন্দ্রের এই আপত্তি ঈর্ষ্যা-প্রণোদিত; তিনি দেখিলেন যে, তিনি ব্রাহ্মণ ও সমাজ-পতি হইয়া যে কাজে হাত দিতে পারেন নাই, বৈষ্ণব (ইঠাং বড়লোক তাঁহার ভুলনায়) রাজা রাজবল্লভ সেই কাজ করিলে তাহার কীর্ত্তি চিরস্থায়ী হইয়া যাইবে, এবং তাঁহার নিজের কীর্ত্তি দ্বান হইয়া যাইবে। আমরা তাঁহার আপত্তি ঈর্ষ্যা-প্রণোদিত, এ কথা বিশ্বাস করি না, তবে তাঁহার আপত্তি ভুলবশতঃ হইতে পারে। এক্ষণে দেখা যাউক, কেন তিনি বিধবা-বিবাহে আপত্তি করিয়াছিলেন? এ বিষয়ে কিছু demographic বা সমাজতাত্ত্বিক তথ্য পরিবেশন করিব।

২। কুমারী থাকিতে বিধবাকে বিবাহ করিতে সাধারণতঃ লোকে নারাজ। তবে যে লোকে বিধবা বিবাহ করে, তাহার কারণ অল্পরূপ। কতকটা ব্যক্তিগত রুচির উপর নির্ভর করে; কতকটা সামাজিক কারণে—যেমন স্ত্রীলোকের সংখ্যালঘুতা হইলে লোকে সাধারণতঃ কুমারী পায় না। ইউরোপীয় সমাজেও সাধারণতঃ কুমারী-বিবাহের প্রতি আকর্ষণ বেশী—যেখানে বিধবা-বিবাহের বিরুদ্ধে কোনও প্রকার ধর্মীয় বা সামাজিক আপত্তি বা বাধা নাই, যেখানে বিধবা-বিবাহ করিলে কেহ নিন্দিত হয় না। মুসলমান সমাজে বিধবা-বিবাহ খুব চল। হুজুরত মহম্মদ নিজে বিধবা-বিবাহ, এমন কি পুত্রবতী বিধবা বিবাহ করিয়াছিলেন। আমাদের পার্শ্ববর্তী মুসলমান সমাজে প্রায় সকল বিধবাই বিবাহ করেন। এ বিষয়ে ১৯২১ সনের বাংলার সেলস রিপোর্টে কতকগুলি আবশ্যকীয় তথ্য দেওয়া আছে। (২৭৪-২৭৫ পৃঃ দেখুন।)

৩। বিভাগাগর মহাশয় যখন বিধবা-বিবাহ শাস্ত্রীয় বলিয়া আন্দোলন চালান ও ইং ১৮৫৬ সনে বিধবা-বিবাহ আইন পাশ করান, তখন ষাঁহার বিধবা-বিবাহে

আপত্তি করেন তাঁহাদের অন্ততম প্রধান যুক্তি ছিল যে, বাংলা দেশে বিবাহযোগ্য কন্ডার সংখ্যা বিবাহযোগ্য বরের সংখ্যা অপেক্ষা অনেক বেশী। যে-সব নারী বিবাহের একবার সুযোগ পাইয়াছে, কিন্তু দুর্ভাগ্যবশতঃ বিধবা হইয়াছে, তাহাদের পুনরায় বিবাহ করিবার অধিকার বা সুযোগ দিলে অনেক কুমারীই একবারও বিবাহ করিবার সুযোগ পাইবেন না, বাধ্য হইয়া অনুচা থাকিয়া যাইবেন। ফলে সমাজে “অ”-বিবাহিতাদের সংখ্যা সমানই থাকিয়া যাইবে; এবং সমাজে অনাচারের বৃদ্ধি হইবে। বয়স্ক কুমারী অপেক্ষা বিধবারা, ইহাদের মধ্যে আবার কেহ কেহ সম্মানবতী, নিজেদের অধিকতর সংযত রাখিতে পারেন।

এই আন্দোলন উনবিংশ শতাব্দীর মঠ দশকে প্রবল ছিল। ইং ১৮৭২ সনের সেলস হইতে দেখিতে পাই যে, বাংলার হিন্দুসমাজে প্রতি ১,০০০ পুরুষে ২,০০০ জন করিয়া নারী ছিল। নারীর সংখ্যা বাঙালীদের মধ্যে আরও বেশী ছিল বলিয়া মনে হয়। কারণ উড়িষ্যা ও ‘পশ্চিম’ হইতে বহু হিন্দুপুরুষ কর্মোপলক্ষে বাংলায় আসিয়াছিল; কিন্তু তাহাদের স্ত্রীরা দেশে ছিল এবং ১৮৭২ সনের সেলস আমাদের দেশে প্রথম সেলস বলিয়া কিছু নারী গণনা হইতে বাদ পড়ার সম্ভাবনা বেশী।

নিম্নে আমরা সর্ব-ধর্মের যে সব লোক সেলসের সময় বাংলা দেশে ছিল, বাংলার পল্লী-অঞ্চলে ছিল ও বাংলার স্বাভাবিক জনসংখ্যা, যাহারা বাংলায় জন্মিয়াছে কেবলমাত্র তাহাদের ধরিয়া হিসাব দিলাম:

প্রতি ১,০০০ পুরুষে স্ত্রীলোকের সংখ্যা		সর্ব-ধর্মের সেলসের পল্লী-অঞ্চলে স্বাভাবিক সময় থাকা জন-সংখ্যা	
সর্ব-ধর্মের সেলসের পল্লী-অঞ্চলে	স্বাভাবিক	সময় থাকা	জন-সংখ্যা
১৮৭২	২২২	১,০০৭	x
১৮৮১	২২৪	১,০০৬	১,০১৩

ইহা হইতে মনে হয়, উনবিংশ শতাব্দীর মাঝামাঝি স্বাভাবিক জনসংখ্যার মধ্যে, স্ত্রীলোকের অল্পপাত ১০১৩-র চেয়ে বেশী ছিল। সমাজপতিরা তাহা লক্ষ্য করিয়া বিধবা-বিবাহে ঐরূপ আপত্তি করেন।

৪। ইংরেজী ১৯৩১ সনে প্রতি ১,০০০ পুরুষে



স্ত্রীলোকের অহুপাত কমিয়া নিম্নলিখিত মত দাঁড়াইয়াছিল। যথা :

সর্ব-ধর্মের লোকের মধ্যে	প্রতি ১,০০০ পুরুষে
সেনাসের রাত্রিতে	২২৪
হিন্দুদের মধ্যে	২০৮
বাংলার পল্লী-অঞ্চলে	২৫৫
স্বাভাবিক জনসংখ্যায়	২৪২
উহা হইতে মনে হয় যে, হিন্দুদের মধ্যে স্বাভাবিক জনসংখ্যায় :	২৪২ - ২২৪ = ১৮ + ২০৮ ----- ২২৬ জন

এই আন্দাজ কিছু কম-বেশী হইতে পারে। কম হইবার সম্ভাবনা বেশী।

বাংলা দেশে ১৯২১ সনের সেনাস সুপারিন্টেন্ডেন্ট টমসন সাহেব দেখাইয়াছেন যে, গড়ে স্বামী-স্ত্রীর বয়সের পার্থক্য ৮.০৩ বৎসর।

১৯৩১ সনে বয়স হিসাবে স্ত্রী-পুরুষের সংখ্যা কেবল-মাত্র হিন্দুদের মধ্যে এইরূপ ছিল। যথা :

বয়স	পুরুষ	স্ত্রীলোক
১৫—২৫	x	২২,২৮,৪৭৮
২০—৩০	২২,২১,১৬৩	২১,২০,৫৫৮
২৫—৩৫	২১,২০,৯০৭	x
১৭—২৩	x	১৫,২৫,০০৪
২৪—৩০	১৬,০৪,৭৯৪	x

স্বামী যদি স্ত্রী অপেক্ষা যথাক্রমে ৫, ৭ ও ১০ বৎসরের বড় হয়, তাহা হইলে স্ত্রীলোকের সংখ্যাধিক্য শতকরা হিসাবে যথাক্রমে +০.২৪; -৫.৯৭ ও +৫.০৭ হয়। এই হিসাব সেনাসের রাত্রিতে যত সংখ্যক হিন্দু পুরুষ ও স্ত্রী ছিল তাহাদের ধরিয়া; এমতে স্ত্রীলোকের হাজার করা অহুপাত যখন ২০৮ তখনই বিবাহযোগ্য বয়সের পুরুষ ও স্ত্রীদের ঐরূপ স্ত্রীলোকের সংখ্যাধিক্য দেখা যায়।

এইবার আমরা ইং ১৯২১ সনের হিসাব দিব, যখন হিন্দুদের মধ্যে সেনাসের রাত্রিতে হাজার পুরুষে ২১৬ জন স্ত্রীলোক ছিল। যথা :

বয়স	পুরুষ	স্ত্রীলোক
১০—১৫	x	২,৩৮,৪৬১
১৫—২০	১০,০৫,৮৮৭	১০,৩১,৬২১
২০—২৫	২,৩৪,৫২৬	২,৭৫,৮১৬
২৫—৩০	১০,৭৯,৫৩৫	x
৩০—৩৫	২,১৪,২৩৬	

স্বামীর বয়স স্ত্রী অপেক্ষা ৫, ১০ ও ১৫ বৎসর বেশী হইলে নিম্নলিখিত মত কম-বেশী হয়। যথা :

স্বামীর বয়স	স্ত্রীর বয়স	স্ত্রী অপেক্ষা
৫	১০	১৫ বছর বেশী
১০—১৫	-৬.৭৬%	+০.৪২%
১৫—২০	+১০.৩৭%	-৪.৪৪%
২০—২৫	+২.৬৩%	-৬.৭৮%

এইরূপ কম-বেশী হইবার কারণ, ইং ১৯১৮ ও ১৯১৯ সনের ইনফ্লুয়েঞ্জা মহামারীতে পুরুষ অপেক্ষা বিবাহ-যোগ্য বয়সের স্ত্রীলোক বেশী মারা যায়। আরও একটি কারণ, স্ত্রীলোক যখন বিবাহযোগ্য হয়, তখন তাহাদের বয়স কম করিয়া বলা হয়। এক কথায় স্ত্রীলোকের সংখ্যা সামান্য কিছু বেশী।

৫। হিন্দু-সমাজে বিবাহযোগ্য স্ত্রীলোকের সংখ্যা বিবাহযোগ্য পুরুষ অপেক্ষা এখনও কিছু বেশী ধরিয়া লইতে পারি। ইং ১৮৮১ সনে স্বাভাবিক জনসংখ্যায় মধ্যে নারীর অহুপাত ছিল ১০১৩; আর ১৯৩১ সনে হইতেছে ২৪২। ৫০ বছরে ১০১৩ - ২৪২ = ৭১ জন কমিয়াছে। আমরা Man in India পত্রিকায় ১৯৫৭ সনের এপ্রিল-জুন সংখ্যায় দেখাইয়াছি যে, পূর্বে নারীর অহুপাত কম ছিল। আমরা যদি বর্তমানে যে হারে নারীর অহুপাত কমিতেছে পূর্ববর্তী ১২৫ বছরেও সেই হারে কমিয়াছে ধরি, তাহা হইলে আন্দাজ ইং ১৭৫৬ সনে নারীর অহুপাত হয় ৮৩৬ জন। সেনাসের রাত্রিতে যত স্ত্রী ও পুরুষ ছিল, তাহাদের ধরিয়া হিসাব করিলে এই অহুপাত ৮৩৬-এর স্থলে ৮১৯ হইবে।

সাধারণ হিন্দুর মধ্যে যখন নারীর অহুপাত ২০৮ জন; বাংলার রাঢ়ী ব্রাহ্মণদের মধ্যে অহুপাত হইতেছে ২৬০ জন; অর্থাৎ ৫২ জন বেশী। এই বেশীটা যদি ১৭৫৬ সনের লব্ধ অহুপাত ৮৩৬-এতে যোগ দিই, তাহা হইলে ঐ সময়ে রাঢ়ী ব্রাহ্মণদের মধ্যে স্ত্রীলোকের অহুপাত প্রতি ১,০০০ পুরুষে ৮৮৮ জন, প্রায় বর্তমানের সর্বসাধারণ হিন্দুদের মধ্যে অহুপাত ২০৮-এর কাছাকাছি।

এজন্য সে সময়েও রাঢ়ী ব্রাহ্মণদের মধ্যে বিবাহ-যোগ্য নারীর সংখ্যা যে বিবাহযোগ্য পুরুষ অপেক্ষা বেশী ছিল সহজেই অস্বীকার করা যায়।

৬। পূর্বে স্ত্রীলোকের অহুপাত পুরুষদের তুলনায় কম হইলেও আমরা যত কম ধরিয়াছি তত কম নাও হইতে পারে। ১১৭৬ সনের মধ্যস্তরে স্ত্রীলোক অপেক্ষা পুরুষ বেশী মরিয়াছে—যেমন সাধারণ দৃষ্টিকে হয়,

ধরিয়া লইলেও মধ্যস্থতের পরের ১৫ বৎসর ধরিয়া দেশের বিভিন্ন স্থানে বস্তা, মড়ক প্রভৃতিতে স্ত্রী-পুরুষ কি হারে মরিয়াছে বলা দুষ্কর। বস্তায় স্ত্রীলোক সঁতার জানে না বলিয়া বেশী মরিতে পারে; খাইবার দোষে যে মড়ক হয় তাহাতে স্ত্রীলোক বেশী মরে, একথা সত্য হইলেও ঠিক কি হারে মরিয়াছে এবং তজ্জন্ত অসুপাতের কি ভাবে পরিবর্তন ঘটয়াছিল বলা বড় শক্ত।

৭। একটি কারণে মনে হয় যে, মহারাজা কৃষ্ণচন্দ্রের সময়ে স্ত্রীলোকের অসুপাত বেশ বেশী ছিল। বাংলা দেশে বিধবা-বিবাহ চলিত; এমন কি পুত্রবতী বিধবারাও বিবাহ করিতেন; এজন্ত জীমূতবাহন (আন্দাজ ইং ১০৫০ সনে) তাঁহার দায়ভাগের ১০ম অধ্যায়ে পোষ্য-পুত্রের অধিকার আলোচনাকালে বলিয়াছেন;—

“যিনি যাহার বীজ হইতে উৎপন্ন তিনি তাঁহার ধন পাইবেন—অপরে পাইবেন না। নারদ বলেন যদ্যপি দুই পিতার ঔরসজাত দুই পুত্রের মধ্যে মাতার ধন লইয়া বিবাদ হয়, তাহা হইলে যাহার পিতা যে ধন দিয়াছেন তিনি সেই ধন পাইবেন, অপরে পাইবেন না।” এ বিষয়ে বেশী বলা নিম্নয়োজন।

সমাজে পুত্রবতী বিধবাদের বিবাহ প্রচলিত না থাকিলে এইরূপ ধন বণ্টনের প্রয়োজন অসুভূত হইত না। এইরূপ বিবাহ হইত; তজ্জন্ত জীমূতবাহন উপরোক্তরূপ ব্যবস্থা করিতে বাধ্য হন।

বিধবা নাবালক শিশুপুত্র লইয়া পুনরায় বিবাহ করিলে সেই শিশুপুত্র-সহ তাঁহার দ্বিতীয় স্বামীর ঘর করা স্বাভাবিক। এইরূপ বিধবার প্রথম স্বামীর ঔরসজাত পুত্র তাঁহার দ্বিতীয় স্বামীর পুত্রদের সহিত একত্রে বাস করিবে। এরূপ ক্ষেত্রে প্রশ্ন উঠিতে পারে যে, দ্বিতীয় স্বামীর মৃত্যু হইলে তাঁহার ঔরসজাত পুত্রগণের সহিত বিধবার প্রথম স্বামীর ঔরসজাত পুত্র সম্পত্তির কোন অংশ বা মাসহারা পাইবে কি না। শূদ্রদের বেলায় অবরুদ্ধ স্ত্রীর গর্ভজাত পুত্রগণ কিছু অংশ পায়। এরূপ অবস্থায় উপরোক্তরূপ প্রশ্ন ওঠা স্বাভাবিক। ইহারই নিরাকরণার্থে দায়ভাগ-কার পূর্বোক্তরূপ ব্যবস্থা করিয়াছেন।

নব্য-স্বতির প্রতিষ্ঠাতা রঘুনন্দন তাঁহার অষ্টাবিংশতি-তমের অন্ততম দায়ভক্ত পূর্বোক্ত জীমূতবাহনের ব্যবস্থা উদ্ধৃত করিয়া পূর্বোক্ত ব্যবস্থা সম্পূর্ণ বহাল রাখিয়াছেন। স্মার্ত রঘুনন্দন শ্রীচৈতন্যদেবের সমসাময়িক। এমতে আমরা তাঁহাকে ইং ১৫০০ সনের লোক বলিয়া ধরিতে পারি।

শ্রীকৃষ্ণ তর্কালঙ্কার আন্দাজ ইং ১৭০০ সনের লোক। তিনি তাঁহার দায়ক্রম সংগ্রহে বিভিন্ন পিতার ঔরসজাত একই মাতার গর্ভজাত পুত্রদের মধ্যে ধনবিভাগ সম্বন্ধে আরও বিশদ ব্যবস্থা করিয়াছেন।

সমাজে বিধবা-বিবাহ, তথা পুত্রবতী বিধবা-বিবাহের যথেষ্ট চল না থাকিলে জীমূতবাহনের সময় হইতে শ্রীকৃষ্ণ তর্কালঙ্কারের সময় পর্যন্ত সাতশত বৎসর ধরিয়া ব্যবহার শাস্ত্রে এইরূপ ধন বিভাগের ব্যবস্থা থাকিত না।

কিন্তু জগন্নাথ তর্কপঞ্চানন প্রণীত বিবাদ-ভঙ্গার্ণব সেতুতে (ইং ১৭৯৭ সালে) এইরূপ ব্যবস্থার অসুপাত হইতে মনে হয় যে, এই সময়ে বিধবা-বিবাহ আদৌ হইত না—সেজন্য তর্কপঞ্চানন মহাশয় এ বিষয়ে কিছু লিখেন নাই। সমাজ-ব্যবস্থার সহিত ব্যবহার শাস্ত্রের কিছুটা time lag বা আশুপাছু থাকা সম্ভব। সেজন্য মনে হয় ইং ১৭০০ সনের পূর্বে হইতেই বিধবা-বিবাহের সংখ্যা কমিতেছিল এবং মহারাজা কৃষ্ণচন্দ্রের সময় আদৌ চালু ছিল না। দেড়শত, দুইশত বৎসর বিধবা-বিবাহ বন্ধ থাকার ফলে বিদ্যাসাগর মহাশয়ের সময়ে এরূপ সম্বন্ধে লোকের মনে হয় যে, বিধবা-বিবাহ আদৌ আইন-সঙ্গত কি না। এজন্য বিদ্যাসাগর মহাশয় বহু চেষ্টায় ইং ১৮৫৬ সনে বিধবা-বিবাহ আইন পাশ করান। ঐ আইনের Preamble-এ বা সূচনায় আছে:—

“Whereas it is known, that by the law as administered in the Civil Courts established in the territories in the possession and under the Government of the East India Company, Hindu widows, with certain exceptions, are held to be, by reason of their having been once married, incapable of contracting a second valid marriage, and the offspring of such widows by any second marriage are held to be illegitimate and incapable of inheriting property, etc., etc.”

এই বিধবা-বিবাহ, এমন কি অকৃত্যোনি বাল-বিধবারও বিবাহ বন্ধ হওয়ার হেতু কি? এক সমাজপতিগণের আপত্তি; আর স্ত্রীলোকের সংখ্যা বেশী হওয়ার, যখন বিবাহের জন্ত কুমারীই সহজে পাওয়া যায়, তখন কেন বিধবা-বিবাহ করিব? আমাদের মনে হয় শেষোক্ত কারণেই বিধবা-বিবাহ কমিতে কমিতে একেবারে লোপ পাইয়াছিল; কারণ সমাজপতিগণ

হিন্দু ব্যবহারশাস্ত্রে ব্যবস্থা থাকি সত্ত্বেও যে এইরূপ আপত্তি করিয়াছিলেন তাহার প্রমাণের অভাব। এ বিষয়ে জনশ্রুতি পর্য্যন্ত নাই।

৮। এই নারীর অহুপাতের কমতিতে পূর্ববঙ্গে ও পশ্চিমবঙ্গে প্রভেদ আছে। বর্তমানে (ইং ১৯৩১ সনে) বাংলার সর্ব্বধর্ম্মের লোকদের মধ্যে ও হিন্দুদের মধ্যে অঞ্চলভেদে নারীর অহুপাত এইরূপ। যথা :

	সর্ব্বধর্ম্ম	হিন্দু
বাংলা	২২৪	২০২
পশ্চিমবঙ্গ	২৪২	২৪৪
মধ্যবঙ্গ	৮৪৬	৮২৬
উত্তরবঙ্গ	২২১	৮২৬
পূর্ব্ববঙ্গ	২৫৭	২৫২

পশ্চিমবঙ্গে ও মধ্যবঙ্গে নারীর অহুপাত খুব কম হইবার কারণ, বাহির হইতে বহু পুরুষ কলিকাতা ও তৎ-সন্নিহিত ২৪ পরগণা, হাওড়া ও হুগলী জেলার কল-কারখানায় কাজ করিবার জন্ত, ব্যবসা-বাণিজ্যের জন্ত আসিয়াছেন। পশ্চিমবঙ্গ বা বর্ত্তমান বিভাগ হইতে হাওড়া ও হুগলী জেলা বাদ দিয়া এবং মধ্যবঙ্গ বা প্রেসিডেন্সী বিভাগ হইতে ২৪ পরগণা জিলা ও কলিকাতা বাদ দিয়া হিসাব করিলে দেখা যায় যে, প্রতি ১,০০০ পুরুষে নারীর অহুপাত এইরূপ :

বর্ত্তমান, বীরভূম,	}	২৭৪
বাকুড়া ও মেদিনীপুর		
নদীয়া, মুর্শিদাবাদ	}	২৪৬
যশোহর ও খুলনা		

উভয়কে একত্র করিয়া } ২৬৫  
যে "পশ্চিমবঙ্গ"

ঢাকা ও চট্টগ্রাম বিভাগ লইয়া যে পূর্ব্ববঙ্গ তাহা অপেক্ষা নারীর অহুপাত ২৬৫—২৫২ = ১৩ বেশী।

ইংরেজী ১৮৮১ সনে যখন কল-কারখানা সবে শুরু হইয়াছে, বহিরাগতদের সংখ্যা এত বেশী হয় নাই, তখনকার নারীর অহুপাত হইতেছে :

পশ্চিমবঙ্গ	১,০৫০	}	গড় ১০০৬ পূর্ব্ববঙ্গের সহিত পার্থক্য = ৪২
মধ্যবঙ্গ	২৬১		
উত্তরবঙ্গ	২৭৩		
পূর্ব্ববঙ্গ	২৫৭		

পশ্চিম ও মধ্যবঙ্গের নারীর অহুপাত পূর্ব্ববঙ্গ অপেক্ষা ৮৬১ বেশী।

এমতে মহারাজা কৃষ্ণচন্দ্রের সময় (ইংরেজী ১৭৫৬ আশ্বাজ) যখন সমগ্র বঙ্গে আমাদের পূর্ব্ব অহুমান অহুযায়ী নারীর অহুপাত ৮৩৬ ছিল, তখন পশ্চিমবঙ্গে বা মধ্যবঙ্গে নারীর অহুপাত ৮৩৬ অপেক্ষা ৮৬১ বেশী ছিল; আর পূর্ব্ববঙ্গে ছিল কম। আজ-মৌজে হিসাবে পশ্চিমবঙ্গে অহুপাত ৮৩৬ + ২৫ = ৮৬১; আর পূর্ব্ববঙ্গে ৮৩৬ - ২৫ = ৮১১।

৯। মহারাজা কৃষ্ণচন্দ্র রাঢ়ী ব্রাহ্মণ ছিলেন। তিনি স্বসমাজে রাঢ়ী ব্রাহ্মণদের মধ্যে ১০০০ পুরুষে ২৬০ জন স্ত্রীলোক (বর্ত্তমানের হিসাবে) বা ৮৮৮ জন (আমাদের হিসাব অহুযায়ী) দেখিলেন। রাজা রাজবল্লভ জাতিতে বৈষ্ণব—তিনি স্বসমাজে বৈষ্ণবদের মধ্যে ১০০০ পুরুষে ২২২ জন স্ত্রীলোক (বর্ত্তমানের হিসাবে) বা (পূর্ব্বের অহুপাত হিসাবে ৮৩৬ + ২২২ - ২০৮ = ৮৫০ জন) দেখিলেন।

মহারাজার দৃষ্টি নিবন্ধ ছিল পশ্চিমবঙ্গে ও মধ্যবঙ্গে, রাজবল্লভের দৃষ্টি নিবন্ধ ছিল পূর্ব্ববঙ্গে। আজ-মৌজে হিসাবে পশ্চিম ও মধ্যবঙ্গে যেখানে স্ত্রীলোকের অহুপাত ৮৮৮ + ২৫ = ৯১৩ জন, পূর্ব্ববঙ্গে সেখানে অহুপাত ৮৫০ - ২৫ = ৮২৫ জন।

পশ্চিমবঙ্গে বিশেষ করিয়া রাঢ়ী শ্রেণী ব্রাহ্মণদের মধ্যে বিবাহযোগ্য বয়সের স্ত্রীলোকের আধিক্য; আর পূর্ব্ববঙ্গে বৈষ্ণবদের মধ্যে বিবাহযোগ্য বয়সের স্ত্রীলোকের সংখ্যাগ্নতা। এই সংখ্যাগ্নতা বা সংখ্যা-গরিষ্ঠতা কিরূপ ছিল, তাহা নিম্নের হিসাব হইতে বুঝা যাইবে। আমরা বর্ত্তমানে বিভিন্ন বয়সের বৈষ্ণব লোক আছে সে সময়ে সেইরূপ ছিল ধরিয়া লইয়াছি।

অহুপাত ২০৮	অহুপাত ২১৩	অহুপাত ৮২৫				
বয়স	পুরুষ	স্ত্রীলোক	পুং	স্ত্রী	পুং	স্ত্রী
১৫-২৫		২২,২৮	২২,৪০		২০,২৮	
২০-৩০	২২,২১	২১,২১	২২,২১	২১,৩৩	২২,২১	১২,২৮
২৫-৩৫	২১,২১		২১,২১		২১,২১	

সামাজিক পরিবেশ যদি উক্তরূপ হয় তাহা হইলে যেখানে কৃষ্ণচন্দ্রের বিধবা-বিবাহে আপত্তি হইবে, রাজবল্লভের বিধবা-বিবাহের অহুকূলে মত হইবে। ছই জনেরই উদ্দেশ্য সামাজিক শৃঙ্খলা রক্ষা করা। পূর্ব্ববঙ্গে যে নারীর সংখ্যাগ্নতা বিশেষ ছিল, তাহা ব্রাহ্মণদের "ভরার মেয়ে" বিবাহ হইতে সহজেই অহুমান করা যায়। এ সম্বন্ধে আরও বিশদ অহুসন্ধান ও আলোচনা হওয়া আবশ্যিক বলিয়া মনে করি। বিশেষ করিয়া মহারাজা কৃষ্ণচন্দ্রের জ্ঞান সমাজপতিকে ঈর্ষ্যা-দুষ্ট বলিবার আগে।

## হরতন

শ্রীবিমল মিত্র

১

এই সবে আরম্ভ হ'ল। এই কেঁটগঞ্জ থেকেই আরম্ভ হ'ল হরতনের গল্প। একদিকে হরতন আর কর্তামশাই, কর্তামশাই আর বড়গিন্নী, আর একদিকে ছুলাল সাহা আর নতুন বৌ-এর গল্প। আর তাছাড়া এ জগদীশ ডাক্তারেরও গল্প বটে। সবাই একলাই এসেছিল এখানে একদিন। একলাই সবাই এসেছিল আর কেঁটগঞ্জে এসেই এ-গল্পের সব চরিত্র একদিন একাকার হয়ে গিয়েছিল। এই কর্তামশাই, হরতন, বড়গিন্নী, ছুলাল সাহা, নতুন-বৌ আর জগদীশ ডাক্তার। এ তাদেরই গল্প।

বলতে গেলে কর্তামশাই-ই কেঁটগঞ্জের আদি লোক। আদি এবং অকৃত্রিম। সাতপুরুষ আগেকার খবর কর্তামশাই-এর জানা নেই। কিন্তু তার পরের খবর আগে সকলকে ধ'রে ধ'রে শোনাতেন।

কর্তামশাই বলতেন—তোমরা তখন জন্মাওনি হে, আমরাও তখন জন্মাইনি, এ সেই যুগের কথা—

কথা বলতে গেলে কর্তামশাই-এর আর ভালজ্ঞান থাকত না। আদি কুলুজি ধ'রে টান দিতেন। আদিশুর কবে একদিন কাদের এনে বসতি করিয়েছিলেন এই গোড়-বাংলায়। এ-বংশের মূল ছিলেন সেই ধর্মদাস দেবশম্ভর। তখন ইছামতী এইরকম ছিল নাকি? রাজ-পুরোহিত তিনি। তাঁর খাতিরই ছিল আলাদা। হাতীতে চ'ড়ে রাজবাড়ী যেতেন। প্রতিদিন তাঁর বরাদ্দ ছিল একশ' আটটি পদ্মপাতা। একশ' আটটি পদ্মপাতার ওপর নৈবেদ্য সাজিয়ে তিনি তাঁর গৃহ-বিগ্রহ সিংহ-বাহিনীর পূজা করতেন। তার পর রাজবাড়ীতে গিয়ে শুরু হ'ত ধর্মালোচনা। রাজা শুনতেন, পাত্র-মিত্ররা শুনতেন। রাতে ভাগবত পাঠ হ'ত। সেই ভাগবত-পাঠ হবার সময়ই একদিন এক কাণ্ড হ'ল।

—কি কাণ্ড কর্তামশাই?

যারা গল্প শুনত তারা অনেকবার শুনেছে ঘটনাটা। গোড়েশ্বরের বুকটায় হঠাৎ কেমন একটা ব্যথা ক'রে ওঠে। আর তার পর থেকেই রাজ্যের চর্চনা শুরু হয়।

তার পর বুদ্ধ-বিগ্রহ মড়ক-মহামারী অতিক্রম ক'রে কেমন ক'রে কেঁটগঞ্জের ভট্টাচার্য্য-বংশ আবার ধনে-জনে বিলাসে-বৈভবে ভ'রে উঠেছিল কেদারেশ্বর ভট্টাচার্য্য পর্য্যন্ত, সে-গল্পও সবাই শুনেছে অনেকবার। সেই কেদারেশ্বরের একমাত্র বংশধর কর্তামশাই। এই কীর্তীশ্বর ভট্টাচার্য্য। এ-গল্পের প্রধান বাহন।

আগে কীর্তীশ্বর ভট্টাচার্য্যের শ্রোতা ছিল। তখন সন্ধ্যাবেলা আসর বসত বৈঠকখানায়। পান, তামাক, দোস্তা, পিকুদানী থাকত। টানা-পাখা, আতরদান, দীপক-বাতি। সবই থাকত। এখন আর সে-সব কিছু নেই। কীর্তীশ্বর ভট্টাচার্য্য এখন আরও বড়ো হয়ে পড়েছেন। নেহাৎ নাক দিয়ে নিঃশ্বাস পড়ছে এখনও, তাই বেঁচে আছেন বলা চলে। শুধু খড়মটা টেনে টেনে এখনও এসে বসেন ফরাসটার ওপর। তাও বিকেলের দিকে। একটু সন্ধ্যার আবছায়া নামতেই উঠে পড়েন। উঠে গিয়ে নিজের ঘরের পালঙটার ওপর শুয়ে পড়েন। আর হাঁপান। হাঁপানি ঠিক নয়। আর হাঁপানি হলেই বা কি করছেন! উপায় ত কিছু নেই? কোনও রকমে ক'টা দিন কাটিয়ে দিতে পারলেই বেঁচে যান।

হঠাৎ কার যেন পায়ের শব্দ হ'ল। বড়গিন্নী নাকি —কে?

সেই সে-যুগের রাশভারি গলাটা তখনও ছিল। আগে গলার শব্দে রাস্তা দিয়ে চলতে ভয় হ'ত লোকের। আর তাছাড়া আগে 'কে' ব'লে ডাকলে সাড়া দেবার লোকও ছিল আশে-পাশে। হুকুম তামিল করবার হুকুম-বরদার ছিল। লোকে মানত। সুখে-দুঃখে বিপদে-আপদে কর্তামশাই-এর কাছে পরামর্শ চাইতে আসত। আগে তাঁর ডাকে সাড়া না দিলে চাবুক খেতে হ'ত দেউড়ির দারোয়ানের কাছে। এখন আর সে-সব নেই। বন-জঙ্গল হয়ে গেছে চারদিকে। কাল-কালুন্দির বন হয়ে গেছে সব জায়গায়। হাঁটা-চলা নেই। লোকজনের আনাগোনা নেই। যেন 'ভূতের বাড়ী' হয়েছে ভট্টাচার্য্য-বাড়ী। লোকে বলতো—হবে না, পুরুত-গিরি করতে এসে রাজা হয়ে বসলো। এ কী কপালে



সর? একটা ছেলে ছিল। কীর্তীশ্বর নিজের নামের  
ছন্দ মিলিয়ে তার নাম রেখেছিলেন সিদ্ধেশ্বর। কর্তা-  
মশাই ডাকতেন—সিধে ব'লে। ভেবেছিলেন সিদ্ধেশ্বর  
বড় হয়ে মাহুষ হবে।

—কে?

—আমি!

—ও! আমি ভাবলুম...

কী ভাবলেন কর্তামশাই কে জানে! সেটা আর  
মুখে উচ্চারণ করলেন না। বড় গিন্নী একেবারে  
বিছানার কাছে এসে দাঁড়ালেন। তারপর বললেন—তেল  
গরম করে এনেছিলুম—

—দাও, দিচ্ছ দাও, তবে ও আর ভাল হবে না।

ব'লে বুকের ওপর হাত বোলাতে লাগলেন কর্তা-  
মশাই। রোজ শেষ রাত্রে দিকে কেমন যেন একটা  
টান ধরে বুক। বড় গিন্নী রোজই এই সময়ে আসেন।  
সরষের তেল গরম করে বুকের ওপর মালিশ করে দেন।  
তারপর যখন অন্ধকার হয়ে আসে তখন দেয়াল-গিরিটা  
জ্বলে দেন। তেল মালিশ করাতে করাতে অনেক সময়ে  
সুমিয়ে পড়েন কর্তামশাই। নাক ডেকে ওঠে। হস্ত  
স্বপ্ন দেখেন। সেই সব আগেকার দিনের স্বপ্ন। হঠাৎ  
যেন তাঁর চোখের সামনে হাজার ঝাড়ের বাতিগুলো  
জ্বলে ওঠে। আবার গৌড়েশ্বরের রাজ-পুরোহিত  
ধর্মদাস ভট্টাচার্য্যের একশ' আটটা পদ্মপাতার ওপর  
গৃহ-বিগ্রহের পূজার নৈবেদ্য থরে থরে চোখের সামনে  
ভেসে ওঠে। আবার শাঁখ বেজে ওঠে অন্ধরমহলে।  
ছেলে হয়েছে। ছেলে হয়েছে। কেদারেশ্বর ভট্টাচার্য্যের  
বংশের একমাত্র শিবরাত্রির সন্তে। আবার কেউগঞ্জের  
ঘাটে এসে নৌকো লেগেছে। কাশী থেকে এসেছেন  
শিরোমণি বাচস্পতি। পাইক-পেয়াদারা দৌড়ে গিয়েছে  
পাকী নিয়ে। পাকীতে করে তিনি এলেন রাজবাড়ীতে।  
বিরাতু পণ্ডিত। কাশীর রাজার পণ্ডিত। কেদারেশ্বর  
তাকেই ডেকে পাঠিয়েছেন ছেলের কোণী গণনা করতে।  
তিনি জন্মপত্রিকা তৈরি করলেন। তারপর পাঠ।  
জাতকের কর্কটে বৃহস্পতি, লগ্নে চন্দ্র। এতচ্ছকীয়  
সৌরচৈত্র্য পঞ্চমদিবসে সোমবাসরে অমাবস্তায়াংতিথৌ  
শুভযোগে চতুর্দশকরণে পূর্বভাদ্রনক্ষত্রস্থিতে কুম্ভরাসৌ  
মঙ্গলস্ত ঘাদশাংশে যামার্কে অশেষগুণালঙ্কৃত-পবিত্র-  
ব্রাহ্মণকুলোদ্ভবস্ত শ্রীযুক্ত কেদারেশ্বর ভট্টাচার্য্য মহোদয়স্ত  
শুভাভিনব প্রথম কুমারঃ জাতঃ। শুভমস্ত!

কেদারেশ্বর তবু কিছু বুঝতে পারলেন না। জিজ্ঞেস  
করলেন—কেমন দেখলেন পণ্ডিত মশাই?

কাশীর রাজার পণ্ডিত শিরোমণি বাচস্পতি। সংস্কৃত  
শাস্ত্রে অগাধ জ্ঞান। বললেন—এই সন্তান আপনার  
বংশের মর্যাদা বৃদ্ধি করবে। তবে চতুষষ্টি বৎসর  
বয়স্কালে রাহুর দশা পড়বে। নীচ জাতীর লোকের  
সংস্পর্শে সমূহ কৃতি, জাতককে সতর্ক থাকতে হবে—  
ওই বয়েসেই যা কিছু অনিষ্ট হবার আশঙ্কা আছে।

—কীসে অনিষ্ট রোধ হবে?

শিরোমণি বাচস্পতি বললেন—সে বহুদিন পরের  
কথা, তখন অবস্থা বিবেচনা করে ব্যবস্থা করলেই চলবে।  
কেদারেশ্বর আবার জিজ্ঞেস করেছিলেন—আর  
আয়ু? পরমায়ুর কথা বললেন না তো?

শিরোমণি বাচস্পতি বললেন—জাতক দীর্ঘায়ু।

কিন্তু সে তো চৌগুটি বছর আগেকার কথা। তখন  
ভট্টাচার্য্য বংশের ধন-দৌলতের প্রাচুর্য্য ছিল। সেই  
কেদারেশ্বর ভট্টাচার্য্যের একদিন কাল হ'ল। তখন  
কীর্তীশ্বর শিশু। আত্মীয়-স্বজন বন্ধু-বান্ধব পরিজন-  
গলগ্রহে পূর্ণ ছিল যে বাড়ী তা ধীরে ধীরে একদিন  
নির্জ্বল হয়ে এল। কীর্তীশ্বর বিয়ে করেছিলেন। সন্তানও  
হয়েছিল। প্রাচীন ঐশ্বর্য্যের পুনরাবির্ভাব হবার আশাও  
ছিল। কিন্তু হয়নি তা। কেউগঞ্জের বাজার যে আজকে  
ধনে-জনে মাহুষ-জনের আনাগোনায়ে এমন গম্ গম্  
করবে তা তখনকার দিনে কেউ কল্পনাও করতে পারে  
নি। অথচ তাই-ই সম্ভব হয়েছে। এদিকটা দিনে  
দিনে নির্জ্বল, নিরিবিলি, নিঃশব্দ, নিরানন্দ হয়ে উঠেছে,  
আর ওই বাজারের দিকটা কেবল দিনের পর দিন  
আরো শব্দ, আরো সৌখীন, আরো স্তম্ভ হয়ে উঠেছে।  
আগেকার দিনে বাজারে চার-পাঁচটা দোকান ছিল।  
একটা মুড়কি-বাতাসার, একটা মাটির হাঁড়ির, একটা  
পাটের আড়ত। এমনি খুচরো কয়েকটা দোকান টিম্-  
টিম্ করে চলত। ওদিকে খেয়াঘাটে নৌকো এসে  
ভিড়ত ব্যাপারীদের। ধান, চাল, বাঁশ, মাটির হাঁড়ি-  
কুঁড়ি আর খড়ের নৌকো। কোথায় কত দূরে যে  
সে-সব চালান যেত তার ঠিক-ঠিকানা কেউ রাঁখিত না।  
কীর্তীশ্বরও সে-সব নিয়ে মাথা ঘামাতেন না। নায়েব-  
গোমস্তা ছিল, তারাই সে-সব খবর দিত। তাই তখন  
সব খবর কানে আসত। আজকাল আর কিছুই জানতে  
পারেন না তিনি। নায়েব গোমস্তা কেউই নেই। শুধু  
আছে নিবারণ। তা নিবারণও বুড়ো হয়ে গেছে।  
তারও চোখে ছানি পড়েছে।

নিবারণ দিনান্তে একবার করে আসে। করাসের  
সামনে একবার দাঁড়িয়ে দিবা করে।

—কিছু বলবে ?

নিবারণ বলে—বলছিলাম, বাঁওড়টা জমা দেওয়ার কথা !

—কোন বাঁওড় ?

—হজুর, পের্পুলবেড়ের দরুণ বাঁওড় !

—কে জমা নেবে ?

নিবারণ একটু ভয়ে ভয়ে মাথা নিচু করলে ।

বললে—আজ্ঞে হজুর, ছল্লাল সাহা—

বান্ধুদের মুখে দেশলাই পড়লেও বুঝি এমন শব্দ ক'রে কেটে ওঠে না। ছল্লাল সাহা নামটার মধ্যেই বুঝি বান্ধুদ লুকিয়ে ছিল। আর তরু সইল না। সঙ্গে সঙ্গে একেবারে দপ্ ক'রে জ্বলে উঠলেন কীর্তীশ্বর ।

—এখনও বুঝি সব খেয়েও আশ মেটেনি নির্বংশের বেটার ! এখনও গরম মেটেনি। আরো খেতে চায় ?

নিবারণ কী বলবে বুঝতে পারলে না। হজুরের সামনে দাঁড়িয়ে থর থর ক'রে কাঁপতে লাগল ।

—যাও, সামনে থেকে দূর হয়ে যাও—

নিবারণ আর এক মুহূর্ত সামনে দাঁড়াতে সাহস পেলে না। তাড়াতাড়ি ঘুরে দাঁড়াতে গিয়ে কানের খাঁজে রাখা কলমটা ফস্ ক'রে মেঝের ওপর প'ড়ে গেল। সেটা কুড়িয়ে নিয়েই ঘর থেকে বেরিয়ে গেল নিবারণ। তারপর বাইরের বারান্দা দিয়ে হাঁটতে হাঁটতে সোজা একেবারে একতলায় কাছারিঘরে এসে ঢুকল ।

নিতাই বসাক তক্তপোশের ওপর হাঁ ক'রে ব'সে মিনিট গুণছিল, আর মাঝে মাঝে হাতঘড়িটা দেখছিল। নিবারণ ঘরে ঢুকতেই মুখ দেখে ব্যাপারটা বুঝতে পারলে।

বললে—কী হ'ল ? কী বললেন কর্তামশাই ?

নিবারণের সাহস হল না সত্যি কথাটা বলতে। তক্তপোশটার ওপর ক্যাশ্-বাল্লটার সামনে এসে ব'সে হাঁপাতে লাগল। বললে, না বসাক মশাই, কর্তামশাই রাজী হলেন না।

—তবু কী বললেন তিনি ? খুব ক্রোড়ে গেলেন ?

নিবারণের হয়েছে জ্বালা। নিতাই বসাককেও চটাতে পারে না, কর্তামশাইকেও চটাতে পারে না। ছুকুল বজায় রেখে চলতে হয় তাকে। আজ পনেরো বছর ধ'রে এমনি চালাতে হচ্ছে। অর্থাৎ সেই যেদিন কেষ্টগঞ্জের বাজারে ছল্লাল সাহা এসে আড়ত ধুলেছে, সেই দিন থেকেই।

—তাহলে আমি সাহাবাবুকে ওই কথাই গিয়ে বলি, যে সাহাবাবুর নাম শুনেই কর্তামশাই ক্রোড়ে গেলেন ? বলি গিয়ে ওই কথা ?

নিবারণ তাড়াতাড়ি ব'লে উঠলো—না, না, বসাক মশাই, ও-কথা বলবেন না, কর্তামশাই-এর এখন শরীরটে একটু খারাপ, তাই বললেন পরে বিবেচনা ক'রে দেখবেন, আপনি একটু সা'বাবুকে বুঝিয়ে বলবেন আজ্ঞে, যেন কিছু না মনে করেন—

নিতাই বসাক বাজে কথা বলবার লোক নয় অত। তারও সময়ের দাম আছে। সেই পনেরো বছর আগে যখন ছল্লাল সাহা বলতে গেলে রাস্তার ভিথিরি ছিল, অর্থাৎ রাস্তায় খুনসী ফিরি করে বেড়াতো, তখন থেকেই নিতাই বসাক ছল্লাল সাহাকে চিনতো। কতদিন ছল্লাল সাহা ভাত জোটেনি কপালে। ছুটো মুড়ি চিবিয়ে ইছামতীর জল আঁজলা ক'রে খেয়ে তেষ্ঠা মিটিয়েছে। সেই নিতাই বসাকই ছল্লাল সাহাকে মতলব দিয়ে বুদ্ধি দিয়ে এত বড় করিয়েছে। এই কেষ্টগঞ্জের বাজারে পাটের আড়ত ধুলিয়েছে ছল্লাল সাহাকে দিয়ে। পাট থেকে তিসি, তিসি থেকে ধান। শেষকালে এবার চিনির কলও ধুলতে চায়। সুগার মিল। পের্পুলবেড়ের বাঁওড়টা পেলে ছল্লাল সাহা একেবারে মনস্বামনা পূর্ণ হয় বোধহয়। এত পেয়েও আশা মেটেনি বেটার। এত খেয়েও পেট ভরে নি।

—কিন্তু একটা কথা আজকে তোমাকে ব'লে যাচ্ছি নিবারণ, ও বাঁওড় আমরা নেবোই।

নিবারণ হাঁ হয়ে রইল। তারপর সামলে নিয়ে বললে—আপনি রাগ করেন কেন বসাক মশাই, খামোকা রাগ করেন কেন ?

—রাগ করবো না ? ভাল মানুষের মত একটা প্রস্তাব নিয়ে এসেছিলাম, তা ত তোমার কর্তামশাই শুনলেন না, শুনলে তোমার কর্তামশাইয়ের ভালই হ'ত, এই অভাব-গণ্ডার দিনে ছুটো কাঁচা টাকার মুখ দেখতে পেতেন, তা যখন তাঁর ইচ্ছে নয়, তখন আমরাও কী ব্যবস্থা করতে হয় তা জানি—

নিতাই বসাক উঠে যায় যায় প্রায়।

নিবারণ প্রায় শেষ চেষ্টার সুরে বললে—আপনি যেন এ-সব কথা আবার সা'বাবুর কানে তুলবেন না দয়া ক'রে, আমি নাহয় আর একবার চেষ্টা ক'রে দেখবো'খন—

—আর দেখতে হবে না তোমাকে নিবারণ, যা পারি আমরাই দেখাবো !

—আজ্ঞে, আপনারা দেখাবেন মানে ?

—মানে, আমরা ও পের্পুলবেড়ের বাঁওড় নেবোই।

তোমার কর্তামশাই-এর বাবার সাধ্য নেই আমাদের আটকায়—এই তোমায় ব'লে রেখে গেলুম!

ব'লে হন্ হন্ ক'রে নিতাই বসাক সদর দরজা দিয়ে একেবারে সোজা বাইরের দেউড়ির কালকাসুন্দির বনের মধ্যে অদৃশ্য হয়ে গেল।

সত্যিই, ছুলাল সাহা যেন কেউগঞ্জের বাজারে ধুমকেতুর মত উদয় হয়েছিল একদিন। আর তার পর থেকেই কীর্তীশ্বরের বুকের এই টানটা সুরু হয়েছে। সন্ধ্যাথেকেই কেমন যেন ফাঁকা ফাঁকা মনে হয় বুকের কাছাটায়। তার পর যত রাত বাড়ে তত টানটাও বাড়ে। তখন বড় গিন্নী বুঝতে পারেন না। বড়গিন্নী মনে করেন বৃষ্টি কর্তামশাই ঘুমিয়ে পড়েছেন। আস্তে আস্তে মশারীটা খাটিয়ে চার পাশে ধারগুলো ঝুঁজে দেন ভাল ক'রে। তার পর এক সময়ে নিজেও কর্তামশাইয়ের পাশে শুয়ে পড়েন।

কিন্তু সেদিন কর্তামশাই একটু অশ্রুমনস্ক ছিলেন।

বললেন—ও কিসের গন্ধ আসছে বড়গিন্নী?

—লুচি ভাজার!

লুচি ভাজার! জিজ্ঞেস করলেন—এত রাত্তিরে আবার লুচি খাবার সখ হ'ল কার?

বড়গিন্নী বরাবরই কম কথার মানুষ! তিনি কিছু উত্তর দিলেন না।

কর্তামশাই আবার বললেন, কথা বলছ না যে?

—কি বলব?

—এই লুচি খাবার কার সখ হ'ল এত রাত্তিরে? আর লুচি যদি খাবার সখই হয় ত এত গন্ধ ছড়ায় কেন? মনে হচ্ছে ঘিটা ভাল—

বড়গিন্নী তবু কথা বললেন না। কিন্তু কর্তামশাই আর থাকতে পারলেন না। উঠলেন বিছানা ছেড়ে।

—আবার উঠছ কেন এই শরীর নিয়ে?

কর্তামশাই রেগে গেলেন। বললেন—উঠব না ত কি করব? দেখতে হবে না কার লুচি খাবার সখ হ'ল? এত রাত্তিরে এত ভাল ঘি পুড়িয়ে কোন্ বেটা লুচি খাচ্ছে?

বলতে বলতে কর্তামশাই খড়ম পায়ে গলিয়ে ঘরের দরজা খুলে বারান্দায় গিয়ে সিঁড়ির কাছ থেকে ডাকলেন নিবারণ, অ নিবারণ—

কাছারি-ঘরের পাশেই নিবারণের শোবার ঘর। চটা-ওঠা মেঝে। চামচিকে আর আরশোলার রাজত্ব ঘরখানায়। আগে এ ঘরখানায় বৈঠকখানা ছিল।

বড় বড় অয়েল-পেটিং। তাও একটাও ভাল অবস্থার নেই। মহারাজ বর্মদাস ভট্টাচার্যের মুণ্ডুটা উইপোকায় কেটে ফুটো ক'রে দিয়েছে। কেদারেশ্বরের সোনার গড়গড়ার নলের ওপর মরচে প'ড়ে আছে। মাকড়সার জাল জটিল হয়ে উঠেছে গৃহ-বিগ্রহ সিংহবাহিনী পটের ওপর। ছেঁড়া তুলো ওঠা গদির এক কোণে একটা ময়লা মশারী খাটিয়ে তখন শোবার উদ্যোগ করছিল নিবারণ। নিতাই বসাক ছপুর বেলাই বকিয়ে গেছে অনেকক্ষণ। পৈপুলবেড়ের বাওড়টা নিয়ে ক'দিন থেকেই আনাগোনা করছিল। সুগার-মিল করবে। ছুলাল সাহা ক'মাস থেকেই বলছিল—কর্তামশাইকে বলেছ নাকি নিবারণ?

নিবারণ বলেছিল—আজ্ঞে, বলতে আমার সাহস হয় না—

—কেন? টাকা নেবে জমি বেচবে, চুকে গেল ল্যাটা! এতে আর সাহসের কথা কি আছে?

নিবারণ বলেছিল—আজ্ঞে সা'মশাই, আপনি ত কর্তামশাইকে চেনেন—

—তা জমি কি কর্তামশাই আগে বেচেন নি যে এত ভয়? জমি বেচে-বেচেই ত তোমার কর্তামশাই পেট চালাচ্ছে এতদিন। আর আমি ত তোমার কর্তামশাইকে তার বাস্তবিত্তে বেচতে বলছি নে—

তার পর একটু থেমে আবার বলেছিল—শেষকালে সেই-ই ত বেচতে হবে, তবু না-হয় একজন বাঙালীকেই বেচলেন তোমার কর্তামশাই!

তাতেও যখন কোনও কাজ হয় নি তখন নিবারণের হাতে কিছু ঝুঁজে দিতে চেয়েছে ছুলাল সাহা। টাকায় সব বেটা বশ হয় আর তুচ্ছ নিবারণ বশ হবে না? টাকার মহিমার গোড়ার কথাটা বুঝেছিল ছুলাল সাহা অনেক দিন। সেই টাকা দিয়েই হাত করতে চেয়েছিল নিবারণকে।

—তুমি ত অনেক দিন চাকরি করলে নিবারণ, চাকরি ক'রে চুল পাকিয়ে ফেললে? কিছু জমাতে পেরেছ এতদিনে? কিছু আখেরের কাজ করতে পেরেছ?

নিবারণ হেসেছিল শুধু। বলেছিল, আজ্ঞে, আমার আর আখের! অনেক খেয়েছি কর্তামশাইয়ের, অনেক ভোগ করেছি, এখন এ-বয়েসে আর আখেরের লোভ দেখাবেন না—

এমনি ক'রেই এতদিন টানা-হ্যাঁচড়া চলছিল, আজ একেবারে কাটাকাটি হয়ে গেল। ভালই হ'ল। এর পর আর ছুলাল সাহাও ডাকবে না। নিতাই বসাকও দরবার করতে আসবে না। কেউগঞ্জের বাজারের দিকে

আর না গেলেই হ'ল। নিবারণ মশারীটা খাটিয়ে নিয়ে  
ওয়ে পড়ছিল। হঠাৎ ওপরে কর্তামশাই-এর ডাক শুনে  
থম্কে দাঁড়াল।

—নিবারণ, অ নিবারণ!

খড়মের শকট নিচের দিকেই নামছিল।

নিবারণ তাড়াতাড়ি ঘর থেকে বারান্দায় এসে সিঁড়ি  
দিয়ে ওপরে উঠতে লাগল।

—যাই কর্তামশাই।

সিঁড়ির একেবারে শেষ ধাপে কর্তামশাই-এর সঙ্গে  
মুখোমুখি দেখা।

—লুচি-ভাজার গন্ধ কোথেকে আসছে নিবারণ?  
এত রাস্তিরে কেউগঞ্জে কার এত লুচি খাবার সখ হ'ল  
জান?

—আজ্ঞে, ছলল সাহার বাড়ীতে।

—আমি ঠিক ধরেছি, ছলল সা' বুঝি আজকাল  
পাড়ায় জানানু দিয়ে লুচি খেতে শুরু করেছে? বড়  
বেয়াদপ ত!

নিবারণ বললে, আজ্ঞে কর্তামশাই, তা নয়।  
আপনাকেও নেমস্তন্ন করতে এসেছিল ছলল সা'—  
আমি শরীর খারাপ ব'লে আপনার সঙ্গে দেখা করতে  
দিই নি—

—ভালই করেছ। বেয়াদপদের সঙ্গে দেখা করার  
প্রবৃত্তি নেই আমার। তা কিসের নেমস্তন্ন?

—আজ্ঞে ছলল সা' দীক্ষা নিচ্ছে। শুরু করেছে

যে! তাই খাওয়া-দাওয়া হচ্ছে, পাঁচজনকে নেমস্তন্ন  
ক'রে খাওয়াচ্ছে—

কর্তামশাই হাসলেন কি ভ্রুকুটি করলেন বোঝবার  
উপায় নেই। বললেন, বেয়াদপের আবার দীক্ষা! চাষার  
আবার জামাই!

কথাটা ব'লে চ'লেই যাচ্ছিলেন। কিন্তু কি ভেবে  
আবার দাঁড়ালেন। বললেন, তা ঘটা ক'রে লোক  
খাওয়াচ্ছে কেন? টাকা দেখাবার জন্তে? টাকা না  
দেখাতে পারলে বুঝি ঘুম হচ্ছে না? যত সব...

—আজ্ঞে না, ইনি মহাপুরুষ ব্যক্তি! তনুলায় দেবতুল্য  
মাহুষ। এঁর দর্শন পাওয়া ভাগ্যের কথা!

কর্তামশাই রেগে গেলেন।

—রাখ তোমার কথা। মহাপুরুষ আর লোক  
পেলেন না কেউগঞ্জে, উঠতে গেলেন ছলল সা'র বাড়ী!  
চামারের একশেষ! আসলে টাকা দেখানো। কেউগঞ্জের  
লোককে দেখানো হচ্ছে—ওগো দেখ, আমার কত টাকা  
হয়েছে। আমি বুঝি নে কিছু? আমাকে বোকা পেয়েছে?

বলতে বলতে আবার নিজের ঘরে গিয়ে বিছানায়  
ধপাস ক'রে ওয়ে পড়লেন। প'ড়েই হাঁপাতে লাগলেন।  
বড়গিল্লী চূপ ক'রে ব'সে ছিলেন তখনও বিছানার পাশে।  
বললেন, জানলাটা বন্ধ ক'রে দাও ত বড়গিল্লী, কি  
বিচ্ছিরি গন্ধ ধি-এর, নাক জ'লে গেল, যেন চামড়া  
পোড়াচ্ছে—

ক্রমশঃ





## সর্বোদয়

শ্রীমুখাংশুবিমল মুখোপাধ্যায়

দক্ষিণ আফ্রিকা সাধারণতন্ত্রের জোহানেসবার্গ রেলওয়ে স্টেশনে ১৯০৩ সনের এক অপরাহ্নে ডারবানগামী ট্রেন ছাড়িবার সময় হইয়া আসিয়াছে। জোহানেসবার্গের তরুণ ভারতীয় আইনজীবী মোহনদাস করমচাঁদ গান্ধী ডারবান চলিয়াছেন। তাঁহার বয়স ত্রিশের কোঠায়। কয়েক মাস হইতে তিনি দক্ষিণ আফ্রিকার প্রবাসী ভারতীয় সম্প্রদায়ের মুখপত্র 'ইণ্ডিয়ান ওপিনিয়ন' প্রকাশ করিতেছিলেন। 'ইণ্ডিয়ান ওপিনিয়ন' সাপ্তাহিক পত্রিকা। ডারবান হইতে ইহা প্রকাশিত হইত। 'ইণ্ডিয়ান ওপিনিয়ন'-এর আর্থিক সঙ্কট মোচনের উদ্দেশ্যেই গান্ধী ডারবান যাইতেছিলেন। গাড়ী ছাড়িবার একটু আগে গান্ধীর গুণগ্রাহী 'ট্রান্সভাল ক্রিটিক'-এর সহকারী সম্পাদক এইচ. এস. এল. পোলক গান্ধীর সহিত দেখা করিতে আসিলেন। তিনি পথে পড়িবার জন্ত গান্ধীকে একখানা বই দিলেন। যথাসময়ে গাড়ী ছাড়িয়া দিল। ২৪ ঘণ্টার লম্বা পাড়ি। পরদিন সন্ধ্যায় গান্ধীর ডারবান পৌঁছিবার কথা।

গাড়ী ছাড়িবার পর নিজের আসনে বসিয়া গান্ধী পোলকের দেওয়া বইখানা পড়িতে আরম্ভ করিলেন। ক্রমে তিনি পাঠে তন্ময় হইয়া গেলেন এবং বইখানা আগাগোড়া পড়িয়া ফেলিলেন। পুস্তকের বিষয়বস্তু তাঁহার মনে প্রচণ্ড আলোড়ন তুলিল।

বইখানা ঊনবিংশ শতকের ইংরেজ মনীষী জন রাঙ্কিনের "আনটু দিস লাস্ট"।<sup>1</sup> এই বইয়ে তিনি বলিয়াছেন যে, কাহারও টাকা আছে এবং কাহারও টাকা নাই বলিয়াই টাকার কদর। আমার প্রতিবেশীর টাকার প্রয়োজন না থাকিলে আমার টাকা মূল্যহীন হইয়া পড়ে। প্রতিবেশী গরীব হইলে এবং বহুদিন বেকার বসিয়া থাকিলে আমার টাকার দাম বাড়িয়া যায়। রাঙ্কিনের মতে মানুষ সম্পদের নামে আসলে চায় ক্ষমতা। নিজের টাকা-পয়সা বাড়াইবার চেষ্টা না করিয়া মানুষের অঙ্গে তুট হইয়া গভীরতর আনন্দলাভের চেষ্টা

করা উচিত। একই জিনিষ একই সময়ে একাধিক জনের থাকিতে পারে না। সুতরাং যতদিন দীনতম ব্যক্তি জীবনধারণের পর্যাপ্ত উপকরণ না পায়, ততদিন পর্যন্ত বিস্তবানু ব্যক্তিগণের বিলাস বর্জন করা উচিত। যখন দীনতম ব্যক্তিরও কোন অভাব থাকিবে না, তখনই পৃথিবীতে স্বর্গরাজ্য স্থাপিত হইবে। মানুষের ইতিহাসে সেদিন সূর্যযুগের সূচনা হইবে।

রাঙ্কিনের বাণীতে গান্ধী নিজের চিন্তার প্রতিধ্বনি শুনিতে পাইলেন। গান্ধী পূর্ব হইতেই বিশ্বাস করিতেন যে, যে সমাজ এবং আর্থিক সংগঠনে প্রত্যেকটি মানুষের কল্যাণ হয়, একমাত্র সেই সমাজ এবং আর্থিক সংগঠনই গড়িয়া তুলিবার চেষ্টা করা উচিত। সমষ্টির কল্যাণেই ব্যক্তির কল্যাণ, এ সত্যও তাঁহার অজানা ছিল না।

অনেকদিন পূর্বেই আর একটি কথা গান্ধীজীর মনে জাগিয়াছিল। তিনি মনে করিতেন যে, শ্রমজীবী এবং আইনজীবী উভয়ে একই উদ্দেশ্যে কাজ করিয়া থাকেন। উভয়েরই উদ্দেশ্য জীবিকার সংস্থান। সুতরাং ইহাদের কাজে কোন মৌলিক পার্থক্য নাই। রাঙ্কিন বলেন যে, মধ্যবিত্ত সম্প্রদায় অসি, লেখনী বা অস্ত্রোপচারের অস্ত্র দ্বারা দেশের সেবা করে। আর শ্রমজীবী কোদালি দ্বারা দেশ ও দেশের সেবা করে। রাঙ্কিনের কথায় গান্ধীর বিশ্বাস দৃঢ়তর হইল। এ প্রসঙ্গে একটি কথা মনে রাখা প্রয়োজন। সর্বপ্রকার শ্রমের মূল্যই এক, রাঙ্কিন কোথাও এমন কথা বলেন নাই। মানুষে মানুষে বৈষম্যের উপর তিনি বিশেষ জোর দিয়াছেন। তাঁহার মতে শক্তিমান বিস্তবানের নীতিবোধই শক্তিহীন নিধনকে স্বর্ণকার্যে পারে। ধর্মভীরু মানুষের বিবেকবুদ্ধির নিকট আবেদনই কেবল বৈষম্যের ছুঃখ দূর করিতে পারে। এই আবেদন সফল হইলে এক বিরাট বৈপ্লবিক পরিবর্তন সংঘটিত হইবে। এই পরিবর্তন সর্ববাদিসম্মত এবং সর্বজনগ্রাহ্য হইবে। সেই জন্তই ইহা মহান এবং গৌরবময়। এই পরিবর্তন মানুষের ইতিহাসে এক নূতন অধ্যায়ের সূচনা করিবে।

(1) John Ruskin—Unto This Last: Four Essays on the First Principles of Political Economy.

"আনটু দিস লাস্ট" পাঠে গান্ধীজী আর একটি সত্যের সন্ধান পাইলেন। তিনি বুঝিতে পারিলেন যে,

শ্রমিক, কৃষক এবং কারুশিল্পীর জীবনই আদর্শ জীবন। পূর্বে কোনদিনই একথা তাঁহার মনে জাগে নাই। এই উপলক্ষি তাঁহার নিকট এক নব দিগন্তের দ্বার খুলিয়া দিল।

রাঙ্কিনের ভাবধারা গান্ধীর মনোরাজ্যে প্রচণ্ড আলোড়ন তুলিল। বহুদিন হইতে তিনি যে সত্যের সন্ধান করিতেছিলেন এবং অংশতঃ যাহা উপলক্ষিও করিয়াছিলেন এবার তাহার সহিত পূর্ণ পরিচয় ঘটিল। রাঙ্কিন গান্ধীজীর উপর কি গভীর প্রভাব বিস্তার করিয়াছিলেন তাঁহার নিজের কথাতেই তাহার প্রমাণ পাওয়া যায়। প্রায় পঞ্চাশ বৎসর পর ১৯৪৬ সনের অক্টোবর মাসে তিনি বলেন—ঐ পুস্তক (“আনটু দিস লাক্স”) আমার জীবনের মোড় ঘুরাইয়া দিল।<sup>২</sup> গান্ধীজী আরও বলেন যে, মনোরাজ্যের বিপ্লবকে নিজের জীবনে প্রতিষ্ঠিত করিবার মত মনোবল রাঙ্কিনের ছিল না। কিন্তু গান্ধীজী ভিন্ন ধাতুতে গঠিত ছিলেন। নিজের জীবনে উপলক্ষ সত্যের প্রয়োগ এবং প্রতিষ্ঠা না করিয়া তিনি প্রতি-নিবৃত্ত হইতেন না। সত্যের সন্ধান এবং অহুসরণের বিচিত্র কাহিনীই তাঁহার জীবনের ইতিহাস। বুদ্ধি, চিন্তা এবং কর্মের সামঞ্জস্য সাধনই গান্ধীর জীবন-দর্শনের মূলমন্ত্র। এ কথা মনে না রাখিলে গান্ধীকে বোঝা যাইবে না।

“আনটু দিস লাক্স” পড়া শেষ করিয়া গান্ধী গভীর চিন্তায় ডুবিয়া গেলেন। যাহা পড়িয়াছেন, মনে মনে তাহারই আলোচনা করিতে করিতে এক সময় ঘুমাইয়া পড়িলেন। রাঙ্কিনের প্রচারিত আদর্শে জীবন গঠন করিবার সঙ্কল্প গ্রহণ করিয়া তিনি পরদিন প্রত্যুষে গাত্রোখান করিলেন।<sup>৩</sup> এই ছাবে একটি মহান জীবনাদর্শ জন্মগ্রহণ করিল। এই আদর্শ সর্বোদয়। পরবর্তীকালে গান্ধীজী গুজরাট ভাষায় “আনটু দিস লাক্স” অহুবাদ করেন। এই অহুবাদ “সর্বোদয়” নামে প্রকাশিত হয়।

সর্বোদয় (সর্ব + উদয়) কথাটির অর্থ সকলের কল্যাণ। (উদয় = অহুদয়, সমৃদ্ধি, কল্যাণ)। গান্ধীজীর মতে সকলের কল্যাণের প্রকৃত অর্থ সকলের মহত্তম

কল্যাণ। ইংরেজ দার্শনিক জেরেমি বেহাম (Jeremy Bentham) প্রচারিত হিতবাদও (Utilitarianism) মানব-কল্যাণের আদর্শ প্রচার করে। কিন্তু সর্বোদয় এবং হিতবাদের মধ্যে মৌলিক পার্থক্য রহিয়াছে। সংখ্যাগরিষ্ঠ দলের সর্বাধিক কল্যাণ (“greatest good of the greatest number to the greatest extent”) সাধন হিতবাদের লক্ষ্য। এই উদ্দেশ্যসিদ্ধির জন্ত সংখ্যালঘুদের স্বার্থ বিসর্জন দেওয়া সম্পূর্ণভাবে গ্রাহ্য ও নীতিসঙ্গত। দশজনের ক্ষতি করিয়া যদি একশ’ জনের উপকার করা যায়, তবে দশজনের ক্ষতি করিলে দোষ হয় না। প্রচলিত গণতন্ত্রগুলিও এই নীতির উপর প্রতিষ্ঠিত। “কারও পোষ মাস, কারও সর্বনাশ” হিতবাদ প্রকৃত প্রস্তাবে এই হৃদয়হীন আদর্শের দার্শনিক রূপ মাত্র। সাদা কথায় হিতবাদ বলে যে, একশ’ জনের মধ্যে ৫১ জনকে বাঁচাইবার জন্ত প্রয়োজন হইলে বাকী ৪৯ জনের সর্বনাশ করিতে হইবে। এইভাবে হিতবাদ মানুষে মানুষে এবং গোষ্ঠিতে গোষ্ঠিতে স্বার্থের পার্থক্য এবং সংঘাত মানিয়া লইয়াছে। একজনের যাহাতে মঙ্গল হয় অত্রের তাহাতে মঙ্গল নাও হইতে পারে এই মতের পোষকতা করিয়া হিতবাদ শ্রেণী-সম্বর্ষের প্রশয় দিয়াছে এবং দিতেছে। ফলে কল্যাণ অপেক্ষা অকল্যাণই বেশী হইয়াছে।

পঞ্চাশতের সর্বোদয় মানুষে-মানুষে এবং শ্রেণীতে-শ্রেণীতে স্বার্থের পার্থক্য স্বীকার করে না। বিশ্বের সর্বত্র এক এবং অখণ্ড প্রাণসত্তার বিচিত্র প্রকাশ। প্রাণ এক এবং অখণ্ড। একই প্রাণসত্তা বিভিন্ন জনের মধ্যে বিভিন্ন রূপে প্রকাশিত হয়। এই বৈদাস্তিক তত্ত্ব যদি মিথ্যা না হয়, তাহা হইলে মানুষে-মানুষে স্বার্থের পার্থক্য এবং সংঘাতের কথা উঠিতেই পারে না। সুতরাং একের কল্যাণের মধ্যেই সকলের এবং সকলের কল্যাণের মধ্যেই একের কল্যাণ নিহিত আছে। কিন্তু বাস্তব অভিজ্ঞতা এ ধারণার পোষকতা করে না। বহু ক্ষেত্রেই দেখা যায় যে, একজনের যাহাতে কল্যাণ অত্রের তাহাতেই সর্বনাশ। বাড়ীতে চুরি বা ডাকাতি হইলে গৃহস্থের সর্বনাশ হয়। কিন্তু চোর বা ডাকাত তাহাতে লাভবান হই হয়। সর্বোদয়বাদীর মতে চুরি-ডাকাতি আপাতদৃষ্টিতে চোর-ডাকাতির পক্ষে লাভজনক হইলেও আসলে তাহাদের অকল্যাণেরই কারণ। জানের অভাবেই আমরা একথা বুঝিতে পারি না। যাহাতে একজনের প্রকৃত কল্যাণ হয়, অত্র সকলের পক্ষেও তাহাই কল্যাণে

(2) “That book marked the turning point in my Life.”

(3) “(I) arose at the dawn ready to reduce these (Ruskin’s) principles to practice.”

দারন। আমাদের অজ্ঞান এই সত্যোপলব্ধির অন্তরায়।

ই এতদ্ব্যতিরিক্তে আরও ছিন্ন করিয়া নিখিল বিশ্বের সহিত এতদ্ব্যতিরিক্তে জীবনের লক্ষ্য। প্রতিটি জীবের কল্যাণ-সাধনের চেষ্টাই আত্মোপলব্ধির পথ। কাহারও প্রকৃত কল্যাণসাধন করতে হইলে প্রথমে তাহাকে ভালবাসিতে হয়। এই ভালবাসা যদি খাঁটি হয়, তবে মানব-প্রেমিক স্বচ্ছন্দ এবং মানসে দীন ও দুঃস্থের দুঃস্থের অংশ গ্রহণে প্রস্তুত থাকেন।

সর্বোদয়-সমাজে ব্যক্তি-গোষ্ঠী এবং শ্রেণী-সম্মুখের স্থান নাই। “যুক্ত কর হে সবার সঙ্গে” বিশ্ববিধাতার নিকট সর্বোদয়বাদীর এই একমাত্র প্রার্থনা। হিতবাদী বলেন যে, কোন কথা বা চেষ্টা যতই ভাল হউক না কেন, কাহারও কাহারও তাহাতে অকল্যাণ হইবেই। তাহা হইলে কি কর্তব্য? হিতবাদী উত্তর দিবেন—কোন কাজে যাহারা দলে ভারী তাহাদের মঙ্গল এবং যাহারা সংখ্যায় কম তাহাদের অমঙ্গল হইলেও সেই কাজ করিতে হইবে। পাশ্চাত্যের জীবনাদর্শ হিতবাদের ভিত্তির উপর প্রতিষ্ঠিত। কিন্তু এই আদর্শ সর্বোদয় এবং অহিংসার বিরোধী। সর্বজীবের সপ্রেম সেবা সর্বোদয়ের আদর্শ। প্রেমে হিংসার স্থান নাই। হিংসা সর্বক্ষেত্রে অনিষ্টকর। সেইজন্য হিংসা বর্জনীয়। কিন্তু হিতবাদীর হিংসার আশ্রয় গ্রহণে নৈতিক আপত্তি নাই। প্রয়োজন মনে করিলে তিনি হিংসার সাহায্যেই কার্যোদ্ধারের চেষ্টা করিবেন। কিন্তু হিংসার প্রয়োজনীয়তা স্বীকারের মধ্যে গুরুতর বিপত্তির আশঙ্কা রহিয়াছে। দেয়ালের গায়ে ছোট্ট একটি ছিদ্র যেমন কালে বড় হইয়া সমগ্র অট্টালিকাকে ভূমিসাৎ করিতে পারে, হিংসার স্বীকৃতিও তেমনই ঘোর অমঙ্গল ডাকিয়া আনিতে পারে।

গান্ধীর জীবন-দর্শনে সাধ্য ও সাধন—লক্ষ্য ও পথ—এক ও অভিন্ন। সর্বোদয় গান্ধীর আদর্শ। অহিংসা এবং প্রেমের পথে এই আদর্শকে বাস্তবে রূপায়িত করিতে হইবে। অহিংসা ও সর্বোদয়ের সাধক এবং হিতবাদীর মধ্যে পার্থক্যের প্রশ্নে গান্ধীজী বলেন—“সমগ্রের মহত্তম কল্যাণ সাধনের জন্ত অহিংসার পূজারী প্রাণ বিসর্জন করিতেও দ্বিধা করিবেন না...সমগ্রের মহত্তম কল্যাণে সর্বাধিক সংখ্যকেরও মহত্তম কল্যাণ। সুতরাং হিতবাদী এবং অহিংসার পূজারী বহুক্ষেত্রেই একমত হইবেন এবং একই পথে চলিবেন। কিন্তু একদিন না একদিন তাহাদের ছাড়াছাড়ি হইবেই। সেদিন ইহারা স্বতন্ত্র এবং হয়ত পরস্পরের বিরোধী নীতি অনুসরণ করিবেন। হিতবাদী কোন ক্ষেত্রেই নিজের প্রাণ বিপন্ন করিবেন না। কিন্তু

অহিংসার পূজারী প্রয়োজন হইলে প্রাণ বিসর্জনে পশ্চাৎপদ হইবেন না।”

হিতবাদের আদর্শই রাষ্ট্র চালনার গণতন্ত্রের রূপ গ্রহণ করিয়াছে। কিন্তু গণতন্ত্র অহিংসায় বিশ্বাস করে না। এ কথা সত্য যে, গণতন্ত্র প্রকাশ্যে হিংসার প্রশংসা দেয় না। কিন্তু গণতন্ত্রবাদীগণ প্রয়োজনবোধে হিংসার পথে উদ্দেশ্য সাধনে পশ্চাৎপদ হ'ন না এবং হইবেন না। কিন্তু কোন্ ক্ষেত্রে হিংসা প্রয়োজন এবং কোন্ ক্ষেত্রেই বা হিংসা প্রয়োজন নয়, কে তাহা স্থির করিবেন? শ্রেণী-সম্মুখের সমর্থক এবং গণতন্ত্রবাদীগণের বিচারে বৈশয়িক উন্নতি অর্থাৎ সুখ, সম্পদ, শক্তি লাভই জীবনের চরম লক্ষ্য। শ্রেণী-সম্মুখের সমর্থকগণ ত ভাব এবং আধ্যাত্মিক সম্পদের অস্তিত্বই স্বীকার করেন না। গণতন্ত্রবাদী ততদূর না গেলেও বৈশয়িক এবং ঐহিক উন্নতি সাধনকেই প্রাধান্য দিয়া থাকেন।

গণতন্ত্রের বাহিরের চেহারা অহিংস সন্দেহ নাই কিন্তু যে রাষ্ট্র-ব্যবস্থা প্রত্যেক নাগরিকের—সংখ্যাগরিষ্ঠের নয়—কল্যাণ সাধনের আদর্শ অনুসরণ করে না তাহাকে অহিংস মনে করা কি ভুল নয়? কেবল তাহাই নয় গণতান্ত্রিক রাষ্ট্রগুলি কি স্বীয় উদ্দেশ্যসিদ্ধির জন্ত বার বার হানাগানি করে নাই? প্রয়োজন হইলে ভবিষ্যতেও কি করিবে না? মার্কিন যুক্তরাষ্ট্র এবং ইংল্যান্ডের সমাজ এবং রাষ্ট্র-ব্যবস্থা গণতান্ত্রিক সন্দেহ নাই! কিন্তু অতিবড় মার্কিন এবং ইংরেজ ভক্ত ও ইহাদের কোনটিকেই অহিংস বলিতে পারিবেন না। মতঃ উদ্দেশ্য—উদ্দেশ্য মতঃ কিনা কে বিচার করিবে?—সাধনের জন্ত যে কোন উপায় অবলম্বন করিতে হইবে—এই গণতন্ত্রের সমর্থকদের মত। ইহার জন্ত গুরুচুরি হইতে বৈকল্পিক বন্ধন সব কিছুই করিতে হইবে। রক্তপাত করিলেই হিংসা হয় না। নিজেদের

(4) “. . . will strive for the greatest good of all and die in the attempt to realize the ideal . . . the greatest good of all invariably includes the greatest good of the greatest number, and, therefore, he and the utilitarian will converge at many points in their career, but there does come a time when they must part company, and even work in opposite directions. The utilitarian, to be logical, will never sacrifice himself. The absolutist (i.e., the follower of pure non-violence) will even sacrifice himself.”—Gopinath Dhawan—The Political Philosophy of Mahatma Gandhi, pp. 53-54

ভীকতা, শারীরিক দুর্বলতা, লোক-গঞ্জনা এবং আইন ও প্রতিহিংসার ভয় বহু ক্ষেত্রেই আমাদিগকে হিংস্র আচরণ হইতে নিরস্ত করে। কিন্তু হিংস্র চিন্তা এবং বাক্যের পথে এ সমস্ত বাধা নাই। হিংস্র আচরণ না করিয়াও চিন্তা এবং বাক্যে হিংস্র হওয়া যায়।

রাজনৈতিক দল গণতন্ত্রের অপরিহার্য অঙ্গ। এই দলগুলি হিংস্রাঙ্গক কার্যকলাপ অস্থগান করে না সত্য; কিন্তু তাহারা কি পরস্পরের প্রতি মর্মান্তিক বিদ্বেষ এবং হিংস্র মনোভাব পোষণ করে না? নির্বাচন স্বপ্নের প্রতিযোগী দলগুলি কি পক্ষমুখে পরস্পরের কুৎসা রটনা করে না? প্রতিপক্ষকে অপদস্থ এবং নাজেহাল করিবার জন্ত ইহারা কি দিনের পর দিন মিথ্যা এবং অর্ধ-সত্যের জাল বু নয়া চলে না? গণতান্ত্রিক রাষ্ট্রের সৈন্ত ও পুলিশ-বাহিনী কি তাহার হিংস্র বিশ্বাসের কথাই ঘোষণা করে না? এই সমস্ত কারণেই গান্ধীজী গণতন্ত্রকে অহিংস মনে করিতেন না।

গণতন্ত্র এবং সর্কাল্লক (Totalitarian) উভয় প্রকার রাষ্ট্রই হিতবাদের ভিত্তির উপর প্রতিষ্ঠিত। মতলব হাসিল করিবার জন্ত দুর্নীতির আশ্রয় গ্রহণ করিতে ইহাদের বিবেকে বাধে না। কিন্তু দুর্নীতির সাহায্যে মহৎ উদ্দেশ্য সিদ্ধ করিবার চেষ্টা করিলে উদ্দেশ্য সকল হইলেও—সকল ক্ষেত্রে হয় না—উদ্দেশ্যের মহত্ব নষ্ট হইয়া যায়।

সর্কাল্লক রাষ্ট্রের সমর্থনকারিগণ ত খোলাখুলিই বলেন যে, রাষ্ট্র পরিচালনায় হিংসা অপরিহার্য। তাঁহাদের মতে সৃষ্টির মধ্যেই সজ্জ্বের বীজ নিহিত আছে। তাঁহারা বলেন যে, যুগে যুগে পুরাতনের গর্ভে যে নূতনের আবির্ভাব হয়, বলপ্রয়োগে তাহাকে বাহিরে প্রতিষ্ঠিত করিতে হয়। নূতনের জন্মে বলই ধাতীর কাজ করে। গণতন্ত্রের সমর্থনকারীরা সংখ্যাগরিষ্ঠের স্বার্থরক্ষার জন্ত সংখ্যালঘুর স্বার্থ উপেক্ষা করেন। কিন্তু গণতন্ত্র বিরোধিতাকে অস্বীকার করে না। পক্ষান্তরে বিরোধী শক্তি বা শক্তিগুলিকে সমূলে উচ্ছেদ করা সর্কাল্লক রাষ্ট্রের একটি প্রধান উদ্দেশ্য। সমাজদেহের এক অংশের কল্যাণের জন্ত অপরাপর অংশকে ধ্বংস করা সর্কাল্লক রাষ্ট্রনীতির একটি প্রধান বৈশিষ্ট্য। এই রাষ্ট্রনীতি কোন প্রকার বাধা বা বিরোধিতা সহ করে না।

গান্ধী ইহার সম্পূর্ণ বিরোধী। ১৯৪৬ সনে মার্কিন সাংবাদিক ও গ্রন্থকার লুই ফিসারকে তিনি বলেন যে, তিনি (গান্ধী) সমাজবাদী হইলেও অহিংস, বধির এবং মুক জনের ক্ষতি করিয়া নিজের উন্নতি কামনা করেন না।

বৈবয়িক অগ্রগতিই সমাজবাদিগণের জীবনের মূলমন্ত্র। অহিংস, বধির এবং মুক জনগণের জন্ত তাঁহারা মাথা ঘামান না। মার্কিন রাষ্ট্রে তাহার প্রত্যেক নাগরিকের জন্ত হাওয়া গাড়ীর ব্যবস্থা করিতে চায়। তিনি তাহা চান না। স্বীয় ব্যক্তিত্ব বিকাশের পথে নিরঙ্কুশ স্বাধীনতাই তাঁহার কাম্য। তিনি ইচ্ছা করিলে তাঁহাকে যেন নক্ষত্রলোক পর্য্যন্ত সোপানশ্রেণী রচনা করিতে দেওয়া হয়। ইহার অর্থ এই নয় যে, সত্যই তিনি এরকম কিছু করিতে চান। সমাজবাদী রাষ্ট্রে ব্যক্তি-স্বাধীনতার স্থান নাই। এই রাষ্ট্রের নাগরিকের নিজের দেহের উপরও কর্তৃত্ব নাই।

গান্ধীজীর দৃঢ় বিশ্বাস ছিল, প্রচলিত গণতন্ত্রগুলি সমাজের প্রকৃত কল্যাণ সাধন করিতে পারে না। এই জন্তই স্বাধীনতা লাভের অব্যবহিত পর তিনি এক-দল দর্শনপ্রার্থীকে বলেন—যে-স্বাধীনতা আমরা লাভ করিয়াছি তাহা প্রকৃত স্বরাজ নয়। আপনারা ক্ষমতার পিছনে না ছুটিয়া গ্রামে চলিয়া যান। দিল্লীতে যে স্বরাজ আসিয়াছে, দেশের দূরতম প্রান্তের কুটীরেও যাহাতে তাহা পৌঁছিতে পারে তাহার জন্ত পল্লীবাসীকে প্রস্তুত করুন। তাহা না করিলে কোন দিনই প্রকৃত স্বরাজ লাভ হইবে না।

গান্ধীজী এখানে স্বরাজ এবং স্বাধীনতা এই দুইটি কথা ব্যবহার করিয়াছেন। সাধারণতঃ একই অর্থে ব্যবহৃত হইলেও গান্ধীজীর মতে ইহারা এক নয়। ইহাদের মধ্যে পার্থক্য কি? সাদা কথায় বলিতে গেলে স্বাধীনতা অপূর্ণ স্বরাজ। স্বরাজ পূর্ণ স্বাধীনতা। কথাটা একটু খুলিয়া দলা যাক। স্বাধীনতা বলিতে কেবল রাজনৈতিক স্বাধীনতা বোঝায়। কিন্তু কেবল মাত্র রাজনৈতিক স্বাধীনতা দ্বারা মানুষের সর্কাল্লক

(5) "My socialism means 'even unto this last'. I do not want to rise on the ashes of the blind, the deaf and the dumb. In their (the Socialists') socialism probably these have no place. Their one aim is material progress. America aims at having a car for every citizen. I do not. I want freedom of full expression for my personality. I must be free to build a stair-case to Sirius, if I want. That does not mean I want to do any such thing. Under the other socialism, there is no individual freedom. You own nothing, not even your own body."  
—D. G. Tendulkar—Mahatma, Vol. VII, p. 190



বিকাশের পথ খুলিয়া যায় না। রাজনৈতিক স্বাধীনতার সঙ্গে সামাজিক এবং অর্থনৈতিক স্বাধীনতাও প্রয়োজন। গণতান্ত্রিক রাষ্ট্রগুলির অতীত এবং সাম্প্রতিক ইতিহাস এ মতেরই পোষকতা করে। সর্কাস্বক রাষ্ট্র এবং "পিপ্লুস্ রিপাব্লিক"গুলির ইতিহাসও একই সাক্ষ্য দেয়। একথা সত্য যে রাজনৈতিক স্বাধীনতা সর্কাস্বীন মুক্তি বা স্বরাজ লাভের প্রথম এবং প্রধান সোপান। কিন্তু এখানেই পথের শেষ নয়। কেবলমাত্র রাজনৈতিক স্বাধীনতাই মানুষের বন্ধন মোচন করিতে পারে না। তাহার জ্ঞান ভয়, অভাব এবং অজ্ঞান হইতে মুক্তি এবং চিন্তা ও মত প্রকাশের স্বাধীনতাও চাই। এই মুক্তি এবং স্বাধীনতার জন্মই সামাজিক এবং অর্থনৈতিক স্বাধীনতা প্রয়োজন। কিন্তু রাজনৈতিক স্বাধীনতা ব্যতীত সামাজিক এবং অর্থনৈতিক স্বাধীনতা সম্ভব নয়। এই জন্মই গান্ধীজী সর্কাস্বীনে দেশের রাজনৈতিক স্বাধীনতা লাভে সচেষ্ট হইয়াছিলেন। কিন্তু স্বরাজ বা সর্কাস্বীন স্বাধীনতাই তাঁহার চরম লক্ষ্য ছিল। কথা উঠিতে পারে যে, গান্ধী কেবলমাত্র ভারতবর্ষের রাজনৈতিক স্বাধীনতা লাভে সচেষ্ট হইয়াছিলেন কেন? আরও কত দেশ ত পরাধীন ছিল ও আছে। গান্ধীজী বলিতেন যে, প্রত্যেকেরই সর্কাস্বীনে তাহার প্রতিবেশীর কল্যাণ সাধনে সচেষ্ট হওয়া উচিত। আপন এবং অন্যের প্রতি কর্তব্য পালনই কর্তব্য পালনের পথে প্রাথমিক পদক্ষেপ। সেই জন্মই গান্ধীজী ভারতবর্ষকে নিজের সাধনার ক্ষেত্র করিয়াছিলেন। গান্ধীজী ভারতবর্ষের রাজনৈতিক স্বাধীনতা সংগ্রামে সত্যাগ্রহের প্রয়োগ করিয়াছিলেন। কিন্তু স্বাধীনতা স্বরাজ নয়। তাহার মনে সর্কাস্বীনের পথেই স্বরাজ বা সর্কাস্বীন মুক্তি সম্ভব। কিন্তু তাঁহার মতে সাধ্য ও সাধন এক এবং ভিন্ন। সুতরাং সর্কাস্বীনেই স্বরাজ। গান্ধীজী মহৎ উদ্দেশ্য সাধনের জন্মও হিংসা এবং দুর্নীতির বিরোধী ছিলেন। এই জন্মই তিনি বলিতেন যে, কেবলমাত্র উদ্দেশ্যের মহত্বই সব নয়। হিংসা, নীতি-বিরোধী পায়ও সর্কাস্বীনে পরিত্যাজ্য। উদ্দেশ্য সাধনের ন্য অসহুপায় অবলম্বন করিলে মহত্তম উদ্দেশ্যও কলুষিত, কার্যশূন্য হইয়া পড়ে। বিরোধীপক্ষ বলিবেন যে, সম্ভব জীবনে খাঁটির সঙ্গে মেকির অর্থাৎ সত্যের সঙ্গে খ্যার খাদ না মিশাইলে কাজ হয় না। সোনার সঙ্গে ন্য ধাতু না মিশাইলে অলঙ্কার হয় না। উত্তরে বলা য় যে, অন্য ধাতু মিশাইলেই সোনা আর সোনা থাকে না। তাহাকে আর সোনা বলা চলে না। সোনার

সঙ্গে বিশেষণ জুড়িয়া তাহার সত্য পরিচয় দিতে হয়। যে কোন উদ্দেশ্যে ছুবে যত কম জলই মিশানো হউক, সে জল মিশানো ছুবে, ছুবে নয়।

হিতবাদ এবং শ্রেণী-সংগ্রামের আদর্শ পাশ্চাত্যের দান। প্রাচ্যজগৎ গান্ধীজীর মাধ্যমে জগতের নিকট সর্কাস্বীনের মহত্তম কল্যাণের বাণী প্রচার করিয়াছে। গান্ধীজী এই আদর্শের স্রষ্টা নন। সুদূর অতীতে পুণ্য-তপোবনে ভারতের ঋষিকণ্ঠে "সর্কাস্বীনে নঃ সুধিনঃ সন্ত" এই প্রার্থনা-মন্ত্র উচ্চারিত হইয়াছিল। বিশ্বের রাজনীতি ধুরন্ধরগণ অনেকেই আজ সহাবস্থানের বুলি আওড়াইতেছেন। কিন্তু সর্কাস্বীনে ব্যতীত প্রকৃত সহাবস্থান সম্ভব নয়। সহাবস্থান ভারত-আস্রার শাস্বত মর্ষবাণী। ভারতবর্ষ যুগে যুগে এই বাণীকে বাস্তব রূপ দেওয়ার সাধনা করিয়াছে।

"তপস্তাবলে একের অনলে বহুরে আহতি দিয়া

বিভেদ ভুলিল, জাগারে তুলিল একটি বিরাট হিয়া।" মৃণালভোজী কবির কল্পনামাত্র নয়। ভারতবর্ষের ইতিহাস ইহার সাক্ষী। সেই জন্মই জেহাদ বা ধর্মযুদ্ধ এবং ইনকুইজিশন ভারতবর্ষের ইতিহাসকে কলঙ্কিত করিতে পারে নাই। স্বাধীন ভারতের ভাগ্য-বিধাতৃগণ আজও রাজনৈতিক, অর্থনৈতিক, সামাজিক এবং সাংস্কৃতিক সহাবস্থানের নীতিকে বাস্তব রূপ দেওয়ার চেষ্টা করিতেছেন। স্বাধীন ভারতবর্ষের পররাষ্ট্রনীতিও সহাবস্থানের ভিত্তির উপর প্রতিষ্ঠিত। কিন্তু নেতৃত্বের অযোগ্যতা, তাঁহাদের নিজেদের এবং অহুচরবর্গের ভুল-ভ্রান্তি ও অসাধুতা এবং প্রতিকূল পরিবেশের জন্ম ফলে শিব গড়িতে প্রায়ই বানর হইয়া যাইতেছে। আমাদের নিজেদেরও দোষ আছে। কাহাকে দোষ দিব—

"এ তোমার, এ আমার পাপ।"

সর্কাস্বীনে সমাজ এবং রাষ্ট্রের চেহারা কিরকম হইবে? গান্ধীজী নিজেই তাহার উত্তর দিয়াছেন—সত্য এবং অহিংসা সর্কাস্বীনে-সমাজের ভিত্তি। এ সমাজে মানুষ-মানুষে কৃত্রিম ব্যবধান, জাতি ও ধর্মের লক্ষণ এবং শোষণের স্থান থাকিবে না। সর্কাস্বীনে-শাস্বিত সমাজ এবং রাষ্ট্রে ব্যক্তি এবং গোষ্ঠীর পরিপূর্ণ আত্মবিকাশের সুযোগ থাকিবে। এই গান্ধীজীর ধ্যানের ভারতবর্ষ। এই ভারতবর্ষে কোনপ্রকার পরাধীনতা থাকিবে না। প্রত্যেক নাগরিক ভারতবর্ষকেই তাহার মাতৃভূমি মনে করিবে। প্রত্যেকে মনে করিবে যে, দেশ-গঠনে তাহার মতামতও উপেক্ষিত হইবে না। শ্রেণী-বৈষম্য উপেক্ষিত হইবে এবং বিভিন্ন সম্প্রদায় পাশাপাশি শান্তিতে বাস

করিবে। নারী ও পুরুষ সমান অধিকার ভোগ করিবে। বাহিরের কোন রাষ্ট্রের সহিত ভারতবর্ষের বিরোধ থাকিবে না। অস্পৃশ্যতা থাকিবে না। সর্ব-প্রকার মাদক-দ্রব্য বর্জিত হইবে। ভারতবর্ষ কাহাকেও শোষণ করিবে না এবং নিজেও শোষিত হইবে না। তাহার নামমাত্র সৈন্য বাহিনী থাকিবে। দেশী এবং বিদেশী ব্যক্তি-স্বার্থ জনস্বার্থের বিরোধী না হইলে তাহা অক্ষুণ্ণ থাকিবে। আমি দেশী এবং বিদেশীর মধ্যে পার্থক্য করাকে ঘৃণা করি। এই আমার স্বপ্নের ভারতবর্ষ। ৬

(6) “. . . no distinction of caste or creed, no opportunity for exploitation and full scope for development . . . for individuals as well as for groups” “. . . an India in which the poorest shall feel that it is their country, in whose making they have an effective voice; an India in which there shall be no high class and no low class of people; an India in which all communities shall live in harmony. There can be no room in such an India for the curse of untouchability; or intoxicating drinks and drugs. Women will enjoy the same rights as men. Since we will be at peace with the rest of the world, neither exploiting nor being exploited, we shall have the smallest army imaginable. All interests not in conflict with the interest of the dumb millions will be scrupulously respected, whether foreign or indigenous. I hate the distinction between foreign and indigenous. This is the India of my dreams . . .”—Gopinath Dhawan—**The Political Philosophy**

এই সর্বোদয়, স্বরাজ বা রামরাজ্যের আদর্শকে বাস্তব রূপ দেওয়া সম্ভব কি? সম্ভব হউক না হউক, চেষ্টা করা অবশ্যই কর্তব্য। এই চেষ্টা ব্যর্থ হইলেও কতির আশঙ্কা। সর্বোদয় সমাজ এবং রাষ্ট্র প্রতিষ্ঠার চেষ্টা ব্যর্থ হইলেও এই চেষ্টা যাহারা করিবেন তাহাদের চারিত্রিক উন্নতি এবং ব্যক্তিত্বের পরিপতি অবশ্যজ্ঞাবী। সেই ত মস্ত লাভ। আমাদের সাধনা ব্যর্থ হইয়া গেলেও অনাগত যুগের মানুষ হয়ত আমাদের অপূর্ণ সাধনাকে পূর্ণ করিবে।

মনে রাখিতে হইবে যে, ইতিহাসের রথচক্র মন্থর গতিতে আবর্তিত হয়। কোন সংস্কারকই নিজের জীবিত কালের মধ্যে স্বীয় পরিকল্পনা অহুযায়ী সমস্ত সংস্কার করিয়া উঠিতে পারেন না। তাড়াহুড়া করিয়া মানুষের প্রকৃতি বদলান যায় না। আধ্যাত্মিক সাধনার জায় জীবনের অন্ত সাধনাতেও ‘মানস মুকুল’ আশুনে ভাঙা যায় না। “সবুর বিহনে” ফুল ফোটে না বা তাহার সৌরভ ছড়ায় না। তাহার জন্ত অপেক্ষা করিতে হয়। ৭

of Mahatma Gandhi, p. 178.

Teudulkar—Mahatma, Vol. III, p. 141.

D. G.

(7) “The mills of the gods grind slowly in the making of history, and zealous reformers meet with defeat if they attempt to save the world in their generation by forcing on it their favourite programme. Human nature cannot be hurried.”—S. Radhakrishnan—**The Hindu View of Life**, p. 50.



## আর কেউ হয়ত আসবে না

শ্রীঅর্ণব সেন

শ্যামল বলে, 'তুমি আজকাল কেমন যেন বদলে গেছ!' দীপিকা উত্তর দেয় না। সত্যিই কি বদলেছে? কিন্তু কেমন যেন স্বপ্নের মত মনে হয় বিয়ের আগের সেই দিনগুলো! সেট লুকিয়ে লুকিয়ে একসঙ্গে ঘোরা, সিনেমায় যাওয়া, গঙ্গার ধারে বেড়াতে যাওয়া—সব কিছুই যেন কেমন মোহময় উল্লেখ্য! সেই মোহ, স্বপ্ন, শিহরণ কোথায় যেন হারিয়ে গেল। তবু হারিয়ে যাওয়ার কথা ত নয়। শ্যামলকে সে পেতে চেয়েছে তার সমস্ত দেহমন দিয়ে। তাই তার হাতেই ছেড়ে দিয়েছে তার ভাবনা, তার হাতেই সমর্পণ করেছে তার ভবিষ্যৎ। সে যেন সম্মোহিতার মত স্রোতের টানে হাল ছেড়ে নৌকোর মত ভেসেছে। এখনও স্বপ্ন বলে মনে হয়, সেই রেজিষ্ট্রি আপিসে যাওয়া, হাতের ওপর হাত রাখা, মালাবদল, ট্যান্ডি করে ওর চার বন্ধু মিলে রেজিষ্ট্রেশনে গিয়ে খাওয়া, টুকরো টুকরো খণ্ড স্মৃতি। না, সে ভীক। তাই সে ভাবতে চায় নি, ছেড়ে দিয়েছে নিজেকে, শুধু সে জেনেছে তাকে সে পেতে চায়। ওর জন্তেই এই ফ্ল্যাট বাড়ী ভাড়া করে শ্যামল উঠে এসেছে নিজের বাড়ী ছেড়ে, এও সে জানে। কিন্তু এই ত সব নয়। কিই বা আর করার ছিল? সে ভাবতে চায় নি কিছু, তবু তাকে ভাবতে হয়েছে। অনেক অশ্রু-বিনয় করে সে চিঠি লিখেছিল বাবা-মা'র কাছে কিন্তু তাঁদের মত পাওয়া যায় নি। তাই এ ছাড়া পথ ছিল না। দীপিকা জানত, সে ফিরতে পারবে না। তবু ভেবেছিল, বিয়ের পর হয়ত সব ঠিক হয়ে যাবে। না, বাবা সে চিঠির জবাব দেন নি। দ্বিতীয় চিঠিরও না। বাবা-মা এত নিষ্ঠুর হবেন তা সে ভাবতে পারে নি। শুধু একটবার ওরা যদি আসতেন কিংবা ওদের যেতে বলতেন!

দীপিকা শ্যামলকে বলেছে, 'আসলে আমরা ভুলই করেছি এভাবে বিয়ে করে। বাবা-মা'র মত নিয়ে করলেই হ'ত।'

শ্যামল ক্রুদ্ধ বিরক্ত হয়ে উত্তর দিয়েছে, 'খামো, এই সব বাজে কথা আমার ভাল লাগে না। মত নিতে গেলে এই বিয়ে আর হ'ত না।'

দীপিকা বলেছে, 'তা ত বুঝি, দোষ আমারই।'

শ্যামল বলেছে, 'চুপ কর, যা হবার তা হয়ে গেছে এখন অনর্থক ভেবে লাভ কি?'

কিন্তু এই ভাবনাটা যদি না থাকত! তা সে পুরে নি। সারাজীবনের মত এমন ভাবে বাবা-মা'র সঙ্গে, আত্মীয়-স্বজনের সঙ্গে সম্পর্কহীন সে কেমন করে বাঁচবে? বাবা-মা একদিন ঠিকই তার বিয়ে দিতেন। কিন্তু সে অন্তরকম। যার সঙ্গে তার বিয়ে হ'ত তাকে সে জানত না অন্তরে, চিনত না মনেপ্রাণে। তবু না জেনেও তার সবকিছু তাকে দিত। এখানে তা নয়। সব জেনেও সে এগিয়ে এল মন্ত্রমুগ্ধের মত। এর ফল কি ভাল হবে? এ বিয়ে কি সত্যিই বিয়ে?

আজ ও একজনের স্ত্রী। শ্যামল হয়ত ভালবাসে তাকে আগের মতই। কিন্তু যদি কোনদিন কিছু হয়? কোথায়ই বা সে যাবে? কার কাছে গিয়ে দাঁড়াবে? সেদিন এই নিঃসঙ্গ দীন পৃথিবীতে একা সে কেমন করে বাঁচবে? বাবা, মা, দিদি, কেউ ত একবার তাকে ডাকল না? ওরা সকলেই ভুল বুঝল। শুধু সে আর শ্যামল। শ্যামল আর সে।

দীপিকা শুয়ে ছিল। একটু পরেই শ্যামল ফিরবে। তার আপিস ফেরার সময় হয়েছে। দীপিকা ভাবছিল, এবার উঠে গিয়ে চায়ের জল চড়াবে। সন্ধ্যা নেমে এসেছে। বাড়ীতে থাকতে এই সময় সে কোনদিন এমন ভাবে শুয়ে থাকে নি। বিকেল হতেই সে সারা গা ধুয়ে চুল বেঁধেছে। নিত্য নতুন চঙে তুন বাঁধা রপ্ত করেছে। তার পর কোনদিন বা ছাতে গিয়ে দাঁড়িয়ে রাস্তার দিকে চেয়েছে। কোনদিন গিয়েছে পার্কে বেড়াতে। দেশবন্ধু পার্কের কৃষ্ণচূড়ার লাল সমারোহ তার মনে দাগ কেটেছে। পুকুরের জলের উচ্ছলতা তার ভাল লেগেছে। আজ তার সব পাওয়া যেন ফুরিয়ে গিয়েছে। কেমন যেন ক্লান্ত, রিক্ত মনে হয় নিজেকে। অজানা অবসাদ, ক্লান্তি আর চিন্তার গ্লানি। তার ভাবনা যদি সে ভুলতে পারত। কেন এমন হয়? এই নিঃসঙ্গ নির্জনতা। চার পাশে এত লোক, এত

চিংকার, কলরব, কিস্ত ও যেন হুস্‌হাড়া। শ্যামল কেন এত দেয়ি করে? ও বোঝে না। শুধু বিরক্ত হয়। কিস্ত সে ত তাকে ঠকাতে চায় নি। ‘আমি যদি হাসতে না পারি তা হ’লে কি আমার দোষ?’ তবু শ্যামল তাই ভাবে।

ঠিক তখন ও মাথার ওপর হাতের হোঁয়া অশুভব করল।

‘এই! কি হয়েছে তোমার? ওয়ে আহ যে!’

সে বসল তার পাশে।

‘কিছু না।’ দীপিকা উত্তর দিল।

শ্যামল বিলি কাটল তার চুলে। নিচের চুলগুলো আলতো করে ধ’রে টানল। ‘তুমি দিনরাত কি ভাব বল ত?’ শ্যামলের মুখ ঝুঁকে পড়ল তার মুখের উপর।

‘সরো, সব সময় বিরক্ত ক’রো না। ভাল লাগে না।’ দীপিকা হাত দিয়ে সরিয়ে দিল শ্যামলের মুখ।

‘তোমার কি করেছি আমি? একটা অশুভ মেয়ে, তুমি!’ শ্যামল তিরক্ত বিরক্ত গলায় বলল, ‘কি হয়েছে তোমার?’

‘কিছু না।’ দীপিকা উঠে বসল। আঁচল জড়াল খোলা গায়ে। ‘তোমার চা নিয়ে আসি।’ দীপিকা ঘর থেকে বেরিয়ে যেতে গেল। হঠাৎ শ্যামল হাত বাড়িয়ে মুঠো ক’রে ধরল তাকে।

‘শোন, হয় তুমি সব ভুলে আমার কাছে থাক আর না হ’লে—’ শ্যামল একবার চাইল দীপিকার মন বিষয় চোখের দিকে।

দীপিকা মাথা নিচু করে বলল, ‘আর না হ’লে চল যাও এখন থেকে। এই ত বলবে তুমি?’ দীপিকা শ্যামলের হাতের মুঠো থেকে ছাড়িয়ে নিল। তার পর ভাঙাভাঙা গলায় বলল, ‘ঠিকই তোমার কথা। আমাকে নিয়ে তুমি স্মৃতি হবে না। আমি ত তোমার জীবনটাকেই বিনিময়ে বুঝেছি, তাই না? কিস্ত আজ ত ফেরার পথ নেই। তোমাকে ছেড়ে কোথায়ই বা যাব?’

‘উপায় থাকলে যেতে, তাই না?’ বিদ্রূপের সুরে বলল শ্যামল।

দীপিকা উত্তর না দিয়ে নিঃশব্দে বেরিয়ে গেল ঘর থেকে।

সকালবেলা দীপিকার যখন ঘুম ভাঙল তখন বেশ বেলা হয়ে গেছে। জানলা দিয়ে রোদ এসে পড়েছিল শ্যামলের মুখের ওপর। কাল রাত্রেও মেঝেতেই শুয়েছে দীপিকা, বলেছে, তার মেঝেতেই শুতে ভাল

লাগে। শ্যামল শুয়েছে খাটের ওপর। রাত্রে ঘুম হয়েছিল ঠিকই, কিস্ত বড় বিপর্যস্ত বিস্কৃত ঘুম। ঠিক ঘুম নয়, যেন ক্লান্ত চৈতন্তের অবসাদ। মাথাটা ভার ভার লাগছে এখনও। ঘুমিয়েও সে যেন নিশ্চিন্ত হতে পারে না। তার মনে হয়, দিনের পর দিন এ যেন ক্লাস্তিকর এক অবসাদকেই টেনে টেনে এগিয়ে যাওয়া। সময়ের বোঝা চিন্তার ভারে সে অবসন্ন। শ্যামল তার স্বামী, আইনত সে তার স্ত্রী। তার কর্তব্য তাকে করতেই হবে। বাবা, বাবা কি একবার, শুধু একটা বার ডাকবেন না? কিস্ত কেন অন্ডায়? সে কি অন্ডায় করেছে? বাবা-মা’র মতে এ বিয়ে অসামাজিক। কিস্ত সমাজ কি এখনও বেঁচে আছে আগের যুগের মত? সমাজের অন্ডায় দাবী কেন সে মেনে নেবে? মনুষ্যত্ববোধ, মানবতা, স্নেহপ্রীতির ওপরই কি সমাজ প্রতিষ্ঠিত নয়? বাবা, মা, দিদি, আত্মীয়স্বজন—সকলেই কি মনুষ্যত্বহীন? স্নেহ, ভালবাসা, প্রীতি—কোন কিছুই কি মূল্য থাকবে না? সেই ছোটবেলার কথা মনে পড়ে। বাবার হাত ধ’রে ও কত জায়গায় ঘুরে বেড়িয়েছে। গেছে পার্কে, চিড়িয়াখানায়, বোটানিক্যাল গার্ডেনে, গড়ের মাঠে, আরও কত জায়গায়। সেই বয়সেই ও বুঝত, বাবা ওকে সবচেয়ে বেশি ভালবাসেন। কোথায় গেল সেই ভালবাসা, স্নেহ? তাছাড়া যার জন্তে সবকিছু করা সেই শ্যামল আজকাল যেন কেমন খিটখিটে, রাগী, মেজাজী হয়ে উঠেছে। ও নিশ্চয় ভাবে ও ঠকে গেছে। আশ্চর্য, মাহুভ ভুল করে, কিস্ত ফেরার পথ বন্ধ জেনেও করে।

চায়ের কাপ নিয়ে দীপিকা যখন শ্যামলের সামনে এসে দাঁড়াল তখন শ্যামল সবে খবরের কাগজটা খুলেছে।

‘চা এনেছি।’

‘ও’। শ্যামল দীপিকার হাত থেকে কাপটা নিয়ে বলল, ‘কি, মুখ গোমড়া কেন? একটু হাস, দেখি। শুধু চা কি ভাল লাগে?’

‘শুধু চা নয়, বিস্কুটও এনেছি।’ হাতের বিস্কুটগুলো রাখল দীপিকা কাপের পাশে প্লেটের ওপর।

‘তোমার চা?’

‘আনছি।’

দীপিকা আর এক কাপ চা নিয়ে এল।

‘বস না ওই চেয়ারটার।’

‘বসব না। একটা কথা বলব?’ দীপিকা শুয়ে শুয়ে বলল।

‘কি কথা? বল।’ কাগজ পড়তে পড়তেই বলল শ্যামল।



‘কিছু না, এমনি বলছিলাম। থাক, দরকার নেই।’

‘বল না!’ শ্যামল কাগজটা রাখল টেবিলে। চায়ের কাপে চুমুক দিল। ‘এই ত তোমার দোষ। এত চাপা তুমি। যা বলবে বল না, লজ্জার কি?’

‘না, কিছু না। সত্যি কিছু না।’ দীপিকা হাসল।

‘দূর বোকা মেয়ে!’

‘আমি বোকা, না তুমি বোকা?’ চটুপ হ’ল দীপিকা।

‘বেশ আমিই বোকা। এবার বল, শীগ্গির বল, না বললে ছাড়ব না।’ বলতে বলতে শ্যামল দীপিকাকে ধরল।

‘আঃ, তুমি কি যে কর! এখুনি ঝিটা সবকিছু দেখে ফেলবে। এই ছাড় বলছি, কামড়ে দেব।’ দীপিকা চিমটি কাটল শ্যামলের হাতে।

‘এই হুই মেয়ে? লাগছে। আঃ, বল না!’ শ্যামল হাত ছেড়ে দিল।

‘আজ ছপুরে বেরোব একটু।’ দীপিকা বলল।

‘কোথায় যাবে?’

‘ক’টা জিনিষ দরকার,’ দীপিকা মুখ টিপে হাসল।

‘বেশ ত, যেও।’

‘হঁ, বলে রাখলাম। আবার রাগ ক’রো না।’

‘কবে রাগ করেছি? যাক ওসব কথা। আজ কিন্তু তাড়াতাড়ি অফিস যেতে হবে। এমনিতেই লেট হয় রোজ। আজ আবার এক ম্যানেজিং ডিরেক্টর আসছেন।’

‘বেশ বাবা, বেশ। তাড়াতাড়ি রান্না করছি। ওই জন্তেই ত বিয়ে করা।’ দীপিকা চায়ের কাপটা নিয়ে ঘুরে দাঁড়াতেই শ্যামল বলল, ‘খুব যে কথা ফুটেছে দেখছি!’

ছপুরের চড়া রোদ্দুরটা তখন একটু কমেছে। গলির মধ্যে ঠাণ্ডা ছায়া। লোকজনের চলাফেরা কম। বাস থেকে নামবার পর থেকেই দীপিকার ভয় ভয় করছিল। বৃকের মধ্যে টিপটিপ করছিল কতকটা অস্বাভাবিক ভাবে। ঘেমে উঠছিল সে। বাবা নিশ্চয় এখন ঘুম থেকে উঠে পড়েছেন। হ্যাঁ, তিনটের পরই বাবা উঠে পড়েন। কিন্তু সে গিয়ে কি বলবে? প্রথম কি কথা বলবে? ভেবে ভেবে সে ঠিক করে উঠতে পারে না। কমা চাইবে? বলবে, অন্তায় হয়েছে? যদি বাবা রেগে ওঠেন? একটা কাণ্ড না হয়। বিয়ের পর এপাড়ায় ও আর পা দেয় নি। পরিচিত কারুর সঙ্গে যদি দেখা হয়ে যায়? বাড়ীটা দেখা যাচ্ছে। প্রথমে দরজার কড়া নাড়তে হবে। কে খুলে দেবে? কুমি, ববি ত খুলে গেছে নিশ্চয়। চাকরটা ছপুরে থাকে না। বাড়ীতে শুধু বাবা মা, আর হয়ত দিদি।

দীপিকা দরজার সামনে দাঁড়াল কিছুক্ষণ। আর একবার ভাবল। তার পর দরজার কড়াটা নাড়ল। কই, কেউ সাড়া দিল না ত? কিছুক্ষণ দাঁড়িয়ে রইল দীপিকা। নিখুম নিস্তব্ব বাড়ী। গলিটা নির্জন। ঠিক এইভাবে এইখানে ও রাতদিন দাঁড়িয়ে থেকেছে। খুল থেকে ফিরে এসে পাগলের মত কড়া নেড়ে ব্যতিব্যস্ত করে তুলত বাড়ীর লোকজনকে। এই ত সেদিনও কলেজ থেকে ফিরে এসে কড়া নেড়েছে। দাঁড়িয়ে থেকেছে, অপেক্ষা করেছে। কিন্তু এমন অস্বাভাবিক অস্বস্তি কোন-দিন সে অনুভব করে নি। আবার একবার কড়া নাড়ল দীপিকা।

দরজাটা খুলে দাঁড়ালেন বাবা।

‘তুমি?’

বাবা, ব’লে ডাকতে চাইল দীপিকা। কিন্তু তার গলা দিয়ে যেন আওয়াজ বেরতে চাইল না। একটা অজানা ভয়ে সে নিশ্চুপ হয়ে রইল।

‘কি চাও তুমি? আবার এখানে কেন?’ বাবা দরজাটা সম্পূর্ণ খুলে দাঁড়ালেন। আধময়লা ধূতি। খালি গা।

‘বাবা, আমি এসেছিলাম।’ অনেক চেষ্টা ক’রে বলল দীপিকা। সে বলতে চায় অনেককিছু। এতক্ষণ ধ’রে ভেবেছিল যা কিছু। সে বাবাকে ফিরে পেতে চায়, সকলকে সে পেতে চায়।

‘বল।’ কর্কশ কঠিন হয়ে উঠলেন বাবা। ‘তোমার লজ্জা করে না বেহায়া মেয়ে! বেরিয়ে যাও আমার বাড়ী থেকে। তোমার সঙ্গে আমার কোন সম্বন্ধ নেই। তুমি আমার কাছে মৃত। যেখান থেকে এসেছ সেখানে ফিরে যাও।’

‘বাবা।’ আর একবার ব্যাকুল স্বরে ডাকল দীপিকা। অজস্র কারুর সমুদ্র তার বৃকের মধ্যে উত্তাল উদ্দাম হয়ে উঠল।

‘তুমি আমার বংশের কলঙ্ক! তুমি আমার মুখে চূর্ণকালি দিয়েছ! আমি বেঁচে থাকতে এ বাড়ীতে তোমার ঢোকা হবে না, এটুকু মনে রেখ।’

দরজাটা বন্ধ হ’ল। দীপিকার মনে হ’ল, স্নেহ, ভালবাসা, প্রীতির, কাঁচের মিনার ভেঙ্গে টুকরো টুকরো হয়ে গেল এক মুহূর্তে।

বাবা এত নিষ্ঠুর হবেন তা ও ভাবতে পারে নি। বাবা এত নিষ্ঠুর? একটিবার ওর কথা ভেবে দেখলেন না? ওর দিক একবার মনে এল না?

দীপিকা ভয়ে ছিল বিছানায়, বালিশের মধ্যে মুখ

গুঁজে। ও কেমন করে বাঁচবে? শুধু শ্যামল আর ও? ওর অফিস থেকে ফেরার সময় হয়েছে। শ্যামল যদি জানতে পারে?

ঠিক তখনই শ্যামল এল। ‘কি, ঘুরে আসা হ’ল? কি কিনলে দেখাও।’ শ্যামল হেসে এগিয়ে এল, আর সেই মুহূর্তে স্তম্ভিত হ’ল দীপিকার দিকে চেয়ে।

তার খোলা চুল। এলোমেলো শাড়ি। লুটিয়ে-পড়া আঁচল। ঘরের মেঝের পড়ে-থাকা চুলের ফিতে। সমস্ত কিছু তার নজরে পড়ল। দীপিকা কাঁদছিল বালিশের মধ্যে মুখ গুঁজে।

‘এই, কি হয়েছে তোমার?’ শ্যামল এগিয়ে এল ব্যস্ত হয়ে। বসল দীপিকার পাশে।

শ্যামল দীপিকার পিঠের ওপর হাত রাখল।

‘এই, হ’ল কি? বল না!’

দীপিকা চুপ।

‘কথা বল। লক্ষ্মীটি।’ শ্যামল কাঁকুনি দিল দীপিকার কাঁধ ধরে। ‘কি হয়েছে বল! শরীর খারাপ, অসুখ?’

‘না।’ দীপিকা উত্তর দিল।

‘কি হয়েছে তোমার? বল লক্ষ্মীটি, মণি!’

‘কিছু না।’

‘কিছু না? তবে অমন করছ কেন?’ হঠাৎ ক্ষুব্ধ হয়ে উঠল শ্যামল। ছ’হাত দিয়ে জোর করে ধরে সে দীপিকার মুখ ফেরাল।

‘বল, তোমার কি হয়েছে।’

মুখোমুখি দীপিকা চাইল ভীত দৃষ্টিতে শ্যামলের দিকে। তার চোখ জ্বলছিল কোণে, অভিমানে।

‘এ আমার ভাল লাগে না! দীপু। তোমার এই ছেলেমানুষী আমার ভাল লাগে না!’ কঠিন হ’ল শ্যামলের মুখ।

‘বাবা, কাছে গিয়েছিলাম। তাড়িয়ে দিলেন।’ দীপিকা বলল ভয়ানক স্বরে।

শ্যামল স্থির মূর্তির মত বসে রইল কিছুক্ষণ। তার পর উঠে দাঁড়িয়ে বলল, ‘তোমাকে আমার বলার কিছু নেই।’

একদিন। দু’দিন। তৃতীয় দিন শ্যামলই প্রথম কথা বলল, ‘এভাবে তুমি বাঁচবে না। না খেয়ে কোন লাভ হবে না।’

‘জানি।’

‘শোন, ম’রে লাভ কি হবে? তুমি আমার কথা বিশ্বাস কর, আমি বলছি তোমার বাবা একদিন

আসবেন। সকলেই আসবে। এভাবে তুমি বেঁচে প’ড়ো না। তুমি যদি এভাবে মন খারাপ কর তা হ’লে আমি বাঁচব কেমন করে? তুমি অবুঝ হযো না। তা বা বাবাই তোমার কাছে বড় হলেন? আমার কথা তুমি ভেবে দেখবে না? আমি কি তোমাকে ঠিকিযেছি?’

‘আমি ত তা বলি নি, ভাবিও নি কোনদিন।’ দীপিকা মান বিষণ্ণ গলায় উত্তর দিল।

‘চল, খাবে চল।’ শ্যামল বলে।

দীপিকা আর খেতে যেতে আপত্তি করে নি।

অফিস যাওয়ার সময় দীপিকা পান নিয়ে এল শ্যামলের জন্তে। ‘নাও, পানটা ধর।’

‘খাইয়ে দাও।’ শ্যামল বলল।

‘এবার চলি তা হ’লে?’ শ্যামল দীপিকার গালে হাত ছোঁয়াল।

দীপিকা দরজার পাঞ্জার গায়ে ঠেস দিয়ে নিরুত্তাপ গলায় বলল, ‘এস।’

‘আশ্চর্য! তুমি অমন মুখ ভার করেই থাকবে?’

‘এরকমই ত মুখ আমার।’

শ্যামল বেরিয়ে গেল কোন কথা না বলে।

শেষ ছপুরের হাওয়া কেমন যেন উদাসকরা! জানলার पर्দা উড়ছে। বাতাসের চেউ নামছে पर्দা বেয়ে। শ্যামল বলেছে, বাবা আসবেন একদিন ঠিকই। হ্যাঁ, নিজের মেয়েকে কি ফেলে দিতে পারে? একেবারে সব সম্পর্ক কি ছিন্ন করতে পারে? সত্যিই কি যে ভাল হ’ত বাবা এলে!

যা ভেবেছিল তাই। জানলা দিয়ে বাতাস আসতে লাগল। এ ভাবতে পারা যায় না। সত্যিই কি বাবা এসেছেন? দীপিকার ঘুমন্ত শরীরের ওপর দিয়ে বাতাস বয়ে গেল। বাবা তা হ’লে সত্যিই এলেন!

‘দেখ্ দীপু, তুই আমাকে ভুল বুঝিস না। আমার সেদিনের ব্যবহার ভুলে যা। তুই আমাকে ক্ষমা কর।’ বাবা দাঁড়িয়ে আছেন। ছিঃ, ছিঃ, বাবা কি বলছেন? ক্ষমা চাইছেন বাবা! বাবা দাঁড়িয়ে রয়েছেন, আধময়লা ধুতি, ইস্ত্রি-ভাঙা ছমড়ে-যাওয়া শাট, এলোমেলো চুল। দীপিকা প্রণাম করল। ‘থাক্ থাক্।’ তার মাথায় হাত ছোঁয়ালেন বাবা।

‘তোমার সুখেই আমার সুখ। তোমার জন্তে এটা এনেছি, কিছুই ত দিতে পারি নি তোকে।’ বাবার হাত থেকে প্যাকেটটা নিয়ে খুলল দীপিকা। শাড়িটার নরম ছোঁয়া, নতুন-নতুন গন্ধ সে অসুভব করল। কি চমৎকার! বাবা ঠিক মনে রেখেছেন ওর প্রিয় রঙটি!

হলুদ রঙের শাড়ি। সর্ষে ফুলের রঙ। হলুদ ফুলের রঙ। এক ঝাড় হলুদ ফুল। সারা ঘর জুড়ে সেই রঙ। একটা হলুদ রঙের মেঘ এসে ঢেকে দিল বাবাকে। 'বাবা, বাবা' বলে চীৎকার করল দীপিকা।

ঘরে কেউ ছিল না। কখন যেন সন্ধ্যা নেমেছে। অন্ধকার ঘর, আলো জলে নি। সে একা গুয়ে। চোখ খুলে তার মনে হ'ল সে ক্লান্ত, একা। নিজেকে অসহায় সম্বলহীন বলে মনে হ'ল। স্বপ্ন আর বাস্তবের পার্থক্য যদি না থাকত! দীপিকা গুয়েই রইল।

শ্যামল ফিরল না এখনও। হয়ত তার কাজ রয়েছে। ফিরবে নিশ্চয়। যদি না ফেরে? যদি তার কিছু হয়? কত কিছুই ত হতে পারে। সকালবেলা ও অফিস গেছে মন ভারি ক'রে। এই অন্ধকার ঘর, অনন্ত নৈশক্যের মধ্যে সে একা। কিন্তু রাস্তার আলো,

হৈ চৈ, উজ্জ্বল, কলরব। সেখানে সে নেই। এই তার আশ্রয়, শেষ সত্য—ঘরতেই হবে, না হ'লে সে স্রোতের টানে ভেসে যাবে। দীপিকা ভাবল, 'আমি ওকে দিতে পারি সবকিছু। কিন্তু আমি ত দিই নি সব।' সে ফিরবে। আর কেউ হয়ত আসবে না। 'আমি নিজেকে আড়াল করে রেখেছি তার কাছ থেকে। আমি আমার মাঝে তাকে দেখতে দিই নি। আমি দেওয়াল সরিয়ে দেব। আমি আমার আয়না দেব। আমি হব আয়না।'

দীপিকা বিছানা থেকে উঠে বীরপায়ে গিয়ে দাঁড়াল জানলার কাছে। রাস্তার দিকে চেয়ে রইল সে। শ্যামল ফিরবে।

তখন সে আর শ্যামল। শুধু শ্যামল।



\* \* \* \* \*

# কে. হোড্জার

মেডিজাত প্রসাধনী

\* \* \* \* \*

## সুন্দর প্রহর

শ্রীপ্রেমেন্দ্র মিত্র

এগারো

আগুতাবু পরের দিন সত্যিই অবাক ক'রে দিলেন।

শোভনা উত্তেজনা উদ্বেগের প্রচণ্ড দোলায় ছলে শেষ রাতে একেবারে ঘুমের অতলে ডুবে গেছিল। ঘুম ভাঙল যখন তখন বেশ বেলা হয়ে গেছে।

প্রথমটা জানলা দিয়ে-আসা সকালের আলোয় চোখ মেলে কিছুক্ষণ কেমন একটা আশ্চর্য নিস্তরঙ্গ প্রশান্তি অনুভব করেছিল। যেন এই মুহূর্তের চেতনাটুকু ছাড়া জীবনে আর কিছু নেই। এই বিছানা-তোশকহীন তক্তপোশের শক্ত কাঠের স্পর্শটুকু, জানলা দিয়ে দেখতে-পাওয়া উঠানের ওপারে গাছপালার মাথায় আকাশের রক্তাভ একটু উজ্জ্বলতা, সমস্ত শরীরে অতৃপ্ত ঘুমের দীর্ঘ গ্লানির সঙ্গে মেশানো একটা লঘু তৃপ্তির স্বাদ। অসুখের প্রথম ধাক্কা সামলে ওঠার পর হাসপাতালে যেমন হ'ত এক-একদিন। দায়িত্বহীন ভাবে জীবন ছুঁয়ে শুধু ভেসে থাকার একটা অনুভূতি। যা কিছু চঞ্চল, উদ্বেল, বিক্ষুব্ধ করে মনকে, সব যেন অনুভূতির গভীর তরলতার নিচে তলিয়ে গেছে। শুধু আছে একটা ভারমুক্ত চেতনা, অগ্রপশ্চাৎ কার্য-কারণ ইচ্ছা সঙ্কল্পের ধারাবাহিকতা থেকে বিচ্ছিন্ন। আজ কাল পরতর কোন ভাবনার জ্বর দাবী নেই শুধু উপস্থিতকে গ্রহণ করবার একটা নির্লিপ্ত মুহূর্ত উৎসুক্য।

হাসপাতালেও এ ভাবটা বেশীক্ষণ থাকত না। হঠাৎ যেন বুদ্ধদের অদৃশ্য আবরণ ফেটে গিয়ে চমক ভেঙে যেত।

আজ চমকটা ভাঙল আরও বেশী তীব্র ভাবে। মনের ওপুরুকার স্বচ্ছ প্রশান্তির ঢাকনাটা হিংস্র ভাবে ছিঁড়ে ফেলে বাস্তব বর্তমান প্রবল বহ্যাবেগে যেন কাঁপিয়ে এল তার চেতনায়। নতুন একটা দিন তার সমস্ত দায়, সমস্ত অসীমাসিত প্রশ্ন নিয়ে সামনে এসে দাঁড়িয়েছে। তাকে এড়িয়ে যাবার কোন পথ নেই।  
একি... কি এই সকাল বেলাটুকু কর্তব্য সম্বন্ধে দ্বিধাসংশয় নিয়ে কাটান যাবে না। যা করবার এখনি করতে হবে। আগুতাবুর হেঁসেলে গিয়ে রান্নার যোগাড় দিয়েই তা নিত্য নিয়মিত ভাবে শুরু। কিন্তু আজকের সেই সামান্য কাজটার অর্থ ও চেহারা সত্যিই আলাদা হয়ে গেছে।

বিছানা ছেড়ে উঠে যত তাড়াতাড়ি সম্ভব আগুতাবুর কাজে যাবার জন্তে শোভনা প্রস্তুত হচ্ছিল এমন সময়ে ধরের বাইরে আগুতাবুর গলা পাওয়া গেল, তুমি কি উঠেছ শোভনা মা?

গলাটা স্নেহাভি ব'লেই মনে হ'ল, কিন্তু এক পলক শোভনার মনটা তখন যেন বঁকে দাঁড়িয়েছে।

আগুতাবু যদি নিজেকে থেকেই এখনি প্রসঙ্গটা আবার তুলতে এসে থাকেন তা হ'লে সে বুঝি নিজেকে সংযত রাখতে পারবে না। ফল তার যাই হোক।

বাইরে অবশ্য সে শাস্ত কণ্ঠেই গাড়া দিলে, হ্যাঁ, এই যে যাচ্ছি!

ভেজানো দরজাটা খুলে দিয়ে তার পর বাইরে বেরুবার উপক্রম করতে আগুতাবুই কিন্তু বাপা দিলেন।

না, না এখন তোমার রান্নার জন্তে ডাকতে আসি নি। চল, তোমার ধরেই চল। দুটো কথা আছে।

একটু বিস্মিত হয়েই শোভনা আবার ঘরে গিয়ে ঢুকল। আগুতাবু তা হ'লে সকাল বেলাটাই ত্রিষ্ক না ক'রে ছাড়বেন না! পাছে মনের এই অবস্থায় বেশী রুচ হয়ে পড়ে এই ভয়ে নিজেকে কিছুটা সামলাবার জন্তে ঘরের একটি মাত্র চেয়ারের সে ধূলা মুছে পরিষ্কার করতে ব্যস্ত হয়ে উঠল।

আগুতাবু কিন্তু ততক্ষণে তক্তপোশের ওপরই নিজেকে থেকে ব'সে পড়েছেন।

সে কি! ওখানে বসলেন কেন?—শোভনা সত্যিই কুণ্ঠিত হয়ে আরও কিছু বলতে যাচ্ছিল, আগুতাবু বাধা দিয়ে হঠাৎ জিজ্ঞাসা করলেন, তুমি পড়াওনা কি করেছ বল ত মা?

প্রশ্নটা এমন অপ্রত্যাশিত যে, শোভনা খানিকক্ষণ কোন জবাব দিতেই পারলে না। আঘাত ঠেকাবার জন্তে যে-ভাবে মনটাকে তৈরি করেছিল, তা থেকে স্বাভাবিক অবস্থায় আনতে বিলম্ব হ'ল।

আগুতাবু শোভনার নীরবতার ভুল অর্থ ক'রে তাকে আশ্বস্ত করবার জন্তে বললেন,—তোমার লজ্জা করবার কিছু নেই। বি-এ, এম-এ পাস করবার কথা জানতে



চাইছি না। এমনি পড়াশুনা কিছু করেছ ত? স্কুলে কতদূর পড়েছ?

স্কুলের পর কলেজেও কিছুকাল পড়েছি। শোভনা একটু বিমূঢ় ভাবেই জানালে।

কলেজেও পড়েছ!—আত্তাবু যেন একটু বেশীকম উল্লসিত হয়ে উঠলেন,—ব্যস! তা হ'লে আর কথাই নেই! কি পড়েছিলে? আর্টস?

হ্যাঁ। তবে তাকে পড়া বলে না। এক বছরও পুরো কলেজে যাই নি।

ওই ওতেই হবে! ওতেই হবে!—আত্তাবু উৎসাহের ছোট্ট তরুণপোশ থেকে উঠেই পড়লেন। তার পর শোভনার অসুচারিত বিমূঢ়তা একটু যেন অসুমান করে বললেন,—কেন এ কথা জিজ্ঞেস করলাম বুঝতে পারছ না ত? না পারবারই কথা। বলছি, এখনই বলছি।

কথাটা ব্যাখ্যা করে বলবার আগে আত্তাবু আবার কিছু অসংগত ভাবে সম্পূর্ণ অন্য পথে চলে গেলেন। গভীর হয়ে বললেন,—কাল তুমি অমন করে চলে আসবার পর মারা রাত ঘুমোতে পারি নি, জান!

আমার সত্যি অসুস্থ হয়েছিল।—শোভনা আন্তরিক ভাবে তার অপরাধ স্বীকার করবার সুযোগটুকু নিলে।

না, না তোমার অসুস্থ কিছু হয় নি। আত্তাবু প্রতিবাদ করলেন,—অসুস্থ হয়েছে আমার! রাত্রে ভাবতে ভাবতে সেই কথাটাই বুঝলাম। বুঝলাম যে, কোথায় মনের মধ্যে একটা গোপন অহঙ্কার জন্মেছে আর সেই অহঙ্কারে তোমার ওপর একটু জোর খাটাতে আরম্ভ করেছি।

এ সব আপনি কি বলছেন!—শোভনা সত্যিই বিমূঢ় ভাবে জানালে,—আমি আপনার কেউ নয়। তবে আপনি আমার যা উপকার করছেন তা কি ভোলবার!

ঠিক, ঠিকই বলেছ! আর অহঙ্কার ত সেইজন্মেই জন্মেছে। তোমার সঙ্গে কোন সম্বন্ধ নেই, শুধু একটু স্নেহ মায়া পড়েছে বলে তোমায় আশ্রয় দিয়েছি, কাজ দিয়েছি, তোমায় উপকার করতে চাইছি। কিন্তু আসলে সবটাই ত নিঃস্বার্থ পরোপকারের গর্বে নিজের ইচ্ছে আর মতামত তোমার ওপর চালান। তোমাকে সত্যিই যত স্নেহই করি না, নিজের মর্জি-মফিক তোমার ভাল করবার অধিকার আমার নেই।

শোভনা বিস্ময়বিমূঢ় ভাবে এবার নির্বাক হয়েই রইল। আত্তাবুকে শুধু যেন সম্পূর্ণ অবিশ্বাসরূপে দেখা। কিন্তু সত্যিই কি তাই? আত্তাবুকে সহৃদয় এবং সেকলে বুদ্ধ বলে যে একটা সোজা হিসেব ধরে রেখেছিল, এই

ক'দিনের পরিচয়েই ত ক'বার তা একটু-আধটু পান্টাতে হয়েছে। তাঁর মনের চেহারাও এই দিকটাও স্মরণে অবিশ্বাস হবে কেন? হয়ত অধিকাংশ মানুষের ক্ষেত্রেই নির্দিষ্ট একটা ধারণা ধরে থাকা ভাস্তি ছাড়া কিছু নয়।

আত্তাবুর বলা বিষয়টা একটু বেশী বোধ করছে, এ কথা ঠিক। কাল রাত্রি পর্যন্ত তাঁর যে পরিচয় পেয়েছে তার সঙ্গে আজ সকালের এই কঠিন আত্মবিচার সহজে মেলান যায় না।

আত্তাবু তাঁর কথার উত্তর কিছু চান নি। কি উত্তর দেবে তা ভেবেও পাচ্ছিল না। শুধু কিছুই না বলে এতক্ষণ চুপ করে থাকতে শোভনা অত্যন্ত অস্বস্তি বোধ করছিল।

আত্তাবু সে অস্বস্তি নিজেই দূর করে বললেন,—এ সব কথা তোমার কাছে বলবার ইচ্ছা ছিল না, কিন্তু তোমার পড়াশুনার কথাটা যে-কিছু জিজ্ঞাসা করতে এলাম, তার ভূমিকা হিসেবেও এগুলো না বললে নয়। আমি কাল রাতেই ঠিক করেছিলাম, তোমার আমার আমি আমার হেঁসেল ঠেলতে দেব না।

কেন?—শোভনার গলায় যে কাতরতা ফুটে উঠল সেটা আন্তরিক।

শুধু রাধুনীগিরি করিয়ে তোমার কাননটা নষ্ট করবার অধিকার আমার নেই বলে। তাতে স্নেহ-দাছন্দ্যে তুমি ছোট্টো দেখে-পারে থাকতে পারবে বলে, কিন্তু গাছিত সব নয়?

শোভনা অদাকু। এ সব ত তারই নিজের মনের কথা! আত্তাবু যেন তার প্রতিপত্তি কবছেন মাত্র। কিন্তু আত্তাবুর মুখে শুনে নিজের কথারই প্রতিবাদ করতে হ'ল।

সব হয়ত নয়, কিন্তু গাছাড়া আমার উপায় কি? আপনার এ অসুস্থ না পেলে আমার ও রাস্তায় দাঁড়াতে হ'ত।

তা হয়ত হ'ত। কিন্তু সে কথা ভাববার এখন আর ত দরকার নেই। রাস্তায় যখন দাঁড়াতে দিই নি, তখন শুধু হুমুঠো অন্ন আর মাথা গোঁজবার একটু আশ্রয় দিয়েই তোমায় বেঁধে রাখব কেন? আমি তোমায় অসুস্থ করতে চাই না, চাই সত্যিই তোমায় সাহায্য করতে। সেই জন্মেই তোমার লেখাপড়ার খোঁজ নিলাম। যদি কোথাও পড়ানোর কাজ পাও নিতে পার না?

খুব পারি! কিন্তু সেরকম কাজ কি সত্যি পাব! তা ছাড়া...

শোভনাকে কথাটা শেষ করতে না দিয়ে আত্তাবু

বললেন, তা ছাড়া যা আছে সে সব কথা পরে ভাবা যাবে। আপাততঃ টিউশনি গোছের একটা কাজ বোধ হয় তোমায় যোগাড় ক'রে দিতে পারব। আশা করছি তোমার অপছন্দ হবে না।

অপছন্দ হবে কেন?—শোভনা কৃতজ্ঞ স্বরে জানালে, আপনি কি যেমন-তেমন একটা কাজ আমায় দেবেন? শুধু একটা কথা ভাবছি।

একটু চুপ ক'রে থেকে শোভনা দ্বিধাটুকু জয় ক'রে বললে, ভাবছি কালকের কথাটা আপনি আজ আর একেবারেই তুললেন না কেন? কাল আপনার কাছে ওই খবর পেয়ে যা বলেছি তাতে কি অসন্তুষ্ট হয়েছেন? জানি না আমার কথাটা আপনাকে বোঝাতে পেরেছিলাম কি না?

প্রথমে সত্যিই বুঝতে পারি নি মা। আত্তবাবু গাঢ় স্বরে স্বীকার করলেন, প্রথমে না বুঝে সত্যিই অসন্তুষ্ট হয়েছিলাম। শুধু অসন্তুষ্ট কেন, তোমার ওপর রাগই হয়েছিল। তার পর প্রায় সারারাত ওই কথা নিয়েই ভেবেছি। ভেবে বুঝেছি, তোমার মন দিয়ে তোমাদের সমস্তা বোঝা যেমন আমার পক্ষে সম্ভব নয়, তেমনি আমার নিজের সংস্কার ও ধারণা থেকে কোন মীমাংসা তোমার ওপর চাপাবার অধিকারও আমার নেই। তোমার নিজের পথ তুমি নিজেই বুঝে নেবে। তোমার মধ্যে সে জোর যে আছে তার প্রমাণ একটু পেয়েছি বলেই মনে হচ্ছে। অল্পমকে তুমি যদি খুঁজতে চাও, আমি সাহায্য করতে প্রস্তুত। তা যদি না চাও, আমি আমার জেদ তোমার ওপর খাটাব না। এই সব কথাই ভাবতে ভাবতে নিজের দুর্বলতাটুকুও বুঝতে পেরেছি মনে হয়েছে। তাই থেকেই বুঝেছি, স্নেহ মায়া মানে নিজের ধারণা ও ইচ্ছে দিয়ে তোমার ঘিরে রাখা নয়। তোমার নিজের একটা স্বাধীন সত্তা আছে। নিজের জীবন নিজেই তুমি চালাবে। স্নেহ মায়া যেটুকু আমার আছে তাই দিয়ে তোমায় শুধু আমি সাহায্য করতে পারি।

শোভনাকে শোনার জন্তে শুধু নয়, নিজের সঙ্গে বোঝাপড়া করার জন্তেই যেন এক নাগাড়ে কথাগুলো ব'লে আত্তবাবু চুপ করলেন।

একান্ত ভিত্ত হলে শোভনা তার পর অনেকক্ষণ কিছু বলতে পারল না। চোখ যে কেন তার তখন অক্ষয়জল হয়ে এসেছে সে জানে না। মুখ ফিরিয়ে আঁচলে চোখটা একবার মুছে নিয়ে সে প্রায় অক্ষুণ্ট স্বরে বললে, আপনার কাছে নতুন করে কৃতজ্ঞতা জানিয়ে আপনাকে ছোট

করব না। কিন্তু আপনাকে যে অনেকখানি তুল বুঝে-ছিলাম তা স্বীকার ক'রে ক্ষমা চাইছি। আর একটা কথাও সেইসঙ্গে স্বীকার করছি। আপনার কাছে আশ্রয় পেয়ে শুধু আপনার রান্নাবান্না ক'রে দিন কাটাতে মনটা মাঝে মাঝে বেঁকে দাঁড়িয়েছে সত্যি। নিজেই অন্য কোন উপায় খোঁজবার চেষ্টা করেছি। কিন্তু এখন মনে হচ্ছে, আপনার স্নেহের আড়ালে এমনি ক'রেই যদি জীবনটা কেটে যায় তাতে ক্ষতি কি! আপনার হেঁসেলে কাজ না ক'রে অন্য কোথাও পড়ানর কাজ নিলে কি-ই বা নতুন কিছু আমার হবে। আমার জীবনে আর কিছু ত হবার নয়?

কেন নয়! আত্তবাবু দৃঢ় স্বরে প্রতিবাদ জানালেন, জীবনের হওয়া না হওয়া কি এর মধ্যেই সব ক'বে ফেলা যায়! এই বয়সেই অনেক কিছু হয়ত তুমি দেখেছ, সয়েছ। কিন্তু তবু সামনে অনেক পথ প'ড়ে আছে তোমার। সে পথে সাহস ক'রে পা বাড়াতে তোমায় হবে। ভবিষ্যৎ অজানা হলেও। সে যাই হোক, আমার হেঁসেলে তোমার আর বন্দী থাকা চলবে না। আমার হেঁসেলেই কদিন বাদে বন্ধ হয়ে যাবে।

বুঝতে পারলাম না আপনার কথা! আপনার খাওয়াদাওয়ার একটা ব্যবস্থা ত দরকার।

সে ব্যবস্থা হবে—আত্তবাবু এবার হেসে বললেন, তবে এখানে আর নয়। আমি কিছু দিনের জন্তে নানা জায়গায় ঘুরে বেড়াব ঠিক করছি। বয়স অনেক হয়েছে, এরপর আরো অধর্ব হয়ে পড়লে যা পারব না, মনের সেই সাধটা এখন মিটিয়ে নিতে চাই।

এক সঙ্গে অনেক প্রশ্নই মনে ভীড় করে এল ব'লে বোধ হয় শোভনা প্রথমটা কিছুই বলতে পারল না।

আত্তবাবুই নিজে থেকে তাকে আশ্বস্ত করার জন্তে আবার বললেন,—তোমার কোন ভাবনা নেই মা। যাবার আগে তোমার একটা কাজের ব্যবস্থা আমি ক'রে দিয়ে যাবই। আর তুমি যদি নিজে থেকে না চ'লে যেতে চাও, তা হ'লে এঘর চিরকালের জন্তে তোমার, এইটুকু জানিয়ে যাচ্ছি।

আত্তবাবু দরজা দিয়ে বেরিয়ে যেতে গিয়ে আবার ফিরে দাঁড়িয়ে বললেন,—হ্যাঁ, আজ শুধু তোমার নিজের রান্নাবান্না তুমি ক'রে নিও। আমার আজ আমার সেই বন্ধু উমেশ তার ওখানে খেতে বলেছে।

আত্তবাবুকে বেরিয়ে যেতে গিয়ে এবারও কিন্তু ধমকে দাঁড়াতে হ'ল।

কই, শোভনা দেবী কোথায়?—ব'লে নিখিল বস্ত্রীই দরজায় এসে দাঁড়িয়েছে।

আত্তাবাবুকে দেখে প্রায় তাচ্ছিল্যভরে নমস্কারের ভঙ্গিতে একবার হাত তুলে সে তাঁকে পাশ কাটিয়ে ঘরের ভেতর ঢুকে শোভনাকে উদ্দেশ্য ক'রে বললে—  
দেখেছেন আমার দেওয়া কাগজগুলো!

দেখেছি। শোভনার গলার স্বরে একটু অস্বস্তিই প্রকাশ পেল, ওগুলো আপনি নিয়ে যেতে পারেন।

শোভনা পাশের তাকের ওপর থেকে কাগজপত্রগুলো নিয়ে নিখিলের দিকে বাড়িয়ে ধরলে। গত রাতে বিচক্ষণ পিঠে ঠেকবার পর কৌতূহল বশে সত্যিই এগুলোর ওপর আলো জ্বলে একবার চোখ কুলিয়েছিল।

আত্তাবাবু তখনও দরজার একটা পাল্লা ধ'রে স্থির হয়ে দাঁড়িয়ে আছেন।

নিখিল তাঁর দিকে একবার চেয়ে নিয়ে হেসে উঠে বললে—এগুলো কি আমি ফেরত নিতে এসেছি? আপনাকেই দিয়েছি ওগুলো। প'ড়ে কি মনে হ'ল বলুন, নেবেন ও চাকরী?

কি চাকরি? আত্তাবাবু গভীর স্বরে প্রশ্ন করলেন।

এই, মেয়েদের যে সব চাকরির আজকাল সুবিধে! নিখিল আত্তাবাবুর দিকে ফিরে সহজ রসিকতার সুরে বললে,—শাড়ী আর চেহারায় একটা নতুন মার্কেট তৈরী হচ্ছে ত! যত বিদ্যাবুদ্ধিই থাক, ধুতি-পাঞ্জাবীর সেখানে কোন দাম নেই।

উনি কি চাকরির কথা আপনাকে বলেছিলেন?— আত্তাবাবুর গলার স্বর বেশ কঠিন।

উনি বলবেন কেন? আমার কি নিজে থেকে বোধবার ক্ষমতা নেই? নিখিল অবিচলিত ভাবে হাসতে হাসতে বললে,—আমী ত একরকম নিরুদ্ধেশ ব'লেই মনে হচ্ছে। অন্ততঃ এতদিনে আমি ত একবার সূলের টিকিও দেখিনি। আর সেরকম কিছু না হলে আপনার ওখানে ঠেকে রাধুনীগিরিই বা করতে হবে কেন? তাই এই কাজটার খবর পেয়ে ঠেকে কাগজপত্রগুলো দিয়ে গেছলাম। ঔর এখন যা অবস্থা তাতে আরকম কাজ পেলে ধুতীই হবেন ভেবেছি।

শোভনা তখন আত্তাবাবুর অকারণ অপ্রত্যাশিত অপমানের কথা ভেবে লজ্জায় সঙ্কোচে এতটুকু হয়ে গছে।

আত্তাবাবু কিন্তু আগের চেয়ে নরম গলার জিজ্ঞাসা করলেন,—কাজটা কি?

কি বলুন না শোভনা দেবী! আপনি ত সব পড়েছেন?

শোভনাকে নীরব দেখে নিখিল বেশ জ্বোরেই হেসে উঠে আবার বললে,—আমি যেন কি একটা অন্ডায় ক'রে ফেলেছি মনে হচ্ছে। কিন্তু প্রতিবেশী হিসেবে একটু সাহায্য করতে চাওয়া ছাড়া কোন অভিসন্ধি আমার আছে ব'লে ত বুঝতে পারছি না। বেশ, আপনিই শুধু আত্তাবাবু। কাজটা যাকে বলে ইংরেজী ক'টা কাগজের বিজ্ঞাপনের প্রতিনিধির। আজকাল মেয়েদেরই এসব কাজে চাহিদা হয়েছে। চেহারা চলন বলন একটু ভাল হ'লে তারা যা আদায় করতে পারে পুরুষদের তা সাধ্য নেই। কাজকর্মের সন্ধানেই ত দিনরাত ঘুরি। এ কাজটা নিজের জন্তেই খুঁজতে গেছলাম। কিন্তু খবরাখবর নিয়ে বুঝলাম, ওখানে আমার মত হতভাগা পুরুষের কোন আশা নেই। তাই ঔর কথা ভেবে ঠেকেই সুবিধেটা দিতে চেয়েছিলাম। খুব অন্ডায় কিছু করেছি?

না, তা করেন নি! কাগজপত্রগুলো আমি একবার শুধু দেখতে চাই!—ব'লে শোভনার হাত থেকে সেগুলো নিয়ে আত্তাবাবু বেরিয়ে গেলেন।

খানিক ছু'জনেই একেবারে নীরব।

নিখিলই প্রথম হেসে উঠে অস্বস্তিকর নিস্তব্বতাটা ভেঙে দিয়ে বললে,—ব্যাপারটা কি হ'ল সত্যিই বুঝতে পারছি না। আপনি হঠাৎ এমন আড়ষ্ট গভীর হয়ে গেলেন কেন? কিছু নোংরা জঘন্ডা কাজে আপনাকে ঠেলেতে চেয়েছি ব'লে মনে হচ্ছে?

তা হয়ত ঠেলেন নি, কিন্তু আত্তাবাবুকে আমার ঘরে অপমান করবার স্পর্ধা আপনি কোথায় পেলেন!— শোভনার রুদ্ধ রাগের জ্বালা এতক্ষণে যেন ফেটে বেরুল।

অপমান!—নিখিল যেন একেবারে হতভম্ব, আত্তাবাবুকে আবার অপমান করলাম কোথায়? ওঃ, ঔর রাধুনীগিরির কথা বলেছি ব'লে? তাতে অন্ডায়টা কি হয়েছে। সত্যিই ত তাই আপনি করছেন। এই কি আপনার যোগ্য কাজ নাকি?

আমার কি যোগ্য না-যোগ্য সে বিচার আপনার ওপর ছেড়ে দিয়েছি ব'লে ত মনে পড়ছে না! শোভনার গলায় এবার তীব্র বিদ্বেষের ধার।

আপনি রাগই করুন আর যাই করুন, সত্যি কথা আমি না ব'লে পারি না। ওই আমার বদ্বন্দ্যাব। ও বৃদ্ধ যেভাবে কাগজগুলো নিয়ে গেলেন তাতে ত নিজে থেকে আপনার অন্নদাতা অভিশ্রাবক হয়ে উঠেছেন বোঝা যাচ্ছে। কিন্তু ঔর তাঁবেদার হয়েই আপনি জীবন

কাটাবেন নাকি! কাগজপত্র উনি ত দেখতে নিয়ে গেলেন কিন্তু অমন বিনে মাইনের রাঁধুণী উনি কি সহজে ছাড়তে চাইবেন? তখন, আপনার সম্বন্ধে কিছু খোঁজ আমি না নিয়ে পারি নি...

ধন্যবাদ!—নিপিলকে মাঝ পথেই খামিয়ে দিয়ে শোভনা তিক্ত কঠিন স্বরে বললে, এখন অনুগ্রহ করে আপনি একটু যাবেন? আমি দরজাটা বন্ধ করতে চাই! নাঃ, খুব বড়া অপমানই করতে চাইছেন বুঝতে

পারছি। সব কেমন গুংগোল হয়ে গেল। আচ্ছা, এখন আমি যাচ্ছি। আপনার মাথা ঠাণ্ডা হলে আর একবার বোঝাবার চেষ্টা করে দেখব।

মুখে একটু বিমূঢ় হাসি নিয়ে নিখিল বেরিয়ে যাবার সঙ্গে সঙ্গেই শোভনা শশব্দে দরজাটা বন্ধ করে দিলে \*  
ক্রমশঃ

\* এই উপন্যাসটির পূর্বপ্রকাশিত অংশের একটি চরিত্র আনানী ভৌরুর প্রবাসীতে ছাপা হ'ল।

## ভোরের প্রসাদ

শ্রীহেমলতা দেবী

জগৎ, তোমার ভালবেসেছি  
কোন আদিযুগে, আদিম প্রাণে,  
আকাশ যেদিন ভিছাইল মাটি  
বিন্দু বিন্দু শিশির-পাতে।  
চেতনা জাগিল মাটির বক্ষে,  
প্রাণের স্পর্শ উঠি, শিরি,  
দেখে রাশি রাশি ফুল ফুটে ওঠে  
কালো তার দেহ আলোয় ভরি'।  
রঙে রঙে রাঙা হ'ল যে আকাশ,  
বাতাস হ'ল যে সুগন্ধ-ময়,  
ভালবেসে এসে নিভূতে গোপনে  
প্রতি জনে জনে কি কথা কয়!

আয় আনন্দ, আয়রে ছন্দ,  
আয়রে শিশির-ভেজা ফুলদল  
প্রেমের প্রসাদ বিলায়ে জগতে  
আনু শাস্তির পুত্র পরিমল।  
জগৎ আমার, জগৎ আমার,  
প্রেমের তুমি যে প্রশ্রবণ,  
প্রেমের পরশে জাগিল হরসে  
আকাশে বাতাসে আলিঙ্গন।  
মিলনের সুর ঐ শোনা যায়,  
বাশী বাজে ঐ সূদূরে দূরে।  
ভোরের প্রসাদ নেমে এল আজ  
শাস্তিনিবিড় অন্তঃপুরে।



# পুস্তক পরিচয়

**চীনা কবিতা :** ছীদিলাপ দত্ত। কৃষ্ণবাস প্রকাশনী, কলিকাতা-৪। মূল্য দেড় টাকা মাত্র।

মূল চীনা কবিতার সঙ্গে আমাদের সংস্কৃত পরিচয় নেই; অতীতের মধ্যকারে ইতিহাসে চীনা সাহিত্যের সঙ্গে আমাদের পরিচয় সংশ্লিষ্ট। চীনা কবিতার সাহিত্য ও সাহিত্য সুপ্রাচীন। বহু বিদগ্ধ মানুষের মনন-সংকলনে চীনা সাহিত্য পরিপুষ্ট; বহু কলারসিক এবং অগণিত কাব্যিকদের রসনিবেদনে চৈনিক কাব্যসাহিত্য এবং শিল্পকর্ম অনন্ত মর্ষাদায় ভূষিত হয়েছে। অনুবাদক দিনীপবাব সুপ্রাচীন চীনা কবিতার স্বদ পাবার সুযোগ আমাদের যেমন দিয়েছেন ঠিক তেমনি দ্বারা তিনি আধুনিক চীনা কবিতার সঙ্গেও আমাদের পরিচয় ঘটিয়ে দিয়েছেন। চিয়েন চিয়েন আধুনিক চীনা কবিতার নতুন যুগের প্রবর্তক। চিয়েনের কবিতায় মিলের প্রাধান্য নেই। প্রাক আধুনিক যুগ থেকে পিছিয়ে গিয়ে আমরা যদি গ্রন্থপুত্র যুগ পুষ্ট সংক্রমণ করি তাহলে দেখা যে, চীনা কবিতায় 'মিন' রাজত্ব করেছে দৌদগু প্রতাপে। চিয়েন সেই মিনকে অগ্রসর করলেন। অধিকার করলেন তার একান্ত আনন্দকণাক; চিয়েন আধুনিক মানুষের মনের কথা বললেন আধুনিক ভাষায়:

“পাখির চোখ  
কায়র মণি কলে।  
আমরা তুলে কুড়াই।  
আমরা তুলে কুড়াই -  
সুখের আমর :  
বাহু আমর :  
সফার পর বাড়ী ফিরি।”

চিয়েন চিয়েন ছাড়াও সহ কো চিয়া, কোচি, আই চি, তলিনে প্রমুখ আধুনিক চীনা কবিদের কাব্যসুন্দর আলোচ্য গ্রন্থ স্থান পেয়েছে। প্রাচীন চীনা কবিদের কবিতার স্থানও হয়েছে এই সংকলনে, প্রাচীনদের মধ্যে ওয়েঙ্গ ফয়েই, লি পো, ওয়াং সাং লিং, টুক, প্রমুখ ঋতনামা কবিদের কাব্যসুন্দর স্থান পেয়েছে। প্রাচীনদের মধ্যে যেমন রাসিকাল রোমান্টিক জিমের গুর প্রমুখ, ঠিক তেমনি আধুনিকদের মধ্যে বিগালি-জিমের গুর প্রতিধ্বনিত। অনুবাদকের ভাষা ও বাচনভঙ্গি কবি-জনোচিত। তাঁর কবিতায় স্থানকালের ব্যবস্থানে উদ্বীর্ণ হয়েছে অনাধাসে: দিনীপবাব সহদয় হৃদয়সংবাদী; তাহ তাঁর অনুবাদ সহজ ও স্বচ্ছ হয়েছে।

**শ্রী সুধীরকুমার নন্দী**

**রসসমীক্ষা :** শ্রীমহারঞ্জন মুখোপাধ্যায়, অধ্যক্ষ, সংস্কৃত বিভাগ, বাদবপুর বিশ্ববিদ্যালয়। পরিবেশক: মুর্শাবী বুক হাউস, ৫৭, কর্ণওয়ালিস স্ট্রিট, কলিকাতা-৬। মূল্য ছয় টাকা।

সংস্কৃত অনকারশাস্ত্রের তথা সমুদ্র বিশ্লেষণ ও ব্যাখ্যা করিয়া বিভিন্ন আধুনিক ভাষায় বহুগ্রন্থ রচিত হইয়াছে। অশ্রুভাষার কথা বলেতে পারি না, তবে বাংলা ও ইংরাজী ভাষায় রচিত গ্রন্থগুলির

অধিকাংশই ঠিক আধুনিক পাঠকের উপযোগী ভাবে লিখিত বলা যায় না। আলোচ্য গ্রন্থগুলিঃ সম্পূর্ণতঃ ন হইলেও অংশতঃ এই ধারার ব্যতিক্রম দেখা যায়। হাজার অনেক অংশ পাঠ করিয়া কৌতূহলী পাঠক মাত্রই তৃপ্ত লাভ করিতে পরিবেন মনে নাহে বাংলা সাহিত্য হইতে দূরত্ব উচ্চ হইয়ায় বাংলা সাহিত্যের মূর্খতার সুবিধা হইবে। সংস্কৃত সাহিত্যশাস্ত্রে রসসম্বন্ধে যে বিস্তৃত আলোচনা পাওয়া যায় প্রধানতঃ তাহারই পরিচয় এই গ্রন্থে দেওয়া হইয়াছে। তবে গ্রন্থকার সর্বত্র প্রাচীন মতের অনুমোদন করেন নাই। প্রাচীন শাস্ত্রের ক্রটিকরূপে প্রসঙ্গে তিনি বলিয়াছেন ‘সংস্কৃত আনন্দকারিকার সাহিত্য সৃষ্টির ব্যাপারে কাব্যপ্রতিভাকে তাহার প্রাণী স্বীকৃতি দান করেন নাই।...সাহিত্যকে পূর্ণমূল্যের বিকাশরূপে উপনীত করেন নাই।’ (পৃঃ ৯, ১০)। গ্রন্থের শেষ অধ্যায় গ্রন্থকার কাব্যের চক্ষুণ্য বিষয়ে প্রাচীন ধারণা সম্বন্ধে রূঢ় অভিমত প্রকাশ করিয়া বলিয়াছেন—‘সংস্কৃত আনন্দকারিকার দৃষ্টি অন্য কার শাস্ত্র প্রাচীন মতবাদ ও গ্রন্থের দ্বারা নিমোচিত হইয়াছিল বলিয়াই তাহার গাঢ়ানিকারোঃঃঃ ভাষাঃ দিয়া আনন্দকে সর্ববিধকারের মূল্য উদ্দেশ্যে বলিয়া স্বীকার করিয়াছেন। পূর্ব বলিয়াছি, আনন্দলাভ কাব্যের গৌণ ফল; হাজার মূলফল আনন্দপ্রকাশ।’ (পৃঃ ১৭০-২) প্রাচীন মতবাদের অপক্ষপাত আলোচনা দেখায় না হইলেও কঠোর মন্তব্য সর্বথা বহনীয়। গ্রন্থকারের মতামত সম্পর্কে বিচার শূন্য সমালোচনার মর্ষা সম্ভব নয়।

**শ্রী চিত্তাহরণ চক্রবর্তী**

**পথের টানে :** বিভা সরকার। প্রকাশক এন. সি. সরকার অ্যান্ড সন্স, প্রাইভেট লিমিটেড, ১৪, বঙ্কিম চ্যাটার্জী স্ট্রিট, কলিকাতা-১২। প্রায় ১৯০, মূল্য বিন টাকা প্রকাশ নাই।

জন্ম-কাহিনীর দুখা উদ্দেশ্যে তথা-পারবেশন হইলেও, রচনার গুণে কিভাবে তাহা প্রকৃতপক্ষে সাহিত্যের পথে উত্তীর্ণ পারে, আলোচ্য পুস্তকগুলি তাহার এক চরিত্রসংগে অসংখ্য ভৌগোলিক বা-সাংস্কৃতিক বিবরণ কি করিয়া সরস গল্পে পরিণত করা যায়, বহুসংখ্যে হুপারচিত্র লেখিকা তাহা এত পুস্তকে দেখা যায়। এতকৈ সম্পূর্ণরূপে জন্ম-কাহিনী বলিতে বুল করা হইবে। লেখিকা বহু স্থান ও পাপের বর্ণনা দিয়াই ক্ষান্ত হন নাই, পাপ-দেখা মন-চরিত্রের চেহারাও করিয়াছেন। কতগুলি চরিত্র একপৃষ্ঠায় যে, আমরা যেন তাহাদিগকে প্রত্যক্ষ করিতেছি, তাহাদিগের গুণ-ভঙ্গ অশ্রুত করিতেছি। গল্পের ভিত্তিতে রচনা-শৈলী, মন-চরিত্রের বিচিত্র অস্তিত্ব, নীরস জিনিসকে সরস করিয়া তুলিবার শক্তি ও একটি সমবেদনশীল পরিচ্ছন্ন কাব্যমানসের পরিচয় আলোচ্য জন্ম-কাহিনীটিকে সুপ্রাণী ও সার্থক করিয়া তুলিয়াছে। পুস্তকগুলির প্রধান গুণ, একবার পড়িলে আরও করিলে শেষ কী করিয়া পড়া যায় না। আমরা একপুস্তকের বহুপ্রচার কামনা করি।

**শ্রী কৃষ্ণদে**

রূপদক্ষ রবীন্দ্রনাথ : মৃগাল ঘোষ, চন্দননগর হইতে গ্রন্থকার  
কর্তৃক প্রকাশিত। ১৯০৬, পৃঃ ১৫।

কবি সার্থকীর রবীন্দ্রনাথের বহুমুখী প্রতিভার ধারণা বিশ্বজনের  
চিত্ত মোহিত হইয়াছে। কবি, গীতিকার, শিক্ষাবিদ রবীন্দ্রনাথ  
আমাদের সম্মুখে শতধা বিরাজিত, কিন্তু তিনি জীবনের প্রায় শেষ  
পর্বে যে অনন্যসাধারণ কলাকৌশলের পরিচয় দিলেন তাঁহার চিত্রাবলীর  
মধ্যে সেই পরমাশ্চর্য আশ্চর্যপ্রকাশের পরিপূর্ণ রূপটি আমরা বহুদিন  
ধরিতে পারি নাই। আজও তাহা রবীন্দ্রানুরাগী বাঙালীর নিকট  
ছুর্তীধা হেঁয়ালীর মত। কয়েকজন বিশিষ্ট রবীন্দ্রানুরাগী এ সম্বন্ধে  
আলোচনা করিয়াছেন, যেমন শিলাচাঁর অবনীন্দ্রনাথ, নন্দলাল বসু,  
অধেন্দু গাঙ্গুলী, অসিতকুমার হালদার, ধূর্তচন্দ্রসাদ মুখোপাধ্যায়,  
মুকুল দে প্রভৃতি। কিন্তু রবীন্দ্রচিত্রকলা সম্বন্ধে এ আলোচনা  
মনোজ্ঞ হইলেও, বহুধা বিসারী বলা চলে না। প্রতীচ্যের লেখনাদে  
মা ভিকি, র্যাকেল প্রভৃতি চিত্রশিল্পীকে ঘিরিয়া কত কাহিনী রচিত  
হইয়াছে। এমন কি রবীন্দ্রসমকালীন শিল্পী পিকাশো সম্বন্ধে নিত্য  
নূতন কত মনোজ্ঞ আলোচনা প্রকাশিত হইতেছে। কিন্তু রবীন্দ্রনাথ  
প্রায় আড়াই হাজার ছবি আঁকিলেন, ইউরোপের শ্রেষ্ঠ কলারসিকগণ  
তাঁহার চিত্র প্রদর্শনী দেখিয়া কত না প্রশংসাবাক্য বর্ষণ করিলেন।  
কিন্তু বাঙ্গালার রসিকসমাজে রবীন্দ্রচিত্রশিল্প উপলব্ধি করার ব্যাপক  
প্রয়াস আজও দেখা যায় না।

আলোচ্য গ্রন্থের লেখক কবিশিল্পীর চিত্রশৃঙ্খলিবিষয়ে স্বল্পপরিসরে এক  
মনোজ্ঞ আলোচনা করিয়াছেন। কয়েকজন রূপতাত্ত্বিক রবীন্দ্রানুরাগীর  
আলোচনা লেখকের বিশ্লেষণ ভঙ্গির ফলে আরও চিত্তচমৎকারী  
হইয়া উঠিয়াছে। আপন দৃষ্টিভঙ্গি অনুসারে রবীন্দ্রচিত্রশিল্প উপলব্ধি  
করার প্রয়াস ইহাতে আছে। স্বল্প সাবলীল ভাষায় চিত্রশৃঙ্খলির মূলে  
রবীন্দ্র অঙ্কনশৈলীর পরিচয় তিনি দিয়াছেন। চিত্রাঙ্কন বিষয়ে কবির  
বহু উক্তি উদ্ধৃত করিয়া তাঁহার বিষয়বস্তু, টেকনিক, ডিজাইন ইত্যাদি  
সম্বন্ধে সুনিপুণ আলোচনা করিয়াছেন। কবি নিজেই বলিয়াছেন,  
“কোন শিল্পরীতি অনুসারে আমি ছবি আঁকিতে চাইনি, রঙের এবং  
রেখার ছন্দময়, আনন্দময় অনুভূতিই আমার চিত্রশৃঙ্খলির গোড়ার কথা।”  
রবীন্দ্রচিত্রকলার মধ্যে সেই রেখার খেলা ও আকারের লীলাই বর্তমান  
প্রবন্ধে বাঙালীর মূগু লাভ করিয়াছে। লেখক বলিয়াছেন, “রবীন্দ্র-  
শতবার্ষিকী উপলক্ষে সম্পূর্ণ রবীন্দ্ররচনাবলীর সত্তা সংস্করণের ন্যায়  
তাঁর চিত্রাবলীর মূলভ এবং সংজ্ঞাতম সংস্করণ দেশে প্রচারিত হওয়া  
একান্ত আবশ্যিক।” বাহা হউক, লেখক পস্তার নিষ্ঠার সঙ্গে  
রবীন্দ্রচিত্রশৃঙ্খলির যে মূল রূপটি রবীন্দ্ররসিক সমাজকে উপহার দিয়াছেন  
তাঁহার জন্য তিনি বাঙালীমাত্রেয়ই ধন্যবাদার্থ।

শ্রীগোপিকামোহন ভট্টাচার্য

অমর অনুবাদক সত্যেন্দ্রনাথ : ডঃ সূর্যকর চট্টোপাধ্যায়,  
এ, মুখার্জী অ্যান্ড কোং প্রাইভেট লিমিটেড, ২ বক্সিং চ্যাটার্জী স্ট্রিট  
কলিকাতা-১২। মূল্য ৩.০০ ছয় টাকা মাত্র।

আলোচ্য গ্রন্থে কবি সত্যেন্দ্রনাথের অনুবাদ-কৃতিত্বের দিকটাই  
দেখানো হইয়াছে। যে গুণটি থাকিলে অনুবাদও রসোত্তীর্ণ হয়, সেই  
গুণ ছিল অনুবাদক সত্যেন্দ্রনাথের। কথার অনুবাদ, অনুবাদ নহে।  
ভাব এবং রসের অনুবাদই প্রকৃত অনুবাদ। এই তথ্যটি না জানিলে  
অনুবাদ রসহীন হইয়া পড়ে। যেমন—

প্রিয়া মোর মনের মত, ফুলবুকে মোর মদ হাতে,  
ছন্দিয়ার মূলতানেরে গোলাপ গণি এই রাতে।  
আজিকে এ মজলিসে কাজ কি খেলে মোরবাতি ?  
সজনী চাঁদ বদনী বেশ বিরাজে মলসাতে।

এ অনুবাদ, অনুবাদই হইয়াছে কিন্তু রস কোথায়? কিন্তু ঐ ক’টি  
লাইনই সত্যেন্দ্রনাথ লিখিলেন—

প্রিয়া হবে পাশে, হস্তে পেরালা, গোলাপের মালা গলে ;  
কে বা মূলতান ? তখন আমার গোলাম সে পদতলে।  
বলে দাও বাতি না আলার আজি আমোদের নাহি সীমা,  
আজ প্রেমসীর মুখচন্দ্রের আনন্দ-পূর্ণিমা।

এইরূপ অসংখ্য উদাহরণ তাঁর কাব্য-সংগ্রহে রহিয়াছে। আলোচ্য  
গ্রন্থখানি আটটি পরিচ্ছেদে ভাগ করা হইয়াছে। প্রথম পরিচ্ছেদে  
ইংরাজী কবিতার অনুবাদে সত্যেন্দ্রনাথ, দ্বিতীয় পরিচ্ছেদে অনুবাদক  
সত্যেন্দ্রনাথ ও সংস্কৃত সাহিত্য, তৃতীয় পরিচ্ছেদে বাংলা-সংস্কৃত-সং  
ও সত্যেন্দ্রনাথ, চতুর্থ পরিচ্ছেদে হিন্দী কবিতার অনুবাদ, পঞ্চম পরিচ্ছেদে  
করাসীকাব্য ও সত্যেন্দ্রনাথ, ষষ্ঠ পরিচ্ছেদে কারসী কবিতার অনুবাদ,  
সপ্তম পরিচ্ছেদে ওড়িয়া সাহিত্যে সত্যেন্দ্রনাথের অনুসরণ ও অষ্টম  
পরিচ্ছেদে কয়েকটি কঠিন কবিতা।

ভাষা জানা এবং ভাষাকে আয়ত্ত্ব করার মধ্যে তকাৎ অনেকখানি।  
কবি সত্যেন্দ্রনাথ ভাষাকে আয়ত্ত্ব করিয়াছিলেন বলিয়াই তাঁহার অনুবাদে  
এতটা মাহুর্ষ দেখিতে পাই। তিনি অনুবাদে সিদ্ধহস্ত ছিলেন, না  
মৌলিক রচনার, এ লইয়া অনেক মতবৈধতা আছে। কবি হিসাবে  
যে-খ্যাতি তাঁর পাবার তা তিনি পাইয়াই গিয়াছেন। বিশেষ করিয়া  
রবীন্দ্র-প্রতিভার পাখে নিজেকে প্রতিষ্ঠিত করা কম শক্তির কথা নয়।  
তিনি ছিলেন ছন্দের কবি। ইহা কি তাঁহার অপবাদ? তিনি ছন্দ  
লইয়া খেলা করিয়াছেন বটে, কিন্তু কোথাও কবি-ধম্ম হইতে চ্যুত হন  
নাই। অবশ্য এ বিষয়ে স্মিত থাকি স্বাভাবিক। যেমন গ্রন্থকার  
বলিয়াছেন, “...সত্যেন্দ্রনাথের রচনায় দোষত্রটির সন্ধানে আমরা দেখি  
যে, তিনি অনেক মৌলিক কবিতা রচনা করেছেন কিন্তু তাঁর মধ্যে  
সর্বক্ষেত্রে প্রাণপ্রতিষ্ঠা হয় নি। অসাধারণ তথ্যভার হরত তব্ব বা রসকে  
চাপা দিয়াছে। শব্দচরনে তিনি এমন বিস্তার যে, কাব্যিক প্রয়োজনের  
পরিমীমা যে কখন তিনি অতিক্রম করে গেছেন তা তাঁর খেরাল  
থাকে নি।

আলোচ্য গ্রন্থে লেখক অনুবাদের কথাই বলিয়াছেন। এবং এই  
অনুবাদের বিভিন্ন দিক এবং ছন্দ লইয়া যে ভাবে আলোচনা করিয়াছেন  
তাঁহাতে তাঁহারও পাণ্ডিত্য প্রকাশ পাইয়াছে। এদিক দিয়া তাঁহার  
এই গ্রন্থের ‘অমর অনুবাদক সত্যেন্দ্রনাথ’ নামকরণটি সার্থক  
হইয়াছে। এই অনুবাদ গ্রন্থের প্রচার আবশ্যিক।

চেনা মুখ অচেনা মন—মস্তোবকুমার দত্ত, ‘মা’ প্রকাশনী  
৫৭, সূর্য সেন স্ট্রিট, কলিকাতা-১। মূল্য আড়াই টাকা মাত্র।

আলোচ্য গ্রন্থখানি কয়েকটি গল্পের সমষ্টি। গল্পগুলি সাময়িক পত্র  
পূর্বে প্রকাশিত হইয়াছে। গল্পগুলি সুনির্দিষ্ট। লেখক গল্প বলিবার  
কৌশল জানেন। বিশেষ করিয়া ‘নূরজাহান’ ও ‘রমণী’ গল্পটি আর  
সবকে অতিক্রম করিয়া গিয়াছে। লেখকের ভাষা সহজ, কোথাও কষ্ট-  
কল্পনা নাই। এই গুণই লেখককে একদিন বড় করিয়া তুলিবে।  
সকল পাঠকের কাছেই ইহা ভাল লাগিবে বলিয়া আমাদের বিশ্বাস।

গৌতম সেন

সম্পাদক—শ্রীকেশবানন্দনাথ চট্টোপাধ্যায়

মুদ্রাকর ও প্রকাশক—শ্রীনিবারণচন্দ্র দাস, প্রবাসী প্রেস প্রাইভেট লিঃ, ১২০২ আচার্য্য প্রফুল্লচন্দ্র রোড, কলিকাতা।



श्रीकृष्ण

श्रीकृष्ण  
श्रीकृष्ण





# প্রবাসী

“সত্যম্ শিবম্ সুন্দরম্”

“নারায়ণা বলহীনেন লভ্যঃ”

৬২শ ভাগ  
২য় পত্র

জ্যৈষ্ঠ, ১৩৩৯

{ ২য় সংখ্যা

## বিবিধ প্রসঙ্গ

### কলিকাতা বন্দরের উদ্বোধনক অবস্থা

ভারতের বৈদেশিক বাণিজ্য বিষয়ে কলিকাতা বন্দরের গুরুত্ব অস্তু যে কোন ভারতীয় বন্দর অপেক্ষা অধিক। এই বন্দর বিদেশে ভারতীয় পণ্য রপ্তানীর প্রধান পথ। এই পথে বৈদেশিক মুদ্রা—যাহা ভারতের প্রাণবানু দাঁড়াইয়াছে—উপার্জননের জন্য কাঁচা পাট ও পাট হইতে প্রস্তুত বস্তাদি, চা, কয়লা, খনিজ পদার্থ, চামড়া ইত্যাদি যাহা বিদেশে প্রেরিত হয় তাহাতে সমগ্র ভারতের রপ্তানীজাত আয়ের অর্ধেক অর্জিত হয়। অন্যসকল ছোটবড় বন্দর একত্রে মিলিয়া বাকী অর্ধাংশ অর্জন করে। সুতরাং এই বন্দর অচল হইলে ভারতের অর্থনৈতিক সঙ্কট অনিবার্য।

অন্যদিকে পশ্চিম বাংলার জীবনশ্রোতও এই বন্দরের অবস্থা-ব্যবস্থার সঙ্গে অতি ঘনিষ্ঠ ভাবে যুক্ত। এই বন্দর শুধু বিদেশের সঙ্গে নয়, ভারতের সমুদ্রকূলস্থিত অস্তু অঞ্চলের সঙ্গে যোগাযোগের সহজ ও সরল পথ। এই বন্দরের কাজ ব্যাহত হইলে পশ্চিমবঙ্গেরও সমূহ কৃতির সম্ভাবনা থাকে। অতএব এই বন্দরের কার্যক্রমে সুব্যবস্থা ও বন্দরের মুখ সুগম রাখার উপর পশ্চিম বাংলার কর্তৃপক্ষেরও নজর রাখা উচিত ও প্রয়োজন। এবং সেই সঙ্গে যাহারা পশ্চিমবঙ্গের মুখপাত্র হিসাবে কেন্দ্রীয় লোকসভায় ও রাজ্যসভায় প্রেরিত হইয়াছেন তাহাদেরও এবিষয়ে গুরুতর দায়িত্বজ্ঞান থাকা উচিত, সে বিষয়ে সন্দেহ নাই।

অথচ আমরা দেখি যে, এই কলিকাতা বন্দরকে সচল ও সুগম রাখার জন্য যাহা কিছু অবশ্যকর্তব্য, সে-সকলেই কেন্দ্রীয় মন্ত্রী ও আমলাসহলে এক অত্যাচার্য্য দীর্ঘমুদ্রতা ও ঔদাসীন্যের পরিচয় পাওয়া যায়। এই বন্দরের অবনতি রোধের জন্য যাহা কিছু প্রথম পাঁচশালা পরিকল্পনায় থাকা উচিত ছিল—যথা নদীতে জলশ্রোত বাড়াইবার জন্য করাকায় বাঁধ নির্মাণ, নদী-গর্ভের বালু ও পঙ্ক নিষ্কাশন, ইত্যাদি—তাহার আরম্ভ হইল দশ বৎসর পরে এবং তাহাও ‘টিমে তেতালা’ গতিতে। এই দীর্ঘদিন এভাবে অবহেলিত হওয়ার ফলে নদী এত বেশী মজিয়া গিয়াছে যে, এখন ছোট ও মাঝারি সমুদ্রগামী জাহাজের পক্ষেও এই বন্দরে আসা-যাওয়া বিপদসঙ্কুল এবং অতিশয় নিপুণ ও সুদক্ষ পাইলটের সাহায্য বিনা অসম্ভব। বড় জাহাজ, অর্থাৎ ছয়-সাত হাজার টনের অধিক মালবাহী, এ বন্দরে এখন আসিতে পারেই না, যদি না হুগলী নদীর মোহানা অঞ্চলে বা তাহার পূর্বে, তাহার মাল আংশিক ভাবে খালাস করিয়া তাহার ভার লাঘব করা হয়। এই কারণে দীর্ঘ দিন গড়িমসি করিবার পর পরম অনিচ্ছাসত্ত্বে—হলদীয়ার একটি ছোট বন্দর নির্মাণের আয়োজন চলিতেছে—বৃহন্নন্দ গতিতে, বলা বাহুল্য!

এই বন্দরে জাহাজ চলাচলের এক নূতন অন্তরায় দেখা দিয়াছে, সম্ভ্রতি পাইলট বর্ষখণ্ডের ফলে। কলিকাতা বন্দরে ৪৬ জন পাইলট জাহাজের চলাচল কাজে নিযুক্ত

আছেন। ইহাদের মধ্যে ৪০ জন পদত্যাগ করার নোটিশ যথাযথ ভাবে কিছুকাল পূর্বে দিরাছিলেন এবং সম্প্রতি তাঁহাদের প্রতি সুবিচার করার বিষয়ে হতাশ হইয়া তাঁহারা একজোটে পদত্যাগ করিয়া কাজ বন্ধ করিয়াছেন। কেন্দ্রীয় সরকার অর্ডিনাল জারী করিয়া এই কাজ-বন্ধকরা আটকাইবার চেষ্টা করেন কিন্তু সে চেষ্টা ফলবতী হয় নাই। এই কাজ বন্ধ করার ফলে বন্দরে জাহাজ চলাচল ক্রমেই স্থিমিত হইয়া আসিতেছে। সরকার অবশ্য নানাপ্রকার “এমার্জেন্সি” মূলক জরুরী ব্যবস্থা করিতেছেন যাহার মধ্যে ড্রেজার ও ডেসপ্যাচ সার্ভিসের কয়েকজন পাইলটকে এই জাহাজ চলাচলের ব্যাপারে নিযুক্ত করার ব্যবস্থাই প্রধান। কিন্তু অল্প-দিকে এই বন্দরের শিক্ষানবীশ ১৩ জন পাইলটের মধ্যে ১১ জন পদত্যাগ করায় অবস্থা আরও ঘোরালো হইয়াছে।

বিগত ৮ই মে জাহাজ চলাচল দপ্তরের মন্ত্রী শ্রীরাজ-বাহাদুর পাইলট ষষ্ঠ সপ্তকে এক বিবৃতি কেন্দ্রীয় রাজ্যসভায় উপস্থিত করেন। বিবৃতিতে পাইলটদিগের “সুবুদ্ধির উদয়” সম্পর্কে আশা জানাইয়া পরে এই বলিয়া হৃৎ প্রকাশ করা হইয়াছে যে, পাইলটদের বেতনের হার ইত্যাদি সম্পর্কিত পোর্ট কমিশনারের প্রস্তাবসমূহ সরকার বিবেচনা করিয়া দেখার সুযোগ পাইবার পূর্বেই পাইলটরা চরম ব্যবস্থা গ্রহণ করিয়াছেন।

পাইলটদের এই কার্য্যদ্বারা পরিষ্কার ভাবে অত্যাশঙ্ক্য সংস্থা (সংরক্ষণ) অর্ডিনালের (ইহা কলিকাতার বন্দরের ছয় শ্রেণীর নাবিকদের চাকুরি ক্ষেত্রেই প্রযোজ্য) বিধি ভঙ্গ করা হইয়াছে বলিয়া বর্ণনা করিয়া বিবৃতিতে আরও বলা হইয়াছে যে, পাইলটরা যদি তাহাদের কর্তব্য সম্পাদন না করেন, তবে আইন অনুযায়ী ব্যবস্থা গ্রহণ করা হইবে।

শ্রীরাজবাহাদুর তাঁহার বিবৃতিতে বলেন, স্তাণ্ডেডস্ হইতে কলিকাতা বন্দর পর্যন্ত জাহাজ চালনার কাজ হগলী পাইলট সার্ভিস ও এসিস্ট্যান্ট হারবার মাস্টারস্ সার্ভিস করিয়া থাকে। স্বাধীনতার পর এসিস্ট্যান্ট হারবার মাস্টারদের বেতন বৃদ্ধি করা হয়। অতঃপর অন্তান্ত নৌসার্ভিস বেতন বৃদ্ধির দাবী করার সরকার ১৯৫৪ সনে স্কেল কমিটি নিয়োগ করেন। এই কমিটির সুপারিশ কার্য্যকরীও করা হয়। তাহা সত্ত্বেও পাইলট ও অন্তান্ত কর্মীর মধ্যে অসন্তোষ থাকায় সরকার একটি একসদস্যবৃত্ত কমিটি নিয়োগ করেন। ঐ কমিটির রিপোর্ট বখন কলিকাতা পোর্ট কমিশনারস্ কর্তৃক নিযুক্ত স্পেশ্যাল কমিটির

বিবেচনাধীন ছিল, তখন ঐ ৪০ জন পাইলট এক মাসের নোটিশ দিয়া পদত্যাগ পত্র পেশ করেন। সঙ্গে সঙ্গেই তাঁহারা সরকারকে জানান যে, তাঁহারা ভারত সরকারের অধীন কাজ করিয়া যাইতে প্রস্তুত আছেন। কিন্তু সরকার এই পরিবর্তন প্রয়োজন মনে করেন নাই।

অতঃপর পোর্ট কমিশনারস্‌র সহিত পাইলট প্রতিনিধিদের কয়েকটি আলোচনা হয়। পরিশেষে পোর্ট কমিশনারস্‌র বর্তমান চেয়ারম্যান নিজে সহানুভূতি সহকারে এই বিষয়টি বিবেচনা করিতে প্রতিক্রমিত হওয়ার পাইলটগণ স্বাভাবিকভাবে কাজ চালাইয়া যাইতে সক্ষম হন।

তার পর স্পেশাল কমিটির সিদ্ধান্ত পাইলটদিগকে জানাইলে গত ১লা মে তাঁহারা ঠঠাং জানাইয়া দেন যে, স্পেশাল কমিটির সিদ্ধান্ত সন্তোষজনক নহে বলিয়া তাঁহারা তাঁহাদের পদত্যাগ অবিলম্বে কার্য্যকরী করিতে মনস্থ করিয়াছেন।

স্পেশাল কমিটি পাইলট সার্ভিসের উচ্চতর পদগুলির বেতন বৃদ্ধি ও বেতনাদির হার বৃদ্ধি সুপারিশ করিয়াছেন। কমিশনারস্ মনে করেন যে, ইহার অতিরিক্ত সুবিধা দিলে সর্বত্র অসন্তোষ দেখা দিবে।

সরকার এই উচ্চশিক্ষিত অধিক বেতনভোগী পাইলটদের কাজে সর্বদাই বিশেষ গুরুত্ব দেন। পাইলটগণ চরম পন্থা অবলম্বন করায় হৃৎখিত এবং মনে করেন যে, ইহা কলিকাতা বন্দর ও সমগ্র দেশের স্বার্থের পরিপন্থী। সরকার আশা করেন, তাঁহারা এই পন্থা পরিহার করিবেন। পাইলটগণ এই পন্থা অবলম্বন করায় অর্ডিন্যান্স লঙ্ঘন করা হইয়াছে। তাঁহারা তাঁহাদের কর্তব্য পালন না করিলে আইনানুগ ব্যবস্থা গ্রহণ করা হইবে। কলিকাতার পাইলটদিগের এক মুখপাত্র জানাইয়াছেন যে, মন্ত্রীমহাশয় যে বিবৃতি দিয়াছেন তাহাতে মূল বিষয়টি চাপা দিয়া এবং অবাস্তব বিষয় যথা—অন্তান্ত মেরিন সার্ভিসের প্রসঙ্গ—ইহার সঙ্গে জুড়িয়া এক গোলকধাঁধার সৃষ্টি করা হইয়াছে। ইহাতে পাইলটগণ হৃৎখিত ও বিস্মিত। তাঁহারা তাড়াহড়়া করিয়া পদত্যাগ করেন নাই বরং তাঁহারা শুধু সুবিচারই চাহিয়াছেন।

পাইলটদিগের এই ক্ষুব্ধ ও হতাশ অবস্থা আসিল কিসে সে বিষয়ে কোনও সম্যক বিবৃতি আমাদের চক্ষু-গোচর হয় নাই। ২৭শে বৈশাখের ‘আনন্দবাজার পত্রিকার’ একটি বিশেষ রিপোর্টে তাহার যে আংশিক বর্ণনা দিয়াছেন তাহাতে নিম্ন-উদ্ধৃত অংশ আছে :

“কিন্তু জাতীয় অর্থনীতিতে এই বিপর্যয় কেন ?

কলিকাতা বন্দরের অধিকাংশ পাইলট গুহ রায় কমিটি অথবা পরবর্তী সাব-কমিটির রিপোর্টে সন্তুষ্ট হইতে পারেন নাই। তাঁহাদের মূল বক্তব্য ১৯৪৮ সনে বেঙ্গল পাইলট সার্ভিস কেন্দ্রীয় সরকারের অধীন হইতে কলিকাতা বন্দর কর্তৃপক্ষের আওতায় আনিবার সময় প্রদত্ত চুক্তি কার্যকরী করিতে হইবে। ঐ চুক্তি অস্থায়ী মেরিন সার্ভিসের বিভিন্ন বিভাগের মধ্যে তৎকালীন বেতন হারের ভারতীয় চিরকাল বজায় রাখিতে হইবে। অর্থাৎ অন্য কোন বিভাগে মাহিনা বাড়িলেই তাঁহাদেরও সেই হারে বৃদ্ধিত বেতন দিতে হইবে। তাঁহাদের বক্তব্য ১৯৪৮ সালের পর অন্যান্য বিভাগের মাহিনা বাড়িয়াছে কিন্তু পাইলটদের মাহিনা বাড়ে নাই।

পাইলটরা বর্তমানে কত মাহিনা পান, গুহ রায় কমিটি ও বন্দর কমিশনারদের সাব-কমিটি তাঁহাদিগকে কি বেতন দিবার প্রস্তাব করিয়াছেন এবং তাঁহারা কি বা কি বেতন দাবি করিতেছেন নিয়ে তাহার একটি চিত্র দেওয়া হইল। মেরিন সার্ভিসের অন্যান্য বিভাগ ও বন্দরের অপর কয়েকটি চাকুরির বেতনও তুলনামূলকভাবে নিয়ে দেওয়া হইল।

পাইলটদের বর্তমান বেতন হার—৬০০—৪০—১০০০—৫০—১২৫০/ই, বি ১৩৫০—৫০—১৪০৫ টাকা। তৎসহ কম্পনসেটারী ভাতা ৭৫, মহার্ঘ ভাতা ১০০ (১০০০ মূল বেতনের নিয়ে), মেসিং ভাতা ৮০ টাকা, এ্যাণ্ডে ও বেস ভাতা গড়ে মাসে ৭৫, পোশাক ভাতা ২৬, কন্ভেয়াপ ভাতা ১০০ টাকা। বাড়ী ভাড়া ভাতা মূল বেতনের শতকরা দশ টাকা, নাইট কি মাসে ৬০০ গড়ে। (তিন হাজার টনের একটি জাহাজে প্রতি রাতে নাইট কি ১৮—তিন হইতে পাঁচ হাজার টাকা পর্যন্ত প্রত্যেক জাহাজের জন্য প্রতি রাতে ৩১.৫০, তাহার উপরে ৫৪ টাকা) ইহার উপর অতিরিক্ত কাজের জন্য ভাতা গড়ে মাসিক ১৫০ টাকা।

এই বেতন হার অস্থায়ী ন্যূনতম বেতনের একজন পাইলট ৬০০ মূল বেতনে থাকাকালীন বর্তমানে বিভিন্ন ভাতা সহ মাসে অন্যান্য প্রায় ১৮৬৫ টাকা পাইবার অধিকারী। বন্দর কর্তৃপক্ষের মতে সিনিয়র পাইলটদের অনেকের আয় বর্তমানে মাসিক ২৫০০ টাকার মত।

১৯৫৮ সন হইতে নবাগতদের জন্য নির্দিষ্ট নাইট কি ৩৫০ টাকা ধার্য করা হয়। গুহ রায় কমিটি পাইলটদের বেতন বা নাইট কি বৃদ্ধির প্রস্তাব সরাসরি প্রত্যাখ্যান করিয়াছেন বলিয়া প্রকাশ।

কিন্তু পোর্ট কমিশনারের সাব-কমিটি নির্দিষ্ট নাইট

কি ৩৫০ টাকা হইতে বাড়াইয়া ৪৫০ টাকা সুপারিশ করেন। তাঁহারা এই নাইট কি কে মূল বেতনের অর্ধভূত করিয়া নূতন বেতন হার প্রস্তাব করেন ৮০০ হইতে ১৭৫০ ও তৎসহ বিশেষ বেতন ১০০ টাকা। অন্যান্য ভাতা পূর্বের মত। কিন্তু পাইলটগণ উহাতে সন্তুষ্ট হইতে পারেন নাই। পাইলট এসোসিয়েশন কমিটির নিকট নিম্নরূপ বেতন হার প্রস্তাব করেন :

“৬৮০—৪০—১০০০, ৫০—১৬৫০। তৎসহ বর্তমান নির্দিষ্ট নাইট কি ৩৫০ টাকা। অর্থাৎ বেতন দাঁড়াইবে ১০৩০ হইতে ২০০০ টাকা—তৎসহ অন্যান্য ভাতা।”

আমরা জানি না যে, এই ব্যাপারের মূল স্ত্র কোথায় জট পাকাইয়া আছে। ইহার পূর্বে যে সকল বিবৃতি প্রকাশিত হয় তাহাতে মনে হয় যে, পাইলটগণের আন্দোলনের উপর আঘাত পড়াতেই এই অচল অবস্থার সৃষ্টি হইয়াছে।

শ্রীরাজবাহাদুর কি দিল্লী বসিয়া এ বিষয়ে তাঁহার দায়িত্ব পালন পূর্ণভাবে করিতে পারিবেন? আমরা সে বিষয়ে বিশেষ সন্দেহ প্রকাশ করিয়া এ প্রসঙ্গ এখনকার মত শেষ করি।

### পাকিস্তান ও ভারত

আমরা লক্ষ্য করিয়াছি যে, যখনই পাকিস্তান ভারতের বিরুদ্ধে কোনও অভিযোগ বিশ্বজগতে প্রচার করিবার সুযোগের খোঁজ করেন তখনই এদেশে একটা সাম্প্রদায়িক আন্দোলন আলাইবার বিশেষ চেষ্টা চলে। বর্তমান সময়ে সম্মিলিত জাতি-কেন্দ্রের নিরাপত্তা পরিষদে কাশ্মীর সম্পর্কে সেই পুরাতন চেষ্টা আবার চলে। চুরি করিয়া যে চোর ক্ষতিগ্রস্ত গৃহস্থকেই চৌর্য্যাপবাদ দেয়, তাহার প্রয়োজন প্রথমেই সেই গৃহস্থকে অন্তায় অত্যাচারের অপবাদ দেওয়া। এবারও সেই চেষ্টাই চলে, অবশ্য সে চেষ্টা ফলবতী হয় নাই।

ঐরূপ সুযোগ খোঁজার জন্য নিপুণ লোকের প্রয়োজন এবং সেই লোক হয় প্রচ্ছন্ন ভাবে বিপক্ষের সকল প্রতিষ্ঠানে অনুপ্রবেশ করে অথবা আন্তর্জাতিক নিয়ম অনুসারে প্রদত্ত যে অধিকার বিদেশী দূতাবাসের কর্মচারীগণ পাইয়া থাকেন তাহার অপব্যবহার করে।

সম্প্রতি মালদহে কয়েকজন নিরীক্ষণ ও কাণ্ডজ্ঞানহীন লোকের হঠকারিতায় যে সাম্প্রদায়িক সংঘর্ষের সম্ভাবনা ঘটে তাহা সরকারী দৃষ্টি হস্তক্ষেপে অল্পেই নিবিয়া যায়। কিন্তু তাহাকে ব্যাপক করিবার চেষ্টায় পাকিস্তানী সহকারী হাই কমিশনার ও উক্ত হাই কমিশনের একজন

উচ্চশিক্ষা বিশেষ' চেষ্টিত হইয়াছিলেন এবং তাঁহাদের চেষ্টা সকল হইবে এই আশায় পূর্কালেই অতিরঞ্জিত সংবাদ পাকিস্থানে প্রেরণ করিয়া সেখানের হিন্দুদের উপর ব্যাপক অত্যাচারের অনুশীলন করিয়াছেন, এই অভিযোগ এখানের সংবাদপত্রে প্রকাশিত হইয়াছে।

আরও অল্পদিন পূর্কে কলিকাতায় দাঙ্গা বাধাইবার এক চেষ্টা হয়, তাহার কারণ ছিল এক অখ্যাত ও অজ্ঞাত হিন্দী চটি পুস্তকে প্রকাশিত হজরত মহম্মদের কল্পিত ছবির প্রকাশ। পুস্তকটি বাজেরাপ্ত হইবার পরেও বিকোভ মিছিল ও দাঙ্গা বাধাইবার যেরূপ চেষ্টা হয় তাহাতে সন্দেহের অবকাশ নাই যে, কোনও "লুক্কায়িত হস্ত" ঐ উদ্যোগের জন্ত টাকা ছড়াইয়াছে এবং উন্মাদি দিবার জন্ত লোক নিযুক্ত করিয়াছে। এই টাকা ও লোকের ব্যবস্থা কোথা হইতে আসিয়াছিল তাহা বলা বাহুল্য।

অন্যদিকে অনুপ্রবেশের ব্যবস্থাও যে আছে তাহার প্রমাণ সহজেই পাওয়া যায়। অবশ্য একথা বলা প্রয়োজন যে, এই অনুপ্রবেশ অর্থে তাঁহাদের কথা বলা হইতেছে না যাহারা পশ্চিম বাংলারই সন্তান এবং যাহাদের রক্তমাংস গড়িয়া উঠিয়াছে আমাদের সকলের একই দেশমাতার স্নেহধারায়। তাঁহাদের অধিকার জন্মগত এবং যতদিন তাঁহারা সেই দেশমাতৃকাকে অস্বীকার না করেন ততদিনই তাহা থাকিবে। এবং সেই সঙ্গে একথাও বলা প্রয়োজন যে, যে-সকল পাকিস্থানের গুপ্তসহায়ক ঐরূপে অনুপ্রবেশ করিয়া ভারতের ক্ষতি করার চেষ্টা করিতেছে তাহারা সকলেই মুসলমান নহে—বরঞ্চ বলা উচিত যে তাহাদের মধ্যে যাহারা সর্বাপেক্ষা চতুর তাহাদের অধিকাংশই হিন্দু।

এই অনুপ্রবেশের ফলে নানা স্থলে পাকিস্থানি ঘাঁটি নির্মিত হইতেছে এবং সেগুলিকে সুদৃঢ় করার চেষ্টায় পাকিস্থানের পরামর্শ ও সাহায্য মুক্তহস্তে বিতরিত হইতেছে। এই সকল ঘাঁটি নানা জায়গায় আছে। বিশেষে সেই সকল স্থলে যাহাকে ইংরাজীতে বলে Strategic—অর্থাৎ যুদ্ধ বা সম্বর্ধকালে গুরুত্বপূর্ণ স্থল, যথা রেল, বিমানপোত বা জাহাজ চলাচলের কেন্দ্র বা বিদ্যুৎ সরবরাহ ও ঐ জাতীয় অত্যাৱশ্যকীয় সরবরাহ প্রতিষ্ঠান ইত্যাদি।

সম্প্রতি আনন্দবাজার ঐ জাতীয় একটি সংবাদ দিয়াছেন যাহা সঠিক হইলে প্রশিধানযোগ্য। সংবাদটি এইরূপ :

"পাকিস্থান-দরদী একশ্রেণীর লোকের চক্রান্তের ফলে

কলিকাতা বন্দরে ভারতীয় শ্রমিকদের বাদ দিয়া পাকিস্থানী মুসলমান শ্রমিককে চাকুরি দেওয়ার এক গুরুতর অভিযোগ পাওয়া গিয়াছে।

"প্রকাশ, কিছুকাল পূর্কে কলিকাতা বন্দরে তিনশত শ্রমিক চাহিয়া ডক লেবার বোর্ড এক বিজ্ঞাপন দেন। ইহাতে হলদিয়া বন্দরের বেশ কিছু সংখ্যক বাঙালী তরুণ শ্রমিক দরখাস্ত করে। প্রকাশ, হলদিয়া বন্দরে নবেম্বর হইতে ফেব্রুয়ারী মাস পর্যন্ত কাজ হইয়া থাকে ও এই বন্দরে যাহারা কাজ করে তাহাদের অধিকাংশই বাঙালী শ্রমিক।

"ডক লেবার বোর্ডের অভিপ্রায় ছিল কলিকাতা ডকের শ্রমিকদের শূন্য পদে হলদিয়ার বাঙালী তরুণদের নিয়োগ করা। কিন্তু প্রকাশ, ইহাতে বাদ সাধেন ডক লেবার বোর্ডের কয়েকজন সদস্য। তাঁহাদের অন্তর্গত দুটি চালনার ফলে হলদিয়ার বাঙালী শ্রমিকদের বাদ দিয়া ৩০০ শ্রমিকের মধ্যে ২৯০ জন শ্রমিক নিয়োগ করা হয় পাকিস্থানী মুসলমান শ্রমিকদের মধ্যে হইতে।

"প্রকাশ, কলিকাতা বন্দরের ডক শ্রমিকদের মধ্যে শতকরা ৬০ জনই নাকি পাকিস্থানী মুসলমান। কলিকাতা ডক শ্রমিকদের সংখ্যা বর্তমানে প্রায় ৫০ হাজার।

"ইতিমধ্যে পুলিশী স্বত্রে প্রাপ্ত এক সংবাদে জানা গিয়াছে যে, এই পাকিস্থানী শ্রমিকদের মধ্যে এক শ্রেণীর শ্রমিকের মতিগতি নাকি স্বরাষ্ট্র দপ্তরের সন্দেহ উৎপাদন করিয়াছে। আরও জানা গিয়াছে যে, কয়েকদিন আগে এই পাকিস্থানী ডক-শ্রমিকদের একাংশ প্রকাশ্যেই মালদহের ঘটনা লইয়া প্রতিবাদ সভার আয়োজন করিয়াছিল।"

### রেলগাড়ী ও রেলযাত্রী

কিছুদিন পূর্কে যখন বারাসাত-বসিরহাট রেলের "নূতন সংস্করণ" খোলা হয়, আমরা লিখিয়াছিলাম যে, এই লাইন যাহাদের ব্যবহারের জন্ত নির্মিত ও স্থাপিত হইল, তাঁহারা যদি যথাযথ ভাবে ইহার ব্যবহার করেন তবে ঐ লাইন বর্ধিত হইয়া মেন লাইনে যুক্ত হইবার এবং ট্রেন সংখ্যা পরিবর্ধিত হওয়ার সম্ভাবনা আরও নিশ্চিত হইতে পারে। মার্টিন কোম্পানীর আমলে ভাড়াই কাঁকি ও অল্প অপব্যবহার ছিল কিছুমাত্র কিন্তু পরে অল্প কোম্পানী উহা লইবার পর উহা এরূপ ব্যাপক ভাবে আরম্ভ হয় যে, কোম্পানী বাধ্য হইয়া লাইন বন্ধ করে।

ঐ লাইন নূতন ভাবে খোলার সময় যাত্রীদের মুখ-



পাত্র হিসাবে এক গণদেবতার উপাসক যে বিবৃতি দিয়া-  
ছিলেন তাহাতে যাত্রীদের এই অস্ত্র ও অসং আচরণই  
যে ঐ লাইনে ট্রেন চলা বন্ধ হওয়ার প্রধান কারণ এ  
কথার উল্লেখমাত্রও ছিল না, উপরন্তু এরূপ বলা হয় যেন  
ঐ সকল যাত্রীদের আন্দোলনের ফলেই লাইন পুনর্কার  
খোলা হইল। বলাবাহুল্য ঐরূপ বিবৃতিতে অসং  
লোকের উৎসাহ বাড়ে এবং তাহাদের অসদাচরণের  
ফলে ট্রেন চলাচল ব্যাহত হওয়ায় প্রকৃত সজ্জন ব্যক্তিদের  
কষ্ট বাড়ে।

অকারণে “এলার্ম” চেন টানিয়া ট্রেন থামায় যাহারা  
তাহাদের মধ্যে কিছু অংশ নির্কোষ, তাহারা “ওধু  
অকারণ পুলকে” ট্রেন থামাইয়া বাহাদুরী লয়, কিছু  
/নিষ্কর্মা লোক যাহারা পরের অপকারেই আনন্দ পায়,  
কিন্তু অধিকাংশই ফাঁকিবাজ, বিনা ভাড়াই ট্রেনে চলার  
যাত্রী, এরা এবং এদের সাথী সহকারী দল ঐ ভাবে ট্রেন  
থামাইয়া যেখানে-সেখানে ওঠে-নামে।

পূর্বে রেলওয়েতে এইরূপ চেন টানায় এখন ট্রেন  
চলাচলে বিশেষ বাধার সৃষ্টি হইতেছে। নীচে উদ্ধৃত  
সংবাদটিতে তাহার প্রমাণ পাওয়া যাইবে।

“পূর্বে রেলওয়েতে গড়ে দৈনিক ৪৫ বার এলার্ম চেন  
টানা হয়। কেবলমাত্র জরুরী প্রয়োজনের জন্তই এলার্ম  
চেন ব্যবহারের ব্যবস্থা থাকিলেও অধিকাংশ ক্ষেত্রে  
নিতান্ত অপ্রয়োজনেই এলার্ম চেন টানা হয়।

“১৯৬০ সনে ওধুমাত্র পূর্বে রেলওয়েতে ১১,৩১০ বার  
এলার্ম চেন টানা হইয়াছে। এর মধ্যে মাত্র ২২০টি ক্ষেত্রে  
যথার্থ প্রয়োজনে এলার্ম চেন টানা হইয়াছিল।

“এই এলার্ম চেনের অপব্যবহার নিরোধের জন্ত  
যাত্রীসাধারণের সহযোগিতা বিশেষ প্রয়োজন। এর জন্তই  
পূর্বে রেলওয়ে কর্তৃপক্ষ যে সকল যাত্রী এলার্ম চেন  
অপব্যবহারকারীদের ধরিয়ে দিতে সাহায্য করিবেন,  
তাহাদের পুরস্কৃত করার সিদ্ধান্ত করিয়াছেন। সর্বোচ্চ  
পুরস্কারের পরিমাণ পঞ্চাশ টাকা।”

ওধু পুরস্কার ঘোষণায় কাজ হইবে বলিয়া মনে হয় না  
কেননা যাহারা ঐ ভাবে চেন টানে তাহাদের মধ্যে  
দলবদ্ধ ছুর্কৃষ্ণের সংখ্যাই অধিক। তাহাদের ধরাইতে  
যাওয়ায় সাহসের প্রয়োজন আছে।

### টেলিফোন ও বিদ্যুৎ সরবরাহের তার চুরি

কিছুদিন পূর্বে কলিকাতা টেলিফোন বিভাগের  
প্রধান অধ্যক্ষ এক সাংবাদিক সম্মেলনে বলেন যে, তামার  
তার কাটিয়া চুরি করার ফলে টেলিফোনে দূরবার্তা

প্রেরণের বিশেষ অসুবিধা প্রায়ই ঘটে। তিনি জানান  
যে কলিকাতা-বোম্বাই, কলিকাতা-মাদ্রাজ ও কলিকাতা-  
দিল্লী, এই তিনটি লাইনেই গত বৎসর প্রায় ৩২৫ মাইল  
পরিমাণ তামার তার চুরি হয় যাহার মূল্য ৫৩৫,০০০  
টাকা। এই তার-চোরেরা মোটর লরী ও মোটরকার  
যোগে চলাফেরা করে এবং ইহাদের কাজ যে ভাবে  
করা হয় তাহাতে সন্দেহের অবকাশ নাই যে, ইহাদের  
পিছনে বড় বড় ধনী কারবারী আছে। চুরি এবং  
চোরাই মাল চালান ও বিক্রয়—এ সবার ব্যবস্থাও বেশ  
সুসংবদ্ধ। বিশেষে খড়গপুর হইতে রুরকেলা পর্যন্ত  
অঞ্চলে চোরের দল খুবই চতুর।

অধ্যক্ষ বলেন যে, এই চুরি বন্ধ করার জন্ত তামার  
মোড়া ইম্পাতের তার ব্যবহার করা যাইতেছে, যাহাতে  
তার কাটিয়া প্রচুর পরিমাণে বিগড় তামা সংগ্রহ করা  
সহজ হইবে না। মাটির নীচে নালি কাটিয়া তারের  
কেবল বসাইবার ব্যবস্থা এখন দূর অঞ্চল পর্যন্ত করা  
হইতেছে। তিনি বলেন যে, কলিকাতা হইতে বেনারস  
পর্যন্ত ঐ ভাবে কেবল বসাইবার কাজ এ বৎসরের  
বর্ষাকালের পূর্বেই সম্পূর্ণ হইবে আশা করা যায়।  
ইহাতে ঐরূপ চুরির দরুণ টেলিফোনের কাজে বাধা-  
বিপত্তি কিছু কমিবে।

এই সকল ব্যবস্থাই ভাল। কিন্তু আমরা জানিতে  
চাই যে, যাহারা এই ভাবে দেশের সমৃদ্ধি কতি করিয়া  
চোরাই মালের কারবার চালায় তাহাদের ধরা এবং  
কঠিন সাজা দিয়া ধাতস্থ করা কি অসম্ভব? এই চোরা  
কারবারীদের আড়ত আস্তানা সব কিছুই ত প্রকাশ্য  
স্থলে রহিয়াছে এবং ঐ কারবারীদের বাড়ী ঘর মোটর  
সব কিছুই করিতেছে জনসাধারণের চোখের সামনে।  
তবে ইহাদের ধরপাকড়ও করার বাধা কোথায় এবং  
কি কারণে ইহারা দীর্ঘ দিন এই ভাবে আইন শৃঙ্খলার  
সকল ব্যবস্থা শুণুল করিয়া ক্রোড়পতি হইতেছে?

চোরের ও চুরির প্রাচুর্য্য ব্যাপক হয় তখনই যখন  
চোরাই মাল বেচার ব্যবস্থা সহজ ও সরল থাকে।  
এ দেশে চোরা কারবার যে ভাবে নির্কির্বাদে চলাইতে  
দেওয়া হয় তাহাতে চুরির কাজে উৎসাহ বাড়িবারই  
কথা।

আমাদের প্রশ্ন এই যে, যাহাদের উপর চুরি ও  
চোরা কারবার দমনের ভার দেওয়া আছে তাহারা চোর  
ও চোরা কারবারী ধরিতে অপারগ কেন? তাহাদের  
ব্যর্থতার মূল কোথায় তাহাও কি জানা অসম্ভব?

### কলিকাতা পৌরসভা

কলিকাতা পৌরসভার কার্যাবলী এক প্রহসনের অংশাবলী হইয়া দাঁড়াইয়াছে। অকারণে বাক্বিতত্ত্ব ও উড়োতর্ক, প্রায় যে কোন অজুহাতে সভা বন্ধ বা মূলত্বী এত লাগিয়াই আছে, উপরন্তু পৌরজনের স্বাস্থ্য, সুবিধা ও নিরাপত্তার জন্ত যে সকল কাজ অত্যাবশ্যকীয় তাহাতেও সূত্রপাত হইতেই বাধাবিঘ্নের সৃষ্টি করা এই ত নিত্যনৈমিত্তিক ব্যাপার দাঁড়াইয়াছে। উপরন্তু আছে সারা জগতের রাজনীতি ও অর্থনীতি সম্পর্কিত প্রসঙ্গের অবতারণা—যাহাতে পৌরসভার কাজ ক্রমাগত ব্যাহত হয়।

‘আনন্দবাজার পত্রিকা’ এই পৌরসভারই একদল সম্পর্কে একটি কৌতুকপ্রদ সংবাদ দিয়াছেন। উহা এইরূপ :

“কলিকাতা কর্পোরেশনে জনপ্রিয় ষ্ট্যাণ্ডিং কমিটি গঠন, উপযুক্ত পরিমাণ পানীয় জল সরবরাহ, রাস্তা হঠতে আবর্জনা এবং ভূগর্ভস্থ পয়ঃপ্রণালী পরিষ্কার করা ইত্যাদির দাবিতে তুফবার বিকালে কর্পোরেশনের কেন্দ্রীয় ভবনে এক গণ-ডেপুটেশনের পক্ষে বিরোধী ইউ. সি. সি. দলের নেতা শ্রীধীরেন ধর এবং শ্রীনিরঞ্জন সেন, এম এল এ মেম্বরের অস্থপস্থিতিতে ডেপুটি মেম্বরের সহিত সাক্ষাৎ করেন।

“ডেপুটি মেম্বর শ্রীতুলসীচরণ পাল প্রতিনিধিগণকে জানান যে, তিনি তাহাদের বক্তব্য মেম্বর শ্রীরাঞ্জেন্দ্রনাথ মজুমদারকে জানাইবেন। ইহার পর উক্ত গণ-ডেপুটেশনের পক্ষ হইতে মেম্বরের উদ্দেশ্যে ডেপুটি মেম্বর শ্রীপালের নিকট বারো দফা দাবিসম্বলিত একটি স্মারকলিপি পেশ করা হয়। গণ-ডেপুটেশনে অংশ গ্রহণকারী নাগরিকগণ তৎপর একে একে ঘটনাস্থল পরিত্যাগ করেন। ঐ স্মারকলিপিতে যে সকল দাবির কথা জানান হইয়াছে তাহার মধ্যে ৭২ ইঞ্চি মেন পাইপের কাজ অবিলম্বে শেষ করা, পলতায় পরিষ্কৃত জলের শোধনাগার নির্মাণের কাজ শুরু করা এবং ভূগর্ভস্থ পয়ঃপ্রণালীর কাজ সুষ্ঠুভাবে সম্পাদন করা প্রধান।”

“জনপ্রিয় ষ্ট্যাণ্ডিং কমিটি” গঠনে ইউ. সি. সি. দলের ও “গণ-ডেপুটেশনের” আগ্রহ আমরা সহজেই বুঝিতে পারি! কিন্তু অল্প দফাগুলি পড়িয়া আমরা হাসিব না কাঁদিব ঠিক করিতে পারি নাই। ঐ সকল কাজে এত দেরি কেন হইয়াছে ও হইতেছে সে বিষয়ে আমরা যাহা জানি এবং ভুক্তভোগী পৌরজনমাত্রেই জানে—তাহাতে এই “গণ-ডেপুটেশনের” বক্তব্যকে আমরা উপহাস

বলিয়াই বুঝিব। রাস্তা হইতে আবর্জনা হটার যাহারা এবং ভূগর্ভস্থ পয়ঃপ্রণালী পরিষ্কার করে যাহারা, তাহারা ত মনের আনন্দে কাজে অবহেলা করিয়া পৌরজনের কষ্টার্জিত অর্থে প্রদত্ত ট্যাক্সের সদ্ব্যবহার করিতেছে। তাহাদের এই অপকর্মের প্রধান সহায়ক যে “গণ-দেবতা”র উপাসকবৃন্দ, তাহারাও কি ঐ গণ-ডেপুটেশনে ছিলেন? যদি ছিলেন তবে বলিতে হইবে ব্যাপারটি উপভোগ্য প্রহসন ছিল।

### নূতন শহর নির্মাণের নূতন ব্যবস্থা

পুকুর ভরাট করিয়া বা নাবাল জমিতে মাটি উঁচু করিয়া তাহাকে বাস্তব নির্মাণের উপযোগী করা, পদ্ধতি হিসাবে নূতন কিছু নয়। কিন্তু সম্প্রতি কলিকাতার উপকণ্ঠে দক্ষিণদ্বারী অঞ্চলের নোনা খালবিল ও জলায়-ভরা অঞ্চলে জমি উদ্ধারের যে ব্যবস্থা আরম্ভ করা হইয়াছে, তাহা এদেশে নূতন।

কোনও নাবাল জমি বা পুকুর ভরাটের সাধারণ ব্যবস্থায় সেখানে রাবিশ বা কারখানার ছাই ঢালা হয়, অভাবে অল্প কোথায়ও গর্ভ বা পুকুর কাটিয়া মাটি সংগ্রহ করিয়া তাহা ব্যবহার করা হয়। এই ছই ব্যবস্থাতেই ভরাট করার মাল সংগ্রহ করা এখন মুশকিল হইয়া দাঁড়াইয়াছে, কেননা রাবিশ বা ছাই যে পরিমাণে পাওয়া যায় তাহা চাহিদার অস্থপাতে অত্যন্ত কম এবং গর্ভ খুঁড়িয়া পুকুর ভরাট করায় খরচের অঙ্ক এখন খুবই বেশী এবং গর্ভ খোঁড়ার জন্য উপযোগী জমিও কলিকাতায় বা তাহার আশে-পাশে পাওয়া কঠিন। কেননা গর্ভ কাটিলে সেখানের জমি নষ্ট হয়। অল্পদিকে কলিকাতার গায়ে যে গঙ্গার প্রবাহ-পথ রহিয়াছে, সেখানের নদীগর্ভে গঙ্গা নিজেই উত্তর-পূর্ব ও উত্তর-পশ্চিম ভারতে বালিমাটি আনিয়া ঢালিতেছেন। সেই পলিমাটি পরিমাণেও অশেষ এবং তাহাকে কাটিয়া তুলিলে গঙ্গাবক্ষে নৌকা জাহাজ ইত্যাদির চলাচলের সুবিধা এবং অল্প অনেক প্রকারে মানুষের উপকার হয়। সুতরাং এই পলিপড়া বালিমাটি নদীগর্ভ হইতে কাটিয়া তুলিয়া যদি জমিভরাটের কাজে লাগানো যায় তবে সব দিকেই উপকার। প্রশ্ন শুধু খরচের এবং পরিবহন সমস্কার।

বহুদিন পূর্বে কলিকাতার নীচের গঙ্গায় ড্রেজারে-কাটা মাটিজল পাইপে ঢালিয়া নদীর এপারের দিকে নাবাল জমিকে উদ্ধার করা হয়। সে কাজ খুব বেশী দিন চলে নাই এবং খুব কিছু বিস্তৃত অঞ্চল উদ্ধার হইয়াছিল কিনা আমাদের জানা নাই।

সম্প্রতি চিংপুর খালের মুখের বিপরীত দিকে, ঘুসুরির চরে ড্রেজার চালাইয়া বিরাট পরিমাণে বালি-মাটি কাটিয়া, তাহা ২৪ ইঞ্চি ব্যাসের পাইপের মারফৎ পাম্প করিয়া সাড়ে ৩ মাইল চালাইয়া ঐ নোনা-জলা অঞ্চলে ঢালা হইতেছে। এই বালিকাদা জলের শ্রোত এইরূপ বেগে চালানো হইতেছে যে দিনে তিন বিঘা প্রমাণ জমি আট ফুট উঁচু করিয়া উদ্ধার করা যাইবে বলিয়া আশ্বাস করা যাইতেছে।

সাড়ে ৩ বর্গ মাইল, অর্থাৎ প্রায় ৬৮২৫ বিঘা জমি উদ্ধার করিয়া কলিকাতা শহরের সম্প্রসারণ করা হইবে বলা হইয়াছে। এবং ইহাও বলা হইয়াছে যে, জমির দাম যাহাতে সাধারণ গৃহস্থের আয়ত্বের বাহিরে না যায় সে দিকে প্রাদেশিক কর্তৃপক্ষ নজর রাখিবেন। আমরা মুখ্যমন্ত্রীর এই মহান উদ্যোগের প্রশংসা করি এবং আশা করি যে, ঐ শেষ সর্ভ দূচ থাকিবে।

### ডাঃ রাজেন্দ্রপ্রসাদের বিদায়বাণী

রাষ্ট্রপতি রাজেন্দ্রপ্রসাদ বিদায় লইয়াছেন। আমাদের আশা আছে যে, আমরা সেই রাজেন্দ্রবাবুকে ফিরিয়া পাইব যিনি মহাস্বাধীন জীবনাদর্শ সম্মুখে ধরিয়া দেশের কাছে আত্মনিবেদন করিয়াছেন। মহাস্বাধীন ছায়ায় ঐহাদের জীবন পূর্ণভাবে গঠিত হইয়াছে, তাঁহাদের মধ্যে রাজেন্দ্রবাবু অন্ততম এবং সেই কারণে তাঁহার এই রাষ্ট্রপতির আসন ছাড়িয়া আশ্রমজীবন গ্রহণ করার মস্তক্কে উচ্চারিত বিদায়বাণী শুধুমাত্র উচ্চাধিকারীর বিদায়কালীন ভাষণ নয়, উহা সেইরূপ উন্নতচেতা দেশ-প্রেমিকের বাণী, যাহার চিন্তাধারায দল, জাতি বা গোষ্ঠীর স্বার্থপ্রণোদিত কামনার লেশ নাই। সেই কারণে আমরা তাঁহার রেডিয়ো প্রচারিত বিদায়কালীন বাণীর সারাংশ নিয়ে উদ্ধৃত করিলাম। রাজেন্দ্রবাবু বলেন :

“আমাদের দেশে গণতান্ত্রিক সংস্কারগুলি উল্লেখযোগ্য উন্নতি করিয়াছে। কোন রাজনৈতিক দলের চেষ্টায় বা প্রশাসনিক ব্যবস্থার কলে ঐ উন্নতি সম্ভবপর হইয়াছে, একথা না বলিয়া ইহাই বলিব যে, ঐ অগ্রগতির মূলে রহিয়াছে জনগণের গুণবৃদ্ধি ও শৃঙ্খলাবোধ। জনগণের এই গুণবৃদ্ধি ও শৃঙ্খলাবোধের জন্ম ভারতের তিনটি সাধারণ নির্বাচন সাফল্যমণ্ডিত হইয়াছে।

“যে-কোন দেশে গণতন্ত্রের সীকল্য নাগরিকদের বা শোচনীয়দের যোগ্যতার উপর নির্ভর করে। আমরা যদি জনগণকে গণতন্ত্রের আদর্শে উদ্বুদ্ধ করিতে না পারি এবং গণতন্ত্রকে সফল করিয়া তুলিতে হইলে যেসব গুণ

থাকা প্রয়োজন, সেই সব গুণের অহুশীলন না করি, তাহা হইলে জনগণের ইচ্ছায় আমাদের দেশে প্রতিষ্ঠিত গণতন্ত্রের নিরাপদ ও সুস্থ বিকাশ ঘটবে না।

“আমাদের চূপ করিয়া বসিয়া থাকিলে চলিবে না। যেসব ক্রটিবিচ্যুতি বা দুর্নীতি আমাদের নজরে পড়িবে, সেগুলির বিরুদ্ধে সংগ্রাম করিয়া সেগুলি দূর করার দায়িত্ব আমাদের প্রত্যেককে গ্রহণ করিতে হইবে।

“দেশের যুব সমাজের প্রতি আমার উপদেশ এই যে, তাঁহারা যথায়থ পর্যবেক্ষিত সর্ব কিছু দেখিবার শিক্ষা গ্রহণ করুন এবং ঘটনা ও পরিস্থিতির মূল্য নির্ধারণে সঠিক পরিমিত-বোধ অর্জনে তৎপর হোন। আমি যে কাজের কথা বলিতেছি, তাহা সহজ নহে, কিন্তু নিষ্ঠার সহিত চেষ্টা করিলে উহা খুব বেশী কঠিন বলিয়া মনে হইবে না। কোন কিছুর মূল্য নির্ধারণ করিতে হইলে জ্ঞাতসারে চেষ্টা করিতে হয়। উহা এক মানসিক প্রক্রিয়া। কিন্তু আমাদের সম্মুখে এমন কয়েকটি উচ্চ আদর্শ রহিয়াছে যাহা আমাদের সত্য পথে অগ্রসর হইতে সাহায্য করে। সত্যের মূল্য যদি আমরা উপলব্ধি করিতে পারি, তাহা হইলে ব্যক্তিগত এবং জাতীয় স্বার্থের মধ্যে সম্বন্ধ বাধিলে সমস্তার সমাধান করা আমাদের পক্ষে কঠিন হইবে না।

“ব্যক্তিগত ও জাতীয় স্বার্থের মধ্যে কোন সত্যকার বিরোধ থাকিতে পারে না। বস্তুতঃ একটি অপরটির অঙ্গীভূত। যথায়থ পর্যবেক্ষিত এই দুইটি বিষয়কে দেখিবার ক্ষমতা অর্জন করিলেই জনগণের পারস্পরিক বোঝাপড়া এবং জাতীয় সংহতির পক্ষে বিস্ময়কর সকল প্রকার বিরোধের সমাধান সহজেই করা যাইতে পারে।

“আমি এ কথা আপনাদের স্মরণ করাইয়া দিতে চাই যে, আমাদের স্তায় গণতান্ত্রিক সংবিধান যেমন জনগণকে কতকগুলি অধিকার প্রদান করে, তেমনি আবার তাঁহাদের উপর কতকগুলি দায়িত্বও অর্পণ করে। যথা-যথভাবে দায়িত্ব পালন করিলে অধিকার লাভ করা যায়। ঐ অধিকারগুলি সুসম্পাদিত কর্তব্যের ফল ভিন্ন আর কিছুই নহে। অধিকার ভোগ করিতে হইলে আমাদের দিগকে আমাদের কর্তব্য পালন করিতে হইবে। আমাদের কর্তব্যের উপর যথায়থ গুরুত্ব অর্পণ করিতে হইবে।”

তাঁহার এই বাণীতে যুবকসমাজের উদ্দেশ্যে তিনি যাহা বলিয়াছেন এবং অধিকার ও দায়িত্বের মধ্যে নিবিড় যোগের যে কথা তিনি জানাইয়াছেন তাহা যদি দেশের যুবজন বুঝিতে চেষ্টা করেন তবে তাঁহাদের ভবিষ্যৎ উজ্জ্বল হইবে। আমাদের দেশে এখন অব্যবহিক ও

দায়িত্বহান লোকেরই সংখ্যা বেশী এবং প্রধানতঃ সেই কারণেই দেশের অবস্থা এইরূপ বিকৃত ও অস্বস্তি।

### আসামের ঘৃণ্য জাতীয়তা বিরুদ্ধতা

আসামের ষাঁহারা কংগ্রেসের দলপতি ও কেন্দ্রীয় কংগ্রেসের অহুগত অহুচর, তাঁহারা এই আসাম প্রদেশ দখল করিয়া বিগত পনের বৎসর উক্ত প্রদেশে রাজত্ব করিয়া চলিয়াছেন। ইহাদিগের একমাত্র গুণ যে, ইহারা আসামী ভাষায় কথা বলিতে পারেন ও ইহাদিগের অপরাপর প্রদেশবাসীদিগের প্রতি কোন বন্ধুভাব নাই। আসাম প্রদেশ শুধু আসামী ভাষাভাষীর আবাসভূমি হইবে, অন্তরে অন্তরে এই কথাই এই সকল জাতীয়তাবাদের শত্রুদিগের ভিতরে চিরজাগ্রত ছিল ও বর্তমানেও আছে। সংখ্যায় ইহারা অপরাপর আসামবাসীদিগের তুলনায় অধিক ছিলেন না এবং নানান প্রকার কল্পিত ও মিথ্যা সংখ্যা প্রকাশ করিয়া ইহারা প্রমাণ করিবার চেষ্টা করিতেন যে আসামী ভাষাভাষিগণই আসামের সংখ্যাগরিষ্ঠ। এবং গোপনে ইহারা আসামের মুসলমানদিগের সহিত মড়যন্ত্র করিয়া স্থির করিয়া নেন যে, ঐ মুসলমানদিগের ভাষাও আসামী। মুসলমানদিগের জাতি ও ভাষা বহুক্ষেত্রে নিজ সুবিধা অহুযায়ী হইয়া থাকে। যথা, পাকিস্থানের জাতীয় ভাষা পূর্বে বলা হইত উর্দু; যদিও কোনও পাকিস্থান এলাকার পুরুষাত্মক বাসিন্দার মাতৃভাষা উর্দু নহে। আসামী মুসলমানগণ নিজেদের ভাষা আসামী বলিয়া স্বীকার করিয়া লইলেন ও তাহাতেও যখন আসামীর সংখ্যা-গরিষ্ঠতা পূর্ণরূপে প্রমাণ হইল না তখন পাকিস্থান হইতে আসামী পুলিশের ও সরকারী কর্মচারীদিগের সাহায্যে, আরও মুসলমান আমদানী করা আরম্ভ হইল। বর্তমানে আসাম মুসলমানের সংখ্যাধিক্যে জর্জরিত এবং ক্রমশঃ আসাম ও নাগা এলাকা যাহাতে পাকিস্থানের অন্তর্গত হইয়া যায় সেই ব্যবস্থায় পাকিস্থান আজ মহা উৎসাহে নিযুক্ত। এই মুসলমানের সহিত চক্রান্ত করিয়া বাংলা ও পার্শ্বত্যা ভাষাভাষী আসামীদিগকে দাবাইয়া রাখিবার চেষ্টা ষাঁহারা করিয়াছিলেন ও করিতেছেন তাঁহারা ভারতীয় কংগ্রেস পার্টির পরম অহুগত। এই কারণে তাঁহাদিগের নেকের দরবারে স্থান খুবই উচ্চ। কারণ উক্ত দরবারে কোন ভাষারই মান ইচ্ছা বিশেষ নাই, হিন্দী ব্যতীত। এবং ভারতের শতকরা চল্লিশ জন বা ততোধিক ব্যক্তি হিন্দী ভাষাভাষী—এই মিথ্যা প্রচার করিবার জন্ত তাঁহারা বিশেষ উৎসাহের সহিত ভারতের বহু লোকের ভাষাই

হিন্দী বলিয়া প্রচার করিতেছেন ষাঁহাদিগের ভাষা কোনও ভাবেই হিন্দী নহে। আসামীগণও অদূর ভবিষ্যতে হিন্দীকে মাতৃভাষা বলিয়া মানিয়া লইতে পারে এবং তাহা যদি হয় তাহা হইলে আসামীগণ সত্য সত্যই জাতি উঠিতে পারিবেন। ভোজপুরী, মৈথিলী ও মাগধী ভাষা বর্তমানে হিন্দী বলিয়া পরিচিত। পাঞ্জাবী ভাষাও প্রায় সেই অবস্থায় আসিয়া পড়িয়াছে। আসামী, নেপালী, ছোটানী, সিকিমী, মাড়োয়ারী, আজমিরী প্রভৃতি ভাষাও ধীরে ধীরে হিন্দীর কবলে পড়িয়া নিজে হারাইবে, সন্দেহ নাই। অর্থাৎ আসামীর যে বাংলা ও পার্শ্বত্যা ভাষার সহিত শত্রুতা, তাহার মূলে আছে হিন্দুস্থানী সাম্রাজ্যবাদ। এই কারণেই আসামীরা যখন “বঙ্গাল খেদা” আন্দোলন করিয়া বহু বাঙ্গালীর ঘর-দুয়ার জ্বালাইয়া ও বাঙ্গালী নরনারীর উপর অত্যাচারের চূড়ান্ত করিল, তখন নেহরু সরকার তাহাদিগকে কিছুত বলিলেনই না, বরঞ্চ নেহরু স্বয়ং আসামী যুবকদিগের প্রতি নিজের প্রীতির কথা উচ্চকণ্ঠে প্রচার করিলেন। বর্তমানে যে আসাম পাকিস্থানের লক্ষ লক্ষ “পঞ্চম বাহিনী”র ও গুপ্তচরদিগের বাসভূমি হইয়া দাঁড়াইয়াছে তাহার জন্ত নেহরু ও তাঁহার হিন্দী প্রচার প্রধানতঃ দায়ী। আসামী ভাষাভাষিগণ অল্প সময়ের মধ্যে যে সংখ্যায় দ্বিগুণের অধিক “বাড়িয়া যাইল” তাহার জন্তও কংগ্রেস দলই দায়ী। বহু অস্ত্রায় ও আইনে পদাঘাত করা সত্ত্বেও যে আসামী নেতাগণ এখনও “তখতে” অধিষ্ঠিত রহিয়াছে তাহার জন্তও কংগ্রেস দল দায়ী। হিন্দী ও আসামী ভাষার প্রচারের জন্ত বাংলা ভাষাভাষীরা যে অত্যাচার, অবিচার ও উৎপীড়ন সহ্য করিতে বাধ্য হইয়াছে ও হইতেছে বিহারে ও আসামে, তাহার জন্তও দায়ী কংগ্রেস দলের সত্যের প্রতি অশ্রদ্ধা ও মতলব হাসিল করিবার জন্ত মিথ্যার আশ্রয় গ্রহণ করিতে দ্বিধা না করা। এই অবস্থায় যদি ভারতের একতা রক্ষা করিতে হয় তাহা হইলে কংগ্রেসের বর্তমান নেতাদিগের দ্বারা সে কার্য সিদ্ধ হইবে না। ডাঃ রাজেন্দ্রপ্রসাদ বর্তমানে নিজের পূর্ক বিশ্বাস ও নীতি পরিবর্তন করিবার কথা চিন্তা করিতেছেন। কিন্তু তাহাতে এখন আর কিছু হইবে না। এখন একমাত্র পছা বিহার ও আসাম হইতে বাংলা ও পার্শ্বত্যা ভাষাভাষীদিগের এলাকাগুলি বিচ্ছিন্ন করিয়া লওয়া। তাহা করিলে আসাম ভবিষ্যতে পাকিস্থানের কবলে পড়িবে না। না করিলে, অবশ্যই আসামের হৃদয় চূড়ান্ত হইবে।



কলিকাতা উন্নয়ন তথা স্বপ্ন-বিলাস

তদা যাইতেছে, কলিকাতা মহানগরীকে সংস্কার করা হইবে। কিন্তু তাহা কি ভাবে করা হইবে এবং তাহার প্ল্যানই বা কি, তাহা আমাদের জানা নাই। শুধু দেখিতেছি, মাঝে মাঝে এলোপাথাড়ি ভাবে পরিবর্তন ও পরিবর্জন হইতেছে। অথচ আমরা জানি, উন্নয়নমূলক কাজের উদ্দেশ্যেই ইম্প্রুভমেন্ট ট্রাষ্ট গঠন করা হইয়াছিল। তাঁহারা কিছু যে করেন নাই এমন নয়, শহরে এবং শহরের উপকণ্ঠে সম্পূর্ণ বেয়াল-খুশিমত বসতি বিস্তার করিয়া চলিয়াছেন। উপকণ্ঠের জঙ্গাল বাড়াইয়া আর লাভ নাই, খাস কলিকাতার সমস্তাই ত অস্ত নাই। ব্রিটিশ আমলে ১৪ লক্ষ শহরবাসীর জন্য পানীয় জল সরবরাহের যে ব্যবস্থা হইয়াছিল, প্রায় সেই ব্যবস্থাটুকুর উনত্রিশ-ত্রিশ লক্ষ লোকের জন্য রাখা হইয়াছে। অপরিষ্কৃত জল সরবরাহের ব্যবস্থাও তদনুরূপ। বিস্তীর্ণ অঞ্চলে ড্রেন-পাইপানি নাই, ময়লা ও আবর্জনা সার করা এবং রাস্তা পরিষ্কার রাখার ব্যবস্থা কাগজে-কলমেই সীমান্ত রাখা হইয়াছে। ইহার ফলে, ময়লা নিকাশের ড্রেনগুলি মধ্য মধ্য ভরাট হইয়া থাকায় সামান্য বৃষ্টি হইলেই রাস্তায় জল জমিতেছে। শহরের অধিকাংশ রাস্তাই অত্যন্ত সংকীর্ণ। বর্তমান লোক-সংখ্যার চাহিদামত গাড়ী চালানো দুঃসাধ্য। কলিকাতায় ও পার্শ্ববর্তী মিউনিসিপ্যাল এলাকাসমূহে পানীয় জল সরবরাহের ও ময়লা নিকাশের জন্য বিশ্ব-ব্যাপ্য সংস্থার সহযোগিতাক্রমে রাজ্য সরকার একটি বিরাট পরিকল্পনা প্রবর্তনের উদ্যোগ-আয়োজন করিতেছেন। উদ্দেশ্য সাধু গণ্য নাই, তবে সমস্তটির জটিলতাও অবর্ণনীয়। কলিকাতা শহরে রাস্তার নীচে পানীয় জলের ও ময়লা নিকাশের বড় বড় পাইপগুলি পাশাপাশি বসান হইয়াছে। পুরাতন বালিয়া স্থানে স্থানে কাঁচরা হইয়া গিয়া, উত্তম পাইপের মধ্যবর্তী উপকরণগুলি পরস্পরের ভিতর প্রবেশ করিয়া সর্বনাশ ঘটাইতেছে। যে কারণে কলিকাতার শতকরা ২০ জন লোক আমাশয় ডিসপেনসিয়া প্রভৃতি পেটের রোগে ভুগিতেছে। সমস্ত কলিকাতা শহর বৃষ্টিয়া ময়লার ও পানীয় জলের পাইপগুলি নিরাপত্তা ব্যবধানে সরাইয়া দিতে না পারিলে কোনদিনই শহরবাসীরা পাকস্থলীর রোগ হইতে মুক্তি পাইবে না।

কিন্তু এখানেও সমস্তা আছে। শহরের রাস্তাগুলি অত্যন্ত সংকীর্ণ, যে কারণে বর্তমান জনসংখ্যার চাহিদা

অনুসারে গাড়ী চলাচলের চাপ সহ্য করিতে পারে না। গাড়ীর সংখ্যা বাড়াইতে এবং অপঘাতে মৃত্যু সংখ্যা কমাতে হইলে, রাস্তাগুলি এখনকার তুলনায় বিস্তৃত কিংবা তিনগুণ চওড়া করা দরকার। কিন্তু রাজ্যসরকারের উদাসীনত্ব-পুষ্ট ফাটকাবাজির ফলে জমির দর পূর্বের তুলনায় বহুগুণ বৃদ্ধি পাওয়ার রাস্তা চওড়া করার পথও রুদ্ধ হইয়াছে। কারণ সেট হারে ক্ষতিপূরণ না দিয়া সরকার বা ইম্প্রুভমেন্ট ট্রাষ্ট জমি দখল করিতে পারে না। অথচ এই হারে ক্ষতিপূরণ দিতে হইলে সরকারের টাকায় ত কুলাবেই না, কুবেরের ঐশ্বর্য্যও নিঃশেষ হইয়া যাইবে। সুতরাং এই পরিকল্পনাকে যথার্থ রূপ দিতে হইলে, জমির দাম কমাতে হইবে। ইহা ছাড়া, দ্বিতীয় পথ নাই।

সরকারের পক্ষপাত-নীতি

হিন্দীকে রাষ্ট্রভাষারূপে ব্যবহার করিবার জন্য, কেন্দ্রীয় সরকার প্রত্যক্ষ এবং পরোক্ষ ভাবে নানা কৌশল বিস্তার করিতেছেন—ইহা আর গোপন নাই। অথচ ভারতের প্রধানমন্ত্রীর মুখে প্রায়ই শুনা যায়, ভারতবর্ষের চৌদ্দটি আঞ্চলিক ভাষা—সব কথটিই সমান, প্রত্যেকটির পরিপূষ্টির জন্য কেন্দ্রীয় সরকার সমপরিমাণে আগ্রহী। কিন্তু ইহা মৌখিক কথা। কার্য্যতঃ দেশা যাইতেছে, তাঁহারা হিন্দীর আধিপত্য বিস্তার ও প্রতিষ্ঠার জন্য চেষ্টার ক্রটি করিতেছেন না। তাঁহাদের এই পক্ষপাতিত্বের দৃষ্টান্তের অভাব নাই। বিগত পার্লামেন্টে গৃহীত হিন্দী সাহিত্য সম্মেলন আইনটির কথা উল্লেখ করিলেই স্পষ্ট বুঝা যায়।

আর একটি দৃষ্টান্ত দিতেছি—অহিন্দী-ভাষীকে হিন্দী ভাষার প্রতি আকৃষ্ট করিবার জন্য কেন্দ্রীয় শিক্ষা-পরিষদ উদারভাবে হিন্দী পুস্তক উপহার দিবার ব্যবস্থা করিয়াছেন। যে সকল অহিন্দী-ভাষী রাজ্যে হিন্দী শিক্ষা ঐচ্ছিক কিংবা বাধ্যতামূলক করা হইয়াছে, সেই সকল রাজ্যের স্কুল-কলেজ এবং সাধারণ পাঠাগার এই উপহার পাইবে। শিক্ষা-পরিষদ এই উদ্দেশ্যে প্রচুর সংখ্যক হিন্দী পুস্তক ক্রয় করিবেন। কেন্দ্রীয় সরকারের প্রতিশ্রুতি আছে, তাঁহারা অহিন্দী-ভাষীর উপর হিন্দীকে বোঝার মত চাপাইয়া দিবেন না। উপহার দিবার এই পদ্ধতিটি চাপাইয়া দিবারই রকমের নচে কিং কেন্দ্রীয় সরকারের প্রতিশ্রুতির সহিত আর একটি যে নীতিমূলক সর্ভ সংশ্লিষ্ট আছে তাহা এই প্রসঙ্গে স্মরণ করাইয়া দিতেছি। কোন আঞ্চলিক ভাষার ব্যর্থ

কর হইবে না, এমন পদ্ধতিতেই হিন্দীভাষা প্রচার করিবার কথা। এক্ষেত্রে দেখা যাইতেছে, কেন্দ্রীয় সরকার প্রচুর সংখ্যক হিন্দী পুস্তক ক্রয় করিবেন—যাহা শুধু হিন্দী পুস্তকের প্রকাশন-ব্যবসায় এবং হিন্দী সাহিত্য ও সাহিত্যিকের আর্থিক উন্নতির সহায়ক। এখানে হিন্দী এবং বিভিন্ন আঞ্চলিক অহিন্দী-ভাষার মধ্যে সহায়ত্বের বৈষম্যই কি প্রকাশ পাইতেছে না? হিন্দী পুস্তকের সহিত সম পরিমাণের আঞ্চলিক ভাষার-পুস্তক উপহার দিবার ব্যবস্থা করিলে কাহারও কিছু বলিবার থাকিত না। অভিযোগ আমাদের সেইখানেই।

### রাষ্ট্রপতির বিদায়-সম্বন্ধনা

ভারতের প্রথম রাষ্ট্রপতি ডঃ রাজেন্দ্রপ্রসাদকে তাঁহার অবসর গ্রহণের প্রাক্কালে আন্তরিক ও সশ্রদ্ধ বিদায়-অভিনন্দন জ্ঞাপন করা হয়। সংসদ-সদস্য শ্রীরামধারী সিং দীনকর মানপত্র পাঠ করেন। এই মানপত্রে বলা হইয়াছে—“আপনি যেখানেই থাকুন না কেন, ভারতবাসীর অন্তঃকরণ আপনার সঙ্গেই থাকিবে। কারণ দেশবাসী আপনার এবং আপনি দেশবাসীর। জনগণের সেবা করা ও তাহাদিগকে সত্যপথে চালিত করাই আপনার জীবনের উদ্দেশ্য। এতদিন পরিয়া জাতি আপনার নিকট হইতে যে উপদেশ পাইয়া আসিয়াছে তাহা অব্যাহত থাকিবে বলিয়াই আমাদের দৃঢ় বিশ্বাস।”

মানপত্রের উত্তরে ডঃ রাজেন্দ্রপ্রসাদ বলেন যে, “আজ তাঁহাকে যে শ্রদ্ধা ভালবাসা প্রদর্শিত হইল তাহাতে তিনি অভিভূত। আপনাদিগকে আমি নতমস্তকে কৃতজ্ঞতা জানাইতেছি। জাতির সেবার জন্য যখনই আহ্বান আসিয়াছে, তখনই তিনি সাধ্যমত তাহাতে সাড়া দিয়াছেন। সুস্থ থাকিলে জীবনের শেষ দিন পর্য্যন্তও তিনি জাতির সেবার আত্মনিয়োগ করার বাসনা রাখেন।”

বারো বৎসর ধরিয়া রাষ্ট্রপতির আসনে বসিয়া তিনি ছুটির ঘণ্টাই ওনিয়াছেন। আজ বিদায়-স্থলে তাই তিনি উল্লসিত হইয়া বলিলেন, তিনি নিজেকে অত্যন্ত ভারমুক্ত মনে করিতেছেন। রাষ্ট্রপতির আসনে বসিবার আগে পর্য্যন্ত তিনি ছিলেন সদাকং আশ্রমের বাবু রাজেন্দ্রপ্রসাদ। এই আশ্রম ছাড়িবার বাসনা তাঁহার কোনকালেই ছিল না। প্রধানমন্ত্রী শ্রীনেহেরুর অহুরোধে তাঁহাকে এই পদ গ্রহণ করিতে

হয়। ডঃ রাজেন্দ্রপ্রসাদ কলিকাতা বিশ্ববিদ্যালয়ের কৃতী ছাত্র। পরে তিনি মহাত্মা গান্ধীর ঘনিষ্ঠ সান্নিধ্যে আসেন। স্বাধীনতা আন্দোলনের প্রতিটি অধ্যায়ে গান্ধীজীর একনিষ্ঠ অহুগামীরূপে ডঃ রাজেন্দ্রপ্রসাদের বহুবিধ কর্ম-কীর্তি আজ ইতিহাসের সামগ্ৰী। এই আন্দোলনের সময়েই তাঁহার চির-ঈশ্বিত সদাকং আশ্রমটি স্থাপিত হয়। এই আশ্রমই ছিল তাঁহার অতিপ্রিয় স্থান। পাটনা-দানাপুরের পথে গঙ্গার দক্ষিণ তীরে এই আশ্রম। দীর্ঘ বারো বছর সগৌরবে রাষ্ট্রপতি ভবনে অতিবাহিত করিয়া কর্মকান্ত অপরাহ্নে আজ আবার সেই সদাকং আশ্রমেই তিনি ফিরিয়া যাইতেছেন। যদিও জানি, তিনি সেখানে থাকিয়াও দেশের অনেক কাজই করিবেন। এবং ইহাও জানি, প্রজাতন্ত্রী ভারতরাষ্ট্রের অধিনায়করূপে তিনি জনচিত্তে যে শ্রদ্ধার আসনলাভ করিয়াছেন, তাহা তাঁহার অবসর গ্রহণের পরও অটুট থাকিবে।

### মোক্ষগুণ্ডম বিশ্বেশ্বরায়

আজিকার জগৎকে পরিকল্পনার জগৎ বলা যায়। পৃথিবীর প্রত্যেকটি প্রগতিশীল দেশ ও জাতি নিজ নিজ জন্মভূমি বা দেশের সম্মানগণের উন্নয়নকল্পে সুগঠিত পরিকল্পনা অহুযাঘী কার্যক্রম চালাইতেছে। যে সকল দেশে ঐরূপ পরিকল্পনা গঠনে সমর্থ লোকের অভাব সেখানেও অনেক ক্ষেত্রে সম্মিলিত জাতিসঙ্ঘের বিভিন্ন কমিটি সেই অভাব পূরণে ব্যস্ত আছে।

এইরূপে পরিকল্পনা গঠন করিয়া ব্যাপক ভাবে উন্নয়ন কার্য করার বিষয়ে সোভিয়েট রুশ পথপ্রদর্শকরূপে খ্যাত। কিন্তু আমাদের এই অনগ্রসর দেশে এক কম্ববীর জন্মগ্রহণ করেন যিনি নিজের প্রতিভা ও অধ্যবসায়ের গুণে সোভিয়েটের পরিকল্পনাকারীদের আগে এদেশেই ঐ পথের সার্থকতা দেখাইয়াছিলেন। এই অনন্তসাধারণ মনীষামুক্ত মহাশয়ব্যক্তির নাম মোক্ষগুণ্ডম বিশ্বেশ্বরায়।

বিশ্বেশ্বরায় জন্মগ্রহণ করেন রবীন্দ্রনাথের জন্মবৎসর, ১৮৬১ খ্রীষ্টাব্দে। তাঁহার জন্মস্থল মহীশূর রাজ্য অন্তর্গত কোলার জেলার মুদেনাহাল্লি গ্রাম। তিনি জন্মেছিলেন এক নিষ্ঠাবান ব্রাহ্মণ পরিবারে। ১৫ বৎসর বয়সে তাঁহার পিতৃবিয়োগ হয় কিন্তু তাঁহার স্নেহময়ী মাতা সে অভাব অনেকটা পূরণ করেন। তাঁহার পরবর্তী জীবনের কর্মসূত্র ও চরিত্রবল এই মহীশূরী নারীরই আগ্রহে ও নির্দেশে গঠিত হইয়াছিল। তাঁহার ইঞ্জিনিয়ারিং শিক্ষালাভ হয় প্রথমে বাঙ্গালোরে এবং

পরে পুনর কলেজ অফ্ সারেলে। ১৮৮৩ সনে তিনি প্রথম স্থান অধিকার করিয়া পূনা হইতে ইঞ্জিনীয়ারিং বিষয়ে ডিগ্রী লাভ করেন।

তঁাহার কর্মজীবন আরম্ভ হয় তখনকার বোম্বাই প্রদেশের পূর্ভবিভাগের সহকারী ইঞ্জিনীয়ারের পদে ১৮৮৪ সনে। ১৯০৪ সনে তিনি সুপারিন্টেণ্ডেন্ট ইঞ্জিনীয়ার হইয়াছিলেন। কিন্তু ১৯০৮ সনে তিনি সরকারী কাজে ইস্তফা দিয়াছিলেন, কেননা তঁাহার দেশ-উন্নয়নের স্বপ্নে যেকল্প বিশাল ও ব্যাপক ইঞ্জিনীয়ারিং-পরিকল্পনা তিনি মানসচক্ষে দেখিয়াছিলেন, সরকারী চাকরিতে তাহাকে বাস্তবে পরিণত করা অসম্ভব, এই ধারণা তঁাহার মনকে চঞ্চল করিয়া তোলে। বোম্বাই সরকারে কাজের সময়েও তিনি বানের জল নিকাশের জন্য নূতন ধরনের দ্বার নির্মাণ করেন এবং এডেন শহরের সেনানিবাসের জন্য মলপ্রণালী ও পয়ঃপ্রণালী তৈয়ারীর নূতন ধরনের নক্সা করিয়াছিলেন।

১৯০৯ সনে তিনি নিজাম হায়দরাবাদের ইঞ্জিনীয়ারিং উপদেষ্টার কাজ করিয়াছিলেন এবং হায়দরাবাদ শহরের ড্রেন এবং ঐ রাজ্যে বস্তা নিবারণ সম্পর্কে অনেক ব্যবস্থা দিয়াছিলেন। ঐ বৎসরেরই শেষে তিনি মহীশূর রাজ্যে প্রধান ইঞ্জিনীয়ার ও কর্মসচিব নিযুক্ত হইয়াছিলেন। ১৯১৩ সনে মহীশূর রাজ্য তঁাহার অসাধারণ মেধা ও কর্ম-কুশলতা দেখিয়া তঁাহাকে দেওয়ানের পদে উন্নীত করেন। কোথাও কোন ইঞ্জিনীয়ার ঐ পদে ইহার পূর্বে অভিনীত হন নাই। ১৯১৮ সনে মহীশূরে ব্রাহ্মণদিগের বিরুদ্ধে আন্দোলনের ফলে স্থানীয় সরকার অত্রাঙ্গণদিগকে বেশী সংখ্যায় চাকরিতে নিয়োগ করার সিদ্ধান্ত করেন। বিশেষরায়ী সমাজের সর্বস্তরে শিক্ষাদানে বিশ্বাসী ছিলেন এবং শিক্ষার প্রসারের সঙ্গে ব্রাহ্মণ-অত্রাঙ্গণের মধ্যে কার্যের যোগ্যতায় যে প্রভেদ তখন ছিল তাহাও চলিয়া যাইবে, ইহাই ছিল তঁাহার ধারণা। এই সঙ্গে একথাও বলা প্রয়োজন যে, তিনি ঐ রাজ্যে শিক্ষার বিস্তারে অপূর্ব কৃতিত্ব দেখাইয়াছিলেন অসংখ্য বিদ্যালয় স্থাপনে এবং মহীশূর বিশ্ববিদ্যালয় পত্তনে ও গঠনে। কিন্তু তঁাহার বিশ্বাস ছিল যে, কাজের ভার ও কর্মে নিয়োগ ব্যাপারে যোগ্যতা ভিন্ন অত্র কোন প্রসঙ্গে আমল দেওয়া উচিত নয়। এইজন্য মহীশূরে জাতি অত্রপাতে চাকরিতে স্থান দেওয়ার ব্যবস্থায় অসন্তুষ্ট হইয়া তিনি দেওয়ানের পদে ইস্তফা দিয়াছিলেন ঐ ১৯১৮ সনেই।

দেওয়ানের কাজ ছাড়ার পরও তিনি মহীশূরের

উন্নয়নে অনেকভাবে সাহায্য করেন এবং মহীশূর রাজ্যের উন্নয়ন এই অনন্তসাধারণ প্রতিভাবুক্ত অক্লান্ত কর্মীর জীবনের সার্থকতার প্রধান নিদর্শন। কাবেরী নদীতে ককরাজসাগর বাধ ও বিদ্যুৎ উৎপাদনকেন্দ্র ও নূতন ধরনের জলসেচ ব্যবস্থা, ভদ্রাবতীতে লৌহ উৎপাদন প্রতিষ্ঠান, মহীশূরের চন্দন ও চন্দনতৈলের অতি-আধুনিক কারখানা এবং প্রসিদ্ধ মহীশূর সাবানের কারখানা, এই সকলই তঁাহার উত্তম ও উজ্জ্বলের নিদর্শন।

ব্যক্তিগত জীবনে ইনি ছিলেন অতি গুহুচেতা, সরল সাধু ব্যক্তি এবং তঁাহার বিজ্ঞাবুদ্ধি ও কার্যপটুতার সহায়তা চাহিলেই পাওয়া যাইত। মহাত্মা গান্ধীর অহরোধে তিনি উড়িষ্যায় বস্তা নিবারণের দ্বান তৈয়ারী করিয়া দিয়াছিলেন এবং ভূঙ্গভদ্রার উপর বিরোট বাধ ও বিশাল হ্রদ স্থাপনাও তঁাহারই উপদেশের ফল।

নানাদিকে তঁাহার প্রতিভার আলোকশিখা ছুটিত। এবং প্রায় যে কাজে বা যে বিষয়ে তিনি চেষ্টিত হইতেন তাহা সাফল্যমণ্ডিত হইত। জীবনে অনেক সম্মান, অনেক সমাদর তিনি পাইয়া গিয়াছেন কিন্তু তঁাহার অমায়িক প্রকৃতিতে সে সকলের কোনও ছাপ পড়ে নাই।

এই অসাধারণ কর্মময় জীবনের অবসান ঘটে বিগত ১৪ই এপ্রিল, বাংলা ১৩৬৮ সালের শেষদিনে।

### ডঃ সুহৃদচন্দ্র মিত্র

গত ৫ই মে বিশিষ্ট মনোবিজ্ঞানী ও কলিকাতা বিশ্ব-বিদ্যালয়ের মনোবিজ্ঞা বিভাগের প্রাক্তন অধ্যক্ষ ডঃ সুহৃদ-চন্দ্র মিত্র মহাশয় পরলোক গমন করিয়াছেন। মৃত্যুকালে তঁাহার বয়স ৬৭ বৎসর হইয়াছিল।

কলিকাতা বিশ্ববিদ্যালয়ের পরীক্ষামূলক মনোবিজ্ঞায় কৃতী ছাত্র সুহৃদচন্দ্র ১৯২৬ খ্রীষ্টাব্দে গবেষণামূলক প্রবন্ধ রচনা করিয়া জার্মানী বিশ্ববিদ্যালয় হইতে পি. এইচ. ডি. ডিগ্রী লাভ করেন। পরে বিখ্যাত মনোবিজ্ঞানী ডাঃ গিরীন্দ্রশেখর বসুর ছাত্র ও সহকর্মীরূপে-এদেশে কলিত মনোবিজ্ঞা ও ক্রয়েডীয় মনঃসমীক্ষণ শাস্ত্রের প্রসারকল্পে অনলস প্রচেষ্টার স্বাক্ষর রাখেন। ভারতবর্ষের প্রায় প্রতিটি বিশ্ববিদ্যালয়ের মনোবিজ্ঞায় পরীক্ষক, একাধিক বিশ্ববিদ্যালয়ের উপদেষ্টা, বহু মনোবৈজ্ঞানিক সংস্থার প্রতিষ্ঠাতা এবং কলিকাতা বিশ্ববিদ্যালয়ের সিনেটর ও গ্রাশনাল ইনষ্টিটিউটের ফেলো ছিলেন।

ডঃ মিত্র ভারতীয় বিজ্ঞান কংগ্রেসের মনোবিজ্ঞা শাখার এককালীন সভাপতি এবং আন্তর্জাতিক মনঃ-সমীক্ষক সম্মেলনে একমাত্র ভারতীয় প্রতিনিধি হিসাবে যোগদান করিয়াছিলেন। মৃত্যুর পূর্ব পর্যন্ত তিনি

সুখিনী মানসিক চিকিৎসালয়, বোধিপীঠ ও আরও একাধিক প্রতিষ্ঠানের সহিত বনিষ্ঠভাবে যুক্ত ছিলেন।

পৃথিবীর অসংখ্য দেশের তুলনায় আমাদের দেশে মনোবিজ্ঞানের অহুমূল্য এখনও অল্পই হইয়াছে এবং শিক্ষা, সংস্কৃতি, শিল্প-বাণিজ্য ও সমাজ-ব্যবস্থাপনার পথে এই বিদ্যার আলোকসম্পাত করিয়া নূতন কর্মদর্শন স্থাপন ও ব্যক্তি-মূল্যায়নের চেষ্টা আমরা কমই করিয়াছি। মনোবৈকল্যের প্রতিকারে এবং সুস্থ জনমনস্তত্ত্ব গঠনে মনোবিজ্ঞানের আধুনিকতম সিদ্ধান্তগুলি নিয়োগ এবং প্রয়োগের ব্যবস্থাও প্রায় কিছুই আমরা করি নাই। আমাদের দেশে এই বিজ্ঞান এখনও প্রধানতঃ কেতাবী-বিদ্যার স্তরেই আবদ্ধ রহিয়াছে। সেদিক দিয়া ডাঃ গিরীশচন্দ্রের পর ডঃ মিত্র অনেক কাজ করিয়াছেন। একদিকে অধ্যাপক ও পরীক্ষামূলক মনস্তত্ত্ব সম্পর্কীয় মূল্যবান বই-পুথির লেখকরূপে, অল্পদিকে একাধিক মানসিক চিকিৎসা-কেন্দ্রের নৈজ্ঞানিক উপদেষ্টারূপে দেশে তাঁহার যে সম্মানিত আসনটি গড়িয়া উঠিয়াছিল, তাহার শৃঙ্খতা সহস্র পূর্ণ হইবে না। তা ছাড়া ডঃ মিত্রকে কেন্দ্র করিয়া দেশের তরুণ-সমাজ ছোটখাটো যে মনোবিজ্ঞানীর গোষ্ঠীটি তৈরি করিয়াছিল, তাহার কাজও বিশেষভাবে বাধাপ্রাপ্ত হইবে। ফ্রায়েড, এডলার ও ইয়ং প্রমুখের হাত দিয়া এযুগে বিচিত্র পথে অহুমূল্য ও গবেষণা চালাইয়া মনোবিজ্ঞান যে অভ্যাস সম্পন্ন আহরণ করিয়াছে, তাহার বার্তা বাঙালীর গোচরে পৌছাইয়া দিতেছিলেন এই তরুণ-সমাজ ডঃ মিত্রের নারকতায়। সুতরাং তাঁহার মৃত্যুতে যে কতবড় ক্ষতি হইয়া গেল তাহা এক কথায় বলিবার নহে।

### পরলোকে ফজলুল হক

গত ২৭শে এপ্রিল অবিভক্ত বাংলার অস্ফুটম নেতা এ. কে. ফজলুল হক পরলোক গমন করিয়াছেন। মৃত্যুকালে তাঁহার বয়স ৮৯ বৎসর হইয়াছিল।

ফজলুল হক ১৮৭০ সনের অক্টোবর মাসে বরিশাল জেলার সাতুরিয়া গ্রামে তাঁহার মাতুলালয়ে জন্মগ্রহণ করেন। তাঁহার বাড়ী চাখার গ্রামে। পিতার নাম ওয়াহেদ আলি। তিনি বরিশালে আইন ব্যবসায় করিতেন। ১৮৯০ সনে ফজলুল হক বিভাগীয় বৃত্তিলাভ করিয়া এন্ট্রান্স পরীক্ষায় পাস করেন। ১৮৯৪ সনে গণিত, রসায়নশাস্ত্র এবং পদার্থবিদ্যা এই তিনটি বিষয়ে একই সঙ্গে প্রথম শ্রেণীর অনার্স সহ কলিকাতা প্রেসিডেন্সী কলেজ হইতে বি. এ. পাস করেন। ১৮৯৮ সনে আইন

পরীক্ষা দিয়া তিনি স্তর আওতোব মুখোপাধ্যায়ের শিক্ষানবীণী করেন এবং কলিকাতা হাইকোর্টে ওকালতিও করিতে থাকেন।

ফজলুল হকের জীবন অতি বিচিত্র। দৈহিক শক্তিও ছিল অসাধারণ। সবচেয়ে বড় কথা, তিনি আপন ব্যক্তিতে সুপ্রতিষ্ঠিত হইয়াছিলেন। ১৯১৪ সনে তিনি ভারতীয় জাতীয় কংগ্রেসে যোগদান করেন। ১৯৩৫ সনে হক সাহেব কলিকাতা কর্পোরেশনের মেয়র হন। এবং ১৯৩৭-৪৭ সন পর্যন্ত তিনি বঙ্গদেশের প্রধানমন্ত্রী ছিলেন। পাকিস্তান হওয়ার পর ১৯৫৬ সনে হক পূর্ব-বঙ্গের গবর্নর হন। হক সাহেব রাজনৈতিক পটভূমিকায় বিভিন্নরূপে বিভিন্ন সময়ে আত্মপ্রকাশ করিয়াছেন। দেশ নিষ্ঠাগের পর পাকিস্তানেও অনেক দায়িত্বপূর্ণ সম্মানের আসনে তিনি অধিষ্ঠিত হইয়াছেন। কিন্তু একমাত্র ইহাই তাঁহার প্রকৃত পরিচয় নহে। তিনি ছিলেন একজন সত্যিকারের জন-নারক। অসচ্ছল পরিবারে তাঁহার জন্ম। আপন প্রকৃতিভাবে তিনি খাতি অথবা কামার মোহে এ দেশের দরিদ্র জনসাধারণকে ভুলিয়া যান নাট। বরং বলা যায়, জনসাধারণের সাম্মিথ্যেই তিনি ভাল থাকিতেন। জনসাধারণকে তিনি সুখিতেন, জনসাধারণও তাঁহাকে সুখিত। মাটির মানুষ হক সাহেব ছিলেন খাঁটি মানুষ। এমন মানুষকে শ্রদ্ধা না করে কে! সকলেই তাঁহাকে শ্রদ্ধা করিত, ভালবাসিত। রাজনৈতিক ক্ষেত্রে যাহারা তাঁহার বিরোধী ছিলেন, ব্যক্তিগত জীবনে তাঁহারাও এই মানুষটিকে ভাল না-বাসিয়া পারেন নাই। তিনি জীবনে সবচেয়ে বড় কাজ করিয়া গিয়াছেন, ১৯৩৮ সনে মন্ত্রিসভা গঠনের পর তাঁহারই প্রেরণায় ঋণসালিশী আইন প্রবর্তন করিয়া বাংলার কৃষক শ্রেণীকে পুরুসামু-ক্রমিক ঋণের বোঝা হইতে বহুল পরিমাণে অব্যাহতি দিয়া গিয়াছেন। তাঁহারই উদ্যোগে বিনাব্যায়ে বাধ্যতামূলক প্রাথমিক শিক্ষা প্রবর্তনের নীতি গৃহীত হয় এবং ঐরূপ শিক্ষার ব্যয় সংগ্রহের উদ্দেশ্যে জমির উপর শিক্ষাকর আদায়ের ব্যবস্থা হইয়াছিল। এই যে আর্ডের জল্প বেদনা, আর কাহারও মধ্যে দেখিয়াছি বলিয়া মনে পড়ে না। এক কথায় তিনি ছিলেন মানব-দরদী। কিন্তু রাজনীতির চক্রে পড়িয়া এমন লোককেও শেষ বয়সে নাজেহাল হইতে হইয়াছে, ইহাই সর্বাপেক্ষা পরিতাপের বিষয়। তিনি সদালাপী ও বহুবৎসল ছিলেন। সবচেয়ে বড় কথা, পাকিস্তান হওয়ার পরও তিনি পুরাতন বন্ধুদের ভোলেন নাই। এরূপ একজন দরদী বন্ধু হারাইয়া আমরা মর্মান্বিত হইয়াছি।



# বৌদ্ধ-ভারতে গণতন্ত্র

( প্রতিযোগিতায় পঞ্চম পুরস্কার প্রাপ্ত প্রবন্ধ )

শ্রীনরেন ভট্টাচার্য্য

১

বুদ্ধ এবং বিষ্ণুসারের যুগে রাজতন্ত্রের পাশাপাশি যে কিছু কিছু ক্ষুদ্রায়তন অভিজাত সাধারণতন্ত্রের অস্তিত্ব ছিল এ বিষয়ে গ্রীক ডেভিড্‌স্ প্রথম আমাদের দৃষ্টি আকর্ষণ করেন।<sup>১</sup> কিন্তু ভারতের প্রাচীনতম ইতিহাসে গণতন্ত্রের ঐকিঞ্চিৎ খুঁজতে গেলে আমাদের আরও পিছিয়ে যেতে হবে।<sup>২</sup> কারণ ঋগ্বেদে আমরা এমন করেকটি শব্দের পরিচয় পাচ্ছি যেগুলি পরবর্তীকালে নিঃসন্দেহে অরাজতন্ত্রী শাসনতন্ত্রের পরিচয় বহন করেছে। যেমন আমরা ঋগ্বেদে 'গণ' শব্দটির ঐজিত পেয়েছি যার নেকা হিসাবে 'গণপতি' বা 'জ্যেষ্ঠ' প্রভৃতি শব্দের উল্লেখ ঐ গ্রন্থে বর্তমান। শেষের শব্দটি সম্ভবতঃ পালি সাহিত্যের 'জয়কের' সঙ্গে সাদৃশ্যশুক এবং এটা অসম্ভব নয় যে এই শব্দগুলির মধ্যেই সাধারণতন্ত্রী রাষ্ট্রের ধারণা প্রচ্ছন্ন রয়েছে যে পরনের রাষ্ট্রের পরিচয় আমরা প্রথম দিক্কার বৌদ্ধশাস্ত্রে পাঠি।<sup>৩</sup> দৈনিক যুগে সাধারণতন্ত্রের কোন প্রাক্ক পরিচয় না পেলেও সে যুগে প্রজাদের যে উল্লেখযোগ্য রাজনৈতিক অধিকার ছিল - শাসনতন্ত্রের উপর তাদের যে প্রকৃষ্ট ক'র্গ্যকরী নিয়ন্ত্রণ ছিল - তার প্রমাণ হিসাবে ঋগ্বেদ ও পরবর্তী দৈনিক গ্রন্থসমূহে উল্লিখিত সভাঃ ও সমিতিঃ নামক রাজনৈতিক সংস্থাঃের কথা বলা চলতে পারে। অথর্ববেদে রাজ্যের মুখ দিয়ে বলােনা হয়েছে : প্রজাপতির দুই কন্যা - সভা ও সমিতি যেন আগাকে যুগ্মভাবে সমর্থন করেন।<sup>৪</sup> গার সঙ্গে সেখানে আমার দেখা হবে, তিনি যেন আমার সঙ্গে সহযোগিতা করেন ; হে পিতৃগণ, আমি যেন সেখানে এমন কথা বলতে পারি যে-কথায়

সকলে একত্র হবেন।<sup>৫</sup> ঋগ্বেদের শেষ শ্লোকে বলা হয়েছে : আপনাদের সমাবেশে আপনারা প্রত্যেকে অভিপ্রায়ে, লক্ষ্যে ও চিন্তায় একমত হোন।<sup>৬</sup> অথর্ববেদেও ঐ এক কথাই বলা হয়েছে।<sup>৭</sup> সেখানে এমন অনেক শ্লোক পাওয়া যায় যেখানে সদস্ত বিতর্কে জয়লাভের এবং অপরের সমর্থন আদায়ের জন্য দেবতার নিকটে প্রার্থনা করছেন।<sup>৮</sup> কিন্তু তা সত্ত্বেও আমরা দেখি যে, বৈদিক যুগের শেষ দিকে এই ধরনের গণতান্ত্রিক আচরণ প্রায় সর্বদাঃশেষই শিথিল হয়ে গেছে ; স্বতন্ত্র-সমূহে দেখা যায় যে, রাজা এবং প্রজা উভয়েরই বাড়ে দৈবাত্মমোচিত কর্তব্যের বোঝা চাপিয়ে দেওয়া হয়েছে এবং প্রজার রাজনৈতিক অধিকারের খাতার জমার অঙ্ক একেবারে শূন্যের ধরে।<sup>৯</sup>

গ্রীক ডেভিড্‌স্ বলেছেন : প্রাচীনতম বৌদ্ধ প্রমাণ-পঞ্জীসমূহে কোন বড় শক্তিমান রাজতন্ত্রের পাশাপাশি পূর্ণ অথবা অংশঃ স্বাধীন সাধারণতন্ত্রের অস্তিত্বের প্রমাণ বহন করে।<sup>১০</sup> হাঁও মতে এই সাধারণতন্ত্রী রাষ্ট্রসমূহ ব্রাহ্মণা সংস্কৃতির প্রতি বিরুদ্ধ ছিল বলেই ব্রাহ্মণ্য শাস্ত্রগ্রন্থ-সমূহে এদের অস্তিত্বের কোন উল্লেখ করে নি।<sup>১১</sup> কিন্তু ডঃ জয়শেরালের মতে এই ধারণা যথার্থ নয়, কারণ, 'অন্যোক্ত সাহিত্যেও সাধারণতন্ত্রের পরিচয় বর্তমান।<sup>১২</sup> কোন শাস্ত্রগ্রন্থে 'গণরাজা' এবং 'দৈবরাজ্যের' উল্লেখ আছে।<sup>১৩</sup> পাণিনির অষ্টাধ্যায়ীতে 'সংঘ' এবং 'গণের' উল্লেখ আছে।<sup>১৪</sup> মহাভারতেও সাধারণতন্ত্র সম্বন্ধে

১. অপকবেদ ৭ : ১ : ১।

২. ঋগ্বেদ ১০ : ১১ : ৪।

৩. ডঃ রুমসীলড, Sacred Books of the East XLII. পৃঃ ১৩৩

৪. অপকবেদ ২ : ২৭।

৫. মজ্জিমদার (স), The Vedic Age. পৃঃ ৪৮২-৪৮৮।

৬. গ্রীক ডেভিড্‌স্, Buddhist India, পৃঃ ২।

৭. ঐ ঐ পৃঃ ২।

৮. জয়শেরাল, Hindu Polity, পৃঃ ২১।

৯. আচার্য্য ২ : ৩ : ১ : ১০ [ Sacred Books of the East XXII ]

১০. অষ্টাধ্যায়ী ৩ : ৩ : ৮ ( জয়শেরাল থেকে উদ্ধৃত )।

১. রাজচৌধুরী, Political History of Ancient India. পৃঃ ১২ : ১।

২. মজ্জিমদার, রাজচৌধুরী ও দত্ত, Advanced History of India, পৃঃ ২২।

৩. মজ্জিমদার (স), The Vedic Age, পৃঃ ৩৫২।

৪. ঋগ্বেদ - ৩ : ২৮ : ৩ ; ৮ : ৪ : ২ ; ১০ : ৩৪ : ৩ ; অপকবেদ - ৭ : ১ : ১ ; শুক্ল যজুর্বেদ - ১৩ : ২৮ ; ১৩ : ২৪, ইত্যাদি।

৫. ঋগ্বেদ - ৯ : ২২ : ৩ ; ১০ : ১৭ : ৩ ; অপকবেদ - ৩ : ৮ : ১ : ৩ ; ৩ : ৪ : ২ ; ৩ : ১২ : ১ : ১ ; ৭ : ১ : ১ ; ১২ : ১ : ১ ; ছানোগো উপনিষৎ ৫ : ৩, ইত্যাদি।

পুরো একটি অধ্যায় লিখিত আছে। ১৬ কোটিলোর অর্থশাস্ত্রেও দুই প্রকারের সাধারণতন্ত্রের উল্লেখ পাই। ১৭ এ ভিন্ন ডঃ জয়শোয়াল, অপরাপর প্রাচীন হিন্দুগ্রন্থেও গণতন্ত্রের ইঙ্গিত আছে বলে দাবী করেন।

গৌতম বুদ্ধ সাধারণতন্ত্রী দেশে জন্মগ্রহণ করেছিলেন। তাঁর চেতনায় সাধারণতন্ত্রের বীজ লুকিয়ে ছিল বলেই তিনি তাঁর সংঘে গণতান্ত্রিক রীতিনীতির প্রবর্তন করেছিলেন। মহাপরিনির্বাণ সূত্রান্তে আমরা দেখি যে, ভিক্ষুগণকে প্রদত্ত গৌতমের সাতটি উপদেশের মধ্যে অন্যতম: চারটিতে গণতান্ত্রিক আচরণের উপর জোর দেওয়া হয়েছে। ১৮

“ভিক্ষুগণ, যতদিন ভাতবর্গ আপনাদের সম্মিলনের ম্যাক্ষা করিয়া বারংবার একত্রিত হইবেন, ততদিন তাঁহাদের পতন না হইয়া উত্থান হইবারই কথা।

“যতদিন তাঁহারা সমগ্র হইয়া একত্রিত হইবেন, সমগ্র হইয়া উত্থান করিবেন, সমগ্র হইয়া সংঘনির্দিষ্ট কর্মসমূহের সম্পাদন করিবেন, ততদিন তাঁহাদের পতন না হইয়া উত্থান হইবারই কথা।

“যতদিন তাঁহারা অব্যবস্থিতের ঘোষণা না করিবেন, ব্যবস্থিতের উচ্ছেদ না করিবেন, যথাব্যবস্থিত শিক্ষাপদ-সমূহ দ্বারা নিয়ন্ত্রিত হইবেন, ততদিন তাঁহাদের পতন না হইয়া উত্থান হইবারই কথা।

“যতদিন তাঁহারা, তাঁহাদের মধ্যে যাহারা অভিজ্ঞ, বহুপূর্বগ, সংঘপিতা, সংঘ-পরিচালক, তাঁহাদের সংকার করিবেন, তাঁহাদের সম্মান ও পূজা করিবেন, তাঁহাদের বাক্য শ্রোতব্যরূপে গ্রহণ করিবেন, ততদিন তাঁহাদের পতন না হইয়া উত্থান হইবারই কথা।” ১৯

২

বুদ্ধ ও বিষ্ণুর যুগে সর্কাপেক্ষা উল্লেখযোগ্য সাধারণতন্ত্রী জাতি ছিল উত্তর বিহারের বজ্জি বা বৃজ্জিগণ এবং কুশীনারা ও পাবার মল্লগণ। ২০ বৃজ্জিরা ছিল দুই ভাগে বিভক্ত; মিথিলার বিদেহগণ এবং বৈশালীর

(বৈশালীর) লিচ্ছবিগণ। ২১ এ ভিন্ন অপরাপর সাধারণতন্ত্রের মধ্যে কপিলাবস্তুর শাক্যগণ, দেবদহ ও রামগ্রামের কোলিয়গণ, অংশুমার পাহাড়ের ভগ্গগণ, অল্লকপ্পের বুলিগণ, কেশপুষ্টের কালামগণ এবং পিঙ্গলিবনের মোরিয়গণ। ২২

বৃজ্জিদের সাধারণতন্ত্রের সীমারেখা ছিল উত্তরে নেপাল, দক্ষিণে গঙ্গানদী, পূর্বে কোশী ও মহানন্দা এবং পশ্চিমে গণ্ডক। মোট আটটি গণ (অষ্টকুল) নিয়ে বৃজ্জি সাধারণতন্ত্র গঠিত ছিল; বিদেহ, লিচ্ছবি, জাতক, বৃজ্জি, উগ্র, ভোগ, কৌরব এবং ঐক্ষাক। ব্রাহ্মণগ্রন্থের যুগে বিদেহে রাজতন্ত্র বর্তমান ছিল; প্রাচীনতর উপনিষদেও বিদেহ জনকের উল্লেখ আছে। ২৩ জনক-বংশের উল্লেখ আমরা রামায়ণ, বিষ্ণুপুরাণ ও ভাগবতে পাই। ২৪ কিন্তু আমাদের আলোচ্য যুগে বিদেহের সীমারেখা অনেকটা পূর্বদিকে সরে এসেছিল। বিদেহের রাজবংশের পতনের পরেই বৃজ্জিদের বৃজ্জি-সাধারণতন্ত্র গঠিত হয়েছিল—এ অভিমত ডঃ রায়চৌধুরী পোষণ করেন। ২৫ নেপালের দক্ষিণে ছিল লিচ্ছবিরাজ্য। লিচ্ছবিগণের রাজধানী ছিল বৈশালী, যা কালক্রমে সমগ্র বৃজ্জি সংযুক্তরাষ্ট্রের রাজধানী হয়। সম্ভবতঃ লিচ্ছবিরা নয়টি গোষ্ঠীতে (নব লেচ্ছই, পাঠাস্তরে, নব লেচ্ছতি) এবং নয়টি গোষ্ঠীর নবজন প্রধান প্রতিনিধির দ্বারাই (গণরাজা) গঠিত হ’ত লিচ্ছবি ‘প্রেসিডিয়াম’ (গণ-রাজ্যানো)। ২৬ জাতককুল বাস করতঃ বৈশালীরই আশে-পাশে, তাদের আসল ঘাঁটি ছিল কুণ্ডগ্রামে এবং কোলগে। বিখ্যাত ধর্মগুরু মহাবীর বা নিগঠ নাতপুত্র (জাতপুত্র) এই জাতককুলেরই সন্তান। এর পর মূল-বৃজ্জিদের কথা। তারা লিচ্ছবিদের থেকে পৃথক হলেও, তাদেরও প্রধান কর্মকেন্দ্র ছিল বৈশালী। উগ্র, ভোগ, কৌরব এবং ঐক্ষাক প্রভৃতি কুল আশে-পাশেই বাস করত। তাদের সম্বন্ধে বেশী কিছু জানা যায় না।

২১ রীজ ডেভিড্‌স্‌ Buddhist India. পৃ: ২২।

২২ রায়চৌধুরী, Political History of Ancient India. পৃ: ১৯১।

২৩ শতপথ ব্রাহ্মণ ১১।৩২-৩; ১১।৩২-৪ হৈত্তিরিয় ব্রাহ্মণ ৩।১০।১২ বৃহদারণ্যক ৩।৩ ও চতুর্থ অধ্যায়।

২৪ রামায়ণ ১।৭১।১-১৩; বিষ্ণুপুরাণ ৪।৫; ভাগবত ৯।১০।

২৫ রায়চৌধুরী, op cit, পৃ: ১২১।

২৬ জয়বাহর করনত্ন, Sacred Books of the East XXII, পৃ: ২৩৩।

১৬ শাস্ত্রপুর্কী- ১০৭ অধ্যায়।

১৭ জয়শোয়াল, Hindu Polity. পৃ: ৪৯।

১৮ দাঁচ নিকায়- ২।১৩.৩।

১৯ ভিক্ষু-লাসভক্তের অনুবাদ।

২০ রায়চৌধুরী, Political History of Ancient India. পৃ: ১৯১।

বুজিদের পরই সর্কাপেক্ষা উল্লেখযোগ্য সাধারণতন্ত্র ছিল মল্লদের। মল্লরাজ্য ছিল দু'টি, একটি কুশীনারায় এবং অপরটি পাবায়। সম্ভবতঃ ককুখা নদী (আধুনিক কুকু উত্তর রাষ্ট্রকে পৃথক্ করেছিল)। ২৭ রীজ ডেভিড্‌সের মতে, চৈনিক পরিব্রাজকদের বর্ণনা যদি সত্য হয় তা হ'লে মল্লরাজ্য ছিল শাক্যরাজ্যের পূর্বে এবং বুজিরাজ্যের উত্তরে। ২৮ ডঃ জয়শোয়ালের মতে মল্লরাজ্য ছিল শাক্যদের দক্ষিণে এবং বুজিরাজ্যের পূর্বে। ২৯ বিদেহের জায় মল্লরাষ্ট্রেও প্রথমে রাজতন্ত্র বর্তমান ছিল। বিষ্ণু-সারের আবির্ভাবের অনতিকাল পূর্বেই মল্লরাষ্ট্রে সাধারণতন্ত্র স্থাপিত হয়েছিল। লিচ্ছবিদের সঙ্গে মল্ল-গণের সম্পর্ক গোড়ার দিকে ভাল না হলেও পরে উভয়-শক্তি একত্র হয়েছিল, পার্শ্ববর্তী মগধরাজ্যের সাম্রাজ্যবাদী গ্রাস থেকে আত্মরক্ষা করার জন্তু।

এর পরে আসে কপিলাবস্তুর শাক্যদের কথা। বুদ্ধের পিতা ছিলেন শাক্যকুলের একজন প্রধান। শাক্যরাজ্যের উত্তরে ছিল হিমালয়, পূর্বে রোহিণী নদী এবং দক্ষিণে ও পশ্চিমে রাপ্তা নদী। ৩০ রাজধানী কপিলাবস্ত্র ছাড়াও শাক্যরাজ্যে আরও অনেক নগর ছিল—যেমন চাতুমা, সামগাম, খোমতুস, শীলাবতী, মেতলুপ, উলুম, স্কুকর ও দেবদহ। ৩১ কোলিয়গণ ছিল শাক্যদের প্রতিবেশী; কানিংহাম কোলিয় রাজ্যটিকে কোহান এবং উনি (অনোমা) নদীদ্বয়ের মধ্যে স্থান দিয়েছেন। কথিত আছে, একদা শাক্য ও কোলিয়গণের মধ্যে অত্যন্ত সন্তাব ছিল। কিন্তু নদীর জলের ভাগ নিয়ে তাদের মধ্যে ষন্দেহ সূত্রপাত হয়। বুদ্ধের হস্তক্ষেপে যদিও রক্তপাত এড়ানো সম্ভবপর হয়, তা সত্ত্বেও উভয় রাজ্যের শত্রুভাব দূর হয় নি। ৩২ ভগ্ন বা ভগ্নরা বাস করত কোশাঘী (বর্তমান কোশাম, এলাহাবাদের সন্নিকটে) রাজ্যের উপকণ্ঠে—এ কথার সমর্থন মহাভারত থেকে পাওয়া যায়। ৩৩ তাদের কেন্দ্র ছিল স্তম্ভমারের পার্শ্বত্যা দুর্গ; রাহুল সাংস্কৃতায়নের মতে বর্তমান মির্জাপুরের অন্তর্গত চুনার। ৩৪ অল্পকালের বুলি এবং কেশপুষ্টের কালামগণ

সম্বন্ধে বিশেষ কিছু জানা যায় না; তারা যে কুশীনারায় মল্লদের প্রতিবেশী ছিল এতে কোন সন্দেহ নেই, তবে তাদের রাজ্যকে বর্তমানে চিহ্নিত করা প্রায় অসম্ভব। ৩৫ অশ্বঘোষের বুদ্ধচরিত পাঠে জানা যায় অলাড় নামে বুদ্ধের এক গুরু কালাম কুলের সন্তান ছিলেন। ৩৬ পিপ্পলিবনের মোরিয়গণ ছিল কোলিয়দের প্রতিবেশী। পিপ্পলিবনকে হিউয়েন সাঙ স্তম্ভোধবনের সঙ্গে অভিন্ন করে দেখেছেন। ৩৭ পরবর্তীকালে এই মোরিয় কুল থেকেই প্রাচীন ভারতের শ্রেষ্ঠতম রাজ-বংশের উদ্ভব হয়।

৩

এর পর আসছে শাসনতন্ত্রের কথা। এ বিষয়ে আমাদের হাতে মালমশলা অল্প হলেও, তা মোটামুটি একটা ধারণা গঠন করার পক্ষে যথেষ্ট। বৌদ্ধ-শাস্ত্র-গ্রন্থে স্বাভাবিকভাবেই শাক্য সাধারণতন্ত্রের উপর জোর বেশী দেওয়া হয়েছে। শাক্য-রাজ্য আশী হাজার পরিবার নিয়ে গঠিত ছিল একথা বুদ্ধঘোষ বলে গেছেন। ৩৮ শাসনসংক্রান্ত এবং অপরাপর কাজকর্ম হ'ত কপিলাবস্ত্রতে অবস্থিত একটি সাধারণ সভাগৃহে, যার নাম ছিল শাস্তাগার (=সংস্থাগার)। অষ্টম সূক্তান্তে আমরা শাক্যদের শাস্তাগারের উল্লেখ পাচ্ছি। ৩৯ রাষ্ট্রপ্রধান একজনই হতেন, তাঁর উপাধি ছিল রাজা। তিনি কিভাবে নির্বাচিত হতেন এবং তাঁর কার্যকালই বা কতদিন ছিল, এ বিষয়ে কিছুই বলা যায় না। আমরা শাক্যদের দু'জন রাষ্ট্রপ্রধানের নাম পেয়েছি—উদ্ধোদন এবং শুদ্ধিয়। বুদ্ধ যখন স্তম্ভোধ-আরামে (বটবৃক্ষ সম্বিত একটি বৃহৎ বাগান) বাস করতেন সেই সময় একটি নূতন সভাগৃহ নির্মিত হয়, বুদ্ধ যার উদ্বোধন করেছিলেন। অপরাপর নগরেও সভাগৃহ ছিল। গ্রামসভা বসত গাছের তলায়। সাধারণ শাসনকার্য পরিচালনার জন্তু কিছু কিছু 'অফিসার' নিযুক্ত করা হ'ত। ছোটখাট বিচারকার্য স্থানীয়ভাবেই সম্পন্ন করা হ'ত; কোন বৃহৎ বিষয় হ'লে মূল সভাগৃহে তা নিষ্পন্ন হ'ত। শাক্য-পার্লিামেন্টের সদস্য-সংখ্যা ছিল পঁচিশ'। একাধিক বিবাহ শাক্যদের নিকট আইনগ্ৰাহ্য অপরাধ ছিল। ৪০

২৭ রায়চৌধুরী op cit, পৃ: ১২১।

২৮ রীজ ডেভিড্‌স্‌ Buddhist India, পৃ: ২

২৯ জয়শোয়াল, Hindu Polity, পৃ: ৪৩।

৩০ ওল্‌ডেনবার্গ, Buddha, পৃ: ২৫-২৬।

৩১ রীজ ডেভিড্‌স্‌, op cit, পৃ: ১২।

৩২ রায়চৌধুরী, op cit, পৃ: ১২২।

৩৩ মহাভারত, সভাপর্ক ৩০। ১০। ১৪।

৩৪ জয়শোয়াল, op cit পৃ: ৪০।

৩৫ রীজ ডেভিড্‌স্‌ op cit, পৃ: ৮, ৯, ২২।

৩৬ বুদ্ধচরিত ১২। ৩, রবীন্দ্রনাথ ঠাকুরের অনুবাদ জটব্য।

৩৭ ওয়াটার্‌স্‌, On Yuan Chwang II, পৃ: ২৩-২৪।

৩৮ ডঃ, রীজ ডেভিড্‌স্‌, Dialogues of the Buddha ১: ৪০-৪১।

ডাঃ বিমলাচরণ লাহা লিচ্ছবিদের সম্বন্ধে বিস্তৃত আলোচনা করেছেন।<sup>৪১</sup> জাতকগ্রন্থে লিচ্ছবিদের শাসনকার্য্য নির্বাহকদের 'গণরাজা' আখ্যা দেওয়া হয়েছে।<sup>৪২</sup> একপঞ্চ এবং চুল্ল-কালিন্জ জাতকের সাক্ষ্য থেকে জানা যায় যে, ৭৭০৭ জন গণপ্রতিনিধি দ্বারা লিচ্ছবি পার্লামেন্ট গঠিত ছিল।<sup>৪৩</sup> রাষ্ট্রপতির উপাধি ছিল রাজা, উপরাষ্ট্রপতির উপরাজা, সৈন্তাধ্যক্ষের সেনাপতি এবং অর্থমন্ত্রীর ভণ্ডাগারিক। পার্লামেন্টের একজন অধ্যক্ষ বা স্পীকার থাকতেন, তাঁর উপাধি ছিল মহর্ষিক।<sup>৪৪</sup> এদের বিচারপদ্ধতি ছিল খুবই উন্নত। অপরাধী সাতবার বিচারের সুযোগ পেত এবং সাতটি ধর্ম্মাধিকরণের যে কোন একটি অপরাধীকে নিরপরাধ সাব্যস্ত করলেই অপরাধী খালাস পেত। তবে দোষী সাব্যস্ত হলে উচ্চতর আদালতে তার মামলা পাঠিয়ে দেওয়া হ'ত।<sup>৪৫</sup> প্রাথমিক তদন্ত হ'ত বিনিচ্চর মহামাত্যের (নিম্ন আদালত) কাছে। দ্বিতীয় স্তরের তদন্ত হ'ত বোহারিকের (=ব্যবহারিক, আইনজ্ঞ বিচারপতি) কাছে। তারও উপর সূত্রধরের (হাইকোর্ট) কাছে আপীল চলত; তারও উপর আপীল চলত অঠঠ-কুলে (আটজন অঞ্চল-প্রতিনিধির বোর্ড)। এ ছাড়াও উপরাজা এবং পরিশেষে রাজার (রাষ্ট্রপতি) নিকট আপীল করা চলত।<sup>৪৬</sup>

আগেই বলা হয়েছে, লিচ্ছবিরা ছিল বৃজি সাধারণতন্ত্রের অন্তর্গত। মল্লদের সঙ্গে লিচ্ছবিদের গাঁটছড়া বাঁধা দেখে অসুমান করা যায় যে, বৃজি সাধারণতন্ত্র বৃজু-রাষ্ট্রীয় (কেডারেল) ছিল না, পক্ষান্তরে তা ছিল সংযুক্ত-রাষ্ট্র (কনফেডারেসী)। সংযুক্তরাষ্ট্রের অন্তর্গত প্রত্যেকটি রাষ্ট্রই আভ্যন্তরীণ ব্যাপারে স্বাধীন ছিল, এমন কি স্বাধীন পররাষ্ট্রনীতিও তারা গ্রহণ করতে পারত। অপরাপর সাধারণতন্ত্রী রাষ্ট্রগুলির শাসনতন্ত্র শাক্য ও লিচ্ছবিদের অসুরূপ ছিল। বীজ ডেভিড্‌স্‌ কোলিয় এবং মল্লদের

শাসনতন্ত্রের যে সামান্য ছ'-একটা নমুনা দিয়েছেন তাতে এই ধারণাই দৃঢ় হয়।<sup>৪৭</sup> মল্লদের পার্লামেন্টেই আনন্দ বুদ্ধের মৃত্যু-সংবাদ ঘোষণা করেছিলেন।

৪

কিন্তু কালক্রমে এই সাধারণতন্ত্রী রাষ্ট্রগুলি নিজেদের স্বাধীন অস্তিত্ব বজায় রাখতে সক্ষম হয় নি। উপরোক্ত সাধারণতন্ত্রী রাষ্ট্রসমূহের মধ্যে সর্বাধিক শক্তিশালী ছিল বৃজি সংযুক্ত রাজ্য। বিম্বিসারের যুগে গঙ্গার অপর তীরবর্তী অঞ্চলসমূহ তারা আক্রমণ করে।<sup>৪৮</sup> যে কারণে রাজা বিম্বিসার বৈশালীর সঙ্গে বৈবাহিক সম্বন্ধ স্থাপন করেন। বৃজিদের সঙ্গে মগধের প্রত্যক্ষ সংগ্রাম শুরু হয় বিম্বিসারের পুত্র অজাতশত্রুর আমলে। বুদ্ধঘোষ বিরচিত সুমঙ্গল-বিলাসিনী থেকে জানা যায় যে, অজাতশত্রু কর্তৃক বৈশালী আক্রমণের কারণ ছিল লিচ্ছবিগণ কর্তৃক কতকগুলি বিষয়ে বিশ্বাসভঙ্গ।<sup>৪৯</sup> এ যুদ্ধে অজাতশত্রু দু'টি মারণাস্ত্রের ব্যবহার করেছিলেন—মহাশিলাকণ্টক (কামান জাতীয় অস্ত্র) এবং রথমুঘল (ট্যাঙ্ক জাতীয় বস্তু)।<sup>৫০</sup> বিখ্যাত আজীবিক গুরু গোশাল মংখলিপুস্ত্রের মৃত্যুর সময় এই যুদ্ধ শুরু হয় এবং তার মৌল বহুর পরে মহাবীরের মৃত্যুর সময় মল্লরা শোকের প্রতীক হিসাবে একটি মশাল শোভাযাত্রা বার কবে।<sup>৫১</sup> এ থেকেই বোঝা যায়, মৌল বহুরেও অজাতশত্রু বৈশালী ধ্বংস করতে পারেন নি। অতঃপর তিনি তাঁর মন্ত্রী বর্ষকারের কূটনীতির দ্বারা সাধারণতন্ত্রী রাজ্যগুলির মধ্যে ভেদ সৃষ্টি করে অবশেষে বৈশালী জয় করতে সক্ষম হন।<sup>৫২</sup> কোশলের আক্রমণে বুদ্ধের জীবনকালেই শাক্য সাধারণতন্ত্র ধ্বংস হয়। কোশলরাজ পসেনদি (প্রসেনজিত) শৌতমবুদ্ধের একজন একান্ত ভক্ত ছিলেন। কিন্তু তাঁর পুত্র বিভুড্ড শাক্যদের ব্যবহারে কুপিত হয়ে শুধু শাক্যবাজ্য আক্রমণই করেন নি, শাক্য-পুরীকে ধ্বংসস্তূপে পরিণত করে ছেড়েছিলেন।<sup>৫৩</sup> অজাতশত্রুর বৈশালী জয়ের সঙ্গে সঙ্গে মল্লরাও ধ্বংস

৪১ দীর্ঘ নিকায়ে ১৩, তুল: Dialogue, ১১১৩।

৪২ রক্‌হিল্—Life of the Buddha, পৃ: ১৪-১৫।

৪৩ ডাঃ লাহা, Some Kshatriya tribes of Ancient India

৪৪ বৈশালীনগরে পণ্ডরাজকুলানাং অভিব্যেকপোকরশিং (Hindu Polity থেকে উদ্ধৃত)।

৪৫ রাক্ষসোদ্বী, Political History of Ancient India, পৃ: ১২৪।

৪৬ অরশোরাল, Hindu Polity, পৃ: ৪৫-৪৬।

৪৭ বীজ ডেভিড্‌স্‌, Buddhist India, পৃ: ২২।

৪৮ টার্নার, J. A. S. B. (৭ম), পৃ: ১১০-১১।

৪৭ বীজ ডেভিড্‌স্‌, op cit, পৃ: ২১।

৪৮ রাক্ষসোদ্বী op cit পৃ: ১২৬।

৪৯ লাহা, Buddhist Studies, পৃ: ১২২।

৫০ মহুমদার (স), Age of Imperial Unity, পৃ: ২৫।

৫১ ভ্রমবাহর কল্পসূত্র (বসন্তকুমার চট্টোপাধ্যায় সম্পাদিত)।

৫২ দীর্ঘ নিকায়ে, মহাপরিনির্বাণ সূত্র।

৫৩ বীজ ডেভিড্‌স্‌, Buddhist India, পৃ: ১১-১২



হয়। কেশপুস্ত কালক্রমে কোশলের অন্তর্ভুক্ত হয়ে যায় ৫৪

এখন কথা ওঠে, এই সব সাধারণতন্ত্র-সমূহের পতনের কারণ কি? মহাভারতেও এই প্রশ্ন যুধিষ্ঠিরকে দিয়ে ভীষ্মকে করানো হয়েছে। ৫৫ জবাবে ভীষ্ম বলেছিলেন, লোভ এবং ঈর্ষ্যা, উৎপীড়ন, চক্রান্ত এবং বিভেদ; পারস্পরিক বিশ্বাসের অভাব এবং দীর্ঘস্থিতি। অবশ্য ভীষ্ম সাধারণতন্ত্রের ভাল দিকগুলিরও উল্লেখ করেছেন এবং কেন্দ্রীভূতশক্তি সংযুক্তরাষ্ট্র সমর্থন করেছেন। কোটিল্যের মতে সাধারণতন্ত্রের পতনের কারণ হ'ল ব্যক্তিগত শত্রুতা এবং ক্ষমতালোভ। ৫৬ বৃজি সাধারণতন্ত্র প্রসঙ্গে অজাতশত্রুর মন্ত্রী বর্ষকারের সম্মুখে আনন্দকে উদ্দেশ্য করে গৌতমবুদ্ধ যা বলেছিলেন তা এ প্রসঙ্গে রীতিমত প্রণিধানযোগ্য ৫৭ :—

৫৪ রায়চৌধুরী, op cit, পৃ: ১২৩।


৫৫ শাস্ত্রিপত্র, ১০৭ অধ্যায়।

৫৬ জরশোয়াল, Hindu Polity, পৃ: ১৬৮।

৫৭ দীর্ঘ নিকায়ে, ২।১৩।১-৫।

“যতদিন বৃজিগণ জনসাধারণের অবাধ সম্মিলনের আয়োজন করবেন...যতদিন তাঁরা সমগ্র হয়ে উত্থান করবেন, সমগ্র হয়ে বৃজিগণের করণীয় সম্পাদন করবেন... ততদিন তাঁদের পতন না হয়ে উত্থান হবারই কথা। যতদিন তাঁরা অব্যবস্থিতের ঘোষণা না করবেন, ব্যবস্থিতের উচ্ছেদ-সাধন না করবেন...বন্ধোজ্যেষ্ঠদের সংকার করবেন...কুলস্বামী ও কুলনারীদের অধঃপাতিত না করবেন...নগর, জনপদ ও চৈতন্যসমূহের সংকার করবেন...ততদিন তাঁদের পতন না হয়ে উত্থান হবারই কথা।” অতঃপর গৌতমবুদ্ধ বর্ষকারকে সম্বোধন করে বললেন, “হে ব্রাহ্মণ, যতদিন এই সাতটি মঙ্গলদায়ক ধর্ম বৃজিদের মধ্যে বর্তমান থাকবে...ততদিন তাঁদের পতন না হয়ে উত্থান হবারই কথা।”

প্রত্যুত্তরে বর্ষকার গৌতমবুদ্ধকে বললেন, “দেব, এই সাতটি ধর্মের মাত্র একটিও পালন করলে, পতন না হয়ে বৃজিদের উত্থান হবারই কথা, আর সাতটি পালন করলে ত কথাই নেই। কুটনীতি অথবা মিত্রভেদ অবলম্বন ভিন্ন বুদ্ধে বৃজিগণকে পরাস্ত করার কোন উপায়ই নেই।”



## বাবলুর মন

শ্রীহরিশঙ্কর বন্দ্যোপাধ্যায়

শীতকালের ভোরে বাবলুর মনটা সবচেয়ে বেশী খারাপ হয়ে যায়। যে সময় কাকগুলো বাসা ছাড়তে পারে না; সামনের নারকেল গাছের মাথায় বসে থাকে। একজনের ডাক শুনে অপরজন সাড়া দেয়। ডাকের পালা শেষ হ'লে ডানা-ঝটপটানো শুরু। ঠিক তখনই বাবলুর মনটা শিবপুরে চলে যায়। তার পর পূর্বের আকাশটার একটা রঙের ছোপ ধরে। তখনই সারাটা আকাশকে বাবলুর আরও ভাল লাগে। জানলাটা ফাঁক করে, মাথায় রূপারটা মুড়ি দিয়ে বাবলু চুপচাপ বসে থাকে। পাশে ঠাকুমা তখন থাকেন না। ইলেকট্রিক ইঞ্জিনের চড়া হইসেলটা বাবলুর মনে দোলা লাগায়। বড় হলে ঐ ইঞ্জিনের ট্রেনে চেপে বিয়ে করতে যাবে। শাঁখ বাজাবার দরকার নেই। কি মজা!

ইঞ্জিনের বাঁশী শুনে শুনে মন চলে যায় 'শালিমার' এক নম্বর গেটের কাছে—তার পর বেতাই-তলা। বেতাইতলায় বাবা, মা, ছোট ভাই আবীর আর ঘোতনটা এখনও মা'র কাছেই থাকে। শীতের ভোরে ট্রেনগুলো গেলে সারাটা বাড়ী যেন আরও বেশী করে কেঁপে ওঠে। বাবলুর হাসি পায়। আবীর যখন এসে থাকবে তখন হয়ত ভয়েই কাঁঠ হয়ে যাবে! সারাটা বাড়ীতে অনেক লোকজন। তবু? বাবলু একা। তার সঙ্গী নেই, সাথী নেই। ঘোতনের জন্ত মনটা আরও বেশী খারাপ লাগে। এই ভোরে মাকে আঁকড়ে ধ'রে শুয়ে আছে। বাবলুও একদিন ছিল। ঘুম ভেঙে যায় প্রথমে। ঘুম ঘুম চোখে ঠাহর করতে পারে না। কোন্টা জানলা, কোন্টা দরজা সব কেমন গুলিয়ে যায়। তার পর ধীরে ধীরে সব চেতনা ফিরে আসে। আবার সব ঠিক হয়ে যায়। আজকাল ঠাকুমাকে আর ডাকতে হয় না। প্রথম প্রথম ঠাকুমাকে কি ডাকই না ডাকতে হ'ত! ঘুম কিছুতেই ছাড়তে চাইত না। স্থল কামাই হয়ে যেত। এখন ঘড়িতে এলার্ম বাজবার আগেই উঠে পড়ে। ঘরে কড়িকাঠের কাঁকে চুই পাখীটা বাবলুকে চিনে কেলেছে। খুট করে আওয়াজ হওয়ার সঙ্গে সঙ্গে চিড়িক চিড়িক করে ডেকে ওঠে। কালো ডোরা-কাটা চড়াই পাখী। ওর জোড়াটা গরম কালে পাখার ব্রেড

লেগে মরেছিল। ঐ ডোরা-কাটা চুইটা ভোর না হতেই খুব জোরে ডাকে। ডাক শুনে কেঁদার কাঠের গোলা থেকে আর একটা পাখী ডেকে ওঠে। ফুচকে পাখীটা গলায় এত জোর পায় কোথায়? এইবার বাসগুলো গারাজ থেকে ছাড়ে। ট্যান্ডিগুলো স্টেশনের দিকে দৌড়ায়। প্রথম কে যাবে তারই খেলা শুরু হয়। বাট বছরের বুড়ো নারায়ণদার বাসটাকে বাবলুর ভাল লাগে। হ্যাঁ, বাবলু এই ভোরেই বাসের হর্ণ শুনে বাস চিনতে ভুল করে না। ঠাকুমা কেমন পা-টা ঘষে ঘষে চলেন। কোন কাকা ধূপ-ধাপ করে চলে। এ-সব বাবলুর জানা। নারায়ণদা বাসের কন্ডাক্টর, তবু তার মাঝে একটা মানুষকে বাবলু খুঁজে পায়। কেউ ওকে আপনি বলে না এক নারায়ণদা ছাড়া। বাসে উঠলে কত গল্প। বাসের কাঁচে লাল রঙে কত কবিতা।

পরে জেনেছিল বাবলু—ওটা নারায়ণদার ছেলে লিখেছে। কি সুন্দর সুন্দর কথা। একটা দেবদারু গাছের কাঁকে মাটির ঘর, ঐ ঘরেই নারায়ণদা থাকে। নারায়ণদাকে ভাল লাগার সঙ্গে সঙ্গে সবকিছু ভাল লাগে। ভাল লাগে নাতনীটিকে। মুখ দিয়ে কথা ফোটে নি। তবু বোনের কোলে চেপে দেবদারু তলায় দাঁড়িয়ে থাকে। হাতটা নেড়ে দাড়কে কাছে ডাকে। মাথাটা হেলে-হলে ওঠে।

খাকী শার্ট-পরা শীতে হিহি-করা মানুষটাকে দেখলে বাবলুর দুঃখ লাগে। ঠাকুমাকে খুব ভোরে উঠতে হয়। কাকাদের ভোরে চাকরি। মশারিটা তুলে বিছানার বাইরে বসেন। কানে কম শোনেন। সাপের ফণার মত হাতের চেটোটা কানের পাশে মেলে ধরেন। ঘড়ির দিকে চেয়ে থাকেন। তার পর পাঁচটা বাজার সঙ্গে সঙ্গে উঠে পড়েন।

আর ঠিক সেই সময় ময়দানের চার্চ থেকে একটা ঘণ্টা বেজে ওঠে। একটা মিষ্টি সুর তুলে একটানা বেজে চলে। বাবলু শুনে শুনে যীশুর কথা ভাবে। ব্যাণ্ডেল চার্চের পাদ্রীর মুখটা বাবলুর খুব ভাল লাগে। যীশুর ছবি দেখলে বাবলুর চোখে জল আসে। ক্রুশবিদ্ধ মুখে থাকে এক স্বর্গীয় হাসি। হাসির কথা মনে হলেই বাবলুর

মুখটা গম্ভীর হয়ে যায়। যাঁতর কথা, মা মেরীর কথা মনে পড়বার সঙ্গে সঙ্গে বাবলুর আর একটা ছবি মনে পড়ে। সেখানে যীত নেই—মা মেরীও নেই। সব কোথায় উধাও হয়ে যায়। তার বদলে ঘোতন আর মা'র কথা মনে পড়ে। কখন ওরা এসে ভিড় জমায় আবার কখন চলে যায় ঠিক থাকে না। শিবপুরে বাবা নিশ্চয় ঘুম থেকে উঠলেন। হিটারটা জ্বলে চায়ের জল চাপালেন। এ সব বাবলুর মুখস্থ। চা খেয়ে টেবিল ল্যাম্পের স্পষ্ট আলোর বই পড়া শুরু করবেন। সব কাজ বাবার ছকে বাঁধা। বড় হলে সেও বাবার মত হবে।

ঠাকুমা উঠে যাওয়ার পরই বাবলুর পালা। প্যান্টটা ছেড়ে ছোট একটা চাদর মুড়ি দিয়ে বাথরুমে যাবে। বাবার আগে চটকলের চড়া বাঁশীটা বাজবে। ঐ বাঁশী তুললে ওর মনে ভরসা জাগে। না, সারা পৃথিবীতে তার চেয়েও ভোরে ওঠা লোক আছে। এই বোধটা আসার সঙ্গে সঙ্গে ভোরে ওঠার কষ্টকে আর কষ্টই মনে হয় না। সে সবে ঘুম থেকে উঠছে। আর শ্রমিকদের কাজ শুরু হ'ল। পুকুরের ওপারে কচি কলাপাতা-গুলোর দিকে বাবলু চেয়ে থাকে। আলো প'ড়ে পাতার ডগাগুলো বেশ চিক চিক করছে। চিরুনি কলাপাতাগুলো ঠিক চিরুণীর মত হয়ে গেছে। ঠাকুমা কয়লার চুপড়িটা নিয়ে এবার রান্না ঘরে ঢুকলেন। এ সব বাবলুর হিসাব আছে। ঘুঁটের আঙুনগুলো যখন গনগনে হবে, ঠিক তখনই ঠাকুমা কয়লার চুপড়িটা উজাড় করে দেবেন, প্রথমে সাদাটে ধোঁয়া উঠবে—তার পর ধোঁয়াটা গাঢ় হবে। শেষে গমকে গমকে কালো ধোঁয়া রান্নাঘরকে ঘিরে ফেলবে। সাধ্য কার ওখানে থাকে। বাবলু যখন হাত-মুখ ধুতে যাবে, ঠিক বন্ধুর মত ভারী ধোঁয়ার একটা অংশ ওকে ঘিরে ধরবে। বন্ধু, তোমার দেরি কত! এই সাদর সম্ভাষণ জানিয়ে ধোঁয়া আকাশের সঙ্গী হবে। ঠিক এই মুহূর্তে বাবলুর সঙ্গীহারা জীবনকে বড় একঘেয়ে লাগবে।

বাড়ীর ধোঁয়াটাও তার দুঃখ বোঝে—কিন্তু আর কেউ বোঝে না কেন?

নিজের বাড়ীর ধোঁয়াতে দম বন্ধ হয় না। কিছুই মনে হয় না। তাই যখন দেখে ঘর ধোঁয়ায় ছেয়ে গেছে, মন চায় না, তবু ধোঁয়াকে কষ্ট দেবার জন্ত জানলা-দরজা বন্ধ করে দিতে হয়। মশারিটা না হ'লে কালো হয়ে যাবে। ধোঁয়া কমবার পর জানলাটা ঝাঁক করে শেষ রাতের তারাকে দপ দপ

করে জ্বলতে দেখবে। নিঃসঙ্গ তারাটাকে বাবলুর পছন্দ। শিবপুর থেকেও ঐ তারাটা দেখা যায়। এখানকার গঙ্গাকে ওখানে দেখা যায়। এখানকার চাঁদকে ওখানে। আমবারুণির দিন, কিংবা পালা-পার্বণে গঙ্গাম্বানে গেলে বাবলুর মনটা আরও খারাপ হয়ে যায়। ঠাকুমা বাবলুর গম্ভীর মুখ দেখে বুঝতে পারেন না বাবলুর মনের কথা। এ গঙ্গায় দাঁড়ালে শিবপুরের গঙ্গার কথা মনে পড়ে। শিবপুরের ষ্টীয়ারঘাটটার জন্ত মন কেমন করে। বাবা তিন জনকে সাইকেলে চাপিয়ে ছুটির দিন ষ্টীয়ার ঘাটে বেড়াতে আসেন। আহা! কত আনন্দ না পাওয়া যায়। গঙ্গায় ভেসে-যাওয়া খুঁড়র নৌকো দেখে মন চলে যায় অনেক দূরে। বাবা চিনে বাদাম খান। চিনে বাদাম খেতে বাবার খুব ভাল লাগে। বাবার পেটের যন্ত্রণা হয়, ডাক্তার বারণ করেন, তবু বাবা ঐ সব জিনিষ খান। আর বাবলুরা? তিন জনে দুর্গা পাণীর দোকান থেকে কোকাকোলা খায়। ঘোতনটা এখনও 'ধুঁ'তে খেতে পারে না। বিষম খায়। নাক দিয়ে জল বেরিয়ে আসে। আবীরটা খুব চালাক। দুর্গা পাণীর চায়ের গ্লাসটা গরম জলে ধুয়ে নেয়। সন্ধ্যা ঘনিয়ে আসে। নৌকোর ছই-এর মধ্যে আলো জ্বলে। একটা লোক বাঁশের আগায় একটা হুক লাগিয়ে রাস্তায় আলোগুলো জ্বলে দেয়। আকাশের বুকে তারার মেলা বসে। ঐ সময় বাবলুর মনটা কেঁদে ওঠে। এবার কেঁরার পালা। আবীর আর ঘোতনকে নামিয়ে দিতে হবে শিবপুরের বাড়ীতে। ওখান থেকে বাবার সঙ্গে ঠাকুমার কাছে। কত আর দূর! তবু সন্ধ্যার আবছা অন্ধকারে তুলসীতলা থেকে মা যখন প্রণাম সেয়ে উঠে আসেন ঠিক তখনই বাবলুর মনটা হ-হ করে। ঘোতন আর আবীর দাদার মুখের দিকে তাকাতে পারে না। এ দুঃখ কে বুঝবে? গলার কাছে কি একটা ঠেলে ওঠে। মনে হয় বাবলুর কত কি! আবার রাস্তায় গুম হয়ে চলা। সাইকেলের ঘটি বাজাতে বাজাতে আসা। সারাটা রাস্তাকে মনে হয় কত বড়। রাস্তাই ফুরোয় না। আর শনিবার! রাতে খেলা শুরু করতে না করতে ঘোতনের চোখে ঘুম জড়িয়ে আসে, আবীর ঘন ঘন হাই তুলবে। সন্ধ্যাবেলা দাদার প্রতীকার থাকতে আবীর আর বাবলুর কি ভালই লাগে। রকের ওপর ছ' ভাই পথ চেয়ে বসে থাকে। কখন দাদা আসবে। মাকে বার বার জিজ্ঞেস করে দাদার কথা। শেষে সন্ধ্যা যত ঘনিয়ে আসে ততই ওরা আনচান করে। সাইকেলের ঘটি তুললেই চমকে ওঠে। ও বাড়ীর

কেলুর ওপর আবার আর ঘোড়নের খুব রাগ। কেলু এক নাগাড়ে সাইকেলের ঘটি বাজায়।

গঙ্গান্নানের পর পাণ্ডা বাবলুর সারাটা মুখে চন্দনের ছোপ দেয়। ভিজে গামছাটা পাট করে মাথার ওপর দিলেই, বাবলুর চলার গতিটা ঠাকুমা বুঝতে পারেন। সমান তালে ঠাকুমা চলতে পারেন না। কোমরটা টনটন করে ওঠে। পা-টা এদিক-ওদিকে হেলে পড়ে। তবু বাবলুর চলা চাই। ময়রার দোকানে এসে বাবলুর গতি ধামে। ঠাকুমা বুঝতে পারেন। দানাদার একটা চাই।

পূর্ণিমার চাঁদকে দেখলে বাবলুর মা'র কথা মনে পড়ে। শিবপুরের দাওয়ার বসে মা তাকে চাঁদ মামার গল্প বলতেন। সে নাকি বাঁ হাতটা নেড়ে চাঁদকে ডাকত। সে যখন মা'র পেটে ছিল তখন ঠাকুমা তার মাকে চাঁদ-দেখান জল খাওয়াতেন রোজ। যাতে চাঁদের মত সুন্দর হেলে হয়। বাবলুর মুখটাও নাকি সুন্দর। সবাই বলে। বাবলুর এখন অনেক চিন্তা। ইঁহুরকে দাঁত দিয়ে কত মিনতি করেছিল। কিন্তু তার দাঁতটা বড়ই হয়ে যাচ্ছে।

তার পর বাড়ী। ঠাকুমার কাছে এসে মনটা খুব দমে যায়। সারাটা বাড়ী কাঁকা। কাকারা বাইরে। একা একা থাকতে ভাল লাগে না, চোখের জল বাধা মানে না। দেখতে দেখতে রাত ঘনিষে আসে। শুয়ে পড়ে। ঠাকুমার পাশে শুয়ে ঘুম আসে না। এপাশ-ওপাশ করে। ঘন ঘন জল খায়। তার পর এক কাঁকে ঘুমিয়ে পড়ে। আবার ভোর হয়। এমনি করে অনেক সোমবার এল। অনেক সোমবার ভোরে বাবলু উঠল।

ঘুম থেকে উঠেই ঠাকুমা ঠাকুর-দেবতার নাম নেবেন। টিউব-ওয়েলে জল তোলবার জন্ত ভারী আসবে। জল তুলতে তুলতে ভারীর হাতটা টন টন করবে। জলটা আর হস হস করে আসবে না। একটু বিরাম। তার পর আবার ক্যাচ-ক্যাচ শব্দ। ঠাকুমা বাধক্রমে স্নান সুরু করবেন। ঠাকুমার ঠোঁটটা শীতে কাঁপবে। ঠাকুরদের নামগুলো জড়িয়ে যাবে। তার পর ঘরে আসবেন। পাটের কাপড়টা প'রে গোপালের ভোগ চড়াবেন। গোপালকে দিয়ে তার পর সেই ভোগ সবাই খাবে। গোপালের সামনে বসে ঠাকুমা অঝোরে কাঁদেন। ঠিক ঐ সময় লেপটা হটিয়ে দিয়ে বাবলু আসন-পিঁড়ি হয়ে অন্ধকারে সবার অপোচরে

মশারির মধ্যে তার ভগবানকে ডাকে। শিবপুরের জন্ত প্রার্থনা করে—পরীকার পাশের কথা জানায়, ইঁহুলের পাশে পা-ডাঙ্গা কুকুরটার জন্ত মিনতি জানায়। আর অঙ্কের মাষ্টারমশাইকে ভাল লাগে না। বড় নিঁহুর! বাবলু ইঁহুরের কাছে মাষ্টারের স্মৃতি প্রার্থনা করে। রুথ মাধববাবুর জন্ত চোখে জল আসে। প্রার্থনার কাঁকে কাঁকে লক্ষ্য করে, ঠাকুমা কেমন কেঁপে ওঠে। গায়ের চামড়াগুলো কেমন কঁচকে যায়। লোল চামড়ার কাঁকে জমে-থাকা জলগুলো কেমন আলো প'ড়ে চিক চিক করে। ঠিক এমনি সময় রাগাঘরে কয়লা কাটার ফটাফট শব্দ আসে। বাবলু বলে, কয়লারা যুদ্ধ করছে। থেকে থেকে গনগনে আশুন জলে। বাবলু চুপচাপ চোখ বুজে শুয়ে থাকবে। ঠাকুমার পা-ঘষার শব্দ আসবে। তার পর বাবলুর ঘুম যাবে ভেঙে। জাগা ঘুম ভাঙতে দেরিই হয়। এই সময় বাবলুর আপন খেলার সংসারটা দেখবার সময়। চায়ের প্যাকেট। সিগারেট খোলার রাংতা। এক কাঁকে উঠে পাশের ঘরের দরজার ফুটো দিয়ে বাঁ-চোখটা রেখে ছোট কাকাকে দেখে। চাকরি করছিল, বেশ ছিল। বোনাস পেয়ে বাবলুকে কত কি না কিনে দিয়েছিল। সেই ছোট কাকা পাগল হয়ে গেল। সার্কাস দেখিয়েছিল, চিড়িয়াখানা দেখিয়েছিল। রাঁচি থেকে ওরা কিরিয়ে দিয়েছেন। ছোট কাকার কোলের ওপর অনেকগুলো বেড়াল শুয়ে থাকে। সব সময়। ছোট কাকাকে কার-খানার লোকেরা পাগল করে দিল। শুদ্ধঘরের ছেলেদের ওপর কারিগরদের হিংসা। বাবলু ভেবে পায় না। মানুষগুলো কেন এত ছোট হয়। কত কথাই বলত ছোট কাকা। বাবলু হয়ত বুঝত, কতক বুঝত না। তিন তিন বার স্কুল কাইনাল ফেল করল ছোট কাকা। বড় হবার শখ ছিল। গায়ের মধ্যে একটা শির শির করা ছুঁখ চলাফেরা করে। ছোট কাকা ঘুমোয়। এইবার ভগবান্ রামকৃষ্ণের কাছে হাত জোড় করে প্রার্থনা জানায়। আর ভাবতে পারে না। মাথার মধ্যে সব যেন জট পাকিয়ে যায়। আড়মোড়া ভাঙ্গে। যেন কতই না ঘুরে ডুবে ছিল! প্যান্ট পরা, জামা পরা, ওর মধ্যে মাফলারটাও জড়াতে হবে। 'সান-প্রটেকট' টুপিটাও পরতে হবে। ছেলেদের কাছে বাহাছুরি নিতে হবে। একটু 'হালুয়া' কিংবা চিড়ে ভেজান থাকে। ইঁহুলে যাবার মুখেই ন' কাকার ঘর। সারাটা দিনের মধ্যে দশ মিনিটের জন্ত ন' কাকার দেখা পায়। পরিষদের মিটিং, কারখানার চাকুরি, আর রাত জেগে গল্প লেখা।



এইত ন' কাকার কাজ, বাবলুর জলখাওয়া শেষ হবার সঙ্গে সঙ্গে ন' কাকা যেন হাতগুণে জানতে পারেন। 'এই ছোকরে' বলে চেঁচাবেন, বাবলুও এই ডাকটার জন্ত সজাগ হয়ে থাকে। ন' কাকার বিয়ে হবে পঁচিশে বৈশাখ, বড়িবা বড় বাড়ীতে। আশীর্বাদের দিন কাকীমাকে বাবলু দেখে এসেছে। কাকীমা বাবলুকে কোলে নিয়েছে। আর বাবলু অবাকু বিস্ময়ে কাকীমার চোখ দুটোর দিকে দেখেছে। কি সুন্দর চোখ। ভাল লেগেছে কাকীমাকে। আবার মন খারাপ হয়ে গেছে। কাকীমার এই ছোট বাড়ীতে কষ্ট হবে। ইস্কুলের দেরি হবে। ন' কাকা একবার বাবলুর দিকে কটমট করে দেখবেন। জুতো, জামা, কোটগুলো ঠিক করে দেবেন, এই সময় ন' কাকা বাবলুর মুখে নিগিঙ্ক ডিম আধখানা ফেলে দেন। ঠাকুমাকে লুকিয়ে। ন' কাকার ধরে হিটার। বন্ধুদের চা, ডিমভাজা বেশ চলে। বড় হলে বাবলুও একটা হিটার কিনবে। এইবার প্রার্থনা সংগীত গাইতে হবে।

"ভগবান্ রোজ তুমি একটা করে ডিম জোগাও,  
রাতে মাঝে মাঝে একদিন দিওগো পোলাও"

বাবলু হাসে আর খায়। ন' কাকার ঈশ্বর খাওয়ার ঈশ্বর। গান শেষ হবার সঙ্গে ন' কাকা হকার ছাড়েন। বাবলুও ছুটে ইস্কুলে পালায়।

সেবারের কথা। কোন আশীর্ষ মারা গেলেন। কাকাদের একমুখ দাড়ি মাথায় রুক্ষ চুল। বাবলু খুরে-ফিরে কাকাদের দেখত আর ভাবত, কেন এমন হয়। রোজ সন্ধ্যাবেলায় ঠাকুমাকে জিজ্ঞাসা করত, মাহুশ ম'রে যায় কোথায়। ঠাকুমার ভাসা ভাসা উত্তরে বাবলুর মন ভরত না। তখন আকাশের দিকে চেয়ে উত্তর খুঁজত। একদিন এমনি ক'রে তাকিয়ে আছে। হঠাৎ সারাটা আকাশ ছেয়ে গেল। আচম্কা শিলাবৃষ্টি! কত আনন্দ! মুখে ঠাণ্ডা শিল পড়ার কি আনন্দ। বোতলে ভরল। কত বরফ, বাবলুর গলা ব্যথা হয়ে গেল। হঠাৎ বাবলুর মনে চিন্তা এল। এবার কিছুদিনের জন্ত মুক্তি। পরীক্ষার পর মা'র কাছে থাকবে। ছোট ভাইকে তিন চাকার সাইকেলে বসিয়ে খেলবে। বাবার সঙ্গে সন্ধ্যায় ঠান্ডার ঘাটে বেড়াতে বেরবে। মা'র কাছে গুয়ে গুয়ে বত খুশি রূপকথার গল্প। সারাটা বছরের মধ্যে এই প্রথম লজা ছুটি। পরীক্ষার পর অফুরন্ত সময়। সময় তাড়াতাড়ি কেটে যায়। •

বাবলুর পরীক্ষা হয়ে গেল। বাবাও নিতে এলেন।

এ কি নতুন কথা শুনেছে বাবার মুখ থেকে। এবার আবীর আসবে নাকি! ঠাকুমার কাছে থাকবে। বাবলু এতক্ষণ পোষা বেড়ালটার ল্যাজ ধ'রে ঘোরাচ্ছিল, পায়ে-গুলোকে অসময়ে গম ছড়িয়ে দিয়েছিল। রেডিওটা ঘুরিয়ে অজানা সেন্টার ধরেছিল। কেবল আনন্দ! ঠাকুমাকে জড়িয়ে ধরেছিল। কিন্তু এই মনটাই হঠাৎ গুম হয়ে গেল। কখন ভোর হবে এতক্ষণ এই চিন্তাই ছিল। এখন? কাঁটার মত বেঁধা একটা ব্যথা জাগছে মনে মনে। কারণটা বাবলু বুঝতে পারছে না। এত আনন্দ, আবার এত দুঃখ কেন?

রাত ঘনিয়ে এল। বাবা আর ঠাকুমার কত গল্প। বাবলুর চোখ ঘুমে জড়িয়ে ধরল, বাবা আর ঠাকুমার কথাগুলো যেন কোন্ দূর থেকে ভেসে আসছে। শেষে এক সময় ঘুমিয়ে পড়ল। শেষ রাতে ঘুম ভেঙে গেল। মশারিটা তুলে বাইরে এল। এতদিন এই জায়গাটাকে ভালবাসতে পারে নি। সবাই তাকে যেন পুরু রাজার মত বন্দী ক'রে রেখেছে। কত সময় ভেবেছে এখানে সুখ নেই, আনন্দ নেই, শিবপুরেই মুক্তি আছে। কিন্তু আজ বাবলুর চোখে জল কেন? সন্ধ্যার সে উৎসাহ কোথায় গেল। বাবার নাক ডাকছে, ন' কাকা লিখছে। শিবপুর থেকে আসবার দিন যেমন কেঁদেছিল—এ ত তেমনি কাণা! ঠাকুমা একলা গুয়ে আছেন। আজ সারাটা দিন একাদশীর উপবাস করেছেন। মুখটা শুকিয়ে গেছে। কতদিন আগে ঠাকুমার সিঁথিতে সিঁছর ছিল। ঠাকুমা শাড়ী পরতেন। ঠাকুমা কিছু ভোলবার জন্ত সারাটা দিন কয়লার গুঁড়ো দিয়ে গুল দেন। সাবান কাচেন। লক্ষ্মীপূজা, ইতুপূজা, সত্যনারায়ণ নিয়ে ভুলে আছেন। ঠাকুমা এখানে একা, তাই ঠাকুমা এখানে সম্পূর্ণ ঠাকুমা। কোন সঙ্গী নেই, সাথী নেই, ছোট কাকার জন্ত কাঁদছেন। তবু ঠাকুমার জয়-জয়কার। ঠাকুমার চিন্তা করতে করতে হঠাৎ আবীরের চিন্তাটা মনে ভেসে উঠল। এইবার বাবলু বুঝল আসল দুঃখের কারণটা। বাবলুর সুনাম ছড়িয়ে পড়েছিল। বাবলু ঠাকুমাকে আগলে রেখেছে। আর আজ? বাবলু চলে যাবে, আবীর এসে থাকবে। বাবলু পাঁচজনের সঙ্গে মিশে একটা হারিয়ে-যাওয়া বাবলু হয়ে যাবে। লোকে বলবে আবীরের কথা। ঠাকুমাকে সবাই নিতে আসে, ঠাকুমা যান না। ঠাকুমাকে তাই সবাই চেনে।

খুব ভোরবেলা বাবলু মনটা বেঁধে ফেলল। এখানেই থাকবে। ছুটিটা এখানে কাটাতে। বাবার কানে কিস

ফিস ক'রে জানাল। বাবা ঘুম ঘুম চোখে বুঝতে পারলেন না। ছেলেটা বলে কি।

বেলাতে বাবার ডাকে ঘুম ভাঙল না। ঠাকুমা আর বাবলু জড়াজড়ি করে উয়ে আছে। বাবলুর প্যাণ্টের

ফিতের সঙ্গে ঠাকুমার ধানের খুঁট বাঁধা। বাবা দেখলেন। সাইকেলের ঘটি বাজালেন। কিন্তু কোথায় কি? আজ মরুর বুকে বুঝি মেঘের ছায়া পড়েছে!

## “ভাবেজীর ভাবান্তর”

শ্রীজয়স্বামীজ বন্দ্যোপাধ্যায়

শ্রাবণ মাসের ‘প্রবাসীতে’ শ্রীনরেন্দ্র দেব ‘ভাবেজীর ভাবান্তর’ শীর্ষক প্রবন্ধে আচার্য বিনোবাবাব, তথা সর্বোদয় আন্দোলন সম্পর্কে যে সব মত প্রকাশ করেছেন, তা তাঁর একার নয়; বাংলার শিক্ষিত সমাজের বহু ব্যক্তিই এরকম মত পোষণ করেন। তাই এক অর্থে প্রবন্ধটি জনমত গঠনের সহায়ক হয়েছে। কিন্তু স্বাধীন বুদ্ধিজীবী হিসেবে শিক্ষামূলক দৃষ্টিকোণ থেকে সর্বোদয় আন্দোলনের গতি ও প্রকৃতি অনুধাবন করবার ফলে আমার ধারণা হয়েছে যে, শ্রীনরেন্দ্র দেবের বক্তব্যের প্রায় সম্পূর্ণই স্বল্পচিন্তা ও আক্রমণাত্মক মনোভাবের দ্বারা কলুষিত। বিশেষ করে বিনোবাজী ও সর্বোদয় সম্বন্ধে তিনি যে অশ্রদ্ধাসূচক ভাষা ও বাচনভঙ্গি ব্যবহার করেছেন, তা চিন্তাজগতে ভারতীয় আদর্শের সম্পূর্ণ বিরোধী। তাই জনমত গঠনের দিক থেকেই এ বিষয়ে একটি দ্বিতীয় মত প্রকাশিত হওয়া বাঞ্ছনীয়।

এ কথা আদৌ সত্য নয় যে, “একমাত্র এদেশের গ্রাম্য-পরিবেশে বর্ধিত, স্বল্পশিক্ষিত, প্রাচীনপন্থী এবং অলৌকিক শক্তিতে বিশ্বাসী ধর্মভীরু মানুষ ছাড়া আর কেউ বিনোবাজীর এই আন্দোলনকে এক কল্পনাবিলাসী রাজনৈতিক সাধুর দিবাস্বপ্ন ভেবে কোন আমলই দিতে চাইছেন না।” শ্রীতারশংকর বন্দ্যোপাধ্যায় ব্যতীত অপর কোন সাহিত্যিক সর্বোদয় আন্দোলনের সমর্থনে এগিয়ে আসেন নি, এও অসত্য। একটু খোঁজ-খবর নিলেই শ্রীনরেন্দ্র দেব জানতে পারতেন যে, বাংলা দেশের বহু উচ্চশিক্ষিত সাহিত্যিক, অধ্যাপক ও অগ্রাণু বুদ্ধিজীবীই সর্বোদয় আন্দোলনের প্রতি শুধু সহানুভূতি-সম্পন্নই নন, এ আন্দোলনকে সক্রিয়ভাবে সাহায্যও করে থাকেন। যথা—শ্রীপ্রমথনাথ বিশী, শ্রীঅন্নদাশংকর

রায় ও তাঁর স্ত্রী শ্রীলীলা রায়, ডঃ শশিভূষণ দাসগুপ্ত, শ্রীবিমল ঘোষ, শ্রীদক্ষিণারঞ্জন বসু, শ্রীপ্রমোদ মিত্র, শ্রীগজেন্দ্রকুমার মিত্র, শ্রীবিজয়লাল চট্টোপাধ্যায়, কাজী আবদুল ওরাইদ, শ্রীরতনমণি চট্টোপাধ্যায়, শ্রীনারায়ণ চৌধুরী ও আরো অনেকে। আর শ্রীনরেন্দ্র দেব এসব তথ্য জানেন না, এ কথাই বা বলি কি করে? সর্বোদয়ের বিভিন্ন পুস্তিকা ও পুরাণো ইস্তাহার প্রভৃতি ঘেঁটে দেখতে পাই যে, তিনি ও তাঁর স্ত্রী রাধারাণী দেবী অনেক বৎসর যাবৎ সর্বোদয় আন্দোলনের সঙ্গে সক্রিয় এবং ঘনিষ্ঠ ভাবে জড়িত। সহসা তাঁর প্রবন্ধটি প’ড়ে অনেক পাঠকই হত বিস্মিত হয়ে ভাবছেন, ভাবান্তর হয়েছে কার?

ব্যক্তিগত কথা বাদ দিয়ে শ্রীনরেন্দ্র দেবের মূল সমালোচনায় এলে দেখতে পাই যে, বাংলা দেশের অল্প অনেক শিক্ষিত লোকের মতই তিনি সর্বোদয় আন্দোলনের কেন্দ্রীয় এবং প্রান্তীয় আদর্শগুলির তারতম্য হৃদয়ঙ্গম করতে অসমর্থ হয়েছেন। উদাহরণ স্বরূপ ধরা যাক, অল্লীল পোষ্টারের বিরুদ্ধে বিনোবাজীর আন্দোলনের কথা। লেখক বলেছেন, “ভারতীয় যুবকদের নৈতিক চরিত্ররক্ষার কত সহজ উপায়ই না তিনি উদ্ভাবন করেছেন, ভেবে বিস্মিত হতে হয়।” প্রকৃতপক্ষে কিন্তু বিনোবাজী কখনও একথা বলেন নি যে, ভারতীয় যুবকদের নৈতিক চরিত্র রক্ষার জন্তে তিনি অল্লীল পোষ্টারের বিরুদ্ধে আন্দোলন করেছেন। তাঁর সহজ বক্তব্য হচ্ছে এই যে, মানুষের জীবনের পবিত্র দিক-গুলিকে কুৎসিত আকারে পথে-ঘাটে লোকের চোখের সামনে তুলে ধরা অসঙ্গত। স্ত্রী-পুরুষের যৌন জীবন পবিত্র, নারীদেহের সৌন্দর্যও পবিত্র। ভারতীয় আদর্শে

উত্তরেরই অতি উচ্চ স্থান আছে। কিন্তু গ্রী-পুরুষের যৌন সম্পর্কে কিংবা নারীদেহকে বিকৃত রূপ দিয়ে জন সমক্ষে তুলে ধরা প্রাচ্য কি পাশ্চাত্য, কোন সভ্যতারই আদর্শ হতে পারে না। এই আদর্শই বিনোবাজী প্রচার করছেন; শুধু অশ্লীল পোষ্ঠার অপসারিত করে জন-সাধারণের নৈতিক উন্নতিসাধন করবার চেষ্টা করার মত শিও তিনি নন। দ্বিতীয়তঃ অশ্লীল পোষ্ঠার আন্দোলন অনেকখানি বিনোবাজীর ব্যক্তিগত আন্দোলন। সর্বোদয়ের সঙ্গে সংশ্লিষ্ট সকলেই এই আন্দোলনে যোগ দিয়েছেন, এমন নয়। যারা এর কোন বিশেষ গুণ দেখতে পান না, তাঁরা অন্ততঃ সমগ্র সর্বোদয় আন্দোলনকে আক্রমণ না করলেও পারেন।

আরেকটি মূলতঃ ব্যক্তিগত মতের জন্ত লেখক বিনোবাজীর উপর জেহাদ ঘোষণা করেছেন। সে হচ্ছে জন্ম-নিয়ন্ত্রণ। গান্ধীজীর মত বিনোবাজীও জন্ম-নিয়ন্ত্রণ অপেক্ষা যৌন সংযমেরই অধিক পক্ষপাতী। পৃথিবীর সব দেশেই এ বিষয়ে বিভিন্ন মত আছে। সাধারণ মানুষের পক্ষে যৌন সংযম পালন করা প্রকৃতই কষ্টসাধ্য। কিন্তু নৈতিক আদর্শ হিসেবে বোধ হয় পৃথিবীর সব সভ্য মানুষই যৌন সংযমকে মেনে নেয়। সবচেয়ে বড় কথা হচ্ছে যে, বিনোবাজী কিংবা সর্বোদয়ের অপর নেতারা এ নিয়ে কোন আন্দোলন শুরু করেন নি, এবং শ্রীনরেন্দ্র দেবের মত ভিন্নমতাবলম্বীদের আক্রমণও করেন না।

\*অনুরূপ আরেকটি বিষয় হচ্ছে বাংলা ও বাঙালীর প্রতি বিনোবাজীর মনোভাব। বাংলা দেশের বিভিন্ন সংবাদপত্রে, আসামে বিনোবাজীর বক্তৃতার যে সংস্করণ প্রকাশিত হয়েছিল, তার বিরুদ্ধে তিনি প্রতিবাদ জানিয়েছেন এবং সে প্রতিবাদ সংবাদপত্রে ছাপাও হয়েছে। কিন্তু তথাপি শ্রীনরেন্দ্র দেব ভুল সংবাদকে ভিত্তি করে বিনোবাজীর বিরুদ্ধে অপপ্রচারে প্রবৃত্ত হয়েছেন। জীবনের ব্রত হিসেবে বিনোবাজী যে মানব-প্রেম ও মানবসেবা বেছে নিয়েছেন, তাতে যদি লেখক সন্দেহ না হন, তবে বিনোবাজীর বিভিন্ন রচনা ও ভাষণ পাঠ করলেই তিনি জানতে পারতেন যে, বাঙালীর প্রতি তাঁর গভীর সহানুভূতি ও মমত্ববোধ রয়েছে।

এবারে মূল বিষয়গুলিতে আসা যাক। লেখক সর্বোদয়ের নেতাদের সম্বন্ধে বিভিন্ন তাচ্ছিল্যসূচক মন্তব্য করে বলেছেন যে, "ভূদানের ফলে এক নূতন ভূস্বামী সম্প্রদায়েরই সৃষ্টি হচ্ছে। তাঁর এ বক্তব্য থেকে মনে হয় যে, অনেক বৎসর সর্বোদয় আন্দোলনের সঙ্গে

জড়িত থাকা সত্ত্বেও তিনি এর মূল লক্ষ্যগুলিই বুঝতে পারেন নি। জমির মালিকানা বিলোপ করে গ্রামের জমিতে সমস্ত গ্রামবাসীর সার্বজনীন মালিকানা প্রতিষ্ঠিত করাই সর্বোদয়ের উদ্দেশ্য। ভূদান এ আন্দোলনের প্রথম সোপান মাত্র। ভূদান আন্দোলন অগ্রসর হতে হতে গ্রামের অধিকাংশ জমির দান সমাপ্ত হ'লে তাকে তখন গ্রামদান বলা হয়। এরকম গ্রামে পরিবারের আকার অমুযায়ী সকলের মধ্যে সমানভাবে শস্য বণ্টন করা হয়, সার্বজনীন মালিকানায় বিভিন্ন প্রকার ছোট শিল্প নির্মাণ করে অর্থনৈতিক স্বাবলম্বন ও উন্নতির ভিত্তি স্থাপন করা হয়, নিরবচ্ছিন্ন প্রচার ও আচারের ফলে জাতিভেদ, বর্ণভেদ লোপ পায়, এবং শিক্ষা, স্বাস্থ্য প্রভৃতি বিষয়ে সর্বজন-নিয়ন্ত্রিত সমাজ-কল্যাণ ব্যবস্থা প্রতিষ্ঠিত করা হয়। বিহার, রাজস্থান, মাদ্রাজ প্রভৃতি বিভিন্ন প্রদেশে এরূপ অনেক আদর্শ গ্রাম গঠিত হয়েছে। পশ্চিমবঙ্গেও ২৬টি গ্রামদান হয়েছে। সবগুলো গ্রামে সমান কাজ হয় নি, কিন্তু এ গ্রামগুলি পর্যটন করলে যে কোন নিরপেক্ষ ও মুক্তমনা ব্যক্তিই মুগ্ধ হবেন।

শ্রীনরেন্দ্র দেবের সুচিন্তিত অভিমত যে, বিনোবাজী নাকি উচ্চশিক্ষার বিরোধী এবং দেশসুদ্ধ লোককে কারিগর বানাবার পক্ষপাতী। আর এর ফলে নাকি এ দেশের সংস্কৃতি জাহান্নমে যাবে, এবং এ দেশ অগ্রাগ্র দেশের চেয়ে বিভিন্ন দিকে আরো পিছিয়ে পড়বে। কিন্তু উচ্চশিক্ষার বিরোধী হতে গেলে যে ক্ষুদ্র মন থাকবার প্রয়োজন, তা বিনোবাজীর নেই। তিনি যা বলেছেন তা এদেশের এবং অগ্র অনেক দেশের চিন্তাশীল ব্যক্তিদের সুচিন্তিত অভিমত, আর তা হচ্ছে এই যে, এদেশের মত জনসমস্যাভারাক্রান্ত দেশে রচনামূলক যুগে সকলেই সাধারণ উচ্চশিক্ষার জন্তে উন্মুখ হয়ে উঠলে দেশের দ্রুত শিল্পায়ন ত ব্যাহত হবেই, উপরন্তু বেকারের সংখ্যা ক্রমেই বেড়ে যাবে। তাই সাধারণ উচ্চশিক্ষার ক্ষেত্রে যাদের স্বাভাবিক আকর্ষণ ও প্রতিভা আছে, তাদের বাদ দিয়ে আর সকলকে কারিগরি শিক্ষা লাভেরই চেষ্টা করা উচিত। এ দেশের আর্থিক উন্নতি ও বেকার সমস্যা নিয়ে যারা বিন্দুমাত্রও চিন্তা করেছেন, তাঁরাই জানেন যে, এ ছাড়া গত্যন্তর নেই। অর্থনীতির সাধারণ ছাত্রও জানেন যে, জাপান, সোভিয়েৎ ইউনিয়ন প্রভৃতি দেশে সাধারণ উচ্চশিক্ষার পবিবর্তে কারিগরি শিক্ষার দ্রুত সম্প্রসারণের ফলেই ন্যূনতম সময়ে শিল্পায়ন সম্ভব হয়েছে। এখানে বলা প্রয়োজন

যে, বিনোবাজী কিংবা সর্বোদয়ের অপর কোন নেতা শিল্পায়নের বিরোধী নন। বিভিন্ন রাজনৈতিক ও অর্থনৈতিক কারণে তাঁরা শুধু শিল্পের বিকেন্দ্রীকরণের পক্ষপাতী।

শ্রীনরেন্দ্র দেব এই বলে বিনোবাজীর বিরুদ্ধে দায়িত্ব-জ্ঞানহীনতার অভিযোগ এনেছেন যে, বিনোবাজী নাকি সৈন্যবাহিনীকে বিদায় করে দিয়ে শান্তিসেনার হাতে প্রতিরক্ষার ভার অর্পণ করতে বলেছেন। প্রকৃতপক্ষে বিনোবাজী কিংবা অল্প কোন সর্বোদয় নেতা এরকম কিছুই বলেন নি। গান্ধীজী বলতেন যে, কোন দেশের সব লোক যদি সত্যিকারের অহিংস অসহযোগ শিখতে পারে, তবে কোন বহিঃশত্রুর পক্ষে সে দেশ স্বায়ীভাবে শাসন করা কিংবা অধিকার করে থাকা সম্ভব নয়। ফলে কোন প্রকৃত অহিংস জাতি সশস্ত্র সেনাবাহিনীর সাহায্য ছাড়াই বিদেশী শত্রুকে সে দেশ থেকে পালাতে বাধ্য করতে পারে। গান্ধীজী নিজেও কখনও বর্তমানে সৈন্যবাহিনীকে ছুটি দিতে বলেন নি; কাশ্মীরে ভারতীয় সৈন্যবাহিনীর পাল্টা আক্রমণ তিনি সম্পূর্ণ সমর্থন করেছিলেন। বিনোবাজীও নিজের মনে অনাগত দিনের সোনার স্বপ্ন দেখেন মাত্র। তাঁর মতে পৃথিবীর সব দেশের লোক যদি প্রথমে শান্তিসেনাজাতীয় স্বৈচ্ছাসেবক বাহিনীর সাহায্যে আভ্যন্তরীণ সব সমস্যার সমাধান করতে শেখে, তবে ক্রমশঃ প্রতিরক্ষার জন্ত আর সৈন্যবাহিনীর প্রয়োজন হবে না, কারণ অহিংস উপায়েই আন্তর্জাতিক সমস্যাসমূহেরও সমাধান হবে। বিনোবাজী একথা কখনও বলেন নি যে, বর্তমান অবস্থায় ভারতের পক্ষে সৈন্যবাহিনী তুলে দিয়ে অহিংসভাবে পাকিস্তান কিংবা চীনদেশের সম্ভাব্য আক্রমণ রোধ করবার জন্ত সচেষ্ট হওয়া উচিত।

শান্তিসেনার প্রসঙ্গে লেখক প্রশ্ন তুলেছেন, শান্তি-প্রিয় স্বৈচ্ছাসেবকদের বিনোবাজী 'সেনা' আখ্যা দিলেন কেন? আর নিজেই উত্তর দিয়েছেন, "তাঁর মধ্যে মহারাষ্ট্র-শোণিত প্রবাহিত। আজ মসিজীবী হলেও একদা তাঁরা অসিজীবীই ছিলেন। তাই শান্তির ক্ষেত্রেও তাঁরা 'সৈনিক' সংজ্ঞাটাই পছন্দ করেন বেশী।" এ ধরনের ব্যাখ্যার গুণাগুণ বিচার করবার প্রবৃত্তি সকলের হয় না। কিন্তু একথা লেখকের জানা উচিত ছিল যে, কেউ হিংসাত্মক কার্যকলাপে লিপ্ত হলেই তাকে সৈন্য আখ্যা দেওয়া হয় না। সৈন্তের বিশেষ গুণ হচ্ছে যে,

সে দেশকে বিদেশী শাসন থেকে মুক্ত রাখবার জন্ত আত্মবলি দিতে সর্বদা প্রস্তুত। সেরূপ দেশকে শোষণ ও আত্মকলহ থেকে মুক্ত রাখবার জন্ত বারং বারং আত্মাহুতি দিতে প্রস্তুত হবেন, তাঁদের বলা হবে শান্তিসেনা।

শ্রীনরেন্দ্র দেব বলেছেন যে, সর্বোদয় আন্দোলন 'অতি মানবীয়'। তিনি প্রমাণ করবার চেষ্টা করেছেন যে, সত্য, প্রেম ও মৈত্রীর বাণী যুগ-যুগান্তর ধরে পৃথিবীতে ব্যর্থ হয়েছে। তাই সর্বোদয় আন্দোলনও ব্যর্থ হতে বাধ্য। একথা সত্য যে, ইতিহাসের আদিপর্ব থেকে দানবের দুর্জয় প্রতাপ দমনের উদ্দেশ্যে যুগে যুগে যে দেবতার মন্ত্র উচ্চারিত হয়েছে, তা কখনও সম্পূর্ণ সফল হয় নি। কিন্তু উন্মাদ ছাড়া কেউ প্রচার করবেন না যে, অসত্য, ঘৃণা ও কলহের মধ্যেই মানবজাতির ভবিষ্যৎ-মংগল নিহিত। সমস্যার কঠিনতার বিচলিত হয়ে একমাত্র দুর্বলচরিত্র ব্যক্তিরাই আদর্শ পরিত্যাগ করে থাকে। আর যিনি মহান্, তিনি দৃপ্তকণ্ঠে এই অভয়-বাণীই ঘোষণা করেন, 'সত্য যে কঠিন, তাই কঠিনেরে ভালোবাসিলাম—সে কখনও করে না বকুনা।' শ্রীনরেন্দ্র দেব বিনোবাজীকে উপহাস করেছেন, কারণ বিনোবাজী ভিক্ষাপাত্র নিয়ে এক জনপদ থেকে অল্প জনপদে ছুটে চলেছেন পদত্রজে। লেখকের মতে "দীর্ঘ অভ্যাসের ফলে বিনোবাজীর পদযাত্রাটা এখন ব্যসনে দাঁড়িয়ে গেছে। ওঁর পদযাত্রা যদি আজ বন্ধ করে দেওয়া হয়, উনি নিঃসন্দেহে অসুস্থ হয়ে পড়বেন।" একথা দ্রব সত্য। অপর পক্ষে শ্রীনরেন্দ্র দেবের মত বাদেদের জীবন 'অল অবরোধে আবদ্ধ' হয়ে আছে, তাঁরা হয়ত হাঁটতে চেষ্টা করলেই অসুস্থ হয়ে পড়বেন। বিশ্বমানবের প্রেমে উন্মত্ত বহু ভিক্ষুকই যুগ-যুগান্তর ধরে 'জনতার মাঝখানে' নেমে এসে পথকে সম্বল করেছেন—

"তারি লাগি

রাজপুত্র পরিয়াছে জীর্ণ কছা, বিষয়ে বিরাগী  
পথের ভিক্ষুক। মহাপ্রাণ সহিয়াছে পলে পলে  
সংসারের ক্ষুদ্র উৎপীড়ন, বিধিয়াছে পদতলে  
প্রত্যাহের কুশাংকুর, করিয়াছে তারে অবিশ্বাস  
মৃত বিজ্ঞজনে, প্রিয়জন করিয়াছে পরিহাস  
অতিপরিচিত অবজ্ঞায়—গেছে সে করিয়া কমা  
নীর্বে করুণনেত্রে, অন্তরে বহিয়া নিরুপমা  
সৌন্দর্য প্রতিমা।"



# রঙ্গমল্লী

শ্রীসীতা দেবী

৩

গরমটা বেশ ভালভাবে জানান দিতেছে। পূর্ণিমার আজকাল রাস্তাঘাটে কষ্ট হয়। ট্রাম-বাসেও কষ্ট, হাঁটিতেও কষ্ট। অনেক দিনই সে কষ্ট সহ্য করিতেছে, কিন্তু শরীর তাহার স্কুমারই থাকিয়া গিয়াছে।

শনিবারে তাহাকে স্কুলে যাইতে হয় না, কিন্তু যে ছুটি মেয়েকে প্রাইভেট পড়ায়, তাহাদের কাজটা করিতে হয়। সকালের পড়ান সারিয়া যখন বাড়ীতে ফিরিবার জন্য সে পথে পদার্পণ করিল তখন রাস্তাঘাট প্রখর রৌদ্রে ভরিয়া উঠিয়াছে। কপালের ঘাম মুছিতে মুছিতে সে দ্রুতপদে পথ অতিক্রম করিতে লাগিল।

গলির মোড়ে আসিতে আসিতে মনে হইল যেন দীপককে দেখা যাইতেছে। একবার ভাবিল, একটু দাঁড়াইয়া যায়, হয়ত দেখা হইতে পারে। কিন্তু যা রোদ! মনে হয় যেন মাথার ভিতর অবধি ফোঙ্কা পড়িয়া যাইতেছে। আর দীপক তাহাকে দেখিতে পাইবে কি না কে জানে? পথে দাঁড়াইয়া ত ডাকাডাকি করা যায় না? তাড়াতাড়ি হাঁটিয়া সে বাড়ীর ভিতর ঢুকিয়া হাঁক ছাড়িয়া বাঁচিল।

সরমাও তখনই যেন কোথা হইতে বেড়াইয়া আসিল। এ পাড়ায় তাহার বন্ধুবান্ধব অনেক, সহ-পাঠিনীও অনেক। তাহাদেরই একজনের বাড়ী সে গিয়াছিল গল্প করিতে। দিদিকে দেখিয়া মহা উৎসাহে চীৎকার করিয়া উঠিল, “জান দিদি, কি মজা হয়েছে?”

দিদি বলিল, “কৈ না, কোন মজার কথা ত জানি না।”

সরমা বলিল, “আহা, শোনই না। আভারা আজ যাচ্ছে সিনেমা দেখতে। আগেই টিকিট কেনা হয়ে গেছে। আজ তিনটির ‘শো’-তে। এর মধ্যে আভার বৌদি অর ক’রে বসেছেন। ম্যালেরিয়া অর ত? যার নাম ১০৪ ডিগ্রী। যেতে সে পারবেই না।”

পূর্ণিমা বলিল, “তা ত বুঝলাম, কিন্তু মজাটা এর মধ্যে কোন্‌খানে?”

সরমা বলিল, “বলছি ত। আভা ধরেছে আমাকে তার সঙ্গে যেতে ঐ টিকিটখানা নিয়ে। বলছে, গত

জন্মদিনে সে আমাকে কিছু প্রেজেন্ট দেয় নি, এই নাকি প্রেজেন্ট। আমি যাব ভাই। তুমিও চল না ভারি ত খরচ এক টাকা চার আনা। দিতে পারবে না? এই ত কাল মাইনে পেলে?”

পূর্ণিমা বলিল, “দিতে হয়ত পারি, যদিও দেওর মানেই একটা কিছু দরকারী জিনিষের বদলে দেওর আমোদ-প্রমোদের জন্যে আধ পরসাত খরচ করি কখনও। সারাক্ষণ খালি ভাবছি, এটা করা উচিত হবে কি না। যাকুগে, একটা অসুচিত কাজই করি না-হয়। মানুষ-জন্ম আর হবে কি না কে জানে? অসুচিত কাজগুলোই বেশী ক’রে মনটাকে টানে যেন। উচিতের মধ্যে আজকাল আর বেশী রস পাই না।”

সরমা বলিল, “যাবে তা হ’লে? আচ্ছা তবে টাকাটা দাও, আমি একছুটে দিয়ে আসি আভাকে, সে টিকিটটা করিয়ে রাখবে।”

পূর্ণিমা হাণ্ডব্যাগ হইতে পরসাত বাহির করিতে করিতে বলিল, “একসঙ্গে যদি না পায়? তা হ’লে ত আমাকে একলা বসতে হবে? যদিও তাতে আমার কিছু এসে যাবে না।”

সরমা বলিল, “আহা, তা কেন? কতগুলো টিকিট ওদের, মেয়েরাও যাচ্ছে, ছেলেরাও যাচ্ছে। যদি একসঙ্গে আর একটা টিকিট না পাওয়া যায়, ত ছেলেরা কেউ গিয়ে আলাদা বসবে।”

পূর্ণিমা পরসাত বাহির করিয়া তাহার হাতে দিবামাত্র সে উল্লেখ্যে ছুটিয়া বাহির হইয়া গেল।

পূর্ণিমা বাহিরে যাইবার কাপড়-চোপড় ছাড়িয়া স্নান করিবার জোগাড় করিতে লাগিল। মা এই সময় রাস্তাঘর হইতে বাহির হইয়া গুইবার ঘরে আসিয়া ঢুকিলেন। বলিলেন, “সরি আবার এই রোদে দৌড়ল কোথায়?”

পূর্ণিমা ব্যাপার খুলিয়া বলিল। মা বলিলেন, “আভাদের সঙ্গে যাবি? তা যা, মেয়েরা সবাই ত যাচ্ছে?”

পূর্ণিমা হাসিয়া বলিল, “মেয়েরা যাচ্ছে না ত কি আমরা ওদের ছেলের সঙ্গে চলে যাবি?”

মা একটু অপ্রতিভ হইয়া বলিলেন, “আহা তাই কি বলছি নাকি? বড় কথা ধরিস তোরা। ওদের ছুটি ছেলে ত বিয়ের যুগি হয়ে উঠেছে। নানা জায়গায় মেয়ে দেখছে ওরা। পাছে লোকে এই নিয়ে কথা বলে, তাই ভাবছিলাম আর কি?”

পূর্ণিমা বলিল, “বলে বলুক। লোকের কথা শুনে গেলে ত হাঁড়ির ভিতর ঢুকে বসে থাকতে হয়, বাইরের জগতে আর মুখ দেখাতে হয় না। জগৎটা যে কত বদলে গেছে মা, তা আমাদের দেশের অনেকেই জানে না। আজকাল মেয়েকেও যখন সমানে খেটে খেতে হচ্ছে পুরুষের সঙ্গে, তখন অত নবাব-বেগমের মত পরদার আড়ালে লুকিয়ে থাকবে কি ক’রে?”

মা অবশ্য অন্তঃপুরে মানুষ, এবং জীবনের প্রথম ভাগ পরদার আড়ালেই তাঁহার কাটিয়াছিল, কিন্তু এখন সে কথা ভাবিয়া লাভ কি? মেয়েকে যখন ছেলের কাজ করিতে হইতেছে, তখন ছেলের অধিকার সে না চাহিবে কেন? তাঁহার কাজ পড়িয়া ছিল, তিনি তাড়াতাড়ি চলিয়া গেলেন।

সরমা ফিরিল, তাহার পর সকলে নাওয়া-খাওয়ার মন দিল। ছুপুরে ট্রামে করিয়া যাইতে হইলে, পূর্ণিমাদের আনন্দ অনেকখানিই কমিয়া যাইত, কিন্তু আভারা সকলে ট্যান্ডি করিয়া যাইতেছে, সেই সঙ্গে তাহাদেরও যাইতে বলিয়াছে, স্মরণে ভাবনা নাই। কোনমতে আভাদের বাড়ী পর্যন্ত পৌঁছিতে পারিলেই হয়।

ছুপুর আড়াইটের সময় যখন দুই মেয়ে চলিল সিনেমা দেখিতে তখন তাহাদের মা দরজার কাছে দাঁড়াইয়া ভাবিতে লাগিলেন, “ভগবান্ বাছাদের আমার গড়ে-ছিলেন ভাগ্যবানের হাতে পড়বার মতন ক’রে, কিন্তু কি অদৃষ্টের ফের। শেষ অবধি কোন ভিখারীর ঘরে গিয়ে না চোকে। কিছুই করতে পারলাম না এদের জন্যে।”

পূর্ণিমা ও সরমা যথাকালে আভাদের বাড়ী পৌঁছিল এবং সেখান হইতে সদলে চলিল সিনেমাতে। দলটি মস্ত বড়; আভারা তিন বোন, তাহাদের দুই ভাই, এক ভগ্নপতি এবং নিমন্ত্রিতা দুই সখী। ঠাণ্ডা সিনেমার হলে বসিয়া পূর্ণিমার যেন দেহটা জুড়াইয়া গেল।

তাহারা কাঁটার কাঁটার ঠিক সময়ে আসিয়াছিল। তখনই ঘরের আলো নিভিল এবং ছবি শুরু হইল।

খুব চটকদার গল্প, অভিনয়ও হইতেছে ভাল। নারক-নারিকার প্রেমাভিনয় বড় বেশী বাস্তব হইয়া উঠিতেছে। এতগুলি যুবকের সঙ্গে বসিয়া পূর্ণিমার কেমন যেন

অসোয়াস্তি লাগিতে লাগিল। সিনেমা দেখা খুব বেশী তাহার অভ্যাস নাই।

হঠাৎ দেহে তাহার একটা বৃহৎ শিহরণ খেলিয়া গেল। ঐ চিত্রের নারকের অবস্থার দীপককে কল্পনা করা যার কি? না, না, সে বড় বৃহৎ স্বভাবের, এত আবেগ, এত উচ্ছ্বাস তাহার মধ্যে কোথায়? আর পূর্ণিমা নিজে? সে কি এই রূপে ধরা দিতে পারে প্রণয়ীর বাহুবলনে? কে জানে? মনটাকে সজোরে সে অস্ত্র দিকে কিরাইতে চেষ্টা করিল, কিন্তু খুব সহজে ফিরিল না।

ছবি দেখা শেষ হইল। হলে আলো জলিয়া উঠিল। বাহির হইতে হইতে আভা পূর্ণিমাকে জিজ্ঞাসা করিল, “কেমন লাগল ভাই, পূর্ণিমা দি?”

পূর্ণিমা বলিল, “ভালই ত।” একটু বিব্রত বোধ করিল। আভার একটি ভাই কান-খাড়া করিয়া তাহার কথা শুনিতেছে।

বাড়ী যখন ফিরিল, তখন রাত্তায় আলো জলিয়া উঠিয়াছে। দীপক নিশ্চয় বসিয়া বসিয়া বাড়ী চলিয়া গিয়াছে। যাক, কাল দেখা ত হইবেই। দীপকও মাঝে মাঝে অস্থপস্থিত হয় ত? তাহাতে পূর্ণিমা ত রাগ করে না?

নিজের মনকে বুঝাইয়া-সুঝাইয়া সে কাপড়-চোপড় বদলাইয়া ফেলিল। একখানা হাত-পাখা লইয়া ছোট বারান্দাটাতে বসিয়া হাওয়া খাইতে লাগিল। মনের ভিতরটা যেন খচ্‌খচ্‌ করিতে লাগিল। সারাদিনটার ভিতর দীপকের সঙ্গে দেখাই হইল না তাহার। আচ্ছা, আভার ভাইয়েরা তাহাদের সঙ্গে ছিল বলিয়া দীপক কি অসন্তুষ্ট হইতে পারে? খুব সঙ্কীর্ণ-চিত্ত তাহাকে মনে হয় না, রাগারাগি সহজে করে না, কিন্তু তবু স্থির করিয়া কিছু বলা যায় না। মায়ের সম্বন্ধে ভয় তাহার একটা আছেই, যতই কেননা সেটা অস্বীকার করুক। তাহার মা’টি আবার বেশ একটু উগ্র প্রকৃতির, পাড়ায় ঝগড়াটা বলিয়া তাঁহার নাম আছে।

সুরবালা রান্নাঘর ছাড়িয়া বাহিরে আসিয়া বসিলেন। মেয়ের দিকে চাহিয়া বলিলেন, “কেমন লাগল ছবি?”

পূর্ণিমা একটু যেন নিরুৎসাহিত ভাবেই বলিল, “মন্দ নয়।”

মা বলিলেন, “আজকাল এই সব দেখেওনে বড় এঁচড়ে পেকে যাচ্ছে ছেলেমেয়েগুলো। রণুকে কোথাও যেতে দিই না, তবু ইন্সুলের ছেলেদের কাছে কত কি ছাইভস্ম শিখে আসে।”

পূর্ণিমা বলিল, “কি আর করবে মা? সংসারে

ধাকতে গেলে অত কি ছোঁরাচ বাঁচিয়ে চলা যায় ? কত রকম লোকের সঙ্গে মিশতে হবে, কত জায়গায় যেতে হবে। তার মধ্যেও যারা ভাল থাকে, ভুল থাকে, তারাই সত্যিকারের ভাল। যার কোনদিন কোন পরীক্ষাই হ'ল না, সে ভাল কি মন্দ তা ত বোঝাই যায় না।”

তাহার মা বলিলেন, “তোমরা যে আজকাল কি সব কথা বল, অর্ধেক কথার মানে হয় না। আমরা ত বুঝি বাপু ছেলেপিলেকে মন্দ সংসর্গ থেকে বাঁচিয়ে রাখতে হয়।”

পূর্ণিমা বলিল, “বাঁচান যদি যেত তা হ'লে কিছু বলবার ছিল না। কিন্তু কি ক'রে পারবে মা ? যাকুগে ওসব কথা। তুমি নিজে আছ কেমন ? সন্ধ্যায় একবার করে টেম্পারেচার দেখতে বলেছিলাম, তা কি একদিনও দেখ ?”

তাহার মা বলিলেন, “না বাছা, অত আমার সময় কোথায় ? এমনিতে তেমন কিছু ত খারাপ বোধ করি না।”

পূর্ণিমা বলিল, “কত আর ওতে সময় লাগবে মা ? এক মিনিটের ত ব্যাপার। দেখলেই ভাল হ'ত।”

রাত্রির অনেকটাই তাহার জাগিয়া কাটিয়া গেল। মাথাটা তাহার বড়ই উত্তেজিত ছিল, স্বপ্নও দেখিল অনেক বেশী। কি যে দেখিল তাহা সকালে তেমন মনে রাখিতে পারিল না। নিজের বিবাহ যেন দেখিয়াছিল, কিন্তু বরের মুখ মনে আনিতে পারিল না।

রবিবার দিনটা তাহার একমাত্র পরিপূর্ণ ছুটির দিন। নিজের ও ভাইবোনের যত শেলাইয়ের কাজ সে এই দিনে সারে। সারা সপ্তাহের জমা করা ক্লাস্তি দূর করিবার জন্য ছুপুরে একটু ঘুমাইয়াও লয়।

বিকালে চা খাইয়া ভাবিল, আজ একটু সকাল সকালই বাহির হওয়া যাক। কাজ যাহা ছিল তাহা ত শেষই করিয়া রাখিয়াছে। এখনও একটু রোদ আছে, আন্তে আন্তে হাঁটলে সেটুকুরও তেজ করিয়া যাইবে। দীপক আজ তাড়াতাড়িই আসিবে বোধ হয়, কাল দেখাই হয় নাই। পূর্ণিমার চেয়ে এই দৈনন্দিন দেখা করাটাকে দীপকই যেন মূল্য দেয় বেশী।

দীপক আসিয়া ঠিকই বসিয়া ছিল। পূর্ণিমাকে দেখিয়াই বলিল, “খুব সিনেমা দেখা হচ্ছে আজকাল, না ?”

পূর্ণিমা বসিয়া বলিল, “হ'বছরে একবার গেলে যদি

‘দেখা হচ্ছে’ বলা চলে, তবে দেখা হচ্ছে। কেন, তোমার বুঝি খুব রাগ হয়েছে ?”

দীপক বলিল, “না, খুব রাগ হয় নি। তবে গেলে যদি ত আমাকে জানিয়ে গেলেই ত পারতে ? আমি তা হ'লে আর এখানে এক ঘণ্টা শুধু শুধু ব'সে থাকতাম না। এবং চেষ্টা করলে আমিও হয়ত ঐ সময় ঐ সিনেমাটাতে যেতে পারতাম।”

পূর্ণিমা অমৃতপ্ত হইয়া বলিল, “সত্যি দীপক, তোমাকে জানানই উচিত ছিল। কিন্তু এমন হট ক'রে সব ঠিক হ'ল যে, কিছু জানাবার সময়ই পেলাম না। আর জানাতাম কি ক'রে বা বল ? তোমার বাড়ীতে চিঠি পাঠালে ত গণ্ডগোল বেধে যেত, এবং তোমাকে যে বাড়ীতে পেত তারই বা ঠিকানা কি ? তাই আর সে চেষ্টা করি নি। আর এখানে এসে ব'সে ছিলে, তাতে আর দুঃখ কি ? খানিকটা বিগুচ্ছ বায়ু সেবন করা হয়ে গেল।”

দীপক বলিল, “তা অবশ্য। তা ছবিটা দেখলে কেমন ?”

পূর্ণিমা বলিল, “ভালই। তবে আমার ত সিনেমায় যাওয়া বিশেষ অভ্যাস নেই, থেকে থেকে একটু অসোয়াস্তি লাগে।”

দীপক বলিল, “তুমি ত খুব উদারনৈতিক এ সব বিষয়ে। তোমারও অসোয়াস্তি লাগে ?”

পূর্ণিমা একবার বঙ্কিম কটাক্ষপাত করিল দীপকের দিকে, বলিল, “উদারনৈতিক ব'লেই লাগে বোধ হয়।”

দীপক তাড়াতাড়ি কথাটা ঘুরাইয়া দিল, বলিল, “তোমার মা এখন আছেন কেমন ? আর ত জ্বরটর হয় নি ?”

পূর্ণিমা বলিল, “হয়েছে কি না তা জানব বা কেমন ক'রে ? দেখতে ত দেবেন না, এবং একেবারে যতক্ষণ না গড়িয়ে পড়বেন, ততক্ষণ শোবেনও না।”

দীপক বলিল, “গোটা দুই বছর হঠাৎ যদি এগিয়ে যেত তা হ'লে ভাল হ'ত।”

পূর্ণিমা বলিল, “কোন দিকে ভাল ? এক ত আমরা আরো খানিকটা এগোতাম বার্কক্যের দিকে। দ্বিতীয়, অনশনক্লিষ্ট দেহগুলোর রোগবানাই জুটে যাওয়াও অসম্ভব হ'ত না।”

দীপক বলিল, “ও ত গেল খারাপের দিকটা। তুমি বড় pessimistic পূর্ণিমা। ভালর দিকে, সরমা ততদিন বি-এ পাস করে যাবে। রণেনও আই-এ পাস করবে

না করবার মুখে থাকবে। আর আমার বাড়ীতেও একটি বানের দায় থেকে মুক্ত হতে পারি, মা খুব জোর চেঁচা করছেন। আমার উপর ত কোনো আশা রাখেন না, এবার তাঁর গুরুদেবকে ধরে পড়েছেন।”

পূর্ণিমা জিজ্ঞাসা করিল, “পাত্র কাউকে পাওয়া গেছে নাকি?”

দীপক বলিল, “গুরুঠাকুর ত একজনকে খাড়া করেছেন। মায়ের আপত্তি নেই, কারণ দিতে-ধুতে কিছু হবে না, দ্বিতীয় পক্ষের বিয়ে। কিন্তু বড়কী মহা কান্না জুড়েছে, সে ওরকম বিয়ে চায় না। অবস্থা বোঝে না এই সব গণ্ডমুখ মেয়েরা।”

পূর্ণিমা বলিল, “অবস্থা বুঝলেই কি আর মাহুষের সাধ কিছু থাকে না? অনাহারে যে মরে সে হয়ত দ্বারে পড়ে ঘাস-পাতা খায়, তাই বলে ভাত খাবার জন্তে কি মন কাঁদে না?”

দীপক বলিল, “তুমি ক্রমে ক্রমে বড় বাম্পছী হয়ে পড়ছ পূর্ণিমা। কোনদিন হয়ত দেখব, পার্কে বক্তৃতা দিতে আরম্ভ করেছ।”

পূর্ণিমা হাসিয়া বলিল, “তুমি তা হলে ত লেকের জলে ডুবেই বাবে বোধ হয়?”

দীপক একটু যেন বিরক্ত হইয়া বলিল, “তুমি আমাকে খুব গোঁড়া আর সেকলে মনে কর,—না?”

পূর্ণিমা বলিল, “গোঁড়া একটু আছ ত। সেকলে খুব নয় অবশ্য, তা হলে কি আর এসে আমার সঙ্গে ভাব করতে?”

দীপক বলিল, “তোমার একদিকে একটু সুবিধা আছে, যা আমার নেই। তোমার সংসারের সকলে তোমার ঘাড়ে চড়ে আছে বটে, কিন্তু তারা তোমার মতামতকে সম্মান করে চলে। আমার সংসারটির সে সব আপদ বলাই নেই। তাঁদের মনোভাব হচ্ছে, ‘তোমারই শিল তোমারই নোড়া, তোমারই ভাঙি দাঁতের লাড়া।’ আমি পুরুষ মাহুষ বলেই বোধ হয়। ছেলে য, সে বাধ্য সংসারের ভার নিতে। মেয়ে যদি নেয়, সেটা তার অমুগ্রহ।”

পূর্ণিমা বলিল, “তোমার কথাটার মধ্যে সত্য যে কবারে নেই তা নয়। কিন্তু থাক সে কথা। ভগবান্ র অদৃষ্টে বা লিখেছেন। সম্প্রতি ছ’ বৎসরের মধ্যে তার কি ঘটবে কি না ঘটবে জানি না, তবে একটা নিব ঘটবে। আমি ষ্টেনোগ্রাফিটা পাস করব, আর ছিঁচকে ইস্কুল-মাষ্টারীর দায় এড়িয়ে একটা ভাল রি পাব। হয়ত একটু মাহুষের মত থাকতে পারব,

হয়ত মাকে হাড়ভাঙা খাটুনির থেকে একটু নিষ্কৃতি দিতে পারব।”

দীপক একটুকুশ নীরবে বসিয়া রছিল। তাহার পর বলিল, “দেখ পূর্ণিমা, একটা কথা বলি তোমাকে। হয়ত সত্যিই আমাকে আরো গোঁড়া আর সেকলে ভাববে, তবু বলছি। তোমার এই যে ষ্টেনোগ্রাফার বা সেক্রেটারি হবার প্ল্যান, এটা আমার একেবারেই ভাল লাগে না, মনে বড় একটা অশান্তি জাগে।”

পূর্ণিমা বলিল, “কেন তুমি?”

দীপক বলিল, “এতদিনও অবশ্য তুমি বাড়ী বসে থাক নি, চাকরি করেছ, প্রাইভেট ট্যাশনি করেছ। কিন্তু সে পাড়ার মধ্যে মেয়েদের ইস্কুলে কাজ, পড়িয়েছ যাদের তারাও মেয়ে। এ তবু চলছিল একরকম। কিন্তু এর পর যদি ষ্টেনোগ্রাফারের কাজ করতে হয়, তাহলে ত বিপদ। হাজারটা অসভ্য পুরুষ মাহুষের সঙ্গে বাক্যবাকি করে রোজ ছুবেলা তোমাকে ট্রামে বাসে উঠতে হবে। ঘণ্টা সাতেক বসে থাকতে হবে অশুভ্ৰিতি লোলুপ দৃষ্টির সামনে। পারবে তুমি? মান-সম্মত বজায় রেখে এ ক্ষেত্রে চলাই যেন অসম্ভব মনে হয়।”

উদ্বেজনায় পূর্ণিমার মুখটা লাল হইয়া উঠিল, বলিল, “একথা বলছ তুমি কি করে দীপক? হারেমের বিবি হয়ে বসে থাকবার মত কি আমার অদৃষ্ট? বাবা ম’রে ত আমাদের অকূলে ভাসিয়ে গেছেন। তবু হাড় শক্ত ছিল বলে, না খেয়ে শুকিয়েও এখন বেঁচে আছি, ভাই বোন ছটোকেও বাঁচিয়ে রেখেছি। কবে যে তোমার সংসারী হবার মত অবস্থা হবে, তা জানি না। কি রকম সংসার যে সেটা হবে, তাও যে খুব বুঝি তা নয়। এ ক্ষেত্রে নিজের প্রাণপণে খেটে যে আমি অবস্থার উন্নতি করতে চাইছি, কোথায় তুমি তাতে উৎসাহ দেবে, না এই কথা? মান সম্মত নিয়ে কি আমি ধুয়ে খাব? মান সম্মত বলতে বোঝাই বা কি তুমি? ভিড়ের মধ্যে লোকের গায়ে ছোঁওয়া লাগবে, না হয় ছটো বাজে কথা কানে যাবে। এতেই আমি বয়ে যাব? ভদ্রসমাজে আর আমার স্থান হবে না? এত মেয়ে যে খেটে খাচ্ছে এখন, তারা সবাই বয়ে গেছে? তাদের আর মা-বাপের ঘরে স্থান নেই? বিবাহিতা মেয়েও ত কত শত কাজ করছে, তাদের স্বামীরা গলায় দড়ি না দিয়ে আছে কি করে?”

দীপক ব্যস্ত হইয়া বলিল, “রাগ করো না, রাগ করো না, দোহাই তোমার। একে ত যা সুখে আছি, তার উপর তোমার সঙ্গে ঝগড়া বাধাতে চাই না। অতদূর অবধি ভেবে কি বলেছি? আমার অপদার্থতার



জন্মেই যে তোমাকে এই অবস্থার সম্মুখীন হতে হয়েছে তা কি জানি না? আমি যদি একটা সুখের সংসার তোমার offer করতে পারতাম, তা হ'লে কি আর তুমি এই সবে মধ্য যেতে? কিন্তু যতই অক্ষম হই, তোমার গায়ে অপমানের আঁচ লাগছে, ভাবতে আমার বুক ভেঙে যায়।”

পূর্ণিমা যেমন হঠাৎ দপ্ করিয়া জলিয়া উঠিয়াছিল, তেমনই এক মুহূর্তে নিভিয়াও গেল। দীপকের ম্লান মুখ দেখিয়া তাহার মায়াও হইল। বৃথা ইহাকে কথা শোনান। যে মানুষ যেমন হইয়া জন্মিয়াছে। দীপকের কথা শেষ হইতেই সে বলিল, “সত্যিকারের অপমান থেকে আমি নিজেকে রক্ষা করতে জানি দীপক, তুমি ভয় পেয়ো না।”

দীপক বলিল, “ভয় না পেয়ে কি করি বল ত? যা সব গল্প শুনি! তুমি সুন্দরী মেয়ে, বয়স তোমার খুবই কম, তুমি চোখে পড়বে সকলেরই। পুরুষজাতিটিকে তুমি চেন নি এখনও ভাল ক'রে। তারা ওঁ পেতে থাকে হিংস্র জানোয়ারের মত।”

পূর্ণিমা চেষ্টা করিয়া হাসিয়া বলিল, “যাঃ, ভয় তুমি আমাকে পাওয়াবেই। আজ যাই, রাত্তার আলো জ্বলে গেছে অনেকক্ষণ হ'ল। আচ্ছা, আজ অনেক তর্কাতর্কি হ'ল কিছু মনে ক'রো না।”

দীপক পূর্ণিমার হাতটা আলগোছে একবার ধরিয়া তখনই ছাড়িয়া দিল। চারিদিকে বড় মাহুষের ভিড়। পূর্ণিমা এইবার নিজের বাড়ীর পথ ধরিল।

৪

সরমার কলেজ বন্ধ হইয়া গিয়াছে। মাস দুইয়ের মত সে এখন নিশ্চিন্ত। সে কলেজ হইতে আসিয়াই লম্বা হইয়া শুইয়া পড়িয়া বলিল, “বাবাঃ এ দু'মাসের মধ্যে আমি আর সকালে উঠছি না। আটটা বাজবে তবে আমি উঠব।”

রণেন বলিল, “কি যে সব অসুস্থ নিয়ম। স্কুলের চেয়ে ত কলেজের পড়া চের বেশী, অথচ কলেজেই গাদা-গাদা ছুটি, আর আমাদের বেলায় অষ্টরঙ।”

তাহার মন্তব্যের কোন উত্তর দিল না দিদিরা। পূর্ণিমা ছোট বোনকে বলিল, “ওধু শুমোবার জন্মেই ছুটিটা হয়েছে,—না? পড়াওনো করতে হবে না? আর ক'মাস আছে বা final দিতে। ফেল-টেল করা আমাদের অবস্থার লোকের চলে না।”

সরমা বলিল, “আরে বাবা, চক্ষিণ ঘণ্টাই শুমোব এমন

কথা ত বলি নি। পড়াও করব, মায়ের সঙ্গে সঙ্গে এবার রান্নাও করব। ওটা না শিখলে কি আর চলে? মায়ের সঙ্গে একটু তালমিছরি আন না দিদি, বড় কাসেন থেকে থেকে।”

পূর্ণিমা বলিল, “আচ্ছা, আনছি, আমি বেরোচ্ছিলামই সাবান আনতে, ওটাও সেই সঙ্গে নিয়ে আসছি। মা ত আমাকে কিছুই বলতে চান না।”

সরমা বলিল, “অসুখ ওনলেই তুমি আর দেখতে চাও, ডাক্তার ডাকতে চাও, তাই বলেন না বোধহয়।”

পূর্ণিমা বাড়ী হইতে বাহির হইয়া আসিল। সামান্য-তম জিনিষও তাহারা পারিলে নিজেরাই কেনে। এক সকালের বাজারটা করিবার অবসর পায় না। এখানেই ঠিকা ঝিয়ের স্বেযোগ। যাহা ছই-চারি পয়সা পারে সরাইয়া রাখে। তবে মা খুব হিসাবী মানুষ, খুব স্বেযোগ ঝিয়ের হয় না।

বাড়ীর সবচেয়ে কাছে যে দোকানটা সেইখানে চুকিয়া সে সাবান কিনিতে লাগিল। হঠাৎ পিছন হইতে দীপক বলিল, “কি কিনছ পূর্ণিমা?”

পূর্ণিমা পিছন ফিরিয়া তাকাইয়া বলিল, “সাবান আর তালমিছরি কিনব বলে বেরিয়েছি। তুমি কি মনে ক'রে?”

দীপক বলিল, “ওনে আশ্চর্য্য হয়ে যাবে যে আমি face powder কিনতে এসেছি।”

পূর্ণিমা বলিল, “ওমা, সে কি? তুমি কি করবে ও জিনিষ নিয়ে?”

দীপক বলিল, “নিজের জন্মে নয়, বড়কীকে আজ দেখতে আসছে, কাঁজেই চূণকাম একটু করতেই হবে। মায়ের ফরমাশ।”

সেলসুয়ান এই সময় কাগজে মুড়িয়া পূর্ণিমাকে তাহার ক্রীত সাবান দিয়া গেল। দীপকের জিনিষ যতক্ষণ না কেনা হইল, ততক্ষণ পূর্ণিমা অপেক্ষা করিল, তার পর দু'জনে এক সঙ্গে বাহির হইল। দীপক জিজ্ঞাসা করিল, “তালমিছরি কিনছ কেন? কাসি হয়েছে নাকি এই প্রচণ্ড গরমে?”

পূর্ণিমা বলিল, “আমার হয় নি, মায়ের হয়েছে। আচ্ছা, বড়কী তবে বিয়ে করতে রাজী হয়েছে ওখানে?”

দীপক বলিল, “রাজী না হয়ে আর করে কি? যা বকুনি ওনছে উদয়াস্ত। মা অবশ্য অন্তায় কথা কিছু বলছেন না। বড়কী ছুটকীকে রোজগার ক'রে খাবার মত কোন ট্রেনিং দেওয়া হয় নি। মা বলছেন, তিনি মারা যাবার পর ওরা কোথায় থাকবে, কি খাবে? আমি

বদি তাদের ভার আর না বহিতে চাই ? আইনতঃ বাধ্য ত নই আমি ?”

পূর্ণিমা হাসিয়া বলিল, “তোমার মনের আইনই যে বাধ্য করবে তোমার দীপক । ওদের ভার কাঁধের থেকে তুমি কেলে দিচ্ছ এ আমি কল্পনাই করতে পারি না । চল, ফেরা যাক, বড় রোদ ।”

রাস্তায় বাহির হইয়া দীপক বলিল, “ওদের ভার আমি যদি কাঁধ থেকে কেলে দিই, তাতে কি তুমি খুশী হও ?”

পূর্ণিমা বলিল, “দূর, তা কেন ? ওদের দেখতে হবে বৈকি তোমায় । আমার মত স্বাধীন জেনানা ক’রে তাদের তৈরি ত কর নি ?”

“আমি ত মালিক নই তৈরি করার, আমি আছি শুধু ভূতের বোঝা বহিতে । আচ্ছা চলি, নেমস্তন্ন না পেলে রাগ ক’রো না । ছ’টারজন আশ্রয়জন ছাড়া কাউকেই আমরা বলতে পারব না ।”

দীপক চলিয়া গেল, পূর্ণিমাও যথাসাধ্য দ্রুতপদে বাড়ী ফিরিয়া আসিল । সরমা তখনও খাটে পা ছড়াইয়া শুইয়া আছে । তাহার পাশে বসিয়া পূর্ণিমা বলিল, “জানিস, দীপকের বোন বড়কীর বিয়ে হচ্ছে এক দোজবরের সঙ্গে ।”

সরমা বলিল, “জানি ত । ঐ ত লিলিমা থাকে ওদের পাশের বাড়ী, ছাদে উঠলেই গল্প করা যায়, ওরা শুনেছে । কলেজে আমার বলছিল লিলি । বড়কী নাকি কেঁদে-কেটে হাট বসিয়েছে । বরের অনেক ছেলেপিলে, সব বড় বড় । তার টাক প’ড়ে গেছে মাথায়, মস্ত বড় ভুঁড়িওয়াল লোক । তা বড়কীর মা তাকে মেরেধ’রে রাজী করেছে । আমি ভেবেছিলাম তুমি জান বুঝি, তাই তোমায় বলি নি । আচ্ছা ভাই, এই রকম বিয়ে করা যায় ? বিয়েটা মেরেদের জীবনের সব চেয়ে আনন্দের জিনিস না ?”

পূর্ণিমা বলিল, “শাবতে ত তাই ইচ্ছে করে, কিন্তু ক’টা মেয়ে বা আনন্দ করতে পার, আমাদের দেশে ? হয় বিয়ের আগে ঠ্যাঙানি খায়, নয় পরে বরের হাতে ঠ্যাঙানি খায়, এই ত অধিকাংশের জীবন ।”

সরমা বলিল, “রক্ষে কর, এর চেয়ে সাতজন্মে বিয়ে না করা ভাল ।”

পূর্ণিমা হাসিয়া চুপ করিয়া রহিল । সরমার বয়স হইয়াছে আঠার বৎসর, কিন্তু মনটা বড়ই কাঁচা আছে । বিবাহ লইয়া তাহার সঙ্গে বেশী আলোচনা চলে না । সরমাকে কিছু বলিল না বটে, তবে মনের মধ্যে কথা-

গুলো ঘুরপাক খাইতে লাগিল । বাস্তবিক, এ রকম বিবাহ কোন প্রাপ্তবয়স্ক মেয়ে করে কি করিয়া ? অতি অবাঞ্ছিত, একেবারে অপরিচিত একটা মানুষের কাছে দেহ মন প্রাণ সব সমর্পণ করা ? পূর্ণিমার শরীরটা যেন গলাইয়া উঠিল । কিন্তু ভারতবর্ষে এটাকে কেহই অস্বাভাবিক বা বীভৎস ভাবে না কেন ? পূর্ণিমার মনোজগৎটা অস্ত্র রকম, সে এভাবে চিন্তা করিতে পারে না । একমাত্র প্রাণপ্লাবী ভালবাসার খাতিরে এমন করিয়া আত্মদান করা যায় । কিন্তু ক’জন মেয়ে এই ভাবে ভালবাসিতে পারে ? ক’জনই বা এমন ভালবাসা পায় ? সত্যকার ভালবাসা কাহাকে বলে ? চিনিবার উপায় কি ? তাহার জীবনে যাহাকে সে ভালবাসা বলিয়া মানিয়া লইয়াছে, তাহা কি এই প্রাণপ্লাবী প্রেম ? কোন্ কষ্ট-পাথরে ঘষিলে বুঝা যাইবে ইহা খাঁটি সোনা কি না ? পরীক্ষা না হইলে সত্য মিথ্যা বুঝা ত যায় না ?

সরমা হঠাৎ বলিল, “দিদি, কি এত হাঁ ক’রে ভাবছ ?”

দিদি বলিল, “এই বড়কীর বিয়ের কথা ভাবছিলাম । বেচারীর কি কপাল দেখ ত ? দেখতে সুন্দর হওয়া না হওয়া ত ভগবানের হাত । আর মা-বাবা যদি লেখা-পড়া না শেখায়, সেটাও তার নিজের দোষ নয় । অথচ সব শাস্তিটাই পাবে সে । আশ্চর্য্য, তাকে যে এ রকম ক’রে বলি দেওয়া হচ্ছে তার জন্তে মা বা ভাইয়ের কোন লজ্জা নেই ।”

সরমা গালে হাত দিয়া বলিল, “ওমা, দীপকদা ত আধুনিক যুগের মানুষ, সেও এতে সায় দিচ্ছে ?”

পূর্ণিমা একটু ইতস্ততঃ করিয়া বলিল, “সায় দিচ্ছে কি না জানি না, তবে মায়ের কাজের কোনই প্রতিবাদ করছে না ।”

সরমা বলিল, “ভারী স্বার্থপর ত । তুমি ভাই যে ঐ পরিবারে কি ক’রে বিয়ে করছ জানি না । একেবারে hopeless রকম পাড়াগোঁয়ে । বুড়ী ত সারাদিন গামছা প’রে কাটিয়ে দেয়, জল ঢেলে ঢেলে হাতে-পায়ে হাজা ধরিয়ে ব’সে আছে ।”

পূর্ণিমা বলিল, “যা সাংসারিক অবস্থা, বিয়ে যে কবে ও করতে পারবে জানি না । বাপের সংসারের ভারেই ভুবে মরতে বসেছে, তা নিজে সংসার করবে কি ? ও সবই শেষ পর্য্যন্ত স্বপ্নই না হয়ে দাঁড়ায় ।”

সরমা বলিল, “ওধু ও কেন, তুমিই বা কি ক’রে ঘাড় থেকে বোঝা নামাবে তনি ? আমরাও ত তোমার উপর চেপে ব’সে আছি । আমার ত এখনও ছ’ বছরের বেশী

দেখি বি-এ পাস করতে। তখন যদি একটু হাকা হতে পার। কিন্তু আমার ভাই ভাল লাগে না। বেশ young থাকতে থাকতে, স্কুলর থাকতে থাকতে বিয়েটা হয়ে গেলে ভাল না? কেমন চমৎকার দেখায়? না আমাদের কলেজের চিন্মরীদির মত টাক-পড়া মাথায় সিঁহুর প'রে বাহার দিয়ে বেড়ান ভাল?"

পূর্ণিমা বলিল, "বা ভাল লাগে, স্কুলর লাগে, তাই কি সব সময় হয়? বেশীর ভাগ সময়ই হয় না। দেখবি, তোর দিদিও কোনদিন আগাগোড়া শাদা মাথায় সিঁহুর পরে খুত্তরবাড়ী যাচ্ছে।"

সরমা বলিল, "হু, কি যে বাজে বক। এমন স্কুলর দেখতে তুমি, কত ভাল মেয়ে, কাজের মেয়ে। তুমি কেন old maid হয়ে ব'সে থাকতে যাবে? দীপকদার বিয়ে করবার ক্ষমতা না থাকে, সে পথ দেখুক না?"

পূর্ণিমা তাড়া দিয়া বলিল, "যাঃ, কি বাজে বকিস? ঐ নাও, কে আবার এখন দরজা ঠ্যাঙাতে বসল?"

সরমা তাড়াতাড়ি উঠিয়া গিয়া দরজা খুলিয়া দিল। একজন দশ-বারো বৎসরের ছেলে দাঁড়াইয়া আছে, হাতে ছোট করিয়া ভাঁজ-করা একখানা কাগজ। সরমাকে দেখিয়া, কাগজটা তাহার হাতে দিয়া বলিল, "এই চিঠিটা দীপুদা, পূর্ণিমাদিকে দিতে বলল," বলিয়া একছুটে পলায়ন করিল।

সরমা মুখভঙ্গি করিয়া চিঠিখানা লইয়া দিদির কাছে চলিল। তাহার মায়ের মত সরমারও দীপককে পছন্দ নয়। অন্ততঃ দিদির স্বামী হিসাবে। কি একটা মিন্মিনে ছেলে। দিদির যে কি কারণে এই ব্যক্তিকে এত পছন্দ, সরমা তাহা ভাবিয়াই পায় না।

পূর্ণিমা চিঠি খুলিয়া পড়িয়া দেখিল। ছোট চিঠি।  
পূর্ণিমা,

আজ সন্ধ্যাবেলা পার্কে যেতে পারব না। তখন তাড়াতাড়িতে বলতে ভুলে গেলাম। বড়কীকে ধারা দেখতে আসবেন, তাঁরা কতরূপে বিদায় হবেন জানি না। একেবারে রাত হয়ে গেলে আর যাব না। কিছু মনে ক'রো না। কাল সব কথা হবে।

দীপক।

পূর্ণিমা চিঠিখানা নিজের হাণ্ডব্যাগে ঢুকাইয়া রাখিয়া দিল। বলিল, "যাক, একটা দিন বাড়ীতেই থাকি না-হয়। রান্নাটা এবেলা আমিই করি গে। মা ত কাসছেন বলসি, তাঁকে একটা বেলা অন্ততঃ ছুটি দিই।"

সরমাও উঠিয়া বসিল, বলিল, "চল, আমিও তোমার সঙ্গে যাই।"

ছই বোনে গিয়া প্রচুর বকাবকি করিয়া মাকে রান্নাঘর হইতে বাহির করিয়া নিজেরা তাঁহার স্থান দখল করিয়া বসিল।

পরদিন ইস্কুল হইতে ফিরিয়া পূর্ণিমা বলিল, "যাক, আজ খবর পেলাম, আমার পরীক্ষাটা ছ'তিন দিনের মধ্যেই হয়ে যাচ্ছে। তা হ'লে সারা ছুটিটা চেঁটা ক'রে কাজ আমি একটা জুটিয়ে নেব। এবং রাঁধুনি একটা রাখবই আমি তার পরে। মাকে আর ছবেলা আঙন-তাতে বসে থাকতে দিচ্ছি না।"

সরমা বলিল, "পাস ঠিক করবে দিদি?"

পূর্ণিমা বলিল, "ক্লাশের মধ্যে আমি সবচেয়ে ভাল মেয়ে। আমিই পাস করব না?"

সরমা বলিল, "তা হলে ত পাস করবেই। বাবা রে, কবে যে আমার সব পরীক্ষা শেষ হবে! আমি বাপু তোমার মত ভাল মেয়ে নয়, আমার পড়া-টড়া ভাল লাগে না।"

পূর্ণিমা বলিল, "তবে কি বড়কীদের মত হয়ে থাকতে ইচ্ছে করে?"

সরমা বলিল, "তাও নয়। কোন চেঁটা না ক'রেই যদি বেশ আরামে আর সচ্ছলভাবে থাকা যেত ত বেশ হ'ত।"

পূর্ণিমা বলিল, "অত সুখ ভগবান্ যাদের দেন, তারা সংখ্যায় অতি মুষ্টিমেয়। এবং আমরা একেবারেই সে দলের নই।"

আজ একটু দেরি করিয়াই পূর্ণিমা বাহির হইল। এত গরমে রোদ না পড়া পর্যন্ত কিছুতেই তাহার ইচ্ছা করিল না বাহিরে যাইতে। দীপক কাল আসে নাই, তাই আজ সে সকাল সকাল আসিয়া বসিয়া আছে। পূর্ণিমাকে দেখিয়া বলিল, "কাল আসতে পারি নি ব'লে আশা করি রাগ কর নি।"

পূর্ণিমা বলিল, "তোমারও মাঝে মাঝে আসা হয় না, আমারও হয় না, এই নিয়ে ক্রমাগত রাগ করতে থাকলে ত আর কিছু করবার সময়ই পাওয়া যাবে না। তার পর, তোমাদের কনে দেখার পর্ব চুকল কখন?"

দীপক বলিল, "তা সন্ধ্যার পর অবধি ব'সে ছিল সব।"

পূর্ণিমা জিজ্ঞাসা করিল, "অতরূপ ধ'রে কি কথা হ'ল? বড়কীকে পছন্দ হ'ল তাদের?"

দীপক বলিল, "না পছন্দ হবে কেন? স্ত্রী বলতে ওরা ত বোঝে সামান্য একটু উঁচুদের বি, সে হিসেবে বড়কী মন্দ কি? কাজকর্ম করতে পারে।"

পূর্ণিমা বলিল, “জেনে-জেনে এইরকম বিয়ে দিচ্ছ বোনের ?”

দীপক বলিল, “আমি ত বলেইছি, আমি কিছু দেবার বা করবার মালিক নয়। মায়ের মেয়ে, তাঁর যা খুশি করুন।”

পূর্ণিমা বলিল, “কে এসেছিল দেখতে ?”

দীপক বলিল, “বর স্বয়ং, এবং তাঁর এক কাকা।”

পূর্ণিমা বলিল, “বড়কী তা হ’লে বরকে দেখেছে ?”

দীপক বলিল, “দেখল ত।”

তাহার কণ্ঠে কোথাও উৎসাহের লেশ নাই। পূর্ণিমা কঁধাটা ঘুরাইয়া অন্য কথা পাড়িল। জিজ্ঞাসা করিল, “তোমার ছাত্তের দল কি তোমায় ক্রীড়ের ছুটি দেবেন, না সমানে প’ড়েই চলবেন ?”

দীপক বলিল, “পড়লেই ভাল আমার পক্ষে। যদি ছুটি চাই তা হ’লেই ত মাইনে নিয়ে টানাটানি করবে ? বসিয়ে বসিয়ে প্রাইভেট ট্যুটরকে কেউ টাকা দিতে চায় না, অথচ গরমের ছুটিতেও সমানেই খেতে-পরতে হয়।”

পূর্ণিমা বলিল, “ইন্সুলটা এ হিসাবে ভাল বাপু। মাইনে বেশী দেয় না, কিন্তু ছুটিতে মাইনে বন্ধ করে না।”

দীপক বলিল, “ইন্সুল ত ভাল অনেক দিকেই, তা তোমার যে পছন্দ নয়। তোমার পরীক্ষা হচ্ছে কবে ?”

পূর্ণিমা সংক্ষেপে বলিল, “এই হপ্তায়ই।”

দীপক কিছুক্ষণ চুপ করিয়া রহিল, তাহার পরে বলিল, “বড়কীকে যারা দেখতে এসেছিল, তাদের বাড়ী একটি ভাল ছেলে আছে। সুন্দর মেয়ে, বড় বংশের মেয়ে হলে তারা বিনা পণে নিতে রাজী আছে। ওদের ঘরটা একটু নীচু।”

পূর্ণিমা বলিল, “কার জন্তে পাত্র দেখছ ? আমার জন্তে নাকি ?”

দীপক হঠাৎটা একটু বাকাইয়া হাসিল। বলিল, “তাই দেখাই আমার উচিত বটে, তবে এখনও ত প্রাণ ধ’রে পারছি না। আমি ভাবছিলাম সরমার কথা। দেখতে ত বেশ ভালই, অবশ্য তোমার মত নয়।”

পূর্ণিমা বলিল, “হ’ল কি দীপক ? তুমিও compliment দিচ্ছ ? যা হোক, ধন্যবাদ। তবে সরমার এখনই বিয়ে দেবার কোন কথাই ওঠে না। বয়সও কম, মনও অত্যন্ত কাঁচ। বিয়ে যে কাকে বলে তাই ভাল ক’রে বোঝে না।”

দীপক বলিল, “এ আবার তোমার বেশী বাড়াবাড়ি পূর্ণিমা। আমাদের দেশে মেয়ের আঠার বছর বয়স ত যথেষ্ট বয়স, প্রায় অরক্ষণীয়। আর যত কাঁচা বড়রা

হোটদের ভাবে, সত্যিই তারা তত কাঁচা নয়। বাড়ীতেই তার অনেক পরিচয় পাই।”

পূর্ণিমা বলিল, “তা পাও গিয়ে। মোটকথা সরমার বিয়ের কথা আমরা এখন কেউই ভাবছি না। আজকালকার দিনে গোসুখ্য হয়ে বিয়ে করা কিছু নয়, বড় বেশী risk নেওয়া হয় ওতে। বি-এটা অন্ততঃ পাস ত করুক। তার পর যদি বিয়ে করতে চায়, এবং বর ওর পছন্দ হয়, তখন ভাবা যাবে।”

দীপক বলিল, “ওর বিয়ে হয়ে গেলে তোমার বোঝা একটু হালকা হ’ত, এই জন্তে বলা আর কি ?”

পূর্ণিমা বলিল, “তা কি আর জানি না ? কিন্তু বিনাপণে দিতে হলেও বিয়ে দিতে কিছু খরচ ত আছে ? শুধু ঠেলে বার করে দিলেই ত হয় না ? টেরই পাবে নিজের এবার। যতই দ্বিতীয়পক্ষের বিয়ে হোক এবং পণ না নিক, তবু দেখবে খরচ আছে।”

দীপক বলিল, “আমি আর কি টের পাব ? ষাঁর উৎসাহে হচ্ছে এ সব তিনিই বুঝবেন। আমি ত ব’লেই দিয়েছি, আমার কাছে সিকি পয়সা নেই। না খেয়ে, না প’রে, তিনি এখনও খান দুই গহনা ধ’রে রেখেছেন, তাই বেচে খরচ করবেন।”

পূর্ণিমা বলিল, “যা হোক, তোমাদের বাড়ী দু’খানা গহনাও তবু ছিল, আমাদের ত তাও নেই।”

দীপক বলিল, “বাস্তে দু’খানা গহনা থাকার চেয়ে পেটে বিস্তে থাকার চেয়ে কাজের জিনিষ। আমাদের গহনা বেচা টাকা ত বড়কীর বিয়েতেই শেষ হবে। কিন্তু তোমরা তিন ভাইবোনে তৈরি হয়ে নিলে চিরজীবন ভাল ভাবে থাকতে পারবে।”

পূর্ণিমা বলিল, “আশা ত করি। আচ্ছা দীপক, বিয়ে কি তোমাদের নিজের বাড়ীতেই হবে নাকি ? জায়গা বড় কম না ?”

দীপক বলিল, “ওখানে ত চারটে লোক পাশাপাশি দাঁড়ারার জায়গা নেই। আমাদের বাড়ীর পিছনে যে ইন্সুল-বাড়ীটা আছে, সেটারই একতলায় হবে ঠিক ক’রে রেখেছি। ইন্সুলের সেক্রেটারী যিনি তিনি আমার খুব চেনা লোক। তাঁকে এক রকম ব’লেই রেখেছি। আচ্ছা পূর্ণিমা, যদিই বুঝিয়ে পড়িয়ে মাকে রাজী করতে পারি এবং তোমাদের ডাকতে পারি, তা হ’লে কি আসবে ?”

পূর্ণিমা বলিল, “না, না, আমি যেতে পারব না, আমার ভীষণ লজ্জা করবে। পাড়ার সব লোকই ত জানে আমাদের কথা, কত রকম যে সম্ভব্য হবে তার ঠিক নেই।”



দীপক একটু যেন ক্ষুধা হইয়া বলিল, “ধাক তবে। সামান্য একটু খুশী হব, তাই বা ভগবান্ হতে দেবেন কেন?”

পূর্ণিমা বলিল, “সময় যখন মন্দ হয়, তখন এই রকমই হয় বটে, আবার ভাল সময় যখন আসে তখন হড়মুড় ক’রেই আসে।”

দীপক বলিল, “সকলের কপালেই কি আসে?”

পূর্ণিমা উত্তর দিল না। ইহার পর কথাবার্তার মোড় ফিরিয়া গেল অন্য দিকে।

পূর্ণিমার পরীক্ষা আসিয়া গেল, এবং দেখিতে দেখিতে পারও হইয়া গেল।

বাড়ী আসিবামাত্র সরমা ছুটিয়া আসিল, জিজ্ঞাসা করিল, “কেমন পরীক্ষা দিলে দিদি?”

দিদি বলিল, “বেশ ভালই ত দিয়েছি মনে হচ্ছে।”

সরমা জিজ্ঞাসা করিল, “কবে result জানতে পারবে?”

পূর্ণিমা বলিল, “তাড়াতাড়িই পারব। এ ত বি-এ, এম-এ পরীক্ষা নয় যে ছ’মাস কেটে যাবে?”

পূর্ণিমা আবার বলিল, “দেখ, এক কাজ করতে হবে। আমাদের পাণের বাড়ীর ওরা Statesman রাখে ত? রোজ বিকেলে কাগজগুলো এনে wanted বিজ্ঞাপন-গুলো দেখতে হবে। যারাই চেনো চায়, সব নাম ঠিকানা লিখে রাখব। যেই ফল জানতে পারব, অমনি apply করব। মোট কথা, ছুটির মধ্যে আমার একটা ছাকরি ঠিক ক’রে নিতেই হবে।”

সরমা বলিল, “আচ্ছা ভাই, তোমার যদি কোন সাহেবী অফিসে কাজ হয়?”

পূর্ণিমা বলিল, “হোক না, মন্দ কি?”

“সারাক্ষণ ইংরেজী বলতে পারবে?”

পূর্ণিমা বলিল, “তা পারব না কেন? সাধারণ মত কথাবার্তা বলার অভ্যাস ত আছে খানিক খানিক। আরও বলতে বলতে সড়গড় হয়ে যাবে। আমায় ত আর বক্তৃতা দিতে হবে না ইংরেজীতে।”

সরমা বলিল, “আমি হলে ভাই, ভয় পেয়ে যেতাম। আমি মোটেই পারি না ইংরেজী বলতে।”

পূর্ণিমা বলিল, “ভয় পেলে আমাদের চলবে কেন? আমাদের ত বাবাও নেই, বড় ভাইও নেই। ভয় ভাঙাবার কেউ নেই, তাই নিজেরাই শক্ত হয়ে থাকতে হবে, ভয় না পেয়ে।”

সরমা বলিল, “তাই বললেই ভয় যায় নাকি? আমার ত এখনও ভূতের ভয় করে।”

পূর্ণিমা বলিল, “তা যদি সখ ক’রে এখন ভয় পাও ত কি করা যাবে?”

তাহাদের মা আসিয়া কাছে বসিলেন, বলিলেন, “ই্যা রে কোথায় কাজ নিবি এখন বলছিলি?”

পূর্ণিমা বলিল, “এখনও কাজ পাই নি ত কোথাও? কোন অফিসে কাজের চেষ্টা করব।”

মা বলিলেন, “অনেক বেশী খাটতে হবে। আর ছপুর রোদে ট্রামে বাসে বাহুড়-ঝোলা হয়ে যেতে হবে।”

পূর্ণিমা বলিল, “না, মা, দাঁড়িয়ে যেতে হতে পারে, তবে বাহুড়-ঝোলা হয়ে নিশ্চয় যাব না।”

সরমা বলিল, “দিদিকে ভয় পাওয়াবার চেষ্টা বৃথা, ওতে ওর খালি রোপ চ’ড়ে যায়।”



# মধ্যযুগের বাংলা সাহিত্যে মানবধর্ম

( প্রতিযোগিতায় মনোনীত প্রবন্ধ )

শ্রীমতী তৃপ্তি রায়চৌধুরী

সাহিত্যে মানুষেরই হৃদয়ের রসে নিষিক্ত, তারই আশা-বাসনার বিচিত্র স্বপ্নে রঞ্জিত। তাই সাহিত্যের মধ্যে যুগে যুগে বিপুল মানবসংসার বার বার কল্লোলিত হয়ে উঠেছে, জনপদজীবন কলরবে মুখরিত হয়ে উঠেছে। বাংলা সাহিত্যে এই মানবস্বীকৃতি খুব পুরাতন নয়, দেবমহিমার উর্দ্ধায়ন থেকে বাঙ্গালী লেখকের দৃষ্টি খুব বেগুদিন মানবসংসারের ছায়া আলোকের লীলায় নিষিক্ত হয়ে ওঠে নি। মানুষের জীবনের যে একটি বিরীচি মহিমা আছে, অনন্ত রহস্য আছে তার হৃদয় ঘিরে, এ সত্য বাঙ্গালী লেখকের অজানাই ছিল। তাই প্রাচীন বাংলা সাহিত্যে দেবপূজার ঘণ্টাধ্বনিতে মুখরিত। অস্পৃশ্য মানবজীবন তাতে কুণ্ডলভরে স্বীকৃতি জানিয়ে এসেছে মাত্র।

প্রকৃতির বিরীচিরূপ মানবজীবনে যে বিপুল রহস্য ও বিশ্বয়চেতনার সঞ্চার করেছিল সেই বিশ্বয়চেতনা থেকেই দেবমহিমার স্তব আরম্ভ হয়েছিল। মানুষ বার বার প্রকৃতির অপকৃপ মোহন রূপে মুগ্ধ হয়েছে, তার স্তম্ভ কাঙ্ক্ষিত দেখেছে ভয়মিশ্রিত শঙ্কার দৃষ্টিতে—আর বার বারই এই বিরীচি বিপুল রহস্যের মধ্যে নিজের ক্ষুদ্রতাকে অনুভব করেছে বেশী করে। এই অসহায়ত্ব চিরদিনই একটা সুনিশ্চিত আশ্রয় খোঁজে। মানুষও চেয়েছে জীবনের উর্দ্ধলোকে কোন অতিলৌকিক শক্তির আশ্রয়। সাহিত্য যদি মানবচেতনার রূপকার হয় তবে তার মধ্যে মানুষের তৎকালীন জীবনবোধের বা যুগনিষ্ঠার ছবি ধরা পড়বেই। প্রাচীন বাংলা সাহিত্যে এই অতিলৌকিক জীবনচর্য্যার পরিচয়বাহী।

মধ্যযুগে এসে বাঙ্গালী লেখকের জীবনরস পিপাসা সাহিত্যের মধ্যে প্রকাশের পথ খুঁজল। প্রাক-ইসলামিক ভারতীয় সংস্কৃতির বিচিত্র প্রকাশের প্রায় সর্বত্রই মার্যাবাদের স্পর্শ, ব্যক্তির ব্যক্তিত্ব বিকাশের স্থান প্রায় ছিল না বললেই চলে। মানুষের স্বাতন্ত্র্যবোধও প্রাচীন ভারতীয় সংস্কৃতিতে ক্ষীণ। বৌদ্ধ বিপ্লবের আলোড়নে প্রাচীন যুগে যে মানবস্বীকৃতির সূচনা দেখা গিয়েছিল, মুসলমান আক্রমণের পর তা আবার নতুন করে দেখা গেল বাংলা সাহিত্যে; কারণ ইসলামধর্ম প্রবলভাবে মানুষের শ্রেষ্ঠত্ব ঘোষণা করেছে।

ইসলামের সাম্যবাদ ও তার সঙ্গে হিন্দুমানসের সংঘাত, এই দুই শাবধারার ফলে সাহিত্যে মানবস্বীকৃতি

সুরু হ'ল। মানবজীবন তখনও সাহিত্যে পূর্ণ স্বীকৃতি পায় নি। তা সত্ত্বেও বলা যায় দেবমহিমার বিশাল বনস্পতির ছায়ায় ক্ষুদ্র মানবজীবনের অন্ধুর মাথা তুলতে আরম্ভ করেছিল। অন্ধুরের একটি ক্ষুদ্র প্রান্ত থেকে তার প্রথম স্বীকৃতি ধ্বনিত হ'ল। এই মানবতাবোধকে কাব্যে রূপ দেবার চেষ্টা চলেছিল সত্য, কিন্তু অতি ক্ষীণধারায়। বার বার তা ব্যক্তিকে অতিক্রম করে অতিমানবের ক্ষেত্রে গিয়ে পৌঁছিয়েছিল। মানুষ তার অখণ্ড সত্যস্বরূপে উজ্জ্বল হয়ে উঠতে পারে নি—দেবমহিমার আলোর পেছনে মানবসংসারের বিচিত্র রূপ ছায়াময় হয়ে গিয়েছিল।

চৈতন্যদেবের আবির্ভাব মধ্যযুগের সাহিত্যের ক্ষেত্রেও একটি উল্লেখযোগ্য দিক নির্দেশ। তাঁর ধর্মে যে চিরন্তন মানবিকতা ছিল তার সুর তৎকালীন সমস্ত সাহিত্যকে প্রভাবিত করেছে। বৈষ্ণবীর মধুরিমা সমসাময়িক জীবনধারা থেকে সাহিত্যের উপাদান খোঁজবার প্রেরণা দিয়েছে এবং ঈশ্বরের ঐশ্বর্য্যভাবের মধ্যে মাধুর্য্যের সঞ্চার করে মানবপ্রীতির এক অভিনব রূপায়ণ ঘটিয়েছে। এই মানবস্বীকৃতি থেকেই জীবনী সাহিত্যের উদ্ভব হয়েছে, যা মধ্যযুগের সাহিত্যকে একটি উল্লেখযোগ্য স্বাতন্ত্র্য দিয়েছে।

বৈষ্ণব সাহিত্যে যে মানবতাবোধের প্রথম উন্মেষ, তার ধারা মঙ্গলকাব্যের মধ্যে দিয়েও প্রবাহিত হয়ে এসেছে। বৈষ্ণব কাব্যের বিকাশ অসীমের দিকে, কিন্তু মঙ্গলকাব্য “লোকাতীতকে সমাজজীবনের সহজ সঙ্ঘর্ষের মধ্যে প্রকাশ করতে চেয়েছে।” এগুলোও দৈবীমহিমার রঙে রঞ্জিত, কিন্তু দেবতার লীলা প্রচারের চেষ্টা সত্ত্বেও মানবজীবন যে এগুলোতে মুখ্য অবলম্বন হয়ে উঠেছে, একথা অস্বীকার করা যায় না। সমাজের সমস্ত মানুষের জীবনের ছায়া এতে পড়ে নি সত্য, কিন্তু কয়েক শ্রেণীর মানুষের জীবনচর্য্যার পূর্ণ পরিচয় পাওয়া যায় মঙ্গলকাব্যগুলোর ভেতর দিয়ে। এখন থেকেই দেখা যায় মানবজীবন আর উপেক্ষিত হয়ে নেই সাহিত্যের দরবারে, উপরন্তু বিচিত্র কলরবে মুখরিত হয়ে উঠেছে। তাই ফুল্লরা কালকেতুর জীবনচর্য্য ও চাঁদসদাগর বা লাউসেনের পুরুষকার যেমন করে জীবন্ত হয়ে ওঠে, দেবতার মহিমা তেমন করে উজ্জ্বল হয়ে ওঠে না।

বৈষ্ণব পদাবলীতে যে মানবধর্মের সূচনা হয়েছিল তা যখন ধীরে ধীরে অতিপ্রিয় ব্যক্তিকেন্দ্রিক বিকাশে রূপান্তরিত হয়ে গেল, তখন তৎকালীন সমাজ মানস সাহিত্যের মধ্য দিয়ে নতুন করে মানবতাবোধের আশ্রয় খুঁজল। শাক্ত পদাবলীতে নতুন করে মানবধর্মের প্রতিষ্ঠা হ'ল। দেবতা এসে বাঙ্গালীর ঘরের অজস্র হাসিকান্না হৃদয়মাধুর্যের মধ্যে বাঁধা পড়লেন। শাক্ত সাধকদের লক্ষ্য মুক্তি, কিন্তু সেই মুক্তি এই বেদনাদীর্ঘ জগতের বৃত্ত থেকে মুক্তি, জীবন থেকে পলায়নী মনোভাব নয়। তাঁরা মানবজমিতে আবাদ করে সোনা ফসাতেই চেয়েছেন—কারণ তাঁরা জানেন “ত্রিভুবন যে মাগের মুক্তি।” শাক্ত পদাবলীর মূল্য শুধু ঐতিহাসিকতায় নয়,—তা কবি-মনের বেদনায় প্রসারিত। এরই মধ্যে দিয়ে মানবহৃদয়ের স্নেহ ভালবাসা বাৎসল্যের সুধুগুলো একটি অখণ্ড সঙ্গীতে উদ্ভাসিত হয়ে উঠেছে।

তৎকালীন অনুবাদ সাহিত্যের মধ্যে দিয়েও এই মানবধর্মকেই প্রাধান্য দেওয়া হয়েছে। মূলতঃ চৈতন্য-প্রভাব থেকেই এই মানবতার সঞ্চার হয়েছে। ভাগবতের অনুবাদে শ্রীকৃষ্ণের যে রূপ আঁকা হয়েছে তাতে ঐশ্বর্যরূপের চেয়ে মধুর লীলাই বেশী করে মূর্ত্ত হয়েছ। রামায়ণ মহাভারত অনুবাদের মধ্যেও বিরাট বিপুল মানবজীবনের তরঙ্গলীলা মূর্ত্ত। দেবতার লীলা নয়, মানুষই আপন মহিমায় দেবোপম হয়ে উঠেছে, কিন্তু মর্ত্ত্য-মানুষের স্নেহ প্রেম দুঃখ বেদনা সমস্ত কিছুরই সার্থক রূপায়ণ আছে এগুলোর মধ্যে।

বৈষ্ণব কাব্যের মানবতার যাত্রা অন্যাহত ভাবে চলেছে পল্লীগাথাগুলোর ভেতর দিয়ে। এই পথচলা আর একক নয়, নিঃসঙ্গ নয়, তার সঙ্গী হয়েছে বিপুল মানব-সংসারের কত বিচিত্র হৃদয়ের রহস্য, কত চারুকনয়না গৃহ-বধুর বিচিত্র দিবাস্বপ্ন, কত প্রেমিক হৃদয়ের অশ্রুসিক্ত আকাঙ্ক্ষা। বাঙ্গালীর কাব্যে মানবতাবোধের চরম প্রকাশ ঘটেছে বোধ হয় এই পল্লী গাথাগুলোর ভেতর দিয়েই। জীবনের পথ দিয়ে যত পথিক চলে যায় তাদেরই বহুবিস্মৃত পদচিহ্নের পদাবলী পল্লীগাথাগুলো জীবনে কোন অসীমের স্বপ্ন নয়, অপ্রাপনীয়ের ছুরাণা নয়। কেবলমাত্র হৃদয়ের বিচিত্র লীলার মধ্যে, সংসারের অজস্র মায়ামোহের মধ্যে বাঁধা পড়বার চিরস্তন আকাঙ্ক্ষা রূপ পেয়েছে পল্লীগাথার মধ্যে। পল্লীকবি রূপসী গ্রামবালার হৃদয়-রহস্যে অবগাহন করতে চেয়েছেন—“কল্পা তুমি হও গহিন গাঙ আমি

ডুইব্যা মরি”। কখনও বা টুকটুকে লঙ্কাগাছ দেখে “গুণবতী ভায়ের” জন্ত তাঁর মন উদাস হয়ে গিয়েছে। জীবনের ক্ষুদ্র তুচ্ছ সমস্ত রূপ, অক্ষুট বাসনা বেদনা সমস্ত যেন নিটোল অশ্রুবিন্দুর মত উজ্জ্বল হয়ে উঠেছে পল্লীগাথাগুলোর মধ্যে। পল্লীকবিরা সৃষ্টি করেছেন মনের রম্য স্পন্দন, যে রসময় রূপময় মন আপন সন্তাকে যুগ যুগ ধরে বাঁচিয়ে রাখে সাহিত্যের মধ্যে। এই হৃদয়ের কথাকে অনাবৃত করে দেখাবার চেষ্টা পল্লীগানের প্রতিটি ছন্দে। যে সহজ কথার গুণ “অল্পের মধ্যে অনেক কথা বলা,” সেই সহজ ভাষা, সহজ ছন্দে মানব-জীবনের বিচিত্র রূপায়ণ ঘটেছে।

সাহিত্যের মধ্যে মানবজীবন এতখানি অন্তরঙ্গ, জীবন্ত হয়ে উঠেছিল বলেই ভারতচন্দ্রের মঙ্গলকাব্যের মধ্য দিয়েও মানবজীবনই একান্ত সত্য হয়ে উঠেছে। “নিবাত নিষ্কম্প দাঁপশিখার” মত প্রোজ্জ্বল মহাদেবকেও ভারতচন্দ্র একান্ত মানবীয় রূপে চিত্রিত করেছেন—“ভূত নাচাইয়া ফেরে গানবাদ্য বাজাইয়া।” সাধারণ গৃহস্থের মত শিব ঘর-সংসার করেছেন, লাঙ্গল বুনেছেন, শূন্যহাতে ধরে ফিরে গৃহিণীর কাছে লাঞ্চিত হয়েছেন। মানবতাবোধ সাহিত্যে এত অন্তরঙ্গ স্বীকৃতি লাভ করেছিল যাতে দেবীর কাছে বর প্রার্থনা করতে গিয়ে ঈশ্বরী পাটনী কোন অলৌকিক জিনিষ প্রার্থনা করে নি—মানবহৃদয়ের একটি চিরকালীন কামনা রূপ পেয়েছে তার কথায়—“আমার সন্তান যেন থাকে ছুপেভাতে।”

জীবনবোধের মধ্যে যে আন্তরিকতা থাকলে সাহিত্যরচনা সত্যকার সার্থক হয়ে ওঠে, মধ্যযুগের সাহিত্য সম্পূর্ণ না হলেও প্রায় ক্ষেত্রেই সেই আন্তরিকতার পরিচয়বাহী। মানবজীবনকে বাদ দিয়ে সাহিত্য-রচনা হয় না। কারণ সাহিত্য শুধু criticism of life নয় creation of life-ও বটে। জীবনবোধ ও মানবধর্ম সাহিত্যকে দেয় বিস্তার, তাকে উত্তীর্ণ করে কালাতীত মহিমায়। মধ্যযুগের সাহিত্য দেবমহিমার অন্তরাল সরিয়ে মানবসংসারের দিকে দৃষ্টিপাত করেছিল বলেই তার মধ্যে সত্যকার রসাত্মকতা সঞ্চারিত হয়েছে। “সবার উপরে মানুষ সত্য তাহার উপরে নাই”—জীবনের ক্ষেত্রে একথা যেমন সত্য, সাহিত্যের ক্ষেত্রেও তেমনি সত্য। এই মানবসত্যকে গ্রহণ করেছে বলেই মধ্যযুগের সাহিত্য উৎকেন্দ্রিক হয় নি—তার বাণীপ্রকাশে এসেছে অপূর্ণ ব্যঞ্জনা, যা তাকে সার্থক রসবোধের প্রতিষ্ঠাভূমিতে দাঁড় করিয়ে দিয়েছে।

## লাভা

শ্রীসাধনা কর

শিলঙ শহরের ঘরে ঘরে চাকল্য ও বিশ্বয়ের অবধি রইল না। জানা-অজানা কাহিনী-আলোচনায় মুখর হ'ল শহরবাসী। দারোগা-পুলিসে মিলে তোলাপাড় করলে। কিন্তু সেদিনের নিদারুণ ঘটনার পরে সেই যে সাহেব নীরব হয়ে গেছেন, আর একটি শব্দ কেউ তাঁর মুখ থেকে বের করতে পারে নি। ডাক্তাররা পরীক্ষা ক'রে রায় দিয়েছেন—স্নায়ু-বিকলতায় সাহেবের বোধ-শক্তি লুপ্ত-প্রায়; সে বোধ ফিরে পাবার সম্ভাবনা কম।

শিলঙের লাবান-অঞ্চলে পাহাড়ের স্তরে স্তরে উঠে গেছে ঘরবাড়ী; পাইন ও অর্কিডে সাজান বাগান—প্রকৃতি-রচিত সৌন্দর্য-লোকের বুকে মনুষ্য-রচিত গৃহ-শিল্প মিলে মনোরম স্বপ্নলোকের সৃষ্টি হয়েছে। উপর থেকে সমতলে নেমে আসার পথটি পাহাড় থেকে পাহাড়ের স্তরে ঘুরে-ফিরে হঠাৎ কিছুটা সোজা হয়ে গেছে। দূর থেকে দেখে মনে হয় একটা সাপ একে-বেঁকে নীচের খাদে মুখ ঢুকিয়ে কি খুঁজে বেড়াচ্ছে। এ পাশে পাহাড়, ও পাশে খাদ। সে খাদ ছুর্গম নয়—অনায়াসে তার মধ্যে ওঠা-নামা করা যায়। আবার ঢালু পথে নামতে গিয়ে অতিক্রমে প'ড়ে গেলে মৃত্যু ঘটাও আশ্চর্য নয়। কিন্তু কচি-কচি বাচ্চারাও অবাধে এ পথে যাতায়াত করে, কখনও কোন অঘটন ঘটে নি।

এতদিন না ঘটলে যে কোনদিনই ঘটবে না, এ কথা কি বলা যায়? জিৎবাহাহুরেরই ক্রটি বসন্তের আগমনে ফাণ্ডার রোগে তার মন ছিল ফুঁটিভরা; রাতের আড্ডার মৌজ সম্পূর্ণ ঘোচে নি, হুধ-বিলির শেষে একটা পাহাড়িয়া গানের স্বর ভাঁজতে ভাঁজতে দ্রুতবেগে সে নেমে আসছিল, পথের শেষ দিকে খোড়ার রাশ টানবার খেয়াল হয় নি। রাগবী হুমড়ি খেয়ে পড়ল গিয়ে খাদে। চিংকারে চারদিক্ সচকিত হয়ে উঠল। হতবুদ্ধি জিৎবাহাহুর প্রথমটা কাঠের মত দাঁড়িয়ে থেকে পরক্ষণেই কাঁপিয়ে নেন্দে গেল। কিন্তু তখন আর-কিছু করবার নেই। খাদ জুড়ে প'ড়ে আছে রাগবী। নিদারুণ ব্যথায় দেহটা একে-বেঁকে উৎক্লিষ্ট হচ্ছে। আঘাতে-আঘাতে চন্-চন্ ক'রে বেজে চলেছে টিনছুটো—ভিতরের হুধ

প'ড়ে রাগবীর পিঠ সাদা। দেখতে দেখতে লোক জমে উঠল। বহকটে ঘোড়াটাকে খাদ থেকে উঠিয়ে আনা হ'ল। জিৎবাহাহুর তাড়াতাড়ি টিন খুলে ফেলে দ'লে-ম'লে ওকে দাঁড় করাবার চেষ্টা করলে। কিন্তু ঘোড়া গড়িয়ে প'ড়ে গেল। সে কি তার হুঃসহ আর্তনাদ! বুদ্ধিশ্রুতের মত জিৎবাহাহুর এদিক্-ওদিক্ তাকিয়ে নিজের ভাষায় বলতে লাগল—পান ছে বরষ ধরি মো এস্তা হুধ বিগ্রি গরদাইছু, এস্তিদিন কে পানি ভয়ো না, আজু কি না এস্তো ভয়ো।

(অর্থাৎ—পাঁচ-ছ বছর ধ'রে আমি এত হুধ বিক্রি করছি, কোনদিন কিছু হ'ল না, আজ কেন এমন ঘটল।)

সমবেত হু-একজন স্রণ করিয়ে দিলে—‘সাহেবকে খবর দাও।’

জিৎবাহাহুরের চোখাল-উঁচু পাহাড়ী মুখখানার উপর দিয়ে চকিতে একখণ্ড মেঘ ভেসে গেল। ঘোড়া তার নিজের নয়, ক্যাপ্টেন্ রিচার্ড টমসনের। সে ঘোড়ার তদারক করে মাত্র, পরিবর্তে হু'বেলা হুধ বিলি করবার জন্ত নিয়ে আসে।

—দেরি ক'রো না, যাও। ডাক্তার এনে সাহেব খোড়াটাকে দেখাবার ব্যবস্থা করুন।

জিৎবাহাহুর আলো দেখতে পেল। এতক্ষণ কেন এ কথাটা মনে প'ড়ে নি। কতদিন ত সে সাহেবের আদেশে খোড়া নিয়ে গিয়ে ডাক্তার দেখিয়ে এনেছে। খুব ভাল ডাক্তার। উৎসাহে সে ছুটল।

পাহাড়ের মোড় ঘুরেই ওপাশে সাহেবের বাংলো। শোর হতে না হতে তিনি বারান্দায় এসে বসেছেন। মেজাজ ভাল নেই। রাতে স্বপ্ন দেখেছেন—ছোট্ট একটা মেয়ে, তারার মত স্নিগ্ধ তার চোখ, শোরের আলোর মত উজ্জ্বল হাসি, আগ্রহে এগিয়ে আসছিল তাঁরই দিকে।—এতদিনের প্রতীক্ষার শেষে ও তবে এল! নির্মম নিষ্ঠুর মেয়ে!

টমসন হু'হাত বাঁড়িয়ে তাকে ধরতে যাবেন,—অকস্মাৎ ধরে এল ঝড়, ঝলসে উঠল বিদ্যুৎ, আকাশ ও মাটি লালে-লাল হয়ে গেল—সে কি আশুন, না, রক্তের স্রোত! গুমরে উঠল একটা করুণ চাপা-কান্না। ঘুম



গেল শুভে, সাহেব ধড়কড়িয়ে উঠে বসলেন। বহুক্ষণ অবধি বুকের কাঁপুনি থামতে চায় নি। ওষুধ খেলেন, পায়চারি করলেন। ছুঃখের রাত শেষ অবধি ভোর হ'ল। হাঁফ ছেড়ে বাচলেন তিনি। বাইরে এসে ঠাণ্ডা হাওয়ার একটু শান্ত হলেন। বয়স তাঁর সস্তুর অতিক্রান্ত। বাধ'ক্য-জীর্ণ দেহ, শোকার্ড মন। চলাফেরায় তিনি প্রায় অক্ষম। দিনের অধিকাংশ সময়ই কাটে ইজিচেয়ারে। সেদিন ভোর থেকেই অত্যধিক ক্লান্তি বোধ করতে লাগলেন। প্রত্যেকদিন দুধ বিলি করতে যাবার আগে জিৎবাহাহুর রাগবীকে নিয়ে আসে, সাহেবের সামনে দাঁড় করিয়ে দানাপানি খাওয়ায়, দলাই মলাই করে, টমসন তার গায়ের-মাথায় হাত বুলিয়ে দেন। রাগবী হর্ষে হেমাধ্বনি ক'রে বেরিয়ে যায়। সেদিন সাহেবের বিন্ধুমাত্র সামর্থ্য বা উৎসাহ রইল না যে উঠে ঘোড়াকে একটু আদর করেন। জিৎবাহাহুর চলে গেল, তিনি শূত্র চোখে দেখলেন, দীর্ঘশ্বাস ফেলে ইজিচেয়ারে মাথা তেলিয়ে দিলেন—আর কেন, এবার গেলেই হয়। বেঁচে থেকে কেবল কষ্ট-ভোগ।

টমসন জানেন—হুঃখপ্রতা আর কিছুই নয়, গত সন্ধ্যার ভুলের জের। কি যে ভুল তাঁর হ'ল! ইজিচেয়ারে বসে খবরের কাগজ পড়ছিলেন, এক সময় মনে হ'ল ছুটি বড় বড় কামল চোখ তাঁর প্রতি স্থির হয়ে আছে। সচকিত হয়ে সাহেব বলে উঠলেন—কে? কে ওখানে দাঁড়িয়ে?

উত্তর এল না। টমসন দ্রুত নড়াচড়া করতে অপারগ। তবু উঠে দাঁড়ালেন। খসখস একটা আওয়াজও যেন ভেসে এল কানে। সাহেব টলতে টলতে গিয়ে পিছনের জানালার পর্দা সরালেন। দৃষ্টি প্রথর নয়, সন্ধ্যার আবছায়ায় কাউকে দেখা গেল না। কানে বেজে উঠল দুরাগত চাপা কান্নার স্বর। সাহেব হেঁকে উঠলেন—বয়, বয়।

খানসামা ছুটে এল।

—কে এসেছিল বাগানে?

—কেউ না।

—কেউ না? কোথায় ছিলে তুমি?

—এখানেই, এই বাগানে।

—কাউকে দেখতে পাও নি?

—না।

—পিছনের গেট বন্ধ?

—হ্যাঁ। ওটা সারাক্ষণই বন্ধ থাকে।

—ভাল ক'রে দেখেছ?

—হ্যাঁ।

প্রশ্নের পর প্রশ্ন করে টমসন নিরাশ হলেন। বুঝলেন—তাঁরই ভুল হয়েছে। হয়ত কোন পাখী চলাফেরা করছে, খচ্‌মচ্‌ আওয়াজ উঠেছে; বাতাস বয়ে গেছে, চাপা কান্নার মত ভেসে এসেছে। কিন্তু বাস্তবে ভুল ধরা পড়লেই কি অন্তরে তাকে স্বীকার করা চলে! ঘটনা ভিতরে ভিতরে যথেষ্ট আলোড়ন তুলল, শরীর-মন হ'ল বিকল। স্বপ্নেও তাঁরই জের চলেছিল। সাহেব ইজিচেয়ারে নড়ে-চড়ে বসে বিন্ধুক কণ্ঠে বলে উঠলেন—ভুয়ো, সব ভুয়ো।

মিস্টার নন্দী রিটার্ড ৩৩। কর্মজীবনে টমসনের সঙ্গে তাঁর ঋণতা ছিল। বর্তমানে এ শহরেই তিনি অবসর-জীবন যাপন করছেন। মাসখানেক আগে একদিন সাহেবের সঙ্গে দেখা করতে এসেছিলেন। কথাগুলো বলে গেছেন—রবার্ট নিকলসনরা নাকি শীগ্‌গীরই এখানে ফিরে আসছেন—এমনি একটা গুজব শোনা যাচ্ছে। বাড়ীটা বিক্রী করে দেবার ইচ্ছে। কি সব যেন গোলমাল আছে, সে সব পরিষ্কার করা প্রয়োজন; নিজেরাই আসবেন জানিয়েছেন। খবরটা শুনে শুনে সাহেব এমন বিবেক-ভরে তাকিয়েছিলেন যে, মিস্টার নন্দী অপ্রস্তুত হয়ে ফিরে গেছেন। তাঁর পর থেকে রক্তের তালে তালে, বক্ষঃ-স্পন্দনে-স্পন্দনে ধ্বনিত হয়ে চলেছে কথাটা। ঘুমে জাগরণে তাঁর শাস্তি নেই, অত কোন ভাবনা নেই। হাওয়ার শব্দে চমক লাগছে—কে এল? রাস্তা দিয়ে লোক যেতে দেখলেই ঔৎসুক্যে তাকিয়ে দেখেন। দিনকের দিন অত্যন্ত উন্মনা হয়ে উঠছেন। গত সন্ধ্যায় নয়ত এমন একটা বিভ্রমও ঘটে!

চিন্তাটাকে কিছুতে সরাতে পারছেন না, টমসন অস্থির চিন্তে ইজিচেয়ারে সোজা হয়ে বসলেন—ভুয়ো, সব ভুয়ো।

রুমালে কপালটা মুছে ফেললেন। কিন্তু মিস্টার নন্দী ত বাজে কথা বলবার লোক নন, সংবাদে নিশ্চয় একটু সত্য নিহিত আছে। হয়ত আসবে, একা রবার্ট কিংবা তাঁর ছেলে। সবাই আসছে এমন কথা ত মিস্টার নন্দী বলেন নি। নিগূঢ় অন্তরে একটা সূক্ষ্ম বেদনা-বিদ্যৎ খেলে গেল। যখনই এ সম্ভেদটা মাথা জাগিয়ে উঠেছে, সাহেব স্থির থাকতে পারছেন না। সঙ্গে সঙ্গে নিজেকে তিনি সাস্থনা দিচ্ছেন—সে কি

একবারের জন্তও আসতে চাইবে না? টমসন বেঁচে আছেন সে কি জানে না? হয়ত এতদিনের পুরোনো স্থানে ফিরে আসবার ইচ্ছা তার হবে, হয়ত আসবে, কিন্তু তাঁর কাছে এসে দাঁড়াবার সাহস তার হবে না। বোকা ভীকু মেয়েটা...। ভাবতে ভাবতে টমসন ইজিচেয়ারে সটান হয়ে বসলেন—কে, কে?

স্পষ্ট পায়ের শব্দ কানে এসেছে। এবার ভুল হতেই পারে না। তীক্ষ্ণ চোখে তাকিয়ে দেখলেন—সামনে জিৎবাহাদুর। সাহেবের মুখে-চোখে হতাশার ছাপ ফুটে উঠল। ক্রান্ত স্বরে বললেন—কে? বাহাদুর? আন রাগবীকে।

ছুধ বিলি শেষে রাগবী এলে সাহেব তাকে নিজের হাতে ক্রটি খাওয়ান। জিৎবাহাদুর নীচু স্বরে কি বললে, সাহেব বুঝতে পারলেন না। শ্রবণ-শক্তিও তাঁর ক্ষীণ। বিরক্তিভরে বললেন—কি হয়েছে, জোরে বল। খাদে পড়ে গেছে? কে? রাগবী?

বলার সঙ্গে সঙ্গে বিদ্যুৎ-স্পৃষ্টের মত সাহেব দাঁড়িয়ে উঠলেন—রাশ্বেল।

দাঁড়াতে অসমর্থ হয়ে তিনি ধপ করে পড়ে গেলেন চেয়ারে। বয় চা দিতে এসেছিল, তাড়াতাড়ি ধরে ফেললে। টমসন তখন অনড়।

—সাব্, সাব্।

বয় ছুটে গিয়ে ব্র্যাণ্ডির বোতল নিয়ে এল। পান করে সাহেব একটু স্নেহ বোধ করলেন। বয় আশ্বাস দিয়ে বললে বিশেষ কিছু হয় নি। আমি ব্যবস্থা করছি। ভাবনা নেই।

টমসন রক্তহীন মুখে তাকালেন। বয় ত্রস্তপদে বারান্দা থেকে নীচে নেমে গেল। মাথা হেঁট করে দাঁড়িয়ে ছিল জিৎবাহাদুর। বৃষ্টি নয়, ভূমিকম্প নয়, পাহাড়ের ধ্বস-নামা নয়, রোজকার পথে নামতে গিয়ে বিপত্তি এর কি কোন কৈফিয়ৎ আছে? কিন্তু জিৎবাহাদুর জাত-পাহাড়ী, নিভীক, সত্যনিষ্ঠ। দোষ করলে মাথা পেতে দণ্ড নিতে জানে; দোষীকে শাস্তি না দিয়ে তাদের চোখে ঘুম আসে না, মুখে খাবার রোচে না। আবার দোষ না করলে দণ্ড দেওয়া বা নেওয়া তাদের স্বভাব নয়। বয় এসে জিজ্ঞাসা করতে সে সত্য কথাই বললে। বয়ের মুখ হ'ল বিবর্ণ। ধিক্কার দিয়ে বললে—করেছিস কি বাহাদুর!

জিৎবাহাদুর কপাল চাপড়ালে। বয় একটুকুণ্ড ভাবলে, তার পরে নির্দেশ দিলে—রাগবীকে এখানেই নিয়ে আয়। জিৎবাহাদুর সাঁ সাঁ বেগে ছুটে চলে গেল।

লোকজন, দড়ি, বাঁশ জোগাড় করে রাগবীকে তুলে নিয়ে এল। রাগবীর আর্তনাদে এবং নিদারুণ অস্থিরতায় বীভৎস দৃশ্যের সৃষ্টি হ'ল। পাগলের মত দৌড়ে এলেন টমসন। ছু'হাতে জড়িয়ে ধরলেন—রাগবী, আমার রাগবী। সাহেবের নিঃসঙ্গ জীবনের একমাত্র স্নেহের সম্বল, তার বেঁচে-থাকার আনন্দ রাগবী। সাহেব বার বার তার উপর জুশ এঁকে দিলেন। অক্ষুটস্বরে বলতে লাগলেন—না, না, শাস্ত হ', সব ঠিক হয়ে যাবে। বয়, ডাক্তার...।

ঝড়ের মুখে-পড়া পাতার মত কাঁপছে তাঁর হাত-পা। বয় এবং জিৎবাহাদুর মিলে বুদ্ধি করে বাঁশের গায়ে আরেকটা বাঁশ আড়ভাবে আটকে দিলে। রাগবীর সামনের দুটো পা তার উপর ঝুলিয়ে রেখে বেঁধে দিয়ে তাকে দাঁড় করান গেল। রাগবী বোধ হয় স্বস্তি পেল। শাস্ত হয়ে এল তার বিকোমল এবং চিৎকার।

পত্র ডাক্তার এসে বহুক্ষণ মনোযোগ দিয়ে পরীক্ষা-নিরীক্ষা করলেন। টমসনের দিকে চোখ তুলে তাকাতে পারলেন না। সাহেবের ইতিহাস ত তাঁর অজানা নয়! বেরিয়ে যেতে যেতে তিনি গম্ভীর মুখে বল গেলেন—ক্যাপ্টেন, কিছু যদি করবার থাকত, চেষ্টার ক্রটি করতাম না। যা করবার এবারে তুমি কর।

—হম্—ডাক্তার আসার সঙ্গে সঙ্গে টমসন উঠে দাঁড়িয়েছিলেন, নিম্পলক চোখে দেখছিলেন, এতক্ষণে বসে পড়লেন।

পাহাড়ের শিখর বেয়ে সূর্য উপরে উঠতে লাগল। রঙের পর রঙ বদল হতে লাগল। এপাশে ছায়া নেমে এল, রাগবীর কর্ণ-বিদারক আর্তনাদের বিরাম নেই। এদিক-ওদিক মুখ ফিরিয়ে সে অতি পরিচিত একটি মুখ এবং বহুকালের স্নেহস্পর্শটিকে ধুঁজে ধুঁজে আকুল হ'ল। পাথরের মূর্তির মত সাহেব বসে রইলেন। তাঁর সমস্ত বোধের মধ্যে রণিত হয়ে চলেছে—এবারে যা করবার তুমি কর।

এ ত কথা নয়, নির্দেশ। রাগবীকে গুলি করে মেরে ফেলা ছাড়া গত্যন্তর নেই। তিনি ছিলেন শিকারী, জাঁদরেল মিলিটারী ক্যাপ্টেন। একটি গুলি ছোঁড়া তাঁর কাছে টিল-ছোঁড়ার সামিল। কিন্তু তাঁর পক্ষে আজ সেটাই কঠিনতম কাজ। সাহেবের মুখ কুঞ্চিত রেখায় বিকৃত হয়ে গেল। তাঁর চোখের সামনে ভেসে বেড়াতে লাগল—একটি মূর্তি—নবীন যৌবনোদ্ভীষ্ট সৌম্য-কান্তি তরুণ। বাকল-খসে-পড়া ইউক্যালিপটাস গাছের মত শুভ্র মন্থণ বর্ণ, দীর্ঘ সটান অথচ কঠিন অঙ্গ-প্রত্যঙ্গ, নাক-

মুখ-চোখ বাটালি-কাটা। কখনও সে শান্ত নীরব রাগবীকে খেলাচ্ছিলে খেপিয়ে তুলে হাসিতে মেতে উঠছে; কখনও বা স্ত্রীপুণ দক্ষতার ছুঁবার ঘোড়াটাকে অকস্মাৎ নিশ্চল নিশ্চল ক'রে ফেলে গর্বে উল্লসিত হচ্ছে—টমসনের নিরেট লোহার বুকখানার মধ্যে দিনের পর দিনের ছবি খোদাই করা আছে। রাগবীর সঙ্গে সে-ছবি এক ফ্রেমে বাঁধান। রাগবী ত কেবল তাঁর নিঃসঙ্গ-জীবনের স্নেহের পাত্র নয়, সে যে তাঁর মৃত-পুত্রের স্মৃতি-চিহ্ন।—সাব্।

টমসন সজাগ হয়ে চোখ তুললেন। বয় অধঃসুটস্বরে বললে—রাগবী বড় কষ্ট পাচ্ছে...।

—বন্দুক আন।

বয় ঘরে চলে গেল। টমসন ধীরে ধীরে মাথাটি এলিয়ে দিলেন রাগবীর গায়ে। হাত বুলোতে বুলোতে গুন-গুন ক'রে বললেন—তুইও চলে যাবি, তুই-ও।

রাগবী যেন বুঝতে পারলে তাঁর বেননা। সাহেবের হাতে মাথা রেখে কাতর স্বরে ডেকে ডেকে উঠল।—ক্যাপ্টেন টমসন, এক্ষুণি ওটাকে গুলি ক'রে মেরে ফেল। এ চিৎকার অসহ্য।

টমসন চমকে ফিরে চাইলেন। চোখের দৃষ্টি হ'ল প্রথর—দেয়ালের কোণ ঘেঁসে দাঁড়িয়ে কে? ঠাহর হ'ল না, সন্দেহে সাহেব ঝুঁকে পড়লেন।

—ঘরে রোগী, শাস্তিভঙ্গের জন্ত পুলিশকে ফোন করতে বাধ্য হব।

বিদ্যুৎ-স্পন্দন খেলে গেল শিরায় শিরায় স্নায়ুতে স্নায়ুতে। টমসন সটান দাঁড়িয়ে উঠলেন।—ঐ যে, রবার্ট নিকলসন—সেই মুখ, সেই স্বর, সেই হাঁটাচলা। ভুল নয়, ভুল হতেই পারে না।—বন্দুক, বয় বন্দুক আন, জলদি;—চলে যাচ্ছে যে। বয়,—

হাঁক-ডাক শুনে বয় এল দৌড়ে, বারান্দায় বেরিয়েই নিশ্চল হয়ে গেল। নিকলসনকে সে দেখতে পেয়েছে। সাহেব এগিয়ে এলেন কয়েক পা। গর্জে উঠলেন—স্টুপিড্, ইডিয়ট। কেন দেরি করছ, দাও বন্দুক।

পুড়ে যেন তিনি লাল টকটকে হয়ে গিয়েছেন। হাত বাড়তে হাত কাঁপছে, পা ফেলতে পা টলছে, হড়মুড় ক'রে পড়েই যান বুঝি-বা। জিৎবাহার ছিল কাছেই, পিছন থেকে ধরতে এল। সাহেব ঝাঁকিয়ে উঠলেন—না, না, বন্দুক, বন্দুক—।

হাত বাড়িয়ে দিলেন। এগিয়ে আসতে চাইলেন সবগে। বয় এসে বন্দুক হাতে দিলে। সাহেব প্রায় টেনে কেড়ে নিলেন সেটা। শব্দ ক'রে চেপে ধরলেন।

বজ্রদৃষ্টিতে তাকিয়ে রইলেন বয়ের দিকে। বয় শঙ্কিত হ'ল। সাহেবের দৃষ্টির অর্থ তার বোধগম্য। চুপিসারে খসখসে গলার সাহেব ব্যগ্রকণ্ঠে বললেন—বয়, গত সন্ধ্যায় আমি ভুল শুনি নি; বল, ভুল নয়, সে এসেছিল!

বয় মাথা নত করলে। আর অস্বীকার করা সম্ভব নয়। গতকাল সে স্বেচ্ছায় মিথ্যা বলেছে। সত্য বলা কি তার পক্ষে সম্ভব? সে ত আজকের লোক নয়! প্রথম যখন সে সাহেবের কাছে কাজে আসে, ডিক ও স্টেলা তখন এতটুকু—গাড়ী ক'রে ছ'জনে ঘুরে বেড়াত, গল্প গুনত তার কাছে; কত সময় ছুঁমি ক'রে তার বকুন্নি খেয়েছে, আবার হেসে এসে পাশে বসেছে; নিষিদ্ধ খাবারের জন্ত আবদার ধরত যখন-তখন। সেই ডিক, স্টেলা বড় হ'ল, রাগবীকে নিয়ে ঘুরে বেড়াল। তার পরে কি-সব ঘটনা ঘটে গেল, সব হ'ল নষ্টপ্রষ্ট। সে ডিক বেঁচে নেই, এত বছর পরে সেই স্টেলা ফিরে এসে যখন গোপনে তার সঙ্গে দেখা করলে, জল-শুঁয়া চোখে পিতা টমসনকে একটবার দেখতে চাইলে, সে আপত্তি করতে পারে নি। আড়াল থেকে সাহেবকে দেখে যাবার পরামর্শ দিয়েছিল। সে ভালভাবেই জানত—ক্রোধে ক্ষোভে অপমানে শোকাঘাতে টমসন অর্ধোন্মাদ। দেখা হলে কি বিপদ ঘটবে ফেলবেন কে জানে। বয় তাই সঙ্কল্প করেছিল—ওদের আসার সংবাদ সাহেবের কাছে গোপনই রাখতে হবে। কিন্তু দৈবগতিকে সেই বিপর্যয়ই কি-না ঘটল!

বয়ের মুখ দেখেই সত্য অবহিত হলেন টমসন। স্থির দৃষ্টিতে তাকিয়েছিলেন বয়ের দিকে, ক্রমে ক্রমে তাঁর রুক্ষ-কঠিন চাহনির মধ্যে একটা তরল-কোমল ছায়া নেমে এল। ঠোঁটের কোণে দেখা দিল একটা অস্বস্ত হাসি। ফিস্ ফিস্ ক'রে বললেন—সে এসেছে, আমার ভুল নয়; না এসে কি পারে? কাছে এসে দাঁড়াবার সাহস নেই। বোকা বোকা...। বলতে বলতে তাঁর চোখ উঠল জ'লে, গলার স্বর হ'ল কর্কশ—ছলাকলা জানত না, ওরা যে অতি ভাল ছিল, তাই ত মেয়েটাকে ধাপ্পা দিয়ে নিয়ে যেতে পেরেছে; শয়তান, জন্ম শয়তান ঐ ছুই বাপ-বেটা।

সাহেব দাঁতে দাঁত পিসলেন। চোখে জলতে লাগল ষিকি-ধিকি কালারি। দেয়ালের ওপাশে গাছের ফাঁকে রবার্ট নিকলসনের বাড়ীর কিছু অংশ দেখা যায়। সেদিকে তাকিয়ে সাহেব স্তব্ধ হয়ে দাঁড়িয়ে রইলেন।

মেরী আর রবার্ট নিকলসন সমবয়সী, লগুনের একই পাড়ায় ছিল বাড়ী। ছেলেবেলা থেকে ছ'জনে একত্রে

বড় হয়ে উঠেছে। মেরী অপূর্ব সুন্দরী, ধীর স্থির, কোমল প্রকৃতির। রবার্ট তার বিপরীত। অল্পবয়স থেকে হিংস্র কুটিল হৃদয়। মেরী তাকে কখনই পছন্দ করতে পারে নি। কিন্তু মেরীর প্রতি রবার্টের লোভ ছিল দুর্দমনীয়। জোর করে তার উপর আধিপত্য বিস্তার করতে চাইত এবং মেরী উত্যক্ত হয়ে কেবলই তাকে এড়িয়ে চলত। তার পরে কৈশোর-যৌবনের সঙ্কীর্ণ স্নেহে যখন দেখলে বুদ্ধিদীপ্ত উন্নত-রুচি টমসনকে, ভুলে গেল অল্প সব পুরুষ-বন্ধুদের। তার ধ্যানজ্ঞান হ'ল 'টম'। হিংসায় ক্রোধে অপমানে পোড়া বাকুদের মত কালো হয়ে রইল রবার্টের অন্তর। এমন পরাজয় তার জীবনে ঘটে নি। সে নানা ভাবে চেষ্টা করতে লাগল যাতে টমসন ও মেরীর মধ্যে বিচ্ছেদ ঘটে। যত হ'ল ব্যর্থকাম, তত জ্বলতে লাগল আক্রোশ। কিছুদিনের মধ্যেই টমসন মেরীকে বিয়ে করে ভারতবর্ষে চলে এলেন। প্রেমের মাধুর্যে ভরে উঠল বিশ্বভুবন। রবার্টের কথা তাঁদের মনেই রইল না।

বছর দুই-তিন পরে সেবার টমসন লাহোরে বদলি হয়ে গিয়েছেন। কানাঘুঘায় শুনেতে পেলেন—অল্পদিন আগে একজন ইংরেজ মিলিটারীতে কাজ নিয়ে এসেছিলেন। বিশেষ কোন ছুষ্টির জন্ত তাঁর কঠিন দণ্ড বিধান হতে যাচ্ছে। নাম শুনেই টমসনের কেমন সন্দেহ জাগল। সেই রবার্ট নিকলসন নয় ত! খোঁজ নিলেন—সে-ই বটে। খবরটা মেরীর কানেও পৌঁছেছিল। এ নিয়ে দু'জনে আলোচনা করলে। রবার্টের প্রতি তখন কারুরই আর বিশ্বাস নেই। স্বজাতি-প্ৰীতি এবং বাল্যসঙ্গীর প্রতি সহানুভূতিই প্রবল হয়ে উঠল। মেরী স্বামীকে অহরোধ করলে এবং টমসনও স্বচ্ছার তদ্বির-তদারক করে রবার্টকে মুক্তি দিলেন, এমন কি চাকরির ও ক্ষতি হ'ল না। বন্ধুরূপে সে প্রবেশ করলে দু'জনের জীবনে। অত্যন্ত অমায়িক, সব নিসর্গে উৎসাহী, যেন আগেকার সে নিষ্ঠুর খল-প্রকৃতির রবার্টই নয়। দু'দিনে সে টমসন ও মেরীর অন্তর জয় করে ফেললে। আজ এখানে পাটি, কাল ওপানে বেড়াতে যাওয়া, দুর্গম বনে-জঙ্গলে পাহাড়ে-পর্বতে শিকারে ছোটা—দিনগুলি হাওয়ার বেগে ফুলের পাপড়ির মত উড়ে চলে গেল। শিকারে টমসনের অদুরন্ত উৎসাহ। সুযোগ পেলেই সে-সবে তিনি মেতে ওঠেন। রবার্ট ভাল শিকারী নয়, কিন্তু প্রমোদের আয়োজন করাতে এবং পাটি জমাবার গুণে তার জুড়ি নেই। কোন ব্যাপারেই তাকে বাদ দেওয়া চলে না। একান্ত ভাবে যখন তাঁরা রবার্টকে

বিশ্বাস করেছেন সেই সময়েই অকস্মাৎ ধরা পড়ল—কুট-কুশলী রবার্ট। জঘন্য তার উদ্দেশ্য। এক শিকারে গিয়ে সে টমসনের প্রাণনাশের সূচত্বর চেষ্টা করলে। দৈবক্রমে রক্ষা পেয়ে গেলেন সাহেব। ঘটনা প্রকাশ হয়ে যেতে রবার্ট পালিয়ে কোথায় যে গেল, বহু বছর তার সন্ধান মিলল না। জীবনের পথে চলতে চলতে টমসন ও মেরী প্রায় ভুলেই গেলেন তার কথা। নিয়তির চক্রান্ত—একদিন এই শিলঙের পাহাড়ে ফের তার সঙ্গে দেখা। চিরদিনের দুশ্চরিত্র মত্তপ রবার্ট। মিলিটারীর আইন ভঙ্গ করে কঠিন শাস্তি পেয়েছে; স্বাস্থ্য ভগ্ন-প্রায়; কর্ম-হীন অবস্থা, দুর্দশার চরমে উপনীত হয়েছে। এদিকে ঘরে তখন তার এক পাহাড়ী বউ, তিন-চারটি ছেলেমেয়ে। রবার্টের কাতর যাক্কায় মেরী ও টমসনের হৃদয় দ্রব হ'ল। নিজে যে বাড়ীটা এখানে শপথ করে কিনেছেন, তারই অদূরে একটি ছোট বাড়ী সস্তা দামে কিনে দিলেন। অর্থ-সাহায্যে রক্ষা করলেন পরিবারটাকে। ক'টা বছর আবার নির্বিঘ্নে অতিবাহিত হ'ল। টমসন সস্ত্রীক ঘুরে বেড়ান কর্মস্থানে। ছেলে ডিক থাকে দেরাছনে হোষ্টেলে, মেয়ে স্টেলা দার্জিলিঙের কনভেন্টে। শিলং তাদের সকলেরই প্রিয় স্থান। ছুটি হলেই সকলে এসে সমবেত হন। মেরী ফুলে-ফলে সজ্জিত করে তোলে বাড়ী; টমসন এসে ঘুরে বেড়ান পাহাড়ে পাহাড়ে শিকারে, আর ডিক এবং স্টেলার প্রচণ্ড আকর্ষণ হচ্ছে ঘোড়া—রাগবী। রবার্টের কাছ থেকেই কেনা হয়েছিল রাগবীকে। সস্ত্রীও জুটে গেল—রবার্টের ছেলেমেয়ে বব ও হেলেন। ছুটিতে ছুটিতে এসে চারজনে মিলে তারা ঘুরে বেড়ায়—কোথায় কোন্ পাহাড়ের শিকারে-শিকারে, কোন্ অগম্য বর্ণীর ধারে ধারে, চেরাপুঞ্জির গহন অরণ্যে—নিগ্ন নূতন স্থানে তাদের আনন্দ-প্রতিযান। প্রথমে মেরী কোন আশঙ্কা করে নি। বরঞ্চ ছেলেমেয়ের দূর্তিতে আনন্দই পেত। দিনে দিনে শঙ্কিত হয়ে উঠল। মায়ের প্রাণ, সন্তানের অমঙ্গল-শঙ্কা জাগে পদে পদে। রবার্টকে সে অন্তর থেকে বিশ্বাস করতে পারে না, বব ও হেলেনকেও নয়। পড়াশুনার ববের মন নেই, দুঃসাহসিকতায় সে উন্মত্ত। ওদিকে হেলেন প্রজাপতি-স্বভাব। রূপ-চর্চায়, লাস্ত-লীলায় সুনিপুণ। রূপে ভবিষ্যৎ ভেবে মেরার বুক দুর্-দুর্ করে ওঠে। মেয়ের জন্তই তার বেশী ভয়। স্টেলা জন্ম থেকে রুগ্ন, কীর্ণ-স্বাস্থ্য, সযত্ন লালনে বড় হয়ে উঠেছে। নম্র, শান্ত, লজ্জাশীলা সে। ওদের সঙ্গে হজুগে মেতে বিপদের মুখে সে এগিয়ে যায়—মেরী ব্যাকুল হয়ে ওঠে। বারে বারে



বাধা দিতে চায়। ডিক মায়ের সঙ্গে তর্ক করে অন্তরঙ্গ বোনটিকে দলে টেনে নেয়; বলে—অমনি করে ঘুরে বেড়িয়ে ওর স্বাস্থ্য যাবে ফিরে, দেখো তুমি।

মেয়ে বাপের কাছে এসে দাঁড়ায়। তার মুখ কাল, চোখ গজল। অভিমানের অন্ত নেই। দেখে পিতৃ-হৃদয় উদ্বেল হয়ে ওঠে। মেয়ে যে তাঁর বাধা পাবে এ তিনি সহিতে পারেন না। অতএব ডিক এবং স্টেলাদের ভ্রমণে বিশেষ ব্যাধাত ঘটে না। ছ'শাই-বোন হোষ্টেলে বসে দিন গোণে—কবে কলেজ বন্ধ হবে, তারা শিলং যাবে, রাগবীকে নিয়ে বেরিয়ে পড়বে অজানার পথে। ববেরও ছিল একটা ঘোড়া—জকি। চারজনে সেই ছ'টো ঘোড়া নিয়ে পিকনিক করবে দূর-দূরান্তরে, ছবি তুলবে, সমবয়সী ক'টি প্রাণী মিলে গল্প-গুজবে হবে মাতোয়ারা। তখন তাদের এমনই একটা বয়স যখন মা-বাবার আকর্ষণের চেয়ে অনেক বেশী আকর্ষণ সঙ্গী-সাহচর্যের। কত ছুটিতে মেরী টমসন অন্ত্রখানে বেড়াতে গিয়েছেন, স্টেলা ও ডিক চলে এসেছে শিলং। ডিকের স্বভাবে মা-বাবার স্বভাব মেশানো ছিল। বাইরে সে টমসনের মতই প্রাণোচ্ছল, স্নেহ-পরায়ণ; ছুজেরকে জেনে এবং ছুজের সাধনায় ব্রতী হয়ে তার অসীম আনন্দ। কিন্তু স্বভাবের অতলে তলিয়ে ছিল গভীর নিষ্ঠা। বিভার্জনে সে ফাঁকি সহিতে পারত না, যাকে একবার ভালবাসত সে ভালবাসায় এতটুকু খাদ থাকত না। মা-বাবার প্রতি ছিল তার অসীম শ্রদ্ধা এবং বোনের প্রতি প্রগাঢ় ভালবাসা দেখে গর্বে তৃপ্তিতে টমসন ও মেরীর বুক ভরে উঠত—তাঁদের খাদহান ভালবাসার দু'টি পুষ্প। মেরী প্রার্থনা করত—হোলি মাদারের কৃপায় সংসারের মলিনতা যেন কোনদিন তার সন্তানদের স্পর্শ না করে।

সেবার ডিকের ফাইনাল পরীক্ষার বছর। স্টেলারও সিনিয়র-কেমিস্ট্রি-পড়া শেষ হবে। স্থির হয়েছে—কয়েক মাসের জন্তু সবাই মিলে লগুনে বেড়াতে যাবেন। ডিক সেখানে ব্যারিষ্টারী পড়বে, স্টেলাও ভর্তি হয়ে যাবে ইউনিভার্সিটিতে। গ্রীষ্মের ছুটিতে শিলং যাওয়া হ'ল না, ছ'জনেই পড়ায় ব্যস্ত। টমসন আর মেরী আছেন নৈনিতালে। পরীক্ষা-শেষে শাই-বোন মা-বাবার কাছে যাবে। সিনিয়র-কেমিস্ট্রি পরীক্ষা শেষ হতে-না-হতে খবর পাওয়া গেল—রবার্টের ছেলে বব স্টেলাকে বিয়ে করেছে।

শিলঙে ছুটে এল ডিক, মেরী, টমসন। কোন ফল হ'ল না। রবার্ট ব্যবস্থা দিয়ে প্রচুর টাকা ক্ষতিগ্রস্ত হয়েছিল। বাড়ী বন্ধক রেখে পরিবারবর্গ নিয়ে পালিয়েছে—কোথায়, কেউ জানে না।

কঁদে ফেলে মেরী বললে—এতদিনে রবার্ট তার আক্রোশ মিটিয়ে নিল। এ সব তারই শয়তানী। টমসনও বুঝলেন—রবার্ট আগে থেকেই ফন্দি ক'রে সব বাটয়েছে।

তন্ন তন্ন করে খোঁজা হ'ল ভারতবর্ষ। ডিক ক্রিপ্ত-প্রায় হয়ে নানা দেশ-বিদেশ ঘুরে বেড়াল—ইউরোপ, আমেরিকা, নিউজিল্যান্ড—যে যেখানে বললে। কিছুতেই সে বিশ্বাস করতে পারলে না—তার প্রতি হেলেনের ভালবাসা ছিলনা, ববের বন্ধুত্ব কপটতার নামাস্তর। ওদের বিশ্বাসঘাতকতা, অকৃতজ্ঞতা এবং এই অপমান তাকে তিলে তিলে দগ্ধ করলে। দেহমন ভেঙে পড়ল, মা-বাবার কাছে মুখ দেখান হ'ল ভার। মা যে অনেক আগেই এমন-এক অবস্থানের আশঙ্কায় তাকে সতর্ক করে দিয়েছিলেন। ধনিষ্ঠ বন্ধু বব এবং হেলেন সম্বন্ধে কোন সন্দেহ সে পোষণ করতে পারে নি। মেরী একবার ডিককে হোমে পাঠিয়ে দেবার অভিমত প্রকাশ করেছিল, ডিক রাজী হয় নি। যুক্তি দেখিয়েছিল—এখানকার পড়া সাজ ক'রে তবেই হোমে যাওয়া সম্ভব। কিন্তু আজ তার নিজের কাছে অজানা নেই যে, কিসের মোহে মায়ের কথায় সে স্বীকৃত হয় নি। কৈশোর-যৌবনের সঙ্কীর্ণ বন্ধুত্ব হয়েছে বব আর হেলেনের সঙ্গে। রূপময়ী লাস্তবতী হেলেনের মায়াজন লেগেছিল চোখে, রঞ্জিত হয়েছিল মন, সে মোহপাশ ছিন্ন করা তার সাধ্য ছিল না। হেলেন তাকে কথা দিয়েছিল—ডিকের এখানকার পড়া সাজ হলে সেও তার সঙ্গে হোমে যাবে, সোসাল সায়েন্স পড়বে।—মিথ্যাবাদিনী, ছলনাময়ী, সর্বনাশী!

ডিক উন্মত্তের মত ঘুরে বেড়াতে লাগল। বব শঠ, ধূর্ত, স্বার্থবুদ্ধিপরাণ; কি তার যোগ্যতা আছে, কোন্ গুণে সে স্টেলার মত মেয়েকে ভুলিয়ে নিলে। স্টেলার স্বামী—বব!—খতবার কথাটা মনে জাগে, দেহে মনে আগুন জ্বলে ওঠে; রোমে ডিক গুমরে মরে। রাতের পর রাত ঘুমোতে পারল না। কঠিন অস্থখ গ্রাস করলে না। কেবল ওদের সন্ধান ঘুরে ঘুরে শেষে একদিন শয়্যা নিলে। বহু প্রয়াসে মেরী ও টমসন যখন তাকে নিজেদের কাছে ফিরিয়ে আনলেন তখন তার শেষ অবস্থা। মৃত্যুর ক'দিন আগে ইচ্ছাপ্রকাশ করেছিল রাগবীকে দেখবে।

হয়ত ভেবেছিল—সুখের সঙ্গী, অবলা জীব, সে-ই বুঝতে পারবে তার মুক বেদনা। হয়ত-বা তাকে আদর ক'রে সে একটু আনন্দ পেতে চেয়েছিল কিন্তু বাসনা রইল অপূর্ণ। ক'দিন বাদেই ডিক হাটফেল করলে।

মেরী শয্যাশায়ী হয়ে পড়ল। কিছুদিনের মধ্যে সেও বিদায় নিলে। প্রচ্ছলিত প্রতিহিংসা এবং বজ্রদণ্ড অস্ত্র নিয়ে প'ড়ে রইলেন টমসন। অবসর গ্রহণের পর শিলঙ এসে সুদীর্ঘ চোদ্দ-পনের বছর নিঃসঙ্গ-জীবন যাপন ক'রে চলেছেন—কবে ওরা ফিরে আসবে, নিজের হাতে তিনি প্রতিশোধ নেবেন, শাস্ত হবে তাঁর মন।

—এতদিনে ওরা এসেছে—সাহেব অতীত স্মৃতির পুনর্জাগরণে ভুকম্পের আন্দোলনে আন্দোলিত হতে লাগলেন। বিড় বিড় ক'রে বললেন—গুলী রাগবীর জন্ত নয়, ধূর্ত শেয়ালদের জন্ত...।

চোখের সামনে ভেসে উঠল স্বপ্নের দেখা দৃশ্যটি—লালে লাল আকাশ মাটি, রক্ত-গঙ্গা বয়ে গেছে, ফেটে পড়েছে আধেয়গিরি, ভিতরের পাক-খাওয়া গলস্ত ধাতু-স্রোত ভাসিয়ে নিচ্ছে দিকৃদিগন্ত...।

পাগলের মত অটুহাস্ত ক'রে উঠলেন টমসন—কাউকে রেহাই দেবেন না তিনি, কাউকে না।

—বাবা।

প্রবল চমকে সাহেব ফিরে তাকালেন। হিন্নস্তিন্ন হয়ে গেল চিন্তাজাল।

—বাবা, আমি স্টেলা।

কুড়ি-একুশ বছরের কীর্ণ-বাহ্য হান্তোচ্ছল তরুণী নয়, চৌত্রিশ-পঁয়ত্রিশ বছরের পরিণত-বয়স্কা এক মহিলা—বর্ণ-গোলাপী আভায় সমুচ্ছল, নারীত্বের পূর্ণ বিকাশে অপক্লপ মহিমা-মণ্ডিত। কিছুক্ষণ টমসন তাকে চিনতেই পারলেন না, বড় বড় চোখে তাকিয়ে রইলেন। স্টেলা—সেই মেরীর চোখের মত চোখ, নীলচে উজ্জ্বল, বিষমতায় মর্মস্পর্শী। গত রাতে এ চোখ দুটিই কি তিনি স্বপ্নে দেখেছেন! সাহেব অস্থির হয়ে উঠলেন, শক্ত ক'রে বুক চেপে ধরলেন বন্দুকটা। মাথা নেড়ে ব'লে উঠলেন—না, না, না।

স্টেলা এগিয়ে এল। ক্লিষ্ট মুখে বললে—বাবা, আমি—।

রুদ্ধস্বর ছড়িয়ে পড়ল কান্নার মত। সাহেব আরও চঞ্চল হলেন। তাঁর ঠোঁট নড়তে লাগল।

—কিছু বলছ, বাবা ?

—কেন, কেন এসেছ তুমি, যাও, যাও—সাহেব পিছিয়ে গেলেন কয়েক পা।

স্টেলা তাকিয়ে রইল। ঢোক গিলে বললে—রাগবী যে ভীষণ চিংকার করছে, আমি এসেছি রাগবীকে, রাগবীকে...।

টমসন তাকালেন। 'রাগবী' শব্দটিই মাত্র কানে

গিয়েছিল।—রাগবীকে দেখতে এসেছ। না এসে কি তুমি পার মা!

সাহেবের স্বরে স্টেলার চোখে জল এল। মাথা হেঁট করলে। সাহেব আর সে মুখ থেকে চোখ ফেরাতে পারলেন না। লজ্জানত মুখখানা তাঁর কতদিনের বুদ্ধকা মিটিয়ে দিলে। এক মুহূর্তে মন শান্তি ও তৃপ্তিতে ভ'রে গেল। এই ত তাঁর সেই পরিচিত স্টেলা। রাগবার চিংকারে ও যে দূরে থাকতে পারে নি; লজ্জা শঙ্কা সব ভুলে ছুটে এসেছে! কোমল ভীকু স্টেলা, নিজের হাতে ছোলা খাওয়াত রাগবীকে, আকারে অভিমানে আনন্দে প্রফুল্লতার অহরহ কেড়ে নিত বাপের মন।

রাগবী জলের জন্ত মুখ বাড়িয়ে বিকট আর্তনাদ ক'রে উঠল। সচেতন হয়ে ফিরে টমসন তার গায়ে হাত রাখলেন—ত্যাখ্ রাগবী, কে এসেছে। তোরই জন্তে ওর এখানে আসবার সাহস হয়েছে রাগবী, তোরই জন্তে...। সাহেবের স্বর কাঁপতে লাগল। স্টেলা মুখ তুলতে পারল না। দাঁত দিয়ে ঠোঁট চেপে নিজেকে শক্ত রাখল। রাগবী অবিরাম চিংকার ক'রেই চলেছে। স্টেলা উদ্বেগে আকুল হ'ল। ওঙ্ক কণ্ঠে দ্রুত ব'লে গেল—বাবা, বব কাল রাত থেকে অত্যন্ত অসুস্থ হয়ে পড়েছে, একটুও ঘুমোতে পারে নি।

—কে ?

সাহেব ক্রকুটি করলেন। চোখ ত নয়, যেন জ্বলন্ত এক টুকরো অঙ্গার। মরিয়া হয়ে স্টেলা বললে—ডাক্তার যে তাকে সম্পূর্ণ বিশ্রাম নিতে বলেছেন, রাগবীকে শাস্ত কর বাবা।

বলতে বলতে সে আতঙ্কে দূরে সরে গেল। বধ তাকে গেট থেকেই আসতে বাধা দিয়েছিল। সাহেবের কাছে যাওয়া বিপদজনক। সে নিষেধ স্টেলা শোনে নি। বব রাগবীর চিংকারে ঘুমোতে পারছে না, উত্তেজিত হয়ে উঠেছে; রবার্ট পুলিশে খবর দিতে উদ্বৃত্ত;—স্টেলা উদ্বেগে ছুটে এসেছে। এ বৃদ্ধ বয়সে টমসন আবার কোন্ হান্নামা বাধিয়ে বসেন কে জানে! বয়ের কাছ থেকে সে কি শোনে নি সাহেবের শোচনীয় অবস্থা? কিন্তু সাহেবের মুখোমুখী দাঁড়িয়ে তার প্রাণ কেঁপে গেল। টমসন যেন দৃষ্টি ঘারা দণ্ড ক'রে ফেলবেন স্টেলাকে!

—মা, চলে এস।

রিন্ রিন্ ক'রে বেজে উঠল একটি কচি গলার স্বর। বছর সাত-আটেকের একটি মেয়ে-গেটের বাইরের লোক ঠেলে পার হয়ে ভিতরে ঢুকল। ছুটতে ছুটতে এসে জড়িয়ে ধরলে স্টেলাকে—মা।

সাহেবের কঠিন দৃষ্টিতে বিশ্বের রেখা ফুটে উঠল—হবহ ছোট্ট স্টেলা, তেমনি ঝাঁকড়া ঝাঁকড়া কোঁকড়ানো চুল, তেমনি দৌড়োবার ভঙ্গি, পাতলা রিনরিনে গলা—স্বাস্থ্য-সুন্দর মেয়েটি আরও বেশী মনোহারিণী। সাহেবের দৃষ্টি নিম্পলক হয়ে রইল। সে দৃষ্টিতে সজ্জ হতে উঠল স্টেলা। মেয়েকে ঠেলে সরিয়ে দিয়ে কঠোর স্বরে বললে—কেন এখানে এসেছ, অবাধ্য মেয়ে? মেয়েটির মুখের দীপ্তি নিভে গেল। করুণ কণ্ঠে বললে—তুমি এস।

—যাও, একুণি যাও। এই মুহূর্তে—।

ছোট্ট মেয়েটি বিমর্ষ মুখে ধীরে ধীরে চলে যেতে লাগল, ফিরে ফিরে মায়ের দিকে তাকালে। সাহেব নড়ে উঠলেন, ঝুঁকে পড়ে কি বলতে গেলেন, দৃষ্টিতে ফুটে উঠল তীব্র তিরস্কার। স্টেলা বিচলিত হ'ল। মনে পড়ল—ছোট ছেলেমেয়ে টমসনের অত্যন্ত প্রিয় ছিল। তারই সমবয়সী ছেলেমেয়েদের নিমন্ত্রণ করে কত খাওয়াতেন, পকেট-ভর্তি আনতেন টফি-লজ্জেল; তার হাতে দিতেন, সে সকলকে বিতরণ করত। সে যেন কুড়ি-পঁচিশ বছর আগেকার কথা নয়, কোন ঘটনাই যেন ঘটে যায় নি। সে-ই বাড়ী, সেই গাছের তলা, সেই স্টেলা ও টমসন—স্নেহের দৃঢ়-বন্ধনে-আবদ্ধ। স্টেলা সম্মোহিতের মত বললে—ওর নাম লুসি, ডাকব ওকে?

সাহেব ক্রকুঞ্চিত করে নিজেকে সামলে নিলেন।

এদিকে রাগবীর পরম্প্রস্তুতিতে তার পায়ের বাঁধন আলগা হয়ে গিয়েছিল, ভাঙা পায়ে আঘাত খেয়ে সে এক বিকট চীৎকার করে উঠল। স্টেলা সচকিত হ'ল। একবার তাকিয়ে দেখল ও বাড়ীর দিকে। দ্রুত এগিয়ে এল খানিকটা, কাতর-স্বরে বললে—বাবা, আমার কথা রাখ। বব অসুস্থ, তার বিশ্রাম প্রয়োজন। রাগবীর চীৎকারে ধুমোতে পারছে না।

—এই জন্তে তুমি এসেছ?

সাহেব যেন বুলেট ছুঁড়ে মারলেন। রক্তহীন মুখে স্টেলা তাকাল—বাবা!

ছোট্ট মেয়েটির ম্লান-করুণ মুখখানা ওর মুখের ছায়ায় চকিতে ভেসে গেল। সাহেব অশান্ত হয়ে উঠলেন। খিঁচিয়ে উঠে বললেন—কি চাও তুমি, রাগবীকে খামিয়ে দেব? খুশী হবে? তবেই তুমি খুশী হবে?

স্টেলা অপ্রতিভ কাতর মুখে চেয়ে রইল।

সাহেবের অস্পষ্ট সুর শোনা গেল—খুশী হবে, খুশী, তাই হোক, তাই...

সাহেবের মুখে দেখা গেল অসুত এক হাসির ভঙ্গিমা,

যেন কান্নার নামাস্তর। বন্দুক উঠালেন, হাত কাঁপল না, দৃষ্টি ফিরল না, শুধু শব্দ হ'ল—ক্রিক্, গুডুম্।

শেষবারের মত ফেশারব তুলে রাগবী একতাল মাংসপিণ্ড হয়ে গড়িয়ে পড়ল। নিষ্ঠুর ঔৎসুক্যে সাহেব মেয়ের দিকে তাকালেন—এই ত চেয়েছিলে? আর ত কোনও প্রয়োজন নেই?

একটা একটা করে প্রত্যেকটি শব্দ তিনি অতি কষ্টে যেন উচ্চারণ করলেন। স্টেলার মর্ষ বিদ্ধ হ'ল। মাথা নত হয়ে গেল। হতভাগ্য বৃদ্ধ, সব হারিয়ে পোড়া বটগাছের মত টিকে আছেন। রাগবীও ছিল, গে-ও গেল—স্টেলা মুখ ফিরিয়ে রুমালে চোখ মুছে ফেললেন। প্রবল ইচ্ছা জাগল—একটি গভীর চুখন একে দিয়ে যায় পিতার লোল-রেখাঙ্কিত কপালে। আর কি কোনদিন তাঁর এত কাছে সে আসবার সুযোগ পাবে? আসতে শরসা পাবে? সে ধীরে সাহেবের দিকে অগ্রসর হ'ল।

—স্টেলা, কেন দেরি করছ, চলে এস। বব ডাকছে, বিছানা ছেড়ে উঠে এসেছে, শীগ্গির এস। কোথা যাচ্ছ, এস, তাড়াতাড়ি।

হু'বাড়ার দেয়ালের পাশে দাঁড়িয়ে রবার্ট। চোখে তার ক্রুর উল্লাস, মুখে দৃপ্ত অবজ্ঞা। স্টেলাকে টমসনের দিকে এগিয়ে যেতে দেখে সে উদ্বেজনার ঝুঁকে পড়েছে। তড়িৎ-স্পৃষ্টের মত টমসন ফিরে দাঁড়ালেন। হুকুমের স্বরে মেয়েকে বললেন—না, যাবে না, যেতে পাবে না।

স্টেলা বিবর্ণ হয়ে গেল। একবার দেয়ালের দিকে, একবার টমসনের দিকে তাকাল।

—স্টেলা, স্টেলা।

চকিত হয়ে উঠল স্টেলা। বব বিছানা ছেড়ে বারান্দায় এসে ডাকছে—দরজার পাট ধরে দাঁড়িয়েছে, নিজের হাতের উপর কাত হয়ে আছে তার মাথা।

—ও মাই গড্, উঠে এসেছে, বব্, বব্...

সব ভুলে স্টেলা দ্রুত ফিরে চলল সেদিকে, আগুন জ্বলে উঠল টমসনের চোখে। পলক ফেলতে না ফেলতে গর্জে উঠল বন্দুক, পর পর গুলী বেরিয়ে গেল, ধোঁয়ায় চীৎকারে নিদারুণ বিভীষিকার সৃষ্টি করলে। বয় কাঁপিয়ে পড়ে সাহেবকে জাপটে ধরলে। হাত থেকে তাঁর বন্দুক পড়ে গেল। লোক জড়ো হ'ল। ধোঁয়া কমলে দেখা গেল—অদূরে স্টেলার রক্তাপ্ত দেহ পুঁটলি হয়ে পড়ে আছে; গেটের কাছে ভয়ে অজ্ঞান হয়ে আছে স্টেলার ছোট্ট মেয়েটি; দেয়ালের পাশে রবার্ট ছিন্ন-বিচ্ছিন্ন হাত-পা নিয়ে মরণ-যন্ত্রণায় কাতরাচ্ছে; ও-বাড়ীর দরজা পর্বস্ত গিয়ে বিঁধেছে গুলী, কিছ, বব কাত

হয়ে পড়ে যাওয়াতে অক্ষতই রয়েছে; আর, এদিকে  
বয়ের দৃঢ়-বন্ধনের মধ্যে আবদ্ধ থেকে টমসন অষ্টহাস্তে  
উক্ষুসিত হয়ে ভেঙে পড়ছেন—শয়তান, স-ব শয়তান।  
রাগবীকে চূপ করাতে পাঠিয়েছে, ওদের কাছে ফিরে

যাবে, হা হা হা...আর কোন প্রয়োজন নেই? হা, হা,  
হা—ফের যাবে...হা হা হা...টমসনকে চেন না, হা হা...  
কৃতঘ্ন, শয়তানের দল।

—০০০—

## বাংলা কথাসাহিত্যে বিভিন্ন প্রদেশের মানুষ

শ্রীজ্যোতির্ময়ী দেবী

যদিও বাংলা কথাসাহিত্যের বয়স দেড়শ' বছরের বেশী  
নয়, আর বোধ হয় ধরে নিতে পারি প্যারীচাঁদ মিত্রের  
'আলালের ঘরের দুলাল'ই তার আদি গল্প-গ্রন্থ,  
তবু বিস্তৃতি আর গভীরতায় বাংলা সাহিত্য যেন অল্প  
অল্প প্রদেশের সাহিত্যের চেয়ে বেশ একটু এগিয়ে গেছে।

অনেকেই বলেছেন, বাংলা দেশে বাঙালী লেখক ও  
পাঠকের জীবনে ইংরেজী আমল থেকেই ইংরেজী ভাষা  
ও সাহিত্যের প্রভাব বেশী রকম প্রতিকলিত হয়েছে।  
কেননা কথাসাহিত্যে প্যারীচাঁদ, বিজ্ঞানাগর, মধুসূদন,  
বঙ্কিমচন্দ্র প্রমুখের সমস্ত রচনাতেই আমাদের সাহিত্যের  
ভারতচন্দ্র মুকুন্দরাম আদি কবি লেখকদের প্রভাবের  
চেয়ে বিদেশী সাহিত্যের প্রভাব বেশী দেখা যায়।

আর সঙ্গে সঙ্গে চোখে পড়ে তখনকার দিনের বিশেষ  
কোন শৌর্য-বীর্যের ইতিহাস-ঐতিহ্যহীন বাঙালীর জীবনে  
কোন এক নিগূঢ় দেশপ্রেমের আদর্শের প্রেরণায় ও  
আকাজ্জাক তাঁদের সকল রচনাতেই বিভিন্ন প্রদেশের  
বহু চরিত্র এসে ভিড় করেছে। তাই এসে দাঁড়িয়েছেন  
পৃথ্বীরাজ, রাণা প্রতাপ, রাজসিংহ দেশপ্রেমের প্রতীক  
রূপে; এবং রাজস্থানের নারীরা সংযুক্তা, পদ্মিনী, কর্মবতী,  
কৃষ্ণকুমারীরা সতীধর্ম তেজস্বিতা বীরত্ব আত্মত্যাগের  
পরম আদর্শরূপিণী হয়ে।

যদি কথাসাহিত্যের সীমানাকে গল্প ছাড়াও কাব্য  
কাহিনীর এলাকায় মিলিয়ে দেওয়া যায়, তা হ'লে রাজ-  
স্থানের কাহিনীর জাতীয় বিশিষ্টতা নিয়ে সর্বপ্রথম কাব্য  
কথা লেখেন কবি রঙ্গলাল বন্দ্যোপাধ্যায়। পদ্মিনী  
উপাখ্যান ও অল্প অল্প কাহিনী।

এবং সেই মনোভাবের ধারা-পথেই আমাদের সর্ব-

প্রথম যে উপন্যাস গ্রন্থ আমরা পেয়েছি, সেটা হ'ল  
বঙ্কিমচন্দ্রের দুর্গেশনন্দিনী। যার ঘটনার স্থান হ'ল  
বাংলা দেশের গড়মান্দারণ, কিন্তু নায়ক-নারিকণ জগৎসিংহ,  
ওসমান, আয়েষা একেবারেই অল্প প্রদেশের বীর ও রূপসী  
তেজস্বিনী নারী। এক কথায় বলা যায়, বাংলা ভাষায়  
প্রথম উপন্যাসিকের প্রথম বইয়ের উপাদান ও প্রধান  
চরিত্র অবাঙালী বা অল্প প্রদেশীয়। কিন্তু সেদিনের  
বাঙালীর মন রাজস্থানী জগৎসিংহ, পাঠান বীর ওসমান,  
অপূর্বচরিত্রা আয়েষাকে অল্প প্রদেশের লোক মনে করে  
নি। যেন বাঙালী বলেই আপনার করে নিয়েছিল।  
তার পরবর্তী উপন্যাসে কপালকুণ্ডলাতেও মতিবিবি;  
কপালকুণ্ডলা—পেশমণ সংবাদেও আমরা আগ্রা দিল্লী ও  
বাংলার এক অপূর্ব সংমিশ্রিত সাক্ষাৎ ও আলাপ দেখতে  
পাই। যাতে বাঙালিনী পদ্মাবতীর সহসা মতিবিবি  
রূপে মোগল শাহজাদার সখি স্বরূপিণী হওয়া আর  
আবার একেবারেই বাঙালী মেয়ের ভাবে ভাবিতভাবে  
পেশমণের সঙ্গে গল্প করাও আমাদের সেকালের পাঠক-  
দের কাছে আশ্চর্য কিছু মনে হয় নি। 'মৃগালিনী'  
উপন্যাসেও হেমচন্দ্র বাংলা দেশের ছেলে, মনোরমা  
বাঙালীর মেয়ে রূপে চিত্রিত হয়েছেন। গিরিজায়া ত  
খাঁটি বাঙালী বোষ্টুমের মেয়ে (বৈষ্ণবী নয়)। যে 'মথুরা'  
নগরের বিবাগিনী মধুর-হাসিনী নাগরীকে খুঁজে বেড়ায়  
কীর্তন গান গেয়ে যেখানে সেকালের বাংলার রাজধানী  
নবদ্বীপ আর উত্তর প্রদেশের মথুরা নগরী এক হয়ে মিশে  
গেছে যেন। এবং 'মথুরা-বাসিনী' মৃগালিনী আর মথুরা-  
বাসিনী নন, বাঙালিনী হয়ে গেছেন। এর অনেক পরে  
রাজসিংহ রচিত হয়। তাতেও রূপনগরা রাজকন্যা



সখীরা রাজপুতানীয়া বাঙালীর মনে একান্ত হয়ে গিয়েছিলেন। যে ভাবেই হোক, যে কারণেই হোক, কোন্ ক্ষোভ কোন্ আশা কোন্ ছঃখ আমাদের সাহিত্য, সাহিত্যিক ও পাঠকদের রাজস্থানের ভাবে অভিভূত করে দিয়েছিল তা আর বিশেষ করে বলার অপেক্ষা রাখে না। কেননা এই সাহিত্যের আদি উৎসই ছিল দেশপ্রেম ও স্বাধীনতার স্বপ্ন।

রমেশচন্দ্রের চারখানি উপন্যাসেও আমরা ঐতিহাসিক দিল্লী আশ্রয় কাহিনী পাই। বাঙালী নারকের গার্হস্থ্য চিত্র ও প্রেম মোহ তাতেও মিলে-মিশে আছে ‘বঙ্গ-বিজেতা’ ও ‘মাধবীকঙ্কণে’। তাঁর পরের ঐতিহাসিক উপন্যাস ‘জীবনপ্রভাতে’ এঁকেছেন মহারাষ্ট্র জীবনের প্রভাতসূর্য শিবাসী মহারাজ, সাধারণ সৈনিক রঘুনাথ হাবিলদার এবং বিশ্বস্ত অহুচর ‘তানাজী’। ‘জীবন-সঙ্কায়’ এসেছেন রাজস্থানের অন্তর্গামী বীর-প্রমুখ।

এক কথায় সে শতাব্দীতে যেন বাঙালী লেখকরা দেশ-কাল-পাত্র নির্বিশেষে দেশপ্রেমের প্রেরণায় রাজস্থানী মারাঠী বীরদের সঙ্গে এক হয়ে গিয়েছিলেন।

এর কয়েক বছর পরেও সেকালের সরলা দেবী সম্পাদিত (১৩০১।১৪) ‘ভারতী’তে দেখা গেল অবনান্দ্রনাথের ‘রাজকাহিনী’। রাজস্থানী বীর রাণা-মহারাণাদেরই নিয়ে আর এক রকমের অপূর্ব চিত্রকথাময় কাহিনীতে যেন পূর্ব লেখকদের রচনার নব উপসংহার। মেবারের শিহ্লাট বংশের শিলাদিত্য, গ্রহাদিত্য, বাপ্পারাও, হাখীর, লছমী রাণী কমলাবতী আদি লেখার গুণে আবারও যেন আমাদের ঘরের লোক হয়ে গেছেন।

আর রাজস্থানের কাহিনী শেষ হয় নি আজও। দেশ স্বাধীন হবার পর এই সেদিনও আমরা পেয়েছি শ্রীদেবেশ দাশের ‘রাজোয়ারা’। এমন আরও বই আছে।

এই দেশপ্রেমের ভাবে অনুপ্রাণিত লেখা রবীন্দ্রনাথের কথা ও কাহিনীতেও পেয়েছি আমরা। সেও কথা-সাহিত্যই, যদিও ছন্দোবদ্ধ ও ভাষার মাধুর্যে অতুলনীয় কাব্য। কবি রাজপুত মারাঠীদের বীর-কাহিনী ছাড়াও শিখ ধর্মগুরু ও শিখ বীরদের নিয়ে কাব্য রচনা করেছেন। ছ’একটি কথায় রাজস্থানের মরুপ্রান্তরময় গ্রাম-জীবনের চিত্র এঁকেছেন, দ্বিপ্রহরে ছুর্গপ্রাকারে প্রহরারত সৈনিকের স্বল্পমাত্র আহাৰ্য জোয়ারের কুটি সৈঁকে নেওয়ার কথাও ভোলেন নি। •

এমন কি, কথাসাহিত্যের আর এক দিক্ বলে যদি নাট্য-সাহিত্যকে ধরে নেই, তা হ’লে মধুসূদন থেকে

গিরীশচন্দ্র, ক্ষীরোদপ্রসাদ, বিজেতলালও এই বিভিন্ন প্রদেশের বীরসম্প্রদায়ের দেশপ্রেম, সতীকথা, আত্মত্যাগ নিয়ে নাটক রচনা করেছেন।

গিরীশচন্দ্রের ‘সংনাম’ নাটকও অল্প প্রদেশের সংনামী সাধু সম্প্রদায়ের স্বাধীনতা সংগ্রাম ও দেশপ্রেমের এক কাহিনী—মোগল যুগের। এই সঙ্গে স্বর্গীয় নগেন্দ্রনাথ গুপ্তের কথাও মনে হয়। তিনিও সিপাহী বিদ্রোহের অন্ততম নেতা কুনওয়ার সিং বা কুমার সিংহের বীরত্ব কাহিনী নিয়ে তাঁর ‘অমর সিংহ’ উপন্যাস লেখেন।

কিন্তু এঁরা এই রাজস্থানী রাজা, মারাঠী বীর, শিখগুরু, ঝাঁসির রাণী, তাঁতিয়া তোপী, নানা সাহেব, কুমার সিংহ প্রমুখ যারা বারে বারে আমাদের বাংলা সাহিত্যে দেখা দিয়েছেন, তাঁরা কেউই প্রায় সাধারণ শ্রেণীর মানুষ নন, রাজা মহারাজা, রাণী মহারাণী ও সামন্ত সর্দার জমিদার শ্রেণী এবং ধর্মসম্প্রদায়।

ভিন্ন প্রাদেশিক সাধারণ মানুষের সাধারণ কথা তখনও সাহিত্যের উপজীব্য হয় নি মনে হয়।

২

কিন্তু বিংশ শতাব্দীর আবির্ভাবের পরেই যেন সহসা এই বীর, মহাবীর, রাণা, মহারাণা, রাণী, বাদশা, বেগম, নবাব, রাজা নিয়ে লেখা সাহিত্যের জোয়ারে ভাঁটা পড়ল।

এবারও ইংরেজী সাহিত্যের সংস্পর্শ থেকেই বোধ হয় পাওয়া এ যুগের অনেকের মনে প্রতিবেশী প্রদেশ, প্রতিবেশী মানুষের জীবনযাত্রা কেমন তা দেখার কৌতূহল দেখা দিল।

দেখতে পেলাম, প্রায় ৬০।৬৫ বছর আগের সরলা দেবী সম্পাদিত ‘ভারতী’তে যতীন্দ্রমোহন সিংহের লেখা ‘উড়িষ্কার চিত্র’ নামে রচনাবলী। দোর্দণ্ড প্রতাপাধিত উড়িষ্কার জমিদার বীরভদ্র মর্দরাজ তাঁর অহুচর, কর্মচারী, নায়েব, গোমস্তা, জ্যোতিষী, গণক, পুরোহিত এবং তন্ত্র গৃহিণী তেলহলুদ প্রসাধিতা পানশুণ্ডি বিলাসিনী প্রতাপাধিতা সূর্যমণি, বীরভদ্রের পূর্বসূরী কত্যা শোভাবতী ও শোভাবতীর বিবাহ-কাহিনী নিয়ে সে চিত্রাবলী।

তাতে ষণ্ড ষণ্ড ভাবে উড়িষ্কার গ্রামের সমাজের যে চিত্র পাওয়া যায়, দেবালয়, পাঠশালা, ভাগবতঘর, অন্তঃপুর, মহাজন, পঞ্চায়ত, প্রজা, ষণ্ডাইত্ জাতি নিয়ে এমন সমাজ-চিত্রময় লেখা এর আগে বা পরে কোথাও দেখেছি বলে মনে পড়ে না। উড়িষ্কার দেউল, মন্দির, শিল্প, তীর্থ, স্বাপত্য নিয়ে ইংরেজী বাংলা অনেক বই

আছে, কিন্তু মানুষ নিয়ে, সমাজ নিয়ে এই একটি মাত্র বই ছাড়া আর লেখা আছে কি না জানি না।

এবং এই সময়েই এই ভারতীতেই দেখেছি 'বিহারে বাঙালিনী' নামে কয়েকটি বিহারের অস্ত্র:পুরচিত্র। যারা প্রবাসে থেকে বাংলা আচার ও ভাষা প্রায় ভুলে গেছেন তাঁদের কথা। অনামিকা রচনা। লেখক বা লেখিকার নাম ছিল না। বিহারের মানুষ নয় কিন্তু।

আমাদের প্রায় পাশাপাশি প্রদেশ এবং তখন ত বাংলা, বিহার, উড়িষ্যা, আসাম এক 'সুবা' বা প্রদেশই ছিল। ভাষা অবশ্য ভিন্ন ভিন্ন, কিন্তু কোন ভাষাভাষীর 'তখনও পরস্পরে অল্প-ভাষীয় সম্বন্ধে বিশেষ কৌতূহল দেখা যায় নি। বাঙালী অনেক—বহুদিন ধরে সে সব জায়গায় বাস করলেও। তবু বিহার নিয়ে কিছু লেখা আছে। প্রভাত মুখোপাধ্যায়ের ছোট ছোট গল্পে একটু-আধটু বিহারের মানুষ দেখা গেছে—যদিও খুব কমই। বনকুলের ছোট ছোট গল্প আর বড় লেখাতেও কিছু চিত্র পাওয়া যায় রোগী ও চিকিৎসক সংবাদে ও সাধারণ নরনারী নিয়েও। সবচেয়ে বড় করে বা বেশী করে পাওয়া গেছে শ্রীমতীনাথ ভাঙ্কীর '৪২-এর পটভূমিকায় 'জাগরী'তে। পরে 'টোড়াই চরিত মানসে'। শ্রীবিভূতিভূষণ মুখোপাধ্যায়ের বহু লেখাতেও আমরা বিহারের গ্রামের কথা ও গ্রামীণ মানুষ দেখতে পাই। 'স্বর্গাদপি গরীয়সী'তে ত ওদেশের নরনারী ও বাঙালী মিলে-মিশে আছেন। যতীন্দ্রনাথ গুপ্তের 'বিহার চিত্র'ও অরণীয় আইন-আদালত কথা নিয়ে। 'মানসী ও মর্মবাণী'তে প্রকাশিত হয় ১৩২৫।২৬ বা ঐ সময়ে।

রাজশেখর বসু মহাশয়ের 'গডলিকা'য় 'ভুবণ্ডির মাঠে'র শিবুর জন্মান্তর কুমার মথ্যে 'কারিয়া পিরেত' রূপে। আর 'তেতরিকে মাই'য়ের আঁতুড়ের চিত্র। বিহারের গ্রাম-জীবনের একটি অদ্ভুত নিখুঁত নবজাতকের কথা।

বসু মহাশয়ের 'গাণ্ডেরীরাম বাটপাড়িয়াকে'ও অল্প প্রদেশীয়ের নিখুঁত একটি চিত্রের মত পাই। যেন কবিকল্পের ভাঁড়ু দস্তের মত একটি অমর চিত্র। যে কোন মুহূর্তে 'রাম রামজী' বলে এসে সামনে দাঁড়ালেই চিনতে পারা যাবে। এককথায় পরশুরামের 'কারিয়া পিরেত' 'তেতরী'র মাই হোক, বা 'গাণ্ডেরীরামই' হোক তারা চিরকালের প্রচ্ছদে প্রতীক মানুষ।

এই সময়ের কিছু আগে বা সমসময়েই আমরা বিহার প্রসঙ্গে আর একখানি বই পেয়েছিলাম, যার তুলনা বাংলা সাহিত্যে আর নেই মনে হয়। সেখানি

হচ্ছে বিভূতিভূষণ বন্দ্যোপাধ্যায়ের 'আরণ্যক'। সঞ্জীব-চন্দ্রের 'পালার্মো' ও রবীন্দ্রনাথের 'হিম্মপত্র'র মত এই লেখকও যেন পাহাড়, পর্বত, নদী, প্রান্তর, বন-অরণ্যময় প্রকৃতির রূপের সমুদ্রে ডুবে গেছেন। কিন্তু সহসা সবিস্ময়ে চোখে পড়ে, শুধু প্রকৃতিই নয়, দেশকালাতীত মানব-জাতির সঙ্গেও লেখক একাত্ম হয়ে গেছেন। সব মানুষই সর্বত্রই তাঁর আপনার জন। সব গ্রাম, সব দেশ, নদ-নদী, পাহাড়, বন, দিন-রাত্রি, ঋতু, মাস, রৌদ্র, জ্যোৎস্না, ফল, শস্ত তাঁর হৃদয়ের স্পন্দনের সঙ্গে রক্তের স্রোতের সঙ্গে মিশে গেছে। চিনা ঘাসের দানা, কলাইয়ের ছাতু, কেঁদ ফল, মকাই শস্ত, সাঁওতাল রাজা দোবরু পান্না, তার মেয়ে এম্বিন-ঝাড়া কয়লাকুড়ানী রাজকণা ভানুমতী, শুধুমাত্র ছ' আনা দামের একখানি লোহার কড়ার ঐশ্বর্য-লোভী দরিদ্র পেয়াদা মুনেশ্বর সিং (যে কড়াতে তার ভাত রান্না, রুটি করা হবে, রাণে মাথায় দিয়ে শোওয়াও চলবে!) অপদেবতা, পশুর দেবতা, জিনপরী অলৌকিক কাহিনীর সঙ্গে লেখক একীভূত হয়ে গেছেন। দরিদ্র নর্তক ষাটুরিয়া ষাওতাল সাহ ফুলের 'বাগান পাগল' গনৌরী তেওয়ারীদের নিয়ে লেখকও যেন পাঠকের চোখের সামনে দাঁড়ান। যেন শোনা যায়, চুপি চুপি যুগলকিশোরকে লেখক বলছেন, "এই সব ফুলের গাছের কথা সে যেন কাহাকেও না বলে। তাহলে তাহাকে ত লোকে পাগল ভাবিবেই, সেই সঙ্গে আমাকেও বাদ দিবে না।"

এবং বই শেষ হলেও লেখকের সঙ্গে আমরা সরস্বতী কুস্তীর আশপাশের বনভূমির কথা, পশুপাখী, নানারকম মানুষ-ভরা পূর্ণিয়ার গ্রাম্য-জীবনের 'নাড়াবইহারে'র কথা চুপিচুপি ভাবি। যারা আমাদের কল্পনার মাঝে উঁকি-ঝুঁকি মারে বারে বারে।

কিন্তু আমাদের সে কল্পনা রেললাইনের পাশের নদী বন-প্রান্তর মাঠ জঙ্গলই শুধু চেনে আর দেখেছে।

'উড়িষ্যার চিত্রে' উড়িষ্যার মানুষ, সমাজ-জীবন পাই, প্রকৃতিকে পাই না। 'হিম্মপত্র', 'পালার্মোর' কবি দর্শক, দেখেছেন, নিজের অন্তর মন দিয়ে অসুভব করেছেন। কিন্তু বিভূতিভূষণ বিদেশ মানুষ প্রকৃতিতে একেবারে মিশে গেছেন সব দেহ মন সত্তা প্রেম ভালবাসা দিয়ে। পাঠকের মনেও যার হোঁচ লাগে।

অবনীন্দ্রনাথের 'ভূতপত্নীর দেশে'ও কতকটা এই ভাব আছে। কিন্তু সে চিত্রশিল্পীর দেখা এক চিত্রজগত।

৩

উত্তরপ্রদেশ বা আগেকার ইউ. পি. যুক্তপ্রদেশ নিয়ে বিশেষ কোন লেখা কোন লেখকের আমরা দেখি নি। অথচ সে-সব দেশে প্রবাসী বাঙালী অনেক ছিলেন। তার কারণ একটা মনে হয়, যুক্তপ্রদেশ ত আসলে বিরাট ভাবে একটা জোড়াতাড়া দেওয়া দেশ। আগ্রা, অযোধ্যা, কান্দী, বৃন্দাবন, মথুরা, আবার হিমালয়ের গাটোয়াল, সবসুদ্ধ তার সীমানাও যেমন বিস্তৃত, পাঞ্জাব রাজস্থান, বিহার পাশাপাশি নিয়ে গঙ্গাযমুনার সঙ্গে সঙ্গে তেমনি তীর্থও পায়ে পায়ে। সুতরাং মানুষ যে কত দেশের কত রকমের, ধরনের, জাতি ও ভাষায় তার আর শেষ নেই। ব্রাহ্মণ, বৈশ্য, ক্ষেত্রী, অত্র বর্ণ ও সম্প্রদায় যাদের জাতি পঁাতি আচার-ব্যবহারের কোন ঠিক ধরন নেই। কান্দী অযোধ্যার সভ্যতাধারার সঙ্গে আগ্রা লক্ষ্মীর ধারা মেলে না। পাহাড়ীদের সঙ্গে সমতলের মানুষের আকাশপাতাল তফাৎ। পাঞ্জাবী উড়িয়া বাঙালীর মত একধরনের মানুষ তারা নয়।

সাধারণ মানুষের অবস্থা ছ' একটা ছোট গল্প 'উত্তরা' পত্রিকায় দেখেছি পূর্ণশশী দেবীর লেখা ইউ পি'র লোকের কথা।

মধ্যপ্রদেশ সম্পর্কেও সে দেশবাসীর কথা নিয়ে ঐ কারণেই নানা প্রদেশীয় ধরন বলেই বিশেষ কোন লেখা হয় নি মনে হয়। অবশ্য ঐতিহাসিক রচনা আছে কিছু কিছু রাজা মহারাজা নিয়ে।

৪

দিল্লী পাঞ্জাববাসীরা আমাদের সাহিত্যের জগতে অবশ্য আছেন। যদিও দিল্লীবাসীরা সেই মোগল আমলের কেলা প্রাসাদ হারেমের আজও রয়েছেন। আর পাঞ্জাবীরা রইলেন শিখধর্মগুরুদের ও শিখবীরদের ত্যাগ ও শৌর্ষের ইতিহাসে। দিল্লী পাঞ্জাবের সাধারণ হিন্দু মুসলমান আমাদের সাহিত্যে আজও অচেনা। হিন্দু জাঠচাষী গুজর আহীর বণিক ক্ষেত্রী ব্রাহ্মণ তাঁদের আচার-ব্যবহার আনন্দ সৌজন্নের সঙ্গে আমরা মোটেই পরিচিত নই। বাঙালী নিমন্ত্রণ খেয়ে আসেন ডাক্তার উকীল সম্প্রদায় হিসাবে—রাজকর্মচারী হিসাবেও। কিন্তু তাঁরাও আমাদের অচেনা, আমরাও অচেনা তাঁদের।

আর বিরাট যে সাধারণ মুসলমান সম্প্রদায়, যারা নবাব বেগম 'রইস' নন। নানারকম ব্যবসায়ী জরীজড়া ও কার্শিলী, দোকানওয়াল, শালকর, ধুনকর, রংরেজ, কলওয়াল, গায়ক, বাহক, সৌধীন দরিদ্র ও মধ্যবিত্ত

পরিবারের উর্হিন্দী মিশ্র মধুরভাষা, সৌজন্যময় ব্যবহারের জীবনযাত্রার ধরনের কথা আজও কারুর জানা নেই। এবং হয়ত কেউ জানলেও বলতে পারেন নি। প্রেমাকুর আতর্ষী মহাশয়ের মহাশুভির জাতকেই সামান্য ছ'এক জায়গায় দেখেছি। এককথায় এই সাধারণ শ্রেণীর পাঞ্জাবী ও দিল্লীওয়ালাদের আমরা এখনও চিনি না।

দাক্ষিণাত্যের বিষয়েও এই কথাই আসে। মাদ্রাজ, অন্ধ্র, কেরল, মালাবার, হায়দ্রাবাদ, মহীশূর সব শুধু আমাদের বেড়াবার ও তীর্থময় জায়গা। কোনার্ক থেকে কুমারিকা অবধি সেতুবন্ধ রামেশ্বর নিয়ে লেখা সবটাই আমাদের তীর্থভ্রমণ কাহিনী। দেশ-দর্শন কথাই আছে সেই বহু লেখায়। কিন্তু দক্ষিণের মানুষ আর ভাষা, তাঁদের সমাজ আর আচার-ব্যবহার প্রায় অজানাই আছে। উত্তরের চেয়েও অজানা তাঁরা।

সাধারণ মারাত্মদের সম্বন্ধে নিতান্ত একালে ছ'এক-খানা বই পাওয়া গেছে চারু দত্ত মহাশয়ের লেখা 'পুরণো কথা' ও গল্প কুঞ্চরাও। এবং শ্রীঅবিনাশচন্দ্র বসুর লেখা ওই দেশের ছোট গল্প ( বিচিত্রায় প্রকাশিত ) কয়েকটি। আর শ্রীমতী অমিতাকুমারী বসুর লেখা বই অনুবাদ গল্প 'মহারাত্রী উপকথা'। কিন্তু খুব বেশী লেখা দেখা যায় না।

গুজরাটীদের নিজেদের সাহিত্য খুব সমৃদ্ধ হলেও, সে দেশের মানুষ আমাদের বাংলা দেশে অনেক থাকলেও, তাঁদের সমাজ, রীতি-নীতি, মানুষজন নিয়ে কোন রচনাই আমার চোখে পড়ে নি। রাজস্থানের বা রাজোয়াড়ার কথা আগেই বলা হয়েছে। কিন্তু তাতেও দেখা যাবে, সাধারণ মানুষের সাধারণ জীবনযাত্রার কথা কিছুই কেউ বলেন নি। সে-সব লেখায় আমাদের পরাধীনতার গ্লানির ছঃখকে সরিয়ে দিয়ে আমাদের পুরাণো ঐতিহ্যের স্বাধীন দিনের শৌর্ষবীর্যময় রূপকে ফোটানর একটা চেষ্টা-বিশেষ ছিল।

আর সে সব ঘটনা, কাহিনী, কথা ত ইতিহাসাশ্রিত, কাজেই যুদ্ধবিগ্রহ বীরত্ব-কথাই তাতে পাওয়া যায়।

এবং সেই ইতিহাস ইংরেজ ও মুসলমান ঐতিহাসিকদের কাছে পাওয়া। সে সব দেশের গ্রামীণ নরনারীকে তাই তাতে খুঁজে পাওয়া যায় না।

এ ছাড়াও প্রসঙ্গক্রমে বলা যায়, আগে পরেও যারা ওসব দেশে বাস করেছেন, তাঁরাও ভাষা, পর্দা, আচার-ব্যবহারের ভেদাভেদের জন্তুও মানুষের ঘরোয়া পরিচয় পান নি, বিশেষ করে পর্দার জন্তু। যে কারণে পাশাপাশি বাস করেও আজও হিন্দুরা মুসলমানের ঘরের কথা জানেন না। মুসলমানও হিন্দুদের কমই জানেন।

অবশ্য এ যুগে অনেক জায়গায় মেশামেশি বেড়েছে, পর্দাও ছিঁড়েছে, আন্তঃপ্রাদেশিক কূটনীতিও শুরু হয়েছে ছ'এক জায়গায়; কিন্তু সে স্তর ত জনসাধারণের স্তর নয়—চল্লিশ কোটি মানুষের এক কোটিও তাঁরা নয়। ইংরেজী শিক্ষিত স্তর তাঁরা।

কাজেই শাস্ত্র, পুরাণ, ধর্ম, তীর্থ, তীর্থকৃত্য, এমনকি নাম-গোত্রের অবধি মাদ্রাজ-পাঞ্জাব-গুজরাট কাশ্মীর সুদূর উত্তর-দক্ষিণের ভিন্ন ভিন্ন প্রদেশে মিল থাকলেও কখনও ভাষা, কখনও সামাজিক আচার, কখনও স্থানীয় রীতি-নীতির জন্তু আমাদের প্রাদেশিক জীবনের সাধারণ স্তর পরস্পরে প্রায় অচেনাই আছে।

৫

যদিও এখন বর্মা বিদেশ, ভারতের অঙ্গ ও অংশ ছিল ছ'দশক আগে। ব্রহ্মদেশ—এই বর্মার কথাও আমরা কথাসাহিত্যে পেয়েছি, শরৎচন্দ্রের 'ছবি' গল্পেতে আর 'শ্রীকান্তে' কিছু। এবং শ্রীমতী সীতা দেবীর লেখা কয়েকটি গল্পেও কিছু পাওয়া যায়। পাশাপাশি দেশ আসামের মানুষের কথা নিয়ে বই মাত্র একখানিই সম্প্রতি চোখে পড়েছে 'পূর্বপার্বতী'। একশ্রেণী আসামের মানুষের 'তুকতাক', 'গুণীডাইনী' বাধাবিধি লোক-সমাজচিত্র খানিকটা তাতে পাওয়া যায়।

এবং আন্দামান নিয়েও এঁরই লেখা আর একটি বই 'সিঙ্গুপারের পাখী'তে অপরাধী ভবঘুরে নানা জাতির ও দেশের আবহাওয়ার কথা—নরনারীর প্রেমের দীর্ঘ কাহিনী পাই। লেখকের নাম শ্রীপ্রফুল্লকুমার রায়।

এই সঙ্গে প্রাদেশিক ঠিক বলা যায় না, আঞ্চলিক বলা যায়, সাঁওতাল জাতি ও কয়লাকুটির মজুর মানুষ-গুলি নিয়ে শ্রীশৈলজ্ঞানন্দ মুখোপাধ্যায় মহাশয়ের লেখা গল্পগুলি খুব সমাদৃত হয়েছিল—প্রায় ত্রিশ বছর আগে।

আর এখন বিদেশ,—একান্তভাবেই একদিন যে দেশ ছিল সেই পাকিস্তানের সাধারণ মানুষের কথা, চমৎকার ছোট ছোট গল্পে, শ্রীনরেন্দ্রনাথ মিত্র আর শ্রীঅচিন্ত্য সেন-গুপ্ত মহাশয়ের কলম থেকে পাওয়া গেছে। কত আপনার অথচ কত সুদূর আপনজনের ছবির মত মানুষগুলি ফুটে উঠেছে যেন। দেশ বিভাগের আগেও যেমন, পরেও তেমনি যেন আছে!

মোটামুটি আমাদের কথাসাহিত্য তবু কয়েকটা প্রদেশের মানুষকে চেনবার, জানবার চেষ্টা করেছে মনে হয়।

আগের কালে ছিল ইতিহাসাশ্রিত—অর্থাৎ পরের মুখে ঝাল খাওয়া। একালে এসেছে নিজের চোখে দেখা, কানে শোনা, মেলামেশার কৌতুহল।

তবু মনে হয় হয়ত বহু ভাল লেখকের ভাল লেখা আমার চোখে পড়ে নি। যার কারণ বড় তাড়াতাড়ির ও প্রচারের যুগ এটা। বই বেরুতে বেরুতেই বছর শেষ হয়ে যায়। প্রকাশক অসতর্ক হয়ে পড়েন। লেখক আবার লিখতে বসেন। পুরণো লেখাতে উদাসীন হয়ে যান। ভাল লেখা হলেও বইগুলি সব যেন বেঠিকানা হয়ে যায়!\*

\* নিখিল ভারত বঙ্গসাহিত্য সম্মিলনের ১৩৬৮ সালের কলিকাতা অধিবেশনে পঠিত।

## শ্রীমতী ও মতি

শ্রীতপতী মুখোপাধ্যায়

রায়দের প্রাসাদোপম বাড়ীর মঙ্গলাঙ্গনে যে সব ছুধে-আলতার দাঁড়িয়েছে তারা সুন্দরী বটে, কিন্তু শ্রীমতীর মত নয়। কে যেন বলেছিল সপ্তদশী সেই বধুকে দেখে—এ যেন এক জলপ্রপাত,—তেমনি অপূর্ব রূপের প্রবাহ, তেমনি গম্ভীর, তেমনি বিস্ময়কর, তেমনি প্রবল। রূপের সঙ্গে মিলিয়ে শ্রীমতীর বলিষ্ঠ চরিত্র, আভিজাত্যের অহঙ্কার, পিতার ও পতির অর্থের গৌরব, বংশাভিমান। কিন্তু সব কিছুর চেয়ে বিস্ময়কর তার ঘড়ির কাঁটার মত নিছুল ব্যবহার।

যাকে যা দিতে হয়, যতটা পরিমাণে, তা মেপে মেপে দেয় শ্রীমতী,—কোথাও উচ্ছ্বাস নেই, কোথাও কার্পণ্য নেই, কোথাও দারিদ্র্য নেই। ব্যালাঙ্গ তার চরিত্রের মূলমন্ত্র।

শ্রীমতীর সঙ্গে প্রথামুখ্যরী যে দাসী এসেছিল বাপের বাড়ী থেকে, তার নাম মতি। তার নামেও যেমন শ্রী-টি বাদ গেছে, তেমনি তার চেহারায়। অপরূপ সুন্দরী শ্রীমতীর সাধারণ উচ্ছলতার পাশে সে যেন এক ছায়া, কুৎসিত ছায়া। বড়বড় তার



তেমনি অশোভন। যেমন ঝগড়াটে, তেমনি কর্কশ।

শ্রীমতীর মেজো দেবর রসিক হোকরা। বলে, “বৌদিদির মাতাঠাকুরাণী যে এত দাসী থাকতে কেন ঐ ভীষণ কুচ্ছিং দাসীটিকে পাঠালেন জানিস? আলোর পাশে কালো যেমন আলোকে ফুটিয়ে তোলে—তেমনি ওর কুশ্রীতা নতুন বৌদিদির সুশ্রীতাকে ফুটিয়ে তুলবে বলে।” আসলে তা নয়, শ্রীমতীদেরই বাড়ীতে জন্ম মতির, একই বংশের, আর চিরদিন শ্রীমতীর সেবা সে করেছে আশ্রয়, কেঁদে-কেটে সেই মতিই এসেছে সঙ্গে।

শ্রীমতী ক’মাস পরেই তার বিয়ে দিয়ে দেয়—স্বামীর পুরাণো চাকর রঘুর সঙ্গে। লোকে বলে, “বা, যেন মাণিকজোড়।” আশ্চর্য্য এই, যে রঘুকে মতি আগে “ওণা,” “ওরাং-ওটান” (কলকাতার চিড়িয়াখানায় এই জীবের সঙ্গে লোমশ বেঁটে রঘুর আশ্চর্য্য মিল দেখে) বলে ডাকত, কোমর বেঁধে কোঁদল করত—বিয়ের পর সে সতী স্ত্রী বনে গেল। শ্রীমতী হেসে বলে, “সিঁহুরের গুণ।”

তাদের চারজনের দাম্পত্য জীবন সহজ হুন্দেই চলে, তবে ওরা চারজন, প্রভু আর ভৃত্য, একই প্রাসাদের বাসিন্দা—এইটুকুই শুধু মিল।

নইলে ওদের জীবনের হুন্দ আলাদা, ভাল মান লয় আলাদা। বন্ধুবান্ধব মোগাহেব আলীর দল জগৎলালকে তারিফ করে—পুরুষস্য ভাগ্যম্ বটে। শুনে খুশী হয় জগৎলাল—আর হবে না কেন, অমন স্ত্রী, যার ব্যবহারে, চেহারায়, চরিত্রে কোন ত্রুটি নেই—সমহুদ কাব্যের মত—নয় ব্যাকরণের শব্দরূপের মত নিহুর্ল।

জগৎলাল স্ত্রীকে আদর করে বলে, “লক্ষ্মীর প্রসাদ পেয়েছিলেন বংশের পূর্বপুরুষেরা—আর লক্ষ্মীকেই পেলাম আমি।” আর নারায়ণের মত সাড়ম্বরে তাঁর লক্ষ্মীকে তিনি আদর দিয়ে ঢেকে রাখেন। তবে, জগৎলালের আদর-প্রেম সবই চোখে দেখা যায়—গহনা, সাড়ী শুধু নয়, বাড়ী, জমিদারী শেরারের আকারে তা শ্রীমতীর পায়ের কাছে এসে পড়ে—অর্ধশালী ব্যস্ত পুরুষের উচিত প্রেমার্ঘ্য।

মতিও কিছু পায় স্বামীর কাছে। তাও চোখে দেখা যায়। বড় ধেনো খেতে ভালবাসে রঘু, আর খেয়ে তার পৌরুষ হ’ল মতিকে নিরর্থক পেটানো। মতির অঙ্গে তাই “আদরের চিহ্ন” থাকেই—কালশিরে বা কাটা দাগ। কিন্তু মতির সম্মান হবার সময় ঐ

রঘু ঘরের সামনে বসে মতির চেয়েও জোরে কাঁদে, ওর অন্তঃস্থ হ’লে মায়ের মত স্নেহে সেবা করে।

মতি যদি কখন রেগে বলে, “দেখ ত, এবারও বিয়ের তারিখে বড় জায়গীর একটা দেবেন বাবু দিদিমণিকে আর তুমি! একটা কুঁড়ে ঘরেরও সংস্থান নেই—বুড়ো বয়সে কি করব বল ত আমরা!”

রঘু হেসে বলে, “তুই থাকতে আমার বাড়ীঘর দরকার নেই রে, তুই-ই আমার সম্পত্তি।” মোটা রূপোর খাড়ু দেয় সে বৌকে। কিন্তু কি বিড়ম্বনা, সেই খাড়ুরই আঘাতে রঘুর নেশা প্রায় ছুটে যায়, রেগে বলে—“আমারই ঘাড়ে পেত্নীটা ভার করল?”

আবার বছর ঘুরে ঘুরে আরো এক বিবাহ সাংস-সরিক আসে। গতবার ছিল মফঃস্বলে সিনেমাঘর, এবার দেবেন জাগীর—এক বিধবার সম্পত্তি সম্ভার পাওয়া যাচ্ছে।

জাগীর দেখতে যাবেন জগৎলাল, সঙ্গে রঘু চাকর—প্রথম গাড়ীতে মাল বোঝাই করছে শ্রীমতী নিজে দাঁড়িয়ে। অবশেষে মিলি করে বলে, “গিয়ে টেলিগ্রাম ক’রো।” এও বলতে ভোলে না যে বিধবাটির কান্না দেখে যেন গলে গিয়ে বেশী টাকা না দিয়ে বসেন জগৎলাল। জগৎলাল স্ত্রীর পার্থিব জানে খুশী হয়ে বলেন—“পাগল হয়েছে।”

গাড়ী ছেড়ে দেয়—মার্কেলের সিঁড়িতে দাঁড়িয়ে শ্রীমতী ভাবে—‘যাঃ, ভুলে গেলাম আসল কথা বলতে।’ মনে করেছিল একবার কথার ছলে বলবে তার জায়ের ছোট বানের হীরের মানতাসার কথাটা—তা হ’লেই জগৎলাল তার ইচ্ছাটা বুঝে নিতেন।

মতিও বাসন মাজা ছেড়ে ছাই হাতে গালে হাত দিয়ে বলে, “যাঃ, ভুলে গেলাম আসল কথা বলতে।” রঘুর জন্তে সে নিজের বকুশিস বাঁচিয়ে রেখেছে—ন্যাকড়ায় মোড়া তার সে দান কি এখনও দেওয়া যায় না? বাবু কি দেখতে পাবে? থাকু মদ ও দিয়ে, তবুও। দৌড়ে যায় মতি—গাড়ী মছর গতিতে বেরুচ্ছে। পিছনে বসে রঘু—ওকে দেখে গর্কিত হাসি হাসে। ঝাকড়া-বাঁধা আনা ক’টা কুঁড়ে দেয় মতি, গাড়ীর জানালায় বেধে পড়ে যায়—আঁচলে মুখ ঢেকে কাঁদে মতি।

পরদিন বিকালে শ্রীমতী গা ধুয়ে চুল বাঁধছে। পিছনে দাসী দাঁড়িয়ে রূপোর কাঁটা, সোনার চিকুণী এগিয়ে দিচ্ছে। হাতীর দাঁতের চিকুণীতে সিঁহুর নিয়ে সীমন্তরেখা রঞ্জিত করার জন্তে নিটোল শুভ্র

হাতের বন্ধিম-রেখা মুহূর্তকাল শুরু হয়ে থাকে। মোহিনী নিজেই নিজের প্রতিবিম্ব মুগ্ধ যেন।

কিন্তু সিঁদুর সীমস্তে পৌঁছবার আগেই মহা বিপর্যয় ঘটে গেল। শ্রীমতীর এক দেওর পাগলের মত দরজা ঠেলে ভিতরে এসে প্রলাপ বকার মত এলো-মেলো বলতে থাকে—“সর্বনাশ হয়ে গেল, সর্বনাশ হয়ে গেল বৌদি—দাদা—দাদা আর নেই, মোটর এক্সিডেন্টে—” শ্রীমতী তখনই মুচ্ছা হত হয়ে মর্মর মেঝেতে লুটিয়ে পড়েছে। সেই মোটর এক্সিডেন্টে রঙ্গ চাকরও প্রাণ হারিয়েছে।

শোকের হিম যেন সারা বৃহৎ বাড়ীটাতে চির-শৈত্যের নিম্প্রাণতা এনে দেয়। শ্রীমতী, সেই সাভরণা দৃষ্টা রানী যেন আজ রিক্তা সন্ন্যাসিনী, শৈত্যের রাজ্যের হিম-প্রতিমা। লোকে অবাক হয়ে দেখে, চমৎকৃত হয়ে বলাবলি করে, এই ত আদর্শ নারী।

বিবাহিত জীবনের প্রাচুর্য্য ঠেলে ফেলে দিয়েছে সে, সোনার অঙ্গ নিরাশ্রয়ণ, শ্বেতবসনা শুধু সে, নিজেদের শয়নকক্ষের ঐশ্বর্য্য ছেড়ে চলে গেছে পূজোর ঘরের পাশে যেখানে আসবাব নেই, মঞ্চমলের উপাধানের কোমলতা নেই, দর্পণের দর্প নেই—আছে কেবল তার ইষ্টদেবতার মূর্ত্তি আর স্বামীর দেয়াল-জোড়া অয়েল-পেট্রিং।

যেমন শ্রীমতীর বিবাহিত জীবনে ছিল লক্ষ্য যে প্রতি পাদক্ষেপে লক্ষ্মীর প্রসাদ ফুটে উঠবে সংসারে, এখন তেমন তার লক্ষ্য হ'ল কি করে দান-ধ্যান, উপবাস, ব্রত নিয়ম পালনে, কৃচ্ছসাধনে তার বৈধব্যের উচিতার যশ ছড়িয়ে পড়বে। আত্মীয়স্বজন, বন্ধু-পরিজন, আশ্রিত অহুগৃহীতের দল একবাক্যে শ্রীমতীর পুণ্যের যশ প্রচার করে। মন্দিরের পুরোহিতদের আয় বেড়ে যায়।

আর মধ্যে মধ্যে এঁরা যখন পুণ্যবতী বিধবার ধূপসুরভিত ঘরের ব্রতরতা শ্রীমতীর কাছ থেকে বাইরে এসে দেখেন, যে, সংসারের দশ কাজের মধ্যে মতি ঠিক আগের মতই লেগে আছে, পরণে তার শ্রীমতীর পরিত্যক্ত রঙীন শাড়ী, তার কণ্ঠস্বর কখনও ঝগড়া, কখনও উচ্চহাস্যে ধ্বনিত হচ্ছে কলতলা থেকে, তখন তাঁরা চোপ কপালে তুলে বলেন—“আচ্ছা, ওরও ত স্বামী গেছে। ছোটলোকগুলোর কি প্রাণধর্ম থাকে না?” মতি তাঁদের দেখে হেসে কুশল সম্ভাষণ করে, তাঁরা মুখ বেঁকিয়ে চলে যান। শ্রীমতী শেষে মতিকে ডেকে বলে—“ওরে, অস্তুতঃ হাতের

গয়না, নাকের গয়না খোল, রঙীন শাড়ী খোল, লোকে নিশ্চয় করে যে।” মতি অবাক হয়ে যায়, তার পর বলে,—“দিদিমণি কি বলছ, এই কাঁচের চুড়ি সে নিজে হাতে আমাকে পরিয়েছে যাবার আগে, আর নাকের ফুল—জান, কতদিন কত কষ্টে ধেনো মদ না খেয়ে তবে পরসা জমিয়েছিল সে।” শ্রীমতী পরম বিরক্তি ভরে মুখ ফিরিয়ে নেয়—ছোটলোকের কথাই আলাদা।

বহর ঘুরে যায়—বসন্তের হাওয়ার সঙ্গে আসে আমের বোলের গন্ধ, গাছে গাছে আম ধরে। এ বাড়ীর যে আমবাগান এ অঞ্চলে প্রখ্যাত আর তাতে জগৎলালের বাবার লাগানো একটি দশেরা আমের গাছ ছিল। এই আমের একটু ইতিহাস আছে। জগৎলাল আর রঙ্গু চাকর যখন বালক তখন এই গাছে প্রথম আম ফলে, নতুন ধরণের ছোট ছোট আম, আর তার মিষ্টি রসে অমৃতের স্বাদ, দুই বালক খেলা করতে করতে তা প্রাণ ভরে খেত। তারা বড় হ'ল, কিন্তু পৃথিবীর এত রকমের ফল খেয়েও জগৎলালের যেমন তৃপ্তি হয় না, তার ক্রোড়পতির সৌখিন রসনার বিচারেও শ্রেষ্ঠ ঐ লোভনীয় ছোট আম, তেমনি দরিদ্র রঙ্গুর মোটা ভাত, আর কুট লক্ষা তেঁতুল খাওয়া জিভেও এ সুরভিত মধু আমের কাছে কেউ নয়। ঐ আমের লোভ যেন দুজনকে একস্মৃত্রে বেঁধে রাখত—তাদের দুজনের স্বীরাও সন্নেহে হাসত তাদের কাণ্ড দেখে।

এবারও বাগান থেকে ঝড়িভর্ত্তি আম যথানিয়মে এল বাড়ীতে। শ্রীমতীর যে ছোট জা তার আহারের পরিচর্য্যা করে, সে সমস্তে সাজিয়ে নিয়ে গেল শ্বেত-পাথরের থালায় এই আম আর ঘরের তৈরী মিষ্টি, আজ নিৰ্জ্জলা একাদশীর উপবাসের পর শ্রীমতী খাবে।

আহার শেষ হ'ল। একটি আম আর খেতে পারে নি শ্রীমতী, মতি বাসন তুলতে আসতে তাকে সেটি সাদরে দিয়ে বলে “নে, খা।”

কিন্তু মতির এ কি হ'ল! সে সেই অর্ধভুক্ত আমের দিকে তাকিয়ে দেখলে—তার পর হাতের আমটি ছুঁড়ে শ্রীমতীর পায়ের কাছে ফেলে দিলে, যেন ওটা অলস অঙ্গার। তার পর জীবনে এই প্রথম অন্তের সামনে বুকফাটা কান্নায় ভেঙ্গে পড়ে ছুটে বেরিয়ে চলে গেল ঘর থেকে। শ্রীমতী তার অবাধ্য

খেয়ালে বিরক্ত হয়ে ভাবতে লাগল, হঠাৎ হ'ল কি মতির ? কিন্তু মতির জন্তে ভাবনার সময় তার নেই, সামনে এক গুচ্ছ ড্রইং পড়ে, নানান স্থপতিদের কাছ থেকে ওগুলো আনিয়েছে সে—তার স্বামীর নামে সহরে একটা স্তম্ভ করবে। সবচেয়ে আড়ম্বর যার

নক্সার, অথচ, দামটা খুব সুবিধার 'কোট' করেছে, সেইটির দিকে মনোযোগ দেয় সে।

আর নিচের তলায়, কমলার ঘরের পাশে যে ছোট অঙ্ক কুঠরী ছিল তাদের ছুজনের ঘর, সেখানে অঙ্ককারে মাটিতে লুটিয়ে মতি কাঁদে—'রঘু, রঘু, রঘু।'

## বিপ্লবী যোগী রসিক

( স্মৃতিচারণ )

শ্রীদিলীপকুমার রায়

শ্রীঅরবিন্দের অঙ্কুত টানে দেশ-বিদেশ থেকে ভেসে আসত কত রকমেরই যে বিচিত্র মানুষ : সাধু, ব্রহ্মচারী, কবি, দার্শনিক, সন্ন্যাসী, গৃহস্থ, লেখক, শিল্পী, দেশসেবক ...আরও যে কত নোঙরহারা যাযাবর যাদের নেই সংজ্ঞা, উপাধি, চালচলো। এদের মধ্যে একটি বিচিত্রতম মানুষের সঙ্গে আমার হঠাৎ ঘনিষ্ঠতা হয় পশ্চিমবঙ্গে—বিশ বৎসর আগে। তিনি স্বনামধন্য শ্রীকেশব কাম্বিজলাল—সর্বশ্রেষ্ঠ বীর, রসিক, পণ্ডিত, বক্তা, বিপ্লবী তথা শঙ্করপন্থী সন্ন্যাসী—দশনামী সম্প্রদায়ের। মহাযোগী ভোলানাথ গিরি তাঁকে হরিদ্বারে সন্ন্যাসে দীক্ষা দিয়ে নাম দেন বিগ্গানন্দ গিরি। কিন্তু আমরা সবাই তাঁকে "ঋষিদা" বলেই ডাকতাম—তিনিও আপত্তি করতেন না। বলতে কি, তাঁর কিছুতেই আপত্তি ছিল না, বলতেন প্রায়ই : "আমি ঝালে ঝালে অম্বলে সব তাতেই আছি ভাই, নাম নিয়ে কি হবে ?" গেরুয়াধারী, ব্রহ্মচারী অথচ গৃহীদের সঙ্গে গৃহী, অনাচারীর সঙ্গে সহজিয়া। সংস্কৃতে অসামান্য বহুপাঠী, অথচ হাসিখুসিতে শিওসরল। সর্বোপরি, চিন্তায় ভাবুক অথচ আচরণে উচ্ছল রসরাজ ! এক কথায়, একটি অবিষ্মরণীয় মানুষ যাকে বলে।

তাঁর কথা প্রথম শুনি বন্ধুবর শ্রীনলিনীকান্ত গুপ্তের মুখে। নলিনীদা সম্প্রতি সপরিবারে পশ্চিমবঙ্গে আস্রম-বাসী হয়েছেন, যদিও শ্রীঅরবিন্দকে তিনি গুরু বলতেন প্রায় পঞ্চাশ বছর আগে—যে সময়ে বারীনদা, উপেনদা, ঋষিদা ও মতিদার (শ্রীমতিলাল রায়) সঙ্গে তিনিও গুরুর কাছে যোগশিক্ষা করতেন পশ্চিমবঙ্গের সন্তোজাত

যোগাশ্রমে। তাঁর কাছে কত যে গুণতাম ঋষিদার অস্বহীন রসিকতার গালগল্প ! তার পরে বারীনদার কাছে শুনি ঋষিদার ছুঁদাস্ত পাণ্ডিত্যের তথা অবিদ্যাস্ত প্রাণশক্তির কথা, যে-প্রাণশক্তিতে বারো বৎসর আন্দামানে বাসের পরেও ভাঁটা পড়ে নি। আর উপেনদার মুখে গুণতাম তাঁর দুঃসাহসিকতার কথা।

দুঃসাহসী ব'লে দুঃসাহসী ! যে-মানুষ গৃহী হয়েও বিপ্লবের আগুনে কাঁপ দেয়, তীক্ষ্ণী হয়েও ( ঋষিদারই ভাষায় ) "ক্রবাণি পরিত্যজ্য অক্রবাণি নিবেবতে"—ক্রব নিরাপদকে ছেড়ে অক্রব সঙ্কটযাত্রার নেশায় মাতে, আর ক্রণোচ্ছ্বাসের ঝোঁকে নয়, জেনেও, যে, দেশকে জাগাতে গিয়ে জীবন বিপন্ন করলেও দেশ জাগবে না—("এ বিপুল ঘুমের দেশে ভাই লোকে যে জাগতে না জাগতে ফের চলে পড়ে"—বলতেন ঋষিদা প্রায়ই) মার থেকে ফল হবে শুধু হাতের পাঁচ খুঁয়ে সর্বস্বাস্ত হওয়া—দুঃসাহসী বলব না তাকে ? শ্রীঅরবিন্দ ও বারীনদার গুরু বিষ্ণু-ভাস্কর লেলের কথাও ঋষিদার মুখে গুণতাম। "লেলে মহারাজ যোগী ছিলেন বটে ভাই," বলতেন ঋষিদা, "নৈলে ভাবো, মনকে একদম খাঁ খাঁ শূন্য করতে পারে কেউ ? শ্রীঅরবিন্দ এ'র কাছে দীক্ষা নিয়ে তবে না পেয়েছিলেন গীতার 'ন কিঞ্চিদপি চিন্তয়েৎ' নির্দেশটি পালন করার কৌশল আয়ত্ত করতে ? জান ত ?"

জানতাম বৈ কি। কারণ গুরুদেব ১৯৩২ সনে ৮ই মে তারিখে একটি পত্রে আমাকে স্বহস্তে লিখেছিলেন যে, লেলের নির্দেশে চ'লে তিনদিনে তিনি এমন চিন্তাশূন্যতায় আসীন হয়েছিলেন যে-ভূমিকা থেকে স্পষ্ট দেখতে পাওয়া

যায়, কি ভাবে চিন্তারা আসে বাইরে থেকে \* আমাকে লিখেছিলেন যে, লেলের কাছ থেকেই তিনি প্রথম এ আশ্চর্য অবস্থার হৃদয় পান, তার আগে তিনি জানতেন না যে, কোন্ চিন্তাকে আসতে দেব না দেব স্থির করবার মতন আশ্চর্য যোগবলে অর্জন করা যায়। এ বিষয়ে আমার ইংরেজী স্মৃতিচারণ Sri Aurobindo Came to Me-তে লেখা আছে বিশদ ক'রেই। তবু এ প্রসঙ্গের উল্লেখ করলাম শুধু ঋষিদার যোগতাত্ত্বিকতার খবর দিতে।

এই খবর দেওয়ার কিছু প্রয়োজন আছে এই জন্তে যে, ঋষিদা সচরাচর ঘুণাকরেও আভাস দিতেন না তিনি অন্তরে কতবড় নির্ভেজাল যোগী—শান্ত, স্থির, অনাসক্ত। আমাদের সঙ্গে হাসিগল্পেই কাল কাটাতেন, যাকে গ্রাম্য ভাষায় বলে “কষ্টিনষ্টি”। কি হাসাতেই যে পারতেন! সময়ে সময়ে তাঁর কথায় হাসতে হাসতে আমাদের সত্যিই পেটে খিল ধ'রে যেত। এমনই গুপ্তযোগী ছিলেন তিনি যে, এর ওর তার সঙ্গে আমি প্রায়ই বলাবলি করতাম—ঋষিদার নিজমূর্তির খবর পাওয়া ভার, হৃদয়েই তিনি স্বভাবে। তা ছাড়া বারো বৎসর আন্দামানে কাটিয়ে এসেও এ সরসতা বজায় রাখা সম্ভাবে!—ক'জন পারে এছেন অসাধ্য সাধন করতে? ইত্যাদি।

কিন্তু আমি ছিলাম স্বভাবে নাছোড়বান্দা ত—হেঁকে ধরতাম তাঁকে: “এহো বাহু ঋষিদা—আগে কখন আর,” ব'লে। তখন তিনি বলতেন—সব সময়ে নয় তবে মাঝে মাঝে। ভাগ্যক্রমে তাঁর কয়েকটি আশ্চর্যকাহিনী প্রবন্ধে তথা গল্পাকারে প্রকাশ করেছিলাম—তাই থেকে কিছু উদ্ধৃত করি অকুতোভয়ে। (একটু রং চং দিয়েই বলব—তবে মূল আখ্যান ও স্তম্ভি বজায় রেখে।)

“কেন জানি না ভাই, আমাদের এই মনঠাকুরের লীলাখেলার তল পাবে কে বল?”—বললেন ঋষিদা একদিন—“তবে ঠাকুর বলেছেন না, মন ধোপা-ঘরের কাপড়, লালে ছোপাও লাল, নীলে নীল—তাই হয়ত বৈরিগীদের কথা শুনে শুনে আমার বালক মনে লেগে গেল সে-রঙের ছোপ। মনে হ'ত লালাবাবুর কথা,

বিষমঙ্গলের কথা—এঁরা যখন ঘর ছেড়ে বিবাহী হয়ে পেরেছিলেন হরিঠাকুরকে, তখন আমিই বা পাব না কেন যদি ঘর ছাড়ি এক কাপড়ে? ভাবতে ভাবতে হুঁমতি চাপল: স্কুল-পালান সঙ্গীও মিলে গেল—ঠাকুর দয়াল ত, জুটিয়ে দিলেন ব্যথার ব্যথী—সেও বলল হরিঠাকুরকে পাওয়াই চাই। অথ, একদিন রাতে আমরা দুই কিশোর—তখন আমার বয়েস তের কি চোদ্দ—এক কাপড়ে ঝুলি কাঁধে নিয়ে নিরুদ্ধেশ যাত্রায় বেরিয়ে পড়লাম ক্রবের জাঁকাল পণকে নিজের মনে ক'রে জপতে জপতে: ‘তৎস্থানম্ একম্ ইচ্ছামি ভুক্তং নান্তেন যৎ পুরা’—অর্থাৎ আমি চাই শুধু সেই রাজ্য যা আমার আগে কেউ ভোগ করে নি। টোলে পড়া হলে—সংস্কৃত জানার অভিমানও ছিল বৈ কি, তার উপর ভর করল বৈরিগী হবার অভিমান—কাজেই আমাকে রোধে কে?

“ঠিক হ'ল যাব পুরী। কিন্তু পূর্বদিকে না গিয়ে পশ্চিমে মোড় নিয়ে পৌঁছলাম গয়া! তখন লোকে বলল, এখান থেকে কাশী যাওয়াই বেশি সহজ। গয়া ভাল লাগল না, কারণ আমি ত নির্বাণ ঠাকুরকে চাই নি, চেয়েছি হরিঠাকুরকে। কাশী অবশ্য শিবের রাজধানী। হোকগে, হরি হর ত ভিন্ন নয়। তবে আর ভয় কি? তা ছাড়া কাশীর দশাশ্বমেধের নাম শোনা ছিল। চললাম সেই দিকে মরীয়া হয়ে। হাতে যে ছ'টার টাকা ছিল, পথে খরচ হয়ে গেল। কাশীতে পৌঁছলাম একেবারে অকিঞ্চন অবস্থায় যাকে বলে।

“কিন্তু স্বপ্নভঙ্গের প্রথম ধাক্কা এল সেখানে। ভাব্য—দারুণ উদরাময়। হেতু—ছাতু।

কোথায় বা হরদেব কোথায়ই বা হরি?

কোথায় বা মালপোয়া—ছাতু খেয়েই মরি!

“কী করি? অগত্যা বৈরিগীকে শরণ নিতে হ'ল সংসারীর। বাবু ত আমাদের দেখেই গর্জে উঠলেন, ‘কে রে?’ আমাদের বুক কেঁপে উঠল, চিঁ চিঁ ক'রে বললাম, ‘আমরা—বাবুমশায়! দু'টি কলকাতার ছেলে—কাশীতে দশাশ্বমেধ ঘাটে ভিড়ে আমাদের কাকা কোথায় যে হারিয়ে গেছেন—’

“বাবুমশায় দাঁত খিঁচিয়ে ভেংচিয়ে নাকীস্বরে বললেন, ‘তবেঁ আর কী? আমার মাথাঁ কিনেছেন—কলকাতার ছেলে যখন!’

“কে রে বাংলা কথা কর?’ বলতে বলতে গিন্নির অড়ুদয়। ‘আহা! কাদের বাচ্চা রে?’

“ভরসা পেয়ে যথাবিধি চোখের জলের বড়া বইয়ে দিলাম, বললাম, ‘আমাদের কাকা হারিয়ে গেছেন মা,

\* এ চিঠিটি ছাপা হয়েছে SRI AUROBINDO ON HIMSELF & MOTHER গ্রন্থে ১৩৩ পৃষ্ঠায়: “In a moment my mind became silent and then I saw one thought and then another coming in a concrete way from outside...” ইত্যাদি।



পথের ভিড়ে—তাই হুদিন পথে পথে ঘুরছি না  
থেরে—

“কর্তা বাদ সাধবার আগেই গিন্নি আমাদের হাত  
ধ’রে টেনে দাওয়ার বসালেন : ‘আহা! বোসো বাবা,  
বোসো। এমন সোনার অঙ্গে ছাই মাখালোই বা কোন্  
পোড়ামুখো নাগা সন্নিসি তুনি?’ আমরা ভয়ে ভয়ে  
কর্তার দিকে আড়চোখে তাকাতেই গিন্নি ঝংকার দিয়ে  
ব’লে উঠলেন, ‘ওর কথায় কিছু মনে ক’রো না বাবা।  
ও অলপ্পয়ের ভীমরতি হয়েছে বাট বছর বয়সেই—  
দয়াধর্মকে বিদেয় করেছে কুলোর বাতাস দিয়ে। নৈলে  
এমন হুধের বাছাকে মুখখিন্তি করে? যাও না, তোমার  
পিণ্ডি গিলে যাও না আপিসে—হাঁ ক’রে দেখছ কি?’

“গৃহিণী গৃহস্থ্যতে—গৃহী করেনই বা কী? সোনাহেন  
মুখ ক’রে হু’টি অন্ন গলাধঃকরণ করত: টাঙ্গা ক’রে প্রয়াণ  
করলেন আপিস। পরদিন সকালেই আমাদের বললেন,  
‘চল, তোদের জন্তে চাঁদা চেয়ে আনি—ঐপশাড়া।’

“বিশ্বাস ক’রেই দ-য়ে মজলাম। তিনি ধুরন্ধর  
আহাবাজ—নিয়ে গেলেন গিন্নির আশ্রয় থেকে সোজা  
পুলিস আপিসের বেঘোরে। পুলিস সাহেব ওনেই  
সহংকারে বললেন, ‘ননসেন্স! কাকা হারিয়ে গেছে!  
আধাটে গল্প। মিথ্যেবাদীর ডিম—বাড়ি থেকে পালিয়ে  
এসেছে মজা ক’রে ইসকুল কামাই করতে।’

“আমরা কেঁপেই সারা। বললাম, ‘ম’ গঙ্গার দিব্যি  
পুলিস সাহেব—আমরা সত্যিই—’

—‘ড্যাম্ ইওর মাদার গ্যাঞ্জেস! উষুক ছেলে!  
বজ্রাতির আর জায়গা পাও নি? সাপের হাঁচি বেদের  
চেনে। থাক্ ছটোতে থানায় নজরবন্দী—বল্ বাড়ীর  
ঠিকানা কি? অ্যা?—ভবানীপুর।—ছা। সেখানে  
আজই তার করছি। শোন্—এই! কী ছটোতে গুজুর  
গুজুর করছিস? শোন্ কান খাড়া ক’রে—যদি ভালো  
চাস। আমার তারের আজই জবাব পাব। যদি তোরা  
সত্যি হারিয়ে গিয়ে থাকিস তবে—কাকা-টাকা থাক—  
বাড়িতে বাবা-মা আছে ত? তাঁদের কাছেই পাঠিয়ে  
দেব, কে তোদের নেই-কাকার খোঁজ করবে তুনি? ফের  
গুজুর গুজুর!’ ব’লেই আমাদের হু’জনের হু’কান ধ’রে  
কাছে টেনে এনে: ‘তোরা যদি সত্যিই হারিয়ে গিয়ে  
থাকিস ত কোন হুর্ভাবনা নেই, পুলিসের লোক  
তোদের বাড়ী পৌঁছে দেবে। কিন্তু যদি মিথ্যে ঠিকানা  
দিয়ে থাকিস, কি বাড়ী থেকে না ব’লে পালিয়ে এসে  
থাকিস তবে বেতিয়ে তোদের ছাল চামড়া না তুলি ত  
আমার নাম কৃতাস্তকুমার খাস্তগীর নয়।’

“আমাদের বুকের রক্ত জল হয়ে গেল। কেঁচো  
খুঁড়তে এ কি সাপ বেকুল! কেন মিথ্যে হরিঠাকুরকে  
চেয়ে বৈরিগী হ’তে বেরিয়েছিলাম! কিন্তু কি করা?  
একে পুলিস সুপরিঠন্থন তার ওপরে কৃতাস্তকুমার। নাম  
আর পদবী, এ বলে আমাকে দেখ, ও বলে আমাকে।

“কিন্তু বোকা বোকা দেখতে হ’লে কি হয়—ভিতরে  
ভিতরে শয়তান ত! ভালমানুষের পো হয়েই র’য়ে  
গেলাম জমাদারের তদারকে এক টিনের ঘরে। রাতে  
উঠে জমাদারকে, মাঠ থেকে আসছি ব’লে গাড়ে হাতে  
বেরিয়েই লম্বা। আমার সমানধর্মী ভায়াটিও আমার  
মতনই যক্ষ্মঃ তল্লিখিতঃ পছায় অচিরে শিললেন এসে  
আমার সঙ্গে মণিকর্ণিকার ঘাটে। তার পর ভোর রাত  
থেকে ফের চলা শুরু, এবার পূবদিকে—কলকাত্তা বাগে  
ত্র্যাগুট্টাঙ্ক রোড ধ’রে। গিন্নিমা আমাদের হাতে  
তিনটি ক’রে টাকা দিয়েছিলেন দোকানে ইচ্ছে হ’লে  
কিছু কিনে খেতে। কিন্তু সে টাকা হু’দিনেই নিঃশেষ।  
তার পর আর কি? সনাতন ভিক্ষাবৃত্তি, আর চলা।  
রাস্তায় জল ঝড় খুলো কাদা কিছুই অভাব ছিল না,  
অভাব ছিল শুধু আশ্রয়ের। কারণ ঠেকে শিখেছিলাম  
ত—যেখানে-সেখানে আশ্রয় চাইতে ভরসা পেতাম না।  
হয় চটি, না হয় কোন ধর্মশালা, না হয় কোন গোয়ালঘর  
গোয়ালঘরই সহ। ভাই, কলিতে যে ফ্রব জন্মায় না—  
তখন বুঝলাম হাড়ে হাড়ে—ফ্রব—যে নাকি ‘সর্বতো  
মন আকৃষণ’ তাকে ‘বিষ্ণুমোবান্নসংশ্রয়’ করতে পারত  
ক্ষুণ্ণপিপাসা ভুলে। আমাদের পাপ মন ভাই, ক্রিধে  
পেলে বিশ্ব ভুলে যায়—বিষ্ণু তো বিষ্ণু।

“তবু ভাই আগ্রবাক্য মিথ্যে হবার নয়—চলাচলম্  
ইদং সর্বং—সবকিছুই চলন্ত—কাজেই দিনের পর দিন  
চলতে চলতে পৌঁছিলাম শেষে আমরা গিরিডিতে।

“সেখানে আমার সাধাটির এক মামা থাকত। সে  
আর না পেরে ‘মামার সঙ্গে একটু দেখা ক’রে আসি’  
ব’লেই আমাকে রাতে একা কেলে দে চম্পট। আমি  
তখন একলা আশ্রয় নিলাম এক ভাঙা মন্দিরে। আমি  
বুঝেছিলাম সে আর ফিরবে না। কিন্তু এত ক্লান্ত যে  
পাশ ফিরতে না ফিরতে ঘুমিয়ে পড়লাম।

“পরদিন সকালে ঘুম ভাঙল। যা ভেবেছিলাম।  
সে উবে গেছে। অমনি ফের দুর্ভয় অস্তিমান এল—এ-  
সংসারে কেউ কারো নয়। একটা গান আছে না:

‘ভেবে দেখ মন, কেউ কারো নয় মিছে ফেরো ভূমণ্ডলে,  
ভুলো না দক্ষিণে কালী বহু হয়ে মায়া জালে!—’

“চোখ দিয়ে দয়দয় ক’রে জল ঝরতে লাগল।

কাতর হয়ে ঠাকুরকে বললাম, 'ঠাকুর! তুমি জান তোমাকে পেতে, ফ্রব হ'তে, ঘর ঠেলেছিলাম। কিন্তু ফ্রব হওয়া মাথায় থাকে—এখন বাড়ী ফিরে প্রহ্লাদের বাড়ী মার খেতে হবে। এমনি ক'রেই কি চলতে হয় ঠাকুর ?'

"বলি, আর কান্না নামে তোড়ে, অভিমান ওঠে ফুঁসে, হরিঠাকুরকে তা হ'লে পাওয়া যায় না—হাজার ঘর ছাড়লেও ?

"ভাবি, দূর হোক গে ছাই, যে আমায় চায় না তার জন্তে আমারই বা কেন মাথাব্যথা ? অথচ হরিঠাকুর আমাদের সত্যি চান না একথা ভাবতেও যে বুকের মধ্যে টনটনিয়ে ওঠে ! ফুঁপিয়ে ফুঁপিয়ে কঁাদতে কঁাদতে ছেলেমাহুবি ফোপে বলি, 'ঠাকুর! সবচেয়ে রাগ হয় তোমার ওপর—তোমার এই না-থাকার জন্তে !' এমন সময়ে কে যেন স্পষ্ট বলল, 'দূর ! কে বললে তিনি নেই, তিনি আছেন ব'লেই সব কিছু আছে।' ক্রমে উঠে বললাম, 'আছেন না টেকি ! আর যে থেকেও নেই তাকে নিয়ে আমার হবে কি তুনি ? বেল পাকলে কাকের কি ?...' এমনি যে কত ছেলেমাহুবি অভিযোগ—চোদ্ধ বৎসরের অপোগণ্ড বৈ ত নই ভাই !—'প্রকৃতিং যাস্তি ভূতানি'—বলেছেন ত ঐ ঠাট্টার ঠাকুরটিই।

"এমন সময়ে"—বললেন ঋষিদা আমার হাত চেপে ধ'রে—চোখে অশ্রু-আভাস—"হলপ ক'রে বলছি তোমাকে ভাই, তুনলাম পরিষ্কার একটি অপরূপ স্বর—আহা, স্বর ত নয়, যেন বাঁশী গো ! বলছে, 'ওরে, এখানে যদি তুই কোপীন প'রে মাত্র পনের দিন হরি হরি বলতে পারিস তবে হরিঠাকুরকে পাস।'"

আমি এই প্রথম টুকলাম, কারণ সে সময়ে ( ইন্দিরার অভ্যাগমের আগে ) আমি কোন স্বর কি বাঁশী কি নুপুর তুনি নি। বললাম, "অ্যা ! বলেন কি দাদা ! পরিষ্কার তুনেলেন—যেমন তুনেলেন আমার স্বর ? না কল্পনা ?"

ঋষিদা হেসে বললেন, "ভাই ! তুমি যতটা পরিষ্কার সুরে এ-প্রশ্নটি করলে তার চেয়েও পরিষ্কার সে-স্বর। আমি এ রকম স্বর আরও একবার তুনেছি—অনেক পরে। বলছি। কিন্তু এ-প্রশ্নটা শেষ করি আগে।"

আমি বললাম, "রহুন। আমি তুনেছি সত্যিকার দৈববাণী তুনেলেন মন না কি আনন্দে ছেয়ে যায়—কল্পনার স্বরে এ হয় না।"

ঋষিদা হেসে বললেন, "সাধু সাধু ! ভুল শোন নি ভাই। কিন্তু শুধু আনন্দই নয়—যথার্থ দৈববাণী শুধু সুধাময়ই নয়—খরধার—হৃদয়গ্রহি সব ছিঁড়ে-ধুঁড়ে

একাকার করে—যেখানে ছিল সংশয়ের মরুভূমি সেখানে ফেটে পড়ে প্রত্যয়ের গঙ্গা—যেমন অজুনের বাণে মুমূর্ষু ভীষ্মের মুখের কাছে ছলকে উঠেছিল।"

"তার পর ?"

"সে কি আনন্দ ! ধ'রে রাখতে পারি না। তবে কে বলে ঠাকুর ডাকলে সাড়া দেন না ? আর এত কাছে তিনি ! মাত্র পনেরটি দিন হরি নাম জপ করলেই তিনি দেবেন দেখা ? তবে আর কি ? কেবলা কতে—মারু দিয়া !"

ব'লে একটু খেমে মুচকে হেসে ঋষিদা বললেন, "কিন্তু তখন কি জানি ভাই, যে অধর আর পানপাত্রের মাঝখানে চুলচেরা ফাঁকটিও পর্বতপ্রমাণ ? যেই ক্রমে উঠে মাত্র ছ'টি দিন হরি হরি করেছি এমনি বিরাট গুরুতায় মন হয়ে গেল মরুভূমি, আর সঙ্গে সঙ্গে—বলব কি ভাই !—মার হাতের রান্না মাছের ঝোল আর দিদিমার পায়ের বাটি ভেসে উঠল কলির ফ্রব-মহারাজের ধ্যাননেত্রে—সঙ্গে সঙ্গে তিন মাসের দাবিয়ে-রাখা খিদে লোডের ঝোড়ো হাওয়ায় জ'লে উঠল দাউ দাউ ক'রে—আমি সেই দিনই ভিক্ষে ক'রে পাওয়া টাকায় টিকিট কিনে রওনা হলাম কলকাতায়।"

ঋষিদা বললেন করুণ হেসে, "এমনিই হয় ভাই ভারতের তীর্থপথে : নখর ছধের বাটি আর মাছের ঝোল 'সলিড' হয়ে পথ আগলে দাঁড়ায় শাখতের। কেবল সেদিন এই একটা মস্ত শিক্ষা হয়েছিল আমার, যে, ভগবানকে চাইলে পাওয়া যেমন সুসাধ্য, পেতে চাওয়া ঠিক তেমনি দুঃসাধ্য। আর এরই নাম হ'ল আচার্য শঙ্করের 'অনির্বাচ্য মহতী মায়ালক্ষণা শক্তিঃ—যা নানা-ভাবং নয়তি—' এই হ'ল মায়ালক্ষণের লক্ষণ—এই বহুরূপী প্রবন্ধনা।"

বলতে বলতে ঋষিদার চোখ ছ'টি শঙ্করশক্তিতে ফের ঝিকমিকিয়ে উঠল, বললেন গাঢ় কণ্ঠে, "অথচ একেই তোমাদের পশুচেরি আশ্রমের সবজাস্তারা বলেন জগৎকে অস্বীকার করার মুঢ়তা। অর্বাচীনরা কেউ পড়েছে তাঁর ভাষ্য—ব্রহ্মহৃত্ত—বিবেকচূড়ামণি—আত্ম-বোধ ? আর যদি প'ড়েও থাকে, বোধবার বুদ্ধি আছে তাদের যারা শুধু জয় গুরু জয় গুরু ক'রে ভাবে সরাসর সুপ্রামেণ্টালে পৌঁছে গৌফে চাড়া দেবে ? আচার্য শঙ্কর বরং বলেছেন বার 'বারই যে, ভয়ভ্রান্তের কাছে সর্পে রজ্জুজ্ঞানই ত সত্য। মায়ালক্ষণে নেই নাকি যে, তর্কের দাপটে নস্তাৎ ক'রে দেবে ? আর শুধু কি শঙ্করচার্যই মায়াকে মঞ্জুর করেছেন ? গীতার ঠাকুরও বলেন নি কি :

গুণময়ী মায়া দৈবী তথা ছরত্যায়া ? মায়া মোহ যদি না থাকত তা হ'লে মাছের ঝোল আর ছধের বাটির টানে কি ঠাকুরের টান হার মানত টাগ-অফ-ওয়ার-এ ? এ জগতে—ঐ ত ভুমিও ত গাও কি চমৎকার তোমার বাবার গান—আহা, কি গানই তিনি লিখে গেছেন :

‘কেন ভূতের বোঝা বহিস পিছে,  
ভূতের ব্যাগার খেটে মরিস মিছে ?  
দেখ্ ঐ সুধাসিন্ধু উছলিছে  
পূর্ণ-ইন্দু-পরকাশে !’

শঙ্কর আর যাই হোন এত বড় বেকুব ছিলেন না যে, বলবেন, মনের স্তরে মন যা দেখে তার অস্তিত্ব নেই। তিনি বলতেন, এ-স্তর পেরিয়ে শিবনেত্রে এ জগতের যে চেহারা দেখা যায় সে-চেহারার সঙ্গে আমাদের চর্মচক্ষে দেখা বিশ্বের চেহারার তফাৎ আকাশ পাতাল।”

আমি বললাম, “পশুচেরিতে যত্ন মধুর উপর রাগ করবেন না দাদা, তারা আপনার শঙ্করভাষ্যের ব্যাখ্যা শুনেতে চায় নি ব’লে। আমার আর এক বিদ্বান্ বন্ধু শ্রীরামপুরে একবার ভারতীয় দর্শন সম্বন্ধে বক্তৃতা দিতে দিতে শঙ্করের প্রতিভার উল্লেখ করেছিলেন। সেখানে ছিল শ্রীঅরবিন্দের দু’টি ধনুধর শিষ্য। তারা বন্ধুবরকে অপমান করে : কি ? আপনি গুরুদেবের শিষ্য হয়ে শঙ্করের প্রশংসা করছেন—যিনি মায়াবাদী ছিলেন ব’লে গুরুদেব তাঁর মত খণ্ডন ক’রে এসেছেন তাঁর প্রতি ব’য়ে !”

ঋষিদা বললেন হেসে : “ঐখানেই ত গাড়োলেরা গোলে পড়েছে, তাই না বুলল শঙ্করকে, না শ্রীঅরবিন্দকে। ভুমি জান শ্রীঅরবিন্দকে আমি কি চোখে দেখি। সেদিনও তোমাকে বলেছি আমি আর এ-সাধু ও-সাধু ক’রে বহুদক হতে চাই না, শ্রীঅরবিন্দকে দেখে কুটীচক ব’নে গেছি, সার্থক হয়ে গেছে আমার জন্ম। কিন্তু তাই ব’লে কি আর সব মহাগুরুকে ছোট না করলেই নয় ? আরে, শঙ্কর শ্রীঅরবিন্দ দু’জনেই দিকুপাল—শঙ্করও মণ্ডন মিশ্রের মতামত খণ্ডন করতে চেয়েছিলেন, যেমন চৈতন্যদেব বাসুদেব সার্বভৌমের মত খণ্ডন করতে চেয়েছিলেন। এ তাঁদের সাজে। কিন্তু তাই ব’লে যত্ন মধু বিধু সিধু এরাও মত দেবে শঙ্কর বড় না শ্রীঅরবিন্দ বড়, বিষ্ণু বড় না ব্রহ্মা বড় ? বিক্রমাদিত্য যদি যুদ্ধ করতেন চন্দ্রগুপ্তর সঙ্গে তা হলে কি তাঁদের জমাদার-কোতোয়ালরা ব’লে দিতে পারত লড়াইয়ে জিতবেন কিনি ? তাছাড়া শ্রীঅরবিন্দ কি নিজে তাঁর ‘লাইফ

ডিভাইনে’ প্লেটো ও শঙ্করকে বুদ্ধিলোকে মানুষের শীর্ষ-স্থানীয় বলেন নি ?”

এর পিছনে একটি ব্যথার ইতিহাস আছে—thereby hangs a tale : সেটি হ’ল এই যে, ঋষিদা একবার পশুচেরিতে শঙ্কর সম্বন্ধে প্রতি সপ্তাহে পাঠ দিতেন। শ্রীঅরবিন্দের এক অতিভক্ত তাঁর ভাষণের কুব্যাখ্যা ক’রে তাঁকে খামিখে দেয়। ঋষিদার মনে সে-ছঃখ বরাবরই কাঁটার মতন খচ খচ করত। তা ছাড়া আরও একটা কথা বুলতে হবে ঋষিদাকে ঠিক বুলতে হ’লে : যে, তিনি হরিদ্বারে শঙ্করভাষ্য শুধু যে পড়েছিলেন তাই নয়—তুধু স্বাধ্যায় নয়, শঙ্কর ছিলেন তাঁর কাছে ভারতের পুণ্যপ্লাম্বক মহাজনদের অন্ততম। কি যে উৎসাহ ছিল তাঁর শঙ্করাচার্য সম্বন্ধে ! ঈশ কেন কঠ মণ্ডুক ও মাণ্ডুক্য উপনিষদের সঠিক বাংলা অনুবাদ তিনি যে কি বিপুল পরিশ্রম ক’রে প্রকাশ করেছিলেন—করতে করতে চোখের পাতা বেড়ে চোখ ঢেকে যায় তাঁর। প্রতি উপনিষদে তুধু মূল শঙ্করভাষ্য নয়, সে-ভাষ্যের সুদীর্ঘ বাংলা অনুবাদও প্রকাশ করেছিলেন তিনি, যাতে শঙ্করকে লোকে ভুল না বোঝে। এ টীকাগুলি আমাকে তিনি উপহার দিয়েছিলেন—আজও পড়তে পড়তে ঋষিদার গভীর পাণ্ডিত্য ও অস্তদৃষ্টির পরিচয় পেয়ে বিশ্বয়ের আমার অবধি থাকে না। আর যেখানেই ভালবাসা গভীর সেখানেই একটু আঘাতও শেল হয়ে বাজে—কে না জানে ?

কিন্তু তুধু শঙ্করভাষ্য নিয়ে প্রেমের গবেষণাই নয়, তিনি যে পশুচেরিতে এবং তার পরে উত্তর-পশুচেরি জীবনে কি ছুচর তপস্যা করেছিলেন ইষ্টকে উপলব্ধি করতে, সে-খবর তাঁর বন্ধুদের মধ্যেও খুব কম লোকেই রাখতেন, কারণ, বলেছি ঋষিদার এমনিই স্বভাব ছিল, কোনদিনই ধরা-ছোঁওয়া দিতে চাইতেন না তিনি। আমি তাঁর উপাধি দিয়েছিলাম : “অগাধ জলের মীন”। মাঝে মাঝে গুপ্তকের মত জলের উপরে ডিগবাজি খেতেন বটে পরমানন্দে, কিন্তু তার পরেই ফিরে যেতেন স্বধামে—অগাধ জলে। বাইরে অবিমিশ্র কাটুস-কুটুস, ছড়াকাটা, ঠাট্টা-তামাসা, হাসি-গল্প ; ভিতরে আত্মারাম, শান্ত, আপূর্বমান, অচলপ্রতিষ্ঠ।

সচরাচর তিনি বলতেন না তাঁর নানা আধ্যাত্মিক অনুভূতি-উপলব্ধির কথা। কিন্তু আমি ও ইন্দ্রিা হরিদ্বারে তাঁকে চেপে ধরতাম। ইন্দ্রিাকে তিনি অত্যন্ত স্নেহ করতেন, বিশেষ ক’রে তার ভবসমাধি দেখার পরে। হয়ত আরও সেই জন্মেই তিনি আমাদের কাছে বলে-

ছিলেন একদিন আর একটি দৈববাণী শোনার কাহিনী। এ কাহিনী শুনে আমি তখনই লিখে একটি মাসিকীতে ছেপেছিলাম। সেই লেখা থেকেই টুকে দিই।

\* \* \*

পশ্চিমের সঙ্গী ঋষিদার যোগসূত্র ছিন্ন হওয়ার পরে সেখান থেকে চলে আসার সঙ্গে সঙ্গে তাঁর নানা অভিজ্ঞতা হয়—নানা দুঃখ-কষ্ট স্বপ্নভঙ্গের মাধ্যমে উপলব্ধি করেন ভাগবতী করুণা। কিন্তু হরিদ্বারে আমাদের মাঝে মাঝেই বলতেন : “ভাই, এখন দেখি যে কিছুই জানি না, জানতে পারি নি জানার মতন ক’রে। অথচ যৌবনে জ্ঞানের, পাণ্ডিত্যের কি অভিজ্ঞানই না ছিল!—কল ও যা হবার : হয়ে উঠলাম হঠকারী—কাঁচের জন্তে কাঁচন খোয়ালাম—বলে না? কেমন ক’রে—বলি শোন।

“পশ্চিমেরিতে শ্রীঅরবিন্দের কাছে কিছুদিন থেকে চলে আসার পরে আমার প্রথম দিকে গভীর বৈরাগ্য হয়। কেবল জপতাম শুভ্রহরির ‘বৈরাগ্যম্ এবাশ্রয়ম্।’ পণ নিলাম—ভগবান্কে প্রত্যক্ষ করতেই হবে। পরিত্রাজক হয়ে ঘুরতে ঘুরতে পৌঁছলাম মায়াবতীতে রামকৃষ্ণ মঠে—অদ্বৈত আশ্রমে। সেখানে এক বৎসর ধরে স্বাধ্যায় ও ধ্যানধারণা করার পরে হঠাৎ বিরাট শুভতায় মন ছেয়ে গেল, মনে হ’ল, শুধু যে অপরোক্ষ অমুভব আমার হবার নয় তাই নয়; আশেপাশে আর কারুরই হয় নি ঈশ্বরসাক্ষ্যকার। ফোড উঠল ফুলে—‘ছোঁয়ার’ ব’লে নেমে এলাম হিমালয় থেকে। কেন মিথ্যে বিড়ম্বনা? ভগবান্ পাওয়া যখন অসম্ভবের কাছাকাছি তখন শুধু শোনা কথা বেসাতি ক’রে সিদ্ধ সাধকের শুভং ক’রে কি হবে? তার চেয়ে সংকর্ষে ব্রতী হয়ে সুভদ্রের মতন দেশের কাজে নামা যাক্। এখানে-ওখানে নানা সাধুর কাছে গিয়ে দরবার করা শুরু করলাম : ‘আপনারা গ্রামে গ্রামে গিয়ে সবাইকে বলুন দেশের সেবা করতে, আর আপনারাও নেমে যান দেশের কাজে। মিথ্যে নাকের ডগায় আটক ক’রে ব্রহ্মনাম জপ ক’রে কেন এ খাবি-খাওয়া? আপনারদের সাধু ব’লে নামডাক আছে, আপনারা কাজে নামলে লোকে গুনবে, দেশ বড় হবে।’

“কিন্তু উহঃ! সাধুরা ভবীরও বাড়া—ভুলবার নয়। আমাকে হাঁকিয়ে দিলেন অর্ধচন্দ্র দিয়ে। আমার বিষম রাগ হ’ল, ব’লে বেড়াতে লাগলাম যে সাধুরা সবাই হয় মোহমুগ্ধ, তাই না পেয়েও ভাবছে পেয়েছে, কিংবা শুণ্ড—শুভং ক’রে পরের মাথায় হাত বুলিয়ে শাস্ত্র ও ভগবান্কে ভাঙিয়ে খাচ্ছে। লেখাপড়া ত একটু শিখেছিলাম ভাই,

বলতেও পারতাম—বুলিবাজ হওয়া কিছু শক্ত কাজও নয়। কাজেই নানা জায়গায় এ যুগের নাস্তিক ভোগ-বাদীদের মধ্যে লোকচার দিয়ে হাততালির হরির লুট কুড়োতে লাগলাম—প্রমাণ ক’রে যে, এই সব মেকি সাধুদের তথাকথিত আঁকাল অমুভূতি উপলব্ধিও কিছুই নয়—শুধু স্বাভাবিক উদ্ভেজনার ফল। একমাত্র বাস্তব হ’ল মানুষ—‘সবার উপরে মানুষ সত্য তাহার উপরে নাই,’ বলেছিল সাক্ষাৎ চণ্ডীদাস। অতএব ভগবান্ ভগবান্ ক’রে অনর্থক হা হতাশ বা ভেঁকিবাজি না ক’রে জনহিতে আত্মনিরোগ করাই হ’ল সংকর্ম, বৈরাগ্য অপকর্ম, আত্মবোধ ব্রহ্মলাভ ইত্যাদি সবই বুলিবাজি।

“কিছুদিন এইভাবে যত্র তত্র বক্তৃতা দিয়ে শেষে নিলাম এক ইস্কুলে চাকরি। ছেলে ঠেঙাই আর সাধুদের ঠেঙাই।

“কিন্তু এসবের ফলে একটু আত্মপ্রসাদ লাভ হলেও অন্তরের দিকে মাঝে মাঝে তাকাই আর চমকে উঠি। সে কী অন্ধকার রে বাবা! খাঁ খাঁ করছে। ফাঁকি দিয়ে কি আর ফাঁক ভরে ভাই? অথচ কর্ম জড়ায় হাজারো কীসে। এতদিন ব’লে বেড়িয়েছি সাধুরা, জ্ঞানীরা, ধ্যানীরা কেউই কিছুই পায় নি, এখন আর পৃষ্ঠপ্রদর্শন করি কোন্ মুখে? বলি কী ক’রে যে বক্তৃতা দিয়েও বিশেষ কিছু হয় না?

“এমনি শোকাবহ নাস্তিক শূত্রবিলাসী অবস্থায় একদিন এক বৈকল্পিকদাবলীর পাতা উন্টোতে উন্টোতে হঠাৎ চোখে পড়ল বিদ্যাপতির বিখ্যাত পদ :

তাতল সৈকতে বারিবিন্দু সম স্নতমিতরমণীসমাজে  
তোহে বিসরি’ মন তাহে সমর্পিহ  
অব মঝু হব কোন্ কাজে?  
মাধব হাম পরিণাম নিরাশা!

“অমনি ফের গুনলাম দৈববাণী—একেবারে প্রত্যক্ষ, ঠিক যেমন তোমার কথা শুনি তেমনি পরিষ্কার : অমুক ভ্রান্ত; তমুক শুণ্ড—এসব রটিয়ে তোর কি লাভ হ’ল শুনি? নিজে কি পেলি কিছু—ওরা কেউই কিছু পায় নি বলতে বলতে? ছাড়্ এ মিছে বাগাড়ম্বর। ছেলেবেলায় যে-ডাক শুনেছিলি অথচ সাড়া দিয়েও দিতে পারিস নি—সেই পথেই চল্ তোর স্বধর্ম পালন ক’রে—পরধর্মো ভয়াবহঃ।

“চমকে গেলাম। সঙ্গে সঙ্গে চোখে নামল অশ্রুর ঢল, মনে অমুতাপ, কী ক’রে কাল কাটাচ্ছি? শ্রীঅরবিন্দকে কি দেখি নি? লেলেকে কি দেখি নি? শঙ্করাচার্যকে কি ভালবাসি নি? আরও কত মহাজনের



মুখের শান্তির ছবি স্মৃতিপটে ফুটে উঠল। অমনি মুহূর্তে যেন হারানিধি ফিরে পেলাম—সঙ্গে সঙ্গে বিবেক মণি, বৈরাগ্য রতন। ফিরে এলাম সাধুর স্বর্ষে—গভীর জিজ্ঞাসায়। মনে পড়ে গেল—একবার কতদিন আগে পণ্ডিতেরিতে কি উপলক্ষি হয়েছিল, কৃষ্ণ এসে বলেছিলেন, ‘দেখ, তুই খাচ্ছিস নে আমি খাচ্ছি।’ অমনি কি কাণ্ড ভাই, দেখি ঘটি থেকে জল ঢালছি মুখে—কিন্তু কে ঢালছে। আমি ত নেই—এ যে কৃষ্ণ! এখানে-ওখানে ঘুরে বেড়াচ্ছি—কৃষ্ণ চলেছেন আমাকে বাহন করে! সে যে কি আনন্দের অবস্থা ভাই, ভাবায় কেমন করে প্রকাশ করব? অথচ এহেন দুর্লভ অবস্থা পাওয়ার পরেও ফের এল কিনা অবিশ্বাস! তবু বলবে মায়ী বলে কিছু নেই, শঙ্কর ভ্রাস্ত্র?”

ইন্দ্রিা ও আমি গভীর ভক্তিভরে তাঁকে প্রণাম করলাম।

\* \* \*  
অনেক সাধু দেখেছি কিন্তু গৈরিকধারী শঙ্করপন্থী মায়াবাদী সাধু যে এমনটি হতে পারে, ঋষিদাকে না দেখলে বোধ হয় বিশ্বাস করতে পারতাম না। এমন সরল, স্নেহময়, উদার, রসরাজ!

তিনটি কারণে তিনি আমার কাছে থাকবেন চির-স্মরণীয়: পাণ্ডিত্য থেকেও নিরস্তিম্যান; বৈরাগী হয়েও স্নেহশীল এবং আধ্যাত্মজ্ঞানী হয়েও আশ্চর্য রসিক। শেষে তাঁর রসিকতার সম্বন্ধে দু’তিনটি দৃষ্টান্ত দিয়েই স্মৃতি করব।

- হরিষ্মারে গঙ্গাতীরে এক ছাইমাখা নথ সাধুকে দেখেছিলাম। কনকনে শীত, সাধুজিকে জিজ্ঞাসা করলাম, “এই ঠাণ্ডায় খালি গায়ে বাইরের কনকনে হাওয়ায় সারাদিন বসে থাকেন, শীত করে না আপনার?”

সাধুজির সে কী হাসি, “করলই বা শীত?”

আমি বললাম, “সে কি? যদি ধরুন অসুখ করে?”

সাধুজি ফের স্নিগ্ধ হেসে বললেন, “এ দেহ-মন-প্রাণ তাঁকে নিবেদন করে দিয়েছি। কাজেই দেখবার ভার এখন তাঁর—আমার নয়। এই দেখ না, সামনে দু’টি ফনাথ মেয়ে রাঁধছে—হাঁড়িকুঁড়ি তাদেরই। এমন সব গময়েই জুটে যায়। তাঁর পরে নির্ভর করে কেউ কি কখনো ঠকেছে?”

আমি ও ইন্দ্রিা মুগ্ধ হয়ে সাধুজিকে প্রণাম করলাম। আমি বললাম, “সাধুজি! আশীর্বাদ করবেন যেন আপনার ভগবৎনির্ভরের ছিটেকোটা পাই এ-জীবনে। আপনি খাঁটি সাধু—ত্যাগী।”

সাধুজি বললেন, “রোসো বাবা! ত্যাগী কিসে? কী ছিল আমার—যাকে ত্যাগ করেছি? নৈমিষারণ্যে আমার জন্ম গরীবের ঘরে। উলঙ্গ হয়ে জন্মেছিলাম, সারা জীবন কেটেছে উলঙ্গ হয়ে—শেষ নিঃশ্বাস ফেলবও উলঙ্গ হয়ে। জন্ম-নিঃশ্বকে কি ত্যাগী বলা যায়? না বাবা, ত্যাগ-ট্যাগ নিষে কথা নয়—আসল কথা হ’ল ঠাকুরকে ভালবাসা—তাঁর জন্তে সব পণ করা, প্রাণ পর্যন্ত। তবে এ সবই ত তুমি জান।”

“তবু বলুন, সাধুজি।”

“কী বলব বাবা?”—সাধুজি হাসলেন ফের—“তুমিই আজ সকালে গাইছিলে না:

তোমারে কী বলো বলিব শ্যামল,

বলিবার কথা কিছু কি আছে?

একই কথা শুধু বলি ভাই বঁধু

পরাম আমার তোমারে যাচে।

এই-ই হ’ল শেষ কথা—শ্যামলকে বলা—তোমাকে নৈলে আমার চলে না। তোমাকে আমার চাই-ই চাই। এই একাকী হওয়া—তাঁকে ছাড়া আর কিছুই না চাওয়া—ব্যস, তাহলেই মিলবে—না মিলেই পারে না। তাঁকে খেই কেউ বলে, ‘ঠাকুর আমি তোমার’, সেই ঠাকুরও তাকে বলেন, ‘আমিও তোমারি।’ তবে বলার মতন বলা, ডাকার মতন ডাকা চাই, তবে না?”

আরো অনেক চমৎকার চমৎকার কথা বলেছিলেন সাধুজি। কিন্তু সে থাক।

ঋষিদাকে গিয়ে বললাম, “দাদা, চমৎকার সাধু দেখে এলাম। আপনাদের দশনামী সম্প্রদায়ের সাধু, নাম বললেন ব্রহ্মগিরি। অনেক সুন্দর সুন্দর কথা বললেন। একটি কথা যা বললেন, আপনার কথা মনে পড়ল।”

ঋষিদার সে কী গিল গিল করে হাসি! বললেন, “হবে না? সব সাধুরই এক রা তো। যা হোক গুনি রা-টি কা?”

“আপনি সেদিন এক ভদ্রমহিলাকে বলছিলেন না? অবিকল সেই কথা। তিনি জানতে চেয়েছিলেন, কী করলে ভগবান্ লাভ হবে। আপনি বলেছিলেন, ‘যখন তাঁকে আর পাঁচটার মধ্যে না চেয়ে সবার আগে চাইবে। আমি ঠাকুরও চাই, কুকুরও চাই, মুগুরও চাই, পুকুরও চাই—এ নয়। শুধু ঠাকুরকেই চাই, তার পরে যদি আরো কিছু চাওয়ার থাকে তবে সে তিনিই ব’লে দেবেন।’ ব্রহ্মগিরিজিও ঠিক এই কথাই বললেন। একেবারে নির্ভেজাল সাধু দাদা, খাঁটি মাল যাকে বলে।”

ঋষিদা হেসে বললেন, “ঠিক বলেছ ভাই। আর

যুগে যুগে এরকম কয়েকটি নির্ভেজাল সাধু দেখা যা  
ব'লেই এত ভেজালের বাজারেও ভগবান্কে চুঁ দিতে  
হয়। ভারতকে ধারণ ক'রে আছে আজ এঁদেরি তপস্কা  
জেনো। মহাভারতে এই কথাই বলেছেন ব্যাসদেব :  
'লোকাঃ হি সর্বে তপসা ধ্রিয়ন্তে'—বিধাতার সৃষ্ট প্রতি  
জগৎকে তপস্কাই ধারণ করে। আর কাদের তপস্কা  
জানো ?—এই ধরণের কয়েকজন খাঁটি সাধুর।"

ব'লেই ফিক্ ক'রে হেসে, "তবে যেমন এও সত্যি  
যে, এই জাতীয় সাঁচ্চা সাধু খাজও দেখা যায়, তেমনি  
সঙ্গে সঙ্গে এও সত্যি যে এদের দেখা যত্রতত্র মেলে না।  
অনেক খুঁজতে খুঁজতে তবে মেলে। কেবল তোমাদের  
কলকাতার বাবুরা ছ'চারটি মেকি সাধু দেখেই যে সিদ্ধান্ত  
করেন যে, 'অশক্তঃ তস্করঃ সাধুঃ বৃদ্ধা বেণ্ডা তপস্বিনী'—  
অর্থাৎ তস্কর যখন অক্ষম হয় তখনই সাধু হয় যেমন বেণ্ডা  
তপস্বিনী হয় বৃদ্ধা হ'লে তবেই।" বলেই থেমে, "তবে  
সবচেয়ে বিপদ কাদের জানো ? তাদের, যাদের সাধু  
হবার সাধ্য নেই অথচ সাধ আছে—অর্থাৎ যাদের পাকা  
চোর হবার প্রতিভা আছে তারাও যখন পেলা পাবার  
লোভে গায়ে ছাই মেখে বোম্ বোম্ ক'রে শিশুদের  
মাথায় হাত বুলোয় তখনই ফ্যাসাদ। কিংবা বলতে  
পার, যারা সব ছাডবার ডাক শোনে নি তাদের যোগী  
কি ত্যাগী হ'তে চাওয়া। এইরকম সাধুরাই ছ'চারদিন  
সাধুগিরি ক'রে হাতে-নাতে ধরা প'ড়ে যায়, আর অমনি  
লোকে বলে টিটকিরি দিয়ে, 'বলেছিলাম!' আমি  
কিন্তু একবার এমন একটি যৌবনে যোগী সাধু দেখে-  
ছিলাম যার জুড়ি মেলে না, মানে, যে নিস্কদের টিটকিরি  
দেবারও পথ রাখে নি—গুরুর কাছে গর্জন ক'রে  
আল্টিমেটাম দিয়ে। শোন বলি।

"সে সময়ে আমি খুব সাধন-ভজন করছি। হঠাৎ  
এক বলিষ্ঠ হিন্দুস্থানী গেরুয়াধারী যুবক ছাই মেখে  
'কৌপীনবস্ত্রঃ খলু ভাগ্যবস্ত্রঃ'দের ক্লাসে ভর্তি হ'য়ে সোজা  
আমার কাছে এসে দরবার করলেন—ভগবান্ পাইয়ে  
দিতে হবে। আমি তাকে শাস্ত্রবাক্য ভাল ক'রে বুঝিয়ে  
দিয়ে বললাম, 'ভগবান্ পাওয়া চাট্টিখানি কথা নয়  
ভৈয়া! আগে গুরুকরণ করতে হবে।' উত্তরে সে যা  
বলল, তাতে আমার চক্ষুস্থির!"

"কী রকম ?"

ঋষিদা বললেন, "আর কী রকম ? সে বলল,  
'আমার গুরুকরণ হয়ে গেছে সাধুজি ! গুরুজি বাৎলেও  
দিয়েছে কী কী করতে হবে। আমি সেসব করছিও  
বাকায়দা। কিন্তু ফল পাচ্ছি না।"

"পাবেন, চিন্তা কী ?"

'না চিন্তা আমার কিছুই নেই সাধুজি—'

যৌবনে-যোগী বললেন হেসে, 'আর গুরুজিও  
জানেন।'

"আমি তো অবাকু ওনে"—বললেন ঋষিদা।

"তাই কী বলব ভেবে না পেয়ে শুধালাম, 'গুরুজি  
জানেন মানে ? কী জানেন ?'

"সে অম্লানবদনে বলল হেসে, 'গুরুজিকে বলেছি—  
আমার নববধু বালিকা—বয়স এগারো। আমি গুরুজিকে  
পাঁচ বৎসর সময় দিয়েছি। এই পাঁচ বছরে ভগবান্  
পাইয়ে দেন তো ভাল, নৈলে ফিরে যাব বৌয়ের কাছে—  
মনে রাখবেন, সে তখন হবে বোড়নী।"

ব'লেই ঋষিদার সে কী গিল খিল ক'রে হাসি !

\* \* \* \*

একদিন ঋষিদা বললেন, আর এক কাহিনী—তখন  
আমি কলকাতার আশ্রমের জন্তে চ্যারিটি কমার্শি দিয়ে  
টাকা তুলছি। আমি তাঁর পায়ের ধূলো নিতেই  
আলিঙ্গন ক'বে বললেন, "বুক জুড়োলো ভাই—কী  
ফ্যাসাদেই যে পড়েছিলাম!"

"ফ্যাসাদ ?"

"নয়ত কী ? ট্রামে ঠাই নেই একটি বেঞ্চিঃ—  
কেবল একটি মহিলাদের বেঞ্চিতে একটি মহিলার পাশে  
ছাড়া। অগত্যা আমি বললাম, 'মা, বসতে পারি কি  
একটু ?' ওমা ! তখন কি জানি—সামনের বেঞ্চিতেই  
যে মহাকায় মহাজন হাটিকোট-পরা—তিনি তাঁর ভর্তা  
তথা কর্তা ? তিনি মুখ ফিরিয়ে গর্জে উঠলেন : 'অফ  
কোর্স নট, লেডীস্ সীট !'

"আমি বললাম একগাল হেসে, 'আমারও ঠোচা-  
কাছা নেই, ভয় কি ?' ভর্তা কর্তা প্রায় হর্তা হয়ে ওঠেন  
আর কি, এমন সময়ে ভর্তা ধম্কে উঠলেন, 'গোল ক'রো  
না। বুড়ো মানুষ সাধু, বসলেনই বা।'

"ভর্তা গৌ হয়ে চুপ ক'রে রইলেন খানিকক্ষণ। পরে  
একটু ঘাড় বেঁকিয়ে আমার দিকে তাকাতেই আমি  
বললাম, 'সাহেবের করা হয় কি ?'

"তিনি ধম্কে উঠলেন, 'আমি খেটে খাই।'

"আমি 'ও !' ব'লে একটু চুপ ক'রে থেকে ফের  
সলজ্জ ধরলাম, 'সাহেব খাটান কাকে ?'

"তিনি গম্ভীর মুখে বললেন, 'আমি কনসাল্টিং  
এঞ্জিনিয়র।'

"আমি একগাল হেসে বললাম, 'তবে ত আপনি  
আমারি দলে। আমিও যে কনসাল্টিং এঞ্জিনিয়র !'

“তিনি ক্রভঙ্গ ক’রে বললেন, ‘ননসেন্স! You are a parasite.’

“আমি সুধামাখা হেসে বললাম, ‘না সাহেব। আপনি যেমন ইট কাঠ চুন সুরকির খবর রাখেন—বাড়ী কি ভাবে তৈরি করতে হয়, রাখতে হয়, মেরামত করতে হয় তার উপদেশ দেন, আমিও ঠিক তাই করি। এই যে দেহ—এতে কে থাকে, কেমন ক’রে একে টেকসই করা যায়, ভাঙন ধরলে কি ভাবে মেরামত ক’রে কর্তাকে রাজার হালে রাখা যায়—রোগ-শোক, পাপ-তাপ, অসুখ-বিস্মৃতি কি ধরনের শাস্তির সিমেন্টে তাকে খাড়া রাখা যায়—কুচিন্তার আক্রমণ ক’রে অশাস্তিতে নাজেহাল করলে কি ভাবে মনকে পবিত্র করা যায় গুরু কৰুণার আলো-হাওয়ার ভেটিলেশনে—এই সব উপদেশ আমিও দিই ঠিক আপনার মতন। তবে আপনার সঙ্গে আমার কেবল একটি জায়গায় ভেদ আছে: আপনি কেউ কনসাল্ট করতে এলে তার কাছে ফী নেন—আমি উপদেশ দিই ফ্রী অফ চার্জ—যে আসে তাৎকেই উদ্ধার করি বিনামূল্যে।”

আমরা একঘর লোক—হেসে কুটি কুটি।

আর একদিন আরও গজা হয়েছিল। ঋষিদার জ্বানীতেই বলি:

“আজও ফের আসছি তোমার গান শুনে ভাই, কেবল ট্রামে নয় বাসে। সেখানেও ফের ঐ অবস্থা। কেবল একটি কলেজের মেয়ের পাশে জায়গা আছে।

‘মি গিয়ে বসতেই সে বলল, ‘How dare you? ladies’—’ আমি তাকে থামা দিয়ে বললাম, ‘চুপ কর। এমনি কি কুরুক্ষেত্র ঘটেছে বল ত যে রাগ ক’রে ঘর ছেড়ে চ’লে যাচ্ছিস? দিদিমা বুড়ো হয়েছেন, একটু বকেছেন, তাতে কি এমন মনে করবার আছে?’

“মেয়েটি ত থ। ‘কি বলছেন সব ননসেন্স!’

“বাসের সবাইয়েরই চোখ তখন মেয়েটির পুরে। আমি বললাম তাদের দিকে তাকিয়ে মিনতির সুরে, ‘দেখুন ত মশায়েরা সবাই! আপনারাই বিচার করুন। বলুন ত—এ কি উচিত? অবলা যার নাম সে এমন সবলার মতন ব্যবহার করলে কি ভাল দেখায়? ওর দিদিমা ব’কে কেঁদে সারা—বললেন মেয়ে গট্ গট্ ক’রে বেরিয়ে গেল, বললে—চ’লে যাবে জ্বলপুর। আমি বুড়ো মামুদ হাঁপাতে হাঁপাতে ছুটে বাস ধরলাম ওকে ধরতে। বলুন ত—এ কি ভাল? কার দিদিমা না বকেঝকে? তাই ব’লে কি গঙ্গাবাগে-পা দাদামশায়কে দৌড় করাতে হয়? চ’ অবলা! বাড়ী চ’—দিদিমা

বকবে না আর, কথা দিচ্ছি। এক কাপড়ে কোথায় চলেছিস—জ্বলপুর কি এখানে রে?’

“মেয়েটির মুখ লাল হ’ল—লাফিয়ে উঠে গট্ গট্ ক’রে চ’লে গেল, লজ্জায় রাগে লাল হয়েও বটে, খানিকটা ভয় পেয়েও বটে—কে জানে কোন্ পাগলের হাতে পড়েছে ভেবে।”

এমনি আরও কত গল্পই না করতেন ঋষিদা! রসিকতার ভাঙার ছিল তাঁর অফুরন্ত। স্বানাভাব, তাই আর একটু জের টেনেই ইতি করব।

ফ্রয়েড-প্রমুখ মনোবিকলনীরা বলেন, যারা আমিবানী তারা নিরামিষাশী হ’লে প্রায়ই রসিয়ে রসিয়ে গল্প করে তাদের পুরাকালে মাছ-মাংস খাওয়ার কথা। ঋষিদা গল্প করতেন তাঁর মিষ্টান্ন-প্রিয়তার কথা! বলতেন প্রায়ই, “ভাই, বয়েস আশী পেরুল ব’লে, কিন্তু দাও আমাকে কীর ছানা ননী, দাও আমাকে মাখন পনীর সর, দাও আমাকে সন্দেশ গোলা জিলিপি, দাও আমাকে সরভাজা সরপুরিমা গোহনভোগ, মতিচূর, মনোহরা, তোফা, বৌদে, ভাপা দই, জিভে গজা—উ’হঃ, অরুচি হবে না কিছুতেই, কথা দিচ্ছি। পেলাপ হয় ত ফের পাঠিও আন্দামানে। হ্যা, গাওয়া ঘি—ঐ দেখ স্বরাজ হ’ল, দিল্লীর লোকসভায় গরু এল যে কত দেশ থেকেই ভিড় ক’রে, শিং ভেঙে বাছুর তাই বা কত! অশুষ্টি! অথচ ঘরে ঘরে গাওয়া ঘি-ই কিনা হ’ল বাড়ন্ত! শুধুই গোবর—তা আবার ঝাঁড়ের! অথচ বল ত ভাই, ভব্য যোগীর কি গব্যঘত না হ’লে চলে?” ইন্দিরার দিকে তাকিয়ে, “শুধু মনস্তাপেই মিইয়ে গেলাম মা। শরীরে আর পদাধ নেই—” ব’লেই কপালে করাঘাত ক’রে, “কিং বা স্বয়ম্ শিবশক্তিদেবা কুব্জি কপালহুঃখং ন দূরম্—ব্রহ্মা বিষ্ণু মহেশ্বর তেত্রিশ কোটি দেবতা সবাই মিলে চেষ্ঠা করলেও কপালে যা আছে হতেই হবে মা, হবেই হবে, হবেই হবে—তাই আমার হয়েছে ঘৃতচিন্তা চমৎকারা—যোগে মন বসাই কি ক’রে বল?” ইন্দিরার চোখ ছল ছল ক’রে উঠল, বলল, “মুসুরিতে আমার বাবার চমৎকার গরু আছে, রোজ পনের সের দুধ দেয়—”

“আহা হা—মা! আমাকে তোমার বাবা পুষ্টি নিল না—লক্ষ্মী মা আমার! তাঁর কাছে এখন থেকে নিরস্তর ক’রো আমার গুণগান।”

ইন্দিরা চোখে জল মুখে হাসি অবস্থায় সেদিনই মুসুরিতে লিখে দিল। ওর পিতা ক্যাপ্টেন কুপারাম তাঁর বিখ্যাত সাভয় হোটেলের কর্তব্যকে দিয়ে বাড়ীর

গরুর ছুঁ থেকে তোলা গাওয়া ঘি পাঠিয়ে দিলেন ছুঁবোতল। এদিকে আমি ছুঁটিন চীজ কিনে দিলাম ঋষিদার হাতে। বললাম, “কেবল একটা কথা ঋষিদা। চীজের টিন খুললে তাড়াতাড়ি খেয়ে শেষ ক’রে ফেলবেন কিন্তু! রেখে রেখে খাবার চেঁটা করবেন না—বেশিদিন খাওয়া যায় না এ-বস্তু।”

“বেশ, বেশ ভাই! আহা, এমন না হ’লে দরদী! এস, বুকে এস—ঘি চাইতে চীজও এল। শতাব্দু হও ভাই, সহস্রাব্দু হও মা ইন্দ্রিরা!”

তিন দিন পরে ফের দেখা—শোলাগিরি আশ্রম হরিদ্বারে। বললাম, “কি দাদা? গাওয়া ঘি আর চীজ পেয়ে যোগে মন বসছে ত এখন?”

ঋষিদা করুণ হেসে বললেন, “গাওয়া ঘি ফিরিয়ে আনল নবযৌবন ভাই—‘গুঞ্চ তরু মুঞ্জরিল’—তুমিই সেদিন গাইছিলে না কি একটা কীর্তনে? কিন্তু চীজ খাওয়া বুঝি হ’ল না আর এ-জন্মে।”

“সে কি দাদা?”

“আর সে কি?” বললেন ঋষিদা সুদীর্ঘশ্বাসে। “খেলেই যে ফুরিয়ে যাবে ছুঁদিনে! সেই ভয়ে আর টিন খুলতে পারি নি প্রাণ ধ’রে।”

ইন্দ্রিরা হেসে গড়িয়ে পড়ল।

তুধু আর একটি গল্প বলব।

\* \* \*

“শ্রীঅরবিন্দের কাছে কতরকম চিড়িয়াখানা চীজই যে

আসত! একদিন এসেছে এক মোটাসোটা মোহান্ত। শ্রীঅরবিন্দ তখন ঘরের মধ্যে। আমরা তাঁর অপেক্ষা করছি বাইরের বারান্দায়—আমি, বারীন, ক্রীতীশ দত্ত, আরো কে কে। সে বললে আমাকে, ‘শ্রীঅরবিন্দ মস্ত যোগী শুনে এসেছি। তিনি নিশ্চয়ই জ্যোতিষ জানেন?’ আমি তৎক্ষণাৎ বললাম, ‘না, তিনি জানেন না, কিন্তু আমি জানি।’ মোহান্তর মুখ উজ্জ্বল হয়ে উঠল। বললে, ‘জানেন? তবে বলুন তো আমার সুদিন কবে আসবে?’ আমি বললাম, ‘তথাস্তু। কেবল চোখ বন্ধ করতে হবে।’ সে পরমানন্দে চোখ বন্ধ করল। ‘খুলো না কিন্তু যতক্ষণ না বলি—আমি দেখছি তোমার কপালটা। হ্যাঁ, এবার জিভ বের করো, আরো—আরো একটু—হখেছে, হখেছে, দিব্যি জিভ! একটু রোসো, আমি সমাধিস্থ হয়ে দেখি—কত ধানে কত চাল। যতক্ষণ না বলি চোখ খুলো না, এবং জিভ বের ক’রে রেখো, নৈলে স-ব যাবে ভেঙে।’

“বেচারি গো মা কালীর মতন লকলকে জিভ বের ক’রে চোখ বুজে ঠায় বসে রইল। আমি আর সবাইকে ইশারা করতেই তারা পা টিপে টিপে বেরিয়ে গেল আমার পিছু পিছু।

“পরে শুনলাম, আধঘন্টা সে ঐ অবস্থায় ছিল। যখন চোখ খুলল তখন দেখে ধরে কেউ নেই।”

ব’লে ঋষিদার ফের সেই প্রাণখোলা হাসি—ঠিক একটি ছুঁ ছেলের হাসি। শুনলে কে বলবে তিনি অত বড় পণ্ডিত কি যোগী?

১.

১৬





## আর একজন সতী

শ্রীপ্রফুল্ল সরকার

এই ঘোর কলিযুগে যে আবার একজন এমন সীতা-শাবিত্রীর মত মহাসতীর মুখ দেখা যাবে, এ আশা ত একালর বুড়ীরা স্বপ্নেও করে নি। তাই এ পাড়া ও পাড়া সাত পাড়ার মেয়েরা এ বাড়ীতে ভেঙ্গে পড়েছে। সেই অলৌকিক খবর রটবার সঙ্গে সঙ্গেই নীলিমার চার পাশে তারা ভিড় ক'রে আসছে। পাশের বাড়ীর বাডুজ্যে গিন্নী সঙ্গে সঙ্গে নীলিমার থান কাপড় ছাড়িয়ে তাঁর নিজের নূতন চওড়া টকটকে লাল পাড় গরদের শাড়ী পরিয়ে দিয়েছেন, তার সাদা সিঁথিতে মোটা ক'রে তেল সিঁহুর পরিষে দিয়েছেন, নীলিমার হাঁটু পর্যন্ত কোঁচকান চুলের ভার এলিয়ে দিয়ে তাকে একটা কোঁচে বসিয়ে দিয়েছেন। বাডুজ্যে গিন্নী, তাঁর চার-পাঁচ বৌয়েরা একসঙ্গে শীখ বাজিয়ে নীলিমাকে বরণ করলেন, নালিমাকে ঠিক দেবীপ্রতিমার মত দেখাচ্ছে। ক্রমে ক্রমে ভিড় বাড়তে লাগল। কুমারী, যুবতী, প্রৌঢ়া, থুথুড়ে বুড়ী সবাই তার মধ্যে আছে। এয়োস্ত্রীরা নীলিমার সিঁথিতে মুঠো মুঠো সিঁহুর লেপে দিচ্ছে। তার পর সেই ছোঁয়ানো সিঁহুর তারা যত্ন ক'রে সংগ্রহ ক'রে নিয়ে যাচ্ছে মণি পবিত্র বস্তুর মত। কেউ তার দিকে একদৃষ্টে চেয়ে স্বর্গীয় জ্যোতির আবিষ্কার করছে। অল্পবয়স্ক মেয়েরা তার পা ছুঁয়ে প্রণাম করছে, পায়ের ধুলো নিচ্ছে।

খবর যখন আরও প্রচার হবে তখন আরও দূর দূর থেকে মেয়েরা আসবে। শঙ্খপনির সঙ্গে সঙ্গে সিঁহুরের এমনি হোলিখেলা চলবে। এমনি আরও কতদিন—কত মাস—কত বছর চলবে কে জানে। হয়ত নীলিমা যতদিন বাঁচবে—এমন কি হয়ত তারও পরে—সে প্রবাদের মত হয়ে যাবে।

এই অঞ্চলের পুরুষরাও এই অলৌকিক ব্যাপার নিয়ে গায়ের দোকানে, বৈঠকখানায় আলোচনা করছে, তর্ক-বিতর্ক করছে, এ রকম ঘটনা পূর্বে আরও কোথায় কোথায় হয়েছে প্রবীণ লোকেরা সে-সব কাহিনী শোনাচ্ছেন।

অল্প সময় হ'লে এত ধরলে নীলিমা হয়ত ক্লান্ত হয়ে পড়ত। কিন্তু তার নিজের অসহ্য আনন্দ তার দৈহিক

ক্লান্তির কথা ভুলিয়ে দিচ্ছে। চারদিকের এই উচ্ছ্বসিত আনন্দ, সম্মান, শক্তির মণ্যে তার মুখের মিষ্টি হাসিটি ফুলের মত ফুটে আছে। বড় অকস্মাৎ ভাগ্য যেন তার গলায় এক বিরল জয়মাল্য পরিয়ে দিয়েছে। কয়েক ঘণ্টায় মাত্র সাধারণ এক স্কুল-মাষ্টারণী থেকে সবাই যেন তাকে পৃথিবীর মহারাণীর সিংহাসনে বসিয়ে দিয়েছে, তার নারীজন্মকে ধন্য ক'রে দিয়েছে।

কিন্তু যে ভদ্রলোকটি আজ থেকে ঠিক ছ' বছর আগে হঠাৎ প্রাণ হারিয়ে আজ আবার তেমনি হঠাৎ প্রাণ পেয়ে ফিরে এসেছে, তার এই সৌভাগ্যের সিংহদ্বার খুলে দিয়েছে, সেই রক্ততকে নিয়ে কেউ তেমন মাতামাতি করছে না। তাই-ই হয়। এখন অবশ্য তার পরশে গুরুয়া কাপড় বাউন্ডরীয় নেই। ধূতি আর পাঞ্জাবী প'রে বাইরের ঘরে রক্তত পরিচিত লোকদের সঙ্গে আলাপ করছে, তার প্রাণ ফিরে পাবার অলৌকিক কাহিনী শোনাচ্ছে। তার ন' বছরের ছেলেটিকে বুকের কাছে জড়িয়ে ধ'রে আছে। এর যখন চার বছর বয়স তখন সে মারা যায়। বাপের মুখ, বাপের স্মৃতি তার মনে দাগ কাটবার মত বয়স তার ছিল না। আজ আবার নূতন ক'রে পরিচয় হচ্ছে। বাপ-ছেলের টান বাড়ছে। ছেলেটি যেন কি এক ঐশ্বর্য পেয়েছে। এক মুহূর্তও বাপের সঙ্গে ছাড়ছে না।

ঘটনাটা যেন একটা আজব গল্প। বিশ্বাস হয় না। তবু সত্য। ঘটল কাল একেবারে সকাল বেলাই। দিনটা রবিবার। আজ আর স্কুল নেই। নীলিমা সেই কোন্ ভোরে উঠে সেই ছোট্ট ঘরটিতে চুকেছে, যেখানে স্বামীর একখানা বড় ছবি জলচৌকির উপর দাঁড় করিয়ে রাখা আছে, ফুলদানিতে ফুল সাজিয়ে রাখা আছে, ধূপদানিতে ধূপ জ্বালাবার অপেক্ষায় আছে। স্বামীর স্মৃতি-স্তরা যত জিনিষ—একটা পরিত্যক্ত বেহালা, এক জোড়া খড়ম, ছাতা, সব সেই ঘরে সাজিয়ে রাখা আছে। আজ এই ছ' বছর ধ'রে নীলিমা সকালে খানিকক্ষণ আর রাত্রিতে খোকনকে ধূম পাড়িয়ে যতক্ষণ না নিজের চোখ ঘুমে জড়িয়ে আসত, স্বামীর সেই সুন্দর মুখের ছবির দিকে এক

দৃষ্টিতে চেয়ে থাকত। তার স্বামী নেই—এ কথা সে ভুলে থাকত। কত কথা, কত ছোট ছোট সুখ-দুঃখের স্মৃতি চেউয়ের পর চেউ ভুলে তাকে অধীর করত। ছ' চোখ জলে ভরে আসত। তার পর রাত অনেক হয়ে গেলে সে ঘর বন্ধ ক'রে শুতে যেত। প্রতিদিন ফুল পাওয়া সম্ভব হ'ত না। কিন্তু রবিবার বাসিফুল ফেলে দিয়ে তাজা ফুলে ফুলদানি সাজিয়ে দিত। রবিবার নীলিমা অনেকক্ষণ থাকত। খোকনকে ঘরে নিয়ে গিয়ে তার বাবার গল্প বলত। বলত, বড় হয়ে বাবার মত অমনি সুন্দর বেহালা বাজাতে শিখবে খোকন, কেমন? মনে পড়ত সেই নুতন বিয়ে হবার পর বারান্দায় জ্যোৎস্নায় ব'সে রজত বেহালায় ইমন কল্যাণ, বেহাগের সুরের ঝঙ্কার তুলত। নীলিমা মুগ্ধ হয়ে শুনত। কত সুখ, কত সোহাগ, কত আবেগ-কাঁপানো সেই দিনগুলি।

নীলিমা অনেক ভাগ্য ক'রে এসেছিল। নইলে বাপ-মা মরা মেয়ে, মামার বাড়ী মানুষ, তার কপালে অমন বর জুটল কেমন ক'রে। হ্যাঁ, রূপের জোর ছিল তার, নইলে বিয়ে ত তার আই-এ পর্যন্ত।

তার প্রতিভাবান্ স্বামী। বেহালায় অমন হাত খুব কম লোকেরই ছিল। এখানে ফিল্ম কোম্পানীতে রজত ভাল চাকরি করত। তার ছাত্রছাত্রী ছিল, সেখানেও তার রোজগার ভাল ছিল। তার পর ডাক এল বোম্বাই থেকে। সেখানে আরও টাকা, আরও যশ। রজত মাসে মাসে ঠিক টাকা পাঠাত, ছুটি পেলেই নিজের আসত। তার পর ক্রমশঃ কাজের চাপে সে আর বেশী আসতে পারত না। আসা-যাওয়ার মোটা খরচও আছে। তার পর দেড় বছর পরে সেই বিনা মেঘে বজ্রাঘাত। সেই কাল টেলিগ্রাম এল সন্ধ্যাবেলায়। তার স্বামী হঠাৎ কলেরায় মারা গেছে। তার সেখানকার বন্ধুরা তার শেষ কাজ করেছে। অত দূর থেকে তাদের নিয়ে আসা সম্ভব হয় নি।

তার অমন রূপবান্, সবল সমর্থ স্বামী! নীলিমা যেন কিছু বুঝতে পারছিল না। জোরে কেঁদে উঠবার মতও তার শক্তি ছিল না।

তার ছ'দিন পরে তার বন্ধুরা টি-এম-ও ক'রে এক হাজার টাকা পাঠিয়ে দিল। তার মাইনের টাকা ছ' মাসের। খোকন তখন চার বছরে পড়েছে।

তারপর সে কি আশান্তর অবস্থা। তাদের দেখবার কেউ নেই। কোন জায়গা থেকে কোন খবর দেওয়া-নেওয়ার লোক নেই। তার ভাসুর লক্ষ্মী-এ কলেজের প্রফেসর। তাঁদের সঙ্গে যোগাযোগ অতি কষ্ট হয়ে

এসেছিল। কলকাতায় এলে ভাসুর উঠবেন এখানে এই মাত্র। নীলিমা তার ঠিকানাও জানে না। কোন খবরই দেওয়া গেল না। এখানে তার স্বামীর বন্ধু-বান্ধব কে ছিল তাও সে জানে না। মামা অবিশ্বি এসেছিলেন। শ্রাদ্ধশাস্তি চুকে যেতে তাদের নিয়ে যাবারও প্রস্তাব করেছিলেন। কিন্তু স্বামীর শত স্মৃতি-জড়ানো এই বাড়ী ছেড়ে যাবার কথা নীলিমা ভাবতেও পারে নি।

নিজের চেষ্টায় সে এ পাড়ার মেয়েদের স্কুলে চাকরিটি পেয়েছিল। তার পর সুখেদুঃখে দিন চ'লে যাচ্ছিল। স্বামীর কথা একদিনের জন্তেও সে বিস্মৃত হয় নি। বোধ হয় যতদিন তার জীবন থাকত কোনও দিন হ'ত না। এই দীর্ঘ ছ' বছর সে অল্প কোন পুরুষের চিন্তা মনে স্থান দেয় নি। মন-প্রাণ দিয়ে সে নিজের কাজ ক'রে গিয়েছে। ভগবান্, স্বামী আর নিজের শিশু-ছেলেটি ছাড়া তার দিনরাত্রির চিন্তা জুড়ে আর কিছু আসতে পারেনি।

ভগবান্ হয়ত তাই দয়া করেছেন। স্থানে থেকে কানে শুনেছেন।

এই ত কালকের ঘটনা। মনে পড়লে এখনও তার গায়ের লোম খাড়া হয়ে উঠছে। ফুলদানিতে তাজা ফুল দিয়ে, ধূপ জ্বলে সে স্বামীর ছবির সামনে ব'সে চোখ বুজে স্বামীর ধ্যান করছে। তার কানে যায় নি নতুন রাঁধুনীটা কখন কথা বলেছে, কখন ঘর দেখিয়েছে। পায়ের শব্দ শুনে সে পিছন ফিরে তাকাতে দেখে, গেরুয়া কাপড়ী উত্তরীয় পরা, মাথা-মুগ্ধ, এক সন্ন্যাসী হাসিমুখে তার দিকে চেয়ে রয়েছেন। প্রথমটা সে হকচকিয়ে গিয়েছিল। তার পর সে মু' কি ভোলবার। মনে হ'ল যেন সে স্বপ্ন দেখছে। তার পর স্বামীর বুকের ওপর আছড়ে পড়ে তার শরীরের সঙ্গে নিজেকে যেন সে মিশিয়ে দেবে—তার পর তার ছ'বছরের সঙ্কীর্ণ কান্না সে ফুলে ফুলে কাঁদতে লাগল। রজতেরও চোখ ভাসিয়ে টস্ টস্ ক'রে অবিশ্রান্ত অক্ষর তার মাথা চুল ভিজিয়ে দিল।

তার পর থেকে সুর মেয়েদের অযাচিত বাঁধভাঙ্গা আনন্দ ও ভক্তির স্রোত। অবিশ্রাম লোকের আনাগোনা।

সেই একই অলৌকিক কাহিনী। সহরের বাইরে এক গঁয়ো জায়গায় রজতেরা স্মৃতিং করতে যায়। সেইখানেই সে হঠাৎ ঐ ভীষণ রোগে আক্রান্ত হয়ে পড়ে, একরকম বিনা চিকিৎসাতেই অল্পক্ষণের মধ্যে মারা

যায়। তার পর ঝড়বৃষ্টির মুখে পড়ে তার সহকর্মীরা তার দেহ দাহ না করতে পেরে নদীর ধারে ফেলে রেখেই চলে যায়। পরে এক সন্ন্যাসী সেই পথেই যাচ্ছিলেন, ঐ অবস্থায় তাকে পড়ে থাকতে দেখে তাকে জীবন দান করেন এবং সঙ্গে করে হিমালয়ের দূর অঞ্চলে তাঁর আশ্রমে নিয়ে যান। কোন সংবাদ দেবার নিষেধ ছিল তাঁর। এতদিন পরে তিনি ফিরে আসবার প্রত্যাশে দিয়েছেন।

সবাই গুনলেন আর বললেন, এ অসম্ভব সম্ভব হয়েছে শুধু নীলিমার সতীত্বের বলে। স্বয়ং যমরাজাও তার স্বামীর দেহ স্পর্শ করতে পারে নি। সন্ন্যাসী শুধু নিমিস্ত মাত্র।

নীলিমার দার কারো দিকে চাইবার অবকাশ নেই। স্বামীর সঙ্গে তার কত কথা বলবার আছে। তার কাছটিতে যাবার জন্তে তার সমস্ত মন উন্মুখ হয়ে রয়েছে। কিন্তু এই জলের স্রোতের মত আসা এই মেয়েদের ভিড়কে ঠেকিয়ে সেই নিভৃত অবসর সে কেমন করে পাবে। স্বামীকে নিজেহাতে ভালমন্দ রোধে খাওয়ানোর জন্তে, তার একটু সেবা করবার জন্তে কি ব্যাকুল হয়ে পড়েছে সে, কিন্তু তার কিছু করবার ক্ষেত্র নেই।

দুপুর বেলায় দিকে জনতা একটু স্তিমিত হয়ে গেল। নীলিমা তাড়াতাড়ি স্নান সেরে নিলে। রজত এখনও শয়ন করছেন। তার জন্তে অপেক্ষা করে রয়েছে। দেখলে, ওর মুখটা কেমন স্নান দেখাচ্ছে। মুখের রঙটা যেন ফ্যাকাসে। নীলিমা ছোট্ট একটা নিঃশ্বাস ফেললে। তার স্বামীর কি রূপ ছিল! না জানি কত কষ্ট হয়েছে, এই ছ' বছর সন্ন্যাসীর মত নিঃসঙ্গ কষ্টের জীবন কেটেছে না জানি কত অর্দ্ধাহারে অনাহারে। নীলিমার ছ'চোখ জলে ভরে উঠল।

তুমি কত রোগা হয়ে গেছ। নীলিমা বললে।

রজত হেসে বললে, তুমি আমার চেয়েও রোগা হয়ে গেছ। আমার জন্যে বড় ভাবতে, না?

নীলিমা কি বলবে? কথায় কতটুকু বলা যায়?

ও কি, ছুটুকু ফেলে রাখলে কেন? না, না, সবটুকু তোমায় খেতে হবে, কোন কথা গুনব না। নীলিমা একটু খেমে বললে, কি মুশকিল যে হয়েছে, আমি তোমার জন্তে কিছু করতে পারছি না। জানি না এই হাস্যময় আর ক'দিন চলবে। আমি একেবারে হাঁপিয়ে উঠেছি।

এ ত তোমার পাওনা নীলু। এ সম্মান, এ ভক্তি

মেয়েরাই মেয়েদের দেয়। আমার কিন্তু ভারি আনন্দ হচ্ছে নীলু।

কতদিন পর নীলিমা এই আদরের ডাক গুনল। বললে, ভগবান্ তোমায় ফিরিয়ে দিয়েছেন, এর চেয়ে বড় সৌভাগ্য, বড় আনন্দ আমার আর কিছু নেই। তুমি জান না আমি কি বিব্রত বোধ করছি, তোমার কাছে ছ' দণ্ড বসতে পাচ্ছি না।

কিছুদিন সহ্য করতেই হবে। রজত হেসে বললে। আমার জন্তে একটুও মন খারাপ করো না। আমি ত সব সময়ই তোমায় দেখছি, তোমার কাছে কাছে আছি।

ইতিমধ্যেই মেয়েদের আনাগোনা আরম্ভ হয়ে গেল। অনিচ্ছা সত্ত্বেও নীলিমাকে উঠে যেতে হ'ল।

রজত খানিকক্ষণ চুপ করে বসে রইল। তার পর উঠে পায়চারি করতে লাগল। খোকন বোধ হয় পাশের বাড়ী খেলতে গেছে। এই সব গোলমালে আজ তার স্কুলে যাওয়াই হ'ল না। সারা বাড়ীতে যেন একটা জমজমাট উৎসবের আবহাওয়া বইছে। নীলিমা যে ঘরে আছে সেখান থেকে মেয়েদের কলগুঞ্জন ভেসে আসছে। রজত উঠে পড়ল। ঘেরা-বারান্দার ভেতর দিয়ে এসে সেই ছোট্ট ঘরটার শিকল খুলে তেতরে ঢুকে দরজাটা ভেজিয়ে দিল। এ ঘরে সব যেমন ছিল ঠিক তেমনি আছে। ছবিটা এখনও সরিয়ে দেওয়া হয় নি। ফুল-গুলি শুধু একটু এলিয়ে পড়েছে। রজত অনেকক্ষণ তার ছবির দিকে একদৃষ্টে চেয়ে রইল। নীলিমা এখন ত ছবির আসল মানুষটাকেই পেয়েছে। এ ছবিতে নীলিমার আর কোন প্রয়োজন থাকবে না। রজত ভাবতে লাগল। দীর্ঘ ছ' বছর দিনের পরে দিন নীলিমা এখানে ফুল দিয়েছে, ধূপ জালিয়েছে। চোখ বুজে ঘরটার পর ঘরটা তার চিন্তা করেছে। হয়ত মনের আবেগে তার সঙ্গে কত কথা বলেছে। তাকে ডেকেছে, কত অভিমান করেছে, কত হরত দুঃখ জানিয়েছে। রজত একটা ভারি নিঃশ্বাস ফেললে। না, নীলিমার মত মেয়ে হয় না। কাল তাকে চিনতে পেরে নীলিমার সেই আনন্দে হাসি-কান্নার ধরধর করে কাঁপা মুখখানা রজতের মনে পড়ল আর তার বুকের ভেতরটা কি এক অসহ্য অস্থিরতায় কেঁপে উঠল। রজত কতক্ষণ তার নিজের চিন্তায় ডুবে ছিল জানে না। হঠাৎ খোকন এসে ঘরে ঢুকল, তার হাত ধরে বললে, বাবা, তুমি এখানে, আমি কতক্ষণ ধরে তোমায় খুঁজছি। এমনি ভয় হ'ল। ভাবলুম, তুমি বুঝি আবার চলে গেলে। ভারি করুণ দেখাল খোকনের মুখখানা। রজতের বুকেটা ছলে উঠল। সে

খোকনকে ছ' হাতে বুকে জড়িয়ে ধ'রে বললে, না বাবা, আর কোথাও যাব না।

খোকন বললে, হ্যাঁ বাবা, তুমি নাকি খুব ভাল বেহালা বাজাও, মা আমার কতবার বলেছে। বাজাও না একটু শুনি।

রজত বললে, আচ্ছা তোমায় শোনাব। কালই শোনাব।

তার পর খোকন তার কোমর জড়িয়ে ধরে বললে, আমার কিন্তু শিখিয়ে দিতে হবে। মা বলেছিল, আমি বড় হলে তোমার মত বেহালা কিনে দেবে। জান বাবা, মা না রোজ এই ঘরে ব'সে ব'সে কাঁদত। আমি কতদিন জানলা দিয়ে দেখেছি। আমারও ভারি কাঁদা পেত।

রজত আর এ ঘরে থাকতে পারল না। একটা দুঃসহ আবেগে তার বুকের কাছটা মোচড় খেতে লাগল। তার মনে হ'ল, আর কিছুক্ষণ এখানে থাকলে সে হয়ত চীৎকার ক'রে কেঁদে উঠবে।

সেই রাত ন'টার সময় ভিড় পাতলা হয়ে এল। নীলিমা ছুটি পেল। তার বিশ্বাসের দরকার। রজতের জন্তে সে একটু কিছু রেঁপে দিতে পারছে না, তার মন বড় উতলা হয়ে রয়েছে। কাল বোধ হয় রথের ছুটি। ভিড় তা হ'লে কাল অনেকগুণ বেড়ে যাবে। নীলিমার যেন কাঁদা পেল।

নীলিমা নিজে হাতে লুচি ভেজে রজতকে বসিয়ে বসিয়ে খাওয়ালে। তার পর তার পাতেই তাড়াতাড়ি খাওয়া সেরে ঘরে এল।

রজত চুপ ক'রে ব'সে ছিল। নীলিমা হেসে বললে, কি, ঘুম পাচ্ছে ?

রজত বললে, না।

তবে অমন চুপচাপ ব'সে আছ ? কই সেই হিমালয়ের আশ্রমের গল্প বলবে বলেছিলে, আজ বল, শুনি। কি খেতে সেখানে ? হ্যাঁগো ? শুধু ফলমূল ? ছদ পাওয়া যেত না ? কই তুমি কিছু বলছ না, আমিই শুধু ব'কে মরছি। কি হয়েছে বল ?

রজত ম্লান হেসে বললে, কিছু না।

নীলিমা তবু ছাড়বে না। হ্যাঁ কিছু হয়েছে। বল লক্ষ্মাটি। অত মন-মরা হয়ে আছ কেন ?

রজত বললে, কিছু হয় নি। সত্যি। সারাদিন বড় ধকল সয়েছ। আমি তোমার মাথায় হাত বুলিয়ে দিই, তুমি ঘুমোও।

নীলিমা ছোট মেয়ের মত খিলখিল ক'রে হেসে উঠল। শেষকালে তুমিও কি আমার দেবী ভাবতে

আরস্ত করলে না কি ? এ কি, তোমার চোখে জল কেন ? কি হয়েছে বল ? লুকিও না, লক্ষ্মীটি।

তার পর একটু একটু ক'রে সেই সর্বনাশের কথা নীলিমাকে শুনে হ'ল। রজতের না ব'লে উপায় ছিল না। রজত তার মোহগ্রস্ত অবস্থায় কল্পনা করেছিল এক, কিন্তু এখানের এ ছবি ত তার কল্পনায় ছিল না। তার নিজের মন আজ তাকে খণ্ড-বিখণ্ড ক'রে দিচ্ছে। তার ব'সে, দাঁড়িয়ে, খেয়ে ঘুমিয়ে কিছুতেই স্বস্তি নেই। তার বুক ফেটে যাচ্ছিল। আজ বিকেলে সেই ছোট্টঘর থেকে বেরিয়ে আসবার সঙ্গে সঙ্গে কেন জানি ওর মনে হয়েছিল যে, আর একটি দিন ও সত্য গোপন করলে তার খোকনের, তার স্ত্রীর, তার নিজের মহা অমঙ্গল হবে। আর একটি দণ্ডও দেবী করা তার উচিত হবে না।

রজত ধীরে ধীরে তার অপরাধের কথা বলতে লাগল। সে সত্যিই মরে নি। সে নিজেই তার মৃত্যুর খবর পাঠিয়েছিল। ফিরের একটা মেথেকে দেখে সে পতঙ্গের মত ঝাঁপ দিয়ে পড়েছিল। রূপের লোভ, ভোগের লোভ তাকে উন্মাদ ক'রে দিয়েছিল। সে তার স্ত্রীপুত্রের কাছে লুপ্ত হয়ে হারিয়ে যেতে চেয়েছিল চিরকালের মত। কিন্তু অনেক—অনেক দিন পরে তার মোহভঙ্গ হ'ল। ফিরে আসবার যে-পথে সে নিজে বন্ধ ক'রে দিয়েছিল, মিথ্যা প্রবন্ধনা দিয়ে আর এক মিথ্যা দিবে আবার সেই পথে তাকে ফিরে আসতে হয়েছে। সে মহাপাপী ! তার অপরাধের ক্ষমা নেই। রজতের চোখ দিয়ে বড় বড় জলের ফোঁটা তার গাল ক'রে পড়ছিল।


নীলিমার একখানা হাত রজতের হাতে ধরা দিল। নীলিমার মনে হ'ল, সেটা যেন তার হাত নয়, সেটা যেন একটা পাথর।

রজত নীলিমার সেই হাতখানা চেপে ধ'রে বললে, বল, তুমি আমার ক্ষমা করবে। নইলে আমি এক মিনিটও শাস্তি পাচ্ছি না। আমি মহাপাপী, তবু আমি ক্ষমা চাইছি। তুমি আমার ক্ষমা কর।

নীলিমা শুধু আশ্তে আশ্তে বললে, হিঃ, কেঁদ না। তুমি শোও, আমি তোমার মাথায় হাত বুলিয়ে দিচ্ছি। নীলিমার গলায় ক্লেভ নেই, তিরস্কার নেই। অসম্ভব স্থির, শান্ত। তার চোখে জলের বাষ্পও নেই।

রজতের সমস্ত শরীর-মনের মধ্যে একটা নিদারুণ ক্লান্তি তাকে অবসন্ন ক'রে তুলল। নীলিমা যেন তাকে পরম আশ্বাস দিয়েছে। নীলিমার ভালবাসার কোমল স্পর্শ তার মাথার পিঠের উপর দিয়ে তাকে সান্ত্বনা






প্রবাসী প্রেস, কলিকাতা

ঝড়ের পর  
শ্রীদেবীপ্রসাদ রায়চৌধুরী

প্রবাসী ১৩০২ বৈশাখ হইতে পুনর্মুদ্রিত



পাহাড়ী মেয়েরা মাহ ধরিভেছে



দিচ্ছে। ঝড়ের পর শান্তির মত ধীরে ধীরে তার হৃৎসহ আবেগে ক্রান্ত শরীর মুদে আসতে লাগল। সে ধীরে ধীরে ঘুমিয়ে পড়ল।

নীলিমার ঘুম এল না। অনেকক্ষণ চুপচাপ বসে রইল। ঘুমন্ত খোকনের মুখে আজ ছ'দিন কি যেন এক আনন্দের কোমল ছায়া ছলতে থাকে। আজও সেই ছায়া ঘুমের উপর পাতলা জ্যোৎস্নার প্রলেপের মত লেপে রয়েছে। রক্ত তার সব অপরাধ স্বীকার করে, সব বোঝা হালকা হয়ে পরম আশ্বাসে ঘুমিয়ে পড়েছে।

এ ঘর যেন তাড়া করে তাকে বাইরে নিয়ে এল। নীলিমা আলো নিবিয়ে দিখে বাইরে এসে দাঁড়াল। আকাশে অনন্ত তারা। মনে হ'ল সংসারের ছবৎ তার এতদিন একা একা সে বয়ে এসেছে, এবার ছুটি নিলে কেমন হয়। এই ক' পা গেলেই ত গঙ্গা। তার শীতল জলের তলায় চিরকালের মত ঘুমিয়ে পড়বার ছত্রে নীলিমার বড় লোভ হচ্ছে। আর সস্ত্র করবার শক্তি তার নেই। কারও উপর রাগ, নালিশ, ক্ষোভ, অভিমান তার আর কিছু নেই। কাল আবার কত ভিড় হবে। সিঁছুর পরাবে শীথ বাজাবে। কি করে কিসের জ্বারে সস্ত্র করবে নীলিমা? তার চেয়ে এই

অন্ধকারের মধ্যে সে যদি মিশে যায়, হারিয়ে যায়, তা হলে কেউ তাকে খুঁজে পাবে না, কেউ তাকে পূজা করতে আসবে না।

নীলিমা আস্তে আস্তে এগিয়ে চলল সদর দরজার দিকে। বাঁ দিকে সেই ছোট্ট ঘর। নীলিমা খানিকক্ষণ দাঁড়াল। তার পর শিকল খুলে ভেতরে এল। আলোর সুইচটা টিপে দিলে। আলোয় ঘর ভরে উঠল। রক্তনী-গন্ধার মুহূ গন্ধে ঘরের বাতাস সুরভিত হয়ে উঠেছে। এক দৃষ্টিতে তার ছ' বছরের দিনরাত্রির সঙ্গী সেই ছবির দিকে চেয়ে রইল।

কি জানি, কি হ'ল নীলিমার। সেই ছবির তলায় মাথা তেঁকিয়ে উপুড় হয়ে পড়ে সে কাঁদতে লাগল। সে কাঁদা নিঃশব্দ। শুধু চোখের জল ছবিটার কাঁচের উপর থেকে গড়িয়ে গড়িয়ে মেঝের উপর ব'রে পড়ছে। কিন্তু এ কাঁদা কেন?

নীলিমা ঠিক জানে না। মনে হ'ল, সব ঝাঁকি, সব অমর্যাদার উদ্দেশ্যে স্বামী তার কল্পনায ছিল, যার শরীর ছিল না, যার তৃষ্ণা ছিল না, সেই কল্পনার, সেই ছাযার পায়ে ছাড়া এই ছ'বছরের লজ্জার, বার্থতাব কাঁদা আর কোথাও কাঁদবার নেই, কাঁথাও শোনাবার নেই।

## বিজ্ঞাপনে কাজ হয়

শ্রীমিহির সিংহ

রোমান্সের গল্প লেখা কিখা বলা যত দিন যাচ্ছে ততই শক্ত হয়ে উঠছে। অবাস্তব পটভূমিকায় চড়া রং-এর কাহিনীতে রোমান্স সৃষ্টি করা হয়ত যায়। কিন্তু পাঠকেরা চাইবেন বাস্তবের ছোঁয়াচ। অর্থাৎ গল্প রোমাটিকও হবে আবার তার পাত্র-পাত্রী ও পরিবেশ থাকবে এমন যে, দৈনন্দিন জীবনে তারা মোটেই অপরিচিত নয়। পাঠক পুলকিত হয়ে ভাববেন যে, এই ঘটনাটা তাঁর নিজের জীবনে ঘটলেও খটেতে পারত। কিন্তু কোথায় আমাদের ইস্কুল, কলেজ, আপিস, বাজার দিয়ে ঘেরা দিনের মধ্যে সে অবকাশ, যে অবকাশে একটা চকিত চাহনিকে ধিরে গ'ড়ে ওঠে সম্পূর্ণ একটা গল্প? আসলে

যে গল্পটা বলতে যাচ্ছি আজকে, সেটার মতন 'গল্প হলেও সত্যি' গোছের ঘটনা আজকাল বিশেষ ঘটে না।

আমাদের গল্পের নায়ক সুরঞ্জন একালে জন্মালেও যেন গল্পের নায়ক হ'বাব জন্মেই জন্মেছিল। তার গোটা পারিপার্শ্বিকটাই নিজলা বোমাটিক। বয়স কম, অবস্থা ভাল, একটা ছোটখাট পৈতৃক বাবসা আছে যার জন্তে ব্যক্তিগত প্রয়াস বিশেষ কিছু লাগে না। বলা বাহুল্য সে দেখতে সুশ্রী, সাধারণ ভাবে শিক্ষিত এবং স্বভাবে লাজুক। কিন্তু সব চাইতে রোমাটিক হ'ল তার সাংসারিক অবস্থা, মাথার উপরে বাবা নেই, মা নেই, সে-ই বলতে গেলে বাড়ীর কর্তা। ছোট বোন আছে,

আর আছেন দূর সম্পর্কের এক পিসীমা। ভেবে দেখতে গেলে রোমাসের প্রত্যেকটি উপকরণই উপস্থিত, নেই শুধু একটি।

সুরঙ্গনদের বাড়ীর আবহাওয়াটাও যেমন চিলেচালা, তাদের বনেদি পাড়াটার আবহাওয়াও তেমনি চিলেচালা। রবিবার দিন সমস্ত পাড়াটাই যেন ছুটি আর অবসরের মেজাজে পরিপূর্ণ হয়ে থাকে। সকাল বেলায় চা শেষ হতে দশটা হয়েছে, পিসীমার অনেক অহুন্নয় সঙ্কেও রবিবারের বাজারটা বাদ দেওয়া গিয়েছে, সুরঙ্গন অত্যন্ত হৃষ্টমনে খবরের কাগজগুলি হাতে ক'রে দৌতলার ছাতে এসে বসল রোদে পা মেলে দিয়ে। কিন্তু ব'সেই লক্ষ্য করল পাড়ার চেহারাটা হঠাৎ একটু ফিরে গিয়েছে। বাগান পেরিয়ে গুণেনবাবুদের বাড়ীটা এতদিন খালি প'ড়ে ছিল, তার জানলায় জানলায় ঝুলছে রঙিন পর্দা আর বারান্দা থেকে ঝুলছে রঙিন শাড়ী। সুরঙ্গন একটু কৌতূহলী হ'ল, গুণেনবাবু নিশ্চয়ই আসেন নি, কেননা তিনি ও তাঁর বৃদ্ধা স্ত্রী বছর দুয়েক আগে কাশীতেই স্থায়ীভাবে বাস করবেন ব'লে চ'লে গিয়েছেন। যতদূর জানে গুণেনবাবুর এমন কোন নিকট আত্মীয় নেই যাদের বাড়ীতে অত রঙিন রঙিন শাড়ী ঝুলতে পারে। উঠে গিয়ে আলসের ধারে দাঁড়িয়ে কাগজ পড়ার ভান ক'রে সুরঙ্গন দৃষ্টি হানতে লাগল আরও মনোরম তথ্য আবিষ্কারের আশায়। ভগবান সদয় ছিলেন—নইলে আমাদের গল্পই বা কেমন ক'রে হবে?—অল্পক্ষণের মধ্যেই রঙিন শাড়ীগুলির অন্ততঃ একজন অধিকারিণীর দেখা মিলল। নাঃ, দেখতে যেন ভালই, সুরঙ্গন ব্রহ্ম দৃষ্টিতে যাচাই ক'রে নিল অথচ কোন বাড়ী থেকে কেউ সন্দেহ-ভাবে তার আচরণ লক্ষ্য করছে কিনা।

আধ ঘণ্টাখানেকের মধ্যে পরদিক্কে বন্দ্যোপাধ্যায় মহাশয়ের একান্ত অসুরাগী সুরঙ্গন মৈত্র নব প্রতিবেশীদের সম্বন্ধে অনেক কিছু তথ্য সংগ্রহ ক'রে ফেলল—অবশ্য আশ্চর্যী: বাড়ীতে একজন প্রৌঢ় আছেন, নিশ্চয়ই বাবা। একজন মা-ও নিশ্চয়ই আছেন, যদিও তাঁকে চাক্ষুষ দেখা গেল না, কেননা ছেলেমেয়েরা আসবাবপত্র সরান ইত্যাদি সমস্ত সাংসারিক কর্তব্য সম্বন্ধেই উচ্চৈশ্বরে মার মতামত জানতে চাইছে। ছেলেমেয়ে অনেকগুলি, সবচেয়ে বড় বোধ হয় হাল-ফ্যাশানের রঙিন চৌথুপি শাড়ী-পরা মেয়েটিই। তার কাছাকাছি বয়সের আর একটি বোন আছে, ঈশৎ স্কলারী। তা ছাড়া আরও একটি বোন ও দুই ভাই—সবাই অত্যন্ত ব্যস্ত নতুন বাড়ীতে এটা ওটা সেটা গুছিয়ে নেওয়ার কাজে।

ভাড়াটে তাতে সন্দেহ নেই। সুরঙ্গন বেশ খুশীই হয়ে উঠল, কাগজ না প'ড়ে বেশ সশব্দে রেডিও সিলোন্-এর বিজ্ঞাপন-মিশ্রিত হিন্দী গান গুনতে লাগল।

লাজুক ছেলে সুরঙ্গন, মনের মধ্যে খুব তুচ্ছ কারণেই রঙিন কল্পনার জাল বোনা তার স্বভাব। সুশ্রী সপ্রতিভ কণ্ঠব্যস্ত প্রতিবেশিনী যে তার মন টানবে এতে খুব আশ্চর্য হওয়ার কিছু ছিল না। প্রকৃতপক্ষে পরবর্তী দু'তিন দিনের অনেকটা সময়ই কাটল গুণেনবাবুদের বাড়ীটার দিকে তাকিয়ে থেকে। ফেব্রুয়ারী মাস, শীতের আমেজ এখনও আছে, তার সঙ্গে সঙ্গে আছে বহু শীতকালীন কর্তব্য যা প্রত্যেক মধ্যবিত্ত বাড়ীর মেয়েরাই ক'রে থাকে। যথা লেপ রোদে দেওয়া, বড়ি তুকোতে দেওয়া, পাঁচিলের উপর দিয়ে বিভিন্ন আকৃতির আচারের বোয়ের লাইন দেওয়া, ইত্যাদি। সুরঙ্গনের অবশ্য সব চাইতে ভাল লাগে যখন তার নাম-না-জানা প্রতিবেশিনী আসে রোদে শাড়ী মেলতে কিম্বা ভিজে চুল শুকোতে। এতদূর থেকেও যেন সুরঙ্গনের নাকে ভেসে আসে ভিজে চুল আর ভিজে কাপড়ের স্বেচ্ছ। সেদিন যেন সুরঙ্গনের মনেই হ'ল যে তার উৎসুক সম্বন্ধে মেয়েটিও সচেতন। যেন তার উপস্থিতিতে মেয়েটি বারে বারে আসে, বশীকণ থাকে, চুলের মধ্যে খপুলি চালনাকে আরও লীলাবিত করে। সুরঙ্গন প্রেমে প'ড়ে গেল।

রাত্রে খেতে ব'সে যেন অবহেলা ভরে বোনকে জিজ্ঞেস করল, তুই দেখেছিস গুণেনবাবুদের বাড়ী ক'রা এসেছে, বোধ হয় ভাড়াটে?

সুরমা দাদারই মত স্বল্পবাক্য, সে খেতে ব'সেও কি একটা বই-এর পাতা ওন্ট'চ্ছিল, মুখ না তুলেই বলল, ঐ ত মঞ্জরীরা।

সুরঙ্গন হেসে ফেলে বলল, ক'দিন এসেছে?—তার সঙ্গে ত এর মধ্যেই খুব খাতির হয়ে গেছে মনে হচ্ছে।

সুরমা এবার বই থেকে চোখ তুলে বলল, খাতির ওর সঙ্গে কোন কালেই নেই, তবে চিনি ওকে অনেকদিন। ফাষ্ট ইয়ারের মানামানি থেকে ও আমাদের সঙ্গে পড়ছে, হোষ্টেলেই অবশ্য থাকত এতদিন।

সেদিন সুরঙ্গন এ প্রসঙ্গ আর দীর্ঘ করতে চাইল না, তবে নামটা তার মনের মধ্যে গুঞ্জন ক'রে ফিরতে লাগল—মঞ্জরী।

সপ্তাহ বেটে গিয়ে ফের সুর আর একটা রবিবার। ঘরের ভিতর থেকেই দেখতে পাওয়া গিয়েছে যে মঞ্জরী কিছুকণ হ'ল বাড়ীর চাকর আর অল্প ভাইবোনদের



সঙ্গে মিলে প্রবল উৎসাহে রেডিওর 'এরিয়াল' খাটাতে ব্যস্ত। সুরজন সব একটা খবরের কাগজ নিয়ে ছাতে গিয়ে দাঁড়িয়েছে, এর মধ্যে সুরমা কখন নিঃশব্দে দোতলার উঠে এসেছে লক্ষ্য করে নি। সে হঠাৎ দাদার পাশ থেকে চিংকার করে উঠল, এই মঞ্জু, কি করছিস ?

মঞ্জুর উত্তর শোনবার আগেই সুরজন মুখ লাল করে নিজের ঘরে পালিয়ে এল ; সত্যি রমাটা দিন দিন একটা ইডিয়ট হচ্ছে। একটু পরেই সুরমা এসে ঘরে ঢুকতে সুরজন বলল, তুই ওরকম গাঁক গাঁক করে টেঁচাতে শিখলি কবে ? বন্ধুর সঙ্গে গল্প করতে হলে আমরা হয় তাকে নিজেদের বাড়ী ডাকি, নয়ত তার বাড়ীতে যাই। ওরকম সাত মাইল দূর থেকে সাইরেনের মত টেঁচাই না।

সুরমা experiment করছিল নিজের বই খোঁজার অছিলায় দাদার বইগুলো কত অল্প সময়ে কি পরিমাণে লণ্ডভণ্ড করে দেওয়া যায়। দাদার গলার স্বরে একটা নতুন কিছু আঁচ করে সে চকিতে ঘুরে দাঁড়াতে সুরজনের ফর্সা মুখ হঠাৎ লাল হয়ে উঠল। সুরমা বলল, তা বেশ ত, মঞ্জুকে আমাদের বাড়ীতেই নিয়ে আসা যাবে, তোর সঙ্গে আলাপও হবে সবই হবে। সুরজন ঠিক কি বলবে ভেবে পেল না। বেরিয়ে যেতে গিয়ে সুরমা ছ' পা পেঁছিয়ে এসে বলল, তুই দাদা হিসেবী লোক বটে। জানিস ওরাও বারেন্স—লাহিডী।

এবার সুরজনের মনে হচ্ছিল, কিছু একটা উত্তর না দিলে মেয়েটা বড় বেড়ে যাচ্ছে। কিন্তু তার মুখের কথা শুনেই সুরমা বলল, বুধবারের আগে আমার সময় হবে না। ওকে আমি বুধবার বিকেলে কলেজ ফেরতা নিয়ে আসব। তুই যদি পারিস, চারটের মধ্যে চলে আসিস, সবাই এক সঙ্গে চা খাওয়া যাবে। পিসীমাকে আমিই বলে রাখব এখন।

বুধবার পর্যন্ত অতগুলো ঘণ্টা সময় যে কি করে কাটল সুরজনের তা সে নিজেই জানে। যাই হোক, ঘড়ি ত তার আপনার নিয়মে ঘুরবেই। বুধবার দিন ভোর হ'ল, সুরজনের অর্ধৈর্ষ্য হৃদয়ের মধ্যে দিয়ে একটা একটা করে মিনিট পেরিয়ে গেল। অফিস থেকে বাড়ী ফিরে সে জামা কাপড় ছেড়ে তৈরী হয়ে দেখল, চারটে বাজতে তখনও বেশ কিছুটা সময় বাকী। মঞ্জরী যখন এসে পৌঁছল তখন চারটে ত বেজে গিয়েছে, সাড়ে চারটেও অনেকক্ষণ পার হয়ে গিয়েছে। তার কারণ এই না যে, সে এই বৈকালিক নিমন্ত্রণের কথা ভুলে গিয়েছিল, কিম্বা কলেজে বা বাড়ীতে তাকে আটকে পড়তে হয়েছিল। তার

কারণ এই যে, সে কিছুতেই সুরমার কথা মতন কলেজের কাপড় পরে অথবা চুল না বেঁধে আসতে রাজী হয় নি। সুরজনের মতন প্রেমে না পড়লেও আসলে সেও অত্যন্ত উৎসুকভাবে প্রতীক্ষায় ছিল এই দিনটির।

রমার দাদা যে অনেক সময়ই তাকে দেখবার চেষ্টা করেন সেটা মোটেই তার নজর এড়ায় নি। অল্প কেউ এভাবে দেখলে সে হয়ত একটু চটেই যেত কিন্তু এই সুপুরুষ যুবকটির খবরের কাগজ নিয়ে ছেলেমানুষী অভিনয় দেখে তার গোড়া থেকেই মজা লেগেছিল। তার পরে যখন সুরমার মতন নাক তোলা মেয়ে এসে তাকে বলল, এই মঞ্জু, তুই বুধবারে কলেজ ফেরত আমাদের বাড়ী যাবি, আমার দাদা তোর সঙ্গে আলাপ করবে। তখন থেকেই সে বেচারীর অপরিণত মনের মধ্যেটা একটা না-জানা কিছু প্রত্যাশায় উদ্বেল হয়ে উঠেছে। সে কারণে-অকারণে মা-বাবাকে আর ভাইবোনদের আদর করে দিচ্ছে আর মনে মনে ভাবছে, যদি আমার ঐ ফর্সা মতন ভদ্রলোকের সঙ্গেই বিয়ে হয় ত আমার বন্ধুদের মধ্যে কাকে কাকে নেমস্তম্ব করব।

ঠিক চারটে একচল্লিশের সময় সুরমা তার বন্ধুর সঙ্গে দাদার পরিচয় করিয়ে দিয়ে বলল, তোরা কথা বল, আমি এক মিনিট বইগুলো রেখে আসি। বইগুলো রেখে আসা অবশ্য ছুঁতো মাত্র, আসলে সে এক ছুটে বইগুলো উপরে রেখে এসে খাবার ঘরের জানলার পাশ থেকে দেখবার চেষ্টা করতে লাগল ছ'জনে কি করে। সে তৈরিই হয়ে ছিল যে তারা খুব সলজ্জভাবে প্রথম আলাপের পদক্ষেপ শুরু করবে এবং সে নিজে প্রচুর পরিমাণে ঈর্ষ্যান্বিত হবে। কিন্তু জানলা দিয়ে যতটুকু দেখতে পেল তা অবশ্য একেবারেই অল্পরকম। মঞ্জরী যে প্রথমদিন একটু আড়ষ্ট হয়ে থাকবে তা সে ব'রেই নিয়েছিল, কিন্তু তার দাদার ধরণ-ধারণ দেখে সে একেবারে অবাক হয়ে গেল। সুরজন কোন কারণে অসোয়াস্তি বোধ করলে বা অপ্রস্তুত হয়ে পড়লে কিরকম তার মুখের চেহারা হয় সুরমার তা খুব জানা আছে। দাদা যে একটা কিছু কারণে ভয়ানক রকমের অসোয়াস্তি বোধ করছে তা বুঝতে তার বাকী রইল না। প্রথম ছ'এক মিনিটের মধ্যে সুরজন আর মঞ্জরীর কি কথাবার্তা হয়েছে সে জানে কিন্তু যে-কোন কারণেই হোক তার পরে তারা কেউ কারুর সঙ্গে আর কথা বলতে চাইছে বলে মনে হ'ল না। রাগে ছুঃখে সুরমার প্রায় চোখে জল এসে গেল। মঞ্জরীকে বলতে গেলে সে একরকম

জোর ক'রেই ধ'রে এনেছে। আগে যদিও মঞ্জরী সঙ্কে বিশেষ কিছু সে ভাবে নি কোনদিনই, তবু এই কয়দিনে মঞ্জরীর সঙ্গে বন্ধুত্বটা হঠাৎ যেন জমে উঠেছে। মনে মনে সে দাদার পছন্দের তারিফ না ক'রে পারে নি, সত্যি বেশ স্পন্দর মেয়ে মঞ্জরী। কিন্তু দাদা ইডিয়টটা যে এরকম সব মার্ডার ক'রে দেবে তা কে জানত ?

যাই হোক, সেদিনকার চা-এর আসর বিশেষ জমল না। সুরমা তার স্বাভাবিক গাভীর্য্যকে যথাসাধ্য দূরে রেখে অনেক চেষ্টা করল আবহাওয়াটাকে তরল করবার। রেকর্ড বাজাল, ছবির অ্যালবাম দেখাল, এমন কি নিজে একটা গান গেয়ে মঞ্জরীকে দিয়েও গাওয়াল কিন্তু দাদার সঙ্গে তার বন্ধুর আলাপটাই খুব জমল না। কথাবার্তা অবশ্য ছ'জনেই বলল, সুরজন চেষ্টাও করল একটু সহজ হবার কিন্তু প্রথম কয়েক মিনিটের অস্থির ইতিহাসটুকু খচখচ করতেই লাগল। বিকেল ফুরিয়েই গিয়েছিল, সন্ধ্যাও ঘন হয়ে এল, এক সময়ে মঞ্জরী বলল, এবার বাড়ী যাই। সুরজন তাকে সদর দরজা পর্য্যন্ত এগিয়ে দিয়ে উপরে নিজের ঘরে চ'লে গেল। সুরমা মঞ্জরীদের বাড়ী পর্য্যন্ত গেল তাকে পৌঁছিয়ে দিতে। এইবার শুরু হ'ল সুরজন বেচারীর অস্তর্দ্বন্দ্ব। আসলে সে নিজেও বুঝতে পারে নি, ঠিক কি ব্যাপারটা হ'ল। খুব সপ্রতিভ সে কোন কালেই নয়, মেয়েদের সঙ্গে আলাপ করার ব্যাপারে অপটুই বলতে হবে। কিন্তু দূরবর্তিনী ওই মেয়েটি কেমন যেন তাকে একটু বেশী ক'রেই টেনেছিল। দূর থেকে তার গলার স্বর, তার চলার ধরণ হঠাৎ যেন খুব পছন্দ হয়ে গিয়েছিল। অনেক আগ্রহ ক'রে সে বসেছিল তার সঙ্গে আলাপ করবে বলে। সব লাজুক মানুষদের মতন সেও মনে মনে অনেক আউডিয়ে ছিল, তাকে কি বলবে, এমন কি কোন্ হাসির ঘটনা শোনাবে। নিজের মনে মনে ঠিকই ক'রে রেখেছিল, সে বোনের বন্ধুত্বের অধিকারে গোড়া থেকেই আপনি না ব'লে ভূমিই বলবে। কিং কি হ'ল ? অনেক ভেবেও কিনারা করতে পারল না। এইটুকু শুধু বুঝতে পারল, যে, দূরত্বের ব্যবধানটুকু বাদ দিয়ে মেয়েটিকে দেখার প্রথম মুহূর্তেই তার সঙ্কে কেমন একটা স্পষ্ট বিতৃষ্ণার ভাব এসে পড়েছিল, যেটাকে সে আর কিছুতেই কাটিয়ে উঠতে পারল না। কিন্তু বিতৃষ্ণা ? কেন ? দূরের থেকে মেয়েটির গতি যত স্পন্দর মনে হয়েছিল, সোফায় হেলান দিয়ে চুপ ক'রে ব'সে থাকলে তার চাইতে তাকে বেশী বই কম স্পন্দর ত মনে হচ্ছিল না ? নিঃসন্দেহে সে দেখতে ভাল, ব্যবহারে নম্র অথচ

সপ্রতিভ। তবু কেন এই বিরাগ—সুরজন মুশকিলে পড়ে গেল।

সুরমা ত বুঝতেই পেরেছিল যে কিছু একটা হয়েছে, কিন্তু ঠিক যে সেটা কি তা ধ'রে উঠতে পারে নি। দাদার উপরে এতটা রাগ জমা হয়ে ছিল যে, দাদার সঙ্গে এ প্রসঙ্গই সে আর উত্থাপন করল না, বলা বাহুল্য সুরজনও মঞ্জরীর কথা বা সেদিনকার চায়ের আসরের কথা বোনের সঙ্গে আলোচনা করতে পারল না। মোটের পরে একটা অস্থিতকর নীরবতা দিয়ে অপ্রীতিকর ঘটনাটিকে চাপা দিয়ে দেওয়া হ'ল।

এর পরে মাস আড়াই তিন কেটে গিয়েছে, ভাই-বোনের মধ্যে সম্পর্কটা স্বাভাবিক নিয়মেই অনেক ভাল হয়ে এসেছে। রবিবার সকালবেলা চা খেতে ব'সে সুরমা হঠাৎ বলল, আজকে মঞ্জরীরা চ'লে যাচ্ছে জানিস ? সুরজন সম্পূর্ণ অন্ধ একটা কি কথা চিন্তা করছিল; সে চমকে গিয়ে জিজ্ঞাসা করল, কেন ? কোথায় ? সুরমা বলল, ওর বাবা ত রিটারার করেছেন, তাই ওরা এখন ওদের নিজেদের বাড়ীতেই থাকবে, এতদিন সেখানে ভাড়াটে ছিল ব'লে যেতে পারছিল না। মঞ্জরীর কথাটা মন থেকে অনেকটা মুছে এসেছিল; আজকে হঠাৎ ধক ক'রে সুরজনের বুকের মধ্যে খাজল। সব ব্যাপারটা ভেবে তার নিজেকে অত্যন্ত অপরাধী বলে মনে হতে লাগল। খবরের কাগজ হাতে দোতলার ছাতে যাওয়া ছেড়েই দিয়েছিল, আজকে অনেকদিন পরে সে গিয়ে আন্তে আন্তে আলসে ধ'রে দাঁড়াল। মঞ্জরী তাকে দেখতে পেল কি না বুঝতে পারল না। তিনমাস আগে আর এক রবিবারে সে যেরকম ব্যস্তভাবে অনেক কাজ ক'রে বেড়াচ্ছিল, আজও তেমনি ব্যস্ত ব'লেই মনে হ'ল তাকে। সুরজনের শুধু মনে হ'ল, তার যেন গতি অনেক ম্লান হয়ে গেছে, সেদিন যেন সে ঘুরছিল প্রাণের উচ্ছল আনন্দে, আর আজকে যেন নেহাতই কাজের তাগিদে। অত্যন্ত ভারী মনে সুরজন ভেবে দেখল যে, সেদিন মঞ্জরী ব্যস্ত ছিল নতুন জামগায় সংসার পাতার কাজে, আর আজকে সে ব্যস্ত পাস্তাডি গোটাতে। তার মনটা তার নিজের বিরুদ্ধেই নিদ্রোহ ঘোষণা ক'রে বলল, শুধু তোমার জন্তেই, তা না হ'লে এ গল্পের শেষটা হতে পারত একেবারেই অন্তরকর্ম, নয় কি ? প্রথম দর্শনে তোমার হ'ল বিতৃষ্ণা, কিন্তু কেন ?—তার কোন কারণ ত ভূমি নিজেই খুঁজে পাও নি। নিজের মনের চাঞ্চল্যটা কমানোর জন্তে সুরজন হাতের খবরের কাগজটার

দিকে মন দেওয়ার চেষ্টা করল। হঠাৎ প্রবল বিশ্বয়ে সে আবিষ্কার করল, তার প্রশ্নের উত্তর জ্বলজ্বল করছে রবীন্দ্রসরীস কাগজের প্রথম পৃষ্ঠাতেই। সিকি পাতা জোড়া একটা অতি পরিচিত বিজ্ঞাপন যেন একটি

প্রসিদ্ধ দাঁতের মাজনের, সুন্দরী একটি তরুণীর ছবি, তার সঙ্গে সবাই পরিহার করছে তার মুখের দুর্গন্ধের জন্তে, মেয়েটির চেহারা এমন কি চুল বাধার ভঙ্গিটি পর্যন্ত অবিকল মঞ্জুরীর মতন!

## বিজয়চন্দ্র মজুমদার

শ্রীশ্রীশ্রী দেবী

আমার পিতৃদেব বিজয়চন্দ্র মজুমদারের জন্মশতবার্ষিকী উৎসব গত ১৯৬১ সনের সেপ্টেম্বর মাসে কলকাতা বিশ্ব-বিদ্যালয়ের দ্বারভাগে 'হলে' অনুষ্ঠিত হয়। ছোটখাট আরও ছ'একটি সভাতেও তাঁর সম্বন্ধে বলা হয়েছে। তা ছাড়া কলকাতার প্রায় প্রত্যেক বাংলা, ইংরেজী, ওড়িয়া ও উর্দু মাসিক ও দৈনিকে তাঁর সম্বন্ধে অনেক কিছু আলোচনা হয়েছে। সব সময় চোখে পড়ে নি, তবে অমিত্রসুন্দর ভট্টাচার্য্য ও ডক্টর অরুণকুমার মুখোপাধ্যায়ের গবেষণামূলক রচনা দু'টি বিশেষ উল্লেখযোগ্য। হয়ত আরও উল্লেখযোগ্য লেখা বেরিয়েছে, কিন্তু আমার দেখার সৌভাগ্য হয় নি, কাজেই সেগুলির বিষয় কিছু স্মৃতি পারলাম না। আশা করি সেই সব লেখকেরা ক্ষমা করবেন। জন্মশতবার্ষিকী উৎসবে বিভাস রায়-চৌধুরীর লেখা জীবনীতে বিজয়চন্দ্রের জীবনকথা, তাঁর প্রতিভা, তাঁর রচনাবলী, এ সব সংক্ষেপে সুন্দরভাবে আলোচিত হয়েছে। মাসিক ও দৈনিকের সম্পাদকীয় মন্তব্যগুলিতেও তাঁর ভক্ত পাঠক ও ছাত্রদের হৃদয়ের শ্রদ্ধা ও অহুরাগ প্রকাশ পেয়েছে। এত সব লেখার পর আমার হয়ত কিছু না লিপলেও চলত, কারণ সম্প্রতি 'বিশ্বভারতী' পত্রিকার অহুরোধ এড়াতে না পেরে একটি লেখা দিয়েছি। 'প্রবাসী'র অহুরোধ এড়ানও সহজ নয়, কারণ 'প্রবাসী'র জন্ম থেকে পিতৃদেব তার সঙ্গে যুক্ত। 'প্রবাসী'র প্রতিবার্ষিকী সংখ্যায় এটি দেবার কথা ছিল, কিন্তু নানা কারণে তখন পেরে উঠি নি।

বিজয়চন্দ্র নিজে আত্মপ্রচারবিমুখ ছিলেন, এমন কি তাঁর রচনাবলীর বিজ্ঞাপনও নিজে দিতেন না; তা সত্ত্বেও তাঁর বইগুলি যথেষ্ট সমাদৃত ও প্রচারিত হয়েছিল। তিনি যদি নিজের কথা বলতে ভালবাসতেন তা হলে

তাঁর বাল্য-যৌবনের কত মধুময় স্মৃতি আমাদের কাছে সঞ্চিত থাকত। নাতি-নাতনীরা খাতা-পেনসিল নিয়ে হয়ত কাছে বসেছে, প্রশ্ন করছে, "দাদা, বল না তুমি ছেলেবেলায় কি করতে, বড় হবার সঙ্গে সঙ্গে কেমন ভাবে গ'ড়ে উঠলে?" ইত্যাদি। অমনি হেসে বলতেন, "বুঝেছি, তোরা লিখে নিতে চাস। দাদাকে তোরা অমর না ক'রে ছাড়বি না দেখছি।" বাস্—ঐ পর্যন্তই। বন্ধুবান্ধবের কত গল্প বলতেন, কিন্তু নিজের বিষয় নীরব। আমরা যা জেনেছি তা বন্ধুদের, কিংবা বাবার বয়ো-জ্যেষ্ঠদের কাছে শুনে।

১৮৬১ খ্রীষ্টাব্দে বহু প্রতিভাবান্ ব্যক্তি আমাদের দেশে জন্মগ্রহণ করেছিলেন, বাবা তাঁদের অন্যতম। পূর্ববঙ্গে ফরিদপুর জেলায় খালবুলা গ্রামে তাঁর জন্ম হয়। তাঁর পিতা জমিদার হরচন্দ্রের কুলপদবী 'মৈত্র' হলেও তাঁদের একজন পূর্বপুরুষ বাদশাহী আমলে 'মজুমদার' উপাধি পাওয়াতে, বংশানুক্রমে সেইটাই চলে এসেছে।

গ্রামের পাঠশালা ছেড়ে কুমিল্লার স্কুলে পড়ার সময় কবি ও নাট্যকার দ্বিজেন্দ্রলাল রায়ের সঙ্গে তিনি অচ্ছেদ্য সৌহার্দ্যবন্ধনে আবদ্ধ হন। কলকাতায় কলেজ-জীবনে যাদের সঙ্গে তাঁর প্রীতির সম্বন্ধ গ'ড়ে উঠেছিল তার মধ্যে ডাঃ নীলরতন সরকারের কথা বিশেষভাবে উল্লেখযোগ্য। বাবার কঠিন অস্থির একবার ডাঃ নীলরতন সরকার তাঁকে দেখতে এলে, তিনি বলেছিলেন, "এতগুলো সিঁড়ি ভেঙ্গে উপরে কষ্ট ক'রে এলে কেন নীলু।" নীলরতন তৎক্ষণাৎ উত্তর দিলেন, "তোমার বাড়ীর লোকদের জিজ্ঞেস করলে জানতে পারবে একটাও সিঁড়ি ভাঙ্গি নি, সব আন্ত আছে!" শুনে আমরাও হেসে উঠেছিলাম। নীলরতন না জানিয়ে এসে যদি বাবার হাতখানি ধরতেন,

অল্প অবস্থায়ও বাবা ব'লে উঠতেন "এ যে ডাক্তারের হাত। চিনতে আমার দেরি হয় না।" নীলরতনের অল্প কয়েক মাস আগেই বাবা চ'লে যান। সে খবর নীলরতন জানতেন না, কারণ তিনি নিজেই তখন অসুস্থ। সেই অসুস্থের মধ্যেও তিনি ঈশ্বর প্রলাপের ঘোরে ব'লে উঠেছিলেন, "আমরা গান ধরেছি, বিজয় দোহার দাও।"

ছাত্রাবস্থায় কেশবচন্দ্রের ব্যক্তিত্বে আকৃষ্ট হয়ে বাবা ব্রাহ্মসমাজে যোগ দেন। বাড়ীর সঙ্গে এতে স্বভাবতই বিরোধ হয় এবং তখন তাঁকে ছাত্র পড়িয়ে মেসের খরচ চালাতে হত। প্রায় সব ছাত্রেরাই তখন বহু কষ্টে মেসের খরচ চালিয়ে পড়াশুনা করতেন। এখনকার দিনে প্রতি সপ্তাহে ছুবার 'সিনেমা' দেখার যুবক-দলের কাছে একটা গল্প না ব'লে পারলাম না। ডাঃ প্রাণকৃষ্ণ আচার্য্য বাবার সহপাঠী ছিলেন। তাঁকেও অনেক টানা-টানির মধ্যে কলকাতায় থাকার ও পড়ার খরচ চালাতে হত। তিনি নিজে ত মিতব্যয়ী ছিলেনই, বন্ধুদেরও খরচ সম্বন্ধে সংযত রাখতেন। একদিন সন্ধ্যায় মাঠ থেকে অনেকটা হেঁটে মেসে ফিরবার পথে দেখলেন, একজন ফুলওয়াল চাঁপাফুল বিক্রি করতে করতে যাচ্ছে, আর এক পয়সায় একটা গুচ্ছ দিচ্ছে। বাবা তখন একটি পয়সা দিয়ে কিনতে যাচ্ছিলেন, কিন্তু প্রাণকৃষ্ণ বাবু বাবার হাত ধরে গেনে বললেন, "তুমি বড় খরচে হে বিজয়। ফুলের গন্ধ গুঁকতে ভাল লাগছে ত এস আমরা এক কাজ করি। ফুলওয়াল যে পথ দিয়ে যাবে, আমরাও যতক্ষণ পারি ওর পিছন পিছন যাব, আর সুগন্ধ উপভোগ করব। কিনবার কি দরকার?" এই ব'লে দলস্বত্ব ফুলের গন্ধ গুঁকতে গুঁকতে আরও অনেক দূর হাঁটলেন! বাবার কষ্টার্জিত টাকার একটি পয়সা বাঁচল!

বি-এ পাশ ক'রে নিজের জীবিকার্জনের জন্তু বাবা ছুর্গম ওড়িয়ার বামড়া রাজ্যে কাজ নিয়ে যান। এই সময় কটকে গুরুকবি মধুসূদন রাও-এর সঙ্গে তাঁর আলাপ হয় ও পরে মধুসূদনের জ্যেষ্ঠা কন্যা বাসন্তী দেবীর সঙ্গে তাঁর বিবাহ হয়। চোদ্দ বছর বয়সেই বাসন্তী দেবী পিতৃগৃহে খুব ভালভাবে সংস্কৃত সাহিত্য পড়েছিলেন—যার জন্তু ডাঃ নীলরতন সরকার ঠাট্টা ক'রে বলতেন, "বিজয়ের বৌ সংস্কৃত পণ্ডিত হ'ল, আমরা ত কথা বলতেই সাহস পাব না।"

কিছুদিন সরকারী জেলা-স্কুলে প্রধান শিক্ষকের কাজ ক'রে বাবা ওকালতি পাশ করেন ও সম্বলপুরে ওকালতি আরম্ভ করেন। সে সময় ওড়িয়ার কয়েকটি মিত্ররাজ্যেরও

আইন-পরামর্শদাতা ছিলেন। সেই সব রাজ্যে যাতে প্রজাদের উপর অত্যাচার না হয় এবং তাদের উন্নতি হয় এদিকে তাঁর তীক্ষ্ণ দৃষ্টি ছিল। এই সব রাজ্যের মধ্যে সোনপুরের সঙ্গে তাঁর সম্বন্ধ ছিল অতি নিকট আত্মীয়ের মত। সুখে-দুঃখে তাঁরা সর্বদা বাবার পাশে দাঁড়িয়েছেন। প্রথম চাকুরী-জীবনে বামড়ার যুবরাজের গৃহশিক্ষক ছিলেন, কিন্তু যুবরাজ যখন রাজা হলেন তখন হয়ত ব্রিটিশ সরকারের রাজনৈতিক কোন বাধায় তাঁদের সঙ্গে ঘনিষ্ঠতা কমে যায়। বাবার স্বাধীন মতামত এই সব রাজ্যে প্রভাব বিস্তার করে, এটা ব্রিটিশ সরকার বিশেষ পছন্দ করতেন না। বহুদিন পরে বাবা অল্প হয়েছেন এই খবর পেয়ে যুবক রাজা সচিদানন্দ ত্রিভুবন-দেব আর দূরে থাকতে না পেয়ে চুটে বাবার সঙ্গে দেখা করতে এলেন, আর বাবাকে জড়িয়ে 'গুরু গুরু' বলতে বলতে অশ্রুপাত করতে লাগলেন। তার পর বললেন, "আপনি চিকিৎসার জন্তু ইউরোপে যান, যা খরচ হবে আমি দেব।" কিন্তু বাবা তাঁকে অনেক বুদ্ধিতে নিরস্ত করেন—যে এ অঙ্কড় সারবার নয়।

রবীন্দ্রনাথ, আচার্য্য জগদীশচন্দ্র, আচার্য্য প্রফুল্লচন্দ্র, ব্রজেননাথ, প্রভৃতি সমসাময়িক সব মনীষীদের পত্রাবলী কয়েক বছর আগে 'প্রবাসী'তে প্রকাশিত হয়েছিল। শ্রদ্ধেয় রামানন্দ চট্টোপাধ্যায় বাবাকে যে সব চিঠি লিখতেন তারও কিছু কিছু শাস্তা দেবী তাঁর পিতার জীবনীতে প্রকাশ করেছেন।

বাবা ইংরেজি, বাংলা, সংস্কৃত, পালি, ওড়িয়া, উর্দু প্রভৃতি ভাষা ত জানতেনই, তাছাড়া কোলদের সঙ্গে তাদের মুণ্ডা ভাষায়ও কথাবার্তা বলতে গুনেছি। সংস্কৃত এত ভাল জানতেন যে, তাতেও অনেক মৌলিক কবিতা লিখে গেছেন। তাঁর ২৫।২৬ বছর বয়সে কটকে থাকার সময় সেখানে একজন অল্প মহারাষ্ট্র কবি এসেছিলেন। তাঁর সভায় তাঁর কবিতার পাদপূরণে মুখে মুখে বাবা সংস্কৃত কবিতা রচনা ক'রে সকলকে চমৎকৃত করেন। পরে সেই কবিতা থেকে 'ঈশস্তুতি' নামক কবিতাটি প্রয়াগ থেকে প্রকাশিত 'সারদা' সংস্কৃত পত্রিকায় ছাপা হয় এবং বাবার এত অল্পবয়সে এরকম আশ্চর্য্য সংস্কৃত জ্ঞানের কথা যথেষ্ট প্রসিদ্ধি লাভ করে।

'প্রবাসী'র সঙ্গে বাবার যখন যোগ, তখন বাবা পূর্ণ উত্তমে সাহিত্য, প্রত্নতত্ত্ব, নৃতত্ত্ব, ইতিহাস, ভাষাতত্ত্ব, প্রভৃতি নিয়ে চর্চা করতেন। বাবা নিজে প্রবাসী বাঙালী, তাই 'প্রবাসী' পত্রিকায় মহা উৎসাহে লিখতে আরম্ভ করলেন। রামানন্দবাবু তাঁকে বিভিন্ন বিষয়ে লিখতে



বলেছিলেন ও মন্তব্য করেছিলেন, “আপনার কাছে সবরকম লেখা চাই—কারণ আপনি খুব versatile”। বাবার ‘বনলীলা’ পড়ে রামানন্দবাবু লিখেছিলেন, “বনলীলা ছন্দের মধুর ঝঙ্কারে এবং কবিভে মনোজ্ঞ হইয়াছে। ছন্দের এত বাঁধুনির মধ্যে এতটা কবিভ র রাখা বিশেষ ক্ষমতা ও প্রতিভার পরিচায়ক।” এ প্রবন্ধটিতে বিশেষভাবে ব্যক্তিগত ও পারিবারিক ঘটনা লিখি, তাই বাহুল্যভয়ে বাবার মধুময় ও প্রাণবন্ত কবিতা থেকে কিছু কিছু উদ্ধৃত করার লোভ সংবরণ করছি। পাঠকেরা নিজেরা যদি সেগুলি তাঁর বই থেকে প’ড়ে নেন, তবে নিশ্চয়ই মুগ্ধ হবেন।

কলকাতার কয়েকটি পত্রিকা অভিযোগ করেছিলেন যে, “বিজয়বাবু এখন ‘প্রবাসী’কেই বেশি লেখা দেন।” এই নালিশ শুনে রামানন্দবাবু বলেছিলেন যে, প্রবাসী বাঙালীর রচনার ‘প্রবাসী’রই দাবি আগে। বাবাকে এই সম্বন্ধে তিনি লিখেছিলেন, “বাস্তবিক আমি কলিকাতার ও বঙ্গের অল্প স্থানবাসী অনেক সুলেখককে পত্র লিখিয়া উত্তর পাই নাই। সুতরাং যদি ‘প্রবাসী’ আপনার সমুদয় শ্রেষ্ঠ রচনাগুলি পায়, তাহাতে কিছুই অবিচার হয় না।” তবে একথাও ঠিক যে বাবা বাংলার কোন পত্রিকাকেই বঞ্চিত করেন নি। পুরাণো দিনের ‘দাসী’, ‘নব্যভারত’, ‘বামাবোধিনী’, ‘ভারতী’ এসব ছাড়াও নূতন নানা বিখ্যাত ও অখ্যাত কাগজেও লেখা দিয়েছেন। ‘প্রবাসী’তে নানারকম লেখা দিতে হবে ব’লে প্রবন্ধ ও কবিতা ছাড়া গল্প, উপন্যাস ও নাটিকা পর্যন্ত লিখে দিয়েছেন। তাছাড়া মাসের পর মাস পুস্তক সমালোচনার ভার নিয়েছেন। যে সব ছবি ‘প্রবাসী’তে ছাপা হ’ত তারও কতকগুলির বিষয় নিয়ে কবিতা লিখে দিতেন। এই প্রসঙ্গে একটি মজার ঘটনা না ব’লে পারছি না। আমার তখন ‘প্রবাসী’র লেখা বুঝবার বয়স হয় নি বটে, তবে ছবি সম্বন্ধে শিশুসুলভ ঔৎসুক্য কিছু কম ছিল না। একটি ইউরোপীয় ছবি—(সৈনিক তার প্রিয়তমার কাছে বিদায় নিচ্ছে) হাতে নিয়ে বাবা দেখছেন ও মনে মনে গুণগুণ করছেন—সম্ভবতঃ কবিতাই, এমন সময় আমি হমড়ি খেয়ে ছবির উপর প’ড়ে বললাম, “আমি দেখি, আমি দেখি।” বাবা ছবিটি আমার হাতে দিয়ে বললেন, “সাবধানে দেখ, ওটা ছাপা হবে, যেন ময়লা না হয়।” আমি সাবধানেই দেখছিলাম, কিন্তু বারান্দার চালে কিছুক্ষণ আগে বৃষ্টির যে জলটুকু জমেছিল, তা থেকে হঠাৎ একটি কোঁটা সৈনিক-পত্নীর বাহমূলে পড়ল। বাবা চট ক’রে ক্রমাল দিয়ে মুছে দিলেন বটে,

তবু দাগটি রইল। রামানন্দবাবুকে ব্যাপারটি লিখে দিলেন। ভাবলেন, ছবির রকম হলে বুঝি ঐ দাগটুকু থাকবে না। কিন্তু হয়, সে দাগ চিরস্থায়ী হয়ে রইল—ওধু চিত্রপটে নয়, একটি চঞ্চলা বাসিকার স্মৃতিপটেও! এখনও পুরাণো ‘প্রবাসী’তে সেই ছবিটির গায়ে দাগটুকু লক্ষ্য করলে বোঝা যায়, যদিও তা খুব ক্ষীণ।

১৯০৮ খ্রীষ্টাব্দে ভারতীয় ঐতিহ্য ও ধর্ম সম্বন্ধে বক্তৃতা দেবার জন্ত আমন্ত্রিত হয়ে বাবা লণ্ডনে যান। কিরে এসে ‘প্রবাসী’তে বিলাতের বিষয় একটি লেখা দিয়েছিলেন। ‘প্রবাসী’ সম্পাদক তাঁর মন্তব্যে লিখেছিলেন যে, “বিজয়বাবুর প্রৌঢ় অবস্থার অভিজ্ঞতার মূল্য যথেষ্ট।” বাবা তখন কৃত্রিম কোপ প্রকাশ করে একটি কৌতুকপূর্ণ কবিতা লিখে পাঠান। তার মর্ম এই যে, “প্রৌঢ় নামে আমার কিনা বুড়ো বলে চোখ টেপা!” আর যারা আমার বুড়ো বলেছে—“তাদের যেন নাতির নাতি খেপায় ব’লে বুড়ো হাতী।” ইত্যাদি। সে কবিতাটি রামানন্দবাবুর পরিবারে ও বাইরের পাঠকদের কাছেও খুব প্রিয় হয়েছিল। তখনকার মান অমুযায়ী বাবা প্রৌঢ় হলেও এখনকার দিনে ৪৭ বছরে লোকে যুবাই থাকে।

অল্প হয়ে বাবা ২৮বছর বেঁচেছিলেন। এই সময়ে তিনি বিশ্ববিদ্যালয়ের স্নাতকোত্তর বিভাগে দু’তিনটি বিষয়ে অধ্যাপনা করেছেন ও সঙ্গে সঙ্গে কতগুলি গবেষণামূলক বহুমূল্য পুস্তক প্রকাশ করেছেন। ‘বঙ্গবাণী’ মাসিকের সম্পাদনা করার সময় দেখেছি, প্রত্যেকটি রচনা পড়িয়ে শুনে নিজে বাছাই ক’রে দিয়েছেন। এখনকার মত তিনি বেতনভোগী সম্পাদক ছিলেন না। লেখার জন্তও কখনও কোন কাগজের কাছে মূল্য দাবি করেন নি। তবে অল্প হবার পর একমাত্র ‘প্রবাসী’ সম্পাদকই তাঁর লেখার জন্ত কিছু কিছু পারিশ্রমিক পাঠাতেন। বাবা নিতে অস্বীকৃত হলে রামানন্দবাবু বলেছিলেন, “কৃতজ্ঞতার চিহ্নরূপ এটা আমার দিতে দিন, আমি আপনার লেখার দাম দিচ্ছি একথা ভাববেন না।”

লঘুরচনা, ব্যঙ্গকৌতুক, শিশুসাহিত্য, এ সবেও তিনি সিদ্ধহস্ত ছিলেন। তাঁর সকল ব্যঙ্গ, সকল কৌতুক কি লেখার, কি গল্পের মধ্যে সর্বদা সুরচিহ্ন ছিল। যদিও অপরের রুচির অভাবের প্রতি তাঁর উগ্রাসিক মনোবৃত্তি প্রকাশ পেত না। তাঁর তেজস্বী, বলিষ্ঠ মন অজ্ঞায়কে প্রশ্রয় দিত না বটে, তবে লোকের নিন্দা-অপবাদ প্রচার তাঁর স্বভাববিরুদ্ধ ছিল। বাড়ীর কেউ কারও নিন্দা করতে আরম্ভ করলে ধমক দিয়ে থামিয়ে দিতেন।

বাইরের লোকে তাঁর সামনে অপরের নিন্দা করলে একেবারে চুপ করে যেতেন, নয়ত অন্য প্রসঙ্গ তুলে সে কথা চাপা দিতেন। আমাদের একজন বন্ধু বলেছিলেন, "He is a perfect gentleman".

শিশুর প্রতি তাঁর ভালবাসা বাড়ীর নাতি-নাতনীর উপর অজস্র বর্ণিত হ'ত। বড় নাতনীর সব রচনা তিনি না শুনে তার মন উঠত না। দাদামশায়রা ত নাতি-নাতনীদের ভালবেসেই থাকেন, কিন্তু তারাও তার প্রতিদান দিত প্রাণ ঢেলে। যে কোন সভাসমিতিতে তাঁর নাতি হাত ধরে তাঁকে নিয়ে যেত, নতুন বই বেরুলেই পড়ে শোনাত। যদিও এ সবের জন্ত লোক নিযুক্ত ছিলেন। চোখে না দেখেও বাবা গভীর মনোযোগের সঙ্গে তাদের সব দিকে লক্ষ্য রাখতেন। তিন বছরের মেজ নাতনী কার বাড়ীতে গিয়ে নিজের মনে পিয়ানো বাজিয়ে স্বর তুলেছে। শোনামাত্র তাকে পিয়ানো কিনে দিলেন, ও শিক্ষার ব্যবস্থা করতে বললেন। বুঝেছিলেন, তার মধ্যে সঙ্গীতে অহুরাগ আছে, আর সেটা বিকশিত হওয়া দরকার। ছোট নাতনীর সত্যপ্রিয়তা বড় ভালবাসতেন এবং বাড়ীতে কি কি ঘটছে সে বিবরণ তার কাছে নিতেন। আমাদের বলতেন, "তোমরা ভাব আমার ছশ্চিন্তা হবে, তাই অনেক কথা গোপন রাখ। ওর কাছে শুনে নি তাই। না শুনে মনে মনে যে আরও ছশ্চিন্তা হয় তা তোমরা বোঝ না।"

ছোটদের মনের কথা নিজের মন দিয়ে অহুভব করতেন। একটি ঘটনা বলি। একবার অনেক দূর পথ নৌকায় যাওয়া হচ্ছে। আমার ছ'বছরের ছোট মেয়ে বন্ধ অবস্থায় আড়ষ্ট হয়ে উঠেছে, তার দিদিমাকে বার বার বলেছে, 'আমায় কোলে নিয়ে বেড়াও।' বড়রা সেটা নিছক আবদার ভেবে কান দিচ্ছেন না, কিন্তু বাবার দরদী মন তার ছোট মনের ব্যথাটুকু অহুভব করেছিল। তিনি চড়ায় নৌকা ঠেকাতে বললেন, আর মাকে তখন নেমে নাতনীকে কোলে করে বেড়াতে হ'ল কিছুক্ষণ। তার মনটা ধুশী হয়ে উঠল ও নৌকায় ফিরেই ঘুমিয়ে পড়ল। শুধু নিজের সন্তান-সন্ততিদের জন্ত তিনি ব্যস্ত হতেন তা নয়, সব শিশুরাই তাঁর আদরের ছিল। প্রতিবেশিনী এক মহিলা মাকে বলতেন, "আমার ছেলে ছুটি সুবিধা পেলেই বিজয়বাবুর কাছে ছুটে যায়। কই, আর কারও কাছে ত যেতে চায় না।" আমরা ছেঁচুত-খুডুত ভাইবোনে মিলে অনেকগুলি ছিলাম, বন্ধুবান্ধবেরও অভাব ছিল না। বাবা আমাদের সঙ্গে কত সময় খেলা করতেন, কখনও বা গল্প বলতেন—

যেন আমাদেরই সমবয়সী বন্ধু। কিন্তু তাঁর কাছে বকুনি না খেলেও তাঁর অবাধ্য হওয়া আমাদের কল্পনার অতীত ছিল। বাড়ীতে পোষা পতঙ্গকীরাও তাঁর স্নেহরসে সিক্ত থাকত। পায়রাগুলিকে নাম ধরে ডাকলে উড়ে এসে তাঁর মাথায়, কাঁধে বসত আর তাঁর হাত থেকে পাবার খেত। বাড়ীতে গরু, ছাগল, হরিণ, ময়ূর, খরগোশ, হাঁস, মুরগী, পায়রা, এ সবের অভাব ছিল না। কিন্তু খাঁচায় পাখী পোষা ভালবাসতেন না।

ভয় কাকে বলে তিনি জানতেন না। একবার বর্ষায় সম্বলপুর থেকে নৌকাপথে একটা কাজে তাঁর যাবার কথা। সেদিন পাহাড়ী মহানদীতে বহা এসেছে ছুকুল ছাপিয়ে। সবাই বারণ করছে—"আজ দিনটি বাদ দিয়ে যান।" কিন্তু কথা আছে সেদিন যাবার, তাই তিনি সেই পাথরে জরা বেগবতী নদীর বুকে নৌকা ভাসিয়ে নির্ভয়ে চলে গেলেন। অন্ধ সংস্কার তাঁর কিছুই ছিল না। আমাদের দেশের হাঁচি, টিকটিকি ও নানা বাধা-নিষেধেব কথা উল্লেখ করে তিনি বলতেন—"বাধা পেয়ে ফিরে আসা ত কাপুরুষের কাজ। যত বাধা আসবে সব ডিঙ্গিয়ে যেতে হবে, তবেই ত সাফল্য লাভ হবে।" তাই বুঝি "পথের কাঁটা রক্তমাখা চরণতলে একলা দল বে" গানটি এত ভালবাসতেন।

নিছ কৰ্তব্যে দৃঢ়, নিজের ছুখে অবিচলিত এই মানুষটি ভিতরে ভিতরে এত কোমল ও স্নেহশীল ছিলেন যে, অতের কোন শারীরিক বা মানসিক কষ্টে অধীর হয়ে উঠতেন। অতের অসুখবিসুখে এত উদ্বিগ্ন হতেন যে ভাল করে খাওয়া-দাওয়া করতে পারতেন না। অর্ধচ খুত্যাণয্যায় গুণেও কষ্ট-গল্পগার কথা বলেন নি। যে কাছে এসেছে তার হাতখানি হাসিমুখে স্নেহে টেনে ধরেছেন। বড় নাতনী তাঁর কঠিন অসুখের খবর পেয়ে শিশুপুত্রকে নিয়ে কলকাতায় এসেছিল। বাচ্চাকে তিনি 'বাপু' বলে ডাকতেন। সেও এসেছে শুনে অধীর আগ্রহে বলে উঠলেন, "আনার যে কি আনন্দ হচ্ছে বোঝাতে পারি না। বাপুকে আমার কোলে দে।" সেই বোধ হয় তাঁর শেষ কথা।

তাঁর রচনাবলার সঙ্গে বাঙ্গালী পাঠকের পরিচয় যথেষ্ট আছে মনে হয়। স্কুল-পাঠ্যপুস্তকও তিনি রচনা করেছিলেন, এবং তাঁর বহুল প্রচার হয়েছিল। তাঁর "জীবনবানী" বইখানি বাংলা গল্পসাহিত্যে এক অমূল্য সৃষ্টি। উপন্যাস-প্রাণিত বঙ্গদেশেও বইখানির এত সমাদর হযেছিল যে, অতি অল্প সময়েই প্রথম সংস্করণ শেষ হয়ে যায়। রাধাকান্ত সেন আই. সি. এস. মডার্ন রিভিউ-তে


এই বইটির সমালোচনা ক'রে একটি দীর্ঘ প্রবন্ধ লিখেছিলেন। মূল পালি থেকে অনূদিত তাঁর 'খেরীগাথা'ও অতি অল্প সময়ে বাজারে নিঃশেষ হয়ে যায়। ছুঃখের বিষয় তাঁর বই এখন কিনতে পাওয়া যায় না। বাংলার মফঃস্বল অঞ্চল থেকে কেউ কেউ কলকাতায় এসে অনেক খুঁজেও তাঁর বই পাননি বলে ছুঃখপ্রকাশ করেছেন। বাংলার পুস্তক-প্রকাশকেরা যদি তাঁর কোন কোন বই পুনঃপ্রকাশিত করেন তবে বাঙ্গালী পাঠক 'খাবার তাঁর লেখার পরিচয় পেয়ে বড় হতে পারেন। তাঁর অল্প অবস্থায় লেখা 'হৈয়ালি' ও 'কুচিরা' কাব্যগ্রন্থ দু'টি পড়লে তাঁর অস্তরের প্রশান্তির কথা পাতকেনা মনে উজ্জ্বলভাবে ফুটে ওঠে। কি অসাধারণ ব্যক্তিত্ব তাঁর ছিল, তা যিনিই কাছে এসেছেন তিনিই অশুভব করেছেন। নিজের ব্যক্তিগত অক্ষমতার জন্য একদিনও আক্ষেপ করেননি তাঁর মত অসীল বৈশ্যো সদ সয়ে গেছেন। দৃষ্টির অভাবে একটি দিনও তাঁর খালজে বা নিরানন্দে কাটেনি। বিধাতা তাঁকে অকৃপণ ভাবে দৈহিক সৌন্দর্য্য দিয়েছিলেন, তাঁর মধ্যে বিশেষত্ব ছিল তাঁর চাপ দু'টি। আশ্চর্য্যের বিষয় এই যে, অন্ধ হলেও সে চাপের অপকরণ জ্যোতি স্নান হয়নি। কেউ কাছে এলে অন্ধচোখের দৃষ্টি দিয়ে তাকে যেন স্নেহে আলিঙ্গন করতেন ও মনের আনন্দও চোখে ফুটে উঠত।

আমার মার কথা না বললে বাবার কথাও যেন অসম্পূর্ণ থেকে যায়। তিনি বাবার যা সেবা করেছিলেন, সংসারে তা দুর্লভ। বাবার অন্ধ অবস্থায় মা তাঁর চক্ষু হয়ে সব চালিয়েছেন। একজন মহিলা বলেছিলেন,

"গান্ধারীর কথা বইয়ে পড়েছিলাম, আজ তা প্রত্যক্ষ করলাম।" বাবার স্মৃতিশক্তি এত প্রখর ছিল যে, কোন্ বইয়ের কোন্ পাতায় কি লেখা আছে বলে দিতে পারতেন, কিন্তু ছেলেবেলায় দেখেছি, সংস্কৃত কাব্য আবৃত্তি করতে করতে যদি হঠাৎ কোথাও আটকে যেতেন, মা সঙ্গে সঙ্গে বাকিটুকু বলে দিতেন, তখন মার স্মরণশক্তি দেখে আমরা গর্ভিত হয়ে উঠতাম। বাবার অতিপি-বৎসলতার সাক্ষ্য অনেকেই দেবেন, কিন্তু এটা ঠিক যে মার আত্মরিক যোগ না থাকলে তা কখনই সম্ভব হত না। জ্ঞানে, গুণে, বিদ্যায় মার চেয়ে অনেক শ্রেষ্ঠ হলেও বাবা মাকে কান্দন উপেক্ষা কবেননি, চিরদিন শ্রদ্ধা ক'রে এসেছেন।

শেষদিন সমাস্ত বাবা পারিবারিক অুখশাস্তি উপভোগ করেছেন,—পত্নী, সন্তান, নাতি নাতি, আত্মীয়, বন্ধু, সকলে শ্রদ্ধা, ভালবাসা, প্রীতি দিয়ে তাঁকে ঘিরে রেখেছিলেন। আমার বড় মেয়ে নন্দী বলেছিল—দাদা আমাদের জীবনের সূর্য্য। একপা মন্য। সব অবস্থাতেই তিনি বাণীব প্রাণকেন্দ্র ছিলেন। তাঁর আলোয় আমরা প্রাণ পেয়েছি। বিকশিত মনে পরেছি, এ যে কত বড় সৌভাগ্য তা বলে বোঝান যায় না।

আমি কতটুকুই বা লিখনে পারলাম তাঁর কথা,— কতটুকুই বা প্রকাশ করতে পারলাম সেই বিরাট প্রতিভাবান্ পুরুষের সত্যকে। সবু সন্তানের কর্তব্য হিসাবেই এই অক্ষম লেখাটুকু পাঠক-পাঠিকার চোখের সামনে ধরতে সাহস পাচ্ছি।





# ঐশ্বর্য



## অস্থিরতা ভাল

“ওরে, একটু স্থির হয়ে বোস্” একপা প্রায় সব ছেলেরদেরই কখনো না কখনো অভিভাবকদের কাছ থেকে শুনতে হয়েছে এবং এখনো হয়। তবে কথটাকে সহৃদয়তা বলা যায় কি না সে বিষয়ে যৌরতর নন্দে উপস্থিত হয়েছে। ছেলেরদের যখন মনে মনে শোনা গানের সঙ্গে পা দিয়ে হাল দেয়, নতুন পায়ের আঙ্গুলগুলোকে নাচায়, হাঁটু দোলায়, তখন তাদের মা-বাবারা বিরক্ত হন, কিন্তু চুপচাপ বাস থাকার চেয়ে হাত-পা নিয়ে এক একমুহুরে ছটকট করা অনেক বেশী ভাল।

ইউরোপ-আমেরিকায় বহু গবেষণার ফলে চিকিৎসা-বিজ্ঞানীরা এই সিদ্ধান্তে পৌঁছান যে, একটানা অনেকক্ষণ চুপচাপ বাসে থাকার অভ্যাস যাদের, তাদের দেহের ত্বকের রক্ত সংকেত দানা (Clot) বাধে, শিরাত্ত প্রবাহ হয়, এমন কি, ভয়ংকর প্লামস রোগের মতো পড়বার সম্ভাবনাও তাদের বেশী থাকে।

গত বিশ্বযুদ্ধের সময় লন্ডনের ‘এয়ার রেড স্ট্রিট’র গুলোতে এক বা একাধিক রাত বনের গাছগাছড়ি করে থাকতে হয়েছিল, রক্তবাহী শিরার মধ্যে রক্ত দানা বাসে যাওয়ার রোগ তাদের মধ্যে ছয়গুণ বেড়ে গিয়েছিল। এরাই মেন বা ট্রেন বা মেটর গাড়িতে দাঁড়িয়ে এক ভাবে বাসে থেকে এসেই অনেক বয়স ছাত্ররাও রোগে আক্রান্ত হয়েছেন দেখা গেছে। এমন কি, এক পায়ের উপর আর এক পা রেখে বাসে সিনেমা দেখে আসার ফলে এই রোগ হয়েছে এমন দুঃস্থ বিবরণ নয়।

আপনার পায়ে কি প্রায়ই দাঁড়িয়ে থাকেন? তা যদি হয় • সাবধান হয়ে যান। না হয় একটু হাটু চাটতে মাঝে মাঝে দোলাবেন, গোল্ডেনিয়ার কাছে ছুঁতে পায়ে ছুঁচারবার পাক দেবেন, পায়ের কোন জায়গায় একটানা বেশীক্ষণ চাপ না পড়ে তা দেখতে হবে।

পেকে থেকে এক পাক যাদ যুদ্ধ আসলে পায়ের ত আরো ভাল। আর, ছেলেরদের পূর্ন বেশী ছরছরনা না করলে “ওরে, একটু স্থির হয়ে বোস্” এরকম উপদেশ গুলোর না দিতেই সঙ্গী করা যাবে।

## বাড়ীর কাজে এটম

এরপর বাড়ীর কাজে এটমের ব্যবহার শুরু হবে। এমন দিন আসছে যখন আণবিক শক্তি ব্যবহার করে আপনি মাসিক ১২ টাকা খরচে আপনার বাড়ী গ্রীষ্মকালে ষাট ছাড়া থাকে এবং শীতকালে গরম থাকে তার ব্যবস্থা করতে পারবেন এবং বারোমাস চিকিৎসকগণের যথেষ্ট গরম জলের যোগান পাবেন।

এটা হবে প্রচুর ভবিষ্যত নয়, হয়ঃ আর চার-পাঁচ বৎসরের মধ্যেই ইউরোপ আমেরিকায় গ্যাস হুত্রানির মত আণবিক শক্তিও গৃহীত লোকের অস্তিত্ব আসবে। এই শক্তি পাওয়া যাবে, মোটর গাড়ীর ব্যাটারীর চাপ সংকেতের এক-একটি ব্যাটারী থেকে, যখনই হবে আসলে এটমিক রি-এট্রের এক-একটি মাকিঙ্গু সংস্করণ।

আণবিক শক্তির নামেই মনে অতঙ্ক জাগে, কিন্তু যে উপকরণগুলি থাকলে আণবিক বিস্ফোরণের পারম্পর্য শুরু হতে পারে, তার কোনটাই এই ব্যাটারীগুলোতে থাকবে না।

## অংরেজী হঠাৎ

পৃথিবীর মোট লোকসংখ্যার এক-দশমাংশের মাতৃভাষা ইংরেজী। এক-চতুর্থাংশের সঙ্গে ইংরেজীতে ভাবের আদান-প্রদান চলে।

ব্যবসাবাগিচা, রাজনীতি, বিজ্ঞান এবং অল্প নানাবিধ বিদ্যার চর্চায় ইংরেজী অংকের দিনে পৃথিবীর প্রায় সমস্ত সভ্য দেশে সর্বপ্রথম আন্তর্জাতিক ভাষা হিসাবে সমাদৃত।

সাধারণ বিচারে পৃথিবীর সবচেয়ে বেশী লোক, সংখ্যায় নানাধিক ষাট কোটি জন ভাষায় কথা বলে, কিন্তু এই ভাষার চারটি আঞ্চলিক উপভাষা উক্ত অঞ্চলের লোক ভিন্ন অল্প চীনের কাছেও প্রায় ছুকাণা।

এর পরেই ইংরেজীর স্থান, ইংরেজী ভাষার মাতৃভাষা তাদের সংখ্যা ২৫ কোটি। তারপর ষপাঞ্চ মাস্পেনীয় ১৪ কোটির, রুশীয় ১৩ কোটির, জার্মান দশ কোটির, জাপানী নায়ে নয় কোটির, আরবী ষাট কোটির, বাংলা এবং পাকিস্তান প্রত্যেকটি সংক্ষেপে সাড়ে পাঁচ কোটির, হিন্দী, সংস্কৃত কোটির, ফরাসী এবং হিন্দি প্রত্যেকটি সংক্ষেপে ছয় কোটির এবং ইতালিয় সাড়ে পাঁচ কোটির মাতৃভাষা।

কিন্তু আন্তর্জাতিক ভাষা হিসাবে ইংরেজীর সমকক্ষ এর কোনটিই নয়। তার প্রমাণ পৃথিবীর যত চিঠি লোক দেওয়া হয় তাই বহু কেরা পত্রিকার ঠিকানা লেখা হয় ইংরেজীতে; পৃথিবীর শতকরা ৫ টি রেলওয়ে প্রোগ্রামের ভাষা ইংরেজী, রুশ এবং চীন দেশের অধিকাংশ আন্তর্জাতিক প্রচলিত ভাষা ইংরেজীর মাধ্যমে চলে, এছাড়া পৃথিবীর সমস্ত বিমান চালক, বিমান-বন্দর এবং বৈজ্ঞানিক নিয়ন্ত্রণের ভাষা ইংরেজী। এমন কি নিজ নিজ দেশের মধ্যেও জার্মান ফরাসী বৈমানিকেরা বিমান চালানার কাজে ইংরেজীই অংকাল ব্যবহার করে থাকেন। আন্তর্জাতিক দাড়ার ক্ষেত্রেও ইংরেজী সর্বপ্রথম ও অপরিহার্য।

১৯৫৫ সন বাঙা এ এশিয়া ও আফ্রিকার যে ২৬টি দেশের কনফারেন্স হয়েছিল, তার আন্দোপস্থ সমস্ত কাজ নির্বাহিত হয়েছিল ইংরেজীর মাধ্যমে। এর কিছুকাল পরে মিশর ও হাঙেনেশিয়ান মধ্যে একটি সাংস্কৃতিক চুক্তি হয়, তাতে বলা হয়েছিল, মানসস্থলে চুক্তির সমস্তগুলির ইংরেজী পঠ্যকত প্রামাণ্য বলে গণ্য করতে হবে।

প্রগতিশীল ভাষা ক্রমশঃ সহজ হয় ব্যাকরণের দিক দিয়ে, বানানের দিক দিয়ে। দেখা গেছে এই সব দিক দিয়ে অনগ্রসর জাতিদের ভাষা প্রায়শঃই হয় পূর্ন জটিল। কতকটা এই কারণেও পৃথিবীর অনগ্রসর জাতিদের মধ্যে ইংরেজীর এত আদর। ইংরেজী সহজ ভাষা। খানাতে ইংরেজীকে রাষ্ট্রভাষা বলে ঘোষণা করা হয়েছে এবং প্রাইমারী স্কুল থেকেই মে-দেশের ছেলেরদের ইংরেজী শেখাবার ব্যবস্থা করা হয়েছে। আফ্রিকার পুরুষদের উপজাতিরা আরবী এবং বাণ্টু ভাষার মিশ্রণে উৎপন্ন সোয়াহিলী ভাষা সহস্রাব্দিক বৎসর ধরে ব্যবহার করে আসছিল, তারা সম্প্রতি ভাষার ক্ষেত্রে সোয়াহিলী এবং ইংরেজীকে সমান মর্যাদা দিয়েছে।

নরওয়ে, সুইডেন, ডেনমার্ক, ফিনল্যান্ড, নেদারল্যান্ডস, অস্ট্রিয়া, পোডুগাল, গ্রাস, তুরস্ক এবং জাপানের সমস্ত স্কুল ও কলেজে হয় ইংরেজী অবশ্যই শাস্ত্রীয় ভাষা, নয়ত যেসব ভাষা শেখাবার বৈকল্পিক ব্যবস্থা আছে তাদের



মগে সবচেয়ে বেশী সমাদৃত। পশ্চিম জার্মানীর প্রত্যেকটি স্কুলে ছয় থেকে নয় বৎসর ধরে ইংরেজী শেখাবার ব্যবস্থা আছে। পূর্ব জার্মানীতেও ইংরেজী জনপ্রিয় ভাষা। সোভিয়েট রুশিয়ার অনেক বড় সহরে ইংরেজী একটি অবশ্য-শিক্ষণীয় ভাষা।

আমাদের প্রতিবেশী আফগানিস্তানে কিছুদিন আগে ইংরেজী ভাষা শেখাবার একটি কেন্দ্র খোলা হলে তাতে নাম রেজিস্ট্রি করবার জন্য বরফের ঝড়ের মধ্যে বহু লোক কিউ দিয়ে দাঁড়িয়েছিল।

আর আন্দামানের কুপমণ্ডুরা “অংরেজী হঠাৎ” বলে আওয়াজ তুলছেন। অতি চমৎকার।

স. চ

### ত্রাম্যমাণ গৃহ

নাইজেরিয়ার কাছে কামোতে একটা বিয়ের ঠিকঠাক করা হয়েছে।

কন্যাপণ দিনে হবে একটা গরু, ছোটো ছাগল, চারটি মুরগীর চানা, এবং একপাত ম'চ। কিন্তু কস্তার পিতা মুক্তহস্ত, তিনি বরকস্তারক একটি বাঁধাও দিয়েছেন পক্ষণে।



ত্রাম্যমাণ গৃহ

বাড়ীটিতে বেশ পাকতে ইচ্ছা করে। এটি নাকি বছরের পর বছর আবহাওয়ার উৎপাত সহ্য করবে, আর বাড়ীর অধিবাসীরা বেশ গরমে আর আয়েসে থাকবে এই কড়ারে করা হয়েছে। এটি তিন বৎসর ধরে কস্তার গ্রামে ছিল, কিন্তু এইবারে একে জঙ্গলের কাছে ছেলের গ্রামে স্থানান্তরিত করা হবে।

এটা অবশ্য কিছু এমন সমস্যা নয়, কুতগুলি খেছাঃসবক এগিয়ে এসেছে। এরা বেশীর ভাগই কস্তার আত্মীয়। এরা কুঁড়ে ঘরটিকে সবশুদ্ধ কাঁধে তুলে নিয়ে পনেরু মাইল হেঁটে যাবে। নতুন অধিকারীটি বাড়ীর ছাতে দাঁড়িয়ে এই বহনকারীদের পশ ব'লে দেয়, এবং সঙ্গে সঙ্গে চাক বাঁধাতে থাকে বাতে, এরা বাঁধনার তালে তালে চলতে পারে।

এই বহনকারীদের বিগুণভাবে পুরস্কৃত করা হবে—প্রথমে স্বাক্ষর অবসানে এদের বাড়ীতে সদ্য পান করতে দেওয়া হবে। অন্নীকারও করা হবে যে, দম্পতির ছেলেনয়েদের প্রত্যেকের নাম, বহনকারীদের প্রত্যেকের নামানুসারে করা হবে।

অন্য দেশীয়দের চোখে এইরূপ গৃহ স্থানান্তরিত করা অদ্ভুত হ'লেও এই প্রথাটি কিছু অসাধারণ নয়। স্বরণার জল শুকিয়ে গেলে, ধীবরদের ম'চ ধরার অশ্রুবিধা ঘটলে, অপবা শিকারে জঙ্গর অশ্রাব ঘটলে, একটা গ্রামকে গ্রাম এই ভাবে স্থানান্তরিত করা হয়।

### কৃত্রিম উপগ্রহগুলি বাদ দিলে কতগুলি উপগ্রহ সৌর জগতে আছে ?

আমাদের একত্রিশটিকে জানা আছে। সবচেয়ে বড় গ্রহ জুপিটার, ব'রটি চাঁদ হাকে গোল হয়ে গিরে চলেছে। এদের একটি আবার উন্টা পথে ঘোরে। শনি গ্রহের নয়টি উপগ্রহ, চাঁদটান তার মাধ্য অস্ত্রহম। এর আবহাওয়া আছে।

ইউরেনাসের পাঁচটি উপগ্রহ আছে। নেপচুন এবং মঙ্গলগ্রহ প্রত্যেকের দুটো করে এই ত গোল ত্রিশটি উপগ্রহ, কিন্তু একত্রিশ-তমটি কোনটি? কোনটি আবার? সেটি আমাদের চাঁদ।

### সবচেয়ে পুরোন লিখিত ভাষা কোনটি ?

“সুমেরিয়ান” ভাষা। এর ভাষা মেসপটেমিয়ান উপত্যকায় ছ'হাজার বৎসর আগে অ'হ' ম'টির ফনকে লেখা হ'ত।

### নিরাপত্তার ক্ষেত্রে কোনটি বেশী বাঞ্ছনীয়—যুদ্ধক্ষেত্র না রাজপথ ?

যুদ্ধগুলি যুদ্ধে অ'ম'নিক'র যুদ্ধর'য় যোগ দিয়েছে, ত্রিটিশের বিরুদ্ধে বিক্রম প'নে অ'র'য় করে কো'রিয়ান যুদ্ধ পর্যন্ত, তা'ত ১,০৪,৭৭০ ম'খ'র ব্যক্তি ম'না গিয়েছেন। প'নে ম'টার ম'ট' চালানর চেয়ে যুদ্ধক্ষেত্রে যুদ্ধ করা নিরাপদ। কোনন: অ'ম'রক'য় প'য় ১,২৬৫,০০০ ব্যক্তি ম'টার দুর্ঘটনায় প'ণ হ'ারিয়েছেন। যদিও যুদ্ধবিগ্রহ থেকে ম'টার গাড়ী অনেক বেশী অ'ধুনিক।


### বন্দী অবস্থায় জলহস্তী কি খায় ?

সং কিছু খায়। “বঙ্গো” বলে একটি আফ্রিকান জনহস্তী ওয়াশিংটনের চিড়িয়াখানাতে ১২ বৎসর থাকবার পর যখন ম'রা গেল তখন তার পেটের ভিতর থেকে পাওয়া গিয়েছিল, একটি “প'কটবুক” “লিপস্টিক”, একটি ২৫ ক্যালিবারের বন্দুকের গুলী, পোরেক, বলটু, সেলেব খেলস, তার, টামের টিকিট, ২'৫০ ডলারের ধাতব মুদ্রা, এবং কিছু পাপর। “বঙ্গো” পায়ের দৃষ্টি বা হয়ে ম'রা গিয়েছিল।

শ্মি

### কলের রেশুরা

উপায় যে রেশুরা ছবি দেখেছেন, তা'ত খ'বার পরিবেশন করবার লোক নেই, পাণ্ডা খ'বার গরম করে এনে দেবার লোক নেই, খাবারের নাম নেবার এবং টাকার ভাণ্ডানি দেবার লোক নেই। রেশুরার এই সমস্ত কাজ যেসব কলের সাহায্যে চলে, সেই কল চালানার জন্যেও কেউ সেখানে বসে থাকে না। যদি নিউ ইয়র্কে কখনও আপনি যান, আর এই রেশুরাটিতে খেতে চো'কেন, কাউকে কো'পাও না; দেখে ডাকাডাকি ক'রে বেন ক'রে আসবেন না।



কলের রেস্তোরাঁ

সার সার কলের গায়ে নানারকম খাদ্য ও পানীয়ের নাম ও দাম লেখা আছে দেখবেন। কলের ছাঁদায় ঠিক দামটি লিখে দিলেই যা চান তা বেরিয়ে আসবে। এটা খাবার যদি গরম করবে চান, একজায়গায় মেসারের গায়ে একটি বোতাম টিপলেই একটি 'ইলেকট্রনিক' তন্দুর উলুন চলে আসবে আপনার হাতের গোড়ায়। এর জ্বলে আপনাকে শয়সা দিতে হবে না। তন্দুরের মধ্যে পানীয়ের পেটটি চালিয়ে দিন, অর্ধ মিনিট থেকে এক মিনিটের মধ্যে 'রাবার' শক্তির সাহায্যে খাবার এ-গরম হবে যে, হাত দিয়ে ছুঁতে পারবেন না। খাবারের মেট্রা কিন্তু সাঁড়াই থাকবে।

কলের ছাঁদায় পাশে মুদ্রা দিয়ে হয় দয়া থাক, আপনার সঙ্গে কেবল নোট আছে, পুচরো নেই। বৃচ পাতা নেই, ঠিক কলটির কাছে গিয়ে তার ছাঁদায় নোট ঢুকিয়ে দিলে বোতাম টিপুন, পাশে মুদ্রায় ঠিক হিসাব মত সাদানি বেরিয়ে আসবে।

আমাদের দেশে এইরকম কলের রেস্তোরাঁ যদি কেউ খোলেন, কিছুদিনের মধ্যেই তাঁকে ব্যবসা ছুটিয়ে ফেলতে হবে পাবেন। কলকাতায় এককালে বেশ কতগুলি পাবলিক টেলিফোন বৃপ পোলা হয়েছিল, যার কলের ছাঁদায় দু-আনি ভাঁজে দিয়ে টেলিফোন করা চলত। কিছুদিন পর দেখা গেল অচল অনেক দু-আনি ছাড়া আর কিছুই প্রায় কলগুলির গোক পাওয়া যাচ্ছে না। কলে বৃপগুলির সব কটিই বোম্বয় উঠে গিয়েছে।

### টাদে পৌঁছতে তার দেবী নেই

নাসা নামটির ব্যবহার আমরা অসংখ্য প্রবাসীর পঞ্চশত বিভাগে করেছি, অতঃপর আরও কবর, সে কারণ বলে রাখা ভাল যে, নাসা নামে হচ্ছে NASA অর্থাৎ আমেরিকার National Aeronautics and Space Administration.

নাসা আশা করছেন, পৃথক ভবিষ্যতে তাঁরা একটি অতিকায় রকেটের

সাধ্যায়ে তিনজন মহাকাশচারীকে আড়াই দিন তাতে পৌঁছে দিতে পারবেন।

মহাকাশচারীর উপযোগী যে পোশাক তাঁরা পাবেন থাকবেন তার সাধ্যায়ে কিছুদিনের চার-পাঁচ তাঁরা চন্দ্রলোক অবস্থান করতে পারবেন। তারই মধ্যে হালকা সস্তা পর্দা-জপ সমাপ্ত করে আবার আড়াই দিনের পথ অতিক্রম করে তাঁদের পৃথিবীতে ফিরে আসতে হবে। অর্থাৎ নাসা আশা করছেন যে, কমপক্ষে পথের একটি অর্ধমানে যাত্রা-সাপা বাসবে এবং চন্দ্রলোকে যাত্রীদের আস্থানের সময়ও দায়বদ্ধ হবে।


এই সংরক্ষক কাঁরা পরিণত করতে হবে রকমের এবং কত অসংখ্য চন্দ্রলোকে হিসাবের প্রয়োজন হবে কত রকম অপায়ের চিত্র এবং কত সতর্কতা অবলম্বন করতে হবে তাঁর বোধশক্তি আভিমানী করার সাধ্য অসম্পন্ন নেই।

যে যে বিষয়ে সতর্কতা অবলম্বন করতে হবে তার কয়েকটির কথা কেবল বলি।

তাঁদের সকলপ্রকৃ পায় পায়ের গুঁড়োর চ'কা। এই গুঁড়োর আস্তরণ কাপাও কয়েক ইঞ্চি কোথাও বা কয়েক শ' ফুট গভীর। ধুলোর আস্তরণ যেখানে বেশী গভীর যাত্রীবাহী মহাকাশ-যান সেরকম কোন জায়গায় অবতরণ করলে যাত্রীসহ তার সমাধি হয়ে যাবার সম্ভাবনা।

চন্দ্রলোকে বাতাস নেই, তাই 'বোম্ব' নাহল বেগে যে মহাকাশ-যান চন্দ্রলোকে এসে পৌঁছবে, তার থেকে প্যারাসুট নিয়ে লাফিয়ে নেমে লাগ ব'চবার কোন উপায় থাকবে না। তাই তাঁদের কাছাকাছি পৌঁছে বিপরীত দিকের বকেট কতগুলো এমন সূক্ষ্ম হিসাব অনুযায়ী 'কাটার' করতে হবে, যাতে যানটি পূর্ণ আশ্রয়ে তাঁদের উপর নামে, ফিরে আবার পৃথিবীর দিকই না চুটেই শুরু করে।

মহাকাশের পথ অসংখ্য ছোট ছোট উৎপাদিত বিকার্ণ। এদের সঙ্গে সজ্ঞাতে মহাকাশযানের দেহ বিদীর্ণ হয়ে যেতে পারে। তা যাতে না হয় সে ব্যবস্থাও চাই।




মহাকাশযান কক্ষীয় পথে অতিক্রম করছে।

'রেডিও-একটিভিটি' কণটির বাণী জ্ঞান না, মারা আমাদের শিক্ষা-স্থায়সর্পে ইংরেজি বর্ণ নর পক্ষপাতী, তাঁর হস্ত জ্ঞানেন। কিয় বাণী শব্দ যেটা তাঁরা বলবেন, তাতে জিনিগটা সম্বন্ধে আমাদের জ্ঞান কু মাত্র বাড়বে বনে মনে করি না। যত হোক, জিনিগটার স্বভাব মনঃ। মুক্ত অ কাশ এই জিনিগটার প্রস্তাব অত্যন্ত বেশী। বিশেষ র, ২২'২ সৌরশিখার উৎসারে এদের দৌরাহ্মা শীঘ্ররকম বেড়ে য়। সুরকম কি; ধলে, চল্লোকযাত্রীদের পৃথপ্রদশন করে যারর লে ঘরে ফিরে আসা ছ'ড়া কান উপায় থাকবে না!

এ সময় সবেষে অধিক জেসু ই গয়েব বলছেন, ১৯১৭ বা ১৯১৮ নর মধ্য পৃথিবীর মানুষ চল্লোককে পদাঙ্গণ করবে।

**কাটা-খাল-বিহার**

— স্রো, ম রঙ্গা, দামোদর, ভাঙ্গা-নঙ্গাল, কত মলা কত পারকচনাঃ গাল ত কাটা : ল এ দেশে, তাঁর দকটিতেই অ'জ অবধি একটিও হাতাবাহী নৌকা চল ছ বলে আমাদের জ্ঞান। নহে কৃত্রিম কল্যাণ



কাটা-খাল বিহার

অকৃষি সরকারী চাঁ,রেরা সৌচর-নে করে হুদ পরিদর্শন করেন। নৌকা-বিহার সেটাকে বলা যায় না।

ইংলণ্ডের কাটা খালগুলিতে বেসরকারী লোকদের জন্তেও কিন্তু

মত্ঠিকারের নৌকা-বিহারের ব্যবস্থা আছে। যে সব নৌকার তাঁরা চড়তে পান, তাঁর একটির ছবি এহসঙ্গে দেওয়া হ'ল। এটিকে একট শাসমান হোটেলও বলা চলে। সোলজন য'টার স্নানাগার, খেলাধুলা এবং নিত্রার ব্যবস্থা এতে আছে।

**কাজ নিয়ে থাকুন**

সাম্প্রতিক কালের বৈজ্ঞানিকদের মতে কর্ম্মগত মানুষদের স্বাস্থ্য অনেক বেশী ভাল থাকে, নিদ্রাস্রীদের তুলনায়। মনস্তত্ত্ববিদরা বলছেন, মানুষের কাজ কম, অবসর বেশী, তাঁরা দ্রুত অমনতির দিকে এগিয়ে যান, মনের দিক দিয়ে এবং শারীরিক স্বাস্থ্যের দিক দিয়েও। ব্যাধির আক্রমণ প্রতিরোধ করার ক্ষমতা তাঁদের কমে যায়, এবং যদি বা তাঁরা বাস্তবিক রোগগ্রস্ত হয়ে নাও পড়েন, নিঃস্রদের নানাঙ্গকারের রোগগ্রস্ত বলে তাঁরা কল্পনা করেন এবং এই সমস্ত কাঙ্ক্ষনিক ব্যাধির ছুভোগগুলি বাস্তবের ক্ষয়ক্ষতি মনে রাখতে হবে।

**ডোডোরা বন**

ডোডোরা বনে একরকম পাখী ছিল, এটা তাঁরা এখন একেবারে কা মপ্রাপ্ত হয়েছে তা অন্যকই জানেন বোধহয়। এরা নিজেদের বৈশিষ্ট্য রক্ষা করতে গিয়েই মারা গেল বলা যেতে পারে। ডোডোরা পাখিরদের জ'প্রভাভ, এরা মরিশিয়াস দীপে বাস করত। অন্য কোনো জীবের সঙ্গে এদের সম্পর্ক ছিল না। এখানে শিকারী জন্তু কোনোরকম ছিল না, কাজেই ডোডোদের প্রাণ বাচানোর জন্তে উড়ে পালাতো হ'ল না। অ'গ্রামে বাস করতে করতে এরা খুব বড় আর মোটা হয়ে গড়ল, এবং উড়ে একেবারে ভুলেই গেল। ২১'২ দীপের অবস্থার পরিবর্তন ঘটল। একদল নাবিক এসে অবতীর্ণ হ'ল দীপে, পাখিরের পেঁজো। তাঁরা দেখল এ পাখীগুলো উড়ে পালাতো জানে না। দাঁড়িয়ে দাঁড়িয়ে মা লাটির বায়ে মারা পড়ল। এহ ভাবে শেষ হয়ে গেল ডোডো পাখীর বাণী।

**আমেরিকা**

পাচ বছরের হিসাব নিয়ে দেখা গেছে যে, যত বাত্রী যুরোপ থেকে উত্তর আমেরিকায় গেছেন, তাঁর মধ্যে বেশীর ভাগ গিয়েছেন এরায়ো-গেনে। ১৯৩০ খ্রীষ্টাব্দে জাহাজে করে গিয়েছেন ৮৬৬৫০০ আর শূন্তে উড়ে পার হয়েছেন ১৯৩৮০০০ জন।

শ্যামদেশের যাযাবর

শ্যামদেশবাসী একদল যাযাবর মানুষের সামনে এক নূতন বিপদ উপস্থিত হয়েছে। তিন হাজার বছর ধরে এই মানুষগুলি দুর্ভিক্ষ, বন্যা, বিক্রোহ প্রভৃতিতে উৎপীড়িত হয়েছে। বর্কর, প্রতিবাসীরাও। এদের উপর উৎপাত করতে ছাড়ে নি



শ্যামদেশের যাযাবর

এবা অসংখ্য চীনদেশে বাসিন্দা, এদের বলা হয় "মিয়ংগু"। গ্রীষ্মের শুরুতে এক হাজার মনর আগে এর জন্মভূমি থেকে বিতাড়িত হয় অনেকগুলি যুদ্ধনিরত জাতির দ্বারা।

দুসারা বারংবার তাদের উপর আক্রমণ চালাতে থাকে। প্রকৃতি-দেবীও সন্দেহ ছিলেন না। তদুপর, বস্ত্রবৎসর ধরে তাদের অনাবৃষ্টি আর দুর্ভিক্ষে পীড়িত হাঃ হয়েছিল। অংশেয়ে তারা শ্যামদেশের উত্তরভাগে এসে বসবাস করতে লাগল।

এখানে তারা আঁকি গাছের চাষ করত। এতে তাদের খুব বড়লাক হয়ে উঠতে দেখা গেল না, তবু খাওয়াপরা কোনে'মতে চলে যেত। আঁকি'ক'র শ্যামদেশের শাদকরা তাদের কে'নোরক'ম নিরুৎসাহিত করতেন না।

কিন্তু এখনকার পাহল্যা'ঙের শাদকরা এই আঁকি-এর ব্যবসা বন্ধ করতে চেষ্টা করছেন। মিয়ংগুদের সামনে এখন দু'টি পথ খোলা আছে। হয় তাদের চিরঅভ্যস্ত ক'জক'ম সব ত্যাগ করে জনসাধারণের মধ্যে মিশে যাওয়া, অ'র না হয় এ দেশ ছেড়ে চল যাওয়া এ'ব' অল্প কে'নো ভূখণ্ডে গিয়ে বাসা বাঁধা ও নিজেদের চিরার্চরিত প্রণায় আবার চলাতে থাকা। দ্বিতীয়টিতে তাদের স্বাধীনতা বজায় থাকবে।

তারা যে পরামর্শ কুঁড়ে খার ব'স করে তা অতি সহজেই তৈরি করা যায় মিয়ংগু জাতি নিজেদের স্বাধীনতাকে এত বেশী মূল্য দেয় যে, অদূর ভবিষ্যতে দেখা যাবে যে, তারা নূতন দেশে গিয়ে জুটেছে। তা হ'লে বোঝা যাবে যে ভাগ্যবিধাতার হাতের আর একটা মার খেয়ে তারা সামলে উঠল।

টিউনিসীয় মরাই

পৃথিবীতে মানুষের সংখ্যা ত ক্রমেই বাড়েছে অপচ খাদ্য ত এই বৃদ্ধির সঙ্গে সামঞ্জস্য রেখে বাড়েছে না? কাজেই খাদ্যসম্পদের বৃদ্ধি করা এবং শস্যাদি ভালভাবে জমিজে রাখা এখন একটা খুব দরকারী ব্যাপার হয়ে উঠেছে।



টিউনিসীয় মরাই

কৃষকরা দেশে এসেবের ভাল ব্যবস্থাই আছে, কাজেই সমস্যার সমাধান হ'তে দেয় হয় না, কিন্তু অনেক মানুষ এখনও আছে যাদের আদিম অবস্থা থেকে খুব বেশী কিছু উন্নতি হয় নি। এদের পক্ষে এই সবেব ব্যবস্থা করা খুব কঠিনই আছে।

এই শস্য পুঁজি করে রাখার ব্যবস্থাটা টিউনিসীয়রা মেডেনিন প্রদেশের গুহাবাসী আরবরা বেশ নতুনভাবে করে। তারা একটি বিশাল মরাই তৈরি করে ডালপালা দিয়ে বুনেন। তার গড়নটা হয় খানিকটা ফুলদানি ধরণের, হলের দিকটা চাপটা। শীতকালে তাদের সনাজের সকলের গুহা যে শস্য দরকার তা এই মরাইতে জম্বানো থাকে।

এই মানুষগুলি দরিদ্র, কাজেই শস্য তাদের কাছে বহুমূল্য। দৈনিক যতখানি শস্য বার করা হয় তা একজন প্রৌঢ়বয়স্ক মাতব্বর ব্যক্তি দাঁড়িয়ে ওজন করান, পাছে অপচয় হয়।

তারা বলে, আজ না-হয় একটু কম করেই গেলে, সেটা ভবিষ্যতে একবারে উপোস করা যদি নিবারণ করে ত তাতে ক্ষতি কি?

অবশ্য এটি ছাড়াও প্রত্যেক পরিবারের খাদ্যের পুঁজি কিছু কিছু থাকে, নিজের নিজের গুহাতে। কিন্তু এরা সমবেতভাবে পেটে কসল হোলো, কাজেই শস্যটার উপর সকলেরই অধিকার থাকে, এ'ব' সবাইকার মত নিরেই এর ভাগ বাঁটোরারা হয়।



## অমরত্ব

শ্রীশুধীরকুমার চৌধুরী

মাঠের ওপরে ঐ যে গাছটা,  
কি গাছ জানিনে,  
ওটা যেন ঠিক গাছ নয়,  
যেন একটু আলাদা।

একদিন ওর পাশ দিয়ে যেতে  
হঠাৎ আমার গায়ে কাঁটা দিল।  
ওর ডাল থেকে কঁাস প'রে কেউ  
ঝুলেছে ব'লে ত কখনো শুনিনি,  
তবুও কেন যে গায়ে কাঁটা দিল।

আরো একদিন গায়ে কাঁটা দিল।  
সেদিন গাছটা ডাকল আমাকে।  
কেন মনে হ'ল ডাকল গাছটা  
তা শুধু জানিনে।

ডাকতে যে পারে, কথা সে বলবে,  
এই কথা ভেবে গায়ে কাঁটা দিল।

তারপর থেকে কতবার গেছি  
গাছটির কাছে। আমার মধ্যে  
একটি মানুষ আছে যার কোনো  
ভাষা নেই, যাকে আমার নিজেরই  
ভাষা কোনোদিন বোঝাতে পারিনি,  
তার কান দিয়ে শুনতে চেয়েছি  
ভাষাহীন ঐ গাছটির ভাষা।  
পাইনি শুনতে।

ফুল ফোটাবার, ফল ধরাবার  
পাতা ঝরাবার ভাষায় যে কথা  
বলা যায়, সে ত সকল কালের  
সকল গাছের সচস্বার ক'রে বলা কথা।

একান্ত তার নিজের কথাটি  
বলতে সে ভাষা খুঁজে পাচ্ছে না,  
অথবা বলছে এমন ভাষায়  
যে ভাষার আমি কিছুই জানিনে।

আলোছায়া ভরা এই পৃথিবীর  
স্নেহকোলে দিন কাটল অনেক,  
কানায় কানায় রসে ভরা দিন।  
কোলের দপল ছেড়ে যেতে হবে,  
অনাগত যারা পৃথিবী-মায়ের  
সুশ্রুপিপাসু, তাদের জন্তে।

তারপর কোথা যাব তা জানিনে।

সেখানে কি শুধু আলো আছে ?  
শুধু ছায়া আছে ?  
নাকি আর-কিছু আছে  
আলোও যা নয়, ছায়াও যা নয় ?  
কিছুই জানিনে।

ভাবিনে তা নিয়ে।  
যদি থাকি, জানি, ডানকোল থেকে  
বাম কোলে যাব। ভালই থাকব।  
আজকে আমার মন ভার ভার  
ঐ গাছটার কথা ভেবে। ওর  
আমাকে যে কথা বলবার ছিল,  
সে কথা না শুনে এ পৃথিবী ছেড়ে  
হয়ত আমাকে চ'লে যেতে হবে।  
হয়ত যেখানে যাব সেইখানে  
আর সব আছে,  
গাছ নেই।

মৃত্যুতে তারা মরবে না, এই  
দৃঢ়প্রত্যয় মানুষের মনে।  
গাছটি যখন মরবে তখন  
সে কি হবে তার চরম মৃত্যু ?  
অমৃতপাত্রে অধিকার লভ

মাহুঘেরই, আর কারো নয় ? এই  
গাছটির নাম বিধাতার চোখে  
আমার চেয়ে যে কেন কম  
আর কিসে কম, তাই ভাবছি ।  
তা'ছাড়া ভাবছি,  
গাছটি যে কথা আমাকে বলতে চাইছে,  
অনন্তকাল সেই কথাটিকে তনব না  
আর বুঝব না, এই বিধিলিপি নিয়ে  
এসে থাকি যদি পৃথিবীতে, তবে  
অনন্তকাল ধ'রে হবে সেই গ্রন্থরচনা

বিধাতার হাতে,  
তার সব কটি পাতার পাতায়  
লেখা হয়ে যাবে আমার হাতের  
স্বাক্ষর নিয়ে একটি সাক্ষ্য—  
অমরত্বের  
সীমাহীন নিরর্থকতার ।

ঐ গাছটিও একথাটাই কি  
চাইছে বলতে ?  
কিছুই জানিনে ।

## প্রশ্নোপনিষদ্

### শ্রীপুষ্প দেবী

#### প্রথম প্রশ্ন

ও ভদ্রং কর্ণেভিঃ শূন্যাম দেবা ভদ্রং পশ্চোমাক্শির্ভ্যজত্ৰাঃ ।  
স্বিরৈরগৈস্তুষ্টি বাংসন্তনুভির্ব্যশ্চোম দেবহিতং যদায়ুঃ ॥

দেবগণ মোরা নিত্য হোমের কালে  
কল্যাণময় শব্দ যেন গো শুনি,  
চক্ষুতে মোরা দেখিবারে যেন পাই  
কল্যাণময় তব ওই রূপখানি ।  
স্থির সমাধিতে অঙ্গ হয় গো যেন  
তব স্তব পূজা করি মোরা যে সময়,  
দেবতাগণের হিতকর পরমায়ু  
এই দেহ মাঝে যেন দেবভোগ হয় ॥

বিশ্বরূপং হরিণং জাতবেদসং পরায়ণং জ্যোতিরেকং তপস্বম্ ।  
সহস্ররশ্মিঃ শতপা বর্তমানঃ প্রাণঃ প্রজানামুদয়ত্যেব সূর্য্যঃ ॥৮

সর্ব রূপেতে জ্যোতির্শব্দ সে  
সকল প্রাণীতে মূর্ত্ত জ্ঞান,  
সবের আধার আশ্রয় সেই,  
দীপ্ত সেজন দীপ্তিমান্,  
শতরূপে সেই সবের পরাণ  
সূর্য্য রূপেতে উদিত হন,  
তেজ রূপে তিনি, তাপ রূপে তিনি  
জানে তাহা জ্ঞানী মনীশী জন ।  
আধার কালিমা গাঢ় তমসায়  
যখন যা কিছু আড়াল রয়  
সূর্য্যের সম নিমেষে আলোকি'  
সত্য নিত্য বিরাজময় ॥

অথ উত্তরেণ তপসা ব্রহ্মচর্যেণ শ্রদ্ধয়া বিদ্যায়া আত্মানম্  
অশ্বিভ্য মাচিত্যম্ অভিজয়ন্তে । এতদ্ বৈ প্রাণানাম্  
আয়তনম্ । এতৎ অমৃতম্ অভয়ম্ এতৎ পরায়ণম্ ।  
এতস্মাৎ ন পুনঃ আবর্ত্তন্তে ইতি এষ নিরোধঃ । তদ্  
এমঃ শ্লোকঃ । (১০)

ব্রহ্মচর্য্য পালন করিয়া তপের দ্বারায় প্রাপ্ত হয়,  
আত্মার মাঝে তাঁহারে পাইয়া জীবন যে হয় অমৃতময় ।  
কর্মের মাঝে লভি' সাস্বনা সং করমেতে কাটায় যেই,  
চন্দ্রলোকেতে সুগ লভি' পুনঃ এই পৃথিবীতে জনমে সেই ।  
সং করমেতে কাটায়ে জীবন তবুও তাঁরে যে স্মরে না হয়  
চন্দ্রলোকেতে জনম লভিয়া পুনরায় সেই জনম লয় ।  
কিন্তু যেজন কর্ম মাঝেতে সত্য ব্রহ্মে মরণ করে,  
পুনরায় সেই লভে না জনম, মিশে সে ব্রহ্মে মৃত্যু-পরে ।  
এই শ্লোক জেন শাস্ত্রের কথা, বেদের মন্ত্র জানিও এই,  
তাঁরে না ডাকিলে নাই ত মুক্তি, মোক্ষের পথ জানিও সেই

প্রাণস্তদং বশে সর্বং ত্রিদিবে যৎ প্রতিষ্ঠিতম্ ।  
মাতেব পুত্রান্ রক্ষস্ব শ্রীশ্চ প্রজ্ঞাং চ বিধেহি নঃ ॥১৩  
যে প্রাণ মর্ত্তে আর যা স্বর্গে  
সবই তোমার অধীনে রয়,  
তুমিই তাদের যাহাকিছু কর,  
তোমারই আজ্ঞা সকলে বয় ।  
জননী যেমন করেন রক্ষা  
শিশু তনয়েরে বন্ধে ধ'রে,  
তুমিও তেমনি শ্রী ও প্রজ্ঞা  
দাও আমাদের যতন ক'রে ।

## কলকাতায় বৈশাখ

শ্রীহরপ্রসাদ মিত্র

## সর্প

শ্রীশুনীলকুমার নন্দী

শুমোট ছপুৱে, আকাশ যেন কী ঢাকনি  
উচু বাড়িটার পৌঁছে নজর বন্ধ ।  
তবু ডগ্‌মগ্‌ কৃষ্ণচূড়ার পাপড়ি,  
সবুজ বোঁটার ঝরঝর হাওয়া বইছেই ।  
আর, চং চং ট্রামের ঘণ্টা, লোক গিজ্‌গিজ্‌ রাস্তা—  
মধ্যদিনের কাক ডাকে কা কা,  
বাস্‌ গর্জায় গ্রায়ে ।

নজর চলে না, চলে না, চলে না সে দূরে—  
যেখানে ছপুৱ তাপস স্তব্ধ, দৃষ্টি ।  
বেড়াতে করবী ছলছে হাওয়ায়,  
জলে ডুব দেয় পাখিটা,  
গরুর গলায় ঘণ্টা বাজছে,—  
রাখালের বাঁশি মাঠেতে,  
পায়ের-চলা পথ তৃনাত' জিভ  
ডুব দিতে নামে জলেতে ।

যেখানে গেরুয়া মাটির ঢেউয়েতে  
বৈশাখী আলো প্রখর অন্ত দেশে—  
টাপাতে বকুলে, বেলে, মাধবীতে  
কাঁচা আমে, রোদে ঝাউয়ের কান্না মেশে—  
এখানে আকাশ সে আকাশ নয়,  
যদিও সময় কৃষ্ণচূড়ার পাখা—  
চল্‌তি ট্রামের ঝক্‌ ঝক্‌ আর চং চং  
আর উচু দেয়ালের ওপরে হঠাৎ ফাঁকা ।

গলায় পরলো ছেলেটির দেওয়া যে ফুলমালা,  
শয্যায় ভাঙা হলুদ চাঁদের শায়িত আলোয়  
সারা রাত্রির পেষণে সে-মালা সর্প যেন  
মনে হয় তার, পেঁচিয়ে পেঁচিয়ে জড়াল দেহ—  
ভয় শিরশির, জানাজানি হলে নষ্ট কুসুম  
সকলে বলবে, ছুঁড়ে ফেলে দেবে, খ'সে যাবে এই  
দলিত মালার কুসুমের মতো ; চুপ্‌, চুপ্‌, চুপ্‌—  
কি ক'রে জানবে, চিহ্ন কিছুই রাখে নি দেহ ।  
তবু ছম্‌ছম্‌ ছায়া ফেলে এক শৈল-শিখর,  
যার ঢালু খাদে কুল ভেঙেছিলো বস্ত্র জোয়ার—  
মোহনার মুখে তারি ঢেউ বুকে তুলছে ফণা ।  
সাবধান মেয়ে, ওই বিষধর সর্প কখন ছোবল মারে—  
ছেলেটির মৃত মন ফিরে পেতে ভাসাতে না হয়

বেহলা-ভেলা ।

# সুখুয়া-দুখুয়া

শ্রীআভা পাকড়াশী

কি সুখর নাম সুখুয়া আর দুখুয়া। নদীর একপারে সুখুয়া গ্রাম আর একপারে দুখুয়া। আবার নদীর নাম সুখচরিয়া। তার ওপর যে বাঁধ তৈরী হ'ল তার নাম আবার সুখুয়া-দুখুয়া। কিন্তু যাদের নামে নাম তারা কি সত্যিই সুখী হয়েছিল? তারা দু'টি ছিল মাণিকজোড়। একজন সুখীয়া, সে ছেলে। আর মেয়েটার নাম ছিল দুঃখমতীয়া।

বাঁসি থেকে গিয়েছিলাম ববিনা। এখানে আছে মস্তবড় মিলিটারি ছাউনি। আর তারই কল্যাণে ববিনাকে মনে হয় একটি বর্ষিষ্ণু গ্রাম। এখান থেকে আমাদের যাবার কথা ছিল 'মাতাটিনা' ড্যাম দেখতে। কোন কারণে না হয়ে ওঠায় রাগের চোটে বৌদির আমার মাথাটাই চিলে হবার যোগাড়। তাই না দেখে দাদা আমাদের নিয়ে চললেন সুখুয়া-দুখুয়া ড্যাম দেখাতে। নামটা শুনে অবধি ভারী একটা কৌতূহল হচ্ছিল মনের মধ্যে। দেখে সত্যিই চোখ জুড়িয়ে গেল। বাঁধের কোন বিরাট আকার বৈশিষ্ট্য নেই, আছে পারিপার্শ্বিকের প্রাকৃতিক ঐশ্বর্য। পাহাড়িয়া জায়গা। পাহাড়ের ছাউনি-ঘেরা ছোট ছোট দু'খানি শান্ত গ্রাম; মাঝখান দিয়ে বয়ে চলেছে এই নদী। তার ওপর ছোট বাঁধ। বাঁধের তলা দিয়ে আছে আগার-গ্রাউণ্ড টানেল, সেটা রোজ বিকেল পাঁচটার খোলে। সেই সময় এপারের লোক যায় ওপারে আর ওপারের লোক আসে এইপারে। জল বয়ে চলেছে ক্ষেতের দিকে, উর্করা ক'রে তুলছে শুক কঠিন মাটিকে, ফলছে জওয়ার, বাজরা। চাবীরা মনের আনন্দে দু'হাত ভ'রে ফসল নিয়ে ধরে যাচ্ছে। দিনান্তের ছুপ মেটাতে আর লালাজীর কাছে ভিখু মাস্ততে হচ্ছে না। দু'ধারে ক্ষেতের শামলিমা দেখে মনে হ'ল, সুখে-দুঃখে ভালই আছে চাবীরা। তাই কি এর নাম সুখুয়া-দুখুয়া? দাদা বললেন, না, তা নয়। এর পেছনে রয়েছে এক করুণ কাহিনী। এই নামকরণের পেছনে রয়েছে এক রক্তলেখা ইতিহাস।

এপারে থাকত ছেলেটি মানে সুখীয়া আর ওপারে থাকত মেয়েটি দুঃখমতীয়া। ছেলেটি তার গৃহপালিত পশু মানে ছাগল-ভেড়া নিয়ে চরাতে যেত পাহাড়িয়া

ঘাটিতে বাই নদীর পারে। মেয়েটি আসত বাসনের পাঁজা নিয়ে মাজতে বা ঘাগরি-লুগড়ী নিয়ে কাচতে। এরও ভেড়া চরান হ'ত না, ওরও বাসন মাজা হ'ত না। হয়ত সুখীয়া ডাক ছাড়ত, "এ দুখীয়া, রে দুঃখমতীয়া, আরে ইধার চলি আওয়া, কা করতি হো ঘসর, ঘসর?" বাস, হয়ে গেল দুঃখমতীয়ার বাসন মাজা। রইল প'ড়ে সব। ও লগির এক ঠেলায় বাঁশের ভেলা নিয়ে চ'লে এল এপারে। তার পর শুরু হ'ল হটোপাটি কোন একটা ছুতো ধ'রে। হয়ত একজন গিয়ে চ'ড়ে বসল লুকাট গাছে। আর পাকা পাকা লুকাট নিজে খেয়ে কাঁচাগুলো দিল অল্পকে। তাই নিয়ে লেগে গেল ঝগড়া। আবার দুঃখমতীয়া কখন কখন সুখীয়ার ছাগলহানাকে তাড়া করতে শুরু করে, সেগুলো হোটে আর প্রাণপণে চেষ্টায় ব্যা—ব্যা। দুখীয়া ওদের ভেজায় ব্যা—ব্যা। পেছনে ছাগল তাড়ান লাঠিটা নিয়ে তাড়া ক'রে আসে সুখীয়া। এমনি ক'রে কাটে কৈশোর।

কিছু জমি আছে সুখীয়ার বাবার। তারই পেছনে উদয়াস্ত পরিশ্রম ক'রে বছরের সাত মাসের মত পেট ভরাবার জোগাড় করে সে। সুস্থ, সবল, পেশীবহল চেহারা তার। মাথায় মুরেঠা বেঁধে পায় তেলে ভেজান পেরেকের নাল দেওয়া ভারী নাগরাটা পরে; হাতে লাঠি নিয়ে যখন জোর কদমে হাঁটে, তখন মনে হয় হ্যা, বুন্দেলখণ্ডি জোয়ান বটে। সুখীয়ার মা ঠিক এর উন্টে। রোগক্ষমা চেহারা, মোটেই খাটতে পারে না। অথচ সচরাচর তা হয় না। এ দেশের মাটি অকৃপণ হওয়ার আর জলের অভাব থাকায় মেয়েরাও খুব পরিশ্রমী হয়, এমনকি পুরুষদের থেকে বেশী। তবে সুখীয়ার বাপুজীর বরাতটা ভাল নয়, তার কথায় সে বলে, "হামারী তগদিয়ই এইসি, দুবলিপতলি ছলহনীয়া মেরী কিসমত মে রহি ত কা কিয়া যায়? কেঁকে ত সকব নেহি? অব লড়কা বহ লাওব এইসি তদুস্তবালি, যো বহিকো পিটে শকে।" দুখীয়াকে বড় পছন্দ তার। তবে এমন মেয়ে, ওর বাপ পণ নেবে অনেক টাকা। এক ত জওয়ানী ভরি, দুসরি গোরী গোরী।

ওদের কৈশোর পেরিয়ে যৌবন আসে। এখন



জোয়ান ছেলে সুখীয়া বাপের সঙ্গে ক্ষেতের কাজে হাত লাগায়। নদীর ওপারে দুঃখমতীয়ার শিলি লাহেঙ্গা আর লাল দোপাট্টা কখন কখন দেখা গেলেও চকিতে মিলিয়ে যায়। সেও এখন তার মায়ের ভাষায় স্ত্রিয়ানী লড়কি।

সেবার দেশে ভারী অজন্মা পড়েছে। নদী পুকুর সব শুকিয়ে উঠেছে। মানুষ নিজের প্রয়োজনের জল পাচ্ছে না, মাটি ভেজাবে কি দিয়ে। আর মাটি না ভিজলে ফসল ফলবে কোথেকে? এখন আর শেলার দরকার হয় না, হেঁটেই এপারে চলে আসে দুঃখমতীয়া, মাথায় পর পর তিনটে গাগরী বসিয়ে নেয়। লালাজীর বাড়ীতে কুয়ো আছে, তারই জল নিয়ে যাবে। সরম-সরম এখন তফাৎ রেখেছে। কথায় বলে পহলে জান, পিছে মান। সুতরাং এখন জান বাঁচাবার প্রস্তুতাই আগে। গাঁয়ের ছোকরাগুলো সুখীয়াকে দেখলেই হস্তে হয়ে ওঠে যেন। তালি পিটেতে থাকে, শিশ মারতে থাকে, তবে সুখীয়াকে সঙ্গে দেখলেই পালায়। অনেকে আবার ঠাট্টা ক'রে বলে, “আরে সুখীয়া-কি ছলহনীয়া হামে সব ভাবী লাগত্ রে, না ছেড়্, উসে না ছেড়্।” এবার সুখীয়াকে বলে, “কাহেকো দেয় করত্ হো সুখন ভাইয়া? চুড়ি ডাল দে ভাবী-কি হাত, পহনা দে হাতকড়ি।” দুঃখমতীয়াই হেসে মুখ ঘুরিয়ে জবাব দেয়, “আরে মেরে দেবরজী, তেরে আঁখিয়ন নিদ নহি আওত হোই মেরি চিন্তামে, আরে কিস্তে ভাল আদমী সব।”

কিন্তু কুয়োর জলও আর দিতে চায় না লালাজী। সেখানেও টান ধরে। এক-একদিন শুল্ল গাগরী নিয়েই কিরতে হয় সুখীয়াকে। তেমনি রোদ্দুরের তাত হয়েছে। মাটি ফেটে চৌচির হয়ে গেছে। গরম লুয়ে ঝাপটা বইছে। ধুলোর ঝড় উড়ছে মাঠের ওপর দিয়ে। চতুর্দিকে রুক্ষ শুকনো মাটি যেন তৃষ্ণায় চিৎকার করছে, ম্যয় পিয়াসা হ', ম্যয় পিয়াসা হ', পানি দে, মুখে পানি দে।

সেদিন শেষ দানাক'টি রান্না করেছে দুঃখমতীয়ার মা, তার পর খেতে দিতে গিয়ে দেখে, জল নেই গাগরীতে। তামার গাগরী ছিল তিনটে। গত সনের ফসল ভাল হওয়ার কাঙ্ক্ষিকীর মেলা থেকে কিনে এনেছিল। এবার পেট ভরাতে তার দুটোই বাধা পড়েছে লালাজীর গদীতে। বাকি আছে মাত্র একটা। সেটা নিয়েই বেরিয়ে গেল সুখীয়া। সুখীয়াও এসেছে জল নিতে। মাটি ভেতে আঙুন হয়ে আছে, পা রাখবে কার সাধ্য? তব জল চাই, তৃষ্ণার জল। সুখীয়ার ম'র অর। গা

একেবারে আঙুন। আর খালি বলছে—“বড়ি পিয়াস, লগি ছায় বেটা, পানি পিলাই দে, জরাসা পানি। গলা ত ভিজাই দে।” তাই রোজের মাপা জলে আজ আর কুলোর নি।

আগে আগে চলেছে দুঃখমতীয়া, সে জানেও না পেছনে আসছে সুখীয়া। লালাজীর খিড়কির দরজাটা খটখটাতেই লালাজীর সেই পাজী তাড়ি-খাওয়া ছেলেটা এসে দরজা খুলে দিয়ে দরজা আগলে দাঁড়িয়ে একগাল হেসে মুখে একটা শব্দ ক'রে সুখীয়াকে বলল, “আসে আইন ছায় পানি লেনে। বড়ী লচক দিখাওতিন। আরে পানি অভ'ন্তি বহত কিমতি ছায় রাণীজী, সোনেকি তরহ কিমতি। কুছ ভেঁট দে। তব না পানি মিলি?” সুখীয়া তাকে এক ঝটকায় সরিয়ে দিয়ে বলে, ইয়ারকি করবার আর সময় নেই তোয়? বাড়ীতে ভুখা পিয়াসা মা-বাপ ব'সে রয়েছে, দাও পানি দাও। আর আছে ত মাত্র এই গাগরীটা, সেটাও তোয় চাই? কঞ্জুস কহি'কে।

লালাজীর ছেলে এবার চোখ নাচিয়ে বলে, “আরে কওন তুহার গাগরী মাজত্ ছায় রে, ম্যয় তো গোয়ী মাজত্ ছায়, গোয়ী।” ব্যস, কথা আর তার শেষ হ'ল না। সুখীয়া গিয়ে বাঘের মত লাফিয়ে পড়ল তার ঘাড়ে।

এই ঘটনার পর আর জল পায় না সুখীয়া আর সুখীয়া। দুজনেই মা-বাপের অসন্তোষ কুড়ায়। লালাজী ক্ষেপে যাওয়ার এখন আর বাসন রেখেও বাজরা গেঁহ দেবে না তাদের। সে ত গেল, এখন প্রধান সমস্যা হ'ল তৃষ্ণার জল। পানি-কি পিয়াস। কি করা যায়, মহা সমস্যা হ'ল। এদিকে জোয়ান ছেলে সুখীয়া আর স্ত্রিয়ানী মেয়ে সুখীয়া, দুজনে জড়িয়ে গাঁয় বদনামও রটল কম না। সকলে বলে, কেনই বা এদের লগন হচ্ছে না? এদিকে দু'পক্ষেরই এই বিয়েতে মত। আসলে আটকাছিল টাকায়। সুখীয়ার বাপ ভেবেছিল, এই বছর ফসল ভাল হলে সেই টাকায় ঘরে আনবে সুখীয়াকে। আর মওকা বুঝে সুখীয়ার বাবা আরও দাঁও কবছিল।

ককালসার গরু দুটোকে চাল থেকেই খড় টেনে টেনে খাওয়াছিল সুখীয়া। আর সখেদে বলছিল, “আপনে না খায় মিলত্ ছায়, তুখে কা খিলাই বোল্? লে, ছপ্পরই খায় যা।” এমন সময় লাফাতে লাফাতে আসে সুখীয়া। এতটা উচ্ক্ষিত বা আনন্দিত হতে সুখীয়াকে যেন অনেক দিন দেখে নি সুখীয়া। ওয় এই মুহূর্তটা যেন ভুলেই গেছে সুখীয়া। তবু একটু খুশী মনেই মুখ ঘুরিয়ে বলে, “কা ভইল তেরা; ইস্তে নাচ দিখাওত্

হো ?” এবার পাগড়িটা খুলে বাতাস খেতে খেতে সুখীয়া বলে, “আক্কে চল্ মেরে সাথ গাগরীয়া লে কর, দেখ্, তুঝে পানি মিলা দেব্ পানি।” আনন্দে উচ্ছল হয়ে উঠে সুখীয়ার চোখ-মুখ, বলে, “সচ্ ?” “হাঁ রে হাঁ, চল্ জলদি।”

আর দেরি করে না সুখীয়া, গাগরীটা তুলে নিয়ে ছুটেতে থাকে সুখীয়ার পেছনে। পেছনে শুকনো সরু নদী এক দিকে বাক নিয়েছে—সেই বাকের মুখে ভিজে বালু প্রাণপণে খুঁড়তে থাকে সুখীয়া আর হঠাৎ ফোয়ারার মত খানিকটা জল উছলে ওঠে। সেই জল খালার ক’রে ধ’রে তাড়াতাড়ি গাগরীতে ঢালে সুখীয়া। আবার বীরবিক্রমে খুঁড়ে চলে সুখীয়া, আর তার পেশীবহল হাত ছোটো দেখতে দেখতে সুখীয়ার মনে জলের তৃষ্ণা ছাড়াও অল্প যেন কিসের একটা তৃষ্ণা জেগে ওঠে। চোখের দৃষ্টি কেমন যেন বদলে যায় তার। উচ্ছলতার বদলে সে যেন কেমন উদাস হয়ে ভাম মেরে বসে। সুখীয়ার উল্লাস দেখতে থাকে। হঠাৎ চমক ভাগে সুখীয়ার ; নজর পড়ে ওর দিকে, আর ডাকে, ও হুঁ ? “হেই সুখীয়া তেরা কা ভইল ? ইস্তে পানি দেখত্ দেখত্ তেরে জিয়ারা উছলত্ নাহি ? খুশী নাই লাগত্ তেরী ?” এবার ওর চোখের দিকে তাকিয়ে সুখীয়াও কেমন ধমকে যায়। তার পর সব ছেড়ে এসে সুখীয়ার পাশটিতে ব’সে তার হাত ছোটো নিজের হাতে তুলে নিয়ে নীচু গলায় বলে, “কাহেকি দিল উদাস করতি হায় বোল ? অবকি শাওনমে তুঝে ম্যার জরুর অপনা জরু বনাওব্। ইয়ে গোরী গোরী হাথ মে মেহদি-কি রং সে লালি বনাওব, আউর করি কারি চুড়িয়া হাত সুরকে পহনাই দেওব্।” এবার এক ঝটকায় নিজের হাত ছ’খানা ছাড়িয়ে নেয় সুখীয়া। তার স্মরণ মুখে তখন সত্যিই মেহদির ছোপ লেগেছে। মুখে বলে—“ধ্যং, ম্যর উওসব নাই শোচত্ রহিন।” সুখীয়া বলে, “তব বোল্ কা শোচত্ রহিন ?” এবার সুখীয়া বলে, “দেখ্ উস্ রোজ রামুচাচা কহত্ নাই রহন ?”

সুখীয়া বলে, “কা কহত্ রহন ?” এবার সুখীয়া একটু বিরক্তির সুরেই ওকে ভাল ক’রে বোঝাবার জন্ত বলে, আরে সেই যে রামুচাচা যে পজাবের চণ্ডীগড় থেকে এসেছিল, বলছিল নদীকে কি রকম ক’রে বেঁধেছে, তেমনি ক’রে যদি আমাদের এই নদীটা, এই সুখচরিয়াকে বাঁধা যায় তবে কেমন হয় তুই বল্ ? তা হ’লে এই নদীটাতে এত জল হবে যে, জলের তোড়ে ফুলে কেঁপে ছল ছল ক’রে চলবে আর নদীর ছ’ধারে সবুজ হয়ে থাকবে।

কলবে জওয়ার, বাজরা, গের্হ, ছুটা, মাহুবুলো পেট ভরে খেয়ে আরও ভাগড়া হবে। গাই, ভ’য়েস, ভেড়া, বকরা সবাই খেতে পাবে। তা ছাড়া পিয়াস লাগলেই পাওয়া যাবে পানি, লোটা ভ’রে ভ’রে জল খেয়ে তেঁটা মেটাতে পারবে। এই গরমেও এমনি ক’রে বিনা জলে এত তকলিক্ করতে হবে না। কষ্ট পেতে হবে না। একটু-খানি তেঁটার জলের জন্ত লালাজীর গোড় লাগতে হয় না, পায় পড়তে হয় না, ভেবে দেখ্ সুখীয়া কি ভাল হয় তবে। পারিস না তুই এমনি বাঁধ তৈরী করতে ? বাঁধতে পারিস না সুখচরিয়াকে। কথাগুলো বলতে বলতে চোখ ছোটো যেন উদ্বেজনায় ঠিকরে বেরিয়ে আসতে চায় সুখীয়ার। মুখখানা আশায়-আনন্দে যেন চক চক ক’রে উঠে ওর। সুখীয়ার চওড়া বুকখানায় হঠাৎ যেন কেমন মোচড় লাগে। তার শরীরের প্রতিটি পেশীতে যেন কম্পন লাগে, মনে হয় আজই এক্ষুণি সে তার পিয়ারীর, প্রেয়সীর এই ইচ্ছাটি পূর্ণ করে। কিন্তু এ ত আর তার একার পক্ষে সম্ভব নয় ? দেখবে, সে ঐ রামুচাচাকে ধরবে। যদি সরকারকে ব’লে সে-ই এই সুখচরিয়া বাঁধবার ব্যবস্থা ক’রে দেয়, তবে সুখীয়ার এই স্বপ্ন সফল হবে। সত্যি, ওর কথা শুনে শুনে সুখীয়া ঐ শুকনো সুখচরিয়ার বালুর চড়াতেই যেন জলের ঢেউ দেখতে পাচ্ছিল।

বহু-প্রতীক্ষিত শ্রাবণ মাস এসেছে। ধারা-বরিশণে ঠাণ্ডা হয়েছে ধরিত্রী। তিজের পরবে মেতে উঠেছে সারা উত্তর প্রদেশ। এই ছোট ছ’টি গ্রামেও এসেছে পরবের আনন্দ। মেয়েরা খুঁটবাড়ী থেকে বাপের বাড়ী এসেছে। রং-বেরংএ ছোপান কাপড় পরেছে আর সেজেগুজে গাছের ডালে বাঁধা দোলনার ছলছে আর সাঁওনি গাইছে। এমন আনন্দের দিনে দুঃখমতীয়ার আমাদের ভারী দুঃখ, সে বেচারীর হয়েছে ভারী মুশকিল। এমন স্মরণ হরিয়ালি রং শাড়ী বেঁধেছে, লাল রং-এর চোলি পরেছে। চোখে দিয়েছে কাজল, কপালে পরেছে বিন্দি, হাতে দিয়েছে মেহেন্দি, মস্তবড় চোটি বানিয়েছে, চলার ঠমকে তা একবার এদিক্ যাচ্ছে, একবার ওদিক্। পায়ের পায়জনিয়া বাজছে ছম ছম। কিন্তু এত যে সাজ, দেখার কাকে ? সুখচরিয়া আর শুকনো চরা নেই, দরিয়া হয়ে উঠেছে। শুরা নদী ছল ছল করছে। ভেলা ক’রেও পার হওয়া যায় না। চাই নৌকো। এখন নৌকো আছে সেই রহমৎ চাগর। সে আবার এক পরসা নেবে এপারে আনতে, আর এক পরসা নেবে ওপারে নিয়ে যেতে। তাও কি সব সময় খালি পাওয়া

যায় ? নদীর ধারে ধারেই ঘুরে বেড়ায় ছঃখমতীয়া, যদি একবার দেখা যায় সুখীয়াকে। ভাবে, যদি একটা সাকো থাকত তবে একুশি ওপারে গিয়ে দেখে আসত কি করছে সুখীয়া। সেই রামুচাচা বলছিল, পঞ্জাবের শতাব্দু নাকি নদীর ওপর যে বাধ বানিয়েছে সেই বাধের মধ্যে দিয়ে আবার নদীর ওপার থেকে এপারে যাওয়া যায়। সুন্দর ঠাণ্ডিঘর সেটা। কেননা উপর দিয়ে জল পড়ছে অনবরত। সেটা কেমন রাস্তা ভাবতে পারে না ছখীয়া। নীচে জল ওপরে জল, মাঝখান দিয়ে সড়ক; তার মধ্যে আবার বিজলি বাতি জলে! চারদিকে ঘেরা গুফার মত ? নাকি সুড়ং-এর মত রাস্তাটা ? হয় না এমনি একটা বাধ, তাদের এই সুখচরিয়্যার ওপর ? দেবে না সরকার তাদের পানির ব্যবস্থা ক'রে ? পঞ্জাবের মত তাদের দেশও ত রুখাসুখা ? তবে ? না, অমনি হবে না, দেশের ছেলেবুড়ো-জোয়ান সকলে মিলে যদি জিগির তোলে, 'হমারে মাস্তে পুরি হো ! ভুখে পেটমে রোটি দো।' তবে যদি হয়। পারে, এ সুখীয়া পারে। তবে তাকে বলতে হবে, লাগাতে হবে ঐদিকে। গঁওয়ার ত, যেদিকে একবার গৌ ধরবে সেটাকে ক'রে ছাড়বে। এখন পড়েছে ক্ষেতিবারি নিয়ে। জোর ফসল ফলাবে। কেন ? সেটা মনে করতেই মুখটা সলজ্জ হয়ে ওঠে ছঃখমতীয়ার। কি যে তার বাবার গৌ, পুরো একশো এক টাকা নগদ রুপেয়া নেবে তবে লড়কিকে কড়া পহনাতে দেবে। কত তকলিফ্ হচ্ছে সুখীয়াদের। ওর মাতারিটা ম'রে গেছে অজন্মার সময়, ঘরে রুটি পাকাবার পর্য্যন্ত লোক নেই।

এদিকে সুখীয়া ভাবছে। কবে এই ফসল ঘরে উঠবে আর মজাজনের দেনা শোধ হবে, বাকি ফসল বিক্রি ক'রে সে ঘরে আনবে ছখীয়াকে। আর এই ক্ষেতি-বারির কাজ মিটলে রামুচাচাকে ধ'রে সব জেনে নিয়ে ঐ ব্যাপারটার জন্ত উঠে প'ড়ে জান দিয়ে লাগতে হবে। সত্যিই তাহ'লে আর কারুই কোন অভাব থাকে না। শুধু তাই নয়, সবচেয়ে সুখী হবে ছখীয়া। হঠাৎ সেই দিনকার ছবিটা, সেই আশায়, উৎসাহে, উদ্ভেজনায ফেটে-পড়া ছখীয়ার মুখখানা চকিতে মনে প'ড়ে যায় সুখীয়ার।

আজ মাজনি হচ্ছে সুখীয়া আর ছখীয়ার। সামনে আসছে হোরী পরব, তার পর হবে সাদী। আজ পাকি বাত হয়ে গেল। রুপেয়া জমা করেছে সুখীয়ার বাবা, সবটা পারে নি। পঁচাশ রুপেয়া বাকি আছে, সাদীর দিন

পুরো ক'রে দেবে বলেছে। আজ অবশ্য ছখীয়ার বাবা সকলকে লাড্ডু বেঁটেছে। হবু দামাদকে নতুন ধুতি, কুর্ভা আর একজোড়া বেশ ভারী আর মজবুত নাগরা আর পাগড়ি দিয়েছে। পাগড়িটা ছখীয়ার মা নিজে হাতে গুলাবী রং ক'রে তাতে আবার ধসুএর আতর মাখিয়ে অশ্রের কুচি ছিটিয়ে দিয়েছে। ঢোলকের সঙ্গে গানে মেতেছে পাড়া-পড়শীরা।

আর ত এখন সুখীয়ার সঙ্গে দেখা হবে না ছখীয়ার। সেই সাদীর দিন আসবে সুখীয়া এই সব ধুতি কুর্ভা প'রে, মাথায় ঐ মুরেঠা বেঁধে। সেদিনটার কথা মনে পড়তে চোখটা কেমন ঝপালু হয়ে ওঠে ছখীয়ার। তার বচপনের সাথী সুখীয়া আজ কতদূরে রয়েছে, আর যখন-তখন তার কাছে যাবার উপায় নেই। হঠাৎ গলার হাঁসুলিতে হাত লাগে, এটা দিয়েছে সুখীয়ার বাবা। আর এই চাঁদির কবচটা তার বাবা দেবে সুখীয়াকে। কালো তাগায় বেঁধে গলায় পরবে সুখীয়া, তার ভরা গলায় বড় সুন্দর মানাবে।

হোরী উৎসব শুরু হয়েছে। কাণ্ডয়া খেলছে সারা উত্তর প্রদেশ। এদের গাঁয়েও লেগেছে উৎসব। সুখীয়া দিন গুণছে, আর ক'দিন আছে হোরীর, কেননা হোরীর পরই হবে তার সাদী। ছখীয়া তার হবে। তার ছলহন হয়ে ঘরে আসবে।

ছখীয়াও এখন তার বাপের সঙ্গে ক্ষেতের কাজে যায়। সুন্দর স্বাস্থ্য হয়েছে তার। একাই বয়েলগাড়ী চালিয়ে আনে। হবে না কেন, বুদ্ধেলখণ্ড কাঁসির রাণীর দেশ। এখানকার মেয়েরাও হয় সেই রকম শৌৰ্য্য-বীর্য্যময়ী বীরাজনা।

সাদী হয়ে গেল সুখীয়া ছখীয়ার। ছই গাঁয়ের লোকই খুব আনন্দ করল। তবে নই বহু হয়ে ঘুজ্বট প'রে আর বেশী দিন থাকতে পেল না ছখীয়া। কাজের ভার পড়ল। রসুইতে রুটি পাকাল, ক্ষেতে শগুর আর সুখীয়ার জন্ত খানা পৌঁছল। ঝাকড়ায় করে বাজরার রুটি, আচার আর লোটা ভ'রে জল নিয়ে ঝুড়ির মধ্যে বসায় আর সেই ঝুড়ি মাথায় ক'রে চলার তালে লাহেঙ্গা দোলাতে দোলাতে আর পায়ের পায়জনিয়া ছম্ ছম্ করতে করতে ক্ষেতের দিকে রওনা দেয়। ওর আশাপথ চেয়ে ব'সে থাকে বাপ-বেটা। বুড়ো বাপের খাবার আর জল আগে নামিয়ে দেয় ছখীয়া, তার পর গাছের আড়ালে যেখানে সুখীয়া ব'সে আছে সেখানে গিয়ে তাকে খাবার দেয়। গোত্রাসে খায় সুখীয়া আর উবু হয়ে ওর পাশে ব'সে ধুশী ধুশী চোখে ওর খাওয়া দেখে ছখীয়া। তার পর

শুভ্র ঝুড়ি মাথায় ক'রে অস্ত্র আরও মেরেদের সঙ্গে দল বেঁধে গালগল্প করতে করতে ঘোপড়িতে করে ছুখীয়া।

এই সুখের দিন আর বেশী রইল কোথায়? আবার শুরু হ'ল লোকের ঘরে ঘরে হাহাকার। আবার দানা ফুরোল। শুরু হ'ল জলাভাব। এবার ভোটের মরশুম পড়ল। পাঁচ বছর হয়ে গেছে নতুন ক'রে চুনাও হবে। বুন্দেলখণ্ড থেকে দাঁড়াল একজন উকিল, নাম তার বিনায়ক নায়েক। গাঁয় গাঁয় সে বক্তৃতা দিয়ে কিরতে লাগল। তোমাদের সব অভাব মিটিয়ে দেব, চাষের জমি জমি ব্যবস্থা ক'রে দেব, সম্ভার বীজ ফেলার বন্দোবস্ত ক'রে দেব, এই সব নানান হেন করেঙ্গা, তেন করেঙ্গা। ছুখীয়া বলে সুখীয়াকে, “এবকি ইয়ে মওকা না ছোড়্ সুখীয়া, হামারে সুখচরিয়্যা-কো বাঁধাই লে। ঔর তো ইতনে ছুখ সহ্য নাই যাইত্ হ্যায়। অব হম তিন হ্যায়, যব চার হই যাওব তব তো আউর ছুখন্ মরন্ লাগব্।” সুখীয়া ওর হাতটা ধ'রে কাছে টেনে ধনিষ্ঠ হয়ে জিজ্ঞেস করে, “কাছে রে ছুখুয়া! সচ্-মুচ্ অব হাম চার হোই লাগ কা?” ছুখীয়া বলে, “ধ্যেং, পিছেকে বাত কহন লগি তো তু অভ্-ভি পকড় বৈঠত্ হো।”

যাই হোক বহু কষ্টে অনেক পায় ধরাধরি ক'রে শেষ পর্যন্ত সুখীয়া আর ছুখীয়ার চেষ্টায় আর নেতৃত্বে বাঁধের পরিকল্পনা হ'ল। ওদের উৎসাহে খুব শীগ্গির কাজ এগোতে লাগল।

দিনমজুরেরও অভাব হ'ল না। সারা গাঁয়ের মেয়ে-পুরুষ মিলে সমান খাটতে লাগল। সুখীয়া-ছুখীয়া বুঝিয়ে দেওয়ার গাঁয়ের লোকেরাও বুঝেছিল যে, এই সুখচরিয়্যা বাঁধা পড়লেই তাদের পক্ষে বিরাট মঙ্গল হবে। ভবিষ্যতের দিনগুলি হবে সোনায় ভরা। পেটভরা খাবার পেয়ে তাদের বালবাচ্চাদের মুখে হাসি ফুটবে। তাই সকলের সম্মিলিত প্রচেষ্টায় দিনে দিনে বাঁধ গ'ড়ে উঠতে লাগল।

ঘরে আর মন বসে না ছুখীয়ার। তার মন সব সময় প'ড়ে থাকে বাঁধের দিকে। এ যেন তার একটা নেশা। সব-সময় সে ওখানে থাকতে চায়, দেখতে চায় কোথায় কি হচ্ছে, কেমন ক'রে হচ্ছে। কোন কিছুই যেন তার চোখ থেকে এড়িয়ে না যায়। না ছাড়িয়ে যায়। এটা যেন একমাত্র তারই একটা সুন্দর স্বপ্ন, দিনে দিনে তার চোখের উপর সেই স্বপ্ন বাস্তবে রূপ নিয়ে সত্যি হয়ে উঠছে যেন। তাই সে ঘরে যেতে চায় না। যেটুকু সংসারের কাজ না করলে নয়, তাই করে। তাও যেমন-তেমন ক'রে করে। ভুল হয়ে যায় সব কাজে। ঠিকমত হয় না ঘরের কাজ। বিরক্ত হয়

বুড়ো খণ্ডর। আপন মনে গজ গজ ক'রে বলে, “ছুখীয়াকে হালই বদল গইল বা, ইন্তে রূপেয়া ডালকর বহু লাইন হ্যায়, ত উকা জিয়্যাগা ঘরমে নাই বৈঠত্, ঘড়ি ঘড়ি বাহার দৌড়তিন হ্যায় ঘরকি বহু। লৌণ্ডা হমারা এইসি বুড়বক্, না কুহ বোলত না চালত। আউর উকা মরদ না বোলে ত হমারে বাত খোড়েই মানবে করি? খানে বৈঠো ত পানি নাহিনা। পানি হ্যায় তো রোটি নাহিনা। উকার মন বহি দরিয়্যাকি বাস্তে পে লাগিবা।” আবার ছেলের কাছেও সাতখানা ক'রে বৌয়ের নামে লাগায়। বলে, ইঁয়ারে, তুই বৌকে একটু শাসন করিস না, আদর দিয়ে দিয়ে মাথায় তুলছিস, নতুন বৌকে দশটা মরদের মধ্যে কাজ করতে দিয়েছিস। সারাদিন তাদের সঙ্গে কষ্টিনষ্টি করে, তাই ওর ঘরে মন বসে না। চোখ মেলে দেখিস না তুই? তুকু করেছে নাকি তোকে? একেবারে ভেড়ুয়া বানিয়ে দিয়েছে? ছেলেও চোখ গরম ক'রে বলে, বুড়ো হয়ে তোমার ভীমরতি ধরেছে। সে যেখানে থাকে আমিও ত সেখানে থাকি, কই দেখি না ত তাকে কোন মরদের সঙ্গে ঘুমতে? ও সেরকম নয় বাপু। ও ছোট থেকেই আমাকে চেনে। আসলে এইসব ছোট-খোট কাজে ওর মন বসে না। ওর মনটা ঐ আকাশের মত বড়, ও শুধু নিজের ভাল, নিজের আরাম চায় না। বলে, আরাম হারাম হ্যায়। ও চায় সকলের সুখ হোক, সকলের ভাল হোক। সবাই পেটভরা খানা থাক। তাই ত ও দেখে কেমন ক'রে সুখচরিয়্যা বাঁধা পড়ছে। কি ক'রে জলের গতি ঘুরবে আর সেই জল গিয়ে পড়বে কেতির নালায়-নালায়, তার পর ফলবে সোনেকি তরহ, গঁহ, বাজরা, জওয়ার। সকলের দিল ভ'রে যাবে। হড় হড় ক'রে জল বেরুবে ঐ ছোট ছোট গেটের মধ্যে দিয়ে। কেনায় নীল হয়ে থাকবে। কুখা আসুক, শক্ত গরমী গিরুক, তুকোবে না সেই জল। ছাতি ভ'রে জল খেতে পারবে সবাই। পিয়াস বুঝাতে পারবে ঐ জলে গাই, ভ'য়েস, মাহুস, পাখী সবাই, সবাই।

বুড়ো খানিকক্ষণ চুপ ক'রে শুনে এবার এক ধমক দিয়ে বলে, “চুপ যা বুঝু কঁহিকে, তুখে সচ্-মুচ্ কুহ কর দিহিস্ হ্যায় বহুয়া। আরে জওয়ান আরতিয়া কি ঘরমে যব জিয়্যাগা নাই লাগত্ হ্যায়, বে কস্তি অচ্ছি নাই হউতিন্। ইয়ে হাম জানিত্ হ্যায়।” এমন সময় ছুখীয়া আসে দৌড়তে দৌড়তে, বলে, “রে সুখীয়া চন্ রে, জন্দি চল্, বহি সড়কওয়া হোয়ে লাগ্। চার দরিয়্যা ভর যাইহে তকে ইয়ে পার সে হোইপার যায় সক্ত হো, কির ওহি পার সে ইহে পার।” ছুটল ছুজনে। তাদের



বহু-আকাঙ্ক্ষিত সেই আওয়ার-খাউণ্ড টানেল তৈরী হচ্ছে। প'ড়ে রইল বুড়ো। আর ফুঁসতে লাগল মনে মনে। পাড়ার আরও ছ'চার জন বোড়ল এসে বসল মাটির দাওয়ার। উবু হয়ে চটের ওপর গোল হয়ে ব'সে হিলিম ফুঁকতে ফুঁকতে যতটা পারল সুখীয়ার নামে নালিশ করল তাদের কাছে। তারাও সকলে মাথা নেড়ে সায় দিল বুড়োর কথায়। কারণ, উপস্থিত সকলেই এই ব্যাপারে ভুক্তভোগী। তাদেরও বাড়ীর বহু বিটিয়া এমন কি জগুয়া, কিষকীর মায়েরাও মানে বাড়ীর গিন্নীরাও গিয়ে জুটেছে বাঁধের কাজে। ঐ সুখীয়াই ত শুজিয়ে বের করেছে তাদের। ওর জন্মই ত তাদের ঝোপড়িরও এই ছুরবন্দা। শান্তি নেই তাদের ঘরেও। মরদণ্ডলোকে এখন আওরতের মত চৌকাবর্তনও করতে হচ্ছে আবার অন্ন-স্বল্প ক্ষেতিবারিও দেখতে হচ্ছে। জওয়ান মরদরা ত কুলি খাটেছে বাঁধে। যত মরণ হয়েছে এই বুড়ো-বুড়ীরা। কোথায় সারা জীবন মাথার ঘাম পায় ফেলে পাসিনা বহিয়ে ছেলেদের বড় করল, কি না বুড়া-হাপায় সুখে থাকবে, জওয়ান ছেলে ক্ষেতিবারিতে কাজ করবে, আর বহু আসবে, সে ক্রিধের সময় গরম রুটি পাকিয়ে দেবে। কমজোর উমরিয়া খুঁড়কে একটু দিখভাল করবে, তা নয় সবই উন্টোপুরাণ। এমনি ক'রেই বেড়ে চলে অসন্তোষের ধোঁয়া।

মাহুঘ সব সময় কাছেরটা নিয়ে বিচার করে। দূর ভবিষ্যতে কার কি সুখ হবে, হবে কি না হবে সে ত অনিশ্চিত। বর্তমানের অসুবিধেটাই বড় তাদের কাছে। ছোট বাচ্চাগুলো মা পায় না। বুড়ো-বুড়ীরা সময়ে খাবার পায় না। নালিশের পাহাড় জমে ওঠে তাদের মনে।

ওদিকে বাঁধের কাজ পুরোদমে চলেছে। ছোট্ট বাঁধ, কতদিন আর সময় লাগবে। এখন জোর কাজ চলেছে। পাওয়ার হাউস তৈরী হয়ে এল ব'লে। মেয়েরা কাছা দিয়ে রঙিন শাড়ী বা ঘাঘরা প'রে মাথায় কড়া নিয়ে মশলা বইছে। সারি দিয়ে চলেছে গান গাইতে গাইতে। পায় তাদের সের ছ'সের ওজনের ক্লপোর সুরম, কারুর বা একটা পা খালি, অজন্মার সময় পেটে খেতে পা খালি করতে হয়েছে। কারুর বা ছই হাত, ছই পা, সবই খালি। কিন্তু এখন আর এসব দিকে ক্রক্কেপ নেই কারুর, চলেছে সবাই নেশার ধোরে, শেষ করতে হবে বাঁধ।

সেদিন সারাদিন কেঁতে নিড়ানি দিয়েছে বুড়ো, সুখীয়ার বাপুজী। রাতের বাসি-রুটি নিয়ে কেঁতে গিয়ে-

ছিল। এবার ভীষণ ভুখ লেগেছে। পিয়ারের চোটে পলাটা টানছে যেন, মন করছে ঝোপড়িতে কিরেই ছ' তিন লোটা পানি একসঙ্গে গিলে খানিকটা চোখ বুজে আরাম করবে। এখন ত আর বহু ক্ষেতে নাস্তা আনে না? ক্লাস্ত পা-টা কোনরকমে টেনে টেনে সে চলে ঝোপড়ির দিকে। রোদে মাথার অতবড় মুরেঠা ভেতে আশুন হয়ে উঠেছে। মনে হচ্ছে যেন মাথায় একটা আশনের গোল পেরেছে। মুখটি রোদের কাঁখে লাল হয়ে উঠেছে। চোখের ওপর হাত রেখে রাস্তা ঠাহর করতে করতে পথ হাঁটে সে।

ঝোপড়িতে পৌঁছে দেখে তালাবন্ধ, না বহু, না বেটা, কেউ নেই। রাগে ব্রহ্মাণ্ড জ্বলে ওঠে ওর। তবে কি আজ ছুপহরেও বহু ঘরে আসে নি? রুটি পাকায় নি? কিন্তু এই কড়া রোদ আর ধূপে যে তার শরীর কেমন করছে, অন্ততঃ এখন তার একটু ছায়ায় দরকার, যেখানে ব'সে সে মাথার পাগড়িটা ধুলে একটু বাতাস খেতে পারবে। তারই ঘর তারই ঝোপড়ি অথচ দরকারের সময় সেই সে ঘরে ঢুকতে পারছে না, পারছে না নিজের খাটিরায় ওয়ে ক্লাস্ত শরীরটাকে একটু বিশ্রাম দিতে। আজ মনে পড়ে তার সেই ছব্লি পতলি বহু সুখীয়ার মাকে। কখন সে ক্ষেতিবারি ক'রে কিরবে তারই আসরা নিয়ে সে খিড়কিতে চোখ পেতে ব'সে থাকত। কিরে এলেই ঝটপট লোটাভরা পানি আর খানিকটা ভেলি গুড় এনে দিত। তার পর ধীরেস্থে খেতে দিত তাকে। আর আজ যেমন হয়েছে তার বেটা, তেমনি হয়েছে বহু। না আছে কোন আকেল, না আছে কোন শরম বা উমরিয়া লোক বুড়োমাহুঘের ওপর শ্রদ্ধা। না! আজ সে একটা হেস্তনেস্ত করবেই— হয় এসপার, না হয় ওসপার। আচ্ছা বহু এনেছি, চিড়িয়ার মত খালি তার মন প'ড়ে থাকে বাইরে। চুড়েল কহিঁকে।

হঠাৎ ছুটে ছুটে আসে ছুঃখমতীয়া। ওকে দেখেই বলে, "আরে বাপু তু আই গইল। চন্ চন্ অন্দর চন্, বড়ি ধূপ হইল বা।" তাড়াতাড়ি তালা খুলে দেয়। বুড়ো কথাও বলে না, নড়েও না, যেমন বসে ছিল তেমনি ব'সে থাকে পেরার গাছটার নীচে। এই আমরুদ গাছটা পুঁতেছিল ঐ সুখীয়ার মা। এর ছায়াটুকুতেও যেন রয়েছে তার স্পর্শ। এবার ছেলে কিরল। বলে, "ই কা? তু ইহা কাছে বৈঠল বা বাপু; সুখীয়া নাই আওয়া?" তার পর কিরে দেখে ঘর খোলা। ভেতরে গিয়ে একটু কর্কশ স্বরেই সুখীয়াকে বলে, "ওহি টোপিবালে

সাবঠোরে কো সাথ কা বকবকাওত্ রহিন তু? ম্যর ওহি পারসে মাটি চোরত চোরত দেখত্ রহন। জন্দি ঘর নাই আই সকিত্ ছায়? বুড়হোয়া কি তকলিক শুইল।” কোন উত্তর দেয় না ছুখীয়া এই অভিযোগের, সারাদিনের পরিশ্রমে ক্লান্ত মুখটা নিচু ক’রে আঙনের আল ঠেলতে ঠেলতে তাড়াতাড়ি রুটি পাকাতে থাকে।

ছেলে এস, এসেই ঘরে ঢুকে বহর সঙ্গে ফুসুর-ফাসুর ক’রে পেয়ার করতে ব’সে গেল। কেন, বাপটা যে এই রোদে পুড়ে চিমড়ে ম’রে যাচ্ছে, সে কি দেখতে পেল না? শুধু একবার ডেকে হয়ে গেল? আর একবার বলতে পারল না? ভীষণ রেগে গেল বুড়ো। মাথাটা রাগে আর তাতে ঝিম ঝিম করতে থাকে তার। হাতের সেই নিড়ানিটা নিয়েই ভেতরে ঢুকে পাগলের মত ছেলেকে সেই নিড়ানির বাঁট দিয়ে পিটতে শুরু ক’রে দেয়। বলে, “বেইমান, হারামজাদা, বুড়ো বাপ চাহে ধূপ মে মর যাইহে তকো তেরা হ’স নাই হোয়ত্? চায় না রোটি মিলে তকো বহ কো পেয়ার করন লাগি যাওত্? এইসি বেটোয়া হামার না রহে, মর যাইহে সেই ভাল।” এই বুলি মুখে বলছে আর সমানে মারছে। ছেলেও প্রথমটা হতভম্ব হয়ে যায়, বুড়োর গায় শক্তিও ত কম নয়? মারের চোটে নাক দিয়ে তখন তার ভলভল ক’রে রক্ত বেরোচ্ছে। সেও ত ক্লান্ত, সারাদিন মাটি তুলেছে খুঁড়ি শু’রে শু’রে। ওদিকে ছুখীয়া চিৎকার করছে, “আরে বুড়হোয়া ছোড় দে উসে, ছোড় দে, গোড় লাগি তেরি। ও তোহরি বাত বাতাওত্ রহা, তেরে লিয়ে হামে ডাঁটত্ রহা। ছোড় উসে, ছোড়।” বারণ করার আরও রাগ চড়ে বুড়োর। নিড়ানির হাতলটা ভেঙ্গে যেতে সে এবার উহনের মধ্যে থেকে একটা জলস্ত কাঠ বের ক’রে ছেলেকে মারতে যায়। ওদিকে ছেলে সমানে দাঁড়িয়ে মার খাচ্ছে, প্রতিরোধ করছে না, বলছে, “মারু, আউর মারু, অগর তুঝে ইহ্ মে সন্তোষিয়া মিলে ত মুঝে মারই ডাল্ বাপু, তু মারু ডাল্ মুঝে।”

এবার আর ছুখীয়ার সহ হয় না। সে এই অমানুষিক মার আর দেখতে পারছিল না। হঠাৎ এক ঝটকায় সে বুড়োর হাত থেকে জলস্ত চেলা কাঠখানা কেড়ে নিয়ে বেশ ক’রে ষা কতক বসিয়ে দেয় খুত্তরের পিঠে। আলার চোটে চিৎকার ক’রে ওঠে বুড়ো।

আশপাশের ঘরবালেরা মানে পাড়াপড়শীরা উঠোনে জড়ো হয়ে গেছে ততক্ষণে; কেউ ওর পক্ষে, কেউ এর পক্ষে বলছে। যারা আসে নি কেউ বা তাদের খবর দিতে দৌড়েছে। গাঁর এমন এক-আধটা মারামারি লেগেই

থাকে। এটা অবশ্য আরও একটু বেশী চাঞ্চল্যকর। কেননা বউ মেরেছে তার খুত্তরকে। এই বার্তাই রটে গেল ক্রমে ক্রমে যে, ছুখীয়া “ওই সুখীয়া কি বহরা উকা খুত্তরকো লকড়িসে মার দিহিসু।” ওরা অবাক হয়ে বলছে—আঁ! তার পরই দৌড়ছে ছুখীয়া আর সুখীয়ার ঝোপড়ির দিকে। যেন কত বড় একটা মজা হচ্ছে সেখানে।

নাঃ, এখন ধেমেরেই গেছে মারামারিটা। বুড়োটা পিঠের আলার কাংরাচ্ছে। একজন বুড়ো, ঐ রাম-শরণিয়ার চাচা তার পিঠে পুরাণা বিউ ড’লে দিচ্ছে। আর জওয়ান সুখীয়াটা দালানের এক ধারে খুঁটি ধ’রে মাথা হেঁট ক’রে ব’সে আছে। তার সারা গায় কালশিটের দাগ। বাঁদিকের কপালটা ফুলে রয়েছে। আর ঠোঁটটা কেটে গিয়ে ঝুলে পড়েছে। নাকের নীচে চাপ-চাপ রক্ত শুকিয়ে রয়েছে। গাঁওবালেরা সব বলছে, ছিঃ ছিঃ সুখীয়া, তুই কি একটা মরদ না আউরৎ? বহকে কিছু বলিস না কেন? তার এত বড় আঙ্গুঠা কিনা তোর বাপের গায় হাত তোলে? যার জন্ত তুই এই জমিনের স্পর্শ পেলি, ছুনিয়ার আলো দেখলি, যে তোকে ছোটবেলায় কলিজা থেকে নামাত না, বলত, মেরে ববুয়া, মেরে লাল, তেরে বহরা লাওব, বিলকুল রাণী যেইসি। কত টাকা পণ দিয়ে তোর বউ এনে দিল, আর তুই সেই বউয়ের গোলাম হয়ে গেলি? ছিঃ ছিঃ সুখীয়া, তুঝে দেখ্ কর হামে সব শরম লাগত্ ছায়।

ছুখীয়া লজ্জায় মাটির সঙ্গে মিশে, মুখট দিয়ে মুখ ঢেকে চাকু নিয়ে বেয়গন কাটছে, মনে মনে সে একটার পর একটা চিন্তা কাটছে, তাই বেগুনগুলো কাটা হচ্ছে অসমান। কোনটা বড় কোনটা ছোট। কিন্তু সেই বা কি করে? সে যে তার প্রাণের চেয়েও ভালবাসে সুখীয়াকে। যদিও আজ সুখীয়া তাকে সন্দেহ করেছে, ঐ সাহেবটার সঙ্গে জড়িয়ে তাকে গালি বকেছে, তারই ওপর রাগ ক’রে বাপের হাতে এত মার খেয়েছে। না হলে একবার সে রুখে উঠলে বুড়োর সাধ্য ছিল অত মারে? এ তার স্বেচ্ছাকৃত আত্মনিপীড়ন, কিন্তু কি ক’রে সে সহ করে? তাই ত সে মেরে বসল বুড়োকে।

অনবরত গালাগাল আর ধিকার শুনে শুনে এবার যেন কেমন পাগলের মত লাল চোখ দুটো তুলে ছুখীয়ার দিকে তাকায় সুখীয়া। পেটে তার ক্ষিধের আঙন জ্বলে, গা ব্যথায় টাট্টিয়ে রয়েছে, এদিকে মন তার রাগে কালো হয়ে উঠছে। হঠাৎ সে এক ঝটকায় উঠে দাঁড়ায় আর ছুটে গিয়ে ছুখীয়ার হাতের সজ্জি কাটা

চাকুটা কেড়ে নিয়ে সেই ঘোমটা দেওয়া সুখীয়াকে সেই চাকু দিয়ে কোপাতে থাকে আর চিংকার করে বলতে থাকে, “আর দেখো সব, হম মরদ হায় না আউরং ? দেখো বাপু হায় ভেড়ুরা নাই হোইন, দেখো হাম ইসে মারিত্ হায়। বাতাও, ঔর মারে ? ঔর মারে ?”

ওদিকে সুখীয়া আশ্রয় চিংকার করছে। যারা সুখীয়াকে এতক্ষণ তাতাচ্ছিল তারা, আর ওর বুড়ো বাপ কেউ ছাড়াতে পারে না তাকে। রোক চেপে গেছে তার। পাগলের মত চাকু বসিয়ে চলেছে সুখীয়া, হাতে, পিঠে, পায়, কোমরে, পেটে। এবার অজ্ঞান হয়ে পড়ে যায় সুখীয়া। রক্তে ভেসে যাচ্ছে মাটির দাওয়া। এবার জ্ঞান ফেরে সুখীয়ার, হঠাৎ সে খেমে যায়। চিংকার দিয়ে কেঁদে উঠে মুগের ঘোমটা খুলে দেয় সুখীয়ার আর ডাকে বড় কোমল স্বরে, সুখীয়া, রে দুঃখমতীয়া ? আর্ন্তস্বরে বলে, “মরু গই তু ? তুঝে হাম মার ডালিন কেয়া ? আরে দুঃখমতীয়া !” এবার তার রক্তে-ভেজা শরীরটা হুঁহাতে তুলে নিয়ে ছুটে চলে যায় সুখীয়া।

শহরের হাসপাতালে গরুর গাড়ী করে পৌঁছতে পৌঁছতে গাড়ীর মধ্যেই সুখীয়ার কোলে মাথা রেখে মরে সুখীয়া। শেষ সময় তার মুখে ফুটে উঠেছিল এক চিলতে করুণ হাসি, আর বলেছিল, পানি—পানি দে। পারে নি সুখীয়া জল দিতে, পারে নি তাকে। তার কাছে জল ছিল না।

বাউরা হয়ে যায় সুখীয়া। আর তাকে দেখা যায় না। বাঁধের কাছেও না বা গাঁয়ও না। কেউ আর তাকে দেখতে পায় না। এ দিকে পুলিশ হত্ম হয়ে খুঁজে বেড়াচ্ছে তাকে। খুন-কা বদলা খুন। জানের বদলে জান। ফাঁসি ত তাকে দিতেই হবে। যে এই ভাবে নিষ্ঠুরের মত নিজের স্ত্রীকে চাকু মারতে পারে, খুন করতে পারে, তার মত সাংঘাতিক লোককে ছেড়ে রাখলে ত সবার বিপদ। গাঁয়ের বিপদ, দেশের বিপদ, সরকারের গাফিলতি হয় তাতে। সুতরাং ধর তাকে, পাকড়াও করে নিয়ে এসে ফাঁসিতে লটকিয়ে দাও তাকে। তবে না উচিত সাজা হবে তার ?

এ ধারে বাঁধের কাজ শেষ। এতদিনে গাঁয়ের লোকদের সেই সম্মিলিত প্রচেষ্টা সার্থক হয়েছে। কিন্তু এই বাঁধ যাদের জন্ত গড়ে উঠল, প্রথম উদ্যম ছিল যাদের, যারা স্বপ্ন দেখত কি ভাবে এটা গড়ে উঠবে, তারা আজ কোথায় ? গাঁয়ের লোক তাদের অভাবটা এতদিনে খেন ভাল বুঝতে পারছে ; কত বড় জিনিষ

আজ তারা পেল। কত বড় মজল হ'ল তাদের ? আর ভূখা পিরাসা মরতে হবে না। উঃ কি জলকষ্টই না ছিল তাদের ? আর আজ কত জল ! কত পানি ? সুখচরিত্যর আজ ভরা যৌবন এসেছে, ফুলে ফেঁপে চলছে, কলকল করছে। আর কত উঁচু থেকে আছড়ে পড়ছে নীচে। কি ডাক তার ! কি আওয়াজ ! কাছে গেলে কানে তাল লাগে। কিন্তু গাঁয়ের মানুষ যাই করুক তারা সরল সিধা। তাদের রাগে বা অহুরাগে, আদরে বা অনাদরে কোন ভেজাল নেই। তাই এরা বলছে, সমানে সুখীয়া আর সুখীয়ার কথা বলছে। বলছে, আজ তারা থাকলে কত খুশী হ'ত। কত আনন্দ করত। সেই সব হ'ল কিন্তু ওরাই দেখতে পেল না। তাই ওরাও সুখচরিত্যর গুণগুণ শব্দর মধ্যে গুনেতে পাচ্ছে সুখীয়ার চাপা গুণগুণ কান্না। বলছে, “রে তু, ই কা আওয়াজ ? এইসি লাগত্ হায় কি মালুম হোত রোয়ত্ হায়, কোই ফুট ফুট করু রোয়ত্ হায়। জরুর উকা অন্দর সুখীয়া বৈঠল বা। না মালুম সুখীয়া-কি কা ভইল ? কঁহা চলা গওয়া লগোয়া ?” সত্যিই যেন ওর মধ্যে বসে সুখীয়া কাঁদছে ফুঁপিয়ে ফুঁপিয়ে !

আজ বাঁধ উদ্ঘাটন করা হবে। বিনায়েক নায়েক এসেছেন। প্রচুর লোকজন এসেছে, আর এসেছে অনেক মালা, অনেক ফুল। এখন সমস্তা হ'ল, কি নাম হবে এই বাঁধের ? গাঁয়ের সবাই কিন্তু একজোট হয়ে বলল, “যিকা লিয়ে ইকা হামে মিলি, ওহিকা নাম রাখওয়াই দেও বিনায়েকজী।” আজ জুইস্ গেট খোলা হবে। ঐ সব ছোট ছোট গেটগুলোর মধ্যে দিয়ে জল বেরাবে। কি সখই ছিল সুখীয়ার দেখবে, কেমন করে জল বেরোয়। এদের কাছে সব গুনে বিনায়েক নায়েক বললে, তবে ত ঐ সুখীয়ার বাবা ঐ বুড়টাকে দিয়েই প্রথম বাঁধ খোলান উচিত। তারই ছেলে বউ যখন এত তবলিক করেছে তখন এই সম্মান ত তারই প্রাপ্য। একসঙ্গে হেঁচক করে ওঠে সবাই। হ্যাঁ, মত আছে তাদের, খুব মত আছে।

বুড়ো এসেছে। এখন দিনের আলোয় এসেছে, সবাই মিলে ধরে এনেছে তাকে। ও কিন্তু আসে এখানে, রোজ রাতে আসে, আর নিজের কালিপরা লঠনটা উঁচু করে তুলে ধরে রেখাঙ্কিত মুখে বিড় বিড় করে বলে, “কাঁহা গ্যায়া মেরা লাল ! আ যা বেটা, লোট আ। আ যা রে সুখীয়া মেরা বহয়া !” চোখের দৃষ্টি ওর ঘোলাটে। যেন একটা বাজে-পোড়া শক্ত গাছ।

ওর গলার এবলান ফুলের মালা পরিয়ে সবাই


আনন্দে চিৎকার ক'রে উঠল। বিনায়ক নারেক ওরই হাতে দিলেন কাঁচি, প্রথম ভেতরে যাবার তত্ত্ব সূচনা, লাল কিতে কাটার জন্ত। বুড়ো বোবা। নিঃশব্দ। চোখের কি মুখে কোন অহুত্ব নেই। তখন হাউহাউ ক'রে বুকটাগড়ে কেঁদে উঠল, মেরে সুখীয়া, মেরে দুখীয়া। বিনায়ক তাকে সাহায্য দিয়ে বললেন, কেঁদ না বুড়ো, আজ তাদের জন্তে এতবড় জিনিষটা গ'ড়ে উঠল। গাঁসুড় লোকের অভাব ঘটল। তাদের নামেই এর নাম হ'ল আজ সুখীয়া-দুখীয়া বাঁধ।

সুইস গোট দিয়ে হড় হড় ক'রে জল বেরুচ্ছে। বুড়ো হঠাৎ চিৎকার দিয়ে ওঠে, “আরে ইরে পানি নাহিনা, ইরে মেরা বহ-বেটোয়া-কি লহ হ্যায়, লহ, খুন হ্যায়, খুন।” কিন্তু শত শত লোকের চিৎকার আর ঢোলের শব্দে ডুবে যায় বুড়োর কান।

দূরে দেখা যায় কারা যেন ছুটে আসছে। পাহাড়ের গা বেয়ে নামছে নদীর ঢালে। ও কি? আগে আগে

দৌড়ছে কে ও? ও যে সুখীয়া আর পেহনে লাল পাগড়ি, এ-ষে পুলিশ, পুলিশে তাড়া করেছে সুখীয়াকে। ছুটছে সুখীয়া, প্রাণপণে ছুটছে। ছুটতে ছুটতে কেলে দিল মাথার পাগড়ি, হাতের পৌঁটলা, লাঠি—সব, তার পর? ওরা চিৎকার করে, ওরে সুখীয়া ম'রে যাবি, ভেসে যাবি দরিয়ার জলে। কেউ তনল না, খালি একটা আর্ডনাদ উঠল, রে দুখীয়া! মেরে দুঃখমতীয়া! তার পর সব চুপ।

সকলের চোখের ওপর দিয়েই জলের তলার তলিরে গেল সুখীয়া। জলের মধ্যেই যেন সে তার হারানো শ্রিয়া দুখীয়াকে খুঁজে পাবে। পুলিশ বলল, এতদিন কোথাও খুঁজে পাওয়া যায় নি ওকে। তবে আজ সকালে ঐ টিলার ওপর দাঁড়িয়ে ঐ বাঁধের দিকে তাকিয়ে ছিল সুখীয়া। বোধহয় ওরও মনে হয়েছিল, কাঁদছে দুখীয়া, ডাকছে তাকে দুঃখমতীয়া, ঐ সুখচরিত্রার মধ্যে ব'সে। বলছে, রে চল সুখীয়া বহি সড়কওয়া হোয়ে লাগ।





# উর্বশী ও পুরুষ

শ্রীসুধাংশুশেখর মুখোপাধ্যায়

তিরল গ্রাম থেকে ধূলার ধূসরিত যে পথখানি বিসর্পিত গতিতে আরামবাগের দিকে গেছে—একদা এক সোনালী প্রভাতে একাকী আমি সেই পথ দিয়ে আরামবাগ যাচ্ছিলাম।

নির্জন পথ। কাছাকাছি লোকালয় নেই। পথের ছুপাশে রকমারি গাছের সম্মেল আলিঙ্গন—তারই মাঝখানে ধূসর নরম পথটি পরম সুখে তস্ত্রাতুর। পাতার ফাঁক দিয়ে সোনালী আলোর ঝর্ণাধারা নেমে এসে নিঃশব্দে তাকে ডাকছে, “ওঠো গো রাই, রাত পোহালো।” তবু পথের ধুম ভাঙছে না। সেই স্বপ্ন-রাজ্যে আমি এক সচল ছায়ামূর্তি যেন।

সামনে বামদিকে ঘন বেণুবন। ডানদিকে সুপারি গাছের প্রাচীর-ঘেরা আম-বাগান। বাগান পার হলই খানিকটা প’ড়ো জমি। তার পর বট অশ্বথের প্রাচীন জঙ্গল।

সে প’ড়ো জমিটার কাছাকাছি আসতেই মানুষের পূর্বপুরুষদের ক্রুদ্ধ কলরব কানে এল—“বু, ব্রী ব্রী!”

ক্রতপদে সেই ফাঁকা জায়গাটার কাছে গিয়ে দেখি দুই দল হনুমান্—“যুদ্ধং দেহি” রণহকারে রত হয়েছে।

প্রাচীনকালে যুদ্ধের প্রথম পর্বে গালাগালি দেবার প্রথ. ছিল। হনুমান্দের লড়াই তখন পর্যন্ত সেই প্রথম পর্যায়ে আছে দেখে—একটি ভাল জায়গা বেছে নিয়ে মহানন্দে দর্শক হলাম।

দেখলাম, দুই দলের বীরবৃন্দ পরস্পরকে নিদারুণ ভাবে গালাগালি দিচ্ছে। তাদের ভাবা যদিচ আমার অবোধ্য, তবু যে ভাবে মসীকৃষ্ণ বদনাস্তরাল থেকে হিংস্র শব্দাল দংষ্ট্রাপংক্তি মুহূর্হ বিকশিত হচ্ছিল—তাতে বুঝলাম যে, গালাগালিগুলি নাইট্রিক এ্যাসিডপূর্ণ বান্বেবের চেয়েও তেজগর্ভ।

চারিদিকেই ব্যস্ততার ভাব। সবচেয়ে ব্যস্ত হনুমান্-গিন্নীরা। বাচ্চাগুলো এমনি বীদর যে এক মুহূর্ত স্থির হতে জানে না। বাচ্চাদের লেজ শক্ত মুঠায় ধরে গিন্নীরা বসে আছে। তবু তারা ডিগবাজি খাবার জন্ত ছটকট করছে। বাচ্চাকে সামলাতে না পেরে এক মা

ত রেগে মেগে বাচ্চার ঘাড়ে ঠাস ঠাস করে ছই চড়ই মেরে দিল।

মুশকিল বাধাল এক বেয়াড়া হোঁড়া। মায়ের হাত কপ্তে দৌড়াল সে প’ড়ো জমিটার মাঝখানের জিওল গাছটার দিকে। দোল খাবে। ব্যাকুল হয়ে তার মা তার পিছন পিছন ছুটল।

সঙ্গে সঙ্গে এদিকের ডাল থেকে কয়েকটা ইতর শুণ্ডা ঝপাঝপ লাফ দিয়ে পড়ে সেই অবোধ বালক আর অবলা নারীর দিকে ছুটল।

ওপারের হনুমতী-মহলে সয়ার্ড চিংকারের একটা ঝলক বয়ে গেল। পরক্ষণেই শত শত কেউটে সাপের ক্রুদ্ধ চাপা হিস্ হিস্ শব্দ শুনতে পেলাম। ওদিক থেকে প্রায় পনেরটা বীর হনুমান্ কিং আর্থাণের নাইটদের মত ছুটে আসছে। লেজগুলি বাঁকা লাঠির মত আকাশের দিকে ঝাড়া হয়ে উঠেছে। এর মধ্যে বাচ্চাকে বুকে চেপে ধরে সেই হনুমতী পালিয়েছে।

এরা গিয়েছিল বর্শাকলকের আকারে। ওরা এল অর্ধচন্দ্রাকারে। ওদের ঘেরাও আক্রমণের ব্যূহ দেখে এরা থমকে দাঁড়াল। এরা কিংকর্ডব্যবিমূঢ়। ওরা দলে ভারী। ছুটে আসছে ঘন কালবোশেখীর ঝড়। ওদিক থেকে উৎসাহবর্ধনকর তুমুল চিংকার ভেসে এল—“ভ্যালা মেরা ভাইরোঁ—গো অন্, গো অন্।”

এদের তখন খতমত অবস্থা। লেজগুলি ধম্বকের মত পিঠের উপর কাঁপছে। চার হাতে শর দিয়ে এরা ভাবছে, হোয়াট ইজ্ টু বি ডান্?

অকস্মাৎ সমস্ত কলরব ডুবিয়ে এক গুরুগম্ভীর আওয়াজ এপারের তরুশীর্ষ থেকে উচ্চারিত হ’ল “হপ!”

ব্যস্! ঐ একটি মাত্র “হপ।” মনে হ’ল, কোন্ দূর দিগন্ত থেকে মেঘের আওয়াজ ভেসে এল। এ দিকের দলপতি কোন্ সু-উচ্চ বৃক্ষশীর্ষে বসে দূরবীণ কবছিল জানি না—কিন্তু আদেশ শোনামাত্র এরা এ দিকের গাছে উঠে পড়ল।

ওদিকের যোদ্ধারা ততক্ষণ এ দিকের গাছতলায়

উপস্থিত। তড়াক্ তড়াক্ করে লাফিয়ে এদিক্ থেকে প্রায় পঁচিশটা হনুমান্ বিরাট্ এক চক্রব্যূহ বানিয়ে গাছের তলায় মুখ খিঁচিয়ে দাঁড়াল।

পরক্ষণে পরপারের অদৃশ্য দলপতির আদেশ ক্রম-উচ্চ-নিম্নাদে বিঘোষিত হ'ল—হপ—হপ—হপ—হপ। সারা বন যেন সে শব্দে থম থম করতে লাগল।

হকুম শোনাযাত্র ওরা বাঁশ-বনে চুকল। তার পর শুরু হল ভীষণ লড়াই। কত নল, নীল, গয়, গবাক্ মরিয়া হয়ে লড়াই শুরু করল। দীর্ঘ উল্লঙ্ঘন, আর্তনাদ, উল্লাস, গর্জন, ধাবনে চারদিকে যেন ঝড় বইল। কি প্রচণ্ড প্রাণশক্তি, কি অপরিমিত অপচয়!

পাঁচ মিনিটের মধ্যে আবার সব চূপ চাপ। গাছের পাতাটিও নড়ছে না। সব চূপ। কি এক আসন্ন প্রত্যাশায় গাছে গাছে বীরবৃন্দ স্তব্ধ, অনড়। এমন সময় এক আশ্চর্য কাণ্ড ঘটল।

এক লাবণ্যময়ী সুলক্ষী ওদিকের বন থেকে ধীরে ধীরে বার হলেন। এগিয়ে আসতে লাগলেন তিনি। নিশীথ গগনের দ্বিতীয়ার ক্ষীণ শশাক রেখার মত তাঁর অধরে ঈষৎ হাসির রেখা ফুটে উঠেছে। কি নিশ্চিত্ত ভাব, যেন কোথাও কিছু এতক্ষণ হয় নি। কি গমন-মহিমা! যেন অচ্ছাদ সরসীনাঁরে মহাশ্বেতা স্নানে চলেছেন।

বহুক্ষণ থেকে হনুমান্দের কাণ্ড দেখে দেখে আমার মন নিআশুরখাল যুগে চলে গিয়েছিল। এদের মত কত লড়াই না আমি করেছি। প্রাচীন প্রস্তর যুগ থেকে শুরু করে ভারতে আর্ঘ-আগমনকাল পর্যন্ত আমার গোষ্ঠীর নারী ও পুংসম্পদ বাড়াবার জন্তু এদের মত কত লড়াই না আমি করেছি। তমিস্রাবৃত প্রাক্-বৈদিক যুগে কত ছরস্ত রণান্তে আমার প্রিয়তমা রঞ্জাকে বার বার ছিনিয়ে এনেছি।

বহু-বহুকাল আগের আমার সেই যুগযুগান্তের স্মৃতি একটু একটু করে সবটা মনে ভেসে উঠল। প্রাচীন যুগের রক্তধারা উষ্ণ উল্লাসে যখন আমার ধমনীতে বহমান, ঠিক সেই সময়ে সামনেই দেখলাম সেই “গেলি কামিনী গজহঁ গামিনী!” মুগ্ধ কণ্ঠ থেকে অজ্ঞাতে ধ্বনিত হ'ল “বাঃ!”

“বাঃ” বলার সঙ্গে সঙ্গে বাঁশ-বনের একটা স্তম্ভে-পড়া বাঁশ সড়াং করে সোজা হয়ে গেল। মনে হ'ল কল্যাণ-

কটকের ভৈরব নামক ব্যাধের বহুকের ছিলাটি বুঝি দীর্ঘরাব নামক শৃগালটি ছিঁড়ে দিয়েছে। পরক্ষণে পাকা দেড়মণ ওজনের এক বিশাল বপু হনুমান্ আমার সামনে এসে বিক্রী মুখভঙ্গি করে জিজ্ঞাসা করল, “খুঁয়া ব্যা?”

হনুমান্ ত নয় যেন এটিলা দি হনু! চোখ ছুটো যেন ছুঁটুকরো গাঢ় নরকাগ্নি।

দূর থেকে চিংকার শুনেতে পেলাম “ও মোশাই, পরাণানে পাইল্যেঅুন পাইল্যেঅুন।” দূরে কয়েকজন ক্রমক যাচ্ছিলেন। আমার বিপদ বুঝে তাঁরা ডাকছেন “প্রাণটা নিয়ে পালিয়ে আসুন, পালিয়ে আসুন।”

কিন্তু পলাই কি ক'রে? এক সেকেণ্ডের বাট ভাগের এক ভাগ সময় যদি নষ্ট করি এ'র উত্তর দিতে, তা হ'লে আমাতে আর আমি নেই। দাঁত আর নখ দিয়ে উনি আমাকে কালা ফালা করে চিরে ফেলবেন।

কেমন করে হৃদয় আমাকে পথ বাংলে দিল জানি না (বুদ্ধি এরূপ ক্ষেত্রে সব সময় বিপদে ফেলে), আমি সেই উর্কশীর দিকে অসুলি-সঙ্কত করে তীব্র আবেগ ভরে বলে উঠলাম, “হো ইউ সি, শী ইজ্ এ ফ্যান্টম্ অফ ডিলাইট।”

বৃত্তাস্তরের মত দুর্ধ্ব দলপতির দৃষ্টি সেই দিকে আকৃষ্ট হ'ল। আশ্চর্য ব্যাপার। আপনারা কেউ বিশ্বাস করবেন কি না জানি না, কিন্তু আমি পরিষ্কার দেখতে পেলাম, তাঁর চোখে ওমর খৈয়ামী পেলব চাওনৌ ফুটে উঠল। দেখতে দেখতে এটিলা হ'ল প্রেমমুগ্ধ পুরুষবা। কাব্যে, সাহিত্যে, পুরাণে, রূপকথায় যেখানে যত প্রেমে পড়ার লক্ষণ পড়েছি, সে সব লক্ষণ হুবহু মিলে যেতে লাগল। তাঁর সর্ব শরীরে মুহু শিহরণ বয়ে গেল। ভাবলাম, এই বুঝি গান ধরে “সুলক্ষী তুমি শুকতারা।”

কিন্তু চকিতে এই ভাবটা কেটে গেল। চোখে এক সংকল্পের দৃঢ়তা। পরক্ষণেই রোমশ দীর্ঘ ল্যাজটি তুলে পুরুষবা ছুটল উর্কশীর দিকে। আমিও দৌড় দিলাম। যেতে যেতে শুনেতে পেলাম, পিছনে কলরব উত্তাল হয়ে উঠেছে।

আমি কিন্তু ধীর পদে হাঁটতে শুরু করলাম। মাথার উপর নীল আকাশ চক্ চক্ করছে। নীচে চির পুরাতন নাটকের অভিনয় চলতেই লাগল।

## হরতন

শ্রীবিগল মিত্র

২

বলতে গেলে ভোরবেলা থেকেই ছল্লাল সা'র বাড়িতে উৎসব আরম্ভ হয়েছিল। উৎসব কাজে-অকাজে ছল্লাল সা'র বাড়িতে হয়েই থাকে। ছল্লাল সা'র বড় ছেলের বিয়েতেও কেউগঞ্জের তাবৎ লোককে বলা হয়েছিল। এটা ছল্লাল সা'র নিয়ম।

ছল্লাল সা বলে—আরে, মাহুম ছুটো ভাল-ভাত খাবে, তাতেই এই ?

ছল্লাল সা হকুম দিয়ে দিয়েছিল বাড়িতে এসে যে খেতে চাইবে তাকে ফিরিয়ে দেওয়া চলবে না। অতিথি নারায়ণ। মাহুমকে অভুক্ত রেখে বিদায় দিলে নারায়ণ অসন্তুষ্ট হন। যত দিন যাচ্ছে, ততই ছল্লাল সা'র দেব-দ্বিজে ভক্তি বাড়ছে। আর ততই ফুলে-ফেঁপে উঠছে ছল্লাল সা। একদিন ঘুনুসি ফিরি ক'রে বেড়িয়েছে কেউগঞ্জের ব্যাপারীদের কাছে। তখন আঁজলা ক'রে জল খেয়ে পেট ভরিয়েছে। সে-সব দিন কেউগঞ্জের বুড়ো মাহুমরা স্বচক্ষে দেখেছে। আর বট গাছতলাটায় শুয়ে থাকত। কতদিন রাস্তার কুকুরের সঙ্গে এক জায়গায় কুকুর-কুণ্ডলী হয়ে রাতও কাটিয়েছে। তখন ক্রিধে কাকে বলে জেনেছে। তখন ঘর-বাড়ি কাকে বলে তাও জেনেছে। কিন্তু ছল্লাল সা'র মনে আছে সব।

বলে—মনে থাকবে না? যে মনে না রাখে সে মহাপাতক, নরকেও তার ঠাই নাই হে—সে নরাধম।

ছল্লাল সা কাছারি-ঘরের দাওয়ার বেঞ্চিতে ব'সে মালা জপে আর গল্প করে। আর এখন গল্প করা ছাড়া কাজই বা কী! সব কাজ-কর্ম দেখাশোনার ভার নিয়েছে নিতাই বসাক। নিতাই বসাকও জুটে গিয়েছিল ঠিক সময় মতন। নিতাই বসাকও তার মতন ফ্যা ফ্যা ক'রে ঘুরে বেড়াত আর ছুটো পয়সার জন্তে দোরে দোরে হস্তে হয়ে ফিরত। লাজ-লজ্জার বালাই ছিল না নিতাই-এর। বছর কয়েকের বুয়েস কম ছিল নিতাই-এর। সেই নিতাই-ই বলতে গেলে ছল্লাল সা'কে মহাজনী কারবারে নামিয়েছিল।

কিছু না। সামান্য তিরিশ টাকা মূলধন ছিল ছল্লালের। কেউগঞ্জে যত ব্যাপারীদের নৌকো আসত

তাদের কাছ থেকে এক আনা ক'রে পয়সা জমা নিত ছল্লাল সা। এক মাস পরে সেই ব্যাপারীই যখন আবার মাল নিয়ে আসত কেউগঞ্জে, তখন আবার আর এক আনা। মাসে এক আনা পয়সা দিতে এমন আর কি? মতলবটা নিতাই-এর। সবাইকে বলত—হরিসভার চাঁদা।

—হরিসভায় কি হবে ?

—আজ্ঞে আপনারা আসেন এখানে, দিনমানে ব্যবসা-বাণিজ্য করেন, রাস্তারবেলা একটু ভগবানের নাম হবে। পরকালের একটু কাজ হবে! পাপক্ষয় হবে!

কেউ-কেউ বলত—পাপ আর এমন কি করছি বলো না, জ্ঞানতঃ কিছু পাপ ত করি নি হে—

—বলেন কি ব্যাপারী মশাই? পাপ করছি না! অজান্তে কত মশা-মাছি মাড়িয়ে ফেলছি, কত নিরীহ পোকা-মাকড় খেয়ে ফেলছি তার কি ঠিক আছে? এই ত সেদিন ঘরের জানলা! বন্ধ করতে গিয়ে একটা টিকটিকি চেপটে মারা গেল—তা এটা পাপ হ'ল না? আর বেঁচে থাকাতাই ত পাপ সংসারে—

ছল্লাল সা'র অকাট্য যুক্তি। সেই হরিসভার চাঁদা তোলাটাই শেষকালে মূল ব্যবসা হ'ল ছল্লাল সা আর নিতাই বসাকের। ছল্লাল সা ঘুম থেকে উঠে ছুটো মুড়ি চিবিয়ে জল খেয়েই ঘাটে গিয়ে দাঁড়িয়ে থাকত। আর ব্যাপারীদের নৌকো এলেই কোঁচার খুঁট খুলে দাঁড়াত। বলত—চাঁদাটা দান্ ?

মাত্র ত এক গণ্ডা পয়সা। কত দিকে কত পয়সা চ'লে যাচ্ছে ব্যাপারীদের। জল-পুলিসকেই এটা-ওটা কত দিতে হয়। কত অপচো-নষ্ট হয়। ইহুরে-বেরালে কত কী খেয়ে নেয়। আর বাক্যব্যয় না করে পয়সা চারটে দিয়ে দিত ব্যাপারীরা। কখনও কখনও জিজ্ঞেস করত—হরিসভা হ'ল তোমাদের ?

ছল্লাল সা বলত—আর দেরি নেই, এইবার ইট পোড়াতে হবে—

—আবার ইট কেন? খড়ের আটচালা করলেই ত হয়।

ছল্লাল সা জিভ কাটত—আজ্ঞে তা কি হয়?

ঠাকুর-দেবতার কাজ ব'লে কি অত অপগেরাহি করতে আছে? যা করবো ভালো ক'রেই করবো আমরা—

ভালো ক'রে হরিসভা করবে ব'লেই দেরি হতে লাগল। যত দেরি হতে লাগল তত চাঁদা উঠতে লাগল। যত চাঁদা উঠতে লাগল তত স্বাস্থ্য ভাল হতে লাগল ছল্লাল সা আর নিতাই বসাকের। হরিসভার কাজ আরও জুতসই ক'রে করবার জন্তে কর্তামশাই-এর জমির ওপর একটা চালাঘর করতে হ'ল। কর্তামশাই হলেন প্রেসিডেন্ট। ছল্লাল সা আর নিতাই বসাক হ'ল সেক্রেটারি, রবার ষ্ট্যাম্প হ'ল। তখন কর্তামশাই-এর কাছে ঘন-ঘন যাতায়াত ছিল। কর্তামশাই-এর পায়ের ধুলো না পেলে জলগ্রহণই করত না ছল্লাল সা আর নিতাই বসাক।

সে সব পনের বছর আগেকার কথা।

কর্তামশাই-এর কাছে গেলে আর ছাড়তে চাইতেন না তিনি। গৌড়েশ্বরের পুরোণ ঐশ্বর্য্য, ধর্মদাস দেবশর্মাণঃর কাহিনী, একশো আটটা পদ্মপাতার গল্প, হাতীতে চ'ড়ে রাজবাড়ি যাওয়ার কথা—সব কিছু শোনাতে। শেষকালে বলতেন—তোমাদের যখন যা দরকার হবে, আমার কাছে বলবে, আমি সব দেব—

বলতে গেলে এখন যেখানে ছল্লাল সা'র বাড়ি, এই জমিও কর্তামশাই-এর দেওয়া। হরিসভা করবার জন্তেই কর্তামশাই এই জমি দিয়েছেন।

কর্তামশাই বলতেন—ধর্ম লোপ পেয়েছে ব'লেই ত এখন বাঙালীর এই দুর্দশা—

ছল্লাল সা কাপড়ের খুঁটটা গায়ে দিয়ে সাগনে সবিনয়ে হাতজোড় ক'রে ব'সে থাকত। বলত, আজ্ঞে, তা ত বটেই—

নিতাই বসাক বলত—সেইজন্তেই ত কর্তামশাই, ধর্ম নিয়ে প'ড়ে আছি দুই বন্ধুতে—

কর্তামশাই বলতেন—কত টাকা চাঁদা উঠল?

ছল্লাল সা বলত—এক আনা ক'রে মাথাপিছু চাঁদা, কত উঠবে, আজ পর্যন্ত সর্ব-সাকুল্যে পঁচাত্তর টাকা সাত আনা তবিলে জমা আছে—

—এত কম?

—আজ্ঞে, কেউ কি দিতে চায়, জোর-জবরদস্তি করে ওই আদায় করেছি, তাই-ই ঢের বলতে হবে!

আর তার পরেই নিবারণের ডাক পড়ত। নিবারণকে বলতেন—কিছু টাকা এদের দিতে হবে নিবারণ! তবিল থেকে কিছু দাও ত এদের—

এমনি ক'রে কত টাকা যে কর্তামশাই দিয়েছেন হরিসভার জন্তে তার হিসেব কর্তামশাই-এর জানা না

থাকলেও নিবারণের জানা আছে। শুধু কাঁচা টাকাই নয়, জমি বেচেছেন হরিসভার জন্তে। নিজের জবানীতে চিঠি লিখে দিয়েছেন কেউগঞ্জের ব্যাপারীদের কাছে। কেউগঞ্জের ক্ষেত-মজুররা, জোতদাররা পর্যন্ত এক আনা ক'রে মাসে-মাসে দিয়েছে। শেষ পর্যন্ত হরিসভাও হয়েছিল একটা। পাঁচ বিঘে জমির এক কোণে একটা চালাঘর! সে এমন কিছুই না। টিম টিম ক'রে দিন-কয়েক গান-টান হয়েছিল, অষ্ট-প্রহর হয়েছিল। একবার চক্ষিশ-প্রহরও হয়েছিল। কিন্তু ভেতরে-ভেতরে যে সেই টাকা সূদে খাটিয়ে ছল্লাল সা অত টাকার মালিক হয়ে যাবে তা কর্তামশাই কল্পনাও করতে পারেন নি। ছল্লাল সা কেউগঞ্জে হরিসভার চাঁদা তোলা নিয়ে যখন ব্যস্ত থাকত, তখন নিতাই বসাক চাঁদা-তোলার নাম ক'রে কলকাতায় যেত কাঁচা টাকা নিয়ে। সেখানে গিয়ে কি ফন্দী-ফিকির করে পাটের দালালীর ব্যবসা ক'রে রাতারাতি বড়লোক হবার সুলুক-সঙ্কান আবিষ্কার ক'রে বসল তা কর্তামশাই জানতে পারেন নি। যখন জানতে পারলেন তখন অনেক দেরি হয়ে গেছে। একদিন কেউগঞ্জের বাজারে পাটের আড়ত খুলে বসল ছল্লাল সা। তার পর কোথা থেকে দু'জনে পরিবার ছেলে সব নিয়ে এল। পাঁচ বিঘে জমির ওপর বাড়ি হ'ল পাকা। পাকা দালান উঠল তাদের কেউগঞ্জে। কেউগঞ্জের লোক হঠাৎ একদিন চোখ মেলে দেখলে, ছল্লাল সা আর নিতাই বসাক লাখপতি হয়ে গেছে।

কর্তামশাই একদিন ডেকে পাঠালেন ছল্লাল সা'কে। নিবারণ ফিরে এল। বললে, এখন পূজো করছেন ছল্লালবাবু, ওবুলা আসবেন—

কিন্তু ওবেলাও এল না ছল্লাল সা। নিতাই বসাককেও ডাকতে পাঠিয়েছিলেন। নিতাই বসাকও নেই কেউগঞ্জে। সেও সেদিন কলকাতায় গেছে। এই রকম ক'রে তাঁকে অপমান করেছে দু'জনেই। এমনি ক'রেই দিনের পর দিন বছরের পর বছর কেটে গেছে। আর নিবারণের মুখ থেকেই ছল্লাল সা'র আঙুল ফুলে কলা-গাছ হওয়ার খবর পেয়েছেন। দোতলার জানালা থেকে ছল্লাল সা'র দালানটা দেখা যায় ব'লে সে জানালাটাই বন্ধ করে দিয়েছেন পেরেক মেরে। কিন্তু জানালার পেরেক মারলে কি হবে, ছল্লাল সা'র খবর কেউগঞ্জে চাপা থাকে না। ছল্লাল সা'র আড়তে হালখাতা হলে ঢাক-ঢোল-সানাই-কাঁসি বাজে। ছল্লাল সা'র বাড়িতে বার মাসে তের পার্কণ। গাঁয়ের একশো খানা বাড়িতে নেমস্তন্ন হয়। দেখতে দেখতে ছল্লাল সা আর নিতাই



বসাক কেটেগঞ্জের গণ্যমান্ত লোক হয়ে উঠল। কর্তা-মশাই-এর চোখের সামনেই সব ঘটল। আর কর্তামশাই এই পনের বছর ধরে কেবল ধাপে ধাপে নেমে চলেছেন। এখন তাঁর বাড়ির চারদিকে কাল-কাস্তুরির ঝোপ হয়েছে, একমাত্র ছেলে সিদ্ধেশ্বর নিরুদ্ধেশ হয়েছে। পুত্রবধূটি মারা গেছে। শেষ পর্যন্ত হরতন ছিল। তিন বছরের নাতনী কর্তামশাই-এর। সেও একদিন চলে গেছে।

শেষ পর্যন্ত একদিন হঠাৎ ছুলাল সা এসেছিল।

তখন ছুলাল সা বেশ ভারি হুঁসে। নতুন মটর-গাড়িতে চড়ে ছুলাল সা আর নিতাই বসাক এসেছিল কর্তামশাই-এর চণ্ডীমণ্ডপে। এসেই ছুঁজনে কর্তামশাই-এর পায়ে হাত দিয়ে প্রণাম করতে গিয়েছিল। কিন্তু তার আগেই কর্তামশাই পা সরিয়ে নিয়েছিলেন।

বলেছিলেন, খবরদার, পা ছুঁয়ো না, বেয়াদপির আর জায়গা পাও নি?

ছুলাল সা মাথা নিচু করে বলেছিল, আপনি আমার আজ যা বলবেন সব মাথা পেতে নেব, এই আপনার সামনে আমি মাথা পেতে দিলুম—

বলে ছুলাল সা সত্যি-সত্যিই মাথা পেতে দিলে।

কর্তামশাই বললেন, এবার কি মতলব বল ত? আবার হরিসভা?

—আপনার আর দশজনের চাঁদাতেই হরিসভা করেছিলাম কর্তামশাই, সে-কথা আমি এখনও সকলকে বলি। বলি, কর্তামশাই না থাকলে আমার এই অগাধ ঐশ্বর্য, এই বাড়ি গাড়ি কিছুই হ'ত না—

কর্তামশাই বলেছিলেন, তুমি নির্লজ্জ আহাম্মক, তাই এমন করে বলতে পার, অন্য লোক হলে জিভ খসে যেত।

নিতাই বসাক পাশেই দাঁড়িয়ে ছিল এতক্ষণ চুপ করে। বললে, সবই ত আপনার আশীর্বাদে হয়েছে কর্তামশাই, আপনি কেন রাগ করেন?

—রাগ করব না? আবার বলছ রাগ করি কেন? বেয়াদব কোথাকার? সিদ্ধেশ্বরকে তোমরা আমার কাছ থেকে ছিনিয়ে নাও নি? আমার সঙ্গে কথা-বলা পর্যন্ত সে বন্ধ করেছিল, সে কাদের মতলবে তুনি? আমার নাতনী মারা গেল, তাতেও আমি এক কোঁটা কাঁদতে পারি নি, তা জান?

ছুলাল সা বললে, আজ্ঞে সে-সব ত পুরোন কথা,

চুকে-বুকে গেছে, এতদিন পরে সে-সব কথা আবার তুলছেন কেন?

—তুলব না? আমি কি সে-সব ভুলে গেছি মনে কর? আমার এত সর্বনাশ করে আমার সামনে আবার মুখ দেখাতে এসেছ? লজ্জা করে না তোমাদের? ছটো টাকা হয়েছে বলে কি ধরাকে সরা জ্ঞান করেছ?

নিতাই বসাক বললে, আজ্ঞে, আজকে ছুলালের ছেলের বিয়ে, আপনি যদি গিয়ে না দাঁড়ান ত কে দেখবে? আপনিই ত আমাদের সকলের ভরসা?

—খাম, খুব হয়েছে।

বলে কর্তামশাই জোরে জোরে হাঁকতে লাগলেন। তার পর নিবারণকে বললেন, নিবারণ, তুমি বলে দাও এদের, আমরা সারস্বত ব্রাহ্মণ, নীচ-জাতের বাড়িতে সারস্বত-ব্রাহ্মণরা ভোজ খেতে যায় না, ভোজ খাবার বামুন আলাদা পাওয়া যায়, তাদের বাজারে ভাড়া পাওয়া যায়।

বলে সেদিন কর্তামশাই তাদের মুখের ওপর খটখট করে ঝড়ম পায়ে দিয়ে সোজা দোতলায় নিজের ঘরে চলে গিয়েছিলেন। তারপর সেদিনও লুচি-ভাজার গন্ধ এসেছিল হাওয়ায় ভেসে। সেদিনও ঘি-এর গন্ধে কষ্ট হয়েছিল কর্তামশাই-এর। হরিসভা করবার নাম করে চাঁদা তুলে লোক ঠকিয়ে যারা টাকা করে, তাদের টাকায় ধিক্, তাদের জীবনে ধিক্, তাদের সঙ্গে কোনও সম্পর্ক নেই কর্তামশাই-এর।

সেদিনও বড়গিন্নী পাশে গুয়েছিলেন চুপ করে। কর্তামশাই রেগে বলেছিলেন, জানালাটা বন্ধ করে দাও ত বড়গিন্নী, যেন চামড়া পোড়া গন্ধ আসছে।

তা কর্তামশাই সম্পর্ক রাখুন আর না রাখুন, ছুলাল সা'র তাতে কিছু আসে যায় নি। নিতাই বসাকেরও কিছু ক্ষতি-বৃদ্ধি হয় নি। লোকে ভুলে গেছে হরিসভার কথা। সেই ইছামতীর ধারে যেখানে ছুলাল সা কোঁচার খুঁট গায়ে দিয়ে হরিসভার চাঁদা চেয়ে বেড়াত, সেখানেই এখন ছুলাল সা'র মস্ত পাটের আড়ত হয়েছে। এখন সেই সেদিনকার ব্যাপারীরাই এখন ছুলাল সা'র সামনে হাত-জোড় করে থাকে। ছুলাল সা সারা কেটেগঞ্জের পাটের বাজার হাতের মুঠোর মধ্যে নিয়ে নিয়েছে। কিন্তু চেহারা, পোশাক-পরিচ্ছদ, চাল-চলন, ভাব-ভঙ্গি কিছুই বদলায় নি। এখনও সেই নদীর বাঁধানো ঘাটে রোজ ভোরবেলা ছুলাল সা যায়। সঙ্গে চাকর যায় গামছা-তেল-বালতি নিয়ে। প্রথমে শৈঠের ওপর বসে

গারে মাথার পারে সর্দাঙ্গে সরবের তেল মাখে। কি শীত কি ক্রীম্ব কি বর্ষা যে-কোনও ঋতুতে ভোর চারটের সময় ঘাটে গেলেই ছল্লাল সা'কে দেখা যাবে। নৌকোর ভেতর তখন সব ঘুমে অসাড়। সেই অত রাত থাকতে ছল্লাল সা সেখানে বসে ভাল ক'রে সারা শরীরে তেল মাখবে। তার পর বালতি ক'রে নদী থেকে জল তুলে নিজের হাতে কাঁটা দিয়ে ঘাটের পৈঠেগুলো ঘ'বে ঘ'বে ধোবে। তার পর সমস্ত পরিষ্কার পরিচ্ছন্ন হলে নিজে নদীতে নেমে এক ঘণ্টা ধ'রে অবগাহন স্নান করবে। তার পর একে একে ব্যাপারীরা আসবে, কেঁষ্টগঞ্জের দোকানের লোকজন জাগবে। তখন স্নান শেষ হয়ে গেছে ছল্লাল সা'র।

—প্রাতঃপ্রণাম সা-মশাই।

—প্রাতঃপ্রণাম। কে? মুকুন্দ?

অঙ্ককার ঝাপসা আলোয় ভাল ক'রে দেখা যায় না। তবু গলা শুনেই বুঝতে পারে ছল্লাল সা। কিন্তু দেখা হলেই সকলের খবরাখবর নেওয়া চাই।

বলে, তোমার জামাই কেমন আছে মুকুন্দ? চিঠি পেয়েছ? ই্যা ভাল কথা, তোমার গাইটা বিইয়েছে নাকি? হরি, হরি, যাই, সবাই ভাল থাকলেই ভাল মুকুন্দ, হরি ছাড়া কোনও ভরসা নেই, জানলে হে মুকুন্দ, বিপদে আপদে ভবসাগরে হরিই একমাত্র কাণ্ডারী, যাই—হরি হরি।

তা ছল্লাল সা মিথ্যে কথা বলে না। হরিই যে ভবসাগরে একমাত্র কাণ্ডারী এ-কথা ছল্লাল সা নিজের জীবন দিয়েই প্রমাণ ক'রে দিয়েছিল। নইলে, কি ছিল তার, আর কি হয়েছে। সেই হরিসভাটা এখনও আছে। লম্বা মানুষ-সমান ইটের পাঁচিল দিয়ে নিজের বাস্তুর সীমানার মধ্যে ঢুকিয়ে ফেলেছে। সেখানে এখন ছল্লাল সা'র গরু থাকে।

ছল্লাল সা বললে, তোমরা ত বুঝবে না, তোমরা ভাববে সংসারে টাকাই বুঝি সব, আরে সংসারে টাকাই যদি সব হ'ত ত আমি ত্রিসঙ্ঘ্যে হরিকে ডাকি কেন? না ডাকলেই ত পারতাম!

লোকে বলে, আজ্ঞে আপনি হলেন তক্ত মানুষ! আপনার সঙ্গে কার তুলনা?

ছল্লাল সা রেগে যায়। বলে, ওই তোমাদের এক কথা! তক্ত হওয়া অত সোজা? শুক্তি-শুক্টি ক'রে চৌচালেই শুক্তি দু'আসে? শুক্তির জন্তে কষ্ট করতে হয় না? শুক্তি কি গাহের ফল হে যে আঁকসি দিয়ে পাড়লাম আর খেলাম? শুক্তির জন্তে মেহনত লাগে না? তা

হলে ত আমি হরিসভা ক'রে কাজ-কর্ম ছেড়ে হরিনাম গান শুনেই পারতাম। হরিসভা তুলে দিলাম কেন? বল ত হরিবিলাস, তুমি বল ত, তুলে দিলাম কেন?

হরিবিলাস বলে, আজ্ঞে আপনার গরু রাখবার জন্তে!

—আরে দূর! তোমার হরিবিলাস নামটাই মিথ্যে! গরু রেখেছি কি দুধ খাবার জন্তে? গরুর দুধ আমি বাজার থেকে কিনতে পারি না? আমার পরসা নেই?

—আজ্ঞে তা বলি নি আমি!

—দূর মুখ!

পাশেই কাস্ত ব'সে ছিল। সে অনেকবার কথাটা শুনেছে। উত্তরটাও তার জানা। সে বললে, আজ্ঞে গো-সেবা করার জন্তে।

ছল্লাল সা হাসে। বলে, তুই মুখ্য মানুষ, তুইও জানিস, আর হরিবিলাস জানে না। আরে গো-সেবা আর হরিনাম-শোনায় কিছু তফাৎ আছে মুখ? দে, কত এনেছিস দে—

একদিকে ধর্মালোচনা চলে আবার মহাজনী কারবারও চলে। সুদের হিসেব-পত্র নিয়ে কড়া-গণ্ডা-ক্রান্তির হিসেবও চলে কাছারিতে। এটা ছল্লাল সা'র পরোপকার-বৃত্তি। কত দুঃস্থ লোক টাকার অভাবে ঘটি-বাটি বেচে দিয়ে রাস্তায় এসে দাঁড়ায়। তাদের উপকারের জন্তেই এই মহাজনী ব্যবসা তার। নইলে এটাকে ব্যবসা বলাই ভুল। অস্তায়। ছল্লাল সা রোজ রাত থাকতে উঠে নদীতে গিয়ে নিজের হাতে ঘাট ধুয়ে স্নান করতে নামে। তার পর চাকর বালতি নিয়ে কাঁটা নিয়ে উপরে দাঁড়িয়ে থাকে বাধুর জন্তে। স্নান সেবে ভিজ্জে কাপড়ে ছল্লাল সা সারা রাস্তা গঙ্গা-স্তোত্র আওড়াতে আওড়াতে বাড়ী আসে। তখন নতুন-বৌ পূজার জোগাড় ক'রে তৈরি থাকে। বাড়ীতে ফিরে ছল্লাল সা'কে আর ডাকতে হয় না। নতুন-বৌ তার আগেই ঘুম থেকে উঠে গরদের শাড়ী প'রে ভিজা চুলে পূজার ব্যবস্থা ক'রে দেয়।

ছল্লাল সা প্রথম প্রথম বলত, তুমি কেন মা' আবার এত কষ্ট ক'রে উঠতে গেলে? নিধু ত ছিল—

নতুন-বৌ সে-কথার উত্তর দিত না। খণ্ডরকে পূজার বসিবে দিয়ে তাঁর সকালের জলযোগের ব্যবস্থা ক'রে তবে তার মুক্তি। শুধু খণ্ডরের কাজই নয়। সারা বাড়ীতে যে-যেখানে আছে সবাইকে দেখবার ওই একটা মানুষ নতুন-বৌ।

ছল্লাল সা বলত, এই যে নতুন-বৌ, এই যে নতুন-বৌ

না হলে কিছুই হয় না এ সংসারে, এও ত সেই হরির দয়ার, হরির দয়া না হলে কি আমি নতুন-বৌকে পেতাম? তোমরাই বল না, পেতাম?

কান্ত বলত, আজ্ঞে, উনি মানুষ নন, মা-লক্ষ্মী আমাদের—

বলতে গেলে এ বাড়ীতে নতুন-বৌ আসবার পর থেকেই ছলল সা'র সংসারে লক্ষ্মী এসে আসন নিয়েছেন। বাড়ী আগেই হয়েছিল, ব্যবসা আগেই হয়েছিল, টাকাও আগেই হয়েছিল। কিন্তু সংসারে শান্তি বলতে যা বোঝায়, সুখ বলতে যা বোঝায় সব এসেছে নতুন-বৌ আসবার সঙ্গে সঙ্গেই। নতুন-বৌ আসবার সঙ্গে সঙ্গেই ছলল সা'র যেন বাড়-বাড়ন্ত হয়েছে। তিনখানা বাসু করেছে ছলল সা। একটা ধানকল করেছে। বাস্তবিত্যের পাশেই নতুন পাকা-দালান তুলেছে। এবার একটা সুগার-মিল করবার ইচ্ছে। পৈপুলবেড়ের বাঁওড়টা যদি পাওয়া যেত ত সুগার-মিলের পক্ষে জায়গাটা ভারি সুবিধার হ'ত। জল, কয়লা, রেল-ইন্ট্রিশনটা কাছে। কোনও দিকেই আর কোনও অসুবিধা থাকত না। কর্তামশাই-এর কাছে নিজেও গিয়েছে কতদিন। কতদিন নিবারণকেও ডেকে পাঠিয়েছে।

বলেছে, এবার ত তোমার বয়স হ'ল নিবারণ, এবার পরকালের কথা একবার ভাব—

নিবারণ বলেছে, আজ্ঞে, সা' মশাই, আমার আর পরকাল—

—ভেবেছ চিরকাল কি এই রকমই কাটবে? এই দেখ না, এই আমার কথাটাই ভাব না, আমি কি আর বাবুমানি করতে পারি না ভেবেছ? পায়ের উপর পা তুলে দিয়ে গদির উপর চিৎপাত হয়ে শুয়ে থাকলেই পারি। কিসের আমার গরজ ভোরবেলা ঘাটে গিয়ে নিজের হাতে কাঁটা ধরার? করি কার জন্তে? করি কিসের জন্তে উনি?

—আজ্ঞে পরকালের জন্তে!

—তবে? তবেই বোঝ! আমার আর কি? আমার আর টাকার দরকার কিসের? আমি একলা কত খাব? সুগার-মিলটা হলে তোমাদেরই লাভ। দেশের দশ-জনেরই লাভ। দেশের লোক বড় গরীব। আমি এক-কালে গরীব ছিলাম, গরীবের দুঃখ আমি বুঝব না ত কে বুঝবে বল দিকিনি? তোমার কর্তামশাই বুঝবে?

—আজ্ঞে কর্তামশাইয়ের কথা ছেড়ে দিন।

—তা হ'লেই বোঝ, সুগার-মিলটা হলে দেশের লোকেরই লাভ। দেশের গরীব লোকেরা কাজ পাবে,

ছ' মুঠো পেট ভ'রে খেতে পাবে, পরতে পাবে, গরীবদের দুর্দশা দেখলে আমি চোখের জল রাখতে পারি নে, তা জান?

নিবারণ কিছু কথা বললে না। চুপ ক'রে রইল।

ছলল সা বললে, আর এই যে তুমি, তোমাকেও ত পনের বছর দেখে আসছি, আপে তোমার কি চেহারা ছিল, আর এখন কি হয়েছে বল দিকিনি? কিসের লোভে কর্তামশাইয়ের কাছে প'ড়ে আছ বল ত? পেট ভ'রে খেতে পাও? মাইনে-টাইনে পাও?

নিবারণ তবু কথা বললে না।

ছলল সা আবার বললে, যাক্ গে, তুমি খেতে পাও আর না পাও, তুমি মাইনে পাও আর না পাও, তা আমার দেখবার দরকার নেই। তোমার ব্যাপার তুমি বুঝবে, আমি কে? আমি কেউ না। তবে কি জান, কারোর দুঃখ দেখলে আমার মনের ভিতরটা যেন কেমন হ-হ করে। আমি না বলে থাকতে পারি নে। ভাবি তুমিও ত মানুষ হে, তোমার ছেলেমেয়ে বউ না-ই বা রইল, তোমার সুখ-সুবিধা-আছাদ ব'লেও ত একটা জিনিষ আছে। তাই বলছিলাম, পৈপুলবেড়ের বাঁওড়টা যদি দিতে আমাকে ত তোমারও একটা হিল্লো হয়ে যেত, তা তুমি যখন...

—বাবা!

হঠাৎ নতুন-বৌ ঘরে ঢুকল।

ছলল সা বললে, এই যে মা উঠি, এই নিবারণকে বলছিলাম ওই পৈপুলবেড়ের বাঁওড়টার কথা। বলছিলাম, আমার আর কি! দেশের লোক ছ'টো খেতে পায় তারই সুবিধা করার জন্তেই সুগার-মিলটা করা, নইলে—

নিবারণ নতুন-বৌয়ের দিকে চেয়ে বললে, আমি উঠছি, আপনাদের দেরি হয়ে গেল—

ছলল সা বললে, তা হলে কথাটা মনে রেখ নিবারণ, আমি না হয় নিতাইকে একবার কর্তামশাইয়ের কাছে পাঠিয়ে দেব'খন—

হঠাৎ নতুন-বৌ বললে, এত অপমান করার পরেও আবার কর্তামশাইয়ের কাছে নিতাই কাকাবাবুকে পাঠাবেন বাবা? যদি আবার অপমান করে?

ছলল সা বললে, ধর্মের পথে ত বাধা আসবেই মা, তা ব'লে অপমানের ভয়ে ধর্ম ত ছাড়তে পারি না—

—কিন্তু যে ছোটলোক তার সঙ্গে সংশ্রব নাই-বা রাখলেন আপনি?

নিবারণের কথাটা গায়ে লাগল। বললে, আমার

মুখের সামনে আর বুড়োমানুষকে গালাগালটা না-ই বা দিলে মা! তিনি ত কোনও অপরাধ করেন নি!

নতুন-বৌ বললে, দেখুন, আমি আড়াল থেকে সব শুনেছি, বাবা ধর্মভীরু মানুষ তাই এর পরেও আপনাকে ডেকে ভদ্রভাবে কথা বলেছেন, আমি হলে অন্য রকম ব্যবহার করতাম।

নিবারণ বললে, তুমি সব জান না মা, তুমি নতুন এসেছ কেউগঞ্জে, তাই এ কথা বলছ, কর্তামশাইকে আমি ছোটবেলা থেকে দেখে আসছি। তা যদি হ'ত ত আমি এই অবস্থায় তাঁর কাছে প'ড়ে থাকতাম না—

দুলাল সা লুফে নিলে কথাটা। বললে, আমিও ত তাই বলছি। তুমি কেন প'ড়ে প'ড়ে কাঁটা-লাধি খাচ্ছ নিবারণ? আমি তোমাকে ডবল মাইনে দিচ্ছি, তুমি আমার এখানে এস, সুগার-মিল খুললে তুমি আরও মোটা টাকা মাইনে পাবে।

নিবারণ হাসল। বললে, আপনি আর আমাকে লোভ দেখাবেন না সা' মশাই, ইহকালটা ত গেছেই, পরকালটা আর খোয়াতে চাই নে।

—এই কি তোমার শেষ কথা?

নতুন-বৌ বললে—আপনি উঠুন বাবা, বেলা হয়ে গেল, যার-তার সঙ্গে কথা ব'লে আপনি আর মেজাজ খারাপ করবেন না। নিতাই-কাকা আছেন, প'পুল-বেড়ের বাঁওড় উনি কি ক'রে রাখতে পারেন তাই দেখি!

ব'লে দুলাল সা'কে হাতে ধ'রে নতুন-বৌ অন্ধরের ভেতর নিয়ে গেল।

নিবারণ চ'লেই আসছিল। ভেতরে কাছারি ঘর থেকে কাস্ত ডাকলে। বললে—সরকার মশাই, ইদিকে আসুন!

নিবারণ চেয়ে দেখলে, বললে—কী বলছো কাস্ত?

—বলছি, আপনার মত আহাঙ্গক মানুষ ত আমি আর ছ'টো দেখি নি। এমন সুযোগ কেউ হেলা-ফেলা করে?

—কিসের সুযোগ? একটু বুঝিয়ে বল?

—বলি কর্তামশাই ত যেতে বসেছে। যেটুকু আছে তা-ও গেল বলে। এই ত শুছিয়ে নেবার সময়!

নিবারণ আবার হাসল। বললে—তুমি আমাকে আজও চিনলে না কাস্ত! সবাই কি শুছিয়ে নিতে চায়, না পারে? না সকলের সে-প্রবৃত্তি থাকে?

ব'লে নিবারণও আর দাঁড়াল না সেখানে। খাঁ খাঁ করা রোদ উঠেছিল বাইরে। ছাতাটা খুলে বাইরের রাস্তায় পা বাড়াল।

কিন্তু যেদিন সেই রাতে লুচি ভাজার গন্ধে কর্তামশাই-এর ঘুমের ব্যাধাত হ'ল, তার পরদিনই ঘটনাটা ঘটল।

কেউগঞ্জের লোক সাধারণতঃ এমন ঘটনা কখনও দেখে নি। কখনও শোনে নি। দুলাল সা ভোর রাতে যেমন রোজ চাকরকে সঙ্গে নিয়ে ইছামতীতে স্নান করতে যায়, তেমনি সেদিনও গেছে। আব'ছা-আব'ছা অঙ্কার। ভালো ক'রে ভোর হয় নি তখনও। হঠাৎ মনে হ'ল অশথ গাছটার তলায় কে যেন ব'সে আছে স্থির নিশ্চল হয়ে। দেখেই কেমন মনে হ'ল, এতদিন যেন এঁকেই মনে-প্রাণে খুঁজছিল দুলাল সা।

এ সেই রাত চারটের সময়কার ঘটনা। আর বেলা দশটার মধ্যে সারা কেউগঞ্জে রাষ্ট্র হয়ে গেল যে দুলাল সা'র বাড়ীতে এক সাধুপুরুষ এসেছেন। দুলাল সা' মশাই দীক্ষা নেবে।

ব্রক-ডেভেলপ'মেন্ট অফিসার সুকান্ত আধুনিক ছোকরা। কলকাতা থেকে নতুন এসেছে কেউগঞ্জে। সাইকেল চ'ড়ে অফিসে যাচ্ছিল। হঠাৎ সা'মশাই-এর বাড়ীর সামনে ভিড় দেখে দাঁড়িয়ে পড়ল।

—কি হয়েছে এখানে? ভিড় কেন এত?

নিতাই বসাক সুকান্তবাবুকে দেখেই দৌড়ে কাছে এসেছে। বললে—আসুন স্তার, আসুন—

—কি হয়েছে নিতাইবাবু? ব্যাপার কি?

—আজ্ঞে, আপনারা সাহেব মানুষ, আপনারা ত আবার এ-সব বিশ্বাস করবেন না। তাম্বব ব্যাপার কিন্তু, একেবারে ত্রিকালজ্ঞ পুরুষ, ভূত-বর্তমান-ভবিষ্যৎ সব কাঁ কাঁ ক'রে ব'লে দিচ্ছেন। আমি ত স্তার চমকে গেছি, যা যা আমায় বললেন সব মিলে গেল—

সুকান্ত তবু বুঝতে পারলে না। বললে—কে? লোকটা কে? কোথেকে এল?

—লোক-টোক নয়, খাঁটি মহাপুরুষ! হিমালয় থেকে এসেছেন, আবার কালই হিমালয়ে চ'লে যাবেন।

সুকান্ত পকেট থেকে একটা সিগারেট-কোঁটা বার ক'রে তার থেকে একটা সিগারেট ধরিয়ে আবার সাইকেলে উঠতে যাচ্ছিল। বললে—দূর মশাই, কি যে বললেন আপনারা, এ-সব আপনাদের সুপারিশন, এ-সব বলবেন না কাউকে, লোকে হাসবে।

নিতাই বসাক সাইকেলের হ্যাণ্ডেলটা চেপে ধরলে। বললে—না না, আপনি তা হ'লে শুধু একবার গুঁ চেহারাটা দেখে যান, দেখবেন চোখ দিয়ে কি-রকম জ্যোতি বেরোচ্ছে—



—না মশাই, শেবকালে যদি জ্যোতির থাকায় অজ্ঞান হয়ে বাই, কাজ নেই, আমি চলি—

ব'লে ব্লক-ডেসেলপমেন্ট অফিসার সাইকেল চ'ড়ে সিগারেট টানতে-টানতে চ'লে গেল। কিন্তু ভিড় কমলো না তা ব'লে। যত বেলা বাড়তে লাগল ততই ভিড় বেড়ে চলে। কেউগঞ্জের মাইল দশেকের মধ্যে খবরটা রটে গেল যে, ছল্লাল সা'র বাড়ীতে এক সাধু এসেছেন। ছল্লাল সা তাঁর কাছে দীক্ষা নিচ্ছে। ছল্লাল সা'র পাটের আড়তে যারা এসেছিল তাদের সবাইকে নেমস্তন্ন করলে নিতাই বসাক।

—আজ রাত্রে কিন্তু আসা চাই হাজরা মশাই! গুরুদেবের প্রসাদ পাবেন!

যারা নৌকোর ব্যাপারী তারা সারা রাত নৌকোর কাটিয়ে ভোর ভোর কেউগঞ্জ থেকে রওনা দেয়। একদল যায়, আর একদল আসে। এই রকমই নিয়ম। কেউ-কেউ কেউগঞ্জের বাজারে গিয়ে এখানে-ওখানে রাত কাটায়। কিন্তু সেদিন শুধু হাজরা মশাই ই নয়, পোদ্দার মশাই, পাল মশাই, দাস মশাই, সকলে প্রসাদ পেলে। ভাল খাঁটি ধি-এ ভাজা গরম-গরম লুচি, কুমড়োর ছকা, ছোলার ডাল, দই, পায়ের সবই খেলে। এমন খাওয়া নতুন নয়। যারা ব্যাপারী, তারা এখন সা'মশাই-এর বাড়ীতে বরাবর পাত পেড়ে খেয়ে গেছে অনেকবার। কেউগঞ্জের গাঁয়ের লোকরাও খায়। ব্রাহ্মণদের জন্তে আলাদা, শূদ্রদের জন্তে আলাদা ব্যবস্থা।

সুকান্তবাবুর বাগলোতে গিয়ে নিতাই বসাক নিজে নেমস্তন্ন ক'রে এসেছিল।

সুকান্ত বলেছিল—খেতে আর আমাদের কিসের আপত্তি, কিন্তু ভক্তি-টক্তি আমাদের নেই মশাই, আমরা ও-সব বুজুকিতে ভুলি না।

—কিন্তু ভক্তি না থাক, আপনাকে স্মার যেতেই হবে, ছল্লাল অনেক ক'রে ব'লে দিয়েছে—আর আপনার স্ত্রীকেও—

সুকান্ত কিন্তু-কিন্তু করছিল। নিতাই বসাক বললে—আপনার কিছু কষ্ট হবে না, আমরা গাড়ি পাঠিয়ে দেব, আপনি খাবেন আর সাধু-দর্শন ক'রে চ'লে আসবেন—

সুকান্ত হেসে বললে—কিন্তু দর্শনী দিতে হবে নাকি আবার আপনাদের সাধুকে?

—না না, সে-রকম সাধু নয় স্মার। একটা পরসানেন না তিনি। ফল-মূল ছাড়া কিছু আহারই করেন

না। নইলে ছল্লাল কি আর সাধে দীক্ষা নিচ্ছে তাঁর কাছে!

তার পর একটু থেমে বললে—আর বললে বিশ্বাস করবেন না স্মার, যাকে যা ব'লে দিচ্ছেন সব ডাছা মিলে যাচ্ছে। আমি কবে পেয়ারা গাছে উঠে পেয়ারা পাড়তে গিয়ে পা মচকে পড়ে গিয়েছিলুম, সব ব'লে দিলেন। আর ছল্লালের ত কথাই নেই স্মার, সে সাধুবাবার পা জড়িয়ে ধ'রে ব'লে আছে সমস্তদিন—

—সে কি? ছল্লালবাবুরও কিছু ব'লে দিয়েছেন নাকি?

—আজ্ঞে, সব সব স্মার, কিছু বাকি নেই আর বলতে। ছল্লালকে ব'লে দিয়েছেন, এই এখন থেকে শুড়-টাইম পড়ল। এইবার ছল্লাল ধুলো-মুঠো ধরবে আর সোনা-মুঠো হবে।

সুকান্ত বললে—আমার হাত দেখে বলতে পারবেন আপনাদের সাধু? আমার ত কুষ্টি নেই—

—কি বলেন স্মার, হাত দেখতেও হবে না, আপনার মুখ দেখেই ভূত-ভবিষ্যৎ গড়-গড় ক'রে ব'লে দেবেন। আপনি কি জানতে চান, বলুন?

সুকান্ত বললে—আমার কনফার্মেশনের ব্যাপারটা নিয়ে জিজ্ঞেস করতাম আর কি! রাইটাস'বিল্ডিং-এ এত ক্লিক চলছে, আমার পেপারটা চাপা দিয়ে রেখেছে মশাই সবাই। অথচ দেখুন, আমি সকলের চেয়ে সিনীয়ার।

নিতাই বসাক বললে—সে কি? আপনার প্রফুল্ল সেনের সঙ্গে আলাপ নেই?

সুকান্ত বললে—না—আপনার আছে?

—আরে কার সঙ্গে আমার আলাপ নেই, তাই বলুন? আগে বলতে হয় আমাকে!

সুকান্ত বললে—অতুল্য ঘোষ? তাঁর সঙ্গে আলাপ আছে?

—অতুল্যদা?

নিতাই বসাক মিটি মিটি হাসতে লাগল। বললে—আগে এ-সব কথা বলতে হয় আমাকে? দেখুন দিকিনি স্মার, এ-সব কথা আমাকে আপনি একদম বলেন নি! আগে বললে আপনি যা চাইতেন সব ক'রে দিতাম! মিনিষ্টাররা ত আমার সব হাত বরা! এই দেখুন, সুগার-মিল করব, মেশিনারি পাচ্ছিলাম না, কলকাতা থেকে চিঠি নিয়ে একেবারে সোজা দিল্লী চ'লে গেলাম, সেখানে যেতেই কাজ ফতে।

সুকান্ত সেন নিজে গভর্নমেন্ট অফিসার। কিন্তু

তবু সেও অবাক হয়ে গেল। বললে—দিল্লীতে গিয়ে কাকে ধরলেন ?

নিতাই বসাক বিজ্ঞের মত রহস্যময় হাসি হাসতে লাগল আবার।

বললে—সব বলব আপনাকে স্তার, সব বলব। আমি যখন আছি তখন আপনার কিছু ভাবনা নেই। দিল্লীর কাকে আপনি ধরতে চান বলুন না? লাল বাহাদুর শাস্ত্রী, জগজীবন রাম, যাকে আপনি বলবেন, সবাই আমার এই মুঠোর মধ্যে।

সুকান্ত যেন ভয়সা পেলে। বললে—ঠিক আছে, আমি যাবো'ধন সন্ধ্যাবেলা -

নিতাই বসাক উঠল। বললে—আমি আপনাকে গাড়ি পাঠিয়ে দেব স্তার, আপনি সন্নীক চলে আসবেন তার পর খাওয়া-দাওয়ার পর আবার আপনাকে বাড়ি পৌঁছিয়ে দেব।

বলে নিতাই বসাক উঠল।

রাত তখন অনেক। লুচি ভাজার গন্ধে বাতাস ভুর-ভুর করছে। ছলল সা'র বাড়ীর সামনের পুকুরের পাড়ে এঁটো কলাপাতের ডাই জমে গেছে। এ-গ্রামের ও-গ্রামের সব লোক এসে খেয়ে গেছে পাতা পেতে। ছলল সা' মশাই এতদিন পরে গুরু পেয়েছেন। কোনও কার্পণ্য করেন নি লোক নিরন্তরের ব্যাপারে। সবই হরির ইচ্ছে। ভবসাগরে হরি ছাড়া কারোর কোনও ভয়সা নেই। এক-একজন করে লোক এসে ছলল সা'র গুরুকে দর্শন করেছে, আর যার যা-খুশি প্রণামী দিয়ে গেছে। একটা রূপোর মস্ত বড় থালা পাতা ছিল, তার ওপর টাকা আধুলি পরসা, নোট, মোহর প'ড়ে পাহাড় হয়ে আছে। সাধু-মহারাজ ব'সে আছেন ডানলোপিলোর তৈরি ভেলভেটের ওয়াড় লাগানো গদিতে। পরদের থান দিয়ে সাধু-মহারাজকে মুড়ে দিয়েছে ছলল সা। সাধু-মহারাজ নিজে কিছু নির্বিকার। ছলল সা'র চাকর চার পাশে দাঁড়িয়ে বিকেল থেকে চামর হেলিয়েছে কেবল মাথার ওপর। মাথার ওপর ইলেকট্রিক-পাখা বন্বন্ব করে ঘুরছে, তবু গরম কাটে না। সামনে ধূপ-ধুনো গুগুল জ্বলে। ঘোঁরার ঘোঁরা হয়ে গেছে ঘরটা। সাধু-মহারাজের চেহারাটাই ঝাপসা হয়ে গেছে ঘোঁরার চোটে। ভালো করে নভর করলে দেখা যার, ছলল সা সাধু-মহারাজার পারের কাছে উপুড় হয়ে প'ড়ে আছে আর হ'হাতে সাধু-মহারাজের পা-জোড়া ছুঁয়ে আছে।

সন্ধ্যা থেকেই এই রকম। যে আসছে সে-ই ছলল সা'র ভক্তি দেখে আর গোখের জল রাখতে পারছে না। ব্রক-ডেভেলপমেন্ট অফিসার সুকান্ত সন্নীক এসেছিল। প্রথমে এত বিশ্বাস-টিশ্বাস ছিল না। একটু নাস্তিক গোছের লোক বরাবরই। সাধু-সন্নীকী কিম্বা ভগবান-টগবানে এত বিশ্বাস কোনকালেই নেই। নেহাৎ নিতাই বসাকের কথার এসেছিল। কিন্তু এসে সাধু-মহারাজের চেহারা দেখে আর কথা শুনেই অবাক।

শেষকালে চ'লে যাবার আগে কি জানি কি হ'ল, পকেট থেকে একটা পাঁচ টাকার আন্ত নোট বার ক'রে রূপার থালার উপর রেখে দিলে।

বাইরে আসতেই নিতাই বসাক ধরলে। বললে, কি স্তার, আমি যা বলেছিলাম, সব মিলেছে ত ?

সুকান্তর স্ত্রী পাশে দাঁড়িয়ে ছিল। বললে, বড় অদ্ভুত, সত্যি!

সুকান্ত জিজ্ঞাসা করলে, সাধু-মহারাজ কি কাল ভোরবেলাই চ'লে যাবেন ?

—হ্যাঁ স্তার, ভোর চারটার নৌকায় তুলে দিতে হবে। কিছুতেই আর থাকতে রাজি করান গেল না, একেবারে নির্লোভ পুরুষ ত, সংসারে থাকতেই চান না। ছললের অনেক পুণ্যবল তাই অমন গুরু পেয়েছে। একটা ফোটা তুলে নিয়েছি, সেইটে বাধিয়ে পূজা হবে এবার থেকে—

আবার ছ'জনকে গাড়ি ক'রে বাড়ি পৌঁছে দিলে নিতাই বসাক। ওদিকে ব্যাপারী মশাইরাও একে একে দর্শন ক'রে প্রণামী দিয়ে খাওয়া-দাওয়া ক'রে চ'লে গেল। হাজরা মশাই, পোদ্ধার মশাই, পাল মশাই সবাই খুশী। ছলল সা স্তম্ভ মানুষ। ভক্তি না থাকলে এমন গুরু ক'জন পায় ? সবাই বলতে লাগল—কলিযুগে ভক্তিই একমাত্র সার স্রব্য।

যখন সবাই চ'লে গেছে, যখন বাড়ী খালি হর-হর, নতুন-বৌও তখন ওতে যাচ্ছিল। নতুন-বৌয়েরই বেশী খাটুণী গেছে। ছলল সা সারাদিন উপোস করেছে বটে, কিন্তু ঝড়ট যা-কিছু সব গেছে নতুন-বৌয়ের উপর দিয়ে। এতগুলো লোকের খাওয়া-দাওয়া, এতগুলো টাকা খরচ। সা'-বাড়ীর যে-যাই করুক, নতুন-বৌয়ের কাছেই সকলের চাবি-কাটি। ছলল সা'র সিন্দুকের চাবি থাকবে নতুন-বৌয়ের কাছে। সৌরভী দৌড়তে দৌড়তে এল।

বললে, নতুন মা, ভাঁড়ারের চাবি দাও, মিষ্টি বার করতে হবে।

মিষ্টি! এত রাতে আবার মিষ্টি কে খাবে? সমস্ত লোকের খাওয়া-দাওয়া সারা হবার পর ভাঁড়ারের চাবি আঁচলে বেঁধে নতুন-বৌ দোতলায় নিজের ঘরে গিয়ে বিশ্রামের আয়োজন করছিল, এমন অসময়ে আবার কে খেতে এল?

—কে? খাবে কে? সবাই ত খেয়ে চলে গেছে! খেতে বাকি আছে কেউ?

সৌরভী বললে, ভস্কার্ঘ্য বাড়ী থেকে কর্তামশাই এয়েচেন—

—কর্তামশাই? কোন্ কর্তামশাই?

—আবার কোন্ কর্তামশাই? কেষ্টগঞ্জের বুড়ো-কর্তামশাই। আর সঙ্গে আছে নিবারণ সরকার। দু'জনের খাবার বন্দোবস্ত করতে বললেন নিচেয়—

—তুই ঠিক জানিস? ঠিক জানিস কর্তামশাই এসেছেন?

নতুন-বৌয়ের তবু বিশ্বাস হ'ল না। বললে, চল, আমিও যাচ্ছি, দেখে আসি গে। কর্তামশাই এ বাড়ীতে আসবে, এ বাড়ীতে খাবে. এ ত হয় না, তুই ভুল ভুলছিস।

নতুন-বৌ আর থাকতে পারলে না, তর তর ক'রে সিঁড়ি বেয়ে একেবারে নিচেয় নেমে এল। এসে দেখলে, সৌরভী যা বলেছে, ঠিকই বলেছে। কর্তামশাই নিজেই এসেছেন। তাঁর পেছনে পেছনে নিবারণও রয়েছে।

ক্রমশঃ

## অধ্যাপক রবীন্দ্রনাথ বন্দ্যোপাধ্যায়

শ্রীঅবনীনাথ রায়

একে একে অনেক বছরই স্মৃতিতর্পণ করেছি কিন্তু শ্রীমান্ রবীন্দ্রনাথ বন্দ্যোপাধ্যায়ের করতে হবে, এ কথা স্বপ্নেও ভাবি নি। বরঞ্চ আশা করেছিলাম, তিনি একদিন আমার সম্বন্ধে হযত লিখবেন। তাঁর স্মৃত্য সম্বন্ধে আশঙ্কা না করার কারণ, তিনি আমার চেয়ে বয়সে অনেক ছোট ছিলেন—বোধ হয় উনিশ-কুড়ি বছরের তফাৎ। কিন্তু স্মৃত্যর বিষয়ে কোন নিয়মই খাটে না।

রবিকে আমি খুব ছোট বয়স থেকে দেখেছি—তখন তিনি স্কুলের ছাত্র। আমি যখন মিরাতে চাকরি করতে যাই তখন আমি বয়সে একেবারে তরুণ—মাত্র সাতাশ বছর বয়স। সেই তরুণ বয়সের নবীন চোখে রবিকে দেখেছিলাম এবং বলতে পারি, ভালবেসেছিলাম। যে সকল গুণ থাকলে মানুষকে ভালবাসা যায়, আমার আদর্শ অস্থায়ী সব গুণই রবির ছিল। স্ত্রী গৌরবর্ণ পাতলা চেহারা, মুখে বুদ্ধির ছাপ, ব্যবহারে নোজন্তের প্রতিমূর্তি, সাহিত্যে, সঙ্গীতে এবং অভিনয়ে অসুরক্তি এবং দক্ষতা—এ সব গুণগুলিরই সমাবেশ রবির চরিত্রে হয়েছিল। তার পর তিনি স্কুলে ভাল ছাত্র বলে খ্যাত ছিলেন। ক্রমে স্কুল পেরিয়ে কলেজে এলেন এবং

সেখানেও তাঁর সেই মেধাবী ছাত্রের খ্যাতি অক্ষুণ্ণ রইল। মিরাত কলেজের অধ্যক্ষ ও ডোনল (T.F.O' Donnel) সাহেবের এবং মিরাত কলেজের তদানীন্তন সেক্রেটারি সার সীতারামের (বর্তমানে উত্তর প্রদেশ গবর্নমেন্টের



অধ্যাপক রবীন্দ্রনাথ বন্দ্যোপাধ্যায়

আবগারী বিভাগের মন্ত্রী) তিনি অত্যন্ত প্রিয় ছিলেন। সুতরাং এম-এ পাশ করার পর মিরিট কলেজে ইংরেজি সাহিত্যের অধ্যাপকের পদ লাভ করতে তাঁর কোন অসুবিধা হয় নি। তাঁর চাকরির বেলায় বাঙালী অ-বাঙালী নিয়ে কোন প্রশ্ন ওঠে নি। কারণ ছাত্র এবং অধ্যাপক মহলে এবং মিরিটের অন্যান্য হিন্দুস্থানী জন-গণের সঙ্গে তাঁর সম্বন্ধ অত্যন্ত মধুর ছিল। রবির চেয়ে ধারা চাকরিতে সিনিয়র, সেই অধ্যাপকেরা রবিকে অত্যন্ত স্নেহ করতেন দেখেছি। তিনি কাউকে কোনদিন কোন ক্লট কথা কিংবা দুর্বাক্য বলেছেন বলে শুনি নি।

অধ্যাপকের জীবনেও রবীন্দ্রনাথ খুব সফলতা লাভ করেছিলেন। তাঁর পড়ানোর খুব সুনাম হয়েছিল এবং তিনি এম-এ এবং পাবলিক সার্ভিস কমিশনের পরীক্ষক নিযুক্ত হতেন। তিনি ইংরেজিতে এম-এ পরীক্ষার জন্ত নির্দিষ্ট অনেক বইয়ের নোট লিখেছিলেন। তিনি একজন ভাল স্পোর্টসম্যান ছিলেন—হকি এবং ফুটবল ভাল খেলতেন। ভাল গান গাইতে পারতেন এবং অভিনয়ে স্ত্রীলোকের ভূমিকা গ্রহণ করে সাধুবাদ লাভ করেছিলেন।

সাহিত্যের প্রতি তাঁর একটা স্বাভাবিক প্রবণতা ছিল। মিরিট কলেজ ম্যাগাজিনের এডিটর ছিলেন মিঃ জিলানি নামক উর্দু ভাষার একজন মুসলমান অধ্যাপক। কিন্তু রবীন্দ্রকেই সেটা চালাতে হ'ত। তাঁর অনুরোধে পড়ে এই ম্যাগাজিনে আমি Mayor of Castorbridge এবং Jude the Obscure প্রভৃতি টমাস হার্ডির বই সম্বন্ধে প্রবন্ধ লিখেছি মনে পড়ছে। মিরিটে “মিত্র বিহার” নাম দিয়ে আমাদের স্বর্গগত বন্ধু সুলেখক প্রিয়কুমার গোস্বামীর বাড়িতে একটা সাপ্তাহিক বৈঠকের আয়োজন করেছিলাম। সেই গোষ্ঠীর সভ্যসংখ্যা ছিল মাত্র ছয় জন। সেই সাপ্তাহিক বৈঠকে রবীন্দ্রনাথের পাঠ, আলোচনা এবং গানের কথা এখনও মনে আছে। এই গোষ্ঠীর তিন জন গত হয়েছেন—অপর দু'জন কলকাতার। তাঁদের সঙ্গেও বিশেষ যোগাযোগ নেই। কিন্তু সকলের স্মৃতি অগ্নান হয়ে আছে। সাহিত্যিক-জীবনের এইটুকুই লাভ। মাহুষ চলে গেলেও স্মৃতিটুকু থাকে।

একবার আমি এলাহাবাদ থেকে মিরিট বদলি হয়ে গেলাম। ছেলেমেয়েদের পরীক্ষা এবং পড়াশোনার জন্ত পরিবারবর্গ এলাহাবাদেই রইলেন। কিন্তু মিরিটে গিয়ে থাকবার জায়গা পাই নে। তরুণ-অধ্যুষিত মেসে আমাদের নিতে চায় না। একলা একখানা বাড়ি ভাড়া করে ঠাকুর-চাকর রেখে থাকাও ব্যয়সাধ্য ব্যাপার। এই সময়

রবীন্দ্র একখানা বাড়িতে একলা থাকতেন। তখনও তাঁর বিয়ে হয় নি। বাবা এবং ঠাকুরমা গত হয়েছেন। সুতরাং একজন পাহাড়ী চাকরই তখন রবির কম্বাইণ্ড হ্যাণ্ড। আমার দুর্দশার কথা শুনে রবীন্দ্র তখন বললেন, আপনি এখনি আমার এখানে চলে আসুন। সেই ভাবে একত্র আমরা অনেকদিন রইলাম, বোধ হয় মাস ছয়েক হবে। তার মধ্যে আমার ছোট ভাগে চাকরির চেষ্টায় মিরিটে এস। তারও স্থান ঐ বাসায় হ'ল।

মিরিটের ছোট বাঙালী সমাজে পরস্পরের মধ্যে যে রকম মনের মিল এবং সহানুভূতি, এমন প্রবাসে আর কোন শহরে দেখি নি। মিরিটের দুর্গাবাড়ীকে কেন্দ্র করে তার বাঙালী-সমাজে জীবন স্পন্দিত। এই দুর্গাবাড়ীতে লাইব্রেরী, ঐকতানবাদন (concert), ড্রামাটিক শাখা, সাহিত্য পরিষদ, সোস্যাল সার্ভিস (মুষ্টিভিক্ষা সংগ্রহ করে দরিদ্র গৃহস্থদের সাহায্য) প্রভৃতি অনেকগুলি বিভাগ আছে। পছন্দ অনুসারে একটি বা একাধিক শাখার সদস্য হতে কোন বাধা নেই। রবীন্দ্র, আমার মনে হয়, সবগুলি বিভাগেরই সদস্য ছিলেন, কারণ কেউ তাঁকে ছাড়ত না। শেষে তিনি লাইব্রেরী বিভাগের সভাপতি ছিলেন।

রবির লেখা শেষ চিঠিখানা এখনও আমার কাছে রয়েছে। এইখানাই যে তাঁর শেষ চিঠি হবে তা অবশ্য জানতাম না। চিঠিখানার তারিখ ১০ই নবেম্বর। আমি উত্তর দিয়েছিলাম ২৫শে নবেম্বর। আমার চিঠি তিনি পেয়ে গেছেন এই আমার সাস্থনা। কারণ তাঁর দেহান্ত হয়েছে ১লা ডিসেম্বর।

চিঠিখানা উদ্ধৃত করে দিচ্ছি :

67/72, West End Road  
Meerut Cantt.

10. 11. 61

শ্রদ্ধাস্পদেষু

আপনার আশীর্বাদ পত্র যথাসময়ে পেয়েছি। কিন্তু পূজার পরে University Youth Festival-এ যেতে হয়েছিল। তাই উত্তর দিতে বিলম্ব হ'ল। এই পত্র-যোগে আমি আমাদের সশ্রদ্ধ প্রণাম নিবেদন করি, গ্রহণ করবেন।

অরীন্দ্রজিৎবাবুর “বৈদিকী” বথাসময়ে পেয়েছিলাম। তাঁকে ধন্যবাদ জানিয়ে উত্তরও দিয়েছি। তবে তাঁর চেয়েও বেশি কৃতজ্ঞ বীণা লাইব্রেরি আপনার কাছে,



কারণ এতদিন পর্যন্ত এত দূরে থেকেও আপনি আজও বীণা লাইব্রেরির উত্থান করে আসছেন। এ কথা আমি আমাদের নূতন কর্মীদের ভালভাবে বুঝিয়ে দিয়েছি। “উত্তরার” বার্ষিক চাঁদা পাঠান হয়েছে।

মিরাটের পূজা যথারীতি সারা হ’ল। এখন পূজার ব্যাপারের চাইতে অভিনয়ের দিকেই সকলের ঝোঁক বেশি, কারণ মহিলারাও সমান উৎসাহী। অতএব উপলক্ষ্য থাক বা না থাক, অভিনয় একের পর এক হয়েই যাচ্ছে।

দিল্লীর ডাঃ সুধীন সেনের তিরোধানের কথা শুনলাম, জানি না সত্য কিনা। সব দিক দিয়ে একটা মানুষের মত মানুষ ছিলেন। \* \* \*

আপনার আর কোন নূতন বই বেরুবার সম্ভাবনা

আছে কি? আমার ত একের পর এক বই বেরিয়ে যাচ্ছে—তবে সেগুলি আপনাকে বলার মত নয়। M. A. Text বইগুলি edit করছি। সামান্য কিছু নামও হয়েছে, অদূর ভবিষ্যতে সামান্য কিছু অর্থাগমও হতে পারে। তবে সৃষ্টি-সাহিত্যে কিছুই করতে পারলাম না, যদিও এত ইচ্ছা ছিল। আপনার কাছে থাকলে হয়ত হ’ত।

প্রণত

রবি

এই স্বয়ং-প্রকাশ চিঠি সম্বন্ধে মন্তব্য করা বৃথা। চিন্তা-বৃষ্টির গভীরতা ও আন্তরিকতা এবং পরিপূর্ণ সাংস্কৃতিক মনের পরিচয় এর ছত্রে ছত্রে রয়েছে। আমার গভীর দুঃখ এই যে, এমন স্পর্শকাতর একটি শ্রদ্ধালু মনকে আমরা খুব অল্প বয়সে হারালাম—তার বয়ঃক্রম পঞ্চাশের নীচে।

## পুরাতন ইতিহাস ও প্রত্নতত্ত্ব

শ্রীযোগেন্দ্রনাথ গুপ্ত

সুন্দরবনের প্রাচীন ইতিহাস ও প্রত্নতত্ত্ব সম্পর্কে জয়নগর মজিলপুর নিবাসী স্বনামধন্য ঐতিহাসিক ও সুলেখক শ্রীকালিদাস দত্ত মহাশয় বহুকাল যাবৎ আলোচনা করিয়া আসিতেছেন। “প্রবাসী”, “ভারতবর্ষ” প্রভৃতি প্রসিদ্ধ মাসিক পত্রসমূহে তাঁহার লিখিত সচিত্র বহু প্রবন্ধ প্রকাশিত হইয়াছে, তাহা অনেকেই পাঠ করিয়াছেন। কালিবাবুর সঙ্গে পূর্বে আমার সাক্ষাতের সুযোগ হয় নাই, এবার মজিলপুর গ্রামের পাঠাগারের উৎসব উপলক্ষে সেখানে যাইবার সুযোগ হইয়াছিল। আমি মজিলপুর পূর্বে যাই নাই। কাছাকাছি গিয়াছি, এবার সেখানে গিয়া পরম আনন্দ ও তৃপ্তি লাভ করিয়া আসিয়াছি। সেখানে আমাকে বেকরুপ আদরের সহিত সম্বন্ধে একজন সস্তার পরিচালক লইয়া গিয়াছিলেন তাহা আমার স্মরণ হইলেও আনন্দ হয়। ৪ঠা ফেব্রুয়ারী ২১শে মাঘ শনিবার জয়নগর মজিলপুর রওরানা হইলাম। পথে পূর্বপরিচিত এবং দ্বারা এই পথে যাওয়া-আসা করেন, তাঁদের জানা-শোনা সেই বালিগঞ্জ, ঢাকুরিয়া, বাদবপুর, গড়িয়া, বারুইপুর, শাপন, গোচারণ, সোনারপুর প্রভৃতি

বহু স্টেশন পার হইয়া সাড়ে পাঁচ ঘটিকার সময় জয়নগর মজিলপুর পৌঁছিলাম। বেশ বড় স্টেশন। প্রাচীন গঙ্গার খাত এক সময়ে পল্লীর মধ্য দিয়া প্রবাহিত হইয়াছিল। মজিলপুরের অনতিদূরে মল্লিকপুর গ্রাম, সেখানে হিন্দু মুসলমান মিলিত ভাবে বাস করেন।

আমি সম্ভ্রামণের পাশে একটি বাড়ীতে গেলাম। বাড়ীর মালিক থাকেন কলিকাতা। ভাড়া দিয়াছেন। তাহারই একটি ঘরে “শান্তিসঙ্ঘ” লাইব্রেরী অবস্থিত। অনেক প্রাচীন পুঁথিপত্র আছে। আমাকে তাঁরা মজিলপুরের মোয়া ইত্যাদি বিভিন্ন মিষ্টান্ন দ্বারা জলযোগের ব্যবস্থা করিলেন।

সাড়ে সাতটার সভা আরম্ভ হইল। বৃহৎ সুন্দর সুসজ্জিত প্যাণ্ডেল। এক দিকে রঙ্গমঞ্চ। শিক্ষিত ও সম্ভ্রান্ত বহু ব্যক্তি, সম্ভ্রান্ত মহিলারা, শিক্ষা-প্রতিষ্ঠানের, বালিকা বিদ্যালয়ের ও বালকদের বিদ্যালয়ের শিক্ষক ও শিক্ষিকারা সভাতে উপস্থিত ছিলেন। বালক-বালিকা ও কিশোর-কিশোরীদের আবৃত্তি, অভিনয়, নৃত্য-গীত, সঙ্গীত হইয়াছিল। এ সমুদয় উপভোগ করিয়া রাত্রিতে



শ্রীকালিদাস বিষ্ণুমূর্তি

সেখানকার সরকার-বাড়ীতে ভোজন ইত্যাদি করিয়া সেখানেই বিশ্রাম করিলাম।

পরদিন প্রত্যুষে বেলা আটটার সময় পাশাপাশি অনেক পুকুরের ধার দিয়া মিউনিসিপ্যালিটির পথ ও দীঘি সরোবরের পাড় দিয়া চলিলাম শ্রীকালিদাস দত্ত মহাশয়ের বাড়ী; তাঁহার কথা পূর্বে উল্লেখ করিয়াছি। তিনি পল্লীর সর্বজনপ্রিয় প্রতিষ্ঠাবান ব্যক্তি। বিগত ১৩৬৭ সালে 'বঙ্গসাহিত্য সম্মিলনের' তৃতীয় রবীন্দ্রজয়ন্তী সভা জয়নগর মজিলপুরের সর্কার্থসাধক বিদ্যালয়ে স্থানীয় রবীন্দ্রজয়ন্তী পরিষদের আহ্বানে অমুষ্ঠিত হয়। শ্রীকালিদাস দত্ত মহাশয় সভাপতির আসন গ্রহণ করেন।

কালিদাসবাবুকে দেখিবার আগ্রহ আমার অনেক দিন হইতেই ছিল। কাজেই পণ্ডিত শিবনাথ শাস্ত্রী মহাশয়ের বসত বাড়ী পাশে রাখিয়া আমরা কালীবাবুর বিরাট প্রাঙ্গণে গিয়া উপস্থিত হইলাম। বৃহৎ ও সুন্দর প্রাচীন দ্বিতল বাড়ী, কালিদাসবাবুকে আমার সঙ্গী-

যুবক বলামাত্র তিনি সাদরে আহ্বান করিলেন। দীর্ঘ প্রশস্ত বারান্দা শোভনরূপে সজ্জিত। কালীবাবু প্রথমেই জলযোগে আপ্যায়িত করিয়া বিবিধ ঐতিহাসিক কাহিনী বলিলেন। বিশেষ করিয়া সুন্দরবনের ঐতিহ্য তথ্য, এবং তাঁহার সংগৃহীত ও সংরক্ষিত বহু প্রাচীন মুদ্রা, লিপি, পুঁথি, মূর্তি দেখাইলেন এবং তাহাদের পরিচয় দিলেন। তাঁহার বাড়ীর দ্বিতলের বারান্দায় যে স্থানে বসিয়া বঙ্কিমচন্দ্র বিষবৃক্ষের কিয়দংশ রচনা করেন, সে স্থানটিতে দেখিলাম মর্ম্মর প্রস্তরে সে বিবরণটুকু খোদিত রহিয়াছে। মাহুস চলিয়া যায় কিন্তু তার কীর্ত্তি বাঁচিয়া থাকে।

চব্বিশ পরগণার হরিরামপুর পল্লী হইতে সংগৃহীত বহু মুদ্রা তাঁহার কাছে দেখিলাম। ভারতবর্ষের নানা স্থান হইতে, যেমন, রূপার, তাম্রশীলা প্রভৃতি স্থানের মৌর্য্য যুগের মুদ্রা দেখিলাম। কালীবাবু আমাকে ক্ষুদ্র ক্ষুদ্র করেকটি মুদ্রা উপহার দিয়াছিলেন।

১৭৫৭ খ্রীষ্টাব্দে মীরজাফরের সহিত লর্ড ক্লাইবের যে সন্ধি হয় তাহাতেই ২৪ পরগণার ইংরাজাধিকার আরম্ভ হয়। সে সময়ে কোম্পানীর নবপ্রাপ্ত জমিদারীর প্রথম নোড়শ মাস কর আদায়ের ভার কোম্পানী নিজ হস্তেই রাখিয়াছিলেন। কিন্তু ১৭৫৯ খ্রীষ্টাব্দের মে মাসে কোম্পানী রাজস্ব বিলি করিবেন স্থির করিয়া ২১শে মে তারিখে ইস্তাহার জারি করেন এবং তিন বৎসরের জন্য পরগণা বিলির ব্যবস্থা করেন। আমরা ঐ সময়ের পূর্ববর্তী একখানি খোদিত লিপি দেখিতে পাই। তাহা এইরূপ :

রঘুনাথ দত্তস্বত দত্ত অভিরাম তার পুত্র  
এ চুড়ামণি পাকুড়িয়া ধাম। নবাব জাফর খাঁ  
হুরস্ত হইল। তার ভ্রাতৃ চুড়ামণি দত্ত পালাইল।  
১১৩২ সালে জাতি কুটুম্ব ছাড়ে শূত্র হ'ল গ্রাম।  
চুড়ামণি কলিকাতা করিলেন ধাম।  
নবাব গিরাজদৌলা কলিকাতা লুটিল।  
সেই কালে চুড়ামণি গ্রাম উদ্ধারিল।  
১১৬২ সালে। জঙ্গল কাটিয়া বাট করিলা নির্মাণ।  
লিখিয়া আপন হাতে রাখিলা নিশান।  
বড় বড় ১১৪৬ সাল। বরগি সাল ১১৪৮ চৈত্র।  
এই খোদিত লিপিটি বারাসতের অন্তর্গত সূর্য্যপুর গ্রামের পাকুড়িয়া অঞ্চলের অন্তর্গত সাতিবোনা, চব্বিশ পরগণার বারাসত থানার বন্দুলালের মন্দিরে কৃষ্ণ প্রস্তরের গায়ে খোদিত রহিয়াছে।

This inscription was fixed on Dattabati

বল্লালসেন ছিলেন অর্ধনারীশ্বর মূর্তির উপাসক। তাঁহার তান্ত্রশাসনে অর্ধনারীশ্বর মূর্তির উল্লেখ আছে। আমার সংগৃহীত অর্ধনারীশ্বর মূর্তির বিষয় পূর্বে 'প্রবাসী',



সুর্যপুরের সার্যজগিনী



শিব অর্ধনারীশ্বর

in the village of Suryapur at Pakuria. It is inscribed on a black stone and now kept in the temple of Nandadulal at Sati-bona, P. S. Barasat, 24 Parganas.

আকাশাদি রসকৌলী শিতেশকে শিবালয়ঃ

মুদ শ্রীকেশবোকাষিং বাসুদেবেন শিল্পীনা।

মন্দির বাজার, কেশবেশ্বর। এই মন্দির শিলা-লিগন অস্থায়ী দেপিতে পাই, ১৬৭০ অব্দে মন্দিরটি নির্মিত হয়। এ মন্দিরটি আমি দেখি নাই, দেখিলে চিত্র সংগ্রহ করিতে পারিতাম এবং মন্দিরের বর্তমান অবস্থা কিরূপ দাঁড়াইয়াছে তাহা দেখিবার সুযোগ হইত।

এই সঙ্গে আমি তিনটি চিত্র প্রকাশ করিলাম, প্রথমটি হইতেছেন অর্ধনারীশ্বর মূর্তি। সেনরাজাদের সময়ের

'ভারতবর্ষ' পত্রিকায় প্রকাশিত হইয়াছে। সংগৃহীত 'বিক্রমপুরের ইতিহাস' দ্বিতীয় সংস্করণে চিত্রসহ প্রকাশিত হইয়াছে, আমার মূর্তি কৃষ্ণ প্রস্তর নির্মিত। প্রাপ্তিস্থান 'বিক্রমপুর পুরাপাড়া', সংগৃহীত আনুমানিক ষাদশ শতাব্দী কাল। আমি এই মূর্তিটি রাজসাহী বারেন্দ্র অস্থায়ী সমিতিতে দিয়াছিলাম। শ্রীযুক্ত অজিত মুখার্জি মহাশয় ৩৭প্রণীত 'Art of India' নামক গ্রন্থে এ মূর্তিটির পরিচয় প্রদানে লিখিয়াছেন : Ardhanarisvara, Vikrampur, Bengal, Black-Stone. Date i. e. 12th century A. D. Location : Dacca Museum-Bengal ভুল লেখা হয়েছে। তিনি না এখন উহা রাজসাহীতেই আছে কি না।


আমরা এই সঙ্গে যে অর্ধনারীশ্বর মূর্তিটির চিত্র প্রকাশ করিলাম তাহা দণ্ডায়মানরূপে নির্মিত। শিব ও পার্শ্বতীর গঠনেও বৈচিত্র্য রহিয়াছে। কেহ লক্ষ্য করিলেই তাহা বুঝিতে পারিবেন। বিষ্ণুমূর্তিটি ব্রহ্মের নির্মিত, স্কন্দরবনে প্রাপ্ত, কালিদাস দস্ত সংগৃহীত।

সূর্য্যমূর্তিটিও স্কন্দরবনে প্রাপ্ত—আত্তোষ মিউজিয়মে কালিদাস দস্ত কর্তৃক প্রদত্ত। মূর্তির পরিচয় সহজেই বুঝিতে পারা যায়। সেনরাজগণের সময়েও বাংলার রাজ-পরিবারের মধ্যে সূর্য্যোপাসনা প্রচলিত ছিল। সেনরাজ-গণের মধ্যে কেহ কেহ আপনাকে পরম সৌর বলিয়া পরিচিত করিয়াছেন। গোড়েশ্বরের অমাত্য বলভদ্র সেনের পূর্বপুরুষ একজন পরম সৌর ছিলেন। ‘মৎস্ত-পুরাণ’, ‘অগ্নিপুরাণ’ প্রভৃতি বহু পুরাণে সূর্য্যমূর্তির ধ্যান আছে। ধ্যান এইরূপ :

“মিত্রদেব—সপ্তাশ্বে ও সারথিবৃদ্ধ একচক্র মহারথে অধিষ্ঠিত। চুই হস্তে পদ্ম এবং বক্ষে কঙ্কু ও চর্ম্ম ধারণ

করিয়া আছেন, তাঁহার কেশগুলি অকুণ্ডিত ও প্রভাসগুল-মণ্ডিত। কেশ সুবেশযুক্ত ও স্বর্ণ-রত্ন-বিভূষিত। তাঁহার দক্ষিণ পার্শ্বে নিকুভা ও বাম পার্শ্বে রাজী। উভয়ে সর্কাস্তরণসংযুক্তা ও কেশহার সমুজ্জ্বলা। উক্ত রথ মকরধ্বজ বলিয়া বিখ্যাত। সকলেরই মণ্ডলযুক্ত মুকুট দিতে হইবে। মিত্রদেবের সম্মুখভাগে পুরুষরূপী দুইটি মূর্তি করিতে হইবে, তন্মধ্যে দণ্ড বা ধর্মের এক বস্তু এবং স্কন্দ তেজোকরাযুজ হইবেন। দিব্যদেহধারী ও সর্কলোকের আলোকদানকারী বাটকে হস্তাক্রম পদ্মের উপর স্থাপন করিবে। সূর্য্যের মণ্ডল জাতি ও হিঙ্গুল-বর্ণবৎ হইবে। চতুর্ভুজ হইক বা দ্বিভুজ হইক, মিত্রদেবকে রেখামান দ্বারা স্তম্ভোভিত, দ্বিহস্তোপরি পদ্ম ও সবলাশ্বরথে স্থাপন করিবে। দণ্ড ও পিঙ্গল নামক ঋজুধারী দুইটি দ্বারপালকও রাখিতে হইবে।”

আমরা এই প্রবন্ধে যে চিত্র কয়খানা প্রকাশ করিলাম, তাহা হইতে মূর্তি কয়টির পরিচয় সুস্পষ্ট ভাবে বুঝা যাইবে





## শুধু প্রহর

### শ্রীপ্রেমেন্দ্র মিত্র

( ১৩৩৮ সালে প্রকাশিত এই ধারাবাহিক উপন্যাসটির প্রথম দশটি অধ্যায়ের সংক্ষিপ্ত গল্পাংশ । )

হুড়োর পুলের কাছে একটি জেটীর ধারে ব'সে পরপর সাতদিন শোভনা অপেক্ষা করেছে। দুপুর থেকে সন্ধ্যা পার হয়ে বত রাত অবধি সম্মত। তার সান্নিধ্য অনুপম ফিরে আসে নি, একটা চিঠিও লেখে নি।

অনুপম আর আসবে না, জীবনে হয়ত আর তার সঙ্গে দেখাও হবে না, শোভনা মনে মনে নিশ্চিতভাবেই এখন জেনে নিয়েছে।

নতুন পাকা বাড়ী আছে একটা-আধটা, সেই সঙ্গে কাঁচা মর্দমা, নোংরা ডোবা, টিনের চালের মাট কোঠা, প্রায় ধসে-পড়া পুরণো হাড়গোড় বেরনো ভিটে। এমনি একটি পুরণো ভিটের এককোণের একটি ঘরই পৃথিবীতে এখন তার একমাত্র আশ্রয়। যে ঘরে অনুপম যখন রোগীদের হাসপাতাল থেকে এনে তাকে তুলেছিল, প্রথম মাসের পর দ্বিতীয় মাসে যে পরের শুড়া এখনও দেওয়া হয় নি।

বাড়ীওয়ালার বৃদ্ধ আশুবাবু বাড়ীভাড়ার কথা তোলেন নি। ইতিমধ্যে অনেকবার নিজের বাগানের কলমুল, এটা-সেটা তাকে দিয়ে গেছেন, আপত্তি করলে অতঃপর গুম হয়েছেন।

এক রাত্রে নিজের খাবার শোভনাকে খাইয়ে একটা পোষ্টকাড তার হাতে দিয়ে বললেন, তোমার নামে চিঠি, নিচে কোন নাম-সই নেই, কিন্তু চিঠি যে অনুপমবাবুর সে বিষয়ে সন্দেহ নেই।

শোভনা ভাবছে, কেন এ চিঠি না পড়ে সে ফেলে দিতে পারবে না? এইটাই তার নতুন জীবন-সঙ্কল্পের প্রথম পরীক্ষা মনে করতে দোষ কি? কিন্তু শেষ পর্যন্ত পড়ল সে চিঠিটা। অনুপম লিখেছে, তার সঙ্গে আর কথা অপেক্ষা না করতে, তাকে না পুঁজতে।

পরদিন আশুবাবু এসে বললেন, মধু ত আজও আসছে না, তুমি আজকের রান্নাটা যদি আমার ক'রে দাও।

সহজ স্বাভাবিক কথা।

সেইদিনই শুদ্ধিকার ঘরের বাসিন্দা নিপিন বঙ্গী এসে নিজেই নিজের পরিচয় দিয়ে বললেন, প্রতিবেশী হবার দাবিতে আপনার উপর একটু অত্যাচার করতে এলাম।

ও ন বড়ী মা আর-সব করে দেন, শুধু চোখজুটো একেবারে গিয়ে সেলাইয়ে, কাজটা ঠ'কে দিয়ে এখন আর হয় না। নিপিন বঙ্গীর অকুণ্ঠিত অনুরোধ এড়াতে না পেরে তার জাম'র ছেঁড়া পকেট সেলাই ক'রে দিতে রাজী হ'ল শোভনা।

সামান্য ছ'চারটে কথা এর পর আশুবাবুর সঙ্গে শোভনার বা হয়েছে, তাতে আশুবাবুর একটা ইঙ্গিত স্পষ্ট হয়ে উঠেছে। শোভনাকে রান্নার তার দেওয়ার ব্যবস্থাটা দু-একদিনের সাময়িক ব্যাপার নয়। তাকে ঠিক রাধুনী হিসেবে নেবার অনুগ্রহ যে এটা নয় তাও শোভনাকে ইঙ্গিতে তিনি বোঝাতে চেয়েছেন।

আশুবাবুর কপাল-বার্তায় ও ধরণ-ধারণে বোঝা গেছে যে, খাওয়া-পাকার ভাবনাটা এখনকার মত সে ভুলে থাকতে পারে।

বৃষ্টি মাণায় ক'রে নিপিন বঙ্গী এল। শোভনার সঙ্গে তার গল্প জমাবার চেষ্টা। শোভনা বলল, জামার সেলাইটা ঠিক হয়েছে ত?

নানা কথা মধ্য নিপিন স্বীকারই করল, জামাটা একটা ছুতো।

আপনার আসল কথাটা কি?

নিপিন স্বীকার করল, সেটা সাময়িক কিছু নয়। তার একটু কেঁতুহল। শোভনার স্বামীর দীর্ঘ অনুপস্থিতি সত্বে কৌতুহল।

নিপিনের মা তাকে সাবধান ক'রে দিলেন, মেয়েটির কিছু একটা গোলমেলে ব্যাপার আছে ব'লে মনে হয়, ওর সঙ্গে মেলােশা না করাই ভাল।

আশুবাবু মাহ-মা'স পাওয়া ছেড়ে দিয়েছিলেন, এখন আবার মাহ-মা'স আসছে বাজার থেকে। একদিন বাজার আসার পরেও ছুটো টাকা প্রায় জোর ক'রে গচ্ছিয়ে দিয়ে গেলেন, যদি আর-কিছু দরকার-টরকার হয়, আনিয় নিও ব'লে। অনুগ্রহের চেহারাটা বড় স্পষ্ট হয়ে উঠেছে। সেদিন আশুবাবু তাঁর বহুদিনের অত্যাচার বাতিল ক'রে রাত্রে মিলি আর কলমুলের বদলে ভাত খাবেন ব'লে গেছেন। বাঁর সঙ্গে এ ব্যতিক্রম, তাকে কিছু দাম দিতেই ত হয়? কি সে দাম?

একটু একটু ক'রে সংসারের কড়ত তার হাতে জমছে।

আশুবাবু একদিন তাকে একজোড়া শাড়ী দিয়ে বললেন, এসব জিনিষ আমার কাছ থেকে বিনা প্রতিবাদেই তোমাকে নিতে হবে। এটাকে দয়ার দান মনে ক'রো না, তা হ'লেই দয়ার বা মানির কিছু থাকবে না।

আপত্তি জানিয়ে এই সজদর বৃদ্ধকে সামান্য একটু আঘাত দিতেও তার বেগেছে।

একদিন বেশ রাত হ'ল আশুবাবুর বাড়ী ফিরতে। ছ'জন গুল্লোক ধরাধরি ক'রে তাঁকে বাড়ী পৌঁছে দিয়ে গেলেন। আশুবাবু বললেন, ও কিছু না মা! অনেকটা হেঁটে একটু রান্না হয়েছিলাম কিনা? তাই মাথাটা একটু ঘুরে গিয়েছিল।

এত রাত অবধি কেন ঘুরছিলেন, এ প্রশ্নের উত্তরে আশুবাবু বললেন, একটা জরুরী ব্যাপার ছিল কি না তাই একটু -

জরুরী ব্যাপারটা কি তা একটু পরে জানা গেল। অনুপমের ঠিকানা পাওয়া গেছে। আশুবাবুর বৃদ্ধ উদ্দেশ্য রক্ষিত তাঁদের পাড়ার একটি শ্বেশনারি দোকানে কি কিনতে গিয়ে তাঁকে দেখেন। সে দোকান চেনে উদ্দেশ্যবাবুর জানা এমন একটি লোককে আজ বিকেলে এগান থেকে তাঁকে নিয়ে বেতে আসতে বলেছিলেন। দোকানে গিয়ে অনুপমকে পাওয়া যায় নি। সেখান থেকে তার বাসার ঠিকানা সংগ্রহ ক'রে আশুবাবু সেই বাসার শৌজ করতেও গিয়েছিলেন, শুধু ঠিকানার

গোলমালের মধ্যে ঠিক জায়গায় পৌঁছতে পারেন নি। বললেন, আর ভাবনা ক'রো না মা। একবার যখন খেঁই পেয়েছি, ও ঠিকানা আমি খুঁজে বার করবই।

শোভনাকে চুপ ক'রে থাকতে দেখে বললেন, এই পোজ পাওয়ার খবর শুনে তোমার একটু আগ্রহ দেখলে ত মনটা খুলী হয়। এমন ত আর নয় যে, অনুপমের খোঁজ করতেই আর তুমি চাও না?

ইঠাৎ মুগ্ধতা কিরিয়ে শোভনা সোজা আগ্রবাবুর দিকে তাকিয়ে দৃঢ় স্বরে বললে, যদি বলি তাই?

যখন বোঝাই যাচ্ছে, দেখা হবার ভয়ে অনুপম পালিয়ে বেড়াচ্ছে তখন তাকে খুঁজে বার করার জন্যে ব্যাকুল সে হবে কেন?

তবে স্তব্ধ একটা বেদনাময় কৌতূহল আছে তার মনে। কি কারণে অনুপম এমন ক'রে তাকে ফেলে যেতে পারল তা জানবার একটা আগ্রহ মনকে এখনো যে পীড়িত করে তা সে অস্বীকার করতে পারে না।

এই কৌতূহলকেও প্রশয় না দিতে সে দৃঢ়মস্তক।

নিপিল বগী এর মধ্যে একদিন কতগুলি কাগজ বেগে গিয়েছিল, রাতে শুতে গিয়ে সেই কাগজগুলি পিষ্ট করল।

### বারো

গলি-খুঁজি নয়, বেশ কাঁকা পোলামেলা জায়গাই বলা যায়। কিন্তু কিছুদিন আগেও জায়গাটা যে শহরের বহু দূরে, সব কাজের বার, নাবাল জংলা জলা মাত্র ছিল তার চিহ্ন এখনও প্রচুর।

কোথাও যাদের ঠাই নেলে নি এই কচুরিপানায়-মজা অগভীর জলার ওপরই এসে তারা কোনরকমে ডেরা বেঁধেছিল। খোলার চাল, মুলী-বাঁশের দেওয়াল দেওয়া খুপরি খুপরি সব বাসা, বেশীর ভাগই জলার ওপর মাচা বেঁধে বসানো। খরার দিনেও বাঁশের সাঁকো দিয়ে তাতে পৌঁছতে হয়েছে। বর্ষায় ত বাসার মধ্যেই থই থই করেছে জল।

সর্বহারাদের নিরুপায় বসতি যখন এখানে শুরু হয়েছিল তার পর অনেক বছর কেটে গেছে।

বসতি বেড়েছে। কচুরিপানার বংশই বছরের পর বছর নতুন ক'রে বেড়ে জলার ওপর শুকনো খোলস বিছিয়ে বিছিয়ে মাটি টুঁচু ক'রে তুলেছে। নিজেদের চেঁচায় পুকুর ডোবা কেটেও বাড়তি জলের সঙ্গতি ক'রে ডাঙা শুকনো ক'রে তোলবার ব্যবস্থা হয়েছে কোথাও কোথাও।

কারুর কারুর ইতিমধ্যে ভাগ্যও ফিরেছে। মুলী-বাঁশের বদলে ইটের দেওয়াল, খোলার বদলে টিনের চালও দেখা যায় এখানে-সেখানে।

কিন্তু তা সত্ত্বেও চারিদিকে কচুরিপানায় মজা জলা এখনও আগের যুগের দখল সম্পূর্ণ ছাড়ে নি।

বাঁধানো সরল সোজা রাস্তা এখনও নেই। এলো-মেলো ভাবে যেমন বসতি উঠেছে তেমনি ডোবা পুকুর জলা জংগলের ভেতর দিয়ে আঁকা-বাঁকা পায়-চলার পথ। খানা-খন্দর ওপর কোথাও এক-আধটা নারকেল খেজুরের গুঁড়ি ফেলা। কোথাও তাও নেই।

এই পথেই সেদিন সকালবেলা শোভনাকে দেখা গেল। সঙ্গে আগ্রবাবু ত আছেনই তাঁর বন্ধু উমেশবাবুও এসেছেন।

অনেক খুঁজে-পেতে তারা এই এলাকাটা বার করেছেন কিন্তু আসল ঠিকানা এখনও পান নি।

এলাকাটা বড় ছোট নয়। বিস্তীর্ণ একটা বাদা-গোছের জায়গা। বোধ হয় সেই জন চার্নকের আমল থেকেই অব্যবহার্য ব'লে অবজ্ঞাত হয়ে প'ড়ে ছিল। রাজ-নীতির নিষ্ঠুর তামাসায় সেই জায়গাই ছিন্নমূল মানুষের কাছে পরম মূল্যবান হয়ে উঠবে কে জানত!

অল্প অনেক এ ধরনের বসতিতে যেমন, এখানে তেমন বাসিন্দাদের সংগতি গ'ড়ে উঠতে পারে নি বিশাল বিস্তৃতির জায়গাই। ছাড়াছাড়া ভাবে দু'চারটি ঘরের বসতি এক এক জায়গায় জড়ো করা। বসতির এক জটলার সঙ্গে আরেকের তেমন যোগাযোগ নেই।

জিজ্ঞাসাবাদ ক'রে সঠিক খবর কোথাও তাই মেলে নি।

নতুন ডেরা এদিকে-ওদিকে এখনও অনেকে বাঁধছে। এ ত আর তাদের গ্রাম নয় যে, সকলের নাম মুগ্ধ থাকবে?

তা ছাড়া নামটাও লুকোন কি না কে জানে।

উলঙ্গ অধোপঙ্গ কৌতূহলী একদল ছোট ছেলে-মেয়েদের কাছেই সাহায্য পাওয়া গেছে সবচেয়ে বেশী। এ অঞ্চলে নতুন চেহারা দেখে তারাই সঙ্গ নিয়েছে গোড়া থেকে।

এদের মধ্যে একটি ছেলে নিজের বৈশিষ্ট্যই সর্দার স্থানায়। চালাক চতুর সপ্রতিভ ছেলে। পরণে একটা ছেঁড়া তালিমারা পাটো খাঁকি রঙের হাফপ্যান্ট ছাড়া কিছু না থাকলেও তার চাল-চলনে একটা অকুণ্ঠ ভারি ভাব।

নামটা শুনে ও এ অঞ্চলে নতুন এসেছে জেনে অল্প সকলের গোল খামিয়ে সে ছুরু কুঁচকে কি একটু ভেবেছে তার পর চেহারার বর্ণনা নিজে থেকেই দিয়ে ঠিক হচ্ছে কি না জানতে চেয়েছে।

বর্ণনা নেহাৎ ভাসাভাসা। চেহারার চেয়ে

শোভনাকে তার মধ্যে প্রধান। তবু কিছুটা মিল দেখে শোভনা তার বর্ণনা সমর্থন করেছে।

আপাতত: সেই ক্ষুদ্রে সর্দারের নির্দেশেই তারা চলেছে দূরের ক'টা নারকেল গাছ-ঘেরা বসতির দিকে।

অনুপমকে তার নতুন আস্তানায় খোঁজবার জন্তেই যে এ অভিযান তা বোধহয় বুঝিয়ে বলবার দরকার নেই।

হ্যাঁ, শেষ পর্যন্ত শোভনা সেই সঙ্কল্পই আঙুবাবুকে জানিয়েছে। নিজেই উৎসাহ ক'রে আঙুবাবুকে নিয়ে প্রথম উমেশবাবুর বাড়ি গেছে এবং সেখান থেকে তাঁকে সঙ্গে নিয়ে এই অঞ্চলে এসেছে, অনুপম যে দোকানে কাজ করে সেখান থেকে যতটুকু সম্ভব খবর সংগ্রহ ক'রে।

দোকানে গিয়ে অনুপমের দেখা পেলে অবশ্য এতদূর আসবার প্রয়োজন হ'ত না।

কিন্তু দোকানে শোভনা গেছে যে, অনুপম ক'দিন ধরেই নাকি কাজে আসছে না।

অনুপমকে দোকানে না পেয়ে শোভনা হতাশ কি নিশ্চিত হয় নি। সে যেন মনে মনে জানত, অনুপমের দেখা অত সহজে পাওয়া যাবে না।

দোকানের মালিক ও অত্র একজন কর্মচারীর কাছে অনুপমের এগনকার বাসার যে ভাসা ভাসা হৃদিস পাওয়া গেছে তাও খুব ভরসা করার মত ব'লে মনে হয় নি।

অনুপম কিছুদিন মাত্র এ দোকানের চাকরিতে ঢুকেছে জানা গেছে। স্থায়ী চাকরিও নয়, ক'দিনের জন্তে শিকানবিশী বলা যায়। তার বিশেষ ঠিকানা পরিচয় তাই কেউ জানে না। কাজের শেষে একজন কর্মচারী ওই অঞ্চলের দিকে যেতে দেখেছে, এইটুকু মাত্র সন্ধানের সূত্র।

এই সূত্রটুকুর ভরসা না করে সন্ধান কাম হওয়াও চলত।

কিন্তু শোভনা তা হয় নি। যত সীমিত সূত্রই হোক, শেষ পর্যন্ত তা অনুসরণ না ক'রে হাল ছাড়বে না এই এখন তার কঠিন প্রতিজ্ঞা।

অনুপমকে খোঁজা সম্বন্ধে অত্র দ্বিধা সংশয় উদ্বেগ এই সে রাতেও যার মনে ছিল তার হঠাৎ এই সঙ্কল্প একটু বিশ্বাস কর সন্দেহ নেই।

মনের এই পরিবর্তনের ধাপগুলো তাই জানবার কৌতূহল হতে পারে।

শোভনা নিজেও সুস্পষ্টভাবে অবশ্য এ বিষয়ে কিছু বলতে পারবে না।

নিখিল বক্সী বেরিয়ে যাবার পর শব্দে দরজা বন্ধ ক'রে সে কিছুক্ষণ অক্ষম কোণে নিজের মনেই ফুলেছিল।

এ রাগটা ঠিক নিখিল বক্সীর ওপরও নয়, নিয়তি স সার অনুপম সব যেন এক সঙ্গে জড়িয়ে গেছে একটা ছরস্তু কোণে অভিমানের লক্ষ্য হিসাবে।

আঙুবাবু তাকে নিজের খাওয়া-দাওয়ার ব্যবস্থা ক'রে নিতে ব'লে গিয়েছিলেন।

শোভনা কিন্তু অনেক বেলা পর্যন্ত দরজা খুলে ঘরের বাইরেও যায় নি।

তার মনের গতি বুঝতে পারলে আঙুবাবু হয়ত নিজেই তাকে ডাকতে পাঠাতেন। কিন্তু তিনি নিজেই তখন বেশ একটু বিচলিত। শোভনা যথাসময়ে নিজের, খাওয়া-দাওয়ার ব্যবস্থা ক'রে নেবে, এই নিশ্চিত বিশ্বাসে একটু সকাল সকালই বন্ধু উমেশবাবুর বাড়ির দিকে তিনি রওনা হয়ে গেছেন।

অনেক বেলা পর্যন্ত শোভনা তাই নিজের মনের ক্ষুদ্রে উত্তেজনা নিয়ে একলা থাকতে পেবেছে।

সকালের এ ক্ষুদ্রে উত্তেজনা গত রাতের দ্বিধা সংশয়ের দোলা থেকে আলাদা। তার মন সম্পূর্ণ ভিন্ন প্রবাহে এখন ভেসে গেছে অস্পষ্ট একটা বিদ্রোহের চেতনায়।

যা কিছু আজ তার জীবনকে চারিদিক দিয়ে জড়িয়ে নিখিল ক'রে রেখেছে, এ সব ছিঁড়ে বেরিয়ে যাওয়া যায় না ?

নাম ধাম পরিচয় এ সবই ত তার বেলায় নিরর্থক ক'টা বন্ধনের জাল মাত্র। এ সবই অস্বীকার করলে ক্ষতি কি ?

সত্যিই যদি দুঃসাহসিক একটা ঝাঁপ দেয় ভবিষ্যতে, পিছনের সব কিছু চিহ্ন মুছে ফেলতে না পারুক সম্পূর্ণ অবজ্ঞা করে ?

ধর্ম ত্রায় নীতির সংস্কারকে আঁকড়ে ধ'রে থাকার কোন মোহ ত তার থাকা উচিত নয়। মৃত্যুর অতল অঙ্ককারের কিনারা থেকে সে ফিরে এসেছে শুধু কি ক্ষীণ বিবর্ণ একটা জীবনধারা নিয়ে সঙ্কষ্ট থাকতে ?

ভাগ্য তাকে বঞ্চনা করেছে, বিশ্বাসঘাতকতা করেছে অনুপম তার সঙ্গে, সেই বঞ্চনায় ও আঘাতে প্রতিশোধের আঙুনই তার মধ্যে জ'লে উঠা উচিত।

না, প্রতিশোধও নয়, তার ভীত বাসনাও একটা বন্ধন, বিপক্ষেই বিপরীত দিক দিয়ে একমাত্র আরাধ্য ক'রে তোলা। প্রতিশোধে তার প্রয়োজন নেই। তার বদলে থাক অসীম ঔদাসীন্য। অনুপম একটা সাময়িক তিরিক্ত স্মৃতিমাত্র! আর ভাগ্য ? ভাগ্য ত আসলে পুরুষ। তাকে উপেক্ষা করবার সাহস থাকলেই সে পদ-প্রান্তে পড়বার জন্তে পিছু পিছু ফেরে।

শোভনার অস্থির উত্তপ্ত করণা অতীত সব সম্ভাবনা তার সাধনে যেন প্রত্যক্ষ ক'রে তোলে।

ভাগ্য পুরুষ। আর পুরুষই আজ সবকিছুর রাশ নিজের হাতে ধ'রে ব'সে আছে। কিন্তু এই পুরুষ লোভী দুর্বল উদ্ভ্রান্ত। ইচ্ছে করলে, আর মনের অর্ধহীন অহুশাসন অগ্রাহ্য করতে পারলে, এই পুরুষের জগতে শুধু অঙ্গুলি হেলনে নিজের ভাগ্য রচনা করা যায়।

তার জন্তে সামান্য ষেটুকু উপকরণ দরকার তা কি তার একেবারেই নেই?

নিখিল বক্সীই ত এক দিক দিয়ে তা স্বীকার ক'রে গেছে। শুধু যোগ্যতা নয়, নারীত্বের অল্প আকর্ষণ যেখানে প্রধান সম্পদ, সে চাকরি শোভনাকে দেবার কথা নইলে সে ভাববে কেন?

সে সুন্দরী নয় শোভনা জানে, কিন্তু দেহসৌষ্ঠবের কিছু আকর্ষণ যে তার আছে একথাও তার অবিদিত নয়।

পুরুষের পৃথিবীকে যা টলায় সে শক্তি তার মধ্যে যতটুকুই থাক তা ব্যবহার করতে হ'লে ওই সামান্য বিজ্ঞাপন সংগ্রহের চাকরির জন্তে করবে কেন? দাম যদি নিতে হয় তা হ'লে কড়ি নয় মোহরই তার চাই।

নিজেকে আর এক ভূমিকায় সে দেখবার চেষ্টা করে। না, উদ্দাম উচ্ছ্বল স্বৈরিণীর ভূমিকায় ঠিক নয়। এমন এক ভূমিকায়, যাতে মনের সংস্কার ও বিবেকের শাসনে জীবনকে শীর্ণ উপবাসী রাখার কোন গরজ নেই।

তার করণার উত্তপ্ত প্রবাহ কতদূর তাকে শাসিয়ে নিয়ে যেত বলা যায় না, কিন্তু মাক পথেই বাধা পড়েছে।

দরজায় কার যেন মূহু করাঘাত।

আঙবাবুর কি নিখিল বক্সীর হতে পারে না। মধু হলেও দরজায় অত কোমল ভাবে ধাক্কা দেবে না। বাইরে থেকেই ডাকবে।

শোভনা একটু বিস্মিত হয়ে দরজাটা খুলেছে, খুলে অবাক হয়েছে আরও বেশী।

নিখিল বক্সীর বৃদ্ধা মা দরজায় দাঁড়িয়ে।

এ বাড়ীতে যতদিন আছে তার মধ্যে এক-আধবার সামান্য দু'একটা মৌখিক কথাবার্তার বিনিময় হ'লেও পরস্পরের ঘরে আলাপ করতে যাওয়ার মত কোন সম্বন্ধ তাদের মধ্যে গড়ে ওঠে নি। বৃদ্ধা কোনদিন ইতিপূর্বে তার ঘরে আসেন নি, সেও যাবার প্রয়োজন বোধ করে নি। এক হিসাবে এই ঘনিষ্ঠতার অভাবই শোভনার কাম্য ছিল। বৃদ্ধা যে গায়ে প'ড়ে আলাপ করতে উৎসুক হন নি তার জন্তে সে কৃতজ্ঞ।

কিন্তু আজ হঠাৎ সব কিছু উন্টে গেল কেন!

ভদ্রতার খাতিরে 'আনুন' ব'লে বৃদ্ধাকে অত্যাধিক জানিয়ে শোভনা সবিস্ময়ে সেই কথাই ভেবেছে।

বৃদ্ধা তার আঙ্গানে ঘরে ঢুকেছেন এবং তার পর বেশীকণ অনিশ্চয়তার দোলায় তাকে ছলিয়ে রাখেন নি।

নিখিল বক্সীর মা যে খুব প্রসন্ন মুখে তার দরজায় এসে দাঁড়ান নি শোভনা আগেই তা লক্ষ্য করেছে। ঘরে ঢোকবার পর তাঁর মুখ আরও কঠিন হয়ে উঠেছে।

শোভনার দিকে সুস্পষ্ট ঘৃণার দৃষ্টিতে চেয়ে তিনি কোন রকম ভণিতা না ক'রেই রুদ্ধকণ্ঠে বলেছেন, তোমার অবস্থা আমি বুঝি বাছা। বিয়ে-করা স্বামী হোক না হোক, যার সঙ্গে ঘর করছিলে সে ছেড়ে পালিয়েছে, এখন যাকে হোক পাকড়াও না করলে তোমার নয়। কিন্তু আমার ওই হতভাগা ছেলেটির দিকে নজর দিয়ে ত কিছু লাভ হবে না বাছা। ও ফুটো পয়সা দিয়ে তুমি করবে কি? তার চেয়ে শামালো কাউকে ধরবার চেষ্টা কর।

কথাগুলো ব'লেই বৃদ্ধা চ'লে গেছেন। শোভনা তখন স্তম্ভিত অসাড় একটা পাথরের মূর্তি মাত্র।

কতকণ, সে জানে না, যেন এক যুগ বাদে তার মনে হয়েছে দরজায় নিঃশব্দে কে যেন দাঁড়িয়ে আছে।

মনের সাড় একটু ফেরবার পর লোকটাকে চেনাও গেছে। সে নিখিল বক্সী।

শোভনা চীৎকার করে নি, সশব্দে দরজা বন্ধ ক'রে দেয় নি, শুধু বিস্ময়-করণ ভাবে একটু হেসেছে এবার নিখিল বক্সীর দিকে চেয়ে।

নিখিল কিন্তু হাসে নি। তার তিক্ত রুদ্ধপ্রায় কণ্ঠ শুধু শোনা গেছে—সন্তানের শুভকামনায় মা'র অল্প অস্থিরতার মহিমায়িত রূপ ত দেখলেন। কোন কৈফিয়ৎ দেবার চেষ্টা ক'রে তার মর্যাদা ক্ষুণ্ণ না করাই উচিত। তবু দুটো কথা না ব'লে পারছি না। ফুটো পয়সার বেশী যার দাম নেই ব'লে জানেন সেই ছেলেরই সর্বনাশের ভাবনায় মা ভীত। তাঁর ধারণা, তাঁর ছেলের আপনার সম্বন্ধে দুর্বলতা জেগেছে। মা'র কখনও ভুল হয় না। মনের অগোচর কথাও তিনি জানতে পারেন। তাই আপনাকে জানিয়ে যাচ্ছি, ভবিষ্যতে আপনার ছায়া মাড়িয়েও আপনাকে বিড়ম্বিত করব না। তেমন বুঝলে এ বাসাও ছেড়ে যাব।

নিখিল কখন চ'লে গেছে তাও যেন ভাল ক'রে শোভনা টের পায় নি।

মধু এসে তাকে যখন ডেকেছে তখনও সে দেওয়ালে ভর দিয়ে নিশ্চল হয়ে দাঁড়িয়ে।



সেই দিন রাতেই আত্মবাবুর কাছে অহুপমকে খুঁজতে যাওয়ার সম্বন্ধে সে জানিয়েছে।

আত্মবাবু বিস্মিত হয়েছেন কিন্তু আপত্তি জানান নি।

তুধু বলেছেন, ভাল ক'রে নিজের মনকে বুঝেছ ত মা! আমার কি, আর পাঁচজনের খাতিরে কিছু তুমি করো, এ আর আমি চাই না।

শোভনা এ কথা উত্তরে কিছু বলে নি, তুধু মৌনতা দিয়েই তার সঙ্কল্পের অটলতা বুঝিয়ে দিয়েছে।

আত্মবাবু খানিক বাদে নিজে থেকেই আবার বলেছেন, নিখিলবাবুর দেওয়া কাগজগুলো আমি নাড়াচাড়া ক'রে দেখলাম। আমার মনে হচ্ছে সাধারণ টিউশনির চেয়ে ও কাজ নেওয়াই তোমার পক্ষে ভাল।

এ সব কথা আমি এখন ভাবছি না। শোভনা শাস্ত স্বরে বলেছে, চাকরি নেব কি না তাও ভাববার সময় এখনও আসে নি।

আত্মবাবু কি বলতে গিয়ে থেমে গেছেন। শোভনার বর্তমান মনের অবস্থাটা ঠিক অহুমান না করতে পারলেও অল্প প্রসঙ্গে আশ্রয় যে তার নেই, এটুকু বুঝতে তাঁর দেরি হয় নি।

উমেশ রক্ষিতকে ধ'রে পরের দিন সকালেই অহুপমের খোঁজে বার তওয়ার এইটুকুই পূর্ণ ইতিহাস।

অধোলঙ্গ ছোকরা পথপ্রদর্শকের নামটা ইতিমধ্যে জানা গেছে।

জানিয়েছে সে নিজেই।

জলা জ্বলের পথে বেশ কিছুদূর হাঁটবার পর উমেশ রক্ষিতই বুঝি তাকে জিজ্ঞাসা করেছিলেন, আর কতদূর যাব বল ত? তুমি ঠিক জান ত খোকা?

খোকা খোকা করছেন কেন? আমি কি খোকা? খোকা সম্বোধনে অপমানিত বোধ ক'রে ছেলেটি জানিয়েছে—আমার নাম নসু।

যেভাবে নসু দাঁড়িয়ে পড়েছে তাতে মনে হয়েছে সম্বোধনের ক্রটিতে সব বুঝি পণ্ড হয়।

হাসি চেপে আত্মবাবু বলেছেন, তাই ত! নামটাই আমাদের আগে ছেনে নেওয়া উচিত ছিল। সত্যি খুব অজ্ঞায় হয়ে গেছে। কিন্তু নসু, যে বাড়িতে আমাদের নিধে যাচ্ছ সেখানে অহুপমবাবুকে তুমি দেখেছ ত?

বাড়িতে দেখব আবার কি? নসু কিঞ্চিৎ অধৈর্যের সঙ্গে জানিয়েছে—আমি কি ওখানে থাকি যে বাড়িতে দেখব? এই রাস্তায় ওখানে যেতে দেখেছি। আর অহুপম-টহুপম আমি জানি না। নতুন লোক আর

ধুতি-পাজ্জাবী পরা ফিলিম ফিলিম চেহারা বললেন, তাই ত এদিক পানে যাচ্ছি। এখানে ধুতি-ফুতি কেউ পরে না কি? সব পাজ্জামা প্যান্ট। আর ফিলিম ফিলিম চেহারা বা দেখবেন ক'টা?

নসুর দীর্ঘ বক্তৃতার মাঝে তিনজনে হতাশ ভাবে পরস্পরের মুখ চাওয়া-চাওয়ি করেছেন।

কিন্তু এতদূর এসে মাঝ পথে ফিরে যাওয়ার কোন মানে হয় না।

নসুকে ভোলামোদে সন্তুষ্ট ক'রে তাই পথ দেখাতে রাজী করাতে হয়েছে আবার।

তিনটি নারকেল গাছের নিশানা দেওয়া যে বসতিতে নসু নিয়ে গেছে, চারিদিকের কচুরিপানায় ভরা জলার মধ্যে সেটি আধ-জাগা ছোট একটু চরের মত জায়গা। মাচার ওপরে পাখির খাঁচার মত ছোট ছোট ক'টি মুলী-বাঁশের বেড়ার ঘর বেঁধে তিনটি দরিদ্র পরিবার সেখানে কোনরকমে মাথা গুঁজে থাকে।

আত্মবাবুদের আশঙ্কাই সত্য প্রমাণিত হয়েছে এবার। খোঁজ-খবর নিয়ে যা জানা গেছে—তাতে সকালের সমস্ত ঘোরাঘুরিই পণ্ডশ্রম ব'লে বুঝতে দেরি হয় নি। অহুপম ব'লে কেউ সেখানে থাকে না। সে নামও কেউ ওখানে শোনে নি।

উমেশ রক্ষিতই যেন হতাশ হয়েছেন সবচেয়ে বেশী। হতাশ ও লজ্জিত। অহুপমকে খুঁজে না পাওয়া যেন তাঁরই অপরাধ।

বাঁশের একটা নড়বড়ে সাঁকো সম্বর্ণণে পার হতে হতে ফিরে আসবার পথে তিনি লজ্জিতভাবে বলেছেন, খবরটা এমন ভুরো হবে ভাবতেই পারি নি। আর তাদেরই বা দোষ কি। এমন উড়ো খবরে বিশ্বাস ক'রে তোমাদের আনাই আমার অজ্ঞায় হয়েছে।

শোভনা তাঁকে সান্ত্বনা দেবার জন্তে বলেছে, আপনার কি দোষ বলুন। যা করেছেন সে ত আমারই জন্তে। আমার জন্তে আপনাদের মিথ্যে হয়রান হতে হ'ল, এই আমার দুঃখ।

হাতে ধরবার ও পা ফেলবার একটা ক'রে মাত্র বাঁশ বাঁধা। সাঁকো থেকে অপেক্ষাকৃত নিরাপদ মাটিতে পা দিয়ে আত্মবাবু শোভনার দিকে ফিরে কি বলতে গিয়ে থেমে গেছেন।

শোভনা সাঁকোর ওপরেই দাঁড়িয়ে প'ড়ে পিছন ফিরে কি যেন দেখছে।

কি দেখছিলে মা? শোভনা আবার মুখ কিয়দূর

সাঁকো পার হবার জে পা বাড়াতে আত্মবাহু দ্বিজ্ঞান্য করেছেন।

কিছু না। সাঁকো থেকে তাড়াতাড়ি নেমে এসে

শোভনা যেন একটু কুণ্ঠিতভাবে কৈফিয়ৎ দিচ্ছে তারপর, কত দুর্গতির মধ্যেও মানুষ বাঁচতে পারে তাই দেখছিলাম।

ক্রমঃ

## দীনেশচন্দ্র সেন ও বাংলা সাহিত্য

শ্রীরণজিৎকুমার সেন

সম্প্রতিকালে বাংলার লোকসংস্কৃতি ও লোকসাহিত্য নিয়ে অনেকের মধ্যে নানা চর্চা ও গবেষণা দেখা দিয়েছে। জাতীয় ঐতিহ্যের সঙ্গে পরিচিত হ'তে হ'লে এই গবেষণা অপরিহার্য। বাংলার চতুর্থ ও পঞ্চম দশক কালের জীবনযাত্রা ছিল অস্থির ও অস্থায়ী। বুদ্ধ, দুর্ভিক্ষ, দাঙ্গা ও পরিশেষে দেশভাগের লাঞ্ছনা এই দু'দশকে বাঙালীকে নানা দিকে খর্ব ক'রে দিয়েছে সন্দেহ নেই। কিন্তু মৃত্যুর মুখে দাঁড়িয়েও সে তার সংস্কৃতিকে ভোলে নি। দশ দশকে এসে জীবন যখন আবার পানিকটা সুরে বইতে শুরু করল, নতুন ক'রে তৈরি হ'ল তালপাতার পুঁথি থেকে কাগজের পুঁথি। এই লোকসংস্কৃতি ও সাহিত্যের উপাদান সংগ্রহে দীনেশচন্দ্র ছিলেন আধুনিক বাঙালীর পথিকৃৎ। স্মরণ্য আজকের নতুন গবেষণার ক্ষেত্রে তাঁকে বিন্মত হ'লে বাঙালী নিজের সংস্কৃতির সঙ্গেই কুঠারাঘাত করবে। এই প্রসঙ্গে দীনেশচন্দ্রের জীবনী আলোচনার প্রয়োজন আছে।

• ঢাকা জেলার বগজুড়ি গ্রামে ১৮৬৬ সনের ৬ই নবেম্বর দীনেশচন্দ্রের জন্ম হয়। তাঁর পিতা ঈশ্বরচন্দ্র সেন ১৮২০ খ্রীষ্টাব্দে ঢাকা জেলার সুরাপুর গ্রামে জন্মগ্রহণ করেন। তিনি ইংরেজী, বাংলা ও ফার্সীতে সুপণ্ডিত ছিলেন। দীনেশচন্দ্রের জন্মের পূর্বেই তিনি বাংলা ভাষায় 'সত্য বর্ষোদ্দীপক নাটক', 'ব্রহ্মসঙ্গীত রত্নাবলী' এবং 'দিনাজপুরের ইতিহাস' রচনা করেন। তৎকালীন ইংরেজী পত্রিকা 'ইংলিশম্যান' তিনি নিয়মিত প্রবন্ধ লিখতেন। তাঁর ধর্মমত ছিল আদিমমাজের অমুকুল। যদিও তিনি সহধর্মিণী রূপলতা দেবীর প্রতিবন্ধকতায় ব্রাহ্মধর্ম গ্রহণ করতে পারেন নি, কিন্তু আজীবন তিনি একনিষ্ঠ ভাবে ব্রাহ্মমত অবলম্বন ক'রেই চলেছিলেন। রূপলতা দেবী ছিলেন গোকুলকৃষ্ণ মূলীর

কন্যা। তিনি যেমন পরমাসুন্দরী ও হিন্দুধর্মে নিষ্ঠাবর্তী নারী ছিলেন, তেমনি গুণে ও মেহে ছিলেন দেবীসদৃশ। গোকুলকৃষ্ণের পারিবারিক মর্যাদা এত অধিক ছিল যে, সে অঞ্চলে; যাত্রা, কবি, কীর্তন, টপ্পা, খেমটা প্রভৃতি সঙ্গীতচর্চা যতগুলি দল ছিল, তারা মুর্শীবাড়ীতে গেয়ে নাম করলে তবে অস্ত্র গ্যাতি পেত। দীনেশচন্দ্রের মধ্যে এই সঙ্গীতচর্চার প্রতি গভীর অহুরাগ বোধ করি মাতামতের বংশ থেকেই আসে।

দীনেশচন্দ্র ছিলেন তাঁর পিতামাতার দ্বাদশ সন্তান এবং একমাত্র পুত্র। একান্ত পরিবারে তাঁর খাদরের শেষ ছিল না। তাঁর পিতামহ রঘুনাথ সেনেব ছিল বাগানের সখ। নানা জায়গা থেকে নানা রকম ফলের গাছ এনে তিনি নিজের বাগানকে সমৃদ্ধ ক'বে তুলেছিলেন। পাখীদের কল-কাকলিতে সে বাগান সর্বদাই পূর্ণ থাকত। এ দৃশ্যও কবি দীনেশচন্দ্রকে শিশুকাল থেকেই প্রভাবিত করে।

কিন্তু ১৮৮৬ সন যেন এক দারুণ মহামারী নিয়ে এসে দীনেশচন্দ্রের পরিবারে দেখা দিল। এ সময়ে অতি অল্পকালের মধ্যে তাঁর বাবা, মা ও কয়েকটি ভগ্নীর মৃত্যু হয়। গোটা পরিবারটা যেন স্থানে পরিণত হয়ে গেল। এ সময়ে দীনেশচন্দ্র ঢাকা কলেজে বি. এ. পড়ছিলেন। ইংরেজী সাহিত্যের উপর তাঁর অসাধারণ অহুরাগ ছিল এবং পাঠ্য পুস্তকের চাইতে অপাঠ্য পুস্তকাবলীর উপরেই তাঁর ঝোঁক ছিল অধিক। শিশুকাল থেকেই রামায়ণ ও মহাভারত তাঁর প্রায় মুখস্থ ছিল। এ সম্পর্কে তাঁকে তাঁর বিধবা ভগ্নী দিগবসনী দেবী সাহায্য করতেন। দিগবসনীর বিয়ে হয়েছিল কোন বৈষ্ণব পরিবারে। বৈষ্ণব সাহিত্যের তিনি একজন অহুরাগী পাঠিকা ছিলেন। দীনেশচন্দ্রের প্রাচীন বঙ্গসাহিত্যের প্রতি অহুরাগ

প্রথমতঃ এই ভয়ী উৎসাহেই জন্মায়। ইংরেজী সাহিত্যের প্রতি দীনেশচন্দ্রের এত বেশী অহুরাগ ছিল যে, প্রথম জীবন থেকেই তাঁর একখানি ইংরেজী সাহিত্যের ইতিহাস লিখবার কল্পনা ছিল। ইংরেজী সাহিত্যের যেসব মহারথী তাঁর মনকে বিশেষ ভাবে দোলা দিতেন, তাঁদের মধ্যে ছিলেন—সেক্সপীয়র, মিল্টন, ওয়েবস্টার, ভিক্টোর হিউগো, ইউজিন স্কু, গ্যোটে, ফোর্ড, মার্লো, বোমন্ট ফ্লেচার, টেনিসন, ওয়ান্টার স্কট, চেটারটন, কীটস, প্রভৃতি। তেমনি ভারতীয় দৃষ্টিতে সংস্কৃত ও গ্রীক আলঙ্কারিকদের রীতি আলোচনা তাঁর অহুশীলনকর্মের একটি প্রধান বিষয় ছিল। স্কটের ‘লেডী অব দি লেকের’ প্রায় পুরোটা তিনি অহুরূপ বাংলা ছন্দে অহুবাদ করেছিলেন; এ সময়ে তাঁর বয়স ছিল মাত্র সতের।

শারীরিক অসুস্থতায় যথাসময়ে বি. এ. পরীক্ষা দিতে না পেরে দীনেশচন্দ্র পরে শ্রীহট্ট জেলার হবিগঞ্জ স্কুলে মাষ্টারী ক’রে বি. এ. পরীক্ষা দেন এবং ইংরেজীতে অনাস’সহ পরীক্ষায় উত্তীর্ণ হন। বিস্ময়ের বিষয় যে, একদিকে এই ইংরেজী সাহিত্যের প্রতি অসাধারণ অহুরাগ এবং অত্রদিকে দিগ্‌বসনা দেবীর সাহচর্যে বাংলার পুরাণ ও বৈষ্ণব সাহিত্য সম্পর্কে ব্যুৎপত্তি সেই বয়সেই দীনেশচন্দ্রকে মহাপণ্ডিত ক’রে তুলেছিল। বি. এ. পাশের পর হবিগঞ্জ স্কুল ত্যাগ ক’রে তিনি কুমিল্লায় এসে শম্ভুনাথ ইন্সটিউশনের হেডমাষ্টার হন। এ সময়ে কবি নবীনচন্দ্র সেন ছিলেন কেনী সাবডিভিশনের ম্যাজিষ্ট্রেট; তিনি দীনেশচন্দ্রকে কেনী হাইস্কুলের হেডমাষ্টার পদে নিয়োগ করতে ইচ্ছা করেন। কিন্তু দীনেশচন্দ্র তা গ্রহণ করেন নি; পরে তিনি ভিক্টোরিয়া স্কুলে এসে ১৮৯১ সনে হেডমাষ্টাররূপে যোগদান করেন। এই ভিক্টোরিয়া স্কুলে থাকাকালেই দীনেশচন্দ্রের শ্রেষ্ঠ গ্রন্থ ‘বঙ্গভাষা ও সাহিত্য’র সূত্রপাত হয়। তখন তাঁর পারাবারে নিজের স্ত্রী ভিন্ন আর কেউই ছিলেন না, সকলেই তখন লোকান্তরিত। শুরুরালয়ের সঙ্গেও তাঁর বিশেষ সম্প্রীতি ছিল না। এ সব কারণে জীবন সম্পর্কে বাতস্পৃহ হয়ে তিনি মনে মনে স্থির করলেন—কোনও মহৎ ব্রতে জীবন উৎসর্গ করবেন।

তিনি বলতেন : ‘আমি ধন-মান-প্রতিষ্ঠা কিছুই চাই না, আমি বাংলার সর্বশ্রেষ্ঠ কবি হব; যদি তা না হ’তে পারি, তবে সর্বশ্রেষ্ঠ ঐতিহাসিক হব।’ বস্তুতঃ, তরুণ-জীবনে দীনেশচন্দ্র যে কত কবিতা লিখেছিলেন, তার হিসেব নেই। তা একত্র করলে ওয়েবস্টারের অভিধানের মত একখানি সুবৃহৎ গ্রন্থ হতে পারত।

অষ্টাদশ বর্ষে তাঁর ‘কুমার ভূপেন্দ্র সিংহ’ নামক কাব্যগ্রন্থ প্রকাশিত হয়, কিন্তু ছুঃখের বিষয় এক অঘিদাহে তার সমস্ত কপিই নষ্ট হয়ে যায়। ফলে কাব্য সম্পর্কে তিনি অনেকখানি নিরুৎসাহ হয়ে পড়েন! ১৮৯১ সন থেকে তাঁর সাহিত্য-প্রতিভা বঙ্গীয় পাঠকমণ্ডলীকে আকৃষ্ট করে। এ সময়ে পর পর তাঁর তিনটি প্রবন্ধ বিশেষ উল্লেখযোগ্য। যথা : ‘কালিদাস ও সেক্সপীয়র’ যোগেন্দ্রনাথ বসু সম্পাদিত ‘জন্মভূমি’ পত্রিকায় প্রকাশিত হয়, ‘অহুসঙ্কান’ পত্রিকা পত্র করে ‘জন্মান্তরবাদ’, এবং তৃতীয় প্রবন্ধ হচ্ছে ‘বঙ্গভাষা ও সাহিত্যের সংক্ষিপ্ত ইতিহাস’, কলকাতার এক এগোসিয়েশন উক্ত বিষয়ক প্রবন্ধের জন্য একটি পদক ঘোষণা করেন, এবং দীনেশচন্দ্রই সেই পদক লাভ করেন। এই প্রবন্ধের পরীক্ষক ছিলেন চন্দ্রনাথ বসু ও রজনীকান্ত গুপ্ত। ‘জন্মান্তরবাদ’ প্রবন্ধ প’ড়ে কবি হেমচন্দ্র বন্দ্যোপাধ্যায়ের ভ্রাতা ঈশানচন্দ্র বন্দ্যোপাধ্যায় ‘অহুসঙ্কান’ পত্রিকার সম্পাদককে এক পত্রে লিখে জানান : ‘আমি ভবিষ্যৎবাণী করিতেছি, এই লেখক অচিরে বঙ্গসাহিত্যক্ষেত্রে বিশেষ প্রতিষ্ঠালাভ করিবেন।’ দীনেশচন্দ্রের জীবনে সেই ভবিষ্যৎবাণী ব্যর্থ হয় নি।

একবার এক ছুটির অবকাশে ঢাকায় গিয়ে তিনি ‘পদাবলীর আলোকে চৈতন্য’ বিষয়ে এক বক্তৃতা করেন এবং ‘কবিকঙ্কণ চণ্ডী’ সম্পর্কে বিশ্লেষণ ক’রে সকলকে শোনান। তাঁর আত্মীয় এবং কুমুদবসু সেন ও অধ্যাপক প্রিয়রঞ্জন সেনের পিতা এটর্নি প্রসন্নকুমার সেন তাতে মুগ্ধ হয়ে বলেন : ‘কি আশ্চর্য, আমাদের দেশী সাহিত্য যে এ রকম রত্নের ভাণ্ডার, তা আমি জানতাম না। এবার থেকে আমি ইংরেজী ও সংস্কৃত ছেড়ে দিয়ে প্রাচীন বঙ্গসাহিত্য ভাল ক’রে পাঠ করব।’ প্রসঙ্গতঃ উল্লেখযোগ্য যে, প্রসন্নকুমার ইংরেজী সাহিত্যে বিশেষ পণ্ডিত ব্যক্তি ছিলেন এবং বিভিন্ন ইংরেজী পত্রে প্রবন্ধ লিখে খ্যাতি অর্জন করেছিলেন। দীনেশচন্দ্র স্থির করেন—ইংরেজী সাহিত্যের ইতিহাস না লিখে তিনি প্রাচীন বঙ্গসাহিত্যেরই ইতিহাস রচনা করবেন।

এ সময়ে বিভিন্ন প্রাচীন পুঁথি সংগ্রহ দীনেশচন্দ্রের আর একটি প্রধান কাজ হয়ে দাঁড়াল। তিনি জানতে পারলেন—ত্রিপুরার অরণ্যপল্লীগুলিতে বহুসংখ্যক জীর্ণ তালপত্রের এবং তুলট কাগজের বাংলা পুঁথি আছে। এ পর্বত Asiatic Society of Bengal তথু সংস্কৃত পুঁথিরই খোঁজ করতেন। বাংলা পুঁথির ছ’একখানির নাম একমাত্র হরপ্রসাদ শাস্ত্রী ভিন্ন আর বড় একটা কেউ

জানতেন না। দীনেশচন্দ্র ঝড়-জল ও বাধাবিপত্তি তুচ্ছ ক'রে জীবন ঢেলে দিলেন এই পুঁথি সংগ্রহের কাজে। এ সময়ে তাঁর মানসিক অবস্থা এরূপ ছিল যে, এ কাজে যদি তাঁর মৃত্যুও হয়, তবে সেই মৃত্যুকে তিনি জীবনের পরম সার্থকতা হিসেবেই জেনে যাবেন। এই ভাবে তিনি সমগ্র বঙ্গভূমি পরিভ্রমণ ক'রে পুঁথির পর পুঁথি আবিষ্কার ও সংগ্রহ ক'রে বঙ্গসাহিত্যের ভাণ্ডারকে সমৃদ্ধ ক'রে তোলেন। যে সব কবি এক এক কালে আবির্ভূত হয়ে বাংলা সাহিত্যকে নানা ভাবে গ'ড়ে তুলেছেন, তাঁরা কবেই বিশ্বতির অতলে তলিয়ে গিয়েছিলেন। দীনেশচন্দ্রর অক্লান্ত চেষ্টার ফলে বাংলার বিভিন্ন পুরাণ, মঙ্গলকাব্য, কড়চা প্রভৃতি আবিষ্কৃত হয়ে সেই বিশ্বিত কবিরা বাঙালী পাঠকের জ্ঞানরাজ্যে প্রবেশের সুযোগ পান। তাঁর 'বঙ্গভাষা ও সাহিত্য' এদিক দিয়ে বাংলা সাহিত্যের খনি, সম্বেদ নেই। এই খনি থেকে কত শিল্পী কত রত্ন গ্রহণ ক'রে পরবর্তীকালে খ্যাতিলাভ করেছেন, তার অস্ত নেই। ত্রিপুরারাজ্যের অর্ধাশুকুল্যে ১৮৯৬ সনে ত্রিপুরা রাধারমণ প্রেস থেকে 'বঙ্গভাষা ও সাহিত্য' প্রথম প্রকাশিত হয়। রবীন্দ্রনাথ, হরপ্রসাদ শাস্ত্রী, হীরেন্দ্রনাথ দত্ত, সুরেশচন্দ্র সমাজপতি ও রামানন্দ চট্টোপাধ্যায় থেকে শুরু ক'রে প্রত্যেকের মুখে মুখে তখন এই গ্রন্থের প্রশংসা। স্বিজেল্ললাল রায় বললেন : 'দীনেশচন্দ্র সেন—হবেন আমাদের টেন।' বিচারপতি বরদাচরণ মিত্র লিখলেন : 'এই পুস্তক সমালোচনার ক্ষেত্রে টেনের মতো তীক্ষ্ণ অস্তদৃষ্টিশালী এবং উপকরণ সংগ্রহের বিশালতায় মলের স্কেচের মতো একটি রত্নভাণ্ডার।'

এ সময়ে ভিক্টোরিয়া স্কুলকে কলেজে পরিণত করার জন্ত তাঁর চেষ্টার অস্ত ছিল না। কিন্তু অকস্মাৎ মস্তিষ্কের পীড়ায় আক্রান্ত হয়ে শয্যাশায়ী হয়ে পড়েন। সেই অবস্থায় তাঁকে চিকিৎসার জন্ত কলকাতায় নিয়ে আসা হয়। বাংলার সাহিত্যক্ষেত্রে তখন তিনি বিশেষ সম্মানিত লেখক। এসময়ে যে সমস্ত মনীষী ব্যক্তি নানাভাবে তাঁর সাহায্যে আসেন, তাঁদের মধ্যে এফ. এইচ. জুইন, জর্জ গ্রীয়ারসন, স্মার জন উডবার্ণ, মিঃ স্যাভেজ, মহারাজা বীরচন্দ্র মাণিক্য ও রাজা রাধাকিশোর মাণিক্য, বরদাচরণ মিত্র, ময়ূরভঞ্জের মহারাজ বাহাদুর, গগনেন্দ্র-সমরেন্দ্র-অবনীন্দ্রনাথ ঠাকুর প্রভৃতি প্রধান। স্বল্প রোগমুক্ত হয়ে দীনেশচন্দ্র রবীন্দ্রনাথ সম্পাদিত 'বঙ্গদর্শন' ও সরলা দেবী-সম্পাদিত 'ভারতী' পত্রিকার সঙ্গে কার্বনুত্রে

যুক্ত হন। অতঃপর তিনি যে সমস্ত গ্রন্থ রচনা করেন, তার মধ্যে 'বেহলা' ও 'রামায়ণী কথা' সব চাইতে অধিক জনপ্রীতি অর্জন করে। এতদ্ভিন্ন আরও কয়েকখানি গ্রন্থও বিশেষ উল্লেখযোগ্য, যথা—সতী, জড়ভরত, ফুল্লরা, ধরাদ্রোণ, কুশধ্বজ, মুক্তাচুরি, রাখালের রাজগী, রাগরঙ্গ, সুবল সখার কাণ্ড, শ্যামলী খোঁজা, প্রভৃতি। এসব গ্রন্থের বিশেষত্ব এই যে, দীনেশচন্দ্র কখনও এ সমস্ত উপাখ্যান সাধারণ গল্প বা রূপকথার ভাবে লেখেন নি। 'বেহলা' ইংরেজীতে অনুবাদ করেন কিরণচন্দ্র সেন ও ক্যাপ্টেন পিটাভেল, 'সতী'র ইংরেজী অনুবাদ দীনেশচন্দ্র নিজেই করেন। এই গ্রন্থের ভূমিকা রচনা করেন কেমব্রিজের বাংলার অধ্যাপক জে. ডি. এণ্ডারসন।

১৯০২ সনে দীনেশচন্দ্র স্মার আন্তঃগোষের সংস্পর্শে এসে ক্রমে কলকাতা বিশ্ববিদ্যালয়ের 'রীডার' নিযুক্ত হন এবং স্মার আন্তঃগোষের নির্দেশে ইংরেজী ভাষায় বঙ্গভাষা ও সাহিত্যের একখানি মৌলিক ইতিহাস রচনা করেন। ভগিনী নিবেদিতা গ্রন্থের যাবতীয় পাণ্ডুলিপি আগাগোড়া দেখে দেন। গ্রন্থখানি বিলাতে বিশেষভাবে আদৃত হয়। ডাঃ ওল্ডেনবার্গ, ডাঃ কারণ, ডাঃ গ্রিয়ারসন, ডাঃ সিলভা লেভি, ডাঃ রুৎ প্রভৃতি প্রাচ্যবিদ্যার পণ্ডিতগণ এবং বিলাতের প্রামাণ্য পত্রিকা-সম্পাদকেরা তাঁদের লিখিত সুদীর্ঘ সমালোচনায় এই গ্রন্থের উচ্ছ্বসিত প্রশংসা করেন। শ্রীরামপুর কলেজের অধ্যক্ষ মিঃ হাওএলস্ একবার দীনেশচন্দ্রকে তাঁর কলেজ পরিদর্শন করতে নিয়ে গিয়ে সভায় দাঁড়িয়ে বলেন : 'আপনারা এই একান্ত অনাড়ম্বর বাঙালী লেখকের নাম অবশ্যই শুনেছেন, হয়ত আপনারা জানেন—ইনি একজন বাংলাভাষার লেখক; কিন্তু আপনারা নিশ্চয়ই জানেন না যে, ইউরোপের এমন কোনো প্রসিদ্ধ শিক্ষাকেন্দ্র নেই—যেখানে ডাঃ সেনের নাম সম্মানের সঙ্গে উচ্চারিত না হয়।'

জে. ডি. এণ্ডারসন, আই-সি-এস, বলেন : 'আপনি তাঁদের নাম জানেন না, এরকম বহু শিক্ষিত লোক জগতের নানাস্থানে আছেন—যারা আপনার লেখার প্রতি আন্তরিক শ্রদ্ধা বহন করেন।'

শাসনকর্তাদের মধ্যে স্মার জন উডবার্ণ, লর্ড হার্ডিঞ্জ, লর্ড রোণাল্ডসে, লর্ড লিটন, স্মার ষ্ট্যানলি জ্যাকসন প্রভৃতি সকলেই ছিলেন দীনেশচন্দ্রের রচনার অহুরাগী পাঠক। তাঁদের মধ্যে অনেকেই বিশ্ববিদ্যালয়ের সর্বাধিন উৎসবে তাঁর মৌলিক



সাহিত্য-অবদানের অনেক প্রশংসা করেন। ডাঃ সিলভা লেভি নানা ফরাসী পত্রিকায় দীনেশচন্দ্রের কৃতিত্বের কথা বহু প্রবন্ধেই উল্লেখ করেছেন। এরকম একখানি পত্রে তিনি একবার উল্লেখ করেন যে—‘বঙ্গদেশকে ইউরোপের সুধীসমাজে ঘনিষ্ঠভাবে চেনাবার জন্য দীনেশবাবু যা করেছেন, অপর কোনো লেখক তা করতে পারেন নি।’

এ সময় থেকে পরবর্তী বিশ বছর কালের জন্য দীনেশচন্দ্র কলকাতা বিশ্ববিদ্যালয়ের সিনেটের সদস্য পদে নিযুক্ত হন। তাঁর এ সময়ের ইংরেজী গ্রন্থগুলির মধ্যে :—History of Bengali Language and Literature, Typical Selections from Old Bengali Literature, Chaitanya and His Age, Medieval Vaishnav Literature, History of Bengali Prose Style, Glimpses of Bengal History, Folk Literature of Bengal, The Bengali Ramayanas প্রভৃতি প্রধান। ইউরোপীয় পণ্ডিত মণ্ডলীর সঙ্গে তাঁর যে সমস্ত আলোচনামূলক পত্র ব্যবহার হয়, তাও এক-একটি সাহিত্যের ঋনি স্বরূপ। টাইম্‌স্ পত্রিকায় তাঁর সম্পর্কে একবার লেখা হয় : History of Bengali Literature and Language পড়ে পাঠক যে অভিজ্ঞতা লাভ করবেন বিলেতি পঞ্চাশজন ভূপর্যটকের পুস্তকে বা লেখায় তা পাবেন না। লটির ত্রিবাস্কুরের মন্দিরের অস্থান-গুলির কৌতূহল-উদ্বেককারী বর্ণনা ও নিভাবিলনের আড়ম্বরপূর্ণ হিন্দুশাস্ত্রের ব্যাখ্যা এই সহজ ও অনাড়ম্বর বইখানির সঙ্গে তুলনায় অতি অকিঞ্চিৎকর বোধ হ'ত। এই টাইম্‌স্ পত্রিকাই আর-একবার লেখেন : ভবিষ্যতে বঙ্গবাসীর মানসনেত্রে উপকরণ সংগ্রহ বিষয়ে দীনেশ-চন্দ্রের বীরভূমির রক্তবর্ণ ভূমি ও পূর্ববঙ্গের নদনদীর উপকূলে ভ্রমণ একটা কল্পনা-জগৎ বিচিত্র ক'রে দেখাবে, যেন আবহমান কাল ধ'রে এক পর্যটক গ্রীষ্ম ঋতুর সৌরকর মাথায় ক'রে এবং ঝড়বৃষ্টির পথ দিয়ে গঙ্গার নিম্ন উপত্যকাত্তে স্বীয় দেশের ভাষার সমৃদ্ধির জন্য রত্ন সন্ধান করছে।

১৯১৮ সন পর্যন্তও কলকাতা বিশ্ববিদ্যালয়ে এম-এ পরীক্ষার ব্যবস্থা ছিল না। এ সম্পর্কে দীনেশচন্দ্র বহুবার স্যার আন্তোনিওকে অসুরোধ জানিয়েছেন যাতে বাংলায় এম-এ পরীক্ষার প্রবর্তন হয়। কিন্তু স্যার আন্তোনিও কোনরকম সাড়া দেন নি। পরে ১৯১৯ সনে আন্তোনিও রাজি হন এবং বলেন : ‘এম-এ পরীক্ষা

ওধু বাংলায় সীমাবদ্ধ থাকবে না। প্রাদেশিক অন্যান্য ভাষাভাষী লোকদের জন্যও যার খোলা রাখব; বাংলা ভাষা এখনও জগতে একরূপ প্রতিষ্ঠিত হয় নি যে সকলেই তা বুঝবে। এজন্য ইংরেজী ভাষায় এর ইতিহাস ভাষাতত্ত্ব প্রভৃতি বিষয়ক বই থাকা চাই।’

সুখের বিষয় যে, এর পর বিশ্ববিদ্যালয়ে বাংলার এম-এ ক্লাশ খোলা হয় এবং প্রায় ২৩২৪ বছরকাল ধ'রে দীনেশচন্দ্র বাংলা বিভাগের কর্ণধাররূপে বিশ্ববিদ্যালয়ের সঙ্গে সংশ্লিষ্ট থাকেন। এ সময়ে বহু গ্রন্থ তাঁকে ইংরেজীতে প্রণয়ন করতে হলেও বাংলা গ্রন্থও তিনি একেবারে কষ লেখেন নি। সেগুলোর মধ্যে ওপারের আলো, নীল-মাণিক, আলো-আঁধারে, চাকুরির বিড়ম্বনা, তিন বন্ধু, সাঁঝের ভোগ, গৃহলী, বৈশাখী প্রভৃতি উপন্যাস উল্লেখ-যোগ্য। বিশ্ববিদ্যালয় থেকে অবসর গ্রহণ ক'রে তিনি রচনা করেন ‘বৃহৎ বঙ্গ।’ বঙ্গীয় সমাজ, রাষ্ট্র, অর্থনীতি, ধর্ম ও সুকুমার কলার ঐতিহাসিক উপাদানে এই গ্রন্থটি সমৃদ্ধ। বৃহত্তর বঙ্গকে বুঝতে হলে ‘বৃহৎ বঙ্গ’ অপরিহার্য। এতদ্ব্যতীত দীনেশচন্দ্রের শ্রেষ্ঠ অবদান ‘ময়মনসিংহ গীতিকা’ বা ‘পূর্ববঙ্গ গীতিকা।’ পূর্ববঙ্গের গ্রাম্য চাষী ও সাধারণ পল্লীবাসীদের যে গল্প বলবার একটা বিশেষ ভঙ্গি আছে, তার সঙ্গে তিনি প্রথম পরিচিত হন ময়মনসিংহের জর্নৈক চন্দ্রকুমার দে রচিত ‘কেনারাম’ গীর্ষক একটি প্রবন্ধ পাঠ ক'রে। পরে এই চন্দ্রকুমারের সাহায্যে তিনি এরকম কিছু কাব্যকাহিনী সংগ্রহ করেন। এই হচ্ছে ‘ময়মনসিংহ গীতিকা’ বা ‘পূর্ববঙ্গ গীতিকা’র মূল উৎস। দীনেশচন্দ্র নিজে এবং কোন কোন লোকের সাহায্যে সমগ্র গাথা-কাহিনী সংগ্রহ করেন। বিশ্ব-বিদ্যালয়ের আর্থিক অবস্থা যদিও এ সময়ে অত্যন্ত সঙ্কট-জনক ছিল, তবু স্যার আন্তোনিও বিশ্ববিদ্যালয় থেকে এই গ্রন্থের প্রথম খণ্ডের ইংরেজী অনুবাদ ও মূল কবিতা দু'ভাগে প্রকাশের ব্যবস্থা করেন। ‘মহায়া’র ইংরেজী সংস্করণ পাঠ ক'রে ইউরোপীয় পণ্ডিত সমাজ বাংলার নিরক্ষর চাষীদের কবিত্বশক্তির পরিচয় পেয়ে চমৎকৃত হন। ক্রমে সরকারী অর্থ-সাহায্যে অন্যান্য খণ্ডগুলি প্রকাশের ব্যবস্থা হ'ল এবং ‘ময়মনসিংহ গীতিকা’ নামটি পরিবর্তিত হয়ে ‘পূর্ববঙ্গ গীতিকা’ নাম দেওয়া হ'ল। এই গীতিকা সম্পর্কে বিলাতের বিখ্যাত চিত্রশিল্পী ও সমালোচক স্যার উইলিয়াম রটেনস্টাইন লেখেন : ‘অজস্র, বাগ ও ইলোর! প্রভৃতি স্থানে যা চিত্রিত দেখেছিলাম, ভারত-নারীর সেই অপক্লপ রূপ বঙ্গপল্লী-গীতিকায় জীবন্ত হয়ে উঠেছে।’

রবীন্দ্রনাথ দীনেশচন্দ্রকে লিখে জানান : ‘বাংলা প্রাচীন সাহিত্যে মঙ্গলকাব্য প্রভৃতি কাব্যগুলি ধনীদেব করমাসে ও খরচে খনন করা পুঙ্করিণী, কিন্তু ময়মনসিংহ গীতিকা বাংলা পল্লী-স্বদয়ের গভীর গুর থেকে স্বতঃ উৎসারিত উৎস, অকৃত্রিম বেদনার স্বচ্ছধারা। বাংলা সাহিত্যে এমন আত্মবিশ্বৃত রসসৃষ্টি আর কখনও হয় নি। এই আবিষ্কারের জন্তে আপনি ধন্য।’

বঙ্গীয় পল্লীগীতিগুলির সমন্বয়ে দীনেশচন্দ্র ‘পুরাতনী’ নামে স্বতন্ত্র একখানি গ্রন্থ রচনা করেন। এতে প্রাচীন মুসলমান মহিলাদের আদর্শ জীবনের সঙ্গে অনেক হিন্দু-রমণীর জীবনবৃত্তান্তও সুললিত ভাবে লিপিবদ্ধ হয়। এই জাতীয় একটি শ্রেষ্ঠ কীর্তি ‘বাংলার পুরনারী।’ ‘পদাবলী মাধুর্ষ’ ও ‘রেখা’ তাঁর অপর দু’খানি উল্লেখযোগ্য গ্রন্থ।

কলকাতা বিশ্ববিদ্যালয় তাঁকে ডি. লিট উপাধিতে ভূষিত করেন। এতদ্ব্যতীত ভারতমহামণ্ডলী কর্তৃক ‘পুরাতনুবিশারদ’, নবদ্বীপ বিদ্যমণ্ডলী কর্তৃক ‘কবিশেখর’ এবং গবর্ণমেন্ট কর্তৃক ‘রায়বাহাদুর’ উপাধিতেও তিনি ভূষিত হন। তাঁর জীবনকথা আলোচনা প্রসঙ্গে দি গ্রাশনাল লিটারেচার কোম্পানী প্রকৃতই বলেছেন—

‘দীনেশবাবুর পাণ্ডিত্য ও সাহিত্যক্ষেত্রে প্রতিষ্ঠা তাঁহাকে স্বদেশে ও বিদেশে বিদ্বান্ জনমণ্ডলীর মধ্যে বিশিষ্ট স্থান দিয়াছে। ম্যাডেলিন রোলা তাঁহাকে Savant অর্থাৎ আচার্য বলিয়া উল্লেখ করিয়া সংক্ষেপে তাঁহার জীবনী ও তদ্রচিত পুস্তকতালিকা প্রদান করিয়াছেন। বঙ্গ-সাহিত্যক্ষেত্রে তাঁহার কীর্তি সর্ববাদী স্বীকৃত হইয়াছে। প্রথম যৌবনে যিনি বাংলার লুপ্তপ্রায় শত শত প্রাচীন গ্রন্থ আবিষ্কার করিয়া বঙ্গভাষা ও সাহিত্যের

ভিত্তি স্থাপন করিয়াছিলেন, প্রৌঢ় বয়সে যিনি বৈকব সাহিত্যের আলোচনা করিয়া বাংলা ও ইংরেজীতে বহু সরস প্রবন্ধে চৈতন্য-জীবন ও রাধাকঙ্কলীলা সুললিত ও মর্মস্পর্শী ভাষায় লিপিবদ্ধ করিয়াছেন, বার্ককে যিনি বঙ্গদেশের জাতীয় জীবন ও তাহার শিক্ষা সংক্রান্ত এবং সামাজিক, রাষ্ট্রীয়, ধর্মনৈতিক ও অর্থনৈতিক প্রভৃতি বিবিধ বিষয়ের ধারাবাহিক ইতিহাস লিখিয়া যশস্বী হইয়াছেন, এবং জীবন-সারাঞ্জে যিনি বঙ্গপল্লীর অপূর্ব সম্পদ পল্লীগীতিগুলি প্রকাশিত করিয়া বঙ্গসাহিত্যের একটি নূতন দিক উদ্ভাসিত করিয়াছেন, শৈশব হইতে জীবনে যিনি কোন দিন বিশ্রামপ্রার্থী হন নাই, যাহার রচনার লালিত্য ও মধুর ভাষা পাঠকের মর্মস্পর্শ করিয়া শতবার চক্ষু অশ্রুপ্লাবিত করিয়াছে, তাহার প্রতি বাঙ্গালীমাত্রেই কৃতজ্ঞতাপাশে আবদ্ধ।’

দীনেশচন্দ্র যেমন উদার, সদালাপী ও নিরহঙ্কার ব্যক্তি ছিলেন, তেমনি ছিলেন মাহুমমাত্রেয় প্রতিই স্নেহশীল। সাহিত্যই ছিল তাঁর জীবনের একমাত্র ধ্যান, জ্ঞান ও সাধনা। জীবনের শেষ মুহূর্ত পর্যন্ত তিনি একাগ্র ভাবে সাহিত্য-সাধনাই ক’রে গেছেন। সংক্ষিপ্তাকারে তাঁর যে সমস্ত জীবনী রচিত হয়েছে, তার মধ্যে রোমাঁ রোলার ভগ্নী ম্যাডেলিন রোলাঁ রচিত জীবনীটি বিশেষ উল্লেখযোগ্য। বিদেশ থেকে তিনিই প্রথম দীনেশচন্দ্রকে আচার্য বলে সম্বোধন করেন। বাংলার সাংস্কৃতিক জীবনে তিনি ছিলেন যথার্থই আচার্য। তাঁর পথ ও রচনা অমুসরণ ক’রে পরবর্তীকালে বহু লেখক জীবনে প্রতিষ্ঠালাভ করেন। আধুনিক বাঙ্গালী চিন্তাধারার একজন পথিকৃৎ ছিলেন দীনেশচন্দ্র।



# ভারতের নব-জাগরণের মূল উৎস আত্মীয়-সভা

শ্রীমুরেশচন্দ্র সাংখ্যবেদান্ততীর্থ

মানুষ দেশ ও কালের অধীন। বর্তমানে যে যুগে, যে কালে আমরা বাস করিতেছি, ইহার প্রবর্তক যে মহাত্মা রামমোহন, আশা করি কেহই ইহা অস্বীকার করিবেন না। এ যুগের জ্ঞান ও ধর্ম, শিক্ষা ও সংস্কৃতি, রাষ্ট্রনীতি ও বিশ্বনীতি, প্রভৃতির তিনি ছিলেন মূল উৎস। ভারতের নবজাগরণের তিনি ছিলেন অগ্রদূত, জাগরণের সকল ক্ষেত্রেই তাঁহার প্রতিভার আলোকে প্রথম উদ্ভাসিত হইয়াছে।

বঙ্গলা গদ্য, ব্যাকরণ, ভূগোল, জ্যামিতি প্রভৃতি জ্ঞানের অবাস্তুর বিভাগগুলিরও তিনিই ছিলেন এদেশে মূল প্রবর্তক, ব্যবহারিক জ্ঞানের ক্ষেত্রে ভারতের দৈন্ত দূর করিবার জন্ত তিনিই এদেশে ইংরাজী শিক্ষার একান্ত পক্ষপাতী ছিলেন, আইনের ক্ষেত্রে উত্তরাধিকার, ভূমিস্বত্ব, প্রজাস্বত্ব প্রভৃতিতেও তাঁহার দান নগণ্য নহে। শাসকগোষ্ঠীর অত্যাচার প্রতিবাদেও তাঁহার লেখনী নীরব ছিল না। এজন্ত বাংলা ও পারশি উভয় ভাষায় তিনি দুইখানি সংবাদপত্র প্রবর্তন করেন। ভারতের ধর্মবিরোধ ও সম্প্রদায়বিরোধ দূর করিতেই তাঁহার আত্মীয়সভা ও ব্রহ্মসভার সৃষ্টি। বিভিন্ন ধর্মাবলম্বীদের পরস্পর ভাবের আদান-প্রদানে, পর্শে পর্শে মৈত্রী ও সৌহার্দ্যবৃদ্ধিই ছিল তাঁহার একমাত্র কাম্য। এজন্ত তিনি ধর্মমাত্রের সাধারণ ভিত্তি বেদান্তপ্রতিপাদ্য পরমাত্মাকে অবলম্বন করিয়াছিলেন।

বিশ্বব্যাপী সকল কালকল্প মনুষ্যজন্মের যে অক্ষয় ঐক্যসূত্র, বহ্ননরজ্জু—উহা একেশ্বরবাদ। জাতি, বর্ণ, ধর্ম, ও দেশ নির্বিশেষে সকল মানুষের একই ঈশ্বর। দেশভেদে, ভাষাভেদে, কোথাও তিনি “গড”, কোথাও “আল্লা”, কোথাও বা অন্তকোন নামে পরিচিত। আবার একই দেশে সম্প্রদায়ভেদে লোকে তাঁহাকে শিব, বিষ্ণু, বুদ্ধ ও ব্রহ্ম নামেও ডাকিয়া থাকে। আমাদের আত্মা বা ব্যক্তিত্বই এই বিশ্বাত্মা বিশ্বচেতনার অঙ্গীভূত। তিনি আমাদের সকলের পিতা মাতা, অন্তরঙ্গ বন্ধু ও বিধাতা “স বন্ধুজনিতা স বিধাতা”। তিনি বুঝিয়াছিলেন, সর্ববিধ মনুষ্যধর্মের পূর্ণাঙ্গ মনুষ্যত্বের প্রতিষ্ঠাত্মি হইতেছে

—উপনিষদ অধ্যাত্ম ধর্ম। কায়মনোবাক্যে পরমাত্মার সেবা করিলে আমাদের সর্ববিধ মঙ্গল হয়।

এজন্য তিনি রংপুর হইতে ১৮১৪ খ্রীষ্টাব্দে এই মহানগরীতে পদার্পণ করিয়াই প্রথমে তাঁহার মাপিক-তলার বাড়ীতে আত্মীয় সভার উদ্বোধন করেন, পরে উহা তাঁহার সিমলার বাড়ীতে স্থানান্তরিত হয়। ইহার অধিবেশন যে কেবল রামমোহনের গৃহেই হইত, তাহা নহে, এই সভায় ঠাহারা যোগ দিতেন, মধ্যে মধ্যে পর্য্যায়ক্রমে তাঁহাদের গৃহেও অধিবেশন হইত। প্রধানতঃ ধর্মসংস্কারের আদর্শ লইয়াই ইহা স্থাপিত হইলেও, নানা সামাজিক ও সাংস্কৃতিক বিষয়ের এখানে আলোচনা চলিত। ১৮১৯ খ্রীষ্টাব্দে ২ই মে রবিবারে আত্মীয়সভার বিবরণে “ক্যালকাটা জার্নাল” এইরূপ মন্তব্য করিয়াছিলেন যে, এই সভায় জাতিভেদ, নিবিদ্ধ-খাদ্য, বালবিধবা, বাল্যবিবাহ, বহুবিবাহ, সহমরণ প্রভৃতি বাংলার সামাজিক জীবনেরও নানা দুঃখ দুর্গতির ও সমস্তাসংশয়ের আলোচনা হইয়াছিল। এখানে বেদপাঠ ও ব্রহ্মসঙ্গীত ব্যতীত এই সব আলোচনায় শাস্ত্র ও সমাজের সনাতন বিধিব্যবস্থাসুলিকে যুগ ও যুক্তির আলোকে তুলিয়া ধরিয়া উহাদের ভিতরের কাঁক ও ফাটলের পরীক্ষা চলিত। শাস্ত্র, সমাজ ও সমাজ-সংস্কারের বিচিত্র বন্ধনে বদ্ধ স্বাধীন মানবাত্মার বহ্নন-মুক্তির এই প্রথম প্রয়াস, প্রথম পদক্ষেপ শুরু হইল। আত্মীয়সভার সন্তোষা নিজেদের যুক্তিবাদের অহুকুলে এই শাস্ত্রবাণী উচ্চকণ্ঠে ঘোষণা করিতে লাগিলেন।

কেবলং শাস্ত্রমাপ্রিত্য ন কর্তব্যো নির্ণয়ঃ।

যুক্তিহীনবিচারেতু ধর্মহানিঃ প্রজায়তে।

যাহা হউক, সভার আত্মীয় বিশেষণটি দেখিয়া কেহ কেহ এরূপ মনে করেন যে, বেদান্তপ্রতিপাদ্য পরমাত্মার কথা এখানে আলোচিত হইত বলিয়া সভার নামটি ঐ হইয়াছে। কিন্তু প্রকৃতপক্ষে রামমোহনের অপূর্ব ব্যক্তিত্বের আকর্ষণে এখানে তিনি এক অশিনব বন্ধু-গোষ্ঠী গড়িয়া তুলিয়াছিলেন। কয়েকজনের নাম উল্লেখ করিলেই বুঝা যায় যে, সেদিনে তাঁহার এই নগরীর সামাজিক জীবনে কোন্ স্থান অধিকার করিয়া-

ছিলেন। গোপীমোহন ঠাকুর, প্রসন্নকুমার ঠাকুর, দ্বারকানাথ ঠাকুর, টাকীর জমিদার বৈকুণ্ঠনাথ রায় ও কালীনাথ রায়, তেলিনীপাড়ার অন্নদাপ্রসাদ বন্দ্যোপাধ্যায়, নন্দকিশোর বসু ( রাজনারায়ণের পিতা ), আন্দুলের রাজা কাশীনাথ, ভূকৈলাসের রাজা কাশী-কিঙ্কর প্রভৃতি প্রত্যেকে সেদিন নুতন বাংলা তথা নব্যভারতের গঠনে রামমোহনের নিত্য পার্শ্বচর ছিলেন। ইহাদের প্রত্যেকের জীবনে বিস্তৃত ও বিস্তার বিশ্বকর রাখীবন্ধন ঘটিয়াছিল। বিদ্যা দিয়াছিল তাঁহাদিগকে মুক্তদৃষ্টি, আর বিস্তৃত দিয়াছিল উহাকে রূপে রূপে অপকল্প করিয়া গড়িয়া তুলিবার শক্তি।

এতদিনে সভার যাযাবর অবস্থা ঘুচিয়া ১৮২৮ খ্রীষ্টাব্দে ২০শে আগষ্ট, ৬ই ভাদ্র বুধবার সন্ধ্যায় ৪৯ নং আপার চিংপুর রোডে, ফিরিস্তী কমললোচন বসুর ভাড়াটে বাড়ীতে ব্রহ্মসভা নাম লইয়া, স্থির হইয়া বসিবার অবকাশ মিলিল। এই ব্যাপারে তাঁহার সহকর্মী পূর্বোক্ত অমুরাগী বন্ধুবর্গ ব্যতীত উইলিয়াম ডাকের নামও উল্লেখযোগ্য। ইনি শ্রীরামপুরের ব্যাপটিষ্ট মিশন পরিত্যাগ করিয়া বন্ধু রামমোহনের সঙ্গী হইয়াছিলেন এবং “হরকরু” আফিসের উপরতলায় একেশ্বরবাদের উপদেশ দিতেন। রামমোহন তাঁহার অসুগত বন্ধু তাঁরাচাদ চক্রবর্তী, চন্দ্রশেখর দেব প্রভৃতিকে লইয়া এখানে উপস্থিত থাকিতেন। একদিন গৃহে ফিরিবার পথে বন্ধুদের অহরোধে রামমোহন নিজেদের একটি উপাসনা-গৃহ স্থাপনের সিদ্ধান্ত গ্রহণ করেন। স্বকীয় গৃহ-নির্মাণ সম্বন্ধে বসিয়া ৪৯নং আপার চিংপুর রোডে, ফিরিস্তী কমললোচন বসুর বাড়ী ভাড়া লইয়া উল্লিখিত দিবসে বুধবারের সন্ধ্যায় প্রথম স্বামীভাবে সমাজ বসিল। তিনজন তৈলঙ্গী ব্রাহ্মণ প্রথমে বেদপাঠ করেন। পরে শ্রদ্ধেয় উৎসবানন্দ বিদ্যাবাগীশ উপনিষদের মূলংশ পাঠ করেন, পরে শ্রদ্ধেয় রামচন্দ্র বিদ্যাবাগীশ মহাশয় ব্যাখ্যান দিলেন। অবশেষে ব্রহ্মসঙ্গীত গীত হইয়া সভা সজ হইল। আঙ্গীয় সভায় ইতস্ততঃ ভ্রাম্যমান ব্রহ্মাণ্ডি আজ হইতে চিরস্তন হইয়া উঠিল। এখানে সভাকে অবশ্য বেশী দিন থাকিতে হয় নাই। এক বৎসর পাঁচ মাসের মধ্যেই ঐ কমল বসুর বাড়ীর নিকটেই স্তানটি নিবাসী কালীপ্রসাদ রায়ের নিকট হইতে ১৮২৯ খ্রীষ্টাব্দে ৬ই জুন চারি কাঠা ছই ছটাক জমি ক্রয় করা হয়। দ্বারকানাথ, প্রসন্নকুমার, কালীনাথ ও স্বয়ং রামমোহন ছিলেন ইহার ক্রেতা। বাড়ী তৈয়ারী করিবার কাজও শীঘ্রই আরম্ভ হইল।

১৮৩০ খ্রীষ্টাব্দের ২৬শে জানুয়ারী ১১ই মাঘ শনিবার ভাড়াটে বাড়ী হইতে এই পবিত্র ব্রহ্মাণ্ডি ৫৫নং আপার চিংপুর রোডের নবনির্মিত দ্বিতল ভবনে রক্ষিত হইল। “ব্রহ্মাণ্ডি”র এই গৃহপ্রবেশ অমুষ্ঠানটি মহাসমারোহে রামমোহনের নিজের তত্ত্বাবধানে সম্পন্ন হইল। নগরীর বহু গণ্যমান্ত ব্যক্তি, এমন কি একজন ইংরেজও এই উৎসবে যোগ দিয়াছিলেন। প্রাচ্যপ্রথায় বহু ব্রাহ্মণ-পণ্ডিত-বিদায়ও হইয়াছিল। একটি স্মরণপত্র রচনা করিয়া রামমোহন ইহার পরিচালনার ভার টাকীর জমিদার বৈকুণ্ঠনাথ রায়চৌধুরী, রাধাপ্রসাদ রায় ও রমানাথ ঠাকুরকে অর্পণ করেন। ইহার প্রথম সম্পাদক তাঁরাচাদ চক্রবর্তী ও প্রথম আচার্য্য হন শ্রদ্ধেয় পণ্ডিত রামচন্দ্র বিদ্যাবাগীশ। সপ্তাহে সপ্তাহে প্রতি শনিবারের সন্ধ্যাবেলায় ইহার অধিবেশন হইত; শনিবারে আরম্ভ হইয়া পরে বুধবারে প্রবর্তিত হয়। অধিবেশনগুলিতে ব্রহ্ম-সঙ্গীত ও বেদপাঠ হইত, অবশেষে আচার্য্য উপদেশ দিতেন।

রামমোহন তাঁহার প্রগতিশীল উদার অন্তরের প্রতীক-রূপে এই সভাটিকে এদেশের মাটিতে রোপণ করেন। তিনি ইহার স্মরণপত্রের মধ্যে একস্থানে বলিয়াছিলেন যে, সর্বপ্রকার ধর্মবিশ্বাসী ও ধর্মমতাবলম্বী মানববৃন্দের মধ্যে যাহাতে ঐক্যের বন্ধন দৃঢ় হয়, কেবলমাত্র সেইরূপ উপদেশ, প্রচারবাণী, প্রার্থনা ও সঙ্গীত এখানে অমুষ্ঠিত হইবে। তাঁহার এই উন্নত আদর্শকে, অনেকে মানব-মুক্তির জয়পত্র বা ভারতের স্বাধীনতার মহাপাত্র বলিতে চাহেন। তিনি এই বৎসরের ১৫ই নবেম্বর তারিখে বিলাত যাত্রা করেন। আফ্রিকা ঘুরিয়া পালের জাহাজে তখন ইউরোপে যাইতে হইত; সেদিনের বিলাতযাত্রা এজন্ত বড়ই দুঃসাধ্য ব্যাপার ছিল। সেখানে পৌঁছিতে তাই তাঁহার প্রায় ৫ মাস সময় লাগিয়াছিল। এই যাত্রাই তাঁহার মহাযাত্রা হইয়াছিল। তিনি আর স্বদেশে ফিরিয়া আসিতে পারেন নাই। ১৮৩৩ খ্রীষ্টাব্দে ২৭শে সেপ্টেম্বর তারিখে ইংলণ্ডের ব্রিস্টল নগরীতে তিনি শেষ নিঃশ্বাস ত্যাগ করেন।

আঙ্গীয়সভার মত তাঁহার এই ব্রহ্মসভাও ছিল চির-প্রগতিপন্থী। এজন্ত কেবল বেদপাঠ ও ব্রহ্মসঙ্গীতেই এই সভার কার্য্য সীমাবদ্ধ ছিল না। বহু জনহিতকর কর্মেরও ইহা মূল উৎস হইয়া উঠিয়াছিল। ১৮৩২ খ্রীষ্টাব্দে ১৪ই নবেম্বর “ক্যালকাটা কুরিয়ারে” এই মর্মে একটি সংবাদ প্রকাশিত হয় যে, যে গত শনিবার সন্ধ্যায় ঘটিকায় ব্রহ্মসভা সকল শ্রেণীর দেশীয় লোকে পরিপূর্ণ



হইয়া যায়। বাবু দ্বারকানাথ ঠাকুরের সভাপতিত্বে এই সভা সতীদাহ নিবারণ আইন বিধিবদ্ধ হওয়ার জন্ত আনন্দ প্রকাশ করে। সভাপতির প্রস্তাব অনুসারে বালেশ্বরের আর্ড্‌দিগের ত্রাণকল্পে চাঁদার খাতা খুলিয়া হাজার টাকার চাঁদা তোলা হয়।

এ সময় রামমোহন ব্রহ্মসভা হইতে বহুদূরে ইংলণ্ডে বাস করিতেছিলেন; কিন্তু একদা যেখানে তিনি অধ্যাত্ম ধর্মের পুণ্য হোম হতাশন প্রজ্জ্বলিত করিয়াছিলেন, কালধর্ম তাহা ক্ষীণ হইলেও কদাপি নির্ঝাপিত হয় নাই। ইহাকে কেন্দ্র করিয়া সেদিন চারিদিকে ছড়াইয়া পড়িয়াছে দিব্য আলোক উদ্ভাপ নিরন্তর। বালেশ্বরের আর্ড্‌ত্রাণের প্রসঙ্গ মনে পড়ে, ১৮৬১ খ্রীষ্টাব্দের উত্তর-পশ্চিম ভারতের দুর্ভিক্ষে দ্বারকানাথের ছায় তাহার সুযোগ্য পুত্র দেবেন্দ্রনাথও ২৪শে মার্চের সাপ্তাহিক উপাসনাস্ত্রে দুর্ভিক্ষে দুর্গতদিগের সাহায্যের জন্ত উপদেশ দিয়াছিলেন।

রামমোহনের প্রবাসযাত্রা হইতে আরম্ভ করিয়া দেবেন্দ্রনাথের ব্রাহ্মসমাজে যোগদানের পূর্বে পর্য্যন্ত তাঁহার ব্রহ্মসভা বন্ধু দ্বারকানাথের অর্থসাহায্যে এবং আপনার হাতে গড়া পণ্ডিত রামচন্দ্র বিজ্ঞাবাগীশের সেবায় কোনওরূপে কষ্টে-স্বষ্টে বাঁচিয়াছিল। দেবেন্দ্রনাথ অহুরাগের উজ্জ্বল আলোক জালিয়া রামমোহনের ব্রহ্মসভার অন্ধকারাবৃত কক্ষে আসিয়া প্রবেশ করিলেন। মরাগাজে যেন জোয়ার দেখা দিল। নিজের হাতে গড়া তত্ত্ববোধিনী সভাটিকে তিনি এখানে লইয়া আসিলেন। চিত্রকরের মত তিনি ক্ষিপ্ত হস্তে তুলির পর তুলি চালাইয়া রামমোহন যাহার আদরা আঁকিয়া দিয়া ছিলেন, সেই ছবিখানিকে রঙে, রূপে অপরূপ করিয়া গড়িয়া তুলিতে লাগিলেন। লোকসেবাই যে ঈশ্বর-সেবা, রামমোহনের এই মর্মবাণী তাঁহার “তস্মিন্ প্রীতিস্তুস্ত প্রিয়কার্যসাধনঞ্চ তদুপাসনামেব” এই দেববাণীতে মূর্ত্ত হইয়া উঠিল। দেবেন্দ্রনাথের তত্ত্ববোধিনী সভায় একাধারে রামমোহন ও দেবেন্দ্রনাথের যুগ্ম সাধনা মূর্ত্ত হইয়া ফুটিয়া উঠিয়াছে। দেবেন্দ্রনাথ পূর্বে সভার নামকরণ করিয়াছিলেন ‘তত্ত্বরঞ্জিনী’। রামমোহনের হাতেগড়া পণ্ডিত রামচন্দ্র বিজ্ঞাবাগীশ আসিয়া তত্ত্বরঞ্জিনীর “তত্ত্ব অংশ” রাখিয়া, “রঞ্জিনী” অংশে বসাইলেন বোধিনী। এইরূপে উভয়ের সাধনার ভিন্ন ধারা গঙ্গা ও যমুনার মত এক ধারায় মিলিত হইয়া ভারতীয় ধর্ম ও সংস্কৃতিকে সরস ও শোভন করিয়া তুলিল। এই সভার প্রধান উদ্দেশ্য ছিল ব্রাহ্মধর্ম

প্রচার। তখন বাংলা দেশের সকল গণ্যমান্ত মনীষিবৃন্দ এই সভার সভ্য ছিলেন। সভ্যসংখ্যা প্রায় আট শত উঠিয়াছিল। ইহাদের মধ্যে অক্ষয়কুমার দত্ত, পণ্ডিত ঈশ্বরচন্দ্র বিজ্ঞাসাগর, কবি ঈশ্বর গুপ্ত, বঙ্কিমচন্দ্র চট্টোপাধ্যায়, ভূদেব মুখোপাধ্যায় প্রভৃতি সে যুগের বিশিষ্ট ব্যক্তিগণ এই সভার সদস্য ছিলেন। অতঃপর ব্রহ্মানন্দ কেশবচন্দ্র আসিয়া যখন ঠাটতে যোগ দিলেন তখন যেন এই সমাজের নবযৌবন দেখা দিল।

নানা স্থানে সমাজের শাখা প্রশাখা স্থাপিত হইতে লাগিল, কলিকাতার মধ্যে ভবানীপুর ও বেহালায় আরও দুইটি শাখা প্রতিষ্ঠিত হইল।

ভবানীপুরে “তত্ত্ববোধিনী পাঠশালা” স্থাপিত হইল। কেশবচন্দ্র ভারতের নানা স্থানে ব্রাহ্মধর্ম প্রচার করিতে আরম্ভ করিলেন। সুদূর বোম্বাইয়ে পর্য্যন্ত ব্রাহ্মসমাজের অহুসরণে “প্রার্থনা-সমাজ” স্থাপিত হইল। সেদিনে গুণাহুরাগী শ্রীশ্রীরামকৃষ্ণ পরমহংসদেবও ব্রাহ্মসমাজের উপাসনায় যোগ দিতে দক্ষিণেশ্বর হইতে জোড়াসাঁকোতে আসিতেন; এই ব্রাহ্মসমাজের দ্বিতলকক্ষের উপাসনার বেদিকায় তিনি প্রথম কেশবচন্দ্রকে আবিষ্কার করেন।

রামকৃষ্ণ মিশনের প্রভাব আজ দেশ-দেশান্তরে ছড়াইয়া পড়িয়াছে, মিশনের যে সকল প্রাচীন সভ্য ইহাকে গড়িয়া তুলিয়াছিলেন, সেই স্বামী বিবেকানন্দ প্রভৃতি অনেকেই মূলতঃ এই ব্রাহ্মসমাজের প্রভাবে প্রভাবিত হইয়াছিলেন।

সেদিনে মহর্ষি দেবেন্দ্রনাথের জ্যেষ্ঠ পুত্র ঋষিকল্প বিজ্ঞেন্দ্রনাথ, ভারতের প্রথম “আই সি এস”, মহর্ষির মধ্যম পুত্র, সত্যেন্দ্রনাথ, জ্যোতিরিন্দ্রনাথ, রবীন্দ্রনাথ প্রভৃতি এবং ভ্রাতৃপুত্র গণেন্দ্রনাথ ও গুণেন্দ্রনাথ এবং গুণেন্দ্রের পুত্র গগনেন্দ্র, অবনীন্দ্র প্রভৃতি সকলের জীবনেই এই ব্রাহ্মসমাজের প্রভাব পতিত হইয়াছিল।

মধ্য ভারতের জনক ও যুগশ্রষ্টা মহাপ্রাণা রামমোহন রায় হইতে কবিগুরু রবীন্দ্রনাথ পর্য্যন্ত বাংলার সাধক ও মনস্বীগণের পুণ্যপদধূলিতে এই ভবন পবিত্র হইয়াছিল।

এরূপ একটা ঐতিহাসিক ও সাংস্কৃতিক গুরুত্বপূর্ণ স্থান এই মহানগরীতে আর দ্বিতীয় নাই, অথচ ভাগ্যের এমনই পরিহাস যে ইহার অতীত অবদান আজ একেবারে বিস্মৃতির অন্ধকারে যেন চিরদিনের মত লুপ্ত হইয়া গিয়াছে, ইহার অতীতের গৌরব আর বিস্মৃতাও চোখে পড়ে না।

ভারত আজ স্বাধীনতা লাভ করিয়াছে, অথচ এই স্বাধীনতা ও গণজাগরণের মূলমন্ত্র যেখানে প্রথম উচ্চারিত হইয়াছিল, ভারতের নবলব্ধ স্বাধীনতা সেই পুণ্য স্থানটির কোন মৰ্যাদা দিল না।

এই অত্যাচার, এই অপকর্মেণ্ডের জন্ত কে দায়ী? কাহাকে দোষ দিব? আমরা কাহাকেও দোষী করিতে চাহি না; আমাদের মনে হয় যে এ দোষ সকলের—হিন্দু, মুসলমান, বৌদ্ধ, খ্রীষ্টান, ভারতীয়, অভ্যন্তরীণ—আমরা কেহই বাদ যাই না; কারণ রামমোহন কোনও দল গড়িতে চাহেন নাই; বরং আপনা আপনি সকল দল ভাঙিয়া, যাহাতে সমগ্র পৃথিবীতে একটি মাত্র দল গড়িয়া উঠে, তাহার প্রেম-দৃষ্টিতে, এই ব্রহ্মসভার মধ্য দিয়া তিনি উহাই চাহিয়াছিলেন, এইজন্য এই ঋণজন্মা যুগপুরুষ জাতির জনকের নাম লইয়া আমরা প্রত্যেককে আশ্বাস করি। এদেশে ওদেশে সকল দেশের সকলকেই


আশ্বাস করি, রাজার এই প্রথম ভবনটিকে আপনার যথাযোগ্য মৰ্যাদায় প্রতিষ্ঠিত করুন। কবিকণ্ঠে বলিতে ইচ্ছা হয় এই অমোঘ সত্য বাণী—

“হে নিষ্ঠীক, দুঃখ-অভিহত,  
কার নিন্দা কর তুমি? মাথা কর নত,  
এ আমার, এ তোমার পাপ,  
মানবের অধিষ্ঠাত্রী দেবতার বহু অসম্মান,  
রাখ নিন্দা-বাণী, রাখ আপন সাধুত্ব-অভিমান,  
শুধু একমনে হও পার  
এ প্রলয় পারাবার  
নূতন সৃষ্টির উপকূলে  
নূতন বিজয়ধ্বজা তুলে  
মানুষ চূর্ণিল যবে নিজ মর্ত্যসীমা  
তখন দিবে না দেখা দেবতার অপার মহিমা?”



# কে. হোড্জার

অভিজাত প্রসাধনী



কেন্দ্রীয় কারখানা, কলকাতা

## শকুন্তলোপাখ্যান-চিত্রণে

মহাভারত ও কালিদাস  
প্রতিযোগিতায় মনোনীত প্রবন্ধ

শ্রীসমীরণ চক্রবর্তী

মহাকবি কালিদাস 'অভিজ্ঞান-শকুন্তলম্' নাটক রচনা করিবার পরবর্তীকাল হইতে তাঁহার এই অমর নাটক জনসমাজে এতই সমাদর লাভ করিয়াছে যে, ইহার কাহিনী অত্যন্ত সুবিদিত এবং ইহার উৎস যে মহাভারতের 'শকুন্তলোপাখ্যান', তাহাও জনপ্রিয়তা ও বহুল প্রচারের দিক হইতে ইহার বহু পশ্চাতে পড়িয়া রহিয়াছে। যদিও কালিদাস কোথা হইতে তাঁহার কাহিনী সংগ্রহ করিয়াছিলেন সেই বিষয়ে মতবৈধ বর্তমান, তথাপি সম্ভাব্যতার দিক দিয়া বিচার করিলে মহাভারতের শকুন্তলোপাখ্যানকেই এই নাটকের উৎস বলা যাইতে পারে। 'পদ্মপুরাণের' (বর্গখণ্ড) শকুন্তলা-কাহিনীর সহিত কালিদাসের আখ্যানাংশের অধিকতর সঙ্গতি থাকা সত্ত্বেও ঐ কাহিনীর মধ্যে অভ্যন্তরীণ অসঙ্গতি ও স্ববিरोধ আছে। আর পদ্মপুরাণকে কালিদাসের পরবর্তী বলিয়া বিবেচনা করিবারও কারণ বিদ্যমান। কিংবা পদ্মপুরাণের মূল অংশ কালিদাসের পূর্বে বর্তমান থাকিলেও 'শকুন্তলোপাখ্যান' তাহাতে অনেক পরবর্তী সংযোজন। পদ্মপুরাণের আনন্দাশ্রম-সংস্করণে এই কাহিনী দৃষ্ট হয় না। প্রকৃতপক্ষে মহাভারতেই আমরা সর্বপ্রথম শকুন্তলা-কাহিনীর সাক্ষাৎ লাভ করি। কাব্য হিসাবে এই মূল কাহিনীর মূল্য অতি সামান্য, এমন কি শূন্য বলিলেও অত্যুক্তি হয় না। সাধারণ ভাবেও অনলঙ্কৃত ভাষায় রচিত এই কাঠামোটির কালিদাসের হাতে যে অদ্ভুত রূপান্তর ঘটয়াছে তাহা বিশ্বয়কর। কবির স্বজনী প্রতিভার বলে মহাভারতের কাহিনী সম্পূর্ণ নবরূপে দেখা দিয়াছে এবং স্বভাবতঃই এই নবীনমূর্তি কাব্যরসিকগণের চিত্তজয়ে সমর্থ হইয়াছে।

ইহাই কবির নাটকের অধিকতর প্রচার ও জনপ্রিয়তার কারণ।

উভয় কাহিনীর তুলনামূলক ও বিশ্লেষণাত্মক আলোচনার পূর্বে উভয় আখ্যানাংশের সুসংক্রিপ্ত পরিচয় দেওয়া যাইতে পারে।

মহাভারতের কাহিনী নিম্নরূপ :

পুরুবংশাবতংম রাজা দুঃশ্বস্ত মৃগয়াক্রমে কথমুনির আশ্রমে উপনীত হইলেন। ফলাহরণে বহির্গত মুনির অনুপস্থিতিতে তাঁহার পালিতা কন্যা শকুন্তলা অতিথি-সংকার করেন। এই সাক্ষাতে উভয়ের মধ্যে প্রণয় সঞ্চার হয়। রাজার জিজ্ঞাসায় শকুন্তলা স্বয়ং বিশ্বামিত্র ও মেনকার মিলনে নিজ জন্মের কাহিনী বর্ণনা করিলেন। ক্রিয়বংশেই তাঁহার জন্ম শুনিয়া রাজা তাঁহাকে বিবাহ করিতে চাহিলেন। শকুন্তলা এই বিবাহের সর্বত্র সম্মুখে রাজাকে অবহিত করিবার পর তাঁহার প্রস্তাবে সম্মতি হইলে উভয়ের মিলন হইল। ইহার পর আশ্রম হইতে রাজার প্রস্থান। তিন বৎসর পরে শকুন্তলা পুত্রসন্তান প্রসব করেন এবং তাহারও ছয় বৎসর পরে পুত্র-সম্ভিব্যাহারে রাজসমীপে গমন করেন। ইতিমধ্যে রাজা শকুন্তলার কোন সংবাদ লন নাই। রাজসভায় আসিয়া পূর্বের চুক্তি অনুযায়ী শকুন্তলা পুত্রের যৌবরাজ্যে অভিষেক-প্রার্থনা করিলেন। রাজা স্বেচ্ছাক্রমেই বিবাহ ও নিজ-অঙ্গীকার অঙ্গীকার করিলে শকুন্তলা ভৎসনাপূর্ণ বাক্যে রাজাকে তিরস্কার করেন। অতঃপর দৈববাণীতে শকুন্তলার উক্তির সত্যতা বিধোচিত হইল এবং রাজা তাঁহাকে গ্রহণ করিলেন।

কালিদাসের কাহিনী :

এইখানেও মৃগয়াক্রমে রাজার আশ্রমে আগমন। তৎকালে কথমুনি সোমতীর্থে গিয়াছিলেন। শকুন্তলা ও তাঁহার সখীদ্বয়ের সহিত রাজার সাক্ষাৎ হইল। সখীদ্বয় (অনসূয়া ও প্রিয়ংবদা) রাজাকে অভ্যর্থনা জানাইলেন। রাজার কৌতূহলে অনসূয়া শকুন্তলার জন্মবৃত্তান্ত বর্ণনা করেন। ইহার পরে সখীগণের চেষ্টায়

১। মহাভারতের আদিপর্বে শকুন্তলার কাহিনী বর্ণিত হইয়াছে।  
২। কেহ কেহ ঘটনাসাদৃশ্যের জন্য পদ্মপুরাণ-বর্গখণ্ডের অন্তর্গত শকুন্তলা-কাহিনীকেই কালিদাসের নাটকের উৎস বলিয়া থাকেন। এ বিষয়ে দ্রষ্টব্য :

1. Introduction Sakuntalam—ed. by Prof B. Goswami.
2. Kalidasa and the Padmapurana—by Haradatta Sarma ( Cal. 1925 )

৩। এই সর্ব ছিল—উত্তরকালে শকুন্তলার পুত্রকে যৌবরাজ্য-প্রদান।

উভয়ের মিলন হইল। রাজা রাজধানীতে প্রস্থান করিলে পতিচিন্তারতা শকুন্তলার উপর আসিল দুর্কীসার অভিশাপ। ৪ কর্তব্যভ্রষ্টা শকুন্তলার উপর 'রাজা তোমাকে চিনিতেও পারিবেন না'—এইরূপ শাপবজ্ঞ নিরূপ করিয়া কোপনস্বভাব মুনি প্রত্যাভর্জন করিতে লাগিলেন। তখন প্রিয়ংবদার অহুনে তি নি 'অভিজ্ঞান-প্রদর্শনে এই শাপের অস্ত হইবে'—এইরূপ ব্যবস্থা করিয়া গেলেন।

আশ্রমে ফিরিয়া কথ জ্ঞানিতে পারিলেন যে, শকুন্তলা গর্ভবতী। কালক্রমে না করিয়া তিনি দুঃস্বপ্নের নিকট তাঁহাকে প্রেরণ করিলেন। সঙ্গে গেলেন মুনির দূতরূপে শার্ঙ্গরব, শারদ্বত এবং প্রাচীনা গৌতমী। শাপবশতঃ রাজা শকুন্তলাকে চিনিতে পারিলেন না। অভিজ্ঞান-অঙ্গুরীয়কঃ স্নানকালে শক্রাবতারের জলে পড়িয়া যাওয়াতে শকুন্তলা তাহা দেখাইতে পারেন নাই। (পতিগৃহে যাত্রাকালে সখীদ্বয় ইহা দেখাইবার কথা বলিয়া দিয়াছিলেন) ঋষিকুমারের অহুরোপ এবং রোগকে উপেক্ষা করিয়াও রাজা ধর্মলোপ ভয়ে শকুন্তলাকে গ্রহণ করিলেন না। অতঃপর শকুন্তলার অন্তর্দ্বান খটিল। পরে ধীবরের নিকট সেই অঙ্গুরীয়ক ফিরিয়া পাওয়াতে রাজার স্মৃতি জাগ্রত হইল এবং তিনি শোকে মুহমান হইলেন। অবশেষে দেবগণের চেষ্টায় দৈত্যবধ-প্রসঙ্গে রাজার স্বর্গে গমন এবং প্রত্যাভর্জনকালে মারীচের আশ্রমে কুমার সর্কদমনের সহিত পরিচয়। দুঃস্বপ্ন-শকুন্তলার পুনর্মিলনে পরিসমাপ্তি।

মূল কাহিনীতে আমরা পাই চারিটি চরিত্র—শকুন্তলা, দুঃস্বপ্ন, কাশ্যপ এবং সর্কদমন। পার্শ্বচরিত্র সৃষ্টি করা হয় নাই। কিন্তু বিভিন্ন পার্শ্বচরিত্রের মাধ্যমে যে মূল কাহিনীর পরিষ্ফুটন সম্ভব, তাহা কালিদাসের অজ্ঞাত ছিল না এবং তিনি অনসূয়া, প্রিয়ংবদা, শার্ঙ্গরব, শারদ্বত, মাধব্য প্রভৃতি পার্শ্বচরিত্র সৃষ্টি করিয়া কাহিনীকে পূর্ণাবয়ব করিয়াছেন। এই চরিত্র সৃষ্টি নাট্যকাররূপে কালিদাসের প্রতিভার অতীতম নিদর্শন।

ধটনার বিবর্তনে অনসূয়া ও প্রিয়ংবদার স্থান অপরিহার্য। কালিদাস ইহাদের যেভাবে চিত্রিত করিয়াছেন, তাহাতে শকুন্তলা অপেক্ষা ইহারাও কম চিত্তাকর্ষক হ'ন নাই। দুঃস্বপ্ন ও শকুন্তলার প্রণয়বিকাশ ও তাহার পরিপূর্ণতার পথে ইহাদের অবদান অতুলনীয়। কথাবার্তা

ও পরিচয় ঘটিয়াছে ইহাদের মাধ্যমেই। মূল কাহিনীতে শকুন্তলাকে যেভাবে চিত্রিত করা হইয়াছে, তাহাতে নারীজনমূলভ লজ্জা ও শালীনতার অভাব পীড়াদায়ক ভাবেই লক্ষিত হয়। সেখানে শকুন্তলা নিজেই প্রগল্ভতার সহিত নিজ জন্মের কাহিনী (যাহা বর্ণনা করা সম্ভবতঃ অপর কোন কুমারীর পক্ষে সম্ভব ছিল না) বর্ণনা করিয়াছেন। ৬ এই নির্ভঙ্জতার অপবাদ হইতে কবি শকুন্তলাকে রক্ষা করিয়াছেন। এখানে শকুন্তলা লজ্জাশীলা ও নারীমূলভ-মাধুর্য্য ও কোমলতার গঠিতা। অনসূয়াই রাজার জিজ্ঞাসায় শকুন্তলার জন্মকাহিনী বিবৃত করেন, এবং তাহাও যথেষ্ট শালীনতার সহিত। বিশ্বামিত্র ও মেনকার মিলনের বৃত্তান্ত তিনি সম্পূর্ণ বর্ণনা করেন নাই, ইঞ্জিতের দ্বারা ইহা সিদ্ধ হইয়াছে। সেখানে কালিদাস বলেন,

‘অনসূয়া—তদো বসন্তোদারসমএ যে উশ্বাদাষওঅং  
ক্রবং পেকৃথিঅ—৭

(অন্ধোতে লজ্জবা বিরমাত )

ইহা সম্পূর্ণরূপে তপস্বিকতার অহুরূপ হইয়াছে।

আবার মহাভারতে শকুন্তলার পক্ষে অস্বাভাবিক ব্যবহারের আরও নিদর্শন রহিয়াছে, বিবাহের চুক্তি সম্পাদনের ক্ষেত্রে। দুঃস্বপ্ন বিবাহের প্রস্তাব করিলে, শকুন্তলা বলিতেছেন—

‘সত্যং ৫: প্রতিজ্ঞানীহি যথা বক্ষ্যাম্যং ৩ঃ ৫ঃ ।

ময়ি জায়েত যঃ পুত্রঃ স ভবেত্তদনন্তরম্ ॥

যুবরাজো মহারাজ সত্যমেতদ্বুবীমিতে ।

যত্তেতদেবং দুঃস্বপ্ন অস্ত মে সঙ্গমস্বয়া ॥৮

অর্থাৎ আমার গর্ভে যে কুমারের জন্ম হইবে, ভবিষ্যতে তাহাকে যৌবরাজ্য প্রদানের অঙ্গীকারে আপনি স্বীকৃত থাকিলে আমাদের মিলন হউক। এই প্রকার চুক্তি-সম্পাদন আশ্রমের তপস্বিবালিকার পক্ষে ত দূরের কথা, নগরের কুমারীর পক্ষেও অশোভন এবং অস্বাভাবিক। এ ক্ষেত্রেও কালিদাস তাঁহার শকুন্তলাকে এইরূপ চুক্তির অবতারণা হইতে বাঁচাইয়াছেন। তাঁহার নাটকে শকুন্তলা স্বয়ং রাজাকে বা নিজবিবাহ সম্পর্কে কোন কথাই বলেন নাই। তাঁহার সলঙ্ক ভাবভঙ্গি ও উক্তি-সমূহ সম্পূর্ণ রুচিসঙ্গত। সখীর উত্তরকালীন কুশল

৪। পিচিন্তারতা ধমনস্ত মানসা তপোধনঃ বেৎসি নমামুগচ্ছিতম্ ।

অরিয়াতি স্বাঃ নম বোধিতোহপি মনু কণাঃ প্রমত্তঃ প্রমমঃ কৃতামিব ॥

৫ঃ অঙ্ক ( বিকৃতক )

৬। এই অঙ্গুরীয়ক রাজা স্বয়ং শকুন্তলাকে পরাইয়া দিয়াছিলেন।

৩। মহাভারতে শকুন্তলা, ‘শুণু রাজন্ যথাততঃ যথাহস্মি হুহিতা মূনেঃ’—এইরূপে আরম্ভ করিয়া নিজ কাহিনী বর্ণনা করেন।

৭। অভিজ্ঞান-শকুন্তলম্ -প্রথমাক

৮। মহাভারত—আদি পর্ব



সবীষের নিকট অবশ্যই কাণ্ড, তাই অনস্থ্যা রাজার নিকট এই প্রতিশ্রুতি প্রার্থনা করিয়াছেন যে, ভবিষ্যতে শকুন্তলার প্রতি কোন অযত্ন বা স্নেহাভাব প্রদর্শিত হইবে না।

‘জহ পো পিঅসহী বন্ধুজনযোঅগিজ্জা ৭ হোই  
তহ নিস্সাদেহি’—৯

(আমাদের প্রিয়সখা বেন বন্ধুজনের শোকের কারণ না হ'ন সেইরূপ করিবেন।)

রাজাও এই আশঙ্কা দূর করিয়া বলিয়াছেন—

‘পরিগ্রহবহুহেপি ঘে প্রতিষ্ঠে কুলস্ত মে।

সমুদ্রসনাচোকাঁ সখী চ যুবয়োরিয়ম্ ॥’<sup>১০</sup>

এইরূপে রোম্যান্টিক-কাহিনীর নায়িকার যে সকল গুণ বা বিশেষত্ব থাকা উচিত, তাহা কবি শকুন্তলাতে সুন্দর ভাবে আরোপ করিয়াছেন—সেই কারণেই শকুন্তলার সৌন্দর্য্য এত অধিক। এই সৌন্দর্য্য ফুটাইয়া তুলিবার জন্ত সৃষ্ট হইয়াছে অনস্থ্যা এবং প্রিয়ংবদা। শকুন্তলাকে সম্পূর্ণতা-দানের পক্ষে ইহারা অপরিহার্য্য। এই কর্ণের অবসানে তাহারা বিদায় লইয়াছেন। এই প্রসঙ্গে রবীন্দ্রনাথের উক্তি ইহাদের ভূমিকার সৌন্দর্য্য ও গুরুত্বের উপর আলোকপাত করে।

...‘প্রিয়ংবদা আর অনস্থ্যা। তাহারা ভর্তৃগৃহ-গামিনী শকুন্তলাকে বিদায় দিয়া পথের মধ্য হইতে কাঁদিতে কাঁদিতে ফিরিয়া আসিল; নাটকের মধ্যে আর প্রবেশ করিল না, একেবারে আমাদের হৃদয়ের মধ্যে আসিয়া আশ্রয় গ্রহণ করিল।’<sup>১১</sup>

...‘শকুন্তলার অধিকাংশই অনস্থ্যা ও প্রিয়ংবদা, শকুন্তলাই সর্কাপেক্ষা অল্প। বারো আনা প্রেমালপ ত তাহারাই সূচাক্রমে সম্পন্ন করিয়া দিল।’<sup>১২</sup>

এই দুইটি প্রধান চরিত্র ব্যতীত অগ্ন্যাত্ত চরিত্র-সৃষ্টির মধ্যেও বিশেষ বিশেষ উদ্দেশ্য ও সার্থকতা বিদ্যমান। নাটকের ঘটনাসংঘাতকে ফুটাইয়া তুলিবার ও বৈচিত্র্য-সৃষ্টির জন্ত ইহাদের প্রয়োজন। শাস্ত্রবের সহিত পঞ্চমাকে রাজার কথোপকথন যথেষ্ট চিত্তাকর্ষক। মহাভারতের কথচরিত্রকেও কবি সম্পূর্ণতা দান করিয়াছেন। সমগ্র কথাবৎসল পিতৃসমাজের একটি মনোহর চিত্র আমরা কথচরিত্রের মধ্যে পাই। চতুর্থাৎ শকুন্তলার

বিদায়কালে তাহার উক্তি ও আচরণ যে করুণ রসের সৃষ্টি করে তাহা অনবদ্য।

বিদূষক চরিত্রটিও ১৩ বিভূত্ব হস্তরসের ও ঘটনাপ্রবাহের পক্ষে সহায়তা করিয়াছে। এই সকল পার্শ্বচরিত্রগুলি ঘটনাকে সুষ্ঠু ক্রমপরিণতির দিকে আগাইয়া দেয়।

তথু যে চরিত্রচিত্রণের দিক হইতে কবি মূল কাহিনীটিকে পূর্ণতা দিয়াছেন তাহা নহে, মূল কাহিনীর অগ্ন্যাত্ত অস্বাভাবিকতাকেও তিনি বর্জন করিয়াছেন। মহাভারতে দেখা যায় ঋষিমুনি ফলাহরণের জন্ত বাহিরে গিয়াছেন। ইত্যবসরে রাজার আবির্ভাব, শকুন্তলার সহিত সাক্ষাৎ, প্রণয়, আলাপন, শকুন্তলার নিজ বৃন্তান্ত-কথন, বিবাহের চুক্তি নির্ধারণ, অতঃপর গান্ধর্ব্বমতে উভয়ের বিবাহ, মিলন এবং রাজার আশ্রম হইতে প্রস্থান—এতগুলি ঘটনা ঘটিয়া গেল! ফলাহরণের কাল যতই দীর্ঘায়িত হউক না কেন, এত ব্যাপার তাহার মধ্যে ঘটিয়া যাওয়া অস্বাভাবিক নয় কি? আর দীর্ঘায়িত হইবার কোন কথা বা কারণও পাওয়া যায় না। শকুন্তলা নিজেই রাজাকে ‘কর্ণমাত্র’ প্রতীক্ষা করিতে বলিয়াছিলেন, যাহাতে মুনি ফিরিয়া আসিয়া কণা-সম্প্রদান করিতে পারেন।

কাজেই এই অত্যল্পকালের মধ্যে এত ঘটনা সন্নিবেশ অসঙ্গত এবং উভয়ের মধ্যে গভীর প্রণয়সঞ্চারও অস্বাভাবিক। এই অসম্ভাব্যতাকে দূর করিবার জন্ত কবি তাহার নাটকে মুনিকে সোমতীর্থে পাঠাইয়াছেন। ইহাতে তাহার অমুপস্থিতির কাল দীর্ঘায়িত হইবার সুযোগ ঘটয়াছে। আর রাজাও ঋষিকার্য্য সম্পাদনের জন্ত কয়েকদিন আশ্রমে রহিলেন। এই অবকাশে তাহার শকুন্তলার সহিত প্রণয়বিকাশের সুযোগ হইয়াছে। সম্পূর্ণ দ্বিতীয় এবং তৃতীয় অঙ্ক কবির স্বকীয় উদ্ভাবন এবং তাহার এই প্রণয়বিকাশের চিত্র।

মহাভারতের কাহিনীতে আমরা দেখিতে পাই যে, দুয়ন্ত ও শকুন্তলার মিলনের তিন বৎসর পরে কুমার সর্কদমনের জন্ম। মহাভারতের কবি বলিতেছেন:

...‘অস্থয়ত চবামোক্ৰঃ কুমারমমিতৌজনম্ ॥

ত্রিশু বর্ষেবু পূর্ণেষু দীপ্তানলসমহ্যতিম্ ॥’<sup>১৪</sup>

১০। সংস্কৃত অলংকারশাস্ত্রে বিদূষকের নিয়মসংক্রান্ত প্রদত্ত হইয়াছে—

‘কুম্ভবসন্তাত্তিথঃ ঋষিবপূর্ণেশজায়াদৈঃ।

হাস্যকরঃ কলহরতিবিদূষকঃ স্মাৎ স্বকর্ণজঃ ॥বিখনাপ-সাহিত্যাদর্পনঃ। ৩।৫০

১৪। মহাভারত—আদিপর্ব্ব

৯। অভিজ্ঞান-শকুন্তলম্- তৃতীয়ঙ্ক

১০। অভিজ্ঞান-শকুন্তলম্- তৃতীয়ঙ্ক

১১, ১২। প্রাচীন সাহিত্য। ‘কাবোর উপেন্দিতা’।

ইহাও অস্বাভাবিক নয় কি? আবার পুত্রজন্মের পর ছয় বৎসরের মধ্যে মুনি শকুন্তলাকে পতিগৃহে প্রেরণ করেন নাই। কিন্তু লৌকিকতার দিক হইতে বিবাহিতা স্ত্রীর সুদীর্ঘ কাল যাবৎ পিতৃগৃহে বাসের অনৌচিত্য সম্পর্কে কালিদাস সচেতন ছিলেন। তাই তিনি বলেন :

‘সতীমপি জ্ঞাতিকুলৈকসংশয়াং জনোহন্তথা  
ভর্তৃমতীং বিশঙ্কতে ।১৫  
অতঃ সমীপে পরিণেতুরিষ্যতে প্রিয়াহপ্রিয়া বা  
প্রমদা স্ববন্ধুভিঃ ॥’

কাজেই একেত্রে শকুন্তলার গর্ভবতী হইবার কথা শ্রবণমাত্রেই মুনি তাঁহাকে দুয়ন্তের নিকট প্রেরণ করিলেন এবং নিজকর্তব্যসমাধানে নিরুদ্বেগ হইলেন।

অতঃপর প্রত্যাখ্যান বৃত্তান্ত ও দুয়ন্তচরিত্রের বিষয়ে কিঞ্চিৎ আলোচনা করা যাইতে পারে। মহাভারতে দুয়ন্ত শকুন্তলাকে বিস্মৃত হন নাই, কিন্তু স্বেচ্ছাক্রমেই তাঁহাকে প্রত্যাখ্যান করেন। শকুন্তলা রাজসন্নিধানে আসিয়া সর্ষদমনকে যৌবরাজ্য প্রদানের প্রার্থনা জানাইলেন :

‘অয়ং পুত্রস্বয়া রাজন্ যৌবরাজ্যেহভিনিচ্যতাম্ ।

যথা মৎসঙ্গমে পূর্বং কৃতো যঃ সময়স্বয়া ॥’১৬

কিন্তু দুয়ন্ত তাঁহাকে চিনিতে পারিয়াও প্রকাশে তাহা স্বীকার করেন নাই—

‘সোহথ শ্রুত্বেব তদ্বাক্যং তস্তা রাজা স্মরণপি ।

অত্রবীন্স স্মরামীতি কশ্চ ত্বং হৃষ্টতাপসি ।...’

যথেষ্টং গম্যতাং ত্বয়া ॥’১৭

তখন শকুন্তলা পুনঃ পুনঃ সত্যের প্রাধান্য ও আশ্রয়তার কথা উল্লেখ করিয়া রাজাকে তিরস্কার করা সত্ত্বেও রাজা তাঁহাকে স্বেচ্ছায় গমন করিতে বলিলেন। ইহার পরে দৈববাণী শকুন্তলাকে সমর্থন করে :

‘অথাস্তরীকাদ্ দুয়ন্তং বাস্তবচাশরীরিণী ॥

ভরস্ব পুত্রং দুয়ন্তু মাহবমংস্বাঃ শকুন্তলান্ ।

ত্বং চাস্ত ধাতা গর্ভশ্চ সত্যমাহ শকুন্তলা ॥’১৮

তখন দুয়ন্ত শকুন্তলাকে গ্রহণ করিয়া বলেন যে, লোকনিন্দার ভয়েই তিনি ঐরূপ আচরণ করিয়াছেন। যাহাই হউক—এই আচরণ পুরুবংশাবতংসের উপর

গৌরবময় আলোকপাত করে না। সংস্কৃত নাটকের নায়কের চরিত্র বিশেষ ভাবে সঙ্গুণাঙ্কিত হওয়া আবশ্যিক—এ বিষয়ে নাট্যাশাস্ত্রকারগণের বিশেষ বিধি<sup>১৯</sup> রহিয়াছে। সেক্ষেত্রে তাহার পক্ষে বিবাহিতা পত্নীর সহিত এরূপ শঠতা অশোভন। এই বিশ্বাসঘাতকতা ও মিথ্যা-ভাষণের অপবাদ হইতে নায়ককে মুক্ত করা প্রয়োজন বলিয়া কালিদাস দুর্কাসার শাপের অবতারণা করিয়াছেন। এই শাপবৃত্তান্তকে অনেকেই স্মনজরে দেখেন নাই, কেহ কেহ ইহাকে কাহিনীর ক্রটিক্রমে নির্দেশ করিয়াছেন। প্রকৃতপক্ষে এই অবতারণা ক্রটি ত নহেই, পরন্তু কালিদাসের শিল্পনৈপুণ্যের গুরুত্বপূর্ণ পরিচয়।

প্রথমতঃ এই শাপের দ্বারা দুয়ন্তচরিত্রের দুর্কলতাটুকু ঢাকা পড়িয়াছে এবং পঞ্চমাঙ্কে শকুন্তলা-প্রত্যাখ্যানের মাধ্যমে তাঁহার ধর্মপরায়ণতা চিত্রিত হইয়াছে। যে প্রত্যাখ্যান ছিল কলঙ্ক, তাহাকেই কবি রাজার কীর্ত্তিরূপে প্রতিষ্ঠিত করিয়াছেন। দ্বিতীয়তঃ এই শাপব্যাপারের মাধ্যমে কবির নিজস্ব জীবনদর্শন প্রতিফলিত। এই শাপ গুরুতর পাপের কঠোর শাস্তি। সামাজিক সেবাধর্মের বিধি লঙ্ঘনের অপরাধে শকুন্তলাকে এই দণ্ডভোগ করিতে হইল। অনায়াসে যে মিলন ঘটয়াছিল, যাহা আত্মকেন্দ্রিক ও স্থলদৈহিকতার গণ্ডিতে সীমাবদ্ধ, তাহা শাপের দ্বারা শাসিত হইয়াছে। ‘দুর্কাসার শাপে যাহা ঘটাইয়াছে স্বভাবের মধ্যে তাহার বীজ ছিল। কাব্যের খাতিরে যাহাকে আকস্মিক করিয়া দেখানো হইয়াছে তাহা প্রাকৃতিক।’<sup>২০</sup> এই শাপবৃত্তান্তের মধ্যে রবীন্দ্রনাথও উচ্চস্তরের নাট্যপ্রতিভা ও সংযম লক্ষ্য করিয়াছেন। বস্তুতঃ ইতিপূর্বেই এই ২১শাপের সার্থকতার উপর রবীন্দ্রনাথ,<sup>২১</sup> চন্দ্রনাথ<sup>২২</sup> মহাশয়<sup>২২</sup> প্রভৃতি পূর্বাচার্য্যগণ প্রভূত আলোকপাত করিয়াছেন।

এই শাপের অসুসিদ্ধান্তরূপেই অসুরীয়ক-বৃত্তান্তের আবির্ভাব। অভিজ্ঞানরূপেই অসুরীয় ব্যবহার সুপ্রাচীন রীতি। একেত্রেও কবি তাহার ব্যবহার করিয়া দুয়ন্ত-শকুন্তলার উত্তরমিলনের পথ প্রশস্ত করিয়াছেন।

১৯। ‘প্রখ্যাতবংশো রাজর্ষির্ধীঃরাদান্তঃ প্রতাপবান্ । দিব্যোহপ দিব্যাদিব্যো বা গুণবান্ নায়কো মতঃ ॥’ সাহিত্যদর্পনঃ ৩।৩

২০। প্রাচীন সাহিত্য। ‘শকুন্তলা’।

২১। প্রাচীন সাহিত্য। ‘শকুন্তলা’ এবং ‘কুমারসম্ভব ও শকুন্তলা’  
—রবীন্দ্রনাথ।

২২। ‘অভিজ্ঞান-শকুন্তলের অর্থ’— চন্দ্রনাথ বসু।

১৫। অভিজ্ঞান-শকুন্তলম্ । পঞ্চমাঙ্ক ।

১৬। মহাভারত— আদিপর্ক

১৭। মহাভারত— আদিপর্ক

১৮। মহাভারত— আদিপর্ক

মহাভারতীয় কাহিনীতে এই নূতন বিষয় দুইটির সংযোজন সম্পর্কে A. W. Ryder-এর উক্তিটি উল্লেখ করা চলে—

‘That there may be an ultimate recovery of memory, the curse is so modified as to last only until the king shall see again the ring which he has given to his bride. To the Hindus, curse and modifications are matters of frequent occurrence; and Kalidasa has delicately managed as not to shock even a modern and western reader with a feeling of strong improbability.’

এই সংযোজনের মূলে রহিয়াছে প্রেমসম্পর্কে কবির নিজস্ব মতবাদ। সমাজের সহিত ব্যক্তিজীবনের সম্পর্ক ও সমাজের দাবীও ইহাতে পরিস্ফুট।<sup>২৪</sup>

এইরূপে শাপ ও শাপমোচনের ঘটনাকে অবলম্বন করিয়া কবি মূল কাহিনী হইতে সরিয়া গেলেন এবং নিজ কাহিনীকে আরও কয়েকটি পর্যায়ের মধ্য দিয়া পরিচালিত করিলেন। পঞ্চমাঙ্কে প্রত্যাখ্যানের পর হইতে শকুন্তলার অন্তর্ধান, অঙ্গুরী-উদ্ধার ও পুনর্মিলন পর্যন্ত সম্পূর্ণই কবির স্বকপোলকল্পিত, এবং এই কল্পনা-মাধুরী কাহিনীকে সুন্দরতর ও সম্পূর্ণতর করিয়াছে। মঠ অঙ্কে রাজার পশ্চাত্তাপের দৃশ্য পাওয়া যায়। কালিদাস এই পশ্চাত্তাপের অর্থে হৃৎস্বস্তের প্রাক্কন-দুষ্কৃতিকে ভঙ্গ করিয়া তাঁহাকে নূতন জীবন দান করিয়াছেন এবং প্রেমসম্পর্কে সম্পূর্ণ নূতন ধারণাও হৃৎস্বস্তের হৃদয়ে জাগ্রত হইয়াছে। ইতিপূর্বে রাজার জীবনে প্রেম ও বিবাহ ছিল ক্ষণস্থায়ী, আনন্দদায়ক কোতুকমাত্র। তিনি নিজেই বলিয়াছেন—‘সকল কৃতপ্রণয়োঃ সং জনঃ’<sup>২৫</sup> কিন্তু পশ্চাত্তাপের পর নূতন দৃষ্টিতে, প্রেম তাহার গুরুত্ব ও স্বকীয় মহিমা লইয়া উদ্ভাসিত হইয়া উঠিয়াছে।

ইহার পর সপ্তম সর্গে দৈবকৌশলে পুনর্মিলন। এই স্তরে শকুন্তলাও কঠোর তপস্চরণের মধ্য দিয়া নূতন গৌরব লাভ করিয়াছেন। এই স্বর্গীয় মিলনের দৃশ্যও মর্ত্যসীমার উর্ধ্বে মারীচাশ্রমে অঙ্কিত হইয়াছে। সপ্তম

সর্গে বর্ণিত দ্বিতীয় মিলনের বিষয়ে রবীন্দ্রনাথের উক্তি উল্লেখযোগ্য :

‘যেমন শ্লোকের এক চরণ সম্পূর্ণ মিলের জন্ত অন্য চরণের অপেক্ষা করে, তেমনি হৃৎস্বস্ত-শকুন্তলার প্রথম মিলন সম্পূর্ণতালাভের জন্য এই দ্বিতীয় মিলনের একান্ত আকাঙ্ক্ষা রাখে। শকুন্তলার এত হৃৎস্বস্তে নিফল করিয়া শূন্যে ছুলাইয়া রাখা যায় না। শকুন্তলার শেষ অঙ্ক, নাটকের বাহ্যরীতি অঙ্গুসারে নহে, তদপেক্ষা গভীরতর নিয়মের প্রবর্তনায় উদ্ভূত হইয়াছে।’<sup>২৬</sup>

সুতরাং মহাভারতের কাহিনীর এই পরিবর্তন কাহিনীর উৎকর্ষকেই বর্জিত করিয়াছে।

মহাভারতের কাহিনীর সহিত কালিদাসের নাটকের প্রভেদ মোটামুটি প্রদর্শিত হইল। সহৃদয় পাঠক মাঝেই এই পরিবর্তনের মধ্যে কবির প্রতিভার স্বাক্ষর খুঁজিয়া পাইবেন। মহাভারতে আমরা যাহা পাই তাহা কাহিনীর কঙ্কালমাত্র। রোমাণ্টিকতার কোন স্পর্শ এখানে নাই। মহাভারতের কবি ঘটনাসিঁড়িতেই কাহিনী বিবৃত করিয়াছেন, তিনি কাব্য করিতে বসেন নাই। কিন্তু কালিদাস মূলতঃ কাব্যসৃষ্টি করিতে বসিয়াছেন, সংবাদপরিবেশন তাঁহার উদ্দেশ্যে নহে। উদ্দেশ্যের এই পার্থক্য হইতেই কাহিনীরচনার তাঁহাদের বিভিন্নতা উদ্ভূত। সার্থক কাব্য-রচনা সহজ বিষয় নহে—‘আশা দিয়ে, ভাণা দিয়ে, তাতে ভালবাসা দিয়ে’, তবে কবিকে মানসী প্রতিমা নির্মাণ করিতে হয়। কালিদাসও নূতন চরিত্র রচনা করিয়াছেন, অপরিশ্রুত চিত্রকে বিকশিত করিয়াছেন, তাঁহার নিজস্ব কাব্য-কৌশলসমূহ—সুললিত ছন্দ, সরল প্রকাশভঙ্গি, অনন্যসাধারণ উপমাশঙ্কার, ধ্বনিমাধুর্য্য প্রভৃতির দ্বারা মহাভারতের কাহিনী-কঙ্কালকে অবলম্বন করিয়া কাব্যপ্রতিমা গড়িয়াছেন। কবি ভারতবাসী; ভারতবাসীর নিকট পৌরাণিক কাহিনীর আবেদন যে অধিক তাহা তিনি হৃদয়ঙ্গম করিতে পারিয়াছিলেন, এবং এই কারণে মহাভারতের আপ্যানেকে নিজকাব্যের মূলরূপে গ্রহণ করেন। কবির লেখনীস্পর্শে নিম্প্রাণ কঙ্কালে আসিয়াছে প্রাণপ্রবাহ, গুরুতর হইয়াছে পল্লবিত, নিকষকর লৌহ হইয়াছে

২৩। A. W. Ryder - Kalidasa. p-101

২৪। নাটকের মধ্যে কালিদাসের এই বিশিষ্ট ধারণার পরিচয় পর্যায়-লোচনের অন্তঃস্থঃ

ক) প্রাচীন সাহিত্য। ‘শকুন্তলা’, ‘কুমারসম্ভব ও শকুন্তলা’

রবীন্দ্রনাথ

খ) চলনাম বহু ‘অভিজ্ঞান-শকুন্তলের অর্থ’

২৫। অভিজ্ঞান-শকুন্তলম্ পঞ্চমাক্ষ।

২৬। প্রাচীন সাহিত্য—‘কুমারসম্ভব ও শকুন্তলা’।

২৭। সংস্কৃত সাহিত্যে নাটক ও কাব্যের অন্তর্গত। ইহা দৃশ্যকাব্য।

‘দৃশ্যভবভেদে পুনঃ কাব্যঃ দ্বিধা মতম্। দৃশ্যং তত্রাত্মিনেয়ম্।’

—সাহিত্যদর্পনঃ ৩।১

অতএব নাটকেও কাব্যের ধর্ম ও গুণসমূহ থাকি প্রয়োজন।

ময়নরঞ্জক সুবর্ণে পরিণত। এই নাটককে প্রাচ্য ও পাশ্চাত্যের প্রখ্যাত সারস্বতসমাজ যে অকুণ্ঠ অভিনন্দন জানাইয়াছেন—তাহার মূলে আছে নাটকরচনার কবির প্রতিভার স্বকীয়তা। এই বৈশিষ্ট্য বিশেষভাবে ধরা পড়ে, যখনই আমরা মহাভারতের কাহিনীর সহিত ইহাকে তুলনা করিয়া থাকি। পরিচিত ও সাধারণ জিনিষকে আর্ট নূতন করিয়া উপস্থাপন করে। একেত্রেও সাধারণ আখ্যানকে কবি যেভাবে অসাধারণ নাটকে পরিণত করিয়াছেন, তাহা দেখিলে চমৎকৃত হইতে হয়। ‘অভিজ্ঞান-শকুন্তলম্’ কবির সর্বাঙ্গিক সার্থক সৃষ্টি। তাঁহার অপরাপর কাব্যগ্রন্থাবলীর শোভাও আমাদের মনোহরণ করে, কিন্তু এই নাটকে তাঁহার সুপরিণত প্রতিভার ছাপ ও শকুন্তলার জীবনবিবর্তনের

ধারাপ্রদর্শনকে লক্ষ্য করিয়া মেটে তাঁহাকে যে অভিনন্দন জানাইয়াছিলেন, রবীন্দ্রনাথ কর্তৃক তাহার বঙ্গাহুবাদ নিয়ে দেওয়া হইল :—

তাঁহাকে যে অভিনন্দন জানাইয়াছিলেন, রবীন্দ্রনাথ কর্তৃক তাহার বঙ্গাহুবাদ নিয়ে দেওয়া হইল :—

নব বৎসরের কুঁড়ি, তাঁরি এক পাতে বরষ

শেবের পঙ্কফল।

প্রাণ করে চুরি আর, তাঁরি এক এক সাথে

প্রাণ এনে দেয় পুষ্টিবল।

আছে স্বর্গলোক আর, সেই এক ঠাঁই,

বাঁধা যেথা আছে মহীতল।

হেন যদি কোথা থাকে, তুমি তবে তাই,

ওহে অভিজ্ঞান-শকুন্তল।

## পুস্তক-পরিচয়

**রবিচ্ছবি—**( ১৩৬৮ ) গীতবিতান—সম্পাদক শ্রীপ্রভাত গুপ্ত সঙ্কলিত ও শ্রীশঙ্কর মিত্র কর্তৃক প্রকাশিত, ২৫ গ্ৰাম্যপ্রসাদ মুখার্জি রোড, মূল্য ৬ ছয় টাকা।

কবিসঙ্কল্প শেষ দশকে ( ১৯৩১-৪১ ) কত মূল্যবান তথ্য এখনও অপ্রকাশিত হয়ে পড়ে আছে সে বিষয়ে পত্রিকাধিত্তে প্রকাশের চেষ্টা চলছে। প্রভাত গুপ্ত ১৯৩১-৩৯ অর্থাৎ ৭৫ বর্ষপূর্তি থেকে শেষ রোগসঙ্কটগুলি মুক্ হওয়ার আগে পর্যন্ত শান্তিনিকেতনে তাঁর কাছে থাকার সৌভাগ্য লাভ করেন। সেই পাঁচ বছরেই তাঁর ভক্তি পূর্ণ অশ্রু সজাগ দৃষ্টি দিয়ে ছোটখাটো বহু রচনা ও ঘটনার মালা প্রভাতবাবু গাঁধে গেছেন; ২০০ পাতার মধ্যে অল্প আলোচনার মধ্যে, তালিকা সমেত নাট্য ও অভিনয় প্রসঙ্গ ও মৌখিক ভাষণের তারিখ সমেত তালিকা ছ’টি প্রত্যেক রবীন্দ্র-ভক্ত প’ড়ে হুপি হবেন। রবীন্দ্রনাথের সঙ্গে তাঁর প্রিয় আয়্য গগনেন্দ্র অবনীন্দ্র ও দিনেন্দ্র ঠাকুরও বহু ভূমিকায় রবীন্দ্র নাট্য পরিবেশনে সার্থক অভিনয় করে গেছেন। এমনকি সেকালের শ্রেষ্ঠ কবিত্ব অঙ্কন মুস্তকীও তাঁদের “খাম্বেরাল” সভায় যোগ দিতেন। প্রধান ও মুদ্রক অভিনেতা গিরীশ খোষ ও অমৃত বসু মহাশয়রাও অভিনেতা রবীন্দ্রনাথের তারিখ করে গেছেন এবং শিল্পী শিশির ভাট্টী তাঁর স্নেহ লাভ করে কয়েকটি নাটক ও গল্পের নাট্য প্রযোজনা করে দত্ত হয়ে গেছেন। রবীন্দ্র শতাব্দীতে সেই সব প্রায়-ভুলে-বাওয়া অধ্যায়ের দিকে দৃষ্টি আকর্ষণ করি এখন প্রভাত গুপ্ত রচিত “রবিচ্ছবি” ( যেমন আমি তাঁর রবিচ্ছবি কথা তুলেছিলাম )। বহু অবজ্ঞাত কক্ষে দৃষ্টিপাত করতে পাঠক-পাঠিকাদের উৎসাহ দেবে। তিনি ঠিক বলেছেন : “দূরে থেকে রবীন্দ্রনাথ ছিলেন অজানা বিস্ময় কাছে গিয়ে দেখার যখন সুযোগ এল তখন জানার বিস্ময়।”

“রবীন্দ্র-রচনা কোষ” গ্রন্থ করেছেন শ্রীচন্দ্রকর দেব। তাঁর সঙ্গে শ্রীপুলিন সেন, প্রভাত গুপ্ত, অদ্যোৎ সেনগুপ্ত গভৃতি আবিষ্কারের কাজে নামলে তবেই প্রথম শতাব্দী শেষে “রবীন্দ্র-পরিচয়” পূর্ণ হইবে হয়ত দ্বিতীয় শতাব্দী উৎসবে। জার্মানির কবি নাট্যকার (Goethe)

গায়টের সঙ্গে একমাত্র রবীন্দ্রনাথের তুলনা সম্ভব। দুজনেই গদ্য ও পদ্যে তাঁদের রচনায় একত্রে বিস্ময় হয়ে থাকবে। Browning (yc'op' dia অনুসরণ করে Tagoro Cyclopedia যখন লেখা হবে তখন ‘রবিচ্ছবির’ মত তথ্যপূর্ণ গ্রন্থের উপকারিতা বোঝা যাবে। প্রভাতবাবুকে লেখা চিঠিগুলিও বইপানির শ্রেষ্ঠ অনুলিপি।

**গীতবিতান পত্রিকা—**( ১৩৬৮ ) রবীন্দ্র শতবার্ষিকী সংখ্যা, সম্পাদক শ্রীপ্রভাত গুপ্ত, ৩৩৪ পৃষ্ঠায় এই বৃহৎ গ্রন্থ ছেপে ও আট টাকায় উৎসর্গ করে প্রভাতবাবু তাঁর শ্রদ্ধা ও সাহসের পরিচয় দিয়েছেন। প্রথম প্রকাশিত গীতবিতান বার্ষিকী ‘শত বার্ষিকী’ আয়্যে বড় হলেও ভারসাম্য সর্বত্র রাখতে পারে নি : শ্রীবর্ষিক রায় একা প্রায় ১০০ পৃষ্ঠা-বাপী তাঁর পুস্তিকায়, রবীন্দ্র গীত-নাট্যের আলোচনা করেছেন বাকী ২০০ পাতার মধ্যে ‘গীতবিতানের সংক্ষিপ্ত ইতিহাসও তাঁদের রবীন্দ্র উৎসবের বিবরণী (সচিত্র) আছে। এই উৎসবের মধ্যে যাদের হারিয়ে আমরা বাপিত যথা অতুল গুপ্ত, ইন্দ্রিয়া দেবী ও রবীন্দ্রনাথ ঠাকুর তাঁদের উদ্দেশ্যে সচিত্র অর্ঘ্য নিবেদন করা হয়েছে। শ্রীচন্দ্রকর দেবের “রবীন্দ্রনাথ প্রদত্ত ভাষণাদির অনুলেখন সূচী”টি বিশেষ চিত্তাকর্ষক, কিন্তু বাংলা পত্রিকার বাইরে তাঁর রচনাটির চমক ও আলোচনা বিষয় সংবাদ সাহিত্যের পাঠ করার উপর নির্ভর করে তাই Moscow International Congress of Orientalists দেয় সামনে আমি ১৯৬০ সনে এ প্রস্তাব তুলি যে-আন্তর্জাতিক গ্রন্থপঞ্জী (International Tagore Bibliography) সঙ্কলন শুরু হোক। শ্রীপুলিন সেন এদিকে কিছু কাজ করেছেন বিশ্ব-ভারতীর অনুমতি নিয়ে “সাহিত্য সমসাময়িকতা” (রবীন্দ্র ভাষণ) প্রভৃতি ছাপায় গ্রন্থের মূল্য বেড়েছে। শান্তিনিকেতনে ‘রবীন্দ্র পরিচয় সভা’ আলোচনাটি তথ্যপূর্ণ, শ্রীমতী শৈলেন্দিনী সেন “আজমে ছাত্রীজীবন” লিখে ভবিষ্য ছাত্রীদের প্রেরণা দিয়েছেন। মেয়েদের হাতের কাজ কারু-শিল্পাদি (বিশেষ শ্রীনিকেতনের) এই সঙ্গে প্রকাশ করলে সবাই হুপি হ’তাম। কারণ পুত্রবধূ প্রতিমা দেবী থেকে নাভম্বী শ্রীমতী ( হান্তি সিং )



ঠাকুর পর্যায় কলাভবনের সঙ্গীত ভবনের বিকাশ নানা ভাবে সাহায্য করে গেছেন। প্রবোধচন্দ্র সেনের বাণী ও বীণা তথা শৈলজারঞ্জন মজুমদারের 'রবীন্দ্র সঙ্গীতের ঐতিহ্য'; জনসহযোগে রবীন্দ্র সঙ্গীত (স্বধীরচন্দ্র কর), স্বরলিপি সমগ্র (নৌহারবিন্দু সেন), গীতাঞ্জলীর গান (প্রফুল্লকুমার দাস), রবীন্দ্র সঙ্গীত আলোচনা (সাধনা কর), "মায়ার খেলা" ইন্দিরা দেবী কবিত (শ্রীকান্তীশ রায়) ও অধ্যক্ষ অনাদিকুমার দস্তিদার লিখিত মূল্যবান বহু মন্দর্ভ এই গ্রন্থে স্থান পেয়েছে।

গীত বিতান প্রকাশিত এই দুইখানি বইএর বহু প্রচার কামনা করি।

শ্রীকালিদাস নাগ

ছিন্নপত্রাবলী—রবীন্দ্রনাথ ঠাকুর। বিশ্বভারতী, বারো

টাকা।

কোন মহৎ শিল্পীর শতবর্ষ পূর্তি উপলক্ষে সর্বাঙ্গিক বহু পুণ্যকর্ম তাঁর রচনাবলীর সমগ্রসম্মত প্রকাশ। 'সর্বাঙ্গসম্মত' শব্দটি বলতে শুধু শুভ্রুপ, শোভন অঙ্গসম্মত বোঝায় না। তাঁর সঙ্গ বহন লেখক বা শিল্পীর সৃষ্টি তাঁর সম্পূর্ণতা নিয়ে, প্রমাদহীন সহযোগী তথা-নির্দেশ নিষে রসিক গোষ্ঠীর সম্মুখে উপস্থিত হয় তখনই সমগ্রদার মন তাকে সর্বাঙ্গসম্মত বলে গণনা করে। 'ছিন্নপত্রাবলী' রবীন্দ্রনাথের শতবর্ষ পূর্তি উপলক্ষে প্রকাশিত হয়েছে। এর পূর্বে আমরা 'ছিন্নপত্র' গ্রন্থের সঙ্গে পরিচিত ছিলাম। মর্ষা ১৩৫১-৫৩ সালের 'বিশ্বভারতী' পত্রিকায় 'ছিন্নপত্র' পর্ষায়ে অতিরিক্ত বহু পত্র প্রকাশিত হয়। আলোচ্য ছিন্নপত্রাবলী গ্রন্থখানির প্রথম বৈশিষ্ট্য হল, 'ছিন্নপত্র' গ্রন্থ যে-পত্রগুলির আংশবিশেষ বর্জিত হয়েছিল, এ গ্রন্থে শুধু যে সেই পত্রগুলি পূর্ণাবয়ব নিয়ে দেখা দিয়েছে তা নয়, স্বর্গতা ইন্দিরা দেবী চৌধুরাণীক লিপিত অতিরিক্ত একশ' সাতখানি পত্র ঐতিহাসিক কালক্রমে রক্ষা করে এই গ্রন্থে সংগ্ৰহিত হয়েছে। কাজেই একদিকে যেমন 'ছিন্নপত্র' গ্রন্থে প্রকাশিত পত্রগুলির পূর্ণতর পাঠ পাওয়া যাচ্ছে, অস্তিত্বিক প্রস্তুতকারে অপ্রকাশিত অতিরিক্ত পত্রগুলি এই গ্রন্থের অন্তর্ভুক্ত হওয়ায় পূর্বের পত্রমধ্যবর্তী দ্বাকগুণি পূর্ণ হয়েছে। রবীন্দ্র-শতবর্ষ-পূর্তি উপলক্ষে এই ধরণের কর্মই অরণীয় কাজ। সম্পাদনা কর্মে তাঁর ষাতি সুপী-সমাজে স্থপতিষ্ঠ সেই আশুপকর্মী শ্রীপুলিনবিহারী সেন 'ছিন্নপত্রাবলী' সংকলন ও সম্পাদন কর্মের গুরুদায়িত্ব পালনে মহৎ দৃষ্টি স্থাপন করলেন। এই প্রসঙ্গে আরও একটি কথা বলা দরকার।

ইন্দিরা দেবী চৌধুরাণী মহাশয়াকে লিখিত মূল পত্রগুলির কোন কোন স্থলে শব্দ-বিশেষ ছিন্ন অথবা লুপ্ত হয়েছিল। সুবিবেচক সম্পাদক অনুমানপূর্বক যে-পাঠগুলি বসিয়েছেন, একটি ক্ষেত্রেও তাঁর অযৌক্তিকতা দেখা গেল না। ইন্দিরা দেবী চৌধুরাণী যখন যেখানে চিঠিগুলি পেতেন, সেই স্থান ও তারিখ তিনি বসিয়ে রাখতেন চিঠির নিচে। সম্পাদক মহাশয় মুজিত গ্রন্থে সেগুলিকে অনুরূপ রীতিতে বসিয়ে দিয়েছেন বলে পাঠকদের বিশেষ সুবিধা হয়েছে। সম্পাদনা কার্যের আর একটি উল্লেখযোগ্য দিক অবনীন্দ্রনাথ, গগনেন্দ্রনাথ ও জ্যোতিরিন্দ্রনাথ অঙ্কিত চিত্র ও পেনসিল স্কেচগুলি। এগুলির বিস্তারিত অতি সূত্র হয়েছে। কাজেই সব মিলিয়ে 'ছিন্নপত্রাবলী' যথার্থই সর্বাঙ্গসম্মত।

'ছিন্নপত্রাবলী' সম্পর্কে কেউ কেউ এমন মন্তব্য করেছেন, এই গ্রন্থখানি বেহেতু রবীন্দ্রনাথের ব্যক্তিগত জীবনের খুঁটিনাটিকে প্রকাশ করে নি সেজন্য পত্রসাহিত্য হিসাবে এর মূল্য ন্যূনিক বেশি নয়। এসব সমালোচক চিন্তিতে কি জানতে চান বোঝা দুঃসহ। তাঁরা রবীন্দ্রনাথ সম্পর্কে একটি ভুল ধারণা নিয়ে অগ্রসর হন, যে-কোন সাধারণ মানুষ যে-ভাবে চিঠি লেখে তাঁরা বোধ করি আশা করেন রবীন্দ্রনাথও ঠিক সেই মেজাজ, সেই ভাষায় চিঠি লিখবেন। এই গোড়ায় গলদ দূর

হওয়া দরকার। আমাদের জনৈক সাহিত্যিক একটি প্রবন্ধে রবীন্দ্রনাথের বিশেষ বসিয়েছিলেন 'জীবন-শিল্পী'। বোগ্য বিশেষ, কেমনা জীবন ত কবির কাছে একটি শিল্পকর্ম। তিনি জীবন ও শিল্পকে এক করেই দেখেছেন, এই চিঠিগুলি সেই শিল্পীজীবনের স্বাক্ষরবহ। যারা বৈষয়িক চিঠি পড়তে চান তাঁরা দেখবেন, বহু প্রিয়নাথ সেনকে লেখা চিঠিগুলি। আশু-প্রকাশ এই গ্রন্থে কৌতূহলী পাঠক দেখতে পাবেন, কবি কী ভাবে কল্পদায়ী বিব্রত, কল্পদায়ী সম্বন্ধ এবং স্বপ্ন শোধের পন্থা নির্ণয়ে বীতনিঃ। কিন্তু বব্ [ইন্দিরা দেবী] ও প্রিয়নাথ সেন নন। কবি তাঁর সম্বন্ধে লিখেছেন :

"তোমার এমন একটি অকৃত্রিম স্বভাব আছে, এমন একটি সহজ সপ্রিয়তা আছে যে, সত্য আপনি তোমার কাছে অতি সহজেই প্রকাশ পায়।...আমি তো আনন্ড অনেক লোককে চিঠি লিখেছি, কিন্তু কেউ আমার সমস্ত লেখাটা আকর্ষণ করে নিতে পারেনি।..."

এবং আরো লিখেছেন :

"তোমার আমি যে-সব চিঠি লিখেছি তাতে আমার মনের সমস্ত বিচিত্র ভাব যে-রকম ব্যক্ত হয়েছে এমন আমার আর কোন লেখায় হয় নি।..." ( ৭ অক্টোবর ১৮৯৪ )

১৮৮৭ সেপ্টেম্বর থেকে ১৮৯৫ ডিসেম্বরের মধ্যে ইন্দিরা দেবীকে (তখন বব্) লিপিত পত্রাবলী সংকলিত হয়েছে। 'ছিন্নপত্র' গ্রন্থ যখন প্রকাশিত হয়েছিল (১৩১৯) তখন তাঁর মধ্যে কবিবন্ধু শ্রীশচন্দ্র মজুমদারকে লেখা আটখানি পত্র সংকলিত হয়েছিল, 'ছিন্নপত্রাবলী' গ্রন্থে ঐ পত্রগুলি বর্জন করা শোভন হয়েছে। কেননা, ঐ পত্রগুলির মধ্যে রবীন্দ্রনাথের ঐতিহাসিক কৌতুকচ্ছটা যতই বিকীরিত হোক তবু এহু পত্রাবলী সংকলনে ( শুধু ইন্দিরা দেবীকে লিখিত ) শ্রীশচন্দ্রকে লিখিত পত্রগুলি অর্পিত বলেই বোধ হবে।

এই পূর্ণাঙ্গ পত্রসংকলনে রবীন্দ্রনাথ পূর্বের চেয়ে আমাদের আরো কাছের মানুষ হয়ে উঠেছেন। তাঁর সৌন্দর্যমুগ্ধ নয়ন-মন, চিঠিগুলির মধ্যে সাধারণ বস্ত্র অসাধারণ করে প্রকাশ করেছে। তাঁর সঙ্গে রয়েছে সাধারণ চামা মানুষের প্রতি গভীর মমতার স্পর্শ। রয়েছে আমাদের ইংরেজ-চাটুকারণিতার বিরুদ্ধে তীক্ষ্ণ ব্যঙ্গ ও আত্মশক্তি অর্জনের প্রথ। মনের কত ধরণের চিন্তা, ভাবনা, কল্পনা, স্বপ্ন সাধনার কথা। একটি পত্রাংশ ভুলে না দিয়ে পারলাম না।

"আমাদের ভারতবর্ষের সবচেয়ে জীর্ণতম কুটারের মলিনতম চাবীকে আমি আমাদের আপনার লোক মনে করতে কুণ্ঠিত হব না, আর যারা ফিটফিট কাপড় পরে dog-cart ঠাকায় আর আমাদের নিগার বলে, তারা যতই সজা, যতই উন্নত হোক, আমি যদি কখনও তাদের সংস্রবের জন্তে লালায়িত হই তবে যেন আমার উপরে জুতো পড়ে।" ( ফেব্রুয়ারি ১৮৯৩ )

— চিঠিখানি 'ছিন্নপত্র' গ্রন্থে পড়ি নি। এমনি চিঠিগুলি রবীন্দ্রনাথকে বেশি করে চেনায়। কাজেই হয়ত রবীন্দ্রনাথের একান্ত ব্যবহারিক পারিবারিক জীবনের ওপা বেশি পাই না, কিন্তু জীবনশিল্পী রবীন্দ্রনাথের ব্যক্তিত্বকে পাই। এহু সূত্রে লিটন ট্রেচার সম্ভব্য বোগ্য করে আমি এই অভুলনীয় গ্রন্থের সমালোচনা শেষ করছি :

"No good letter was ever written to convey information or to please its recipient; it may achieve both these results incidentally but its fundamental purpose is to express the personality of the writer."

শ্রীদেবীপদ ভট্টাচার্য

II—শ্রীকুমার হর। শ্রীঅরবিন্দ মন্দির, বারানসী হইতে গ্রন্থকার কর্তৃক প্রকাশিত। পত্রাক ১০৪, মূল্য ২ টাকা।

আলোচ্য কাব্যগ্রন্থের কবিতাগুলি সুরচিত ও কবির হৃদয়জ্ঞানের পরিচায়ক। সাবলীল ভাষা ও মার্জিত রসজ্ঞান এই কাব্যগ্রন্থের বৈশিষ্ট্য। ইহাতে এমন কতগুলি আবদ্যাতক গীতিকবিতা আছে বাহা পাঠক চিত্তকে অধ্যাত্মরাসে আশ্রিত করিবে।

**কবিতা**—শ্রীবীরেন্দ্র মল্লিক। অগ্রণী বুক ক্লাব, কলিকাতা হইতে প্রকাশিত। পত্রাক ২৮, মূল্য দুই টাকা মাত্র।

কবি বীরেন্দ্র মল্লিক অল্পদিনের মধ্যেই কবিখ্যাতি অর্জন করিয়া বাংলা সাহিত্যক্ষেত্রে স্থপরিচিত হইয়াছেন। এই পুস্তকে তাঁহার পূর্বপ্রকাশিত অনেকগুলি কাব্যগ্রন্থের কবিতা সংকলিত হইয়াছে। কবিতাগুলির স্বচ্ছন্দ গতিবেগ, বর্ণনাশৈলী ও বিষয়বস্তুর বৈচিত্র্য আমাদিগকে মুগ্ধ করে। তরুণ কবি কোথাও অতি-আধুনিকতার অস্পষ্টতা ও ছুর্কাখ্যতার মধ্যে নিজের বক্তব্য হারা হইয়া ফেলেন না। কবিগাঙালিতে যথেষ্ট ভাবসম্পদ আছে এবং তাহা এক রসোত্তীর্ণ স্তরে পৌছিয়াছে।

**দস্তুরচি কৌমুদী**—শ্রীকালিদাস রায়। এম. কে. পালিত এণ্ড কোং, ৮নং শ্যামাচরণ দে স্ট্রিট, কলিকাতা হইতে প্রকাশিত। পত্রাক ১৩০, মূল্য দুই টাকা পঁচিশ নয়া পয়সা।

গ্রন্থকার কবিশেষর শ্রীকালিদাস রায় এই গ্রন্থের ভূমিকায় বলিয়াছেন—“এর বেশির ভাগ রচনা ৪০-৫০ বৎসর আগে রচিত। তখনকার সমাজকে লক্ষ্য করেই রঙ্গব্যঙ্গের শরসন্ধান হইয়াছে এবং ইহার মধ্যে সে কালের সমাজের একটা মোটামুটি পরিচয় পাওয়া যাবে।” কিন্তু সর্বাপেক্ষা আশ্চর্যের বিষয় প্রায় পঞ্চাশ বৎসর পূর্বে রচিত এই কবিতাগুলি পড়িলে মনে হয় এগুলি আধুনিক যুগসাহিত্যের সঙ্গেও যেন বেমানান হয় না। বাংলার সাহিত্যক্ষেত্রে কবিশেষর কালিদাস রায় উজ্জ্বল জ্যোতিষ্করূপে বিরাজিত। কবির কুমুদরঞ্জন মল্লিক ছাড়া এখন তাঁহার সমগোত্রীয় আর কেহই জীবিত নাই। তিনি তাঁহার জীবনব্যাপী কাব্যসাধনার অবসরেও বঙ্গসাহিত্যের বিভিন্নস্তর যে ভাবে নানা দিক দিয়া তাঁহার প্রজ্ঞা ও মনোভার দানে সমৃদ্ধ করিয়াছেন, তাহা বিশেষ ভাবে উল্লেখযোগ্য। কোতুকরসের ক্ষেত্রেও তাঁহার কৃতিত্ব যে অসামান্য তাহা আলোচ্য পুস্তকখানি পাঠ করিলে বেশ বোঝা যায়। যে সময়ে তিনি ‘বেতালভট্ট’ এই ছদ্মনামে কোতুকরসাহিত্যে কবিতাগুলি লিখিয়াছিলেন তখন তিনি যে কোন কারণেই হউক আত্মনাম প্রকাশ করিতে অনিচ্ছুক ছিলেন। বাংলার কোতুক-কাব্য-সাহিত্যে এই গ্রন্থখানি যে স্থায়া আসন লাভ করিবে তাহাতে সন্দেহ নাই।

### শ্রীকৃষ্ণধন দে

**পঞ্চোপাসনা**—শ্রীজিতেন্দ্রনাথ বন্দ্যোপাধ্যায়, এম. এ., পি এইচ. ডি, এক এ. এস. প্রাচীন ভারতীয় ইতিহাস ও সংস্কৃতি বিভাগের প্রাক্তন অধ্যক্ষ ও কারমাইকেল অধ্যাপক, কলিকাতা বিশ্ববিদ্যালয়। কে, এল, মুখোপাধ্যায়, ৩/১এ বাঙ্গারাম অফিস লেন, কলিকাতা-১২। মূল্য—১২২।

আধুনিক হিন্দুর উপাস্য প্রধান পঞ্চদেবতা (গণেশ বিষ্ণু শিব শক্তি ও সূর্য) ও তাঁহাদের উপাসকদিগের ঐতিহাসিক বিবরণ বর্তমানে গ্রন্থে লিপিবদ্ধ হইয়াছে। প্রত্নতাত্ত্বিক নিদর্শন ও প্রাচীন সাহিত্য পর্যালোচনা করিয়া এই বিবরণ সংকলিত হইয়াছে। বিবরণটি অতি ব্যাপক—একজনের পক্ষে বা একখানি গ্রন্থে ইহার সকল দিকের পূর্ণ পরিচয় দেওয়া কঠিন। প্রায় একশত বৎসর পূর্বে মনীষী শ্রীঅক্ষয়

কুমার দত্ত মহাশয় যে কার্যের সূচনা ও পুনর্নির্দেশ করিয়াছিলেন সুপণ্ডিত বর্তমান গ্রন্থকার বিজ্ঞানসম্মত উপায়ে নবলব্ধ উপকরণের সাহায্যে তাহাকে দৃঢ় ভিত্তির উপর স্থাপন করিয়াছেন। দীর্ঘদিনের গবেষণার ফলে সমৃদ্ধ এই গ্রন্থ বাঙালী পাঠক সমাজে সমাদর লাভ করিবে এবং ভবিষ্যৎ কর্মিবৃন্দকে কর্মের প্রেরণা দান করিবে।

### শ্রীচিন্তাহরণ চক্রবর্তী

**সাহিত্য ও শিল্পলোক**—শ্রীবিজ্ঞেন্দ্রলাল নাথ, এ. মুখার্জী অ্যান্ড কোং প্রাইভেট লিমিটেড, ২ বক্স চ্যাটার্জী স্ট্রিট, কলিকাতা-১২। মূল্য ৫.০০ টাকা মাত্র।

আলোচ্য বইখানিতে গ্রন্থকার সাহিত্য ও শিল্পলোক সম্বন্ধে বিবিধ দিক লইয়া তথ্য ও তত্ত্বপূর্ণ আলোচনা করিয়াছেন। ‘শিল্পহস্তির উৎস ও শিল্পের স্বরূপ’ এই মূল্যবান প্রবন্ধটি গ্রন্থখানির প্রাণবস্ত। শিল্প সম্বন্ধে মনোবীদ্যের মতবাদ সংযোজন একটি অমূল্য সংযোজন। দার্শনিক ক্রোচের মতটি এখানে উদ্ধৃত করিলেই ইহার বাণ্যার্থ নির্ণীত হইবে। “কল্পনাপ্রিয় মানুষ বহির্দিকে যে দৃশ্য দেখে সে-দৃশ্যই হ’ল শিল্পরচনার উপাদান। বস্তু বিশ্লেষণ শিল্পের কাজ নয়, বস্তুকে সত্য বা কাঙ্ক্ষনিক ব’লে রায় দেওয়াও শিল্পের উদ্দেশ্য নয়, বস্তুকে গুণ নির্ণয় কিংবা সংজ্ঞা নির্ণয় করাও শিল্পহস্তির এলাকার বাইরে। শিল্পের প্রধান পরিচয় হ’ল বস্তুস্বরূপের অন্তর্ভব এবং শিল্পরচনার মাধ্যমে তাঁর প্রকাশ। মানুষের মনে কল্পনার সৃষ্টি হয়েছে আগে, চিন্তা পরে। বস্তু সম্পর্কে একটা কাঙ্ক্ষনিক দারণ্য ভাস্বর আগে সেই বিষয়ে চিন্তা জাগ্রত হওয়া সম্ভব নয়।”

এর চেয়ে ভাল বিশ্লেষণ আর হয় না। শিল্প সম্বন্ধে অধ্যাত্মদের বক্তব্যও প্রায় অনুরূপ।

সাহিত্য সম্বন্ধে বলিতে গিয়া গ্রন্থকার ‘কপাল মায়া’র উল্লেখ করিয়াছেন। সত্য, ‘কপাল’ ত সত্য। বেজগত সাহিত্যিক কপাল-সাহিত্য বলা হয়। “গুণ নৌকিক জগতের কেন, আধাশিল্পক জীবনের গভীর কপাললোকেও যদি হালকা স্বর করে কপাল প্রকাশ করা যায়, সেকপাল সত্যের লোকের মনেও আনন্দ দিতে পারে। শ্রম-লিপিত ‘কপালমত’ এ প্রসঙ্গে অরণ্যযোগ্য।”

গ্রন্থকার সাহিত্যেরও কয়েকটি ভাগ লইয়া সুন্দর বিশ্লেষণ করিয়াছেন। যেমন—রোমান্টিক সাহিত্য, ঐতিহাসিক উপন্যাস, এ-যুগের সাহিত্য, যুগান্তরকারী উপন্যাস, বাংলা উপন্যাসে সমাজ-চেতনা, গণ-সচেতন বাংলা সাহিত্য, আধুনিক সাহিত্য-শিল্প, রমা রচনা, লোকসাহিত্য ও লোকসঙ্গীত। ইহা ছাড়াও পৌরাণিক নাটক প্রসঙ্গে গ্রন্থকার অনেক কপাই বলিয়াছেন।

গ্রন্থকার রোমান্টিক সাহিত্যের আলোচনা প্রসঙ্গে একটি নিম্ন মত কপা বলিয়াছেন, “সাহিত্য আলোচনার আমরা রোমান্টিক শব্দটি হামেশাই ব্যবহার করে থাকি। কিন্তু রোমান্টিক সাহিত্যের স্বরূপ-লক্ষণ কী একটা জিজ্ঞেস করলে সাধারণ পাঠক কেন, সাহিত্যের অধ্যাপককেও অনেক চিন্তা করে উত্তর দিতে হয়। সেই দিক দিয়া গ্রন্থকারের এই অধ্যায়টি মূল্যবান সংযোজন। ইহার পর উল্লেখযোগ্য ঐতিহাসিক উপন্যাস সম্বন্ধে আলোচনা। এই উপন্যাসে ইতিহাস কতটুকু থাকিবে, থাকিবে কি থাকিবে না, থাকিলেও কি-ভাবে থাকিবে গ্রন্থকার ইহার দৃষ্টি নির্ণয় করিয়াছেন।

বস্তুতঃ সাহিত্যের বিভিন্ন দিক লইয়া একরূপ গভীর আলোচনা আর কেহ করিয়াছেন বলিয়া জানি না। ইহার প্রয়োজন ছিল। বিশেষ করিয়া আধুনিক বেপনোখা যুগে রূপ সংস্কৃত করিতে ইহার প্রয়োজন অনেকখানি। একরূপ অমূল্য গ্রন্থের আমরা বহুল প্রচার কামনা করি।

গৌতম সেন

### সম্পাদক—শ্রীকেশবচন্দ্রনাথ চট্টোপাধ্যায়

মুদ্রাকর ও প্রকাশক—শ্রীনিবারণচন্দ্র দাস, প্রবাসী প্রেস প্রাইভেট লি., ১২০/২ আচার্য্য প্রহ্লাদচন্দ্র রোড, কলিকাতা



রামানন্দ চট্টোপাধ্যায়

জন্ম :  
১৬ই জ্যৈষ্ঠ, ১২৭১

মৃত্যু :  
১৩ই আশ্বিন, ১৩৫০





# প্রবাসী

“সত্যম্ শিবম্ সুন্দরম্”

“নামস্মাত্মা বলহীনেন লভ্যঃ”

৩২শ ভাগ  
৩য় খণ্ড

আষাঢ়, ১৩৩৯

৩য় সংখ্যা

## বিবিধ প্রসঙ্গ

### জাতীয় ঐক্য ও সংহতি

কয়েক বৎসর পূর্বে এক সনাতনধর্মপন্থী বিশিষ্ট রাষ্ট্রনৈতিক নেতার সহিত আমাদের দীর্ঘ আলোচনা হয়। আলোচনার বিষয়বস্তু ছিল, সেই নেতার রাষ্ট্রনৈতিক মতবাদের সর্বভারতীয় প্রসারের জন্য ব্যাপক প্রচারের ব্যবস্থা। ঐ নেতা ছিলেন হিন্দীভাষী, আমাদের আলোচনাও হয় ঐ ভাষায়, কিন্তু তিনি অল্পকণের মধ্যেই স্বীকার করেন যে, ইংরেজীর সাহায্য বিনা তাঁহার প্রচারকার্য সফল হওয়া অসম্ভব। তাঁহার রাষ্ট্রনৈতিক সংস্কার ধর্মগত বাধার বিষয়ে তিনি বলেন যে, তাঁহার উদ্দেশ্য ভারতীয় হিন্দুদের মধ্যেই সংহতি আনয়ন করা, অল্প ধর্মমতবাদীদের সঙ্গে তাঁহার প্রচারের কোনও সম্পর্ক নাই। তবে হিন্দু বলিতে তিনি হিন্দুদের কোনও সঙ্কীর্ণ সংজ্ঞা দিতে বা মানিতে রাজী নহেন, কেননা হিন্দুধর্মের বিশাল প্রবাহে বহু শাখা-প্রশাখা আসিয়া মিলিয়াছে, আবার সাগর সম্মুখে যাইবার মুখে উহা বহু ভাবে বিভক্তও হইয়াছে। বেদোক্ত উদাহরণ দিয়া তিনি বলেন যে, যেমন ব্যাধের শরাস্ত তৃষ্ণার্জিত চাতক গঙ্গাগর্ভে পড়িয়াও বিনা জলপানে মরিল, কেননা সে স্বাতিনকত্রের জলবিন্দু ছাড়া অল্প কিছু পান করে না, তেমনি প্রত্যেক হিন্দুরই অধিকার আছে তাহার নিজের বিশিষ্ট মতবাদ দৃঢ়ভাবে ধরিয়া চলার, কিন্তু যেমন গঙ্গা-জল অপবিত্র নহে তেমনি হিন্দুধর্মের অল্প মতবাদকেও অপবিত্র বা অপাংক্তের বলার অধিকার কাহারও নাই। এই কথাটির পর তিনি সহজভাবে বলেন যে, ভাষার বা

হিন্দুধর্মমতবাদের কোনও গণ্ডি তিনি স্বীকার করেন না, কেননা যেমন চক্ষুকর্ণ রুদ্ধ করিয়া পথচলা অসম্ভব তেমনি মনের দ্বার রুদ্ধ করিয়া কোন কিছু বিচার, প্রচার বা অধ্যয়ন আলোচনাও অসম্ভব। উক্ত নেতা মহাশয় শাস্ত্রজ্ঞ মহাপণ্ডিত, কিন্তু অস্পৃগতার গণ্ডি লঙ্ঘন করিতে না পারায় তিনিও রাষ্ট্রনীতির ক্ষেত্রে বিফলকাম হইয়াছেন।

আমাদের ভারতের রাষ্ট্রনৈতিক অপিকারিবর্গ জাতীয় ঐক্য ও সংহতি চাহেন আরও প্রশস্ত ক্ষেত্রে। তাঁহারা সকলে বক্তৃতায় বৃহস্পতি এবং রাষ্ট্রনীতির ক্ষেত্রে অনেকেই বিজ্ঞ এবং প্রায় সকলেই অভিজ্ঞ—কিন্তু কাছে দেখা যায় যে, প্রাজ্ঞ কেহই নহেন। যদি তাঁহাদের মধ্যে প্রাজ্ঞ কেহ থাকিতেন এবং “প্রজ্ঞা ভিনন্ত, মে তম” এই বাক্যের যদি কোনও সার্থকতা থাকে তবে জাতীয় ঐক্য ও সংহতির পথে যে সকল অন্তরায় রহিয়াছে, তাহার কারণে দেশে হিংসা-বিদ্বেষ ও বিভেদ-বিচ্ছেদ রহিয়াছে, তাহার স্ত্র খুঁজিতে তাঁহাদের একরূপ তিমিরাচ্ছন্ন অবস্থা হইত না। দেশ ও জাতির প্রগতির পথে সাম্প্রদায়িকতা ও প্রাদেশিকতা যে কি বিষম বাধা সে বিষয়ে ইহারা নানা-ভাবে নানা কথা বলিয়াছেন এবং সে সকলই অবশ্য-স্বীকার্য। কিন্তু কার্যক্ষেত্রে দেখা যায় যে, এই দুইটি অমূর্ত ও অব্যক্ত রাশির প্রকৃতি বা রূপ সম্বন্ধে ইহারা কোনও নিশ্চিত তথ্য বা সংজ্ঞা দিতে অসমর্থ। রোগের নিদান কারণ বা উপসর্গ সম্বন্ধে যদি কোনও নির্দেশ না থাকে তবে তাহার চিকিৎসা যেমন অসম্ভব তেমনিই

জাতীয় সংহতি পরিষদের এই প্রয়াসও ব্যর্থ হইতে বাধ্য।

কিন্তু এই ব্যর্থতার কারণ কি? কেন এই বিজ্ঞ ও অভিজ্ঞ মহাশয়েরা আমাদের জাতীয় জীবন যে দুই মহাব্যাধিতে আক্রান্ত তাহাদের কারণ বা নিদান নিরূপণে সামর্থ্যের অভাব দেখাইতেছেন? জ্ঞান, বুদ্ধি, বিচার-বিশ্লেষণে পটু সবই তাহাদের আছে। তবে এই মহান দায়িত্ব পালনে ইহারা ব্যর্থ হইতেছেন কেন?

এই সকল প্রশ্নের উত্তর দেওয়া সহজ নয় আমরা জানি। কিন্তু উত্তর না পাইলে বলিতে হয় যে, জাতীয় সংহতি পরিষদ বৃথাই সম্মেলন, অধিবেশন ইত্যাদিতে সময় নষ্ট করিতেছেন, কেননা এই রোগের প্রতিকার তাহাদের অসাধ্য, নহিলে বুদ্ধিতে হয় যে, এই জাতীয় ঐক্য ও সংহতির চেষ্ঠা এক প্রহসন মাত্র, কেননা যেখানে কঠোর ব্যবস্থার প্রয়োজন সেখানে ইহারা স্তোকবাক্য ও নীতিকথার উচ্চারণে দেশের লোককে ভুসাইয়া অগ্র দিকে মন দিয়াছেন।

আমরা সহজ বুদ্ধিতে ও সরল দৃষ্টিতে যাহা বুদ্ধিতেছি এবং দেখিতেছি তাহাতে মনে হয় এই ব্যর্থতার মূলে আছে সেই রুদ্ধ হৃদয়ের অবস্থা, বিশেষে প্রাদেশিকতার বেলায়। হৃদয় মনের সকল দুয়ার জানালা বন্ধ করিয়া অন্তরের পাপে আচ্ছন্ন বিচার-বুদ্ধি লইয়া, কেহ কি কখনও কোনও মহান ব্রত উদ্‌ঘাপনে সমর্থ হইয়াছে? আমাদের মতে ইহাদের সকলেরই সেই অবস্থা, সকলেই সেই সময়ে রক্ষিত পাপকে বাঁচাইয়া কার্যসিদ্ধির চেষ্ঠায় কৃত্রিম ব্যগ্রতা ও ব্যস্ততা দেখাইতেছেন। ঐ অন্তর্নিহিত পাপ স্বার্থজনিত, তবে সেই স্বার্থের প্রকৃতি ও ব্যাপ্তির ইतर-বিশেষ আছে বিভিন্ন ব্যক্তির ক্ষেত্রে। শুধু কেহ নিজ স্বার্থচিন্তায় মগ্ন, কেহ বা গোষ্ঠীগত বা দলগত স্বার্থে প্রভাবিত এবং প্রায় সকলেই প্রাদেশিক পক্ষপাতিত্বের মোহে অন্ধবিস্তার আচ্ছন্ন।

রাষ্ট্রভাঙ্গা হিসাবে হিন্দীকে সর্বোচ্চ আসনে প্রতিষ্ঠিত করার চেষ্ঠা ঐ আঞ্চলিকতার রূপান্তর মাত্র মনে হয়, কেননা যেভাবে হিন্দীর বর্তমান অনগ্রসর ও অপূর্ণ অবস্থা জানিয়াও উহার আধিপত্য স্থাপনের চেষ্ঠা চলিতেছে তাহাতে মনে হয় উহা অবিমিশ্র সহৃদয়-প্রণোদিত নহে। অবশ্য বর্তমান অবস্থায় ইংরেজীকে বিশ্ববিদ্যালয়ের শিক্ষার মাধ্যম রাখা উচিত এই অভিমত সংহতি পরিষদ প্রকাশ্যভাবে জানাইয়াছেন এবং সম্পূর্ণানন্দ কমিটি ইংরেজীর বদলে হিন্দী বা অগ্র ভাষাকে বিশ্ববিদ্যালয়ের শিক্ষা মাধ্যমরূপে গ্রহণ করায় শিক্ষার মান যাহাতে

অবনত বা ব্যাহত না হয় সেদিকে সতর্ক লক্ষ্য রাখিতে যে নির্দেশ দিয়াছেন, তাহারও পূর্ণ সমর্থন পরিষদ দিয়াছেন।

সাম্প্রদায়িকতার ক্ষেত্রে দেশের লোকের শিক্ষা-দীক্ষার অভাব এবং এক শ্রেণীর লোকের—যাহাদের প্রত্যক্ষ বা পরোক্ষভাবে দেশ বিভাগে ক্ষতি হইয়াছে প্রধানতঃ তাহাদের প্রতিহিংসা-পরায়ণতা একদিকে এবং অত্রদিকে পাকিস্থানের সংখ্যালঘু সম্প্রদায়গুলির প্রতি সেখানের শাসকবর্গের ঘৃণ্য ও নীচ অত্যাচার এই ব্যাধিকে মাঝে মাঝে তীব্র ও প্রখর করিয়া তুলে। উপরন্তু ভারতের নানা স্থানের অনগ্রসর লোকের মধ্যে পর্থাক্রমতা ও এ জাতীয় অনর্থের কারণ হইয়া দাঁড়ায়, বিশেষে হিন্দী-ভাষী অঞ্চলে। এ ছাড়া পাকিস্থানী গুপ্তচরের ও প্রচ্ছন্ন পাকিস্থানী পক্ষমবাহিনীর উদ্ভাবনী ও অগ্র চক্রান্তও মাঝে মাঝে প্রবলভাবে সাম্প্রদায়িক আশ্বিন জ্বালাইবার চেষ্টা করে, বিশেষে যখন পাকিস্থান ভারত-বিরোধী অভিযান চালায়। কলিকাতায় সম্প্রতি “মনোহর কহানীয়া” নামে অতি নগণ্য ও অজানা পুস্তিকায় প্রকাশিত আপত্তিজনক চিত্র ও কাহিনী লইয়া যে গোলমাল সৃষ্টির চেষ্ঠা হইয়াছিল তাহার মূল উদ্দেশ্যই ছিল ঐরূপ প্রতি-হিংসা-পরায়ণতা জাগাইয়া তোলা। কলিকাতায় কর্তৃপক্ষের দৃঢ় হস্তক্ষেপে সে চেষ্ঠা বিফল হইল। মালদহে ঐরূপ উদ্ভাবনী দুই দিকেই ছিল, অর্থাৎ সংখ্যালঘুদের মধ্যেও পাকিস্থানের গুপ্তচর ও অর্থসাহায্য সক্রিয় হইয়াছিল মনে হয়, এবং সেখানের কর্তৃপক্ষ সময় মত দৃঢ় হস্তক্ষেপ করিতে পারেন নাই তাহাও শোনা যায়।

সাম্প্রদায়িকতার দূরীকরণ এক জটিল সমস্যা সন্দেহ নাই, কিন্তু ইহা বুদ্ধি পাইতেছে মনে হয় না, বরঞ্চ ইহার বিস্মৃতিই ক্রমে সঙ্কুচিত হইতেছে। প্রাদেশিকতার তুলনায় এই ব্যাধি অনেক কম প্রখর এবং ঐ দুইয়ের মধ্যে দেশের সংহতি ও ঐক্যনাশে প্রাদেশিকতাই অধিক মারাত্মক।

জাতীয় সংহতি পরিষদ সম্প্রতি নয়া দিল্লীতে যে দুই দিনব্যাপী (২রা ও ৩রা জুন) অধিবেশন করিয়াছেন, তাহাতে এই সকল কথার আলোচনা হইয়াছে, যদিও স্বয়ং প্রধানমন্ত্রী সভাপতি থাকা সত্ত্বেও কোনও সমস্তার স্থির-মীমাংসা উপস্থাপিত করা হয় নাই। করার মধ্যে প্রধানতঃ এই জাতীয় সংহতির বিষয়ে বিশ্ববিদ্যালয়গুলির ও সংবাদপত্রের দায়িত্ব সম্পর্কে কিছু নির্দেশ ও সুপারিশ দান ও পঞ্চায়েৎ সম্বন্ধেও কিছু অভিমত প্রকাশ করা হইয়াছে।

বিশ্ববিদ্যালয়, পঞ্চায়েৎ ও সংবাদপত্র সম্পর্কে উক্ত অধিবেশনে যাহা প্রকাশ করা হইয়াছে তাহা এইরূপ :

বিশ্ববিদ্যালয় ও অন্যান্য শিক্ষা প্রতিষ্ঠানে ভর্তি করার ব্যাপারে পরিষদ এই অভিমত প্রকাশ করিয়াছেন যে, বিশ্ববিদ্যালয়গুলি দেশের সংহতিসাধনে বিশেষ প্রভাব বিস্তার করিতে পারে। এই কারণেই পরিষদ জন্ম ও বাসস্থান, জাতি ও ধর্ম বিশ্বাস বিচারে কাহাকেও বিশ্ববিদ্যালয়ে ভর্তি হওয়ার অধিকার হইতে বঞ্চিত না করার জ্ঞাত বিশেষভাবে সুপারিশ করিয়াছেন।

পঞ্চায়েৎ রাজ্য নির্বাচনের আচরণবিধি প্রণয়নের ব্যাপারে আরও আলোচনা পরিষদ স্বগিত রাখার সিদ্ধান্ত করিলেও, পঞ্চায়েৎ নির্বাচনে দলীয় রাজনীতি বর্জনের প্রয়োজনীয়তার উপর বিশেষ জোর দিয়াছেন।

বিশ্ববিদ্যালয়ের শিক্ষার মাধ্যম সম্পর্কে আলোচনা প্রসঙ্গে পরিষদ কেবল অন্তর্বর্তীকালীন সুরেই নহে, অঞ্চলিক ভাষাকে শিক্ষার মাধ্যম হিসাবে গ্রহণের পরও ইংরেজী ভাষাকে আবশ্যিক ভাষা হিসাবে শিক্ষা করার প্রয়োজনীয়তার উপর বিশেষ জোর দেন। পরিষদ আশা করেন যে, হিন্দী উৎকর্ষ লাভ করার পর আভ্যন্তরীণ শিক্ষার মাধ্যম হিসাবে ইংরেজীর স্থান গ্রহণ করিলেও ইংরেজী বরাবরই আন্তর্জাতিক যোগসূত্র হইয়া থাকিবে। এই কারণেই পরিষদ এই সুপারিশ করিয়াছে যে, ছাত্রদের ক্রমে ক্রমে যেমন হিন্দী ভাষা বিশেষভাবে আয়ত্ত করিতে হইবে তেমনই আবার ইংরেজী সম্বন্ধেও তাহাদের কাজ চালানর মত জ্ঞান থাকিতে হইবে, যাহাতে তাহারা ইংরেজী ভাষায় প্রদত্ত বক্তৃতা অস্বাভাবন করিতে পারে। গত বছর মুখ্যমন্ত্রী-সম্মেলনে যেসব সুপারিশ করা হয় পরিষদ তাহার পুনরাবৃত্তি করিয়া বলেন যে, হিন্দী ও ইংরেজী শিক্ষার মান উন্নত করিতে হইবে এবং স্কুল ও কলেজে উহার উচ্চ মান রক্ষা করিতে হইবে।

পরিষদের এই বৈঠকে কতিপয় সদস্য বলেন যে, বিভেদ সৃষ্টিকারী শক্তির বিরুদ্ধতা করিয়া এবং উত্তেজনা বিরোধ ও বিসম্বাদ সৃষ্টিকারী ঘটনাবলী প্রকাশে দায়িত্ব-জ্ঞান এ সংখ্যের পরিচয় দিয়া সংবাদ জাতীয় ঐক্য ও সংহতিসাধনে গুরুত্বপূর্ণ ভূমিকা গ্রহণ করিতে পারে। তথ্য ও প্রচার দপ্তরের সহযোগিতায় পরিষদের উদ্যোগে সংবাদপত্রের আচরণবিধির যে খসড়া প্রণয়ন করা হইয়াছে আজকার বৈঠকে তাহা লইয়া আলোচনা করা হয় এবং পরিষদ এই অভিমত প্রকাশ করেন যে, এই খসড়া-আচরণবিধি সংবাদপত্রসমূহ গ্রহণ করিতে পারেন।

প্রেস কমিশন যে সাত দফা আচরণবিধি সুপারিশ করিয়াছেন তাহার স্থলে এই খসড়া-আচরণবিধিতে আট দফা সুপারিশ করা হইয়াছে।

জাতীয় সংহতি পরিষদ সংবাদপত্রের আচরণবিধির যে সুপারিশ করিয়াছেন তাহা হইতেছে :

(১) সংবাদপত্রকে জনগণের মধ্যে ঐক্য ও সংহতির মনোভাব বাড়াইয়া তোলা, তাহাদের মধ্যে জাতির প্রতি আনুগত্য এবং এক জাতীয়তার মনোবৃত্তি সৃষ্টির সমস্ত প্রকার সক্রিয় ব্যবস্থা করিতে হইবে।

(২) জাতি, সম্প্রদায়, ধর্ম, অঞ্চল এবং ভাষাগত মনোভাবকে জাতীয় স্বার্থের উদ্দেশ্যে সংবাদপত্রগুলি যেন কখনই স্থান না দেন।

(৩) দেশবাসীর পরস্পরের মধ্যে উত্তেজনা অথবা দেশের মধ্যে বিভেদ-সৃষ্টিকারী কোন ব্যক্তি, দল অথবা গোষ্ঠীর কোন প্রচেষ্টাকেই ক্ষমার চক্ষে দেখা সংবাদপত্রের পক্ষে উচিত হইবে না।

(৪) হিংসাত্মক কার্যকলাপে উৎসাহিতান অথবা বিরোধ মীমাংসার পন্থা হিসাবে হিংসাত্মক নীতি অবলম্বনের পক্ষে প্রচারকার্য হইতে সংবাদপত্রকে সর্বদা বিরত থাকিতে হইবে।

(৫) ভিত্তিহীন সংবাদ এবং সে সম্পর্কে সম্পাদকীয় মন্তব্যে ভ্রম সংশোধন সংবাদপত্রকে করিতে হইবে।

(৬) যেসব অসমর্থিত সংবাদে উত্তেজনা ও বিভেদ সৃষ্টির অংশ আছে তাহার প্রকাশ স্বগিত রাখিতে হইবে।

(৭) এই ধরনের সংবাদ ফলাও করিয়া প্রকাশ না করাই বাঞ্ছনীয়।

(৮) জাতির অগ্রগতি এবং ঐক্যের সহায়ক সংবাদ-সমূহ ভালভাবে প্রকাশ ও প্রচার করিতে হইবে।

এই সকল নির্দেশ ও সুপারিশে যে নীতিগত ব্যবস্থার কথা বলা হইয়াছে সে সবই সমর্থনযোগ্য এবং আচরণীয়ও সে বিষয়ে সন্দেহ নাই। কিন্তু যাহা প্রয়োজন সে পদার্থটি এই সকল আলোচনা, বিবেচনা, উপদেশ, নির্দেশ, সুপারিশ, ইত্যাদি, ইত্যাদি হইতে সময়ে বিবজ্জিত হইয়াছে। সেইটি হইল স্বার্থচিন্তার এবং স্বার্থবিজড়িত কার্যকলাপ সম্বন্ধে দৃঢ় বিধিনির্দেশ।

আসামের জঘন্য "বঙ্গাল খেদা" ব্যাপারে যাহা ঘটিয়াছে এবং আসামের কয়েকটি সংবাদপত্রে যেভাবে নীচতার নিলঙ্কার সমর্থন দিয়াছিল সেরূপ ক্ষেত্রে কি করা হইবে সে বিষয়ে আমাদের জ্ঞান অসম্পূর্ণই রহিয়া গেল। যাহারা বিশ্ববিদ্যালয়, সংবাদপত্র ইত্যাদিকে এইরূপ

বিনামূল্যে উপদেশ, নির্দেশ কারণে-অকারণে দিয়া থাকেন সেই মহাপ্রাণ মহোদয়গণকে আমরা সাহসের সহযোগিতা করিতেছি যে, তাঁহারা সর্বপ্রথমে নিজেদের হৃদয়মনের ছয়ার খুলিয়া নিজেদের অন্তরকে নিরাময় করুন।

### পশ্চিমবঙ্গে তৃতীয় পাঁচমালা পরিকল্পনা

সংবাদপত্রে যে সমস্ত মন্তব্য ও তথ্য প্রকাশিত হইতেছে তাহাতে মনে হয় যে, পশ্চিমবঙ্গের তৃতীয় পরিকল্পনা অস্থায়ী শিল্পযোজনা প্রধান অন্তরায় দুইটি, বিদ্যুৎশক্তির অভাব ও পরিবহন ব্যবস্থায় অসম্ভব অনটন। পরিবহন ব্যবস্থা সম্পর্কে কিছুদিন পূর্বে বেঙ্গল স্ট্রাশনাল চেম্বার্স অফ কমার্সের তৎকালীন সভাপতি তাঁহার বিদায় অভিভাষণে বলিয়াছিলেন যে, যদিও পশ্চিমবঙ্গ করলা ও লৌহ-ইস্পাত উৎপাদনের অগ্রতম কেন্দ্র, তথাপি রেল-পরিবহনের বিপরীত ব্যবস্থায় এখানের শিল্পপ্রতিষ্ঠানগুলির কাজ ঐ দুই বস্তুর অভাবে বিষম ভাবে ব্যাহত হইতেছে।

আমরা জানি যে, রেলদপ্তর মালবাহী গাড়ী ও ইঞ্জিন ইত্যাদির অভাবে সকল দিকের চাহিদা সমান ভাবে মিটাইতে অসমর্থ। কিন্তু পরিকল্পনা, শিল্পযোজনা ইত্যাদিতে একটা সাধারণ নিয়ম যে, যদি কোনও উপকরণ বা কোনও ব্যবস্থায় চাহিদা অস্থায়ী যোগান না থাকে, তবে যে ভাবে ও যে ক্ষেত্রে সেই উপকরণ প্রয়োগ করিলে সামগ্রিক ভাবে (অর্থাৎ সমস্ত দেশের হিসাবে) উৎপাদন সর্বাধিক হইবে, সেই ভাবেই তাহা বণ্টন করা হয়। পশ্চিমবঙ্গে মালগাড়ীর যোগান বিষয়ে কি এই নিয়ম অস্থায়ী ব্যবস্থা হইতেছে? সভাপতি মহাশয়ের ভাষণে সেরূপ হইতেছে না বলিয়াই বুঝা যায়।

সম্প্রতি বৈদ্যুতিক-শক্তির সরবরাহ লইয়া যে গোল-যোগ চলিতেছে তাহা সর্বজনবিদিত। কলিকাতা নগরের সাধারণজনে যে পাখা-বাতি, রন্ধন, তাপ-নিয়ন্ত্রণ ইত্যাদিতে বিদ্যুৎ-শক্তি ব্যবহার করে সেখানেও চাপের (voltage) বিপর্যয় এত বেশী হইয়াছে যে, অনেক ক্ষেত্রে মোটর ও অগ্র যন্ত্রাদি বিকল হওয়ার সম্ভাবনা দেখা দিয়াছে। কলকারখানায় ও শিল্প-প্রতিষ্ঠানে ঐ বিপর্যয় দুই ভাবে দেখা দিয়াছে। প্রথমতঃ সরবরাহের অভাব এবং দ্বিতীয়তঃ বৈদ্যুতিক চাপের ব্যতিক্রম।

কিছুদিন পূর্বে সরকারী দপ্তর হইতে বলা হইয়াছিল যে, আগামী ১৯৬০ সনের শেষে, ব্যাণ্ডেলের বিদ্যুৎ-উৎপাদন কেন্দ্র চালু হইলে পরে, এই বিদ্যুৎ-শক্তির অভাব দূর হইবে। কিন্তু সম্প্রতি জানা গিয়াছে যে, এখানের পরিসংখ্যান-বিশেষজ্ঞগণ পশ্চিমবঙ্গের বিভিন্ন শ্রেণীর

চারশতটি শিল্প-প্রতিষ্ঠানের বর্তমান অবস্থা এবং উহাদের তৃতীয় যোজনাধীন উন্নয়ন ও সম্প্রসারণ-পরিকল্পনা-সকলের বিশদ ও ব্যাপক ভাবে বিশ্লেষণ করিয়া এই সিদ্ধান্তে উপস্থিত হইয়াছেন যে, বিদ্যুতের চাহিদা মিটাইবার যে ব্যবস্থা বর্তমানে করা হইয়াছে তাহা পূর্ণরূপে কার্যকরী হইলেও চাহিদার এক বিপুল অংশ অপূর্ণ থাকিয়া যাইবে।

আশা করা যায় যে, সময় থাকিতে এই অভাব পূরণের চেষ্টা আরম্ভ করা হইবে। একদিকে পরিবহন ও অগ্র-দিকে বিদ্যুৎশক্তি সরবরাহ—এই দুই ব্যবস্থা বিপর্যয় হইলে পশ্চিমবঙ্গের শিল্পযোজনা শুধু ব্যাহত নয়, ব্যর্থও হইতে পারে। আধুনিক প্রথায় প্রত্যেকটি শিল্পের উৎপাদনক্রমের এক নিম্নতম সীমা আছে যাহার নীচে উৎপাদিত দ্রব্যের মূল্যের পড়তা ঠিক মত হয় না, অর্থাৎ বহির্জগতে সেই সকল দ্রব্যের সহিত এখানের সামঞ্জস্য থাকে না সুতরাং তাহার রপ্তানী সম্ভব হয় না। এবং দেশের ভিতরে বাহিরের পণ্য-আমদানী বন্ধ করিয়া “চড়া দরে খেলো মাল” বিক্রয়ের যে অপকল্প ব্যবস্থায় দেশবাসী বর্তমানে ক্লিষ্ট ও ক্ষতিগ্রস্ত হইতেছে সেই রক্তমোক্ষণ ব্যবস্থা স্থায়ী হইতে বাধ্য।

### বৈদেশিক মুদ্রা সংরক্ষণ

একদিকে ব্যবস্থার অভাবে তৃতীয় পরিকল্পনার শিল্পযোজনা ব্যর্থ হওয়ার চিত্র আমরা দেখি পশ্চিমবঙ্গে, অগ্রদিকে দেখি নয়াদিল্লী অভিনব ব্যবস্থা করিতেছেন সেই তৃতীয় পরিকল্পনার রূপের যোগাইবার জন্ত কঠোর ব্যবস্থা অবলম্বনে উদ্বৃত্ত।

বিগত ৮ই জুন কেন্দ্রীয় অর্থমন্ত্রী শ্রীমোরারজী দেশাই লোকসভায় বোমণা করেন যে, বৈদেশিক মুদ্রার অনটনের যে সঙ্কট দেখা দিয়াছে, তাহার প্রতিকারে কঠোর ব্যবস্থা অবলম্বন করিবেন। এই ব্যবস্থায় আমদানীর পরিমাণ আরও সঙ্কচিত করা হইবে, এবং বিদেশ ভ্রমণও আরও কঠোর ভাবে নিয়ন্ত্রিত হইবে। অর্থাৎ ভারতীয় নাগরিকদিগের গলায় ফাঁস ও পায়ের বেড়ী আরও কঠোর ভাবে বন্ধন করা হইবে। তবে সেই সঙ্গে শ্রীদেশাই এই আশ্বাসও দিয়াছেন যে, বৈদেশিক মুদ্রার তহবিল খালি হইলেও তৃতীয় পরিকল্পনার মন্বর গতি মন্বরতর হইবে না বরঞ্চ উহা কিছু ক্ষুণ্ণ হইবে। তিনি যাহা বলিয়াছেন তাহাতে ভারতীয় নাগরিক আশা করিতে পারেন যে, তাঁহার প্রপৌত্রের আমলে এই অর্থনৈতিক রক্তর বন্ধন কিছু কম কঠোর হইতে পারে—



যদি না পরিকল্পনার ঠেলায় দেশের জনসাধারণের অস্তিত্বই বিপর্যস্ত হয়।

আমদানীনিয়ন্ত্রণের আওতায় সরকারী-বেসরকারী উভয় প্রকার আমদানীই পড়বে। অর্থাৎ যে ভাবে কলিকাতা মহানগরীর ৬০ লক্ষ লোকের স্বাস্থ্য ও সঙ্গতিকে বিসম ভাবে বিপদগ্রস্ত করিয়া ৪০ লক্ষ টাকা মূল্যের পাষ্প আমদানী ছয় বৎসর যাবৎ নিয়ন্ত্রণের দোহাই দিয়া রোধ করা হইয়াছে, সেই কঠোর ভাব কঠোরতর করা হইবে এবং জনসাধারণের নিত্য-প্রয়োজনীয় নানা বস্তুর আমদানী আরও সঙ্কুচিত করিয়া চোরাকারবারের ক্ষেত্র আরও বিস্তৃত করা হইবে। আর নিয়ন্ত্রিত করা হইবে বিদেশ যাত্রা। ঐ ছই বিষয়ে অর্থমন্ত্রীর বিবৃতি “মুগাস্তর” সংক্ষেপে এইরূপে দিয়াছেন :

“সঙ্কলিত ব্যবস্থাগুলি সংক্ষেপে বর্ণনার পর শ্রীদেশাই বলেন, দেশের রপ্তানী বৃদ্ধির চেষ্টা দ্বিগুণ করা একান্ত আবশ্যিক এবং রপ্তানী বৃদ্ধি করিতে হইলে সেইভাবে উৎপাদনের বুনিয়াদও গড়িয়া তুলিতে হইবে। আন্তর্জাতিক লেন-দেনে আমাদের উৎস্ব তহবিল বৃদ্ধি করিয়া আবার পূর্ক অবস্থায় ফিরাইয়া আনিতে কৃষিপণ্য উৎপাদনের একটি বড় ভূমিকা রহিয়াছে। দ্বিতীয় ব্যবস্থা হইল আমরা ইতোমধ্যে বাহির হইতে যে সাহায্যের প্রতিশ্রুতি পাইয়াছি, তাহা খুব তাড়াতাড়ি কাজে লাগানো। তৃতীয়তঃ, সরকারী খাতেই হউক আর বে-সরকারী খাতেই হউক বিদেশী পণ্য আমদানীর জন্ত অবাধে বৈদেশিক বিনিময় মুদ্রা ব্যবহারের যে অনুমতি এখন দেওয়া হইতেছে, তাহা আরও ছাঁটাই করিতে হইবে।

চোরাগলি দিয়া বৈদেশিক বিনিময় মুদ্রা পাচার হইয়া যাওয়ার প্রবণতার প্রতি অর্থমন্ত্রী দৃষ্টি আকর্ষণ করিয়া বলেন যে, বৈদেশিক বিনিময় মুদ্রার এই অবৈধ নির্গমন পথ বন্ধ করিতে হইবে।

যে সকল বিদেশ যাত্রার জন্ত সাধারণতঃ বৈদেশিক বিনিময় মুদ্রা মঞ্জুর করা হয় না, শ্রীদেশাই সেগুলিকে এই শেষোক্ত শ্রেণীভুক্ত করেন। তিনি বলেন যে, বেশ কিছু বৈদেশিক মুদ্রা সাশ্রয়ের জন্ত ব্যবসায় ও শিক্ষার উদ্দেশে বিদেশ গমন আরও নিয়ন্ত্রণ করিতে হইবে। সকল প্রকার চোরাই চালান বন্ধ করীর জন্ত ক্রিপ্ত ব্যবস্থা অবলম্বনের কথাও বিবেচিত হইতেছে।

শ্রীদেশাই বলেন যে, আমদানী আরও হ্রাস করার জন্ত এই সকল ব্যবস্থা অবলম্বন করা সম্ভবপর এবং বাঞ্ছনীয়ও বটে।

শ্রীদেশাই বলেন, আমাদের উন্নয়ন পরিকল্পনাগুলি রূপায়ণের কাজে দৃঢ় পদে ও আস্থার মনোভাব লইয়া অগ্রসর হইতে হইলে আমাদের বৈদেশিক মুদ্রার তহবিলকে স্বাভাবিক অবস্থায় আবার লইয়া যাইতে হইবে এবং সেজন্ত আগামী বৎসরগুলিতে আমাদেরও সামাজিক শৃঙ্খলা ও সঙ্গতির আরও বেশী প্রয়োজন। প্রত্যেক জাতির ইতিহাসে এমন একটা সময় আসে, যখন গৌরবজনক উচ্চ লক্ষ্যে পৌঁছবার জন্ত প্রয়োজনীয় যে কোন ব্যবস্থা অবলম্বন করিতে হয়।”

শ্রীদেশাই প্রমুখাৎ মন্ত্রীমহাশয়দিগের লক্ষ্য অভ্যুচ্চ সন্দেহ নাই কিন্তু নিয়ন্ত্রণের সঙ্গে চোরাকারবার যদি একরূপ ঘনিষ্ঠ ভাবে জড়িত না থাকিত এবং টাকার চেষ্টায় জনসাধারণের হিত সম্পর্কে চিন্তা এইভাবে বিসর্জন না দেওয়া হইত তবে বলিতে পারিতাম যে ঐ লক্ষ্য “গৌরবজনক”। জনশিক্ষা, জনকল্যাণ, জনমঙ্গল এই সকল গালভরা শব্দ ত মন্ত্রীমহাশয়গণ কারণে-অকারণে উচ্চকণ্ঠে উচ্চারণ করেন, আমাদের কি বুদ্ধিতে হইবে যে আমাদের প্রতারণিত করিবার মহৎ উদ্দেশ্যেই ঐ শ্রুতিমধুর মিথ্যাগুলি প্রয়োগ করা হয় ?

শ্রীমোরারজী দেশাই শিক্ষামন্ত্রী নহেন এবং সম্ভবতঃ তিনি শিক্ষার জন্ত বিদেশ যাত্রার প্রয়োজন সম্পর্কে সম্পূর্ণ অজ্ঞ। কিন্তু ঐ শিক্ষার জন্ত বিদেশ যাত্রার নূতন প্রতিবন্ধক আরোপণ করার পূর্বে শিক্ষামন্ত্রীর সঙ্গে তিনি কি কোনও আলোচনা করিয়াছেন ? এই বিদেশে শিক্ষালাভ আরও বিস্তৃত না করিলে শ্রীদেশাইয়ের “উচ্চ লক্ষ্য” শুধু পরিকল্পনার আকাশকুসুম হইয়াই থাকিবে, এ কথা যদি কেন্দ্রীয় শিক্ষাদপ্তর শ্রীদেশাইকে না বুঝাইতে পারে, তবে বুঝিব যে সেই দপ্তর মৌলানার মৃত্যুর পরেও পূর্কবৎ দুর্দশাগ্রস্ত হইয়াই আছে।

মন্ত্রীমহাশয়ের উদ্দেশ্য মহৎ এবং তাহার কার্যকলাপ ও ব্যবস্থা এতই উচ্চকোটির যে, তাহাতে জনসাধারণের মঙ্গল চিন্তার স্থান অবাস্তর প্রশ্নের অবকাশই থাকে না। কিন্তু যে উচ্চ লক্ষ্যের কথা তিনি গুনাইয়াছেন তাহা কোন্ পথে কি ভাবে ও কবে কাহারও পক্ষে পৌঁছান সম্ভবপর হইবে সে বিষয়ে ত কিছুই গুনিলাম না। আপাত-দৃষ্টিতে যাহা দেখিতেছি এবং এতদিন দেখিয়া আসিতেছি তাহাতে শুধু একটি ইংরেজী প্রবাদবাক্যের সার্থকতাই অনুভব করিতেছি। সেই প্রবাদে বলে “The road to Hell is paved with Good Intentions” অর্থাৎ কি না “নরক যাত্রার পথ মহৎ উদ্দেশ্যেই সুগম হয়।”

যদি কেহ বিশ্বাস না করেন ত ব তিনি যেন কলিকাতা নগরের অবস্থা নিরীক্ষণ করেন। চতুর্দিকে মহৎ উদ্দেশ্য ও মহান পরিকল্পনায় পরিবেষ্টিত হওয়ায় এই মহানগরী কি ভাবে মহানরকে পরিণত হইতেছে দেখিলেই ঐ প্রবাদের সার্থকতা তাঁহার হৃদয়ঙ্গম হইবেই।

সংবাদপত্র খুলিলেই দেখি যে, কেন্দ্রীয় কোন না কোনও দপ্তরে দশ-বিশ লক্ষ বা দু-দশ কোটি মুদ্রার অপচয় বা অপব্যয়ের সংবাদ প্রকাশিত হইয়াছে। যেমন লিখিবার সময় দেখি যে প্রতিরক্ষা বিভাগের ৬২ সনের অডিট রিপোর্টে ঐরূপ “চাঞ্চল্যকর তথ্য” রহিয়াছে। এগুলির বিষয়ে মন্ত্রীমণ্ডল তুরীয়ভাবে অবলম্বন করেন, যত আক্রোশ শিক্ষার উপর। আমাদের প্রশ্ন এই যে, শিক্ষার জন্ত বিদেশ যাত্রায় ভারতে অর্জিত বৈদেশিক মুদ্রার সবস্বল্প বাৎসরিক ব্যয়ের পরিমাণ কি? ভারতে অর্জিত বৈদেশিক মুদ্রার কথা বলিতেছি এই কারণে যে, বৈদেশিক বৃত্তি বা বিদেশে কোনও বিশেষ বিষয়ে ব্যবহারিক শিক্ষালাভের বৈদেশিক ব্যবস্থায় আমাদের দেশের বৈদেশিক মুদ্রার তথ্যবলে কোন বিশেষ টান পড়ার কথা নাই। এবং আমাদের জিজ্ঞাস্য এই কথাও যে, কেন্দ্রীয় দপ্তরগুলিতে যে বৈদেশিক মুদ্রা অপচয়ের বৃত্তান্ত পাওয়া যায় তাহা শিক্ষাব্যয়ের সঙ্গে তুলনীয় কি?

### কংগ্রেসের নূতন সভাপতি

বিগত ৬ই জুন, নিখিল ভারত কংগ্রেস কমিটির কার্যকরী সভার এক বিশেষ অধিবেশনে অন্ধ্র প্রদেশের ভূতপূর্ব মুখ্যমন্ত্রী শ্রীসঞ্জীবারা কংগ্রেসের সভাপতি নির্বাচিত হইয়াছেন। নির্বাচনে কোনও গোলযোগ হয় নাই বলা বাহুল্য, কেননা রাষ্ট্রনীতির ক্ষেত্রে কংগ্রেসের সভাপতি নির্বাচিত হওয়া বনবাসের সামিল গণ্য করা হয়। রাষ্ট্র চালনার বা শাসনতন্ত্র পরিচালনায় যে “কুটি ও মৎস্ত”—অর্থাৎ ক্ষমতার হিসাবে বা নগদ মূল্যের ওজনে—প্রাপ্তি প্রায় শতকরা নিরানব্বই জন অধিকারীর জোটে, এবং কংগ্রেসের অন্তর্ অধিকারিবর্গেরও ভাগ্যক্রমে আসিয়া থাকে, কংগ্রেস সভাপতির কপালে তাহার কোনও কিছুই থাকে না। সুতরাং এই নির্বাচনে প্রতিযোগিতার কোন প্রশ্নই উঠে না।

শ্রীসঞ্জীবারার বয়স চল্লিশ বৎসরের মত, এবং তিনি হরিজন শ্রেণীর। এই দুই হিসাবেই তিনি কংগ্রেস সভাপতিত্বের আসনে কিছু নূতনত্ব আনিতেছেন। আশা করা যায় কর্মক্ষেত্রেও তিনি নূতন দৃষ্টিভঙ্গির কিছু পরিচয় দিতে সমর্থ হইবেন, কেননা তাহার বিশেষ প্রয়োজন আছে।

ভারতে কংগ্রেস শাসনতন্ত্র অধিকার করার পর কংগ্রেসের দ্রুত অবনতি হইয়াছে। ইহার প্রধান কারণ এই যে, কংগ্রেসের অধিনায়কগণ ব্যক্তিগত স্বার্থের তাড়নায় রাষ্ট্রনৈতিক অধিকারের যুপকাঠে বাধিয়া প্রায় সকল প্রাচীন নীতি ও আদর্শকে বলিদান করিয়াছেন। কংগ্রেস প্রেসিডেন্টের বক্তৃতা প্রধান বা অন্ত পত্রাক্রান্ত মন্ত্রীর প্রতিধ্বনিমাত্র এবং কংগ্রেস অধিবেশনের একমাত্র সার্থকতা কংগ্রেস অধিকারিবর্গের পদলেহনে স্বার্থক চাটুকারবর্গের কৌশল ও পটুত্ব প্রদর্শন এবং কংগ্রেস অধিকারবর্গের আত্ম-বিজ্ঞাপন। কংগ্রেসের সভাপতিত্বের সার্থকতা সামান্যই।

সে যাই হউক বিদ্যায়ী সভাপতি শ্রীনীলম সঞ্জীব রেড্ডি, যিনি পুনর্বার অন্ধ্রদেশের মুখ্যমন্ত্রী গ্রহণ করিয়াছেন, কংগ্রেসের সভাপতিরূপে কিছু স্বাধীন চিন্তাশক্তির পরিচয় দিয়াছিলেন এবং যদিও তাঁহার সাক্ষাৎভাবে কোনও কিছু করিবার ক্ষমতা ছিল না, তথাপি দুই-এক সময়ে কংগ্রেসের কুচক্রীদের বিরুদ্ধে তিনি স্পষ্ট মতামত জানাইয়া কিছু প্রতিকার করিতে সমর্থ হইয়াছিলেন। শ্রীসঞ্জীবারা সেই অন্ধ্র দেশেরই মুখ্যমন্ত্রীর আসন ছাড়িয়া কংগ্রেসের সভাপতিত্ব করিতে আসিয়াছেন। আশা করা যায় তিনিও কিছু স্বাতন্ত্র্যের পরিচয় দিতে সক্ষম হইবেন।

### কংগ্রেসে নীতিজ্ঞানের নূতন সংজ্ঞা

বিগত ৫ই জুন নয়াদিল্লী হইতে নিখিল ভারত কংগ্রেস কমিটি রচিত একটি নোট প্রকাশিত হয়। ঐ নোটে “এক শ্রেণীর” কংগ্রেস-কর্মীর মধ্যে “ঘোরতর শৃঙ্খলাহীনতা” কথা উল্লেখ করিয়া বলা হইয়াছে যে, বিগত নির্বাচনের সময় ঐরূপ শৃঙ্খলাহীনতার কারণে নয় শতাধিক কংগ্রেস-সদস্য কংগ্রেস হইতে বহিস্কৃত হইয়াছেন।

নিখিল ভারত কংগ্রেস কমিটি নাকি এই ব্যাপারে “দৃষ্টিস্ত্রান্ত ও অস্ববিচার সম্মুখীন” হইয়া পড়িয়াছেন এবং ঐরূপ কার্যকলাপকে “নীচাশয়তা” ও “হীনমনোভাবসূচক শৃঙ্খলাহীনতা” আখ্যা দিয়াছেন। উপরন্তু কংগ্রেসকমিটি জানাইয়াছেন যে, প্রদেশ কংগ্রেস কমিটিসমূহ ও নিখিল ভারত কংগ্রেস কমিটি এইরূপ “ঘোরতর” শৃঙ্খলাভঙ্গি বিচলিত হইয়া সাধারণ নির্বাচন চলিবার সময়েই শাস্তি-মূলক ব্যবস্থা করিতে বাধ্য হইয়াছেন।

কতক্ষেত্রে এইরূপ গুরুতর অপরাধের বিষয়ে নির্বাচনের পরে বিবিধ প্রদেশ কংগ্রেস কমিটি নানা

ব্যবস্থা করিয়াছেন এবং ঐরূপ শৃঙ্খলাভঙ্গের বহু ঘটনা সম্পর্কে তদন্ত প্রয়োজন এইরূপ জানাইয়াছেন।

আমরা আশ্চর্য্য হই যে, সারা ভারতে যে অনাচার ও দুর্নীতির প্লাবন কংগ্রেসের নামে তাহার অহুচরবর্গ চালাইতেছে নিখিল ভারত কংগ্রেস কমিটি তাহাতে বিশ্বমাত্র বিচলিত হইতেছেন না, যত দুশ্চিন্তা ও দুর্ভাবনা কি শুধু এই নির্বাচন-খটিত শৃঙ্খলাহীনতার কারণে? যাহাই হউক, এতদিনে আমরা বুঝিলাম যে, নিখিল ভারত কংগ্রেস কমিটি স্বায়ম্বধ ও নীতি সম্পর্কে অভিনব নূতন মান স্থাপনে চেষ্টিত হইয়াছেন। বোধ হয় অনাচার ও দুর্নীতি বলিতে পূর্বেদিনে—অর্থাৎ কংগ্রেসী সহজিয়া ও পরকীয়াবাদ সরকারী ধর্মনীতি রূপে প্রচলিত হইবার পূর্বে যাহা বুঝাইত, কংগ্রেসী মনোবিদ্যাবিশারদগণ সে সকলকে উচ্চাঙ্গের যাতুকরী বিদ্যার অন্তর্গত করিয়াছেন। এখন “হীনমনোভাব” ও নিশ্চয়তা বুঝায় শুধু সেই ক্ষেত্রে যেখানে “পালের গোদার” নির্দেশ অমাত্য বা অগ্রাহ্য করিয়া কোনও অহুচর নিজ স্বার্থপূরণের কংগ্রেস-নির্দিষ্ট পথ ছাড়িয়া অন্য পথ দেখে। অবশ্য সেই অহুচরবর্গ যদি একজোটে প্রবল হইয়া উঠে তবে তাহাদের নেতৃত্বের ভিন্ন অন্য কোন উপায় থাকে না—যেমন হইয়াছে উত্তরপ্রদেশে।

শৃঙ্খলাহীনতার প্রশ্ন ও অন্তর্ধাতমূলক কার্যের অভিযোগ সম্পর্কে এক তদন্ত কমিটি নিযুক্ত হইয়াছে। দেখা যাউক ঐ কমিটির সদস্যবৃন্দ অন্তর্ধাত ও নীচাশয়তা ইত্যাদির কোন নূতন সংজ্ঞা আবিষ্কার করেন। মহাত্মা গান্ধী কি সাধে বলিয়াছিলেন যে, শাসনতন্ত্র অধিকার করার পর কংগ্রেস নাম তুলিয়া দেওয়া হউক।

### ভারতে ইংরাজী ভাষার স্থান

ইংরাজী ভাষা বহিষ্করণের জন্ত ভারতে দুই প্রকার আন্দোলন বর্তমানে চলিতেছে। প্রথমটি, হিন্দীভাষাভাষী এবং হিন্দীভাষায় পটু যাহারা সেরূপ একদলের চেষ্টায় সঙ্ঘোরে চালিত হইয়াছে। যে ভাবে উহা চালিত হইয়াছে তাহাতে ঐ আন্দোলনকারীদের উদ্দেশ্য অতি সহজভাবে প্রকাশ লাভ করিয়াছে। উদ্দেশ্য শুধু এই যে, সকল সরকারী এবং অসংখ্য বে-সরকারী কাজে ও ব্যাপারে, হিন্দীভাষায় অধিকার থাকার দরুণ, অন্তায় অগ্রাধিকার ও আধিপত্য লাভের নিশ্চয়তা। হিন্দী যাহাদের মাতৃভাষা বা যাহাদের মাতৃভাষার লিখনে দেবনাগরী অক্ষর ব্যবহৃত হয়—যথা মাগধী, মৈথিলী, মারাঠী ও পাঞ্জাবী—তাহাদের পক্ষে হিন্দীভাষা ব্যবহার সহজ ও সরল হইবে। অন্তদিকে যাহাদের মাতৃভাষা

হিন্দী নয় এবং মাতৃভাষার লিখনে দেবনাগরী অক্ষরের ব্যবহার নাই তাহাদের পক্ষে ঐ ভাষা শিক্ষা, বিদেশী ভাষার জ্ঞান, আয়াসসাধ্য এবং পটুহলাভ সময়সাপেক্ষ। উপরন্তু বর্তমানে কয়েকজন হিন্দী বিদ্যাভিগ্গজের চেষ্টায় হিন্দীতে নানা কৃত্রিম ও নানা নূতন বা প্রাচীন ও অপ্রচলিত শব্দের এবং সেই সঙ্গে নূতন ভাবের অব্যয় প্রণয় ইত্যাদির ব্যবহার চলিতেছে। হিন্দীভাষা শিখিতে হইলে শিক্ষকের নিজ অভিক্রুটি অহুযায়ী ঐ সকলের ব্যবহার বা বিবর্জন শিখিতে হয়। উপরন্তু শিক্ষকের খাদি নিবাস অহুযায়ী সেখানের স্থানীয় ভাষার ব্যবহারও অনেক ক্ষেত্রে আসিধা যায় যাহার মধ্যে অনেক কিছু অল্প অল্পের হিন্দীবিদ্যারদগণের মতে অশুদ্ধ বা অস্পষ্ট। সুতরাং ভিন্ন ভাষাভাষীর পক্ষে হিন্দী শিক্ষা এখনও সহজ নয়। হিন্দীর এখন রূপান্তর চলিতেছে, যেমন বাংলার ক্ষেত্রে হইয়াছিল বিদ্যাসাগর ও বঙ্কিমচন্দ্রের আমলে। তবে হিন্দীভাষায় এখনও কোনও বিদ্যাসাগর বা বঙ্কিমচন্দ্র দেখা দেন নাই। দীর্ঘদিনের উপেক্ষা ও চর্চার অভাবে হিন্দী নিস্তেজ হইয়া পড়িয়াছিল, এখন তাহাকে সাক্ষাত্য প্রতিষ্ঠা দেবার প্রবল চেষ্টায় এই সকল নব রূপান্তর চলিতেছে, তাহার কোনটি স্থায়ী কোনটি ক্ষণস্থায়ী তাহা বুঝিবার সময় এখনও আসে নাই।

অন্তদিকে ঐ উপেক্ষা ও চর্চার অভাবে হিন্দী অনগ্রসর এবং ইংরাজীর স্থান অধিকারে অসমর্থ। এমনকি অন্য দুই-একটি ভারতীয় ভাষা অপেক্ষাও উহার অবস্থা অসম্পূর্ণ ও অচল এবং ঐ কারণে “হিন্দী বোলো” চীৎকারের প্রতিক্রিয়াও দেখা দিয়াছে নানা স্থলে!

অন্তদিকে সংবিধানকার মহাশয়গণ এই সমস্ত কথা কোনও বিশদ আলোচনা বা বিচার না করিয়াই ভারতের শাসনতন্ত্রের ৩৪৩ (১) অহুচ্ছেদে বিধান দিয়াছেন যে, দেবনাগরী অক্ষরে হিন্দী ভাষা ভারতের সরকারী ভাষা হইবে। অবশ্য তাহার পর অগ্রপক্ষাৎ বিবেচনা করিয়া প্রথমতঃ তাহারা ৩৪৩ (২) অহুচ্ছেদে বিধান দেন যে (১) অহুচ্ছেদে যাহাই উল্লিখিত হউক না কেন, নূতন শাসন-তন্ত্র প্রবর্তনের পর হইতে ১৫ বৎসর পর্য্যন্ত ইংরাজী ভারতের সরকারী ভাষারূপে ব্যবহৃত হইবে। এবং ৩৪৩ (৩) অহুচ্ছেদে ঐ পনের বৎসর অতিক্রান্ত হইলেও ইংরাজীকে সরকারী ভাষারূপে প্রতিষ্ঠিত রাখার জন্ত আইন প্রণয়নের ক্ষমতা পার্লামেন্টকে দেওয়া হইয়াছে। ঐ ১৫ বৎসর শেষ হইবে ১৯৬৫ সালে, যখন ভারতের রাষ্ট্রভাষাসমস্তা সঙ্গীন হইবে।

বিগত ৬ই জুন আনন্দবাজার পত্রিকা নিম্নোক্ত সংবাদটি প্রকাশ করেন :—

নয়াদিল্লি, ৫ই জুন—১৯৬৫ সনের পর হিন্দী ভারতের একমাত্র সরকারী ভাষা হিসাবে গণ্য হইবে না। সেই সঙ্গে ইংরেজীও অন্ততম সরকারী ভাষা হিসাবে চলিতে থাকিবে।

ভারতের শাসনতন্ত্রে এইরূপ বিধান আছে যে, ১৯৬৫ সনের পর হইতে হিন্দীই ভারতের একমাত্র সরকারী ভাষা হইবে।

হিন্দীভাষী অঞ্চলে দক্ষিণ ভারতীয় ভাষাগুলির অনুশীলন সম্পর্কে শ্রী এইচ বি কামাধের কয়েকটি অতিরিক্ত প্রশ্নের উত্তরে কেন্দ্রীয় স্বরাষ্ট্রমন্ত্রী শ্রীলালবাহাদুর শাস্ত্রী উল্লিখিত বিষয়ের সমর্থনে আজ যথেষ্ট ইঙ্গিত দেন।

স্বরাষ্ট্রমন্ত্রী বলেন যে, প্রধানমন্ত্রী ইতিপূর্বে বলিয়াছিলেন যে, সহকারী ভাষা হিসাবে ইংরাজী চলিতে থাকিবে। এবং ইংরাজীকে সহকারী ভাষা হিসাবে স্বীকৃতিদানের জন্য তিনি লোকসভায় একটি বিল উত্থাপিত করিবেন। শাসনতন্ত্রে উল্লিখিত তারিখের পর সরকারী ভাষা হিসাবে হিন্দী অবশ্যই প্রবর্তিত হইবে। কিন্তু তাঁহারা ঐ তারিখ হইতে হিন্দীকে বাধ্যতামূলকভাবে প্রবর্তন করিতে পারিবেন না।

এই আইন প্রণয়ন ও গৃহীত হইবার পরও সরকারী কাজে ভাষা বিপর্যয়ের যথেষ্ট সম্ভাবনা আছে, অবশ্য ইহা না করিলে অবস্থা আরও আশঙ্কাজনক হইত।

অন্ত যে ক্ষেত্রে ইংরাজী বহিষ্কারের চেষ্টা চলিতেছে তাহা শিক্ষার উচ্চ ও উচ্চতম স্তরে। এখানে যাহারা উদ্যোগী তাঁহাদের মধ্যে কয়েকজন শিক্ষাত্রী অধ্যাপক ইত্যাদি আছেন, যাহাদের মধ্যে একজন বিশেষ খ্যাতিসম্পন্ন। ইহাদের মতে এখনই শিক্ষার সকল স্তরে মাতৃভাষার প্রচলন করিয়া ইংরাজীকে বিদায় দেওয়া উচিত।

আমরা আশ্চর্য হই যে, এইসকল মহাপণ্ডিত লোক কোনও অগ্রপক্ষাৎ বিবেচনা না করিয়া এরূপ আন্দোলনে যোগদান করেন কিরূপে। ইংরাজীর পরিবর্তে বাংলায় সম্পূর্ণভাবে শিক্ষা দিতে হইলে শিক্ষক, অধ্যাপকদিগকেও ঐ বিষয়ে নূতন শিক্ষাগ্রহণ করিতে হইবে এবং পড়াইবার জন্য পুস্তকাদি লিখাইতে হইবে। না হইলে তাঁহারা পড়াইবেন কি, বলিবেন ও ব্যাখ্যা করিবেন কি ভাষায় এবং তাঁহাদের বক্তৃতা ও ব্যাখ্যা বুঝিবে কে ও কিরূপে? এবং সম্পূর্ণরূপে বাংলায়

শিক্ষিত ছাত্র শিক্ষার পর অল্প প্রদেশে কি বসিবে বা করিবে?

পাকিস্থানে মার্কিন ক্ষেপণাস্ত্র সরবরাহ

করাটী হইতে প্রেরিত সংবাদে জানা যায় যে, বিগত ৭ই জুনের রাতে পাকিস্থান একটি দুই স্তরে বিভক্ত রকেট মহাকাশে ক্ষেপণ করিয়াছে। ঐ রকেটটি মার্কিন “নাইক” ক্ষেপণাস্ত্র, এবং যদিও পাকিস্থান কর্তৃপক্ষ জানাইয়াছেন যে, উহা আবহাওয়া-সম্পর্কিত তথ্য সংগ্রহের জন্য উৎক্ষিপ্ত হইয়াছে কিন্তু ঐরূপ ক্ষেপণাস্ত্রে ব্যবহারিক শিক্ষালাভের ও অভিজ্ঞতা অর্জনের প্রকৃত উদ্দেশ্য যে কি, সে বিষয়ে জগতের অন্য কাহারও কোন সন্দেহের অবকাশ নাই, একথা বলা যায় না। এ বিষয়ে অর্থাৎ প্রকৃত উদ্দেশ্য কি সে বিষয়ে—ঐ সংবাদের সঙ্গে প্রেরিত কূটনৈতিক মন্তব্য এইরূপ :

ক্রমাগত এ ধরনের আরও কয়েকটি রকেট উৎক্ষেপণের পরিকল্পনা পাকিস্থানের রহিয়াছে। প্রথম রকেটটির নাম দেওয়া হইয়াছে “রেবার-এক।” ঘণ্টায় ২৪০০ মাইল বেগে উহা মহাকাশের প্রান্ত-সীমা পর্যন্ত উঠিয়াছিল।

রকেট উৎক্ষেপণের দ্বারা পাকিস্থান কেবলমাত্র মহাকাশ-যুগেই প্রবেশ করিল না—এশিয়ার বিভিন্ন প্রতিবেশী রাষ্ট্র, বিশেষ করিয়া ভারতকে উত্থাপিত করিয়া তোলার একটি সুযোগও পাইল।

উল্লেখযোগ্য যে, ভারতের সহিত পাকিস্থানের সম্পর্ক বর্তমানে অতিশয় জটিল এক পর্যায়ে পৌঁছিয়াছে।

এখানকার কোন কোন কূটনীতিকের মতে রকেট উৎক্ষেপণের উদ্দেশ্য শান্তিপূর্ণ বলিয়া সরকারী ঘোষণা সত্ত্বেও মার্কিন জাতীয় মহাকাশ ও মহাকাশ-পরিক্রমা সংস্থা এ ভাবে রকেট ও তৎসংক্রান্ত ট্রেনিংয়ের সুযোগ দিয়া ভারত-পাকিস্থান সম্পর্কের ক্ষেত্রে এক নূতন ও গুরুত্বপূর্ণ সমস্যার উদ্ভব করিলেন, যাহা শেষ পর্যন্ত অত্যাধুনিক অস্ত্রের ক্ষেত্রে অবস্থা পাকিস্থানেরই অস্বীকার করিয়া তুলিয়া এ অঞ্চলের সামরিক ভারসাম্য বিনষ্ট করিয়া দিবে।

গত বৎসর মার্কিন যুক্তরাষ্ট্র পাকিস্থানকে এক-১০৪ স্টার জঙ্গী বিমান সরবরাহ করিলে পর ভারতে তীব্র প্রতিক্রিয়া দেখা দিয়াছিল—তৎসত্ত্বেও পেটাগন বা মার্কিন সামরিক হেডকোয়ার্টার্স স্থল হইতে আকাশের দিকে ব্যবহারযোগ্য ক্ষেপণাস্ত্রসহ অন্যান্য অতি-আধুনিক অস্ত্র পাকিস্থানকে সরবরাহ করার সিদ্ধান্ত গ্রহণ করিয়াছেন।



সামরিক আইন প্রত্যাহারের মাত্র কয়েক ঘণ্টা পূর্বে এবং নিরাপত্তা পরিষদে কাশ্মীর বিতর্কের মাত্র কয়েক দিন পূর্বে যে রকেটটি আকাশের দিকে ছুঁড়িয়া দেওয়া হইল, এখানকার কূটনৈতিক মহল তাহাও লক্ষ্য করিয়াছেন।

মার্কিন পেট্রোগনের যুদ্ধবিশারদগণ কিউবাকে সোভিয়েটের কোলে তুলিয়া দিয়া ক্ষান্ত হইতে পারেন নাই দেখা যাইতেছে। যুদ্ধই যাহাদের একমাত্র লক্ষ্য তাহারা যে তৃতীয় বিশ্বযুদ্ধ বাধাইতে ব্যগ্র হইবে সে আর আশ্চর্য্য কি ?

### রাজনীতির অভিশাপ

দেশের স্বাধীনতা সংগ্রামে বহুবর্ষ পরিয়া প্রাণপাত করিয়াও সর্বশ্ব হারাইয়া ভারতের অল্প সংখ্যক দেশভক্ত নরনারী যখন ব্রিটিশের সহিত সর্ভ করিয়া ভারতের বৃহত্তর অংশ স্বাধীন ভাবে শাসন করিবার অধিকার লাভ করিলেন, তখন সেই সকল দেশসেবকের সংখ্যালঘুদের সুযোগে বহুলোকে তাঁহাদিগের সহিত দল বাঁধিয়া রাজ্যশাসন কার্যে ঢুকিয়া পড়িল। ইহাদিগের পিছনে ছিল ভারতের বাজারের সুবিধাবাদী সুদখোরের দল ও অশ্রয়-বাণিজ্যের মহারথিবৃন্দ। চাকুরি রক্ষা করিতে ব্যগ্র পূর্বকালের ব্রিটিশ পদলেহনকারী উচ্চ রাজ-কর্মচারীগণও এই সময় হঠাৎ দেশভক্তি ও দেশনেতা-দিগের চাটুকামিতায় অকস্মাৎ পারগ হইয়া উঠিলেন। এমত অবস্থায় কংগ্রেসের দুই এক শত বুদ্ধিমান ও সাধু লোকের পক্ষে এই বিরাট দেশের শাসনকার্য্য সুশৃঙ্খলা ও শ্রায়ধর্ম্ম সুপ্রতিষ্ঠিত রাখিয়া চালান অসম্ভব হইয়া উঠিল। হয়ত, দেশের জনসাধারণের মধ্যে কংগ্রেস দলের বাহিরের যে সকল সৎ ও দেশভক্ত লোক ছিলেন, তাঁহাদিগকে ডাকিয়া লইলে, কংগ্রেস শাসনকার্য্য অশ্রায় ও অধর্ম্মবর্জিত ভাবে চালাইয়া লইতে পারিতেন। কিন্তু কংগ্রেসের নেতাদিগের ও তাঁহাদিগের স্বার্থসেবী অহুচরবর্গের পক্ষে তাহা করা সম্ভব হয় নাই। ফলে কংগ্রেসের সহিত ব্রিটিশ যুগের শ্রায়জ্ঞানহীন রাজকর্মচারী ও ব্রিটিশের দ্বারা দেশ শোষণে সুশিক্ষিত বাজারের জনশত্রু ধনিকগণের একটা সমভিব্যাহারের সম্বন্ধ স্থাপিত হইয়া গেল। অতঃপর কংগ্রেসের কিছু কিছু সাধু লোকও ধর্ম্মের পথ ছাড়িয়া অশ্রায় ও অধর্ম্মের আশ্রয়ে নিজ স্বার্থসিদ্ধি করিতে নামিয়া পড়িলেন। এই সকল লোকের মধ্যে কর্ম্মশক্তিমান পুরুষও কিছু ছিলেন, তাহাদিগকে সঙ্গে না রাখিলে কংগ্রেসের শীর্ষস্থানীয় নেতাদিগের পক্ষে রাষ্ট্রীয় ক্ষেত্রে দলের সংগঠিত

শক্তি রক্ষা করা সম্ভব হইত না। এই সকল অবস্থাবৈশিষ্ট্যের ফলে কংগ্রেসের দেশ-শাসনের কার্য্য অচিরে শতকরা নব্বই ভাগ (বা ততোধিক) ব্যক্তিই অযোগ্য, অসৎ ও কর্ম্মে অপারগ হইয়া পড়িল। উচ্চপদস্থ রাজকর্ম্মচারীগণও প্রধানতঃ অতি-বিশিষ্ট নেতা দিগকে খুশী রাখিতেই ব্যস্ত থাকিলেন ও অপরাপর ঘাটোয়ালবৃন্দ লুঠের বখরার হিসাবেই মশগুল হইয়া রহিয়া দেশের ও দেশবাসীর ভালমন্দের কথা ভাবিবার আর অবসর পাঠিলেন না। ভারতের জনসাধারণ দুইশত বর্ষের ব্রিটিশ সাম্রাজ্যবাদের ধাক্কায় যে মানসিক অবসন্নতায় আচ্ছন্ন ছিলেন সে অবস্থায় তাহারা এই নূতন অশ্রায়ের বিরুদ্ধে দাঁড়াইবেন, ইহা আশা করাই ভুল হইত। সুতরাং কংগ্রেস রাজত্বে অরাজকতা, অশ্রায়, অধর্ম্ম, অবিচার, অসৈধ্য কারবার, উৎকোচ দান ও গ্রহণ ইত্যাদি ক্রমশঃ বাড়িয়াই চলিল, এবং দেশের প্রধান প্রধান নেতাগণ অপরাধে সাফাই গাহিয়াই দিন কাটাইতে আরম্ভ করিলেন।

“প্রবাসীর” ইতিহাসের সহিত ভারতের স্বাধীনতা লাভের ইতিহাস ঘনিষ্ঠ ভাবে জড়িত। এই পত্রিকা ইহার দাঁটবৎসরাধিক জীবনকালে ব্রিটিশের অশ্রায় অবিচার ও অত্যাচারের বিরুদ্ধে ক্রমাগতই প্রতিবাদ করিয়াছে ও সেই সকল অশ্রায় প্রভৃতি প্রমাণও করিয়াছে। সুতরাং কংগ্রেসের বর্তমান “নীতির” প্রতিবাদ করাও আমরা প্রয়োজন ও কর্তব্য বলিয়া মনে করি, এবং দেশের সুনাম ও দেশবাসীর সুশ্রয় প্রতিষ্ঠা করিবার জন্ত বর্তমান শাসন-ধারার আমূল পরিবর্তন আবশ্যিক বলিয়া বোধ করি। বহুলোকেই দেশের অবস্থা বিচার করিয়া এই প্রকার সিদ্ধান্তেই উপনীত হইয়াছেন। কিন্তু দেশের নেতৃস্থানীয় লোকেরা পুনর্বার নির্দোষ-দৃষ্টি জয় লাভ করিয়া অশ্রায়ের দমন ভুলিয়া গতানুগতিকতা দোষে আরও জড়াইয়া পড়িতেছেন। ইহাই দুঃখের কথা।

### “স্বাধীনতার” ক্রমবিকাশ

ভারতে যখন ব্রিটিশ সাম্রাজ্য সুপ্রতিষ্ঠিত ছিল, তখন ভারতীয় সাধারণের রাজ দরবারের সাহায্যে কোনও প্রকার সুখ-সুবিধা লাভের সুযোগ ছিল না। যাহারা হাতজোড় করিয়া অথবা ব্রিটিশের দুর্কর্ম্মের সহায়তা করিয়া রাজশক্তির আশ্রয়ে নিজ অবস্থার উন্নতি করিয়া লইতে পারিতেন, তাহাদিগের সংখ্যা অল্পই ছিল। তাহাদিগের মধ্যে কিছু লোক ছলে ও কৌশলে বিশেষ উন্নতি করিয়া লইতে সক্ষম হইয়াছিলেন সন্দেহ নাই,

কিন্তু ভারতের জনসাধারণের অথবা যাহারা ব্রিটিশের বিরুদ্ধতায় নিযুক্ত ছিলেন; তাঁহাদিগের অবস্থা মনের ও দেশবাসীর শ্রদ্ধার ক্ষেত্রে উচ্চে থাকিলেও অপর সকল ক্ষেত্রেই দুর্দশাগ্রস্তই ছিল। ব্রিটিশ আমলের অবসানের নিকটকালে বহু লোকেই রাজশক্তির বিরুদ্ধাচরণ করিয়াছিলেন। তাঁহাদিগের মধ্যে সাঁচা লোক অনেক ছিলেন কিন্তু মতলবী লোকও ছিলেন বহু সংখ্যক যাহারা নিজেদের ভবিষ্যৎ জীবনযাত্রা সুগম হইবে ভাবিয়াই দেশসেবার অভিনয়ে নামিয়াছিলেন। কিছু ব্যবসাদারও এই সময়ে মহাত্মা গান্ধী ও অপরায় দেশ-নেতাদিগকে অর্থ দিয়া সাহায্য করিয়াছিলেন। আজ তাঁহারা সেই সকল দানের প্রতিদান হিসাবে ভারতের ব্যবসা ক্ষেত্রে বহু সুযোগ-সুবিধা একচেটিয়া করিয়া লইতে পারিয়াছেন। দেশভক্ত ও দেশসেবক যাহারা ছিলেন কংগ্রেস দলের সহিত ঘনিষ্ঠতার বন্ধনে বাঁধা; তাঁহারা “স্বাধীনতার লুঠের” কিছু কিছু ভাগ পাইয়াছেন। যাহারা যুথভ্রষ্টভাবে একাকী কিম্বা ছোট ছোট দল গড়িয়া লইয়া ব্রিটিশের সহিত সংগ্রাম করিয়াছিলেন, তাঁহারা আজ কোথায়, তাহা বলা কঠিন। কেহ কেহ কংগ্রেস ব্যতীত অন্য অন্য রাষ্ট্রীয় দলে যোগদান করিয়া-ছিলেন বলিয়া লোকচক্ষুর অন্তরালে চলিয়া যান নাই। অনেকে বর্তমান স্বাধীন ভারতের রাজশক্তি কংগ্রেসের বিরুদ্ধে সাধারণকে উদ্বুদ্ধ করিবার প্রয়াসে নিযুক্ত। অনেকে আবার রাজনীতি ত্যাগ করিয়া সম্পূর্ণরূপে নির্লিপ্ত হইয়া পড়িয়াছেন। কিন্তু ভারতের যে বিরাট লোকসমাজ তাহার অবস্থা কি দাঁড়াইয়াছে আমাদের নবলব্ধ স্বাধীনতার ফলে, তাহার আলোচনা করিলে দেখা যাইবে যে, এই স্বাধীনতা সাধারণের বিশেষ সুবিধা ও সুযোগ লাভের কারণ হয় নাই। হইয়াছে মুষ্টিমেয় কিছু স্বার্থাঘেষী লোকের অতিরিক্ত ঐশ্বর্য্য যশ ও শক্তি সুবিধা লাভের কারণ। ইহাই কি আমাদের স্বাধীনতার আদর্শ ছিল? স্বাধীনতা অর্থে কি আমরা ব্যবসা ও কারবার বৃদ্ধির কথাই ভাবিতাম, না তাহার কোনও অপর ও গভীরতর অর্থ ছিল?

বর্তমানে আমরা যাহা দেখি তাহাতে মনে হয় যে, স্বাধীনতার অর্থ জাতির সকল লোকের আমলাতন্ত্রের নিকট সম্পূর্ণরূপে আত্মসমর্পণ করিবার “অধিকার” মাত্র। কারণ বর্তমান ভারতে সকল মাহুকের গৃহনির্মাণ, বস্ত্র ও খাদ্য আহরণ, ঔষধ, শিক্ষা, বিদেশ ভ্রমণ, ব্যবসা ও কারবার চালনা, চাকুরি পাওয়া প্রভৃতি বিষয়ে পদে পদে আমলা রচিত বাধা অতিক্রম করিয়া

ও আমলাদিগের অহুমতি লাভ করিয়া তবে নিজ নিজ অভিলাষ পূর্ণ করিতে হয়। বর্তমানে আমলাতন্ত্রের রাজশক্তি ব্যবহারে নিম্নমকানুনের থাকায় কাহারও পক্ষে গৃহের জন্য সিমেন্ট, বস্ত্রবয়নের জন্ত সুতা, রন্ধনের জন্য চিনি, চিকিৎসার জন্য উপযুক্ত ঔষধ, শিক্ষা ও সাহিত্যের প্রসারের জন্য মুদ্রণের উপকরণ কাগজ প্রভৃতি সংগ্রহ করা প্রায় অসম্ভব হইয়া দাঁড়াইয়াছে। যাহাদিগের কাজকারবারের জন্ত বিদেশীয় অথবা স্বদেশ-জাত মাল-মসলা প্রয়োজন হয় তাঁহারা অসহায় ভাবে “হায় লাইসেন্স, হায় পারমিট” করিয়া ঘুরিয়া মরিতেছেন। তাঁহাদিগের সর্বস্বাস্ত হইয়া যাওয়া কিম্বা তাঁহাদিগের কারবারে-নিযুক্ত শ্রমিকদের বেকার অবস্থার জন্য দায়ী ভারতের আমলারাজ।

বর্তমান ভারতের রাষ্ট্র ও সমাজের বিলিব্যবস্থার রীতি-নীতি আলোচনা করিলে দেখা যায় যে, কংগ্রেস সরকারের যাহারা নেতা তাঁহারা দেশ ও সমাজের একচ্ছত্র অধিপতি এবং সকল সুযোগ-সুবিধা তাঁহাদিগের অহুচর-দিগের জন্তই সুরক্ষিত ও একচেটিয়া করিয়া রাখা হইয়াছে। অপর যাহারা আছেন তাঁহাদিগের মধ্যে দুঃসাহসী ও দুর্দান্ত চরিত্রের ব্যক্তিগণ চুরি, ডাকাতি, গুপ্তভাবে মাগুল না দিয়া মাল আমদানি, চোরাই মাল বিক্রয়, উৎকোচ দান করিয়া সুবিধা আহরণ প্রভৃতিতে নিযুক্ত থাকেন। অর্থাৎ সকল দিক দিয়া সমাজ ও রাষ্ট্রের অঙ্গপ্রত্যঙ্গ পর্য্যবেক্ষণ করিলে দেখা যায় যে, বর্তমান ভারতে রাষ্ট্রীয় দলের চাটুকারণিতা অথবা মিথ্যা ও অধর্মের আশ্রয় গ্রহণ ব্যতীত আর্থিক উন্নতির কোন পথ নাই। এই হীন অবস্থার নাম যদি সোসিয়ালিজম হয় তাহা হইলে সে সোসিয়ালিজম বড়ই ঘৃণ্য প্রতিষ্ঠান। এখন দেখা যাউক, প্রথমতঃ যে কাহারো এই বিরাট শাসন প্রতিষ্ঠান অর্থাৎ এই দেশ ও প্রদেশের রাজতুলি চালাইতেছেন। এই কার্যের মূলে রহিয়াছে কংগ্রেস ও তাহার সহিত প্রতিদ্বন্দ্বিতায়ুক্ত কম্যুনিষ্ট ও অপরায় “বাম”পন্থী রাষ্ট্রীয় দলগুলি। ইহারা ভারতীয় জন-সাধারণকে বুঝাইয়াছেন যে, তাঁহারা রাষ্ট্রের মালিক ও তাঁহারা ভোট দিয়া যাহাকে রাজকার্য্যে বসাইতে ইচ্ছা করিবে সেইই লোকসভা, বিধান সভা প্রভৃতি অলঙ্কৃত করিয়া দেশ শাসনের কাজ করিতে পারিবে। গতানুগতিক ভাবে রাজকার্য্য চলিতে থাকে, সকল অন্ডায় ও অধর্মকে একপ্রকার মানিয়া লইয়া, দেশ-বাসী নিঃস্ব ও অসহায় অবস্থায় ক্রমশঃ দুর্দশার অতলে যাইয়া পড়িতেছেন। দলের লোকে ষত বড়ই

হ'ক না কেন তাহার ত কোন শাস্তি হয়ই না, উপরন্তু তাহাদিগকে ঘুরাইয়া-ফিরাইয়া বারে বারে কর্ষে নিযুক্ত করা হয়। দলের লোক যত বড়ই নিরক্ষর ও নিরক্ষর হউক না কেন, তাহাকে বারে বারে মন্ত্রীহে অথবা অপর কোন উচ্চ আসনে বসাইতেই হইবে। এই যে নিয়োগ ও উচ্চাসনে স্থাপনের পদ্ধতি ইহার তুলনায় পরিবারগত জমিদারী ও রাজা মহারাজার রাজত্ব কোনও অংশে নিকট ছিল না। পূর্বকালে বংশানুক্রমিক ভাবে পাগলেও রাজা হইতে পারিত। নিরক্ষর ও অধাৰ্মিক তো হইতই। এখন প্রায় শতবর্ষ ধরিয়া স্বাধীনতা, ন্যায় ও ধর্মের কথা আওড়াইয়া যদি আমরা তাবার সেই গর্হিত ও ঘৃণ্য “অভিজাত” বাদেই আর একটি অধিকতর অপরিষ্কার ও কোলিন্যা-বর্জিত সংস্করণ সমাজের স্বল্পে স্থাপন করি তাহা হইলে আমাদিগের উত্তরাধিকারী ভবিষ্যৎ ভারতের বাসিন্দাগণ আমাদিগকে স্মরণ করিয়া যে নিষ্কলন ত্যাগ করিবে, ইহাতে সন্দেহ নাই। যে নির্বাচনপদ্ধতির ফলে দেশের সর্কাপেক্ষা অকর্মী, অশিক্ষিত ও অধাৰ্মিকদিগের দ্বারা দেশ-শাসনকার্য চালিত হইতে পারে সে পদ্ধতির মূল্য বিচার করাও প্রয়োজন। স্বাধীনতা ও মুক্তির হাওয়া যে দেশে বহিতে পারে না আমলা-গঠিত নিয়মের প্রাকার অতিক্রম করিয়া, এবং যে দেশে অন্যায় ও অধর্ম ব্যতীত সাধুভাবে কেহ কোনও কিছু করিতে পারে না, এবং যে দেশে চাটুকারণিতা ও ছুষ্ঠের সহায়তা না করিয়া কাহারও পক্ষে কোনও কিছু করা বা পাওয়া সম্ভব নহে; সেই দেশে স্বাধীনতা আছে, ইহা উচ্চকণ্ঠে কে প্রচার করিবে? শুধু সেই করিবে যাহার এই পাকাপরিষ্কৃতিতে লাভের সম্ভাবনা ও আমদানি আছে।

কংগ্রেসের ভারতে রাজত্ব, জমিদারী অথবা “গদি” পুনঃস্থাপন করিবার যে প্রচেষ্টা ও আমলাবর্গের হস্তে ভারতবাসীকে বিনা সর্ভে সমর্পণ করিয়া দিবার যে মহাপাপ, তাহার জন্য কংগ্রেসের নেতাগণই প্রধানত দায়ী। কিন্তু তথাকথিত বামপন্থিগণও ইহার জন্ত দায়ী। কেননা তাঁহারা কংগ্রেস প্রতিষ্ঠিত রাষ্ট্রীয়-পন্থা অহুসরণ করিয়া চলিতে সেরূপ কোনও আপত্তি জানান নাই যাহা হইতে মনে হইতে পারে যে তাঁহারা উক্ত পন্থাকে অন্যায়, অধর্ম ও পাপপ্রবৃত্তি-সহায়ক বলিয়া মনে করেন। বর্তমান ক্ষেত্রে যদি কোন বিরুদ্ধ-দলের সাহায্যে ভারতের ন্যায় ও ধর্মের পুনঃপ্রতিষ্ঠা সম্ভব করিতে হয়, তাহা হইলে সে দল গঠিত হওয়া প্রয়োজন। যে সকল দল আছে সেগুলি কংগ্রেসের

প্রতিযোগিতা করিলেও সকলেরই অন্তরের ভাব ও রাষ্ট্রীয় অভিলাষ একই। অর্থাৎ দেশবাসীকে দমন দলন ও শোষণ করিয়া নিজ নিজ দলের প্রভুত্ব সুপ্রতিষ্ঠিত করা। স্বাধীনতার অর্থ বর্তমান পরিস্থিতিতে যাহা দাঁড়াইয়াছে তাহাতে ভারতের জনসাধারণ পুনর্বার স্বাধীনতাসংগ্রামে নিযুক্ত হইলে তাহাতে কেহ গভীর আপত্তি জানাইতে পারেন না।

### রামানন্দ চট্টোপাধ্যায়ের ৯৮তম জন্ম-বার্ষিকী

গত ১৬ই জ্যৈষ্ঠ রামানন্দ চট্টোপাধ্যায়ের ৯৮তম জন্ম-বার্ষিকী উৎসব আনুষ্ঠানিকভাবে প্রবাসী অফিসে সম্পন্ন হইয়া গেল। এই সভায় পৌরোহিত্য করিয়াছিলেন ডঃ উপেন্দ্রনাথ ঘোষাল। সভায় অনেকেই উপস্থিত ছিলেন—সাহিত্যিক, সাংবাদিকগণও উপস্থিত হইয়া তাঁহার উদ্দেশ্যে প্রদ্বা নিবেদন করিয়া গিয়াছেন। পণ্ডিত বানারসী দাস চতুর্বেদী, ডঃ কালিদাস নাগ এবং দেবজ্যোতি বর্ষণ প্রভৃতি তাঁহাদের বক্তৃতায় কয়েকটি উল্লেখযোগ্য কথা বলিয়াছেন। দেবজ্যোতি-বাবু বলিলেন, ‘শুধু সাংবাদিকতা নয়, ভারতের স্বাধীনতার ইতিহাসের অর্ধশতাব্দীর সঙ্গে জড়িত হইয়া রহিয়াছেন রামানন্দ চট্টোপাধ্যায়। সাংবাদিকতার যে আদর্শ তিনি স্থাপন করিয়াছিলেন আজ তাহা স্থলিত হইয়াছে এবং তার পরিণাম শুভ হয় নাই। তিনি আরও বলিয়াছেন, রামানন্দ চট্টোপাধ্যায়ের রচনাবলীর একটি সংকলন প্রকাশিত হইলে আধুনিক সাংবাদিক এবং রাজনীতিবিদ উভয়েই সমান উপকৃত হইতে পারিতেন।’

একথা খুবই সত্য, সাংবাদিক হিসাবে তিনি একটি দৃষ্টান্ত রাখিয়া গিয়াছেন। এরূপ নির্ভীক নিরপেক্ষ সমালোচনা—যাহার আজও জুড়ি মিলিল না, বিশেষ করিয়া নিজেকে ধরা না দিয়া যেটুকু বলিবার তাহা বলা—এ সংযম আর কাহারও মধ্যে দেখা যায় না। তিনি ছিলেন জীবন্ত ‘এনসাইক্লোপিডিয়া’। যখনই যাহার প্রয়োজন হইয়াছে, তিনি ছুটিয়া আসিয়াছেন রামানন্দ-বাবুর কাছে। সাংবাদিকতার এ দৃষ্টান্ত এদেশে বিরল। সেযুগে রবীন্দ্রনাথের সঙ্গে রামানন্দর নাম একই সঙ্গে উচ্চারিত হইত। এমনি ঘনিষ্ঠ ছিলেন তাঁহারা উভয়ে। ‘প্রবাসী’ই একমাত্র পত্রিকা যেখানে রবীন্দ্রনাথের প্রায় সকল রচনাই প্রকাশিত হইয়াছে। আজ যাহারা খ্যাতনামা সাহিত্যিক, তাঁহাদের সে যশের স্মৃতি রাখিয়া দিয়াছে এই প্রবাসীই। প্রবাসীতে লেখা বাহির হইলে জাতে উঠা যাইবে এমনি ধারণা ছিল তাঁহাদের। তাই প্রবাসী শুধুমাত্র পত্রিকা নয়, একটা আইডিয়া।

আর দুই বৎসর পরে এই মহাপুরুষের শতবৎসর পূর্ণ হইবে। পণ্ডিত বানারসী দাস চতুর্বেদী মহাশয় বলিলেন, ভারতের অন্যান্যস্থানে তাঁহার এই শতবার্ষিকী জন্মোৎসবের উদ্বোধন-আয়োজন ইহারই মধ্যে শুরু হইয়া গিয়াছে। দুঃখের বিষয় বাংলা দেশ নীরব। তবে একথা বিশ্বাস করি, গুণিজনের সংবর্ধনায় বাংলার তরুণদল নিশ্চয়ই আগাইয়া আসিবে।

পরিশেষে আর একটি কথা বলা প্রয়োজন, মধ্য কলিকাতার 'নাট্যম' সঙ্গীত পরিবেশনের দায়িত্ব লইয়া সেদিন অস্থানটিকে সর্কাসসুন্দর করিয়াছে।

### রমেশচন্দ্র সেন

খ্যাতনামা সাহিত্যিক রমেশচন্দ্র সেন গত ১লা জুন তারিখে তাঁহার সিংথির বাসভবনে পরলোক গমন করিয়াছেন। মৃত্যুকালে তাঁহার বয়স ৬৮ বৎসর হইয়াছিল।

রমেশচন্দ্র ১৩০১ সালের ৭ই চৈত্র ফরিদপুর জেলার কোটালিপাড়া গ্রামে জন্মগ্রহণ করেন। তাঁহার পিতার নাম কীরোদচন্দ্র সেন।

সাহিত্য-জীবনের সূর্য্যোদয়েই রমেশচন্দ্র 'সাহিত্য সেবক সমিতি' প্রতিষ্ঠা করেন। অর্ধশতাব্দী পূর্বে স্থাপিত এই প্রতিষ্ঠানটি বাংলা দেশের অল্পতম প্রাচীন সাহিত্য সংস্থা। এই সমিতির সুবর্ণ জয়ন্তীর উদ্যোগ-আয়োজনে কিছুদিন হইতে তিনি খুব ব্যস্ত ছিলেন। তিরিশের দশকে এই সমিতিতে যাহারা কবিতা, গল্প ও প্রবন্ধাদি পাঠ করিতেন এবং যাহারা সেই সমস্ত পাঠিত রচনা লইয়া আলোচনা করিতেন, আজ তাঁহাদের অনেকেই যশস্বী লেখক। তিনি নিজেও কুশলী সাহিত্যিক ছিলেন। তাঁহার বহু গল্পই প্রবাসীতে প্রকাশিত হইয়াছে। তাঁহার 'শতাব্দী', 'কুরপালা', 'পূব থেকে পশ্চিমে', 'নিঃসঙ্গ বিহঙ্গ', প্রভৃতি উপন্যাসে তাঁহার সমাজ-জ্ঞান ও জীবন-বোধের যে খনিষ্ঠ পরিচয় আছে, গল্প ও সংলাপ-গ্রন্থনে এবং চরিত্র বিশ্লেষণে যে নৈপুণ্যের স্বাক্ষর আছে, তা খুব অল্প শুরের জিনিস নয়। তিনি ছিলেন আত্মসমাহিত উদাসীন স্বভাবের মানুষ। বিশেষ করিয়া, তাঁহার মত অমায়িক, শাস্ত সাহিত্যগত প্রাণ খুব কমই দেখা গিয়াছে। তিনি নবীন, প্রবীণ সকলেরই বন্ধু ছিলেন। তাঁহার মৃত্যুতে একজন সহৃদয় সাহিত্যিক ও সজ্জন বাঙালীর আসন শূন্য হইল।

### ছবি বিশ্বাস

বাংলার জনপ্রিয় অল্পতম শ্রেষ্ঠ অভিনেতা ছবি বিশ্বাস গত ১ই জুন মোটর দুর্ঘটনার নিহত হইয়াছেন। তিনি ঐদিন সপরিবারে মোটরযোগে তাঁহার পৈতৃক বাসভবন

বারাসতের নিকট জাগুলিয়ায় আসিতেছিলেন। পথিমধ্যে মধ্যমগ্রামের নিকট বিপরীতগামী একটি লরীর সহিত ধাক্কা লাগিয়া এই দুর্ঘটনা ঘটে। তিনি ঘটনাস্থলেই মারা যান এবং তাঁহার স্ত্রী এবং অল্পাত্ম আরোহীরা আহত হইয়া আর. জি. কর হাসপাতালে ভর্তি হ'ন। বিশ্বাসের এই আকস্মিক মৃত্যু সকলকে অভিভূত করিয়া দিয়াছে। মৃত্যুকালে তাঁহার বয়স ৬২ বৎসর হইয়াছিল।

তিনি কলিকাতায় ১৯০০ সনের ১৩ই জুলাই জন্মগ্রহণ করেন। তাঁহার পিতার নাম ভূপতিনাথ বিশ্বাস। জাগুলিয়ার সম্ভ্রান্ত জমিদার বংশের আভিজাত্য তাঁহার আচার-আচরণে সর্কদাই প্রকাশ পাইত। কলিকাতার হিন্দু স্কুলে তাঁহার অধ্যয়ন শুরু হয়। প্রবেশিকা পরীক্ষায় উত্তীর্ণ হইবার পর, তিনি কিছুদিন প্রেসিডেন্সী কলেজে পড়াশুনা করেন। এই সময় হইতেই তাঁহার অভিনয় করিবার কোঁক প্রবল হইয়া উঠে। বিশেষ করিয়া, শিশিরকুমারের অভিনয়-নৈপুণ্য সে সময় তাঁহার উপর অনেকখানি প্রভাব বিস্তার করে।

সিকদার বাগানের বাঙ্গুর সমাজে 'নদীয়া বিনে দ' যাত্রাভিনয়ে তিনি প্রথম আত্মপ্রকাশ করেন। তাঁহার 'নিমাই' সে সময় অশেষ খ্যাতিলাভ করিয়াছিল।

সাধারণ রঙ্গমঞ্চে প্রবোধ গুহের আমুকুল্যে 'মীরকাসিম' নাটকে নামভূমিকায় অভিনয় করিয়া তিনি যে জনপ্রিয়তা অর্জন করেন, সে-খ্যাতি তিনি কোনদিন ম্লান হইতে দেন নাই। তাঁহার অসাধারণ প্রতিভাই তাঁহাকে সর্বোচ্চ আসনে বসাইয়া দিয়াছে। তিনি ছিলেন চরিত্রাভিনেতা। এই অভিনয়ে তিনি আত্ম ও অধিতীয়। জীবনে তিনি কি চিত্র-জগতে, কি মঞ্চ-জগতে বহু অভিনয় করিয়াছেন এবং প্রত্যেকটি অভিনয়ই অতুলনীয়। সবচেয়ে বড় বৈশিষ্ট্য ছিল তাঁহার অভিনয়ে সংযম-যাহা অনেকের মধ্যেই নাই। তাঁহার 'কাবুলিওয়ালা', 'প্রতিশ্রুতি' ও 'সাহেব বিবি গোলাম' ভুলিবার নয়।

তিনি বহু শিল্প-সংস্কার সহিত জড়িত ছিলেন। অভিনেতা সজ্জ তাহাদের অল্পতম। কেন্দ্রীয় সঙ্গীত-নাটক আকাদেমী ১৯৬০ সনে তাঁহাকে তাঁহার নাটক ও চলচ্চিত্রে অভিনয় শ্রেষ্ঠতার জন্য সম্মানিত করেন।

ব্যক্তিগত জীবনে তিনি ছিলেন মিতভাবী। কিন্তু তিনি সকলেরই বন্ধু ছিলেন। এমন সদালাপী বন্ধুবৎসল হান্তরসিক পুরুষ এযুগে দুর্লভ। এদিক দিয়া তাঁহার অভাব যেমন পূর্ণ হইবার নহে, তেমনি অপূরণীয় ক্ষতিও হইল সমগ্র বাংলা দেশের নাট্য ও চিত্রজগতের।



# গণতন্ত্র, গণতন্ত্রের সঙ্কট ও ভারত

প্রতিযোগিতায় চতুর্থ পুরস্কার প্রাপ্ত প্রবন্ধ

শ্রীহুলাল দেববর্মণ

ভারত স্বাধীন হবার পর চতুর্দশ বর্ষ অতিক্রান্ত হ'ল। স্বাধীনতালাভের এই দীর্ঘকাল পরেও কিন্তু একটা প্রশ্ন জেগে রয়েছে ভারতবাসীর মনে—যে স্বাধীনতা আমরা চেয়েছিলাম, ঠিক সেই স্বাধীনতা আমরা পেয়েছি কি না? বিদেশীর শাসনমুক্ত ভারত আমরা পেয়েছি সত্য, কিন্তু প্রকৃত স্বাধীনতা কি পেয়েছি?

এখানে এই 'স্বাধীনতা' এবং 'প্রকৃত স্বাধীনতা' কথা দু'টির মধ্যে কোন পার্থক্য আছে কি না ভাববার বিষয়। কয়েক শতাব্দী পূর্বে স্বাধীনতা বলতে আমরা যা বুঝতাম এখন ঠিক তা বুঝি না। রাজা বা শাসনকর্তার স্বাধীনতাই তখন ছিল যথেষ্ট, কিন্তু এখন আমরা চাই প্রজার স্বাধীনতা। এই প্রজা তথা জনসাধারণের স্বাধীনতা আসলে যে কি তার আলোচনা করতে গিয়ে আমরা পৌঁছই গণতন্ত্রে। গণতন্ত্র কথাটার অর্থ জনসাধারণের নিজেদের শাসনতন্ত্র। জন সংখ্যার বিশালতার মত গণতন্ত্রও অত্যন্ত ব্যাপক এবং উদার। কেবল রাজনৈতিক কার্যকলাপের মধ্যে নয়, সামাজিক, অর্থনৈতিক এবং সাংস্কৃতিক জীবনেও গণতন্ত্রের সীমানা বিস্তৃত। বস্তুতঃ গণতন্ত্র মানুষের জীবনকে আজ এত দিক দিয়ে স্পর্শ করেছে যে, তাকে একটি তন্ত্র বা মতবাদ না বলে জীবনাচরণের দর্শন বললেই ঠিক বলা হয়।

গণতান্ত্রিক আদর্শের ব্যাপ্তির মধ্যে কিছুটা স্থিতিস্থাপক গুণও রয়েছে। গণতন্ত্রকে দু'দিক থেকে টানলে একদিকে তা যেমন স্পর্শ করে ধনতন্ত্রকে, অপরদিকে তেমনি সমাজতন্ত্রকে। রাজনৈতিক পরিভাষায় গণতন্ত্রের এই প্রথম অবস্থার নাম বুর্জোয়া গণতন্ত্র এবং দ্বিতীয় অবস্থার গণতান্ত্রিক সমাজতন্ত্র। বর্তমান যুগে গণতন্ত্রের এই শেষের স্তরটাই সকলের কাম্য। একক ভাবে গণতন্ত্র বা সমাজতন্ত্র কেউ আজ মানুষের চাহিদা পূরোপুরি মেটাতে পারে না। ব্যক্তি-স্বাধীনতা এবং সামাজিক সাম্য উভয়ই আমাদের সমপ্রয়োজন। ব্যক্তি হিসাবে মানুষ যতখানি সত্য, সামাজিক প্রাণী হিসাবেও ঠিক ততখানি। গণতন্ত্র মানুষের এই উভয় সত্যকেই মৌলিক বলে স্বীকার করে।

গণতন্ত্র ও সমাজতন্ত্রকে আরও কাছে এনে যাচাই করে দেখা যায়। আসলে জিনিস দুটো একই বস্তুর দুটো পিঠ। এই দু'পিঠের নাম হচ্ছে রাজনৈতিক স্বাধীনতা এবং অর্থনৈতিক সাম্য। এ দুটো জিনিসকে বিচ্ছিন্ন করা আজকের দিনে সত্যিই কঠিন। এ যুগে তাই গণতন্ত্র ও সমাজতন্ত্র পরস্পরের পরিপূরক দু'টি আদর্শ। গণতন্ত্র ও সমাজতন্ত্র পরস্পরের কাছ থেকে যখন যতটা দূরে সরে যায়, তাদের মধ্যে ক্রটি এবং বিচ্যুতিও দেখা দেয় তত বেশী। এই ক্রটি এবং বিচ্যুতিকে আমরা ভাগ করে থাকি দুই ভাগে। অত্যান্ত সমস্ত বিষয়ের মত গণতন্ত্রও মাঝে মাঝে সঙ্কটাপন্ন হয়ে পড়ে, এবং তা পড়ে ঐ দু'টি কারণে। প্রথম কারণ হচ্ছে গণতন্ত্রকে কার্যকর করার পথে পহাগত, দ্বিতীয়—ভিন্ন আদর্শ এবং কর্মসূচীর সঙ্গে সংঘাত-জনিত। গণতান্ত্রিক আদর্শের অগ্রগতির আলোকে এই উভয়বিধ ক্রটি এবং বিপদের পটভূমিকায় দাঁড় করাতে চাই ভারতকে। ভারতের রাজনৈতিক অবস্থার কাঠামোয় অর্থনৈতিক ব্যবস্থার কাদামাটি এবং সাংস্কৃতিক রুচিবোধের রং মাখিয়ে যে মূর্তিটি আমরা খাড়া করি—তা কি সত্যিই গণতন্ত্রের?

যে কোন রাষ্ট্র-ব্যবস্থার দু'টি সজীব অঙ্গ সরকার এবং জনসাধারণ। গণতান্ত্রিক ব্যবস্থায় সরকার এবং জনসাধারণ পরস্পর সংবদ্ধ। যুগের পর যুগ ধরে যে সব সমস্যার সঙ্গে লড়াই করে এসেছে মানুষ, গণতন্ত্র তারই একটা ধারাবাহিক অভিজ্ঞতা। সর্বাধিক জনসাধারণ কর্তৃক নির্বাচিত সরকার জনসাধারণের সর্বাধিক কল্যাণে নিবৃত্ত থাকবে, এটা গণতন্ত্রের আবশ্যিক দাবী। পতন-অভ্যুদয়ের বহু বন্ধুর পহার মধ্য দিয়ে অগ্রসর হয়ে ভারতের জনগণও আজ এই গণতন্ত্রের আদর্শেই উৎসাহ হয়ে উঠেছে। গণতন্ত্র আজ ভারতের জাতীয় স্বীকৃতি অর্জন করেছে। সম্প্রতি ভারতের সরকার তথা শাসক দল সমাজতান্ত্রিক আদর্শের সংকল্প ঘোষণা করেছেন। বলা বাহুল্য, এই ঘোষণার পর ভারতে গণতন্ত্রের ভূমিকা আরও বিস্তৃত হয়ে উঠেছে।

গণতান্ত্রিক আদর্শ এবং কর্মপন্থার আলোচনা প্রসঙ্গে

এবার দেখা যাক, ভারতে গণতন্ত্র প্রতিষ্ঠিত হয়েছে কি না, অথবা তা হতে চলছে কি না। গণতন্ত্রের সঙ্গে সংশ্লিষ্ট কয়েকটি প্রশ্নকে শিরোলৈখ হিসাবে উল্লেখ করে আমরা আলোচনাটি সংবদ্ধ করবার চেষ্টা করব।

### নির্বাচন

গণতান্ত্রিক পন্থার প্রথম হাতিয়ার হচ্ছে ব্যাপক নির্বাচন। উন্মাদ ও বিকৃত-মস্তিষ্ক ব্যতীত প্রাপ্তবয়স্ক প্রত্যেক নরনারী এই নির্বাচনে অংশ গ্রহণ করতে পারে। স্বাধীনতা লাভের পরে গণতন্ত্রের পথে ভারতের প্রথম পদক্ষেপ প্রাপ্তবয়স্কের ভোটাধিকার। কিন্তু একটা কথা, এদেশে প্রাপ্তবয়স্কের ভোটাধিকার প্রতিষ্ঠিত হয়েছে সত্য, কিন্তু সর্বত্র এ অধিকার সার্থক হয়ে উঠছে না। ব্যাপক অশিক্ষা এবং রাজনৈতিক চেতনার অভাব এর প্রধান কারণ। তা ছাড়া, এই ভোটাধিকারের ফলে নির্বাচক-সংখ্যা যথেষ্ট বৃদ্ধি পেলেও নির্বাচন-প্রার্থী হবার সুযোগ যথেষ্ট সম্প্রসারিত হয় নি। রাজনৈতিক জ্ঞানের অভাব এবং তার প্রয়োগ সম্বন্ধে ঔদাসীন্য, উপযুক্ত নির্বাচক তৈরীর পথে একটি বড় বাধা। অপর পক্ষে রাজনৈতিক জ্ঞান এবং অত্যাচার বহু গুণ থাকা সত্ত্বেও শুধু দারিদ্র্য এবং অর্থাভাব বশতঃ বহু যোগ্য ব্যক্তি নির্বাচন-প্রার্থী হতে পারে না। বহু অযোগ্য এবং অসহৃদেণ্ড-প্রণোদিত ব্যক্তি কেবল টাকার জোরে এবং প্রচার কৌশলে 'ভোট চুরি' এবং 'ভোট ক্রয়' করে নির্বাচনের বৈতরণী পার হয়ে যায়। নির্বাচনের সাফল্যের ব্যাপারে টাকা এবং প্রচারের এই ভূমিকা যে কোন গণতান্ত্রিক দেশের পক্ষে কলঙ্ক-স্বরূপ। ভারতে গণতন্ত্র গতিশীল এবং প্রাণবন্ত হয়ে উঠতে পারছে না অনেকটা এই কারণে।

গত সাধারণ নির্বাচন দুটোর ফলাফলের দিকে তাকালে দেখা যায়, ভারতের শাসকদল অধেকেরও কম ভোট পেয়ে ক্ষমতায় অধিষ্ঠিত হয়েছে। এই সংখ্যা মোট প্রদত্ত ভোটের শতকরা চল্লিশের কাছাকাছি। দেখা যাচ্ছে, প্রদত্ত ভোটের শতকরা ষাটটি ভোট কংগ্রেস পায় নি, কিন্তু একক দল হিসাবে সংখ্যাগরিষ্ঠ হওয়ার শাসন-ক্ষমতা দখল করে বসেছে। বহুদল প্রথার কুফলের ফলেই অবশ্য এটা সম্ভব হয়েছে। গণতন্ত্রের একটা মৌলিক সর্ভ হচ্ছে—অধিকসংখ্যক জনগণের দ্বারা নির্বাচিত সরকার। ভারতের বর্তমান সরকার কিন্তু গণতন্ত্রের এই প্রথম সর্ভটিই পূরণ করতে পারে নি।

এই বিরূপ দেশে প্রত্যক্ষ নির্বাচন সত্যিই অসম্ভব ব্যাপার। কিন্তু সার্থক গণতন্ত্রের জন্ম সেখানেই সহজ হয় যেখানে নির্বাচন-প্রথা প্রত্যক্ষের যথাসাধ্য কাছাকাছি

থাকে। পরোক্ষ নির্বাচন জনসাধারণের মনে বিশেষ আশা বা প্রেরণার সৃষ্টি করতে পারে না। উদাহরণ-স্বরূপ বলা যেতে পারে, রাষ্ট্রপতি বা প্রধানমন্ত্রীর নির্বাচনে জনসাধারণ নিষ্ক্রিয় দর্শক থাকে মাত্র। নির্বাচন-ব্যবস্থারই ক্রটির ফলে দেখা যায়, সমগ্র দেশের ভাগ্য-বিধাতা হয়েও প্রধানমন্ত্রী ক্ষুদ্র একটি অঞ্চলের প্রতিনিধি মাত্র। গণতান্ত্রিক আদর্শ এবং কর্মসূচীর মধ্যে এ এক বিরূপ পার্থক্য।

### দল

গণতান্ত্রিক শাসনের একটি অপরিহার্য অঙ্গ একাধিক রাজনৈতিক দল। একদলীয় শাসনে গণতন্ত্র কখনও মাথা তুলতে পারে না, কারণ সেখানে শাসকদলের স্বার্থ এবং সঙ্ঘীর্ণতা সমস্ত স্বাধীন চিন্তাকে চেপে রাখে। গণতান্ত্রিক ব্যবস্থায় শাসকদলের সঙ্গে বিরোধীদের উপস্থিতি আবশ্যিক। অবশ্য এক্ষেত্রে উভয় দলকেই গণতন্ত্রে বিশ্বাসী হতে হবে। সরকার তথা শাসকদল যদি অগণতান্ত্রিক উপায়ে বিরোধীদের দমন করতে থাকে, বিরোধীদের বাধ্য হয়ে গোপন আন্দোলন, অন্তর্ঘাতী কার্যকলাপ বা বিপ্লববাদের আশ্রয় নেয়। অপরপক্ষে বিরোধীদের যদি গণতান্ত্রিক বিরোধিতায় সন্তুষ্ট না থেকে বিদ্রোহ এবং ধ্বংসাত্মক কার্যাবলী শুরু করে দেয়, সরকারও তখন লাঠি, গুলী এবং কালা-কাহনের সাহায্য নিয়ে বিরোধীদের দমন করতে অগ্রসর হয়। ফলে গণতন্ত্রের সকল সম্ভাবনা তখন তিরোহিত হয়। গণতন্ত্র মুক্তপক্ষ বিহীন মত। দু'টি পাখা মেলে সে উড়ে চলতে থাকে গন্তব্যের দিকে। কিন্তু দলতন্ত্রের এই ছরবছা নষ্ট করে দেয় তার উড়বার ক্ষমতা। সরকার ও বিরোধী পক্ষ গণতন্ত্রের দু'টি পাখা, এদের একটিও যদি কোনক্রমে ভেঙে পড়ে বা পশু হয়ে যায়, পাখী অমনি মুখ খুবড়ে পড়ে মাটিতে। গণতন্ত্রের আর একটি দোষ, তার কোঁক শুধু পরিমাণের দিকে, গুণের দিকে নয়। 'ক্রট মেজরিটি'র জোরে সংখ্যাগুরুদল নিজেদের যে কোন প্রস্তাব—তা যতই কেননা জনস্বার্থবিরোধী হোক, অনায়াসে পাস করিয়ে নিতে পারে। সংখ্যালঘু পক্ষের প্রতিবাদ এক্ষেত্রে অরণ্যে রোদন ছাড়া আর কি?

সরকার-বিরোধী দলগুলির একটা মস্ত বিপদ হচ্ছে দলের সংখ্যাধিক্য। বিরোধীদের সংখ্যা যত বেশি হবে, শাসকদল তত শক্তিশালী হবে। ভারতে বিরোধীদের সংখ্যা বড় বেশি এবং তাদের নিজেদের মধ্যে ঐক্য নেই বললেই চলে। অনেক ক্ষেত্রে ক্ষুদ্র ক্ষুদ্র দলগুলির কোন স্পষ্ট আদর্শ পর্যন্ত নেই। নেতৃত্বের জন্ত

ধন্দ আর বিবেচকে সম্বল ক'রে এরা রাজনীতির রঙ্গমঞ্চে অবতীর্ণ হয়ে থাকে। ভারতে এমন অনেক 'সর্বভারতীয়' দল আছে যাদের অস্তিত্ব এবং পরিচিতি একটি জেলা বা কয়েকটি শহরের মধ্যে সীমাবদ্ধ।

বস্তুতঃ এই ধরনের দলতন্ত্র একটি স্ববিরোধী ব্যাপার এবং তা গণতন্ত্রের পরিপন্থীও। সঙ্কীর্ণ দলনীতির ফলে মানুষ বৃহত্তর স্বার্থের কথা প্রায়ই ভুলে যায়। মানুষের প্রতি মর্যাদা এবং ভ্রাতৃত্ববোধ গণতান্ত্রিক আদর্শের অমূল্য সম্পদ। সংকীর্ণ দলীয় স্বার্থ এই অমূল্য সম্পদকেও মূল্যহীন করে তোলে। অপরদলের লোকের প্রতি অবিশ্বাস এবং নির্বিচারে তাদের আদর্শকে অশ্রদ্ধা করা দলতন্ত্রের সবচেয়ে বড় অভিশাপ। দলীয় বিবেচনের ফলে একই দেশের মধ্যে যেন একাধিক জাতির সৃষ্টি হয় এবং নিজের দেশবাসীকে অনেক সময় বিদেশীর চেয়েও পর বলে মনে করা হয়। বিদেশের প্রতি প্রেম এবং স্বদেশের প্রতি বিমুগ্ধতা গণতান্ত্রিক চেতনাকে মূঢ় করে তোলে।

#### বিভেদ

দলীয় সংকীর্ণতার পরে আর যে দু'টি বিপদের কথা মনে পড়ে, তা হচ্ছে সাম্প্রদায়িকতা এবং প্রাদেশিকতা। এর প্রথমটি হচ্ছে বিদেশী সাম্রাজ্যবাদের বাই-প্রোডাক্ট এবং দ্বিতীয়টি কংগ্রেসী শাসন-ব্যবস্থা। সম্প্রতি এই সঙ্গে আরও একটি সমস্কার যোগ ঘটেছে, তা হচ্ছে—ভাষা-সমস্কা। সাম্প্রদায়িকতার বিষয় আজ অনেকটা স্তিমিত। গত নির্বাচনে হিন্দুমহাসভা ভারতের রাজনৈতিক ইতিহাসের পাতা থেকে বিদায় নিয়েছে। কেরল, পশ্চিমবঙ্গ এবং মাদ্রাজে, দল হিসেবে মুসলিম লীগ আবার মাথা চাড়া দিবার চেষ্টা করছে। তবে সাম্প্রদায়িকতার সঙ্গে দৌড়ের পালায় বর্তমানে প্রাদেশিকতাই অগ্রসর। প্রাদেশিকতার ঘন্ডে সংশ্লিষ্ট রাজ্যগুলি জড়িত থাকায় সমাধান তাদের আয়ত্তের বাইরে। কেন্দ্রীয় সরকার যদি সম্পূর্ণ নিরপেক্ষ এবং গণতান্ত্রিক উপায়ে এই সমস্কার সমাধানে অগ্রসর হতেন তা হ'লে বিপদ এতদূর গড়াত না। কেন্দ্রীয় সরকারের নিষ্ক্রিয় এবং দুর্বল নীতি, রাজ্যবিশেষের প্রতি অশোভন অহুগ্রহ এবং অস্ত্রের প্রতি বিমাতৃসুলভ ব্যবহার বিপদকে আরও বাড়িয়ে তুলেছে। প্রাদেশিকতার সঙ্গে ভাষা-সমস্কা যুক্ত হওয়ার সম্প্রতি অবস্থা আরও জটিল হয়ে উঠেছে। ভাষা হচ্ছে মানুষের বিকাশের সবচেয়ে অন্তরঙ্গ মাধ্যম। মানুষের কণ্ঠ থেকে তার মাতৃভাষাকে ছিনিয়ে নেবার মত নির্ভরতা খুব কমই আছে। মাতৃভাষার প্রকাশকে রুদ্ধ করে গায়ের জোরে অন্য ভাষা চাপানোর নাম ভাষা-

সাম্রাজ্যবাদ। এই সাম্রাজ্যবাদ তথা বিরোধ শুধু জাতীয় সংহতির বিরুদ্ধেই নয়, গণতন্ত্রের সম্মুখেও একটি বিরূট চ্যালেঞ্জ।

#### ছন্নীতি

বিভেদের মত ছন্নীতির দাপটও আজ ভারতে প্রকট। সাংগঠনিক দৌর্বল্য এবং আদর্শগত নিষ্ঠার অভাবই এই ছন্নীতিকে ডেকে নিয়ে এসেছে। শাসনকার্যে দক্ষতা এবং সততার অভাব দিন দিন বর্ধিত করে তুলছে এই পাপ। অধিকাংশ সরকারী অফিসে ঢুকলেই একটা সাধারণ উক্তি শোনা যায়—'আমরা কিছু পেয়ে থাকি।' জাতীয় সম্পদ অপহরণের ঘটনা আজ আর নতুন কিছু নয়। সুবিধাভোগী শ্রেণী সমাজে আধিপত্য করায় সমাজের সর্বত্র এই বিষ সংক্রামিত। যে সরমে দিয়ে ভূত ছাড়াবার কথা, সেই সরমের মধ্যেও ভূত ঢুকে বসে আছে। আশ্চর্যের কথা, সাম্রাজ্যবাদী বিদেশী সরকার কিন্তু এত সব ভূত এদেশে ছেড়ে রেখে যায় নি। এদের অধিকাংশই সাম্প্রতিক কালের সৃষ্টি। অসহায় গণতন্ত্রের ঘাড় মটকাবার কাজে দেশী ভূতেরাই অধিকতর পারদর্শী মনে হচ্ছে।

#### আমলাতন্ত্র

বিদেশী শাসনের কাছ থেকে উত্তরাধিকার স্বত্রে যে ভূতটি এসেছে, সেটা হচ্ছে আমলাতন্ত্র। সাত সমুদ্র তের নদী পার থেকে এসে এদেশ শাসনের জন্ত একদল প্রভুভক্ত প্রাণী সৃষ্টির প্রয়োজন তাদের ছিল। কিন্তু ব্রিটিশ-ভারতের আমলা আর স্বাধীন-ভারতের আমলার মধ্যে একটা পার্থক্য আছে। ব্রিটিশ যুগের আমলারা ছিল প্রভুশক্তির তল্লাবাহক, কিন্তু বর্তমানে তারা নিজেরাই এক-একজন প্রভু। দেশের ভাগ্যবিধাতারা আবার এই আমলাদের উপরই নির্ভরশীল। শিক্ষিত, দক্ষ এবং সং আমলা শাসনযন্ত্রকে সুপরিচালিত এবং শৃঙ্খলাবদ্ধ রাখতে সাহায্য করে। কিন্তু অতিরিক্ত আমলা-নির্ভরতা তাদের করে তোলে উদ্ধত এবং স্বেচ্ছাচারী। দেশের নেতৃবর্গ এবং জনসাধারণ—এই দু'য়ের মধ্যে একটা মারাত্মক ব্যবধান সৃষ্টি করে আমলাতন্ত্র। স্বেচ্ছাচারী আমলাদের হাতে জনগণের গণতান্ত্রিক অধিকার স্বভাবতঃই নিগৃহীত হতে থাকে। গণতন্ত্রের এই ধরনের নিগ্রহ ভারতে নিত্য-নৈমিত্তিক ঘটনা।

#### ধন-বৈষম্য

গণতন্ত্র শুধু শাসন-পদ্ধতি নয়। ক্রম-বিবর্তনের ফলে তাকে মানুষ এবং তার সমাজের একটা পূর্ণতর রূপান্তর

বলা চলে। গণতন্ত্রের আলোচনার সময় তাই পুরো সমাজটা চোখের সামনে ধরে রাখতে হয়। আজকের সমাজ অর্থ-ভিত্তিক হওয়ায় অর্থনৈতিক অবস্থাটাও তাই গণতন্ত্রের একটা আবশ্যিক দিক। গোড়াতেই বলেছি, গণতন্ত্রের রাজনৈতিক এবং অর্থনৈতিক দিক দুটো আজ একে অপরের হাত ধরে চলেছে।

অর্থনৈতিক প্রসঙ্গে প্রথমেই আমাদের সম্মুখীন হতে হয় একটা বিশেষ সমস্যা। অর্থনৈতিক উন্নয়নের দিক দিয়ে ভারত নিঃসন্দেহে পশ্চাৎপদ। অল্পদূরত্ব দেশের অর্থনীতিতে উৎপাদনের প্রয়োজন সর্বাধিক, তাই দেশের নেতারা বলেন, 'কম খাও, বেশি পরিশ্রম কর।' জাতীয় আয় বৃদ্ধির জন্ত ত্যাগ এবং শ্রম স্বীকার আমাদের সকলের কর্তব্য। কিন্তু এই প্রসঙ্গে একটা বিষয় আমাদের পরিষ্কার করে নেওয়া দরকার—জাতীয় আয়টা আসলে কি? দেশের মুষ্টিমেয় পুঁজিপতির আয়-ক্ষীতি, না জনসাধারণের জীবনযাত্রার মান উন্নয়ন? যে দেশে জন-কুড়ি পুঁজিপতির হাতে দেশের সমস্ত সম্পদ এবং সম্পদের উৎস কেন্দ্রীভূত, সেখানে জাতীয় আয়ের কথাটা উপহাস মাত্র। জাতীয় আয় বা উৎপাদন বৃদ্ধির ব্যাপারটা বণ্টন-নিরপেক্ষ নয়। জাতীয় আয়ের উপর সাধারণের অধিকার সাব্যস্ত না হ'লে তা প্রকৃত জাতীয় আয় হিসেবে গণ্য হতে পারে না। বণ্টন ব্যবস্থায় সাম্য এবং সামঞ্জস্য না আনলে গণতন্ত্রের অর্থনৈতিক দিকটা কখনও যুগোপযোগী হয়ে উঠবে না। সংযম, ত্যাগ এবং পরিশ্রমের উপদেশ শুধু দরিদ্র জনসাধারণের উপরে বর্ষিত হলেই চলবে না, মুনাফালোভীদের মুনাফা এবং লোভের হস্তকেও নিয়ন্ত্রিত করতে হবে। প্রায়ই দেখা যায়, নেতৃবৃন্দ জনসাধারণকে যে উপদেশ দিচ্ছেন, নিজেরা তা পালন করার প্রয়োজন মনে করেন না। নিজেরা আচরি' ধর্ম পরকে না শেখালে সে শিক্ষা কখনও সার্থক হয়ে ওঠে না। চালাকির দ্বারা কোন মহৎ কার্য হয় না, কথাটা গণতন্ত্র প্রতিষ্ঠার ক্ষেত্রেও খাটে।

### আইন

এবার আসা যাক আইন এবং আইনসভা প্রসঙ্গে। আইনের দ্বারা সরকার এবং জনসাধারণের আচরণ ও কার্যাবলী নিয়ন্ত্রিত হয়ে থাকে। আইনসমূহ অবশ্যই নিরপেক্ষ, সর্বত্র-প্রযোজ্য এবং সর্বজন-গ্রাহ্য হওয়া দরকার। গণতান্ত্রিক রাষ্ট্রে জনসাধারণের নির্বাচিত প্রতিনিধিরাই আইন প্রণয়ন করে থাকেন। গণতন্ত্রে আইন ও স্বাধীনতা অবিচ্ছেদ্য। ব্যক্তি বা ক্ষুদ্র শাসক-গোষ্ঠী কখনও গণতান্ত্রিক আইনের জনক হতে পারে না।

তথাকথিত গণতান্ত্রিক রাষ্ট্রে নির্বাচন-রীতির নানাবিধ ক্রটির ফলে জনসাধারণের প্রতিনিধিগণ সব সময় আইন-সভায় আসতে পারেন না। ভারতীয় আইনসভাগুলিতে আবার দু'টি ক'রে কক্ষ আছে। নিম্নকক্ষ বা বিধানসভায় (কেন্দ্রে লোকসভায়) সদস্যগণ জনগণের দ্বারা সরাসরি নির্বাচিত হওয়ায় উচ্চকক্ষের উপস্থিতি সম্পূর্ণ অনাবশ্যক মনে হয়। উচ্চকক্ষের 'অভিভাবকত্ব' নিম্নকক্ষের সদস্য-গণের বুদ্ধি ও কাণ্ড-জ্ঞানের উপর অনাস্থা এবং সন্দেহ-জ্ঞাপক। এই ধরনের সন্দেহ এবং অবিশ্বাস গণতান্ত্রিক আদর্শের সম্পূর্ণ বিরোধী।

'হেবিয়াস কর্পাস' বা ব্যক্তি স্বাধীনতার রক্ষামূলক আইনগুলি গণতন্ত্রের রক্ষা-কবচ। ভারতে কিন্তু এই রক্ষা-কবচকেও ব্যর্থ করবার ব্যবস্থা আছে—যার নাম জন-নিরাপত্তা আইন বা 'কালী-কাছন'। সমাজ-বিরোধী-দের হাত থেকে জনসাধারণকে বাঁচাবার উদ্দেশ্যে এই আইন প্রবর্তিত হলেও সমালোচকদের মতে এ আইন জন-নিরাপত্তার একেবারে উল্টো। ক্রুদ্ধ এবং প্রতিহিংসা-পরায়ণ সরকার এই আইনের সাহায্যেই জনগণের রক্ষা-ব্যূহকে ধুলিসাৎ করে দিতে পারেন।

আইনের সাহায্য গ্রহণ ব্যাপারটাও এদেপে বেশ ক্রটি এবং ব্যয়-বহুল। দরিদ্র দেশবাসীর পক্ষে বহুক্ষেত্রে আইন তথা গ্রাম-বিচারের দাবী জানানো সম্ভব হয়ে ওঠে না। আইনের মূল উদ্দেশ্য অনেক সময় এই কারণে ব্যর্থ হয়ে যায় এবং জনগণের গণতান্ত্রিক অধিকার স্বভাবতঃই অসহায় থেকে যায়।

### সংবিধান

আইনের আলোচনার সঙ্গে সঙ্গে এসে পড়ে সংবিধানের কথা। বলাবাহুল্য, নির্বাচন, দল, ধন-বৈষম্য এবং আইন ইত্যাদির আলোচনা প্রসঙ্গে সংবিধানের অবতারণা আমরা ইতিমধ্যেই করেছি। সংবিধান রাষ্ট্রের আইনসমূহের উৎস। যে কোন দেশের সংবিধানে তার রাষ্ট্রীয় চরিত্র প্রতিকলিত হয়ে থাকে। সংবিধানে নিজ নিজ রাষ্ট্রের ভৌগোলিক, ঐতিহাসিক, সামাজিক এবং সাংস্কৃতিক জীবনের ছাপ পড়বেই। এ কারণ, গণতান্ত্রিক রাষ্ট্রগুলির সংবিধানের বাইরের দিকটায় অনেক অমিল থাকতে পারে। কিন্তু অন্তরে তাদের মিল থাকবেই। গণতন্ত্রের মূল সর্ভগুলিই হচ্ছে সেই মিল। ভারতীয় সংবিধানে ব্যক্তি ও সমষ্টির বিকাশের অধিকার, সংবাদপত্র ও সভা-সমিতিতে মত প্রকাশের অধিকার, স্ব স্ব রাজনৈতিক ধারণার অহুর্বর্তী দল গঠনের অধিকার ইত্যাদি স্বীকার করে নেওয়া



হয়েছে। জনসাধারণের এই অধিকার তথা স্বাধীনতা-গুলি বিপন্ন হলে রাষ্ট্রের কাছে তার প্রতিকারের জন্ম দাবী এবং অভিযোগও পেশ করা চলে। কার্যকালে অবস্থা দেখা যায়, রাষ্ট্রের বকলমে সরকার এই অধিকার-গুলি নিয়ন্ত্রিত করেন, এবং অধিকাংশ ক্ষেত্রে নিজের স্বার্থেই করেন। ফলে, অভিযোগের প্রতিকার প্রায়শঃ দুর্লভ হয়ে ওঠে এবং ব্যক্তি-স্বাধীনতার অবস্থা নিতান্ত কাহিল হয়ে পড়ে। পুলিশী রিপোর্টের উপর নির্ভর করে যেখানে চাকুরিজীবীর চাকুরি যায়, শিক্ষা-জীবী কর্মচ্যুত হন, সেখানে মৌলিক অধিকারগুলির উপর বিশ্বাস স্বতঃই শিথিল হয়ে আসে। সংবিধানের এই ব্যাপারটি লক্ষ্য করে অনেকে বলেন, এক হাতে যেমন জনসাধারণকে ঢালাও অধিকার দেওয়া হয়েছে, অন্য হাতে আবার তা ফিরিয়েও নেওয়া হয়েছে।

একনায়কতন্ত্র ?

ভারতের রাজনৈতিক পরিস্থিতির এই গতি এবং প্রকৃতি লক্ষ্য করে প্রশ্ন তোলা যায়—ভারত প্রকৃতপক্ষে যে পথ ধরে এগিয়েছে, তার নাম কি ? গণতন্ত্র, না একনায়কতন্ত্র ? না অন্তর্কিছু ? নির্বাচন, দল এবং সংবিধান ইত্যাদি প্রসঙ্গে যে আলোচনা আমরা করেছি তা থেকে যে উত্তর পাওয়া যায় তা নির্দিষ্ট কোন পন্থার সমর্থক নয়। গণতন্ত্রের নাম করে ভারতে যে ক্রিয়াকলাপ চলছে, তার সবগুলি গণতন্ত্র-সম্মত নয়। বরং সে-গুলি বহুলাংশে ‘মিশ্রতন্ত্র’ এবং মিশ্রতন্ত্রের ছায়ায় গ’ড়ে-ওঠা একনায়কতন্ত্র বলা চলে। শাসক-সম্প্রদায় সংখ্যা-লঘিষ্ঠ হলে একনায়কতন্ত্রকে তারা ডেকে আনবেই। দলীয় একনায়কতন্ত্রের সঙ্গে সঙ্গে ব্যক্তিপূজা এবং ব্যক্তিত্বের উপর বিশেষ অধিকার আরোপ আমন্ত্রণ জানায় ব্যক্তি-একনায়কতন্ত্রকে। ভারতের ক্ষুটনোমুখ গণতন্ত্রের বিরুদ্ধে এই উভয় একনায়কতন্ত্রই চ্যালেঞ্জ-স্বরূপ। ইতিপূর্বে বিভিন্ন প্রসঙ্গে আমরা দলীয় একনায়কতন্ত্র সম্বন্ধে আলোচনা করেছি। এবার ব্যক্তি একনায়কতন্ত্রটিকে চেনবার চেষ্টা করব। শাসকদল থেকে এই বিশেষ ব্যক্তিকে কয়েকটি বিশেষ অধিকার দান করা হয়েছে। দলের মধ্যে একমাত্র তিনিই দশ বছরেরও অধিককাল ক্ষমতার অধিষ্ঠিত থাকতে পারবেন। আরও বিপদের কথা এই যে, বিরোধী দলের লোকেরাও তাঁকে তাঁর দল থেকে স্বতন্ত্র করে দেখেন, এবং তাঁর এই ‘স্বাভাব্য’ প্রতি প্রায় সর্বহীন আহুগত্য জানান। গণতন্ত্র মাহুকের কল্যাণে নিরোজিত প্রতিভা বা বিশেষ গুণ-সমূহকে অবশ্যই প্রাধান্য করে, কিন্তু তার জন্ম তাকে বিশেষ

রাজনৈতিক অধিকার দান করে না। পৃথিবীর যেখানে ব্যক্তি-একনায়কতন্ত্র গড়ে উঠেছে, দেখা গেছে, যে-ব্যক্তিকে কেন্দ্র করে এই ‘তন্ত্র’ গ’ড়ে ওঠে তাঁকে সবাই প্রথমে অ-সাধারণ বলে মনে করে।

একনায়কতন্ত্রের আর একটি লক্ষণ—অতিরিক্ত আক-জমক এবং পুলিশী-আড়ম্বরের আড়ালে নায়ককে রহস্যময় করে রাখা। ভারতরাষ্ট্রের ‘গণতান্ত্রিক’ নায়কের সঙ্কটকালে যে আড়ম্বর এবং পুলিশ-সম্মা আমরা দেখি, তাতে করে তাঁকে কোন রাজা-মহারাজা বা ত্রিটিশ আমলের বড়লাট থেকে আলাদা করে ভাবতে পারি না। গণতান্ত্রিক আদর্শ কখনও জনগণের নিজস্ব নেতাকে (হলেনই বা তিনি শাসনতান্ত্রিক নেতা) জনগণের কাছ থেকে দূরে স’রে থাকতে প্ররোচিত করে না।

গণতন্ত্রের একটা অধি-পরীক্ষা হয়ে গেছে বেকুবাজী-প্রশ্নে। বলাবাহুল্য, গণতন্ত্র এই পরীক্ষায় শোচনীয়ভাবে পরাজিত হয়েছে। বেকুবাজী ইউনিয়ন, পশ্চিমবঙ্গ তথা ভারতের অংশ, কিন্তু ভারতের জনগণের দাবী অগ্রাহ্য করে তাকে বলি দেওয়া হ’ল ব্যক্তি-বিশেষের প্রেঙ্টিজের বেদীমূলে। একনায়কতন্ত্র ছাড়া আর এমন কোন পন্থা নেই, যার সাহায্যে প্রমাণ করা চলে দেশের চেয়ে ব্যক্তি বড় এবং দলের চেয়ে দলপতি। একটা রাষ্ট্রের সংবিধান যখন একজন ব্যক্তির স্বার্থে (হলেনই বা তিনি প্রধানমন্ত্রী) পরিবর্তিত হয়, তখন গণতন্ত্রের দাবীকে পদদলিত করে একনায়কতন্ত্রকেই শিরোধার্য করা হয় না কি ?

এবার আমরা গোড়ার কথায় ফিরি। আমাদের আজকের উদ্দেশ্য ছিল গণতান্ত্রিক আদর্শ এবং তার সঙ্কটের পটভূমিকায় ভারত ও তার শাসন-প্রকৃতি সম্বন্ধে আলোচনা করা। বলা বাহুল্য, এতক্ষণ আমরা তাই করেছি। এই আলোচনার আলোকে দাঁড়িয়ে আমরা দেখেছি, ভারতে গণতন্ত্রের বিকাশ এখনও অসম্পূর্ণ, এবং যে পথে সে এগিয়ে চলেছে তাতে তা কখনও পূর্ণ হবে, এমন আশাও কম। প্রতিকূল পরিবেশ এবং অবিরাম সংঘাতের ফলে গণতন্ত্রের ক্রটিগুলো এখানে যেভাবে বিকশিত হয়েছে, গুণগুলো ঠিক সেভাবে হয় নি। গণতন্ত্র আসলে নেতিবাচক কোন আদর্শ নয়, সৃজন ও বিকাশ-ধর্মী একটি জীবনযাত্রা। গণতন্ত্রকে সার্থক করে তুলতে হলে তার এই অন্তর্নিহিত জীবন-দর্শকে গ্রহণ করতে হবে। ইঁ্যা, আর একটি শিক্ষা আমরা এই প্রসঙ্গে লাভ করলাম, বিপরীত-মুখী পন্থার সাহায্যে গণতন্ত্র কখনও আমাদের আয়ত্তে আসবে না। গণতন্ত্রকে প্রতিষ্ঠিত করতে হ’লে তা গণতান্ত্রিক উপায়েই করতে হবে।

# বাতিক

শ্রীঅজিত চট্টোপাধ্যায়

বেদেডাঙ্গা স্কুলে নতুন চাকরি নিয়ে এলেন মাষ্টারমশাই। ছোট স্কুল। সবে ক্লাস টেন খোলা হয়েছে। এখনও এফিলিয়েশন পাওয়া যায় নি।

বাকুড়া জেলার গ্রাম। লালমাটির অর্ধবৃত্ত প্রান্তর। আদিগন্ত মাঠ একদিকে নেমে গেছে লীলায়িত ঢেউ-খেলানো ভঙ্গিতে। অন্যদিকে শালের বন লালমাটির প্রান্তরের শেষ থেকে শুরু হয়েছে। এসব অঞ্চলে গাছ-পালার সবুজ সমারোহ নেই খুব বেশী। প্রান্তরে কাঁটাগাছের রোপ। গ্রামের মধ্যে অশথ, বট, ছ'চারটে আম-জাম ইত্যাদি বড় গাছেরই। লতাগাছ বা সবুজ রঙের রোপঝাপের বড় অভাব।

মাষ্টারমশাইয়ের নাম নিবারণ চক্রবর্তী। এই জেলারই লোক। মাইল বিশ দূরের কোন্ একটা গ্রামে যেন বাড়ী। বয়স বেশী নয় খুব। পঁয়ত্রিশ থেকে চল্লিশের মধ্যে। দোহারী লম্বা গড়ন। মুখটা রোদে পুড়ে তামাটে হয়ে গেছে। একমাথা কালো চুল অবিস্তৃত। হাতে ক'রে পিছনের দিকে প্রায়ই ঠেলে দেন উনি।

মাষ্টারমশাইয়ের সঙ্গে একটা ছুটিতে এসে আলাপ হ'ল। আমি কলকাতার সদাগরী অফিসে রেকর্ড-নবীশের কাজ করি। ছোটখাট ছুটিতে ছুটে আসি বাড়ী। কলকাতার অঙ্কার মেসবাড়ী থেকে বের হয়ে পাড়াগাঁয়ের এই আলো-হাওয়ার মধ্যে ক'টা দিন বড় আনন্দে কাটাই। সেবার গাঁয়ে এসে মাষ্টারমশাইয়ের কথা শুনলাম। হাইস্কুল হচ্ছে ও তার জন্তে যে টাকা দিতে হবে ভালরকম, সে কথাও জানা গেল।

বিকলে মাষ্টারমশাইয়ের সঙ্গে আলাপ হ'ল। স্কুলটা গ্রামের একপ্রান্তে। খ'ড়ো ঘর, মাটির দেওয়াল, নিকোন-পোছান মেজে। সামনে অনেকখানি মাঠ। কাছেই একটা ইদারা। সেটি সিমেন্ট বাধান। একটি প্রাচীন ঝুরিনামা বটগাছ। তার পিছনেই মাষ্টারমশাইয়ের থাকবার ঘর। স্কুলের সেক্রেটারী আমার বন্ধু। তার সঙ্গেই বেড়াতে বেরিয়েছি।

সে বলল, 'চল, মাষ্টারমশাইকেও ডেকে নি।'

বললাম, 'মাষ্টারমশাই যদি ব্যস্ত থাকেন অল্প কাজে?'

—'কি কাজে ব্যস্ত থাকবেন আবার? হয়ত দেখবি মাঠে ব'সে বই পড়ছেন।'

ওর কথাই ঠিক। ঝুরিনামা বটগাছের কাছে ব'সে নিবিষ্টমনে বই পড়ছেন মাষ্টারমশাই। স্কুলের পিছনেই লালমাটির প্রান্তর শুরু হয়েছে। সূর্য অস্ত যাচ্ছে শাল-বনের পিছনে। পিড়িং পিড়িং পাখার ডাক শুনেতে পাচ্ছি।

—'মাষ্টারমশাই, বই পড়ছেন নাকি?'

কালো মাহুটি মুখ তুলে তাকালেন। তার পর স্নিগ্ধ হাসিতে চোখ দু'টি উজ্জ্বল ক'রে বললেন, 'কোন্-দিকে চলেছেন? শুধু বেড়াতে নাকি?'

—'হ্যাঁ বেড়াতেই। সঙ্গে এটি আমার বন্ধু। চ'লে আসুন না আমাদের সঙ্গে। একটু বেড়িয়ে আসবেন।'

মাষ্টারমশাই আমাদের সঙ্গী হলেন। লালমাটির প্রান্তরের উপর দিয়ে অনেকখানি হেঁটে গেলাম। প্রায় শালবনটার কাছাকাছি গিয়ে বসলাম আমরা। এখন আর রোদ নেই। তবু সন্ধ্যা নামতে বাকী আছে। মরা বিকেলে লালমাটির প্রান্তর অপরূপ লাগে।

মাষ্টারমশাইকে বললাম, 'কেমন লাগছে জায়গাটা আপনার?'

—'আমাদের আর লাগালাগি কি? আমরা পাড়া-গাঁয়ে থাকি। আপনি মহানগরীর লোক। আপনার চোখে ভাল লাগবে সব।'

—'শুধু আমার চোখে কেন মাষ্টারমশাই? এই শান্ত নিস্তরতা, এই মরা বিকেল এসব যে কোন কর্মকর্তা লোকেরই মনে সুন্দর লাগবে।'

আমার কথাগুলি কবিতার মত শোনাচ্ছিল। আমার নিজের কানেও তাই ঠেকল। হয়ত সেই কারণেই হেসে উঠলেন মাষ্টারমশাই।

বললেন, 'আপনি মশাই বেশ সুন্দর ক'রে কথা বলেন ত! আমরা গাঁয়ের মাহু। অমন সব কথা মুখে আসে না। আমাদের কেঠো কেঠো কথা সব।'

—'এর আগে কোন্ স্কুলে ছিলেন?'

—'চড়ারডিতে। তারও আগে পায়রাখালি। বনেশপুর, খড়কুসম, কুশদ্বীপ কত স্কুলেই ত কাজ করলাম। সে প্রায় এখন থেকে মাইল ত্রিশ হবে।'

চড়ারডি স্থল আমার নিজে হাতে গড়া। একটা এম-ই স্থলকে হাইস্কুলে দাঁড় করিয়েছি। ওর প্রতিটি ইট আমার নিজের সামনে গাঁথানো। বুঝলেন ?

—‘তা, সে স্থল ছাড়লেন কেন ?’ মাষ্টারমশাইকে বললাম।

—‘যা হয় সব জায়গায়, তাই হ’ল শেষটা। স্থল দাঁড়িয়ে গেল। আমারও প্রয়োজন শেষ হ’ল।’

বন্ধুটি বোধ হয় এ সব কথা জানত। তা ছাড়া একটা স্থলের সেক্রেটারী সে। এ সব আলোচনায় বোধ হয় ইচ্ছে করেই যোগ দিচ্ছিল না।

আমি বললাম, ‘কিন্তু আমাদের স্থল কেমন লাগছে আপনার ?—হাইস্কুল হবে ত এখানে ?’

কথা শুনে মাষ্টারমশাই কেমন আশ্চর্য হলেন মনে হ’ল। বললেন, ‘হবে না মানে ? কাছাকাছি দশ মাইলের মধ্যে স্থল নেই। আশে-পাশে এত প্রাইমারী স্থল, এরাই ছেলে পাঠাবে দলে দলে। স্থল গ’ড়ে উঠবে না কেন ?’

মাষ্টারমশাইয়ের কথা খুব সত্যি। অকাট্যও বলা যায়। তা ছাড়া দশ মাইলের মধ্যে হাইস্কুল নেই, এটাই কেমন আশ্চর্য। অল্প দেশে এক মাইল দু’ মাইল অন্তর স্থল রয়েছে। আর দশ মাইলের মধ্যে স্থল থাকবে না, এটাই বরং বিচিত্র কথা।

বাড়ী ফিরে মাষ্টারমশাইয়ের সম্বন্ধে অনেক কথাই শুনলাম বন্ধুর কাছে। কোন স্থলেই নাকি টিকে থাকতে পারেন না উনি। ছোট স্থলে গিয়ে জোটেন। অক্লান্ত পরিশ্রমে তাকে হাইস্কুল করে তোলেন। সে সময়টা একচ্ছত্র সম্রাট থাকেন উনি। টাকা আদায় করা, বাড়ী বাড়ী গিয়ে ছেলে জোটান, বেগারে মুনিস্বজন দিয়ে কাজ করানো, স্থলের বাড়ী তৈরী করা ইত্যাদি যেন সবকিছু দশ হাত দিয়ে করতে থাকেন। স্থল চালু হয়ে গেলেই কেমন যেন অবসন্ন হয়ে পড়েন উনি। টিচারদের সঙ্গে খিটিখিটি শুরু হয়। তুচ্ছ কথায় সেক্রেটারীর সঙ্গে বচসা করেন। ফলে সে স্থল থেকে বিদায় নিতে হয়। স্থলের সেক্রেটারী জলের কুমীরের সমান। তার সঙ্গে ঝগড়া করে জলে বাস করা যাবে কেন ?

বন্ধুকে বললাম, ‘তা হ’লে এত জেনে-ওনে ওকে নিয়ে এলে কেন তুমি ?’

—‘না নিয়ে এসে উপায় কি আর ?’ বন্ধু হেসে বলল, ‘নতুন স্থলে ভাল টিচার আসবেন কেন ?—তা ছাড়া এই ধাপধাড়া গোবিন্দপুরে।’

ওর কথা মানতে হ’ল। বললাম, ‘তা ঠিক।’

বন্ধু বলল, ‘ওধু তাই নয়। উনি অনাস’ অ্যাঙ্কুয়েট। বি. টি-তে নাকি ফাষ্ট ক্লাশও পেয়েছিলেন।’

—‘অদ্ভুত লোক ত ? কোথাও টিকতে পারেন না ? শাওলার মত ভেসে বেড়াবেন ওধু ?’

বন্ধু হাসতে লাগল।

এর পর মাষ্টারমশাইয়ের আশ্চর্য কার্যক্রমতার পরিচয় পেলাম। আশেপাশের গ্রামে গ্রামে দলবল ছুটিয়ে ঘুরে বেড়ালেন উনি। আমাদের গ্রামেও মিটিং করলেন। স্থল গঠনের উদ্দেশ্য ইত্যাদি সবকিছু প্রাঞ্জল ভাষায় বুঝিয়ে দিলেন গ্রামবাসীকে। মাতব্বরদের নিয়ে নিজেই একদিন গেলেন ম্যাজিস্ট্রেটের কাছে সরকারী সাহায্যের জন্ত। মোটকথা আমাদের ঐ অঞ্চলে তার নামে একটা ধন্য ধন্য পড়ে গেল।

টান্দা উঠল অনেক ! সরকারী সাহায্যও মিলল কিছু। নতুন বাড়ী হ’ল স্থলের। সামনের মাঠে স্থলর একটি বাগান রচনা করা হ’ল। কি এক ধরনের গাছ লাগিয়ে স্থলের নামটি লিখে দেওয়া হ’ল। মাঠের উপর সেটি বড় স্থলর দেখাতে লাগল। ছেলেদের খেলবার মাঠও তৈরী। দূর গ্রামের ছাত্রদের জন্ত বোর্ডিং ঘরও সম্পূর্ণ হ’ল। এক কথায় স্থলটি একটি স্থলর সূচারু রূপ পেল।

সমস্ত বর্ষাকাল কাটিয়ে একেবারে পূজোর সময় বাড়ী গেলাম। মাষ্টারমশাইয়ের সঙ্গে পরদিনই দেখা হ’ল। নমস্কার করে বললাম, ‘কি করেছেন মাষ্টারমশাই ? এত স্থলর স্থলবাড়ীটা হয়েছে যে চোখ ফেরান যায় না। এর সব কৃতিত্বই আপনার।’

মাষ্টারমশাই বিনয়ে ভেঙ্গে পড়লেন। আমাকে বললেন, ‘আমি আর কি করেছি এমন ? আপনাদের সকলের সাহায্য না পেলে ত কিছুই হয়ে উঠত না।’

বাধা দিয়ে বললাম, ‘ওসব বাজে কথা। এ স্থল আপনার কাছে চিরদিন কৃতজ্ঞ থাকবে।’

মাষ্টারমশাই হাসতে লাগলেন। পরিভূক্তির হাসি। তাঁর চোখেমুখে সেই রেখাই ফুটে উঠতে লাগল বারবার।

এর পর বছর-খানেক কেটে গেল। মাসে একবার ছুবার গ্রামে যাই ! মাষ্টারমশাইয়ের সঙ্গে প্রায়ই দেখা হয়। স্থল চালু হয়ে গেছে। একিলিবেশনও পাওয়া গেছে। ছেলেরা পরীক্ষা দিয়েছে সে বছর। সে পরীক্ষার ফলও খুব ভাল। আশেপাশের গ্রামেও ঐ অঞ্চলটার আমাদের স্থলের খুব সুখ্যাতি ছড়িয়ে পড়ল। সঙ্গে সঙ্গে

মাষ্টারমশাইয়েরও নাম হ'ল। অমন করিৎকর্মা লোক আর হয় না। সকলে এই কথাই বলল।

সেবার কি একটা ছুটিতে গিয়ে কিন্তু অল্প কথা শুনলাম। মাষ্টারমশাইয়ের নাকি বনিবনা হচ্ছে না আর। সেক্রেটারীর সঙ্গে মন কষাকষি হয়েছে। অধীনস্থ টিচাররাও তাঁর প্রতি প্রসন্ন নন। সব ব্যাপারেই বড় বাড়াবাড়ি করেন উনি। ওর কথাই যেন চরম। তার আর নড়চড় হবে না। এইরকম নানা! অভিযোগ তাঁর নামে।

তুনে মনটা দমে গেল। এইরকমই সর্বত্র ঘটেছে। মাষ্টারমশাইও সেকথা বলেছিলেন। কিন্তু এখানেও যে তার পুনরাবৃত্তি ঘটবে এটা কেউ মনে করি নি। সন্ধ্যের সময় তাঁর সঙ্গে দেখা করলাম। উনিও সেই এক কথা বললেন। এখানের কাজে ইস্তফা দেবেন এবার। মাষ্টারিই আর করবেন না। একটা ছোটখাট ব্যবসা করার ইচ্ছে খুব।

আমাকে বললেন, 'আমার একটা উপকার করুন না।'

বললাম, 'নিশ্চয়ই করব। বলুন না কি করতে পারি?'

—'ভাবছি সিমেন্টের ব্যবসা করলে কেমন হয়? এখন ওটার চাহিদা খুব। আপনি আমার হয়ে একটু ষোগাযোগ করুন না কলকাতায়।'

বললাম, 'নিশ্চয় চেষ্টা করব। খোঁজখবর নিয়ে আপনাকে জানাব সব, কেমন?'

তখন ঝুরিনামা বটগাছের আড়ালে অঙ্ককার ঘন হয়ে উঠেছে। পাখ-পাখালীর রব নেই। যে যার ঘরে ফিরেছে। সন্মুখের স্কুলবাড়ীটার দিকে একবার চাইলাম।

মাষ্টারমশাইয়ের হাতে-গড়া স্কুল। আবার তাকেই ছেড়ে যেতে হবে। মনে বেশ দুঃখ হ'ল।

কলকাতায় ফিরে সিমেন্টের আর খোঁজ নেওয়া হয় নি। নানা কাজের ভিড়ে ওকথা বেমানুষ ছুলে গেছি। বন্ধুর কাছে খবর পেলাম, আমাদের স্কুল ছেড়ে চ'লে গেছেন মাষ্টারমশাই। এখন নতুন হেডমাষ্টার এসেছেন।

বৎসরখানেক পরের কথা। দুর্গাপুর স্টেশনে নেমে বাসে চেপে বসেছি। আজকাল বারাজ হয়ে ভারী স্তুবিধা। তিন-চার ঘণ্টার মধ্যেই বাড়ী পৌঁছুতে পারি।

বড়জোড়া ধানার কাছে বাস্ থামল। সময় লেখানর জন্ত। ড্রাইভারের পাশে একটা সীট দখল ক'রে ব'সে আছি। ধানা ছাড়িয়ে মিনিট পাঁচেক পরেই বাস্ থামল আবার।

একটু শুঞ্জন উঠল।

কে একজন বলল, 'কি মাষ্টারমশাই, এখানে নামছেন কেন?'

কৌতুহল হওয়ার মুখ বের ক'রে তাকলাম।

কালো দীর্ঘ মানুষটি কাকে যেন উদ্দেশ ক'রে বললেন, 'এখানে স্কুলের নতুন বাড়ী হচ্ছে যে, একটু তদারক করতে যাচ্ছি।'

শীতের দুপুর। রোদ বেশ স্বচ্ছ আর উজ্জ্বল মনে হয়। দু'তিনজন লোক মোটরবাস্ থেকে নেমে সামনে এগিয়ে গেল। ওদের সকলের আগে আগে সদর্পে পা কেল চলেছেন আমাদের মাষ্টারমশাই।

আসল কথাটাই এতদিন বুঝতে পারি নি। স্কুল গড়াই মাষ্টারমশাইয়ের বাতিক। নেশাও বলা যেতে পারে। এক স্কুল গ'ড়ে আবার অল্প স্কুলে যান।

এখানেও কতদিন টিকবেন কে জানে?



# রবীন্দ্রনাথের স্বদেশী সমাজ

( প্রতিযোগিতার মনোনীত প্রবন্ধ )

শ্রীশৈলেশকুমার বন্দ্যোপাধ্যায়

রবীন্দ্রনাথের কবি ও শিল্পী সত্তা আমাদের চক্ষে এমন উজ্জ্বল ভাবে প্রতিভাত যে, সামাজিক বা আর্থিক বিষয়বস্তু সত্ত্বে তাঁর অভিমত বিশেষ জনপ্রিয় নয়। সমগ্রভাবে রবীন্দ্রনাথের প্রবন্ধসাহিত্যই পাঠক মহলে অনাদৃত, এর মধ্যে সমাজপদ্ধতি, অর্থব্যবস্থা ইত্যাদি সাহিত্যেতর বিষয়গুলি আবার বিশেষ ভাবে অবহেলিত। অথচ রবীন্দ্রনাথের সমগ্র ব্যক্তিত্বের স্বরূপ অনুধাবন করার জন্য, রবীন্দ্রনাথের পূর্ণ পরিচয় পাবার নিমিত্ত তাঁর সাহিত্যিক ও শিল্পী সত্তার মতই সামাজিক মানুষ রবীন্দ্রনাথ সত্ত্বেও চর্চা হওয়া প্রয়োজন। ১৩১১ সালের ভাদ্র মাসে লিখিত রবীন্দ্রনাথের “স্বদেশী সমাজ” প্রবন্ধ, রবীন্দ্রমানসের সমাজ-চেতনার দিকটি হৃদয়ঙ্গম করার পক্ষে একান্ত অপরিহার্য। একে প্রত্যুত তাঁর সামাজিক ঘোষণাপত্র আখ্যা দেওয়াও অত্যাুক্তি নয়।

রবীন্দ্রনাথের স্বদেশী সমাজ একটি নূতন সমাজ-ব্যবস্থা—আদর্শ সমাজ-ব্যবস্থার কাঠামো। ভবিষ্যতের আদর্শ সমাজ সংক্রান্ত কোন পরিকল্পনার পর্যালোচনা করার পূর্বে এই জন্ত প্রচলিত সমাজ-ব্যবস্থার একটু বিশ্লেষণ করা প্রয়োজন। কারণ বর্তমান সমাজ-ব্যবস্থার অপূর্ণতা এবং ক্রটি-বিচ্যুতি আদর্শবাদী মনুষ্য হৃদয়ে আলোড়ন সৃষ্টি করে বলেই সে ভবিষ্যতের এক সুখী ও সমৃদ্ধ সমাজ-ব্যবস্থার পরিকল্পনা রচনা ক’রে তার প্রতি সমাজের সদস্যদের দৃষ্টি আকর্ষণ করে এবং এই ভাবে তাদের বাঞ্ছিত লক্ষ্যাভিমুখে অগ্রসর হবার জন্ত অনুপ্রাণিত করে। আর রবীন্দ্রনাথ যে আদর্শ সমাজ-ব্যবস্থার মূল সূত্র বর্ণনা করে গেছেন, আজকের ছুনিয়ার তার প্রয়োজনীয়তা আছে কি না বোঝার জন্তও বর্তমান সমাজের পরিস্থিতি বিষয়ে ওয়াকিবহাল হওয়া প্রয়োজন।

কয়েকটি তথ্য দিয়ে এ প্রসঙ্গের স্বত্রপাত করা হবে। এই ব্যাপারে গোড়াতেই প্রসিদ্ধ আমেরিকান সমাজ-বিজ্ঞানী এরিখ ক্রমের ঋণ স্বীকার করা উচিত মনে করি। প্রচলিত সমাজ-ব্যবস্থার স্বরূপ নির্ধারণ প্রসঙ্গে তাঁর *The Same Society* পুস্তকের তথ্যাবলী থেকে প্রভূত সাহায্য পেয়েছি। বাই হোক, প্রাচ্য দেশসমূহে বিধিবদ্ধ ভাবে সমাজ-বিজ্ঞানের কেন্দ্র পরিসংখ্যান পাবার ব্যবস্থা

এখনও গ’ড়ে ওঠে নি। তাই এ প্রসঙ্গে পশ্চিমের পরি-সংখ্যানই ব্যবহার করতে হবে। Maurice Halbwaches তাঁর *Les Causes du Suicide* গ্রন্থে বলেছেন, “১৮৩৬ থেকে ১৮৯০ খ্রীষ্টাব্দের মধ্যে আত্মহত্যার শতকরা হার ফ্রান্সে ১৪০ ভাগ ও ফ্রান্সে ৩৫৫ ভাগ বৃদ্ধি পায়। ১৮৩৬ থেকে ১৮৪৫ খ্রীষ্টাব্দের মধ্যে ইংলণ্ডে প্রতি দশ লক্ষ অধিবাসীর মধ্যে ৬২ জন আত্মহত্যা করত আর ১৯০৬ থেকে ১৯১০ খ্রীষ্টাব্দের মধ্যে এ সংখ্যা ১০০ জনে গিয়ে দাঁড়ায়। এই একই সময়ে সুইডেনের আত্মহত্যার হার ৬৬ জন থেকে ১৫০ জনে দাঁড়ায়।” এরিখ ক্রম তাঁর পূর্বোল্লিখিত গ্রন্থে পাশ্চাত্য দেশসমূহে আত্মহত্যা, নরহত্যা, এবং মস্তাগক্তি ইত্যাদি জীবনবিমুখ বৃত্তির বিস্তারিত পরিসংখ্যান দিয়ে এই সিদ্ধান্তে উপনীত হয়েছেন যে, “তা হ’লে আমরা দেখতে পাচ্ছি ইউরোপের সর্বাপেক্ষা গণতান্ত্রিক, শান্তিপ্রিয় এবং সমৃদ্ধ দেশগুলিতে এবং পৃথিবীর সর্বাপেক্ষা সমৃদ্ধ দেশ আমেরিকাতে মানসিক পীড়ার ভীষণতম উপসর্গ পরিলক্ষিত হচ্ছে।”

এ ত গেল সাধারণ অবস্থার কথা। সাধারণ অবস্থা অর্থাৎ যখন সুরা ও শাকী ছাড়াও সিনেমা, রেডিও, টেলিভিশন, ফ্রিস্টাইল কুস্তি এবং সংবাদপত্র ও হরার কমিকস-এর মাধ্যমে পর্যাপ্ত ভাবে উত্তেজনা আহরণ করার, পলায়নবাদী মনোবৃত্তির আদর্শ নর্ষভূমি রয়েছে। কোন কারণে যদি কয়েক দিনের জন্তও এই সব আধুনিক “মনোরঞ্জন ব্যবস্থা” বন্ধ রাখা যায়, তা হ’লে নিঃসন্দেহেই আত্মহত্যা ও নরহত্যার সংখ্যা বহুগুণ বৃদ্ধি পাবে এবং সেই সঙ্গে সঙ্গে স্নায়ুরোগাক্রান্তদের সংখ্যাও বেড়ে যাবে। এ প্রসঙ্গে এরিখ ক্রমের একটি প্রত্যক্ষ পরীক্ষার বিবরণ উল্লেখযোগ্য : “বিভিন্ন শ্রেণীর আণ্ডার গ্রাজুয়েট ছাত্রদের নিয়ে আমি নিম্নোক্ত পরীক্ষাটি করেছিলাম। তাদের এই কথা কল্পনা করতে হয়েছিল যে, তাদের তিন দিনের জন্ত নির্জনবাস করতে হবে এবং এই সময়ের মধ্যে তারা রেডিও বা পলায়নবাদী সাহিত্য পাবে না বটে কিন্তু “সং” সাহিত্য, স্বাভাবিক খাদ্য এবং অন্যান্য সুবিধা পেতে কোন বাধা নেই। এইরকম অবস্থায় তাদের মনে কি প্রতিক্রিয়া হবে, তা তাদের কল্পনা করতে বলা

হয়েছিল। প্রতিটি দলের শতকরা প্রায় ২০ জনই জবাব দিয়েছিল যে, ঐ রকম অবস্থা অত্যন্ত আতঙ্কজনক বা ভীষণ কষ্টকর। আর তাই তারা বলেছিল যে, দীর্ঘকাল যুমিয়ে বা ছোটখাট ঘর-গৃহস্থালীর কাজ করে কোন মতে তারা ঐ অবধি সমাপ্তির জন্ত প্রহর গুণবে। মাত্র অল্প কয়েকজন এই কথা বলেছিল যে, ঐ রকম নিঃসঙ্গতার তারা বেশ স্বাচ্ছন্দ্য বোধ করবে এবং একা একা থাকার সময়টুকু উপভোগ করা যাবে।”

নিজের মুখোমুখী হ’তে এই যে ভয়, এ কেবল পাশ্চাত্য দেশেরই বৈশিষ্ট্য নয়। দ্বিতীয় মহাযুদ্ধ-পরবর্তী ভারতবর্ষে, বিশেষ করে এর নাগরিক অংশ সম্বন্ধেও এ কথা সমধিক প্রযোজ্য। যাই হোক, বর্তমান সমাজের এই আতঙ্কিত প্রবণতার মূলে কিছ দারিদ্র্য নয়। কারণ, পূর্বে Maurice Halbwaches প্রদত্ত যে পরিসংখ্যান উদ্ধৃত করা হয়েছে তার সংঘটন কালের প্রতি দৃষ্টিপাত করলে দেখা যায় যে, যে সময় পাশ্চাত্য দেশগুলিতে আতঙ্কিত্যের পরিমাণ বৃদ্ধি পেয়েছে, সেই যুগ তাদের পক্ষে আবার ভৌতিক সমৃদ্ধির সূত্রপাতের কালও বটে। ব্যক্তিগত ভাবে মানুষ দারিদ্র্যের জন্ত যে আতঙ্কিত্য করে না তা নয়, তবে Halbwaches-এর সিদ্ধান্ত হচ্ছে এই যে, পৃথিবীর দরিদ্রতম দেশগুলিতে আতঙ্কিত্যের হার সর্বনিম্ন এবং ইউরোপের ক্রমবর্ধিষ্ণু ভৌতিক সমৃদ্ধির সঙ্গী হয়ে দেখা দিয়েছে আতঙ্কিত্যের বর্ধিত হার। আলবিয়র কামুর লেখনীতে যেন সত্য সত্যই এ যুগের আতঙ্কিত্য ধ্বনিত হয়েছে, “দর্শন জগতে মাত্র একটি যথার্থ গুরুত্বপূর্ণ সমস্যা আছে এবং এ হচ্ছে আতঙ্কিত্য।” (The Myth of Sisyphus)। স্বরণ রাখতে হবে যে, আজকের সাহিত্য জগতে পূর্বোক্ত মনোভাবের ত্রয়ী প্রতিনিধি কামু, সার্ডর ও হেমিংওয়ে ভৌতিক সম্পদে অত্যন্ত সমৃদ্ধ ইউরোপ ও আমেরিকার সন্তান—দরিদ্র এশিয়া বা আফ্রিকার শিল্পী নন।

অবশ্য এ যুগের এই আতঙ্কিত্যপ্রবণতা ও জীবন-বিমুখ পলায়নী মনোবৃত্তি মূল রোগ নয়—এগুলি হ’ল রোগের উপসর্গ। গলদ সমাজের গোড়াতেই। এই শতাব্দীর মানুষ নিঃসঙ্গ, একাকী। মরুভূমির বালুকণার মত আমরা পরস্পরের পাশাপাশি থেকেও কারও সঙ্গে মানবীয় সম্বন্ধে সম্বন্ধ নই। আমাদের সংখ্যা আছে, কিন্তু সংহতি নেই। প্রত্যুত আমরা যাকে আজ সমাজ বলে আখ্যা দিই, অনেক সমাজ-বিজ্ঞানীর মতে তা “human jungle” বা মনুষ্য বসবাসের জঙ্গল ছাড়া আর কিছুই নয়।

ধর্ম ও আধ্যাত্মিকতাকে যদি ব্যক্তিগত ব্যাপার মনে ক’রে আলোচনারূপের বাইরে রাখা যায় তা হ’লে সমাজের দু’টি স্তম্ভ বাকী থাকে। এগুলি হচ্ছে রাজনৈতিক ও আর্থিক। রাজনৈতিক, অর্থাৎ যে পদ্ধতিতে সমাজ শাসিত বা সঞ্চালিত হয় এবং আর্থিকের তাৎপর্য হ’ল সমাজের সদস্যদের ভৌতিক প্রয়োজন মেটাবার জন্ত যে উৎপাদন ব্যবস্থা সমাজে প্রচলিত। সমাজের বর্তমান ব্যাধির কারণ তাই আমাদের রাজনৈতিক ও আর্থিক—এই দুই ক্ষেত্রে আবিষ্কারের প্রয়াস করতে হবে।

বর্তমান বিশ্বে মোটামুটি দু’রকম রাজনৈতিক ব্যবস্থা দেখা যায়। একটি হ’ল প্রাচীন রাজতন্ত্রের উত্তরসারক একনায়কত্ব ও অপরটি গণতন্ত্র। একনায়কত্বের রূপ বহু—নগ্ন সৈনিক-শাসন থেকে শুরু ক’রে কমিউনিষ্টদের রাজনৈতিক স্বৈরতন্ত্র পর্যন্ত। হুকুম মোতাবেক ওঠা-বসা ও চলাফেরা করা যে মনুষ্যত্বের পরিপন্থী—এ কথা এক জর্জ অরওয়েলের “এনিম্যাল ফার্ম”-এর “দাসত্বই স্বাধীনতা” আণ্ডবাক্যের পূজারী সদস্যরা ছাড়া আর সকলেই স্বীকার করবেন। স্বৈরতন্ত্রের আওতায় মানুষ এক নৈর্ব্যক্তিক “পিপ্লু” বা “মাস”-এ পর্যবসিত হয়। বিশেষ রাজনৈতিক মতবাদের রঙিন চশমার ভিতর দিয়ে যারা পৃথিবীকে দেখেন না, তাঁদের কাছে একথা বলাই বাহুল্য যে, ব্যক্তি-মানবের স্বাধীনতার পরিপন্থী একনায়কত্ববাদী শাসনব্যবস্থা কোনক্রমেই কাম্য নয়। একথা যদি ধ’রেও নেওয়া যায় যে, কমিউনিষ্ট তন্ত্রে সাধারণ মানুষের অন্নবস্ত্রের অভাব দূর হয়ে থাকে, তবু দাঁড়টি ও তার শিকল সোনার হওয়া সত্ত্বেও দাঁড়ের ময়নাকে নিশ্চয় স্বাধীন বলা হবে না।

প্রচলিত গণতন্ত্র অর্থাৎ প্রতিনিধিত্বমূলক শাসনব্যবস্থা নগ্ন একনায়কত্বের চেয়ে ভাল হ’লেও কোন মতেই আদর্শ ব্যবস্থা নয়। কারণ কয়েক বৎসর অন্তর বিভিন্ন রাজনৈতিক দলের মুষ্টিমেয় মুক্বিদদের দ্বারা মনোনীত কোন প্রার্থীকে ভোট দেওয়া ছাড়া সমাজের রাজনৈতিক কার্য সঞ্চালনের ব্যাপারে জনসাধারণের আর কোন স্বাধীনতা বা অধিকার নেই। দেশের কার্যকলাপ পরিচালনা করার বিধান রচনা করেন কয়েকজন রাজনৈতিক নেতা দ্বারা মনোনীত কয়েকশত প্রতিনিধি এবং তাকে কার্যনির্বাহিত করেন কয়েক লক্ষ সরকারী কর্মচারী। ঘটনাচক্রে এঁরা সবাই আবার জনসমুদ্রের ভিতর এক-একটি ছোট স্বীপের মত এক-একটি বিশেষ শ্রেণীর সৃষ্টি করেন। রাজনৈতিক নেতা ও জনপ্রতিনিধি

এবং সরকারী কর্মচারীরা জনসাধারণের অংশ হয়েও এক এক স্বতন্ত্র শীপের মাহুস। ভারতবর্ষের জনসাধারণ তাদের স্বল্পকালীন গণতন্ত্রের অভিজ্ঞতাতেও এ কথা এরই মধ্যে বড় নথ্য ভাবে উপলব্ধি করেছে। এ ছাড়া জনসাধারণ পরস্পরের সঙ্গে সক্রিয় সহযোগিতা দ্বারা সমাজের কার্যকলাপ সঞ্চালিত করবে ও এই প্রক্রিয়ায় পারস্পরিক সম্বন্ধ-বন্ধনকে প্রাণবন্ত (organic) করে তুলবে—প্রচলিত গণতন্ত্রে তার কোন উপায় নেই। স্বৈরতন্ত্রে মাহুস যেমন “মাস”, গণতন্ত্রে মাহুস তেমনি ভোটার। অর্থাৎ একই নৈর্ব্যক্তিকতার অভিব্যক্তি। প্রচলিত রাজনৈতিক ব্যবস্থা সমূহের অপূর্ণতা এই অপরিহার্য সিদ্ধান্তের প্রতি অঙ্গুলি নির্দেশ করেছে যে, রাজনৈতিক ক্ষেত্রে এমন একটি নূতন প্রথা প্রবর্তন করা দরকার যা প্রতিটি ব্যক্তিকে তার প্রতিবেশীদের সঙ্গে মানবীয় সম্বন্ধে সংযুক্ত করে সাধারণ লক্ষ্য পরিপূর্তির অভিমুখে সুসংহত ভাবে চলার সুযোগ দেবে।

পুঁজিবাদ ও সমাজবাদ—এই দুই ভিন্ন নামে পৃথিবীতে আজ যে অর্থব্যবস্থা চলছে, একটু তলিয়ে বিচার করলে দেখা যাবে যে, তা এক এবং অভিন্ন। সমগ্র বিশ্ব জুড়ে আজ যন্ত্রবিপ্লবের ন্যায়সঙ্গত পরিণতি—কেন্দ্রিত উৎপাদন ব্যবস্থা চলছে। বিগত কয়েক দশকে পুঁজিবাদের স্বরূপ পরিবর্তিত হয়েছে সত্য এবং এর ফলে মার্কস তাঁর “ক্যাপিট্যাল” গ্রন্থে শ্রমিকদের আর্থিক ছরবছার যে চিত্র অঙ্কন করেছিলেন, আজকের ছনিয়ায় তাও হয়ত আর বিশেষ কোথাও নেই; কিন্তু পুঁজিবাদের মূল চারিত্রধর্ম—মাহুসের চেয়ে বস্তুকে বড় মনে করার বৃত্তির কোন ইতর-বিশেষ হয় নি। সমাজবাদের বিচারদ্বারা বস্তুকে মাহুসের উর্দ্ধে স্থাপনকারী এই মনোবৃত্তিকে স্থানচ্যুত করে মাহুসকে স্বমর্যাদায় পুনঃপ্রতিষ্ঠিত করবে—এই অভয়বাণী উচ্চারণ করে আবির্ভূত হয়েছিল। কিন্তু কি কমিউনিজম্, কি গণতান্ত্রিক সমাজবাদ,—সমাজবাদের কোন ফলিত স্বরূপই এ আশা পূর্ণ করতে সক্ষম হয় নি। আজকের পৃথিবীতে সমাজবাদী দেশগুলির উপাস্ত দেবতা হ'ল পুঁজিবাদী দেশের ভৌতিক প্রগতি। সমাজবাদী দেশের নেতৃবৃন্দ নিজ দেশে মানবীয় মূল্যবোধ স্থাপনা পর্বকে সূচুচ করার পরিবর্তে থেকে থেকে এই হুঙ্কার ছাড়েন যে, আর পাঁচ বা দশ বৎসরের মধ্যে তাঁরা ভৌতিক সম্পদ উৎপাদনের ক্ষেত্রে পুঁজিবাদী আমেরিকাকে “ক্যাচ আপ” করবেন বা তার সমকক্ষ হবেন।

অতএব এর ফল হয়েছে এই যে, কি স্বৈরতন্ত্রে, কি গণতন্ত্রে এবং পুঁজিবাদ অথবা সমাজবাদ নির্বিশেষে প্রচলিত প্রতিটি সমাজ-ব্যবস্থায় মাহুস নিজেকে আর মানবীয় শক্তি ও গুণের সক্রিয় ধারক ও বাহক জ্ঞান করে না। মাহুস যেন এখন মানবেতর কোন স্থূল শক্তির করুণার উপর নির্ভরশীল এক দীন দরিদ্র “বস্তুতে” পরিণত হয়েছে। প্রচলিত অবস্থাকে এরিখ ফ্রম নিম্নোক্ত প্রকারে ব্যক্ত করেছেন, “আজকের সমাজে এই পারস্পরিক সম্বন্ধ-বিহীনতা বা নিঃসঙ্গতা (alienation) প্রায় চূড়ান্ত রূপ ধারণ করেছে। মাহুসের সঙ্গে তার কাজ, তার উপভোগ্য উপকরণ, রাষ্ট্র, প্রতিবেশী মাহুস এবং এমন কি স্বয়ং তার নিজের সম্বন্ধের ক্ষেত্রেও এই নিঃসঙ্গতার রাজত্ব ছড়িয়ে পড়েছে। মাহুস তার স্বস্বষ্ট বস্তুসমূহের এমন একটি ছনিয়া সৃষ্টি করেছে যার অস্তিত্ব পূর্বে কখনও ছিল না। যান্ত্রিক ক্ষেত্রে সে যে-সব কলকল্লা নির্মাণ করেছে সেগুলিকে চালু রাখার জন্তু তাকে এক জটিল সমাজ-যন্ত্রেরও জন্ম দিতে হয়েছে। কিন্তু তার এই সমগ্র সৃষ্টির স্থান তার নিজের উর্দ্ধে। নিজেকে সে আর স্রষ্টা বা সমগ্র সৃষ্টির কেন্দ্রবিন্দু মনে করে না, মাহুস এখন তার হস্ত-দ্বারা সৃষ্ট এক গোলামেরও গোলাম। তার নিজের সৃষ্টি যতই বিশাল ও অধিকতর ক্ষমতাসম্পন্ন হয়ে ওঠে, ততই সে মাহুস হিসাবে নিজেকে দুর্বল ও ক্ষমতাবিহীন মনে করে। মাহুস তার নিজের শক্তির সম্মুখীন হয় নিজের সঙ্গে সম্বন্ধবিহীন স্বস্বষ্ট বস্তুগুলির মাধ্যমে। মাহুসের সৃষ্টিই আজ তার প্রভু, মাহুস স্বয়ং তার নিজের উপর প্রভু হারিয়ে ফেলেছে।”

এই উৎপাদন ব্যবস্থার আওতায় সমাজের মেরুদণ্ড শ্রমিক সমাজের অবস্থা কেমন হয়? চার্লি চ্যাপলিনের “মডার্ন টাইমস”,-এর এক নিখুঁত ব্যঙ্গচিত্র। শ্রমশিল্পের কর্মপদ্ধতি সম্বন্ধে জর্নৈক বিশেষজ্ঞ J. J. Gillespie-র ভাষায় প্রচলিত উৎপাদন পদ্ধতিতে কোন শ্রমিক যে জিনিসটির অংশবিশেষ উৎপাদন করছে, তার পিছনে কোন আর্থিক বা সামাজিক উদ্দেশ্য বিদ্যমান তা সে জানে না, ঐ জিনিসটির বদলে অপর একটি জিনিস অপর এক ভাবে কেন সে উৎপাদন করবে না, তাও তার জানা নেই। উৎপাদন ব্যবস্থার সংগঠন বা পরিচালনের সঙ্গে সে সম্বন্ধবিহীন। উপরওয়ালার নির্দেশে সে যে যন্ত্রটিতে কাজ করছে, তারই মত নিরাসক্ত ও নৈর্ব্যক্তিক ভাবে সে উৎপাদন ক্রিয়া চালিয়ে যাচ্ছে—যেন সেও ঐ যন্ত্রটির একটি অঙ্গ। প্রতু্যত পক্ষে কেন্দ্রিত উৎপাদন ব্যবস্থার শ্রমিকদের কাজ সম্বন্ধে, আজ এই

কথা বলা চলে যে, যতটুকু কাজ যত্ন দিয়ে হবার নয়, সেইটুকু করার জন্তই শ্রমিকটির প্রয়োজন। অর্থাৎ সংক্ষেপে বলতে গেলে, “...এ অবস্থায় শ্রমিক পরমাণুকৃত পরিচালকমণ্ডলীর অভুলি হেলনে নৃত্যরত একটি আর্থিক পরমাণুতে পরিণত হয়। তোমার স্থান এই এখানে, তুমি এই ভাবে বসবে, তোমার বাহ্যিক ‘ক’ ব্যাসার্ধের পরিধিতে ‘খ’ হতে এগোবে ও পিছবে এবং ০.০০০ মিনিটের মধ্যে এই সঞ্চালন ক্রিয়া সম্পন্ন করতে হবে।”

আর এই পরিচালকমণ্ডলী বা উপরওয়ালার ম্যানেজাররাও আত্মতৃপ্ত নন অথবা তাঁদের কাজ তাঁদের ব্যক্তিত্ব-বিকাশের সহায়ক হয় না। কারণ ম্যানেজারেরা শ্রমিকদের সঞ্চালিত করলে কি হবে, আর এক দল : নৈর্ব্যক্তিক শক্তি তাঁদের চিন্তা ভাবনার উপর চেপে বসে আছে। এরিক ফ্রম চমৎকার ভাবে এর বর্ণনা করেছেন। তাঁর কথায় বলতে গেলে, শ্রমিক বা আর সকলের মত (কেন্দ্রিত উৎপাদন ব্যবস্থার) ম্যানেজারকেও অশরীরী দানবদের সঙ্গে লড়াই করতে হয়। অপরাপর দৈত্যাকৃতি কলকারখানা যার সঙ্গে তাঁর প্রতিদ্বন্দ্বিতা, বিশালাকৃতি জাতীয় ও আন্তর্জাতিক বাজার, সুবিপুল উপভোক্তা গোষ্ঠী যাদের মিষ্টি কথায় ভুলিয়ে বা নানা রকম ফন্দি-কিকির করে হাতে রাখতে হবে, দৈত্যাকৃতি শ্রমিক সঙ্ঘ ও দানব-সদৃশ সরকার— এদের সবাইকে নিয়ে ম্যানেজারকে সর্বদা শশব্যস্ত থাকতে হয়। আর এই সব দানবগুলি যেন সত্যকার জীবিত প্রাণী। এরাই ম্যানেজারের কার্যকলাপ নির্ধারণ করে এবং শ্রমিক ও কেরাণীদের সঞ্চালিত করে।”

অতএব প্রশাসনিক ক্ষেত্রের মতই আর্থিক ক্ষেত্রেও কাজ চালাবার জন্ত ক্রমতার আসল নিয়ামক আমলা-তন্ত্রের সৃষ্টি হয়। কিন্তু কর্মক্ষেত্রের বিপুল বিস্তারের জন্ত এখানেও মাহুবে মাহুবে প্রত্যক্ষ সম্বন্ধ গড়ে উঠতে পারে না এবং তার ফলে সেই নৈর্ব্যক্তিক মনোভাবের স্তূপপাত হয়। আমলা এবং জনসাধারণের মধ্যে প্রেম বা ঘৃণার মানবীয় সম্পর্ক নয়, যান্ত্রিক সম্বন্ধ স্থাপিত হয়। কর্মক্ষেত্রে মানবীয় অহুত্ব থাকে আমলাদের পক্ষে অযোগ্যতা; কারণ আদর্শ আমলার কাছে মাহুব বলে কোন কিছু নেই, আছে “ফাইল”, “রেকর্ড”, “কেস” অথবা কতকগুলি সংখ্যা অথবা অস্ত্রবিধ প্রতীকাত্মক বস্তু। অর্থাৎ বোল আনা “রক্তকরবী”র দেশ আর কি! উৎপাদন ব্যবস্থার ব্যক্তিগত মালিকানা থাকলে শ্রমিক আন্দোলনের চাপে

শ্রমিকদের সঙ্গে এবং প্রতিদ্বন্দ্বিতার ভয়ে ও বাজারের চাপে উপভোক্তাদের সঙ্গে উৎপাদন ব্যবস্থার পরিচালক আমলারা তবু একটু মানবোচিত ব্যবহার করে থাকে। কিন্তু সমাজবাদী উৎপাদন ব্যবস্থায় অর্থাৎ শিল্প ব্যবসায়ের রাষ্ট্রীকরণ হলে আমলাদের উপর আর ঐটুকু নিয়ন্ত্রণও থাকে না, তখন তাঁরাই সর্বসর্বা হয়ে ওঠেন।

অবশ্য শিল্প ব্যবসায়ের আধুনিক মালিকের দলও যে নিজ ব্যবসায় বা কর্মচারীদের সঙ্গে মানবীয় সম্বন্ধে যুক্ত, তা বলা যায় না। কারণ মালিকের যতই সদিচ্ছা থাকুক না কেন, তাঁকে কাজ চালাবার জন্ত আমলাদের উপর নির্ভর করতেই হবে। সুতরাং মালিকের মালিকানার দাম দলিলের ঐ এক টুকরো কাগজের বেশী নয়। এই জন্ত তিনি তাঁর কমিশন ও লভ্যাংশ নিয়েই সন্তুষ্ট থাকেন, ব্যবসায়ের অন্ত কোন ব্যাপারে মাথা ঘামান না, ঘামাতে পারেনও না। তা ছাড়া শেয়ার বাজার, ব্যাঙ্ক, ক্রেডিট, ট্যারিক ইত্যাদি নানাবিধ অশরীরী দানবের উৎপাত স্বয়ং তাঁকেও তাঁর কাজ থেকে বিচ্ছিন্ন করে দেয় এবং এদের কারণে তাঁর স্বাধীনতাও খর্ব হয়। যৌথ কোম্পানীগুলির অবস্থা আরও খারাপ। সাধারণ অংশীদারদের কাছ থেকেই ব্যবসায়ের অধিকাংশ পুঁজি সংগৃহীত হলেও শতকরা দুই চার ভাগ শেয়ারের মালিক এক ক্ষুদ্র গোষ্ঠীই ব্যবসায় পরিচালন করেন। সাধারণ অংশীদারদের পক্ষে সংগঠিত হয়ে এই সব কার্যেমী স্বার্থের প্রভাব দূর করা অসম্ভব। আর তা ছাড়া অধিকাংশ অংশীদার কেবল কত লভ্যাংশ ঘোষিত হ’ল—এইটুকু জেনেই তাঁদের মালিকানার কর্তব্য পালন করে থাকেন, অংশীদারদের বাৎসরিক সভার প্রস্তুতির কাগজটি ভরে পাঠাবার কথাও তাঁদের খেয়াল থাকে না।

উৎপাদনের সঙ্গে উপভোগ অঙ্গাঙ্গী ভাবে জড়িত। এ ক্ষেত্রেও সেই অর্থহীনতা, উদ্দেশ্যবিহীনতার রাজত্ব। বিজ্ঞাপনের প্রভাবে শাড়ী গয়না কেনা অথবা সিনেম্যাথিরেটার দেখার মতই নিত্য নূতন মডেলের গাড়ী রেডিও টেলিভিশন রেডিওজারেটার এয়ারকুলার ইত্যাদি কেনার মূলে রয়েছে প্রত্যক্ষ প্রয়োজন নয়, বিজ্ঞাপনের অন্তর্গত প্রভাব। বিজ্ঞাপনের কারণেই এই সব বস্তুর মালিকানার সঙ্গে সামাজিক মর্বাদাবোধ যুক্ত হয়ে পড়েছে এবং তাই বাহ্যিক এই সব জিনিস নেই তাঁরা অত্যন্ত ধিন্ধ চিন্তে নিজদের “অযোগ্যতা” দূর করার প্রাণপণ প্রয়াস করছেন। নিত্য নূতন বস্তু পাবার এই প্রয়াসের কারণে আর্থিক ক্ষেত্রে সর্বনাশ হলেও এবং অত্যধিক চিন্তা-ভাবনা ও পরিশ্রমের কারণে শরীর ও মনে বিপর্যয়



সৃষ্টি হওয়া সত্ত্বেও মানুষ নগদে না পারলে কিস্তিতেই এসব কেনার মোহ বর্জন করতে পারছে না। অর্থাৎ যন্ত্রনির্ভর উৎপাদন ব্যবস্থা একদিকে যেমন মুঠো ভ'রে সমৃদ্ধি দিচ্ছে অন্যদিকে তেমনি নিত্য নূতন চাহিদা সৃষ্টি করে তার পরিপূর্তির জন্য মানুষকে কলুর বলদের মত প্রতিনিয়ত যন্ত্রের চতুর্দিকে ঘুরতে বাধ্য করে অর্থ শরীর মন—সব দিক্ থেকে তাকে নিঃস্ব করে ফেলছে। আবার এই যন্ত্রের সঙ্গে তার ব্যবহারকারীর সম্বন্ধও যান্ত্রিক ছাড়া আর কিছু নয়। আমরা ডায়াল ঘুরিয়ে টেলিফোনে কথাবার্তা বলি অথবা সুইচ টিপে রেডিও চালাই বটে; কিন্তু এই সব যন্ত্রের কর্মপদ্ধতি সম্বন্ধে আমরা একেবারে অজ্ঞ। অর্থাৎ উৎপাদনের মত উপভোগের ক্ষেত্রেও আমরা কোন জীবন্ত সম্বন্ধসূত্রে আবদ্ধ নই। আমরা যে বস্তু-জগতে বাস করি, সেখানে নৈর্ব্যক্তিকের সঙ্গে নৈর্ব্যক্তিক মিলিত হয়।

যাদের রাজনৈতিক ও আর্থিক সম্বন্ধ এই রকম নৈর্ব্যক্তিক, তাদের সাহিত্য, সংস্কৃতি ইত্যাদিও নৈর্ব্যক্তিক হবে, এতে আর আশ্চর্যের কি আছে। এ যুগে প্রত্যক্ষ নাটক অভিনয় বা সঙ্গীতের আসরের চেয়ে রেডিও, টেলিভিশন ও চলচ্চিত্র যে অধিক জনপ্রিয় তার অন্যতম প্রধান কারণ এই। একই কারণে একালে ক্লাসিকের পরিবর্তে রোমাঞ্চকর গোনেশকা কাহিনী অথবা যৌন সাহিত্যের কাটতি বেশী। সাহিত্য-পত্রিকার চেয়ে অভিনেতা-অভিনেত্রীদের কেছা কাহিনীর কারবারী সিনেমা পত্রিকা বিকোয় বেশী। শেকসপীয়র, মিল্টন, দাস্তে অথবা গ্যেয়েটে ইত্যাদির দেশে মাঝারী ধরণের প্রতিভাসম্পন্ন সাহিত্যিকদের বিচরণকে নিছক পুঁজিবাদের অবক্ষয় বলে ধিক্ত করার প্রচেষ্টার অতীব সরল পদ্ধতি অবলম্বন করে রেহাই পাওয়া যাবে না। কারণ টলষ্টয়, ডস্টয়ভোফ্‌স্কি, গোকৌ ও পুশকিন গোগোলের মত প্রচণ্ড মার্তণ্ডের উত্তরসাধক সাহিত্যিকদের খুব বেশী হ'লে যুৎপ্রদীপের আখ্যা দেওয়া যেতে পারে। এ যুগে পৃথিবীর কোন দেশে সমাজের কোন ক্ষেত্রেই আর গোটা মানুষের আবির্ভাব হচ্ছে না—এটা বালখিল্যদের যুগ, এ যুগ খণ্ডিত মানবদের।

২

তা হ'লে প্রশ্ন দাঁড়াচ্ছে এই যে, আজকের পৃথিবীতে মানুষের এই যে শোচনীয় অবস্থা তার কারণ কি? পূর্বেই আভাস দেওয়া হয়েছে যে, পুঁজিবাদকে সব রোগের কারণ বর্ণনা করে আত্মপ্রসাদ লাভ করার দিন আর নেই; কারণ "সমাজবাদী দেশসমূহের" মানুষও

একই রকম নিঃসঙ্গতার রোগে ভুগছে এবং সেখানেও মানুষের স্থান বস্তুর নীচে। রুশ কর্তৃপক্ষ যখন স্পুৎনিক নিয়ে খুব মাতামাতি করছেন তখন রাশিয়ার যে গ্রামীণ চামীটি প্রশ্ন করেছিল যে, এতে তাদের মত সাধারণ ব্যক্তিদের কি লাভ হ'ল—এ ঘটনাটি বিশেষ তাৎপর্যপূর্ণ। সুতরাং এ কথা স্পষ্ট যে, এ রোগের প্রতিকার রাজ্য ব্যবস্থা বা উৎপাদন ব্যবস্থার পরিচালক পরিবর্তনের দ্বারা হবে না, কারণ রোগের মূল আরও গভীরে। কি রাজনৈতিক ব্যবস্থা, কি উৎপাদন ব্যবস্থার ক্ষেত্রে একটি নির্দিষ্ট সীমার বাইরে প্রতিষ্ঠান বিশালায়তন হয়ে পড়লে প্রতিষ্ঠান ও তার সম্বন্ধিত অঙ্গসমূহের পারস্পরিক সম্বন্ধের মূর্ত ভাব (concreteness) নষ্ট হয়ে অমূর্ত ভাব (abstractness) সুরু হতে বাধ্য। আর এর সঙ্গে সঙ্গে সব কিছুই বাস্তবতার ভাবও লুপ্ত হয়ে যায়। এরিস্টটল সর্বপ্রথম এই সত্য আবিষ্কার করেছিলেন। তিনি ধোষণা করেছিলেন যে, কোন নগর-সাধারণতন্ত্রের জনসংখ্যা যদি একটি নির্দিষ্ট সীমার বাইরে বেড়ে, আজ আমরা যাকে শহর আখ্যা দিয়ে থাকি, সেই পর্যায়ে উপনীত হয়, তা হ'লে তা আর মনুষ্য বসবাসের যোগ্য থাকে না। আর আজকের এই যে অশরীরী কর্তৃত্ব এবং যান্ত্রিক সমরূপতা—এর মূল কারণ হ'ল প্রচলিত উৎপাদন ব্যবস্থা। এই উৎপাদন ব্যবস্থার জন্য অতি সস্তর মানুষকে নিজেদের মেশিনের সঙ্গে ধাপ খাইয়ে নিতে হয়, এর জন্য নিয়ন্ত্রিত গণ-আচরণ পদ্ধতি (disciplined mass behaviour) চাই এবং কোন রকম বাহ্য শক্তি প্রয়োগ ব্যতিরেকেই মানুষকে সাধারণ রুচি ও আনুগত্যের কাছে নতি স্বীকার করতে হয়।

যন্ত্রনির্ভর উৎপাদন ব্যবস্থাই যে যান্ত্রিক মানুষ ও যান্ত্রিক সমাজের কারণ, একথা এরিপ ফ্রমের নিম্নোক্ত মন্তব্য থেকে স্পষ্ট হবে: "শ্রমশিল্পের ক্ষেত্রে এই সব নূতন যন্ত্র নির্মাণ করতে করতে মানুষ তার এই নূতন কাজে এমন মগ্ন হয়ে পড়ল যে, এই কাজই তার জীবনের চূড়ান্ত লক্ষ্য হয়ে দাঁড়াল। একদা তার যে উত্তম ও শক্তি দৈবের আবিষ্কার ও মুক্তির সাধনায় নিয়োজিত হ'ত, এবার থেকে তা প্রকৃতিকে দাসী বানাবার কাজে ও ক্রমবর্ধমান ভৌতিক স্বাচ্ছন্দ্যের খোঁজে নিয়োজিত হতে লাগল। উৎপাদনকে এক শ্রেয়স্বরূপ জীবন-প্রাপ্তির সাধন হিসাবে নিয়োগ করতে সে ভুলে গেল। সম্মোহিতের মত সে অধিক ও বিচিত্র উৎপাদনকেই লক্ষ্য করে তুলল এবং জীবনের স্থান উৎপাদনের নিয়ে হ'ল। ক্রমবর্ধিত শ্রম-বিশাঙ্গন, কর্মের উত্তরোত্তর যন্ত্রীকরণ এবং সামাজিক

সংগঠনের নিত্যবধনশীল আকারের কারণে মানুষ এই সব যন্ত্রের প্রভু হবার পরিবর্তে স্বয়ং এর এক-একটি অঙ্গ-প্রত্যঙ্গে পর্যবসিত হয়ে পড়ল। মানুষের অবস্থা একটি পণ্য বা কোন বিনিয়োগের (investment) মত হয়ে উঠল। সাফল্য অর্থাৎ যথাসম্ভব অধিক মুনাফার বিনিময়ে বাজারে আত্মবিক্রয় করাই তার লক্ষ্য হয়ে দাঁড়াল। ব্যক্তি হিসাবে তার মূল্য নিজের বাজার দরের উপর, প্রেম যুক্তিশীলতা বা চারুকলার ক্ষেত্রস্থ দক্ষতা ইত্যাদি মানবীয় গুণ-নির্ভর নয়। অতঃপর নূতনতর ও উন্নততর পণ্যের উপভোগ, সঙ্গীত, চলচ্চিত্রাভিনয়, নানাবিধ আমোদ-প্রমোদ, যৌনসম্ভোগ, সুরা ও সিগারেট ইত্যাদি অধিকাংশিক মাত্রায় ব্যবহার এবং সুখ সমর্থদ্যোতক শব্দ হয়ে দাঁড়ায়। অধিকাংশের সঙ্গে সহমত হওয়ার মাধ্যমে যে আত্মাহুত্ব জাগে তদ্ব্যতিরেকে নিজের অস্তিত্ব সম্বন্ধে অপর কোন চেতনা মা থাকায় কারও সঙ্গে মতের মিল না হলেই সে অসহায় ও উৎকণ্ঠিত বোধ করে। আধুনিক মানুষ নিজের কাছ থেকে বিচ্ছিন্ন হয়ে স্বসৃষ্ট উপকরণ এবং নিজের হাতে-গড়া নেতৃত্বের এই ভাবে উপাসনা করে যে, সে সব যেন তার দ্বারা সৃষ্ট নয়, তার চেয়ে শ্রেষ্ঠ ও মহান্ কোন কিছু বস্তু।”

কেবল এরিগ ফ্রমই নয়, আরও বহু সমাজবিজ্ঞানীরও এই মত। বি. এইচ. মেয়ো তাঁর “ডেমোক্রেসি এণ্ড মার্কস্‌ইজম্” গ্রন্থের ২৭৩ পৃষ্ঠায় বলছেন: “স্বাধীনতা, শিল্প নৈপুণ্য, মানসিক শাস্তি এবং ভ্রাতৃত্ব ভাবের সব চেয়ে বড় শত্রু সম্ভবতঃ রাষ্ট্রের হস্তক্ষেপ নয়, এর কারণ বৃহৎ যন্ত্র-শিল্পের মধ্যেই নিহিত। এ কথা যদি সত্য হয় তা হ’লে বলতে হবে যে, এখনও আমরা উদ্যোগীকরণ ও যন্ত্রকৌশলের সঙ্গে সম্যক ব্যবস্থাপিতকরণের পরিবেশ রচনা করতে সমর্থ হই নি। যাই হউক, গডউইন থেকে আরম্ভ করে মামফোর্ড পর্যন্ত প্রতিটি সংবেদনশীল সমাজ বিজ্ঞানকের এই একই মত।”

বর্তমান সভ্যতা ও শিল্প-উদ্যোগের অন্ততম পাঠকূল ইংলণ্ডের অবস্থা বর্ণনা প্রসঙ্গে প্রখ্যাত ইংরেজ পণ্ডিত H. J. Pleure বলছেন, “যন্ত্রশিল্পের অজানা গোলক-ধাঁধায় ইংলণ্ডই সর্বপ্রথম পদার্পণ করে। এর ফলে দেশের জনসাধারণ মাটির সঙ্গে সম্বন্ধ-বিচ্যুত হয়ে শহরের বসতিতে একত্র হ’ল। এই প্রক্রিয়ার সুপ্রচুর অনর্জিত সম্পদ স্তূপীকৃত হ’ল এবং এই সম্পদ আবার শ্রমশিল্পের পুঁজি হিসাবে ব্যবহৃত হতে লাগল। জনসাধারণের অবস্থা অসংখ্য পরমাণুর আকস্মিক মিলনভূমির মত হয়ে

দাঁড়াল। অথচ চিন্তাশীল ব্যক্তিরাও সময় সময় এ কথা বিস্মৃত হন যে, জনসমাবেশ ও সমাজ সমর্থদ্যোতক শব্দ নয় এবং সামাজিক প্রাণীর পক্ষে সামাজিক জীবন এক প্রাথমিক প্রয়োজন স্বরূপ। একথা সত্য যে, সমাজের একজন হবার এই আকৃতি মানুষের এক মৌলিক বৈশিষ্ট্য হওয়ার জনসেবামূলক কার্য, খেলাধুলা এবং এমন কি লঘুচেতা ও কুখ্যাত গোষ্ঠীর মাধ্যমে বিকল্প অভিব্যক্তি পেল; কিন্তু সমগ্র ভাবে স্থানীয় সামাজিক জীবনের সঙ্গে ঐ সব গোষ্ঠীর সম্বন্ধক্ষেত্র অত্যন্ত সীমিত।” (Peter Manniche-এর Living Democracy in Denmark গ্রন্থের ভূমিকা)।

নজিরের সংখ্যা আর না বাড়িয়ে তাই এই সিদ্ধান্তে উপনীত হওয়া যায় যে, মানুষকে তার স্বসৃষ্ট এই নিঃসঙ্গতার, উদ্বেগবিহীন জীবনধারণের ক্রেশকর পরিস্থিতির হাত থেকে রক্ষা করতে হলে রাজনৈতিক এবং আর্থিক ক্ষেত্রে এমন ব্যবস্থা করতে হবে যাতে মানুষের মধ্যে প্রত্যক্ষ এবং জীবন্ত সম্বন্ধ পুনঃপ্রতিষ্ঠিত হতে পারে। পশ্চিমের আধুনিক সমাজবিজ্ঞানীরা সেই বাঞ্ছিত সমাজ-ব্যবস্থাকে মুখোমুখি সমাজ (face to face community) অথবা কমিউনিটেরিয়ান সোসাইটি আখ্যা দেন। এই সমাজের সদস্যরা যথাসম্ভব প্রত্যক্ষ ভাবে নিজেদের সব কাজ করবেন এবং কি রাজনৈতিক, কি আর্থিক ক্ষেত্রে কাজ ও কর্তৃত্বের ভারার্পণ (delegation) যথাসম্ভব কম হবে।

৩

আধুনিক সমাজের ব্যাধি ও তার নিদান সম্বন্ধে আলোচনার পর এর পরিপ্রেক্ষিতে এবার রবীন্দ্রনাথের “স্বদেশী সমাজ”-এর বক্তব্য বিশ্লেষণ করা যাক। অবশ্য ভারতের পরাধীনতার মৌলিক কারণ বিশ্লেষণ প্রসঙ্গে ১৩০৩ সালেই তিনি আবিষ্কার করেছিলেন, “বারুদ এবং শীমকের গোলক দ্বারা তাহার স্বাধীনতা অপহৃত হইতে পারে না। আগে আমাদের সমাজ নষ্ট হইয়াছে, ধর্ম বিকৃত হইয়াছে, বুদ্ধি পরবশ হইয়াছে, মনুষ্যত্ব নৃতপ্রায় হইয়াছে, তাহার পরে আমাদের রাষ্ট্রীয় দুর্গতির সূচনা হইয়াছে। সকল অবমাননা, সকল দুর্বলতার মূল সমাজের মধ্যে, ধর্মের মধ্যে।” (“ভারতপথিক রাম-মোহন রায়,” রবীন্দ্র শতবার্ষিকী সংস্করণ, পৃষ্ঠা ৯৫।) জাতি এবং মনুষ্যের জীবনে সমাজের ভূমিকা সম্বন্ধীয় এই সূত্র সংক্ষিপ্ত হলেও একটি চিরপুরাতন সত্যের নব আবিষ্কার।

এ কথা বলাই বাহুল্য যে, সমাজের বিকৃতির ফলে

যদি দেশ ও জাতি পরাধীন হয় তা হ'লে স্বাধীনতা অর্জন ও অর্জিত স্বাধীনতাকে বজায় রাখার জন্য সুস্থ সমাজের ভূমিকা আরও কত গুরুত্বপূর্ণ। “স্বদেশী সমাজ” প্রবন্ধের মারফত রবীন্দ্রনাথ ঠিক এই কথাটিই আমাদের সামনে উপস্থাপিত করতে চেয়েছিলেন। প্রবন্ধটি লিখিত হয় বাংলা দেশের জলকষ্ট নিবারণ সম্বন্ধে তদানীন্তন সরকারের মস্তব্য প্রকাশিত হবার পর। দেশবাসীর সরকার-নির্ভর মনোবৃত্তি রবীন্দ্রনাথকে কেবল বাংলা বা ভারতবর্ষের নয়, বিশ্বের প্রতিটি দেশের নাগরিকের মৌল স্বাধীনতার এই ঘোষণাপত্র রচনাতে অগ্রপ্রাণিত করে।

স্বাভাবিক সময়ে সমাজের অনন্ত ভূমিকার উল্লেখ দ্বারা রবীন্দ্রনাথ এই আলোচনার সূত্রপাত করেন। তিনি বলেন, “আমাদের দেশে যুদ্ধবিগ্রহ, রাজ্যরক্ষা এবং বিচারকার্য রাজা করিয়াছেন। কিন্তু বিদ্যাদান হইতে জলদান পর্যন্ত সমস্তই সমাজ এমন সহজ ভাবে সম্পন্ন করিয়াছে যে, এত নব নব শতাব্দীতে এত নব নব রাজার রাজত্ব আমাদের দেশের উপর দিয়া বস্তার মত বহিয়া গেল তবু আমাদের সমাজ নষ্ট করিয়া আমাদের গকে একেবারে লক্ষ্মীছাড়া করিয়া দেয় নাই।...সমাজ বাহিরের সাহায্যের অপেক্ষা রাখে নাই এবং বাহিরের উপদ্রবে স্তম্ভিত হয় নাই।” কিন্তু আজ? “আজ সমাজের মনটা সমাজের মধ্যে নাই। আমাদের সমস্ত মনযোগ বাহিরের দিকে গিয়াছে।” কারণ, “...সহায়তা লাভ, কল্যাণ লাভের স্বত্রে দেশের যে হৃদয় এতদিন সমাজের মধ্যেই কাজ করিয়াছে ও তৃপ্তি পাইয়াছে, তাহাকে বিদেশীর হাতে সমর্পণ করা হইল। যেখান হইতে দেশ সমস্ত উপকার পাইবে সেখানেই সে তাহার সমস্ত হৃদয় স্বভাবতই দিবে।” স্বাধীনতার চৌদ্দ বৎসর পরও ভারতের এই যে হতশ্রী অবস্থা এর মূল কারণ রাষ্ট্র-নির্ভরতা এবং এই কথাই আজ থেকে ছাপ্পান বৎসর পূর্বে আর্ন-দৃষ্টিসম্পন্ন রবীন্দ্রনাথ ঘোষণা করে গিয়েছিলেন— “আমাদের সমস্ত মনোযোগ বাহিরের দিকে গিয়াছে।”

ভারতবর্ষের পূর্বপ্রান্তে বসে রবীন্দ্রনাথ “স্বদেশী সমাজ” লেখার তিন বৎসর পর ইতিহাসের এক বিচিত্র নির্দেশে ভারতের পশ্চিম সীমান্তের এক মহাপুরুষও এদেশের হতগৌরব অবস্থার কারণ বিশ্লেষণ প্রসঙ্গে একই সিদ্ধান্তে উপনীত হয়েছিলেন। আমরা মহাত্মা গান্ধীর কথা বলছি। তিনি অবশ্য তখন দক্ষিণ আফ্রিকার এক তরুণ ব্যারিষ্টার। কিন্তু দেশের মৌলিক সমস্তাসমূহ তখন থেকেই তাঁর মনকে আলোড়িত করছে এবং তারই

পরিণাম হ'ল তাঁর “হিন্দ স্বরাজ” গ্রন্থ। “হিন্দ স্বরাজ”—এ গান্ধীজীর কল্পিত প্রশাস্ত পাঠক সমাজের ভূমিকা সম্বন্ধীয় এই জাতীয় উক্তি শুনেই বিলাতের পার্লামেন্টের দোহাই দিয়ে বহিমুখী মনোবৃত্তির সমর্থন করতে চেয়েছিলেন। রবীন্দ্রনাথও এই জাতীয় পল্লবগ্রাহী সমালোচনা উঠতে পারে অহুমান ক'রে গোড়াতেই তার জবাব দিয়ে গেছেন। ইংলণ্ড ও ভারতবর্ষের অবস্থার তুলনামূলক আলোচনা করে তিনি মস্তব্য করেছেন, “বিলাত দেশের সমস্ত কল্যাণকর্মের ভার স্টেটের হাতে সমর্পণ করিয়াছে; ভারতবর্ষ তাহা আংশিক ভাবে মাত্র করিয়াছিল।” ভারতবর্ষের এই আংশিক রাজ্য-নির্ভরতার স্বরূপ আরও একটু সবিস্তারে ব্যাখ্যা করে তিনি বলেন, “রাজা যদি সাহায্য বন্ধ করেন, হঠাৎ যদি দেশ অরাজক হইয়া আসে, তথাপি সমাজের বিদ্যাশিক্ষা, ধর্মশিক্ষা একান্ত বাধাপ্রাপ্ত হয় না। রাজা যে প্রজাদের জন্য দীর্ঘিকা খনন করিয়া দিতেন না তাহা নহে, কিন্তু সমাজের সম্পন্ন ব্যক্তিমাত্রই যেমন দিত, তিনিও তেমন দিতেন। রাজা অমনোযোগী হইলেই দেশের জলপাত্র রিক্ত হইয়া যাইত না।”

ভারত ও ইংলণ্ডের পূর্বোক্ত ভিন্ন ঐতিহ্যের তর্কসঙ্গত পরিণতি কি? রবীন্দ্রনাথের ভাষায়, “...ভিন্ন ভিন্ন সভ্যতার প্রাণশক্তি ভিন্ন ভিন্ন স্থানে প্রতিষ্ঠিত। সাধারণের কল্যাণ-ভার যেখানেই পুঞ্জিত হয় সেখানেই দেশের মর্মস্থান। সেইখানে আঘাত করিলেই সমস্ত দেশ সাংঘাতিক রূপে আহত হয়। বিলাতে রাজশক্তি যদি বিপর্যস্ত হয় তবে সমস্ত দেশের বিনাশ উপস্থিত হয়। এই জন্ত ইউরোপে পলিটিক্স এত অধিক গুরুত্ব ব্যাপার। আমাদের দেশে সমাজ যদি পঞ্জ হইত তবেই যথার্থ ভাবে দেশের সংকটাবস্থা উপস্থিত হইত। নিঃস্বক ভিক্ষাদান হইতে সাধারণকে ধর্মশিক্ষাদান, এ সমস্ত বিষয়ই বিলাতে স্টেটের উপর নির্ভর, আমাদের দেশে ইহা জনসাধারণের ধর্মব্যবস্থার উপরে প্রতিষ্ঠিত—এই জন্ত ইংরেজ স্টেটকে বাঁচাইলেই বাঁচে, আমরা ধর্মব্যবস্থাকে বাঁচাইলেই বাঁচিয়া যাই।” আজকে স্বাধীনতা লাভ করার পরও আমরা হিতব্রতী রাষ্ট্রের (welfare state) নামে নুতন করে সরকার-নির্ভর হয়ে আত্মশক্তিকে বিসর্জন দিতে বসেছি এবং তার পরিণাম স্বরূপ রাষ্ট্রবন্ত্র ও তার পরিচালক আমলাদের সর্বশক্তিমান করে গড়ে তুলে কিঞ্চিৎ আরাম ও বিরামের বিনিময়ে আমাদের স্বাধীনতাকে বিক্রিয়ে দিচ্ছি। দেশের বর্তমান অবস্থায় তাই রবীন্দ্রনাথের সতর্কবাণী স্মরণ রাখা বিশেষ প্রয়োজন। তিনি জানতেন যে, “যে কর্ম সমাজ

সরকারের দ্বারা করা হইয়া লইবে, সেই কর্ম সম্বন্ধে সমাজ নিজেকে অকর্মণ্য করিয়া তুলিবে।” আর সমাজকে অকর্মণ্য করে তোলার পরিণাম আমরা জানি। স্বাধীন ভারতের সরকার সম্বন্ধেও এই একই কথা প্রযোজ্য। কারণ প্রতিনিধিত্বমূলক শাসন ব্যবস্থায় সরকারের চারিদিক-ধর্মে মূলগত কোন পার্থক্য হয় না।

সরকার-নিরপেক্ষ, জনশক্তি-আধারিত সমাজোন্নয়ন কার্য পরিচালন করার প্রস্তাবকে অগভীর জ্ঞানের ব্যাপারীরা হতাশাসজ্জাত মনোবৃত্তির দ্যোতক আখ্যা দিয়ে থাকেন। রাজদ্বারে ভিক্ষাপ্রাপ্তির আশা নেই বলেই আশ্রয়শক্তির সাধকরা স্বাবলম্বনের কথা বলছেন— এই-ই হয় সমালোচকদের বক্তব্য। এঁদের উদ্দেশ্যে রবীন্দ্রনাথ বঙ্ককঠোর কণ্ঠে ঘোষণা করেছেন, “আমি স্পষ্ট বলিতেছি, রাজা আমাদের মতো মানুষ লঙ্ঘিত হইতে তাঁহার সিংহদ্বার হইতে খেদাইতেছেন বলিয়াই যে অগত্যা আশ্রয়শক্তিকে শ্রেয়স্জ্ঞান করিতেছি, কোনদিনই আমি এরূপ দুর্লভ-দ্রাক্ষাশুষ্ক-লুক্ক হতভাগ্য শৃগালের সান্ত্বনাকে আশ্রয় করি নাই। আমি এই কথাই বলি, পরের প্রসাদভিক্ষাই যথার্থ ‘পেসিমিস্ট’ আশাহীন দীনের লক্ষণ। গলায় কাছা না লইলে আমাদের গতি নাই, এ কথা আমি কোনমতেই বলিব না। আমি স্বদেশকে বিশ্বাস করি, আমি আশ্রয়শক্তিকে সম্মান করি। আমি নিশ্চয় জানি যে, যে উপায়েই হউক, আমরা নিজের মধ্যে ঐক্য উপলব্ধি করিয়া আজ যে সার্থকতালাভের জন্ত উৎসুক হইয়াছি, তাহার ভিত্তি যদি পরের পরিবর্তন-শীল প্রসন্নতার উপরেই প্রতিষ্ঠিত হয়, তবে তাহা পুনঃ পুনঃই ব্যর্থ হইতে থাকে। অতএব ভারতবর্ষের যথার্থ পথটিকি, আমাদের চারিদিক হইতেই তাহার সন্ধান করিতে হইবে।”

সুতরাং মুক্তি রাজশক্তির প্রসাদভিক্ষার পথে নেই, আছে ভারতবর্ষের সনাতন ঐতিহ্যে। এ ঐতিহ্যের স্বরূপ নিম্নরূপ : “মানুষের সঙ্গে মানুষের আত্মীয় সম্বন্ধ স্থাপনই চিরকাল ভারতবর্ষের সর্বপ্রধান চেষ্টা ছিল। আমরা যে-কোন মানুষের সংশ্রবে আসি, তাহার সঙ্গে একটা সম্বন্ধ নির্ণয় করিয়া বসি। এই জন্ত কোনও অবস্থায় মানুষকে আমরা আমাদের কার্য-সাধনের কল বা কলের অঙ্গ বলিয়া মনে করিতে পারি না। ইহার ভালমন্দ দুই দিকই থাকিতে পারে, কিন্তু ইহা আমাদের দেশীয়, এমন কি তদপেক্ষাও বড়, ইহা প্রাচ্য” (প্রবন্ধ লেখক কর্তৃক বিশেষ ভাবে চিহ্নিত)। এ যুগে বিশ্বের তাবৎ সমাজ-

ব্যবস্থায় রাষ্ট্র, পার্টি অথবা উন্নত উৎপাদন ব্যবস্থার বেদী-মূলে মানুষকে বলি দেবার যে মনোবৃত্তি দৃষ্টিগোচর, তার কারণ হচ্ছে মানুষকে গৌণ জ্ঞান করা, মানুষকে কোন কার্যসাধনের কল বা কলের অঙ্গ বিবেচনা করা। রবীন্দ্রনাথ তাই তাঁর “স্বদেশী সমাজ”-এ রোগের একেবারে মূলের প্রতি আমাদের দৃষ্টি আকর্ষণ করেছিলেন। এ কথা বলাই বাহুল্য যে, বর্তমান ব্যাধির প্রতিকার মানবীয় দৃষ্টিকোণ—মানবতাবাদী জীবনদর্শনে। আদর্শ সমাজ-ব্যবস্থা প্রতিষ্ঠাকামীরা তাই রবীন্দ্রনাথের নিয়োক্ত উপদেশ বিশ্বস্ত হলে চলবে না : “প্রয়োজনের সম্বন্ধকে আমরা হৃদয়ের সম্বন্ধ দ্বারা শোধন করিয়া লইয়া তবে ব্যবহার করিতে পারি। ভারতবর্ষ কাজ করিতে বসিয়াও মানবসম্বন্ধের মাধুর্যটুকু ভুলিতে পারে না। এই সম্বন্ধের সমস্ত দায় সে স্বীকার করিয়া বসে। আমরা এই দায় সহজে স্বীকার করাতেই ভারতবর্ষের ঘরে পরে, উচ্ছেদ নীচে, গৃহস্থে ও আগলকে একটি ঘনিষ্ঠ সম্বন্ধের ব্যবস্থা স্থাপিত হইয়াছে। এই জন্তই এদেশে টোল পাঠশালা জলাশয় অতিথিশালা দেবালয় অঙ্ক-খঞ্জ-আতুরদের প্রতিপালন প্রভৃতি সম্বন্ধে কোনও দিন কাহাকেও ভাবিতে হয় নাই।” নিছক প্রয়োজন অর্থাৎ স্বার্থের সম্বন্ধের আধারে যে সমাজ-ব্যবস্থা গড়ে ওঠে তা আজকের মত “মেকানিস্টিক” বা যান্ত্রিক হতে বাধ্য। আজকের এই যান্ত্রিক সমাজে জীবনরসায়নের সঞ্চার করার জন্ত কেবল সমাজকল্যাণমূলক আইন-কাহ্নন বা আমলাদের দ্বারা কল্যাণমূলক কার্যকলাপ সঞ্চালিত করাই যথেষ্ট নয়। যে মানবীয় প্রেরণার বশবর্তী হয়ে মানুষ নিরপেক্ষ অন্ন দেয়, অঙ্ক-খঞ্জ-আতুরদের সেবা করে, মানুষে মানুষে প্রত্যক্ষ সম্বন্ধের সেই করুণামূলক সমাজ-ব্যবস্থাই রবীন্দ্রনাথের কাম্য ছিল। কারণ ব্যক্তি-মানবের হৃদয় আছে, পক্ষান্তরে রাষ্ট্র সংবেদনশীলতা-বিবর্জিত এক নৈর্ব্যক্তিক সত্তা।

প্রশ্ন উঠতে পারে যে, মানুষের চিন্তা ভাবনা ও কর্মকে প্রতিনিয়ত সমাজমুখী রাখার উপায় কি? কারণ পরার্থ-বৃত্তির মত স্বার্থবোধও মানুষের স্বভাবে ওতপ্রোত। মানুষের স্বার্থভাবনাকে অপনোদিত করে তাকে সমাজ-মুখী করার সমস্যা এ যুগের সমাজবিজ্ঞানীদের কাছে একটি বড় প্রশ্ন। মানুষকে সহস্রবিধ বিধিবিধানের দাস করে শাস্তির ভয়ে তার অসামাজিক বৃত্তিসমূহের কঠোরোপ করা সমাজবাদের আদর্শ। এর বিকল্প হিসাবে হিতব্রতী রাষ্ট্র সর্ব-সাধারণের কাছ থেকে যথাসম্ভব অধিক কর নিয়ে আমলাদের দ্বারা জনকল্যাণের কাজ করাতে চায়।



উত্তম ব্যবস্থাতেই চৈতন্যশীল ও মুক্ত জীব হিসাবে মানুষের ভূমিকা কৃষ্টিত হয়। রবীন্দ্রনাথ তাঁর “স্বদেশী সমাজ” প্রবন্ধে এই মৌলিক সমস্তার সমাধানের জন্ত এক বৈপ্লবিক পন্থা নির্দেশ করেছিলেন। পন্থাটি বৈপ্লবিক হলেও অভিনব নয় কিন্তু।

রবীন্দ্রনাথের নিদান প্রাচ্যের ধর্মমূলক ঐতিহ্যের উপর আধারিত। একদা সমাজ-কল্যাণের জন্ত প্রবর্তিত হিন্দু সমাজের যে সব প্রথা আজ প্রাণহীন জড় আচার মাত্রে পর্যবসিত, তাদের সত্য স্বরূপ রবীন্দ্রনাথের চোখে ধরা পড়েছিল। তিনি দেখেছিলেন, “গৃহের এবং পল্লীর ক্ষুদ্র সম্বন্ধ অতিক্রম করিয়া প্রত্যেককে বিশ্বের সহিত যোগযুক্ত করিয়া অন্তর্ভুক্ত করিবার জন্ত হিন্দুধর্ম পন্থা নির্দেশ করিয়াছে। হিন্দুধর্ম সমাজের প্রত্যেক ব্যক্তিকে প্রতিদিন পঞ্চযজ্ঞের দ্বারা দেবতা, ঋষি, পিতৃপুরুষ, সমস্ত মনুষ্য ও পশুপক্ষীর সহিত আপনার মঙ্গলসম্বন্ধ স্মরণ করিতে প্রবৃত্ত করিয়াছে। ইহা যথার্থ রূপে পালিত হইলে ব্যক্তিগত ভাবে প্রত্যেকের পক্ষে ও সাধারণ ভাবে বিশ্বের পক্ষে মঙ্গলকর হইয়া উঠে।” ধার্মিক অনুষ্ঠানের মাধ্যমে সামাজিক সংহতি বিদ্যুত করে রাখার এই পরিকল্পনা কেবল যে সমাজকেই দৃঢ় বনিয়াদের উপর প্রতিষ্ঠিত করবে তাই নয়, এর ফলে ধর্মেও নবজীবনের সঞ্চার হবে। শুধু গুণমার্গ অথবা ভক্তিমার্গের নিছক ভাবাবেগ বিংশ শতাব্দীর মানুষের ধর্ম-পিপাসা মেটাতে পারবে না। তাই রবীন্দ্রনাথের ধর্মের সঙ্গে জনকল্যাণের সমন্বয় সাধন করার এই প্রস্তাব একাধারে দ্বিবিধ বিপ্লব। আর রবীন্দ্রনাথের এ পরিকল্পনা যে অবাস্তব কবিকল্পনা নয়, তার প্রমাণ অতীতের বিবেকানন্দ এবং এ যুগের গান্ধী ও বিনোবা ভাবের সাধনা।

সুতরাং এই আদর্শের পরিপ্রেক্ষিতে আমাদের প্রত্যক্ষ কর্তব্য কি? রবীন্দ্রনাথ তাঁর “স্বদেশী সমাজ”—এর সদস্যদের কর্তব্য নির্ধারণ প্রসঙ্গে বলেছিলেন, “আমাদের সমাজে প্রত্যেকের সহিত সমস্ত দেশের একটা প্রাত্যহিক সম্বন্ধ কি বাঁধিয়া দেওয়া অসম্ভব? প্রতিদিন প্রত্যেকে স্বদেশকে স্মরণ করিয়া এক পরস্পর অথবা তদপেক্ষা অল্প, একমুষ্টি অথবা অর্ধমুষ্টি তুলুও স্বদেশ-বলিস্বরূপে উৎসর্গ করিতে পারিবেন না? স্বদেশের সহিত আমাদের মঙ্গলসম্বন্ধ—সে কি আমাদের ব্যক্তিগত হইবে না? আমরা কি স্বদেশকে জলদান, বিদ্যাদান প্রভৃতি মঙ্গলকর্মগুলিকে পরের হাতে সমর্পণ করিয়া দেশ হইতে আমাদের চেষ্টা চিন্তা ও হৃদয়কে একেবারে

বিচ্ছিন্ন করিয়া ফেলিব?” “স্বদেশের ভার আমরা প্রত্যেকেই এবং প্রতিদিনই গ্রহণ করিব—তাহাতে আমাদের গৌরব, আমাদের ধর্ম। এইবার সময় আসিয়াছে, যখন আমাদের সমাজ একটা গুরুত্বপূর্ণ স্বদেশী সমাজ হইয়া উঠিবে। সময় আসিয়াছে, যখন প্রত্যেকে জানিবে আমি একক নহি—আমি ক্ষুদ্র হইলেও আমাকে কেহ ত্যাগ করিতে পারিবে না, এবং ক্ষুদ্রতমকেও আমি ত্যাগ করিতে পারিব না।” আবার, “...সমাজের প্রত্যেক ব্যক্তি প্রত্যহ অতি অল্পপরিমাণেও কিছু স্বদেশের জন্ত উৎসর্গ করিবে। তা ছাড়া প্রত্যেক গৃহে বিবাহাদি শুভকর্মে গ্রামভাটি প্রভৃতির দ্বারা এই স্বদেশী সমাজের একটা প্রাপ্য আদায় দ্বারা বলিয়া মনে করি না। ইহা যথাস্থানে সংগৃহীত হইলে অর্থাভাব ঘটবে না। আমাদের দেশে যেচ্ছাদস্ত দানে বড়ো বড়ো মঠ মন্দির চলিতেছে, এ দেশে কি সমাজ ইচ্ছাপূর্বক আপনার আশ্রয়স্থান আপনি রচনা করিবে না? বিশেষত যখন অল্পে জলে স্বাস্থ্য বিদ্যায় দেশ সৌভাগ্যলাভ করিবে তখন কৃতজ্ঞতা কখনই নিশ্চেষ্ট থাকিবে না।”

আপাতদৃষ্টিতে এ কর্মসূচীকে অকিঞ্চিৎকর মনে হতে পারে, কারণ বড় বড় ইয়্যালিপূর্ণ তত্ত্বকথা এর মধ্যে নেই। কিন্তু এই লঘুস্বরূপ কর্মসূচীর ভিতর অন্তর্নিহিত সবচেয়ে বড় জিনিস হচ্ছে সমাজ-চেতনা—সমাজের অবিচ্ছেদ্য অঙ্গ হিসাবে সামাজিক কর্তব্য সম্বন্ধে দায়িত্ববোধ। ছোট ছোট কর্তব্যকর্মের মাধ্যমে সমাজের সঙ্গে এই সাযুজ্যবোধ যদি জাগ্রত হয়, তা হলে যুদ্ধের বার আনাই জয় হয়ে যায়। এই জন্ত পরম আশ্রয়বিশ্বাস সহকারে রবীন্দ্রনাথ বলতে পেরেছিলেন, “নিজের শক্তিকে অবিশ্বাস করিবেন না—আপনারা নিশ্চয় জানিবেন, সময় উপস্থিত হইয়াছে। নিশ্চয় জানিবেন, ভারতবর্ষের মধ্যে একটা বাঁধিয়া তুলিবার ধর্ম চিরদিন বিরাজ করিয়াছে। নানা প্রতিফুল ব্যাপারের মধ্যে পড়িয়াও ভারতবর্ষ বরাবর একটা ব্যবস্থা করিয়া তুলিয়াছে, তাই আজও রক্ষা পাইয়াছে। এই ভারতবর্ষের উপরে আমি বিশ্বাস স্থাপন করি। এই ভারতবর্ষ এখনই এই মুহূর্তেই ধীরে ধীরে নূতন কালের সহিত আপনার পুরাতনের আশ্চর্য একটা সামঞ্জস্য গড়িয়া তুলিতেছে। আমরা প্রত্যেকে যেন সজ্ঞান ভাবে ইহাতে যোগ দিতে পারি—জড়ত্বের বশে বা বিদ্রোহের তাড়নায় প্রতিক্রমে ইহার প্রতিকূলতা না করি।”

৪

রবীন্দ্রনাথের এই স্বদেশী সমাজের কল্পনা কোন

স্থানীয় আত্মগত্য (parochialism) চালিত সঙ্কীর্ণতার পরিচায়ক নয়। ঔপনিষদিক ভাবধারায় ওতপ্রোত ভূমাপ্রেমী বিশ্বমানব কদাচ অল্পে সন্তুষ্ট হতে পারেন না। তাই রবীন্দ্রনাথের স্বদেশী সমাজের সদস্যরা স্বয়ংসম্পূর্ণ গ্রামের অধিবাসী হলেও তাদের মন ছোট্ট গ্রামটির চতুঃসীমার মধ্যে বন্দী থাকবে না। দেশী মেলা রবীন্দ্রনাথের স্বদেশী সমাজের একটি অপরিহার্য অঙ্গ। এই মেলায় যেমন দেশী পণ্য ও কৃষিদ্রব্যের প্রদর্শনী থাকবে, তেমনি ভাল কথক, কীর্তন গায়ক, যাত্রার দল এবং ম্যাজিক লঠন ইত্যাদির সাহায্যে জনশিক্ষার প্রসার করা হবে। প্রত্যুত রবীন্দ্রনাথের স্বদেশী সমাজ ও বিরাট বিশ্বের সঙ্গে যোগাত্মক স্থাপনের কাজ করবে এই মেলা।

তুধু তাই নয়। ভারতবর্ষের অবিচ্ছেদ্য অঙ্গ এই স্বদেশী সমাজ ভারতের ইতিহাস-নির্দিষ্ট কর্তব্যও যথাযথ ভাবে পালন করবে। কি সেই ইতিহাসের বিধান? সমগ্র। যে ভারত-তীর্থের কবি এই ভারতের মহামানবের সাগর তীরে শকহন দল পাঠান মোগলকে এক দেহে লীন হতে দেখেছিলেন, তিনি আন্তরিক ভাবে বিশ্বাস করতেন যে, “বিধাতা যেন একটা বৃহৎ সামাজিক-সম্মিলনের জন্ত ভারতবর্ষেই একটা বড় রাসায়নিক কারখানা খর খুলিয়াছেন।” স্বতরাং রবীন্দ্রনাথের স্বদেশী সমাজে ভীকু আত্মসঙ্কোচনের কুর্ষবৃত্তির স্থান নেই। একদিকে স্বয়ংশাসিত স্বাবলম্বী পল্লী এবং তার অপর দিগন্ত নিখিল বিশ্ব। কারণ রবীন্দ্রনাথ উপলক্ষি করেছিলেন, “...প্রত্যেক জাতিই বিশ্বমানবের অঙ্গ। বিশ্বমানবকে দান করিবার, সহায়তা করিবার সামগ্রী কি উদ্ভাবন করিতেছে, ইহারই সঙ্গের দিগন্ত প্রত্যেক জাতি প্রতিষ্ঠা লাভ করে। যখন হইতে সেই উদ্ভাবনের প্রাণশক্তি কোন জাতি হারায়, তখন হইতেই সেই বিরাট মানবের কলেবরে পক্ষাঘাতগ্রস্ত অঙ্গের স্থায় সে কেবল ভারতরূপে বিরাজ করে। বস্তুতঃ, কেবল টিকিয়া থাকাই গৌরবের নহে।”

“দিবে আর নিবে, মিলাবে মিলিবে, বাবে না ফিরে”—ভারতাত্মার এই বাণী রবীন্দ্রনাথসে তার সত্য স্বরূপে উদ্ভাসিত হয়ে উঠেছিল বলে তিনি ভারতের নানক, কবীর ও বৈষ্ণব সাধকদের ভিতর ইসলাম ও হিন্দুধর্মের সমগ্র আবিষ্কার করেছিলেন। একই কারণে তিনি এ দেশের মাটিতে ইংরেজদের পদার্পণকে কোন প্রকৃষ্ট ঘটনা জ্ঞান করে বিদেশীর ছোয়া থেকে বাঁচার

জন্ত তৎপর হয়ে ওঠেন নি। আদর্শ ইতিহাসজ্ঞের দৃষ্টিতে ভারতভূমিতে পাশ্চাত্য প্রভাবের প্রয়োজনীয়তা স্বীকার করে নিয়ে তিনি দৃষ্ট কণ্ঠে ঘোষণা করেছিলেন যে, একদা যে ভারতবর্ষ সর্বত্র শান্তি সাধনা ও ধর্ম ব্যবস্থা স্থাপন করে মানবের ভক্তিপাত্র হয়েছিল, কালের প্রভাবে তা হারাবার পর ইংরেজের আসার প্রয়োজন ছিল। কারণ, “ইংরেজের প্রবল আধাতে এই ভীকু পলাতক সমাজের ক্ষুদ্র বেড়া অনেক স্থানে ভাঙিয়াছে। বাহিরকে ভয় করিয়া যেমন দূরে ছিলাম, বাহির তেমনি হুড়মুড় করিয়া একেবারে ঘাড়ের উপর আসিয়া পড়িয়াছে—এখন ইহাকে ঠেকায় কাহার সাধ্য। এই উৎপাতে আমাদের যে প্রাচীর ভাঙিয়া গেল তাহাতে দুইটা জিনিস আমরা আবিষ্কার করিলাম। আমাদের কি আশ্চর্য শক্তি ছিল তাহা চোখে পড়িল এবং আমরা কি আশ্চর্য অশক্ত হইয়া পড়িয়াছি তাহাও পরা পড়িতে বিলম্ব হইল না।”

“আমাদের যে শক্তি আবদ্ধ আছে তাহা বিদেশ হইতে বিরোধের আঘাত পাইয়াই মুক্ত হইবে—কারণ, আজ পৃথিবীতে তাহার কাজ আসিয়াছে। আমাদের দেশের তাপসেরা তপস্তার দ্বারা যে শক্তি সঞ্চয় করিয়া গিয়াছেন তাহা মহামূল্য, বিধাতা তাহাকে নিষ্ফল করিবেন না। সেইজন্ত উপযুক্ত সময়েই তিনি নিশ্চেষ্ট ভারতকে সুকঠিন পীড়নের দ্বারা জাগ্রত করিয়াছেন।” দেশ-কালের উপরে বিরাজিত যে ঋষিদৃষ্টির প্রসাদে রবীন্দ্রনাথ পূর্বোক্ত সত্য উপলক্ষি ও ব্যক্ত করতে পেরেছিলেন, তিনি যে স্বদেশী সমাজের মাধ্যমে কোন রকম সঙ্কীর্ণতা বা স্থানীয় আত্মগত্যের প্রশয় দেবেন, এ কথা মনে করা ভ্রমাত্মক।


প্রাচীন সংস্কার-চালিত ভেদবুদ্ধি আজ ফলিত বিজ্ঞানের নিয়ন্ত্রণকারী হওয়ায় মানব প্রজাতির অস্তিত্বের সম্মুখে এক সঙ্কট উপস্থাপিত হয়েছে—এ কথা অনস্বীকার্য। শুদ্ধ বিজ্ঞান (pure science) কিন্তু মানুষের মানুষের সর্বপ্রকার ভেদবিভেদ দূর করে একত্বের বাণীই প্রচার করছে। রসায়ন শাস্ত্র ও পদার্থ বিজ্ঞান যেমন জড় পদার্থের মৌলিক একত্ব আবিষ্কার করেছে, নৃতত্ত্ব, জীব-বিজ্ঞান, শারীরবৃত্ত ও প্রাচীন ইতিহাসও তেমনি মানুষের সনাতন অভিন্নতার প্রতি অঙ্গুলি নির্দেশ করছে। ভারতের প্রাচীন ঋষিদেরই মত আধুনিক বিজ্ঞান যেন বলছে, “ইহ চেৎ অবেদীৎ অথ সত্যমস্তি”—এই এককেই যদি মানুষ জাগে তবে সে সত্য হয়; “ন চেৎ ইহ অবেদীৎ মহতী বিনষ্টিঃ”—এই এককে যদি না জানে তবে

তার মহতী বিনষ্ট। রবীন্দ্রনাথের স্বদেশী সমাজরূপী  
এবম্ভুলির সম্বন্ধে যে ভারতবর্ষ গ'ড়ে উঠবে সে দেশ  
তাই বহর মধ্যে ঐক্য উপলব্ধি করবে, বৈচিত্র্যের মধ্যে  
ঐক্য স্থাপন করবে। "ভারতবর্ষ পার্থক্যকে বিরোধ  
বলিয়া জানে না, সে পরকে শত্রু বলিয়া কল্পনা করে না।  
এইজন্যই ত্যাগ না করিয়া, বিনাশ না করিয়া, একটি  
বৃহৎ ব্যবস্থার মধ্যে সকলকেই সে স্থান দিতে চায়।  
এইজন্য সকল পক্ষকেই সে স্বীকার করে, স্বস্থানে  
সকলেরই মাহাত্ম্য সে দেখিতে পায়।" কারণ, "ঐক্য  
সাধনই ভারতবর্ষীয় প্রতিভার প্রধান কাজ। ভারতবর্ষ  
কাহাকেও ত্যাগ করিবার, কাহাকেও দূরে রাখিবার  
পক্ষে নহে; ভারতবর্ষ সকলকেই স্বীকার করিবার,  
গ্রহণ করিবার বিরাট একের মধ্যে সকলকেই স্ব-স্ব  
প্রধান প্রতিষ্ঠা উপলব্ধি করিবার পন্থা, এই বিবাদনিরত  
ব্যবধানসংকুল পৃথিবীর সম্মুখে একদিন নির্দেশ করিয়া  
দিবে।"

ভারতের ইতিহাস-নির্দিষ্ট ভূমিকা ও ভারতবাসীর  
শক্তির প্রতি গভীর বিশ্বাসে অনুপ্রাণিত হয়ে রবীন্দ্রনাথ  
তার আদর্শের স্বদেশী সমাজ গড়ার জন্য আমাদের ডাক  
দিয়েছিলেন। "স্বদেশী সমাজ" প্রবন্ধের উপসংহারে  
তিনি উদাত্ত আশ্বাস জানিয়ে বলেছিলেন, "আমাদের  
দেশ ত একদিন ধনকে ভুচ্ছ করিতে জানিত,  
একদিন দারিদ্র্যকে শোভন মহিমাযুক্ত করিতে শিখিয়া-  
ছিল; আজ আমরা কি টাকার কাছে মাঠাসে  
মূল্যবলুষ্ঠিত হইয়া আমাদের সনাতন ধর্মকে অপমানিত

করিব? আজ আবার আমরা সেই উচিত্ত, সেই  
মিত-সংযত, সেই স্বল্পোপকরণ জীবনযাত্রা গ্রহণ করিয়া  
আমাদের তপস্বিনী জননীকে সেবার নিযুক্ত হইতে  
পারিব না? একদিন যাহা আমাদের পক্ষে নিতান্তই  
সম্ভব ছিল তাহা কি আমাদের পক্ষে আজ একেবারেই  
অসম্ভব হইয়া উঠিয়াছে?—কখনোই নহে। নিরতিশয়  
দুঃসময়েও ভারতবর্ষের নিঃশব্দ প্রকাণ্ড প্রভাব ধীরভাবে  
নিপুণভাবে আপনাকে জয়ী করিয়া তুলিয়াছে। আমি  
নিশ্চয় জানি, ভারতবর্ষের সুগভীর আশ্বাস প্রতি  
মুহূর্তে আমাদের বক্ষঃকুহরে ধনিত হইয়া উঠিতেছে;  
এবং আমরা নিঃশব্দে শব্দে শব্দে সেই ভারতবর্ষের  
দিকেই চলিয়াছি।" আমরা ঋষিকবির বিশ্বাস  
ও আশ্বাস কতটা উপযুক্ত তা ভবিষ্যৎ ইতিহাসই  
কেবল বলতে পারবে।

অন্য রবীন্দ্রনাথের ভবিষ্যৎ সমাজ সম্বন্ধীয় বক্তব্যের  
দাঁড়ি কমা সহ সবটুকু হবহ বজায় রাখার কথা বলা  
হচ্ছে না। তাঁর বিকল্পিত স্বাবলম্বী সমাজ ও অর্ধ-  
ব্যবস্থার মূল পরিকল্পনা বা আদর্শ বজায় রেখে ঐ  
পরিকল্পনার যুগোপযোগী সংস্কার করা যেতে পারে  
এবং করা উচিতও। আসল কথা হচ্ছে এই যে,  
রবীন্দ্রনাথের "স্বদেশী সমাজ"-এর মূল বক্তব্য ছাপ্পান্ন  
বৎসর পূর্বেকার মত আজও সত্য। বরং কালের  
প্রভাবে প্রচলিত সমাজ-ব্যবস্থার বিকৃতি ও তজ্জনিত  
মানুষের দুর্দশা আরও নগ্নভাবে প্রকট হবার দরুণ  
"স্বদেশী সমাজ"-এর আদর্শের সার্থকতা ও  
প্রয়োজনীয়তা আজ আরও বেশী।



## রঙ্গমল্লী

শ্রীমতী দেবী

৫

পূর্ণিমা ভাল করিয়াই পাস করিল, এবং যতগুলি বিজ্ঞাপন সংগ্রহ করিতে পারিল, সব জায়গায়ই আবেদন-পত্র পাঠাইয়া দিল। স্কুলেরও ছুটি হইয়া গেল, এখন প্রায় অখণ্ড অবসর। বাড়ীতে যে ছ'টি মেয়েকে পড়াইত, তাহাদের কাজটা অবশ্য রহিল। অত্যন্ত উদ্বীণ হইয়া রোজ চিঠির বাস দেখিতে লাগিল, যদি কোন উত্তর আসে।

সরমা বেড়াইতে লাগিল, ঘুমাতে লাগিল, এবং মাঝে মাঝে মনে পড়িলে, রান্নাও করিতে লাগিল। একদিন ঘুরিয়া আসিয়া খবর দিল, “পরশু বড়কীদির বিয়ে হচ্ছে, জান ?”

পূর্ণিমা বলিল, “কই, দীপক ত বলে নি ?”

সরমা বলিল, “হয়ত লজ্জায় বলে নি, আমাদের নৈমন্ত্যন করছে না ত ? আমি কিন্তু লিলিদের বাড়ী গিয়ে উঁকি মেরে বিয়ে দেখে আসব।”

পূর্ণিমা বলিল, “যাঃ, কি দরকার ? ওরা যদি দেখে ফেলে ত মাঝ থেকে লজ্জায় পড়বি।”

সরমা বলিল, “এমন জায়গায় দাঁড়াব যে কেউ দেখতেই পাবে না, আমার ছুঁড়োপেটা বরটাকে দেখবার বড় সখ।”

তাহার দিদি বলিল, “তোমার জন্তে ঐ রকম একটা এনে দিই না ?”

সরমা বলিল, “ইস্, দেখই না এনে ? নিজের বেলায় ত বেশ ফরসা দেখে বর বেছেছ, আর ক'চি দেখে।”

পূর্ণিমা বলিল, “থাক, থাক, আর এখন অত বরের ভাবনায় কাজ নেই। যখন সময় হবে, নিজেরই বেছে নিস্।”

এমন সময় রণেন লাফাইতে লাফাইতে আসিয়া বলিল, “এই নাও বড়দি, তোমার একটা চিঠি।”

পূর্ণিমা তাড়াতাড়ি চিঠিখানা তার হাত হইতে তুলিয়া লইল। উপরে কোম্পানীর নামের ছাপমালা খাম। খুলিয়া দেখিল, তাহাকে কাল এগারোটায় সময় সাক্ষাৎ করিবার জন্ত আহ্বান করা হইয়াছে। প্রথম প্রতিক্রিয়া হইল নিছক আনন্দ, তাহার পর একটা

অনির্দিষ্ট আশঙ্কায় বুকটা ছর ছর করিয়া কাঁপিয়া উঠিল।

ভাইবোনে একসঙ্গে জিজ্ঞাসা করিল, “কিসের চিঠি দিদি ?”

খামখানা তাহাদের চোখের সামনে তুলিয়া ধরিয়া পূর্ণিমা বলিল, “এখান থেকে ডাক এসেছে interview-এর জন্তে।”

রণেন বলিল, “খুব বড় কোম্পানী দিদি ?”

পূর্ণিমা বলিল, “নামটা ত শুনিছি অনেক দিন থেকে।”

সরমা বলিল, “অফিসের কর্তা যদি সাহেব হয় ?”

পূর্ণিমার যে সে ভয় একেবারে ছিল না, তাহা নয় কিন্তু কোন বিষয়েই যে সে ভয় পাইয়াছে, ইহা কখনও স্বীকার করিতে চাহিত না। বলিল, “হয়, হবে। সাহেবরা ত আর রাফস নয় যে আমাকে দেখলেই হাঁট মাঁট খাঁট বলে তেড়ে আসবে। আর ওরা এক দিকে ভাল দিশি লোকের চেয়ে।”

সরমা বলিল, “বাবাঃ, আমি হলেই হয়েছিল আর কি ? ইংরিজি বুঝতেই জিব বেরিয়ে যেত। আচ্ছা দিদি, স্টেনোরা ত খুব সেজেগুজে যায়, না ?”

পূর্ণিমা বলিল, “ওর কি আর কোন আইন আছে ? যার যেমন ইচ্ছে। তবে খুব পরিপাটি পরিচ্ছন্ন নিশ্চয়ই থাকতে হবে।”

সরমা বলিল, “তোমার ত ভাল শাড়ীটাড়ি বেশী নেই ?”

পূর্ণিমা বলিল, “আন্তে আন্তে বাড়াতে হবে শাড়ীর সংখ্যা। এখন না হয় মায়ের ঢাকাই শাড়ীর ভাণ্ডার থেকে এক-আধখানা ধার নেব, যেগুলি তিনি তোর বিয়ের জন্তে জমিয়ে রেখেছেন।”

সরমা বলিল, “আহা, ওধু আমার বিয়ের জন্তেই আর কি ? তুমি বড়, তুমি ত আগে বিয়ে করবে।”

পূর্ণিমা বলিল, “হ্যাঃ, আমার আবার বিয়ে ! আচ্ছা তুই ত এ বেলা রাঁধছিস না ? আমি একটু ঘুরে আসি, কেমন ? বেশি দেরি করব না।”

সরমা বলিল, “যাও, যাও, এরপর ক'দিন শ্রীমান্



হয়ত বেরোতেই পারবেন না ঘর থেকে বোনের বিয়ের হাজামে।”

পূর্ণিমা হাসিয়া বাহির হইয়া চলিল। একবার ভাবিল, অফিসের চিঠিখানা লইয়া যায়, তাহার পর ভাবিল থাক, দরকার নাই, দীপক কিছুই খুশী হইবে না।

সে গিয়া বসিতে না বসিতে দীপক আসিয়া উপস্থিত হইল। বড়ই পরিশ্রান্ত দেখাইতেছে তাহাকে। পূর্ণিমা জিজ্ঞাসা করিল, “এ রকম চেহারা কেন? মনে হচ্ছে সারা ছুপুর যেন রোদে ঘুরে বেড়িয়েছ?”

দীপক বলিল, “প্রায় তাই। সেই যে প্রবাদে বলে না যে, ভারি ত না বিয়ে, তার ছ’পায়ে আলতা? আমাদের হয়েছে তাই। ঐ ত না ছিরির বিয়ে, মেয়েটাকে জলেই ফেলে দেওয়া হচ্ছে, তার আবার খটা কত! এটা চাই, সেটা চাই। ঘুরতে ঘুরতে মাথা ধরে গেল।”

পূর্ণিমা বলিল, “এইবার বোক দীপক, ভারি যে স্ত্রী-স্বাধীনতার উপর বিমুখ তুমি? বড়কীর যদি কোন সামর্থ্য থাকত, তা হলে এমন অদৃষ্ট হ’ত কি তার? চিরকাল কেউ কি কাউকে ঘাড়ে ক’রে রাখতে পারে? তুমি নিজেও ত এই ভয়ে পিছিয়ে গেলে কোনও প্রতিবাদ করলে না, মায়ের এই নিষ্ঠুরাচরণের। আমিই যদি তোমার বোনের মত হতাম ত আমাকেও ত এমনি ক’রে যার তার কাছে বলি দিয়ে দিত। মায়ের এমন কুবুদ্ধি হয় নি তাই।”

দীপক বলিল, “অতখানি নিশ্চার যোগ্য আমি নই কিন্তু। বোনদের পড়াবার ক্ষমতা যদি আমার থাকত তা হলে মায়ের সঙ্গে ঝগড়া ক’রে হলেও আমি তাদের পড়াতাম। কিন্তু নিষ্ঠুরে সাপের কুলোপারা চক্রকে গ্রাস করে না কেউ। স্ত্রী-স্বাধীনতার বিরোধী আমি নই, তবে সংসারের দিকুটা মেয়েরা একেবারে ভাসিয়ে দিক, এটাও চাই না।”

“সংসারের দিকু না ভাসিয়ে দিলে যদি হাঁড়ি-চড়া বন্ধ হয়?”

দীপক বলিল, “ঐখানেই ত মুশকিল, এইখানে এসেই ত সব তর্ক খামিয়ে দিতে হয়।”

পূর্ণিমা খানিক চুপ করিয়া থাকিয়া বলিল, “কাল থেকে বোধ হয় তোমার আর কয়েকদিন বেড়াতে আসাই হবে না, না দীপক? কাজে ব্যস্ত থাকবে।”

দীপক বলিল, “বড়কী খণ্ডরবাড়ী চলে গেলে পর

তার পর হাঁক ছেড়ে আবার বেরোব। আজই তোমার বলব ভেবে এসেছিলাম।”

পূর্ণিমা বলিল, “বোনটার জন্তে তোমার কষ্ট হচ্ছে না?”

দীপক বলিল, “হচ্ছে বই কি? আমি মাহুম ত? কিন্তু দরিজের মনোরথে কি এসে যায় বল? ছদয়েই ওঠে ছদয়েই মিলিয়ে যায়।”

ছইজনে কিছুক্ষণ চুপ করিয়া বসিয়া রহিল। তাহার পর দীপক জিজ্ঞাসা করিল, “পরীক্ষার result বেরিয়েছে পূর্ণিমা?”

পূর্ণিমা বলিল, “হ্যাঁ, সে ৩ অনেক দিন হ’ল।”

“ভাল ক’রেই পাস করেছ নিশ্চয়? আমায় বল নি কেন?”

পূর্ণিমা বলিল, “তুমি শুনে ত কিছু খুশী হও না, তাই বলতে সঙ্কোচ লাগে।”

দীপক বলিল, “কাছের জন্তে applyও নিশ্চয় করেছ?”

পূর্ণিমা বলিল, “করেছি, একটা interview-এর জন্তে ডাকও এসেছে আজ।”

দীপক একটু ব্যস্ত হইয়াই যেন জিজ্ঞাসা করিল, “কোথা থেকে?”

পূর্ণিমা নাম বলিল। দীপক বলিল, “ও, নামটা শুনেছি বটে। তবে বিশেষ কিছু জানি না ওদের সম্বন্ধে। খুব বড় নয়, মাঝারি গোছের বড়। ক্রমে ক্রমে কেঁপে উঠছে।”

পূর্ণিমা বলিল, “অফিস যেকি বস্তু, তা চোখেও দেখি নি এর আগে। যাক, সব জিনিষেরই আরম্ভ আছে ত?”

দীপক জিজ্ঞাসা করিল, “কবে যাচ্ছ interview দিতে?”

পূর্ণিমা বলিল, “কাল এগারোটায় সময়।”

দীপক একটু খামিয়া বলিল, “কপালে একটা কাজলের টিপ প’রে যেও, নজর কম লাগবে।”

পূর্ণিমা বলিল, “যত সব ধারণা তোমাদের। এত মেয়ে যে খেটে খাচ্ছে, তাদের ক’জনকে কে জল দিয়ে গিলে খেয়েছে ওনি? আমার চেয়ে সুন্দর মেয়েও কত আছে।”

দীপক বলিল, “কাল যে আমায় সারাদিন ঘুরতে হবে কাজে। না হলে তোমার সঙ্গে গিয়ে অফিসের দরজা অবধি পৌঁছিয়ে দিয়ে আসতাম।”

পূর্ণিমা বলিল, “থাক, ঢের হয়েছে। Bodyguard

নিয়ে ঘুরতে হবে এমন রূপবতী আমি নই। লোকে দেখলে হাসবে, ঠাট্টা করবে।”

দীপক বলিল, “এখান থেকে অফিসের পাড়াটা বেশ দূর আছে।”

অতঃপর নানা বিষয়ে আরো দুই-চারিটা কথাবার্তা বলিয়া দীপক ও পূর্ণিমা বাড়ীর পথ ধরিল।

সকাল হইতেই পূর্ণিমা নিজেকে সকল দিক দিয়া প্রস্তুত করিতে লাগিল। ভয় সে কোনমতেই পাইবে না, যাহাই ঘটুক না কেন। কি কি প্রশ্নের সম্মুখীন তাহাকে হইতে হইবে তাহা সে মনে মনে আন্দাজ করিয়া লইল, এবং কি উত্তর দিতে হইবে তাহাও বার বার করিয়া মনে মনে মুখস্থ করিয়া ফেলিল। খুব সম্ভব ইংরেজিতেই কথাবার্তা বলিতে হইবে। কাহার সামনে বসিতে হইবে, কে জানে? বাঙালী হইলে সবচেয়ে ভাল, কিন্তু বাঙালী নাও হইতে পারে ত? ভারতবর্ষের অল্প কোন প্রদেশের লোক হইতে পারে, আধা দেশী, আধা বিলাতীও হইতে পারে। কথা বুদ্ধিতে পারিলেই হয়, উত্তর দিতে তাহার কোন অনুবিধা হইবে না। কাপড়-জামা গুছাইয়া রাখিল। মায়ের শাওয়ারের সমস্ত সজ্জিত শাড়ী হইতে একখানি শাড়ী সত্যি ধার করিয়া লইল। অফিসে হইতে আরো মহিলা-কর্মী আছে, তাহাদের পাশে পূর্ণিমাকে বেশী ম্মান দেখাইলে চলিবে না।

যথাসময়ে স্নানাহার করিয়া সে বাহির হইল। সরমা ও রণেন তাহার সঙ্গে সঙ্গে ট্রামের রাস্তা পর্য্যন্ত আসিল।

বালীগঞ্জ হইতে অফিস পাড়ায় পৌঁছিতে সময় লাগে অনেকক্ষণ। ট্রামে ভিড়ও ভীষণ। এই ভাবেই রোজ তাহাকে যাওয়া-আসা করতে হইবে, যদি কাজটা সে পায়।

যথাস্থানে নামিয়া হাঁটিয়া গিয়া বিরাট একটা চারতলা বাড়ীতে ঢুকিতে হইল। Lift আছে, হাঁটিয়া উঠিতে হইল না। অফিসটা তিনতলায়।

খুঁজিয়া লইয়া ঢুকিতে কোন বেগ পাইতে হইল না। মস্ত বড় একটা হলঘর, ঠালের আসবাবে পূর্ণ, সার সার মানুষ বসিয়া কাজ করিতেছে। চক্চকে কাঠের পাটিন দেওয়া কর্তাদের সব ঘর। টেলিফোনের শব্দ, calling-bell-এর শব্দ। টাইপরাইটারের খট্ খট্ শব্দ। কোথায় কাহার কাছে সে খোঁজ লইবে?

কিন্তু তাহাকে হতবুদ্ধি হইয়া দাঁড়াইয়া থাকিতে হইল না এক মিনিটের বেশী। একজন দারোয়ান আসিয়া

তাহার কি কাজ জানিয়া লইল, এবং তাহাকে ছোট একটা ঘরে লইয়া গিয়া বসাইল। নিজের নাম কাগজের টুকরায় লিখিয়া পূর্ণিমা দারোয়ানের হাতে দিয়া দিল। ঘরে আরও একজন মহিলা ও দুইজন পুরুষ বসিয়া আছেন। পুরুষদের দিকে সে তাকাইল না, তাঁহারা অবশ্য পূর্ণিমাকে বেশ ভালভাবেই দেখিয়া লইলেন। মহিলাটির দিকে তাকাইয়া দেখিল, অতি শীর্ণাঙ্গী, মধ্য-বয়স্ক মহিলা। গায়ের রংও কালো। পূর্ণিমা মনে মনে বলিল, “আমার চেহারা এই রকম হলে, দীপক খুব নিশ্চিতমনে আমাকে ছেড়ে দিতে পারত।”

দারোয়ান আসিয়া দাঁড়াইল। পূর্ণিমা মহিলার দিকে তাকাইয়া বলিল, “সেবা রায়।”

ভদ্রমহিলা উঠিয়া দারোয়ানের সঙ্গে চলিয়া গেলেন। পূর্ণিমার কল্পনাটাও যেন তাঁহার পিছন পিছন চলিল। কিন্তু অজানা সবই, কল্পনা তাহার বেশী দূর অগ্রসর হইতে পারিল না। সে একলা মেয়ে, বসিয়া আছে দুইজন অপরিচিত পুরুষের সঙ্গে, তাহার কেমন যেন বিরক্তি বোধ হইতে লাগিল।

ভদ্রমহিলা কয়েক মিনিট পরেই ফিরিয়া আসিলেন। একটা রং-ওঠা ছাতা ফেলিয়া গিয়াছিলেন, সেইটা তুলিয়া লইয়া দ্রুতপদে বাহির হইয়া গেলেন। মুখ নিদারুণ গম্ভীর ও বিরস। পাঁচ মিনিটের মধ্যেই তাঁহার পর্ক শেষ হইয়া গেল। বেশী কিছু প্রশ্ন নিশ্চয়ই ইহাকে করা হয় নাই!

ইহার পর এক ভদ্রলোকের ডাক আসিল। তাঁহার মিনিট দশ লাগিল বিদায় হইতে। এখন বাকি পূর্ণিমা ও অল্প ভদ্রলোকটি। ভয় পাইবে না বলিয়া সে স্থির করিয়া রাখিয়াছিল, কিন্তু প্রায় ডয়ের কাছাকাছি একটা ভাব তাহাকে পাইয়া বসিতে লাগিল।

অল্প ভদ্রলোকও কিছুক্ষণ পরে বিদায় হইয়া গেলেন। দারোয়ান আসিয়া বলিল, “পূর্ণিমা সাত্তাল।”

পূর্ণিমা চলিল তাহার সঙ্গে। পা যে একটুও কাঁপিল না, তাহা নয়, জোর করিয়া নিজেকে শান্ত করিল। কাজ করিতে আসিয়াছে, ভয় পাইবে কেন? কোন অপরাধ ত করিতেছে না?

একটা ঘরের দরজা খুলিয়া দারোয়ান তাহাকে ঢুকাইয়া দিল। বড়ই ঘর, অফিস হিসাবে বেশ সুসজ্জিত। টেবিলের ওপরে একটা চেয়ারে একজন ভদ্রলোক বসিয়া আছেন। চকিতে তাঁহার দিকে নেত্রপাত করিতেই তিনি উঠিয়া দাঁড়াইয়া ইংরেজিতে বলিলেন, “সুপ্রভাত, বনুন আপনি।”

বেশ পরিষ্কার উচ্চারণ. বাঙালী কি অল্প প্রদেশের তাহা ঠিক বুঝিতে পারিল না। এক নিমেষের দৃষ্টিতে পূর্ণিমা দেখিল, শ্যামবর্ণ দীর্ঘাকৃতি ভদ্রলোক। খুব উজ্জল চোখ, নাকটাও বেশ উঁচু। কপালটা খুব প্রশস্ত।

চেম্বার টানিয়া বসিতে না বসিতে তিনি বলিলেন, “ইংরেজীতে কথা বলতে ভাল পারেন কি না, এবং বুঝতে ঠিক পারেন কি না, সেটা আমার জানা দরকার। কাজ-কর্ম সব ইংরেজীতেই হবে। আমি বাঙালীই।”

বাঙালী? বাঁচা গেল। পূর্ণিমার মনটায় স্বৈর্য্য ফিরিয়া আসিল। তখনই প্রশ্ন হইল, “আপনি কোন্ ইয়ারে পাস করেছেন?”

পূর্ণিমা বলিল, “এই বৎসরেই, এই ত ক’দিন আগে।”

“ও, তা হ’লে এই লাইনে কাজ আপনি আগে করেন নি?”

পূর্ণিমা বলিল, “না।”

ভদ্রলোক জিজ্ঞাসা করিলেন, “কোন রকম চাকরি আগে করেছেন?”

পূর্ণিমা বলিল, “স্কুলে টিচারী করেছি বছর দুই-তিন। প্রাইভেট ট্যুশনিও অনেক দিন করেছি।”

আবার প্রশ্ন, “স্কুলের কাজ ছেড়ে দিলেন কেন?”

পূর্ণিমা বলিল, “ওতে মাইনে বড় কম। সংসার চলে না।”

“আপনি কি বিবাহিতা?”

পূর্ণিমার গালের কাছটা একটু যেন লাল হইয়া উঠিল। বলিল, “না।”

“আপনার বাবা বেঁচে আছেন?”

“না, তিনি আমার বাল্যকালেই মারা গিয়েছেন।”

“বাড়ীতে আর কে কে আছেন?”

“আমার মা, আমার ভাই, বোন।”

“ভাই কি ছোট না বড়?”

“ভাই সব চেয়ে ছোট, বোনও আমার চেয়ে ছোট।”

“আপনার উপার্জনেই সংসার চলে?”

পূর্ণিমা একটুখানি যেন দম লইয়া বলিল, “হ্যাঁ, আর কোনও আয় নেই।”

ভদ্রলোকও মিনিট দুই ধামিলেন। তাহার পর আবার অ’রম্ভ করিলেন।

“আপনি পড়াশুনা কতদূর করেছেন?”

“বি-এ পড়তে পড়তে ছেড়ে দিলাম, চাকরি নিতে হ’ল।”

“কি subject ছিল আপনার?”

পূর্ণিমা বলিল, “ইতিহাস আর ফিলসফি।”

“ফিলসফি নিলেন কেন? ওটাতে চাকরি-বাকরির ত কোন সুবিধা নেই?”

পূর্ণিমা বলিল, “তা নেই বটে। তবে আমি অধ্যাপকের কাজ করব এই প্রথমে ভেবেছিলাম, এই লাইনে আসব ভাবি নি। তা ছাড়া আই. এ-তে লজিকে বেশ ভাল মার্ক্‌স পেয়েছিলাম।”

“কোন্ কলেজে পড়তেন আপনি?”

“আত্তোষ কলেজে।”

ভদ্রলোক এইবার ধামিলেন। বলিলেন, “এ পর্যন্ত ত আপনি ভালই উৎরলেন। ইংরেজী বলতে পারেন, এবং বুঝতেও কিছু অসুবিধা নেই। আচ্ছা, আসল কাজ। চিঠি dictate করছি একটা। লিখুন।” তাহার দিকে কাগজ ও পেন্সিল অগ্রসর করিয়া দিলেন।

পূর্ণিমা এতক্ষণে খানিকটা স্বাভাবিকই হইয়া উঠিয়াছিল, ডিক্টেশন্ লইতে তাহার অসুবিধা হইল না। লেখা শেষ হইলে ভদ্রলোক ঘণ্টা বাজাইয়া দারোয়ানকে ডাকিলেন, বলিলেন, “এর সঙ্গে যান আপনি আমার হেড-টাইপিষ্টের কাছে। এটা টাইপ ক’রে নিয়ে আসুন। তিনি অমনি আপন র speed-টা দেখে নেবেন।”

পূর্ণিমা চলিল দারোয়ানের সঙ্গে। হেড-টাইপিষ্ট প্রৌঢ়-বয়স্ক ভদ্রলোক। মাথার চুল শাদা হইয়া আসিয়াছে। পূর্ণিমা যতক্ষণ টাইপ করিল, তিনি তীক্ষ্ণ দৃষ্টিতে তাহার কাজ দেখিতে লাগিলেন। শেষ হইলে কাগজখানা লইয়া দেখিলেন। বলিলেন, “মন্দ নয়, প্রথম কাজের পক্ষে। যান, বড় সাহেবকে দেখিয়ে আসুন, দেখতেই যখন তিনি চেয়েছেন।”

“দারোয়ানের সঙ্গে আবার সে পূর্ণিমানে ফিরিয়া গেল। বড়সাহেব কাজ দেখিয়া বলিলেন, “ভুল আছে অবশ্য, তবে নিদারুণ বেশী নয়। আচ্ছা, আসুন এখন। দু-তিন দিনের ভিতরই ফলাফল আপনাকে চিঠি লিখে জানিয়ে দেওয়া হবে।” এবার বাংলাতেই কথা বলিলেন। পূর্ণিমা তাঁহাকে নমস্কার করিয়া ধর হইতে বাহির হইয়া আসিল।

এতক্ষণে তাহার খেয়াল হইল যে, বুকের ভিতর হুপিঙটা ধড়াস্ ধড়াস্ করিয়া আছড়াইতেছে। নিজেকে তিরস্কার করিয়া বলিল, “পারই ত হয়ে এলাম, এখন আর ভয় কি?”

রোদের তেজ বড় প্রখর হইয়া উঠিয়াছে। কি আর করা? খাটিয়া খাইতে যাহাদের হয়, তাহাদের অত আরাম করিবার অবসর কোথায়? ভালর মধ্যে টানে

এখন আর ভিড় নাই। নিশ্চিত আরামে বসা যায়। সব যাত্রী এখন অফিস পাড়ার দিকে, ফিরিবার লোক ছ' চারজন মাত্র।

কাজটা তাহার হইবে কি? তাহার সাধ্যমত সে প্রশ্নের উত্তর ভালই দিয়াছে। বেশী দেরি করে নাই, টাইপ করিতেও ছ-তিনটার বেশী ভুল করে নাই, তাহাও মারাত্মক ভুল কিছু নয়। অল্প কক্ষপ্রার্থীদের ছ'জন ত সরাসরি বিদায় হইয়াছে-। তৃতীয়জন মিনিট দশ-বারো ছিল বড়সাহেবের ঘরে। পূর্ণিমাই আধ ঘণ্টার উপর বসিয়া বসিয়া তাহার প্রশ্নের জবাব দিয়াছে। এমনিতে ত মনে হয়, সে এ পরীক্ষায় ভাল ভাবেই উত্তীর্ণ হইয়াছে। কিন্তু অফিসে কাজকর্ম যাহারা করে, তাহাদের কাছে কর্তারা কতখানি পটুড় আশা করেন, তাহা পূর্ণিমা জানে না।

বড় সাহেবটিও মাহুয ভালই মনে হয়। বাঙালী যে, সেও এ-টা মস্ত বাঁচোয়া। খুব কঠোর না হওয়াই সম্ভব, চেহারায় কথাবার্তায় অযথা গভীর নয়, অথচ প্রগল্ভও নয়। ইংরেজী ত বেশ ভাল বলেন, বিলাত-ফেরৎ সম্ভবতঃ। চেহারাটা সুন্দর বলা যায় না, কিন্তু চোখে না পড়িয়া যায় না। বয়স কত হইবে কে জানে? ত্রিশ হইতে চল্লিশের মধ্যে যাহা কিছু হইতে পারে। ইহারই কাজ তাহাকে করিতে হইবে বোধ হয়। ঐ বড়ধরে এক পাল লোকের মধ্যে তাহাকে বসিতে হইবে না ত?

তাহার বাড়ী আসিয়া পড়িল। বড় রাস্তায় নামিয়া গলিটুকু হাঁটিয়া যাইতে হয়। সরমা দিদির ফেরার আশায় রগেনের ঘরের জানলা খুলিয়া দাঁড়াইয়া ছিল। দিদি আসিতেছে দেখিয়া ছুটিয়া গিয়া দরজা খুলিয়া দিল। ব্যগ্রভাবে জিজ্ঞাসা করিল, “কি রকম হ'ল ভাই।”

ভিতরে ঢুকিয়া, কপালের খাম মুছিতে মুছিতে পূর্ণিমা বলিল “রোগ, বসি একটু আগে।” ঘরে গিয়া সে ধপ্ করিয়া নিজের তক্তপোশে বসিয়া পড়িল। মা খাটে উঠিয়াছিলেন, উঠিয়া বসিয়া বলিলেন, “বাবাঃ, মেয়ের কি শ্রী হয়েছে। এই রোদে মাহুযে বেরোতে পারে?”

পূর্ণিমা বলিল, “দায়ে পড়লে বেরোতেই হয়।”

সরমা একখানা হাত-পাখা লইয়া তাহাকে হাওয়া করিতে লাগিল। বলিল, “এই গলিটুকু ছাড়া নিশ্চয়ই আর কোথাও হাঁটতে হয় নি? অফিস নিশ্চয় বড় রাস্তার উপরে?”

পূর্ণিমা বলিল, “হ্যাঁ! কিন্তু না হাঁটলেও বাইরে গরম অসহ্য। ট্রামে ব'সে ব'সে মনে হচ্ছিল যেন ডেকুচিতে ভাপে সেদ্ধ হচ্ছি।”

সরমা বলিল, “এবার বল ত কি রকম interview হ'ল?”

পূর্ণিমা বলিল, “আমার মতে ত হ'ল ভালই, এখন তারা খুশী হল কি না তা কি ক'রে বলব? তবে ছ'তিন দিনের মধ্যেই জানিয়ে দেবে বলেছে।”

“কে কথা বলল ভাই তোমার সঙ্গে?”

পূর্ণিমা বলিল, “ওদের বড়কর্তা বা বড় সাহেব। ভদ্রলোক বাঙালী, তবে আমার সঙ্গে ইংরেজীতেই কথা বার্তা বললেন।”

“কেন ভাই?”

“এই আমি ইংরেজী ভাল বুঝতে ও বলতে পারি কি না সেইটা দেখবার জন্তে। সব কাজ ত ইংরেজীতেই করতে হবে।”

সরমার আর কৌতূহলের শেষ নাই। জিজ্ঞাসা করিল, “কি রকম দেখতে ভাই তিনি? কত বয়স?”

পূর্ণিমা হাসিয়া বলিল, “দেখতে মন্দ নয়, খুব লম্বা চওড়া, রংটা শ্যামবর্ণ। বয়স কি জানি কত। ছেলে-মাহুয নয় ত, তবে বুড়োও একেবারেই নয়।”

“কি নাম তাঁর?”

পূর্ণিমা বলিল, “কি আশ্চর্য্য! আমি কি তাঁর নাম জিজ্ঞেস করেছি নাকি? জানতেই পারব যদি ওখানে কাজ করতে যাই।”

“তোমাকে কি কি জিজ্ঞেস করলেন?”

যতদূর তাহার মনে ছিল, পূর্ণিমা বলিয়া গেল। তাহার মা বলিলেন, “ও মা, এত ঘরের কথাও জানতে চায় নাকি?”

পূর্ণিমা বলিল, “সপ্রতিভ ভাবে কথাবার্তা বলতে পারি কি না, সব বিষয়ে, তাই বোধ হয় দেখতে চায়। আজ্ঞা এইবার একটু জল এনে দে আমাকে, গলাটা একেবারেই শুকিয়ে উঠেছে।”

মা বলিলেন, “লিলিদের বাড়ীর হরির লুটের বাতাসা দিয়ে গিয়েছে, তাই ছ'খানা এনে দে দিদিকে, জলের সঙ্গে।”

সরমা মায়ের আদেশ পালন করিতে গেল।

৬

পরদিন আর একখানা চিঠি আসিল পূর্ণিমার নামে। তবে তাহাদের কর্তা কলিকাতার বাহিরে রহিয়াছেন, পাঁচ-ছয়দিন পরে ফিরিবেন, সুতরাং interview-এর তারিখ পড়িয়াছে এক সপ্তাহ পরে। পূর্ণিমা ভাবিল,



“ভালই হ’ল, ততদিনে আমার এই interview-এর ফল জানা হয়ে যাবে। মোট কথা কাজ আমার একটা হবেই।”

দীপকের সঙ্গে কাল দেখা হয় নাই, আজ ত হইবেই না, আজই তাহার বোনের বিবাহ। কাল যদি বড়কী সকাল সকাল বিদায় হইয়া যায়, তাহা হইলে সন্ধ্যার দিকে দীপক বাহির হইতে পারে।

সরমা বলিল, “আমি কিন্তু ভাই বড়কীদির বিষয়ে দেখতে যাব। পাড়ার মেয়ে, চেনা মেয়ে, হয়ত কুটুম্বই হবে একদিন, তার বিষয়ে উঁকি মেয়ে দেখলে অস্বাভাবিক কিছু হবে না।”

পূর্ণিমা বলিল, “অস্বাভাবিক হবে কে বলছে? তবে তারা যদি কেউ তোকে দেখে ফেলে, তবে অপ্রস্তুতে পড়তে হবে।”

সরমা বলিল, “কি ক’রে দেখবে আমাকে? পাঁচ-ছ’জন মেয়ের মধ্যে, বারান্দা অন্ধকার ক’রে আমরা দাঁড়াব, ওরা লাইট-আলা ঘর থেকে কিছুই দেখতে পাবে না আমাদের।”

পূর্ণিমা বলিল, “তবে যা, এতই যত্ন সখ। কিন্তু রাত বেশী করিস না, মা ভাববেন।”

সরমা বলিল, “আরে না। গোধূলি লগ্নে বিষে, শুধু স্ত্রী-আচার আর কনে সন্ধ্যা নিয়ে যাওয়া অবধি দেখে ফিরে আসব। বিষে-বাড়ীতে দেরি হয় খাওয়ার জন্তে। এখানে ত কেউ খাওয়াচ্ছে না, তা দেরি আর কি করতে করব?”

বিকাল হইতে না হইতে সরমা লিলিদের বাড়ী পলায়ন করিল। যতটুকু আনন্দের ভাগ পাওয়া যায়। শুধু শুধু বাড়ী বসিয়া আর কি করিবে, পূর্ণিমা গিয়া খানিকটা লেকের ধারে বেড়াইয়া আসিল একলা একলাই। বখা ছেলের দল পাড়ায় মন্দ নাই। একজন পূর্ণিমাকে একলা দেখিয়া পাশ দিয়া যাইতে যাইতে বলিয়া গেল, “আজ সে কোথায় গেল?” পূর্ণিমা বিরক্ত হইয়া ফিরিয়া আসিল।

সরমা বাড়ী ফিরিল প্রায় আটটার সময়। একলা ফিরিলে পাছে মা বকেন, এই ভয়ে চার-পাঁচজন সঙ্গিনীর মধ্যবর্তিনী হইয়া ফিরিল। তাহার সরমাকে পৌছাইয়া দিয়া আবার কলহাস্তে রাস্তা মুখরিত করিয়া চলিয়া গেল। পূর্ণিমা বলিল, “নাও, খেয়ে নাও আগে তার পর গল্প শুনব। মাকে বসিয়ে রেখ না।”

তিন ভাইবোনে খাইতে বসিল। তাড়াতাড়ি খাওয়া হইয়া গেল, কিই বা এমন খাইবার থাকে? মা

কাজ সারিয়া নিজের সামান্য জলযোগের আয়োজন করিতে লাগিলেন। পূর্ণিমা ওইয়া পড়িয়া বলিল, “নে, এইবার বল দেখি, কি রকম বিষে দেখলি।”

সরমা বলিল, “সত্যি, দেখবার মত কিছু ছিল না ভাই। বরটা ত ঠিক কোলাব্যাণ্ডের মত। আর বড়কীদিকেও কিছুই সাজায় নি। মাথার সোলার মুকুট না থাকলে কেউ তাকে ক’নে ব’লে মনেই করত না। কাপড়টার কুড়ি টাকার বেশী দাম হবে না, তেমনি জামা। হাতে কয়েক গাছি চুড়ি ঝক্ ঝক্ করছিল, তাও নাকি ব্রোঞ্জের, লিলিরা বলল। আর এক গাছা কাঁচের চুড়ি, শাঁখা, এই সব। কপালে চন্দন দিয়েছে অবশ্য, ফুলের মালাও দিয়েছে, কিন্তু কিছুই ভাল দেখাচ্ছিল না।”

পূর্ণিমা বলিল, “সাজাবে আর কোথা থেকে, যা ত ওদের অবস্থা। মেয়েটাকে কোনমতে বিদায় করল আর কি? লোকজন বেশী গিয়েছিল?”

সরমা বলিল, “দুব, কোথায়? ধরে বাইরের সব লোক মিলিয়েও পঞ্চাশ জন হবে কি না সম্ভব।”

পূর্ণিমা জিজ্ঞাসা করিল: “কে বরণটরণ করল? ওর মা ত বিগনা, তাঁকে এ সবে মধ্য থাকতে নেই।”

সরমা বলিল, “বরণ করলেন মস্ত মোটা এক মহিলা, লালপেড়ে গরদের শাড়ী পরা। বড়কীদির মাকে ত প্রায় দেখতেই পেলাম না। একবার শুধু দেখতে পেলাম রান্নাঘরের কাছে, ঠাকুরকে বকছেন। প্রায় অতদিনের মতই মুক্তি, শুধু গামছাটা ছেড়েছেন, এই যা রকম!”

গল্প করিতে করিতে কখন এক সময় তাহার খুমায়ে পড়িল।

পরদিনটাও একই ভাবে কাটিয়া গেল। চিঠিপত্র কিছু আসিল না, পূর্ণিমা ইহাতে খানিকটা ক্ষুব্ধ হইল। অবশ্য একদিন পরেই যে চিঠি আসিবে এমন কোন কথা নাই। দীপকের সঙ্গেও সেদিন দেখা হইল না, বোধ হয় ক’নে বিদায় করিতে কিছু রাত হইয়া গিয়া থাকিবে।

সকালে উঠিয়া পূর্ণিমা তাহার স্কুলের প্রধানা শিক্ষয়িত্রীর বাড়ী একবার বেড়াইয়া আসিল। তিনি খুব বেশী দূরে থাকেন না। রোদ বেশী কাঁখাল হইয়া উঠিবার আগেই সে ফিরিতে পারিবে।

ভক্তমহিলা তাকে আদর করিয়াই বসাইলেন। জিজ্ঞাসা করিলেন, “সাত সকালেই এসেছ যখন, তখন নিশ্চয়ই কোন খবর আছে?”

পূর্ণিমা বলিল, “পাকাপাকি খবর বলতে পারি না, তবে কাজের একটা সম্ভাবনা ঘটেছে। একটা

interview দিয়ে এসেছি, আর একটার ডাক পেয়েছি, কাজেই ভাবলাম যে আপনাকে জানিয়ে রাখা উচিত। ছুটির পরে আমি স্থলে আর নাও ফিরতে পারি।”

প্রধানা শিক্ষয়িত্রী বলিলেন, “তা নিজের উন্নতির জন্তে স’রে পড় যদি ত কি আর বলতে পারি? লোক দেখব এখন। তবে এ লাইনটা মন্দ না পূর্ণিমা, অল্প বয়সী মেয়েদের পক্ষে। স্টেনোর কাজ যেমন স্থলের কাজের ফাঁকে ফাঁকে শিখেছ, তেমনি ক’রে যদি বি. এ. বি. টি.-টা প’ড়ে পাস ক’রে নিতে ত এ কাজেও উন্নতি হ’ত।”

পূর্ণিমা বলিল, “অত সময় ত দিতে পারব না। আমার যে খুব তাড়াতাড়ি আয় বাড়ান দরকার। বি. এ. বি. টি. হতে গেলে অন্ততঃ আরও তিন বছর লাগত।”

“তবে আর কি উপায় বল? তোমাকে হারাবই দেখছি আমরা।”

আরও দুই-চারিটা কথাবার্তার পর পূর্ণিমা কিরিয়া আসিল। সদর দরজার গায়ে লাগান চিঠির বাস। ইহার চাবি একটা পূর্ণিমার চাবির তাড়ায় থাকে। বাস্কের তালাটা খুলিয়া দেখিল একখানাই চিঠি। সেই পরিচিত খাম। তাড়াতাড়ি চিঠিখানা লইয়া ঘরে ঢুকিয়া বসিয়া পড়িল। কি আছে ইহার মধ্যে, কে জ’নে?

কম্পিত বক্ষে সে মাথার একটা কাঁটা দিয়া খামখানা খুলিয়া ফেলিল। যাক, বাঁচা গেল। তাহাকে কর্ণে নিয়োগ করা হইয়াছে। সরমা ছুটিয়া আসিয়া জিজ্ঞাসা করিল, “কি হ’ল ভাই? ঐ কোম্পানীটার চিঠি ত?”

পূর্ণিমা বলিল, “হ্যাঁ, কাজ পেয়েছি।”

সরমা ছ’পাক নাচিয়াই লইল আনন্দে। জিজ্ঞাসা করিল, “কত মাইনে হবে ভাই তোমার? কবে থেকে কাজে লাগবে?”

“এখন দেবে দেড়শ ক’রে। মাস দুই পরে যখন পাকা হবে কাজ, তখন বাড়বে। সোমবার থেকেই join করতে লিখেছে।”

রণেন ছুটিয়া আসিয়া বলিল, “আমাকে কিন্তু একটা ভাল প্রেসেন্ট কিনে দিতে হবে, প্রথম মাসের মাইনে পেয়ে।”

মাও রান্নাঘর হইতে বাহির হইয়া আসিয়া বলিলেন, “কাজ ঠিক হয়ে গেল?”

“হ্যাঁ মা, সোমবার থেকে যাব।”

“টাকা-পয়সার একটু স্তুবিধে হবে বটে, কিন্তু কোন বিপদ-আপদ না ঘটে।”

পূর্ণিমা বলিল, “কিছু বিপদ ঘটবে না, দেখো তুমি। তা হ’লে আর এত মেয়েকে করে খেতে হ’ত না।”

জগৎটাই যেন পূর্ণিমার চোখে রঙীন লাগিতে লাগিল। পিতার মৃত্যুর পর সাংসারিক দিক দিয়া এই প্রথম ভগবান তাহাকে একটু স্তুবিধা দিলেন। ভাগ্য প্রসন্ন থাকিলে একটু একটু করিয়া মানুষের মত জীবন হয়ত সে গড়িয়া তুলিতে পারিবে। মাকে একটু বিশ্রাম দিতে পারিবে। ভাইবোন দু’টির পড়াশুনার ভাল ব্যবস্থা করিতে পারিবে।

সারাদিন তাহার যেন স্বপ্ন দেখিয়া কাটিয়া গেল। প্রথমেই এই ঠিকা-ঝিটাকে বিদায় করিয়া একটা রাত-দিনের লোক রাখিতে হইবে, তারি কাজ সবই সে করিবে, মা সামান্য কিছু করিবেন। আর একবেলা অন্ততঃ একটু দুধ রাখিতে হইবে মায়ের জন্ত। তাহার পর শিক্ষানবিশীর পর্ক শেষ হইলে একটু ত আরো আয় বাড়িবে? তখন খোকাকে আর একটা ভাল স্থলে দিতে হইবে, পারিলে একটা কোচিং ক্লাশে। পড়াশুনা তাহার মোটেই ভাল হইতেছে না। অথচ প্রথম হইতেই যদি সে কাঁচা হইয়া যায়, তাহা হইলে তাহার ভবিষ্যৎ ত অন্ধকার। বেটা ছেলে, তাহাকে অসংখ্য প্রতি-যোগিতায় টিকিয়া ত থাকিতে হইবে? শুভ্রলোকের মত জীবনযাপন করিতে হইবে ত? বাবার কথা মনে করিয়া পূর্ণিমার চোখে জল আসিল। কত আনন্দে, কত প্রাচুর্যের মধ্যে তাহারা তখন দিন কাটাইয়াছে।

বেলা পড়িয়া আসিল। সবাই আবার দিবানিদ্রা ত্যাগ করিয়া নিজের নিজের কাজে মন দিল। পূর্ণিমা চুল বাধিয়া গা ধুইয়া বেড়াইতে বাইবার জন্ত প্রস্তুত হইল। রণেন চা খাইয়াই এক ছুটে কোথায় পলায়ন করিল। যাইতে যাইতে দিদিকে তনাইয়া বলিয়া গেল, “আর কিছু খই-মুড়ি জলখাবার চলবে না, ভাল ভাল জলখাবার চাই এর পর।”

দিদি হাসিয়া বলিল, “আমি কি লাখপতি হতে যাচ্ছি যে এতরকম করমাণ করছিস?”

সরমা উঠিয়া বলিল, বলিল, “আমি মাকে একটু সাহায্য ক’রেই একটুখানি বেড়িয়ে আসব লিলিদের বাড়ী। বড়কীদিটা বাবার বেলায় কতখানি চৌচাল, সেটা একটু তনতে হবে।”

পূর্ণিমা কথার উত্তর না দিয়া বাহির হইয়া পড়িল। আজ হয়ত দীপকের সঙ্গে তর্ক বাধিয়া যাইবে। পূর্ণিমার মন এখন আনন্দে পূর্ণ, কোনরকম বিরূপ সমালোচনা শুনিতে সে এখন রাজী নয়।

দীপক যথাস্থানে আসিয়া বসিয়া আছে। গারের জামাটা নুতন। বোধ হয় শুগিনীর বিবাহের দিন পরিবার জন্ত সে কিনিয়াছিল। তবে কয়েকদিন অবিশ্রান্ত খাটুনির পর তাহাকে যেন আরো রোগা দেখাইতেছে।

পূর্ণিমা কাছে আসিয়া বসিয়া বলিল, “যাক, নিষ্কৃতি পেয়েছ তা হ’লে, তিন দিন পরে?”

দীপক বলিল, “পেলায় ত।”

পূর্ণিমা বলিল, “সব ভালয় ভালয় হয়ে গেছে ত? কোথাও কোন বাগড়া পড়ে নি?”

দীপক বলিল, “বাগড়া আমাদের দিক্ থেকে কিছু পড়ে নি, কারণ পড়বার scope ছিল না। শুধু মেয়েটি দিয়ে দেবার কথা, দিয়ে দিয়েছি। পঁচিশ জন বরযাত্রী এসেছিল, তাদের খাইয়েও দিয়েছি। ওরাই বরং কথা রাখে নি। গায়ে হালুদের তত্ত্বে একটা হার দেবে বলেছিল বড়কীকে, সেটা দেয় নি।”

পূর্ণিমা বলিল, “তা ভাল, সকল দিক দিয়েই এঁরা চৌকস দেখছি।”

দীপক কোন উত্তর দিল না। পূর্ণিমা বুদ্ধিতে পারিল, বোনের বিবাহের কথা তাহার আর ভাল লাগিতেছে না। ভাল লাগিবার কথাও নয় অবশ্য।

খানিক পরে পূর্ণিমা বলিল, “জান দীপক, আমার সে কাজটা হয়ে গেছে। সোমবার থেকে join করতে হবে।”

দীপকের মুখে কোন উৎসাহের ছায়া পড়িল না। নিস্পৃহভাবেই বলিল, “খুব চট্ ক’রে হয়ে গেল দেখছি। বেশী competition ছিল না বুদ্ধি?”

পূর্ণিমা হাসিয়া বলিল, “ও, বেশী competition থাকলে আমি কাজ পেতাম না, তাই বলতে চাইছ? তা আমি থাকতে থাকতে ত তিনজন পরীক্ষা দিল, আগে পরে আর কত গিয়েছে কে জানে?”

দীপক জিজ্ঞাসা করিল, “মেয়ে ছিল আর কেউ?”

“ছিল ত একজন।”

দীপক জিজ্ঞাসা করিল, “কত বয়স, কি রকম দেখতে?”

পূর্ণিমা বলিল, “কি আলা, গেছে ত কাজ করতে, তার কত বয়স আর কি রকম চেহারা তা নিয়ে কি হবে?”

দীপক বলিল, “তুমি ত সব জান। বড় সাহেবরা বেশ ভাল চেহারা, কাঁচা বয়সের মেয়েই চায়। প্রথমেই বাদ দিয়ে দেয়, যদি দেখে বুড়ী কি কুৎসিত।”

পূর্ণিমা বলিল, “কে জানে বাপু, অত শত জানি না।

কাজের কথাই ত বলল সব। কত বয়স তাও জানতে চায় নি, রূপ কত আছে, তাও খুঁটিয়ে দেখে নি।”

দীপক বলিল, “এরপর ঠিকই দেখবে। সিংহের গুহার চুকছ তা মনে রেখ। বড় সাহেবটি কেমন? কোন্ দেশী?”

পূর্ণিমা বলিল, “বড় সাহেবটি বাঙালীই। দেখে-তনে ত ভালই মনে হ’ল। বেশ ভদ্র, অথচ বেশ শক্ত।”

“কি নাম?”

“তা ত জানি না।”

“কত বয়স?”

পূর্ণিমা বলিল, “তুমিও দেখি সরমার মত আরম্ভ করলে। বয়স কত কি ক’রে বলব? দেখে মনে হয়, চৌত্রিশও হতে পারে, চল্লিশও হতে পারে।”

দীপক বলিল, “ঐটাইত dangerous age, যৌবনটা যখন বিদায় নেব নেব করছে। মন খালি বলে, সাধ না মিটল, আশা না পূরিল, সকলই ফুরিয়ে যায় মা।”

পূর্ণিমা বলিল, “এত জ্ঞান হ’ল কোথা থেকে? নিজের বয়স ত চকিশও পার হয় নি।”

দীপক বলিল, “নিজের অভিজ্ঞতা নাই হ’ল, জানি তবু। ভদ্রলোক দেখতে কেমন?”

পূর্ণিমা বলিল, “ভালই, তবে কন্দর্পকাস্তি কিছু নয়। বেশ লম্বা চওড়া।”

দীপক বলিল, “দাঁড়াও, সব খোঁজ নিতে হচ্ছে। অফিস পাড়ায় আমার দেদার চেনাশোনা লোক আছে।”

পূর্ণিমা বলিল, “তোমার মত পাগল যদি ত্রিসংসারে কোথাও আছে। তুমি কি তাঁর সঙ্গে ছুটকীর বিয়ে দিতে যাচ্ছ যে অত খবরে তোমার দরকার?”

দীপক বলিল, “ছুটকীর অত সৌভাগ্য হবে কোথা থেকে? তবে অল্প কাউকে পাচ্ছে মনে ধ’রে যায়, সেই এক ভয়।”

পূর্ণিমা বলিল, “খাম বাপু, তোমায় অত মাথা ঘামাতে হবে না। ঐ বয়সের কৃতী ভদ্রলোক, এতদিন কিছু আইবুড়ো হয়ে ব’সে নেই। ঘরে হয়ত মোটা গিন্নী এবং ছ’টি ছেলেমেয়ে বিরাজমান।”

এমন সময় পার্কের এক কোণে একটা গোলমাল ওঠাতে সকলের মন সেইদিকে চলিয়া গেল। একটা মোটর-কারের সঙ্গে একটা সাইকেলের ধাক্কা লাগিয়াছে। আরোহীটি একেবারে চিৎপাত হইয়া পড়িয়াছেন, ভিড় জমিয়া গিয়াছে চারিদিকে।

দীপক বলিল, “স্টেনো হওয়ার চেয়ে আর একটা বিপদজনক কাজ আছে, সেটা হচ্ছে গাড়ীর ড্রাইভার

হওয়া। দোষ যারই হোক, মার খাবার বেলা তারাই খায়।”

যাহা হউক, পাঁচজনে মিলিয়া মিটাইয়া দেওয়ায় মার আর কাহাকেও খাইতে হইল না। সেখান হইতে নিজেদের বসিবার স্থানে ফিরিয়া আসিয়া পূর্ণিমা বলিল, “পরন্তু বড়কীর বিয়ে দেখে এসেছে উকি মেয়ে সরমা। লিলিদের বাড়ীর পিছনের বারান্দায় দাঁড়িয়ে ছিল সব।”

দীপক বলিল, “অল্পবয়সী মেয়ের কৌতুহল ঢের বেশী, অল্পবয়সী ছেলের চেয়ে। বিশেষ বিবাহাদি ব্যাপারে।”

পূর্ণিমা বলিল, “পারিবারিক উৎসবগুলো ত মেয়েদেরই ব্যাপার। ছেলেরা দর্শক মাত্র।”

দীপক বলিল, “থাক না, দর্শক না হাতী। এই তিন দিন যা খাটতে হয়েছে আমাকে, তা যে কোন মেয়েকে পেড়ে ফেলত।”

পূর্ণিমা বলিল, “কাজ করার অভ্যাস থাকে নেই, খানিকটা কাজকেই তারা অসম্ভব বেশী কাজ মনে করে। দেখ ত আমার মাকে, মুখ বুঁজে সারাদিন কি পরিশ্রমটাই না করেন। মাইনে করা লোক রাখলে ছোটো লোক লাগত অত কাজ করতে। অবশ্য নিজের স্বাস্থ্যটা একেবারে নষ্ট করে ফেলেছেন। কিন্তু উপায়ই বা কি ছিল এতদিন?”

দীপক একটুখানি হাসিয়া বলিল, “এবার ত বড়লোক হ’তে চলেছ, ঠাকুর-চাকর রাখতে পারবে।”

পূর্ণিমা বলিল, “ঠাট্টা ক’রো না বাপু। এটা যে আমার কাছে কি ভয়ানক দুঃখের ব্যাপার ছিল, তা যদি জানতে।”

দীপক বলিল, “ঠাট্টা করতে যাব কেন? গরীব হওয়ার দুঃখ আমি জানি না নাকি? তুমি শুধু অভাব সহ্য করেছ, আমি সেই সঙ্গে অপমানও সহ্য করেছি। ঘরে আমাকে কেউ মানে না, আমি শুধু তাদের রসদ জোগানদার। বাইরেও যে আমার খুব মান আছে তা নয়। আমার মতের মূল্য কারও কাছেই খুব বেশী নয়।”

পূর্ণিমা একটুক্ষণ চুপ করিয়া থাকিয়া বলিল, “কোন্ তোমার হতে পারে দীপক। কিন্তু তুমিই বা আমার মতের কি মূল্য দাও? সব বিষয়েই ত আমরা আলাদা মত নিয়েই আছি। আমি কিন্তু এ নিয়ে তোমার সঙ্গে ঝগড়া করি না, এমন কি মনে মনেও না। প্রত্যেক মানুষের অধিকার থাকে উচিত নিজের মত পোষণ করবার। সেই মত ব্যবহারিক জীবনেও খাটান যায় কি না, তা আলাদা কথা। প্রায়ই তা যায় না।”

দীপক বলিল, “ভালবাসার খাতিরে সব মত বিসর্জন মেয়েরা দিতে পারে। এর দৃষ্টান্ত বিরল নয় কিছু।”

পূর্ণিমা বলিল, “মেয়েমানুষ হলেও আমি যে তা পারি না দীপক। আমাকে ত পুরুষের জায়গায়ই দাঁড়াতে হয়েছে, আমার সংসারে? এর দায়বদ্ধি, চিন্তা-ভাবনা সব ত আমার। শুধু নিজের হৃদয় নিয়ে থাকলে ত আমার চলে না।”

দীপক বলিল, “সেইখানেই ত বিপদ। আমাদের কারোই অবসর নেই নিজেদের হৃদয়ের ভাবনা ভাববার। যাদের অদৃষ্ট এইরকম, ভগবান তাদের মনে ভালবাসা দিতে যান কেন তাও জানি না।”

পূর্ণিমা চুপ করিয়া বসিয়া রহিল। ইহার আর কি উত্তর আছে?

দীপক বলিল, “অনির্দিষ্ট কাল অপেক্ষা ক’রে থাকা ছাড়া আর কোন পথ নেই আমাদের সামনে। সে পথের শেষে কি আছে, তাই বা কে জানে?”

পূর্ণিমা দীর্ঘশ্বাস ফেলিয়া বলিল, “এ সব প্রশ্নের ত উত্তর মেই কিছু? তুমিও তা জান, আমিও জানি। আচ্ছা, উঠি এখন, অন্ধকার হয়ে গেল।”

ছইজনই উঠিয়া পড়িল। একটুখানি ভারাক্রান্ত মনেই যে-যাহার বাড়ী চলিয়া গেল।

পূর্ণিমা ফিরিয়া আসিয়া দেখিল, সরমা মতোসাহে মায়ের সঙ্গে গল্প করিতেছে। সেও ছোট বারান্দায় একটা মোড়া টানিয়া লইয়া বসিয়া গেল। জিজ্ঞাসা করিল, “কি গল্প শুনে এলে?”

সরমা বলিল, “জাম দিদি, ভীষণ কান্নাকাটি করেছে বড়কীদি। মাকে জড়িয়ে ধ’রে একেবারে ডুকেরে কান্না। ঐ ত ছিরির মা আর ঐ ত ছিরির জীবন। তা ছেড়ে যেতে আবার কান্না।”

মা বলিলেন, “ও রে, জন্মাবধি যে ঘরে আছে, তা ছাড়তে মানুষের বড় কষ্ট হয়। তুই কি বুঝবি, ছেলেমানুষ। আর ঐ মা ত পেটে ধরেছে, এত বড়টা করেছে। গালবন্দ যাই দিয়ে থাক, ওকে আঁকড়েই ত বড়কী এতদিন ছিল? কাঁদবে না ছেড়ে যেতে?”

পূর্ণিমা বলিল, “যা শুনরবাড়ী হ’ল, শুয়ে কেঁদে থাকেও আশ্চর্য নয়। বাপের বাড়ী স্থলের নয়, তবু সেটার সঙ্গে চেনাশোনা হয়ে গিয়েছিল। অজানার ভয়, বড় ভয়।”

সরমা আবার আরম্ভ করিল, “বরের বাড়ী থেকে যারা নিতে এসেছিল, তারা সব মুখ ব্যাজার করে দাঁড়িয়ে ছিল। এরা টেঁচিয়েই অস্থির, ওদের বেশী খাতির



করে নি। শুধু দীপকদা গভীরমুখে তাদের অত্যাচারনা ক'রে বসাল, চা-টা দিল। বড়কীদি যখন যাবার সময় এসে প্রণাম করল, তখনও গৌজ মুখ ক'রে দাঁড়িয়ে রইল, হাসলও না, কাঁদলও না।”

দীপকের গল্প আরম্ভ হইলেই মা সেখান হইতে উঠিয়া যান, আজও উঠিয়াই গেলেন। পূর্ণিমা বলিল, “সমস্ত ব্যাপারটাই ওর এত খারাপ লেগেছে যে, আর কিই বা সে করতে পারত? হাসা ত যায়ই না, কাঁদাটাও যেন ঠাট্টার মত দেখায়।”

সরমা বলিল, “কি আলা বাবা! এমন বিয়ের চেয়ে চিরকাল আইবুড়ো থাকা ভাল।”

পূর্ণিমা বলিল, “চিরকাল নিজে ক'রে খাবার কামতা থাকলে সেটা করা যায় অবশ্য। বড়কীর ত সে কামতা নেই? ঝাঁটা মেরেও যদি কেউ ছ'মুঠো খেতে দেয়, তবে তাকে তাই স'রে থাকতে হবে।”

সরমা বলিল, “ওনলে ভয় লাগে ভাই দিদি। কার কপালে কি যে থাকে।”

পূর্ণিমা বলিল, “নিজের কর্মদোষে অনেক সময় কপাল দোষ হয়। খুব ভাল ক'রে পড়াওনো কর, যেন ভাত খাবার জন্তে কখনও কারও গোয়ালে ঢুকতে না হয়।”

সরমা বলিল, “করি ত পড়াওনো যথাসাধ্য, তার পর কপালে কি আছে কে জানে?”

ক্রমশঃ

## অর্থচক্র

( নাটিকা )

শ্রীবিমলাংশুপ্রকাশ রায়

১ম দৃশ্য

[ ছোট একটা ঘরে এক পাশের তক্তাপোশের উপরকার বিছানা এখনও তোলা হয় নি। গৃহের অপর দিকে দেয়াল ঘেসে একটা ছোট টেবিলের উপর বিস্তর খাতার বিপুল স্তুপ। স্কুলমাষ্টার গিরীশ সেখানে একটা অর্দ্ধভগ্ন কেদারায় ব'সে একটার পর একটা খাতা সংশোধনে ব্যস্ত। গিন্নি শিবানীর প্রবেশ। ]

শি। ও মা! এখনও বসে বসে ছিটির খাতা দেখছ! বলি, নাইবে খাবে কখন? এর পর চাঁচাবে 'দেরি হয়ে গেল, দেরি হয়ে গেল,' যেন আমারই জন্তে রোজ দেরি হয়ে যায়। ওঠ, ওঠ।

[ গিরীশ নিঃশব্দে উঠে দাঁড়ায়, কিন্তু তখনও চোখ থাকে খাতারই দিকে কিছুক্ষণ এবং পেলিলের আঁচড় কয়েকটা তার উপর টেনে হঠাৎ ছুঁড়ে ফেলে দেয় খাতাটা টেবিলের অপর প্রান্তে, তার পরই দেয় ছুট। শিবানী এক দৃষ্টে তার এই কাণ্ড দেখে এবং পরক্ষণেই খাতার স্তুপের উপর কটাক্ষপাত করে। ]

২য় দৃশ্য

[ গিরীশ আহারে বসেছে। স্বামী আহারে বসলে স্বীর স্তব্ধ-স্বয়োগ। যাকে বলে বাগে পাওয়া।

তখন আর পাশ কাটিয়ে পা চালিয়ে যাবার উপায় নেই। দক্ষিণ হস্তই চালাতে হবে এবং কান দুটো খাড়াই থাকবে নির্ধাৎ ]

শি। আমি বলি কি, এভাবে আর কত দিন চলবে?

[ বিম্মিত গিরীশ মুখ তুলে স্বীর দিকে তাকায় এবং কথার ভূমিকাটা বুঝতে চেষ্টা করে ]

শি। এম. এ. পড়তে পড়তে যখন বি. এল. ক্লাসেও বিকালে ছুটতে তখন বলতে বি. এল. টা থাকবে হাতের পাঁচ। সেই হাতের পাঁচটাকে কি হাতের তেলোতেই রেখে দেবে চিরটাকাল? তবে আর অত কষ্ট করে পাশই বা করলে কেন আর এত রাশি রাশি খাতা দেখে হায়রাণি কেন? মাইনে ত ঐ চারটি খোলার কুচো। এতে ত আর সংসার চলে না? খার্ড মাষ্টারির খার্ড ক্লাস আরে কখনও সংসার চলে?

গি। ওঃ, এই কথা। তা বেশ ত, ছেলে ঠ্যাঙানো আসছে মাস থেকেই দেব ছেড়ে। তার পরই শুরু করব মকেল ঠকানো ব্যবসা।

শি। তাই কর। স্কুলের রাশখানেক খাতার বদলে যদি ব্রীফের কাগজ একখানিও পাও দিনান্তে তবে এমন ভাবে প্রাণান্ত হতে হয় না প্রতিদিন।

গি। তবে কি জান? সেখানেও আছে বিপদের ভয়। বরং 'বেশী' বিপদ।

শি। কি রকম ?

গি। রকমটা হচ্ছে মাহ ধরার মত।

শি। তার মানে ?

গি। মানে বঁড়শির ছিপ কেলে যেমন ঠায় বসে থাকতে হয় সকাল থেকে সন্ধ্যা অবধি, হয়ত শেষ পর্যন্ত একটা মাহও ঘায়েল হ'ল না, তেমনি কালো কালো ঘাগরা পরে কত আকাজুকী আইনজীবী যে ঘুরে বেড়ায় সারাদিন আইন মন্দিরে, সন্ধ্যা নাগাদ হয়ত একেবারেই মকেল জোটে না। এমন ধারা একটা-দু'টি নয়, বহু। বার লাইব্রেরীতে বসে বসে চপ্-কাটলেট খাবার পয়সাটিও জোটে না। তাও আনতে হয় পকেটে করে গিনির আঁচলের গাঁট থেকে। তবে হ্যাঁ, ঐ বঁড়শিরই স্মৃতি ছাড়ার মতই যদি কিছুকাল গিনির গাঁটের পয়সায় চপ্-কাটলেট চালিয়ে যেতে পারে তবে আখেরে—যখন মকেলরা মামলাজীবীর মর্ম বুঝে হড়মুড় করে এসে পড়তে থাকবে, তখন স্নেহ-আসলে সব উঠে আসবে ঐ রুই-কাংলার মত। তখন আর চুণো-পুঁটির ফাংনায় কাঁকি-বাজির বাজে ঠোকর নয়।

শি। ঐ নাও! তুমি আবার সাহিত্য সৃষ্টি করে তুলছ যে? রকম কর। ঐতেই আমার বড় ভয় লাগে। আচ্ছা, তোমার চপ্-কাটলেটের পয়সা আমারই গাঁট থেকে দেব। এখন ঘাগরা পরে চটপট্ বেরিয়ে পড় ত। বল, কবে থেকে বেরাবে ?

গি। কিন্তু শিক্ষকতার কাজটা ছিল বড় উঁচুদরের। কচি কচি মনের মধ্যে কত মহৎ আকাজুকী জাগিয়ে তোলবার এমন স্মৃতিযোগ! আমাদের দেশের দুর্ভাগ্য যে, শিক্ষকদের বেতন উচ্চহারের ত নয়ই, মধ্যস্তরের ব্যবস্থাও আজ পর্যন্ত হ'ল না। ঐ যাঃ দেরি হয়ে গেল! আচ্ছা তোমার কতদিন বলেছি, এত গরম ভাত এনে দিও না পাতে। জুড়োতে গিয়ে দেরি হয়ে যায়।

[খাওয়া ছেড়ে উঠে পড়ে গিরীশ।]

শি। (সহাস্তে) হ্যাঁ, তাই ত। যত দোষ আমারই। গরম ভাতের জন্তেই যত দেরি, না? আর এত গরম গরম বজুতাগুলোর কোন দোষ নেই, না?

৩য় দৃশ্য

[গিরীশ ষাষ্টারমশাইর বিদায়-সম্বর্ধনা। নানা রঙের ফুলের মালা তার গলায় পরিয়ে দিল ছোট্ট একটি ছেলে। তার পরই তাঁর পায়ে লুটিয়ে পড়তে লাগল একটির পর একটি ছেলে। সে যেন আর ধামে না। যখন প্রশ্নাম করে উঠে দাঁড়ায় এক-

একটি ছেলে, দেখা যায় অশ্রুসিক্ত তাদের কপোল। হেডমাষ্টার মশাই পাশেই বসে ছিলেন। গিরীশের চোখেও জল।]

হেডমাষ্টার। এই যে গুরুশিষ্যের এমন মধুর সম্পর্কটা আজ দেখছি, তা আর কখনও দেখবার সৌভাগ্য হবে না। আপনি সত্যিই শেষ কালে চলে যাচ্ছেন! আমাদের ভবিষ্যৎটা বড়ই অন্ধকারে আচ্ছন্ন এ আমি স্পষ্ট দেখতে পাচ্ছি। আপনি চলে গেলেই শিক্ষক-ছাত্রের একটা রেবারেসি ভাব ফুটে উঠবে আমি বেশ বুঝতে পারছি। আপনি কি মস্ত্রে ওদের মুখ করে রেখেছিলেন সেইটে আমাদের একটু বলে যান।

গি। মস্ত্র-তস্ত্র জানি না। তবে এইটুকু বুঝি ওদের আমি বড়ই ভালবাসি। ওদের কাউকে যদি কখনও বিপথে পদার্পণ করতে দেখেছি তখন তাকে ভৎসনা করবার আগে নিজের অন্তরে যাতনা অনুভব করেছি নিদারুণ। তার পর ঐ নিজ অন্তর্দাহের তাপে পুত হয়ে যখনই যা বলেছি তাকে, তা বিফলে যায় নি। এই ভালবাসাটুকু আমার অর্জিত ধন নয়, এ নৈসর্গিক সম্পদ আমার। এর জন্ত বিধাতাকেই ধন্যবাদ দি'। আমার কৃতিত্ব কিছুই নেই, হেডমাষ্টারমশাই।

হেডমাষ্টার। বড়ই দুঃখের বিষয় আপনার মত আদর্শের লোককে আমরা রাখতে পারলুম না।

গি। শুধু এখানে নয়, অনেক স্থলেরই এই একই দুর্দশা, শুধু আদর্শ নিয়ে আর ক'দিন চলে বলুন। আর্থিক সংকট মহা সংকট। যতদিন পর্যন্ত শিক্ষকতার আর্থিক মান অত্রা অত্র কর্মীদের সমান না ক'রে তুলতে পারবেন হেডমাষ্টারমশাই, ততদিন পর্যন্ত উপযুক্ত ব্যক্তি উপচে চলে যাবেই অত্র। আর ঐ যে বললেন ভবিষ্যতে গুরু-শিষ্যে রেবারেসি, তার মূলে দরিদ্র শিক্ষকদের সম্মান টিকতে পারেই না ছাত্রদের কাছে। জানেন?—আমরা কে কত মাইনে পাই—যা আমরাও সব জানি না—কিন্তু ওদের সবারই তা মুখস্থ? পড়া মুখস্থ করার আগে এ যদি কোন ছাত্র মুখস্থ না করলো তবে অত্রদের রায়ে সে ক্লাসের অযোগ্য।

৪র্থ দৃশ্য

[গিরীশের গৃহ। শিবানী আসীন। গিরীশের প্রবেশ।]

গি। ছেলেরা যে এত ভালবাসত আমায় তা ত আগে বুঝতে পারি নি।

[ ফুলের মালা হাতে করিয়া ]

এই দেখ, খেত, রাঙা, পীত—প্রত্যেকটি ফুলে কচি কচি ছেলেদের যেন বুকুর বিচিত্র অস্তিব্যক্তি! তরুণ প্রাণের দান কি খাঁটি! আর যে ব্যবসায়ের নামতে যাচ্ছি সেখানকার মাল-মশলা ঠিক বিপরীত। এইটে আমার মহাছুঃখ।

[ শিবানী কোন জবাব না দিয়ে ছুঃখিত ও নিরুপায় ভাবে তাকিয়ে থাকে স্বামীর দিকে। গিরীশই আবার বলতে থাকে। ]

গি। আর দেখ, লক্ষ্মী ঠাকুরপুত্রের খোসামোদ করা—সে আমার দ্বারা হবে না। মক্কেল যদি নিজেকে থেকে এল ত এল। না এল ত ব্যস্। তুমি বরং স্তব মন্ত্বে-টম্বে তাঁকে বশ করবার চেষ্টা কর।

[ শিবানী অবাক হয়ে তাকিয়ে থাকে কিছুক্ষণ, পরে দীর পদে চলে যায় পাশের ঘরে। ]

৫ম দৃশ্য

[ ঠাকুর পূজার ছোট্ট একটি ঘর। ছোট্ট একটি লক্ষ্মীমূর্তি। একটা প্রদীপ হস্তে শিবানীর দীর পদে প্রবেশ। বেদীর পাশে প্রদীপ রেখে প্রণাম। পরে মাথা তুলে স্তব গান। ]

শিবানীর স্তবগান :

মাগো লক্ষ্মীরাগী কমল-আননা,  
দয়া করি নিজগুণে বিতর করুণা।  
সুখদা পনদা তুমি পতিত-পাবনী,  
বিষ্ণুজায়া ছুঃখহরা ত্রিলোক-পালিনী।  
না জানি মা শুক্লি স্তুতি-ভজন-পূজন,  
কৃপা বিতরিতে তবু হয়ো না কৃপণ।  
করজোড়ে তব পদে যাচি মা করুণা,  
পূর্ণ কর মনোবাঞ্ছা, করো না বঞ্চনা।  
[ স্তবাস্তে পুনরায় প্রণাম। ]

৬ষ্ঠ দৃশ্য

[ গিরীশ আবার সেই দেয়াল-ঘেঁসা টেবিলটার উপর রাশি রাশি কাগজপত্র নিয়ে ঝুঁকে পড়েছে। তা অবিশ্যি আর ছেলেদের পরীক্ষার কাগজ নয় কিন্তু তা ত্রীক্ষের কাগজও নয়। ]

গি। (স্বগতঃ) পড়ুয়ার পালা ত শেষ করা গেছে। মামলার মক্কেল এখনও এসে ত জুটলো না। টাউন্টের টোপ ত ফেলেছি বিস্তর। কিন্তু মাছ ফাঁদে পড়ছে কৈ ?

ইংরেজীতে প্রবাদ আছে অবসরের সুসময়ে বা ছুঃসময়েই নাকি মানব-মস্তিষ্কে দানবের আবির্ভাব হয়। তাই ত দেখছি সাহিত্য-দানব এসে ভর করেছে আমার উপর। আর তার কীর্তি এই সব।

[ কাগজপত্রের প্রতি গিরীশের দৃষ্টি নিক্ষেপ। শিবানীর প্রবেশ। ]

শি। কি ফ্যাসাদেই পড়া গেল ? ও হাইভস লিখে কার পিণ্ডি দেবে তুমি ? এই ভয়টাই করছিলাম। যার মাথায় চেপে বসবে এই সাহিত্য-ভূত, সে ইঙ্কুলেই যাক, আর আদালতেই যাক, ভূত ত ছাড়তে চাইবে না। ছাড় ছাড় এই ব্যাগার খাটা। এর চেয়ে দেখছি ইঙ্কুল-মাষ্টারিই ছিল ভাল। ভ্যালো এক ভোলানাথের পাল্লায় পড়া গেছে! ঘরে যে চাল নেই তা আর ক'বার ক'রে বলব ? নাও, ওঠো। একটা বিহিত কর গে যাও।

[ শিবানীর প্রস্থান। ]

গি। (স্বগতঃ) যেমন দম্কা হাওয়ার মত আসা, তেমনি ঝড়ো শাণিত বাক্যবাণ হেনে, দমকা ভঙ্গিতেই নিজক্রান্ত। হঁ, কবি নিছক কাল্পনিক নারীর মুখেই ফোটান নি এ বুলি—

“রচিছ হৃদ দীর্ঘ হৃদ  
মাথা ও মুণ্ড ছাই ও ভস্ম  
মিলিবে কি তাহে হস্তী অশ্ব  
না মিলে শস্তকণা ?  
অন্ন জোটে না কথা জোটে মেলা ;  
নিশিদিন ধরে এ কি ছেলে খেলা ?  
ভারতীরে ছাড়ি ধর এই বেলা  
লক্ষ্মীর উপাসনা।”

আচ্ছাঃ, বিহিত করতে লাগা যাক বিধিমত। কিন্তু কি করি ? দেখা যাক ধার-টার অন্ততঃ পাই কি না আপাততঃ কোথাও। কিন্তু আর-এক কবির সেই গানটা যেন আমায় ছাড়তে চায় না :

“জননী বঙ্গভাষা এ জীবনে  
চাহি না অর্থ চাহি না মান,  
যদি তুমি দাও তোমার ও ছুটি  
অমল কমল চরণে স্থান।”

[ শিবানীর পুনঃ প্রবেশ। ]

শি। ও মা! গান গাওয়া হচ্ছে দেখছি! বেশ নিশ্চিন্তি ভাব। ওদিকে যে বাড়ীঅলা এসে হত্যা দিয়েছে দোরে গো। গেল মাসে ত কাঁকি-ঝুঁকি দিয়ে ঠেকিয়ে রেখেছিলে। এখন ছ'মাসের শুড়া। কি বলবে বল গে যাও। বাড়ীঅলা না হিনে জেঁক ?

গি। তাই ত, কি করা যায় এখন ?

[ নেপথ্যে বাড়ীঅলার হাঁক—বেরিয়ে আসুন না একবার গিরিধরবাবু। ]

গি। ও বাবা! এ যে হেঁড়ে-গলায় চাঁচাতে শুরু করে দিলে। আর আমার নাম যে গিরিধর না, গিরীশ তাও ভুলেছে ব্যাটা টাকার তাগাদায়। (জানলা দিয়ে মুখ বাড়িয়ে) যাচ্ছি মশাই—বসুন। দেখি ত ডেস্কে ক'টা টাকা আছে। (ডেস্কে হাতড়াবার পর) নাঃ, এ ত কিছুই না। জামার পকেটে বোধ হয় মোটে গোটা দশেক আছে, হ্যাঁ।

শি। আচ্ছা, আমার সিঁদুরকৌটোয় কিছু হবে। আর খোকার সেই গুপ্তধনের তহবিলে দেখি কি পাই।

[ শিবানীর প্রস্থান ও অল্প পরেই পুনঃ প্রবেশ। ]

শি। নাঃ, কিছুই বিশেষ হ'ল না। এই নাও।

গি। দেখি, দেখি, সবগুচ্ছ কত হ'ল। এ মা! মাত্র তিরিশ টাকা। আচ্ছা, তাই নিয়েই যাই ত এখন।

[ নেপথ্যে আবার বাড়ীঅলার হাঁক—। ]

বাঃ অঃ। কি হ'ল, গিরিধরবাবু ?

গি। এই এলুম বলে। [ গিরীশের প্রস্থান। ]

### ৭ম দৃশ্য

[ গিরীশের নীচের ঘর। বাড়ীঅলা আসীন।

গিরীশের প্রবেশ ]

গি। এই নিন, আজ এই তিরিশ টাকা—

বা। মশাই কি তামাসা করছেন ?

গি। আহা হাঃ! তামাসা করব কেন ? আজ সব টাকা এক সঙ্গে দিতে পারছি না।

বা। (চীৎকার করিয়া) আজও দিতে পারছেন না!

গি। আ হা হা, অত চটবেন না।

বা। নাঃ চটব না, হেসে কথা কইব ?

গি। আচ্ছা, কাল আপনাকে নিশ্চয়ই দেব।

বা। আবার কাল ?

গি। হ্যাঁ, এবার আর নড়চড় হবে না, দেখবেন।

বা। কাল এসে নিশ্চয়ই যেন পাই সব টাকা। পুরো একশ'। পূজোর মাস। আর একদিনও দেরি চলবে না। মনে থাকে যেন।

গি। নিশ্চয়, নিশ্চয়। কাল আপনাকে ঠিক দেব।

বা। ঠিক ?

গি। ঠিক ঠিক।

[ বাড়ীঅলার প্রস্থান ও শিবানীর প্রবেশ ]

শি। বলি পূজোর মাস কি শুধু ওর একলারই ? আমাদেরও পূজোর মাস না ? আমাদের বাছাদের পরনে হেঁড়া কাপড়-জামা তা তুমি নিজের চোখেই দেখছ। আমিও বলছি কতবার তোমায়। সেদিকে একটুও না ভেবে ফট করে বলে দিলে পুরো একশ' টাকাই ওকে দেবে, আর কালই। আর কোথেকেই বা একশ' টাকা কালই পাবে তুমি ?

[ বাইরে থেকে জোর গলায় হাঁক এল, "গিরীশবাবু আছেন ?" ]

শি। ঐ আবার এসেছে কর্মনাশার দল। আমি যাই, বলে পাঠাই, এখন দেখা হবে না। যত সব—

গি। আরে না না, ছিঃ! ভদ্রলোকেরা এসেছেন। (উচ্চস্বরে) আসুন আসুন, দাণ্ডাবাবু, সোজা চলে আসুন।

[ শিবানীর সরোবে প্রস্থান এবং মাসিকপত্র-সম্পাদক ও পুস্তক-প্রকাশক দাণ্ডাবাবু ও তাঁর বন্ধু সন্তোষবাবুর প্রবেশ ]

দা। আমার সেটা কতদূর গিরীশবাবু ?

গি। এই ত দেখুন না, সকালে উঠেই আপনার লেখা নিয়েই বসেছিলাম। তা লক্ষ্যার্থাকরণ যদি নিতাস্তই অপ্রসন্ন থাকেন, সরস্বতীর সেবা করা দায় হয়ে পড়ে। ভোর হতেই টাকার তাগাদা শুনে শুনে কান ঝালাপালা হয়ে গেল। পূজোর বাজারে সকলেরই জোর তাগাদা।

দা। (সহাস্ত্রে) সত্যিই তাই। আমিও যে মহালয়ার আগেই আপনার বইখানা বার করতে চাই।

গি। হ্যাঁ, তা দেব, প্রায় হয়ে এল লেখাটা।

দা। না, না, এখন আর প্রায় বললে চলবে না। আমাকে কালই প্রেসে দিতে হবে। কালই দিয়ে ফেলবেন একটু মেহনৎ ক'রে।

গি। (উচ্চস্বরে) হাঃ হাঃ হাঃ! আপনারও কালই দরকার ? আজ যে আসছে সেই আবার কালও আসবে। কাল একটা যজ্ঞ করা যাবে আমার এখানে তা হ'লে। যত লোক আসবে তাগাদায়, এক এক করে সবাইকে ধরে ধরে যজ্ঞাধিতে উৎসর্গ করা যাবে। কি বলেন সন্তোষবাবু, হাঃ হাঃ!

দা। আর আপনিই বা পুণ্যাগ্নি থেকে বঞ্চিত থাকবেন কেন ? আপনাকে নিয়েই ঝাঁপ দেওয়া যাবে হোমাধিতে। না, না, তামাসা নয়, কালই লেখাটা চাই।

গি। আচ্ছা দেখা যাক।



[ দাও ও সম্বোধনের প্রস্থান। গিরীশের মূর্তিটা কিছুক্ষণ স্তব্ধ থাকে। অগ্নিতে কাঁপ দেওয়ার কথাটাই ভাবতে থাকে। কথাটার মধ্যে বুদ্ধি একটা সম্বোধনের উল্লেখ আছে। ]

শি। ( স্বগতঃ ) বেশ বলেছে—হোমাগ্নি। তাই বা কেন, চিতোরের চিতা।

( শিবানীর প্রবেশ )

শি। ও কি? গালে হাত দিয়ে ভাবছ দেখছি। এই ত একটু আগে দেখলাম খুব হাসাহাসি হচ্ছে এখানে। আর ওদিকে খিড়কীর দরজায় কত লোককে আমার সামলাতে হ'ল জান? মুদি, ধোপা, গয়লা—সব নাছোড়বান্দার দল। তোমার মত আমিও 'কাল', 'কাল' বলে সবাইকে ফিরিয়ে দিয়েছি।

গি। ওঃ, বেটাদের সব মচ্ছব পড়েছে! তা মচ্ছবই ত বটে। দুর্গোৎসব। কারু আশ্বিন মাস কারু সর্বনাশ। কালের গতির সঙ্গে সঙ্গে প্রবাদ বাক্যেরও বুলি বদলায় এক-আধটু। যাই, দেখি আজ। টাকার সন্ধানে স্মেরু অবধি ঘুরে আসব। দেখি কি পাওয়া যায়।

৮ম দৃশ্য

[ শহরতলীর রাস্তা। সন্ধ্যাকাল ]

ঠিকাদার। আরে, এই যে বাড়ীখলা বাবু। বাড়ী মেরামতি বাকি টাকাটা কিন্তু পূজোর মুখেই চাই। আজই যাব আপনার কাছে টাকাটা আনতে।

বাড়ীখলা। আরে হবে, হবে। দেখ না। ছ' ছ' মাসের ভাড়া বাকি ফেলেছে একেক ভাড়াটে। আজ জোর তাগাদা দিয়ে এসেছি সব। কাল পেলেই তোমার বাড়ী বয়ে দিয়ে আসব নিশ্চিত। তোমায় আর যেতে হবে না। জান, টাকা যেমন অচল পদার্থ, তেমনি আবার সময় মত সচলও। নড়ে না ত নড়ে না, আবার নড়ে তে শুরু করলে চলতেই থাকে।

[ অনতিদূরে গিরীশ দাঁড়াইয়া। পরোক্ষ সব দর্শন ও শ্রবণ। ঠিকাদার চলতে থাকে। হঠাৎ পাশের একটা খোলার ঘরের দোকান থেকে হাঁক আগে নটবরের ]

ন। বলি অ ঠিকাদার বাবু! পাশ কাটিয়ে যে বড় চলি যেতি নেগেছ! এই ত পূজোর বাদ্যি বাজতি নাগছে; তা তোমার টাকা কই গো? ওর নাম কি, আমার দেড় শ' টাকায় মধ্যে এক শ' মোদা দিতেই হবি যে এই মহালয়ার মধ্যি।

টি। বাঃ! নটবর, তোমার দোকানটা ত বেশ সাজিয়েছ! আর বেশ বুদ্ধি করে মাল-মশলা রেখেছ। খান-কতক ইট সাজিয়ে রেখেছ, তারই পাশে ঐ আলগা ইটেরই দেয়ালের ওধারে রেখেছ খানিকটা চূণ, তার পাশেই মগরান্না বালি। সব আমাদের মত ঠিকাদারের খোরাক। আর তার পরই তোমার বন্ধু বলাই মুদির দোকান। ওরও বুদ্ধি খুব উচু দরের। মুদিখানার মধ্যেই দেখছি একটা কাচের আলমারিতে রেখেছে খান কতক বই। দেখি, দেখি। ( নিরীক্ষণ করিয়া ) রামায়ণ, মহাভারত, ভারতচন্দ্র, চণ্ডীদাস, নুতন পঞ্জিকা, থিয়েটার সঙ্গীত, ডিটেকটিভ উপন্যাস, বাঃ! ও বুঝেছে, উদরের খোরাকের সঙ্গে সঙ্গে চিত্তের খোরাকও কাটে বেশ।

ন। বাঃ! কি সব বকতি নেগেছ? এত বক্তিতে কেন? খোসামুদিতে চিঁড়ে ভিজবে না ঠিকাদার বাবু। ওতে আমি ভুলছি না। ওর নাম কি—আমি বলছি আমার টাকার কথা।

টি। আরে হ্যাঁ হ্যাঁ। সেই ধান্নায়ই ছুটোছুটি করছি। দেনা-পাওনা ত সকলেরই আছে, সেইটে বুঝিস না কেন? পাওনার টাকা হাতে পেলে তবে না দেনা শোধ দেবে। ঘর থেকে বার করে কে কবে টাকা শোধ দেয় বল?

( ঠিকাদারের প্রস্থান। )

বলাই মুদি। নটুদা! এইবার আমি বলি। পাশাপাশি দোকান আমাদের, চাল-ডাল তুমি হাত বাড়িয়েই পাও, কিন্তু হাতে হাতেই পয়সাটা ত পাই না। পয়সার দেনা টাকায় দাঁড়াচ্ছে, তার পর গড়াচ্ছে নোটের অঙ্কে, সে হিসাব তুমি রাখ না। কাল খাতা খুলে দেখলাম, তোমার কাছে পাওনা আমার শ'এর ওপর। কথাটা বুঝলো না? ঠিকাদার ঠেঁ টাকাটা যদি পাও, নটুদা, তবে সে টাকা আমার থাকল। এ আমি বলে রাখছি হেঁ। দাওবাবুর বইয়ের দামটা এবার চুকিয়ে দিতে হবে। তাগিদ কর্যা গেছেন নিজে এইসে।

নটবর। আরে হ্যাঁ হ্যাঁ, আমার সে হিসাব আছে। আমার কাছে ঠিক পাবি। টাকা আমাদের মত গরীব মানষের হাতে জমে যায় না। জানিস, বাদে যত টাকা বেশী তাদেরই তত টাকার মমতা। হাতে গেল ত আঠার মত গেল আটকে। জানিস, বলাই, সেদিন ঐ আনন্দবাজারটার পড়তেছিলাম একজন লিখছে, ধনী নোকদের ঐ টাকা আটক রাখার জন্মি আমাদের মত গরীব নোকদের ব্যবসা যায় পদে পদে আটকে। বড়

খাঁটি কথা নিখেছে। ওর নাম কি—তাই বলতেছি  
তোর টাকা আমি আটকে রাখব নি। ভুক্তভোগী যে।

বলাই। ঠিক বলিছ নটুদা। আমাদের গরীবের  
ঘর যেন খুন্দুর জলাশয়। জল এক বাগে আসে আর  
এক বাগে যায় বয়ে। আর তেনারা, ঐ মহাজনেরা  
যেন একেকটি মহা সমুদ্র। জল যদি গড়িয়ে সেথা  
পড়ল ত ব্যস! আর বয়ে বাবার যোটি নেই।

ন। বাঃ বেশ বলিছিস ত বলাই! তোর ঐ রামায়ণ-  
মহাভারত বেচে বেচেই দেখছি তোর বিবেচনাও বেশ  
খোলতাই হয়্যা পড়তিছে।

ব। শুধু কি বই বেচি নটুদা? খুলে খুলে পড়িও  
যে ফুরসৎ মাকিক, কথাটা বুঝলা না?

ন। বেশ বেশ—পড়াগুনো আমাদের অমনি কর্যাই  
চালাতি হবে।

ব। না নটুদা, সরকার আমাদের তরেও লেখা-  
পড়ার আয়োজন করতি নেগেছেন। ঐ কি না বলে  
এডান্ট এডুকেশন না কি? দ্বিতীয় পঞ্চবার্ষিকী—সে  
নাকি এক তাজ্জব ব্যাপার। আমাদের মত সন্নিধি  
নোকেদের তরেই নাকি সেই ব্যবস্থা।

ন। ঠিক বলিছিস। সেদিন ঐ কাগাজখানাতেই  
দেখতিছিলাম বটে। দেখা যাক কত দূর কি হয়।  
—সরকার ত অনেক বিরূহৎ বাক্যই ঝাড়ে।

ব। যাই বল নটুদা, সরকারকে আমরা যতই গাল  
দি' না কেন, অনেক সত্যিকারের কাজে এইবার হাত  
দিতি নেগেছেন। এই দেখ না কেন, এমন যে পেরলয়  
নদী ময়ূরাকী আর দামোদার। তেনাদের বেঁধে বেঁধে  
ধরি দিতেছেন চাবাদের ক্ষেতে ক্ষেতে, কথাটা বুঝলা  
না? হেঁ হেঁ, আর ইচ্ছামত গমন নয়—বান ডাকি  
দেশের সর্বনাশ করা আর চলবেক নি।

ন। হ্যা রে বলাই। আর শুধু কি তাই? শুধুই  
কি জল সরবরাহ? আচ্ছ্যি ব্যাপার এই যে, ঐ জলের  
মধ্য হতি বিজুলীর নিছকাশন। সগগের জলদ, মানে  
মেঘের মধ্য বিজুলী থাকে এই ত জানতাম। মস্তের  
জলের মধ্যও বিহ্যৎ—এ বড়ই তাজ্জবের ব্যাপার।  
শুধু জলই চাবাদের ক্ষেতে ক্ষেতে না, ওর নাম কি—  
ঐ বিজুলীও কর্মীর ঘারে ঘারে। তাই বলতিছিলাম  
কব বড় বড় কথাই যদি সরকার কাজে নাগাতি পারে  
তবে দেশে সোনা কলবে তা আচ্ছ্যি কি? আচ্ছা  
বলাই, সন্ধ্যা উৎরে গেল। আর খন্দের আসবে না।  
এখন হরিশক্তির একখানা গান শোনা ত। সারাদিন

টাকা পরসার চিন্তায় চিন্তটা যেন ধেঁলে যায়। নে  
ধর একখান গান।

( বলাই একটা একতারা লইয়া গান ধরে,  
নটবর বাঁয়া তবলায় ঠেকা দেয়। )

গান

আলাইয়া কিঁকিট—কাওয়ালি।

“ওরে দয়াল নামে ভাস স্মখে মন আমার,

কেন রে ভাব আর ?

ওরে দয়াময় এই ময় জপে, দয়াময়ে প্রাণ সঁপে

দয়াল বলে ভবান্ধবে দাও সঁতার।

তরঙ্গ গর্জনে শঙ্কা পেয়ো না,

কলুষ কুঞ্জীর পানে ফিরেও চাহিও না,

শয় কি রে, মহাময় ভুলো না,

কিছুতেই কিছু হবে না।

যদি পড় রে আবর্ত জলে

উর্কে ছুই বাহ তুলে

বলো “কোথায় রইলে ভবের কর্ণধার ?”

চেয়ে দেখ হলো বেলা অবসান

মিছে কাজে কেন হায় রে ভোল নিজ পরিভ্রাণ?

দূরে ফেলে দেও ধুলির ধন-মান,

বিবেক ভেলায় দূচ বাধ প্রাণ।

ও রে, সাহসে নির্ভর করে ঝাঁপ দিয়ে যাও রে প'ড়ে,

ডুবিলেও অবশ্য পাবে উদ্ধার।

দয়াল নামে ভাস স্মখে মন আমার।

২ম দৃশ্য

[ গিরীশ তার পড়বার ঘরে একাকী। নিশীথ  
রাত্রি। ]

গি। ( স্বগতঃ ) স্মেরু থেকে কুমারি পর্যন্ত সারা-  
দিন ঘুরেও ত কোথাও টাকা পেলাম না। পথে-ঘাটে  
সকলেই যে যাকে পার টাকার তাগাদাই করছে  
দেখলাম। এই ত পূজোর বাজারের দৃশ্য! যেমন  
আধমরা মাছিটার মাথা কামড়ে ধরে পিঁপড়ে বীর,  
পিঁপড়েকে ধরে ধরে খায় চড়ুই পাখী, ওদিকে বেড়াল  
বসে তাক করে চড়ুইটার দিকে। পূজোর বাজারে  
বলির ধূম। পূজোবাড়ীতে পাঁঠা বলি, কারবারের  
বাজারের দেনাদারের পেছনে ছুটেছে পাওনাদার তার  
খেড়োর রক্তমলাট হিসাবে-কেতাবে খাঁড়া হাতে  
ক'রে, চাবী হত্যা দিয়েছে ফড়ের ঘারে, ফড়ে ফিলের  
মত দোকানে দোকানে লেগেছে, দোকানীরা হতাশ  
হয়ে হাঁক দিচ্ছে ছোট বড়বু বাদের দরজায় দরজায়,

ভাগাদার চোটে ছোট বাবুদের মাথার ঠিক নেই, আর বড় বাবুরা মাথা ঠিক রাখতেই দরজায় তাল লাগিয়ে পূজোর ছুটিতে ঠাণ্ডা মিঠে হাওয়া খেতে গেছেন। আচ্ছা, আমিও একটা ব্যবস্থা করছি। আমার যেতে হবে আরও একটু দূর। হ্যাঁ, হ্যাঁ, এই রাতেই।

(একটা রশি সস্তর্পণে সংগ্রহ করে নিরীক্ষণ করবার পর, গলায় তা পরিয়ে কি ভাবে কাঁসটা লাগাবে তার একটা মহড়া দিয়ে কড়িকাঠের দিকে তাকিয়ে)

গি। (স্বগতঃ) হ্যাঁ, ঠিক হবে। কিন্তু এই শেষ রাত্রির এই আসন্ন বলিদানের পূর্বকাল আমার মনের ভাবটা নিবেদন করে যেতে হবে ঐ নিদ্রা বাগ্‌দেবীরই চরণে। অস্তিমের পূজো তাঁরই প্রাপ্য যিনি আমার অস্তিমের কারণ। তাই জীবনের শেষ অঙ্ক আঁকতে এই নিশীথে শেষবার কলমটা ধরি। যে গল্পটা লিখ-হিলাম দাণ্ডাবাবুর জন্তে তারই নায়ককে এনে ফেলব বিষম বিপাকে। তার পর তাকে দিয়ে আত্মহত্যা করাব। হ্যাঁ, ঠিক হবে। তার মুখে আমার মনের বাণী ফুটিয়ে তুলব—আত্মহত্যার পূর্বকাল মনের অবস্থা। নিজের জীবনের যবনিকা নিজেই ফেলা কেমনতর তা এমন করে এঁকে কেউ দেখায় নি।

[লেখায় গিয়ে নিবিষ্ট কিছুক্ষণ, তার পর উঠে]

গি। (স্বগত) যাক শেষ করা গেল শেষ লেখা। এইবার এই শেষ নির্দেশ লিখে দি' একটা কাগজের টুকরোয়। (লিখতে লিখতে সঙ্গে সঙ্গে পাঠ) “আমার মৃত্যুর জন্ত আমিই দায়ী, আর কেউ না। যত পাওনাদার আসবে, তাদের মধ্যে যে ভারতীর দূত তাকে যেন দেওয়া হয় এই গল্পের পাণ্ডুলিপি। আর লক্ষ্মীর দাস যারা আসবে তাদের চোখের সামনে খুলে যেন দেওয়া হয় আমার মৃত্যুখণ্ড। এবার পূজোয় হাজার হাজার বলির সঙ্গে মা-হুর্গার চরণে আমার বলিটাই পড়ুক তবে সবার আগে।”

গান (গুন গুন করে)

(বেহাগ)

তবে মুক্ত করে দি চিত্ত-বিহগের পিঞ্জর-আলা,  
সাগ্র হোক আজি এ নিশীথ কালে এই জীবনের পালা।

নমো হুর্গতিনাশিনী

নমো মহিষমর্দিনী

আর একটি বলি লহ ওগো দশভূজা!  
হাজারো বলি সাথে এই না তব পূজা।  
দেখো যেন বেঁচে না যায় একটিও বলি,  
পত্নী সাথে লহ আজ একটি নরবলি।

নমো হুর্গতিনাশিনী

নমো মহিষমর্দিনী

নমো নমো নমঃ।

এবার যাই ওদের ঘুমন্ত মুখে দিয়ে যাই একটু করে শেষ চুম্বন। আর দু' ফোঁটা অশ্রু।

[গৃহান্তরে প্রবেশ। শয়ন কক্ষ। ঘুমন্ত শিশু দু'টির কপালে আলগোছে চুম্বন। তার পর জীর শয্যার দিকে তাকিয়ে দেখে তা শূন্য!]

এ কি! শিবানী গেল কোথায়? কি আশ্চর্য! আরে, সদর দরজা খোলা দেখছি। ব্যাপার কি? শিবানীর মাথায়ও কি আমার মত ভূত ঢুকল? তা হ'লে সে কি আমার আগেই—?

[খোলা দরজা দিয়ে শিবানীর প্রবেশ।]

এ কি? এত রাতে কোথেকে?

শি। (সহাস্তে) রাও কোথা? দেখছ না ভোর হয়েছে।

গি। ভোর! হ্যাঁ, তাই ত দেখছি। আর তোমার মুখে-চোখেও দেখছি হাসির ভোর। ব্যাপার কি? বলছি, এই শেষ রাতে গিয়েছিলে কোথা?

শি। (পূর্ববৎ সহাস্তে) শেষ রাতে যাই নি, সন্ধ্যা রাতেই গিয়েছিলাম। তোমাকে দেখে তখন মনে হ'ল খুব মেতেই আছ তোমার লেখা নিয়ে—রাতে ঘুমুবে না নিশ্চয়।

গি। (স্বগত) কিন্তু আমার প্যানটা কেমন যেন গুলিয়ে যাচ্ছে সব। শিবানীর মুখে এত হাসির ছটা কেন?

শি। তোমার গল্পটা লেখা শেষ হ'ল?

গি। হ্যাঁ, শেষ করে ফেলেছি। একেবারেই শেষ করেছি। আর লিখব না কখনো। সব খতম।

শি। না, না, লেখার ওপর রাগ ক'রো না। আমি একটা ফন্দি তোমায় বাৎলে দিচ্ছি।

গি। ফন্দি? কি ফন্দি গুনি?

শি। আমি দাদার কাছে গুনলাম বাংলা লিখেও আজকাল অনেকে বেশ দু'পয়সা রোজগার করে। বিশেষ করে নাকি তোমার মত যে-সব উকিল, ব্যারিষ্টার পশার জমাতে পারে না, তারাই নাকি বাংলা লেখা জমায় ভাল—বেশ রোজগার করে। তা তুমি যা লিখছ তাই না মিছে যায় কেন? দাণ্ডাবাবুর জন্তে যেটা লিখছ তার একটা দাম চেয়ে নিও।

গি। (উদাস ভাবে) তা আমি চেয়েছিলাম। কিন্তু ভরসা কিছুই দেয় না। দেখা যাক। সেখানেও ঐ

একই কথা। আগে কিছুকাল মকেলের হাতে-পায়ে ধরা, আশ্বেরে মকেলই যেমন পায়ে এসে পড়ে মায় টাকার ভেট তুলে, এ সাহিত্য বাজারেও তেমনি, এখন প্রকাশক-সম্পাদকদের খোসামোদ কর, পরে ওরাই হত্যা দেবে এসে তোমার দোরে।

শি। এখানে যখন দেখছি দাঙবাবু হত্যাই খানিকটা দিয়েছেন তোমার দোরে, তখন তোমার সাহিত্য-স্বর্ষ উঠল বলে। ভাবনা কি ?

গি। তোমার মুখে ফুলচন্দন পড়ুক। কিন্তু ভোর ত হয়ে গেল। বাড়ীঅলা আবার এল বলে। ভোরেই আসবে বলে গেছে। এখন উপায় ? (স্বগত) নাঃ, আমার প্ল্যানটা একেবারে ভেঙে গেল।

শি। (আঁচলের গাঁট খুলে ছ'খানি একশ' টাকার নোট বার করে) উপায়, এই নাও। এর একখানা দাও বাড়ীঅলাকে। আর একখানায় আমাদের পুজোর বাজার হবে। গয়না কিছু দাদাকে দিয়ে বাঁধা রাখিয়ে এনেছি এই টাকা।

[ গিরীশ উৎফুল্ল হয়ে গান ধরল। ]

গি। (গান) একটি বলি তবে বাঁচালে মাগো।

সস্তানেরে বাঁচাইতে তুমি সদা জাগো।

নমো দুর্গতিনাশিনী

নমো মহিমমর্দিনী।

[ গানের কথা শুনে শিবানীর বিস্মিত ভাব। তা দেখে গিরীশ প্রদর্শন করে রশি ও কাড়কাঠের ব্যবস্থা। শিবানী বিস্মিততর এবং পরক্ষণেই গালে হস্ত প্রদান ও শুরু। ]

(নেপথ্যে বাড়ীঅলার হাঁক।)

বাড়ীঅলা। গিরিধরবাবু আছেন ?

শি। ঐ নাও! ভোর হতেই তর সইল না।

গি। এই যাচ্ছি, বসুন।

১০ম দৃশ্য

নীচের ঘর

[ বাড়ীঅলা আসীন, গিরীশের প্রবেশ। ]

গি। এই নিন। যখন কথা দিয়েছি, তখন আর কি নড়চড় হতে দেব ? [ একশ' টাকার নোট প্রদান। ]

বা। হাঃ হাঃ, তা ত জানিই গিরিধরবাবু। আপনি একটি শুভলোক, সে কি জানি না ? এই নিন দু'মাসের রসিদ একেবারে সঙ্গেই এনেছি। আচ্ছা নমস্কার, উঠি তবে, অনেক জায়গায় যেতে হবে।

গি। নমস্কার। কিন্তু তখন।

বা। বসুন।

গি। আমার নামটা গিরিধর না, গিরীশ। এ রসিদে দেখছি ঠিকই লেখা আছে। কিন্তু গিরিধর বলে ডাকেন কেন বসুন ত ?

বা। ও, মাপ করবেন। টাকা টাকা ক'রে মাথার ঠিক নেই।

গি। এইবার মাথা ঠিক হ'ল ত ?

বা। হ্যাঁ নিচ্চয় নিচ্চয়, যা বলেছেন।

[ বাড়ীঅলার প্রস্থান। ]

১১শ দৃশ্য

[ সদর রাস্তা, বাড়ীঅলার গমন। ]

বা। (স্বগত) আজ দেখছি সুপ্রভাত। যখন সকাল সকাল পেয়েই গেলাম তখন অমনি জগু ঠিকদারকে দিয়েই যাই টাকাটা। এই গিরিধরের টাকার ভরসা করেই তাকে আশা দিয়েছিলাম। নইলে ঘরের টাকা থেকে কে কবে দেনার টাকা শোধ করে ? হাতের টাকা তো সব অল্প সাত-পাঁচ ভাবে বাজেট হয়ে থাকে আগে থাকতেই। এই যে ঠিকাদারের বাড়ী এসে গেল।

[ ঠিকাদারের বাড়ীর সামনে ]

বা। ওহে জগন্নাথ, আছ নাকি বাড়ী ?

জ। আছি, আসুন আসুন।

বা। দেখছ ত ? বাড়ী চড়াও ক'রে পাওনার তাগাদাই লোকে করে, কিন্তু বাড়ী বয়ে সাত সকালে দেনার টাকা দিতে আসি, সে আমিই। এই নাও তোমার টাকা। [ নোট প্রদান। ]

জ। হাঃ হাঃ! তা ত জানিই বাবু। আপনি একজন মানুষের মত লোক, তা আমি বিলক্ষণ জানি।

বা। যাই এইবার গঙ্গায় একটা ডুব দিয়ে আসিগে। তুমি আবার আমার একটু সুখ্যাৎ ক'রে অহমিকার পাপ বাড়ালে। সেটুকুও ধুয়ে ফেলতে হবে পুণ্যস্থানে।

[ বাড়ীঅলার প্রস্থান। ]

জ। এ টাকা আর ঘরে তুলব না, একেবারে নটবরকে দিয়ে আসিগে। গিন্নী সন্ধান পেলে চিলের মত—

১২শ দৃশ্য

[ নটবরের দোকান। নটবর আসীন। জগুর প্রবেশ। ]



জ। এই যে, নটবর, তামাক টেনেই চলেছে দেখছি। সকাল থেকে ক' হিলিম হ'ল? হাত বাড়ালেই পাশের মুদি বন্ধুর কাছ থেকে তামাক, টিকে সবই পাও, পয়সা ত লাগে না। ভাবনা কি?

ন। এই যে ঠিকেদারবাবু! বসুন, বসুন। ওরে তিহু ওর নাম কি, বাবুদের হ'কোটা দিয়ে যা। আর এক হিলিম তামাক ভাল ক'রে সেজে দে ত। এটা ত পুড়ে ভস্মি হয়ে গেছে। হ্যাঁ, ঠিকেদারবাবু, ওর নাম কি—তামাকটা একটু বেশীই চলে আমার। এই আপনাদের মত পাঁচজন পদখুলি পড়ে ত? সে আমার সৌভাগ্য। তবে পয়সা লাগে না যে বললেন না? ঐটে হ'ল ছুল। পয়সা যথেষ্টই লাগে। ধারে পাই বটে সব, আর সে-ই ত আরও সর্বনেশে ব্যবস্থা। কাল বলছিল বলাই—এক শ'র উপর পাওনা। শুধুই ত তামাক, টিকে না, চাল, ডাল, তেল, ঘি যাবতীয় রসদ। তাও মানে মানে সব দিতে পারি না, জমে যায়। পূজোর বাজার বলে তাগাদা শুরু করেছে। আমিও ঠিক ক'রে রেখেছি আপনার কাছ থেকে টাকাটা পেলেই শোধ ক'রে দেব। নইলে, ঘরের টাকা ভেঙ্গে দেনা শোধ ত কোন কাজের কথা নয়। কি বলেন?

জ। হ্যাঁ, তা ঠিক। যখন এমন তর সাধু ইচ্ছা তুমি মনে পোষণ করছ, তখন এই নাও তোমার একশ' টাকা। [নোট প্রদান।]

ন। হাঃ হাঃ, আজ কি সুপ্রভাত! বেরখাই হিলিমের পর হিলিম পোড়াই নি। সঙ্গে সঙ্গে সিদ্ধিদাতার চরণে প্রার্থনা নিবেদনও করতেছিলেম ভোর থেকেই। তবেই না আপনাকে ছুটো আসতে হয়্যাছে আমার নেকট। দাঁড়ান আপনার সুমুখেই অমনি বলাইর দেনাটা শুধে দি।

[পাশের দিকে মুখ বাড়িয়ে]

বলি, বলাই ভায়া আছ? [বলাইর মস্তক প্রকাশন।] এই যে, এই দেখ, হাত বাড়ালেই যেমন জিনিষ পেয়েছি, তেমনি হাত বাড়িয়েই টাকাটাও দিচ্ছি। এই নাও। (নোট প্রদান।)

বলাই। নটুদা আমার মহৎ ব্যক্তি, জানেন ঠিকেদার বাবু।

ন। আরে হ্যাঁ, হ্যাঁ, ঠিকেদারবাবুই আগে মহৎ ব্যক্তি। বাড়ী বয়ে আমার দিলেন ঐ টাকা, তবে না তুমি, ভায়া পেলে।

ব। সে ত আমি আগে থেকেই সব পাকা কথা

করে রেখেছি। সময়ে সময়ে সবাই মহৎ আর সমর সমর, বুঝলেন না কথাটা?

ন। যা যা, আর বকিস্ নি। ঐ শোন্ মহালয়ার ঢাক বাজতে লেগেছে। বাজে কথা এখন রাখ্।

ব। সেই কথাই ত বলছি। মচ্ছবের মহা লগেই মানব হয় দেবতা। কথাটা বুঝল না? আচ্ছা নটুদা, তুমি আছ ত? আমার দোকান পানে একটু নজর রেখ। আর তিহুকেও একটু দেখতে বল। আমার ঝাঁপ খোলাই রইল। দাণ্ডাবাবুর টাকাটা এই বেলাই শোধ ক'রে দি'গে। এ নোট ভাঙলেই হস্ ক'রে উবে যাবে। দেনা শোধটা আগে। বুঝল না কথাটা? ভদ্রলোক বার বার তাগাদা কর্যা গেছেন।

১৩শ দৃশ্য

গিরীশের গৃহ।

দাণ্ড। আছেন নাকি গিরীশবাবু?

গি। আছি, আসুন আসুন দাণ্ডাবাবু।

[উভয়ের আসন গ্রহণ]

দা। শেষ হ'ল লেখাটা, মশাই?

গি। হ্যাঁ, মশাই, কাল সারা রাত জেগে শেষ করেছি শেষ রাতে শেষটায়। এই নিন।

[পাণ্ডুলিপি প্রদান। দাণ্ড পাণ্ডুলিপি হাতে নিয়ে পড়তে থাকে কিছুক্ষণ। প্রথম থেকে পাতাগুলো আক্লাভাবে চোখ বুলিয়ে গিয়ে শেষের দিকে চোখ একেবারে নিবিষ্ট হয়ে পড়ে। মুখ-চোখ উৎফুল্ল হয়ে ওঠে।]

দা। বাঃ! এ বড় চমৎকার ত! এই যে ছেলেটির আত্মহত্যার পূর্ব মুহূর্তের মনোভাব বর্ণন, এ একেবারে বিস্ময়কর! পড়তে পড়তে মনে হচ্ছে যেন আমিই যাচ্ছি করতে আত্মহত্যা! এ তাজ্জব বর্ণনা আপনি লিখলেন কি ক'রে গিরীশবাবু? আচ্ছা, এই নিন লেখাটার জন্তে আপাততঃ একশ' টাকা। পরে ছাপার পর বই হয়ে বাজারে বিক্রী হতে থাকলেই দফে দফে আপনি শ' পাঁচেক ত পাবেনই। বেশীও হতে পারে। সে, বিক্রীর মুরসুম বুঝে। আচ্ছা, এখন উঠি, নমস্কার।

গি। নমস্কার। [দাণ্ডর প্রস্থান ও শিবানীর প্রবেশ।]

শি। দেখি দেখি! আজ কার মুখ দেখে উঠলাম?

গি। আমারই মুখ দেখে, আবার কার মুখ?

[সহাস্ত্রে নোটখানি প্রদান।]

শি। [নোট হাতে নিয়ে একটু নিরীক্ষণের পর]

এ কি! এ ত দেখছি আমারই সেই নোট!

গি। তোমার কোন্ নোট ?

শি। আরে যে দুটো নোট একটু আগে তোমার এনে দিলুম, তারই একখানা বাড়ীঅলাকে যে দিলে, সেই নোট গো।

গি। কি ক'রে বুঝলে সেই নোট ?

শি। এই ত সেন্ট্রাল ব্যাঙ্কের মোহর মারা, আর

এই ত সেই নম্বর একেবারে। এই দেখ, দু'ঘণ্টার মধ্যেই ঘরের টাকা ঘরে কিরে এল। যাই, এই দিয়েই আমিও আমার ঘরের গরনা খানিকটা ত ঘরে কিরিয়ে আনি।

[ শিবানীর প্রস্থান। ]

গি। তা হ'লে, এবার পূজোয় একটা বলি নেহাৎই বেঁচে গেল। সমাপ্ত

## ট্রেন ফেল

শ্রীমিহির সিংহ

রায়সাহেব আর. এল. মিত্র যখন তাঁর মস্ত শরীরটাকে ট্রেনে এনে প্র্যাটফর্মে পৌঁছিলেন তখন শাওড়াফুলি লোক্যালের শেষ কামরাটি সিগন্যালের আলোটাকে অতিক্রম করে চলে যাচ্ছে। রতনলালবাবু এ লাইনের নিয়মিত যাত্রী। তাঁর নিজের হাতে গড়ে-তোলা ব্যবসার হেড অফিস ক্যানিং স্ট্রীটে হলেও তার শাখা-প্রশাখা ছড়িয়ে আছে হাওড়া, হুগলীর ঘাঁটিতে খাঁটিতে। এদিকে বাগনান পর্যন্ত আর ওদিকে বর্ধমান পর্যন্ত তাঁকে প্রতি সপ্তাহেই একবার-দু'বার যেতে হয়, মাসুলি টিকিট করাই থাকে।

আগে যখন রায়সাহেব হন নি, ভবানীপুরের বাড়ীটা একরকম বন্ধকই রেখে অসীম সাহসে ব্যবসায় নেমেছেন। তখন চড়তেন থার্ডক্লাসে, আর যেতেনও অনেক ঘন ঘন। কিন্তু সে সব অধ্যায় বিশ-ত্রিশ বছরেরও বেশী পুরণো হয়ে গেছে। ইংরেজ আমলের শেষের দিকে ডিক্টেট বোর্ড আর কালেক্টরেটের কর্তাদের সঙ্গে মিলে-মিলে চলতে শিখেছেন। পয়সা করেছেন দু'হাতে—মানও বেড়েছে। যুদ্ধের সময়ে সমস্ত কাজ-কর্মেরই গতি এত দ্রুত হয়ে উঠেছিল যে, একটা জিপই কিনে ফেলেছিলেন, অনিশ্চিত ট্রেনের উপরে নির্ভরশীলতা ত্যাগ করবার জন্তে। জিপটা আজ বুড়ো হয়ে এসেছে, যেমন হয়ে গেছেন তিনি নিজে।

জামাই বাগনানের লোক, সে-ই দেখাশোনা করে ওদিককার কাজকর্ম, তা ছাড়াও তার অনেক কিছু ঘোরা-শুরির ব্যাপার আছে—কংগ্রেসের কাজে, সমাজসেবার কাজে। জিপটা সে-ই রেখে দিয়েছে। রতনলালবাবুর

নতুন এ্যাম্বাসাডর পারত পক্ষে কলকাতা ছেড়ে বেরোয় না। হিসেবী মানুষ তিনি, অনেক খতিয়ে দেখেছেন, ট্রেনে যাওয়া অনেক আরামপ্রদও বটে, খরচও তাতে কম। তবে এখন আর ফাষ্টক্লাসে না গেলে চলে না। শরীরটা আগের মতন কষ্টসহিষ্ণু নেই, দিন দিনই বেজুত হয়ে পড়ছে।

ষ্টেশনে ঢুকেই মিত্র মহাশয় বুকেতে পেরেছিলেন এ ট্রেনটা ধরা সম্ভব নয়। গাড়ীটা যখন স্ট্র্যাণ্ড রোডে একটা ট্র্যাফিক জ্যামের মধ্যে পড়ল তখনও তিনি একটু একটু ছরাশা করছিলেন যে, ট্রেনটা যদি হু-চার মিনিট লেট করে ছাড়ে তা হ'লে হয়ত ধরাও যেতে পারে। কিন্তু মানুষের ব্যক্তিগত সুবিধা-অসুবিধার কথা ভেবে ত সব ছুনিয়াটা চলে না! মিত্রসাহেব একটা দীর্ঘশ্বাস ফেলতে গিয়ে হঠাৎ সচেতন হলেন যে, তিনি প্রচুর হাঁপাচ্ছেন। শুধু তাই নয়, দেখলেন শরীরটা ঘামে ভয়ানক ভিজে উঠেছে। ধুতি, পাঞ্জাবী লেপ্টে গায়ে লেগে গিয়েছে। সমস্ত মনটাই কেমন যেন অস্বস্তিতে ভরে উঠল। হাত-ঘড়িটা, স্টেটে-যাওয়া আস্তিন ট্রেনে সরিয়ে বার করে দেখলেন প্রায় এক ঘণ্টা অপেক্ষা করতে হবে পরের ট্রেনটার জন্তে।

মে মাসের প্রচণ্ড গরম। প্র্যাটফর্মের ছাদ থেকে শুরু করে বেকিগুলো পর্যন্ত তেতে বাঁ বাঁ করছে। লাইনের দিকে ত তাকানো যায় না—হাওয়ার শ্রোত উত্তাপের হব্বায় হিল্‌হিল্‌ করে কাঁপছে। রতনলালবাবুর মাথার মধ্যেটা যেন কেমন করে উঠল। একবার ভাবলেন কিরে যাই বাড়ীতে, কাল যাওয়া যাবে শাওড়াফুলি।

কিন্তু অত্যন্ত কর্তব্যনিষ্ঠ মন। ম্যানেজার রামসদয় অপেক্ষা করে থাকবে, আর বড়বাবু আসবেন না তা হতেই পারে না। রতনলালবাবু পা বাড়ালেন ষ্টেশনের ভিতর দিকে। চল্লিশ-পঞ্চাশ মিনিট সময় কাটানোর জন্তে।

সবই ইলেকট্রিক ট্রেন। ধোঁয়া নেই, ধুলো নেই, নানারকমের শব্দ নেই। ঝাঁকুনি ত নেই-ই। মিত্র মহাশয় একটা মস্তবড় নিঃশ্বাস ফেলে খালি কামরাটার প্রশস্ত আসনের উপরে বসে পড়লেন। ট্রেন প্রায় তখনই অতিক্রম সাপের মতন সঙ্কেত ধ্বনি করে ছেড়ে দিল।

ইলেকট্রিক মোটরের ব্যাপার, ষ্টাম বা কয়লার কারবার নেই। বিনা আয়াসে ছু-চার সেকেন্ডের মধ্যেই গতি অত্যন্ত দ্রুত হয়ে ওঠে। রতনলালবাবু একটু নিশ্চিন্ত হয়ে বসলেন। কিন্তু শরীরটা যেন কেমন আনন্দান করতে লাগল। কোকাকোলা পছন্দ করেন না মোটেই—ঠাণ্ডা বলে তবু গেয়েছেন ছুটো। একবার মনে হ'ল তাতে একটু আরাম পেলেন কিন্তু তাও কেটে গেল একটুক্কণের মধ্যেই। গরমটা শুধু প্রচণ্ডই নয়—অপার্থিব গোছের। মস্তবড় কাঁচের জানলাটার ধার দিয়ে রোদে ঝলসানো যে গ্রামগুলো চলে যাচ্ছে—আধ মিনিট, এক মিনিটের জন্তে যে ইট আর সিমেণ্টের ষ্টেশনগুলো থমকে থাকছে, তারা যে তাঁর ত্রিশ বছরের পরিচিত, আজ তাঁর তা মনে হচ্ছে না। সূর্যের এ সর্কস্বংসী রূপ তিনি কখনও দেখেন নি। ইলেকট্রিক ট্রেনের প্রচণ্ড গতিও তার নাগালের বাইরে তাঁকে নিয়ে যেতে পারল না।

শাওড়াফুলি ষ্টেশনের কাছে পৌঁছে ট্রেনটা মিনিট কতক দাঁড়িয়ে রইল কোনও একটা না-জানা কারণে। মিত্র মহাশয়ের আরও অসহ্য লাগতে লাগল। এতক্ষণ তিনি একেবারে ধুকছিলেন বৌদ্ধের প্রবল অত্যাচারের তলায়। এমন কি, কপাল থেকে ঘাম সরানোর কিংবা ঘামে ভিজ লেপ্টে-যাওয়া ধূতি বা পাঞ্জাবীটাকে গায়ের থেকে তফাৎ করার চেষ্টাও ছেড়ে দিয়েছিলেন। এখন নেহাৎ অভ্যাসের বশেই উঠে বসে একটু ঠিকঠাক করবার চেষ্টা করছিলেন নিজেকে। শাওড়াফুলি এসে গেছে, ষ্টেশনেই রিকশ পাওয়া যাবে, পাঁচ মিনিটের মধ্যে পৌঁছানো যাবে অফিসে। কিন্তু কি জ্বালাতন—এখানে আবার দাঁড় করিয়ে রাখবে নাকি একঘণ্টা?

রোদের ঝাঁকুনি আরও ঘনিয়ে এল তেতে-ওঠা লাইনের খোয়া আর লাইনের পাশে-দাঁড়ানো দরিদ্র বাড়ীগুলির দেওয়াল থেকে। মিত্র মহাশয়ের নজরে

পড়ল তাঁর জানলার ঠিক সামনের বাড়ীটার দিকে। বাড়ী বললে তাকে হয়ত বেশী সম্মানই দেওয়া হয়। একটাই বোধ হয় ঘর। টালির ছাদ। সামনে আধটাক উঠোন মত একটু জায়গা। একটা টিউবওয়েল একদিকে, আর একদিকে একটা তুলসী গাছের বেদী। প্রচণ্ড রোদের নিষ্ঠুরতায় তুলসীর কঠিন প্রাণও মুহূমান। সমস্ত প্রকৃতির কাছে বাড়ীটা এতই নগ্নভাবে আত্মসমর্পণ করেছে যে, মিত্র মহাশয়ের অন্তরাত্মা শিউরে উঠল। আর তার চাইতেও একটা শীর্ণ মা জীর্ণ কাপড় সামলে টিউবওয়েলের হাতল ধরে অপ্রচুর জলভিক্ষা করছেন রুদ্র প্রকৃতির কাছ থেকে। আর ঘরের সামনে সংক্ষিপ্ত ছায়া-টুকুর মধ্যে স্নানমুখে দাঁড়িয়ে আছে ছ'টি শিশু। শিশু ছ'টি হয়ত মা'র চাইতেও শীর্ণতর। কিন্তু বালেয়র সেই সুকুমার গোলগাল ভাবটি তাদের শরীর থেকে বিদায় নিলেও বিসদৃশভাবে রয়ে গেছে তাদের গণ্ডুটিতে। সব মিলিয়ে দৃশ্যটি বাংলা দেশের পক্ষে ভয়ানক কিছু নতুন নয়। কিন্তু আজকে প্রীচ রতনলালবাবুর মনে কেন যেন বড় নিষ্ঠুর আধাত হান্‌ল।

আর একটা শঙ্কধ্বনি করে ট্রেন ছাড়ল। ষ্টেশনের প্রায় গায়েই দাঁড়িয়ে ছিল। মিনিটখানেকের মধ্যেই মিত্র মহাশয়ের পরিচিত চেহারাটি দেখা গেল সাইকেল রিক্শার উপরে বড় রাস্তায়। দারুণ অগ্নিবাহণ বর্ণিত হচ্ছে সূর্য্যদেবের জ্বলন্ত তুণ থেকে। কিন্তু মিত্র মহাশয়ের চেতনার সেটা আর ছাপ ফেলতে পারল না। তাঁর কানে বাঙতে লাগল ট্রেন থামার নিশ্চরতার মধ্যে ভেসে-আসা টিউবওয়েলের ঘ্যাচাং ঘ্যাচাং শব্দটি। রতনলালবাবু বিচক্ষণ ব্যবসায়ী। মানুষকে তিনি সাধারণভাবে অবিশ্বাস করেন না কিংবা অপছন্দও করেন না, তবে মানুষের সঙ্গে পয়সা-কড়ি ছাড়া আর কোনও রকমের সম্পর্ক সহজে করতে চান না। এটা তাঁর অভ্যাস নয় যে, তাঁর মতন ভাগ্যবান্‌ সবাই নয়—পৃথিবীতে দুঃখী মানুষের সংখ্যাই বেশী। কিন্তু অকারণ করুণার ভাবালুতা তাঁর প্রকৃতিবিরুদ্ধ! মানুষকে তিনি ঠকাতেও ভালবাসেন না আবার কেউ তাঁর কাছে অগ্নিতে কিছু পায়ও না। অথচ আজকে প্রকৃতির নির্মমতার সামনে দাঁড়িয়ে হঠাৎ কেমন অনভ্যস্ত ভাবে আত্মীয়তা অনুভব করলেন জীবনের কাছে মার-খাওয়া দুঃখী মানুষের সঙ্গে।

মিত্র সাহেব ক্ষিপ্ত সিদ্ধান্তে আসার মানুষ। রিক্শওয়ালাকে বললেন, বাঁদিকের গলিতে ঢোক। সে পুরণো লোক। অনেক সময়েই নিয়ে যায় রায় সাহেবকে। বুঝতে পারল না, কোথায় যেতে চান তিনি। মিত্র

মহাশয় বললেন, তুমি চল আমি বলছি। গলিটা একে-বেঁকে শেষ হয়েছে রেললাইনের ধারে। তার পরে একটা লেভেল ক্রসিং পেরিয়ে চলে গেছে ওপারে। লাইনের কিনারায় গিয়ে মিত্র মহাশয় বললেন, এখানে রাখ। পাশের একটি কবিরাজের সাইনবোর্ড লাগান ঘর থেকে একজন বেরিয়ে এসে জিজ্ঞাসাভাবে তাকাতে, রায় সাহেব বললেন, এই বাড়ীটাতে কে থাকে জান ? ভিতর থেকে তখনও ভেসে আসছে টিউবওয়েলের শব্দ। ভদ্রলোকটি একটু হাত কচলানোর ভঙ্গি ক'রে বললেন, রবি ত এখন বাড়ী নেই—ও গেছে দোকানে। ওর স্ত্রী আছে—ডেকে দেব ? রতনলালবাবু খুব ক্রান্ত বোধ করছিলেন। বললেন, তার দরকার নেই কিন্তু পুরো নামটি জানতে চাই। ভদ্রলোকটি বললেন, রবি সরকার, মালতী স্টোর্সে কাজ করে। মালতী স্টোর্সটা ত আপনি চেনেন ? সিনেমা হাউসের গায়ে ? মিত্র মহাশয় জবাব প্রায় একরকম না দিয়েই ফিরতে বললেন রিকশওয়ালাকে। তাঁর সমস্ত মাথা তখন ঝিম্ ঝিম্ করছে। মন ব্যাকুল হয়ে উঠেছে শশখশের পর্দার পিছনে আশ্রয় নিতে।

যখন ম্যানেজার রামসদয়বাবুকে ব্যস্ত ক'রে তিনি উপস্থিত হলেন অফিসে তখন ঘড়িতে প্রায় তিনটে বেজেছে। তার ঘণ্টা তিনেক বাদে শ্যাওড়াফুলিতেই মারা গেলেন রায় সাহেব আর. এল. মিত্র—মস্তিষ্কে রক্ত-ক্ষরণের ফলে।

এই দিনটির পরে সাতটা-আটটা মাস কেটে গিয়েছে। গরমের ঝুগ অনেকদিন ফুরিয়েছে—বর্ষা শরৎও কেটে গেছে—হেমন্ত পেরিয়ে এখন এসেছে শীতের সময়, সবাই বলাবলি করছে, এরকম ঠাণ্ডা অনেক বছর ধ'রে পড়ে নি। বাংলা দেশের আর সব জায়গার মতন শ্যাওড়াফুলিতেও এসেছে শীত। আততায়ীর ছোরার মতন কনকনে ঠাণ্ডা হাওয়া, লেপ-কম্বল গরম কাপড়ের মধ্যে ফাঁক খুঁজে বেড়াচ্ছে, যে পথে ঢুকে হাড় পর্য্যন্ত বি'ধিয়ে দেওয়া যায় বরফের ধারে। তার উপরে সকাল থেকে সুরু হয়েছে ঝিরঝিরে বৃষ্টি।

গলিটার মোড়ে একটা জিপ এসে থামল। তার পরে একটু ইতস্ততঃ ক'রে সেটা প্যাচপেচে কাদার উপর দিয়ে গৌঁ গৌঁ করতে করতে এগিয়ে এল ভিতর দিকে। ছ'পাশে বস্তিগোছের বাড়ীগুলোর থেকে অনেক কৌতূহলী মুখ উ'কিছু'কি মারতে লাগল, ব্যাপারটি কি

বুঝবার জন্তে। কবিরাজী দোকানটার কাছে এসে জিপটা থামল। একজন সোলার টুপী মাথার ভদ্রলোক বর্ষাতিটা ভাল ক'রে বেঁধে নেওয়ার জোগাড় করতে করতে পিছন থেকে একটি সপ্রতিভ চেহারা টপাস ক'রে নেমে পড়ল। কবিরাজী দোকানটার থেকে একজন ভদ্রলোক কাশির ধমক সামলাতে সামলাতে বেরিয়ে আসছিলেন—তাকে জিজ্ঞাসা করল, রবি সরকারের বাড়ী কোন্টা ? পাশের থেকে একটি শীর্ণকায় শিশু কাদামাথা পায়ে দৌড়ে বাড়ীটার ভিতরে গিয়ে চোঁচাতে লাগল, মা মা, দেখ পুলিশের গাড়ী এসেছে—বাবার নাম বলছে। বাড়ীর মধ্যে থেকে বোধ হয় তার মা-ই বেরিয়ে এলেন—কোলে আর একটি শিশু, স্পষ্টভাবেই অসুস্থ, গায়ে কাঁথা জড়ান। জিজ্ঞাসা করলেন, কাকে চাই ? ততক্ষণে জিপের থেকে ভদ্রলোকটি নেমে পড়েছেন। তিনি বললেন, আপনার স্বামীর নাম কি রবি সরকার ? পাশের থেকে কবিরাজ মহাশয় বললেন, হ্যাঁ, আপনাদের প্রয়োজনটা কি ? ভদ্রলোকটি বললেন, আপনাদের বাড়ীটা একটু দেখতে চাই। আমাদের কোম্পানীতে একটা অর্ডার আছে, আপনাদের উঠোনে একটা ডীপ টিউবওয়েল লাগিয়ে দিতে হবে—ইলেকট্রিক পাম্প সমেত। রবি সরকারের স্ত্রী বিহ্বল ভাবে বললেন, কিন্তু আমাদের উঠোন—মানে আমাদের বাড়ী ত ডিক্রী ক'রে নিয়ে নিয়েছে—আমাদের ত একদিন-দু'দিনের মধ্যেই চ'লে যেতে হবে এখন থেকে। ভদ্রলোক অপ্রস্তুত হয়ে পড়লেন। বললেন, তা হ'লে ত মুশকিল হ'ল, আচ্ছা আপনাকে পরে জানাব। কবিরাজ মহাশয়ও একটু হতবুদ্ধি হয়ে গিয়েছিলেন, এবার বললেন, ওরা বড় দুঃখী স্ত্রীর, ওদের কিছু টাকা দিয়ে দিতে পারেন না ? ভদ্রলোক জিপে উঠতে উঠতে বললেন, না, আমাদের সেরকম অর্ডার ত নেই।

জিপটা পা টিপে টিপে গলিটা থেকে বেরিয়ে গেল। বৃষ্টিটা ঝিরঝির ক'রে কাদার উপরে পড়তে লাগল। ছপু বেলাতেই মনে হ'ল সন্ধ্যা ঘনিয়ে এসেছে। হতভাগ্য রবি সরকারের স্ত্রী হঠাৎ ফুঁপিয়ে কেঁদে উঠলেন, অদৃষ্টের এ কি নির্ধম পরিহাস তাঁদের সঙ্গে ! কে চাইল তাঁদের এই উপকার করতে—আর যদি এত টাকাই খরচ করতে চাইবে ত সেই টাকাটাই কেন দিতে পারল না তাঁদের হাতে তুলে ?

রায়সাহেব আর. এল. মিত্রের নিয়মনিষ্ঠ হিসেবী আত্মা বোধ হয় জানতে পারল না যে, তাঁর করুণাও কেবল করল সময়ের ঝেনটা।



# নাস

শ্রীকৃষ্ণধন দে

ধীরা, তুই এ-বেডের মেয়েটাকে দেখেছিস্ ?  
টানার্টানা চোখ, আর ফুলো-ফুলো গাল ?  
বছর সাতেক হবে, রোগাটে গড়ন,  
সবে ওর জীবনের রঙিন্ সকাল !  
প্রথম খেদিন এল, সারাদিন তার  
কার তরে কান্নার নাই যে সীমা !  
সঙ্গে ত এসেছেন হাসিমুখে বাপ,  
কি সুন্দর শাড়ী প'রে রূপবতী মা ।  
মেয়েটা তবুও যেন খুঁজেছে কাকে,  
দেখেছি, সবার পানে চেয়েই থাকে !

পুতুল দিয়েছে কাছে, দিয়েছে খাবার,  
বাপ শুধু চেয়ে চেয়ে দেখেন ওকে,  
বলেছেন মা—“থাক লক্ষ্মীটি এবার,”—  
মেয়েটা শুধুই চায় সজলচোখে ।  
ধীরা ত গেলেন চ'লে, শুয়ে বিছানায়  
মেয়েটা ফুঁপিয়ে কাঁদে সারাটা বেলা ;  
আমি এসে বলি,—“খুকু, কেঁদ নাকো আর,  
তোমায় আমার হবে পুতুল খেলা ।  
নাম কি তোমার বল ?”—শেষে শুনিছ,  
কাঁপা কাঁপা স্বর তার—“আমি যে বিহু” ।

ধীরা, তুই জানিস্ না কি যে ব্যথা ওর,  
হঠাৎ পেয়েছি টের ছুপরে সবি,  
ক্রকের ভিতরে তার বুকের কাছে,  
কাঁচি দিয়ে কাটা ফটো, নারীর ছবি ।  
শুধায়—“বল না বিহু, ইনি কে তোমার ?”  
চমকি উঠিল বিহু ব্যাকুল মনে,  
ছোট হাতছ'টি দিয়ে ধরে মোর হাত,  
কেড়ে যেন নিতে চায় পরমধনে ।  
দেখিছ সজলচোখে মিনতি ঝরে,  
ছবিটি ফিরায়ে দিছ তাহারি করে ।

বিকালে এলেন বাপ, সেজেগুজে মা,  
বিহুর কাছেতে মা'র মামুলি কথা,

“কি কি খেতে সাধ যায় ? চাই কি পুতুল ?  
কী ছবির বই ?”—যেন কত মমতা ।  
বিহু শুধু চুপ ক'রে ভাবে কত কী,  
মা শেষে বলেন রেগে—“ছুটু মি ছাডো,  
একগুঁয়েমিতে শুধু আলিয়েছ হাড়,  
এখানেই থাক তুমি, যতদিন পার ।  
—এ মেয়েকে নিখে শুধু বাড়ে জন্মাল,”  
মা গেলেন চ'লে, তেত হ'ল যে বিকাল ।

ধীরা, তুই জানিস্ না, দেখেছি যে আমি,  
মাঝরাতে চুপি চুপি ছবি নিয়ে তার,  
কত অফুরান্ কথা, কত অভিমান,  
অরের বিধোরে স্বর চাপা কান্নার ।  
ডাক্তার সেন শুধু মোরে বলেছেন—  
এ মেয়ের স্পাইনটা পোরাস্, শিথিল,  
ক'দিন যে বাঁচে তার কিছু ঠিক নেই,  
নার্ভগুলো সাড়াহীন, স্পঞ্জী, জটিল !  
বাঁচতেও পারে যদি ভাল থাকে মন,  
মনে যদি শক্ লাগে তবে ত মরণ !

আসেন নি দুটো দিন ওর বাপ মা,  
এলেন তৃতীয় দিনে পুতুল কিনে,  
মা এসে বলেন,—“বিহু, ছিল যে পাটি,  
নতুন ভায়ের তব জন্মদিনে ।  
এবার বিহুর মুখে ফুটল আলো,  
“আমাকে খুঁজেছে খোকা ?”—বলল হেসে ;  
মা বলেন “প্রথমটা কেঁদেছিল খুব,  
সামলায় ওর মামী, দিদিমা এসে ।”  
—“একবার এনো তাকে,” বিহু বলে ধীরে,  
“এ নরকে !” রাগ ক'রে মা যান ফিরে ।

হঠাৎ সেদিন, শোন, কি হ'ল ব্যাপার,  
কি যেন দেখতে পেয়ে মা রেগে বলেন—  
“কার ছবি ওটা বিহু ? দাও হাতে দাও,”  
এই বলে জোর করে ছবিটা নিলেন ।

বিহু শুধু কেঁদে ওঠে, বলে, “দোব না,  
ফিরে দাও ও ছবিটা, পায়ে পড়ি দাও!”  
ছবি দেখে মা'র মুখ হ'ল যে কালো,  
কুচি কুচি ক'রে তিনি দেন ছবিটাও!  
বিহুর চোখে যে শুধু অশ্রু ঝরে,  
লুটায় পড়িল বিহু শয্যা 'পরে।

ধীরা, তুই জানিস না, রাত তিনটেয়  
এলেন আমার ডাকে ডাক্তার সেন,  
বিকারের ঘোরে বিহু ছবি ফিরে চায়,  
নাড়ী দেখে ডাক্তার চোখ মুছলেন।  
হঠাৎ আমার হাত ধরে সে চেপে,  
অশ্রুট ঝরে বলে,—“এলে তুমি মা?”  
আমি কানে কানে বলি “এসেছি বিহু”—

শেষ হাসি, কি পুলক, নাই যে সীমা।  
—তারপর ধীরে ধীরে জীবনের আলো  
ঠিক ভোর পাঁচটার কোথা মিলাল!

ধীরা, তুই জানিস ত আমাদের মন,  
নিথর, অনড়, শুধু কাজ ক'রে যাই;  
দেখেছি মরণ কত, কত যে জীবন,  
কান্নাহাসির খেলা খেলি যে সদাই।  
আবার সে-বেড়ে এল আর একজন,  
সেও চ'লে যাবে, কেউ আসবে আবার,  
তবু কী যে সুখ পায় অপরাধী মন  
একটি শিশুর কাছে “মা” হয়ে থাকার!  
চির অভিশাপ মাঝে কণ আশীর্বাদ,  
অনন্ত রাত্রির এ যে জোনাকির সাধ!

## সাঁওতাল বিদ্রোহ ও পাকুড় অঞ্চল

শ্রীকালীপদ ঘটক

সাঁওতাল বিদ্রোহের পটভূমি বহু পূর্বেই প্রস্তুত হইয়াছিল। আমল বিদ্রোহের সূত্রপাত ঘটে ১৮৫৫ খ্রীষ্টাব্দের ৩০শে জুন তারিখে। পাঁচকোঠিয়ার বাকুসী খানে দারোগা মহেশলাল দস্ত ও তাহার অশুচরগণকে হত্যা করার সঙ্গে সঙ্গে বিদ্রোহের ভয়াবহতা প্রবল আকারে আত্মপ্রকাশ করে এবং অতি অল্প সময়ের মধ্যেই দামিন-ই-কোর চতুর্পার্শে ছড়াইয়া পড়ে।

জুলাই মাসের প্রথম দিকে গোড্ডা, পাকুড়, মহেশপুর, মুর্শিদাবাদ ও বীরভূম প্রভৃতি অঞ্চলে ব্যাপক ভাবে লুণ্ঠনাদি চলিতে থাকে, এবং বহুদিন যাবৎ বিদ্রোহীদের দমন করা কোন মতেই সম্ভবপর হয় নাই। গোড্ডা অঞ্চলে প্রায় বিশ হাজার বিদ্রোহী সাঁওতাল দলবদ্ধ হইয়া সমগ্র অঞ্চল ব্যাপিয়া অশান্তির সৃষ্টি করিয়াছিল। অশ্বর পরগণায় লক্ষণপুরের সিংরায় সাঁওতাল নামক জনৈক বিদ্রোহী গচো মাঝির সহিত মিলিত হইয়া উক্ত অঞ্চলে লুণ্ঠনরাজ আরম্ভ করে এবং লিটিপাড়ার ঈশরী শুকং ও তিলক শুকং নামক দুইজন শঠ ও ধনী

গোমস্তা খুতা শুকংকে নির্মমভাবে হত্যা করে। ঈশরী ও তিলক পূর্বাঙ্গে সংবাদ পাইয়া প্রাণভয়ে ভীত হইয়া গ্রাম ছাড়িয়া পলায়ন করিয়াছিল। সেই কারণে এ যাত্রা তাহাদের কোন একমে জীবন রক্ষা পায়। উক্ত গ্রামের অপর কয়েকজন ময়রা ও ব্যবসায়ী সাঁওতালদের ভয়ে মহল গাছের কোটরে গিয়া লুকাইয়া থাকে, সাঁওতালেরা দিকু গুপ্তচরদের মুখে সংবাদ পাইয়া তাহাদের প্রত্যেককে কোটর হইতে বাহির করিয়া একে একে হত্যা করে।

সাঁওতাল বিদ্রোহকালীন দামিন-ই-কোর উচ্চ বর্ণের হিন্দুদের সহিত সাঁওতালদের বিশেষ হৃদয়তা ছিল বলিয়া মনে হয় না! বিদ্রোহের সময় সাঁওতালেরা উক্ত স্বার্থপর হিন্দুদের অবস্থা অতিশয় শোচনীয় করিয়া তুলিয়াছিল। শুধু কুমার, কামার, ডোম, তেলী, চামার ও আরও কয়েকটি নিম্নশ্রেণীর হিন্দুদের উপর তাহারা কোনরূপ অত্যাচর করিত না। পরন্তু তাহাদের সহিত সাঁওতালদে যথেষ্ট মেলামেশা ও পারস্পরিক হৃদয়তা ছিল। দেং কাবাণ উক্ত নিম্নশ্রেণীর হিন্দুদের মধ্যে অনেকের

বিদ্রোহের সময় সাঁওতালদিগকে নানা ভাবে সাহায্য করিয়াছিল। কামারেরা বিদ্রোহের সময় সাঁওতালদের জন্ত অস্ত্র নির্মাণ করিত, ডোমেরা যুদ্ধক্ষেত্রে রণবাদ্য বাজাইয়া তাহাদের সহায়তা করিত এবং অস্ত্রাস্ত্রদের মধ্যে অনেকেই প্রত্যক্ষ ভাবে সাঁওতালদের সহিত যুদ্ধে যোগদান করিয়া তাহাদের শক্তি বৃদ্ধি করিয়াছিল।

দামিন-ই-কোর বহু পাহাড়িয়াও বিদ্রোহীদের যোগদান করে। 'হিল রেঞ্জার্স' দলভুক্ত পাহাড়িয়া সৈন্যগণ ইংরেজ সরকারের পক্ষ হইয়া সাঁওতালদের বিরুদ্ধে প্রত্যক্ষ সংগ্রামে লিপ্ত হইলেও অস্ত্রাস্ত্র পাহাড়িয়াদের মধ্যে অনেকেই বিদ্রোহীদের সহিত বহু প্রকারে সহযোগিতা করিয়াছিল। সুতরাং দেখা যাইতেছে যে, সাঁওতাল বিদ্রোহের সময় কামার, কুমার, গোয়ালী, ডোম, তেলী, চামার, প্রভৃতি নিম্নবর্ণের হিন্দুরা এবং কিছু সংখ্যক পাহাড়িয়াও বিদ্রোহীদের সহিত যোগদান করিয়া তাহাদের যথেষ্ট শক্তি বৃদ্ধি করিয়াছিল।

এই সময় ইংরেজ সরকারের পক্ষ হইতে আর একটি ঘোষণা-পত্র প্রচার করিয়া জানাইয়া দেওয়া হয় (২৩শে জুলাই) যে, সাঁওতালদের অস্ত্রাস্ত্র জাতির মধ্যে কেহ যদি সরকারের শাস্তিপ্রিয় প্রজাগণের বিরুদ্ধে অস্ত্র ধারণ করে তাহা হইলে তাহাকে সঙ্গে সঙ্গে বিদ্রোহী বলিয়া গণ্য করা হইবে এবং উক্ত অপরাধের জন্ত কঠোর দণ্ডে দণ্ডিত করা হইবে।

হিরণপুর, পাকুড়, প্রভৃতি অঞ্চলে লুণ্ঠরাজ চলিতে থাকাকালীন সাঁওতালেরা দিকুদের (হিন্দু উদ্ভ্রংশেণী) নিকট হইতে যথেষ্ট সহযোগিতা লাভ করিয়াছিল। বিদ্রোহীদের জিতপুর, হিরণপুর, মানসিংপুর প্রভৃতি লুণ্ঠ করিবার পর পাকুড়ের সন্নিকটবর্তী সংগ্রামপুর অভিমুখে ধাবিত হয় এবং সেখানকার রহমতি মণ্ডল নামক জনৈক বর্দ্ধিষ্ণু মুসলমান চানীর যথাসর্বস্ব লুণ্ঠন করিয়া তাহার গৃহে অগ্নিসংযোগ করে। অম্বর বা আন্বাড় পরগণার অধিবাসিগণ ভীতিগ্রস্ত হইয়া দলে দলে জমিদারের কাছারি বাড়ীতে গিয়া আশ্রয় গ্রহণ করে। এই সময় কাঞ্চনতলার বাবু জগবন্ধু রায় মহাশয় (অম্বরের দেওয়ান) নানা ভাবে আশ্রয়প্রার্থীদের সাহায্য করিতে চেষ্টা করিয়াছিলেন।

সংগ্রামপুর অভিযান শেষ করিয়া বিদ্রোহীগণ পাকুড় প্রাক্রমণ করে এবং তিনদিন যাবৎ রাজপ্রাসাদ অবরুদ্ধ করিয়া রাখে। পাকুড় এষ্টেটের রাণী কেমাসুন্দরী পূর্বেই মূল্যবান ধনরত্ন, গৃহদেবতা মদনমোহনজীর বিগ্রহ সহ জলীপুর গিয়া আশ্রয় লইয়াছিলেন। পাকুড়



চক্রপাণীশ্বর শিবমন্দিরের ধ্বংসস্তূপ (পাকুড়)  
পাশে দেবায়ত্ত অনিল চক্রবর্তী

অবরোধের চতুর্থ দিবসে, ১২ই জুলাই তারিখে, বিদ্রোহী নেতা সিধু, কাগু, চাঁদ ও ভৈরব মদল বলে পাকুড় রাজবাটীর অভ্যন্তরে প্রবেশ করিয়া অদায়ে লুণ্ঠন চালাইতে থাকে। কিন্তু এ স্থান হইতে আশাত্তরূপ ধনরত্ন তাহারা হস্তগত করিতে পারে না। রাণী কেমাসুন্দরী পূর্বেই সেগুলি স্থানান্তরের ব্যবস্থা করিয়াছিলেন। পাকুড় রাজবাটী ও অস্ত্রাস্ত্র কয়েকজন বর্দ্ধিষ্ণু গৃহস্থের বাড়ী লুণ্ঠ করিয়া সাঁওতালেরা সেখান হইতে বীরদর্পে ও বিজয়গর্বে প্রস্থান করে। অল্প কিছুদিন আগে পর্যন্ত যে পাকুড়াধিপতির প্রাসাদশীর্ষের দিকে চাহিয়া দূর হইতে সাঁওতালদের ভ্রংকম্প উপস্থিত হইত, সেই রাজবাটী আজ তাহাদেরই অমাত্মিক উন্মাদনায় বিদ্রোহীর লীলাক্ষেত্রে পরিণত হইয়া গেল। রাজশক্তি অস্তহিত, আমলাতন্ত্র প্রাণভয়ে ভীত হইয়া দিকুদিগন্তে পলায়িত।

সাঁওতালদের পাকুড় অভিযান কাহিনীর সহিত সেখানকার দীনদয়াল রায় নামক জনৈক ধনী মহাজনের শোচনীয় জীবন-কাহিনী এক বিয়োগান্ত নাটকের করুণ ব্যঙ্গনায় ওতপ্রোতভাবে জড়িত হইয়া

আছে। সাঁওতাল বিদ্রোহের কালে সে সময় সমগ্র দেশব্যাপী একটা অনিশ্চয়তা ও অরাজকতার ভাব চলিতেছে। ধনদৌলত অপেক্ষা প্রাণরক্ষার দিকেই ভীতি-শ্রদ্ধ জনসাধারণের প্রবণতা অধিক। সবকিছু পিছনে ফেলিয়া দূর-দূরান্তে গিয়া কোনরকমে আত্মগোপন করিয়া জীবন রক্ষার জন্ত সকলেই ব্যস্ত। বিদ্রোহ-বিধ্বস্ত গ্রাম ও জনপদগুলি প্রায় জনশূন্য। পাকুড় অঞ্চলের অবস্থাও তদ্রূপ। সেখানকার বৃদ্ধ দীনদয়াল রায় ছিলেন ও অঞ্চলের কুসীদজীবী মহাজনদের মধ্যে সর্বাপেক্ষা ধনী ব্যক্তি। সাঁওতাল বিদ্রোহের সময় প্রাণভয়ে ভীত হইয়া তিনি যথাসর্বস্বের মায়ী ত্যাগ করিয়া অতি অনিচ্ছা সত্ত্বেও ভিটামাটি ছাড়িয়া স্থানান্তরে পলায়ন করিতে বাধ্য হইয়াছিলেন। পাকুড় লুণ্ঠন শেষ করিয়া বিদ্রোহিগণ পাকুড় পরিত্যাগ করিয়া সম্পূর্ণরূপে অন্তর্হিত হইলে পর সেখানকার অধিবাসিগণ কিছুটা সাহস সঞ্চয় করিয়া একে একে বাড়ী ফিরিতে থাকে। উক্ত দীনদয়াল রায় মহাশয়ও তাঁহার আত্মীয়-স্বজন ও অন্যান্য অহুচর সহ পুনরায় স্বগৃহে প্রত্যাবর্তন করেন। গৃহে পদার্পণ করিবার প্রাক্কালে রায়মহাশয় তাঁহার গৃহসঙ্কিত ধনৈশ্বৰ্যের কথা চিন্তা করিয়া অতিশয় ব্যাকুল হইয়া পড়েন। কিন্তু গৃহে ফিরিয়া দেখিতে পান যে, তাঁহার মৃত্তিকা-নিম্নে প্রোথিত বিপুল ধনরাশি সাঁওতালেরা লুণ্ঠন করিতে পারে নাই, দৈবক্রমে ওগুলি বাঁচিয়া গিয়াছে। দীনদয়াল হাতে যেন স্বর্গ পাইলেন, নুতন করিয়া যেন বিপুল ঐশ্বৰ্য লাভের আশ্বাদ পাইয়া আনন্দে তিনি আত্মহারা হইয়া উঠিলেন। তাঁহার উৎসাহ ও উত্তম এতখানি বাড়িয়া গেল যে, পাকুড়ের জমিদারের অহুপস্থিতি ও অস্বর পরগণার তৎকালীন বিশৃঙ্খল অবস্থার সুযোগ লইয়া নিজেকে তিনি অস্বরের জমিদার বলিয়া ঘোষণা করিলেন। তাঁহার মহাজনী কারবারের জন্ত ব্যবহৃত বৈঠকখানা ঘরে হঠাৎ তিনি জমিদারী সেরেস্তা খুলিয়া বসিলেন। তাঁহার জাবদা খাতার লেখক ও হিসাবটানা মুহুরী রাতারাতি নায়েব-গোমস্তা তহশীলদারে পরিণত হইয়া গেল। রাজ্যোচিত প্রতাপ-প্রতিপত্তি প্রদর্শনেও রায়মহাশয় কিছু-মাত্র কার্পণ্য করিলেন না। সাঁওতালদের প্রতি আক্রোশবশতঃ অস্বরের অন্তর্বর্তী সাঁওতাল পল্লীগুলিতে লোকজন পাঠাইয়া অসহায় সাঁওতাল রমণী ও শিশুদের উপর কঠোর উৎপীড়ন চালাইতে লাগিলেন। তাঁহার এ দৌর্দণ্ড প্রতাপ ও যথেষ্টাচার তাঁহার উন্মাদ ও বেয়াদপ প্রজাগণ বেশীদিন কিন্তু বরদাস্ত করিল না। হঠাৎ একদিন একদল সশস্ত্র সাঁওতাল অতর্কিতে চারিদিক্

হইতে তাঁহাকে ঘিরিয়া ফেলিল। রায়মহাশয় ধারণা করিতে পারেন নাই যে, তাঁহার সন্তলক অস্বর মসনদ অসভ্য ও বর্বরদের পাশ্চাত্য পড়িয়া এত শীঘ্র বিপন্ন হইয়া উঠিবে।

এই কাহিনীর পরবর্তী অংশ কিন্তু অতিশয় মর্মান্তিক এবং যার-পর-নাই অমানুষিক। দীনদয়াল রায় তাঁহার ভ্রাতা নন্দকুমার ও ভগ্নী বিমলা দেবীর সহিত একদিন চৌধুরী পুকুরে স্নান করিতে যান। সেই সময় এক বিদ্রোহীদল হঠাৎ সেইস্থানে আবির্ভূত হইয়া দীনদয়াল রায় ও তাঁহার ভ্রাতা-ভগ্নীকে আক্রমণ করে। নন্দকুমার ও বিমলা দেবী কোনরকমে সেইস্থান হইতে পলায়ন করিয়া আত্মরক্ষা করিতে সমর্থ হন। বৃদ্ধ দীনদয়াল রায় শারীরিক অসামর্থ্যবশতঃ পলায়ন করিতে সক্ষম না হওয়ায় বিদ্রোহীদের হাতে ধরা পড়িয়া যান। বিক্ষুব্ধ ও রণোন্মত্ত সাঁওতালের দল তীর, ধনুক, টাঙ্গি, বর্শা, প্রভৃতি অস্ত্র দ্বারা দীনদয়ালকে হঠাৎ আক্রমণ করে এবং শিকারী কুকুর দিয়া তাঁহার দেহের মাংসপিণ্ড পর্যন্ত ছিন্ন-বিচ্ছিন্ন করিয়া ফেলে। দীনদয়ালের অবস্থা যখন প্রায় অধর্ম্মত সেই সময় জগন্নাথ সর্দার নামক তাঁহারই এক প্রাক্তন ভৃত্য টাঙ্গি দিয়া তাঁহার প্রত্যেকটি অঙ্গ-প্রত্যঙ্গ টুকরা টুকরা করিয়া কাটিয়া ফেলে এবং এক-একটি কোপ দিয়া চিৎকার করিয়া বলিতে থাকে—“এই আশুল দিয়ে একদিন সূদের টাকা গুণতিস, গরীবের সেই রক্তশোষা কড়ি। এই হাত দিয়ে গরীবের মুখ থেকে তার ক্ষুধার অন্ন কেড়ে নিয়ে একদিন তুই ধন সঞ্চয় করেছিলি। আজ তার প্রতিশোধ।”

সঙ্গে সঙ্গে দীনদয়ালের মস্তক বিখণ্ডিত হইয়া গেল। কিন্তু তাঁহার করুণতম কাহিনীর পরিসমাপ্তি এখনও ঘটে নাই। তাঁহার ছিন্নমুণ্ড লইয়া সাঁওতালেরা চক্রপাণীশ্বর শিবের মন্দিরে গিয়া গজালে টাঙ্গাইয়া রাখে এবং তাহার উচ্চ রক্তে মন্দিরের প্রাচীরগাত্র রঞ্জিত করিয়া দেয়। দীনদয়ালের সেই মন্দিরগাত্রের রক্তের দাগ বহুকাল যাবৎ মুছে নাই।

কুসীদজীবী মহাজনদের হত্যা করিবার সময় সাঁওতালেরা অতিশয় নির্মম হইয়া উঠিত। কাহারও কাহারও অঙ্গ-প্রত্যঙ্গ ছেদন করিবার সময় চিৎকার করিয়া বলিত,—“এই জাদুই”—অর্থাৎ জাড় বা শীতকালের সুদ মিটাইয়া দেওয়া হইল। “এই রোদাই”—অর্থাৎ রৌদ্রের দিন বা স্রীমকালে দেয় সূদের টাকা মিটাইয়া দিলাম। এবং মস্তক বিখণ্ডিত করিবার সময় বলিয়া উঠিত—“এই করকতি”—অর্থাৎ সমগ্র ঋণ পরিশোধ হইল। বরাকর




নদীতীরে নারায়ণপুরের জমিদারকে হত্যা করিবার সময় ঠিক এইরূপ ব্যাপারই সংঘটিত হইয়াছিল। জমিদার বাবুর মস্তক ছিন্ন করিয়া তাঁহার তাজারক্তে তর্পণ মন্ত্র উচ্চারণ করিয়াছিল উন্নত সাঁওতাল,—ফারকোত, ফারকোত।

তধু এতদেশীয় লোকেরাই এই হান্সামায় কতিপয় হয় নাই। বহু ইউরোপীয় নীলকর, রেলওয়ে অফিসার ও অন্যান্য বহু নবাগত ইংরেজকেও বিদ্রোহীদের হাতে প্রাণ হারাইতে হইয়াছিল। সাঁওতালের বিদেশীদের বহু নীল ও রেশমের কুঠি ধ্বংস করিয়া দেয় এবং সুযোগ পাইলেই ব্রিটিশ রাজের সাহায্যকারী এই বিদেশীয়-দিগকে নির্মমভাবে হত্যা করিতে থাকে।

পার্শ্ববর্তী মুর্শিদাবাদ সীমান্তে হান্সামায় সংবাদ পাইয়া সেখানকার জেলা ম্যাজিষ্ট্রেট মিঃ টু শুড ৭সংখ্যক রেজিমেন্ট এন. আই. দলভুক্ত চারিশত পর্টন সহ ঔরঙ্গাবাদের (মুর্শিদাবাদ জেলার তৎকালীন একটি মহকুমা) দিকে অগ্রসর হন এবং বিদ্রোহীদের অগ্রগতির সংবাদ পাইয়া ধূলিঘানে গিয়া অবস্থান করেন। বিদ্রোহী সাঁওতালগণ ঝিকরহাটি রাজকাছারি ও মহেশপুর রাজবাটী লুণ্ঠন করিয়া বহু ধনরত্ন হস্তগত করে। ১৫ই জুলাই তারিখে প্রায় তিন-চারি হাজার সাঁওতালের সহিত মিঃ টু শুডের উপরিউক্ত সৈন্যদলের সংঘর্ষ বাধে। এই যুদ্ধে সাঁওতালের অতিশয় সাহসের সহিত অগ্রসর হইয়া তিন তিনবার প্রতিপক্ষ সৈন্যদলকে আক্রমণ করে। কিন্তু সুশিক্ষিত ও সমর-নিপুণ ইংরাজ সৈন্যগণের আঘেয়াস্ত্রের সম্মুখে তাহাদের রণকৌশল ব্যর্থ হয় এবং শেষ পর্যন্ত তাহাদের পরাজয় ঘটে। এই যুদ্ধে দুইশত সাঁওতাল নিহত হয় এবং বিদ্রোহীদের নিকট হইতে নগদ সাত হাজার টাকা ও চারি হাজার টাকার লুণ্ঠিত দ্রব্যাদি উদ্ধার করা সম্ভব হয়। সাঁওতাল নেতা সিধু ও কাহ্ন এই যুদ্ধে সামান্য আহত হইয়াছিল বলিয়া প্রকাশ।

পাকুড়ের সন্নিকটবর্তী তরাই নদীর তীরে উপরিউক্ত রেজিমেন্টের দুইশত সৈন্যের সহিত প্রায় পাঁচ হাজার সাঁওতালের পুনরায় এক সংঘর্ষ বাধে। এই যুদ্ধে সাঁওতালের সম্পূর্ণরূপে বিপর্যস্ত হইয়া পড়ে এবং অসংখ্য সাঁওতালকে ইংরাজ সৈন্যের আঘেয়াস্ত্রে প্রাণ হারাইতে হয়। এই সময় ত্রিভুবন সাঁওতাল নামক এক বিদ্রোহীর পরিচালনায় বিদ্রোহী দল কর্তৃক তিনজন ইউরোপীয় ভদ্রলোক ও দুইজন ভদ্রমহিলা নিহত হইয়াছিলেন (Mr. Hennessy ও তাঁহার দুই পুত্র এবং Miss Thomas and Miss Pell)। অবশ্য সিধু ও কাহ্ন



২দনমোহনের মন্দির (পাকুড়)

নারীজাতির উপর অস্ত্রপ্রয়োগের পক্ষপাতী ছিল না। উপরিউক্ত ইংরাজ মহিলাদের হত্যাকারীদিগকে সিধু সর্দারের নিকট কৃতকর্মের জ্ঞাত রীতিমত জবাবদিহি করিতে হইয়াছিল। সিধু সর্দার তাহাদিগকে যথেষ্ট ভৎসনা করে ও ভবিষ্যতের জ্ঞাত বিশেষভাবে সতর্ক করিয়া ছাড়িয়া দেয়।

প্রায় মাসাবধি কালের মধ্যে বিদ্রোহ প্রশমনের যখন কোন লক্ষণই দেখা গেল না, তখন ইংরাজ সরকার কঠোরতর ব্যবস্থা অবলম্বনে মনোযোগী হইলেন। দানাপুর হইতে আরও কিছু সৈন্য সহ জেনারেল লয়েডকে উপক্রমত অঞ্চলে পাঠানো হইল। তৎপূর্বে দানাপুর হইতে ১৩ সংখ্যক রেজিমেন্ট এন. আই. দলভুক্ত তিনশত সৈন্য সহ ক্যাপ্টেন ওয়াটারম্যানকে ভাগলপুর রক্ষার জ্ঞাত পাঠানো হইয়াছিল। ২৫শে জুলাই তারিখে তিনি ভাগলপুরে আসিয়া পৌঁছেন। সেইদিনই মেজর শাকবুর্গ ক্যাপ্টেন শেরউইল সহ তিনশত সৈন্যের অপর একটি দল লইয়া (৪০ সংখ্যক রেজিমেন্ট এন. আই.) ভাগলপুর হইতে দীর্ঘ হইয়া দামিন-ই-কো অঞ্চলে অভিযান চালাইবার জ্ঞাত রওনা হইয়া যান। লেঃ কর্ণেল লিপট্র্যাপ আরও আড়াই শত সৈন্য লইয়া (৪২ রেজিমেন্ট এন. আই.) ২৯শে জুলাই তারিখে সকালবেলা ভাগলপুরে

পৌছেন এবং সেইদিনই অপরাহ্নে মেজর ক্রয়ার-এর অধীন সাড়ে তিনশত সৈন্তের অপর একটি বাহিনীও তথায় গিয়া মিলিত হয়। লেঃ কঃ লিপট্রাপ তাঁহার সৈন্তদল লইয়া "লেডি হ্যাকওয়েল" ষ্ট্রিমার যোগে রাজমহল অভিমুখে রওনা হইয়া যান এবং কলগাঁও অঞ্চলে অভিযান পরিচালনার ভারপ্রাপ্ত হন।

সৈন্তদলের সর্বাধিনায়ক জেনারেল লয়েডের উপস্থিতি ও সৈন্তদলের ব্যাপক অভিযান ভীতিপ্রস্তু ও পলায়িত জনসাধারণের মধ্যে কিছুটা সাহস ও মনোবলের সঞ্চার করে। জমিদার মহাজন ধনী ব্যবসায়ী ও নীলকুঠির মালিকগণ স্বতঃপ্রস্তু হইয়া ইংরাজ সরকারের সহিত বিদ্রোহ দমনে সর্বতোপ্রকারে সহযোগিতা করিতে প্রস্তুত হয় এবং তাহাদের নিজ ব্যয়ে সৈন্তদলের জন্ত রসদ সরবরাহের দায়িত্বভার গ্রহণ করে। মুর্শিদাবাদের মহারাজা বিদ্রোহ দমনে সহায়তা করিবার জন্ত কতকগুলি সুশিক্ষিত হাতী পাঠাইয়া দেওয়ার সৈন্তদলের পক্ষে কর্দমাক্ত দুর্গম পথ ও জলাভূমি অতিক্রম করিয়া অভিযান পরিচালনা করিতে বিশেষ সুবিধা হইয়াছিল।

মেজর শাকবুর্গ, মেজর বারোজ, ক্যাপ্টেন শেরউইল প্রমুখ সৈন্যাধ্যক্ষগণ সুশিক্ষিত সৈন্তদল সহ বিভিন্ন দিকে অভিযান চালাইতে থাকেন। এই সময় ইংরাজ সৈন্তের সহিত সম্মুখ সংগ্রামে বহু সাঁওতাল প্রাণ বিসর্জন দেয়, অনেকে গুরুতররূপে আহত হয় এবং সৈন্তদলের আক্রমণে বিপর্যস্ত হইয়া বিদ্রোহীদের অনেকেই যুদ্ধক্ষেত্র পরিত্যাগ করিয়া সাময়িক ভাবে গভীর জঙ্গলে গিয়া আশ্রয়গোপন করিয়া থাকে। বহু সাঁওতালী গ্রাম ধ্বংস করিয়া ফেলা হয় এবং বহু গ্রাম হইতে প্রচুর পরিমাণে লুণ্ঠিত দ্রব্যাদি পুনরুদ্ধার করা হয়। গণপৎ গোয়ালী নামক বিদ্রোহীদের এক দলপত্রিকে গ্রেপ্তার করিবার সময় তাহার বাড়ী হইতে স্ত্রীপীকৃত শস্তসম্ভার ও বহু মূল্যবান দ্রব্যাদি পাওয়া যায়। উক্ত লুণ্ঠিত দ্রব্যসমূহের মধ্যে ইংলিশ চেয়ার, মহিলাদের ব্যবহৃত আয়না ও নানা প্রকার মূল্যবান বস্ত্রও ছিল। লুণ্ঠিত দ্রব্যগুলি উদ্ধার করিয়া গণপতের ধরবাড়ী চূর্ণ-বিচূর্ণ ও ভূমিসাৎ করিয়া ফেলা হয়।

মুর্শিদাবাদের জেলা ম্যাজিস্ট্রেটের সহিত যে সৈন্তদলটি বিদ্রোহীদের অহুসরণ করিয়া দামিন-ই-কোর পাছাড় অঞ্চলে গিয়া অভিযান চালাইতে থাকে সেই দলের সহিত মধে জুলাই তারিখে বারহারোয়া-বারহেট মধ্যবর্তী রঘুনাথপুর গ্রামে সিধু ও কাহুর দলের সংঘর্ষ বাধে। এই যুদ্ধে সাঁওতালেরা যথেষ্ট সাহস ও বীরত্বের পরিচয় দিলেও শেষ পর্যন্ত তাহাদের পরাজয় ঘটে।

বিজ্ঞতা সৈন্তদল বিদ্রোহীদের কবল হইতে বারহেট বাঙ্গার পুনরুদ্ধার করে। অতঃপর তাহারা উন্মত্ত অভিযান চালাইয়া সিধু ও কাহুর জন্মভূমি ভগাডিহি গ্রামখানি ধ্বংস করিয়া ফেলে। গৃহে গৃহে অগ্নিসংযোগ করিয়া সমগ্র গ্রামখানি ভস্মাভূত করিয়া দেয়।

দামিন-ই-কোর ছোট্ট একটি সাঁওতালী গ্রাম। যেখানে একদিন দশ হাজার সাঁওতাল সমবেত হইয়া ইংরাজ সরকারের কু-শাসন ও স্বৈচ্ছাচারিতার বিরুদ্ধে জীবনমরণ সংগ্রামের সংকল্প গ্রহণ করিয়াছিল, যে গ্রাম সিধু, কাহু, চাঁদ ও ভৈরবের মত সাঁওতাল-বীরের জন্মদাতী, যেখান হইতে নিপীড়িত আদিবাসীর সমবেত কণ্ঠের বজ্রনির্ঘোষে একদিন ধ্বনিত হইয়াছিল প্রথম স্বাধীনতার বাণী, সেই চম্পার স্বপ্নদুলাল আদিম জাতি অধ্যুষিত ভগাডিহি গ্রামখানি গোরাপন্টনের পৈশাচিক দাপটে অণু অণু হইয়া মাটির বুকে মিশিয়া গেল। আসলে কিন্তু ভগাডিহি মরে নাই। স্বৈচ্ছাচারী ইংরাজ সরকার ও রক্তশোষক ধনী ও মহাজন শ্রেণীর বিরুদ্ধে দামিন-ই-কোর আকাশে-বাতাসে বিদ্রোহের যে বিষবাস্প একদিন সে ছড়াইয়া দিয়াছিল, শক্তি তাহার অপরিমেয়। তাই ভগাডিহি ধ্বংস করা হইলেও বিদ্রোহীরা কিছুমাত্র দমে নাই। দৃঢ়তর সংকল্প লইয়া দ্বিগুণতর উৎসাহে তাহারা ইংরাজ সরকারের সহিত সমানে সংগ্রাম চালাইয়া যায়। সে সংগ্রাম দীর্ঘদিন স্থায়ী হইয়াছিল।

ইতিমধ্যে বিদ্রোহ দমন সংক্রান্ত কতকগুলি আভ্যন্তরীণ বিষয় লইয়া ভাগলপুরের কমিশনার মিঃ ব্রাউনের সহিত বাংলা গবর্নমেন্টের প্রায়ই মতবৈধ ঘটিতে থাকে এবং মিঃ ব্রাউনের কর্মদক্ষতা সম্বন্ধে ক্রমশঃই তাঁহার আস্থা হারাইয়া ফেলেন। বাংলার ছোটলাট মিঃ ফ্রেডারিক জেমস্ হ্যালিডে নানা কারণে মিঃ ব্রাউনের উপর বিশেষ সদয় ছিলেন না। তাঁহার বিদ্রোহ সংক্রান্ত কতকগুলি সুপারিশ মিঃ হ্যালিডে নাকচ করিয়া দেন। অতঃপর নদীয়া বিভাগের কমিশনার মিঃ এ. সি. বিডওয়েলকে বিদ্রোহ দমনের জন্ত বিশেষ কমিশনার (Special Commissioner) নিযুক্ত করিয়া রাজমহলে পাঠান হয়। এই আগষ্ট তারিখে বাংলা গবর্নমেন্টের সেক্রেটারি মিঃ গ্রে, মিঃ বিডওয়েলকে সরকারী নির্দেশ জ্ঞাপন করেন এবং রাজমহলে গিয়া বিদ্রোহ দমন সংক্রান্ত যাবতীয় বিষয়ের সম্পূর্ণ কর্তৃত্বভার গ্রহণ করিয়া জেনারেল লয়েডের সহিত অতি সত্বর যোগাযোগ স্থাপন করিবার নির্দেশ দেন। মিঃ এ্যাসলি ইডেন ও মিঃ বার্নস্কে মিঃ বিডওয়েলের অধীন সহকারী কমিশনাররূপে নিয়োগ করা হয়

মিঃ পন্টেটেকেও এই সময় নির্দেশ দেওয়া হয় দামিন-ই-কো অঞ্চলে বিদ্রোহ সংক্রান্ত যাবতীয় ব্যাপারে মিঃ বিডওয়েলের আজ্ঞাধীন সহকারীরূপে কার্য করিবার জ্ঞত।

সরকার পক্ষ হইতে ব্যাপক সামরিক ব্যবস্থা অবলম্বন করা হইলেও বহুদিন যাবৎ এই বিদ্রোহ দমন করা সম্ভবপর হয় নাই। লর্ড ডালহৌসী এই হাজামাকে ১৮৫৬ খ্রীষ্টাব্দের Final minute-এ “a local outbreak and little looked for” বলিয়া মন্তব্য করেন। কিন্তু এই local outbreak ভয়াবহতায় ব্রিটিশ ভারতে ঊনবিংশ শতাব্দীর মধ্যে সংঘটিত যে কোন outbreak অপেক্ষা কম গুরুত্বপূর্ণ বলিয়া আমাদের মনে হয় না। মাত্র তীর-ধনুক অস্ত্রধারী অশিক্ষিত ও শুল্লাহীন সাঁওতালদের এই local outbreak দমন করিবার জ্ঞত ব্রিটিশ গবর্নমেন্টের আশ্বেয়াস্তধারী অশিক্ষিত ইংরেজ সৈন্যদলকে দীর্ঘ আট মাস কাল ধরিয়া নিরবচ্ছিন্ন সংগ্রাম চালাইয়া যাইতে হইয়াছিল। ক্ষয় ক্ষতি এবং প্রাণহানিও গবর্নমেন্ট পক্ষে বড় কম হয় নাই। ভারতের বুকে সর্বপ্রথম ব্রিটিশ-বিরোধী গণসংগ্রামের প্রবর্তক ও পরিচালক ভারতীয় এই আদিবাসী সমাজ। বিভিন্ন অঞ্চলে ব্যাপক আদিবাসী অভ্যুত্থান ও রক্তাক্ত বিপ্লবকাহিনী অত্যাধিক এ বিষয়ে ঐতিহাসিক স্বীকৃতি বহন করিতেছে। সাঁওতাল বিদ্রোহ তাহার জলন্ত প্রমাণ। বিদ্রোহের সূত্রপাত যে ভাবেই হউক—এ বিপ্লব যে শেষ পর্যন্ত ব্রিটিশ বিরোধী গণ-সংগ্রামে পরিণতি লাভ করে সে বিষয়ে কোন সন্দেহ নাই। সিপাহী বিদ্রোহেরও দুই বৎসর পূর্বে ভারতীয় আদিবাসী জাগরণের অরণীয় এক দৃষ্টান্ত হিসাবে দামিন-ই-কোর সাঁওতাল সেদিন সাম্রাজ্যবাদী ব্রিটিশ সরকারের বিরুদ্ধে রক্তক্ষয়ী সংগ্রামে যে অপূর্ব বীরত্ব ও সাহসিকতার পরিচয় দিয়াছিল, তাহা জাতীয় জাগরণের ইতিহাসে বিশেষ একটি অরণীয় অধ্যায়। বিষ্ণুক ভারতবাসীর পক্ষ হইতে ব্যাপক ভাবে ব্রিটিশ-বিরোধী সংগ্রামের সূত্রপাত এই সময় এই আদিবাসী সমাজ হইতেই। সিপাহী বিদ্রোহে তাহার পূর্ণতর পরিণতি আমরা লক্ষ্য করিয়াছি।

বিদ্রোহী সাঁওতালদিগকে সহজে দমন করা যখন কোন মতেই সম্ভবপর হইল না, তখন উপক্রম অঞ্চলে সামরিক আইন (Martial Law) জারি করিবার কথা কর্তৃপক্ষগণ চিন্তা করিতে লাগিলেন। সার ফ্রান্সিস হেলিডে এইরূপ কঠোর ব্যবস্থা অবলম্বন করিবার জ্ঞত



চৌধুরী পুকুর (পাকুড়) দীনদয়ালকে এখানে হত্যা করা হয়

পূর্বেই প্রস্তাব করিয়াছিলেন, কিন্তু সার বার্নস্ পিকক এ বিষয়ে সার হেলিডের সহিত একমত না হওয়ায় ভারত গবর্নমেন্ট সে সময় সামরিক আইন জারি করিতে স্বীকৃত হন নাই। অতঃপর বাংলা গবর্নমেন্টের পক্ষ হইতে বিদ্রোহিগণকে দশ দিনের মধ্যে আত্মসমর্পণ করিবার জ্ঞত নির্দেশ দিয়া একটি নোটিশ জারি করিবার ব্যবস্থা করা হয়। ১৮৫৫ সনের ১৭ই আগষ্ট তারিখে প্রচারিত উক্ত ঘোষণাপত্রের বাংলা অনুলিপি নিম্নে প্রদত্ত হইল।

“...রাজবিদ্রোহ কর্ম করিয়া অত্র দেশ লুট ও উজাড় করিতেছে—আর সৈন্তের সহিত আপত্য করিতেছে—উহারদিগের মধ্যে এমত অনেক ব্যক্তি আছে যে আপনাদিগের নিরক্ষরিত্ব ও দুর্কর্ম জ্ঞান করিয়া মার্জনা ও পূর্নকারাবস্থা পুনরায় পাইবার প্রার্থী আছে—এ বিষয় ইস্তাহার দেওয়া যাইতেছে যে গবর্নমেন্ট সর্বদা আপনার প্রজার সুখ...তাহারা মন্দলোকের পরামর্শে কুপথগামী হয় ইচ্ছুক নয় এ নিমিত্ত কেবল এই সকল ব্যক্তি জাহারা প্রধানমন্ত্রী ও সরদার কিংবা কোন পুন করিতে প্রাধান্ত-রূপে অধিক থাকি প্রকার হইবেক তদ্বিত্তিরিক্ত সকল সাঁওতালগণ জাহারা ১০ দিবসের মধ্যে কোন হাকিমের সম্মুখে হাজীর হইয়া আজ্ঞাবাহী হইবেক তাহাদিগের দোশ মার্জনা করা জাইবেক—জখন তাহাদের আজ্ঞাবাহীযুক্ত প্রকাশ হইবে তখন তাবত নালিশ সাঁওতালদিগের যাহা প্রমাণযোগ্য হইবেক তাহা স্বন্দররূপে তদারক করা যাইবেক কিন্তু যতপি সকল রাজদ্রোহি এই ইস্তাহার জারির পর বিপরিত আচরণ করে তাহার সক্ত ও নিদারুণ সাজা পাইবেক। ইতি সন ১৮৫৫ সাল—তাঃ ১৭ই আগষ্ট—মোতাক সন ১২৬২ সাল—২ ভাদ্র।”

সাঁওতাল পরগণার ডেপুটি কমিশনার মহোদয়ের অফিসে উল্লিখিত ইস্তাহারের কপি সংরক্ষিত আছে।

উপরিউক্ত ঘোষণায় বিশেষ কোন ফল হয় নাই। ইংরেজ সৈন্তের সহিত সম্মুখ সংগ্রামে স্থানে স্থানে সাঁওতালদের যদিও পরাজয় ঘটিতে থাকে এবং নানাভাবে তাহাদিগকে ক্ষতিগ্রস্ত হইতে হয়, তথাপি তাহাদের যুদ্ধবিরতির কোন লক্ষণ দেখা যায় না। উপরন্তু ইংরেজ সৈন্তের বিরুদ্ধে তাহাদের আক্রোশ ও তুর্বার সমরস্পৃহা ক্রমশই যেন বাড়িয়া যাইতে থাকে। পরাজিত সাঁওতালগণ বনে-জঙ্গলে আশ্রয়গোপন করিয়া তাহাদের দলপুষ্টি • নানাভাবে শক্তি সঞ্চয় করিবার চেষ্টা করিতে থাকে এবং সুযোগ পাইলেই, পুনরায় লুণ্ঠনরাজ ও ইংরেজ সৈন্তের বিরুদ্ধে আক্রমণ চালাইতে থাকে। এইরূপে বিদ্রোহের পরিধি ক্রমশই বাড়িতে লাগিল। দামিন-ই-কো অঞ্চলকে কেন্দ্র করিয়া পশ্চিমে ভাগলপুর হইতে মুন্সের ও হাজারীবাগ সীমান্ত, পূর্বে মুর্শিদাবাদ জেলার কিয়দংশ ও সমগ্র বীরভূম জেলা এবং দক্ষিণে গ্র্যাণ্ড ট্রাঙ্ক রোড অতিক্রম করিয়া দামোদর তীরবর্তী অঞ্চল পর্যন্ত বিরাট এক যুদ্ধক্ষেত্রের সৃষ্টি হইল।

বিদ্রোহীদিগকে যত সহজে দমন করা সম্ভবপর হইবে বলিয়া ইংরেজ সরকার ধারণা করিয়াছিলেন, কার্যতঃ দেখা গেল তাহাদের সে ধারণা সম্পূর্ণ ভুল। দেশব্যাপী অরাজক অবস্থা সমানে চলিতে থাকে। ইংরেজ সরকারের শাসন ব্যবস্থা ও সামরিক শক্তি সম্বন্ধে জনসাধারণের মনে ক্রমশই যেন একটা হতাশার ভাব দেখা দিতে লাগিল। বিদ্রোহ দমনে সরকার পক্ষের ব্যর্থতা ও অস্বাভাবিক বিলম্ব ঘটবার অশ্রুতম কারণ সিভিল ও মিলিটারী কর্তৃপক্ষের মধ্যে পদে পদে মতভেদ ও ভ্রান্ত ধারণার সৃষ্টি। ১৮৫৫ সনের "ক্যালকাটা রিভিউ" পত্রিকায় জনৈক লেখক এ বিষয়ে কঠোর করিয়া লিখিয়াছিলেন :

"The confidence of our subjects in our rule is shaken, and in many parts they have undergone great suffering. A portion of the public is audibly grumbling at the apparent of union and concert in the Government. Public money is melting away. Public works are at a standstill. Specially it is to be feared that the pet scheme of the day, the Railway, has received a serious check."

এই সময় এই আদিবাসী বিপ্লব ব্যাপকভাবে দেশের

চারিদিকে ছড়াইয়া পড়ে। দিকে দিকে অশান্তি ও হানাহানি। সরকার পক্ষ হইতে বিদ্রোহ দমনের যথেষ্ট চেষ্টা করা হইলেও দীর্ঘ পাঁচ মাস কালের মধ্যে অবস্থার ষখন কোন পরিবর্তন ঘটিল না তখন ইংরেজ সরকার কঠোরতর ব্যবস্থা অবলম্বন করাই সমীচীন বলিয়া মনে করিলেন। ১৮৫৫ সনের ১০ই নবেম্বর তারিখে উপক্রমত অঞ্চলে সামরিক আইন জারী করা হইল। ঘোষণাটি নিম্নরূপ :

"It is hereby proclaimed and notified that the Lt.-Governor of Bengal, in the exercise of the authority given to him by Regulation X of 1804, and with the assent and concurrence of the President in Council, does hereby establish Martial Law in the following districts, that is to say: so much of the district of Bhagalpur as lies on the right bank of the river Ganges; so much of the district of Murshidabad as lies on the right bank of the river Bhagirathi; the district of Birbhum. And that the said Lt.-Governor does also suspend the functions of the ordinary criminal courts of judicature within the districts above described with respect to all persons, Santals and others, owing allegiance to the British Government in consequence of their either having been born or being residents within its territories and under its protection, who, after the date of this Proclamation and within the districts above described, shall be taken in the act of opposing by force of arms the authority of the same, or shall be taken in the actual commission of any overt act of rebellion against the state;

And that the same Lt.-Governor does also hereby direct that all persons, Santals and others, owing allegiance to the British Government who, after the date of his proclamation, shall be taken as aforesaid, shall be tried by Court Martial; and it is hereby notified that any person convicted of any of the said crimes by the sentence of such court will be liable under Section 3, Regulation X of 1804, to the immediate punishment of death."

এই সামরিক আইন জারীর পরও সাঁওতাল বিদ্রোহের তীব্রতা আশাহরুপ হ্রাস পায় নাই। ইহার পরবর্তী ঘটনাবলী তাহার জাঙ্ঘল্যমান প্রমাণ।



# শিল্পী ও পৃষ্ঠপোষক

ডাঃ আনন্দ কুমারস্বামী

অনুবাদ : সুধা বসু

## ১। ভূমিকা

‘নর্মা’ (normal) শব্দটির উৎপত্তি হয়েছে ল্যাটিন ‘নর্ম’ থেকে। আর এটির সম্বন্ধ রয়েছে গ্রীক ভাষার ‘নমন’ অর্থাৎ ছুতোরের মাপসম ইত্যাদি এবং ‘জিগনোস্কিন’ অর্থাৎ ‘কিছু জানা’ আর সংস্কৃত ভাষার ‘জ্ঞা’ ধাতুর সঙ্গে। আধুনিক ইংরাজী ভাষার ‘নো’ (know) শব্দের সঙ্গে এদের সকলেরই ধাতু ও অর্থগত সম্বন্ধ রয়েছে। এই প্রবন্ধের শিরোনামা দ্বারাও এইরূপেই শিল্পের প্রকৃতি ও মূল্য সম্বন্ধে মোটামুটি ধারণা করা যায়। শিল্পী মানুষ ও সাধারণ মানুষের মধ্যে বাস্তবিক সম্পর্ক নির্ণয় কোন মতেই তর্কের বিষয় নয়; অথবা বারংবার চেষ্টা ও ভুলের মধ্যে দিয়ে বুঝে নেবার জিনিষও নয়। পরন্তু, এ হ’ল একটা নির্দিষ্ট জ্ঞানের বস্তু। এই জন্তই সেন্ট টমাস বলেছেন, “শিল্পের একটা নির্দিষ্ট লক্ষ্য ও পরিণতি আছে এবং ইহা বিশেষ বিশেষ কর্মপ্রণালী নিরূপণের সহায়ক।” ভারতবর্ষেও ঠিক এইরকমেই শিল্পকে শিক্ষণীয় জ্ঞানের সমষ্টি এবং আয়ত্ত ক’রে নিতে হবে এমন একটি কলাকৌশলরূপে বিবেচনা করা হয়। যেমন ইঞ্জিনিয়ারিং বা কারিগরি বিদ্যা শিখে এমন কিছু কার্যকরী জিনিষ উৎপাদন করতে বা নির্মাণ ক’রে দিতে হয় পৃষ্ঠপোষক বা মালিকের ইচ্ছানুসারে, যা হয়ত বহুলাংশে অষ্টার ব্যক্তিগত রুচি প্রবৃত্তির বহির্ভূত। শিল্পের স্বাভাবিক আদর্শের মধ্যে সাধারণ জীবনাদর্শের স্বীকৃতি পূর্ব থেকেই বিদ্যমান রয়েছে একটা নির্ধারিত মূল্যবোধের পরম্পরায়। পক্ষান্তরে নিঃসন্দেহেই দেখা যায় যে, “নবজাগরণের (রেনেসাঁস) দিন থেকে শ্রেষ্ঠ শিল্পনিদর্শনসমূহকে সাধারণ জীবনযাত্রার মানদণ্ডে বিচার করেই ক্রয়-বিক্রয় হ’ত” (র্যাণকে)। আরও সিদ্ধান্ত হয়েছে যে, রবিবারের পুণ্যাহের মত কলাশিল্পও মানুষের জন্তই সুনির্দিষ্ট ভাবে সৃষ্টি হয়েছিল। অবশেষে এও সাব্যস্ত হ’ল যে, শিল্পচর্চার মানসেই শিল্পসৃষ্টি এবং জীবনের ক্ষতি স্বীকার করেও এর উন্নতিসাধন করা উচিত। আমরা বহুদিন ধরেই অনুভব করছি যে, আধুনিক কালের শিল্পের গতি সর্বতোভাবে স্বাভাবিক পথে চলছে না। কিন্তু এই স্বাভাবিকতা অনুসন্ধান

করতে গিয়ে আমরা যেন উহাকে সাধারণ উপসর্গের চেয়ে বেশী কোন ব্যাধি বলে মনে না করি; অথবা সেই ব্যাধি উপসর্গের কোন উপায় অনুসন্ধানও প্রবৃত্ত না হই। বরং সমগ্ররূপে কিছু উন্নতি বা সংস্কারের দিকে চেষ্টা করলে ভাল হয়। শিল্পের ক্ষেত্রে সমগ্রভাবে একটা সুস্থ পরিবেশ সৃষ্টি হলে উহার সব বিভাগেই প্রকৃত সৌন্দর্যের বিকাশ সম্ভব। আমরা কোনরকমেই শিল্পে মানবধর্ম আরোপ করব না এবং শিল্পরাজ্যে এই অনিয়ম বিশৃঙ্খলার জন্ত শিল্পসত্তাই দায়ী—একথাও বলব না। বরং প্লোটাইনাসের উক্তিটি আমাদের স্মরণে আনা উচিত—“সাধারণ মানব প্রকৃতির অন্তরে চারু ও কারু-কলার জন্ত যে আবেদন দেখা যায়—তা অনিয়ন্ত্রিত মুক্ত মানবসত্তার মধ্যেও নিহিত আছে।”

## ২। শিল্প সম্বন্ধে অস্বাভাবিক মত।

মানব সভ্যতার ইতিহাসের ততটা গুরুত্বপূর্ণ নয় এমন দু’টি সংক্ষিপ্ত অধ্যায়ে অর্থাৎ ইউরোপের সুপরিণতির (classical) যুগের শেষভাগে ও বিগত পাঁচশ’ বছরে ওদেশে শিল্প সম্বন্ধে একটা অস্বাভাবিক মতবাদ সৃষ্টি হয়ে প্রচলিত হয়ে পড়েছিল। এশিয়া মহাদেশে স্বতঃস্ফূর্ত ভাবে অসুস্থ কোন আদর্শ-বিচ্যুতি কোন কালেই ঘটে নি। তবে এও লক্ষ্য করার বিষয় যে, ঐ দু’টি যুগে এশিয়া ইউরোপীয় সভ্যতার সংস্পর্শ-দোমে প্রভাবিত হয়েছিল এবং সে প্রভাবের ফলে বর্তমান যুগে এমন সব তথ্য-কথিত শিল্প-সৃষ্টি চলছে যা, যে-কোন শ্রমজাত শিল্পে সম্পূর্ণ নির্ভরশীল সমাজে উৎপন্ন দ্রব্য থেকেও নিকৃষ্ট। যদি আমরা মনে করি যে, শিল্পের স্বাভাবিক আদর্শ এখনও খ্রীষ্টধর্মের মূলগত কাল্পনিক অনুশাসনের সঙ্গে তত্ত্বের দিকে যোগযুক্ত আছে—তবে আমাদের অবশ্যই সেই ভাবে বিচার করতে হবে যে, সমসাময়িক খ্রীষ্টীয় আচার-আচরণ পাপপুণ্যের বিচারকে নৈতিক দিকে গণ্ডীবদ্ধ করে—শিল্পী সম্বন্ধে শাস্ত্রীয় বিধিনিষেধের জ্ঞান অর্জন না করে—শিল্প ও চিন্তাশীলতার দু’টি ক্ষেত্রেই কার্যতঃ ধনীসমাজের ভাবেদার করে তুলেছিল।


আধুনিক মতানুসারে যা কিছু ব্যবহারিক জীবনের

জন্ম নির্মিত হোক—তাই-ই হ'ল আলঙ্কারিক বা কারু-শিল্প; ব্যবহারিক বা শ্রমজাত শিল্প। আর যা সৃষ্টি হবে মানুষের আঙ্গিক উন্নতি বা বুদ্ধিকে দীপ্ত করণের উদ্দেশ্যে, তাহা হ'ল স্মৃতি বা চাক্রশিল্প, অথবা খাঁটি গুরু শিল্প; নতুবা সাধারণ শিল্প, যার প্রকাশনা ও আরম্ভ হবে বড় অক্ষরে। শিল্পের স্রষ্টা শিল্পীকুলকেও এইরূপে দু'টি শ্রেণীতে ভাগ করা হয়। কারু বা শ্রমজশিল্পের স্রষ্টা হলেন মেহনতী মানুষ, আর চাক্রশিল্পের রচয়িতা হলেন শিল্পী। যদি কোন শ্রমিক কিছু জিনিষপত্র তৈরী করেন অথবা কোন শিল্পবস্তু উপভোগ করেন—তবে তা বিশেষ কোন ব্যবহারিক জিনিষ উৎপাদনের মানসেই করেন না—বরং অবসর বিনোদনের বিশেষ প্রিয় কর্ম হিসাবেই করে থাকেন। শ্রম অপনোদনের পরিকল্পনায় যে শিল্পী কর্মহীন জীবনের সম্মুখীন হয়েছিলেন, ভগবানের কৃপায় তিনি সেই অবসর যাপনের ম্যে একটি “উচ্চতর জিনিষের” সাহচর্য পেয়ে গেলেন। শ্রমিককে যুগপৎ ‘মুক্ত’ মানুষ বলা যেতে পারে। কারণ, কাজ করে রুজির যোগাড় করা অথবা অনাহারে দিন কাটানো—ছুই-ই তাঁর ইচ্ছাধীন। এ বিষয়ে বাস্তবে তাঁকে দাসত্বের পর্যায় থেকে স্বতন্ত্র করে ধরা যেতে পারে। কারণ, দাসত্বগ্রহণকারীকে কিছু-না-কিছু কাজ অবশ্যই করতে হবে; অনশন অর্দ্ধাশনের সম্মুখীন হতে তাঁকে কোনক্রমেই দেখা যাবে না।

শিল্পী হলেন উচ্চতর শ্রেণীর পর্যায়ভুক্ত। তিনি যদি ধর্মঘটে লিপ্ত হন অথবা কোন চিলে-ঘরে যদি স্বীয় আদর্শে অনশনে দিন কাটাতে থাকেন, তা হ'লেও শ্রমজীবীর মত তাঁকে সমাজবিরোধী ব'লে ধিকৃত করা চলে না। বরং সকলে তাঁকে ঠিক বুঝে উঠতে পারছিল না বলেই ধারণা হবে এবং লোক-সমাজ আরও ভাবতে উৎসাহিত হবে যে, তিনি (শিল্পী) এ সমস্ত কাজ ভবিষ্যৎ বংশধরগণের জন্মই করে যাচ্ছিলেন। আধুনিক কালের শিল্পী হলেন বিশেষ এক ধরনের মানুষ। অন্ত্যস্ত সকল মানুষের সঙ্গে তাঁর প্রভেদ সৃষ্টি হ'ল তাঁর সংবেদনশীল মনটির জন্ম; বাস্তবিক পক্ষে তাঁর জ্ঞানের জন্ম নয়। আবার এই সংবেদনশীলতার জোরেই তিনি কতকগুলি নৈতিক স্বেচ্ছাচারিতার সুযোগও পেয়ে থাকেন। যদিও শিল্পী তাঁর শিল্পকর্মের জন্ম মূল্য ও মজুরি আশা করেন এবং কোন কোন সম্ভাব্য ক্ষেত্রে উচ্চতর হারে পেয়েও থাকেন, তথাপি এ বিষয়ে তাঁকে হিসাব দেখাতে অথবা জবাবদিহি করতে হয় না। পৃষ্ঠপোষক ক্রেতা বাণীওয়ালাকেই মূল্য দান করেন, সুরকে হরত তখন আন্ধান করেন না।

যদি কোন পৃষ্ঠপোষক কোন শিল্পবস্তুকে তাঁর মনের মত হয় নি বলে গ্রহণ করতে নারাজ হন, তবে সমগ্র শিল্পী-সমাজ উঠবেন কিপ্ত হয়ে; আর প্রশ্ন উঠবে—পৃষ্ঠপোষক কি করে জানলেন যে, তিনি বাস্তবিক কি চান?

শিল্পীর আঙ্গপ্রকাশের জন্ম তাঁকে প্রশংসা করা হয় কেন? অথচ অন্ত লোকদের সম্পর্কে এ ব্যাপারটি যে কেন নিন্দনীয় তা কখনও ব্যাখ্যা করা হয় নি। অথবা আচরণবাদীরাও (Behaviourists) সর্বদা স্বরণে রাখেন না যে, শিল্পেরাও কান্নার মধ্যে দিয়ে আঙ্গপ্রকাশই করে এবং প্রতিটি সমাজবিরোধী দস্যু-প্রকৃতির মানুষও তার অন্তর্নিহিত ভাবে উদ্ভুদ্ধ হয়েই চলে; আর জন-সাধারণ বা সমাজকে মনে করে একটি শামুকের মত নিজের আশ্রয় ও আঙ্গগোপনের স্থান। আধুনিক শিল্পীর একক প্রদর্শনী সম্পর্কে জনসাধারণকে যতটা আগ্রহশীল দেখা যায়—তার সবটাই শিল্পের আকর্ষণে নয়। বাস্তবিকপক্ষে এ আকর্ষণ হ'ল একটি অদ্ভুত ধরনের এবং সাধারণতঃ একটা অস্বাভাবিক ব্যক্তিত্বের আঙ্গপ্রকাশনার সম্মুখীন হওয়ার উদ্দেশ্যেই। শিল্পী যদি নিজের মত করে, স্বাধীন ভাবে চিত্র রচনা ক'রে যেতে পারেন, তবে তিনি সর্বপ্রকার নিয়ন্ত্রণীয় শ্রমবহুল কর্মের পর্যায় অতিক্রম ক'রে উন্নত স্তরে উঠতে পারেন। যদি বিশেষ একখানি চিত্রের দ্বিতীয় সংস্করণের প্রয়োজন হয়, তবে তাঁকে বৈজ্ঞানিক পদ্ধতিতে উহার প্রতিলিপি প্রস্তুত করণের উপযুক্ত ও প্রয়োজনীয় যন্ত্রপাতির সাহায্য গ্রহণ করতে হয়। আবার যদি কোন কিছু গড়নের জন্ম একখণ্ড কঠিন প্রস্তর হাতে এল—তখনই খোঁজ করতে হবে একদল ভাড়াটে স্বপতির। বিষয়বস্তু নির্বাচনেও শিল্পীর স্বাধীনতা আছে। তাঁর পরিকল্পিত বিষয়সমূহ কতকগুলি ধারণার সমষ্টিমাত্র নয়; উহা হ'ল কতিপয় আদর্শের সমাহার এবং এ বিষয়ে শিল্পীর বিশেষ দোম-গুণের বিচার করাও চলে না। কারণ এ হ'ল যুগধর্মের প্রভাব। স্বকীয় ব্যক্তিসত্তার উপরেও কাজ করছে যে যুগের মানুষ, তিনিই সেই সেই যুগের ধর্মধারার প্রতীক। আর এ যুগের প্রধান লক্ষণ হ'ল ভাবপ্রবণতা ও বাস্তবকে এড়িয়ে কুসংস্কারের প্রতি অহরক্তি। ‘অন্ধকারাচ্ছন্ন যুগে’ (Dark Ages) ও অন্ত্যস্ত সব স্বাভাবিক কালে মানুষ যেমন নৈরুপ্যবাদী প্রতীক ও গূঢ়ার্থক নম্রা অলঙ্করণেই শিল্প-ব্যঞ্জনা সীমিত রেখে চলতে অভ্যস্ত ছিলেন—আজ আর তা সম্ভব নয়। শিল্পী আজ তাঁর পটে রূপায়িত করেন প্রাকৃতিক দৃশ্যাবলী, নগ্নমূর্তিমালা, আলোর খেলা, অথবা স্বীয় আঙ্গাকে।



প্রবাসী প্রেস, কলিকাতা

কমলিনী  
শ্রীকুলচারণন চৌধুরী

প্রবাসী, পৃষ্ঠা ১৩৩৮ হইতে পুনর্মুদ্রিত



অবসর বিনোদনে



ছুই হেলে

কটো : শ্রীঅনন্দ মুখার্জি



এই রূপায়ণ কখনও হবহ অর্থাৎ যেমনটি আছে তেমনটিই ; আবার কখনও হয় নিজস্ব রুচি ও কল্পনার জারক রসে রসিয়ে কবিয়ে নিয়ে একটি নতুন ও উন্নত ধরণের আদর্শ রূপসৃষ্টি। শিল্পীর বিশিষ্ট শক্তি হ'ল কোন বস্তুর বিশিষ্ট রূপ দান এবং এই জাতীয় রূপায়ণ স্বাভাবিক যুগে প্রায় অজ্ঞাতই ছিল।

বাস্তবিক পক্ষে আধুনিক শিল্পের “গূঢ় অর্থ” সম্বন্ধে সমালোচকের যথেষ্ট বক্তব্য আছে। কিন্তু এই সকল গূঢ়ত্ব ও অর্থ সম্বন্ধে কখনও কিছু শোনা বা জানা যায় নি। পক্ষান্তরে আমাদের বড় বড় বিশ্ববিদ্যালয় সমূহের একটিতে নিযুক্ত সমসাময়িক শিল্প-ইতিহাসের জনৈক অধ্যাপক যিনি যুবসমাজের শিক্ষাদাতা, তাঁরই কথা উদ্ধৃত করা যাক,—“শিল্পীর রচনা যে দুর্কৌশল্য হবে তা ত স্বাভাবিক ও অবশ্যজ্ঞাবী। কারণ, উদ্দীপনা, বিহ্বলতা ও মোহিনীশক্তির দ্বারা উদ্ভূত তাঁর সংবেদনশীল মন আত্মপ্রকাশ করেছে এক অনির্কচনীয় বিশ্বয়ের নিগূঢ় ও প্রত্যক্ষ অমুভূত সত্যের ভাষায়।” অর্থাৎ শিল্পী সবুজ মাঠের রূপকল্পনায় ছেলেমো ভাবের প্রকাশ করবে এই-ই আশা করা হয়। আধুনিক শিল্পীর শিল্পের মধ্যে প্রকাশিত নির্দিষ্ট রকমের গূঢ় অর্থকে কিরূপ তিক্ত-বিরক্ত ভাবে ও নিরুৎসাহের দৃষ্টিতে বিচার করেন তা বোঝা যায়, ব্লেকের মূর্তিতত্ত্ব সম্বন্ধে মিঃ কেনের সাম্প্রতিক কয়েকটি মন্তব্য দেখে। তিনি বলেছেন,—“ব্লেকের প্রতিষ্ঠার নিদর্শন এই সকল অতি-চমৎকার শিল্পকর্মের প্রত্যেকটি খুঁটি-নাটির অর্থ উদ্ধার করতে গেলে উহাকে রুচিবিরুদ্ধ মনে হতে পারে। কিন্তু বাস্তবে উহা যে বিশেষ অর্থপূর্ণ, সে কথা আজ অস্বীকার করবার উপায় নেই এবং ব্লেক স্বয়ংও তাঁর শিল্পের মধ্যে অবশ্যই একটা গভীর গূঢ় অর্থ উপলব্ধি করেছিলেন।”

বিপরীত পক্ষে, শিল্প সম্বন্ধে স্বাভাবিক মতটিতে দেখা যায় যে, সৌন্দর্য্য ও জ্ঞানাংশক বিষয়সমূহ একযোগে থাকা চাই। তা না হ'লে শিল্প হয়ে ওঠে একটি গাণিতিক সমীকরণের সামিল। আর শিল্পবস্তুর খুঁটিনাটির মধ্যে দুর্কৌশল্য ভাব ও ভুল-ভ্রান্তি যদি কিছু থাকে, তাও হয় নিফল ও অসার। এই সম্পর্কে অধ্যাপক টকান্স্ খুব সুন্দরভাবে বলেছেন,—“প্রাচ্য আদর্শে কোন অঙ্গ অবয়বের অস্পষ্ট রূপ ও আবহা ভাব এবং কোন অসম্পূর্ণ আকৃতিকে পুরোপুরি শিল্পের মর্যাদা দেওয়া যায় না।” কোন শিল্পবস্তুর বাহুরূপ অথবা, আধ্যাত্মিক মূল্য আমরা বিচার করি কি না-করি সে স্বতন্ত্র কথা ; কিন্তু উহার সৃষ্টির মূলে একটা কার্যকরী আদর্শ থাকবেই।

শিল্পকথা প্রসঙ্গে টলষ্টয় কিন্তু খুব সুন্দরভাবে বলেছেন যে, শিল্প হবে মুখ্যতঃ আলাপাচারী। উহা কিছু না কিছু প্রকাশ করবেই। তা ছাড়া উদ্দেশ্যের দিকে শিল্প হবে মানবধর্মী। এই মন্তব্যসমূহের বিচারে বলা যায় যে, শিল্পমধ্যে যাই-ই প্রকাশিত হবে—তা যেন মানসিক ও নৈতিক—উভয় দিকে মূল্যবান হয়। এই জাতীয় বিচারে তিনি প্লেটো ও অ্যারিস্টটলের অলঙ্কার শাস্ত্র সম্বন্ধীয় মতবাদের সঙ্গে সমভাবাপন্ন হয়ে গেছেন। এজন্য এ ধারণা করাও সমীচীন নয় যে, একজন শিল্পী ও একটা সাধারণ মানুষের গুণগত কোন পার্থক্য থাকবে না। কিন্তু একজন পরিপূর্ণ মানুষের মধ্যে সর্বপ্রকার গুণই থাকা বাঞ্ছনীয়। আর সনাতন অনন্ত মানুষ যিনি, তিনি একাধারে শিল্পী ও পৃষ্ঠপোষক হই-ই। সুতরাং তাঁকে জেনে নিতে হবে কোনটি বাস্তবিক করণীয় এবং তা কেমন ক'রে করতে হয়। কোন জিনিষ সঠিকভাবে গ'ড়ে তোলা বা সৃষ্টি করা শুধু কোণলের উপরই নির্ভর করে না ; উহার সঙ্গে চাই উদ্দেশ্য ও অভিপ্রায়ের মিলন ; আবার নিছক বুদ্ধির দীপ্তিতেও সম্ভব হয় না—তার সঙ্গে আরও চাই ইচ্ছাশক্তির সমন্বয়। শিল্পীর যদি কেবলমাত্র কর্মকুশল হলেই চলে, তা হ'লে সাধারণ মানুষেরও একটা সং উদ্দেশ্য থাকলেই চলতে পারে।

খ্রীষ্টীয় শিল্পের প্রারম্ভিক রচনাবলীতে পরিস্ফুট হয়েছে সুপরিণতিমূলক অবনতি-প্রসূত অবাস্তবতা থেকে স্বাভাবিকতার পথে প্রত্যাগমন। সেই অবনতির সূচনাকালে, বর্তমান যুগের মতই, শিল্পীর নিজেদের তাগিদে এবং আত্মপ্রচারের উদ্দেশ্যেই শিল্পচর্চা করতেন। অগাস্টাইনের মতবাদের মধ্যে এই পরিবর্তন বিশেষ স্পষ্ট-ভাবে প্রকট হয়েছে, যখন তিনি প্রাস্তিকর কুটতর্কের (sophistry) সমালোচনা করতে গিয়ে বললেন,—“যে কথা বক্তব্যের দায়িত্ব এড়িয়ে কেবল শব্দালঙ্কারের বোঝায় ভারী হয়ে ওঠে—তাই-ই হ'ল ভ্রান্তিমূলক তর্ক।” বন্ডুইনের মতে অগাস্টাইনের নিজস্ব আলঙ্কারিক বাক্য-বিজ্ঞানও সুদূর অতীতকালের যাযাবর মানবসমাজ কর্তৃক ব্যক্তিবিশেষের জয়গানের পারাবাহিক পদ্ধতি থেকে সত্য সন্ধানের প্রেরণা লাভের আদর্শেরই সমধর্মী ; আর প্লেটোর সেই মারাত্মক প্রশ্ন যে, কুটতর্কিকেরা মানুষকে কি বিষয়ে এত বক্তার করে তোলে এবং অ্যারিস্টটলের অলঙ্কার-শাস্ত্রীয় মতবাদ যাতে বক্তা অপেক্ষা সত্য প্রকাশের দিকে প্রবণতা অধিক, প্রভৃতি বিষয়ের সঙ্গেও সাদৃশ্যযুক্ত।

বিপরীতপক্ষে আমাদের এই বর্তমান যুগ ‘তार्কিক-

তার দ্বিতীয় পর্য্যায়ে' পুনরাগমন করেছে। আমরা আবার সত্য ও সৌন্দর্য্যকে বিচ্ছিন্ন করে স্বতন্ত্রভাবে মূল্য নির্ধারণের কথা চিন্তা করছি। আমরা যে ধরণের শিল্প-সৃষ্টি করছি—প্লেটো তাকে বলেছেন তোষামুদে স্তুতি-বাদের সামগ্রী; শিক্ষাপ্রদ নয়, বরং আপাতরমণীয় অর্থাৎ কর্তব্য বা সাধনার উপযোগী না হয়ে কেবল বিলাস-ব্যয়নের উপকরণমাত্র। অথচ সমস্ত স্বাভাবিক কালে শিল্প ছিল মননশীল ধ্যানপরায়ণ জীবনেরই অঙ্গ। এর থেকে সাধারণ দৃষ্টান্ত আর কি হতে পারে যে, আমরা মনে করি যে, বিভিন্ন ধর্মশাস্ত্রসমূহ এবং প্লেটো ও দাস্তুর রচনাবলী এখন আমাদের কাছে সম্মানযোগ্য কদর না পেলেও সাহিত্যিক ও সৌন্দর্য্য ব্যাখ্যানের দিকে মূল্যবান বলেই অত্যাধিক উহা পাঠের প্রচলন রয়েছে। প্রাচীন যুগের ও প্রাচ্যদেশীয় চাক্ষুষ শিল্পকেও অহরূপ ভাবেই আমরা বিচার করে থাকি; আর সর্বদাই উহাকে সাধারণ প্রকৃতির অতি প্রয়োজনীয় ষাণ্ড্রব্য অথবা জীবনের অবিচ্ছেদ্য অঙ্গরূপে বিবেচনা না করে একটু রসাল, একটু বিশিষ্ট এবং যেন কিছুটা দূরস্থ বলেই মনে করি।

এর কারণ, এখন আর আমরা কতকগুলি সত্যঘটনা ছাড়া প্রকৃত সত্যের আদর্শকে উপলব্ধি করতে পারি না। আমরা শিল্পকে সাধারণ বস্তুর স্বলাভিসিক্ত করেই চিন্তা ও বিচার করি। এইরূপ জড়বাদী ও ভাবপ্রবণ দৃষ্টিভঙ্গি আমাদের পক্ষে এত স্বাভাবিক যে, আদিম মানবের শিল্প সম্বন্ধে প্রায়শঃই শুনেতে পাই যে, “দেহগঠন ও অঙ্গ-প্রত্যঙ্গের কোন জ্ঞানলাভের পূর্বেই তাঁরা এই সকল শিল্প সৃষ্টি করেছিলেন।” অনেকের মতে হয়ত এ ধারণা একটা সাধারণ সুপ্রচলিত ধারণা মাত্র। কিন্তু এই বিষয়টি আমাদের সমস্ত শিল্পের ইতিহাসেই বেশ জোরালো ভাবে বিবৃত হয়েছে। আর যদিও শিল্পের ইতিহাসগ্রন্থসমূহে আদিম শিল্পের মহনীয় গুণরাজির প্রতি যথেষ্ট মৌখিক শ্রদ্ধা প্রদর্শিত হয়েছে, তথাপি উহার বিবর্তন ও পরিণতি সম্বন্ধে ধারণা বিশেষ স্পষ্টভাবে লিপিবদ্ধ হয় নি। বস্তুতঃ শিল্প বিনয়ে আমাদের উপস্থিত জ্ঞান ও ধারণা এত সীমিত এবং তা আবার আমাদের নিজেদের পক্ষে এত আত্মতুষ্টিকর যে, বাস্তবিকই আমরা আদিম-মানব ও বর্ষের জাতির নৈরূপ্যবাদী শিল্পকে অল্প-বিস্তর আমাদের স্বকীয় অহু করণবাদী নৈপুণ্যের সঙ্গে প্রশংসনীয় প্রতিযোগিতার দিকে ঝুঁকে পড়তে দেখি। আমাদের দৃঢ় বিশ্বাস যে, আদিম অধিবাসী ও বর্ষের জাতির মানুষেরা “ঐ রকমই অন্ধন করতেন”। কারণ,

এর থেকে উন্নততর কোন রীতি-পদ্ধতিতে কেউ তাঁদের শিক্ষাদান করে নি।

এও অবশ্য অনস্বীকার্য যে, সকল প্রকার শিল্পই অহু করণবাদী, অর্থাৎ শিল্পী যা চোখে দেখেছেন—তারই রূপায়ণ করে যাচ্ছেন। কিন্তু আজকের দিনে সে রকম সাদা চোখে দেখার প্রশ্ন নয়। এখন সূক্ষ্ম দৃষ্টিতে দেখা অন্তরের দেখা। আমরা ভুলে যাই যে ব্যক্তিবিশেষ যে দৃষ্টিতে একটি গাছকে দেখবে—অপরায়ণ ব্যক্তির হস্ত সেভাবে নাও দেখতে পারেন। কয়েকটি বিশেষ ক্ষেত্রে কোন ব্যক্তি আসল গাছের মধ্যে আরও অধিক কিছুই সন্ধান পেতে পারেন। এ বিষয়টি অত্র ভাবে বিচার করতে গেলে মূর্ত্তি-বিরোধিতার মূলে যে যুক্তিপূর্ণ বিশিষ্ট অর্থ আছে—তাকে বাস্তবিকই অস্বীকার করা হয়। আর উহাকে অস্বীকার করতে গেলে Tertullian-এর কথাই মনে পড়ে। তিনি বলেছেন যে, নোয়ার নৌকার চেরাবিম ও সেরাফিমের সঙ্গে মূর্ত্তি-বিরোধিতার আদর্শের কোন সাদৃশ্য বা সম্বন্ধ নেই; আর একখানি সুবিস্তৃত দৃশ্যচিত্র অপেক্ষা একটি ক্রুশ বা একটি চক্রের মধ্যে হয়ত বিশ্বপ্রকৃতির সত্যরূপ অধিক উপলব্ধি করা যেতে পারে।

শিল্পের মধ্যে মুগ্ধতঃ শিল্পীর আত্মপ্রচার ও জাঁকালো করে কিছু প্রকাশনার চেষ্টা অনবরত হওয়ার ফলে এমন একটা ভাবধারা গড়ে উঠেছে যে, আজকের দিনে শিল্প-ইতিহাস বলতে কেবলমাত্র শিল্পীর জীবনকাহিনী অথবা, কোন শিল্পীগোষ্ঠীর কথা, তাঁদের বৈশিষ্ট্য, একের উপর অপরের প্রভাব ইত্যাদির বিবরণকেই বোঝায়। তাঁদের শিল্পকর্মের মূলে যে অভিল্লাস, উদ্দেশ্য ও আদর্শ রয়েছে তার কোন আভাস ইঙ্গিত একেবারেই পাওয়া যায় না। শিল্প আলোচনা করতে বসে আমরা উহার রীতি পদ্ধতি বা শৈলীর প্রতিই অধিকতর রূপে মনো-নিবেশ করে থাকি। অথচ এ বিষয়টি প্রায় আকস্মিক ও যথার্থ প্রত্যাশিত। তাও আবার এমন কতকগুলি বিষয়ের উপর নির্ভরশীল যার কিছুই অনায়াসে বোধগম্য নয়, সৃষ্টি করাও চলে না, আর একটি সুনির্দিষ্ট পছন্দ ব্যতীত উহার ব্যাখ্যাও সম্ভব নয়। শিল্পীর ব্যক্তিগত রুচি প্রবৃত্তিই হ'ল তাঁর রচনামূল্যের উৎস। কিন্তু সর্বাপেক্ষা বড় কথা হ'ল স্বাভাবিক বৃত্তির শিল্পী হন বেহ'স অর্থাৎ অচেতন মানুষ। এর মধ্যে যারা নিজস্ব একটা স্বপ্নময় ভাবালুতাপূর্ণ জগতেই বাস করেন, তাঁরাই কেবল সচেতন ভাবে স্বকীয় একটি রীতি গঠন করতে পারেন। সেই সকল স্বাভাবিক যুগের

শিল্পকলার বিচার করতে গিয়ে আমাদের আলোচনার গতি যদি স্তব্ধ হয়ে যায়, তাতে বিস্মিত হওয়ার কোন কারণ নেই; বিশেষতঃ যখন ঐ যুগের শিল্পীরা কদাচিত্ত তাঁদের রচনাবলী নামাঙ্কিত করতেন। তা ছাড়া কোন শিল্পীরই জীবনচরিত লিখনেরও রেওয়াজ ছিল না। উপরন্তু আমাদের এও মনে হয় না যে, স্বাভাবিক গতির শিল্প এমন একটা আদর্শের নিগড়ে বাঁধা ছিল যার বাইরে গিয়ে সৌন্দর্য্য সৃষ্টি অথবা উহার বিত্ত্ব তত্ত্ব-লোচনার কোন চিন্তা বা উপলব্ধির সাধনা অসম্ভব হয়ে পড়েছিল। মানুষ অবশ্যই তাঁর আত্মগত গণ্ডি থেকে নিজেকে কোন না কোন প্রকারে মুক্ত করে নিতে পারে, যেমন করে বিশেষ একটা অসুস্থতার বিষয়ের একটি অংশকে বিচ্ছিন্ন করা যায়। আর এক্ষেত্রে হারানো ও প্রাপ্ত—এই দু'টি অভিব্যক্তিরই অর্থ এক। এবং এও মনে হয় না যে, বিশ্বস্তা মহান শিল্পীর যে 'রীতি', যার মধ্যে ধারাবাহিক ভাবে, সীমিতরূপে প্রকাশিত হয়েছে এক বিত্ত্ব নির্ভেজাল কলাকৌশল তাঁর মধ্যেও কোনরকম স্বতন্ত্র বৈশিষ্ট্য নেই। ফলে তার এই বিশ্বপটে তিনি মানুষ এবং ক্ষুদ্রতম ও সূক্ষ্মতম কীটানু-কীটের রূপারোপও একই ভাবে ওজন করে প্রত্যেকের স্বকীয় বিশিষ্টতা ও নিজস্ব বজায় রেখেই করেছেন। এই আদর্শই কোন স্বাভাবিক ও সর্ববাদীসম্মত সমাজে একই স্বাপত্য রীতিতে গীর্জা ও সেতু নির্মিত হলেও উদ্দেশ্য, উপযোগিতা ও ব্যবহারিক ক্ষেত্রে উহার সম্পূর্ণ স্বতন্ত্র।

### ৩। পৃষ্ঠপোষক ও শিল্পী

সাধারণ মানুষও একজন পৃষ্ঠপোষক হয়ে উঠেন যখন জীবনের কোন প্রয়োজন মেটানর উদ্দেশ্যে তিনি নিজেকে এবং অপরকেও কোন কাজে নিযুক্ত করেন। তিনি স্বগত ভাবে অথবা, কোন প্রতিবেশীকে বলেন যে, তাঁর নিজের এবং তিনটি শিশুর জন্ত একটি বাসগৃহ বা একটু আশ্রয়স্থল আবশ্যিক, তখন তাঁর অন্তরের সুপ্ত শিল্পী অথবা, সেই দ্বিতীয় ব্যক্তিটি হয়ত উত্তরে বলবেন, "হ্যাঁ, বুঝতে পারছি, তোমার কয়েকটি কামরায়ুক্ত একটি বাড়ীর দরকার।" এই ভাবে তাঁর মনপটে গ'ড়ে উঠবে একখানি সুন্দর গৃহের প্রতিচ্ছবি এবং তিনি যদি শিল্পী বা কারিগর হন, তবে তাঁর জানা থাকবে কি কি উপাদান কোথায় কি প্রকারে পাওয়া যেতে পারে; আর কেমন করে গৃহ নির্মাণের কাজ শুরু করা যেতে পারে। উপরন্তু পৃষ্ঠপোষক হয়ত প্রকাশ করলেন যে,

তাঁর এমন আর একটি জিনিষের প্রয়োজন যা হবে তাঁর ধ্যান-সাধনার সহায়ক এবং তাঁর উপাসনা কর্মেও ব্যবহৃত হতে পারে। এর জবাবেও শিল্পী বলে উঠলেন, "হ্যাঁ, আপনি একটি মূর্তিরও প্রয়োজন অসুভব করছেন। আমি আপনার জন্তে বিভিন্ন মূল্যের ক্রুশ-বিদ্ধ যীশুর প্রতিমূর্তি অথবা একখানি মাদোনা মূর্তি তৈরি করে দিতে পারি।" এই কাজের দায়িত্ব গ্রহণ করে শিল্পীকে এখন তাঁর পৃষ্ঠপোষকের প্রকৃত চাহিদা মেটাতে পারে এমন ভাবে কাজটি সম্পূর্ণ করতে হবে। শিল্পীর হাতে যদি তৈরি জিনিষ থাকে, তা হ'লেও উদ্দেশ্য ও আদর্শের দিকে কিছু রদ-বদল হবে না। পার্থক্য দাঁড়াবে এই যে, পৃষ্ঠপোষকের চাহিদা সম্বন্ধে শিল্পীর পূর্ক ধারণা অসুযায়ীই জিনিষ প্রস্তুত করে বাজারে উপস্থিত করা হবে। আলোচ্য দু'টি ক্ষেত্রেই দেখা যায় যে, সাধারণ ভাবে শিল্পের উপলক্ষ্যই হ'ল মানুষ। এবং প্রতিটি শিল্পবস্তুই সৃষ্ট হয়ে থাকে কোন বিশেষ চাহিদা মেটানর জন্তে। কোন কিছু গড়ন বা নির্মাণের মূল কারণ সর্বদাই ঘটনাক্রমে উপস্থিত হয়। আর সেই নির্মিতি মুখ্যতঃ ব্যবহারিক জীবনের উদ্দেশ্যেই হয়ে থাকে।

জীবনে কি কি অপরিহার্য্য? জৈব প্রকৃতির তারতম্য অনুসারে প্রয়োজনীয়তায়ও থাকে পার্থক্য। একটি শূকর-ছানার পক্ষে সহজ ভাবে আবর্জনার আধারে প্রবেশ করার সুযোগই যথেষ্ট। কিন্তু এ ধারণা আজ অনেকেরই যে, মানুষ কেবলমাত্র "মোটো ভাত-কাপড়ের উপরে নির্ভর করে বেঁচে থাকে না।" পশুত্বের পর্যায় থেকে উন্নীত হয়ে বাস্তবিক মানুষের মত যদি তাকে বাচতে হয়, তবে মানসিক ও আধ্যাত্মিক দিকেও তার কতকগুলি প্রয়োজন থাকবেই। কোনদিনই সংস্কার না হলেও মানুষ আজীবন একখানি সুন্দর ও আরাম-দায়ক গৃহের প্রয়োজন অসুভব করে, আকাজক্ষা করেই যাবে। অতীত এবং বর্তমান—কোন কালেরই কোন অসভ্য অমার্জিত মানবসমাজের কথা উল্লেখ করা যায় না। আমরা যারা দু'টি ভিন্ন রীতির চর্চা করে থাকি, তাদের লক্ষ্য করেই যা হয় বলা যেতে পারে। কারণ আমরা কতগুলি জিনিষ প্রস্তুত করি দৈনন্দিন ব্যবহারিক জীবনের উদ্দেশ্যে; আর বাকী সবকিছু করি একমাত্র গূঢ় অর্থছোতনার মানসে। শিল্পের সুপরিণতযুগের সায়াকালে প্রকৃতপক্ষে আমরাই প্রয়োজনের উর্ধ্বকার সূক্ষ চাকরুলা ও ব্যবহারিক চাকরুলা মध्ये প্রভেদের প্রাচীর তুলে দিয়েছি। এই সকল অতীত যুগের এবং

বিশেষ করে আধুনিককালের বৈশিষ্ট্যই হ'ল যে, সমাজে অবিসম্বাদিত ভাবে থাকবে ছই শ্রেণী বা সম্প্রদায়ের মানুষ। এক শ্রেণী মেটাবে সমাজের আর্থিক ক্ষুধা; আর একদল সরবরাহ করবে দৈনন্দিন প্রয়োজনের দ্রব্যসামগ্রী। প্রথমোক্তটি হ'ল কলাশিল্পীর পর্যায়ভুক্ত; দ্বিতীয়টি পড়ল শ্রমশিল্পীর কোঠায়।

শিল্পী-সম্প্রদায়কে নিয়ে এই সমাজবিজ্ঞানের নীতিগত সার্থকতা সম্বন্ধে আমরা বেশী কিছু আলোচনা করতে পারি না। শুধু রাষ্ট্রনের অনুশাসনটিকেই স্বরণ করতে পারি—“চারুকলা-বর্জিত শ্রমশিল্প বর্করতারই নামান্তর।” আর বলতে পারি যে, যে-সমাজ বর্ণ ও কর্ম বিভাগের ভিত্তির উপর স্থাপিত, সেখানে শিল্পীদের মধ্যে স্বতন্ত্র শ্রেণী বা স্তর বিভাগের কোন প্রশ্নই ওঠে না। প্রেটো যেমন বলেছেন, “যত বেশী কাজ করা যায়, তত অধিক সহজে, অধিকতর সুফল পাওয়া যায়। যখন প্রত্যেকেই নিজ নিজ শক্তি বা প্রতিভা অহুযায়ী কিছু কাজ করেন, তখনই প্রতিটি মানুষের অন্তরে নিহিত আত্মার প্রতি স্মৃতিচার করা হয়।”

পৃষ্ঠপোষক যিনি, তিনি অতি সাধারণ স্তরের লোকই হোন অথবা, আমাদের ঞায় সংস্কৃতিবান্, শিল্পপ্রিয় ও উচ্চতর জীবনে অহুরক্ত, মানুষই হোন—তার উপরে এই সকল অবস্থার প্রভাবকে বিচার করতে হবে। ব্যবহারিক শিল্প থেকে স্বপ্ন উচু দরের শিল্পকে পৃথক করে আর শ্রমজীবী ও শিল্পীর মধ্যে ভেদাভেদ সৃষ্টি করে মানুষের জীবনে ক্ষতিবৃদ্ধি সাধিত হয়েছে কতখানি? একটা বিরাট জনসমাজকে বুদ্ধিবৃত্তিহীন শ্রমজীবীতে পরিণত করে, আর অত্মদিকে একটি মুষ্টিময় মানব-গোষ্ঠীকে স্বেচ্ছায় সৌন্দর্যসাধনার সহায়ক বস্তু নির্মাণের সুযোগ দান করে কি ফল হয়েছে? কোন কাজ স্বকীয় ভাবেই অশুভ এবং জীবনের যা কিছু উচ্চতর, তার চর্চা অবসর সময়েই করণীয়; আর পরিশ্রম লাধবের পছাসমূহ সবই শাপে বর—এ কথা ধারণা করে—ব্যবহারকারীদের (মানুষ মাত্রই ব্যবহারকারী) কি লাভ-লোকসান হয়েছে? উঁচুদের ওস্তাদ গায়কগণের গান যদি কোন প্রেকাগৃহে অথবা, রেডিওর মারফতে শোনা যায়, তা হ'লে মনুষ্যত্বের দিকে উহার জ্ঞ কি শিক্ষানবীণীর সঙ্গীতচর্চা বন্ধ হয়ে যাবে, না গ্রামের বেহালাবাদকের মৃত্যুতে যে শূন্যতা সৃষ্টি হয়েছে, তা পূরণ হতে পারবে? কয়েকটি চারু ও কারুকলার সমিতি প্রতিষ্ঠিত হলেই কি সব হ'ল? আমাদের দৈনন্দিন

জীবনের ও পরিবেশে মানসিক উৎকর্ষের দিকে যদি শিল্পের কোন মূল্য না থাকে—তা হ'লে কয়েকটি সংগ্রহশালা (Museums), বিশ্ববিদ্যালয়সমূহে শিল্প শিক্ষা ও আলোচনা এবং সৌন্দর্যতত্ত্ব ও কলাশিল্প বিষয়ক কিছু পরিমাণ সাহিত্যই কি আমাদের সেই অভাব উপযুক্ত পরিমাণে পূরণ করতে পারবে? বর্তমানে আমাদের জীবনে ব্যবহৃত দ্রব্যসামগ্রীর অবশিষ্ট নিদর্শনসমূহ যা প'ড়ে থাকবে, তা দিয়ে কি ক'রে ভবিষ্যতের মানুষ অগ্রকার সভ্যতার মূল্য বিচার ও নির্ণয় করবে? পৃথিবীর বর্তমান যে-সকল জাতির সামাজিক বিজ্ঞান ও গাংস্থ্য শিল্পের ক্ষেত্রে এখনও বিশৃঙ্খলা দেখা দেয় নি, তাঁরা কি আমাদের সভ্যতাকে প্রশংসা করে ও ভালবাসে, না ভয় করে বা ঘৃণা করে? ধরা যাক, আমাদের রুচি বুদ্ধি বিশেষ মার্জিত ও শিক্ষিত হয়েছে এবং আমাদের একখানি কার্পেটের প্রয়োজন। তখন আমাদের সমুখে ছ'টি রাস্তা খোলা থাকবে। হয় আমরা কিনব একখানি অতি প্রাচীন প্রাচ্যরীতির কার্পেট অথবা, বিশেষ পুরাতন আংটাওয়াল পণ্যের কঞ্চল; না হয় ত প্রশস্ত তাঁতে প্রস্তুত বিশেষ রংএর একখানি কাপড়েই সন্তুষ্ট থাকতে হবে। আর সমসাময়িক কালে জাত বস্ত্র-সামগ্রী সম্বন্ধে সর্কোস্তম যা করা যায়, তা হ'ল নেতিবাচক শ্রেষ্ঠতা জ্ঞাপন; অর্থাৎ বলা যেতে পারে যে, এর মধ্যে এমন কিছু দোষণীয়ও নেই অথবা ইহা কিছু ভাবব্যঞ্জনাময়ও নয়। এসব সাদাসিধে ধরনেরই জিনিস, আর তেমন গূঢ় অর্থ-সমৃদ্ধও নয়। অহুরূপ ভাবেই গৃহসজ্জার আসবাবের ব্যাপারেও আমাদের পক্ষে সম্ভব হলে একটি প্রাচীন কিছু, না হয়ত প্রাচীন দ্রব্যের একটি ভাল অহুলিপি বা অহু-করণমূলক জিনিসও অন্ততঃ সংগ্রহ করা উচিত। আমাদের সমাজের কারিগর সম্প্রদায়ের নিজস্বতা বলতে কিছু নেই, আমাদের মনের মত করে কিছু গড়নেরও ক্ষমতা নেই। তাঁদের উপজীবিকাই হচ্ছে প্রাচীন জিনিসকে অহুকরণ করা, না হয়ত কোন বস্তুতে যন্ত্রজাত অলঙ্করণ যোজনা করা, যা হয়ত অতি প্রয়োজনীয় বলেই সহ্য করা যেতে পারে। বর্তমান যুগে উৎপন্ন দ্রব্যরাজি বিচার করলে মনে হবে যে, আধুনিক জগৎ বিশেষ আরামদায়ক হতে চলেছে; অত্ৰ পক্ষেই সকল জিনিসের মধ্যে প্রতিভাত হচ্ছে অধুতরকমের বুদ্ধিহীনতার ছাপ ও ব্যঞ্জনাবিহীন ভাব। আমাদের এও হয়ত প্রতীতি হয় না যে, আজ আমরা সংগ্রহশালাসমূহে যে সকল প্রাচীন জিনিসপত্র সংরক্ষণ করে থাকি, তা একদিন বাজারে প্রচলিত




সাধারণ ব্যবহারিক দ্রব্যই ছিল এবং উহা তখন জ্বায়া-মূল্যে ক্রয় করাও যেত।

আমাদের কাছে এও অবিস্মৃত যে, আজ আমরা যাদের বাধ্যতামূলক অবসর সময়ে শিক্ষিত করে তুলতে নানা চেষ্টা ও পরিকল্পনা করি এবং যারা ভাগ্যক্রমে বেকারত্ব প্রাপ্ত হয়েছিল বলেই সংস্কৃতি চর্চার এই সুযোগ প্রাপ্ত, তাঁদের অপেক্ষা এই সকল বস্তুসামগ্রীর স্রষ্টা যারা তাঁরা সমাজে চের বেশী সুখী, বেশী বুদ্ধিমান ও সভ্য। সিংহলে বংশপরম্পরাগত কারুশিল্পীদের কাছে নিযুক্ত করবার সুযোগ আমার হয়েছিল। তাঁদের পূর্ক-পুরুষগণ ছিলেন স্রষ্টাশীল যুগপরম্পরায় স্বপতি, চিত্রকর এবং ছুতোর। আর এই সকল মানুষ আজ আমেরিকার ইস্পাত ও খনির স্বৈচ্ছাধীন শ্রমিকের মতই শ্রেণী-বিবোধের কবলিতরূপেই নিজেদের মনে করতে শিখছে। দৈনিক বেতনে কতকগুলি নির্দিষ্ট বস্তু উৎপাদন করতেই হ'ত। এই জীবিকা বা বৃত্তি তাঁদের স্বকীয় জীবনের এমন বিশেষ একটি অঙ্গরূপ হয়ে উঠেছিল যে, তারা যে কেবল সারাদিন ধরেই কাজ করত তা নয়, রাতে বাতি জ্বলেও কাজ চালাত। অথচ বাস্তবে তারা আর্থিক দিকে লাভবান না হয়ে বরং ক্ষতিগ্রস্ত হ'ত। তাদের হাতের সেই সকল সৃষ্টিসত্তার আজ সংগ্রহশালা-সমূহে স্থান অধিকার করেছে।

আমাদের উদ্ভাবিত এই সভ্যতা সৌন্দর্য্যসৃষ্টি করতে যেটুকু সময় আবশ্যক হয়, তার চেয়ে অনেক দ্রুত উহাকে ধ্বংস করতে পারে। এবং ব্যবহারকারীকে কিছু প্রদান অপেক্ষা যে অধিক বঞ্চনা করা হয়, তা যে কোনপ্রকার প্রয়োজনীয় বস্তুর গণ্ডির মধ্যে দিয়েই সুপরিষ্কৃত হয়। মূলতঃ এক স্বাভাবিক সমাজে বাস করেও শিল্প সম্বন্ধে

প্লেটোর কিরূপ ভাবাপন্ন হওয়া উচিত ছিল তা অধ্যাপক ম্যাকমোহনের ভাষায় ব্যাখ্যাত হতে দেখে আমাদের আশ্চর্য্যায়িত হওয়ার কিছু নেই। তিনি বলেছেন, "আমরা আজ শিল্প বলতে যা বুঝি, তার প্রতি স্বতঃস্ফূর্ত ভাবে বিদ্রোহপরায়াণ।" এই উক্তিটির সঙ্গে নির্কির্বাদে আরও একটি কথা যুক্ত করা যেতে পারে যে, "সভ্যতা বলতে আজ যা কিছু বোঝায়, উহা প্রায় সবকিছুর প্রতি সক্রিয়ভাবে বিদ্রোহভাবাপন্ন।"

শিল্পী ও পৃষ্ঠপোষক সম্বন্ধে যা আলোচিত হয়েছে, সেই প্রসঙ্গে পুনরায় ফিরে যাওয়া যাক। প্রাক-নব-জাগরণের যুগে যেমন কোন জিনিষের স্রষ্টাকে কারিগর আখ্যা দান করা হ'ত, অর্থাৎ "শিল্পনৈপুণ্য দ্বারা রচিত কোন বস্তুর স্রষ্টা", তেমনি পুনর্জাগরণোত্তর কালে মানুষ ও তার নামকে কেটে দু'টি ভাগ করা হয়েছিল। যার ফলে এক পর্যায়ভুক্ত হয়েছিল এমন শিল্পী মানুষ যারা কাজে নিযুক্ত হ'ল চিত্রশালার মধ্যে, আর উহার বিপরীত দিকে রইল কারখানায় কন্সে রত শ্রমিক-সম্প্রদায়। এরিকগিল যেমন বলেছেন, "আমরা যেন এই কথাই বলতে চাই যে, কারখানার কর্মিগণের মন বলতে কিছু নেই (তাঁদের অবসর সময় ব্যতীত); কিন্তু সেই স্বতন্ত্র শ্রেণীর মানুষ যাদের শিল্পী আখ্যা দেওয়া হয়, তাঁদের আবার মন ব্যতীত কিছুই নেই।" এইরূপে মানুষের দু'টি অংশই দেবভাবাপন্ন পূর্ণতার দিকে সম্পূর্ণ বঞ্চিত। এই পূর্ণতা বা নিখুঁত ভাব সম্বন্ধে সকলপ্রকার রীতি বা ধারার মধ্যে কোন স্বতন্ত্র ভাব নেই। উহা হ'ল একটি সত্তা ও দু'টি প্রকৃতিরই সম্পূর্ণতা, যা হ'ল যুগপৎ ধ্যান-পরায়ণ ও কার্য্যকরী।



## বাসা বদল

শ্রীরঞ্জিত চট্টোপাধ্যায়

সারাটা রাত শ্রেক জেগে জেগে কেটেছে, পলকের জন্তেও ছ' চোখের পাতা এক করতে পারে নি মমতা। রাত-প্রহরী কন্স্টেবলের বুটের আওয়াজে রাস্তার কুকুর-গুলো চিংকার করে উঠেছে কখন, রোঁয়া-ওঠা ময়লা বেড়ালটা এঁটো বাসনের গাদায় খুটখুট করেছে ক'বার, রেললাইনের ধারে হিন্দুস্থানী কুলি-ব্যারাকের মাঠাল মহানন্দ আনন্দ করতে করতে ফিরেছে কত রাতে, সবই একে একে ব'লে যেতে পারে সে।

প্রথম রাতে বার-দুই উঠে পায়চারি করেছে, ঘাড়ে-মুখে জল ছিটিয়েছে, একখানা বই নিয়েও বসেছে খানিক, কিন্তু ঘুম যেন অগস্ত্য-যাত্রা করেছিল চোখ থেকে, আর ফেরে নি। অতীনকে ডাকতে গিয়েও ডাকে নি, সারা-দিনের পরিশ্রমের পর ওকে আর বিরক্ত করতে ইচ্ছে হয় নি মমতার। আনন্দ মানুষের ঘুম কেড়ে নেয়? মনে মনে ভেবেছে মমতা। কোন গুপ্তধন কিংবা লটারীর টিকিট পাওয়া নয়, চাকরিতে স্বামীর প্রমোশন কিংবা বিদেশে হেলের উন্নতির খবর পাওয়াও নয়, শুধু মনের মতন একখানা ফ্ল্যাট ভাড়া পাওয়া। তাও হয়ত নয়। আবার ভেবেছে মমতা, তবে কিসের আনন্দ? উত্তর কলকাতার উদ্ভূতম প্রাস্তুর এই নরক থেকে মুক্তি পেতে চলেছে ব'লে? নরক নয়ত কি—কতগুলো গাঁয়ো, অশিক্ষিত লোক, যাদের আচার-ব্যবহারে কোন রুচি নেই, যারা দিনরাত শুধু এর-ওর-তার সঙ্গে কোঁদল করে বেড়ায়, কেঁচো-কেন্নোর মত দরভরা গুচ্ছের ছেলেমেয়ে নিয়ে যারা শুধু পণ্ডর জীবন যাপন করে—তাদের পাড়াকে নরক ছাড়া আর কি ভাবতে পারে মমতা!

অনেকক্ষণ থেকেই একটা মশা ভন্ডন্ড করছিল মমতার মুখের কাছে। কখনও চোখের পাতায়, কখনও নাকের ডগায়, কখনও বা কানের পাতায় বসছিল আর সুড়সুড়ি দিচ্ছিল। হাত নেড়ে নেড়ে অনেকবার তাড়িয়েছে মমতা, কিন্তু এবার যেন একটু বিরক্ত হয়ে উঠল। 'ক্লিট' ছড়ালেও মরে না এ পাড়ার মশাগুলো; আর, একটু ফাঁক পেয়েছে কি ঢুকে পড়েছে মশারির মধ্যে। হরিপালের মশা যে অমন বিখ্যাত, তাও বোধ হয় এমন নয়।

ধড়মড় করে উঠে পড়ল মমতা, আলো জ্বালল, খসে-পড়া আঁচলটা কাঁধের ওপর টেনে দিয়ে মশারির ভেতর ঢুকল আবার। দীপুর মুখে হাত বুলোল একবার। মশার কামড়ে লাল হয়ে উঠেছে কয়েক জায়গায়। ওপাশে অতীন শুয়ে, ঘুমে বেধোর। হাত চাপড়ে কয়েকটা মশা মারল মমতা। রক্তে টোবা টোবা হয়ে ছিল যেন। বিছানার কোণগুলো ঠিক করে দিল একবার, স'রে-যাওয়া লেপটা টেনে দিল অতীনের গলা অবধি, তার পর আলোটা নিভাতে গিয়ে হঠাৎ যেন চম্কে উঠল মেনেয় চোখ পড়তেই। খাটের পায়ার কাছে গুঁী কি প'ড়ে? মাথা নিচু করে দেখল মমতা। বরবটির টুকরো। গেল মঙ্গলবার থেকে, মাঝরাতে একটা বিছে কামড়ার পর, কেমন একটা ভয় ধ'রে গেছে তার। মেনেয় টুকরো কিছু প'ড়ে থাকলেই চম্কে ওঠে। মনে পড়ে বিছেটার কামড়। রাত ভোর, পর-দিনও দুপুর পর্যন্ত প্রায়, চট্ফট করে বেরিয়েছে সে। শিরায় শিরায় সে কি টান আর জ্বলুনি!

মান্ধাতার আমলের বাড়ী। যেমন অন্ধকার, তেমনি সঁা তসেঁতে। এক বাঘ-ভাল্লুক ছাড়া সবরকম জীবেরই আনাগোনা এখানে। এমন জায়গায় মানুষে বাস করে? অন্ধকারেই আন্তে আন্তে দীপুর মাথায়-মুখে হাত বুলোতে থাকে মমতা। ভুগে ভুগে ছেলেটা সারা। একটা মাস পুরো যায় না, সুস্থ থাকে। আজ বমি, কাল পায়খানা। সর্দি-জ্বর ত হামেশাই লেগে আছে। আলো নেই, হাওয়া নেই, হাত-পা ছড়িয়ে একটু খেলবে, এমন একটা উঠোন পর্যন্ত না। তাই কি একটু বাইরে বেরোবার জো আছে! যত সব ছোটলোকের বাস এ-পাড়ায়। সারা গায়ে গুচ্ছের খোস-চুলকানি নিয়ে কলে-কলে ছেলেমেয়েগুলো এর-ওর-তার সঙ্গে কেবল ঝগড়া বাধায় আর খিস্তি-খেউড় করে মরে। বাপ-মায়েরাই বা কি! তারাই বা কোন্ ভদ্রলোক যে ছেলেপুলেগুলো শাস্ত-সুধারা হবে!

ঘুমের ঘোরে পাশ ফিরল অতীন। শব্দ পেয়ে 'মিটসেকের' তলা থেকে একটা ছুঁচোই বোধ হয় ছুটে পালাল ঘরের এধার থেকে ওধারে। এতক্ষণে খেয়াল

হ'ল মমতার, ঘরের নালাটা বন্ধ করা হয় নি। থাকগে, নষ্ট করার মত কোন খাবার ত আর নেই খাটের তলায় ! কিন্তু—যদি পাশা বেয়ে বেয়ে বিছানায় উঠে আসে ? একবার ত এসেছিল, আর তার চিহ্নটা এই ক'বছরেও অতীনের পা থেকে মুছে যায় নি। অনেক টাকা খরচ হয়েছিল সেবার।

আবার উঠল মমতা, আলো জ্বালল, তাকাল নালার দিকে। কিন্তু নালা ত বন্ধ করাই আছে। তবে ঢুকল কোন্ চুলো দিয়ে আবার ? বিরক্তিতে গজ্ গজ্ করতে করতে এখানে-ওখানে, মিটসেফের পাশে, খাটের তলায়—সব ক'টা জায়গাই ভাল ক'রে লক্ষ্য করল মমতা, পা দিয়ে মেঝের ওপর আওয়াজও করল বার দুই-তিন, কিন্তু না ছুঁচো, না কোন গর্ত—কিছুই চোখে পড়ল না তার। শেষে, দরজার কোণায় সেই পুরনো গর্তটা—যেটা এই সেদিনও খানিক সিমেন্ট দিয়ে বুজিয়ে দিয়েছিল সে, চোখে পড়ল। তাড়াতাড়িতে পা-মোছা ঝাড়নটাই সেখানে গুঁজে দিল মমতা। কে জানে, যদি আবার ঢোকে।

কিছুতেই আঙ্গ আর ঘুম আসছে না মমতার চোখে। কি যে হয়েছে, সে নিজেই বুঝতে পারে না। এদিকের রাত ক্রমেই শেষ হয়ে আসছে। ভোরে উঠে কত কাজ। রান্নাবান্না ত আছেই, তা ছাড়া কত বাড়তি কাজ আছে কাল। বাড়ী বদলের ঝামেলা কি কম ! এটা গুছোও রে, ওটা গুছোও রে, এটা পাড়ো, ওটা তোল। কাচের বাসন না ভাঙে, পাথরের খালা-বাটি না ছ'বান হয়, লক্ষ্মীর পাট সামলাও, বইপত্র, খাতা কাগজ না হারায়, তোরঙ্গ-সুটকেশ বার কর, বাসনপত্র না খোয়া যায় দেখ—আরও কত কি ! সেবার বাসা পাল্টানোর সময় দিদিমার দেওয়া খাগড়াই কাঁসার অমন ভারি গেলাসটা যে কোথায় গেল, কে নিয়ে গেল, ধরতেই পারল না মমতা ! শুধু কি তাই, অতীনের মাফ্লার আর তার নিজের নতুন শাড়িখানাও যেন হঠাৎ উধাও হয়ে গেল। পাঁচ-ভিড়ের মধ্যে কে যে সরাল, নজরই করতে পারল না সে।

ঘোমেনের বাড়ীর ঘড়িতে চং চং ক'রে চারটে বাজল। কিছুক্ষণের মধ্যেই ময়লা গাড়ীর আওয়াজ উঠবে, নোংরা পরিষ্কার করবে মেথরেরা। মোড়ের মাথায় ষেউ ষেউ ক'রে ছুটোছুটি করবে নেড়ী কুকুর দুটো, তাদের পিছু পিছু চার-ছ'টা ছানাও। আর সঙ্গে সঙ্গে অশ্রাব্য গালি দিতে দিতে ঘড়ঘড় ক'রে তাদের দিকে ময়লা গাড়ীটা এগিয়ে নিয়ে যাবে হিন্দুস্থানী মেথরটা।

তার একটু পরেই ভাঙা গলায় চিংকার ক'রে নামগান করতে করতে গঙ্গান্নানে যাবে চরণদাস পণ্ডিত।

পণ্ডিত না ছাই ! মমতা আগেও ভেবেছে, এখনও ভাবল। ভোরবেলা গঙ্গান্নান করবে আর সারাদিন মোড়ের মাথায় চায়ের দোকানে ব'সে পরের ঘরের বৌঝির কেছা গাইবে। বজ্রাতের শিরোমণি লোকটা। একবার তারও পেছনে দিনকতক লেগেছিল।

কিসের একটা শব্দ হ'ল না ? বালিশের চাপ থেকে কানটা মুক্ত ক'রে নিল মমতা। নিশ্চয় ফেলার মা—দোতলার জানলা দিয়ে নোংরা ফেলল তাদের ঘরের পাশের সরু গলিটায়। ঘর বোঝাই ছেলেমেয়ে। কি বছর হাসপাতালে যায়। কতদিন বারণ ক'রে দিয়েছে মমতা, এ ঘরে তারা শোয়, গন্ধে টিকতে পারে না, বাচ্চার নোংরা-টোংরাগুলো যেন একটু দূরে কোথাও ফেলে আসে ; কিন্তু তা কি শুনবে ? হেসে বলবে, 'কিছু মনে ক'রো না ভাই, ভুল হয়েছে।' পরে আবার ফেলবে ! বেশি বললে তেড়ে আসে—'এ ত কারও কেনাকাটা রাস্তা নয়, সরকারী গলি। বেশ করব ফেলব। কচিকাচার ঘর হলে তুমিও ফেলতে।' ওর সঙ্গে যোগ দেবে চোদ্দ নম্বর বাড়ীর নিতাইয়ের মা। বৌটাকে দেখতে পারে না মমতা, শুধু মমতা কেন, এ পাড়ার মনেকেই। আঙ্গ চাট্টি চাল দাও, কাল দু'টো আলু দাও, কোনদিন গণ্ডা চারেক পয়সা দাও—নিত্যই এমন লেগে আছে। প্রথম প্রথম কত দিয়েছেও মমতা, কিন্তু ফেরৎ পায় নি কোনদিন। সংসারের অলক্ষী ! দুখো দুখো মেয়েগুলো মাঠে-ঘাটে ঘুরে বেড়াবে কতক-গুলো ছোঁড়ার সঙ্গে, নিজে ভিক্ষে ক'রে ক'রে বেড়াবে। শেষের দিকে দিন দু'তিন ফিরিয়ে দিয়েছে মমতা, তাই আক্রোশ। স্বামীটা মাতাল, কাজকর্ম নেই, তাস-পাশা নিয়েই প'ড়ে আছে দিনরাত।

ব্রহ্মবান্ধব কি আর টিকবেন এ যাত্রায় ? হঠাৎ কেন জানি মমতার চোখের সামনে ভেসে উঠল তাঁর জরাগ্রস্ত চেহারাটা। ওদেরই সামনের বাড়ীর একতলার ভাড়াটে। তিন ছেলের কেউই দেখে না, তাই মেয়ের কাছে প'ড়ে আছেন। মেয়ে-জামাইও ইদানীং সুনজরে দেখে না। বড় খিটখিটে আর বদমেজাজী, দিনরাত শাপ-শাপান্ত, গালাগাল-মন্দ। পঞ্চাশের পর থেকেই নাকি আল্পঘাতী হবার বাসনা জেগেছে, অথচ চুরাশী হ'ল। কলতলায় প'ড়ে গিয়ে সেদিন হাত-পা ভেঙেছেন, মাথা ফাটিয়েছেন। ডাক্তার ত আশা রাখেন না, তবে উনি এখনও রাখেন। সাত বছরের নাতনীকে আশ্বাস

দেন, সেরে উঠে চিড়িয়াখানায় বেড়াতে নিয়ে যাবেন; মেয়েকে বলেন, 'ঝগড়া করিস নে জামাইয়ের সঙ্গে, ক'দিন বাদে আমি নিজে তোকে ত্রিবেণীতে চান করিয়ে আনব।' বৃদ্ধের ওপর মমতার কেমন একটা যেন মাখা পড়ে গেছে। এই সেদিনও বাইরের রোয়াকে ব'সে তেল মেখেছেন, রোদ পুইয়েছেন। জানলা গোড়ায় তাকে দেখে ব'লে উঠেছেন, 'কি গো মেয়ে, শরীরটা তোমার ওকনো ওকনো দেখছি কেন!'

ওই বাড়ীরই দোতলার ভাড়াটে গণেশ হালদার, লোকটা বড় বদ। মমতা ছ'চক্ষে দেখতে পারে না। অফিস থেকে ফিরে ঠায় ব'সে থাকবে জানলা গোড়ায় আর চেয়ে থাকবে তাদের ঘরের দিকে। জানলায় পর্দা টাঙানো ত বলতে গেলে ওরই জন্তে। সেবার অতীনের ফুল কিনে নিয়ে আসা দেখে সে কি টিটকিরি লোকটার। ঘরে বৌ আছে, তবু ছুকছুকনির শেন নেই। বৌটাও তেমনি, বুড়ী হতে চলল, এখনও সাজগোজের ঘটা কত! তবু যদি রূপ থাকত! আগের ভাড়াটেরা বরং লোক ভাল ছিল। স্বামী-স্ত্রী, তিনটি ছেলেমেয়ে। বৌটির বয়স অল্প, মমতার সঙ্গে বড় ভাব ছিল। সিমলে ষ্টীটে উঠে গেছে মাস কয়েক হ'ল। উঠবে না কেন, এ হতচ্ছাড়া পাড়ায় কেউ থাকতে পারে? শুধু যা তারাই রয়ে গেল এই আট বছর। কত খোঁজাখুঁজি, কত বলা-কওয়া, এখানে ছোট্টা, ওখানে ছোট্টা, ঘর কি ছাই সহজে মেলে? শেষে—

অঙ্ককারেও অতীনকে একবার লক্ষ্য করল মমতা। আজ সারাদিন কি কষ্টটাই না গেছে বেচারির। খেতে-করতে ছুপুর গড়িয়ে গেছে, চান পর্যন্ত হয় নি। এক মাস সেলামী আর তিন মাসের ভাড়া অগ্রিম দিয়ে বিল কাটিয়ে তবে নিশ্চিন্দ। দক্ষিণ খোলা বড় বড় ছ'খানা ঘর, দোতলার ওপর, সামনেই পার্ক। মমতা যা স্বপ্নেও ভাবতে পারে নি। ভাড়াটা অবশ্য এখানকার তুলনায় অনেক বেশী, তা হোক। নিঃশ্বাস ফেলে বাঁচবে ত অন্ততঃ। কোন্ ঘরটা শোবার জন্তে ব্যবহার করবে ওরা? মনে মনে হিসেব করতে থাকে মমতা, রাস্তামুখো ঘরটা, না ভেতরেরটা? অতীনের মত, রাস্তার দিকের খানা, আর ওর ইচ্ছে ভেতরেরটা। রাস্তামুখো ঘরখানা ড্রয়িং রুম হলে বেশ হয়। দীপু পড়ল, কি লোকজন এলে বসল, গল্প করল। খান ছয়েক চেয়ার আরও কিনতে হবে। রাস্তাঘরটাও বেশ বড়, অনেক-গুলো তাক-কুলুঙ্গীও আছে। জিনিসপত্র ফেলে ছড়িয়ে রাখা যাবে। এখানে দড়ির আলনা, ওখানে হুক, পেরেক

—মাথা তুললে ঠোকা লাগা—এ সব কিছুর ভয় নেই।

একখানা আয়না লাগান দেওয়াজ এবার ও সুবিধে মত কিনে ফেলবে। ওর অনেক দিনের শখ। গরম পোশাক আর তোলা জামাকাপড়গুলো রাখা যায় ভাল ভাবে। তোরঙ্গটার ধরে না। আর একটা কাঠের ক্যাশবাক্স। পিসিমার বাড়ীতে দেখে এসেছে ও, খুচরো পয়সা, কাগজপত্র, কি ছোটখাটো জিনিসপত্র বেশ রাখা যায়।

আর নয়। ভোর হয়ে এসেছে। মেথরের গাড়ী বেরিয়ে পড়েছে রাস্তায়। এক-আধটা কাকও ডাকতে শুরু করেছে কুলী-ব্যারাকের ধারে নিম্ন গাছের মাথায়। নেড়ী কুকুরের চীৎকারও ভেসে আসছে দূর থেকে।

উঠে পড়ল মমতা। আলগা খোঁপাটা ঠিক ক'রে নিল, তার পর মশারিটা একটু ফাঁক ক'রে আলতো ভাবে মেথের পা ফেলেছে কি পটাস ক'রে একটা শব্দ। আর সঙ্গে সঙ্গে ঘুণায় যেন নাকটা কুঁচকে গেল তার। একটা আরশোলা মাড়িয়ে ফেলল বোধ হয়। তাড়াতাড়ি আলোটা জ্বালল সে, পলকের জন্তে মেথের দিকে একবার তাকিয়েই চোখ ঘুরিয়ে নিল সঙ্গে সঙ্গে। গোড়ালিতে ভর দিয়ে আন্তে আন্তে এসে দরজা খুলল, তার পর সোজা কলতলা। জল দিয়ে ঘষে ঘষে পা-টা পরিষ্কার ক'রে নিল সে।

ঠাণ্ডা হাওয়ায় কি বিক্রী একটা দুর্গন্ধ। মেথরে গলির ড্রেন খুলেছে নিশ্চয়। তাড়াতাড়ি নাক চাপা দিল মমতা। এখানে এই ক'বছরে সব কিছু সম্ব হয় গেছে তার, কিন্তু এই দুর্গন্ধটা আজও তার ধাতসওয়া হ'ল না। কতদিন বমি পর্যন্ত করে ফেলেছে সে গন্ধের চোটে। এ জামগায় থাকলে মানুষে রোগে ভুগবে না ত কি! এ কি বাসের উপযুক্ত জায়গা—এ নয়ক! .নয়ক!

বাজারের থলি হাতে বেরোচ্ছিল অতীন, এগিয়ে এসে মমতা বলল, গুচ্ছির শাকপাতা আজ আর এনা না, একটু মাছ কি আধসের টাক আলু হলেই হবে। ধরে কপি আছে, বেগুন আছে, তাইতেই এবেলা-ওবেলা হয়ে যাবে'খন। কাল সকালে ত আর রান্নার পাট নেই। বাসি আনাজ রেখে লাভ কি?

অতীন এগোচ্ছিল, মমতা আবার বললে, স্টোভটা সারান হয়েছে কি না দেখো, নইলে অসুবিধে হবে কাল। কাল ত স্টোভেই রাঁধতে হবে। আর শোন, কয়লার দামটা অমনি মিটিয়ে দিয়ে এস। দুধের দাম আমি



মিটিয়ে দিয়েছি। আহা,—মমতার গলার স্বর একটু খাদে নেমে এল, লহমীর সে কি কান্না, বলে, ‘আট বছর ছুধ দিচ্ছি এ পাড়ায়, তোমার মত লোক দেখি নি।’ দীপুর জন্মে আধ সের ছুধ দিয়ে গেল অমনি। দাম নিলে না কিছুতেই। বললে, ‘ও কি আমার কেউ নয় দিদিমণি?’ আমি আবার ওকে একখানা পুরোনো কাপড় দিলাম, দীপুর দরুণ একটা ছেঁড়া কোট ছিল, সেখানাও দিলাম ওর ছেলের জন্মে। একগাল হাসি—খুব খুশী হয়েছে।

অতীন বললে, বেশ করেছ। আজ ত মঙ্গলবার; মুড়িওলা আর কেরাসিনওলাও ত আসবে, না?

হ্যাঁ, আসবে। ওদের দামটাও মিটিয়ে দেব।

কলতলায় ব’সে ঠিকে-ঝি আন্না একখানা কাঠের ওপর ঘুরিয়ে ঘুরিয়ে খালা মাজছিল। বেরিয়ে এসে বললে, তোমরা চ’লে যাচ্ছ, আমাকে একটা নতুন কাপড় দিও দিদিমণি। আর ত দেবে না কখনো!

অতীন হাসল একটু, তার পর বেরিয়ে গেল। মমতা বললে, নতুন কাপড় ত এখন নেই, আমার একটা চাদর আছে, তোকে দেব’খন। ঠাণ্ডার সময় গায়ে দিস।

আন্না খুব খুশী। হাসতে গিয়ে মিশির ছোপ-ধরা মন ক’টা দাঁতই বেরিয়ে পড়ল তার। বলল, তা হ’লে ত খুবই ভাল হয় দিদিমণি। ভোরের বেলা ঠকুঠকু ক’রে কাঁপি, এমন একখানা ‘কানি’ নেই যে, গায়ে দিই।

ঘরের মেঝেয় একখানা মাহুর বিছিয়ে দীপু তার বই রাখার হাট্ট স্যুটকেশটা পেড়ে বইগুলো একবার বার করছিল, আর একবার তুলছিল। এপাশে-ওপাশে ছড়ানো লাটু, গুলি, ছোট একখানা ব্যাট, নেট আর পালকের বাল। মমতা ঘরে ঢুকতেই বলল, আমার ছইশিলটা চাঁহু নিয়ে গেছে মা, আমাকে বলেও নি।

দীপুর সংসারের ওপর একটু ঝুঁকে প’ড়ে মমতা বলল, তুমি দেখেছ নিয়ে যেতে? না দেখে—

দীপু জোরগলায় বলে উঠল, হ্যাঁ, আমি দেখেছি। কাল যখন এসেছিল—

কাল আবার চাঁহু কখন এল?

এল না? তুমি পাঁউরুট দিলে, কলা দিলে—সেই যে সকালবেলা—

ও তাই বুঝি? তা নিয়ে গেছে, আবার দিয়ে যাবে’খন।

মুখে মমতা যাই বলুক, মনে মনে সে জানে, চাঁহু যদি ছইশিলটা নিয়ে গিয়েও থাকে, আর কিরিয়ে দেবে না। তারি চোর ছেলেগুলো—ওই চাঁহু আর বলাইটা। দীপু তখন আরও ছোট, ওর বাস থেকে একটা ছোট

দম-দেওয়া রেলগাড়ী হারিয়ে যায়। ক’দিন বাদে চাঁহুর বাড়ীতে গিয়ে মমতা সেটা দেখতে পেয়েছিল। ওকে কোন কথা জিগোস করবার আগেই ওর মা বলেছিল, ধর্মতলা থেকে গাড়ীটা ওর বাবা কিনে এনেছে। চক্কুলজায় আর কিছু বলতে পারে নি মমতা। বলাইটাও অমনি। একবার একটা ক্যাষিসের বল নিয়ে পালিয়েছিল। দিলে না কিছুতেই। শেষে ওর মা পর্ষস্ত তেড়ে এল। বললে, আমার ছেলে অমন চোর নয়—সে শিকেই আমাদের নয়। দিনকতক ওদের আসা-যাওয়া বন্ধ ছিল। পরে দীপুই আবার ডেকে আনে। কি বলবে মমতা, ছোট ছেলে, ওদের কি আর লজ্জা-সরমের বলাই আছে, না মান-সম্মানের কিছু বোঝে? ওদের কি দোষ, বাপ-মা-ই ত ‘নাই’ দিয়ে দিয়ে ছেলেগুলোর সর্বনাশ করেছে!

উহুনে ভাতের হাঁড়ি চাপাতে গিয়ে হঠাৎ মমতার মনে প’ড়ে যায় বীরুদার কথা। অতীনের বন্ধু। আজ এখানে খাবার কথা বলে এসেছে অতীন। আপদে-বিপদে ওই লোকটিই এই পাড়ায় আসা-ইস্কক ওদের দেখে আসছে। তাই এখান থেকে চ’লে যাবার আগে এক সঙ্গে ছ’বন্ধু খেতে চায়। তাই নিমন্ত্রণ। আরও এক কুনকে চাল ধুয়ে হাঁড়িতে চাপিয়ে দিল মমতা। ছটো আলুও সেই সঙ্গে। আলুভাতে আর কড়াইয়ের ডাল বীরুদার বড় প্রিয় খাদ্য।

দীপু তখনও তার স্যুটকেশ গুছোচ্ছে দেখে মমতা বলল, হ্যাঁ রে, তোর কি আজ আর পড়া-টড়া হবে না? খালি স্যুটকেশ গুছোলেই চলবে? এদিকে ত আটটা বাজতে চলল। পড়বি-ই বা কখন, স্কুলেই বা যাবি কখন?

দীপু কোন কথা বলার আগেই সদরের দরজায় রিকুশা থামার আওয়াজ হ’ল। মমতা মুখ বাড়িয়ে দেখল অতীন। এক হাতে বাজারের খলে, আরেক হাতে দইয়ের ভাঁড়টা ধ’রে নামছে। কাঁধের ওপর একগোছা দড়ি, রিকুশার পা-দানিতে কতকগুলো মলাট কাগজ।

তাড়াতাড়ি এগিয়ে গিয়ে মমতা বাজারের খলি আর দইয়ের ভাঁড়টা ধ’রে নিল। অতীন বলল, জিনিষপত্র বাঁধতে দড়ি আর মলাট লাগবে, তাই কিছু কিনে নিয়ে এলাম।

ঘরের ভেতর থেকে বেরিয়ে এল দীপু। বলল, আমার বইয়ের মলাট হবে বাপি। আমি ছ’খানা নেব।

রিকুশার দাম মিটিয়ে, মলাটগুলো নিয়ে অতীন ভেতরে চ’লে এল। বলল, বাস্তায় গণদেবের সঙ্গে দেখা হ’ল।

লরী ঠিক করেছে, টাকা তিরিশের মত পড়বে। কাল ভোর সাতটা নাগাদ আসবে।

জন-তুই কুলীর কথা বললে না কেন। এই সব ভারী ভারী জিনিষপত্র নামানো, তোলা—এসব কি কুলী নইলে চলে ?

কুলী নিয়ে তুমি মাথা ঘামাও কেন ? তোমার ডিপার্টমেন্ট রান্না—তাই নিয়ে মাথা ঘামাবে,—ওহো, স্টোভের কথাটা একেবারে ভুলে গেলাম যে।

দেখলে ত কেন মাথা ঘামাই ! কৃত্রিম কোপ প্রকাশ ক'রে মমতা চ'লে যাচ্ছিল, অতীন বললে, ডান হাতের কিছু বন্দোবস্ত আছে ? খিদে পেয়েছে ভয়ঙ্কর।

নিশ্চয়ই আছে ! হালুয়া খেতে চাও তৈরি আছে, এখনি দিতে পারি। নয়ত রুটি আছে, সেকে দিচ্ছি। বল ত মুড়িও তেল-লঙ্কা দিয়ে মেখে দিতে পারি। যা বলবে তাই হবে।

মুড়ি দাও চাটু। অতীন বলল, দীপু কি খেল ?

ওর যা বরাদ্দ—মুরগীর ডিম একটা, রুটি এক পিস। মুড়ি কি তেল দিয়ে মেখে দেব, না শুকনো খাবে ?

যা ইচ্ছে দাও। খিদেয় নাড়ি-ভুঁড়ি পর্যন্ত হজম হবার জোগাড় ! পরক্ষণেই গলার স্বরটা একটু খাদে নামিয়ে অতীন বললে, স্টোভটা কি এবেলা নইলে হবে না ? আমাকে একটু কাজে বেরুতে হবে—

এবেলা কেন, ওবেলা না হলেও চলবে। তবে তাগাদাটা একবার দেওয়া। কাল চ'লে যাব, যদি না পাই ত আবার আসতে হবে তোমাকে—

তুমি কি একেবারেই এ পাড়ার মায়া কাটাতে চাও নাকি ? আসতে ত হবেই। ডাইং ক্লিনিং-এ জামা-ধুতি রইল, স্কুল থেকে দীপুর ট্রান্সফার সার্টিফিকেট পাওয়া যাবে আগামী সপ্তায়। একবার কেন, এখন অনেক-বারই আসতে হবে। খাবড়ার কিছু নেই, মুড়িটা খেয়েই তোমার স্টোভ আমি এনে দিচ্ছি। এখন দাও দাঁকি চট ক'রে—

আমি বুঝি ঘাবড়াচ্ছি ! কৃত্রিম ক্রোধে মুগ্ধানা ভারি ক'রে মমতা চ'লে গেল।

কুলী-ব্যারাকের একটা হিন্দুস্থানী বৌ মমতাকে ঘুঁটে দেয়। রাস্তার ধারের রোয়াকে উঠে জানলা দিয়ে মুগ্ধ বাড়িয়ে জিজ্ঞেস করলে, তোমরা এখান থেকে চ'লে যাচ্ছ মাইজি ?

তেল-মাখা মুড়ির বাটিটা অতীনের হাতে ধ'রে দিয়ে মমতা বললে, হ্যাঁ গো মেয়ে, তোমরা ত আর আমাদের রাখলে না, কি করি বল—

কত দূরে যাচ্ছ ?

নিজের হিন্দিতে নিজেই হাসতে হাসতে মমতা বললে, হেহুয়া জান্তা—হেহুয়া ? হিঁয়াসে আধা ঘণ্টা লাগেগা। তুমি উধারমে কভি যাতা ? হাম তুমকো হামার কুঠিকা নাষার দেগা। যব্ উধারমে যায়েগা—হামার কুঠিতে যাস, বুঝলি ?

কথার শেষটা বাংলায় ব'লে খিলখিল ক'রে হেসে উঠল সে। হিন্দুস্থানী বৌটিও এতক্ষণ হাসছিল। বলল, হামি বাংলা বুঝে—তুমি বাংলায়ে বল—

আমি চ'লে যাচ্ছি, তুই কার কাছে খবর পেলি ?

আমার ছেলের কাছে।

তাদের এ পাড়া থেকে উঠে যাবার খবর তা হ'লে সারা পাড়ায় ছড়িয়ে পড়েছে ? মনে মনে মমতা একটু খুশীই হ'ল বুঝি। তার যা এ পাড়ায় থাকার লোক নয়, নেহাৎ দায়ে প'ড়েই ছিল এতদিন, এটা বুঝুক এ পাড়ার লোক। বলল, এবার যে ঘর পেয়েছি, খুব ভাল ঘর—বুঝলি ? তুই যাস একদিন।

কবে যাবে ?

কালই চ'লে যাব।

কালই ! একটুকণের জন্তে চুপ ক'রে থাকল হিন্দুস্থানী বৌটি। তার পর বলল, তুমি খুব ভাল লোক মাইজি। তোমার খোকাবাবুও খুব ভাল। হামার খুব ভাল লাগে ওকে। ছ'মাস তোমাকে ঘুঁটিয়া দিচ্ছে হামি, কভি গরুবরু নেছি হুয়া—

হিন্দুস্থানী বৌটির কথাগুলো বড় ভাল লাগল মমতার। মিটসেফ থেকে ছোটো কলা আর খান তিন-চার হাতে-গড়া রুটি এনে তার হাতে দিয়ে বললে, তোমার ছেলেকে খেতে দিস বৌ। যাবার আগে একবার আসিস, কেমন ?

সন্ধ্যার মুখে বেরুল অতীন। দীপুও ছাড়ল না কিছুতে, সঙ্গ নিল। মমতা বলল, বেশি দেরি ক'রো না, আমিও একবার বীরুদার বাড়ী যাব বৌদির সঙ্গে দেখা করতে। টুকুনের ঠাকুরার সঙ্গেও ইচ্ছে আছে একবার দেখা করার। চ'লে যাব কাল, বুড়ি অত করে আপদে-বিপদে, না দেখা করাটা অন্তায় হবে। তুমি এলে তবে বেরুতে পারব—

অতীনরা বেরিয়ে গেলে মমতা কাপড় বদলাল। দোরে-দোরে জল ছিটিয়ে লক্ষীর পাটের প্রদীপটা জ্বালল, তার পর শাঁখটা তিনবার বাজিয়ে, ঠাকুর-প্রণাম সেরে দেওয়ালের গারে ঝোলানো খণ্ড-শাওড়ীর কটোর দিকে

নজর করতেই খেয়াল হ'ল সেগুলো নামিয়ে রাখা হয়েছে। মুহূর্তের জন্তে মনটা কেমন বিবল হয়ে উঠল মমতার। ঘরটা কেমন ফাঁকা ফাঁকা ঠেকছে। দেওয়াল-গুলো আদল-গা। শুধু কয়েকটা পেরেক আর ফটোর ফ্রেমের মাপে ধুলোর দাগ। মশারির দড়ি, পুরণো ক্যালেন্ডার, আর দীপুর স্বহস্ত-অঙ্কিত পেলিল-রেখায় মামদো ভূতের চেহারা। এ পাড়াতেই থাকে তপুরা—মা-মরা ছেলেটা মমতার বড় ছাওটা, ঝগড়া ক'রে এসে দেওয়ালে ওর ছবি এঁকেছিল দীপু, তলায় 'মামদো ভূত' কথাটা তাকে লক্ষ্য ক'রেই লেখা।

অনেকক্ষণ ধ'রে তাকিয়ে তাকিয়ে দেখল মমতা, হাসল একবার নিজের মনে। হঠাৎ মনে প'ড়ে গেল তার, তপু ক'দিন আসছে না, জ্বর হয়েছিল শুনেছিল, কেমন আছে সে।

হাতে কোন কাজ ছিল না, বিছানাটা ঝেড়ে মশারিটা খাটাল মমতা। তার পর জানলাটা বন্ধ করতে গিয়ে কি ভেবে কে জানে, ধুলে দিল হাট ক'রে। বসল ধারটিতে গিয়ে। রাস্তাটা অন্ধকার, আলো জলে নি এখনও। হয়ত আজও লাইন বিগড়েছে। এধারে-ওধারে বাড়ীর জানলা-দরজা দিয়ে যা একটু-আধটু আলোর ফালি এসে পড়েছে। শীতের ধোঁয়ায় সার্চ লাইটের ফলার মত স্পষ্ট। দূরের কোন বাড়ী থেকে ভেসে আসছিল রেডিওর গান, এধার-ওধারের ঘর থেকে কোন পড়ুয়ার গলা, হিন্দুস্থানী কুলি-ব্যারাক থেকে কোন হরস্ব ছেলের হটোপুটির শব্দ। কখনো কখনো মাল-গাড়ী শাফিং-এর ভোঁস ভোঁস।

অন্ধকার রাস্তায় চোখ মেলে চুপচাপ ব'সে ছিল মমতা আর লোক-চলাচল লক্ষ্য করছিল। বাড়ীটা বড় ফাঁকা ফাঁকা ঠেকছে, দীপু নেই, অতীন নেই—সেই কখন বেরিয়েছে, এখনও ফিরছে না। ওধার থেকে জন তিন-চার ছেলে আসছিল কলরব করতে করতে। মুখটা ঘুরিয়ে দেখল মমতা। দীপকের দল। লেখাপড়া করে না, কাজকর্ম নেই, সারাদিন রোয়াকে ব'সে আড্ডা দেয়। ওদের মধ্যে ননীগোপাল ছেলেটা একটু ভাল।

অন্ধকারে চলন্ত দলটা একটু দাঁড়িয়ে পড়ল। জানলার ধারে এগিয়ে এসে দীপক বলল, আপনারা কি কালই চ'লে যাচ্ছেন বৌদি ?

হ্যাঁ ভাই, কালই যাচ্ছি। মাথার কাপড়টা অল্প একটু টেনে দিল মমতা।

কখন যাবেন ?

সকালেই।

একটুকণের জন্তে চুপ ক'রে রইল দীপক। তারপর বলল, পাড়াটা একেবারে ফাঁকা হয়ে যাচ্ছে। আসছে হুগুয় স্বধীরবাবুরাও চ'লে যাবেন। বঁড়শেতে বাড়ী কিনেছেন। তবু যাই হোক, আপনারা ছিলেন, পাড়ায় পূজো-আচ্চাটা হ'ত, এবার বোধ হয় বন্ধ হয়ে যাবে।

কেন ভাই, বন্ধ হবে কেন, তোমরা ত আছ। আমরা আর কি কাজে লাগতাম !

কাজে না লাগলেও মাথা হয়ে ছিলেন। আপদে-বিপদে অতীনদার কত পরামর্শ নিয়েছি ! সেবার সূর্য সংঘের সঙ্গে কালী পূজো নিয়ে ঝগড়া হবার সময় অতীনদা না থাকলে একটা বিস্তী কেলেকারি ঘটে যেত ! অতীনদা ছিলেন বলেই ব্যাপারটা আপোমে মিটে গেল, নইলে হয়ত ধুনোধুনি রক্তারক্তি হ'ত। যাকগে, কাল সকালে আসব'খন। আটটার আগে ত আর যাচ্ছেন না।

ওরা চলে যাবার পরও অনেকক্ষণ জানলায় ব'সে রইল মমতা। ছেলেগুলো আড্ডা দিক আর যাই করুক, ধুব ডু। পাড়ার ভাল-মন্দয় আগ বাড়িয়ে যায়। বেচারামের মা ম'রে যাবার সময় চাঁদা তুলে ওরাই সদগতি করেছিল বুড়ীর। ব্রাহ্মণের বিদবা, হয়ত ঘরেই পচত, কিংবা কর্পোরেশনের গাড়ী এসে গাদায় নিয়ে গিয়ে ফেলত ! ওরা ভার নেয় বলেই বছরান্তে পূজো-পার্বণগুলো এখনও হয় পাড়ায়।

চোদ্দ নম্বর বাড়ীর নিতাইয়ের মা একটা বাচ্চা ছেলে সঙ্গে কোথায় যেন চলেছিল। জানলায় মমতাকে দেখে থমকে দাঁড়াল। বলল, চুপচাপ ব'সে আছ যে দিদি ! বাড়ীতে কেউ নেই বুঝি ? উত্তরের প্রতীক্ষা না ক'রে সে-ই আবার বলল, আমারও আজ বাড়ীতে কেউ নেই, কর্তা গেছে বে-বাড়ীতে। মেয়েগুলোও গেছে সব। আমার নিজের শরীরটা ভাল নেই, তাই আর গেলাম না। তারপর প্রসঙ্গ পরিবর্তন করে : হ্যাঁ দিদি, তোমরা নাকি কালই এ পাড়ার মায়া কাটাচ্ছ ? কোথায় যাচ্ছ ভাই ?

অল্পদিন হলে মমতা হয়ত কথা বলত না, কিন্তু আজ শেষের দিনটায় মনটা যেন কেমন হয়ে গেল তার। বলল, যাচ্ছি ভাই হেদোর কাছাকাছি। যেও না একদিন—

যাব, নিশ্চয়ই যাব ! এখানে থাকতে ত আর তোমার ঋণ শোধ করতে পারলাম না ভাই ! ওটা শোধ করতেও যাব, অমনি বাসাটাও দেখে আসব।

মমতার মনটা যেন আজ শুক্কর ভিজে মনে হ'ল।

বলল, ও সামান্য ঋণের কথা আর তুলছেন কেন দিদি ! ওটা আর দিতে হবে না। আপনি এমনিই একদিন যাবেন—

তুমি ত আর কেউ চক্কোস্তির বৌ নও—তুমি যেমন ভাল ঘরের মেয়ে, তেমনি ভাল ঘরের বৌ—তুমি ত ও-কথা বলবেই ভাই। কেউর বৌটা ও-বেলা আমার কি অপমানটাই না করলে ! শেষে বলে কিনা বেরিয়ে যাও বাড়ী থেকে ! নিতাইয়ের মায়ের গলাটা ভারি হয়ে এল। কি বলব ভাই, বড় ছঃসময় পড়েছে, নইলে কি আর ও-কথা শুনেতে হয় ! সংসারে ছঃখীর মর্ম আর ক'জন্য বোকে ! অথচ আমারও বাপের পরস্যা ছিল, বাড়ী-ঘরদোর ছিল, আর যার হাতে বাপ তুলে দিয়েছিল আমার চিরকালের জন্তে, সেও পথ-কুড়োনো ছেলে ছিল না। কি করব, অদেউ—অদেউ—পোড়া অদেউর জন্তে আজ আমার এই হাল—

অন্ধকারেও মনে হ'ল নিতাইয়ের মায়ের চোখ দুটো জ্বল-চিক্‌চিক্‌ করছে।

একটুকু চুপ থেকে মমতা বলল, সঙ্গে এটি কে ভাই ?

ছেলেটার কাঁধে হাত রেখে নিতাইয়ের মা বলল, এটি আমার সম্পর্কে এক বোনপো হয়। বিত্ত দস্তের গলিতে উঠে এসেছে এরা আজ ক'দিন হ'ল। এখানকার দোকানপাট কিছু চেনে না। কোথায় আটা ভাঙাবে, কোথায় খুঁটে পাওয়া যায়, কয়লা পাওয়া যায় কিছুই জানে না। তাই একটু সঙ্গে নিয়ে বেরিয়েছি দেখিয়ে-চিনিয়ে দিতে। মধু গোয়ালার ছুধ খেয়ে ছ'দিনেই পেট ছেড়ে দিয়েছে এর বাচ্চা বোনটার। এই ত একটু আগেই নিয়ে গিয়েছিলাম আমাদের ছুধওয়াল। মাগীটার কাছে—ওই যে কি নাম যেন—

মমতার নিজেরও ওই সমস্তার কথাটা মনে এল। নতুন পাড়ায়, নতুন জায়গায় ওকেও ভুগতে হবে এখন কিছুদিন। এখানে উঠে আসার পর যেমনটি হয়েছিল। কোথায় দোকানপাট, কোথায় কি, কার ছুধে জল কম—পুঁজতে পেতে, ঠিক করতে বেশ কিছুদিন লেগেছিল। তার ওপর সব নগদ-নগদ কেনা। দুটি পরস্যা কেউ বাকি রাখে না, তবু যাই হোক এ-পাড়ায় পাঁচটা বাচ্চা-কাচ্চা ছিল, বীরুদারা ছিলেন, অসুবিধে হয় নি বিশেষ। সেবার অতীনের অসুখের সময় কি কম সাহায্যটা সে পেয়েছিল ঝুহদের কাছ থেকে ! রাত ছুপুরে কোথায় বরফ, কোথায় ডাক্তার, সে এক হলুফুল ব্যাপার। ডাকবামাতাই ছুটে এসেছিল ঝুহ—এতটুকুও মুখ ভার

করেনি। কে জানে, নতুন পাড়ার বাসিন্দারা হবে কেমন !

ছোট্ট একটা দীর্ঘশ্বাস কেলে উঠতে যাচ্ছিল মমতা, হঠাৎ চোখ পড়ল সামনের দোরে। রিকুশা থেকে নামছিল একটা বৌ, দু-তিনটি বাচ্চা আর মাঝবয়সী একটা লোক।

লোকটা ব্রহ্মবাহুবের মেজ ছেলে না ? টুক ক'রে ঘরের আলোটা নিভিয়ে দিয়ে, ফের জানলায় এসে চোখ দুটো তীক্ষ্ণ করল মমতা। হ্যাঁ, তাই হবে, বছর তিনেক আগে ভাগীর বিয়ের সময় এসেছিল। বৌটা এখন আরও মোটা হয়েছে।

ব্রহ্মবাহুবের অসুখ কি বাড়াবাড়ি নাকি ! জানলা দিয়ে ওদের ঘরটা একবার ভাল ক'রে লক্ষ্য করবার চেষ্টা করল মমতা। বড় ছেলেও এসেছে বোধ হয়। বৌটি ত দাঁড়িয়ে ঘরের চৌকাঠে।

কিন্তু অতীন, দীপু ফিরছে না কেন এখনও ? ব'লে দিল সে অত ক'রে সকাল-সকাল ফিরতে ! তা সেই দেয়ি ! এদিকে আটটা বাজতে চলল, কখনই বা বীরুদের বাড়ী যাবে, টুকুনের ঠাকুয়ার সঙ্গে দেখা করবে, আর কখনই বা রাতের খাবার ক'খানা তৈরি করবে !

তোলা উহুনটা ধরাতে যাচ্ছিল মমতা, অতীনরা এসে পড়ল। মমতা কোন কথা জিজ্ঞাসা করবার আগেই বিরক্তি-ভরা কণ্ঠে অতীন বলল, আর বল কেন, ছত্রিশ জনের সঙ্গে কেবলই দেখা হয়ে যায়, আর হাজার রকম জবাবদিহি করতে হয় ! আর তোমার এই ছেলেটিও হয়েছে তেমনি। যারই সঙ্গে দেখা হয়, 'আমরা এখান থেকে চ'লে যাচ্ছি, জানিস ?' ব'লে খবরটা না জানালে যেন চলছিল না !

মমতা সে কথায় কোন কান দিল না। বলল, সামনের বাড়ীর বুড়োর অবস্থা বোধ হয় ভাল নয় গো ! ছেলে-বৌরা সব এসে পড়েছে।...একবার দেখে এলে ভাল হ'ত। সামনা সামনি রয়েছি এতকাল, না গেলে বড় খারাপ দেখায়।

অতীন বলল, বেশ ত, একবার ঘুরে এস না ! কিন্তু বীরুদার ওখানে যাবে কখন ? এদিকে মেঘ করেছে খুব, এখুনি হয়ত জল নামবে ! যা করবে তাড়াতাড়ি কর—

সারা শরীরে একটা অপরিণীত ক্লাস্তি, নিদারুণ অবসাদ। চোখ দুটো যেন ঘুমে জড়িয়ে আসতে চায়। একবার ইচ্ছে হ'ল অতীনকে মমতা বলে, 'আজ পাঁচটুকু



কি মুড়ি খেয়ে রাতটা কাটিয়ে দেওয়া যাক,' কিন্তু মাথা ময়দার তালটা দেখে চুপ ক'রে গেল সে।

দীপু বিছানায় গিয়ে গুয়ে ছিল, মমতা চেঁচিয়ে বলল, ঘুমোস নি যেন বাবা, এখুনি গরম গরম ভেজে দিচ্ছি।

বাইরে বৃষ্টি নেমেছিল, ঠাণ্ডা হাওয়ার ঝলক আসছিল দরজা পথে। অতীন বলল, দরজাটা বন্ধ ক'রে দাও, নইলে ঠাণ্ডা লাগবে। সময়টা বড় খারাপ পড়েছে, চারধারে জরজালা হচ্ছে।

তপুটার নিমোনায় মত হয়েছে। মমতা বলল, ক'দিন আগে খুব জলে ভিজিয়েছিল ত! মা নেই, কাকীও নজর রাখে না ছেলেটার ওপর, আশা, আসবার সময় আঁচলটা তেনে ধরেছে—আসতে দেবে না কিছুতেই। বলে, তুমি বস মাসীমা, যাবে না! যত বলি 'বাবা আবার আসব,' শোনে না কিছুতেই। বলে, তোমরা ত চ'লে যাচ্ছ কাল এ-পাড়া থেকে, আর আসবে না! শেষে ওর কাকীই জোর ক'রে আঁচলটা ছাড়িয়ে নিল। সে কি কান্না ছেলেটার হাউ হাউ ক'রে—! কি করব, থাকবার যে উপায় নেই, নইলে কি আর ওই ছেলে ফেলে আসা যায়!

সামনের বাড়ীতে চুকেছিলে নাকি? বুড়োকে কেমন দেখলে?

বুড়োর অবস্থা ভাল নয়। ডাক্তারে জবাব দিয়ে গেছে। আজ দুপুর থেকে আবার উকি উঠছে।

কথাবার্তা বলছে?

বলছে মানে! জ্ঞান ত রয়েছে সম্পূর্ণ। এখন হয়েছে ছেলেমেয়ে সবাই ওর ভাল। অনন ছেলেমেয়ে ক'জন পাখ! আমি যেতেই, কষ্ট হচ্ছে, তবু হেসে বলল, এস মেয়ে, বস। ক'দিন বিছানায় প'ড়ে আছি, একবার উঁকি দিতেও কি নেই! মেজ ছেলের বড় ছেলেটা বিয়ে করতে রাজি হচ্ছে না, বুড়ো বলছে, দাঁড়া, উঠি আগে বিছানা থেকে, তার পর দেখব ভীষ্মের প্রতিজ্ঞা কতদিন থাকে। তোরা কেউ ভাবিস না, আমি ওর বিয়ের ভার নিচ্ছি—ও বৈরাগ্য আমরাও একদিন দেখিয়েছি!

কৌতুকের সুরে অতীন বলল, বুড়ো কি ভাবে, এ যাত্রায় ও উঠবে বিছানা থেকে?

না ভাবলে আর ও-কথা বলে! মেয়েকে বললে, নতুন বাজার থেকে ময়ূরপুচ্ছ আনিবে মধু দিয়ে মেড়ে দিতে! খেলে নাকি উকি ওঠা বন্ধ হবে।

সেকলে মাহুষ ত, পাঁচ রকম টোটকাটুটকির খবর জানে!

একখানা খালার খান তিনেক পরটা আর খানিক আলুর তরকারি সাজিয়ে দীপুকে বিছানা থেকে তুলে আনল মমতা। বলল, নে বাবা, ছ'খানা খেয়ে নিয়ে যত পারিস ঘুমো, কিছু বলব না। তার পর অতীনের উদ্দেশে বলল, তুমিও ব'সে যাও না, এই সঙ্গে। শীতের রাত, এখুনি ঠাণ্ডা হয়ে যাবে খাবার।

ঘরের আলো নিভিয়ে মমতা যখন মশারির ভেতর চুকল, খড়িতে তখন কাঁটায় কাঁটায় সাড়ে এগারোটা। আজও রাত হয়ে গেল তার গুতে। ভেবেছিল সকাল সকাল কাজ সারবে, কিছুতেই আর হয়ে উঠল না। পাশের গলির নালায় ছবুছবু জলের আওয়াজটা একটু একটু ক'রে বাড়ছে মনে হ'ল, টিপটিপ বৃষ্টি বোধ হয় জোরে নামল।

অন্ধকারে চোখ বুজে অনেকক্ষণ প'ড়ে রইল মমতা। ক্রান্ত চোখ দুটো জ্বলছে সেই কখন থেকে, তবু ঘুম আসে না। আবোল তাবোল রাজ্যের চিন্তা দমকা হাওয়ার মত এসে তার ঘুমের ঘরে যেন ডাকাতি করতে শুরু করেছে। বোজা চোখের সামনে কেবলই ভেসে ওঠে পাড়াটার ছবি। এখানে সব মুখ চেনা, সবার কণ্ঠস্বর পরিচিত, ভালোয়-মন্দয় মেশানো লোকগুলোর সব রকম ব্যবহারই জানা হয়ে গেছে মমতার। আর ওখানে, ওদের নতুন বাড়ীর পাড়ায় একটি লোকও তার চেনা নয়, জানা নয়, একটি দিনের জন্তেও তাদের মুখ দেখে নি সে। তারা কেমন লোক, ভাল না মন্দ, মিণ্ডকে না কুঁহলে, কিছুই জানে না সে। সুখে-দুঃখে, আনন্দ-বেদনায় জড়ান দিনগুলো তাদের যে ঘরে, যে বাড়ীতে, যে পাড়ায় দীর্ঘকাল ধরে কেটেছে, সেখানে আজই তাদের শেষ রাত্রি যাপন। কাল থেকে তারা সম্পূর্ণ এক নতুন জগতের বাসিন্দা, তাদের পুরোনো এ পাড়াটা শুধু একটা স্মৃতি মাত্র হয়ে যাবে আর কয়েক ঘণ্টা পরে। শ্যাওলাধরা কলতলায় সকালের যে রোদ মাত্র ঘণ্টা কয়েকের জন্তে এসে একবার দেখা দিয়ে যায়, বিকেলের যে আলো পশ্চিমের জানলা দিয়ে মাত্র ক'টা মুহূর্তের জন্তে ঘরের ভেতর উঁকি দিয়ে যায়, সে রোদ আর সে আলো হয়ত ও বাড়ীতে আছে, কিন্তু তবু সে আর এ বুঝি এক জিনিস নয়। রোঁয়া-ওঠা মুখপোড়া কাক হয়ত ও পাড়াতেও আছে অনেক, তবু যে কাকটা সকাল বেলায় কলঘরের টিনের আড়ালে ব'সে তাকে আলাতন করে, ঠিক তার দেখা হয়ত ও পাড়াতে মিলবে না কোন দিন। এঁটো বাসনের গাদায় কবুক ক'রে উড়ে এসে

বসে যে চড়ুইগুলো, আর শাত রুঁকরে খায়, কিম্বা মিটসেফের গা বেয়ে সারবন্দী যে কাঠ-পিঁপড়ে খাবারের সন্ধানে ঘোরে, সেগুলো হয়ত এখন থেকে অল্প কোথাও ঘুরবে।

কিন্তু এসব কি ভাবছে আজ মমতা? মাথা খারাপ হ'ল নাকি তার? কাক-চড়ুই পাখী-পিঁপড়ে কি করবে না করবে, তা নিয়ে তার মাথাব্যথা কিসের?

আপন মনেই একবার হাসল মমতা। অতীন যদি শোনে একথা, নিশ্চয়ই তাকে ডাক্তারের কাছে নিয়ে যাবে।

ডাক্তারের কথা মনে আসতেই তপুর মুখখানা ভেসে উঠল চোখের সামনে। কাল সকালেই বড় ডাক্তার আসবে তাকে দেখতে। মা-মরা ক'চি ছেলে! জলে জলে ভিজেছে, কেউ নজর রাখে নি। এখন বুকে সর্দি চেপে বসতে খেয়াল হয়েছে কাকীর। এই দিন-সাতেক আগেও কাকী বকতে তার কাছে ছুটে চ'লে এসেছিল ছেলেটা। সারাদিন আর বাড়ী যায় নি। তারই কাছে খেয়েছে, ছপুরে তারই কোলের কাছটিতে শুয়েছে। সন্ধ্যাবেলা যাবে না, তবু খেলনার লোভ দেখিয়ে জোর ক'রে তাকে বাড়ী পাঠিয়ে দিয়েছে মমতা।

বালিশের ঝালর দিয়ে চোপটা একবার মুছে নিল মমতা। কাল তারা চ'লে যাবার আগেই যেন ডাক্তার আসে তাকে দেখতে। তবু খবরটা নিয়ে যেতে পারবে—

এরই মানে এক ফাঁকে কখন ঘুমিয়ে পড়েছে, বুঝতে পারে নি মমতা। হঠাৎ অতীনের ডাকাডাকিতে ঘুমটা ভেঙে গেল! শুনতে পেল মেঘ ডাকার শব্দ, সেট সঙ্গ মুহুমূহ বাজ পড়ার আওয়াজ। বাইরে মুলধারায় বৃষ্টি নেমেছে। নান্দাতা আমলের পুরোনো বাড়ী তাদের, ফাটা জানলার ফাঁক দিয়ে জল ঢুকে সারা মেঝেটা ভ'রে গেছে।

কিন্তু অতীন ডাকছিল শুধু সে-কারণে নয়। সামনের বাড়ীর ব্রহ্মবাহুব বোধ হয় মারা গেছেন। বৃষ্টি আর বাজের আওয়াজকে ছাপিয়েও মাঝে মাঝে ভেসে আসছে কান্নার রোল।

ধড়মড়িয়ে উঠে পড়ল মমতা। তাকের উপর টাইম-পিসটা দেখল একবার। রাত শেষ হয়ে গেছে। শুধু মেঘ ক'রে আছে ব'লেই এখনও অন্ধকার কাটে নি। রাস্তার দিকের জানলাটা একটু ফাঁক করল মমতা। পিচকিরির মত জলের ছাট এসে লাগছে মুখে। তবু একবার তাকিয়ে দেখল সামনের দিকে সে। ও-বাড়ীর

জানলাও বন্ধ। তবে সদর-দরজাটা হাট ক'রে খোলা। সেখানে দাঁড়িয়ে আছে ব্রহ্মবাহুবের বড় ছেলে আর ছোট ছেলে। ছ'জনেরই মুখ ভার। রাস্তার এক কোমর জল, ভেতরের উঠোনটাও ভ'রে গেছে জলে।

জানলাটা আবার বন্ধ ক'রে দিল মমতা। অতীন বললে, অসময়ে জল নেমে ত মহা বিপদ বাধালে দেখছি! এরকম জল হলে লরীই বা আসবে কি ক'রে, মালপত্রই বা উঠানো যাবে কি ক'রে!

আঁচল দিয়ে বৃষ্টিভেজা মুখটা মুছতে মুছতে মমতা বলল, এ যা জল দাঁড়িয়েছে, কোন গাড়ীই ঢুকবে না গলিতে। বুড়োর ছেলেরা দাঁড়িয়ে আছে চৌকাঠের ওপর, তাতেই ওদের হাঁটুর কাছে গিয়ে জল ঠেকাচ্ছে।

ঘরের বাইরে বেরিয়ে আকাশের চেহারাটা একবার দেখে নিল অতীন। বলল, আকাশের যা ভাবগতিক, তাতে ত মনে হয় না আজ আর বৃষ্টি থামবে। সারা আকাশটা কালো হয়ে আছে মেঘে মেঘে।

একটু চুপ থেকে অতীন আবার বলল, বৃষ্টি থামলেই বা যাওয়া হবে কি ক'রে! সামনের বাড়ীর ওই অবস্থা—জল একটু কমলেই ওরা মড়া বার করবে। এই ত একটুকুন সরু গলি—লরী দাঁড়াবেই বা কোথায়, আর ওরাই বা—

বাধা দিয়ে মমতা বলল, জলটা থামুক ত আগে। তার পর কি করা যাবে-না-যাবে ভাবা যাবে। হাজার হলেও সামনাসামনি বাড়ী—লোকে কি বলবে!

জল অবশ্য একটু বাদেই থামল, তবে আকাশটা তেমনি মুখভার ক'রেই রইল। জানলাটা সম্পূর্ণ খুলে দিল মমতা। গলির জল এর মধ্যে আরও খানিক বেড়েছে। সামনের ঘরে কান্নার আওয়াজ কমেছে, তবে থামে নি। ব্রহ্মবাহুবের জামাইয়ের সঙ্গে চোখাচোখি হয়ে যেতেই একটু স'রে এল মমতা।

রাস্তার জল এ-বাড়ীর কলতলাও ভাসিয়েছিল। শুধু বাথরুমটা একটু উঁচু ব'লে পৌঁছতে পারে নি। অতীনের মুখ ধোওয়ার পাট চুকলে মমতা গিয়ে চুকল বাথরুমে। যাবার সময় ব'লে গেল অতীনকে, দীপু যেন ঘর থেকে না বেরোয়। নইলে এখুনি নৌকো ভাসাবে আর জল ধাঁটবে।

কাপড় কাচার পাট সেরে বাথরুম থেকে বেরিয়ে দেখে সে, জানলায় দাঁড়িয়ে অতীন গণদেবের সঙ্গে কথা বলছে। মমতাকে দেখেই অতীন একটু হেসে বলল, আর কি, এবার উনুন ধরাও, রান্না চাপাও। গণদেব যা বলছে, তাতে আজ কেন, কালও আমাদের যাওয়া

হয় কি না সন্দেহ। ওধারের রাস্তায় মানুষপ্রমাণ জল দাঁড়িয়েছে।

হঠাৎ নিজেকে কেমন একটু হালকা মনে হ'ল মমতার। একটা চাপা আনন্দেই বুঝি চোখ দু'টো তার চক্চক্ ক'রে উঠল একবার। তবু যথাসম্ভব তা ঢাকবার চেষ্টা ক'রে বলল, নেহাৎই যদি না হয়, কি আর করা যাবে! পরক্ষণেই সুর পাটে : গণদেব জলে দাঁড়িয়ে কেন, ভেতরে এসে বসুক না—

চট ক'রে একবার ঘরের ভেতর ঢুকল মমতা। তাড়াতাড়িতে খেয়াল ছিল না ব'লেই বোধ হয় ভিজে কাপড়ের ডেলাটা হাত থেকে নামিয়ে রাখল খাটের বিছানার ওপর। তার পর লক্ষীর পাটের কাছে গিয়ে গলায় আঁচল দিয়ে বারবার ধ'রে অনেকক্ষণ প্রণাম করল।

## যুগসন্ধিক্ষণে আফ্রিকা

শ্রীবাসুদেব চট্টোপাধ্যায়

দ্বিতীয় মহাযুদ্ধোত্তর পৃথিবীর সুদূরপ্রসারী উল্লেখযোগ্য ঘটনা এশিয়া ও আফ্রিকার পরাধীন দেশগুলির স্বাধীনতা অর্জন। বিংশ শতাব্দীর ষষ্ঠ দশক বিশ্ব-ইতিহাসে একটি বিশেষ অধ্যায়—এই দশকেই দুর্বীর গতিতে পরিবর্তন আসিয়াছে আফ্রিকা মহাদেশে। যুগযুগান্তরব্যাপী নিদ্রার হইয়াছে অবসান। সুপ্তোখিত আফ্রিকা আজ প্রস্তুত, সাম্রাজ্যবাদী গোষ্ঠীগুলির সঙ্গে শেষ বোঝাপড়া করিতে। ইউরোপের বিভিন্ন দেশ বাণিজ্যিক স্বার্থে ছলেবলে-কৌশলে পৃথিবীর বিভিন্ন অঞ্চলে উপনিবেশ স্থাপন করিয়াছিল। আফ্রিকা ছিল তাহারই অশ্রুতম মূল্যবান্ শিকার। ১৮৮০ খ্রীষ্টাব্দ নাগাদ এই মহাদেশটি বন্ডিত হইয়া গেল ধনতন্ত্রের ধজাবাহী ইউরোপের প্রধান শক্তিগুলির মধ্যে।

শ্বেত জাতি কৃষ্ণকায় আদিম জাতিকে সুসভ্য করার যে নৈতিক দায়িত্ব প্রায় দুই শত বৎসর পালন করিয়া আসিল তাহার ফলেই না আজ এই মহাদেশে প্রাচুর্যের মধ্যে নিদারুণ দারিদ্র্য। শাসন ও শোষণের ফলে আফ্রিকা বিবর্ণ আর ইউরোপের ধনতন্ত্র রক্তিম। আলবার্ট সোয়েৎজারের ভাষায়, Who can describe the injustice and the cruelties that, in the course of centuries, they have suffered at the hands of Europeans ?

অক্ষরস্ব প্রাকৃতিক এবং মানবিক সম্পদ থাকে সত্ত্বেও বিদেশী-পদানত অশান্ত দেশের ভায় আফ্রিকার অর্থনীতি

অত্যন্ত অনগ্রসর। সাধারণ মানুষ শোচনীয় ভাবে প্রাণধারণের গ্লানি বহন করিয়া চলিয়াছে। তীব্র বর্ণ-বৈষম্যের জন্ত দক্ষিণ আফ্রিকায় শ্বেতাঙ্গ ছাত্রছাত্রীর দক্ষণ মাথাপিছু আশী পাউণ্ড ব্যয়িত হইলে, কৃষ্ণাঙ্গ ছাত্রছাত্রীর মাথাপিছু খরচ হয় মাত্র তিন পাউণ্ড। ১৯৫৩ সনের বাণ্ট শিক্স আইন অনুসারে দক্ষিণ আফ্রিকার শিক্ষাদপ্তর কৃষ্ণকায় আফ্রিকানদের যে কোন বিদ্যালয় বন্ধ করিয়া দিতে পারে। সমাজের সর্বস্তরে এইরূপ ঘণ্যতম বৈষম্য উপনিবেশিক শক্তিগুলির অধীন সব দেশেই পরিব্যাপ্ত ছিল। রাজনৈতিক অধিকার দেশীয় সম্ভানদের দেওয়া হয় নাই। তাহার ফলে শিক্ষাবঞ্চিত স্বাধীনতাপ্রাপ্ত শিশু দেশগুলি অভিজ্ঞতার অভাবে বিভিন্ন অসুবিধার সম্মুখীন হইতেছে। সংস্কৃতির ক্ষেত্রে দেখি একভাষী জাতিকে বহুভাষীভুক্ত, আবার বহু ভাষাভাষী বিভিন্ন গোষ্ঠীকে একই রাষ্ট্রভুক্ত করিয়া আফ্রিকার জাতীয়তাবাদ সৃষ্টির পথে প্রতিবন্ধকতার ব্যবস্থা করা হইয়াছে। উদাহরণ স্বরূপ বলা চলে, সোমালীভাষীদের উপযুক্ত সুযোগ দিলে একটি জাতি গড়িয়া উঠিবার পূর্ণ সম্ভাবনা ছিল। কিন্তু কৃত্রিমভাবে এই ভাষার মানুষ ব্রিটেন, ফ্রান্স ও ইটালীর অধিকারভুক্ত অঞ্চলসমূহে বিচ্ছিন্ন হইয়া পড়িয়াছে। ব্রিটিশ-অধিকৃত গোল্ডকোস্টে (বর্তমান ঘানার) একটি মাত্র কথ্য ভাষা আকানের চারিটি লিখিত রূপ সৃষ্টি করা হইয়াছিল। ঐক্যের উপাদান-গুলিকে কোন সময়েই বিদেশী শক্তি একত্রীভূত হইতে

সাহায্য করে নাই। তাহা ছাড়া শাসক জাতির সংস্কৃতি ও রাজভাষা মুষ্টিমেয় লোকেরই জ্ঞাত ছিল—আর ইহারাই হইয়াছিল ঔপনিবেশিক স্বার্থের তল্লাষী বাহক।

বিদেশীরাজ আফ্রিকার আদিম উপজাতীয় বিরোধ এবং দেউলিয়া সামন্ততন্ত্র অটুট রাখিবার চেষ্টা করিয়াছে। সাংবাদিক জনু গাছারের ভাষায় যতক্ষণ আফ্রিকা উপজাতীয় মনোভাবসম্পন্ন (সুতরাং আধুনিক চিন্তাধারা বর্জিত) আছে ততক্ষণ সে কোন সমস্তাই নয়।

কিন্তু অত্যাচার আর কুশাসনের মধ্যেই নিহিত থাকে মহামুক্তির তীব্র স্পৃহা। আফ্রিকাগণমানসে স্বাধীনতার আকাঙ্ক্ষা নিবাত নিষ্কম্প শিখার মত প্রোচ্ছল হইয়া উঠিয়াছে। আফ্রিকার নবজাগরণে ভারতবর্ষ চীন প্রভৃতি এশিয়ার দেশগুলির মুক্তি আন্দোলনের প্রভাব অপরির্সীম। এই মহাদেশে মুক্তি আন্দোলন যতই তীব্র হইয়াছে অকথ্য নির্ধাতন ততই অস্বাভাবিকভাবে বৃদ্ধি পাইয়াছে। পরশ্ব হস্তচ্যুতির ভয়ে ব্রিটিশ উপনিবেশ মন্ত্রী (২২শে অক্টোবর ১৯৫২) ঘোষণা করিয়াছিলেন—  
**Britain's ambitions in Africa are not going to be turned aside by a band of terrorists.**

কনিষ্ঠ ভ্রাতাই বা নীরব থাকিবে কেন। ইতিহাসে কাণ্ডজ্ঞানহীন পতুগীজ প্রতিনিধি নিরাপত্তা-পরিষদে সদস্তে জানাইলেন—**The Portuguese have been in Africa for five Centuries and they intend to stay whatever the cost.** মস্তিষ্কে বিকৃতি ঘটিলেই এইরূপ বেপরোয়া উক্তি করা সম্ভব।

দূরদর্শী ব্রিটিশ প্রধানমন্ত্রী হারল্ড ম্যাকমিলান সাম্প্রতিককালে আফ্রিকা পরিদর্শনে গিয়া সমগ্র আফ্রিকা-ব্যাপী জাতীয়তাবাদের তীব্র ফেনিলোচ্ছাস উপলব্ধি করিয়াছিলেন। ঊনবিংশ শতাব্দীর মধ্যপাদে, মধ্য ইউরোপে, বিংশ শতাব্দীর প্রথম ভাগে পূর্ব ইউরোপে এবং এই শতাব্দীরই মধ্যভাগে এশিয়ার বহনমুক্তির অলস্ত উদ্দীপনা আঘাত হানিয়াছিল প্রতিক্রিয়াশীল শক্তিকে। আজ সেই জাতীয়তাবাদের উত্তালতরঙ্গে আফ্রিকার আন্তরসৌন্দর্য ক্রমবিকাশমান, অপরধারে ঔপনিবেশিক শক্তিপ্রভার শেষ রক্তিমাজা বিলীয়মান।

গত ছয় বৎসরে আটাত্তি দেশ মুক্তির স্বাদ পাইয়াছে। ১৯৫০ সনে রাষ্ট্রসঙ্ঘে মিশর, ইথিওপিয়া, লাইবেরিয়া এবং দক্ষিণ আফ্রিকা স্বাধীন রাষ্ট্র হিসাবে সদস্ত ছিল। ১৯৫১ খ্রীষ্টাব্দ হইতে ১৯৫৮ খ্রীষ্টাব্দ পর্যন্ত লিবিয়া, সুদান,

টিউনিশিয়া, ঘানা, গিনি, বৈদেশিক-শাসন-মুক্ত হইয়া রাষ্ট্রসঙ্ঘে যোগদান করিল। ১৯৬০ খ্রীষ্টাব্দে বোলটি রাষ্ট্র এবং ১৯৬১ খ্রীষ্টাব্দে মরিটানিয়া ও সিয়েরা লিওন এবং ট্যাঙ্গাইনিকা স্বাধীনতা পাইয়াছে। কিন্তু আফ্রিকা আজও সম্পূর্ণ স্বাধীন হইতে পারে নাই। আন্ত-নিয়ন্ত্রণাধিকারের দাবীর উত্তরে পতুগীজ এ্যাঙ্গোলায় ও মোজাম্বিকে, পূর্ব আফ্রিকার কেনিয়ার ব্রিটিশ দমনমূলক-নীতি অহুসরণ করিতেছে। অগণিত শহীদের শোণিত-ধারায় আফ্রিকা সিক্ত। কঙ্গোতে রাষ্ট্রসংঘের প্রাক্তন মুখ্য পরিচালক ও'ব্রায়ানের বিবৃতিই বড়যন্ত্রকারী কায়েমীস্বার্থের স্বরূপ উদ্ঘাটন করিয়াছে। বেলজিয়ম, ব্রিটেন ও দক্ষিণ রোডেশিয়ার জঘন্য বড়যন্ত্র না থাকিলে হয়ত কঙ্গো অগ্ন্যস্ত্র দেশের ত্রায় শান্তি ও সমৃদ্ধির পথে অগ্রসর হইতে পারিত। দীর্ঘ আট বৎসর সংগ্রামের পর মাত্র কয়েকদিন হইল সংগ্রামের বিরতি হইয়াছে ফরাসী অধিকৃত আলজেরিয়ায়। বিভিন্ন রণাঙ্গনে পৃষ্ঠপ্রদর্শন করিয়া ফরাসী সামরিক মেজাজ সশিৎ হারাইয়া ফেলিয়াছে। এই সামরিকবাহিনী শ্বেতাঙ্গ 'কলোন'দের সাহায্যে আলজেরিয়ার স্বাধীনতার বাধা দিতেছিল। সম্প্রতি দ্বিগল সরকার ও কারহাত আক্রান্তের অস্থায়ী আলজেরিয়া সরকারের মধ্যে সন্তোষজনক ভাবে আলোচনা চলিতেছে। কিন্তু আলোচনার ফলাফল সম্পূর্ণ অনিশ্চিত। হয়ত কলোন নেতা সালোনের নেতৃত্বে রক্তক্ষয়ী সংগ্রাম দেখা যাইতে পারে, আবার আলজেরিয়া দ্বিধাবিভক্ত হওয়াও অসম্ভব নয় মোটেই।

সাম্য ও স্বাধীনতা লাভিত হইতেছে রোডেশিয়া ও নিয়াসাল্যাণ্ড যুক্তরাষ্ট্রে। কৃষকায়দের ভোটাধিকার সীমাবদ্ধ রাখিয়া নানাভাবে সংখ্যালঘু শ্বেতাঙ্গসম্প্রদায় প্রভুত্ব চালাইতেছে। নিয়াসাল্যাণ্ডের জননায়ক হেষ্টিংস বান্দা এবং উত্তর রোডেশিয়ার নেতা কেনেথ কাউণ্ডা এই ফেডারেশনের তীব্র বিরোধিতা করিয়াছেন। কিছুদিন পূর্বে ব্রিটিশ সরকার গণ-ইচ্ছাকে রূপায়ণের জন্ত উত্তর রোডেশিয়ার নূতন সংবিধান ঘোষণা করিয়াছেন। দক্ষিণ রোডেশিয়ার প্রধানমন্ত্রী শ্বেতাঙ্গ মোক্তার স্তার রয় ওয়েলনস্কি প্রত্যক্ষসংগ্রামের পর্যন্ত হমকি প্রদর্শন করিয়াছেন।

দক্ষিণ আফ্রিকার শ্বেতাঙ্গপ্রধান সরকার বিশ্ববাসীর নিকট বিকৃত ও নিষিদ্ধ। এই অ-গণতান্ত্রিক সরকার ১৯৪৮ সন থেকে আন্তর্জাতিক আইন, মানবিক অধিকার সনদ লঙ্ঘন করিয়া উৎকটভাবে বর্ণবৈষম্যনীতি অহুসরণ করিয়া চলিয়াছে। সার্পডিলের হত্যাকাণ্ডের পর কমন-



ওয়েলথ ত্যাগে বাধ্য হইয়াছে এই অসুন্দার দক্ষিণ আফ্রিকা সরকার। ১৯৬১ সনের ১৩ই এপ্রিল রাষ্ট্রসংঘের সাধারণ পরিষদ (প্রস্তাব নং ১৫১৪) দক্ষিণ আফ্রিকার বর্ণবৈষম্যের বিরুদ্ধে সদস্য রাষ্ট্রগুলিকে একক বা যৌথভাবে ব্যবস্থা গ্রহণের সুপারিশ করিয়াছে। আফ্রিকা সম্পর্কে রাষ্ট্রসংঘের কার্যাবলীর তীব্র সমালোচনা করা হয়। কঙ্গো বিষয়ে রাষ্ট্রসংঘের নির্দেশাবলী (১৯৬১ খ্রীষ্টাব্দের ১৪ই জুলাই, ২১শে জুলাই এবং ২ই আগস্টের গৃহীত প্রস্তাব) বেলজিয়ম উপেক্ষা করিয়াও ক্ষতিগ্রস্ত হয় নাই। বিজার্তার ঘটনায় ফরাসী সরকার রাষ্ট্রসংঘকে অগ্রাহ্য করিতে স্পর্ধা পাইয়াছে। এমনি ভাবে রাষ্ট্রসংঘের নির্দেশের মূল্য কতটুকু সেট সম্পর্কে সন্দেহ জাগিয়াছে। ইহা সত্ত্বেও স্বীকার করিতেই হইবে যে, বিভিন্ন স্বার্থের সংঘর্ষের মধ্য দিয়া উদ্ভেজনা-প্রশমনে অনন্ত প্রতিষ্ঠান রাষ্ট্রসংঘে। কিছুটা দৌর্বল্য থাকিলেও ইহার সাংস্কৃতিক বা অর্থনৈতিক উন্নয়নে সহায়তা এবং রাজনৈতিক ঘন্থে নৈতিক প্রভাব অসামান্য। আফ্রিকার স্বাধীনতা আন্দোলনে রাষ্ট্রসংঘের অবদান অনস্বীকার্য। বিশ্বের সর্বত্র উপনিবেশবাদের দ্রুত অবসান ঘটাইবার জন্ত রাষ্ট্রপুঞ্জ একটি কমিটি গঠন করিয়া বৈপ্লবিক সিদ্ধান্ত গ্রহণ করিয়াছে। এশিয়া ও আফ্রিকার বিভিন্ন নিরপেক্ষ রাষ্ট্রের যোগদানের ফলে রাষ্ট্রসংঘ সার্বজনীন বিশ্বসভার রূপ পরিগ্রহ করিতেছে।

এখন প্রশ্ন বর্তমান আফ্রিকা কোন্ পথে? বিশ্বের বিবদমান শক্তিগোষ্ঠীগুলি নানাভাবে নবজাগ্রত বাষ্ট্রগুলিকে বিশেষ মতবাদে পরীক্ষিত করিবার জন্ত বিশেষ প্রয়াসী। এই টানাপোড়েনের পরে আফ্রিকার ভবিষ্যৎ রূপ চিন্তা করা সহজসাধ্য নয়। তবে মূল শক্তিশালী চিন্তাধারা অসুন্দার করিলে দেখা যাইবে যে, নবীন রাষ্ট্রসমূহ মোটামুটি দুই পথে অগ্রসর হইয়া চলিয়াছে।

১৯৫৫ খ্রীষ্টাব্দে বান্দুং-এ আফ্রো-এশীয় সম্মেলনে আফ্রিকা হইতে মিশর, ইথিওপিয়া, ঘানা, লাইবেরিয়া, লিবিয়া ও সুদান যোগদান করিয়াছিল। ১৯৫৮ খ্রীষ্টাব্দে ইথিওপিয়া, ঘানা, লিবিয়া, লাইবেরিয়া, টিউনিশিয়া, মরক্কো, মিশর ও সুদান উপনিবেশবাদের দ্রুত অবসান এবং মানবিক অধিকারের প্রতি আত্মজ্ঞাপন ইত্যাদি বান্দুং নীতি গ্রহণপূর্বক বৃহৎ প্রজাতান্ত্রিক আফ্রিকা রাষ্ট্রগঠনের নীতি ঘোষণা করে। ১৯৬১ খ্রীষ্টাব্দের জানুয়ারী মাসে ক্যাসাবান্সা সম্মেলনে রাজনৈতিক মিলনের প্রতি বিশেষ গুরুত্ব আরোপ করা হয়। এই গোষ্ঠী বেলজিডে নিরপেক্ষ রাষ্ট্রসম্মেলনে যোগদান করিয়াছিল।

আফ্রিকার আর একটি চিন্তাধারা পশ্চিমী-ধেঁবা। নাইজিরিয়া, সেনেগাল, মাদাগাস্কার ইত্যাদি ফরাসীভাষী দেশগুলি ১৯৬১-র জুলাই মাসে ডাকার সম্মেলনে রাজনৈতিক একীকরণের পরিবর্তে ইউরোপীয় 'সাধারণ বাজার' অসুন্দারে অর্থনৈতিক ঘনিষ্ঠতার নীতি ঘোষণা করিল।

মে মাসে মনরোভিয়া সম্মেলনেও অর্থনৈতিক মিলনকেই দৃঢ়ভাবে সমর্থন করিয়াছে। ১৯৬২-র জানুয়ারী মাসে লাগোস সম্মেলনেও পূর্বোক্ত ঘোষিত নীতি সুস্পষ্ট করা হইয়াছে। আগামী এপ্রিলেই আদিস আবাবায় এই গোষ্ঠীর চূড়ান্ত সিদ্ধান্ত গৃহীত হইবে।

এই গোষ্ঠী পররাষ্ট্রনীতিতে উপনিবেশবাদের বিরোধী কিন্তু ক্যাসাবান্সা গোষ্ঠীর সঙ্গে ভিন্নমত পোষণ করিয়া অস্বামী আলজেরিয়া সরকারকে স্বীকার করে না। এই গোষ্ঠী আধুনিক মনতন্ত্র সমর্থন করে। ক্যাসাবান্সা গোষ্ঠী ভারতের ত্রায় সমাজতান্ত্রিক দাঁচের মিশ্র অর্থনীতি অসুন্দার করিতেছে। এই দুই গোষ্ঠীর প্রভাব ক্রমশঃই বৃদ্ধি পাইতেছে কিন্তু ইহাদের প্রভাবমুক্তও অনেকরাষ্ট্র রহিয়াছে।

অর্থনৈতিক এবং সেই সঙ্গে সাংস্কৃতিক উন্নয়নে উভয় গোষ্ঠীভুক্ত দেশগুলিরই প্রবল আগ্রহ। কিন্তু অনগ্রসর দেশ হিসাবে মূলধনের অপ্রতুলতা, দক্ষ কারিগরের অভাব বিশেষ প্রতিবন্ধক।

তাই লাইবেরিয়া, নাইজিরিয়া, ঘানা ইত্যাদি সকল রাষ্ট্রেই পাশ্চাত্যের দেশগুলি হইতে অর্থনৈতিক উন্নয়নের জন্ত সাহায্য গ্রহণ করিতেছে। উপযুক্তভাবে ব্যবহার করিতে পারিলে এই সব দেশ সমৃদ্ধ এবং গণতন্ত্রের সুদৃঢ় ভিত্তি হইতে পারিবে।

আফ্রিকার দিনে এশিয়া এবং আফ্রিকা একটা বিরাট সমাজ-সাধনার পরীক্ষা ক্ষেত্র—“নব অসুন্দারের অগ্রচ্ছটা”। আজ এই বিরাট অঞ্চলে ঐতিহ্য লঙ্ঘনের সংকল্প যতটা আছে ততটাই আছে নব্য শক্তির প্রতি আবেশবিহীনতা। বিদ্রোহের বাষ্পোচ্ছ্বাস ঘনীভূত হইয়া নবজীবনবাদের ভিত্তিমূল সৃষ্টির সময়ে ঐতিহ্যের সহিত বর্তমানের অভিজ্ঞতার সামঞ্জস্য করিয়া লইতে হইবে। সেকু তুরে, টম মবুয়া, অথবা নজুমার মত নেতাগণ আজ তাই আদিম মানুষকে ধীরে ধীরে শিক্ষিত করিয়া তুলিতে এবং আফ্রিকা পরিপ্রেক্ষিতে আফ্রিকার সমস্ত বিচারের সিদ্ধান্ত গ্রহণ করিয়াছেন। বিশ্ববাসী কোন বিশেষ মতবাদে অদীক্ষিত আফ্রিকার নিকট বিরাট আশা পোষণ করিতেছে।

রালফ্ বৃক্ষে তাই বলিয়াছেন : The under-privileged people of Asia and Africa are the biggest factors for our hopes for peace.



# ঈশ্বরশাস্ত্র



## শিলা কত বড় হয়

সব চেয়ে বৃহদাকার শিলা, যা দেখা গেছে বলে নির্ভরযোগ্য প্রমাণ আছে, তার ব্যাসের আয়তন ছিল ১৭ ইঞ্চি, অর্থাৎ প্রায় এক হাত। কিন্তু শিলায় এত বড় আয়তন সত্যই একটা অশাব্যবহার্য ব্যাপার। সাধারণতঃ খুব বড় শিলাগুলি হাঁসমুরগীর ডিমের আকারের হয়। বেশীর ভাগ শিলাই হয় তার চেয়ে অনেক ছোট, সিকি ইঞ্চি ব্যাসের মতন। বরফ হয়ে জমে যাওয়া বৃষ্টির ফোঁটা থেকে শিলায় উদ্ভব, তারপর বায়ুসাহিত আরো কত জগকণা তার সংস্পর্শে এসে জমে গিয়ে সংলগ্ন হয় তার সঙ্গে, তুপুঠে বর্ষিত হবার আগে, তার উপর তার পরিণত আকারের পরিমাপ নির্ভর করে।

ছেলেবেলায় শিলাবৃষ্টির সময় শিলা কুড়িয়ে খাওয়া একটা মহা আনন্দের জিনিষ ছোটদের কাছে। অনেকগুলি শিলা একসঙ্গে ক'রে কুমালে বেঁধে রাখলে সেগুলি জুড়ে গিয়ে নানারকমের দেখতে হয়, সেটাও একটা আনন্দদায়ক খেলা। কিন্তু শিলাপাত প্রায়শই আনন্দের জিনিষ হয় না। কসলের প্রচুর ক্ষতি হয় শিলাবৃষ্টির ফলে। সাধারণতঃ আমাদের দেশে যে সময় শিলাবৃষ্টি হয় তখন আম বড় হবার মুখে। শিলায় আঘাত আমের যেখানে যেখানে লাগে সেখানগুলি শক্ত হয়ে যায়, আহারযোগ্য থাকে না। শিলায় আঘাতে বাড়ী ও গাভীর জানাঘার কাঁচ ভেঙে যেতে আমরা দেখেছি, ছাগল ছেড়াও কচিং কদাচিং মারা যেতে শুনেছি। মানুষও যে মারা পড়তে পারে না এা মরে না এও নয়। উপরি উক্ত ১৭ ইঞ্চি ব্যাসের শিলাটি একটা হাতীর মাপের পড়লে তারও নিশ্চয় প্রাণনাশ হ'ত।

## হিমযুগ ও খণ্ডপ্রলয়

ইতিহাস বলতে আমরা যা বুঝি তা কিঞ্চিদধিক ২০০০ বৎসরের পুরণো। আরো পিছনে কোপাও কোপাও আমরা যেতে পারি, কিন্তু কিছুদূর গিয়েই এমন একটা জায়গায় এসে পৌছই যেখানে বিষ্ণু ও অবিহাসা, বেশীর ভাগই অবিহাসা, কিংবদন্তী ছাড়া আর কিছু আমাদের জন্যে অবশিষ্ট থাকে না।

অনেকে বলেন, এর কারণ আর কিছু নয়, মানুষ তখন জিহ্বাত পড়তে জানত না, তাই নিজেদের কোনো ইতিহাস তারা রেখে যেতে পারে নি। কিন্তু কপাটা বোধহয় ঠিক নয়।

তিন, চার, এমন কি পাঁচ হাজার বৎসর আগেও মানুষ যে সভ্যতার, সংস্কৃতির, স্ক্রটিসম্মত জীবনযাত্রার মাপের একটি সু-উচ্চ স্তরে এসে উপনীত হয়েছিল তার প্রচুর প্রমাণ প্রতিনিহিতই প্রত্নতত্ত্ব-বিদদের কল্যাণে পাওয়া যাচ্ছে। মিশর এবং পেরুর আদিম অধিবাসীরা তাদের মৃতদের দেহ কি উপায়ে যে সুরক্ষিত ক'রে রাখত, যাতে বহু সহস্র বৎসর পরেও সেই নাসিগুলি প্রায় অবিকৃত অবস্থায় আছে, তার রহস্য বর্তমান যুগের বিজ্ঞানীদেরও অজানা। এমন পুনরব্রত তারা বহন করত যা আজকের দিনের তাঁতি বা মিলওয়ালাদের

কমতার বাইরে। আজকের দিনের যান্ত্রিক যন্ত্রগুলির পিরামিড নির্মাণ করতে বললে তারা অশ্রুত বিপন্ন বোধ করবেন। হারাপ্‌পা, মোহাঞ্জোদাড়োর নগর-পরিকল্পনার কাছ থেকে এই যুগের ইম্প্রুভমেন্ট ট্রাষ্ট-দের অনেক কিছুই শিখবার আছে। অশ্রুত আশ্চর্যের বিষয় এই যে, এইসব সভ্যতা ও সংস্কৃতির সঙ্গে আমাদের পরিচয়ের একমাত্র সূত্র হচ্ছে এদের সমাধি। মানুষগুলির সমাধি, এবং সহস্র বন্দরগুলির সমাধি।

আজকের দিনের সভ্যতার যদি হাইড্রোজেন বোমার কল্যাণে হঠাৎ অবলুপ্তি ঘটে ত আমাদের ভবিষ্যৎশৌয়েরা বিংশ শতাব্দীতে উজিরে এসে ঠিক সেইভাবেই হোঁচট খেয়ে থামবেন, আমরা যেভাবে দু'হাজার বৎসর আগেকার ইতিহাসের এলাকার এসে থেমে যাই।

এই কিঞ্চিদধিক দু'হাজার বৎসর আগেকার সমৃদ্ধ সব সভ্যতা, হিটাইট, আমারাটাইট, ক'র্থেজীয়, ক্যালডীয়, ব্যাবিলোনীয়, ফিনিসীয়, সিন্ধুদেশীয়, এরা নিজেদের কি পরিচয় রেখে গেছে আমাদের জন্তে?

কিন্তু যখন তারা ছিল পৃথিবীতে, আজকের দিনের কোনো রাজা বা সাম্রাজ্যের চেয়েই তাদের প্রভাব-প্রতিপত্তি কিছু কম ছিল না।

তাদের নামের সঙ্গে জড়িত কতগুলি কিংবদন্তী ছাড়া আর কিছুই অবশিষ্ট রইল না এটা কিছুতেই সম্ভব হতে পারত না, যদি না একটা পণ্ডপ্রলয় জাতীয় কোনো-কিছুতে এদের সকলেরই প্রায় একই সঙ্গে অবলোপ ঘটত। অর্থাৎ এমনভাবে ঘটত, যাতে, প্রায় বাকী কেহ না রহিল বংশে দিতে বাতি।

এরকম পণ্ডপ্রলয় জাতীয় কিছু যে সত্যই ঘটেছিল, তার প্রমাণ পাওয়া গেছে সাইবেরিয়াতে, যেখানে প্রাগৈতিহাসিক জীবদের শেষ প্রতিনিধি ম্যামথরা শেষ চেষ্টা করে দেখছিল, এই হুম্মর পৃথিবীতে একটুপানি জারগার দখল নিজেদের জন্তে রাখতে পারে কি না।

পারল না। নিশ্চয় হয়ে গেল তারা।

এই ম্যামথরা, যাদের দাঁত বারো থেকে পনেরো ফুট লম্বা হ'ত, যারা হাতীদের চেয়ে বহু গুণ বড় আকারে, এরা দলে দলে সাইবেরিয়ার বনাঞ্চলে ঘুরে বেড়াত। কিন্তু কয়েক শতাব্দী ধ'রে শত শত ম্যামথের মৃতদেহ বরফ-সমাধি থেকে তুলে এনে তাদের মাংস খেয়েছে ঐ অঞ্চলের মানুষেরা, তাদের দাঁত বিক্রি করে পরস্পর করেছে। আর এ কাজ যারা করেছে তাদের প্রায় সকলেরই সাক্ষ্য হচ্ছে এই, যে, এই ম্যামথদের মুখে যে তুণ্ডলাদি ছিল দেখা গেছে, সেগুলি উষ্ণপ্রধান দেশের তুণ্ডলাদি। অর্থাৎ কিনা, সাইবেরিয়াতে যখন তারা চ'রে বেড়াত, তখন সাইবেরিয়া ছিল উষ্ণপ্রধান দেশ।

তাহলেই তিনটি কথা নিরে ভাবতে হবে। এক, ম্যামথদের দেহ এমন সুরক্ষিত অবস্থায় ছিল যে, তাদের মাংস আহারযোগ্য ছিল; দুই, তাদের মুখে তুণ্ডলাদি পাওয়া গিয়েছিল। তিন, সেই তুণ্ডলাদি উষ্ণপ্রধান দেশের।

ভূবিজ্ঞানীদের মধ্যে অনেকের ধারণা, যিহাজে, যখন-যখন

সের থেকে হিমপ্রবাহ উত্তর ভূমধ্যসাগরে ক্রমশঃ বরফের আভরণে ঢেকে ফেলেছিল, সেই সময় ম্যানথদের অবসৃষ্টি ঘটে। মানতে আপত্তি নেই, কিন্তু ঐ ক্রমশঃ কণাটা নিয়ে একটু গোল বাধে।

হঠাৎ যদি দেখা যায়, কলকাতার আবহাওয়া বদলে যাচ্ছে, ক্রমশঃ ঠাণ্ডা পড়ছে খুব বেশী করে, সেই ঠাণ্ডা ক্রমে ছুঃসহ হয়ে আসছে, আমরা কি করব? কলকাতা ছেড়ে চলে যাব, দক্ষিণে বা পশ্চিমে বা পূর্বে, যেকোনো ঠাণ্ডা একটু কম হবার সম্ভাবনা, সেইদিকে। আমরা হস্ত নিজের চাকরি, মেয়ের কলেজ এবং বিজ্ঞানীদের পরামর্শ, ইত্যাদির কথা ভেবে ছুঁচারদিনেরি করব, কিন্তু মানবেতর প্রাণীদের ও আর এসব ঝামেলা নেই। তাদের জৈবচৈতন্য তাদের অনেক আগেই গুরুতর পরিবেশ থেকে দূরে সরিয়ে নিয়ে যাবে।

কিন্তু দেখা যাচ্ছে, তা যার নি।

কি হয়েছিল তা হ'লে? অসহ্য ঠাণ্ডায় প্রাণ হারাবার পর বরফ প্রবাহ এসে যদি তাদের সমাধিস্থ করে থাকে তা হ'লে মৃত্যু ও সমাধিস্থ মধ্যকার সময়ের বাবধানটাকে বহু অল্প বনেই করনা করা যাক, তার মধ্যে তাদের দেহে পচন ধরত এবং তাদের মাংস এত কাল পরে এমন তাজা আহারযোগ্য থাকত না।

এই রহস্যের মীমাংসার ইঙ্গিত রয়েছে এদের মুখাভাঙ্গুরের তৃণ-শৃঙ্খলিতে। যখন এদের মৃত্যু হয় তখন এরা আহারে রত ছিল, আর চোয়ালের মধ্যে তৃণশৃঙ্খলিও যে তাজা অবস্থায় পাওয়া গেছে তাকে প্রমাণ হয় যে, হিমসমাধির পূর্বে এগুলিও পচে যাবার সময় পায় নি। অর্থাৎ যে হিমপ্রবাহে এদের মৃত্যু হয় সেটা ক্রমশঃ শৈত্যবৃদ্ধি হয়ে ঘটে নি, উপস্থাপন থেকে হিমযুগে উত্তরণ চক্রের পলকে ঘটেছিল। এই মুহূর্তে যারা পৃথিবীর একটি তাপপ্রধান অঞ্চলে নিশ্চিন্তে তৃণশৃঙ্খলি ভক্ষণ করত, ঠিক পরের মুহূর্তেই তারা ক্রমে বরফের মত হয়ে গেল এবং শুঁপাকার বরফের নীচে চাপা পড়ল।

সাইবেরিয়ার বরফের নীচে বেসমস্ত প্রাগৈতিহাসিক খোঁড়ার দেহ আবিষ্কৃত হয়েছে তাদের ভক্তি দেখে বোঝা যায় যে, তারা মৃত্যুর সময় স্থির হয়ে দাঁড়িয়ে ছিল। ব্যাপারটা যদি আকস্মিক শৈতাপাতের মত কিছু হ'ত তাহলে এরা নিশ্চয় যে যেখানে ছিল সেখান থেকে ছুট দিত এবং সেইরকম ভক্তিতেই তাদের দেহ আবিষ্কৃত হ'ত। সহজেই বোঝা যায় যে, একটা পরিপূর্ণ হিমযুগ মুহূর্তের মধ্যে এসে প'ড়ে এদেরও আচ্ছন্ন করে ফেলেছিল।

পৃথিবীর একটি বিস্তীর্ণ উষ্ণ অঞ্চলের তাপ মুহূর্তান্তের মধ্যে অসম্ভব হ্রাস ঘটে যাওয়ার কালে অত্যন্ত অল্পে নিশ্চয় ভীষণ রকমের বন্যা, সুরিকশা, ঝড়-টপসার ইত্যাদি দৈবহুর্কিত দেখা দিয়েছিল।

এইসব কারণে অসম্ভব হয় যে, আর থেকে পাঁচ-ছ'হাজার বৎসর আগের পরিষ্কার জলবায়ু আতীর কিছু একটা ঘটেছিল যার কালে



#### ম্যানথ

তখনকার দিনের মানুষরা তাদের বিচিত্র এবং সূক্ষ্ম সমস্ত সম্ভাষা নিয়ে একই সঙ্গে প্রায় লোপ পেয়ে যায়। এই কারণেই তারা নিজেদের সমাধি স্থির আর বিশেষ কিছু আমাদের জন্তে রেখে যেতে পারে নি।

পৃথিবীতে এইরকমের নিদারুণ দৈবহুর্কিতাক নিয়ে হিমযুগ কেন এসেছিল, নিশ্চয় কোনো প্রাকৃতিক কারণেই তা এসেছিল। সে কারণটি কি?

অনেকে মনে করেন, কারণটা হচ্ছে এই যে, পৃথিবী ঐ সময় নিজে অক্ষদণ্ডের উপর অনেকখানি কাঁচ হয়ে পড়েছিল। যাতে তার মেরু সংস্থান ব্যর্থ হলে।

কেন কাঁচ হয়ে পড়েছিল তা নিয়েও জল্পনা-কল্পনার শেষ নেই।

#### পেনিসিলিন

বর্তমান পেনিসিলিন ব্যবহারের বৌদ্ধিকতা সর্বপ্রথম বিজ্ঞানজ্ঞে মত ক্রমগতিতে বদলাচ্ছে।

১৯২৮ খ্রীষ্টাব্দে আলেকজান্ডার ফ্লেমিং যুক্তরাজ্যের এক উদ্ভিদবিদ্যে রোগ-জীবাণু ধ্বংস করার ক্রমশঃ প্রচেষ্টায়



এবং এঁকেই পেনিসিলিনের আবিষ্কারক বলে স্বীকার করা হয়। সেই থেকে তেরো বৎসর ধরে ছ'জন ব্রিটিশ ডাক্তার, হার্গার্ড ডব্লিউ ফ্লোরী এবং আর্নেস্ট চেন গবেষণা করে এর থেকে এমন একটি পদার্থ বিবাক্ত করেন, যা প্রয়োগ করে একটি পনেরো বৎসর বয়সের বালককে তাঁরা নিশ্চিত মৃত্যুর মুখ থেকে কিরিয়ে আনতে সমর্থ হন। এই পদার্থটির নাম দেওয়া হয় পেনিসিলিন।

ছ'তিন বৎসর এর ব্যবহার বৃদ্ধকেন্দ্রগুলিতে সীমাবদ্ধ থাকার পর ১৯৪৫ খ্রীষ্টাব্দে সাধারণ জনগণের চিকিৎসার ক্ষেত্রে এর প্রথম আবির্ভাব।

পেনিসিলিনের সৃষ্টি প্রচোগে তখন থেকে অগণিত প্রাণ রক্ষা পেয়েছে, অবর্ণনীয় বাতমার উপশম হয়েছে, অনেকগুলি সংক্রামক রোগ, যাদের সঙ্গে যুদ্ধ করার মত অল্প চিকিৎসকদের আগে জানা ছিল না, যেমন জীবাণুঘটিত এণ্ডোকাডাইটিস নামক হৃদরোগ, সিকিলিস, গনোরিয়া, এবং নিউমোককাস ঘটিত নিউমোনিয়া, দেখা গেল নবাবিষ্কৃত পদার্থটির এইসব রোগের জীবাণুর সঙ্গে যুদ্ধের এবং তাদের ধ্বংস করার ক্ষমতা অসাধারণ। এই আবিষ্কারকে তাই বর্তমান যুগের অস্বস্তম শ্রেষ্ঠ আবিষ্কার বলে অভিহিত করা হ'ল। এমন কথাও শোনা যেতে লাগল, যে, পৃথিবীতে রোগজীবাণু থেকে মুক্ত সত্যযুগের সূত্রপাত হল এতদিনে।

কিন্তু স্বাস্থ্যের ক্ষেত্রে সত্যযুগ কিরিয়ে আনার ক্ষমতা পেনিসিলিনের সত্যই আছে কি না, সাম্প্রতিককালে বিশেষজ্ঞদের মনে এই সম্বন্ধে সন্দেহ: গনীভূত হয়ে আসছে।

তার কারণ, অনেক ক্ষেত্রে পেনিসিলিন ব্যবহারের ফল মারাত্মক হতে দেখা গেছে। বিশেষজ্ঞরা বলছেন, পেনিসিলিন ইন্জেকশন বেসব রোগীকে দেওয়া হবে, তাদের মধ্যে শতকরা চারজনের ক্ষেত্রে allergy জনিত কুফল কখনোই ধরে নেওয়া যেতে পারে। এরা সবাই যে প্রাণে মারা যাবে তা নয়, কিন্তু এদের মধ্যে অনেককেই ভুগতে হবে প্রচুর এবং মৃত্যুর হারও এদের মধ্যে খুব কম নয়।

Allergy জনিত ঠাঁপানি ইত্যাদি রোগে ধারা কখনো না কখনো ভুগেছেন, পেনিসিলিন ব্যবহারের ফল তাঁদের মধ্যে অনেকেরই বেলায় খুব সাল্লাতিক হতে পারে।

এইক্ষেত্রে ইউরোপ আমেরিকাত: আজকাল পেনিসিলিন ইন্জেকশন দেবার সময় চিকিৎসকরা পেনিসিলিনের প্রতিবেধক নানাপ্রকারের গুণু, রক্তচলাচল বন্ধ করার বন্ধনী ইত্যাদি হাতের কাছে নিয়ে বসেন।

যুদ্ধ ক'রে ক'রে জীবাণুগুলিরও পেনিসিলিনের আক্রমণ প্রতিরোধ করার ক্ষমতা জন্মায়। কারণ একারণে পেনিসিলিন ব্যবহারের পর হরত দেখা যাবে, সত্যকার প্রয়োজনের সময় পেনিসিলিন আর কাজ করছে না।

এইসব কারণে, বিশেষ প্রয়োজনের ক্ষেত্রে তিন্ন অল্পজ পেনিসিলিনের ব্যবহার আজকাল বিশেষজ্ঞদের অনুমোদিত নয়।

### গোপন কথা

রাশিয়ার প্রধানমন্ত্রী ক্রুশ্চেভ একবার মস্কোর সাধারণ কক্ষীরা তাঁকে কি চে'খে দেখে জানবার জন্তে তাঁদের একটি পলীতে ছদ্মবেশে গিয়ে একটি রাজমিত্রীর সঙ্গে ভাব জমান। একটি গু'ড়িখানার বসে ছদ্মবেশে খানিক মদ্যপান করার পর কথার কথায় রাজমিত্রীটিকে তিনি জিজ্ঞেস করেন, ক্রুশ্চেভকে তার কেমন লাগে। চারপাশটাকে স্তম্ভর্ণে

একবার দেখে নিয়ে রাজমিত্রীটিকে তাঁকে ইশারা করে ডেকে নিয়ে যার অন্ধকার জনহীন একটা গলির মধ্যে। সেইখানে আবার চারমুখটাকে একবার দেখে নিয়ে তাঁর কানের খুব কাছে মুখ নিয়ে সে বলে, খুব ভাল লাগে আমার ক্রুশ্চেভকে।

ক্রুশ্চেভের জনপ্রিয়তা সন্থকে আমেরিকানদের রসিকতার এটি একটি নমুনা।

### একটি গুটিপোকা কতটা রেশম উৎপাদন করতে পারে

এক গুটিপোকায় গুটিতে কখনো কখনো ১০০০ গজের মতন রেশম-তন্ত পাওয়া গিয়ে থাকে। গুটিটিকে পরমজলে ডোবালে তন্ত আলগা হয়ে যায় এবং প্রায়শইই হীলের স্তোর মত টানা লম্বা সেই তন্ত অটুট অবস্থায় ছাড়িয়ে নেওয়া সম্ভব হয়।

### আমাদের নিকটতম নক্ষত্র

আমাদের নিকটতম প্রতিবেশী নক্ষত্রটির নাম আল্ফা সেন্টরি। দাঁটার সাতশ' মাইল বেগে চলে এমন একটি জেট সেনে চড়ে দশ লক্ষ বৎসরে আপনি এই নক্ষত্রে পৌঁছতে পারেন।

### কুকুরি

নেপালের প্রাচীন ইতিহাস গভীর রহস্যবৃত। পুরাতন পু'পি ইত্যাদি বা সে-দেশে পাওয়া গেছে, সেগুলি সমস্তই ধর্মসম্বন্ধীয় এবং রূপক ইত্যাদিতে পরিপূর্ণ। অনেক মনে করেন গৌতম বুদ্ধ আনু-মানিক ৪৫০ খ্রীষ্টপূর্বাব্দের কাছাকাছি কোনো সময় ধর্ম-দশনা উপলক্ষে নেপাল উপত্যকা পরিভ্রমণ করেন।

নেপালের অধিবাসী গুণাদের নেপালে প্রথম আবির্ভাব এবং কালক্রমে নেপাল বিজয়ের ইতিহাসও অস্পষ্ট। কথিত আছে, রাজপুতানার কোনো একটি প্রাচীন জাতি শত্রুপরিবৃত হয়ে, নিজদের খ্রীপুত্র-কস্তুরা যাতে শত্রু-কবলিত না হয় সেজন্ত তাদের সকলকে হত্যা করে বীরবিক্রমে শত্রুবাহ ভেদ ক'রে হিমালয়ের দিকে চলে যায়। এরাই পরে নেপালের গুণা নামক একটি গ্রামে এসে উপস্থিত হয় এবং সে দেশীয় মেয়েদের বিবাহ করে সেখানে উপনিবেশ স্থাপন করে।

নেপালের রাজধানী কাঠমান্ডু থেকে মাত্র ৫০ মাইল দূরের এই গ্রামটিতে সম্ভবতঃ এইভাবে পৃথিবীর বীরাগ্রগণা হুর্ধ্ব গুর্গাজাতির প্রথম উদ্ভব।

গুর্গাদের কথা মনে এলেই তাদের কুকুরির কথা না ভেবে পারা যায় না। আমাদের ছেলেবেলায় জানার পকেটে আমরা ছ'কলা ছুরী নিয়ে বেড়াইতাম। গুটা নানা কাজে লাগত। হাঁসের বা ময়ূরের পালাকের কলম কাটা, পেলিল কাটা, হাঁকাটা আমের বা শসা-পাঁকুড়ের খোসা ছাড়ানো, স্কলের ডেন্ডে নিজের নামের অক্ষর খোদাই করা, তামাসা-তুলাসা করে দেশোদ্ধারের জন্তে তৈরি হওয়া, সব ঐ দিয়ে চলত। কোনো কোনো কলহের নিষ্পত্তিও গুর সাহায্য হত মাঝে মাঝে। কুকুরির ব্যবহার তার চাইতেও ব্যাপকতর। আলানী কাঠ কাটা, তরকারি কোটা, কলের খোসা ছাড়ানো, এসব ত আছেই, তার ওপর আছে চিতাবাঘের ছুঁড়ি ফাঁসানো এবং তার চেয়েও গুরুতর কাজ,



বিপক্ষসাম্রাজ্যী স্ত্রীর নাক বা কান কেটে দেওয়া  
আর তার শ্রণীর গলাটি কেটে দেওয়া।

গুণীদের এই কুকুরির ব্যবহার সবচেয়ে  
নানারকম গল্প প্রচলিত আছে, তার অনেকগুলি  
সম্ভাব্যতার সীমানা ছাড়িয়ে যায়। একটি মোটা-  
বুটি বিশ্বাসযোগ্য গল্প বিগত মহাবল্লভ থেকে ফিরে  
এসে কেউ কেউ করেছেন। গল্পটি হচ্ছে এই।  
রাজ্যের পাহারার মিস্ত্রি একটি গুণী সৈনিক  
টহল দিতে দিতে ক্লান্ত হয়ে শত্রুদের আশ্রয়  
মধ্যে চুকে যায়। সেখানে গিয়ে সে দেখে,  
শত্রুসৈন্যরা জোড়ার জোড়ার এক-একটি কবল  
বুড়ি দিয়ে নিশ্চিন্তে ঘুমোচ্ছে। কুকুরিটি বের  
করে সে সেটাকে কাজে লাগাল। প্রত্যেকটি  
জোড় ভেঙে একটি করে শত্রুসৈন্যের গলাটি সে  
কেটে রেখে এল। ঘুম ভেঙে উঠে প্রতিটি জোড়ার  
অকতকঠ সৈনিকটির মনোভাব খুব বীরোপস  
হয়েছিল কি না বলা শক্ত।

নেপালের দশদিন-ব্যাপী দশরা উৎসবে  
অনেক মহিলা বলি হয় এইসব মহিষের  
মৃত্যুপাত কুকুরির এক আখ্যাতই করা নিয়ম।

কিন্তু এই কুকুরি দিয়ে নেপালী গুণীদের  
বিচার চলে না। গুণারা অনমনীয় হুর্দ্ব বীর  
কিন্তু সেই একই সঙ্গে তারা অত্যন্ত হাসিখুশী,  
শান্তিপ্রিয় জাতি।



### পালের জাহাজের দড়িদড়া

পালের জাহাজ আজকাল বড় আর একটা  
দেখা যায় না। অষ্টাদশ শতাব্দীতে বাষ্পীয় পোত  
আবিষ্কারের পূর্বে পৃথিবীর সমস্ত বাণিজ্যিক  
আদান-প্রদান যে সমস্ত পালের জাহাজে সমুদ্রপথে চলত, তাদের প্রতিনিধি  
হানীর প্রতি অঙ্গসংখ্যক পালের জাহাজে নাবিকদের কোথাও কোথাও  
মৌচালনা শিক্ষা দেওয়া হয়। এর মাধ্যমে, পাল, ইত্যাদিতে ব্যবহৃত দড়িদড়ার  
দৈর্ঘ্য ১৮ মাইল।

### অসাধারণ ছেলেমেয়ে

বিগত এক শতাব্দী ধরে অসাধারণ প্রতিভাসম্পন্ন ছেলেমেয়েদের  
সবচেয়ে মানুষের ধারণা একাধিকবার বদলেছে। উনিশ শতকের  
মাঝামাঝি সময়ে বিজ্ঞানীদের দৃঢ় বিশ্বাস ছিল, এরা ভাড়াভাড়ি খুব  
উজ্জ্বল হয়ে উঠে ভাড়াভাড়ি নিবে যায়। আগে পাকলে আগে পচবে,  
এই মতের বিরোধিতা করবার কথা কারও মনে হত না। এর  
কিছুদিন পরে শোনা যেতে লাগল, এই ধরণের ছেলেমেয়েরা পারিবারিক  
ও সামাজিক জীবনে নিজেদের খাপ খাওয়াতে পারে না, বেখানায়  
অকৃত ধরণধারণ হয় তাদের।

খুব সাম্প্রতিক কালে, বোধহয় দশ বৎসরও হয় নি এখনো,  
অসাধারণ বীশক্তিসম্পন্ন ছেলেমেয়েদের দিকে তাদের অভিভাবকদের  
এবং শিক্ষক-শিক্ষিকাদের দৃষ্টি বিশেষভাবে পড়তে আরম্ভ করেছে।

### ক্রিস্টিয়ান রাডিশ

এর আগে পিছিয়ে পড়া ছেলেমেয়েদের দিকেই বেশী করে নজর দেওয়া  
হত, মেধাবী ছেলেমেয়েরা ডবল প্রোমোশন পেয়েছে দেখলেই নিশ্চিত  
বোধ করতেন সবাই।

আপনার ছেলেমেয়েরা অসাধারণ কি না বলতে পারেন কি আপনি?  
কি করে সেটা বোঝা যায় তা কি আপনি জানেন? উপায় আছে  
বুঝবার।

যে সব ছেলেমেয়েরা অসাধারণ হয়, প্রায়শই দেখা যায়, তাদের  
পিতা-মাতা বা নিকট আত্মীয়দের কারও না কারও মধ্যে অসাধারণত্ব  
কিছু থাকে। জীবনে বড় রকম কিছু একটা করবার ক্ষমতা কোনো  
কোনো বংশের বিশেষত্ব। আপনার ছেলেমেয়েরা সেরকম বংশে  
জন্মেছে কি না তা আপনি সহজেই বলতে পারবেন।

অসাধারণ ছেলেমেয়েরা সাধারণতঃ ক্লাসে সবচেয়ে বরসে ছোট হয়।  
এবং তারও মধ্যে সে কোনো কোনো বিষয়ে দু-একটা ক্লাসের মত  
এগিয়ে থাকে।

হাতে কলমে করবার কাজের চাইতে যে সমস্ত কাজে বুদ্ধিবৃত্তির  
ব্যবহার বেশী, সেগুলির প্রতি এদের বেশী পক্ষপাত দেখা যায়। সাহিত্য,  
প্রাচীন ইতিহাস ও গণিত এদের আকর্ষণ করে বেশী।

এরা খেলাধুলা খুব পছন্দ করে এবং কোনো কোনো খেলার প্রায়শই

এরা প্রারম্ভিকভাবে জর্জন করে। যে সমস্ত জীৱার সাক্ষ্য বুদ্ধিসাপেক্ষ সেগুলিই এরা ভালবাসে বেশী, যেমন ফুটবল, বেস্বল, বঁড়শিতে মাছ ধরা, ইত্যাদি।

এরা বই পেলেই পড়ে, তা সে হাসির গল্পই হোক আর অভিধানই হোক। উৎসাহ জিনিষটা এদের স্বভাবে বেশী থাকে। অল্প ছেলে-বেরেদের সঙ্গে তুলনার এরা সব-কিছুই বেশী উৎসাহ সহকারে করে। জীবনে অনেক বেশী বিষয়ে এরা রস পায়, এমন কি জীবনটাকেই এরা রস পায় অল্পদের চেয়ে অনেক বেশী।

উপযুক্ত পরিবেশ পায় না বলে এদের প্রকৃত্য অনেক সময় নিপুস্ত হয়ে যায়। তাই এই বিশেষ পরিবেশ সৃষ্টি করবার জন্যে ইউরোপ আমেরিকার এদের জন্যে পৃথক স্থান, বা একই স্থানের মধ্যে পৃথক স্থানের ব্যবস্থা করবার চেষ্টা করা হচ্ছে।

### কাঁচে দাগ কেটে কি হীরার পরীক্ষা হয় ?

না। হীরার দাগ কেটে দাগ কাটা ব'র সত্যি কথা, কিন্তু ইশ্যাত, চুর্ণী, মীলা ও পান্না দিয়েও তা করা যায়। এমন কি কাঁচ দিয়েও কাঁচে দাগ কাটা সম্ভব। পনিজ ও মণিমাণিক্যের কাঠিন্তের মাপকাঠির উচ্চনীমা যদি ১০ ধরা যায় তা কাঁচের জায়গা ৫ বা ৬ এর গাঠে। কাঁচের সমান বা তার চেয়ে সামান্য বেশী কাঠিন্ত যে-কোনো পদার্থ দিয়ে দাগ টানলেই কাঁচের গায়ে দাগ পড়বে। অতএব আপনি যেটাকে হীরার ভাবছেন, সেটা সত্যিই হীরার কি না তা জানবার সত্যিকার উপায় হ'ল একটি সদাশয় জহরীকে দিয়ে সেটাকে ঘাচাই করে নেওয়া। সদাশয় জহরী কোণার পাওয়া বাবে সেটা আশা করি আমাদের কাছে জানতে চাইবেন না।

### পাকস্থলীর বাতায়ন

এর রে-র আবিষ্কার এখনো হয় নি, পাকস্থলীর অভ্যন্তরে খাদ্যবস্তু জীর্ণ হবার প্রক্রিয়া পৃথানুপৃথান ভাবে প্রত্যক্ষ করতে পেরেছিলেন একজন ডাক্তার। তাঁর এবং মানব-সম্ভ্যতার কপালগুণে একটি পাকস্থলীর বাতায়ন খুলে গিরেছিল তাঁর চোখের সামনে।

সে এক রোমাঞ্চকর কাহিনী।

১৮২২ খ্রীষ্টাব্দের এক কনকনে ঠাণ্ডা শীতের রাত্রে যুক্তরাষ্ট্র ও ক্যানাডার সীমান্তবর্তী এক জায়গায় ক্যাম্পের আগুনের পাশে আলেক্স সেন্ট মার্টিন নামক উম্মিশ বৎসর বয়সের একটি ফ্রেন্স ক্যানাডীয় তরুণের সঙ্গে একজন বিরাটাকার শিকারীর কোনো কথা নিয়ে হুলস্থূল হয় এবং একটি দোনলা বন্দুক নিয়ে ছুজনে কাড়াকাড়ি করতে থাকে। হঠাৎ বন্দুকের আগুয়াজ হবার সঙ্গে সঙ্গে সেন্ট মার্টিন অক্ষুট আর্জনাদ করে বুক চেপে গুয়ে পড়ে আগুনের পাশে।

কাছেই কোর্ট ম্যাকিসাক। সেখানকার ডাক্তার উইলিয়াম বোম্বর্ট্ খবর পেয়ে চলে আসেন ছেলেটিকে দেখতে। দেখবার পর সে-রাত্রে তাঁর ভায়েরীতে তিনি লেখেন : "দেখলাম বাইরের কতস্থান দিয়ে একটা টাকার ডিমের মত বড় একটুকরা ফুসফুস বেরিয়ে এসেছে, তার নীচে বেরিয়ে রয়েছে পাকস্থলীর খানিকটা, আর তাতে এতবড় একটা ফুটো বার ভিতর আমি আমার তর্জনীটা ঢুকিয়ে দিতে পারি। .....ছেলেটাকে বাঁচাবার কোনো চেষ্টা সম্পূর্ণ নিরর্থক বলেই আমার মনে হ'ল।"

কিন্তু আলেক্স সেন্ট মার্টিন মরল না। পরদিন সকালে বেশ কিছু

বিশ্রাবিষ্ট ডাক্তার উইলিয়াম বোম্বর্ট্ তাকে নিজের কেবিনে নিয়ে এগের।

মাস চারেকের মধ্যে সেন্ট মার্টিন সম্পূর্ণ সেরে উঠল সবদিক দিয়ে, কেবল তার পাকস্থলীর সেই ফুটোটা বন্ধ হল না। বাস্তবিক-এতই বড় ছিল সেই ফুটোটা, যে ডাক্তার বোম্বর্ট্ তার উপর পুন্টিস চাপা দিয়ে রাখতেন, যাতে খাদ্যবস্তু বেরিয়ে না আসে তা দিয়ে।

আরও কিছুদিন কাটবার পর ফুটোটা ঢেকে গেল পাতলা একটি চামড়ার আবরণে, কিন্তু সেটা গজাল এমন ভাবে, যে, ইচ্ছে করলেই আঙুল দিয়ে সেটাকে সরিয়ে ফুটোটাকে খুলে দেওয়া যায়।

ডাক্তারের কপালগুণ ছাড়া এটাকে আর কি বলা যাবে? পৃথিবীর কোনো মানুষ এর আগে বা কখনো ভাবেনি, তা দেখতে পাবার সৌভাগ্য খটে গেল ডাক্তার বোম্বর্ট্‌র। আঙুল দিয়ে ফুটোর উপরকার পর্দাটি যখন ইচ্ছে সরিয়ে তিনি পাকস্থলীর স্পন্দন, খাদ্যবস্তু জীর্ণ হবার প্রক্রিয়া, ইত্যাদি প্রত্যক্ষ করতে লাগলেন। দরকার মত খাদ্য বা পানীয় ফুটোর ভিতর দিয়ে ঢুকিয়ে, আবার দরকার মত সেগুলিকে বের করে নিয়ে তাঁর পরীক্ষা-নিরীক্ষার কাজ চলতে লাগল।

এইসব পরীক্ষা-নিরীক্ষার ফলে বিজ্ঞানীদের পূর্বতন অনেক বহুমূল ধারণা ধলিসাৎ হয়ে গেল। এই প্রথম জানা গেল, পচনের মত কোনো প্রক্রিয়ার সাহায্যে খাদ্যবস্তু জীর্ণ হয় না, বা জীর্ণতাকলের মত করে পাকস্থলী খাদ্যবস্তুকে পিষেও নেয় না জীর্ণ করবার জন্যে। বোম্বর্ট্ প্রথম প্রমাণ করলেন, খাদ্যবস্তু জীর্ণ হয় জারক (Haberz) রসের সাহায্যে।

কোন খাদ্য হজম হতে কত সময়ের দরকার হয়, ডাক্তার বোম্বর্ট্ তাঁর একটি তালিকা তৈরি করলেন। এই তালিকাটিকে ভিত্তি করেই আজকের দিনের ডায়েরটিক্‌স্ নামক বিজ্ঞানের উদ্ভব।

১৮৩২ খ্রীষ্টাব্দে, অর্থাৎ আলেক্স সেন্ট মার্টিনের পাকস্থলী জখম হবার দশ বৎসর পরে ডাক্তার বোম্বর্ট্ তাঁর পাকস্থলীর জারক রস একটি বোতলে জমিয়ে হাইড্রোজেনের একজন বিখ্যাত রাসায়নিক ব্যারন গনস্ জ্যাকব বাঞ্জেলিউসের কাছে পরীক্ষার জন্যে পাঠিয়ে দেন। বাঞ্জেলিউস দুটি জিনিস পান এই রস বিশ্লেষণ করে, একটি হাইড্রোজেনিক এসিড, অপরটি যে কি তা তিনি বুঝতে পারেন নি। তিন বৎসর পর একজন জার্মান বৈজ্ঞানিক ডাক্তার শিওডোর সগরান এই অজাত পদার্থটির স্বরূপ নিষ্কারণ করলেন। জানা গেল এই পদার্থটি পেপ্‌সিন।

স. চ.

### দীর্ঘায়ু

আজকাল লোকে বাঁচে আগের চেয়ে বেশী, যদিও অনেকে এটা চাননা। যদি আপনার সাধারণ স্বাস্থ্য মোটামুটি ভাল হয়, তা হ'লে আপনি যে বেশীদিন বাঁচবেন, এটা আজকালকার ডাক্তার এবং প্রাপ্তবয়স্কদের প্রচার করে থাকেন। ১৯০০ খ্রীষ্টাব্দে মানুষ মতদিন বাঁচত, আজকাল তার চেয়ে কুড়ি বৎসর বেশী বাঁচে। পরমায়ু আরো দশ বৎসর বেড়ে যেতে পারে কিছুদিনের মধ্যে, কারণ রোগ সারাবার ও রোগের প্রতিষেধক গুণ্য জন্মেই বেড়ে চলেছে এবং জনস্বাস্থ্যকার ব্যবস্থাদির উন্নতি হচ্ছে।

পরমায়ু বাড়ছে। এখন আর জীবনবুদ্ধ থেকে স'রে বাঁচাবার ভাবনা ভাবতে হবে না। এখন ভাববেন, সুস্থ জীবনের মধ্যে পুনঃ-

প্রতিষ্ঠিত হওয়ার কথা। বিলাত, যুরোপ ও আমেরিকার এটা নিয়ে দানা আলোচনা চলছে।

ব্যবসা-বাণিজ্যের ক্ষেত্রে পেন্সন প্রথা চালু হওয়া এর একটা কারণ, এবং জাতীয় বীমা আর একটা কারণ।

এখন এই বাড়তি পরমাণু নিয়ে আমরা করব কি, এই হচ্ছে প্রশ্ন। এতদিন পর্যন্ত ত আমাদের জাগরণের সব ক'টা খটাই প্রায় জীবিকা অর্জনের কাজে ব্যয় করতে হত। বাণিজ্য-আসার কাজে কিছু সময় যেত। কাজেই অবসর সময়টা ছিল অত্যন্তই কম।

উত্তরে বলা যায় যে, আমাদের অধিকাংশেরই অস্বস্তিকর সত্য নিয়ে খুশিরত জীবন যাপন করার একটা গভীর বাসনা আছে। খুব অধিক সংখ্যক মানুষ শীঘ্রই এভাবে থাকতে সক্ষম হবেন। প্রত্যেক মানুষকে অবশ্য ভেবে স্থির করতে হবে যে তিনি কি ভাবে জীবন যাপন করতে চান, এবং সোচ্চারিত তার ব্যবস্থা করতে লেগে যেতে হবে।

তবে একটা জিনিষ মনে রাখা অত্যন্ত আবশ্যিক। প্রতিবেশীদের সঙ্গে রেয়ারিবি আর চলবেনা, জীবনযাত্রার মান বদলে ফেলতে হবে। পেন্সনের আয়ে খুব কলাও করে পাকা ত চলেনা।

টাকার কম দিতে হবে, স্বপ্নের স্বপ্ন ও আসল শোধ, জীবনবীমার প্রিমিয়াম দেওয়া প্রভৃতি খরচ সম্ভবতঃ আর থাকবে না। কাপড়-চোপড় বেশী খরচ না করলেও চলবে।

অবসর সময়ের কাজ, ইংরেজিতে যাকে hobby বলে, তার প্রয়োজনীয়তা এখন বিশেষ রকম বেড়ে যাবে। এ বিষয়ে আমেরিকায় কি হচ্ছে দেখলে আমরা অনেক কিছু জানতে পারি। ছোটখাট ব্যবসা শুরু করে অনেক লোক খুব কৃতকার্য হয়েছেন সেখানে।

যারা ম'ছ ধরতে ভালবাসেন তারা এ সময়ে ছিপ, স্ক্রুটো বঁড়শি প্রভৃতি অনায়াসে তৈরি করতে পারেন, শিকারীরা বন্দুক মেরামত করতে পারেন, অস্ত্র অস্ত্রশস্ত্র শান দিতে পারেন। ব্যারামবিদ্রা দিক্‌টের ব্যাট ও টেবিলের ব্যাকেট প্রভৃতি ঠিক করতে পারেন। যারা ডাকটিকিট সংগ্রহ করেন তারা সেগুলির বাজার-দরের পোজ নিতে পারেন।

যারা ফুল ও তরকারির বাগান পছন্দ করতেন, এখন ঐ দিকে বেশী করে মন দিয়ে নিজের বাড়ীর প্রয়োজন ত সমস্তই মেটাতে পারেন। যা বাড়ীতে প্রয়োজন নেই তা বাজারে বিক্রী করে দেওয়া যায়। যারা এককালে অতীত কালের নামা জিনিষ খর মাজার জন্তে আহরণ করতেন, তারা সেইরকম জিনিষ, তা ছাড়া আসবাবপত্র নতুন ক'রে পালিস ক'রে বিক্রী করতে পারেন। যারা নৌকা চালাতেন অবসর বিনোদনের জন্তে, তারা তৈরি নৌকার ব্যবসা করতে পারেন।

যে সব জিনিষে আগে আনন্দ পেতেন, সেইগুলিই জীবিকা অর্জনের জন্য অবলম্বন করলে মনে প্রচুর সুখ-শান্তি থাকে, সম্ভ্রাযের অভাব হয় না।

একজন পরবর্তী বৎসরের বৃদ্ধ এক নতুন ব্যবসা ফেঁদেছেন। আগে ধাঁস মুরগী পুষতেন, এখন ডিমের উপর নানারকম নানা রং-এর ছবি এঁকে বাজারে বিক্রী করেন। মানুষের মুখই বেশী আঁকেন।

আর এক বৃদ্ধ নাতিমাতুলীদের জন্মদিনে উপহার দেবার জন্যে নিজে খেলনা তৈরি করতেন। সেগুলি দেখে সবাই খুব তারিক করত। এখন তিনি খুব কলাও ক'রে এই কাজ চালাচ্ছেন, কারখানাই খুলে বসেছেন।

অবসরপ্রাপ্ত এন্জিনিয়ার, কলকজার মিস্ত্রি, প্রভৃতি মানুষেরা নিজের নিজের লাইনে কতরকম নতুন জিনিষ উদ্ভাবন করছেন। একজন ডাক্তার যব গম প্রভৃতি নিয়ে পরীক্ষা করতেন, এখন তিনি নতুন খাদ্যই আবিষ্কার ক'রে কলেছেন।

কতদিকেই যে মানুষের মন যায়। এক তত্ত্বলোক বাছ ধরতে ভালবাসতেন, তিনি নানারকম টোপ-বিক্রী করেন এখন। আর এক বৃদ্ধ ছাত্রদের কাছ থেকে তাদের পুরনো পাঠ্য বই কিসে কেন অর্ধেক দামে। সেইগুলিই তারপর নতুন ছাত্রদের কাছে কিছু চড়া দামে বিক্রী হয়। আর এক নন্দুই বৎসর বয়সের যুবক নিজের স্কুটারে চড়ে আশেপাশের সব বাড়ীর গোবা জন্ত-জানোয়ারদের ডাক্তারি ক'রে বেড়ান।

এ সবগুলি খবর থেকে এই প্রমাণ হয় যে, দেহ এবং মনকে কর্তৃকম রূপে পারলেই দীর্ঘায়ু হওয়া যায়। আমাদের পরমাণু বেড়েছে বটে, কিন্তু দেহ মনকে যদি শুধু আলগে ডুবে থাকতে দেওয়া হয় তা হ'লে দ্রুত ক্ষয়ের দিকে এগিয়ে যায় মানুষ।

ইন্ডিয়ান সিভিলিস সার্ভিসের অবসরপ্রাপ্ত কর্তৃকারীদের এই দশাই হত। তারা নতুন দেশ, নতুন জগৎহওয়ার সঙ্গে নিজদের খাপ পাওয়ারতে পারতেন না। বছর বাট বয়স হলেই তারা খুব প্রচুর পরিমাণ পেন্সনসহ অবসর নিয়ে দেশে ফিরতেন এবং প্রায়শই অনতিবিলম্বে পকত্বপ্রাপ্তি ঘটত তাঁদের।

এখন আর কর্তৃকম সুস্থ মানুষে এ ভাবে থাকতে পারে না।

কাজ থেকে অবসর নিলেই যে একেবারে চমৎকতি রহিত স্থবির হয়ে ব'সে যেতে হবে এটা আর কেউ মনে করে না।

### পাঁচমিশালীর দেশ

একজন পর্যটক লিপ্যেচন :

টেল্ আভিভ্-এ একটি রাস্তা আছে যার নাম বেন্ রেভডা স্ট্রিট্। এইখানে বেড়াতে বেড়াতে কিপ্ লিং-এর কথা মনে পড়ে যায়।

সে বেচারী তত্ত্বলোক যদি এখানে আসতেন তা'হলে তাঁর কবিতার লাইনগুলি তাঁকে সিন্গেই খেতে হত। এই বিচিত্র মনোমুগ্ধকর দেশে পূর্ক ও পশ্চিম সারাক্ষণই এসে পরস্পরের সঙ্গে মিশছে। টেল্ আভিভ্, জেরুসালেম বা হাইকা যেখানেই যান, এই মিলনের দৃশ্য দেখবেন প্রতি রাস্তার মোড়ে, প্রতি তরলেশ্বী-মধ্যবস্তী মোটর রাস্তায়। রেড্ সী পর্যন্ত এই একই দৃশ্য।

এই যে প্রাচ্য ও প্রতীচ্যের মিলন, সেটা ঐ দিন বড় বেশী করে মন্বরে পড়ল। আমি সেদিন এক আমেরিকান মহিলায় সঙ্গে ছুপরের খাওয়া খেতে বসেছিলাম। ইনি Fifth Avenue-এর বৈজ্ঞানিক সঙ্কার সঙ্কিত স্ট্যাট্ ছেড়ে, ইসরায়েলে এসে বাসা বেঁধেছেন। এখানে আরাম কম, খাটনি বেশী। তিনি যে জগৎ ও আর টেলিভিসন্ দেখবেন না, তার জন্যে তাঁর কোনো ক্ষোভ আছে ব'লে মনে হ'ল না।

খাওয়ার পর আমি রিহোজখের কমলালেবুর বাগানে গিয়ে হাজির হলাম। সেখানে মরোক্কো বাসিন্দা কয়েকজন স্ত্রীলোকের সঙ্গে কথা বললাম, এরা আগে মরুভূমির মধ্যে গুহার বাস করত। কয়েকটি রোমন্ থেকে আগত মেয়ে ও দেখলাম, যারা এই দেশে আসবার আগে মোটর গাড়ী চোখে দেখে নি।

এই দুটো চূড়ান্ত দৃষ্টান্ত দিলাম। এই দশ বছর বয়স্ক রাষ্ট্রে কুড়ি লক্ষ আন্দাজ লোক বাস করে, তাদের মধ্যে কম হলেও সমস্তটা দেশের লোক মিলে মিশে রয়েছে।

এদের সকলকেই এক বিশেষ অর্থে ইহুদি বলা যায়। এরা সকলেই পুরাতন হিব্রু জাতিগুলির কোনও না কোনোটর থেকে উদ্ভূত, এবং অনেকে ইহুদি ধর্মই পালন করে।

কিন্তু এই দুটি বিষয় বাদ দিলে তাদের ইহুদি ব'লে চিনবার কোনো উপায়ই নেই। চেহারাতে কিছুই ধরা পড়ে না। তারা সকলেই যে ইহুদি নামক একটা বিশেষ জাতির মানুষ তা মনেই হয় না।

ইহুদিরা ৭০ খ্রীষ্টাব্দের, প্যালেস্টাইন থেকে বিতাড়িত হয় রোমানদের দ্বারা, এবং পৃথিবীর নানা দেশে ঘুরে বেড়াতে আরম্ভ করে। যুরোপ বাসী ইহুদি আছে, আমেরিকান, ক্যানাডিয়ান্ এবং অস্ট্রেলিয়ান্ ইহুদিও আছে। এশিয়া, আফ্রিকা ও ভারতেও ইহুদি আছে।

ইসরায়েলে আমি ভারতীয় চেহারার ইহুদি দেখেছি, তাদের চেহারায় ভারতীয়তার কারণ, তারা সত্যই ভারতীয়। ইপিওপিয়ান্ ইহুদি দেখেছি, তারা অন্য হাবসীদের মতই কৃষ্ণবর্ণ। তারা মরোক্কো, বা ইরাক থেকে এসেছে, তাদের চেহারা সম্পূর্ণই আরবদের মত।

এখন ইসরায়েলের অধিবাসী তারা, তারা একটি পাঁচনিশালী জাতি। কয়েকটি মাত্র জিনিষ তাদের সকলের সাধারণ সম্পত্তি। সেগুলি হচ্ছে হিব্রু ভাষা, একই পৌরাণিক কিংবদন্তী এবং ঐতিহ্য, তাদের নবলক জাতীয়তা বোধ, ও যদিও সর্বক্ষেত্রে নয়, একই ধর্মে বিশ্বাস।

সী

### ডাচ নিউগিনির অধিবাসী

ডাচ নিউগিনির সোয়াট উপত্যকার পাকতা মানুষগুলি মাঝে মাঝে বুদ্ধ করাটাকে কিছু নীতিবিরুদ্ধ ভাবে না।



ডাচ নিউগিনির অধিবাসীদের বুদ্ধসজ্জা

এরা প্রস্তর যুগের উলঙ্গ অধিবাসী, সভ্যতার সম্পর্ক থেকে বহুদূরে থাকে। এরা হাজার হাজার বৎসর ধরে বেরকম ভাবে থেকেছে, ওলন্দাজ সরকার এদের সেরকম ভাবে পাকতে অধিকার দিয়েছেন। এদের কাছে বুদ্ধ বাধবার ছুটি মাত্র সত্যকার কারণ আছে। একটি হচ্ছে স্ত্রীলোক চুরি, অন্যটি গুরুর চুরি।

বিয়ে করতে হ'লে স্ত্রী কিনতে হয়। সাধারণতঃ কড়ির সাহায্যে কেনা বেচা হয়। সাধারণ মানুষের পক্ষে একটর বেশী স্ত্রী বিয়ে করা অসম্ভব।

কখনো কখনো মেয়েটির পরিবারের কাছ থেকে নানান কিস্তিতে দাম দিয়ে তাকে কেনে লোকটি। সাধারণ মূল্য হচ্ছে তিরিশ থেকে চল্লিশটি কড়ি অথবা একটি বড় গুরুর।

সময়ে সময়ে কোন একটি পুরুষ কেনে একটি বিবাহিত রমণীকে নিয়ে পালিয়ে যায়। তার মানেই বুদ্ধ। স্বামী এবং তার প্রতি সহানুভূতিশীল ব্যক্তিরাই বুদ্ধ মুরু করে।

এই সোয়াট উপত্যকার মানুষরা তাদের গুরুরগুলিকে সবচেয়ে মূল্যবান ভাবে। সবাই বতগুলি পারে ততগুলি রাখতে চায়। একটি উচ্চাকাঙ্ক্ষা-সম্পন্ন প্রস্তর যুগের মানুষ আবার বতগুলি পারে স্ত্রী রাখতে চায়। বতগুলি স্ত্রী থাকবে ততগুলি ক্ষেত পাবে সে, অবশ্য স্ত্রীরাই এই ক্ষেতগুলির দেখাশুনা করে।

স্ত্রীদের ভরণ-পোষণের কোন দায়িত্ব নেই স্বামীদের স্ত্রীরা তাদের নিজেদের ও তাদের সন্তানদের ভরণ-পোষণের দায়িত্ব যে শুধু নেয় তা নয়, স্বামীদেরও দায়িত্ব তারাই নেয়।

### উত্তর বোর্নিও

যদিও যুদ্ধের সময় প্রতিপক্ষের মস্তক কেটে নেওয়া গিয়েছে

এবং স্থানীয় কুপা'ত "লফ হ'ডস"গুলি, যেখানে এইসকল বীভৎস বিজয়চিহ্ন রাখা হ'ত, সব উল্লি বাদে তবুও উত্তর বোর্নিও এখনো একটি দম্বরমত উদ্ভেজনা-সঞ্চারকারী স্থান বলে গণিত হয়। এর তারে তারে জলদস্যুরা এখনো হানা দি'য়ে বেড়া'য়।

সুগম য'ত্নাভীর পদের অভাবই এই আধুনিক যুগে জলদস্যুতার একটি প্রধান কারণ, আর এই যাতায়াতের পদের অভাব এই দেশের দ্রুত উন্নতির পথে একটি প্রধান অন্তরায় হয়ে দাঁড়িয়েছে।

উত্তর বোর্নিওর পরিণি আয়'রন্যা'ণ্ডের সমান, এবং এতে মাত্র পনের'শ মাইল আন্দাজ রাস্তা আছে। এর মধ্যে চার'শ মাইল মাত্র পাপর ব'ধানো, আর বাকী সব মাটির অথবা হরকির।

রাস্তা তৈরী করা একটি প্রমসাধ্য কাজ। কারণ গ্রীষ্ম প্রধান দেশের আবহাওয়া এবং জঙ্গল ছাড়াও এই দেশটি অত্যন্ত পর্বত সঙ্কুল স্তর'রা পাছাড়ের গায়ের পাশে পাশে পাপর। কেটে রাস্তা তৈরী করা হচ্ছে।

এই রাস্তা তৈরীর কাজ এদেশীয় স্ত্রীলোকরাই করে। এরা এই কাজে একেবারে আদিম যুগের হাতিয়ার ব্যবহার করে। সঙ্গে যে ছবি দেওয়া হল, তাতে মেয়েগুলি ধূমপানের অবসর নিয়ে বসে আছে। তারা যে রাস্তাটি কসছে তার নাম হ'ল "মৃত্যুপ্রচার"। এর অসাংখ্য স্তম্ভ বীক ও খাড়া ধারের জন্য এর এই নামকরণ হয়েছে।

ধূমস নাসা ও বর্ধাকালে অতিবৃষ্টির ফলে যারা এই রাস্তা ব্যবহার করে, তারা নানা বিপদের সম্মুখীন হয়। কিন্তু এই সকল ব্যাপারই





ধূমপানের আসর

হানীয় মেয়েদের আমোদ দেয়, তারা অনজ্ঞা দেখিয়ে খেতকায় মাছের "জীপ" গাড়ীকে বলে "পাগলামীর বস"।

### সমুদ্র কার অধিকারে ?

সাধারণতঃ সমুদ্র সকলেরই অধিকারে। আট'র সমুদ্র ভাবে একটি জাতি একটি সমুদ্রের তীর থেকে তিন মাইল দূর অবধি জল দাবী করতে পারে। কিন্তু এই নিয়মটি সব জাতি মেনে নেয় না। রাশিয়া, কলম্বিয়া এবং গোয়াটেমালা তাদের সমুদ্রতীর থেকে বারো মাইলের চেয়ে বেশী কাছে ভিন্ন দেশীয় জেলেনদের আসতে দেয় না। চিলি, ইকোয়েডর, পেরু এবং এলসালভেডর প্রশান্ত মহাসাগরের তীর হতে দু'শ মাইল দূর পর্যন্ত তাদের জল বলে দাবী করে।

### কখন ধূমপান বন্ধ করলে তার কোন কুফল ফলে না ?

বোষ্টনের পিটার বেন্ট লিগহাম হাসপাতালের রেডিওলজিস্টদের মধ্যে প্রধান যিনি তাঁর নাম হচ্ছে ডাঃ মেরিন সি সসুয়ান। তাঁর মতে ধূমপান অনেকদিন ধরে করে তারপর বন্ধ করলেও সুফল পাওয়া যায়।

যারা ধূমপান করে না, এরকম লোক ধূমপানীদের জন্তে শাকসত্য সর্বদাই যোগদান করবে। কিন্তু একেবারে হতাশ হয়ে গেলেও

চলবে না। কিছু না কিছু সর্বদাই করা যায়। তিরিশ বৎসর ধরে ধূমপান করার পর, তারপরেও যদি ছেড়ে দেওয়া যায় তাহলেও ফুসফুসের ক্যানসার রোগ আক্রমণের বেশী কমে যায়। ডাঃ সসুয়ান বলেন, "এর থেকে বোঝা যায় যে, কখন আছে শেষ খড়টি না চাপান পর্যন্ত উটের পিঠ ভাঙ্গে না, তেমনি এ কপাও সত্য যে শেষ উটটি না চাপালে খড়ের মানুষের পিঠ ভাঙ্গে না।"

### হাওয়ার চেয়ে হাল্কা আকাশযান কত বোঝা বহন করে ?

ভিগেনবার্গ হাওয়ার চেয়ে হাল্কা ভারবাহী যানের যুগ শেষ করে দিয়েছিল ৬ই মে, ১৯৩৭ তারিখে। এই তারিখে সে চুরমার হয়ে ছেড়ে পড়ে ছাই হয়ে যায়। এই হাওয়ারই জাগাজটিতে ৭২ জন যাত্রীর জন্য স্ট্রাকচার ব্যবস্থা ছিল, যানের ঘরগুলিতে শাওয়ার ছিল, একটি গ্র্যান্ড পিয়ানো ছিল, আর ছিল যাত্রীদের ঘরের ছুদিকে পায়চারী করে বেড়াবার জল ১০০ ফুট ডেক। এই আকাশযানে বাষ্পবন্ধি গাড়ী, কেমিকালে ভিত্তি ড্রাম, আকাশে বহন করে নিয়ে যাবার মত বোঝাও চিঠিপত্র, সবশুদ্ধ ৫০ টনেরও বেশী মাল চাপানো চলত।

স্মি



ভিগেনবার্গ

## হরতন

শ্রীবিমল মিত্র

৩

কর্তামশাই আসবার আগে অনেকবার ভেবেছিলেন। ছুলাল সা'র বাড়ীতে আসবার আগে ভাল ক'রে অনেকবার ভাবাটাই উচিত। ছুলাল সা ত শুধু পাটের আড়তদারই নয়, সে যে কর্তামশাই-এর জীবনে মুক্তিমান দুগ্ৰ হ একটা।

নিবারণ বলেছিল—আপনি আর কর্তামশাই না-ই বা গেলেন, লোক ত ছুলাল সা ভাল নয়—

লোক যে ছুলাল সা' ভাল নয়, তা কি আর কর্তামশাই জানেন না? ভাল ক'রেই জানেন। সে কথা কর্তামশাই-এর চেয়ে ভাল ক'রে আর কেউই জানে না এই কেউগণ্ডে।

তবু বলেন—না নিবারণ, আমাকে নিজে না গেলে হবে না—চল—

—কিন্তু তা ব'লে এত রাস্তিরে ?

কর্তামশাই বলেছিলেন—দিনমানে ত সাধু থাকছে না তোমার !

তা সত্যি ! কালকে ভোরবেলাই চ'লে যাবে যে। আজ রাতে না গেলে হবে কি ক'রে ? নিবারণ তখন প্রায় ত্তে যাবার যোগাড় ক'রে ফেলেছিল। হঠাৎ কর্তার কি খেয়াল হ'ল, তিনি সেই দোতলা থেকে আবার খড়মের শব্দ করতে করতে নেমে এসেছিলেন।

বড়গিন্নী সেদিনও সরসের তেল গরম ক'রে এনেছিল বাটিতে। কিন্তু হঠাৎ কর্তামশাইকে ঘরে না দেখে কেমন অবাক হয়ে গিয়েছিল। এমন ত হয় না। বরাবর খাওয়া-দাওয়ার পরই নিজের বিছানাটার এসে ত্তে পড়েন কর্তামশাই। কিন্তু আজকে হঠাৎ এই ব্যতিক্রম কেন তা বুঝতে পারে নি বড়গিন্নী। পাশের ঘরে আওয়াজ শুনে আরও অবাক হয়ে গেল।

—তুমি এখানে ?

কর্তামশাই তখন নিজেই সিঁদুকটা খুলেছেন। বহুদিনের পুরোন সিঁদুক। কর্তামশাই-এর বৃদ্ধ প্রপিতামহ কালিকেশ্বর দেবশর্মা-এর আমলের সিঁদুক। চিরকাল বন্ধই থাকে। সিঁদুকটা খুলতেই যেন অনেক যুগের জমানো অতীত একসঙ্গে দাঁত বার ক'রে হেসে

উঠল। লোহার ডালা। কয়েকটা পেতল-কাঁসার বাসন ওপরে, তাও বেশির ভাগ সব বার ক'রে নেওয়া হয়েছে। সিঁদুকেশ্বরের বিয়ের সময় অনেক বাসন বেরিয়েছিল। তার পর কোথায় সে সব গেল। একটা একটা ক'রে সব কোথায় অদৃশ্য হয়ে গেল। কর্তামশাই-এর চোখের সামনে সব ভাসছে এখনও। বিষে ত ভালই দিয়েছিলেন সিঁদুকেশ্বরের। কিন্তু ওই যে ছুলাল সা। ছুলাল সাই দিনরাত মতলব দিত। কানে ফুস-মস্তুর দিত। ওদের সঙ্গেই মেলামেশা করত সব সময়।

একদিন ব'কে দিয়েছিলেন কর্তামশাই। সেদিনও অনেক রাত হয়েছে। তখনও বাড়ী ফেরে নি সিঁদুকেশ্বর। বিষে হয়েছে, মেয়ে হয়েছে। তবু বাউণ্ডলে স্বভাব সিঁদুকেশ্বরের। নিবারণকে সেদিন ব'লে রেখেছিলেন কর্তামশাই। বলেছিলেন—সিঁদুক এলেই আমাকে ডেকে দেবে ত নিবারণ—

বৌমাকেও ব'লে রেখেছিলেন।

নলহাটির গগন চাটুজের মেয়েকে পুত্রবধু করেছিলেন কর্তামশাই। কর্তামশাই বলেছিলেন—তুমি একটু কড়া হতে পার না বৌমা ?

বৌমা মাথার ঘোমটা আরও টেনে নিচু ক'রে দিয়েছিল খণ্ডরের সামনে।

—আমার ছেলে হয়ে সে ওই বখাটে ছোঁড়াদের সঙ্গে আড্ডা দেবে ? আমার মুখে চুণ-কালি দেবে, আর আমাকে তাই দেখতে হবে ?

এক-একদিন নিবারণকেও জিজ্ঞেস করতেন—আচ্ছা, ওদের সঙ্গে সিঁদুক কোথায় যায় বল ত নিবারণ ?

নিবারণ জানত সব কিন্তু মুখ ফুটে বলবার সাহস হ'ত না। কতদিন নিবারণ দেখেছে, ছুলাল সা আর নিতাই বসাকের সঙ্গে ছোটবাবু চণ্ডীতলার বাঁধাঘাটে ব'সে বড় কলকে টানছে। বলতে গেলে নিতাই বসাকই ছিল ছোটবাবুর প্রাণের সান্নাত। সারাদিন গুজ গুজ ফিস্ ফিস্ চলত তার সঙ্গেই। তার পর এক-একদিন কোথায় থাকত, কোথায় খেত কেউ জানতে পারত না।

যখন রাত ছ'প্রহর পেরিয়ে যেত তখন চুপি চুপি বাড়ীতে ঢুকত।

—তুমি একটু কড়া হতে পার না বৌমা? ওরা সব ডাকাত। ওই ছুলাল সা, নিতাই বসাক, সবাই ডাকাত এক-একটা!

বৌমা কোনও দিন স্বত্তরের সামনে মুখ তুলে চায় নি পর্য্যন্ত, ওই কথাগুলোই তার কানে যেত কি না তাও বোঝা যেত না। বড়গিন্নীও কিছু বলত না বৌমাকে।

কর্তামশাই বড়গিন্নীকেও জিজ্ঞেস করতেন—সিধে যায় কোথায়? তুমি কিছু জান? কি করে এত রাত পর্য্যন্ত?

বড়গিন্নী বলত—আমি ত কিছু জানি নে।

—তা তুমি যদি না জানবে ত ছেলের মা হয়েছিলে কেন শুনি?

শেষকালের দিকে কর্তামশাই যেন উন্মাদের মত হয়ে গিয়েছিলেন। শেষকালে একদিন বৈঠকখানার সামনেই ব'সে রইলেন। বললেন—আজ হয় এম্পার নয় ওম্পার—

ক্রমে রাত অনেক হ'ল। কর্তামশাইও ব'সে, নিবারণও ঠায় ব'সে।

নিবারণ শেষকালে বললে—আপনার শরীর খারাপ, আপনি এবার স্ততে যান কর্তামশাই—

কর্তামশাই বললেন—তুমি খাম নিবারণ, তোমার যদি ছেলে থাকত ত তুমি বুঝতে পারতে যে ছেলে থাকার কি জালা! এমন যার ছেলে তার শুম আসে? শুমিয়ে তার শাস্তি হয়?

এর পর আর নিবারণের কথা বলার সাহস হয় নি।

তার পর রাত বারোটো বাজল। একটা বাজল। কর্তামশাই ঠায় বসে রইলেন। কারোর কথাতেই আর নড়লেন না। তার পর ভোরের দিকে কর্তামশাই-এর কেমন মাথাটা শুরে গেল। তিনি সেইখানে ব'সে ব'সেই শুরে প'ড়ে গিয়েছিলেন। তার পর দিন ডাক্তার এসেছিল, কবিরাজ এসেছিল। তার পর ছ'মাস শয্যাশায়ী ছিলেন। যখন বিছানা ছেড়ে উঠলেন তখন মাথায় আরও বড় টাক প'ড়ে গেছে। যেন ছ'মাসের মধ্যেই দশ বছর বয়েস বেড়ে গেছে।

এও সেই পনের বছর আগেকার ঘটনা।

পনের বছর আগে যখন ছুলাল সা আর নিতাই বসাক সবে এই কেঁটগাঙ্গে হরিসভা খোলার মতলব করছে। কর্তামশাই-এর সাত বিধে জমির ওপর ছুলাল

সা বাড়ী তুলবে-তুলবে করছে। সেই সময় থেকেই সিদ্ধেশ্বর ওদের দলে ভিড়ে গিয়েছিল।

একদিন সিদ্ধেশ্বরকে সোজাশুজি জিজ্ঞেস করেছিলেন কর্তামশাই—তুমি ওদের সঙ্গে মেশো কেন শুনি?

কর্তামশাই-এর সামনে সিদ্ধেশ্বরের কথা বলার সাহস হ'ত না কোনওকালে।

—কথা বলছ না কেন? ওদের সঙ্গে কেন মেশো? ওরা তোমার মেশার যুগি়্য?

তবু সিদ্ধেশ্বর কথা বলে নি কিছু।

কর্তামশাই আবার কড়া শুরে বলেছিলেন—যত সব বাউগুলো ফেরেব্বাজের দল, জাতের ঠিক নেই যাদের, তারাই হ'ল তোমার ইয়ার-বন্ধি? তোমার বাপকে যারা অপমান ক'রে যায়, তাদের সঙ্গে মিশতে তোমার লজ্জা করে না? বেকুব কোথাকার?

তারপরে একটু থেমে বলেছিলেন—এর পর ফের যদি ওদের সঙ্গে মেশো ত বাড়ী থেকে তোমাকে দূর ক'রে দেব; তা মনে রেখ—

হঠাৎ যেন বাকুদে কেউ আশ্বন ধরিয়ে দিলে। সিদ্ধেশ্বর এমনিতে নিরীহ গোবেচারী মানুষ। ছোটবেলা থেকে কখনও কর্তামশাইয়ের সামনে মুখ তুলে কথা বলে নি। কিন্তু সেদিন কি হয়েছিল কে জানে। সিদ্ধেশ্বর এই প্রথম মাথা তুলল।

বললে, আপনার বাড়ীতে আমি আর থাকতে চাইও নে!

—কি? কি বললে? কি বললে তুমি?

সেখানা জোয়ান ছেলে! কিন্তু কর্তামশাইয়ের তখন রাগে কর্তব্যজ্ঞান হারিয়ে গিয়েছিল বোধ হয়। বললেন, কি বললে তুমি, আবার বল?

কথাগুলো চীৎকার ক'রেই বলছিলেন কর্তামশাই। চীৎকার ক'রে সব কথা বলা অভ্যাস তাঁর। চীৎকার শুনে ভেতর থেকে বড়গিন্নীও এসে পড়েছিলেন। বৌমার কানেও কথাটা গিয়েছিল। কর্তামশাইয়ের চীৎকারে সেই ফাঁকা বাড়ীটা তখন হাহাকার ক'রে উঠেছে। নিবারণ সামনে দাঁড়িয়েও কিছু বলতে সাহস পাচ্ছিল না।

—আপনার বাড়ীতে আমি আর থাকতে চাইও নে।

আর সঙ্গে সঙ্গে ঠাসু ক'রে এক চড় কষার শব্দ হ'ল। কর্তামশাইয়ের বুড়ো হাড়ের চড় জোয়ান সিদ্ধেশ্বরের গালে ব'সে ফেটে চৌ-চাকলা হয়ে গেল!

নিবারণ শুয়ে হাঁ-হাঁ ক'রে উঠেছে। বড়গিন্নীও ঘরের মধ্যে ঢুকে সমস্ত কাণ্ড-কারখানা দেখে অবাক।

কর্তামশাই তখন থর থর করে কাঁপছেন। বলছেন, যত বড় মুখ নয় তত বড় কথা। বাড়ীতে থাকতে চাস নি ত বেরিয়ে যা! আমার বাড়ী থেকে বেরিয়ে যা—

বড়গিন্নী আর কথা বাড়ীতে দেয় নি সেদিন। সিদ্ধেশ্বরের হাতটা ধরে সোজা ঘরের ভেতরে টেনে নিয়ে গিয়েছিল। তার পর থেকে যতদিন সিদ্ধেশ্বর বাড়ীতে ছিল, ততদিন বাপের সঙ্গে বাক্যালাপ বন্ধ করে দিয়েছিল। কোনও রকমে আসত একবার বাড়ীতে। তাও অনেক রাত্রে। কখন আসত সে, আর কখন ঘুমোত, কখন খেত, কিছু টের পেতেন না কর্তামশাই। ছেলের নাম পর্যন্ত উচ্চারণ করতেন না প্রথম প্রথম।

অনেক দিন পরে আর থাকতে পারেন নি। বড়গিন্নীকে জিজ্ঞাসা করেছিলেন, সিধু কোথায়?

বড়গিন্নী বলেছিল, বাড়ীতে।

কর্তামশাই বলেছিলেন, এখনও ও-বেটােদের সঙ্গে মেশে?

—তা জানি নে।

ওই পর্যন্ত!

তার পর বহুদিন কোনও খবরই রাখতেন না ছেলের। ছেলে বাড়ীতে আসে, বাড়ীতে ঘুমোয়, খায়, আর কিছু নয়। নিবারণের সঙ্গে কর্তামশাই হাজারো-ব্যাপার সম্পর্কে কথা বলতেন, ঘুণাকরে একবারও সিদ্ধেশ্বরের নাম মুখে আনতেন না।

আস্তে আস্তে ছুলাল সা, নিতাই বসাক দু'জনেই দেখা-সাক্ষাৎ বন্ধ করে দিলে। নিজের চোখেই সব দেখতে লাগলেন, নিজের কানেই সব শুনতে লাগলেন। শেষ পর্যন্ত একদিন সেই সিদ্ধেশ্বরও আর ফিরে এল না। রাত কেটে গেল, পরদিন সকাল হ'ল। তার পরদিনও কেটে গেল। তখনও আসে নি সিদ্ধেশ্বর।

বড়গিন্নী কাছে গিয়ে বসল সেদিন। বললে, সিধুর খোঁজ করলে না তুমি?

—কেন? সিধু আসে নি?

—না।

—কাল কখন বেরিয়েছে?

—কালও আসে নি। আজ তিনদিন তার দেখা নেই। বৌমা বড় কান্নাকাটি করছে।

কর্তামশাই শুন্ম হয়ে গেলেন। আর সেই যে সিদ্ধেশ্বর চলে গিয়েছিল, আর তার কোনও খোঁজ নেই। কেউ খুঁ কবল, না কি কোথাও সন্ন্যাসী হয়ে চলে গেল, তারও কোনও হৃদিস নেই এই এত বছর।

কর্তামশাইও আর তার খোঁজ করেন না। খোঁজ করতে চেষ্টাও করেন না কখনও। যাক, যে যাবে তাকে কে ধরে রাখতে পারে?

এত বছর ধরে এ-সব ঘটনা ঘটে গেছে তবু এ নিয়ে কখনও কর্তামশাই হা-হতাশ করেন নি। চতুঃষষ্টি বৎসর বয়ঃক্রমে তাঁর একটা কাঁড়া আছে; একথা বলেছিল কাশীর পণ্ডিত শিরোমণি বাচস্পতি। এখন এই চৌষষ্টি বছর ব.স হ'ল তাঁর। এখন আর কিসের কাঁড়া থাকবে? আর কাঁড়া থাকলেই বা কি? এই কেঁষ্টগঞ্জ এত কাণ্ড হ'ল। ছুলাল সা আর নিতাই বসাকই ত তাঁর জীবনে দু'-দুটো মস্ত কাঁড়া! তারাই বা তাঁর কি এমন কৃতি করতে পারলে? সাত বিঘে জমি নিয়েছে, নিক। তাঁকে ঠকিয়ে টাকা নিয়েছে, নিক! তাতে তিনি এমন কিছু গরীব হয়ে যান নি। তা ছাড়া দেশেও ত কত কাণ্ড হয়ে গেল। ইংরেজরা চলে গেল। হিন্দু-মুসলমানে গারামারি-কাটাকাটি হ'ল। অমন ভাতের দুর্ভিক্ষ হ'ল দেশে। পদ্মার পার থেকে লোকজন এসে কেঁষ্টগঞ্জের বাজারে ছাউনি করল—তখনও ত তিনি খেতে পেয়েছেন। তখনও ত তাঁকে ভিক্ষে করতে হয় নি। এখনও ত তিনি ছাদের তলায় ঘুমোন, এখনও ত রাস্তায় গিয়ে দাঁড়াতে হয় নি তাঁকে।

কিন্তু ছুলাল সা'র বাড়ীতে সাধুর খবরটা শোনার পর থেকেই কেমন যেন বিচলিত হয়ে গেছেন। নিবারণকে বারবার জিজ্ঞাসা করেছিলেন—তুমি কিছু শুনেছ নিবারণ?

নিবারণের খেয়াল ছিল না। জিজ্ঞাসা করলে, কিসের কি কর্তামশাই?

—যাকে যা বলছে, সব মিলে যাচ্ছে? সাধুর কথা বলছি। ছুলাল সা'র বাড়ীতে যে সাধু এসেছে।

নিবারণ বললে, আজ্ঞে হ্যাঁ কর্তামশাই। হুবহু। আমি বাজারে গিয়েছিলাম, সেখানে পাল মশাইয়ের সঙ্গে দেখা হ'ল, তিনি ত একেবারে অবাক। আর দেখা হ'ল স্ককাস্তবাবুর সঙ্গে—

—সেটা কে?

—আজ্ঞে ওই যে নতুন সরকারী আপিস হয়েছে, সেই আপিসের বড়সায়েরব!

—বড়সায়েরব মানে?

নিবারণ বললে, আজ্ঞে অনেক টাকা মাইনে পায়, ব্রক ডেভেলপমেন্ট অফিসার, বউ নিয়ে ঘুরে ঘুরে বেড়ায়—



—বউ নিয়ে ঘুরে বেড়ায়? কেন?

নিবারণ বললে, আজ্ঞে কলকাতার লোক ত। এখানে বন-জঙ্গলের মধ্যে পড়ে থাকেন, কি করবেন, তাই কেউগঞ্জের বাজারের দিকে মাঝে মাঝে কেনা-কাটা করতে আসেন—

—সে কি বলছিল?

নিবারণ বলেছিল, তিনিও ত অবাক। তিনি বলছিলেন, তোমার কর্তামশাইকে বল একবার সাধুকে দেখে আসতে, সাধু সব বলে দেবেন, বড় ভাল গুরু পেয়েছে তুলসী সা' মশাই—

—হ্যাঁ, যাচ্ছি আমি ওই টাড়ালের বাড়িতে, আমি ওই নেমক-হারামের বাড়িতে যাচ্ছি, যেতে আমার বয়ে গেছে।

তার পর উঠে যাবার আগে বোধ হয় আর একবার লুচি-ভাজার গন্ধটা নাকে এসে লাগল। নাকটা একবার হাত দিয়ে টিপে ধরলেন, তারপর জিজ্ঞেস করলেন, সাধু বেটা কবে যাবে?

নিবারণ বললে, আজ্ঞে, কাল সকাল বেলায়। এই দু'দিন ধরে ত কেবল খাওয়া-দাওয়া উৎসব চলছে, আজকেই শেষ খাওয়া—আপনি যাবেন?

—তুমি থাম! আমি কখনও লুচি খাই নি জীবনে?

বলতে বলতে ওপরে নিজের ঘরে গিয়ে উঠলেন। খাওয়া-দাওয়া আগেই সারা হয়ে গিয়েছিল। বড়গিন্নী তখনও ঘরে আসে নি। বিছানায় শুতে গিয়েও আবার কি ভাবলেন। জানালাটা খোলা ছিল। অনেক আলো, অনেক উৎসবের আয়োজন হয়েছে ওদিকে। কর্তামশাই একবার সেই দিকে চাইলেন। তার পর আন্তে আন্তে পাশের ঘরে গেলেন। তার পর কোমরের খুন্সী থেকে চাবিটা বার করে লোহার সিঁদুকটার সামনে গিয়ে দাঁড়ালেন। কতদিনকার সিঁদুক, আর কতদিনকার তালা। ইতিহাসের পলি পড়ে পড়ে সব ঢেকে গিয়েছে। একদিন কেদারেশ্বর ভট্টাচার্য এই সিঁদুক ধুলেই টাকা বার করেছেন, হীরে মুক্তা সোনা বার করেছেন। তখন এ-সিঁদুক ভর্তি ছিল। তখন জমিদারীর আমদানী হলেই সে-সব এর ভেতরে এসে ঢুকত। প্রথম যুদ্ধের সময় চালের দাম বেড়েছে, ধানের দাম বেড়েছে, যা-কিছু লাভ হয়েছে সবই জমেছে এই সিঁদুকে। সিঁদুকটার সামনে গিয়ে কীর্তীশ্বর খানিকক্ষণ দাঁড়িয়ে রইলেন। কোথাকার কোন্ কর্মকারের হাতে-গড়া সিঁদুক যেন হঠাৎ বড় মুখর হয়ে উঠল। ছোটবেলায় এই সিঁদুকেই রোজ মা সিঁদুর লাগিয়ে দিতেন নিজের হাত দিয়ে।

তারপর গলবস্ত্র হয়ে প্রণাম করতেন। এ সেই সিঁদুক। এই সেদিনও আর একটা বড় যুদ্ধ হয়ে গেছে। কোথায় জার্মানীতে না আমেরিকায়। কীর্তীশ্বর তার খবরও রাখেন নি। শুধু মাঝে মাঝে দেখেছেন কেউগঞ্জের ওপর দিয়ে উড়ো জাহাজ উড়ে যাচ্ছে। লোকে বলত—বোমা কেলতে যাচ্ছে বর্ষা-মূলুকে। যুদ্ধ যেখানেই হোক, সেবারের মত একটা পরসাত আমদানী হয় নি তাঁর। একটা পরসাত এর ভেতরে এসে ঢোকে নি। জমিগুলো বেচে যা টাকা পেয়েছেন তা পেটে খেতেই ফুরিয়ে গেছে। কীর্তীশ্বর সেইখানে দাঁড়িয়ে একটা একটা করে চাবি খুঁজে খুঁজে তালায় গর্ততে লাগাবার চেষ্টা করলেন। অতীতের স্বপ্নরা যেন এই রাত্রে আবার পাখী হয়ে তাঁর মাথার ওপর এসে উড়তে লাগল।

—তুমি এখানে?

চমকে উঠেছেন কীর্তীশ্বর। হঠাৎ পেছন ফিরেই দেখলেন বড় গিন্নী। তার পর আর বিধা না করে হাতটা ঢুকিয়ে দিলেন সিঁদুকের অঙ্ককারের ভেতর, যেন অনেক-গুলো আশা এক সঙ্গে বস্তু হয়ে তাঁর হাতে ঠেকল। আশাগুলো যেন তাঁর হাতের মুঠোর মধ্যে বন্দী হতে চাইছে। অঙ্ককারে তাদের দেখা যায় না। অঙ্ককারে তাদের চেনা যায় না। অঙ্ককারে শুধু তাদের অহুঁত্ব করা যায়। তাই যতগুলো পারলেন ততগুলো তাড়া-তাড়ি হাতে তুলে নিলেন। তার পর আবার সিঁদুকের ডালাটা নামিয়ে দিয়ে তাড়া-তাড়ি ঘর থেকে বেরিয়ে গেলেন।

বড়গিন্নী জিজ্ঞেস করলেন, ওগুলো নিয়ে কোথায় যাচ্ছ এখন?

কীর্তীশ্বর কথা বললেন না।

বড়গিন্নী পেছন পেছন দরজা পর্যন্ত এসে আবার জিজ্ঞেস করলে, কোথায় যাচ্ছ, বলছ না যে?

কীর্তীশ্বর তখন নাগালের বাইরে চলে গেছেন। তাঁর কানে কথাটা গেল কি গেল না, তাও বোঝা গেল না। শুধু তাঁর খড়মের আওয়াজ সিঁড়ি দিয়ে নামতে নামতে নিচের বারান্দার পাশে বৈঠকখানার ভেতরে অস্পষ্ট হয়ে মুছে গেল।

সেই অত রাত্রে কর্তামশাই নিবারণকে নিয়েই এসেছিলেন এ বাড়িতে। উৎসব-অহুঁতান যা-ই হোক না কেন, চেহারা দেখে মনে হয় যেন তখন সব শেষ হয়ে গেছে। ভালই হয়েছে। কেউ দেখতে না পেলেই হ'ল। কর্তামশাই এই এতদিন পরে এই প্রথম আসছেন

এখানে। নিজেরই দেওয়া জমি। হরিসভার নামে দান করেছিলেন ছল্লাল সা'কে। কিন্তু তখন কি জানতেন এখানে এত বড় প্রাসাদ গ'ড়ে তুলবে ছল্লাল সা' ? আর প্রাসাদ গ'ড়ে নিজের বসত-বাড়ি করবে সেটাকে ?

—তুমিই আগে ভেতরে যাও নিবারণ, বল গিয়ে কর্তামশাই এসেছেন !

—আপনি এখানে দাঁড়িয়ে থাকবেন, সেটা কি ভাল দেখাবে ?

কর্তামশাই রেগে গেলেন, বললেন, যা বলছি তুমি তাই কর না—

এর পরে আর নিবারণের দাঁড়ান চলে না। নিবারণ ভেতরেই ঢুকছিল। কর্তামশাই বাইরে থেকে বাড়ির ঐশ্বর্য দেখে অবাক হয়ে গেলেন। ইলেকট্রিক লাইট নিয়েছে ছল্লাল সা'। ইলেকট্রিক লাইটের তলায় খেত-পাথরের পৈঠেগুলো চক্ চক্ ঝক্ ঝক্ করছে। একটু দূরেই কলাপাতা মাটির খুরি-গেলাস প'ড়ে আছে। সেখানে নেড়ি-কুকুরের জটলা। লুচি ভাজাটা বোধ হয় বন্ধ হয়েছে। সেই গন্ধটা আর নেই তেমন। শুধু এ'টো কলাপাতার গন্ধেই জায়গাটা ভ'রে আছে।

কিন্তু নিবারণকে আর বেশি দূর যেতে হ'ল না। সামনে বৃষ্টি নিতাই বসাক আসছিল। একেবারে হাতে-নাতে ধ'রে ফেলেছে। আর দূরে কর্তামশাইকে দেখে দৌড়ে এসেই পায়ের ধূলা মাথায় নিয়েছে।

—থাক্, থাক্ নিতাই, থাক্ থাক্—

নিতাই বসাক কিন্তু তবু ছাড়ে না। বললে, না কর্তামশাই, পায়ে হাত না দিতে পারলে আমি এখান থেকে উঠছি নে—

শেষে কর্তামশাই নিতাই বসাককে ধ'রে তুললেন। বললেন, ছল্লালের বাড়িতে নাকি কোন্ সাধু এসেছে তনলাম নিতাই ?

—আজ্ঞে হ্যাঁ কর্তামশাই, ছল্লাল তখন থেকে হুঃপু করছিল আপনি এলেন না ব'লে ! আমাদের যে আজ কি সৌভাগ্য !

কর্তামশাই বললেন, আর স্বাস্থ্য ত তেমন নেই নিতাই, তাই কোথাও বড় বেশি বেরুই নে !

—চলুন চলুন—ভেতরে চলুন—

কর্তামশাইকে ধীরে-স্বস্তে হাত ধ'রে ভেতরে নিয়ে চলল নিতাই। বললে, এই বাড়ী হবার সময়ও আপনাকে নেমন্তন্ন করেছিলাম, তখন আপনি আসতে পারেন নি, তার পর ছল্লালের বড় ছেলে বিজয়ের বিয়ের

সময়ও আপনাকে বলেছিলাম, তখনও আপনি আসতে পারেন নি, এ কি আমাদের কম আফশোন কর্তামশাই ?

কর্তামশাই চলছিলেন সঙ্গে সঙ্গে আর চারদিকের ঐশ্বর্য দেখে অবাক হয়ে যাচ্ছিলেন। এত বড় বাড়ী করেছে ছল্লাল সা'। সব সেই চুরির পরসায়। এতদিন যা শুনেছিলেন সব যেন অবিশ্বাস করতে ইচ্ছে হ'ল। চুরির পরসায় কি এত কিছু হয় ? শুধু ঐশ্বর্য নয়, এই সুখ, এই শ্বেত পাথর, এই ইলেকট্রিক লাইট, এই উৎসব ! সব মিলে শুনেছিলেন তা হ'লে ?

নিবারণও পেছন পেছন আসছিল। কর্তামশাই পেছন ফিরে বললেন—নিবারণ, এস—

যেন নিবারণ সঙ্গে না থাকলে তিনি জোর পাবেন না। সঙ্গে নিবারণ থাকা চাই। তার পর আবার বললেন—ওগুলো আছে ত ?

নিবারণ বললে—আজ্ঞে হ্যাঁ, আছে—

তার পর যেন নিজের দুর্বলতা ঢাকবার জেগেই নিতাই বসাকের দিকে চেয়ে বললেন—কতকগুলো কুষ্টি এনেছিলাম—

নিতাই বসাক বললে—তা কুষ্টি আনবার কি দরকার ছিল। বাবা ত মুখ দেখেই ভূত-ভবিষ্যৎ সব ব'লে দিচ্ছেন—

কর্তামশাই যেন আশা পেলেন। বললেন—সব ? সব ঠিক-ঠিক ব'লে দিচ্ছেন ?

—আজ্ঞে হ্যাঁ কর্তামশাই। একেবারে বোকা বানিয়ে দিয়েছেন আমাদের সকলকে। ছল্লাল ত কাল থেকে একেবারে বাবার পা আর ছাড়ে নি—

হঠাৎ সামনে কে যেন এসে দাঁড়াল। এসে কর্তামশাইকে চোখের দৃষ্টি দিয়ে ভাল ক'রে দেখতে লাগল।

নিতাই বসাক বললে—এই হ'ল আমাদের নতুন বৌ—

নতুন বৌ ! কর্তামশাই চিনতে পারলেন না।

—আজ্ঞে বিজয়ের বৌ ! ছল্লালের পুত্রবধূ।

বিজয় ! কাউকেই চেনেন না কর্তামশাই ! কবে বিজয় হ'ল, কবে তার বউ এল বাড়ীতে, সে খবর শুধু কানেই এসেছে এতদিন। দেখেন নি কাউকেই। তবু বললেন—বিজয় ? বিজয় বৃষ্টি ছল্লালের বড় ছেলে ?

নিতাই বললে—আজ্ঞে হ্যাঁ, বিজয় ত এখানে নেই এখন, সে আপনাকে দেখলে খুব খুশী হ'ত !

—কোথায় সে ?

—আজ্ঞে, বিলেতে। বিলেতে ইঞ্জিনিয়ারিং পড়ছে।

কথাটা যেন তীরের মত বিধল কর্তামশাই-এর কানে! ছুলাল সা ওধু বাড়ী গাড়ী ঐশ্বর্য্যই করে নি, সঙ্গে সঙ্গে ছেলেকেও মানুষ করেছে। এ সমস্তই কি চুরির টাকায়? সমস্তই কি মিথ্যের দাবীতে?

—এস নতুন বৌ, একে প্রণাম কর!

কর্তামশাই চম্কে উঠলেন। বললেন—থাক, থাক, আর প্রণাম করবার দরকার কি?

নতুন-বৌ কিন্তু এক-পাও এগোয় নি। সেখানে দাঁড়িয়েই বললে—কাকে প্রণাম করতে বলছ তুমি কাকাবাবু? তোমাদের যিনি অপমান করেন, যিনি তোমাদের দেখলে গালাগালি দেন, তাকে তুমি কোন্ আক্কেলে প্রণাম করতে বলছ আমাকে শুনি?

• নিতাই বসাকও একটু ঘাবড়ে গেল। বললে—দেখছেন ত কর্তামশাই আজকালকার মেয়েদের কথা বলার ধরণ-ধারণ?

নতুন বৌ তবু থামল না। তার জিভের ধার তখনও তেমনি তীক্ষ্ণ করে বললে—আজকালকার মেয়েদেরও মান-অপমান জ্ঞান কর্তামশাই-এর মতই টনুটনে কাকাবাবু, তারা অত সহজে ভোলে না—

—তুমি থাম ত নতুন-বৌ। কার সঙ্গে কি রকম কথা বলতে হয় জান না। চলুন কর্তামশাই, সামনে, সামনের ঘরেই বাবা আছেন—চলুন—

ব'লে নিতাই বসাক কর্তামশাইকে বাড়ীর ভেতরে নিয়ে চলল।

মাথার ওপরে পাখা ঘুরছিল বনু বনু করে। তবু পাশেই চামর নিয়ে একজন চাকর বাবার মাথার ওপর দোলাচ্ছে। ছুলাল সা উপুড় হয়ে প'ড়ে আছে বাবার পায়ের সামনের গদির ওপর। বাবার হাত ছুলালের মাথায়। নিতাই বসাককে বেশি কিছু বলতে হয় নি। সে একেবারে কর্তামশাইকে বাবার সামনে নিয়ে গিয়ে বসিয়েছে। কর্তামশাই-এর পেছনে নিবারণও ব'সে আছে। নিতাই বসাক এক তাড়ী কোষ্ঠি সামনে ফেলে দিয়েছে। তা প্রায় খান পনের হবে। গোল করে পাকানো হলদে রঙ-এর কাগজের বাণ্ডিল।

নিতাই বসাক চুকেই বাবার সামনে বাণ্ডিলটা রেখে দিয়েছিল। আর যা বলবার তাও বলেছিল।

তার পর ধূপ আর ধূনোর গন্ধের ভারে সমস্ত আব-হাওয়াটা যেন কেমন স্বগীয় হয়ে উঠেছিল। কেদারেশ্বর ভট্টাচার্য্যের ছেলে কীর্তীশ্বর ভট্টাচার্য্য আজ নিজে

এসেছেন ছুলাল সা'র বাড়ী—এও যেন একটা ঘটনা। কত লোকই ত এল। কত লোকই ত এসে খেয়ে-দেয়ে বাবাকে প্রণাম করে সাধ্যমত প্রণামীও দিয়ে গেল। কর্তামশাই আসেন নি ব'লে কেউ-ই ত আক্ষশোষ করে নি! কেষ্টগঞ্জের বর্তমান ইতিহাসে কর্তামশাই কতটুকু! তাঁর আসা-না-আসার জন্তে কার কি ক্ষতি বৃদ্ধি হয়? কিন্তু তবু কেন তিনি এলেন? এও কি তাঁর দুর্ভাগ্য? ছুলাল সা লোক ঠকিয়ে বড়লোক হয়েছে ব'লে কি তাঁর হিংসে? নইলে এতবার খোসামোদ করার পরেও তিনি যখন একবারও আসেন নি, তবে আজ কি করতে এলেন? কোষ্ঠি দেখাতে? তাঁরও ভাল সময় আছে কি না তাই জানতে? কিন্তু সে ত শিরোমণি বাচস্পতি ব'লেই দিয়েছিলেন চৌষটি বছর আগে, তাঁর জন্মের সময়। আজই ত তাঁর চৌষটি বছর বয়েস হ'ল! নীচ জাতীয় লোকের সংস্পর্শে তাঁর বিপদ আছে! তবে কি এখানে এসে তাঁর কোনও বিপদ হবে?

কর্তামশাই পাশে নিবারণের দিকে চাইলেন।

একটার পর একটা দুর্ঘ্যোগ তাঁর মাথার ওপর দিয়ে ঝড়ের বেগে চ'লে গিয়েছে। কই, তখন ত তিনি এত দুর্ভাগ্য হয়ে পড়েন নি। কেন তিনি এখানে এলেন? নিজের পিঠে নিজেরই তাঁর চাবুক মারতে ইচ্ছে হ'ল। অথচ কত লোককে তিনি নিজেই চাবুক মেরেছেন একদিন। সিদ্ধেশ্বরকেই ত একদিন চড় মেরেছিলেন! কই, সেদিন ত তিনি এমন ভেঙে পড়েন নি। আর বৌমা? বৌমাও যদি একটু শক্ত হ'ত তখন তাঁর মত। বৌমাও একদিন চ'লে গেল! বড় আঘাত পেয়েছিলেন কর্তামশাই সেদিন, নিজে দেখে বেছে পুত্রবধু করেছিলেন। ভেবেছিলেন, ভট্টাচার্য্য-বংশের কুললক্ষ্মী আবার ঐশ্বর্য্য-মণ্ডিত হয়ে উঠবে পুত্রবধুর আবির্ভাবে! অথচ এই এখনই ছুলাল সা'র পুত্রবধুকে দেখে তাঁর নিজের পুত্রবধুর কথাই আবার মনে প'ড়ে গিয়েছিল।

পাশের নিবারণের দিকে ফিরে বললেন—কেমন কাঠ-কাটা কথা দেখলে ত নিবারণ?

নিবারণ বুঝতে পারলে না। বললে—আজ্ঞে, কার কথা বলছেন?

—ওই ছুলাল সা'র বেটার বউ-এর।

নিবারণ বললে—আজ্ঞে, গুনলাম ত!

কর্তামশাই বললেন, একবার শাবলাম বউটার গালে ঠাসু করে চড় মারি—

—আজ্ঞে কথাগুলো ভাল নয় ত! আমাকেও ওমনি ক'রে কথা বলে!

কর্তামশাই বললেন, নেহাৎ এদের বাড়িতে এসেছি তাই কিছু বললাম না—

নিবারণ বললে, আজ্ঞে, না ব'লে ভালই করেছেন! পরস্রী ত!

কর্তামশাই বললেন, রেখে দাও তোমার পরস্রী। নিজের মেয়ে হলে আমি কেটে ছ'খান ক'রে ফেলতাম না?

নিবারণ বললে, আজ্ঞে ছুলাল সা বলে ওই নতুন বউই নাকি এ সংসারের লক্ষ্মী!

—কি রকম?

কর্তামশাই যেন ভুলে গেলেন, কোথায় ব'সে আছেন তিনি! বললেন, বলে নাকি?

—আজ্ঞে হ্যাঁ, বলে ত! ওই বউ আসার পর থেকেই ত ছুলাল সা'র অবস্থা ফিরল। ছেলে বিলেত গেল, আগে টিম্টিম্ ক'রে চলছিল, এখন রমারম অবস্থা! ওই নতুন বউই এ বাড়ির সব কর্তামশাই—ছুলাল সা'র নিজের ত বউ নেই! সে আগেই গত হয়েছে।

কর্তামশাই-এর কথাগুলো ভাল লাগছিল না শুনে। এখানে এসে এতক্ষণ ব'সে থাকতে থাকতে যেন ক্রমেই অসহ হয়ে উঠছিল। আশে-পাশে ছ'টার জন শুকু তখনও হাতজোড় ক'রে চোখ বুজে ব'সে আছে। কারও মুখেই কোনও কথা নেই। এমনি চুপ ক'রে ছুলাল সা'র ভক্তির বাড়াবাড়ি দেখবার জন্মেই এসেছিলেন নাকি তিনি?

কর্তামশাই নিবারণকে আবার ডাকলেন, নিবারণ—  
—আজ্ঞে।

কর্তামশাই বললেন, চল, চ'লে যাই, মোহরটা দিয়ে দাও—

নিবারণ নিজের ফতুয়ার পকেট থেকে একটা মোহর বার ক'রে কর্তামশাই-এর দিকে এগিয়ে দিতে গেল। জাহাঙ্গীরের আমলের সোনার মোহর। খাঁটি সোনার তৈরি।

কর্তামশাই বললেন, না, তুমিই দাও—

বাবার সামনে একটা রূপোর থালা পাতা ছিল। তার ওপর রূপোর টাকা, কাগজের নোট প'ড়ে আছে। নিবারণ মোহরটা তারই ওপর ফেলে দিলে। ফেলে দিতেই একটা ঝনাৎ ক'রে শব্দ হ'ল।

কর্তামশাই বললেন, এবার নিতাইকে ডাক নিবারণ, কল আমরা যাব—

নিতাই শুনেতে পেয়েছে। শুনেই কাছে ঝুঁকে প'ড়ে বললে, সে কি কর্তামশাই, আর একটু বসুন, কোষ্ঠিটা দেখা হোক—

কর্তামশাই বললেন, কিন্তু রাত বাড়ছে, আর ত থাকতে পারি না আমরা, আমার বুকের ব্যথাটা যে বাড়ছে—

—আচ্ছা, আর একটু বসুন।

ব'লে নিতাই বাবার সামনে নিচু হয়ে হাতজোড় ক'রে কি যেন সব বললে। বাবা ধ্যানস্থ ছিলেন। এবার চোখ খুললেন। বললেন, ভাগ্যফল? কার?

নিতাই বসাক কর্তামশাই-এর দিকে আঙুল দিয়ে দেখিয়ে দিলে। বাবা খানিকক্ষণ একদৃষ্টে তাকিয়ে রইলেন কর্তামশাই-এর দিকে। তার পর নিজের মনেই যেন বললেন—হতভাগ্য! ভাগ্য আপনাকে পরাস্ত করেছে, আমি তার কি করব? আমার কি হাত আছে?

কর্তামশাই-এর মুখটা আরও গভীর হয়ে উঠল। তিনি কিছু বলবার আগেই নিতাই বসাক সামলে নিলে। বললে, আজ্ঞে উনি এই কুষ্টিগুলো এনেছিলেন, যদি একটু দয়া করে দেখতেন—

বাবা সামনের বাগ্গিচটা খুলে একটা কোষ্ঠি খুলে ধরলেন। তার পর কি দেখলেন কে জানে। বাবার চোখজোড়া যেন তীক্ষ্ণ হয়ে উঠল ধীরে ধীরে!

এতক্ষণে কর্তামশাই বললেন, ওটা দেখবেন না, ও মারা গেছে—

বাবা যেন আরও তীক্ষ্ণ দৃষ্টি দিয়ে দেখতে লাগলেন। জিজ্ঞেস করলেন, মারা গেছে?

—হ্যাঁ, মারা গেছে, পনের বছর আগেই মারা গেছে!

—কার কোষ্ঠি এটা? এ আপনার কে?

কর্তামশাই বললেন, ও আমার নাতনী। হরতন!

—আপনি ঠিক জানেন এ মারা গেছে?

নিবারণও চুপ করে শুনিছিল। এবার বললে, হ্যাঁ, বছরদিন আগেই মারা গেছে, আজ বেঁচে থাকলে অনেক বয়েস হ'ত—পনের বছর আগের কথা।

—কত বয়েসে মারা গেছে?

নিবারণই উত্তর দিলে। বললে, তিন বছর বয়েসে!

বাবা যেন আরও মনোযোগ দিয়ে কোষ্ঠিটা দেখতে লাগলেন এবার। কর্তামশাই নিবারণের মুখের দিকে চাইলেন। তার পর সেখান থেকে নিতাই বসাকের মুখের দিকেও দৃষ্টি ফেরালেন। কেমন? তোমাদের মহাপুরুষের বিত্তে ধরা পড়েছে এবার। নিবারণও যেন



মনে মনে সশিখ হয়ে উঠেছিল। নিতাই বসাকই একটু বিব্রত হয়ে উঠল। বাবার পরাজয় যেন নিতাই বসাকেরই পরাজয়। ছ'দিন ধরে এত লোক এসে পরীক্ষা করে গেছে, কেউ ধরতে পারে নি। এতক্ষণে কর্তামশাই-ই যেন প্রথম ধরে ফেললেন। অথচ নিতাই বসাক খবরটা যে জানে না, তা নয়। ছল্লাল সা জানে, নিতাই বসাক জানে। কেউগঞ্জের তাবৎ সবাই জানে। সিদ্ধেশ্বরের প্রথম সন্তান। তার অন্নপ্রাশন ঘটাই করেছিলেন কর্তামশাই। কর্তামশাই-এর বাস্তুভিটে নতুন করে আবার সাজিয়েছিলেন। কত লোক এসেছিল, কত লোক খেয়ে গিয়েছিল। তখন ত এমন দশা হয় নি কীর্তীশ্বরের। তখন সিদ্ধেশ্বরও ছিল।

ছল্লাল সা'র যেন এতক্ষণে ধ্যান ভাঙল।

সে উঠে বসল। 'বাবা' বলে একটা শুক্রির হুঙ্কার ছাড়ল। তার পর চারদিকে চেয়ে দেখল।

নিতাই বসাক ছল্লালকে বললে, কর্তামশাই এসেছেন, চেয়ে দেখ ছল্লাল—

ছল্লাল সা বিহ্বল দৃষ্টিতে চেয়ে দেখলে কর্তামশাই-এর দিকে। তার পর আবার শিবনেত্র করে বাবার পায়ের সামনে ডান্দোলোপিলো-গদির উপর উপুড় হয়ে পড়ল।

কর্তামশাই ইঙ্গিত করলেন নিবারণকে। বললেন, চল নিবারণ, উঠি—

নিবারণ কোষ্ঠিগুলো গুছিয়ে নেবার জন্তে হাত বাড়ান্নিল।

কিছু হঠাৎ বাবার মুখে কথা ফুটল। বললে, এ মরে নি! মারা যেতে পারে না এ। জাতিকার পরমায়ু এখনও আছে—

নিতাই বসাকও একটু মুহূমান হয়ে গিয়েছিল।

বললে, কিছু বাবা, হরতন যে মারা গেছে, আমরা যে সবাই জানি!

তখনও বাবা কোষ্ঠিটা নিয়ে একমনে দেখছিলেন। এবার নিবারণের দিকে সেখানা ফিরিয়ে দিয়ে বললেন, অষ্টমে বৃহস্পতি, এ জাতিকা অন্নায়ু নয়, দশমে শুক্র, চতুর্থে লগ্নপতি বৃষ ভূঙ্গী—

কোষ্ঠিটা ফিরিয়ে দিয়ে নির্বিকার হয়ে গেলেন বাবা!

কিছু কর্তামশাই উঠতে গিয়েও আর উঠতে পারলেন না। বললেন, কিছু তাকে যে চণ্ডীতলার শ্মশানে সৎকার করে আসা হয়েছে?

বাবা মাথা নাড়তে লাগলেন।

—না, এ নাতনী আপনার এখনও জীবিতা! আপনার বংশের লক্ষ্মীই ছিলেন ইনি। এঁকেই আপনি

গৃহ থেকে দূর করে দিলেন? গৃহলক্ষ্মীকে কেউ ত্যাগ করে?

কর্তামশাইয়ের মুখখানা শিঙর মত সরল হয়ে গেছে। এ আজ কি কথা শুনছেন তিনি! তিনি একবার নিতাই বসাকের মুখের দিকে চাইলেন। নিবারণ কর্তামশাইয়ের দিকে চেয়ে ছিল। সেও যেন হতবাক হয়ে গেছে। এই পনের বছর পরে এ কি শুনছেন তিনি!

—এঁকে আবার ফিরিয়ে নিয়ে আসুন আপনি। আপনার গৃহে নিয়ে আসুন। আবার আপনার গৃহ, ধনে-জনে-ঐশ্বর্ষে ভরে উঠবে, আবার আপনার অবস্থার পরিবর্তন হবে।

—কিছু সে যে মারা গেছে। আমি যে চণ্ডীতলার শ্মশানে নিয়ে তাকে সৎকার করে এসেছি।

বাবা হাসলেন।

—আপনি নিজে তার সৎকার করেছেন? আপনি ভাল করে স্মরণ করে দেখুন ত?

কর্তামশাই কিছু ভাবতে পারছেন না আর তখন। নিবারণের দিকে ফিরলেন তিনি আবার। নিবারণও তখন হতভম্ব দৃষ্টিতে তাঁর দিকে চেয়ে আছে। পনের বছর আগের কথা! এতদিন পরে সে স্মরণ করা কি অত সহজ। তখন সিদ্ধেশ্বর ছিল। কর্তামশাইয়ের বড় আদরের নাতনী ছিল হরতন। সেই হরতন এখনও বেঁচে আছে? সেই হরতনই তাঁর গৃহলক্ষ্মী? সে ফিরে এলে আবার তাঁর গৃহ ধনে-জনে-ঐশ্বর্ষে পরিপূর্ণ হয়ে উঠবে?

কর্তামশাই যেন সব মনে করবার চেষ্টা করতে লাগলেন আবার।

বাবা আবার প্রশ্ন করলেন - আপনি নিজেই তার সৎকার করেছিলেন?

কর্তামশাই বললেন, না।

—তবে? তবে কে সৎকার করতে শ্মশানে গিয়েছিল?

কর্তামশাই বললেন, আমার ছেলে সিদ্ধেশ্বর গিয়েছিল। আমি নিজে যাই নি। আমার বড় আদরের নাতনী ছিল হরতন, তার সৎকার করতে আমি পারি নি, তাই...

তার পর হঠাৎ নিবারণের দিকে ফিরে বললেন, নিবারণ, তুমি গিয়েছিলে? তোমার কিছু মনে আছে?

নিতাই বসাক এবার নিবারণের মুখের দিকে চাইলে।

ছল্লাল সা হঠাৎ শুক্রির আধিক্যে হুঙ্কার দিয়ে উঠল

—বাবা, তুমিই সত্য...তুমিই সত্য, ভব-সংসারে আর সব মিথ্যে বাবা ..

ধূপ-ধূনোর ধোঁয়ার ঘরখানা তখন ঝাপসা হয়ে এসেছে আরও। কে বুঝি ধূস্রিতে আরও খানিকটা ধূনো শু ড়িয়ে ছড়িয়ে দিয়েছে। চাকরটা সব মন দিয়ে শুনছিল। তার হাতের চামরটাও যেন থেমে গেছে হঠাৎ। যারা এতক্ষণ হাত-জোড় ক'রে চোখ বুজে বাবার ধ্যান করছিল, তারা এবার চোখ খুললে। কেমন যেন একটা অস্বস্তিকর আবহাওয়া চারদিকে। এই বিংশ-শতাব্দীর কেঁপেগে হঠাৎ যেন আবার মধ্যযুগ ফিরে এল রাতারাতি।

হুলাল সা এবার আর পারলে না। সেই উপুড়-অবস্থাতেই হাউ-মাউ ক'রে ডুকরে কেঁদে উঠল, ভাঙ্গা গলায় আর্জনাৎ ক'রে উঠল—ভক্তি দাও বাবা, ভক্তি দাও—

কর্তামশাইয়ের মুখখানার দিকে চেয়ে নিতাই বসাকও চোঁচিয়ে উঠল—জয় বাবা গুরুদেব—

আর কর্তামশাইয়ের মনে হ'ল তিনি যেন পাগল হয়ে যাবেন! নিবারণের দিকে চেয়ে ধমুকে উঠলেন—কি হ'ল, তোমার মনে পড়ছে না?

বিপদ হ'ল নিবারণের। সে প্রাণপণে মনে করবার চেষ্টা করতে লাগল। তারও বয়স হয়েছে। এ বয়সে কি আর সেই আগেকার স্মরণশক্তি আছে? না কি, নিবারণ সেই আগেকার নিবারণই রয়েছে। তারও ত মাথায় টাক পড়েছে। তারও ত চুল পেকেছে। তারও ত দাঁত নড়ছে।

—বাবা!

হঠাৎ দরজার দিক থেকে মেয়েলি গলার শব্দ শুনে সবাই চেয়ে দেখলে সেখানে নতুন-বৌ এসে দাঁড়িয়েছে।

নতুন-বৌ বললে, রাত অনেক হ'ল, বাবার শরীর খারাপ, সারাদিন জলগ্রহণ করেন নি, সকলকে এবার উঠতে বলুন কাকাবাবু—

ক্রমশঃ

## রবীন্দ্রনাথের স্ত্রীশিক্ষার আদর্শ

শ্রীউষা বিশ্বাস

আমাদের দেশে স্ত্রীশিক্ষার আদর্শ কিরূপ হওয়া উচিত এবং মেয়েদের ও ছেলেদের একই প্রকার শিক্ষাব্যবস্থা হওয়া সমীচীন কিনা এ সম্বন্ধে এখনও যথেষ্ট মতবৈধ আছে। বিশিষ্ট শিক্ষাবিদগণ আজও এ বিষয়ে কোনও স্থির সিদ্ধান্তে উপনীত হতে পারেন নি। অনেকেরই মতে নারী ও পুরুষের দেহমনের গতি ও প্রকৃতি এবং উভয়ের জীবনের স্বাভাবিক কর্মক্ষেত্র যখন সম্পূর্ণ বিভিন্ন তখন তাদের শিক্ষাব্যবস্থাও ভিন্নরূপ হওয়া প্রয়োজন। আবার কেউ কেউ বলেন, শিক্ষায় মানুষমাত্রেরই জন্মগত এবং 'সহজাত' অধিকার আছে। তাই শিক্ষা থেকে নারীকে বঞ্চিত করলে তাকে মানুষের জন্মগত অধিকার থেকেই বঞ্চিত করা হয়। নারীরও পুরুষের মতই স্বতন্ত্র ব্যক্তিত্ব আছে। সে শুধু পুরুষের জন্তেই সৃষ্ট হয়েছে—তার জীবনের অস্ত্র কোনও সার্থকতা নেই, একথা বললে তার মনুষ্যত্বকেই অপমান করা হয়। সে 'অধিক মানবী'

ও 'অধিক কল্পনা' নয়—যাকে পুরুষ গড়েছে, 'সৌন্দর্য সঞ্চারি আপন অস্তর হতে'। নর ও নারীর উভয়েরই পরিচয় হচ্ছে যে তারা মানুষ,—যে মানুষ বিধাতারই সৃষ্টি। বাস্তবিকই, "বিদ্যা যদি মনুষ্যত্বলাভের উপায় হয়" এবং বিদ্যালভে যদি মানুষমাত্রেরই 'সহজাত' অধিকার থাকে, তবে নারীকে তার 'সহজাত' অধিকার থেকে বঞ্চিত করার কোনও যুক্তিই থাকতে পারে না। এই উভয়বিধ মতের মধ্যেই যে কিছু কিছু স্মৃষ্টি আছে, সেখা অস্বীকার করা যায় না। স্ত্রীশিক্ষা সম্বন্ধে কবিগুরু রবীন্দ্রনাথও কিছু চিন্তা করেছিলেন। শান্তিনিকেতনে তাঁর প্রতিষ্ঠিত শিক্ষায়তনটিতে তিনিই সর্বপ্রথম বাংলা দেশে সহশিক্ষা প্রবর্তন করেন। শুধু শিক্ষাক্ষেত্রেই নয়, জীবনের কোনও ক্ষেত্রেই যে তিনি নারীর সহজ মনুষ্যত্বকে বা তার ব্যক্তি স্বাতন্ত্র্যকে অস্বীকার করেন নি তা তাঁর সৃষ্ট নারী চরিত্রগুলি থেকে স্পষ্টই বোঝা যায়। বিশ্ব-

ভারতীতে সহশিক্ষা প্রবর্তন করে তিনি শিক্ষায় নরনারীর সমান অধিকারকেই ঘোষণা করে গিয়েছেন। তিনি বলেছেন—“যাহা কিছু জানিবার যোগ্য তাহাই বিদ্যা, তাহা পুরুষকেও জানিতে হইবে, মেয়েকেও জানিতে হইবে—ওধু কাজে খাটাইবার জন্ত যে তাহা নয়, জানিবার জন্তই। মানুষ জানিতে চায়, সেটা তার ধর্ম; এইজন্ত জগতের আবশ্যিক অনাবশ্যিক সকল তত্ত্বই তার কাছে বিদ্যা হইয়া উঠিয়াছে। সেই তার জানিতে চাওয়াকে যদি খোরাক না জোগাই কিংবা তাকে কুপথ্য দিয়া ভুলাইয়া রাখি তবে তার মানব প্রকৃতিকেই দুর্বল করি, এ কথা বলাই বাহুল্য।” তিনি আরও বলেছেন, “কিন্তু তাই বলিয়া শিক্ষাপ্রণালীতে মেয়ে পুরুষে কোথাও কোন ভেদ থাকিবে না এ কথা বলিলে বিধাতাকে অমান্য করা হয়।” তাঁর মতে “বিদ্যার দুটো বিভাগ আছে। একটা বিগন্ধ জ্ঞানের, একটা ব্যবহারের বিগন্ধ জ্ঞানে নারী ও পুরুষের, উভয়েরই যে সমান অধিকার আছে, এ কথা অস্বীকার করলে নারীর সহজ মনুষ্যত্বেরই অবমাননা করা হয়। মেয়েদের মানুষ হতে শিক্ষা দেবার জন্তে তাদের দেওয়া চাই বিগন্ধ জ্ঞান—যা তাদের মনুষ্যত্বলাভেরই উপায়। আর সেই সঙ্গে তাদের মেয়ে হতে শিক্ষা দেওয়াও দরকার। সেটিই হচ্ছে “ব্যবহারিক” শিক্ষা, যা তাদের নারীজীবনের স্বাভাবিক কর্মক্ষেত্রের উপযোগী করে গড়ে তুলতেই সহায়তা করবে। নারীর “ব্যবহারের” ক্ষেত্রটি বা তার স্বাভাবিক কর্মক্ষেত্রটিও যে স্বতন্ত্র হওয়া দরকার, একথাও অস্বীকার করা যায় না, কারণ তার শরীর ও মনের গতি এবং প্রকৃতি, পুরুষের থেকে সম্পূর্ণ স্বতন্ত্র। নারী ও পুরুষের মধ্যে এই পার্থক্যটি বিধাতারই সৃষ্টি। এই পার্থক্যকে অস্বীকার করলে বিধাতার সৃষ্টিকেই অবিশ্বাস করা হয়। কিন্তু এ যুগের প্রগতিবাদিনীগণ উৎসাহাতিশয্যে এই মূল কথাটিই ভুলে যান যে, পুরুষদের সঙ্গে তাঁদের দেহগত ও প্রকৃতিগত বৈষম্যটিও উপেক্ষণীয় নয়। পুরুষদের বিরুদ্ধে তাঁদের অভিযোগ যে, তাঁরা যুগ যুগ ধরে মেয়েদের ওধু দমিয়েই রাখতে চেয়েছেন, কোনও কোনও ক্ষেত্রে তাদের উপরে অবিচার অত্যাচারও করেছেন। তাঁদের অভিযোগটি যে নিতান্তই ভিত্তিহীন তা নয়। অবস্থা বিশেষে বা স্থল বিশেষে ব্যতিক্রম হলেও নারী ও পুরুষের কর্মক্ষেত্র যে স্বভাবতই বিভিন্ন, এ কথাও অনস্বীকার্য। কিন্তু এই ভেদ বা পার্থক্যের মূলে কোনও অসাম্য বা অবিচার নেই। নারী ও পুরুষের মধ্যে এই দেহগত ও প্রকৃতিগত বিভিন্নতা না থাকলে এবং তাদের

সম্বন্ধটি একান্তই প্রতিযোগিতামূলক হলে বিধাতার সৃষ্টিই উল্টে যেত। রবীন্দ্রনাথ বলেছেন :

“If woman begins to believe that, though biologically her function is different from that of man, psychologically she is identical with him if the human world in its mentality becomes exclusively male, then before long it will be reduced to utter inanity. For life finds its truth and beauty, not in any exaggeration of sameness, but in harmony”—

অর্থাৎ ‘নারী যদি সত্যিই বিশ্বাস করতে থাকে যে, সে কেবল জৈব প্রকৃতিতেই পুরুষ থেকে ভিন্ন এবং পুরুষের থেকে তার মনস্তাত্ত্বিক কোনও প্রভেদ নেই—এই পৃথিবীওদ্ধ লোকই যদি ওধু পুরুষমনোবৃত্তিসম্পন্ন হয় তাহলে অনতিবিলম্বে বিধাতার সৃষ্টিই অর্থহীন হবে। কারণ, জীবনের প্রকৃত সত্য ও সুখমা সুখামঞ্জস্যের মধ্যেই নিহিত আছে—নিরবচ্ছিন্ন অভিন্নতার আধিক্যের ভিতরে নয়।’ আধুনিক কালের নারী প্রগতিবাদিনীগণ অনেক সময়েই একধার সত্যতা স্বীকার করেন না। তাঁরা পুরুষের বিরুদ্ধে বিদ্রোহ ঘোষণা করে তাঁদের সঙ্গে সমান অধিকার দাবী করে বলেন যে, নারী ও পুরুষের কর্মক্ষেত্রের মধ্যে কোনও ভেদ নেই। আঙ্গকালকার দিনে কঠিন জীবন-সংগ্রামে নেমে অনেক মেয়েকেই হয়ত দৈনন্দিন জীবনের দুঃসহ দৈন্ত, অভাব ও দারিদ্র্যের সঙ্গে যুদ্ধতে হয়। কিন্তু একরূপক্ষেত্রেও পুরুষদের সঙ্গে তাদের সহযোগিতাই কাম্য—প্রতিযোগিতা নয়। পুরুষ যদি নারীকে তার কর্মসহচরী বলেই মনে করে, তবেই সাম্যের ভিত্তিতে তাদের মধ্যে সত্যিকার সম্বন্ধটি গড়ে উঠবে।


নারীপ্রগতিবাদিনীরা এ কথাও বলে থাকেন যে, যুগ যুগান্তর ধরে সকল দেশেই পুরুষেরা ওধু মেয়েদের উপরে প্রভুত্বই করে এসেছে এবং মেয়েদের অনেক বিষয়ে কতকটা দায়ে পড়েই পুরুষদের আনুগত্য স্বীকার করতে হয়েছে। কিন্তু পুরুষেরা যে কেবল গায়ের জোরেই মেয়েদের স্বত্বের উপর এই আনুগত্যের বোঝা চাপিয়ে দিয়েছে তা বলে মনে হয় না। তাহলে তাদের আনুগত্য দাসীত্বমাত্রেরই পর্যবসিত হ’ত। যেহেতু ভালবাসাই তাদের স্বাভাবিক ধর্ম, তারা স্বেচ্ছায় এই আনুগত্যকে বরণ করে নিয়েছে। তারা ভালবাসার কাছে স্বেচ্ছায়ই আত্মসমর্পণ করে এবং প্রিয়জনদের জন্তে অশেষ আত্মত্যাগও তারা করে। এই ভালবাসা বিনা সংসারে কণ্ঠা, ভগিনী, গৃহিণী ও জননীর কর্তব্য হয়ে উঠত এক

বিষম দায়। মার বৃকে বিধি অপার সন্তান স্নেহ দিয়েছেন বলেই তিনি সন্তান পালনের জন্তে অশেষ দুঃখ ক্লেশ সয়ে থাকেন। প্রেম আছে বলেই স্ত্রী স্বামীকে সেবা করে তৃপ্ত হয়, গৃহধর্ম পালনে আনন্দ পায়। আবহমান কাল থেকে মেয়েরা এই ভালবাসার দায় বেছায় ও আনন্দেই বহন করে এসেছে। এইজন্তেই তারা স্বামী, সন্তান ও পরিবারের অগ্রান্ত প্রিয়জনদের সুখের কাছে নিজেদের সুখ স্বাচ্ছন্দ্যকে অকাতরে ও হাসিমুখে বলি দিয়েছে। তারা তাদের কাছে আহুগত্যকে মোটেই দাসত্ব বলে মনে করে নি। তারা গৃহ ও পরিবারের স্নেহবন্ধনে ইচ্ছা করেই ধরা দিয়েছে। ভালবাসার ধর্মই হচ্ছে এই স্বৈচ্ছাকৃত আত্মসমর্পণ ও আত্মবিসর্জন। এতে নেই লেশমাত্র অগৌরব বা হীনতার মানি। নারী চিরদিন এই ভালবাসা দিয়েই তার গৃহকে সুখশান্তির নীড় করে গড়ে তুলতে চেয়েছে। সে তার প্রিয়জনদের কাছে আত্মসমর্পণ করেই সংসারে তার আপন স্থানটি অধিকার করেছে এবং সমাজেও তার আপন প্রতিষ্ঠা স্থাপন করতে পেরেছে। নইলে আহুগত্য তার কাছে হয়ে উঠত—পীড়াদায়ক ও অপমানজনক।

মেয়েদের পক্ষে ভালবাসা এবং সংসারে প্রিয়জনদের কাছে “একনিষ্ঠ” আত্মসমর্পণই যে স্বাভাবিক, সমাজও এই শিক্ষা তাদের চিরকাল দিয়ে এসেছে। কবিগুরু বলেছেন—“মেয়েদের ভালবাসার উপরই সমাজ বঁক দিয়াছে, এইজন্ত মেয়েদের দায় ভালবাসার দায়। পুরুষের শক্তির উপরই সমাজ বঁক দিয়াছে, এইজন্ত পুরুষের দায় শক্তির দায়।” শক্তি ও ভালবাসা—উভয়ের মধ্যে উপযুক্ত ভারসাম্য রক্ষিত হলেই নারী ও পুরুষের মধ্যে যথার্থ সম্বন্ধটি গড়ে উঠবে। নারী তখন

হয়ে উঠবে পুরুষের শুধু নর্মসহচরীই নয়—তার প্রকৃত “সহযাত্রী” এবং কর্মসহচরী—তার সঙ্কটে সহায়, চিন্তায় অংশী, এবং সুখে দুঃখে সহচরী।’ মেয়েদের নারী-জীবনের দায়িত্ব ও কর্তব্য পালনের জন্তেও তাদের উপযোগিতা অর্জন করতে হবে। এজন্তেও তাদের বিশেষ শিক্ষার প্রয়োজন আছে। এরূপ শিক্ষাও স্ত্রীশিক্ষার একটি বিশিষ্ট অঙ্গ হওয়া উচিত। অপর দিকে, মানুষ হিসেবেও মেয়েদের পুরুষদের মতই উচ্চ শিক্ষালাভের এবং জ্ঞান সঞ্চয়ের পূর্ণ অধিকার আছে।

গৃহই নারীর প্রকৃত ও প্রধান কর্মক্ষেত্র বিবেচিত হলেও, আজকের দিনে তাকে কেবল গৃহকোণচারিণী হয়ে থাকলেই চলবে না। তার উপরে দাবী সমগ্র বিশ্বের। গৃহসীমানার সংকীর্ণ পরিধির মধ্যে তার নিজ জীবনকে সীমাবদ্ধ করে সে আজ তাই বিশ্বের দাবীকে ভুলে থাকতে পারে না। কবিগুরু ঠিকই বলেছেন—“আজ সর্বত্র মেয়েরা ঘরের চৌকাঠ পেরিয়ে, বিশ্বের উন্মুক্ত প্রাঙ্গণে এসে দাঁড়িয়েছে, এখন এই বৃহৎ সংসারের দায়িত্ব তাদের স্বীকার করতেই হবে, নইলে তাদের লজ্জা, তাদের অকৃতার্থতা।” সেজন্তে তাদের আজ বিশ্বের জ্ঞান, কর্ম ও চিন্তাধারার সঙ্গেও পরিচিত হতে হবে। তাদের জানতে হবে আজকের দিনে সকল দিক দিয়ে জগৎ কতখানি এগিয়ে গিয়েছে—তার কোথায় কি ঘটছে। দৃষ্টির ও কর্মের এই প্রসারতার জন্তেও চাই উপযুক্ত জ্ঞান ও শিক্ষা। যে নারী একান্ত ভাবেই গৃহিণী তিনি আজ আমাদের আদর্শ নন। যিনি ঘরে ও বাইরে কল্যাণী, তিনিই আমাদের আদর্শ। এই কথাটিই মনে রেখে মেয়েদের শিক্ষার আয়োজন করা দরকার।





## পল্লী উন্নয়ন প্রসঙ্গে রবীন্দ্রনাথ

শ্রীকানাইলাল দত্ত

রবীন্দ্রনাথ তাঁর সুদীর্ঘ জীবনে একদিকে যেমন বিপুল ও বিস্ময়কর সাহিত্য সৃষ্টি করেছেন অন্যদিকে তেমনি বহু বিচিত্র রচনাত্মক কর্মের মাধ্যমে দেশ ও জাতির সমুন্নতি বিধানের প্রকৃষ্ট পথের নির্দেশ করে গেছেন। তাঁর এই রচনাত্মক কর্মের উজ্জ্বলতম নিদর্শন, আজকের বিশ্ববন্দিত বিশ্বভারতী ও শ্রীনিকেতন। বিশ্বভারতী বা শ্রীনিকেতন কোনটাই বিস্তারিত মানুষের সাময়িক খেলার ফলশ্রুতি নহে। ঋষি-কবির ধ্যান দৃষ্টিতে জাতির মুক্তির উপায় সম্পর্কে যে কর্মসূচী অবশ্য অমুসরণীয় বলে প্রতিভাত হয়েছিল, এ তারই বাস্তব রূপ।

বিশ্বভারতী-শান্তিনিকেতন আমাদের জীবনের উপর কতটা প্রভাব বিস্তার করেছে, কি পরিমাণে আমাদের শিক্ষা, সংস্কৃতি ও রুচিকে উন্নত, মার্জিত ও পরিশীলিত করেছে তার সঠিক মূল্যায়ন এখনও বাকি। দীর্ঘকাল রবীন্দ্রনাথের অব্যবহিত সাহচর্য লাভ করেছেন এমন বহু প্রভাবশালী ব্যক্তি আমাদের মধ্যে বিরাজমান। কবির প্রতি তাঁদের ব্যক্তিগত অহুরাগ ও ভক্তির গভীরতাই কবিকে বাদ দিয়ে কবিকৃতির বিচারে বিপুল বিঘ্ন সৃষ্টি করে। কবির সহকর্মী এবং সহচরবর্গের ভাষ্যের প্রতি সাধারণ মানুষের আগ্রহ স্বাভাবিক। অতএব সঠিক মূল্যায়নের জন্য দেশবাসীকে আরও বহুদিন অপেক্ষা করতে হবে। পল্লী উন্নয়ন বিষয়ক কবি-কর্মের বিচার একই কারণে ব্যক্তি-নিরপেক্ষ হতে পারে না। তথাপি একথা বোধ হয় নির্বিঘ্নে বলা চলে যে, প্রামোদ্যোগ কর্মসূচী রূপায়ণের ক্ষেত্রে শ্রীনিকেতন যতটা সফল হয়েছে কবিও ততটা সার্থক ও সত্য কর্মে ত্রুতী হয়েছিলেন। শ্রীনিকেতনই হচ্ছে কবির দেশের কাজের মূর্তি, একথা প্রভাতকুমার লিখেছেন তাঁর বিখ্যাত ‘রবীন্দ্রজীবনী’ গ্রন্থে।

শ্রীনিকেতন প্রতিষ্ঠার পূর্বেই কবি প্রামোদ্যায়নের কর্মে ত্রুতী হয়েছিলেন তাঁর জমিদারী পতিসর, কালিগ্রাম, শিলাইদহ, বিরাহিমপুর প্রভৃতি অঞ্চলে। গ্রাম উন্নয়নের কাজ সাধারণত কবি বা সাহিত্যসেবীর কর্ম নয়। তথাপি কবি, কেন এবং কেমন করে এই কর্মের প্রতি আকৃষ্ট

হলেন সেটুকু না জানলে তাঁর কাজের মূল্য পূরাপুরি উপলব্ধি করা যাবে না।

উনিশের শতকে বাংলা তথা ভারতবর্ষের নব-জাগৃতির যুগ বলে চিহ্নিত করা হয়। এই শতকের শেষের দিকে বিদেশী শাসন থেকে মুক্ত হবার একটা আকাঙ্ক্ষা দেশবাসীকে উদ্ভুদ্ধ করে। জোড়াসাঁকোর ঠাকুর পরিবার তখন প্রগতিশীল দেশবাসীর অন্ততম প্রেরণা স্থল। এখানেই ‘হাশনাল’ নবগোপাল মিত্রের হিন্দুমেলার সূচনা। জাতীয় কংগ্রেস এই হিন্দুমেলার স্বাভাবিক ক্রম-পরিণতি। নবজাগৃত জাতীয় চেতনার মধ্যে রবীন্দ্রনাথের শৈশব ও কৈশোর অতিবাহিত হয়। পরবর্তীকালে দেশে যখন রাজনীতির দাবি প্রবল হয়ে উঠেছে কবি তখন কখন প্রত্যক্ষভাবে, কখন অপ্ৰত্যক্ষভাবে সর্বদাই সে দাবি মেনে নিয়েছেন। নিবিড়ভাবে যেমন যুক্ত হন নি তেমনি সম্পূর্ণ পরিহার করেও চলে নি কোন দিন। দেশের ডাকে সাড়া দিয়েছেন সর্বদাই। তাঁর অমর লেখনীর অজস্র গান, তাঁর অমিতশক্তিধর প্রবন্ধ-সাহিত্য অযুত-ধারায় নবজাগৃত দেশবাসীর চিত্তে প্রেরণা দান করেছে। কিন্তু স্বাধীনতা-কর্মীদের সঙ্গে প্রকৃত লোক-হিত সম্পর্কে কবির মিল হ’ল না। রবীন্দ্রনাথ রাজনীতি চর্চা করেছেন, আলোচনা করেছেন অল্প প্রসঙ্গের আলোচনাক্রমে— যেমন সমাজ, শিক্ষা, পল্লী ইত্যাদি। কিন্তু রাজনৈতিক কর্মীদের চলতে হয় ঠিক উল্টো পথে। তাদের আলোচনার অন্তান্ত প্রসঙ্গ এলেও রাজনীতি মুখ্য। রাজনৈতিক নেতাদের সঙ্গে মতভেদ প্রবল হয়ে উঠলে কবির মতামত জনচিত্তে প্রয়োজনীয় আলোড়ন সৃষ্টি করতে পারে নি। রাজনীতিক মাদকতা, আন্দোলনের উত্তেজনা ও নগদ লাভের আশায় সমগ্র দেশ সেদিন প্রাবিত হলেও কবি স্বীয় সিদ্ধান্তে অবিচল ছিলেন। স্বাধীনতা বলতে তিনি কেবল ইংরেজ শাসনের অবসানই বুঝতেন না। তিনি বুঝতেন, লক্ষ লক্ষ মানুষের সার্বিক মুক্তি ও সন্নীতিই হ’ল সত্যকার স্বাধীনতা। আর সেই সামগ্রিক স্বাধীনতা ভারতবর্ষ ইংরেজহীন হলেই আমরা পাব, এই চিন্তাকে কবি একান্তই অশ্রদ্ধের বলে মনে করতেন।

স্বদেশ উদ্ধার সম্পর্কে তাঁর ধারণা খুবই স্পষ্ট এবং ইতিবাচক ছিল। তিনি লিখেছেন, “স্বদেশকে উদ্ধার করতে হবে ‘নিজেদের পাপ হইতে।’ অত্যাচার ‘ভবিত্যৎ অন্ধকারময়।’” পছা কি? তিনি বললেন, “গ্রামে যাও, নিভৃত পল্লীতেই দেশের প্রাণকেন্দ্র, সেখানেই শুরু করতে হবে কাজ”।

“একটি পল্লীর মাঝখানে বসিয়া যাহাকে কেহ কোন দিন ডাকিয়া কথা কহে নাই তাহাকে জ্ঞান দাও, আনন্দ দাও, আশা দাও, তাহার সেবা কর, তাহাকে জানিতে দাও মানুষ বলিয়া তাহার মাহাত্ম্য আছে, সে জগৎ সংসারে অবজ্ঞার অধিকারী নহে। অজ্ঞান তাহাকে নিজের ছায়ার কাছে ত্রস্ত করিয়া রাখিয়াছে, সেই সকল-ভয়ের বন্ধন ছিন্ন করিয়া তাহার বক্ষপট প্রশস্ত করিয়া দাও। তাহাকে অত্যাচার হইতে, অনশন হইতে, অন্ধ সংস্কার হইতে রক্ষা কর। নূতন বা পুরাতন কোন দলই তোমার নাম না গাহুক। যাহাদের হিতের জন্য আত্মসমর্পণ করিয়াছ প্রতিদিন তাহাদের প্রতি অবজ্ঞা ও অবিশ্বাস ঠেলিয়া এক পা এক পা করিয়া সফলতার দিকে অগ্রসর হইতে থাক।”

কবি প্রভূত ধনশালী প্রবল প্রতাপাশ্রিত জমিদার পুত্র—মাহুস হয়েছেন এদেশের প্রধান নগরী কলিকাতার বৃক্কে। গ্রামের মাহুসের সঙ্গে সাধারণ হিসেবে চলিত কথায় তাঁর খাণ্ডখাদকের সম্পর্ক। কবির সমসাময়িক কালে জমিদারগণ প্রজাপুঞ্জের হিতসাধন বর্মে উদাসীন হয়ে পড়েছেন। ইংরেজ শাসনের ভিত্তি এদেশে যতই দৃঢ় হয়েছে গ্রাম ও গ্রামীণ মাহুস-সাধারণের দুর্দশা ততই বেড়েছে। স্বাধীনতার চৌদ্দ বছর পরেও গ্রামের মাহুস সে দুর্দশা কাটিয়ে উঠতে পারেন নি।

যোগাযোগ ব্যবস্থার ক্রটি, শাসককুলের বৈশ্বর্যস্তির প্রতি সমীহা প্রভৃতি নানাবিধ কারণে মুসলমান রাজত্ব-কালেও আমাদের গ্রামগুলির সহজ সরল জীবনধারা অব্যাহত ছিল। পঞ্চায়েত কেন্দ্রিক গ্রাম্য-জীবন তার সুখ-দুঃখ সম্পদ বিপদ নিয়ে মোটামুটি সমৃদ্ধই ছিল। ইংরেজী শিক্ষা ও শাসনের হেরফেরে যোগাযোগ ব্যবস্থার কিছু উন্নতি সাধিত হয় বলেই গ্রাম আর শহরের মধ্যে ব্যবধান কমে যায়। শহরের দিকেই সেদিন পাল্লা ভারি ছিল—নানা কর্মের সুযোগ, আরাম-বিরাম ভোগ-বিলাসের বহু বিচিত্র আয়োজনে প্রলুব্ধ হয়ে যে পারল সেই শহরবাসী হ’ল। এমনি করেই গ্রামের সম্পদে শহর পুষ্ট হতে লাগল আর গ্রামের জীবনধারা দিন দিন ক্ষীণতর হতে থাকল। গ্রাম্য-জীবনের এই দুঃসহ ছরবস্থা

প্রত্যেকটি হৃদয়বান মাহুসের কাছেই ধরা পড়েছিল। গ্রামে ফিরে যাবার কেতাবী বক্তৃতা ছাড়া প্রকৃত আয়োজন কিন্তু খুব অল্পই হয়েছে। দুই-চারজন আদর্শ-বান কর্মীর কথা বাদ দিলে দেখা যাবে, এখানে-সেখানে যে সব গ্রামোন্নয়নের কিছু কিছু কাজকর্ম হয়েছে তার বেশির ভাগ উত্তোক্তারা এক একটা মুচিরাম শুড়। তারা কেউই কবির মত হৃদয় দিয়ে উপলব্ধি করেন নি, “পল্লীকে বাইরে থেকে পূর্ণ করার চেষ্টা কৃত্রিম। তাতে বর্তমানকে দখা করে ভবিত্যৎকে নিঃস্ব করা হয়।” পল্লীর উন্নতি সাধনের এই মৌল কথাটি কবি কেবলমাত্র বুদ্ধি দিয়েই উপলব্ধি করেন নি। দীর্ঘদিন পল্লীবাসীদের একজন হয়ে তাদের মধ্যে বসবাস করে এটা তিনি হৃদয় দিয়ে অনুভব করেছিলেন।

জমিদারী কাজকর্ম দেখার সূত্রে রবীন্দ্রনাথ গ্রামীণ মাহুসের নিকট সান্নিধ্য লাভ করেন। তাদের দুঃখ, দুর্দশা, দারিদ্র্য, লাঞ্ছনা আর অসহায়তা তিল তিল করে প্রকটিত হয়ে তাঁর চিন্তে যে গভীর বেদনার সৃষ্টি করেছিল তা একদিকে, ‘সঙ্ঘ্যা’, ‘এবার ফিরাও মোরে’ জাতীয় অপূর্ব কবিতার স্তবকে স্তবকে, ‘রাজনীতির দ্বিধা’ প্রভৃতি অগ্নিগর্ভ প্রবন্ধের ছত্রে ছত্রে ও নানা বিচিত্র লেখার (সাধনা প্রভৃতি কাগজে) মধ্যে রূপ পরিগ্রহ করেছে—অতীতকে সেই দুঃসহ অবস্থার অবসানকল্পে স্বীয় পদ্ধতিতে কর্মে ব্রতী হয়েছেন। কবি যত বেশি পল্লী-মাহুসের সঙ্গে মিশেছেন, যত নিবিড়ভাবে তাদের জেনেছেন, ততই লোকহিতের উপায় সম্পর্কে স্বীয় মতে তাঁর বিশ্বাস দৃঢ় হয়েছে। “স্বাধীনতা পাবার চেষ্টা করব স্বাধীনতার উল্টো পথ দিয়ে এমনতর বিড়ম্বনা আর হতেই পারে না।” কবি দেশকে এই বিড়ম্বনার হাত থেকে মুক্ত করার জন্য একলাই কর্মে প্রবৃত্ত হলেন।

“প্ল্যান ছিল না বটে, কিন্তু দুটো একটা সাধারণ নীতি আমার মনে ছিল।” এই নীতির উপর ভিত্তি করেই কবি কাজ শুরু করলেন তাঁর জমিদারীতে। বিরাহিমপুর পরগণাকে পাঁচটা মণ্ডলে ভাগ করে পাঁচজন কর্মীর অধীনে পাঁচটি পল্লীসমাজ স্থাপন করেন। এই সব সমাজের মুখ্য কাজ ছিল—গ্রামের রাস্তাঘাট নির্মাণ ও পরিষ্কার করা, জলকষ্ট দূর করা, বিত্তপন্ন পানীয় জলের ব্যবস্থা করা, সালিশি বিচার দ্বারা সর্ববিধ বিরোধের নিষ্পত্তি করা, বিদ্যালয় স্থাপন ও ধর্মশালা, শস্তাশাণ্ডার সৃষ্টি। এ ছাড়া এই সব পল্লীসমাজের মাধ্যমে নানাবিধ অর্থকরী শস্ত ও ফসল উৎপাদনের চেষ্টা করা হ’ত। আলুর চাষ ও আমেরিকান ছুটা ফলাবার চেষ্টা, ক্ষেতের

আইলে ও বসতবাড়ীর সীমানাতে আনারস, খেজুর, বলা প্রভৃতি গাছ লাগাবার জন্ত কৃষকদের তিনি উৎসাহিত করতেন, যাতে এক টুকরা জমিও অকারণে পড়ে না থাকে।

ঐ যুগে কৃষিকার্য বস্তুতঃ অস্পৃশ্য বলে বিবেচিত হ'ত। কবি বুঝেছিলেন কৃষির উন্নতিবিধান করতে হলে বিজ্ঞান-লব্ধ উন্নত জ্ঞানের প্রয়োগ অপরিহার্য। এই সময়ে একখানি পত্রে তিনি লেখেন :

“We all hope that here science in the end would help man. She will make the necessities of life easy accessible to every man, so that humanity will be freed from its tyranny of matter which now humiliates her. The struggling mass of men is great in its paths, in its latency of infinite power.”

এ ত কেবল কথাই নহে। এ যে উপলব্ধি। জনতার সাধ্য কি কবির উপলব্ধির সঙ্গে একাঙ্গ হবে। তাঁর উপলব্ধিকে বাস্তব রূপ দেবার জন্ত কারও অপেক্ষা তিনি করলেন না। পুত্র রথীন্দ্রনাথ ও জামাতা নগেন্দ্রনাথকে পাঠালেন বিজ্ঞান-ভিত্তিক উন্নত কৃষিবিদ্যা শিখতে। এঁরা যখন কৃষিবিদ্যা শিখতে গেলেন তখনও কৃষিকার্য আমাদের দেশে অদ্বৈত হয়ে ওঠে নি—যদিও জনক রাজার কথা পুণ্য কাহিনী বলে পঠিত হ'ত। বহুতা বা বইতে অবশ্য কৃষির প্রতি গুরুত্ব আরোপের প্রয়োজনের কথা কেউ কেউ উল্লেখ করতে শুরু করেছেন।

আমাদের দেশে কথা ও কাজের মধ্যে ব্যবধান বিস্তর। রবীন্দ্রনাথ সত্যদ্রষ্টা ঋষি-কবি। তাঁর যে কথা সেই কাজ। দেশের লোক যখন তাঁর কথামত কাজ করল না তখন তিনি নিজেই অগ্রণী হয়ে কথাকে কর্মের রূপ দিলেন। কেবল অর্থ দিয়ে নয়, বা নেতৃত্ব মাত্র দিয়ে নয় ; কবি কায়মনোবাক্যে কর্মে প্রবৃত্ত হলেন। কায়মনোবাক্যে যে কর্মে ব্রতী হয়েছিলেন তার প্রকৃষ্ট উদাহরণ জামাতা ও একমাত্র পুত্রকে গ্রামীণ মানুষের কল্যাণবহু শিক্ষায় শিক্ষিত করে তুলবার প্রয়াস। দেশের মানুষকে কোন কাজে আস্থান করে—সে কাজে নিজের ছেলেকে সর্বাগ্রে নিযুক্ত করার দৃষ্টান্ত আমাদের দেশে খুব বেশি নেই।

রথীন্দ্রনাথ আমেরিকায় শিক্ষা সমাপন করে পিতৃ-দেবের জমিদারীতে কাজ আরম্ভ করেছিলেন। কিন্তু নানাবিধ কারণে সেখানে তিনি দীর্ঘকাল টিকে থাকতে

পারেন নি। ১৯২২ সন নাগাদ তাঁর কর্মক্ষেত্র স্থানান্তরিত হয় সুরুলে—এই কেন্দ্র এখন শ্রীনিকেতন নামে ভুবন-বিখ্যাত হয়েছে। কিন্তু এর শুরু হয়েছিল অতি সামান্ত ভাবে ; লোককল্যাণের প্রবল ইচ্ছা আর স্বীয় সিদ্ধান্তে অবিচল নিষ্ঠা ভিন্ন সে দিন আর কোন সম্ভলই ছিল না। শ্রীনিকেতন কেন্দ্রের কাজের গোড়ার দিকে দেশের লোকের সহায়তা তেমন জোটে নি। কিন্তু বিদেশী বিস্তারালী কবিভক্ত ‘কৃষক’ এলমহাষ্ট্র নির্বাধে ও নিঃশঙ্কচিত্তে সর্বাঙ্গীণ সহযোগিতা দিয়েছিলেন। কবির পরিকল্পনা, এলমহাষ্ট্রের অর্থ সাহায্য ও শ্রমে, রথীন্দ্রনাথের ঐকান্তিকতা ও কালীমোহন ঘোষ প্রভৃতি কয়েকজন আদর্শ কর্মীর সেবার শ্রীনিকেতন আজ পরিকল্পিত গ্রামোন্নয়নের কর্মসূচী রূপায়নের শ্রেষ্ঠ কেন্দ্র বলে অকুণ্ঠ স্বীকৃতি লাভ করেছে। শ্রীনিকেতনের কথা এখন বহুশ্রুত।

কবির পল্লী উন্নয়নের চেষ্টাকে কোন একটি বিশেষ স্থানে কর্মের মাধ্যমে পূর্ণরূপে দেখবার সৌভাগ্য আমাদের হ'ত না, যদি শ্রীনিকেতন প্রতিষ্ঠিত না হ'ত। সেই দিক দিয়ে শ্রীনিকেতনের গুরুত্ব সমধিক। কবি নিশ্চয়ই এ গুরুত্বের কথা অহুধাবন করেছিলেন ; কিন্তু এর প্রতি অখণ্ড মনোযোগ দেবার অবসর পান নি। তাঁর জমিদারী অঞ্চলের গ্রামগুলিতে তিনি অতুল সেন প্রমুখ কর্মীর সহায়ে যে কাজ শুরু করেছিলেন তা যাতে ব্যাহত না হয় তার জন্ত অবশ্য বিশেষ চেষ্টা ছিলেন।

গ্রামোন্নয়ন কর্মের প্রয়োজনীয় অর্থ সংগ্রহের জন্ত তিনি নিজ জমিদারীর আয়ের টাকা প্রতি এক আনা দিয়ে একটি তহবিল সৃষ্টি করেন। এ টাকা তিনি পল্লীবাসীকে দান হিসেবে দিয়ে তাদের ছোট করে দেন নি। দিয়েছেন চাঁদা হিসাবে। গ্রামবাসীদেরও তাদের আয়ের টাকা পিছু এক আনা দিতে হ'ত এই তহবিলে। কবির অহুমোদনক্রমে অতুল সেন মহাশয় ‘শ্রমদানের’ প্রথা প্রচলন করেন। যারা দারিদ্র্যের জন্ত দিতে অপরাগ ছিলেন তাঁরা গায়ে গতরে খেটে নিজেদের দেয় চাঁদা শোধ করতেন। এমনি স্বচ্ছায় শ্রম দানের ফলে খুব অল্প সময়ে ঐ অঞ্চলের বহু জনপদের চেহারা বদলে গিয়েছিল। এই ব্যবস্থা ক্রমে ক্রমে খুবই জনপ্রিয় হয়েছিল। গ্রামের সালিশি বিচারের জরিমানার টাকাটার অপব্যয় নিবারণ করে কবি গ্রাম-সংগঠনের কাজে লাগান।

কবি বলেছেন ‘প্রাণ জাগিলেই কাহারো পরানর্শ না লইয়া আপনি চলিতে প্রবৃত্ত হয়।’ এইখানে কবি

গ্রামবাসীর প্রাণটা জাগিয়ে দিয়েছিলেন মাত্র। আর তার কলে গ্রামে গ্রামে স্কুল, বড়দের লেখাপড়ার ব্যবস্থা, চিকিৎসালয়, পানীয় জলের ব্যবস্থা সবই হয়েছিল। এমন কি ধর্মশালা, শস্তাশাণ্ডার; কৃষি ব্যাঙ্কও। এ দেশে সমবায় প্রথা চালু হবার পূর্বেই কবি পতিসরে কৃষি ব্যাঙ্ক স্থাপন করেছেন। নোবেল পুরস্কারের এক লক্ষ কুড়ি হাজার টাকা কবি প্রথমে এই ব্যাঙ্কেই গচ্ছিত রেখেছিলেন—গ্রামের উন্নতির জন্য চাবীর যে টাকা চাই। নোবেল পুরস্কারপ্রাপ্ত ভুবনবিখ্যাত কবি, নিজের ধনী জমিদার কিন্তু ভাবছেন নিরন্ন অসহায় দেশবাসীর কথা—অভ্যন্ত ভারতীয় মনে এ বিনয় জাগায়। চান্দীকে মহাজনের কবল থেকে বাঁচাবার উপায় সম্পর্কে কবি অনেক ভেবেছেন। নিজের সীমিত আর্থিক ক্ষমতা নিয়ে অল্প সুদে টাকা ধার দিয়ে তাদের রক্ষা করবার চেষ্টা করেছেন।

গ্রামের উন্নতির দুইটি দিক আছে।—একটি তার প্রাণকে জাগিয়ে তোলা আর সেই জাগ্রত মানুষকে সমাজ-সচেতন করে কর্ণে প্রবৃত্ত করা। কবি বলেছেন, “সমাজই বিচার ব্যবস্থা করেছেন, তৃষিতকে জল দিয়েছেন, ক্ষুধিতকে অন্ন, পূজার্থীকে মন্দির, অপরাধীকে দণ্ড, শ্রদ্ধেয়কে শ্রদ্ধা, গ্রামে গ্রামে দেশের চরিত্র রক্ষিত ও শ্রীকে প্রতিষ্ঠিত করেছে।” একলা হ’লে হবে না—সমাজবদ্ধ হয়ে সকলে মিলে একযোগে একজো করে করতে হবে। কবি তাঁর স্বদেশী সমাজের পরিশিষ্টে গ্রামোন্নয়ন কাজের খসড়া দিয়েছেন এবং পল্লীর উন্নতি প্রবন্ধে বিস্তারিত করে বলেছেন।

দ্বিতীয় দিকটির বহিঃস্ব হচ্চে রাস্তাঘাট নির্মাণ, পানীয় জলের ব্যবস্থা, বিদ্যালয়, ধর্মশালা স্থাপন ইত্যাদি। অবশিষ্ট কর্মটি ছুঁকুঁকি কিন্তু সাতিশর গুরুত্বপূর্ণ। দরিদ্র পল্লীবাসীর আয়ের ব্যবস্থা। পল্লীর অর্থনীতিতে রবীন্দ্রনাথের গভীর্ণ জ্ঞান সর্বজনবিদিত। তাদের অর্থ-

নৈতিক হুর্দশার নিরাকরণের উপায় নির্দেশ করতে গিয়ে বলেছেন—একই জমিতে একাধিক কসল ফলাও, অপচয় নিবারণ কর, বেশি ফসল হয় এবং ভাল দাম পাওয়া যায় এমন কসল ফলাও, ইত্যাদি।

গ্রামীন শিল্পকে কৃষির পরিপূরক রূপে পুনর্গঠিত করা এবং কৃষিকার্ষে আধুনিক উৎপাদন-পদ্ধতি ও উন্নততর কৃষিবিদ্যার প্রয়োগের প্রয়োজনীয়তা সম্পর্কে তিনি নিঃসংশয় ছিলেন। নিজ জমিদারীতে তিনি এর পরীক্ষা-নিরীক্ষা করেছেন। আখ-মাড়াই কল, গুটিপোকাকার চাষ, ইত্যাদি তিনি সেখানে প্রবর্তন করেন। এগুলি অবশ্য স্থলবুদ্ধি মানুষের দ্বারাই সম্ভব। কিন্তু আমাদের ভাগ্য ভাল, কবি এর মধ্যে আবদ্ধ থাকেন নি। তাঁর দৃষ্টি অন্তর প্রসারিত হয়েছিল। যে সব আসবাবপত্র, তাঁতের কাপড়, বাটিকের কাজ, চামড়ার দ্রব্যাদি আজকাল শান্তিনিকেতন ও শ্রীনিকেতনের নামে চলে এবং যার ব্যবহার কুচিনীলতার পরিচায়ক বলে দেশে-বিদেশে স্বীকৃত হয়েছে তার উভারস্ত গ্রামোন্নয়নের চিন্তায়। এখন এ কাজ শ্রীনিকেতনে মাত্র সীমাবদ্ধ নেই। সারা ভারতবর্ষ জুড়ে বহু সহস্র মানুষ এর দ্বারা জীবিকার্জন করছেন। এ বিষয়ে রবীন্দ্রনাথ ও তদীয় সহধর্মিনী প্রতিমা দেবীর অবদান অবিস্মরণীয়।

কবির জীবদ্দশায় তাঁর গ্রামোন্নয়নের কর্মসূচী দেশে বিশেষ সাড়া জাগাতে না পারলেও, স্বাধীনতা লাভের পর জাতীয় সরকার তা গ্রহণ করেছেন। কবি এককভাবে তাঁর সীমিত অর্থশক্তি নিয়ে নিজ জমিদারীতে যে সাধনা শুরু করেছিলেন সেই কর্মসূচী সরকারী ব্যবহার মাধ্যমে আসমুদ্র হিমাচল ভারতবর্ষের প্রতিটি গ্রামে গ্রামে মোটামুটি অহুসৃত হচ্চে। স্বয়ংসম্পূর্ণ আত্মনির্ভরশীল আনন্দময় গ্রামের যে স্বপ্ন কবি দেখতেন তা বাস্তব রূপ পরিগ্রহ করতে চলেছে। আমাদের হুর্ভাগ্য কবি তা দেখে যেতে পারেন নি। আমাদের সাধনা কবি অন্তরীক থেকে আমাদের আশীর্বাদ করবেন।





# বাংলা ও বাঙালীর কথা

শ্রীহেমসুন্দর চট্টোপাধ্যায়

বিশ্ববিদ্যালয় অবরোধ

‘যুগান্তর’ বলিতেছেন :

“কলিকাতা বিশ্ববিদ্যালয় এবং ছাত্র সমাজকে কেন্দ্র করিয়া পরাধীন ও স্বাধীন ভারতে এই পর্য্যন্ত কম ইতিহাস রচিত হয় নাই। কিন্তু গত মঙ্গলবার ২২শে মে যাহা ঘটয়া গিয়াছে, তার তুলনা খুব বেশী নাই। কার্যতঃ মেডিকেল ছাত্রগণ কলিকাতা বিশ্ববিদ্যালয়কে দশ ঘণ্টাকাল ‘অবরোধ’ করিয়া রাখিয়াছিল। কিন্তু ছাত্রগণ কর্তৃক এই ‘আক্রমণ’ ও ‘অবরোধের’ আমরা প্রশংসা করিতে পরিতাম, যদি উহা কোন বীরত্বপূর্ণ মহৎ কাজের জন্ত অমুষ্ঠিত হইত। কিন্তু ইদানীং সংস্কৃতির নামে যেমন নাচগানের আসর ও হল্লা বড় হইয়া উঠিতেছে, তেমনি বীরত্ব ও মহৎ গিয়া চুকিয়াছে বিশিষ্ট ব্যক্তিদের ঘেরাও করার মধ্যে। শ্রদ্ধা, সম্মান ও শিষ্টাচারবোধের কোন বালাই নাই—বিশ্ববিদ্যালয়ের ভাইস-চ্যান্সেলার আজ মারমুখী ছাত্রদের হাতে কেবল করুণার পাত্র নহেন, হতভাগ্য বন্দীমাত্র! সেই সঙ্গে সিণ্ডিকেটের কয়েকজন সদস্যও নিশ্চয় বুঝিয়া লইয়াছেন মেডিকেল ছাত্র ও মেডিকেল স্টুডেন্ট কাহাকে বলে! বৃহৎ একদল ছাত্র সারা বছর পড়াশুনা ছাড়া আর সমস্ত ‘সংকার্য’ করিয়া থাকে। সুতরাং পরীক্ষার তারিখ নিকটবর্তী হইলেই এই সমস্ত ছেলের দল হল্লা করিতে থাকে—‘পরীক্ষার তারিখ হটাৎ!’ কেবল মেডিকেল ছাত্রদেরই এই দাবি নূতন নয়, অন্যান্য পরীক্ষার সময়ও প্রতি বছর এমন দাবি উঠিয়া থাকে। কারণ, অপদার্থ ছাত্রের সংখ্যা আজ বাংলা দেশে কম নহে। আরও দুর্ভাগ্যের কথা সত্যকার যারা ভাল ছাত্র, যারা উজ্জ্বলতা না করিয়া পড়াশুনা করিয়া ভবিষ্যতে মানুষ হইতে চাহে, তারাও এই হল্লাবাজের দলে পড়িয়া অসহায় বোধ করে।”

একই বিষয়ে ‘স্বাধীনতার’ মত :

“কলিকাতা বিশ্ববিদ্যালয়ের অভ্যন্তরে প্রবেশ করিয়া পুলিশ গত মঙ্গলবার রাতে মেডিকেল ছাত্রদের উপর নির্মমভাবে লাঠি চার্জ করিয়াছে, কাঁছনে গ্যাস ছুড়িয়াছে। সমস্ত জন ছাত্র আহত হইয়াছে, বার জনের আঘাত খুবই গুরুতর। ১২৫ জনের মত ছাত্রকে গ্রেপ্তার করা হইয়াছে।

ঘটনার সময় বিশ্ববিদ্যালয়ের ভিতরে ও গোলদীঘির রাস্তায় যে দৃশ্য দেখা গিয়াছিল তাহা একটি ক্ষুদ্র রণক্ষেত্রের আকার ধারণ করিয়াছিল। দেখা গেল পুলিশের গাড়ী ছুটিতেছে, যুবকদের উপর বেপরোয়া লাঠি পড়িতেছে, টিয়ার গ্যাস ছোঁড়া হইতেছে আহত যুবকদের লইয়া হাসপাতালের দিকে দৌড়া দৌড়ি পড়িয়া গিয়াছে তবে এ রণক্ষেত্রের বিশেষত্ব হইল—এক দিকে দেড় হাজার নিরস্ত্র শাস্তিপূর্ণ মেডিকেল ছাত্র, আর অপর পক্ষে ছিল সশস্ত্র পুলিশবাহিনী। শাস্তিপূর্ণ যুবকদের উপর পুলিশের এই গাণ্ডব নৃত্যের কি প্রয়োজন ছিল? ছাত্ররা গিয়াছিলেন—পরীক্ষার তারিখ পিছাইবার দাবি জানাইবার জন্ত। বিশ্ববিদ্যালয়ের উপাচার্য শ্রীশুরজিৎ লাহিড়ী পুলিশকে ডাকাইয়া আনিলেন, আর পুলিশ আসিয়া মেডিকেল ছাত্রদের, যাহারা আগামী কাল ডাক্তার হইবেন, ভবিষ্যতের যুবকরা আশায় যাহারা চিকিৎসা বিদ্যা অর্জন করিতেছেন—তাহাদের বেধড়ক পিটাইয়া দিলেন।

উপাচার্য শ্রীশুরজিৎ লাহিড়ী বিশ্ববিদ্যালয়ের ভিতরে পুলিশ ডাকাই। আনাইয়া রাজ্যের সর্বোচ্চ শিক্ষায়তনের পবিত্রতা নষ্ট করিলেন ইহা বিশ্ববিদ্যালয়ের ইতিহাসে ইতিপূর্বে আর কখনও দেখা যায় নাই।”

এই পত্রিকার রিপোর্ট একান্ত পক্ষপাতহীন—এবং বিকৃত। অবশ্য এই দৈনিকের পরম-বৈশিষ্ট্যই এইখানে।

বিশ্ববিদ্যালয়ের কর্তৃপক্ষ যে একান্ত নিরুপায় হইয়াই পুলিশ ডাকিতে বাধ্য হইয়াছিলেন এমন মনে করিবার কারণ আছে। পুলিশও ঘণ্টার পর ঘণ্টা ধৈর্যের সঙ্গে অপেক্ষা করেন। ছাত্রদের হল্লাবাজী হইতে বিরত হইবার জন্তও তাঁহারা অসুরোধ করেন—কিন্তু সবই বৃথা। ফলে যাহা অনিবার্য তাহাই ঘটিল।

সমস্ত ব্যাপারটি অসুস্থান সাপেক্ষ। কাজেই এ বিষয়ে এখনই কোন মতামত দেওয়া হয়ত উচিত হইবে না। কেবল একটি কথা বলিব যে, যে-ভূত কর্তারা নাচাইয়াছেন সেই ভূতের হাতে দেশের ভবিষ্যৎ যদি নির্ভর করে, তাহা হইলে সে-ভবিষ্যৎ আলোকময় না হইয়া ঘোর অন্ধকারেই আবৃত থাকিবে।

‘স্বাধীনতা’—ছাত্রদের পক্ষে কোন দোষই দেখিতে পান নাই। এই পত্রিকা তাঁহার স্বভাবগত মতই প্রকাশ করিয়াছেন। বিকৃত দৃষ্টিভঙ্গির উজ্জ্বল দৃষ্টান্ত !!

### ভারতীয় মুসলমানদের সহিত পাকিস্থানীদের যোগসাজস

‘আনন্দবাজার পত্রিকা’র প্রকাশ :

“পশ্চিমবঙ্গের উত্তরাঞ্চলের কোচবিহার জেলার দক্ষিণ-পূর্ব সীমান্ত হইতে শুরু করিয়া জলপাইগুড়ি, পশ্চিম দিনাজপুর ও মালদহের এলাকাভুক্ত সুদীর্ঘ ভারত-পাকিস্থান সীমান্ত জুড়িয়া একটি পাকিস্থানী চক্রান্ত আত্মপ্রকাশ করিয়াছে। বিশেষ করিয়া এই সকল জেলার সীমান্তসমূহে ভারতীয় এলাকার অভ্যন্তরে একরূপ অনেক ভারতীয় মুসলমানের ঘরবাড়ী রহিয়াছে যেখানে অসু-সন্ধান করিলে বহু অবাঞ্ছিত পাকিস্থানী নাগরিকের সন্ধান পাওয়া যাইবে।

দেশ বিভাগের পর জলপাইগুড়ি শহরের এক প্রভাবশালী মুসলমান গৃহ এই জঘন্ত সর্জনশা চক্রান্তে লিপ্ত আছে বলিয়া সন্দেহ করিবার যথেষ্ট কারণ আছে। নির্ভরযোগ্য সূত্রে প্রাপ্ত সংবাদেও জানা গিয়াছে যে, গত সপ্তাহে দুইজন বিশেষ সম্প্রদায়ভুক্ত তথাকথিত ভারতীয় নাগরিক এই জেলা শহরে আসিয়া কার্য সমাধান পরে পুনরায় পাকিস্থানে ফিরিয়া গিয়াছে। বস্তুত স্থানীয় মুসলমান নাগরিকদের সঙ্গে পাকিস্থানী মুসলমানদের প্রত্যক্ষ যোগাযোগ রহিয়াছে বলিয়াও বিশিষ্ট মহল হইতে অভিযোগ উত্থাপিত হইয়াছে।”

মুর্শিদাবাদ, নদীয়া, কুচবিহার, মালদহ প্রভৃতি সীমান্ত অঞ্চলের অবস্থাও একই প্রকার। এখানে পাকিস্থানী হামলা প্রাত্যহিক ব্যাপার। এই সমস্ত ব্যাপার পুলিশ মহলের জানা আছে। কেবল পশ্চিম-বঙ্গের উত্তরাঞ্চলে নহে, খাস কলিকাতার কতকগুলি বিশেষ এলাকার পাকিস্থানীদের ভারতরাষ্ট্র এবং সমাজ-বিরোধী কার্যকলাপের ডিপো হইয়াছে। শ্রীকালীপদ মুখোপাধ্যায় এবং তাঁহার আই. বি. বিভাগের পুলিশ এ বিষয়ে সবই জানেন। কিন্তু সমস্ত বিষয়টিকে তাঁহারা অবহেলার দৃষ্টিতে দেখিতেছেন। আমাদের মুখ্যমন্ত্রী মহাশয়ও বৃহত্তর কলিকাতার মহত্তর পরিকল্পনার স্বপ্ন-বিলাসে মগ্ন! সামান্য বিষয়ে দৃষ্টিদানের তাঁহার সময় বোধ হয় নাই। এমনও হইতে পারে যে, ভারতের মহামন্ত্রী শ্রীনেহরু মুসলমানদের প্রতি সদয় থাকিবার

আদেশ দিয়াছেন, কারণ তাহা না হইলে পাকিস্থান ক্রুদ্ধ হইবে !!

মৎস্য-পুরাণ

‘আনন্দবাজার পত্রিকা’র মতে :

“বাঙালী গৃহস্থের দৈনন্দিন জীবনে নানাবিধ সঙ্কটের সঙ্গে মৎস্য-সঙ্কটও নিত্যকার ব্যাপার হইয়া দাঁড়াইয়াছে। সাধারণ মানুষের অবশ্য-প্রয়োজনীয় জিনিষপত্রের দাম চড়িয়াছে। কেন্দ্রীয় অর্থমন্ত্রী শ্রীমোরারজী দেশাইয়ের মতে উহা মায়া বা মতিভ্রম হইলেও মধ্যবিত্ত পরিবারের বাহাদের স্বপ্ন আয়ে সংসার চালাইতে হয় তাঁহাদের অভিজ্ঞতায় জিনিষপত্রের দর চড়িবার ছুর্ভোগ মর্মে মর্মে সত্য। মাছের বাজার যে আশুন হইয়াছে তাহার জন্ত অবশ্য কেন্দ্রীয় অর্থমন্ত্রীকে সরাসরি দায়ী করা যায় না। তবে কথা কি, দায়-ভাগ যেমনই হউক বাঙালী গৃহস্থের রন্ধনশালা হইতে মাছের পাট বলিতে গেলে প্রায় তুলিয়া দিতে হইতেছে। ঘি, দুধ, মাখন অনেক দিন হইতেই অধিকাংশ বাঙালী পরিবারের নাগালের বাহিরে; মাংস এবং ডিমও রোজ কিনিবার সামর্থ্য নাই। বাঙালীর খাণ্ডতালিকায় পুষ্টিকর বস্তু বলিতে ছিল মাত্র মাছ, তাহাও বেশী নয়—বড়-জোর এক টুকরা কিংবা সামান্য এক মুঠা চুনোপুঁটি-জাতের ছোট মাছ। এখন তাহাও জুটাইতে পারা কঠিন। ভাগ্যবানরা ছাড়া কাহারও সাধ্য নাই যে, কলিকাতার মাছের বাজারে প্রবেশ করিতে পারে। মধ্যবিত্ত বাঙালীকে এই ছুর্ভোগ কেবল সাময়িক কোনও কারণে ছুই-একদিন সহিতে হইতেছে না, মাসের পর মাস, বৎসরের পর বৎসর এই ছরবছা চলিতেছে।...”

বার বার মৎস্য লইয়া একই ব্যাপার ঘটিতেছে। ইহাতে মনে করিতে পারি যে, পশ্চিমবঙ্গ সরকার অন্তান্ত নানা বিষয় সমস্তার মত এ ব্যাপারেও ব্যর্থ হইয়াছেন। অথচ “গভীর সমুদ্রের” মাছ বাঙালীকে খাওয়াইবার জন্ত ইতিমধ্যেই এক কোটির বেশী টাকা গভীর সমুদ্রে নিক্ষেপ করিয়াছেন! অবশ্য টাকাটা সেই চিরপরিচিত গৌরী সেন মহাশয়ের! পশ্চিমবঙ্গ সরকার মৎস্য বিষয়ে আমাদের সুপ্রচুর ‘প্রতিক্রতি’ ভঙ্গণ করাইয়াছেন, কিন্তু তাহা মৎস্যহীন মৎস্যের প্রতিক্রতি।

এবার ডাঃ বিধান রায়ের প্রেসক্রিপশন অসুখারী বাঙালীকে আপেল, নাগপাতি, বর্ডমান কলা, আনারস, দুধ-ঘি-মাখন প্রভৃতি সহজপ্রাপ্য এবং প্রায় মূল্যহীন খাদ্য গ্রহণ করিতে বাধ্য হইতে হইবে! কলিকাতার তথা সমগ্র বঙ্গদেশে এ-সব দ্রব্য ত পথে-বাটে পাওয়া যায় !!

খোলাখুলি বলাই ভাল

কালনার 'পল্লীবাসী' ( ২৩।৫।৬২ ) বলিতেছেন :

"দেশ বিভাগ মানিয়া লওয়ার পনের বৎসর পরেও আজও যখন পাকিস্থানে হিন্দু নিগ্রহ অব্যাহত, তখন আর আক্ষে-বাজে কথা নয়, একটা চূড়ান্ত নিষ্পত্তির কথাই চিন্তা করা ভাল।

দেশ বিভাগের সময়ও পূর্ববঙ্গে প্রায় দেড় কোটি হিন্দু ছিল, তার কতক শেব হইয়াছে আর কতক পলাইয়া আসিয়াছে, এখনও প্রায় পঞ্চাশ-ষাট লক্ষ 'জিম্মি' হইয়া আছে। ইহাদের জান মান প্রাণ—কোন কিছুই নিশ্চিন্ততা নাই।

পত্র, পিশাচ, দৈত্য বর্কর প্রভৃতি গালি দিয়া তীব্র ভাষায় নিন্দা করিয়া পাকিস্থানের মতি পরিবর্তনের আর আশা নাই। তোষণনীতি শোচনীয় ভাবেই ব্যর্থ হইয়াছে। ভারতের ধর্মনিরপেক্ষতার মর্যাদায় লঙ্ঘিত হইয়া উহার সন্মত হয় নাই, বরং দিন দিন বাড়াবাড়িই করিতেছে।

এদেশের বহু মুসলমান যে আজও গোপনে উহাদেরই সহায়তা করিতেছে—এই সব কথা এখন আর লুকোছাপা থাকিতেছে না। সীমান্তে পাকিস্থানীদের হামলায় এদেশের মুসলমানেরাই যে তাহাদের আশ্রয় ও প্রশ্রয় দিতেছে—এই সব খবর যে ভাবে উপেক্ষা করা চলিয়াছিল, এখন আর তাহা করা চলিতেছে না। করা সমীচীনও নয়।"

কাহার পক্ষে সমীচীন নয় ? আমরা অর্থাৎ সাধারণ বাঙালী হিন্দু যাহাই ভাবি না কেন—আমাদের ( শাসকদের পক্ষে ) কল্যাণ রাষ্ট্রের ক্ষমতাসীন নাযকরা অন্তরূপ ভাবিতেছেন। প্রাসাদে তাপনিয়ন্ত্রিত কক্ষে বসিয়া ঐহারা শাসন কার্য পরিচালনা করেন তাঁহারা পাকিস্থানে অসহায় বাঙালী হিন্দু নরনারীদের অবস্থা কি করিয়া বুঝিবেন ? ইহাদের মাটিতে নামাইতে পারিলে হয়ত কিছু কাজ হইত।

দুর্গাপুর ইঞ্জিনিয়ারিং কলেজে চারিটি আঞ্চলিক

ভাষায় পরীক্ষা গ্রহণের প্রস্তাব

বর্তমানের "দৃষ্টি" ( ২৩।৫।৬২ ) বলিতেছেন :

"দুর্গাপুর ইঞ্জিনিয়ারিং কলেজের পরিচালক সমিতি সম্প্রতি স্থির করিয়াছেন যে, আগামী বর্ষ হইতে চারিটি আঞ্চলিক ভাষার মাধ্যমে ভর্তি পরীক্ষা ( Admission Test ) লওয়া হইবে। গুজরাট রাজ্য সরকারের ইঞ্জিনিয়ারিং কলেজে গুজরাট ভাষার মাধ্যমে শিক্ষা-

দানের ব্যবস্থা পূর্বেই প্রবর্তিত হইয়াছে ; বিহার ও মধ্য-প্রদেশে আঞ্চলিক ভাষার মাধ্যমে ইঞ্জিনিয়ারিং শিক্ষা-দানের ব্যবস্থা প্রবর্তনের কথা ইতিমধ্যেই উত্থাপিত হইয়াছে।"

"ভারতবর্ষে চারিটি সর্বভারতীয় উচ্চতর পর্যায়ের ইঞ্জিনিয়ারিং শিক্ষা প্রতিষ্ঠান আছে। ইহা ছাড়া ভারত সরকারের সাহায্যপ্রাপ্ত ১৩টি ইঞ্জিনিয়ারিং শিক্ষালয় আছে। দুর্গাপুর ইহাদের অন্ততম।

"দুর্গাপুর ইঞ্জিনিয়ারিং কলেজ পশ্চিমবঙ্গ, বিহার, উড়িষ্যা ও আসামের ছাত্রগণের জন্ম নির্দিষ্ট হইয়াছে। বাংলা, হিন্দী, অসমীয়, এবং উড়িয়া ভাষায় দুর্গাপুরে ভর্তি পরীক্ষা লওয়া হইবে। দুর্গাপুরে যে ভাষনবাজী আরম্ভ হইতেছে তাহা শুধু দুর্গাপুরেই সীমিত থাকিবে না। সর্ব ভারতীয় এবং আঞ্চলিক অন্যান্য প্রতিষ্ঠানেও ইহা ছড়াইয়া পড়িতে পারে। ছড়াইয়া পড়িলে অপ্রত্যাশিত ব্যাপার হইবে না।

"লক্ষ্য করার বিষয়, একমাত্র ইংরাজীর মাধ্যমেই দুর্গাপুরে প্রথম হইতে শেষ পর্যন্ত শিক্ষাদান চলিবে। শিক্ষাদান ইংরেজীর মাধ্যমে হইলে পরীক্ষা গ্রহণও আশা করা যায় ইংরেজীর মাধ্যমেই হইবে।" এই অবস্থায় চারিটি আঞ্চলিক ভাষার মাধ্যমে ভর্তি পরীক্ষা লওয়ার ব্যবস্থা হইতে অধিকতর জটিলতারই উদ্ভব হইবে বলিয়া অনেকে মনে করেন। উচ্চতর ও মাধ্যমিক বিজ্ঞানের পঠন-পাঠন ও পরীক্ষায় উত্তর লেখার ভাষা আঞ্চলিক ভাষা ; অতএব ভর্তি পরীক্ষাও আঞ্চলিক ভাষাতেই লওয়া কর্তব্য, এই যুক্তি বলেই দুর্গাপুরের কর্তৃপক্ষ চারিটি আঞ্চলিক ভাষায় ভর্তি পরীক্ষা লওয়ার সিদ্ধান্ত গ্রহণ করিয়াছেন।

"কিন্তু সর্বভারতীয় টেকনিক্যাল শিক্ষার অধ্যয়নগণের সিদ্ধান্ত হইতেছে যে, সর্বভারতীয় উচ্চতর ইঞ্জিনিয়ারিং শিক্ষার মাধ্যম হইবে ইংরেজী, নিম্ন কারিগরি শিক্ষা ( Polytechnical and Overseer ) হইবে আঞ্চলিক ভাষার মাধ্যমে।

যাদবপুর ইঞ্জিনিয়ারিং কলেজের কয়েকজন অধ্যাপক বহিঃ-পরীক্ষক হিসাবে পশ্চিমবঙ্গের বাহিরের ইঞ্জিনিয়ারিং পরীক্ষক নিযুক্ত হইয়াছিলেন। তাঁহারা যে সব খাতা পাইয়াছিলেন তাহাদের কিছু অংশ ইংরেজী এবং বাকি অংশ আঞ্চলিক ভাষায় উত্তর লেখা হইয়াছিল। যে যে কলেজ হইতে খাতা আসিয়াছিল সেই সব কলেজ-কর্তৃপক্ষ অস্বীকার করিয়াছিলেন যেন উত্তরের ইংরেজী অংশের উপর ভিত্তি করিয়াই নম্বর

দেওয়া হয়। যাদবপুরের অধ্যাপকগণ ইহাতে স্বীকৃত না হইয়া খাতা ফেরৎ দিয়াছিলেন।

বাংলার বাহিরে অন্যান্য প্রদেশে ইঞ্জিনিয়ারিং কলেজগুলিতে বাঙালী ছাত্রদের জন্য কোন নির্দিষ্ট আসন নাই। বাঙালী ছাত্রদের ঐ সব কলেজে ভর্তি হইতে হইলে বিশেষ প্রাদেশিক ভাষাতেই admission test দিতে বাধ্য হইতে হইবে—অথচ পশ্চিমবঙ্গের বেলায় ব্যবস্থা অন্যপ্রকার! এখানে কলেজগুলিতে ভিন্ন প্রদেশীয় ছাত্রদের জন্য যে কেবল সংরক্ষিত সিট আছে তাহাই নহে, তাহারা নিজ মাতৃভাষায় পরীক্ষাও দিতে পারিবে। ব্যবস্থা ভাল—কিন্তু বাঙালী ছাত্রদের জন্য অন্য প্রদেশের ইঞ্জিনিয়ারিং কলেজগুলিতে বিমাতাভাষায় ব্যবস্থা কেন? দুর্গাপুরে অবাঙালী ছাত্রদের যে সুবিধা দেওয়া হইবে, বাংলার বাহিরে অন্যান্য বাঙালী ছাত্রদেরও অসুরূপ সুবিধা অবশ্যই দিতে হইবে।

#### অম্লং বলং মনুষ্যাণাম্

বাকুড়ার "মল্লভূম" (২০-৫-৬২) বলিতেছেন :

"প্রাত্যহিক জীবনে কত না কারণে আমরা দুঃখ পাই, বেদনাহত হই। তখন আমাদের ব্যথাবিধুর চিন্তা নিয়ে আমরা কোথায় আশ্রয় খুঁজে নিই? গৃহ; মেহ প্রীতি আর ভালবাসা পাবার আশায় আমরা কার মুখের দিকে তাকাই? আত্মীয়স্বজনদের প্রতি।

"গৃহ আর আত্মীয়স্বজনকে নিয়েই ত আমাদের গৃহ-জীবন। এই গৃহ-জীবনকে অক্ষুণ্ণ রাখবার জন্তে আমরা সর্বদা সচেষ্ট। এই যে আমরা কাজ করি, অর্থোপার্জন করি, এ-সবকিছুই গৃহ-জীবনকে অব্যাহত রাখার প্রচেষ্টা।

"গৃহে সুখ থাকলে সমস্ত জাতির মুখে হাসি ফোটে।

গৃহ-জীবন দৃঢ় হলে জাতির ভিত্তি অটুট হয়ে ওঠে।

"কিন্তু খাতা ছাড়া কোন গৃহেই সুখ থাকে না, গৃহ-জীবন দৃঢ় হয় না। সাধারণের সাগ্রহ সহযোগিতা ব্যতীত সরকারী পরিকল্পনা লিপিবদ্ধই থেকে যাবে, সার্থক হবে না। ফলে ইতিমধ্যেই যারা খাতাভাবে কষ্ট পাচ্ছে, তাদের দুর্গতির আর সীমা থাকবে না! সেই জন্তে এ বিষয় সকলেরই সহযোগিতা প্রয়োজন।" (কি প্রকারে?)

কিন্তু দেখা যাইতেছে খাতা উৎপাদনের বৃদ্ধি চেষ্টায় বাংলা "সরকার যে সমুদয় পরিকল্পনা গ্রহণ করিতেছেন তাহাতে খাতা উৎপাদন বৃদ্ধি অপেক্ষা খাতা-উৎপাদন-বৃদ্ধির-সেরেস্তায় কর্মচারী উৎপাদন বৃদ্ধি পাইতেছে।" এই বিষয়ে সরকারের দৃষ্টি আকর্ষণ করিতেছি।"

দৃষ্টি আকর্ষণ যত ইচ্ছা করুন, কিন্তু অঙ্কের দৃষ্টিশক্তি আঁছে কি? কিছু কাল পূর্বে মন্ত্রী শ্রীতরুণকান্তি ঘোষের ১২৫ কোটি টাকার যে কৃষি-উন্নয়ন এবং খাতাশস্ত্র বৃদ্ধির বিরাট এক পরিকল্পনা ফলাও করিয়া প্রকাশ করা হয়, তাহার কি হইল? ১২৫ কোটি টাকার কি অংশ ব্যয় হইল? সরকারী পরিকল্পনা প্রায় সর্বক্ষেত্রে আমাদের কাছে আকাশের পরীর মতই ধরা-ছোঁয়ার বাহিরে থাকে!

'মল্লভূম' বলিতেছেন, খাতাভাষে মানুষের আর দুর্গতির সীমা থাকিবে না। বলা বাহুল্য, দুর্গতি বহুকাল পূর্বে সীমা ছাড়াইয়া গিয়াছে। আর সর্বসাধারণের সহযোগিতার অর্থ (সরকারের কাছে) 'জি হজুর' বলা।

#### স্কুল ফাইনাল পরীক্ষা

বনগ্রামের "দৈনন্দিন" বলেন :

"বহু সমস্তাস্কুল বনগ্রাম কেন্দ্রের স্কুল ফাইনাল ও হায়ার সেকেন্ডারী পরীক্ষার শেষ হইয়াছে। গত কয়েক বৎসরের তিক্ত অভিজ্ঞতার কথা মনে করিলে সমস্তাস্কুলই বলিতে হয়। কেহই এই পরীক্ষাকেন্দ্রের সুষ্ঠু পরিচালনার হাল স্বেচ্ছায় গ্রহণ করেন না। নিতান্ত প্রয়োজনের তাগিদে গতাত্মগতিক পদ্ধতি অনুসরণ করিয়া কোনপ্রকারে পরীক্ষার দিনগুলি অতিবাহিত করিয়া কোণলে পরীক্ষা গ্রহণ কার্য সমাধা করিবার আশ্বাস দান লাভ করিয়া আসিতেছেন।"

পরীক্ষা-কেন্দ্রের কার্য পরিচালনার কমিটি একাধিক অধিবেশনে নানারূপ যুক্তি তর্ক ইত্যাদির মাধ্যমে ছাত্রদের দুর্নীতি দমনের সহায়ক হইবেন—এইরূপ আশ্বাস দান করিয়া শিক্ষকগণকে ইচ্ছার বিরুদ্ধে প্রহরা দিবার বা পরীক্ষা পরিচালনা করিবার দায়িত্বভার গ্রহণ করিতে অহরোহ করেন। উপায়ান্তর না দেখিয়া কিছু সংখ্যক শিক্ষক কার্যে ত্রুটি হইয়া দেখেন 'যারা সাথে এসেছিল ফেলে গেল অসময়।' যাহারা প্রতিক্রিয়া দিয়াছিলেন তাহারা কেহই নাই। ছাত্রদের বিভিন্ন সংস্থা হইতে দুর্নীতির বিরুদ্ধে বুলেটিন বাহির হয়। পরীক্ষার সময় কিন্তু তাহাদের কাহাকেও দুর্নীতির বিরুদ্ধতা করিতে দেখা যায় না। সুতরাং কেন্দ্রের বাহিরে চতুর্দিকে রাস্তায়, পার্শ্ববর্তী বাড়ীগুলিতে দলে দলে দুষ্কৃতিকারিগণ গুণ্ডামি, গুণ্ডামি, হৈ-হল্লা ইত্যাদি শুরু করিয়া দেয়। সেই সঙ্গে সঙ্গে পরীক্ষা কক্ষগুলিতে নানারূপ প্রতিক্রিয়া দেখা দেয়, যাহা পরীক্ষা গ্রহণের সম্পূর্ণ পরিপন্থী। যে সকল ছাত্র প্রকৃত পরীক্ষা দিতে ইচ্ছুক, এক কথায় যাহারা মেধাবী



এবং ভাল ছেলে তাহারা নানারূপ অশুভবিধা বোধ করে। শিক্ষকগণ অসহায়। তাঁহাদের তখন দিনগত পাপকর্য করিয়া কাজ শেষ করা ছাড়া আর কিছুই করিবার থাকে না।

“পরীক্ষার পূর্বে কয়েকজন শিক্ষকের নামে ডাকযোগে যে সকল পত্র আসে তাহা কেবলমাত্র শাসানি বাক্য নহে—অশ্লীল ভাষায় পূর্ণ ছিল। পরীক্ষা চলাকালীনও ছুই-একজন ঐরূপ পত্র পাইয়াছেন। পথেঘাটে কটু-বাক্যও শিক্ষকগণ হজম করিয়াছেন।”...

একই মন্তব্য—আমাদের ভবিষ্যৎ ভূতের হাতে! ছাত্ররা যাহাই করুক, কিন্তু কোন ক্ষেত্রেই পুলিশ ডাকা চলিবে না। যদি হয়—ষ্ট্রাইক!

ছাত্ররা ভাবিয়া দেখুন—তাঁহারা নিজেদের এবং দেশের ভবিষ্যৎকে ষ্ট্রাইক করিতেছেন কিনা। কিন্তু কেবল ছাত্রসমাজকে দোষ দিয়া লাভ কি?

### আসিবা দিন

জলপাইগুড়ির ‘জনমত’ (২১।৫.৬২) বলেন:

“সর্বত্রই গুনিতে পাওয়া যায় জমিদারী উচ্ছেদের পর এ পর্য্যন্ত ক্ষতিপূরণের টাকা পাওয়া যাইতেছে না। নূতন জরীপের বিরুদ্ধে অভিযোগ অগণিত। ইহার সুব্যবস্থা হইতে কত বৎসর লাগিবে কেহ বলিতে পারে না। ফলে বহু জমিতে চাষ আবাদ ভাল হইতেছে না। জলপাইগুড়ি শহরে করলা নদীর উপরে কচুরী-পানার বাগানের মালিক কে তাহা এখনও স্থির হয় নাই। অতএব বর্ষার বস্তার উপর ভরসা ছাড়া উপায় নাই। এমনি বহু কচুরী বিভিন্নরূপে জেলায় চাপিয়া আছে। সরকারী হিসাবে এই জেলায় চা বাগান বাদে প্রায় দুই লক্ষ একর জমি সরকারের হাতে আসিয়াছে। ইহার মধ্যে মাত্র ৫৭,০০০ একর চামের উপযুক্ত। এই জমির মধ্যে ৩৭,০০০ একর জমি এ পর্য্যন্ত বিলি ব্যবস্থা সম্ভব হইয়াছে। প্রত্যেকে তিন হইতে পাঁচ একর জমি পাইয়াছে এগুলি ভাল আমন ধানের উপযুক্ত দহলা হইলে ৬০ হইতে ৮০ মণ ধান প্রত্যেকে পাইতে পারে। “প্রত্যেকে অর্ধ একটি পরিবার।” ক্ষতিপূরণের টাকা এক সঙ্গে পাইলে কোন ব্যবসায় বা শিল্প প্রতিষ্ঠা করা সম্ভব হইত। কিন্তু দশ বৎসরে একটু একটু করিয়া টাকা দেওয়ার ফলে সে সুযোগ হইতে বাংলার চাষী জোতদার ও জমিদার বঞ্চিত হইল। এই জেলায় এ পর্য্যন্ত ১০,৩৪,০০০ (১) টাকা ক্ষতিপূরণ বাবদ দেওয়া

হইয়াছে। টাকার অঙ্কটি বিরাট। কিন্তু এই টাকা কতটি পরিবার কিরূপ কিস্তিতে পাইল ইহা জানিতে পারিলে বুঝিতে পারা যাইত, এই ক্ষতিপূরণের টাকার দেশের উৎপাদন বৃদ্ধির সহায়ক হইল কি না অথবা সব টাকা প্রাণ রাখিতেই ফুরাইয়া গেল।”

সরকারী সব কাজেরই একই অবস্থা এবং ব্যবস্থা। টাকা আদায়ের বেলা অবশ্য সরকারী তৎপরতা অতীব প্রশংসনীয়! সরকারী আপিসে পত্রাদির ফাইল পরিষ্কার করিতে সময় লাগে অপরিমিত। অথচ এই সব কাজ পূর্বকালে খুবই তাড়াতাড়ি হইত বলিয়া জানি। সরকারী দপ্তরখানায় প্রত্যহ কর্মচারী এবং কর্মীর সংখ্যা জ্যামিতিক হারে বৃদ্ধি পাইতেছে এবং কর্মতৎপরতাও সেই হারে হ্রাস পাইতেছে। কল্পনার পরী ধরিতে যাহারা সদাই ব্যস্ত—সাধারণ মানুষের দাবীদাওয়া এবং অভাব-অভিযোগের প্রতি যথাযথ দৃষ্টিদান করিয়া তাহার প্রতিকারের সময় তাঁহাদের নাই।

কিন্তু ‘বা-হাতের’ দাবী মিটাইতে পারিলে সরকারী কর্মচারীরা অবশ্যই অসম্ভব তৎপরতা দেখাইয়া থাকেন—এ কথা ভুক্তভোগীরাই জানেন।

### ত্রিপুরার সমস্ত বাজারে আশুন

ত্রিপুরার ‘সেবক’ (২০.৫.৬২) দীর্ঘশ্বাস ফেলিতেছেন:

“ত্রিপুরার বাজারে আশুন লাগিয়াছে। দাম বাড়ে নাই এমন কোন জিনিস নাই। অনেক ক্ষেত্রে দাম ডবল হইয়া গিয়াছে। মাছ, তরকারীর আমদানী না থাকায় দাম ডবলেরও উর্দ্ধে চলিয়া গিয়াছে। ইহা আগরতলা বাজারের অবস্থা। গুনা যায়, মফঃস্বলে মাছের পান্তাই নাই।

“একমাত্র ডাল, তেল, হুন, কেরাসিনের দাম কিছু উঠানামা করে। এ কয়টির প্রয়োজন মিটিলেই মানুষ জীবনযাপন করিতে পারে না। জীবনযাপনে বহুবিধ জিনিসের দরকার। কিন্তু নিত্যপ্রয়োজনীয় ও ব্যবহার্য জিনিসের দাম উর্দ্ধশ্বাসে যে ভাবে চম্ফকম্ফ মারিতেছে তাহাতে সর্বস্তরের মানুষই আতঙ্কিত হইয়া পড়িয়াছে।

“আগরতলার বাজারে না পাওয়া যায় মাছ, না পাওয়া যায় তরিতরকারি। যে সামান্য পরিমাণ মাছ, তরকারির আমদানী হয় তাহাতে শহরের এক-দশমাংশ লোকের চাহিদাও মিটিতে চায় না। মাছ খাণ্ডতালিকার একটি প্রধান অপরিহার্য বস্তু হইলেও অনেকের ভাগ্যে

এই বস্তুটি ছুটে না। খাণ্ডসামগ্রীর অভাব তীব্রতর হওয়ার বহু লোক এক ভয়াবহ খাণ্ড-সঙ্কটে পড়িয়াছে। ত্রিপুরার মফঃস্বলের অবস্থা আরও ভয়াবহ। সে সমস্ত অঞ্চলে রোজি-রোজগারের কোন পথ নাই অথচ খাণ্ড-সামগ্রী এবং অন্যান্য প্রয়োজনীয় জিনিষপত্র আগরতলার চেয়েও অধিক চড়া দরে কিনিতে হয়। অধিকাংশ লোকেরই এত চড়া দামে খরিদ করিবার ক্ষমতা নাই।”

সমস্ত পশ্চিমবঙ্গের অবস্থা আজ একই প্রকার। সরকার বাহাদুর অবশ্য ‘কমিশন’ বসাইয়া (সেই সমস্ত কতকগুলি পেয়ারের লোকের কিছু আমদানীর ব্যবস্থা করিয়া) দেশের খাণ্ডসমস্যার কাগজী সমাধানের চেষ্টা করিতেছেন। কিন্তু যাহাদের হাতে খাণ্ডদ্রব্যাদি বিতরণের ভার—সেই সব ব্যবসায়ীরা সরকারকে রজ্জা প্রদর্শন করিয়া দ্রব্যপত্রের মূল্য আরও উর্দ্ধমুখী করিতেছেন! ইহাদের একদিনে সায়েস্তা করা যায়, কিন্তু সরকারের সে শক্তি নাই, ইচ্ছাও নাই। সরকার খাজনা আদায় করিয়া তাহার অপব্যয় করিতেই জানে। সাধারণ মানুষ সংঘবদ্ধ হইয়া এত কল্যাণরাত্তির (শাসকদের পক্ষে) সনাপ্তি ঘটাইতে পারে। কিন্তু কে ইহাদের নেতৃত্ব করিবে। যে-সব নেতা কথায় কথায় গণ-আন্দোলনের ধ্বনি তোলেন তাহারা, তাহারা জনগণকে সামনে ঠেলিয়া দিয়া নিজেরা অন্ধকারে আত্মগোপন করেন। পূর্বেকার বহু আন্দোলনেই ইহা প্রমাণিত হইয়াছে।

### নব আবিষ্কার

পশ্চিমবঙ্গের খাণ্ডমন্ত্রী মহাশয় খাদ্য-সঙ্কটের কারণ সম্পর্কে বলিতেছেন যে :

“কলিকাতায় সমাজ উন্নয়ন পরিকল্পনার নিযুক্ত অফিসারদের পূর্বাঞ্চলীয় আলোচনাচক্রে পশ্চিমবঙ্গের খাণ্ডমন্ত্রী শ্রীপ্রফুল্লচন্দ্র সেন বলেন যে, গত দশ বৎসরে পশ্চিমবঙ্গের অধিবাসীদের চাউল ও গমজাত খাণ্ড গ্রহণের পরিমাণ দৈনিক মাথাপিছু তিন আউন্স করিয়া বৃদ্ধি পাইয়াছে। পূর্বে ১৩ আউন্স ছিল, এখন ১৬ আউন্সে দাঁড়াইয়াছে। তিনি বলেন একে এই বৃদ্ধি, তাহার উপর ক্রমবর্ধমান জনসংখ্যা নূতনভাবে খাণ্ড সঙ্কটের সৃষ্টি করিয়াছে।

পৃথিবীর মধ্যে পশ্চিমবঙ্গেই সর্বাপেক্ষা বেশি জমিকে কাজে লাগানো হইয়াছে বলিয়া শ্রী সেন জানান। তিনি বলেন যে, মোট জমির প্রায় ৯০ শতাংশকেই এই রাজ্যে

পশ্চিমবঙ্গ সরকারের তথ্যকেন্দ্রে এই আলোচনা-চক্রের বৈঠক বসে। শ্রী সেন উহার উদ্বোধন করেন। নেফা, নাগা-হিলস্, মণিপুর, ত্রিপুরা, আসাম, পশ্চিমবঙ্গ, উড়িষ্যা এবং বিহারের প্রতিনিধিগণ এই বৈঠকে যোগ দেন।”

খাণ্ডমন্ত্রী শ্রী সেন খাটি সত্য এবং তথ্য প্রকাশ করিয়াছেন। তবে এ বিষয় Sample Survey তিনি বোধ হয় মন্ত্রী মহাশয়ের এবং উচ্চপদস্থ সরকারী কর্মচারীদের পরিবার মহলেই করিয়াছেন এবং তাহার ফলেই এই অমূল্য তথ্যলাভ করিয়াছেন।

কিন্তু সাধারণ মানুষের ঘরের খবর তিনি কতটুকু রাখেন? যাহারা একবেলা পেট পুরিয়া খাইতে পার না, তাহাদের ‘খোরাক বাড়িয়াছে’ বলা, সত্যের অপলাপ ছাড়া আর কি হইতে পারে? ‘টন-মন্’ বিশারদ সাংখ্যিক মণী মহাশয়ের বিদ্যা-বুদ্ধি যে প্রকার দেখা যাইতেছে, তাহাতে তাহাকে নোবেল প্রাইজ—অথবা ‘বঙ্গ-রত্ন’ উপাধি দান করা একান্ত কর্তব্য। আমাদের ভারতরত্ন-মুখ্যমন্ত্রী ইচ্ছা করিলেই ইহা করিতে পারেন!

১০ বছরে ত্রিপুরায় মুসলিম জনসংখ্যা শতকরা  
প্রায় ৬৮ জন বৃদ্ধি পাইয়াছে

ত্রিপুরার “সেবকে” প্রকাশ :

“সাধারণভাবে দশ বছরে জনসংখ্যা মোটামুটি শতকরা ২০ জন বৃদ্ধি পাইলেও ত্রিপুরায় মুসলিম জনসংখ্যা এই সময়ে শতকরা প্রায় ৬৮ জন বৃদ্ধি পাইয়াছে। বিশ্বস্ত-সূত্রে প্রকাশ বিগত লোক গণনায় ত্রিপুরার মুসলিম সংখ্যা দাঁড়াইয়াছে ২ লক্ষ ৩০ হাজার। ১৯৬১ সনে ইহাদের মোট সংখ্যা ছিল ১,৩৬,৯৪০।

স্বাভাবিকভাবে জনসংখ্যা বৃদ্ধি পাইয়া ১০ বছরে মুসলিম সংখ্যা ১ লক্ষ ৬৫ হাজার হইতে পারে। তাহা হইলে অতিরিক্ত ৬৫ সহস্র মুসলিম কোথা হইতে আসিল এ প্রশ্ন উঠাই স্বাভাবিক। প্রকাশ স্থানীয় শাসন কর্তৃপক্ষ মুসলিম জনসংখ্যার এই অস্বাভাবিক বৃদ্ধিতে উদ্ভিগ্ন হইয়া পড়িয়াছেন। বাড়তি মুসলিম জনতা পূর্ব পাকিস্থান হইতেই আসিয়া ত্রিপুরার ভারতীয়রূপে বসবাস করিতেছে এইরূপ যে ধারণা এতদিন জনমনে দানা বাধিয়াছিল তাহা যে একেবারে অমূলক নহে—স্থানীয় প্রশাসনের কেহ কেহ নাকি এখন একথা বিশ্বাস করেন।

“প্রকাশ থাকে যে, পূর্ব পাকিস্থানের সহিত ত্রিপুরার সীমান্ত ৭২০ মাইল। এইদীর্ঘ সীমান্ত এলাকা পাহারা

দিয়া পাক-মুন্নিম অহুপ্রবেশ বন্ধ করিতে হইলে যে পুলিশী ব্যবস্থা এবং সং প্রশাসনিক কাঠামো থাকা বাঞ্ছনীয় তাহা ত্রিপুরায় নাই।

“মুন্নিম জনসংখ্যা অস্বাভাবিকভাবে বৃদ্ধির ফলে ত্রিপুরার অর্থনৈতিক জীবনে যে আঘাত আনিয়াছে তাহার প্রতিকার কেন্দ্রীয় সরকারের নীতির উপর নির্ভর করে।”

ভারত সরকার এ-বিষয়ে নির্বিকার ! উত্তর প্রদেশ, মধ্যপ্রদেশ, বিহার এবং দিল্লীর চারি পাশ ঠিক থাকিলেই হইল। পশ্চিমবঙ্গ, আসাম প্রভৃতি অঞ্চলগুলি গেলেও তাঁহাদের ক্ষতি নাই, বরং এক প্রকার নিশ্চিন্তই হইবেন !

ত্রিপুরা এবং আসাম যে অচিরে নতুন পাকিস্থানী-দাবীর বিষয় হইবে, সে-বিষয়ে সন্দেহ করিবার কোন অবকাশ নাই ! পাকিস্থানী হামলা সীমাহীন, ভারত সরকারের ‘তীব্র প্রতিবাদও’ ঠিক তেমনি অপরিসীম। এমন ক্লীব-সরকার ধরণীতে বিরল !

জলে কুমীর ডাঙ্গায় বাঘ

কয়েকদিন পূর্বে সংবাদে প্রকাশ :

“হিন্দুরা দাবী জানাইয়াছেন যে, ভারতে যাইবার জন্ত আইনের বেড়াঙ্কাল এবং কড়াকড়ি শিথিল করিয়া মাইগ্রেশন সার্টিফিকেট দেওয়া হউক। অন্তর্গত তাঁহাদের আত্মহত্যা বা ধর্মাস্তরিত হওয়া ছাড়া অন্য কোন পন্থা থাকিবে না।

“অপরদিকে যদিও বা কেহ কোন প্রকারে প্রাণ লইয়া ভারতে আসিয়া পৌঁছিতেছেন তাঁহাদেরও গ্রেপ্তার করিয়া আবার পাকিস্থানে পাঠাইয়া দেওয়া হইতেছে।

“গেদে ষ্টেশনে ঐরূপ একটি ঘটনা ঘটিয়াছে। পুলিশ অবশ্য নিরুপায়। তাহার বাধ্য হইয়াই আজ ঐ কাণ্ডটি করিয়াছে।” (কিন্তু নরক হইতে পলাতক হিন্দুদের পুনরায় পাকিস্থানে চালান করিবার হুকুম পুলিশকে কে দিয়াছে ?)

“যে বুঝটিকে পাকিস্থানে ফেরত পাঠানো হইয়াছে, তাঁহার সম্পর্কে সংবাদ লইয়া জানা গেল যে, বিগত ২৯শে এপ্রিল পাবনা শহরে হিন্দু-বিরোধী দাঙ্গার সময় তাঁহার চারি ভ্রাতা এবং এক ভ্রাতৃবধূকে মুসলমানগণ ছুরিকাঘাতে হত্যা করে। তাঁহার পাবনা শহরের উপকণ্ঠে ছোট শোলগাড়িয়াতে বসবাস করিতেন। তাঁহার বিবৃতিতে প্রকাশ যে, তাঁহাদের পরিবারের অস্বাস্থ্যদের যখন নিষ্ঠুরভাবে হত্যা করা হইতেছিল ঐ সময় তিনি পলাইয়া যান এবং জনৈক মুসলমানের গৃহে আশ্রয় গ্রহণ করেন। অতঃপর তিনি বিভিন্ন স্থানে

ঘোরাফেরার পর আজ ভিসা-পাসপোর্ট বা মাইগ্রেশন ছাড়াই পাকিস্থান সীমান্ত অতিক্রম করিয়া গেদে আসিয়া পৌঁছান। কিন্তু ভারতীয় পুলিশ তাঁহাকে ঐ স্থান হইতে আর অগ্রসর হইতে দেয় নাই।” (এই বুঝকের হাতে বোধ হয় পুলিশকে দিবার মত টাকা ছিল না !)

“পুলিসের নিকট জানা গেল যে, ঐ ধরনের কোন হিন্দু বা উদ্ভাস্ত ভারতে আসিয়া পৌঁছিলে তাঁহাদের সম্পর্কে কি করিতে হইবে, সে বিষয়ে আজ পর্যন্ত ভারত সরকারের নিকট হইতে ‘কোন নির্দেশই’ পায় নাই। ফলে তাহারাও ঐ সম্পর্কে নিরুপায়।”

কোন নির্দেশই যখন পুলিশ পায় নাই, তখন কাহার নির্দেশে তাহারা অসহায় হিন্দুদের জোর করিয়া আবার পাক-নরকে চালান করিতেছে ? এ-প্রশ্নের জবাব ডাঃ রায় দিবেন কি ? কালীবাবুকে জিজ্ঞাসা করা বৃথা !

সংবাদে আরও জানা যায় :

“ইতিপূর্বে ফরিদপুর হইতে আগত অপর একটি তরুণীকেও সীমান্ত চেক-পোস্টের পুলিশ ঐ একই অজুহাতে পাকিস্থানে ফেরত পাঠাইয়া দিয়াছে।

“ঢাকাস্থ ভারতীয় ডেপুটি হাইকমিশনের অফিসের হয়রানি ছাড়াও রাজশাহীর সহকারী হাই-কমিশনার অফিসের নিকটে পাক-পুলিসের আবার এক দৌরাত্ম্য বৃদ্ধি পাইয়াছে। প্রকাশ যে, পাক-উত্তরবঙ্গের যে সকল হিন্দু রাজশাহীস্থ উক্ত হাই-কমিশন অফিসে মাইগ্রেশনের আবেদন লইয়া যাইতেছেন, তাঁহাদের সেখানে যাইতে দেওয়া হইতেছে না। জানা গেল যে, হিন্দুরা রাজশাহী এবং উহার কাছাকাছি কোন রেলওয়ে ষ্টেশনে পৌঁছিলেই পুলিশ এবং গোয়েন্দা কর্মচারীরা তাঁহাদের সেখানে যাইবার উদ্দেশ্য জানিয়া লয়। যদি জানিতে পারে যে, তাঁহার মাইগ্রেশনের জন্ত হাই-কমিশন অফিসে যাইতেছেন তবে সেই মুহূর্তেই তাঁহাদের ষ্টেশন হইতে ফিরাইয়া দেওয়া হইতেছে। কেহ উহার প্রতিবাদ করিলে তাঁহাকে জোরপূর্বক বাড়ী পর্যন্ত পৌঁছাইয়া দেওয়া হইতেছে।

“মাইগ্রেশনের কড়াকড়ি ছাড়াও দর্শনা ষ্টেশনে দিনের পর দিন হিন্দুদের হয়রানির মাত্রা বাড়িয়া যাইতেছে।

“আজ দর্শনা হইয়া তিনটি হিন্দু পরিবার পশ্চিমবঙ্গে আসিবার সময় তাঁহাদের আপত্তিজনকভাবে পাক-ওক ও পুলিশ কর্মীরা তল্লাসী করিয়াছে বলিয়া ভারতীয় সীমান্ত পুলিশের নিকট তাঁহারা অভিযোগ করিয়াছেন। তাঁহারা মাইগ্রেশন করিয়াই চলিয়া আসিয়াছেন। পাক ওক ও পুলিশ কর্মীরা নাকি তাঁহাদের বলে যে, তাঁহা

ভারতে গিয়া পাকিস্থান বিরোধী প্রচার করিবেন না বলিয়া তাঁহাদের এক অঙ্গীকারপত্র লিখিয়া দিয়া যাইতে হইবে। তাঁহারা উহাতে অঙ্গীকার করিলে তাঁহাদের উপর তল্পাসীর মাত্রা একরূপ বৃদ্ধি পায় যে, শেষ পর্য্যন্ত তাঁহারা ৫৪০ টাকা দিয়া রেহাই পান।”

পাকিস্থানের হিন্দুদের রক্ষা করিতে পারিব না, অথচ যাহারা নিজেদের বাঁচাইবার জন্ত এদিকে আসিবে তাহাদের জোর করিয়া আবার মৃত্যুমুখে ঠেলিয়া দিব—এ রহস্যের অর্থ বুঝা অসম্ভব। পশ্চিমবঙ্গ পুলিশের হঠাৎ এ বিষয় কর্তব্যনিষ্ঠা এবং তৎপরতার কারণ কি ?

বিদায় বাঙালী রিয়ার-অ্যাডমিরাল চক্রবর্তী

“বিশ্বস্তৃত্তে জানা গেল যে, দীর্ঘ ৩১ বৎসরেরও অধিককাল ধরিয়া বিশ্বস্তভাবে এবং যোগ্যতার সহিত নৌ-বিভাগে চাকুরি করিবার পর রিয়ার-অ্যাডমিরাল চক্রবর্তী ছুটিতে যাইতেছেন।” গত কিছুকাল ধরিয়া তাঁহাকে লইয়া অনেক বাদ-বিতণ্ডা হইয়াছে।

রিয়ার-অ্যাডমিরালদের মধ্যে সর্কাপেক্ষা প্রবীণ কর্মচারী হিসাবে ভারতীয় নৌবাহিনীর অধিনায়ক পদে উন্নীত হইবার জন্ত কেন্দ্রীয় প্রতিরক্ষামন্ত্রীর নিকট তিনি যে আবেদন করিয়াছিলেন সেই আবেদন বিবেচনা করিয়া দেখা হয় নাই। একরূপ অবস্থায় দেশের নৌবাহিনী হইতে নিঃশঙ্কে বিদায় গ্রহণ করা ছাড়া তাঁহার আর কোনও গত্যস্তর নাই। ১৯৩১ সনে ডাকরিন জাহাজ হইতে শিক্ষালাভের পর তিনি নৌবাহিনীতে প্রবেশ করিয়াছিলেন। নৌবাহিনীর নিয়ম ও শৃঙ্খলা অহুযায়ী এতদিন তিনি মুখ বুজিয়াছিলেন এবং এখনও মুখ বুজিয়াই আছেন

প্রতিরক্ষামন্ত্রী রিয়ার-অ্যাডমিরাল সোমানকে নৌবাহিনীর অধিনায়ক পদে নিয়োগের জন্ত যে সিদ্ধান্ত করিয়াছেন, প্রধানমন্ত্রী কিংবা প্রতিরক্ষামন্ত্রী যে সেই সিদ্ধান্ত পরিবর্তন করিবেন—এমন সম্ভাবনা নাই।

রিয়ার-অ্যাডমিরাল চক্রবর্তী রিয়ার-অ্যাডমিরালদের মধ্যে সর্কাপেক্ষা সিনিয়র অফিসার বলিয়া কর্তৃপক্ষের নিকট যে আবেদন করিয়াছেন কর্তৃপক্ষ তাঁহার সেই আবেদনে কর্ণপাত করিবেন না। নৌবাহিনীর নিয়মাবলী অহুসারে সিনিয়রমোষ্ট রিয়ার-অ্যাডমিরাল হিসাবে শ্রীচক্রবর্তীরই নৌবাহিনীর অধিনায়কের পদ পাওয়া উচিত ছিল। লোকসভায় এই ব্যাপার সম্পর্কে যে সমস্ত আলাপ-আলোচনা হইয়াছে তাহা হইতেও বুঝিতে পারা গিয়াছে যে, কর্তৃপক্ষ রিয়ার-অ্যাডমিরাল চক্রবর্তীর আবেদন বিবেচনা করিয়া দেখিবেন না।

“রিয়ার অ্যাডমিরাল চক্রবর্তী ভারতীয় যুক্তরাষ্ট্রের রাষ্ট্রপতির নিকট আপীল করিয়াছেন। রাষ্ট্রপতিই সশস্ত্র বাহিনীর সর্কাধিনায়ক। জানা গিয়াছে যে, সংশ্লিষ্ট কর্তৃপক্ষ চক্রবর্তীকে রাষ্ট্রপতির সহিত সাক্ষাৎ করিবার অহুমতি দিতেও রাজী নহেন। খুব সম্ভবত চক্রবর্তীর আবেদনও রাষ্ট্রপতির নিকট প্রেরণ করা হইবে না।” (ভারতীয় সংবিধানে ভারতীয় নাগরিকের এ অধিকার হরণ করিবার ক্ষমতা কাহারও আছে কি না জানি না। খুব সম্ভবত নাই। রিয়ার-অ্যাডমিরাল চক্রবর্তীর বিষয় লইয়া পত্রপত্রিকায় এবং সর্কসাধারণে বিশেষ আলোড়ন হইয়াছে—দেখা যাক আমাদের নূতন রাষ্ট্রপতি এই বিষয় লইয়া কি করেন। ভারতীয় সৈন্তবাহিনীর সর্কাধিনায়কের নিকট হইতে একজন সামরিক অফিসার নিশ্চয়ই সুবিচার আশা করিতে পারে।)

“নৌবাহিনীর অধিনায়কের মারফৎ রিয়ার-অ্যাডমিরাল প্রতিরক্ষামন্ত্রীর নিকট যে দুইখানি আবেদনপত্র প্রেরণ করিয়াছিলেন, এ পর্য্যন্ত তিনি তাহাদের একখানিরও কোনও জবাব পান নাই। রিয়ার-অ্যাডমিরাল চক্রবর্তী এপ্রিল মাসের মাঝামাঝি একখানি আবেদনপত্র এবং গত মে মাসের প্রথম দিকে আর একখানি আবেদনপত্র প্রেরণ করিয়াছিলেন।”

সৌজন্তবোধ কাহাকেও শিক্ষা দেওয়া যায় না—ইহা সহজাত। রিয়ার-অ্যাডমিরাল চক্রবর্তীর বিষয় লইয়া এত হৈ-চৈ এবং আলোচনা লোকসভায় হইয়া গেল, কিন্তু আমাদের প্রখ্যাত আইন-সচিব এ-অস্তায়ের বিরুদ্ধে একটি কথাও বলিলেন না কেন? কবীর সাহেবও নির্ঝাক—অথচ দুই জনই বাঙালী। বে-আইনী কার্যের বিরুদ্ধে কেন্দ্রীয় আইনমন্ত্রী প্রতিবাদ করিলেন না—ইহা সত্যই বিচিত্র !!

কংগ্রেসী এম-পি'র দল, বিশেষ করিয়া বাঙালী এম-পি'রা রিয়ার-অ্যাডমিরাল চক্রবর্তীর প্রতি জঘন্ত আচরণের প্রতিবাদে একেবারে মুখ বন্ধ করিয়া রহিলেন। ইহারা লোকসভায় সদস্য, না বেতনভোগী কর্মচারী তাহা বুঝা গেল না।

পৃথিবীর সকল দেশের সকল নির্যাত্তা জাতি ও মানুষের পরম দরদী মহামতি শ্রীল শ্রীবৃদ্ধ নেহরু—নিজের দেশের মানুষের প্রতি অবিচার সমর্থন করিতে লজ্জাবোধ করিলেন না। প্রদীপের তলায় অন্ধকার বেশী।

পশ্চিম বাঙ্গলার প্রদেশ-পালক ডাঃ রায়—বাঙ্গালীর প্রতি এ-অবিচারের প্রতিবাদ করা কর্তব্যবোধ করিলেন না—অথচ ইনিই নাকি বাঙ্গালী-প্রধান।



# বাঙালীমানস ও বৌদ্ধ সংস্কৃতি

শ্রীমুখাংশুবিমল বড়ুয়া

ভারতবর্ষে বৌদ্ধধর্মের ক্ষীরমান দীপশিখাটি শেষ আশ্রয় লাভ করে বাংলার মাটিতেই। নানা প্রতিকূল আব-  
হাওয়ার মধ্যেও বাঙালী পরম অহুরাগের সহিত চারশো বছরের অধিককাল ধরে এই দীপশিখাটি উজ্জ্বল করে রেখেছিল। সেই আলোতে একদিন আলোকিত হ'ল সমগ্র এশিয়াপত্ত। অবশেষে বুদ্ধের ভারত এই বাংলা ও বাঙালীর মধ্য দিয়েই এশিয়ার তথা সমগ্র বিশ্বের শ্রদ্ধার অর্ঘ্য গ্রহণ করে। বৌদ্ধধর্মের কল্যাণস্পর্শে বাঙালীমানসে যে এক অপূর্ব প্রাণচেতনার সাদা জাগে তার সুস্পষ্ট পরিচয় পাওয়া যাবে আমাদের জাতীয় জীবন ও সাহিত্যে।

গৌতমবুদ্ধের সাক্ষাৎ শিষ্যদের মধ্যে শ্রেষ্ঠ একজন ছিলেন বাঙালী। তাঁর নাম বঙ্গীশ। তিনি আবার অতুলনীয় কবিপ্রতিভারও অধিকারী ছিলেন। তাঁর সম্বন্ধে খেরগাথায় বলা হয়েছে: “বঙ্গে জাতো”তি বঙ্গীসো বচনে ইস্‌সরোচিত”,—বঙ্গদেশে জন্ম এবং কবিত্ব-প্রধান হেতু বঙ্গীশ। বুদ্ধদেব নিজেও একবার বাংলা দেশের সুম্ভভূমির (সুম্ভভূমি) অস্তর্গত শেতকনগরে এসেছিলেন বলে সংযুক্তনিকায় উল্লেখ আছে। বুদ্ধদেবের বাংলায় আগমনের আর একটি কাহিনী পাওয়া যায় অনাথপিণ্ডকের কথ্য সুমাগধার প্রসঙ্গে। ঐ সময়ে তিনি নাকি ছয় মাসকাল পুণ্ড্রবর্ধনে এসে বাস করেন। প্রসিদ্ধ চৈনিক পরিব্রাজক হিউয়েন সাঙ তাঁর ভ্রমণ-বৃত্তান্তেও উল্লেখ করেন যে বুদ্ধদেব পুণ্ড্রবর্ধন, সমতট ও কর্ণসুবর্ণে এসে ধর্মপ্রচার করেছিলেন। কিন্তু বুদ্ধদেবের বাংলায় আগমনের এ সমস্ত কাহিনীকে ঐতিহাসিকগণ তেমন প্রামাণ্য বলে মনে করেন না। এদিক থেকে দেখতে গেলে বুদ্ধের জীবদ্দশাতেই যে বাংলা দেশে বৌদ্ধধর্ম প্রচারিত হয়েছিল এ কথা বলা কঠিন। তবে অন্তত সম্রাট অশোকের পূর্বেই যে বাংলা দেশে বৌদ্ধধর্ম প্রচারিত হয়েছিল এ কথা নিঃসন্দেহে বলা চলে। এর শ্রেষ্ঠ প্রমাণ সাঁচীস্তুপের একটি দানলিপি। সাঁচীস্তুপের তোরণ নির্মাণের ধারা ব্যয়ভার বহন করেছিলেন তাঁদের মধ্যে একজন ছিলেন মহীয়সী বাঙালী মহিলা: “ধমতার দানং পুণ্ড্রবদনিয়ার”

পুণ্ড্রবর্ধনের ধমতা বা ধর্মদত্তার দান। এর থেকে খ্রীষ্টপূর্ব দ্বিতীয় শতকে পুণ্ড্রবর্ধনে বৌদ্ধধর্ম প্রসারের প্রমাণ পাওয়া যায়। মৌর্যসম্রাট অশোকের (খ্রীষ্টপূর্ব ২৭৩—২৩২) সময়ে বাংলায় বৌদ্ধধর্ম প্রতিষ্ঠা লাভ করে। বাংলা দেশে বৌদ্ধধর্ম বিশেষ ভাবে বিস্তারলাভ করে পঞ্চম শতকে। চৈনিক পরিব্রাজক ফা-হিয়ানের বিবরণ হতে এ কথা জানতে পারা যায়। তিনি তাম্র-লিপি নগরীতে দু বছর ধরে বৌদ্ধশাস্ত্রের অহুশীলন করেন। তখন তিনি তাম্রলিপি নগরীতেই বাইশটি বৌদ্ধবিহার দেখেছিলেন। এর থেকে অহুমান করা যেতে পারে, তখন সমগ্র বাংলা দেশে বৌদ্ধধর্ম কতদূর বিস্তারলাভ করেছিল।

সপ্তম শতাব্দীতে বাংলা দেশে বৌদ্ধধর্ম যে বিশেষ প্রতিপত্তি লাভ করে হিউয়েন সাঙ তাঁর মনোজ্ঞ বিবরণ দিয়েছেন। সমতট, পুণ্ড্রবর্ধন, কঙ্কাল, তাম্রলিপি ও কর্ণসুবর্ণে তখন অনেকগুলি বিহারে সহস্র সহস্র বৌদ্ধ ভিক্ষু বাস করতেন। তাছাড়া সেংচি এবং ইংসিং নামক পরিব্রাজকদ্বয়ের বর্ণনা হতেও তৎকালীন বাঙালী বৌদ্ধদের জ্ঞান-বিজ্ঞান এবং ধর্ম ও আচারনিষ্ঠার সুন্দর পরিচয় পাওয়া যায়। এই প্রসঙ্গে বাঙালী কুলতিলক শীলভদ্রের নাম বিশেষভাবে উল্লেখযোগ্য। এই ক্ষণজন্মা মহাপুরুষ বাঙালীর স্মৃতির মণিকোঠায় চিরভাস্বর হয়ে থাকবেন।

অষ্টম শতকের মধ্যভাগে পালরাজগণের অভ্যুদয়ে বাংলা দেশে বৌদ্ধধর্ম খুবই প্রভাবশালী হয়ে ওঠে। বস্তুতঃ পালযুগকে বাংলার ইতিহাসে স্বর্ণযুগ বলা যায়। জাতীয় জীবনের সর্বতোমুখী বিকাশে বাংলার ইতিহাসে পালযুগ অতুলনীয়। এই প্রসঙ্গে ডক্টর রমেশচন্দ্র মজুমদার মহাশয়ের উক্তি প্রণিধানযোগ্য। তিনি বলেন, “এই সাম্রাজ্য-বিস্তারের সঙ্গে সঙ্গেই বাঙালীর নূতন জাতীয় জীবনের সূত্রপাত হয়। ধর্ম, শিল্প ও সাহিত্যের অভ্যুদয়েই এই জাতীয় জীবন প্রধানত আত্ম-বিকাশ করেছিল। পালরাজগণের চারশো বছরব্যাপী রাজ্যকাল বাঙালী জাতির আত্মপ্রতিষ্ঠার যুগ। ধর্ম-পালের রাজ্য বাঙালীর জীবনপ্রভাত” (বাংলা দেশের

ইতিহাস)। বিক্রমশিলা বিহার, সোমপুর বিহার, ওদন্তপুর বিহার, জগদ্ধল এবং নালন্দা বিশ্ববিদ্যালয় পালরাজাদের অমরকীর্তির অবিস্মরণীয় স্বাক্ষর।

অষ্টম শতকের পূর্ব থেকেই বৌদ্ধধর্মের মধ্যে এক পরিবর্তনের সূচনা হয়। অষ্টম থেকে দ্বাদশ শতক পর্যন্ত এই চারশো বছর ধরে বাংলা ও মগধের ইতিহাসে এই পরিবর্তিত ধর্মমতের প্রাধান্য দেখা যায়। ভারতের বাইরে তিব্বত, যবদ্বীপ, মালয় এবং সুমাত্রা প্রভৃতি অঞ্চলেও এর বিশেষ প্রভাব বিস্তার হয়। বাংলা দেশে এই পরিবর্তিত ধর্মমত সাধারণ ভাবে তান্ত্রিক বৌদ্ধধর্ম বলে অভিহিত। এই তান্ত্রিক সাধনার অন্ততম প্রধান ধারাই সহজিয়ান। সহজিয়া সাধকগণ তাঁদের ধর্মমতকে সাধারণের মধ্যে প্রচারের জন্য যে পদগুলি রচনা করেন সেগুলি চর্যাপদ নামে পরিচিত। এগুলি মোটামুটি দশম থেকে দ্বাদশ শতকের মধ্যে রচিত। এই চর্যাপদগুলির মধ্য দিয়েই বাংলাভাষা ও সাহিত্য সর্বপ্রথম আত্মপ্রকাশ করে। এই সহজিয়া বৌদ্ধসাধকেরা পূজার্চনা ও মন্ত্ররূপে মোটেই বিশ্বাসী ছিলেন না। এ সব বাহ্যাহুষ্ঠানকে তাঁরা স্পষ্টে নিন্দাই করেছেন :

মন্ত্রণ তন্ত্রণ ধেশন ধারণ।

সকলবি রে বঢ় বিবৃভমকারণ ॥

—মন্ত্রতন্ত্র ধ্যানধারণা এসব বড় বিভ্রমের কারণ। প্রাচীন সংস্কার ও ধর্মমতের বিরুদ্ধে তাঁরা যে তীব্র কটাক্ষ করেছেন তার থেকে এঁদের সংস্কারমুক্ত স্বাধীন বিচারবুদ্ধির পরিচয় পাওয়া যায়। সেই যুগেও আমাদের জাতীয় গণমানসে স্বাধীন চিন্তার স্ফূরণ হয়েছিল।

শুভ্রতা ও করুণার মিলনে যে বোধিচিন্তা উৎপন্ন হয় সেই পরম সুখাবস্থাকেই সহজিয়ারা একমাত্র কাম্য মনে করেন। তাঁরা এই মহাসুখকে অবলম্বন করে তাঁদের সাধনার ভিত্তি স্থাপন করেছেন। কিন্তু এই চর্যাপদগুলির দার্শনিক মতবাদই শুধুমাত্র তার শ্রেষ্ঠত্বের পরিচায়ক নয়। এর সাহিত্যিক মূল্যও কম নয়। উপমা, অলংকার ও অহুভূতির গভীরতায় ধর্মতত্ত্বের কঁাকে কঁাকে কাব্যরস জমে উঠেছে প্রচুর। যেমন :

উটা উটা পাবত তহিঁ বসই শবরী বালী।

মোরজি পীচ্ছ পরহিঁ শবরী গিবত গুঞ্জরী মালী ॥

উমত সবরো পাগল সবরোমা কর গুলী গুহড়া তোহোরী।  
নিঅ ঘরগী নামে সহজ সুন্দরী ॥

নানা তরুবর মোউলিল রে গমনত লাগেলী ডালী।

—উচ্চ পর্বতশিখরে শবরকন্ঠা একাকী বিচরণ করছে। বিচিত্র তার সাজসজ্জা। পরনে ময়ূরপুচ্ছ,

কানে কুণ্ডল এবং গলায় কুঁচের মালা। মন্ত শবর তাকে চিনতে পারে না। পরকীয়া প্রেমের তীব্র আকর্ষণ অহুভব করে। শবরী বলে, দোহাই তোমার—গোল ক'রো না। আমি তোমারই ঘরের নারী সহজসুন্দরী। এ ভাবে পর্বতশিখরে শবরকন্ঠা, মুকুলিত তরু ইত্যাদিতে ধর্মতত্ত্বকে ছাপিয়ে আমাদের এক অপূর্ণ কাব্যের জগতে নিয়ে যায়। তাছাড়া এই পদগুলির মধ্যে বাংলা দেশের তদানীন্তন সমাজ-জীবনের যে চিত্র পাওয়া যায় তার ঐতিহাসিক মূল্যও কম নয়। বর্তমানে আমরা যাকে গণসাহিত্য বলি তার আভাস রয়েছে এই পদগুলির মধ্যে। সর্বোপরি উত্তর যুগের বাংলা-সাহিত্যে এই পদগুলির যথেষ্ট প্রভাব রয়েছে। হন্দ, উপমা ও ভাবের দিক থেকে বাংলা-সাহিত্যে এর প্রভাব স্পষ্ট প্রসারী। এতদ্ব্যতীত বাংলাদেশে মধ্যযুগে বাউল বৈষ্ণব প্রভৃতি যে সকল ধর্মমত প্রাধান্য লাভ করেছিল তার উপর সহজিয়া বৌদ্ধমতের প্রভাব অপরিসীম। তবে একটা কথা এখানে বিশেষভাবে উল্লেখযোগ্য। বাংলার তান্ত্রিকধারার সহিত যুক্ত হয়ে সহজপন্থীদের সাধনা শেষ পর্যন্ত যে পরিণতি লাভ করে তাতে মূল বৌদ্ধধর্মের খাদর্শের থেকে অনেকখানি দূরে সরে যায়।

তারপর এল বৌদ্ধধর্মের বিরুদ্ধে প্রতিক্রিয়ার যুগ। এই যুগ হ'ল মোটামুটি ভাবে ত্রয়োদশ শতক থেকে সপ্তদশ শতক। ত্রয়োদশ শতক ভারতবর্ষের ইতিহাসে ব্রাহ্মণ্যধর্মের পুনরুত্থানের যুগ। এই সময়ে সেনরাজগণের অভ্যুদয়ের ফলে বাংলাদেশে শৈব ও বৈষ্ণব ধর্ম বেশ প্রতিপত্তি লাভ করে এবং বৈদিক ও পৌরাণিক ধর্মাহুষ্ঠান, আচার-ব্যবহার পুনরুজ্জীবিত হয়। পাল-চন্দ্রযুগে বৌদ্ধধর্ম রাজশক্তির যে আহুকূল্য লাভ করে সেন-বর্মণযুগে যে সে আহুকূল্য পায় নি শুধু তা নয়, পক্ষান্তরে নানা প্রতিকূলতার মুখোমুখি হতে হয়েছে। পাল-চন্দ্রযুগের সামাজিক ও ধর্মীয় দৃষ্টিভঙ্গিতে যে উদারতা ছিল সেন-বর্মণযুগের রক্ষণশীল মনোভাবের মধ্যে তার কিছুমাত্র পরিচয় পাওয়া যায় না। এ প্রসঙ্গে একটা কথা বিশেষভাবে উল্লেখযোগ্য। সেন ও বর্মণেরা বাংলার ও বাঙালীর ছিলেন না—এঁরা বহিরাগত। এদিক থেকে পাল-চন্দ্রবংশ শুধুমাত্র বাংলার ও বাঙালীর ছিলেন না, বাঙালী জনমানসের অত্যন্ত কাছাকাছি ছিলেন। আজও বাঙালী পরম মমতায় জীইয়ে রেখেছে মহীপাল-যোগীপাল-ভোগীপালের গানের স্মৃতি। একদিকে ব্রাহ্মণ্য প্রতিক্রিয়া আবার অন্যদিকে তুর্কী আক্রমণের অসাময়িক নির্মমতার কলে বৌদ্ধধর্মের প্রাণ-

কেবল বৌদ্ধবিহারগুলি ধ্বংস হয়। এইভাবে বাংলাদেশ হতে বৌদ্ধধর্ম লুপ্তপ্রায় হয়ে বাংলার প্রত্যন্ত অঞ্চল ত্রিপুরা ও চট্টগ্রামে শেষ আশ্রয় লাভ করে। পূর্বাঞ্চলের এই বৌদ্ধেরাই বাংলার একপ্রান্তে আজিও বৌদ্ধধর্মের ক্ষীণ শিখাটি পরম অহুরাগে আলিয়ে রেখেছে সন্ধ্যাপ্রদীপের মতই।

বৌদ্ধধর্মের বিরুদ্ধে ব্রাহ্মণ্যসমাজের প্রবল প্রতিক্রিয়া নানাভাবে প্রকাশ পেয়েছে। পুনরুত্থিত ব্রাহ্মণ্যধর্ম ভারত-বর্ষের ইতিহাসের পাতা থেকে বৌদ্ধধর্মের একটি বিরাট ও মহৎ অধ্যায়কে একেবারে মুছে ফেলার চেষ্টা করেছিল। বুদ্ধকে একসময়ে বিষ্ণুর অবতার বলে স্বীকৃতি দিলেও কিংবা হু'লাইন বুদ্ধপ্রশস্তি রচিত হলেও বিশাল হিন্দু-শাস্ত্রের মধ্যে তার স্থান কতটুকু? এই যুগে বাংলার বৈষ্ণব এবং শাক্তসমাজে বৌদ্ধধর্মের বিরুদ্ধে যে উগ্র অসহিষ্ণুতা দেখা দেয় তার নজির রয়েছে চৈতন্যভাগবত, চৈতন্যচরিতামৃত এবং বল্লালসেনের নামে প্রচলিত দানসাগর প্রভৃতি গ্রন্থে। চৈতন্যভাগবতে আমরা দেখতে পাই, নিত্যানন্দ মহাপ্রভু কোন কারণে ক্রুদ্ধ হয়ে বৌদ্ধদের বিতাড়িত করছেন। 'নাস্তিক' ও 'পামণ্ডী' বৌদ্ধদের নিন্দায় বাংলার 'বিনয়ী' বৈষ্ণব সম্প্রদায়ও কি রকম মুখর হয়ে উঠেছিলেন তার প্রমাণ অত্রও আছে। আচণ্ডালে প্রেম বিলানোই ছিল বৈষ্ণব ধর্মের আদর্শ। কিন্তু বৌদ্ধদের প্রতি আচরণে এই আদর্শের সমর্থন কোথায়? ব্রাহ্মণ্যসমাজের প্রতিক্রিয়ার ফলে এই সময়ে অনেক বৌদ্ধদেবদেবীকে ছদ্মবেশ ধারণ করতে হয়েছিল। বুদ্ধও সময়ে সময়ে শিব, জগন্নাথ কিংবা অন্নকারও পোশাক পরে আঙ্গণোপন করতে বাধ্য হয়েছেন।

তার পর এল বিস্মৃতির যুগ। সপ্তদশ শতকের শেষভাগ থেকে আমাদের জাতীয় আঙ্গণবিস্মৃতির ফলে বুদ্ধ ও বৌদ্ধ-সংস্কৃতির তেমন সুস্পষ্ট প্রকাশ আমাদের সাহিত্যে দেখা যায় না। মধ্যে মধ্যে হয়ত বিচ্ছিন্নভাবে ছ-এক জায়গায় উল্লেখমাত্র পাওয়া যায়। নানাপ্রকার সামাজিক বিপ্লবের ফলে আমাদের জাতীয় জীবন হতে যেমন বুদ্ধ ও বৌদ্ধ সংস্কৃতির মহিমা বিস্মৃতপ্রায় হয়েছিল, তেমনি আমাদের সাহিত্যের ক্ষেত্রেও প্রায় মুছে গিয়েছিল। এই প্রসঙ্গে প্রফেসর দীনেশচন্দ্র সেন মহাশয় গভীর ক্রোধ প্রকাশ করে বলেছিলেন, "বঙ্গগৌরবের মধ্যমণি বিক্রমপুরবাসী দীপঙ্করের নাম পর্যন্ত বিক্রমপুরবাসীরা ভুলিয়া গিয়াছিলেন। নালন্দা, বিক্রমশিলা, ওদন্তপুর ও সুবর্ণবিহারের নামই বা কে শুনিয়াছিল? কেবল আমরা বুদ্ধিষ্ঠির, ভীম প্রভৃতি পঞ্চপাণ্ডবের নাম লইয়া গর্ব করিতে

শিখিয়াছিলাম; কেবল কুব, প্রহ্লাদ প্রভৃতির বর্ণে বিভোর ছিলাম। বাড়ীর কাছে কলিঙ্গের যে ভীষণ বুদ্ধক্ষেত্রে লক্ষ সৈন্য হত্যা করিয়া রাজা অশোক অহুতপ্ত হইয়াছিলেন, সেইরূপ মহাবুদ্ধের কথাও আমরা একেবারে ভুলিয়া গিয়াছিলাম। কিন্তু কবে কোন্ যুগে কুন্তকর্ণের সঙ্গে যুদ্ধ করিতে যাইয়া স্ত্রীব প্রভৃতি বানরেরা তাঁহার উদরস্থ হইয়া কর্ণরক্ত দিয়া বহির্গত হইয়াছিল এবং লক্ষণের শক্তিশেল উপলক্ষে মারুতি কবে কোন দিক দিয়া গন্ধমাদন শৈল কাঁধে করিয়া লঙ্কাক্ষেত্রে উপনীত হইয়াছিল, অরণ্যভীত কালের সেইরূপ উপকথা আমরা পয়ার-ছন্দে পাঠ করিয়া কণ্ঠস্থ করিয়াছিলাম।" (বৃহৎ বঙ্গ।)

কিন্তু জাতীয় জীবনের এই আঙ্গণবিস্মৃতি চিরস্তন সত্য নয়। তাই অঙ্ককারের আবরণ ভেদ করে একদিন আলোর অভ্যুদয় হ'ল। এল পুনরুত্থানের যুগ। ঊনবিংশ শতকের শেষভাগ থেকে ভারতের ইতিহাসে জাতীয় জাগরণের একটি গৌরবময় অধ্যায়ের সূচনা হয়। এই জাতীয় সচেতনতার সঙ্গে সঙ্গে প্রাচীন ভারতের মহিমার সঙ্গে আমাদের নুতন করে পরিচয় হয়। জাতীয় জাগরণের এই বিরাট সঙ্কীর্ণবে বাঙালী আবার নুতন ভাবে বুদ্ধমহিমাকে উপলক্ষি করল। বলা বাহুল্য, রাম-মোহন—কেশবচন্দ্র—রবীন্দ্রনাথের বাংলার পক্ষে এটা অত্যন্ত স্বাভাবিক। আর নব্য-বাংলার বুদ্ধবরণের প্রতিফলন দেখা যায় আমাদের সাহিত্য-সংস্কৃতির প্রায় প্রতিটি স্তরে। রাজেন্দ্রলাল মিত্র, সাধু অঘোরনাথ, সত্যেন্দ্রনাথ ঠাকুর, শরৎচন্দ্র দাস, হরপ্রসাদ শাস্ত্রী, চারুচন্দ্র ভট্টাচার্য এবং ঈশানচন্দ্র খোব প্রভৃতি মনীষিগণের চেষ্টায় বৌদ্ধ-সংস্কৃতির অহুশীলন চলতে থাকে। তা ছাড়া গিরীশচন্দ্র ঘোষের 'বুদ্ধদেব চরিত' নাটক (১২৯২ বঙ্গাব্দ), শরীফ-চন্দ্র সেনের 'অমিত্যভ' কাব্য (১৩০২ বঙ্গাব্দ) এবং সত্যেন্দ্রনাথ দত্তের 'বুদ্ধবরণ' ও 'বুদ্ধপূর্ণিমা' কবিতা প্রভৃতিতে তদানীন্তন বাঙালী মানসের প্রতিফলন দেখা যায়।

বুদ্ধ ও বৌদ্ধ-সংস্কৃতি নিয়ে বাঙালী মানসের অহু-সঙ্কীর্ণসার পূর্ণতম অভিব্যক্তি রবীন্দ্রনাথের মধ্য দিয়ে। বাংলা তথা ভারতের ইতিহাসে বুদ্ধ ও বৌদ্ধসংস্কৃতির প্রতিষ্ঠার ক্ষেত্রে রবীন্দ্রনাথের দান অপরিমিত। আমাদের দেশে বৌদ্ধ-সংস্কৃতির পুনরুজ্জীবনে কবির কি গভীর আগ্রহ ছিল তা তাঁর একটি উক্তি থেকে সুন্দরভাবে প্রকাশ পেয়েছে,—“ভারতীয় সংস্কৃতির বহুতর উপকরণ বৌদ্ধ-শাস্ত্রের মধ্যে আবদ্ধ হইয়া আছে।...এই বৌদ্ধ-শাস্ত্রের পরিচয়ের অভাবে ভারতবর্ষের সমস্ত ইতিহাস কাণা হইয়া

আছে। একথা মনে করিয়াও কি দেশের কয়েকজন যুবা দেশের বৌদ্ধ-শাস্ত্র উদ্ধার করাকে চিরজীবনের ব্রত স্বরূপ গ্রহণ করিতে পারে না? এই প্রশ্নে রবীন্দ্রনাথ কর্তৃক অধ্যাপক নিতাইবিনোদ গোস্বামীকে বৌদ্ধ-শাস্ত্রে উচ্চতর শিক্ষালাভের জন্ত সিংহল প্রেরণ বিশেষ ভাবে উল্লেখযোগ্য। আর বর্তমান শাস্ত্রনিকেতন যে ভারতবর্ষে বৌদ্ধশাস্ত্র চর্চার অত্যন্ত প্রধান কেন্দ্র সে কথা বলাই বাহুল্য।

রবীন্দ্রনাথের কাব্য, নাটক, প্রবন্ধ ও গানে বৌদ্ধ-সংস্কৃতির ব্যাপক ও গভীর মহিমা প্রকাশ পেয়েছে। এই বৌদ্ধ সংস্কৃতির মধ্য দিয়েই যে ভারতীয় সভ্যতা ও সংস্কৃতি চরম উৎকর্ষ লাভ করেছিল, রবীন্দ্রনাথ এ কথা গভীর শ্রদ্ধার সঙ্গে স্মরণ করেছেন। “ভারতবর্ষে বৌদ্ধ-ধর্মের অভ্যুদয়কালে এবং তৎপরবর্তীযুগে সেই বৌদ্ধ সভ্যতার প্রভাবে এ দেশে শিল্প দিজ্ঞান বাণিজ্য এবং সাম্রাজ্যশক্তির যেমন বিস্তার হইয়াছিল এমন আর কোনও কালে হয় নাই” (যাত্রার পূর্বপত্র—পথের সঞ্চয়।) তাই কবি বর্তমানের গ্লানি থেকে ফিরে তাকিয়েছেন ভারতের অতীত গৌরবের সেই মহান্ অধ্যায়ের প্রতি। সেই অধ্যায়ের মহানায়ক বুদ্ধকে সম্বোধন করে কবির আকুল প্রার্থনা :

ওই নামে একদিন ধৃত হল দেশে দেশান্তরে  
তব জন্মভূমি।

সেই নাম আরবার এ দেশের নগরে প্রান্তরে  
দান করো তুমি।

বোধিদ্রুমতলে তব সেদিনের মহাজাগরণ

আবার সার্থক হোক, মুক্ত হোক মোহ আবরণ—

বিশ্বতির রাত্রিশেষে এ ভারতে তোমারে স্মরণ  
নবপ্রাতে উঠুক কুমুমি।

(বুদ্ধদেবের প্রতি।)

আমাদের সাহিত্যে রবীন্দ্রনাথ বৌদ্ধসংস্কৃতি আলোচনার ক্ষেত্রে যে প্রাণগত বইয়ে দিয়েছেন সে ধারা কোনদিন লুপ্ত হবার নয়। একেবারে আধুনিক যুগেও বৌদ্ধ সংস্কৃতির অহুশীলনের যে পরিচয় পাওয়া যায় তা' পূর্বই আশাপ্রদ।

আমাদের দেশে বৌদ্ধ সংস্কৃতির পুনরুজ্জীবনে বৌদ্ধ সাহিত্যিকগণের অবদানও কম নয়। প্রকৃতপক্ষে বাংলা সাহিত্যে বৌদ্ধ সংস্কৃতির আলোচনার সূত্রপাত করেন ঊনবিংশ শতকের বৌদ্ধ সাহিত্যিকগণ। বাংলার এক

প্রত্যন্ত অঞ্চলের নিভৃত পল্লীনিবাসে বসে তাঁরা যে সাধনার সূত্রপাত করেন তা' আমাদের বাংলা সাহিত্যের ইতিহাস-রচয়িতাগণের অগোচরে রয়ে গেলেও উপেক্ষণীয় নয়। ভারতবর্ষের বৌদ্ধধর্মের কীর্তমান শিখাটি যেমন এ রা পরম মমতায় আঁকড়ে ছিলেন, তেমনি বাংলা সাহিত্যের বৌদ্ধ বিভাগটিও এঁরা সঞ্জীবিত রেখেছেন। বাংলার বৌদ্ধ সাহিত্যিকগণের মধ্যে কবি ফুলচন্দ্র বড়ুয়ার নাম সর্বাগ্রে উল্লেখযোগ্য। ইনি কবি নবীনচন্দ্র সেনের জন্মভূমি নয়পাড়া গ্রামে জন্মগ্রহণ করেন। এর পূর্বেও বাঙালী বৌদ্ধসমাজে প্রচলিত পালা গান ইত্যাদি জাতীয় কয়েকটি রচনার সন্ধান পাওয়া যায়। কিন্তু রচয়িতার সঠিক নামধাম জানবার উপায় নেই। কবি ফুলচন্দ্র পার্বত্য চট্টগ্রামের রাণী পুণ্যশীলা কালিন্দীর পৃষ্ঠপোষকতায় 'বৌদ্ধরঞ্জিকা' (১৮৭৩) নামক একটি সুললিত কাব্যগ্রন্থ রচনা করেন। নীচে বৌদ্ধরঞ্জিকার অন্তর্গত কল্পতরুর বর্ণনা থেকে তাঁর রচনার একটু নমুনা দেওয়া গেল—

তরু মনোহর দেখিতে সুন্দর কাঞ্চন-সদৃশ অঙ্গ।  
বহু পল্লবিত অতি সুশোভিত বিহঙ্গাদি করে রঙ্গ।  
কুমুম সৌরভে অতি মধু লোভে পুঞ্জ পুঞ্জ গুঞ্জ কত।  
কোকিল কুহরে মধুরি মধুরে বিহরয়ে অবিরত।

এ ছাড়া পণ্ডিত ধর্মরাজ বড়ুয়া (১৮৬০-৯৪), নবরাজ বড়ুয়া (১৮৬৬-৯৬), ভিক্ষু অগ্রসার ও কবি সর্বানন্দ্র (১৮৭০-১৯০৮) নাম বিশেষভাবে উল্লেখযোগ্য। সর্বানন্দ্র অল্পবয়সেই কবিত্বশক্তির পরিচয় দেন। তাঁর গৌতমবুদ্ধের জীবনী অবলম্বনে লিপিত 'জগজ্জ্যাতি:' কাব্যগ্রন্থ তৎকালীন সুধীসমাজের বিশেষ দৃষ্টি আকর্ষণ করে। কবি নবীনচন্দ্র সেন 'জগজ্জ্যাতি'র পাণ্ডুলিপি পাঠ করে উচ্ছ্বসিত হয়ে বলেছিলেন, “সর্বানন্দ্র, তুমি 'জগজ্জ্যাতি:' লিখবে জানলে আমি অমিতান্ত লিখতাম না।” এই উক্তির মধ্যে সর্বানন্দ্রের কবিপ্রতিভার পরিচয় নিহিত আছে। এ ছাড়া সে যুগে আরও অনেকেই বাংলা সাহিত্যে বৌদ্ধ ভাবধারার প্রবর্তনে যত্নবান্ হন। এই সময়ে বৌদ্ধসংস্কৃতিমূলক যে কয়েকটি পত্রিকা আত্মপ্রকাশ করে তার মধ্যে বৌদ্ধ পত্রিকা, বৌদ্ধবন্ধু, জগজ্জ্যাতি:, জাগরণী, বুদ্ধিষ্ট ইণ্ডিয়া, সংবশক্তি, বৌদ্ধবাণী, উদয় ও সম্বোধি প্রভৃতি উল্লেখ-যোগ্য। এর থেকে আমরা বুঝতে পারি আমাদের জাতীয় চেতনার বৌদ্ধসংস্কৃতির পুনরুজ্জীবনের বীজ বপন করেন বাংলার বৌদ্ধ সাহিত্যিকগণই।



# কৌশানীতে সরলা বেন-এর “লক্ষ্মী আশ্রম”

প্রতিযোগিতায় মনোনীত প্রবন্ধ

আভা পাকড়াশী


কুমায়ূঁ পাহাড়ের কোলে চতুর্দিকে ঢীড় আর দেবদারুর ছায়ায় ঘেরা, সুযুগ্ম পাগাড়ী গ্রাম এই কৌশানী। এর পদপ্রক্ষালন করে বয়ে চলেছে উর্ধ্বর কৌশী নদী। নদীর তীরে সবুজ উপত্যকার বুকে থাকে থাকে সাজান ক্ষেত। প্রত্যেকটি থাক বিভিন্ন রংএর। মনে হয় কোন নিপুণ শিল্পী তার রংতুলি দিয়ে নির্জনে বসে এই অপূর্ব কারুকলার সৃষ্টি করেছে। আসলে ঐ পাগাড়ীরা কোন থাকে বুনছে গাজর, তার পর বিটু, তার পরের সিঁড়িতে লেটুস, আবার টম্যাটো বা পিঁয়াজ। এছাড়া ধান বা গমের ক্ষেতগুলিকে দূর থেকে দেখলে মনে হয় কেউ বুঝিবা সোনা গলিয়ে চলে দিয়েছে। এমনিই অপূর্ব শোভা ধারণ করেছে ঐ বায়ু-হিল্লোলে প্রকম্পিত ক্ষেতগুলি।

রাণীক্ষেত থেকে বাসে কৌশানী আসার সময় যে নৈসর্গিক শোভা দেখেছি ঐ পথের দুধারে, তার বর্ণনা ভাষায় করা অসম্ভব। আমরা কৌশানী এসেছিলাম। এর অতুল্যম আকর্ষণ ছশো মাইল ব্যাপী স্নো রেঞ্জ দেখতে। বরফাচ্ছাদিত ত্রিশূল, নন্দাদেবী, নন্দাকোঠ, যুধিষ্ঠির, এইসব চূড়াগুলি এখান থেকে খুবই নিকটে দেখা যায়। মনে হয়, একটা ছুট দিলেই পৌঁছে যাব ঐ দেবভূমিতে। গান্ধীজী এই কৌশানীর নাম দিয়েছিলেন ভারতের সুইজারল্যান্ড।

এখানে আসার পথে অপ্রত্যাশিত ভাবে এই মহা-পুরুষের একটি ভক্তশিষ্যের দেখা পেলাম। কি ভাবে এই ইংরেজ ছহিতা গান্ধীজীর কল্পনাকে বাস্তবে রূপ দেবার আশ্রয় চেষ্টা করে চলেছেন দেখলে শ্রদ্ধায় মাথা নত হয়ে আসে।

ছুটি ইংরেজ শিষ্যা ছিলেন মহাত্মা গান্ধীর, যারা তাঁর বাণীকে ভগবৎসুখ-নিঃসৃত আদেশ বলে মনে করতেন। তিনি তাদের নামকরণ করেছিলেন যথাক্রমে মীরা বেন ও সরলা বেন। মীরা বেন মহাত্মার তিরোধানের পর স্বদেশে প্রত্যাগমন করেছেন। এর লেখা নানা অভিজ্ঞতার কাহিনী “স্পিরিট্‌স্ পিলগ্রিমেজ” নামে ধারাবাহিক ভাবে ‘ইন্সট্রিটেড্ উইকলি অব ইণ্ডিয়াতে’

অনেকেই পড়ে থাকবেন। অন্য জন মানে সরলা বেন এখনো তাঁর বাণী স্মরণ করে সর্বোদয় সংস্কার রূপ দেবার চেষ্টা করছেন, এই মনোরম পরিবেশে তাঁর নিজের হাতে গড়ে তোলা স্কুলটিতে।



কৌশানীর চীড়ের শোভা

আমরা রাণীক্ষেত থেকে বেরিয়ে সোমেশ্বর হয়ে পথে কৌশানীকে ফেলে রেখে আবার নীচে নামতে লাগলাম। গরুড় হয়ে বাগেশ্বরের সরয়ু আর গোমতীর সঙ্গম আর পাণ্ডবদের প্রতিষ্ঠিত বাগেশ্বর শিবের মন্দির দর্শনে গিয়েছিলাম। ফিরতি পথে বাসে উঠলেন সোনালীচুল, সৌম্যদর্শনা এক ইংরেজ মহিলা। পিঠে তাঁর গুরুভার একটি ঝোলা, পরিধানে পুরু বদরের সালোয়ার কামিজ। গরমে ও পথশ্রমে মুখটি লাল হয়ে উঠেছে। সঙ্গে একটি সুদর্শনা কাস্তিমতী পাহাড়ী কন্যা। পরিষ্কার পরিচ্ছন্ন অথচ অতি সাধারণ বেশভূষা। গরমে আমাদেরও বেশ কষ্ট হচ্ছিল। কারণ কৌশানী থেকে বাগেশ্বর প্রায় তিন হাজার ফিট নীচে।

বেশ ক্লান্ত মনে হ’ল ভদ্রমহিলাকে। অতবড় একটি বোঝা না-জানি তিনি কতদূর থেকে বয়ে এনেছেন। তাঁর পার্শ্চািরণীর হাতও খালি নয়। তবু পরিচয় জিজ্ঞেস করতে প্রশান্ত হাসির সঙ্গেই উত্তর দিলেন। আমরা কৌশানীতে ডাকবাংলোর থাকব জেনে



তার হোটেলের বারান্দা হইতে দৃশ্যমান স্নো-রেঞ্জ

আমাদের তাঁর স্কুলে সাদর আমন্ত্রণ জানালেন। কোন পথে গেলে সহজে পৌঁছতে পারব তারও নির্দেশ দিলেন। উনি এসেছিলেন ওর স্কুলের একটি ছাত্রীকে বাড়ী পৌঁছে দিতে ও সেই গ্রামের কিছু কাজে। সেই ছাত্রীটি এইসব ফল মিষ্টি দিয়েছে তার স্কুলের বাস্তুবীদের জন্য। দ্রব্য যে মূল্যেরই হোক স্নেহের দান, মাথাখ ক'রে নিয়ে চলেছেন গুরু মা।

পরদিন আমরা গেলাম তাঁর স্কুলটি দেখতে। বাস-স্ট্যাণ্ড থেকে অনেক উঁচুতে পাহাড়ের একটি চূড়ার ওপর তাঁর স্কুলটি। আমরা যখন পৌঁছলাম তখন তিনি অফিসঘরে বসে চিঠিপত্র লিখছিলেন। তেমনি পুরু ঋদ্ধরের সালোয়ার কামিজ পরা, খালি পা। মাটির মেঝেতে চট পাতা তার ওপর একটি নীচু ডেস্ক। পা মুড়ে বসে সেই ডেস্কে হাত রেখে একমনে লিখে চলেছেন। এই ভঙ্গিমা মনে পড়িয়ে দিল মহান্নাজীকে। আমাদের দেখে সরল হাস্যে স্বাগত জানিয়ে সামনের পাতা চটের ওপর বসতে বললেন। ইংরেজীতে কথাই বলেন না বলতে গেলে। পরিষ্কার হিন্দীতে আমাদের কাছে ক্ষমা প্রার্থনা করে বললেন, “ক’দিন বাইরে থাকার দরুণ অনেক কাজ জমে গেছে আপনারা যদি দয়া করে আগে স্কুলটি ঘুরে দেখে আসেন তবে বড় ভাল হয়। ততক্ষণে আমার কাজ সারা হয়ে যাবে আশা করি।” সেই কালকের দেখা মেয়েটিকে ডেকে আমাদের সব দেখাতে বললেন।

মেয়েটির নাম কাস্তি। আমরা আসায় সে খুব খুশী হয়েছে বলল। হঠাৎ মনে হল এটি কোন তপস্বিনীর আশ্রম, আর এরা সব ঋদ্ধি-কন্যা। পরে বুঝলাম সত্যিই তাই। সম্পূর্ণ পুরুষবর্জিত এই আশ্রমটিকে

এরাই স্বয়ংসম্পূর্ণ করে গড়ে তুলেছে। প্রথমে গেলাম রত্নশালায়। এখানে মেয়েরা নিজেরাই পালা করে রান্না করে। পুরনো কাপড়ের সূতো দিয়ে তৈরী আসন পেতে সকলে মেঝেতে বসেই খায়। প্রত্যেক মেয়েকেই স্কুলে ভর্তি হবার সময় একটি থালা ও ঘটি আনতে হয়। আর নিজেদেরই তা পরিষ্কার করতে হয়। কাঠের জালে রান্না হয়। মেয়েরাই ঐ কাঠ জ্বল থেকে কেটে আনে। নিজেদের খাবার জিনিষ ওরা নিজেরাই উৎপন্ন করে। প্রধান খাদ্য ভাত আর রুটি।

দেখলাম মেয়েরা ক্ষেতে কাজ করছে। কোন দল গান গাইতে গাইতে ধান রুইছে। আবার কিছু মেয়ে পাকা ফসল কাটছে। একটি মেয়ের দল সজির বাগানে মাটি কোপাচ্ছে। কেউ বা বুড়ি ভরে আলু তুলছে। যাতার ঘরেও গম ভাঙ্গছে মেয়েরাই।

গোশালা। সুপুষ্ট গরুগুলি আলসু-সুখে জাবর কাটছে। গোদোহন ও তাদের পরিচর্যা মেয়েরাই করে। এই গরুর দুধও সমান ভাগে সব মেয়েরা পায়।

তাঁতঘর। কতকগুলি মেয়ে চরকায় সূতো কাটছে। একদল সেগুলি রং করছে। অল্পদল আবার সেই সূতো দিয়ে কাপড় বুনছে। এদের পরবার কাপড় এরা নিজেরাই বুনেন। সালোয়ার কামিজও ঐ থেকেই সেলাই করে।

কম্বলঘর। এখানে মেয়েরা ভেডার লোম থেকে উল তৈরী ক’রে সেই উল নানা রং-এ রঙিয়ে তাই দিয়ে কম্বল কালিন এইসব বুনছে। অদ্ভুত ক্ষিপ্রভাবে চলছে এদের হাত। তবুও রং মিলিয়ে সূক্ষ্ম নক্সাদার ডিজাইন দিয়ে একটি বড় কালিন শেষ করতে এদের প্রায় এক দেড় মাস লেগে যায়। কত যে সোয়েটার বুনছে তার ঠিক নেই। আমরা এদের কাছ থেকে একটি কম্বল ও দুটি সোয়েটার কিনে কিছু সাহায্য করলাম। বড় মেয়েগুলি ছোটদের শেখাচ্ছে এ বোনার কায়দা। আমি কাস্তিকে জিজ্ঞেস করলাম, “এইসব মেয়েরা কার কাছে এমন নিপুণ কারিগরি শিখেছে?” বললে, সর্বোদয় সজ্জ থেকে প্রথমে শিক্ষয়িত্রী এসে এদের শিখিয়েছেন। পরে এরা আবার ছোটদের শেখাচ্ছে। এখানকার এই নিয়ম। এই সংস্থায় ভর্তি হতে হলে আগে ছাত্রীরা মা বাবাকে লিখে দিতে হবে যে, তাঁদের মেয়েকে এঁরা যে সজ্জ পাঠাতে চাইবেন সেখানে পাঠাতে হবে এবং সেখানে গিয়ে তাদের এমনি একটি সংস্থা গড়ে তুলতে হবে। এখানে মেয়েরা শেখে প্রধানতঃ কৃষিবিদ্যা, গোপালন, সমাজবিজ্ঞান, বহুশিল্প, সিন্ধ ও উল বয়ন,

সাধারণ বিজ্ঞান, অঙ্কশাস্ত্র, গৃহবিদ্যা, রন্ধন, ইত্যাদি।  
জিজ্ঞেস করলাম, এর জন্ত এই সব মেয়েদের কত টাকা  
ফিস দিতে হয়? বলল, মাসে মাত্র কুড়ি টাকা। তবে  
হরিজন মেয়েদের জন্ত গবর্ণমেন্ট থেকে কিছু সাহায্য আসে।

ওখান থেকে বেরিয়ে এসে দেখলাম, মেয়েরা সব  
কাপড় কাচছে। ঝরণার জল একটি চৌবাচ্চায় জমা ক'রে  
সেই জলে স্নান করছে আর কাপড় পরিষ্কার করছে।  
এক-একটি মেয়ে অতগুলি করে কাপড় পরিষ্কার করছে  
কেন জিজ্ঞেস করায় উত্তর দিল, আজ ওদের পালা  
পড়েছে সকলের কাপড় কাচার, তাই। এখানে প্রত্যেকেই  
প্রত্যেকের জন্ত খাটবে এই শিকাই দেওয়া হয়।  
আমাদের মূলমন্ত্র হ'ল গাম্যবাদ আর স্বাবলম্বী হতে হবে।

এবার হাসপাতালে এলাম। সেখানে কয়েকটি  
অসুস্থ মেয়েকে অল্প কয়েকটি বড় মেয়ে শুশ্রূষা করছে।  
এই রুগীর সেবাও এদের পাঠের মধ্যে গণ্য। এমন কি  
গাছ-গাছড়া থেকে প্রাথমিক ওষুধ তৈরী করাও শেখ  
এরা। জিজ্ঞেস করলাম, 'এদের বাড়ীতে পাঠিয়ে দেওয়া  
হয় না কেন? বলল, নিয়ম নেই! তবে নেহাৎ  
অসুস্থ হলে বা কোন জরুরী দরকার পড়লে তখন  
কর্তৃপক্ষ বিবেচনা করেন। না হলে আমরা বছরে মাত্র  
পাঁচ সপ্তাহের ছুটি পাই। বললাম, কষ্ট হয় না? হেসে  
বলে, মোটেই না। এখানে এই সব মেয়েদের মধ্যে  
পরস্পর পরস্পরকে সাহায্য করার এমন একটা নিবিড়  
বন্ধন গড়ে ওঠে যে, এদের ছেড়ে গেলেই বরং কষ্ট হয়।  
চিঠি লেখারই সময় পাই না। যদিও মাসে একটা চিঠি  
শুধুমাত্র গার্জেন্টকে লেখার অনুমতি আছে।

সত্যি দেখলাম, প্রত্যেকটি মেয়েই কি হাসিখুশী আর  
স্বাস্থ্যবান। এরা প্রাণের আবেগে কাজ করে চলেছে!  
কাজ এদের কাছে বোঝা নয়, তাই কোন কাজেই এরা  
ভয় পায় না বা ক্লান্তও হয় না। সত্যি এরা যেন এক  
একটি কর্তব্যের প্রতিমূর্তি। হাসি-গল্পের মধ্য দিয়ে  
সারাদিন পরিশ্রম করে চলেছে। ক'বছর তোমাদের  
শিখতে হয় এখানে? বলল, তিন বৎসর। এর মধ্যে  
ছ'বৎসর ছাত্রীরা প্রবেশনার থাকে। তার পর এদের  
পরীক্ষা করে দেখা হয়। এদের মধ্যে যারা স্থায়ী সদস্তা  
হবার যোগ্য তাদের আরও শিক্ষা দেওয়া হয়। এই  
পরবর্তী ছাত্রীদের কাছ থেকে আর কোন ফিস নেওয়া  
হয় না। শুধুমাত্র পাঁচটি টাকা নেওয়া হয় এদের তেল,  
সাবান আর হাত ধরচের জন্ত। বললাম, তুমি বুঝি  
এই দলের? সহাস্তে উত্তর দেয়, হ্যাঁ, আমি আর  
আমার দিদি দুজনেই এখন এখানে আছি। পরে



কৌশানীতে সরলাবেনের সঙ্গীত-আশ্রম

( দক্ষিণ হইতে—গোরা, কান্তি, সরলা, লেখিকা, শঙ্কর )

কোথায় যেতে হবে তা এখনও জানি না। বহেনজী যা  
বলবেন তাই হবে। বহেনজী মানে শ্রীমতী সরলা বেন।

এই সবুজ রং-এর খদ্দেরের শাড়ী পরিহিতা পর্কত-  
ছহিতাটিকে প্রকৃতি-কন্ঠা বলেই মনে হচ্ছিল। আমাদের  
পেয়ে ওরও যেন আনন্দের শেষ নেই। আমার ছোট  
ছেলের সঙ্গে সমানে হাসি-গল্প করছে, আবার শতমুখে  
আমাদের সব প্রশ্নের উত্তর দিচ্ছে, এতই উৎসাহ।  
নিজেদের এই সংস্কার প্রশংসায় পঞ্চমুখ। এর গুণাগুণ  
বর্ণনায় মুখ উজ্জ্বল হয়ে উঠছে।

লাইব্রেরী দেখতে যেতে অনেকগুলি বই দিল  
আমাদের সর্কোদয় সংস্কার। আমরাও আগ্রহ করে  
কিনলাম। হাতে তৈরী আটা আর গুড়ের নাদু এনে  
আমাদের জল খাওয়াল। পাহাড়ী গান গেয়ে শোনাল।  
ওদের দেশের সুমিষ্ট আর সবচেয়ে প্রিয় বেড়ুফল আর  
কা-ফলের গান।

"বেড়ুপাকো বারামাস্তা

নরন কাফল পাকো নয়তা মেরি ছয়লা—"

ভারী মিষ্টি গলা এই কিশোরীর। আজও এই  
টানা সুরের পাহাড়ী গানটি কানে বাজে। এবার  
আমরা আবার অফিস ধরে ফিরে চললাম।

শ্রীমতী সরলার কাছে এসে তাঁর স্কুলের প্রশংসা  
করায় খুবই প্রীত হলেন। তার পর ব্যক্ত করলেন এই  
স্কুলের আসল উদ্দেশ্য। "গ্রাম উন্নয়ন, ও স্বাবলম্বন এই  
হ'ল দেশের ও জাতির উন্নতির মূল। এই কথাই  
বলতেন মহাত্মাজী, সুতরাং আমি সেই ত্রুতই নিয়েছি।  
আমার মতের সঙ্গে বিনোবাজী সম্পূর্ণ একমত, তাই  
আমাদের পথও এক। আমার এই স্কুলে শিক্ষাপ্রাপ্ত  
ছাত্রী ছাত্রীও যদি ছুটি গ্রামকে জাগাতে পারে, তবে



### লক্ষ্মী-আশ্রমের ক্ষেতের দৃশ্য

তাদের ছাত্রীরা আবার অল্প গ্রামকে সংস্কৃত করবে। এই ভাবে দিকে দিকে ছড়িয়ে পড়বে শিক্ষা, সাম্যবাদ আর স্বাবলম্বী হবার প্রেরণা। তাই এখন আমি মাসে অন্ততঃ পনেরো দিন কান্তি বা তার দিদিকে নিয়ে অল্প গ্রামে গিয়ে তাদের মধ্যে এমনি প্রেরণা দেবার চেষ্টা করি। তবে দেখছেন ত, আমাদের অর্থের বড় অভাব—তাই বলছি আপনারা যদি হাতেকাটা সূতো পাঠিয়ে দেন বা বছরে কিছু অর্থসাহায্য করেন বা বন্ধুদের দিয়ে কিছু সাহায্য করান, বড়ই উপকৃত হব। যদিও আশে পাশের আর অনেক দূর গ্রাম থেকেও আমার স্কুলে ছাত্রী আসে কিন্তু বেশীর ভাগ মেয়েই টাকা দিতে পারে না। এই পাহাড়ীরা বড় গরীব আর দুঃস্থ। এরা মেয়ে পেট ভরে খেতে পাবে, শুধু এই জুতাই তাদের স্কুলে পাঠিয়েছে, শিক্ষাটা তাদের কাছে গৌণ।” আমি বললাম, “কেন, গবর্ণমেন্ট মানে নেহরুজীর কাছে আবেদন করলেই ত পারেন। এটি যখন গান্ধীজীর আদর্শের প্রতীক তবে কেন তিনি সাহায্য করবেন না?” প্রথমে কিছু বললেন না। মাথা নীচু করে কি যেন চিন্তা করলেন। পরে বললেন, “নেহরুজী এখন আর এই আদর্শের পক্ষপাতী নন। তিনি যন্ত্রদানবের মোহে পড়ে মনুষ্যশক্তিকে অবহেলা করছেন। এই কারণেই তাঁর দান নিতে আমার বাধে।” আশ্চর্যবিশ্বাসে আশ্চর্যীলা এই মহিলার প্রতি শ্রদ্ধাপ্লুত হয়ে ওঠে মন।

এই যন্ত্রযুগেও একজন ইংরেজ মহিলার ভারতের মাটিতে বর্তমান বিনোবাজী ও স্বর্গত মহাত্মাজীর আদর্শে অনুপ্রাণিত হয়ে কাজ করে যাবার মত অধ্যবসায় ও মনের বল দেখে সত্যিই অভিভূত হয়ে পড়েছিলাম। কুরুক্ষেত্রের যুদ্ধে যেমন পাণ্ডবদের শুধু ধর্ম ভরসা ছিল, শ্রীমতী সরলা বেনেরও সেই একমাত্র ধর্মই ভরসা—

বিশেষ করে স্বাধীনতা লাভের পর সরকারের সহযোগিতার অভাবে শ্রীমতী মীরা বেনের ভারত ত্যাগের ইতিহাসের পর। যাই হোক পাঠকপাঠিকারাও দয়া করে শ্রীমতী সরলা বেনের সামান্য আবেদন মঞ্জুর করবার চেষ্টা করবেন আশা করি।

এর পর আমার ছেলের অসুস্থতায় আমাদের মাঝে এসে দাঁড়ালেন। ফটো তোলা হ'ল। কান্তিও দাঁড়াল হেসে। পরে এঁরা গুরু-শিষ্যা আমাদের অনেক দূর অবধি পৌঁছে দিয়ে গেলেন! আমরা নেমে এসেও দেখলাম, ওঁরা আমাদের দিকে তাকিয়ে হাত নাড়ছেন। এই মায়ার বাধনেই বেঁধেছেন ঐ পাহাড়ীয়া কঠিন কঠোর মাহুসগুলিকে। “মাতাজী কি আশ্রম” বলতে তারা এক বাক্যে সহজেই তাঁকে চেনে। তিনি যে তাঁদের দুর্দিনের বন্ধু, দুর্কালের সহায়। “আপনি আচরি ধর্ম শিখাবে অত্মেরে” গীতার এই বাণীর তিনি জলন্ত নিদর্শন। তিনি ছাত্রীদের সঙ্গে সমানে পরিশ্রম করেন। সব কাজে তাদের সাহায্য করেন। তাঁর স্কুলে উচ্চনীচু ভেদ নেই। সবাই সমান। সকলের সমান অধিকার আছে প্রত্যেক কাজে। যোগ্যতা অনুযায়ী কাজের ভাগ পায় তারা, জাত অনুযায়ী নয়। এই লক্ষ্মী আশ্রমের চতুর্দিকে যেন সত্যিই মালক্ষ্মীর প্রসন্ন রূপাদৃষ্টি উপলব্ধি করা যায়। এই আশ্রমকত্তারা যেন সারাদিন সমস্ত কাজের মধ্যে দিয়ে তাঁরই আরাধনা করে চলেছে। দিকে দিকে মাহুসে মাহুসে এই হানা-হানি, আর লক্ষ্মীর অবমাননার দিনে, এই আশ্রম কত্তাদের ও আশ্রমের লক্ষ্মীশ্রী সত্যিই মনে সাড়া জাগায়।

ক'দিন আকাশ ছিল মেঘে ঢাকা তাই আমরা সেই বহু প্রত্যাশিত স্নো রেঞ্জ দেখতে পাই নি। কিন্তু সেদিন বিকেলেই তুমারগুজ পর্বতমালার একটি বিরাট মিছিল আমাদের চোখের সামনে উন্মুক্ত হয়ে স্কুটে উঠল। গিরি-রাজের এ কি অপূর্ণ প্রকাশ! সামনেই তুমারধবল ত্রিশূল। বিদায়ী সূর্যের আলো-বল্মন্ বরফাচ্ছাদিত চূড়াগুলিকে কে যেন আমাদের সামনে সাজিয়ে দিয়েছে। এই মহান প্রকাশকে দু'হাত তুলে নমস্কার জানিয়ে এবার আমরা তৃপ্তমনে কৌশানী থেকে বিদায় নিলাম।

মনে একটু ব্যথা শুধু জেগে রইল, আর কানে বাজতে লাগল সরলা বেন-এর সেই কাতর মুখের করুণ আবেদন। আমাদের এই “কস্তুরবা মহিলা উত্থানমণ্ডলকে” একটু সাহায্য করবেন কি? আপনারা। আমার ঠিকানা—

কস্তুরবা মহিলা উত্থানমণ্ডল  
লক্ষ্মী আশ্রম কৌশানী (আলমোড়া)।



## সুন্ধ প্রহর

শ্রীপ্রেমেন্দ্র মিত্র

আপনি ? আবার এসেছেন ?

শোভনাকে চমকে দাঁড়াতে হ'ল ।

হ্যাঁ সেই ছোকরাটিই পেচন থেকে ডাকছে । সেই নসু ।

সকলকে এড়িয়ে নসুর কাছে ধরা পড়তে হবে শোভনা সত্যিই ভাবে নি ।

এত বড় বিরাট্ অঞ্চল । এর মধ্যে পরিচিত বলতে ওই নসু আর তার দলের কয়েকটি ছেলেমেয়ে । তাদের কারুর চোখে পড়বার কথা শোভনার মনেই হয় নি ।

কিন্তু দেখা গেল, আর যার হোক, নসুর চোপকে কঁাকি দেওয়া সহজ নয় ।

আমি সেই দূর থেকে দেখেই আপনাকে চিনতে পেরেছি ।

নসু কাছে এসে দাঁড়াল । তার পর বেশ একটু জেরার ভঙ্গিতেই জিজ্ঞাসা করলে—আজ আবার কাকে খুঁজতে এসেছেন ?

একটা কিছু উত্তর না দিলেও চলে । নসুর কাছে জবাবদিহি দেবার কোন দায় ত তার নেই ?

বললেই হয় একটু ধমক দিয়ে—সে খবরে তোমার কি দরকার বাপু ? তুমি কি এখানকার পাহারাদার নাকি ?

কথাটা মনে ক'রেই কিন্তু হাসি পেল । নসুর সারল্যে ওরকম অকারণ আঘাত দেওয়া তার সাধ্য নয় ।

সেই হাসি নিয়েই সম্মুখে শোভনা বললে, কাউকে না খুঁজলে বুঝি এখানে আসতে নেই ?

দূর !

হাতের গুলতিটা দিয়ে দূরের একটা পেশারা গাছে অকারণে তাচ্ছিল্যভরে একবার তাগ্ ক'রে নসু বললে, এখানে সব ক'রে কেউ আসে বুঝি ? এটা কি চিড়িয়াখানা না গড়ের মাঠ ?

না, নসুর কাছে যেমন-তেমন ক'রে কথা ধুরোন যাবে না ।

শোভনা তবু আর একবার কথাটা এড়াবার জন্তে বললে, তুমি চিড়িয়াখানার গেছ ?

গেছি একবার । আবার যেতাম । কিন্তু চার আনা ক'রে পরমা নেয় যে !—ব'লেই নসু আবার নিজের প্রশ্নে ফিরে এল—ক', কাকে খুঁজতে এসেছেন বললেন না ত ?

আমি নিজেই জানি না ত তোমায় কি বলব ! শোভনা হাসল—আমি শুধু সেই—বাড়ীটার একবার যাচ্ছি ।

সেই তিন মাথা চরে ?

তিন মাথা চর !—শোভনা এবার বিস্মিত ।

হ্যাঁ, ওই যেখানে তিনটে নারকেল গাছ আছে । ওটাকে আমরা তিন মাথা চর বলি । আমাদের এখানে সব ওঠে রকম নাম আছে কিনা ! ওই যে দেখছেন মাথা-কাটা তাল গাছটা দাঁড়িয়ে আছে, ওর পেছনের বাসাগুলোকে আমরা বলি কাটামুগুতলা, আর ওই...

নিজের এলাকার ভৌগোলিক পরিচয় দিতে দিতে থেমে গিয়ে নসু জিজ্ঞাসা করলে, কিন্তু ওখানে ত আপনি সেদিন গেছিলেন ? ওখানে ত আপনাদের চেনা কেউ নেই ?

তবু আর একবার এমনি আলাপ করতে যাচ্ছি ! ব'লে শোভনা এগিয়ে যাবার চেষ্টা করলে একটু জটপদেই ।

কিন্তু নসুকে অত সহজে ছাড়ানো সম্ভব নয় ।

ছুটে এসে শোভনার নাগাল ধ'রে ফেলে সে ভারি ক্লি চালে বললে, ওখানে আপনি যাবেন কি ক'রে ? রাস্তা জানেন ?

তা জানি বই কি ! শোভনাকে হেসে বলতে হ'ল, সেদিন যে এলাম ! সেই ত বাঁশের সাঁকোটা দিয়ে যেতে হয় ।

সে বাঁশের সাঁকো আর আছে নাকি !—নসু তার বিশদ জ্ঞানের পরিচয় দিলে,—এই কাল সকালে সেটা ভেঙে গেছে না ! এখন অস্ত রাস্তা দিয়ে যেতে হয় । চলুন আপনাকে দেখিয়ে নিয়ে যাই ।

অগত্যা নসুর নায়কত্ব শোভনাকে মেনে নিতেই হ'ল ।

আজ সকালে এখানে আসবার জন্তে রওনা হবার আগে শোভনার মনে দ্বিধা-সঙ্কোচ-সংশয় যথেষ্টই ছিল। এখানে সেই প্রথম দিন এসে নিফল হয়ে ফিরে যাবার পর থেকেই।

মাত্র তিন দিন আগের কথা।

কিন্তু এই তিন দিনে তার জগৎটা আর একবার যেন ওলট-পালট হয়ে গেছে।

বাইরে থেকে কিছুই অবশ্য হয় নি ব'লে মনে হতে পারে।

ফিরে যাবার পর আশুবাবু সেদিন তাকে নিজের ঘরে বসিয়ে অনেকগুলো কথা বলেছিলেন। সে-সব কথা আশুবাবু বলবেন তা যেন তার জানাই ছিল।

আশুবাবু তাঁর বাড়ীতে শোভনার চিরকাল আশ্রয় থাকা সম্বন্ধে আর একবার গভীর আশ্বাস দিয়েছেন। তাঁর নিজের কিছুদিনের জন্তে বাইরে যাবার সম্বন্ধ সম্বন্ধেও অটলতা দেখিয়েছেন। সেই সঙ্গে শোভনাকে আবার অহরোধ করেছেন, নিখিল বস্ত্রীর প্রস্তাবিত কাজটা নেওয়ার কথা আরেকবার বিবেচনা ক'রে দেখতে।

বলেছেন, আমি অনেক ভেবে দেখলাম মা। এরকম কাজ পেল না নেবার কোন মানে হয় না।

অনুপমকে খুঁজতে গিয়ে বিফল হয়ে ফিরে আসার পর থেকেই শোভনা কেমন যেন একটু অন্তমনস্ক। তার দিক থেকে কোন জবাব না পেয়ে আশুবাবুকে আবার বলতে হয়েছে,—আমি আর বেশীদিন এখানে নেই। যে কয়দিন আছি তার মধ্যেই তোমার একটা স্থিতি দেখে যেতে পারলে নিশ্চিত হতাম। অনুপমবাবুকে খোঁজবার কোন চেষ্টাই তুমি কর, এ আর আমার ইচ্ছে নয়। সে যদি তোমাকে তার জীবন থেকে বাদ দিতে পেরে থাকে তা হ'লে তুমিই বা পারবে না কেন? সেই জন্ত মনকে শক্ত ক'রে তোমায সম্বন্ধ স্থির করতে হবে। তোমার নিজের আত্মসম্মান বজায় রাখবার জন্তেই তোমায় একটা কোন কাজ নিতে বলছি, নইলে তোমার মত একটা মেয়ের ছ'বেলা ছ'মুঠোর ব্যবস্থা করার সম্ভাবনা আমার আছে। কিন্তু আমার কাছও ঋণী আছি ভেবে নিজেকে তুমি ছোট মনে করবে, এ আমি চাই না। সত্যি কথা বলতে গেলে, নিখিল বস্ত্রীর গায়ে প'ড়ে চাকরির খবর দেওয়াটা আমার তখন অত্যন্ত খারাপই লেগেছিল। কিন্তু পরে কাগজপত্রগুলো দেখে বুঝলাম, কাজটা সত্যিই ভাল। এ কাজ পেল, নিতে তোমার আপত্তি করা উচিত নয়।

আপত্তি করবার আগে কাজটা ত পাওয়া দরকার! শোভনা একটু ম্লান হেসে বলেছে, নিখিলবাবু খবর এনেছেন মাত্র। এ কাজ যে আমি পাব তার ভরসা কি!

তা অবশ্য নিখিলবাবুকে জিজ্ঞাসা করা যেতে পারে। তুমি যদি বল ত আমিই জিজ্ঞাসা করতে পারি।

না, জিজ্ঞাসা করতে হ'লে আমিই করব।—ব'লে শোভনা তখনকার মত উঠে পড়েছে। কিন্তু বাইরে যাবার আগে ফিরে দাঁড়িয়ে একটু হেসে স্বরটা হালকা রাখবার চেষ্টা ক'রে বলেছে,—আপনি কিন্তু এখন আর কোথাও নেমস্তন্ন নিয়ে বসবেন না। যে ক'দিন আছেন, আমার রান্নাই আপনাকে খেতে হবে। আপনার জন্তে এইটুকু করবার অধিকার থেকে বঞ্চিত করবেন না।

কথাগুলো ব'লেই আশুবাবুর উত্তরের জন্তে অপেক্ষা না ক'রে শোভনা তার নিজের ঘরে চ'লে গেছে। কেন যে এই কথাগুলো বলতে তার চোখ জলে ভ'রে উঠেছে, সে নিজেও ভাল ক'রে জানে না। এইটুকু শুধু বুঝেছে যে, এই অশ্রু শুধু কৃতজ্ঞতার নয়। ভুল হোক, ঠিক হোক, অনুপমের এই শহরেই থাকার খবর পাবার পর থেকে যা যা ঘটেছে, যে অশান্তি, উদ্বেগ, যন্ত্রণা, হতাশা ও অকারণ লাঞ্চার তিক্ততা তাকে জর্জর করেছে, সব যেন এক সঙ্গে জড়িত হয়ে তার অশ্রুর উৎস খুলে দিয়েছে।

নিজের ঘরে গিয়ে দরজায় খিল দিয়ে অনেকক্ষণ ধ'রে শোভনা সেদিন কেঁদেছিল নিজেকে সংবরণ করবার কোন চেষ্টা না ক'রে।

তার জীবনে এবারের এই নিদারুণ সমস্যা দেখা দেবার পর এই তার প্রথম কাণ্ড। অব্যাহত উচ্ছ্বাসিত। যেন তার গভীর হৃদয়মূলই এক ছুঁবার শ্রোতে ভেসে যাচ্ছে।

এমন কাণ্ড জীবনে কখনও সে কেঁদেছে ব'লে মনে পড়ে না।

মৃত্যুর সেই প্রথম সুস্পষ্ট পদক্ষেপ অনুভব করবার পরও কাণ্ড তার আসে নি।

একটা অসহায় আতঙ্কই তখন প্রধান, কিন্তু তার সঙ্গেই একটা কঠিন অনমনীয় সম্বন্ধের দৃঢ়তা! নিজেকে কাতর হয়ে লুটিয়ে পড়তে সে দেবে না।

মনে আছে, বাড়ী থেকে সেই প্রথম হাসপাতালে নিয়ে যাবার দিনও সে কাঁদে নি। অন্ততঃ তার চোখে এক কোঁটা জল অনুপমকে সে দেয় নি দেখতে। দেয় নি অনুপমের জন্তেই।

অনুপমকে কেমন অসহায় দিশাহারা মনে হয়েছিল। স্বপ্নের ছায়াছন্ন নিজের জীবনের অনিশ্চিত ভবিষ্যতের কথা ভেবে যত না দুঃখ হয়েছিল, তার চেয়ে বেশী হয়েছিল, অনুপমের নিরুপায় বিমুচতার কথা ভেবে তার প্রতি মায়ায়।

কিন্তু তবু শোভনা কাঁদে নি।

এমন একটা প্রসন্নতা মুখে রাখবার চেষ্টা করেছিল, যেন ক'দিনের জন্তে কোথাও একটু সুখে আসতে যাচ্ছে মাত্র।

অ্যান্থলেঙ্গের গাড়ীটা যেন একটা রাজরথ।

ষ্ট্রেচারে শুইয়ে তাতে নিয়ে গিয়ে তোলা যেন একটা খেলা।

অনুপম কি অসহায় বিমুচ ভাবে অ্যান্থলেঙ্গ গাড়ীর পাশে এসে দাঁড়িয়েছিল, শোভনা এখনও যেন দেখতে পায়।

অ্যান্থলেঙ্গের ড্রাইভারই অনুপমকে বলেছিল, কই মশাই, আসুন। গাড়ীতে উঠুন। তার পর অনুপম বিস্বস্ত ভাবে গাড়ীতে উঠতে যেতে আবার বলেছিল, ঘরের দরজাটার তাল দিবে আসবেন না?

শোভনা তখন গাড়ীর ভেতরে ষ্ট্রেচারে শায়িত। চোখে সে কিছু দেখতে পায় নি, যা কিছু কানেই শুনেছে, তবু সমস্ত দৃশ্যটা তার যেন দেখা মনে হয়।

মুখে কিছু বলবার সুযোগ ছিল না, কিন্তু মনে মনে বলেছে, তুমি ভেব না, কিছু ভেব না। আমি ঠিক সেরে ফিরে আসব।

হাসপাতালে যাওয়া ব্যবস্থা স্থির হবার সময় এ কথা অবশ্য মুখেই বলেছিল বার বার। অনুপমকে কত বিষয়েই পার্থী-পড়া ক'রে কি করতে হবে না হবে বুঝিয়েছিল।

অনুপমের তখন থেকেই কেমন যেন আচ্ছন্ন অবস্থা। মুখের দিকে নির্বোধের মত নীরবে তাকিয়ে থাকত শুধু।

তখনও শোভনা কাঁদতে পারত, কিন্তু সব কামা হৃদয়কে যেন পাথর-চাপা দিয়ে সে রুদ্ধ ক'রে রেখেছিল।

সেই পাথর কি ক'রে যে এতদিন বাদে প্রথম স'রে গেল, কে জানে!

চোখের জলে মনের অনেক দুঃখ বেদনা গ্লানি নাকি ধুয়ে মুছে পরিষ্কার হয়ে যায়।

অনেককণ বাদে চোখ মুছে বিছানায় উঠে ব'সে শোভনার কিন্তু তা ঠিক হয়েছে ব'লে মনে হয় নি। শুধু চোখের জলে ধুয়ে নিজের কাছে নিজের মনটা আর একটু যেন স্বচ্ছ হয়েছে।

সেই অস্থির আবেগ আর নয়, তার বদলে নিজেকে বিচার করবার একটা প্রশান্তি কিছুকণের জন্তে সে বুঝি পেয়েছে।

বিচার ক'রে যা বুঝেছে তাই থেকেই কি এই জলার রাজ্যে আবার ফিরে আসার নির্বন্ধ?

হয়ত তাই। কিন্তু তার আগে আরও এমন একটা ঘটনা ঘটেছে যা এখানে আসার সংকল্পে সাহায্য করেছে না বাধা দিয়েছে, এখনও শোভনা ভাল ক'রে জানে না।

ঘর থেকে বেরিয়েই নিখিল বক্সীকে উঠোন পার হয়ে চ'লে যেতে দেখেছে সেদিন।

শুন।—গভীর দ্বিধা জয় ক'রে শোভনা শেষ পর্যন্ত তাকে ডেকেছে নিজে থেকেই।

নিখিল থমকে দাঁড়িয়েছে, কিন্তু পিছু ফিরে তাকায় নি পর্যন্ত।

শোভনাকেই গভীর স্বরে আবার বলতে হয়েছে,— একটা কথা শুধু শুনে যান।

নিখিল এ ডাক শুনেও কয়েক সেকেন্ড যে নীরবে মুখ ফিরিয়ে দাঁড়িয়ে থেকেছে, শোভনার পক্ষে তা-ই অসহ্য অপমান ও গ্লানি। আন্তবাবুর ঘরের সামনে দূরে যাবার সময়, পাছে তিনি নিখিলকে দেখতে পেয়ে আগেই কিছু ব'লে বসেন এই আশঙ্কাতেই শোভনা অবশ্য নিজের প্রথম দ্বিধা জোর ক'রে কাটিয়ে উঠেছিল। এখন কিন্তু লজ্জা ও অশোচনা করবার যেন তার জায়গা নেই।

নিখিল বক্সী শেষ পর্যন্ত মুখ ফিরিয়ে ধীরে ধীরে শোভনার কাছে এসে দাঁড়িয়েছে।

মুখ তার কঠিন কি অপ্রসন্ন নয়, কিন্তু কেমন ক্লান্ত ও কাতর। তার স্বাভাবিক সপ্রতিভ উচ্ছলতা এমন ভাবে লুপ্ত হয়ে যাওয়া যেন অবিশ্বাস্ত।

এ পরিবর্তনের কারণ বিশ্লেষণ করবার মত মনের অবস্থা শোভনার নয়। সে শান্ত ও ঈষৎ কঠিন স্বরে বলেছে—আপনার প্রতিজ্ঞা ভঙ্গের কোন ভয় নেই। আমি শুধু একটা কথা জিজ্ঞাসা করবার জন্তে আপনাকে ডাকলাম। স্বার্থটা অবশ্য আমারই, তবে খবরটা আপনার কাছেই পাওয়া ব'লেই আপনাকে বিরক্ত করতে হচ্ছে। আপনি যে কাজের কথা বলেছেন সেটা আমার পক্ষে পাওয়া কি সত্যিই সম্ভব?

সম্ভব ব'লেই ত মনে হয়। নইলে মিছিমিছি আপনাকে খবর দিতাম না। কিন্তু এ কাজ এখন আপনার না নেওয়াই ভালো। নিখিলের স্বর শুধু নয় শুধু একটু যান্ত্রিক।

কেন?—নিজের অজ্ঞাতসারেই শোভনার কণ্ঠস্বর একটু তীব্র হয়ে উঠেছে।

নিখিল বক্সী কিছুক্ষণ চুপ ক'রে থেকে ধীরে ধীরে বলেছে,—ধরতী যখন আমিই এনেছি তখন তার জন্তে ওইটুকু কৃতজ্ঞতার ঋণেও আপনাকে বাঁধা রাখতে চাই না ব'লে।

কৃতজ্ঞতার বালাই যদি আমার না থাকে!—শোভনা পান্টা আঘাত দেবার জন্তে এর চেয়ে তীব্র কিছু বলার কথা সেই মুহূর্তে খুঁজে পায় নি।

ভাষায় না থাক, স্বরের তীব্রতায় যে জালা ছিল তা কিন্তু সম্পূর্ণ অগ্রাহ্য ক'রে নিখিল একটু হেসে বলেছে,—আপনার ও বালাই না থাক, কৃতজ্ঞতার লোভ ত অপরের থাকতে পারে? সে লোভও মনের বাঁধন আলগা ক'রে দেবার পক্ষে অনেক সময়ে যথেষ্ট।

তার মানে ভীষ্মের প্রতিজ্ঞা আপনার নয়।—বিদ্রূপ করতে গিয়ে শোভনার কণ্ঠে একটু বিমূঢ় বিস্ময় যেন আপনা থেকে মিশে গেছে।

না, নয়। ব'লে নিখিল বক্সী আর কিছু সেখানে দাঁড়ায় নি।

আকুল কান্নায় মনে যে স্বচ্ছতা কিছুক্ষণের জন্তে অনুভব করেছিল সে, এই সাক্ষাতের পরেই অবশ্য দূর হয়ে গেছিল।

দ্বিধা-সংশয়ের দোলায় তুলেছিল তার পর থেকেই।

কি সে করবে? একটা চকিত অস্পষ্ট ছবি স্মৃতি থেকে মুছে নিতে পারলেই একদিক দিয়ে সব দোলা বুঝি খেমে যায়।

কিন্তু মুছে দিতে পারবে কি?

জীবনের নিষ্ঠুর দুর্জয় ঘূর্ণি এমন এক জায়গায় তাকে এনে ফেলেছে যেখানে পরের ধাপ নেবার সমস্ত দায়িত্ব তার নিজের।

এবার আর আঙুবাবু কি আর কারো হাত দিয়ে ভাগ্যের দাবার চাল নয়। সে নিজেই নিজের এখন নিয়ন্ত্রা।

ইচ্ছে করলে অতীতকে সত্যিই সজ্ঞানে সে এবার মুছে দিতে পারে চিরকালের মত। কেউ কিছু জানে না, জানতে চাইবে না। জবাবদিহি যদি দিতে হয় ত এবার শুধু নিজের অন্তরের কাছে।

অন্তরের মধ্যে সব প্রশ্ন কি এখনো নীরব হয় নি?

তা যে হয় নি, এই জলার রাজ্যে আবার কিরে আসাই তার প্রশ্ন।

নসুর নির্দেশে সম্পূর্ণ শিগ্ৰু দিক দিয়ে শোভনা সেই তিনমাথার চরে এসে ওঠে।

জলার মাঝখানে সামান্য একটু উচু নাতিপ্রশস্ত খানিকটা শুকনো ডাঙা। তিনটি দুঃস্থ পরিবার তারই মধ্যে কোনরকমে পাশাপাশি বাসা বেঁধে আছে। বাসা নেহাৎ বলতে হয় তাই। কোনরকমে মাথা গৌজার ঠাই। চালের কোথাও ভাঙা মরচে-ধরা টিন, কোথাও হেঁড়া তেরপল, খড়, কি খোলার অভাব মিটিয়েছে। মুলী-বাঁশও সকলের জোটে নি দেয়াল তুলতে। জানলা বলতে অধিকাংশই ফোকর শুধু। তার গায়ে চটের পর্দা ঝুলছে। দরজার বদলে বাঁধারি-দরমার আগড়।

তিনটি বাসার মাঝখানের এজমালী উঠানের মত জায়গাটুকুতে যে গুটি-তিনেক উলঙ্গ শিশু খেলা করছে তারা কিন্তু বেশ দৃষ্টপূষ্টই মনে হয়। ধরদোর আসবাব পোশাকে যে চরম দারিদ্র্য পরিস্ফুট, বাসিন্দাদের চেহারায় কি মুখের ভাবে তার গ্লানির যেন চিহ্ন নেই। ঘরের নামে যা পরিহাস, তাও বেশ পরিষ্কর পরিষ্কার। মাটির উঠান নিকোনো গোছানো। যে দু'টি অল্পবয়সী বধু ঈষৎ ঘোমটা দিয়ে বিস্মিত চোখে শোভনাকে নিজেদের ঘরের দরজায় দাঁড়িয়ে লক্ষ্য করছে, তাদের দেহে ও মুখে স্বাস্থ্যশ্রীর একেবারে অভাব নেই।

নসু তিনমাথার চরে পৌঁছে দিয়েই তার কর্তব্য শেষ মনে ক'রে ইতিমধ্যে চ'লে গেছে। যাবার আগে শুধু জিজ্ঞাসা করেছে—এবার আপনি পথ চিনে ফিরে যেতে পারবেন ত?

শোভনা ঘাড় নেড়ে তাকে আশ্বাস দিলেও নসু তার দায়িত্ব সম্পূর্ণ পালন না ক'রে ছাড়ে নি। দূরে এক দিকে হাতের গুলতিটাই তুলে ধ'রে ব'লে গেছে—ওই যে জোড়া খেজুর গাছ দেখছেন, সোজা ওই দিকে মুখ রেখে চ'লে যাবেন, আর পথ ভুল হবে না তা হ'লে।

নসু চ'লে যাবার পর শোভনা বেশ একটু অস্বস্তিই বোধ করেছে, এই অপরিচিতদের মধ্যে একা দাঁড়িয়ে থেকে।

কিন্তু এ অস্বস্তি শুধু নয়, এর চেয়ে অনেক বেশী কিছু দুর্ভোগের সম্ভাবনা জেনেই সে এখানে এসেছে। স্মরণীয় বিচলিত হলে তার চলবে না।

বধুরা কেউ নিজে থেকে তার সঙ্গে আলাপ করবার চেষ্টা করে নি। শুধু একটু সন্দেহ ও বিস্মিতভাবে তার দিকে চেয়ে থেকেছে।



উঠানের ছোট ছোট ছেলেমেয়ে তিনটিও একটু যেন ভয়ে বিস্ময়ে আড়ষ্ট।

কি এখন করা উচিত শোভনা স্থির করতে পারে নি। নিজেকে থেকেই সে কি আলাপ করবে এদের কারুর সঙ্গে? কিন্তু আলাপ শুরু করবে কি নিয়ে?

এখানে আসার সঙ্কল্প যখন স্থির করেছে তখন এই সমস্তার কথাটা মাথায় আসে নি।

সমস্তাটা কিন্তু আপনা থেকেই মিটে যায়।

একটি শিশু উঠান থেকে মা'র কাছেই যাবার দ্রুত টলতে টলতে কয়েক পা চলে পড়ে গিয়ে কেঁদে ওঠে। শোভনা কিছু না ভেবেই তাকে মাটি থেকে তুলে নিয়ে গায়ের ধুলো ঝাড়বার চেষ্টা করায় একটি বধু এগিয়ে এসে শিশুটিকে নিজের কোলে টেনে নিয়ে একটু অপ্রসন্ন স্বরেই বলে—থাক, আপনার হাত নোঁরা হবে!

তা হ'লই বা! বলে একটু ভেসে শোভনা এ সুযোগ নষ্ট হতে দেখে না। জিজ্ঞাসা করে, এ সব ছেলেমেয়ে আপনার?

আমার কেন হবে? আমার এইটি। খাঞ্চলিক

টানের সঙ্গে একটু যেন প্রসন্ন মুখে কথাগুলি বলে অপর বধুকে দেখিয়ে দিয়ে জানায়—ও ছুটি ছেলে মেয়ে ওই ওর।

আপনার! কতদিন এখানে আছেন? এ প্রশ্ন করা এর পর সহজ।

আমি এক বছর, আর ওরা তিন-চার বছর হবে। তাই না?


দ্বিতীয় বধুটিও এবার এগিয়ে কাছে এসেছে। প্রশ্নটা তাকেই।

মাথা নেড়ে সাধ দিয়ে দ্বিতীয় বধুটিই এবার শোভনাকে জিজ্ঞাসা করে—আপনি সেদিন ছ'জন বুড়ো মাহুমের সঙ্গে এখানে এসেছিলেন না? ওই ছোকরাটার সঙ্গে?

শোভনা এ কথা স্বীকার করবার আগেই আবার বধুটি জিজ্ঞাসা করে—যাকে খুঁজছেন সে ত এখানে নেই শুনে গেছেন। আজ আবার এসেছেন কেন তা হ'লে?

এসেছি, সে এখানেই আছে শুনে। বলে শোভনা তাদের দিকে চেয়ে একটু হাসল।

ক্রমশঃ





## ভারতবর্ষে রাষ্ট্রভাষা ও লিপি এবং পরিভাষা

**সমস্যা সমাধান :** হ্রদেবলকুমার গুপ্ত প্রণীত ও প্রকাশিত, ১০ পি, রাজেন্দ্রলাল ষ্ট্রিট, কলিকাতা-৩। মূল্য ১২ টাকা চার আনা।

১৯৪৯ সালে গণপরিষদ ডাঃ রাজেন্দ্রপ্রসাদের কাষ্ট্রিং সেক্টরে জেরে একমাত্র হিন্দীকেই ভারতবর্ষের রাষ্ট্রভাষা করা হইয়াছে। তারপরে ভারতের পরম গণতান্ত্র্যদেশ বলিয়া ঘোষণা করা হইয়া থাকে। কিন্তু বাস্তবে ইহার বিপরীতই দেখা যাইতেছে। গত বৎসর প্রধান-মন্ত্রীর নেতৃত্বে, রাজা মুখ্যমন্ত্রী এবং কেন্দ্রীয় মন্ত্রিগণ জাতীয় সংসদে সম্পূর্ণ তিনদিন ব্যাপী দিল্লীতে এক সম্মেলনে মিলিত হইয়া, দেশের শিক্ষা এবং পরিশাসনের ভাষা একমাত্র হিন্দী এবং নাগরী লিপি ব্যবহৃত হইবে—এই পরম সিদ্ধান্ত গ্রহণ করেন। এই সিদ্ধান্তের দ্বারা তাঁহারা জাতীয় সংসদে সৃষ্টি না করিয়া—দেশের প্রবল বিরোধই সৃষ্টি করিয়াছেন। লেখক বহু পণ্ডিত ব্যক্তির মতামত এবং সূত্রের দ্বারা প্রমাণ করিতে চেষ্টা করিয়াছেন হিন্দীর দাবী কত অসঙ্গত, কত মূল্যহীন। লেখকের চেষ্টা সার্থক হইয়াছে; হিন্দীভাষার প্রচারকদের দাবী যে কত ভ্রান্ত, লেখক তাহাও দেখাইয়াছেন। বলা বাহুল্য—সেক্টরে জেরে (?) একটি মাত্র ভাষাকে অগ্রস্বী মানুষদের ঘাড়ে হস্তসাময়িক কালের জন্ত চাপানো যায়, কিন্তু সে ভাষা “মীটিং কা কাপড়ার” বেগী কাজের হইবে না। হাট-বাজারের ভাষা টাকুরঘর কিংবা বাসরঘরের ভাষা কখনও হইবে না। গায়ের জেরে (সাময়িক) হিন্দী এবং নাগরী লিপি দ্বারা ভারতকে একত্রিত করিতে গেলে কালবাহী ভারতীয়দের জীর্ণ বুক সে টান সহ্য করিতে পারিবে না।

আলোচ্য পুস্তকখানির ব্যাপক প্রচার কল্যাণকর হইবে। লেখক যদি এই পুস্তকখানির ইংরেজী সংস্করণ প্রকাশ করেন, তাহা হইলে খুবই ভাল হয়। পুস্তকের মূল্যবান তথ্যগুলি ভারতের সকল প্রদেশের সকল লোকের প্রয়োজন।

হ-চ

**স্বর্ণমুকুট :** গোপেন্দ্র বহু। ননীগোপাল চট্টোপাধ্যায় এণ্ড কোং প্রাঃ লিঃ কর্তৃক ১১ পুনাবন মল্লিক লেন, কলিকাতা হইতে প্রকাশিত। পত্রাক ১৪৩, মূল্য ২.৫০ নয়া পয়সা।

আলোচ্য পুস্তকখানি কিশোর-পাঠ্য উপস্থাপন। মহারাজ প্রতাপাদিত্যের স্বর্ণমুকুট কিতাবে এক রহস্যময় সিন্দূরের মধ্যে আবদ্ধ ছিল ও কিতাবে বহুদিন পরে অজকালকার ছেলের দ্বারা তাহার পুনঃপ্রাপ্তি ঘটিল তাহারই এক চিত্তাকর্ষক গল্প। লেখকের ভাষা ও বর্ণনাত্মক স্কন্দর। নীলকর সাহেবদের দোরাস্তা ও তৎকালীন জমিদারদের প্রভাব, প্রতাপ, ও ধ্বংসের কারণ লেখক উজ্জ্বলভাবে বর্ণনা করিয়াছেন এবং প্রতাপাদিত্য যুগের বাংলার ইতিহাসের কিছুটা দিক কাহিনীর মধ্যে ফুটাইয়া তুলিবার প্রয়াস পাইয়াছেন।

**শ্রীশচন্দ্র চক্রবর্তী :** হ্রদেবলকুমার চক্রবর্তী। ওরিয়েন্ট বুক কোম্পানী, কলেজ ষ্ট্রিট মার্কেট, কলিকাতা হইতে প্রকাশিত, পত্রাক ১২২, মূল্য দুই টাকা।

লেখিকা পুস্তকখানি আদর্শকর্ণাযোগী ব্রাহ্মসাধকের জীবনী ও রচনাবলী হইতে কিছু কিছু সংকলন করিয়া প্রাথমিকরূপে এই গ্রন্থ মুদ্রিত করিয়াছেন। শ্রীশচন্দ্র ছিলেন নীরব কণ্ঠী ও অকৃত্রিম দেশ-সেবক। শিক্ষকতাবৃত্তির মাধ্যমে সনাতনসেবাই ছিল তাঁহার জীবনের লক্ষ্য। এরূপ আদর্শচরিত্র ব্যক্তির জীবনী ও রচনাসংগ্রহ সকলেরই পাঠ করা উচিত।

**শারদোৎসব-দর্শন :** সমীরণ চট্টোপাধ্যায়। ওরিয়েন্ট বুক কোম্পানী, কলেজ ষ্ট্রিট মার্কেট, কলিকাতা হইতে প্রকাশিত, পত্রাক ১১৭, মূল্য দুই টাকা।

রবীন্দ্রনাথের শারদোৎসব নাটিকাটির আলোচনা ও চরিত্রগুলির বিশ্লেষণ লেখক নিপুণভাবে করিয়াছেন। রবীন্দ্রপ্রতিভার সহিত দেশবাসীর পরিচয়সাধন করাই প্রকাশকের উদ্দেশ্য এবং সেই উদ্দেশ্যেই তিনি এই গ্রন্থপ্রকাশে সহায়তা করিয়াছেন। আলোচ্য গ্রন্থে লেখকের নিজস্ব দৃষ্টিভঙ্গির পরিচয় আছে এবং তাঁহার বিশ্লেষণশক্তিও প্রশংসার যোগ্য।

**মৃত্যুশোক :** শ্রীযতীশ চট্টোপাধ্যায়। শ্রীযতীশচন্দ্র চট্টোপাধ্যায় কর্তৃক শ্রীতিনগর, নদীয়া হইতে প্রকাশিত, পত্রাক ৫৮, মূল্য ১২ টাকা মাত্র।

পত্নীবিয়োগের অন্তর্জ্বালায় পীড়িত হইয়া লেখক যেসব কবিতা রচনা করিয়াছেন সেগুলি এই গ্রন্থে প্রকাশিত হইয়াছে। “এই লেখা-গুলির অগ্রসরে একটা ছুনিবার ঝড়ের ঝাপটই আছে, সে ঝড় তাঁর বেদনার কালবৈশাণী।” কবিতাগুলিতে একটা স্বাভাবিক উচ্ছ্বাস আছে এবং সে উচ্ছ্বাস শোকাগ্নিস্পর্শে উজ্জ্বল ও মর্মগ্রাহী হইয়া উঠিয়াছে এবং তাহা ব্যক্তিগত গণ্ডি ছাড়িয়া পাঠকের অন্তর স্পর্শ করিয়াছে।

শ্রীকৃষ্ণধন দে

**গ্রন্থাগার ও গ্রন্থাগারিক—**শ্রীরাজকুমার মুখোপাধ্যায় প্রণীত। প্রকাশক ওরিয়েন্ট বুক কোম্পানী, ৯, আমাচরণ দে ষ্ট্রিট, কলিকাতা-১২, মূল্য ২১, পৃষ্ঠা ৩৬৪।

গ্রন্থাগার বিজ্ঞান সম্পর্কিত এই পুস্তকে লেখক বিবলিওগ্রাফী ব্যতীত অগ্রান্ত্র বিষয়গুলি আলোচনা করিয়াছেন। গ্রন্থকার একজন অভিজ্ঞ গ্রন্থাগারিক এবং দীর্ঘদিন বাবু কলিকাতা বিশ্ববিদ্যালয়ের লিবার্টি গ্রন্থাগারের সহিত সংযুক্ত। ইহা ব্যতীত তিনি নানা ভাষাবিদ এবং পুরাতন লেখক এবং গ্রন্থাগার সম্পর্কে আরও কয়েকখানি বাংলা ও একখানি ইংরেজী বই লিখিয়াছেন। আলোচ্য গ্রন্থখানি পরিবর্তিত এবং পরিশোধিত সংস্করণ।

পুস্তকখানি ২৩টি পরিচ্ছেদে বিভক্ত বর্ণা—জনসাধারণের গ্রন্থাগার; রাষ্ট্র ও গ্রন্থাগার; পুস্তক নির্মাণ; পুস্তকের জাতি বিচার; পুস্তকের শ্রেণী বিভাগ; ডিউইর দ্রষ্টব্য বিভাগ; বিবর অনুসারে জাতি বিচারের

অহবিধা, নূতন করিয়া জাতি বিচার ও তালিকা প্রণয়ন; পুস্তকের জাতি বিভাগ; পুস্তক মঞ্চে প্রয়োগ; পুস্তকের জাতি বিচারে ইঙ্গিত; বাংলা সাহিত্যের জাতি বিচারের ছক; পুস্তকের তালিকা প্রণয়ন; তালিকা প্রণয়ন-ব্যবহারিক দিক নিয়মাবলী; গ্রন্থাগার সংগঠন; গ্রন্থাগার পরিচালনা; গ্রন্থাগার নীতি; সন্ধান দেওয়ার কাজ; গ্রন্থাগার প্রচার ও কাষ্য সম্প্রসারণ; স্কুলের গ্রন্থাগার ও শিশুকেন্দ্র; গ্রামে গ্রন্থাগার ব্যবস্থা এবং পরিভাষা।

গ্রন্থাগার-বিজ্ঞান শিক্ষাপীঠ পক্ষে এই পুস্তকখানি বিশেষ উপযোগী হইয়াছে। ৪৬টি ছবি ও ছক পাকাতে পুস্তকের বক্তব্য পরিস্ফুট হইয়াছে। লেখক চরিত্র ভাষায় লিখিয়াছেন, কোন কোন স্থলে ইহার একটু আতিশয্য হইলেও কোথাও আবার তপাকপিত 'সাধু' ভাষা আসিয়া পড়িয়াছে। গ্রন্থাগার-বিজ্ঞান মঞ্চে আলোচনা প্রসঙ্গে লেখক শিক্ষা ও সংস্কৃতি বিষয়ের উপরে যে সকল মতামত প্রকাশ করিয়াছেন তাহা সকলে গ্রহণ করিবেন এরূপ আশা করা যায় না। তবে লেখক এই সকল গুরুতর বিষয়ে নিজ সুদৃঢ় মত ব্যক্ত করিয়া বলিষ্ঠ মনের পরিচয় দিয়াছেন।

এদেশে গ্রন্থাগার বিজ্ঞান সম্পর্কিত আলোচনা ও সাহিত্য শৈশব অবস্থায়। যাহারা এই পারমিতিক কার্য করিতেছেন তাহাদের মধ্যে রাজকুমারবাবু একজন। এই বিষয়ে বেঙ্গল লাইব্রেরী এসোসিয়েশন গত প্রায় পঁচিশ বৎসর যাবৎ গ্রন্থাগারিক শিক্ষণ ও 'গ্রন্থাগার' পত্রিকার মাধ্যমে খুব প্রশংসনীয় কাষ্য করিয়া বাইতেছে। বিদ্যাটি বর্তমানে বিদেশ হইতে আসিলেও, দেশে সার্বজনীন শিক্ষা প্রসারের ফলে, ইহার গুরুত্ব পুর্বেই বৃদ্ধি পাইয়াছে। গ্রন্থাগার ব্যতীত শিক্ষা ব্যবস্থার পরিকল্পনা করা অসম্ভব। এই বিষয়ের বাংলা তথা ভারতীয় পরিভাষা যত একরূপ হয় ততই ভাল। বর্তমান গ্রন্থ এবং অন্যান্য প্রতিষ্ঠানে লেখকগণ বিভিন্ন পরিভাষা ব্যবহার করেন ইহাতে বিভ্রমের সৃষ্টি করে। সকলের মিলিত সিদ্ধান্ত অনুযায়ী একই পরিভাষা গ্রহণীয়। পুস্তকখানির ছাপা ও কাগজ ভাল।

শ্রীঅনাথবন্ধু দত্ত

ঐশ্বর সান্নিধ্যবোধের সাধনা—(সাধু লরেন্সের সংক্ষিপ্ত জীবনী এবং তাহার কতিপয় আধ্যাত্মিক প্রসঙ্গ ও পত্রের বঙ্গানুবাদ) — শ্রীহরিশচল সিংহ প্রণীত। শ্রীশ্রীরামকৃষ্ণ মন্দির প্রকাশকমণ্ডলী, ৪নং ঠাকুর রামকৃষ্ণ পাণ রো, কলিকাতা-২৫। মূল্য ৮০ নয়া পয়সা। পৃষ্ঠা ৮৮।

বইখানি আত্মোপাস্ত পড়িয়া আমরা প্রীতিলভ করিয়াছি। সংসারে কর্মময় জীবন, কাজকর্মে নিরন্তর ব্যস্ত থাকিয়া ঈশ্বরে মন সন্তত নিযুক্ত রাখা একেবারেই অসম্ভব এরূপ মনোবৃত্তি লইয়া যাহারা বলেন যে, সংসারজ্যাগী সন্ন্যাসী না হইলে ঈশ্বরে মন সন্তত নিযুক্ত রাখা চলে না তাহারাও ৪০০ বৎসর আগেকার এই খ্রীষ্টীয় সঙ্কটের প্রসঙ্গ ও পত্রাবলী পাঠে তাহাদের ধারণা পরিবর্তন করিবেন, সে বিষয়ে আর সন্দেহ নাই। গ্রন্থকার সত্যই বলিয়াছেন যে, "কল্পবিরল সন্ন্যাস জীবন যাপন..... অনেকের পক্ষেই সম্ভব নয়। এরূপ পরিস্থিতিতে সাধু লরেন্সের কথা আমাদের মনে আশার সঞ্চার করে।"

এই সাধুটির বর্ণিত মূলতত্ত্ব ও সাধনার ইঙ্গিত আমাদের দেশে অনেক

মহাপুরুষের বাণীতে অনেক প্রাচীন কাল হইতেই দেখা যায়। কিন্তু ভিন্ন দেশে ভিন্ন ধর্মাবলম্বীর উপলক্ষিও যে অনুরূপ ইহাই ইহাতে প্রমাণিত হয়। সাধু লরেন্স ঋদ্ধ ছিলেন এবং কাজে তাঁর পটুতা ছিল না, একথা নিজেই তিনি বলিয়াছেন। রান্নার কাজ তাহার ভাল লাগিত না, তথাপি ঐ কাষ্যেই তাঁহাকে দীর্ঘকাল নিযুক্ত থাকিতে হইয়াছিল। এইসব অহবিধার মধ্যে থাকিয়াও তিনি ঈশ্বর-সান্নিধ্য সুস্পষ্টভাবে অনুভবে সক্ষম হইয়াছিলেন। তিনি মুক্তকণ্ঠে স্বীকার করিয়াছেন যে, "...নির্জন উপাসনার সময়ে ঈশ্বরের সঙ্গে আমার সংযোগ যত নিবিড় হয় তার চেয়ে বেশী নিবিড় সংযোগ হয় যখন আমি সাংসারিক কাজে ব্যাপৃত থাকি।" কিরূপে ইহা সম্ভবপর হইয়াছিল তাহা জানিতে পারিলে সকলের পক্ষেই বিশেষতঃ আমাদের দেশের মহিলাদের (যাহাদের রক্ষণাদি গৃহ-কর্মে সর্বদা নিযুক্ত থাকিতে হয়) বিশেষ কল্যাণজনক হইবে তাহাতে আর সন্দেহ কি! মূল গ্রন্থখানি করাসী ভাষায় লিখিত হইলেও নানা দেশে নানা ভাষায় ইহা অনূদিত হইয়াছে কিন্তু বাংলা ভাষায় ইহার অনুবাদ হয় নাই। সেইজন্যই অনভিজ্ঞদের সুবিধার জন্য সরল ও সহজ ভাষায় বঙ্গানুবাদের এই প্রচেষ্টা। গ্রন্থখানি বাহাতে সহজলভ্য হয় তৎসঙ্গে স্বল্পমূল্যে সর্গসংধারণের মধ্যে প্রচারেরও চেষ্টা করা হইতেছে। এই সাধু প্রচেষ্টা সফল হইবে ইহাতে আমাদের বিন্দুমাত্র সন্দেহ নাই। প্রবন্ধ ও পত্রাবলীর অন্তর্নিহিত তত্ত্ব, ভাষার সরলতা, অনুভূতি প্রকাশের উপলক্ষি-প্রসূত নিপুণতা এবং সংযোগ্য অসংস্পর্শিক দৃষ্টিভঙ্গি গ্রন্থখানিকে বিশেষ মর্যাদা দান করিয়াছে।

দি ক্যালকাটা মিউনিসিপ্যাল গেজেট : ঈশ্বরবীন্দ্রনাথ ভট্টাচার্য্য সম্পাদিত। ৫, সুরেন্দ্রনাথ বানার্জি রোড, কলিকাতা। মূল্য তিন টাকা।

সাময়িক পত্রিকা হইলেও, এই গ্রন্থখানি একটি বিশিষ্ট সংস্করণ। রবীন্দ্র শতবার্ষিকীকে উপলক্ষ্য করিয়া এরূপ বিশেষ সংকলন-গ্রন্থ ইহার পূর্বে অনেকগুলি বাহির হইয়াছে বটে কিন্তু বর্তমান গ্রন্থখানি গতানুগতিকতার বহু উৎকৃষ্ট। ইহার অধিকাংশ লেখাই তাহারই লিখিয়াছেন, যাহারা কবির খুব নিকট সান্নিধ্য আসিয়াছিলেন। এইসব লেখার বৈশিষ্ট্যই হইল যাহা আমরা কেহই জানি না, পুস্তকাকারেও যাহার সাক্ষর নাই তাহার সহিত আমাদের পরিচয় দান করা; ইংরাজী ও বাংলা প্রবন্ধে সমৃদ্ধ এই গ্রন্থখানি তাই সকল দিক দিয়াই পাঠকের দৃষ্টি আকর্ষণ করিয়াছে। এই গ্রন্থে যাহারা লিখিয়াছেন তাহাদের মধ্যে চারুচন্দ্র ভট্টাচার্য্য, অসিতকুমার হালদার, সৌমেন্দ্রনাথ ঠাকুর, প্রভাচন্দ্রনাথ মুখোপাধ্যায়, সৈয়দ মুজিব আলি, গোপাল হালদার, ডঃ বিজনবিহারী ভট্টাচার্য্য, সুধাকান্ত রায়চৌধুরী, প্রবোধচন্দ্র সেন, ইন্দিরা দেবী চৌধুরাণী, ডঃ রাধাকৃষ্ণ, সুধীরচন্দ্র দাস, ডঃ শ্রীকুমার বন্দ্যোপাধ্যায়, অন্নদাশঙ্কর রায়, কাদার পিয়ার কালোন, নয়মান কাজিনস, অধ্যাপক ও, সি. গাজুলি, দিলীপকুমার রায়, অনিলবরণ রায়, ডঃ নিকোলাস ফ্রেইন, অধ্যাপক তান-উন-শান, গোপাল রেড্ডি, ওয়াই চেলিশেভ, কেদারনাথ চট্টোপাধ্যায়, ডঃ শচীন সেন, অশোক চট্টোপাধ্যায়, ডঃ সুনীতিকুমার চট্টোপাধ্যায়, অধ্যাপক হেলমাট, জি, কলিস, ডঃ রমা চৌধুরী, ডঃ কালিদাস নাগ প্রভৃতি উল্লেখযোগ্য। ইহা ছাড়া অনেকগুলি আর্ট-মেট বইখানির শ্রীবৃদ্ধি করিয়াছে। সবচেয়ে বড় কথা, প্রচুর অর্থব্যয় করিয়া এইরূপ একখানি অমূল্যগ্রন্থ উপহার দিয়া কলিকাতা মিউনিসিপ্যাল গেজেটের কর্তৃকর্তারা শুধু দুঃসাহসেরই পরিচয় দেন নাই, একটি মহৎ কার্য সম্পাদন করিলেন।

কী হেরিলাম নয়ন মেলে : মারা ~~দাদা~~ ~~কর্ণওয়ালিস স্ট্রিট, কলিকাতা-৯।~~ মূল্য ২'৫০ নয়া পয়সা।

লেখিকা এই গ্রন্থে কাশ্মীর, দক্ষিণভারত, গুরুমারা অরণ্য, নালন্দা, রাজগীর, উড়িষ্যা, কোনারকের সুধামন্দির প্রভৃতি স্থানের বিপদ বর্ণনা দিয়েছেন। ভ্রমণ-কাহিনী বলিতে আমরা যাহা বুঝি, এই গ্রন্থখানি তাহা হইতে স্বতন্ত্র। ইহাতে তথ্য আছে, কিন্তু বলার ভঙ্গিতে ইহা সাহিত্যের মর্যাদা লাভ করিয়াছে। ভ্রমণ-কাহিনীকেও যে সরস করা যায় এবং ইহা যে পাঠক-মনকে কতখানি আকৃষ্ট করে তাহা প্রবোধ সান্ত্বনের 'মহাপ্রস্থানের পথে' ও মনোজ্ঞানারাম রায়ের 'বহু-রূপের' জনপ্রিয়তা লক্ষ্য করিলেই বুঝা যায়।

এই বইখানি পাঠ করিয়া সকলেই আনন্দ পাইবেন। গল্প প্রকাশনে প্রকাশক মহাশয় বিশেষ যত্ন লইয়াছেন। বিশেষ করিয়া কয়েকখানি হাকপ্রেট ছবি দিয়া ইহার মর্যাদা আরও বৃদ্ধি হইয়াছে।

কাঁচা মাটি পাকা পথ—ইন্দ্রীপেন রায়, বেঙ্গল পাবলিশিংস্‌ আইভেট লিমিটেড, ১৪ বঙ্কিম চ্যাটার্জি স্ট্রিট, কলিকাতা-১২। মূল্য ৪'৫০ ন.প।

একটি মিষ্টি গল্প লইয়া লেখক এই গ্রন্থখানি রচনা করিয়াছেন। অভিজাত ঘরের শিক্ষিত একটি ছেলে বায়ু পরিবর্তন করিতে আসিয়া কিরূপে একটি অংলী মেয়েকে বিবাহ করিতে বাধ্য হয় এবং যাহার ফল

তাহার জীবনের সকল দিকে চির খাইয়া যায় তাহারই এক মনস্তত্ত্ব কাহিনী।

সলিল ও ইনা—যাহাদের লইয়া গল্প, তাহাদেরই জীবনাকাশে ধূমকেতুর মত আসিয়া উদয় হইল কৈলি। যং তার কালে, শিকা-সত্যতার বাণাই নাই—সলিলের পিতা মিঃ রায়ের রুচির দিক দিয়া, বিশেষ করিয়া আভিজাত্য গুণ হইতেছে দেখিয়া তিনি কিছুতেই ইহা সহ্য করিতে পারিলেন না। অসহায়ের মত গ্রহণ করিলেন বটে, কিন্তু মানাইয়া লইতে চাহিলেন না। চাকর বনবিহারী যতদিন বাঁচিয়া ছিল ততদিন উহাদের আগলাইয়া লইয়া চলিয়াছিল। কিন্তু সলিলের পুত্র হওয়ার পর মিঃ রায় অন্তরূপ হইয়া গেলেন। বংশের আভিজাত্য রক্ষার্থে ছেলেটিকে তাহার মায়ের কাছ হইতে সরাইয়া লইলেন। এই ট্রাজেডি গল্পটিকে পরিণতির দিকে আগাইয়া লইয়া গিয়াছে। পরিণতির মোড়টিকে কিছু ছোট গল্পের টেকনিক আসিয়া পড়িয়াছে। অবশ্য তাহাতে বই-পানির মর্যাদা আরও বাড়িয়াছে। গল্পের চরিত্রগুলি আপন আপন বৈশিষ্ট্য লইয়া প্রাধান্য লাভ করিয়াছে।

লেখকের ভাষা সরলতায় সুন্দর। বিশেষ করিয়া, তিনি গল্প বলিতে জানেন। সকল শ্রেণী পাঠকেরই ভাল লাগিবে বলিয়া আমার বিশ্বাস।

গৌতম সেন



# কে. হোড্জের

অভিজাত প্রসাধনী



সম্পাদক—শ্রীকেশবানন্দনাথ চট্টোপাধ্যায়

মুদ্রাকর ও প্রকাশক—শ্রীনিবারণচন্দ্র দাস, প্রবাসী প্রেস আইভেট লি., ১২০/২ বাচার্য্য প্রহুরচন্দ্র রোড, কলিকাতা





বিধানচন্দ্র রায়

জন্ম :  
.....

মৃত্যু :  
১লা জুলাই, ১৯৬২



# স্বাভাবিক

“সত্যম্ শিবম্ সুন্দরম্”

“নারায়ণা বলহীনেন লভ্যঃ”

৩২শ ভাগ  
২ম পত্র

শ্রাবণ, ১৩৩৯

৪র্থ সংখ্যা

## বিবিধ প্রসঙ্গ

### বিধানচন্দ্র রায়

যে সময়ে বাংলা ও বাঙালীকে তাহাদের ভাগ্যদেবতার নিষ্ঠুর পরিহাসে আঁত ও জর্জরিত হইতে হইতেছে, যখন দেশ বিখণ্ডিত, অগণিত বাঙালী আশ্রয়-আশ্বাসের সন্ধানে পশ্চিম বাংলার ক্ষুদ্র পরিসরের মধ্যে জলশ্রোতের জায় আসিতেছে, দেশের শান্তি-শৃঙ্খলা সাম্প্রদায়িক দাঙ্গার তাণ্ডবে বিধ্বস্ত-প্রায় এবং দ্বিতীয় বিশ্ব-মহাযুদ্ধের প্রচণ্ড ঘূর্ণিমহনে বাঙালী পাইয়াছে হসাহল ও ভারতের অন্ত অঞ্চল পাইয়াছে অভূত সম্পদ, সেই সময়ে নেতৃত্বের আসনে অধিষ্ঠিত হইয়াছিলেন বিধানচন্দ্র রায়। অবশ্য বিধানচন্দ্রের আগমনের পূর্বে রাষ্ট্রের অধিকার হস্তান্তরিত হইয়াছিল এবং অভাগা খণ্ডিত বাংলার পশ্চিম অংশে প্রাদেশিক মন্ত্রিসভা গঠিত হইয়া মুখ্যমন্ত্রীরূপে অন্ত একজন নির্বাচিত হইয়াছিলেন। কিন্তু দেশ তখন ঝড়ঝঞ্ঝাত অর্নবপোতের মত উদ্ভাসগতিতে অনিশ্চিতের দিকে ছুটিয়াছে। তাহার কর্ণধার হওয়ার জন্য যে বিরাট পরিমাপে শক্তিসামর্থ্য ও যোগ্যতার প্রয়োজন তাহা তাহার না থাকার তিনি সরিয়া যান এবং তাহার পরেই আসেন এই মহান জননায়ক, অসংখ্য সমস্তাসকুল ও নিদারুণ অভাব-অনটন-প্রপীড়িত এই প্রদেশের প্রশাসন ও পরিচালনের ভার গ্রহণ করিতে।

বিধানচন্দ্র রায় ১৯৪৮ সনে মুখ্যমন্ত্রীর পদ গ্রহণ করেন। তারপর এই অভিশপ্ত প্রদেশের উপর দিয়া কত ঝড়ঝঞ্ঝা বহিয়া গিয়াছে, অভাব-অনটন-প্রপীড়িত

বিভ্রান্ত জনগণকে বিক্ষুব্ধ করিয়া দেশের শান্তি-শৃঙ্খলা ব্যবহার উপর কতশত ছোটবড় আঘাত-সংঘাত করা হইয়াছে, কি ভাবে কেন্দ্রীয় ক্ষুদ্রমতি অধিকারীদের অস্তায় আচরণে পশ্চিমবঙ্গের ও বাঙালীর স্বার্থ ও জন্মধিকার ধ্বংস ও ব্যাহত করার চেষ্টা চলিয়াছে, সে সকল কথাই তা বাঙালী মাঝেই জানে। এবং ইহাও সর্বজনবিদিত যে, সে সকল উদ্ভাস বিক্ষোভ-বিশৃঙ্খলা, শরণার্থী জনশ্রোতের উচ্ছ্বাস এবং শত শত জটিল সমস্যার আবের্ষের মধ্যে ঐ ধীরস্থির, উন্নতশির জননায়ক কি অসীম ধৈর্য্য ও অদম্য সাহসের সহিত সকল বাধাবিঘ্ন ও যাবতীয় বিপদ-আপদ অতিক্রম করার জন্য অক্লান্ত চেষ্টা করিয়া গিয়াছেন।

লোকে জানে “আমরা কি পাই নাই” এবং “কি অধিকার হইতে আমরা বঞ্চিত”। আজিকার দিনে সাংবাদিক জগতে যাহারা সংবাদ বা তথ্য পরিবেশন করেন তাহাদের ধারণা যে, সেই সংবাদ বা সেই তথ্যই পাঠকের মুখরোচক হইবে যাহাতে পাঠকের মনে বিবেচন, বিক্ষোভ বা অন্তরূপ ভাবোচ্ছ্বাসের সৃষ্টি করে। সুতরাং যাহা পাই নাই বা যাহা হইতে বঞ্চিত হইয়াছি তাহার কথাই মুখরোচক—যাহা পাইলাম তাহার কথা “কে শোনে?” সুতরাং এই বিপরীত ভাবোচ্ছ্বাস বাঙালী পাঠকের এবং শ্রোতার চক্ষুকর্ণের তৃপ্তির জন্য ওধুই অভাব-অনটন বা অন্তর-অনাচারের সংবাদই সজোরে প্রকাশিত হয়। বাঙালীর ব্যর্থতার পিছনে এই উদ্বেজনা-বিলাস এবং ক্ষুদ্র স্বার্থচিন্তা ও পরশ্রীকাতরতার কারণে সমষ্টিগতভাবে

অধিকারপ্রাপ্তি প্রচেষ্টাকে বলি দেওয়া যে কতটা কাজ করিতেছে সে কথা কে ভাবে বা কে দেখে ?

বাস্তবিকই ডাঃ রায়কে প্রত্যেক কাজে এই দুই বিপরীত শক্তির সহিত স্মৃতিতে হইয়াছে। একদিকে কেন্দ্রীয় অধিকারীবর্গের প্রচ্ছন্ন বিষেব ও অবিচারের বিরুদ্ধে অন্যদিকে নিজের দেশের ও নিজের দলের লোকের নিজ বা গোষ্ঠীগত স্বার্থাত্মতার সমষ্টিগত প্রচেষ্টায় বাধাদান। এইরূপ প্রতিকূল অবস্থায় যে হতোভ্রম হইয়া তিনি সরিয়া যান নাই ইহা আমাদের পরম সৌভাগ্য। নিজের সকল স্বার্থ ও সম্মতির চিন্তা দূর করিয়া এইভাবে অন্য কেহ নিজের ভবিষ্যৎ, ব্যক্তিগত সুখ-শান্তির সকল চিন্তা বিসর্জন দিয়া একান্তচিন্তে দেশের ও দেশের কল্যাণের জন্য অবিশ্রাম কঠোর পরিশ্রম করার মত শক্তি-সামর্থ্য বা হৃদয়-মন আর কাহারও ছিল কি ?

বিধানচক্র রায়ের মধ্যে সেই শক্তি-সামর্থ্য সেই অচলা বিশ্বাস ও স্বার্থত্যাগ ছিল বলিয়াই বিগত চৌদ্দ বৎসরের এত বাধা-বিপত্তি কাটাইয়া আজও পশ্চিম বাংলা ও বাঙালীর আশার প্রদীপ জ্বলিতেছে এবং দেশের সম্মান-গণ শত বিপরীত পরামর্শ সঙ্কেও সম্পূর্ণভাবে বিভ্রান্ত ও লক্ষ্যভ্রষ্ট হইয়া ধ্বংসের পথে দ্রুত অবতরণ করিতেছে না। সকল ব্যর্থতা সকল শূন্যতার আলোড়নের মধ্যে ঐ পৌরুষদীপ্ত, উন্নতশির পুরুষসিংহের উদাস্তকঠের আস্থান এই দীর্ঘদিন দেশের সকল জনগণকে দিয়াছে আশ্বাস, দিয়াছে উদ্দীপনা এবং দিয়াছে তাহাদের অগ্রসর হইবার ভরসা ও ক্ষমতা যাহারা নিজের মধ্যে তুলিয়াছে সেই মহান জননায়কের আস্থানের প্রতিধ্বনি।

আজ মহাকালের ইঙ্গিতে বাংলা মায়ের এই বরপুত্র শান্তিময়ের কোড়ে কিরিয়া গিয়াছেন। যে আদর্শ, যে বিশ্বাসের প্রদীপ তিনি জ্বালিয়া রাখিয়া গিয়াছেন, তাহার সহকর্মীবৃন্দকে তিনি উদ্দীপনাও দিয়া গিয়াছেন তাহার শিখা উজ্জ্বল রাখিতে। তিনি কর্তব্যের পূর্ণ জীবনযাপন করিয়া গিয়াছেন। কল্যাণময় সত্যসুন্দর তাঁহাকে সাদরে গ্রহণ করুন, এই কামনা জানাইয়া শেষ করি।

### পশ্চিমবঙ্গের নূতন মন্ত্রীসভা

বিগত ২ই জুলাই সকালে কলিকাতা রাজভবনে পশ্চিমবঙ্গের নূতন মন্ত্রীসভা আনুষ্ঠানিকভাবে গঠিত হয়। আনুষ্ঠানটি অনাড়ম্বর ছিল এবং তাহার একমাত্র বিশেষত্ব এই যে, কোন মন্ত্রীকে কি কি দপ্তরের ভার দেওয়া হইয়াছে তাহা নিশ্চিত ভাবে ঘোষিত হইল ঐ আনুষ্ঠানের পর। মন্ত্রীবৃন্দ ও মন্ত্রীগণের প্রত্যেকের দপ্তরের

তালিকা এই ভাবে পশ্চিমবঙ্গ সরকারের বিজ্ঞপ্তিতে প্রকাশিত হইয়াছে।

মুখ্যমন্ত্রী শ্রীপ্রফুল্লচন্দ্র সেন ভার লইয়াছেন (মুখ্যমন্ত্রী হাড়া) এই কমিটি দপ্তরের, যথা : খাজ ও সরবরাহ, কৃষি, অর্থবিভাগ, উন্নয়ন বিভাগ ও স্বরাষ্ট্র বিভাগের সাধারণ শাসন, রাজনীতি, দুর্নীতি দমন ও নির্বাহন শাখাগুলির।

শ্রীকালীপদ মুখোপাধ্যায়, মন্ত্রী—স্বরাষ্ট্র বিভাগের আরক্ষা, প্রতিরক্ষা বিশেষ, পাশপোর্ট, মুদ্রণ ও পরিবহন শাখা।

শ্রীখগেন্দ্রনাথ দাশগুপ্ত, মন্ত্রী—পূর্ত বিভাগ ও গৃহ-নির্মাণ বিভাগ।

শ্রীঅজয়কুমার মুখোপাধ্যায়, মন্ত্রী—সেচ ও জলপথ বিভাগ।

শ্রীঈশ্বরদাস জালান, মন্ত্রী—স্বরাষ্ট্র বিভাগের সংবিধান ও নির্বাচন শাখা এবং আইন বিভাগ।

শ্রীরায় হরেন্দ্রনাথ চৌধুরী, মন্ত্রী—শিক্ষা বিভাগ।

শ্রীতরুণকান্তি ঘোষ, মন্ত্রী—বাণিজ্য ও শিল্প বিভাগ, কুটির ও ক্ষুদ্রশিল্প বিভাগ এবং সমবায় বিভাগ।

শ্রীমতী পূর্বী মুখোপাধ্যায়, মন্ত্রী—স্বরাষ্ট্র বিভাগের কারা ও সমাজকল্যাণ শাখা।

শ্রীশ্যামদাস ভট্টাচার্য্য, মন্ত্রী—ভূমি ও ভূমি-রাজস্ব বিভাগ।

শ্রীজগন্নাথ কোলে, মন্ত্রী—স্বরাষ্ট্র বিভাগের প্রচার শাখা, অস্তঃপ্রস্তু বিভাগ ও বিধানিক বিষয়।

ডাক্তার জীবনরতন ধর, মন্ত্রী—স্বাস্থ্য বিভাগ।

শ্রীশৈলকুমার মুখোপাধ্যায়, মন্ত্রী—স্থানীয় স্বায়ত্ত-শাসন ও পঞ্চায়ৎ বিভাগ, সমষ্টি উন্নয়ন ও সম্প্রসারণ কৃত্যক বিভাগ এবং আদিবাসী কল্যাণ বিভাগ।

শ্রীমতী আশা মাইতি, মন্ত্রী—উদ্বাস্ত আণ ও পুনর্নির্মাণ বিভাগ এবং আণ বিভাগ।

শ্রী এস এম ফজলুর রহমান, মন্ত্রী—পশুপালন ও পশু চিকিৎসা বিভাগ, মৎস্য বিভাগ ও বন বিভাগ।

শ্রীবিজয় সিং নাহার, মন্ত্রী—শ্রম বিভাগ।

মুখ্যমন্ত্রী ও এই চৌদ্দ জন মন্ত্রী হাড়াও এগারো জন রাষ্ট্রমন্ত্রী ও দশজন উপমন্ত্রী বিভিন্ন দপ্তরের শাখা-প্রশাখার ভার লইয়াছেন। মন্ত্রীসভা মূলতঃ সেই সভাই যাহা এই নির্বাচনের পর ডাঃ বিধানচন্দ্র রায় কর্তৃক গঠিত হয়। তবে দপ্তরের বণ্টনে অনেক পরিবর্তন দেখা যায়।

বাংলার ডাঃ রায়ের আকস্মিক মৃত্যুর পর মন্ত্রীসভার নেতৃত্ব সম্বন্ধে অনেক গুজব রটে। আমাদের বিশ্বাস ছিল যে, মন্ত্রীসভার বিভেদ-বিচ্ছেদ—গুজবে যাই বলুক—



এখন হইবে না। আমরা সুখী হইরাছি যে, শ্রীঅতুল্য ঘোষের চালনার সর্বসম্মতিক্রমে নেতৃত্ববরণ ও মন্ত্রীসভা গঠনের কাজ একরূপ সুষ্ঠু শোভন ও সমীচীন ভাবে সম্পন্ন হইয়াছে।

নূতন মন্ত্রীসভার নেতৃত্ব করিতেছেন শ্রীপ্রফুল্লচন্দ্র সেন। রাষ্ট্র পরিচালনা, শাসনতন্ত্র সরল ও সবল অবস্থায় রক্ষা এবং রাষ্ট্রের বিভিন্ন উন্নয়ন ও পরিবর্তন বিষয়ের সমস্ত পূরণ এই তিনটি জটিল ও দুর্লভ কার্য সমাধানে যে অভিজ্ঞতা, তীক্ষ্ণবুদ্ধি ও উত্তমের প্রয়োজন সে সকলই পূর্ণমাত্রায় আছে নূতন মুখ্যমন্ত্রীর। শুধু যা অভাব স্বাস্থ্যের ও দৈহিক শক্তির। এই সমস্তাপূর্ণ বিবাদ-বিক্ষোভ আকীর্ণ দলাদলির রঙ্গমঞ্চ যাহার নাম পশ্চিমবঙ্গ, তাহার পরিচালনার ও কল্যাণসাধনে যে অমানুষিক মানসিক ও দৈহিক পরিশ্রমের প্রয়োজন, তাহাতে ডাক্তার বিধানচন্দ্র রায়ের মত শালপাণ্ড কবাটবন্ধ বিরাট পুরুষেরও দেহ ভাঙিয়া গেল আমাদের সম্মুখে। প্রফুল্লচন্দ্র অবশ্য নিজের ক্ষমতার সীমা অসুমান করিয়া কিছু ভার তাঁহার সহকর্মীদের উপর দিয়াছেন। কিন্তু তাঁহারাও সকল বিষয়ে মুখ্যমন্ত্রীর উপর নির্ভর করিতে অভ্যস্ত, জানি না নূতন ব্যবস্থায় তাঁহারা কতটা কাজ স্বতঃপ্রবৃত্ত ও সম্পূর্ণ দায়িত্ব গ্রহণ করিয়া করিতে সমর্থ হইবেন। অবশ্য মন্ত্রীমণ্ডলের অধিকাংশই শ্রীপ্রফুল্ল সেনের দীর্ঘদিনের পরিচিত সহযোগী ও সহকর্মী এবং অল্পেরাও কিছুদিন একযোগে কাজ করিয়াছেন।

মন্ত্রীমণ্ডলের অন্তদের বিষয়ে কিছু বলা এখানে চলে না। এতদিন তাঁহারা সকলে পাহাড়ের আড়ালে থাকিয়া কাজ করিয়া গিয়াছেন। সে কাজের ভালমন্দ সকল কিছুরই দায়িত্ব গ্রহণ করিয়া গিয়াছেন বিধানচন্দ্র রায়। এখন তাঁহাদের প্রায় সকলকেই সাধারণের সম্মুখে জনমতের তীব্র আলোকে দাঁড়াইতে হইবে। তাহার আরম্ভ সবেমাত্র হইয়াছে সুতরাং এখন তাহার ফলাফল না দেখিয়া কিছু আলোচনা করা অবাঞ্ছনীয়। তবে মন্ত্রীমণ্ডলে কর্মঠ ও অভিজ্ঞ লোকের অভাব নাই, তবে কে কেমন বিচক্ষণ তাহার সাক্ষাৎ পরিচয় এতদিন সাধারণে পায় নাই সুতরাং তাঁহাদের যোগ্যতার কোন বিচার করা অসম্ভব।

রাজ্য সরকারের কাজ ডাঃ রায়ের নির্দেশ ও পরিকল্পনার যে দিকে ও যে ভাবে চালিত হইয়াছিল, নূতন ব্যবস্থায় তাহাই বহাল থাকিবে এ কথা শ্রীপ্রফুল্ল সেন জানাইয়াছেন। সম্প্রতি রাজ্য সরকারের চলতি বৎসরের ব্যয়ের বরাদ্দ ও আয়ের পরিসর সম্পর্কে পশ্চিমবঙ্গ বিধান

সভার আলোচনা ও বিতর্ক আরম্ভ হইয়াছে উহাতেই বুঝা যাইবে যে কিরূপ সক্রিয়ভাবে ও কোন মুখে পশ্চিম বাংলার সরকারি কার্যক্রম চালিত হইবে।

### পশ্চিমবঙ্গের ছাত্রদিগের বিদেশ যাত্রা

কিছুদিন পূর্বে আমাদের দেশের অন্ততম ভাগ্যানিরত্না শ্রীমোরারজী দেশাই এক চমকপ্রদ কতোরা জারী করিয়া আমাদের আশ্চর্য্যান্বিত করিয়াছেন। এই কতোরা জারীর পূর্বে এক বিবৃতিও তিনি দিয়াছিলেন যাহাতে ঐরূপ বিকট ও সাধারণতন্ত্র-বিরোধী আদেশের উদ্দেশ্য ও কারণ তিনি প্রকট করেন। কারণটি অবশ্য টাকার টানাটানি, যাহার দরুন তৃতীয় পরিকল্পনার (আকাশ কুসুমের) নন্দনকানন গঠিত ও বিভ্রান্ত হওয়ার বাধা পড়িবার সম্ভাবনা রহিয়াছে। বিদেশ হইতে ধারকর্জ বা দান পাওয়া ক্রমেই কঠিন হওয়ার বিদেশী মুদ্রার খরচ কমাইতে হইবে, যাহাতে আমাদের যাহা আছে তাহাতেই সঙ্কলান হয়।

এতদূর পর্যন্ত বিবৃতি পরিষ্কার ও সহজবোধ্য। অবশ্য শ্রীমোরারজী দেশাই তাঁহার সরকারী মনোবৃত্তি অসুযায়ী অনেক কিছু চাপিয়া গিয়াছেন, যাহা প্রকাশ করিলে এই সুমধুর ব্যাখ্যানের রসভঙ্গ হইত। যথা, পরিকল্পনার কাজে অপব্যয়-অপচয়ের কথা, এবং পরিকল্পনাশ্রমিত ফলপ্রাপ্তিতে নৈরাশ্যজনক ব্যর্থতার সমাচার—যাহার পিছনে আছে অসাধু ও অকর্মণ্য সরকারী কর্মচারী নিয়োগ এবং উচ্চ অধিকারীবর্গের কাণ্ডজ্ঞানহীনতা ও দেশান্ত্রবোধ জলাঞ্জলি দিয়া আত্মীয়-গোষ্ঠী পোষণের স্পৃহা। সে সকলের দরুন এই অর্থাভাব কতটা প্রখর হইয়া উঠিতেছে সে কথা শ্রী দেশাই বলেন নাই এবং আমরা যে সকল মহাশয় ব্যক্তিকে নির্দোষী ছাপ দিয়া নয় দিল্লীতে আমোদ-প্রমোদ ও আহার-বিহার করিতে পাঠাইয়াছি—আমাদেরই খরচে—তাঁহারাও এসব অবাস্তব প্রশ্নের উপর কোনও জোর দেন নাই। কেন প্রশ্ন করেন নাই তাঁহারা, একথা ভাবাও বুঝা কেননা সে জবাবদিহি করিবে কে?

তাহার পর আসে উদ্দেশ্যের কথা। সে বিষয়ে শ্রীদেশাই অল্পকথায় বলেন যে, উদ্দেশ্য তৃতীয় পরিকল্পনার বিদেশী মুদ্রার চাহিদা মিটাইবার জন্য পুঁজি হইতে অবধা বা অপ্রয়োজনীয় কাজের তত্ত্ব অথবা বিদেশী মুদ্রা নির্গমের পথ রোধ করা। অর্থাৎ কিনা বাজে কাজে বা বাজে মাল খরচের জন্য বিদেশী মুদ্রার অপব্যবহার বন্ধ করা। এই বিবৃতি প্রায় কাদাজলেরই মত নির্মল ও স্বচ্ছ, কেননা

ইহাতে নিজের ইচ্ছা ও জ্ঞানবুদ্ধিপ্রযুক্তি অহুযায়ী তিনি প্রয়োজনীয়-অপ্রয়োজনীয়, জরুরী ও বাজে এই সকল শ্রেণীবিভাগ করিয়াছেন। এটা শ্রী দেশাই ও অর্ধ দপ্তরের মহারথীদিগের স্বস্তাবগত। যে জিনিষটা ক্ষেত্র-বিশেষে অতিশয় জরুরী দাঁড়ায় যেকোন সাংঘাতিক রোগে আক্রান্ত রোগীর জন্ত বিদেশী উচ্চগুণসম্পন্ন ঔষধ বা কাজ-কারবারে অতি প্রয়োজনীয় বিদেশী যন্ত্র বা যন্ত্রের অংশ—সে সকল বিনা ব্যবস্থার বা বিনা চিন্তায় অপ্রয়োজনীয় বা স্বল্প প্রয়োজনীয় বলিয়া তাহার আমদানী বিশেষ সঙ্কুচিত বা নিষিদ্ধ করিয়া শ্রী দেশাই ও তাহার আমসাতন্ত্র দেশ-বাসীকে বিপদে ফেলিয়া কালোবাজারিদিগের উৎসবের আয়োজন ঠেতিপূর্বে বহুবার করিয়াছেন এবং এখনও করিতেছেন। সুতরাং ধরা যাইতে পারে অপ্রয়োজনীয়-প্রয়োজনীয় সম্পর্কে শ্রী দেশাইয়ের বিশদ ব্যাখ্যা প্রকৃত পক্ষে বিপরীত ব্যাখ্যাই।

তাহার পর আসিল উপায় নির্দেশ এবং সঙ্গে সঙ্গে ফতোয়া জারী। এই ফতোয়া জারীর মধ্যে নির্কুঙ্কিতা ও যথেষ্টাচার এই সুস্পষ্ট যে আমরা স্তম্ভিত হইয়াছি দেশের লোকের ও দেশের সংবাদপত্রগুলির এ বিষয়ে উদাসিন্য দেখিয়া। এই ফতোয়া জারীর পর এ দেশ হইতে এ দেশবাসীর বিদেশযাত্রা নিষিদ্ধ হইল! আগেকার দিনে—অর্থাৎ ব্রিটিশ আমলে—আমাদের বিদেশযাত্রা যেমন পুলিশের ইচ্ছাধীন ছিল এবং পুলিশ বা লাট-বেলাটের সশাসন অথবা শাসকবর্গের প্রিয়পাত্র-দের অহুগ্রহ না হইলে বিদেশযাত্রা দুর্কঠ ছিল, আজ সেই অবস্থাই কঠিনতর ও ঘৃণ্যতররূপে আসিয়াছে, শ্রী দেশাইয়ের অহুগ্রহে এবং লোকসভা ও রাজ্যসভার জড়ভরতদিগের অবহেলা ও অকর্মণ্যতার প্রসাদে। প্রস্তেদ এইমাত্র যে আগে যে কাজ পুলিশে করিত এখন সে কাজ করিবে রিজার্ভ ব্যাঙ্কের গুণবান আমসাতন্ত্র।

শিক্ষার ব্যাপারে বিদেশযাত্রা যে কতটা প্রয়োজনীয় সে কথা শ্রী দেশাই বোধ হয় জানেন না, কেননা তিনি উচ্চশিক্ষা সম্পর্কে (এবং উচ্চ-আদর্শ সম্পর্কে) যে কোন বিশেষ জ্ঞান বা খোঁজ রাখেন সে কথার কোনও পরিচয় তাহার কথায় বা কাজে আমরা পাই নাই। যদি তাহা থাকিত তবে শিক্ষার জন্ত বিদেশ যাত্রার বিষয়ে রিজার্ভ ব্যাঙ্কে একরূপ নিয়ন্ত্রণ ও নিরোধ ক্ষমতা তিনি দিতেন না, যাহার ব্যবহার কোনও নিয়ম-নির্দেশ বা ব্যবস্থা অহুযায়ী নয়, কোনও উচ্চশিক্ষা প্রতিষ্ঠানের বিচার-বিবেচনা বা উপদেশ অহুযায়ীও নয়। বস্তুতঃপক্ষে ইহাতে রিজার্ভব্যাঙ্কের কর্মচারীদিগকে যে ক্ষমতা যে

ভাবে দেওয়া হইয়াছে তাহা ব্রিটিশ আমলে পুলিশেরও ছিল না। এবং সেই কারণে আমাদের সন্দেহ জন্মিয়াছে যে এই ফতোয়ার পিছনে অন্য গূঢ় অভিপ্রায় আছে যাহার বিষয়ময় প্রতিক্রিয়ায় অলিবে বাঙ্গালী ছাত্র। আমরা বাঙ্গালী ছাত্রের বিদেশযাত্রার পথ রুদ্ধ হইল এই আশঙ্কা করিতেছি এবং পশ্চিমবঙ্গ সরকারকে এ দিনেরে অবহিত হইতে বলিতেছি।

এই রিজার্ভ ব্যাঙ্ক ঠাণ্ডাদের হাতে তাহারা কি প্রকার লোক এবং তাহাদের কার্যকলাপ কিরূপ সুনির্দিষ্ট ও সন্দেহের অতীত তাহা নিঃস্ব সংবাদে পাওয়া যাইবে। সংবাদ পরিবেশন করিয়াছেন আনন্দ বাজার পত্রিকা:—

“বৈদেশিক মুদ্রা সাশ্রয়ের জন্ত যখন কঠোর নিয়ন্ত্রণ-দেশ বলবৎ করা হইতেছে, সেই সময়ে প্রায় ১৪ লক্ষ টাকা মূল্যের বিদেশী মুদ্রা কালোবাজারে পাচার হইয়াছে।

“কলিকাতা পুলিশের জালিয়াতি নিরোধ বিভাগ এই অভিযোগটি সম্পর্কে যে তদন্ত শুরু করিয়াছিলেন তাহা প্রায় শেষ হইয়া আসিয়াছে। প্রকাশ, পুলিশ এ পর্যন্ত রিজার্ভ ব্যাঙ্ক অব ইণ্ডিয়া হইতে ৭০০টি ফাইল আটক করিয়াছে।

“অভিযোগ এই যে, এই সাত শত বৈদেশিক মুদ্রার পারমিটের মধ্যে শতকরা ৫০টি পারমিটই ভূষা। প্রতিটি পারমিটে গড়ে চার হাজার টাকা করিয়া বৈদেশিক মুদ্রা মঞ্জুর করা হইয়াছে।

“পুলিসের অভিযোগে আরও প্রকাশ যে, রিজার্ভ ব্যাঙ্ক হইতে যখন এই ফাইলগুলি আটক করা হয় তাহার পূর্বেই কয়েকটি ক্ষেত্র দেখা যায় যে, অনেক ফাইলের জরুরি পাতাগুলি ছিঁড়িয়া ফেলিয়া নাকি প্রমাণ নষ্ট করিবার চেষ্টা করা হইয়াছে।

“১৪ লক্ষ টাকা বৈদেশিক মুদ্রা প্রতারণার এই চাঞ্চল্যকর ঘটনাটি যেভাবে পুলিশের হাতে আসে তাহা চিন্তাকর্ষক। নূতন বৈদেশিক মুদ্রা নিয়ন্ত্রণ আইন জারী হওয়ার পূর্বে যদি কোন মেডিকেল গ্রাজুয়েট উচ্চশিক্ষার জন্য বিলাত যাইত, তাহা হইলে তাহাকে প্রয়োজনীয় বৈদেশিক মুদ্রা মঞ্জুর করা হইত। রিজার্ভ ব্যাঙ্ক অব ইণ্ডিয়া এষ্ট সকল বরাদ্দ মঞ্জুর করিতেন। রিজার্ভ ব্যাঙ্ক আবেদনকারী ছাত্রদের বৈদেশিক মুদ্রার পারমিট ইস্যু করিতেন। এই পারমিটটি আবেদনকারীকে ব্যাঙ্কে জমা দিতে হইত। তখন ঐ ব্যাঙ্ক ইংলণ্ডের কোন ব্যাঙ্কের নামে আবেদনকারীর পক্ষে ড্রাকট ইস্যু করিত।”

অভিযোগে প্রকাশ যে, এক শ্রেণীর ব্যক্তি ভূষা

মেডিক্যাল প্রিন্সিপালদের নাম করিয়া রিজার্ভ ব্যাঙ্কের কাছে বৈদেশিক মুদ্রার জন্ম আবেদন করে। রিজার্ভ ব্যাঙ্ক কর্তৃপক্ষ নাকি কোন তদন্ত না করিয়াই তাহাদের নামে হাজার হাজার টাকার বৈদেশিক মুদ্রার পারমিট মঞ্জুর করেন। অভিযোগে আরও প্রকাশ যে, কয়েকটি ক্ষেত্রে এমন অনেকের নামে বৈদেশিক মুদ্রার পারমিট ইস্যু করা হয় যে, যাহাদের নামে পাসপোর্ট পর্যন্ত ইস্যু হয় নাই।

“পুলিসের মতে সমস্ত ঘটনাই হয়ত লোকচক্ষুর অস্ত্রালে থাকিয়া যাইত যদি না কিছুকাল পূর্বে টালি-গঞ্জের একটি বাড়ীতে রিজার্ভ ব্যাঙ্কের একটি চিঠি আসিয়া পৌঁছিত। অভিযোগে প্রকাশ, এই বাড়ীর মালিক একদিন দেখেন, তাঁহার বাড়ীর ঠিকানায এক ডাক্তারের নামে রিজার্ভ ব্যাঙ্ক হইতে একটি চিঠি আসিয়াছে। ঐ চিঠিতে জানান হইয়াছে যে, ঐ ডাক্তারের বৈদেশিক মুদ্রা মঞ্জুর হইয়াছে। বাড়ীর মালিক খুব বিস্ময় বোধ করেন, কারণ ঐ নামে কোন ডাক্তার তাঁহার বাড়ী থাকেন না। কিছুদিন পরে এক অপরিচিত ব্যক্তি আসিয়া ডাক্তারের কাছে ঐ চিঠিটি দাবী করে। ডাক্তারের ইহাতে সন্দেহ প্রবল হয়। তিনি তখনই ডাক্তারের আসিয়া পুলিসকে সব ঘটনা জানান। পুলিস এই ব্যাপারে তদন্ত শুরু করে ও তাহার ফলেই চাকল্যকর ঘটনাটি উদ্ঘাটিত হয়।”

এই সংবাদটিতে যাণা আছে, তাহার সহিত ইতিপূর্বে যে সকল বাঙালী রোগচিকিৎসা শিক্ষায় বিদেশী বিশ্ব-বিদ্যালয় বা অন্য উচ্চ প্রতিষ্ঠানের আমন্ত্রণে বিদেশে গিয়াছেন তাহাদের অভিজ্ঞতার কথা যদি আমরা ধরি তবে এই মোরারজী প্রদত্ত ক্রমতার পূর্ণ অপপ্রয়োগ বাঙালী ছাত্রের বিরুদ্ধে হইবে, সে বিষয়ে সন্দেহের অবকাশ থাকে না। কেননা বাঙালী ছাত্রের হাতে এরূপ অর্থবল সাধারণতঃ থাকে না যাহাতে রিজার্ভ ব্যাঙ্ক সেরূপ তদ্বির চলে যাহার ফলে ঐ ১৪ লক্ষ টাকা জলে গিয়াছে।

### ভারতের নিরাপত্তা ও প্রতিরক্ষা

সভ্যজগতের অন্তর্গত সকল দেশেই রাষ্ট্রের আভ্যন্তরীণ নিরাপত্তা, বহিঃশত্রুর আক্রমণ প্রতিরোধ ও বহিঃরাষ্ট্রের সহিত যোগাযোগ রাখিবার ব্যবস্থা তিনটি পৃথক দপ্তরের উপর ব্রহ্ম হয়। একের কাজে অগ্ৰে হস্তক্ষেপ করে না। অবশ্য প্রধানমন্ত্রী সমস্ত মন্ত্রীর সঙ্গে সহিত পরামর্শ করিয়া যে কোন দপ্তরের কাজে নূতন

নির্দেশ দিতে পারেন। সেই নির্দেশ তাঁহার ইচ্ছা অনুযায়ী হয় না, যদি সেই দেশে সাধারণতঃ প্রতিষ্ঠিত থাকে, কেননা সেরূপ কাজ সমালোচনা করার পূর্ণ অধিকার থাকে সকল সদস্যের। যদি রাষ্ট্রের কোন অঞ্চলের নিরাপত্তা বা প্রতিরক্ষা ব্যবস্থা সঙ্কটাপন্ন হয় এরূপ কোন নির্দেশে বা আদেশে তবে সেই অঞ্চলের সকল সদস্য-দিগের অধিকার থাকে—দল নির্বিশেষে সে বিষয়ে প্রধানমন্ত্রীকে এ বিষয়ে প্রস্তাব করার এবং সেই সঙ্কটাপন্ন অবস্থার বিষয়ে জনসাধারণকে প্রকাশ্য ভাবে অবহিত করার। অবশ্য দেশ যদি একনাগকড়ে কঠোর বন্ধনে গুঞ্জলিত না হয় বা সদস্যগণ প্রাণহীন যন্ত্রচালিত ক্রীড়নক পুস্তলিকার মত দলাধিপতির নির্দেশে সকল দায়িত্বজ্ঞান ও কর্তব্যবোধ বিসর্জন দিয়া মুকবধির ক্রীবের অবস্থায় বিরাজ করেন। জানি না লোকসভায় পশ্চিমবঙ্গ ও ত্রিপুরার নির্বাচিত প্রতিনিধিদের অবস্থা কি। আসামের প্রতিনিধিদিগের মধ্যে সংখ্যাগুরু যাহারা তাহাদের জ্ঞান-বুদ্ধি-বিবেচনার সীমা কোথায় সে কথাও প্রকট হইয়া গিয়াছে।

আমাদের দুই প্রতিবেশী, চীন ও পাকিস্তান, আমাদের রাষ্ট্র শংস করার সকল আয়োজন নির্বিশ্বাসে ও নিশ্চিত মনে চালাইয়া যাইতেছে। আমাদের উচ্চতম অধিকারী যিনি তাঁহার এতদিনে হাঁস হইয়াছে যে, তাঁহার স্বকপোল-কল্পিত পঞ্চশীল চীনের সাম্রাজ্যবাদ, পরস্বাপহরণ স্পৃহা ও বিশ্বাসঘাতকতার আক্রমণ হইতে ভারতকে রক্ষা করার বিষয়ে অকোঙা। সুতরাং প্রতিরক্ষা বিভাগকে এতদিনে স্বাধীনতা দেওয়া হইয়াছে চীনের আক্রমণ রোধ করার ব্যবস্থা করিতে। জানি না যখন দুই বিরোধী দলের মধ্যে সংঘর্ষের ক্ষণ আসিবে তখন আমাদের কর্ণধার আবার কথার ফোয়ারা খুলিয়া পিছু হটিবেন কি না।

এই চীনের আক্রমণাত্মক কার্যাবলী সম্পর্কে যে সকল তথ্য ও পত্রাদি বিগত ৬ই জুলাই লোকসভায় উপস্থাপিত করা হয় তাহার বিবরণে আমরা দেখি যে, বিগত ১৯৫২ সনে নয়াদিল্লীস্থ চীন রাষ্ট্রদূত আমাদের পররাষ্ট্র সচিবকে বলিয়াছিল যে, ভারতের ক্রমতা নাই যে সে এক সঙ্গে দুই বহিঃশত্রুর আক্রমণ প্রতিরোধ করে। এবং এই দুই নব্বরের শত্রু যে পাকিস্তান সে কথাও স্পষ্ট ভাষায় বল হয়। আমরা আরও দেখি যে ৩০শের জুনের চিঠিতে ভারত সরকার চীনের বিরুদ্ধে অভিযোগ করিয়াছেন যে সে শুধু পূর্বেকার বন্ধুত্ব ও কাশ্মীর সম্পর্কে নিরপেক্ষতা নীতিই বিসর্জন দেয় নাই উপরন্তু সে “অল্প এক অক্রম-কারী রাষ্ট্রের” সহিত সন্ধি ও সীমান্ত ব্যবস্থা করি

তাহার আক্রমণাত্মক কাজে উৎসাহ ও উত্থানী দিতেছে। এই অল্প আক্রমণকারী রাষ্ট্র যে পাকিস্তান সে কথা কাশ্মীর বিষয়ে মীমাংসার কথায় সুস্পষ্টভাবে ব্যক্ত হইয়াছে।

আমরা ভাবিয়াছিলাম যে, পাকিস্তান সম্পর্কে এতদিনে বৃদ্ধি পণ্ডিত নেহরুর মোহ কাটিয়া গেল। কিন্তু ত্রিপুরার অহুপ্রবেশকারীদিগের বহিষ্কারের—যাহা ত্রিপুরার আশ্বাস্তরীণ নিরাপত্তার জন্য একান্ত প্রয়োজনীয় ব্যবস্থারূপে গৃহীত হইয়াছিল—ব্যবস্থা সরাসরি রদ করিয়া পণ্ডিত নেহরু জানাইয়া দিয়াছেন যে, তিনি এখনও মোহাচ্ছন্ন এবং ভারতের পূর্বাঞ্চলের নিরাপত্তা ও প্রতিরক্ষা বিষয়ে তাঁহার মন এখনও সমানেই বুদ্ধি-বিবেচনা শূন্য ও কাণ্ডজ্ঞানহীন অবস্থাতেই আছে। এই অহুপ্রবেশে ভারতের পূর্ব-সীমান্ত কি ভাবে বিপন্ন হইতেছে সে বিষয়ে আনন্দবাজার লিখিতেছেন :

সিঙ্গাবাদ (মালদহ) হইতে নূতন বস্তী (দক্ষিণ বেরুবাড়ী)—উত্তরবঙ্গের ভারত-পাকিস্তান সীমান্তে বিস্তীর্ণ অঞ্চল ভ্রমণ করিয়া এবং সরকারী ও বেসরকারী স্তরে দায়িত্বশীল মহলের সহিত আলাপ-আলোচনা করিয়া আমার ধারণা হইয়াছে, পাকিস্তান হইতে ক্রমাগত হিন্দু বিতাড়নের পিছনে একটি পরিষ্কার মতলব কাজ করিতেছে।

সেই মতলবটি হইতেছে ইহাই, ভারত-পাকিস্তান সীমান্ত বরাবর একটি সুদৃঢ় মুসলিম বলয় সৃষ্টি করিয়া ভারতের নিরাপত্তা ব্যবস্থাকে দুর্বল করিয়া তোলা এবং পাকিস্তান যে এই কার্যে অনেকাংশে সফল হইয়াছে তাহা মুসলমান অধ্যুষিত সীমান্ত অঞ্চলের বর্তমান চেহারা দেখিয়া বৃদ্ধিতে একটুও দ্বিধা হয় নাই।

সীমান্ত অঞ্চলের যেখানেই হিন্দু বসতি আছে, কি পাকিস্তানে, কি ভারতীয় এলাকায়, পাক হানাদারেরা নানাভাবে—কখনও সরকারী ভাবে, কখনও বা বেসরকারীভাবে—সেই সব বসতিতে হামলা করিয়া হিন্দু অধিবাসীদের মনে এমন ভ্রাসের সঞ্চার করিয়াছে যে, তাহারা প্রাণ বাঁচাইবার জন্য বাড়ীঘর ফেলিয়া ক্রমাগত উত্তরবঙ্গের ভিতরে আসিয়া আশ্রয় গ্রহণ করিতেছে।

ফলে উত্তরবঙ্গে সীমান্ত অঞ্চলে ভারতের প্রতি অহুগত অধিবাসীর সংখ্যা ক্রমাগত কমিয়া আসিতেছে।

ইহার ফলে ভারতের নিরাপত্তা বিপন্ন হইয়া পড়িতেছে কি না, জনৈক পদস্থ সরকারী অফিসারকে এই প্রশ্ন করিলে, তিনি আমাকে জানান, “যদি সরকারী জবাব চান, তা হলে মুখ বন্ধ। তবে বেসরকারী ভাবে

বলতে পারি, সীমান্তের উত্তর দিকেই পাকিস্তানের বহু বত আছে, আমাদের তত নেই। তত কেন, সত্যি বলতে কি, প্রায় নেই বললেই চলে।”

উত্তরবঙ্গের সীমান্তে ভারত যে কত অরক্ষিত তাহা উক্ত সরকারী অফিসারটির এই “বেসরকারী” মন্তব্য হইতেই বুঝা যাইবে।

ইহা অপেক্ষাও একটি মারাত্মক সংবাদ আছে। আমি কয়েকটি দায়িত্বশীল ও বিশ্বস্ত সূত্র হইতে (সরকারী এবং বেসরকারী) জানিতে পারিয়াছি, আমাদের যে অফিসারই সীমান্ত সম্পর্কে তৎপরতা দেখান এবং ভারতের স্বার্থরক্ষার জন্য সততার সহিত সক্রিয় হইয়া উঠেন, তাঁহাকেই—তা তিনি জেলা ম্যাজিস্ট্রেটই হউন, পুলিশ সুপারই হউন আর সীমান্ত থানার দারোগাই হউন—কোন অজ্ঞাত কারণে অল্প স্থানে বদলি করিয়া দেওয়া হয়। এই রহস্যজনক বদলির খেলা প্রায়ই অহুষ্টিত হইতেছে। জলপাইগুড়িতে জনৈক কংগ্রেসী পরিষদ সদস্য এই সম্পর্কে মন্তব্য প্রসঙ্গে সখেদে বলেন, “বিশ্বাস করতে ইচ্ছা হয় না, তবুও সময় সময় মনে হয়, আমাদের শাসন-ব্যবস্থার কোন এক অদৃশ্য হস্ত যেন পাকিস্তানের অহুকূলের বরাবর কাজ করে যাচ্ছে।”

মালদহের অবস্থা কি তাহা ত বুঝা গেল, এখন ত্রিপুরার চীফ কমিশনারের বিবৃতি দেখিলে বুঝা যাইবে পাকিস্তানী অহুপ্রবেশের রকম ও ধরন। সেই বিবৃতি এইরূপ :

আগরতলা, ১:ই জুলাই—গত কয়েক বৎসরে বে-আইনীভাবে প্রবেশকারী অন্ততঃ ৫০ হাজার পাক নাগরিক বর্তমানে এই ভূভাগে বসবাস করিতেছে বলিয়া ত্রিপুরার চীফ কমিশনার শ্রী এন. এম. পট্টনায়ক জানান।

শ্রীপট্টনায়ক সাংবাদিকদের সঙ্গে কথা বলিতেছিলেন। তিনি সাংবাদিকদের বলেন যে, ১৯৫১ সনের লোক-গণনার হিসাবের তুলনায় ১৯৬১ সনের হিসাবে ত্রিপুরার মুসলমানের সংখ্যা বৃদ্ধির হার হইতে তাঁহার উক্তির সত্যতা প্রমাণিত হয়।

শ্রীপট্টনায়ক আরও বলেন যে, কোন কোন স্থানে যেমন, সমরপুর (২৪১'৯ শতাংশ), কমলপুর (২১৭'৬ শতাংশ) এবং বেুলোনিয়ার (১৭৩'১ শতাংশ) মুসলিম জনসংখ্যা বৃদ্ধির হার অত্যধিক।

১৩ হাজার পাক নাগরিকের নিকট উপযুক্ত ভ্রমণ-সংক্রান্ত দলিলপত্র না থাকায় ত্রিপুরা হইতে বহিষ্কার করা হইয়াছে বলিয়া তিনি জানান।

বলা বাহুল্য, ঐ বহিষ্কার ব্যবস্থা পণ্ডিত নেহরুর



ভাবোচ্চাসে রদ হইবার পর ঐ ১৩ হাজার পাকিস্তানী আরও ১৩ হাজার সশস্ত্র লইয়া অহুপ্রবেশ করার অপেক্ষায় আছে। তাহারা অপেক্ষা করিতেছে পাকিস্তান সরকারের সাহায্য ও নির্দেশের জন্য।

যে মালদহের সীমান্ত পার হইতে বনে-জঙ্গলে চলায় অশান্ত করেক শত মাত্র সাঁওতাল ও রাজবংশী পাকিস্তানী পুলিশ ও সীমান্তরক্ষীর গুলীতে হতাহত হয় সেখানে দশ-বিশ হাজার পাকিস্তানী মুসলমান সীমান্ত পার হইতেছে পাকিস্তান সরকারের অজ্ঞানিতে এ কথা বিশ্বাস করে মৃত ও মোহাচ্ছন্ন ব্যক্তিই। বাস্তবপক্ষে ইহাতে সন্দেহ মাত্র নাই যে, এই অহুপ্রবেশ পাকিস্তানী সামরিক পরিকল্পনা অহুয়ারী সরকারী সাহায্যে ও নির্দেশে চালিত হইতেছে। পণ্ডিত নেহরু এই বিষয়ে কোনও কিছু বিচারবুদ্ধি বা কাণ্ডজ্ঞানের লেশমাত্র পরিচয় দেন নাই।

পশ্চিমবঙ্গের প্রতিনিধি নির্বাচিত হইয়া ষাঁহারা নয়াদিল্লীতে গিয়াছেন তাঁহাদের এ বিষয়ে দায়িত্ব ও কর্তব্য সুস্পষ্টভাবে রহিয়াছে। পশ্চিমবঙ্গ সরকারেরও এ বিষয়ে অবহিত হওয়া প্রয়োজন আমরা মনে করি।

কোনও দেশের স্বাধীনতা যখন যায় বা তাহার অংশ যখন শত্রুর কবলে চলিয়া যায় তখন সে দেশের রাষ্ট্র-চালকদিগের যেকোন বিক্রান্ত অবস্থার কথা আমরা ইতিহাসে পাই, আজ তাহাই দেখা যাইতেছে এদেশে।

### “স্বাধীন” অর্থ ও রাষ্ট্রনীতি

ভারতের জনসাধারণ আহািরের খাণ্ড, বাসের গৃহ, পরিধানের বস্ত্র, চিকিৎসার ঔষধ ও শিক্ষার সরঞ্জাম আমলাতন্ত্রের অভিত্যবকড়ে “র্যাশন” করিয়া কোন প্রকারে জীবিত থাকিবার মত পাইয়া স্বাধীনতার প্রায় চরমে পৌঁছাইয়া গিয়াছেন। মনে হইতে পারে যে আমলাতন্ত্রে সকল ব্যক্তির সকল কার্যই এই ভাবে ধাক্কা খাইয়া অর্ধমৃত ভাবে চলিতে বাধ্য হয়। ধারণাটি মিথ্যা নহে। কিন্তু শুধু যে সকল কার্য নিয়ম ও আইন-সাপেক্ষ সেইগুলিই স্বাধীন ভারতে করা অতি দুর্লভ। বেআইনী ও চোরাই কার্য এ দেশে অবাধে করা চলে। যথা, রাওলকেন্দা ইম্পাত কারখানার দূরবস্থা বিচার করিয়া জার্মানীর ইম্পাত বিশেষজ্ঞদের মত এই যে ভারত সরকারের নিযুক্ত হিন্দুস্থান ষ্টীলের পাণ্ডাদিগের অক্ষমতার জন্তই এই কারখানা নষ্ট হইতে চলিয়াছে (প্রায় ২৫০ কোটি টাকা লাগিয়াছে ইহা বসাইতে)। তাঁহারা না কি এত অধিক নিয়মের দাস যে কোন নূতন বস্তাংশ প্রয়োজন হইলে তাহা আনাইবার হুকুম পাইতে

ও তাহা আনাইতে ২৪/২৬ মাস অতিবাহিত হইয়া যায়! ইহা হইতে প্রমাণ হয় যে, ষাঁহারা শুধু নিয়মকানুন রচনা কার্যেই দক্ষ, তাঁহারা অনেক ক্ষেত্রেই নিয়মকানুনের উদ্দেশ্য গুনিয়া শুধু তাহার প্রয়োগেই মত্ত হইয়া থাকেন। কলে উদ্দেশ্য সিদ্ধি ত হয়ই না—সর্ব্ব্ব নষ্ট হয়। কিন্তু যেখানে নিয়ম কানুন নাই—যথা কলিকাতার ইণ্ডিয়ান মিউজিয়াম অথবা কোনারকের স্বর্ষ্য-মন্দিরের মূর্ত্তি প্রত্নতি দিল্লী অথবা ইউরোপে চালান করিবার বিষয়ে—সেখানে দেখা যায় যে ভারত সরকার বিশেষ তৎপরতার সহিত মূর্ত্তিগুলি সরাইয়া লইয়া যাইতে সক্ষম করেন। ফেরৎ দিবার সময় সেকশন সাব-সেকশন ও ক্লক দেখাইয়া ফেরত আর দেওয়া হয় না। শুনা যায় যে শ্রীহরায়ন কবির অনেক মূর্ত্তি বিদেশে পাঠাইয়া বিদেশী মূর্ত্তির সহিত অদলবদলের ব্যবস্থা করিয়াছেন। যদি ইহা সত্য হয় তাহা হইলে হিষ্টরিক্যাল মনুমেন্টস প্রটেকশান আইনের কোন ধারা অহুসারে এই কার্য করা হইয়াছে আমরা জানিতে চাই। আরও বহু উদাহরণ দেওয়া যাইতে পারে এই সরকারী দীর্ঘস্থায়ী পদ্ধতির পূর্ণতর পরিচয় দিবার জন্য, কিন্তু তাহা দিলে খুব আশা নাই যে আমরা মহলে একটা নবজাগরণ আরম্ভ হইবে। কেননা কোনও কাজ না করিয়া শুধু কাজ না করিবার কারণ ও নিয়ম আওড়াইয়া ষাঁহারা বেতন ও উপরি “অর্জন” করিয়া থাকেন তাঁহাদিগের মস্তকে অপর কোনও আদর্শের স্থান কদাপি হয় না। জে. বি. এস. হলডেনের নিয়োগ কর্ম্মভোগ ও কর্ম্ম ইচ্ছাকা দিবার কাহিনী গুনিলেও বুঝা যায় যে এমন কি শিক্ষা ও বৈজ্ঞানিক “রিসার্চের” মত উচ্চাঙ্গের বিষয়েও জগতবিখ্যাত পণ্ডিত-দিগের ইচ্ছত ভারত সরকারের আমলা মহলে রক্ষিত ও সম্মানিত হয় না। আমলাতন্ত্র ও আমলাবাদের অক্ষমতার পরিচয় যে আমরা শুধু সরকারী দপ্তরেই পাই তাহা নহে। সরকারী নহে অথচ সরকারী চংএ—পরিচালিত বহু প্রতিষ্ঠানেই এই বিষ হুড়াইয়া আছে। কলিকাতা করপোরেশন ইহার একটি অতি বড় উদাহরণ এবং যে সকল প্রতিষ্ঠান করপোরেশনের সহিত মিলিয়া কাজ করেন যথা গ্যাস ও ইলেকট্রিক কোম্পানী কিম্বা টেলিফোন সেগুলিও জনসাধারণকে উত্যক্ত করিতে বিশেষ ভাবে সক্ষম। কোথাও রাস্তা মেরামত এমনিতেই করপোরেশন করেন না এবং বহু ভাল ভাল মোটর গাড়ী গর্ভে পড়িয়া অক্ষম হয় ও ভাঙিয়া যায় এই কারণে। কিন্তু যদি দৈবাৎ করপোরেশন কোন রাস্তা মেরামত করিয়া কেলেন তাহা হইলে টেলিকোন ইলেকট্রিক অথবা গ্যাস

কোম্পানী তৎক্ষণাত্ সে রাস্তা খুঁড়িয়া ফেলেন নল অথবা তার চালাইবার বা মেরামত করিবার জন্ত। এবং কাজ করিয়া বা না করিয়া খোদিত অংশ যেমন তেমন করিয়া রাখিয়া দিয়া ইঁহারা চলিয়া যান। অপর কোনও সত্য-দেশে এইরূপ ঘটনা ঘটিলে কাহাকেও না কাহাকেও সে জন্ত সাজা পাইতে হয়। এ দেশে সেরূপ কিছু ঘটে না। যে যত নিষ্কর্মা তাহাকে তত বড় বড় কাজের ভার দিয়া জনসাধারণের জীবন অতিষ্ঠ করিয়া তোলাই ভারতের 'রীতি'। শুনা যায় হাইড রোড পিদিরপুরে একটা বিরাট (৩০০০০ ফুট) সরকারী শুদাম ঘর ১৯৬০ সনে ভাঙিয়া পড়ে, গঠন কার্যের দোষে। কাহার দোষে ইহা ভাঙিয়াছে এই কথার বিচার ও আলোচনা এখনও চলিতেছে। ফলে এই শুদামটি দিনে দিনে আরও ভাঙিয়া নষ্ট হইয়া যাইতেছে। এই লোকসানের জন্ত কাহারও কোনও সাজা কখনও হইবে না, একথা বলা বাহুল্য। এই শুদামের নিকটবর্তী আরও দুইটি সমান পরিসরের শুদাম ঘরও ব্যবহার হয় না, কারণ সেগুলিও একই সময়ে একই লোকেরা গড়িয়া ছিল। অর্থাৎ ২০,০০০ বঃ ফুঃ শুদাম ঘর বেকার পড়িয়া নষ্ট হইতেছে যাহার বাৎসরিক ভাড়া লক্ষাধিক টাকা হইতে পারে। গরীব দেশের রাজকর্মচারীদের পরসী বাঁচাইবার দিকে নজর থাকা উচিত। এই দেশে তাহার বিপরীতই হইয়া থাকে। রাজকর্মচারীগণ এদেশের রাজা এবং তাঁহাদিগের ব্যবহার দেখিয়া মনে হয় যে তাঁহাদিগের রাজত্ব গভীর দারিদ্র্যহীনতার সঙ্কটই চলিয়া থাকে।

এখন শুনা যাইতেছে যে কলিকাতা করপোরেশন সহর পরিষ্কার রাখেন না বলিয়া সরকার বাহাদুর দশ লক্ষ টাকা ব্যয় করিয়া অনেকগুলি ময়লা সরাইবার গাড়ী ক্রয় করিতেছেন ও সেগুলি চালাইয়া সহর পরিষ্কার রাখিবার ভার দেওয়া হইতেছে একজন পুলিশ কর্মচারীর উপর। এই পুলিশ কর্মচারী শীঘ্র শীঘ্র কোন কার্য সুসিদ্ধ করিবার জন্ত প্রসিদ্ধ নহেন। ইঁহার অব্যবহার ফলে কলিকাতার ট্যান্ডি, রিস্লা, ঠেলাগাড়ী, লরী ও বাসের উৎপাতে সাধারণের রাস্তা চলা অসম্ভব হইয়া উঠিয়াছে। ঐ সকল গাড়ীর চালকদিগের বসবাসের ফলে কলিকাতা সহরও বিশেষ করিয়া অপরিষ্কার হইয়া উঠিয়াছে। অর্থাৎ সাধারণের আরও কিছু অর্থ নষ্ট হইবে সহর পরিষ্কারের নামে।

সীমান্ত সম্বন্ধে শ্রীনেহরু

প্রধানমন্ত্রী লোকসভায় বলিয়াছেন, ভারত ও পাকি-

স্থানের মধ্যে সীমান্ত লইয়া যে সকল স্থানে বিরোধ রহিয়াছে, তাহা একবার সরল করিয়া ফেলিতে পারিলে, পাকিস্থানের ভারতীয় এলাকায় অনধিকার প্রবেশ, লোকজন ধরিয়া লইয়া যাওয়া, গো-মহিলাদি গৃহপালিত জীব-জন্তু অপহরণ ইত্যাদি অনেক কম হইত। কারণ, বিরোধের স্থানেই এই সকল ঘটনা ঘটিতেছে। নেহরু-নুন চুক্তির পরে প্রধানমন্ত্রী একাধিকবার লোকসভাতেই বলিয়াছিলেন, পূর্বসীমান্ত-বিরোধের মীমাংসা হইয়া গিয়াছে। কিন্তু তাহা যে হয় নাই, জরীপকার্য্য অসমাপ্ত থাকতেই তাহা প্রমাণিত হইতেছে। কয়েকটি এলাকা জরীপের পরেই উহা আর অগ্রগত না হইয়া কার্যতঃ রহস্য-জনক ভাবেই স্বগিত রহিয়াছে।

ভারতের পক্ষ হইতে এ বিষয়ে যত আগ্রহ প্রকাশ করা হইতেছে, পাকিস্থানের পক্ষ হইতে উহাতে ততই বাধা-বিপত্তির সৃষ্টি চলিতেছে। ভারতের জরীপকারীরাই এ বিষয়ে অভিযোগ জানাইয়াছেন যে, তাহাদিগকে লাঞ্চিত, অপমানিত এবং ক্ষেত্র-বিশেষে বিতাড়িত হইতে হইয়াছে। জরীপের জন্ত নির্ধারিত দিনে পাকিস্থান উপস্থিত হয় নাই ইহাও দেখা গিয়াছে। অতএব প্রধান-মন্ত্রী উহা সরল করিবেন কিরূপে? তাহাদের অনধিকার প্রবেশ যখন কোথাও বাধা পায় না তখন অবাধেই তাহারা ভারতের এলাকায় অনধিকার প্রবেশ করিয়া জমির পর জমি অনাধাসে জবর দখল করিয়া পুলিশ ও সামরিক ঘাঁটি স্থাপন করিতেছে, এবং নিত্য-নুতন এলাকায় তাহাদের দাবি জানাইতেছে। ইহা এক অস্বস্ত এবং অসহনীয় অবস্থা। শ্রীনেহরুর উক্তি এই ব্যাপারে পাকিস্থানীদের আরও উৎসাহ বৃদ্ধি করিয়াছে। তিনি বলিয়াছেন, প্রত্যেক গল্প জমির জন্ত তিনি পাহারা রাখিতে পারেন না, এবং এজন্ত পাকিস্থানের সহিত লড়াইয়ে প্রবৃত্ত হইতেও পারেন না। এই ধরনের উক্তির পরে কি আর পাকিস্থানের সীমান্ত সরল করার কোন আগ্রহ থাকিতে পারে?

ত্রিপুরাতে পাকিস্থানী অনুপ্রবেশ

আসামের ভায় ত্রিপুরাতেও এবং বিশেষ ভাবে সীমান্তবর্তী এলাকাসমূহে পাকিস্থানী অনুপ্রবেশ বহুদিন ধরিয়া চলিতেছে। ত্রিপুরা-সীমান্তে অবস্থিত বিলোনীয়া পাক-অনুপ্রবেশের একটি প্রধান কেন্দ্র। ভারত সরকার এই ব্যাপারে বর্তমানে একটু সতর্ক হইয়াছেন। আসামের ভায় ত্রিপুরাতেও তাহারা স্থানীয় মুসলমানদের সহিত মিলিয়া মিশিয়া স্বামী হইবার চেষ্টা করে। পরীক্ষা দ্বারা

দেখা গিয়াছে যে, স্থানীয় অধিবাসীদের একটি প্রধান অংশ বিদেশী, যাহাদের সম্পর্কে ইহা বিশেষ ভাবে প্রমাণিত হইয়াছে তাহাদের উপর ত্রিপুরা শ্রাণের আদেশ দেওয়া হইতেছে, এবং প্রায় ছয়শত বিদেশীকে সরকারী ব্যবস্থায় পাক-সীমান্তে পৌঁছাইয়া দেওয়া হইয়াছে। ইহাতে পূর্ব পাকিস্থানে বেশ সোর-গোল আরম্ভ হইয়াছে। সীমান্তের নিকটবর্তী স্থানসমূহে পাকিস্থানী হামলা, গো-মহিষাদি চুরি ও স্থানীয় অধিবাসীদের উপর আকস্মিক উপদ্রব, মারপিট, জখম ইত্যাদির মাত্রা বাড়িয়াই চলিয়াছে। ওদিকে আবার তাহারা ই রটাইতেছে, ভারত হইতেই তাহারা আক্রান্ত এবং উপদ্রুত হইতেছে। পাকিস্থানীরা নিজেরাই অত্যাচার কাছ করে, এবং রটায় যে তাহাদের উপরেই উপদ্রব চলিতেছে। এই কৌশলটি পাকিস্থানের অপেক্ষাকৃত নূতন আবিষ্কার। যে চুরি করে, সে অপরকে বড় গলায় বলে চোর। ভারত-সরকারের কার্যকলাপ উহার বিপরীত, তাহাদের সবই বিলম্ব, এবং অতিশয় সতর্কতা সহকারে ও সস্তূর্ণণে যেন পাকিস্থানের কাছারও গায়ে কাঁটার আঁচড়টি না লাগে। সূদূচ ব্যবস্থা এবং সবল নীতি ছাড়া সীমান্তে পাকিস্থানী অশুভ্রবেণ বা হামলা প্রতিরোধের অন্য পথ নাই। ভারত-সরকার কি এতদিনেও ইহা বুঝিতে পারেন নাই?

### শিক্ষা-বিস্তারে সরকারী প্রচেষ্টা

স্বাধীনতার পনের বৎসর পর ভারতের শিক্ষাব্যবস্থা আজ কি ভাবে চলিবে তাহা স্থির হইল না! এ বিষয় লইয়া বহু আলোচনাও হইয়া গিয়াছে। একথা খুবই সত্য, আমাদের পরিকল্পনায় শিক্ষার উপর যথেষ্ট গুরুত্ব দেওয়া হয় নাই। মুখে অনেক কিছুই বলা হইতেছে, কিন্তু কার্যতঃ প্রাথমিক শিক্ষা যথেষ্ট প্রসার লাভ করিতেছে না। কথা ছিল, সংবিধান প্রদর্ভনের পনের বৎসরের মধ্যে চৌদ্দ বৎসর বয়স পর্যন্ত অর্থাৎ বিদ্যালয়ের সপ্তম শ্রেণী পর্যন্ত প্রত্যেকটি বালক-বালিকাকে আমরা বিনা বেতনে শিক্ষা দিব এবং প্রত্যেক অভিভাবককে বাধ্য করিব তাহারা যাহাতে তাহাদের সন্তানদিগকে ঐ বয়স পর্যন্ত বিদ্যালয়ে রাখেন। তাহারা রাখিতেছেনও, কিন্তু সরকার তাহার প্রতিশ্রুতি পালন করিতেছেন না। কেবল নূতন নূতন বিদ্যালয় পুলিলেই সমস্যার সমাধান হইবে না। ইহা ত মিথ্যা নয়, আমাদের প্রাথমিক বিদ্যালয়গুলি অনেকক্ষেত্রেই নামেমাত্র বিদ্যালয়। এই-সব বিদ্যালয়ের শিক্ষকদের ছুইবেলা ভরপেট খাইবার মত বেতন জোটে না, শিক্ষার উপকরণ ত দূরের কথা—

অনেক বিদ্যালয়ের মাথার উপর ঠিকমত একখানা চালই নাই, যে সব ছাত্র-ছাত্রী এই সকল বিদ্যালয়ে পড়িতে আসে, তাহারা অনেকেই অপুষ্টি, রুগ্ন। এইসব বিদ্যালয়ে বিদ্যাশিক্ষা কতদূর হয় তা সকলেই জানেন।

মাধ্যমিক শিক্ষার ক্ষেত্রে আমরা নানা নূতন পরীক্ষার সূত্রপাত করিয়াছি। শিক্ষার পাঠ্যক্রমকে আমরা ভারাক্রান্ত করিয়াছি। যাহার ফলে মধ্যবিত্ত পরিবারের পক্ষে তাহাদের ছেলেমেদের শিক্ষা দেওয়া একরূপ অসম্ভব হইয়া উঠিয়াছে। পাঠ্য-তালিকা যাহারা প্রস্তুত করেন, তাহারা বই না দেখিয়াই নির্বাচন করেন। অধিকাংশই অপাঠ্য এবং অপ্রয়োজনীয়। তাও আবার অনেক বই বাজারে পাওয়া যায় না—মাঝে মাঝে দেখা দেয়, আবার অদৃশ্য হইয়া যায়। শিক্ষা-পর্ষদের এই কানা-মাছি খেলা আর কতদিন চলিবে? অথচ এদিকে গরাক্ষা-ব্যবহার সংস্কার, শিক্ষার বিভিন্ন স্তরে শিক্ষণীয় ভাষা, কারিগরী শিক্ষা বা অর্থকরী শিক্ষা, নৈতিকশিক্ষা বা ধর্মশিক্ষা, নেয়েদের ও অনগ্রসর সম্প্রদায়সমূহের শিক্ষা প্রভৃতি ব্যাপারে অল্পশ্রম ও নানা বিতর্ক একসঙ্গে আমাদের শিক্ষা-ব্যবস্থাকে চারিদিক দিয়া চাপিয়া ধরিয়াছে। আমরা একসঙ্গে সবকিছু করিতে গিয়া কিছুই করিতে পারিতেছি না। পুরাতন যা ছিল তা ভাঙিয়া ফেলিবার জন্ত আমরা হাতুড়ি তুলিয়াছি, কিন্তু সে জারগায় নূতন কি আমরা গড়িব তা এখনও স্থির করিয়া উঠিতে পারি নাই।

### পশ্চিমবঙ্গে চাউলের অবস্থা

চাউলের দর ক্রমশঃই বাড়িয়া চলিতেছে। অথচ মন্ত্রীমহাশয় সমানে বলিয়া চলিয়াছেন, বাজারে ২৫ টাকা দরে চাল পাওয়া যাইতেছে। অবশ্য কোন্ দোকানে তাহা তিনি বলেন নাই। একথা অস্বীকার করিবার উপায় নাই, পশ্চিমবঙ্গ খাদ্যের ব্যাপারে চিরকালই পরনির্ভরশীল। পশ্চিমবঙ্গ সরকার এই ব্যাপারে অবহিত নন একথা বলিলে অত্যাচার হইবে। কারণ খাদ্যের ব্যাপারে পশ্চিমবঙ্গের পরনির্ভরতা দূর করিবার জন্য সরকার দ্বিতীয় পঞ্চবার্ষিক পরিকল্পনার আমলেই একটি কার্যক্রম স্থির করেন এবং খাদ্যউৎপাদন দপ্তর নামে একটি নূতন দপ্তর সৃষ্টি করিয়া একজন মন্ত্রীর উপর তাহার ভার অর্পণ করেন। জনসাধারণ আশা করিয়াছিল, এই ব্যবস্থার ফলে পশ্চিমবঙ্গ সবরকম খাদ্যের ব্যাপারে না হোক, অন্তত চাউলে স্বাবলম্বী হইবে। কারণ আলোচ্য কার্যক্রম অসুয়ারী তৃতীয় পঞ্চবার্ষিক পরিকল্পনার শেষ পর্যন্ত পশ্চিমবঙ্গে ১৫ লক্ষ টন অতিরিক্ত চাউল উৎপাদনের একটা সংকল্প স্থির হইয়াছিল। কিন্তু

বর্তমানে এই বিষয়ে যে সমস্ত সংবাদ প্রকাশিত হইয়াছে তাহাতে বুঝা যাইতেছে উহা আকাশকুসুমেরই পরিণত হইবে।

পশ্চিমবঙ্গের খাদ্যোৎপাদন পরিকল্পনার এই পরিণতির কথা চিন্তা করিয়া পশ্চিমবঙ্গবাসী মাতেই দুঃখিত হইবেন। কারণ এই পরিকল্পনার সাফল্যের উপর তাহাদের জীবন-মরণ নির্ভর করিতেছে। পশ্চিমবঙ্গের জনসংখ্যার অল্পপাতে জমি বেশী নাই। কাজেই জমিতে সেচের জল সরবরাহ করিয়া এবং রাসায়নিক সার প্রয়োগ করিয়া জমির উৎপাদিকা শক্তি বৃদ্ধি করা ছাড়া খাদ্যের ব্যাপারে পশ্চিমবঙ্গের স্বাবলম্বী হইবার অল্প কোনো উপায় নাই। কিন্তু দেখা যাইতেছে, পরিকল্পনার এই দুইটির কাজই সুষ্ঠুভাবে সম্পাদিত হইতেছে না। ফলে খাদ্যশস্যের ব্যাপারে পশ্চিমবঙ্গ যে শুধু পরমুখাপেক্ষীই থাকিয়া যাইবে তাহা নহে, একরূপ অবস্থায় খাদ্যশস্যের জন্ম বেশী পরিমাণ জমির প্রয়োজন থাকায় পশ্চিমবঙ্গে পাটের মত অর্থকরী ফসল উৎপাদনের জন্য উপযুক্ত পরিমাণ জমি পাওয়া যাইবে না।

তৃতীয় পঞ্চবার্ষিক পরিকল্পনার একবৎসর অতিক্রান্ত হইয়াছে। এই পরিকল্পনার দ্বিতীয় বৎসরও অনেকদূর অগ্রসর হইয়াছে। সুতরাং খাদ্যোৎপাদনের ব্যাপারে আর সময়ক্ষেপ করা যাইতে পারে না। এজন্য পশ্চিমবঙ্গ সরকারের কর্তব্য, একটি উচ্চশক্তিসম্পন্ন সংস্থার সাহায্যে কি কারণে খাদ্যোৎপাদন পরিকল্পনা অতীষ্ট সিদ্ধির পথে আশাহীনরূপে অগ্রসর হইতে পারিতেছে না তাহা নির্ণয় করা এবং এই পরিকল্পনার রূপায়ণের দায়িত্ব এমন একটি সংস্থার হাতে অর্পণ করা যাচা সরকারী প্রভাব হইতে যতদূর সম্ভব মুক্ত থাকিবে এবং যাহা অল্পগ্রহের আশায় অথবা নিগ্রহের ভয়ে নিজেদের কর্তব্য হইতে বিচ্যুত হইবে না। কিন্তু সরকার কি এদিক দিয়া চিন্তা করিবেন ?

### কলেরা ও তাহার প্রতিকার

কলিকাতা নগরীতে ব্যাপক কলেরার প্রাচুর্য্য দেখা দিয়াছে। এই রোগে কোন্ বৎসরে কত লোক মরিয়াছে, এবারে তাহা অপেক্ষা কম কি বেশী, অঙ্ক কথিয়া সে হিসাব বাহির করিবার লাভ নাই। বরং ভারতের বৃহত্তম নগরীতে প্রতি বৎসর শত শত লোককে এই রোগে প্রাণ হারাইতে হয়, ইহাই কি লক্ষ্য পাইবার মত যথেষ্ট কারণ নয় ?

আমরা এমন কথা বলিব না, পৌরসভা ও রাজ্য সরকার ইহাতে বিব্রত বোধ করিতেছেন না বা রোগ-প্রতিরোধে কোন চেষ্টা করিতেছেন না। নিশ্চয় করিতেছেন, তবে বড় বিলম্বে। পূর্বে হইতে তাহাদের এই চেষ্টা সক্রিয় হইলে, এতটা ব্যাপক হইতে পারিত না।

সংবাদপত্রে দেখিতেছি, তাহারা সব ছাড়িয়া এখন মাছি মারিবার দিকে ঝুঁকিয়াছেন। মাছিগুলি কি একটা ধরে আবদ্ধ হইয়া আছে যে সেইগুলি শেষ করিতে পারিলেই নিশ্চিন্ত হওয়া যাইবে ? নগরীর সর্বত্র কোটি কোটি মাছি সৃষ্টির কারখানা খুলিয়া, মাছি ধ্বংসের উদ্যোগী হইতে বলার বা চেষ্টা করার মত হাঙ্গর আর কিছু নাই। প্রতিদিন এই শহরে যে আবর্জনা সঞ্চিত হয়, তাহার প্রায় সমস্ত অংশই নগরীর বুকে ছুটকুটের মত জমিয়া থাকে। শুধু জঞ্জাল-সুপেই নয়, অনপস্থিত ক্রেদপঙ্কিল, ভূগর্ভস্থ পয়ঃপ্রণালী যে মক্ষিকা উৎপাদনের বৃহৎ কেন্দ্র। এ সম্বন্ধে পৌরপিতাদের দৃষ্টি পুনঃ পুনঃ আকর্ষণ করা সম্ভেও অবস্থার উন্নতি হয় নাই।

ইহার উপরে আছে, নগরীর বিভিন্ন স্থানে অপরিচ্ছন্ন ও অস্বাস্থ্যকর খাটাল, খাটা পায়খানা, অপরিষ্কৃত খোলা নদীমা, নানা স্থানে সঞ্চিত বর্জ্য জল। পৌরসভা বা রাজ্যসরকার মাছি মারিবার উদ্যোগ করুন, বা মাছি মারিতে বলুন, তাহাতে আপত্তি করিবার কোন কারণ নাই। কিন্তু সেই সঙ্গে মাছির জন্মরোধের কাজটাও তৎপরতার ও নিষ্ঠার সঙ্গে করা দরকার। তাহা না করিয়া—অর্থাৎ নগরীকে সর্বপ্রকার পরিচ্ছন্ন করিবার চেষ্টা না করিয়া, মক্ষিকা উৎপাদনের ধারা রুদ্ধ না করিয়া, কাটা ফল ও অস্বাস্থ্যকর খাদ্যাদি বিক্রয় বন্ধ করিবার ব্যবস্থা না করিয়া, বস্তিগুলিতে বীজাণুমুক্ত বিত্তপানীয় জল সরবরাহের ব্যবস্থা না করিয়া এবং প্রতিটি নাগরিককে কলেরার টীকা দেওয়ার ব্যবস্থা না করিয়া শুধু মাছি মারিতে বলিলে বা মাছি মারিবার উদ্যোগ করিলে, কলেরা যে তাহার আত্মনা ছাড়িয়া পলাইবে না ইহা পৌরসভা ও রাজ্যসরকার উভয়েরই বিশেষ করিয়া মনে রাখা উচিত।

তাঁদের আরও একটি কথা স্মরণে রাখা উচিত, বিংশ শতাব্দীর শেষেও, আমাদের সেই রোগের আসে কাপিতে হইতেছে, যে-রোগ পৃথিবীর আর কোথাও নাই।



### যক্ষ্মারোগের প্রতিষেধক 'টেবাকেন'

সংবাদপত্রে দেখা যায়, আমাদের দেশে এখনও যক্ষ্মারোগে অনেক লোক মারা যাইতেছে। তবে পূৰ্ব্বাপেক্ষা ইহার ভয়াবহতা অনেক কমিয়া গিয়াছে। গত যুদ্ধের পর আমরা এই রোগের কয়েকটি মূল্যবান ঔষধ পাইয়াছি। যেমন, ট্ৰিপটোমাইসিন, পাস, আইসোনিক্স প্রভৃতি। এই ঔষধগুলি ব্যবহারের ফলে মৃত্যুর হার অনেক কমিয়া গিয়াছে। লোকের মনে বলও বাড়িয়াছে—তাহারা জানে, এ রোগে আর মরিবার ভয় নাই।

তবে এ ঔষধ ব্যবহারে কুফলও আছে। দীর্ঘদিন ব্যবহার করিয়া রোগ সারিবার পূর্বেই ছাড়িয়া দিলে এবং পুনরাধঃ অনিয়মিত ব্যবহার করিতে থাকিলে রোগ-বীজাণুগুলি প্রতিরোধের শক্তি অর্জন করে, তাহার ফলে সে ঔষধে আর কোনও কাজ হয় না। এই কারণেই এক নতুন ঔষধ আবিষ্কৃত হইয়াছে—যাহার নাম 'টেবাকেন'। মুখ্যমন্ত্রী ডাক্তার বিধানচন্দ্র রায় চিকিৎসার্থে ২০ লক্ষ টেবাকেন ট্যাবলেট পরীক্ষা করিয়া দেখিবার জন্ত পাঠাইয়াছেন। 'কথাবার্তা'র এইরূপ রিপোর্ট বাহিব হইয়াছে : "সুইজারল্যান্ডের ডে. আর. গিগি এস. এ. বাসলের সহযোগিতায় পরিচালিত বোস্বাই-এর একটি প্রতিষ্ঠান সুন্দর গিগি লিমিটেড কর্তৃক প্রদত্ত প্রায় ২ লক্ষ টাকা মূল্যের যক্ষ্মারোগ প্রতিষেধী 'টেবাকেন'র ২০ লক্ষ ট্যাবলেট পশ্চিমবঙ্গের অভাবগ্রস্ত যক্ষ্মারোগীদের চিকিৎসার্থে প্রদান করা হয়। টেবাকেনের মধ্যে আছে নিকোটিন অ্যালডিহাইড, থাওসেমিকার—বোজোন এবং আইসোনিকোটেনিক অ্যাসিড হাইড্রোক্সাইড। ইতিপূর্বে ভারতে কচিং ব্যবহৃত এই ঔষধ যক্ষ্মাব্যাসিলির প্রতিরোধ শক্তিবিকল্পে কার্যকর হবে। এই নতুন ঔষধ পশ্চিমবঙ্গের হাসপাতাল ও স্বাস্থ্যনিবাসগুলিতে রোগীদের বিনামূল্যে প্রদান করা হবে।"

উঁহারা আশা করেন, এই ঔষধ আরও কার্যকর হইবে। এবং ইহা প্রতিষেধকরূপেও ব্যবহার করা চলিবে।

### কৰ্মযোগী বিধানচন্দ্র

গত ১লা জুলাই বাংলার মুখ্যমন্ত্রী, ভারতের অধিতীয় চিকিৎসক, বাংলার জনপ্রিয় নেতা উঃ বিধানচন্দ্র রায় অতি আকস্মিকভাবে পরলোক গমন করিয়াছেন। তিনি তাঁহার মৃত্যু দিয়া প্রমাণ করিয়া গেলেন, তিনি কি ছিলেন।

১৮৮২ খ্রীষ্টাব্দের ১লা জুলাই বিধানচন্দ্র পাটনার জন্ম

গ্রহণ করেন। বিধানচন্দ্রের জীবনের প্রথম কুড়ি বৎসর বিহারেই কাটে। এইখানেই তাঁহার স্কুল-কলেজের অধ্যয়ন সমাপ্ত হয়। তখন বিহার বাংলা দেশের অন্তর্ভুক্ত ছিল। তাঁহার পিতা প্রকাশচন্দ্র ডেপুটি ম্যাজিস্ট্রেট ছিলেন। পুত্রকে ডাক্তারি পড়াইবেন, কি ইঞ্জিনিয়ারিং পড়াইবেন ইহা পিতা কিছুতেই স্থির করিতে পারিতেছিলেন না। কলিকাতায় আসিয়া অবশ্য তিনি ছেলেকে মেডিক্যাল কলেজেই ভর্তি করিয়া দিলেন। পরে বুঝিয়াছিলেন, তাঁহার নির্বাচনে ভুল হয় নাই। এম-বি পরীক্ষার পূর্বে কর্নেল পেক-এর সহিত কোন বিষয় লইয়া কথাস্তর হওয়ায় পরীক্ষায় তিনি কৃতকার্য হইতে পারেন নাই। পরে অবশ্য এম-ডি ডিগ্রী লাভ করিয়া বিলাত যান। সেখানে একই বৎসরে এম-আর-সি-পি ও এফ-আর-সি-এস পরীক্ষায় প্রথম স্থান অধিকার করিয়া নূতন রেকর্ড স্থাপন করেন। চিকিৎসক হইয়া তিনি জীবনে প্রভূত উপার্জন করিয়াছেন। অর্থের লোভে তিনি মন্ত্রীত্ব গ্রহণ করেন নাই। তিনি দেশ-গঠনের সুবৃহৎ পরিকল্পনা লইয়াই রাজ্যের নেতৃত্ব গ্রহণ করিয়াছিলেন।

ডাঃ রায় এত বড় হইয়াছিলেন তার মূলে ছিল তাঁর নিঃস্বার্থপরায়ণতা, কর্তব্যনিষ্ঠা, দৃঢ়চিত্ততা ও সত্যনিষ্ঠা। তিনি কোনদিন ক্ষমতার লোভে তার পিছনে ছোটেন নাই।

বরং ক্ষমতাই তাঁর কাছে ধরা দিয়াছিল। এক কথায় তিনি কৰ্ম করিতে আসিয়াছিলেন, কৰ্ম করিয়া চলিয়া গেলেন। তিনি ছিলেন, গীতার কৰ্ম-যোগী। তিনি জীবনে কখনও কোন কারণে কাহারও নিকট নত হন নাই। ইহা তাঁহার স্বভাবেই ছিল না। তিনি নেতা হইয়া জন্মিয়াছিলেন, নেতৃত্ব করিয়াই চলিয়া গেলেন। এদিক দিয়া তিনি ছিলেন অপ্রতিদ্বন্দী। জীবনে কখনও কাহারও নিকট পরাজয় স্বীকার করেন নাই। ছবির মত কয়েকটি ঘটনা আজও চোখের উপর ভাসিতেছে। স্তার সুরেন্দ্রনাথকে ব্যারাকপুর কলেজে হারাইয়া ডাঃ রায় ব্যবস্থাপক সভায় প্রবেশ করিলেন ১৯০৪ সনে। বাজেট বিতর্কে যোগ দিয়া অসাধারণ দক্ষতা তিনি দেখাইয়াছিলেন। তিনি বলিয়াছিলেন, পূর্ব বাংলার এক ছোট গ্রামের সন্তান আমি। আমি গ্রাম-বাংলার রূপও চিনি। সমগ্র বাংলার অর্থনৈতিক পুনরুজ্জীবনের দাবি জানাইয়া নব্য বাংলার শাবী কৰ্মধার সেদিন ঘোষণা করিয়াছিলেন, যখনই জনসাধারণ জনস্বাস্থ্যের জন্ত বাড়তি খরচের দাবি করে, সরকার উত্তরে বাংলার দৈন্তের প্রসঙ্গ উত্থাপন করেন। কিন্তু দেশের

দারিদ্র্য যে অনেকাংশে শোচনীয় জাতীয় স্বাস্থ্যের জন্ত, সেকথা বুঝা দরকার। জনগণকে দারিদ্র্য ও ভগ্নস্বাস্থ্য হইতে উদ্ধার করিতে না পারিলে আমাদের ছৰ্ত্তোগ ঘুচিবে না। ১৯৫ সনের ৬ই জুন দেশবন্ধু মারা গেলে নেতা নির্বাচিত হন, জে. এম. সেনগুপ্ত। সেনগুপ্তের স্থান দখল করেন ডাঃ রায়। ১৯২৭ সনের আগষ্ট মাসে স্বরাজ্যদলের পক্ষ হইতে মন্ত্রীদেব বিরুদ্ধে অনাস্থা প্রস্তাব উত্থাপন করার ভারও পড়ে ডাঃ রায়ের উপর। ১৯৩০ সনে আইন অমান্ত আন্দোলনের প্রাক্কালে কংগ্রেসের নির্দেশে অস্ত্রাস্ত্র সদস্যদের সহিত তিনিও ইস্তফা দেন। তার পর আসিল ১৯৪৭ সন। স্বাধীনতা লাভের পর প্রথম বিধানসভা। শ্যামাপ্রসাদ মুখার্জি দিল্লী চলিয়া যাওয়ায় তাঁহার জায়গায় কলিকাতা বিশ্ববিদ্যালয়ের আসন হইতে নির্বাচিত হইয়া আসিলেন ডাঃ রায়। এবং বৎসর ঘুরিতে না ঘুরিতেই ১৯৪৮ সনের ২৩শে জাম্বুধারী বসিলেন মুখ্যমন্ত্রীর আসনে। তাঁহার ব্যক্তিত্ব ছিল গগনস্পর্শী। এই ব্যক্তিত্বের জোরেই তিনি সমগ্র পশ্চিমবঙ্গের প্রতিনিধি হইতে পারিয়াছিলেন। তিনি দলবিশেষের নেতা হইয়াও, সকল দলের উপর কর্তৃত্ব করিয়া গিয়াছেন। এক কথায় ডাঃ রায় মানেই পশ্চিমবঙ্গ, পশ্চিমবঙ্গ মানেই ডাঃ রায়। সেদিক দিয়া বিধান নাম তাঁহার সার্থক হইয়াছে।

তিনি ছিলেন আশাবাদী—নবীন বাংলা গড়িয়া তুলিবার স্বপ্ন ছিল তাঁহার চোখে। এদিক দিয়া অনেক কাজই তিনি করিয়া গিয়াছেন, সম্পূর্ণ করিয়া যাইতে পারিলেন না ইহাই দুঃখ। ডাঃ রাধাকৃষ্ণ ঠিকই বলিয়াছেন, “ডাঃ বি. সি. রায় ছিলেন এক বিরাট পর্কতের মত। সেই পাহাড়ের আড়াল আজ সরিয়া গেল। তাঁহার মৃত্যু তাঁই সারা দেশের বুকে আঘাত হানিয়াছে।” তিনি আরও বলিয়াছেন, “বাংলা দেশ সম্পর্কে ডাঃ রায়ের পরিকল্পনা ছিল। নানা ধরণের পরিকল্পনা। তাঁহার সিদ্ধান্তই ছিল চরম সিদ্ধান্ত। তাঁহার কথা ছিল শেষ কথা।” “কলিকাতা ও বাংলার উন্নতিসাধনের জন্ত তিনি যেসব পরিকল্পনা প্রণয়ন করিয়াছিলেন, সেগুলি রূপায়িত করা আমাদের কর্তব্য।” রাষ্ট্রপতির এই কথায় আমাদের আশাষিত করিয়াছে।

তিনি ছিলেন পুরাণের বিরাট পুরুষ। তাঁর পৌরুষ-দীপ্ত বৃহৎ জীবনের বিচিত্র কর্ণের ইতিহাস জাতি চিরদিন স্মরণে রাখিব। মৃত্যু-তারিখ লইয়া অনেকে অনেক কথাই বলিতেছেন, সত্যই একরূপ ঘটনা জগতে বিরল। একই দিনে জন্ম ও মৃত্যু। জন্মদিনের ফুল আর মৃত্যু-দিনের মালা, আনন্দ ও অশ্রু সব একাকার হইয়া গেল।

## রাজর্ষি পুরুষোত্তমদাস ট্যাগুন

ভূতপূর্ব কংগ্রেস সভাপতি পুরুষোত্তমদাস ট্যাগুন গত ১লা জুলাই দীর্ঘকাল রোগভোগের পর পরলোক গমন করিয়াছেন। মৃত্যুকালে তাঁহার বয়স আশী বৎসর হইয়াছিল।

পুরুষোত্তমদাস ১৮৮২ সনে এলাহাবাদে সহয়াতপুর গ্রামের এক মধ্যবিত্ত পরিবারে জন্মগ্রহণ করেন। তাঁহার পিতার নাম শালিগ্রাম ট্যাগুন। তিনি স্কুল ও কলেজে অধ্যয়ন সমাপ্ত করিয়া আইন পরীক্ষায় উত্তীর্ণ হন এবং এলাহাবাদ হাইকোর্টে আইনব্যবসায় আরম্ভ করেন। অল্পসময়ের মধ্যে ইহাতে তিনি প্রতিষ্ঠা অর্জন করেন। ১৮৯৯ সনে তিনি স্বেচ্ছাসেবকরূপে প্রথম কংগ্রেসে যোগদান করেন। ১৯০৬ সনে সুরাট কংগ্রেসে প্রথম প্রতিনিধি নির্বাচিত হন। ১৯১০ সন হইতে ট্যাগুনজী হিন্দী প্রচার আন্দোলনের সহিত যুক্ত ছিলেন। ঐ বৎসর হিন্দী সাহিত্য-সম্মেলন প্রতিষ্ঠিত হয় এবং ট্যাগুন উহার প্রথম সাধারণ সম্পাদক নির্বাচিত হন। ১৯৪৭ সনের জুন মাসে কংগ্রেস যখন মাউন্টব্যাটেন পরিকল্পনা অনুযায়ী দেশবিভাগে সম্মত হয়, নিম্নলিখিত ভারত রাষ্ট্রীয় সমিতির অধিবেশনে ট্যাগুনজী বিরোধী দলের নেতৃত্ব গ্রহণ করেন। তারপর ১৯৫০ সনের সেপ্টেম্বর মাসে নাসিকে অনুষ্ঠিত ভারতীয় জাতীয় কংগ্রেসের ষট্‌পঞ্চাশ-তম অধিবেশনে সভাপতি নির্বাচিত হন।

কর্মজীবনে ইনি লাহোরে একটি ব্যাঙ্কের মেক্রেটারী ও মানেজাররূপে কাজ করেন। ১৯১৪-১৮ সন তিনি নাশা রাজ্যের আইন-দপ্তরের মন্ত্রী ছিলেন। ১৯৬১ সনে তিনি ভারত সরকার কর্তৃক সর্বোচ্চ উপাধি ‘ভারতরত্ন’ দ্বারা ভূষিত হন।

কর্মজীবনের বহু কীর্তি ও খ্যাতি পশ্চাতে ফেলিয়া উত্তরপ্রদেশের প্রবীণ জননায়ক একই দিনে অর্থাৎ ডাঃ রায়ের মৃত্যুদিনে পরলোকগমন করিলেন। দুই রাজ্যের দুই বিশিষ্ট নেতার জন্ম-সন ও মৃত্যু-তারিখের এই সাদৃশ্য লক্ষ্য করিবার মত। কস্মক্বে পৃথক হইলেও, উভয়েই নিজ নিজ রাজ্যে ছিলেন অধিতীয়। উভয়েই ‘ভারতরত্ন’। পুরুষোত্তমদাস ছিলেন সরল অমায়িক ও অনাড়ম্বর জীবনের মূর্ত্তপ্রতীক। উত্তরপ্রদেশে এজন্য তিনি রাজর্ষি ট্যাগুন নামে অভিহিত হইতেন। তাঁহার প্রতি উত্তর-প্রদেশের অধিবাসীদের সকলেরই শ্রদ্ধা ছিল গভীর ও আন্তরিক। এই শ্রদ্ধার আসনে সুপ্রতিষ্ঠিত থাকিয়াই তাঁহার জীবনের অবসান হইয়াছে।

# বাংলা মঙ্গলকাব্য ও রবীন্দ্রনাথ

শ্রীছর্গেশচন্দ্র বন্দ্যোপাধ্যায়

মঙ্গলকাব্যের সৃষ্টির বাল সাধারণতঃ খ্রীষ্টীয় ত্রয়োদশ শতক থেকে অষ্টাদশ শতক পর্যন্ত। মনসামঙ্গল, চণ্ডী-মঙ্গল, ধর্মমঙ্গল ইত্যাদি কাব্য এই সময় রচিত হয়; সুতরাং বাংলা সাহিত্যের ইতিহাসের একটি বড় অংশ হচ্ছে মঙ্গলকাব্য। এই কাব্য বাংলার নিজস্ব সম্পদ।

বাংলা দেশের তদানীন্তন লোকজীবনের জন্ম ও বিবর্তন-ধারার একটা সুস্পষ্ট ছাপ পাওয়া যায় এই মঙ্গল-কাব্যে। বাংলা দেশ ছিল চিরকালই শান্ত; উত্তর পশ্চিম থেকে যেসব বহিরাগত শত্রু ভারতে এসেছিল, তাদের অত্যাচার বা নৃশংসতার পরিচয় বাংলা দেশে ছিল অজ্ঞাত; কারণ তাদের অত্যাচারের ডেউ বাংলায় আঘাত করে নি। সুতরাং বাঙালীদের জীবন কেটে যাচ্ছিল অতি সহজভাবে: কিন্তু হঠাৎ তুর্কীশক্তি উদ্ধার মত বাংলা দেশে এসে বাংলার শান্ত পরিবেশকে একেবারে ছিন্নভিন্ন করে দেয়। বাংলার রাজশক্তি ছিল এই সময় অত্যন্ত দুর্বল; পুনঃ পুনঃ এই শক্তির উত্থান-পতনে রাজারা হয়ে পড়েন দুর্বল থেকে দুর্বলতর। লৌকিক জীবনকেই বেশী নাড়া দেয় এই রাজনৈতিক পরিবর্তন। সমাজের যা কিছু কল্যাণ, যা কিছু মূল্যবান সবই ধুলিসাৎ হয়ে যায় যুদ্ধবিগ্রহ ও সামাজিক সংঘাতে।

তুর্কীশক্তির কাছে বাঙালীর এই পরাজয়ের একটি গুরুতর কারণ আছে। দীর্ঘদিন সুখ-স্বাচ্ছন্দ্য থাকার ফলে বাঙালীর বাহুবল হয়ে যায় নষ্ট। প্রত্যন্ত দেশ বলে বাংলা চিরদিনই অর্থাবর্তের রাষ্ট্রীয় সংঘাতের বাইরে থেকে নিজের স্বতন্ত্র পথে চলে আসছিল। সেই কারণে উত্তরাপথে তুর্কী-অভিযান এবং তার পূর্বে গ্রীক, শক, হন প্রভৃতির আক্রমণ বাংলায় কোনও আলোড়নের সৃষ্টি করে নি; কাজেই মহম্মদ বীন বক্তব্যের মুষ্টিমেয় তুর্কী ও পাঠান সৈন্য যখন বাংলা দেশে উপস্থিত হ'ল, তখন বাংলার রাজশক্তি বা জনসাধারণ এই আক্রমণের বিরুদ্ধে দাঁড়াতে পারল না। লক্ষণসেনের সুশাসনের ফলে দণ্ডশক্তি হয়ে যায় নিস্তেজ; যুদ্ধবিজ্ঞান ও রণ-নীতিতে গতানুগতিকতাই চলে আসছিল; কালানুগ পরিবর্তনের আবশ্যিকতার কথাও চিন্তা করা হয় নি। ধীরে ধীরে জনগণমানসে আধিভৌতিক বাহুবল অপেক্ষা

আধিদৈবিক মন্ত্রবলই অধিকতর প্রভাব বিস্তার করতে থাকে। ফলে, গ্রহানুকূল্য ও মন্ত্রশক্তির ভরসায় সুখ-স্বপ্ননিমগ্ন কৃত্রিমশক্তি তুর্ক-তাকের উপর অধিকতর বিশ্বাসী হয়ে ওঠে। সেকালের এগটি রণনীতির বই থেকে এর নিদর্শন পাওয়া যায়। চারদিক থেকে শত্রু আক্রমণ করলে কর্তব্যাকর্তব্য সম্বন্ধে বইটিতে যে বিধান দেওয়া আছে, তাতে জানা যায়—বিশেষ বিশেষ গাছের ছাল ও মূলের সঙ্গে শ্মশানের ছাই মিশিয়ে তুর্যের গায়ে মন্ত্র পড়ে বাজাতে হবে, সেই মন্ত্রটি হচ্ছে—

ওং অং হং হলিয়া হে মহেলি বিহঞ্জছি সাহিনেছি

মশাণেছি পাচি লুঞ্চি ফিলি ফিলি কালি হং ফটু স্বাহা।

( শ্রীসুকুমার সেন—মধ্যযুগের বাংলা ও

বাঙালী পৃ: ২ )

এর পর খেত অপরাধিতার মূল ও ধূতরা পাণ্ডা এক সঙ্গে বেঁটে এবং তাই তিলকস্বরূপ কপালে দিয়ে মন্ত্র জপ করলেই সেই তুর্যের শক্রে শত্রু-সৈন্য পলায়ন করবে।

সমগ্র দেশে এই একই মনোভাব কাজ করে এসেছে বিগত শতাব্দী অবধি এবং এখনও করছে প্রত্যন্ত পল্লী-অঞ্চলে পুষ্পপরা, বশীকরণ, শাপের বিষ ও মাছের কাঁটা-নামানো, সুপ্রসব, ঘা-তকানো ইত্যাদি নানাবিধ মন্ত্র-বিশ্বাসের আকারে। এই সব কারণে সংখ্যায় অল্প হলেও তুর্কী অভিযানকারীরা বিনা বাধার সংস্কৃত দেশের উপর দিয়ে ধ্বংসের বশ্য বইয়ে দিল। তুর্কীর হাতে এই পরাজয়কে বাঙালী মনে করল দৈবপ্রেরিত; তাদের ধারণা, স্বয়ং ব্রহ্মা, বিষ্ণু, মহেশ্বর প্রভৃতি দেবগণ স্নেহরূপ ধারণ করে বাংলা দেশ আক্রমণ করেছেন। ধর্ম-ঠাকুর সম্পর্কে প্রাপ্ত গ্রন্থগুলির মধ্যে কোন কোনটিতে মুসলমান-শক্তিকে ধর্মের অবতার রূপেও ইঙ্গিত করা হয়েছে। নিবোধী পরাধীন জনগণের এই মনোভাবের কিঞ্চিৎ পরিচয় দেওয়া গেল—

ধর্ম হৈল যবনরূপী

শিরে পরে কাল টুপি

হাতে ধরে ত্রিকচ কামান,

চাপিয়া উত্তম হয়

দেবগণে লাগে ভয়

খোদায় হইল এক নাম।

ব্রহ্মা হৈল মোহাম্মদ                      বিষ্ণু হৈল পেগম্বর  
 মহেশ হইল বাবা আদম,  
 গণেশ হইল কাজী                      কার্ত্তিক হইল গাজা  
 ফকীর হইল মুনিগণ।  
 তেজিয়া আপন ভেক                      নারদ হইল শেখ  
 পুরন্দর হইল মৌলানা,  
 চন্দ্র স্বর্ষ আদি যত                      পদাতিক হইয়া গুণ  
 উচ্চস্বরে বাজায় বাজনা।

(শ্রীশুকুমার সেন—মধ্যযুগের বাংলা ও  
 বাঙালী পৃ: ৪।

মধ্যযুগের বাঙালীর এই অবস্থা পর্যালোচনা করে রবীন্দ্রনাথ বলেছেন, ‘সমাজে তখন যে অবস্থা ঘটিয়াছিল, যে-শক্তির খেলা প্রত্যহ প্রত্যক্ষ হইতেছিল, যে সকল আকস্মিক উত্থান-পতন লোককে প্রবলবেগে চকিত করিয়া দিতেছিল—মনে মনে তাহাকেই দেবত্ব দিয়া শাক্তধর্ম নিজেই প্রতিষ্ঠিত করিয়াছিল।’ ‘যখন আপন শক্তির মূলধন লইয়া জনসাধারণের কারবার চলে না তখন সকল ব্যাপারেই মানুষ দৈবের কাছে, গ্রহের কাছে, পরের কাছে হাত পাতিয়া ভয়ে ভয়ে কাটায়। এই ভাবটার বর্ণনা যদি কোথাও খুব সুস্পষ্ট করিয়া সূটিয়া থাকে তাহা বাংলার প্রাচীন মঙ্গলকাব্যে।’ ‘আইন নাই বিচার নাই, জোর যার মূলুক তার; প্রবলের অত্যাচারে বাধা দিবার কোন বৈধ পথ নাই; দুর্বলের একমাত্র উপায় স্বতন্ত্রতা, ঘুমঘাম এবং অবশেষে পলায়ন।’—সাহিত্য, পৃ: ১৫১; কালান্তর, পৃ: ৫৫-৫৬।

বাংলা মঙ্গলকাব্যে পৌরাণিক দেব-দেবতার সঙ্গে সংমিশ্রণ ঘটেছে নানা লৌকিক দেব-দেবীর। এই মিশ্রণের মধ্যে একটা আপোষ-রফার চেষ্টা দেখা যায় বর্ণহিন্দুদের সঙ্গে অসুন্নত হিন্দুর, এমন কি হিন্দুর সঙ্গে মুসলমানদেরও; কিন্তু এই প্রঘাসের মধ্যে প্রকৃত কোন মিলন আসে নি; অসুন্নত শ্রেণী বর্ণহিন্দু থেকে আলাদাই রয়ে গেছে। যখন সাহিত্যের মধ্য দিয়ে উভয়ের মিলন-সংঘটনের চেষ্টা করা হয়েছে তখন দেখা যায়, তা হয়েছে বিবেচনামূলক, মৈত্রীমূলক হতে পারে নি। বহিরাগত শাসকের অত্যাচার চলেছে বাইরে এবং সমাজের ভেতরে চলেছে বর্ণাশ্রমের দারুণ উপদ্রব। এই বিপর্যস্ত সমাজের মধ্যে নিজের সম্প্রদায়গত গৌরব প্রতিষ্ঠায় প্রত্যেক গোষ্ঠী নিজের দেবতাকে মহিমায় করার চেষ্টা করেছে এবং সেই দেবতাকে অস্ত্র গোষ্ঠীর দেবতার উপর প্রাধান্য দিতে অগ্রসর হয়েছে। ফলে, পৌরাণিক ও লৌকিক দেব-দেবীর অত্যন্ত অধোগতি দেখা যায়, আর পরম্পরের

মধ্যে অসুন্নত প্রতিদ্বন্দ্বিতাও প্রবল আকার ধারণ করে। তদানীন্তন যে-সমাজের পরিচয় পাওয়া যায় তাতে এ কথা সুস্পষ্ট যে, সেই সমাজ সুশিক্ষিত, সুপরিচালিত বা সুশাসিত নয়। এই সমাজের নর-নারী নানা দুঃখ-দৈন্তে ও আধি-ব্যাধিতে বিপর্যস্ত এবং অশিক্ষা ও কুসংস্কারে আচ্ছন্ন। তাদের পৌরুষের কোন পরিচয় নেই, চরিত্রের বিকাশ স্তব্ধ। পারম্পরিক উদার সহনশীলতার অভাব দেখা যায় একান্তভাবে, আর সেই জন্তই তারা দেবতার হাতে হয়ে উঠেছিল অসহায় ক্রীড়নক। চাঁদ সদাগরের মনের আদর্শ মহৎ, তাই সে দেবতাকে অত্যাচারী ও জুলুম-জ্বরদস্তির প্রতীক ভেবে নিজের পৌরুষকে জাগ্রত করেছিল। এই প্রসঙ্গে রবীন্দ্রনাথ মন্তব্য করেছেন, ‘যাহাকে সে কিছুতেই মানিতে চায় নাই, বহু দুঃখে তাহারই শক্তির কাছে তাহাকে হার মানিতে হইল। এই যে শক্তি, এর সঙ্গে জ্ঞান বা জায়-ধর্মের যোগ নাই। মানিবার পাত্র যতই যথেষ্টাচারী ততই সে ভয়ংকর, ততই তার কাছে নতি স্বত্তি’।—কালান্তর, পৃ: ৫৫ (কর্তার ইচ্ছায় কর্ম)।

চাঁদ সদাগরকে দিয়ে মনসার পূজো-আদায়ের চেষ্টার মধ্যে রয়েছে লৌকিক জীবনের জাগরণ-আভাস। চাঁদ সদাগর হলেন উচ্চ বর্ণহিন্দুর প্রতীক; সুতরাং তাঁকে দিয়ে অসুন্নতশ্রেণী-পূজিত মনসার পূজো আদায় করলেই উভয় শ্রেণীর মধ্যে আর ব্যবধান থাকতে পারে না। এই ব্যবধান দূর করার ব্যাপারে স্বতঃই সংঘর্ষ উপস্থিত হয়েছে দুইটি বিপরীত আদর্শের মধ্যে—একটি বর্ণহিন্দু ও অপরটি লৌকিক। মনসামঙ্গল ও চণ্ডীমঙ্গলে এই সামাজিক বিরোধই আত্মপ্রকাশ করেছে। উচ্চবর্ণের মধ্যে কিভাবে লৌকিক মনসার পূজো প্রতিষ্ঠিত হ’ল, তা জানতে পারলে এর তাৎপর্য উপলব্ধি করা যাবে।

চাঁদ সদাগর গুরুর কাজের জন্ত ‘জালু মালু’ নামে দুই জ্বেকে পাঠায় মাছ ধরতে। এমন সময় মনসা বৃদ্ধা ব্রাহ্মণীর বেশে তাদের কাছে এসে বললে, নদী পার করে দিতে। তারা নারাজ হলে মনসার মায়ায় জালে একটিও মাছ পড়ল না; তখন কি ভেবে তারা বৃদ্ধা ব্রাহ্মণীকে পার করে দিলেই তাদের জালে পড়ল, প্রচুর মাছ আর ‘স্বর্ণঝারি’। পরে মনসা সব প্রকাশ করে ও তার পূজো প্রচারের সাহায্য করার আদেশ দিয়ে অস্তিত্বিত হ’ল। জালু-মালুর মা সেই স্বর্ণঝারি মাথায় নিয়ে ঘরে এসে বিধিমত মনসার পূজো করল দুই বৌকে নিয়ে। চাঁদের পত্নী সনকা ছয় বৌ ও সখীদের নিয়ে স্নানে যাবার সময় এই পূজোর কথা জেনে স্নানান্তে বাড়ীতে এসে



মনসার পূজা করতে বসল। তাঁদের এক অস্থির এই ব্যাপার তাঁদকে জানালে তাঁদ রেগে-মেগে মনসার ঘট, পূজোপকরণ সব নষ্ট করে দিল। তখন প্রতিশোধ নেবার জন্ত মনসা তাঁদের 'নাথরা' উত্তান নষ্ট করে দেয়; কিন্তু মহাজ্ঞানের সাহায্যে তাঁদ পুনরায় উত্তান রচনা করে মনসার শক্তি ব্যর্থ করে দিল। তাঁদের এই মহাজ্ঞান হরণ করার জন্ত মনসা স্বন্দরী যুবতী সেজে নদী-তীরে নিজেকে তাঁদেব শ্যালিকা ও সনকার বোন-রূপে পরিচয় দিল। সনকা তাকে আদর করে ঘরে নিয়ে গেলে তাঁদ তার রূপে বিমুগ্ধ হয়ে পড়ল; এই সুযোগে মনসা তাঁদের কাছ থেকে মহাজ্ঞানের খবর জেনে ইন্দ্রদত্ত 'জয়-আচল' কেটে নিল তাঁদের বস্ত্রাঞ্চল থেকে। সিদ্ধমনোরথ হাষে মনসা তখন নাথরা বন নির্মূল করে চলে গেল। মহাজ্ঞানের অভাবে তাঁদের আর কোন ক্ষমতা রইল না। স্বপ্নে মনসা তাঁদকে ভয় দেখিয়ে বলল, 'কি কর্ম করিলি রাজা লঙ্ঘিয়া আমায়।' তাঁদ তখন পাত্র-মিত্রের পরামর্শে শঙ্খ ধ্বস্তরিকে ডেকে এনে নাথরা বন আবার জ্বিয়ে নিল। এর প্রতিশোধ নেবার জন্ত মনসা ছুটল শঙ্খ-বণিককে ধ্বংস করতে মালিনীর বেশে। শঙ্খের ছিল ছ'-কুড়ি ছ'জন শিষ্য; তারাও সকলে মহাজ্ঞানে সুপাণ্ডিত। সুতরাং শিষ্যদের বধ করলে অসহায় বণিককে আয়ত্ত করতে বেগ পেতে হবে না ভেবে মনসা কালকূটমিশ্রিত ফুলের মালা গাঁথে শঙ্খিনীগরে শিষ্যদের কাছে গেল। শিষ্যরা 'এক এক পণেতে' এক একখানি মালা কিনে গলায় পড়লে কিছুক্ষণের মধ্যেই বিবক্রিয়া আরম্ভ হ'ল। সকলে মড়ার মত পড়ে আছে খবর পেয়ে—

'হকার ছাড়িয়া ওঝা ইষ্টদেবতার পূজা

অবিলম্বে কইল সেইখানে।

হরিয়া পুষ্পের বিষ ছ'কুড়ি ছ'জন শিষ্য

জীয়াইল ব্রহ্মার বচনে।'

আর মনসাকে গাল দিতে দিতে ধ্বস্তরি চলল শিষ্যদের নিয়ে। এই পরাজয়ের গ্লানিতে মনসা আবার গোয়ালিনীর বেশে কালকূটমিশ্রিত দই নিয়ে হাজির হ'ল শিষ্যদের কাছে বঙ্কানদীর তীরে। সেখানে সবাই বিষ দই খেয়ে পড়ে রইল। ধ্বস্তরি বঙ্কায় স্নান করতে এসে এই কাণ্ড দেখে বুঝল যে এ কৈবল্য সেই চেঙ্গমুড়ি কানীর। তখন এক এক চাপড় মেরে মহাজ্ঞান-বলবান্ গুরু শিষ্যদের বাঁচিয়ে দিল। এইবার মনসা শিষ্যদের কাছে না গিয়ে মূল গুরুকে নিয়েই পড়ল। মনসা ব্রাহ্মণী সেজে ধ্বস্তরিপত্নী কমলার সঙ্গে সই পাতাল। সই-এর

ছলনার স্বামীর কাছ থেকে মৃত্যুর কারণ জানতে পাবার সময় 'শ্বেতমাছিক্রপে' মনসাও জেনে নিল যে শিবের জটাস্থিত উদয়-কালসাপ যদি ধ্বস্তরির নাসাপথ দিয়ে গিয়ে সাত ব্রহ্মাতিল একেবারে নিতে পারে তবে ওঝার মৃত্যু সুনিশ্চিত। তদনুসারে মনসা পিতা মহাদেবকে অহনয় করে উদয়কালকে নিয়ে আসে ধ্বস্তরির ঘরে। ত্রি সাপ নিজ্জিত ওঝার নাসাপথে গিয়ে স্তোত্র আকারে সাত ব্রহ্মাতিল নিল অপহরণ করে। ফলে জাগ্রত ওঝা সব বুঝতে পেরে ছই শিষ্য ধনা-মনাকে গঙ্ঘমাদন-পর্বত থেকে সুর্যোদয়ের পূর্বেই বিশল্যকরণী আনতে পাঠায়; কিন্তু গাছ আনলেও মনসার ছলনার শিষ্যরা গাছ ফেলে দেয়; তখন 'শঙ্খচিল' হয়ে মনসা বিশল্যকরণী নিয়ে অস্তিত্ব হ'ল। এইভাবে সুর্যোদয়েই হ'ল ধ্বস্তরির মৃত্যু। তাঁদ সদাগরের পরম সুহৃদ্ ধ্বস্তরিকে মনসা এইরূপ নানা ছলে-বলে মেরে ফেলল।

এরপর চলল তাঁদ সদাগরের সঙ্গে মনসার সংঘর্ষ। মনসা কিছুতেই যখন শৈব তাঁদকে দিয়ে তার পূজা করতে পারল না, তখন মনসা ঈর্ষায় 'কালিনাগিনী'কে পাঠাল তাঁদের রক্ষনশালায় গিয়ে ভক্ষ্যভব্যে বিষ মিশিয়ে দিতে। ফলে, তাঁদের ছয় ছেলে এক কালে মারা যায়। কিছুদিন পরে মনসা শিবের রূপে স্বপ্নে দেখা দিয়ে তাঁদকে বলল, 'অনুপাম-পাটনে' সমুদ্রযাত্রা করতে ও সেখানে আবার মহাজ্ঞান শিখে নিতে। রাজা হয়ে বাণিজ্য করতে যাওয়া গৌরবের নয়; কিন্তু তাঁদ কারও নিষেধ না শুনে বাণিজ্যতরী নিয়ে সমুদ্রযাত্রা করল। পথে কালিদহে মনসার সুসজ্জিত মন্দির দেখে সদাগর হেমতাল দণ্ড দিয়ে মন্দির ভেঙ্গে ও লুট করে চলে গেল। 'অনুপাম-পাটনে' পৌঁছে তাঁদ সেখানকার রাজার বিশেষ আতিথ্য লাভে পরিভূপ্ত হয়ে নানা সওদা করল, তাতে তার প্রচুর লাভ হ'ল। সেখানে তাঁদ সুখেই থাকতে লাগল। এদিকে লখিম্বরের জন্ম হয়েছে। ক্রমে ক্রমে ছেলে বড় হয়ে উঠল। তাঁদের কোন সংবাদ না পেয়ে প্রজারা সনকার সম্মতি নিয়ে লখিম্বরকে শূন্য রাজপাটে অভিষিক্ত করল। তাঁদের এ সুখ মনসার সখ হ'ল না; সুতরাং সে তাঁদকে সনকার রূপ দেখিয়ে চঞ্চল করে তুলল। সাত ডিঙ্গা বোঝাই করে দেশের দিকে রওনা হ'ল সদাগর। এই সময়ে কালিদহে মনসা ঝটিকা সৃষ্টি করে হনুমানের সাহায্যে কালিদহে তাঁদের সপ্তডিঙ্গা ডুবিয়ে দিল; নিমঙ্কমান তাঁদ জলমধ্যে মনসার নামাঙ্কিত বালিশ পেয়েও ঘুণায় তা স্পর্শ করল না। অতি কষ্টে তীরে উঠে সে আশ্রয়লা করল বটে, কিন্তু পথে ব্যাধ,

বহু, ও পাঁচ দরবেশের হাতে তাকে নির্বাচিত হতে হ'ল। কোন প্রকারে রক্ষা পেয়ে চাঁদ বহু চন্দ্রকেতুর বেশে পৌঁছল এবং সেখানকার আদর-যত্নে অনেকটা সুস্থ হ'ল; কিন্তু চন্দ্রকেতুকে মনসার পূজারী জানতে পেয়ে চাঁদ আর এক মুহূর্তও সেখানে থাকতে চাইল না। বরাবর গৃহে ফিরে চাঁদ নিজ পুত্র লখিন্দরকে দেখল।

এরপর বেহলার সঙ্গে লখিন্দরের বিয়ে ও বিয়ের রাতে সর্পদংশনে হয় লখিন্দরের মৃত্যু, 'কলার মাড়সে' মৃত স্বামীকে নিয়ে বেহলা মনসার নিকট যাত্রা করল; পথে নানা প্রলোভন ও ভয় দেখিয়ে বেহলাকে উদ্ভিষ্ট পথ থেকে ভ্রষ্ট করার চেষ্টা হ'ল; কিন্তু বেহলা সব অতিক্রম করে দুর্গস্থায় স্বামীর শব নিয়ে পৌঁছল 'নেতৌ-ঘাটে।' ছদ্মবেশী ধোপানীর সহায়তায় বেহলা সিঙ্ঘ্রা পর্বতে দেবপুরে উপস্থিত হল। সেখানে বেহলার কাতর ক্রন্দনে ও অপূর্ব সতীত্ব দেখে শিবের মন মুগ্ধ হয়ে যায় এবং কন্যা মনসাকে ডেকে পাঠান হয় বেহলার দুঃখের অবসান করিয়ে দিতে। মনসা এসে চাঁদের হাতে তার সমস্ত লাঞ্চার কথা শিবকে জানায়। এই সব শুনে বেহলা প্রতিজ্ঞা করল, সে যে কোন উপায়েই চাঁদকে দিয়ে মনসার পূজা করাবেই। এতে সন্তুষ্ট হয়ে মনসা লখিন্দরকে বাঁচিয়ে দিল, আর সেই সঙ্গে বেঁচে উঠল চাঁদের মৃত ছয় ছেলে; কেবল তাই-ই নয়, কালিদহে নিমগ্নিত রত্নশরী সপ্তভিঙ্গাও ভেঙ্গে উঠল। শেষে বাজনা বাজিয়ে চাঁদের খাসবন্দর দ্বানেশ্বর-ঘাটে এসে সকলে হ'ল উপস্থিত। সকলে চাঁদকে তখন মনসার পূজা করতে বললে চাঁদ নীরব হয়ে থাকল; শেষে বেহলার সনিবন্ধ প্রার্থনায় চাঁদ মনসাকে পূজা করতে রাজি হ'ল এই সর্তে যে, সাত ভিঙ্গা ঘাটের থেকে আপনিই বাড়ীর দরজায় এসে হাজির হবে। বেহলা মনসাকে স্বরণ করলে মনসা শেশনাগের সহায়তায়—

সাত ভিঙ্গা পৃষ্ঠে করি চলিল সাত নাগ।

এড়িল চাঁদের ঘারে সাতভাগে ভাগ ॥

চাঁদ পূজা করতে বসল; কিন্তু দেবীর একেবারে ভয় যায় নি, চাঁদ আবার মনসাকে 'হেতালের বাড়ি' মারে। তখন বেহলা স্বপ্নরূপে অসুরোধ করে হেতাল ফেলে দিতে। তখন—

তুনিয়া বধুর বোল চাঁদ সদাগর।

হেতালের বাড়ি টান্ডা ফেলে দূরান্তর ॥

এই ভাবে মনসার কাজ সিদ্ধ হ'ল ও তার পূজা প্রতিষ্ঠিত হ'ল উচ্চবর্ণ-হিন্দুর সমাজে।

মনসাকে পূজা করা ত দূরের কথা, যার নাম পর্বত কখনও চাঁদ করত না বা অস্ত্রের মুখে তুলে কানে আঙুল দিত, সেই চাঁদ সদাগর যখন মনসার পূজা করল, তখন বুঝতে হবে যে তার মনোবল ভেঙ্গে একেবারে চূরমার হয়ে গিয়েছিল। মনসার অত্যাচারে কৃতবিকৃত চাঁদ সদাগর নিতান্ত দুর্বল ও অসহায় হয়ে পড়ে। যে মনসা চাঁদের পুরুষকার দেখে বার বার প্রমাদ গণেছিল, সেই মনসাই আবার সদাগরকে নানা পাকচক্রের মধ্যে কেল ও তাকে হীনবীর্য করে তার স্বার্থসিদ্ধি করে নিল। মনসার এই কাজের মধ্যে নেই কোন ধর্ম, সত্য, ঞায়, যুক্তি বা বিচার—আছে কেবল পূজা আদায়ের হীন প্রচেষ্টা। রবীন্দ্রনাথ বলেছেন 'এই যে শক্তি, এর সঙ্গে জ্ঞান বা ঞায়ধর্মের যোগ নাই।...এ যেন এক রকম ম্পষ্ট করিয়া বলিয়া দেওয়া, বাপু, মার যদি খাও তবে নিঃশব্দে মরাটাই অতীব স্বাস্থ্যকর...ওই ত বর্তা, ওই ত আমাদের কবিকঙ্কণের চণ্ডী, ওই ত বেহলাকাব্যের মনসা, ঞায়ধর্ম সকলের উপরে ওকেই ত পূজা দিতে হইবে, নহিলে হাড় গুঁড়া হইয়া যাইবে।'—

কালান্তর, পৃ ৭২

চাঁদ সদাগর ছিলেন পরম শৈব—পুরুষ দেবতার উপাসক। শেষে ঘটনাচক্রে তাকে স্ত্রীদেবতা মনসার কাছে মাথানত করতে হ'ল দেখে রবীন্দ্রনাথ মন্তব্য করেছেন, "খামকা মেয়েদেবতা জোর করে এসে বায়না ধরলেন, 'আমার পূজা চাই', অর্থাৎ 'যে জায়গায় আমার দখল নেই, সে জায়গা আমি দখল করবই।' এই জায়গা দখল করতে যে সকল উপায় দেখা গেল, মাহুষের সদ্বুদ্ধিতে তাকে সহুপায় বলে না। কিন্তু পরিণামে এই সকল উপায়েরই জয় হ'ল।...বাংলার মঙ্গলকাব্য-গুলির বিষয়টা হচ্ছে, এক দেবতাকে তার সিংহাসন থেকে খেদিয়ে আর এক দেবতার অভ্যুদয়। সহজেই এই কথা মনে হয় যে, দুই দেবতার মধ্যে যদি কিছু নিরে প্রতিযোগিতা থাকে তা হ'লে সেটা ধর্মনীতিগত আদর্শেরই তারতম্য নিয়ে। যদি মাহুষের ধর্মবুদ্ধিকে নুতন দেবতা পুরাতন দেবতার চেয়ে বেশি তৃপ্তি দিতে পারেন তা হলেই তাঁকে বরণ করবার সঙ্গত কারণ পাওয়া যায়।" কালান্তর, পৃ: ১৪৫-৪৬। "কিন্তু চাঁদ সদাগর-কৃত মনসা-পূজার মধ্যে সে ভাব কুতাপি নেই, আছে হল-কৌশল, অন্য়-অবিচার ও নিষ্ঠুরতা। কেবল পূজা-প্রতিষ্ঠাতেই মনসা কান্ত হয় নি, কবিদের দিয়ে মন্দিরা বাজিয়ে চামর ছলিয়ে আপন জয়গান গাইয়ে নিলে। লঙ্কিত কবিতা কৈকিয়ত দেবার ছলে

মাথা চুলকিয়ে বললেন, 'কী করব, আমার উপর স্বপ্নে আদেশ হয়েছে।' এই স্বপ্ন একদিন আমাদের দেশের উপর ভর করেছিল।" কালাস্তর, পৃ: ১৪৬ ( বাতায়নিকের পত্র )।

এই যে এক দেবতার স্থান ছোরপূর্বক দখল করে, অর্থাৎ শিবকে হটিয়ে শক্তিকে প্রতিষ্ঠিত করা হ'ল, এর মধ্যে রয়েছে উচ্চবর্ণ-সমাজে নিম্নবর্ণের প্রবেশাধিকারের স্বীকৃতি। মঙ্গলকাব্যে যে ব্রাহ্মণের জীবন-দর্শন ও সংস্কৃতির প্রতিষ্ঠা হয়েছে, তাতে এই কথাই স্পষ্ট প্রতীয়মান হয় যে, ওদানীস্তন কালে অত্রাহ্মণ্য ভাবধারা ও জীবনাদর্শ ধীরে ধীরে সমাজে অনুপ্রবেশ করেছে। অনাসক্ত শিবের বিরুদ্ধে মনসা বা চণ্ডীর সংগ্রাম এরই নিদর্শন। চণ্ডীর দয়ার নিম্নবর্ণের ব্যাধ কালকেতুর উচ্চাসনলাভ, ব্যাধের সাহায্যে মর্তে দেবীর পূজোপ্রচার এবং ইন্দ্রপুত্র নীলাশ্বরের ব্যাধরূপে ধরায় জন্মগ্রহণের মধ্যে তৎকালীন সমাজে অবনমিত সম্প্রদায়ের উচ্চস্থান লাভেরই ইঙ্গিত পাওয়া যায়। সাধারণতঃ ধারণা, বণিকৃচ্ছাতি সামাজিক মর্যাদা হারায় সেন আমলে; কিন্তু ধীরে ধীরে এই সম্প্রদায় হতগৌরব পুনরুদ্ধারে সমর্থ হয়েছিল, তারই আভাস পাওয়া যায় পনপতি ও চাঁদ সদাগরকে দিয়ে যথাক্রমে চণ্ডা ও মনসা পূজো করানর ব্যাপারে। সুতরাং বোঝা যায়, একটা গভীর সামাজিক উদ্বেগ ছিল মঙ্গলকাব্যরচনার মধ্যে। এই প্রসঙ্গে একটি কথা বলা প্রয়োজন যে, চাঁদ-পূজিত শিব হচ্ছে শাস্ত্রিক, কিন্তু লৌকিক শিবায়নের শিব নয়। এ সম্বন্ধে রবীন্দ্রনাথ সুস্পষ্টভাবে বলেছেন, 'শাস্ত্রিক শিব যতী, বৈরাগী। লৌকিক শিব উন্নত, উচ্ছ্বল। বাংলা মঙ্গলকাব্যে এই লৌকিক শিবেরই বর্ণনা দেখতে পাই। এমন কি, রাজসভার কবি ভারতচন্দ্রের অন্তদামঙ্গলে যে চরিত্র বর্ণিত সে আৰ্যসমাজসম্মত নয়' শক্তিপূজা: কালাস্তর, পৃ: ১৫৮।

মঙ্গল দেবদেবীর সৃষ্টি হয়েছিল আর একটি কারণে। প্রাকৃতিক শক্তি ও প্রবৃত্তির হাত থেকে বাঁচতে মানুষের সর্বদাই লড়াই করতে হয়, কিন্তু সেই শক্তির সঙ্গে কিছুতেই না পেরে মানুষ সেই শক্তির মানবিক দেহরূপ কল্পনা করে নিজের মঙ্গলের জন্ত প্রার্থনা জানিয়েছে। কৃষিদেবতার আবির্ভাব হয়েছে সুসমৃদ্ধ কৃষির জন্ত, যক্ষীর কল্পনা নবজাত সন্তানের আধিদৈবিক ভীতি থেকে উদ্ধার ও নির্বিবাদে লালন-পালন করার জন্ত; ধনসম্পদ লাভ করা ও নানা বিপদ থেকে উদ্ধার পাবার জন্ত সৃষ্টি হয়েছে মঙ্গলচণ্ডী ও সত্যনারায়ণের; অনাবৃষ্টিতে বর্ষণ,

নিঃসন্তান জমনীর সন্তানলাভ ও রোগ-শোক থেকে মুক্তির জন্ত হয়েছে ধর্মঠাকুরের আবির্ভাব; বাঘ, কুমীর ও সাপের হাত থেকে রক্ষা পাবার জন্ত যথাক্রমে দেবতা কল্পিত হয়েছে দক্ষিণ রায়, কালু রায় ও মনসা। এই ভাবেই লৌকিক দেবদেবীর সৃষ্টি। এই সব দেবতার শাস্ত্রিক ও দার্শনিক ব্যাখ্যা করতে যাওয়া বাতুলতামাত্র। রবীন্দ্রনাথের ভাষায় 'বাংলা মঙ্গলকাব্যে শক্তির যে স্বরূপ বর্ণিত হয়েছে সে লৌকিক, এবং তার ভাব অন্তরূপ। সংসারে যারা পীড়িত, যারা পরাজিত, অথচ এই পীড়া ও পরাজয়ের যারা কোন ধর্মসম্মত কারণ দেখতে পাচ্ছে না, তারা স্বচ্ছাকারিণী নিষ্ঠুর শক্তির অন্তায় ক্রোধকেই সকল দুঃখের কারণ বলে ধরে নিয়েছে—এবং সেই ঈর্ষাপরায়ণা শক্তিকে স্তবের দ্বারা, পূজার দ্বারা, শাস্ত করবার আশাই এই সকল মঙ্গলকাব্যের প্ররণা— শক্তিপূজা: কালাস্তর, পৃ: ১৫৮।

মঙ্গলকাব্যের যুগে দেখা যায়, তখনকার মানুষ এক নূতন সংশ্লেষে উপস্থিত হচ্ছিল দুইটি বিরুদ্ধ জীবনাদর্শ ও শক্তির সংঘাতের মধ্য দিবে। কেবলমাত্র মনোধর্মী আর্ষের বিশিষ্টতা নিয়ে বা প্রাণধর্মী আর্ষের বৈশিষ্ট্য নিয়ে বাঙালী চরিত্র গ'ড়ে উঠতে পারে নি; আর্ষ ও আর্ষের—এই উভয় বৈশিষ্ট্য নিয়ে তা গ'ড়ে ওঠে। বাংলার সমাজ-জীবনের মধ্যে রয়েছে দুইয়ের মিশ্রণ। এই মিশ্রণের জন্ত দেবদেবতার কল্পনা, দেবারাধনার নিয়ম ও ধর্মমতের বিবর্তন-পরিমার্জন হয়েছে নানা দিক থেকে। এই জন্তই দেখতে পাওয়া যায় ব্রাহ্মণ্য বা অত্রাহ্মণ্য আচার-আচরণের মধ্যে নানা বিপরীত ভাব। বৌদ্ধভাবধারাও যে এর সঙ্গে যুক্ত হয় নি, তা বলা যায় না। বৌদ্ধ-সমাজে পূজিত জাম্বুদীপী দেবীর সঙ্গে বাংলা দেশের সর্পদেবী মনসার বিশেষ সাদৃশ্য দেখা যায়। চণ্ডী-মঙ্গলের উপর যোগতান্ত্রিক বৌদ্ধ-প্রভাব যে পড়েছিল তার প্রমাণ পাওয়া যায় চণ্ডীমঙ্গল ও ধর্মমঙ্গল নিহিত সৃষ্টিতত্ত্ব থেকে; এই সঙ্গে আবার নাথধর্মের সৃষ্টিতত্ত্ব-কাহিনীও যুক্ত হয়েছে। ধর্মঠাকুরের মধ্যে বিষ্ণু ও শিবের অন্তিত্ব আছেই, উপরন্তু ইনি হচ্ছেন বৌদ্ধ স্তূপের প্রতীক; আর বাহন উলুক বা বানর থাকায় ইনি যে নাম-গোত্রহীন অনার্যদেবতা, তাও অস্বীকার করার উপায় নেই। এই দেবতার ধ্যানমন্ত্র থেকে বৌদ্ধ বজ্রযানপ্রভাবের ইঙ্গিত পাওয়া যায়। সুতরাং দেখা যায়, এই সময়ে সমাজ যেমন নানা ধর্মের সমন্বয় সাধন করে নিয়েছিল, তেমনি সামাজিক ঐক্যও প্রতিষ্ঠিত হয়েছিল। সমাজের মধ্যে সকল গোষ্ঠীই পরস্পর একত্র হ'ল, কেউ কাউকে

দূরে ঠেলতে পারল না। এর নিদর্শন পাওয়া যায় কালকেতু-স্থাপিত আদর্শ রাজ্যের মধ্যে। ব্রাহ্মণ, কত্রি, বৈশ্য, কায়স্থ, ধীবর, গোপ, মুসলমান প্রভৃতি সকলেই এই রাজ্যে পরস্পরের সঙ্গে বাস করার অধিকার পেয়েছে। দেব-দেবতারাও পরস্পর থেকে বিল্লিষ্ট নয় তার প্রমাণ পাওয়া যায় বন্দনা-অংশে। এখানে সমস্ত দেবতাকে স্মরণ করা হয়েছে, এমন কি হরিনাম-উল্লেখও মনসার মহিমা-প্রচারের ভেতরে কোন অসংগতি দেখা যায় না। দেবতাদের মধ্যে এই গির্শণকে রবীন্দ্রনাথ বলেছেন, 'স্বপ্নে যেমন এক থেকে আর হয়, তেমনি করেই বুদ্ধ তখন শিব হয়ে দাঁড়িয়েছিলেন। শিব ত্যাগী, শিব ভিক্ষু, শিব বেদ-বিরুদ্ধ, শিব সর্বসাধারণের। বৈদিক দক্ষের সঙ্গে এই শিবের বিরোধের কথা কবিকঙ্কণ ও অনন্দামঙ্গলের গোড়াতেই প্রকাশিত আছে। শিবও দেখি বুদ্ধের মত নির্বাণ মুক্তির পক্ষে।'—বাতায়নিকের পত্র : কালান্তর, পৃ: ১৪৬।

মঙ্গলকাব্যে যে সব দেব-দেবতা আছে, তার মধ্যে স্ত্রী-দেবতার আধিপত্যই বেশী, পুরুষ-দেবতার স্থান তেমন নেই; সংখ্যার দিক দিয়েও স্ত্রী-দেবতা পুরুষ-দেবতাকে ছাড়িয়ে গেছে। এর কারণ অহুসদ্ধান করলে জানা যায়, তান্ত্রিকতাই এর কারণ। কালী-উপাসনা রামপ্রসাদের পূর্বে সে রকম না দেখা গেলেও মনসা, চণ্ডী, অন্নদা প্রভৃতি দেবীর উপাসনার মধ্যে তান্ত্রিকতার ছাপ রয়ে গেছে। কিন্তু মনে রাখা প্রয়োজন যে, এই পূজার মধ্যে ভক্তি ও প্রেমের একান্তই অভাব। চাঁদসদাগর বা ধনপতির কাহিনীর মধ্যে মনসা ও চণ্ডীর যে আচরণ দেখা যায়, তাতে প্রেম ভক্তির কোন নিদর্শন নেই; আছে পূজো প্রতিষ্ঠার জন্তু নীচ জাতীয় প্রচার বুদ্ধি। কেবল-মাত্র ভয় থেকে মুক্তি পাবার জন্তুই এই সব দেবতার উদ্ভব; সুতরাং আসল দেব-চরিত্র এদের মধ্যে খুঁজে পাওয়া যায় না। এই সব দেবতার কৃপায় অঘটন এবং অকৃপায় সর্বনাশ হতে দেখা গিয়েছে। পশ্চিমের সূর্যের পূর্বে উদয়, মৃত স্বামীর পুনরুজ্জীবন ইত্যাদি যেমন দেবতার কৃপায় সম্ভব হয়েছিল, তেমনি অকৃপায় পুত্রের মৃত্যু, ভরানোকা-ডুবি ইত্যাদি দৃষ্টান্তেরও অভাব নেই। এই শক্তিকে অগ্রাহ্য করার ক্ষমতা মানুষের ছিল না। একমাত্র পুরুষকার দেখিয়েছিল চাঁদ সদাগর; কিন্তু তাকে দমন করে তার কাছ থেকে পূজো আদায়ের চেষ্টায় কতই না জঘন্য কাজ করতে হয়েছে দেবীকে। মনুষ্যের এই অবমাননা অস্ত্র সাহিত্যে কচিৎ দেখা যায়। মঙ্গলকাব্যের কাহিনীর মধ্যে তদানীন্তন অত্যাচারী জমিদার বা চরিত্র-

হীন গ্রাম্য ডাইনীর স্বরূপও যে প্রতিকলিত হয় নি, তা জোর করে বলা যায় না।

মানুষ দেবতার হাতে যে ক্রীড়নকষা, তা মঙ্গলকাব্যেই দেখা যায়। দেবতা মানুষকে যে ভাবে চালিত করছেন, তাকে সেই ভাবেই চলতে হচ্ছে। জীবনটা তার একান্ত ভাবে স্বত্ববদ্ধ। দেবতার খেয়ালের বশেই তাকে হয় চলতে, তার নিজস্ব কোন ইচ্ছাশক্তি নেই। দুঃখ পেলে সে মনে করে, সেটা তার প্রাপ্য; তার বিরুদ্ধে দাঁড়াবার ক্ষমতা তার নেই, কাজেই দুঃখনিবৃত্তির জন্তু সে চেষ্টাও করে না। নিয়তির হাতেই তাকে বাধা থাকতে হয়। যদি কখনও দুঃখনিবৃত্তি হয়, তবে সে মনে করে যে, দেবতার অহুগ্রহেই তা হয়েছে। এর জন্তু কোন আশ্বাস বা প্রয়াসের কথা সে ভাবতেই পারে না। সুতরাং মানুষের ব্যক্তিত্ব বা মনুষ্যত্ব বলে কোন বিষয় মঙ্গলকাব্যে খুঁজে পাওয়া যায় না। কখন কার উপর দেবতার অকৃপা হবে এবং তার ফলে তাকে সংসারে ছিন্নভিন্ন হয়ে যেতে হবে, এই ভেবে তখনকার লোক সর্বদা গম্বস্ত হয়ে থাকত। মানুষের মেরুদণ্ড এমনই দুর্বল ছিল যে, এর বিরুদ্ধে প্রতিবাদ করা দূরে থাকুক, অজস্র ভয়-ভাবনাকে বৃকে করে প্রতিপদক্ষেপে অবনত-শির ও হতবিশ্বাস হয়ে কোন রকমে জীবনটাকে টেনে নিয়ে যাওয়াই কর্তব্য ছিল। এ ক্ষেত্রে হঠাৎ যদি কারও ভাগ্যোদয় হ'ত, তবে তার জন্তু কোন উল্লাসের হেতু থাকত না; কারণ যে কোন সময় এর বিপর্যয় হওয়া অসম্ভব ছিল না। এই জন্তু মঙ্গলকাব্যে নেই জাতীয় চিন্তা, উপরন্তু আছে চিন্তোৎকর্ষের একান্ত অভাব, আর সেই সঙ্গে শৌর্য ও মনুষ্যত্বের হীনতা এবং গ্লানি ও পরাজয়ের ইতিহাস। দেবতার অহুগ্রহ ছাড়া এক পা-ও চলা যায় না, আবার সেই দেবতা হচ্ছে অকরণ, নিতান্ত অবিবেচক এবং অকারণেই ক্রটি-তুষ্টির দাস।

শির-ভূর্গা কাহিনীর মধ্যে যে চিত্র ফুটে উঠেছে, তা তদানীন্তন সমাজেরই প্রতিচ্ছবি। কৌলীন্য প্রথার আঁতাকলে প'ড়ে বিবাহিত তরুণী বধুর যে ক্লিষ্ট জীবন অতি-বাহিত হ'ত তার প্রতিকল্প পাওয়া যায় সুলক্ষী রাজপুত্রী পার্বতীর সঙ্গে বৃদ্ধ নেশাখোর শিবের বিবাহিত জীবনের মধ্য দিয়ে। মঙ্গলকাব্যের এই সব বর্ণনা থেকে তৎকালে দরিদ্র হিন্দু সংসারের একটা বাস্তব চিত্র ফুটে উঠেছে; ফলে তাকে অস্বীকার করবার উপায় নেই; সুতরাং সাহিত্যে আজও তা অমর হয়ে আছে। এর ভেতর আধ্যাত্মিকতা অহুসদ্ধান করতে গেলে বিপদ ঘটবে।

মঙ্গলকাব্যের মধ্যে আর একটি বিশেষ কথা ধরা



পড়েছে। সেটা হচ্ছে এই যে, কেবল জানীদের জন্তই ঈশ্বর নন; তাঁকে লাভ করতে হলে মন্ত্রতন্ত্র বা বিধি-ব্যবস্থার দরকার হয় না; কেবল সরল ভক্তিতেই বড় থেকে ছোট, ব্রাহ্মণ থেকে চণ্ডাল পর্যন্ত সকলেই তাঁর আশীর্বাদ লাভের অধিকারী হয়। রবীন্দ্রনাথ এ সম্বন্ধে বলেছেন, 'হঠাৎ যেন একটা নূতন আবিষ্কারের মত আসিয়া ভারতের জনসাধারণের হৃৎসহ হীনতাভার মোচন করিয়া দিয়াছিল। সেই বৃহৎ আনন্দ দেশ ব্যাপ্ত করিয়া যখন আসিয়া উঠিয়াছিল, তখন যে সাহিত্যের প্রাচুর্য হইয়াছিল, তাহা জনসাধারণের এই নূতন গৌরবলাভের সাহিত্য। কালকেতু, ধনপতি, চাঁদসদাগর প্রভৃতি সাধারণ লোকই তাহার নামক;— ব্রাহ্মণ-কৃত্রিম নহে, মহাজ্ঞানী সাধক নহে, সমাজে যাবা নীচে পড়িয়া আছে, দেবতা যে তাহাদেরও দেবতা, ইহাই সাহিত্য নানাভাবে প্রচার করিতেছিল।' সাহিত্যসৃষ্টি : সাহিত্য, পৃ ১০৪ ( ১৩৪১ সং )।

মঙ্গলকাব্যের যুগ হচ্ছে উপান-পতনের যুগ। সমাজে নীচুতে যারা বাস করত, তারা শক্তিবলে উপরে উঠে গেল। চণ্ডী, বিষহরি, শীতলার কাহিনীতেও শিবের পূজার পরিবর্তে চণ্ডীপূজার প্রবর্তনে এই ব্যাপারটি লক্ষ্য করা যায়। 'দেবী চণ্ডী নিজের পূজাস্থাপনের জন্ত অস্থির। যেমন করিয়া হটক ছলে-বলে-কৌশলে মর্তে পূজাপ্রচার করিতে হইবেই। ইহাতেই বুঝা যায়, পূজা লইয়া একটা বাদ-বিবাদ আছে। তাহার পর দেখি যাহাদিগকে আশ্রয় করিয়া দেবী পূজা প্রচার করিতে উদ্বৃত্ত, তাহারা উচ্চশ্রেণীর লোক নহে। যে নীচের তাহাকেই উপরে উঠাইবেন—ইহাতেই দেবীর শক্তির পরিচয়। নিম্নশ্রেণীর পক্ষে এমন সাঙ্ঘনা, এমন বলের কথা আর কি আছে? যে দরিদ্র ছইবেলা আহাৰ জোটাইতে পারে না, সেই শক্তির লীলায় সোনার ঘড়া পাইল; যে ব্যাধ নীচজাতীয়, ভদ্রজনের অবজ্ঞাভাজন, সেই মহত্বলাভ করিয়া কলিঙ্গরাজের কন্যাকে বিবাহ করিল—ইহাই শক্তির লীলা।...শিব তাঁহার স্বামী বটেন, কিন্তু তাতে কোন সন্দেহ নাই। শিবের সহিত শক্তির এই লড়াই। এই লড়াইয়ে পদে পদে দয়া-মায়ী বা স্তায়-অস্তায় পর্যন্ত উপেক্ষিত হইয়াছে।...কবিকল্প চণ্ডীতে ব্যাধের গল্পে দেখিতে পাই, শক্তির ইচ্ছায় নীচ উচ্চে উঠিয়াছে। কেন উঠিয়াছে, তাহার কোন কারণ নাই— ব্যাধ যে ভক্ত ছিল এমনও পরিচয় পাই না। বরঞ্চ সে দেবীর বাহন সিংহকে মারিয়া দেবীর ক্রোধভাজন হইতে পারিত। কিন্তু দেবী নিতান্তই যথেষ্টক্রমে তাহাকে

দয়া করিলেন। ইহাই শক্তির খেলা।...ব্যাধকে যেমন বিনা কারণে দেবী দয়া করিলেন, কলিঙ্গরাজকে তেমনি তিনি বিনা দোষে নিগ্রহ করিলেন। তাহার দেশ জলে ডুবাইয়া দিলেন।'—বঙ্গভাষা ও সাহিত্য : সাহিত্য, পৃ: ১৫১-২।

রবীন্দ্রনাথের এই উক্তিগুলি থেকে স্পষ্ট বোঝা যায় যে, তখনকার দিনে ধর্মনীতিসম্বন্ধে কার্য-কারণ অত্যন্ত বিরল ছিল। দেখা যায়, যে শক্তি নির্বিচারে পালন করছে, সেই শক্তিই আবার নির্বিচারে ধ্বংস করছে। এই পালন ও বিনাশের মধ্যে সাধু ও অসাধুর কোন ভেদ দেখা যায় না। তখনকার দিনে ধর্মাধর্ম-বজ্রিত দয়া-মায়ীশূন্য শক্তিই প্রাধান্য লাভ করেছিল।

এই বিষয় শক্তির প্রতিফলনও দেখা যায় তদানীন্তন কালের নবাব-বাদশাদের ক্ষমতার মধ্যেও। এঁরা ছিলেন খেয়ালি; স্তবরাং তাঁদের খেয়ালেব স্বযোগ নিয়ে ও সকল বাধা-বিপত্তি অতিক্রম করে নীচ জন মহত্ব লাভ করত বা ভিক্ষুকও রাজা হয়ে বসত। যদি এঁরা একবার নির্দয় ততেন, তবে ধর্মাধর্ম যেত তলিয়ে। একেই বলা হ'ত শক্তি। এ সম্বন্ধে রবীন্দ্রনাথ বলেছেন, 'এই শক্তির প্রসন্ন মুখ মাতা, এই শক্তির অপ্রসন্ন মুখ চণ্ডী। ইহারই প্রসাদোহপি ভয়ঙ্করঃ—সেই জন্ত সর্বদাই করজোড়ে বসিয়া থাকিতে হয়। কিন্তু যতক্ষণ ইনি যাহাকে প্রসন্ন দেন, ততক্ষণ তাহার সাতখুন মাপ—যতক্ষণ সে প্রিয়পাত্র, ততক্ষণ তাহার সমস্ত-অসমস্ত সকল আবদারই অনায়াসে পূর্ণ হয়। এইরূপ শক্তি ভয়ঙ্করী হইলেও মানুষের চিত্তকে আকর্ষণ করে। কারণ, ইহার কাছে প্রত্যাশার কোন সীমা নাই। আমি অগ্রায় করিলেও জরী হইতে পারি, আমি অক্ষম হইলেও আমার দুঃখের চরমতম স্বপ্ন সফল হইতে পারে। এই কারণেই হর্ম-শোক বিপৎ-সাগরের অতীত শাস্ত সমাহিত বৈদান্তিক শিব সে সময়কার সাধারণের দেবতা হইতে পারেন না। রাগধ্বন প্রসাদ-অপ্রসাদের লীলাচঞ্চলা যত্নস্বাকারিণী শক্তিই তখনকার কালের দেবত্বের চরমাদর্শ। সেইজন্তই তখনকার লোকে ঈশ্বরকে অপমান করিয়া বলিত—দিল্লীখরো বা জগদীখরো বা।'—বঙ্গভাষা ও সাহিত্য : সাহিত্য, পৃ ১৫৩-৫৪।


ইন্দ্রপুত্রের ব্যাধরূপে মর্ত্যে জন্মগ্রহণ এবং তাকে দিয়ে চণ্ডীপূজার প্রচারের মধ্যে একটি ইতিহাসও প্রচ্ছন্ন আছে। ব্যাধ শবরের মধ্যে প্রচলিত পণ্ড বজির সাহায্যে ভয়াবহ পূজোপকৃতি এককালে উচ্চ সমাজে প্রবেশ লাভ করেছিল। চণ্ডীমঙ্গলে পাওয়া যায়, যে-কলিঙ্গে শক্তি-পূজা প্রতিষ্ঠিত হ'ল সে-কলিঙ্গ হচ্ছে উড়িষ্যা। এখানে

শৈবধর্মের অভ্যুদয় হয় বৌদ্ধধর্মের বিলোপে ; ভুবনেশ্বরে শিবলিঙ্গ প্রতিষ্ঠা তার নিদর্শন। কলিঙ্গের রাজারাও ছিলেন প্রবল। সুতরাং যারা শৈবধর্মবিদেষী ছিল, তাদের আক্রোশ হওয়াই স্বাভাবিক। সাহিত্যে এই আক্রোশ বীজাকারে নিহিত আছে চণ্ডীমঙ্গল কাহিনীর মধ্যে। ধনপতি সদাগরেরও ঠিক তাই হয়েছে। তিনি ছিলেন উচ্চজাতীয় ভদ্র বৈশ্য কিন্তু শিব-উপাসক। কেবল-মাত্র এই পাপেই তাঁর যত দুর্দশা ; চণ্ডী তাঁকে নানা দুর্গতির মধ্যে ফেলে ও ছলে-বলে-কৌশলে বশীভূত করে নিজ মাহাত্ম্য প্রতিষ্ঠা করলেন। এর মূলে যে ব্যাপারটি রয়েছে তা রবীন্দ্রনাথের চিন্তায় সুস্পষ্ট ধরা পড়েছে। তিনি বলেছেন, 'অনিয়ন্ত্রিত ইচ্ছার তরঙ্গ যখন চারদিকে জাগিয়া উঠিয়াছে, তখন যে-দেবতা ইচ্ছাসংঘের আদর্শ, তাঁহাকে সাংসারিক উন্নতির উপায় বলিয়া গ্রহণ করা যায় না। দুর্গতি হইলেই মনে হয়, আমার নিশ্চেষ্ট দেবতা আমার জন্ত কিছুই করিতেছেন না, ভোলানাথ সমস্ত ভুলিয়া আছেন। চণ্ডীর উপাসকেবাই কি সকল দুর্গতি এড়াইয়া উন্নতি লাভ করিতেছিলেন? অবশ্যই নহে। কিন্তু শক্তিকে দেবতা করিলে সকল অবস্থাতেই আপনাকে ভুলাইবার উপায় থাকে। শক্তিপূজক দুর্গতির মধ্যেও শক্তি অহুস্তব করিয়া ভীত হয়, উন্নতিতেও শক্তি অহুস্তব করিয়া কৃতজ্ঞ হইয়া থাকে। আমারই প্রতি বিশেষ অকুপা, ইহার ভয় যেমন আত্যন্তিক, আমারই প্রতি বিশেষ দয়া, ইহার আনন্দও তেমনি অতিশয়! কিন্তু যে দেবতা বলেন, সুখ-দুঃখ, দুর্গতি-সদৃগতি, ও কিছুই নয়, ও কেবল মায়া, ওদিকে দৃকপাত করিও না, সংসারে তাহার উপাসক অল্পই থাকে :—সংসার, মুখে যাই বলুক,

মুক্তি চায় না, ধন-জন-মান চায়। ধনপতির মত ব্যবসায়ী লোক সংযমী সদাশিবকে আশ্রয় করিয়া থাকিতে পারিল না, বহুতর নৌকা ডুবিল, ধনপতিকে শেষকালে শিবের উপাসনা ছাড়িয়া শক্তি-উপাসক হইতে হইল।'—বঙ্গভাষা ও সাহিত্য : সাহিত্য, পৃ ১৪৭।

মঙ্গলকাব্যান্তর্গত শক্তিপূজোর মধ্যে অতীতম একটি সত্য রবীন্দ্রনাথ দর্শন করেছিলেন, তা হচ্ছে—'সমাজ যখন নিজের চতুর্দিকবর্তী বেষ্টনের মধ্যে, নিজের বর্তমান অবস্থার মধ্যেই সম্পূর্ণ অবরুদ্ধ থাকে, তখনও সে বসিয়া বসিয়া আপনার সেই অবস্থাকে কল্পনা দ্বারা দেবত্ব দিয়া মগ্নিত করিতে চেষ্টা করে। সে যেন কারাগারের ভিত্তিতে ছবি আঁকিয়া কারাগারকে প্রাসাদের মত সাঙাইতে চেষ্টা পায়। সেই চেষ্টার মধ্যে মানবচিন্তের যে বেদনা, যে ব্যাকুলতা আছে, তাহা বড় সক্রম। সাহিত্যে সেই চেষ্টার বেদনা ও ক্রমা আমরা শাক্তযুগের মঙ্গলকাব্যে দেখিয়াছি। তখন সমাজের মধ্যে যে উপদ্রব, উৎপীড়ন, আকস্মিক উৎপাত, যে অশ্রয়, যে অনিশ্চয়তা ছিল, মঙ্গলকাব্য তাহাকেই দেবমর্গাদা দিয়া সমস্ত দুঃখ অপমানকে ভাঙ্গন দেবতার অনিয়ন্ত্রিত ইচ্ছার সহিত সংযুক্ত করিয়া কথঞ্চিৎ সাহুনা লাভ করিতেছিল এবং দুঃখ-ক্লেশকে ভাঙাইয়া শক্তির স্বর্ণমুদ্রা গড়িতেছিল।'—বঙ্গভাষা ও সাহিত্য : সাহিত্য, পৃ ১৫৩।

রবীন্দ্রনাথ বাংলা মঙ্গলকাব্যের মধ্যে যে সত্য দর্শন করেছিলেন, তাতে বাংলা সাহিত্যের একটি অংশ প্রোচ্ছল হয়ে আছে এবং সেই জন্তই এই কাব্য চিরদিন সমাদৃত হয়ে থাকবে।



## বট গাছ

শ্রীশাস্ত্রীলতা চক্রবর্তী

প্রথম দিন ওকে দেখেছিলাম মেল্টিং সেকুশানে। মধ্য প্রদেশের মেটাল এণ্ড ষ্টীল ফ্যাক্টরীর মিস্ত্রী ও।

চাকরির দাখে বাংলা দেশ ছেড়ে ছুটে এসেছি মধ্য প্রদেশের পাথুরে মাটিতে রুক্ষ আবহাওয়ায়, মন কাঁদছে বাংলা দেশের সরস মাটির জন্তে। মা, ছোট ভাইবোন-গুলোর জলভরা চোখ বার বার মনের মধ্যে ভেসে উঠছে, ভার ভার মন নিয়ে ফ্যাক্টরীতে জ্বয়েন করলাম।

আমাদের সেকুশানের ফোরম্যান বাঙালী। তিনি আমায় দেখে আনন্দ প্রকাশ করলেন। ঐর সঙ্গে আলাপ শেষ করে সুপারভাইজার মিঃ ত্রিবেদীর সঙ্গে বেরোলাম সেকুশানটা ঘুরে দেখতে।

মিঃ ত্রিবেদী বেশ ভাল মানুষ, বয়সও বেশী নয়, আমার চেয়ে অল্প কিছু বড়। উনি আমার সেকুশানের সব যন্ত্রপাতি ফার্ণেস দেখাচ্ছিলেন, সকলের সঙ্গে পরিচয় করিয়েও দিচ্ছিলেন। প্রথম দিনের কাজ আমার এটিই। সকলের সঙ্গে পরিচিত হওয়া, সেকুশানের সব কিছু দেখে বুঝে নেওয়া।

দেখতে দেখতে তিন নম্বর ফার্ণেসের সামনে দাঁড়িয়ে মিঃ ত্রিবেদীর লোমশ ভুরু ছোড়া কুঁচকে উঠল, আমিও মহা অস্বস্তিতে পড়ে গেলাম। তিন নম্বর ফার্ণেসের মোন্ডের মুখে এ্যালয় উপচে পড়ছে।

ইলেকট্রিক ফার্ণেস। কন্ট্রোলিং হুইলটাতে বোধ করি কোন গোলযোগ হয়েছে, যার ফলে এই বিপত্তি।

ফার্ণেসম্যান অনেকক্ষণ থেকেই বোধ হয় ক্রুশিবলটাকে ডাউন করার চেষ্টা করছে আমরা আসার পর বিপর মুখে আরও ছু'একবার চেষ্টা করল, শেষে ধর্ম্মাক্ত কলেবরে মুখ তুলে অসহায় চোখে তাকাল ত্রিবেদীর মুখের দিকে।

কারখানার যন্ত্রপাতি ফার্ণেসের সঙ্গে পরিচয় আমার আছে, কিছু অভিজ্ঞতাও আছে। সেই অভিজ্ঞতাতেই বুঝলাম, ফার্ণেসম্যানের চেষ্টাটা কতখানি ছেলেমানুষী। বিকল ফার্ণেসের ক্রুশিবল ডাউন করে পঞ্জিনে আনা সহজ লোকের কাজ নয়। ত্রিবেদীও সেটা বুঝতে পেরে-ছিলেন। বুঝেও বিরক্তি-ভরা দৃষ্টিতে চেয়েছিলেন ফার্ণেসম্যানের ব্যতিব্যস্ত হাতের দিকে।

ঠিক সেই সময়, ফার্ণেসের সামনে আমরা তিনটি মানুষ যখন তিন রকম অভিব্যক্তি নিয়ে জড়ের মত দাঁড়িয়ে আছি—কিছুই করতে পারছি না, সেই সময় ওয়েয়িং মেশিনের কাছ থেকে ছুটে এল একটি লোক।

লোকটিকে দেখে বিস্মিত হলাম। মুহূর্তের জন্তে ফার্ণেসের বদমেজাজীপনা, ফার্ণেসম্যানের কিংকর্তব্য-বিমূঢ় ভাব, ত্রিবেদীর বিরক্তি সব ভুলে গেলাম। অবাক হয়ে চেয়ে রইলাম লোকটার পেশীবহল বলিষ্ঠ দেহটার দিকে।

লোকটি একবারও আমাদের দিকে চেয়ে দেখল না, ছুটে গিয়ে দাঁড়াল কন্ট্রোলিং হুইলের পাশে। সবল দুটো হাতে দৃঢ় প্রত্যয় নিয়ে চেপে ধরল হুইল।

আমি ওকে দেখে অবাক হয়েছিলাম, এখন হতবুদ্ধি হয়ে গেলাম। মনে হ'ল, লোকটা ঐশ্বরের মত ক্ষমতা-শালী। বহু দক্ষ, নিপুণ সমর্থ হাতকে এই অবস্থায় হিম-সিম খেতে দেখেছি, আজ ব্যাপারটা ঘটল ম্যাজিকের মত। ওর হাতের স্পর্শে ভয় পেয়ে যেন ফার্ণেসটা আদম সংবরণ করল।

আলাপ করার লোভ সামলাতে পারলাম না। ত্রিবেদীর সঙ্গে ও কাছ গিয়ে দাঁড়ালাম।

লোকটা তখন ওয়েয়িং মেশিনে মাল ওজন করছে। আমরা কাছ গিয়ে দাঁড়াতেই হাতের কাজ থামিয়ে মুখ তুলে দেখল।

ওর ছু'চোখে বিষয়-বিমুগ্ধ দৃষ্টি। চোখের আর পলক পড়ে না। যেন পথ চলতে চলতে হঠাৎ একটা ফুলের মিষ্টি সুবাসে আনন্দভরা হয়ে ও থমকে দাঁড়িয়ে পড়েছে। কেমন তন্ময় হয়ে গেছে।

—ইনি মিঃ রায়। নতুন চার্জম্যান হয়ে এসেছেন। তোমার সঙ্গে আলাপ করতে চান।

ত্রিবেদী আমার সংক্ষিপ্ত পরিচয় ওকে দিলেন। পরিচয় পেয়ে দিনে খুশিতে ওর মুখখানা আরও ভয়ঙ্কর হয়ে উঠল। বড় বড় হলদে ছু'পাটি দাঁত বেরিয়ে পড়ল প্রকাণ্ড গৌফের তলায়। কি ভয়ানক ওর হাসিটা! যেন ধারাল খড়্গের চক্ৰকানির মত ভয়ঙ্কর, নিষ্ঠুর!

আমার সারাটা অন্তর কেঁপে উঠল। তাড়াতাড়ি

চোখ ফিরিয়ে নিলাম। কে জানে, এই কারখানার কর্মী  
ছাড়া লোকটার অন্য পরিচয় আছে কি না। অমন বীভৎস  
কুর হাসি যে হাসতে পারে—

মধ্য প্রদেশের কুখ্যাত ডাকাত ভূপৎ সিং-এর নাম  
তুনেছি। হ'লে হ'তে পারে লোকটা তার ডান হাত,  
কিংবা অহুচর। আলাপ না করতে এলেই হ'ত।  
এখন হয়ত ওর ঐ চোয়াল-জাগান প্রকাণ্ড মুখখানায়  
বিনয় প্রকাশ করে হাসির নামে হলদে দাঁতের  
ঝলকানি দেখাচ্ছে, রাত্রে হয়ত দেখব অঙ্ককার ঘরে  
ওরই হাতে চক্চকে ছুরিখানা ঝলসে উঠছে। হায়  
ভগবান্! ভীকু বাঙালী ধরের গোবেচারী ছেলে আমি!

—নমস্তে বাবুজী।

চমকে উঠলাম। ফিরে তাকালাম ওর দিকে।  
হলদে বড় বড় দাঁতগুলো ঢাকা পড়েছে গৌফের  
তলায়।

—আপ বাবুজী কাল আয়ঃ হেঁ ?

শ্রিতমুখে জিজ্ঞেস করল ও।

আমি যেন প্রাণ ফিরে পেলাম। যে ভয়ানক  
ভাবনাটা আমার মনকে হিম-শীতল করে দিচ্ছিল, সেটার  
থেকে মুক্তি পেলাম। ঘাড় নেড়ে বললাম, হ্যাঁ, কাল  
বিকলে এসেছি।

—হাম দেখা।

আন্তে আন্তে সজীব ও সবল হয়ে উঠলাম। জিজ্ঞেস  
করলাম, তোমার নাম কি ?

—হামার নাম রামআজ্ঞা হজুর। আপ বঙালী  
আছে বাবুজী ?

—বাঙালী বৈ কি। খাঁটি বাঙালী। চাবুক মারলেও  
আমার মুখ দিয়ে আয়ে গা, যারে গা ছাড়া হিন্দী বেরুবে  
না।

রামআজ্ঞা হেসে ফেলল আমার কথা শুনে।  
আমায় আশ্বাস দিয়ে বললে, হামি বঙলা বাত ভী  
জানি।

ওর বাংলা জানার নমুনা শুনে আমিও হেসে  
ফেললাম। উৎসাহ প্রকাশ করে জিজ্ঞেস করলাম, তাই  
নাকি ? কোথেকে শিখলে ? বাংলা দেশে গেছিলে  
নাকি ?

—নেহি বাবুজী। ইধার ত বহৎ বঙালী বাবু  
আছে। কোথা-বারতা বোলতে বোলতে শিখে  
লিয়েছি।

—বাঃ! তা হ'লে তুমি আমার সাথে বাংলাতেই  
কথা বল।

—জরুর। হামি আপনার সাথ বঙলামেই কথা  
বোলবে।

মহাখুশী হয়ে বললে রামআজ্ঞা। তার পর ওর  
সঙ্গে আরও ছ'চারটে কথা ব'লে ফিরে এলাম নিজের  
জায়গায়।

নতুন জায়গায় নতুন কাজের ভীড়ে রামআজ্ঞার  
ভাবনাটা আড়াল প'ড়ে গেল। কাজের কঁাকে কঁাকে  
মনে পড়ল মাকে। মাকে চিঠি লেখার সময় রামআজ্ঞার  
কথা একবারও উল্লেখ করলাম না। আমার ভয়টা পাছে  
মা'র মনে সংক্রামিত হয়—এই আশঙ্কায় নয়, আসলে  
ওর কথা আমি ভুলেই গেছিলাম। ছুটির পর ফ্যাক্টরী  
থেকে বেরিয়ে দেখা হ'ল ওর সঙ্গে।

গেট দিয়ে বেরিয়ে বেশ খানিকটা চ'লে গেছিলাম।  
হঠাৎ পিছনে ডাক তুললাম—বা-বু-জী! এ লতুন বাবু!

প্রথমটা বুঝতে পারি নি কে ডাকছে, কাকে ডাকছে।  
নেহাৎ কৌতূহলবশে থমকে দাঁড়িয়ে ঘাড় ফিরিয়েছিলাম।  
পরে দেখি রামআজ্ঞা আমাকেই ডাকছে।

কি ব্যাপার! বাংলা ভাষার নমুনা শোনানর জন্ত  
আমায় দাঁড় করাল নাকি। না—

আশেপাশে তাকিয়ে দেখলাম। ফ্যাক্টরীর চার  
পাশেই কঁাকা মাঠ। দূরে দূরে গাছপালা। তার  
ও পাশে কোয়ার্টার। একদিকে কালো মেঘের স্তূপের  
মত পাহাড় আকাশের দিকে মাথা তুলে দাঁড়িয়ে  
আছে।

এখন পথটাতে অসংখ্য মানুষের ভীড় বটে, সবে  
ফ্যাক্টরী ছুটি হয়েছে। কিন্তু আর মিনিট দশেক পরে ?  
টেঁটিয়ে গলা কাটিয়ে ফেললেও কারও কানে সে চীৎকার  
পৌঁছুবে না।

সত্যি লোকটাকে দেখলেই আমার বুকটা কেমন  
ঠাণ্ডা হয়ে যায়। হয়ত আমার বয়স খুব অল্প ব'লে,  
নয়ত এই প্রথম ঘর ছেড়ে নতুন মাটিতে পা দিয়েছি তাই।  
এখানে পৌঁছেই নিজেকে কেমন অসহায় মনে হয়েছিল।  
এখানে আমার কেউ নেই। মা বাবা আত্মীয়স্বজন  
বন্ধু-বান্ধব কেউ না। এখানে আমি একা। সেই  
একাকীত্বের যন্ত্রণাটাই আমার মনকে দুর্বল করে  
দিয়েছিল, ভীকু করে তুলেছিল।

রামআজ্ঞা আমার কাছে এসে হাতের সাইকেলটা  
আমার দিকে ঠেলে দিয়ে বললে, বাবুজী, হামার  
সাইকেলটা লিয়ে আপনে চলিয়ে যান।

বিহ্বল চোখে চেয়ে রইলাম রামআজ্ঞার মুখের  
দিকে। আমার ভাবনাটা ভয়ানক লজ্জা পেল।



—এ দিন।

সাইকেলটা হাতে ঠেকতেই আমার সখিৎ ফিরল। অপ্রস্তুত মুখে বললাম, না না রামআজ্ঞা, সাইকেল আমার লাগবে না।

—নেহি বাবুজী, সাইকেলটা আপনে লিয়ে যান। বাহারমে এখনও বহৎ ধূপ আছে। বহৎ তকলিফ হোবে।

এ কি সুর ওর গলায়!

মাত্র তিন দিন আমি ঘরছাড়া। এই তিন দিনে আমার জীবনটাও যেন মরুভূমির মত শুকনো ভূমিত হয়ে পড়েছে। ওর এই স্নেহস্পর্শে আমার চোখছটো জ্বালা করে উঠল। আর প্রতিবাদ করতে পারলাম না। এই সুন্দর মুহূর্তটিকে বাদ-প্রতিবাদের কচুকিতে কটকিত করতে মন চাইল না। নিঃশব্দে উঠে বসলাম ওর সাইকেলে।

নতুন কাজে ঢুকেছি। যথাসাধ্য মন দিয়ে কাজকর্ম করি। সেক্ষণে ঘুরতে ঘুরতে এক সময় গিয়ে দাঁড়াই রামআজ্ঞার কাছে। ও মুখ তুলে একটু হেসে দাঁড়টা নোয়ায়, নমস্কে বাবুজী। যতক্ষণ ফ্যাক্টরীতে থাকি, দেখা হলেও রামআজ্ঞা আমার সঙ্গে বেশী কথা বলে না। কিন্তু সন্ধ্যার সময়ই ও অস্ত রকম। তখন ও চলে যায় আমার কোয়ার্টারে। বাইরে ইজিচেয়ার পেতে বসি—ও একখানা মোড়া টেনে নিয়ে বসে আমার মুখোমুখি।

আমি খুব গিত্তকে ছেলে নই। এখানের ক্লাব আড্ডা তাসের আসর কিছুই আমার ভাল লাগে না। তার চেয়ে এই সময়টাতে চুপ করে বসে ভাবতে বেশ লাগে—মা যেন রয়েছেন রান্নাঘরে, অহু আয়নার সামনে দাঁড়িয়ে চুল বাঁধছে, বিহু রুহু খেলতে গেছে, বাবা আসবেন এক্ষুণি। বাবার পিছন পিছন বিহু রুহু খেলা শেষ করে ফিরে আসবে, অহু পাখা হাতে এসে দাঁড়াবে বাবার পিছনে, মা চায়ের কাপ হাতে করে ঐ চৌকাঠের ওপর এসে দাঁড়াবেন—

মনে মনে এই সব অবাস্তব জিনিষ কল্পনা করতে বেশ লাগে। এক-এক সময় মনে হয়, আমার কল্পনাটা বৃষ্টি কল্পনা নয় সত্যি। এরই মধ্যে এসে হাজির হয় রামআজ্ঞা।

সন্ধ্যের ঝাপসা অন্ধকার ছড়িয়ে পড়ে চারিদিকে, মিষ্টি মিষ্টি বাতাস বয়, পাশের কোয়ার্টারে মিঃ খুব

সিংএর বাচ্চাটা ঘুমের জন্তে বায়না ধরে কাঁদে, রাম-আজ্ঞা গল্প বলে, আমি শুনি।

ক্রমে ক্রমে সন্ধ্যা কেটে গিয়ে রাত্রি নামে, অন্ধকার গাঢ় হয়। এই ঘন অন্ধকারেও রামআজ্ঞার সাহচর্যে আমি ভয় পাই নে। বয়ং ঠিক এমনি ভাবে ইজিচেয়ারে আধ-শোয়া আধ-বসা অবস্থায় নিশ্চিন্তে ঘুমিয়ে পড়তে পারি। যেমন নিশ্চিন্তে ছোট বেলায় এখানে-সেখানে ঘুমিয়ে পড়তাম, সকালে উঠে দেখতাম ঠিক মা'র বুকের কাছে গুয়ে আছি।

এখানে এত লোক থাকতে রামআজ্ঞা কেন যে রোজই আমার কাছে আসে বুঝতে পারি নে। আমি কিছু ওকে ভালবেসে ফেলেছি। অথচ, ওর মধ্যে, ওই কাল ভৈরবের মত চেহারার মধ্যে আমি কি যে পেলাম, তা কে জানে। বয়সের ব্যবধানও আমাদের ছুঁজনের কম নয়।

আশ্চর্য্য, রামআজ্ঞার আসল বয়সটা এত খুঁটিয়ে দেখেও আমি ধরতে পারি নে। বয়স ওর চল্লিশও হতে পারে—ষাটও হতে পারে। যেন ঐ দুর্ধ্ব শক্তিশালী মানুষটার কাছে বয়সটাও ভয় পেয়ে থমকে দাঁড়িয়েছে। বারুক্য কাছ ঘেঁসতে সাহস পায় নি, শুধু মাত্র আগমনী সঙ্কেতটুকু জানিয়ে দিয়েছে ওর মাথার ছ'টার গাছা চুলে।

এই এতখানি বয়সেও ওর শরীরটা লম্বা-চওড়ার দশাসই অসম্ভব মজবুত। পেশীগুলো সর্বক্ষণ লোহার বলের মত ওঠা-নামা করছে, নড়েচড়ে বেড়াচ্ছে। রক্তমাংসে গড়া বলে মনেই হয় না। মনে হয়, এই যেটাল এ্যাণ্ড ষ্টীল ফ্যাক্টরীতেই বৃষ্টি পিটিয়ে পিটিয়ে তৈরি হয়েছিল।

ওকে দেখলে আমার সোজাসুজি মনে পড়ে যা। বোটানিক্যাল গার্ডেনের ছ'শো বছরের পুরাণো বট গাছটাকে। ঐ বট গাছটার মতই ও ছ'শো বছর নয়, হাজার হাজার লক্ষ লক্ষ বছর আগে যেন জন্মেছে এই পৃথিবীতে! ও আদিম যুগের মানুষ। ঠিক সেই ভয়াবহতা ওর চোখে-মুখে। রক্তজবার মত লাল ছ'টি চোখ, যেন কোন হিংস্র শপথের রেখায় ভয়াল মুখ। তবু লোকটাকে আমি ভালবাসলাম।

ভালবাসার কারণ নির্ণয় করতে পারলাম না, তবে ওকে দেখতে দেখতে, ওর মুখে আধা বাংলা, আধা হিন্দি শুনে শুনে আমি নির্জন পাথুরে পাহাড়ের বুকে ঝর্ণার মিষ্টি গানের সুর শুনে পেলাম, এ কথা সত্য।

রোজকার মত সেদিনও সন্ধ্যাবেলা রামআজ্ঞা এসে বসল আমার কোয়ার্টারে। কথায় কথায় জিজ্ঞেস করলে, বহু রোজ ত হয়ে গেল বাবুজী, তিন মাহিনা খতম হোল, আভি ত আপকা দিল আচ্ছা হয়েছে ?

ওর জিজ্ঞাসার সঙ্গে সঙ্গে মায়ের চোখ ছুঁটি মনে পড়ে গেল। চট করে উত্তর দিতে পারলাম না।

স্নেহ-মমতা-স্তরা ঘরখানার মায়ী, মা বাবা ছোট ভাইবোনের বিচ্ছেদ-যন্ত্রণার উপশম হওয়ার জন্যে তিন মাস সময়কেই কি যথেষ্ট মনে করে রামআজ্ঞা ?

অবিশ্যি তা ও মনে করতে পারে। যে বয়সে হৃদয়ের অনুভূতিগুলো তীক্ষ্ণ থাকে, সে বয়স ও পেরিয়ে এসেছে। তা ছাড়া ওর কঠিন দেহটার মত মনটাও কঠিন হওয়া অস্বাভাবিক নয়।

আমাকে নীরব দেখে একটু হেসে রামআজ্ঞা বললে, আমি সময়তে পারি বাবুজী। ঘর ছাড়কে বাহার যানেসে দিল বহু কাঁকা লাগে। লেकिन কামকা ওয়াস্তে বাহার মে ত যেতেই হবে। হামার লেড়কাঠো ভী ইস মাফিক।

—তোমার ছেলে ? তোমার কয় ছেলে-মেয়ে ?

—একঠো লেড়কা ওঁর একঠো লেড়কী।

—তোমার ছেলেকে ত দেখি নি।

—নেহি বাবুজী। উ ত ইখানে থাকে না। অস্তর খনিমে কাম করে।

—তাই নাকি ?

—হাঁ বাবুজী। হামার লেড়কা উধার নোকুরী করে। উস্কো উমর ভী আপকা মাফিক হোবে।

মনে পড়ে গেল প্রথম দিনটির কথা।

সেদিন রামআজ্ঞাকে দেখে আমি যেমন অবাক হয়েছিলাম, সহজে চোখ ফেরাতে পারি নি, রামআজ্ঞাও তেমনি আশ্চর্য্য দৃষ্টি মেলে চেয়ে ছিল আমার দিকে,—চট করে চোখ নামাতে পারে নি।

আমার ওপর রামআজ্ঞার প্রীতিটাকে এতদিন আমি অল্প ভাবেই নিতে চেয়েছিলাম। ভেবেছিলাম, আমি ওর ওপরওলা, চাকরির খাতিরেই ও বুঝি আমার তোমাজ করে। আজ বুঝলাম, ও কবিগুরুর ‘কাবুলী-ওয়ালী’ গল্পের রহস্য। তাই ও রোজ আসে আমার কাছে। রামআজ্ঞাকে জিজ্ঞেস করলাম, তোমার ছেলে অপ্রখনিতে কত দিন কাজ করছে ?

—দো বরষ। আভিতক উস্কো দিল আচ্ছা নেই হয়েছে। চিঠিমে লিখে—হামি নোকুরী ছোড়ে দিব।

রামআজ্ঞার ছেলের অবস্থা দেখছি আমারি মত।

মাঝে মাঝে যখন ঘরমুখী মনটা ঘরের জন্ত ছটফট করে ওঠে, তখন ভাবি, ছস্তোর ছাই। দিই চাকরি ছেড়ে।

তবু, যেন ভয়ানক আশ্চর্য্য হয়ে গেছি এমনি ভাবে জিজ্ঞেস করলাম, তাই নাকি ?

রামআজ্ঞা হাসতে হাসতে বললে, উ লেড়কা পাগলা আছে বাবু। হামি ভী লিখ দিইছি,—নোকুরী ছোড়বে ত হামি তুমার হাড্ডিসে মাস খুলিয়ে লিবো। হাঁ-আ।

চেয়ে রইলাম ওর মুখের দিকে। ওর হাসিটার মধ্যে একটু কোমলতা খুঁজতে চাইলাম, পেলাম না।

কে জানে কাবুলীওয়ালী রহস্য তার মেয়ের গায়ের মাংস খুলে নিতে পারত কি না, রামআজ্ঞাও সত্যি পারে কি না জানি না, কিন্তু ওর হাসিটা!

কেমন একটা মর্মান্তিক যন্ত্রণায় আমার সমস্ত অন্তরটা ছটফট করে উঠল।

মাস দুয়েক পরে সেদিন ক্যান্টিনে নিজেই চেয়ারে বসে চিঠি পড়ছিলাম।

এই মাত্র ডাক বিলি হয়েছে। বাড়ী থেকে মা'র চিঠি এসেছে। হাতের কাজ ফেলে রেখে তাড়াতাড়ি চিঠিখানা খুললাম। বাহুজ্ঞানপূত্র হয়ে খুঁকে পড়লাম চিঠির ওপর।

তার পর কখন যে নিজেকে ভুলে গেছি, সাদা কাগজের ওপর কয়েক লাইন লেখা ছাড়া সমস্ত পৃথিবীটা লুপ্ত হয়ে গেছে আমার সামনে, টের পাই নি। হঠাৎ একটা তীক্ষ্ণ আর্ন্তনাদ উত্তপ্ত ছুরির ফলার মত ছুটে এসে বিঁধে ফেলল আমার নিবিষ্ট মনটাকে। আমার বুকের ভিতরটা হিম হয়ে গেল।

—কে কাঁদছে ? কেন কাঁদছে ? এমন আর্ন্তনাদ করছে কেন ? কোন দুর্ভটনাই কি ঘটল ?

এই ত মাসখানেক আগে শিয়ারিং মেশিনে কপার প্লেট কাটতে গিয়ে—

মহা আতঙ্ক বুকে নিয়ে বেরিয়ে এলাম ঘর থেকে।

সেক্ষণের এক কোণ থেকে আর এক কোণ পর্যন্ত ছড়িয়ে পড়েছে আঁস। পাগলের মত ছুটোছুটি করে সবাই চলেছে কোন্ড স-এর দিকে। ওদের হৃদপিণ্ড কাঁপছে ধর ধর করে, মুখগুলি বিবর্ণ। সাহস করে কাউকে কিছু জিজ্ঞেস করতে পারলাম না। মানসচক্ষে দেখতে পাচ্ছি চাপ চাপ রক্ত।

সেই রক্ত-সমুদ্রে পড়ে একটি অসহায় মানুষ অসহ

বহুগায় হটকট করতে করতে প্রাণ-ফাটা চীৎকার করছে, হায় রামজী।

ত্রিবেদী আর মিঃ গাঙ্গুলীও বেরিয়ে এসেছেন তাঁদের আফিস ঘর থেকে। ব্যস্ত পায়ে ওরা ছুটে এলেন আমার কাছে।

পাংগু মুখে জিজ্ঞাসা করলাম, কি হয়েছে? কোন দুর্ঘটনা কি?

ত্রিবেদী বললেন, দুর্ঘটনা বলেই ত মনে হচ্ছে। কিন্তু—

সামনে একজনকে দেখে ত্রিবেদী জিজ্ঞেস করলেন, এই যে রঘুনাথ, কে কাঁদছে? কি হয়েছে?

রঘুনাথ ভয়ে স্তব্ধ হয়ে চেয়ে রইল এক মুহূর্ত। তার পর ভাঙা ভাঙা গলায় বললে, কি জানি। বোধ হয় রাম-আজ্ঞা কাঁদছে।

—রামআজ্ঞা কাঁদছে? কেন? কি হয়েছে?

তিনজনে এক সঙ্গে সবিস্ময়ে জিজ্ঞেস করলাম।

আতঙ্কে রঘুনাথের মুখ ফ্যাকাশে! সে কোন মতে বললে, জানি নে হজুর। আমি ফার্নেস-এর কাছে ছিলাম।

বেশী প্রশ্নোত্তর শোনার মত বৈধি ছিল না। তিন-জনেই ছুটলাম কোন্ড স-এর দিকে।

কিন্তু রামআজ্ঞা কাঁদছে, এ যে বিশ্বাস করতে পারি না। ও অমানুষিক পরিশ্রম করতে পারে, ছেলের হাড় থেকে মাংস খুলে নিতে পারে, নিজের হাতের আঙ্গুল কেটে ছ'টুকরো হয়ে গেলে হাসতে পারে, কিন্তু কান্না! তাও এমন চীৎকার করে? এমন মর্মান্তিক আর্ন্তনাদ করতে পারে রামআজ্ঞা!

না জানি কি বীভৎস দৃশ্য গিয়ে দেখব। হয়ত দেখব রোলিং মিলের চাপে পড়ে ওর অর্ধেকটা শরীর খেঁৎলে গেছে, কিংবা ফার্নেস-এর আগুনে ঝলসে গেছে ওর সর্কাজ! ওর আধ-পোড়া বিকৃত দেহটা সেকুশানের মেঝের আছাড়ি-পিছাড়ি খাচ্ছে, পরিত্রাহি চীৎকার করে কাঁদছে রামআজ্ঞা—

—আ-হা-হা-হা! হায় রামজী, এ তুম কেয়া কিয়া? তুম মেরে জিন্গী বরবাদ কর দিয়া।

হুঃস্থপের মত ভয়ানক চিন্তাটা আমার শ্বাস রোধ করে দিল। অবশ পা ছ'খানাকে টেনে নিষে পৌঁছলাম শিয়ারিং মেশিনের কাছে।

মেশিনের এ পাশে মস্ত ভীড়। সেকুশানের যে যেখানে আছে সবাই উর্ধ্ব মুখে ছুটে এসে ভীড় করে দাঁড়িয়েছে। সবাই বাক্যহারা। ছবির মত দাঁড়িয়ে

আছে। বিস্ময় আর ভয়ের ছাপ ওদের মুখে। ভীড়ের মাঝখান থেকে উঠছে আর্ন্তনাদ। আমাদের দেখে ভীড়টা ছ'পাশে সরে পথ করে দিল। ত্রিবেদী আর মিঃ গাঙ্গুলী এগিয়ে গেলেন আগে, ওদের কাঁধের ওপর দিয়ে আমি মুখ বাড়লাম।

সুস্থ অক্ষত দেহ রামআজ্ঞা মেঝের ওপর উপুড় হয়ে কপাল কুটেছে, হাউ হাউ করে কাঁদছে। হরকিষণ, বনমালী খুঁকে পড়ে গুণ-ব্যাকুল কঠে জিজ্ঞেস করছে, ক্যা হয়? রোতা কাঁহে?

মিঃ গাঙ্গুলীর পিছনে দাঁড়িয়ে আঁতি পাঁতি করে খুঁজলাম, আঘাতটা ওর কোথায়?

না, আঘাত ওর সারা দেহের কাথাও খুঁজে পেলাম না। শুধু ডান হাতের তর্জ্জীতে মথলা ব্যাণ্ডেজ জড়ানো। সেই ব্যাণ্ডেজ জড়ানো হাতে রামআজ্ঞা মেঝের খুঁশি মারছে, মাথা কুটেছে, হা-হা করে কাঁদছে, মেরে জিন্গী বরবাদ কর দিয়া। হায় রামজী!

সপ্তাহখানেক আগে আমার জিজ্ঞাসার উত্তরে রাম-আজ্ঞা একটু হেসে বলেছিল, রামজীকি কিরুপা বাবুজী।

সমস্ত ঘটনা-দুর্ঘটনা গুণ-গুণের ওপর রামজীর অদৃশ্য হাতের স্পর্শ আছে বলে রামআজ্ঞার বিশ্বাস। সেদিন তাই বলেছিল, রামজীকি কিরুপা। আজও সেকুশানের মেঝের মাথা কুটে কুটে কাঁদছে আর বলছে, হায় রামজী, তুম মেরে জিন্গী বরবাদ কর দিয়া!

কিন্তু অমন শক্তিশালী প্রচণ্ড মামুষটার এমন অসহায় ভাব যেন সহজে পারি না। মনের মধ্যে বড় বেদনা অনুভব করি। সেই মুহূর্তে মনে হয়, আমি ওর চেয়েও অসহায়। রামআজ্ঞা রামজীকে একান্ত ভাবেই বিশ্বাস করে। তাই তাঁর নিয়মকে যেনে নেওয়ার মত শক্তিও ওর আছে। কিন্তু আমার? থাক, নিজের কথা থাক। রামআজ্ঞার আঘাতটা কোথায়? তর্জ্জীর ঘাটা ত শুকিয়ে এসেছে। একরকম সেরেই গেছে। চোট খেয়েও তাই এক বিন্দু রক্ত ঝরছে না। অথচ মাত্র এক মাস আগে ঠিক এই জায়গাতেই রক্তশোতের মধ্যে সেদিন রামআজ্ঞা বসে ছিল অবিচলিত মুখে।

আমি অবাক হয়ে গেছিলাম ওর মুখের দিকে চেয়ে। বিবর্ণ মুখে মাত্র একটি কথাই জিজ্ঞেস করতে পেরেছিলাম, রামআজ্ঞা? মাথাটা একটু সামনের দিকে খুঁকিয়ে হাঁটু ভেঙে বসেছিল রামআজ্ঞা। আমার গলার আওয়াজে মুগ্ধ তুলে তাকাল। আমার দেখলেই ও যেমন খুশী হয়, তেমনি খুশিতে ওর চোখ-মুখ ঝলমল করে উঠল। শান্ত হেসে বললে, হাঁ বাবু, আঙ্গুলঠো ক্যামসে

চলিয়ে গেল শিয়ারিং মেশিন কা নীচুমে, উপরসে বিলেড়্ঠা গিরে গেল—

যেন খুব সাধারণ একটা ব্যাপার ও আমার বোঝাচ্ছে। আমি কিন্তু শিউরে উঠলাম। আমার গলা দিয়ে ভীতি-পূর্ণ আর্ন্তনাদ বেরিয়ে এল, ইস্, এ কি করেছ রামআজ্ঞা!

সেদিনও ঠিক আজকের মত ছুটে এসেছিলাম শিয়ারিং মেশিনের কাছে। রামআজ্ঞাকে ধিরে সেদিনও এমনি ভাবে নিঃশব্দ জনতা ভীড় করেছিল।

সেদিন ওর চীৎকারে বা কান্নার আওয়াজে আমি ছুটে আসি নি। মিস্ত্রী কানাইলাল ছুটে গিয়ে ভয়ার্ত মুখে আমার সংবাদ দিয়েছিল, বাবু, শিয়ারিং মেশিনে রামআজ্ঞার আঙ্গুল কেটে গেছে।

—কি সর্বনাশ!

লাফ দিয়ে চেয়ার ছেড়ে উঠে দাঁড়িয়েছিলাম। শিয়ারিং মেশিনে আঙ্গুল কেটে গেছে! ওটা যে কপার প্লেট কাটা ব্রেড। ওর তলায় কপার প্লেট না পড়ে মানুষের আঙ্গুল পড়ল! উঃ!

ভাবতে গিয়ে আমার সর্বাস শিউরে উঠেছিল। পাগলের মত ছুটে গেছিলাম। যেতে যেতে ভেবেছিলাম রামআজ্ঞা বোধ হয় অজ্ঞান হয়ে গেছে।

তুধুই ত দেহের যন্ত্রণা নয়, একটা অঙ্গচ্ছেদ। বিশেষ যে আঙ্গুলের সাহায্যে ও একটা পরিবারের রুটি-রোজগার করে, সেই আঙ্গুল চলে গেলে দৈহিক যন্ত্রণার চেয়ে মানসিক যন্ত্রণাই বড় হয়ে ওঠে। সে যন্ত্রণা দুঃসহ। অজ্ঞান হয়ে যাওয়াটা এমন কিছু অস্বাভাবিক ব্যাপার নয়। কিন্তু অবাক হয়ে গেলাম রামআজ্ঞার কাছে পৌঁছে। শিয়ারিং মেশিনের পাশে ঋনিকটা রক্ত-স্রোতের মধ্যে ও বসে আছে নির্ধিকার মুখে। বাঁ হাতে চেপে ধরেছে ডান হাতের তর্জনী, আঙ্গুলের কাঁক দিয়ে ঝরু ঝরু করে রক্ত ঝরছে।

আমায় দেখে ও বললে, হামার কসুর ছিল বাবুজী। দিলঠো আচ্ছা নেই।

রক্ত দেখে আমার মাথা ঘুরে উঠেছিল। সেটা সামলে নিয়ে কোভের সঙ্গে বললাম, রামআজ্ঞা, ডান হাতের তর্জনীটা চলে গেল!

হেসে উঠে রামআজ্ঞা বললে, মৎ ডরিয়ে বাবুজী। ইয়ে দেখিয়ে, আগাসে খোড়া গিয়েছে। হামি জরুর কাম করতে পারবে।

আঙ্গুলের দিকে চেয়ে শিউরে উঠলাম। তর্জনীর মাথাটা প্রায় পুরো একটা গাঁট সম্পূর্ণ আলাদা হয়ে

পাতলা চামড়ার সঙ্গে লেগে রক্তাক্ত অবস্থায় ঝুলছে। কাটা জায়গা থেকে ফিন্‌কি দিয়ে রক্ত ছুটেছে। ছুটো গাঁট নিয়ে বাকী আঙ্গুলটা কাঁপছে ঝরু ঝরু করে।

অঙ্গচ্ছেদে অঙ্গ কাঁপছে। যেন বিষোগবেদনার নিঃশব্দে ফুলে ফুলে কাঁদছে। রামআজ্ঞা নির্ধিকার। ওর মুখের ভাব দেখে বোঝার উপায় নেই যে, ওর আঙ্গুলের মাথাটা কেটে আলাদা হয়ে গেছে, বা সেজ্ঞে কোন য.ণা আছে। একটা আঙ্গুল যে ওর অকর্ষণ্য হয়ে গেল, সেজ্ঞে কোন আফশোষ নেই।

চামড়ার সঙ্গে ঝোলা আঙ্গুলের মাথাটা বাঁ হাতে ধরে আমার দেখিয়ে বললে, ইয়ে দেখিয়ে বাবুজী। খোড়াসে গিয়েছে।

কি সর্বনাশ! ব্যথা-বেদনা আফশোষ ত নেই-ই— উপরন্তু গর্বের ভাব!

আমি বিচলিত হয়ে পড়লাম। ব্যস্ত হয়ে বললাম, আঙ্গুলটা চেপে ধর রামআজ্ঞা। রক্ত পড়ছে।

একটু হেসে রামআজ্ঞা বাঁ হাতে আঙ্গুলটা চেপে ধরল।

ইতিমধ্যে ডাক্তারবাবু আর মিঃ গাঙ্গুলীকে নিয়ে ত্রিবেদী এসে হাজির হলেন। রামআজ্ঞার আঙ্গুল দেখে ওরা রিপোর্ট লিখে নিলেন। ডাক্তারবাবু তাঁর মতামত লিখে দিলেন। তারপর রামআজ্ঞাকে নিয়ে ডাক্তারবাবু চলে গেলেন হাসপাতালে, আমি ফিরে এলাম নিজের জায়গায়।

ফিরে এলাম বটে, কিন্তু রামআজ্ঞার নিশ্চিন্ত ভাবটা কেমন রহস্যজনক মনে হ'ল।

মানলাম ওর সহশক্তি বেশী। কিন্তু খেটে-খাওয়া মানুষ ও। ডান হাতের তর্জনীটা ওর অকর্ষণ্য হয়ে গেল, ও কি ঐ হাতে আর কাজ করতে পারবে? ফ্যাক্টরীর চাকরিটাই কি ওর থাকবে? পাশের টেবিলের কেরাণী মিঃ বোস বিশ্বয়ের সঙ্গে বললেন, রামআজ্ঞার মত এক্সপার্ট লোকের এ্যাক্সিডেন্ট! আশ্চর্য্য!

মিঃ বোসের কথায় মুখ ফিরিয়ে তাকলাম।

—অবাক হয়ে যাচ্ছেন? কি জানেন, রাম আজ্ঞা মহা ষড়্‌ভিষাক লোক। আঙ্গুলটা একেবারে মাপ মতই কেটেছে।

ঘুরে বসলাম মিঃ বোসের দিকে মুখ করে।

রহস্যময় হাসিতে মিঃ বোসের ঠোঁটটা একটু বঁকে গেল। বললেন, ওইটুকু আঙ্গুলের বদলে টাকা পাবে দু'হাজার।

—তাই নাকি?



মনে মনে ভাবলাম, ক্ষতিপূরণ রামআজ্ঞা হয়ত পাবে, কিন্তু ওর চাকরি !

—হ্যাঁ মশায়। ওইটুকু কেটেছে বলেই বেশী টাকা পাবে। সবটা আঙ্গুল গেলে ত কম পেত। তা ব্যাটা মহা চালাক।

সংশয়ভরা গোখে চেয়ে রইলাম মিঃ বোসের মুখের দিকে। সেটা লক্ষ্য করে উনি বললেন, আপনি ত মশায় সবে ঢুকেছেন। নিয়ম-কাহ্নন কিছুই জানেন না। আমি চাকরি করছি আজ সাত বছর। আমাদের চেয়ে লেবারগুলো অনেক বেশী ভাগ্যান্বী। ওরা ঝট্ ঝট্ প্রমোশন পায়, একটু কেটে-ছড়ে গেলে ক্ষতিপূরণ পায়। কি কক্ষণে যে মশায় এই ফেরাণীর চেয়ারে বসেছিলাম !

জিজ্ঞেস করলাম, আজ্ঞা, ওর চাকর নিয়ে কোন-রকম গোলমাল, মানে ডান হাতের আঙ্গুল—

—সে মশায় বুড়ো আঙ্গুল। সেদিক দিয়ে বেঁচে গেছে। চাকরি ওর ঠিক থাকবে। চাই কি প্রমোশন-ই হয়ে যাবে। এদিকে আবার কড়কড়ে দু'হাজার টাকা। হতভাগা সকাল বেলা জানি কার মুখ দেখে কাজে এসেছিল। ধুব জিতে গেল।

সত্যিই জিতে গেল রামআজ্ঞা। মিঃ বোসের কথা সত্যি হলে জিতে গেল বৈ কি? কিন্তু ও কি ইচ্ছা করে শিয়ারিং মেশিনের তলায় আঙ্গুলের মাথাটা ঢুকিয়ে দিয়েছিল? তাই কি কখনও সম্ভব? সে কি কেউ পারে?

রামআজ্ঞার মত দক্ষ কর্মী সেক্ষানে আর একটিও নেই, সে কথা সত্যি। ওর এ ধরণের এক্সিডেন্ট সত্যিই আশ্চর্যের। কিন্তু ভুল ত মাহুদ মাত্রেই হয়। হয়ত ও অশ্রমনস্থ ছিল, মন ভাল ছিল না।

রামআজ্ঞা যত বড় নিষ্ঠুরই হোক না কেন, ক্ষতি-পূরণ পাওয়ার জন্তে নিজের আঙ্গুল ব্রেডের তলায় ঢুকিয়ে দেবে, এ কথা বিশ্বাস করতে মন রাজি হ'ল না।

দিন কুড়ি বাদে রামআজ্ঞা ফ্যাক্টরীতে হাজিরা দিল। আমায় দেখে ব্যাণ্ডেজ-বঁধা হাতখানা কপালে ঠেকিয়ে হাস্তোজ্জ্বল মুখে বললে, নমস্কে বাবুজী।

জিজ্ঞেস করলাম, কেমন আছ রামআজ্ঞা? আঙ্গুলটা সেরেছে?

—হ্যাঁ বাবু! বিলকুল আচ্ছা হোয়ে গিয়েছে।

—ব্যথা-বেদনা নেই ত?

রামআজ্ঞা হেসে বললে, নেই বাবু। বেথা থাকবে কাঁহে?

কাঁহে গিয়ে জিজ্ঞেস করলাম, তুনলাম তুমি নাকি অনেক টাকা পাবে?

আমার প্রশ্নে রামআজ্ঞা অদ্ভুত দৃষ্টিতে চেয়ে রইল আমার মুখের দিকে। একটু হেসে নরম স্বরে বললে, রামজীকি কিরুপা বাবুজী। রুপায়াকে নিয়ে লেডকী-ঠোর সাদী দিতে পারছিলাম নাই।

হতবুদ্ধি হয়ে চেয়ে রইলাম ওর মুখের দিকে।

ও হয়ত বুঝতে পারল আমার মনোভাব। গম্ভীর ভাবে বললে, কোম্পানীকা কাহ্নন এইসাই হায় বাবুজী।

—ও। তা সে ত অনেক টাকা—

—হ্যাঁ বাবুজী। দু' হাজার রুপায়। লেডকীঠো বহৎ বড় হয়ে গিয়েছে। আভী উস্কো সাদী দিয়ে দিবো। মোব রুপায়। সাদীমে খোরোচ করবে।

বলতে বলতে রামআজ্ঞার মুখখানা উজ্জ্বল হয়ে উঠল। বাঁ হাতে কাটা আঙ্গুলটাতে পরম স্নেহে হাত বুলোতে লাগল। যেন মেয়ের গায়েই ও হাত বুলোচ্ছে।

হতভম্ব হয়ে চেয়ে রইলাম ওর মুখের দিকে।

একবার মনে হ'ল, ভাল ধরে মেয়ের বিয়ে দেওয়ার জন্তই বোধ হয় রামআজ্ঞা ইচ্ছা করে ব্রেডের তলায় আঙ্গুল ঢুকিয়ে দিয়েছিল। তাই সেদিন যন্ত্রণা অসুভব করতে পারে নি। একটু আর্জনা দ করে নি।

কিন্তু আজ এমন আর্জনা দ করছে কেন? সেক্ষানের মেঝের মাথা কুটে কুটে চীৎকার করছে কেন, হায় রামজী? তুম মেরা জিন্দগী বরবাদ কর দিয়া!—যেন ওর বুকটা কেউ ছুরি দিয়ে চিরে ফেলে খুদপিগুটা উপড়ে নিয়েছে।

এগিয়ে গেলাম কাঁহে। নীচু হয়ে ডাকলাম, রাম-আজ্ঞা, ওঠ। উঠে বস। কি হয়েছে? কাঁদছ কেন?

আমার গলার আওয়াজে ও ধড়মড় করে উঠে বসল। কাহ্না থামিয়ে এক মুহূর্ত চেয়ে রইল আমার মুখের দিকে। তার পরেই—বাবুজী মেরা লেডকা—বলে হাউ হাউ করে কেঁদে টেলিগ্রামখানা বাড়িয়ে দিল আমার দিকে।

দিন-দুয়েক বাদে ছুটির পর ফ্যাক্টরী থেকে বেরুচ্ছি, দেখি গেটের পাশে রামআজ্ঞা সাইকেল নিয়ে দাঁড়িয়ে আছে।

ছেলের সৃত্যু-সংবাদ আশার পর রামআজ্ঞা সাত দিনের ছুটি নিয়েছে। ফ্যাক্টরীর সামনে ওকে দেখে একটু অবাক হলাম।

ও এগিয়ে এল আমার কাছে। মাথা নীচু করে  
আস্তে আস্তে বললে, বাবুজী, সাইকেলটা নিয়ে এসেছি।

ও যে কি বলতে চায় বুঝতে পারলাম না। জিজ্ঞেস  
করলাম, কেন? কি হবে সাইকেল দিয়ে?

রামআজ্ঞা একবার চোখ তুলে তাকাল আমার  
মুখের দিকে। সঙ্গে সঙ্গে চোখ নামিয়ে মূহুরে বললে,  
হামি ত সাত রোঙের ছুটি লিয়েছি বাবু। সাইকেলটা  
ঘরমে পড়িয়ে আছে। আপনে লিখে যান। ধূপমে  
আপনের ত বহু কোঠো হোয়।

মাঝে মাঝে ফ্যাক্টরীতে যাতায়াতের পথে রাম-  
আজ্ঞার সঙ্গে দেখা হলে এক রকম জোর করেই ও  
আমার সাইকেলের পিছনে তুলে নিয়েছে। কিন্তু  
এমন ভাবে সাইকেল নিয়ে কোনদিন আমার জন্তে  
দাঁড়িয়ে থাকে নি। এমন কি আঙ্গুল কাটা যাওয়ার পর  
ও যখন দিন-কুড়ি ছুটিতে ছিল, তখনও সাইকেলটা ঘরে  
পড়ে আছে বলে আমার জন্তে ফ্যাক্টরীর দরজায় অপেক্ষা  
করে নি। অথচ, আজ—

বললাম, মিছে ব্যস্ত হচ্ছ রামআজ্ঞা। কোয়ার্টার  
ত কাছেই। সাইকেল আমার লাগবে না।

—বাবুজী!

এমন করুণ স্বরে রামআজ্ঞা আমার ডাকল, এমন  
কাতর দৃষ্টিতে চেয়ে রইল আমার মুখের দিকে যে, একটি  
মাত্র ডাকে, একটুখানি চাউনিতে আমি ওর শূন্য-মনের  
দৈন্তটা বুঝতে পারলাম।

সাইকেলটাতে আমার প্রয়োজন না থাকতে পারে,  
কিন্তু সন্ত পুত্রহারা বাপের স্নেহ-করুণ আবেদনটাকেই বা  
অগ্রাহ্য করি কি করে? রামআজ্ঞার হাত থেকে  
সাইকেলটা টেনে নিলাম।

ও একটু শূণী হ'ল। বললে, বহু ধূপ আছে বাবুজী।  
আপনার ত বোডো কোঠো হোয়। ইসলিয়ে হামি  
সাইকেলটা নিয়ে এসেছি।

বলতে বলতে রামআজ্ঞার চোপ ছুঁটো ছল ছল করে  
উঠল। ওর মুখের দিকে চেয়ে মনে হ'ল, রামআজ্ঞা  
জীবনে চরম আঘাত পেয়েছে সত্য, কিন্তু তাতে ওর  
জিহ্বা বরবাদ হয়ে যায় নি। ওর মনের স্নেহ-ধারাটি  
ওকিয়ে যায় নি। বরং এই আঘাতে উত্তাল হয়ে ওর  
পাথুরে দেহটার ভেতর থেকে বেরিয়ে আসার জন্তে পথ  
খুঁজে মরছে।

এতদিন যে স্রোত ছিল একমুণী, এখন সেটা সহস্র  
ধারায় বিভক্ত হয়ে ছড়িয়ে পড়ছে। তারই একটি ধারায়  
আমি এই মুহূর্তে স্নান করে উঠলাম।

এর পর মাসদুয়েক কেটে গেছে। নির্দিষ্ট সময়ে  
রামআজ্ঞা ফ্যাক্টরীতে জ্বেন করেছে। বিরাট শরীরের  
বিপুল শক্তিটাকে, অসীম কর্মদক্ষতাকে আগের মতই  
কাজে লাগাচ্ছে।

ওর ছেলের মৃত্যুটা পুরণো খবর হয়ে গেছে। নুতন  
খবর—ও মেয়ের বিয়ের জন্তে চেষ্টা করছে।

আগের মতই সন্ধ্যাবেলা ও আমার কোয়ার্টারে এসে  
বসে। ওর আগ্রহে কোয়ার্টারের সামনে ক'টা ফুলের  
চারা লাগিয়েছি, সেগুলোর পরিচর্যা করে। সেই সময়  
একদিন একখানা চিঠি আমার হাতে দিয়ে বললে,  
দেখিয়ে ত বাবুজী, এ চিঠিমে কি লিখা আছে।

চিঠিখানা হাতে নিয়ে দেখতে গিয়ে মনে পড়ে গেল  
রামআজ্ঞার ছেলের মৃত্যুটাকে। লরীর ড্রাইভার ছিল  
সে, ট্রাক উলটিয়ে খাদের মধ্যে পড়ে গেছিল, আর  
তাতেই—

রামআজ্ঞার ছেলেকে আমি দেখি নি। শুধু জানি  
সে ছিল—এখন নেই। তার থাকা-না-থাকা দুই-ই  
আমার কাছে সমান। তার জন্তে কোনদিন মনের  
মধ্যে বেদনা বা কাতরতা অহুস্তব করি নি। কিন্তু রাম-  
আজ্ঞাকে আমি কি বলব?

—অভূতর খনিমে লিখা ছায় বাবুজী?

বেদনাত্ত দৃষ্টিতে তাকালাম ওর মুখের দিকে।  
আড়ষ্ট খাড়টাকে একটু নাড়লাম।

—কি লিখিয়েছে বাবুজী? অংরেজী হামি খোড়া  
খোড়া পড়তে পারি, লেकिन—

—ওরা তোমায় কতগুলো জিনিষ পাঠিয়েছিল—

—জিনিষ!

রামআজ্ঞার চোখের দৃষ্টিটা দ্বান হয়ে উঠল।

—হ্যাঁ। একটা শার্ট, একটা ফুল প্যান্ট, তিনটে  
সিগারেট সুদ্ধ একটা চারমিনারের প্যাকেট, ফেন্ট্‌হাট,  
একখানা চিরুণী, একখানা ক্রমাল—

আমার গলার স্বরটা বুজে গেল।

রামআজ্ঞা স্তব্ধ দৃষ্টিতে চেয়ে রইল আমার দিকে।  
নির্ঝকু ওর কণ্ঠ, নিষ্পন্দ দেহ।

—অভূতর থেকে জিনিষগুলো পাঠিয়েছিল।  
পেয়েছ কি না জানতে চেয়েছে।

ছোট্ট একটা দীর্ঘশ্বাস ফেলে রামআজ্ঞা ঘাড় নাড়লে,  
বললে, পেয়েছি বাবুজী। লেकिन ও সামান হামি ঘরমে  
লিতে পারি নি। উপার যো একঠো খদ আছে, উসিমে  
ফেক দিয়েছি।

একমাত্র ছেলের শেষ স্মৃতি ফেলে দিয়েছে রাম-  
আজ্ঞা ! জিজ্ঞেস করলাম—ফেলে দিয়েছ ?

—হাঁ বাবুজী। ও সামান হামার লেড়কার।  
লেড়কাঠো উধার মরিয়ে গেলো, তো উসকো সামান  
কোম্পানী ভেজলো হামার পাসমে। এহি কোম্পানীক  
কাহুন। লেকিন হামারা ভী কাহুন আছে বাবুজী।

বিস্মিত দৃষ্টিতে তাকালাম ওর মুখের দিকে।

—বাবুজী, হামারা ঘরমে বুড্ডী মা আছে—বহু  
আছে। উ লোগ বহুং রোয়। এ সামান দেখনেসে  
উ লোগ রোতে রোতে অন্ধা হয়ে যাবে। মরু  
যাবে বাবুজী।

হু'হাতে মুখ ঢেকে রামআজ্ঞা বসে পড়ল মোড়ার

ওপর। আমি চেয়ে রইলাম ওর দিকে। দেখলাম  
ওকে। দেখলাম, একটি বিরাট বটগাছ,—মূল কাণ্ডটি  
বিনষ্ট হয়ে যাওয়ার পরও শত শত বৎসর ধ'রে বেঁচে  
রয়েছে। তার শাখা-প্রশাখা ঝুড়িপাতা বিস্তার করে  
অনেকখানি জায়গা ছায়া-স্বশীতল করে রেখেছে। একশো  
ছ'শো হাজার বছর ধ'রে ও বেঁচে থাকবে। বেঁচে  
থাকবে রামআজ্ঞা।

শত সহস্র যুগ আগে, সেই আদিম যুগে রামআজ্ঞা  
জন্মেছিল মাহুম নাম নিয়ে, আজও বেঁচে আছে।  
লক্ষ লক্ষ বৎসর পরে, পৃথিবীর শেষ দিনটি পর্য্যন্ত ও  
বেঁচে থাকবে। বেঁচে থাকবে মাহুম নামে সমস্ত মাহুমের  
মধ্যে।

## বাংস্যায়নের কালে নাগরক জীবন

শ্রীক্ষেত্রমোহন বসু

ঐতিহাসিকদের মত এই যে, খ্রীষ্টীয় তৃতীয় শতাব্দীর  
রচনা হইল বাংস্যায়ন-প্রণীত কামসূত্র। কামকলার  
নানা অলিগলিনির্দেশক গ্রন্থ হইলেও ইহাতে প্রাচীন  
ভারতীয় সমাজ-জীবনের অনেক অজ্ঞাত রহস্য উদ্ঘাটিত  
হইয়াছে। ইহাতে নাগরকের স্মৃতিচঞ্চল জীবন  
সম্বন্ধে বিবরণ আছে, যেমন তাঁদের বাসভবন, বাগান-  
বাগিচা, আমোদ-প্রমোদ, সুরচি-সংস্কৃতি। 'নাগরক-  
বৃত্তম্' নামক অধ্যায়টিতে শহরে মাহুমের গুণাগুণ—  
তাঁদের চাতুর্য, তাঁদের শাঠ্য সম্বন্ধে কথা আছে।  
বাংস্যায়নের সময়ে বারা সাধারণ লোকের চেয়ে কিছুটা  
বিশেষত্ব লাভ করিত—অর্থাৎ মেধায়, বিদ্যায়, শিল্পকলায়  
দক্ষতা অর্জন করিত—তারা নগরেই আকৃষ্ট হইত, এবং  
কোন রাজারাজড়ার পৃষ্ঠপোষকত্বে চাকরি পাইত, অথবা  
কোন ধনী নাগরকের আওতায় আসিয়া বিদূষক বা  
বৈহাসিকের পদে বাহাল হইত, অথবা, কোন শিল্পপতি  
বা বণিকের সম্বন্ধে নাগ লিপ্যইত, অথবা, পৌরসভার  
সভ্য হইত।

শহরে জীবনের আনন্দশ্রোতের প্রতি এই যে প্রবল  
আকর্ষণ, তাহা হইতে মনে হয় যে, ভারতের প্রাচীনযুগে  
শহরের সংখ্যা অল্প ছিল না। ঋগ্বেদে গ্রাম, গ্রামীণ,

মহাগ্রাম ও পুরের কথা আছে; পরবর্তী বৈদিক  
সাহিত্যে, যথা মানবগৃহ্যসূত্রে, গ্রাম, নগর ও নিগমের  
উল্লেখ আছে; পাণিনির সূত্রে নগর ও নাগরকের  
দৃষ্টান্ত আছে; মেগাস্থিনিসের বিবরণ ও কোটিল্যের  
অর্থশাস্ত্রে বড় বড় শহর ও তাদের পৌরসংস্থা ও পৌর-  
শাসন-পদ্ধতির বিবৃতি পাওয়া যায়; দৌদ্ধজাতক ও  
অন্যান্য পালিপুস্তকে অসংখ্য নগর ও তাদের রাষ্ট্রীয়  
শাসন-সংক্রান্ত ইতিহাস আছে—যথা, মিলিন্দ-পন্থোতে  
'শাকল'-পুরী সম্বন্ধে চমৎকার বর্ণনা আছে, অশ্বঘোষের  
বুদ্ধচরিত ও ললিতবিস্তরে সে যুগের অনেক সমৃদ্ধ নগরের  
পরিচয় মিলে।

বাংস্যায়নের কাল গুপ্ত-পূর্ব হওয়ায় সে-সময় ছোট-  
বড় শহরের সংখ্যা বড় কম ছিল না; কারণ, ভারতে  
তখন একচ্ছত্র সম্রাট না থাকায় উহা অসংখ্য ক্ষুদ্র ক্ষুদ্র  
রাষ্ট্রে বিভক্ত ছিল এবং রাজধানীর সংখ্যাও অসংখ্য  
থাকা স্বাভাবিক। এ ছাড়া ব্রাহ্মণ্য, বৌদ্ধ ও জৈন  
ধর্মের পীঠস্থানগুলি বাবসা ও বাণিজ্যের কেন্দ্রস্থল হইয়া  
উঠিয়াছিল। 'ফুনান্-তু-সু-চুয়াং' খ্রীষ্টীয় তৃতীয় শতকের  
একখানা চীনা বই; তাহাতে আছে খ্রীষ্টপূর্ব ৫৩ অব্দে  
কৌশিণ্য ইন্দোচীনে এক ভারতীয় উপনিবেশ স্থাপন

করেন, যেটি বৈদেশিক বাণিজ্য-প্রসারের এক বিশাল কেন্দ্র ছিল। ভারতীয়েরা চীনের সঙ্গে সামুদ্রিক পথে ব্যবসা চালাইত, 'জিনান'-এর (বর্তমান ভিয়েটনাম) মধ্য দিয়া ভারতীয় রাষ্ট্রদূত ইন্দোচীনে গমনাগমন করিত। অশোকের শিলালিপি হইতে জানা যায়, ভারতের সহিত এশিয়া-মাইনর ও অন্যান্য প্রাচীন ভূখণ্ডের বহুদিন যাবৎ যোগাযোগ বর্তমান ছিল এবং কুশানরাজ্য ভারতের উত্তর-পশ্চিমে অনেকটা প্রসারিত থাকায় পূর্ব-পশ্চিমে বাণিজ্যপথ খোলা ছিল, তজ্জন্ম সভ্যজগতের সঙ্গে ভারতের বাণিজ্যসূত্র এক সুদৃঢ় বাঁধনে বাঁধা ছিল। খ্রীষ্টীয় দ্বিতীয় শতাব্দীতে জনৈক কুশানরাজের উপাধি ছিল—“মহারাজ রাজাতিরাজ দেবপুত্র কৈসর-কণিক।” ইহা হইতে ধারণা হয় যে, সে সময়ে ভারতীয়-চৈনিক-রোমান এই ত্রয়ী সভ্যতার সমন্বয় ঘটিয়াছিল। খ্রীষ্টীয় প্রথম শতকে প্লিনি ও দ্বিতীয় শতকে টোলেমি বলিয়া গিয়াছেন যে, সে সময়ে রোমক-সাম্রাজ্যের সঙ্গে ভারতের বাণিজ্য-সংযোগ পুরাদমে চলিয়াছিল। ইহা হইতে সিদ্ধান্ত করা যায় যে, পরবর্তী বাৎস্যায়নের সময়ে ঐ ব্যবসাবাণিজ্য আরও বৃদ্ধি পাইয়াছিল। ‘বাণিজ্যে বসতে লক্ষ্মী’ কথাতেই আছে। প্রাচীন ভারতের সর্বাতিশয়ী ঋদ্ধি নিশ্চয়ই অত্রস্থ নাগরকের জীবনে প্রতিফলিত হইয়াছিল। তাই নাগরকের জীবনের পত্রে-পত্রে যথা, গৃহের মার্জিত পরিকল্পনা, উহার মনোরম আসবাবপত্র, নাগরকের বেশভূষার পারিপাট্য ও অলঙ্কার-মণ্ডনে, খেলাধুলায়, দান-দক্ষিণায়, অর্থ ব্যয়ের অবাধ প্রাচুর্যই দেখা যায়।

নাগরকের বাসভবনের নির্মাণ-কৌশল হইতে গৃহস্থামীর স্বাপত্য-জ্ঞান ও সৌন্দর্য-প্ৰীতি উপলব্ধি হয়, আসবাবপত্র ও প্রকোষ্ঠের কারুকার্য হইতে তাঁর শিল্প-বোধ ও সংস্কৃতির পরিচয় পাওয়া যায়। নাগরকের গৃহটি কোন জলাশয়ের নিকটবর্তী হইতেই হইবে। ইহার দুইটি মহল, অন্তঃপুর ও বহির্বাটিকা। বহির্বাটিতে নাগরকের যাবতীয় সামাজিক ও অর্থনৈতিক কার্য সম্পাদিত হয় ও তিনি অতিথি-অভ্যাগতের সঙ্গে আলাপ-আপ্যায়নে রত থাকেন। গৃহসংলগ্ন বৃক্ষবাটিকাটিতে পুষ্পবৃক্ষ, ফলের গাছ, ভেষজ-উদ্ভিদ এবং রন্ধনের জন্ত শাকসব্জী উৎপন্ন হয়। বাগিচার মধ্যস্থলে কুপ অথবা পুষ্করিণী। বাগিচাটি অন্তঃপুর সংলগ্ন, যাহাতে বাটার গৃহিণী বৃক্ষাদি দেখাওনা করিতে পারেন। বাগিচার ঘুঁথি, জাতী, নবমল্লিকা, জবা, কুরস্কপুষ্প শোভা পাইতেছে ও তাদের সুগন্ধ চারিদিকে আমোদ বিকিরণ করিতেছে। বাগিচার মধ্যে

মধ্যে কুঞ্জ এবং স্থানে স্থানে বিশ্রামের জন্ত চহর নির্মিত আছে।

কোন কোন ধনাঢ্য নাগরকের বিশাল হর্ম্য ও প্রাসাদ থাকিত, যার উন্মুক্ত ছাদে বিহার করিতে করিতে কর্তা ও গৃহিণী নীলাকাশে ভ্রাম্যমান গ্রহনক্ষত্র পর্যবেক্ষণ করিতে পারিতেন। প্রকোষ্ঠগুলির মধ্যে মোজাইক বা মার্বেল পাথরের, এবং প্রবালধচিত। বৃক্ষবাটিকার অভ্যন্তরে ইহাদের আরামের জন্ত “সমুদ্রগৃহ” থাকিত, অর্থাৎ জলাশয়বেষ্টিত শীতল গ্রীষ্মালয়। ভারতের ‘স্বপ্ন-বাসবদস্তা’র এইরূপ সমুদ্রগৃহের উল্লেখ আছে। (পঞ্চম দৃশ্য দ্রষ্টব্য।) কালিদাসের রঘুবংশে ঐরূপ প্রমোদালয়ের কথা আছে—“দীর্ঘিকাঃ গুচমোহনগৃহাঃ” (১৯১২)। আসবাবের মধ্যে নাগরকের শয়নঘরে দুটি সুকোমল কোচ ও তৎপার্শ্বে গুচশয্যা পরিপাটি করিয়া আস্তীর্ণ। শয্যার শীর্ষে ‘কূর্চস্থান’ বা কুলুঙ্গি থাকিত, বোধ হয় তাঁর ইষ্ট-দেবতার মূর্তি রাখিবার জন্ত। কোচের সন্নিহিতে কার্পেটের উপর মস্তক রাখিবার জন্ত গির্দা বা তাকিয়া এবং দাবা ও পাশা খেলার সরঞ্জাম থাকিত। শয়ন-প্রকোষ্ঠের বহির্দেশে অলিন্দে থাকিত পক্ষিখালা, গৃহের নির্জন স্থানে লেদ, বাটালী, করাতজাতীয় যন্ত্র থাকিত, অবসরমত নাড়িয়া-চাড়িয়া আমোদ উপভোগ করিবার জন্ত,—“একান্তে চ তুর্কতক্ষণস্থানমগ্ধাসাং চ ক্রীড়ানাম্” (কামসূত্র।)

নাগরক ছিলেন সে যুগের বেশ ছিমছাম কেতাহরস্ত ব্যক্তি; তাঁর দৈনন্দিন কার্যক্রম সম্বন্ধে বাৎস্যায়ন এক সুন্দর চিত্র দিয়াছেন। প্রাতে শয্যাভ্যাগ, প্রাতঃকৃত্য সমাধান, মুখপ্রক্ষালন ও দস্তমঞ্জন। অতঃপর প্রসাধন ব্যাপারে আত্মনিয়োগ। সেটি কিরূপ বলিতেছি। প্রসাধনের প্রথম বস্তুটি হইল ‘অমুলেপন’, উহা একপ্রকার মিহি করিয়া বাটা চন্দনের সুগন্ধি মলম—‘অচ্ছীকৃতং চন্দনমগ্ধানলেপনং’। এই অমুলেপন খানিকটা দেহে মাখা তাঁর প্রথম কাজ। তার পর, ধূপের মিষ্টগন্ধী ধূমে পরিধেয়বস্ত্র সুগন্ধিযুক্ত করা তাঁর দ্বিতীয় কাজ। অতঃপর কণ্ঠে মাল্যধারণ ও নয়নে অঞ্জন-প্রলেপ এবং অধরোষ্ঠ অলঙ্করণে রঞ্জিত ও মসলাযুক্ত তাখুলচর্বণ করিয়া মুকুরে স্বীয় অমূল্য দেহযন্ত্রের কলাসৌন্দর্য অবলোকান্তে গৃহকর্মে যোগদান। কেশের বিভ্রাসে তাঁর মনোযোগ তীক্ষ্ণ। হস্তে মূল্যবান অঙ্গুরীধারণ। ললিতবস্ত্রে আছে—‘অনেকশতসহস্রমূল্যমঙ্গুলীরকম্’। পরিধেয়বাস দুই প্রহ,—বস্ত্র ও উত্তরীয়। উত্তরীয় কুসুমগন্ধসিক্ত।

প্রাতঃকালীন কর্মশেষে নাগরক প্রত্যহ স্নানান্তিষেক



করিতেন। একদিন অস্তর অঙ্গ-সংবাহন ও কেশ 'উৎসাদন' করিতেন; দুইদিন অস্তর শাবানযোগে ("ফেনক") শরীর প্রক্ষালন করিতেন; তিনদিন অস্তর মুখবিরের নিম্নভাগ (অধর ও চিবুক) পরিষ্কার করা দীর্ঘায়ুর লক্ষণ ("আয়ুস্যম্") বলিয়া বিবেচিত হইত; পাঁচদিন (কদাপি দশদিন) অস্তর ক্ষৌরকার্য-সম্পাদন এই ছিল নিয়ম।

"নিত্যং স্নানং, দ্বিতীয়কমুৎসাদনং, তৃতীয়কঃ ফেনকঃ, চতুর্থকমায়ুস্যম্, পঞ্চমকং দশমকং বা প্রত্যায়ুস্যমিত্যহানম্"  
( সূত্র—১৭ ) ॥

দাড়ি কামান সম্বন্ধে বর্তমান ফুলবাবুদের মত রুচি-বাগীশ না হইলেও, আঙুলের নখ ও দাঁত সম্বন্ধে নাগরক একটু বেশীমাত্রায় যত্নশীল ছিলেন। নখের বিশিষ্ট বাকা ছাঁট ও তাদের কোমলতা, মসৃণতা ও পরিচ্ছন্নতার দিকে তাঁর তীক্ষ্ণদৃষ্টি ছিল। দাঁতের পরিচ্ছন্নতার দিকেও অসুস্থরূপ দৃষ্টি দিতেন নাগরক। কেশ, নখ ও দাঁতের প্রতি তাঁর শিল্পীমানসমূলভ দৃষ্টি নাকি প্রেমচর্চার পক্ষে অসুস্থকুল বলিয়া গণ্য হইত। এতদ্ভিন্ন স্বেদ অপনোদনের জন্ত তিনি সর্বদা কুমাল ("কর্পট") ব্যবহার করিতেন।

নাগরক দিনে দুইবার আহার করিতেন, মধ্যাহ্নে এবং অপরাহ্নে অথবা সন্ধ্যার পর। বাংস্যায়ন তিন প্রকার আহার্যের কথা বলিয়াছেন,—ভক্ষ্য (শক্ত আহার্য), ভোজ্য (নরম আহার্য) ও পেয় (পানীয়)। তাঁর খাণ্ড-সামগ্রীর অন্তর্গত ছিল এইগুলি—অন্ন, গম, যব, দাইল, প্রচুর সজী ও দুধ, এবং এগুলোর রন্ধনে ঘি, মাংস, মিষ্টান্ন, লবণ ও তৈল ব্যবহৃত হইত। মিষ্টান্নের মধ্যে গুড়, শর্করা ও খণ্ড-খাণ্ড অস্তুভূত। খাদ্য হিসাবে মৎস্যের কথা বাংস্যায়ন বলেন নাই, তবে মাংসের কথা আছে। মাংস সুপ করিয়া অথবা ঝলসাইয়া খাওয়ার রীতি ছিল। নাগরকের পানীয়ের মধ্যে বৈচিত্র্য ছিল। জল ও দুধ ব্যতীত টাটকা মালরস, মাংসের নির্যাস, কাজি, আম ও পাতিলেবুর রসে শর্করা মিশ্রিত করিয়া সরবত। তীব্র পানীয়ের মধ্যে কয়েক জাতীয় মদ্য ব্যবহৃত হইত যথা, সুরা, মধু, মৈরেষ, আসব। কাঠ বা ধাতুনির্মিত "চষক" নামক পাত্র হইতে ঢালিয়া মদ্য পান করা হইত এবং মদ্যের স্বাস্থ্যতা বৃদ্ধির জন্ত নানাবিধ মিষ্টান্ন এবং মুখরোচক তিক্তজিনিষ খাওয়া হইত (আমরা বর্তমানে যাকে "চাট" বলি তাহাই মদের অসুপান ছিল)।

মধ্যাহ্ন ভোজনের পর নাগরক কিছুক্ষণ নিদ্রা উপভোগ করিতেন, অথবা, পীটসর্দ ও বিদূষক প্রভৃতির

সহিত হাসিখুশিতে কাটাইতেন, অথবা, টিরা-চন্দনা প্রভৃতি বিহঙ্গের কাকলী শুনিতেন, অথবা মোরগ, তিত্তির, মেড়ার লড়াই দেখিতেন, অথবা নানাপ্রকার চাকুশিল্লের নিদর্শন উপভোগ করিতেন। আমোদ উপভোগের জন্ত হরেকরকম কাকাতুয়া পুষিয়া তাদের মিষ্ট আলাপ শুনিতেন, অথবা ময়ূরের উজ্জল পক্ষবিস্তার শোভা নিরীক্ষণ করিতেন, অথবা বাদরদের অস্তুত ক্রীড়ানৈপুণ্যে কৌতুক অস্তুভব করিতেন।

অপরাহ্নে মনোরম সাজে সাজিয়া নাগরক "গোষ্ঠীতে" উপস্থিত হইতেন; সেখানে বন্ধুবান্ধবদের সহিত নানাবিধ সাংস্কৃতিক অস্তুষ্ঠানের মাধ্যমে চিত্তবিনোদন করিতেন অথবা হাস্যকৌতুকে কাটাইতেন। রাতে স্বগৃহে গীত-বাদ্যে ও মাঝে মাঝে নৃত্যাদি গান্ধর্ব অস্তুষ্ঠানে তিনি চক্ষু কর্ণের তৃপ্তিলাভ করিতেন।

নাগরক ও তস্তুপত্নীর জীবনের বৈপরীত্য সুমেরু-কুমেরুবৎ। বাংস্যায়ন নাগরকের যে জীবনচিত্র আঁকিয়া-ছেন, আমরা দেখিলাম, তাহা বিবিধ ইঞ্জিয়সুখকে কেন্দ্র করিয়াই অঙ্কিত হইয়াছে; কিন্তু তাঁর পত্নীর জীবনকে কেন্দ্র করিয়া ধুরিতেছে কর্তব্যকর্মের বিরটি বোঝা। বর্ণশাস্ত্রগুলিতে স্ত্রীর যে আদর্শ উপস্থাপিত হইয়াছে নাগরক-স্ত্রী সেই আদর্শকেই জীবনের ক্রবতারা করিয়া-ছেন। তাঁহার কর্তব্যের ফিরিস্তি একে একে দিতেছি :

ভক্ত যেমন শ্রদ্ধা ও ভক্তি সহকারে ইষ্টদেবতার পূজা করেন ঠিক সেইরূপ ভক্তির সহিত নাগরকপত্নী স্বামীর সেবায় আত্মনিয়োগ করেন, নাগরকের ব্যক্তিগত প্রয়োজন সর্বদা নির্বাহ করেন, তাঁর খাণ্ড ও পানীয়ের প্রতি দৃষ্টি রাখেন ও তাঁর প্রসাধন ব্যাপারে ও আমোদ-প্রমোদে সাহায্য করেন; তাঁর পছন্দ-অপছন্দ বুঝিয়া চলেন; তাঁর মাতাপিতা ও আত্মীয়স্বজনদের ভালবাসেন ও ভৃত্যবর্গের প্রতি উদারতা দেখান। তাঁর শয়ন শেষে নিদ্রা যান এবং তাঁর শয্যা ত্যাগের পূর্বে গাত্রোথান করেন। কোন কারণে স্কন্ধ হইলেও নাগরকের বিরাগ-হৃচক বাক্য উচ্চারণ করেন না। নাগরকের অস্তুমতি লইয়া তাঁর বান্ধবীর সহিত কোন উৎসবে যোগদান করেন। তাঁর অজ্ঞাতে নাগরক-পত্নী কোন কিছু দান করেন না। তাঁর বিশ্বস্ততার সন্দেহ জন্মিতে পারে নাগরক-পত্নী একরূপ কার্য কদাপি করেন না, সন্দেহজনক চরিত্রের স্ত্রীলোকের সঙ্গ পরিহার করিয়া চলেন, যথা : সন্ন্যাসিনী, নটী, জ্যোতিষিণী, 'মূলকারিকা' [যে স্ত্রীলোক যাহু জানে]। কামকলাশিক্ষার্থে

ইচ্ছা করিলে স্বামীর শিষ্যত্ব গ্রহণ করিতে পারেন। ভাসের 'স্বপ্নবাসবদন্তা'র উদয়ন তাঁর মহিষীকে 'হা প্রিয়-শিষ্যে' বলিয়া সম্বোধন করিতেন, কালিদাসের 'রঘুবংশে' মৃত ইন্দুমতীর জন্তু অজের বিলাপে আছে, অগ্নি, ললিতকলায় আমার প্রিয়শিষ্যা ( "প্রিয়শিষ্যা ললিতে কলাবিধৌ" )।

একটা শম ও সংযমের আবেষ্টনীর মধ্যে নাগরকপত্বী নিজেকে আবদ্ধ রাখিয়া জীবনযাত্রা নির্বাহ করিতেন। কথাবার্তায় তিনি স্বল্পবাক্য, কখনও উচ্চ কথা বলা বা উচ্চ হাস্য করেন না, স্বপ্ন বা স্বপ্ন দ্বারা ভৎসিতা হইলে প্রত্যুত্তর দেন না, সৌভাগ্যগর্বে কখনও শ্রেষ্ঠত্বের অভিমান করেন না। রাজসম্মান তিনি মধ্যপন্থিনী, কোন উৎসব অনুষ্ঠানে যোগ দিবার কালে সাদাসিধা অলঙ্কার ও সম্মান পক্ষপাতিনী, সুগন্ধির ব্যবহার পরিমিত ও রাজসম্মান শ্বেতপুষ্প ছাড়া অন্য পুষ্পকে আদর করিতেন না। স্বামী সন্দর্শনের প্রাক্কালে প্রসাধন ব্যাপারে যত্ন লইতেন, নিজেকে গম্ভীরা ও সুহাসিনী রাখিবার প্রয়াসে অলঙ্কারের মণ্ডনে কিছু অতিরিক্ততা লক্ষিত হইত। নানা বর্ণের ও নানা গন্ধের পুষ্প ধারণ করিতেন, এবং মনোরম সুগন্ধি ব্যবহারে নিজেকে আকর্ষণীয় করিয়া তুলিতেন। পুষ্প নানা প্রকারে ধারণ

করিতে পারিতেন, কণ্ঠসংলগ্ন মাল্যাকারে ( অঙ্ক ) অথবা শিবমাল্যরূপে, অথবা কেশে গুঁজিয়া দিয়া, অথবা, কর্ণভূষণের সঙ্গে জড়াইয়া 'কর্ণপূর' রূপে।

দৈনন্দিন গৃহদেবতার সেবায় সকাল, দুপুর ও সন্ধ্যায় নাগরকপত্বী আত্মনিয়োগ করিতেন ও ত্রুতনিয়মাদি পালনে যথাবিধি কর্ম সম্পাদন করিতেন। গৃহস্বামীর অসুস্থতাক্রমে পরিবারের 'তত্ত্বাবধান ও পরিচালনার ভার তাঁর উপর তুলিত হইল। সারা বছরে একটি আয়ব্যয়ক ( budget ) তিনিই প্রস্তুত করিতেন। মহু বলিয়াছেন, 'অর্থস্থ সংগ্রহে যৈনাং ব্যয়েটৈব নিয়োজয়েৎ' ( সংহিতা, ৯।১১ )। স্বামীর একটি কর্তব্য হইবে স্ত্রীকে অর্থ দিয়া তাঁহাকে হিসাবমত খরচপত্র করিতে দেওয়া, স্বামী আর্থিক সংস্থানের বেশী খরচের জন্তু ঝুঁকিলে স্ত্রী গোপনে প্রতিবাদ জানাইতে পারিতেন। গৃহিণী সংসারের প্রয়োজনীয় দ্রব্যাদি মজুত রাখিতেন ও খরচ হইয়া গেলে পুনরায় আবশ্যকীয় দ্রব্য আণ্ডারজাত করিতেন। ভৃত্যবর্গের বেতন হিসাব করিয়া তিনিই দিতেন। কৃষি-কাজ ও গো-পালন তাঁর তত্ত্বাবধানেই হইত, গৃহপালিত পশুপক্ষী তিনিই দেখাওনা করিতেন এবং বন্ধনশালার যাবতীয় কাজ ব্যতীত অবসরমত সূতাকাটা ও বয়নকাজও তিনি করিতেন।



## ওদেরও বক্তব্য ছিল

শ্রীরামপদ মুখোপাধ্যায়

পূর্ব-পরিকল্পনা মতই ওরা এসেছিল। হাত বাড়ালেই যদি আমতা মেলে—কে আর আঁকশির সঙ্কানে এধার-ওধার ছোটোছুটি করতে চায়। থাকি কাছাকাছিই—পথে আসা-যাওয়ার কালে নিত্যদিন দৃষ্টিপথাক্রম হই। দৃষ্টিতে যদি সহজলভ্য—হু'এক ঘণ্টার জন্তু তা জুলজা হবে না কেন? সুতরাং একদিন সকালে সাহসে উর করে ওদের দলটি আমার সামনে এসে দাঁড়াল।

মুখপাত্র স্বরূপ এগিয়ে এসেছিল মাএ হু'টি ছেলে! নিত্যসুই কাঁচা কিশোর চলে। সকলের মিলিত লজ্জার অংশ একটি রূপ নিয়ে বারীভুলি গাদাগাদি করে উঠোনে দাঁড়িয়ে ছিল।

মুখপাত্রদের দেখলেও মনে হবে না—কোন একটি উৎসবের সমাচার নিয়ে এসেছে। নেহাৎ গোবেচারা শোক-স্মিমাণ মলিন মূর্তি (বেশবাসও তদনুরূপ) সলজ্জিত স্কুতিত ভীরু পদক্ষেপে ঘরের মধ্যে এল।

বাংলা ক্যালেন্ডারটি দেওয়ালে টাঙানো ছিল। বৎসরের প্রথম মাসটি বিবিধ শুভকর্ম অলঙ্কৃত মাস। নুতন খাতা মহরতের দিন থেকেই বারব্রত, উপনয়ন, বিবাহ এবং জয়ন্তী পর্বের মিছিল শুরু হয়েছে। এগুলি নানা স্তরের মানুষকে নানা ভাবে প্রমোদিত এবং শিকার করে ফিরছে। ক'দিন ধরেই চলছে এই শিকার-পর্ব। মেজাজটা সে কারণে ভার ভার ছিল।

গজীর গলায় প্রশ্ন করলাম, কি চাই?

আজ্ঞে, কালো রোগামত ছেলেটি--(অন্ততম মুখপাত্র) ধতমত খেয়ে টোক গিলল। টোক গিলে বলল, আজ্ঞে আমাদের একটা ফাংশান—

বক্তব্যটা আমিই সরল করে দিলাম, রবীন্দ্র-জয়ন্তী?

সাহস পেয়ে মুখ তুলল ছেলেটি। আজ্ঞে হ্যাঁ। তার পর এক নিঃশ্বাসে বলে ফেলল, আপনাকে—আপনি যদি দয়া করে—

ওদের বক্তব্যকে আরও খানিকটা সরল করে দিলাম, সভাপতি না প্রধান অতিথি?

আজ্ঞে প্রধান অতিথি।

কোন দিন?

আজ্ঞে পঁচিশে বৈশাখ—কবিগুরুর জন্মদিন।

কবিগুরু! বয়স কাঁচা হলে কি হবে—চখাটার শুরুত্ব আছে।

মাথা নেড়ে বললাম, এটমাত্র এক জায়গায় কথা দিলাম যে।

বলতে পারতাম বায়না হয়ে গেছে—কিন্তু স্বীকৃতি আদায় করে শিকারীরা চলে গেছে।

ওরা হু'জনেই বেশ মৃগড়ে পড়ল। পছনের দলটিও চঞ্চল হয়ে উঠল। ওবা যে অত্যন্ত কাতর হয়ে পড়েছে তা ওদের সবিনয়-করণ কণ্ঠস্বরে বুঝতে পারলাম, না হ'লে তারি মুশকিল হবে যে স্থার!

কেন, মুশকিল কিসের? তোমরা ইঙ্কুলে পড় ত? আজ্ঞে।

কোন ক্লাসে পড়ছ?

কালো ছেলেটি বলল, আমি ক্লাস টেন'এ পড়ছি—ও পড়ছে ইলেভেনএ।

তা হ'লে ওরা রবীন্দ্রনাথের লেখা পড়েছে। কবিগুরু বলার যোগ্যতা অর্জন করেছে। ক্লাসের মধ্যে ভাল ছেলেও হতে বা। এত কম বয়সে, মাত্র তেরো বছর বয়সে ইঙ্কুলের বেড়া টপকে যাচ্ছে—ভাল ছেলে বলতে হবে।

বললাম, তবে আর কি—তোমাদের মাষ্টারমশাই-দের কাউকে প্রধান অতিথি করে নাও গ। চমৎকার হবে।

আজ্ঞে, ওদের মুখ ফ্যাকাসে হয়ে গেল। আমতা আমতা করে বলল, আমরা যে আপনাকেই চাইছি স্থার। না হ'লে—

না হ'লে কি?

না হ'লে স্থার ফাংশানই হবে না।

কেন সাত্তিত্যিক ছাড়া আর কেউ কি প্রধান অতিথি হচ্ছেন না?

মাথা চুলকোতে আরম্ভ করল হু'জনেই। হু'জনেই একসঙ্গে বলতে লাগল, হচ্ছেন না। মন্ত্রীরা হচ্ছেন, সেক্রেটারিরা হচ্ছেন, এম. পি. এম. এল. এরা হচ্ছেন, বিরাট বিরাট, বড় লোকরা হচ্ছেন, কুটিল ক্লাবের

সেক্রেটারি, ফিল্ম স্টার এঁরাও হচ্ছেন, যিনি বেশী টাকা ডোনেশান দেন—তিনিও।

তবে ?

আজ্ঞে আমরা সবাইকে বলেছি আপনাকে এবার প্রধান অতিথি করে নিয়ে আসব। তাই ত ওরা টাকা দেবেন বলেছেন, আপনি স্মার না গেলে—

ওদের আর্ন্ত অসহায় কান্দ কান্দ কচি মুখগুলি আমার সঙ্কল্পকে বেশ খানিকটা শিথিল করে দিলে। তবু সেই দণ্ডে ওদের কথা দিতে পারলাম না। ডায়েরিখানা উল্টাতে উল্টাতে বললাম, তোমরা জুন মাসের প্রথমে একটা দিন ঠিক কর।

তা হলে স্মার ফাংশানই হবে না। কবি-পক্ষ পার হয়ে গেলে কেউ এক পয়সা দেবে না স্মার।

কেন, আষাঢ় মাস পর্য্যন্ত ত রবীন্দ্র-জন্মস্মৃতি চলে।

ছেলে দু'টি একসঙ্গে কলরব করে উঠল, আমাদের চলবে না স্মার, তা হলে কেউ টাকা দেবেন না। এমনিতেই ও বলছেন—কবিপূজার নাম করে আমরা নাকি আমোদ-আহ্লাদ করব। ওর জন্মদিনে ফাংশান হলে কেউ কিছু বলতে পারবেন না তবু।

ছেলেরা নেহাৎ কাঁচা নয়। পরিপক্ব বাক্যের নমুনা ইতিপূর্বে পেয়েছি—এখন বুঝছি বুদ্ধিটাও এদের ডাঁশা।

বললাম, কিন্তু বললামই ত পঁচিশে বৈশাখ আর একটি জায়গায়—

ফরসা ছেলেটি তাড়াতাড়ি বলল, ক'টার সময় ওদের ফাংশান হবে ?

সাড়ে ছ'টায়।

ওদের মুখ উজ্জ্বল হয়ে উঠল। বলল, বেশ ত—আমরা আরম্ভ করব পাঁচটায়। আমাদেরটা সেরে ওখানে যাবেন।

প্রস্তাবটি নিশ্চয়। যুক্তিতর্কে বাতিল করা যাবে না। কিন্তু ওদের কেমন করে বোঝাব, আর একটি বড় বাধা রয়েছে। বয়সের বাধা, এই বয়সে ছ'জায়গায় ছুটোছুটির ধকল সহ্যেতে পারব কেন ?

শেষ পর্য্যন্ত শারীরিক অক্ষমতার কথাই বললাম।

ওরা বলল, না স্মার, আপনার কিছু অসুবিধা হবে না। মোটের করে নিয়ে যাব, যেখানে বলবেন—পৌঁছে দেব। আপনি শুধু সভাটা আরম্ভ করে দিয়ে চলে আসবেন। সভার বাকি কাজ আমরা সভাপতিকে দিয়ে চালিয়ে নেব।

আটঘাট বেঁধেই ওরা কর্মক্ষেত্রে নেমেছে—পরিত্রাণের

কোন উপায় দেখছি না। শেষ চেষ্টা স্বরূপ বললাম, সভা কি তোমরা ঠিক পাঁচটায় আরম্ভ করতে পারবে ? ওদের ওখানে ঠিক সাড়ে ছ'টার আমাকে পৌঁছে দিতে হবে কিন্তু।

আপনি স্মার কিছু ভাববেন না—ঠিক সাড়ে ছ'টার মধ্যে আপনি ওখানে পৌঁছে যাবেন। তা হলে স্মার, কার্ড ছাপতে দিই ?

কি আর বলব, সম্মতি দিলাম।

ওরা চলে গেলে মনে মনে হিসাব করতে লাগলাম। ছেলেরা বলছে বটে—পাঁচটায় সভা আরম্ভ করব, পারবে না। বৈশাখের অগ্নিতপ্ত দিনগুলি দীর্ঘ—আকাশে আলোই থাকবে সাড়ে ছ'টা পর্য্যন্ত। নাচগান আবৃত্তি নাটক আলো না জ্বালিয়ে আরম্ভ করলে জমে কখনও ? ভাষণের অংশটুকু ধরেও সাড়ে পাঁচটার আগে কিছুতেই সভা বসাতে পারবে না। পৌনে ছ'টাও হতে পারে। তাতেও অবশ্য ম্যানেজ করা যাবে যদি ফুল-ফেলা রীতিতে সভার কাজ পরিচালিত হয়।

ফুল-ফেলা রীতির কথাটা এই প্রসঙ্গে মনে পড়ল। যখন দেশে থাকতাম—অনেক দিন আগেকার কথা—রাজু ভট্টাচার্য্য ছিলেন আমাদের পুরোহিত। শুধু আমাদের বাড়ীর পুরোহিত ছিলেন না তিনি, আমাদের গ্রামের আশে-পাশে আরও চার-পাঁচখানা গ্রাম মিলিয়ে মোট ষাট-সত্তর ঘর যজমান ছিল তাঁর। লক্ষ্মী, ষষ্ঠী, অথবা মনসা পূজার দিন তাঁর সে কি ব্যস্ততা ! চলতেন যেন ছ'চাকার গাড়ী ছ'পায়ে বেঁধে নিয়ে। সকালে উঠেই নিজের বাড়ীর পূজো সেরে কাঁধে নামাবলী আর হাতে ফুল নিয়ে এ-বাড়ী সে-বাড়ী ছুটোছুটি শুরু করতেন। ঘণ্টা তিনেকের মধ্যে এ-গাঁ ও-গাঁয়ের সব বাড়ীর পূজো সেরে হাসিমুখে বাড়ী ফিরতেন। যদি কেউ জিজ্ঞেস করত—এঃ শীগ্গির কি করে হয় ভট্টাচার্য মশায়। হেসে উত্তর দিতেন উনি, কেন, এ আর শক্ত কাজ কি। এক বাড়ীর পূজো সেরে ফুলহুকো হাতে মস্তুর পড়তে পড়তে অল্প বাড়ীতে হাজির। সেখানে ঝপ করে ঠাকুরের মাথায় ফুল না চাপিয়ে আর এঃ বাড়ী। বলি—দেবতা ত একটিই, আলাদা আলাদা মস্তুর ও নয়—কাজটা কঠিনই বা কি।

অতএব ওই রীতিতে কাজটা দীর্ঘ সময়সাপেক্ষ নয়। আরও এক দিক দিয়ে ভরসা রয়েছে। যারা নাচ-গান ভালবাসে তারা বজুতা ভালবাসে না, যারা গানের সুরে মাথা ছুলিয়ে আনন্দ প্রকাশ করে, তারা বক্তব্যের বিষয়-



বক্ত বা বক্তার রীতি-প্রকরণ নিয়ে মাথা ঘামায় না। বিশেষণ-বহল শ্রুতিমধুর বাছাই করা কয়েকটি শব্দের মালা গাঁথে দিতে পারলেই শ্রোতারী খুশী হয়ে ধস্তা ধস্ত করে। বিপদ ঘটে বক্তার নিজের দিক দিয়ে। তাঁর বক্তৃতা অত্নের মোহ না জন্মালেও নিজেকে সম্মোহিত করার আশঙ্কা প্রচুর। ভাষণ দান কালে মন যদি আবেগে উদ্ভাসিত হয়ে ওঠে—সময়ের হিসাবকে তখন মিনিটের কাঁটার ধরে রাখবে কে! সেদিক ভেবে প্রথম সভাটা আমাকে হাঁসিয়ার থাকতেই হবে। যদি ছ'টাতেও ওরা সভা বসায়—পনের মিনিটের মধ্যে পাঁচ সারতে হবে। ধরে নিলাম ওরা ছ'টাতেই সভা বসাবে। আমিও তখন মোহশূন্য মনে ভাষণ সংক্ষেপ করব—এবং...

ওরা যখন গাড়ী নিয়ে এল আমি তখন রীতিমত উত্তেজিত হয়ে উঠেছি।

কক্ষিতে ঘড়ি বেঁধে ফিটফাট ধোপ-ছুরন্ত পোশাকে ছেলে ছ'টি সামনে এসে দাঁড়াতেই গভীর গলায় বললাম, ক'টা বাজে?

কক্ষি উন্টে শুকনো গলায় ওরা জবাব দিল, সাড়ে ছ'টা।

বললাম, ক'টায় সভা আরম্ভ হবার কথা?

প্রশ্নের গুরুত্ব বুঝে ছেলে ছ'টি কঁাদ কঁাদ গলায় বললে, স্মার, আমরা ছেলেমানুষ সব দিক সামলাতে পারি নি। মঞ্চ তৈরী করতে খানিকটা দেরি হয়ে গেল—যারা লাইট মাইক ফিট করবে তারাও দেরিতে এল। অজ্ঞায় হয়ে গেছে স্মার। আমরা গাড়ী এনেছি স্মার—তাড়াতাড়ি ছ'কথা বলে চলে আসবেন।

কিন্তু ওরা যে এখনই আসবেন।

আমুন! আমরা একজন এখানে থাকছি। ওরা এলে বুঝিয়ে বলব। আপনি তৈরী হয়ে নিন স্মার।

যথাসম্ভব তাড়াতাড়ি গাড়ীতে উঠে বসলাম, তিন-চার মিনিটের মধ্যে পৌঁছলাম মাঠে।

মাঠে পৌঁছে আমার ত চক্ষু স্থির! অন্ধকার মাঠ যেন অকূল সমুদ্র! ওরই মধ্যে দক্ষিণ কোণ ঘেঁষে একটি অস্বাভাবিক মঞ্চ উঠেছে। একশ'-দেড়শ' হাত দূর থেকে সেটা দীপের মত দেখাচ্ছে।

মঞ্চ হওয়ার পর দেখেছিলাম—একখানি মাঝারি-গোছের তক্তাপোশ ঘিরে কয়েকটা বাঁশের খুঁটি। খুঁটির তিন দিক কাপড় দিয়ে ঘেরা—মাথায় বিছানার চাদরের চাঁদোয়া। তক্তাপোশের উপর একখানা টেবিল, খান-ছই চেয়ার, মাইক দণ্ড—আর রবীন্দ্রনাথের ছবি।

টেবিলের উপর ফুলদানে রজনীগন্ধার গুচ্ছ—তার সঙ্গে আরও সব টুকিটাকি জিনিষ; নানা সাইজের রবারের বল, প্রাট্টিকের পুতুল খেলনা, সস্তার ঝরণা কলম, চটি-একসারমাইজ খাতা, হুইসল, চামচ, শিশুপাঠ্য বই।

প্রশ্ন করেছিলাম, কি ব্যাপার?

আজ্ঞে প্রাইজ দেওয়া হবে।

আবৃত্তি প্রতিযোগিতা ছিল বুঝি?

আজ্ঞে না—মাস দুই আগে একটা স্পোর্টস হয়েছিল—তারই প্রাইজ। আমাদের ক্লাবের নাম—বয়েজ ওব স্পোর্টিং ক্লাব। বড়রা চাঁদা-পস্তুর বিশেষ দেন না। যা চাঁদা উঠেছিল, প্রাইজের জিনিষ কিনতে সব ফুরিয়ে গিয়েছিল। নতুন করে কেউ চাঁদা দেয় নি—ফাংশান হয় নি। এবার কবিগুরুর জন্ম-জয়ন্তীর সঙ্গে এই প্রাইজ-গুলোও দেওয়া হবে।

ইতিহাস শুনে মুগ্ধ হয়েছিলাম।

যাই হোক, আপাততঃ দিক্কারা মাঠে আমাকে দাঁড় করিয়ে ছেলে ছ'টি চৌ করে কোথায় বেপান্তা হয়ে গেল। ভাবলাম, এখন আমি কি করব? যেদিক থেকে এসেছি—সেই দিকেই ফিরে যাব,—না—

একখানা চেয়ার কাঁধে ফেলে একটি ছেলে ছুটে এল। চেয়ারখানা সামনে পেতে দিয়ে বলল, বসুন স্মার। বলেই নিমেষের মধ্যে অস্তিত্বিত।

বসলাম চেয়ারে। চেয়ারে বসে ভাল করে দেখতে লাগলাম এদিক-ওদিক। একটু পরে মনে হ'ল, আমার পাশেতেই এক টুকরো দ্বীপ যেন রয়েছে। দ্বীপটি একবার নড়ে উঠল। আমারই মত কোন মন্দভাগ্য প্রাণী কি? অসহায় সভাপতি নন ত? নড়ে-চড়ে বসলাম। রাগ হ'ল, হতভাগা ছেলেগুলো কি! ছ'জনকে পরিচিত করিয়ে দিখে যাবার তরতুকু সইল না, পালিয়ে গেল।

বেশ বুঝলাম—আমার মত ঝুঁকেও মোটরের জাল দিয়ে ছেকে তুলে পার্কের এই গভীর অন্ধকারের জলভর্তি গামলায় জীইয়ে রেখে গেছে। সময় সুবিধা মত সুবী-বৃক্ষের পাতে পরিবেশন করবে।

পাশের নিশ্চল মূর্তিটিকে উদ্দেশ্য করে বললাম, মাপ করবেন—আপনি কতক্ষণ হ'ল এখানে এসেছেন?

মূর্তি স্বচিন্তায় কিংবা স্বাভাবিক নিদ্রায় মগ্ন ছিলেন হয়ত, কোন উত্তর দিলেন না।

প্রশ্নটি পুনরাবৃত্তি করলাম। এবার মূর্তি নড়ে উঠলেন। ধনি উঠল, আজ্ঞে আমাকে বলছেন? এসেছি তা—হাঁ, আশ্চর্যটা ত বটেই—

বললাম, আপনি বিশ্বাস করেন এরা সাতটার সভা আরম্ভ করবে ?

উনি বললেন, না না, তা কি করে পারবে! আধ-ঘণ্টা থেকেই ত খটাখট শব্দ হচ্ছে। এতক্ষণে মাচা বাঁধা হ'ল। এইবার মাইক ফিট করবে।

বললাম, এদের মধ্যে বড় ছেলে-টলে কেউ নেই বুঝি ?

উনি বললেন, কই, দেখলাম না ত কাউকে। মোটর থামলে এক পাল চ্যাংড়া ছেলেমেয়ে ছুটে এসেছিল সব ক'টার পরনে আবার পোশাকও ছিল না! নেহাৎ ছদ্মপোশ্য ত ? ওরাই সব সামনে গিয়ে বসেছে। যারা আমাকে আনলে তারা ত সব উধাও। ফাঁকা মাঠ—দিব্যি ফুরুরে হাওয়া দিচ্ছে। বসে বসে তুলুনি মত এসেছিল, তার পর আপনার গলার স্বর শুনে—

আপনার বুঝি আর কোথাও সভা-উভা নেই ?

সভা! শুভলোক প্রস্থ হয়ে উঠলেন। না, না, আমরা কি সভায় বসতে পারি? সে সময় কোথায়? কাজের লোক মশায়—দিনরাত কারবার নিয়ে পড়ে আছি। দেখেন নি—কাস্তিচৌবুবা বোডের মোড়ে মুদিখানা দোকানটা? ওইখানি এই অধিনের। পাড়ারই ছেলে এরা—আপনার আমার আরও পাঁচজন পড়ণীর ছেলে, সখ হয়েছে আমোদ-আহ্লাদ করবে, গানবাজনা করবে, ঠাকুরের ছবি পূজা করবে। এসে ধরল, জ্যাঠা মশায়—চাঁদা দিতে হবে। বেশী করেই দিতে হবে আর আপনাকে সভাপতি হতে হবে। বললাম—রক্ক কর বাবা—ও সব পারব-গারব না। বললে, আপনাকে কিছু করতে হবে না, শুধু বসে থাকবেন। যা বলবার ওই তিনি—মানে প্রধান না কি—সেই শুভলোক করবেন। তা আপনি কি—

হাঁ, আমিই সেই হতভাগ্য। তা বলতে পারেন—এরা কখন সভা আরম্ভ করবে ?

বললে ত—হ' মিনিট অপেক্ষা করুন, মাইকটা ঠিক কবেই—

আধ ঘণ্টা আগেকার সেই ছ' মিনিট ত! ব'লে চেয়ার ছেড়ে উঠে পড়লাম।

শুভলোক ব্যস্ত হয়ে উঠে দাঁড়ালেন। উঠলেন যে ?

আছি। আর একটা জায়গায় সভা রয়েছে—

শুভলোক সবটা না শুনেই চীৎকার করে উঠলেন, ওরে হরেন, মধু, ভোলা—ওরে—

মুহূর্তে অন্ধকার ফুঁড়ে কয়েকটি মূর্তির উদয় হ'ল। কি—কে, জ্যেষ্ঠামশায়, ডাকছেন কেন ?

আমার দিকে হাত বাড়িয়ে শুভলোক বললেন, তোদের এই ইনি—কি বলে—ইনি যে চলে যাচ্ছেন।

সঙ্গে সঙ্গে ছেলেরা আমাকে ঘিরে বেড়া তৈরী করে কাকুতি-মিনতি জুড়ে দিলে, আর পাঁচ মিনিট স্তার—মাইকটা ফিট হয়ে এসেছে—পাঁচ মিনিট। দেখছেনই ত স্তার মাঠের মাঝখানে বাঁধ পৌঁতা, তক্তাপোশ টেনে আনা, স্ট্র তৈরী করা—সব কিছু ছেলেমাথুস আমরাই করছি। বড়রা কেউ নেই স্তার।

নিরুপায়ে চেয়ার টেনে নিলাম। রাগ হচ্ছিল, করুণাও বোধ করছিলাম। ছেলেগুলি সত্যই অসহায়। হজুগ কিংবা আর যাই বলি না কেন, রবীন্দ্রনাথের প্রতি একটু শ্রদ্ধাও রয়েছে ত। না হ'লে এতটা পরিশ্রম আর কষ্ট সহ্য করত কেন! নিজে বডি দেখে কোন লাভ নেই। অন্য পক্ষও যে সময় মত শুরু করবেন, মনে হয় না। তাঁদেরও ত মাচা বাঁধার ব্যাপার।

ওরা চলে গেলে আমরা দু'জনে আবার অন্ধকারে হারিয়ে গেলাম। কথা উনিও বললেন না, আমিও না। কি কথা বলব! চাল-ডালের দর, বি আনাজ-পাতির অধিমূল্য নিয়ে আলোচনা করার অভিকর্চ আপাতত ছিল না।

এমনি করে বেশ কিছুক্ষণ কাটলে অন্ধকার ফুঁড়ে দু'টি ছেলে সামনে এসে হাত ছোড় করে বলল, এইবার স্তার আপনারা আসুন। সব রেডি হবে গেছে।

তাড়াতাড়ি পা চালিয়ে মঞ্চের কাছে এলাম।

মঞ্চে উঠবার পথটি সুগম বলে বাধ হ'ল না। দুটো কেরোসিন কাঠের প্যাঙ্কিং বাস্ক ফেলে সিঁড়ি তৈরী হয়েছিল। সিঁড়িতে পা দিতেই মচমচ করে উঠল। যদি আমার ভার বহিতে না পারে তা হ'লে কি ঘটতে পারে ভাববার সঙ্গে সঙ্গেই পা আপনি নেমে এল।

হ' পাশ থেকে দু'টি কিশোর ছেলে আমার দু'টি হাত চেপে ধরে বলল, ভয় কি স্তার, উঠুন। আমরা আছি, ভয় কি।

সভাপাতকে ওরা যতাবে ঠলে-ঠলে মাচায় তুললে, তা দেখে আমার ত চক্ষুস্থির। সিঁড়ি যদি আমার ভার বহিতে না পারে—আমি যদি টলে পড়ি কোন একটির বাড়ে তা হ'লে ওই ক'চি ছেলের কি গতি হবে এবং তার দায়ে আমিই বা কি দুর্গতি ভোগ করব—মুহূর্তে সেটা আন্দাজ করে ওদের হাত ছাড়িয়ে নিয়ে বললাম, থাক, ধরতে হবে না—আমি উঠছি।

বিনা সাহায্যে টপ করে উপরে উঠে গেলাম।

আসন গ্রহণ করার মুহূর্তেই ফুলের মালাসমেত দু'টি

বাচ্চা মেয়েকে ওরা তোলা তোলা করে মাচায় তুলে দিলে।

আমাদের গভীর মূর্খি দেখে মেয়ে দু'টি ও এগোয় না। এই বুঝি কেঁদে-ফলে-গাছ চহারা নিয়ে পিচ্চিয়ে যেতে লাগল।

উদ্ধোক্তারা পিছন থেকে ঠেলে দিতে দিতে যতই বলে, ভয় কি, যাও পুরু যাও, মালাগী ওনাদের গলায় পরিষে দাও। ভয় কি—লক্ষ্মী মেয়ে, বাচ্চারা ততই পিছোতে থাকে।

পিছোতে পিছোতে ওরা তক্তাপোশের কিনারায় গিয়েছে তখন। আবার কি বিপর্যয় হয় মনে করে যে মুহূর্তে শিউবে উঠেছি ঠিক সেই দণ্ডেই খটল চরম বিপর্যয়! না, আপনারা শিউরে উঠবেন না। তক্তাপোশ থেকে পড়ে যায় নি বাচ্চারা—মঞ্চের আলোটা সেই মুহূর্তে নিবে গেল। চারদিক অন্ধকারে অন্ধকার। সঙ্গে সঙ্গে সব-বিক্ষোভে অন্ধকার সমুদ্র গর্জন করে উঠল। চারিদিকে অন্ধ-জানোয়ারের ডাক শুরু হল—ঠোঁটের দাঁকি ধংকার ধনি তুলল, দু'দৌড়টি দৌড়া-দৌড়তে মঞ্চ কাপতে লাগল মঞ্চ থেকে নামে যে চলে যাবে উপায় নই। গাছে তুলে দিয়ে মই কেড়ে নেওয়ার অদৃশ্য বসে রইলাম। আমাদের করণীয় কিছুই ছিল না—যতদূর যত্ন-দয়নাকে প্রসন্ন করার চেষ্টা করতে লাগল মঞ্চ বসে ঠুকঠাক শব্দ ওনতে লাগলাম।

সব প্রতীক্ষারই শেষ হয় এক সময়ে, এক ক্ষেত্রেও হ'ল। আবার আলো জ্বলল, মাইক চালু হ'ল। সামনে চেয়ে দেখি চেয়ারগুলো ভস্মি হয়ে গেছে।

এতক্ষণ অন্ধকারে দাঁড়িয়ে থেকে বাচ্চা মেয়ে দু'টি সাহস সঞ্চয় করেছিল। ওরা অপরের হস্তদ্বারা পরিচালিত হয়ে মালা নিয়ে এগিয়ে এল। মালা যথাস্থানে হস্ত হ'ল, করতালি-ধ্বনিতে সভাপ্রাঙ্গণ মুদরিও হ'ল। উদ্বোধন সঙ্গীত হ'ল না।

মুখপাত্রদের একজন মাইকের সামনে এসে এসে ঘোষণা করল, উদ্বোধনী গানের আর্টিষ্ট এখনও এসে পৌঁছয় নি—অতএব এবার প্রধান অতিথি আপনাদের কিছু বলবেন।

তিন-চার মিনিটে ভাষণ শেষ করলাম। কবিকে শ্রদ্ধা জানিয়ে বললাম, ইস্কুলের ছেলে তোমরা, এত বয়স থেকে সময়ের মূল্য সযত্নে সচেতন হওয়া তোমাদের উচিত। পাঁচটার সভা সাড়ে সাতটায় বসলে সভা

অবশ্যই বসবে—কেননা শ্রোতারী করতা বাদ দিয়ে সময়ের হিসাব কবেই সভায় আসেন। তোমাদের পক্ষে সেটা কিন্তু গৌরবের কথা নয়। যে মহামানবের জন্ম তথা উৎসব পালন করছে তোমরা—তিনি প্রতিদিনই সূর্য্য উদয়ের আগে শ্রয়াত্যাগ করতেন। সমস্ত দিন-রাত্রে শ্রম-শৃঙ্খলায় বাঁধতে পেরেছিলেন বলেই কোনদিন সময়ের অভাব অনুভব করেন নি। সেইজন্য তিনি এত লিখতে পেরেছেন, এত কাঙ্ক্ষ করতে পেরেছেন—ওগৎ-মোড়া খাওয়া লাগে করেছেন।

চতুর্পদে করতালি ধ্বনির দ্বারা সঙ্গীত হয়ে মঞ্চ থেকে নামে এলাম।

সেই মুখপাত্র তুলে দু'টি সামনে এসে বলল, স্মার একটুপানি অপেক্ষা করুন গাড়ীটা ফিরে এলেই—

গাড়ী কাথায় গেল আবার ?

আজ্ঞে আর্টিস্টদের আনন্দে গাছে। একটু দাঁড়ান। বলে ছুঁই অন্ধকারের মধ্যে মিশিয়ে গেল।

গাড়ীর আশা ছেড়ে দিবে আমি পায়ে পায়ে এগিয়ে চললাম পথের দিকে।

পার্কের গেট বরাবর এসেছি এমন সময়ে মাইকে উদ্ধোক্তাদের কথা শুনে গমকে দাঁড়ালাম। ভাষণ চলছিল :

...দেরি হওয়াতে আপনাদের কাছে বার বার মাপ চাইছি। স্মার, দোষ এক; আমাদের নয়—যন্ত্রের দোষ। যন্ত্র যদি ঠিকল হব কি উপায় বলুন! মাননীয় প্রধান অতিথি মহাশয় এইমাত্র যে কথাটি বললেন অত্যন্ত খাঁটি কথা—দামী কথা। আমাদের সকলেরই উচিত সময়ের মূল্য বুঝতে চেষ্টা করা। চেষ্টা আনরা করছি, করবও। কবির রুও তা করেছেন। কিন্তু কবিগুরু আর একটা উদাহরণ আমাদের দেখিয়েছেন সব সময়ে নিয়ম ভাঙা যে দোষের নয়, একথা উনি প্রমাণ করে দিয়েছেন। ধরুন স্মার—খুব ছেলেবেলা থেকে উনি যদি সব নিয়ম-কাহুন মনে চলতেন—শাস্তাশষ্ট ছেলেটি হবে ইস্কুলে পড়াশোনা করতেন—কলেজে একটার পর একটা পাশ করে যেতেন, আপিসে খুব ভাল একটা চাকরি পেতেন—তা হলে কি স্মার আমরা এমন ঘটনা করে ওর জরতী ফাংশান করতে পারতাম! আপনারাই ভেবে দেখুন—

স্মার তিনি নি। গেট পেরিয়ে তখন আমি পথে এসে দাঁড়িয়েছি।

# বাংলা উপন্যাসে বাস্তবচেতনা

শ্রীশ্যামলকুমার চট্টোপাধ্যায়

বাংলা ভাষার উপন্যাস-সাহিত্য মাত্র ঊনবিংশ শতাব্দীর সৃষ্টি আর তার সংস্কৃত প্রবেশই পাশ্চাত্য সাহিত্য থেকে এসেছে। প্রাচীন ও মধ্যযুগের ভারতে সংস্কৃত ভাষার সাহিত্যে অনেক কাহিনী ও গল্প, যা উপন্যাস বলে গণ্য হতে পারে, ব্যাংকভাবে প্রচলিত ছিল। কিন্তু এসবের অত্মপ্রেরণা কোন আধুনিক ভারতীয় ভাষা-সাহিত্যে আজকের দিনে বিশ্বসাহিত্যে যাকে উপন্যাস বলা হয় তার জন্ম হয় নি। বাংলা উপন্যাসের উদ্ভব একান্তভাবে আধুনিক যুগে আধুনিক আঙ্গিক ও আবহের মধ্যে। কাজেই প্রাচীন বা প্রাগ-আধুনিক যুগের সঙ্গে বাংলা উপন্যাস-সাহিত্যের কোন যোগসূত্র খোঁজার চেষ্টা না করাই ভাল।

ষোড়শ শতাব্দীর কবিকঙ্কণ মুকুন্দরাম চক্রবর্তীর চণ্ডীমঙ্গল কাব্য উপন্যাসধর্মী রচনা; এটিকে পয়ার ছন্দে লেখা উপন্যাস বলা যেতে পারে। কিন্তু ঐ রচনাটির সঙ্গে আধুনিক বাংলা উপন্যাসের কোন যোগ নেই। নানা দিক থেকে বিচার করলে দেখা যায় যে, কবিকঙ্কণের রচনাকে উপন্যাসধর্মী বললে দোষ হয় না; কেবল আধুনিক বিচিত্রস্বভাব গল্প-রচিত বাংলা উপন্যাসের সঙ্গে তার কোন সংযোগ কল্পনা করা বিড়ম্বনা মাত্র।

উপন্যাসের স্বভাব হ'ল জীবনের বিপুলতা ও বৈচিত্র্যের আভাস দেওয়া; কোন ব্যক্তি বা গোষ্ঠীর জীবনের একটা দিক দেখিয়ে এই বৈশিষ্ট্য আত্মপ্রকাশ করে। এদিক থেকে মহাকাব্যের সঙ্গে তার সাদৃশ্য আছে। কোন চরিত্রের কর্মবিবর্তনের পরস্পরায় একটা সুনির্দিষ্ট পরিণতিতে উপস্থিত, পতন-অভ্যুদয়-বক্ষুর-পত্নী দিয়ে তার অগ্রগতি, অতীত সব চরিত্রের সান্নিধ্যে তাদের তুলনায় তার নিজের বিকাশ, আর সকলের সঙ্গে তার সংঘর্ষ, তাদের পরিপ্রেক্ষিতে তার অবস্থান—এই সবের বর্ণনা, ব্যাখ্যা ও বিশ্লেষণ উপন্যাসের মুখ্য বিষয়বস্তু। উপন্যাস ব্যক্তি ও ব্যক্তির সম্পর্কীয় একটি নির্দিষ্ট সমষ্টির কাহিনী।

এখনকার দিনে এই সাহিত্যশৈলী এমন বিচিত্র আঙ্গিকের, এমন বিচিত্র প্রকৃতির হয়ে উঠেছে যে, উপন্যাসের অভ্যন্তরে তার স্বর্ধ্ব অক্ষুণ্ণ রেখেই

কবিতা, প্রবন্ধ, গল্প, নাটক ও রসরচনার সারনির্ধারিত অল্পাধিক পরিমাণে স্থান সংগ্রহ করতে পারে; উপন্যাসের নিজের মহিমা অক্ষুণ্ণ রেখেও অতীত সাহিত্যভঙ্গি তার মধ্যে স্ফুটনস্বভাবে প্রকাশিত হতে পারে।

উপন্যাসের এই অসুত সর্বগ্রাসী বিশেষত্বের জগতে তার কোন ধরা-বাঁধা সংজ্ঞা অলঙ্কারশাস্ত্রসম্মত উপায়ে দেওয়া চলে না। উপন্যাস ঠিক এমন হবে, কিছুতেই এমন হবে না, একথা খুব আঁটসাঁটভাবে বলা উচিত হবে না; তা হ'লেও উপন্যাসের মূল স্বভাবটা একটু ব্যাখ্যা না করলে নয়, তার প্রধান কাজ একটি কাহিনীর সহায়তার জীবনের বিপুল প্রসার ও বিচিত্র স্বভাবটা পাঠককে দেখিয়ে-ভালিয়ে দেওয়া, যাতে জীবনের সান্নিধ্য বা সাহিত্যটা উপলব্ধি করে পাঠক জীবনের মহিমায় চমৎকৃত আর তার শিল্পরূপের স্রষ্টার নৈপুণ্যে মগ্ন হন।

উপন্যাসের ঐ কাজ অল্প আয়তনের মধ্যেই হোক বা অধিক পরিমাণের দ্বারা হোক, তাতে কিছু এসে যায় না। মোটের উপর ঐ কাজটি সুষ্ঠুভাবে হলেই হ'ল। ছোট গল্পের বেলায় নিয়মের কড়াকড়ি, কারণ তার কাজটা অল্পরসম। একটি কাহিনীর দ্বারা একটি মাত্র ঘটনা বা একটি মাত্র চরিত্রের বিশেষত্ব চকিতে উদ্ভাসিত করে সেই কাহিনীর যবনিকাপাতই এর প্রধান লক্ষ্য; এই ব্যাপারটা এমনভাবে করা চাই যেন কোন অবাস্তর ঘটনা বা চরিত্রের ছায়া মাত্র এসে মূল ঘটনা বা চরিত্রের স্বকীয়তাকে এতটুকুও আচ্ছন্ন না করে। এই নিয়ম মেনে করে ছোট গল্পটি যদি কিছু বেশি পৃষ্ঠায় লেখা হয়, তা হ'লে কোন দোষ হবে না। অবশ্য, অবাস্তর প্রসঙ্গ বা ভাবের আতিশয্য বাদ দিতেই হবে। কিন্তু উপন্যাসে ঘটনা, চরিত্র ও ভাবের পরিমাণের নির্দিষ্ট মশলা দিয়ে সাজা পান থেকে একটু-আধটু চুন খসলে আতিশয্যের অপবাদ অত সহজে আসবে না।

সেইজগতে উপন্যাস মূল কাহিনী অবিকৃত রেখে কাব্যভঙ্গিম উচ্চাঙ্গ প্রকাশ করতে পারে; গল্পের মত চিত্তাকর্ষক ছ'একটি পার্বকাহিনীর অবতারণায় তার কোন অসুবিধা নেই; সে পারে রসরচনার উপযুক্ত লঘু চটুলতার আয়োজন করতে, প্রবন্ধের মতই নানা



ধরণের তত্ত্ব ও তথ্য-প্রতিষ্ঠাকে সমর্থন করতে; সমালোচকের মত গভীর অথচ নিপুণভাবে জীবনের দার্শনিক ব্যাখ্যা রচনা, নাট্যকারের মত অপরিমিত চাতুর্যে পরস্পরবিরোধী ভাবধারা ও শক্তিপুঞ্জের সংঘাতে চমকপ্রদ দৃশ্যচিত্রসমূহ উপন্যাসিকের অবাধ অধিকার। কেবল, দেখা চাই যে, ঐ সব অভিনব সংযোজনা মূল কাহিনীর গতিকে কোথাও পীড়িত বা ব্যাহত করছে না। যে-প্রবর্তনা গতিকে ব্যাহত করে ও সেই ব্যাঘাতের দ্বারা উপলব্ধিত নদীশ্রোতের মত উপন্যাসের কাহিনীর গতিকে আরো তীব্র ও চকিত করে তুলবে, শেষ পর্যন্ত সংশ্লেষণের সাহায্যে এক মনোরম সামঞ্জস্যের রম্য পরিবেশ রচনা করবে, তাকে সাদরে বরণ করে নিতে কোন বাধা নেই। যে-সংযোজনা গতিকে কেবল ব্যাহত করে, তা বড় তত্ত্বদর্শিতা বা আদর্শবাদের পরিচায়ক হ'লেও বর্জনীয়; আর, যে-নূতনত্ব কাহিনীতে আনবে গতিলাসা, তা স্বভাবত বাঞ্ছনীয় যদিও অনর্থক চমৎকারিত্ব উপন্যাসের মহিমামণ্ডিত স্বধর্মের সঙ্গে খাপ খায় না।

আধুনিক কালে এই সব বিশেষত্ব নিয়ে বিচিত্রসুমমাযে মহাকাব্য উপন্যাস গড়ে উঠেছে, তাতে সাহিত্যের অত্যাশ্রিত উপাদানের মত কবিত্ব থাকতে কোন বাধা নেই। সংস্কৃত অলঙ্কারশাস্ত্র অনুসারে এই উপন্যাসকে স্বচ্ছন্দে “কাব্য” বলা চলে এবং একে এযুগের ‘মহাকাব্য’ নাম দিলেও ভুল হবে না। উপন্যাসের পক্ষে কাব্য হয়ে উঠতে, যদিও কবিতা হয়ে উঠতে নয়, আপত্তির কারণ নেই; তার রচনাও গদ্যে ও পদ্যে, দু'ভাবে হতে পারে, যেহেতু, পদ্যে লেখা হলেই কবিতা হয় না। কবিকঙ্কণের রচনা পদ্যে-লেখা উপন্যাস এই জ্বলেই পাওয়া গেছে, যদিও আধুনিক বৈশিষ্ট্য ও বৈচিত্র্য তাতে একেবারে অনুপস্থিত।

সংস্কৃত সাহিত্যের “কাদম্বরী” প্রভৃতি রচনা থেকেও আধুনিক বাংলা উপন্যাসের উৎপত্তি কোনমতেই কল্পনা করা যায় না। কাদম্বরী বা দশকুমার-চরিতে মূল কাহিনী বারবার ব্যাহত হ'বেছে বিভিন্ন উপাদানের, বিশেষত পার্শ্বকাহিনীর সংযোজনায়। হয়ত তাতে অল্প ধরণের লাভ হয়েছে, নানা দিক থেকে নতুন শিল্প ও শৌখিন সৃষ্টি হয়েছে, কাহিনীর ক্ষুদ্রগতির প্রতিবন্ধকতার ক্ষতিপূরণ মিলেছে বর্ণনা ও ভাষার সূক্ষ্ম কারুকার্যে। কিন্তু উপন্যাসের বর্তমান ধারার সঙ্গে তার কোন যোগ নেই।

সংস্কৃত আর অল্প প্রাচীন ভাষার সাহিত্যগুলিতে নানা

গাথা, কিংবদন্তী, উপকথা, রূপকথা, কাহিনী, কিসসা বা কেছা ছড়িয়ে আছে; কিন্তু সে সবার এক বা একাধিক থেকে, সেগুলি থেকে বিচ্ছিন্নভাবে বা সেগুলির সম্মিলিত সাধনায় বিশ্বসাহিত্যে আধুনিক উপন্যাসের জন্ম হয় নি। উপন্যাসের অষ্টাদশ শতকীয় আধুনিক আবির্ভাব মানবের সাহিত্যচেতনায় এক বিপুল যুগান্তকারী আলোড়নের ফলে সম্ভবপর হয়েছে। মানবের ব্যক্তিত্ববোধ, স্বাধীন-চিন্ততা, স্বাধীনতাপ্রিয়তা, রোমাটিক জীবনবোধের বিকাশ, বস্তুনিষ্ঠা প্রভৃতি কতকগুলি আধুনিক মানস বিশেষত্বের বা প্রবণতার সঙ্গে চিরন্তন কাহিনীপ্রিয়তার সংমিশ্রণে তার বিরাট জীবনদর্শনের পূর্ণঙ্গ সাহিত্য-বিকাশরূপে আধুনিক কালের উপন্যাসের উন্মেষ। পূর্ববর্তী গাথা, সাগা, জাতক, পঞ্চতন্ত্র প্রভৃতির কাহিনীগুলি উপন্যাসরচনায় কিছু-কিঞ্চিৎ আভাস-ইঙ্গিত দেওয়া ছাড়া আর কোন কাজে লাগে নি, লাগতে পারে না, তারা মূলত এত পৃথক।

বিশ্বসাহিত্যে উপন্যাসের প্রথম সূচনা ও আবির্ভাব যে ভাবে যে উৎস থেকেই হোক না, বাংলা উপন্যাসের উৎস পাশ্চাত্য শিক্ষার প্রেরণা। উপন্যাস লিখবার সময় বাঙালী উপন্যাসিকেরা যে বৌদ্ধ জাতক, হিতোপদেশ, কথাসরিৎসাগর, কবিকঙ্কণ চণ্ডী প্রভৃতির কথা স্মরণে রেখে লিখতেন না, সে-কথা একরকম শপথ করে বলা যায়। বাংলা উপন্যাসের ধারাটি প্রবল এবং এটি পুষ্ট হয়েছে বিভিন্ন ইউরোপীয় সাহিত্যের প্রাণরস পান করে। ১৮৫২ সনে রচিত “ফুলমণি ও করুণা” অবাঙালীর লেখা প্রথম বাংলা উপন্যাস; নানা কারণে বাংলা সাহিত্যে এর প্রভাব গৌণ; ১৮৫৫ সনে লেখা প্যারীচাঁদ মিত্রের “আলালের ঘরে দুলাল” প্রথম বাঙালীর লেখা বাংলা উপন্যাস; নানা দিক থেকে পরবর্তী বাংলা উপন্যাস-সাহিত্যে এর প্রভাব অপরিসেব। ১৮৫৫ থেকে ১৯৬০ সন পর্যন্ত প্রায় এক শতাব্দী কালের বাংলা উপন্যাস নিয়ে আলোচনা করলে দেখা যায়, বিশ্বসাহিত্যে উপন্যাসের ধারা যেদিকে প্রবাহিত হচ্ছে, বাংলা সাহিত্যে উপন্যাসের ধারাও ঠিক সেই দিকে প্রবাহিত হচ্ছে। সব সাহিত্যসমালোচক সে-বিষয়ে সচেতন নন। “বঙ্গসাহিত্যে উপন্যাসের ধারা” নামে বৃহদায়তন পুস্তকের লেখক শ্রীকুমার বন্দ্যোপাধ্যায়ের মতে, উপন্যাস যতই সুপরিণত রূপ লাভ করবে, ততই তার প্রধান লক্ষণ হ'বে বাস্তবাহুগামিতা। এই সিদ্ধান্ত অবলম্বনে তিনি ধরে নিয়েছেন যে, বাংলা উপন্যাসে ক্রমশ বাস্তবাহুগামিতা প্রাবল্য লাভ করেছে এবং

করবে। কিন্তু বিশ্বসাহিত্যের গতি অনুধাবন করলে বোঝা যায় যে, তাঁর সিদ্ধান্ত একদেশদর্শী; বাংলা দেশ যেহেতু বিশ্বছাড়া নয়, এবং উপন্যাসের ক্ষেত্রে বিশেষভাবে পাশ্চাত্য সাহিত্যের অহুগামী, সেহেতু বাংলা উপন্যাসেও প্যারীচাঁদের পবিত্র শতাব্দীর মধ্যে বাস্তবাহুগামিতার ক্রমবর্ধমান প্রবলতা দেখা যায় নি।

বাংলার তথা ভারতের প্রাগ্-আধুনিক সাহিত্যে উপন্যাসের অভাব এমন কি অনস্তিত্ব ছিল, একথা অপ্রতিবাদ্য। তার কারণ, ভারতের তৎকালীন মানস ও চিন্তাধারা একেলে উপন্যাসের জন্ম দিতে পারত না নেহাৎ স্বাভাবিক কারণেই: বিশ্বের অত্যাচার অঞ্চল সম্বন্ধেও একথা প্রযোজ্য। আধুনিক যুগে ভারতীয় মানস পাশ্চাত্য শিক্ষার গুণে বিশ্বমনের সান্নিধ্যে এসে ব্যক্তিস্বাধীনতা কি বস্তু, তা বুঝতে শেখার পর বিভিন্ন ভারতীয় ভাষা-সাহিত্যে উপন্যাসের উৎপত্তি হ'ল। উপন্যাসের অত্নতম কাজ ব্যক্তিবোধের বিকাশ দেখান; বিংশ শতকে গোষ্ঠীর বিবর্তন তথা চেতনার অভিব্যক্তি দেখানও উপন্যাসের বিষয়ীভূত হয়েছে, যেমন ইলিয়াস এরেনবুর্গের "পারির পতন।"

উপন্যাসের দুই প্রধান শাখা নভেল ও রোমান্সের মধ্যে নভেলের ক্ষেত্রে বাস্তবাহুগামিতার সিদ্ধান্ত আংশিক ভাবে সত্য; সব ধরনের উপন্যাসের বেলায় তথাকথিত বাস্তবাহুগামিতার কথা ওঠে না। আর সব ধরনের সাহিত্যের মত নভেল ও অত্যাচার উপন্যাসজাতীয় রচনায় সার্থকতার প্রমাণ পাওয়া যাবে রসপ্রাণতায় আর শ্রেণীরূপের প্রমাণ মিলবে নভেলের ক্ষেত্রে চরিত্রচিত্রণের প্রাধান্যে, বাস্তবাহুগামিতায় কখনও নয়। রোমান্সের বেলায় যেমন, নভেলের ক্ষেত্রেও তেমনি, শ্রেণীগত বৈশিষ্ট্যের ব্যঞ্জনার ক্ষেত্রে বাস্তবাহুগামিতার আওতা এবং অপরিহার্য প্রয়োজন নেই। কারো কারো ধারণা, নভেল হ'লে বাস্তববাদী রচনা হওয়া দরকার। এই ধারণার মূলে কুঠারাঘাত জরুরি প্রয়োজন। নভেলের বৈশিষ্ট্য চরিত্র প্রাধান্যে, বাস্তববাদে কখনও নয়, একথা অবিস্মরণীয়।

যত দিন যাবে, ততই নভেলশ্রেণীর উপন্যাস অত্ন সব উপন্যাসকে পরাস্ত করে শেষে একমাত্র উপন্যাস হয়ে উঠবে তা বরং সম্ভবপর; কিন্তু সর্বশ্রেণীর উপন্যাসকে বা বিশেষ করে নভেলকে ক্রমাগত বাস্তবাহুগ হতে হবে, এই অদ্বৈত ধারণার কোন যুক্তিসম্মত ভিত্তি নেই; তা ছাড়া, কেবল নভেলই যে উপন্যাসজগতে একেশ্বর হয়ে বিরাজ করবে, তাও নয়; এই আধুনিক

জড়বাদী যুগেও রোমান্স এবং অত্ন নানা ধরনের উপন্যাসের চাহিদা থেকে বোঝা যায় যে, কেবল বাস্তবাহুগ ভিন্ন অত্ন জাতের উপন্যাসের প্রচলন অক্ষুণ্ণ ত আছেই, অহুমান ক'য় যায় যে চিরদিনই থাকবে। পূর্ণ বস্তুপরতন্ত্র উপন্যাস বা নভেলের তুলনায় ওএল্‌স, মম্, প্লাসারমান, হাক্সলি, ইভলিন ও অপ্রভৃতির কদর কম দেখা যায় নি। বাংলা দেশেও বিভূতিভূষণ বন্দ্যোপাধ্যায়ের জনপ্রিয়তা কারও চেয়ে কম নয়।

উপন্যাসে বাস্তবতা বলতে কি বোঝান উচিত, সে সম্বন্ধে আচার্য সুকুমার সেন মহাশয় একটি নিখুঁত বিশ্লেষণে বলেছেন:—

“সাহিত্যে ‘বাস্তবতা’ বলিলে বস্তুপরতন্ত্রতা বা realism নাও বুঝাইতে পারে। যে বস্তু, বিষয়, ব্যক্তি বা ভাব ইতিহাসে সত্য নয়, ভাবের দিক দিয়া সত্য হইতে তাহার পক্ষে কোনই বাধা নাই। বস্তুর জগৎ ও ভাবের জগতের মধ্যে যে সমন্বয় বা correspondence, তাহা সর্বদা খুঁটিনাটি অংশ লইয়া নয়—তাহা প্রতিচ্ছবি নয়, প্রতিফলন। বস্তুনিরপেক্ষ ভাব বা আদর্শগত বাস্তবতা অর্থাৎ idealism শ্রেষ্ঠ সাহিত্যের উপজীব্য।”

এই দৃষ্টিভঙ্গি নিয়ে বিচার করলে দেখা যায় যে, আমরা যে বঙ্কিমচন্দ্রকে অনেক ক্ষেত্রে কল্পনাবিলাসী আদর্শবাদী বলে উপেক্ষিত ও অবজ্ঞাত দেখি, তিনি শ্রেষ্ঠ আদর্শগত বাস্তববাদী। বঙ্কিমচন্দ্র ফুল অর্থে বস্তুপরতন্ত্রবাদী ছিলেন না, কিন্তু তাঁর রোমান্টিক উপন্যাসাবলীতে নিখুঁত সাহিত্যিক বাস্তবতা আছে।

বাংলা উপন্যাস-সাহিত্যে নভেল ও রোমান্স—এই দুই শ্রেণীর উপন্যাস প্রবল; ‘আলালের ঘরের দুলাল’ নভেল জাতের উপন্যাস; রোমান্স জাতের উপন্যাস প্রথম রচনা করেন বঙ্কিমচন্দ্র; ১৮৬৫ সনে তাঁর প্রথম বাংলা উপন্যাস ‘দুর্গেশনন্দিনী’ প্রকাশিত হয় বাংলা উপন্যাস-জগতের প্রথম রোমান্সরূপে। দেখা যাচ্ছে যে, বাংলা সাহিত্যের প্রথম উপন্যাস হ'ল নভেল এবং তা ১৮৫৫ সনের রচনা; এখানে ‘ফুলমণি ও করুণা’-কে হিসেব থেকে বাদ দেওয়া হ'ল এবং মনে রাখা যাক যে, সেটিও নভেলপর্যায়ভুক্ত; বাংলা সাহিত্যের প্রথম রোমান্স নভেলের অন্তত দশ বছর পরে প্রকাশিত হয়; প্যারীচাঁদ মিত্রের বইএর সমসাময়িককালে প্রতাপচন্দ্র ঘোষ (১—১৯২১) বঙ্গাধিপ পরাজয় (প্রথম খণ্ড ১৮৬৯, দ্বিতীয় খণ্ড ১৮৮৪), তারকনাথ গাঙ্গুলি (১৮৪৩-৯১) স্বর্ণলতা (১৮৭৪), শিবনাথ শাস্ত্রী (১৮৪৭-১৯১৯) বেঙ্গ বৌ (১৮৭৯), রমেশচন্দ্র দত্ত (১৮৪৮-১৯০৯)

সংসার ( :৮৮৬), স্বর্ণকুমারী দেবী ( ১৮৫৭-১৯৩২ )  
স্নেহলতা ( ১৮৯২ ) প্রভৃতি কয়েকটি বাস্তবানুগ নভেল  
শ্রেণীর লেখা প্রকাশ করেন। কিন্তু শক্তিশালী লেখকের  
প্রতিভা যে সমস্ত অর্থোক্তিক উপপত্তির উদ্দেশ্যে, সমসাময়িক  
সমাজের নভেল-প্রীতিকে পরাজিত করে রোমান্স যে  
ক্রমশ জয়লাভ করতে পারে, বঙ্কিমচন্দ্র তা প্রমাণ করলেন  
১৮৬৫-৮৪, উনিশ বছরের মধ্যে চোদ্দটি রোমান্স পর্যায়ের  
উপন্যাস রচনা করে। বঙ্কিমচন্দ্র বাংলা সাহিত্যে  
রোমাণ্টিক উপন্যাসের স্রষ্টা ও শ্রেষ্ঠ শিল্পী। তাঁর  
সমকালীন সমাজ যে রোমান্সের ভিত্তে উদ্‌যীব হয়ে ছিল,  
কেন্দ্র প্রস্তুত থাকায় তিনি সহজেই প্রতিষ্ঠা লাভ করেন,  
এমন কথা মনে করলে ভুল হবে। বাংলা সাহিত্যের  
ত বটেই, বিশ্বসাহিত্যের শ্রেষ্ঠ রোমাণ্টিক উপন্যাসিক  
ধাকে স্বচ্ছন্দে বলা চলে অন্ধ স্বছাতিপ্ৰীতির কিছুমাত্র  
পরিচয় ন দিয়ে, সেই বঙ্কিমকে তাঁর নিজের সমাজ প্রসন্ন  
চিত্তে বরণ করে নেয় নি। শিবনাথ শাস্ত্রীর 'মেজ বো'  
প্রথম প্রকাশের পর তাঁর প্রথম প্রকাশিত যে কোন  
বইএর চেয়ে বেশি বিক্রি হয়েছিল। কিন্তু ক্রমশ সমস্ত  
নভেল বিস্মৃতির অতলে নিমজ্জিত হ'ল, নভেলপ্রিয়  
বাঙালী পাঠক সমাজ বঙ্কিমচন্দ্রকেই শিরোধার্য  
করে নিল তিনি বিত্তম রোমান্সের লেখক হওয়া  
সত্ত্বেও।

বঙ্কিমচন্দ্র চট্টোপাধ্যায় ( ১৮৩৮-৯৪ ) উপন্যাসজগতে  
আবির্ভূত হওয়ার আগে বাবু, নববাবুবিলাস, কলিকাতা  
কমসালয়, অসুরীয় বিনিময়, সফল স্বপ্ন, ছুরাকাজেকের  
বৃথা ভ্রমণ, বিচিত্রবীর্ষ প্রভৃতি যে-সব ক্ষুদ্র রচনা লিখিত  
ও প্রকাশিত হয়েছিল, সেগুলি বঙ্কিমচন্দ্রকে কোন প্রেরণা  
দিয়েছিল, এমন মনে করা ঠিক হবে না। ঐ সব রচনার  
দ্বারা তিনি গ্রহণ করেন নি। প্রথম থেকেই আদর্শগত  
বাস্তববাদের সঙ্গে রোমাণ্টিকতার সুসমন্বয় সাধন করে  
তিনি যে অভিনব উপন্যাস-শৈলীর প্রবর্তন করেন, তা  
একান্তভাবে মৌলিক। পাশ্চাত্য উপন্যাসের রস  
আকর্ষণ পান করলেও তিনি বিশ্বসাহিত্যেও একজন মৌলিক  
স্রষ্টা। সার এডউইন আর্নল্ডের মতে, তাঁর কপালকুণ্ডলা-র  
অনুরূপ পাশ্চাত্য সাহিত্যে কিছু ছিল না। তাঁকে স্মার  
ওঅন্টার স্বর্টের অনুরূপী মাত্র মনে করাও আর একটি  
গুরুতর প্রমাদ। স্বর্টের রচনা প্লট ও পরিবেশসর্বস্ব ;  
কিন্তু বঙ্কিমের রচনায় সর্বত্র মহৎ জীবনদর্শন প্রতিভাত ;  
Weltanschauung-এর অনুরূপ কিছু স্বর্টের লেখায়  
পাওয়া যায় না ; বঙ্কিম সমগ্র মানবজীবন পরিচালনার  
নীতি উপন্যাসের দ্বারাই নির্ধারণ করে গেছেন। এই  
আদর্শনিষ্ঠ জীবনবোধই প্রকৃত সাহিত্যিক বাস্তবতা ;  
এই বাস্তবচেতনার জন্মেই বঙ্কিমের রোমান্স এক সঙ্গে  
লোককল্যাণকর এবং লোকপ্রিয় হতে পেরেছিল।



## রঙ্গমল্লী

শ্রীসীতা দেবী

৭

রবিবার হইতেই পূর্ণিমা নিজের অফিস যাইবার কাপড়-চোপড়, হাণ্ডব্যাগ, সব গুছাইতে আরম্ভ করিল। মাকে বলিল, “মা, স্কুলে সেরকম ক’রে যেতাম, এখানে সেরকম ক’রে গেলে চলবে না। অফিস পাড়ায় যারা কাজ করে তারা অনেক বেশী সাজগোজ ক’রে যায়। আমাকেও সেই চালে চলতে হবে ত? আমাকে তোমার শাড়ীর ভাঙার থেকে আরও দু’খানা কাপড় দাও এখন। আমি আন্তে আন্তে নূতন শাড়ী দিয়ে ঋণ শোধ ক’রে দেব।”

মা বলিলেন, “তোদের দু’জনের জন্তেই রাখা, তার আর ঋণই বা কি, শোধই বা কি? দরকার থাকে নে।”

সরমা বলিল, “ভাগ্যে স্ত্রাণ্ডালটা ক’দিন আগেই কিনেছিলে, বেশ নূতন রয়েছে। তোমার হাণ্ডব্যাগটা কিন্তু বড় shabby হয়ে গেছে ভাই।”

দিদি ঠাট্টা করিয়া বলিল, “স্কুলের মেয়েরা আমাকে এক দিন বিদায়-অভিনন্দন দেবে শুনিছি। একটা উপহার সে সময়ে দেওয়া নিয়ম, ব’লে আসব নাকি যে একটা হাণ্ডব্যাগ দিও?”

সরমা বলিল, “বলতে পারলে ত ভালই হ’ত।”

যাহা হউক, এখন যাহা আছে তাহা লইয়াই পরদিন সকাল সকাল খাইয়া পূর্ণিমা বাহির হইয়া পড়িল। ভীড়ে কষ্ট খানিকটা পাইতেই হইল। বুঝিল, রোজই পাইতে হইবে। ভীড় এড়াইতে হইলে ঘত সকালে বাহির হইতে হয়, তাহার মধ্যে মায়ের রান্না হইয়া ওঠে না। সারাটা দিন ত অফিসে কাজ করা যায় না, না খাইয়া?

অফিসের দরজার ভিতর ঢুকিতে হেড টাইপিষ্ট্ বিকাশবাবুর সঙ্গে তাহার দেখা হইয়া গেল। তিনি বলিলেন, “বেশ, বেশ, ঠিক সময়েই এসেছেন। চলুন, আপনাকে বসবার জায়গা-টায়গা সব দেখিয়ে দিচ্ছি।”

তাঁহার সঙ্গে ঘুরিয়া ঘুরিয়া পূর্ণিমা সবই দেখিয়া লইল। তাহার ঘরটি বড় সাহেবের ঘরের কাছেই,

পাশাপাশি বলিলেই হয়। বাথরুম প্রভৃতিরও বেশ ভাল ব্যবস্থা আছে। ঘরটি ছোট, তবে আলো-বাতাস খুব। দরকারি আসবাব-পত্র সবই আছে, ভাল একটি টাইপরাইটারও আছে।

জিজ্ঞাসা করিল, “এ ঘরে আমি একলা বসব?”

বিকাশবাবু বলিলেন, “এখন ত একলাই। যদি আর কোন মেয়ে আসে পরে, তখন দেখা যাবে। আপনি বসুন, এখনি মিঃ মজুমদার ডেকে পাঠাবেন,” বলিয়া বিকাশবাবু প্রস্থান করিলেন।

ভদ্রলোকের পদবী তাহা হইলে মজুমদার? যাহা হউক, এইটুকু ত জানা গেল।

বেয়ারা আসিয়া উপস্থিত হইল, তাহাকে ডাকিবার জন্ত। তাহার সঙ্গে সঙ্গে পূর্ণিমা গিয়া ঢুকিল, আগের দেখা সেই ঘরটিতে।

মিঃ মজুমদার তাকাইয়া দেখিয়া বলিলেন, “সুপ্রভাত। ঠিক সময়েই এসেছেন। অফিসের কাজে punctuality-টা বড় দরকার। আমি সদৃষ্টান্ত দেখাবার খাতিরে সর্বদাই ঠিক সময়ে আসি। যদিও দু’-একদিন দেরি আমি ইচ্ছা করলে করতে পারি। আপনি যখন আমার সেক্রেটারি আর স্টেনোর কাজ করছেন তখন আপনাকেও রোজ ঠিক সময়ে আসতে হবে। কোন্ পাড়ায় থাকেন আপনি?”

“বালিগঞ্জ। একেবারে লেকের কাছে।”

“তা হ’লে ত বেশ দূর আছে। যাক, প্রথম বয়সে একটু কষ্ট করা ভাল, মানুষ শক্ত হয়ে যায় এতে।”

পূর্ণিমা মনে মনে ভাবিল, কত কষ্ট যে তাহাকে প্রথম জীবনে সহ্য করিতে হইয়াছে তাহা যদি ভদ্রলোক জানিতেন। শক্ত অবশ্য কতদূর সে হইয়াছে, তাহা বলা যায় না। যাহা হউক, তাহাকে তখনই কাজ আরম্ভ করিতে হইল, স্তবরাং আর বেশী কিছু ভাবিবার সময় রহিল না।

প্রথম দিন কাজে অল্প-বল্প ভুল হইল। মিঃ মজুমদার সেগুলিতে দাগ দিয়া বলিলেন, “আর একবার টাইপ ক’রে আনুন। লক্ষ্য পাবার কিছু নেই, আমি যখন



প্রথম টাইপ করতে শিখি, তখন এর চেয়ে ঢের বেশী ভুল করতাম।”

পূর্ণিমা ভাবিল, ভাগ্যে সে প্রথমেই এইরূপ সহৃদয় লোকের কাছে আসিয়া পড়িয়াছিল। বেশী কড়া মানুষ হইলে সে ভয় পাইয়া আরও বেশী ভুল করিত হয়ত। সারাদিনই কাজ চলিল, বসিয়া থাকিবার বিশেষ অবসর পাওয়া যায় না। তবে পরিবেশটা ভাল, একটি মানুষের সঙ্গেই যা সম্পর্ক, আর সবটাই ত নিরালায় বসিয়া আপন মনে কাজ করা। চারিটার পর তাহার বড়ই ক্লান্ত লাগিতে লাগিল। এই সময় সে স্কুল হইতে ফিরিয়া চা খাইত। কিন্তু অফিস ত পাঁচটার আগে ছুটিই হয় না।

পাঁচটাতেই সে ঠিক ছুটি পাইল। সকলেই তখন বাড়ী যাইবার জন্ত উঠিয়াছে। আন্তে আন্তে সে হাঁটিয়াই নামিয়া চলিল। লিফট্-এ বড় ভীড়, অত ঠাশাঠাশির মধ্যে উঠিতে তাহার ভাল লাগিল না। একতলায় পৌঁছিয়াই দেখিল, মজুমদার সাহেব লিফট্ হইতে বাহির হইয়া আসিতেছেন। পূর্ণিমাকে দেখিয়াই বলিলেন, “হেঁটে নামছেন কেন? ব্যবস্থা একটা রয়েছে যখন?”

পূর্ণিমা বলিল, “হেঁটে নামতে আমার কোন কষ্ট হয় না। অফিস ভাঙার মুখে সবাই চড়তে চায় লিফট্-এ, বড় ভীড় হয়।”

মজুমদার বলিলেন, “কর্মজগতে নেমে এসেছেন, এখন ভীড় আর avoid করবেন কি করে? চিরজীবন এই ভীড়েই কাটাতে হবে।”

অতঃপর তিনি প্রশ্ন করিলেন, এবং পূর্ণিমাও টাম ধরিবার জন্ত যথাস্থানে গিয়া দাঁড়াইল।

বাড়ী পৌঁছিল তখন সন্ধ্যা হইয়া আসিতেছে। সরমা আসিয়াই প্রশ্নের শ্রোত বহাইয়া দিল, “কি রকম কাজ করলে দিদি আজকে?”

পূর্ণিমা কাপড় বদলাইতে বদলাইতে বলিল, “কাজ মন্দ করি নি। ছ’চারটে ভুল অবশ্য করেছি। তা আমার বড় সাহেব লোক খুব ভাল, ধমক-ধামক কিছু করেন নি, খালি আর একবার টাইপ করিয়ে নিয়েছেন।”

সরমা সশব্দে হাসিয়া উঠিল, বলিল, “ঠিক স্কুলের task লেখার মত।”

পূর্ণিমা বলিল, “তাই প্রায়, তবে একলা ঘরে ব’সে করতে হয় ব’লে কোন লজ্জা করে না।”

তাহার মা জিজ্ঞাসা করিলেন, “একেবারে সন্ধ্যার মুখে ফিরলি, কিদে পায় নি?”

“কিদে পায় নি ঠিক, তবে তেঁটা পেয়েছিল। খালি মনে হচ্ছিল, এক পেয়লা চা হ’লে মন্দ হ’ত না।”

চা, জলখাবার যাহা ছিল, খাইয়া লইল। তাহার পর ধীরে-স্বপ্নে, চুলটা আর একবার ভাল করিয়া বাঁধিয়া, মুখে সামান্য একটু পাউডার দিয়া সে বেড়াইতে চলিল।

দীপক বসিয়াই ছিল, বলিল, “খুব দেরি করলে যা হোক, কতক্ষণ থেকে ব’সে আছি।”

পূর্ণিমা বলিল, “এর পর ত দেরিই হবে, শনি-রবিবার ছাড়া। পাঁচটার আগে ত ছাড়া পাই না।”

দীপক বলিল, “তা ত পাবেই না, এ ত মেয়ে ঠ্যাঙানোর কাজ না?”

পূর্ণিমা বলিল, “এখানেও ছেলে ঠ্যাঙাতে হতে পারে। বিজ্-বিজ্ করছে পুরুষ মানুষ চারিদিকে, সবাই কিছু সন্ত্য বা ভদ্র নয়।”

দীপক বলিল, “এবার নিজে ঠেকে শিখবে। আমার কথা ত.হেসে উড়িয়ে দাও। কেন, প্রথম দিনেই কিছু অভিজ্ঞতা হয়ে গেল নাকি?”

পূর্ণিমা বলিল, “না, না, অভিজ্ঞতা কিছু হয় নি। তবে এক-একটা লোক কেমন ক’রে যেন তাকায়, ভাল লাগে না। আর ট্রামেও যেমন ভীড়, লিফট্-এ ও তেমন ভীড়। গরমের দিনে বিক্রী লাগে বড়। ট্রামের ঠেলা-ঠেলিটা অবশ্য কিছু নূতন নয় আমার কাছে। আগের কাজেও বেশীর ভাগ ট্রামে-বাসেই গিয়েছি ত? আর এই সময়ই গিয়েছি।”

দীপক বলিল, “এ রকম এক ঘণ্টা ধ’রে ত যাও নি?”

পূর্ণিমা স্বীকার করিল, “তা যাই নি অবশ্য।”

দীপক বলিল, “তোমার অফিসের কিছু কিছু খবর সংগ্রহ করলাম।”

পূর্ণিমা বলিল, “ব’লে ফেল।”

দীপক বলিল, “ভালগুলো আগে বলছি। মাইনে পাওয়া নিয়ে কোন হান্সাম হবে না। মাসের গোড়াতেই পেয়ে যাবে। অফিসের কাজ ক্রমে বাড়ছে, কাজেই হঠাৎ হাঁটাই হবারও কোন সম্ভাবনা নেই।”

পূর্ণিমা বলিল, “আর মন্দটা কি?”

দীপক বলিল, “মন্দ এই যে, বেশ বড় লোক আছে staff-এর মধ্যে। বিরক্ত খুবই করবে, খুব সাবধানে চলাফেরা করতে হবে তোমাকে।”

পূর্ণিমা বলিল, “চলাফেরার পর্ক খুবই কম। একবার হেঁটে বা লিফট্-এ ক’রে উঠি, এবং আর একবার সেই

ভাবেই নেমে আসি। বাকি সময় কাজ করি নিজের ঘরে বসে, নয় বড় সাহেবের ঘরে বসে ডিক্টেশন লিখি। আমাকে আলাবার সুবিধা খুব বেশী নেই।”

দীপক বলিল, “ইচ্ছা থাকলে কি উপায়ের অভাব? তোমাকে কোথায় বসতে দিয়েছে? হিরণ্য মজুমদারের ঘরের পাশেই নাকি?”

পূর্ণিমা বলিল, “ওর নাম যে হিরণ্য তা ত এই প্রথম শুনলাম। তুমি দেখি অনেক খবর জোগাড় করেছ। হ্যাঁ, আমাকে মিঃ মজুমদারের ঘরের পাশেই একটা ছোট ঘর দিয়েছে।”

দীপক বলিল, “মজুমদারের বিষয়ে এমনি ত ভাল রিপোর্টই পেলাম। কারু সঙ্গে বেশী খারাপ ব্যবহার করে না। তবে কাজে ফাঁকি, সময়ে ফাঁকি এ সব সহ করে না। আর একটা খবর শুনে একটু চিন্তিত হলাম।”

পূর্ণিমা উৎসুক হইয়া বলিল, “সেটা কি শুনি?”

দীপক বলিল, “ভদ্রলোক এত বয়স পর্যন্ত অবিবাহিত আছেন।”

পূর্ণিমা হাসিয়া ফেলিল, বলিল, “দেখ ত কাণ্ড! এর আবার খারাপ-ভাল কিছু আছে নাকি? তাঁর খুশি তিনি বিয়ে করেন নি, তাতে অন্য লোকের কি?”

দীপক বলিল, “অন্য লোকের পাছে কিছু হয়, সেই জন্তেই চিন্তা।”

পূর্ণিমা বলিল, “নিজের চরকায় তেল দিলেই ত পারে অন্য লোকের। কাজকর্ম নেই কি? কোথায় কোন্ ভদ্রলোক বিয়ে করছে না, তাতে তাদের ভালই বা কি, মন্দই বা কি?”

দীপক বলিল, “আচ্ছা, থাক ওকথা। ছেলেমানুষদের মাথায় বেশী idea ঢুকিয়ে দিতে নেই।”

পূর্ণিমা বলিল, “ডের হয়েছে, আর বাজে বকতে হবে না। বড়কীর কোন খবর পেয়েছ?”

দীপক বলিল, “চিঠিপত্র কিছু আসে নি, লিখতে দেয় না বোধ হয়। তবে কবে জোড় ভাঙতে আসবে সেইটা বলে পাঠিয়েছে।”

পূর্ণিমা জিজ্ঞাসা করিল, “খবরবাড়ী ওর কোথায় হ’ল?”

দীপক বলিল, “কাছেই, রাণাঘাটে।”

পূর্ণিমা বলিল, “করে কি তোমার ভগ্নাতি?”

দীপক বলিল, “থাকবার ঘর আছে, কিছু জমিজমা আছে এইটাই জানি। কাজ হয়ত একটা করে, কিন্তু কি কাজ তা ভুলে গেছি।”

পূর্ণিমা বলিল, “তোমার মরণশক্তির প্রশংসা করতে পারলাম না। বেনকেও দু’দিন পরে ভুলে যাবে।”

দীপক বলিল “যাব হয়ত। মনে রেখে যখন কোন লাভ নেই।”

পূর্ণিমা বলিল, “এ বেশ কথা, মানুষ মানুষকে মনে রাখবে শুধু কি লাভের জন্তেই?”

দীপক উত্তর দিল না। মিনিট কয়েক চুপ করিয়া থাকিয়া বলিল, “কাজকর্ম হ’ল কেমন আজ?”

পূর্ণিমা বলিল, “মন্দ নয়, তবে একেবারেই ভুল হয় নি তা নয়।”

“বকুনি খাও নি?”

পূর্ণিমা বলিল, “না, মজুমদার সাহেব ওদিক দিয়ে খুব ভাল। আবার করিয়ে নিলেন, এই পর্যন্ত।”

দীপক বলিল, “এই পুরুষ সেক্রেটারী হ’লে, অল্পরকম মুক্তি দেখতে তাঁর।”

পূর্ণিমা বলিল, “হবে, জানি না ওসব।”

আর কিছু কথাবার্তার পর পূর্ণিমা বাড়ী যাইবার জন্ত উঠিল।

দীপক বলিল, “এত তাড়াতাড়ি চলেছ কোথায়?”

পূর্ণিমা বলিল, “কিরকম ঝড় আসছে দেখছ। কালবৈশাখীর পাল্লায় পড়লে ভীষণ মুশকিল হবে।”

দীপক তাড়াতাড়ি হাঁটিয়া বাড়ীর দিকে চলিল। দীপকের উৎকণ্ঠা আর ঈর্ষা দেখিয়া তাহার হাসি পাইতে লাগিল। বেচারী হিরণ্য মজুমদার। অনর্থক তাহার সম্বন্ধে এসব আলোচনা ওঠে কেন? ধরণধরণে তিনি অতিশয় ভদ্রলোক।

পরদিন স্নান করিয়া কাপড় পরিতে পরিতে সে সরমাকে বলিল, “ওখানে যারা সব স্টেনো, সেক্রেটারী বা টেলিফোন অপারেটরের কাজ করে, তাদের দেখলে চমকে যাবি। আমাকে তাদের পাশে বোধ হয় ভিখিরীর মত দেখায়।”

সরমা চটখা বলিল, “সু, তা খার দেখায় না?” তোমার মত মিষ্টি দেখতে ক’টা আছে? খালি অসভ্য কাপড়-চোপড় পরলে, আর ঠোটে-গালে একগাদা রং মাগলেই বুনি চেহারা খোলে?”

পূর্ণিমা বলিল, “চেহারা যেমনই থলুক, বড়মানষি দেখান হয়, ফ্যাশনেব্লু বলে নামও হয়।”

সরমা বলিল, “তোমাদের অফিসে আর মেরে আছে?”

পূর্ণিমা বলিল, “একজন ত দেখলাম লিফট-এ উঠলেন, আমাদের অফিসেই ঢুকলেন। বোধ হয় টেলিকোন অপারেটর। পাশী ব’লে মনে হ’ল।”

সরমা জিজ্ঞাসা করিল, “খুব সুন্দর?”

পূর্ণিমা বলিল, “না, সুন্দর কিছু নয়। আরো মেয়ে আসে-যাও, নানা কাজে। ঐ বাড়ীতেই আরো সব অফিস আছে ত? সেখান থেকেও নানা ছাঁদের মেয়ে বেগায় সব।”

সরমা বলিল, “তুমি ভাই আস্তে আস্তে ভাল কাপড়-চোপড় কতগুলো ক’রে নিও। কারু কাছে হার মানবে কেন তুমি?”

গল্প করিবার সময় বেশী ছিল না। খাইয়া-দাইয়া পূর্ণিমা বাহির হইয়া পড়িল। আজও উঠিবার সময় লি টু-এই উঠিল। ভীড়ের জন্ত বিরক্ত লাগে বটে, কিন্তু হাঁটিয়া উঠিয়া মত সময় হাতে ছিল না। মজুমদার সাহেব হয়ত চটিয়াই যাইবেন, দেরি দেখিলে।

সে নিঃস্বপ্নে ঘরে গিয়া ঢুকিতে-না-ঢুকিতেই বেয়ারা তাহাকে ডাকিতে আসিল। পূর্ণিমার দিন শুরু হইল। একবার একটা চিঠি টাইপ করিয়া আনার পর হিরণ্ময় বলিলেন, “মাঝে মাঝে নিঃশ্বাস নেবার অবকাশ পাচ্ছেন ত? না একটানাই কাজ চলছে?”

পূর্ণিমা বলিল, “না, না, মাঝে মাঝে ত বেশ ব’সে থাকি।”

হিরণ্ময় বলিলেন, “এ ঘরে অনেক ম্যাগাজিন আছে, নিয়ে যেতে পারেন, এক-খাধখানা। ব’সে ব’সে ছবি দেখবেন, যখন কাজ না থাকবে।”

পূর্ণিমা খুলী হইয়া একখানা ম্যাগাজিন লইয়া গেল। ছবিও দেখা চলিবে, গল্পও পড়া চলিবে।

আজ মজুমদার সাহেবের বাহিরে কোথায় কাজ ছিল। তিনি যাইবার আগে পূর্ণিমাকে বলিয়া গেলেন, “আপনিও ইচ্ছে করলে চ’লে যেতে পারেন।”

পূর্ণিমা ত বাচিয়া গেল। তাড়াতাড়ি তাহার ব্যাগ ও ছাতা প্রভৃতি গুছাইয়া লইয়া বাহির হইয়া পড়িল। সন্ধ্যায় আজকাল প্রায়ই ঝড়ঝাপটা আসে, সে সময় বাহিরে থাকিলেই বিপদ। কপালগুণে ঝড়টা সে ট্রামে থাকিতে থাকিতে আর আসিল না। ঘরে ঢুকিতেই চারিদিক কাঁপাইয়া প্রচণ্ড ঝটিকা আসিয়া পড়িল। তখন ছুটাছুটি করিয়া উঠানের কাপড়-চোপড় সরান, দরজা-জানলা বন্ধ করার ধুম লাগিয়া গেল। ঝড় যদি থামিল ত আসিল বৃষ্টি। বৃষ্টি আর সে সন্ধ্যায় থামিলই না।

চা খাইয়া পূর্ণিমা খাটে লম্বা হইয়া ওইয়া পড়িল।

আজ ত আর বাহিরে যাইবার সম্ভাবনা মাত্র নাই। দীপকও বাহির হইতে পারিবে না। ওইয়া ওইয়া কত-রকম চিন্তা যে তাহার মাথায় আসিতে লাগিল। দীপক কাল বলিয়াছিল, staff-এর ভিতর অনেক বড় লোক আছে। কে তাহারা কে জানে? এখন পর্যন্ত ত হিরণ্ময় মজুমদার ও বিকাশবাবু ছাড়া আর কাহারও সঙ্গে তাহার আলাপ হয় নাই। দুজনেই অত্যন্ত ভদ্র, বিকাশবাবু ত পিতৃতুল্য প্রৌঢ় ব্যক্তি। তবে যাওয়া-আসার পথে তাহার দিকে হাঁ করিয়া চাহিয়া থাকে, কয়েকজন যুবক কেরাণী, ইহা সে লক্ষ্য করিয়াছে। কদিনই বা সে যাইতেছে অফিসে, ক্রমে ক্রমে সবাইকার পরিচয় পাওয়া যাইবে।

বৃষ্টির জন্ত বেশীর ভাগ জানলা আজ বন্ধ করিয়া ওইতে হইল। গরমে ভাল করিয়া ঘুমাতে পারিল না। আজ-বাজে স্বপ্ন দেখিল অনেক।

পরদিন অফিসে লিফট-এ বড় সাহেবের সঙ্গেই সে উপরে উঠিল। অন্তদিন তাহার গা ঘেঁষিয়া দাঁড়াইবার জন্ত প্রতিযোগিতা লাগিয়া যায়। আজ সকলেই সতর্ক হইয়া রহিল।

কাজ অন্তদিনের মতই চলিতে লাগিল। একটা-দেড়টার সময় বেয়ারা একবার তাহাকে ডাকিতে আসিল। ঘরে ঢুকিয়া পূর্ণিমা দেখিল হিরণ্ময় বসিয়া চা খাইতেছেন। পূর্ণিমাকে দেখিয়া বলিলেন, “এই যে এক মিনিট। এখনই হয়ে যাবে।” চায়ের পেয়লা প্রভৃতি একপাশে ঠেলিয়া সরাইয়া, তিনি কাগজপত্র হাতে লইয়া কাজ আরম্ভ করার উদ্যোগ করিলেন। হঠাৎ সেগুলি নামাইয়া রাখিয়া জিজ্ঞাসা করিলেন, “আচ্ছা, এই যে সাড়ে ন’টা থেকে সাড়ে পাঁচটা অবধি আপনি বাহিরে থাকেন, এর মধ্যে খান কিছু?”

পূর্ণিমা একটু যেন লজ্জিত হইয়া বলিল, “না।”

হিরণ্ময় বলিলেন, “এটা ত ভাল নয়। আট-ন’ঘণ্টা এরকম না খেয়ে থাকা উচিত নয়। স্বাস্থ্য খারাপ হয়ে যাবে যে? এখানে canteen আছে ভাল, বেশ পরিষ্কার-পরিচ্ছন্ন, সেখান থেকে কিছু খাবার আনিয়া রোজ খান। আমরা সকলেই তাই করি।”

পূর্ণিমা একটুক্ষণ চুপ করিয়া রহিল, তাহার পর মুহূর্তে বলিল, “এখন ত afford করতে পারব না।”

হিরণ্ময় একটু যেন অপ্রস্তুত হইয়া গেলেন। বলিলেন “Oh, I am sorry! না জেনে কথাটা বলা আমার ঠিক হয় নি। কিন্তু দেখুন, কতই বা খরচ হবে মাসে? টাকা কুড়িই ধরুন? শনি-রবিবারে ত আর খাচ্ছেন না?

তা টাকা কুড়ি extra আয়ের ব্যবস্থা আমি আপনার ক'রে দিতে পারি, যদি আপনার আপত্তি না থাকে।”

পূর্ণিমা একটু যেন উন্মনা হইয়া পড়িয়াছিল। কি ভাবিতেছিল কে জানে? এইবার জিজ্ঞাসা করিল, “কি করতে হবে?”

হিরণ্ময় বলিলেন, “overtime কাজ করতে হবে কিছু। বেশী নয় সপ্তাহে দু'দিন। তা হ'লেই আপনার কুলিয়ে যাবে। পারবেন?”

পূর্ণিমা জিজ্ঞাসা করিল, “আপনারই কাজ করব ত?”

হিরণ্ময় বলিলেন, “হ্যাঁ, আমারই। ঐ দু'দিন আমাকেও সন্ধ্যার পর থাকতে হয়।”

পূর্ণিমা বলিল, “আচ্ছা, থাকব।”

হিরণ্ময় বলিলেন, “প্রায় সাতটা হয়ে যাবে বাড়ী যেতে। ভয় করবে না ত?”

পূর্ণিমা বলিল, “ভয় করবে না। মা হয়ত ভাববেন, তাঁকে বুঝিয়ে বলব।”

“তাই বলবেন। নিন এষ্টবার কাজ আরম্ভ করুন।”

পূর্ণিমা আবার কাজে মন দিতে চেষ্টা করিল। কিন্তু কেমন যেন অস্থির লাগিতে লাগিল। নানা অবাস্তব চিন্তা আসিয়া তাহার মনের ভিতর ঘুরপাক খাইতে লাগিল। অল্প দিনের চেয়ে কাজে আজ দুই-চারিটা ভুল বেশীই হইয়া গেল।

হিরণ্ময় সেটা লক্ষ্য করিলেন। বলিলেন, “এই দেখুন, মানুষের বেশী ক্লান্ত হয়ে পড়লে, কাজও ভাল ভাবে করতে পারে না। সুতরাং সকল দিকে উন্নতির জন্তে শরীর আগে ভাল রাখা চাই। আমরা ত কখনও কখনও বারো-চোদ্দ ঘণ্টা কাজ করেছি একটানা, কিন্তু তাও মাঝে মাঝে খেয়ে তবে। আচ্ছা, আজ এই পর্য্যন্ত। আপনাকে সামনের সোমবারে থাকতে হবে খানিকক্ষণ অফিস ছুটি হয়ে যাবার পরে, আর বৃহস্পতিবারে। খাওয়াটা কিন্তু কাল থেকে আশ্রয় করুন। সত্যিই শেষের দিকটায় আপনাকে বড় ক্লান্ত দেখায়।”

কাজ শেষ হইয়া গেল সেদিনকার মত। পূর্ণিমা নিজের জিনিষ-পত্র গুছাইয়া লইল। ঘরের চারিদিকটাও চাহিয়া দেখিল, কোথাও অগোছাল হইয়া আছে কি না। তাহার পর সিঁড়ি দিয়া আস্তে আস্তে নামিতে লাগিল। মনের ভিতরটায় এত এলোমেলো চিন্তা কেন আসিতেছে?

মানুষে যখন মহৎ হয়, তাহাদের সামান্যতম কাজেও সেই মহত্বের পরিচয় পাওয়া যায়। দু'দিনের পরিচিতা পূর্ণিমা, হিরণ্ময়ের অফিসের একজন কর্মী মাত্র, অথচ

তাহার সুখ-সুবিধা, বাস্তবের প্রতি ভুল্ললোক কতখানি দৃষ্টি রাখিয়াছেন। তাহার কি দায় ছিল? এক মা ছাড়া কে আর তার ভাবনা কখনও ভাবিয়াছে? দীপক? না, সেই বা কবে সত্যকার পূর্ণিমার ভাবনা ভাবে? তাহার নিজের জীবনে পূর্ণিমার স্থান যেখানে, সেইটুকুই সে দেখে, সেইটুকুর ভাবনাই ভাবে।

৮

পূর্ণিমার overtime কাজ করার কথা শুনিয়া দীপক সেদিন একেবারেই খুশী হইল না। বলিল, “এতদিন ঘরের মেয়ে ছিলে পূর্ণিমা, এখন সত্যিই career woman হতে চললে। এই যে জিনিষটি ঢুকল তোমার জীবনে, এ সুঁচ হয়ে ঢুকল বটে, কিন্তু ফাল হয়ে বেরোবে।”

পূর্ণিমা বলিল, “কি জিনিষ?”

“এই career-এর লোভ, টাকার লোভ। ঘরের টান এবার কমবে, বাইরের টানই বাড়বে।”

পূর্ণিমা বিরক্ত হইয়া গেল। বলিল, “career বা টাকা কোনটাই না হ'লে যদি চলত, তাহ'লে লোভ বলা যেত বটে। কিন্তু যখন ওরই উপর নির্ভর ক'রে নিজে বেঁচে থাকতে হবে, অল্প তিনটে মানুষকেও বাঁচিয়ে রাখতে হবে, তখন তাকে কোন বুদ্ধিমান্ মানুষে লোভ বলে না, necessity বলে।”

“কিন্তু এতদিন কি তুমি বেঁচে ছিলে না?”

পূর্ণিমা বলিল, “আমি ওকে বেঁচে থাকা বলি না। ম'রে যাই নি এই অর্থে শুধু বেঁচে থাকা। আমরা খেতে পাই না পেট ভ'রে, কাপড় পাই না প্রয়োজনমত, ছোট-গুলোর পড়াগুলো হয় না ভাল ক'রে। রোগ হলে বুড়ো মা ওষুধ পান না, বিশ্রাম পান না। এর নাম বেঁচে থাকা নয়।”

দীপক বলিল, “বাইরের জীবনে তোমার অনেক অভাব আছে তা স্বীকার করি। সেগুলির কিছু কিছু তোমার মিটেবে এই চাকরি নেওয়ার ফলে। কিন্তু অল্প কোথাও রিক্ততা কি আরো বেড়ে যাবে না? এই সামান্য একটা কি দেড়টা ঘণ্টা আমাদের নিজেদের জন্তে ছিল। তাও সপ্তাহে দুটো দিন এখন থেকে থাকবে না। এর জন্তে কোন দুঃখ নেই তোমার পূর্ণিমা? বাইরের জীবনটাই তোমার কাছে ঢের বেশী সত্য, ঢের বেশী মূল্যবান্।”

পূর্ণিমার মুখের উপর একটা বিবাদের ছায়া ঘনাইয়া আসিল। বলিল, “ঠিকই বলেছ, ঢের বেশী সত্য ওটা, বড় নিষ্ঠুর রকমের সত্য। মূল্যবান্ কোনটা বেশী কোনটা



কম, তা জানি না। মূল্য কি-ভাবে যে এর নির্ণয় করব, তাও জানি না।”

দীপক বলিল, “নিজে যখন জান না, তখন অল্প কেউ জানিয়ে দিতেও পারবে না। ‘যেচে মান, কেঁদে সোহাগ’ যে হয় না, তা সবাই জানে।”

পূর্ণিমা ইহার কোন জবাব দিতে পারিল না। এ ক্ষেত্রে প্রাপ্তবয়স্ক মানুষের অভিমান করা অসুচিত, তবে তৎসঙ্গেও কেহ যদি করে, তাহাকে কি বলিয়া বোধান যায়? কি করিয়া তাহার অভিমান ভাঙা যায়? আশ্চর্য্য হইয়া দেখিল যে, দীপক যে পরিমাণ অভিমান করিতেছে, ততপাশি আগ্রহ পূর্ণিমার মনে জাগিতেছে না, সেই অভিমান দূর করার জন্ত। দীপকের অযৌক্তিকতা দেখিয়া দেখিয়া সে যেন শ্রান্ত হইয়া পড়িয়াছে।

আচ্ছা, মা কি পূর্ণিমাকে দীপকের মতই বা তাহার চেয়ে ঢের বেশী ভালবাসেন না? সে বিষয়ে পূর্ণিমার সন্দেহ নাই। কই, তিনি ত এ খবর শুনিয়া অভিমান করিলেন না? দুঃখ করিলেন বটে, তাহার এত পরিশ্রম করিতে হইবে শুনিয়া, কিন্তু যখন বুঝিতে পারিলেন পূর্ণিমার স্বাস্থ্যের দিকে দৃষ্টি রাখিয়াই হিরণ্ময় এই ব্যবস্থা করিয়াছেন, তখন আর রাগ বা দুঃখ কিছুই করেন নাই, হিরণ্ময়ের প্রশংসাই করিয়াছেন কিন্তু কেন যে সে overtime খাটিবে, তাহার কারণ দীপককে বলিতে পূর্ণিমার সাহস হয় নাই। সে ইহার একটা কদর্ভ করিবেই। প্রথম হইতেই হিরণ্ময় সম্বন্ধে দীপকের একটা ঈর্ষার ভাব আছে, তাহার কোনও কাজই সে ভাল চোখে দেখে না।

খানিক পরে দীপক বলিল, “ঐ দুটো দিন বিকেলে তা হ’লে আমিও কিছু কাজের চেষ্টা করি না?”

পূর্ণিমা বলিল, “ভাল কিছু পাও যদি ত কেন করবে না?”

দীপক বলিল, “ভাল কিছু পাওয়া আমাদের পক্ষে অত সহজ নয়। তবু একটা লাইব্রেরীর সঙ্গে কথা চলছিল, আমি তখন তত গা করি নি, আবার কথা ব’লে দেখব।”

অফিস ফেরত এখানে আসিতে দেরি হইয়া যায়, কাজেই খুব বেশীক্ষণ বসা চলে না। পার্কের আলো জ্বলিয়া উঠিতেই পূর্ণিমা উঠিয়া পড়িল। বলিল, “যাই তবে আজ। বড়কীরা কবে আসছে?”

দীপক বলিল, “রবিবার কি সোমবার হবে। ভূমি যদিও আজকাল আর আমার সঙ্গে দেখা করতে বেশী ব্যস্ত নও, তবু জানিয়ে রাখি। শুধীপতি যেদিন

আসবেন, সেদিন আমি বিকেলে বেরোতে পারব না। বাড়ী ব’সে ব’সে তাঁকে খাতির করতে হবে। তার পরদিনও যদি না আসি ত জেনো যে, তিনি তখনও বিদায় হন নি। সরমা ত সারাক্ষণই লিলিদের বাড়ী আসছে-যাচ্ছে, ওর কাছেই খবর পাবে।”

“আচ্ছা”, বলিয়া পূর্ণিমা চলিয়া গেল।

পরদিন হইতে অফিসের অন্যান্য কর্মীদের সঙ্গে সেও দেড়টা-দুইটার সময় চা-জলখাবার খাইতে লাগিল। দেখিল সত্যিই আগের মত ক্লাস্ত সে আর হয় না। বসিয়া বসিয়া পিঠও তাহার ধরিয়া উঠে না। মাসের শেষে বিল চুকাইয়া দিলেই চলিবে, কাজেই এখনই পরসার ভাবনাও তাহাকে ভাবিতে হইবে না।

Overtime কাজ আরম্ভ হইল। প্রথমদিন পূর্ণিমার কেমন যেন একটা অস্বস্তি লাগিতে লাগিল। বিরাট অফিস বাড়ী প্রায় খালি হইয়া গিয়াছে। দুই-চারিটি মানুষমাত্র কাজ করিতেছে। টেলিফোন নীরব, calling bell-এর আওয়াজও প্রায় শোনা যায় না। খালি তাহার নিজের টাইপরাইটারটা খটখট শব্দ করিয়া চলিয়াছে। হিরণ্ময়ের কণ্ঠস্বর ছাড়া মানুষের গলার আওয়াজও বিশেষ পাওয়া যায় না।

ঘণ্টা দেড় কাজ করিবার পর হিরণ্ময় বলিলেন, “আজকের মত এই। দেখুন, বাড়ী যেতে সন্ধ্যা করবে না ত? নইলে আমি খানিকটা এগিয়ে দিয়ে যেতে পারি।”

পূর্ণিমা ব্যস্ত হইয়া বলিল, “না, না। আমি বেশ যেতে পারব। একলা যাওয়া-আসার খুব অভ্যাস আছে। বেশী রাত ত কিছু হয় নি?”

হিরণ্ময় হাসিয়া বলিলেন, “বেশ, বেশ, স্বাবলম্বী হওয়ার মত জিনিষ নেই। এগোন তা হ’লে। তবে দরকার হ’লে আমি গাড়ী ক’রে পাঠিয়ে দিতে পারি। মহিলা কর্মীদের, এমন কি শুদ্ধলোকদেরও emergency হলে আমাকে এ ভাবে সাহায্য করতে হয়। নূতন কিছু নয় এটা। কলকাতার শহর, বৃষ্টি হয়ে রাস্তাঘাট ডুবে যাওয়া বা ট্রাম ষ্ট্রাইক্ হওয়া কিছু অসম্ভব ব্যাপার নয়, সারাক্ষণই ঘটছে। সে ক্ষেত্রে সন্ধ্যা পাবেন না, উপায় হয়েই যাবে।”

প্রথম দিন স্নাতটা বাজিয়া কয়েক মিনিট হইতেই সে বাড়ী পৌঁছিল। জলখাবার আর খাইতে চাহিল না, বলিল, “প্রায় ত ভাত খাওয়ার সময় হয়ে এল, শুধু চা-টাই দাও।”

বৃহস্পতিবারই বাধিল বিপদ। সকাল হইতেই আকাশটা ঘোলাটে হইয়া ছিল, দুপুর হইতেই আকাশে মেঘ জমিতে আরম্ভ করিল। সকলেই উদ্বেগ ভাবে একবার আকাশের দিকে তাকাইল। কিন্তু কাজ কেলিয়া পালান ত যায় না? সকলে বসিয়া কাজই করিতে লাগিল।

পাঁচটা বাজিতে না বাজিতেই কালবৈশাখীর তাণ্ডব নৃত্য আরম্ভ হইয়া গেল। ধূলায় পথঘাট এমন অন্ধকার হইয়া উঠিল যে, মাহুম চোখে দেখিতে পায় না। ঘরের ভিতরেও রাশ রাশ ধূলা আসিয়া, ঘরের মেঝে, চেয়ার টেবিল সব ঢাকিয়া ফেলিল। দরওয়ান, বেয়ারারা ছুটাছুটি করিয়া দরজা-জানলা সব বন্ধ করিতে লাগিল। মহাশব্দে ছ'চার জায়গায় শার্দি ভাঙিয়া পড়িল।

ইলেকট্রিক বাতিও দপদপ করিয়া উঠিল ছই-চারবার। হিরণ্ময় বলিলেন, “এইবার বাতিগুলো নিভে গেলেই চার পোয়া পূর্ণ হয়।”

পূর্ণিমা ভীত হইয়া বলিল, “কি করেন তখন?”

মিঃ মজুমদার বলিলেন, “কি আর করব, মোমবাতি জ্বলে ব'সে থাকতে হয়, যেমন বাড়ীতে সকলে থাকে। বেয়ারাগুলোর কাছে লণ্ঠনও আছে কতগুলো। Officer ও কেবালীরা কেউ কেউ ঝড়-বৃষ্টির কালে টর্চ ও নিয়ে আসে।”

পূর্ণিমা বলিল, “যা ঝড়, বৃষ্টি ত নামবেই এর পরে। তার পর রাস্তা-ঘাট ডুববে, আর ট্রাম, বাস বন্ধ হবে।”

হিরণ্ময় বলিলেন, “বাড়ী পৌছতে আর একটু রাত হবে, তা ছাড়া আর কিছু হবে না।”

বৃষ্টিও এবার শুরু হইল মুবলধারে। পূর্ণিমা জিজ্ঞাসা করিল, “আজ পাঁচটার পরে কি থাকবেন?”

হিরণ্ময় বলিলেন, “ঝড়-বৃষ্টির জন্তে কাজ বন্ধ করি না ত? তা হ'লে ত এই সময় হস্তায় ছ'-তিন দিন বন্ধ করতে হয়। তবে যদি fuse হয়ে যায়, তা হ'লে আর কাজ করা চলবে না।”

বৃষ্টি সমানেই হইয়া চলিল, তবে বাতিগুলি ছ'চারবার দপদপ করা ছাড়া আর কোন উৎপাত করিল না। সূতরাং পূর্ণিমা বসিয়া বসিয়া কাজই করিতে লাগিল। সাড়ে ছ'টা অবধি কাজ করিয়া হিরণ্ময় বলিলেন, “আজ আর থাক। এখন সকলের বাড়ী যাবার কি ব্যবস্থা তা দেখতে হয়।”

বাহিরে অবস্থা তখন অবর্ণনীয়। রাস্তা-ঘাট জলে থই থই করিতেছে, গাড়ীর বদলে নৌকা চালাইলেই ভাল হয়। গাড়ী সব সার দিয়া দাঁড়াইয়া গিয়াছে,

কাহারও নড়িবার সাধ্য নাই। দরওয়ান, বেয়ারা, ড্রাইভার সকলে একবার করিয়া বাহির হইতেছে, আবার ছুটিয়া ফিরিয়া আসিতেছে। তাহারা ভয়াবহ খবর আনিতেছে অনেকরকম। গাছ ভাঙিয়া পড়িয়াছে রাস্তার উপর, গাছের বড় বড় ডালও ভাঙিয়া পড়িয়াছে অনেক জায়গায়। ল্যাম্পপোস্ট জখম হইয়াছে। টিনের চাল উড়িয়া মাহুকের গায়ে পড়িয়া দুর্ঘটনা ঘটাইয়াছে। দেওয়াল ধসিয়া পড়িয়াছে।

পূর্ণিমা অত্যন্ত ক্লিষ্টকণ্ঠে বলিল, “আমার বাড়ীর সকলে পাগলই হয়ে যাবে বোধ হয়।”

হিরণ্ময় জিজ্ঞাসা করিলেন, “পাড়ার চেনা-শোনা কোন বাড়ীতে টেলিফোন আছে?”

লিলিদের বাড়ী টেলিফোন আছে, আভাদের বাড়ীও আছে। নম্বর ত মনে নাই পূর্ণিমার? পদবী শুনিয়া হিরণ্ময় ডিরেক্টরী খাটিয়া নম্বর বাহির করিলেন। ডায়াল ঘুরাইয়া তাহাদের বাড়ী পাওয়া গেল। পূর্ণিমার হাতে টেলিফোন দিয়া বলিলেন, “যাকে হোক ডেকে বলুন আপনার মাকে খবর দিতে। বলুন, ঘণ্টাখানেকের মধ্যে আমি পৌঁছে দেব।”

সৌভাগ্যক্রমে আভাকেই পাওয়া গেল, সে বিশেষ বন্ধু সরমার। সে তৎক্ষণাৎ রাজী। পূর্ণিমা যেন হাঁফ ছাড়িয়া বাঁচিল।

হিরণ্ময় বলিলেন, “ঘণ্টাখানেকের মধ্যে জল নেমেই যাবে। বরাবরই তাই যায়। আমার গাড়ীটাকে আজ খেয়া নৌকার কাজ করতে হবে। আপনাকে আর মিসেস্ দস্তরকে প্রথম ক্লেপে দিতে হবে। দুজন শুভ্রলোকের বাড়ীও পড়ে ঐ পথে। তাঁদেরও নিয়ে যাব।”

বসিয়া বসিয়া ম্যাগাজিনের পাতা উন্টাইয়া কোন মতে সময়টা কাটিল। তখন হিরণ্ময়ের ড্রাইভার আসিয়া খবর দিল, এইবার সে গাড়ী চালাইতে পারিবে।

কোনমতে জুতা বাঁচাইয়া পূর্ণিমা ও পার্শ্বী শুভ্রমহিলা গাড়ীতে উঠিয়া বসিলেন। হিরণ্ময় উঠিলেন তাহাদের পরে। অফিসের দুজন কর্মী ঠাশাঠাশি করিয়া ড্রাইভারের পাশে বসিয়া পড়িল। গাড়ী ধীরে ধীরে চলিতে আরম্ভ করিল। রাস্তাঘাট তখনও জলে ভর্তি, আবর্জনাও রাশ রাশ উড়িয়া পড়িয়াছে। খুব সাবধানে গাড়ী চালাইতে হইল। একটু করিয়া যায়, আর ড্রাইভার ব্রেক কবিয়া গাড়ী থামাইয়া দেয়।

হিরণ্ময় বলিলেন, “এ যে দেখি গরুর গাড়ীকেও হার মানাতে বসল।”

পূর্ণিমা একটা ব্যাপার লক্ষ্য করিয়া বড় বিরক্ত হইতেছিল। গাড়ী বাঁকড়ানি দিতেছে ক্রমাগত, এবং তাঁহার পার্শ্ববর্তিনী ভদ্রমহিলা! ক্রমাগত মিঃ মজুমদারের গায়ে চলিয়া পড়িতেছেন। ভদ্রলোক পাথরের মূর্তির মত বসিয়া আছেন। পূর্ণিমা ভাবিল, ভাগ্যে সে তাঁহার পাশে বসে নাই। অনিচ্ছাসত্ত্বেও থাকা লাগিয়া যাইতে পারিত ত ? পূর্ণিমার তাহা হইলে বড়ই অপ্রস্তুত বোধ হইত।

যাহা হোক, মিসেস্ দস্তগিরই সকলের আগে নামিয়া গেলেন। হিরণ্ময় পূর্ণিমার দিকে তাকাইয়া বলিলেন, “অত কষ্ট করে বসার দরকার নেই।”

পূর্ণিমা একটু নড়িয়া বসিল। একটা রাস্তার মোড়ে ভদ্রলোক দুইজন নামিয়া গেলেন। হিরণ্ময় বলিলেন, “এইবার পথ বলে দেবেন, ড্রাইভার চেনে না ত ?”

তখনও সকল দিকে জল, তবু গলির মোড় খুঁজিয়া পাইতে অসুবিধা হইল না। রাস্তার আলো জ্বলিয়া জ্বলিয়া গিয়াছে। পূর্ণিমার বাড়ীর সামনে গাড়ীটা আসিয়া দাঁড়াইল। পূর্ণিমা তাকাইয়া দেখিল, জানলার ধারে তাঁহার মা দাঁড়াইয়া আছেন।

হিরণ্ময় আগে নামিয়া পূর্ণিমাকে পথ করিয়া দিলেন। বলিলেন, “ভাগ্যে ঠিক দরজাটার সামনে জল দাঁড়ায় নি। তা হলে জুতো না ভিজিয়ে নামতে পারতেন না।”

সরমা দরজাটা হড়াস্ করিয়া খুলিয়া গেল। সরমা দাঁড়াইয়া আছে দেখা গেল। পূর্ণিমা হিরণ্ময়কে নমস্কার করিয়া বলিল, “খাসি তবে আজ।”

হিরণ্ময় হাসিয়া প্রতিনমস্কার করিলেন। বলিলেন, “দেখুন, ঠিক এক ঘণ্টার মধ্যেই পৌঁছে দিয়েছি।”

গাড়ী চলিয়া গেল। পূর্ণিমা ভিতরে ঢুকিয়া বলিল, “দরজা জানলা ভাঙে নি ত কিছু ?”

তাঁহার মা বলিলেন, “আমাদের বাড়ী নীচু, তাই বেঁচে গেছি। পাশের বাড়ীর একটা জানলার কপাট ভেঙে পড়েছে। কারো ধাড়ে পড়ে নি ভাগ্যে।”

সরমা জিজ্ঞাসা করিল, “দিদি, উনিই তোমাদের বড় সাহেব নাকি ?”

পূর্ণিমা বলিল, “হ্যাঁ।”

সরমা বলিল, “বাবা, কি লম্বা ভদ্রলোক।”

পূর্ণিমার মা বলিলেন, “তুই যে বলিস্ ভাল, তা সত্যিই খুব ভাল। মেয়েছেলে খেমন নিয়ে যায় কাজের জন্তে তেমনি খদ্দও করে। দায়িত্বজ্ঞান খুব আছে।”

পূর্ণিমা বলিল, “তা খুবই আছে সত্যি মা। আমার কপাল ভাল যে, এরকম ভদ্রলোকের কাছে প্রথম কাজ পেলাম। নইলে অসৎ মানুষের ত অভাব নেই ছনিয়ায়।”

পূর্ণিমার কাজ চলিতে লাগিল। পূর্ণিমার মধ্যে মধ্যে অবাচ্ লাগিত ভাবিয়া যে, দিনগুলি যেন বেশী দ্রুতলয়ে কাটিয়া যাইতেছে। অবশ্য সমস্তক্ষণই সে কাজে ব্যস্ত থাকে সেই একটা কারণ। দীপকের সঙ্গে দেখা-সাক্ষাৎ ঠিকই হয় সোমবার ও বৃহস্পতিবার ছাড়া। মাঝে বড়কী বাপের বাড়ী আসাতে দিন-দুই সে বাহির হইতে পারে নাই।

তৃতীয় দিন দেখা হইতেই পূর্ণিমা জিজ্ঞাসা করিল, “কি রকম অবস্থা দেখলে বোনের ?”

দীপক বলিল, “যতটা খারাপ দেখব বলে আশঙ্কা করেছিলাম, ততটা নয়। আমাদের দেশের মেয়েদের একটা আশ্চর্য্য ক্ষমতা আছে, সব রকম স্বামীর সঙ্গে বনিয়ে নেবার।”

পূর্ণিমা বলিল, “সব মেয়েরই সেটা থাকে না।”

দীপক বলিল, “একেবারে পুরণো tradition-এ মানুষ যারা, তাদের বেশীর ভাগেরই থাকে। নবীনাদের কথা স্বতন্ত্র।”

পূর্ণিমা বলিল, “বড়কী খুব খুশী নাকি ?”

দীপক বলিল, “খুব খুশী আর কোথা থেকে হবে ? তবে খুব যে একটা অখুশী তাও মনে হ'ল না। বালা আর হার পেয়েছে, সেই একটা খুশীর কারণ। আর কোন কারণে তার ধারণা হয়েছে যে বিয়ে ক'রে তার গৌরব বৃদ্ধি হয়েছে খানিকটা। ছুটকীর কাছে স্বত্তর-বাড়ীর গল্প করছিল শুনলাম। তবে শান্তুড়ী-ননদদের কিছু প্রশংসা করে নি। তারা নাকি বড় দজ্জাল।”

পূর্ণিমা বলিল, “সেটাও পুরণো tradition-এর নিয়ম একটা।”

কথায় বিক্রপের সুর ছিল হয়ত, দীপকের মুখটা লাল হইয়া উঠিল, বলিল, “পুরণো আদর্শগুলির সবই খারাপ তোমার মতে, না ? ক্রমেই এ ধারণাটা বাড়ছে বুঝি ?”

পূর্ণিমা বলিল, তোমার কি ধারণা যে আমি অফিসে ব'সে ব'সে sociology-র চর্চা করি, আর ধারণা বদলাই ? আমাকে খেটে খেতে হয়।”

দীপক বলিল, “তা জানি, ওটা আমায় না শোনালেও চলবে।”

দুজনেরই মেজাজ খানিকটা চড়িয়াছে দেখিয়া পূর্ণিমা চুপ করিয়া গেল। এখন কথা বলিতে গেলেই ঝগড়া বাধিয়া যাইবে। পার্কে বসিয়া ঝগড়া করিবার ইচ্ছা তাঁহার ছিল না। দীপকের মতামত সম্পর্কে সে ক্রমেই অসহিষ্ণু হইয়া উঠিতেছে দেখিয়া, সে নিজে একটু লজ্জিতও হইয়া গেল।

খানিক পরে জিজ্ঞাসা করিল, “তোমার সেই লাইব্রেরীর কাজটার কিছু হ’ল নাকি?”

দীপক বলিল, “নাঃ, তারা সপ্তাহের সাতদিনের জন্মেই লোক চায়। সে ত আমি পারব না। আর মাইনেও যৎসামান্য।”

পূর্ণিমা জিজ্ঞাসা করিল, “আচ্ছা, বড়কী গিয়ে তোমার ভার লাঘব হয়েছে কিছূ?”

দীপক বলিল, “সে এতই কম যে উল্লেখযোগ্য নয়। মা জানিয়েছেন যে, আসছে মাস থেকে তিনি আমার কাছ থেকে দশ টাকা কম নেবেন।”

পূর্ণিমা বলিল, “একটা প্রাপ্তবয়স্ক মানুষের সব কিছূ চ’লে যেত ঐ দশ টাকায়?”

দীপক বলিল, “নিশ্চয়ই যেত না। কিন্তু আমার মা আমার কাঁধের জোয়াল এর চেয়ে বেশী হালকা করতে রাজী নন। ছুটকীর বিয়ের জন্মেও কিছু রাখতে চান বোধ হয়।”

অন্ধকার ঘনাইয়া আসিতেছিল, ইহার পর পূর্ণিমা বাড়ী যাইবার জন্ম উঠিল। বলিল, “চলি তবে আজ। ছ’জনেরই মন আজ ভাল ছিল না, মেজাজও সেইজন্মে ভাল ছিল না। একটু কথা-কাটাকাটি হয়ে গেল, কিছু মনে ক’রো না।”

দীপক বলিল, “মনে আর কি করব? দোষ ত ছ’জনেরই। ক্রমাগত একটা ছ’ভাগ্যের বোঝা বয়ে বয়ে, মাথাটা যে ঠিক আছে সেই তের। তোমারও জীবন ত কিছু সুখের নয়।”

এক মাস প্রায় হইয়া আসিল। আর দুই-একদিনের মধ্যেই সে প্রথম বেতনের টাকা পাইবে। মাকে বলিল, “মা, তুমি মধুর মাকে ব’লে রাখ যে, পয়লা তারিখ থেকে তাকে রাত-দিন থাকতে হবে, আর রান্নার কাজও বেশীর ভাগ করতে হবে।”

তাহার মা বলিলেন, “অনেক বেশী চাইবে যে?”

পূর্ণিমা বলিল, “যাই চাক, দিতে হবে। তুমিই যদি এত কষ্ট করবে বারো মাস, তা হলে আমার লাভ কি বেশী উপার্জন ক’রে?”

মায়ের মুখটা একটা প্রসন্ন হাসিতে ভরিয়া গেল। বলিলেন, “তুমি আমার লক্ষী মেয়ে। মা-বাপের কথা আজকালকার ছেলেমেয়েরা বেশী ভাবে না।”

পূর্ণিমা কথাটা তাড়াতাড়ি ঘুরাইয়া দিল। বলিল,

“আর রগু কি present নিবি? সেদিন বলছিল যে? খুব বেশী দামের কিছু চাননে যেন, দিদি সত্যিই ত আর ম’হা বড়মা’হুস হয়ে যায় নি।

রণেন ত ভাবিয়াই পার না কি উপহার সে চায়। বলিল, “দরকারী জিনিস নয় কিন্তু, সে ত তুমি এমনিই দেবে।”

অনেক ভাবিয়াও যখন কিছুই ঠিক করিতে পারিল না, তখন বলিল, “দুটো টাকা দিও, একদিন সিনেমা দেখব, আর একদিন আইস্ক্রীম খাব।”

পূর্ণিমা হাসিয়া বলিল, “সেই ভাল। এটা দিদির ক্ষমতার মধ্যে হবে। চারটে টাকাই দেব, সরমাও ঐ সঙ্গে সিনেমা দেখে এস, আর আইস্ক্রীম খেয়ে এস।”

সরমা বলিল, “হঁঃ, ওর সঙ্গে আমি যাচ্ছি আর কি? আমার টাকা আমাকে দিও, আমি নিজের বন্ধুদের সঙ্গে যাব। আর আইস্ক্রীম আমি তত ভালবাসি না, ‘কোয়ালিটি’তে গিয়ে আমি আইস্ ড্ কফি খাব।”

বাড়ীর ব্যবস্থা ত হয়ে গেল এক রকম। আর যাহা যাহা করিবার ইচ্ছা আছে, তাহা অনেক ভাবিয়া চিন্তিয়া করিতে হইবে।

টাকা হাতে পাইয়া সেদিন পূর্ণিমা বাহিরে চেহারাটা গভীর রাখিতেই চেষ্টা করিল। তবে সম্পূর্ণ সফল হইল না। একটা আনন্দের আভা মুখখানাকে সুন্দরতর করিয়া তুলিল। প্রায় তখন তখনই তাহার ডাক পড়িল কাজের জন্ম। ঘরে ঢুকিতেই হিরণ্ময় বলিলেন, “আপনার overtime-এর হিসেব-টিসেব ঠিক ক’রে দিখেছে ত?”

পূর্ণিমা বলিল, “হঁ্যা, ঠিকই দিখেছে।”

হিরণ্ময় বলিলেন, “এই মাসটার পরেই আপনার confirmation হয়ে যাবে। এ মাসেই দিতে পার তা’ন recommend ক’রে, তবে ভাবলাম, অন্দের ক্ষেত্রে যা করি, আপনার বেলাতেও তাই করাই ভাল। দেখতে দেখতে কেটে যাবে এ ক’টা দিন।”

পূর্ণিমা বসিয়া কাজ করিতে লাগিল। মাঝে দু’ একবার চোরা চাহনি ফেলিয়া হিরণ্ময়ের মুখের দিকে তাকাইল। দৃষ্টিটাতে কৃতজ্ঞতা ছিল প্রচুর পরিমাণে। মানুষ এত ভাল কি করিয়া হয়? আরও বেশী হয় না কেন এ রকম লোক? বাবা মারা যাইবার পর এই যেন সে প্রথম একটা মানুষের মত মানুষ দেখিল।

ক্রমশঃ



# শিল্পী ও পৃষ্ঠপোষক

ডঃ আনন্দ কুমারস্বামী

অনুবাদ : সুধা বসু

৪। শিল্প সম্বন্ধে স্বাভাবিক মত।

শিল্প শব্দটির সংজ্ঞা নির্ণয় প্রসঙ্গে বলা হয়েছে যে, কাজ যাই-ই হোক না কেন, তা করার সুষ্ঠু পদ্ধতিই হ'ল শিল্প। চিত্রাঙ্কন, সঙ্গীত-সাধনা ও চুতোরের কাজের মতই রক্ষণকার্য এবং অঙ্কন-কর্মও শিল্প। শিল্পীও একজন মানুষ, তবে তিনি হলেন বিশেষ কোন একটি কলাকৌশলের 'অধিকারী' এবং তাঁকে পৃষ্ঠপোষক বা ক্রেতার প্রয়োজন মেটানো ও হুকুম তামিলের দায়িত্ব গ্রহণ করতে হয়। শিল্পের সাধারণ লক্ষ্য বা পরিণতি নিছক 'শিল্পসৃষ্টি' নয়; সে হ'ল মানুষ। শিল্পী যা নির্মাণ করেন, তাকে বলা যেতে পারে 'কলাকৌশল-জাত' একটি কাকশিল্প। শিল্পীর অন্তরে যে কলাকৌশলটি থাকে তা তাঁর চেতনা ও অনুভবশক্তি সঞ্জাত। আবার ঠিক অতীত ভাবেই মানুষ হিসেবে তিনি যা করে থাকেন, তা নিয়ন্ত্রিত হয় মিতাচার ও নীতিবোধের আদর্শ সম্বন্ধে একটি সচেতন ভাবের দ্বারা। চিরাচরিত প্রথাগামী খেলার বশবর্তী হয়ে কোন শিল্পকে বৃত্তি হিসেবে গ্রহণ ঠিক অধর্মাচরণরূপে বিবেচিত না হলেও, চাপল্য বা লঘুমনের প্রকাশনা বলে গণ্য করা হয়। কোন ভারতীয় শিল্প-শাস্ত্রাঙ্গসারে বিশেষ শিক্ষাপ্রাপ্ত স্বপতি ব্যতীত অপর কোন ব্যক্তির উপরে কোন নগর-পরিবহনার দায়িত্ব আরোপকে বাস্তবিকই নরহত্যার সমতুল্য অপরাধ বলে বিবেচনা করা হয়। খ্রীষ্টীয় দার্শনিকগণ শিল্পগত ও নৈতিক—এই দুই ভিন্ন-বিসয়ক অধর্মাচরণকে খুব সতর্কতার সহিত স্বতন্ত্রভাবে বিচার করেছেন। পক্ষান্তরে, "কলা-নৈপুণ্য ব্যতীত কোন উৎকৃষ্ট ব্যবহারিক বস্তুসৃষ্টি সম্ভবপর নয়।" সর্বোপরি শিল্পী হলেন একজন পেশাদার মানুষ। আর তাঁকে কতকগুলি বৃত্তিগত বিশেষ শিষ্টাচার মেনে চলতে হয়। কোন সৌখীন অথবা অনভিজ্ঞ ক্রেতা যদি বলেন যে, তিনি শিল্প সম্বন্ধে কিছুই জানেন না, তবে তাঁর নিজস্ব পছন্দ কিরূপ তা জানেন, তা হ'লে তিনি সেই জাতীয় লোকের চেয়ে এতটুকু শ্রেষ্ঠ পর্যায়ের নন, যিনি বলে থাকেন যে, ভালমন্দ কাকে বলে তা জানেন না বটে, তবে কি করতে তাঁর ভাল লাগে তা উপলব্ধি করতে পারেন; অথবা, এমন মানুষ যিনি বলেন যে, সত্য কি তা

জানা নেই, তবে কি চিন্তা করতে আরাম লাগে তা বোঝেন। অনুরূপ ভাবেই ঐতিহ্যনিষ্ঠ শিল্পী এবং পৃষ্ঠপোষক ক্রেতা উভয়েই জানেন না যে, তাঁরা বাস্তবিক ক্রি পছন্দ করেন। তাঁরা নিছক তাঁদের জাত বস্তুতেই আকৃষ্ট হন।

স্বাভাবিক নিয়মানুগ সমাজে শিল্পী কোন স্বতন্ত্র ধরণের মানুষ নন। সেখানে প্রত্যেকটি মানুষই যেন বিশেষ বিশেষ ভাবের এক-একজন শিল্পী। অর্থাৎ যে-সকল যোগী সন্ন্যাসিগণ কোন সামাজিক দায়িত্বও পালন করেন না, আবার তাঁদের কোন দাবীও থাকে না (আধুনিক শিল্পীকুলের চিত্রের স্বত্বদাবীর মত নয়), তাঁদের কথা বাদ দিয়ে প্রত্যেকটি স্বাভাবিক মানুষ তাঁর জীবিকার্জন করে থাকেন প্রতিবেশীর উৎপাদিত অতিরিক্ত বস্তুসমূহের সঙ্গে তাঁর নিজের বিশেষ কলাকৌশলজাত সামগ্রীর দিনিমুখ দ্বারা। এই সকল প্রতিবেশীরা সকলেই কোন না কোন কাজে সুদক্ষ ও সুনিপুণ। এইরূপে প্রতিটি মানুষেরই একটি করে পেশা থাকে এবং উহাই আবার তাঁর উপজীবিকা।

আধুনিক মানুষের কানে "পেশা" কথাটি বড় অদ্ভুত ঠেকে। কারণ, এখনকার দিনে চাকরি-বাকরির কথা ভাবতেই মানুষ অভ্যস্ত। আর সব রকম চাকুরিকেই যে অবসর যাপনের একমাত্র উপায়স্বরূপ বিবেচনা করা হয়। এককালে সভ্যতার স্বাভাবিক অর্থনৈতিক ভিত্তি ছিল যে পেশা ও বৃত্তির আদর্শ, তাকে আমরা যতই বিচার বিশ্লেষণ করি, ততই অদ্ভুত মনে হবে। মানুষ তাঁর পেশা বা বৃত্তির মধ্যে যে আত্মপ্রকাশ করেন, তা বাস্তবিকই নিজেকে জাহির করার জন্তে স্বেচ্ছাকৃত নয়। আসলে উহা হ'ল তাঁর সঠিক নিজস্ব প্রকৃতি এবং ঐ প্রকৃতির প্রভাবেই তিনি ঐ বৃত্তিতে নিজেকে খাপ খাওয়াতে পেরেছেন। কোন স্বাভাবিক শিল্পীকে তাঁর পরিচয় সম্বন্ধে প্রশ্ন করলে তিনি হয়ত কর্মকার, চিত্রকার অথবা অস্ত্র যা হোক একটা কিছু নিজের কথা বলবেন। এই ধরণের মানুষকে এক পলকের দৃষ্টিতে চিনে নেওয়া যায় তাঁর পোশাক-পরিচ্ছদ দেখে ও বাচনভঙ্গি এবং কথার মধ্যে ব্যবহৃত শব্দসম্ভার শুনে এবং আরও নানা উপায়ে।

তিনি কখনই তাঁর কর্মপ্রণালীর পরিবর্তন সাধন অথবা অর্থ কোন স্বতন্ত্র বৃত্তির কামনা করবেন না; তিনি এখন যা করছেন, তার বিপরীতও কিছু করতেও ইচ্ছুক নন। নিজে যা হয়েছেন, তার পরিবর্তে রাজা-মহারাজা হওয়ার আকাঙ্ক্ষাও কোনদিন করবেন না। কর্মকার অথবা চিত্রকর হিসেবে নিখুঁত ও সুনিপুণ হতে না পারলে তিনি বাস্তবিক উৎকৃষ্ট মানুষ হয়েও উঠতে পারবেন না।

এই দৃষ্টিভঙ্গিসহ বিচার করলে 'উচ্চাভিলাষ' কথাটির অর্থ সম্পূর্ণরূপে পরিবর্তিত হয়ে যায় এবং উচ্চাকাঙ্ক্ষার প্রতি চিরাচরিত নিস্পৃহতা ও বীতশ্রদ্ধার গুরুত্ব কোথায় তাও আমরা উপলব্ধি করতে পারি। সাধারণ পাণ্ডিত্য ও সামাজিক আদর্শ থেকে পেশা বা বৃত্তিকে পৃথক করে গ্রহণ করলে উহা হয়ে ওঠে একটি ধর্মমূলক ও অতীন্দ্রিয় পন্থাস্বরূপ। এ ছাড়া বড়ই হোক, আর ছোটই হোক, কোন সামাজিক মর্যাদার প্রশ্ন-জড়িত কর্মে নিযুক্ত হ'লে চলবে না; অথবা নিছক অবসর জীবনেও সম্ভবপর হবে না। বরং তাঁর স্বকীয় বৃত্তির মাধ্যমে ক্রমশঃ উৎকর্ষ ও পরিপূর্ণতার দিকে অগ্রসর হ'লে তিনি তাঁর সীমানা অতিক্রম করে উর্ধ্বে উন্নীত হতে পারবেন। তিনি মুচিই হোনু আর স্বপতিই হোনু, তাঁর নিজস্ব বিশেষ কর্ম-প্রণালীর জ্ঞে নয়, ঐ কর্মেরই মধ্য দিয়ে তিনি বুদ্ধিবৃত্তি ও আধ্যাত্মিক উভয় দিকে উন্নত হতে পারেন। উৎকর্ষের মধ্যে কোন স্তর ভেদ বা পর্যায় বিভাগের প্রশ্ন নেই। বরং রীতি-প্রকৃতির মধ্যেই কেবল উৎকর্ষ নিহিত থাকে। বিশেষ কোন ব্যক্তির রীতি-পদ্ধতির সম্পূর্ণ উৎকর্ষ সাধিত হওয়া মানে এমন একটি পর্য্যায়ে আরোহণ, যেখানে সর্ববিধ উৎকৃষ্ট ভাবের হয়েছে সমন্বয় সাধন। এইরূপে গণতান্ত্রিক দৃষ্টির বিচারে সবই চলছে সম্পূর্ণ বিপরীত গতিতে। এই গণতান্ত্রিকতার সামরিক বৃত্তির কোন ধারণা নেই বলে কোন জাতিকে অস্ত্রসজ্জায় সজ্জিতরূপে কল্পনা করা যায় না এবং শান্তির সময়ে ব্যক্তিষাতন্ত্রের মূল্য হ্রাস প্রাপ্তির ফলে একটি ক্ষুদ্র বিন্দু মাত্র পরিণত করে এবং সে বিন্দু সমসাময়িক অন্তান্ত বিন্দুর সঙ্গে পরিবর্তনযোগ্য ও প্রভেদশূন্য। স্বাভাবিক রীতিতে গঠিত সমাজে যে কেহ, যখন গুণি সমান সুযোগ পেতে পারে না। প্রত্যেকের ব্যক্তিগত যোগ্যতা ও বিশেষ কর্মক্ষমতার প্রশ্ন এখানে জড়িত। আর সেই বিশেষ কাজের পারদর্শিতা, যা মানুষ পিতামাতার নিকট হতে উত্তরাধিকারস্বত্রে অথবা শিক্ষার মধ্যে দিয়ে লাভ করে,— সেই সকল বিষয়েই সুযোগের সমতা দৃষ্ট হয়। সামাজিক

ভাবে বিশেষ কোন উচ্চাকাঙ্ক্ষা পূরণের কোন ব্যবস্থা নেই।

সকলে অবশ্যই এই বাক্যাংশ বা বাগধারাটির কথা শুনে থাকবেন—“একটি কারুশিল্পের গুহ্যতত্ত্বে দীক্ষিত হওয়া।” এই কথাটির অর্থ সম্বন্ধে যদি প্রশ্ন ওঠে, তবে ধরে নেওয়া যাক যে, এর অর্থ হচ্ছে কোন কাজ বা ব্যবসায়ের বৌশল শিক্ষা; ঠিক যেমন মানুষ কলেজে পড়তে যায় কখনও অধ্যাপক, কখনও দালাল হওয়ার মানসে। উপরন্তু, আমরা কোন “রহস্যাবৃত ধর্মবিশ্বাস” সম্বন্ধে যেকোন মন্তব্য করে থাকি, একটি ‘কারুশিল্পের তত্ত্বে অমুপ্রাণিত’ কথাটির আকরিক অর্থও ঐরূপেই ব্যাখ্যাত হয়ে থাকে। সকল প্রকার দীক্ষাগ্রহণের উদ্দেশ্যই হ'ল প্রত্যেক মানুষের অন্তরস্থিত সুপ্ত শক্তি বা সম্ভাবনাকে আধ্যাত্মিক প্রেরণাদ্বারা পরিপুষ্ট করে তোলা। প্রথম স্তরপাতের শিক্ষা মানুষের পেশা বা বৃত্তির মধ্যে বাহ্যরূপে প্রকাশিত স্বতন্ত্র কর্মপ্রণালীর বৈশিষ্ট্যই প্রকাশ করে। এবং উহা বিশ্বজনীন রীতির সহিত সম্বন্ধযুক্ত ও আভ্যন্তরিক দিকেও বোধ্যম্য। দীক্ষাপ্রাপ্ত কারুক্রম কোন বস্তুর বহিরাংশমাত্র নিয়েই নিরপেক্ষভাবে কাজ করে চলেন না। তিনি স্পষ্টতঃ সচেতনভাবেই বিশ্বজগতের সৃষ্টিরহস্য অনুযায়ী এবং উহার সার্থক রূপায়ণমূলক নন্দা রচনায় ব্যাপ্ত থাকে না। এই জাতীয় দীক্ষামূলক শিক্ষা আবার বৃত্তিগত ভিত্তির উপরেই গুর করে চলে এবং সেই পেশা বা বৃত্তির মধ্যেই উহার প্রতিফলন ঘটে। নিছক প্রতিভার বলে তত্ত্বে বা গূঢ়তম ভাবের যে গভীরতা প্রকাশ সম্ভব হয় না, তা এই শিক্ষাদ্বারা সম্ভবপর হয়ে থাকে। বৃত্তিমূলক কর্ম তখন এমন একটা পর্য্যায়ে উন্নীত হয় যে, উহা সর্বপ্রকার বিষয়ের মধ্যে বিস্তৃত হয়ে ঐক্য সাধন করতে পারে। এই বিস্তার শুধু জড় জগতেই ঘটে না; উহা জ্ঞানের রাজ্যে এমন কি ভগবানের সাগ্নিধ্য পর্য্যন্ত পৌঁছতে পারে। যে ঐশ্বরিক সত্তা আমাদের চতুর্দিকে নানাভাবে নানারূপে প্রকাশিত হচ্ছিল শিল্পরূপ নিয়ে, সেই পরম সত্তাই হচ্ছেন প্রত্যেক শিল্পীমানুষের আদর্শস্বরূপ। এইরূপে পরম্পরাগুণ প্রথাপদ্ধতি এই কথাই দৃঢ়ভাবে প্রকাশ করেছে যে, শিল্পবস্তুর মাধ্যমে অল্প কোন ছিনিবের প্রতিক্রম প্রকটিত হয় না; শিল্পীর মনোরাজ্যে যে-সকল রূপের ধারণা জন্মে, উহা তাহারই প্রতিফলন এবং এই রূপায়ণ পর্যায়ক্রমে শিল্পীর শক্তির সীমানায় যতদূর সম্ভব ততখানি চিরন্তন সত্যবস্তুর কাছাকাছি পৌঁছতে চায়।

এইরূপ ভাব-প্রকাশক কয়েকটি উক্তিমূলক বা সাহিত্যিক নিদর্শনও পাওয়া গিয়েছে। যেমন, অগাষ্টাইন বলেছেন,—“বস্তুর রূপের যাথার্থ্য বিচার করতে বসলে আমাদের যুক্তিশীল চিন্তাশক্তি অবশ্যই ভাবধারণার কার্যকারিতার নিয়ামাধীন হয়ে পড়বে, এবং অহুত্বতিলক জ্ঞান বলতে ইহাকেই বুঝায়।” সেন্ট টমাসের মতে—“মৌলিক সত্য দ্বারাষ্ট আত্মা বিচার করে থাকে এবং এই সত্য আশির মতই আত্মার মধ্য হবহ প্রতিফলিত হয়।” ওয়াংওয়ে বলেছেন যে, ধারণাটি সৃষ্টি হয় প্রথমে, তার পরে সেই ধারণাহুসারে সৃষ্টি-কর্ম চলতে থাকে। শুক্রাচার্যের মত হ'ল যে, প্রত্যক্ষ পর্যবেক্ষণদ্বারা অবশ্যই নয়, এংমাত্র অহুদর্শনের মাধ্যমেই একখানি মূর্তি সঠিকভাবে রূপায়িত হতে পারে।

যে মাহুস শিল্পী, তাঁর কার্যক্রম এইভাবে দু'টি ধারায় বিভক্ত। একটি হ'ল স্বাধীন ধ্যানমূলক; আর দ্বিতীয়টি হ'ল কায়িক শ্রমক্রমে অহুত্ব-স্তরের কাজ। কোন রূপ-কল্পনার ব্যাপারে যদিও শিল্পী “স্বাধীন” অথবা, বলা যেতে পারে যে, তিনি “স্বজনকম”, তথাপি সত্য ব্যাখ্যাটি দাঁড়াচ্ছে এই যে, শিল্পী তাঁর রচনার মধ্যে যে রূপারোপের পরিকল্পনা করবেন, তা স্থিরীকৃত হবে পৃষ্ঠপোষকের প্রয়োজন ও রুচি অহুসারেই। যন্ত্রপাতি ব্যবহারের ক্ষেত্রে শিল্পীর কর্মপারা হ'ল “নিয়ন্ত্রণের নিয়ন্ত্রণাধীন”, অথবা বর্তমানযুগে “অহুকরণবাদী” বলে আপ্য দান করা যেতে পারে। কারণ, বিষয়বস্তুর রূপারোপে তিনি তাঁর অস্তরে যে রূপাবলী উপলব্ধি করেছিলেন, বাস্তবে তারই যেন অহুকরণ করে চলেছেন। জ্ঞানালোকে দীর্ঘ রূপের প্রসঙ্গে অহুকরণ বলা যায় যে, শিল্পী বাস্তবিক সৃষ্টিকর্ম শুরু করবার পূর্কেই উহা শিল্পরূপেই শিল্পীর অস্তরে বিদ্যমান থাকে। আবার কাজটি সমাপ্ত হওয়ার পরেও উহার কোন পরিবর্তন ঘটে না বা উহা বিলীন হয়ে যায় না। শিল্পীর মনোরাজ্যে বিরাজিত এই রূপ দিয়েই তাঁর রচনার বিচার বিশ্লেষণ হয়ে থাকে। শিল্পবস্তুর উৎকর্ষ ও গুণাগুণ বিচার একটি শুভাংশের সাহায্যে বর্ণিত হয়েছে—অপরিহার্যরূপ বাস্তবিকরূপ। এই প্রকারে আমরা শিল্প এবং প্রকৃতি পর্যবেক্ষণ—এই দুয়ের মধ্যে কোন পার্থক্য নির্ণয় করি না এবং আমাদের শিল্প-শিকার আরম্ভ হয়ে থাকে কোন বিশেষ দেহভাগসম্পন্ন আদর্শ রূপ অহুশীলন করে রেখাঙ্কন দ্বারা। এই প্রথা স্বাভাবিক যুগে ছিল সম্পূর্ণ অজ্ঞাত। সেকালে শিল্পীর স্বীয় চেতনমনের বহিভূত অথবা উহাকে উপেক্ষা করে কোন আদর্শরূপের অস্তিত্ব

স্বীকৃত হ'ত না। শিল্পের উৎকর্ষ নিহিত থাকে উহার মর্মব্যাক্যার প্রাঞ্জলভাব এবং পর্যাপ্ত নির্দেশনা অথবা, প্রতীকবাদের মধ্যে কোনরকম সুস্পষ্টরূপের প্রতিকৃতি বা প্রতিক্রম রচনার মধ্যে নয়। এই প্রসঙ্গে প্রোটাইনাস্ যেমন বলেছেন—“ক্রিউসের মূর্তি কল্পনা ফিডিাসের কোন ইন্দ্রিয়গ্রাহ্য আদর্শ অহুসরণে করা সম্ভব হয় নি। বরং তিনি (ক্রিউস) মাহুসের চোখে ধরা দিলে, নিশ্চিত কি রূপটি নিয়ে আবিভূত হতেন, তাই-ই কল্পনা করে মূর্তি-খানির রূপদান সমীচীন হ'ত।”

শিল্প “রূপায়ণে প্রকৃতিরই অহুকরণ হয়ে থাকে”— এই বিশেষ ব্যাখ্যাটি নিঃস্বভাবেই আমাদের মনে ভাস্তিকর ধারণার সৃষ্টি করে। কারণ “অহুকরণ” ও “প্রকৃতি”—এই দু'টি কথাটির সৃষ্টি ও প্রচলনের মূলে যে আদর্শ ও বিশ্লেষণ রয়েছে, আমাদের জ্ঞান ও ধারণা তার কাছাকাছিও পৌঁছতে পারে না। আর এমন ব্যক্তি-গণের দ্বারা এই অর্থ বিধিবদ্ধ হ'তছিল যারা ছিলেন শব্দ প্রয়োগের রীতি সম্বন্ধে আজীবন শিক্ষাপ্রাপ্ত এবং সব-কিছুর চুলচেরা স্বল্প বিচারে সিদ্ধান্ত ও হুদক্ষ। এই জাতীয় শক্তি ব্যতীত প্রকৃত জ্ঞান অর্জনও সম্ভবপর নয়। প্রাচ্যদেশীয় অহুরূপ একটি সূত্র বা বিশ্লেষণমূলক সংজ্ঞা সুস্পষ্টভাবে প্রকাশ করেছে যে, সর্দবিধ মাহুস্য-সৃষ্ট শিল্প, যেমন জামা-পোশাক অথবা যানবাহন সব কিছুই হ'ল “স্বর্গীয় শিল্পকলারই অহুকরণ”। এই ব্যাখ্যাতে মনে হয় শিল্পীকে এখানে যেন বর্ণনা করবার চেষ্টা হয়েছে যে, তিনি অর্থাৎ শিল্পী যেন মাঝে মাঝে স্বর্গে যেয়ে সেখানকার প্রচলিত রীতিপদ্ধতি সম্বন্ধে অভিজ্ঞতা অর্জন করে আসেন। আর প্রত্যাবর্তনের পরে মানবসমাজের উপযোগী করে উহার চাহুস রূপদান করেন। প্রোটাইনাস্ও অহুরূপ ভঙ্গিতেই বলেছেন যে, কারুশিল্প “সেই জগতের (স্বর্গ) আদর্শ ও চিন্তাধারা থেকেই ভাবধারা সংগ্রহ করে থাকে” এবং সমস্ত সঙ্গীতই হ'ল সেই “আদর্শ জগতের সঙ্গীতেই প্রতিক্রমি।”

“শিল্প রূপায়ণে প্রকৃতিরই অহুকরণ হয়ে থাকে।” এখানে অহুকরণ বলতে এমন একটি ভাবকে প্রকাশ করেছে যার ব্যাখ্যায় প্রোটা বলেছেন যে, যেমন ‘কিউ’ (Q) অক্ষরটি অহুকরণ করেছে ক্র ততা, গতি এবং কাঠিন্তের ভাবকে। প্রকৃতি হলেন সেই প্রকৃতি অর্থাৎ প্রকৃতিমাতা, যার কথা আমরা ‘ঈশ্বর’ শব্দ কোন কারণে ব্যবহার করতে অনিচ্ছুক হলে, বলে থাকি। এ হলেন সেই “প্রকৃতি”, যার প্রসঙ্গে একহাট বলেছেন, “প্রকৃতির অন্তর্নিহিত রূপ অহুসন্ধান করতে গেলে, তাঁর সমগ্র রূপটি

অবশ্যই চূর্ণবিচূর্ণ হয়ে যাবে।” এই সে প্রকৃতি নয় যার প্রসঙ্গে ব্লেক বলেছিলেন যে, তিনি নিজেকে “ভীত বোধ করেছিলেন যে, ওয়ার্ডস্‌ওয়ার্থ বড় বেশী প্রকৃতিপ্রিয় হয়ে পড়েছিলেন।”

এইরূপে শিল্পের প্রাথমিক অথবা স্বজনধর্মী ভাব যতটা প্রকাশমান, তাতে দেখা যায় সে স্বর্গীয় এবং পার্থিব ভাব ক্রিয়াকলাপের ক্ষেত্রে প্রায় একই ধারায় সম পর্য্যায়ে চলে। “সমগ্র সৃষ্টিরহস্তের মূলে যে ঈশ্বর, তাঁর সন্ধকে সমস্ত জীবজগতের জ্ঞান হ’ল কারুশিল্পীর শিল্পজাত দ্রব্য সম্বন্ধীয় জ্ঞানেরই মত।” শিল্পী ঈশ্বরের মতই “তাঁর ধীশক্তির সাহায্যে কাজ করে যান” (সেন্ট-টমাস)। এই সকল কাজ নিছক তাঁর ইন্দ্রিয়-নিচয়ের সাহায্যে কোনক্রমেই সম্ভবপর হয় না (বাস্তবিক অত্যাশ্রয় জীবকুলের হায়ে শিল্পীরও যা আছে)। বরং একটি মানুষ তাঁর বুদ্ধিবৃত্তির বলেই শিল্পীরূপে পরিচিত হ’তে পারেন।

পৃষ্ঠপোষকের প্রয়োজন ও উদ্দেশ্য অমুযায়ী এবং তাঁর নির্দেশনা অনুসরণ করেই শিল্পীকে শিল্পবস্তুর রূপদান করতে হয়। এই জাতীয় রূপারোপকালেই স্বর্গীয় ক্রিয়াকলাপ ও মনুষ্যসমাজের কার্যধারার অন্তর্নিহিত পার্থক্য সুপ্রকটিত হয়। কারণ, “ঐশ্বরিক চিন্তার উদয় হলেই, উচ্চ রূপপরিগ্রহণও করে থাকে।” পক্ষান্তরে, এই জড়জগতের বুকে যে সকল আকৃতি ও রূপমালার অস্তিত্ব পূর্বে থেকেই বিদ্যমান, শিল্পী মানুষের নিজস্ব গরজ হ’ল উহাদের মূর্ত্তিমান ও চাক্ষুস করে তোলা। আর একাজটি কিছু অস্বাভাবিক ও অসম্ভব নয়। কারণ জড়-জগতের উপাদানসমূহের মধ্যে রূপবৈচিত্র্যের যে অপ্রতুলতা রয়েছে সে বিষয়ে সন্দেহের কোন অবকাশ নেই। যেখানে পৃষ্ঠপোষকের ইচ্ছা-আকাঙ্ক্ষাই হচ্ছে শেষ কথা এবং শিল্পসৃষ্টির মূলে শিল্পীর কল্পনাশক্তিই মূল বিষয়, সেখানে আরও দু’টি বিবেচনার বিষয় রয়েছে। একটি হ’ল উপাদান, যার দ্বারা শিল্পী তাঁর রচনাবলীর রূপদান করেন; আর দ্বিতীয়টি হ’ল শিল্পীর কুশলীহস্ত এবং অত্যাশ্রয় যন্ত্রপাতি, যাদের সাহায্যে তিনি রূপটিকে প্রত্যক্ষ করে তোলেন। আলোচ্য বিষয় ও বস্তুসমূহের প্রয়োজন হয় নির্দিষ্ট শিল্পকর্মটি সুরুকরণের পূর্বেই। তা হ’লে উপসংহারে এই দাঁড়াচ্ছে যে, শিল্পনৈপুণ্য দ্বারা যাই-ই রচিত হোক না কেন তার মূলে চারটি বিষয়ের প্রভাব বিদ্যমান। সব কয়টি বিষয়ের গুরুত্ব সমান হলেও প্রথম দু’টির মধ্যে আবার এক নম্বরটি হ’ল মুখ্য, আর শেষ পর্য্যায়ের দু’টি হচ্ছে অপ্রধান। যখন কোন

বিশেষ শিল্পদ্রব্যের ব্যাখ্যা বা বিশ্লেষণ করতে অগ্রসর হ’য়, তখন সব কয়টি বিষয়কেই বিবেচনা করতে হবে। এবারে দেখা যাক, কোন্ কোন্ বিষয় আমাদের জানা দরকার।

- ১। কি উদ্দেশ্যে শিল্পটি রচিত হয়েছিল।
- ২। কিসের মত করে গড়বার পরিকল্পনা ছিল।
- ৩। কি কি উপাদানে উহা নির্মিত।
- ৪। উহার নিশ্চাতা বা স্রষ্টা কে।

এখন ধরা যাক, শিল্প-সৃষ্টির কাজটি হয়ে গেছে সুসম্পন্ন এবং বস্তুটিও আমাদের সামনেই রয়েছে। আর উহার কলানৈপুণ্যের বিচার ও রসাস্বাদনের সময়ও সমুপস্থিত। এই কাজটি নির্বাহকরণের ক্ষেত্রে কি অন্ত আর এক শ্রেণীর মানুষের প্রয়োজন, যিনি হয়ত পৃষ্ঠপোষকও নন, বা শিল্পীও নন; তাঁকে কি বলা যেতে পারে শিল্পদমনাদার—না, সনালোচক? ঐশ্বরিক ধরুন, যদি বহুযুগ পূর্বে চীনদেশে নির্মিত কোন শিল্পদ্রব্যের রসাস্বাদন আমাদের করতে হয়, যার ব্যবহারবিধি অথবা উচ্চ নির্মিতির পূর্বে ঐ বিশেষ রূপটি রচনার মূলে শিল্পীর কি আদর্শ ছিল তা সম্পূর্ণ অজ্ঞাত, তখন আমাদের অবস্থা কি দাঁড়াবে?

সমকালীন শিল্প প্রসঙ্গে দেখা যায় যে, এক্ষেত্রে প্রত্যক্ষভাবে কোন বিশিষ্ট নতুন ধরনের সমন্বাদার মানুষের প্রয়োজন নেই। বরং প্লেটোর মতামতসারে তাঁদের মাকুর উপযুক্ততা ও ভালমন্দের বিচার করতে যেমন পারেন একমাত্র তাঁতিই, জাহাজের শক্তি ও উৎকর্ষের বিচারক হবেন স্বয়ং নাবিক, ঠিক অরূপভাবেই একখানি মূর্ত্তি বা প্রতিমার রূপাদর্শ সন্ধকে একজন ভক্ত পূজারীর মতামত এবং আদর্শই হবে অগ্রগণ্য। পক্ষান্তরে, কোন শিল্পনির্দর্শনের আকৃতিগত বাস্তবিকতা ও বিশিষ্টতা সন্ধকে মতামত প্রদানের অধিকার রয়েছে একমাত্র শিল্পীরই। কারণ শিল্পে প্রকাশমান স্তূলরূপটি মুখ্যতঃ তাঁরই বুদ্ধিবৃত্তি ও ভাবাবেগ সজ্জাত। অত্যাশ্রয় সাধারণ মানুষের নিকট ও জিনিষটি প্রকটিত হয় প্রায় আকস্মিক ভাবেই। তা ছাড়া আমাদের আরও একটি বিষয় স্মরণ রাখা দরকার যে, যে কোন সর্ব্ববাদীসম্মত সমাজে শিল্পী এবং সমন্বাদার-পৃষ্ঠপোষক উভয়েই অতিমাত্রায় সম্ভাবাপন্ন এবং এমন বিশেষ পরিচয়সূত্রে আবদ্ধ থাকেন যা আমাদের পক্ষে কল্পনা করা একটু কঠিন। বস্তুতঃ শিল্পটি যেন তাঁদের উভয়ের সমবেত চেষ্টা ও কর্মেরই ফল। এই ঘটনাকে খেলা-ধুলার ব্যাপারের সঙ্গে তুলনা করা যেতে পারে। এক-একটি দলের প্রতিটি খেলোয়াড়েরই বিশেষ বিশেষ অংশ গ্রহণ



করে দায়িত্ব বহন করতে হয় সত্য, কিন্তু সকলেরই উদ্দেশ্য বা লক্ষ্য এক, অর্থাৎ নিজস্ব দলীয় স্বার্থ রক্ষা করা এবং এই দলগত স্বার্থরক্ষার মানদণ্ডেই যে কোন খেলোয়াড়ের ক্রীড়া-নৈপুণ্যের মান ও উৎকর্ষ নির্ণীত হয়ে থাকে। একটি সমবেত সঙ্গীত প্রসঙ্গেও এই একই কথা। ভিন্ন ভিন্ন অংশ গ্রহণকারীর হাতে স্বতন্ত্র যন্ত্র থাকলেও প্রত্যেকেই নিজের এবং অপরের করণীয় বিষয়ে বিশেষ সচেতন থাকেন। একদিকে পৃষ্ঠপোষক বা ক্রেতার চাহিদা সম্পর্কে শিল্পীর ধারণা থাকে সুস্পষ্ট এবং তাঁর (ক্রেতার) দৃষ্টিভঙ্গি ও আদর্শের মাপকাঠিতেই শিল্পদ্রব্যটির বিচারও করতে পারেন। কিন্তু অত্রদিকে দেখা যায় যে, পৃষ্ঠপোষকের সঙ্গে শিল্পীর সম্পর্ক ও আদর্শ যদি কোন প্রকারে বিপরীত ভাবাপন্ন হয়ে পড়ে, তা হলে পৃষ্ঠপোষক বা ক্রেতা সমকালীন সাধারণে প্রচলিত রীতিপদ্ধতি ও আঙ্গিকের প্রতিই আকৃষ্ট হন। অর্থাৎ তিনিও শিল্পের রীতিসিদ্ধ সৌন্দর্যের একজন সূত্র ধরণের বিচারক হয়ে ওঠেন। এইরূপে প্রত্যেক মানুষই স্বাভাবিক ভাবে সমসাময়িক শিল্পের কার্যকারিতাশক্তি ও ভাবব্যঞ্জনাগুণ এই দু'টি বিষয়েরই যুগপৎ ভাল বিচারক। আধুনিক যুগে যদি এ রকমটি দেখা না যায়, তবে বুঝতে হবে যে, এখনকার কালের শিল্পী ও পৃষ্ঠপোষক উভয়ে বাস্তবিকই দু'টি স্বতন্ত্র প্রকৃতির মানুষ।

আমাদের সম্মুখে যদি প্রাচীন অথবা, বিদেশজাত কোন শিল্পের সমকালীন বিষয়ে কোন স্বতন্ত্র সমস্যা উপস্থিত হয়, তা হলে স্পষ্টতঃই আমাদের আকাঙ্ক্ষিত আদর্শ দ্বারাই উহার বিচার করা যেতে পারে, ঠিক যেমন পৃষ্ঠপোষক ও শিল্পী উহা রচনাকালে করেছিলেন। যতক্ষণ শিল্প-নির্দর্শনটি আমাদের কাছে রীতিবিরুদ্ধ অথবা বহুস্তময় ও অস্পষ্ট প্রতিভাত হবে, ততক্ষণ আমরা উহার মর্ম উপলব্ধি করতে সক্ষম হয়েছি বলে ধারণা করতে পারি না। যখন উহাকে (শিল্প) আর অদ্ভুত কিছু বলে মনে হয় না, তখন উহার রস আন্বাদন করা যায় এবং উহা সঠিক উপভোগ্য হয় এবং মনে করি যে আমরা নিজের হাতে রচনা করলেও ঠিক অরূপ ধাঁচেই করতাম। উদাহরণ স্বরূপ খ্রীষ্টীয় অথবা, বৌদ্ধশিল্পের কথাই ধরা যাক। এই সকল ধর্মমূলক শিল্প সঠিক রূপ পরিগ্রহণে এবং ভাবের অভিব্যক্তিতে সম্পূর্ণ সিদ্ধ হয়েছে কি না তা আমাদের পক্ষে জ্ঞাত হওয়া কি প্রকারে সম্ভবপর, যদি উহারা কি প্রকাশ করতে চায় এবং উহাদের মূলগত আদর্শ ও তত্ত্ব সম্বন্ধে আমাদের কিছু অভিজ্ঞতা ও জ্ঞান না থাকে? যদি আমরা নিছক

উহার বহিরাবরণ ও বাহ্য সৌন্দর্যের প্রতিক্রিয়াই বিচার করি, তবে তা হবে নিতান্ত স্থূল ইন্দ্রিয়গুণ ভাবেই পরিচয় গ্রহণ। ফলে ভাষাভাষা ভাবের পছন্দ-অপছন্দের স্তর ভেদ করে আর অধিক দূর অগ্রসর হওয়া সম্ভব হবে না। কেবলমাত্র বস্তুর মাধ্যমেই শিল্পের অন্তর্নিহিত রসান্বাদনের শিক্ষা লাভ করা যায় না, বরং যারা উহার স্রষ্টা এবং ব্যবহারকারী, তাঁদের সহায়তায়ই উহা লাভ করা যেতে পারে। সুতরাং মানুষীধরণের পাণ্ডিত্য-মূলক বিচার-পদ্ধতি অত্যন্ত অমুপযুক্ত। আমাদের এখন বিশেষ প্রয়োজন হ'ল নিজেদের শিল্পস্রষ্টা ও ব্যবহারকারী উভয়ের সমপর্যায়ভুক্ত ও সমভাবাপন্ন করে তোলা। আর শিল্পরাষ্ট্রের যবনিকা তুলে তার অন্তরমহলে প্রবেশ করে দেখা উচিত যে, সেই বর্ষকারখানায় প্রকৃতিকে কিরূপে, কি ভাবে অনুকরণ ক'রে নব নব রূপ সৃষ্টিকর্মে প্রযুক্ত করা হচ্ছে। গীর্জার স্থাপত্য সম্বন্ধে আমাদের তত্ত্বমূলক জ্ঞান গৌণধরণের এবং বিশ্লেষণাত্মক। ফলে, সমস্ত আধুনিক গণিক রীতির গীর্জা আমাদের দৃষ্টিতে ভটিল, অসরল ও আন্তরিকতাহীনরূপে প্রতিভাত হয় এবং বাস্তবিক পক্ষে উহারা তাই-ই। ঠিক এইরূপেই "বিদেশী প্রভাবসম্পন্ন" সকল সৃষ্টিই একটা ব্যঙ্গ-ব্যঞ্জনায় হয় পরিণত। "কোন বস্তুর রূপদান নিখুঁতভাবে করতে হ'লে প্রেরণাটি অন্তরের মূল উৎস হ'তে আসা চাই। উহার বাহ্যরূপ ও আকৃতি মর্ম স্পর্শ করলেও সেই বহিরঙ্গের কোন মূল্য নেই, যা কিছু ভাবসম্পদ তা সবই আসবে অন্তরের অন্তস্থল থেকে।" (একটি।) এই কারণেই জাপানী প্রভাবসম্পন্ন ছইস্লায়ের চিত্রমালাকে মনে হয় প্রাচ্য শিল্পের বিদ্রূপাত্মক প্রতিক্রম। কারণ এই চিত্রের রূপাবলী তাঁর নিজস্ব নয়। আঙ্গিকের দিকে গীর্জা বা জাপানী চিত্রের মুদ্রিত প্রতিলিপিতে শিক্ষণীয় কিছুই নেই। সব স্বাভাবিক কালেই শিল্পের বহিরাকৃতিতে শিক্ষাপ্রদ বিশেষ কিছু থাকে না। যা কিছু শিক্ষণীয় তা নিহিত থাকে উহার তত্ত্বাংশ ও বিষয়বস্তুর মধ্যেই। আবার শিল্পের বহিরঙ্গ থেকে যদি শিক্ষা গ্রহণ করা যায়, তা হ'লেও একটি খ্রীস্টীয় মন্দিরের আদলে কোন আধুনিক ডাকঘর নির্মাণের কাজ চিরদিনই অসম্ভব প্রতিপন্ন হবে। "পূর্বাচলিত রীতি ও আদর্শের সমাহারে একটি মিশ্ররূপ-রচনাকে প্রকৃত সৃষ্টিকর্ম আখ্যা দান চলে না। তবে মিশ্ররূপ-সৃষ্টি অর্থপূর্ণ ও সার্থক হতে পারে যদি যুগপৎ সর্বপ্রকার উদ্দেশ্য ও আদর্শরাজি উহাতে রূপ পরিগ্রহণ করতে পারে।"

আমার মতে "বিজ্ঞানসম্মত" কথাটির অর্থ হচ্ছে উপযুক্ত কারণের সাহায্যে যে কোন কাজের পরিণতি বা ফলাফলকে ব্যাখ্যা করা। এই হেতুতেই আমি বলে থাকি যে, যতদিন আমরা কোন শিল্পের আধ্যাত্মিক ভিত্তি ও পরিবেশ এবং ধর্ম সম্বন্ধীয় পটভূমিকাকে অস্বীকার ও অগ্রাহ্য করে উহার বিচারে অগ্রসর হব, ততদিন আমাদের খ্রীষ্টীয়, আঙ্গীরীয়, অথবা বৌদ্ধশিল্পের আসল প্রকৃতি, আদর্শ ও মর্ম ব্যাখ্যানের চেষ্টা ঘোর ব্যর্থতার

পর্যবসিত হতে বাধ্য। যেমন, একটি প্রদত্ত সমীকরণের প্রতীক চিহ্নরাজির ধারা একমাত্র একজন গণিতজ্ঞের পক্ষেই ব্যাখ্যা করা সম্ভবপর, ঠিক তেমনি একজন খ্রীষ্ট-ধর্মাবলম্বীই কেবল খ্রীষ্টীয় শিল্পের বিজ্ঞানসম্মত ব্যাখ্যা দিতে পারেন। সৌন্দর্য্যতত্ত্ববিদগণ নিছক এই সকল প্রতীকমালার সহায়তায়ই বলে থাকেন যে, উহাদ্বারা নক্সাটি সঠিকভাবে ও সুন্দররূপে রূপায়িত হয়েছে কি না।

## অতিশব্দের ভূমিকা

শ্রীঅশোক মুখোপাধ্যায়

শাস্ত্রে বলেছে শব্দই ব্রহ্ম, এখন বিজ্ঞানিগণ বলছেন, শব্দই ব্রহ্মাস্ত্র; এর নিধন-ক্ষমতা ভবিষ্যতে পারমাণবিক অস্ত্রের সমতুল্য হতে পারে। কথাটি শুনে চমকপ্রদ হলেও উপেক্ষণীয় নয়। বচনের তীক্ষ্ণতা মানুষকে গাঁ ছাড়া করার লোকশ্রুতি আমরা কম শুনি নি। খ্রীষ্টকালে ভীষ্মলোচন শর্ম্মার সঙ্গীত সাধনায় দালান ফাটার কাহিনীর কৌতুকও উপভোগ করেছি। এ সব হয়ত একান্তই পরিহাসের মধ্যে সীমাবদ্ধ। কিন্তু রসকন্ঠের ধারা ধার ধারেন না, নির্ভেছাল সত্য নিয়ে ধাদের কারবার, সেই বিজ্ঞানীমহলও শব্দের সংহার-শক্তি সম্বন্ধে কি অভিমত পোষণ করেন—সে ত প্রবন্ধের গোড়াতেই উদ্ধৃত করেছি। তবে কারুর সংহারমুষ্টি দর্শনে আমরা আদৌ উৎসুক কি না, তা বিচার্য্য এবং সেহেতু এই আলোচনা অবাস্তব। কিন্তু শিল্প এবং বিজ্ঞানের সহায়তার শব্দের যে কল্যাণীকরূপ প্রকাশিত তার সঙ্গে পরিচিত হ'তে আমরা স্বভাবতই আগ্রহবোধ করি।

বর্তমান প্রবন্ধে যে শব্দের ভূমিকা আলোচিত হবে তা অকল্পনীয়রূপে তীক্ষ্ণ। এত তীক্ষ্ণ যে নিঃশব্দ। কথাটি আপাতদৃষ্টিতে অবোধ্য ঠেকবে, কারণ শব্দের মূহুতাই তাকে অশ্রুত রাখে—সাধারণ অভিজ্ঞতা তাই বলে। কিন্তু এটা আংশিক সত্যমাত্র। বস্তুতঃ খুব মূহুশব্দ যেমন আমরা শুনে পাই নে, খুব তীক্ষ্ণ শব্দও তেমনি পাইনে। পর্য্যবেক্ষণে দেখা গেছে সেকেন্ডে কুড়ি হাজারের বেশী যার কম্পাঙ্ক (frequency) সেই শব্দ আমাদের কাছে

অশ্রুতই থেকে যায়। তাই এর নাম দেওয়া হয়েছে শ্রুতিপারের শব্দ বা অতিশব্দ (supersonic sound)।

শ্রুতিপারের শব্দের স্বরূপ বিশ্লেষণ বিজ্ঞানের অপেক্ষাকৃত সাম্প্রতিক ঘটনা। অথচ আজ থেকে বহু-কাল আগেও এর অস্তিত্ব একটি ব্যবহার মানুষের জানা ছিল। ইউরোপের কোন কোন রাষ্ট্রে সংরক্ষিত অরণ্যে বে-আইনী পত্ন শিকার ছিল যাদের জীবিকা, এই কৃতিত্ব তাদেরই প্রাপ্য। প্রহরারত রাজকর্মচারীদের ফাঁকি দিয়ে শিকার-সঙ্গী কুকুরবাহিনীকে সঙ্কেত জ্ঞাপনের জন্ত তারা এক আশ্চর্য্য উপায় উদ্ভাবন করেছিল। শিকারীদের সঙ্গে থাকত বিশেষ একধরনের হৃষকায় বাঁশি। এটি অত্যন্ত উচ্চশ্রাবের শব্দসৃষ্টির উপযোগী করে নির্মিত হ'ত যা যথেষ্ট কাছাকাছি থাকা প্রহরীরাও শুনে পেত না। কিন্তু কুকুরের শ্রবণশক্তি একটা নির্দিষ্ট সীমা পর্য্যন্ত অতি-শব্দ শুনে অশ্রুত। সেহেতু তারা বহু দূরে থেকেও অনায়াসেই প্রহর নির্দেশ গ্রহণ করতে পারত।

বর্তমান শতকের প্রারম্ভ থেকেই শ্রুতিপারের শব্দ বিষয়ে গভীরতর পরীক্ষা-নিরীক্ষার তাগিদ অনুভূত হতে থাকে। ফরাসী-বিজ্ঞানী গল ল্যাঞ্জোভিন-এর (Paul Langevin) গবেষণা বিষয়টির উপর উল্লেখযোগ্য আলোকপাত করে। প্রথম মহামুহুর্তকালে জার্মান সাবমেরিনের অতিক্রমণে ফরাসী নৌবহর নিদারুণ ভাবে বিপর্য্যস্ত হ'ত। ঐ ল্যাঞ্জোভিনের উদ্ভাবনী-প্রতিভা ফরাসী নৌবহরকে এই বিপদ থেকে উদ্ধারের পথ সূচিত

করে। কয়লা প্রতিরক্ষা দপ্তর শ্রুতিপারের শব্দতরঙ্গকে জলের মধ্যে লুক্কায়িত সাবমেরিনের অস্তিত্ব-সন্ধান প্রয়োগ করল। কোন নির্দিষ্ট দিক লক্ষ্য করে ঐ তরঙ্গ নিক্ষেপ করলে তা স্বাভাবিক ভাবে অগ্রসর হতে হতে হারিয়ে যাবার কথা; কিন্তু জল অপেক্ষা ঘনতর কোন বস্তুতে বাধাপ্রাপ্ত হলেই প্রতিফলিতরূপে ফিরে আসতে বাধ্য। শব্দরশ্মি প্রেরণ এবং তার প্রত্যাবর্তনের সময়ের ব্যবধান থেকে বস্তুটির দূরত্ব অনুধাবন করা যায়। সাধারণ শব্দ বহুমুখী বলেই এতদুদ্দেশ্যে নিয়োজিত হবার অযোগ্য। অবশ্য অতিশব্দের এই ব্যবহার মানুষেরই প্রথম আবিষ্কার নয়, জীবজগতের কোন কোন অধিবাসী স্রগাতি ৩ কাল থেকেই এ বিষয়ে অবহিত ছিল। দৃষ্টান্তরূপ বাছড়ের উল্লেখ করা যেতে পারে। দৃষ্টিশক্তিহীন হয়েও এরা শ্রুতিপারের শব্দের সহায়তায় চলাফেরা করে।

অতিশব্দ সৃষ্টির সরঞ্জাম বাছড়ের দেহযন্ত্রের অন্তর্ভুক্ত। কিন্তু মানুষ কৃত্রিম উপায়ে অল্পরূপ ক্ষমতার অধিকারী হয়েছে। সেক্ষেত্রে মাত্র ২০ হাজার কম্পাঙ্কের বেশি হলেই তা শ্রুতিপারের শব্দের পর্যায়ভুক্ত, কিন্তু গত শতকের শেষভাগেই বিজ্ঞানীগণ গবেষণাগারে যে শব্দসৃষ্টি করতে সক্ষম হয়েছিলেন—তার কম্পমান ছিল নব্বুই হাজারের অধিক। বর্তমানে তা যে বহু লক্ষতে গিয়ে পৌঁছেছে, এ কথা বলাই বাহুল্য।

শ্রুতিপারের শব্দের প্রয়োগ-সূচীর মধ্যে সম্ভবতঃ ঔষধ প্রস্তুতে তার ব্যবহারই সর্বাধিক উল্লেখযোগ্য। এমন কতগুলো ঔষধ আছে যারা জলে অদ্রব্য, আবার অল্প কোন তরল পদার্থে তাদের দ্রবণ তৈরি করে চিকিৎসায় ব্যবহারও যুক্তিযুক্ত নয়। উদাহরণ স্বরূপ বলা যায় কপূরের কথা। কপূর জলে দ্রবণীয় নয়, অথচ কোন কোন ব্যাধি থেকে রোগীর আরোগ্যলাভের জন্য ক্যান্সার-অয়েল ইঞ্জেকশন অপরিহার্য। কিন্তু ক্যান্সার-অয়েল স্বাভাবিকভাবে শরীরের রক্ত চলাচল বন্ধ করে রোগীকে মৃত্যুমুখেও ঠেলে দিতে পারে।

শ্রুতিপারের শব্দ এই সমস্যাটির বাস্তব সমাধান করেছে। উচ্চশব্দের শব্দতরঙ্গের সহায়তায় জলে ঐসব ঔষধকে মোটামুটি দ্রবণীয় করা চলে (যথার্থ বলতে গেলে বলতে হয় emulsion) এবং নির্ভয়ে মানুষের রক্তের সঙ্গে মিশিয়ে দেওয়া যায়। উপরন্তু ইঞ্জেকশন ছাড়াও কোন কোন ঔষধ মানুষের দেহে প্রবেশ করানোর কাজে পাশ্চাত্য দেশে আজকাল একটি অভিনব কৌশল গ্রহণ

বিশুদ্ধমাত্র কতিগাধন না করে অতিশব্দ-তরঙ্গ সাহায্যে লোমকূপের স্তম্ভ ছিদ্রের মধ্য দিয়ে রোগীর দেহে ঔষধ ঢুকিয়ে দেন।

শ্রুতিপারের শব্দ অদূর ভবিষ্যতে ক্যান্সার নিরাময়ের পথ প্রশস্ত করতে পারে। মিনিসোটাতে মেও ক্লিনিক এই পর্যায়ে বিশেষ ফল লাভ করেছেন। ক্যান্সার আক্রান্ত খরগোসের ওপর পরীক্ষা চালিয়ে তারা দেখেছেন, শতকরা নব্বুই ভাগ দূষিত কোষই ধ্বংসপ্রাপ্ত হয়েছে। অতিশব্দ-তরঙ্গ প্রয়োগের ফলে যে উত্তাপ সঞ্চারিত হয়, তাই কোষগুলি বিনষ্ট করার জন্য দায়ী। পরীক্ষায় এও দেখা গেছে, একমাত্র শব্দতরঙ্গই ক্যান্সার-আক্রান্ত কোষ ধ্বংস করার অস্বল্প উত্তাপ সৃষ্টিতে সমর্থ।

যন্ত্রশিল্পে অশ্রুত শব্দের ভূমিকা গুরুত্বপূর্ণ। কোন যন্ত্রাংশ ঢালাই বা তৈরী করার পর তাকে না ভেঙে ভেতরের যথার্থ গঠন সম্বন্ধে সঠিক ধারণা লাভ অবশ্য প্রয়োজন। এই প্রক্রিয়ার নাম Non-Destructive Testing of Metals. বস্তুটির মধ্যে যদি কোন ফাটল, স্তম্ভ ছিদ্র বা এয়ার-হোল থেকে যায়, যার অস্তিত্ব এমনিতে ধরা পড়ছে না, তবে তা ব্যবহার করলে অনেক ক্ষেত্রেই বিপদের সম্ভাবনা। সম্প্রতি রুশ বৈজ্ঞানিক অধ্যাপক সোকোলভ-এর গবেষণায় ‘সুপারসনিক ডিফেক্টোস্কপি অফ মেটালস’ যথেষ্ট সমৃদ্ধি লাভ করেছে। পরীক্ষণীয় বস্তুর মধ্য দিয়ে উচ্চ কম্পাঙ্কের শব্দতরঙ্গ পাঠান হয়। কোথাও ফাটল বা এয়ার-হোল থাকলেই তা প্রতিফলিত হতে থাকে এবং স্তম্ভ গ্রাহকযন্ত্রে ঐ প্রতিক্রিয়া ধরে রাখা হয়। এ থেকে কি ধরনের খুঁত রয়েছে আর তার সঠিক অবস্থানই বা কোথায়—সেই ধারণা লাভ করা যায়। অবশ্য ‘সুপারসনিক ডিফেক্টোস্কপি’র প্রয়োগ কেবল ধাতব পদার্থেই সীমাবদ্ধ নেই; কাঁচ, প্লাস্টিক, সেরামিক প্রভৃতি পদার্থের অন্তর্গঠন নিরূপণেও এর সার্থক প্রয়োগ হয়েছে। অধুনা চিকিৎসক-গণ মানুষের রোগ নির্ণয়ে অতিশব্দের ব্যবহার করছেন। রক্তনরশ্মিকেও কীকি দেয়, দেহকোষে এমন স্তম্ভ কোন গোলযোগ যদি ঘটে থাকে, তা শ্রুতিপারের শব্দরশ্মির চোখ এড়াতে পারে না। কিছুকাল আগে সান ফ্রান্সিস্কো শহরে অ্যামেরিকান মেডিক্যাল অ্যাসোসিয়েশনের যে সম্মেলন অনুষ্ঠিত হয়, তাতে ডক্টর গিলবার্ট বন্ নামক জর্নৈক চিকিৎসক এই পর্যায়ে সাফল্যের নিদর্শন উপস্থাপিত করেন। ইতিপূর্বে চোখের পশ্চাদ্দেশে কোন রোগ হলে তা ঠিকমত জানা যেত না, কিন্তু ডক্টর

কয়েকটি আলোকচিত্র প্রদর্শন করেন যার একটি ছিল চোখের ছানির আড়ালে ঢাকা পড়ে-থাকা কোন টিউ-মারের ছবি—যার অস্তিত্ব রঞ্জনরশ্মির কাছেও ধরা পড়ত না।

ধাতব, অধাতব, ভঙ্গুর, অশ্বভঙ্গুর—সকল শ্রেণীর পদার্থে স্বল্পায়ুসে গর্ত করার জন্য বর্তমানে অতিশব্দীয় ভেদন যন্ত্র (Supersonic drilling machine) উদ্ভাবিত হয়েছে।

পশমশিল্পে অতিশব্দের বহুল প্রচলন রয়েছে। শুধু পশমই নয়, মোটরের আর্মেচার, টারবাইনের ব্লেড, ইলেকট্রিক মীটার ইত্যাদি যন্ত্রপাতির অংশগুলি না খুলেও ভেতরের ময়লা অতিশব্দ-তরঙ্গ দ্বারা পরিষ্কার করার কৌশল আমাদের কন্ঠায়ত্ত। এ ছাড়া বয়লার প্লেট এবং পারমাণবিক চুল্লীতে ব্যবহৃত ইউরেনিয়াম-

ইন্ধন দণ্ডের ওপর যে scale-এর প্রতিরোধী আবরণ সঞ্চিত হয়, তাও অস্বল্প প্রক্রিয়ার দূরীভূত করা যায়।

অ্যালুমিনিয়াম, ম্যাগনেসিয়াম প্রভৃতি তাপ-সহ (Refractory) পদার্থে নির্মিত বস্তুর ঝালাই করার কাজে অধুনা শব্দতরঙ্গের সহায়তা গ্রহণ করা হচ্ছে। এই প্রক্রিয়ার একটি বড় সুবিধে এই যে, কোন বিগলন-সহায়ক প্রয়োজন হয় না, সেহেতু প্রক্রিয়াটির নাম flux-less soldering.

যে সব বস্তুর বেধের পরিমাণ নির্ণয় করা সহজসাধ্য নয়, স্রুতিপারের শব্দের সাহায্যে তা অত্যন্ত সহজ হয়ে গেছে। ভূগর্ভে প্রোথিত কোন শিলাস্তর ঠিক কতটা পুরু, স্তরটির মধ্য দিয়ে ড্রিলিং না করে আমরা বলতে পারি নে। কিন্তু অতিশব্দ-তরঙ্গ পাঠিয়ে তা স্বল্পায়ুসেই নিরূপণ করা চলে।

### অশুদ্ধি সংশোধন

১৩৬২ জ্যৈষ্ঠের প্রবাসীতে,

বিপ্লবী যোগী রসিক প্রবন্ধে,

পৃষ্ঠা	স্তম্ভ	ছত্র	অশুদ্ধি	শুদ্ধি
১৭৯	১	২১	নলিনীকান্ত গুপ্ত	নলিনীকান্ত সরকার
১৮০	১	২৭।২৮	রং টং	রংচং
১৮৪	২	১৪	ঠেঙাই	ভেঙাই

অমরত্ব কবিতায়

২০৭	১	১	ওপরে	ওপারে
-----	---	---	------	-------

১৩৬২ আষাঢ়ের প্রবাসীতে,

রামানন্দ চট্টোপাধ্যায়ের ছবির নীচে ১২৭১ ১২৭২

বিবিধ প্রসঙ্গে

২৬৭	২	২	২৮তম	২৭তম
-----	---	---	------	------



## দেবকার্য

শ্রীকুমুদরঞ্জন মল্লিক

১

আর তো ডেকে প্রাণ ভরে না  
ডাকি তোমার কম,  
আকাজ্জ্বল হয় সেবা করি  
তোমার প্রিয়তম ।  
সেবা করার শক্তি কোথায় ?  
জীর্ণ দেহ—চেঁড়া বৃথায়,  
তোমার ধরা দেখতে পাই  
অধিক মনোরম ।

২

বসে থাকি সারা দিবস  
দেউল প্রান্তরে  
উঠছে গড়ে যে মন্দির—তাই  
রত নিরীক্ষণে ।  
শক্তি যত—তার বেশীও  
খাটছে দেহ—সাবাস্ দিও—  
জরাকে তার সরায় এসে  
কৈশোর যৌবনে ।

৩

ভাবে বুড়া বৃথায় জীবন  
কাটাইলান আমি,  
পরের সেবায় নিজের সেবায়  
গেল দিবস যামী ।  
যে ক'টা দিন আর বাঁচে হার  
তোমার কাজই করতে সে চায়,  
বুড়া হ'ল তোমার চাকর  
দিলেহেতে স্বামী ।

৪

তোমার পূজার অঙ্গনেতে  
রোপে ফুলের গাছ  
কোথায় তাহার এত সাধের  
বিদগ্ধ সমাজ ?  
হারের, বুড়া কি খেয়ালী !  
মালিকের তুই হবি মালী ?  
চোখের জলে ফুল ফুটাবি—  
বড় কঠিন কাজ !

৫

ব্যাকুল হ'ল তোর যে প্রতি  
রক্ত, কণিকাটি—  
দুর্কল তুই ছুবন ভবন  
করবি পরিপাটি ।

ফুরালো তোর সাধ্য যখন—  
কি তুচি সাধ সুরলো রে মন ?

• কাণ্ড যে তোর দেখে হাসেন—  
পাবাণ-প্রতিমাটি ।

## কবির ভাষা

শ্রীকালিদাস রায়

ভক্ত চায় করিবারে ভক্তি নিবেদন  
দেবে বা মানবে,  
হৃদয়ে আকৃতি তার করি সংবরণ  
রহে সে নীরবে ।  
আমি কবি, কণ্ঠে তার ভাষণ যোগাই,  
বাণী ফুটে মুখে  
পুষ্প সম, গন্ধ পায় ছন্দে তায়, তাই  
স্পন্দ জাগে বুকে ।

লঘু যে করিতে চায় করিয়া বিলাপ  
হৃদয়ের ভার  
ঝরায় নয়নে অশ্রু শোকের সস্তাপ,  
ভাষা নাই তার ।  
আমি কবি, কণ্ঠে তার বচন যোগাই,  
শোক পায় রূপ,  
তাহারে সুরভি করে ধূম-মাল্যে তাই  
হৃদয়ের ধূপ ।

প্রেমিক করিতে চায় প্রেমসীর সাথে  
প্রেম আলাপন,  
শরতের প্রাতে কিংবা বসন্তের রাতে,  
জানে না ভাষণ ।  
আমি কবি, ভাষা দিই ললিত মধুর  
গদগদ রসে,  
মুখে তার হাসি ফুটে মালিনী-বধুর  
তাহারি পরশে ।

জননী করিতে চায় ছললে সোহাগ  
কিসে সে ছুলাবে ?  
ধামে না রোদন তার গলে না ক রাগ,  
ভাষা কোথা পাবে ?  
আমি কবি, ভাষা দিই, সুর দেয় তারে  
মায়ের অন্তর,  
শিওমুখে হাসি ফুটে—প্রভাতী নীহারে  
যেন রবিকর ।

## শাহুল

( ব্লেকের অহুবাদ )

শ্রীপৃথ্বীন্দ্রনাথ মুখোপাধ্যায়

শাহুল ! শাহুল ! প্রজ্বল ও রে,  
রাত্রির বনভূমি আলোকিত ক'রে,  
কোন্ সে অমর হাত ? কোন্ সে নয়ন  
গড়েছিল তোর ওই সুষমা ভীষণ ?

সে কোন্ সুদূর নভে, কোন্ জলতলে  
তোর নয়নের শিখা উঠেছিল জ্বলে ?  
কোন্ পাখা মেলে—তার আকৃতি উছল ?  
নির্ভয়ে কোন্ হাত ধরে সে-অনল ?

কোন্ বাহ, শিল্পীর কোন্ সাধনার  
তোর হৃদয়ের পেশী আকৃতি পায় ?  
যখন হৃদয়ে তোর জাগে স্পন্দন,  
কার সে ভীষণ ভুজ ? কার সে চরণ ?

কোন্ সে হাতুড়ি ? আর সে কোন্ শেকলে  
মগজ গড়েছে তোর দারুণ অনলে ?  
সে কোন্ নেহাই ? আর কোন্ দৃঢ়-কর  
বুকে টেনে নিল ওই রূপ ভয়ঙ্কর ?

তারারা যেদিন দিল বর্ণা ফেলে,  
স্বর্গ ভিজিয়ে দিল অশ্রু টেলে,  
আপন সৃষ্টি দেখে হাসলেন তিনি ?  
তোকেও কি বানালেন—যীতকে যিনি ?

শাহুল ! শাহুল ! প্রজ্বল ও রে  
রাত্রির বনভূমি আলোকিত ক'রে,  
কোন্ সে অমর হাত, সে কোন্ নয়ন  
নির্ভয়ে গড়ে তোর সুষমা ভীষণ ?

## আম উৎসর্গ

শ্রীগিরিবালা দেবী

বৈশাখ মাস বিদায় নিয়েছে। জ্যৈষ্ঠ ধরণীর দ্বারে জাগ্রত। রৌদ্রের প্রখর উজ্জ্বলে পল্লীগ্রামের পথ-বাট ও দিগন্ত-প্রসারিত মাঠে ফাটল ধরেছে। এবার এখন পর্যন্ত কালবৈশাখীর স্নিগ্ধ-সুশীতল বারিধারা দেবতার আশীর্ষাদের মত নেমে এসে চরাচর পরিসিক্ত করে নি।

প্রতিদিনই বেলা শেষে অনল বর্ষণকারী ধূসর আকাশের ঈশান কোণে ঝণ্ড ঝণ্ড ঘন নীল মেঘ-রেখা আসর সাজায় বটে, কিন্তু ঝরে পড়ে না। মেঘ ডাকে গুরু গুরু, প্রবল বাতাস বয়ে যায় সন্ সন্ রবে কিন্তু তা নেমে আসে না তপ্ত ধরণীর বুকে। কৃষকের সাধনার ধন, আশার স্বপ্ন দর্শন দিয়ে মিলিয়ে যায় নশোনীলে।

এবার বৈশাখ মাসে, আম উৎসর্গের দিন না থাকায় কৈর্যে প্রথমেই পূর্ণিমায় প্রশস্ত দিন পাওয়া গেছে। অসংখ্য আশ্রয় বৃক্ষের মালিক এবং আশ্রয় ফলের পরম ভক্ত শাহুড়ী বাড়ীর কর্তা এতদিন আম উৎসর্গের দিন না থাকায় এখনও পাকা আমের আশ্বাদ গ্রহণ করতে পারেন নি। কাজেই গৃহিণীও পাকা আম খেতে পারেন নি। দেব কুল ; গুরু কুল ; পিতৃ এবং মাতৃ কুলের উদ্দেশে বছরের নূতন ফল উৎসর্গ না করলে, পূজনীয় ঋতুর-শাহুড়ী গুরুজনেরা না খেলে, ছেলে নটবর ও বধু রাইকিশোরী পাকা আম মুখে দিতে পারে না। এই দুঃখে কর্তার ছই নাতনী ঝুলন ও মিলন সারাটা দিন আম বাগানে বিচরণ করে লক্ষ্য করে কোন গাছের আমে রং ধরেছে। কোন্ গাছের আম পাকতে শুরু করেছে। কি জানি পূর্ণিমা আসতে আসতে সব গাছের আমগুলি যদি এক সঙ্গে পেকে ফুরিয়ে যায়, তখন কি হবে ? বাড়ীর গাছের পাকা আম বাড়ীর লোক ভাল করে খেতে পাবে না, এ দুঃখের ভেতরে তাদের স্কুমার চিন্তে আরও আশঙ্কা জাগে, আম ফুরিয়ে গেলে তারাই বা খাবে কি ? গৃহিণী যদিও ওদের নাম দিয়েছেন "আমের পোকা", আসলে এ পরিবারের সকলেই আমের বিষম ভক্ত। সেই মুকুল থেকে পেকে নিঃশেষ হয়ে না যাওয়া পর্যন্ত ঝুলন, মিলনের শান্তি নেই। ভাতের সঙ্গে লক্ষ্য কম। দিনভোর তারা আম গাছের তলায়। ওদের ছোট ভাইটা খোকন এখনো তেমন পরিপক হয়ে ওঠে

নি। কিন্তু দিদিদের সঙ্গে ছোট ধানের ডালা হাতে নিয়ে তালে তাল দিয়ে বেড়ায় বাগানে বাগানে।

এরা আমের ভক্ত হলেও অল্প ফলের প্রতিও কম অহুরাগী নয়। তার নমুনা স্বরূপ গোটা বাড়ীতে অনেক রকম ফলবৃক্ষ শাখা-প্রশাখায় বিস্তার লাভ করেছে।

দিবসারম্ভের সূচনায় বনে-জঙ্গলে যে তিনটি বালক-বালিকার পরিক্রমা চলছিল তার অবসান হ'ল সন্ধ্যার গোখুলি আলোকে। তিন শাইবোন বারান্দার গোল হয়ে বসল ঠাকুমাকে ঘিরে। এখন চলবে বৃক্ষ দেবতার উপাখ্যান। যারা দিবাভাগে গাছ হয়ে ফুল ফল বিতরণ করে, রাতে মানুষ হয়ে যায়। যারা ডাল ভাঙে না, ফুল ছিঁড়ে নষ্ট করে না, তাদের শিয়রে ব'সে বাতাস দিয়ে ঘুম পাড়ায়। অপার স্নেহে চুমো খায়। পরের দিনের জন্তে পাকা পাকা ফল সাজিয়ে রাখে পাতার অন্তরালে।

বৃক্ষ-দেবতার সহৃদয়তার কাহিনীর শেষে খোকনের প্রিয় গল্প ব্যাঙ্গমা-ব্যাঙ্গমীর কথা না বললে তার চপল চঞ্চল চক্ষে ঘুমের নীল পরী মারার কাঠির পরশ দেয় না। ধীরে রজনী নিবিড় হ'তে থাকে। বন বনাস্তর অন্ধকারে আবৃত হয়। ঝোপে-ঝাড়ে জোনাকি জ্বলে। বনের পাখী ঘুমিয়ে পড়ে। তখন ঘরের পাখীরও চোখ ঘুমে জড়িয়ে যায়।

খোকন ঘুমিয়েছে, পাড়া জুড়িয়েছে। ঝুলন কন্ কন্ করে, "হাঁ, ঠাকুমা, তোমাদের আম উচ্চুগ্গের দিন যে আসে না ? আম পাকা ধরেছে, এবার ফুরিয়ে যাবে। তুমি, ঠাকুরদা, বাবা মা, পাকা আম না খাবার আগেই যদি সব আম পেকে ফুরিয়ে শেষ হয় তখন আমরা কি করব ?"

মিলন দিদির কথায় সায় দেয়, "হাঁ, এবার সব গাছের আম পেকে উপটুপু করে ঝরে পড়ছে। আজ কি কাণ্ড হয়েছে জান ঠাকুমা ? সিঁছরে গাছের একটা পাকা আম গাছতলার থেকে কুড়িয়ে নিয়ে খোকনটা কামড়াতে কামড়াতে ছুটে গিয়ে ঠাকুরদার মুখে পুরে দিয়েছিল। ঠাকুরদা তাড়াতাড়ি থু থু করে কেলে দিয়ে মুখ ধুয়ে হেসেই অস্থির।"

ঝুলন বলে, “খোকন যে ঠাকুরদার আঙ্কাদে গোপাল, ওর বেলায় কথা নেই। আমরা অমনধারা করলে বাড়ীতে কুরুক্ষেত্র হয়ে যেত।”

ঠাকুরমা স্নেহে ছই নাত্নীর সর্কালে স্নেহ হস্ত বুলিয়ে সান্ত্বনা দিলেন, “খোকন যে অবুঝ শিশু, ওর ত কোন কাণ্ডজ্ঞান নেই। তোমরা যে বড় হয়েছ দিদি, তোমাদের কত বুদ্ধি বিবেচনা। তোমরা কেন অমন কাজ করতে যাবে? নইলে ঠাকুরদার কাছে তোমরা সকলেই সমান আদরের। তোমাদের আম ফুরিয়ে যাবার আর ভয় নেই। রবিবারে পূর্ণিমার দিন আম উৎসর্গ হবে। মাঝে আর তিনটে দিন বাকী।”

ছই বোন আশার আনন্দে সচকিত হয়ে সাগ্রহে প্রশ্ন করে, “মোট তিন দিন বাকী? তা হ’লে আম পাড়াছ না কেন? গাছ ভরা ভরা কাঁচা আম গাছে ঝুলছে, আম উচ্চুগু হুবে কি দিয়ে?”

“কাল সকাল বেলা আম পাড়া হবে। আমের পাতায় ‘ভাগ’ দিয়ে রাখলেই তিন দিনেই কাঁচা আম পেকে যাবে।”

ঝুলন, মিলন আশ্বস্ত হ’ল, বড়রা কাঁচ আম পাকাবার কত কৌশল জানে, আমের পাতায় ঢেকে রেখে আম পাকায়। কিন্তু ওরাও যে মাটির ছোট ছোট হাঁড়িতে আমের পাতা দিয়ে ঢেকে রেখে আম পাকায় বটে কিন্তু সে আম পাকে না, রং ধরে না, নরম হয় মাত্র। সুকুমারমতি বালিকারা জানে না কাঁচা যা তা চিরদিন কাঁচাই থাকে। জোর ক’রে পাকানো যায় না।

ঝুলন কণকাল পরে দ্বিজ্ঞাসা করে, “তুমি যে বলেছিলে ঠাকুরমা, ‘যারা তালের গাছ বোনে তারা তাল খেতে পার না।’ তা হ’লে এবার তুমি তাল খাবে কেমন করে? তোমারই বোনা তাল গাছে এবার কাঁদি কাঁদি তাল হয়েছে। হলুদ রঙের কাঁদিতে খয়েরি রং হচ্ছে। তাল পাকলে তালের কীর, বড়া তুমি কি খাবে না?”

গৃহিণী হাসলেন, “তোরা বন্ধ পাগল রে। তালের আঁটি পুঁতলে বারো বছর পরে ফল ফলে ব’লে লোকে বলে, যে তালের আঁটি পোঁতে তার ভাগ্যে ফল খাওয়া হয় না। কিন্তু আমার ভাগ্যে নারায়ণের তালের প্রসাদ জুটবে বৈ কি? যেবার তোদের বাবা-মায়ের বিয়ে হয় সেইবার আমি তাল বুনেছিলাম, ঠিক বারো বছর পরে এবার ফল ধরেছে। বৃক দেবতা প্রসন্ন হয়েছেন।”

বৃক-দেবতার দয়ার কথা ভাবতে ভাবতে ঝুলন, মিলন ঝুমিয়ে পড়ল।

ঝুলন, মিলনের গভীর সুপ্তির ঘোর কেটে গেল বহনী প্রভাতের দম্কা বাতাসে। প্রভাতী আত্রকুণ মর্ষরিত হয়ে পাকা ফল বোঁটার আশ্রয়চ্যুত হয়ে খসে পড়ছে ধুম্-ধুম্ শব্দে।

ছই হাতে চোখ মুছতে মুছতে ছই বোন সাজি নিয়ে ছুটে গেল আম তলায় আম কুড়োতে।

বড়দের অনেক থাকলেও ছোটদের সযত্নে রক্ষিত গোপন ভাণ্ডার হতে আম উৎসর্গের দিন বাছা বাছা সুপক অমৃত ফল ঠাকুরদা-ঠাকুরমাকে উপহার দিতে হবে। তাই সংগ্রহের সীমা নেই।

বাংলা দেশের বারো মাসের তেরো পার্কণের ভিতরে আম উৎসর্গ সামান্য একটা অস্থান ভিন্ন বিরাট কিছু নয়। তবু আয়োজন আছে। পুরোহিত আসবেন, আমের সঙ্গে পিঠে-পায়েস ও নানাবিধ ফল দিয়ে নারায়ণকে ভোগ দিতে হবে। পূর্বপুরুষদের উদ্দেশে নামে নামে ছুধ, আম ও অস্ত্র উপকরণ নিবেদন করতে হবে। সঙ্গে সঙ্গে ভোজ্য। প্রসাদ পাবে গ্রামের ব্রাহ্মণ, কামার, কুমোর, ছুতোর, ভূমিমালি ও অমুগত বাধ্য যারা।

ভোজ্যের একধামা আতপ চাল নিয়ে গৃহিণী বারান্দায় বসে ঝাড়া বাছা করছিলেন। এমন সময় জেলেপাড়ার হরিচরণের মা এক ঘটি ছুধ ও কয়েকটা পাকা আম নিয়ে উপস্থিত।

গৃহিণী চোখ তুলে সাদরে আস্থান করলেন, “হরির মা, এস, বস পৈঠার ওপরে। তোমাদের বুঝ গোঁর নতুন বাছুর হয়েছে? দিব্যি বড় বড় আম হয়েছে ত তোমার গাছে।”

হরির মা আম, ছুধ চালের ধামার পাশে রেখে বলল, “হঁ, মাঠান নতুন বাছুর হইচে, একুশ দিন বাদ দিয়ে ঠাকুরের ভোগের নেগে ছুধ আনিচি। এ আমগুলান চারা গাছের, দেব-বেশ্মণকে না দিয়ে কি মুখে দেওন যায়? তাই আনলাম।”

গৃহিণী হাতের কুলো নামিয়ে একটা আম নাকের কাছে ধরে বললেন, “বেলে আম, বেলের গন্ধে ভুর ভুর করছে। নারায়ণের ভোগে কেটে দেব। ছুধ দিয়ে কীরের নাড়ু করব। তুমি বিকেল বেলা এসে প্রসাদ নিয়ে যেও। নাত্নী ভাল আছে? হরির মেয়ের কি নাম রাখলে?”

হরির মা আপ্যায়িত হয়ে কিছু-কিছু ক’রে হাসছে



লাগল, “আমাগরে ঘরে আবার ম্যাগার নাম! সুখেও থাকি নি, সুখলতা রাখি নি, বনে বনে খুরিচি, বনলতা খুইচি।”

“বনলতা, বেশ নাম, সুন্দর নাম। তোমাদের পাড়ায় এমন নাম পেলে কোথায়? হরির বৌয়ের মেয়ের নাম পছন্দ হয়েছে?”

হরির মা ঘাড় নাড়ে, “হঁ, মাঠান, জেলের বেটির নাকি ভাল নাম ভাল নাগে? ও নাম রাখিচে তুফানী। হরি আর আমি বনলতা বলেই ডাকি ম্যাগাডারে। নাম আমাগরে পাড়ার নয়, তোমার ঠাই হক কথা কইচি। গোরুর নেগে একদিন দল-দাম কাটতে গেইছিল চলন বিলে। তখন বেলা ঝিকিমিকি। পাড়ার ভদর নোকের ডবুকা ছাওয়ালরা নাও নিয়ে বাচ দিইছিল বিলের জলে। আর গায়ান ধরিছিল, ‘বনলতা, বনলতা, মনের কথা ক’য়ে যাই, তোর নেগে সাঁঝ-সকালে বিলের ধারে নৌকা বাই।’ গায়ান শুনে আমি লজ্জায় খুন খুন হইয়ে ঝোপের মধ্যে পলায়ে গেইলাম। কিন্তুক বনলতা নাম-টুকুন মিঠা লাগে কানে। তাই হরির পরথম ম্যাগার নাম খুইচি।”

গৃহিণীর চোখে-মুখে কৌতুকের হাসি ঝিলিক দিল। তিনি হেসে বললেন, “খুব ভাল কাজ করেছ হরির মা। কিন্তু তোমার নাতির বয়েসী ছেলেদের গান শুনে লজ্জা পাবার কি হয়েছিল? লজ্জা-সরমের বয়েস ত তোমার পার হয়ে গেছে?”

হরির মা ক্ষুণ্ণ হয়, “কি যে কও মাঠান? ম্যাগা-মাহুয়ের আবার নাজ-নজ্জার বয়েস যায় নাকি? নোকে কথায় কয়, ‘মরবে ম্যাগা উড়বে ছাই, তবে ম্যাগার গুণ গাই।’ ননাটে ছঃখু মা, না হলে হরির বাপ মরবে কেনে? বুড়া নাই বলেই না নোকের কানাকানিতে ডরাই, আমার বেন্দাবন সুখের ঠাই তাতে রাখার মুখ নাই।”

হরির মায়ের ছঃখের কাহিনী আর বেশি দূর অগ্রসর হতে পারল না। রহিম সেখের মা, আজু বুড়ী ছেঁড়া স্ত্রাকরায় বেঁধে কয়েকটা আম নিয়ে হাজির হ’ল।

গৃহিণী আজু বুড়ীকেও আদরের স্বরে ডাক দিলেন, “দাদি তুমিও আম এনেছ? তোমরা ভাল আছ ত? বস, রবিবারে আমাদের আমের পূজা, সেদিন তোমরা এসে আম খেয়ো। রহিমকে বল।”

আজু বুড়ী খুশী হয়ে স্ত্রাকড়া খুলতে খুলতে জবাব দিল, “তা আনবুনি মা, তোমাগরে নগেই যে আমাদের

আম রাখন গেল না। রহিম গাছের বেবাক আম পাইড়ে কইলো ঠাকুর বাড়ী আর পীরের দরগায় দিইতি।”

“হাঁ, নতুন কল দেবতাকে না দিলে কি চলে, দিদি?” বলে গৃহিণী আমগুলি স্পর্শ করলেন।

এদের চাবী-প্রধান ছোট গ্রামে হিন্দু ও মুসলমানের চালে চালে বসতি। কোন সম্প্রদায়ের কারো সঙ্গে কলহ নাই, বিদ্বেষ নাই। হিন্দুরা গাছের কল-তরকারি, গরুর দুধ, নুতন ধানের চাল, নুতন শুড়ের পাটালি যেমন পীরের দরগায় দিয়ে আসে, তেমনি আনে হিন্দুর দেব-দেউলে। মুসলমানেরাও তাই করে।

দেখতে দেখতে আম উৎসর্গের দিন এসে গেল। বৃহৎ ব্যাপার না হলেও আয়োজন কম নয়। বাগানে রাশি রাশি কল ফললেও হাট থেকে আনা হ’ল কাঁকা কাঁকা কল। ‘মরা গরু ঘাস খায় না’ প্রবাদ থাকলেও বারা চলে গেছে চিরতরে, খুলিময় ধরণীর ধুলোয় বিলীন হয়ে গেছে, তাদের ভুলতে পারে নি বংশধরেরা। কল জল ফুল দিয়ে স্মৃতির মন্দিরে জাগ্রত ক’রে রাখবার বড় ও প্রয়াস তাই দেখা যায়।

প্রকাণ্ড মণ্ডপঘরের আধখানা মেঝে জুড়ে পূজার আয়োজন করা হয়েছে। বড় বড় পাথরের থালায় ও বারকোসে শুপ শুপ কাটা কল। বোঁটা-কাটা সারি সারি আম। পাথরের ছোট-বড় বাটিতে কাঁচা দুধ। কলের পাশে তিলের নাড়ু, ক্ষীরের নাড়ু, নারকেলের তক্তি, বাতাসা। শুধু কল-দুধ দিয়েই এঁরা পূর্বপুরুষকে পরিভূক্ত করতে চান না। ফলের সঙ্গে গৃহজাত মিষ্টান্নও চাই।

কলার পাতার অনেকগুলো ভোজ্য সাজানো হয়েছে। প্রত্যেক ভোজ্যের ওপরে একটি করে সাদা ফুলের মালা। ঝুলন ও মিলন স্নানান্তে এক ডালা ফুল নিয়ে মালা গাঁথতে বসেছে। সবগুলি মালা এখনও গাঁথা হয় নি; বাকি আছে ক’টা।

দিদিদের মাল্য রচনার কাছে খোকন বসে বসে ছুই চকু বিক্ষারিত ক’রে চারদিক পর্যবেক্ষণ করছে।

পূজার যোগাড় ক’রে দিয়ে গৃহিণী চুকেছেন ভোগশালায়। আজ ভোগের কম সমারোহ নয়। কর্তার স্বর্গীরা জননী প্রিয় খাণ্ড ছিল পাকা কাঁঠালের বড়া। স্বর্গীয় জনক ভালবাসতেন ক্ষীর-পুলি। আর যে কে কি পছন্দ করতেন, তা এখন অস্পষ্ট হয়ে গেছে, কিন্তু কাঁঠালের বড়া ও ক্ষীর-পুলি এখনও ঝাপসা হয়ে

বামুন-পাড়ার বিরাজ পিসী এসে ভোগ চড়িয়েছেন। তিনি পতিপুত্রহীনা বালবিধবা, ভাই-এর সংসারে প্রতিষ্ঠিত। পূজো-পার্বণে বাড়ী বাড়ী ভোগ রান্না করে পূজোর আরোজন করে দিয়েই তাঁর একটা পেট নির্ঝিবাদে চলে যাচ্ছে।

বাড়ীতে বধু ও শাওড়ী দুইট মাত্র কাজের লোক। খুলন, মিলন এখনও বড় হয় নি। বধু চুকেছে মাহ বান্নার ঘরে। গৃহিণী একবার মণ্ডপে, একবার ভোগ-শালায় টহল দিয়ে বেড়াচ্ছেন। বিরাজ পিসী যেমন কর্কশকুশলা তেমনি রক্তনে সাক্ষাৎ দ্রৌপদী। তবুও গৃহিণীকে পিঠে পায়সে হাত লাগাতে হচ্ছে।

যথাসময় পুরোহিত এলেন। কর্তা স্নান সেরে পট-বস্ত্র পরে পূর্বেই প্রস্তুত হয়েছিলেন। এবার আসন নিলেন। এর পরে শুরু হ'ল পূর্বপুরুষদের নামগোত্র ও নিবেদনের পালা।

ভরা বিপ্রহর, জ্যেষ্ঠের কড়া রোদ্দ কাঁ কাঁ করছে। বাতাস শুষ্ক, কামনকুশলা বনশ্রী খর রৌদ্রের উত্তাপে মলিন লাবণ্যহীনা। বন-বনাস্তর থেকে একটানা ঘুঘুর উদাস স্বর বিঘাদের প্রাবন বইয়ে দিচ্ছে।

পূজো শেষ হলে পুরোহিত জলযোগ করতে বসলেন। মণ্ডপের কোণে নাতি-নাতনীদেব নিয়ে কর্তা বসলেন পাকা আমের আশ্বাদ গ্রহণ করতে।

তাঁর পাশে ছোট ছোট কলার পাতায় প্রসাদ নিয়ে ধাচ্ছে খুলন, মিলন ও খোকন।

কর্তা কয়েক টুকরা পাকা আম মুখে পুরে চিবোতে চিবোতে চোখ তুলে ভারী গলায় বললেন, “প্রত্যেক বছর বৈশাখ মাসে আম উৎসর্গ করে গাছগুলো ভাড়া করে রাখ। ভাল করে পাকতেও পায় না। তোমার দেবভোগ গাছের আম শেষ। এবার সত্যিই দেবভোগ্য হয়েছে। চেষ্টা দেখ।” বলতে বলতে কর্তা নিজের পাতায় থেকে কয়েক টুকরা আম গৃহিণীর দিকে তুলে ধরলেন। পলকের ভেতরে গৃহিণীর গুঁড় পাতুর মুখে

একটু লালের আশা খেলে গেল। তিনি চকিত হয়ে মাথার কাপড় আরো একটুখানি টেনে দিয়ে পুরোহিতের দিকে কটাক্ষপাত করলেন। না, বুড়োর এদিকে নজর নেই, তিনি ভোজনানন্দে মত্ত। বারকোষের ওপর থেকে কাটা দেবভোগ আম একথাবা ফের কর্তার পাতায় নিক্ষেপ করে গৃহিণী চাপা স্বরে বিরক্তি প্রকাশ করলেন, “হিঃ, তোমার আর বিবেচনা হ'ল না এখনো। ছেলে-বৌকে জল খেতে দেই নি, নারায়ণের ভোগ সারি নি, এখন আমি তোমার সঙ্গে আম খেতে বসব?”

কর্তা আর কথা না বাড়িয়ে অপ্রতিভের হাসি হাসলেন।

সকলের জলপানের পরে ভোজনপর্ক আরম্ভ হ'ল। ঘরে, বারান্দায়, আজিনায়, ছায়াময় কাঁঠালতলায় জায়গা হ'ল সারি সারি। এক এক পংক্তিতে এক এক দল বসে গেল। নিমন্ত্রিতের চেয়ে অনিমন্ত্রিতের সংখ্যাই বেশি। গ্রামের নিম্ন-শ্রেণীর বালক-বালিকাদের ডাকতে হয় না। তারা বাতাসে বার্তা পেয়ে ছুটে আসে। কলার পাতা নিয়ে বসে যায় অঙ্গনে। ওদের খেতে দিতে গৃহস্বামী বিরক্ত হন না, দায়সারা ভাবে পরিবেশন করেন না। ওরাই যেন পল্লীর প্রাণ, উৎসবের কেন্দ্র।

সকলকে পরিতোষপূর্বক আহ্বান করিয়ে যারা অসুপস্থিত তাদের কানাতোলা বড় বড় পিতলের থালায় ভাত বেড়ে দিয়ে দুই শাওড়ী বধু যখন খেতে বসলেন তখন সন্ধ্যার আর দেরি নেই। বাঁশ-বনের মাথার উপরে রূপোর থালার মতন পূর্ণিমার নিটোল চাঁদ দেখা দিয়েছে। চাঁদের চারদিক বেঁটন করে ঘননীল কাল-বৈশাখীর মেঘপুঞ্জ সান্ধ্যসমীরণে ভেসে বেড়াচ্ছে। আম-কাঁঠাল পাকা শেষ হয়েছে। এখন প্রকৃতিদেবীর প্রখর রৌদ্রের আর প্রয়োজন নেই। এবার ধারা বর্ষণের পালা। ধারান্নাত হয়ে নিদাঘে পীড়িত তরুলতা আবার প্রফুল্ল হবে, কিন্তু কলশূত্র আশ্রকুঞ্জের বিলাপতান মিশে রইবে বনমর্ষরে।

## গ্রহযাত্রা

শ্রীসুধীরকুমার চৌধুরী

আগামীকালের মাহুস, তোমরা  
চলেছ গ্রহাস্তরে,  
নূতন যুগের যোগ্য তীর্থযাত্রায় চলেছ ;  
গেয়ে যাই তার পথের মালিকী,  
বেথে যাই সেই সঙ্গে শুভেচ্ছা  
আমার একালের ।  
যাত্রা অবাধ হোক ।  
জয়ী হয়ে ফিরো  
পৃথিবীর কোলে প্রিয় বাহুবন্ধনে ।

অন্ত আকাশে উজ্জ্বলতর সূর্যের আলোকে  
আত্মা-বুদ্ধি হবে কি উদ্ভাসিত ?  
উল্লসিত হবে নূতন গায়ত্রী ?  
তীর্থপথের শেষে দেবতার কোন্ মন্দিরচূড়া  
মহাকাশ জুড়ে উঠবে ঝলমলিয়ে,  
পরিচিত যত স্তবের মন্ত্র, মনে হবে অপপাঠ ।  
সেখানে সুলভের  
ভিন্ন অভিজ্ঞা । ভাষা হতে বাজ্রধ  
অভাব্য কোন্ বাণীর জগৎ ।  
প্রাণের অন্ত লীলা ।  
আর কোনো নাম অঘটন-ঘটনার ।  
সেখানে অকস্মাৎ  
শাস্ত্রত কোন শক্তি-উৎসে স্নান ক'রে হবে  
অমিত শক্তিমান্ ।

গ্রহতীর্থের যাত্রী !  
পার হলে কত অমৃত যোজন পথ  
চিহ্নিত কর আকাশের মানচিত্রে ।  
জানো কি তোমরা  
দীঘলহাটি যে  
আরো কত বেশী দূরে ?

দীঘলহাটির সেই গাছগুলি !  
দূর থেকে দেখে মনে হ'ত, যেন গায়ে গায়ে ঘেঁষা ।  
ভালবাসতাম ।  
সবচেয়ে উঁচু কদম গাছটা,  
বড় ছাওড়ের ওপার থেকেও চেনা যেত । তাকে  
ভালবাসতাম ।  
বড় বড় পালে বড় ছাওড়ের  
চেউ ভেঙে চলা বেপারীর নাও,  
জেলের উধার ।  
ভালবাসতাম ।  
মরা গাঙটার বুকভরা জল  
শাপলার ফুলে শাদা হয়ে থাকে ।  
বিলের জল ত চোখেই পড়ে না,  
পানিফল আর পানিফল, কিছু কচুরিপানাও  
বেগুনীফুলের সমারোহ নিয়ে ।  
ভালবাসতাম ।  
কুমীরে গুতকে ভরা ধনু নদী,  
মাছে ভরা বৌলাই ।  
টিলার উপরে গায়ে গায়ে ঘেঁষা  
খড়-ছাওয়া ধর নিয়ে পাড়াগুলো ।  
ভালবাসতাম ।  
গায়ে গায়ে ঘেঁষা মাহুসের মন,  
যেই মন নিয়ে  
স্বতোর মতন সরু ক'রে কাটা  
সুপুরির সাথে পান ও খয়ের  
পাঠাত আমাকে পূবের পাড়ার  
পাটনীর মেয়ে ।  
এ জীবনে আর দেখব না তাকে,  
দেখব না । তাকে  
ভালবাসতাম ।

দীঘলহাটি যে আজকে ভিন্ন দেশ !  
জীবনান্তের ব্যবধানে সেই দেশ,  
অগণিত জীবনান্ত ।

এহাঙ্গরের ব্যবধানও বুঝি সামান্য তার কাছে !

আকাশ পারের যাত্রী !

এহবাণিজ্যে লাভের পণ্য  
শূন্যও যদি হয়,  
বিস্তৃততর দিগন্তে তধু  
মরুভূমি আর মেরুহিম দেখে  
ফেরো তোমরা,  
তাতেও দুঃখ নেই,  
যদি কিরে এস সজল শ্যামল  
এই পৃথিবীকে  
আর-একটু ভালবেসে ।

যদি কিরে এসে বল,  
এই পৃথিবীর হাওয়া,  
নিঃশ্বাস নিই যাতে,  
বুক ভ'রে নিঃশ্বাস,  
আহা রে, বিশ্বে এর মত আর  
আছে কি কোথাও কিছু ?

হয়ত তখন আশব বোমার বিস্ফোরণের বিশেষ  
এই হাওয়াকে বিশিষ্টে তুলবে না ।  
হয়ত তখন সুরু হবে এক নূতন তীর্থযাত্রা  
পৃথিবীরই যত দীঘলহাটির দিকে ।

## কাশ্মীরী কবি মুজাফর আজিম অবলম্বনে

শ্রীমুনীলকুমার নন্দী

‘নিশাত’-এর এই গুলবাগিচায় কতই ঘুরে ঘুরে  
তৃপ্ত হ’লে বিচিত্র সব দৃশ্য চোখে মেখে ।  
কিন্তু অবশ ক্লান্ত দেহে নয় পায়ে তুমি  
হেঁটেছ কি মখমলেরই মত নরম ঘাসে ?  
আনল কোন রহস্য কি পারের তলার ঘাস  
স্পর্শে ? তুমি নিজেই বোঝ, কেউ পারে না আর  
বুঝিয়ে দিতে, এমন কি ওই কথার যাতুকর  
যার কিনা চোখ স্বচ্ছ এবং ধারণা নিশ্চিত,  
সে-ও পারে না ; থাম, থাম, ডুবল বুঝি দিন ।  
আকাজ্জিত রাত্রি এল অশীপিত বধু—  
অঙ্গে তারার চুম্বকি তোলা কালো আকাশ শাড়ি,  
সঙ্গে এল স্নিগ্ধ নিবিড় স্বপ্ন অমুকুল ।

রাত্রি নামের ধ্বনি তরঙ্গে আমার হৃদয়ে স্পন্দন রোল  
ক্রমত হয়, ক্রমত স্মৃতিত্রতর ;  
সুপ্তিস্বপ্ন স্বপ্ন চিন্তা জেগে ওঠে মনে—  
কিন্তু দীর্ঘদিনের নিরালা হৃদয় কবে না হারিয়ে কেলেছে  
স্বপ্নের দেশ,

শাস্ত প্রকৃতি যে-গান গুনিমে যে-সাদা তুলত  
আমার হৃদয়ে,  
সে-সাদা আজ আর খুঁজে পাই কই !

ঘৃণা লোভ আশা ভয় ও বৈরী ভালবাসা সব  
অসংখ্য ছায়া সারা দিনমান আমার হৃদয় ঘিরে থাকে ; ওই  
কালোছায়া মুছে শাস্ত রাত্রি আনে আনন্দ অজানা অপার—  
জীবন আবার খুঁজে পায় বুঝি প্রকৃত অর্থ ।

ওই ত রাত্রি বিস্তার করে চিন্তা, ঈগল পাখনার মত—  
যে-দুঃখ থাকে মনের অতলে  
তাকে তুলে আনে, ছিঁড়ে ফেলে যত অবগুণ্ঠন  
অলীক চিন্তা, জাগর চক্ষু খুঁজে পায় পথ ।

জ্যোৎস্না রাত্রি প্রেমিক হৃদয়ে আনে স্মৃতিত্র জ্বালা  
হৃদয় মথিত অতৃপ্ত কামনায়—  
যুমে তুলু তুলু নগরী-শিয়রে গলিত টাঁদের আলো,  
প্রেমিক হৃদয় অঞ্জলি দেয় প্রেমে ।



## হরতন

শ্রীবিমল মিত্র

৪

অঙ্ককার পথ। আর কর্তামশাই-এরও চোখের দৃষ্টি আগেকার মতন নেই। বাড়ি যাবার পথে কর্তামশাই আর থাকতে পারলেন না। বললেন, এর মধ্যেই তুমি সব ভুলে গেলে ?

নিবারণও ত বুড়ো হয়েছে। তারও ত স্মরণশক্তি কমে আসতে পারে, চোখের দৃষ্টিও ক্ষীণ হতে পারে। কিন্তু কর্তামশাই যেন তা আর মানতে চান না। সেই তিরিশ-পঁয়ত্রিশ বছর আগে যেমন কাজকর্ম করবার ক্ষমতা ছিল, এখন কি ক'রে সে-ক্ষমতা থাকবে ? এই যে এতগুলো বছর মাথার ওপর দিয়ে গেল, চেহারায় তার ছাপ রেখে যাবে না ? নিবারণের চোখের ওপর দিয়েই ত ভট্টাচার্য্যি-বাড়ীর ঐশ্বর্য্যের ইট একটা একটা ক'রে খসে পড়ল। তারই চোখের ওপর দিয়েই ত কর্তামশাই-এর অঙ্ককার ভেঙে টুকরো টুকরো হয়ে গেল ! অথচ ওই তুলাল সা, ওই নিতাই বসাক একদিন নিবারণকে দেখেই খাতির করত।

কর্তামশাই অঙ্ককারে হোঁচট খাবেন ব'লে নিবারণ হাতটা ধরতে গেল।

কর্তামশাই হাতটা টেনে ছাড়িয়ে নিলেন। বললেন, ছাড়া, হাত ধরতে হবে না—

—আজ্ঞে এইখানটার একটা গর্ত আছে।

—থাক গর্ত, আমি তোমার মত কানা নই।

তারপর যেন নিজের মনেই গজ্-গজ্ করতে লাগলেন, আমারও হয়েছে আলা, কপালের গেরো, নইলে এমন সর্কনাশ হবে কেন ? এমন জানলে আমি ত নিজেরই ঋশানে যেতাম। তোমাদের ওপর ভার দিয়ে এই ত সর্কনাশ হ'ল। এখন কি করি ? এখন যে মাথা খুঁড়ে মরতে ইচ্ছে করছে আমার !

নিবারণের নিজেকেই যেন অপরাধী করতে ইচ্ছে হ'ল !

বললে, আমার যেন মনে হচ্ছে আমি ঋশানে গিয়ে-ছিলাম। আমিই ত ছোটবাবুকে ডেকে আনলাম।

—তা সেই কথাটা তখন সাধু-বাবার সামনে বলতে পারলে না ? তখন ত তোমার মুখ!বোবা হয়ে গেল !

—আজ্ঞে আমি ত ভাবছিলাম সেই কথাই বলব ! কিন্তু আমি বোধ হয় সংস্কারের সময় ছিলাম না। ছোটবাবু আমাকে বাড়ীতে পাঠিয়ে দিলে। বললে, তুমি ফিরে যাও সরকার-কাকা, তুমি বাবাকে দেখ গিয়ে একবার—

কর্তামশাই উদ্গ্রীব হয়ে তনছিলেন। বললেন, তা হ'লে তুমি শেষ পর্যন্ত থাক নি ?

—আজ্ঞে থাকব কি ক'রে ? ছোটবাবু অমন ক'রে বললে, আর আপনার শরীরটাও তেমন ভাল ছিল না।

—রাখ তোমার শরীরের কথা। শরীরের আমার কি হয়েছে তুমি ? আজ হরতন বেঁচে থাকলে আমার শরীরের এমন দশা হ'ত ! না তুলাল সা'ই এই রকম করে আমার চোখের সামনে আঙুল ফুলে কলাগাছ হয়ে উঠত ?

নিবারণ বললে, আমি কি এমন হবে জানতাম কর্তামশাই ? জানলে কি আর মরতে চ'লে আসি ?

কর্তামশাই থামিয়ে দিলেন। বললেন, থাম, তোমায় আর মড়াকান্না কাঁদতে হবে না ? তার পর কি হ'ল বল ?

—আজ্ঞে, তার পর আর কি হবে ? আমি চ'লে এলাম।

—তার পর ?

—তার পর এসে দেখলাম আপনি অজ্ঞান-অচৈতন্য হয়ে প'ড়ে আছেন, আমি ডাক্তারবাবুকে ডেকে আনলাম শ্রীনাথপুর থেকে।

কর্তামশাই এবার কেপে গেলেন। বললেন, আমার কথা তোমায় কে জিজ্ঞেস করেছে ? বলি, সিধু কখন ফিরে এল ? সিধু ফিরে এসে তোমায় কিছু বলেছিল ?

নিবারণ তখন আকাশ-পাতাল করছে। অত দিনের কথা কেমন ক'রে মনে থাকবে তার ? সেই পনেরো-ষোল বছর আগেকার ঘটনা। তখন এই কেউগঞ্জই এ-রকম ছিল না। তুলাল সা আর নিতাই বসাক তখন সবে হরিসন্টার চাঁদার খাতা নিয়ে এর-ওর কাছে ঘোরাঘুরি করছে। আর তাদের সঙ্গে জুটে গিয়েছিল ছোটবাবু। কর্তামশাই-এর নাতনী তখন হেসে-খেলে বেড়ায়।

হরতন-অস্ত প্রাণ কর্তামশাই-এর। কর্তামশাই বৈঠকখানা ঘরে বসে থাকেন। লোকজনের সঙ্গে দেখা করেন। কথাও বলেন তাদের সঙ্গে। দেশের হাল-চাল নিয়ে সবাই পরামর্শও নেয় তাঁর কাছে। তখন কর্তামশাই-এর পরামর্শ না নিয়ে কেউগঞ্জের কোনও কাজই হ'ত না বলতে গেলে। ইংরিজী খবরের কাগজই হোক আর বাংলা কাগজই হোক, সবগুলোই এসে জড় হ'ত তাঁর বৈঠকখানায়।

খবরের কাগজ তখন তখন কর্তামশাই বলতেন, ওইখানটা আর একবার পড় ত ভানু ?

ভানু কলকাতা থেকে লেখাপড়া শিখে গরমের ছুটিতে আসত দেশে। দেশে এলেই খবরের কাগজের লোভে কর্তামশাই-এর বৈঠকখানায় এসে বসত। খুঁটিয়ে খুঁটিয়ে খবর পড়ে শোনাত সবাইকে। ইংরিজী সবাই বুঝত না। ভানুই ইংরিজীর মানে বুঝিয়ে দিত।

—ওইখানটা আর একবার পড় ত ভানু, কথাটা যেন ভাল মনে হচ্ছে হে !

ভানু পড়তে লাগল, জেনারেল অকিনলেক বলেছে :

“All political matters will be in the hands of the new War Member under whom I shall serve, just as the Commanders in Britain serve under Civil Ministers.”

কর্তামশাই বললেন, ভাল কথা। তা হ'লে তোমার কি মনে হয় ভানু, ইংরেজ বেটারা তা হ'লে সত্যি-সত্যিই দেশ ছেড়ে চলে যাবে মনে কর ?

ভানু বললে, আজ্ঞে কর্তামশাই, তাই ত মনে হচ্ছে ! ক্যাবিনেট মিশন ত ওই জন্তেই এসেছে। আর গান্ধীও ত তাই বলছেন।

গান্ধীর নাম শুনেই কর্তামশাই ক্লেপে গেলেন একেবারে। বললেন, আরে রাখ তুমি গান্ধীর কথা ! ওর কথা আর ব'লো না ! ওর কথা আমি বিশ্বাস করি না।

ভানু বলত—আজ্ঞে, গান্ধী ত কিছু অন্ডায় বলেন নি।

—অন্ডায় বলে নি মানে ?

রেগে অগ্নিশর্মা হয়ে উঠতেন কর্তামশাই। গান্ধীর প্রশংসা শুনেই ক্লেপে যেতেন। ঘরসুদ্ধ লোক জানত কর্তামশাই গান্ধীর নাম সন্ত করতে পারতেন না।

কর্তামশাই বলতেন, চরকা কাটতে কে বললে তনি ?

সবাই বলত—আজ্ঞে গান্ধী !

—আর বোম্বাইতে কে কাপড়ের কল খুলল তনি ?

এবার সবাই বিপদে পড়ত। এ ওর মুখের দিকে চাইত ফ্যালফ্যাল ক'রে।

কর্তামশাই বলতেন, বাঙালীদের বললে চরকা কাটতে আর বোম্বাইতে গুজরাটীদের গিয়ে গান্ধী বললে কাপড়ের কল খুলতে ! এতেও তুমি সাঁচা লোক বলবে গান্ধীকে ?

গান্ধী কবে কোথায় চরকা কাটতে বলেছেন বাঙালীদের, আর কবে কোথায় গুজরাটীদের কাপড়ের কল খুলতে বলেছেন, তা কেউ মনে করতে পারলে না।

কর্তামশাই সকলের মুখের দিকে চাইতেন, বলতেন—কই হে, বহিরুদ্দি শেখ, তুমি কিছু বলছ না যে ?

বহিরুদ্দি শেখ কর্তামশাই-এরই পুরাণো প্রজা। বলত—আজ্ঞে, কর্তামশাই আপনি যখন বলছেন তখন কি আর মিথ্যে বলছেন ?

কর্তামশাই বলতেন—তা বাপু, তোমাদের জিন্না সাহেবও লোক ভাল নয়, এও ব'লে দিচ্ছি—

—আজ্ঞে তা ত নয়ই—

কর্তামশাই বলতেন—ও আমাদের গান্ধীটাও লোক ভাল নয়, তোমাদের জিন্নাটাও লোক ভাল নয়, সব বেটা পাঞ্জির পা-ঝাড়া !

তার পর সকলের মুখের দিকে চেয়ে জিজ্ঞেস করতেন—কি, তোমরা সব কথা বলছ না যে ? ঠিক বলি নি ?

সবাই বলত—আজ্ঞে কর্তামশাই, আপনি ঠিকই বলেছেন—

কর্তামশাই বলতেন—আসলে ভাল লোকই আজকাল কমে আসছে সংসারে। দেখছ না, যত ভাল-ভাল লোক-গুলো সব একে একে পটু পটু ক'রে ম'রে যাচ্ছে !

তার পর বলতেন—এই দেখ না, সুভাষ বোসটা ভাল লোক ছিল, পটু করে মরে গেল !

ব'লেই ভানুর দিকে চেয়ে বলতেন—পড় হে, তুমি ধামলে কেন ? তার পর আর কি খবর আছে পড় না—

ভানু পড়তে লাগল। বললে—পণ্ডিত জহরলাল নেহরু একটা স্টেটমেন্ট দিয়েছেন, পড়ব ?

—ওই আর একটা খারাপ লোক। বুঝলে হে ! বড় কথা বলে। আরে বাপু, যারা কাজের লোক তারা কি এত কথা বলে ? কাজের নামে অষ্টরজা, কেবল কথার জাহাজ ! ওর বাবা লোকটা ভাল ছিল। পণ্ডিত মতিলাল নেহরুর নাম শুনেই বিজপদ ? বিজপদ যে একেবারে কথাই বলে না, কি হ'ল হে তোমার বিজপদ ?

দ্বিজপদ বললে—আজ্ঞে কর্তামশাই, আমি ত  
ওনছি—

—তা ওনছ কি না আমি বুঝব কি ক'রে? একটু  
মাঝে মাঝে 'হ' দেবে ত?

এমনি ক'রেই বৈঠকখানা গুলজার হয়ে থাকত  
সারাদিন! কর্তামশাই সকলকে নিয়ে আসর জমাতেন।  
সেই ভাঙ্গু। কলকাতায় পড়ত। শহরের খবরাখবর  
রাপত আর এখানে এসে কর্তামশাইকে খবরগুলো  
শোনাত। ভাঙ্গুকে দেখলেই কর্তামশাই বলতেন—  
কি গো ভাঙ্গু, কলকাতার খবর কি বল?

ভাঙ্গু বলত—আজ্ঞে খবর আর কি বলব, ওনছি নাকি  
ক্যাবিনেট মিশন আসছে ইণ্ডিয়ান—

—তার মানে?

কর্তামশাই ক্যাবিনেট মিশন কথাটার মানে বুঝতে  
পারতেন না।

ভাঙ্গু বলত—আজ্ঞে তারা আসছে ইণ্ডিয়াকে স্বরাজ  
দেওয়ার জন্তে। এবার জহরলাল নেহরুকেই বোধ হয়  
ভাইসরয় করে দেবে।

—ম্যা? বল কি? কর্তামশাই চমকে উঠলেন।

—আজ্ঞে কলকাতায় সেই রকমই ত ওনে এলাম।

কর্তামশাই হো হো ক'রে হেসে উঠলেন। একটা  
তাচ্ছিল্যের হাসি। বললেন—দেশে আর ভাইসরয়  
করবার লোক পেলেন না? তা হঠাৎ ইণ্ডিয়ান ওপর এত  
দরদ কেন হ'ল ইংরেজ বেটাদের?

হুলাল সা, নিতাই বসাকও তখন এসে বসত আসরে।  
তখন তাদের অত প্রতিপত্তি প্রতিষ্ঠা হয় নি।

কর্তামশাই বলতেন—কি গো, তোমরা কথা বলছ  
না যে? আমি অন্তায় কিছু বলেছি?

হুলাল সা বরাবরই বিনয়ের অবতার, ছোটো হাত  
জোড় ক'রে বলত—আজ্ঞে, আপনি ত ঞ্চায় কথাই  
বলেন বরাবর—

কর্তামশাই বলতেন—তা তোমরা সেটা আমার  
দোষই বল, আর গুণই বল, আমি অন্তায় কথা বলতে  
পারি নে! আমি খাঁটি কথার মানুষ! তা তার পর?  
তার পর পড় ভাঙ্গু—তুমি চুপ করলে কেন? প'ড়ে  
যাও—

হঠাৎ ভেতর থেকে নাতনীর কান্নার শব্দ আসতেই  
কর্তামশাই অন্তমনস্ক হয়ে গেলেন—হরতন কাঁদে না?

তার পর নিবারণকে ডাকলেন—নিবারণ, দেখ ত  
হরতন কাঁদে কেন?

নিবারণ তাড়াতাড়ি ভেতরে গিয়ে হরতনকে নিয়ে  
এল কোলে ক'রে।

—দাও দাও, আমার কোলে দাও—ব'লে কর্তামশাই  
হাত বাড়ালেন।

কর্তামশাইয়ের কোলে উঠেই হরতন একেবারে  
চুপ। আহা, কি রূপই ছিল মেয়েটার! তখনও  
কর্তামশাইয়ের বেশ বয়েস। সেই বয়েসেই কর্তামশাই  
নাতনীকে একেবারে কোলে তুলে জড়িয়ে ধরলেন।  
বললেন—কে মেরেছে মা? কে বকেছে তোমাকে?

ব'লে সেই আসরের মধ্যেই নাতনীকে আদর করতে  
লাগলেন।

হরতন তখন কর্তামশাই-এর গড়গড়ার নলট্যাংগ'রে  
টানাটানি শুরু ক'রে দিয়েছে।

কর্তামশাই দেখে অবাক হয়ে গেছেন, বললেন—  
দেখছ ভাঙ্গু, সিধুর মেয়ে কি রকম চালাক হয়ে গিয়েছে—

ভাঙ্গু বললে—আজ্ঞে বড় হলে খুব বুদ্ধি হবে  
হরতনের—

হুলাল সা বললে—আহা, ভারি চমৎকার নামটি  
রেখেছেন কর্তামশাই—

বহিষ্কৃত শেখ বললে—আল্লাতালার দোয়া কি সবাই  
পায় কর্তামশাই?

নিতাই বসাক বললে—এর কলকাতায় বিয়ে দেবেন  
কর্তামশাই—কলকাতায় আজকাল ভাল ভাল সব পাত্র  
বেরোচ্ছে—বি. এ., এম. এ. পাশ দেখে নাত-জামাই  
করবেন আপনি—

কর্তামশাই তখন হরতনের মুখের দিকে চেয়ে  
বলছেন—কি রে, ওনছিস? নিতাই বসাক কি বলছে?

তার পর নিতাই বসাকের দিকে ফিরে বললেন—  
বুঝলে নিতাই, নিজের বাপের কাছে এ বেটি থাকবে  
না, রাস্তিরে ঘুমোতে ঘুমোতে কেঁদে ওঠে, তখন বলে  
দাছুর কাছে যাব। শেষে আমার কোলের কাছে  
ভয়ে চুপ!

ভাঙ্গু বললে—তাই ত বলছিলাম কর্তামশাই, খুব  
বুদ্ধি হবে ওর—

কর্তামশাই বললেন—আসলে হয়েছে কি জান,  
আমার মা এ জন্মে এই নাতনী হয়ে বউমার পেটে  
এসেছে। এই মুখখানা দেখ আর ওই আমার মায়ের  
ফোটোখানা দেখ, ঠিক একরকম মুখ নয়?

সবাই চেয়ে দেখলে। ভাঙ্গু দেখলে, বহিষ্কৃত শেখ  
দেখলে, নিতাই বসাক, হুলাল সা, সবাই চেয়ে দেখলে।

হুলাল সা বললে—অবাক কাণ্ড ত!

কর্তামশাই বললেন—বললে তোমরা বিশ্বাস করবে না ছল্লাল, যেদিন বৌমার ব্যথা উঠল, আমি কিছু জানি নে, আমি অঘোরে ঘুমোচ্ছি, হঠাৎ মনে হ'ল মা যেন আমার সামনে এসে দাঁড়ালেন। বললেন—কীর্তি, আমি এলাম—আর 'এলাম' বলার সঙ্গে সঙ্গে ঘুম ভেঙে গেছে—

এ গল্পও অনেকবার সবাই শুনেছে। কতবার কথা-পুসঙ্গে কর্তামশাই এ সব গল্প বলেছেন। তখন বক্তা হলেন একমাত্র কীর্তীর আর শ্রোতা ছিল কেউগঞ্জের দ্বন্দ্বপ্রায়ের লোক। তারা নিয়ম করে সবাই আসত যেত, তার পর এক সময়ে কর্তামশাই হরতনকে কোলে নিয়ে উঠে দাঁড়াতেন।

বলতেন—এবার উঠি হে, হরতন আবার আমি সঙ্গে না খেলে ভাত খাবে না—

শুধু এক সঙ্গে খাওয়াই নয়, এক সঙ্গে শোওয়া, এক সঙ্গে বসা, গল্প করা, সবই কর্তামশাইয়ের হরতনের সঙ্গে। শেষকালে এমন হ'ল, হরতন আর বাপ-মা'র কাছে যারই না, কর্তামশাইয়ের কাছেই থাকত দিনরাত। বড় গিন্নী হরতনকে বিছানায় নিয়ে এসে শুইয়ে না-দেওয়া পর্যন্ত কর্তামশাইও ছটফট করতেন।

তা এসব সেই পনের বছর আগেকার ঘটনা।

এতদিন পরে অন্ধকার রাস্তায় চলতে চলতে ছ'জনেরই যেন সেই পনের বছর আগেকার ঘটনাগুলো মনে পড়তে লাগল। পনের বছর আগে হ'লে কি কর্তামশাই এমনি করে এত রাতে ছল্লাল সা'র বাড়ীতে অযাচিত হয়ে যেতেন! এই পনের বছরে কত কি বদলে গেল। ছল্লাল সা' উঠল, কর্তামশাই নামলেন। নিবারণের মনে হ'ল কর্তামশাইয়ের হাতটা যেন ধরু ধরু করে কাঁপছে। নিবারণ আরও জোরে হাতটা চেপে ধরলে। বললে, এখানটা একটু আঙু, নর্দমা আছে—

কর্তামশাই কিছু কথা বললেন না এবার। নিবারণের হাতে নিজের হাতটা ছেড়ে দিয়ে অবশ হয়ে চলতে লাগলেন।

অথচ আজ সিধু থাকলে কি তাঁকে এই অবস্থায় পড়তে হ'ত! সিদ্ধেশ্বরটাই বা কোথায় গেল।

কর্তামশাই ডাকলেন, নিবারণ!

নিবারণ বললে, আঙু —

—তোমার কি রকম মনে হ'ল?

নিবারণ হঠাৎ কথাটার মানে বুঝতে পারলে না।

বললে, কার কথা বলছেন?

—আবার কার কথা? ওই সাধুর। ও কি সত্যি মনে কর তুমি, না সব বুজুকী!

নিবারণ আমতা আমতা করে বললে, আঙু, আমি ত ঠিক বুঝতে পারলাম না—

কর্তামশাই বললেন, ও-সব কাক-চরিত্র, আমার ত মনে হয় স্রেফ কাক-চরিত্র! আমার অবস্থা ত বুঝতে পেরেছে। দেখতে পাচ্ছে ত আমার বয়স হয়েছে, তাই একটু ফষ্টি-নষ্টি করলে আর কি!

নিবারণ বললে, আঙু, ফষ্টি-নষ্টি কেন বলছেন? চেহারা দেখে ত মনে হ'ল মুখে বেশ পবিত্র ভাব—

কর্তামশাই বললেন, তা তুমি তাকে সংকার করে এলে, তার পর এখন বেঁচে থাকে কি করে শুনি?

নিবারণ কিছু উত্তর দিতে পারলে না এ-কথার।

—আর তা ছাড়া বেঁচে যদি থাকেই ত এতদিন পরে ত আর তাকে খুঁজে পাওয়া সম্ভব নয়!

খানিকক্ষণ ছ'জনের মুখেই আর কোনও কথা বেরোল না। ঘটনার সাক্ষী যদি কেউ থাকে ত সে সিদ্ধেশ্বর, আর সিদ্ধেশ্বরই যে বেঁচে আছে তারই বা ঠিক কি! অত বড় জোয়ান ছেলে, বি-এ পাশ করে বামুনের ঘরে অমন আহাম্মক ছেলে কেন জন্মালো কে জানে! বউকে বাপের ঘাড়ে ফেলে রেখে চ'লে যেতে হয়!

ততক্ষণে বাড়ীর কাছাকাছি এসে গেছেন।

সামনের কাল-কান্দুন্দির ঝোপ পেরিয়ে পোড়ো উঠোন। তবে পরেই চক্‌মিলান রাজবাড়ী। রাত অনেক হয়েছে। ছল্লাল সা'র বাড়ীর মত এ-বাড়ীতে ইলেকট্রিক লাইট নেই। দেখে-শুনে হাঁটতে হয়। এক-কালে হাতী থাকত এখানে। ছ'টো বড় বড় হাতী। সে হাতী দেখেন নি কর্তামশাই, শুধু শুনেছেন বাবার কাছে। আর শুধু হাতী নয়। গরু, মোষ, ঘোড়া, ময়ূর এইখানে ঘুরে বেড়াত। আজ অন্ধকার চারদিকে। শুটোচার্যি বাড়ীর ঐশ্বর্যের অবলুপ্তির সঙ্গে সঙ্গে কর্তামশাইয়ের নাতনীও কোথায় অন্তর্ধান করল। শেষ ছিল বৌমা। সেই বৌমাও আর আজ নেই। বৌমা থাকলেও না হয় কথাটা তাকে গিয়ে বলা যেত!

সামনেই সিঁড়ি।

নিবারণ সাবধান করে দিলে।

—এইখানটায় সিঁড়ি, সাবধানে উঠবেন!

দরদালান পেরিয়ে বৈঠকখানা। বৈঠকখানার ভেতরে তখনও নিবারণের তক্তপোশের উপর মশারিটা টাঙ্গানো রয়েছে। তার পাশ দিয়ে স্তম্ভপূর্ণ কর্তামশাইয়ের হাতটা ধ'রে দোতলার সিঁড়ির কাছে এগিয়ে নিয়ে গেল নিবারণ।



তার পর কর্তামশাইয়ের পেছন পেছন ওপরে উঠতে লাগল।

কর্তামশাই বললেন, তুমি আবার উঠছ কেন? তুমি যাও শোও গে যাও, রাত অনেক হয়েছে, আমার চোখ আছে, আমি একলাই যেতে পারব—

ব'লে একলাই পায়ে পায়ে ওপরে উঠতে লাগলেন কর্তামশাই। কিন্তু সিঁড়ির বাঁকের কাছে গিয়ে হঠাৎ ডাকলেন।

—শোন নিবারণ!

নিবারণ দাঁড়িয়েই ছিল। বললে, বলুন—

—ও সাধু ভোরবেলাই চ'লে যাবে, না?

নিবারণ বললে, আজ্ঞে, সেই রকমই ত কথা!

হাতে কর্তামশাইয়ের সেই কোষ্ঠীর বাণ্ডিলটা তখন ধরা রয়েছে। সেটা হাতে নিয়ে কি যেন ভাবলেন খানিক। তার পর সেখানে সেইভাবে দাঁড়িয়ে দাঁড়িয়েই বললেন, কোষ্ঠী পড়তে জানে এমন কেউ কেউগঞ্জে আছে তোমার জানা? মানে বেশ পণ্ডিত হওয়া চাই! ওপর ওপর জানলে চলবে না। তেমন আছে কেউ?

নিবারণ বললে, কেউগঞ্জে তেমন ত কেউ নেই—

—তবে কোথায় আছে?

নিবারণ বললে, আজ্ঞে কানীতে কেউ থাকতে পারে!

—কানীতে আছে সে ত সবাই জানে! কিন্তু কানীতে এখন যাচ্ছে কে? তোমার যেমন কথা! লঙ্কায় সোনা সস্তা ব'লে ত আর...

কথাটা আর তিনি শেষ করলেন না। যেমন উঠছিলেন তেমনি উঠতে লাগলেন আপন মনে।

বড়গিন্নী তখনও জেগে। কর্তামশাই ঘরে ঢুকলেন। তখন বড়গিন্নী কিছু বললে না। কর্তামশাই আস্তে আস্তে পাশের ঘরের দরজা খুলে ভেতরে গেলেন। সিঁচুকটা কোণের দিকে ছিল। অঙ্ককার হাতড়ে হাতড়ে সেখানে গেলেন। তার পর অতি কষ্টে লোহার ভারি ডালাটা প্রাণপণে খুলে কোষ্ঠীর বাণ্ডিলটা ভেতরে ফেলে দিলেন। আর তার পর ডালাটা আবার আগের মত বন্ধ ক'রে নিজের ঘরে এসে বিছানায় শুয়ে পড়লেন এতখানি পরিশ্রমের পর হাঁফিয়ে গিয়েছিলেন। বুকের ভেতরে যেন দমটা আটকে আসছিল।

—তেলটা বুক মালিশ ক'রে দেব?

কর্তামশাই বুকতে পেরেছিলেন, বড়গিন্নী তখনও ঘুমোয় নি। কর্তামশাই না-ঘুমোলে বড়গিন্নী ঘুমোতে পারে না, এটা তাঁর জানা ছিল।

বললেন—থাক, গোড়া কেটে আগায় জল দিতে হবে না—

এ-সব কথায় বড়গিন্নী কখনও রাগ করে না। আস্তে আস্তে বিছানা ছেড়ে উঠে কুলুঙ্গী থেকে তেলের বাটীটা নিয়ে এল। তার পর কর্তামশাই-এর বুক মালিশ করতে লাগল।

হুলাল সা'র বাড়িতে আগের দিন অনেক রাত পর্যন্ত উৎসব গেছে। কর্তামশাই আর নিবারণ যখন চ'লে গেছে তখন হুলাল সা'র জাপানী ঘড়িতে রাত বারোটো বেজে গেছে। অত রাতে খাওয়া-দাওয়া সেরে নাম-মাত্র একটু বিশ্রাম করেছে সবাই। তার পরই ভোর চারটে বাজতে-না-বাজতে আবার উঠেছে। ভোর বেলাই যাত্রা।

কেউগঞ্জের লোক তখন সবাই ঘুমিয়ে। আগের দিন দশখানা গ্রামের লোক এসে পাত পেতে খেয়ে গেছে। তার পর আর অত ভোরে ওঠবার ক্ষমতাই ছিল না কারো, যারা চালানী-কারবারের ব্যাপারী তারাও যে-যার নৌকায় গিয়ে সটান শুয়ে প'ড়ে নাক ডাকিয়েছে, কখন হুলাল সা'র নৌকো লেগেছে ঘাটে, কখন গুরুদেবকে নৌকায় তুলে দিয়েছে হুলাল সা, তা কেউ-ই টের পার নি। কেউগঞ্জ থেকে গুরুদেবকে নিয়ে নৌকো সোজা যাবে গঙ্গার মোহানায়। সেখান থেকে গুরুদেব নিজের খুশিমত যেখানে ইচ্ছে চ'লে যাবেন। তার পর নৌকো ফিরে আসবে আবার কেউগঞ্জে। সঙ্গে গেছে হুলাল সা'র নিজের কাছারির লোক। তার হাতে হাজার টাকা দেওয়া আছে। যেখানে যেমন দরকার হবে, খরচা করতে পেছপা করবে না। হুলাল সা', নিতাই বসাক, এমন কি নতুন-বৌ পর্যন্ত ঘাটে এসে গুরুদেবের পায়ের ধুলো নিয়ে মাথায় ঠেকিয়েছে। তার পর ষণা-সময়ে নৌকো ছেড়ে দিয়েছে।

তার পর হুলাল সা নিত্য-নৈমিত্তিক ঘাটের কাজ শুরু ক'রে দিয়েছে। গোবিন্দ বালতি-তেল-গামছা নিয়ে হাজির ছিল। হুলাল সা সারা ঘাট বাঁটা দিয়ে নিজের হাতে বাঁটা দিয়েছে। তেল মেখেছে। স্নান করেছে। তখন পূব দিকের আকাশটা একটু একটু হুন-ফরসা হতে শুরু করেছে।

—কে গো, মুকুন্দ নাকি?

মুকুন্দ পাল সব ঘুম থেকে উঠে গাভু নিয়ে মাঠের দিকে যাচ্ছিল। হুলাল সা'কে দেখেই প্রাতঃপ্রণাম করলে। বললে—এ কি সা-মশাই, আজকেও বাদ দেন নি? আজকেও এত ভোরে উঠেছেন?

হুলাল সা হাসতে লাগল মিটি-মিটি ।

—এটা তুমি কি কথা বললে মুকুন্দ ? তুমি বিবেচক লোক ব'লে জানতাম !

—আজ্ঞে, কাল অত রাত অবধি উপোস কাটিয়েছেন, তাই বলছিলাম !

হুলাল সা হাসতে হাসতে বললে—তা ভাত খেতে ত ভুলে যাই নে মুকুন্দ, আর মা-গঙ্গাকে স্মরণ করতেই ভুলে যাব ?

—আজ্ঞে, আপনি পুণ্যাত্মা লোক ! আপনার মত ভক্তি যদি পেতাম !

হুলাল সা বললে—পাবে, মুকুন্দ পাবে। এ আর এমন কিছু হাতী-ঘোড়া নয় ! চেষ্টা করলেই পাবে।

—চেষ্টা ত করি সা-মশাই। কিন্তু আমরা পাপী লোক, আমাদের আর কত হবে ?

হুলাল সা বললে—কেন হবে না মুকুন্দ ? হবে না ব'লে কোনও কথা আছে হুনিয়ার ? একটু লোভ কমাও দিকি নি ! লোভ জিনিষটা বড় নছার—

মুকুন্দ বললে—আজ্ঞে লোভ ত করি না—

—তা লোভ যদি না কর ত আবার বাড়ী করতে যাচ্ছ কেন ? বাড়ীর লোভ কেন তোমার ? টিনের বাড়ীতে তোমার শানাচ্ছে না ? এই আমার দিকে চেয়ে দেখ না, আমার লোভ ব'লে কোনও জিনিষ দেখেছ ? আমার যা কিছু আছে সব ত ঝেড়ে-ফেলে সন্নিসী হয়ে যেতে ইচ্ছে করে ! অত বড় বাড়ী করেছি, কিন্তু শান্তি পেয়েছি ? অত টাকা করেছি, তাতে শান্তি পেয়েছি ? নইলে নিজের হাতে কাঁটা নিয়ে এই ঘাট ধুই ?

কি কথায় কি কথা এসে গেল। মুকুন্দ তখন আর পালাবার পথ পায় না। তাড়াতাড়ি যেতে যেতে বললে—আমি তা হ'লে আসি সা-মশাই এখন—

ব'লে হন্ হন্ করে কাঁকা মাঠের দিকে চ'লে গেল।

বাড়ীতে ঢুকতেই দেখে কাছারি-ঘরে নিবারণ ব'সে আছে বেড়ির ওপর।

—কি নিবারণ, এত ভোরে ? কি সংবাদ ?

অত ভোরেই নিবারণকে দেখে হুলাল সা মিটি-মিটি হাসতে লাগল।

নিবারণ বললে—আজ্ঞে কর্তামশাই ভোরবেলাই পাঠিয়ে দিলেন। গুরুদেব কি চ'লে গেছেন ?

তখনও গত রাতের উৎসবের টুকরো-টাকরা চিহ্ন ছড়ান রয়েছে আশে-পাশে। হুলাল সা'র পোষা ছাগল ফুলের পাপড়িগুলো খুঁটে খুঁটে খাচ্ছে। বাড়ীর চাকর উঠোন কাঁট দিচ্ছে। কাছারি-ঘরের ভেতরে তখনও রাতের বিছানা এলোমেলো প'ড়ে আছে। গুটিয়ে তোলা হয় নি।

নিবারণ আবার বললে—কাল সারারাত কর্তামশাই শুয়োন নি !

হুলাল সা বললে—আহা, বুড়ো বয়েসে কি দুর্ভোগ দেখ ত ! তাই ত বলি, তোমার কর্তামশাইকে একটু লোভ ভ্যাগ করতে বল ত—দেখবে সব ঠিক হয়ে যাবে !

—আজ্ঞে লোভ ত তেমন কিছু নেই !

হুলাল সা বললে—লোভ নেই ? তা হ'লে পের্পুল-বেড়ের বাঁওড়টা আমাকে বেচে দিতে বুক এত ফেটে যাচ্ছে কেন তোমার কর্তামশাই-এর ?

নিবারণ এর উত্তরে কি বলবে বুঝতে পারলে না।

—এত লোভ ভাল নয়, বুঝলে নিবারণ। তোমার কর্তামশাই-এর অনেক বয়েস হ'ল, এখন একটু বর্ষকর্ম করতে পরামর্শ দিও। এই আমাকেই দেখ না, আমার তুমি কখনও লোভ করতে দেখেছ ? লোভ যে কি বস্তু তা এ-জন্মে জানলাম না। তাই কত শাস্তিতে আছি দেখ। তোমার কর্তামশাই কি দিয়ে ভাত খাচ্ছে তা জানবার জন্মে আমার কখনও মাথা-ব্যথা হয় নি নিবারণ—আর এখন ত দীক্ষা নিয়ে সন্নিসী হয়ে গেলাম !

তার পর একটু খেমে বললে—তা যাকগে, গুরুদেবের সঙ্গে কর্তামশাই-এর কিসের দরকার ছিল ?

নিবারণ হয়ত জবাব দিতে যাচ্ছিল, হঠাৎ নতুন-বৌ ভেতর-বাড়ী থেকে বাইরে এসে পড়তেই দু'জনে সেই দিকে তাকিয়ে চুপ হয়ে গেল।

নতুন-বৌ নিবারণকে দেখে নিম্নে বললে—বাবা, আপনার আছিকের জায়গা করে দিয়েছি উঠুন—গল্প পরে হবে। উঠুন—

ক্রমশঃ



প্রবাসী প্রেস, কলিকাতা

বনামঙ্গল  
শ্রীঅমর দাসগুপ্ত

( প্রবাসী : ১৯০ অঙ্কট ইষ্ট : ১৯৩৩ পুনর্মুদ্রিত )





## রবীন্দ্রনাথের পাঁচটি চিঠি

শ্রীমতী হেমবালা সেনকে লেখা

ওঁ

পিনাও

কল্যাণীয়াসু

হেমবালা, আজ বিজয়া দশমী, তোমাদের সকলকে স্মরণ করচি। যদিও আজ আশ্রম শূন্য তবু আশ্রমের সবল মেয়েকে মনে মনে আমার আশীর্বাদ পাঠালুম। ইতি ১৩৩৪

শ্রীরবীন্দ্রনাথ ঠাকুর।

ওঁ

শান্তিনিকেতন

কল্যাণীয়াসু

উৎসবে তুমি আমাদের কাছে আসবে শুনে মনে অত্যন্ত আনন্দ পেয়েছিলুম। তোমার সম্বন্ধে আমার মনে গভীর একটা বেদনা আছে, তুমি যদি আসতে পারতে তাহলে অনেকটা উপশম হতো। তোমাকে আমি যথার্থই স্নেহ করি, তুমি আমাদের অত্যন্ত আপন একথা নিঃসংশয় জেনো। আমাদের আশ্রমিক জীবনে বহুদিনের সুখহুঃখের সঙ্গে তুমি ঘনিষ্ঠভাবে জড়িত সে কথা কখনই ভোলবার নয় ॥

তুমি আমার সর্বাস্তঃকরণের আশীর্বাদ গ্রহণ করো, খুব তাড়াতাড়ি জানিয়ে। ইতি ৮ই পৌষ ১৩৩৪

স্নেহরত

রবীন্দ্রনাথ ঠাকুর

ওঁ

কল্যাণীয়াসু

হেমবালা, আমাদের আশ্রমে মেয়েদের আসনটিকে আর একবার নূতন যত্নে নির্মল সুন্দর ও দৃঢ়প্রতিষ্ঠিত করে নেবার ভার তোমাদের উপর দিয়ে গেলুম। নিশ্চয় জেনো, আশ্রমে প্রাণ-প্রতিষ্ঠার ভার মেয়েদের 'পরেই'। পুরুষরা শুধু

নিয়মকে বড় বলে জানে—স্বভাবতই প্রাণের নিয়মকেই মেয়েরা আনন্দের সঙ্গে গ্রহণ করে থাকে। এই জন্মই আশ্রমে মেয়েদের স্থানটিকে আমি এত বিশেষ যত্নে প্রতিষ্ঠিত করবার প্রয়াস পেয়েছি। তোমরা আমার প্রত্যাশা পূর্ণ করবার চেষ্টা করবে এই বিশ্বাস মনে নিয়ে আমি বিদায় নিলুম। তোমরা আমার একান্ত মনের আশীর্বাদ গ্রহণ করবে। ইতি ২৮ ফেব্রুয়ারী ১৯৩০

শুভাকাঙ্ক্ষী

শ্রীরবীন্দ্রনাথ ঠাকুর

ওঁ

কল্যাণীয়াসু

হেমবালা, এ যাত্রায় দেশে চিঠিপত্র লেখা এক রকম বন্ধ করেচি। গোড়ার দিকে যখন কাজে প্রবৃত্ত হই নি তখন ছবি আঁকতুম যখন সময় পেয়েচি। ওটা একটা পাগলামি, প্রকৃতিস্থ লোকের সম্পূর্ণ অযোগ্য। ছবিতে যখন পেয়ে বসে তখন ভদ্রতা রক্ষা অসম্ভব হয়ে পড়ে, কর্তব্যবুদ্ধি লোপ পেয়ে যায়। তার পরে কাজের পালা শুরু হোলো, কথায় কথায় বক্রতা, পদে পদে সভা, যেখানে সেখানে লোক-জটলা, সহরে সহরে ঘুরপাক। এরা দৈত্য, পুরুষানুক্রমে গোমেধ যজ্ঞ করে এদের দেহ যা গড়ে উঠেচে তাতে করে আমাদের মত পাঁচ-দশটা কৃষ্ণের জীবের দেহ-গঠনের মাল-মশলা পেরিয়ে যায়।

তাই এদের নিজেদের মাপে আমার জন্ম যে কর্মতালিকা তৈরী করে দেয় সেটা এখনকার আদর্শে অত্যন্ত নরম করে দিলেও আমার পক্ষে প্রবল ছুশ্চিন্তার কারণ হয়ে ওঠে। আজ ছদিন ধরে এখনকার এক ডাক্তারের হাতে আত্মসমর্পণ

করেচি—সে দেখে শুনে বল্চে, দিনে সকালে এক ঘণ্টা বিকেলে এক ঘণ্টা নিদ্রা দাও—দিনের বাকি কয় ঘণ্টার মধ্যে সকালে তিন ঘণ্টা চূপচাপ করে থেকে, ছপুর বেলাটা ঘুমিয়ে কাটিয়ো, বিকেল বেলায় বিরাম, রাত্তির বেলায় নিদ্রা, তাহলে, চাই কি, দীর্ঘকাল বেঁচে থাকতে পারবে। জিজ্ঞাসা করতে সাহস হোলো না, বেঁচে কী করব।

খবর পেলুম, ষষ্ঠবর্গ পর্য্যন্ত সমস্ত পাঠভবন তোমরা কয়জনে দখল করে বসেচ—ভালোই করেচ—কিন্তু তার মানে ছোটো বর্গ। তোমাদের জনসংখ্যা যে রকম দেখা যাচ্ছে তাতে অন্তত পঞ্চম বর্গ পর্য্যন্ত তোমরা সীমানা বাড়িয়ে নিতে পারো। এদিকে তোমাদের পুরাণো শিক্ষকের তরফ থেকে অনেকটা ফাঁক পড়ে গেছে। এমনি করে বারবার উলটু পালটু করতে করতে ছেলেগুলোর সর্বনাশ হয়। এ সম্বন্ধে চিরকাল আমাদের নাম খারাপ আছে, সে নাম কিছুতে উদ্ধার হোলো না। আশা এসেচে, ভক্তিও যদি আসে তাহলে অনেকটা অভাব পূরণ হবে।

আর ছুই-এক দিনের মধ্যে অগষ্ট মাস পড়বে। অর্থাৎ শ্রাবণের মাঝামাঝি। মনে করলে মন খারাপ হয়ে যায়। আমি নেই অথচ আশ্রমে বর্ষাঋতু যথানিয়মে দেখা দিচ্ছে, এটা কি করে সম্ভব হয় আমি তো বুঝতে পারি নে। বোধহয় দিগুর উপরে ওর ভরসা। শ্রাবণধারার সঙ্গে সুরের ধারার পাল্লা আশ্রমে ঠিক মত চলেচে তো? এখানে মেঘ-বৃষ্টির অভাব নেই কিন্তু এই ব্লেচ্ছদের দেশে আষাঢ় শ্রাবণ কোথা থেকে পাওয়া যাবে? বৃষ্টি পড়ে কিন্তু হৃদয় আমার ময়ূরের মত নাচে না, ভিজ্জে কাকের মতো পাখার মধ্যে মাথা গুঁজে থাকে। এবারে আমার আয়ু থেকে শরৎ ঋতুটাও কাটা যাবে। তোমাদের বড়ো বড়ো ছোটো ছোটো গলাধঃকরণ করেও আমার প্রবাসের পেট ভরবে না। চিঠি তো কতগুলো লিখলুম কিন্তু আজকাল ভারতীয় ডাক-বিভাগের কর্তব্যবুদ্ধি খাঁটি আছে কি না জানি নে।

ক্ষিত্তিবাবু, কিরণ আমার চিঠি পেয়েছিলেন কি?

রথী বৌমা আছেন ইংলণ্ডে, ভালোই আছেন শুনচি।

ইতি

শুভাকাংখী

শ্রীরবীন্দ্রনাথ ঠাকুর

২৮ জুলাই ১৯৩০

ও

কল্যাণীয়াসু

হেমবালা, শরীর খারাপ হয়েছে খবর পেয়েচ। বিশেষ ক্ষতি হয় নি—আরামে আছি শয্যাতে—ঘোরাঘুরি বকাবকি ডাক্তারের ইঙ্গিতে একেবারে থেমে গেছে। ভিক্ষার কাজ সমানেই চল্চে কিন্তু রাজার মত শুয়ে শুয়ে। যাদের কাছ থেকে ভিক্ষা পাবার প্রত্যাশা করি তারাই আসে আমার শয়নালয়ের খাস্ দরবারে।

তবু ভিক্ষের কাজ আমার পছন্দসই নয়—এর চেয়ে ডাকাতি ভালো, তাতে পৌরুষ আছে। অতলাস্তিক পাড়ি দেবার আগে অনেক দ্বিধা করেছিলুম—শরীরও বিমুখ হয়েছিল—মন ততোধিক। ভিতরে ভিতরে কেবল একটি মাত্র তাগিদ ছিল যার তাড়নায় আমাকে মরিয়া করেছিলো। মেয়েদের বিশ্ববিদ্যালয় স্থাপন করতে হবে এই সঙ্কল্প আমাকে রাস্তায় বের করেছে। যদি কিছুমাত্র সিদ্ধি লাভ করি তাহলে দেহের দুঃখ এবং মনের গ্লানি ভুলতে পারব। অনেকদিন অনেকের দ্বারে ঘুরেচি, অনেক অযোগ্য লোকের কাছে মাথা হেঁট করতে হয়েছে, বারে বারেই অকৃতার্থ হয়েচি, আরো একবার যদি সেই ছুগ্রহ ঘটে তবে এইবার ভিক্ষের ঝুলিতে আশুন লাগিয়ে গঙ্গাস্নান করে জীবনের শেষ খেয়ার জন্তে চূপচাপ বসে অপেক্ষা করব। দেশে আমার স্থান সঙ্কীর্ণ তার প্রমাণ ভারি হয়ে উঠেচে তবুও

নমো নমো নম সুন্দরী মম

জননী বঙ্গভূমি।

কিছুই যদি সংগ্রহ করতে না পারি তবে ক্লান্ত হাড় ক'খানা মিলিয়ে দিয়ে যাব সেই নির্ভর জননীর

পায়ের ধুলোর সঙ্গে। থাক না লিখ থাক; এবার একটুখানি আশার কথা বলা যাক কিন্তু খুব ক্ষীণ গলায়। কেন না নলোপাখ্যানে পড়েছি, কলির চক্রান্তে পোড়া মাছ জলে ঝাঁপিয়ে পড়েছে। আমার দময়ন্তী হলেন বিশ্বভারতী—আমার লজ্জা রক্ষার জন্মে অর্ধেক ঝাঁচলও বাকি রাখবেন কি না সন্দেহ করি। এবারে মনে হচ্ছে যেন একটা মাছ প্রায় ডাঙার কাছে তুলেছি—কিন্তু জলচর আবার জলের তলায় ফিরবে কি না—সে কথা কাকে জিজ্ঞাসা করব? কিন্তু কল্পনা করতে দোষ কি যে ঝালি কিছু পরিমাণ ভক্তি হবে—কেননা এ তো “আমার জন্ম-ভূমি” নয়—এখানে এরা আমাকে কিছু খাতির করে, আমার বিদেশ-ভাগ্যটা ভালোই। কিন্তু ঝালির কতখানি ভরবে জানি নে। যদি যথেষ্ট দক্ষিণা জোটে তবে আমার দেশের মেয়েদের হাতে আমার শেন দান দিয়ে যাব, বিদ্যাদান। দেশের মেয়েদের আমি বরাবর ভালোবেসেছি। বোধহয় তাদের কল্যাণেই সরস্বতী আমার প্রতি প্রসন্ন হয়েছেন—সরস্বতীর সেই প্রসাদের অংশই আমি যদি কোনো অভঙ্গুর পাত্রে মেয়েদের জন্মে রেখে যেতে পারি তবে আমার ভাগ্যদেবতার জয়ধ্বনি করে বিদায় নেব।

নভেম্বরের শেষ পর্য্যন্ত এদেশে আমার শয়ান অবস্থায় কাটবে। তার পরে সমুদ্র পার হতে হতে পৌষ পার হবে না এই আশা করে আছি। কিন্তু দেশের ছুঃখ আমার এই জীর্ণ ছুঃপিণ্ড কদিন টিকবে তাই ভাবি। তবু একথাও ভাবতে হয়, বড়ো দাম না দিয়ে বড়ো ফল পাওয়া যায় না—বড়ো ছুঃখের ভিতর দিয়েই সকল দেশ সার্থকতায় পৌঁচেছে। আমাদেরও শেষ কড়া পর্য্যন্ত গুণে দিতে হবে। বৃকেন পাঁজর বিছিয়ে দেব, ভাগ্যের জয়-রথ তার উপর দিয়ে চলবে।

সেই অতি দুর্গম পথের চেহারা দেখে এসেছি রাশিয়ায়। তাই মনে হচ্ছে, এখনো যথেষ্ট হয় নি—যে চিকিৎসক মুমূর্ষু দশা থেকে আমাদের দেশকে বাঁচিয়ে তুলবেন তিনি হচ্ছেন সহস্রমারী চিকিৎসক—অনেক মার মেরে মেরে তবে তিনি বাঁচান। সেই জন্মে মার খেয়ে যখন ছুঃখ প্রকাশ করি তখন তাতে লজ্জা বোধ হয়। বার বার বলতে হবে, নাঃ, কিছু লাগে নি। এমন করেই মারকে লজ্জা দিতে হয়। রাশিয়ার বিপ্লবের ইতিহাস পড়ে দেখো।

ইতি ২৮শে অক্টোবর ১৯৩৫

শ্রীরবীন্দ্রনাথ ঠাকুর





# স্বপ্নশাস্ত্র



## আপনিও হয়ত অসাধারণ প্রতিভা নিয়েই জন্মেছিলেন

কিন্তু আপনার যখন বয়স অল্প ছিল তখন সেটা ধরা যায় নি বলে আপনি যথোপযুক্ত সুযোগ ও উৎসাহ পান নি, তাই আপনার মধ্যে সেই প্রতিভার স্ফূরণ হয় নি। অল্পবয়সে অসাধারণ প্রতিভাবান ব্যক্তিদের অসাধারণত্ব প্রাথমিকই ধরা পড়ে না। রবীন্দ্রনাথের ছেলেবেলায় তাঁর গুরুজনদের একজন এই ধরণের উক্তি করে ছুঃখ করেছিলেন যে, 'ভেবেছিলাম বড় হয়ে রবিটা মানুষ হবে, কিন্তু এর আশাই সবচেয়ে বেশী নয় হয়ে গেল।' জগদ্বিখ্যাত ছ'জন বৈজ্ঞানিক, এডিসন এবং আইনস্টাইন, ছেলেবেলায় অল্পবুদ্ধি বলে বিবেচিত হতেন।

সময় থাকতে, অর্থাৎ অল্পবয়সেই প্রতিভাবানদের চিনতে পারার কোনো উপায় আছে কি না, যাতে সুযোগ-সুবিধার অভাবে তাদের প্রতিভার অপচয় না ঘটে, জন্মবার জন্মে বৈজ্ঞানিক পরীক্ষা চলছে কিছুদিন ধরে। গত ছ' বৎসরে আমেরিকার একজন মনস্তত্ত্ববিদ, ডাঃ ম্যাকিনন কয়েক শ' অসাধারণ সৃজনশীলত্ব সম্পন্ন ব্যক্তিকে নিয়ে নানাভাবে এই পরীক্ষার কাজ করেছেন। তাঁর মতে সত্যিকারের সৃষ্টি-প্রতিভা তাঁদের আছে, তাঁরা স্বপ্নবিশ্বাসী নন, অর্থাৎ তাঁরা সত্যিকারের কোনো সমস্যার সমাধান নিজেদের মত করে ভাবতে পারেন, এবং তাঁর পর সেই ভাবনাকে বাস্তবতার রূপ দিতে পারেন, তাঁরা অল্পদের থেকে যে একটু স্বতন্ত্র রকমের হন তা ঠিক, কিন্তু তাঁদের এই স্বাভাবিক নানা অচিন্তনীয় দিক দিয়ে প্রকাশ পায়।

তাঁদের তোখের হতেই হবে এমন কোনো কথা নেই। তাঁরা দুর্দল-বুদ্ধির মানুষ হন না, কিন্তু তাঁদের বুদ্ধির মাত্রা বা I.Q.-এর গুরুত্বও বেশী কিছু নেই।

স্বলে তাঁদের ভাল ছাত্র বলে নাম হয় না। আমাদের দেশের সাম্প্রতিক কালের আওয়াজ তোলা ছাত্রদের পক্ষে খুবই একটা আশা প্রদ কণা। কলকাতা গিয়েও, এমনকি তাঁরা পরে প্রখ্যাত বৈজ্ঞানিক হয়েছেন তাঁদেরও অনেকে সেকেন্ড বা পার্ট ডিভিশন নিয়ে বের হয়ে এসেছেন! এঁদের মধ্যে বেশীরভাগ কলকাতার কোনো কলেজে বি-এ, বি-এসসি রাসে ভর্তি হতেই পারতেন না।

এঁদের মধ্যে কৌতূহল বা জিজ্ঞাসিতা জিনিষটা খুব বেশী পরিমাণে থাকে, এবং কেউ একজন বলছে বলেই নির্দিষ্ট করে কোনো কথাকে মেনে নিতে এঁরা নারাজ। ঠিকমত প্রশ্ন না করেও, ঠিক জবাবটি আদায় করে নিতে এঁরা গুস্তাদ।

যে কাজ নিয়ে এঁরা থাকেন তা সত্যিকারের একটা কাজের মত কাজ এবং একটা বড় কাজ, এ বিষয়ে এঁদের মনে সংশয় কিছু থাকে না। অন্যরা সে সংকে কি ভাবতে, তা নিয়ে তাঁরা মাথা ঘামান না।

সস্তায় বাজি মাং করবার প্রবৃত্তি থাকে না তাঁদের মধ্যে। সাধারণ

মানুষ কি করে কাজটি সহজে করে ফেলা যায় তা ভাবে, এঁরা সেই কাজের জটিলতাগুলিকে নিয়েই ভাবতে ভালবাসেন।

এঁরা ঠোঁটচাঁপা গভীর জলের মাছ হন না। এঁরা চান অন্যরা তাঁদের মনের কথা জানুক, এবং অন্যদের মনের কথাও এঁরা বুঝতে চান, বেশীরভাগ মেয়েদের যেটা স্বভাব, কিন্তু যদি তাঁরা পুরুষ হন, তা অল্প কোনো দিকে মেয়েলী স্বভাবের তাঁরা হন না মোটেই।

এঁদের সকলেরই দৃষ্টি বর্তমানের চেয়ে ভবিষ্যতের দিকে নিবন্ধ থাকে বেশী।

এখন অর্থাৎ পরীক্ষা যতটা এগিয়েছে তার ফলে যা জানা যাচ্ছে তা বলা হ'ল, কিন্তু এই সিদ্ধান্তগুলি যে একেবারে নিভুল তা বলবার মত সময় এখনো আসে নি।

## টেকো মাথায় চুল

মাঝে মাঝে শোনা যায়, বৈজ্ঞানিক সূচের মাথাখো টাকের চুল চুল বুনে টাক চাকবার চেপা চলছে। এ উপায়ে টাক টাক দেশে বিদেশে কেউ দেখেছেন বলে আমাদের জানা নেই। সম্প্রতি আমেরিকার একজন ডার্মাটলজির ডাক্তার এক অভিনব উপায়ে টেকো মাথায় চুল গজাবার ব্যবস্থা করেছেন। তিনি চুল না বুনে, চুল গজাচ্ছে এমনতর চামড়া বুনেছেন টেকো মাথায়।

সাধারণতঃ মাথার পিছন নিকটায় টাক পড়ে না। সেইখান থেকে সর সর ফালি চামড়া তুলে নিয়ে টাকের উপর 'কলম' করে বসিয়ে দিয়ে দেখা গেছে, ঠিকই সেখানে ষপানিয়মে তাঁরপর চুল গজাচ্ছে। আর পিছনদিকের চামড়া সর ফালি করে এমনভাবে তুলে নেওয়া হয়েছে যে, আশেপাশের চুল সহজেই সেই জায়গাগুলিকে ঢেকে দিতে পারে।

## নব্বই বৎসর আগে

১৮৭৩ খ্রীঃাব্দে, মে মাসে, বিশ্ববিদ্যাস ভীষণভাবে অগ্নি উদ্গীরণ করেছিল। মে মাসের ২ তারিখে লন্ডনের একজন সংবাদদাতা এইভাবে সেই দৈবছুরিপাকের বর্ণনা পাঠিয়েছিলেন তাঁর কাগজে।

মিহি ছাইয়ের একটা বাতায় মতন নেমে এল আমাদের উপরে, সেই ছাইয়ের আবরণে রাস্তাঘাট ধরবাড়ী ছেয়ে গেল, আমাদের নিশ্বাস রোধ হয়ে গেল প্রায়, চোখও প্রায় অন্ধ হয়ে গেল। আমরা প্রয়োজন বোধেই ছাড়া নিয়ে চলছিলাম, খুব যে তাতে লাভ হচ্ছিল তা নয়, তবে সেই ভয়-বাত্যাকে ষানিকটা প্রতিরোধ করা যাচ্ছিল তার সাহায্যে। গত শুক্রবার আর শনিবার, মনে হচ্ছিল যেন একদিকে এবং অবিরত অনেকগুলি কামান দাগা হচ্ছে, এমনই তার শব্দ যে কুড়ি মাইল দূর থেকে তা শোনা যাচ্ছিল। কিন্তু ছাই ও ধুলোর ঝড় বা বইতে আরও কমল তার পরে, তা বহুগুণ বেশী জ্বাবহ। বিশ্ববিদ্যাসের গর্জন দিবারাজি চলতে, তার মধ্যে ঘুমোর কার সাধি? শুধু সেই গর্জনেরই



শব্দতরঙ্গ, কেবল যে আমাদের দরজাজানালাই কাঁপছিল তা নয়, গোটা বাড়ীটাই বেঁপে উঠছিল।

হাওয়ার চেয়ে হালকা আকাশ-যান

গত সংখ্যা প্রকাশীতে হাওয়ার চেয়ে হালকা বিমান সম্বন্ধে কিছু বলা হয়েছিল। তাদের সম্বন্ধে আরো একটু কিছু বলা যাক।

এদের আকৃতি ছিল কতকটা তিনি মাছের মতন। সমুদ্রে যেমন তিনি মাছের চেয়ে বড় কিছু বিচরণ করে বলে আমাদের জানা নেই, তেমনি পৃথিবীর বায়ুর আশ্রয়ে হিঙেনবার্গ ও তাঁর স্বগোত্র জেপেলিনদের চেয়ে বড় কিছু আজ অবধি সফারণ করে নি, অল্প ভবিষ্যতে করবে বলেও মনে হয় না।

আজ পেকে পঁচিশ বৎসর আগে, ১৯০৭ এ ৬ই মে, এদের যুগের অবসান হয়ে গিয়েছে। কিন্তু সেই সঙ্গে মানুষের কত যে পরীক্ষা-নিরীক্ষা, কত গবেষণা, কত পরিশ্রম, কত অর্গব্যয় ব্যর্থ হয়ে গিয়েছে তা মানুষ এরই মধ্যে ভুলে যেতে আরম্ভ করেছে।

আকারে যে এরা কত বৃহৎ ছিল তা এখন অনেকই ধারণা করতে পারবেন না। লম্বায় হিঙেনবার্গ ছিল এক মাইলের ছয় ভাগের এক ভাগ। যে সব মাল এই আকাশযানগুলি বহন করত তাঁর মধ্যে দাক্ত সাকাসের সব বড় বড় জীবজন্তু, মোটর-কার, এমন কি এরোপ্লেনও।

কোনো শহরের উপর দিয়ে যখন এরা উড়ে যেত, তিনটি পাড়া জুড়ে এদের ছায়া পড়ত।

বাড়ীদের জান ছিল এইসব উড়োজাহাজের খেলের মধ্যে, কিন্তু বড় বড় বসবার ঘর ও পায়েচারি করবার জায়গার পাশে পাশে কাত করে তৈরি বড় বড় কাচের জানলা দিয়ে আরোহীরা অনেকখানি দৃষ্টিপন-জোড়া বাইরের ও নীচের দৃশ্য দেখতে পেতেন।


ছ'শ জনেরও বেশী লোকের দরকার হ'ত দড়ি ধ'রে হিঙেনবার্গকে টেনে ঠিক জায়গায় নামাতে ও নোড়র না করা অবধি ধ'রে থাকতে।

কাজটা মোটেই সহজ ছিল না। একটু জোরে হাওয়া দিলেই দড়ির বাঁধন মান্য না করে হিঙেনবার্গ লাফিয়ে উপরে উঠে যেত। সে সময় দড়ি ছেড়ে দেওয়ার কথা মনে না থাকতে কেউ কেউ উঠে যেত আকাশে এবং তারপর প'ড়ে মরত।

এমন বিস্ময় দেখ নিজেও হিঙেনবার্গের গতিবেগ ছিল ঘণ্টায় ৭৭ মট। ৮৪ মট পর্যন্ত বেগে চলবার ক্ষমতা তার ছিল।



হাওয়ার চেয়ে হালকা বিমান



হিঙেনবার্গের যাত্রীকক্ষে জানালা

হাওয়া পেকে হালকা আকাশযানের যুগ শেষ হয়ে গেল, হিঙেনবার্গ পুড়ে ছারখার হয়ে গেল বলে নয়। এরোপ্লেন ত রোজ ছ'টো একটা প'ড়ে এবং পুড়ে ছারখার হচ্ছে। জেট এরোপ্লেন আটলান্টিক পার হচ্ছে ছ' ঘণ্টায়, জেপেলিনের দরকার হ'ত ষাট ঘণ্টা। হিঙেনবার্গের আ'রোহী-সংখ্যার তিনগুণ আরোহীর স্থান হয় এই প্লেনগুলিতে, আর একটা জেপেলিন তৈরীর খরচ'র প'র সমানত্ব একটা আ'শ খরচ করলেই একটা জেট প্লেন তৈরী হয়ে যায়।

### বাইসাইকেল প্লেন

ছপায়ে পেডাল করে বাইসাইকেল চ'লানোর মত প্লেন চালিয়ে উড়বার চেষ্টা চলছিল অনেকদিন ধ'রে। সম্প্রতি ইংলণ্ডের ছ'টি জায়গায়



বাইসাইকেল স্টেন

এই চেঁচা পানিকটা সকল হয়েছে। গাটকিলের বৈমানিকদের একটি দল এইরকম একটি বাইসাইকেল স্টেন চাশিয়ে পাচকুটের মত উঁচুতে উঠে সিকি মাইলের মত পথ উড়ে যেন সমর্থ হয়েছেন। দ্বিতীয় বাইসাইকেল স্টেনটি উড়েছে সাদাম্পটন। এই স্টেনটির প্রথম গরাসের গড়ের পাল্লা ২১০ ফুট। এটি সাদাম্পটন ইউনিভার্সিটির ছাত্রদের তৈরী। এরা এদের অস্তিত্বের পক্ষে বলেছে, এত ধরণের স্টেন নিয়ে মাটি ছোড়ে উঠতে এখন অশক্তির মত বেগে পোড়ান কবা প্রয়োজন হয়, আর স্টেনটিকে বাতাসে ভাসিয়ে রাখতে দরকার হয় দেড় অশক্তির বেগ। বোঝা যাচ্ছে, এটা বে-সে মালুয়ের কর্ম নয়।

### স্বাধীনতা

দক্ষিণ আফ্রিকা একসময় রুশের অধীন ছিল। তখন রুশীয় কর্তারা নিয়ম করে দিয়েছিলেন যে, সে অঞ্চলের সকলকে সপ্তাহে অন্ততঃ একদিন ক'রে স্বাধীন করতে হবে। মহা শীতের দেশ, কাজেই বাপসমান। আর সেইজন্যে দক্ষিণ আফ্রিকার প্রত্যেকটি গ্রামে রুশিয়ার বাপ-স্বাধীনতার নির্দেশ করেছিলেন। এরপর যখন দক্ষিণ আফ্রিকা ইউনাইটেড স্টেটের স্বাধীনতায় এল, তখন সেই সঙ্গে এল স্বাধীনতা। তখন আর তাদের পায় কে? স্বাধীন যে কাকে বলে, সেটা তারা এতদিনে একবারেই বুঝে গেছে।

আমরাও স্বাধীন হবার পর অনেক কিছু করছি না, যা আগে পেয়াদায় করত, আর করত বলেই আমাদের জীবন অনেক বেশী নোংরামি-মুক্ত ছিল এখনকার চেয়ে।

রুশের শাসন নোংরামির প্রতিবাদ করতে এক ব্যক্তি মনে করিয়ে দিয়েছিল যে, স্বাধীনতা এসেছে।

দেশের আরও কত গভীরতর নোংরামিকে নিয়ে এই আজাদি সংকট চলছে, তাও আমরা জানি।

### নিউগিনির অধিবাসী

এদের সংস্কৃত মাসের প্রবাসীতে কিছু বলা হয়েছে। পোর্ট নোরেসবীতে কিছুদিন আগে খবর পৌঁছায় যে অনেক দূরের একটি গ্রামে নরখাদকরা এখন হানা দেয়, তখন সেখানকার পুলিশটি কিছুই করে নিসে-বিষয়ে। তার কাছ থেকে কৈফিয়ৎ তুলব করতে গিয়ে জানা গেল, নরখাদকরা পূর্ণাঙ্গেরই তাকে উদরস্থ করে ফেলেছিল।

### পৃথিবীর উচ্চতম অট্টালিকা

নিউ ইয়র্কের এম্পায়ার স্টেট বিল্ডিং পৃথিবীর উচ্চতম অট্টালিকা। এতে ৭৪টি লিফট কাজ করে, তার ৩৩টি স্বাক্ষরিত, ৩টি মালবাহী, আর ৩টি সাধারণ ব্যবহারের জন্য নয়। একপ্রেস বা দ্রুতগামী লিফটগুলির নীচতলা থেকে ৮০ তলা উপরে উঠে যেতে লাগে এক মিনিট। অর্থাৎ এদের গতিবেগ মিনিটে ১২০০ ফুট বা ২৫টার সাড়ে তের মাইল।

### রুটি টোষ্ট করলে কি তার পুষ্টিকরতা কমে যায় ?

না। টোষ্ট করলে রুটির জলীয় অংশ কমে যায়, আর বেহেতু জলের কেলরী-মূল্য বা পুষ্টির উপকরণ কিছু নেই, এতে রুটির কেলরী-মূল্য অপরিবর্তিতই থাকে।

### লণ্ডনের কয়েকটি প্রসিদ্ধ রাস্তা

ফ্লিট স্ট্রিট শব্দের কাগজ প্রকাশনার জন্ম, হাল্ফ স্ট্রিটকে তার সেরা ডাক্তারদের জন্ম, বঙ্ক স্ট্রিটকে কাপড়চোপড়ের জন্ম, আর পুড নীডল স্ট্রিটকে লণ্ডনের ব্যাক-ব্যবসায়ের কেন্দ্র হিসাবে প্রায় বিশ্ববিখ্যাতই বলা চলে।

### চশমা আবিষ্কার কারা করেছিল ?

কারা আর? যারা প্রথমে বারুদ আবিষ্কার করেছিলেন, আজকের দিনের গ্রন্থাগারী রকেটের পূর্ণস্বরূপ তাই আকাশে উড়িয়েছিল, রেশমের সন্ধান প্রথমে দিয়েছিল মালুমকে, প্রথম কাগজ তৈরি করে তাইতো প্রথম এই ছেপেছিল, আঙ্গুরের দিনের পরিবেশ শুনেই যদিও অনেকের ভাল লাগবে না, সেই চীনদেশের লোকেরা। ছোট অঙ্গুর একটু বড় দেখায় এইরকম কাচ দিয়ে তারা প্রথম চশমা শতাব্দীতে চশমা তৈরি করে ব্যবহার করতে আরম্ভ করে, পড়বার সুবিধার জন্য।

### ডাক্তারের ফী কত হওয়া উচিত ?

বলা পূর্ব শর্ত।

উচ্চতম ফী কোন্ ডাক্তার পেয়েছেন অদ্যাবধি, তা অবশ্য বলা যেতে পারে। আশা করি এদেশের ডাক্তাররা, ধারা জানেন না এটা, তারা এরপর নিজেদের ফী আর বাড়াবেন না। যথেষ্টই তা বাড়িয়েছেন।

ইংলণ্ডের ডাক্তার টমাস ডিমস্‌ডেল ১৭৩৮ খ্রীষ্টাব্দে রুশিয়ার সম্রাজ্ঞী দ্বিতীয় ক্যাথেরিনের শিশুপুত্রকে বসন্ত-প্রতিরোধক টাকা দেন। ডাক্তার ডিমস্‌ডেল ফী পান প্রায় ছ'লক্ষ টাকা, তছপরি পান আজীবন পেনশান বৎসরে দশ হাজার টাকার মত। সম্রাজ্ঞীর একজন ব্যাকরণ বলেও স্বীকৃত হন তিনি।

ডাক্তার এবং তাঁর সাজোপাঙ্গদের বাঙলা-আসার রাহাধরচ ও রুশিয়াতে বর্তমান তারা অবস্থান করেছিলেন তার বাবতীর খরচ তাঁকে দেওয়া হয়েছিল। এ ছাড়া রুশিয়ার গণ্যমান্য ব্যক্তির তাঁকে বহুতর উপহার দেন। এই সব উপহারের মধ্যে একটি চূনী ছিল যার একলারই দাম ন্যূনতম ৩০,০০০ টাকা।

### প্রোহিবিশন

আমেরিকার পশ্চিমাঞ্চলে এখন প্রোহিবিশন বা মদ্যপান-বিরোধী আইন চলছে, এখন পূর্বাঞ্চলের এক ব্যক্তি তৃষ্ণার্ত হয়ে পশ্চিমাঞ্চলের একটি লোককে জিজ্ঞেস করেছিল, কোথায় গেলে ত'র এই তৃষ্ণার নিবৃত্তি একটু হয়। পশ্চিমীটি বলেছিল, গণ'নকার কানুন হচ্ছে এই যে, যদি তোমাকে সাপে কামড়ায় ত তুমি কোনো গুণ্ধের দোকানে গেলেই তারা তোমাকে আর কোনো গুণ্ধ না করে এক বোতল ছইস্কি দিয়ে দেবে।

পূর্বাঞ্চলীয়টি বলল, বেশ কথা। তা হ'লে ত সাপের সম্মান করতে হয়। সাপ কোথায় পাওয়া যাবে?

পশ্চিমীটি বলল, এ শহরে সাপ কেবল একটাই আছে। কিন্তু তার আস্থা অতি শোচনীয়। এত লোককে এতবার কামড়াতে হয়েছে তার, যে দাঙ্ঘিতে এস এখন অ'র ধী করতেই পারছে না ও আর কামড়াবে কি!

### আত্মরক্ষার ছুটি নূতন উপায়

আমেরিকার বড় সহরগুলিতে গুণ্ধামি আর রাহাজানি ক্রমশঃ বেড়েই চলেছে বলে আত্মরক্ষার নানারকম উপায়ও সেটসঙ্গে উদ্ভাবিত হচ্ছে। সবচেয়ে কাজের হয়েছে দুটি জিনিষ, ছোট একটি গ্রালাম', যার থেকে এমন অ'র চাঁৎকার বের হয় যা তিনপাড়ার লোককে সচকিত করে দেয়। আর সাধারণ একটি কাউন্টেন'পন, যার একটি ছোট বোতাম টিপলে বাহুনি গ্যাস বের হয়ে আওতাগীকে অভিভূত করে ফেলে।

### কনে নিয়ে লোফালুফি

আল'স্কার এশ্বিনোদের মধ্যে একটি প্রথা বহুপূর্বন ধরে চলে আসছে। গ্রামের জোয়ান ছেলেরা একটা কবলের ধারগুলো চেপে ধরে থাকে। গ্রামের বিবাহযোগ্য মেয়েদের একটির পর একটিকে সেই কবলের উপর চাপিয়ে দেওয়া হয়। তারপর তাদের নিয়ে লোফালুফি চলে। এক-একটি মেয়কে ২৫ ফুট পর্যন্ত উঁচুতে ছুঁড়ে দিয়ে আবার নাকে নেওয়া হয় কবলে। সমবেত জনতা চাঁৎকার করে বাহবা দিতে থাকে। এশ্বিনোদের বিবেচনায় বিবাহযোগ্য ছেলেরা বিবাহযোগ্য মেয়েদের এই উপায়ে পূব সহজে বাছাই করে নিতে পারে।

আমাদের দেশে এই প্রথা চল করবার পক্ষে কেবল দুটি অ'হবিধা আছে। পঁচিশ ফুট উঁচুতে ছুঁড়ে দেওয়া হবে ন-নেও লোফালুফিতে রাজী হবে, এমন মেয়ে পাওয়া ছফর। আর একটা বিবাহযোগ্য মেয়ের কবলের ধার ধরে এত উঁচুতে ছুঁড়ে দেবার মত বশেষ্ট পালোয়ান ছেলেরও এদেশে অভাব।

### ক্যান্সার-ভীতি

এদেশের মানুষ কলেরা, বসন্ত ও টাইফয়েডের ভয়েই এত সন্ত্রস্ত হয়ে থাকে যে অ'র কোনো রোগের ভাবনা তারা বিশেষ ভাবে না। যেসব সস্ত্র দেশে এই রোগগুলির প্রাদুর্ভাব নেই, সেসব দেশে সবরকম ব্যাধিভীতির মধ্যে ক্যান্সার-ভীতিই সবচেয়ে প্রবল। আর দেখা গেছে, ক্যান্সার-জনিত মৃত্যুর বেশীরভাগের মূলে আছে এই ক্যান্সারভীতি।

ছিকিৎসা পাকাপাকি ক্যান্সার নিয়ে যেসব রোগী হাসপাতালে আসে তাদের সঙ্গে কথা ব'লে জানা গেছে, যে তাদের মধ্যে শতকরা ৯৯ জনের এই অবস্থা হ'ত না, যদি তারা যথাসময়ে চিকিৎসা শুরু করাত।

তা যে তারা করেনি, তার কারণ তাদের ভয়, পাছে শুনতে হয় তাদের ক্যান্সার হয়েছে।

ক্যান্সার সবকে বাই আপনি শুনে থাকুন, আজকালকার পরিণত চিকিৎসাব্যবস্থার অধিকাংশ ক্যান্সার রোগী রোগমুক্ত হতে পারে। কোনো কোনো জাতীয় ক্যান্সার, যথাসময়ে চিকিৎসিত হলে, শতকরা ১০০ জনেরই আরোগ্য হয়ে যায়।

যে লক্ষণগুলি দেখলে, ভয় না পেয়ে চিকিৎসকের কাছে যাওয়া বিধেয়, সেগুলি হচ্ছে দীর্ঘকালস্থায়ী শ্বরভঙ্গ বা কাশি; গায়ের চামড়া পুরু হয়ে যেতে পাকা বা চামড়ার উপর গুটি পাকানো; শরীরের কোথাও পেকে অস্বাভাবিক রক্তক্ষরণ বা অনজাতীয় অস্বাভাবিক ক্ষরণ; এমন ক্ষত বা কিসূতে শুকোয় না; গিলতে অ'হবিধা বা হঠাৎ মর গোলমাল যদি দীর্ঘকালস্থায়ী হয়; দীর্ঘকালস্থায়ী অনিয়মিত মনস্ত্র।

ক্যান্সার নিয়ে আরো এইরকম ভয় পেতে নেহ, যে, উপরিউক্ত প্রত্যেকটি লক্ষণ অত্যন্ত সাধারণ কারণেও দেখা দিতে পারে।

স্বাস্থ্য নিয়ে অ'কারণে বা স'কারণে ভয় পাওয়ার ফল স্ব'স্তোর পক্ষে কিছুমাত্র ভাল হয় না। বরং পরাপই হয়। বিশেষজ্ঞদের মতে, যেসব লোক নিজেদের শরীর নিয়ে বেশ ম'পা ঘামায় না, ম'পা খানানোর কাজটা ডাক্তারের উপর ছেড়ে দিয়ে নিশ্চিন্ত থাকে, তারা অ'হুপে পড়লেও ভোগে কম, অ'হুপের মধ্যে জটিলতা কম আসে তাদের, এবং তারা অপেক্ষাকৃত অল্প সময়ের মধ্যেই নিরাময় হয়ে যায়।

### ভিক্টোরিয়া ফল্‌স্

আফ্রিকার জাম্বেসী নদীর বিরাট জনপ্রপাত, যার নাম ভিক্টোরিয়া ফল্‌স্, তার পড়নের প'দ ২০ মাইল দূর থেকে শোনা যায়, আর তার কেন্দ্রীয়ত জলকণার কুয়াসা চোখে পড়ে ৭ মাইল দূর থেকে। নায়াগারার জলপ্রপাতের চাইতে এই প্রপাতের বিস্তৃতি ও উচ্চতা দুইই অনেক বেশী।

### পৃথিবীর কি কোনো ধূমকেতুর সঙ্গে ধাক্কা লেগে চুরমার হয়ে যাবার সম্ভাবনা আছে?

ধাক্কা লাগার সম্ভাবনা যদি বা থাকে, তার ফলে চুরমার হয়ে যাবার সম্ভাবনা নেই। বেশীরভাগ ধূমকেতুর উপাদান যে বিক্ষিপ্ত বস্তৃপিণ্ড তারা আকৃতিতে ছেলের পেলবার নাকেলের চেয়ে বড় নয়। কোনো না কোনো ধূমকেতুর পুচ্ছের ভিত্তি দিয়ে পৃথিবীকে বহুবার ঘেঁষে হয়েছে, তাতে তার ক্ষতি কিছু হয়নি। স'দ্যাবুদিক দৃষ্টান্ত, ১৯১০ খ্রীষ্টাব্দে 'হ্যালিক্স কমিট' নামের ধূমকেতুর পুচ্ছ পৃথিবীকে কেঁটিয়ে চলে গিয়েছিল, কিন্তু তার ফলে পৃথিবীর একটি ধ'লকণাও স্থ'নচ্যুত হয়নি।

স চ.

### আরব দেশে ঘোড়া হয়ে জন্মালেই আরবী ঘোড়া হওয়া যায় না

আরব দেশে ঘোড়ার বাচ্চা জন্মান'ত্র তাদের এমন-সব লোকের হাতে ছেড়ে দেওয়া হয় যারা তাদের নানারকমের শিক্ষা দিয়ে তৈরী করে। এই লোকেরা কোনো কথা না ব'লে শুধু হৃদয়ানি করে এদের নিরামিত ভাবে খাদ্য ও জলের দিকে নিয়ে যায়, তারপর তাদের ষাওয়া ও জলপান করা হয়ে গেলে, সেই বেড়া-দেওয়া জায়গার বোড়াদের রাখা হয়, হৃদয়ানির সঙ্গেতেই সেইখানে তাদের ফিরিয়ে নিয়ে আসে।

এইভাবে করেক সস্ত্রাহ শিক্ষা দেওয়ার পর এই বাচ্চাগুলিকে পুরো

চারদিন কোনো খাদ্য বা পানীয় না দিয়ে নিষ্কলা উপবাস করিয়ে রেখে দেওয়া হয়। বাচ্চাগুলি সেইসময় স্বভাবতই ভীষণ ছটকট করতে থাকে। তারা দূর থেকে নদীর জলের গন্ধ পায় এবং মুক্তি পাবার প্রয়াসে বেড়ার গায়ে ক্রমোগত আঘাত করতে করতে নিজেদেরই আহত করে ফেলে।

যখন এই দুঃখের দিনগুলি শেষ হয়, তখন এই বাচ্চা ঘোড়াগুলিকে ছেড়ে দেওয়া হয়। এরা তখন তৃপ্ত মেটাবার জন্য পাগলের মত বাহিত জলের দিকে ছুটে যায়। তাদের জল খাওয়া শেষ হবার আগেই হঠাৎ আবার হুধা বেজে ওঠে তাদের বাড়ী ফিরে আসার সংকল্পনি করে। যে বাচ্চা ঘোড়াগুলি তৃপ্তির নিবৃত্তি না হওয়া সত্ত্বেও তখন নিজেদের বাসস্থানে ফিরে আসে, তাদেরই শুধু প্রজননের কাজ নেওয়া হয়। আরণী বোড়ার যে সমস্ত বিশেষত্ব আছে, রক্তের মধ্যে দিয়ে সেইগুলিকে বংশ-পরম্পরায় বহন করে চলার যোগ্যতা কেবল এই বাচ্চাঘোড়াগুলিরই আছে বলে মনে করা হয়।

### সমুদ্রের নীচে হীরার খনি

দক্ষিণ-পশ্চিম আফ্রিকায় উপকূল থেকে তিন মাইল দূরে সমুদ্রের মধ্যে হীরার খনির কাজ আরম্ভ হয়ে গিয়েছে, এখানে খুব উচ্চশ্রেণীর হীরক পাওয়া যাচ্ছে।

সমুদ্রতল থেকে নমুনা হিসাবে টাং-এর সাহায্যে এক টন কাদা মাটি তোলা হয়। এই কাদার ভেতর যে হীরার টুকরোগুলি পাওয়া যায় তাদের সমবেত ওজন নয় ক্যারিট। সবচেয়ে বড় হীরটির ওজন ছিল আধ ক্যারিট।

মানুষের বস্তকাল ধরেই ধারণা যে সমুদ্রের মধ্যে হীরা থাকতে পারে না। এ ধারণার যে কি মূল্য তা ত এখন বোঝাই যাচ্ছে।

### ইঁটকাটা জাঁতি

রাজমিথ্রীদের কর্তৃক দিবে ইঁট কাটতে যারা দেখেছেন তাঁরাই লক্ষ্য করেছেন, ইঁট ছোট করে, বা কোণা ধুনি করে কাটতে গিয়ে কত ইঁট তারা ভেঙে নষ্ট করে, এবং প্রায়শই কাটা ইঁট কত অসমান হয়। এবড়ো-পেবড়ো ধারণালিতে চুনবাণি চাপা দিয়ে তারা কাজ সারে।



ইঁট-কাটা গিলোটিন

পাশে যে বস্তুর ছবি দেওয়া হ'ল এটিকে একটি ইঁটকাটা জাঁতি বা গিলোটিন বলা যেতে পারে। গিলোটিনের মধ্যে ইঁটটাকে চুকিয়ে যেখানটা যেভাবে কাটা দরকার সেইভাবে কগার নীচে রেখে কগার উপর ছোট একটি হাতুড়ির দা দিয়েই নিশুং হয়ে ইঁটটা কাটা হয়ে যায়। কর্তৃকের বা দিতে বস্ত সময় লাগে, এতে সময়ও তার চেয়ে বেশী লাগে না।

গিলোটিনটি ওজনে খুব হালকা, যদিও বেশ মজবুত করে এবং পাকা ইঁটপাতের ফলা দিয়ে এটি তৈরি।

### নাক যখন ডাকার মত ডাকে

আমেরিকার কোনো একটি নাইটক্রাব থেকে একটি 'এ্যান্থ্রাক্সিস' বা আণ্ড্রাক্স বাড়ানোর স্বস্তি চুরি করার অপরাধে আটটা বৎসর বন্দের ট্রাভিস জেমিসকে তিন মাসের জেল দেবার পর বিচারক সাইমন এল. লেইস দণ্ডদেশ পরিবর্তন করে তাকে জেলে না পাঠিয়ে বাইরেই তিন মাসের 'প্রোবেশন' বা এক প্রকারের নজরবন্দী হয়ে থাকার ব্যবস্থা দিলেন।

এর কারণ হচ্ছে, যে, জেমিস্ এ্যান্থ্রাক্সিসের সাহায্য না নিয়েই এমন আকাশ ফাটানো শব্দ করে নাক ডাকতে লাগল, যে, জেলের অন্য কয়েদীরা রাতে ঘুমাতে না পেরে প্রায় ক্লেপে বাবার জোপাড় হ'ল। অগত্যা শেরিক এবং কারারক্ষক বিচারপত্রির কাছে ও প্রোবেশন ডিপার্টমেন্টের কাছে দরবার করে জেলিসের কারামুক্তির ব্যবস্থা করে দিলেন।

একবার কনকাতা থেকে বোম্বাই বাবার পথে এয়ারকন্ডিশন্ড্ কোচে এইরকম একটি নাক-ডাকানো সহযোগী আমাদের জুটে গিয়েছিল। কোচগুলির প্রত্যেক কামরায় আশ্বে 'কথা বলবার নির্দেশ দেওয়া মেট আঁটা আছে, কিন্তু আশ্বে নাক ডাকানোর নির্দেশ দেওয়া নেই। যদি থাকত গ্রাহলেও তা নিয়ে কারও কাছে দরবার করে সেই সহযোগীটির বা, বিকলে কোচের অস্ত্র আরোহীদের এয়ার-কন্ডিশন্ড্ কারামুক্তির কোনো ব্যবস্থা হ'ত বলে মনে হয় না। ট্রাভিস এলিস-এর সঙ্গে নাক-ডাকানোর প্রতিযোগিতায় এই নেপালী রাণা শ্রেণীর উদ্ভ্রলোকটি হেরে যাবেন বলেও আমাদের মনে হয় না।

স্মি

### আগুন নেভানো গ্যাস

জলের বদলে গ্যাস দিয়েও আগুন নেভানো যায়। একটা বার্ণারের ভেতরে যত হাওয়া থাকে তার প্রায় অর্ধেক অক্সিজেনতাড়িয়ে দেওয়া হয় এবং তার ওপর মোটা মোটা পাইপের সাহায্যে প্রচুর পরিমাণে কার্বন-ডাই-অক্সাইড ছাড়া হয়। এই ভাবে স্প্রে করার কলে ভেতরের ধোঁয়া কমে যায় এবং অগ্নিনিবারণকারীদের পক্ষে নিঃশ্বাস প্রশ্বাস সহজ হয়।





৩৬ চাকার গাড়ী

### ২০ চাকার গাড়ী

ছবিতে যে ২০ চাকার গাড়ীটি দেখা যাচ্ছে, এটি জনৈ, স্থলৈ, সর্বত্র অবাধ গতিতে যাতায়াত করে। এমন কি চাই বরফের উপর দিয়ে যেতেও এর কোন অসুবিধে হয় না। উঁচু দিকেও অনেকটা পর্যায় উঠতে পারে।

এই ধরনের গাড়ীগুলোর দু'সারিতে ৮টা করে মোট ১৬টি চাকা আছে। এই ধরনের গাড়ী একটি ফোকস-ওয়ান গভ্রিন দ্বারা চালিত হয়। সামনের দু'সারিতে দু'টি করে চারটি চাকা আছে, যেগুলির সাহায্যে এই যানটি সমস্ত বাধা কাটিয়ে অবাধ গতিতে এগিয়ে যেতে পারে। এই চাকা চারটিকে যেদিকে যেমন ভাবে ইচ্ছে চালান যায়। এই ধরনের গাড়ী ঘণ্টায় ৪০ মাইল পথ পন্থে চলতে পারে এবং এর ৮০ মাইল পথ যেতে এক গ্যালনের বেশী তেল লাগে না।

### মুরগীর পাক-খাওয়া বাসা

আপানে ফুনাবাশী ব'নে এক জায়গায় মুরগীদের পাকার জন্তে ছ'তলা খোপ-আপা বাড়ী মত আছে। সেটা সর্বদাই খোরে। তার ফলে প্রত্যেকটি খোপের মুরগীই সমান ভাবে হুয়ের আলো পায়। এক অবশ্যিক্তি পরিচালিত দুর্গায়মান বাড়ীর প্রত্যেকটি কক্ষের মুরগীই দিনেমানে প্রতি ৪৫ মিঃ অস্তর অস্তর হুয়ের আলো পায়। তার ফলে



মুরগীদের দুর্গাপাক খাওয়া ঘর

দেখা গেছে যে, অল্প যে কোন সাধারণ মুরগী অপেক্ষা এরা বেশী পারমাণে ডিম পাড়ে।

### ডাকব্যাগের ভাঁজ করা গাড়ী


ডাকব্যাগগুলো খুব ভারী হওয়ার জন্যে, হল্যান্ড, আম'টারডাম, ইত্যাাদি দেশের ডাকবিলিক রিটার একরকম ভাঁজ করা চাকানাগানো গাড়ী ডাক বিভাগ থেকে পায়। এরা ভারী ভারী ব্যাগগুলোকে বয়ে না নিয়ে গিয়ে, এই গাড়ীর উপর রেখে অনায়াসেই তেলে তেলে নিয়ে যেতে পারে। যখন সমস্ত ডাক বিলি করা হয়ে যায়, তখন আবার এই গাড়ীগুলোকে এরা অনায়াসেই ভাঁজ করে মুড়ে কিরিয়ে নিয়ে যেতে পারে।



ডাক ব্যাগের ভাঁজ করা গাড়ী

### ডানাঝাপটানো উড়োজাহাজ

পাশের ছবিটি দেখে অনেকের মনে ধারণা হতে পারে যে কোন মিউজিয়াম থেকে তুলে আনা মানুষের আকাশে উড়বার প্রথম চেষ্টার ছবি। আসলে তা নয়। NISA (এর পরিচর প্রাণীর পক্ষসে আগেও দেখা হয়েছে) এবং সৈন্তদলের হস্তে, একটি কোম্পানী যে সমস্ত উড়োজাহাজ তৈরী করেছেন, এটিও তাংয়ের মধ্যে একটি।



ডান-খাপটানো এরোপ্লেন

হালকা নাইলনের তৈরী এর ডানাটি ইংরাজী V অক্ষরের আকৃতির। এটি প্রান্ত দেশের এবং মাঝখানের করেকটি খুঁটির সঙ্গে আটকানো থাকে। নিচের একটি প্ল্যাটফর্মে পাইলটের আসন ছাড়াও অনেকখানি জায়গা থাকে। এই ডানাটিকে আবার সময় সময় সম্পূর্ণভাবে ভাঁজও করা যায়। এই ডানাটির সাহায্যেই জাহাজটি চালিত হয়।

স. না.

### মাছেরা কি ঘুমোয় ?

Freshwater fish বলতে নদী খালবিল পুকুর ডোবার মাছ বোঝায়, অর্থাৎ বারি নোনাঙ্গের মাছ নয়। এদের চোখের পাতা নেই বসে এরা চোখ বুজতে পারে না। কিন্তু এটা নিঃসন্দেহ, যে, তা সত্ত্বেও এরা ঘুমায়।

প্রমাণ হয়েছে, গাছরাও ঘুমায়। তাদের চোখও নেই, চোখের পাতাও নেই। সুতরাং গাছরাও ঘুমায় শুনে বিস্মিত হবার কিছু নেই।

মাছরা যে শুধু ঘুমায় তা নয়, কোনো কোনো মাছ এক পাশে কাঁপ হয়ে শুয়ে ঘুমায়।

সব সময় যে জলতলের মাটি বা বালি বা পাথরের উপর শুয়েই তারা ঘুমায়, তা নয়। জলের গভীরতার যে-কোনো স্তরেই এরা ভেসে ভেসেও ঘুমোতে পারে।

### ওখাট

পাশে ধীর ছবি দেওয়া হল, তাঁর সঙ্গে পরিচয়টা করে রাখুন। এঁর সঙ্গে আপনার যে সাক্ষাৎ পরিচয় কখনো হবে তার সম্ভাবনা অত্যন্তই কম, কিন্তু যদিই হয়, বলতে পারবেন, আপনাকে আপনাকে কোথায় দেখেছি বসুন ত ?

এঁর নাম ওখাট, নিবাস অস্ট্রেলিয়া। ছোট ভাগুক আর বড় ইঁদুরের মাঝামাঝি চেহারার ধরণ। ছুই থেকে তিন ফুট লম্বায়, মাথাটা শরীরের তুলনায় বড় আর চওড়া, ঘাড় বলতে কিছু প্রায় নেই বললেই হয়, মোটা মোটা গড়ন, খাটো পশমপে পা, ছোট একটুখানি একটা লাজ। দেখে মোহিত হবার মত কিছু নয়।



ওখাট

কান্টারদের দেশের জীব বলে কি না জানি না, এঁদের প্রত্যেকের পেটে একটা করে পলের মত আছে। দেখতে যেমনট চোক, এরা বেশ ভাল মেজাজের জন্তু।

### মনে রাখবার মত কথা

গ্রেমস্ এস কেম্পার বলছেন, জীবনে এগিয়ে বাবার ছুটো পশ আছে, এক, কাজ করে বাবার পশ, আর এক, কাজ করছি বলে কৃতিত্ব দাবী করার পশ। তাঁর মতে প্রথম পশটাই ভাল। কারণ, সে পাশে এগিয়ে বাবার হযোগ সুবিধা চের বেশী, আর প্রতিযোগিতা প্রায় নেই বলেই হয়।

আনাতোল ফ্রাঁস : মূর্খের মত কথা যদি পাঁচ কোটি লোকও বলে, তবু সেটা মূর্খের মত কথাই থাকে।

জে সি সালিক : মধ্যবয়সী মানুষের বয়সটার চেয়ে মধোটা নিরেই ভাবনার কারণ বেশী।

বেঞ্জামিন ফ্রান্সলিন : ভালবাসা নেই অথচ বিবাহ যেখানে আছে, বিবাহ নেই কিন্তু ভালবাসা আছে, এও সেখানে ঘটবে।

আলেকজান্ডার পোপ : ভুল স্বীকার করতে মানুষের লজ্জিত হবার কোনো কারণ নেই। ভুল স্বীকার করা মানে এই কথা বলা, কাল আমার জ্ঞান বৃদ্ধি বা ছিল আজ তার চেয়ে বেশী আছে।

মার্ক টোয়েন : যদি আপনি সর্বদা সত্যি কথা বলেন, তাহলে কেউমো কিছুই মনে করে রাখবার ভাবনা আপনাকে ভাবতে হয় না।

কাল এলটাস : একটি ভিন্ন রমণীর দিকে কখনো তাকাননি এমন পুরুষ মানুষ পৃথিবীতে একটাই মাত্র জন্মেছেন। তিনি হচ্ছেন এ্যাডাম।

ও ডব্লিউ এইচ : হাসিখুশি ও আশান্তরসা নিয়ে দত্তর বংশেরের সুবক হওয়া শ্রেয়, চল্লিশ বংশেরের বৃদ্ধ হওয়ার চেয়ে।

ডি বেনেট : খারাপ কিছু দেখবে না, খারাপ কিছু শুনেবে না, খারাপ কিছু ভাববে না, এই নীতি মানতে হলে, বেশ ভাগ বিক্রি হয় এমন উপস্থান লেখার কথা ভুলে যেতে হয়।

এইচ প্রিনার : বিয়ের আগে যে মেয়েরা বলে, তোনার রোজগারের

টাকার ভাগ নিতে আমি চাই না, বিয়ের পরেও তারা সেই কথাই বলে, ভাগ নিতে তারা চায় না, সবটা চায়।

উইনষ্টন চার্চিল : শিখতে আমি সব সময়ই রাজী, তবে কিনা, আমাকে কেউ শিখাচ্ছে এটা ভাবতে আমার সব সময় ভাল লাগে না।

এইচ জি হাচিসন : আমাদের দশটি নীতিনির্দেশ (খ্রীষ্টানদের ten commandment) যে এত অল্প কথায় ও প্রয়োজনীয়তামূলক একটি কথাও না বলে দেওয়া সম্ভব হয়েছে, তার কারণ, নীতিগুলি কি হবে তা কমিটি বসিয়ে স্থির করা হয়নি।

স.চ°

## বাংলা ও বাঙালীর কথা

শ্রীহেমসুকুমার চট্টোপাধ্যায়

উদ্দাম সংস্কৃতির স্রোত

প্রসিদ্ধ একটি দৈনিক সংবাদপত্র বলিতেছেন :

“এই শহর (কলিকাতা) সংস্কৃতিচর্চার প্রাণকেন্দ্র। তাই প্রত্যহ অনেক আনন্দ। অলিতে-গলিতে, স্কুল-কলেজে, রঙ্গমঞ্চের পাদপ্রদীপে নিত্য নতুন আয়োজন। আনন্দের সংস্কৃতি-সাধনার।”

পড়িলে মনে হয়, দেশে আজ আর কোন দুঃখ নাই, দারিদ্র্য নাই, কষ্ট নাই—তাই চারিদিকে আনন্দ-সমারোহের এই প্রবল বৃত্তা! কিন্তু কালনার ‘পল্লীবাণী’ উল্টা কথা বলিতেছেন কেন ?

—“বড় বাড়াবাড়ি চলিয়াছে, সাংস্কৃতিক সম্মেলনের নাম করিয়া ডামাডোলের চূড়ান্ত করিয়া ছাড়িয়াছে! বন্ধ কর।

“...সব জিনিষেরই একটা সীমা আছে। একটা সময় আছে। কুলী মজুর সাঁওতালেরাও নাচ গান করে, তাহাদেরও একটা সময় আছে। হাতের কাজ কেলিয়া তাহারা নাচে না, মাদল বাজায় না। কিন্তু তোমরা এ কি করিতেছ ?

“মাথার উপর চীন গুটি গুটি থালা বাড়াইয়া আগাইতেছে। ছইধার থেকে পাকিস্থানের নটামি জীবন অতিষ্ঠ করিয়া তুলিয়াছে, এ সময় শুধু নাচ গান আর রং তামাসা—এ কি ভাল লাগে ? না, কোন উদ্দেশ্য আছে ?

—“একবার নিজেদের পানে চাহিয়া দেখ। পরণে

কাপড় নাই, পকেটে পয়সা নাই—বাজারে আঙুল লাগিয়াছে, ধুয়ো ধুয়ো অনুচা মেয়েদের অসহায় অস্বস্তি, দলে দলে বেকার ছেলের হতাশার দীর্ঘশ্বাস। আর সমস্ত চাপা দিয়া মাইকে এখনও—নারেলাপ্লা নারেলাপ্লা।”

সংস্কৃতিচর্চার সহজ অর্থ আজ দাঁড়াইয়াছে—লোকের উপর অত্যাচার, ছোরছবরদস্তি করিয়া চাঁদার নামে চৌথ আদায় করিয়া নাচ, গান, হৈ-হল্লা করা। এর মধ্যে সুব-সম্প্রদায়ের আজ দেশের প্রকৃত অবস্থার প্রতি দৃষ্টিপাত করিবার সময় কোথায় ?

দেশের সংবাদপত্রগুলিও, একদিক দিয়া বিচার করিলে, এই তথাকথিত সংস্কৃতির প্রশ্রয় দিতেছেন। এগনকার সংবাদপত্র লোকে যাচা চায় তাহাই প্রকাশ করেন, বিকৃত সংবাদ এবং বিকৃত সংস্কৃতির সচিত্র বর্ণনা প্রকাশে এই-সবের প্ররোচনা দান করেন। কিন্তু লোকের কি চাওয়া উচিত এবং লোককে কি দেওয়া কর্তব্য—সে বিবরণ কয়টি সংবাদপত্র চিন্তা করেন ? সংবাদপত্র যদি স্বেচ্ছ জনমত গঠন না করিয়া অস্বচ্ছ জনমতেই নিজেদের ভাসাইয়া দেন—তাহা হইলে সংবাদপত্র ধ্বংস হইবেন।

চাকুরী ক্ষেত্রে বাঙালী

সংবাদে প্রকাশে যে—“পশ্চিমবঙ্গে চাকুরীক্ষেত্রে বাংলার সম্মানদের অগ্রাধিকার দেওয়ার যে প্রয়াস কিছুকাল যাবৎ চলিতেছিল তাহা বর্তমানে পরিত্যক্ত হইতে চলিয়াছে।

“নূতন শ্রমদপ্তর কর্তৃক অহুসৃত পরিবর্তিত শ্রমনীতি এই প্রয়াসের প্রতিবন্ধক হইয়া দাঁড়াইয়াছে বলিয়া ওয়াকেবহাল মহল মনে করিতেছেন।

“পশ্চিমবঙ্গের বে-সরকারী ক্ষেত্রে শিল্প-কলকারখানা-ব্যবসা-বাণিজ্য প্রতিষ্ঠানে নিযুক্ত মোট কর্মীর শতকরা মাত্র ৪১ জন বাঙালী; কিন্তু তালিকাভুক্ত বেকারদের মধ্যে শতকরা প্রায় ৭৭ জন বাঙালী।

“এই উদ্বেগজনক অবস্থার পরিপ্রেক্ষিতে পূর্বতন শ্রমদপ্তর বাংলার জনমতের প্রতিধ্বনি করিয়া শিল্প-বাণিজ্য প্রতিষ্ঠানের কর্তৃপক্ষদের নিকট এই রাজ্যের কর্মগীন যুবকদের কাজ দেওয়ার জন্ত বার বার অহুরোধ জানান। ফলে শ্রমের কাজে বাঙালীর কাজ পাওয়ার একটা অহুকুল পরিবেশ সৃষ্টি হইয়াছিল। কল-কারখানা, ব্যবসা-সংস্থার কাজে বহু বাঙালী ছেলে অধিকসংখ্যায় প্রার্থী হইতেছিল। ইতিমধ্যে তাহাদের একাংশ অদক্ষ শ্রমিকের কাজে নিযুক্তও হইয়াছে। কিন্তু নূতন শ্রমদপ্তর পূর্বের অহুসৃত নীতি পছন্দ না করায় কর্মসংস্থান বিভাগ বর্তমানে বাংলার সম্ভানদের চাকুরীক্ষেত্রে সুযোগ-সুবিধা দেওয়ার জন্ত শিল্প-মালিকদের অহুরোধ করা হইতে বিরত হইয়াছেন।”

ফলে বাহা ঘটবার তাহাই হইতেছে। পূর্বতন শ্রমমন্ত্রী সান্তার সাহেব ছিলেন বাঙালী, তাই বাঙালীর প্রতি তাহার অন্তরের টান ছিল কিন্তু বর্তমান শ্রমমন্ত্রী খাঁটি কংগ্রেসী এবং বাংলাবাসী ও বাংলাভাসী হইলেও—বাঙালী নহেন—এবং বাঙালী নহেন বলিয়াই হয়ত তিনি সান্তার সাহেবের—বাঙালীর পক্ষে কল্যাণকর—নীতির পরিবর্তন করিয়াছেন।

সরকারী কর্মসংস্থাপ্তির বাংলায় অবস্থিত কল-কারখানা মিল এবং ব্যবসা-প্রতিষ্ঠানগুলিতে বাঙালীকে কর্মসংস্থান করিয়া দিবার বাধ্যতামূলক ক্ষমতা নাই। সরকারী কর্মসংস্থাপ্তির প্রণয়ন কাজটাই হইল নিয়মিত ভাবে দপ্তরের খাতাপত্র, রেকর্ড এবং ব্যবসায়-প্রতিষ্ঠান হইতে প্রাপ্ত রিটার্ন-ফর্মগুলির যথাযথ সংরক্ষণ।

বাঙালীকে (অবশ্যই যোগ্য) বাংলায় অবস্থিত সকল প্রতিষ্ঠানে শতকরা অন্ততঃ ৬০ ভাগ কাজ দিবার বাধ্যতামূলক আইনের অভাবে বাংলার অবাঙালী ব্যবসায়-বাণিজ্য-প্রতিষ্ঠানগুলি অবাঙালী নিয়োগের পূর্ণ সুযোগ লভিতেছে। ব্যবসায়-প্রতিষ্ঠান এবং কলকারখানার অবাঙালী মালিকগোষ্ঠী নিজ নিজ প্রদেশ হইতে লোক আমদানী করিয়া—বাংলায় তাহাদের রুজি-রোজগারের ব্যবস্থা করিয়া নিতেছে। বাঙালী মিল

কি বাঁচিল—এ বিষয়ে অবাঙালী মালিকদের কোন মাথা-ব্যথা নাই।

অথচ—ভারতের অন্যান্য প্রদেশে ব্যবস্থা অন্যপ্রকার। স্থানীয় লোকদের দাবী অগ্রাহ্য করিয়া—বাহিরের কোন লোককে ঐ সব প্রদেশে চাকরী দেওয়া অসম্ভব। এ বিষয়ে অন্যান্য প্রাদেশিক সরকারগুলিও সদা সজাগ দৃষ্টি রাখিয়াছে। বিশেষ করিয়া বিহার, আসাম, উড়িষ্যা, মধ্যপ্রদেশ এবং উত্তরপ্রদেশ।

কিন্তু আমাদের বাংলা সরকার উদার এবং উচ্চমনা এবং সকল মানুষকে আত্মীয় জ্ঞান করেন বলিয়াই হয়ত—বাঙালীকে খাস বাংলাতে কোন প্রকার বিশেষ সুযোগ দিতে নারাজ।

আমাদের জিজ্ঞাস্য এই যে—একজন অবাঙালী মন্ত্রী একক ভাবে কি করিয়া চাকুরীক্ষেত্রে বাঙালীর প্রতি এমন অবিচার করিবার সাহস দেখাইতে পারেন? এ বিষয়ে আমাদের নূতন মুখ্যমন্ত্রীর দৃষ্টি আকর্ষণ করিতেছি।

#### পাকিস্তানী-বহিষ্কার নীতির সমাধি

“কেন্দ্রীয় সরকারের বহির্বিষয়ক দপ্তরের জটনক মুখপাত্রের নিকট হইতে জানা গিয়াছে যে পাকিস্তানী অহুপ্রবেশকারীদের ‘মম্বর গতিতে’ বহিষ্কার করার জন্ত ভারত সরকার ত্রিপুরার স্থানীয় কর্তৃপক্ষকে নির্দেশ দিয়াছেন।

“এই নূতন সিদ্ধান্ত আসাম ও পশ্চিমবঙ্গেও সমভাবে প্রযোজ্য হইবে।

“প্রধানমন্ত্রী শ্রীনেহরু ও পাকিস্তানী হাই কমিশনার শ্রীআগা হিলালীর মধ্যে আলোচনার ফলেই এই সিদ্ধান্ত গৃহীত হইয়াছে বলিয়া জানা গিয়াছে।

“বহির্বিষয়ক দপ্তরের ঐ মুখপাত্র বলেন, ‘সীমান্ত অঞ্চলে উত্তেজনায় ভারত উদ্বিগ্ন এবং যাহাতে উত্তেজনা না হয়’ তজ্জন্তই এই সিদ্ধান্ত গৃহীত হইয়াছে।”

এ দিকের সংবাদ এই—এবং ওদিকের সংবাদে প্রকাশ :

“পূর্ব পাকিস্তানে কুমিল্লা জেলার অন্তর্গত ব্রাহ্মণবাড়িয়া মহকুমার সংখ্যালঘু সম্প্রদায়ের লোকদের উপর এই মর্মে এক নোটিশ জারি করা হইতেছে যে, সংখ্যালঘু সম্প্রদায়ের যে সকল ব্যক্তি সক্ষম বলিয়া বিবেচিত হইবে তাহাদিগকে ভারত হইতে সম্প্রতি বহিষ্কৃত পাকিস্তানীদের পুনর্বাসনের জন্ত নিজেদের গৃহ এবং ভূসম্পত্তির একাংশের উপর হইতে মালিকানা স্বত্ব ত্যাগ করিতে হইবে।



“পাকিস্তান বেতারে এই বহিষ্কৃত পাকিস্তানীদের ভারত হইতে আগত উদ্ভাস্ত বলিয়া বর্ণনা করা হইতেছে।”

অর্থাৎ—পাকিস্তানী মুসলমান গাছেরও খাইবে, তলারও কুড়াইবে! প্রধান মন্ত্রী নেহরু কি তাহা হইলে ইচ্ছামত যাহা খুশি তাহাই করিবেন—এবং লোককে বুঝাইবার জন্ত অবিরাম প্রলাপ বকিবেন?

নেহরুর ক্রিয়াকলাপের প্রতিরোধ করিবার ক্ষমতা কি এত বড় ভারতে কাহারও নাই? পাকিস্তানের নিকট হইতে জুতা, লাথি এবং কিল চড় খাইয়াও নেহরুর পাকিস্তানী প্রেম অবিকৃত, অটুট রহিল!

### কর্তব্যনিষ্ঠ পুলিশ

“বৃহৎদিন পূর্বে ৪০৪ ডাউন ইস্টবেঙ্গল মেলে বিনা পাসপোর্টে আগত তিনজন হিন্দু যুবককে গেদে স্টেশনে গ্রেপ্তার করিয়া, কোমরে দড়ি ও হাতে হাতকড়া লাগাইয়া কুম্বনগর কোর্টে বিচারার্থ চালান দেওয়া হইয়াছে। ঐ ট্রেনে অহরুপভাবে আগত অপর সাতজন হিন্দু মহিলাকে পূর্ক পাকিস্তানে ফেরৎ পাঠান হইয়াছে। রাত্রিতে পাকিস্তানগামী ১০১ নং আপ ইস্টবেঙ্গল এক্সপ্রেস ট্রেনে ঐ সকল মহিলাদিগকে তুলিয়া পাকিস্তানে তাঁহাদের অনির্দিষ্ট ভবিষ্যতের উপর ছাড়িয়া দেওয়া হইয়াছে। তাঁহাদের মধ্যে বৃদ্ধা, মধ্যবয়স্কা ও যুবতী এই সকল স্তরের মহিলাই ছিলেন।”

পশ্চিমবঙ্গের পুলিশকে যাহারা বলেন—“কর্তব্যনিষ্ঠ নহে”—তাঁহারা এবার কি বলিবেন? পুলিশের এমন অপূর্ক তৎপরতা ও কর্তব্যনিষ্ঠার পরিচয় বিরল।

কিন্তু পূর্কবঙ্গের হিন্দু বাঙালীরা কি সত্যই ‘না ঘরকা—না-ঘাটকা’ হইয়া গেলেন? বেসরকারী ভাবে আমাদের, অর্থাৎ বাঙালীদের এ-বিষয় কিছুই করিবার নাই?

দেশের এমন অবস্থাতেও সংস্কৃতি ও ‘কৃষ্টির’ পালা অব্যাহত রহিবে?

“পূর্ক পাকিস্তানের বর্তমান অসহনীয় অবস্থায় তথায় থাকিবার আর কোনও উপায় না পাইয়াই তাঁহারা আজ ভারতে আগমনে মরিয়া হইয়া চেষ্ঠা করিতেছিলেন। সীমান্তের গোপন পথ তাঁহাদের নিকটে অজানা। তাই তাঁহাদের জানা পথেই আগমনের এই প্রচেষ্টা, কিন্তু বিফল-মনোরথ ঐ নরনারীবৃন্দের নিকটে আজ পাবাণ দেউলে মাথা খুঁড়িয়া মরাই সার হইল। বিগত দুই মাস ধরিয়া প্রায় প্রত্যহই গেদে স্টেশনে এই দৃশ্য দেখা

যাইতেছে। পূর্ক পাকিস্তানে নারীর সম্মান আজ এতটুকুও নাই। রাজসাহী, পাবনা, কুমিল্লা, বরিশাল জিলা ও চাঁদপুর অঞ্চল হইতে যে সকল খবর প্রত্যহ পাওয়া যাইতেছে তাহাতে জানা যায় যে, হিন্দু নারীর নিগ্রহ নিত্যনৈমিত্তিক ঘটনা। পূর্ক পাকিস্তানে ইহার প্রতিকার নাই।”

পশ্চিমবঙ্গেও নাই।

### বিরোট-হৃদয় খান্না

“ভারত ও পাকিস্তানের মধ্যে উত্তেজনার ভাব বৃদ্ধি পায় একরূপ কিছু না করাই ভারত সরকারের নীতি।

“পাকিস্তান হইতে ভারতে এবং ভারত হইতে পাকিস্তানে যত লোক চলিয়া গিয়াছে তাহাদের সংখ্যা বিচার করিয়া পাকিস্তানের নিকট হইতে উপযুক্ত পরিমাণ জমি ও সম্পত্তি দাবি করা হইয়াছে কি না, রাজ্যসভায় এই প্রশ্নের উত্তরে পূর্ক, গৃহনির্মাণ ও সরবরাহ মন্ত্রী শ্রীমেহেরচাঁদ খান্না উপরোক্ত মন্তব্য করেন।

“তিনি বলেন, ভারত একরূপ কোন দাবি করে নাই। কারণ ইহার ফলে বহু জটিলতার সৃষ্টি হইবে এবং উভয় দেশের মধ্যে অসন্তোষের ভাব বৃদ্ধি পাইবে।”

রাজনৈতিক বুদ্ধি এবং মানবতার চরম দৃষ্টান্ত! ভারত এবং পাকিস্তানের সম্পর্ক অতি মধুর—প্রায় বৈবাহিকের মত, কাজেই এই মধুর এবং প্রীতির সম্পর্ক যাহাতে কোন প্রকারে নষ্ট না হয়, তাহা দেখা এবং সেইমত কাজ করাই আমাদের মহত্তম কর্তব্য—এ কথা কে অস্বীকার করিবে?

পশ্চিমবঙ্গ ও বাঙালীকেই বিশেষ করিয়া এই কর্তব্য কর্তে সর্বপ্রথম অগ্রসর হইতে হইবে।

### ছাত্র-সমাজ আজ কোন্ পথে?

‘বর্ধমান-বাণী’ বলিতেছেন

“ছাত্রসমাজের ঐক্যবদ্ধ উচ্ছ্বলতা আর কতকাল চলিবে এই প্রশ্ন আজ প্রতিটি চিন্তাশীল মানুষের মধ্যে জাগিয়াছে। কলিকাতা বিশ্ববিদ্যালয়ের ভাইস চ্যান্সেলারের কক্ষের সামনে মেডিক্যাল ছাত্রদের তাণ্ডব-লীলা পূর্ককার ছাত্র-উচ্ছ্বলতাকে ছাপাইয়া গিয়াছে। ছাত্রসমাজের ঐক্যবদ্ধ উচ্ছ্বলতা নিশ্চয়ই উৎসেগের কারণ হইয়া এক নূতন সমস্তা নেতাদের সামনে তুলিয়া ধরিয়াছে।

“পরীক্ষা পিছাইয়া দিবার দাবীর যৌক্তিকতা থাকিতে

পারে কিন্তু সেই অজুহাতে দাবী জানাইবার পক্ষ। যে ভাবে ছাত্ররা দেখাইয়াছে তাহা একান্ত কলঙ্কজনক। টেলিকোনের সংযোগ কাটিয়া, জানালার সার্শি ভাঙ্গিয়া, উপাচার্য্যকে দীর্ঘ আট ঘণ্টা আটক রাখিয়া ছাত্ররা দাবী আদায়ের যে পক্ষা আবিষ্কার করিয়াছে তাহাতে কেবল সর্বোচ্চ শিক্ষাপীঠের মান-সম্মত, পবিত্রতা বিনষ্ট হয় নাই, বিশ্ববিদ্যালয়ের ইতিহাসে এক কলঙ্কময় অধ্যায় সৃষ্টি করিয়াছে। সমগ্র ছাত্রসমাজের মুখে ছুরপনের কালিমা লেপন করিয়া দিয়াছে।

“কোন কোন রাজনৈতিক নেতা এবং ভূনৈক খ্যাত-নামা শিক্ষাবিদ পুলিশের উপস্থিতিকে অস্তায় বলিয়া মন্তব্য করিয়াছেন। তাঁহাদের মতে ছাত্ররা উপাচার্য্য ও সিণ্ডিকেটের সদস্য, যাহারা কক্ষমধ্যে অবরুদ্ধ ছিলেন তাঁহাদের পিটাইয়া শাস্তা করিলেই বোধহয় শিষ্টাচার-সম্মত হইত? পুলিশ কিসের জন্ত? অস্তায়ের পোষকতা করিবার জন্ত কি পুলিশ-বাহিনী গঠনের প্রয়োজন হইয়াছে? কক্ষমধ্যে দীর্ঘকাল অবরুদ্ধ উপাচার্য্যকে উন্নত ছাত্রদের কবণ হইতে রক্ষা করিবার দায়িত্ব কি পুলিশের নহে?”

এখন কলিকাতার বাহিরের অবস্থা কি?—

“ইদানীং ছাত্রদের লক্ষ্য হইতেছে বাস। তাহারা দলবদ্ধভাবে বাসে চড়িবে, ভাড়া দিবে না, ভাড়া দিলেও দুরত্বের তুলনায় তাহা এত অকিঞ্চিৎকর যে বাস-মালিক আর্থিক ক্ষতিগ্রস্ত হইতেছেন। বাসে ছাত্রদের যাতায়াতের কনসেশন দেওয়া হইত। অর্থাৎ ভাড়ার অর্ধেক লওয়া হইত। কিন্তু সমস্তা দেখা দিল—কে ছাত্র আর কে ছাত্র নয়। সময় নাই, অসময় নাই, সকাল দুপুর বৈকাল সন্ধ্যা রাত্রি যে কোন সময়ে হাতে একটা খাতা বা বই থাকিলেই কন্ডাক্টরকে বলিল—সে ছাত্র, অতএব অর্ধেক ভাড়া লইতে হইবে। কন্ডাক্টর অস্বীকার করিলেই পরদিন দলবদ্ধভাবে সেই বাস বা অস্ত্র যে কোন বাসের উপর আক্রমণ চালান হইল। ড্রাইভার কন্ডাক্টর প্রকৃত হইল, বাসটিও রেহাই পাইল না।”

রেলগাড়ীতেও একই অবস্থা। একদল ছাত্র আছেন (সবাই অবশ্যই নছেন)—যারা তৃতীয় শ্রেণীর কিংবা বিনা টিকিটে প্রথম শ্রেণীতে ভ্রমণ করিবেনই। কেবল এমনই নহে—গাড়ীতে এমন সকল আলোচনা এবং হৈ-হল্লা করিবেন, যাহা শুভ্রনামধারী কাহারও পক্ষে শোভন নহে। অথচ প্রতিবাদ করিবার উপায় নাই, করিলেই অনর্থ ঘটবে।

“সংকাজ, স্তায়কাজ করিবার সময় ছাত্রসমাজ ঐক্য-

বদ্ধ হইতেছে না। যত কিছু অস্ত্র, অসামাজিক, তাহার জন্ত ছাত্রসমাজ সম্মত হইতেছে, অনর্থ ঘটাইতেছে। শিক্ষক, অভিভাবক এবং চিন্তাশীল জনসাধারণ এখন হইতে অবহিত না হইলে, প্রতিকারে অগ্রসর না হইলে পুত্রকন্যাদের শিক্ষার জন্ত যে ব্যয় বহন করা হইতেছে, শিক্ষকগণ যে শ্রম করিতেছেন তাহা সম্পূর্ণ ব্যর্থ হইয়া যাইবে। সচেতন হইবার সময় কি এখনও আসে নাই?”

এ প্রশ্নের জবাব কে দিবে?

### ভারতীয় মুদ্রার রপ্তানী

ত্রিপুরার ‘সমাচার’-এ প্রকাশ যে:—

“—প্রচুর ভারতীয় মুদ্রা পাকিস্তানী মুদ্রায় পরিবর্তিত হইয়া শ্রীনগর পোষ্ট অফিস হইতে পাকিস্তানে পাচার হইতেছে বলিয়া নিশ্চিত সন্দেহ করা হইতেছে। সীমান্তস্থিত শ্রীনগর ও সমরেন্দ্রগঞ্জ পোষ্ট অফিসে ভারতীয় মুসলমানেরা হিন্দুদের নামে টাকা মনিঅর্ডার করে এবং সেই টাকা পাক-মুদ্রায় রূপান্তরিত হইয়া পাকিস্তানে পাচার হয়।

“চট্টগ্রাম ও নোয়াখালির বহু মুসলমান আসাম এবং ত্রিপুরার অপরাপর অঞ্চলে বসবাস করিতেছে। তাহারা ই সীমান্তস্থিত ভারতীয় পোষ্ট অফিসে পরিচিত হিন্দুদের নামে টাকা মনিঅর্ডার করে এবং পরে সীমান্ত হইতে ঐ অর্থ কোশলে পাকমুদ্রায় পরিবর্তিত হইয়া পাকিস্তানে চলিয়া যায়।”

জনবিরল স্থানে পোষ্ট অফিস কাহার কল্যাণে আছে জানি না। কিন্তু অসহায় নরনারী ঠেঁকাইতে এবং নির্দয় ভাবে আবার পাক-নরকে তাড়াইয়া দিতে যে পুলিশ বা সৈন্য এত বিষম তৎপর—তাঁহারা এই ব্যাপারে নীরব কেন?

অগাভাগির হার বোধহয় প্রচুর।

### প্রাণ রাখিতে প্রাণান্ত

করিমগঞ্জের ‘সুবর্ণজি’ বলিতেছেন:—

“নিত্যপ্রয়োজনীয় দ্রব্যাদির মূল্য যে হারে বৃদ্ধিপ্রাপ্ত হইয়াছে, তাহাতে শুধু দরিদ্র জনসাধারণ নহে, মধ্যবিত্ত সমাজের পক্ষেও জীবনধারণ করা দুষ্কর হইয়া পড়িয়াছে। দুপ্রাপ্যতা, করবৃদ্ধি বা অস্ত্র যে কোন কারণেই হউক, কোন বস্তুর মূল্য একবার বৃদ্ধি পাইলে সাধারণতঃ আর তাহা হ্রাসপ্রাপ্ত হয় না। মাছ, পান, সজী, ডাল, তৈল, মশলা, কাপড়, ঔষধপত্র, লকড়ি, ইত্যাদি অতি প্রয়োজনীয় দ্রব্যাদির মূল্য স্বাধীনতার পর হইতেই বৃদ্ধি পাইতে পাইতে বর্তমানে এমন পর্যায়ের পৌছিয়াছে যে,

অধিকাংশ পরিবারই সংসার-ধরচের ধাক্কা সামলাইয়া উঠিতে পারিতেছেন না। এই সহরেই সমস্ত দ্রব্যাদির মূল্য এত বাড়িয়া গিয়াছে যে তাহা সম্পূর্ণরূপে জনসাধারণের আয়ত্বের বাহিরে চলিয়া গিয়াছে।”

বৃথা চিন্তার কারণ নাই। কর্তারা বলিয়াছেন, দ্রব্য-মূল্য আরও বৃদ্ধি পাইবে। তবে কোনরকমে যদি দেশবাসী আরও তিনটি পাঁচ-বছরী পরিকল্পনার ধাক্কা সামলাইতে পারেন, তাহা হইলে দেশে দানাপানির প্রবল বন্তা হইবে। কোন প্রকারে আর বহর পঞ্চাশ বৈধব্য ধারণ করুন।

### জালের কারবার

‘বর্তমান-বাণী’ প্রকাশ করিয়াছেন যে :—

“সহরের কোন কোন ঔষধের দোকানে ব্যাপকভাবে জাল ঔষধ বিক্রয় হইতেছে। ইহা বন্ধ হওয়া উচিত। অবিলম্বে ইহা বন্ধ না হইলে বহু লোকের জীবনহানি হইবে। আমরা এমন সংবাদ পাইয়াছি যে টিটেনাসে আক্রান্ত রোগীর জন্ত ক্রয় করা এ্যাণ্টিটক্সিন্ সিরাম জাল বলিয়া প্রমাণিত হইয়াছে। সরকারের এনফোস্মেন্ট্ বিভাগ কিছু কিছু দোকানের উপর সতর্ক দৃষ্টি রাখিলে এবং অতর্কিতে হানা দিলে প্রচুর জাল ঔষধ পাওয়া যাইতে পারে বলিয়া আমাদের বিশ্বাস। আশা করিতেছি, জাল ঔষধ বিক্রয় বন্ধ করিতে এনফোস্মেন্ট্ বিভাগ তৎপর হইবেন।”

আশা করিতে দোষ নাই—কিন্তু ফলের চিন্তা না করিয়া। কলিকাতার অবস্থা এ-দিক্ দিয়া আরও ভয়াবহ। সরকারী আইন জাল ঔষধ প্রস্তুত-বিক্রয় সম্পর্কে যতই কঠোর হইতেছে—এই কারবার ঠিক সেই পরিমাণে ব্যাপক হইতেছে।

বহু বিজ্ঞ ব্যক্তি—মানুষের ক্ষতি করে বলিয়া রাস্তার কুকুর এবং বিড়াল প্রভৃতি ব্যাপকভাবে হত্যা করিবার পরামর্শ দেন—ইহা প্রায়ই সংবাদপত্রে দেখি। কিন্তু যে-সকল ব্যক্তি জাল ঔষধের কারবার করিয়া সমগ্র দেশের মানুষের বিপদ ঘটাইতেছে, হাজার হাজার রোগীর অকালমৃত্যু ঘটাইতেছে, তাহাদের বিনষ্ট করিবার কথা কেহই উচ্চারণ করেন না কেন ?

কুকুর-বিড়াল কামড়াইলে মানুষ সঙ্গে সঙ্গে টের পায় এবং প্রতিকার-ব্যবস্থা গ্রহণ করে, কিন্তু মানুষের কামড় সঙ্গে সঙ্গে টের পাওয়া যায় না, বহু বিলম্বে যখন টের পাওয়া যায়, তখন অবস্থা আয়ত্বের বাহিরে।

### তুর্বিবহ সহজ-জীবন

“কলিকাতার পুনরায় সমাজ-বিরোধী কার্যকলাপ মাথা চাড়া দিয়া উঠিয়াছে। কয়েকটি হত্যাকাণ্ড ও চুরি মারার ঘটনা ঘটিয়াছে। বে-আইনী চোলাই মদ অবাধে বিক্রি হইতেছে। পুলিশের নিকট লোকে ভয়ে খবর দেয় না। সংবাদ বাহারা দিবেন তাহাদের নিরাপত্তা কোথায় ? বাঁড় ও গরুর উৎপাতে রাস্তায় চলা বিপদসঙ্কুল। প্রকাশ্য রাজপথে বে-আইনী খাটাল এ এলাকার একটি বৈশিষ্ট্য। রাজপথে খণ্টার পর ঘণ্টা লরী দাঁড়াইয়া থাকে, ফুটপাথ-গুলি শুদামরূপে ব্যবহৃত হয়। খাণ্ডে ভেজাল দেওয়া হইতেছে, ভেজালকারীরা শাস্তি পাইতেছে না। এ অঞ্চলের লোকের ট্যান্সিতে চড়িবার উপায় নাই, ট্যান্সি-চালকেরা অল্প দূরে যাইতে সক্ষম নহে। সমাজ-বিরোধীদের দৌরাণ্ডে অভিভাবকেরা মেয়েদের পড়াশুনা বন্ধ করিয়া দিতেছেন।”

প্রকৃত অবস্থা—ইহা অপেক্ষা বহুগুণে খারাপ। তবে “কলিকাতার পুলিশ কমিশনার মহাশয় এ সম্পর্কে এক বক্তৃতায় বলিয়াছেন যে, জনসাধারণের সহযোগিতা পাইলে এই সকল সমস্তার সমাধান পুলিশের পক্ষে ‘কষ্টকর হইবে না।’ তবে সমস্তা থাকিবেই, সমস্তা না থাকিলে মানুষ মুমুকু অথবা জড়হে পরিণত হয়। আজিকার অভাব-অভিযোগ মিটিয়া গেলে কাল আবার নূতন অভাব-অভিযোগ দেখা দিবে। ইহাই যুগের ধর্ম।”

বর্তমান অভাব-অভিযোগ মিটিলেই যখন নূতন অভাব অভিযোগ দেখা দিবে, তখন বর্তমান অভাব-অভিযোগের প্রতিকার করিয়া লাভ কি ? ‘অভ্যস্ত’ অভাব-অভিযোগ লইয়াই বসবাস করা ভাল—এবং বৃদ্ধমানের কাজ। অচেনার চেয়ে চেনাই ভাল নয় কি ?

আমাদের ভয়, এই ‘অভ্যস্ত’ অভাব-অভিযোগে অতিষ্ঠ হইয়া হঠাৎ আবার বেসরকারী ঠেগাড়ে দল একটা গড়িয়া উঠিবে না ত ?

### কলিকাতা পুলিশ

“একজন সং ও সদিচ্ছাপরায়ণ পুলিশ কমিশনারের অধীনে দুর্নীতি প্রশ্রয় পাইতে থাকায় ব্যাপারটি বিস্ময়কর পর্য্যাবে পৌঁছিয়াছে। পুলিশ শাসন ব্যবস্থা সম্পর্কে ওয়াকিবহাল মহল বলিতেছেন একদিকে দুর্নীতি-দমন দপ্তরের ব্যর্থতা এবং অল্পদিকে লান্ডবাজারের উপরতলার একাংশে দুর্নীতি সম্পর্কে উদাসীনতা আজ

এমন অবস্থায় পৌঁছিয়াছে যে, কলিকাতা পুলিশ সাধারণ নাগরিকের কাছে ভীতির সৃষ্টি করিতেছে। কলিকাতা পুলিশ 'দিনা টাকায় কাজ হইবে না' পর্য্যায় পৌঁছিতে চলিয়াছে।...

"...কলিকাতার কয়েকটি থানায়, লালবাজারের पास ডিপার্টমেন্টে, ট্রাফিক শাখায় ও আর্ম্‌স্‌ এ্যাক্ট্‌ শাখায় তদন্ত করিলে অভিযোগের সত্যতা যাচাই করা সম্ভব হইবে। কলিকাতা পুলিশে সম্প্রতি আর একটি বিপজ্জনক মনোবৃত্তি লক্ষ্য করা যাইতেছে।

"...সাধারণ ভাবে বলা যায়, কলিকাতা পুলিশে ছুন্নীতির তদন্তভারপ্রাপ্ত এন্‌ফোর্স্‌মেন্ট্‌ ব্রাঞ্চ্‌কে ধীরে ধীরে একটি অক্ষম ও অপদার্থ বিভাগে পরিণত করার চেষ্টাই লালবাজার কর্তৃপক্ষের নীতিতে স্পষ্ট হইয়া উঠিতেছে।

"কলিকাতা পুলিশে গাড়ীর অপব্যবহার বর্তমানে চূড়ান্ত পর্য্যায় পৌঁছিয়াছে। শহরের রাস্তায়, বড় বড় মিশনারী স্কুলের সামনে, নিউ মার্কেটে, সিনেমা হলের সামনে জীপগাড়ীগুলি পুলিশ অফিসারদের পরিজনদের লইয়া অবাধে চলাচল করিতেছে। অফিসারদের নিছক ব্যক্তিগত প্রয়োজনে, এমন কি পুলিশী ভাষায় 'মাস-কাবারি' সংগ্রহের জন্তও গাড়ী ব্যবহৃত হইতেছে। ইহা রোধ করিবার চেষ্টা লক্ষ্য করা যাইতেছে না।

"সাব-ইন্স্পেক্টার হইতে প্রমোশনপ্রাপ্ত অফিসারদের ঠিক অবসর গ্রহণের পূর্বে কলিকাতা শহর এলাকায় এক-একটি প্রাসাদোপম অট্টালিকা নির্মাণ শুরু এবং অবসর গ্রহণের পর নির্মাণকার্য শেষ করা বর্তমানে স্বাভাবিক ঘটনা। এখন ইন্স্পেক্টার পর্য্যায়ের কয়েকজনও কলিকাতায় বাড়ী করিতেছেন। ইহারা স্বোপার্জিত

অর্থে বড় বড় বাড়ী নির্মাণ করিতে পারেন কি না সেই বিষয়েও তদন্তের অবকাশ রহিয়াছে। কিন্তু কে তদন্ত করিবে? ছুন্নীতির অভিযোগ সম্পর্কে লালবাজার কর্তৃপক্ষ উদাসীনতার মনোভাব গ্রহণ করিয়াছেন।

"...শহরের হকাররা ত কলিকাতা পুলিশের এক শ্রেণীর অফিসারদের নিষমিত শিকার। অভিযোগ করিলে রক্ষা নাই। হকারের ব্যবসা যাইবে, পুলিশের কিছুই হইবে না। প্রমোশন পাইবার ঘটনাও ঘটিয়াছে।

"অথচ সর্বাপেক্ষা আশ্চর্যজনক ঘটনা হইতেছে, কলিকাতা পুলিশের ডেপুটি কমিশনারদের মধ্যে একটা বড় অংশ তরুণ আই পি এস অফিসার। ব্যক্তিগতভাবে ইহাদের বিরুদ্ধে কোন অভিযোগ আজও ওঠে নাই। কিন্তু ইহাদেরই পরিচালনায় শহরের পুলিশ-বাহিনীতে ছুন্নীতি বৃদ্ধি পাইতেছে—এ অভিযোগ আজ প্রায় সকলেই স্বীকার করিতেছেন।"

যুগান্তরে প্রকাশিত (২২শে জুন, ১৯৬২) রিপোর্ট হইতে সামান্য অংশমাত্র উদ্ধৃত করিলাম। পুরা রিপোর্টটি আরও চমকপ্রদ এবং বিস্ময়কর।

কিন্তু স্বয়ং পুলিশ-কমিশনার বলিয়াছেন, অভিযোগের প্রতিকার হইবা মাত্র আবার নূতন অভিযোগ উঠিবে। সুতরাং অভিযোগের পশুশ্রম করিয়া লাভ কি?

আনন্দের, সংস্কৃতি-সাধনার সংবাদ দিয়া এবারের নিবন্ধের শুরু হয়, তাহার পর পশ্চিমবঙ্গের কতকগুলি 'আনন্দ-সংবাদ' দিয়া এ নিবন্ধের সমাপ্তি হইল। গত এক মাসের 'আনন্দ-সংবাদের' পূর্ণ বিবরণী দিতে হইলে মহাভারত হইবে—তাহার স্থান নাই।





## গ্রহযাত্রার ভবিষ্যৎ

শ্রীঅশোককুমার দত্ত

“এ সমস্ত অভিযানের পিছনে যে বৈজ্ঞানিক গণনা-পদ্ধতি কাজ  
করছে তা আমাকে অভিভূত করে।”

—অাপক সন্তান বহু।

ভবিষ্যতের চিত্র আরও উজ্জ্বল হয়েছে। মহাকাশের পথে  
যিনি সম্প্রতি পৃথিবীকে প্রদক্ষিণ করলেন তাঁর মুখে শব্দ  
এসেছে : পথ পরিষ্কার, মানুষের জয়যাত্রা এবার  
গ্রহাস্তরের দিকে প্রসারিত হোক। এ সংবাদে কে না  
উল্লসিত হবে? তবে সম্ভাবনা জেগেছিল কয়েক বছর  
আগে। ১৯৪৭ সনের ৪ঠা অক্টোবর—মানুষের তৈরী  
সামান্য এক পার্থিব জিনিস সেদিন আকাশে তাঁদের  
অনুকরণে আর এক চাঁদ হয়ে দেখা দিল। এ ঘটনার  
পিছনে বিজ্ঞানের যে বিপুল তাত্ত্বিক ও ব্যবহারিক  
উন্নতির কথা আছে তা আমাদের অভিযাত্রিক মনকে আর  
একবার দোলা না দিয়ে পারে নি। চাঁদে যেতে আর  
কত দূর, মঙ্গল গ্রহে মানুষ পাড়ি দিচ্ছে কবে। সেই  
একই দিকে এই সাম্প্রতিক ইতিহাস—রুশ বৈমানিকের  
মহাকাশ যাত্রা। ইয়ুরি গ্যাগারিনের সফল প্রত্যাবর্তনের  
ফলে গ্রহাস্তর-যাত্রার বহু সমস্যা সমাধানের রূপ পেল।

### জটিল অভিযান

সমস্ত অভিযানেরই মোটামুটি তিনটি ভাগ : যাত্রা,  
এগিয়ে চলা ও ফিরে আসা। এদিক দিয়ে দেখতে  
গেলে সাধারণ সমুদ্র-অভিযানের সঙ্গে ছুঁকর গ্রহাস্তর-  
যাত্রার বিশেষ অমিল নেই। যাত্রাপথে গতি সময় পথ ও  
অবস্থিতির কথা ছ’ ধরণের অভিযাত্রীকেই বিবেচনা  
করতে হয়। কিন্তু মূলগত এই সামঞ্জস্য থাকলেও ছ’টি  
প্রধান কারণে আকাশযাত্রার বাস্তব রূপটি অনেক বেশী  
জটিল হতে বাধ্য। প্রথম হ’ল পৃথিবীর অভিকর্ষ বা  
আকর্ষণ শক্তি। যাত্রা ও প্রত্যাবর্তনের সময় এই বিপুল  
শক্তিকে অবশ্যই কাটিয়ে তুলতে হবে। তবে মধ্যবর্তী  
সময়ের চলমান অবস্থায় এ শক্তি আমরা সহায়ক  
হিসাবেও কাজে লাগাতে পারি, কিন্তু শুধু মহাকর্ষের  
উপর নির্ভর করলে আর এক অসুবিধা, চাঁদে যেতেই  
লাগবে কয়েক মাস। জাহাজ বা এরোপ্লেনের ক্ষেত্রে  
সমস্ত নিয়ন্ত্রণের ভার চালকের হাতে। কিন্তু মহাকাশ-  
যানের অভিযাত্রী সাংখ্যের নির্বিকার পুরুষের মত

অধিকাংশ ক্ষেত্রেই বহিঃপৃথিবীর দর্শকমাত্র, কঠিন অঙ্কের  
স্বত্রে গাঁথা নানা যন্ত্রপাতি প্রাকৃনির্ধারিত ভাবে রকেটের  
গতিকে নিয়ন্ত্রিত করবে। গ্রহাস্তরের পথে অজস্রভাবে  
যে-সমস্ত সমস্যা পদার্থবিজ্ঞানসম্মত ভাবে এসে পড়ে, তাদের  
নির্ধৃত সমাধান তৎপরভাবে কাজে লাগানোর জায়গাই এ  
সমস্ত ইলেক্ট্রনিক বিধিব্যবস্থার প্রয়োজন।

### পৃথিবীর অভিকর্ষ

আগে একবার উল্লেখ করলেও, যে সমস্ত গ্রহাস্তর-  
পথিকের মনকে সবচেয়ে বেশী অভিভূত করে তা হ’ল  
পৃথিবীর অভিকর্ষ। এই শক্তির প্রভাবে পার্থিব যে  
কোন জিনিসের গতি ক্রমশঃ দ্রুত হয়ে ভূ-কেন্দ্রের দিকে  
যেতে চায়। প্রথম সেকেন্ডের শেষে গতি ৩২.২ ফুট,  
দ্বিতীয় সেকেন্ডে  $৩২.২ \times ৩২.২ = ৬৪.৪$  ফুট, এভাবে গতি ক্রম-  
বর্ধমান (accelerating)। মহাকর্ষের এই মানটি কিন্তু  
পৃথিবীর সর্বত্র সমান থাকছে না। পৃথিবী ছাড়িয়ে যত  
উপরে উঠা যায় তার আকর্ষণী প্রভাবও তত কম। অঙ্কের  
হিসাবে অবশ্য শক্তির এই মান অনন্তপ্রসারী, তবে কার্যত  
কয়েক লক্ষ মাইল দূরে তা আমরা পৃথক ধরে নেব।

চিত্রের রূপকে বিষয়টি আরও স্পষ্ট হবে। কল্পনা করুন,  
পৃথিবীর অভিকর্ষের ফলে একটি গহ্বর সৃষ্টি হয়েছে,  
গভীরতা চার হাজার মাইল, উপরের দিকে তার বক্রতা  
ক্রমে সমতল হয়ে উঠেছে—অর্থাৎ এমন জায়গায় পৃথিবীর  
আকর্ষণ প্রায়শূন্য। সহজ যুক্তিতে পৃথিবীর আকর্ষণ কাটিয়ে  
ওঠা যেন চার হাজার মাইল পাগড়ে ওঠার সামিল  
(অভিকর্ষের মান সর্বত্র এক ধরে নিলাম)। আর-এক  
ভাবে দেখতে গেলে কোন জিনিসের উর্ধ্বগতি সেকেন্ডে  
১১.২ কিলোমিটারের বেশী হলে তা হবে পৃথিবী থেকে  
উধাও। একটা চিলে স্তো বেঁধে কেউ ঘোরাচ্ছে কল্পনা  
করুন। চিলটি যত জোরে ঘুরবে, স্তোর উপর টানও  
পড়বে তত বেশী, ফলে স্তো ছিঁড়ে এক সময় চিলটি  
ছিটকিয়ে যাওয়া আশ্চর্য নয়। পৃথিবীর ক্ষেত্রে এই  
“স্তো ছিঁড়ার” ব্যাপারটা দাঁড়ায়, গতি সেকেন্ডে সাত  
মাইল—অর্থাৎ ১১.২ কিলোমিটার হলে। এ হ’ল তাত্ত্বিক  
হিসাব, তবে ব্যবহারিক ক্ষেত্রে অভিকর্ষ যাতে কোনভাবে

রকেটের পেছন না “ধাওয়া” করে তার জন্ত এই গতি আরও বাড়িয়ে দিলে ভাল হয়। হিসাব করে দেখা গেছে, চাঁদে পাড়ি দিতে গেলে এই গতি হওয়া উচিত সেকেন্ডে ১৬ কিলোমিটার, মঙ্গলের জন্ত ২৬। এ হিসাব শুধু একদিককার—যাওয়ার দিকের। ফিরিয়ে আনার প্রশ্ন থাকলে গতি আরও বাড়িয়ে তুলতে হবে। গতিবেগের সঙ্গে সঙ্গে রকেটের শক্তি বাড়ানোরও প্রশ্ন আছে। গ্রহান্তর-যাত্রার এই একমাত্র নির্ভর যানটি যে এ বিষয়ে আমাদের প্রত্যাশাকে অপূর্ণ রাখে নি, তার প্রমাণ গত কয়েক বছর বিজ্ঞানের নানা কার্যকরী পদ্ধতির মধ্য দিয়ে প্রকাশ পেয়েছে। মহাকাশ-পথিকের কাছে যানবাহনের অভাব তাই আর সমস্যা নয়।

### গণিতের যুদ্ধ

কিন্তু রকেটকে শক্তিশালা করে গড়ে তোলাই একমাত্র মীমাংসা নয়। অতিকায় মহাকাশযানটির কার্য-পদ্ধতি অত্যন্ত সূক্ষ্ম হিসাবেও নির্ধৃত হওয়া চাই। মঙ্গল-গ্রহে সরাসরি রকেট ছোঁড়া মোটামুটিভাবে হ’ল গজ দূরে মারবেল টিপ করে মারার সামিল। হিসাবের কতখানি সূক্ষ্মতা চাই তা সহজেই অহুমের, অঙ্কের ক্ষেত্রে তা উপস্থিত করাও অসম্ভব নয়; কিন্তু সমস্যা দাঁড়ায় রকেটের কার্যকরী কৌশলের মধ্যে তাকে রূপায়িত করতে গিয়ে। উপমায় বলতে গেলে, এ যেন পিঁপড়ের চলার পথে হাতীকে চলতে বলা। বিষয়টি আরও ছুঁকুঁকু হয়, যখন দেখি, পৃথিবীসহ সমস্ত গ্রহ-উপগ্রহই সঞ্চরণশীল, প্রত্যেকেই নিজস্ব গতিতে বিশিষ্ট কক্ষ ধরে পরিক্রমায় রত আছে। এর ফলে, যে মহাকাশযানটির সম্ভাব্য গতির কক্ষ বা পথ সম্বন্ধে পুঙ্খানুপুঙ্খ গণনা হয়েছিল তা শুধু এক নির্দিষ্ট সময়ের জন্তই কার্যকরী থাকবে, অল্প সময়ে এই বিপুল গণনার ফল ভুল অঙ্কের মতই কাজে লাগবে না। মূল গণনা থেকে বিচ্যুত হবার যখন এতগুলি সম্ভাবনা তখন অভিযাত্রী রকেটটির গতি ও দিক পূর্ব-নির্ধারিত অবস্থায় প্রতিষ্ঠা করার ব্যবস্থা চলমান অবস্থাতেই সম্পন্ন করতে হবে। কিন্তু এজন্ত যে গণনার কাজ করতে হয় তার প্রকৃতি যেমন জটিল, সমাধানও তেমনি সময়সাপেক্ষ। এদিকে রকেটের গতি অত্যন্ত দ্রুত থাকায় প্রতি মুহূর্তে তা পরিকল্পিত পথ থেকে শত শত মাইল দূরে সরে যেতে পারে। বৈজ্ঞানিক প্রতিভা আজ ইলেক্ট্রনিক্‌স্ পদ্ধতিতে চালিত গণনায়ন্ত্র উদ্ভাবন করেছেন—জটিল সমস্যার উত্তর এখন যে শুধু বিদ্যুৎবেগে সমাধান করাই যায় তা নয়, সে অহুসারে চলন্ত যানটিকেও আপনাপনি নিয়ন্ত্রণ

করা চলে। মহাকাশ যাত্রার পথে ছিল যে ছুঁকুঁকু গাণিতিক সমস্যা, গণিতেরই সাহায্যে তা পরাহৃত হয়েছে।

### আমি কোথায়

কিন্তু গণনায়ন্ত্রের উর্বর “মস্তিষ্ক” পুরোপুরি ব্যর্থ হবে, যদি-না মহাকাশযানটির প্রতিমুহূর্তের অবস্থান পৃথিবী বা অন্য কোন গ্রহের তুলনায় জানতে পারি। রকেটের খোলার মধ্যে মহাকাশের যে মহাপথিকটি সেজে “বসে” আছে তার প্রধান কাজটি হ’ল, এই জানা—আমি কোথায়। অবশ্য এক্ষেত্রেও কোন কাজ পুরোপুরি অভিযাত্রীর ভরসায় রাখা হয় না। পৃথিবীর নিকট-অঞ্চলে (লক্ষ মাইলের ভিতর) রাডার যন্ত্রে তা পৃথিবী থেকেই জানানো যাবে। কিন্তু দূরত্ব আরও বাড়লে রাডারের ব্যবস্থা নিভুল হয় না। তখন উচিত, আকাশে গ্রহতারার সাহায্যে নিজের পথ নিজে চিনে নেওয়া। একটি তারা আর একটি গ্রহ যখন একই সরল রেখায় থাকে তখন টানব একটি রেখা। এভাবে আর এক জোড়া গ্রহতারার জন্ত আর একটি সরলরেখা। এই দুটি রেখা যেখানে এসে মিলছে সেখানে হল আমি। খানিক পরে রেখা দুটি আবার নূতন জায়গায় এসে মিলবে। তারকা অনেক দূরে থাকায় তাদের আমরা স্থির ধরে নেব। এভাবে বিভিন্ন সময়ে রকেটটির অবস্থান জানলে তা পৃথিবীস্থিত বিজ্ঞানীর কাছেও আর অজানা থাকবে না। সে যা হোক, এসব দেখার ব্যাপারেও মূল পরিকল্পনা মানুষের কীপদৃষ্টির উপর বিশেষ নির্ভর করছে না। রকেটের “ভাঁড়ারে” থাকে যে অজস্র যন্ত্র তার কোন না কোন একটি সে কাজ করে দেবে। মূল যন্ত্রটি হ’ল এই। ব্যবহারিক ক্ষেত্রে তা অবশ্য নানা ভাবে জটিল হয়ে উঠছে—যন্ত্রের সাহায্য তাই চাই এ ক্ষেত্রেও। এ সমস্ত যন্ত্রের কৌশল আজ শুধু পরিকল্পনার স্তরেই আবদ্ধ থাকে নি, নানারকম ছঃসাহসী পরীক্ষায় বারবার নিয়োজিত হয়ে মানুষের গ্রহযাত্রার কালকেই আরও কাছে টেনে আনছে।

### শেষ লক্ষ্য

এত নির্ধৃত গণনার মধ্য দিয়ে রকেট ছোঁড়া এবং মহাকাশের পথে নির্দিষ্ট গতি-কক্ষ ও সময় মেপে তাকে চালনা করার পরেও আর একটি সমস্যা প্রধান হয়ে ওঠে, মূল লক্ষ্যের কাছাকাছি এসে তা কি ভাবে কাজ করবে। ধরা যাক তার লক্ষ্যটি ছিল চাঁদ, মঙ্গল, না হয় শুক্র। প্রথম অবস্থায় চাঁদকেই ধরে নিলাম। রকেট কি চাঁদের

চারদিকে শুধু ধূরপাক খাবে, না কি চাঁদের মাটিতে এক-বার পা ফেলে আসবে। অবতরণের উদ্দেশ্য যদি থাকে, নির্দিষ্ট দূরত্বের পর তার প্রচণ্ড গতিকে স্তিমিত করা দরকার। বিপরীতমুখী রকেটের শক্তি তখন কাজে লাগাতে হবে, কিন্তু এজন্ত সময় এবং গতির যে নিখুঁত কার্যক্রম অহুসরণ করতে হয় তা ভাবলেও মন অভিভূত হয়ে আসে।

ফিরে আসার পথে আবার চাঁদের মহাকর্ষ অতিক্রম করার সমস্যা আছে, পৃথিবীর তুলনায় এ শক্তি অনেক কম, সেকেন্ডে মাত্র ২.৩৫ কিলোমিটার। এই গতিতে আগন্তুক রকেট সহজেই চাঁদের আওতার বাইরে চ'লে আসবে।

পৃথিবীতে নামার সময় আবার এই উপায়, গতি-বেগকে সংযত করে নেওয়া। তবে পৃথিবীর বায়ুমণ্ডল থাকায় (চাঁদে যা নেই) বিশেষ ধরনের প্যারাসুটের সাহায্যও নেওয়া যেতে পারে। মহাকাশের প্রথম পথিক কোন্ পদ্ধতি যে নিয়েছিলেন সঠিক জানা যায় নি, দ্বিতীয় অভিযাত্রিক শোপার্ডের প্রত্যাবর্তন-পথ প্রথমে উলটো রকেট চালিয়ে নিয়ন্ত্রিত করা হয়, পরে প্যারাসুটে অবতরণ। এ সমস্ত সফল অভিযানের ফলে বিজ্ঞানের অনেক তাত্ত্বিক বিচার যে সত্যের উপর দৃঢ়ভাবে প্রতিষ্ঠিত হ'ল, সে-বিষয়ে সন্দেহ থাকে না।

### জৈবিক বাধা

এ পর্যন্ত যে-সমস্ত সমস্যার কথা আমরা আলোচনা করলাম, তা হ'ল কঠিন জড়বস্তুর বিষয়ে। কিন্তু গ্রহ-যাত্রার পথে মানুষের সপ্রাণ জৈবিক দেহটিও এক হস্তর বাধা। রহস্যময় এই পৃথিবী অত্যন্ত অমুকুল অবস্থার মধ্যে আমাদের জীবনের ছন্দকে টি'কিয়ে রাখে, কিন্তু অসীম অনন্ত যে মহাকাশ তার এ বিষয়ে কোন দৃকপাত নেই। সেখানকার এক অজ্ঞাত উৎস থেকে অজস্রধারায় ছড়িয়ে থাকে যে মহাজাগতিক রশ্মি, তার প্রভাব বাতাসের সমস্ত স্তর ভেদ ক'রে সমুদ্রের জলের মধ্যেও ছড়িয়ে থাকে কয়েক শ মিটার। এই বিনাস্ত রশ্মি বায়ুহীন মহাকাশে অনেক প্রখর, তার জীবন-বিনাশী স্পর্শ থেকে মানুষকে সর্বদাই নিজে থেকে রক্ষা করার ষড়্‌ নিতে হবে। রকেটের মধ্যে মহাকাশযাত্রীর কক্ষটি হবে সবদিক্ থেকে আবদ্ধ, গ্রহাস্তরে নামার সময় বিশেষভাবে প্রস্তুত পোশাক তাকে প্রকৃতির প্রতিকূলতা থেকে রক্ষা করবে।

জলহীন বায়ুহীন স্থানের মানুষের প্রয়োজনীয় প্রতিটি

জিনিষের ব্যবস্থা পুরোপুরি করতে হবে। অফুরন্ত সরবরাহ নিয়ে চলা যখন সম্ভব নয়—নিখাসে ফেলে দেওয়া কার্বন-ডাই-অক্সাইড থেকেই আমরা অক্সিজেন টেনে নেব। দেহের বিপাক-ক্রিয়ায় যে সব জিনিষ পরিত্যক্ত হয় তাদের মধ্য থেকেই জলের অভাব পূর্ণ করতে হবে, খাওয়ার জন্ত চাই বিশেষ খাদ্য—পুষ্টিকর অথচ পরিমাণে কম। এ সমস্ত অভিনব সমস্যার প্রতিটিই নানাভাবে সমাধান হয়েছে। বিজ্ঞানের বিভিন্ন শাখা একসঙ্গে কাজ ক'রে যাচ্ছে, গ্রহাস্তর-যাত্রার পথে মানুষের সমস্ত জ্ঞান এক জায়গায় এসে মিলিত হয়েছে।

জ্ঞানের যা শক্তি ক'রে যাচ্ছে। কিন্তু মানুষের দেহগত সীমা যে বারবার যাত্রাকে ব্যাহত করে! ক্রমবর্ধমান গতিতে রকেট ওঠে এবং মন্দীভূত বেগে তাকে আবার নামানো হয়। অধিক গতিতে রকেট উদ্ধার মতই বাতাসের সংঘর্ষে জ্বলে যায়, কিন্তু রকেটবাহিত মানুষ গতি-পরিবর্তনের সাধারণ মাত্রাকেও যে সহ্য করতে পারে না। সমস্যা তাই জটিল হয়ে ওঠে, তবে মানুষ অনেক দিনের অভ্যাসে তার সহ্যের সীমানাকে বাড়িয়ে তুলতেও পারে। সমস্যাটি যে আর খুব বেশী প্রতিবন্ধক হয়ে নেই, গ্যাগারিনের সফল অভিযানই তার প্রমাণ। পৃথিবীর বুকে মানুষ ভারশূন্যতার কথা চিন্তা করতে পারে না, কিন্তু মহাকাশের যাত্রীকে সর্বক্ষণই এ অবস্থার সঙ্গে পরিচিত থাকতে হয়। অভিযাত্রী এজন্ত আগে থেকেই কৃত্রিম ভারশূন্য অবস্থার মধ্যে থেকে নিজেকে প্রস্তুত ক'রে নেবেন। আকাশের ৩০০ বা ১৮০ কিলোমিটার উপরে পৃথিবীর আকর্ষণ লোপ পাওয়ার কথা নয়, কিন্তু প্রথম মহাকাশযাত্রীরা ভারশূন্যতাই অহুভব করেছেন। অভিকর্ষ নিচের দিকে টানে, অথচ মহাকাশযান গতির প্রভাবে সে টান কাটিয়ে বাইরে ছুটতে চায়—এদিক্ ওদিক্ দু'দিকের টানে রকেট তাই নিজের ওজন হারিয়ে ফেলেছে। অপরিচিত ভারশূন্য অবস্থা যে মানুষকে বিশেষ কাবু করতে পারে না, সফল মহাকাশযাত্রী তার অধিকন্তু সাক্ষী।

লক্ষ লক্ষ মাইল অতিক্রম করতে হবে। তবে চন্দ্র, তবে মঙ্গল গ্রহ। পথ অনন্ত। এর পদে পদে নানা সমস্যা। মানুষ এগিয়ে চলেছে। একদিন কল্পকথার রোমাঞ্চকর বিবরণের মধ্যেই সে তৃপ্তি খুঁজত। আজ সে-সমস্ত সহজ উদ্বেজনা তার কাছে মিথ্যা হয়ে গেছে। অসীম মহাকাশ, তার মধ্যে সূর্য্য এবং তারাগুলি জ্বলছে—পৃথিবী ধাবমান, মানুষ এগিয়ে চলবে।

# বীরভূমে সাঁওতাল বিদ্রোহ

শ্রীকালীপদ ঘটক

ভারতীয় আদিবাসীর সমাজের পক্ষ হইতে ব্যাপকতর ব্রিটিশ-বিরোধী সংগ্রাম হিসাবে শতাধিক বর্ষ পূর্বে সংঘটিত সাঁওতাল বিদ্রোহের বিস্তারিত বিবরণ ইতিহাসের পৃষ্ঠায় বিশেষ একটি গুরুত্বপূর্ণ গণ-অভ্যুত্থানের সাক্ষ্য বহন করিতেছে। সাঁওতাল ও পাহাড়িয়া অধ্যুষিত গভীর অরণ্য ও পর্বতসঙ্কুল সাঁওতাল পরগণার দামিন-ই-কো অঞ্চলে বিক্ষুব্ধ আদিবাসী-জাগরণকে কেন্দ্র করিয়া দেশব্যাপী যে দীর্ঘস্থায়ী রক্তক্ষয়ী সংগ্রামের সূত্রপাত ঘটে তাহার ভৌগোলিক পরিধি নিতান্ত অল্প ছিল না। সাঁওতাল বিদ্রোহ সংক্রান্ত আমার পূর্বপ্রকাশিত প্রবন্ধগুলির মধ্যে এ বিষয়ে বিস্তারিত আলোচনা করা হইয়াছে। সম্প্রতি বীরভূমের তৎকালীন অবস্থা ও সাঁওতাল বিদ্রোহের উপসংহার সম্বন্ধে সংক্ষেপে কিছু আলোচনা করা যাইতেছে।

বিদ্রোহ-কবলিত অস্থায়ী অঞ্চলের মতই ১৮৫৫ সালের সমগ্র জুলাই মাস ধরিয়া বিদ্রোহিগণ বীরভূম জেলায় ব্যাপকভাবে লুণ্ঠন নরহত্যা ও নানারূপ অত্যাচার চালাইয়া যাইতে থাকে। বহু ইংরেজ সৈন্য ও সশস্ত্র সাঁওতাল বীরভূমের নানাস্থানে সম্মুখ সংগ্রামে হতাহত হয়। বর্তমানের কমিশনার বাহাদুরের নিকট লিখিত বীরভূমের তদানীন্তন ম্যাজিস্ট্রেট সাহেবের ২৪শে সেপ্টেম্বর তারিখের পত্র হইতে জানা যায় :

গত একপক্ষকালের মধ্যে উপর বান্ধা (তৎকালীন বীরভূম ও বর্তমান জামতাড়া মহকুমার অন্তর্গত) ও নান্দুলিয়া থানার প্রায় ত্রিশখানারও অধিক গ্রাম লুণ্ঠিত ও ভস্মীভূত হইয়াছে। নগর-সংলগ্ন লাউজোড় হইতে পশ্চিমে প্রায় দেওঘর পর্যন্ত সমগ্র অঞ্চল বিদ্রোহীদের করতলগত। ডাক যাতায়াত বন্ধ হইয়াছে—গ্রামবাসিগণ সাঁওতালদের ভয়ে গ্রাম ছাড়িয়া পলায়ন করিয়াছে, গ্রামগুলি প্রায় জনশূন্য। বিদ্রোহিগণ দুইটি বৃহৎ দলে বিভক্ত হইয়া অভিযান চালাইতেছে। তাহাদের মোট সংখ্যা প্রায় ১২ হইতে ১৪ হাজারের কম নহে। চারিদিক হইতে বিদ্রোহীদল আসিয়া ক্রমশঃই তাহাদের সংখ্যা বৃদ্ধি করিতেছে।

সিরু মাঝি নামক জনৈক সাঁওতালের নেতৃত্বে একটি

বৃহৎ দল সিউড়ি অভিমুখে অগ্রসর হয়। তাহাদের ভয়ে গ্রামবাসিগণ ইতস্ততঃ লুকাইতে থাকে। উন্নত সাঁওতালেরা তাহাদের ধরিয়া আনিয়া একে একে হত্যা করিতে থাকে। চন্দ্রপুর গ্রামের অধিবাসী রামধন মণ্ডল নামক এক ব্যক্তি ও তাহার পুত্রকে উক্ত গ্রামের ধর্মরাজ মন্দিরের খুঁটায় ফেলিয়া বলিদান দেওয়া হয়।

২০শে জুলাই তারিখে নারায়ণপুর গ্রাম আক্রান্ত ও লুণ্ঠিত হয়। অফজলপুর থানার দারোগা সাহেব ওলাম আলি খাঁর তৎপরতায় উক্ত গ্রামের জমিদার-ভবনটি কোনরকমে রক্ষা পায় এবং তাহার প্রতিদান স্বরূপ জমিদারের পক্ষ হইতে দারোগা সাহেবকে একটি তরবারি ও মূল্যবান একখানি শাল উপহার দিয়া সম্মানিত করা হয়। ২১শে জুলাই তারিখে বিদ্রোহীদল কাটনায় গিয়া উপস্থিত হইলে খাজুরির সর্দার ঘাটোয়াল অপর কয়েকজন ঘাটোয়াল ও গ্রামবাসিগণের সাহায্যে বিদ্রোহী দলকে বাধা দিতে সমর্থ হয়। ২২শে জুলাই তারিখে বিদ্রোহীরা গাজপুর লুণ্ঠন করিয়া নগর অভিমুখে ধাবিত হয় এবং সেখান হইতে ময়ূরাক্ষীর অপর তীরবর্তী কুমড়াবাদে গিয়া উপস্থিত হয়। মহাজন ও ব্যবসায়ী প্রধান উক্ত কুমড়াবাদ গ্রামে তাহাদের হত্যালীলা নিষ্ঠুরতার চরমে গিয়া পৌঁছে। রথের দিন উক্ত গ্রামের বহু লোককে হত্যা করিয়া তাহাদের ছিন্নমুণ্ডগুলি রথের চারিপাশে ঝুলাইয়া দেওয়া হয়। রথস্থ দেবতা বিক্ষুব্ধ আদিবাসীর প্রলয়ঙ্কর মূর্তি দেখিয়া নিজেই হয়ত সেদিন আতঙ্কে শিহরিয়া উঠিয়াছিলেন।

ময়ূরাক্ষীর উত্তর তীরবর্তী কুমড়াবাদ, পাটজোড়, মহম্মদবাজার, পরিহারপুর প্রভৃতি অঞ্চলে বিদ্রোহের তীব্রতা ও ভয়াবহতা অতিমাত্রায় বৃদ্ধি পাইয়াছিল। আমরা মহম্মদবাজার অঞ্চল নিবাসী প্রত্যক্ষদর্শী জনৈক গ্রাম্য কবির রচিত একটি ছড়া-কবিতা এই স্থানে উদ্ধৃত করিতেছি। ১৯০০ খ্রীষ্টাব্দের ১৫ই মার্চ তারিখে কবি স্বহস্তে কবিতাটি নকল করিয়া বীরভূমের বনামধন সাহিত্যিক শিবরতন মিত্র মহাশয়ের নিকট পাঠাইয়া দেন। উক্ত কবিতাটি 'রতন লাইব্রেরী'র ২০২৬ সংখ্যক পুঁথির অন্তর্ভুক্ত। পাঠক-পাঠিকাগণ লক্ষ্য করিবেন,



নিতান্ত গ্রাম্য ভাষায় সরল ও অনাড়ম্বর শব্দবিন্যাসে অভিনব ছন্দ-বৈচিত্র্যে কবি সাঁওতাল বিদ্রোহের কি অপূর্ব এক জীবন্ত চিত্র অঙ্কিত করিয়াছেন। কবিতাটির কিছু কিছু অংশ উদ্ধৃত হইল।

## সাঁওতাল বিদ্রোহ

যুন ভাই, বলি তাই, সভাজনের কাছে  
সুভবাবুর হুকুম পেয়ে, সাঁওতাল বুঁকেছে।  
বেটারা কোক ছাড়িল—  
বেটারা কোক ছাড়িল, জড় হইল, হাজারে হাজার  
কখন এসে কখন লাটে থাকা হল্য ভার।  
হলো সব ছুড়্যাবনা—  
হলো সব ছুড়্যাবনা, রাড় কান্দনা, সবাই ভাবে বসে  
ঘড়া ঘটি মাটিতে পোতে কখন লিবে এসে।  
বলে ভাই রাগিব কোথা—  
বলে ভাই রাগিব কোথা, যেথা সেথা, এই কথা যুনি  
রাখতে মোলুক সলা যুলুক ভাবতেছে কোম্পানী।  
বেটাদের সক্তি শোনে—  
বেটাদের সক্তি শোনে প্রজাগণে, কইছে ধীরে ধীরে  
জিনিস ছেড়ে পালাও না ভাই সভাই থেক ঘরে।  
আমাদের আছে গোরা—  
আমাদের আছে গোরা, সাজিন চড়া, জামাজোড়া গায়  
বন্দুকেতে গোলি পোরা তুড়ুক স্বরার ভায়।  
বেটারা থাকে কোথা—  
বেটারা থাকে কোথা, সর্ভ কথা, মুখায় তোমাদেরে  
কেহ বলে দেখে এলাম মোরাকির ধারে।  
আছে সব জড় হয়ে—  
আছে সব জড় হয়ে, পূর্ক মুয়ে, তীর মারিছে গাছে  
কত শত কর্মকার সঙ্গতে এনেছে।  
তিরের ফলি বনাইতে—  
তিরের ফলি বনাইতে, বরাত মতে, জখন যেমন কয়  
হাতে হাতে যোগাইছে ফলা পাছে টানা হয়।  
বেটাদের পোষাক চড়া—  
বেটাদের পোষাক চড়া, কপ্পী পরা, লইতে বেড়া বুক  
ভাডের উপর পূজা করে কোক ছাড়িছে মুখে।  
... ..  
বলে ভাই রাজা হব—  
বলে ভাই রাজা হব, টাকা পাব, করিয়া মন্ত্রণা  
হুদিন বাদে পুড়াইল গিয়ে নাঙ্গুলের থানা।  
ঐ কথা যুনে—  
ঐ কথা যুনে, সিকাইগণে, বন্দুক নিল হাতে

দারগা মুলির...সঙ্গে দেখা হইল পথে।  
তখন সিকাই ঘেরা—  
তখন সিকাই ঘেরা, সাজিন চড়া, কাপ্তান সহিত  
নদীর উপাস্তে আসি হইল উপনীত।  
জত সব সিকাইগণে—  
জত সব সিকাইগণে, ভাবে মনে, হয়ে স্তার স্তার  
দেখে যুনে মোরাকি উভয়ে না হয় পার।  
তির বর্ষা ত্বরার আছে—  
তির বর্ষা ত্বরার আছে, আপন সাজে, রন নাইখ বাজে  
নদীর ধারে সাঁওতালরা লাগড়া বাজায় নাচে।  
সেখানে সার্দ কার—  
সেখানে সার্দ কার, পারাপার, দুকুল বহে বাণ  
হাতেতে কিরিচ ধরে' দেখিছে কাপ্তান।  
দেখিয়া বহত সেনা—  
দেখিয়া বহত সেনা, কি মন্ত্রনা, করে ছইজনে  
বন্দুক ত্বরার রাখ কহে সিকাইগণে।  
দশু চ্যার ছয় পরে—  
দশু চ্যার ছয় পরে, কয় হল্যদারে, যুফেদারের প্রতি  
লির্নয় করিতে ছরপীনে আন সিঘ্র গতি।  
বলে উঠিল গজে—  
বলে উঠিল গজে, হাউদা মানে, নয়নে ছরপীন  
ঝাড়ে ঝাড়ে আছে সাঁওতাল কোষ দুই তিন।  
... ..  
বলে সব মার মার—  
বলে সব মার মার, ধর ধর, এই মাত্র রব  
আজি সিহড়ি ছেলা লোটব গিয়ে করে পরাভব।  
জাব সব জেহাল থানা—  
জাব সব জেহাল থানা, দিব থানা, মুক্ত করিব চোরে  
সুভবাবু রাজা হবেন জ্যাজ সাহেবকে মেরে।  
আমরা শুচিব মাঝি—  
আমরা শুচিব মাঝি, কাজের কাজি, মহুর করব বশে  
কৃষ্ণ শৌওর দোকান ভেঙ্গে সরাব খাব কশে।  
আলি হুকুম পেয়ে—  
আলি হুকুম পেয়ে, সিকাই যেয়ে, বন্দুক হাতে তোলে  
পঞ্চাষ পঞ্চাষ গোলি মারে এক কালে।  
জেমন তারা খসে—  
জেমন তারা খসে, আশে পাশে, তেমনি গেল ছুটে  
পিঠেতে বাজিয়া কারু পার হইল পেটে।  
... ..

তুনে সব ছুস্ক মনে—

তুনে সব ছুস্ক মনে, পরদিনে, কৈল একাকার  
জন্দি হইতে আনায় সাঁওতাল দ্বাদশ হাজার।

নাহিক মৃত্যুভয়—

নাহিক মৃত্যুভয়, সদা রয়, ধেমুকেতে চড়া  
লগর মোকামে জেয়ে বাজায় নাগেড়া।

তুনে সব লোক পালাইল—

তুনে সব লোক পালাইল, বিসম হল্য, তামলি পুদ্যার  
সতগোপ গোওলা পালায় কান্দে লয়ে ভার।

পালায় সব বুড়াবুড়ি—

পালায় সব বুড়াবুড়ি, দৌড়াদৌড়ি, হাতে লয়ে লড়ি  
মস্তলমান ফকির পালায় মুখে পাকা দাড়ি।

মুখেতে বলে আল্যা—

মুখেতে বলে আল্যা, বিষমল্যা, এ কি বেটাদের তির  
এ বিপদে রক্ষা করহে সর্ভপ্রিয়।

বলে প্রাণ জায়—

বলে প্রাণ জায়, হায় হায়, কি বিপদ হইল

কালু সেখের মা কেন্দ্রে বলে আমার মরিগ কোথা গেল।

...

...

পূর্বে হুম্মান—

পূর্বে হুম্মান, লক্ষাখান, জেমতে পোড়ায়  
ঘরাঘরি অগ্নি দিয়ে সাঁওতাল বেড়ায়।

ঐ গ্রাম নিবাস—

ঐ গ্রাম নিবাস, সাধু দাশ, তার সঙ্গে জনা চারি  
সিহড়ি আসি জজ্যের কাছে বলছে বিনয় করি।

আরত্য প্রাণ বাঁচে না—

আরত্য প্রাণ বাঁচে না, কি মস্তনা, কহ্যেন হজুর বস্তে  
ধর কর্ণ্যা পুড়ায় আমার ভাইকে কাটলে সেবে।

সিদ্ধ উপায় কর—

সিদ্ধ উপায় কর, সাঁওতাল মার, রাখ প্রজাগণ

টান্নির চোটে মোলুক কেটে পতিত কল্যে বোন।

সাহেব ওস্তামনে—

সাহেব ওস্তামনে, সিকাংগণে, বলয়ে বচন  
অতি সিদ্ধ জাও তোমরা কর গিয়ে রণ।

কথা শুনে তখন—

কথা শুনে তখন, জত সিকাংগণ, বন্দুক হাতে লিল  
রাতারাতি সিকাংগণ কুমড়াব্যাদকে গেল।

যুর্দ যেই মতে—

যুর্দ যেই মতে, বিস্তারিতে, হবে বহুত রূপ  
আকাশের চাঁদ কোথা ধরয়ে বামন।

বেটারা ধেমুক ধরে—

বেটারা ধেমুক ধরে, তির মারে, করে মার ২

সঙ্গেতে কুকুর আছে হাজারে হাজার।

সাহেব হকুম দিলে—

সাহেব হকুম দিলে, ফয়ের বলে, যুনে সিকাংগণ  
হাজারে হাজারে সাঁওতাল মারে ততরূণ।

অমনি ভগড়্যা হয়ে—

অমনি ভগড়্যা হয়ে, পূর্ক মুয়ে, পালাইয়া যার  
পাটজোড় মোকামে আসি নাগড়া বাজায়।

লাগড়ার স্কু শুনে—

লাগড়ার স্কু শুনে, সর্কস্কনে, পালায় সর্ভরে  
জনা দষ বাগিড়ে গোওল সেই দিনেতে মারে।

লোকের কি জস্তনা—

লোকের কি জস্তনা, কি লহুনা, কল্যে সাঁওতালে  
কত গর্ভবতি রাস্তায় পুস্কবিল ছেলে।

এমনি সর্কস্করে—

এমনি সর্কস্করে, লোট করে, বেড়ায় সাঁওতাল  
মনিশ্ত কা কথা দেবতা পালান গোপাল।

ভাণ্ডিবোন ছেড়ে—

ভাণ্ডিবোন ছেড়ে, পালান দোড়ে, পুজুরির মাথায়  
বিরসিংহপুরের কালিমাএর বলিহারি জাই।

১২৬২ বারষ বাশষ্টী সাল—

বারষ বাশষ্টী সাল, বরসা কাল, বানের বড় বির্দি  
আকারপুরে মাহুষ কেটে কল্যে গাদাগাদি।

কাটিলে বিষ্ণুপুরে—

কাটিলে বিষ্ণুপুরে, হারা তাঁতিলে, প্রিম্মুলার-মাঠে  
বিপন গোপকে তিরিয়ে মারলে পধুরের খাটে।

লোটিলে কুলকুড়ি—

লোটিলে কুলকুড়ি, দৌড়াদৌড়ি, লাগড়া দেয় সেশে  
দেবু রাধকে তেড়ে ধল্যে আখবাড়িতে এশে।

...

...

রাই কৃষ্ণদাশে শুনে—

রাই কৃষ্ণদাশে শুনে, সংক্ষেপনে, কিছু লেখা হল্য  
বিস্তার লিখিতে হল্য অনেক বাহল্য।

কাএস্ত কোলে জন্ম মোর রাই কৃষ্ণদাশ

কুলকুড়ি গ্রামে মোর হয় জে নিবাস।

জেলা বিরভুম তাহে নোনি পরগনা

লাট রাম নাম তাহে নানুলের থানা।

...

...

১২৬২ বারষ বাশষ্টী সাল—

বারষ বাশষ্টী সাল, এই গোলমাল, বড় ভাবনা মনে  
কুলকুড়ি লোট হয় ২৩ খাবনে।

বীরভূম অঞ্চলে সে সময় অনেক ইংরেজ ব্যবসায়ী নীলকুঠি ও রেশমের কুঠি স্থাপন করিয়াছিলেন। তাঁহাদের মধ্যেও কেহ কেহ সাঁওতালদের হাতে নিহত হন এবং অনেকেই প্রাণভয়ে কুঠি ছাড়িয়া নৌকাযোগে অন্তত পলায়ন করেন। পূর্বে উল্লিখিত সিক্র মাঝি প্রায় ৫৭ হাজার সাঁওতালের একটি দল লইয়া সিউড়ি হইতে মাত্র ছয় মাইল পশ্চিমে পরিখা খনন করিয়া ইংরেজ সৈন্তের সহিত যুদ্ধ করিবার জন্ত প্রস্তুত হইতে থাকে। উক্ত অঞ্চলে সিক্র মাঝি ব্যাপক একটা সন্ত্রাসের সৃষ্টি করিয়া তুলিয়াছিল, সে কথা বলাই বাহুল্য।

বীরভূমের উত্তর ও পশ্চিম দিক হইতে সিউড়ি আক্রমণের বিশেষ সম্ভাবনা দেখা দেয়। ইংরেজ সৈন্তগণ অতি তৎপরতার সহিত বিভিন্ন দলে বিভক্ত হইয়া বিদ্রোহীদের উৎপাত করিবার চেষ্টা করিতে থাকে। বীরভূমের তদানীন্তন অস্থায়ী কালেকটর মি: রিচার্ডসনের রিপোর্ট হইতে জানা যায় যে ২০শে জুলাই হইতে ৩০শে জুলাই পর্যন্ত তিনি বীরভূমে বিদ্রোহীদের বিরুদ্ধে সশস্ত্র অভিযান চালাইবার জন্ত ভারপ্রাপ্ত হইয়াছিলেন। মি: মরিসের অধীন ৫৬ এন.আই. দলভুক্ত একদল সৈন্তকে ২০শে জুলাই তারিখে সিউড়ি হইতে ৭ মাইল উত্তর পশ্চিমে অবস্থিত ময়ূরাকী তীরবর্তী নাজুলিয়া নামক গ্রামে প্রেরণ করা হয়। মি: মরিসকে নির্দেশ দেওয়া হয়, তিনি যেন বিদ্রোহীদের গতিবিধির প্রতি লক্ষ্য রাখেন এবং তাহারা যেন কোনমতেই ময়ূরাকী নদী পার হইয়া সিউড়ি অভিমুখে অগ্রসর হইতে না পারে।

সিউড়ি হইতে ১৪ মাইল পশ্চিমে অবস্থিত তদানীন্তন বীরভূমের রাজধানী নগর আক্রান্ত হইবার সম্ভাবনা দেখা দেওয়ায় ২১শে জুলাই তারিখে মি: রিচার্ডসন লে: রাইক্‌স্ ও পূর্বোক্ত দলের কতকগুলি সৈন্তসহ সেইদিনই বেলা দুইটার সময় নগরে গিয়া সদলবলে উপস্থিত হন। মি: মরিস নাজুলিয়া হইতে সংবাদ পাঠান যে অবিলম্বে আরও কতকগুলি সৈন্ত পাঠাইয়া তাঁহাকে সাহায্য করা না হইলে তিনি সত্বর সিউড়ি ফিরিয়া যাইতে বাধ্য হইবেন। মি: রিচার্ডসনকে নাজুলিয়ার ব্যবস্থা করিবার জন্ত নগর হইতে সিউড়ি ফিরিয়া যাইতে হয়। মি: মরিস সিউড়ি হইতে সৈন্ত পাঠাইবার জন্ত প্রতীক্ষা পর্যন্ত না করিয়া সিউড়ি অভিমুখে প্রত্যাবর্তন করিতে থাকেন। লে: ডিলুম্যেন আরও কতকগুলি সৈন্ত লইয়া তাঁহাকে সাহায্য করিবার জন্ত পূর্বেই রওনা হইয়াছিলেন। পশ্চিমধ্যে উত্তরের সাক্ষাৎ হওয়ার মি: মরিস লে: ডিলুম্যেন সহ পুনরায় নাজুলিয়ার ফিরিয়া যান। মি: রিচার্ডসন নগর ত্যাগ

করিয়া যাইবার সময় মি: রাইক্‌স্কে নির্দেশ দিয়া যান যে, বিদ্রোহীরা নগর আক্রমণ করিলেও যতক্ষণ অতিরিক্ত সৈন্ত আসিয়া না পৌঁছে ততক্ষণ পর্যন্ত মি: রাইক্‌স্ যেন বিদ্রোহীদের আক্রমণ না করিয়া শুধু আশ্রয়স্থলকে প্রতিরোধ ব্যবস্থা অবলম্বন করেন। মি: রাইক্‌স্ সে উপদেশ অগ্রাহ্য করিয়া নগর হইতে তিন চারি মাইল দূরে সমবেত এক সাঁওতাল দলকে মাত্র ৩১ জন সিপাহী লইয়া আক্রমণ করেন। বিদ্রোহীরা পলায়ন করে, কিন্তু যাইবার সময় দুইখানি গ্রাম তাহার জ্বালাইয়া দিয়া যায়। মি: রাইক্‌স্ ফিরিবার সময় দেখিতে পান যে প্রায় দুই-তিন হাজার সাঁওতাল নগরের সন্নিকটবর্তী গাঙমুড়ি গ্রাম আক্রমণ করিয়াছে। তিনি গুলীবর্ষণ আরম্ভ করিলে বিদ্রোহীদল ছত্রভঙ্গ হইয়া যায়।

নগর প্রত্যাবর্তন করিয়া মি: রাইক্‌স্ দেখিতে পান যে, বিদ্রোহীদল সেখানেও হানা দিয়াছে। তাঁহার অসুস্থতাকালে নগর আক্রান্ত হইয়াছে এবং বিদ্রোহীরা তাঁহার সুরাদারকে আক্রমণ করিয়া স্থানত্যাগ করিতে বাধ্য করিয়াছে। মি: রাইক্‌স্ উপায়ান্তর না দেখিয়া আশ্রয়স্থল নগর রাজবাড়ীতে আশ্রয় গ্রহণ করেন। বিদ্রোহীদল সমগ্র নগরব্যাপী অবাধ লুণ্ঠন চালাইয়া যাইতে থাকে। দুইদিন যাবৎ নগর প্রায় অবরুদ্ধ অবস্থায় ছিল। অতঃপর নগর রক্ষার জন্ত সৈন্ত পাঠানো অত্যাবশ্যক হইয়া পড়ে। মি: টুলমিনের অধীন ২৫ জন ও সার্জেন্ট মেজরের অধীন ৪০ জন সিপাহী গিয়া তাহাদের সমবেত প্রচেষ্টায় ২৩শে জুলাই তারিখে নগর রাজপ্রাসাদে অবরুদ্ধ মি: রাইক্‌স্কে কোন রকমে উদ্ধার করিতে সমর্থ হয়।

নাজুলিয়ার ঘটনা। নাজুলিয়ায় প্রায় দুই হাজার সাঁওতালের সহিত ২০শে জুলাই তারিখে ইংরেজ সৈন্তের প্রবল সংঘর্ষ বাধে। বিদ্রোহীগণ ময়ূরাকী নদী পার হইয়া লে: ডিলুম্যেনের শিবির আক্রমণ করিতে উদ্ভত হয়। পঁয়ত্রিশ জন সুশিক্ষিত ইংবেজ সৈন্ত লইয়া লে: ডিলুম্যেন বিদ্রোহীদের সম্মুখীন হন এবং অবিলম্বে আরও কিছু সংখ্যক সৈন্ত আসিয়া মি: ডিলুম্যেনের শক্তি বৃদ্ধি করে। মি: মরিসকেও তাঁহার সাহায্যার্থে আহ্বান করা হয়। প্রথম দিকে বিদ্রোহীদের সংখ্যা ছিল প্রায় এক হাজার। হঠাৎ তাহারা লে: ডিলুম্যেনের শিবিরের নিকট লাগরা (নাকাড়া) বাজাইতে আরম্ভ করিলে সঙ্গে সঙ্গে আরও প্রায় আটশত সাঁওতাল চারিদিক হইতে ছুটিয়া আসিয়া বিদ্রোহীদের সহিত মিলিত হয়। সাঁওতালদের সমষ্টিগত এই বৃহৎ দলটি ইংরেজ সৈন্তের

উদ্দেশ্যে তরবারি আক্ষালন করিতে থাকে এবং অবিলম্বে চারিদিক্ হইতে ইংরেজ সৈন্তের উপর তীর নিক্ষেপ শুরু হইয়া যায়। লেঃ ডিলুম্যেন তাঁহার সৈন্তদলকে গুলী চালাইবার আদেশ দেন। প্রায় দশ মিনিটকাল গুলী-বর্ষণের পর বিদ্রোহীদল ছত্রভঙ্গ হইয়া যায় এবং সঙ্গে সঙ্গে তাহারা ময়ূরাক্ষী অভিমুখে ধাবিত হইয়া নদী পার হইয়া পলায়নের চেষ্টা করে। লেঃ ডিলুম্যেনের সৈন্ত-বাহিনী তাহাদের পশ্চাদ্ধাবন করিয়া ক্রমাগত গুলীবর্ষণ করিতে থাকে। ফলত প্রায় দুইশত সাঁওতাল আহত ও নিহত অবস্থায় জলমগ্ন হইয়া ময়ূরাক্ষীর প্রবল বস্তায় ভাসিয়া যায়। যুদ্ধক্ষেত্রে বিদ্রোহীদের মাত্র ৬১টি মৃতদেহ দেখিতে পাওয়া যায়।

অতঃপর নাঙ্গুলিয়া হইতে লেঃ ডিলুম্যেনকে সৈন্তদলসহ সিউড়ি ফিরিবার জন্ত আদেশ দেওয়া হয়। নগর রক্ষার জন্ত ইতিপূর্বেই সৈন্ত পাঠানো হইয়াছিল, স্ততরাং সিউড়ি শহর রক্ষার জন্ত সে সময় মাত্র ২৭ জনের অধিক সৈন্ত মোতামেন রাখা সম্ভবপর হয় নাই। লেঃ টুলমিন ২৬শে জুলাই তারিখে সংবাদ পান যে, নগর হইতে ৮ মাইল উত্তরে বাঁশকুলি ও বিন্দাবনী গ্রামে বিদ্রোহীরা অস্ত্রশস্ত্র নির্মাণ করিতেছে। লেঃ টুলমিন লেঃ টুকসুকে খয়রাসোল হইতে অবিলম্বে রওনা হইয়া তাঁহার সহিত মিলিত হইবার আদেশ দেন। লেঃ রাইকুস্ ১০৬ জন সৈন্তের একটি দল লইয়া সিউড়ি হইতে ছয় মাইল দূরে গিয়া উপস্থিত হন। বৃহৎ একটি নালা পার হইয়া হঠাৎ তাঁহারা আট হাজার সাঁওতালের এক বিরাট বাহিনীর সম্মুখে গিয়া পড়েন এবং কিছুমাত্র চিন্তা না করিয়াই সঙ্গে সঙ্গে গুলী চালাইতে আরম্ভ করেন। মিঃ টুলমিনের এই হঠকারিতার ফল শুভ হয় নাই। গুলী চালনার সঙ্গে সঙ্গে ক্ষিপ্ত হায়েনার মত আট হাজার শস্ত্র সাঁওতাল ইংরেজ সৈন্তের উপর ঝাঁপাইয়া পড়ে। বিপর্যস্ত ও বিকৃত সিপাহীদল উপায়ান্তর না দেখিয়া প্রাণভয়ে যুদ্ধক্ষেত্রে হইতে পলায়ন করিয়া আত্মরক্ষা করিতে চেষ্টা করে। লেঃ টুলমিন ১৩ জন ইংরেজ সৈন্তসহ বিদ্রোহীদের হাতে শোচনীয় ভাবে নিহত হন। এই যুদ্ধে ইংরেজের আশ্রয়স্থানে তিনশত সাঁওতালের জীবনান্ত ঘটে।

সিউড়ির কয়েক মাইল পশ্চিমে সিরু মাঝির বাঁটি স্থাপনের কথা পূর্বেই উল্লেখ করিয়াছি। সাঁওতালদের এই ভীতিকর সমাবেশ সিউড়ি অঞ্চলে জনসাধারণের মধ্যে যথেষ্ট আতঙ্কের সৃষ্টি করিয়াছিল, সে কথা বলাই বাহুল্য।

ইতিমধ্যে বর্ষাকাল অতিক্রান্ত হইয়াছে। দিকে

দিকে শরতের পদধ্বনি। পৃথিবী ঠিক আগের মতই মেঘমুক্ত আকাশের নীচে রূপে রঙে ঝলমল করিতেছে। বীরভূমের বর্ষাবিধৌত বনাস্ত ভূমি ও নদী-গিরি-প্রান্তরে সূদূর-বিধারী শরফুল ও কাশপুষ্পের স্বেচ্ছ সমারোহ। শেফালীঝরা শামল ভূণে কাহার যেন পায়ে চিহ্ন; বৎসরান্তে শরৎ আবার ফিরিয়া আসিয়াছে। কাহারও মুখে কিন্তু এতটুকু হাসি নাই। শারদীয়া আবাহনের নাই কোন প্রস্তুতি। আকাশে বাতাসে কি যেন একটা করাল অমঙ্গলের ছায়া, মহামারীর নিষ্ঠুর সঙ্কেত। গ্রামের পূজামণ্ডপে এবার হয়ত আর সানাই বাজিবে না, ভীতি-গ্রস্ত ঋত্বিক ব্রাহ্মণের দল বোধনের মন্ত্র বুকি ভুলিয়া গিয়াছে।

এই অবস্থায় হঠাৎ সংবাদ পাওয়া গেল, সিরু মাঝি পরিচালিত বিদ্রোহীদল মহাসমারোহে দুর্গোৎসবের আয়োজন করিতেছে। নিয়ন্ত্রণের বহু হিন্দু সে সময় বিদ্রোহীদলে যোগদান করিয়াছিল। তাহাদের সহিত একযোগে বিদ্রোহী সাঁওতালগণ দুর্গোৎসব অস্থানে বিশেষ উৎসাহের সহিত অংশ গ্রহণ করে। আস্থানিক দিক্ হইতেও কোনরূপ ক্রটি-বিচ্যুতির অবকাশ রাখা হয় নাই। নাঙ্গুলিয়া থানার একটি গ্রাম হইতে বলপূর্বক দুইজন পূজারী ব্রাহ্মণকে ধরিয়া আনিয়া তাহাদের পৌরোহিত্যে দুর্গোৎসব অস্থান যথারীতি সম্পন্ন করা হয়।

ইতিমধ্যে আর একটি দুঃসংবাদে সিউড়ির অধিবাসিগণ অতিশয় ভীতিগ্রস্ত হইয়া পড়ে। বিদ্রোহীদল কর্তৃক দেওঘর হইতে সিউড়িগামী ডাক পথিমধ্যে লুণ্ঠিত হয়। ডাকবাহক অর্ধমৃত অবস্থায় তিনটি শালপত্রসহ একটি শালবৃক্ষের শাখা লইয়া সিউড়ি আসিয়া উপস্থিত হয়। বিবরণে প্রকাশ, বিদ্রোহিগণ পথিমধ্যে ডাকবাহককে আক্রমণ করিয়াছিল। শুধু এই সর্ভে তাহাকে ছাড়িয়া দেওয়া হইয়াছে যে সে যেন সিউড়ি পৌঁছিয়া শালপত্রের নিগূঢ় সঙ্কেত সকলের মধ্যে প্রচার করিয়া দেয়। সাঁওতালদের "ডাল ফেরানো" পদ্ধতি অনুসারে তিনটি শালপত্রের সঙ্কেত হইল তিনদিন, অর্থাৎ বিদ্রোহীরা তিনদিন পর সিউড়ি শহর আক্রমণ করিবে। এই সংবাদ ঝড়ের বেগে চারিদিকে রাষ্ট্র হইয়া পড়িল এবং জনসাধারণ আতঙ্কগ্রস্ত হইয়া দলে দলে শহর ত্যাগ করিবার জন্ত ব্যগ্র হইয়া উঠিল। কিন্তু শেষ পর্য্যন্ত নির্দিষ্ট দিনের মধ্যে সাঁওতালদের পক্ষে সিউড়ি আক্রমণ করা সম্ভবপর হয় নাই, তৎপূর্বেই তাহারা অপর



একটি দলের সহিত মিলিত হইবার জন্ত সংগ্রামপুর রণ-ক্ষেত্র অভিমুখে রওনা হইয়া যায়।

উপক্রমিত অঞ্চলে সামরিক আইন জারি হওয়ার পর ইংরেজ সৈন্যগণের উৎসাহ ও উদ্দীপনা দ্বিগুণতর বাড়িয়া যায় এবং পূর্ণোত্তমে তাহারা বিদ্রোহ দমনে তৎপর হইয়া উঠে। জেনারেল লয়েড ও ব্রিগেডিয়ার জেনারেল বার্ভের নেতৃত্বে প্রায় চতুর্দশ সহস্র ইংরেজ সৈন্তের বিরাট এক বেষ্টনী রচনা করিয়া বিদ্রোহীগণকে পশ্চাৎগামী করিতে করিতে ক্রমশই তাহাদের স্বল্পায়ত একটা নির্দিষ্ট সীমার মধ্যে আবদ্ধ করিয়া ফেলা হয় এবং চারিদিক হইতে তাহাদের উপর প্রবল বেগে আক্রমণ চালান হইতে থাকে। বহু সাঁওতাল ইংরেজসৈন্তের আক্রমণে বিপর্যস্ত হইয়া গ্র্যাণ্ড ট্রাঙ্ক রোড ও দামোদর নদ অতিক্রম করিয়া পলায়নের চেষ্টা করিয়াছিল। তাহাদের পলায়ন-পথ রুদ্ধ করিয়া স্ককৌশলে রচিত উক্ত সৈন্ত-বেষ্টনীর মধ্যে আবদ্ধ করিয়া ফেলা হয়। অবশেষে দামিন-ই-কোর বিদ্রোহী সাঁওতাল এইভাবে বেড়াঙ্গালে বন্দী হইয়া অতি শোচনীয় ভাবে বিপর্যস্ত হইয়া পড়ে এবং দীর্ঘকাল ব্যাপী রক্তক্ষয়ী সংগ্রাম প্রায় শেষ পর্য্যায়ে আসিয়া পৌঁছে।

এইভাবে ভয়াবহ এই সাঁওতাল বিদ্রোহ বহুলাংশে প্রশমিত হওয়ার ফলে ১৮৫৬ খৃষ্টাব্দের ৩রা জানুয়ারী তারিখে সামরিক আইন প্রত্যাহার করা হয়। সামরিক আইন প্রত্যাহৃত হইবার পরও স্থানে স্থানে বিদ্রোহীরা পুনরায় সক্রিয় হইয়া উঠে। তাহাদের সম্পূর্ণ দমন করিতে আরও কিছু সময় লাগিয়াছিল। ফেব্রুয়ারী মাসের তৃতীয় সপ্তাহে জামতাড়ার উত্তর-পূর্বে অবস্থিত উপর বাঙ্গা নামক স্থানে বিদ্রোহী নেতা কাহু সর্দার ধরা পড়ে এবং কয়েকদিনের মধ্যেই তাহার ফাঁসী হইয়া যায়। সিধু সর্দারকে বন্দী করিয়া তাহার গ্রাম সংলগ্ন বারহেট বাজারে ধরিয় লইয়া যাওয়া হয় এবং বহু সাঁওতাল ও অন্যান্য গ্রামবাসীদের সম্মুখে সাঁওতালদের প্রিয় 'পন্টিন সাহেব' মিঃ পন্টেট সিধুকে ফাঁসীকাঠে ঝুলাইয়া দিবার ব্যবস্থা করেন। নিরস্ত্র ও নিরুপায় সমবেত সাঁওতাল-গণের সেদিন আর কিছু করিবার ছিল না, তাহাদের প্রিয় নেতা সিধুসর্দারের মর্মান্তিক মৃত্যু-উৎসবে সেদিন তাহারা নির্ঝাক্ দর্শক মাত্র। সাঁওতাল বিদ্রোহের প্রধানতম অধিনায়ক সাঁওতাল বীর সিধু সর্দার যে কারণে এবং যে পারিপার্শ্বিক অবস্থার মধ্য দিয়া সেদিন ইংরেজের হাতে এই ভাবে শোচনীয় মৃত্যু বরণ করিতে বাধ্য হইয়াছিল, তাহার সম্পূর্ণ ইতিকথা ও নিরপেক্ষ ইতিহাস

আদৌ এ পর্য্যন্ত রচিত হইয়াছে কিনা সে বিষয়ে আমাদের যথেষ্ট সন্দেহ আছে।

অতঃপর সিধু ও কাহুর সহযোগী অপরাপর মূখ্য ও নেতৃস্থানীয় বিদ্রোহীদিগকে বন্দী করিয়া সিউড়ি শহরে লইয়া যাওয়া হয় এবং সিউড়ির দক্ষিণ উপকণ্ঠে উন্মুক্ত ময়দানে সর্বজন সমক্ষে একে একে তাহাদের ফাঁসীকাঠে ঝুলাইয়া দেওয়া হয়। তাহাদের অন্যান্য আরও বহু অহুচরকেও অহুসার ভাবে ফাঁসীকাঠে মৃত্যুবরণ করিতে হইয়াছিল। বিচারে বহু সাঁওতালকে দীর্ঘমেয়াদী সশ্রম কারাদণ্ডে দণ্ডিত করা হয়। অপরাধের গুরুত্ব অহুসারে বিদ্রোহীদের কঠোর শাস্তির ব্যবস্থা করিয়া এই ভাবে ইংরেজ সরকার দীর্ঘ আট মাস কাল পরে বিদ্রোহ দমনে সমর্থ হন। প্রকৃতপক্ষে ১৮৫৬ সালের শীতঋতুর অবসানে সাঁওতাল বিদ্রোহের সম্পূর্ণ পরিসমাপ্তি ঘটে।

আমরা কোঁতুলী পাঠকবর্গের অবগতির জন্ত বিদ্রোহ সংক্রান্ত একটি বিচার বিবরণী এই স্থলে উদ্ধৃত করিতেছি। সাঁওতাল পরগণার ডেপুটি কমিশনার মহোদয়ের রেকর্ড অফিসে রক্ষিত পুরাতন ফাইলের একটি নথি হইতে জানা যায় যে, সাঁওতাল পরগণার কমিশনার বাহাদুর উক্ত নথি-ভুক্ত মামলায় সংশ্লিষ্ট এক বিদ্রোহীদের বিচার করিয়াছিলেন—আলোচ্য মামলার অপরাধীর মোট সংখ্যা ছিল ২৫৩ জন। তন্মধ্যে দুইজন রাজসাক্ষী হিসাবে সরকারকে মামলা পরিচালনার সাহায্য করিয়াছিল। বাকি ২৫১ জনের মধ্যে সাঁওতালের সংখ্যা ছিল ১৫১ জন, ডোম ৫ জন, নোয়া ৩৪ জন, ধাঙ্গড় ৬ জন, কোল ৭ জন, গোয়াল ১ জন, ভূঁইয়া ৬ জন ও রাজোয়ার ১ জন। ৫২টি বিভিন্ন গ্রাম হইতে তাহাদের গ্রেপ্তার করা হয়। তিন জনকে মুক্তি দেওয়া হইয়াছিল, এবং বিচারে অপরাপর আসামীদের সকলকেই লুণ্ঠন ও নরহত্যার অপরাধে অপরাধী বলিয়া সাব্যস্ত করা হয়। এই মামলায় কয়েকজন বিচক্ষণ এসেসর (তন্মধ্যে দুইজন সাঁওতাল) নিযুক্ত করা হইয়াছিল। উপরি উক্ত ২০৮ জন বিচারার্থী বন্দীর মধ্যে ৯১০ বৎসর বয়স্ক বালকের সংখ্যা ছিল ৪৬ জন। তাহাদিগকে শিক্ষায়তনের পদ্ধতি অহুসারে বেত্রদণ্ডে দণ্ডিত করা হয় এবং তাহাদের প্রত্যেককে চার দিনের পরিমিত খাদ্যদ্রব্য সঙ্গে দিয়া তাহাদের স্ব স্ব গ্রামে পাঠাইয়া দেওয়া হয়। অবশিষ্ট বন্দীদের সকলকেই অপরাধের গুরুত্ব অহুসারে ৭ বৎসর হইতে ১৪ বৎসর পর্য্যন্ত কঠোর কারাদণ্ডে দণ্ডিত করা হইয়াছিল। মির্জা মাধি নামক জর্নৈক সাঁওতালকে লুণ্ঠনকারীদের দলপতি


ও কুমড়াবাদ গ্রামের অধিবাসী তিন ব্যক্তির হত্যাকারী বলিয়া বিচারে সাব্যস্ত করা হইয়াছিল।

সাঁওতাল বিদ্রোহের ফলে শুধু এইটুকুই লাভ হইয়াছিল যে অতঃপর ইংরেজ সরকার সাঁওতালদের অভাব অভিযোগ ও তাহাদের বিরূপ মনোভাবের কারণ সম্বন্ধে গবিশেষ অনুসন্ধান করিয়া তাহাদের অহুকুলে কতকগুলি বিশেষ ব্যবস্থা অবলম্বন করিতে বাধ্য হন। বিদ্রোহ সংক্রান্ত যাবতীয় তথ্যাদি অনুসন্ধানের পর কর্তৃপক্ষের মনে 'দৃঢ় প্রত্যয় জন্মে যে দামিন-ই-কোর দুর্বল শাসন-ব্যবস্থা ও নিপীড়িত সাঁওতাল সমাজের প্রতি ইংরেজ সরকারের চরম উদাসীনতাই সাঁওতাল বিদ্রোহের প্রধান কারণ। অবিলম্বে শাসন-ব্যবস্থার আমূল পরিবর্তন সাধন অত্যাবশ্যক বলিয়া কর্তৃপক্ষগণ মনে করেন এবং সেই উদ্দেশ্যে দামিন-ই-কোর সহিত বীরভূম ও ভাগলপুর জেলার কিয়দংশ সংযুক্ত করিয়া ১৮৫৫ খৃষ্টাব্দের ৩৭ আটন অনুসারে সাঁওতাল পরগণা নামে একটি পৃথক্ জেলার সৃষ্টি হয়। ভাগলপুরের কমিশনারের অধীন একজন

ডেপুটি কমিশনারের উপর সাঁওতাল পরগণার শাসনভার স্তম্ভ করা হয়। প্রাক্তন সহকারী স্পেশাল কমিশনার ও বাংলার ভবিষ্যৎ লেঃ গভর্নর অনারেবল মিঃ এ্যাশ্লি ইডেন (পরে স্তার) নবম্বর্ষে সাঁওতাল পরগণা জেলার প্রথম ডেপুটি কমিশনার।

পরে তিনি পদত্যাগ করিলে (১৮৫৬) মিঃ রিভার্স টেম্‌সন তাঁহার স্থলাভিষিক্ত হইয়া সাঁওতাল পরগণার শাসনভার গ্রহণ করেন।

১৮৭১ খ্রীষ্টাব্দে ক্রমিক্রমের খাজনা বৃদ্ধি ও ১৮৭২ খ্রীষ্টাব্দে লোকগণনা উপলক্ষ্য করিয়া সাঁওতালদের মধ্যে আর একবার প্রবল বিক্ষোভ ও বিদ্রোহের ভাব দেখা দিয়াছিল কর্তৃপক্ষ প্রতি তৎপরতার সহিত সাঁওতালদের সহিত যোগাযোগ স্থাপন করিয়া তাহাদের অভিযোগ সম্বন্ধে যথাবিহিত ব্যবস্থা ও প্রতিকার করা হইবে, এই প্রতিশ্রুতি দিয়া কোন রকমে তাহাদের শাস্ত করিতে সমর্থ হন।



## সুন্ধ প্রহর

শ্রীপ্রেমেন্দ্র মিত্র

চোদ্দ

এখানে আছে জেনে এসেছেন ?

ছুজনের মধ্যে বয়স যার একটু বেশী সেই বধুটিই বিশ্বয়টা প্রকাশ করলেও প্রথমে ছুজনেরই কেমন একটু অস্বস্তি দেখা যায়। পরস্পরের দিকে তাদের মুখ চাওয়া-চাওয়িটুকুও শোভনার দৃষ্টি এড়ায় না।

বয়স্কা বধুটি তার পর গলায় বেশ একটু ঝঙ্কার দিয়ে বলে, কেমন ক'রে জানলেন এখানে আছে ? এই ত আমরা তিন ঘর এখানে আছি দেখতে পাচ্ছেন ! সেদিন যার নাম করছিলেন সে নামের কোন মানুষই এখানে নেই। থাকলে মিথ্যে বলব কেন ? আমরা কি চোর-ইঁচড় না জাল-জোচ্চোর ?

প্রতিবাদ করবার মত কথা। শোভনা কোন জবাব না দিয়ে তবু নীরব হয়েই থাকে। যা সে চায় তা বাদ-প্রতিবাদে হবার নয়—সে বুঝেছে।

তার নীরবতা কিছুটা সফলও হয়। দ্বিতীয় বধুটি একটু যেন সহাস্ত্রুতির সঙ্গেই জিজ্ঞাসা করে, যাকে খুঁজছেন সে কে হয় আপনার ?

এ প্রশ্নের সরাসরি উত্তর দেওয়া সেই মুহূর্তে শোভনার পক্ষে একটু বুদ্ধি অস্বস্তিকর হ'ত, কিন্তু বয়স্কা বধুটির কাঁঝালো ধমকের দরুণ সে তখনকার মত রেহাই পায়।

তুই থাম ত চপলা ! বয়স্কা ঝঙ্কার দিয়ে ওঠে—কেউ হয় ব'লে খোঁজ করতে এসেছে না কি ? জুনলি না এরা সব সরকারের চর। কে কোথায় সরকারী টাকা ফাঁকি দিয়ে নিচ্ছে মিথ্যে নাম ঠিকানা লিখিয়ে, তাই এসেছে খোঁজ করতে। আসল কাজের বেলা অষ্টরস্তা শুধু ভাল মানুষদের হাঙ্গরাণ করতেই জানে।

চপলাই কিন্তু যুছ প্রতিবাদ জানায় এবার—আমার কিন্তু তা বিশ্বাস হয় না রাণীদি ! সে রকম খোঁজ করতে থানা-পুলিসের লোক আসবে না !

তুই যেমন বোকা গাঁইয়া ! রাণীদি চপলার নিবুদ্ধিতাকে ভৎসনা ক'রে বলে, ক'দিন আর এসেচিস যে এখানকার হাল চাল বুঝি ? চেহারা পোশাক দেখে এখানে মানুষ চেনা যায় ? থানা-পুলিসের লোক

কি জানিয়ে তুনিয়ে আসে না কি ? কত তাদের ভোল !

চপলা ও রাণীদির আলোচনাটা কোন্ দিকে এর পর যেত বলা যায় না। শোভনাই এবার তাতে বাধা দিয়ে যুছ হেসে জানায়—আমি সত্যিই থানা পুলিস বা সরকারের কেউ নয় কিন্তু। আমি নিজের গরজেই একজনের খোঁজ করতে এসেছি।

রাণীদি আবার বুঝি কি বলতে যাচ্ছিল, শোভনা তাকে সে সুযোগ না দিয়ে তার পর বলে, আমি যার খোঁজ করতে এসেছি, নিজের চোখে সেদিন তাকে এখানে দেখে গেছি !

নিজের চোখে দেখেছেন ? চপলার গলায় ও মুখের ভাবে বিশ্বয়ের চেয়ে কেমন একটা আশঙ্কাই এবার ফুটে ওঠে।

হ্যাঁ। শোভনা শাস্ত স্বরে বলবার চেষ্টা করে—সেদিন সেই বাঁশের পোল পার হবার সময় একবার ফিবে তাকিয়ে তাকে আমি দেখতে পাই। বলতে আমার খারাপ লাগছে কিন্তু আমরা যখন এখানে এসে খোঁজ করছিলাম তখন সে এইখানেই কোথাও লুকিয়ে ছিল ব'লে সন্দেহ হচ্ছে।

রাণীদি বা চপলা কারুর মুখেই এখন কথা নেই। চপলার মুখ ত রীতিমত বিবর্ণ দেখায়।

কিছুক্ষণ চুপ ক'রে থেকে কল্পিত কণ্ঠে সে-ই জিজ্ঞাসা করে, আপনি ঠিক দেখেছিলেন ত ? সেদিন—সেদিন—

কথাটা শেষ করতে চপলা আর পারে না। আশঙ্কায় আবেগে তার কণ্ঠ রুদ্ধ হয়ে আসে।

শোভনার মনের ভেতরও কেমন ক'রে যেন সব ওলট-পালট হয়ে যায়। এই অচেনা সরল দরিদ্র গ্রাম্য মেয়েটির ভয় ভাবনার সঠিক কারণ সে জানে না তবু কি একটা অস্পষ্ট সন্দেহ তীব্র ক্ষণিক বিহ্বলময় যন্ত্রণায় সমস্ত হৃদয় যেন বিদীর্ণ ক'রে দিয়ে যায়। মৌন কাতর মুখে সে চপলার দিকে চেয়ে থাকে। তারও কথা বলার শক্তি যেন লোপ পেয়েছে।

এই অস্বস্তিকর স্তব্ধতা রাণীদিই ঝঙ্কার দিয়ে ভাঙে—

তোর হ'ল কি চপলা! কোথাকার কে কি বললে না বললে তাতেই চোখে একেবারে অঙ্কার দেখলি ?

শোভনাকে উদ্দেশ্য করে রাগীদি তার পর সোজাপুজি জিজ্ঞাসা করে—যাকে খুঁজছেন তাকে ত নিজের চোখেই দেখেছেন বলছেন। মানলাম ঠিকই দেখেছেন, কিন্তু থানা পুলিশ থেকে যখন আসেন নি তখন এত খোঁজা-খুঁজি কিসের জন্তে ? কি জন্তে তাকে খুঁজছেন ওনি ?

সব চেয়ে কঠিন মুহূর্ত বুঝি এই।

কি জবাব দেবে শোভনা? যা বলা উচিত, যা বলবার দৃঢ় সঙ্কল্প নিয়ে আজ এখানে এসেছে, সব কি চপলার মুখের দিকে চেয়েই তার গলায় আটকে যায় ?

চপলা তার সম্মানটিকে কোলের কাছে ধরে কাতর বিবর্ণ-মুখে তীক্ষ্ণ উদ্ভিগ্ন দৃষ্টিতে তার দিকে চেয়ে আছে। সে দৃষ্টিতে মনের মধ্যে হুঃসহ একটা আলার সঙ্গে অসীম একটা করুণাও অহুস্তব করে শোভনা।

নিজের মনটা স্থির করবার সময় নেবার জন্তেই শোভনা কয়েক মুহূর্ত নীরব থেকে একটু হাসবার চেষ্টা করে বলে, দেখুন, আপনাদের হয়ত মিছিমিছিই বিরক্ত করছি। দূর থেকে এক মুহূর্তের দেখায় হয়ত আমারই ভুল হয়েছে। তাই কি জন্তে খুঁজছি বলার আগে সত্যিই সেদিন এখানে কেউ ছিলেন কি না এবং থেকেও আমাদের সামনে বার হন নি কি না জানতে চাইছি।

রাগীদি ও চপলা দু'জনেই এবার কিছুক্ষণ চুপ।

তার পর চপলাই ধীরে ধীরে প্রায় অশ্রুট কণ্ঠে জানায়—হ্যাঁ, ছিল। আমার স্বামী। সরকারী লোক ভেবে সে আপনাদের সঙ্গে দেখা করতে চায় নি।

একটা বর্ষার মেঘ কিছুক্ষণ থেকে পূর্ব-দিগন্তটা ঢেকে দিচ্ছিল। এখন দূরে তার বর্ষণও শুরু হয়ে গিয়েছে দেখা যায়। কিন্তু শোভনা বোধ হয় তা দেখতে পায় না। তার সমস্ত দৃষ্টির সামনে সব কিছু অকস্মাৎ যেন তার আগেই ঝাপসা হয়ে গিয়েছে। চপলার শেষ কথাগুলো তার কানে যায় কি না সন্দেহ।

যত চেষ্টাই করুক, তার চোখের দৃষ্টি আর মুখের চেহারায় কিছুই বোধ হয় আর গোপন থাকত না, কিন্তু আকাশের বৃষ্টিই এ ব্যতী তার সহায় হয়। ঝোড়ো হাওয়ার সঙ্গে বৃষ্টিটা সবেগে তখন তাদের কাছে এসে পড়ে বেশ প্রবল ধারায় পড়তে শুরু করেছে।

শিশুদের নিয়ে রাগীদি ও চপলা তাদের ঘরের দিকে ছুটে যায়। তাদের ডাকে শোভনাকেও একটি ঘরের মধ্যে আশ্রয় নিতে হয়।

ঘর নেহাৎ নামেই। মাথার উপর যেমন তেমন একটা আচ্ছাদন দেওয়া মাটিলেপা বাঁশ বাঁখারির দেয়াল ঘেরা

একটা ধুপরি মাত্র। দারিদ্র্যের সঙ্গে শোভনার ভাল বকমেরই পরিচয় থাকলেও এ বকম বাসায় থাকবার অভিজ্ঞতা তার কখনও হয় নি।

ঘরের নিচু টিন ও খোলা মেশানো জোড়া-তালি দেওয়া চালের উপর বৃষ্টির একটানা শব্দ গুনতে গুনতে শোভনা কিন্তু এ সব কথা ভাবে না। নিজের মনের সঙ্গে যে কঠিন সংগ্রাম তার তখন চলেছে তাতে বাইরের কোন কিছু তার চোখেই পড়ে নি। এই সঙ্কীর্ণ প্রায় বাতায়নহীন ঘরের আধ অঙ্কারের জন্তে সে তখন কৃতজ্ঞ। মাটির মেঝের একটা জীর্ণ মাদুরের উপর বসে সে কিছুক্ষণ অন্ততঃ নিজের হৃদয়কে শান্ত করবার সময় পেয়েছে।

ঘরে ঢোকান পর শোভনাকে বসতে ব'লে চপলা কিছুক্ষণ আর তার দিকে মনোযোগ দেবার অবসর পায় নি।

ছাদের যা অবস্থা তাতে বৃষ্টির জল সম্পূর্ণ আটকায় না। যেখানে উপর থেকে জল পড়ে সেখানে কাগজ বা চট গুঁজে ও তাতে বিফল হলে সেখানকার জিনিষপত্র সরিয়ে ছেলেটিকে বিছানায় গুইয়ে শুুম পাড়াতেই চপলাকে ব্যস্ত থাকতে হয়।

তার মধ্যে হঠাৎ এক সময়ে তার কণ্ঠ গুনে শোভনা চমকে ওঠে।

আমার স্বামীকেই কি আপনি খুঁজছেন ?

তুধু এ প্রশ্নের আকস্মিকতায় নয়, চপলার এ প্রশ্ন করবার ধরণেও শোভনা চমকিত হয়। এ প্রশ্নে উত্তরের কোন প্রবল দাবীই যেন নেই। গলার স্বর যেমন ক্লান্ত করুণ, প্রশ্নের ভঙ্গিও তেমনি বিমূঢ় অসহায়। উত্তরটা জানবার আশঙ্কাতেই প্রশ্নটা যেন স্কীণ ও স্তিমিত।

শোভনা আগড় দেওয়া দরজার দিকে মুখ করে বসে ছিল।

মুখ কিরিয়ে এবার সে চপলার দিকে তাকায়।

বাইরে বৃষ্টির শব্দ আরও গাঢ় হয়ে নেমেছে। ঘরটা বেশ অঙ্কার। মাঝে মাঝে জানলার চটের পর্দা হাওয়ার ঝাপটায় ছলে স'রে গিয়ে ঘরের ভেতরকার সে আবহা অঙ্কার কিছুক্ষণের জন্ত একটু ফিকে হয়ে আসে।

জীর্ণ বিছানার ওপর চপলার মূর্তিটা সে আলো-অঙ্কারের দোলায় ফুটে উঠতে গিয়ে যেন মুছে মুছে যাচ্ছে।

বাইরে অদূরে কোথায় প্রচণ্ড শব্দে হঠাৎ একটা বাজ পড়ে।

শিশুটি সময়ে কেঁদে উঠে মাকে জড়িয়ে ধরে। চপলা তাকে বুকে নিয়ে শঙ্কিত ভাবে সান্ত্বনা দেবার চেষ্টা করে।



আর একটা বিদ্যুৎ চমকে চপলার সেই শঙ্কিত স্নেহব্যাকুল মুখ শোভনা এবার স্পষ্ট দেখতে পায়।

সেই মুহূর্তেই বুঝি সমস্ত বিদ্যা-বন্ধের আলোড়ন শেষ হয়ে যায় তার মনে।

চপলার প্রশ্নের পর বেশ কিছুক্ষণ কেটে গেছে। এখন আর তার কথার উত্তর না দিলেও বুঝি চলে।

কিন্তু শোভনা নিজে থেকেই প্রশ্নটা আবার জাগিয়ে তোলে উত্তরের সব দায় যেন একেবারে চুকিয়ে ফেলবার জন্তে।

আপনার স্বামীরই খোঁজ করছি কি না জিজ্ঞাসা করছেন ?

চপলার দিক্ থেকে অস্ফুট একটা শব্দ আসে—হ্যাঁ। তাকে ছাড়া আর কাউকে সেদিন ত দেখবার কথা নয়।

তাহলে তাঁকেই বোধ হয় দেখেছিলাম। তবে আমি যাকে খুঁজছি তিনিই আপনার স্বামী কি না এখনও জানি না। চেহারার মিল থাকার দরুণ দূর থেকে দেখার ভুলও হতে পারে। এখানকার খবর যার কাছে পেয়েছি সেও হয়ত সেই ভুলই করেছে।

চপলার দিক্ থেকে খানিকক্ষণ কোন সাড়া পাওয়া যায় না। ধীরে ধীরে মূহুর্তে সে তার পর জিজ্ঞাসা করে—কিন্তু কেন তাঁকে খুঁজছেন ?

কেন ? শোভনা এবার হৃদয়ের চরম পরীক্ষাই দেয়।

একটু হেসে উঠে ব্যাপারটাকে হালকা ক'রে দেবার চেষ্টা ক'রে বলে—তেমন গোলমালে কিছুই জন্তে নয়। আপনার স্বামীই যদি হন তাহলেও ভয় ভাবনার কিছু নেই। খুঁজছি শুধু একটা ব্যাপারের সাক্ষী হিসেবে।

সাক্ষী !—চপলার কণ্ঠে সংশয় ও আশঙ্কার সুরটা শোভনার আশ্রমেও দূর হয় নি বাঝা যায়।

হ্যাঁ, সাক্ষী। তবে বললাম ত ভয়ের ব্যাপার কিছু নয়—কি বলবে শোভনা এতক্ষণে কিছুটা স্থির ক'রে ফেলেছে। এবার সে কল্পনার রাশ ছেড়ে দেয়।

চপলাকে সে বোঝায়, একটা উইলের সাক্ষী হিসেবেই সে তার পুরাণে একজন প্রতিবেশীর খোঁজ করছে। শোভনার এক নিঃসন্তান মামা যেন মৃত্যুর আগে শোভনাকে তাঁর যা কিছু দিয়ে যাবার উইল করেছিলেন। সে উইলের সাক্ষীদের মধ্যে ছিলেন চপলার স্বামী বা তাঁর মত দেখতে একজন প্রতিবেশী। সবাই ভাড়াটে বাড়ীর বাসিন্দা। কিছু দিন বাদে সেই প্রতিবেশী অল্প কোথায় যে উঠে যান, শোভনা তা জানে না। না জানলেও ক্ষতি কিছু ছিল না। কিন্তু সম্প্রতি শোভনার মামার অল্প এক আশ্রয় সে উইল মিথ্যে বলে প্রমাণ

করবার চেষ্টা করছে। উইলের তখনকার সাক্ষীদের হৃদয় বৃদ্ধ আগেই মারা গেছেন। একমাত্র সেই তখনকার প্রতিবেশীই তাই শোভনার ভরসা। তাঁকে খুঁজে বার করবার জন্তে তাই তার এত আগ্রহ। তার বিপক্ষদল পাছে সে সাক্ষীর আগে সন্ধান পেয়ে টাকা-পয়সা দিয়ে তাকে সরিয়ে রাখে সেই ভয়েই এমন ভাবে সে ছুটাছুটি করছে।

বানানো গল্পটা শোভনা যখন শেষ করে তখন কল্পনার উদ্বোধনেই বুঝি তার গলা শুকিয়ে কাঠ হয়ে গেছে। বাইরের বৃষ্টির বেগ কমে এলেও ঘরটা তখনও অন্ধকার। নইলে শোভনার মুখটা সে মুহূর্তে দেখলে চপলা কি ভাবত কে জানে। হৃদয়কে মিথ্যার শব্দধারে সম্পূর্ণ বন্দী ক'রে দিয়ে সে যেন একটা শূন্যতার ছায়ামূর্তি হয়ে ব'সে আছে।

চপলা শোভনার সব কথা বুঝতে পারে কি না বলা যায় না, কিন্তু ঘুমিয়ে পড়া শিশুকে বিছানায় শুইয়ে দেওয়ার ভঙ্গিতেই তার নিরুদ্বেগ নিশ্চিন্ততার একটু আভাস বুঝি পাওয়া যায়।

আভাস পাওয়া যায় চপলার পরের কথাতেও।

সত্যিকার কুষ্ঠার সঙ্গেই সে বলে, বৃষ্টিটা এখনও থামল না। যা আমাদের ঘরদোরের ছিরি, আপনার খুব কষ্ট হচ্ছে, নিশ্চয়।

তা একটু হলই বা ! শোভনার গলায় হাসির শব্দই বুঝি শোনা যায়,—দিনরাত তোমরা যেখানে থাক সেখানে ছুদও আমি কাটাতে পারি না !

আপনি থেকে তুমিতে নামানটা ইচ্ছাকৃত। এই মেয়েটিকে সম্বোধনের কৃত্রিম দূরত্বে রাখা এখন আর যেন তার পক্ষে অর্থহীন।

চপলা পরিবর্তনটুকু লক্ষ্য করুক বা না করুক, তার ফুগু হবার কোন লক্ষণ দেখা যায় না। শিশুর বিছানা থেকে উঠে এসে শোভনার পাশেই ব'সে প'ড়ে সে সরল ভাবে বলে, আপনি আজ আবার আসায় সত্যিই কিছু ভয় পেয়েছিলাম !

পেয়েছিলে ! কিন্তু এখন ত আর ভয় নেই। স্মরণে আমায় আর আপনি নাই বললে !

তা কি হয় ! চপলা লজ্জায় কুষ্ঠাতেই হেসে ওঠে, আপনারা লেখাপড়া জানা শহরে মেয়ে, আমাদের মত মুখখুঁ গাঁইয়ার মুখে তুমি তনলে রাগ করবেন না ?

রাগ যদি না করি, তাহলে ত বলতে দোষ নেই। রাগ করার বদলে আমি খুশীই হব।

বেশ, তাহলে বলব। চপলার গলায় স্বরে বোঝা

যায় সে কৃতার্থ হয়ে গেছে—কিন্তু আপনি, নানা ভূমি কি আর কখনো এ হাঘরেদের পাড়া মাড়াবে। নেহাৎ আজ গরজ আছে বলে তাই।

আজ গরজে এসেছি ঠিকই। শোভনার গলার স্বরটা গাঢ় হয়ে ওঠে, কিন্তু ভূমি যদি আসতে বল তা হলে বিনা গরজেই আসব। তখন আবার বিরক্ত হবে না ত ?

বিরক্ত হব! চপলা তীব্র প্রতিবাদ জানায়, কি যে বলেন? নানা ভুল হয়েছে। কিন্তু কেনই বা এখানে আবার আসবে? আমরা ত ভাল করে দুটো কথা বলতেই জানি না।

শোভনা এবার একটু হাসে, আমি ত কথকতা শুনতে তোমার কাছে আসব না। তোমায় ভাল লেগেছে তাই আসব।

বাইরের দিকে আগড়ের ফাঁক দিয়ে একবার দেখে শোভনা তারপর বলে, বৃষ্টিটা খেমেছে মনে হচ্ছে, আমি কিন্তু এখন তাহলে চলি।

এর মধ্যেই যাবে! চপলা সত্যিই ক্ষুব্ধ হয়ে বলে, কিন্তু বসতেই বা বলি কি করে? ওর সঙ্গে দেখা হলে একটা যা হোক মীমাংসা হয়ে যেত। কিন্তু উনি ত সেই রাত্রেই আগে ফিরবেন না!

অনেক রাত করে ফেরেন বুঝি? প্রশ্নটা নিজের অজান্তসারেই শোভনার মুখ দিয়ে বুঝি বেরিয়ে যায়। তাড়াতাড়ি তাই সেটা চাপা দেবার জন্তে সে আবার বলে, কিন্তু রাত পর্যন্ত বসে থাকা ত আমার চলবে না। আমি বরং আর একদিন আসব।

ই্যা, তাই আসবে। খুব সকাল সকাল কিন্তু। এক পহর বেলা না হতেই বেরিয়ে যায় কিনা! আগড়টা ঠেলে শোভনার সঙ্গে বাইরে বেরিয়ে এসে চপলা উৎসাহের সঙ্গে বলে, কাল যদি আস তাহলে খুব ভাল

হয়। আমি অবশ্য আজই সব কিছু বলে কয়ে বুঝিয়ে রাখব।

কি বুঝিয়ে রাখবে? শোভনা হেসে না জিজ্ঞাসা করে পারে না।

তোমার উইলের কথা জানিয়ে, মিথ্যে ভয়ের কিছু নেই তাই বুঝিয়ে রাখব। এক জানে উনিই হয়ত তোমার উইলের সাক্ষী ছিলেন। বিয়ের আগে উনি কোথায় ছিলেন না ছিলেন কিছু ত জানি না।

শোভনা প্রাণপণে কণ্ঠটাকে সহজ স্বাভাবিক রাখবার চেষ্টা করে জিজ্ঞাসা করে, কতদিন তোমাদের বিয়ে হয়েছে?

কতদিন! চপলাকে বেশ একটু ভাবতে হয়, সেই দেশ থেকে পালিয়ে ক্যাম্প এসে ওঠার পরই। তা এই ছ' শীত আর ক'মাসে এট—এই প্রায় আড়াই বছর হ'ল।

আড়াই বছর? মুখে নয় বুকের ভেতরই একটা অলস জিজ্ঞাসা নিয়ে শোভনা কিছু আর না বলে নসূর নির্দেশ দেওয়া সেই জোড়া খেজুর গাছের দিকে এবার চলতে শুরু করে।


বৃষ্টি খেমে গিয়ে চারিদিক ধোয়া-মোছা হয়ে ঝলমল করছে। প্রকৃতির এ উজ্জ্বলতা যেন তার হৃদয়েরই প্রতি বিদ্রূপ।

কিছুদূর যেতে যেতেই পেছন থেকে রাণীদির গলা শুনতে পায়। বৃষ্টি থামবার পর বেরিয়ে এসে চপলার কাছে শোভনার আসার উদ্দেশ্য সে বুঝি ইতিমধ্যেই এমুটু শুনেছে।

তার তীক্ষ্ণ অবিশ্বাসের স্বর এতদূর পর্যন্ত কিছুটা এসে পৌঁছায়।

তুই যেমন হাবা গাঁইয়া! ওদের কথা কখনও বিশ্বাস করতে আছে? ওরা কলকাতার শহরে মেয়ে ভাজছে উচ্ছে ও ওরা বলবে পটল।

ক্রমশঃ



## বোরখার আড়ালে

( অভিজ্ঞতা-মূলক )

শ্রীআভা পাকড়াশা

মাহুঘের বেশ-বাসের সামান্যতম পরিবর্তনেও যে তাকে চিনতে কত অসুবিধে হয়, অথচ বেশ পরিবর্তন যে করেছে সে আবার অতি-পরিচিত বন্ধুর কাছে কি রকম ব্যবহার পায়, তাদের আরও একটা রূপ তার কাছে স্বপ্রকাশ হয়ে পড়ে কি ভাবে, সেই নিয়েই আমরা এই কাহিনীর অবতারণা।

তখন ফাল্গুন মাস। কলকাতায় গরম পড়ে গেলেও ইউ-পি-তে এ সময় সন্ধ্যার দিকে বেশ একটা ঠাণ্ডার আমেজ থাকে। সেদিনে আমার পাড়ার এক মুসলমান-বাড়ীতে বেড়াতে গেছি। প্রায়ই এদের বাড়ী আসি আমি। এরা পাঁচ বোনই আমাকে খুব ভালবাসে। আন্টি ব'লে ডাকলেও বন্ধু ভাবেই মেশে। আমার বাড়ীতে মন না লাগলেই এদের কাছে এসে খানিকক্ষণ হৈ চৈ ক'রে সময় কাটিয়ে যাই।

এরা যাকে বলে গৌড়া মুসলমান, তাই। খানদানি ঘর ব'লে একটা গর্বও আছে। পাঁচ ওক্কা নমাজ পড়ে। বোরখা প'রে নিজের বাড়ীর গাড়ীতে কাক-পক্ষী ওঠার আগে হুপ্তায় মাত্র একদিন বেড়িয়ে আসে। মানে রবিবারে। সেদিন এখানে সব দোকান বন্ধ থাকে। অল্প সাত দিন দোকান খোলা, সুতরাং ওরাও বাড়ীতে বন্ধ। সিনেমা যায় না, বা রাস্তায় হাঁটে না। সময় কাটায় সেলাই ক'রে, বুনে, রেডিও শুনে আর রিসালা প'ড়ে তাই আমি যখন খানিকটা বাইরের হাওরা সঙ্গে নিয়ে ওদের বাড়ী যাই, তখন যেন আকাশের চাঁদ পায় হাতে। বলে, নতুন কি লিখেছ, প'ড়ে শোনাও আন্টি। ওরাও ওদের 'বাহু' পত্রিকা থেকে উছ' গল্প, কবিতা প'ড়ে শোনায়।

সেদিন আর এসব ভাল লাগল না। সেদিন ওদের সপ্ন হ'ল আমার মত শাড়ী পরবে, সুতরাং নিজের শাড়ীর বদলে বাধ্য হয়ে আমাকে ওদের পোশাক পরতে হবে। তখন ওরা বলল, এস আন্টি, তোমাকে খাস মুসলমানী সাজিয়ে দিই। আমি বললাম, ঠিক আছে, আনার আপত্তি নেই। সত্যিই আমার ওসব কুসংস্কারের বালাই নেই, তাহলে আর এদের সঙ্গে এইভাবে মিশতে পারতাম না।

পাঁচ বোনের মধ্যে হড়োহড়ি প'ড়ে গেল, কার কোন্

জিনিষটা আমার গায় ঠিক হবে। কোন্ গরনাটা এই স্যুটের সঙ্গে মানাবে। আবার ঝরটা না পরব সে-ই স্থগিত হবে। সেই নিজেদের তোলা জামা-কাপড় যা ওরা কোথাও বিয়ে-সাদিতে পরে : না হলে বন্ধু থেকে বারই করে না, তাই বার ক'রে নিয়ে এল।

সেই সব ভাল ভাল সলমা চুমকির কাজ করা সাটিনের সালোয়ার, ভেলভেটের কামিজ, নায়লনের দোপাট্টা, এই সব বলমলে জামা-কাপড়, আবার তার সঙ্গে ম্যাচ করা কানের বুমকো, গলার নেকলেস, মাথার ঝাপটা, এই-সব আমাকে পরতে হবে। যত বলি, যা তোমরা বাড়ীতে প'রে আছ, তাই আমাকে পরিয়ে দাও, কিছুতেই শুনবে না।

যাই হোক, অনেক তর্ক-বিতর্কের পর, গখনা কিছু বাদ দিয়ে, এক বোনের নীল সাটিনের সালোয়ার, অল্প বোনের নীল কামিজ আর একজনের আনারকলি দোপাট্টা, অল্প জনের নাগরা এই সব প'রে, লম্বা বেণী বেঁধে, কানে মুক্তার টানা দেওয়া বুমকো প'রে ত মুসলমানী সাজলাম। এর পর দিল ওরা বোরখা পরিয়ে। তখন আয়নায় নিজেকে দেখে হঠাৎ খেয়াল হ'ল একটু ছুটু মি করার। ওদের বললাম, যদি এই সব পরিয়েই দিলে, তবে খণ্টাখানেকের ছুটু এগুলো ধার দাও। এই সন্ধ্যার অন্ধকারে আমি এই সব প'রে ক্যান্টনমেন্টে আমার বন্ধুর বাড়ী একটু ঘুরে আসি।

ওরা অনেক ঠাট্টা করল আমাকে, বলল, বা কেই চৌধুরী-কা-চাঁদ লগ রহী হো আন্টি, বহী লুঠ যাওগী, ত আঙ্কেল-কো হমলোগ কেয়া জওয়াব দেঙ্গে? মানে তোমাকে ঠিক চতুর্দশীর চাঁদের মত দেখাচ্ছে আন্টি, যদি কেউ তোমাকে লুঠে নিয়ে যায় তবে আঙ্কল, মানে আমার স্বামীকে কি জবাব দেবে ওরা? তখন আবার চৌধুরী-কা-চাঁদ সিনেমাটাও পুরোদমে চলছে এখানে। বললাম, ভয় নেই দাঁড়াও, বাড়ীতে ফোন ক'রে ডেকে ডেকে নিচ্ছি, সে সঙ্গে যাবে। অবশ্য এই পোশাকে তোমাদের আঙ্কেলের সামনে আমি যাচ্ছি না তা ব'লে।

আমি যে ওদের সঙ্গে মিশি সেটা আমার কর্তা বা ছেলে কারুরই পছন্দ নয়। ওদের ইস্ট পাণ্ডিত্যের

সম্পত্তি মুসলমানে নিয়েছে, তাই মুসলমান জাতের ওপর রাগ। মানছি, সেটা স্বাভাবিক কিন্তু আমিই বা কি করি? পাড়ায় ত একটা হিন্দুর বাড়ী নেই, বালালী ত দূরস্থান, স্তুরাং পাকিস্তানই ভরসা। সত্যি বলতে কি, এদের সঙ্গে মিশে আমিও আনন্দ পেতাম। ষতটুকু থাকতাম, পরনিশ্চয় পরচর্চা কিছু নয়, শুধু সাহিত্য আলোচনা, খোস গল্প, যাকে বলে নির্ভেজাল আনন্দ তাই উপভোগ করতাম। আমিও আমাদের রবীন্দ্রনাথ, শরৎচন্দ্রের গল্প, কবিতা যতটা পারতাম হিন্দিতে ওদের বোঝাতাম, ওরা আর কিছু না বুঝক, ভাবটা নিতে পারত। আর আমিও ওদের হাফিজ, গালিবের বা সাকিল বাদাউনির কবিতা, সৈর বা উর্দু গল্পের মধ্যে সত্যিকারের সাহিত্যরস খুঁজে পেতাম।

যাক, এবার সেদিনকার ঘটনাটা বলি। ছেলেকে ফোন করে এদের বাড়ীতে ডেকে নিয়ে একটা সাইকেল রিক্‌শয় চড়ে বসলাম। ক্যান্টনমেন্টে থাকেন আমার ছুটি বাব্বী। এঁদের বাড়ী দুটি কাছাকাছি। একজনের বাড়ী গেলেই অন্যজনের বাড়ীতেও যাই, যেতেই হয়, না গেলে অনুযোগ অভিযোগ শুনেতে হয়। ছজনকার স্বামীই এখানকার হার্নেস ফ্যাক্টরীর অফিসার। ছজনেরই বাংলা প্যাটার্নের কোয়ার্টার।

প্রথম বাড়ীতে পৌঁছবার কিছু আগেই রিক্‌শয় ছেড়ে দিলাম। তারপর ছেলেকে আগে পাঠিয়ে দিয়ে নিজে একটু পরে এগুলাম। দেখি, ঐ বাড়ীর গৃহস্বামী মানে আমার পুত্রবন্ধুর স্বামী, লনের সামনে বারান্দায় বসে খুব মনোযোগ দিয়ে একখানি বই পড়ছেন। বাগান পেরিয়ে আমার ছেলে বারান্দায় উঠতেই তিনি অবশ্য একবার জিজ্ঞেস করলেন, কি রে, তোর মা আসে নি? ছেলেকে সব শেখানই ছিল। সে অতি কষ্টে হাসি চেপে বলল, না, কাল আসবে। এর পরই আমি এগিয়ে গিয়ে বারান্দার ঠিক নীচেই একটু আলো-আঁধারি জায়গায় দাঁড়িয়ে ঝুঙ্করে ডাকলাম—আলিজা! ভদ্রলোক মুখ তুলে তাকিয়ে কর্কশ্বরে জিজ্ঞেস করলেন, কোন্‌ স্থায়? কেয়া মাস্ততা? আমি তখন আবারও কর্কশ্বরে বললাম, ‘লঙ্কোমে বহুত বাড় আয়া স্থায়, ইস লিয়ে কুছ সাহেদা মাস্ততি হ। মেহেরবানি করকে গরীবপর রহম্‌ কিজীয়ে।’ তারপর আমার হাতের আতরমাখা ফুলকাটা সিঁদুর রুমালের ওপর রাখা একটি নোট আর পরসাতুরা ছোট টিনের বাস্তু এগিয়ে দিলাম। এবার তিনি হাঁক ছাড়লেন, ওগো, কিছু পরসা থাকে ত দিয়ে

একে বিদেয় কর। (স্বগত) ‘আলালে বাবা সছোবেলা এসে।’ গিন্নী মানে আমার বাব্বী বেরিয়ে এলেন। এসেই আমাকে দেখে চমকে উঠে ছু-পা পেছিয়ে গিয়ে ব’লে উঠলেন, ও বাবা! এ আবার কে? আমি কোন-রকমে হাসি চেপে আবার সেই কর্কশ্বরে বলি ছাড়ি—‘গরীব পর রহম কিজীয়ে।’ কর্তা আবার হাত তুলে বিরক্তি প্রকাশ করেন। গিন্নীকে বলেন, দাও না বাপু ছু-চার আনা দিয়ে বিদেয় ক’রে।

গিন্নী গেলেন পরসা খুঁজতে। আমারই দুর্ভাগ্যবশতঃ গিন্নীর কাছে আবার খুঁচরো পরসা নেই, দাঁড়িয়ে আছি ত দাঁড়িয়েই আছি। সেই আলো-আঁধারিতে ধামের আড়ালে। তবু মাঝে মাঝে নীল চুড়ি-পরা ডান হাতটা বের ক’রে কর্তাকে সেলাম দিয়ে দৃষ্টি আকর্ষণ করার চেষ্টা করছি। উনিও বই পড়তে পড়তে আড়চোখে তাকাচ্ছেন আমার দিকে। বোরখার নকাবে মধ্য দিয়ে দেখতে পাচ্ছি ত সবই। আবারও গলাটা আরও একটু মিষ্টি ক’রে ডাক দেই, আলিজা! খোদা আপপর হামেশা খুশ রহেঙ্গে।

এবার ব্যস্ত হয়ে কর্তা ডাকেন, কই গো পরসা পেলে? নাঃ, নিশ্চিন্তে একটু বইটাও পড়তে পাব না দেখছি। আবার আমার নীলচুড়ি-পরা ফর্সা হাতের দিকে এক নজর তাকিয়ে নেন। অতি কষ্টে পরসা খুঁজে নিয়ে গিন্নী বেরলেন। কর্তা ইসারায় জিজ্ঞেস করলেন, কত? উনি বললেন, ছ’আনা। কর্তা আরও ছ’আনা পকেট থেকে দিয়ে চার আনা ক’রে দিলেন। (জানি না ঐ চুড়ি-পরা হাতের কল্যাণে কিনা।) এবার আমি সম্বর্পণে সেই সিঁদুর রুমালে হাতের নোয়া ঢেকে বাস্তুটি তুলে ধরলাম। তারপর বললাম, ব্যাস্‌ সিক্‌চারই আনা? ইসমে সের ভর আটা ভি ত নেহি হোগি?

কর্তা এবং গিন্নী দুজনেই এবার রুঙ্কশ্বরে ব’লে উঠলেন, ব্যাস্‌ ব্যাস্‌, আর না, আর দিতে পারব না।

ওদিকের জানলায় একবার আমার ছেলের হাসি-মাখা মুখখানা চকিতের জন্তু দেখতে পেলাম। এবার গেটের দিকে ফিরে যেতে যেতে পরিষ্কার বাংলায় এবং নিজের স্বরেই বোরখার ভেতর থেকে বললাম, ‘যাঃ চ’লে, রিক্‌শ ভাড়াটাও উঠল না।’

তৎক্ষণাৎ বইটা ফেলে দিয়ে কর্তা তড়াক ক’রে লাফিয়ে উঠে ডাক ছাড়লেন, ‘হ্যাঁগা শুনহ? আরে ঐ বোরখার মধ্যে মিসেস্‌ পাকড়াশী।’ তখন বাব্বী ছুটে



এসে বললেন, 'অ্যা! তাই নাকি! বাবা কি উর্হ'র দাপট, মোটে বুঝতে পারি নি।'

হাসির হল্লা প'ড়ে গেল। ওদের ছোট মেয়ে টুটু বাবা মাকে বলল, তোমরা কি বল ত? এই রকম সাটিনের সালোয়ার কামিজ আর গিকের বোখা প'রে কেউ ভিক্ষে চাইতে আসে? তখন কর্তা বললেন, আপনার ঐ গোলগাল হাতখানা দেখে আমার একটু সন্দেহ হয়েছিল বটে। আমিও তখন হেসে বলি, আমার যা সন্দেহ হয়েছে তা আমি আমার বাস্কবী আর আমার মিয়া-সাহেবকে ব'লে দেব কিন্তু। মুখটা একটু নীচু হয়ে যায় ভদ্রলোকের।

এবার আর এক বাড়ীর পালা বলি। ছেলেকে এবার ওদের বাড়ী রেখে ওদের মেয়ে টুটুকে সঙ্গে ক'রে অল্প বাস্কবীর বাড়ী গেলাম। ওর কর্তা আবার তাসুড়ে। প্রায়ই একরাশ ইয়ার বন্ধু নিয়ে ড্রয়িং-রুম সরগরম ক'রে তাসের আড্ডা জমান। আর বাড়ীর মধ্যে যেতে গেলে ঐ ড্রয়িং-রুম এড়িয়ে যাবার উপায় নেই। আজও যদি ঐ রকম আড্ডা ব'সে থাকে তবে আর এই পোশাকে ওমুখো হচ্ছি না। তাই টুটুকে সঙ্গে নিলাম, আগে গিয়ে দেখে আসবে বাড়ীর কি রকম হালচাল।

গেটের কাছে চিনেজবার গাছের পাশে চুপ ক'রে দাঁড়িয়ে আছি। টুটু গেছে ভেতরে দেখতে। ভাবছি, এই সময় যদি হঠাৎ গেট দিয়ে কেউ ঢোকে তবে তারই বা আমাকে দেখে কি অবস্থা হবে আর আমিই বা কি করব? তখন কোথায় লুকোব?

টুটু এসে চুপি চুপি বলল, মাসীমা, বাড়ীতে পুরুষ মানুষ কেউ নেই, তবে এ'র ছুই ননদ এসেছে। তাদের একজন খাটে শুয়ে বই পড়ছে, তার ছেলেমেয়েরা শুনেছে, আর অন্য জনের পেট ব্যথা করছে তাই শুয়ে আছে। এই বাড়ীর মাসীমা জিজ্ঞাসা করছিলেন আপনি আমাদের বাড়ী এসেছেন কি না? আমি বলেছি, না ত! আমিই ত এসেছি উনি এখানে এসেছেন কি না দেখতে। তখন বললেন, কই আসে নি ত? সন্ধ্যা সাতটা বাজে, তবে আর আসবে না বোধ হয়। আমি তখন ওকে বললাম, তা হলে তুই এইখানটার দাঁড়া, আমি যাই। ভয় করবে না ত? ও কিন্তু চারদিকে তাকিয়ে একটু ভয় ভয়েই বলল, 'না'।

গেট পেরিয়ে প্রথমে বাগান। তার পর লম্বা টানা বারান্দা। বারান্দার ধারে সারি সারি তিনখানা ঘর। ড্রয়িং-রুম, বেডরুম, ডাইনিং-রুম। ড্রয়িং-রুম বন্ধ। কর্তা নেই। বেডরুমেই আড্ডা হচ্ছে। দরজা খোলা। ঐ

বেডরুমের দরজা দিয়ে বারান্দায় আলো এসে পড়েছে। বারান্দার আলো কিন্তু নিবানো। বাড়ীর পেছনে আছে চাকরদের কোয়ার্টার।

পায় পায় এগিয়ে বারান্দার অন্ধকারে মিশে দরজার আলোর কাছে ডান হাতটা বাড়িয়ে সবে সেলাম দিয়েছি। একটা কথাও বলি নি, তাইতেই বিকট টেটিয়ে উঠলেন আমার বাস্কবীর ছোট ননদ, 'ওরে বাবা রে, কালো ভূতের মত এ আবার কে রে?' ব'লেই দড়াম ক'রে আমার মুখের ওপর দরজাটা বন্ধ ক'রে দিয়েই ছুটে পালিয়ে গেলেন তিনি। ছেলেমেয়েরা বিকট কান্না জুড়ে দিল। আর বাস্কবীর বড় ননদ বেচারী বোধ হয় পেটের কাপড় আলগা দিয়ে শুয়েছিলেন, তিনিও কোন রকমে কাপড়টা জড়িয়ে, ওরে বাবা রে, তোরা সব আমাকেই ফেলে পালালি রে, ব'লে ভেতরে ছুটলেন। আমি ত কাঁচের সার্শির মধ্যে দিয়ে সবই দেখতে পাচ্ছি আর বোরখার মধ্যেই হেসে কুটি-পাটি হচ্ছি। এবার রণাঙ্গনে আমার বাস্কবীর আবির্ভাব হ'ল। তিনি এবার অতিথি-দের সাহায্যকল্পে সাহস ক'রে এগিয়ে এসে ঐ সার্শির মধ্যে দিয়েই আমাকে তাঁর পাটনাই হিন্দীতে ধমক লাগাচ্ছেন—এই তুম ক'ওন হায়, কেয়া চাতা হায়? আমি তখন অতি কষ্টে হাসি চেপে বলি, লক্ষ্মীমে বাড় আয়া হায়, গরীব পর রহম কিজীয়ে। মুখে এই বুলি বলছি আর হাতে সমানে দরজা ধাক্কা দিচ্ছি, কারণ আমি জানতাম ও ধরের ওপরের ছিটকিনিটা আলগা, বার ছ'চার বাইরে থেকে ধাক্কা দিলেই দরজাটা খুলে যায়। নীচের ছিটকিনি দেবার চেষ্ঠা করছিলেন বাস্কবী। এবার তাঁর আশ্রয়াম খাঁচা ছাড়া হবার জোগাড়। তিনি এখন নীচের ছিটকিনি বন্ধ করার চেষ্ঠা ছেড়ে আমার বাপাস্ত করতে করতে ছুটে চ'লে গেলেন চাকর ডাকতে।

চাকর এল বাইরে, ইয়া লম্বা এক বাঁশের লাঠি ঠুকতে ঠুকতে। ওদিকে গেটের কাছে দাঁড়িয়ে টুটুর ত ভয়ে প্রাণ উড়ে যাচ্ছে। সে প্রায় কাঁদ-কাঁদ হয়ে কপালে দু'হাত তুলে ইসারায় আমাকে ডাকছে, মাসীমা, পালিয়ে আসুন, ও মাসীমা! আমি তাকে হাত তুলে ধামাই। আমার হাত তোলা দেখে ডাঙাওয়লা চাকর পিছিয়ে গেল। আমি তখন তাকে ভারী গলায় এক ধমক দিলাম, এই, তুম মরদ হোকর জনানাকে উপর হাত উঠাতা হায়? সরম নেহি লগতা তুন্ধে? ওদিকে বাস্কবী সমানে ড্রয়িং-রুমের জালঘেরা জানলার মধ্যে দিয়ে চাকরকে আদেশ করছেন, আমাকে ঘেরে ভাগিয়ে দেবার জন্ত। চাকরটা একবার এগোয় ত ছবার পেছায়;

কিন্তু এবার সত্যিই শালীখাওরী ব'লে গালাগাল দিয়ে লাঠি নিয়ে তেড়ে আসাতে আমি মুখের নকাবটা তুলে নিজের মুখটা তাকে দেখিয়ে দিয়ে চুপ ক'রে থাকতে বলি। সত্যিই সে চুপ ক'রে দাঁড়ায় তখন। ওদিকে ওরা চারদিক বন্ধ ক'রে ড্রয়িংরুমে ঢুকে আছে আর চাকরটাকে বলছে, তাড়া না, ভাগিয়ে দে না। চাকরটা এবার মিটি মিটি হেসে বলে, 'কা করি? মেইন রোড-কি মাজী হইল বা?' অঁ্যা ব'লে এবার আমার বাহুবী বেরিয়ে এসে আমাকে বেশ ক'রে কিলিয়ে দেন। টুটুটা এসে এবার আমাকে জড়িয়ে ধ'রে বলে, উঃ, মাসীমা, আমি ত ভয়ে কেঁদে ফেলেছিলাম। ভাবছিলাম, এই বুঝি শঙ্করসিংটা মারল লাঠি আপনার মাথায়। ওয়াও বলে, ধন্তি মেয়ে বাবা তুমি, এই সঙ্কর অঙ্ককারে এসেছ ভয় দেখাতে, বলিহারি সাহস। আমি বলি, খুব হয়েছে, নিজেদের যা সাহসের নমুনা একখানা দেখালে? তার পর বোরখা খুলিয়ে সাজ দেখে বলে, কে বলবে বাপু তুমি বাউনের মেয়ে, এ যে সত্যি মুসলমানী।

এদিকে আমার ছেলেও এসে পড়েছে দেবী দেখে। আবার রিকুশর চ'ড়ে বাড়ীর দিকে রওনা দিলাম। ঐ বাড়ীর পথেই আমার এক দাদার বাড়ী। তাই যেতে যেতে ছেলেকে বললাম, দেখ, এক জায়গায় গিয়ে মাত্র চার আনা পেলাম, আর এক জায়গায় ত লাঠ্যোষধি, স্নতরাং খরচ পোমাল না, চল ওদের বাড়ী যাই।

ওমা, গিয়ে দেখি বাড়ী ভোঁতা, বৌদিরা কেউ নেই। শুধু আছেন বুড়ী মাসীমা। সে বেচারী ত আমাকে ধরে ঢুকতে দেখে হাঁ হাঁ ক'রে উঠলেন। প্রাণের ভয়ে নয়, ধর্মভয়ে। দাদাকে ডাকতে তিনি আমার মুখের করুণ আবেদনে গ'লে গিয়ে পাঁচটা টাকা দিলেন। ছেলেকে বলেছিলাম রিকুশর বসে থাক, ওপরে আসিস না। কিন্তু মজাটা থেকে বঞ্চিত হতে আর কারই বা ইচ্ছে হয়? তার ওপর ছেলেমানুষ। ওকে সঙ্গে দেখেই ধ'রে ফেলল দাদা। তবে অবশ্য এ পাঁচ টাকা সত্যিই লঙ্কোতে সাহায্যভাণ্ডারে পাঠিয়ে দিয়েছিলাম।

এবারে পাড়ায় ফিরে এসে দেখি, বাড়ীর গেটের সামনে মুসলমান-বাড়ীর ছোকরা চাকর হামিদটা ব'সে রয়েছে—আমাকে দেখেই বলল, पहले हामारे धर चलिये, आपालोग आसना लके बैठे ह्यंग, किसना सुनने-के लिये। माने आगे आमাদের বাড়ী চলুন, दिदि-साहेबारा আপনার কাছে কি কি হ'ল শোনবার জন্ত উৎসুক হয়ে ব'সে রয়েছে। গেলাম। সাজ-পোশাক খুলতে খুলতে বললাম সব কাহিনী। শুনে ওদের হাসতে হাসতে পেটে খিল ধরার জোগাড়।

এইবার আমার কর্তাটিও তাঁর গিন্নীর কীর্তি জানতে পারবেন।



## সত্যজিৎ রায়ের কাঞ্চনজঙ্ঘা

শ্রীমিহির সিংহ

চলচ্চিত্র শিল্পকে অগ্রাহ্য করে আজকের জগতে চলবার উপায় নেই। লোকরঞ্জক শিল্প হিসাবে এটি সব-চাইতে জনপ্রিয়, জীবিকা-নির্ভরতার পথ হিসাবেও বোধ হয় অল্প যে-কোনও কলার চাইতে বেশী সংখ্যক ব্যক্তি চলচ্চিত্রের উপরে নির্ভর করে থাকেন। কিন্তু শিল্পকলার বিচারে এর সব-চাইতে বড় বিশেষত্ব হ'ল যে, বহু শিল্পের—এমন কি বহু বিজ্ঞানের সময়সূচীতে চলচ্চিত্র শিল্পের মাধ্যমে। বস্তুতঃ সমাজের উপরে অত্যন্ত ব্যাপক ও গভীর প্রভাব বিস্তার করে এই শিল্পটি। জনমত গঠনের ব্যাপারে বেতারও খুব শক্তিশালী সন্দেহ নেই, রুচি ও সামাজিক চিন্তাধারার পরিবর্তন আনতে রঙ্গমঞ্চও হয়ত অনেকটা পরিমাণে সক্ষম হয়—কিন্তু সমস্ত দিক থেকে বিচার করতে গেলে চলচ্চিত্র (এবং অণুতর দেশে টেলিভিশন) যে সবার উপরে জ্ঞান পায় তাতে সন্দেহ নেই।

প্রথম থেকেই চলচ্চিত্রের জগতে দুটি তিনটি পৃথক ধারা বয়ে এসেছে। তথ্যমূলক বা documentary ছবি মূলতঃ ব্যস্ত থাকে তথ্য পরিবেশন করতে—তা সঙ্গ সাংবাদিকশুলভই হোক বা সমাজতাত্ত্বিকই হোক। কাহিনীমূলক বা সাধারণ feature ছবির প্রধান অবলম্বন কোনও একটি গল্প। বলা বাহুল্য, গল্প নেহাৎ কল্পনা-প্রসূতও হতে পারে, পৌরাণিকও হতে পারে কিংবা জীবনীমূলকও হতে পারে। এ দুটি প্রধান জাত ছাড়া আরও একটি জাতের চলচ্চিত্রের সন্ধান আমরা অনেক সময় পাই যা তথ্যমূলকও নয় আবার কাহিনী-অবলম্বীও নয়। এ যেন খানিকটা lyric কবিতার মতন : বক্তব্য কিছু একটা নিশ্চয়ই থাকে তবে তা কোনও কাহিনীর আকারে উপস্থাপিত হয় না। কোনও একটি বিশেষ মেজাজ বা moodকে ঘিরে কিংবা শিল্পীর অন্তরঙ্গ কোনো উপলব্ধিকে ব্যক্ত করার জন্তে এর সৃষ্টি।

চলচ্চিত্রের ইতিহাসের গোড়ার দিককার পরিচ্ছেদগুলি ওপাঠালে দেখা যাবে যে, তথ্যমূলক, কাহিনীমূলক ও এই শ্রেণীভুক্ত ধরনের প্রয়াসগুলি বেশ স্পষ্ট ভাবে পরস্পর থেকে পৃথক অস্তিত্ব বজায় রাখত। বিশেষ করে তথ্যমূলক ও কাহিনীমূলক ছবিগুলি সম্পূর্ণ বিপরীত পথে চলাটাই ঠিক বলে মনে নিরেছিল। শ্রেণীভুক্ত ধরনের

lyrical বা কাব্যমূলক সুরমা অবশ্য সব রকমের ছবিরই কাম্য—একদিক থেকে বলতে গেলে। অর্থৎ তথ্যমূলক ছবিও যখন নিছক সাংবাদিকতা না থেকে পা বাড়ায় গভীরতর কোনও সৌন্দর্যের দিকে, তখনই মেলে এই শিল্পীশুলভ মেজাজ বিষয় উপলব্ধির পরিচয়। আর কাহিনীমূলক ছবি ত শিল্পের মানে উৎরোতে গেলে কাব্যের মহিমা পাবেই, কাব্যই ত হ'ল সব সার্থক শিল্পের মাপকাঠি। কিন্তু যত দিন গেল ততই দেখা গেল যে তথ্যমূলক ছবি আর কাহিনীমূলক ছবির মধ্যে ব্যবধান ক্রমেই কমে এল। বিশেষ করে যুদ্ধোত্তর চলচ্চিত্রের ইতিহাসে বোধ হয় এটাই সব-চাইতে বড় ঘটনা। এক দিক থেকে তথ্যমূলক ছবির নির্মাতারা নিছক কতকগুলি তথ্যকে ক্যামেরার মধ্যে দিয়ে পরিবেশন না করে তাদের মধ্যে পারস্পরিক সংস্পর্কে বিচার করতে চেয়েছেন। অর্থাৎ representation-এর পরিবর্তে interpretation করার পথে তাঁরা এগিয়েছেন। আর অল্প দিকে, কাহিনীমূলক ছবির ধারা প্রস্তুতকারক তাঁরা ভেবেছেন যে, কল্পনাপ্রসূত কাহিনী অবলম্বনে রচিত হলেও ছবিকে কি করে একটা বাস্তবায়ন বা authentic রূপ দেওয়া যায়। ফলে এই দুই জাতের ছবিই দ্রুত এগিয়ে এসেছে পরস্পরের দিকে, এবং অত্যন্ত আনন্দের বিষয় এই যে, বর্তমান যুগের এই সংঘটনার ফলে এমন সব ছবি তৈরি হচ্ছে যাদের কাব্যিক মূল্যও অসাধারণ রকমের বেশী।

ভারতবর্ষ পৃথিবীর অল্পতম বৃহৎ চলচ্চিত্র প্রস্তুতকারক দেশ হিসেবে প্রসিদ্ধ। এবং এটাও সর্বজনবিদিত যে, সাধারণ ভাবে আমাদের দেশের চলচ্চিত্রের মান অত্যন্ত লজ্জাজনক ভাবে নীচু। বাংলাদেশের কয়েকজন পরিচালককে যদি বাদ দেওয়া যায় তবে বোধ হয় নাম করার মত শিল্প-প্রতিভা ভারতীয় চলচ্চিত্রের ক্ষেত্রে বিশেষ খুঁজে পাওয়া যাবে না। এককালে নিউ থিয়েটার্স প্রতিষ্ঠানটি যেমন সমস্ত দেশের চলচ্চিত্র শিল্পকে পথ দেখিয়েছিল—প্রধানতঃ কাহিনীমূলক চিত্রের ক্ষেত্রে—, আজও তেমনি রাজেন তরকদার, মৃগাল সেন, ঞ্জিক ঘটক প্রমুখ পরিচালকেরা তাঁদের প্রয়াসের মধ্যে দিয়ে বয়ে নিয়ে এসেছেন নূতনত্ব ও শিল্পীশুলভ নিষ্ঠার বাণী।

বাংলাদেশের চিত্র-পরিচালকের কথা তাই সমস্ত ভারত-বর্ষের চলচ্চিত্রের প্রসঙ্গে গুরুত্বপূর্ণ। বলা বাহুল্য, এঁদের মধ্যমণি স্বরূপ হলেন সত্যজিৎ রায়। চলচ্চিত্র জগতে তিনি এসেছেন অপেক্ষাকৃত বেশী বয়সে এবং অনেক পরিণত মন নিয়ে। শিল্পী হিসাবে তাঁর মস্ত বড় আর একটি সাফল্যের কথা আজকে অনেকে ভুলে গিয়ে থাকলেও কালের বিচারে নিশ্চয়ই বাদ পড়বে না। সেটি হ'ল পুস্তক প্রকাশনার ক্ষেত্রে সম্ভার ব্যাপারে। ছবি ও lay-out-এর দিক্ থেকে বর্তমানে বাংলাদেশে প্রকাশিত বইগুলিতে যে উঁচু মান দেখা যায় তার জন্মে সত্যজিৎ রায়ের প্রয়াস যে অনেকটা আছে তাতে সন্দেহ নেই। সেই জন্মে তাঁর চলচ্চিত্র জগতে প্রবেশ গোড়ার দিকে অপ্রত্যাশিতই ছিল বলতে হবে।

তাঁর তৈরি বহুখ্যাত চিত্র “কাঞ্চনজঙ্ঘা” সম্প্রতি দেখে এসেছি। সত্যজিৎ রায়ের সমস্ত ছবিই দেখতে ইচ্ছে করে কিন্তু নানা কারণে হয়ে ওঠে না। এখনও মনে পড়ে প্রথম দিন “পথের পাঁচালী” দেখবার কথা। দেখেছিলাম যে সিনেমা হাউসটিতে সেটি আয়তনে বেশ বড় হলেও অত্যন্ত অগোছালো রকমের এবং নানারকমের ত্রুটিতে পূর্ণ। “পথের পাঁচালী” ছবিটির মধ্যে শব্দগ্রহণ ইত্যাদিও খুব নিখুঁত হয় নি, ফলে ছবিটি দেখতে গিয়ে রসগ্রহণে ব্যাঘাত ঘটেছিল বার বার। তবু সেই দিন মন্থে মন্থে অনুভব করেছিলাম যে, “পথের পাঁচালী” মানুষের শিল্পসৃষ্টির ইতিহাসে মহত্বের সন্ধান দিয়েছে। সেদিন সত্যজিৎ রায় আমাদের দেশে সাধারণের কাছ থেকে আদর পান নি। আমরা যেদিন গিয়েছিলাম সেদিন প্রেক্ষাগৃহ কঁকাই ছিল বলতে হবে। তার কিছুকাল আগেই যুদ্ধোত্তর ইটালীর দুটি একটি ছবি দেখবার সৌভাগ্য হয়েছিল চলচ্চিত্র উৎসব উপলক্ষ্যে। স্বভাবতঃ মনে জাগছিল সেই সব ছবির কথা। যখন “পথের পাঁচালী” দেখে বেরোলাম তখন টিপ টিপ করে বৃষ্টি পড়ছে, খুব ছুঃখের সঙ্গে ভাবছিলাম ইটালিয়ান ছবিগুলি দেখতে গিয়ে যে পরিপূর্ণ প্রেক্ষাগৃহ চোখে পড়েছিল তা আজ কোথায়? “পথের পাঁচালী” সে যাত্রা কলকাতা শহরে খুব সাফল্যমণ্ডিত ভাবে চলে নি। তার পরে বিদেশ ঘুরে এসেছে, দেশে ও বিদেশে সমালোচকদের কাছ থেকে অনেক অভিনন্দন লাভ করেছে যুগসৃষ্টিকারী চিত্র হিসেবে। ওনেছি, পরসাকড়ির দিক্ থেকেও পরবর্তী কালে “পথের পাঁচালী” সফলতা অর্জন করতে পেরেছে। তারপরে গত কিছুদিন ধরে সত্যজিৎ রায় বোধ হয় টিকিট বিক্রির দিক্ থেকে বাংলা পরিচালকদের মধ্যে

সর্বপ্রাণগণ্য। তাঁর কোন একটি ছবি উঠবার আগে থেকেই শুরু হয়ে যায় নানা রকমের আলাপ ও আলোচনা। ছবি যখন শেষ হয়ে আসে তখন ত কথাই নেই, উর্দ্ধ্বাসে সবাই প্রতীক্ষা করে কবে সেটি মুক্তি পাবে। চিত্র সমালোচকেরা সত্যজিৎ রায়ের ছবি দেখতে যান ও সমালোচনা করেন নেহাৎ কর্তব্যের খাতিরে নয়। তাঁর ছবি সমালোচনা করা সমালোচকদের কাছে বিশেষ একটি আনন্দের কাজ। দর্শকেরা তাঁর কোন ছবি ভাল না লাগলেও সেটা স্বীকার করতে কুণ্ঠা বোধ করেন। তিনি আজ সত্যিই বাংলা চিত্র-জগতে সবচেয়ে বড় শিল্পী।

সেই জন্মেই এবার যখন “কাঞ্চনজঙ্ঘা” ছবিটি মুক্তি পাবার পর অনেকের মুখে শুনে লাগলাম যে ছবিটি ভাল হয় নি, এমন কি খারাপই হয়েছে, তখন কৌতূহল বোধ করেছিলাম। আমাদের দেশের দর্শকদের রুচির নিন্দা করছি না, একথা বলছি না যে, তাঁরা খারাপ বললেই বা প্রত্যাখ্যান করলেই কোন ছবির মূল্য সম্বন্ধে আশঙ্ক হওয়া যায়। শুধু বলছি যে, আমাদের দেশের দর্শকেরা (বোধ হয় অত্যাধিক সব দেশের দর্শকদের মতনই) সাধারণ ভাবে গতানুগতিক। নতুন কোন জিনিস তাঁদের সামনে এলে সেটাকে নিজের বিচারবুদ্ধি দিয়ে যাচাই করে নেবার সাহস তাঁদের অনেক সময়ই হয় না। যে জিনিসটা যে ভাবে চলে আসছে তাকে সেই ভাবে দেখতেই তাঁরা অভ্যস্ত হয়ে পড়েন। যখন সমালোচকেরা এবং অপেক্ষাকৃত সাহসী দর্শকেরা তাঁদের ভাল-লাগা মন্দ-লাগাকে খানিকটা প্রতিষ্ঠা দিতে পারেন, তখন আশ্বে আশ্বে সাধারণ দর্শকের রুচি তৈরী হয়, তাঁরাও নতুন পরনের সৃষ্টিকে গ্রহণ করতে শেখেন। ছুঃখের বিষয়, সত্যিকারের ভাল লাগার চাইতেও শক্তিশালী হয়ে ওঠে ভাল লাগা যে উচিত এই ধরনের একটি মনোবৃত্তি। যে মনোবৃত্তি নিয়ে আমরা নিবিচারে ভীড় করি বিভিন্ন জলসায় বা সঙ্গী গাহুষ্ঠানে অথবা কাড়াকাড়ি করি রবীন্দ্র-রচনাবলীর জন্মে। একদিক্ থেকে এটা খুশী হওয়ারই কথা যে, যে-কোন ভাবেই হোক অন্ততঃ ভাল জিনিসকে ভাল বলছে লোকে। কিন্তু “কাঞ্চনজঙ্ঘা” ভাল হয় নি একথা শুনে আশাশ্রিত হয়েছিলাম এই ভেবে যে, সত্যজিৎ রায় বোধ হয় আবার নতুন কিছু দিলেন আমাদের। তিনি একজন এমন সুরের শিল্পী যে, ফেলনা কিছু তাঁর হাত থেকে আসতেই পারে না, এ বিশ্বাস আমার আছে। কাজেই একথা একবারও মনে হয় নি যে, তাঁর ছবি খারাপ হয়েছে। মনে হয়েছিল যে, “পথের পাঁচালী”, “অপুর সংসার” ও “তিনকণ্ঠা”র





রায়বাহাদুরের পত্নীর ভূমিকায় শ্রীমতী কঞ্চণা বন্দ্যোপাধ্যায়

(“রবীন্দ্রনাথ” ছাড়া তাঁর এই তিনটি ছবিই দেখেছি এর আগে) মধ্যে যে ধারা বয়ে আসতে দেখেছিলাম, “কাঞ্চনজঙ্ঘা”তে গিয়ে বোধ হয় তার কোন মহত্তর বিকাশ দেখতে পাব। দুঃখের সঙ্গে স্বীকার করছি যে, ছবিটি দেখে নিরাশ হয়েছি। “কাঞ্চনজঙ্ঘা” ছোট ছবি, ভারতবর্ষের সমগোত্রীয় ছবির তুলনায়। যতক্ষণ দেখেছি তন্ময় হয়ে দেখেছি। কিন্তু দেখার পরে বঞ্চিত হবার ক্ষোভটুকু থেকে গেছে। অনেক সময়ে সত্যিই নতুন, সত্যিই বড় কোন শিল্পসৃষ্টির সামনে প্রথমবার উপস্থিত হলে তার প্রকৃত চেহারাটি অজ্ঞাত থেকে যায়। দুবার, তিনবার, বার বার জিনিসটিকে দেখতে হয়, তবে মনের গভীরে গিয়ে পৌঁছয় তার উপলব্ধি। “কাঞ্চনজঙ্ঘা”ও আবার দেখব, আশা করি ভালও লাগবে, কিন্তু প্রথমবার দেখে নিরাশই হয়েছি।

ছবিটিতে সত্যজিৎ রায় অসাধ্যসাধন করেছেন। একাধারে তিনি ছবিটির সামগ্রিক পরিচালনা, সঙ্গীত পরিচালনা ও কাহিনী রচনার দায়িত্ব নিয়েছেন। পরিচালকদের মধ্যে বোধ হয় দুটি দল আছে, একজনরা বিশ্বাস করেন যে গুণী অভিনেতার স্থান সবচাইতে উপরে, পরিচালক যেন অভিনেতার বিকাশের ক্ষেত্র প্রস্তুত করে দেবার জন্তই আছেন। আর একদলের পরিচালক বোধ হয় সচেতন ভাবে হোক বা অবচেতন ভাবে হোক এই ধারণা পোষণ করেন যে চলচ্চিত্র নিতান্তই পরিচালকের সৃষ্টি, চিত্র গ্রহণকারী থেকে শুরু করে অভিনেতা পর্যন্ত সকলেই

তাঁর মালমশলা স্বরূপ। যে কোনও সামাজিকরণের বিপদ আছে; তবে সত্যজিৎ রায় যে এই দ্বিতীয় দলের অন্তর্ভুক্ত সে বিষয়ে বোধ হয় মতবৈধ হতে না। আলোচ্য ছবিটি তার সবচাইতে বড় প্রমাণ। ছবিটির সম্বন্ধে একটি মাত্র সমালোচনা আমি পড়েছি, তাতে সমালোচক ঈশং বাকা ভাবে বলেছেন, ছবিটির সর্ববিভাগে পরিচালকের প্রত্যক্ষ হস্তক্ষেপের কথা। বস্তুতপক্ষে ছবিটি যে কোনও সার্থক শিল্পের মতন একটি সম্পূর্ণ জিনিস এবং তার সৃষ্টিকর্তা সত্যজিৎ রায় নিজে। কোন অভিনেতা বা অভিনেত্রী, তা তিনি অভিজ্ঞ এবং কুশলীই হোন বা নবাগত এবং আড়ষ্টই হোন, তাঁদের কোন সতন্ত্র অস্তিত্ব নেই এ ছবিতে। ছবিটির প্রতিটি অংশ এত খুঁটিয়ে এবং এত সুন্দর ভাবে গড়ে তোলা হয়েছে যে অভিনেতা-অভিনেত্রীদের ব্যক্তিগত দুর্বলতাগুলি পর্যন্ত সত্যজিৎ রায়ের তৈরী ছকের মধ্যে পড়ে গেছে। তার মানে কি শিল্পকুশলতার দিক থেকে কোন ক্রটি নেই? নিশ্চয়ই আছে: শ্রীযুক্তা অমিয়া ঠাকুরের গানের সঙ্গে কঞ্চণা দেবীর ঠোট নাড়ার দৃশ্যটি কি আমাদের পীড়া দেয় না? কিন্তু মোটের পরে “কাঞ্চনজঙ্ঘা” নিছক শিল্প-চাতুর্য্যে ও গঠন-নৈপুণ্যে শিল্প-জগতে কাঞ্চনজঙ্ঘার মতন উচ্চতাসম্পন্ন এতে সন্দেহ নেই। কিন্তু তবুও মন ভরেনি।

ছবিটির শুরু রায়বাহাদুরকে নিয়ে, সমাপ্তিও চিত্রপট থেকে তাঁর নিঃস্রবণের সঙ্গে। বস্তুতপক্ষে এই চরিত্রটিই



রায়বাহাদুরের পৌত্রী ভূমিকায় ইন্সপী সিংহ

কাহিনীটির কেন্দ্ররূপ। নাটক গ'ড়ে উঠেছে অনেকগুলি  
 দৃশ্যকে আশ্রয় ক'রে। রায় বাহাদুর ও তাঁর সহধর্মিণীর  
 মধ্যে নির্ঝাক্ দৃশ্য, তাঁদের জ্যেষ্ঠা কন্যা ও তাঁর স্বামীর  
 মধ্যে তৃতীয় ব্যক্তিকে উপলক্ষ্য ক'রে দৃশ্য, এবং সবচাইতে  
 সুখদৃশ্য দৃশ্য—রায় বাহাদুরের কনিষ্ঠা কন্যার মনের মধ্যে  
 জীবনসঙ্গী নিরূপনের ব্যাপারে। সব দৃশ্যগুলি ছুটি ছুটি  
 মানুষকে আশ্রয় ক'রে রূপ পেয়েছে। কিন্তু একটু ভেবে  
 দেখলেই বোঝা যায় যে, দৃশ্যগুলি সবই মূলতঃ রায়  
 বাহাদুরেরই সঙ্গে। বড় মেয়ের স্বামীই হোক কিংবা  
 ছোট মেয়েই হোক, সকলেরই প্রতিবাদ আসলে রায়  
 বাহাদুরেরই বিরুদ্ধে। এমন কি যেখানে আপাতদৃষ্টিতে  
 কোন দৃশ্যের চিহ্ন দেখতে পাচ্ছি না সেখানেও তীব্র দৃশ্য  
 লুকিয়ে আছে বুঝতে পারি : পক্ষী-জীবন অসুস্থিৎসু  
 আপনভোলা মানুষটি যখন প্রতিবাদে অনভ্যস্তা ভগিনীর  
 পক্ষ গ্রহণ করেন কিংবা ছুটিয়া ছেলেটি রায় বাহাদুরের  
 সঙ্গে কণিকের দৃষ্টি-বিনিময় করে, তখন বুঝতে বাকী থাকে  
 না দৃশ্য আছে কি না। নাটকটির গতি এই বিভিন্ন  
 সংঘাতগুলির ক্রমবর্ধমান তীব্রতার মধ্যে। অপূর্ণ স্বপ্নের  
 সমস্ত প্রতীকের সাহায্যে চিত্রিত হয়েছে দৃশ্যগুলির ক্রম-  
 পরিণতির ইতিহাস। বড় মেয়ে ও জামাইয়ের জীবনে  
 যে প্রচণ্ড কেন্দ্রাতিগ গতির সঞ্চার হয়েছে তাকে প্রতিহত

ক'রে ঘিরে ঘিরে বাঁধছে একটি ছোট শিশুর কলকণ্ঠ  
 “তিনবার ঘুরেছি আর একবার ঘুরব।” অল্প দিকে  
 ছোট মেয়ের মনের দৃশ্য চরম তীব্র হয়ে ওঠে একেবারে  
 অসহনীয় ভাবে—ধাবমান পঙ্কর গলার ঘণ্টার চট্টগোলে।  
 যিনি বহুকাল নীরব ছিলেন, তিনি কতকাল পরে কীণ  
 কণ্ঠের গাওয়া গানের মধ্যে দিয়ে বোধ হয় মনের মধ্যে  
 খুঁজে পেলেন বিদ্রোহ করবার শক্তি যা এতকাল সুপ্ত  
 ছিল। তাঁর বিদ্রোহও তাঁর ব্যক্তিদেরই মতন শাস্ত  
 সংযত। এই সমস্ত দৃশ্যগুলির মধ্যে দিয়ে বড় বড় পা  
 ফেলে এগিয়ে চলেছেন রায় বাহাদুর। তাঁর সঙ্গে প্রত্যক্ষ  
 সংঘর্ষ যার হ'ল সে, বলতে গেলে, একজন “বাইরের  
 লোক।” কলকাতা থেকে এসেছে ছেলেটি, ঠিক কেন  
 তা অবশ্য বুঝতে পারলাম না, অসুস্থ আত্মীয়কে নজরে  
 রাখবার জন্তে না চাকরী খোঁজার উদ্দেশ্যে? যাই হোক,  
 সত্যজিৎ রায়ের উদ্দেশ্য স্পষ্ট—এই রকম একটি বাইরের  
 লোকের ধুমকেতুসুলভ আচরণের প্রয়োজন ছিল রায়  
 বাহাদুরের ছোট্ট সৌরজগতটির equilibrium নষ্ট করার  
 জন্তে। সে যে রায় বাহাদুরকে অমান্য করবে তা আমরা  
 গোড়া থেকেই বুঝতে পেরেছিলাম, নয় কি? তার কাছে  
 এই অতর্কিত আঘাত পেয়ে তাঁর অভিব্যক্তিটুকু চিরকাল  
 মনে থাকবার মত। ছেলেটির সঙ্গে রায় বাহাদুরের একটা



বিভিন্ন ভূমিকায় বিশ্বনাথন, বৰুণা বন্দ্যোপাধ্যায়, ছবি বিভাগ, অলকনকা

কোমলতাৰ সম্পৰ্ক গড়ে ওঠাৰ পৰে যখন তিনি অতৰ্কিতে আঘাত পেলেন তাৰ কাছ থেকে, সেই মুহূৰ্ত্তে আমাৰ মনে হ'ল, যে ৱাৰ বাহাদুৰ যদি একটিও কথা বলেন তখন তাহলে ব্যাপাৰটা নেহাৎই গতানুগতিক বাংলা ছবিৰ মত হয়ে যাবে। বেশীৰ ভাগ বাংলা পৰিচালকেৰ হাতে বোধ হয় হ'তও তাই। কিন্তু কি সংঘৰ্ষেৰ সন্মুখীন এই সংঘৰ্ষেৰ তীব্রতাটি কোটানো হয়েছে ৱাৰ বাহাদুৰেৰ কথা না বলাৰ মধ্যে দিয়ে। দু-এক জায়গায় অবশ্য আমাৰ মনে হয়েছে যে, ছন্দপতন ঘটেছে, যেমন ছেলেটি যখন ফিৰে আসবাব পথে আবার ৱাৰ বাহাদুৰকে দেখতে পেল তখন তাৰ মুখেৰ উচ্চাৰিত Good day sir, বড্ড বেয়াড়া বিজ্ঞপেৰ মতন কানে বাজে। যাই হোক, মোটেৰ উপৰ এই বিভিন্ন দৃশ্যগুলি ফুটে উঠেছে খুব আশ্চৰ্য সূত্ৰৰ ভাবে। কিন্তু মহৎ শিল্প গ'ড়ে ওঠে মাহুৰেৰ অন্তৰ্দ্বন্দ্বকে আশ্রয় ক'ৰে, সেও দৃশ্যেৰ প্ৰকাশ কোথায় ৱাৰ বাহাদুৰেৰ চৰিত্ৰে? চিত্ৰটিৰ শেষ হওৱাৰ আগেৰ মুহূৰ্ত্তে বুঝতে পাৰি যে তাঁৰ মনে পৰিবৰ্ত্তন এসেছে কিন্তু কেন এল সেই পৰিবৰ্ত্তন, কখন শুরু হ'ল সেই পৰিবৰ্ত্তন? তাঁৰ এত বছৰেৰ 'অভিজ্ঞতা', সাহেবদেৰ

প্ৰতি তাঁৰ বন্ধমূল ভক্তি, স্বাধীনতাৰ ফলভোগেৰ প্ৰতি তাঁৰ নিজেৰই স্বীকৃত আকাঙ্ক্ষা, সে সবেৰ বনিয়াদ ধৰিয়ে দিয়ে শেষ মুহূৰ্ত্তে তিনি কেন ছুটলেন অমন ক'ৰে পৰিবৰ্ত্তনকে মেনে নিতে?

যেহেতু এই প্ৰশ্নগুলিৰ উত্তৰ মেলে না, সেই হেতুই মনে হয় যেন ৱাৰ বাহাদুৰেৰ এই বিৰাট পৰিবৰ্ত্তন ঘটল তাঁৰ চৰিত্ৰেৰ নিজেৰ নিয়মে নয়, নিতান্তই পৰিচালকেৰ ইচ্ছাতে। চলচ্চিত্ৰ শিল্প মানে বহু শিল্পেৰ যুগপৎ স্ফুৰণ : চিত্ৰশিল্পী, শিল্প-নিৰ্দেশক, পোশাক-প্ৰস্তুতকাৰক, ৰূপ-শিল্পী, ধাৰাৱহক, সম্পাদক, সঙ্গীত-পৰিচালক, অভিনেতা-অভিনেত্ৰী ইত্যাদি প্ৰত্যেককে নিখুঁত ভাবে কাজ কৰতে হয় পৰিচালকেৰ তৈৰী কৰা ছকেৰ মধ্যে। 'তবু পথেৰ পাঁচালী'ৰ মতন ছবি যখন আমাৰা দেখি তখন ভুলে যাই যে এৰ প্ৰতিটি দৃশ্যেৰ পিছনে আছে অনেক মহড়া, অনেক-বাবুৰ চেষ্টা ও বিফলতা। শিল্পেৰ চৰম প্ৰয়াস অনায়াস ৰূপে প্ৰতিভাত হওৱাৰ জন্ম। দুঃখেৰ বিষয়, প্ৰচণ্ড পটুতা সত্ত্বেও 'কাঞ্চনজঙ্ঘায়' মনে সে ভাব আসে নি। ভেঙে যাওয়া সংসাৰকে জোড়া লাগানোৰ জৰুৰ মেয়ে এসে যখন বাবাৰ কোলে বাঁপ দিয়ে পড়ে তখন মনে হয়

না যে, সে তার নিজের খুশিতে ছুটে এসেছে বাবার কাছে; মনে হয়, পরিচালকের প্রয়োজন ছিল তাকে ঠিক সেই সময়ে সেইখানে সেইভাবে উপস্থিত করবার। মনীষার মাথার ফুল-পোশাক ও গাছটি মিলে formal আলোকচিত্রের খুব চমৎকার বিষয়বস্তু হয়েছে তাতে কোনও সন্দেহ নেই, কিন্তু কাহিনীটির মধ্যে তার প্রয়োজন কোথায়? তেমনি তার দিদি এবং তার স্বামী যখন তাদের জীবনের জটিল সমস্যার গ্রন্থি উন্মোচনে ব্যস্ত তখন বার-বার বিভিন্ন জায়গায় বিশেষ কতকগুলি ভঙ্গিমায় তাদের বিচিত্র ক'রে নাটকটির কোন সামগ্রিক উদ্দেশ্য কি সাধিত হয়েছে? তবে সেই একই কথা বলতে হয়, এ সব ক্রটিও চোখে পড়ে সত্যজিৎ রায়ের ছবি ব'লেই। মোটের 'পরে এত সুন্দর ছবি আর কারুর হাতে হওয়াই কঠিন। তবু ছবিটা দেখবার পরে মনে হয়, খামখেয়ালী সাধারণ মধ্যবিত্ত ছেলেটির কথা: এসবই হ'ল কাঞ্চনজঙ্ঘার অস্তিত্বের গুণে। কাঞ্চনজঙ্ঘাকে বিশেষ কোথাও দেখতে পাই না, তবে ছবির শুধু নামে না, সর্বত্রই তার প্রভাব পরিব্যাপ্ত হয়ে আছে। মনে হয় ছেলেটি কলকাতায় ফিরে গেলে বোধ হয় সেই চাকরীর উমেদারীই করবে, রায়বাহাদুর তাঁর সমস্ত গুণই ছাড়া সত্ত্ব ও অভ্যস্ত মত ও পথ ছাড়তে পারবেন না, মনীষা ত নিশ্চয়ই সুপাত্রটির কণ্ঠে বরমাল্য অর্পণ করবে। এই কাহিনীটুকু তাদের প্রত্যেকের জীবনে ক্ষণস্থায়ী, ক্ষণস্থায়ী শুধু নয় কেমন যেন অর্থহীন inconsequential বলে মনে হয়। আসলে এসব চরিত্রই বাংলা ছবিতে আমাদের বহুবার দেখা। রায় বাহাদুর বাবা, সহনশীল ব্যক্তিত্ববিহীন মা, আপনভোলা মামা, বড়লোক মেয়ে-গরীব ছেলে, এমন কি ধুর্ভিৎস দাদা সবাই কি আমাদের অতি পরিচিত নয়? বুঝতাম, যদি এই সব stock character এর সাহায্যে নতুন কোন বক্তব্য পৌঁছে দিতে পারতেন সত্যজিৎ রায়। কিন্তু কাঞ্চনজঙ্ঘায় মেঘমুক্তিও যেমন আমাদের দৃষ্টির দোশে hackneyed হয়ে উঠতে পারে, তেমনি মেঘমুক্ত কাঞ্চনজঙ্ঘার সামনে রায় বাহাদুরের চরিত্রে যে আলোকপাত করেছেন সত্যজিৎ রায় তা নেহাৎই পুরানো ও পরিচিত। নতুন কিছু আবিষ্কার নয়। কিছুক্ষণ সময় অতিবাহিত করবার পক্ষে ছবিটি সুন্দর কোনও সন্দেহ নেই, কিন্তু মহৎ শিল্প মহৎ কোনও বক্তব্য ছাড়া সম্ভব নয়। কাঞ্চনজঙ্ঘার মধ্যে

prettyness-এর কোন অভাব নেই, কিন্তু 'পথের পাঁচালী'র মতন ছবির তুলনায় অত্যন্ত অস্বস্তিকারশূন্য ব'লে একে মনে হয়। এ ধরনের ছবি দেখা যায় খুব নিরাপদে—দর্শকের emotionগুলি কোনও সময়েই বিশেষ নাড়া পায় না। সেইজন্মেই দেখা হয়ে যাওয়ার পরে মাথায় থেকে যায় সুন্দর দেখতে কয়েকটি shot-এর কথা, তার বেশী কিছু নয়। সত্যজিৎ রায়ের মতন শিল্পীর কাছ থেকে আমরা কিন্তু এইটুকু পেলে সন্তুষ্ট হতে পারি না।

গল্পরচয়িতা সত্যজিৎ রায়ের তৈরি কথোপকথনের ভাষা ভাল লাগে নি মোটের উপর। যেখানে ভাষা ভাল সেখানে প্রায় একতরফা বক্তৃতা হয়ে উঠেছে। নাটক জমে ওঠার পক্ষে সেটা ব্যাঘাত ঘটায়। তা সত্ত্বেও অভিনয় অনেকেরই বেশ ভাল হয়েছে। ক্যামেরার নজর সবচাইতে বেশী ক'রে পড়েছে ছবি বিশ্বাস মহাশয়ের উপর এবং তিনি তার সুবিচার নিঃসন্দেহ ভাবে করতে পেরেছেন। আজকে তাঁর ব্যক্তিত্বপূর্ণ অভিনয় আমাদের কাছে বিশেষ তাৎপর্যপূর্ণ তাঁর ও সত্যজিৎ রায় মহাশয়ের মনীষার যুগপৎ সুরণের শেষ স্মৃতিচিহ্ন হিসাবে। বিশ্বনাথনের অভিনয় আমার খুব ভাল লেগেছে—বিশেষতঃ তাঁর বলিষ্ঠতার ব্যঞ্জনাটি সেনশর্মার dissipation-এর চিত্রের বিপরীতে খুব সুন্দর ভাবে ফুটে উঠেছে। অল্পবয়স্ক যুবক চরিত্র আরও দুটি আছে—তারাও পরস্পরের থেকে বিপরীতপন্থী—কিন্তু বঙ্গবাসী থেকে পাস করা ছেলেটিকে রায় বাহাদুরের ছেলের কাছে অত্যন্ত নিশ্চল ব'লে মনে হয়েছে—জানি না পরিচালক মহাশয় তাই চেয়েছিলেন কি না। মামার চরিত্রে সাহালা মহাশয় খাপ খেয়ে গেলেও—মার চরিত্রে করুণা দেবী যেন বড় বেশী শোকে মুগ্ধমান বলে চিত্রিত হয়েছেন—কিসের জন্তে শোক তা বোঝা যায় না। রায় বাহাদুরের কন্ঠাদের ভূমিকায় কারুর অভিনয়ই ভাল লাগে নি। অন্তত ছোট ভূমিকায় নেপালী বালকটি ও অল্পবয়সী মেয়েটির অভিনয় অত্যন্ত স্বাভাবিক ও সুন্দর হয়েছে। পর্দার অন্তরালে যারা কাজ করেছেন তাঁদের ভুল প্রায় ধরাই যায় না। ছবি ও শব্দ-গ্রহণের কাজ খুবই উঁচু দরের হয়েছে।



# মোরান ভিলায় রবীন্দ্রনাথের সুরের সৃজন-লীলা

শ্রীমুগাল ঘোষ

সেই বয়স—যে বয়সকে লক্ষ্য করে মিথিলার কবি বলেছিলেন ‘শৈশব যৌবন ছুঁছ মিলি গেলা’—সেই বয়সে রবীন্দ্রনাথ এলেন চন্দননগরে গঙ্গাতীরে। মন তখন অকারণ পুলকে ধুশিতে ভরে যায়, সৃষ্টির সব কিছু প্রতি দৃষ্টিভঙ্গী রোমাঞ্চিক। ব্যারিষ্টার হবার জ্ঞেয় দ্বিতীয়বার বিলেত পাঠাবার ব্যবস্থা করা হল, কিন্তু ঠাৎ মত পরিবর্তন করে মাদ্রাজের সমুদ্রতীর থেকে রবীন্দ্রনাথ সোজা মুম্বাইর পর্বতশিখরে পিতৃদেব মহর্ষি দেবেন্দ্রনাথ ঠাকুরের স্নেহচ্ছায়াতলে উপস্থিত হলেন। উত্তর প্রদেশের পাহাড় পর্বত থেকে নেমে এনার তিনি পাড়ি জমালেন বাংলার স্নিগ্ধ শ্যামল নদীতীরে, ফরাসী শাসিত চন্দননগরে, আর আশ্রয় নিলেন তাঁর জ্যোতি-দাদার কাছে বকুলবীথিকা শোভিত মোরান সাহেবের প্রাসাদোপম হর্ম্যে।

মাগরপারে ‘লিংকনস্ ট্রেন’-এ যোগদান করে বিলেতে বসে রোমান ল, ব্রিটিশ জুরিসপ্রুডেন্স ইত্যাদি আইন গ্রন্থ পাঠ করে, ভোজ দিয়ে ব্যারিষ্টার হবার চেষ্টায় তিনি জলাঞ্জলি দিলেন, কারণ তখন তাঁর পক্ষে “বাংলা দেশের এই আকাশভরা আলো, এই দক্ষিণের বাতাস, এই গঙ্গার প্রবাহ, এই রাজকীয় আলম্ব, এই আকাশের নীল আর পৃথিবীর সবুজের মাঝখানকার দিগন্ত-প্রসারিত উদার অবকাশের মধ্যে সমস্ত পরীর মন ছাড়িয়া দিয়া আত্মসমর্পণ—তৃপার জল আর ক্ষুধার খাওয়ার মতই আবশ্যিক ছিল।”<sup>১</sup>

চন্দননগরের দিনগুলি তখন রবীন্দ্রনাথের সুধায় সুধায় ভরে উঠেছিল। তখন থেকেই মোরান সাহেবের বাগানের স্মৃতি-বিজড়িত চন্দননগরের প্রতি তাঁর হৃদয়ানুরাগ হুয়েছিল অতি সুগভীর এবং জীবনব্যাপী। মোরান ভিলায় তেতলার গাওয়া-খরে বসে গঙ্গার শোভাদর্শন প্রসঙ্গে তিনি বলেছেন :

“আবার সেই গঙ্গা! সেই আলম্বে আনন্দে অনির্বচনীয়, বিসাদে ও ব্যাকুলতায় জড়িত, স্নিগ্ধ শ্যামল নদীতীরের সেই কলধ্বনিকরণ দিনরাত্রি!

এইখানেই আমার স্থান, এইখানেই আমার মাতৃ-হস্তের অগ্ন পরিবেশন হইয়া থাকে।”<sup>২</sup>

এখানে কবি-মানসের অহুকুল শ্যামলশ্রীমণ্ডিত ভাগীরথীতীরের এই রমণীয় পরিবেশে নিরবচ্ছিন্ন শান্তি এবং আনন্দে রবীন্দ্রনাথের জীবনের একটি বিচিত্র পর্ব অতিবাহিত হয়েছে। জীবনস্মৃতির পাতায় রয়েছে সেই অবিস্মরণীয় অহুভূতির সুমধুর স্মৃতিকথা :

“আমার গঙ্গাতীরের সেই সুন্দর দিনগুলি গঙ্গার জলে উৎসর্গ করা পূর্ণ বিকশিত পদ্মসুলের মত একটি একটি করিয়া ভাসিয়া যাইতে লাগিল। কখনও বা ঘনঘোর বর্ষার দিনে হারমোনিয়াম যন্ত্রযোগে বিদ্যাপতির ‘ভরা বাদর মাহ ভাদর’ পদটিতে মনের মত সুর বসাইয়া বর্ষার রাগিণী গাহিতে গাহিতে রুষ্টিপাতমুখরিত জলধারাচ্ছন্ন মধ্যাহ্নে গ্যাপার মত কাটাঠিয়া দিতাম, কখনও বা সূর্যাস্তের সময় আমরা নৌকা লইয়া বাহির হইয়া পড়িতাম—জ্যোতিদাদা বেহালা বাজাইতেন, আমি গান গাহিতাম—” ইত্যাদি

অনির্বচনীয় সঙ্গীতস্রষ্টা রবীন্দ্রনাথের জীবনে চন্দননগরের দিনগুলি ছিল সুরের কলস ভরার দিন। রবীন্দ্র-মানস গঠনে জ্যোতিরিন্দ্রনাথের অসামান্য প্রভাবের কথা সর্বজনবিদিত। ঠাকুর পরিবারের বহু অসাধারণ গুণ-সম্পন্ন সন্তান-সন্তাতিদের মধ্যে জ্যোতিরিন্দ্রনাথ এবং রবীন্দ্রনাথ উভয়েই ছিলেন ভাসেঁটাইল বা বহুমুখী প্রতিভার অধিকারী। এ দেশের এবং ওদেশের কাব্য সাহিত্য এবং সঙ্গীতাদি ললিতকলার উপর জ্যোতিরিন্দ্রনাথের দখল ছিল অনগ্রসাধারণ। মহাকবি কালিদাসের শ্রেষ্ঠ সংস্কৃত নাটকগুলির সাথে সমান পারদর্শিতার সঙ্গে দিনের পর দিন তিনি অহুবাদ করে গেছেন

<sup>২</sup> জীবনস্মৃতি-রবীন্দ্রনাথ।

\* এখানে স্মরণীয় যে বিশ্ববিখ্যাত সাহিত্যস্রষ্টা Johan Bojer প্রাচ্যে রবীন্দ্রপ্রতিভার অবদানকে সৌরভময় প্রসূতিত শব্দলপধের সঙ্গে তুলনা করেছেন “Rabindranath Tagore.....He is India bringing to Europe a new divine symbol, not the Cross but the Lotus.”—লেখক।

১ জীবনস্মৃতি—রবীন্দ্রনাথ।

ফরাসী মোপাসাঁর গল্পগুলি। তাঁর ঘর কখন মুখরিত থাকত সেতার ঝঙ্কারে, ভারতীয় মার্গ-সঙ্গীতের রাগ-রাগিণীর আলাপে, আবার কখন পিয়ানোর টুংটাং শব্দের সঙ্গে সেখান থেকে ভেসে আসত ফরাসী সুরশ্রুতি শোপাঁর সোনাতা। অনেক সময় যখন পিয়ানোর বিদেশী সুরের খেলা চলত, জ্যোতিদাদার পাশে বসে রবীন্দ্রনাথ সংযোগ করতেন তাতে বাংলা কথা। এমনি করেই কত বিদেশী মেলোডিকে আঙ্গমাৎ করে রবীন্দ্রনাথ সঙ্গীতে সেদিন করেছিলেন নব নব রূপসৃষ্টি। কবির অসামান্য প্রতিভা এবং অস্তরের আবেগ এই অপক্লপ সুর-সঙ্গীতকে সেদিন সার্থক এবং অবশ্যজ্ঞাবী করে তুলেছিল। “বিচিত্রের দূত” রবীন্দ্রনাথের জীবনে চিরদিন চলেছিল অনেক সুরের ভাঙ্গা-গড়ার খেলা। নদীতীরে মোরান ভিলার মনোরম পরিবেশে নব নব সুরসৃষ্টির দুর্বীর গতি-বেগে ঘনঘোর বর্ষার দিনে এমনি করেই বিদ্যাপতির গানে মনের আনন্দে তিনি সঞ্চারিত করে দিলেন মনের মত বাংলা সুরের আমেজ। এ প্রসঙ্গে তিনি নিজেই লিখেছেন :

“...মেঘের ছায়া ভেসে চলেছে শ্রোতের উপর ঢেউ খেলিয়ে, মেঘের ছায়া পালো হয়ে ঘনিষে রয়েছে ওপারে বনের মাথায়। অনেকবার এইরকম দিনে নিজে গান তৈরী করেছি, সেদিন তা হ’ল না। বিদ্যাপতির পদটি ছেগে উঠল আমার মনে, ‘এ ভরা বাদর মাহ ভাদর, শূন্য মন্দির মোর।’ নিজের সুরে ঢালাই করে রাগিনীর ছাপ মেরে তাকে নিজের করে নিলুম। গঙ্গার ধারে সেই সুর দিয়ে মিনে-করা এই বাদল দিন আজও রয়ে গেছে আমার বর্ষাগানের সিঁদুকটাতে।”<sup>৩</sup>

রবীন্দ্র-জীবনে এই সুরময় মোরান ভিলা তখন হয়ে উঠেছিল সুরের অলকাপুরী। এখানে নব নব সুরসৃষ্টির সার্থকতা প্রসঙ্গে রবীন্দ্র-স্নেহ-ধনু মনোমো ডাঃ কালিদাস নাগ বলেন :

“...মোলো বছরের রবীন্দ্রনাথ বিদ্যাপতির পদে প্রথম যে সুর দিয়েছিলেন চন্দননগরের গঙ্গাতীরে, তাতেও মেঘমল্লারের পাকা আলাপ।”<sup>৪</sup>

বিশেষ করে যে সময় বাংলার তথাকথিত অভিজাত এবং শিক্ষিত সমাজে পদাবলী গানের প্রবেশ নিষেধ ছিল, সে সময় বৈষ্ণব পদাবলীকে এমনি সহজ আনন্দে

আপনার করে নেবার এই হুঃসাহসের কথা সৌম্যেন্দ্রনাথ ঠাকুর রবীন্দ্র সঙ্গীতের ক্রমবিকাশ প্রসঙ্গে বলেন :

“বৈষ্ণব পদাবলীর সঙ্গে তাঁর নিবিড় যোগ ছিল।...গিয়েছেন চন্দননগরে। সেখানে আকাশ অঙ্ককার করে এল কালো মেঘ। সেদিন বৌ-ঠাকুরাণীকে গুনিয়ে দিলেন, ‘এ ভরা বাদর মাহ ভাদর’ গানটি। সে সময় পদাবলী গান সভ্যসমাজে ছিল অপাংক্রম্য। তখনকার ইঙ্গ-বঙ্গ সমাজের দৃষ্টি ছিল পাশ্চাত্য দেশের দিকে কিন্তু বিদেশী সঙ্গীতের রসকে পুরোপুরি গ্রহণ করবার মত শিক্ষা ও সংস্কৃতি সে সমাজের ছিল না। অথচ দেশের রসসৃষ্টি, সাহিত্য, গান সবকে অবহেলা করে এরা প্রমাণ করতে চেষ্টা করেছিল যে, এরা শিক্ষিত। সেই রকম দিনে রবীন্দ্রনাথ মোজা-বর্জিত পায়ে ড্রয়িং রুমে ঢুকে সে সমাজকে যেমন চমকে দিয়েছিলেন একদিকে, অতী-দিকে তাদের সামনে তিনি পদাবলী সঙ্গীতকে সার্থক করে তুলেছেন তাঁর নিজস্ব রং লাগিয়ে।”<sup>৫</sup>

মোরান ভিলায় অবস্থানের সময় রবীন্দ্রনাথ বিদ্যাপতির পদাবলী গানকে ‘নিজের সুরে ঢালাই করে রাগিনীর ছাপ মেরে তাকে নিজের করে’ যে অবিস্মরণীয় সুরসৃষ্টি করেছিলেন সে কথা স্মরণ করে নিজ জীবনের শেষার্ধ্বে শিল্পাচার্য্য অবনীন্দ্রনাথ লিখেছেন :

“জ্যোতিকাকা মহাশয় থাকেন তখন ফরাস-ডাঙ্গার বাগানে।...এক-একদিন বেড়াতে যেতুম ফরাসডাঙ্গার বাগানে যেমন ছেলেরা যায় বুড়োদের সঙ্গে।...বসে আছি বাগানে। খুব আম-টাম খাওয়া হোলো...তার পর গান। জ্যোতিকাকা মহাশয় বললেন, ‘রবি গান গাও।’ গান হোলোই রবির গান হবে।...সেই গানটা হোলো :

ভরা বাদর মাহ ভাদর

শূন্য মন্দির মোর।

গঙ্গার ধারে জ্যোতিকাকা মহাশয় হারমোনিয়াম বাজাচ্ছেন ; প্রথম সেই গান শুনলাম, সে সুর এখনও কানে লেগে রয়েছে। কি চমৎকার লাগল।”<sup>৬</sup>

তরুণ বয়সে মোরান-ভিলায় থাকার সময়টি ছিল রবীন্দ্র-জীবনে সুরের ফুল ফোটার যুগ। রবীন্দ্রনাথের শৈশবে যত্নভট্ট, মোলাবল্ল, শ্রীকণ্ঠ এবং আদি

৩ ছেলেবেলা—রবীন্দ্রনাথ।

৪ সুরের গুরু রবীন্দ্রনাথ—ডাঃ কালিদাস নাগ

৫ রবীন্দ্রনাথের গান—সৌম্যেন্দ্রনাথ ঠাকুর।

৬ যরোয়া—অবনীন্দ্রনাথ ঠাকুর।

ব্রাহ্ম-সমাজের বিষ্ণুরাম চক্রবর্তী ইত্যাদি সেকালের বনামবন্ত শ্রেষ্ঠ সঙ্গীত-শিল্পীগণ মুখরিত করে রেখেছিলেন জোড়াসাঁকের ঠাকুরবাড়ী। মার্গ সঙ্গীতের সঙ্গে, ভারতীয় সঙ্গীত পদ্ধতির সঙ্গে বাল্যকাল হতেই রবীন্দ্রনাথ যথেষ্টভাবে পরিচিত ছিলেন। উদাহরণ স্বরূপ বলা যেতে পারে যে, আদি ব্রাহ্মসমাজের ব্রহ্মসঙ্গীতের অধিকাংশই রবীন্দ্রনাথের সৃষ্টি এবং তাতে বহু রাগ-রাগিণী ভারতীয় সঙ্গীত-শাস্ত্রসম্মত শুদ্ধ ঠাটে এবং শুদ্ধ তালে বাঁধা। কিন্তু এ কথা ভুললে চলবে না যে, তাঁর চিরবৈচিত্র্যময় প্রতিভা জীবনে কোনো বাধ্যতামূলক শঙ্কাকে কোনো দিনই স্বীকার করেনি। সারাজীবন সুরের খেলা খেলতে খেলতে তিনি রবীন্দ্র-সঙ্গীতে কত নূতন ছন্দ ও তালের সৃষ্টি করেছেন। প্রাচ্য ও প্রতীচ্যের সঙ্গীতের সমন্বয়েরও পরিচয় রয়েছে তাঁর সঙ্গীতে, যেমন আইরিশ-বিলাবল, স্কচ-ভূপালী ইত্যাদি। তাঁর চিরবিস্ময়কর কবি-মানস গানের অন্তর্নিহিত ভাবটিকে রূপ দেবার জন্ত অবলীলাক্রমে কতকগুলি রাগ-রাগিণীর মিশ্রণ ঘটাতে তাঁকে চিরদিনই অনুপ্রাণিত করে রেখেছিল। (অবশ্য এই রাগ-রাগিণীর মিশ্রণ অশাস্ত্রীয় নয়। ভারতীয় সঙ্গীত শাস্ত্রে দুই রাগিণীর মিশ্রণজাত রাগিণীকে ‘সালঙ্ক’ এবং ততোধিক মিশ্রণে উৎপন্ন রাগিণীকে ‘সঙ্কীর্ণ’ বলা হয়েছে।) সুরের মিশ্রণ সাধনে, সুর ভাঙা-গড়ার খেলায় তিনি কিছুটা হাত পাকিয়েছিলেন এই মোরান ভিলায়।

রবীন্দ্রনাথের গান যেন এক-একটি বাণী-চিত্র। এ সঙ্গীত যেন বিশেষ ভঙ্গিতে ফুটে ওঠা পুষ্পস্তবক, যেন একটি রজনীগন্ধার ঝড়, তার গুচি গুচি স্নিগ্ধতায়, সুগন্ধের আত্মনিবেদনের মধ্যে রয়েছে পূর্ণের পরশ। *Emotion*কে আশ্রয় করে ভাব ও কথার সাহায্যে অপরূপ ছবি এঁকেছেন রবীন্দ্রনাথ তাঁর অজস্র গানে। গানের মধ্যে এই যে *imagery*—এ যেন প্রকৃতির বিশেষ একটি রূপকে নিজের একটি *mood*-এর মধ্যে আত্মগত করে সুরের মাধ্যমে পুনঃপ্রকাশ। বর্ষা-বিতোর প্রকৃতির রূপটি মোরান ভিলায় রবীন্দ্র-চিত্ততলে চিরমুদ্রিত হয়ে গিয়েছিল।

এখানে রবীন্দ্রনাথ কতদিন বাস করেছিলেন সঠিক জানা যায় না। তিনি নিজে বলেছেন :

“মোরান সাহেবের বিখ্যাত হর্ত্ম্য আমাকে কিছু দীর্ঘকাল যাপন করতে হয়েছিল।”<sup>৭</sup>

কোনো কোনো সমালোচকের মতে সে সময় এখানে

চন্দননগরের গঙ্গাতীরে তিনি পূর্ণ এক বৎসরকাল ছিলেন—

“মনে হয় পুরো একটি বছর কবি চন্দননগরে কাটালেন। এই পূর্বে গদ্য ও পদ্যে অজস্র রচনা তাঁর লেখনীমুখে সৃষ্টি হয়েছে।”<sup>৮</sup>

এখানে তিনি যতদিনই থাকুন না কেন, এ কথা নিঃসন্দেহে বলা যায় যে চন্দননগরে নদীতীরে বর্ষার দিনে মেঘাচ্ছন্ন আকাশের রূপটি তাঁর অন্তরকে অতি নিবিড় ভাবে স্পর্শ করেছিল। দীর্ঘকাল পরে মোরান ভিলায় স্মৃতি প্রসঙ্গে সে কথা তিনি বলেছিলেন চন্দননগরে তাঁর এক সর্ষর্কনা সভায় :

“ছেলেমানুষের বাঁশী ছেলেমানুষী সুরে যেখানে বাজত সে আমার মনে আছে। মোরান সাহেবের বাগান বাড়ি...ছাদের উপর থেকে মনে হ’ত মেঘের খেলা যেন আমাদের পাশের আন্ধিনাতেই।” ইত্যাদি।

এর পর, ৯ই ফাল্গুন : ৩৪৩ সালে বিংশ বর্ষীয় সাহিত্য সম্মেলনের সেই ঐতিহাসিক বিদ্বজ্জনসমাগমে, চন্দননগরে তাঁর ‘কবিজীবনের উদ্বোধন’ প্রসঙ্গে শ্রদ্ধাপদ ৮রামানন্দ চট্টোপাধ্যায়, ৮হীরেন্দ্রনাথ দত্ত, ৮যত্ননাথ সরকার, ৮অনুরূপা দেবী, ৮অতুলচন্দ্র গুপ্ত, ৮ইন্দ্রিরা দেবী, অধ্যাপক সুনীতিকুমার চট্টোপাধ্যায়, অধ্যাপক রাধাকমল মুখোপাধ্যায়, অধ্যক্ষ দেবপ্রসাদ ঘোষ ইত্যাদি স্নানীষিবৃন্দের সামনে কিশোর বয়সের স্মৃতি প্রসঙ্গে চন্দননগরে মোরান ভিলায় বসে দিনের পর দিন যে মেঘের খেলা দেখতেন সেই অপূর্ব স্মৃতিকথা রবীন্দ্রনাথ আর একবার বললেন :

“...গঙ্গার তীরের উপর সেই হর্ত্ম্যের অলিন্দে ও সর্বোচ্চ চুড়ায় আমি অনেক রাত্রি কাটিয়েছিলাম এবং আকাশের মেঘের সঙ্গে ছিল আমার মনের খেলা...তখনি আমার কবি-জীবনের প্রথম সৃচনা হয়েছিল।”<sup>১০</sup>

সেদিন কিশোর বয়সে ‘বৃষ্টিপাতমুখরিত জলধারাচ্ছন্ন’

৮ শনিবারের চিঠি, কবিমানসী, চতুর্দশ অধ্যায়—

জগদীশচন্দ্র গুটীচাষা।

৯ ২১শে বৈশাখ ১৩০৪ নৃত্যগোপাল স্মৃতিমন্দিরে পৌরসভার অত্যাধিনা উপলক্ষে রবীন্দ্রনাথের উত্তর ভাষণ।

১০ অভিত্যায়ণ—রবীন্দ্রনাথ, জাহ্নবী নিবাস, চন্দননগর, •

২১শে ফেব্রুয়ারী, ১৯০৭

মধ্যাহ্নে রবীন্দ্রনাথ মোরান-ভিলায় বসে মিথিলার কবির বর্ষাগানে মনের মত বাঙলা সুর বসিয়েছিলেন। সেদিনকার বর্ষার রূপ তাঁর মনে চিরস্তন রেখাপাত করেছিল। চিরবৈচিত্র্যময় রবীন্দ্র সঙ্গীতের মধ্যে তাই দেখি তাঁর বর্ষার গানগুলি একটি বিশিষ্ট স্থান অধিকার করে রয়েছে। বিদ্যাপতির বর্ষাগান আঙ্গুত করে তাতে বাঙলা সুরের ছোঁয়াচ লাগাবার অনেক পরে রচিত তাঁর বর্ষার গানগুলির মধ্যেও যেন সেদিনকার মোরান-ভিলায় সুরসৃষ্টির রেশ আবেগে আনন্দে আবার আঙ্গুপ্রকাশ করেছে, যেমন—

(১) “আজ বারি ঝরে ঝরঝর ভরা বাদরে”<sup>১১</sup>

(২) “ঝরঝর বরিয়ে বারিধারা”<sup>১২</sup>

(৩) “ঝরে ঝরঝর ভাদর-বাদর বিরহকাতর শর্বরী”<sup>১৩</sup>

(৪) “আজি ঝরঝর মুখর বাদরদিনে।”<sup>১৪</sup>

অনেক রাগ-রাগিণীর মধ্যে মল্লার রাগিণীটি ছিল কবিগুরুর অত্যন্ত প্রিয়। কারণ ‘বর্ষার কবি রবীন্দ্রনাথ’-এর সঙ্গীতের মর্মবাণীটির সঙ্গে এই বিশেষ রাগিণীটির অন্তর্নিহিত ভাবের এক স্মৃগভীর একান্তবোধ রয়েছে। বর্ষামঙ্গল উৎসবের প্রবর্তক রবীন্দ্রনাথ মোরান-ভিলায় মেঘাচ্ছন্ন দিনগুলিতে একসময় বর্ষার গান নিয়ে যে পরীক্ষা-নিরীক্ষা আর নব নব সুর সৃষ্টি করেছিলেন তারই অপরূপ পরিণতি লক্ষ্য করা যায় পরবর্তীকালে রচিত তাঁর বহু মল্লার রাগিণীর রবীন্দ্র সঙ্গীতে, যেমন ‘আজ শ্রাবণের আমন্ত্রণে ছয়ার কাঁপে কণে কণে’ কিংবা ‘কাঁপিছে দেহলতা থর থর’ ইত্যাদি গানগুলির মধ্যে যেন একই সুরে গাঁথা রয়েছে বর্ষগোন্ধু নিবিড় আকাশে পুঞ্জীভূত মেঘের সঞ্চরণের সঙ্গে মানুষের অন্তরের আকুল প্রতীক্ষা আর প্রচ্ছন্ন বেদনা।

গঙ্গার এপারে চন্দননগরে নদীতীরে মোরান ভিলা আর ওপারে শ্যামনগরের মূলাজোড়। ভবিতব্যের কোন্ নিঃশব্দ ইঙ্গিতে, ছ’শ বছর আগে বাংলার আর এক অবিস্মরণীয় কবি, রায় গুণাকর ভারতচন্দ্র ঠিক এই অঞ্চলটিতে এপারে এবং ওপারে কিছুকাল অবস্থান করেছিলেন। সেদিন তিনি এখানে নৌকাবিহার করতেন কি না জানা যায় না, কিন্তু ছ’শ বছর পরে প্রতিদিন অপরাহ্নে মহর্ষি দেবেন্দ্রনাথ ঠাকুরের ছই অসামান্য প্রতিভাবান্ পুত্র জ্যোতিরিন্দ্রনাথ এবং রবীন্দ্রনাথ মোরান ভিলায় বাঁধাঘাট থেকে নৌকা নিয়ে বেরিয়ে পড়তেন

মাঝ-গঙ্গার দিকে। নৌকায় বসে বেহালা বাজাতেন জ্যোতিরিন্দ্রনাথ আর গান গাইতেন রবীন্দ্রনাথ। অপার বিশ্বয়ে আর আনন্দে মুগ্ধ হয়ে সেদিন গঙ্গার এপারের আর ওপারের অধিবাসীরা রোজ সন্ধ্যায় স্তনত বিশ্বকবির কিশোর বয়সের অনিন্দ্যসুন্দর কণ্ঠে গাওয়া সুমধুর সঙ্গীত। গঙ্গাবক্ষে নৌকায় এই সুরের সাধনার কথা প্রসঙ্গে তিনি লিখেছেন :

“সূর্যাস্তের সময় আমরা নৌকা লইয়া বাহির হইয়া পড়িতাম—জ্যোতিদাদা বেহালা বাজাইতেন আমি গান গাইতাম ... পূর্ববনাস্ত হইতে চাঁদ উঠিয়া আসিত। আমরা যখন বাগানে ফিরিয়া আসিয়া নদীতীরের ছাদটার উপরে বিছানা করিয়া বসিতাম, তখন জলে স্থলে শুভশাস্তি, নদীতে নৌকা প্রায় নাই, তীরের বনরেখা অঙ্ককারে নিবিড়, নদীর তরঙ্গহীন প্রবাহের উপর আলো বিকম্বিক করিতেছে।”<sup>১৫</sup>

চন্দননগরে গঙ্গাবক্ষে এই সঙ্গীতমুখর সন্ধ্যার কথা তিনি কোনো দিন ভোলেন নি। অনেকদিন পরে বিলেত যাবার পথে লোহিত সমুদ্রে এক অলৌকিক সূর্যাস্তের বর্ণনা প্রসঙ্গে শ্রীমতী ইন্দিরা দেবীকে ২রা আশ্বিন : ২৯৯ সালে শিলাইদহ থেকে লিপেছেন :

“এমন এক-একটি দিন সম্পত্তির মত.....চন্দন-নগরের গঙ্গার গুটিকতক সন্ধ্যা.....এই রকম কতক-গুলি উজ্জ্বল সুন্দর ক্ষণখণ্ড আমার যেন ফাইল করা রয়েছে।”<sup>১৬</sup>

নিরবচ্ছিন্ন শাস্তির মধ্যে, প্রশান্ত গভীর আনন্দে উদ্বেলিত হৃদয়-মন নিয়ে যখন তিনি মোরান-ভিলায় মেতে উঠেছিলেন নিত্যনূতন সুরের খেলায়, জীবনের সেই অবিস্মরণীয় পর্বটিকে সন্ধ্যা-সঙ্গীতের যুগ বলে তিনি নিজেই চিহ্নিত করে রেখেছেন এবং মোরান-ভিলাকে তাঁর কবি-জীবনের উদ্বোধন তীর্থের<sup>১৭</sup> অমর মর্যাদা দান করে গেছেন।

শুধু কবিজীবনের উদ্বোধনতীর্থ বললেই মোরান সাহেবের বাগানবাড়ীর সব পরিচয় নিঃশেষ হয়ে যায় না। সমগ্র রবীন্দ্র সাহিত্যের ক্রমবিকাশের ইতিহাসের দিক থেকে বিচার করলে ইহার অধিকতর মূল্যায়ন সম্ভব।

১৫ জীবনস্মৃতি - রবীন্দ্রনাথ।

১৬ ছিন্নপত্র—রবীন্দ্রনাথ।

১৭ ‘এই গঙ্গাতীরে এই নগরের এক প্রান্তেই আমার কবি-জীবনের উদ্বোধন’— রবীন্দ্রনাথ।



এখানে ৱবীন্দ্রনাথের প্রাণের সুরে বঙ্কত সঙ্ঘ্যাসঙ্গীতের অধিকাংশ কবিতা এবং তাঁর প্রথম মুদ্রিত উপন্যাস বৌঠাকুরাণীর হাট লেখা শুরু হয়। এখানে স্মরণযোগ্য যে, মোৱান-ভিলায় ৱচিত সঙ্ঘ্যাসঙ্গীত এবং বৌঠাকুরাণীর হাটের জন্মই ৱমেশচন্দ্র দত্তের কন্যার বিবাহের দিন সাহিত্য-সম্রাট্ বঙ্কিমচন্দ্র কিশোর ৱবীন্দ্রনাথের গলায় নিজের প্রাপ্য জয়মাল্যটি পরিয়ে দিয়েছিলেন।

ৱবীন্দ্র-জীবনে স্মরণ-সাধনার ইন্দ্রপুরী এই মোৱান-ভিলা সম্বন্ধে বিদেশিনী লেখিকা Marjorie Sykes বলেন :

“In this happy home among these beautiful scenes, he wrote the volume called Evening Songs. This book at once made him famous among the Bengali writers of the time.”<sup>১৮</sup>

‘বিশ ও স্মৃতি’ ব্যতীত সঙ্ঘ্যাসঙ্গীতের সব কবিতাগুলি ৱবীন্দ্রনাথ মোৱান ভিলায় ৱচনা করেন। সঙ্ঘ্যাসঙ্গীত সম্বন্ধে প্রখ্যাত ‘ৱবীন্দ্র-জীবনী’ ৱচয়িতা প্রভাতকুমার মুখোপাধ্যায় বলেন :

“সঙ্ঘ্যাসঙ্গীতে কবি অতীতের বঙ্কন ছিন্ন করিয়া নূতন আশ্রয়স্থল অন্বেষণ করেন বলিয়াই এই কাব্যের এত সমাদর - সঙ্ঘ্যাসঙ্গীতকে ৱবীন্দ্রনাথ তাঁহার কাব্য গ্রন্থাবলীর প্রথম মুদ্রিত গ্রন্থ বলিয়া স্বীকার করিয়াছেন। ৱবীন্দ্রনাথের অসুকরণ-নিরপেক্ষ নিঃস্ব কাব্য-সৃষ্টির সূত্রপাত হইয়াছিল এই কাব্যের মধ্য দিয়া।”<sup>১৯</sup>

<sup>১৮</sup> The Story of Rabindranath Tagore—Marjorie Sykes

<sup>১৯</sup> ৱবীন্দ্র-জীবনী প্রভাতকুমার মুখোপাধ্যায়।

এ সম্বন্ধে ৱবীন্দ্র-ৱসিক প্রমথনাথ বিশী বলেন :

“ৱবীন্দ্রকাব্য-প্রবাহের উৎস সঙ্ঘ্যাসঙ্গীত... আমাদের নিকট সঙ্ঘ্যাসঙ্গীতের যে মূল্য তৎপূর্ববর্তী কাব্যের তাহা নহে। ...আমাদের অসুমান ছাড়াও গুরুতর প্রমাণ আছে, স্বয়ং কবির সাক্ষ্য।”<sup>২০</sup>

ৱবীন্দ্র-ৱচনাবলী প্রথম প্রকাশের সময় সঙ্ঘ্যাসঙ্গীত সম্বন্ধে কবিগুরু লিখেছেন :

“তাকে আমার বোলের সঙ্গে তুলনা করব না, করব কচি আমার গুটির সঙ্গে, অর্থাৎ তাতে তার আসল চেহারাটা সব দেখা দিয়েছে শ্যামল রঙে।... কিন্তু সেই কবিতাই প্রথম স্বকীয় রূপ দেখিয়ে আমাকে আনন্দ দিয়েছিল। অতএব সঙ্ঘ্যাসঙ্গীতেই আমার কাব্যের প্রথম পরিচয়।”<sup>২১</sup>

মোৱান-ভিলায় তেতলার হাওয়া-ঘর, যেখানে তাঁর প্রাণের সুর, লিরিকধর্মী সুরের প্রথম মর্শোপলব্ধি হয়েছিল, সঙ্ঘ্যাসঙ্গীত ৱচনার সুমধুর স্মৃতি-বিজড়িত সেই ঐতিহাসিক কক্ষটি প্রসঙ্গে ৱবীন্দ্রনাথ বলেছেন :

“এইখানে ছিল আমার বাসা আর এইখানেই আমার মানসীকে ডাক দিয়ে বলেছিলেম :

এইখানে বাঁধিয়াছি ঘর

তোঁর তরে কবিতা আমার।”<sup>২২</sup>

<sup>২০</sup> ৱবীন্দ্র-কাব্য-প্রবাহ—প্রমথনাথ বিশী।

<sup>২১</sup> ৱবীন্দ্র-ৱচনাবলী, কবির মন্তব্য—ৱবীন্দ্রনাথ।

<sup>২২</sup> ১৩৩৪ সনে ৱবীন্দ্র-সঙ্গীত সঙ্ঘ্যাসঙ্গীত কবির ভাষণ প্রসঙ্গে (বঙ্গবাণীতে প্রকাশিত)।

## জনমত ও গণতন্ত্র

শ্রীঅশোককুমার মুখোপাধ্যায়

আজকাল প্রায় সব সময়েই 'গণতন্ত্র' কথাটা আমরা শুনি। কিন্তু এর যথার্থ অর্থের অনেক সময়ই বিকৃতি, স্বেচ্ছায় বা অনিচ্ছায়, ঘটে থাকে। গণতন্ত্রের ধারণা অনেক পুরোন হলেও এর সঠিক সংজ্ঞা, প্রয়োগ ও ব্যবহার কালে কালে, দেশে দেশে বিভিন্ন। আজকের দিনে যে দুই পরস্পর-বিরোধী আদর্শের সমাজব্যবস্থা দেখা যাচ্ছে, তাদের উভয়েরই লক্ষ্য গণতন্ত্রের সার্থক রূপায়ণ। কিন্তু এ দুই রকমের গণতন্ত্রের মধ্যে মিলের চেয়ে অমিলের অংশটাই বেশি চোখে পড়ে। তেমনি প্রাচীন ভারতীয় বা গ্রীক গণতন্ত্র ও আজকের ব্রিটিশ গণতন্ত্রে যে প্রভেদ তা আকাশ পাতাল না হলেও বেশ অনেকখানি। তবুও রাষ্ট্রবিজ্ঞানী আর সমাজবিজ্ঞানীগণ মোটামুটি খেটুকুতে এক-মত তার থেকে গণতন্ত্রের একটা চলনসই ধারণা করা যেতে পারে। আব্রাহাম লিঙ্কনের মত 'জনগণের দ্বারা গঠিত, জনগণের দ্বারা চালিত, জনগণের দ্বারা শাসিত' সরকার বললে কিছুই প্রায় স্পষ্ট হ'ল না। জনগণের নির্বাচিত প্রতিনিধির দ্বারা সরকার গঠন করলেই তা 'গণতান্ত্রিক' হয় না। কেন না, তাহলে হিটলারের শাসনও গণতান্ত্রিক, যেহেতু ভোটার মাধ্যমেই তিনি ক্ষমতায় এসেছিলেন। আবার জনকল্যাণের আদর্শে অনুপ্রাণিত হলেই যে-কোন শাসনকেই গণতান্ত্রিক বলা যেতে পারে না। কেন না, তাহলে মধ্যযুগীয় অনেক রাজা-রাজড়া বা উদার-নৈতিক সামন্ত প্রভুদেরও গণতন্ত্রের শিরোপা দিতে হয়। মনে রাখতে হবে যে, তাঁরা জনহিতার্থে যে কাজ করেন সেটা সম্পূর্ণ ভাবে স্বেচ্ছায় করেন, জনসাধারণের কোন সুপারিশকে তামিল করেন না। জনমতের প্রতি শ্রদ্ধার বোধ অগণতান্ত্রিক শাসন-ব্যবস্থার চরিত্রগত গুণ নয়। গণতন্ত্রে সর্বপ্রকার কাজের জন্ত শাসিতের কাছে শাসক-গোষ্ঠীর সব সময়ই একটা দায়-দায়িত্বের ভার accountability থাকে। এই দায়িত্ববোধ যেখানে অনুপস্থিত সেখানে গণতন্ত্রের বিশিষ্ট গুণটির অভাব ঘটেছে বলে মনে করা যেতে পারে। এই সঙ্গে একটা কথা মনে রাখা প্রয়োজন যে, এই দায়িত্ববোধ যে শুধুমাত্র কয়েকজন নির্বাচিত প্রতিনিধির কাছেই থাকবে এমন কোন কথা নেই। এই দায়িত্ববোধ যে কোন ভাবে অনুভূত হতে

পারে। আজও সুইজারল্যান্ডের কোন কোন অঞ্চলে 'পল্লীসভা' Landsgemeinde আহূত হয় যেখানে প্রত্যেক প্রাপ্তবয়স্ক নাগরিক ও সরকারের প্রতিনিধি প্রত্যক্ষ ভাবে আলোচনা করে সিদ্ধান্তে পৌঁছয়। প্রত্যক্ষ গণতন্ত্রের এই উদাহরণ প্রাচীন ভারতবর্ষ ও গ্রীসে প্রচলিত ছিল, কেন না, তখনকার রাষ্ট্রের কল্পনা 'নগর-রাষ্ট্রের' বেশি আর এগোয় নি। কিন্তু আধুনিক জীবন-যাত্রার জটিলতা, জনসংখ্যার বৃদ্ধি, রাষ্ট্রের পরিবর্তিত ধারণা—এই সমস্তের জন্ত আজ প্রত্যক্ষের বদলে পরোক্ষ গণতন্ত্রের আবির্ভাব হয়েছে। অর্থাৎ জনসাধারণের মতাদেশকার যদিও আজ পর্যন্ত তার গুরুত্ব হারায় নি তবুও পরোক্ষ গণতন্ত্রে শাসক-শাসিতের সম্পর্ক একটু দূর হয়ে গেছে। মাঝে মাঝে নির্বাচনের সময় সাময়িক ভাবে যে যোগসূত্র স্থাপিত হয় সেটাও তত গুরুত্বপূর্ণ নয়, কেন না, তখন দল-প্রথার ভিত্তিতে প্রাণপণ প্রচারের মধ্যে দিয়ে আপন আপন দলীয় কর্মসূচীর জন্ত জনগণের সম্মতিসূচক ভোট লাভের প্রসঙ্গই প্রধান হয়ে ওঠে। শাসনকার্যে জনগণের অংশ গ্রহণ এর দ্বারা বেশি দূর এগোয় না। পার্লামেন্টারী গণতন্ত্রে নির্বাচিত সরকারকে প্রতি পদে আয়ত্তে রাখা জনসাধারণের দ্বারা সম্ভব হয় না। কিন্তু এর মধ্যেও যা বিশেষ লক্ষ্য করার বিষয় সেটা হ'ল যে, "জনমতে"র রায়কে সম্পূর্ণ উপেক্ষা করার উপায় গণতন্ত্রের আধুনিক ব্যবস্থায় নেই। সেটা সম্ভব হয় একনায়কতন্ত্র বা স্বৈরতন্ত্রে, তা সে জনহিতব্রতী বা অত্যাচারী যাই হোক না কেন। গণতন্ত্রে 'জনমত' আপন মহিমায় প্রতিষ্ঠিত, শাসকের প্রতিটি কাজের যথাযথ মূল্যায়নে সদা তৎপর।

এই যে 'জনমতে'র কথা বলা হ'ল তা সংখ্যাধিক্যের অভিমতের সঙ্গে সহজেই তুলনীয় হলেও এই দুটো কখনই এক জিনিষ নয়। এমন কি এরকমও হতে পারে যে, কোন নির্বাচনের মাধ্যমে প্রকৃত জনমতের ঠিক বিপরীত মতই প্রকাশ পেল। তাই একথা মনে রাখতে হবে যে সংখ্যাধিক্যের মতই "প্রকৃত জনমত" নয়।<sup>1</sup> সংবাদপত্রের সম্পাদকীয় স্তরের অভিমত মাত্রই জনমতের অস্তিত্ব নয় <sup>2</sup> রাজনৈতিক দলের প্রচারের মধ্যে জন-

মতের প্রকাশ সব সময় নাও হতে পার। জনমতের প্রকৃত রূপের সৃষ্টি হয় এদের প্রত্যেকের মধ্যে থেকেই, কিন্তু সৃষ্টমতটি এদের কোন একটির সঙ্গে একাত্মক হবে—এ ধারণা ভুল। প্রকৃত জনমতের সৃষ্টি হয় তখনই যখন সংখ্যাগুরু মতকে সংখ্যালঘু মেনে নেয় অত্যাচারের ভয়ে নয়, দীর্ঘ বিচার-বিবেচনা-প্রসূত যুক্তি-পূর্ণ প্রয়োজনবোধের তাগিদে, আপন বিবেকের নির্দেশে।<sup>৪</sup> একথা উল্টোভাবেও সত্য। প্রভাবশালী সংখ্যালঘুর বিশেষ কোন নীতি যখন কেবলমাত্র প্রচার বা অত্যাচারের চাপে নয়, সহজ ভালমন্দ চিন্তাধারার আঘাতে-সংঘাতে সংখ্যাগুরুর স্বৈচ্ছাপ্রণোদিত সম্মতি লাভ করে, তখন তাকে জনমতের প্রকাশ বলা যায়। এই যে জনমত তার উদ্দেশ্য হবে জনকল্যাণের বৃহত্তর আদর্শ, ক্ষুদ্র স্বার্থপরায়ণতার চতুরালি নয়। গণতন্ত্রে জাগ্রত জনমত সব সময়ই সরকার বা সাধারণের সমস্ত প্রতিষ্ঠানের কাজকর্মের প্রতি বিশেষ লক্ষ্য রাখে এবং যে কোন শৈথিল্যের প্রতি তৎক্ষণাৎ সকলের দৃষ্টি আকর্ষণ করে তাদের উপযোগিতা বা কার্যক্ষমতা বাড়াতে সাহায্য করে।

সার্থক গণতন্ত্রে 'জনমত' কখনই হঠাৎ তৈরী হয় না। বিরাট কোন দেশনেতার সুপারিশ, শক্তিশালী দলের সমর্থন, সংবাদপত্রের নিরন্তর প্রচার-অভিযান বা বিশেষ বিশেষ স্বার্থসংশ্লিষ্ট সংগঠনের চাপে জনমতের বিকাশ না হয়ে বিকৃতিই ঘটে। জনমতের আধুনিক ধারণার ভিত্তি মূলতঃ সমাজতাত্ত্বিক।<sup>৫</sup> সমাজের প্রতিটি স্তরে, কারখানা, বিশ্ববিদ্যালয়ে, সভা-সমিতিতে, বাড়ীতে, পথেঘাটে প্রতিটি মুহূর্তে লক্ষ লক্ষ রকমের মতের প্রকাশ ও ব্যাখ্যান চলে গণতন্ত্রে; সেখানে শাসকের রক্তিম চোখ এর স্বতঃ-উৎসরণকে বন্ধ কবে না; একনাথকের শ্বেনদৃষ্টিতে এর প্রাণ যায় না স্তম্ভে। গণতন্ত্রে কল প্রকার ব্যক্তি-স্বাধীনতার মধ্যে মতপ্রকাশের ও সমালোচনার অধিকার প্রধানতম।<sup>৬</sup> বিভিন্ন মতাদর্শের আতিথ্য করাই গণতন্ত্রের প্রধান ধর্ম।<sup>৬</sup> সদাবিবর্তিত বিভিন্ন মতের নিরন্তর প্রতি-যোগিতার মধ্যে দিয়েই জন্ম নেয় "প্রকৃত জনমত" এবং তাকে উপেক্ষা বা অশ্রদ্ধা করা গণতন্ত্রে কোন মতেই সম্ভব নয়।

জনমতের আধুনিক ধারণা একটা প্রবাহের ধারণা।<sup>৭</sup> নানাদিক্ হতে বিভিন্ন ধরণের মতের ছোট ছোট ধারা

সব সময়ই প্রবহমান। প্রতি পদে তাদের গতিপথ পরিবর্তিত হচ্ছে, কোন এক মাস্কাতার আমলের নির্দিষ্ট করা বিশেষ কোন খাদে তাদের গতি নয়। সব সময়ই তারা একে অপরের সঙ্গে মিলছে এবং পরিশেষে একটি বেগবতী ধারায় রূপ নিচ্ছে। বিভিন্ন মত যখন জনমতের রূপ গ্রহণ করে তখন তার শক্তি অপরিমিত। তাকে অহুসরণ করে দেশের আইনও তখন নিত্য নতুন রূপ নিতে থাকে।

জনমতকে এই যে বিশেষ অর্থে আমরা বুঝি, সে অর্থে জনমতের কোন ধারণাই প্লেটো বা অ্যারিস্টটলের মধ্যে দেখতে পাওয়া যায় না।<sup>৪</sup> তারা রাষ্ট্রের ধারণার ওপর একটু নৈতিকগুণ আরোপ করেছিলেন। প্লেটোর মতে রাষ্ট্রই শিক্ষা দেবে কি ভাবে চিন্তা করা উচিত, আর এই রাষ্ট্রের পরিচালন-ভার স্তম্ভ থাকবে "দার্শনিক-শাসক"দের ওপর যারা কেবলমাত্র বিত্তময় জ্ঞানের দাবীতেই এই শাসনের অধিকার লাভ করবেন। সুতরাং যাদের বুদ্ধি-বৃষ্টি তাদের চেয়ে কম, সেই জনসাধারণের মতকে অহু-সরণ করে শাসনকার্য চালনার কোন প্রথাই তাঁদের মনে জাগে নি।

কিন্তু আধুনিক যুগের ধারণা এর থেকে ভিন্ন। আজকের সমাজ-বিজ্ঞানী বা রাষ্ট্রবিজ্ঞানী মনে করেন যে, জনমতের সহজ, স্বন্দর ও স্বাভাবিক বিকাশ যখন সম্ভব হবে, তখন তা স্বমহিমায় প্রতিষ্ঠিত হবে এবং গণতন্ত্রও সার্থকতার রূপ নেবে। একমাত্র তখনই মনে করা যেতে পারে "জনগণের বাণীই ভগবানের বাণী" (Vox Populi Vox Dei)।

সংখ্যাচিহ্নিত বিশেষ মতের ওপর বিস্তারিত আলোচনা নিম্নলিখিত বইয়ে পাওয়া যাবে :

1. Lowell—Public Opinion and Popular Government.
2. Lippmann—Public Opinion.
3. Lowell—Public Opinion and Popular Government.
4. Mannheim—Freedom, Power and Democratic Planning.
5. H. W. Stead—The Press.
6. E. Barker—Reflections on Government.
7. E. Barker—Greek Political Theory : Plato and His Predecessors.
8. Sabine—A History of Political Theory.

## ১৮৫৭ সালের বিদ্রোহ

( সমসাময়িক ইংরেজের অভিমত )

শ্রীশুধীন্দ্রলাল রায়

ইংরেজ আমলের স্কুল কলেজে পড়া ভারতবাসী শিখিয়াছে যে, ১৮৫৭ সালে ব্রিটিশ কোম্পানির ভারতীয় সিপাহীরাই বিদ্রোহ করে। তাহাতে যোগ দেয় রাজ্যচ্যুত ও পেনসনচ্যুত রাজস্বারা। ভারতের জনতা শান্ত ও নির্লিপ্ত ছিল। বিশেষতঃ আধুনিক উত্তরপ্রদেশে ও মধ্যপ্রদেশের কতক অংশে ইহা সীমাবদ্ধ ছিল। দক্ষিণ ও পূর্ব-ভারত নির্লিপ্ত ও রাজভক্ত ছিল। রজনী গুপ্ত "সিপাহী বিদ্রোহের ইতিহাস" অনুবাদ করিয়া এই ধারণা দৃঢ়ীভূত করেন।

ভারত স্বাধীন হইবার পর স্বাধীনতা আন্দোলনের ইতিহাস রচনার প্রয়োজনীয়তা বোধ করায় ভারত-গবর্ণমেন্ট এ দেশের ঐতিহাসিকদের উপর মুক্তি সংগ্রামের ইতিহাস লেখার ভার দেন। ৮৫৭ সালের সংগ্রামকে স্বাধীনতা আন্দোলনের প্রথম পর্যায় হিসাবে গণ্য করিতে বলা হয়।

কিন্তু ঐতিহাসিকদের মধ্যে মতবিরোধ ঘটিল। একদল ১৮৫৭ সালের ক্রান্তিকে "জাতীয়" সংগ্রাম বলিতে অস্বীকার করিলেন। নানা মুনির নানা মত হইয়াই থাকে। যাহারা ১৮৫৭ সালের বিদ্রোহকে "জাতীয়" বলিয়া স্বীকার করেন না, তাহারা বোধ হয় শব্দার্থ সম্বন্ধে উগ্রপন্থী। ত্রিশ কোটি ভারতবাসীর প্রত্যেকে কলকল-নিলাদ করালে দ্বিত্রিংশকোটি ভূজৈগ্নত ডাঙা লইয়া তাড়া করিলেই তাহা "জাতীয়" হইবে, নহিলে হইবে না— ইহাই সম্ভবতঃ উক্ত ঐতিহাসিক পণ্ডিতদের মত। "জাতীয়" শব্দের কেতাবী অর্থ হয়ত তাহাই। কিন্তু ব্যবহারিক অর্থে সম্ভবতঃ ভাবে স্বল্পসংখ্যক ব্যক্তির সচেতন প্রচেষ্টাকে ইতিহাস সব দেশেই "জাতীয়" আখ্যা দিয়াছে। উগ্রপন্থী শব্দার্থবাদী ঐতিহাসিকদের ব্যাখ্যাসূ-সারে নেপোলিয়ানের বিরুদ্ধে জার্মানীর, অষ্ট্রিয়ার বিরুদ্ধে ইতালীর অভ্যুত্থান "জাতীয়" নহে। মুষ্টিমেয় বল-শেভিকদের দ্বারা সম্বটিত রুশ বিপ্লব "গণ-আন্দোলন" নহে। সুরেন্দ্র-দাদাভাইয়ের কংগ্রেস আন্দোলন "জাতীয়" নহে। অরবিন্দ-স্বপ্ন সশস্ত্র বিপ্লবীদের বীরত্বপূর্ণ প্রচেষ্টাও জাতীয় আন্দোলন নহে। গান্ধী-আন্দোলন তা নহেই। কেননা, ঐ ঐতিহাসিকরা এবং তাহাদের মত কোটি

কোটি ভারতবাসী ইংরেজের ও ইংরেজপুষ্টি মুসলীম লীগের তাবেদারী করিয়া পুত্র-কন্যার গ্রাসাচ্ছাদন অর্জনে ব্যাপৃত থাকিয়া "জাতীয়" ভাবে ইংরেজ উচ্ছেদের কোনও প্রচেষ্টায় যোগ দেন নাই। তাহারা মনে করেন উদার, বদান্ত ও পরম নিঃস্বার্থ ইংরেজ জাতি ভারতের হিন্দু ও মুসলমান এই দুই "জাতি"কে স্বাধীনতাদানপূর্বক বান-প্রস্থ অবলম্বন করিয়াছে। সুতরাং ব্রিটিশ ও কিছুটা মুসলীম লীগের নিকট আমরা কৃতজ্ঞ থাকিব।

আবার অল্পদিকে যাহারা ১৯০৫ সাল হইতে ১৯৪৭ পর্যন্ত ফাঁসি, কারাবাস, দৈহিক নির্যাতন, আর্থিক ক্ষতি, অধীশন, সামাজিক অবহেলা স্বীকার করিয়াছিলেন, তাহারা মনে করেন যে, ১৮৫৭ সালের ব্যর্থ প্রচেষ্টার শেষ পরিণতি ১৯৪৭ সালে ইংরেজের বিদায় গ্রহণ। মধ্যবর্তী আন্দোলনগুলি একে অত্রের অনুপূরক। সব কয়টাই স্বাধীনতার জন্ম সচেতন জাতীয় সংগ্রাম। এই দুই মতের মধ্যে আমরা বলিব, বুঝ সাধু যে জ্ঞান সন্ধান।

এই প্রবন্ধ সেই সন্ধান কার্যে সামান্য একটু প্রচেষ্টা :

১৮৮৪ সনে জন মারে কর্তৃক প্রকাশিত একটি পুস্তক হস্তগত হইয়াছে। ইহার লেখক মার্ক থর্নহিল। ইনি বেঙ্গল সিভিল সার্ভিসে ছিলেন। ( তখন ইণ্ডিয়ান সিভিল সার্ভিস হয় নাই )। বইটির নাম : "The Personal Adventures and Experiences of A Magistrate During the Rise, Progress and Suppression of the Indian Mutiny." মলাটে ও পুস্তক মধ্যে সংক্ষেপ নাম "The Indian Mutiny." গ্রন্থকার "সিপাহি মিউটিনী" নাম ত দেন-ই নাই, তিনি ইহাকে "সিপাহী বিদ্রোহ" বলিতে নারাজ তাহা স্পষ্ট ভাষায় লিখিয়াছেন। লেখক ১৮৫৭ সালে মধুবায় ম্যাজিস্ট্রেট পদে ছিলেন। তিনি নিজে যাহা দেখিয়াছেন ও করিয়াছেন তাহাই কেবল বর্ণনা করিয়াছেন। সেইজন্য তাঁর বিবরণ আশ্রয় ও মধুরা জেলার ঘটনার সীমাবদ্ধ। এই দুই জেলায় যে সব ইংরেজ ছিল তাহাদিগকে আশ্রয় হুর্গে আশ্রয় লইয়া বহুদিন অবরুদ্ধ অবস্থায় থাকিতে হয়। দুই জেলায়ই অধিবাসীরা বিদ্রোহ করে। যে সব সিপাহী ছিল, তাহাদের বেশীর ভাগই দিল্লী চলিয়া যায়



বাদশাহকে তাকে বসাইয়া ভারতের “স্বাধীনতা” ঘোষণা করিতে।

থর্নহিল সাহেবের পুস্তক পাঠে বুঝা যায় যে, তিনি অত্যন্ত সত্যনিষ্ঠ ঐতিহাসিক। তাহার প্রত্যক্ষ অভিজ্ঞতা মাত্র তিনি বর্ণনা করিয়াছেন। মীরাট, লক্ষৌ, কানপুর, দিল্লীর কোনও ঘটনার তিনি উল্লেখ করেন নাই কেননা—তাহার কিছুই তিনি নিজে দেখেন নাই। এমন কি যে ঘটনার সোরগোল তুলিয়া ইংলণ্ডবাসীর জিহ্বাঙ্গা জাগ্রত করিতে চেষ্টা করা হইয়াছিল—কানপুরের সেই তথাকথিত নৃশংসতা সম্বন্ধে ইনি নীরব। ভারতবাসীদের বর্ধার প্রমাণ করিবার জন্য কলিকাতার অন্ধকূপ হত্যা ও কানপুরের হত্যাকাণ্ড লইয়া ইংরেজ যথেষ্ট বর্ণনা দিয়াছে। দুইটারই বিশদ বর্ণনা সত্যবাদী ইংরেজের লেখা আছে। কানপুরে ঘেরাপ নির্মমভাবে শিশু ও নারীহত্যা হইয়াছিল, তাহা পাঠে আমরাই লজ্জায় ও ঘৃণায় সঙ্কুচিত হই। অথচ একজন ইংরেজ, যে বিদ্রোহের কারণে স্বয়ং ক্ষতিগ্রস্ত হইয়াছে—সে ভারতীয়দের ঐরূপ নৃশংসতা সম্বন্ধে নির্দোষ! বরং ৩২৭ পৃষ্ঠায় ছোর দিয়া লিখিয়াছেন যে, অসুরূপ পরিস্থিতিতে অল্প দেশের লোক যতটা নৃশংস হয়, ভারতীয়রা আদৌ সে নৃশংসতার পরিচয় দেয় নাই।

কৃষক শ্রেণীর মধ্যেও যে ব্রিটিশ শাসনের বিরুদ্ধে অসন্তোষ পুঞ্জীভূত হইয়াছিল, তাহা থর্নহিল সাহেব বিশদভাবে বর্ণনা করিয়াছেন। ইহার কারণ, ব্রিটিশ গভর্নমেন্ট ভারতের ভূমি-স্বত্বের বুনিয়াদ বিনষ্ট করিয়াছিল। তিনি লিখিতেছেন—“আমরা যাদের ভূস্বামী মনে করিতাম, অর্থাৎ জমিদার ও তালুকদাররা, ইংরেজীতে প্রোপাইটার বলিতে যাহা বুঝায়, তাহা তাহারা ছিল না। তাহারাও উত্তরাধিকারসূত্রে প্রজাই ছিল। কিন্তু আমরা তাহাদিগকেই জমির মালিক বানাইয়া দিলাম। পরে দেখা গেল, কৃষকদেরও ভূমিতে কতকগুলি বিশেষ অধিকার আছে যাহা হইতে তাহারা বঞ্চিত হইয়া পড়িয়াছে।” (৩১ পৃঃ)

1. “I learnt more of the natives during the mutiny than I had during all the many years of my previous residence in the country. Compared with what other nations would have been under similar circumstances, they were not more cruel, they were certainly less violent.”

“বিদ্রোহের পূর্বে এ দেশে বহু বৎসর কাটাইয়াও, এ দেশবাসীর চরিত্র সম্বন্ধে আমি বিদ্রোহের সময়ই সম্যক জ্ঞান লাভ করি। অনুরূপ অবস্থায় অল্প দেশের লোক বেরূপ নিষ্ঠুর ও হিংস্র হয়, ভারতীয়রা তত নিষ্ঠুর তো হইয়াই না, হিংস্রতা তাদের অবশ্য কম ছিল।”

“ব্রিটিশ শাসনের পূর্বে কৃষক মহাজনদের নিকট জমি বন্ধক দিয়া ঋণ লইত বটে, কিন্তু ঋণের দায়ে জমি হস্তান্তরিত করিতে হিন্দু আইন সাহায্য করিত না। ইংরেজী আইন তাহা করিল। ফলে এক পুরুষের মধ্যে “The ancient proprietors had given place to new men, mostly strangers, often Bunniahs ...from the Zamindars downward the whole Village was in the Bunniah’s debt, and of all creditors he was the most pitiless. (২৪পৃঃ) দেশায় শাসনকালে মহাজনরা জমি গ্রাস করিতে পারিত না এবং তজ্জন্ত কেহ শাইলকের মত ব্যবহার করিত না। কিন্তু, “আমাদের আইন সমাজপ্রচলিত বাধানিষেধগুলি উড়াইয়া দিল। বানিয়া মহাজন তার পাণ্ডনার পরিবর্তে জমি দখলের অধিকার লাভ করিল। বিচারপদ্ধতির জটিলতা, মহার্ঘতা ও দীর্ঘস্থিতার সুযোগ লইয়া বানিয়ারা কত জাল দলিল প্রস্তুত করিল। আমাদের আইন তাহাদের এই কার্যে এমন সুযোগ সৃষ্টি করিয়া দিল যে false documents and false witnesses became almost part of the stock-in-trade of a successful Bunniah” (৩৪পৃঃ)। এবং “ইংরেজ আমলের পূর্বের জমিদাররা গ্রামেরই অধিবাসী ছিল। গ্রামবাসীরাও অধিকাংশ সময়ে তাদের স্বজাতি ছিল, অনেক ক্ষেত্রে একই বংশের হইত। এই জমিদাররা দেশের মাটিকে ভালবাসিত। সে ভালবাসা খাজনার পরিমাণের উপর নির্ভর করিত না। ইংরেজ আমলে যে জমিদারদের উদ্ভব হইল তাহাদের জমির উপর কোনও দরদ ছিল না—কেবল মুনাফার প্রতি ছিল তাদের নজর। খাজনা আদায়ের অত্যাচারের যুগ আরম্ভ হইল।”

আমি শাসনিক অস্বাদ দিয়া যাইতেছি।

“প্রাচীন জমিদাররা একেবারেই অত্যাচার করিত না, তাহা নহে। কিন্তু জমিদার আর প্রজায় এমন একটা সৌহার্দ্যের সম্পর্ক ছিল যে অত্যাচারের পরিমাণ ইংরেজ আমলের জমিদারদের অত্যাচারের সঙ্গে তুলনায় নিতান্ত অকিঞ্চিৎকর। জমিদার-প্রজায় একটা আত্মীয়তার বন্ধন থাকায় যখন দেশের রাষ্ট্রশক্তি দুর্বল হইয়া পড়িত, তখন গ্রাম-অঞ্চলে আইন-শৃঙ্খলার ব্যতিক্রম হইত।” ইংরেজ আমলে উল্টা হইল। বিদ্রোহের সময় ইংরেজের রাজশক্তি শিথিল হওয়া মাত্র সর্বত্র মাৎস্যত্বায়ের প্রকোপ দেখা দিল।

“যখন সংবাদ আসিল দিল্লীর বাদশাহ পুনরায়

তাকে বসিয়াছেন, লোকে ধরিয়া লইল ইংরেজ শাসনের অবসান হইয়াছে। ইংরেজ আইনের ইচ্ছা যাওয়ার, ইংরেজের ভূমিব্যবস্থার বিরুদ্ধে সর্বত্র বিদ্রোহ আরম্ভ হইল। বানিয়াদের উপর প্রথম আক্রোশ পড়িল। তাদের বাড়ীঘরে আশ্রয় লাগান হইল, দলিলপত্র পুড়াইয়া দেওয়া হইল। নূতন জমিদারদের বিতাড়িত করার চেষ্টা চলিল। যে অরাজকতা দেখা দিল তাহা কেবল সিপাহীদের মধ্যে সীমাবদ্ধ রহিল না। দেশের জনতা ইংরেজ শাসনের অন্ত করিতে ব্যগ্র হইয়া উঠিল। যে সব গ্রামে প্রাচীন জমিদারদের উচ্ছেদ হয় নাই, শুধু সেই সব গ্রামেই অবস্থা শান্ত ছিল।”

যে সব শহরে ইংরেজ ফৌজ ছিল, সেখানকার সিপাহীরা বিদ্রোহ করিয়া, খাজনা লুণ্ঠ করিয়া, বাধা পাইলে ইংরেজদের হত্যা করিয়া দিল্লী রওয়ানা হইত, বাদশাহের পতাকাতে সম্মত হইত। তাহারা চলিয়া গেলে শহরের জনতা আসিয়া কোতোয়ালী আক্রমণ পূর্বক পুলিশের অস্ত্র কাড়িয়া লইত। পলায়িত ও পলায়মান ইংরেজদের গৃহ লুণ্ঠিত হইত।

বিদ্রোহের সূত্রপাতে ঝর্ঝিলা অত্যাচার ইংরেজসহ এক ধনী শেঠের বাড়ী আশ্রয় লন। কিন্তু ক্রিপ্ত জনতা শেঠের বাড়ী আক্রমণ করার আয়োজন করায় সাহেবরা রাত্রির অন্ধকারে আশ্রয় পলাইয়া গেলেন। ঝর্ঝিলের পুস্তকপাঠে ইহা স্পষ্ট হইয়া উঠে যে, বিদ্রোহকে “জাতীয়” সংগ্রাম দিই আর না দিই, নিঃসন্দেহ যে উহা শুধু সিপাহীদেরই বিদ্রোহ ছিল না।

বিদ্রোহের অন্তে প্রতিহিংসাপরায়ণ ইংরেজ শুধু অকারণ নরশোণিতেই ধরিত্রী রঞ্জিত করিয়া ফাস্ত হয় নাই। ভারতের শিল্পকলার শ্রেষ্ঠ নিদর্শন একরূপ অনেক ইমারত অনর্থক ধ্বংস করিয়াছিল। ঝর্ঝিল বলিতেছেন, “ভবিষ্যতে এমন সময় আসিবে যখন দেশীয় ইমারতগুলি অকারণ বরবাদ করার জন্য আমাদের গবর্ণমেন্টের অপবাদ হইবে। যখনই আমি এই ধ্বংসকার্যের কথা ভাবিয়াছি, আমার মনে যুগপৎ ক্রোধ ও দুঃখের উদ্বেক হইয়াছে।”

2. “In some future age our Government may be condemned for its wanton destruction of the native edifices. . . . This destruction I could never contemplate without regret, without indignation.” *The Indian Mutiny*, p. 327.

দিল্লীর রাজপ্রাসাদ ও লক্ষ্মৌয়ের ইমারতগুলি ক্ষুদ্রচেতা ইংরেজ অফিসারদের প্রতিশোধস্পৃহার কবলে বিধ্বংস হয়। ঝর্ঝিল বলিতেছেন যে, এ কার্য নিতান্ত হীন মনের পরিচয় দেয়, বিশেষ করিয়া ইহা করা হইয়াছে বিদ্রোহ শেষ হইবার অনেক পরে, যখন দুই পক্ষেরই চিন্তাবিকার শেষ হইয়া শান্ত পরিবেশের সৃষ্টি হইয়াছে।

“দিল্লীর রাজপ্রাসাদ ভারতীয় চিত্রকলার চরম অভিব্যক্তি। এমন ইমারত আগে ছিল না এবং সম্ভবতঃ ভবিষ্যতেও হইবে না, কেননা যে পারিপার্শ্বিকে ইহা নির্মিত হয়, তাহা আর পুনরায় ঘটিবে না। অথচ ইহার অধিকাংশ ইচ্ছাপূর্বক বিনষ্ট করিয়া ইহার মালমসলা নিলাম করা হয়।” ৩-৪

পুস্তকটির শেষ অধ্যায়টির শিরোনাম—“What Caused the Mutiny?” “বিদ্রোহ কেন হইল?” ঝর্ঝিলের ভাষায়—(গুল আর উদ্ধৃত করিলাম না)

“প্রথম প্রশ্ন এই যে বিদ্রোহ কি কেবল ফৌজী বিদ্রোহ ছিল, না, আমাদের বিরুদ্ধে আপামরসাধারণের বিপ্লব ছিল?”

“ব্যাপারটা এই—সিপাহীরা বিদ্রোহ করিয়াছিল এ কথা ঠিক। তজ্জন্ত রাজশক্তি শিথিল হওয়ায় জনতা বাধ্যতা ভুলিয়া গেল। তাহারা খাজনা দেওয়া বন্ধ করিল, আইনের আশ্রয় ত্যাগ করিল। একরূপ পরিস্থিতিকে যে নামই দেওয়া হউক, ইহার উদ্ভবের যে কারণই নির্দেশ করা হউক,—ইহা নিশ্চয়ই বিপ্লব।”

“ফৌজী বিদ্রোহের কারণ এ স্থানে আলোচনা করিব না। তাহার খানিকটা নিতান্তই ফৌজী ব্যাপার এবং খানিকটা সাধারণ জনতার অসন্তোষের কারণ যাহা, তাহাই। যে কারণে সিপাহীরা বিদ্রোহ করা মাত্রই জনতা আমাদের শাসন অস্বীকার করিয়া বসিল, তাহার আলোচনাই করিব।

3. The palace of Delhi was the culminating effort of Indian Art. It was an edifice the like of which had not before existed and in all probability would not again appear, for it was the result of conditions not likely to be repeated. Yet the greater portion of it was deliberately pulled to pieces and the materials sold by auction.” পৃ. ৩২৭

\* দিল্লীর দুর্গের গাইডের দর্শকদের বলিয়া থাকে যে এই ধ্বংসকার্য এবং প্রাচীর গাভের বহুশস্য গ্রন্থরগুলির লুণ্ঠন জাঠদের দ্বারা অনুষ্ঠিত। ইংরেজ আমলে গাইডদের ইহা বেন শিখান হইতেছিল, কিন্তু আমাদের ঐচ্ছিক বিভাগের কর্তারা এখনও গাইডদের দ্বারা এই বিখ্যাই প্রচার করাইতেছেন।

“ইংরেজরা বিদ্রোহের নানা কারণ উল্লেখ করিয়াছেন। সেগুলি অত্যন্ত পরস্পর-বিরোধী। ভারতীয়রা স্বয়ং যে কারণ নির্দেশ করে তাহার আলোচনাই সুসঙ্গত। মূলতঃ এই তিনটি কারণ দেখা যায় :

- (১) ট্যাক্সের উচ্চহার
- (২) দেশের দারিদ্র্য বৃদ্ধি
- (৩) দেশের অধিবাসীদের শ্রীষ্ঠান করা হইবে এই সন্দেহ।” (পৃঃ ৩৩১)

“ট্যাক্স বৃদ্ধির গুণকটো অতিরঞ্জিত হইলেও ভিত্তিহীন ছিল না। আমাদের দ্বারা ধার্মা ভূমি-রাজস্বের হার নিঃসন্দেহে খুব উচ্চ ছিল। অত্যাচারের মাত্রা বাড়িয়া গিয়াছিল, কেন না আমরা জমি নিলামের দ্বারা বন্দেয়া রাজনা উসুল করিতে লাগিলাম। এতদুপরি বৃটিশ আইন কুমৌদর্ভাবী বানিয়াদের প্রজ্ঞা-নিপীড়নে সহায়ক হওয়ায়, আক্রোশটা ব্রিটিশদের উপর আপতিত হয়।

“ইংরেজদের বিরুদ্ধে জনতার আক্রোশের আরও

কারণ ছিল। প্রথম দিকে আমরা রাজস্ব আদায় করিয়া ও পুলিশী ব্যবস্থা করিয়া নিশ্চিন্ত থাকিতাম। কিন্তু পরে যখন দেশীয় ব্যবস্থা ও আইনের স্থানে আমাদের ব্যবস্থা ও আইন প্রচলনে চেষ্টিত হইলাম, লোকের সন্দেহ বৃদ্ধি পাইল। এতদ্ব্যতীত যতই অধিক সংখ্যায় এদেশে ইংরাজরা আসিতে লাগিল, জাতিদ্রোহের (antagonism of race) মনোভাব বৃদ্ধি পাইল। যতই সাম্রাজ্যের বিস্তার হইতে লাগিল, রাজার পর রাজাকে উচ্ছেদ করিয়া তাদের রাজ্য আমরা দখল করিতে লাগিলাম, there became roused against us a feeling of patriotism — আমাদের বিরুদ্ধে জাতিপ্রেম উদ্ভূত হইতে লাগিল।”

দেখা যাউতেছে ষষ্ঠি “শাশনালিঙ্গম” না হউক “পেট্রিয়ারিঙ্গম” দেখিয়াছিলেন।

অপচ কথেকজন তথাকথিত ঐতিহাসিক ইত্য দেখিতে পান না।

—•—



\* \* \* \* \*

# ক. হাড্ডের

## অভিজাত প্রসাধনী






\* \* \* \* \*

## বিধানচন্দ্রের একটি জন্মদিন

শ্রীতপতী মুখোপাধ্যায়

শ্রীবিধানচন্দ্র রায় বাংলার গৌরব, এর পিছনে তাঁর পিতামাতার অভূতপূর্ব দাম্পত্যপ্রেম ও ভগবৎপ্রেমে জড়িত পুণ্যময় জীবনের আশীর্বাদ কতখানি তা আজকে অনেকেই জানেন না। আমার পিতামহী হেমলতা সরকারের আলেখ্যে সেই কথাই সুন্দর ভাবে ফুটে উঠেছে। মনকে স্নিগ্ধ করে তাঁর বর্ণনায় সেই যুগের কথা, যখন বিধানচন্দ্র নব্যযুবা, সবে কৃতিত্বের সঙ্গে ডাক্তারী পাশ করে বিলেত থেকে দেশে ফিরছেন। আমাদের দার্জিলিং-এর বাড়ীতে তখন তাঁহার পিতা ডক্টর প্রকাশচন্দ্র রায় ছিলেন। কৃতীপুত্রের জন্মদিন আগত, ছেলে তখনও বিদেশে। হেমলতা সরকারের আলেখ্য থেকে উদ্ধৃত করে দিলাম, তাঁর সুললিত ভাষায় ফুটে উঠুক সেই তরুণ বিধানচন্দ্রের জন্মদিনের কথা।

“আমাদের বাড়ীতে যখন ছিলেন, তখন তাঁর কনিষ্ঠ পুত্র ডাক্তার বিধানচন্দ্র রায় বিলাত হইতে আসিলেন। আমার বাড়ীতেই বিলাত-প্রত্যাগত পুত্রের সঙ্গে তাঁর সাক্ষাৎ হইল। সে কথা আমার চিরদিন মনে থাকিবে। বিধানচন্দ্র যখন সমুদ্রপথে, তখন তাঁর জন্মদিন উপস্থিত। জন্মদিনের দুই দিন আগে প্রকাশচন্দ্র বলিলেন, ‘পরও বিধানের জন্মদিন। আমার ইচ্ছা হইতেছে সেদিন তোমাদের মিষ্টমুখ করাই, তুমি এখানকার দুই-চারজন বন্ধুকে ডাকিয়া জলযোগ করাইতে পারিবে?’ আমি বলিলাম, ‘কেন পারিব না?’ তখন কি কি আহারের ব্যবস্থা করিতে হইবে বলিলেন। দেখিলাম, উৎকৃষ্ট বস্তু না হইলে তাঁর মন উঠিল না। বিধানচন্দ্রের জন্মদিনে সকালে সকলকে লইয়া পুত্রের মঙ্গলকামনায় উপাসনা করিলেন। বিকালে ৪টার সময় বন্ধুদিগকে সুন্দর করিয়া জলযোগ করাইলেন। তার পর রাতে আবার

আমাদের লইয়া ভগবানের চরণে কৃতজ্ঞতা জানাইলেন এবং পুত্রের জন্ম আবার প্রার্থনা করিলেন। যেদিন বিধান আসিবেন তার পূর্বদিন বলিলেন, ‘দেখ, কৃতী পুত্র ঘরে আসছে আজ দেবীজী থাকলে কত আয়োজন করতেন। আমি বাবা, আমার ত কৃতী পুত্রের প্রতি সমাদর দেখাতে হয়, তুমি যদি পার তার যথাযোগ্য অভ্যর্থনার জোগাড় কর।’

“আমি বলিলাম, ‘কি করতে হবে?’ বলিলেন, ‘ফুল পাতা দিয়া বাড়ী সাজাও, রাতে বাড়ীতে রোসনাই কর, ঐক্যতান বাণের যদি জোগাড় হয় কর, আর প্রীতিভোজন।’ আমি তথাস্তু বলিয়া বাড়ী পত্রপুষ্পে সাজাইলাম, ফটকে ‘ভাগমন’ লেখা হইল, রাতে আলোকমালায় গৃহপ্রাঙ্গণ সুসজ্জিত হইল এবং সন্ধ্যার কনসার্টের দল মধুর বাদ্য শুনাইল। সে এক মহোৎসবের ব্যাপার। বিধানচন্দ্র সমারোহ দেখিয়া লজ্জায় অধোবদন! ‘বাবা এক ব্যাপার করেছেন, লজ্জায় মরি।’ প্রকাশচন্দ্র পুত্রের যথাযোগ্য অভ্যর্থনা করিয়া তৃপ্ত হইলেন।”

এই ত গেল সন্তানবাৎসল্যের কথা। আমার পিতার মুখে শুনেছি পুত্রের পিতৃভক্তির মধুর কথা। বিধানচন্দ্র বিলেত থেকে এসে, জাহাজ থেকে বোম্বাই শহরে নেমে ট্রেন ধরে চলে এলেন কলকাতায়। এমন তাঁর প্রগাঢ় পিতৃভক্তি যে, সেখানে না থেমে হাওড়া থেকে সোজা গেলেন শেয়ালদা ষ্টেশনে, ধরলেন দার্জিলিং মেল। দার্জিলিং এসে পিতৃপাদবন্দনা করে তবে তাঁর তৃপ্তি হ’ল, সম্পূর্ণ হ’ল বিদেশের জয়লাভের ফল।

আজ দেশবাসী তাঁর বিদেহী আত্মার জন্ম প্রার্থনা জানাচ্ছেন, আমিও সেইসঙ্গে আমার ভক্তির অর্থ্য নিবেদন করলাম।





কলিকাতা মিউনিসিপাল গেজেট : রবীন্দ্র শতাব্দীর সংখ্যা ( ১৯৬১ ) । কলিকাতা মিউনিসিপাল গেজেট ( ১৯৬১ )

সম্পাদক শ্রী রবীন্দ্র ভট্টাচার্য্য ও তাঁর সহকর্মীদের সাধুবাদ করি যে এছাড়া প্রতিফুল্ল লক্ষন করের তাঁরা একটি অস্বাভাবিক বই ছেপে রবীন্দ্র ভট্টাচার্য্যের উপহার দিলেন । প্রায় ১৪০ পাতা বাংলা ( গদ্য পদ্য ) ও প্রায় ১৮০ পাতা ইংরেজী রচনায় সমৃদ্ধ এই বইখানি ঘরে ঘরে বহুকাল থাকবে মেঘের ছবি রাজেন্দ্র মহম্মদার ও তাঁর পরামর্শদাতাগণকে ধন্যবাদ জানাই যে তাঁরা অর্গব্যয়ে এতটুকু কাপণ্য করেন নাই । ছবি কোটো ও আর্ট প্রেসেস্‌সলি দেপার্টমেন্টে বোম্বাই বায় কবিগুরু উপযুক্ত স্মারক-পত্রিকা তাঁর জগৎমান কলিকাতায় প্রকাশ হল । রত্নপাতি শ্রীরাধাকৃষ্ণন প্রায় অর্ধশতাব্দী পূর্বে লিখেছিলেন 'The philosophy of Rabindralala's' তিনিই এ সংখ্যায় অনেক মনোমীনের সঙ্গে স্রেষ্ঠ অর্ঘ্য দিয়াছেন । মজৌবর ডঃ গোপাল রেড্ডী 'শান্তিনিকেতনের প্রাক্তন ছাত্র ও বাংলা জানিনী' তাঁর 'At the feet of the master' অস্বাভাবিক হয়ে থাকবে । U.S.S.R. Academy of sciences প্রতিনিধি Y Chelyshiv 'রাশিয়ার রবীন্দ্র প্রবন্ধে অনেক পত্র দিয়েছেন যেগুলি ১৯৬০ সালে "রাশিয়ার চিঠি" পুস্তিকার ভাষা । রবীন্দ্রনাথের 'আফ্রিকা' কবিতাটির তাৎপর্ষ্যপূর্ণ ব্যাখ্যা তিনি দিয়াছেন । কেন্দারনাথ চট্টোপাধ্যায় প্রবাসী ও মডার্ন রিভিউ ও তাঁর নিজের সংগ্রহ থেকে দুস্তোপ্য চিত্রাদি Municipal Gazette-এ দিয়েছেন ও প্রবন্ধে দক্ষিণ আফ্রিকার সত্যগ্রহ আলোচনে রবীন্দ্রনাথ তাঁর বন্ধু রামানন্দ চট্টোপাধ্যায় মারকতে ১০০০ পাতনে সে কথাও লিখেছেন । Rev. Father Dillon ও আমেরিকার Norman Cousins প্রভৃতি চিত্রাকর্ষক প্রবন্ধ লিখেছেন : রবীন্দ্রনাথের Illinois বিশ্ববিদ্যালয়ে রবীন্দ্রনাথ সর্ব প্রধান ( ১৯১২ ) । মার্টিন কোটো ও ইংলণ্ডের কোটোও ছাপা হয়েছে ।

রঙ্গ-বিশাগে রবীন্দ্রনাথের ছই জন শ্রিয় সহকর্মী মনোমী হীরেন্দ্রনাথ দত্ত ও চারুচন্দ্র ভট্টাচার্য্য পরলোকে তবু তাঁদের আমরা প্রথমই স্মরণ করি । শ্রীমতী ইন্দিরা দেবীর 'রবীন্দ্রকাব্যের বারনাঙ্গা' ও শাস্তাদেবীর "শান্তিনিকেতন" প্রবন্ধের সঙ্গে অবনীমোহন বন্দ্যোপাধ্যায় লিখিত "পুরাণো কণা" গড়ে অনেক আনন্দ পাবেন । কাজী আবদুল ওহুদ ও সৈয়দ মুজতবা আলী তাঁদের নিজস্বভাবে লেখা দিয়েছেন । রবীন্দ্র সঙ্গীতের তাৎপর্ষ্য বিশ্লেষণ করেছেন শিলাচাৰ্য্য অসিত হালদার ও সৌমেন্দ্রনাথ ঠাকুর । বাসিনী রায়ের "গুরুদেব গাঙ্গোজী" ছবিখানি মনে করিয়ে দেয় যে, কী গভীর অধ্যয়ন-যোগে ছই মহাপুরুষ সংযুক্ত হয়েছিলেন । প্রচ্ছদ পটে রবীন্দ্র-প্রতিকৃতিখানি সর্ধক উদ্বোধন হয়েছে । শেষে স্মরণ করাই যে, বঙ্গবর আমল হোম ১৯০১ সালে ৭০ বাষকী সংখ্যায় মে খটনা-পঞ্জী ( Chronology ) ছাপেন সেটি অবলম্বনে রবীন্দ্র-নির্ধাণ ( ১৯৪১ ) ও শতাব্দী ( ১৯৬১ ) উৎসব পর্য্যন্ত সব জাতব্য তথ্য পরিবেশন করে গেজেট আমাদের গভীর আনন্দ দিয়েছে, তাই আশা করি যে, উক্ত সংখ্যা ঘরে ঘরে সবসঙ্গে সংরক্ষিত হবে ও পাঠক পাঠিকাদের বহুকাল সাহায্য

করবে । সপ্তম্বরের নকল ছেপে কবিগুরুকে যেন উর্জলোক থেকে আমাদের "ঘরের মানুষ" মনে করান হয়েছে তাই এ পত্রিকার বহুল প্রচার কামনা করি ।

দীপঙ্কর

হাওড়া জেলার লোক-উৎসব : তারাপদ সাতরা ।

শরৎসংগ্রহশালা, পাণিগ্রাম : হাওড়া, দাম ছ'টাকা ।

আধুনিক সভ্যতা ও আধুনিক জাতিগণের পণ্যের প্রসারের ফলে প্রাক্তন গ্রাম্য জীবনের প্রাণস্বরূপ পাল-পাখি ধর্মোৎসবগুলি ক্রমশঃ তাহাদের পূর্বপুরুষ হারাইয়া অনর্কিত অপচলিত বা বিলুপ্ত হইতে চলিয়াছে । তাই ইহাদের নিখুঁত বিবরণ সংকলনের দিকে অবিলম্বে বিশেষ দৃষ্টি দেওয়া বাঞ্ছনীয় । এই সম্প্রদায় বিক্ষিপ্ত ভাবে কিছু কিছু কাজ হইয়াছে সত্য কিন্তু প্রয়োজনের তুলনায় তাহা যথেষ্ট নহে । বিভিন্ন অঞ্চলের অনুসন্ধিৎসু কর্মীদের দ্বারা সেই অঞ্চলের বিবরণ সংকলিত হইলে ভাল হয় । তবে সংকলন বৈজ্ঞানিক প্রণালীতে নির্দিষ্ট নিয়ম অনুসারে করা দরকার । বিভিন্ন জেলার প্রকাশিত ইতিহাসগুলিতে সংকলিত বিবরণ সে দিক দিয়া পূর্ব উপযোগী নহে । আলোচ্য পুস্তিকাখানির বিবরণও ঠিক নিয়মানুগভাবে সংকলিত না হইলেও ইহা অভিনন্দন যোগ্য । কোন অঞ্চলের উৎসব লইয়া একরূপ বস্তুর গ্রন্থ প্রকাশ বাংলায় বোধ হয় এই প্রথম । শরৎসংগ্রহশালার ন্যায় অল্পাঙ্গ আঞ্চলিক প্রতিষ্ঠানগুলিও একরূপ কাৰ্যে ত্রুটি হইলে হৃদয় লাভের আশা করা যায় ।

আলোচ্য পুস্তিকায় কতকগুলি গ্রন্থ দেবদেবী, উৎসব-পার্বণ, বারব্রহ্ম, ঋচির-অনুষ্ঠানের বিবরণ দেওয়া হইয়াছে । বিবরণগুলি অনেক স্থলে কিছুই অসম্পূর্ণ । বিবরণ পূর্ণ করিয়া অপেক্ষা অনুষ্ঠানের মূল নিরূপণের চেহার দিক গ্রন্থকারের আগ্রহ বেশী মনে হয় । অষ্ট বর্তমানক্ষেত্রে তাহাদের তেমন উপযোগিতা আছে বলিয়া বোধ হয় না । পঞ্চাশত্রে শাস্ত্রীয় অনুষ্ঠানের সঙ্গে মিলাইয়া আলোচনা না করায় অনেক অনুষ্ঠানের তাৎপর্ষ্য স্পষ্ট হয় নাই । দীপালী উৎসব উপলক্ষে উল্লিখিত পিতৃপুরুষের উদ্দেশ্যে অন্নবাজন নিবেদন ও গুরু চাদবদনী অনুষ্ঠান পদ লিপ্যায় শাস্ত্রীয় অনুষ্ঠানের স্মৃতিবহন করিতেছে । অসুবাচীর অনুষ্ঠান বহু প্রচলিত শাস্ত্রীয় অনুষ্ঠান হৃৎকায় পোতা শাস্ত্রীয় অনুষ্ঠানের বিকৃত রূপ । পুস্তিকার মধ্যে ভাষাগত ত্রুটি ও বর্ণাঙ্কিত বাহ্য পীড়াপায়ক ।

শ্রীচিন্তাহরণ চক্রবর্তী

পল্লী-পুনর্গঠন—মোহনদাস করমঠাদ গাঙ্গো, শ্রীশৈলেশঙ্কর

বন্দ্যোপাধ্যায় অন্সিত । পরিবেশক—সর্বোদয় প্রকাশন সমিতি, সি-৫২ কলেজ স্ট্রিট মাদেট, কলিকাতা-১২ । মূল্য - ৩.০০ টাকা ।

পুস্তিকাখানি মহাত্মা গাঙ্গো রচিত 'Re-Building our VI' angli গ্রন্থের বাংলা অনুবাদ । মহাত্মাজীর এই মূল রচনাগুলি প্রধানতঃ 'হরিজন' এবং 'ইন্স ইন্ডিয়া' পত্রিকায় প্রকাশিত হয় । অনুবাদক

শৈলেশবাবু সর্বোদয় আদর্শ পরম বিশ্বাসী এবং একনিষ্ঠ কর্মী। গ্রাম সংগঠনের সঙ্গে ইহার সম্পর্ক ছিল বহুকাল ব্যাপী এবং এ-কাজে তাঁহার পরম অতিষ্ঠতাও আছে।

আলোচ্য পুস্তকখানি, যাহারা গ্রাম-পুনর্গঠনের কাজে লিপ্ত আছেন কিংবা এ-বিষয় চিন্তা করেন, তাঁহাদের পক্ষে মূল্যবান। সাধারণ পাঠকও এ-পুস্তকে গাঞ্চীজীর দূর-দর্শিতা এবং ভ্রুয়োজ্ঞানের পরিচয় লাভ করবেন। গাঞ্চীজীর গঠনমূলক কার্যের চিন্তাধারা গ্রামকর্মীদের চিন্তকে নানা ভাবে ও নানাদিক দিয়া প্রকৃত পরিমাণে প্রভাবিত করিয়াছে। বর্তমানে সরকারী আওতায় এবং প্ররোচনায় গ্রামের উন্নতি প্রচেষ্টা বহুভাবে হইতেছে সত্য কিন্তু ইহা ঠিক পথে চলিতেছে কি না, সে-বিষয়ে তাঁর আশঙ্কা আছে। “পল্লী-পুনর্গঠন” পুস্তকখানি মন দিয়া পাঠ করিলে, গ্রাম-কর্মীদের পদের নিশানা মিলিবে বসিয়া মনে করি। আশা করি এ-পুস্তকখানি বাংলা দেশের পল্লী এবং গ্রামোন্নয়নের সহায়ক হইবে। পুস্তকখানির নিশানভঙ্গী ভাল এবং ইহাতে সরকার সাহিত্যিকের পরিচয় সহজপ্রকাশ হইয়াছে। আর একটি কথা মনোজীর নাম এবং দোহাই দিয়া বহুজন গ্রামের উন্নতি কল্পে নানা প্রচেষ্টা করিতেছেন। কিন্তু গাঞ্চীজীর আদর্শ মৌখিক আনুগত্য প্রকাশ করিলেও প্রচেষ্টা যেন ক্রমশ বিপরীতমুখী হইতেছে বলিয়া মনে হয়। আলোচ্য পুস্তকখানি পাঠ করিলে মহাত্মাজীর প্রকৃত আদর্শ কি ছিল, গ্রামের উন্নতি বলিতে তিন মনে কি করিয়াছিলেন, তাহার প্রকৃত পরিচয় পাওয়া যাইবে। এই দিক দিয়া এই পুস্তকখানির মূল্য প্রকৃত এবং উহার সম্যক প্রচার হওয়া প্রয়োজন।

পুস্তকখানির ছাপা, বঁধাই এবং প্রচ্ছদপট মনোরম।

ডিলিরিয়াম—ঈশ্বরীদেব চট্টোপাধ্যায়, প্রাপ্তিস্থান : ৭৮ হুয়া সেন রোড, কলিকাতা-২২। মূল্য চার টাকা।

পুস্তকখানি ১৯৪৭ সনে মারুমাসে লেখা—এবং সেই সময়কার হিন্দু-মুসলমান সমগ্রা ও সাম্প্রদায়িক দাঙ্গা-বিবাদের সঙ্গে অন্তর্ভুক্ত বিষয়ও আলোচিত হইয়াছে এই পুস্তকে। লেখক যে-ভাবে তাঁহার বিষয়বস্তু আলোচনা করিয়াছেন, তাহা প্রায় ডিলিরিয়ামের পথায় পৌছিয়াছে। বক্তব্য সহজবোধনহে এবং নিশানভঙ্গী স্বপছাড়া ও গোলমলে। ১৯৪৭ সালের রাজনৈতিক আন্দোলন কথা বলিতে গিয়া— বঙ্গদূর পিচ্ছাইয়া ১৯২১, ১৯৩০ এবং অস্ত্রাঘাত বঙ্গের আন্দোলনের কথা বলিতে চাহিয়াছেন, কিন্তু তাহা বোধহয় সব দিক দিয়া যথাযথ হয় নাই। এই পুস্তকে মহাত্মা গাঞ্চীকে লইয়া প্রচুর পরিহাস প্রচেষ্টার সমর্থন করা যায় না। এ-প্রকার পুস্তকের মূল্য কি তাহা বলা শক্ত। লেখকের সাহিত্য বিলাস বলা চলে।

## হ-চ

শতদল : ঈশ্বরীদেব সিংহ। প্রকাশক—গ্রন্থকার স্বয়ং (মুম্বাই তিলাইয়া, হাঙ্গারিবাগ), পত্রাক ১১০, মূল্য দুই টাকা পচিশ নয়া পয়সা।

আলোচ্য কবিতাপুস্তকখানি পাঠ করিয়া শক্তিমান লোক সম্বন্ধে যেমন আশাযিত হইয়াছে, তেমনি আবার তিনি কোন পদ অবলম্বন করিয়া ভবিষ্যতে কবিতা লিখিবেন, তাহা ভাবিয়া, কিঞ্চিৎ সিদ্ধান্ত হইয়াছে। তিনি অতি-আধুনিকতার মোহে ছাড়িতে পারেন নাই, যথা,—“ক্লাসিক্স খুন ছুঁপায়তে এসে জমে”, “গুধার নেউল ডন টানে পেটে ছড়িয়ে পায়”, “ছোঁড়া মশারীর ইনক্রাব শুনে মশারা হাসে”, “ছ্যাকড়া পাড়ীর চাকার কাসিতে ঘুম টুটে,”—ইত্যাদি। পরে অবশ্য

কি ভাবিয়া লিখিয়াছেন “গঞ্জিকপ্রভাব বলে উড়িয়ে দিয়েছি এতোকাল, অপপ্রচার করে এসেছি এই সব উহট করনার।” তারপর হাঙ্গারি ছাড়িয়া একেবারে রূপদে স্বাকার তুলিয়াছেন, যথা,—“খুল্লি'ন চাপলোর স্তম্ভচিহ্নিত বলাকা,” “আন্নার বর্ণাশি ময়া চন্দহারা কনি বাতবে,” “অনাবিল শিখায় ধানে নিত্য বধুর ইশারা,” “বেপথু মম বিতপ মন উৎসিহ,” ইত্যাদি। তবে তিনি আরও একটা কাজ করিয়াছেন, হুজুর দার্শনিক তত্ত্ব সহজভাবে বাংলার পাঠকসম্প্রদায়কে বুঝাইবার চেষ্টা করিয়াছেন, যথা,—“তোমার ইচ্ছা না হলে গাছের একটি পাঠাও নড়ে না, তোমার ইচ্ছা ব্যতিরেকে কোন পক্ষ পত্র পড়ে না,” ইত্যাদি। আবার তাঁর আধুনিক নেত্র-গেম প্রকাশ পাইয়াছে ইন্দোনেশিয়ায় করিয়া, যথা,—“যিনি বিশ্বের বিষয়, সেই নেত্রের জগৎ,” ইত্যাদি। রবীন্দ্রনাথের কথা বলিতে গিয়া তিনি লিখিয়াছেন, “কত না যুগের কথা ও কাহিনী মহতার বনে নাচে,” এই গ্রন্থের ভূমিকায় কাঁচ নরেন্দ্র দেব নীলাকমল-রচয়িত্রীর প্রতি শ্রদ্ধাভঙ্গিঃ হয়ত না আক্ষেপ করিয়াই লিখিয়াছেন “এই শতদল তরত নীলাকমল হয়ে দেহেতে পারবে না।” গ্রন্থকারের কথায় জানা যায় যে তাঁর “ছাত্তজীবন পেকেই কবিতা রচনার কোঁক ছিল,” এবং এ সংকলনের উদ্দেশ্য আন কিংই নয়, আন্নার কাঞ্চীজীবনের স্মৃতিচিহ্ন ধরে রাখা।” গ্রন্থকার স্বয়ং এ কবিতা পুস্তকখানি চাপাইয়া মে উদ্দেশ্য সফল করিয়াছেন। বাংলার কাব্য-সাহিত্যে তাঁহার স্থান যে উল্লেখযোগ্য তাহাতে সন্দেহ নাই।

শ্রীকৃষ্ণধন দে

আচার্য প্রফুল্লচন্দ্র : মনি বাগিচা, ডিঙাসা, ১৩৩-এ,

রাসবিহারী আশ্রিত্রিদ, কলিকাতা-২২। মূল্য ৪'২০

আচার্য প্রফুল্লচন্দ্রের জীবন-কথা খুব কমই লেখা হইয়াছে। যদিও উনিশ শতকের এই জনজন্মা পুরুষটির কথা আমাদের দিস্মৃত হইবার কথা নয়। কারণ তিনি আমাদের গুরু অনেক কিছু করিয়া গিয়াছেন অনেক দৃষ্টান্ত রাখিয়া গিয়াছেন। সকলেই জানি, তিনি একজন বড় বৈজ্ঞানিক ছিলেন, রসায়ন-বিদ্যার নূতন দিগ্‌দর্শন করাইয়াছেন। কিন্তু তাঁর চ'হ'ও বড় কথা, তিনি আমাদের দেশে কেমিক্যাল ইন্ডাস্ট্রি-এর প্রবর্তন এবং প্রসার করিয়া গিয়াছেন। তিনি সেই যুগে আঁসিয়াছিলেন, যে-যুগে আমাদের দেশে বিজ্ঞান-চর্চার কোনো সুবিধাই ছিল না। গ্রন্থকার লিখিয়াছেন, “চ'হ'দের ঘনিষ্ঠ পরিচয় ছিল মেয়াদিয়ারের সঙ্গে নিউটনের সঙ্গে নয়। তাহারা চমৎকার ইংরেজি লিখিয়াছিল, কিন্তু ঐ ভাষার মাধ্যমে বিজ্ঞান শেখে নাই।” এই ক্ষেত্রের ফলে বাংলা-দেশের হুই জন প্রখ্যাত বৈজ্ঞানিক জনদীপচন্দ্র ও প্রফুল্লচন্দ্রকে কি অগ্রবিধার মধ্যে তাঁহাদের কাজ করিতে হইয়াছে তাহা গ্রন্থকার অতি সুন্দর ভাবে এইগ্রন্থে লিপিবদ্ধ করিয়াছেন। গ্রন্থকার ঠিকই লিখিয়াছেন, “বিজ্ঞান প্রোগ্রামপ্রধান শাস্ত্র। বিশ্বের এই জ্ঞানকে মানুষ যদি কমে' প্রয়োগ করিতে না পারিত তবে আজিকার দিনে মানব-সমাজে বিজ্ঞানের এই অসাধারণ প্রতিপত্তি কখনই ঘটত না।” এই দিক দিয়া বাংলা দেশের হুই মনীষী জনদীপচন্দ্র ও প্রফুল্লচন্দ্র প্রকৃত উপকার করিয়া গিয়াছেন। তাঁহাদের এই অসাধারণ কৃতিত্বের কথা ভারতবাসী কেমনদিনই বিস্মৃত হইবে না। “প্রফুল্লচন্দ্র ছিলেন শিল্প-পাগল মানুষ। তাঁহার বহুমুখী প্রতিভা দেশীয় শিল্পপ্রয়াসের ভিত্তির দিয়া কি ভাবে সার্থকতা লাভ করিয়াছিল, তাহার নিদর্শন শুধু বেঙ্গল কেমিক্যাল নয়, আরো কয়েকটি দেশীয় শিল্পপ্রতিষ্ঠানের সহিত তিনি ঘনিষ্ঠভাবে সংশ্লিষ্ট ছিলেন।” এককথায় গ্রন্থকার শিল্পীর যে পরিচয় দিয়াছেন

তাহাই আচার্যদেবের প্রকৃত পরিচয়। গুরুহিসাবে তিনি যে আদর্শ রাখিয়া গিয়াছেন তাহার তুলনাও বিরল। আজ তিনি নাই, কিন্তু রাখিয়া গিয়াছেন তিনি অসংখ্য ছাত্র, তাঁহারই আদর্শে অনুপ্রাণিত। এ সংক্ষে রবীন্দ্রনাথ অতি চমৎকার কথা বলি যাঁহে—“উপনিষদে কথিত আছে, যিনি এক তিনি বহুগেন, আমি বহু হব। সৃষ্টির মূলে এই আত্মবিসর্জনের ইচ্ছা। আচার্য প্রকল্পচেনের সৃষ্টিও সেই ইচ্ছার নিয়মে তাঁর ছাত্রদের মধ্যে তিনি বহু হইয়াছেন, নিজের চিত্তকে সম্ভাবিত করেছেন বহু চিন্তের মধ্যে। নিজেকে অকৃপণ ভাবে সম্পূর্ণ দান না করলে এ কখনো সম্ভবপর হোত না।”

আচার্যের বহু কথাই এই গ্রন্থে সন্নিবেশিত হইয়াছে। ইহাতে তপাও আছে, তত্ত্বও আছে। বইখানি ভাল লাগিল। লেখক সাহিত্য-ক্ষেত্রে অপরিসীম। স্মরণে রাখিব বিচার না করিলেও চলিবে। একরূপ গ্রন্থের প্রচলন আমাদের দেশে যত হয় ততই মঙ্গল।

গৌতম সেন

সৃষ্টিতত্ত্ব—(প্রথম ও দ্বিতীয় খণ্ড) শ্রী আদিনাথ সেন।

গ্রন্থকার কর্তৃক ৩২, বাসিন্দা হেম, কলিকাতা-১৯ হইতে প্রকাশিত। মূল্য দুই খণ্ড একত্রে তিন টাকা।

আমরা পরমাণবিক যুগে বাস করিতেছি। মুক্ত বিশ্বয়ে টিউ-গাগারিনের গ্রাহ্যের যাত্রার কথা সংগঠনপত্র পড়িয়া আনন্দপ্রসাদ লাভ করিতেছি। কিন্তু এই আনন্দপ্রসাদ লাভ করিয়াই ক্ষান্ত থাকিলে চলিবে না। আমাদের মধ্যে আমরা বিজ্ঞান তাঁহাদের দাবিতে হইতেছে আপামর জনসাধারণকে পরমাণবিক যুগের দৈত্য-শক্তির উৎস সংক্ষেপে সচেতন করা। এই চেতনা আনিত হইলে বিজ্ঞান সংক্ষেপে বহু গবেষণা-সিদ্ধি তথাপি মাতৃভার মাধ্যমে প্রচার করিতে হইবে। আকাশ অনু-পরমাণু, আলোকবর্ণনা ও সৌরজগৎ সংক্ষেপে আমাদের জানিতে হইবে। স্যার ডেমস জীন্সের Mysterious Universe-কে জানিবার চেষ্টাকে শিক্ষিতমন হইতে আশিঙ্কিতমহলে ধীরে ধীরে প্রদারিত করিয়া দিতে হইবে। এই প্রয়াস কলবর্তী করিতে হইলে মাতৃভার মাধ্যমে বিজ্ঞানের গ্রন্থ প্রণয়ন করা দরকার। শ্রী আদিনাথ সেন মহাশয় সেই চক্র হইতে পালন করিয়াছেন। জাতীয় অধ্যাপক আচার্য সত্যেন্দ্রনাথ বসু মহাশয় সিনেমা কমেডি স্বাকৃতি হিসাবে তাঁহার পুস্তকের ভূমিকা লিখিয়া দিয়াছেন। তিনি যথার্থই বলিয়াছেন যে তাঁহার এই প্রচেষ্টা—বাস্তব পাঠকের মনোবল্লভ করিবে। আমরা পুস্তক দুইটি আদ্যোপান্ত পাঠ করিয়া আচার্য বসুর উজ্জ্বল বাণী হৃদয়ঙ্গম করিয়াছি।

সৃষ্টিতত্ত্ব প্রথম খণ্ড চারটি অধ্যায়ে সমাপ্ত। প্রথম অধ্যায়ে গ্রন্থকার অনু-পরমাণু ও আলো সংক্ষেপে আলোচনা করিয়াছেন। দ্বিতীয় অধ্যায়ে পরমাণুর গঠন সংক্রান্ত আলোচনা সন্নিবেশিত হইয়াছে। এই অধ্যায়েই পরমাণুর রূপান্তর সংক্ষেপে সৃষ্টি আলোচনা করা হইয়াছে। তৃতীয়

অধ্যায়ের আলোচ্য বিষয় পরমাণু-সংগঠনই তত্ত্বকথা। গ্রন্থকার কোয়ান্টাম থিওরির মত চক্র হইতে অত্যন্ত সহজ ভাষায় আলোচনা করিয়াছেন। তাঁহার স্বল্প বাচনভঙ্গী ও সংজ্ঞা-শব্দের ব্যবহার পাঠককে সহজেই বুঝাইয়া দেয় যে গ্রন্থকারের আলোচ্য বিষয়বস্তুতে অধিকার কত ব্যাপক ও গভীর। চতুর্থ অধ্যায়ে তিনি পরমাণবিক বোমার গঠন, শক্তি ও ইহার মূলতত্ত্বের কথা আলোচনা করিয়াছেন। দ্বিতীয় খণ্ডের প্রথম অধ্যায়ে বিশাল সৌরজগৎ। সৃষ্টিতত্ত্ব ও নীহারিকা সংক্ষেপে আলোচনা করিয়াছেন গ্রন্থকার। দ্বিতীয় খণ্ডের দ্বিতীয় অধ্যায় মূলতঃ তারা, গ্রহ, উপগ্রহ ও নক্ষত্রাজি সংক্রান্ত আলোচনা। প্রত্যক্ষ ও বাস্তব শব্দক আলোচনায় গ্রন্থকার বিজ্ঞানের সৌন্দর্য্য প্রায়শই সন্ধান করিয়া দর্শনের বিস্তারিত রাজ্যে অনুপ্রবেশ করিয়াছেন। উত্তরণ-স্রষ্টা গ্রন্থকারের অধিকার। তাই তাঁহার আলোচনা স্পষ্টা ও শিক্ষাপ্রদ হইয়াছে।

আমরা পুস্তক দুইটির বহু প্রচার কামনা করি।

শ্রী সুধারকুমার নন্দী

রক্তকমল : অজিত সরকার, করুণা প্রকাশনী। ১১ শ্যামা-চরণ দে ষ্ট্রিট, কলিকাতা-১০। দাম-৩।

উপস্থাপন : বহু চরিত্র, বহু ঘটনা কিন্তু ঘটনার সঙ্গে চরিত্রগুলি পুরোপুরি সঙ্গতি রেখে এগিয়ে চলে নি। প্রধান নায়ক তারক, নায়িকা স্নিগ্ধা, কিন্তু এদের চেয়ে পাঠ চরিত্র হিসাবে মনোহর ফুটে উঠেছে।

যুক্তির চেয়ে আবেগে প্রাধান্য লাভ করেছে গ্রন্থখানিতে গুটিকয়েক প্রধান চরিত্রের মধ্যে। ভবিষ্যতে এদিকে লেখক আঁতট হলে আমরা ভাল কিছু এর কাছ থেকে আশা করতে পারি। কারণ লেখকের বলবার ধরণটি আকর্ষণ করে। স্বল্প ভাষা, সহজ সংলাপ, হৃদয় প্রসঙ্গ, ধর ধর ছাপা।

শ্রীবিভূতিভূষণ গুপ্ত

“ছিন্নপত্রাবলী”

ড্র্যাফ্টের প্রবাসীতে “ছিন্নপত্রাবলী”র সমালোচনা প্রসঙ্গে বলা হয়েছে যে, আমি এ গ্রন্থ সম্পাদন করেছি। বস্তুতঃ এ গ্রন্থের সম্পাদক শ্রীকানাই মামস্ত, এ ক্ষেত্রে ‘আপ্ত’ের ‘কর্মী’। আলোচনায় এই গ্রন্থের সম্পাদনা সংক্ষেপে যে সাধুবাদ প্রযুক্ত হয়েছে তা তাঁরই প্রাপ্য।

এই গ্রন্থের অন্তর্গত পূর্বে অপ্রকাশিত চিঠিগুলি যখন কয়েক বৎসর আগে বিশ্বভারতী পত্রিকায় প্রকাশিত হয় তখন আমি সেগুলির অন্ততম সংকলনিতা ছিন্নপত্র, তার কলে সমালোচক মহাশয়ের এই ভ্রম হয়ে থাকবে।

প্রলিনবিহারী সেন

সম্পাদক—শ্রীকেশবনাথ চট্টোপাধ্যায়

মুদ্রাকর ও প্রকাশক—শ্রীনিবারণচন্দ্র দাস, প্রবাসী প্রেস প্রাইভেট লিঃ, ১২০২ আচার্য প্রকল্পচন্দ্র রোড, কলিকাতা

---

---

৩রামানন্দ চট্টোপাধ্যায় সম্পাদিত  
কাশীরামদাস বিরচিত  
সচিত্র  
অষ্টাদশর্ষক মহাভারত

ব্যাসদেব কৃত মহাভারত পুরাণ-ইতিহাসের অস্বর্গত হইলেও, কাব্য হিসাবে ইহা মধুরতম। বস্তুতঃ মহাভারতের মত বিরচিত গ্রন্থ আর দ্বিতীয় নাই। একসঙ্গে সহস্রাধিক চরিত্রের যথাযোগ্য মর্যাদা দান কম কৃতিত্বের কথা নয়। অপূর্ব ইহার আখ্যানভাগ। তেমনি অপূর্ব চরিত্র-বিশ্লেষণ। রাজনীতি সমাজনীতির গূঢ়তত্ত্ব ও তাহার অহুশীলনী ইহাকে আরও গুরুত্ব দান করিয়াছে। বস্তুতঃ, ব্যাসদেব শাস্ত্র-সাগর মন্বন করিয়া অমৃত পরিবেশন করিয়াছেন। ‘যা নাই ভারতে, তা নাই ভারতে’ এই প্রবাদবাক্যটিই মহাভারতের শ্রেষ্ঠ পরিচয়।

সংস্কৃত-কাব্যের এই অপূর্ব রসান্বাদনে সাধারণ লোক দীর্ঘদিন বঞ্চিতই ছিল। কাশীরামদাস তাঁহার সুললিত পয়ার ছন্দে সেই অভাব দূর করিলেন। এজন্য বাঙালীমাত্রই তাঁর নিকট কৃতজ্ঞ।

আজ মুখে মুখে এই মহাভারত সর্বত্র প্রচারিত। ইহার ফল একদিকে যেমন ভাল হইয়াছে তেমনি মন্দও হইয়াছে শতগুণ। মূল কাশীরামদাসের মহাভারত আজ নানা কারণে বিকৃত—যিনি যতটুকু পারিয়াছেন, তিনি ততটুকু আপন মনোমত রচনা ইহাতে সংযোজন করিয়া দিয়াছেন। এই প্রসিক্ত অংশগুলি ও ভুল পাঠের পুনরুদ্ধার করিতে আজ পর্য্যন্ত কেহই সাহসী হন নাই। তাই রামানন্দ চট্টোপাধ্যায় সম্পাদিত এই মহাভারতের এত সুনাম।

পূর্ব সংস্করণ শেষ হইয়া যাওয়ায় পাঠকের আশ্রয়হীনতায় বহু অর্থ ব্যয় করিয়া এই অমূল্য গ্রন্থের পুনর্মুদ্রণে সাহসী হইতেছি। ঐত্বেই আপনাদের হাতে দিতে পারিব বলিয়া আশা রাখি।

পূর্কপেক্ষা যাহাতে আরও সুন্দর করিয়া আপনাদের হাতে পরিবেশন করিতে পারি, সে বিষয়ে আমাদের যত্নের ক্রটি নাই।

ভারতের শ্রেষ্ঠ শিল্পীদের অঙ্কিত প্রাচীন রঙীন চিত্র প্রায় পঞ্চাশটি  
সম্মিলিত হইয়াছে।

সুন্দর ছাপা ও সুন্দর কাগজে এই পুনর্মুদ্রণ সংস্করণ আপনাকে

সকল দিক দিয়াই লোভনীয় করিয়া তুলিবে।

মূল্য কুড়ি টাকা

প্রবাসী প্রেস প্রাইভেট লিমিটেড

১২০২ আচার্য প্রফুল্লচন্দ্র রোড, কলিকাতা-৯

ফোন : ৩৫-৩২৮১

---

---





প্রবাসী প্রেস, কলকাতা

রাগিনী গৌড়া  
( অতি প্রাচীন কাংড়া চিত্র হইতে )  
শ্রীঅশোক চট্টোপাধ্যায়ের সৌভাগ্যে



# স্বাধীনতা

“সত্যম্ শিবম্ সুন্দরম্”

“নারায়ণা বলহীনেন লভ্যঃ”

৩২শ ভাগ  
৩ম খণ্ড

ভাদ্র, ১৩৩৯

{ ১ম সংখ্যা

## বিবিধ প্রসঙ্গ

### স্বাধীনতা দিবস

স্বাধীনতা লাভের পর পনের বৎসর অতিবাহিত হইয়া গিয়াছে। লোকের মুখে এখনও শুনা যায় “এই স্বাধীনতার মূল্য কি? ইয়ে আজাদী খুটা হায়” ইত্যাদি আক্ষেপ ও চীৎকার, যাহার কারণ অভাব-অনটন, অপূর্ণ আকাঙ্ক্ষা বা সংসার যাত্রাপথে দুর্নীতি-অনাচারের বাধা-বিপত্তি। আরও স্পষ্টভাবে বিচার করিলে দেখা যায় যে, আমাদের এই স্বাধীনতা এখনও পূর্ণাঙ্গ হয় নাই এবং তাহার পূর্ণাঙ্গ গঠনের বাধা আমাদেরই অনভিজ্ঞ ও উদ্যমহীন হৃদয়-মনের মধ্যে নিহিত রহিয়াছে।

ইংরাজী প্রবাদ বাক্যে বলে যে, প্রত্যেক জাতি বা দেশ তাহার যোগ্যতা অনুযায়ী শাসনতন্ত্র পাইয়া থাকে। অর্থাৎ দেশের লোকের সমষ্টিগত দেহমনোবৃত্তিই সে দেশের শাসনতন্ত্রে প্রতিফলিত হইয়া থাকে। সাধারণতঃ বা সমাজতন্ত্র যে দেশে প্রতিষ্ঠিত সে দেশের শাসনতন্ত্রের অধিকারীবর্গ, অর্থাৎ প্রথমে লোকসভা ও বিধানসভা ইত্যাদিতে নির্বাচিত সাধারণ জনের প্রতিনিধিগণ এবং পরে তাহাদের সমর্থিত মন্ত্রীপরিষদের সদস্যবর্গ, সাধারণ লোকেরই ইচ্ছা ও প্রবৃত্তির প্রতীক-মাত্র। দেশের পরিচালনা ও শাসনতন্ত্রের ব্যবহার হয় মন্ত্রীপরিষদের নির্দেশে এবং লোকসভা ও বিধানসভার অধিকসংখ্যক সদস্যের সমর্থন ভিন্ন সে মন্ত্রীপরিষদ প্রতিষ্ঠিত থাকিতে পারে না, এ কথা ত আমরা সকলেই

জানি। দেশ যদি কারো স্বার্থের ব্যভিচারে জর্জরিত ও দুর্নীতির অত্যাচারে পীড়িত হয় তবে তাহার প্রতিকার লোকসভায় ও বিধানসভায় অধিষ্ঠিত জনপ্রতিনিধিদিগের হস্তে সর্কক্ষণই রহিয়াছে। এই জনপ্রতিনিধিগণ যদি নিষ্ক্রিয় বা স্বার্থচিন্তায় মগ্ন থাকেন তবেই দেশের জনসাধারণের সম্মিলিত স্বার্থ ক্ষুণ্ণ বা ব্যাহত হইতে পারে। এই প্রতিনিধি নির্বাচনের সময় যদি সাধারণ জন যোগ্যতার বিচার না করিয়া, উচ্ছ্বাসের বশে, চতুর ভাগ্য্যাহের মধুর বচনে ভুলিয়া বা “গুধু অকারণ পুলকে” এমন সকল লোককে সমর্থন দিয়া নির্বাচিত করেন যাহাদের যোগ্যতা গুধুমাত্র দলগত স্বার্থেরই প্রতিকলন, অর্থাৎ দলগত স্বার্থ—ও সেই সঙ্গে ব্যক্তিগত স্বার্থ—সমর্থন ভিন্ন যাহার যোগ্যতার অন্য কোনই নিদর্শন নাই, তবে শাসনতন্ত্রের বিকার ত অবশ্যজ্ঞাবী।

পূর্ণাঙ্গ স্বাধীনতা বলিতে স্বাধীনতার যে চারিটি অঙ্গ বুঝায় তাহার মধ্যে বাক্যের ও বিবৃতি প্রকাশনের স্বাধীনতা আমাদের আছে। স্বাধীনতার দ্বিতীয় অঙ্গ অর্থাৎ নিজের মত অনুযায়ী, ব্যক্তিগত ভাবে ধর্ম্মার্থ বিচার ও তাহার ব্যবহারে অধিকার আমাদের আছে। স্বাধীনতার তৃতীয় অঙ্গ অর্থাৎ অভাব-অনটন হইতে মুক্তি ইহা আমাদের হয় নাই এবং ইহারই কারণে দেশে এত অসন্তোষ ও আক্ষেপের প্রাচুর্য্য এখনও রহিয়াছে। স্বাধীনতার চতুর্থ অঙ্গ, ভয় হইতে মুক্তি, আমাদের হয় নাই—এবং সে বিষয়ে আমাদের চিন্তাও নাই, ভাবনাও নাই। অবশ্য

এই স্বাধীনতা বর্তমানে কোন দেশেই পূর্ণরূপে প্রতিষ্ঠিত নাই, তবে জগতের সকল জাগ্রত দেশই এই স্তর হইতে মুক্তির জন্ত সক্রিয় ভাবে চেষ্টিত—তথু স্তোক বাক্যের বা আশ্রয় বাক্যের মাধ্যমে নয়, যেমন আমাদের দেশ।

এই যে জাগৃতির প্রশ্ন, ইহার সঙ্গেই আমাদের যত অভাব, যত অভাব-অনাচারের প্রাহুর্ভাব জড়িত। চিরন্তন ও জাগ্রত প্রহরা স্বাধীনতার মূল্য (Eternal vigilance is the Price of Liberty)—এ কথা আমরা এখনও শিখি নাই। ইহার প্রত্যক্ষ অর্থ এই যে, দায়িত্বজ্ঞান ভিন্ন স্বাধীনতা রাখা যায় না। আমরা নিজের দাবি-দাওয়া, নিজের স্বার্থ চিন্তা সম্পর্কে বোল-আনা সচেতন, কিন্তু আমার দায়িত্ব ও আমাদের দায়িত্ব সম্পর্কে আমাদের জ্ঞানবুদ্ধি-বিবেচনা আচ্ছন্ন ও মোহনিদ্রাগত। আমাদের এই চিন্তাবিমুখ মোহাচ্ছন্ন অবস্থার সুযোগ লইয়াই চতুর ভাগ্যদেবী, দলের ছাপ দেখাইয়া ও আমাদের ব্যক্তিগত স্বার্থসিদ্ধির লোভ দেখাইয়া নিজের ও নিজের দলের জন্ত জনসাধারণের সমর্থন লাভ করে। কার্যসিদ্ধি হইয়া গেলে ইহার। যে যাহার ইচ্ছামত দলের ইজিতে চলে, তখন জনসাধারণের স্বার্থ বা মঙ্গল চিন্তা পাঁচ বৎসরের যত গৌণ ও অবহেলিত ব্যাপারের স্তূপের মধ্যে চাপা থাকে। মেকী চালাইয়া এই ভাবে দেশের লোক ঠকানো এখন এতই সহজ দাঁড়াইয়াছে যে, মেকীর ঠেলায় খাঁটি সোনা-রূপা বাজার হইতে চলিয়াই গিয়াছে।

“এই স্বাধীনতার মূল্য কি” এই প্রশ্ন আজ আমাদের মনে যে ধোঁচা দিতেছে, “ইয়ে আজাদী মুটা হায়” উনিয়া তৃপ্তিলাভ না করিলেও মনের ঝাল ঝাড়িবার পরোক্ষ সুযোগ যে আমাদের অনেকের মনে আসিতেছে তাহার মূল কারণ নিহিত রহিয়াছে আমার, আপনার, আমাদের ও আপনাদের নিষ্ক্রিয় ও দায়িত্বহীন মনেরই মধ্যে। মন মোহমুক্ত করুন, পিতৃগণ-প্রদত্ত চিন্তাশক্তির ব্যবহার সরল পথে চালাইতে চেষ্টিত হউন, নিজের ও অন্তরের দায়িত্বজ্ঞান জাগ্রত করুন, দেখিবেন এই স্বাধীনতা কিরূপ মহামূল্য ও ইহার মান ও গৌরব কত উজ্জ্বল।

আমাদের বহু আকাঙ্ক্ষার বস্তু এই স্বাধীনতা, যাহার দিস্তার, যাহার ধ্যানে এই ভারত-মাতার অনেক সুসন্তান দীর্ঘ দিন রজনী যাপিত করিয়া গিয়াছেন সার্ব্ব শতাধিক বর্ষেরও পূর্বকাল হইতে। এই স্বাধীনতা অর্জনের জন্ত দেশমাতৃকার কত সহস্র পুত্র-কন্তা আত্মনিবেদন করিয়াছেন এই শতাব্দীরই মধ্যে। ইহার বিকার হইয়াছে বা

ইহা অগুহ বা মেকী, এ কথা চিন্তা করা আমাদেরই মনের বিভ্রান্ত বা সাময়িক বিকারপ্রসূত অবস্থার লক্ষণ।

মুনাফা-লোভী কালোবাজারী বা ছুর্নীতি-পরায়ণ রাষ্ট্র-কর্মচারী দেশময় যে বিঘ ছড়াইতেছে তাহার প্রতিকার প্রয়োজন, একথা সত্য। কিন্তু সে প্রতিকার বিলাপ-প্রলাপ বা উদ্ভাস আন্দোলনের পথে যে সম্ভব নয় সে কথা কি আমাদের বুঝিবার সময় আসে নাই? এই কলিকাতা মহানগর ত ঐরূপ আন্দোলনে বিপর্যস্ত এবং ঐরূপ চীৎকারে উদ্ভাস্ত শতাধিকবার হইয়াছে। তাহার ফলে আমাদের লাভ-লোকসানের অঙ্ক কোথায় দাঁড়াইয়াছে তাহা ত অল্পকণের চিন্তাতেই পাওয়া যায়।

নিজে কোনকিছুরই দায়িত্ব লইব না অথচ অন্তকে নিজের অভাব-অনটন বা ছুরবস্থার জন্ত দায়ী করিব, নিজের কর্তব্যে কঁাকি দিব অথচ অন্তের কাজের বোল-আনা হিসাব চাহিব, অন্তের প্রয়োজন অবহেলা করিব, অন্তের প্রাপ্য অস্বীকার করিব অথচ “আমাদের দাবী মানতে হবে” বলিয়া হুকুম ছাড়িব, এই অপকর্ম মনো-বৃত্তি কোনও দেশ বা জাতিকে এ জগতে কোনও দিন সাফল্যের বা প্রগতির পথে কখনও লইয়া যায় নাই। স্বাধীনতার মূল্য দানে যাহারা অনিচ্ছুক তাহারা পূর্ণাঙ্গ স্বাধীনতার ফলভোগ করিতে কোনও দিন পারে নাই ও পারিবে না।

আমরা এই স্বাধীনতা পাইয়াছি অন্তের স্বার্থত্যাগে, অন্তের আত্মবলিদানে, নিজের। মূল্যস্বরূপে কোনও কিছু দিই নাই বলিয়াই এই অমূল্য রতনকে অন্তের প্ররোচনায় মেকী বলিয়া নিজের অভাব-অনটনের জ্বালা মিটাইবার বৃথা চেষ্টা করিতেছি।

দেশ অভাব-অনটন ও অনাচারের শ্রোতে প্রাবিত হইতেছে। অযোগ্য অধিকারী এবং তাহাদের অধীনস্থ অকর্মণ্য বা কঁাকিবাজ কর্মচারী দেশ-পরিচালনার ও এ দেশের শাসনতন্ত্রের কাজ কলুষিত ও দুঃসহ করিতেছে। কিন্তু ইহার। প্রতিষ্ঠিত রহিয়াছে আমাদেরই দোষে। যদি আমরা বীরস্বির ও সম্মবদ্ধ ভাবে প্রতিকারের পথ খুঁজিতে চেষ্টিত হই তবে অবস্থার পরিবর্তন হইবেই, কেননা উহাই স্বাধীনতার নিয়ম। তবে দীর্ঘদিনের অবহেলার ফলভোগ আরও কিছুদিন আমাদের করিতে হইবে।

### বাইশে জীবন

স্বাধীনতা দিবসের আগমনের সঙ্গে সেই দিনের কথা মনে করি—স্বাধীনতা লাভের ছয় বৎসর পূর্বকাল—



যেদিন বাংলা দেশের তথা ভারতভূমির তথা সমস্ত সমস্ত জগতের সুধীগম্য রবিহারা হইল। দাসত্বের দিনে, নৈরাশ্বের মধ্যে ষাঁহার উদাস্ত আত্মান আমাদের উদ্ভূত করিত, ষাঁহার অমর লেখনিপ্রসূত বাণীতে জনগণের হতাশা দূর করিত, ষাঁহার রচিত স্বদেশ-প্রশস্তি-সঙ্গীতে সারা ভারতে দেশাত্মবোধের ও নবজীবনের জাগরণ আনিয়াছিল, তাঁহার তিরোধানের স্মৃতি বহন করিয়া ২২শে শ্রাবণ, এই স্বাধীনতার আগমনী গান বিবাদমণ্ডিত করিতেছে। এই দিনে স্মরণ করি সেদিনের কথা যেদিন ব্রিটিশ সিংহের নখদস্ত-কেশর-সজ্জিত রুদ্রমূর্তিতে ও তাহার রোবকযান্ত্রিত রক্তচক্ষুর দৃষ্টিতে অসহায় সঙ্গীহীন ভীত সমস্ত বাঙালীর মনে শক্তি সঞ্চারের জন্ত তিনি গাহিয়াছিলেন শক্তির আগমনী গান :

আজি বাংলা দেশের হৃদয় হ'তে  
কখন আপনি,  
তুমি এই অপক্লপ রূপে বাহির  
হ'লে জননী !

ওগো মা—

তোমায় দেখে দেখে আঁখি না ফিরে !  
তোমার ছয়ার আজি খুলে গেছে  
সোনার মন্দিরে !

ডান হাতে তোর খড়া জ্বলে,  
বাঁ হাত করে শঙ্কা হরণ ;  
তুই নমনে স্নেহের হাসি  
ললাট-নেত্র আগুন বরণ !

ওগো মা—

তোমার কি মুরতি আজি দেখি রে—  
তোমার ছয়ার আজি খুলে গেছে  
সোনার মন্দিরে !

তোমার মুক্তকেশের পুঞ্জ মেঘে  
লুকায় অশনি ;  
তোমার আঁচল ঝলে আকাশ-তলে  
রৌদ্র-বসনী !

ওগো মা—

তোমায় দেখে দেখে আঁখি না ফিরে !

কি অভয়ের প্রেরণা এনেছিল সেদিন, এই গানে, কি উদ্দীপনা জাগাইয়াছিল বাঙালীর মনে এই শক্তির আবাহনে ! সে দিনের কথা আজ ভুলিয়াছে বাঙালী, তাই ত আজিকার দিনে বাংলার এই ঋণ্ডিত, অবহেলিত ও চূর্ণশাশ্রু অবস্থায় বাংলা মায়ের সন্তানেরা একরূপ বিভ্রান্ত ও হতাশ ভাবে কিরিতেছে চতুর্দিকে।

আজ স্মরণ করি সেদিনের কথা যে-দিন সারা জগতে সাড়া পড়িল এই তেজস্বী মহামানবের রাজসম্মান প্রত্যাখ্যানে জালিয়ানওয়ালাবাগের নৃশংস হত্যাকাণ্ডের প্রতিক্রিয়ায়। জগৎ দেখিল যে দাসত্বশৃঙ্খলে আবদ্ধ ভারতে একজন পুরুষসিংহ এখনও জীবিত, যাহার উচ্চ শিরনত করিতে দোর্দণ্ড প্রতাপ ব্রিটিশরাজও অসমর্থ। মনে পড়ে এই প্রত্যাখ্যানের সংবাদ শুনিয়া স্মৃত্যুশয্যায় শায়িত রামেন্দ্রসুন্দর ত্রিবেদীর ব্যাকুল ইচ্ছা তাঁহার পরম সুহৃদ রবীন্দ্রনাথকে দেখিবার জন্ত ও তাঁহার নিজ মুখে এই প্রত্যাখ্যান পত্রের পাঠ শুনিবার জন্ত। মনে পড়ে প্রিয় বন্ধুকে দেখিয়া ও তাঁহার মুখের বাণী শুনিয়া রামেন্দ্রসুন্দর বলিয়াছিলেন যে, তিনি মনে শাস্তি লইয়া পরলোক যাত্রা করিতে পারিবেন।

আজ বাংলার আকাশ রবি, চন্দ্রহীন, রাত্রিও প্রায় নক্ষত্রহীন। কিন্তু যতদিন স্মৃতির পঞ্চপ্রদীপ এই দেশে উজ্জ্বল থাকিবে ততদিন এই পুণ্যভূমি নিশ্চিন্দীপ হইতে পারিবে না। ভয় এই মাত্র যে, এই অভিশপ্ত দেশের বিভ্রান্ত সন্তানগণ সেই স্মৃতির আলোকও নানা কুহকে আচ্ছন্ন করিতে বসিয়াছে।

যতদিন সেই আলোক উজ্জ্বল থাকিবে ততদিন বাংলার সন্তান অসহায় ও ভয়ভ্রস্ত হইতে পারিবে না। দেশপূজ্য ও দেশশুর এই বাংলা মায়ের জগৎবরণ্য সন্তানের আশীর্বাদ এখনও সকল বাংলার তথা ভারতের সন্তানসন্ততির চেতনামস্তরূপে রহিয়াছে।

### কলিকাতা পৌরসভার ক্ষমতাহ্রাস সম্ভাবনা

২২শে শ্রাবণের সংবাদপত্রগুলিতে এক খবর আছে যে, পশ্চিমবঙ্গ রাজ্য সরকার কলিকাতা পৌরসভাকে এক অস্বরোধ করার সিদ্ধান্ত গ্রহণ করিয়াছেন, যাহাতে পৌরসংস্থার মোটর যানবাহনের ও রেলওয়ের পরিচালনা ও নিয়ন্ত্রণের ক্ষমতা ও দায়িত্ব উক্ত সংস্থার কমিশনারের উপর অর্পিত হয়। এই ব্যবস্থা আপাততঃ এক বৎসরের মত স্থায়ী হইবে বলা হইয়াছে।

ঐ ব্যবস্থার শহরের আবর্জনা ও জঞ্জাল অপসারণ এবং মোটরযান বিভাগ পরিচালনের জন্ত সরকার বেয়র ও ডেপুটি মেয়রের সহিত পরামর্শ করিয়া একদল বিশেষজ্ঞ কর্মচারী নিয়োগ করিবেন যাহাদের সাহায্যে কমিশনার এই কাজ চালাইবেন, ইহাও ঐ সিদ্ধান্তে প্রস্তাবিত হইয়াছে।

এই প্রস্তাব কলিকাতা মিউনিসিপ্যাল আইনের ৩০ ধারা অস্বাধীন করা হইতেছে। ঐ ধারার অস্বাধীন

মুখে কলিকাতা পৌরসংস্থার মোটরযান ও রেলওয়ে পরিচালন ও নিয়ন্ত্রণ সম্পর্কিত সকল ক্ষমতা পৌরসভা ও উহার ষ্ট্যান্ডিং কমিটি হইতে কমিশনারের নিকট হস্তান্তরিত করা প্রস্তাবিত হইয়াছে। তবে বাজেট অমুমোদন বা এককালীন ১০ হাজার টাকার অধিক ব্যয়ের ক্ষমতা এই প্রস্তাবের অধিকারের মধ্যে থাকিবে না। ঐ সংস্থা দুইটিতে কর্মী নিয়োগ বা বরখাস্ত করার পূর্ণ ক্ষমতা ঐ প্রস্তাবের অন্তর্ভুক্ত করা হইয়াছে।

রাইটাস বিল্ডিংয়ে স্থানীয় স্বায়ত্ত শাসন দপ্তরের মন্ত্রী শ্রীশৈলকুমার মুখোপাধ্যায় গত ৬ই আগষ্ট এক উচ্চ পর্যায়ের বৈঠকে কলিকাতা মহানগরীতে মহামারী নিবারণের সকল ব্যবস্থার পর্যালোচনা করেন। উক্ত বৈঠকে এই সংক্রান্ত বিভিন্ন বিষয়ের পূর্ণ আলোচনায় বহু বিশেষজ্ঞ এবং পৌরসভার মেয়র ও ডেপুটি মেয়র যোগদান করিয়াছিলেন। সেই বৈঠকে স্থির হয় যে, জাতীয় স্বেচ্ছাসেবক এবং সরকারের ভাড়া-করা লরী ১৬ই আগষ্ট হইতে প্রত্যাহত হইবে। এবং সেই সঙ্গে কলিকাতা পৌরসভাকে অহরোধ করা হয় যে, জঞ্জাল পরিষ্কার করার ব্যবস্থায় যাহাতে পুনর্বার অবনতি না হয় সেদিকে তাঁহাদের দৃষ্টি রাখিতে এবং প্রয়োজনীয় ব্যবস্থা করিতে।

কিন্তু সেই ব্যবস্থা সক্রিয় রাখিতে হইলে একদিকে যেমন কর্মীদের কাজে অবহেলা নিবারণ করা প্রয়োজন অন্যদিকে মোটর যানবাহন ও রেলওয়ের কাজ পুরামাত্রায় চালু রাখারও প্রশ্ন আছে। এই দ্বিতীয় ব্যাপারের পর্যালোচনায় সরকার মোটরযান বিভাগের এক ভয়াবহ চিত্র উদ্ঘাটন করেন। 'যুগান্তরে'র সংবাদে সে বিষয়ে বলা হইয়াছে :—

“সরকারের নিকট যে নির্ভরযোগ্য রিপোর্ট আছে, তাহাতে সরকার বলিতে পারেন যে, কলিকাতা কর্পোরেশনের মোটর ডেইকলস্ ডিপার্টমেন্ট সম্পূর্ণরূপে স্তম্ভিত পড়িয়াছে। সেখানে এক চরম বিশৃঙ্খল অবস্থা। অথচ সহরের ময়লা অপসারণ, জঞ্জাল পরিষ্কার এবং সহরে স্বাস্থ্যকর পরিবেশ সৃষ্টি করিতে হইলে মোটরযান বিভাগ কৃতিত্বের সঙ্গে পরিচালিত হওয়া প্রয়োজন। জঞ্জাল পরিষ্কার করার লরী এবং অত্যন্ত সাজসজ্জামের বর্তমান অবস্থা ভয়াবহ। কর্পোরেশনের বিভিন্ন প্রকার গাড়ীর মোট সংখ্যা ৫০৩ টি। ইহার মধ্যে ২৮টি ট্রাকটরের সবগুলি অকেজো, দীর্ঘকাল অকেজো থাকিয়া ১৯৫১ সনের পূর্বে ক্রীত ৭৫ খানি গাড়ী লোহালকরে পরিণত হইয়াছে। বহুসংখ্যক গাড়ী ৬ মাস, কতকগুলি

তিন মাস অকেজো হইয়া পড়িয়া রহিয়াছে। কর্পোরেশনের কারখানায় গাড়ী সারাইবার এবং চালুরাখার উপযুক্ত ব্যবস্থা নাই। ইহা নূতন করিয়া সংগঠিত করার প্রস্তাব করা হইয়াছে। কলিকাতা সহরে জঞ্জাল অপসারণের কাজ যখন গাড়ীর অভাবে ব্যাহত হইতেছে, তখন কর্পোরেশনে ৫০৩ খানি গাড়ীর মধ্যে মোটে ২৪২ খানি অর্থাৎ শতকরা ৪৮ খানি গাড়ী দ্বারা কাজ চালানো হইতেছে। ১৯৫১ সনের পর ক্রীত ৩৬৭ খানি গাড়ীর মধ্যে ১০২ খানি গাড়ী ৬ মাস বা তাহার চেয়ে বেশী সময় এবং ৬২ খানি ৬ মাসের কম সময় অকেজো হইয়া রহিয়াছে। সরকার কর্তৃক প্রচারিত বিজ্ঞপ্তিতে বলা হয় যে, এই অবস্থায় সহরের ময়লা পরিষ্কার যে ঠিকমত হয় না, তাহাতে আশ্চর্যের কিছু নাই।”

বলা বাহুল্য এই রিপোর্ট এবং উহার আনুমানিক তদন্তে প্রাপ্ত তথ্যের আলোচনার ফলেই কলিকাতা পৌরসভার ক্ষমতা আংশিক ও সাময়িক ভাবে হস্তান্তর করার প্রস্তাব আসিতেছে।

এই প্রস্তাব ও সেইমত ক্ষমতা হ্রাসের সম্ভাবনায় কলিকাতা পৌরসভা ও বিভিন্ন মহলে নানারূপ প্রতিক্রিয়ার সংবাদ আসিতেছে। কিন্তু কলিকাতার নাগরিকগণের স্বাস্থ্য-স্বাচ্ছন্দ্য এবং পথঘাট, বস্তি এবং বাজার অঞ্চল আবর্জনা-মুক্ত রাখাই হইল সর্বপ্রথম ও সর্বোপরি বিবেচ্য কথা। ঐ বিষয়ের বিধিব্যবস্থা করার দায়িত্ব এতদিন তুলত ছিল কলিকাতা পৌরসভা ও তাহার নির্দেশ অহুযায়ী পৌরসংস্থার বিভিন্ন বিভাগের কর্মচারী ও কর্মিগণের উপর। ইহারা যে ভাবে সে দায়িত্ব পালন করিয়াছেন, তাহা এই মহানগরের অধিবাসিগণ ভুক্তভোগী রূপে দীর্ঘদিন দেখিয়াছেন ও বুঝিয়াছেন। সুতরাং এই সরকারী প্রস্তাবের বিরুদ্ধে কোনও আন্দোলন উঠিবার পূর্বে নাগরিকদিগের পক্ষ হইতে দাবী আসা প্রয়োজন যে, যাহা জনসাধারণের নিরাপত্তা বা স্বাস্থ্য-স্বাচ্ছন্দ্য রক্ষার জন্য অবশ্য প্রয়োজনীয় সেই ব্যবস্থা যেন সরকার কাহারও খোসখেয়ালের উপর ছাড়িয়া না দেন। পৌরসভা ভবিষ্যতের দায়িত্ব গ্রহণ করিতে সমর্থ বা অপারগ সেই প্রশ্নের মীমাংসা সর্বপ্রথমেই প্রয়োজন সেই কারণে।

### কলিকাতার পথ ও অলিগলি

কলিকাতার পথে চলাফেরা ক্রমেই বাধা-বিপত্তিপূর্ণ হইয়া দাঁড়াইতেছে। দিনে চলায় ভিড়ের ঠেলায় ফুটপাথ ছাড়িয়া যানবাহনের পথে নামিতে হয়, সেখানে পামে-

চলা পথিকের প্রধান শত্রু মোটরযানের চালক। বাস্তব পক্ষে এই মহানগরে যত কাণ্ডজ্ঞানহীন দুর্কৃত্ত মোটর-চালক হিসাবে যানবাহন হাঁকার, পৃথিবীর অন্য কোথাও এত আছে মনে হয় না। ট্যান্ডি-চালক উন্নতভাবে ডাইনে বামে ত চালায়ই, তবে দিনের আলোর লোক চাপা দেওয়ার বিপদ আছে এই জ্ঞান এত দিনে তাহাদের অনেকের মাথায় প্রবেশ করায় পূর্বেকার মত বেপরোয়া লোক চাপা দিতে তাহারা ইতস্ততঃ করে। এখন পদাতিকের মারক প্রধানতঃ লরী-চালক এবং স্টেটবাসের চালক।

আগেকার দিনে যানবাহনের পথে চলার কতকগুলি নির্দেশ বাধাধরা ছিল। অন্য কোন গাড়ীকে ছাড়াইয়া চলিতে হইলে তাহার ডাইনের পাশ কাটাইয়া যাওয়াই নিষেধ ছিল। এখন সে আইন কার্যতঃ বাতিল হইয়া গিয়াছে। যদি কোনও গাড়ী অপেক্ষাকৃত মন্দগতিতে পথ চলে তবে তাহার ডাইনে ও বামে সমানে দ্রুতগামী মোটরের স্রোত চলিবে এবং আগাইলেই সেই গাড়ীর সম্মুখের পথ সঙ্কীর্ণ হইতে সঙ্কীর্ণতর করিবে। যদি কোনও কারণে যানবাহনের স্রোত আটকাইয়া যায় তবে সেই মন্দগতিতে চালিত গাড়ী কাঁচিকলে আবদ্ধ হয়। এই ভাবে ক্রমাগত গাড়ীতে গাড়ীতে ধাক্কা ও ঘষা লাগা নিত্য-নৈমিত্তিক ব্যাপার সর্বত্রই দাঁড়াইয়াছে।

বড় রাজপথে ত ঐ উন্নতগতিতে চালিত যানবাহনের স্রোত এড়াইবার তবু কিছু কাক থাকে। পদাতিক ফুটপাথে চলিতে পারেন, অবশ্য চলিতে হইলে ফুটপাথের গর্ভ এড়াইয়া এবং রাবিশের স্তূপ ডিঙাইয়া চলিতে হইবে—ভিড়ের ধাক্কা ও উঁচুনিচু পথে হাঁচট সহিয়া ও খাইয়া—ধীর ও মধুর গতিতে। কিম্বা যানবাহন-পথের কিনারা ধরিয়া ঠেলাগাড়ীর সঙ্গ লইয়াও যাওয়া যায়। কিন্তু ছোট পথে ও ব্যবসা-বাণিজ্য কেন্দ্রের গলিতে সে সুযোগও নাই, সেখানে ঠেলা, রিক্সা ও লরী সমস্ত পথই দখল করিয়া চলিতে থাকে যাহার ফলে 'ট্রাফিক জাম' সে সকল স্থানে প্রায়ই হয়। সে সকল স্থানে পথ চলা দুর্কৃত্ত ও দুর্কৃত্ত ব্যাপার, সোজা পথ ত নাই-ই, যানবাহন এড়াইয়া চলিতে রীতিমত কষ্ট পাইতে হয়।

এই সকল বাধা-বিপত্তি না হয় বুঝলাম যে মহানগরীতে বাস করার আনন্দময়িক ব্যাপার। কিন্তু পথ-ঘাটের অবস্থা মেরামতির অভাবে যাহা দাঁড়াইতেছে তাহা ত এই মহানগরীর সুনাম বাড়াইতেছে না। ট্রাম কোম্পানী কতকগুলি প্রধান রাজপথে লাইন ও লাইনের দুই ধার মেরামত করিতেছে, কিন্তু তাহা এতই ম্লথ ভাবে

যে, পূর্ণপথের মেরামত শেষ হইবার পূর্বেই প্রথমে যেখানে মেরামত হইয়াছিল তাহার অবস্থা কাহিল হয়। যে সকল পথে ট্রাম নাই সে সকল পথের মেরামতও নাই, এই ত আজ কম বৎসরের অভিজ্ঞতা আমাদের সকলের। মাঝে মাঝে রাস্তার খানিকটা জোড়াতালি দেওয়া মেরামত হয় অবশ্য, কিন্তু যে ভাবে তাহা করা হয় তাহাতে মনে হয় যে, সেই মেরামতে উপকার হয় পৌর-সংস্থার কতিপয় কর্মচারীর ও কন্ট্রাক্টরের এবং হয়ত কোনও পৌরসভার সদস্যের, কিন্তু তাহা নাগরিকের কোনও কাজে লাগে না, কেননা তাহাতে পথ আরও উঁচুনিচু ও খানাখন্দে পূর্ণ করাই হয়।

ছোট-বড় পথের ত এই ব্যবস্থা, অলিগলির কথা বলাই বৃথা। এওদিন ফুটপাথ ও অলিগলি আবর্জনার ঢাকা ছিল, এখন জাতীয় খেচ্ছাসেবক বাহিনীর তরুণদের উদ্যমে ও উৎসাহে সেই আবর্জনা ও জঞ্জালের স্তূপ সরিয়া যাওয়ার সেই ফুটপাথ ও গলিগুলির যে নখ, জীর্ণ ও জঘন্যরূপ প্রকাশ পাইতেছে তাহা এই মহানগরীর পক্ষে নিতান্তই লজ্জাকর ও বেদনাদায়ক—যদিও উহার পৌর-পিতাগণের অন্তরে ওই দুই বস্তুর স্থান আছে বলিয়া বুঝা যায় না।

এই ত দিনের আলোর কলিকাতা। রাতের অন্ধকারে ঐ পথঘাট অলিগলির বা অবস্থা হয় তাহা বর্ণনার অতীত। যে সকল অঞ্চলে পথের দুই ধারে দোকানপাট আছে যেখানে রাত আটটা-নয়টা পর্যন্ত তবুও পথ চলার মত আলো থাকে। নয়টার পর মোটর-যানের মঞ্চল হেডলাইট ও পায়ে-চলা পথিক বা রিক্সা ইত্যাদির ভরসা কপালের জোর। এই নগরের অনেক অঞ্চল, যেখানে দোকানপাট নাই, সেখানে পথের পাশে কোনও আলোবাতির বিশেষ বালাই নাই—আজও নাই এবং গত দুই-তিন-চার বৎসরেও ছিল না। এই সকল অঞ্চলে চুরি-চামারি নিত্যই লাগিয়া আছে, যদিও সে সকল চুরির খবর সংবাদপত্রে উঠে না—কেননা দশ-বিশ হাজারের কম চুরি বা রাহাজানির রিপোর্ট চমকপ্রদ নয়—এবং পুলিশে জানানোও হয় না, কেননা জানাইলে কোনও ফল হয় না।

এ সকলের সঙ্গে আছে অল্প এক শ্রেণীর দুর্কৃত্তের উপদ্রব। এই মহানগরের কয়েক অঞ্চলে রাত আট-নয়টার পর কোন ভদ্র স্ত্রীলোকের পক্ষে—তিন-চারজন পুরুষ সঙ্গী ছাড়া পথচলা দায় হইয়া দাঁড়াইয়াছে। দুর্কৃত্তের মুখে অশ্রাব্য কথা শোনা ত আছেই, উপরন্তু আছে লাঞ্চার ভয় যদি দ্রুত কোনও বড় এবং আলোক-

বুক পথ, যেখানে লোক চলাচল আছে বা কোনও আশ্রয়ে শৌচান না যায়। সঙ্গীর দল ভারী না থাকিলে রিক্সা বা ট্যাক্সি ছাড়া অল্প দূরও যাওয়া যায় না এবং একটু অধিক রাতে তাহাও নিরাপদ নয়। বহুদিন পূর্বে কিপ্লিং কলিকাতাকে বলিয়াছিলেন, "The city of Dreadful Nights" (দুর্কহ রাত্রির পুরী)। এখন কলিকাতার রাত্রি শুধু দুর্কহ বা দুঃসহ নয়, বিপদসঙ্কুলও হইয়া দাঁড়াইতেছে। জানি না ইহার প্রতিকার কি!

### কলিকাতা-নরককুণ্ড উদ্ধার

গ্রীক পুরাণে হারকিউলিসের দুঃসাধ্য সাধনের যে আটটি কাহিনী আছে, তাহার মধ্যে অজিয়ার আস্তাবল পরিষ্কার করা (Cleaning of the Augean Stables) অস্বতম। আমাদের এই কলিকাতা তাহার পৌর-সংস্থার কর্মী, কর্মচারী ও পৌরসভার সদস্যবর্গের কৃপায়, গত দুই-তিন বৎসরে বৃহত্তর ও জঘন্ততর আস্তাবলে পরিণত হইতেছিল। গলিঘুঁটির বা বস্তির ত কথাই নাই, বড়বাজারের পথঘাট, শিয়ালদহ বাজারের সম্মুখে প্রশস্ত রাজপথ, ফ্রি-স্কুল স্ট্রিটের মত জনবহুল কর্ণ ও ব্যবসা কেন্দ্রের পথও আবর্জনা ও জঞ্জালের স্তূপে সর্পিণ্ড ও দুর্গন্ধময় নরকে পরিণত হইতেছিল। এই নরক উদ্ধার করিয়া জাতীয় স্বেচ্ছাসেবক বাহিনীর তরুণগণ যে অসাধ্য সাধন করিয়াছেন তাহাতে দেশের মুখোজ্জ্বল হইয়াছে। তাঁহাদের উত্তম ও প্রয়াসের প্রশংসা চতুর্দিকে যে ভাবে শোনা যাইতেছে তাহা তাঁহাদের কৃতিত্বেরই কারণে আসিতেছে। ইঁহাদের জীবনযাত্রাপথ জয়যুক্ত হউক।

### ভারত সরকারের ব্যবসা পরিচালনা

বিগত মহাযুদ্ধের সময় ইংলণ্ডে সরকারী নীতি অনুসারে কোন আমলা জাতীয় ব্যক্তির কারখানা অথবা ব্যবসা চালাইবার অধিকার ছিল না। আমলাদিগের ব্যবসা-বাণিজ্য চালাইবার ক্ষমতা অল্পই থাকে, কেননা তাঁহারা ব্যাপকভাবে নিয়ম গঠন ও সেই সকল নিয়ম অপরের উপর প্রয়োগ করাই মানব-জীবনের শ্রেষ্ঠ ও উৎকৃষ্টতম কার্য বলিয়া ধরিয়া লইয়া কর্মক্ষেত্রে অগ্রসর হইয়া থাকেন। ব্যবসা-বাণিজ্য ও কাজ-কারবার চালান অনেকাংশেই শাসন ও প্রভুত্বনীতির ব্যহিরে। অর্থাৎ দূরে সৈন্তবাহিনী ও নিকটে সশস্ত্র পেয়াদা খাড়া রাখিয়া রাজ্যশাসন কিম্বা খাজনা আদায় এক কথা এবং সস্তায় কাঁচামাল সংগ্রহ করিয়া অল্প খরচে তাহা ঘারা বিক্রয়ের

মালমসলা প্রস্তুত করিয়া বাজারে তাহা উচ্চ মূল্যে বিক্রয় করা সম্পূর্ণ অল্প জাতীয় কার্য। জনসাধারণকে নিয়ম-কাহন ও শাসনপদ্ধতির উৎকট প্রয়োগে প্রমথিত করিয়া জাতীয় আয় ও ঐশ্বর্যের নবনীটুকু তুলিয়া লইয়া জননেতাদিগের ইচ্ছামত ব্যবহারের জন্য ধরাইয়া দেওয়া আমলাদিগের কার্য। চিরপরিবর্তনশীল যে কেনা-বেচার আবহাওয়া ও অসংখ্য শাখা-প্রশাখা শোভিত যে মানব-সভ্যতা ও তাহার অর্থনীতির বিস্তৃতি তাহার মধ্যে আসিয়া নিজেদের কর্তৃত্বশক্তি ও গঠনক্ষমতা দেখান আমলাদিগের পক্ষে সম্ভব নহে। এই কারণে কোন দেশেই আমলাদের প্রধান ভাবে ব্যবসা-বাণিজ্য অথবা কারখানা চালনা করিতে দেখা যায় না।

ভারতবর্ষে বিগত এক যুগাধিক কাল যে ভাবে জাতীয়-জীবনের সকল অঙ্গে সাধারণের অধিকার দমন করিয়া আমলাশক্তি প্রযুক্ত হইয়াছে ও উত্তরোত্তর সেই পদ্ধতি প্রবলতর ও বর্ধিত ভাবে নিয়োগ করা হইতেছে, তাহাতে ভারতের জনসাধারণের ব্যক্তি-ও বিশেষ ভাবে খর্ব করা হইয়াছেই, উপরন্তু জনসাধারণের অর্থদান ও অনুবিধা ভোগের তুলনায় কোন লাভই হয় নাই বলা চলে। অতিরিক্ত মূল্যে ক্রয় করিয়া অত্যন্ত অধিক ব্যয়ে স্থাপিত করিয়া যে সকল কারখানা বসান হইয়াছে সেগুলি সামান্য লাভেও চলিতেছে না, লোকসানই হইতেছে। যে জাতীয় অর্থ অপব্যয় করিয়া অর্থনৈতিক পরিকল্পনা সফল বাস্তবে ব্যক্ত হইতেছে সেই সকল অর্থই ধার হিসাবে জাতির স্বন্ধে চাপিয়া থাকিবে এবং সেই ধার শোধ করিতে ও তাহার স্বদ দিতে জাতির যে খরচ হইবে তাহা জাতির অর্থনৈতিক "উন্নতির" তুলনায় অত্যধিক বলিয়াই মনে হয়। ইউনাইটেড নেশনস-এর যে সকল পুস্তকাদি বাহির হয় তাহার একটিতে দেখা যায় ১৯৫৩-৫৯ খ্রীষ্টাব্দের মধ্যে ভারতের আর্থিক উন্নতি বিশেষ কিছু হয় নাই। এই সময়ে জাপানের জাতীয় আয় শতকরা ৬২ ভাগ বৃদ্ধি পাইয়াছে এবং বর্মার হইয়াছিল শতকরা ৩১ ভাগ, থাইল্যান্ডের ২৮ ভাগ, কাম্বোডের ২৬ ভাগ, ইন্দোনেশিয়ার ২১ ভাগ ও ভারতের মাত্র ১১ ভাগ। যে ক্ষেত্রে ভারতবাসীর রাজ-করের পরিমাণ আয়ের শতকরা প্রায় ৩০ ভাগ, সে ক্ষেত্রে এই আয়বৃদ্ধির মূল্য কতটা তাহা সহজেই বিচার করা যায়। আসল কথা, অর্থনীতির ক্ষেত্রে আমলা বর্জন অতি প্রয়োজনীয়। অর্থাৎ দেশনেতাগণকে অর্থনৈতিক ক্ষেত্রে হইতে সাধারণতঃ সরাইয়া দেওয়া আবশ্যিক, এবং অতি শীঘ্র।



### চীন, ভারত ও পাকিস্তান

কিছুদিন পূর্বে শ্রীনেহরু বলেন যে, পাকিস্তান ভারতকে চীনের সহিত যুদ্ধে লিপ্ত করাইবার চেষ্টা করিতেছে। আমরা জানি না যে, শ্রীনেহরুর কি প্রমাণ আছে এই অভিযোগ প্রতিপন্ন করিবার জন্য। হইতে পারে পাকিস্তান চীনের সহিত ভারত যুদ্ধে জড়িত হইলে খুশী হইবে এই আশায় যে, ভারত যুদ্ধ করিয়া শক্তিহীন হইলে পর পাকিস্তান ভারত আক্রমণ করিতে সমর্থ হইবে। কিন্তু শ্রীনেহরুর এইরূপ কথা বলিবার আর একটি কারণ থাকিতে পারে যে, তিনি চীনের সহিত কোন প্রকারেই যুদ্ধ করিতে চাহেন না। সুতরাং পাকিস্তানের ঐরূপ যুদ্ধে সুবিধা ও আগ্রহ আছে, এই অজুহাতে তিনি নিজের যুদ্ধে অনিচ্ছার সাক্ষ্য গাহিতেছেন পাকিস্তানের বিরুদ্ধে অভিযোগ উঠাইয়া। তাঁহার যদি পাকিস্তানের বিরুদ্ধে কোন প্রমাণ থাকে, তাহা হইলে তাঁহার উচিত সকল কথা খুলিয়া বলা। নচেৎ সাধারণের মনে এই সন্দেহ হইবে যে, তিনি যুদ্ধে অপারগ এবং পাকিস্তানের নাম করিয়া যুদ্ধ না করা উচিত প্রমাণ করিতেছেন মাত্র।

চীন যখন হইতে ভারতের বিভিন্ন স্থানে হামলা করিতে আরম্ভ করিয়াছে তখন হইতে পাকিস্তান চীনের সহিত সখ্য স্থাপন চেষ্টা করিতেছে বলা যাইতে পারে। চীন হামলা আরম্ভ করিবার অনেক পূর্বেই পাকিস্তান সেই কল্পিত অবস্থার সুযোগ আহরণে প্রবৃত্ত হইয়াছে। চীনের সহিত ভারতের যুদ্ধ সম্ভাবনা তখন হইতেই হইয়াছে যখন চীন ভারতের জমি দখল করিতে আরম্ভ করে। কিন্তু এই জমি-দখল কার্য চীন নিজ আগ্রহেই করিয়াছে। পাকিস্তানের প্ররোচনায় করে নাই। চীনের এই অস্তায় লোকের কারণ প্রধানতঃ ভারতের দুর্বলতার মধ্যেই দেখা যায়। ভারত যদি চীনের অস্তায় ভাবে তিক্তত দখলের প্রশ্রয় না দিতেন ও তিক্ততীদের উপর চীনের পাশবিক অত্যাচার বিনা প্রতিবাদে হুমকি করিয়া না যাইতেন, তাহা হইলে চীনের কখনও ভারতের উপর হামলা করিবার স্পর্ধা হইত না। বর্তমানে শ্রীমেনন যদি গায়ে পড়িয়া চীনের প্রতিনিধির সহিত ভাব জমাইবার চেষ্টা না করিতেন, তাহা হইলেও সম্ভবতঃ বার্নাল চেন গীর সাহস হইত অথবা কতকগুলি মিথ্যা কথা প্রচার করিবার চেষ্টা। এবং তৎপরেও শ্রীনেহরুর চীনের সহিত আবার কথাবার্তা চালাইবার ব্যবস্থা আরও অশেষদূরদর্শিতার পরিচায়ক হইয়াছে। সুতরাং যদি

চীন অদূর ভবিষ্যতে ভারতের আরও অধিক জমি দখল করিয়া পর তাহা হইলে তাহার জন্য দায়ী হইবেন শ্রীনেহরু ও শ্রীমেনন। চীনাঙ্গিকে উত্তরোত্তর আসকারা দিয়া বাড়াইয়া তুলিতেছেন ঐ দুই ব্যক্তি। পাকিস্তান যদি এদিকে ওদিকে ফোড়ন দিয়া থাকে তাহা সর্বশ্রীনেহরু-মেননের দুর্বল হস্তে প্রস্তুত আঙ্গুলমান-হীনতার ব্যঞ্জনেই পড়িয়াছে।

অ.

### সুমন সরকারের বীরত্ব

কয়েকদিন পূর্বে নীলরতন সরকার হাসপাতালের মধ্যে একজন চিকিৎসাধীন ব্যক্তি হোরা লইয়া দৌড়াইয়া কয়েকজন ডাক্তারকে সাংঘাতিক ভাবে আহত করিয়াছে। সে কি কারণে এইরূপ করিল তাহা ঠিক জানা যায় নাই। শুদ্ধব যে, বর্তমান পশ্চিম বাংলার স্বাস্থ্য বিভাগের একজন উচ্চতম কর্মচারী কোন কোন প্রকার ঔষধ-ব্যবহার বন্ধ করার কলে রুগীদের নানা প্রকার কষ্ট ভোগ করিতে হয় এবং উপরোক্ত ব্যক্তিও সেই কারণে ভীষণ কষ্ট পাইয়া পাগলের মত হইয়া গিয়া হোরা লইয়া ডাক্তার হত্যার চেষ্টা করে। সে যাহা হউক, এই ঘটনাকালে একজন যুবক বিশেষ বীরত্ব দেখাইয়া ও নিজ জীবন বিপন্ন করিয়া ঐ ধুনে লোকটাকে নিরস্ত্র করিয়া অপর অনেকের প্রাণ বাঁচাইবার কারণ হইয়াছেন। ইহার নাম শ্রীসুমন সরকার ও ইনি নীলরতন সরকারের পৌত্র। ঘটনা কালে শ্রীসুমন সরকার হাসপাতালে কোন রুগীকে দেখিতে গিয়াছিলেন ও কয়েকজন ব্যক্তি চক্ষের সম্মুখে চুরিকাঘাতে পতিত হইতেছে দেখিয়া তিনি আততায়ীকে প্রত্যাক্রমণ করিয়া শেষ অবধি তাহাকে নিরস্ত্র করিয়া কেলে। তাঁহার বুকো হোরার আঘাত লাগে কিন্তু সৌভাগ্যবশতঃ জখম গভীর হয় নাই। পশ্চিমবঙ্গ সরকারের উচিত এই বীরপুরুষকে উপযুক্তরূপে পুরস্কৃত করা। এবং উচিত এই সম্বন্ধে পূর্ণ অনুসন্ধান করিয়া যাহাতে এইরূপ ঘটনা আর না ঘটে তাহার ব্যবস্থা করা।

অ.

### মোরারজীর রাজস্ব আদায় নীতি

রাজস্ব আদায় নীতি অপরাপর নীতির মতই স্মরণ-অস্তায়, ধর্ম-অধর্ম, সত্য-মিথ্যা প্রভৃতি গুণাগুণে রঞ্জিত হইতে পারে। তাহা ছাড়াও সাধারণ ভাবে বলিতে গেলে রাজস্ব আহরণ এমন ভাবে করা উচিত যাহাতে কি আদায় করা হইতেছে ও শেষ অবধি কে সে অর্থ দিতে

বাধ্য হইতেছে এবং আদায়ের কলে পরোক্ষভাবে সরকারী লাভের তুলনায় জাতীয় লোকসান অধিক হইতেছে কি না ইত্যাদি প্রশ্নের উত্তর পরিষ্কার ও সঠিক ভাবে সাধারণের বোধগম্য হওয়া আবশ্যিক। রাজস্ব আদায় সহজ ও সরল উপায়ে করা উচিত। আদায় করিবার জন্য জনসাধারণকে উত্যক্ত করিয়া ও আদায় অপেক্ষা আদায়ের খরচ অধিক করিয়া ফেলিলে সেই প্রকার রীতি বর্জনীয়। যথা আমাদিগের আয়কর অথবা ইনকাম ট্যাক্স। ইহার জন্য যে পরিমাণ হালান্না করা হইয়া থাকে ও এই কর দেওয়ার ক্ষেত্রে যতটা কঁাকি ও মিথ্যার খেলা চলিয়া থাকে সে তুলনায় খরচ বাদে লাভ অল্পই হয়। উপরন্তু এই ট্যাক্স থাকায় বাহারা ট্যাক্স দিতে রাজী ও ট্যাক্স দিয়া থাকেন তাঁহাদিগের উপরে ইনকাম ট্যাক্স অফিসের কর্মচারিগণ অকারণে উৎপাত করিয়া নিজেদের সময় অতিবাহিত করেন। বাহারা কঁাকি দিয়া, ঘুস দিয়া ও অপর অন্তায় উপায়ে ত্রায়ত-দের রাজকর না দিবার চেষ্টা করে, সেই সকল ব্যক্তির নিকটে ইনকাম ট্যাক্স অফিসের কর্মচারী কদাপি উচ্চকণ্ঠে কথাও বলেন না।

মোরারজীর রাজস্ব আদায় নীতি পূর্বকালের সকল দোষে ছুঁই ত বটেই, উপরন্তু তাঁহার নীতির নূতন নূতন অনেক দোষ আছে। তিনি ভারতের সাধারণে কে কি রাজকর দিবে তাহা বলিয়াই নিরস্ত হন না। তিনি জনসাধারণকে জীবনের প্রায় সকল ক্ষেত্রেই কে কি করিতে পারিবে অথবা পারিবে না তাহার নির্দেশ দিতে ব্যস্ত। আমদানি ও রপ্তানি কারবার, কারখানা নির্মাণ, বিভিন্ন মাল ক্রয়-বিক্রয়, বিদেশ ভ্রমণ, চিকিৎসা, শিক্ষা বা বাণিজ্য হেতু দেশান্তর গমন—কোন কিছুই মোরারজীর আদেশ না পাইলে কেহ করিতে পারে না।

কারণ এই সকল ক্ষেত্রেই জনসাধারণের কার্যকলাপ মোরারজীর রাজস্ব আদায় অথবা অর্থনৈতিক পরিকল্পনার সহায়ক কিনা তাহা বিচার করিয়া তবে তিনি নির্দেশ দিতে পারেন। ভারতীয় মানবের জীবনযাত্রা পদ্ধতির উপর এইভাবে আগমণীর বাদশাহ কখনও আক্রমণ করেন নাই। ভারতীয় মানবের ব্যক্তিগত স্বাধীনতা আজ অর্থ-নীতির ক্ষেত্রে নাই বলিলেই চলে। অপর সকল ক্ষেত্রেই ভারতীয় মানবের মনুষ্যত্ব আজ আহত, গৌরবহীন ও অতি ধর্ম। কারণ মোরারজী, তথা নেহরু বিদেশী মাল-মশলা ক্রয় করিয়া দেশের আর্থিক অবস্থা উন্নত করিয়া দিবেন। বিগত ১৫ বৎসরে আমরা বাহা লাভ করিয়াছি আর্থিক ভাবে তৎপূর্বকালের তুলনায়, আমরা তাহা

অপেক্ষা অনেক অধিক অর্থ দিতে বাধ্য হইয়াছি রাজস্ব হিসাবে। এবং জাতীয় ভাবে হাজার হাজার কোটি টাকা আমাদিগের ঋণ লইতে হইয়াছে ও হইতেছে, বাহা শোধ করিতে আমরা কখনও পারিব না। সেই ঋণের সুদ গুণিতে আমাদিগের আরও অধিক "লাভের গুড় পিঁপড়ায়" খাইয়া যাইবে। আর্থিক উন্নতি সুদূর পরাহত। লোকসানগুলি সাক্ষাৎ ভাবে সম্মুখে উপস্থিত।

অ.

### শ্রমশক্তি ও জাতীয় মূলধন

ভারতবর্ষের জাতীয় মূলধনের মধ্যে চাষের জমি সর্বোচ্চ স্থান লাভ করে। ভারতের জাতীয় আয় যদি বার্ষিক ১৫,০০০ কোটি ধরা হয় (প্রকাশ্য, অদৃশ্য ও গুপ্ত আয় একত্রে ধরিয়া) তাহা হইলে সেই আয়ের শতকরা ৭৫ ভাগের অধিক আসে চাষের জমি হইতে। এই জমি প্রকৃতির দান হইলেও, মানুষের শ্রমশক্তি নিয়োগেই জমি চাষের উপযুক্ত হয়। চাষও শ্রমশক্তির দ্বারাই করা হয়। গ্রামের ঘর-দুয়ার গঠন, রাস্তাঘাট নির্মাণ, পুষ্করিণী খনন, পশুপালন, শকট-চালনা, ময়দা-পেষা অথবা টেকি-চালনা এবং অসংখ্য অপরাপর কার্য শ্রমশক্তির ব্যবহারেই করা হইয়া থাকে। শ্রমশক্তির ব্যবহারে সাক্ষাৎ ভাবে উপভোগ্য বস্তু তৈয়ার হয় এবং পরে অপর দ্রব্য প্রস্তুতের কলকল্লা বা উপায় হিসাবে বাহা ব্যবহার করা হয় ও বাহার নাম মূলধন, তাহাও শ্রমশক্তির দ্বারা প্রকৃতির দানগুলিকে সাজাইয়া-গুছাইয়া ও উপযুক্ত আকৃতি দান করিয়া তৈয়ার করিয়া লওয়া হয়। যথা, গৃহ নির্মাণ হয় শ্রমশক্তির দ্বারা মালমশলা যথাস্থানে লইয়া আসিয়া তাহার সাহায্যে বিশেষ আকৃতির গৃহ গঠন করিয়া। গৃহের বার্ষিক ভাড়া বাহা অথবা এক বৎসর গৃহে বাস করিলে সেই বাস করিবার সুবিধার বাহা মূল্য বার্ষিক হইবে; তাহা হইল মূলধনের বার্ষিক আয়।

পূর্বেই বলা হইয়াছে যে, ভারতের মূলধনের অধিকাংশই জমি, নদী, পুষ্করিণী, জঙ্গল, কলের বাগান, পথঘাট, কুঁড়ে ঘর, ছোট বাড়ী, চাষবাসের সাধারণ যন্ত্রপাতি, মানুষের ভোগ্যবস্তু দান বা কর্ণে সাহায্য করে এইরূপ জীবজন্তু, শকটাদি ও কুটির শিল্পের তাঁত, চরকা, টেকি হাতিয়ার প্রভৃতি। এই সবকিছুই মানুষের শ্রমশক্তির দ্বারা গঠিত, পরিবর্ধিত, পরিষ্কৃত, পরিবর্ধিত, আদৃত, পালিত ও উপযুক্ত আকার প্রাপ্ত হয়। এবং এই জাতীয় মূলধনের সাহায্যেই ভারতের বে বাধাপিছু বার্ষিক ২৩৬ (১) আয় তাহার

২৫০\্ প্রমাণ উৎপন্ন হয়। স্ততরাং দেশের মাহুঘের শ্রম-শক্তি ব্যবহারের উপযুক্ত ব্যবস্থা না করিয়া কাহারো বিদেশী শ্রমিক-রচিত যন্ত্রাদি ধার-কর্জ করিয়া অথবা রপ্তানি মাল লক্ষ বিদেশী মুদ্রার শেন কপর্দক অবধি অপব্যয় করিয়া আহরণ করেন ও বলেন যে, এই উপায়ে দেশের অর্থ-নীতি প্রচণ্ড গতিতে উর্জগামী হইবে ও দেশের লোকের আয় শীঘ্র শীঘ্র দ্বিগুণ হইয়া যাইবে; কাহারো অবিমুখ্য-কারিতা দোষে জাতির নিকট অপরাধী। কেননা কাহারো পরিকল্পনার ফলক্রমে যে মূলধন গঠন ভারতে হইয়াছে তাহা হইতে কোনও আয় বৃদ্ধি হইয়াছে বলিয়া আমাদিগের বিশ্বাস নহে। যেটুকু আয় বৃদ্ধি হইয়াছে তাহা ভারতবাসীর ভোগে লাগে নাই এবং তাহার অধিকাংশ ভারত সরকারের হস্তগত হইয়া জলে ফেলা হইয়াছে। এবং সে আয় বৃদ্ধি হইয়াছে চানবাস বৃদ্ধি ও পুরাতন অর্থনীতি-জাত বস্তুর পরিমাণ ও মূল্য বৃদ্ধি হওয়াতে। সরকারী আমলাদিগের স্পর্শ এড়াইয়া যাহা গড়িয়া উঠিয়াছে তাহার জন্ত ভারত সরকারের কোনও মন্ত্রণাদায়ক পণ্ডিত কোন প্রশংসা দাবী করিতে পারেন না। অর্থাৎ ভারত সরকারের যে জোর করিয়া জাতির অভিব্যবস্থা গ্রহণ নীতি তাহার ফলে জাতির আর্থিক উন্নতির বাধারই সৃষ্টি হইয়াছে; লাভ যাহা হইয়াছে তাহা সরকারী বাধা ও সর্পগ্রাসী রাজস্ব আহরণ থাকা সত্ত্বেও।

বর্তমানে তাহা হইলে, আমাদিগের জাতীয় কর্তব্য হইতেছে জাতীয় মানবের শ্রমশক্তিকে সংহত, সংযত ও সংগঠিত করিয়া সেই শ্রমশক্তি ব্যবহারে ক্রমবর্দ্ধনশীল ভাবে সাক্ষাৎ ভোগ্যবস্তু ও মূলধন উৎপাদন করা। ইহাতে সরকারী সাহায্য যদি পাওয়া যায়, উত্তম; এবং না পাওয়া যাইলেও এই কার্য্য করিতে হইবে। কারণ বর্তমানে আমাদিগের দেশের শ্রমশক্তি দৈনিক প্রায় ৮০ কোটি ঘণ্টা প্রমাণ নষ্ট হইতেছে। ইহার মূল্য ১০ কোটি মজুরের মজুরি ও যাহা তাহারও প্রায় দ্বিগুণ অর্থাৎ মজুরি-প্রস্তুত সকল বস্তু ও বাস্তব ঐশ্বর্য্যসমূহ। এই শ্রমশক্তি ব্যবহার করিবার ব্যবস্থা হইলে ভারতের যে প্রায় দশ লক্ষ মাইল পাকা রাস্তা নির্মাণ অবশ্য-প্রয়োজন, তাহা নির্মাণ করা সম্ভব হইবে। সকল গ্রাম তাহা হইলে শহর ও কারখানা জগতের সহিত অর্থনৈতিক ভাবে সংযুক্ত হইয়া যাইবে এবং সেই সকল গ্রামের উৎপন্ন বস্তু বিক্রয়ের বিশেষ সুবিধা হইবে। বস্তু উৎপাদন বিক্রয়ের উপর নির্ভর করে। বিক্রয়ের সুবিধা ঘটিলে উৎপাদন সহজেই হয়। অর্থাৎ চাহিদা জাগ্রতরূপ ধারণ না করিলে

মাল প্রস্তুত ও সরবরাহ সম্ভব হয় না। শ্রমশক্তি ব্যবহারে ঘর, ছয়র, পুষ্করিণী, বৃক্ষসম্পদ, পশুসম্পদ প্রভৃতি ক্রমাগত বাড়িয়া চলিবে এবং এই উপায়ে কোনও প্রকার বিদেশী যন্ত্র ব্যবহার না করিয়াই জাতীয় আয় দ্বিগুণ এমন কি চতুর্গুণ হইতে পারে এবং ব্যবস্থা করিলে অবশ্যই হইবে।

অ.

## ভেজাল ঔষধ প্রণয়নে কাহারো

### সর্বাপেক্ষা অপরাধী

অবশেষে ঔষধেও ভেজাল ধরা পড়িল! ধরা পড়াটাই বড় কথা নয়, অপরাধীর শাস্তি কোথায় হইতেছে? তিনিতেছি, ভেজালকারীদের মৃত্যুদণ্ড দিবার আইন নাই। স্ততরাং বৃদ্ধিতে হইবে, আমরা বিচিত্র দেশে বাস করিতেছি। আমরা জানি ভারতবর্ষে এক শ্রেণীর ব্যবসায়ী সমস্ত রকম মানবিকতাবোধশূন্য। ইহাদের বিবেক বলিয়া কোন বস্তু নাই, মাহুঘের ভাঙভেঙের পরোয়া ইহারা করে না। অর্থাৎ ইহাদের একমাত্র লক্ষ্য। এই অর্থ উপার্জনের জন্ত ইহারা শিশুর খাণ্ডে কিংবা রোগীর ঔষধে ভেজাল দিতেও দ্বিধাবোধ করে না। মহারাষ্ট্রে, কেরলে, অন্ধ্র এবং মাদ্রাজে এতদিন পর লক্ষ লক্ষ এ্যাম্পুল ভেজাল ইনজেকসন এবং ডিষ্টিল্ড ওয়াটার ধরা পড়িয়াছে। অস্তান্ত রাজ্যের বাজারে এখনও সেইগুলি বিনাবাধায় বিক্রয় হইতেছে। কারণ, এই প্রতিপত্তিশালী অপরাধীদের ধরিবে কে? আর ইহাদের চরম শাস্তি দিবার জন্ত আইনই বা কোথায়? মহারাষ্ট্রের মুখ্যমন্ত্রী শ্রীচ্যবন বিধানসভায় আক্ষেপ করিয়া বলিয়াছেন, আইনে এই ভেজাল-কারবারীদের কাঁসি দিবার কোন ব্যবস্থা নাই।

এ আইন কেন নাই সে প্রশ্ন এখন করিব না। প্রয়োজনে নূতন আইন সংযোজন বা সংশোধন না হইতেছে এমন নয়, তবে এখানেই বা এ উদাসীনের কারণ কি? জগতে কোন সভ্য দেশেই খাণ্ডে ভেজাল কিংবা ঔষধে জাল উপকরণ মিশ্রণ বরদাস্ত করা হয় না। ব্যবসায়ীরাও এইরূপ জঘন্যধরনের অপরাধ করিতে সাহসী হয় না আইনের ভয়ে। সোভিয়েট রাশিয়ার সামান্য ঘুঘু গ্রহণের জন্ত অপরাধীকে গুলী করিয়া মারা হয়। কিন্তু আমাদের দেশে সকল দুর্কার্য্যই সম্ভব হইতেছে। কারণ এখানে সারাজীবন পাপাচারণ করিয়া কৌশলে এবং নিঃশব্দে গোটা জাতিকে মৃত্যুর দিকে ঠেলিয়া দিলেও, আইন কিছু বলিবে না। ভেজাল খাদ্য

কিংবা জাল ঔষধ প্রস্তুত ও বিক্রয়ের জন্ত অতি সাধারণ দণ্ড দানের ব্যবস্থাই এই পাপ ব্যবসায়কে এতটা ফুলাইয়া ফাঁপাইয়া বাড়বাড়ন্ত করিতে প্রয়োচনা দিয়াছে। আর এই গণতন্ত্রের ঠাট বজার রাখিতে অসহায়, নিরুপায় সাধারণ মানুষ—যাহারা অর্থ দিয়া শিশুদের ভেজাল খাদ্য খাওয়াইতেছে, মুম্বু' রোগীকে জাল স্ফালাইন ইনজেক্শন দিয়া প্রাণে মারিতেছে।

এই জাল-কারবারীদের চক্রান্তে শুধু সাধারণ মানুষেরই জীবন যায় নাই। কয়েক বছর আগে বিখ্যাত বিজ্ঞানী ডাঃ এস. ভাটনগরের পত্নীকে জাল এমিটিন ইনজেক্শন দিয়া হত্যা করা হয়। লোকসভার ভূতপূর্ব সদস্য বিশ্বভারদয়াল ত্রিপাঠীরও মৃত্যুর কারণ এই অসুপযুক্ত ঝানের ইনজেক্শন। এতগুলি মর্মান্তিক ঘটনা পর পর ঘটয়া গেল—সকলেই ভাবিল, এবার একটা কিছু হইবেই। কিন্তু সকলকে বিস্মিত করিয়া সরকার আজও নীরবই রহিয়াছেন।

জাল ঔষধ নির্মাণের কারখানা ভারতবর্ষে ব্যাধের ছাতার মত গড়াইয়া উঠিয়াছে। আরও দুর্ভাগ্য, মেধাবী বিজ্ঞানকর্মীরাও পেটের দায়ে এই জাল ব্যবসায় সাহায্য করিতেছেন। ইহাও আর একটি সামাজিক সমস্যা।

এই জাল ঔষধ উৎপাদন বন্ধ করিবার জন্ত যতই তদন্ত কমিশন বসান হউক না কেন, যতদিন না অপরাধীদের চরমতম শাস্তি দিবার জন্ত আইন তৈয়ারি হইতেছে ততদিন ইহার কোন প্রতিকারই হইবে না। ইহাদের মৃত্যুদণ্ড চাই—কারণ, ইহারা সমগ্র জাতিকে নিশ্চিত মৃত্যুর মুখোমুখি করিয়াছে। যে দেশের আইন বাদ্যে ভেজাল কিংবা ঔষধে ভেজালের পাপ-চক্রান্তকে বন্ধ করিতে পারে না, সে আইন গণতন্ত্রকে শক্তিশালী করে না, বরং দুর্বলই করে। রাষ্ট্রদ্রোহের জন্ত মৃত্যুদণ্ড আছে, কিন্তু রাষ্ট্রের নাগরিকের জীবন নাশ করিয়াও তাহারা স্তম্ভদেহে বিচরণ করিবে—ইহা কোন্ দেশীয় গণতন্ত্র?

অনুরূপ কথা কেন্দ্রীয় স্বাস্থ্যমন্ত্রী ডাঃ সুশীলা নায়ারও বলিয়াছেন। তিনি বলিয়াছেন, ভেজাল ঔষধ তৈয়ারী ও বিক্রয় নরহত্যার সমতুল্য। সমতুল্যও যদি, তবে দণ্ডও তদনুরূপ হইতেছে না কেন? প্রতি বৎসরই পার্লামেন্টে বহু নূতন আইন হইতেছে এবং পুরাতন আইনের প্রয়োজন মত সংশোধন চলিতেছে। কিন্তু ভেজাল, প্রস্তুতকারীদের বিরুদ্ধে আইনের কঠোরতম শাস্তির বিধান হইতেছে না কেন? দেশের আইন নরহত্যার সমতুল্য অপরাধে অপরাধী সমাজদ্রোহীদের

সম্পর্কে এত উদাসীন ও নিষ্ক্রিয় কেন? আইনের কঠোরতা না থাকাই যদি ইহার সর্বপ্রধান কারণ হয় তাহা হইলে সে আইন স্বাধীনতা লাভের পরে পনের বৎসরেও প্রণীত হইল না কেন? সমাজদ্রোহীদের ক্ষমা নাই, থাকাও উচিত নয়। কারণ, তাহারা তাহাদের কার্যদ্বারা সমগ্র সমাজকে বিপন্ন ও নষ্ট করিতেছে। অতএব সংশ্লিষ্ট আইন সংশোধনে বিলম্বও গুরুতর অপরাধেরই সমতুল্য।

### লালদীঘির উপর তৃতীয় আঘাত

ইংরাজ করিয়া গিয়াছে, আমরা রাখিতে পারি নাই। তৈরী জিনিস ভাঙ্গিবার দৃষ্টান্ত আমরা নিত্যই দেখিতেছি—ইতিপূর্বে ইডেন উদ্ভানকে ভাঙ্গিয়া তছনছ করা হইয়াছে, কার্জন পার্ক নামে আছে, এখন লালদীঘিও বুঝি যাব যাব। যদিও লালদীঘির পূর্ব শোভা আর নাই—দীঘির ধারে ট্রামের লাইন পাতা হইয়াছে, এক অঙ্গে টেলিফোনের সুরম্য অট্টালিকা উঠিয়াছে। বাকী আছে পুকুরটুকু—তাও বুঝি আর থাকে না। শুনা যাইতেছে, ঐ পুকুর নাকি ভরাট করা হইবে। প্রস্তাব উঠিয়াছে বণিক-সভা হইতে। অবশ্য তাহাদের ইহাতে ভালই হইবে—গাড়ী রাখা যাইবে। গাড়ী রাখা বা পার্ক করার ব্যাপারে এ-অঞ্চলে অনেক অসুবিধা আছে সত্য, কিন্তু তার জন্ত লালদীঘিকে ভরাট করিতে হইবে, এমন কোন কথা নাই। আসল গলদটা এই যে, যান-বাহন চলাচল এবং পার্কিং ব্যবস্থার যাহারা উন্নতি খটাইতে চান, শহরের ফাঁকা জায়গাগুলিতে হাত না দিয়াও যে তাহা করা যাইতে পারে, এই সহজ কথাটাই তাহারা বোঝেন না। এমনিতেই এই শহরে এখন খোলামেলা জায়গা বড় কম—শহরটা ক্রমেই যেন ইট, কাঠ আর কংক্রীটের স্তূপে পরিণত হইতেছে। তাহার উপর মুষ্টিমেয় যে-কয়টি খোলা জায়গা এখনও বাকী আছে, তাহাতেও যদি টান পড়ে তবে মস্ত বড় কোন্ডের কারণ হইবে। তাহা ছাড়া ডালহৌসি অঞ্চল এমনিতেই বড় নীরস—তার মধ্যে ঐ দীঘিটাই যা কিছু সরসতার আশাস দেয়, তাহাও যদি নিশ্চিহ্ন করিয়া দেওয়া হয় তবে অবিচারই করা হইবে।

নূতন সৃষ্টি করিতে যাহারা অক্ষম তাহাদের এই ভাঙিবার প্রবৃত্তিই বা কেন?

### ভাষা লইয়া সরকারের পক্ষপাতিত্ব

বঙ্গীয় সাহিত্য পরিষদের ৬৮তম বার্ষিক অধিবেশন



উপলক্ষ্যে পরিষদের সভাপতি ডঃ সুনীতিকুমার চট্টোপাধ্যায় যে ভাষণ দিয়াছেন, তাহা একাধিক কারণে উল্লেখযোগ্য। হিন্দী ভাষা সম্বন্ধে বলিতে গিয়া ভারত সরকারের কথায় ও কাজে অসামঞ্জস্য, সারা ভারতব্যাপী হিন্দী ভাষার একাধিপত্য প্রতিষ্ঠার জন্ত হিন্দী-ভাষীদের অশোভন উত্তম, 'ইংরেজী হঠাৎ' আন্দোলনের অন্তর্নিহিত তাৎপর্য ও অস্তিত্ব বিস্তারিত করিলেন।

হিন্দী জাতীয় ভাষা বলিয়া স্বীকৃত ভাষাগুলির অগ্রতম। কেন্দ্রীয় সরকার জাতীয় সব ভাষাকেই সম-দৃষ্টিতে দেখেন, তাহাদের সবগুলির সম্যক উন্নতি ও পরিপূষ্টির জন্ত সরকার আগ্রহী—একথা নানা প্রসঙ্গেই তাঁহারা ব্যক্ত করিয়া থাকেন। কিন্তু কার্যতঃ তাঁহারা হিন্দী ভাষার প্রচার ও প্রসারের জন্ত যাহা করেন, অত্যাগ্র জাতীয় ভাষাগুলির জন্ত যে তাহা করেন না, সেই তথ্য ও তত্ত্বটির প্রতিই ডঃ চট্টোপাধ্যায় দেশবাসীর দৃষ্টি আকর্ষণ করিয়াছেন। তিনি বলিয়াছেন, হিন্দী ভাষার সাহিত্য রচনার জন্ত বিশেষ পারিগোষিক দেওয়া হইতেছে। হিন্দী প্রচারের জন্ত লক্ষ লক্ষ টাকা ব্যয় করা হইতেছে। কিন্তু বাংলা, তামিল বা অন্য ভাষাগুলির উন্নতির জন্ত সরকার কিছুই করিতেছেন না।

কেন্দ্রীয় সরকারের হিন্দীর প্রতি এই বিশেষ প্রবণতা, বলা চলে পক্ষপাতিত্ব ঘোষিত নীতির সঙ্গে সামঞ্জস্যপূর্ণ নহে এবং ইহা হিন্দীর প্রতি অহিন্দীভাষীদের প্রীতি উৎপাদনের সহায়কও নহে। অগ্রতম জাতীয় ভাষা হিসাবে হিন্দীর প্রতি অহিন্দীভাষী ভারতীয়দের বিরূপতা থাকিবার কোনই কারণ নাই। যেমন তামিল, মায়াঠা, গুজরাটী বা উড়িয়া ইত্যাদি ভাষার উপর কোনও বিরূপতা তাহারা পোষণ করে না। কিন্তু কেন্দ্রীয় সরকারের হিন্দীর প্রতি এই মাত্ৰাধিক প্রবণতাই তাহাদের মনকে বিবাহিয়া তুলিয়াছে। শুধু কেন্দ্রীয় সরকার নহেন, হিন্দীর প্রতি অহিন্দীভাষী দেশবাসীর মনকে বিশেষভাবে বিরূপ করিয়া তুলিতেছে, দেশে হিন্দীর একাধিপত্য প্রতিষ্ঠার জন্ত উগ্র হিন্দীপন্থীদের মাত্ৰাতিরিক্ত দাপাদাপি ও প্রস্তুতি। হিন্দীর একাধিপত্য প্রতিষ্ঠার জন্ত তাঁহারা এক কৌশলময় প্রচার পদ্ধতিও অবলম্বন করিয়াছেন। তাঁহারা 'ইংরেজী হঠাৎ' আন্দোলন করিয়া ইংরেজীকে বর্তমান স্থান হইতে বিচ্যুত করিবার যে উগ্র প্রচারণা চালাইতেছেন, আপাতদৃষ্টিতে তাহা একটি বিদেশী ভাষাকে দেশ হইতে বিদায় করিয়া দিবার সাধু সংকল্প মনে হইলেও, উহার আসল উদ্দেশ্য, ইংরেজীর স্থানে হিন্দীর আসন কায়েম করা। ইংরেজী এখন

সরকারী কার্যে ও জাতীয় জীবনে যে-স্থান অধিকার করিয়া আছে, সে-স্থান হইতে উহাকে বিচ্যুত করিতে পারিলে হিন্দী সহজেই সে-স্থান অধিকার করিতে পারিবে, এই মনোগত ভাব লইয়াই তাহাদের এই নূতন আন্দোলন। ডঃ চট্টোপাধ্যায় আরও বলিয়াছেন, সারা ভারতে হিন্দীর রাজত্ব কায়েম করাই এই আন্দোলনের মূল উদ্দেশ্য।

হিন্দী রাষ্ট্রভাষা হউক, কেহই আপত্তি করিতেছে না। কিন্তু আপন আপন মাতৃ-ভাষাকে সমান মর্যাদা দেওয়া হইবে, ইহাই সকলে চায়। সত্য বটে, ইহা লইয়া কোনও আন্দোলন বাংলা দেশ হইতে করা হয় নাই। এমন কি, বাংলা দেশের রাজনীতিজ্ঞ মনীষীরাও তেমন কোনও দাবী জোরালো ভাষার পেশ করেন নাই। সুনীতিবাবু, ডঃ শ্যামাপ্রসাদ কিংবা ডাঃ বিধানচন্দ্র রায়ের মত নেতৃ-বৃন্দ কেহই এ বিষয়ে সময় থাকিতে সর্বভারতীয় কর্তৃ-দের দৃষ্টি আকর্ষণ করেন নাই, দেশব্যাপী আন্দোলনও হয় নাই। যেমন পূর্বে বাংলায় হইয়াছিল। তাহারা নিজের জীবন দিয়া তাহাদের মাতৃ-ভাষাকে রক্ষা করিয়াছে। আমরা যাহা করিতেছি তাহাতে রাষ্ট্রীয় দরবারে মাতৃ-ভাষার মর্যাদা প্রতিষ্ঠিত হইবে না। চাই আন্দোলন—তীব্র আন্দোলন। যে ভুল আমরা করিয়াছি, আর যেন দ্বিতীয়বার সে-ভুল না করি।

### আকাশচারী সাইকেল

কথাটা শুনিতে বিশ্বয়কর, কিন্তু মানুষ সকল বিশ্বয়কে আজ অতিক্রম করিতে চলিয়াছে। আমরা বিমানে করিয়া আকাশে উঠিতে পারি, কিন্তু মানুষের আবিষ্কার আজ নূতন পথ ধরিয়াছে—সে সাইকেলে করিয়া আকাশে উঠিবে। ১০ই আগষ্টের 'যুগান্তর' নিব্বের এই সংবাদটি পরিবেশন করিয়াছেন :

"ইংলণ্ডে এবং আমাদের দেশেও 'আকাশচারী সাইকেল' কিংবা 'হাওয়াই সাইকেল' আবিষ্কারের চেষ্টা চলিতেছে। জনসাধারণ জানিয়া আনন্দিত হইবেন যে, একজন বাঙালী এই চেষ্টা করিতেছেন, তাঁর নাম শ্রীকৃষ্ণজীবন বন্দ্যোপাধ্যায়। তিনি ২৪ পরগণা জেলার নবজীবন সমবায় কলোনির বাসিন্দা। যে যন্ত্রযোগে এই 'হাওয়াই সাইকেল' আকাশে উড়িতে পারিবে, তাঁর নাম 'অরনিথপটর'। এই যন্ত্রটি সাফল্যের সঙ্গে প্রস্তুত করিবার জন্ত শ্রীবন্দ্যোপাধ্যায় চেষ্টা করিতেছেন। যে-ভাবে প্যাডল করিয়া সাইকেল চালানো হয়, 'অরনিথপটর' যন্ত্রটিও সেভাবে চালানো যাইবে। যন্ত্রটির

হুই পাশে বিশেষ ধরণের কাপড়ে নির্মিত পাখীর ডানার মত দুটি পাখা এবং পিছনের দিকে পুচ্ছ থাকিবে। কয়েকবার পাখা ঝাপটে উপরে উঠিবার পর যন্ত্রটি চিলের মত আকাশের বুকে ভাসিতে পারিবে এবং তার পর ঘণ্টার ৩০।৪০ মাইল চলিতে পারিবে। এই যন্ত্রের ওজন ৩০ পাউণ্ডের বেশী হইবে না। ডানা সমেত উহা প্রায় ২০ ফুট এবং দৈর্ঘ্যে ১৬ ফুট হইবে। চালনার জন্ত গ্যাস বা বিদ্যুৎশক্তি কিছু লাগিবে না। উঠিবার বা নামিবার জন্ত কোন রানওয়েরও দরকার হইবে না।

অবশ্য উপরের এই সমস্ত বর্ণনাই শ্রীবন্দ্যোপাধ্যায়ের নিকট হইতে প্রাপ্ত। তিনি খুব আশাবাদী এবং ইংলণ্ড, রাশিয়া ও অন্যান্য স্থান হইতে কিছু কাগজপত্রও সংগ্রহ করিয়াছেন।”

কিন্তু ‘যুগান্তর’ আরও একটি সংবাদ দিয়াছেন - তাঁহার অর্থ নাই। ইহাকে চালু করিতে হইলে যে অর্থের প্রয়োজন সে অর্থ কে দিবে? কেন্দ্রীয় সরকার অবশ্য এই গবেষণার জন্ত পাঁচ হাজার টাকা দিয়াছেন। সরকার এ বিষয়ে কৃপণতা কেন করিতেছেন বুঝা যায় না। বাঙালী বলিয়া কি? দেশে ধনীর অভাব নাই। তাঁহাদেরও এ বিষয়ে তাঁহাকে উৎসাহিত করা প্রয়োজন। হয়ত অর্থাভাবেই তাঁহার সকল চেষ্টা ব্যর্থতায় পর্য্যবসিত হইবে। এ বিষয়ে, আমাদের পশ্চিমবঙ্গ সরকারে ও কি কোন কর্তব্য নাই?

### তৃতীয় বিভাগে উত্তীর্ণ ছাত্রের দশা

মাধ্যমিক শিক্ষাসম্পর্কীয় ষ্ট্যাণ্ডিং কমিটিতে মাধ্যমিক পরীক্ষায় তৃতীয় বিভাগে উত্তীর্ণ ছাত্রদের সমস্তা সম্বন্ধে কেন্দ্রীয় শিক্ষামন্ত্রী ডাঃ শ্রীমালী যা বলিয়াছেন তা বাস্তবিকই প্রণিধানযোগ্য। তিনি বলিয়াছেন, প্রথম ও দ্বিতীয় বিভাগে উত্তীর্ণ ছাত্রেরা কলেজেও বৃত্তিমূলক উচ্চতর বৃত্তিশিক্ষা প্রতিষ্ঠানে প্রবেশ করিতে পারে। তৃতীয় বিভাগের ছাত্রেরা কোথাও ভর্তির সুযোগ পায় না; চাকুরিতেও কেহ তাহাদের গ্রহণ করিতে চান না। ইহাদের সমস্যা কি ভাবে সমাধান করা যাইতে পারে তাহা ভাবিতে হইবে। ডাঃ শ্রীমালী নিশ্চয় জানেন, যত পরীক্ষার্থী প্রতি বৎসর মাধ্যমিক পরীক্ষায় উত্তীর্ণ হয়, তাহার বারো আনাই থাকে তৃতীয় বিভাগে। সুতরাং বৃহত্তম অংশই পাস করিয়া ফেলের সমতুল্যরূপে পরিগণিত হয়। সমগ্র জাতির দিক দিয়া, ইহা একটি নিদারুণ অপচয় ছাড়া কিছু নয়। এই অপচয় নিবারণের জন্ত কমিটি কি সুপারিশ করিবেন জানি না, তবে মনে হয়, তৃতীয় বিভাগ বাতিল করা এবং

দ্বিতীয় বিভাগের গণ্ডি প্রসারিত করাই সমাধানের একমাত্র উপায়। তৃতীয় বিভাগ কথাটার সঙ্গে কোথায় যেন অলক্ষ্যে একটা নাক-সিঁটুকানর সম্পর্ক আছে—যা এই বিভাগটি বজায় থাকিতে কোন দিনই যাইবে না। আর একথাও নিশ্চয় বলিয়া দিতে হইবে না যে, পাঁচ নম্বরের জন্ত যে তৃতীয় বিভাগে পড়ে, পাঁচ নম্বর বেশীর জন্ত দ্বিতীয় বিভাগে গৃহীত ছাত্রের তুলনায় সে একেবারেই অজ্ঞ বা গণ্ডমূর্খ নয়। এই কথাটা একটু চিন্তা করিলেই তাঁহারাও পথ ঠিকিয়া পাইবেন।

### কালীপদ মুখোপাধ্যায়

পশ্চিমবঙ্গের স্বরাষ্ট্রমন্ত্রী কালীপদ মুখোপাধ্যায় গত ২৩শে জুলাই হৃদরোগে আক্রান্ত হইয়া পরলোকগমন করিয়াছেন। মৃত্যুকালে তাঁহার বয়স ৬২ বৎসর হইয়াছিল। ১৯০০ সনে তিনি জন্মগ্রহণ করেন। তাঁহার পিতার নাম ক্ষেত্রচন্দ্র মুখোপাধ্যায়। তাঁহার পিতামহ ছিলেন চন্দ্রনগরের রায়বাহাদুর গোপালচন্দ্র মুখোপাধ্যায়।

কালীপদবাবু সেন্ট জেভিয়ার্স কলেজের ছাত্র ছিলেন এবং সেখানে বি. এ. পর্য্যন্ত অধ্যয়ন করিয়া ১৯২০ সনে তিনি জাতীয় কংগ্রেসের সহিত যুক্ত হন। তিনি অল্প বয়সেই স্বাধীনতা আন্দোলনে যোগ দেন ও রাজনৈতিক কার্যকলাপের জন্ত কয়েকবার কারাবরণ করেন। তিনি বিপ্লবী আন্দোলনের সঙ্গেও একসময় নিবিড়ভাবে জড়িত ছিলেন। তিনি ভারতীয় জাতীয় কংগ্রেসের একজন সক্রিয় সদস্য এবং কয়েক বৎসর পশ্চিমবঙ্গ প্রদেশ কংগ্রেসের সাধারণ সম্পাদক ছিলেন। স্বাধীনতার পরে ডাঃ প্রফুল্লচন্দ্র ঘোষের নেতৃত্বে পশ্চিমবঙ্গের যে প্রথম মন্ত্রিসভা গঠিত হয় কালীপদ মুখোপাধ্যায় তাহাতে রাজস্বমন্ত্রী হিসাবে যোগ দেন। ইহার পরে তিনি কারাদণ্ডেরও ভার পাইয়াছিলেন। ডাঃ বিধানচন্দ্র রায়ের নেতৃত্বে মন্ত্রিসভা পুনর্গঠিত হইলে উহাতে তাঁহাকে শ্রমমন্ত্রীরূপে গ্রহণ করা হয়। ১৯৫৭ সন হইতে তিনি স্বরাষ্ট্র দপ্তরের মন্ত্রীপদে অধিষ্ঠিত ছিলেন। শ্রমমন্ত্রীরূপে তিনি ১৯৪৮ সনে একবার এবং ১৯৫৩ সনে আর একবার ইউরোপ ভ্রমণ করেন। প্রথমবার যান জেনেভায় কার্পাস-বস্ত্র সংক্রান্ত শিল্প-কমিটির দ্বিতীয় অধিবেশন উপলক্ষ্যে ভারতীয় প্রতিনিধিগণের নেতাক্রমে এবং দ্বিতীয়বার যান জেনেভায় অস্থগীত আন্তর্জাতিক গ্রাম-সম্মেলনে ভারতীয় প্রতিনিধি দলের নেতাক্রমে।

ডাঃ বিধানচন্দ্র রায়ের মৃত্যুর মাত্র তিন সপ্তাহ পরেই পশ্চিমবঙ্গ মন্ত্রিসভার আর একজন সদস্যের লোকান্তর সত্যই বেদনাদায়ক।

## ১৩৪৮ সালের ২২শে শ্রাবণ

ডক্টর শ্রীহর্গেশচন্দ্র বন্দ্যোপাধ্যায়

ইতিহাসের পৃষ্ঠায় কয়েকটি সাল বিশেষ স্মরণীয় ; তার মধ্যে ১৩৪৮ সালের ২২শে শ্রাবণ অত্যন্ত ম। মহাপুরুষের আবির্ভাব ও তিরোভাব তিথি বিশেষ শ্রদ্ধার সঙ্গে স্মরণ করা হয় আমাদের এই ভারতবর্ষে ; অতীত এ-শ্রদ্ধার নিদর্শন তেমন আছে কিনা জানি না। পরলোকগতদের জন্ম শ্রাদ্ধস্থান ভারতের সংস্কৃতির পরিপোষক। বিশ্ব-ভারতীর তিনদিনব্যাপী সমাবর্তন উৎসবের তৃতীয় দিন নির্ধারিত আছে পরলোকগত আশ্রমবাসীদের স্মরণের জন্ম। সেদিন আশ্রমের একটি বিশিষ্ট দিন ; নানা ভাবে আশ্রমবাসী বিশেষ সংযমের সঙ্গে পরলোকগতদের স্মরণে সারাদিনটি অতিবাহিত করেন ; ঐ দিন সকলের আহার হচ্ছে নিরামিশ। রবীন্দ্রনাথ এই নিয়ম প্রবর্তন করে গিয়েছেন এবং আজও তা শ্রদ্ধার সঙ্গে পালিত হয়ে আসছে। পূর্বগামীদের সঙ্গে যে আমরা এক অবিচ্ছিন্ন সূত্রে গ্রথিত তা ভারতবাসী কোনদিন ভুল করে নি। এই সহস্রাব্দীর বলেই প্রতিবৎসর ২২শে শ্রাবণ উদ্‌যাপিত হয়ে আসছে রবীন্দ্রনাথের পবিত্র মঠপ্রমাণকে স্মরণ করে।

২২শে শ্রাবণের মহিমা স্বয়ংপ্রতিষ্ঠ। এই দিনটি নানা স্থানে নানাভাবে প্রতিপালিত হয়ে আসছে ; কিন্তু অনেকেই হয়ত জানেন না যে কি ভাবে ধীরে ধীরে রবীন্দ্র-জীবনপ্রদীপ এই দিনে নির্বাণলাভ করে। এই প্রবন্ধে তারই সংক্ষিপ্ত বিবরণ দেবার প্রয়াস করা হয়েছে।

মৃত্যুর প্রায় এক বৎসর পূর্বে রবীন্দ্রনাথ কালিম্পাণ্ডে যান অসুস্থ শরীর নিয়ে পুত্রবধূ প্রতিমা দেবীর কাছে। সেখানে প্রতিমা দেবী পূর্বেই এসেছিলেন স্বাস্থ্যোন্নতির জন্ম। ডাক্তার বিধান রায় প্রমুখ চিকিৎসকবর্গ রবীন্দ্রনাথকে অসুস্থ শরীর নিয়ে কলকাতা ছেড়ে অতীত যেতে নিষেধ করেছিলেন ; কিন্তু তিনি একটাবারের জন্ম কালিম্পাণ্ডে আসবার বিশেষ আগ্রহ প্রকাশ করার সুধাকান্ত রায়চৌধুরী মশায় কবিগুরুকে প্রতিমা দেবীর কাছে নিয়ে আসেন। এখানে আসার পর কবিগুরু একটু সুস্থ বোধ করতে লাগলেন। প্রতিমা দেবীর হাত ধরে তিনি লম্বা বারান্দায় পায়চারি করতেন। তখনও

কবিতা লেখা চলছিল ; প্রায় সমস্ত দিন তিনি লেখায় ব্যস্ত থাকতেন। 'জন্মদিনে'র ১৪ ও ২০ সংখ্যক কবিতা এই সময়ের লেখা। কালিম্পাণ্ডকে উদ্দেশ্য করে কবি লিখলেন :

পাহাড়ের নীলে আর দিগন্তের নীলে  
শূন্যে আর ধরাতলে মন্ত্র বাঁধে ছন্দে আর মিলে।  
বনেরে করায় স্নান শরতের রৌদ্রের সোনালি।  
হলদে ফুলের গুচ্ছে মধু খোঁজে বেগুনি মৌমাছি।  
মাঝখানে আমি আছি,  
চৌদিকে আকাশ তাই দিতেছে নিঃশব্দ করতালি।  
আমার আনন্দে আজ একাকার ধ্বনি আর রঙ,  
জানে তা কি এ কালিম্পাণ্ডে।.....

—জন্মদিনে ১৪

বিকেল হ'লে চা পানের পর তিনি সকলের সঙ্গে ব'সে গল্প করতেন। কয়েকটা দিন মাত্র তিনি সুস্থ ও প্রফুল্ল ছিলেন ; কিন্তু তার পরেই এই প্রফুল্লতার আনন্দ আর পান নি।

১৯৪০ সালের ২৬শে সেপ্টেম্বর ; কবিগুরু অসুস্থ হয়ে পড়েছেন। প্রতিমা দেবী খুব শঙ্কিত। কবিতা লেখায় তবুও কবির বিরতি নেই ; বেলা সাতটার দিকে তিনি কবিতার খাতা নিয়ে বসলেন। ডাক্তার এলেন তাঁকে দেখতে ন'টার সময়। হৃৎকের গোলমালে শরীর অসুস্থ হয়েছে, বললেন ডাক্তার। এই সময় মৈত্রেয়ী দেবী কবির কাছে আসায় তাঁর মুখ আবার প্রফুল্ল হয়ে উঠল ; কিন্তু দুপুরের দিকে তিনি আবার অসুস্থ হয়ে পড়লেন ; মুখ লালবর্ণ, সংজ্ঞাও অস্পষ্ট। এই সময় প্রতিমা দেবী বা মৈত্রেয়ী দেবী কাউকে তিনি চিনতে পারছিলেন না। আবার ডাক্তার ডাকানো হ'ল ; ডাক্তার এসে বিশেষ কিছু বুঝতে পারলেন না। সন্ধ্যার পর কবিগুরু একটু সুস্থ বোধ করলেন ; তখন লোকজন চিনতে তাঁর কষ্ট হচ্ছিল না। এই সময় দু'জন ডাক্তার এলেন ; এঁদের মধ্যে একজন ছিলেন হাসপাতালের চিকিৎসক। তাঁরা রুগীকে পরীক্ষা করে বললেন যে, কিডনীর অসুখ চলছে। চিকিৎসার ব্যবস্থা হ'ল গ্লুকোজ ও ডাবের জল। সে রাত্রি বড় কষ্টে গেল, গুয়ে-ব'সে তাঁর রাত্রি কাটল, দুয়

ভাল হ'ল না। সকাল হ'লে অনিল চন্দ্র মশায়কে কলকাতার টেলিকোন ক'রে জানান হ'ল যে, কবিগুরুর অবস্থা ভাল নয়। এই সময় রবীন্দ্রনাথ ছিলেন পতিসরে; তাঁকেও খবর দেওয়া হ'ল। দুপুর থেকে অর বাড়তে লাগল, সন্ধ্যার দিকে রুগী এলিয়ে পড়লেন—কোন জ্ঞান আছে কি না জানা যাচ্ছিল না। রাত্রি আটটার দিকে দার্জিলিং থেকে ডাক্তার এসে পরীক্ষা ক'রে বললেন যে, রোগ হচ্ছে যুরিমিয়া এবং তারই বিসক্রিয়ার ফলে রুগী অচেতন হয়ে আছেন। ডাক্তার অপারেশন করতে চাইলেন; কিন্তু প্রতিমা দেবী সাহস না পেয়ে তাঁকে অপেক্ষা করতে বললেন, যে পর্যন্ত কলকাতা থেকে সকলে না আসছেন। এদিকে ওষুধের ব্যবস্থা হোমিওপ্যাথিক ছাড়া উপায় নেই। ডাক্তারের পরামর্শে ক্যানথারিস ৩০ শক্তি দু'ঘণ্টা অন্তর অন্তর খাওয়ান চলল। সে রাত্রি বড় দুর্ভোগপূর্ণ। নানা আশঙ্কায় সকলের মন আচ্ছন্ন। ভোরের দিকে রুগীর অবস্থা ভাল দেখা গেল; তিনি লোকজন চিনতে পারলেন। সকলের মনে কিছু আশার সঞ্চার হ'ল। সকাল হ'ল, কলকাতা থেকে ডাক্তার নিয়ে সবাই আসবেন, এই ভরসায় প্রতিমা দেবী ও মৈত্রেয়ী দেবী অধীর আগ্রহে প্রতীক্ষা করছিলেন; এমন সময় তিনজন ডাক্তার নিয়ে অধ্যাপক প্রশান্ত মহলানবিশ উপস্থিত। এর পর এলেন মীরা দেবী, অনিল চন্দ্র, সুধাকান্ত রায়চৌধুরী প্রভৃতি অনেকে। ডাক্তাররা পরীক্ষা ক'রে বললেন যে, একটু সুস্থ হলেই কবিকে কলকাতা নিয়ে যাওয়া হবে। সেদিন ছিল ২৮শে সেপ্টেম্বর। কালিম্পঙ থেকে রওনা হয়ে সকলে কবিগুরুকে নিয়ে জোড়াসাঁকোর বাসায় পৌঁছলেন পরের দিন।

কবিগুরুর অসুস্থতার খবর জেনে মহাস্বামী মহাদেব দেশাইকে ওয়ার্দা থেকে পাঠিয়ে দেন মহাস্বামীর প্রেম, প্রীতি ও সহানুভূতি জানাবার জন্ত। রবীন্দ্রনাথ কানে ভাল শুনতে পেতেন না। মহাস্বামীর বার্তা জ্বরে জ্বরে তাঁকে শোনান হলে তাঁর চোখ দিয়ে জল পড়তে লাগল। অতি শোকেও তাঁর চোখে জল বিশেষ দেখা যেত না; কিন্তু এবার মনে হ'ল কবিগুরু খুবই ভেঙ্গে পড়েছেন। অক্টোবর-নবেম্বর কলকাতায় কেটে গেল। এই দুই মাস রোগের সঙ্গে ভীষণ যুদ্ধ করতে হয়েছে তাঁকে। এই সময় অপারেশনের কথা উঠেছিল; কিন্তু স্তার নীলরতন সরকার মহাশয়ের নির্দেশে অপারেশন বন্ধ থাকে। নবেম্বর মাসের শেষের দিকে কবিকে শান্তিনিকেতনে আনার অসুমতি পাওয়া গেল ডাক্তারদের

কাছ থেকে; কারণ আশ্রমের খোলা বাতাস ও শীতের তাজা ভাব কবির দেহমনকে সজাগ ক'রে তুলবে, এই ছিল সকলের ধারণা।

কলকাতায় অবস্থান কালে 'রোগশয্যা'-এর দশটি কবিতার সৃষ্টির পর 'আরোগ্য'র কবিতাবলী, 'গল্পসল্প' ও 'জন্মদিন' এর কবিতা রচনা শুরু হয়। জোড়াসাঁকো থেকে শান্তিনিকেতনে আসার পরও 'রোগশয্যা'-এর কবিতা লেখা চলছিল।

কবিগুরুর শান্তিনিকেতনে আসার পর আশ্রমের কর্মীরা তাঁর সেবার ভার নিলেন। দেখতে দেখতে ডিসেম্বরের দিন এগুতে লাগল। ১০ই ডিসেম্বর চীন থেকে রাষ্ট্রমন্ত্রী এলেন কবিগুরুর সঙ্গে রাষ্ট্রসংক্রান্ত আলাপ-আলোচনা করতে। কবি অসুস্থতা নিয়েও নিজে অতিথির অভিনন্দনপত্র লিখে দিয়েছিলেন। ধীরে ধীরে এল ৭ই পৌষ; কবিগুরু এবার অসুস্থ। উৎসবে যোগ দিতে না পেরে তিনি মনে বড়ই ব্যথা পেলেন। আশ্রমে উপস্থিত থেকেও যে তিনি মন্দিরে যোগদান করতে পারলেন না, এ কষ্টের আর শেষ ছিল না। 'আরোগ্য' নামে গল্পভাষণ পঠিত হয় এই উৎসবে। এই ভাষণটি লিখে নেন অমিয় চক্রবর্তী মশায় এবং পড়েন কিতাবাবু। এই সময় দ্বিতীয় মহাযুদ্ধ চলছিল। কবিগুরু প্রত্যহ যুদ্ধের খবর পাবার জন্ত ব্যস্ত হতেন। এত রোগ-যন্ত্রণাতেও তাঁর মনের সজীব ভাব যে অক্ষুণ্ণ ছিল, তা ভাবলেও বিস্ময় বোধ হয়। বাংলা দেশে তখন মুসলীম লীগের শাসন। দৈনন্দিন খবরের মধ্যে নারীহরণ বা নারীনির্ধাতন ছিল অল্পতম মুখ্য ঘটনা। এই আঘাত সহ্যে না পেরে 'অবিচার' নামে এক কবিতা লিখে কবিগুরু দেশবাসীকে তাঁর মনোবেদনা জানান। এই সব লেখার ব্যাপারে রাণী চন্দ্র অগ্রণী ছিলেন। কবি যেতেন ব'লে, আর লিখে নিতেন রাণী চন্দ্র; 'গল্পসল্প'ও লেখা হতে থাকে এই সময়ে; কিন্তু পড়লে মনে হয় না যে রচয়িতা তখন অসুস্থ ছিলেন।

শান্তিনিকেতনে আসার পর ভাল-মন্দ তাঁর দিন কাটছিল। কখনও রোগ একটু বৃদ্ধি পেত আবার কখনও কমত। এই ভাবে শীতকাল চলে গেল, কিন্তু তাঁর অর প্রায় প্রত্যেক দিনই আসত। ২২ ডিগ্রি অর উঠলে বলা হত ২৮ ডিগ্রি। একটু কমিয়ে না বললে পাছে তিনি দ'মে যান, এই কারণে এই রকম বলা হ'ত। কেউ এলে তাঁর সঙ্গে সহাস্তে কথাবার্তা বলতেন, অসুস্থদের সঙ্গে হাস্ত-কৌতুক করতেন, তাতে তাঁর ঘরটি



কুগীর ঘর ব'লে ভাবতে িধা হ'ত । এইরূপ প্রাণ ধুলে  
হাসি তাঁর শেষের দিকেও অন্নান ছিল । সেবাঞ্ৰবা-  
কারীদের মনে প্রকুলতা আনার ঞ্ৰ কবিগুরু মুখে মুখে  
নানা কবিতা বলে যেতেন । তিনি 'আরোগ্য' কাব্যখানি  
তাঁদের নামেই উৎসর্গ ক'রে গেছেন । এতে একটি  
কবিতা আছে বিশ্বরূপ বসুর নামে । একটু পরিচয়  
দেবার লোভ সামলাতে পারলাম না—

বিভদাদা

দীর্ঘ বপু, দৃঢ় বাহু, ছঃসহ কর্তব্যে নাহি বাধা,...

অমোঘ আশ্বাসে

সুপ্ত রাত্রে বিশ্বের আকাশে ।

যখন শুধায় মোরে, ছঃখ কি রয়েছে কোনোখানে,

মনে হয়, নাহি তার মানে—

ছঃখ মিছে ভ্রম,

আপন পৌরুশে তারে আপনি করিব অতিক্রম ।

সেবার শিতরে শক্তি ছর্বলের দেহে করে দান

বলের সম্মান ।

—আরোগ্য ২০

রোগে ভুগে শীর্ণ হয়ে গেলেও তাঁর চোখের উজ্জ্বলতা  
অটুট ছিল । তাঁকে তপঃক্রিষ্ট ঞ্ৰনি ব'লে ভ্রম হ'ত । চুল  
হেঁটে ফেলা হয়েছিল এই সময়, তাতে তাঁর প্রশস্ত ললাট  
সুস্পষ্ট হয়ে ওঠে । যেমন কানে তিনি ভাল শুনতে  
পেতেন না, তেমনি দৃষ্টিশক্তিও ক্রমশঃ ক্ষীণ হয়ে আসে ।  
তাঁকে আনন্দ দেবার ঞ্ৰ শাস্তিদেব ঘোষ প্রমুখ  
সঙ্গীতবিদু প্রায়ই তাঁর কাছে গান করতেন, কিন্তু তিনি  
তা ভাল শুনতে পেতেন না ব'লে কষ্ট বোধ করতেন ।

শেষ মাঘোৎসবে কবি দুইটি কবিতা উপহার দিলেন ।  
এর পর এল বসন্তোৎসব । কবির নির্দেশে নটীর পূজার  
রিহার্সাল চলল, গানও তিনি বেছে দিলেন । উৎসবে  
নাটকটি মঞ্চস্থ হবার পূর্বে একদিন তাঁর সামনে অভিনীত  
হলে তিনি বেশ ধুশী হয়েছিলেন । উৎসবের দিন  
সার্থকভাবে নাটকটি অভিনীত হলেও যেন কোথায় তার  
এক করুণ সুর বেজে উঠেছিল । এই ভাবে ১৩৪৭ সাল  
চলে গেল ; এল ইতিহাসবিশ্রুত সেই ১৩৪৮ সাল ।  
১লা বৈশাখে নববর্ষ ও কবির জন্মতিথি উদ্যাপিত হ'ল ।  
শেষ জন্মদিনের ঞ্ৰ তিনি লিখলেন—

হে নূতন,

দেখা দিক আর-বার জন্মের প্রথম শুভক্ষণ ।

তোমার প্রকাশ হোক কুহেলিকা করি উদ্ঘাটন

স্বর্ষের মতন ।

রিক্ততার বন্ধ ভেদি আপনারে করে উন্মোচন ।

ব্যক্ত হোক স্ত্রীবনের জয়,

ব্যক্ত হোক তোমামাঝে অসীমের চিরবিস্ময় ।

উদয়দিগন্তে শঙ্খ বাজে, মোর চিন্ত মাঝে

চিরনূতনের দিল ডাক

পঁচিশে বৈশাখ ॥

এই দিনে বেরোল তাঁর 'সত্যতার সঙ্কট' অভিশাষণটি  
'ও 'জন্মদিনে' বইখানি । এবারকার উৎসবটি যেন বড়  
সুন্দর হয়েছিল, বোধ হয় তাঁকে সামনে বসিয়ে এ উৎসব  
আর হবে না এমন কিছু একটা কোথাও প্রচ্ছন্ন ছিল ।  
উপহারে তাঁর ঘর গেল ভ'রে । তাঁকে সাজিয়ে সন্ধ্যা-  
বেলায় উত্তরায়ণের বারান্দায় আনা হ'ল, তাঁকে দেখে  
সকলে হ'ল পরিতৃপ্ত । আশ্রমবাসীদের তিনি সেদিন  
যা বলেছিলেন, তাই তাঁর শেষ আশীর্ষচন । নববর্ষে  
তাঁর জন্মোৎসব অহুষ্ঠিত হলেও ২৫শে বৈশাখে ছাত্র-  
ছাত্রীরা 'বশীকরণ' অভিনয় ক'রে কবিকে আনন্দ দান  
করেন । এই সময় তিনি 'ভারতভাস্কর' উপাধি পান  
ত্রিপুরার রাজদরবার থেকে ।

সন্ধ্যায় দিনের তাপ কিছু কমলে তাঁকে বারান্দায়  
আনা হ'ত । তখন তাঁর মাথায় ঘুরত গল্পের গুট, আর  
তা লিখে নিতে বলতেন প্রতিমা দেবীকে । এই ভাবে  
একদিন দুপুরে কবি এক গল্প ব'লে গেলেন, আর প্রতিমা  
দেবী তা লিখে নিলেন, তাতে 'বদনাম' গল্পের হ'ল  
উৎপত্তি । এই ভাবেই তৈরি হ'ল 'প্রগতি-সংহার' ।  
এ ছাড়া টুকরো টুকরো রচনাও কিছু সৃষ্ট হয়েছিল ।

মনে রাখা প্রয়োজন যে, জীবনের শেষ মুহূর্তেও  
রবীন্দ্রনাথ ভারতের অপমানকে সহ করেন নি । এর  
নিদর্শন মেলে ব্রিটিশ পার্লামেন্টের সদস্য মিস রাধবোন-  
এর খোলা চিঠির জবাবে ।

আষাঢ় মাস এল ; এ সময় দেখা গেল তাঁর আঙ্গুলের  
অসাড়তা, তিনি কলম দিখে আর লিখতে পারতেন না,  
নাম সই করতেন বহু কষ্টে । বর্ষার সঙ্গে সঙ্গে তাঁর  
রোগও বেড়ে চলল, বোঝা গেল যে আর তাঁকে টিকিয়ে  
রাখা যাবে না । এই সময় তিনি একদিন প্রতিমা  
দেবীকে ডেকে বললেন যে তাঁর যাবার সময় হয়েছে ।  
শান্তিনিকেতনের ভার নেবার কথাও জানালেন তিনি ।

মুক্ত আকাশে বর্ষার রূপ দেখবার ঞ্ৰ কবির মন  
উতলা হয়ে উঠত, উত্তরায়ণের দোভলার তাঁকে এজন্ম  
আনা হ'ত । এ সময় তাঁর চিকিৎসা চলছিল কবিরাজী  
মতে । সুপ্রসিদ্ধ ঞ্ৰামাদাস বাচস্পতির পুত্র কবিরাজ  
বিমলানন্দ তর্কতীর্থ মশায় চিকিৎসা করছিলেন ।  
ইতিমধ্যে ডাঃ বিধানচন্দ্র রায় প্রমুখ কয়েকজন চিকিৎসক

শান্তিনিকেতনে এসে কবিকে পরীক্ষা ক'রে স্থির করলেন যে, অপারেশন করতে হবে শ্রাবণ মাসে। সুতরাং শান্তিনিকেতন থেকে কলকাতায় তাঁকে নেবার আয়োজন শুরু হ'ল। এই সাধনার স্থানটি ছেড়ে যেতে তাঁর মন বেদনায় ভ'রে উঠল। যাত্রার দিন সব প্রস্তুত। বোলপুর স্টেশন থেকে তাঁকে নেবার জন্ত রেলওয়ে কর্তৃপক্ষ একখানি সেলুন গাড়ীর ব্যবস্থা করেছিলেন। আশ্রমবাসীরা সারিবদ্ধভাবে দাঁড়িয়ে নীরব উচ্ছ্বসিত হৃদয়ে কবিগুরুকে বিদায় দিলেন, তিনিও আশ্রমদেবতার উদ্দেশে যেন শেষ প্রণাম জানালেন। ৩০শে জুলাই অপারেশন হয়ে গেল। অস্ত্রোপচার করেছিলেন ডাক্তার ললিতমোহন বন্দ্যোপাধ্যায়। অপারেশনের কিছু পূর্বে জীবনদেবতার উদ্দেশে কবিগুরু শেষ অর্ঘ্য নিবেদন করেন—

তোমার সৃষ্টির পথ রেখেছ আকীর্ণ করি  
বিচিত্র ছলনাজালে,  
হে ছলনাময়ী।  
মিথ্যা বিশ্বাসের ফাঁদ পেতেছ নিপুণ হাতে  
সরল জীবনে,  
এই প্রবঞ্চনা দিয়ে মহত্বেরে করেছ চিহ্নিত ;  
তার তরে রাখ নি গোপন রাত্রি।  
তোমার জ্যোতিষ্ক তারে  
যে-পথ দেখায়  
সে যে তার অস্তরের পথ,  
সে যে চির স্বচ্ছ,  
সহজ বিশ্বাসে সে যে  
করে তারে চির সমুজ্জ্বল।

বাহিরে কুটিল হোক, অন্তরে সে ঋজু,  
এই নিয়ে তাহার গৌরব।  
লোকে তারে বলে বিড়ম্বিত।  
সত্যেরে সে পায়  
আপন আলোকে ধৌত অন্তরে অন্তরে।  
কিছুতে পারে না তারে প্রবঞ্চিতে,  
শেষ পুরস্কার নিয়ে যায় সে যে  
আপন ভাঙারে।  
অনায়াসে যে পেরেছে চলনা সহিতে  
সে পায় তোমার হাতে  
শান্তির অক্ষয় অধিকার।

অপারেশনের পর দেখা গেল, রুগী ভালর দিকে—ক্ষীর্ণ-মান প্রদীপের যেন প্রোজ্জ্বল দীপশিখা। তা হলেও সকলের মন আনন্দে ভ'রে উঠল এই ভেবে, বোধ হয় কবিগুরু সেরে উঠলেন, কিন্তু ৩রা আগষ্ট কবির অবস্থা খারাপের দিকে চলল, চেতনা আচ্ছন্ন। এই ভাবে গেল তিন দিন। ৬ই আগষ্ট বিকেল থেকে বড়ই বাড়াবাড়ি। এল রাত্রি, সেদিন রাখী-পূর্ণিমা, এক আসন্ন আশঙ্কায় যেন সেই পূর্ণিমার রাত্রি নিজেকে ঢেকে রাখল মেঘের মধ্যে। সারারাত্রি চলল যমদেবতার সঙ্গে লড়াই। ৬ই আগষ্ট হ'ল ভোর। এল সেই ৭ই আগষ্ট, ২২শে শ্রাবণ। রুগীর নিঃশ্বাস ধীরে ধীরে শান্ত হয়ে এল; রামানন্দবাবু কবিগুরুর পাশে বসে উপাসনা করলেন, মাঝে মাঝে বাড়ীর মেয়েরা ব্রহ্মসঙ্গীত গাইতে লাগলেন। বেলা ১২টা :০ মিনিটে কবিগুরুর পবিত্র আত্মা চিরশান্তিধামে প্রস্থান করল। সেদিন ছিল বৃহস্পতিবার।



## কাল মেয়ে

শ্রীদেবীপ্রসাদ রায় চৌধুরী

লগ্নন হাতে লোকটা ঘোষালপাড়ার দিক থেকেই আসছিল। খুঁড়িয়ে চলার ভঙ্গি থেকেই বুঝলাম মানিক ভট্টাচার্য। জ্বোরে পা চালিয়ে হাঁটছে। দীঘির দক্ষিণ প্রান্তে আমার ডিসপেন্সারী। এদিকে আসছে মানেই বাড়াবাড়ি একটা কিছু হয়েছে।

রাত হয়ে গিয়েছে, ডাক পড়লেই চমৎকার। ঘোষালপাড়া কি এ মুহুর্তে? রায়গড়ের জলা পার হলে, রাজা বাবুদের বাড়ী, তার পর মোড়লদের গোলা, মানিক থাকে ঐখানে। সঙ্গে যাবার জন্তে অহরোধ করলে 'না' বলতে পারব না। যা খুশি তাই গুনিয়ে দেবে। ওর কাছে টাকা ধারি, সুদে আসলে বেশ জ'মে গিয়েছে, ইচ্ছে করলেও এক কথার সব চুকিয়ে দেবার ক্ষমতা নেই। সুদের পাওনা গুনে আসলে কিছুটা দিতে গেলে বলে, থাক্, থাক্, অত ব্যস্ত হ'চ্ছ কেন, তোমার কাছে থাকাও যা ব্যাঙ্কে রাখাও তাই।

এ অঞ্চলে বেশীর ভাগ বাসিন্দারই আর্থিক অবস্থা প্রায় আমারই মত, সুতরাং মানিককে খুশী রাখা আমাদের কর্তব্যের মধ্যে দাঁড়িয়ে গিয়েছে। সুদের পাওনা মানিক সুবিধাসুসারে আদায় করে। সুবিধার হিসাবে কাল ও পাত্রে সামঞ্জস্য থাকে যথেষ্ট। যথাসময় দেনাদার প্রতিশ্রুতি অনুসারে সুদ না দিতে পারলে পাওনার অমুপাতে তরিতরকারি থেকে আরম্ভ ক'রে তেল, ঘি, চাল, ডাল, যেটা পারে আদায় ক'রে ছাড়ে। দেনাদার ভট্টাচার্যের প্রত্যাশাকে সামলাতে না পারলে, শ্রমদানের প্রস্তাব ক'রে বসে। উপযুক্ততা অনুসারে ক্ষেত-জমিতে লাঙল চালানো থেকে হাটের জিনিস কেনা, টেকি দিয়ে ধান ভানানো, কোনটাই বাদ যায় না। নিখরচায় ষাট্টিরে নেবার নিয়ম আমার বেলাতেও বাদ পড়ে না। ডাক পড়লেই ব্যাগার খেটে আসি। দক্ষিণা চাইলে বলে, বেশ আহ ডাক্তার, এই বার নিয়ে ত মাত্র আড়াই কেপ হ'ল, ওদিকে যে চার মাস কিছু দাঁও নি, হিসেবটা ভুলে গেলে? ছ'টাকা ফি হলে, কত বাকি থাকে, তুমি নিজেরই হিলাব ক'রে বল না, তোমার ধর্মের উপরই ছেড়ে দিচ্ছি। শিক্ষানবিসীর কালে অর্ধেই আমার নাম ছিল। ভুল বলার সাহস না থাকায় কোন প্রতিবাদ করি না,

রোগীর সেবার পুণ্য সঞ্চয় হ'ল ভেবে ওধু হাতেই বাড়ী ফিরি।

হস্তদস্ত হয়ে ভট্টাচার্য যখন ডিসপেন্সারীতে পৌঁছাল তখন সে হাঁপাচ্ছে। বহুকষ্টে দম যোগাড় ক'রে বললে, "ডাক্তার, এখনি যেতে হবে। মেয়েটার অবস্থা অত্যন্ত খারাপ। কাটা পাঁঠার মত ছটফট করছে।" এতটা ব'লে ফতুয়ার পকেট থেকে একটা দশ টাকার নোট বার ক'রে আমার হাতে গুঁজে দিল, তার পর বলতে লাগল, "দেয়ি ক'রো না ডাক্তার। কখন কি হবে যার তার ঠিক নেই।"

ভট্টাচার্যের এইরূপ আচরণ কখনও দেখি নি, ডাক্তার পিছনে কৃপাপ্রার্থনা ছিল। খটকা লেগে গেল। সঙ্গে যেতে হ'লে যথাসম্ভব রোগের উপযুক্ত ওষুধও কাছে রাখতে হয়। সুতরাং রোগের লক্ষণগুলি ভালভাবে জেনে নেওয়া দরকার।

জিজ্ঞাসা করলাম, ঐ রকম ব্যথা আগেও হ'ত নাকি? আরও অনেক খবর জানতে হ'ল যার বিশদ বিবরণ দেবার প্রয়োজন বোধ করি না। ভট্টাচার্যের মুখে পড়ায় ধাবড়ে গিয়েছিল, শেষ পর্যন্ত বললে, "ওসব খবর জানি না। প্রথমে পেট ফাঁপার মত হয়, তার পর এখন—" কথাটা শেষ না ক'রেই ভট্টাচার্য খেমে গেল এবং সঙ্গে সঙ্গে আর একটি নোট হাতে দিয়ে বললে, "বাড়ীতে চল ডাক্তার ওখানে সব গুনতে পাবে। মেয়েটাকে বাঁচাও, তোমার সব ধার শোধ ব'লে লিখে দেব।"

ব্যাপার কিছুই নয়, কিন্তু অকারণেই পরের দিন কলেঙ্কারীর ভাগুর ভ'রে উঠল। কলেঙ্কারী একটি লাভজনক সম্পদ। যাকে মূলধন ক'রে সুদে খাটানো চলে। যারা লাভবান হতে চায় তারা ব্যবসাকে ফাঁপিয়ে তোলার ব্যবস্থাও করে আটঘাট বেঁধে। সংক্রামক হোয়াচে রোগের আবির্ভাবে স্বাস্থ্যরক্ষা সমিতি যে ভাবে রোগ আর তার প্রতিকার সম্বন্ধে স্থানীয় মানুষদের সজাগ ক'রে তোলে, ঠিক সেই ভাবে চারিত্রিক আদর্শ রক্ষকরা ভট্টাচার্য পরিবারের কথা এ-কান থেকে ও-কানে চালু

ক'রে দিতে লাগল। কানে কানে কথার গোড়াতেই বলে, এ সব নোংরা ব্যাপার মুখে আনাও পাপ। পাপ পুবে রাখতে নেই ব'লেই বলছি। দেখ, যা বললাম তা খুবই গোপনীয়, তুমি যেন কাউকে ব'লো না। একজনের পাপ আর একজনের ঘাড়ে চাপালে সেই বা বহন করে কেমন ক'রে। ফলে একান্ত গোপন কথা নিয়ে গ্রামে বেশ একটা সোরগোল প'ড়ে গেল। ক্রমে এমন একটা সময় এল যখন কুৎসিত দৃষ্টান্তের প্রয়োজন হলেই গোপনীয়কে বেআবরু ক'রে পাপক্রম করাটা ধর্মসংক্রান্ত ব্যাপার হয়ে দাঁড়াল।

ভট্টাচার্যের মেয়ের নাম শ্যামলা। বয়স ১৯.২০ হবে। গঠনশ্রীর আকর্ষণে যারা ঘনিষ্ঠ সান্নিধ্যের চেষ্টা করেছে তাদের প্রত্যেককেই রূপের তাতে ঝলসিয়ে পিছাতে হয়েছে। পোড়ার জ্বালা লুকিয়ে রাখা সহজসাধ্য ব্যাপার নয়। জ্বালা নিবৃত্তির সম্ভাবনা না থাকলে সমবেদনার প্রয়োজন হয়ে পড়ে, ছোটো দরদের কথা শুনে বেদনার কতকটা উপশম হয় বৈকি। মুখপোড়ার দল সমবেদনার সন্ধানে প্রকাশেই নতুন আন্দোলনে যোগ দিয়ে বসে।

“মুখপোড়া” শ্যামলার-দেওয়া খেতাব। চরিত্র-গুণের প্রচারে মুখপোড়াদের উৎসাহ বেশী থাকায় অল্প সময়ের ভিতর সকলে জেনে গেল মেয়েটার চরিত্রের, একেবারে ছিঃ ছিঃ ছিঃ।

অমনটি হবে না? বাড়ন্ত মেয়েকে আইবুড়ো অবস্থায় পরিপুষ্ট হতে দিলে, এরকম ত হবেই। মুখপোড়াদেরই বা দোষ দেওয়া যায় কেমন ক'রে। মেয়ের চেহারা অমন হলে একটু কাছে যাবার ইচ্ছা কার না আসে। কালো পাথরের তলায় যে আগুন লুকানো থাকে তা নিরীহ মানুষগুলো জানবে কেমন ক'রে।

শুধু কি মেয়েটাই রূপের তলায় আগুন নিয়ে ঘুরে বেড়ায়, ওর বাপটাই বা কম যায় কিসে?

মানলাম, মহাজনী কারবারে বেশ কিছু জমিয়ে ফেলেছিল। জলের দরে নিলাম থেকে ক্ষেত-জমি কেনা হয়েছে, অনেক ছোড়া হাল চলছে। তোর করকরে নতুন টাকা যতই জমা হোক, তার কি বাবুদের সম্পত্তির সঙ্গে তুলনা হয়? তুই না খেয়ে যা জমিয়েছিল তা বাবুদের খরচের গা দাঁসে দাঁড়াতে পারে না। চোদ্দপুরুষ পরে ওরা খরচ করার হাত পাকিয়েছে,—ঐ রকমটি তুই করতে গেলে তোর কলজে পর্যন্ত ফেটে বাবে, এ সব জেনেও ঘোড়া ডিঙ্গিয়ে ঘাস খাওয়ার প্রবৃত্তি কেন? আমরা গ্রামের পঁচজন প্রাচীন মাতঙ্গর মানুষ রয়েছি, সদাই লোকের উপকার করার জন্যে প্রস্তুত, আর আমাদের

না জানিয়েই বড় ঘরের সঙ্গে কুটুমিতার চেষ্টা! না-হয় আমাদের বাদ দিয়েই স্বার্থসিদ্ধির দিকটা গোপনে গারলি? এসব বিষয় ভদ্রলোকে সোজাসুজি কাজ করে। মেয়েকে লেলিয়ে দিয়ে জামাই পাকড়ানোর কথা কখনো শুনি নি। ছোটবাবু এলেই হয়, দেখবে, মেয়েটা সব সময় বাবুদের বাড়ীতে প'ড়ে আছে। এমন ক'রে লেগে থাকলে একটা কিছু ঘটবে না? এখন ধিস্টী মেয়েটাকে নিয়ে যে মুখ দেখাবার যোটি রইল না। ওর ভবিষ্যতের কথা ভেবে দেখেছিস?

বাবুদের বাড়ীতে ঘন ঘন যাতায়াতের খবরটা মিছে নয়। ঘরের কাজ সেরে, একবার ওদিকে ঘুরে আসা, শ্যামলার দৈনন্দিন কর্তব্যের মধ্যে দাঁড়িয়েছিল। লক্ষ্মীর সঙ্গে ছোটো কথা না বলতে পারলে ভাবত, একটা গোটা দিনই নষ্ট হ'ল।

লক্ষ্মী বাবুদের একমাত্র কন্যা, শ্যামলার ছেলেবেলার সাথী। বয়েসের দিক দিয়ে অনেক ছোট হলেও মেলা-মেশায় কোন অসুবিধা ছিল না। চেহারা তুলনা করলে উভয়ের মধ্যে প্রভেদ আকাশ-পাতাল। লক্ষ্মী গৌরাঙ্গী, প্রায় মেমসাহেবদের মত সাদা, পটল-চেরা চোখ, দৃষ্টি দীপ্তিহীন, টিকোলো বাঁশার মত নাক, যেন দেখার জন্তই অঙ্গটির অস্তিত্ব, আঙাগুলি মদীকৃষ্ণ চুল, সর্কদাই তাকে দড়ির মত পাক খাইয়ে মাথার উপর বহন করতে হয় অত্থথায় চলাফেরায় বিঘ্ন ঘটিয়ে বসে। স্বাস্থ্যের দিক দিয়ে লক্ষ্মী চিররুগ্না। তুলনায় শ্যামলার রং কালো, মিশ না হলেও বেশ কালো। লক্ষ্মীর পাশে দাঁড়ালে মনে হয়, প্রথমটি কণভঙ্গুর মোমের পুতুল, সাবধানে সাজিয়ে না রাখলে ভেঙ্গে পড়ার আশঙ্কা সব সময় পিছু নিয়ে থাকে। পরেরটি কালো পাথরে খোদাই করা মূর্তি। পাথরে গড়া উদ্ধত গঠন নিয়ে শ্যামলা যখন চলে তখন এক বস্ত্রের খাড়াল উদ্ধত যৌবনশ্রী কিছুতেই সামলাতে পারে না। অপর দিকে লক্ষ্মী পরিচ্ছদের মধ্যে নিজেকে লুকিয়ে রাখে। পরিচ্ছদের চলন্ত পোঁটলা, দেপলে মনে হয় কোন বস্ত্র-বিক্রেতার বিজ্ঞাপন। বেশের তলার মানুষকে খুঁজে পাওয়া যায় না। যৌবনের তাড়ায় শ্যামলার মধ্যে প্রাণশক্তি যেন উছলিয়ে পড়তে চায়। সদাই হান্তময়ী, স্থির হয়ে ব'সে থাকা তার কাছে পীড়ন। কিছু কাজ না থাকলে অথবা টেকি দিয়ে ধান ভানে, গাছে চড়ে, কাঠাল পাড়ে, এতেও সময় না কাটলে খ্যাপলা জাল দিয়ে মাছ ধরে। এক দিকে উভয়ের পার্থক্য যেমন উৎকট, মনের মিল উভয়ের



তেমনই অদ্ভুত। ওরা যেন একাঙ্গা, কারও কাছে কিছু লুকানো-ছাপানো নেই।

শোনা যায়, মাঝে মাঝে শ্যামলার বিবাহের সম্বন্ধ আসে। বিবাহের প্রস্তাব যে আসছিল, সে খবরও মিছে নয়, কিন্তু ভট্টাচার্যের হিসাব এমনই কড়া যে শেষ পর্যন্ত বরপক্ষীয়রা ব'লে যায়, অমন ঘর থেকে মেয়ে আনলে হেঁসেলে হাঁড়ী উঠবে না এবং হাঁড়ী উঠলে চড়ালে তাও ফাটবে। ভট্টাচার্য-গিন্নী দেখে-ওনে বলেন, অমন হাড়-হাবাতে মেয়ে মরলে বাঁচি। বাপ হলেন আবলুশ কাঠ, আর মেয়ে পাথুরে কয়লা, তার উপর পণের হিসাব নিয়ে বাড়ীতে মাছের বাজার বসালে অমন মেয়ের বিয়ে হয় ?

ভট্টাচার্য-গিন্নীর স্বভাব টেঁচিয়ে চিন্তা করা। মেয়ে মায়ের উক্তি শুনে বলে, আমি মড়া বিয়ে করব না। গ'র আছে, খেটে পাব। যত সব কোমর-ভাজা পচা চিংড়ি মাছের মত চেঁচারা,—আশা কম নয়। পুলিশের হাস্যামা না থাকলে যত হেংলা ছেলেদের মাথাগুলো ধড়ের উপরেই দড়ির মত পাক বাঁইয়ে দিতাম।

হাল-ফ্যাণানের অনেক ছেলেকেই যে শ্যামলা পাক খাওয়াতে পারে তাতে সন্দেহ নেই।

শ্যামলা ভট্টাচার্যের মেয়ে। স্ত্রীরাং তাকে জড়িয়ে যে-কোন ঘটনাই সংবাদ হিসাবে দামা। এই কারণে ব্যাপক প্রচারের কোন অসুবিধা ছিল না। প্রচারকদের ভিতর গাঁরা স্বতঃপ্রবৃত্ত হয়ে মহৎ কর্তব্য সাধনের জন্ত এগিয়ে আসতেন তাঁদের মধ্যে বেশীর ভাগই হয় ভট্টাচার্যের কাছে ঋণগ্রস্ত অথবা শ্যামলা-প্রদত্ত খেতাবে অভিনিক্ত, মুখপোড়া। উভয় ক্ষেত্রেই ক্ষোভ অথবা গাত্ৰজ্বালার বহিঃপ্রকাশের প্রয়োজন থাকায় ঘটনার সুযোগগুলি কাজে লাগানো হ'ত, বার্তার বিবরণ ব্যক্তি-বিশেষের সুবিধা অসুসারে পরিবর্তিত হয়ে যেত, কেছা-বিলাসীদের খোরাক জুটত ভালো।

শ্যামলার কালো রূপ ও তার ঝাঁঝের সংস্পর্শে আসার পর যখন বরপক্ষীয়রা একের পর এক মেয়ে দেখার আয়োজন পণ্ড করতে লাগল তখন উপযুক্ত কেন্দ্রে ভট্টাচার্য-পরিবার সম্বন্ধে নানা আলোচনা শুরু হয়ে গেল। সকলেই স্বাকার করল, নিখরচায় অমন একটা তাগড়া দাসী পেলে, ভট্টাচার্যের মত রূপণ যে মেয়েকে আইবুড়ো ক'রে রাখবে তাতে আশ্চর্যের কি আছে ? তা ছাড়া বাবুদের বাড়ীতে যে উপরি আয়টা হচ্ছে তা বিয়ে দিলে ত আর থাকবে না। ছোটবাবু এলে যখন যা পায় তা খোকেই পায়। দেখ না, ছোটবাবু চ'লে গেলেই জমি কেনার ধুম পড়ে যায় ? একেই বলে গ'তর খাটিয়ে টাকা

রোজগার। আমাদের মেয়ে অমন হলে ঘোয়ায় মারা যেতাম। ভাবো, টাকার কি বা মহিমা। প্রকাশে সত্য কথাটি বলার পর্যন্ত আমাদের অধিকার নেই। অমনি রক্তশোষক সুদখোর খাদ্যের প্যায়দার মত বকেয়া টাকা আদায়ের জন্ত বাড়ী চড়াও হবে।

ছোটবাবু লক্ষ্মীর বড় ভাই, নাম নবগোপাল। তখন সে কলকাতায় থেকে কলেজে পড়ে। তবে প্রায়ই দেশে আসতে হয় সম্পত্তি দেখার জন্ত। তার গ্রহপস্থিতিতে মহামায়া, লক্ষ্মীর মা তত্ত্বাবধান করেন, এবং বিচক্ষণ ভাবেই করেন, তবে জমি দখল ইত্যাদির ব্যাপারে নব-গোপালকে উপস্থিত থাকতে হয়, যথাস্থলে দাঁড়িয়ে হুকুম দেবার জন্ত পুরুষ না থাকলে চলে না। তার উপর বিভিন্ন মহালে নায়েবদের বিরুদ্ধে অভিযোগ লেগেই থাকে। উত্তরাধিকারী স্বত্বে যারা নায়েবের পদে অভিনিক্ত হয় তারা প্রভুর আদেশও মানেন না। এই জা'তীয় কয়েকজন নায়েবকে সায়েস্তা করার ভার নেওয়ার পর নবগোপাল বিব্রত হয়ে পড়েছে। বিব্রত বলব না, জমিদারীর উপরই বিতৃষ্ণা এসে গিয়েছে, তথাপি মায়ের আদেশ পালন না করে উপায় নেই।

মহামায়ার পাশ-করা বিচার উপর দখল না থাকলেও সম্পত্তির উপর দখল কি ভাবে রাখতে হয় তা তিনি জানতেন। পূর্কার্চনার পর বেশির ভাগ সময়ই তাঁহাকে বিষয়-কর্মে কাটাতে হ'ত। এই কারণে সংসার চালানর দায়িত্ব শ্যামলার উপর ছেড়ে দিয়ে নিশ্চিত হয়েছিলেন।

আপন ভাই-বোন বলতে শ্যামলার কেহ না থাকায় নবগোপাল দাদার স্থান অধিকার করে বসেছিল। তাপ খেলা বা কেরাম খেলার হার জিতের তর্কে যখন নবগোপাল আর শ্যামলার কথা কাটাকাটি কলহের স্তরে উঠে পড়ত তখন লক্ষ্মী ছুটে গিয়ে মহামায়াকে ডেকে আনত মধ্যস্থতার জন্ত।

নবগোপালের প্রকৃতি শ্যামলার ঠিক উল্টো। শ্যামলা রেগে গেলে কাণ্ডজ্ঞানশূন্য হয়ে যায়। শ্যামলা যতই রাগে নবগোপাল ততই হাসে। শ্যামলাকে রাগিয়ে দিয়ে মজা দেখা নবগোপালের একটি বিশেষ কৌতূকের বিষয়। এই কারণে দাদা এলেই লক্ষ্মীকে আশঙ্কান্বিত হয়ে থাকতে হয়।

সংক্ষেপে বাবুদের বাড়ীতে শ্যামলার প্রতিপত্তি এমন ভাবেই প্রতিষ্ঠিত হয়েছিল যে তাকে পরিবারভুক্ত না ভাবলেই অস্বাভাবিক লাগত।

দেখতে দেখতে বৎসরের পর বৎসর কেটে গেল, ইতি-মধ্যে নবগোপাল বিশ্ববিদ্যালয়ের সেরা তকমা সংগ্রহ করে ফেলেছে তবু তার লেখাপড়ার নেশা কাটতে চায় না। উপস্থিত কি একটা অকেজো বিষয় গবেষণা চালিয়েছে ডক্টরেট খেতাব লাভের জন্ত। এদিকে লক্ষ্মী বিবাহ-যোগ্যা হয়ে উঠেছে, বড় ভাইয়ের সে-বিষয়ে খেয়াল নেই। সৎপাত্র সন্ধানের জন্ত মা অনবরত চিঠি লিখছেন, উত্তর যা যাচ্ছে তাতে আশাপ্রদ কিছু থাকছে না। শেষ পর্যন্ত মহামায়া একটি কড়া চিঠি লিখে জানালেন, পাত্রের সন্ধান না দিতে পারলে তিনি নিজে কলকাতায় এসে খোঁজ করবেন। আসল কথা, কন্ডাদায়গ্রস্ত হওয়াটা যে কি ব্যাপার তা নবগোপাল সঠিক উপলক্ষ করতে পারে নি। তবে মা নিজে এসে দ্বারে দ্বারে ভিক্ষাখীর মত যার-তার শরণাপন্ন হন এমনটি নবগোপাল চায় নি। পাত্রের সন্ধান দিতে দেরি হলে মা যে কোন সময় এসে পড়তে পারেন তাতে কোন সন্দেহ নেই। অগত্যা দীনেশের পিতা যা প্রস্তাব করেছিলেন তাই মাকে জানানো হয়।

দীনেশ নবগোপালের সহপাঠী ছিল। সম্প্রতি বিলাত থেকে ব্যারিষ্টারী পাশ করে ফিরেছে। এখানকার কলেজে পাঠ্যাবস্থায় লেখাপড়া অপেক্ষা সৌখিনতার খ্যাতি অর্জন করেছিল বেশি। পরিবারের আর্থিক অবস্থা সচ্ছল বলা চলে। বাপ-মায়ের একমাত্র সন্তান। শাসনের দিকুটা শিথিল হওয়ার সংযম ও শৃঙ্খলা সম্বন্ধে দীনেশ সম্পূর্ণ উদাসীন। তার ইচ্ছাটাই ছিল শেষ বিধান, ভাল-মন্দ বিচারের অবকাশ পাওয়া যেত না। দীনেশ উগ্র সাহেব-পন্থীদের প্রায়ই পার্টিতে ডাকত। দীনেশের পিতা ওদের পছন্দ না করলেও কিছু বলতে পারতেন না। কিন্তু যখন ক্রমাগত ট্যাগ জাতীয় মেম সাহেবরা তাঁর বাড়ী চড়াও হতে লাগল তখন তিনি বাস্তবিকই পুত্রদায়গ্রস্ত হয়ে পড়লেন। দোতগার সমান উচু হাইহীল জুতো-পরা মেয়েকে তিনি পুত্রবধূ হিসাবে গ্রহণ করতে একেবারে নারাজ। অমন বৌ ঘরে ঢুকলে দেউলিয়া হতে হবে। বাড়ী থেকে কর্তা-গৃহিণীকে তাড়িয়ে দেওয়াও বিচিত্র নয়। যথেষ্ট খরচ ও সাহেব-শ্রীতি নিয়ে পিতা পুত্রের মতভেদ যে-সময় প্রকট হয়ে উঠেছিল সেই সময় নবগোপালের কাছে তিনি একটি গৃহস্থচালের পাত্রীর সন্ধান চেয়েছিলেন। বেশি লেখাপড়া জানা মেয়ের দরকার নেই। তবে ভাল ঘর আর করণা রং হলেই চলবে।

প্রস্তাবের সঙ্গে লক্ষ্মীর এমন মিল ঘটে গেল যে, কালবিলম্ব না করে মহামায়া কন্ডাসহ কলকাতার বাড়ীতে এসে উপস্থিত হলেন।

মেয়ে দেখার পর দীনেশের পিতা বেজায় খুশী। পাকা দেখা হয়ে গেল।

পুত্র তখন কাশ্মীরে হাওয়া বদলাতে গিয়েছে। পাকা দেখার পরই পুত্রের কাছে লক্ষ্মীর ফোটা পাঠানো হ'ল। সমর্থন যে আশ্রমে সে বিষয় বিন্দুমাত্র সন্দেহ ছিল না, কিন্তু ঘটল বিপরীত। পুত্রের বন্ধুরা ব'লে দিল, একেবারে সেকলে, কোন পার্টিতেই ওকে বার করা চলবে না, তার উপর রোগা। ওদের মধ্যে একজন অধিকতর নব্যপন্থী ছিলেন, তিনি জানিয়ে দিলেন, অপূর্ণ প্লিম, আজকাল এই ত ফ্যাশান। ফ্যাশান কথাটার জোর পড়ায় দীনেশ একটু সাহস পেয়েছিল, কিন্তু ভোটে প্রত্যাখ্যান সাব্যস্ত হওয়ার পরোস্তরে বাবাকে জানাল, মেসেটির সবই ভাল তবে সেকলে। পাকা দেখা হলেও 'না' বলার কোন অসুবিধা দেখছি না, কারণ সাহেবদের মধ্যে এইরূপ ঘটনা আকছার ঘটে।

গৃহিণী চিঠি প'ড়ে বললেন, ঠিক হয়েছে। ছেলেকে মেয়ে দেখানো নেই, পণের সর্ভ নেই, কর্তা মেয়ে দেখলেন আর অমনি বিয়ে ঠিক হয়ে গেল। এমন অনাছিষ্টি কাণ্ড কখনো দেখি নি। এদিকে ত গুনছি, জমিদারের মেয়ে, বেজায় বড়লোক, আর টাকা-কড়ির কথা না ব'লেই বিয়ে ঠিক ক'রে ফেললে ?

দীনেশের বাবা একটু প্রাচীনপন্থী, কথার খেলাপ করতে তাঁর বাধছিল। গিন্নী বললেন, অমন গুঁই-গাঁই ক'রে কি হবে, সোজা ব'লে দাও ছেলের পছন্দ নয়। বিলাত থেকে পাশ করা ছেলে। সাহেব-মেমদের সঙ্গে ঘুরে বেড়ায়, ওর বিয়ের জন্তে মেয়ের ভাবনা ?

সাহেব-মেমদের সঙ্গে ঘুরে বেড়ানোই যে গৃহকর্তাকে ভাবনায় ফেলেছে, খরচের দিক সামলাতে পারছেন না, সে কথা তিনি গৃহিণীকে বোঝান কেমন ক'রে ? সারাটা জীবন তিনি আদেশ মেনেই আসছেন, এবারও বাধ্য স্বামীর কর্তব্য সারলেন। পুত্রের পত্র নবগোপালের কাছে পাঠিয়ে দেওয়া হ'ল।

পাকা দেখার পর এমন কথা উঠতে পারে, মহামায়া কল্পনাও করতে পারেন নি। নবগোপালকে বললেন, অমন ছেলেকে কি ব'লে আমাদের পরিবারে ঢোকাবার কথা ভেবেতে পারলি ?

নবগোপাল উত্তর দেয়, বাইরে থেকে যতটা জানা

যায় ততটাই খবর দিয়েছি। তুমি যা চেয়েছিলে, সবই ওর মধ্যে ছিল। দীনেশ সাধারণ পাশ-করা ছেলে নয়, বিলেতের ছাপ আছে ওর শিক্ষায়। আর্থিক অবস্থা ভালই বলতে হয়, তা না হ'লে তিনবার ফেল মেয়েও বিলাতে থাকার খরচ সামলাতে পারে? কলকাতার মত সহরে নিজেদের বাড়ী আছে, ওরকম ছেলেকে ত কল্পাপক্ষরী বলে সোনার চাঁদ। আমি ত লক্ষীর বিয়ের জন্ত ব্যস্ত হই নি, বরং চেয়েছিলাম, লেখাপড়া শেখাও, বুদ্ধি মার্জিত হোক, কামারহাটির বাইরেও যে একটা জগৎ আছে তা সে জাহুক। তুমিই ত জোর দিয়ে বললে, মেয়েদের বেশি লেখাপড়া শিখিয়ে হবে কি? সংসার চালাতে হলে নিজের ঘরের কথাই আগে ভাবতে হয়, নভেল প'ড়ে বিলাতের গৃহস্থালী জেনে আমাদের কি লাভ হবে? নতুন চংএ কাপড় পরতে শিখলেই ত শিক্ষার পরাকাষ্ঠা হয় না? ওগুলো ত বাইরের খোলস, ছদ্মবেশও বলতে পারিস।

মা যে এত কথা বলতে পারেন তা দীনেশের জানা ছিল না। শিক্ষার আদর্শ সম্বন্ধে মায়ের দৃঢ় মত যখন জানতে পারল এখন বললে, ওসব আলোচনায় এখন কোন লাভ নেই। ছেলে যখন বিয়ে করতে চাইছে না তখন অন্যত্র চেষ্টা করা ভাল।

কথা শুনে মা অবাক; বলেন, ও মা, কথা শোন! পাকা দেখা মানে অর্ধেক দিয়ে ত হয়েই গেল, এখন কি পিছুবার উপায় আছে, লোকে বলবে কি! হাল-ক্যাশানের নয় বলাতে প্রমাণ হয় না মেয়েকেই খারাপ লেগেছে। আসলে ছেলে কি চায় খোঁজ নিতে পারিস?

উত্তর আসে, হয়ত বাড়ী গাড়ী নগদ টাকা আর আনুষ্ঠানিক কত কি, তা কে জানে। ছেলে যা চাইবে তাই তুমি দিতে পারবে? তার মানে ঘুষ দিয়ে মেয়ে পার করতে চাও।

মহামায়া উত্তর দেন, ঘুষ কেন হতে যাবে, পণ দেওয়া ত নতুন কথা নয়। পণের বিষয় বরপক্ষ যখন কিছু বলে নি তখন আমাদের দিক থেকে জানানোর দোষ কি আছে? তুই আজই জানিয়ে দে, আমরা কি দিতে পারি।

নবগোপালের ইজিত অহুসারে মহামায়া জানালেন কলকাতায় বাড়ী ও গাড়ী দুইই দেবেন, মায় গাড়ী চালানোর মাসিক খরচা ও লক্ষীর উপযুক্ত মাসোহারা।

খবরটি বিশ্বস্ত সূত্র থেকে অবগত হওয়ার লক্ষীর যাবতীয় ক্রটি সংশোধনের জন্ত দীনেশের মাতা নিজে এগিয়ে এলেন। পুত্রকে চিঠি লিখলেন, পত্রপাঠ চ'লে

এস, এমন মেয়ে পাওয়া ভাগ্যের কথা। হাল-ক্যাশানের উপযুক্ত ক'রে নিতে সময় লাগবে না। দরকার হলে মেমদাহেব মাইনে দিয়ে রাখা যাবে। শাড়ী পরা শিখতে আর কত টাকা লাগে? পণের নগদ যা পাওয়া যাচ্ছে তার থেকে সামান্য খরচ করলেই তুমি যা চাও তা পেয়ে যাবে।

পণের বহর শুনে বন্ধুদের মধ্যে অনেকের ঈর্ষার উদ্ভেক হয় নি এমন কথা বলা যায় না। সব দিক থেকে সমর্থন এগিয়ে আসায় দীনেশ হাওয়াই জাহাজে ফিরে এল।

পাকা দেখাকে কায়েমি করার জন্ত মহামায়া বরই কিনে ফেললেন। জ্বিদের মাথায় যে জিনিস ঘটল তার প্রতিক্রিয়া যে দূরগামী হতে পারে, এ কথা একবারও মহামায়া ভেবে দেখার অবকাশ পেলেন না। স্বামীর মৃত্যুর পর থেকেই জমিদারী পরিচালনার ভার তাঁর উপর পড়ায় আজ্ঞাকারী ভূস্বামীর মনোবৃত্তি তাঁকে এমন ভাবেই অভিভূত ক'রে রেখেছিল যে, তিনি বুদ্ধিমতী হয়েও দূরদৃষ্টিকে অবহেলা করলেন। বিবাহের মত অবিচ্ছেদ্য সম্বন্ধে, অনিচ্ছুক মাহুষকে প্রলোভন দ্বারা বাঁধার যে প্রতিকূল সম্ভাবনা থাকতে পারে একথা তাঁর আত্মমর্য্যাদাজ্ঞান স্বীকার করতে পারল না। কৌলিক সম্মান, কল্যায়কল্যাণচিন্তাকে পরাহৃত ক'রে দিল।

বর কিনে ফেলা ঘোষাল পরিবারে নতুন ঘটনা নয়। ঘরজামাই না হলেই বরং লোকে বলত, রাজাবাবুদের আয়ে ঘুণ ধরেছে।

গোল বাধল বিবাহের আনুষ্ঠানিক রীতি নিয়ে। প্রথম, বরপক্ষীয়রা কামারহাটিতে যাওয়া সমর্থন করেন নি। কারণ ধুবই সঙ্গত। মশার অধ্যর্থনায় জর্জরিত হয়ে ম্যালেরিয়া রোগাক্রান্ত হওয়াটা কেহ আরামপ্রদ ভাবে না। দ্বিতীয়, নিষ্ঠাবান ব্রাহ্মণ-বাড়ীর পঙ্ক্তি শোভনে, সর্ষভুক আধা-সাহেবদের আবির্ভাব। সাহেব বরযাত্রীদের মতবে ধারা যোগদান করেছিলেন তাঁদের মধ্যে অধিকাংশই এমন স্তরের মাহুষ যে শুধু বলতে বাধে। তা হলেও সাদা চামড়ার গুণ অনেক। গ্রাম থেকে আনা কর্ণ-উদ্যোগীদের তাক লেগে গেল। সকলেই বললে, আমাদের জামাইবাবু একজন কেউকেটা মাহুষ নয়। সাহেবদের পর্য্যস্ত পাতা পেড়ে খাইয়ে দিলে হে।

বরযাত্রীদের মধ্যে যে সাহেবরা আসবে, একথা মহামায়ার কাছে গোপন রাখা হয়েছিল। দীনেশ সাহেবদের উল্লেখ ক'রে জানিয়ে দিয়েছিল, বিশিষ্ট বরযাত্রীদের

জন্ত যেন পৃথক্ আয়োজন করা হয়। আমরা যে এখনও বর্কর তা বিদেশীদের জানতে দেওয়া উচিত হবে না। এলো গায়ে পরিবেশন, হস্-হাস্ শব্দ করে দধি শোষণ এবং সর্কোপরি ঢাক পিটিয়ে ঢেকুর তোলাকে দীনেশ বর্করতারই অঙ্গ মনে করে। অপর দিকে পরিতোষের সহিত ভূরিভোজনের পর যদি পাড়া মাতিয়ে ঢেকুরই না উঠল, তা হ'লে ভাবতে হয় লোকটা অভুক্ত থেকে গেল।

সনাতন প্রত্যাশা অহুসারে আমরা বরযাত্রীকে আরাধ্য দেবতাব পঙ্কিতে আসন দিয়ে থাকি। নব-গোপাল এ দিকটা লক্ষ্য রেখেছিল, সুব্যবস্থার চূড়ান্ত হওয়া সত্ত্বেও শেষ রক্ষা হ'ল না।

ভোজনের আগে মঙ্গুলী পানীয় না থাকায় একজন সাহেব পাণের মেমকে বললেন, প্রিয়তমে, এ যে নিউ জল, এত কড়া পাত্রে সহিবে?

মেম উত্তর দেন, অভিযোগ অবহেলার বস্তু নয়। বাড়ীতে ডেকে এই ভাবে তাচ্ছিল্য নেটিভদের পক্ষেই সম্ভব।

টেবিলের বিপরীত দিক থেকে সমর্থন আসে। ঠিক বলেছ, নেটিভদের কাছ থেকে এর বেশী প্রত্যাশা করা চলে না।

শ্লেষচ্ছড়ি ও রসিকতা নবগোপালের কানে গিয়েছিল। উক্তিগুলি সে সহজ ভাবে নিতে পারে নি। দু-একটি কটু কথা শুনিয়া দিয়েছিল। ফলে ঘটনাটি বচসার স্তরে গিয়ে ওঠে এবং অল্পকণ্ঠেই মহামায়ার কানে গিয়ে পৌঁছায়। কালবিলম্ব না করে তিনি পুত্রকে ডাকিয়ে পাঠান এবং আদেশ দেন, এখুনি ওদের বাড়ী থেকে দূর করে দেওয়া হোক। যতগুলি বরকন্দাজ আছে তাদের গেটের সামনে দাঁড় করিয়ে দাও। বর ভুলে নেবার চেষ্টা হলে কি করতে হবে আশা করি তোমাকে শেখাতে হবে না।

মাতৃ-আজ্ঞা পালিত হলে শুভাহুষ্ঠানে দাস্যর সম্ভাবনা সুনিশ্চিত। দুর্ঘটনাকে এড়াবার জন্ত মিথ্যার আশ্রয় নিতে হ'ল। মা শুনলেন, বাইরে কে একটা মাতাল, যা তা বকছিল, তাকে তাড়াতে গিয়ে গোলমাল হয়েছিল, আর কিছু না।

মিথ্যার আবরণ অশেষ ছিল না। মহামায়া সবই বুঝলেন তথাপি আল্লস্তোত্রের জন্ত মিথ্যাকেই সত্য বলে স্বীকার করতে হ'ল।

সাহেব-পৃষ্ঠার পালা এইখানেই শেষ হ'ল না। পিতার অমতে নিজেদের বাড়ীতেও দীনেশ বন্ নৃত্যের ব্যবস্থা করে ফেলেছিল। সাহেবী মতে বিবাহের পর

জোড়ে নাচ যখন একটি অপরিহার্য সামাজিক অহুষ্ঠান তখন সভ্যদের অহুধারণ না করলে দীনেশের মত মার্জিত ব্যক্তি নিজের পরিচয় দেয় কেমন করে। নাচের মধ্যে কেরামতি দেখাবার জন্ত ধারা ব্যস্ত হয়ে উঠলেন, তাঁদের মধ্যে দীনেশ যোগ দিতে পারাধ বিশেষ গর্ব অহুভব করল। নাচের হুজুগ শেষ হতে বেশ রাত হয়ে গেল।

দীনেশ শোবার ঘরে এসে দেখে লক্ষ্মী উপুড় হয়ে শুয়ে আছে, ফুঁপিখে কাঁদছে। লক্ষ্মী যেন দীনেশের জন্তই অপেক্ষা করছিল, ঘরে ঢুকতেই উঠে বসল এবং ধীরভাবে জিজ্ঞাসা করল, তুমি যদি পরের স্ত্রীকে নিয়ে চলাচল করতে ভালবাস তা হ'লে আমাকে বিয়ে করলে কেন? অত লোকের সামনে ঐ ভাবে .....তোমার কিছুমাত্র লজ্জা লাগল না? মা তোমার কীর্তি শুনে কখনও আমাদের বাড়ীতে ঢুকতে দেবেন না। এমন কি আনাদের জন্ত উইলে যে ব্যবস্থা করেছেন তাও ছিঁড়ে ফেলতে পারেন।

প্রত্যাশিত মোটা যৌতুকের উপর উইলে আরও ব্যবস্থা হয়েছে জানায় দূরদর্শী দীনেশের পক্ষে ভবিষ্যৎ সম্বন্ধে সাবধান হওয়া প্রয়োজন হয়ে পড়ল, বুঝল আসল জায়গায় পাঁটি আগলাতে হলে লক্ষ্মীকে বশ করা দরকার। প্রত্যস্ত কাছে এসে নিতান্তই নিরীহের মত বললে, তুমি একেবারে ছেলেনাহুস। সাহেবী জোড়ের নাচে সচরাচর কেহ নিজের বো নিয়ে নাচে না। লক্ষ্মীটি রাগ করে না। তুমি নিজের চোখেই ত দেখলে, সকলেই পরের বো নিয়ে নাচছিল। ওর মধ্যে এতটুকু ধারণা কিছু নেই। সাহেবরা ত আমাদের মত নয়? স্বামী-স্ত্রীর মধ্যে গাঢ় বিশ্বাস আছে বলেই এমন ভাবে উদার হতে পারে। সব সময় সন্দেহ করলে ওদের সমাজ লণ্ড-ভণ্ড হয়ে যেত। সভ্যতার দিক দিয়ে ওরা এত এগিয়ে গিয়েছে যে, স্বামী-স্ত্রীর মধ্যে বনিবনা না হলে, আপোষে আলাদা হয়ে যায়। বড় ছোর আদালতে হাজির হয় বিবাহভঙ্গের আবেদন নিয়ে। আর আমরা বাদর-ছাগলের মত দাবী নিয়ে লড়াই করি। তুমিও একদিন নাচ শিখবে। আমার বন্ধুদের সঙ্গে নাচবে। আমার বন্ধু না হলেও আপত্তি উঠবে না, কারণ, তোমার বন্ধুর সঙ্গে অবাধ মিলনের অধিকার তোমার আছে। স্ত্রী বলে তুমি ক্রীতদাসী নও।

নাচ শিখতে হবে, পুরুষের সঙ্গে নাচের অহুহাতে হুড়োমুড়ি করতে হবে, শুনে লক্ষ্মী আঁতকে উঠল, তার উপর যখন নিজের পুরুষ বন্ধুর কথা উঠল তখন



সে বিরক্তির স্বরে জিজ্ঞাসা করল, তুমি কি বলতে চাও . আমার পুরুষ বন্ধু আছে ?

প্রশ্নে তীব্র আপত্তিসূচক ইঙ্গিত থাকায় দীনেশ বলে, আমি কি বলছি আছে ? তবে থাকলে দোষের কিছু নেই। সাহেবদের কাছে থাকারাই স্বাভাবিক।

লক্ষ্মী বলে, থাক তোমার সাহেবী কায়দা, আমার নাচ শিখে দরকার নেই। আইন, ক্রীতদাসী, ওসব বুঝি না। তোমাকে কিছু কথা দিতে হবে, অমন ক'রে আর কখনও মেয়েদের জড়িয়ে ধরবে না।

দীনেশ চিন্তাশীল ব্যক্তি, হ'সিয়ার মাহুস, সাক্ষাৎ বিপদকে এড়িয়ে চলা হ'ল বুদ্ধিমানের ধর্ম, স্তত্রাং অঙ্গীকারবদ্ধ হলে যদি উপস্থিত উদ্ধার পাওয়া যায় তা হ'লে ভবিষ্যতে ধরা না-পড়া পর্যন্ত প্রতিশ্রুতি অটুটই থাকে। সঙ্গত যুক্তির আশ্রয় পেতে শপথ করল, আর কখনও সে স্ত্রীলোকের দেহস্পর্শ করবে না।

স্বামীর কথা লক্ষ্মী মন দিয়েই গুনল এবং বিশ্বাস করল। আপন মনে বিচার ক'রে দেখল, বাস্তবিকই কুচিন্তা থাকলে কেহ অমন ক'রে আদরের কথা বলতে পারে না; চোখের সামনে ঐ সব দেখে পুরুষের মত পুরুষ চূপ ক'রে সহ্য করে ? স্বামীকে অবিশ্বাস করার জন্ত লজ্জায় নত হয়ে যায়। মিটমানের পর নব-দম্পতীকে আডালে ছেড়ে দিই।

বৎসর দেড়েক হবে লক্ষ্মীর বিবাহ হয়েছে, কিছুদিন আগে মাতৃহের দাবী নিয়ে স্বত্তরালয় থেকে ফিরেছে। শ্যামলা এখন সকাল-বিকেল ছ'বেলাই লক্ষ্মীর সঙ্গে থাকে। এমনকি মধ্যাহ্নের আহারও অনেক দিন বাবুদের বাড়ীতেই সারতে হয়। কথাপ্রসঙ্গে বেলা হয়ে গেলে বাড়ী দেরা আর হয় না। লক্ষ্মীর মাও শ্যামলাকে স্নেহের চক্ষে দেখেন। কৌলিক আভিজাত্যের বেড়া স্নেহের আকর্ষণে বাধা সৃষ্টি করতে পারে নি। মনের টানের সঙ্গে অতীতের অনেক ঘটনা জড়িয়ে আছে, সেগুলিই স্নেহের বন্ধনকে কড়া ক'রে বেঁধেছে। অসুখ-বিসুখ হলে শ্যামলার সেবা ছাড়া গতি নেই। বিশেষ ক'রে লক্ষ্মীর বেলায়। ঠিক সময় ওবুধ খাওয়ানো, পথ্য দেওয়া, ঘুমপাড়ানোয় শ্যামলা সিদ্ধহস্ত।

সেদিন লক্ষ্মীর ঘরে দুই সখী গল্পের মধ্যে জমে গিয়েছিল। লক্ষ্মীকে তার স্বত্তরবাড়ীর কথা বলার জন্ত শ্যামলা নানা ভাবে প্রশ্ন সুরু ক'রে দিল। স্বামীর আদর থেকে, কি ভাবে তার দিন কাটে, কাদের সঙ্গে মিশতে হয়, স্বত্তরবাড়ীর লোকগুলো কি রকম ধরনের

মাহুস, আরও কত কি কথা তার ঠিকানা নেই। নতুন বৌ-এর জীবনধারা যেন পেশাকী ব্যাপার। সব সময়ই সেজে থাকতে হয়। কথা বলা থেকে চলাফেরায় কেমন যেন একটা আড়ষ্ট ভাব।

শ্যামলা জিজ্ঞাসা করে, সকলের সঙ্গে অমন ক'রে বনিয়ে চলতে তোর অসুবিধা হয় না ?

লক্ষ্মী উত্তর দেয়, হলেই বা করছি কি।

লক্ষ্মীর বর যে সাহেব-বেঁগা মাহুস, বিলাতে অনেক দিন ছিল। সেই জন্ত অনেক কিছু শিখে ফেলেছে। সাহেবী চালে অশোভনীয় আচরণ সম্বন্ধে কিছু বলতে গিয়ে জিভ কেটে অজ্ঞ দিকে কথার মোড় ফেরাবার চেষ্টা করে।

শ্যামলার কোতুহলের উপর জুলুম এসে পড়ায়, জানার জন্ত জিদ আরও বেড়ে যায়; চেপে ধরে, বলতেই হবে লুকোনা কথা।

লক্ষ্মী বাধ্য হয়ে শোনায় নাইট ক্লাবের ব্যাখ্যা। ওখানে যেতে হ'লে সধবা মেয়েদের সিঁড়র পরা নাকি চলে না। উন্টে চুল ছেঁটে ফেলতে হয়। কোন কোন মেয়ে ত ফুর দিয়ে ঘাড়ের পিছনটা কামিখেই ফেলে। তার উপর রুক্ষ-সুক্ষ চুল ফুরফুর ক'রে হাওয়ায় ওড়ে।

শ্যামলা জিজ্ঞাসা করে, সধবারা চুল ছেঁটে বিধবা সাজলে, বিধবারা কি খোঁপা বাঁধে ?

লক্ষ্মী উত্তর দেয়, দূর পাগলী! ওখানে কি সধবা আর বিধবা চেনার উপায় আছে ? রং চড়ার পর সব একাকার হয়ে যায়। নাচতে নাচতে রাত কাবার ক'রে ছাড়ে। এ সব শোনা কথা, সত্যি-মিথ্যে ভগবানু জানেন। জায়গাটা সাহেব-পর্ষীদের তীর্থস্থান। বারো মাস শিবরাত্রি ওখানে লেগেই থাকে।

শ্যামলা আঁতকে উঠে বলে, মাতালের কাছে মেয়েদের থাকতে ভয় লাগে না ?

লক্ষ্মী উত্তর দেয়, তা কি জানি শাই। তবে তাদের জামাইবাবু সকলের মত নয়, ও কেবল পাঁচ-মেশালী সববৎ খায়, নাম ককুটেল। ঐটা খেলে নাকি খোস-মেজাজে কথা বলা যায়। সাহেবী-ধরনের মাহুসরা ত ক্লাবে গিয়ে আমাদের মত পটল আর বেগুন চচ্চড়ির কথা বলে না ? ওখানে কৃষ্টির আলোচনা হয়।

কটমটে কথা শুনে শ্যামলা বলে, ওরে বাবা ! ওটা আবার কি ? কামড়ায় নাকি ?

না রে না, কৃষ্টির মধ্যে অনেক কিছু থাকে, মেয়েদের শাড়ী, শাড়ীর ভাঁজের নতুন কায়দা, কায়দা-দোরস্ত হলে কে কতটা পরপুরুষকে জাপটে ধ'রে নাচতে পারে, কার

বাড়ীতে ব্রজের নটরাজ আছে, কে হাল-ক্যাশানের তার দিয়ে গড়া মূর্তি কিনেছে, কার বৌকে নিয়ে কে পালাল, আরও কত কি।

এই ধরনের কথা, পরপুরুষকে জাপটে ধরে নাচা আর বৌ-কাড়াকাড়ির কথা শুনে শ্যামলা অবাক। বলে, ওমা বলিস কি লো! পরপুরুষকে চোখের সামনে জাপটে ধরলে, মেয়ের বর সস্থ করে কেমন করে?

উত্তর শোনে, বরও ত ঐ রকম। আর একজনের বৌকে নাচায়।

শ্যামলা আনুষ্ঠানিক রীতি বিলম্বণ করে বলে, ঠিক ধরেছি, গণ্ডগোলের গোড়ায় গলদ হ'ল ঐ পাঁচমেশালী সরবৎ, ওটার নাম কি বললি, ককটেল না? আর যাই করিস ভাই, তুই ককটেলটা খাস না। নিজের বর ছেড়ে আর কাউকে জাপটে ধরলে, আমার ভয় হয়, তোদের মধ্যে গোল বেধে যাবে।

লক্ষ্মী শ্যামলাকে সোহাগ করে ঠেলা মেয়ে বলে, দূর ছুঁড়ী, ককটেল খেতে গেলাম কি ছুঁখে, আমি কি কুষ্টির কথা বলি?

শ্যামলা কুষ্টির কথায় কেমন যেন অমঙ্গলের ইঙ্গিত খুঁজে পায়। বলে, ভাই তোর বরকেও কুষ্টির কাছ থেকে সরিয়ে রাখিস, আর ঐ পাঁচমেশালীটা খেতে দিস না। ওটা সরবৎ না হাই, নাম ককটেল বললে কি হয়। আমি যেন বুঝি না। যা-তা খেয়ে পুরুষরা যে কি করে তা আমি জানি। এই ৩ সেরদিন ও পাড়ার যোগীন, ঐ সব খেয়ে আমার সঙ্গে চালাকি করতে এসেছিল। আমবাগানে সুপুটি মেয়ে কোথায় বসে ছিল, আমি কি তা জানি? পুকুর-ঘাটে উঠতেই ড্যাকরা ছোঁড়া এগিয়ে এল। যতই কাছে আসতে বারণ করি, ততই তার ভালবাসা তেড়ে ওঠে। শেষ পর্যন্ত ছোঁড়া নাগালে যখন এসে গেল তখন এক চড় কণিয়ে দিলাম। সঙ্গে সঙ্গে বাছাধন কুপোকাত। ভিজ্জে কাপড় আর কলসী কাঁখে না থাকলে ছোঁড়ার হাড়গোড় ভেঙে দিতাম। আমি বলি, ঐ জিনিষটা তোর বরকেও খেতে দিস না। ওটা পেটে পড়লে মানুষ কাণ্ডজ্ঞানহীন হয়ে যায়।

লক্ষ্মী শ্যামলার মুখে হাত চাপা দিয়ে বলে, অমন কথা মুখে আনতে নেই। আমার বরকে আমি জানি না? ও কেবল মুখেই রসিকতা করে, ঐ পর্যন্ত। সামনের রবি-বারেই আসছে, তোর পিছনে লেলিয়ে দেব, দেখবি কথা বলতে গিয়ে মুখে ভুবড়ী বাজী ফুটবে। আমার বিশ্বাসকে পরীক্ষা করতে চাস, তাও দেখিয়ে দিতে পারি। বাসর

ঘরে তোকে নিয়ে ঠাট্টা-তামাসার কথা আজও বলে। তোর গড়নের প্রশংসা করতে গিয়ে মনের মত কথা খুঁজে পায় না। হাঁপিয়ে ওঠে, বলে, অমন গড়নের কথা, ব'লে কি শেষ করা যায়? ছুঁয়ে দেখতে হয়। আর কত কি যে বলে তার ঠিক নেই। অল্প মেয়ে হলে হিংসের জলে-পুড়ে মরত কিন্তু আমি তোদের জানি, তাই কিছু হয় না। তা ছাড়া তোর ভিতরটাও পাথরের মত কঠিন। তোর মত মেয়েকে যে পুরুষ প্রেমে ফেলতে পারে, তাকে আমি বলি বাহাদুর। ড্যাকরা ছোঁড়ার দল, তোর পিছনে লেগেই আছে, আজ পর্যন্ত কেউ তোকে নাড়াতে পেরেছে? তাই বলি, মনের মত একটা পেলো বিয়ে করে ফেল। একবার প্রেম জমে গেলে, পুরুষের নাম শুনেই খারাপ বলবি না।

মনের মত কাউকে পাওয়া যে শ্যামলার ইচ্ছা হুসারে হবার উপায় নেই তা লক্ষ্মী জানত। কথাটা বের্ফাস বেরিয়ে যাওয়ার নিজেই ছুঁখ পেল। সমবেদনা দেখাতে গিয়ে ব'লে ফেলল, সাত পাকে বাঁধা বরটাকে যদি চাস, তাই দিয়ে দেব।

শ্যামলা ছুঁখের আড়াল সরিয়ে হেসে উঠল, বললে, ধর, তোর বরের মত স্বপ্নর চেহারা দেখে যদি সত্যিই আমার ভাল লেগে যায়?

লক্ষ্মী বলে, আমাকে ভয় দেখাচ্চিস? বললাম না, আমার বরকে আমি জানি। স্বর্গের মেনকা, রজ্জা এলেও কিছু করতে পারবে না।

শ্যামলার ভিতরটা যে পাথরের মত অসাড় নয়, সেও যে মনের মত বর পেলো লক্ষ্মীর মতই ভালবাসতে পারে, বিশ্বাসের বাঁধনে আটকে রাখতে চায়, এ গর্ব করার সুযোগ পেল কই? পুরুষকে ভালবাসার অভিজ্ঞতা শ্যামলার নেই। তবু সে জানত, তার গঠনে কতটা আকর্ষণের বস্তু আছে—বিশ্বস্ত পুরুষকে জড় করার লোভ ছাড়তে পারছিল না, বলতে চাইল, তোর বরকে একবার দিয়েই দেখ না? দেখিয়ে দি, মেনকা, রজ্জাকেও হার মানাতে পারি কি না? কিন্তু বক্তব্যের মধ্যে যেটুকু প্রকাশ হয় তা বুক মোচড়ানো দীর্ঘনিঃশ্বাস। জীবনটাই মনে হয় ব্যর্থ, তার পর গল্প আর জমে না। শ্যামলা বলে, আজ উঠি ভাই, বেলা হয়ে গেল। কাল আসব।

রবিবার জামাই আসছেন। অন্তর্ধানের জন্ত মহামায়া বিশেষ ব্যস্ত। ভিতর-বাড়ীতে সাধারণ পাকপ্রণালীর পরিবর্তন হয়েছে। বিশেষ প্রকারের মিষ্টান্ন প্রস্তুত হচ্ছে। সংক্ষেপে একটি ছোটখাট উৎসবের সাড়া পড়ে গিয়েছে।

উৎসবকে পরিপূর্ণ করার জন্ত শ্যামলাও প্রস্তুত হয়ে ছিল। প্রতিক্রমিত রন্ধার সময় যখন এল তখন লক্ষ্মী বিশ্বাসের পরীক্ষাকে উৎসবের একটি অঙ্গ করে ফেলল, হাসতে হাসতে জোর ক'রে শ্যামলাকে ঘরের মধ্যে পুরে দরজার বাইরে থেকে শিকল লাগিয়ে দিল। বলাই বৃথা, বলপ্রয়োগে শ্যামলাকে শক্তিশালী পুরুষও যে নাড়াতে পারে না সে কথা শ্যামলাও জানত। কিন্তু আত্মরক্ষার জন্ত দৈহিক শক্তির ব্যবহার প্রয়োজন না হতে পারে, কিংবা প্রয়োজন হয় ত হ'ল কিন্তু তার ব্যবহার হ'ল না এমনও ত হয় ?

বিশ্বাসের পরীক্ষার লক্ষ্মীর জিত হ'ল কি না পরে ভাবা যাবে।

কিছুদিন বাদে লক্ষ্মীর সন্তান ভূমিষ্ঠ হয়। কোল-জোড়া নবজাত শিশু পেয়ে মাতা আনন্দে আত্মহারা। শিশুর গণ্ডে বার বার চুষন দেবার সময় স্বামীকে মনে পড়ে। ভাবে, এমন স্বামী না পেলে কি এমন সাত রাজার ধন মানিক পেতাম ? সময় এগিয়ে চলে, লক্ষ্মীর শরীরও দিনের পর দিন শান্তে থাকে। শেষ পর্যন্ত কলকাতায় বড় ডাক্তার দেখানো প্রয়োজন হয়ে পড়ায় স্বত্তরালয় থেকেই চিকিৎসার ব্যবস্থা হ'ল। খরচ অবশ্য সবই মহা-মায়ায়। অসুস্থ অবস্থায় নিকট আত্মীয় কাছে থাকা একান্ত দরকার। শাওড়ী কাছে থাকবেন, এই ভরসায় মহামায়া নিশ্চিত মনে রেয়েকে পাঠিয়ে দিলেন।

চিরকথার গুঞ্জবা কতকটা স্বচালিতের মত। সবই নিয়মে বাঁধা এমন কি, 'কেমন আছ' প্রশ্নটাও বাঁধা গড়ে চলে। লক্ষ্মী ওষুধ, পথ্য ও কুশলপ্রশ্নে অভ্যস্ত হয়ে গিয়েছে। কেহ কিছু জিজ্ঞাসা না করলেও অভ্যাসবশত: ব'লে ফেলে, কালকের চেয়ে ভাল আছি। বেশী কথা তার ভাল লাগে না। ভাল-মন্দ প্রশ্ন সব্বই সে আজকাল নির্বিকার হয়ে গিয়েছে। একান্ত যখন একলা প'ড়ে থাকে তখন শ্যামলার কথা মনে আসে। সে থাকলে, আর কিছু না হোক, হেলেটা সময় মত ছুধ খেতে পেত।

শয্যাশায়ী অবস্থায় লক্ষ্মী দাদাকে একটি চিঠি লিখে জানায়, শরীরটা ভাল যাচ্ছে না, সময় পেলে একবার এদিকে এসো। তাড়া কিছু নেই, ভাবনারও কিছু নেই। অনেক দিন তোমাকে দেখি নি, তাই লিখলাম। চিঠি প'ড়ে নবগোপালের বুঝতে বাকি থাকে না, যে সব কিছু ঠিক মত চলছে না। 'ভাবনার কিছু নেই' কথাটাই আরও ভাবিয়ে তোলে। লক্ষ্মীর সঙ্গে দেখা করতে

যাওয়ার বাধা অনেক। প্রথম, কুটুম-বাড়ীতে তধু হাতে যেতে নেই ব'লে মাস-খানেকের রসদ সংগ্রহ করতে হয়। রসদের মধ্যে তরিতরকারি, কাতলা মাছ থেকে বহুবিধ বাছাই করা মিষ্টান্ন না থাকলেই নয়। দোকান ঘুরে বাজার করা নবগোপালের একেবারেই পোষার না। দ্বিতীয়, শাওড়ীর মেজাজ সব সময়ই চড়া, ওটা পদ-মৰ্যাদার লক্ষণ, বরের না, একটু গারিকে ধরনের না হলে চলে কেমন করে। মেয়ের বাড়ার মাহুদ তাঁর বৌ সব্বই ভাল-মন্দ কিছু বলতে গেলে, ভেবে নেন অনধিকার-চর্চা এবং মনোভাব প্রকাশ করতে গিয়ে যা বলেন তাকে অশ্রাব্যই বলতে হয়। এই সব নানা কথা ভবে, আজ বাই কাল যাই ক'রে বেশ কিছুদিন হুধে গেল, নব-গোপাল ওমুখো হতে পারে নি। চিঠি পাবার পর হঠাৎ গিয়ে পড়লেও লক্ষ্মীর শাওড়ী ভাববেন, নিশ্চয় বৌ কিছু অভিযোগ পাঠিয়েছে, তা না হ'লে স্নেহের এত উৎপাত কেন ? সংক্ষেপে যে ভাবেই ওদিকে যাবার চেষ্টা করা হোক না কেন, স্নাত্ত অভ্যর্থনা থেকে পরিত্রাণ নেই। লক্ষ্মীর চিঠি পাওয়ার পর গড়িমসি ভাব কাটাতে হ'ল। কেনাকাটার ভার ছিল বাজার-সরকাণের উপর। দণ্ড জাতীয় দক্ষিণার মধ্যে কি ছিল তা নবগোপাল জানত না, দেখে নেবার মত মনও ছিল না। বিকেলের দিকে নবগোপাল ভগিনীর স্বত্তরালয়ে উপস্থিত হ'ল। যথা-স্থানে নজরানা পৌঁছতে ভগিনীর ঘরে নবগোপালের ডাক পড়ল।

লক্ষ্মীর ঘরে চুকেই যে দৃশ্য দেখল তাতে নবগোপালের ভিতরটা সাংঘাতিক ভাবে নাড়া খেল। লক্ষ্মী ঠাণ্ডা মেজের উপর মাহুরে তয়ে আছে; পাশেই সুপ্ত শিশু-সন্তান। খাটের উপর শয্যা মলিন হয়ে গিয়েছে। আট-পৌরে ব্যবহারের জন্ত দীনেশের সাহেবী পোশাক যে খোলা আলমারীতে টাঙ্গানো থাকত সেটি ঘর থেকে অন্তর্দান করেছে।

নবগোপাল কিছু জিজ্ঞাসা করার আগেই লক্ষ্মী বললে, তোমাকে বসতে বলি কোথায় ? চেয়ার টেবিল যা ছিল তা পরিষ্কার করার জন্ত ঘর থেকে বাইরে নিয়ে গিয়েছে। স্প্রিং-এর গদি-দেওয়া চেয়ার, লোকা পরিষ্কার করতে হ'লে, কলকে ঢেলে সাজার মত আগাগোড়া বদলাতে হয়।

এত শীগগির গদি বদলের প্রয়োজন হওয়া উচিত নয়, কারণ, ওগুলি দানের সামগ্রী হওয়ার নবগোপাল নিজে পছন্দ ক'রে সাহেবী দোকান থেকে কিনেছিল। বিহানার দিকে তাকাতে লক্ষ্মী আর কিছু বলে না।

অবহেলার মর্মান্তিক দৃশ্য দেখে নবগোপালকে বলতে হ'ল, আমাদের বাড়ী চল। মা আর শ্যামলাকে ওখানে আনতে পারব। কি বলিস ?

লক্ষ্মী মাকে অনেক দিন দেখে নি। মাকে দেখতে পাওয়ার আশায় উৎফুল্ল হয়ে উঠল। কৃষিকের উচ্ছ্বাস স্থায়ী হতে পেল না। পরক্ষণেই তার চোখ ছল ছল ক'রে উঠল। লক্ষ্মী হাঁ না কিছুই বলল না, তার মাথা নিচু হয়ে গেল।

দরজার আড়াল থেকে লক্ষ্মীর শাওড়ী নবগোপালের প্রস্তাব শুনেছিলেন, তাড়াগাড়ি নীচে গিয়ে স্বামীকে বললেন, ওপরে কি সব কথা হচ্ছে শুনে বুঝবে, কি মেয়ে ঘরে এনেছে। তোমাদের জমিদারপুত্রকে নাচে ডাকিয়ে আনাও। এইখানেই চা দেওয়া যাবে। তোমার সামনেই যা জবাব দিতে হয় আমি দেব।

প্রমাদ কাণ্ড ঘটান সস্তাবনা ঘনিষে ওঠায় গৃহকর্তা বললেন, এতদিন বাদে ছেলেটি এল, কি সব জিনিষ এনেছে সেগুলো আগে দেখ না।

গৃহিণী হাত নেড়ে, চাবির খোকা পিঠে ফেলে উত্তর দিলেন, আহা, সোহাগ দেখে আর বাঁচি না। জিনিষপত্র তুমি বলার আগেই দেখা হয়ে গিয়েছে, তা না হ'লে উপরে যেতে পেত ? জমিদারী চাল দেখে দেখে অবাক। মানলাম, কাতলা মাছটা বড়ই দিয়েছে, তাই ব'লে একটা ? মেয়ের বাড়ী থেকে পাঠালে তত্ব পাড়াপড়শীকে বিলুতে হয়, তা পর্যন্ত জানে না। নতুন পটল উঠেছে, ফুলকপি, বাঁধাকপি, সবই বাজারে পাওয়া যায়, কিন্তু একটিও বুড়ির মধ্যে দেখা গেল না। কুটুম-বাড়ীতে মিষ্টি দেবার বহরও চমৎকার, রাজভোগ ফেলে একরাশ নতুন রকমের সন্দেশ নিয়ে এসেছে, হয়ত ওগুলো চিনির ডেলা। সস্তায় যেখানে যা পেয়েছে তাই তরকারি ব'লে বুড়ি ভরেছে। আমরা কি গরু, যে ঐগুলো মুখে পুরে জাবর কাটব ? ডাকো, ডাকো, উপর থেকে জমিদার-পুত্রকে নীচে নামিয়ে আনো।

গতিক খারাপ দেখে কর্তা নিজেই উপরে গেলেন। নবগোপালকে কর্তা স্নেহের চক্ষেই দেখতেন। ওর নম্র স্বভাবের জন্তু কথা বলতেও ভাল লাগত। ঘরে ঢুকেই বললেন, এ কি, তুমি মেজের উপর ব'সে আছ ?

প্রশ্নটা একটু উঁচু গলাতেই হয়েছিল। শীত-চকিত দৃষ্টিতে চার পাশ দেখে নিয়ে বললেন, চল বাবা, নীচে চল, একটু চা খাবে।

লক্ষ্মীকে দীনেশের বাবা মা ব'লে সম্বোধন করতেন।

গৃহিণী কাছাকাছি আছেন জানলে বৌ ব'লে ডাকতে হ'ত, এটা এ বাড়ীর নিয়ম, নড়চড় হবার উপায় নেই।

চায়ের জল গরম হতে তখনও দেরি ছিল। গৃহিণী প্রতিশ্রুতি অনুসারে এবং একান্ত কর্তব্যের খাতিরে দরজা ভেজিয়ে পাশে দাঁড়ালেন। গৃহিণীর ধৈর্যের উপর তখন পীড়ন শুরু হয়ে গিয়েছে। অতিথির অভ্যর্থনার জন্তু যে শ্রুতিমধুর বাক্যগুলি জড় হয়েছিল, সেগুলি ব্যবহার না ক'রে থাকে গেল না। বিনা নোটিসে বাড়ী চড়াও হয়ে গৃহিণীর স্বাচ্ছন্দ্য সম্বন্ধে খানাতল্লাসী যে ভ্রোচিত ব্যবহার নয় তাই প্রমাণ করার জন্তু গৃহকর্তাকে দিয়ে বললেন, এ বাড়ীর বৌকে যেমন ভাবে রাখা আনরা দরকার বোধ করব বৌকে সেই ভাবে থাকতে হবে। কতাদানের পর এ বিষয় কোন কথা জিজ্ঞাসা করা চলে না। নবগোপালবাবুর জানা উচিত, তিনি শ্রীশ্রীতি দেখাতে গিয়ে এমন বাড়াবাড়ি করেছেন যে, ভবিষ্যতে ওকেও এ বাড়ীতে আসতে দেওয়া সম্বন্ধে আমাদের ভেবে দেখতে হবে।

অন্ত ক্ষেত্র হলে নবগোপাল বাড়ীটা ডবল দাম দিয়ে কিনে ফেলেই গৃহপ্রবেশের নিমন্ত্রণ গৃহিণীর কাছে পাঠাত। গৃহিণীর কথা ভেবে বললে, দীনেশ সব সময় কাছে থাকতে পারে না, তার নাইট ক্লাব আছে, পার্টি আছে আজকাল আবার মাছ ধরা আর শিকারের সখ চেপেছে। বেশির ভাগ সময় কলকাতার বাইরেই থাকে, তাই ভাবছিলাম, আমাদের বাড়ীতে নিয়ে গেলে কেমন হয়। ওখানে মাকেও আনানো যেতে পারে।

পার্টি, নাইট ক্লাব আর শিকারের কথা উত্থাপন হ'তে দীনেশের বাবাকে দিয়ে বলানো হ'ল, শিকারের উপলক্ষে ঘরের বাইরে প'ড়ে থাকার জন্তু দায়ী কে ? মড়ার মত রোগা মেয়েকে গছিয়ে দিলে কোন জোয়ান পুরুষ ঘরের মধ্যে আটক থাকতে পারে ? পুরুষ মানুষ একটু-আধটু বাইরে যাবেই। গৃহকর্তা, পোষ্ট আপিসের মত বার্তাবাহকের কর্তব্য সারছিলেন। মধ্যস্থতার অধিকার না থাকলেও ঘটনাটি নরম করার জন্তু বললেন, কাজ কি এ সব ঝামেলায়, বৌকে যখন নিয়ে যেতে চাচ্ছে, তখন ওদের মেয়ে ওদের কাছেই যেতে দাও না ?

খাঁচার ভিতর বাধিনীকে খোঁচালে হিংস্রনখী যে ভাবে গর্জন ক'রে ওঠে, ঠিক সেই ভাবে দরজার আড়াল থেকে গৃহিণী গর্জে উঠলেন। কথা বলার জন্তু গৃহকর্তাকে আর প্রয়োজন হ'ল না, সোজা



নবগোপালকে শুনিতে দিলেন, কে চায় ঐ মড়াকে ঘরে রাখতে, আজই ওটাকে বার কর। ঘরে পচা গন্ধ হয়ে গেল। ছেলেকে জানাবার দরকার নেই। ওর যা খুশি তাই নিয়ে থাক। বিলাত থেকে ব্যারিষ্টারী পাশ করা ছেলে, সাহেবী চালে চলে, নাইট ক্লাবে ওর প্রতিপত্তি কত। অমন ছেলের আবার বিয়ে দেওয়া আটকায় কে ?

নবগোপাল ধীর ভাবে সব কিছু শুনল। পুত্র সম্বন্ধে এইরূপ আক্ষালন প্রকাশ করা কোনও ভদ্রমহিলার পক্ষে যে সম্ভব তা নবগোপাল কল্পনাও করতে পারে নি। সবদিক্ বিবেচনা করে স্থিরচিত্ত নবগোপাল জানাল, লক্ষ্মীকে ঘরে এনে আপনাদের যে বিশেষ অসুবিধা হয়েছে তা বুঝতে পারছি। আগিও বলি, পচা গন্ধের কারণকে ঘর থেকে বিদায় করা ভাল। ঘরের মধ্যে মড়াকে পচতে দিয়ে সেই ঘরে নতুন বৌ আনলে সকলেরই স্বাস্থ্যহানির সম্ভাবনা আছে।

কথার উত্তরে শোনা গেল, জমিদারবাবুর ঝাঁক এখুনি ভাঙছি। আজই কাঁটা মেরে লক্ষ্মীছাড়ীকে বিদায় করছি।

কিছুক্ষণ পরে লক্ষ্মীর ঘর থেকে আর্জুন'দ শোনা গেল। গৃহকর্তা তাড়াতাড়ি উপরে চ'লে গেলেন। স্বামী-স্ত্রীর মধ্যে বচসার সঙ্কেত আসছিল। নবগোপাল আর ব'সে থাকতে পারল না। মাথার ভিতর তখন ঝড় উঠেছে, মনে হচ্ছে, নির্দর পত্তর মত ঐ নারীকে এখুনি নিরবচ্ছিন্ন দৈহিক শক্তি দিয়ে পিসে ফেলে। কিন্তু একান্ত নিরুপায় হয়েই ঘরের ভিতর অস্থিরভাবে পায়চারি করতে লাগল। মাঝে মাঝে টেবিলের উপর আঙ্গুলের তৌকা পড়ছিল, সঙ্কেতের পিছনে কি ছিল বলা কঠিন।

কয়েক মিনিটের মধ্যেই আর একটি ঘটনা ঘটল। ভিতর-বাড়ী আর বাইরে বসার ঘরের মাঝে দরজা হঠাৎ জোরে খুলে গেল, সঙ্গে সঙ্গে কেহ যেন ধাক্কা দিয়ে লক্ষ্মীকে নবগোপালের সামনে ধরের ভিতর ফেলে দিল। মেজের উপর সজোরে আছাড় খেয়ে লক্ষ্মী বলে উঠল মা গো! তার পরেই আর্জুন'দ মিনতি জানাল, আমার ছেলেটাকে দাও, আর কি বলতে চাইছিল কিন্তু পারল না, অজ্ঞানের মত লেতিয়ে পড়ল।

উপরে বচসার পর গৃহকর্তা ফিরে আসেন নি। দরজার আড়াল থেকে কর্তী বললেন, তোমার পেটে যে ছেলে জন্মায় তাকে গলা টিপে মারাই উচিত। তবে আমার ছেলের রক্ত ওর মধ্যে আছে তাই ছাড়ান পেল।

লক্ষ্মীর মুখ দিয়ে খানিকটা রক্ত বেরিয়ে এসেছিল।

কালবিলম্ব না করে নবগোপাল বাহিরে এসে ড্রাইভারকে বললে, এখুনি নবীন ডাক্তারকে ডেকে আনো।

বেশ খানিকক্ষণ লক্ষ্মী অজ্ঞান অবস্থায় প'ড়ে ছিল। মুখে এক ফোঁটা জল দেবারও উপায় নেই। মজা দেখার জন্ত একজন চাকর এদিকে ঘোরাধুরি করছিল, জলের কথা বলতেই সেও উধাও হয়ে গেল, কোন উপায় না থাকায় নবগোপাল বাইরে বেরিয়ে গেল। রাস্তার কল থেকে রুমাল ভিজিয়ে জল আনার জন্ত। লাল রক্ত ইতিমধ্যে পয়েরী রঙ নিয়ে জমাট বাঁধতে আরম্ভ করেছে। আর খানিকটা সময় কাটতে, একটু একটু করে জ্ঞান ফিরে আসতে লাগল। কথা বলার শক্তি নেই, মুখ হাঁ করে জানাল, জল। লক্ষ্মীর অর্ধনিম্নীলিত চোখের দিকে তাকালে বেশ বোঝা যায়, ও চাহনিতে দৃষ্টি নেই। চোখের তারা পাপড়ির ভিতর দিকে চুকে গিয়েছে, নীচেটা মড়ার স্তকনো হাড়ের মত সাদা। লালার ঝরার মত তখনও মুখে ফোঁটা ফোঁটা রক্ত বেরিয়ে আসছে।

নবগোপালকে আবার উঠতে হ'ল পূর্বপ্রথায় জল সংগ্রহের জন্ত।

ডাক্তার এসে দেখেন, রুমাল নিংড়ে লক্ষ্মীকে জল খাওয়ান হচ্ছে। রক্তাক্ত স্তম্ভ্যায় ভুলুষ্ঠিত কুলবধুকে এই ভাবে জল খাওয়ানোর ব্যবস্থা ডাক্তার বোধ হয় কখনও দেখেন নি।

ঘরে নবগোপাল ছাড়া আর কেহ নেই। ডাক্তার হতভম্ব হয়ে গিয়েছিলেন। কোন প্রশ্ন করার আগেই নবগোপাল বলল, বুকটা দেখুন, বাড়ী পর্যন্ত নিয়ে যাওয়া যাবে ত ?

ডাক্তার পরীক্ষা করে জানালেন, অতটা খারাপ না। তার পরে ঘরে আর কোন কথা হ'ল না। গাড়ীতে উঠেই নবগোপাল জানাল, পুলিশ কেসও হতে পারে। ডাক্তারের সঙ্গে ঘোষাল-পরিবারের অনেক দিনের পরিচয়, উদ্বেজনায় মধ্যে তিনি কোন কথা বললেন না।

দাদার এখানে আসার পর, উপযুক্ত আহার, সেবা ও চিকিৎসায় লক্ষ্মী একটা বড় ধাক্কা সামলে নিল। নিজেই নিয়ে তার ভাবনা ছিল না, ছদ্মপোষ শিশুকে দেখতে না পেয়ে মায়ের মন হাহাকার করে উঠছিল। কেবলই দাদাকে বলেছে, ওকে খবর দাও, আমার ছেলেকে কেড়ে নিয়েছে জানলে এখুনি তাকে আমার কাছে নিয়ে আসবেন। শ্বামলাকে ডাকাও, ওকে না হ'লে আমার অসুবিধা হচ্ছে। মা কোথায়, কবে আসবেন ?

নবগোপাল প্রত্যেকটি কথা শোনে, কিন্তু মাহুকের হৃদয় নিয়ে কেমন ক'রে বলে, বিশ্বাসের চরম পুরস্কারই আজ তাকে সম্মানহারা করেছে। দুঃখ ও অসহায় অবস্থা নবগোপালকে এমন ভাবেই অবসাদগ্রস্ত করেছিল যে, স্থির ভাবে কোন বিষয় চিন্তা করার শক্তিও তার ছিল না।

এখানে একমাত্র হিতৈষী ডাক্তারবাবু। তিনি লক্ষ্মীর কথা ভেবেই উপদেশ দেন, ঘটনাটি নিয়ে গোলমাল না করাই ভাল। কামারহাটিতে সব খবর গিয়ে পৌঁছালে একটা হলুফুল কাণ্ড বেধে যাবে। জামাই-শিকারের অহিলার মাঝে মাঝে কামারহাটিতেই যায়। এ কথা মনে রাখা উচিত। যা কিছু ঘটেছে, তার বিচারের ভার যদি মহামারা নিজে নেন তা হ'লে শাস্তির প্রয়োজন হ'লে জামাইকেও বাদ দেবেন না।

প্রতিক্রিয়ায় লক্ষ্মীর কি অবস্থা হবে ভেবে দেখা দরকার। দুই-একদিন আগেই নবগোপালকে মা চিঠি লিখেছেন, তোমার এখানে আসা একান্ত দরকার। কৌজদারী মোকদ্দমায় দারোগা জখম হওয়ার সব কিছু জটিল হয়ে উঠেছে। জখমের জন্ত যে আমরা দারী নই তা প্রমাণ করা শক্ত হবে না। দাঙ্গায় হারের অপমান সহ করতে হলে গ্রাম ছেড়ে অস্ত্র কোথাও গিয়ে থাকা ছাড়া তাঁর উপায় নেই।

মা যদি লক্ষ্মীর বর্তমান অবস্থা জানতেন তা হ'লে মান-অপমান বা সম্পত্তির তত্ত্বাবধানের কথা তুলতেন না। এদিককার সব কথা খুলেও লেখা যায় না; হিতে বিপরীত হয়ে যাবে।

অপমানের বিরুদ্ধে প্রতিবাদ যখন নিস্তেজ হয়ে যায়, শক্তি থাকা সত্ত্বেও তা যখন ঘটনার ফেরে ব্যবহার করা চলে না, তখন হাত-পা বাধা মানীর অবস্থা কি হতে পারে তা ছুঁতোয় হাড়া আর কাকেও বোঝাতে যাওয়া বিড়ম্বনা।

খণ্ডরবাড়ী কে ফিরে আসার পর, লক্ষ্মী দিনকতক ভালই ছিল। কত স্বামী, সম্মান ও মাকে কাছে না পাওয়ার দিনের পর দিন ওকিরে যেতে লাগল। ডাক্তার বললেন যে, রোগ ভিতরে বাসা বেঁধেছে— তার কবল থেকে নিষ্কৃতি পেতে হলে মনকে প্রফুল্ল রাখা একান্ত দরকার। মায়ের কাছে থাকলে আশা করা যায় উপকার হবে মাতা ঠাকুরাণীকে লিখে দেওয়া ভাল, লক্ষ্মীকে যেন আলাদা ক'রে কেলা হয়। তিনি বুদ্ধিমতী, বুঝে নেবেন কি করণীয়।

চিকিৎসার জন্তই লক্ষ্মীকে কলকাতার পাঠানো হয়েছিল। রোগের কিছুমাত্র উপশম হওয়ার আগেই পুনরায় ঘরে নিতে হ'লে, মাকে আত্মোপাস্ত সব খুলে লিখতে হয়। দীনেশকেও বলা উচিত কি না, চিন্তার বিষয় হয়ে উঠল। সে ত সবই জানে, তবু একদিনের জন্তেও এদিক মাড়াল না। সে ছেলের বাপ, শিশুর কল্যাণের জন্তই সম্মানকে মায়ের কাছে ফেরত দেওয়া উচিত। রাগ-অভিমানের কথা ভুলে একবার শেষ চেষ্টা ক'রে দেখা ভাল। সিদ্ধান্ত স্থির হতে, দীনেশের কাছে নবগোপাল চিঠি পাঠাল, কিন্তু কোন উত্তর এল না। লক্ষ্মীর রোগকে আর লুকিয়ে রাখা সমীচীন হবে না ভেবে নবগোপাল মহামারাকে চিঠি লিখে সবই জানাল। পত্রোত্তর নবগোপালের কাছে গেল না। সমস্ত ঘটনার উল্লেখ ক'রে দীনেশকে লিখলেন। কি লিখলেন তার বিষয় আলোচনার দরকার নেই, তবে ভাষার মধ্যে আদেশের ইঙ্গিত যে ভাবে কথার ফাঁকে ফাঁকে স্পষ্ট হয়ে উঠেছিল তাতে দীনেশের বুঝতে বাকি রইল না যে, মহামারার কাছে দৌহিত্যকে নির্দিষ্ট সময়ের মধ্যে পৌঁছিয়ে না দিলে, ভবিষ্যতের সংস্থান যে দিলে আছে তাতে আবার কলম চলতে পারে।

ডাক্তারের চিঠি পেয়ে সাবধানতার জন্ত যা দরকার মহামারা সবই করেছিলেন। এমন কি, জামাই এলে তার থাকার ব্যবস্থাও পৃথক্ ঘরে হয়েছিল। স্থায়ী রোগ নিয়ে যখন লক্ষ্মী পিতৃগৃহে ফিরে এল তখন গ্রামে উৎসবের ধুম প'ড়ে গেল। লোকে ভাবল, রাজাবাবুদের বাড়ীতে এইবার যজ্ঞের ঘটনা প'ড়ে যাবে। শহরে চিকিৎসার যখন কিছু হ'ল না তখন, স্বস্ত্যয়নের উপলক্ষ্যে দরিদ্র নারায়ণ থেকে ত্রাস্ত্রণ ভোজন প্রত্যহই লেগে থাকবে। মঙ্গলা-কাজীদেব মধ্য কেউ বললে, সোনা দান, কেউ বললে ভূমি দান, কেউ বললে গাভী দান স্বস্ত্যয়নের অহুষ্ঠানে না থেকেই পারে না। চিকিৎসার যে রোগ সারে না তাকে মন্ত্রপাঠে সারেন্তা করা কি চাট্টিখানি কথা ?

যখন সময় জামাইবাবু দাই সহ সম্মানকে নিয়ে খণ্ডরালয়ে উপস্থিত হলেন। দীনেশের একটি মহৎ গুণ ছিল, স্বার্থ বাঁচানোর প্রয়োজন থাকলে সে সহজেই নত হতে পারত। সমস্ত দোষ নিজের মায়ের উপর চাপিয়ে সে প্রমাণ করতে চাইল, মাতার আদেশ না মেনে উপায় ছিল না। এই কারণে লক্ষ্মীকে নানা অসুবিধা সহ করতে হয়েছে। মায়ের কাছ থেকে আলাদা থাকার মত আর্থিক ব্যবস্থা থাকলে বা ঘটেছে তা কখনই হ'তে পেত না। অত্যন্ত সংপথে চলার দরুন আদালতেও

তেমন কিছু আর হয় না। প্রমাণ-অভিত কারণে তুনে মহামায়া কতটা বিশ্বাস করেছিলেন তিনিই জানেন, তবে স্বীকারোক্তি শোনার সময়, বিহ্যৎ চমকানোর মত তাঁর ঠোঁটের উপর মাঝে মাঝে বক্র হাসি দেখা যাচ্ছিল যার ইঙ্গিতপূর্ণ অর্থ পরম বোকাও বোঝে। দীনেশও এদিক দিয়ে পিছিয়ে ছিল না।

দীনেশ কিছুদিন থেকে কামারহাটিতেই আছে। এখানে আসার জন্তু তাকে নাকি ত্যজ্যপুত্র হতে হয়েছে। কথাটা সত্য হলে মানতে হয়, লক্ষ্মীর জন্তু সে সব কিছু পরিত্যাগ করতে পারে সুতরাং অবহেলার অভিযোগ একেবারে ভিত্তিহীন। লক্ষ্মীর সেবা-উদ্দেশ্য শৃঙ্খলার সহিত নিয়ম বদ্ধ হওয়ায় হাসপাতালের রীতির মতই ওর ঘরে দেখা করার জন্তু সময় নির্দিষ্ট হয়ে গিয়েছিল। দীনেশও মাত্র একবার ঘরে যেতে পেত এবং অল্পক্ষণ থেকেই বেরিয়ে আসতে হ'ত।

শ্যামলার উপর তখন সংসার চালানর যাবতীয় ভার পড়েছে। মহামায়া শিশুকে সুস্থ রাখার জন্তু প্রাণপাত চেষ্টা করছেন। পূজাহিকের কর্তব্য ছাড়া রোগী ও শিশুর তত্ত্বাবধানে তাঁর সমস্ত সময় অতিবাহিত হয়ে যেত, তাই সংসার চালানর ভার শ্যামলার উপর ছেড়ে দিতে হয়েছিল। জমিদারী-সংক্রান্ত ব্যাপারে এ বাড়ীতে অতিথির ভিড় লেগেই থাকে নয় প্রজার দল অভিযোগ কাঁধে ক'রে হাজির হয়, অথবা নায়েববাবুরা একটু সদর কাছারি ঘুরে যান, খানাতল্লাসীর হাওয়া কোন্ দিকে বইছে জানার জন্তু। এসব কাজ আগে ম্যানেজারবাবুই করতেন কিন্তু-তুই তিনটি বড় মহাল মোটা টাকার হস্তবুদ থাকা সত্ত্বেও সেগুলি নিলামে চড়ার পর থেকে মহামায়া প্রজাদের অভিযোগ পর্দার আড়াল থেকে নিজেই তুনেতেন, সরকারী রেভিনিউ দেওয়ার দায়িত্বও নিজে নিষেছিলেন। এদের ঝগড়াট ত আছেই, তার উপর জামাইবাবু আসায় একাই একশ' হয়ে বসেছেন। মহামায়া জামাই-এর সামনে বার হতেন না। এই কারণে আহ্নারকালীন শ্যামলাকে জামাইবাবুর সামনে বসতে হ'ত, শুক্লব্যাঙলি চিনিয়ে দেবার জন্তু। এই সময় দীনেশের তুই-একটি রসিকতা যে কথাপ্রসঙ্গে ছিটকে বেরিয়ে আসত না এমন কথা বলা যায় না। শ্যামলা শ্যালিকার স্থান অধিকার করার রসিকতার মধ্যে এমন অনেক ইঙ্গিত থাকত যা ভদ্রোচিত বলা চলে না। শ্যামলা প্রকারান্তরে প্রতিবাদ জানাত, কিন্তু কপট প্রতিবাদে যে সঙ্কেত প্রকাশ পেত তাতে সমর্থনের আভাসই থাকত বেশি।

লক্ষ্মীকে সবচেয়ে বড় ঘর ছেড়ে দেওয়া হয়েছে। ঘরের সামনেই চওড়া বারান্দা। বারান্দার বাইরে ফুলের বাগান। আবেষ্টনী মনোরম হলেও, যার জন্তু ঘরের ভিতর আলো-বাতাস আর সুগন্ধের আয়োজন সে ই স্বাচ্ছন্দ্য সম্বন্ধে নিলিপ্ত। এই কারণে মহামায়াকে সব সময়েই দুষ্চিন্তা ঘিরে থাকত। তিনি জানতেন, লক্ষ্মীর রোগটি কি এবং তার পরিণতি কোথায়।

সেদিন হঠাৎ মহামায়া অসুস্থ হয়ে পড়লেন। নতুন শীতের আবির্ভাবে ঘরে ঘরে সর্দি, কাশী ও জ্বরের উপদ্রব শুরু হয়ে গিয়েছে। রোগের চলন্ত বীজাণু মহামায়াকেও ছাড়ান দিল না। মাথা ধরাটাই রোগের অগ্রদূত। লক্ষণ দেখে শ্যামলা মহামায়ার কাছে থাকতে চায়, কিন্তু সেবার প্রয়োজন থাকলেও তিনি বলেন, তা কি হয় রে পাগলী? তুই জামাই আর মেয়েটাকে দেখু। ক্ষুদে নাতির দুধ খাওয়ার সময় দাইকে বলিসু বোতলটা ভাল ক'রে ধুতে। না, না, তুই নিজে ধুয়ে দিস। ওরা বড় নোংরা।

নিত্য সঙ্কায়, ঘরে ঘরে ধুনো দেওয়া ও বাতি আলা শ্যামলার কাজ। ধুনোর পালা শেষ ক'রে, জামাইবাবুর ঘরে বাতি দিতে গিয়ে দেখে, তিনি বিছানায় শুয়ে পড়েছেন এবং নিজেই নিজের মাথা টিপছেন। ধুনো দেবার সময়ও ব'সে ছিলেন, এরই ভিতর কি হ'ল কে জানে? ঘরে আলো আসতে বিরক্ত হয়ে বললেন, ওটা আবার কেন, বড্ড চোখে লাগে, বাইরে রেখে দাও।

আলো অপসারিত হওয়ায় ঘর অন্ধকার হয়ে গেল। দরজার চৌকাঠে দাঁড়িয়ে শ্যামলা যন্ত্রণার কাতর ধ্বনি তুনেত লাগল। মানুষ যন্ত্রণায় অতটা অধীর হয়ে পড়লে সচরাচর লোকে কারণ জিজ্ঞাসা করে এবং উপশমের ব্যবস্থা সম্ভব হলে তাও করতে হয়। যখন তুনেত, বড্ড মাথা ধরেছে, তখন কিছু না ভেবেই জিজ্ঞাসা ক'রে ফেলল, মাথা টিপে দেব? কথাটা বলার সঙ্গে সঙ্গে শ্যামলার ভিতরটা ছ্যাকু ক'রে উঠল। প্রথম ধাক্কা সামলে নিতেই মনে হ'ল, এখানে বেশিক্ষণ থাকলে সে নিজেকে ধ'রে রাখতে পারবে না। অজ্ঞাত আশঙ্কা যেন তাকে শিথিয়ে দিল, স্মেলিং সল্ট্ আনার অহিলার এখান থেকে চ'লে যেতে পারে। কিন্তু মন চললেও পা চলে না। অন্ধকারের আড়ালে যে রহস্যময় আশঙ্কা লুকিয়ে ছিল, তাঁরও কি সম্মোহন ছিল একটা বিষধর সাপের দৃষ্টিতে যে সম্মোহন অসুভব করে তার চিকার?

শ্যামলার দেহ ও মনে তখন কাঁপুনি শুরু হয়ে

গিয়েছে। শ্যামলা সোঁকাঠের ওপাশে দাঁড়িয়ে ইতস্ততঃ করছিল। বোধ হয় উত্তরটা তার শুনে যাওয়া উচিত। খানিকক্ষণ পরে, বেদনাজড়িত কণ্ঠে জামাইবাবু বললেন, 'হ্যাঁ, তাই দাও। মাথাটি টিপেই দাও একটু, বড় বেদনা।'

শ্যামলা ধরে সন্ত্রস্তপদে জামাইবাবুর মাথার পিছনে গিয়ে দাঁড়াল। প্রাচীন চালের অতিকায় পালঙ্ক। শ্যামলা যেখানে দাঁড়িয়েছিল সেখান থেকে হাত বাড়ালে আঙ্গুলের ডগা দিয়ে কপাল ছোঁয়া যায় বটে, কিন্তু হাতের তেলো থাকে অনেকটা পিছিয়ে। ঘুরে আসতে হ'ল শ্যামলাকে। আর একটু নাগালের মধ্যে।

ঘটনা যখন নানা রঙে রঞ্জিত হয়ে গ্রামে প্রচারিত হতে শুরু হ'ল তখন মহামায়ার সছের সীমা অতিক্রান্ত হয়েছে। তিনি স্থির করলেন, দীনেশের সামনে বার হবেন এবং কামারহাটি থেকে তাকে বাইরে যেতে বলবেন।

সব কিছুর জ্ঞান প্রস্তুত হয়েই সেদিন দীনেশের ঘরে ঢুকলেন। দীনেশ তখন সহজ অবস্থায় ছিল না। মহামায়ার সঙ্গে সাক্ষাৎ পরিচয় না থাকলেও দীপ্তিপূর্ণ গৌরাসীকে চেনার কোন অসুবিধা হ'ল না। অর্ধশায়িত অবস্থায় দীনেশ তখন ধূমপান করছিল। মহামায়াকে ঘরে দেখে তাড়াতাড়ি ইঞ্জিচেরার ছেড়ে উঠে দাঁড়াল। সিগারেটের ছাই ফেলার জ্ঞান ভ্রাতাধার সামনেই ছিল কিন্তু মহামায়া অপ্রত্যাশিত ভাবে ঘরে ঢোকায় দীনেশ কিংকর্তব্যবিমূঢ় হয়ে গিয়েছিল। অলস সিগারেট হাতেই ধরা রইল।

মহামায়া আদেশ করলেন, বৈঠকখানায় এস, তোমার সঙ্গে কথা আছে।

ফাঁসীর হুকুম শোনার পর খুনে-আসামী যে ভাবে বধ্যভূমির দিকে অগ্রসর হয়, সেই ভাবে দীনেশ মহামায়াকে অহুসরণ করে বসবার ঘরে গেল।

বৈঠকখানায় যাবার সময় দীনেশের টলায়মান দাঁড়াবার ভঙ্গি দেখেও মহামায়া বিচলিত হলেন না। বললেন, বোস।

আদেশ পালিত হবার পর কিছুক্ষণ চুপ করে ছিলেন। ঐটুকু সময়ের মধ্যেই তাঁর মুখাবয়বের পরিবর্তন দেখা গেল। অটল পাহাড়ের উপর ঝড়ের পূর্বাভাস তখন নুস্পষ্ট হয়ে উঠেছে। ঝড়ের পূর্বে গুমট যেভাবে আলোড়নের আশঙ্কা প্রচার করে, সেইরূপ ঘরের ভিতরকার নিস্তরতা দীনেশকে ভারাক্রান্ত করে তুলল। মহামায়ার মত শক্তিশালিনী নারীর সান্নিধ্য লাভ ইতিপূর্বে

দীনেশের হয় নি। বেশীক্ষণ সে সহজ ভাবে বসে থাকতে পারল না, আপনা থেকেই মাথা নত হয়ে গেল। মহামায়া জিজ্ঞাসা করলেন, তোমাকে কি জানাতে চাই অহুমান করতে পার ?

বলাই বৃথা, ঘরে ঢোকায় আগে অহুমান অনেক কিছু গ'ড়ে তুলছিল, কিন্তু কোন্টা ঠিক, স্থির না করতে পেরে দীনেশ চুপ করে রইল।

মহামায়া বললেন, তোমাকে জড়িয়ে লোকে নানা কথা বলছে, লক্ষ্মী জানতে পারলে কি দারুণ আঘাত পাবে তা ভেবে দেখেছ কি ? ঐরূপ আঘাতে মেয়েটার যদি কিছু হয়ে যায় তা হ'লে শিশুর কি ছুর্গতি হবে কল্পনা করতে পার ? আমার শরীরে ঘুণ ধরেছে, ওপারে যেতে বেশী দিন নেই। নবগোপাল এখনও বিবাহ করে নি। করলে কি রকম বৌ আসবে বলা যায় না। নতুন বৌ যদি আমাদের অবর্তমানে ছেলেটার দিকে না তাকায় তা হ'লে সে যে জলে ভেসে যাবে, সে বিষয় ঘিমতের কিছু আছে কি ?

পিতা যে পুত্র সম্বন্ধে সম্পূর্ণ উদাসীন, ঐটুকু জানাবার দরকার ছিল তাই নাতির কথা তুলতে হ'ল।

নাতির ভবিষ্যৎ সম্বন্ধে আলোচনার পর মহামায়া আসল কথা বলার জ্ঞান কঠোর হয়ে উঠলেন। মনোভাব প্রকাশ করতে একটু সময় লাগল। বললেন, কলেঙ্কারীকে চাপা দিতে হলে তোমাকে কামারহাটি থেকে যেতে হয়।

আকস্মিক প্রস্তাব শুনে দীনেশ বিবেচনা করে দেখল, মেয়েকে শাসনের অধীনে রাখলে মাকেও জব্দ করতে কোন অসুবিধা হবে না। প্রবাদবাক্যেই আছে—কান টানলে মাথা আসে। দীনেশ উত্তর দিল, কলকাতায় গিয়ে থাকব কোথায় ? থাকার জায়গা যদি জোটে তা হলে লক্ষ্মীকেও সঙ্গে যেতে হয়। তার সঙ্গে শ্যামলাকে না নিলে সেবা করবে কে ?

মাহুষ এত নিলজ্জ বেহায়া ও নির্দয় হতে পারে মহামায়া কল্পনাও করতে পারেন নি। উত্তর দিলেন, শ্যামলার ব্যবস্থা আগেই হয়ে গিয়েছে। ওরা সকলেই কামারহাটি ছেড়ে চ'লে যাচ্ছে। যেখানে যাবে সেখানে ভালভাবেই থাকার ব্যবস্থা হয়েছে।

দীনেশ অবাক হয়ে জিজ্ঞাসা করে, ওদের ত নিজেদের বাড়ী, জমি সব ছিল, সেগুলি ছেড়ে চলে যাবে ? আপনি কি ওদের উচ্ছেদ করলেন ? আইন ত এইরূপ আচরণ মানবে না। তা ছাড়া বংশাহুক্রমে ধারা আপনাদের



আশ্রয় পেয়ে এসেছে তাদের হঠাৎ ভিটা-হারা করলে লক্ষীর কোনও অকল্যাণ হবে না ?

মুমূর্ষু রোগীর স্বামী হয়েও যে লোক সেবার দায়িত্ব নিজে নিতে চায় না, তারই মুখে লক্ষীর অকল্যাণের কথা শুনে মহামায়া বাস্তবিকই হেসে উঠলেন। সে হাসিতে শত বৃষ্টিকের বিবোধিারণ ছিল। বৃষ্টিক দংশনের আলায় দীনেশ অস্থির হয়ে উঠল। শ্যামলাকে বিতাড়নের খবর দীনেশের কাছে অসহনীয় হয়ে উঠেছিল। লক্ষীর মাথা ইতিপূর্বেই চর্কিত হয়েছিল, সুতরাং ওদিকে দৃকপাত না করে পুনরায় জিজ্ঞাসা করল, আমরা এখন

থেকে কামার পর শ্যামলা যদি গলে না যায়, দিনরাতের অস্ত্রে এইটি নাম রাখতে হয়। তাদের টাকার ব্যবস্থা নিশ্চয় আপনি করবেন ?

শান্ত এবং দূর ভাবে মহামায়া উত্তর দিলেন, লক্ষী এইখানেই থাকবে এবং সামনের সপ্তাহে শ্যামলার বিয়ে। ওর স্থান স্বামীর ঘরে।

শ্যামলার বিয়ে! এও কি সম্ভব ?

দীনেশের মুখ দেখলেই অহমান করা চলে, সে ভাবছে, অমন একটা চরিত্রহীন মেয়েকে বিয়ে করবে কে ?

## শিল্পী ও পৃষ্ঠপোষক

ডঃ আনন্দ কুমারস্বামী

অনুবাদ : সুধা বসু

### ১। সৌন্দর্য

প্রসঙ্গক্রমে নয়, স্বাস্থ্য-সৌন্দর্যের গূঢ় অর্থের প্রতি লক্ষ্য রেখেই যদি আমরা সৌন্দর্যের বিচারকর্ম স্বগিত না করে থাকি, তা হলে এর কারণ হ'ল এই যে, শিল্পকলার স্বাভাবিক আদর্শে কিছু নির্মাণের উদ্দেশ্য ও লক্ষ্যের মূলে কখনও সৌন্দর্যের প্রশ্ন উত্থাপিত হয় নি। কোন শিল্প-সৃষ্টির মূলে ও অন্তরালে সর্বদাই একটি উপলক্ষ্য থাকে ; যেমন তেমন করে, যা কিছু একটা রচনা করলেই হ'ল না। সর্বপ্রকার শিল্প-রচনার জন্মেই কোন বিশেষ বস্তু বা কোন রূপ নির্দিষ্ট থাকে। সদাশয়তার জায় সৌন্দর্য ও একটা অনির্দিষ্ট তত্ত্বমূলক বিষয়। কেহ হয়ত সাধাণভাবে কিছু সংকাজ ও স্মরণ কিছু রচনা করবার সঙ্কল্প করতে পারেন। পরিণতিতে তিনি কোন ক্ষেত্রেই হান্ত্যাম্পদ না হয়ে বরং 'আড়ষ্ট বা অভিজুত' এবং কিছু পরিমাণে 'সৌখিন' হয়ে উঠকেন। মানুষ কোন সং উদ্দেশ্যে কাজ করতে পারেন ; কিন্তু সদাশয়তা-চর্চার মানসেই সংকাজ করেন না। ঠিক এই আদর্শে বা এই রীতিতে একমাত্র উন্নাদ ব্যক্তিকে কিছু করার জন্মেই করে থাকেন অথবা, বলতে কিছু হবে বলেই বলে যান। অতি উৎসাহী পাচক নিছক রান্নার জন্ম রন্ধন কার্যটি করেন না ; তার মন জুড়ে ব'সে আছেন অতিথিবৃন্দ। সুতরাং একজন স্ব-স্বাভাবিক মানুষের কাজের অনুপ্রেরণা কোন

সৌন্দর্য্যাম্পূহা বা মনস্তাত্ত্বিক অভুষ্টিসম্মত নয়। এর মূলে থাকে পৃষ্ঠপোষকের প্রয়োজনমূলক বিশেষ কতক-গুলি নির্দিষ্ট সমস্তা। কেহ যদি নিজের বাড়ী স্বহস্তে নির্মাণ করেন তা হ'লে সে সমস্তা স্বকীয় ; আর যদি অন্য লোক কর্তৃক নিযুক্ত হয়ে করেন, তবে সে সমস্তা হবে সেই অপর ব্যক্তিটিরই।

কোন শিল্পী বা কোন বস্তুর নির্মাতাকে তাঁদের স্বকীয় রচনার সৌন্দর্য্য আলোচনা করতে বিশেষ শোনা যায় না। যিনি স্রষ্টা, তাঁর ভাবটি হ'ল যে, কোন রচনা হয়ত ভাল হয়ে সঠিক রূপটি পেতেও পারে ; না হয়ত খারাপ হয়ে ব্যর্থ সৃষ্টিতেও পর্য্যবসিত হতে পারে। সহজাত কলাকৌশল বৃষ্টির পরিচায়ক হচ্ছে সরল সাদাসিধেভাবে ও সম্পূর্ণরূপে একটি ভাল কাজকে সঠিকভাবে সম্পন্ন করা। কোন জিনিষ অনিপুণভাবে নির্মিত হ'লে শিল্পী উহাকে 'আকৃতিবিহীন' আখ্যা দিতে পারেন। এর অর্থ হচ্ছে যে, মূল পরিকল্পনাটি অজ্ঞতাসূচক অথবা, কোন প্রকারে জোড়াতালি বা গোঁজামিল দিয়ে জিনিষটিকে দাঁড় করান হয়েছে! শিল্প বস্তুর যুগপৎ দু'টি গুণ থাকা চাই। একটি হ'ল চোখকে তৃপ্তিদানের ক্ষমতা ; আর দ্বিতীয়টি হ'ল প্রকৃতি উদ্দেশ্য সাধনের উপযুক্ততা। কিন্তু যিনি দার্শনিক, তিনি এসে মস্তব্য করেন যে, শিল্পীর রচনাটি বেশ স্মরণই হয়েছে। একবার উত্তরে শিল্পী

বলে উঠলেন—“আপনার যে পছন্দ হয়েছে এতেই আমি ধুশী।”

এখন দার্শনিকের মতামতটি বিচার করা যাক। তিনি তাঁর পরিবেশের অন্তর্ভুক্ত জিনিস বা হয়ত স্বকীয় ভাবেই সুন্দর ও অসুন্দর দুই-ই, উহাদের মত এই আলোচ্য বস্তুটিকেও একই দৃষ্টিভঙ্গিতে বিচার করেছেন অথবা একই দৃষ্টিতে দেখেছেন। শিল্পকলার যেমন একটি বিশ্বজনীন ধারাবাহিক রীতি আছে, তেমনি সৌন্দর্যেরও একটা চিরাগত আদর্শ আছে এবং তা যে কোন জিনিস প্রসঙ্গেই প্রযোজ্য। দার্শনিকের জিজ্ঞাসা হ'ল,— “সৌন্দর্য বলতে কি বোঝায়?” গুণ হিসেবে উহা এমন দু'টি বস্তুর মধ্যে একই মাত্রায় প্রকটিত হতে পারে যে, সেই বস্তু দু'টি হয়ত সম্পূর্ণ স্বতন্ত্র প্রকৃতির ও ভিন্নধর্মী। দার্শনিক বস্তুর সন্ধানী নন, তিনি হলেন মূলতঃের সাধক। দার্শনিকের সৌন্দর্যাদর্শ সাধারণ মানুষের পছন্দ-অপছন্দ ও ভালমন্দ বিচারের অসুবস্তী নয়। অগাষ্টাইন বলেছেন যে, এমন কতক মানুষ আছেন যারা অঙ্গ-বৈকল্যই পছন্দ করেন। আকৃতিগত বাহ্য সৌন্দর্যের মধ্যে কিছু চিন্তাকর্ষক, না হয় অপ্রীতিকর কিছু থাকবেই (প্রত্যেক মানুষেরই বিশেষ প্রিয় রং, আকৃতি এবং গঠন-পদ্ধতির প্রতি বিশেষ ঝোঁক বা প্রবণতা থাকে) অথবা, উহার সঙ্গে সাদৃশ্যের ফলে অল্প এমন জিনিস মনের মধ্যে জেগে উঠবে, যা হয়ত স্বকীয় ভাবেই আকর্ষণীয়ও হতে পারে, আবার বিরক্তিকরও হতে পারে। অর্থাৎ উহা এমন এক ব্যক্তির প্রতিকৃতি চিত্র, যাকে হয়ত আমি শ্রদ্ধা করি ও ভালবাসি, আবার তিনি হয়ত আমার ঘৃণার পাত্রও হতে পারেন। এই জাতীয় ব্যাপারে আমাদের বিচার-পদ্ধতি চলে পক্ষপাতিত্ব অথবা অভ্যাসের বশবস্তী হয়ে। যখন আবার বিভিন্ন দিকে আমাদের সহানুভূতির মাত্রা বৃদ্ধি এবং রুচিজ্ঞান উন্নত হওয়া বাঞ্ছনীয়, তখনও উহা সৌন্দর্য্যগত না হয়ে, কড়াকড়িভাবে নৈতিক ব্যাপারে হয় পরিণত। তখন আর উহার শিল্পকলার জ্ঞানগত বা বুদ্ধিদীপ্ত বৈশিষ্ট্য বা মূল্য সম্বন্ধে কিছু করণীয় থাকে না। আমরা যদি ঐ পর্য্যন্ত পৌঁছেই বিরত হই, তবে আমরাও তাঁদের পর্য্যায়ভুক্তই হ'ব যাদের প্রসঙ্গে প্লেটো বলেছেন, “মনোরম বর্ণালী দেখ, আর মধুর ধ্বনিসমূহ শোন, কিন্তু কোন প্রত্যক্ষ চাক্ষু্য রূপের অস্তিত্বকে স্বীকার ক'রো না।”

এই সকল বিষয়-বহির্ভূত একটা বুদ্ধিবৃত্তিগত সৌন্দর্যের অস্তিত্বও রয়েছে যা কোন প্রকারেই পছন্দ অপছন্দের গণ্ডিতে সীমিত নয়। এই জাতীয় সৌন্দর্য

বাহ্য আকার ও নৈতিক দিকে অকৃতিকর বস্তুর মধ্যেও প্রকটিত হয়ে আনন্দদায়ক হতে পারে; যেমন একখানি সুন্দর গড়নের অস্ত্রের মধ্যে একজন শাস্তিবাদী মানুষের এবং একটি নগ্নদেহের প্রতিক্রমের অস্তরে কোন সম্মাসীর সৌন্দর্য্যানুভূতি বা সৌন্দর্যের সন্ধান প্রাপ্তি।

কোন বস্তুর ‘সৌন্দর্য’—এই কথাটির অর্থ হ'ল কোন সুষ্ঠু কাজ বা কোন রূপের উত্তম বিভাগ। কোন বস্তুর বাস্তবিকতা ও তাৎপর্য্য অনুসারেই সৌন্দর্যের বিচার হয়ে থাকে। মূল্য বিচারের ক্ষেত্রে সব জিনিসেরই একটা স্বকীয় স্বাতন্ত্র্য আছে। অর্থাৎ ধ'রে নিতে হবে যে, দু'টি জিনিসই স্বতন্ত্রভাবে নিখুঁত এবং একটি অপরের ন্যায়ই সুন্দর। যেমন, একটি হিপোপটেমাস একজন মানুষের মত এবং একটি চক্র একটি গীর্জার মতই স্ব স্ব ক্ষেত্রে ও স্বকীয় অভিব্যক্তিতে সুন্দর। সমগ্র বিশ্বপটের সৌন্দর্য্য এই সকল বস্তু ও প্রাণীর সমগ্রয়ে ও সমাহারে রচিত। এবং প্রতিটি অংশ ও বস্তুসামগ্রী স্বতন্ত্র রূপে ও স্বকীয় ভাবেই কেবল সুন্দর হতে পারে; অর্থাৎ উহার বিশেষ নির্দিষ্টরূপে অথবা রীতিসিদ্ধ ভাবেই সুন্দর। নিছক রীতিবিরুদ্ধ যা—তাই-ই কুৎসিত ও অসুন্দর। একটি নিখুঁত সাদাসিধে সরল প্রকৃতির জিনিসও সুন্দর হতে পারে, কিন্তু একটি রূপবিহীন অসুন্দর বস্তুতে শত অলঙ্কার যোজনা করেও তাকে সুন্দরের কোঠায় উন্নীত করা যায় না। যৌক্তিকতা রক্ষা ক'রে, ভালভাবে ও সত্যরূপে যা কিছু নির্মাণ করা যায়, তাই-ই সুন্দর বলে হয় পরিগণিত।

এই সৌন্দর্যের তত্ত্ব, বা রুচি-প্রবৃত্তির উপরে নির্ভরশীল নয়, তা ব্যাখ্যাত হয়েছে এইরূপে:

চরমোৎকর্ষ অথবা যাথার্থ্য; সামঞ্জস্য অথবা সুর-সঙ্গতি হ'ল সমগ্ররূপের এক-একটি অংশ বিশেষ এবং এক-অপরের পরিপূরক। আর ঐচ্ছল্য অথবা স্পষ্টতাগুণ আনে বোধগম্যতার ভাব। এর সবকয়টি বিষয়ই সৌন্দর্য্য বিচারের ভিত্তিস্বরূপ, বিশেষতঃ উহা যখন চাক্ষু্যভাবে প্রত্যক্ষীভূত নয়।

উৎকর্ষ, নিখুঁতভাব অথবা সত্যের পরিমাপ হয় সেই নির্দিষ্ট বস্তু এবং উহা রচনার পূর্বে এবং পরেও শিল্পীর মনে ঐ সম্বন্ধে যে ধারণা উদ্ভূত হয়েছিল—এই ছয়ের সময়ের ভিত্তিতে। এই প্রসঙ্গে বুদ্ধিদীপ্ত সৌন্দর্য্য হচ্ছে বিশেষ কোন যোগ্যতা বা প্রবণতারই সামিল। ইহা কেবলমাত্র বস্তুর কার্যকারিতাগুণের মধ্যেই নিহিত থাকে না; ইহাচারাই শিল্পের প্রকৃতি ও উদ্দেশ্য হয় প্রকাশিত। ইহা সাধারণভাবে কোন

অভিযোজন নয়; প্রত্যক্ষভাবে উপযোগিতা বৃদ্ধির  
একটি প্রণালী।

সুসঙ্গতি বা সামঞ্জস্য হ'ল বিভিন্ন অংশ বা অঙ্গ-  
অবয়বকে সুশৃঙ্খলরূপে স্থাপনা ও সংযোজনা। যেমন  
একখানি মুদ্রিত পৃষ্ঠায় বিবরণবস্তুর ও সাদা কিনারাসমূহের  
বিস্তার এবং উহার আনুপাতিক মাপজোখ; অথবা,  
একটি গীর্জার অভ্যন্তরে জনসমাবেশের স্থান ও  
দেওয়ালের পার্শ্বস্থ উয়ুক্র স্থানের মধ্যস্থ ব্যবধান।  
শিল্পনিসঙ্গত ধারাবাহিক শাস্ত্রগ্রন্থরাজির প্রধান অংশ-  
সমূহে লিপিবদ্ধ আছে শিল্পের উপাদান নির্বাচন ও  
উহা নির্ধারিত নির্দেশাবলী এবং বিভিন্ন প্রকৃতির সম্ভাব্য  
বস্তুর উপযুক্ত মাপজোখ, রূপারোপ ও সামঞ্জস্য  
বিধানের সূত্রাবলী। এই নির্দেশসমূহ স্থিরীকৃত হয়েছে  
ছ'টি বিশেষ সহায়তায়। একটি হ'ল সৃষ্ট বস্তুর স্থূল ও  
প্রত্যক্ষ বার্য্যক্রমী কনতা; আর দ্বিতীয়টি হ'ল আদর্শ-  
বানিত্যের নিক্ত অর্থাৎ বিশ্বরহস্যের সৃষ্টিমূলক সম্বন্ধকে  
সচেতনভাবে অনুকরণমূলক। এই সমানুপাতের  
ধারানিচয় একই বস্তুতে সম্মিলিত হতে পারে এবং ইহা  
এমন একটি মতের উপর নির্ভরশীল যা দীক্ষাগ্রহণের  
বা অনুপ্রেরণালাভের ব্যাপারে পূর্ক থেকেই পরোক্ষভাবে  
যোগযুক্ত। আর সমগ্র বিশ্বরহস্য একটি সাধারণ  
ভিত্তিগত সমানুপাতের উপরে প্রতিষ্ঠিত। এই সমানুপাত  
বা সামঞ্জস্য বিশ্বপ্রকৃতির সমুপযুক্তই এবং উহার আভাস  
প্রকৃতির প্রতিটি অঙ্গ-অবয়বে সম্পূর্ণ বিদ্যমান।  
সুপরিষ্কৃতভাবে সৃষ্টিরহস্যমূলক ভাবযোজনা—গীর্জা  
বা মন্দির স্থাপত্যের মত যে কোন ধর্মমূলক শিল্পেরই  
বিশিষ্ট লক্ষণ।

ঔজ্জল্য মূলগত জিনিস হ'লেও প্রকৃত সৌন্দর্যের  
ক্ষেত্রে ইহা তত গুরুত্বপূর্ণ নয়। চিত্রায়িত বিশ্লেষণ ও  
বিচার পদ্ধতিতে আলো, বর্ণবিস্তার, ঔজ্জল্য, সমারোহ  
প্রভৃতি বাস্তবিকপক্ষেই সম্ভবতঃ সৌন্দর্যের প্রধান অঙ্গ;  
এবং এই অর্থেই উহা প্রধান, যেমন বলা হয়—পুস্তকস্থ  
চিত্রমালায় মনোহারিত্ব, ভাষায় চন্দ্রকারিত্ব, অথবা  
ভাবাদর্শের স্বচ্ছতা এবং কোন গ্রন্থকারের বক্তব্যের  
প্রাঞ্জলভাব ইত্যাদি ঔজ্জল্য সম্বন্ধে আধুনিক দৃষ্টিভঙ্গির  
সঙ্গে এর কোন সম্পর্কই নেই। আজকাল ঔজ্জল্য অর্থে  
বাস্তবিক বা সাধারণ মানুষী আলোর অন্ধারী বা স্বল্পস্বারী  
প্রভাবের কথাই ধরা হয়; অর্থাৎ বিশেষ ধরণের আলোর  
প্রভাবে বস্তুর য কোনটি প্রতিভা হয়। পরম্পরাগত  
শিল্পে বাস্তবিকই এই অর্থে ঔজ্জল্য সৃষ্টি কখনও হয় না।  
সেখানে বস্তুর ঘনমা ও কাঠিন্য সম্পূর্ণরূপে প্রকাশিত

হয়ে থাকে বিমূর্ত আলোর সাহায্যে। সৌন্দর্য প্রকাশনার  
ঔজ্জলভাব ও স্পষ্টতা হ'ল বুদ্ধিদীপ্ত আলোর মত বা  
শিল্পবস্তুর সমানুপাতিক অংশ সমূহকে তোলে আলোকময়  
ক'রে। এ হ'ল সেই বিশেষ ধরণের দীপ্তি যার অন্তরে  
রয়েছে রূপ হ'তে রূপান্তরের ব্যঞ্জনা বা ইঙ্গিত। এ হ'ল  
সেই দস্তুরমাতিক রীতিসিদ্ধ আলো, যার ধারা অনুসরণ  
করেই রূপ গ্রহণ করেছে শিল্প বস্তুটি; আর এই শিল্পে  
সমাবিষ্ট উপাদানের মাধ্যমেই এখন আলো হচ্ছে বিকীর্ণ।  
এই পদ্ধতিতেই আলোকে দেহের একটা অঙ্গ বা অংশরূপে  
বিবেচনা করা হয়। দীপ্তি বা প্রভাই হ'ল স্বাস্থ্যের  
বর্ণালি এবং কোন বিষয় অথবা বস্তুর উৎকর্ষ। যখন  
কোন কিছু অস্বনিহিত সত্ত্বা স্বতঃস্ফূর্ত ভাবে বিকশিত  
হয়, তখন উহা যে জাতীয় জিনিসই হোক না কেন, তা  
হয়ে ওঠে ঔজ্জল ও দীপ্তমান।

আমাদের এই অভিজ্ঞতাই হয়েছে যে, জিনিসটি যে  
ধরণেরই হোক না কেন, যদি নিখুঁতভাবে নির্মিত হয়,  
তবে উহার উপাদান ইত্যাদির প্রশ্ন ব্যতীতই উহা  
সুন্দরের ধোঁঠায় স্থান অধিকার করবে। আমরা আরও  
উপলব্ধি করেছি যে, কোন জিনিসের সৌন্দর্য যেন একটা  
আকস্মিক ঘটনা এবং উহা ঐ বস্তুর অস্তিত্বের কারণ-  
সম্ভাত নয়। তা হ'লে সৌন্দর্য কিসের জন্ত? উত্তরটি  
বেশ মানুষী ও নির্দিষ্ট প্রকৃতির। সৌন্দর্য হ'ল আনন্দের  
উৎস। তবে ইহা কেবল নিজের মধ্যেই পর্য্যবসিত  
থাকে না; পরন্তু বিশেষ কর্মাদর্শের অনুপ্রেরণাও বটে।

সৌন্দর্য আমাদের আকর্ষণ করে না; যা সুন্দর তার  
প্রতিই আমরা আকৃষ্ট হই। সৌন্দর্য হ'ল অনুভবের  
জিনিস। তবে উহার মাধ্যমেই কোন বস্তু সম্বন্ধে জ্ঞান  
বা অভিজ্ঞতা লাভ করা যায়। সৌন্দর্য হচ্ছে সত্যের  
এমন একটি বিশিষ্ট অঙ্গ যার প্রভাবে আমরা সত্যের প্রতি  
আকৃষ্ট হই। অলঙ্কার শাস্ত্রের কাজ ও গুণই হ'ল  
ভাষাতে সৌন্দর্য-সমূহ করণ। কেবল নিজের মানসে  
স্বকীয় বক্তব্য ব্যক্ত করাই নয়। অধিকন্তু বক্তব্যের প্রতি  
আমাদের আকৃষ্ট করা। কোন শ্রেষ্ঠ প্রাভাবান শিল্পী  
নিছক আনন্দরানের উদ্দেশ্যেই কোন শিল্প সৃষ্টি করেন না;  
বরং মানুষের ক্রটি প্রবৃত্তিকে সুপরিচালনার মানসে করে  
থাকেন। দাস্তে যেমন নিছক সাহিত্য রচনার উদ্দেশ্যেই  
উঁর 'ডিংহাইন কমেডি' রচনা করেন নি; তিনি নিজেরই  
আমাদের সন্দেহ নিরসন করে বলেছেন যে, এই গ্রন্থখানি  
রচনার মূলে আদর্শটি সম্পূর্ণ বাস্তবধর্মী, অর্থাৎ তিনি জন-  
সমাজকে দুঃখ-হর্দগামুক ক'রে আনন্দময় জীবনের দিকে  
পরিচালিত করণের মানসেই উহা রচনা করেছিলেন।

এই অর্থে প্রত্যেকটি বাস্তবিক রূপের খাঁটি শিল্পকর্মই হচ্ছে নীতিগর্ভ ও শিক্ষাপ্রদ। কোন শিল্প নিদর্শনের অন্তর্স্থিত ভাব-সম্পদকে উপেক্ষা করে কেবলমাত্র উহার রচনারীতি ও আংশিক পদ্ধতিকেই যদি প্রশংসা করা হয়, তবে ভাবগম্ভীর-চিন্তাশীল শিল্পী সর্বাপেক্ষা অধিক ক্ষুব্ধ হন। পূর্বে যেমন বলা হয়েছে যে, পুডিং-এর উৎকর্ষ বিচার করা যেতে পারে উহাকে খাণ্ড হিসেবে গ্রহণ করেই। কিন্তু যে মানুষ একমাত্র সাহিত্যিক মূল্য ও তাৎপর্যের জন্তেই বই পড়েন, অথবা কোন চিত্রপটের বর্ণালির মধ্যেই যে চিত্রসত্ত্বা নিহিত থাকে না, তাকে উপেক্ষা করে, বাহ্য সৌন্দর্য্যই মাত্র বিচার করে থাকেন, তাঁকে তুলনা করা যায় এমন ব্যক্তির সঙ্গে যিনি একটি কেক সম্পূর্ণ হজম করবার শক্তির অভাবে উহার উপরিভাগের মিষ্টি আবরণটিই আনন্দন করেন।

স্বাভাবিক-পন্থা শিল্পীর মুখ্য উদ্দেশ্য হ'ল শিল্প দ্রব্যটিকে স্পষ্টরূপে গড়ে তোলা। তিনি কিছু সঞ্চিত না রেখে স্বীয় ভাবভাণ্ডারের সমগ্র উজ্জ্বল করে দিয়ে থাকেন সেই শিল্পটির ভাবসম্ভার রূপায়নে। সে শিল্পী কখনও তাঁর রচনাকে স্বীয় নামাঙ্কনে চিহ্নিত করেন না, অথবা যে নির্দিষ্ট স্থানের উপযোগী করে এবং যে উদ্দেশ্যে উহা রচিত, তার বাইরে কোথাও উহা প্রদর্শনেরও ইচ্ছা পোষণ করেন না।

মিউজিয়াম সংগ্রহশালাসমূহে স্থান অধিকার করে শিল্পরাজিকে প্রদর্শনের যে উচ্চাভিলাষ, এর অপেক্ষা আধুনিক শিল্পের অসারতা ও বাস্তবত্বের অধিক প্রমাণ আর কি হতে পারে! স্মরণ জিনিষের অহুঁসুগীদের সঙ্গে স্বাভাবিক শিল্পী সহযোগিতা করবেন না অথবা তাঁদের উদ্দেশ্যে কিছু রচনা করতে নারাজ এমন কথা নয়। তবে তাঁর সম্মুখে মুখ্য আদর্শ রয়েছে জিনিষের ব্যবহারিক উপযোগিতা। স্বাভাবিক শিল্পী হলেন সর্বাপেক্ষা অধিক বাস্তববুদ্ধিসম্পন্ন একজন মানুষ। একজন সৈনিকের প্রতি তাঁর মনোভাবটি কল্পনা করা যাক। সৈনিকটির জন্তে হয়ত তিনি চমৎকার একখানি তরবারি প্রস্তুত করে দিলেন। আর সেই সামরিক মানুষটিও দিবারাত্র তরবারিখানির প্রশংসায় পঞ্চমুখ। কিন্তু উহাকে কাজে লাগানর কোন চিন্তা ও চেষ্টা তাঁর একেবারেই নেই। তখন শিল্পীর মনের ভাবটি কি হয়? একখানি মূর্তি বা প্রতিমা রচনার ব্যাপারেও শিল্পীর মনোভাব ঠিক অহুঁসুগ ধরনেরই। শিল্পীর কর্তব্যই হ'ল প্রতিমাখানিকে স্পষ্টরূপে নিখুঁত ভাবে গড়া এবং তিনি স্বভাবতই আকাঙ্ক্ষা করবেন যে, ক্রেতা বা পৃষ্ঠপোষকের

উহা ব্যবহারের বিধি-নির্দেশও জানা থাকবে। এই প্রসঙ্গে সৌন্দর্য্যতত্ত্ববিদ, যিনি শুধু সংগ্রহশালার দ্রব্য-সম্ভারের আলঙ্কারিক উপযোগিতা অর্থাৎ সংগ্রহাগারের মর্যাদাবৃদ্ধি ও সৌন্দর্য্যসাধনে উহার সার্থকতা বিচার ও বিশ্লেষণেই ব্যস্ত, তাঁর তুলনার মূর্তি প্রতিমার তত্ত্ব ও পরিবেশ সম্বন্ধে একজন শুদ্ধ পূজারীর জ্ঞান ও অভিজ্ঞতা অনেক বেশী সুগভীর। শিল্পসংগ্রহকারীকে বাবুইপাখীর সঙ্গে তুলনা করা যেতে পারে। কারণ ঐ পাখীরাও যে খড়কুটা দ্বারা বাসা বাঁধে, তার প্রকৃতি না বুঝে, না জেনেই উহা সংগ্রহ করে যায়। প্রাচীন এবং প্রাচ্য-শিল্পের তত্ত্বাংশমূলক আলোচনার অধিকাংশই এই অর্থে সুকুমার শিল্পের প্রতি ভাবালুতাময় অহুঁসুগমূলক।

### ৩। সত্য

শিল্পকলায়-নিহিত বুদ্ধিবৃত্তি-সংক্রান্ত মূল্য ও তাৎপর্য্য ইন্দ্রিয়গ্রাহ্যও নয়, সাদৃশ্যমূলকও নয়; বরং ভাবব্যঞ্জনার্থক। বর্ণনরীতির উৎকর্ষ, ঔজ্জ্বল্য বা স্বচ্ছতা অথবা সৌন্দর্য্যের প্রভাবেই মানুষ উহার বিষয়বস্তুর দ্বারা আকৃষ্ট ও আচ্ছন্ন হয়। আমাদের জন্ম শিল্পের কিছু করণীয় নেই; বরং উহাকেই আমরা প্রয়োজনানুযায়ী ব্যবহার করতে পারি। কোন শিল্পের মূলগত উদ্দেশ্য ও লক্ষ্যকে উহার মধ্যে সীমিত মনে করা, বিষয়বস্তু ও ব্যবহারিক কার্যকারিতার মধ্যেই উহার আদর্শকে পর্য্যবসিত হতে দেওয়া, অর্থ-প্রকাশনার ক্ষেত্রে উহাকে স্বকীয় অর্থে পরিপূর্ণ বিবেচনা করা এবং উহার স্বরূপ কি, উহা নির্মিতের প্রকৃত কারণ অহুঁসুগান না করা হ'ল কঠোর প্রকৃতির মনস্তত্ত্ব, পৌত্তলিকতাবাদ অথবা আদিমভাবাপন্ন জড়বস্তু বা মূর্তি পূজাপদ্ধতির আদর্শসম্মত। শিল্পপ্রিয় মানুষনাতাই প্রতিমাপূজক।

দেখা যাচ্ছে যে, সবরকম শিল্পই অহুঁসুগবাদী বা সাদৃশ্যবাদী। তবে সে সাদৃশ্য বস্তুর আকৃতি বা রূপ সম্বন্ধেই প্রযোজ্য। একরূপ কল্পনা স্বতন্ত্র সম্ভার প্রত্যক্ষীভূত হওয়ার জিনিষ নয়। এ হ'ল শিল্পীর অহুঁসুগিত চেতন-সম্ভার মতই তাঁর বুদ্ধিবৃত্তি নিচয়ের একটি বিশেষ প্রকাশ-ভঙ্গি। এই জন্মই মনীষী দাস্তে বলেছেন যে, কোন শিল্পীই (চিত্রকর) কোন মূর্তি রচনায় সফল হতে পারেন না যদি তিনি সূর্য্যোস্ত্রে মূর্তিখানির যে রূপটি পরিগ্রহণ করা উচিত—তার সঙ্গে নিজেই একাত্ম করে নিতে না পারেন। ভারতের চিত্রশিল্পীকেও অহুঁসুগ ভাবে প্রতিটি বিষয়ে তাঁর শিল্পরূপের ভাবকল্পনার সহিত একাত্ম হতে হয়। এর ফলে শিল্পী আর বলতে পারেন না যে, তিনি



তথু দেখছেন ; বরং তিনি বলবেন যে, তিনি স্বয়ং ঐ ভাবাপন্ন হয়ে উঠেছেন। প্লোটাইনাসও ঠিক এই রকমই বলেছেন—“শিল্পী তাঁর দিব্যদৃষ্টির সহায়তায় আদর্শরূপ সংগ্রহ করছেন বটে, কিন্তু তাঁর নিজস্ব সত্তাই অব্যক্তভাবে ও প্রচ্ছন্নরূপে উহার মধ্যে বিরাজমান।” যখন এই কাজটি সমাপ্ত হয়, তখনই কেবল শিল্পের বিষয়বস্তু চাক্ষুষভাবে অস্বকরণীয় রূপে তাঁর দৃষ্টিপথে আবির্ভূত হয়। অস্বরূপ একটি সম্ভাব্য ধ্যানকল্পনার সাহায্যে শিল্পেমূর্ত দেই বিষয়বস্তুতেও প্রতিগমন করা যায় ; অর্থাৎ যে বিষয়বস্তু ঐ সাদৃশ্যে মূর্তি গ্রহণ করেছে। এইরূপেই সমস্ত ঐতিহ্যবাদী শিল্পের ভিত্তি স্থাপিত হয়েছে একটি যথাযোগ্য প্রতীকবাদ দ্বারা। আর বাস্তবিকপক্ষে ইহা শিল্পের একমাত্র সাধারণ ভাষা। এই জাতীয় একই প্রকারের প্রতীকমালা যুগে যুগে সমগ্র পৃথিবীব্যাপী হয়েছিল পরিব্যাপ্ত। এ হ'ল একটি বিধিবদ্ধ মূর্তিতত্ত্বকে প্রকৃতপক্ষে অস্বীকার করল। আধুনিক শিল্পের শিথিলতাব ও পরিবর্তনশীলতার মূলেও রয়েছে এই মূর্তিবাদের প্রভাব এবং উহার কোন সাধারণ আবেদন ও প্রয়োজন নেই। আর বাস্তবিক সেই সেই ধরনের মানুষেরাই একমাত্র এ জিনিষটির মূল্য দান করেন, যারা ব্যক্তিত্বের বিকারপ্রাপ্তির পক্ষপাতী এবং উহাতে আরও হন।

শিল্পে মৌলিকত্ব সম্বন্ধে মধ্যযুগীয় শিল্পী সম্প্রদায়ের যে ধারণা, তা আমাদের আদর্শ থেকে সম্পূর্ণ বিভিন্ন। এখন সেখানে অপরের লেখা রচনা ইত্যাদি নিজের নামে প্রকাশনার সর্ববিধ উপায় আইনের সাহায্যে নিষিদ্ধ ও বন্ধ হয়েছে, সেখানেও পরম্পরাগুণ শিল্প শুরু থেকে শেষ পর্যন্ত ঐ দোষে দোষী ; অর্থাৎ যেন একই রূপ, একই আদর্শের ধারাবাহিক হবহ অস্বকরণ বা জাবরকাটা চলেছে। ঐতিহ্যবাদী পরম্পরাগুণ শিল্পী বা চিহ্নাশীল মানুষের চরম আকাজকা হচ্ছে একমাত্র মৌলিক শক্তির অধিকার লাভ করা এবং তাঁর আরও চেঁচা হ'ল খাঁটি মানুষ ও সত্যের প্রকৃত সাধক হওয়া। স্বাভাবিক পরিবেশে উচ্চস্তরের মার্জিত চাক্ষুশিল্পের সঙ্গে লোকশিল্পের যা প্রভেদ, তা হ'ল প্রথমোক্তটির কতক পরিমাণে এবং আপেক্ষিক অসরল, কৃত্রিমতাপূর্ণ জটিলতাবের জন্ম ; তা ছাড়া রীতিপদ্ধতি বা আঙ্গিকে কোন পার্থক্য নেই। “এমন একটি সামাজিক পরিবেশের কথাই এখানে আলোচিত হ'ল যেখানে খাঁটি জাতীয়-ভাবাপন্ন এবং জনপ্রিয় কবিতাবলী হয় রচিত, যেখানে জনসমাজ বিভিন্ন রাজনৈতিক আদর্শদ্বারা গোষ্ঠী বা

দলবদ্ধ নয় ও পৃথিব্যগত একটি সংস্কৃতির প্রভাবে যেখানে মানুষ উল্লেখনীয় শ্রেণী সম্প্রদায়ে বিভক্ত হয় নি এবং এর ফলে ভাবধারা ও মনোবৃত্তির মধ্যে এমন একটা সমন্বয় সাধিত হয়েছে যাতে সমগ্র জনসমাজ যেন রূপান্তরিত হয়েছে একটি সম্ভায়। এই পরিবেশে শিল্পকলা সর্বদাই হয়ে ওঠে একটি সমষ্টিগত হৃদয়মনের একক অভিব্যক্তিরূপ। কখনই উহাতে কোন ব্যক্তি-সম্প্রদায়ের বিশেষ ব্যক্তিত্ব আরোপিত হতে পারে না। একেত্রে গ্রন্থকার বা শিল্পকার কাহারও কোন ব্যক্তি-স্বাতন্ত্র্যের প্রশ্ন জড়িত নয় এবং ইহা কোন আকস্মিক ঘটনাও নয় ; বরং যুক্তি সহকারেই সিদ্ধান্ত হয়েছে যে, তাঁরা (শিল্পী ও স্রষ্টা) অনান্দীরূপেই রয়ে গেছেন আমাদের কাছে ; অর্থাৎ নিজেদের নাম-পরিচয় প্রচ্ছন্ন রেখে সৃষ্টিসমূহের মাধ্যমেই তাঁরা তাঁদের অস্তিত্ব বজায় রেখে চলেছেন” (চাইল্ড)। জীবিতকালে অবশ্য স্বীয় নামে পরিচিতি লাভের বিশেষরকম সুরিধে রয়েছে। কিন্তু মৃত্যুর পরে প্রত্যেকে অবশ্যই তাঁর সৃষ্টি, তাঁর কর্মপ্রণালী ইত্যাদির মধ্য দিয়ে পরিচিত হয়ে থাকতে চান। তবে সেই সৃষ্টিরাজির মধ্যে যা কিছু তাঁর নিতান্ত ব্যক্তিগত থাকবে, তাই-ই হবে সর্বাপেক্ষা নিরর্থক বা অধিক অর্থহীন। লোকশিল্পী অথবা, অন্য যে কোন ঐতিহ্যবাদী কারুকুণ, যিনি বংশানুক্রমিক ভাবে একই নক্সা-প্যাটার্নের পুনরাবৃত্তি করে যাচ্ছেন, তিনি জ্ঞাত নন যে, উহার মধ্যে সর্বদাই কি ধীরগতিতে আঙ্গিক পদ্ধতির পরিবর্তন প্রবাহ চলেছে এবং তাঁর অজ্ঞাতসারে স্বকীয় ব্যক্তিসত্তারও কি অভিব্যক্তি ঘটেছে। আর তিনি, যে সকল শিল্পীর রূপকল্পনা প্রত্যক্ষ অভিজ্ঞতালব্ধ ও নেহাৎ ব্যক্তিগত প্রেরণামূলক, তাঁদের তুলনায় অধিকতর উচ্চ পর্যায়ে উন্নীত হয়ে অবিরাম গতিতে করে চলেছেন সৃষ্টিকর্ম। ঐতিহ্যানিষ্ঠ শিল্পী অন্তরে হলেন তাঁর ব্যক্তিগত রচনারীতি অপেক্ষা অনেক বেশী বিস্তৃত ও গভীরভাবাপন্ন এবং চরম বিশ্লেষণমূলক বিচারেও তাঁর চাক্ষুষ অভিজ্ঞতার তুলনায় তাঁর স্বকীয় ভাবধারা অধিকতর গভীর। কারণ, ধারাবাহিক রীতির শিল্প মানুষের সৃষ্টিরহস্যের চেয়েও উচ্চস্তরের এবং পর্যাপ্ত পরিমাণে প্রতীকতন্ত্রের অন্তর্ভুক্ত। কিন্তু অধ্যাপক মোরে বলেছেন, “সত্য থেকে সৌন্দর্যের এরকম অস্বভাব্য বিচ্ছিন্ন হওয়ার ফলে যে পশুতরীতি সতের শতক থেকে পরম্পরাক্রমে চলমান, তাকে খ্রীষ্টধর্মমূলক শিল্পের পর্যায়ভুক্ত করা খুবই মুশ্কিল। কারণ এই শিল্পরীতি সাধারণ মানবমনের

উদ্দেশ্যের কোন ভাবধারা হ'তে কিছুই প্রেরণা লাভ করে নি।”

এমন কি সাধারণভাবে যখন প্রতীকের অর্থ অবলুপ্ত-প্রায়, তখনও ঐ রীতিতে উহার প্রচলন ছিল এমনভাবে যেন স্বকীয় সম্ভারই উহার প্রাণবন্ত। যেমন, আরোনীয় স্তম্ভ এবং ডিফাকার ও বর্ষাকলকসদৃশ গড়ন যা আড়াই হাজার বছরব্যাপী নিছক আলঙ্কারিক ‘নক্সা-শিল্প’ রূপেই চানু ছিল, উহাও একদিন একটা উগ্রধর্মমতমূলক গুঢ় অর্থে ছিল পরিপূর্ণ। এই ভাবটি রূপকথার কাহিনী ও সর্কবিধ লোকশিল্পে প্রযোজ্য হলেও একথা কোনপ্রকারেই গ্রহণযোগ্য নয় যে, অরণ্যভীত কাল থেকে পৃথিবীময় এই একই গল্পকাহিনীর বর্ণনা এবং একই আলঙ্কারিক নক্সা-পদ্ধতির পুনরাবর্তন নিরবচ্ছিন্নগতিতেই চলেছে। আজ যা আমাদের কাছে নিছক আমোদ-প্রমোদের বিনয় ও গৃহসজ্জার উপাদান মাত্র, মূলতঃ তার মূল্য ছিল গণিত শাস্ত্রের সমতুল্য। আজও উপযুক্ত লোকের হাতে পড়লে, উহার ততখানিই উচ্চ মর্যাদার আসন লাভ করতে পারে এবং সেই উপযুক্ত ব্যক্তিটি আবার কেবল বাহ্য সৌন্দর্যে অভিব্যক্ত মূর্তি পুঙ্ক হলে চলবে না।

ঐতিহ্যগত শিল্পের রূপ এই প্রকারে সৌন্দর্যবিজ্ঞান দ্বারা নিয়ন্ত্রিত হয় না; উহা মানুষের বুদ্ধিবৃত্তির সৌন্দর্য-সাধনমূলক প্রয়োজনের বশীভূত। এই শিল্পরূপ ভাবাবেগের প্রতিফলনে পরিণতি লাভের পূর্কই রূপান্তরিত হয় সত্যে, প্রতিরূপে। তবে উহা যে ভাবাবেগেই চাক্ষুসরূপ, তা বাস্তবিকই সঠিক। কারণ বিশ্লেষণের শেষ পর্যায় পর্যন্ত পৌছেও সত্য আকর্ষণীয়ই থাকে, অর্থাৎ সত্যই সুন্দর। প্রাচীন এবং প্রাচ্য শিল্পের রূপায়ণ অদ্যকার ছায় স্বাচ্ছন্দ্য-বিধানের উদ্দেশ্যেই নির্দিষ্ট ছিল না; উহার লক্ষ্য ছিল সত্যের প্রকাশনা। শিল্প কোন অস্বাভাবিক অবস্থার মধ্যে জন্মলাভও করে না; আবার কোন অসুস্থতাও শিল্পকলা দূরীভূত করতে পারে না। বর্তমানযুগের শিল্পকলার যা কিছু ক্ষতি-বিচ্যুতি তা চাক্ষুস রূপবদ্ধ শিল্পেরই হোক, অথবা সমাজতত্ত্ব-বিষয়ক ব্যবস্থামূলক কার্য্য-কৌশলেরই হোক, তার কারণ হ'ল কোন অর্থও সত্য অথবা, শাস্ত্র নিয়ম সম্বন্ধে আমাদের কোন আগ্রহ বা স্বীকৃতির অভাব। অথচ এই সত্য ও নিয়ম-কাহনের বিভিন্ন অংশ আমাদের প্রতিদিনের জীবনে প্রকাশমান ও অরণীয় হওয়া বাঞ্ছনীয়; অর্থাৎ আমাদের জীবনযাত্রা নির্বাহের ধারা ও পদ্ধতি উহার অহুসরণেই গঠিত হওয়া উচিত। কিছু বলতে হবে অথবা, আমরা

কিছু তন্তেও চাই—এই-ই হ'ল আমাদের পক্ষে যেন সর্ক্যাপেক্ষা গুরুত্বপূর্ণ বিষয়। ফলে আমাদের কোন কাজেই কলাইনৈপুণ্য ও দক্ষতার কোন স্থান নেই; শিল্পকলা যদি কেবল একটা ভাবালু আবেদনপূর্ণ বিলাস ভ্রম্যেই পরিণত হয়ে থাকে এবং বাস্তবিকই যদি উহা জীবনে বাহ্যরূপেই বিবেচিত হয়, যার উচ্চ সেভানের তুলনায় ম্যাক্স্‌ফিল্ড্‌ প্যারিস অধিক মাত্রায় উপযুক্তরূপে সমাদৃত হতে পারেন, তার কারণ হ'ল যে আমরা এখন আর যে সকল সত্যরূপে অর্থাৎ যে সত্য প্রকাশনার উদ্দেশ্যে শিল্পের রূপকল্পনাটি হয়েছিল, তার প্রতি আর আস্থাবানু নেই।

যে মানুষের উচ্চ শিল্পের অস্তিত্ব, সেই মানুষের সত্যতার সঙ্গেই শিল্পে নিহিত সত্যভাব জড়িত। প্রত্যেক মানুষেরই জীবনে উপযোগিতা অহুসারে এক-একটি শিল্পের স্থান রয়েছে। তবে কথা হ'ল যে, মানুষের বিশেষ বিশেষ ব্যক্তিত্বের উপযুক্ততা বিচার করেই উহার রূপায়ণ হয়ে থাকে। যতদিন পর্যন্ত মানুষ তাঁর নিজ অস্তিত্বের নির্দিষ্ট সীমা সম্বন্ধে সন্দেহাতীত অবস্থায় উপনীত না হতে পারেন, ততদিন তাঁর বক্তব্য যতই সুন্দর ও যতই তৎপরতার সহিত প্রকাশিত হোক না কেন, উহা অবশ্যই কৃত্রিমরূপে পরিগণিত হবে। যখন তিনি পরীক্ষা-নিরীক্ষা না করে নিজের প্রত্যক্ষ অভিজ্ঞতার পথে যাত্রা শুরু করেন সেই অর্থও অনিয়ন্ত্রিত সম্ভার উপলক্ষ্যই, ঠিক তখনই সমস্ত উপাদানের সমাহারে তাঁর রচনা নিখুঁতরূপে সার্থক হয়ে উঠবে। কর্ণপটাহ তাড়নাকারী কোন শব্দের অহুসরণ সঙ্গীত নয়। সমস্ত সার্থক সঙ্গীত হ'ল গ্রহমণ্ডলের গতিজনিত ‘গ্রহ-সঙ্গীতেরই’ প্রতিফলন। যখন সেই গ্রহ-পরিমণ্ডলের সঙ্গীত আর শ্রুত হয় না, পার্থিব সঙ্গীতও তখন হয়ে উঠবে বেসুরো ও শ্রুতিকটু। শিল্পের স্বাভাবিক আদর্শে একথাটি স্বতঃ-সিদ্ধরূপে হয়েছে গৃহীত এবং যদিও সকল রকম রীতি-পদ্ধতিতেই চাক্ষু ও কারু—হুই শিল্পই সাধারণ মানুষের উদ্দেশ্য ও প্রয়োজনে রচিত হয়ে থাকে, তথাপি উহার মূল উৎস ও আদর্শ হ'ল অলৌকিক ও অতি-মাননীয়। এ হল বিভিন্ন তথ্যাদির সামঞ্জস্য বিধানেরই বিনয়-বিশেষ। স্বর্গরাজ্য মানুষের অহুসরেই বিরাজমান। “দেখ, পাহাড়ের উপরে স্থাপিত যে সকল নক্সা-প্যাটার্ন দৃষ্ট হচ্ছে, উহাদের অহুসরণেই সমস্তকিছুর রূপদান কর” (এক্সোডাস্, XXV, ৪০)। রূপায়ণের যোগ্য সমস্ত বস্তুই ওখানে আছে সাফল্য। শিল্পরচনার মুখ্য বিনয় হ'ল ধ্যান-কল্পনা। এই ধ্যান দ্বারাই কেবল অহুসরণীয় রূপমালাকে

উপলব্ধি করা যায়। ইহা কোন প্রকারেই নিষ্ক্রিয় গ্রহণ ক্ষমতা বা, 'অনুপ্রেরণা' নয়। বরং ইহা হ'ল বুদ্ধিবৃত্তি-সজ্জাত কর্তৃপ্রণালী এবং উক্ত একটি সুনির্দিষ্ট নিয়মেই চলে। উহা ভক্তি বা নিষ্ঠাভাৱের সমপর্যায়ভুক্ত। সৌন্দর্য্য, সদাশয়তা এবং সত্যভাব—এই তিনটি হচ্ছে একটি মৌলিক সত্যেরই ভিন্ন ভিন্ন অংশ। কিন্তু স্বতন্ত্র অংশ হিসাবেও উহাদের প্রত্যেকটিকেই পৃথকভাবে

আলোচনা ও বিচার করা চলে। তবে কেহ যদি উহাদের এক-একটিকে আলাদাভাবে জীবনে গ্রহণ করতে বা অনুশীলন করতে চেষ্টা করেন, তখন দেখা যাবে যে একটিরও অস্তিত্ব বিদ্যমান নেই; সব কয়টিই একযোগে অস্তিত্বিত। আর তিনি নিজেকে চিরকালের তত্ত্ব স্বীকৃত পছন্দ-অপছন্দ ও রুচি-অরুচির প্রাচীর দিয়ে আবদ্ধ করেই রাখবেন।

## আকাশের রঙ

### শ্রীঃমেন কর

শেষ কথাটির শেষ নেট। শেষ কথাটির আশায় বসে থাকলে শেষ কথাটি আর শোনা হইবে না। প্রথমে তাই শেষ কথাটি শেষ করে নিই। বিশ্বস্থি সৃষ্টিহাড়া, নক্ষত্রের আশ্রয় জ্বালা ছাড়া আকাশের গায়ে নয়, মানুষের মনে। তাই বলে তার যে কোন অস্তিত্ব নেই তা নয়। অস্তিত্ব আমাদের মনে। আমি সোখ মেললাম আকাশে, আলো উঠল জলে—পূবে পশ্চিমে। আবার আমাদের মনের বাইরে এমন 'একটা কিছু' না-জানার কালে গর্ভ আছে যা আমাদের মনকে ভাবায়। এই যে 'একটা কিছু' একেই আমরা বলব 'বাস্তব', একেই বলব 'সত্য'। এই সত্যের নিকে বিজ্ঞান অনিমেমে তাবিয়ে থাকে, গাঙ্গে হাত দিয়ে চূপটি করে ভাবে, যেমন আকাশের নিকে পৃথিবী। এই বাস্তবের পিছনে বিজ্ঞান অজ্ঞান ভাবে ছুটে চলে, যেমন রাত্রির পিছনে দিন। "রাত্রির তপস্বী সে কী আনিবে না দিন?"

গাগী-যাজ্ঞবল্ক্যের বিতর্ক-সভায় গাগী যাজ্ঞবল্ক্যকে প্রশ্ন করলেন, পদার্থের সৃষ্টি কোথা থেকে ?

তিনি উত্তর করলেন, চেতনা থেকে।

গাগী আবার প্রশ্ন করলেন, চেতনার সৃষ্টি কোথা থেকে ?

প্রাণের থেকে।

প্রাণের সৃষ্টি ?

ব্রহ্মা থেকে।

ব্রহ্মার সৃষ্টি ?

যাজ্ঞবল্ক্য তখন বললেন, থাম গাগী। তুমি তোমার

জ্ঞানের শেষ সীমা পেরোবার চেষ্টা কর না। ব্রহ্মই জ্ঞানের সীমা। তাঁকে জানা যায় না।

আকাশ ব্রহ্মের বৃহত্তম অংশ। তাই ব্রহ্মাণ্ড। যে আকাশ সেই ব্রহ্মাণ্ড। এই আকাশকে জানলে প্রকৃতির অধিকাংশই জানা হয়ে যায়।

এই যে আকাশের কথা এতক্ষণ ধরে দারদার বললাম, এই আকাশ বাস্তব, এই আকাশ সত্য। এই বিরাট সত্যকে অল্প কথায় একেবারে সম্পূর্ণ করে জানা যায় না। তাকে জানতে হয় অল্প অল্প করে, গাছ যেমন রস নেয় মাটির থেকে অল্প অল্প করে, আর তাতেই তার সারা দেহে জাগে স্কুল ফোটাবার শিহরণ। প্রত্যেক সত্য বস্তুর একটা রঙ আছে। এইখানে মনে রাখা প্রয়োজন শূণ্ড ও একটা সংখ্যা।

আকাশ কী আলো দেয় ? আকাশের সীমানায় আলোর সমুদ্র। শুধু আলোর চেউ আর আলোক-কণিকা-গুচ্ছের স্পন্দন। লক্ষ লক্ষ রকমের স্পন্দন। কিন্তু তাদের অতি অল্পই আমরা দেখতে পাই। কেননা মানুষের দৃষ্টিক্রমতা সীমাবদ্ধ। স্পন্দন-সংখ্যা যখন প্রতি সেকেন্ডে প্রায় চারের পিঠে বায়োটা শূণ্ড দার ( $3 \times 10^{22}$ ) হয় তখন তাকে দেখি লাল আলো বলে। তার কম হলে দেখতে পাই না বটে কিন্তু উত্তাপ অনুভব করি। আবার যখন বেশী হয় তখন দেখি কংলা রঙ। আরও বেশী হলে দেখি যথাক্রমে, হলুদ, সবুজ, আকাশী, নীল ও বেগুনী। স্পন্দন-সংখ্যা তারও বেশী হলে আমরা আর দেখতে পাই না, যদিও তারাও আলো। যেমন

বেগনীপারের আলো বা অতিবেগন রশ্মি, বজ্রন রশ্মি, গামা রশ্মি, মহাজাগতিক রশ্মি বা জগৎ পারের আলো। এদের আমরা বলি অদৃশ্য আলো। অদৃশ্য আলোর কার্য-ক্ষমতা বেশী। অন্যায়সেই তারা আপাত অধিক বস্তুর মধ্যে দিয়ে প্রবেশ করতে পারে। যেমন বেগনীপারের আলো কাগজের মধ্য দিয়ে, যেমন জগৎ পারের আলো কথেক ইঞ্চি পুরু সীসার পাতের মধ্য দিয়ে। দৃশ্য-আলো আলো দেয়, কিন্তু অদৃশ্য আলো আলো দেয় না অথচ দহন করে না। যে আলো আলো দেয় না অথচ দহন করে সেই দীপ্তিগীন শিখার নির্দগ্ন দহনে পলে পলে দগ্ন হয় মানুষের শিরা-উপশিরা, মানুষের হৃদয়।


এখন প্রশ্ন হ'ল, আকাশের সীমানায় যদি নানা রকমের রঙ ও রঙের অপ্রীত বৈচিত্র্য থাকে তবে আকাশকে আমরা নীল দেখি কেন? আসলে আকাশকে আমরা দেখি না, দেখতে পাই না, দেখতে পাওয়া সম্ভবও নয়। যে ব্রহ্মের অর্ধাংশ তাকে কি এই সাধারণ ছোটো চোখ দিয়ে দেখতে পাওয়া যায়? যদিও বা দেখতে পাই ত দেখব কেবল নীরঙ্গ অন্ধকার, চোখ মেলে যত বেশী দেখতে চেষ্টা করব, দেখব তত বেশী অন্ধকার। ব্রহ্মকে না জানার কালো গর্ভ যেমন আমা-দেরকে গোলাকার হস্তে ঘিরে আছে, আকাশকে তেমনি দেখব একটা বিরাট কালো অর্ধগোলক। নীল যদি থাকে ত আকাশ নয়, আলোয় নয়, আলোকে বিচ্ছুরিত করে দিচ্ছে বাতাসের যে অণু-পরমাণু তাকে। যে কোন তরঙ্গের বৈশিষ্ট্য হ'ল, সে যদি তার নিজস্ব তরঙ্গ দৈর্ঘ্যের থেকে বেশ কিছু ছোটো মাপের কোন বস্তুর ওপর পড়ে তখন সেই তরঙ্গ চারিদিকে ছড়িয়ে পড়ে। এই ছড়িয়ে পড়ার নাম বিচ্ছুরণ। ছড়িয়ে পড়ার জন্তে বিচ্ছুরিত তরঙ্গের তীব্রতা যায় পালটিয়ে, আর নির্ভর করে আগত তরঙ্গের তরঙ্গদৈর্ঘ্যের ওপর। তরঙ্গদৈর্ঘ্য যত ছোট হবে, তীব্রতা যাবে ততই বেড়ে। অঙ্ক কমে দেখান যায় যে এই তীব্রতা আগত তরঙ্গদৈর্ঘ্যের চতুর্থ শক্তির সঙ্গে ব্যস্তসমাহুপাতিক, অর্থাৎ

$$I \propto \frac{1}{\lambda^4}, \quad (\lambda = \text{আগত তরঙ্গদৈর্ঘ্য})$$

আমরা প্রত্যেকে জানি যে সূর্যের সাতটা রঙ ক্রমবর্ধমান তরঙ্গদৈর্ঘ্যসূত্রে সাজালে দাঁড়ায় বেশীআসহকলা (VIBGYOR) অর্থাৎ দৃশ্য আলোর মধ্যে সবচেয়ে ছোট তরঙ্গদৈর্ঘ্যের আলো হ'ল বেগনী ( $\lambda = 8000 \times 10^8$  সে. মি.) আর সব থেকে বড় লাল ( $\lambda = 9200 \times 10^8$  সে. মি.)। তাই যদি হবে তবে গ্যাসীয় অণু দ্বারা বিচ্ছুরিত সূর্যের আলো ত বেগনী দেখান উচিত ছিল, কিন্তু তা না হয়ে ঠিক তার পরের রঙ নীলকে ছাড়িয়ে আকাশী হ'ল কেন? তার কারণ আগেই বলেছি যে বিচ্ছুরিত আলোর তীব্রতা বিচ্ছুরণ-কারী বস্তুর মাপের ওপর নির্ভর করে। গ্যাসীয় অণুর মাপ সাধারণত বেগনী আলোর তরঙ্গদৈর্ঘ্যের সঙ্গে প্রায় সমান এবং নীল আলোর তরঙ্গদৈর্ঘ্যের থেকে সামান্য ছোট। তাই বিচ্ছুরিত আলোতে বেগনী রঙ থাকে না বললেই হয়। থাকে অল্প পরিমাণ নীল আর বাকী প্রায় সবটুকুই আকাশী। সব গিলিয়ে পৃথিবীর ওপর গ্যাসীয় স্তরকে আমরা তাই আকাশী দেখি, আর তাকেই সোজা ভাষায় বলি নীল আকাশ। গ্যাসীয় অণু-পরমাণুগুলো যদি না থাকত তবে আকাশকে আমরা দেখতাম সম্পূর্ণ কালো রূপে।

কথাপ্রসঙ্গে আর একটা কথা এনে পড়ল। আমরা সাধারণত বলে থাকি, অমুক আলো দেখছি। কথাটা ভুল। আলো আমরা দেখতে পাই না, আলো আমা-দেরকে দেখায়। "নয়ন তোমায় পায় না দেখিতে, রয়েছ নয়নে নয়নে।" নয়নে আলো থাকে বটে কিন্তু সে আলোকে আমরা দেখি না, দেখি সেই বস্তুকে যে বস্তু সেই আলো আমাদের চোখে পাঠিয়ে দেয়। বিশেষ বিশেষ বস্তু বিশেষ বিশেষ আলো ত্যাগ করে। কোন বস্তু যে কোন রঙ ত্যাগ করবে তা নির্ভর করে তার অণু-পরমাণুর গঠনের ওপর। আমরা সৌন্দর্যের উপাসক, কিন্তু আসলে উপাসনা করি সেই সূন্দরকে যে সূন্দর বস্তু আলোর সূন্দর সমন্বয় ঘটিয়ে আমাদের চোখে পাঠিয়ে দেয়। সূন্দর বস্তুর খ্যাতি তাই তার ত্যাগের মাহাত্ম্যে, অকৃপণতার ঔদার্যে। আকাশকে আমরা সুনীল দেখি তার অকৃপণতার, তার ঔদার্যে।





মহালক্ষ্মীমন্দিরের অঙ্কমণ্ডপ

## কোল্‌হাপুরে মহালক্ষ্মীর মন্দির

শ্রীঅমিতাকুমারী বসু

ভারতের প্রদেশে প্রদেশে, নগরে নগরে, নদীকিনারে, পর্বতশিখরে, অরণ্যের ধারে কত কত মন্দির কালের সাক্ষা হয়ে দাঁড়িয়ে আছে। কোন কোনটির অপূর্ণ কারুকার্যে শিল্পকলা মনে বিস্ময়ের সৃষ্টি করে। তেমনি একটি সুন্দর মন্দির হ'ল কোল্‌হাপুরের মহালক্ষ্মীর মন্দির, ভাস্কর্যে ও স্থাপত্যে সমৃদ্ধ। প্রতি বৎসর লক্ষাধিক যাত্রী আসে এই মন্দিরে দেবী দর্শন করতে।

কোল্‌হাপুর মহারাষ্ট্র অঞ্চলের একটি দেশী রাজ্য ছিল, বর্তমানে ইহা মহারাষ্ট্র ষ্টেটের একটি জেলা। ইহা মহাদ্রি বা পশ্চিম ঘাট পর্বতের উপর অবস্থিত। পার্শ্বতঃ নদী পঞ্চগঙ্গা সহরের সৌন্দর্য্য বর্ধন করে আছে। অনেক বৎসর পূর্বে কোল্‌হাপুর রাজপ্রাসাদের নিকটবর্তী সমতল ভূমির উপর একটি অশুভ হোট মন্দির ছিল। গবর্ন-মেন্টের প্রত্নতত্ত্ববিভাগ থেকে সে মন্দির গভীর ভাবে খনন করা হয়, তাতে দেখা যায় যে, আশেপাশে বহু নীচে মন্দিরের মূল ভিত্তি। তা থেকে কারুকার্যের স্তম্ভ ও দেয়াল গোড়া উপরে চলে গেছে। পূর্বে এ সব স্তম্ভের

উপরের অংশ মাত্র দেখা যেত ; পরে মন্দির-অঙ্গনের সমস্ত ইট-পাটকেল সরিয়ে মূল প্রাচীন মন্দিরটিকে অক্ষত অবস্থায় আবিষ্কার করা হয়েছিল। সেই মন্দিরেই এখন লোক সমাগম ও পূজা অর্চনা হয়।

আশেপাশের রাস্তা থেকে মন্দিরের ভিত্তি এত নীচে কেন, কেহ তার বিশেষ সম্ভাষণজনক উত্তর দিতে পারেন নি, তবে এক প্রত্নতাত্ত্বিক বলেছেন, খুব সম্ভা একটা বড় ভূমিকম্প এই ভারী পাথরের মন্দিরটি নীচে বসে গেছে। রাজ্যের বহু স্থানে মন্দিরের ধ্বংস সাংগেণ পাওয়া যায়। পূর্বে নাকি কোল্‌হাপুরে ২৫০টি মন্দির ছিল।

মন্দিরে প্রবেশ করতে হ'লে রাস্তা থেকে প্রথমে ধাপে ধাপে সিঁড়ি বেয়ে অনেক নীচে নামতে হয়। প্রবেশ দরজার উপরে খুঁচু নহবৎখানা, সেখানে ভোরে, ছপুর্বে ও সন্ধ্যায়, ছোরে বাজ বাজতে থাকে। নীচে নামলে প্রস্তর-বাধান প্রশস্ত চত্বর, তা থেকে অনবরত উপরে জল উপচে পড়ছে, চৌবাচ্চাতে বহু রঙীন মাছ ; শিত দর্শকের কৌতূহল ও আনন্দ বর্ধন করে।

মন্দিরের সামনে নাটমন্দির, অতি সুন্দর মস্থন কালো পাথরের কারুকার্যময় স্তম্ভগুলি তার সৌন্দর্য্য বৃদ্ধি করছে। মহালক্ষ্মী মন্দিরের এ প্রশস্ত অংশটুকুকে জনসাধারণ তাদের আপনার স্থান মনে করে। দেখেছি কত পবিত্র, তীর্থযাত্রী, গ্রামের শ্রমিক, সজীওয়ালী নারী নিশ্চিন্তমনে সেখানে বিশ্রাম করছে। যে যার ঋণ বের করে থাকে, কেউ বা কথাবার্তা বলছে, কেউ বা দিব্য-দ্রুতি দিচ্ছে, কিছু কোন হট্ট-কোলাহল নেই। এদেশে পাণ্ডা বা ভিখারীর উপদ্রব নেই বলে মন্দিরের মাহাত্ম্য আরও বেড়ে উঠেছে।

মন্দিরে প্রবেশ দরজার বাইরে ছ'পাশে সারি সারি দোকানে সমস্ত পূজোপকরণ বিক্রী হয়, তবে এদেশে পূজোর পদ্ধতি অতি সাদাসিধে ও আড়ম্বরশূন্য। মন্দিরে দেবী প্রণাম করে চৌকাঠের উপর কপূর আনিয়ে এক মুঠো চাল রাখে। কেউ বিশেষ পূজা দিতে হ'লে একটা নারকেল ও কিছু পেঁড়া বা মিশ্রী দেয়।

মন্দিরের চারদিকে পাথর-বাঁধান চত্বর, তার উপরে সুউচ্চ পাশাপাশি প্রাচীর। চারদিকে চারটি বিরাট দরজা। মন্দিরের ছ'দিকে ছ'টি ছোট পুকুরিণী, নাম কাশী ও মণি-কর্ণিকা। সব সময় জলে পূর্ণ থাকে, আগে হয়ত স্বচ্ছ জল ছিল, এখন ততটা নয়।

মহালক্ষ্মীর মন্দির সম্বন্ধে নানা ঐতিহাসিকের নানা মত। কেহ কেহ বলেন, ইহা প্রায় ছ'হাজার বৎসরের প্রাচীন মন্দির। এর পশ্চিম দিকে গণপতি মন্দিরের একটি স্তম্ভে সংস্কৃত লিপি প'ড়ে দেখা যায় ১২১৮ খ্রীষ্টাব্দে দেবগিরি যাদবের রাজত্বের সময় 'রাজা তালিম' দেবী মহালক্ষ্মীকে বহু রত্নালঙ্কার দিয়ে সোড়শোপচারে পূজা করেছিলেন।

এই মন্দিরটি আরতনে স্মৃষ্টি এবং চতুঃদিকে বহু দেব-দেবীর মন্দির ও ছোট ছোট কুঠরী আছে। একটি ছোট মন্দিরের ছাদে কৈবর্তের তীর্থকরের মূর্তি পোদাই করা আছে। আরও নানাবিধ প্রমাণ দিয়ে কোন কোন ঐতিহাসিক বলেন, হয়ত মূল মন্দিরটি কৈবর্তদেরই ছিল। আবার কেহ কেহ বলেন এ মন্দিরটি বৌদ্ধদের ছিল। কোন্‌হাপুর পঞ্চগঙ্গা নদী থেকে কিছু দূরে সহরের এক ভাগকে ব্রহ্মপুরী বলা হয়। সেখানে ভগ্নস্তূপের মধ্যে কিছুকাল পূর্বে যে সব জিনিষ পাওয়া গেছে তাতে বুদ্ধদেব, ধর্ম ক্র, পুষ্পদান ও বৌদ্ধ মূর্তি ছিল। তা ছাড়া নদীগর্ভে একটি প্রস্তর-নির্মিত বাস্তু পাওয়া গেছে তার ভিতরে একটি ক্ষটিক পেটিকা ছিল। এ সব কারণে প্রত্নতাত্ত্বিকরা বলেন, হয়ত এটি বৌদ্ধ মন্দির ছিল এবং

তার আশেপাশের ভগ্নস্তূপগুলি বৌদ্ধ বিহার ও বৌদ্ধ স্তূপের চিহ্ন।

কিছু হিন্দু, কৈবর্ত ও বৌদ্ধ ধর্মের মধ্যে কখনও এমন গুরুতর পার্থক্য ছিল না, খার জন্ত কল্পনা করতে হবে যে, এক ধর্ম আর এক ধর্মকে বল পূর্ব হ গিয়ে নিজে মন্দিরাদি স্থাপন করেছে। ভারতে কোথাও কোথাও দেখা যায়, তিন ধর্মের মন্দির একত্র বিরাজ করছে যেমন এরোরায়। কোথাও হিন্দু কৈবর্ত হই ধর্মই পাশাপাশি সমৃদ্ধি লাভ করেছে যেমন খাজুরাহোতে। কাজেই মনে হয় যে, হয়ত এটি তিন ধর্মেরই মন্দির ছিল এবং এক এক যুগে এক এক রাজার ধর্ম অনুযায়ী সেই ধর্মের প্রাধান্য হয়েছিল ও তার মন্দির নির্মিত হয়েছিল।

ঘুরে ঘুরে মন্দিরটি যতই দেখি ততই বিষয় জাগে, পরিষ্কার-পরিচ্ছন্ন বিরাট মন্দির, নানা ভাগে বিভক্ত, তার কারুকার্য আর কত বা তার গঠন-নৈপুণ্য। সমস্ত মন্দির ঘিরে বহু কালো মস্থন পাথরের স্তম্ভ। মন্দির গায়ে আর সেই সব স্তম্ভে কত বা বিচিত্র ভঙ্গিতে নানা অলঙ্কারে সুশোভিতা নারীমূর্তি। লোকেরা বলে মহালক্ষ্মী মন্দিরের স্তম্ভের এই নৃত্যশীলা নারীমূর্তিগুলি হ'ল চৌকটি যোগিনী, এ সব নৃত্যভঙ্গিতে ভারত নাট্যশাস্ত্রের অপূর্ব বিকাশ। এই মন্দিরটি দৈর্ঘ্যে ২০০ ফুট ও প্রস্থে ১৫০ ফুট।

মূল্য মন্দিরটি তিন ভাগে বিভক্ত, মুখমণ্ডপ বা মহামণ্ডপ, অস্ত্রাগার মণ্ডপ বা অর্ধ মণ্ডপ এবং গর্ভগৃহ। মহালক্ষ্মী মন্দিরের ডানদিকে মহাকালী ও বাঁদিকে মহাসরস্বতী আর সামনে এক পাশে গরুড়ের মন্দির। বেশ কয়েকটি সিঁড়ি ভেঙ্গে উপরে উঠলে দেবী মন্দিরের প্রতিমার নাগাল পাওয়া যায়। মন্দিরের গর্ভগৃহটি চতুঃকোণ, তার তিন দিকে তিনটি কক্ষ। উত্তর দিকের কক্ষটি হ'ল দেবীর শয়নকক্ষ, হাত্তি দণ্ডার সেজ আরতি বা শয্যা আরতি হবার পর দেবীর নিদ্রা বেওয়া হয়।

প্রথম কক্ষের ছাদ থেকে একটি ঘণ্টা ঝুলছে, দর্শকরা কক্ষে প্রবেশ করেই প্রথমে জোরে ঘণ্টা বাজায় ও পরে দেবী প্রণাম করে, এর মেজে বেত পাথরের তৈরী। তার মধ্যস্থল মস্থন কালো পাথরের তৈরী একটি কচ্ছপ উল্টে প'ড়ে আছে। কক্ষের ছ'পাশে সারি সারি কারুকার্যময় কালো প্রস্তরের স্তম্ভ, এগুলি পাশে পাশে ব'লে স্তম্ভেরা পুরান ভাগবত পাঠ রে। তাদের মধ্যে বেশ কয়েকটি বিধবা ও স বা নারী আছে। সন্ধ্যাদের চুল পরিপাটি বাগা, কপালে বড় গিন্দুরের কঁটা। পরনে কাছা বেওয়া। বিধবাদের মস্তক মুণ্ডিত ও পরিধানে পাড়হীন লাল বস্ত্র।

পরে জানলাম খুব গোড়া পরিবারের মহিলারা বৈধব্যের পর এরকম যত্নব্রতীর পোশাক ধারণ করেন ও খুব কৃষ্ণতার সহিত জীবন কাটান। এদের ছাড়া মহারাষ্ট্রীয় অল্প বিধবা ও সধবাদের পোশাকে খুব কম প্রভেদ আছে, আমাদের দেশের মত নয়। বিধবারা শুধু এয়োতির চিহ্ন গলার মঙ্গলসূত্র ও কপালের কুঙ্কম বা সিন্দুরের ফোঁটা পরে না।

মহালক্ষ্মী ঐশ্বর্যের দেবী, তাঁর নিদর্শন মন্দিরে রয়ে গেছে। দেবীর কক্ষের চৌকাঠ পিতলের ও তার উপর রূপার কারুকাজ। ধামগুলিরও নীচের অংশ রূপা ও পিতল মিশ্রিত, কিন্তু গর্ভগৃহ এত অন্ধকার যে, সে সব কিছু দেখা যায় না। চৌকাঠের উপর রোজ অগণিত দর্শকরা ধূপ ও কপূর জালিয়ে দিবে যায়, তাতে চৌকাঠের কারুকাজ ঢাকা পড়ে গেছে। ভিতরে স্তম্ভর দেবীমূর্তি তিন ফুট উঁচু কালো পাথরের বেদীর উপরে স্থাপিত। মূর্তিটি উচ্চতার চার ফুট। বেদীর নীচে একপাশে ধাতুনির্মিত দেবীর উৎসব-মূর্তি। দেবী চতুর্ভুজা, সিংহ তাঁর বাহন, উপরের ডান হাতে গদা, বাম হাতে ধাতক বা কর্ণ আর নীচের ডান হাতে মাতুলিঙ্গ বা শিবের প্রতীক, এবং বাম হাতে কলসী। মন্দিরের গম্ভীর সৌন্দর্য্য, ফুল চন্দন ধূপের গন্ধ, ঘিরের প্রদীপের আলো-আঁধার আলোর মধ্যে দেবীকে রহস্যময়ী ও মহিমাময়ী করে তুলেছে।

অন্ধকার গর্ভগৃহে দেবীর মুখ খুব স্পষ্ট ভাবে দেখা যায় না তাই বর্তমানে বৈজ্ঞানিক আলো জালিয়ে কক্ষটি আলোকিত করা হয়। দেবীর কক্ষের দ্বার পশ্চিমাঙ্গ। কিন্তু তা এমনই স্তম্ভকোশলে তৈরি যে, বৎসরে একবার মাঘ মাসের পঞ্চমীদিন সূর্য্যকিরণ এসে দেবীর উপর পতিত হয়। দেবী সূর্য্যকিরণে স্নাতা হয়ে উঠেন। সেদিন মন্দির লোকে লোকারণ্য হয়ে যায় এই পুণ্যদৃশ্য দেখতে। তাদের ধারণা, এই বিশেষ দিনে সূর্য্যদেব এসে মহালক্ষ্মীকে বন্দনা করেন।

কোল্‌হাপুর রাজ্যের ঐতিহাসিক পুস্তকে ঐশ্বর্য্য-শালিনী মহালক্ষ্মীর মন্দির সম্বন্ধে লিখিত আছে যে, ১৭৭৪ সনে মুসলমান আক্রমণে মহারাষ্ট্র যখন সন্ত্রস্ত, তখন কোল্‌হাপুরের মহারাজা দেবীমূর্তিকে বহুকাল তাঁর এক সর্দারের গৃহে লুকায়িত রাখেন। পরে হত্যাপতি



মহালক্ষ্মী

রাজারাম মহারাজের পুত্র সন্তাজী মহারাজ অষ্টাদশ শতাব্দীর প্রথম ভাগে সর্দার সিধোজী হিন্দুরাও ঘোরপাড়ের দ্বারা সেই মূর্তিটি আনিতে বর্তমান মন্দিরে পুনঃপ্রতিষ্ঠা করেন।

সর্বত্র দেবীদের নিয়ে নানারূপ অলৌকিক কাহিনী রচিত হয়ে আছে, তেমনি মহালক্ষ্মী সম্বন্ধেও নানাবিধ কাহিনী প্রচলিত আছে। দেবী-ভাগবত, মৎস্যপুরাণ, পদ্ম-পুরাণ এবং ব্রহ্মাণ্ড পুরাণে কোল্‌হাপুরের মহালক্ষ্মীর বর্ণনা আছে। রুদ্র কোল্‌হা দানবের পুত্র করবীরকে এ স্থানে বধ করার রাজ্যের নাম করবীর। এবং দেবীকে করবীরবাসিনী বলা হয়। বিষ্ণু মহালক্ষ্মীর রূপধারণ ক'রে কোল্‌হাদানবকে বধ করেন ও সেই থেকে রাজ্যের নাম হয় কোল্‌হাপুর।

করবীর মাহাত্ম্যে একটি কাহিনী আছে যে, একবার

কাশীর বিবেচন ও কোলহাপুরের মহালক্ষ্মীর মধ্যে বিবাদ চলল, কে বড়। তখন রঙ্গস্থলে বিষ্ণু আবির্ভূত হয়ে এ বিবাদের বিচার করতে এলেন। তাঁর জ্ঞানদণ্ডে একদিকে কাশী ও অন্নদিকে কোলহাপুর রেখে দেখলেন ওজনে কোলহাপুর ভারী। দেবীর জয় হ'ল। সেই থেকে কোলহাপুরকে দক্ষিণ কাশী আখ্যা দেওয়া হ'ল, এবং কোলহাপুরের প্রাধান্য বাড়ল। জনসাধারণ এই কাহিনীতে বিশ্বাস করে বলে, এজন্মই নাকি শঙ্করাচার্য্য কাশী ছেড়ে এসে দক্ষিণ কাশীতে বাস করেন। এবং শঙ্করাচার্য্য দ্বারা স্থাপিত শঙ্কর মঠ থেকে পরে এই মন্দিরের কয়েকটি ভগ্ন গোপুরকে নূতন করে তৈরি করা হয়েছে।

মন্দিরে মহালক্ষ্মীকে রোজই একখানা মূল্যবান রেশমী বস্ত্রে সুসজ্জিত করা হয়। দেবীর নাকে হীরার নখ, মাথায় সোনার মুকুট। দুর্গাপূজার সময় নবরাত্রি উৎসব উপলক্ষে খুব ধুমধাম হয়, মন্দিরের আলোকসজ্জা অতি চমৎকার দেখায়। প্রত্যেক শুক্রবারে দেবীর উৎসবমুহুর্তিকে পাকীতে করে নিয়ে নগর পরিভ্রমণ করা হয়, তখন কামান গর্জন করে ওঠে। বেশ সুন্দর ছোট-খাটো একটি শোভাযাত্রা বের হয়। হাতী ঘোড়া উট, উটের পিঠে বাঁধকররা তবলাজাতীয় এক রকম বাদ্য কাঠি দিয়ে ডুমাডুম করে বাজাতে থাকে। শিলা ফুঁকে নগরে দেবীর আগমন বার্তা ঘোষণা করে।

দেওয়ালী উৎসবেও মন্দিরে খুব সমারোহ হয়, দীপমালায় মন্দির ঝলমল করতে থাকে। প্রতি দেওয়ালী ও পৌষ সংক্রান্তি তিল গুড় উৎসবে মহারাণী মন্দিরে যেতেন। কোন সময় মহারাণী মন্দিরে দেবীদর্শনে যাবেন, তা রাজ্যে আগেই ঘোষণা করা হ'ত। রাস্তার দু'পাশে লোকেরা ভিড় করে দাঁড়াত মিছিল দেখতে। মহারাণীর সূদৃশ চিকে ঢাকা চার ঘোড়ার গাড়ীর সঙ্গে সঙ্গে চলত হাতী ঘোড়া উট, সৈন্যসামন্ত দেহরক্ষী, মন্দিরের প্রবেশদ্বারে এসে গাড়ী থামত। সখি-পরিবৃত্তা হয়ে মহারাণী নামতেন, সোনার খালায় কারুকার্য্য করা রেশমীবস্ত্রে ঢাকা পূজার নৈবেদ্য নিয়ে সঙ্গে চলত দাসী। মহারাণী দেবী প্রণাম করে মূল্যবান শাড়ী, খণ বা কাঁচুলী, সিন্দুর, মিষ্টি ইত্যাদি নিবেদন করে ফিরে আসতেন। এই দুই উৎসবে নগরের ধনী-গৃহিণীরাও মন্দিরে গিয়ে দেবীকে উৎকৃষ্ট, শাড়ী খণ, নারিকেল নিবেদন করে আসেন।


শিঙুর জন্মের পর দু'তিন মাস হলেই তাকে নিয়ে মা মন্দিরে দেবী দর্শন করিয়ে আনে, তার পর থেকেই

শিঙুরকে নিয়ে ঘরের বাইরে যেতে পারে। বিয়ের উৎসবেও প্রথমে দেবী পূজা করতে হয়, এবং বিয়ে হয়ে যাওয়ার পর বরকনেকে ধুমধামে শোভাযাত্রা করে নিয়ে দেবী প্রণাম করানো হয়। এরকম যত কিছু সংস্কার ক্রিয়াকাণ্ড আছে, প্রায় তার সবটাতেই প্রথমে দেবীকে পূজা দেবার নিয়ম, কাজেই মন্দিরে উৎসব সমারোহ লেগেই আছে। সরকারী সম্পত্তিশোণী বহু ব্রাহ্মণ সেবায়েং দেবীর কার্য্যে নিযুক্ত আছেন। নগ্নগাত্র, লাল পট্টবস্ত্র পরিহিত পূজারীরা খুব নিয়ম-নিষ্ঠায় রাহা করে ছ'বেলা দেবীর ভোগ দেন, খুব ভোরে বাণ্ড বাজতে থাকে।

সারাদিন মন্দিরে অসংখ্য লোকের যাতায়াত, বিষবারা ও শুক্রবার দিনের অধিকাংশ সময়ই মন্দির চত্বরে ব'সে পূজোআর্চা করে, কেউ বা ধর্মগ্রন্থ পাঠ করে, কেউ বা জপ করে। যারা শোকগ্রস্ত, তারা মন্দিরে দেবীর পায়ের কাছে অশ্রুবিসর্জন ক'রে শান্তি পায়, যারা সংসার-সংগ্রামে বিধ্বস্ত, তারা মন্দিরে খানিক সময় বসে পূজা করে মনকে শান্ত করে যায়। সৌভাগ্যবতী (সধবা) মহিলারা সেজেগুজে মন্দিরে আসে, দেবীকে প্রণাম করে আপন পতিপুত্রকন্টার কল্যাণ কামনা করে। তার পর বিশাল মন্দিরের এদিকে-ওদিকে বেড়ায়, নানা দেবদেবী দর্শন করে, বন্ধুবান্ধবের সঙ্গে দেখা হলে হাসিগল্প করে, নিজের ছোট ছোট ছেলে-মেয়ের জন্ম খেলনা, এটা-সেটা কিনে, ধূশী মনে বাড়া ফিরে যায়, দেখে মনে হয় যেন মন্দিরটি শান্তির আশ্রয়।

কোলহাপুরে ও মহারাষ্ট্রে মহালক্ষ্মীর মন্দির অস্বাবার্দীর মন্দির নামেই প্রসিদ্ধ। এই মন্দিরে আশ্বিনের শুক্রাপঞ্চমীতে একটি উৎসব হয়, সেদিন রাজ্যের দুই দেবীর মিলন-হয়। এক দেবী হলেন নগরের মধ্যস্থলে স্থাপিতা অস্বাবার্দী ও অন্ন দেবী হলেন নগরের মাইল দুয়েক দূরে এক পাহাড়ের চূড়ায় অধিষ্ঠিতা দেবলাবার্দী। এই দুই দেবী সম্বন্ধে একটি কিম্বদন্তী আছে :—দেবীরা হলেন দুই বোন, বড় বোন অস্বাবার্দীর হস্তে কোলহাদানব নিহত হলে পর আসন্ন প্রসবা দানবপত্নী অন্নত্র গিয়ে আশ্রয়গোপন করে। যথাসময়ে তার এক পুত্র ভূমিষ্ঠ হয়, তার নাম কামাখ্যা। দৈত্যগুরু শুক্রাচার্য্য কামাখ্যাকে একটি যাহুকাঠি দিলেন শক্রসমেত দেবদেবীকে নির্মূল করতে। কামাখ্যাদানব এই যাহুকাঠির সাহায্যে একে একে সব দেবদেবীকে ছাগল-ভেড়ায় পরিণত করতে লাগল। তখন এই দেবী টেবলাবার্দী





মন্দিরের উত্তর-পূর্ব দিক

নানারূপ ষড়যন্ত্র করে কামাখ্যাকে বধ করে যাহুকাঠি হাতে নিয়ে সব দেবদেবীদের শাপমুক্ত করলেন, দেবতাদের মধ্যে আনন্দের বজ্রা বইল। তাঁরা আনন্দ উল্লাসে মগ্ন হয়ে উৎসব করতে লাগলেন। মহালক্ষ্মীকে অহুরোধ করলেন, তিনি কি ভাবে দুর্দমনীয় দানব কোলহাপুর শিরশ্ছেদ করেছিলেন তা দেখাতে। দেবী সমস্ত দেবতাদের কৌতূহল চরিতার্থ করবার জন্ত সম্মত হলেন ও একটি কুম্ভাণ্ড ও চালকুমড়া আনতে বললেন। তা আনা হ'লে দেবী নিজ হাতে সেটা তুলে নিয়ে প্রস্তরে পরিণত করলেন ও সেটাকে মন্দিরের মুখমণ্ডপে নিয়ে রাখলেন। কোলহাদানবের প্রতীক হিসাবে। তার পর দেবতাদের বললেন, এটাকে ছ'টুকরো করতে। কিন্তু দেবতারা কেহই তলোয়ার দিয়ে এই কুমড়া ছ'টুকরো করতে পারলেন না। দেবী তখন তাঁর তলোয়ার দিয়ে এক কোপে সেই প্রস্তর চালকুমড়োকে দ্বিখণ্ডিত করলেন, সেদিন ছিল আশ্বিনের পঞ্চমী তিথি। এই যে টেঞ্চলা দেবী দানবকামাখ্যা বধ করে দেবতাদের শাপমুক্ত করেছিলেন, এই আনন্দ উৎসবে সেই দেবীর কথা সবাই ভুলে গেলেন। দেবী মনের দুঃখে অপমানে নগরের বাইরে এক পাহাড়ের চূড়ায় বসে রইলেন। অশ্বাবাঈ, তাঁর পাশে ছোট বোন টেঞ্চলাবাঈকে দেখতে না পেয়ে

তাকে উৎসবে যোগ দিতে খবর পাঠালেন, কিন্তু অভিমানিনী দেবী এলেন না। তখন অশ্বাবাঈ নিজের ছোট বোনকে সন্তুষ্ট করবার জন্ত সেই পাহাড়ের চূড়ায় গিয়ে দেবীর সামনে আবার কুম্ভাণ্ড বলি দিলেন।

রাজ্যে সেইদিন থেকে এই প্রথা চলে আসছে যে, প্রত্যেক বৎসর আশ্বিনের পঞ্চমী তিথিতে ছ'বোনের মিলন হবে। ঐদিন অশ্বাবাঈর উৎসবমূর্ত্তিকে নানা বস্ত্রালঙ্কারে সজ্জিত করে পাক্কীতে বসিয়ে নিয়ে যাওয়া হয় টেঞ্চলাবাঈ মন্দিরে। বিরাট শোভাযাত্রা চলে, স্বয়ং মহারাজা পাত্রমিত্র সহ এতে যোগ দেন। নানারূপ বাজ বাজে, হাতী, ঘোড়া, উট চলে। মন্দিরের পুরোহিতরা লাল পট্টবস্ত্র পরে দেবীর পাক্কী কাঁধে নিয়ে চলেন, পাক্কী লাল রেশমী বস্ত্রে ঢাকা থাকে, আর সেই পাক্কীর উপর প্রকাণ্ড রেশমীছত্র ধরা থাকে। ছ'জন ব্রাহ্মণ দেবীর ছ'পাশে চামর দোলাতে দোলাতে চলে। মন্দিরে পৌঁছে খুব ধুমধামে পূজা হয় ও একটি সুসজ্জিতা সালঙ্কারা কুমারী কন্তাকে সংগ্রাম-বিজয়িনী দেবীর প্রতীক হিসাবে আনা হয়। সে এসে তলোয়ারের এক কোপে একটি চালকুমড়োকে ছ'টুকরো করে। বাজ বেজে উঠে, পূজা শেষ হয়। আবার দেবীকে স্বস্থানে ফিরিয়ে আনা হয়।

পুরাণবর্ণিত দানব কামাখ্যার অলৌকিক শক্তি ঘারা

দেবতাদের পণ্ডতে পরিণত করবার কথা শুনে এই ধরণের আর একটি কাহিনী মনে পড়ল। বাল্যে আমরা তখনতাম, আগামে, কামরূপে কামাখ্যার নারীরা পুরুষদের নাকি ভেড়ায় পরিণত করতে পারত। কামাখ্যা দানবের এই কাহিনীর সহিত কামরূপ কামাখ্যার এই জনপ্রবাদের কোন সংযোগ আছে কি না কে জানে।

কোলহাপুর যখন মহারাজার শাসনে ছিল। তখন আমরা সে রাজ্যে ছিলাম, কাজেই রাজ্যের নানাবিধ আড়ম্বরপূর্ণ উৎসবে যোগ দেবার ও দেখবার সুযোগ পেয়েছি। এখন রাজা-মহারাজের প্রাধান্যের যুগ চলে গেছে, এখনও রাজ্যে সে সমস্ত উৎসব পূর্বের মতই আকালো ভাবে হয় কি না কে জানে।

—•—

## ইন্দ্রজাল

পি. সি. সরকার

অনেকেই ইন্দ্রজাল কথাটিকে জাদুবিদ্যা, ভোজবাজী, ইংরেজী “ম্যাজিক” (Magic) এই অর্থে ব্যবহার করিয়া থাকেন। হস্তকৌশল, যান্ত্রিক কৌশল, ঔষধপত্র, বুদ্ধির প্রখরতা বা মনঃশক্তি ও ইচ্ছাশক্তির একক বা সম্মিলিত প্রয়োগদ্বারা অদ্রুত, অভূতপূর্ব, বা অলৌকিক ক্রিয়াকলাপ প্রদর্শনই ইন্দ্রজালবিদ্যার মূল তাৎপর্য।

আসলে এই বিদ্যার আদি জন্মস্থান এষ্ট প্রাচ্য মহাদেশে, ইহা ভারতীয় তন্ত্রশাস্ত্রের একটি অংশ বিশেষ, এবং গুপ্ত বা গুহ্যবিদ্যা হিসাবে প্রচলিত।

জাদু বা যাদু এই উভয় বানানই গুহ্য এবং ইহা পারসী শব্দ।

কথিত আছে যে, স্বর্গে ইন্দ্রের সভায় মায়াকারগণ নানারূপ অদ্রুত অদ্রুত খেলা দেখাইয়া সকলের মনোরঞ্জন করিতেন, সেই কারণেই এই বিদ্যা ‘ইন্দ্রজাল’ নামে খ্যাত। অনেকে বলেন ইন্দ্রিয়ের শ্রেষ্ঠ ‘চক্ষুর’ উপর ‘জাল’ বিস্তার করে বলিয়া, দৃষ্টিবিভ্রম ঘটায় বলিয়া ইহার নাম ‘ইন্দ্রজাল’ হইয়াছে। একেত্রে উল্লেখ-যোগ্য যে, ব্রহ্মদেশে ইন্দ্রজালকে তাহাদের ভাষায় বলে ‘মিরা ফ্লে’ অর্থাৎ চক্ষুর উপর ভ্রম বিস্তার করা।

কথিত আছে যে, মালব দেশের রাজা ভোজ এই বিদ্যায় বিশেষ পারদর্শী ছিলেন। তাহার কন্যা (বিক্রমাদিত্য মহিষী) রাণী ভানুমতীও এই ইন্দ্রজাল বিদ্যায় বিশেষ দক্ষতা অর্জন করেন। তাহাদের নাম হইতে এই বিদ্যার অপর নাম ‘ভোজবাজী’ বা ‘ভোজবিদ্যা’ এবং ‘ভানুমতী কা খেল’ হইয়াছে। অনেকে মনে করেন ভোজবাজী

এবং ভোজবিদ্যার সহিত রাজা ভোজের কোনও সম্পর্ক নাই। বস্তুতঃ ইহা ‘ভূজবাজী’ এবং ‘ভূজবিদ্যা’ কথা দুইটির ব্যতিক্রম মাত্র। তাহাদের মতে ভূজ=হাত এবং ‘ইন্দ্রজাল’ হইতেছে ‘হাত সাফাইয়ের খেলা’ বা ‘হস্ত লাঘব বিদ্যা’। ইংরেজীতে অহরূপ কথার (sleight-of-hand) এই বিদ্যা বিষয়ে ব্যবহার আছে। তাহারা মনে করেন যে, দ্রুত হস্তসঞ্চালন কৌশলে মানবচক্ষু বিভ্রান্ত হয় এবং একেত্রে হস্তসঞ্চালন এবং চক্ষুর বিভ্রান্তি সৃষ্টি উভয়ই ইন্দ্রজাল কথার প্রযুক্ত হইয়াছে। অনেকে মনে করেন ‘ভানুমতী কা খেল’ বলিতে রাণী ভানুমতীর কোন ব্যাপারই নাই; উহা ‘ভানুমতী কা খেল’—যে খেলায় মতি (মনে) বিভ্রম ঘটায় উহাই ‘ভানুমতী কা খেল’।

ইংরেজ রাজত্বের পর হইতে ভারতবর্ষে ইন্দ্রজাল বিদ্যার প্রভূত পরিবর্তন হইয়াছে—এবং এদেশে ইহার প্রতিশব্দ হিসাবে ‘ম্যাজিক’ কথাটির বহুল প্রচলন হইয়াছে। অহরহঃ ব্যবহারের ফলে ‘ম্যাজিক’ কথাটি চেয়ার-টেবিলের মত নিত্যব্যবহার্য বাংলা শব্দ বলিয়া ভ্রম হয়।

খ্রীষ্টীয় জন্ম সময়ে তিনজন প্রাচ্যের বুদ্ধিমান লোক—(ইংরেজীতে ইহাদের নাম ‘ম্যাজি’ Magi) আকাশে তারকার আবির্ভাব হইতে গণনা করিয়া খ্রীষ্টের দর্শনাকাজ্জার বেথলেহেম যান। প্রাচীন সেই ‘ম্যাজি’ বা বুদ্ধিমান লোকদের ক্রিয়াকলাপ হইতেই ‘ম্যাজিক’ কথাটি সৃষ্টি হইয়াছে। ইন্দ্রজাল বলিতে বুদ্ধির

খেলাই বুঝান উচিত। প্রচুর অভ্যাস (অভ্যাসের অল্প নাম সাধনা) দ্বারা, (হস্তলাঘব কৌশল) দ্বারা, ইচ্ছাশক্তি মনঃশক্তি দ্বারা, ঔষধপত্র ব্যবহারে অথবা যন্ত্রপাতির ও বৈজ্ঞানিক প্রক্রিয়ার সাহায্যে অল্প কয়েকটি সম্পাদন করলেই তাহা ইন্দ্রজাল আখ্যা দেওয়া চলে।

ভারতীয় ইন্দ্রজাল সম্বন্ধে গবেষণা করিলে দেখা যায় বাণী ও বলের খেলা এদেশের (ঐতিহাসিকদের মতে পৃথিবীর) সর্বাপেক্ষা প্রাচীন খেলা। ভারতের পথের বেদিয়াগণ শূন্য বাণী এবং কয়েকটি ছোট ছোট গুটি (বল) লইয়া "এই আছে, এই নাই এইরূপ ভেদিক" দেখাইয়া থাকেন। উহা প্রকৃতই পুনঃ পুনঃ অভ্যাসরূপ হস্ত-কৌশলের ফল। প্রদর্শনভঙ্গিমা এবং বংশপরম্পরাগত অভিজ্ঞতার গুণে এই হস্তলাঘববিদ্যার খেলাটি দর্শক চক্ষুতে মায়া বা ভ্রমের সৃষ্টি করে। জ্যোতিষী বা সন্ন্যাসীগণ যে কোন অঙ্ক সংখ্যা বা রাশি অথবা ফুলের নাম পূর্বাঙ্কে লিখিয়া রাখিয়া যে সমস্ত মনঃশক্তির খেলা দেখান অথবা যে কোন গছের ডাল পাইবার অথবা নখদর্পণে দেবদেবীর মূর্তির আবির্ভাব দেখান উহা প্রকৃতই মনঃসমীক্ষণ, ইচ্ছাশক্তি ও বুদ্ধিবৃত্তির খেলা। বন্দীকরণ, চিন্তাপাঠ, সম্মোহন প্রভৃতিকে এই পর্যায়ভুক্ত করা চলে। পথের বেদিয়াগণ জলের মধ্য হইতে গুড় বালি তুলিয়া লইয়া যে খেলা বহুশতাব্দী যাবৎ দেখাইয়া আসিতেছেন উহা বস্তুতঃ ঔষধপত্রাদি বা রাসায়নিক ক্রিয়ামাত্র! কারণ সাধারণ বালুকাকে ঘূতে ভাজিয়া লইয়া এই খেলা দেখান হয়। শূন্য অবস্থান, আদেশমত হাঁকা হইতে ছোট কাঠের খেলনা, নৌকার মধ্যে জল ফেলা এবং বন্ধ করা, ঝুড়ির মধ্যে মেরে-ভর্তি করিয়া অদৃশ্য করা প্রভৃতি প্রাচীন ভারতীয় খেলাগুলিও বস্তুতঃ যন্ত্রপাতি এবং বৈজ্ঞানিক প্রণালী-সম্বলিত খেলামাত্র। যাদুকরগণ জ্ঞান-বিজ্ঞানের বিভিন্ন বিভাগ হইতে নানাবিধ উপকরণ সংগ্রহ করিয়া তাহাদের গুপ্ত প্রয়োগ করিয়া লোক-সমাজের মনোরঞ্জন করিয়া খ্যাতি এবং জীবিকা অর্জন করিয়া থাকেন—প্রকৃতপক্ষে তাঁহারা যাদুকরের অভিনয় করেন মাত্র।

অতি প্রাচীনকাল হইতেই ইন্দ্রজালবিদ্যার প্রচলন হইয়াছে। মিশর দেশের ধর্মযাজকগণ, রোমের পুরোহিতগণ, ভারতের প্রাচীন মুনিঋষি ও সন্ন্যাসীগণ এই বিদ্যা নানা ক্ষেত্রে নানা ভাবে প্রয়োগ করিয়াছেন। ধর্মের সঙ্গে সংযুক্ত করিয়া প্রাচীনকালের পুরোহিত, ধর্মযাজক এবং সন্ন্যাসীগণ নিজদিগকে ঐশ্বরিক শক্তির অধিকারী, সূত্রাটু অপেক্ষাও অধিক দৈবকর্মতালশালী

প্রতিপন্ন করিবার উদ্দেশ্যে এই বিদ্যার প্রচলন করেন। তাঁহারা ইহাকে গুপ্তবিদ্যা হিসাবে অমুসরণ করিতেন এবং গুরু হইতে শিষ্য এইভাবে যুগপরম্পরায় চলিয়া আসিতেছিল। পরে দর্শকদের চক্ষু ধাঁধাইবার এবং অলৌকিক ক্রিয়া দেখাইবার উদ্দেশ্যে এই বিদ্যার প্রচলন হয়। মোগল রাজত্বকালে একদল বাঙালী যাদুকর বাদশাহ জাহাঙ্গীরের দরবারে অপূর্ব যাদুবিদ্যা প্রদর্শন করেন। বাদশাহ জাহাঙ্গীর তাঁহার আশ্চর্যজনক ক্রিয়া (জাহাঙ্গীর নামা) ইহা লিপিবদ্ধ করিয়াছেন।

শঙ্করাচার্য তাঁহার বেদান্ত সূত্রের ভাষ্যে স্থানে স্থানে সর্পরজ্জুভ্রম, মায়া প্রভৃতির উদাহরণ স্বরূপ ইন্দ্রজাল বিদ্যার উল্লেখ করিয়াছেন। উত্তর রামচরিতে, অথর্ববেদে এবং তন্ত্রশাস্ত্রের অসংখ্য স্থানে ইন্দ্রজাল ও ঐন্দ্রজালিকের উল্লেখ আছে।

রঙ্গমঞ্চ কাল পর্দার সম্মুখ কাল রংএর কোট-প্যান্ট পরিধান করিয়া ইন্দ্রজাল (ম্যাজিক) প্রদর্শনরীতি সম্পূর্ণ ইংরেজদের অবদান। ইংরেজরা সাম্রাজ্যপোষাকে যেশরণের কাল কোট-প্যান্ট (ডিনার স্যুট) পরিধান করেন উহাই এদেশে যাদুকরদের পোশাক হিসাবে প্রচলিত হয়। ইদানীং কালে ভারতীয় যাদুকরগণ স্বাধীনভাবে চিন্তা করিতে শিখিয়াছেন এবং নিজেদের বিশ্বস্ত ইন্দ্রজাল প্রতিষ্ঠান (All-India Magic Circle) মাধ্যমে নানা ভাবে তত্ত্বাহুসন্ধান করিয়া ইন্দ্রজালের সাজ-সরঞ্জাম, প্রয়োগপদ্ধতি, পোশাক এবং পরিবেশের বিরাট পরিবর্তন করিয়াছেন। ভারতীয় ইন্দ্রজালকে কলা (আর্ট) এবং বিজ্ঞান (সায়েন্স) পর্যায়ে কেলিয়া ইহা সম্বন্ধে রীতিমত গবেষণা চলিতেছে এবং ভারতীয় ইন্দ্রজাল আবার বিশ্বের জনগণের দৃষ্টি আকর্ষণ করিয়াছে।

এতাবৎকাল রঙ্গমঞ্চে (থিয়েটারে) নাটকে প্রয়োগ-কর্তাগণ ইন্দ্রজালবিদ্যার সাহায্য লইতেন। পৌরাণিক নাটকে দেখিতে দেখিতে কক্ষমূর্তি কালীমূর্তিতে রূপান্তরিত হইল, সীতা পাতাল প্রবেশ করিলেন অথবা আরব্য উপন্যাসে নারকের পক্ষীরাজ ঘোড়া অথবা উড়ন্ত কার্পেটে আগমন, সবগুলিই এই ইন্দ্রজালের খেলা মাত্র। নানারূপ আলোক-কৌশল, পর্দার প্রয়োগচাতুর্ষ্য, দড়ি, সূতা স্রিং, মেঝেতে গর্ত (Trap) প্রভৃতির সাহায্যে এইসব সম্ভবপর হইত। এতকাল নাটক ইন্দ্রজালের সাহায্য লইত—কিন্তু বর্তমানে ইন্দ্রজাল নিজেই নাটকে রূপান্তরিত হইতে চলিয়াছে। বিজ্ঞানের উন্নতির সঙ্গে সঙ্গে ইন্দ্রজালের প্রতিটি ক্রিয়ার এক্ষণে নাটকীয় রূপ দেওয়া হয়। ইহার পাত্র-পাত্রীদের চরিত্রে অভিনয়-দক্ষতার

আলোক-বিজ্ঞান, বিবিধ পোশাক-  
সজ্জা-সহ পশ্চাৎপট এবং গতিশীল আবহসঙ্গীত  
সম্বন্ধে একত্রীভূত হইয়া ভারতীয় ইন্দ্রজাল নূতন  
ভিলোভার বেষ্মধারণ করিয়া বিশ্বপরিভ্রমণ করিতেছে।  
বর্তমান কালেও এই বিদ্যায় বাঙালীদের দান  
সর্বাধিক।

অনুসন্ধান করিয়া জানা গিয়াছে যে, ১৬১৫ খ্রীষ্টাব্দে  
স্মর টমাস রো সাহেব ইষ্ট ইণ্ডিয়া কোম্পানীর দৌত্য  
করিতে আসিয়া রাজধানী সহরে ইন্দ্রজাল দেখিয়া যান।  
১৮১৮ খ্রীষ্টাব্দে শ্রীরঙ্গপট্টম্ হইতে একদল ভারতীয় যাহুকর  
ইংলণ্ডে ইন্দ্রজাল প্রদর্শন করিত যান। তৎপূর্বে অপর একটি  
ভারতীয় যাহুকরদল সেখানে শেক্সপীর খেলা দেখাইয়া-  
ছিল। এই ফেব্রুয়ারী ১৮২৬ খ্রীষ্টাব্দ হইতে যাহুকর  
রামস্বামীর নেতৃত্বে লণ্ডনের বণ্ড স্ট্রীটের (bond street)  
রঙ্গালয়ে ইন্দ্রজাল প্রদর্শিত হয়। বর্তমান শতকের প্রথম  
ভাগে (১৯০৫-৬) প্রসিদ্ধ মার্কিন যাহুকর থাস্টন  
(Thurston) সাহেব ভারতবর্ষে আসেন। তিনি

বেলা হাসান নামক তৎকালীন একজন ওস্তাদ যাহুকরকে  
উাহার দলভুক্ত করেন এবং সঙ্গে করিয়া আমেরিকাতে  
লইয়া যান। বিদেশী বড় বড় ঐন্দ্রজালিক এদেশে  
আসিবার ফলে বোম্বাইতে প্রফেসর মিশু, সুরাটে প্রফেসর  
আলভারো এবং বাংলা দেশে যাহুকর সত্য ঘোষ,  
রাজা বসু, প্রফেসর গণপতি চক্রবর্তী প্রভৃতি কীর্তিমান  
যাহুকরদের আবির্ভাব হয়। ইহাদের মধ্যে প্রফেসর  
আলভারো এবং যাহুকর গণপতি স্টেজম্যাজিকে বিশেষ  
প্রসিদ্ধি অর্জন করেন। যাহুকর গণপতি প্রথমে যাত্রাদল  
তারপর নাটকের দল হইতে জাহু জগতে প্রবেশ করেন।  
ক্রমে ক্রমে বিখ্যাত বসুর মার্কাসের দলের সঙ্গে ইন্দ্রজাল  
প্রদর্শন করিয়া বহু দেশ পরিভ্রমণ করেন এবং শেষ  
জীবনে নিজের যাহুবিদ্যার একটি দল গঠন করিয়া  
ভারতের নানা স্থানে ইন্দ্রজাল প্রদর্শন করেন।

যাহুকর গণপতি-প্রদর্শিত 'ভৌতিক বাস্তবের গেল',  
কংস কারাগার, ভৌতিক রক্ষ হইতে মুক্তলাভ প্রভৃতি  
উল্লেখযোগ্য।

— ০ —

## ভারত-সীমান্ত

শ্রীতরুণবিকাশ লাহিড়ী

সীমান্তের মাধ্যমে দু'টি প্রায় পরস্পরবিরোধী কাজ করা  
হয় বলে সীমানা নিয়ে আজ এত সমস্যা। সীমানা  
নিষেধ করে আবার অভিযানও জানায়। অনুপ্রবেশ  
যেখানে অভিসন্ধিমূলক, প্রতিবেশীর সার্বভৌমতা ক্ষুণ্ণ  
করা যে অনুপ্রবেশের উদ্দেশ্য, সেখানে সীমানার কাজ  
প্রতিহারী, কিন্তু দুই প্রতিবেশী বন্ধু-রাষ্ট্র যদি বৈধভাবে  
বাণিজ্য করতে চায় তবে সীমান্ত অঞ্চলে সেই প্রচেষ্টায়  
সানন্দ সহযোগিতা করার ব্যবস্থা অবশ্যই থাকা  
প্রয়োজন। সীমান্তের এই দ্বৈত ভূমিকার জটিল সমস্যার  
উদ্ভব হয়। সভ্যতার অগ্রগতির সঙ্গে সঙ্গে সীমানা নিয়ে  
জটিলতা ক্রমশঃ বৃদ্ধি পাচ্ছে। আমরা নিজেদের রাষ্ট্রের  
সার্বভৌমতা সম্বন্ধে আজ অত্যন্ত সচেতন, সামান্ততম  
সীমানা-লঙ্ঘনও উপেক্ষা করতে পারি না। প্রতিটি সভ্য  
রাষ্ট্রের প্রধানতম দায়িত্ব নিজের সীমান্ত রক্ষা করা, কেননা  
শুধু নিরাপত্তার বিবেচনায় নয়, সীমানার সঙ্গে দেশের

মর্যাদা ঘনিষ্ঠভাবে জড়িত। কিন্তু এই গুরুদায়িত্ব  
সুচারুভাবে সম্পাদন করা সহজ নয়, অনেকগুলি কারণের  
মধ্যে দু'টি বিশেষভাবে উল্লেখযোগ্য :

(ক). ভৌগোলিক অসুবিধার জন্ত যথাযথভাবে  
সীমানা নির্দেশ বা নিরূপণ করা অনেক সময় কঠিন হয়ে  
পড়ে।

(খ) সীমানা সম্পর্কে প্রতিবেশী রাষ্ট্রের এক বিশেষ  
মনোভাবের ফলে সঙ্কট দেখা দিতে পারে। নাৎসী  
রাজনীতিজ্ঞ হাওসোফার মনে করতেন, একমাত্র দুর্বল  
রাষ্ট্রের পক্ষেই কোন একটি নির্দিষ্ট সীমানাকে মান্য করা  
শোভা পায়, যে রাষ্ট্র প্রগতিশীল ও বলিষ্ঠ তার কাছে  
সীমানা এক সাময়িক বৃদ্ধ-বিরতি রেখা-মাত্র!

উপরোক্ত দু'টি কারণের মধ্যে দ্বিতীয়টি সম্বন্ধে কিছু  
বলা কঠিন কেননা, কোন রাষ্ট্র ঐ অস্বুত মতবাদে  
বিশ্বাসী হলেও তা প্রকাশ করবেন না। এ বিষয়ে



আলোচনা করলে কেবলমাত্র অহুমানের ওপর নির্ভর করতে হবে। তবে ভারত-সীমান্তের পরিপ্রেক্ষিতে প্রথম কারণটি অহুমান করা যায় আর তার প্রয়োজনীয়তাও দেখা দিয়েছে। তার পূর্বে সীমানা ও সীমান্তের শ্রেণী-বিভাগ সম্বন্ধে সাধারণভাবে ছ'কথা ব'লে নেওয়া হয়ত অপ্রাসঙ্গিক হবে না।

#### সীমানার শ্রেণীবিভাগ

প্রধানতঃ চার প্রকার সীমানা দেখা যায় :

- (ক) প্রাকৃতিক সীমারেখা, অর্থাৎ পর্বতমালা, নদী, হ্রদ, ইত্যাদির সাহায্যে যে সীমানা নির্দিষ্ট করা হয়েছে।
- (খ) সাংস্কৃতিক সীমারেখা, জাতিগত, ভাষাগত পার্থক্যের উপর ভিত্তি করে যে সীমানা চিহ্নিত করা হয়।
- (গ) মিশ্র সীমারেখা, প্রাকৃতিক ও সাংস্কৃতিক কারণের সমন্বয়ে গঠিত সীমানা।
- (ঘ) জ্যামিতিক সীমারেখা, সাধারণতঃ প্রশাসনিক সুবিধার জ্ঞান সরলরেখার সাহায্যে সীমানা নির্দেশ করা হয়। এই ধরনের সীমারেখা প্রধানতঃ আমেরিকা ও অষ্ট্রেলিয়ায় দেখা যায়।

#### ভারত-সীমান্ত

ভারতবর্ষ একটি উপদ্বীপ। ভারতের একদিকে সমুদ্র আর তিনদিকে স্থলভাগ। সমুদ্রের কল্যাণে দক্ষিণ সীমানা নিয়ে কোনও সমস্যা নেই, যত জটিলতা উত্তর, পশ্চিম ও পূর্ব সীমান্ত ঘিরে, ভারত-চীন, পাক-ভারত সীমান্ত নিয়ে।

#### ভারত-চীন সীমান্ত

কাশ্মীর থেকে আসাম পর্যন্ত দীর্ঘ ২৪০০ মাইল ধ'রে বিস্তৃত ভারত-চীন সীমান্ত। অবশ্য পূর্বাধিকের কিছুটা অংশ জুড়ে রয়েছে নেপাল ও ভারতের প্রভাবাধীন দুই রাষ্ট্র, ভূটান ও সিকিম। তবে সমগ্রের তুলনায় এদের পরিসর এত অল্প যে, মোটামুটিভাবে উত্তর সীমান্তকে ভারত-চীন সীমারেখা হিসাবেই গণ্য করা যায়। এই সীমারেখা প্রাকৃতিক হিমালয় পর্বতমালার জল-বিভাজিকাকে অহুসরণ করেছে।\* সিমলায় ১৯১৩-১৪ সনে ভারত, চীন ও তিব্বতের প্রতিনিধিদের এক যুক্ত বৈঠকে এই সীমানা নির্ধারিত হয়। অধুনা উদাহরণ পৃথিবীর অত্র ও দেখতে পাওয়া যায়, যেমন ফ্রান্স ও স্পেনের সীমানা পীরেনিজ পর্বতমালার জলবিভাজিকাকে

\* হিমালয়ের উচ্চতম শৃঙ্গগুলিকে একটি কাল্পনিক রেখার দ্বারা যুক্ত করলে জলবিভাজিকার অবস্থান সম্বন্ধে আন্দাজ পাওয়া যায়।

অহুসরণ করেছে, অর্থাৎ পর্বতমালার জলবিভাজিকা চিলি ও আর্জেন্টিনার মধ্যবর্তী সীমানা রচনা করেছে। এই ধরনের প্রাকৃতিক সীমান্ত বিজ্ঞান-সম্মত কেননা জল-বিভাজিকা হতেই নদীর উৎপত্তি হয়, নিজের দেশের নদ-নদীর উৎসস্থল স্ব-সীমার মধ্যে থাকাই বাঞ্ছনীয়।

গঠনের জ্ঞান হিমালয় ভারতের উত্তর সীমান্ত রক্ষার ব্যাপারে কিছু দিগ্ন সৃষ্টি করেছে। উত্তর ভারতের সমতলভূমি হতে হিমালয় অত্যন্ত খাড়াভাবে ওঠায় যোগাযোগ ব্যবস্থা গড়ে তোলা, দক্ষিণ হতে উত্তরে যাওয়ার পথ নির্মাণ করা কষ্টকর ও ব্যয়সাধ্য। তিব্বতের দিকে হিমালয়ের চাল অনেক ক্রমনিয় হওয়ায় ঐ প্রান্ত হতে ভারতীয় এলাকায় প্রবেশ করা সম্ভবসাধ্য, রাস্তা-ঘাট তৈরী করার সুবিধা রয়েছে। আল্পসের ক্ষেত্রেও এই অবস্থা দেখা যায়। ইটালীর সমতলভূমি হতে আল্পস খাড়াভাবে উঠেছে অথচ জার্মান ও সুইস মালভূমি থেকে তার উত্থান অনেক ক্রমউচ্চ। এই প্রাকৃতিক প্রতি-কূলতায় জার্মান আক্রমণ থেকে ইটালীকে রক্ষা করায় অসুবিধা হ'ত ব'লে নেপোলিয়ন আল্পসকে 'Splendid Traitor' আপ্যাদিয়েছিলেন।

উত্তর সীমান্তবর্তী এলাকায় সবচেয়ে গুরুত্বপূর্ণ অঞ্চল, জম্মু ও কাশ্মীর। এই রাজ্যের অতি নিকটে সোভিয়েট রাশিয়া, আর এর সীমানা স্পর্শ করে রয়েছে তিনটি রাষ্ট্র আফগানিস্তান, পাকিস্তান ও চীন। এই রাজ্যে ও এর কিনারে রয়েছে হিমালয়ের সবচেয়ে সুবিধাজনক তিনটি গিরিপথ : কারাকোরাম, গিলগিট, ব্রাজেল আর অদূরেই গুরুত্বপূর্ণ সিপকি গিরিপথ। ঝিলম উপত্যকার মত বিমান-ঘাঁটি নির্মাণের এমন উপযুক্ত জায়গা বন্ধুর মধ্য এশিয়ায় আর একটিও নেই। আশ্চর্য্য কি, মধ্য এশিয়ায় এই স্নায়ু-কেন্দ্রে চীন ঘাঁটি স্থাপন করতে চাইবে, লাডাকের যে অংশটুকু অবৈধভাবে দখল করেছে তা পুনর্স্বীকার হস্তান্তর করতে নারাজ হবে।

অবশ্য শুধু লাডাকের বেলায় নয়, চীন সমগ্র ভারত-চীন সীমান্ত পুনঃনির্ধারণের জ্ঞান দাবী তুলেছে। চীন সরকার সিমলা বৈঠকের সিদ্ধান্ত অস্বীকার করেছেন, ম্যাকমেহন লাইনের (নেফা ও তিব্বতের মধ্যবর্তী সীমারেখা) বৈধতা সম্পর্কে প্রশ্ন করেছেন, উত্তর-পশ্চিম ও উত্তর-পূর্ব অঞ্চল মিলিয়ে ভারতের প্রায় পঞ্চাশ হাজার বর্গমাইল ভূমি দাবি করেছেন। চৈনিক মানচিত্রগুলিতে লাডাকের অংশবিশেষ ও নেফাকে চীনের অংশ হিসাবে দেখান হচ্ছে। কিন্তু প্রাকৃতিক ও সাংস্কৃতিক উভয়

বিচারেই চীনের দাবি অযৌক্তিক ব'লে মনে হয়। চৈনিক দাবি অনুযায়ী ভারত-চীন সীমান্ত হিমালয়ের জল-বিভাজিকা হতে অনেকখানি দক্ষিণে স'রে আসে, তাদের মনোমত সীমারেখা অবৈজ্ঞানিক হয়ে পড়ে। প্রসঙ্গত উল্লেখযোগ্য, কেবল ভারতের ক্ষেত্রেই অত্যাধিক দাবি উত্থাপন করা হয়েছে। চীন ও ব্রহ্মের মধ্যে সম্প্রতি যে সীমানা-চুক্তি হয়েছে তাতে উত্তর দেশের মধ্যবর্তী জলবিভাজিকাকেই (ম্যাকমেহন লাইনেরই প্রসারিত অংশ) চীন-ব্রহ্ম সীমান্ত হিসাবে স্বীকার করে নেওয়া হয়েছে। নেকাকে চীনের অংশ ব'লে দাবি করার পিছনে অপর যে যুক্তি প্রদর্শন করা হয় তারও ভিত্তি অত্যন্ত দুর্বল। একথা প্রচার করা হয় যে, নেকার অধিবাসীদের সংস্কৃতি তিব্বতীয়দের মত। কিন্তু এই রটনা সত্য নয়। তিব্বতীয়রা নেকার অধিবাসী দাকলা, মিরি, আবর প্রভৃতি উপজাতিদের চিরকাল পৃথক্ ব'লে গণ্য করেছে, এই উপজাতিদের তারা 'লোপাস' অর্থাৎ নিম্ন-শ্রেণীর অসত্য ব'লে মনে করেছে। সুতরাং দেখা যায়, চৈনিক দাবির পিছনে কোনও বলিষ্ঠ-যুক্তি নেই আর সেই কারণেই আশঙ্কা হয়। যেখানে তথ্যের অভাব, সত্য যেখানে সহায় নয়, সেই অত্যাধিক দাবি যখন উত্থাপন করা হয়েছে তখন তার সমাধান বোধ হয় সহজে হবে না।

উত্তর সীমান্ত সম্বন্ধে আলোচনা করতে গিয়ে তিব্বতের অতীত ভূমিকার কথা বাদ দেওয়া যায় না। ভারত ও চীনের মধ্যে অবস্থিত অসুন্নত স্বাধীন তিব্বত ১৯৫১ সাল অবধি 'বাকার রাষ্ট্রের' কাজ করেছে। উত্তর সীমান্তে এই ধরনের একটি নিরপেক্ষ রাষ্ট্রের অবস্থিতি ভারতের নিরাপত্তার পক্ষে অত্যন্ত সহায়ক ছিল। তিব্বতের কল্যাণেই দীর্ঘকাল ধ'রে আমাদের উত্তর সীমান্তে কোনও উপদ্রব হয় নি। ১৯৫১ সালে চীন সরকার তিব্বতের স্বাধীনতা হরণ করেন, এর পর থেকেই উত্তর সীমান্তে অশান্তি শুরু হয়েছে। শক্তিশালী চীন ভারতের সীমানা পর্য্যন্ত নতুন নতুন সড়ক নির্মাণ করেছেন, ভারতের প্রান্তবর্তী লাসা-সিগাভসি-গারাংসি ও সিংকিয়াং-তিব্বত রাজপথ দুইটির আমূল সংস্কার করে ভারত সীমান্ত পর্য্যন্ত দ্রুত সামরিক সরবরাহের সুবন্দোবস্ত করা হয়েছে, কারমালিক-গারটক রাজপথ ত লাডাকের ওপর দিয়েই নিয়ে যাওয়া হয়েছে। সবদিক্ বিচার করলে দেখা যায়, উত্তর সীমান্তে স্বাধীন শান্তি প্রতিষ্ঠার সঙ্গে তিব্বতের স্বাধিকার প্রসঙ্গটি ঘনিষ্ঠভাবে যুক্ত। তিব্বতীয়রা যে স্বাভাবিক দাবী করেন তা মোটেই

অযৌক্তিক নয়। ভৌগোলিক অবস্থানের দিক্ দিয়ে তিব্বত চীন থেকে পৃথক্, তিব্বতের ভাষা আলাদা, তিব্বতীয়দের লোকাচার ও সংস্কৃতি চীনাদের থেকে স্বতন্ত্র। তিব্বতীয়রা স্বায়ত্তশাসনের অধিকার পাওয়ার জন্য যে দাবী করছেন তা সম্পূর্ণ ভ্রাম্যসভ্যত।

#### পাক্-ভারত সীমান্ত

পাক্-ভারত সীমান্ত তথাকথিত সাংস্কৃতিক ভিত্তির (দুই জাতি তত্ত্ব) ওপর প্রতিষ্ঠিত। কিন্তু বিচার করলে দেখা যায়, দেশ বিভাগে সিরিল র্যাডক্লিফ কোন একটি সুসমঞ্জস নীতির অনুসরণ করেন নি, না সাংস্কৃতিক, না প্রাকৃতিক, না প্রশাসনিক। সীমারেখা বিজ্ঞানসম্মত না হওয়ায় আজও পর্য্যন্ত সীমান্ত-অঞ্চলে বিবাদে অস্ত নেই। বিচারপতি বাগে পরে ক্রটি সংশোধনের চেষ্টা করেছিলেন কিন্তু বিশেষ সফল হন নি।

ভারত-পাক্ সীমানা একটি সংযুক্ত রেখা নয়, দুই অংশে বিভক্ত। পশ্চিমে এই আন্তর্জাতিক সীমারেখা সৌরাষ্ট্র ও রাজস্থানের পশ্চিমসীমা অবলম্বন করে উত্তরাভিমুখে অগ্রসর হয়ে পঞ্জাবকে দুই অংশে বিভক্ত করেছে। পূর্বাঞ্চলে আসাম ও পশ্চিম বাংলা পূর্ব পাকিস্তানকে বেষ্টিত করে রয়েছে। দুই অংশের সীমান্ত সমস্তা একরূপ নয়, তাই ভিন্ন-ভাবে আলোচনা করলে পাক্-ভারত সীমান্ত সমস্তা বুঝতে সুবিধা হবে।

#### পশ্চিম-বাংলা-পূর্ব পাকিস্তান আসাম সীমান্ত

কোন সময়েই একটি বর্ধীপকে স্বাভাবিকভাবে ভাগ করা যায় না। গঙ্গা-ব্রহ্মপুত্র-গঠিত বর্ধীপ বাংলা দেশ খণ্ডিত করার অসুবিধা অনেক। পূর্ব পাকিস্তান ও পশ্চিম বাংলার মধ্যকার বহুই আন্তর্জাতিক সীমারেখা কখনও নদীপথ ধ'রে কখনও বা অত্যন্ত জনবহুল সমতল ভূমির ওপর দিয়ে গিয়েছে। গাঙ্গের সমভূমিতে দীর্ঘ পাক্-ভারত সীমান্ত প্রায় সর্বত্রই নদীপথের দ্বারা চিহ্নিত। এই ধরনের সীমানা সমস্তা সৃষ্টি করে। বর্ধীপের নদীগুলির বৈশিষ্ট্যই হ'ল, অবিরত গতি পরিবর্তন করা। এর কলে ঘন ঘন নতুন করে সীমানা নির্ধারণের প্রয়োজন দেখা দেয়। উদাহরণস্বরূপ বলা যায়, বেশ কিছুটা দৈর্ঘ্য জুড়ে যে মাথাভাঙা নদী পশ্চিম বাংলা ও পূর্ব পাকিস্তানের মধ্যে সীমারেখা রচনা করেছে, সেই মাথাভাঙার গতি পরিবর্তনের ব্যাপারে বিশেষ দুর্ভাগ্য আছে। এইখানেই শেষ নয়, নদীতে নতুন চর ওঠে, নতুন বিবাদের সূত্রপাত হয়, তা ছাড়া, মৎস্য শিকারের অধিকার নিয়ে সঙ্কট ত লেগেই আছে।

আসাম পূর্ক পাকিস্তান সীমান্ত জনবিরল অরণ্যাবৃত পার্কত্যভূমির ওপর বিস্তৃত। এই প্রান্তের প্রধান অসুবিধা যথায়থ যাতায়াত ব্যবস্থার অভাব। সেই কারণে এই বন্ধুর সীমান্ত রক্ষা করা কষ্টকর। অনেকটা দৈর্ঘ্য জুড়ে লুগাই পর্কতমালা সীমান্ত বরাবর সমান্তরাল ভাবে প্রসারিত। পরিবহনের উপযোগী গিরিপথ প্রায় নেই বললেই চলে। সীমান্তের সঙ্গে অন্তর্দেশের যোগাযোগ ব্যবস্থা অত্যন্ত দুর্বল। বিশেষ আশঙ্কাজনক যে, এই সামরিক দিক দিয়ে গুরুত্বপূর্ণ অঞ্চলে রেলপথ ও রাজপথের দৈর্ঘ্য অতি নগণ্য। আট'শ কিলোমিটার দৈর্ঘ্য সীমান্ত অঞ্চলে প্রতি ১০০ বর্গ মাইলে মোটর উপযোগী পথের দৈর্ঘ্য মাত্র ১ থেকে ৫ কিলোমিটার। রেলপথের অবস্থাও অসুস্থ, ৬৭৫ কিলোমিটার দীর্ঘ সীমান্ত অঞ্চলে নিকটতম রেললাইন থেকে (রেল ষ্টেশন নয়) সীমানার দূরত্ব ৮০ কিলোমিটারেরও বেশী। এর থেকে সহজেই অনুমান করা যায়, বিপদের সময় আসাম সীমান্তে দ্রুত সরবরাহ পৌঁছান কত কঠিন।

পূর্কালে সীমান্ত রক্ষার সমস্তা ছাড়াও প্রশাসনিক অসুবিধা আছে। সীমানা যেখানে জনবহুল সমভূমির ওপর দিয়ে গিয়েছে সেখানে অবৈধ বাণিজ্যের প্রকোপ বেশী। Enclave গুলিতে যথায়থভাবে শাসন-কার্য পরিচালনা করা আর এক সমস্তা।

#### ভারত-পশ্চিম পাকিস্তান সীমান্ত

পঞ্চনদীর দেশ পাক্সাবকে খণ্ডনের ফলে এর সেচ ব্যবস্থা বিপর্যস্ত হয়েছে। বৃহত্তম সেচখালগুলি ও জলসেচিত জমির শতকরা সত্তর ভাগ পড়েছে পশ্চিম পাক্সাবে, কিন্তু নদীগুলির উৎসস্থল রয়েছে ভারতে। দেশ বিভাগের পর স্বাভাবিকভাবেই ভারতের পক্ষে নতুন খাল খননের প্রয়োজনীয়তা দেখা দেয় আর তার ফলে পাকিস্তানে জল-সরবরাহ কমে যাবে এই আশঙ্কায় পাক-সরকার আপত্তি প্রকাশ করেন। এই খাল-সম্পর্কিত বিবাদ বহুদিন ধরে চলেছে। সম্প্রতি বিশ্বব্যাঙ্কের সহায়তায় এই বিরোধের একটা নিষ্পত্তি হয়েছে, ভারত

পাকিস্তানকে একটা মোটা অঙ্কের টাকা ক্ষতিপূরণ দিতে প্রতিশ্রুত হয়েছে। কিন্তু মনে হয়, এই শান্তি সাময়িক। কেননা, ক্রমবর্ধমান লোকসংখ্যার চাপে নতুন সেচখালের প্রয়োজন দেখা দিতে পারে আর তার ফলে পুনরায় বিবাদ শুরু হওয়া অসম্ভব নয়। জলের সেখানে অনেক দাম।

দক্ষিণে অবশ্য বিরোধের সম্ভাবনা ও সুযোগ কম। সীমানা এখানে রাজস্থানের উত্তর থর মরুভূমি ও কচ্ছের লবণাক্ত জলাভূমি বেঠন করে রয়েছে। এই দুই অসুস্থর প্রান্তে সীমানা লঙ্ঘনের বোঁক না হওয়াই স্বাভাবিক।

#### ভারত-ব্রহ্ম সীমান্ত

সৌভাগ্যক্রমে, এই সীমান্ত-অঞ্চলে আজও কোন সঙ্কট দেখা দেয় নি। পর্কতাকৌর্ণ বিপদসঙ্কুল এই সীমান্ত আজও নিরুপদ্রব। প্রায় দশ হাজার ফিট উঁচু পর্কত-শৃঙ্গগুলির ধারা এই সীমান্ত সুরক্ষিত। এই সীমানা অতিক্রম করবার জন্য দুটি মাত্র উল্লেখযোগ্য পথ আছে :

(ক) তাউনগুপ গিরিপথ

(খ) কোহিমা-তমু-কাবাত্যালী সড়ক। এই পথটির গুরুত্বই সবচেয়ে বেশী।

প্রাকৃতিক কারণে ভারত-ব্রহ্ম বাণিজ্য ও সংযোগ প্রধানত: জলপথেই হয়ে থাকে। শান্তিকামী দুই প্রতিবেশী রাষ্ট্রের মধ্যে সীমান্ত নিয়ে আজও কোন বিরোধ হয় নি।

\* \* \*

সীমানা সুচারুভাবে নির্দিষ্ট করা দরকার, সীমান্ত-অঞ্চল সুরক্ষিত করার জন্য যথায়থ ব্যবস্থা অবলম্বনের প্রয়োজনীয়তাও অনস্বীকার্য, কিন্তু সবার উপরে সত্য, দুই দেশের সম্মুখলে প্রকৃত শান্তি প্রতিষ্ঠার জন্য শ্রেষ্ঠতম উপায়, মৈত্রী; দুই প্রতিবেশীর মধ্যে পারস্পরিক সহযোগিতা ও বন্ধুত্ব: বিভেদ নয়, বিশ্বাস।

## এ শুধু গানের রাত

### শ্রীসৌরি ঘটক

ছ' মাস আগে থেকে সেই আশ্চর্য রাতটির প্রস্তুতি শুরু হয়। প্রথম ফাল্গুনের হাওয়ার তখনও পাকা ধানের গন্ধের রেশ লুকিয়ে থাকে, আখের মুকুলে মধু-খাওয়া মৌমাছির মৌজ হয়ে গুন্ গুন্ করে ভেসে বেড়ায়। গাঁয়ের ধূলা-ওড়া পথে চোখে পড়ে ভিনদেশী মানুষদের আনা-গোনা। শাস্ত্র গ্রাম্য চেহারা, গায়ে রঙীন আলোয়ান। ছোট্ট কপালটায় বিন্দু বিন্দু ঘাম, হাঁটুর ওপর তোলা কাপড়ের নীচে এক পা ধূলা, দেখেই বোঝা যায় অনেক দূর থেকে অনেক মাঠ-ঘাট পেরিয়ে তারা আসছে। গাঁয়ের লোক কোন কিছু শুধোবার আগে তারাই প্রশ্ন করে, 'ছড়াদারের বাড়ীটা কমনে যাব বলতে পারেন—'

গাঁয়ের এক কোণে হয়ত মাটির একখানা চালা ঘর। তারই নিচু বারান্দায় ছোট ছোট তালপাতার চাটাইয়ের ওপর বসে গান নিচ্ছে সব—একজন গুন্ গুন্ করে সুর বলে দিচ্ছে, আর একজন কথাগুলো লিখে নিচ্ছে খাতায়। ছড়াদার মাথাটা একপাশে হেলিয়ে, একটা হাত গালে দিয়ে বেঁধে যাচ্ছে গান—'কৈকেয়ীর সেবাতে গেল দশরথের জালা। আজ আমরা গাইব রামের বনগমনের পালা।'

একটা গাঁয়ের দল লিখছে, আরও ছ' তিনটে গাঁয়ের দল হয়ত ছড়াদারের বাড়ীর পাশের পচা ডোবাটায় হাত-পা ধুয়ে এসে অপেক্ষা করছে, গান লিখে নেবে বলে। এক দলের সারা হ'লে আর একদল বসবে। এরা যদি নেয় সীতাহরণ, ওরা নেবে সাবিত্রী সত্যবান্। তার পর এরা চলে গেলে আরও দল আসবে। ছড়াদার দক্ষিণে পাবে গানপিছু চার টাকা, পাঁচ টাকা। পালাবন্দী গান ছাড়া কেউ কেউ আবার নেবে পাঁচালি, ছড়া। তার পর গাঁয়ে ফিরে গিয়ে প্রতিদিন সন্ধ্যা থেকে এক-একটা আখড়ায় ব'সে শুরু হবে গান সাধা। গাঁয়ের পর গাঁ, পাড়ার পর পাড়ায় সন্ধ্যারাত নেচে উঠবে ঢোলক কি মাদলের বাজনা। নিগুতি মাঠের বুক বেয়ে ভেসে বেড়াবে সুরের পর সুর, দিনের বেলায় মাঠে গরু চরাতে চরাতে, কি ক্ষেতে কাজ করতে করতে চাষীর কণ্ঠ হতে সেই সব গানের কলি চমকে দেবে ছুপুরের প্রশান্তিকে—ধীরে ধীরে গড়ে উঠবে একটি পরিবেশ—রাঢ় বাংলার বোলানের রাতের পরিবেশ।

সমাজ-গবেষকদের মতে পুরাকালে মানুষের সৃষ্টি-রহস্য সম্পর্কে অনভিজ্ঞতা থেকেই লিঙ্গপূজার প্রথম উৎপত্তি। আমাদের মহাদেবের কল্পনাতেও সেই রকমের কোন ধারণা থাকতে পারে। সে যাই হোক না কেন, পল্লী-বাংলার শিবঠাকুরটি কিন্তু তাদের ঘরের জন। বর্ষার রাতে সেই শিবঠাকুরের তিন কত্বের বিষের সমস্তা, কুমারীদের শিবপূজা, মেঘেদের নীলপূজা আর চৈত্র-সংক্রান্তির গাজনের উৎসব তাদের সাংস্কৃতিক জীবনে ওতপ্রোতভাবে মিশে গিয়েছে। তাই গাজনের তিনদিন আগের এই রাতটি রূপান্তরিত হয় এক গানের রাতে—দেশের লোকের ভাষায় বোলান গানের রাত।

এ রাতটা যে কেমন করে এমনধারা গানের রাতে রূপান্তরিত হ'ল, সে আজ গবেষণার বিষয়। হয়ত প্রাথমিক স্তরে এমন একটা ধারণা ছিল, শিব শ্মশান-চারী—ভূতপ্রেত, যক্ষ, রক্ষ তার অহুচর। তাই শিব-পূজার রাতে এমনধারা উদাস হয়ে ঘুরে বেড়াতে হয় গাঁয়ে গাঁয়ে গান গেয়ে—তার পর সেইটাই বিভিন্ন যুগে বিভিন্ন ধর্মীয় ও সাংস্কৃতিক সংস্কারের ভেতর দিয়ে রূপান্তরিত হয়েছে এই ভাবে। কিন্তু সে যেমন করেই হোক, দীর্ঘ যুগ যুগান্তরের সাধনায় রাঢ়-বাংলার মানুষ সৃষ্টি করে ফেলেছে একটি আশ্চর্য রাতের—যে রাতে শুধু গান আর গান—কিঁকিঁ-ডাকা পল্লীর বুকভরা গুন্ সুর আর সুরের হিল্লোল।

রাঢ়-বাংলার আর কোন উৎসবে গ্রামের সর্বস্তরের মানুষের এমন সার্কজনীন অংশগ্রহণ হয় না। গাঁয়ের দাদাঠাকুর থেকে সবচেয়ে নিচু জাতের মানুষটি নিয়ে দল হয় তিনটে চারটে। এদের ভেতর যারা বোলান গায়—তারা কোমরে কি পায়ে ঘুঁঘুরের ছড়া পরে, হাতে একগাছা করে কঞ্চি কি ছোট লাঠি নিয়ে বেরিয়ে পড়ে। শুধু দলের একজনের হাতে থাকে একটা হারিকেন—একজনের গলায় বোলান একটা হারমোনিয়াম আর একজনের কোমরে কাপড় দিয়ে বাঁধা একটা ঢোলক। এ ছাড়া দলে একজন থাকবে মুহুরী। তার হাতে খাতা। তাই দেখে সে গানের কলি বলে দেবে। এরা ছাড়া



দলে থাকে আরও বিশ-পঁচিশ জন। পনের-ষোল থেকে পঞ্চাশ-ষাট বছর বয়সের পর্য্যন্ত মানুষ।

এই বোলান গাওয়া ছাড়া আর একরকমের দল হয়, তার নাম শ্মশান। এরা মাসখানেক আগে একটা কি ছোটো মরার মাথা শ্মশান হতে এনে রেখে দেয় কোন পতিত ঘরের কোনায়, কি কোন পুকুরের ধারে বটগাছের গোড়ায়। এক মাস ধরে প্রতিদিন সেখানে ধূপ-ধুনো দেয়, একে বলে শ্মশান জাগানো। এদের দলে লোক থাকে কম। পনের-কুড়ি জন। এদের সাজ-পোশাক অল্প রকম। কালি-ঝুলি মেখে যত্নরকমে পারে বীভৎস করে ভোলে নিজেদের চেহারা। পরে শতছিন্ন কাপড়-চোপড়। কেউ কেউ মাথায় এক ফালি নেকড়া বেঁধে গোছে শকুনের পালক—কেউ হাতে নেয় মড়ার হাড়, কেউবা মাথা। কোন কোন দল নদীর গর্ভ থেকে কুড়িয়ে আনে আস্ত মড়া ছেলে—কি শেয়াল কুকুরে-খাওয়া তার বিকৃত দেহটা। তার পর রাত একটু ঘন হলে ‘জয় শিব মহাদেব’ বলে বেরিয়ে পড়ে গাইতে।

যারা শ্মশান গায় তারা সেই বোলানের রাত ছাড়া বেরোয় না। কিন্তু যারা বোলান গায় তারা আগের দিন সন্ধ্যাবেলা গায়ের আসরে একবার গেয়ে নেয়। সন্ধ্যার পরই গুটি গুটি করে গায়ের মেয়ে-পুরুষরা এসে ছেঁড়া চট কি চাটাই পেতে আসর জাঁকিয়ে বসে। মাঝখানে দানিকটা জায়গা কাঁক থাকে গায়কদের জন্ত। ‘জয় শিব মহাদেব’ বলে গায়করা লাফাতে লাফাতে এসে আসরে ঢোকে। ঢাকি ড্যাডাং ড্যাডাং করে নাচতে নাচতে ঢাক বাজাতে থাকে—আর সেই বাজনার তালে তালে গায়করা মাথার ওপর হাত তুলে মাজা ছুলিয়ে উদ্দাম নৃত্য শুরু করে।

পাঁচ-সাত মিনিট ধরে চলে এই রকম উদ্দাম নৃত্য। তার পর ঢাকি তার বাজনার তালে তালে একসময় নাচ থামিয়ে দেয়। গোটা দল ভাগ হয়ে যায় ছোটো ভাগে। এ পাশে কতক, কতক ও পাশে। মাঝখানে থাকবে হারমোনিয়ম, বাজনদার আর মহরী। হারমোনিয়ামে সুর উঠবে, বাজনদার মাথা কাঁকিয়ে ঢোলকে চড়বড় চড়বড় করে তেয়াই মারবে—আর মহরী খাতা ধুলে একটা ভাগের কাছে গিয়ে ধরিয়ে দেবে প্রথম কলি—‘প্রথমে বন্দনা করি মুষিক-বাহনে’—তার পর ও ভাগ সেই ধূয়োটা ধরতেই পরের কলিটা বলবে—‘তার পর বন্দনা করি দেব পঞ্চাননে গো—’

প্রথম ভাগ প্রথম কলি গেয়ে নাচতে নাচতে পিছিয়ে যায়, অপর ভাগ গাইতে গাইতে এগিয়ে আসে সামনে।

এমনি করে ধুরে ধুরে নেচে নেচে গাওয়া হয় দীর্ঘ পালা।

এক একটা কলিতে এক এক রকম সুর। প্রথম কলি যদি হয় পাঁচালি, দ্বিতীয় কলি রামপ্রসাদী, তৃতীয় হবে খুমুর, পরেরটি হবে হয়ত ভাটিয়ালি। যতগুলো কলি তত রকম সুর এমন কি আজকালকার সিনেমার সুর পর্য্যন্ত। তার পর গানের শেষ কলিতে এসে শেষ হবে ছড়াদারের নাম আর মহরীর গলায় এক গাছি মালা প্রার্থনা করে—

ছড়াদার যে সুধা কর গো সর্কলোকে বলে  
একটি গাছি ফুলের মালা

দাও মুহরীর গলে গো দাও মহরীর গলে।  
মালাটাই সম্মান। মালা চাইই। বোলানের রাতের জন্ত মালা ভক্তদের গৌণে রাখতে হবে পঞ্চাশ-ষাট গাছা। মালা ফুরিয়ে গেলে স্নাতোয় বেল পাতা গৌণেও মালা পরিবে দিতে হবে। এই হ'ল নিয়ম।

গান গাইতে গাইতে রাত গভীর হয়। আকাশে যদি চাঁদ থাকে ত সে চাঁদ উঠে আসে মাথার ওপর। জনহীন বাড়ীগুলো নিঃশব্দে পড়ে থাকে অন্ধকারে—‘হু’ একটা কুকুর হয়ত গাছের ছায়ায় কাঁপন দেখে কাঁ কাঁ করে ডেকে ওঠে—মানুষগুলো ঘন হয়ে বসে গান শোনে। বোলান শেষ হয়। শুরু হয় ছড়াদারের কাছে বেঁধে-আনা নতুন নতুন পাঁচালি। কোনটা ধর্ম বিষয়ে, কোনটা দেবদেবীর উপাখ্যান নিয়ে, আবার কোন কোনটা ঘরোয়া পারিবারিক সমস্যা নিয়ে।

ঢোলকদার নেচে নেচে ঢোল বাজাতে থাকে। গায়ক একটি হাত মাজায় দিয়ে আর একটি হাত সামনে ছাড়িয়ে আঃ আঃ করে সুর ভাঁজে, মানুষগুলো তন্ময় হয়ে শোনে। মেয়েরা গায়ে গা দিয়ে ঘেঁষাঘেঁষি বাঁসে বড় বড় চোখ তুলে শোনে—ছড়াদার নাচতে নাচতে তাদের সামনে এসে হাত নেড়ে গান ধরে—

“ভাতার বলেছে ভাত আর দেব না,  
কি উপায় করি বল না।

যখন যুবো বয়স ছিল  
না বুঝে কাজ করেছিল,

এখন পাঁচ ছেলের বাপ হয়ে বলে

বিয়ে করা ভাল না—”

মেয়েগুলো গান শুনে খিল খিল করে হেসে ওঠে। কোন কোন বয়স্কী হয়ত কপট মুখ কাপটা মেয়ে ওঠে। আঃ মবু, কি ছিরি গানের—। গায়ক ততক্ষণে তাদের কাছ হতে সরে গিয়ে আসরের মাঝখানে গাইছে—

দোয়াররা চড়া সুরে টান ধরে রেখেছে—অনন্ত রাতের নীচে পৃথিবী কোথায় তলিয়ে গিয়েছে—তুধু বাংলার এক নিভৃত পল্লী-কোণে গুটিকতক মানুষ তাদের জীবনের দুঃখ-বেদনায় কাঁদছে, হাসছে।

হয়ত গ্রামের কোন বিস্তবান্ অত্যাচার করেছে, তার প্রতিবিধান করার ক্ষমতা নাই। তাই এই বোলানের রাতে তাকে উপলক্ষ্য করে পাঁচালি বেঁধে এনেছে ছড়া-দারের কাছ থেকে—

“ও এক ভদ্রলোকের ভাতের হাঁড়ি কুকুরে খেয়েছে,  
সে কথা বলতে মানা নাই অজানা সবাই জেনেছে।

আমাদের ছোট লোকের ছোট ঘরে  
ছোট কাজ ত হতেই পারে,

তোমাদের ভদ্রলোকের মেয়েরা কেন  
বিয়ের আগে এঁটো হতেছে।”

যাকে উদ্দেশ্য করে গান বাঁধা হয়েছে লোকে বুঝছে। হাসছে হো হো করে—হাততালি দিয়ে—উৎসাহ দিচ্ছে ছড়াদারকে ‘বলিহারি ভাই—সুরে ঘুরে।’ ছড়াদারও মনের আনন্দে নেচে নেচে গাইছে—বাজনদার ঢোল বাজাচ্ছে লাফিয়ে লাফিয়ে—কখনও এগিয়ে যাচ্ছে, কখনও পেছিয়ে যাচ্ছে, কখনও গায়কের মুখের কাছে ঢোলটা উঁচু করে তুলে কুরু কুরু তাক দিচ্ছে—আসর জমে উঠেছে।

সেদিন গভীর রাত অবধি এমনি করে চলবে পাঁচালি ছড়া। কারণ পরের দিন আর অবসর পাওয়া যাবে না। সন্ধ্যার প্রদীপটি জ্বালা হতে না হতেই গায়ের কোন শেষ প্রাস্ত থেকে সাড়া উঠবে ‘জয় শিব মহাদেব’—সঙ্গে সঙ্গে গাজনতলায় জড়ো-হওয়া শিঙুরা লাফিয়ে চিংকার করে উঠবে ‘দল এসেছে, দল এসেছে।’ শিঙুরা-কণ্ঠের কোলাহলের সঙ্গে সঙ্গে সজাগ হয়ে উঠবে ভক্তরা। ঢাকি কারও কাছে একটা বিড়ি চেয়ে নিয়ে ধরাবে—চারি ধারের অলিগলি থেকে পিল পিল করে বেরিয়ে আসবে মেয়েরা—একপাশে চাপ হয়ে ভিড় করে দাঁড়াবে বেটা-ছেলেরা—তার পর নেপথ্যে নুপুর-নিকণের মত ঝুমুর ঝুমুর আওয়াজ তুলতে তুলতে এগিয়ে আসবে দল—ঢাকি ঢাক কাঁধে নিয়ে নাচের বোল তুলবে—আর তারই তালে তালে লাফাতে লাফাতে এগিয়ে এসে ‘বল শিব মহাদেব’ বলে একটা হুকুর দিয়ে—হেঁট হয়ে গাজনতলার মাটি মাথায় তুলে দল নাচ শুরু করে দেবে। তার পর পাঁচ-সাত মিনিট এমনি নাচের পর শুরু হবে গান।

এক দলের গান শেষ হওয়ার আগেই আর এক দল এসে অপেক্ষা করবে আসরে। তাদের শেষ হতে না

হতে আর একদল। কখনও কখনও ছটো-তিনটে দল জমে যাবে এক সঙ্গে। তখন গোটা গানের বদলে এক-আধ কলি গেয়েই বিদায় নিতে হবে এক-একটা দলকে।

এমনি ভাবেই কেটে যাবে সন্ধ্যাবেলা। রাত একটু গভীর হবে। তখন এসে হাজির হবে ঋশানের দল। হাতে মরার মাথা—হাড়-গোড়—সঙ্গে কোন মরা ছেলে কি মরা শেয়াল কুকুর-বীভৎস চেহারা সব। ওরা আসরে ঢুকলেই সন্ত্রস্ত হয়ে উঠবে সব। বোলানের দল যদি থাকে তারা তাড়াতাড়ি গান সেরে নেবে—মেয়েরা কোলের ছেলেদের বুকে টেনে নিয়ে গা ঘেঁষাঘেঁষি করে বসবে। ছোট শিঙুরা বড় মানুষের গা ঘেঁষে দাঁড়াবে। ঢাকি সন্ত্রস্ত হয়ে উঠে শুরু করবে ঢাক বাজাতে।

প্রবাদ ঢাকি যদি ঠিক তালে বাজিয়ে নাচাতে পারে ত ঐ মরা স্তম্ভ জেগে উঠে নাচতে শুরু করবে। কিংবদন্তী আছে এমনি ধারা কত আসরে ঐ রকম মরা জেগে উঠে নাচতে শুরু করে দেয়—প্রাণের ভয়ে ঢাকি ঢাক ফেলে পালায়—আসরের মেয়েরা মুচ্ছা যায়—আর ভক্তরা পরিভ্রাঙ্কিত শিবের নাম ডাকে। তাই ঋশানের দল এলেই ধুনো দিতে হয় আসরে। মাঝখানে এক জায়গায় মরাটা নামিয়ে তারা সব তার চার ধারে গোল হয়ে বসে—তার পর শকুনের ডানার মত ছ’খানা হাত ছ’ধারে চিতিয়ে দিয়ে লাফিয়ে লাফিয়ে পাক মারবে গোল হয়ে—আর মুখে এক রকম হিস্ হিস্ শব্দ করবে ঠিক যেমন ক’রে শকুনের মরা খায়।

এদের গানের সুরগুলো বিচিত্র। পাহাড়িয়ারদের টানা সুরের মত করুণ বিষণ্ণ। পালাগুলো সবই বিয়োগান্ত—রুইদাসের মৃত্যু কি লক্ষণের শক্তিশেল। বার কয়েক মরাটাকে পাক দিয়েই এরা সেই টানা সুরে গান ধরবে—

প্রাণের রুইদাস রে—এ ঘোর ঋশানে—

মাকে ফেলি কোথা গেলি বাছা আমার রে—

এই সুরের টানে মুহূর্তের মধ্যে আসরে নেমে আসবে এক স্তম্ভবিষণ্ণতা—থম থম করবে গভীর রাত—টিব্ টিব্ করবে মানুষগুলোর বুকের ভেতরটা। গান শেষ হ’লে এরা লাফিয়ে উঠে দাঁড়াবে—তার পর ঐ মরার মাথা কি হাড় নিয়ে শুরু করবে—উদ্দাম নৃত্য। মেয়েরা ভয়ে চোখ বুঁজবে—ছোট ছোট ছেলেরা জড়িয়ে ধরবে পুরুষদের—ঢাকি প্রাণের দায়ে পরিভ্রাঙ্কিত ঢাক বাজিয়ে চলবে।

একটা ঋশানের দল শেষ হতে না হতে আর একটা

আসবে। এমনি ধারা শ্মশান আর বোলান চলবে সারাটা রাত। সেদিন গভীর রাতে নির্জন মাঠে অবিশ্রান্ত বেজে চলবে ষুড়ুরের ঝুমুর ঝুমুর শব্দ— বোলানের দলঙলো ঘুরে ঘুরে এ গাঁ হ'ত ও গাঁয়ে চলেছে। মাঝে মাঝে কোন জমিতে ব'সে মদ খেয়ে নিচ্ছে একটু-আধটু—তার পর আবার চলেছে—দেখে মনে হয় সেদিন সেই নির্জন মাঠে নিশীথিনীই বুঝি ষুড়ুর পায়ে নাচতে নেমেছে।

এমনি ভাবে রাত পেরিয়ে চলে। রাত-বাংলার গাঁয়ের পর গাঁয়ে সমস্ত মানুষ জেগে জেগে গান শোনে। ধারা গাইতে আসে তারা আশে-পাশের গাঁয়ের তাদেরই

আল্লীয়, শালা-ভয়ীপতি—আমাই-বেয়াই। নবপরিণীতা কোন বোলানের দলে দেখে তার স্বামীকে—কোন বোন দেখে তার ভাইকে। শ্মশানের কালি-খুলি-মাখা চেহারা চিনতে না পেরে কেউ হয়ত পাশের সঙ্গিনীকে গা টিপে প্রশ্ন করে—'হ্যাঁ লো ওটা আমাদের রাণীর দেওর না—

এমনি ভাবেই রাত বয়ে যায়। আস্তে আস্তে এক সময় স্বচ্ছ হয়ে ওঠে ভোরের আকাশ। গান শেষ হয়—রাতজাগা মানুষেরা ফিরে যায় নিজের নিজের ঘরে। পল্লী-বাংলার মানুষদের জীবনের ওপর দিয়ে পার হয় একটি আশ্চর্য সুন্দর সাংস্কৃতিক রাত। যে রাতে শুধু গান আর গান—সুর আর সুর।

## মানবসেবায় শ্রীরামকৃষ্ণ মিশন

শ্রীবিজয়লাল চট্টোপাধ্যায়

কামারপুকুরে তাঁর আবির্ভাব জগদ্ধিতায়, সমগ্র মানবসমাজের কল্যাণকামনায়। সাধনার বিচিত্রপথে পরম সত্যের শিখরদেশে আরোহণ করলেন তিনি। ঈশ্বরীয় আনন্দের অনির্কচনীয় অহুত্বিতে ধন্য হ'ল তাঁর ভাগবত জীবন। কিন্তু ব্যক্তিগত মুক্তিও তাঁর সস্তা তৃপ্তি পেল না। "বিশ্ব যদি চলে যায় কাঁদিতে কাঁদিতে একা আমি বসে র'ব মুক্তি-সমাধিতে?" ঐ দেশ-বিদেশের কোটি কোটি নরনারী ভোগের মধ্যে আকণ্ঠ ডুবে রয়েছে, ছায়া থেকে ছায়ার পিছনে দৌড়াচ্ছে আনন্দের সন্ধানে। কিন্তু অন্নের মধ্যে ত মানুষের আত্মার তৃপ্তি নেই? সে যে অনস্তের পিঙ্গাসী। তাই ভোগের মধ্যে সে কুড়াচ্ছে শুধু ছুঃখের পর ছুঃখের অভিজ্ঞতা, নৈরাশ্যের পর নৈরাশ্য। সংসারে দিগন্তপ্রসারী ছুঃখ দেখে ঠাকুর শ্রীরামকৃষ্ণের করুণ হৃদয় বিগলিত হয়ে গেল। আধ্যাত্মিক সংগ্রামের পর সংগ্রামের মধ্য দিয়ে গিয়ে যে অনির্কচনীয় আনন্দের তিনি আত্মদান পেলেন সে আনন্দ কি শুধু তাঁর একারই জন্তে? সংসার-তপ্ত জীবেরা বঞ্চিত হয়ে থাকবে ঈশ্বরীয় আনন্দের সেই অহুত্বি থেকে? এত তপস্তার অগ্নি-পরীক্ষা পেরিয়ে যে আধ্যাত্মিক উপলব্ধিতে প্রতিষ্ঠিত হ'লেন তিনি, সেই

উপলব্ধির মহাসম্পদের অধিকারী হবে সমগ্র মানব পরিবার।

আর ধর্ম নিয়ে এই যে মতান্তর থেকে মনান্তর, প্রতিবেশীর ধর্মবিশ্বাসের প্রতি এই যে কটাক্ষপাত এরও কি কোন প্রয়োজন আছে? ঠাকুর নতুন কথা শোনালেন। বললেন, "দেশ-কাল-পাত্র ভেদে ঈশ্বর নানা ধর্ম করেছেন। কিন্তু সব মতই পথ, মত কিছু ঈশ্বর নয়। তবে আন্তরিক স্তুতি করে একটা মত আশ্রয় কল্পে তাঁর কাছে পৌঁছন যায়।" "সকলেই তাঁকে ডাকছে। দেবদেবের দরকার নাই। কেউ বলছে সাকার, কেউ বলছে নিরাকার। আমি বলি যার সাকারে বিশ্বাস সে সাকারই চিন্তা করুক, যার নিরাকারে বিশ্বাস সে নিরাকারই চিন্তা করুক। আমার ধর্ম ঠিক, আর সকলের ভুল,—এই মতুষ্যার বুদ্ধি dogmatism ভাল নয়।"

কিন্তু ছুঃখতপ্ত প্রাণীদের আত্মনির্ভর করতে হলে, 'যত মত তত পথ'—এই উদার ধর্মমতকে দিক থেকে দিগন্তরে ছড়িয়ে দিতে গেলে চাই এমন একদল সর্কত্যাগী যুবক যাদের দেহ-মন হবে অনাঘ্রাত পুষ্পের মত পবিত্র, যারা হবে ত্যাগের পতাকাবাহী সন্ন্যাসী, যারা দেশে দেশে জনসাধারণের মধ্যে বহন ক'রে নিয়ে যাবে গুরুদেবের

সর্বধর্মসম্বন্ধের বাণী। সংঘপ্রতিষ্ঠার প্রয়োজন শ্রীরামকৃষ্ণ সমস্ত অস্তর দিয়ে উপলব্ধি করলেন। নব-যুগের প্রয়োজন মেটাবার জন্যই তাঁর আবির্ভাব। আর কি এই প্রয়োজন? সব ধর্মই যে মূলতঃ সত্য এই বাণীকে দিগ্‌দিগন্তে ছড়িয়ে দেওয়া। এই দিক থেকেই রোম্যা রোলী ঠাকুরকে বলেছেন: 'The pilot and the guide for the needs of the new age.'

সংঘ ত তৈরী করতে হবে। কিন্তু কোথায় সেই সিংহের মত সাহসী এবং স্ফটিকের মত নির্মল, বজ্রের চেয়ে কঠিন এবং কুম্বের চেয়েও কোমল তরুণেরা যারা এসে তাঁর চারিদিকে দানা বাঁধবে? যারা তাঁর সর্বধর্মসম্বন্ধের বাণীকে পৌঁছে দেবে সাত সমুদ্রের তীরে তীরে, মহাসিকুর এপারে এবং ওপারে সর্বত্র? ঠাকুরের খেয়ে সুখ নেই, ঘুগিয়ে আরাম নেই। তাঁর প্রাণের মধ্যে সর্বদার জ্ঞে একটা ব্যাকুলতা তাদের সঙ্গ পাওয়ার জ্ঞে, যারা একান্ত আপনার জন, জন্মজন্মান্তরের লীলাসহচর। আরতির শঙ্খ-ঘণ্টাধ্বনিতে দক্ষিণেশ্বরের আকাশ-বাতাস যখন মুখরিত হয়ে ওঠে তখন ঠাকুর চুপে চুপে চলে যান কুঠির ছাদে। সেখানে ব্যাকুলকণ্ঠে ডাকেন, 'ওরে, তোরা কে কোথায় আছিস চলে আয়।' আর্ন্তকণ্ঠের সেই রোদন-ভরা ধ্বনি নৈশ আকাশকে কাঁদিয়ে চলে যায় দূর থেকে দূরান্তরে। এই প্রসঙ্গে রোলী ঠাকুরের জীবনীতে লিখেছেন:

This mighty cry of the soul soared up into the night like the sacred serpent; and its attraction was exerted over the winged spirits. From all directions, without understanding what command or what power constrained them, they felt themselves drawn, as if caught by an invisible thread; they circled, they approached and soon one after another they arrived.

দক্ষিণেশ্বরের সেই আকুলকরা আব্বান ডানায় ডানায় লাগাল কাঁপন। নরেন, লাটু, রাখাল, তারক, যোগেন, শশী, শরৎ, কালীপ্রসাদ, হরিপ্রসন্ন, গঙ্গাধর, গিরীশ, পূর্ণ—এরা প্রাণের মধ্যে গুনতে পেল আকাশের ডাক। কে তাদের এমন করে টানছে? তাদের জীবন যেন কোন্ অদৃশ্য স্বতায় বাঁধা। উড়ল তারা আকাশে। চক্রাকারে ঘুরতে ঘুরতে নামতে লাগল দক্ষিণেশ্বরের দিকে। তার পর একে একে ঠাই নিল ঠাকুরের পদ-

প্রান্তে। যারা এল তারা আর সংসারে ফিরল না। ঠাকুর তাদের পথে এনে নিঃশেষে অকিঞ্চন করলেন।

এতদিনে ঠাকুরের প্রাণের পিপাসা মিটল। কত দিনে, কত রাতে যার স্বপ্নে তিনি বিভোর ছিলেন সেই সংঘ প্রতিষ্ঠার বীজ অবশেষে উগ্ৰ হ'ল। আর ত ভাবনা করার কিছু নেই। কুস্তকার যেমন করে মাটির প্রতিমা তৈরী করে তেমনি করে তিনি তাঁর সন্তানদের জীবন হাতের মধ্যে নিয়ে সেগুলিকে মনের মত করে রূপ দিলেন। লিখেছেন রোলী:

This great moulder of souls cast with his fingers of fire the bronze of Vivekananda as well as the delicate and tender wax of Yogananda or Brahmananda.

তিনি ছিলেন মানুষের আত্মার মংকরকার। আত্মনের আঙুল দিয়ে তিনি একদিকে তৈরী করলেন বজ্রকঠিন বিবেকানন্দকে, আর একদিকে তৈরী করলেন পুষ্প-কোমল যোগানন্দ আর ব্রহ্মানন্দকে।

আর কেন? সন্ন্যাসীদের সংঘ তৈরী হয়েছে। এরা তাঁর কাছকে সম্মুখ থেকে সম্মুখের পানে নিশ্চই আগিয়ে নিয়ে যাবে। রইল তাঁর প্রিয়তম শিষ্য নরেন। সংঘকে শুভপথে পরিচালনা করার মত বিরাট জ্ঞে, সুরধার বুদ্ধি এবং সর্বোপরি প্রচণ্ড কর্মশক্তি তার আছে। সকলের উপরে রইলেন সহধর্মিণী সারদামণি, যার চরণপদ্মে তিনি সমর্পণ করেছিলেন নিজের জপমাল্য, যিনি ছিলেন তাঁর কাছে সাক্ষাৎ জগদম্বা।

নরলীলা সংবরণ করে ঠাকুর ইহজগৎ থেকে বিদায় গ্রহণ করলেন। শুরুদেবের মহাপ্রয়াণের পর শিষ্যেরা প্রায় সকলেই পরিব্রাজকের বেণে ছড়িয়ে পড়লেন দিকে দিকে। স্বামী বিবেকানন্দও পদব্রজে ভারতবর্ষ ঘুরে বেড়াতে লাগলেন। আর্ধ্যাবর্ন্ত থেকে যখন দক্ষিণাত্য দিয়ে চলেছেন কঙ্কাকুমারীর অভিমুখে, দেখতে পেলেন দিগন্তপ্রসারী দারিদ্র্যের মর্মস্কন্দ ছবি। মানুষ নয়— জীবন্ত নরকঙ্কাল বিচরণ করছে সর্বত্র। তাদের নিশ্চিন্ত চোখে নৈরাশ ঘনীভূত। অজ্ঞানের অন্ধকারে মন তাদের আচ্ছন্ন। নিজেদের উপরে তারা হারিয়ে ফেলেছে বিশ্বাস। পুঞ্জিত অবসাদভারে জীবন তাদের ভারাক্রান্ত। স্বামীজীর চোখে ঘুম নেই। দিন-রাত মনে লেগে রয়েছে এক চিন্তা—কি করে স্বদেশের কঙ্কালসার জড়প্রায় মানুষগুলিকে জীবনের প্রাচুর্যের মধ্যে বাঁচান যায়। কঙ্কাকুমারীতে এসে স্বামীজী সঙ্কল্প গ্রহণ করলেন, দেখে



যতকাল প্রাণ আছে, স্বদেশের দরিদ্র, মূর্খ, ভাগ্যহত জনসাধারণের সেবা ক'রে যাবেন। সম্মুখে গৃহহারা উচ্ছল জলধির অশান্ত ক্রন্দন; স্বামীজীর হৃদয়েও রোক্তমান অশ্রুসিঁদু! ভারতের শেখ সীমায় দেবী কন্ঠাকুমারীর মন্দিরের ছায়ায় স্বামীজীর মনে প'ড়ে গেল গুরুদেবের কথা: 'খালি পেটে ধর্ম হয় না।' যারা বৎসরের মধ্যে একবেলাও পেট ভ'রে খেতে পায় না সেই অনশনক্রিষ্ট জনসাধারণের কাছে ধর্মের তত্ত্ব শোনাতো যাওয়া কি পাগলামি নয়? যারা উপবাসী তাদের কাছে অন্ন পৌঁছে দেওয়ার প্রয়োজন সর্ব্বাঙ্গে। যদি কতকগুলি নিঃস্বার্থ সন্ন্যাসী নর-নারায়ণের সেবাকে জীবনের ব্রত হিসাবে গ্রহণ ক'রে গ্রাম থেকে গ্রামান্তরে ছড়িয়ে পড়ে, জনশিক্ষার প্রসারকল্পে জীবন উৎসর্গ করে, তবে কেমন হয়? জনসাধারণকে তেনে তুলতেই হবে দুর্গতির অন্ধকূপ থেকে। পরমেশ্বর ত রুক্মিণীর দেবালয়ের কোণে গুপ্ত হয়ে নেই। মানুষেই যে তিনি মূর্ত্ত! গুরুদেব কি বলেন নি শিবজ্ঞানে জীবসেবার কথা? তবে আর ইতস্ততঃ কেন? সংশয় কেন? যুগের কর্ণে স্বামীজী শোনালেন একটি অমূল্য কথা। দরিদ্র-নারায়ণ। উদাস্ত-কণ্ঠে বীর সন্ন্যাসী উচ্চারণ করলেন, 'বহুরূপে সম্মুখে তোমার, ছাড়ি কোথা খুঁজিছ ঈশ্বর?' বললেন, 'ব্রহ্ম হ'তে কীটপরিমাণ সর্ব্বভূতে এক প্রেমময়।'

যুগান্ত ভারতবর্ষ স্বামীজীর বাণী শুনে নিদ্রার মধ্যে পাশ ফিরল। সুপ্তির মধ্যে এল মহাজাগরণ। শিক্ষিত ভারতবর্ষ প্রথম উপলব্ধি করল, কোন্ দুর্কহ কর্তব্য তাদের জন্তে অপেক্ষা করছে। ঠাকুরের সর্ব্বত্যাগী সন্তানদের মনে কর্তব্য সম্পর্কে আর কোন সংশয় রইল না। শুধু ধ্যান-ধারণা নয়, শুধু নিজের মোক্ষ নয়; জগদ্ধিতায় আমরণ কাজ ক'রে যেতে হবে। সমস্ত পৃথিবী রইল পড়ে, তুমি একা যাবে দায় এড়িয়ে। কর্ণের দায়কে অস্বীকার করা যায় কেমন ক'রে? রবীন্দ্রনাথের ভাষায়, "ব্যক্তিগত শক্তিতে নিজে কেউ যতটুকু মুক্ত হচ্ছে সেই মুক্তি তার নিরর্থক যতক্ষণ সে তা সকলকে না দিতে পারে। বুদ্ধদেব আপনার মুক্তিতেই সত্যই যদি মুক্ত হতেন তা হ'লে একজন মানুষের জন্তেও তিনি কিছু করতেন না। দীর্ঘজীবন ধ'রে তাঁর ত কর্ণের অস্ত ছিল না। দৈহিক প্রাণ নিয়ে তিনি যদি জাজ পর্য্যন্ত বেঁচে থাকতেন তা হ'লে আজ পর্য্যন্তই তাঁকে কাজ করতে হ'ত আমাদের সকলের চেয়ে বেশী। কেননা যারা মহাত্মা তাঁরা বিশ্বকর্মা।"

কবির কথাগুলি যেন স্বামীজীরই! জীবের সেবা

করতে হবে শিবজ্ঞানে—এই মানবসেবার আদর্শ নিলেই কর্ণের আত্মনাকেও স্বীকার ক'রে নিতে হয়। খালি পেটে যখন ধর্ম হয় না তখন অন্ন উৎপাদনের দায় আপনা থেকেই এসে পড়ে। তৈত্তিরীয় উপনিষদে তাই জোবের সঙ্গেই বলা হয়েছে: অন্নং বহু কুর্কীত। তদ্ব্রতম। ঈশ্বরের আনন্দের উপলব্ধির পথে শুধু ঐশ্বর্য্যই কি অন্তরায়? দারিদ্র্য নয়? আর কর্ণযোগকে অস্বীকার ক'রে কখনও প্রচুর অন্ন ফলানো যায়? শুধু কর্ণের উপরে জোর দিলেই তাই যথেষ্ট হ'ল না। বৈজ্ঞানিক পদ্ধতিতে কর্ণ হওয়া চাই নিষ্কাম। তবেই সে কর্ণ হবে শুভ এবং ফলপ্রসূ। তাই স্বামীজী নব্য ভারতবর্ষের কানে ধ্বনিত করলেন কর্ণবাদের শঙ্খনাদ আর সেই সঙ্গে জোর দিলেন শিক্ষার প্রসারের উপরে। কর্ণ হবে না সমাজের অহুন্নত শ্রেণীর নিরবচ্ছিন্ন হাড়ভাঙা খাটুনি। সমাজের প্রত্যেকটি মানুষের কাছে শারীরশ্রম হবে সম্মানের এবং আনন্দের বিষয়।

কিন্তু পুঞ্জিত অবসাদভারে যে-জাতি পক্ষাঘাতগ্রস্ত, ঘোর তামসিকতায় যে-জাতি পশু তাকে কর্ণচঞ্চল করা যায় কেমন ক'রে? স্বামীজী দেখলেন, একটা কর্ণকীর্তি-হীন জাতির নিষ্কল নিকীর্য্য বাহতে কর্ণপ্রবণতা আনতে হ'লে সর্ব্বাঙ্গে দরকার সেই জাতিকে আত্মবিশ্বাসে বলীয়ান করা। তাই তিনি বনের বেদান্তকে আনলেন লোকালয়ে। উপনিষদের মধ্যে বীর্য্যের অগ্নিময়, আত্মার ভাস্বর বাণী। আত্মার মধ্যে রয়েছে অপরিমেয় শক্তি। হীনবীর্য্য জীবন্ত জাতিকে জাগ্রত ও উজ্জত করবার জন্তেই ত স্বামীজীর বেদান্ত প্রচার।

জীবন থেকে ধর্মকে স্বামীজী বিচ্ছিন্ন ক'রে দেখলেন না। ঈশ্বরের মধ্যে মানুষের আনন্দের অনির্করণীয় অমুভূতিই ধর্ম। ধর্মকে বাদ দিয়ে চলতে গেলে ভারতবর্ষের সর্ব্বনাশ। কিন্তু চোখ বুজে শুধু ধ্যান-ধারণাতেই কি মুক্তি? স্বামীজী বললেন, 'জীবে প্রেম করে সেই জন সেই জন সেবিছে ঈশ্বর।' এল শিবজ্ঞানে জীবসেবার মহান আদর্শ। সেবার রাস্তায় ধর্মের সঙ্গে কর্ণের সমন্বয় ঘটল। নিয়তং কুরু কর্ণং—কর্ণযোগের এই আদর্শ ছিল গীতার পাতায় নিজীব হয়ে। নিজীব আদর্শকে নূতন জীবন দিলেন স্বামী বিবেকানন্দ। কিন্তু মহাতামসিকতায় আচ্ছন্ন জাতির মধ্যে উৎসাহের একান্ত অভাব। সেই অভাব দূর ক'রে জাতিকে প্রাণচঞ্চল করবার জন্তে শক্তিমন্ত্রের প্রয়োজন ছিল। আত্মশক্তিসম্পর্কে সচেতন করবার জন্তে তাই বেদান্তের আশ্রয় গ্রহণ।

স্বামীজীর মনে সংশয়ের আর লেশমাত্র অবশিষ্ট নেই। সত্য তিনি পেয়ে গেছেন, পথের নির্দেশ তিনি লাভ

করেছেন। এখন দরকার সেবাত্রী কন্যাব দল এবং টাকা। শুধু কি ধর্ম প্রচার করতে স্বামীজী আমেরিকায় গিয়েছিলেন? ভারতবর্ষের জনসাধারণের জীবনকে কল্যাণময় করবার জন্তে প্রয়োজন ছিল প্রচুর অর্থের, আর ডলারের দেশ আমেরিকায় অর্থলাভের বিপুল সম্ভাবনা ছিল। ১৮৯৪ খ্রীষ্টাব্দের এক পত্রে স্বামীজী লিখেছেন শিকাগো থেকে : “আমি অর্থের জন্তে অনেক ঘুরেছি। ভারতবর্ষে অর্থ দেবে কে? তাই আমেরিকায় এসেছি অর্থ সংগ্রহ করতে। এ কাজ সম্পন্ন হ’লে দেশে ফিরে যাব এবং বাকী জীবনটা আমার জীবনের এই এক উদ্দেশ্যকে সফল করবার জন্য নিয়োজিত করব।”

প্রতীচ্যধণ্ডে বেদান্তধর্মের বীজ বপন ক’রে ১৮৯৭ সালের ১৫ই জানুয়ারী স্বামী বিবেকানন্দ স্বদেশ প্রত্যাবর্তন করলেন। ঐ বৎসরেই এলামে রামকৃষ্ণদেবের সন্ন্যাসী ও গৃহীণিগণকে একত্র ক’রে স্বামীজী ‘রামকৃষ্ণ মিশন’ নাম দিয়ে একটি প্রচার সমিতি গঠন করলেন। এই সমিতির উদ্দেশ্য : (১) সকল ধর্মকে একই সনাতন ধর্মের বিকাশ মনে ক’রে বিভিন্ন ধর্মাবলম্বিগণের মধ্যে ঐক্য ও ভ্রাতৃত্ব স্থাপন করা, (২) উন্নতচরিত্র কন্যা তৈরী করা যারা জনসাধারণের জাগতিক ও আধ্যাত্মিক উন্নতিবিধানকল্পে আত্মোৎসর্গ করবে, (৩) ভারতের শিল্প, সাহিত্য, ললিতকলাদির উন্নতি ও বিস্তার সাধন করা, (৪) শ্রীরামকৃষ্ণদেবের সর্বজনীন শিক্ষার আলোকে জনসাধারণের মধ্যে বেদান্ত ও অত্যাগ্র ধর্মের প্রকৃত আদর্শ প্রচার করা, এবং (৫) জাতিধর্মনির্কেশে নরনারায়ণ-জ্ঞানে আর্ন্তের সেবায় আত্মনিয়োগ করা।

স্বামীজীর বহুবাহিত পরিকল্পনা এতদিনে ফলবতী হ’ল। সঙ্ঘের সন্ন্যাসীবৃন্দ স্বামীজীর ইচ্ছাকে ঠাকুরের আদেশ মনে ক’রে সোৎসাহে কর্মসাগরে ঝাঁপ দিলেন। দেশে দেশে দিকে দিকে সন্ন্যাসীদের কর্মধারা নানাপথে প্রবাহিত হতে লাগল। আজ সমুদ্রের এপারে ওপারে রামকৃষ্ণ মিশনের কর্মক্ষেত্র নেই কোথায়? বর্তমানে ভারতে ও ভারতেতর দেশে রামকৃষ্ণ সঙ্ঘের ১১৫টি কর্মক্ষেত্র বিদ্যমান। তন্মধ্যে ভারতে ৮৪টি এবং বিদেশে ৩১টি।

স্বামীজীর মানসস্থিতা বিপুল বাধা-বিঘ্ন অতিক্রম ক’রে কলিকাতার বাগবাজারে এক জনাকীর্ণ পল্লীতে একটি বালিকা বিদ্যালয় প্রতিষ্ঠিত করলেন ১৯০২ খ্রীষ্টাব্দে। ঐ বৎসরের ৪ঠা জুলাই শুক্রবার স্বামী শিবানন্দ কালীতে প্রতিষ্ঠিত করলেন রামকৃষ্ণ অষ্টমত আশ্রম। স্বামী বিজ্ঞানানন্দের প্রেরণায় ১৯০৮ খ্রীষ্টাব্দে এলাহাবাদে প্রতিষ্ঠিত হ’ল রামকৃষ্ণমঠ। স্বামী কল্যাণানন্দের প্রচেষ্টায় কনখলে গ’ড়ে উঠল একটা সেবাকেন্দ্র।

এদিকে স্বামী অখণ্ডানন্দ মুর্শিদাবাদ জেলার এক নিহৃত পল্লীতে পাতলেন তপস্কার আগন। কলেরায়, তুর্ভিক্বে স্বামী অখণ্ডানন্দ মাতৃদয়ের করুণা নিয়ে কুবকদের দ্বারে দ্বারে সাহায্য পৌঁছে দিতে লাগলেন। সারগাহিতে রামকৃষ্ণ মিশনের সেবাকেন্দ্র প্রতিষ্ঠার ইতিহাস স্বামী অখণ্ডানন্দের সেবাপরায়ণতার এবং চিন্তের অসমনীয় দৃঢ়তার গৌরবোজ্জ্বল অভিব্যক্তি।

পৃথিবীর দিগ্‌দিগন্তে রামকৃষ্ণ মিশনের উজোগে এই যে সব সেবাকেন্দ্র গড়ে উঠেছে—এদের পিছনে সর্বত্যাগী সন্ন্যাসীদের অদ্ভুত কর্মশক্তির কি আশ্চর্য্য প্রকাশ! ১৯৫৬ সনে মঠের এবং মিশনের যে স্বামী কর্মতালিকার পরিচয় পাই তাতে আছে : (১) ১২টি ইন্ডোর হাসপাতাল এবং ৬০টি আউটডোর ডিসপেন্সারী। হাজার হাজার রোগী এইসব কেন্দ্রে চিকিৎসার স্বযোগ পেয়েছে।

২। (ক) ৫৩টি ছাত্রাবাস বা ইন্ডেন্টস্ হোম-এর ছাত্রসংখ্যা ২৬৬৮ এবং ছাত্রীসংখ্যা ৩১১ (খ) একটি প্রথম-শ্রেণীর কলেজ, আর একটি আবাসিক ইনটারমিডিয়েট কলেজ, (গ) দুইটি শিক্ষকশিক্ষণ কলেজ, (ঘ) তিনটি ইঞ্জিনিয়ারিং কলেজ, (ঙ) একটি উদীয়মান কৃষিবিদ্যালয়, (চ) ৩৫টি হাইস্কুল এবং ১২৭টি লোয়ার গ্রেড স্কুল, একটি গুরুত্বপূর্ণকারিগী এবং খাজীবিদ্যা শেখাবার প্রতিষ্ঠান, ছ) প্রায় প্রতিকেন্দ্রেই নিয়মিত ক্লাশের এবং সাময়িক লেকচারের ব্যবস্থা আছে, (জ) অধিকাংশ কেন্দ্রেই গ্রন্থাগার এবং রিডিংরুম আছে, (ঝ) পুস্তকপ্রকাশের কেন্দ্রগুলিও উল্লেখযোগ্য, ইংরেজীতে পাঁচটি সাময়িক পত্রিকা এবং ভারতীয় ভাষাগুলিতে পাঁচটি সাময়িক পত্রিকা প্রকাশিত হচ্ছে।

পশ্চিম বাংলায়, আসামে, বিহারে, উড়িষ্যায়, বৃহৎ-প্রদেশ, দিল্লীতে, বোম্বাইতে, মাদ্রাজে, অন্ধ্র, কেরলে, মহীশূরে সর্বত্র রয়েছে রামকৃষ্ণ মিশনের সেবাকেন্দ্র। পাকিস্তানে রয়েছে মিশনের ১২টি সেবাকেন্দ্র। বর্ধমান, সিঙ্গাপুরে, ফিজিতে, সিংহলে, ফ্রান্সে, ইংলণ্ডে, আমেরিকায়, আর্জেন্টিনায়—কোথায় নেই রামকৃষ্ণ মিশনের সেবাকেন্দ্র?

ধন্য যুগাবতার ভগবান্ শ্রীরামকৃষ্ণ যাকে কেন্দ্র ক’রে সন্ন্যাসী সঙ্ঘ একদিন অতিক্রম্যাকারে আত্মপ্রকাশ করেছিল। ধন্য সঙ্ঘজননী সারদাদেবী যার অকুরন্ত স্নেহপীযুষধারায় সিদ্ধিত হয়ে সঙ্ঘ পুষ্টিলাভ করে। আর ধন্য স্বামী বিবেকানন্দ ও তাঁর গুরুভ্রাতৃত্ব যাদের অক্লান্ত উত্তম ও সাধনায় দক্ষিণেশ্বরে উদ্ভূত বীজটি আজ মহা-মহীক্লেহে পরিণত।

## ক্ষণ-বসন্ত

শ্রীনারায়ণ চক্রবর্তী

পড়ার টেবিলে ব'সে গভীর মনোযোগের সঙ্গে কি একটা বই পড়াছিল সরোজ, কখন যে মা ঘরে ঢুকে ওর পাশে এসে চুপ ক'রে দাঁড়িয়েছেন টেরই পায় নি। কাঁধের কাছে ঠাণ্ডা হাতের ছোঁয়া পেয়ে চমকে উঠে মুখ তুলে তাকাল, বলল, “কি বলছ মা?”

পড়ায় বাধা দেবার জন্ত মনে যে সঙ্কোচটুকু জমেছিল তা কাটিয়ে মূছ কণ্ঠে হেমাঙ্গিনী বললেন, “বেলা ত পড়ে এল, এখন না গেলে যে অনেক রাত হয়ে যাবে সরোজ—”

মা-র কথা শুনে কিছুক্ষণের জন্ত বিমনা হয়ে রইল সরোজ, খোলা কলমটা দিয়ে সামনের সাদা কাগজের ওপর নানান আঁকিবুকি করতে করতে বলল, “আর কাউকে পাঠাও না মা—”

“শোন ছেলের কথা—” স্নেহে হেসে হেমাঙ্গিনী বললেন, “আর এ বাড়ীতে কে আছে যে যাবে? উনি ত একটু পরে কোর্ট থেকে ফিরেই এলিয়ে পড়বেন, শঙ্কর আজ সিনেমায় যাবে বলে রেখেছে, ওর টিকিটও নাকি কেনা হয়ে গেছে, বাকী আছিস শুধু তুই—”

“আর সে জন্তই বুঝি তোমার ষত কিছু কাজের বোকা আমার ঘাড়ে চাপাতে চাও, না? সে হবে না মা, —আমার পড়া আছে—” অসহিষ্ণু স্বরে সরোজ বলে।

ব্যাকুল উৎকণ্ঠায় হেমাঙ্গিনী বলে ওঠেন, “সে কি রে। এখন না করলে চলবে কেন? খবর পাঠান হয়েছে, ব্যবস্থা-ট্যবস্থা সব ঠিকঠাক, —এখন না গেলে ওরা কি ভাববে বল দেখি? নে বাবা, আর অমত করিস নে,— যাই আন্নি তোর জামা-কাপড় সব বার ক'রে দিই গে—”

সরোজকে আর আপত্তি করবার অবকাশ না দিয়ে জ্রুতপদে হেমাঙ্গিনী চলে যান পাশের ঘরে, আলমারিতে চাবি ঘোরার শব্দ ওঠে, পাল্লা ছুটো মূছ শব্দ ক'রে খুলে যায়, ধপ্ ক'রে একরাশ কাপড়-জামা মেঝেতে পড়ে যায়, সে শব্দও সরোজের কানে আসে।

গোঁজ হয়ে বসে থাকে সরোজ। অনিচ্ছা তার যাওয়া-আসার পরিশ্রমের জন্ত নয়। চেঁচা ক'রে যাকে ভুলতে হয়েছে, আজ আবার তারই সান্নিধ্যে যাবার বিদ্রোহ ইচ্ছা নেই তার। এমন কি কমলা আসবে শুনে

অবধি সে মনে মনে ঠিক ক'রে রেখেছিল যে, যে ক'দিন কমলা এ বাড়ীতে থাকবে সেক'টা দিন সে তার এক বছুর বাড়ীতে গিয়ে কাটিয়ে দিয়ে আসবে পড়াশোনা কতি হবার অজুহাতে। কিন্তু তার সব পরিকল্পনাই ভেঙে গেল সকালে চায়ের টেবিলে।

সকালবেলার রোদ তখনও তাদের ছাদের চিল-কুঠুরীর জানালার শিক ছুঁতে পারে নি। নিচের তলায় বাবা আর শঙ্কর চা খেয়ে উঠে যাবার পর সরোজের দৈনন্দিন বরাদ্দ দ্বিতীয় চায়ের কাপটি এগিয়ে দিয়ে মা বলেছিলেন, “হ্যাঁ রে সরোজ, আজ সন্ধ্যায় কি তোর কোন কাজ আছে?”

একটু অন্তমনস্ক ছিল সরোজ, তাই মায়ের কথার জবাবে বলেছিল, “না মা—”

“তা হ'লে তুই-ই যা, কমলাকে নিয়ে আর গেওয়ারিমা থেকে। বাপের বাড়ি এসে অবধি তিন-তিনটি চিঠি লিখেছে বেচারী, আহা, আমাকে মাসীমা বলতে অজ্ঞান মেয়েটা, আমাকে ঠিক মায়ের মতই দেখে—”

মায়ের এই কথাগুলো কানে যেতেই চমকে উঠেছিল সরোজ, পরিষ্কার বুঝতে পেরেছিল যে, নিজের পায়ে নিজেই কুড়ুল মেরেছে সে। তবু প্রবল আপত্তি তুলে হাত নেড়ে বলেছিল, “না মা, ও-সব আমার দ্বারা হবে না, তুমি যোগেশকে পাঠাও—”

বিরক্ত হয়ে হেমাঙ্গিনী বলেছিলেন, “আচ্ছা তুই কি হ'লি বল ত? এ কি চাকর-বাকরের কাজ? কমলার মা কি মনে করবেন বল দেখি?”

গোঁজ হয়ে সরোজ বলেছিল, “তা হ'লে শঙ্কর বা আর কাউকে পাঠাও মা—”

একটু কঠিন দেখিয়েছিল হেমাঙ্গিনীর মুখ। বলেছিলেন, “অত খোসামোদ করতে পারব না আমি। বড় হয়েছ, ভাল-মন্দ বুঝতে শিখেছ। আমার বলার ভাগ আমি বললাম, এখন তোমার কর্তব্য বলে ত যেও, না হয় যেও না—”

ক্লান্ত মুখে সেখান থেকে উঠে রান্নাঘরের দিকে চলে গিয়েছিলেন হেমাঙ্গিনী। তাঁর শেষ কথাগুলো বসে-থাকা সরোজের কানে বাজছিল—“নেহাৎ বাসটা পাল্টে

অনেক দূরে চলে এসেছি, তা না হ'লে কারুর আনতে যাবার দরকারই হ'ত না, নির্জৈ থেকে ঠিক চলে আসত কমলা।”

এক চুমুকে জল হয়ে-যাওয়া চা-টুকু শেষ করে পেয়ালাটা নামিয়ে রেখে জালে ধরা-পড়া পাখীর মত ছটকটে মন নিয়ে সেখান থেকে চলে এসেছিল সরোজ। তার পর ওপরে এসে পড়ার টেবিলে বসে এ বই ও বই ওন্টাতে ওন্টাতে পড়ার বই-এর পাতায় পাতায় কমলার নাম আর ছবি দেখে চমকে উঠেছিল। অনেক দিন আগে ভুলে-যাওয়া ভোঁতা বিষণ্ণ বেদনা মেরু-রজ্জু থেকে উঠে আস্তে আস্তে সারা মস্তিষ্ক আচ্ছন্ন করে ফেলল। ফেলে-আসা রূপ-বর্ণ-গন্ধময় দিনগুলির ভেতর তার নিস্তেজ মন ক্রমেই ডুবে যেতে থাকল।

সেদিনও নিজের পড়ার টেবিলে বসে এমনি ভাবেই একমনে এমনি ভাবেই পড়ছিল সরোজ। তার এই ছোট পড়ার ঘরে কেউ আসে না বড়। তাই হঠাৎ খিল্ খিল্ হাসির শব্দ শুনে চমকে মুখ তুলে তাকিয়েছিল সে। টানা টানা ভুরু দুটির নীচে নদীজলে-পড়া চঞ্চল আলোর মত উজ্জ্বল ছুটি চোখ কয়েক মুহূর্তের জন্ত তাকে সম্বোহিত করে রাখে। পশ্চিমের জানালা দিয়ে কমলার সুরগৌর মুখে অন্তগামী সূর্যের রাঙা আলো এসে পড়েছিল, সেই আলো যেন সরোজের মনকেও এক নিমেষে রাঙিয়ে দিয়েছিল। মুগ্ধ হয়ে গিয়েছিল সরোজ।

পলকের জন্ত চোখ নামিয়ে আবার সরোজের মুখে তাকিয়ে হাসিমুখে কমলা বলেছিল, “বাস্তাঃ, ধস্তি পড়া আপনার। এই যে এতক্ষণ ধ'রে ছাদে এসেছি, চারদিক্ ঘুরে-ফিরে দেখেছি তাতেও আপনার হাঁশ নেই। তা না থাক, কিন্তু এই অল্প আলোয় পড়াওনা করলে যে ছনিয়ার কোন লেন্সই আপনার চোখে আলো আনতে পারবে না—”

বাইরে ঘনিরে-আসা অন্ধকারের দিকে একবার তাকিয়ে স্মৃষ্ণের মোটা বইটা বন্ধ করে দিয়েছিল সরোজ, বলেছিল, “তাই ত, আলোরা যে কখন চুপি চুপি পালিয়ে গেছে তা জানতেই পারি নি, ভাগ্যিস তুমি এলে, মনে করিয়ে দিলে—”

এতদিনের আপনি থেকে সরোজ আজ হঠাৎ তুমিতে মনে এসেছে লক্ষ্য কবে কমলার বড় বড় ছ' চোখে যেন বিদ্যুৎ-ধ্বলে গিয়েছিল, সারা শরীরে ধুশির তরঙ্গ তুলে বলেছিল, “আপনি যে আলমডোলা মাহুস, অনেক কিছুই পালিয়ে যাবে, আপনি জানতেও পারবেন না। নিন্ এখন্

উঠুন, চলুন ঐ ঘেরা হাতে। দেখুন, দেখুন, পশ্চিমের ঐ আকাশে মেঘের দল কেমন আবির্ভব খেলছে—”

ছাদের উচু আলসের ধারে খুব পাশাপাশি দাঁড়িয়ে-ছিল সরোজ আর কমলা, মৃদুস্বরে সরোজ বলেছিল, “বাঃ কি সুন্দর, সূর্য যেন শ্রীকৃষ্ণ, মেঘের দল যেন ষোড়শ গোপিনী, মনের আনন্দে হোরী খেলায় মেতে উঠেছে সবাই—”

কৌতুকোচ্ছল স্বরে কমলা বলেছিল, “আচ্ছা, ঐ মেঘ-রাঙা একটা শাড়ি পেনে কি মজাটাই না হ'ত। শরীরের সঙ্গে সঙ্গে মনটাও কেমন রাঙা হয়ে উঠত—”

হতাশ কণ্ঠে সরোজ বলেছিল, “ওঃ, ঘোর গদ্য মেয়ে তুমি, তোমাকে নিয়ে আর পারা যায় না—”

তেমনি স্বরে কমলা বলেছিল, “মেয়েদের একটু গদ্য হওয়াই ভাল সরোজদা, ছেলেদের আকাশ-কুসুমগুলো আঁচল ভ'রে তুলবে কে তা না হ'লে—”

মাঝে মাঝে ওদের কাঁধে কাঁধ ঠেকে যাচ্ছিল, সরোজের নাকে ভেসে আসছিল কমলার চুলের মৃদু গন্ধ, সান্ধ্য প্রসাধনের স্নিগ্ধ সৌরভ আর উন্মোচিত নিটোল যৌবনের বিহ্বল করা উষ্ণ স্পর্শ সরোজের মনকে উদ্ভাস্ত করে তুলছিল। চোখের সামনে প্রসারিত সান্ধ্য আকাশের অপার সৌন্দর্য দেখবে কি, বুকের ভেতর একটা অব্যক্ত ব্যথা বার বার মোচড় দিয়ে উঠছিল। কমলার ছোট ছোট কথা আর ছোট ছোট হাসি কিছুই কানে যাচ্ছিল না তার।

তখন সরোজ জানত না যে এ ব্যথা যৌবনের, এ বেদনা প্রেমের। উদ্ভাস্ত অশান্ত মন যুগে যুগে এ বেদনার সৃষ্টি করেছে, একে লালিত করেছে।

এর পর কখন যেন পশ্চিম আকাশের ঐ আশ্চর্য সব রঙ গুণে মুছে নিয়ে আদিম অন্ধকার তার বিশাল খাবা বিস্তার করে হাঁ হাঁ করে এসে পড়ল ছাদে, কখন যেন নিঃশব্দে ঝরে-পড়া শেফালীর মত হারিয়ে গেল কমলা, সে সব কথা ভাবতে পারে না সরোজ। শুধু সেই সন্ধ্যার আনন্দ-বেদনাটুকু মধুর স্মৃতি হয়ে তার সারা মন জুড়ে আছে এখন।

আলমারি থেকে সিন্ধের পাঞ্জাবি আর পাট-ভাঙা শান্তিপুরী ধুতি হাতে নিয়ে এ ঘরে ঢুকে অবাক হয়ে যান হেমাঙ্গিনী। সরোজ তখন হাত দু'টি পেছনে মুঠো করে ধ'রে ছোট্ট ঘরের এ কোণ থেকে ও কোণ পর্যন্ত লম্বা লম্বা পা ফেলে ঘুরে বেড়াচ্ছে। সারা মুখে যন্ত্রণার স্পষ্ট চিহ্ন আঁকা।



ভয় পেয়ে হেমাজিনী বললেন, “কি রে, অমন করছিস কেন? শরীর খারাপ লাগছে নাকি? থাক্ তবে, না গেলি কমলাকে আনতে—”

মায়ের কথা কানে যেতে থমকে দাঁড়ায় সরোজ, যেন স্পষ্ট ভাবে কমলার কণ্ঠস্বর শুনেতে পার, “সরোজ দা—আমাকে কি একেবারেই ভুলে গেলে? একটা ভুল ভোলা কি এতই কঠিন?”

বিনা বাক্যব্যয়ে এগিয়ে এসে মা-র হাত থেকে জামা-কাপড় নিয়ে বারান্দায় এসে বাড়ির কাপড় ছাড়ে সরোজ।

একটু পরে ঝিউকাট পাম সুর মস্ মস্ শব্দ ভুলে রাস্তায় পা দেয় সরোজ।

ঘোড়ায়-টানা পাকী গাড়ী নবাবপুর রোড দিয়ে এগিয়ে যায়, রায় সাহেবের বাজার পার হয়ে ঢাকা কলেজিয়েট স্কুলের মোটা মোটা খামওয়ালা বিশাল অট্টালিকা ডান দিকে রেখে বাংলা বাজারের রাস্তায় পড়ল। গাড়ীর ঘড়ঘড়ানির ও ছলুনির সঙ্গে সঙ্গতি রেখে চলল সরোজের অশান্ত মন। ছ’ধারের শ্রেণীবদ্ধ অট্টালিকাশ্রেণীর কাঁক দিয়ে হঠাৎ দেখা গাছের শ্যামল পত্রপুচ্ছের মত তার মন অতীতের ঝিলিক দেখতে পেল।

সায়েন্স কলেজের ল্যাবরেটরিতে কাজ করতে করতে সন্ধ্যা হয়ে গিয়েছিল সেদিন। হন হন করে বাড়ীর দিকে যাচ্ছিল সরোজ। ডাক-বাংলোর কাছাকাছি আসতেই স্মৃষ্টি কণ্ঠের আছান্নে তার পা ছুটো আপনা থেকেই মছর হয়ে এল—খেমে গেল এক সময়ে। পেছন থেকে ছুটতে ছুটতে কাছে এসে হাঁপাতে হাঁপাতে কমলা বলেছিল—“বাক্সা: ছুটতেও পার তুমি সরোজদা। সেই কখন থেকে তোমার ধরবার জন্ত ছুটছি, কিছুতেই পারলাম না, শেবটায় লজ্জার মাথা খেয়ে ডাকতে হ’ল—তাও কি কানে যায়? আচ্ছা, সব সময়ে এমন অসম্মনস্ব থাক কেন বল ত?”

পরিহাসের সুরে সরোজ জবাব দিয়েছিল, “যদি বলি তোমারই ধ্যানে থাকি বলে—”

একটু লাল হয়ে কমলা জবাব দিয়েছিল, “আহা, আমি যেন আর জানি না কিছু, ধ্যান কর ত তোমার সহপাঠিনী মালবিকা সেনের—”

“হ্যাঁ, রাক্ষসীমন্ত্র জপ করবার সময়ে তাঁর ধ্যানের প্রয়োজন হয় বটে। কিন্তু বর্তমানে আমি ইন্দ্রানীর ধ্যানে মগ্ন আছি, বুঝলে—” বলে জনবিরল রমণার মাঠ

দিয়ে চলতে চলতে কমলার ডান হাতখানা নিজের হাতে টেনে নিরেছিল সরোজ।

কোন বাধাই দেয় নি কমলা, একটা বিশ্বাস ফেলে বলেছিল, “মিছে কথাও তোমার মুখ থেকে শুনেলে সত্যি বলে মনে হয়। যাক, এখুনি বাড়ী ফিরবে? চল না নিরিবিলি কোথাও গিয়ে বসি একটু আড়ালে—”

“বেশ ত, চল, সত্যি-মিথ্যের প্রকৃটারও একটা মীমাংসা হয়ে যাবে এখন—”

ছ’ আনার চিনে বাদাম কিনে গবর্ণার প্যালেসের কাছাকাছি ঘন সবুজ ঘাসের গালিচায় পাশাপাশি অঙ্ককারে বসেছিল ওরা ছ’জনে। অনেক দূরে ব্রিটানিয়া টকিজের আলো জলে উঠেছে, আলো জলেছে ভিক্টোরিয়া ও উয়ারী ক্লাবের টেণ্টে। আলোর ঐ ভাসমান ধীপ কটি ছাড়া রমণার বিশাল মাঠ জুড়ে অঙ্ককারের সমুদ্র। দূর থেকে ভেসে আসছে বাড়ী-ফেরা শিশুদের হিল্লোলিত কলধ্বনি, আর জোড়ায় জোড়ায় ঘুরে-বেড়ানো নারী-পুরুষের বিশ্রুজালাপের মৃদু অস্পষ্ট গুঞ্জনধ্বনি। মেঘাবরণমুক্ত আকাশে একে একে দেখা দিয়েছিল গলানো রূপোর ভিতর ডুব দিয়ে-আগা তারার দল।

জায়গার কোন অভাব ছিল না, তবু গায়ে খুব গা ঠেকিয়ে বসেছিল সরোজ আর কমলা।

মৃদুকণ্ঠে সরোজ বলেছিল, “আমাদের বাড়ীতে ভাড়াটে হিসেবে প্রথম যেদিন এলে সেদিন মা-র কাছে তোমার নাম শুনে কি ভেবেছিলাম জান?”

মুখ ভুলে সরোজের চোখে চোখ রেখে কমলা বলেছিল, “কি?”

“ভেবেছিলাম, এ ত বেশ যোগাযোগ। আমার নাম সরোজ আর তোমার নাম কমলা, আমার বুকের ওপরেই তোমার আসন—”

হাসির ভঙ্গিমায় কমলার পাংলা ঠোঁট ছুটো বেকে গিয়েছিল, নীচু গলায় বলেছিল, “সত্যি সত্যি ত আর তা নয়, তোমার বুক জুড়ে বিরাজ করছেন মালবিকা সেন—”

কমলার গায়ে একটা ধাক্কা দিয়ে সরোজ বলেছিল, “আবার ঐ কথা। বললেও বিশ্বাস করছ না কেন?”

“তোমার নামে গোলাপী খামে চিঠি আসে—”

অসহিষ্ণু স্বরে সরোজ বলেছিল, “প্রশ্ন না দিলেও যদি কেউ বোকাম মত কাজ করতে থাকে তবে আমি তার কি করতে পারি বল?”

“কিন্তু আমরা তোমাদের বাড়ীতে আসবার আগে কি তাকে খুব প্রশ্ন দাও নি—”

“সে সব ছিল ছেলেখেলা—”

“আর এটাও ছেলেখেলা নয় তার কি প্রমাণ দিতে পার তুমি সরোজদা? তোমরা পুরুষ, হৃদয় থেকে হৃদয়ান্তরে উড়ে যেতে তোমাদের বাধে না—”

হঠাৎ কমলাকে চেপে ধরে গাঢ় অবরুদ্ধ স্বরে সরোজ বলেছিল, “এই তোমাকে ছুঁয়ে বলছি কমলা, আমি তোমাকে ভালবাসি, তোমাকে না পেলে আমার সমস্ত জীবন অন্ধকার হয়ে যাবে—”

সরোজের আবেগ কমলার মনেও সঞ্চারিত হয়েছিল, ওর মাথাটা সরোজের কাঁধে নামিয়ে দিয়ে চুপ করে বসেছিল, নিবিড় মধুর অন্তরঙ্গতাটুকু সমস্ত শরীর মন দিয়ে উপভোগ করছিল।

অনেক পরে উত্তর আকাশে সপ্তর্ষিমণ্ডল আস্তে আস্তে একটু একটু ক’রে স’রে গিয়েছিল। পৃথিবীর শব্দের জগৎ ধীরে ধীরে নীরবতার আশ্রয় খুঁজছিল। এবার গলা পরিষ্কার ক’রে সরোজ বলেছিল, “কমলা—”

যেন অনেক দূর থেকে কমলা বলেছিল, “কি?”

“তোমার আমার এই নিবিড় সান্নিধ্যকে কি চিরায়ত করা যায় না?”

অস্ফুট স্বরে কমলা বলেছিল, “কেন যাবে না সরোজদা,—খুব যাবে,—কিন্তু—”

“কিন্তু কি? তোমার বাবার কথা ভেবে বলছ?”

“হ্যাঁ—”

অধীর হয়ে সরোজ বলেছিল, “কিন্তু সমাজপতিদের দণ্ড কি চিরকালের জন্যই আমাদের প্রেমের ওপর উত্তত হয়ে থাকবে?—কি, কথা বলছ না যে?”

উত্তর দিতে গিয়ে কমলার গলা কেঁপে গিয়েছিল, যে কথাটা সরোজকে বলবে ব’লে সেই বিকেল থেকে মাঠের ধারে দাঁড়িয়ে তার জন্ত প্রতীক্ষা করছিল সেই কথাটা বলি বলি ক’রেও বলতে পারছিল না।

গভীর সুরে সরোজ ব’লে চলেছিল, “তোমার বাবা আমাদের ঘনিষ্ঠতা পছন্দ করেন না, তোমরা ব্রাহ্মণ আর আমরা কায়স্থ, শুধু এই একটা সামাজিক কৃত্রিম বাধা আমাদের প্রেমকে ব্যর্থ ক’রে দেবে এ কখনও হ’তে পারে কমলা? চল আমরা ছ’জনে অস্ত্র কোথাও চলে যাই—”

কেঁপে উঠে সরোজের হাত ছুঁতে শক্ত ক’রে ধরে রুদ্ধশ্বাসে কমলা বলেছিল, “তা হয় না সরোজদা, আর এই বোধ হয় আমাদের শেষ নির্জনে দেখা—”

“তার খানে?”

“বাবা অস্ত্র বাড়ী দেখে এসেছেন গেশোরিয়াতে,

কাল সকালেই চলে যাচ্ছি আমরা, আর এ কথাটা বলব বলেই তোমার খোঁজে বিকেল থেকে দাঁড়িয়ে ছিলাম এখানে—”

কমলার খুব আস্তে আস্তে বলা কথাগুলো সরোজের মনে প্রচণ্ড আঘাত করেছিল, এক মুহূর্তে নিথর হয়ে গিয়েছিল সে, একটু পরে ম্লান হেসে বলেছিল, “হঠাৎ?”

“হঠাৎ নয়,—যেদিন তোমাকে আমাকে একসঙ্গে রাতে অন্ধকার ছাদ থেকে নাবতে দেখেছিলেন বাবা, রাতে মা-র কাছে খুব একচোট বকুনি খেতে হ’ল, আর বাবাও উঠে-পড়ে লাগলেন অস্ত্র বাড়ী দেখতে—”

“ও, তাই তোমাকে ছাদে কি আমার পড়ার ঘরে দেখি নি এ ক’দিন,—আমি ভাবছিলাম কি না কি—এবার বুঝলাম সব। তা, ছোট্ট একটু বকুনির ভয়ই এত বেশী হ’ল তোমার কাছে যে, একবার দেখাটাও করতে পারলে না—”

“মেয়েদের যে কতদিকে কত বাধা সে তুমি বুঝবে না সরোজদা—”

“এবার গেশোরিয়ার নতুন বাসায় গিয়ে তুমিই ভাল ক’রে বুঝে নিও—”

“রাগ করছ কেন সরোজদা—দেহের সান্নিধ্যই কি সব? মনে মনে কি কাছাকাছি থাকা যায় না, না তার কোন দাম নেই জীবনে?”

“দাম তার নিশ্চয়ই আছে”—ব্যঙ্গের স্বরে সরোজ বলেছিল, “খুব চড়া দামই আছে, কিন্তু সে শুধু কাব্যে আর সাহিত্যে। বাস্তব জীবনে তার দাম কানাকড়িও নয় কমলা—”

নিজের মনের কথাটাই সরোজের কণ্ঠে ধ্বনিত হতে দেখে একটা নিখাস ফেলে চুপ করে স্তম্ভের দিকে তাকিয়েছিল কমলা, তার জলভরা ছ’চোখ কিছুই দেখতে পাচ্ছিল না, এমন কি পাশে-বসা সরোজকেও না। শুধু বার বার মাথা নেড়ে সরোজের কথাটাকে অসত্য বলে ভাবতে চেষ্টা করছিল সে।

সহ করা যায় না এমন একটা ব্যথা সরোজের বুকের ভেতরটা যেন কুরে কুরে খেয়ে চলছিল, নিখাস নিতেও কষ্ট হচ্ছিল। কমলার চুলের মৃদু গন্ধ, মাঝে মাঝে বেজে ওঠা চুড়ির নিকশ, আর শারীরিক উদ্ভাপ, তাকে বুকের ওপর চেপে রাখা সে যন্ত্রণাটাকে আরও বাড়িয়ে তুলেছিল।

একটু থেমে সরোজ বলেছিল, “ভৌগোলিক দূরত্বকে অতিক্রম করবার মত ক্রমতা প্রেমের নেই কমলা, প্রেম ত শুধু মনকে নিয়ে নয়, তার একটা দেহের দিকও আছে

এই দেহের দাবিকে অগ্রাহ করবার কসত্তা খুব কম মাহবেরই আছে। তুমি আমাকে ছ' দিনেই ছুঁলে যাবে কমলা, আমার জন্ত পাতা পুরাণো আসন তুলে নতুন আসন পাততে বেশী দেরি হবে না তোমার—”

ছ' হাতে মুখ ঢেকে উপুড় হয়ে সরোজের কোলে মাথা গুঁজে অবরুদ্ধ হয়ে কমলা বলে চলেছিল, “না না সরোজ দা, আমি কক্ষণও তা করব না, তুলব না তোমাকে—তুমি ছুঁলে যেও না আমার। হয়ত একদিন আজকের এই রক্ষণশীলতা কাটিয়ে এক হয়ে যেতে পারব আমরা—আমি তোমার জন্ত প্রতীকা ক'রে থাকব সরোজ দা—”

ভাবতে ভাবতে সরোজের চোখে জল এসে যায়। সেদিনের আবেগদীপ্ত বিছাৎ-শিহরিত অহুত্বতির ছোঁয়া নতুন ক'রে লাগে তার বুকে। তার ঠোঁটের কোণের করুণ হাসিটুকু যেন বলতে থাকে—না কমলা, যা হয় না তার প্রতিশ্রুতি দিয়ে তুমি ছুঁল করেছিলে। তা না হলে ক্রমে ক্রমে তোমার চিঠি বিরল হয়ে এল কেন? কেন তুমি এক বছর কাটতে না কাটতেই আর একজনের গলায় মালা দিলে? আর একজনের হয়ে গেলে?

পাঁচ বছর কেটে গেছে তার পর। সরোজের স্বদয়ের বেদনার ক্ষত গুঁকিয়ে এসেছে সময়ের মলমে। এম. এস-সি পাশ করে ঢাকা ইউনিভার্সিটিতেই কেমিস্ট্রির লেকচারার হয়ে আছে সরোজ। মালবিকাও সরোজের সঙ্গেই পাশ করে তার সঙ্গেই চাকরি করছে। সহপাঠিনী হয়েছে সহকর্মিণী। বাইরে ভালো অফার পেয়েও মালবিকা ঢাকা ছাড়ে নি, তার এই নারব প্রতীকার ছুঁর তপস্তা সরোজকে দৃষ্টি করে, কিন্তু পুড়ে-বাওয়া প্রেমের ভস্মে আঙুন আলো না।

রাস্তায় রাস্তায় ঢাকা মিউনিসিপ্যালিটির এক-চোখো আলোগুলো এক ঠ্যাংএ দাঁড়িয়ে অন্ধকারকে নীচে নাবতে দিচ্ছে না। সরোজের গাড়ী কমলাদের বাসার সামনে এসে থামল।

খোলা দরজা দিয়ে ভেতরে ঢুকল সরোজ। একটা মাঝারি মাপের বসবার ঘর, ভেতরে যাবার দরজায় পুরু পর্দা ঝুলছে। একটু ইতস্ততঃ করে সরোজ ডাকল, “মামীমা—”

পরদা সরিয়ে এক ঝলক বাসন্তী বাতাসের মত ছুটে এল কমলা—কলকণ্ঠে বলে উঠল, “বাক্সাঃ, সেই কখন থেকে সেজেগুজে বসে আছি, এতকণে আসার সময় হ'ল তোমার সরোজদা—”

একটা আধ-ফুটল কলি যেন পরিপূর্ণ ফুল হয়ে ছুটে উঠেছে। স্মুখে দাঁড়ান কানার কানার ভ'রে-ওঠা নারীকে দেখে চোখ নত করল সরোজ।

ফুটফুটে বছর তিনেকের একটি মেয়ে কমলার আঁচল ধরে টান দিল, আধ কোটা ধরে বলল, “কে মা?”

চোখে-মুখে স্নিগ্ধ হাসি ছড়িয়ে কমলা বলল, “তোমার মামীমা হয় রে শতদল—যা, প্রণাম করু—”

মার পেছনে লুকোবার আগেই সরোজ হাত বাড়িয়ে তাকে ধরে ফেলে, আদরে কাছে টানতে টানতে বলে, “কমলাই কি আর একবার শতদল হয়ে জন্মাল? কি স্মন্দরই না হয়েছে তোমার মেয়ে—”

পুলক আর গর্ব-ভরা চোখে একবার শতদলের মুখে একবার সরোজকে খুঁটিয়ে খুঁটিয়ে দেখে কমলা বলে, “তুমি যে একেবারে বুড়িয়ে গেছ সরোজ দা, অমন স্মন্দর ঘন চুল ছিল তোমার, এত পাতলা হ'ল কি করে?”

সরোজ জবাব দেবার আগেই কমলার মা পর্দা সরিয়ে ধরে ঢুকলেন। এগিয়ে গিয়ে তাঁকে প্রণাম করল সরোজ, বলল, “কেমন আছেন মামীমা?”

মলিনা বললেন, “আমার আর থাকা। এদের রেখে এবার যেতে পারলেই বাঁচি বাবা—”

সরোজ তাকিয়ে দেখল, এ ক'বছরে অনেক পরিবর্তন হয়েছে তাঁর। মেঘের মত কালো চুল ছোট করে ছাঁটা। রিক্ত ওস্ত্র বেশ একটা সক্রুণ বিষণ্ণতার ছায়া ফেলেছে তাঁর মুখ। যুঁহু হয়ে মলিনা বললেন, “তোমাদের বাড়ির সবাই ভালো আছে ত বাবা? কমলা—চা করে নিয়ে আয়—”

চঞ্চল হয়ে সরোজ বলল, “না মামীমা চা থাক। এমনিতেই দেরি হয়ে গেছে, রাস্তাও খুব কাছের না—”

মলিনা বললেন, “হ্যাঁ, সে কথা ঠিকই, তা হ'লে স্কুট-কেসটা এখানে নিয়ে আয় কমলা, যাবিই যখন তখন আর দেরি করে লাভ কি?”

কমলা ছুটে চলে যেতে একটু হেসে মলিনা বললেন, “ক'বছর পরে বোম্বাই থেকে এল। এসে অবধি খালি মামীমার বাড়ি যাব বলে বলে আমাকে একেবারে অস্থির করে তুলেছে। দিদিকে ভীষণ ভালবাসত ত ও—তা যাক, দিন কয়েক ঘুরে আসুক। শতদল থাকবে আমার কাছে—”

পাশাপাশি নয়, সামনা-সামনি বসেছে ওরা দু'জনে। পান্ডি গাড়ির ভেতরটা খুব অন্ধকার, খোলা জানালার

দিয়ে মাঝে মাঝে রাস্তার আলো সেই অন্ধকারের বুকে ছুরি বসিয়ে দিয়ে যাচ্ছে।

বাঁধান রাস্তার ওপর দিয়ে ঘড় ঘড় ঘড় ঘড় শব্দে এগিয়ে চলেছে ঘোড়ার গাড়ি। কালের চাকাও এমনি ভাবেই প্রতি মুহূর্তে এগিয়ে চলেছে—তবে তার সেই অলঙ্ঘ্য নিঃশব্দ গতি শোনা যায় না। হাজার চেষ্টা করলেও সে চাকা পেছন দিকে ঠেলে নিতে পারা যায় না। সে যেন সব সময়ে বলছে—অতীতের কবর খুঁড়তে যেও না, বর্তমানের ঝরে-পড়া কণগুলি কুড়িয়ে নিয়ে তৈরী করে নাও ভবিষ্যতের মণিহার।

অনেকক্ষণ চুপ করে থেকে কমলা বলল,  
“সরোজদা”—

—“কি?”

“তোমার সব কথা শুনেছি আমি মার কাছে। কেন এমন করে কষ্ট পাচ্ছ, আর—আরেকজনকেও কষ্ট দিচ্ছ বল ত সরোজদা—”

একটু কঠিন স্বরে সরোজ বলল, “সবাইকে তোমার মত হৃদয়হীনা বলে মনে কর কেন বল ত কমলা?”

আঘাতটা সয়ে নিতে একটু সময় লাগল, তার পর কমলা বলল, “এতদিন পরে ঝগড়া করতে আসি নি সরোজদা, আর আমি হৃদয়হীনাও নই, তোমাকে আমি ভালবাসতাম, আজও খুব ভালবাসি, তবে আজ হয় ত তার রূপ বদলেছে—”

“মিথ্যা কথা মিথ্যা কথা”—প্রায় টেঁচিয়ে উঠল সরোজ—“যার প্রতিশ্রুতির কোন দাম নেই, তার কোনও কথা আমি আজ বিশ্বাস করি না—”

ধীর স্বরে কমলা বলল, “বিশ্বাস তোমাকে করতেই

হবে সরোজদা। সব তুললে বুঝবে যে, আমি যা করেছি তা ঠিকই করেছি। আমরা গেশোরিয়ার বাগার যাবার করেকদিন পরেই একদিন মালবিকাদি এসেছিলেন আমার সঙ্গে দেখা করতে—উদ্ভ্রান্ত চোখে, যোগিনীবেশে, আমার হাত ধরে আমার কাছ থেকে তোমাকে ভিক্ষা চেয়েছিলেন। তাঁর প্রেমের তীব্রতা দেখে আমি চমকে উঠেছিলাম, তার কাছে আমার ভালবাসা নেহাৎ ছেলে-খেলা বলে মনে হ’ল। তোমার জীবন থেকে আমি স’রে যাব—এই কথা আমি তাঁকে দিয়েছিলাম সেদিন। আমারও কষ্ট হচ্ছিল খুব, কিন্তু এই প্রায়-উন্মাদিনীর হতাশ দীর্ঘশ্বাসকে উপেক্ষা করে সংসার পাতবার সাহস আমার হ’ল না। আমাকে তুমি মাপ কর সরোজদা—”

উল্টে! দিক থেকে আসা একটা মোটর গাড়ীর তীব্র আলো এসে পড়ল গাড়ীর ভেতরে। সেই আলোতে সরোজ দেখল কমলার ছ’ চোখে অক্ষর কৌটা মুক্তার মত টলটল করছে, খর খর করে কাঁপছে পাংলা ঠোঁট দুটি।

সরোজের বুকের যে কতটা সময়ের মলমে সম্পূর্ণভাবে সারে নি, তাই যেন আজ কমলার কথার আর তার চোখের জলে নিশ্চিহ্ন হয়ে গেল। সরোজের বহু অনাদর ও অবহেলা সহ করেও যে মেয়েটি সব সময়ে তার কাছাকাছি থাকতে চেয়েছে, দুটো কথা বলতে চেয়েছে, এক টুকরা হাসি পেলে কৃতার্থ হয়ে গেছে, তার নিঃসঙ্গ মনের বিপুল বেদনা সরোজের মনকে আচ্ছন্ন করে ফেলল। মালবিকার বাইরের রূপ ম্লান হয়ে গিয়ে তার মনের অনিন্দ্য রূপই বড় হয়ে দেখা দিল।

সরোজের বাড়ীর সামনে গাড়ী এসে থামল।





## কোথায় বসব !

শ্রীসুধীরকুমার চৌধুরী

ও ছায়াটা তুমি ছেড়ে চ'লে এস,  
ওখানে ব'সো না ।  
কাছাকাছি সব যারা ঘুরছে,  
ভাল ক'রে তারা খেতে পায় না ।  
ওদের ওকনো মুখগুলো দেখ ।  
দেখতে তোমার ভাল লাগবে না ।  
আর একটা ছায়া খুঁজে নিই, চল ।

একটু বসব ।  
হাতটিতে হাত একটু রাখব ।  
আমার তাকানো দুঃসহ হলে  
ঘন-পন্থের ছায়াতে ছুঁচোখ  
একটুকু তুমি আড়াল করবে ।  
তারপর নত করবে দৃষ্টি ।  
চোখের ভাষায় বলা যা হবে না,  
দু-ঠোঁটের কোণে হাসির আভাস  
সেই কথাটিকে ঘুরিয়ে বলবে ।

আজকে তাদের কথা ভাবব না  
ভাল ক'রে যারা খেতে পায় না ।  
আজকে কেবল তোমাকে দেখব ।

ও ছায়াটা তুমি ছেড়ে চ'লে এস ।  
ওখানে এখনই ভিড় করবে  
আশেপাশে ঐ যারা ঘুরছে,  
ভাল ক'রে যারা খেতে পায় না ।  
জায়গাটা সব তারাই জুড়বে ।  
আওয়াজ তুলবে ।  
ওনতে তোমার ভাল লাগবে না ।

এদের জিন্দে যে লালা ছিল, তার  
বেশীর ভাগ যে ওকিয়ে ওকিয়ে  
বিষ হয়ে গেছে, সে ত তুমি জানো ।

এও জানো তুমি,  
কিঁদে কাকে বলে যারা জানত,  
এ শহর আব শহরতলির  
রাস্তায় প'ড়ে তারা যে মরেছে ।  
নিজেরা ওকিয়ে ম'রে গেছে তারা ।  
জিহ্বার লালা ওকিয়ে ওকিয়ে  
বিবিধে উঠতে সময় পায় নি ।

ভাল ক'রে যারা খেতে পায় না,  
তাদের আওয়াজ ওঠে, খেমে যায় ।  
মৃত্যু-পাণ্ডু চোখের যে ভাষা  
আকাশে-বাতাসে রেখে গেল তারা  
পথে প'ড়ে যারা নীরবে মরল,  
ধ্বনিম্পন্দন হতে খরতর  
ম্পন্দন তার ভুলোক, ছালোক,  
বলোক জুড়ে কেবলি কাঁপছে ।  
সেই থেকে শুধু কেঁপেই চলেছে ।  
কেঁপে কেঁপে এসে স্পর্শ করছে  
তোমার আমার মনকে ।  
হয়ত

তোমার আমার মনের যে ভাব  
ভাবলেশহীন নির্দমতার,  
এদের মৃত্যু-পাণ্ডু চোখের  
অভিশাপ তার মধ্যে রয়েছে ।

আজকে এসব কিছু ভাবব না ।  
এস, জায়গাটা ছেড়ে চ'লে যাই ।

কিন্তু বলো ত,  
হাজার হাজার লোককে না খেয়ে  
পথে প'ড়ে যারা মরতে দেখেছে,—  
তাদের মনকে সহজে স্পর্শ

কি ক'রে করবে এদের দুঃখ,  
ভাল ক'রে যারা খেতে পায় না ?  
এদের দুঃখ সহজে স্পর্শ  
কি ক'রে করবে তাদের, নিজেরা  
ভাল ক'রে যারা খেতে পায় না ?

তুমি ভাল ক'রে খেতে পাও না।  
ভাল ক'রে আমি খেতে পাই না।

তবুও নীরব অবকাশ খুঁজি।  
উত্তরণের কি উপায়, সেটা  
কালকে না হয় দুজনে ভাবব।

আজকে এখন হাতে হাত দাও,  
ওই জায়গাটা ছেড়ে চ'লে এস।  
ওখানে ব'সো না।

বলছ, কোথায় বসব আমরা ?


সবখানে বুঝি তারাই ঘুরছে  
ভাল ক'রে যারা খেতে পায় না !

## শিক্ষার সঙ্কট


শ্রীবিমলচন্দ্র ভট্টাচার্য্য

রাজনৈতিক স্বাধীনতা লাভ করিবার কিছুদিন পূর্বে হইতেই আমরা কার্যতঃ শিক্ষানৈতিক স্বাধীনতা লাভ করিয়াছি। সুতরাং শতাব্দীর চতুর্থাংশেরও অধিক সময় ব্যাপিয়া আমরা স্বহস্তে শিক্ষা নিয়ন্ত্রণ করিয়া আসিতেছি। স্বাধীনতা লাভ করিবার পর শিক্ষার জ্ঞান নিয়োজিত সরকারী অর্থের পরিমাণ অনেক বৃদ্ধি পাইয়াছে। ছাত্র-সংখ্যাও আশাতীতরূপে বাড়িয়াছে। শিক্ষা বাবদ ছাত্র-দিগের নিজ ব্যয় ও সরকারী ব্যয় একত্র করিলে একটি উল্লেখযোগ্য অঙ্ক হইবে সন্দেহ নাই। জাতির এই বিপুল অর্থ ব্যয় করিয়া এবং এতদিন ধরিয়া স্বাধীনভাবে শিক্ষা নিয়ন্ত্রণ করিয়া আমরা কতটা সাফল্যলাভ করিলাম তাহা বিশ্লেষণ করিয়া দেখিবার সময় আসিয়াছে। শিক্ষাই যদি জাতির উন্নতির প্রথম সোপান বলিয়া স্বীকৃত হয়, তবে শিক্ষা-ব্যবস্থা সম্বন্ধে আলোচনা সর্বদাই প্রয়োজন। শিক্ষানীতি বা শিক্ষা-ব্যবস্থার মধ্যে যাহা ত্রুটি বলিয়া মনে হয়, তাহার প্রতি অভুলিনির্দেশ করা প্রত্যেক শিক্ষাত্রতীর পক্ষেই কর্তব্য; এবং সমালোচনা যেদিক হইতেই আসুক না কেন, শিক্ষাক্ষেত্রের বর্তমান অবস্থায়, তাহা উপেক্ষা না করিয়া তাহার তাৎপর্য বিচার করা সংশ্লিষ্ট সকলেরই কর্তব্য।

আমাদের বর্তমান শিক্ষা অনেকাংশে নিফল হইতেছে এই সন্দেহের ছায়া আজ সর্বত্র ব্যাপ্ত। এই পরি-প্রেক্ষিতে প্রাক-স্বাধীনতা যুগে আমাদের শিক্ষা-পরিচালনা কিরূপ ছিল এবং তাহা দ্বারা কতটা সিদ্ধিলাভ করিয়া-ছিলাম, বর্তমানের সহিত তুলনার জন্ত, তাহার আলোচনা করা অপ্রাসঙ্গিক নহে। ইংরেজ আমলে শিক্ষার ব্যাপকতা বা গভীরতা যে ছিল না তাহা অনস্বীকার্য। তখনকার দিনে আমরা যে শিক্ষালাভ করিতাম তাহা দ্বারা দেশের বৃহত্তর কল্যাণ সাধনে আমরা সক্ষম হইতাম না; তাহা দ্বারা বিশ্বসভায় আমরা কোনও সম্মানিত আসন লাভ করিতে পারিতাম না। উন্নতিশীল ইউরোপীয় দেশগুলির জ্ঞান-বিজ্ঞানের উজ্জ্বল সম্ভারের তুলনায় আমাদের শিক্ষাক্ষেত্র নিতান্তই নিম্নস্ত ছিল। বস্তুতঃপক্ষে ইংরেজ আমলে কেবল নিম্নস্তরের শিক্ষারই ব্যবস্থা ছিল; উচ্চতর শিক্ষার কোনও উল্লেখ-যোগ্য আয়োজন ছিল না। তথাপি সে আমলের শিক্ষা সর্বাঙ্গ গণ্ডির মধ্যে সার্থক হইয়া উঠিয়াছিল। তাহার কারণ এই যে, তখনকার দিনের শিক্ষার একটি সুস্পষ্ট লক্ষ্য ছিল ও শিক্ষা-পরিচালনা ক্রটিবিহীন ও কার্যকরী ছিল।



ब्रवीक्षनाथ ( जम्भूथ हईडे ) •  
२३ श्रीगणेशाय नमः



বরীন্দ্রনাথ ( পার্শ্ব হইতে )  
শিল্পী—শ্রীদেবীপ্রসাদ রায়চৌধুরী



ইংরেজের রাজ্য পরিচালনার জন্ত ইংরেজী ভাষার উচ্চ জ্ঞানসম্পন্ন লোকের প্রয়োজন ছিল। ইংরেজী ভাষায় লিখিত আদেশগুলি যথাযথভাবে বুঝিয়া কাজ করিবার, দেশের আভ্যন্তরীণ অবস্থা সম্বন্ধে সঠিক 'রিপোর্ট' পাঠাইবার, ইংরেজী ভাষায় লিখিত আইন-কাহ্ন সঠিক বুঝিয়া বিচার করিবার লোকের প্রয়োজন ছিল। রাষ্ট্রের বিভিন্ন বিভাগে, ইংরেজী শিক্ষিত চিকিৎসক, ইংরেজী শিক্ষিত ভূতত্ত্ববিদ, ইংরেজী শিক্ষিত রসায়নবিদ প্রভৃতির প্রয়োজন ছিল। সকল ক্ষেত্রেই ইংরেজই কর্তৃত্ব-স্থলাভি-ষিক্ত ছিলেন; রাজনৈতিক কারণ ব্যতীতও দেশীয়গণ শিক্ষা দ্বারা কর্তৃত্বপদের উপযুক্ততা অর্জন করিতে পারিতেন না—কারণ সেরূপ শিক্ষা ব্যবস্থা প্রচলিত ছিল না। ইংরেজকে অতিক্রম করিয়া স্বাধীনভাবে কাজ করিবার জন্ত দেশীয়দিগের কোন প্রয়োজন ছিল না।

তাই ইংরেজ আমলে শিক্ষার লক্ষ্য ছিল ইংরেজী নিভুলভাবে লিখিতে, বলিতে ও বুঝিতে পারার ক্ষমতা অর্জন করা এবং বিজ্ঞানের সদা-প্রয়োজনীয় পদ্ধতি-গুলিতে নিভুল কুশলতা অর্জন করা। এই সকল কর্তব্য অতিক্রম করিয়া কোনও বিষয়ে গবেষণায় লিপ্ত হইবার ব্যবস্থা দেশীয়দিগের জন্ত প্রয়োজন ছিল না; বাঙালী চাকুরিয়ার প্রাণে যদি কখনও অহুসঙ্কিতসার স্রোত বহিতে আরম্ভ করিত, তাহা হইলে তাহা বাহিরের তপ্ত মাটিতে প্রকাশ পাইবামাত্র শুকাইয়া যাইত।

উল্লিখিত সাধারণ কর্তব্যগুলি সুষ্ঠুভাবে করিবার জন্ত কর্মীর প্রয়োজন পূর্বেও ছিল; এখনও আছে। রাষ্ট্রের বা জাতির শিক্ষা-ব্যবস্থায় এই স্তরের শিক্ষা একটি প্রধান স্থান অধিকার করিয়া থাকিবে, ইহা স্বাভাবিক; ইংরেজ আমলেও তাহা ছিল। ইংরেজের শিক্ষানীতির বিরুদ্ধে আমাদের প্রকৃত অভিযোগ এই যে, তখন উচ্চতর শিক্ষা ও গবেষণার ক্ষেত্র প্রস্তুত করা হয় নাই।

আজিকার দিনে জিজ্ঞাস্য এই: (১) নিম্নস্তরের অর্থাৎ স্নাতকপূর্ব (under-graduate) স্তরের শিক্ষা-ক্ষেত্রে আমাদের ক্রটি কোথায়; (২) উচ্চস্তরের অর্থাৎ স্নাতকোত্তর (post-graduate) স্তরের শিক্ষা প্রসারে আমরা নিভুল পন্থা অবলম্বন করিতেছি কিনা। উচ্চ-স্তরের শিক্ষা সম্বন্ধে ইংরেজ আমলের দৃষ্টান্ত নগণ্য; কিন্তু নিম্নস্তরের শিক্ষা-ক্ষেত্রে ঐ সময়ের দৃষ্টান্ত দ্বারা আমরা লাভবান হইতে পারি।

নিম্নস্তরে ইংরেজ আমলে শিক্ষার যাহা লক্ষ্য ছিল, আজিও মূলতঃ তাহাই থাকা বাঞ্ছনীয়। কিন্তু বোধ হয় কার্যতঃ সে লক্ষ্যে আর দৃষ্টি নিবদ্ধ নহে। এই স্তরে

জ্ঞান-বিজ্ঞানে বহু তথ্যের অবতারণা না করিয়া যে মূল সূত্রগুলির স্পষ্টত্ব অধিকতর বাঞ্ছনীয়, আজ সম্ভবতঃ এই নীতি আর স্বীকৃত হইতেছে না। শিক্ষণীয় বিষয় সম্পূর্ণ আয়ত্ত হওয়ার প্রয়োজন অপেক্ষা শিক্ষণীয় বিষয়ের ব্যাপকতার প্রতি মনোযোগ অধিকতর দেখা যাইতেছে।

শিক্ষা-পরিচালনা ক্ষেত্রেও যে ক্রটি প্রবেশ করিয়াছে এরূপ সন্দেহ করিবার যথেষ্ট অবকাশ আছে। পূর্বে প্রথা ছিল যে, নবাগতকে ক্রমে ক্রমে সকল পর্যায় পার হইয়া পরিণত বয়সে পরিচালকমণ্ডলীতে স্থান পাইতে হইত। এমনকি ইংরেজের পক্ষেও এ নিয়মের ব্যতিক্রম ছিল না। দেশীয় ভাষায় অনভিজ্ঞতার জন্ত, নবাগত ইংরেজ অবশ্য স্কুলে শিক্ষকের পদে নিযুক্ত হইতেন না। কিন্তু কলেজে কিছুকাল অধ্যাপনা করিয়া, স্কুলে পরিদর্শকের কাজ কিছুকাল করিয়া স্কুল ও কলেজের যথেষ্ট অভিজ্ঞতা অর্জন করিবার পর শিক্ষা-পরিচালক-মণ্ডলীতে স্থান পাইতেন। তাহার পূর্বে নহে। দেশীয়-দিগের পক্ষে প্রথমে স্কুলে, পরে কলেজে শিক্ষকতা করিয়া অবশেষে পরিচালকমণ্ডলীতে স্থান হইত। বাহাদুরের স্থান হইত তাঁহাদের অভিজ্ঞতা সম্বন্ধে সন্দেহের অবকাশ থাকিত না। আজ শিক্ষা-ক্ষেত্রে এই শিক্ষানবিশী প্রথা (apprenticeship) প্রয়োজনীয় বলিয়া গণ্য হইতেছে না। নানা ছলে, নানা কৌশলে নবাগতদের দ্বারা শিক্ষণ ও শিক্ষা পরিচালনের দায়িত্ব অধিকৃত হইতেছে। অভিজ্ঞতার দাবী বা শিক্ষানবিশীর প্রয়োজনীয়তা উপেক্ষিত হইতেছে। কেহ বা বিভাগায়ের জন্ত অর্থ-সংগ্রহ করিয়াছেন, অথবা বিদ্যালয় নির্মাণে সহায়তা করিয়াছেন, অথবা কোনও প্রভাবশালী ব্যক্তি বা দলের প্রীতিভাজন হইয়াছেন বলিয়া যোগ্যতম প্রশ্নকে উপেক্ষা করিয়া শিক্ষণকার্যে নিযুক্ত হইতেছেন।

কোনও কোনও দেশীয় 'মিশন' অধুনা শিক্ষা-প্রচেষ্টায় শক্তি নিয়োগ করিতেছেন। তাঁহাদের শিক্ষা-প্রচেষ্টা ব্যাপক হইতে ব্যাপকতর হইবার লক্ষণ দেখা যাইতেছে। জনসাধারণের মনে সংস্কার আছে যে, সন্ন্যাসী বলিয়াই তাঁহারা শিক্ষা-পরিচালনার অপার অপেক্ষা অধিকতর যোগ্য। সত্য বটে, বিদেশীয় 'মিশন' ব্যতীত, বে-সরকারী সকল শিক্ষা-প্রচেষ্টাই আমাদের দেশে নৈরাশ্রজনক হইয়াছে। কিন্তু যে সকল কারণে নৈরাশ্রজনক হইয়াছে সেগুলি বর্তমান থাকিলে কার্যকারণের অমোঘ নিয়ম অহুসারে, দেশীয় 'মিশন' হইতেও অহুরূপ ফল লাভ করিব। সন্ন্যাসী হইলেই শিক্ষকতার বা শিক্ষা-পরিচালনার যোগ্য হইবেন ইহা স্বতঃসিদ্ধ নহে। অধ্যাপনক্ষেত্রে

শিক্ষাক্ষেত্র হইতে পৃথক্ ; উত্তম শিক্ষক ও গবেষক হইতে হইলে ভিন্নরূপ অভ্যাস ও অধ্যবসায়ের প্রয়োজন। উত্তম শিক্ষক ও গবেষক না হইয়া এবং শিক্ষাক্ষেত্রের ব্যাপক অভিজ্ঞতা সঞ্চয় না করিয়া শিক্ষা-পরিচালনার ভার গ্রহণ করিলে শিক্ষার উৎকর্ষ কখনই হইবে না ; আমাদের শিক্ষাক্ষেত্রে যে সকল আবর্জনার স্তূপ সঞ্চিত রহিয়াছে তাহারই কলেবর বৃদ্ধি পাইবে মাত্র।

আমাদের দেশে বিদেশী 'মিশন' কর্তৃক শিক্ষা-পরিচালনার মধ্যে শিক্ষোত্তর কারণ ছিল। নিজ নিজ দেশের শিক্ষাক্ষেত্রে কোনও বিদেশী 'মিশন'ই তত প্রভাবশালী নহে। তথাপি আমাদের দেশে বিদেশী 'মিশনগুলির' অবদান বিপুল ভাবে কল্যাণকর হইয়াছে। আজও বিদেশী 'মিশনগুলির' স্থাপিত শিক্ষাপ্রতিষ্ঠানগুলি আদর্শ-স্থানীয় বলিয়া স্বীকৃতি লাভ করিতেছে। এই জন্তই শিক্ষাক্ষেত্রে আমরা দেশীয় 'মিশনগুলির' প্রতিও আস্থা বান্ধিয়া উঠিয়াছি। কিন্তু প্রকৃতপক্ষে বিদেশী 'মিশনারী'-গণ 'মিশনারী' বলিয়াই সাফল্য অর্জন করেন নাই। তাঁহাদের পাণ্ডিত্য ও শিক্ষাপ্রীতি দ্বারা তাঁহাদের স্থাপিত শিক্ষাপ্রতিষ্ঠানগুলি সুখ্যাতি অর্জন করিতে পারিয়াছে। এই সকল প্রতিষ্ঠানে দেখিতে পাই, কত বিদগ্ধজন শিক্ষার জন্ত, শিক্ষার কর্তৃত্বের জন্ত নহে—জীবন উৎসর্গ করিয়া আসিতেছেন ; অধ্যয়ন ও অধ্যাপনায় নিমগ্ন থাকিতে পারিলেই জীবন সার্থক বলিয়া মনে করিতেছেন। দেশীয় কোনও 'মিশনে'র শিক্ষাব্রতিগণ, গংখ্যার ও পাণ্ডিত্যে, কি ইহাদের তুলনীয় হইতে পারেন ? তাহা না হইলে তাঁহাদের হাতে শিক্ষা-পরিচালনার ভার তুলিয়া দেওয়া মঙ্গলজনক হইবে কেন ? এই দৃষ্টিকোণ হইতে দেখিলে, আমাদের নব-নির্মিত শিক্ষার আশ্রমগুলি পরিচালনার জন্ত, শিক্ষা-প্রচেষ্টায় নিযুক্ত কোনও বিদেশী 'মিশন'কে আহ্বান করিলে অপেক্ষাকৃত সুফল পাওয়া যাইত, ইহা মনে করিবার যথেষ্ট কারণ আছে।

যোগ্যতাই শিক্ষাক্ষেত্রে প্রথম ও প্রধান প্রয়োজন। যোগ্যতার অভাবই আজ শিক্ষাক্ষেত্রে সর্বট আনয়ন করিয়াছে।

ইদানীং বাংলা দেশে কয়েকটি নূতন বিশ্ববিদ্যালয় স্থাপিত হইয়াছে ও হইতেছে। আশা করা যায়, ইহা দ্বারা উচ্চশিক্ষার ক্ষেত্র প্রসারিত হইবে। প্রদেশের দূরবর্তী অঞ্চলে কেবলমাত্র সাধারণ শিক্ষা স্ফুটভাবে পরিবেশন করিবার জন্তই পৃথক্ বিশ্ববিদ্যালয় প্রয়োজন। সাধারণ শিক্ষা পরিবেশন করা ব্যতীত, স্থানীয় সমস্যা-গুলির গবেষণা-ক্ষেত্র প্রস্তুত করাও বিশ্ববিদ্যালয় স্থাপনের অন্ততম উদ্দেশ্য। প্রদেশের দূরবর্তী অঞ্চলে স্থানীয় সমস্যাগুলি লইয়া গবেষণা পরিচালনা করা, কলিকাতার মত কেন্দ্র হইতে সুবিধাজনক হইবার কথা নহে। সুতরাং এই সকল অঞ্চলে পৃথক্ বিশ্ববিদ্যালয় স্থাপন সম্পূর্ণরূপে সম্ভব। প্রশাসনিক দিক্ হইতে বিবেচনা করিলে, কলিকাতা বিশ্ববিদ্যালয়ের ক্ষীতি বিভ্রান্তিকর। সুতরাং কলিকাতার নিকটবর্তী অঞ্চলেও পৃথক পৃথক্ বিশ্ব-বিদ্যালয় স্থাপন সমর্থনযোগ্য। কিন্তু এইগুলিতে বিভিন্ন-মুখী গবেষণার ক্ষেত্র প্রস্তুত না করিলে ইহাদের সার্থকতা অনেক পরিমাণে হ্রাস পাইবে। লগুন বিশ্ববিদ্যালয়ের অসুকরণে কলিকাতা বিশ্ববিদ্যালয় পুনর্গঠন করিবার চিন্তা আজও অস্কুরিত হয় নাই। কিন্তু একরূপ অসুকরণ করিলে হয়ত শিক্ষার উৎকর্ষ বর্ধ না করিয়াও নিছক প্রশাসনিক ব্যয় সীমিত হইতে পারে। লগুন বিশ্ব-বিদ্যালয়ের প্রশাসনের অধীন হইয়াও ইহার অন্তর্গত প্রতিষ্ঠানগুলি সম্পূর্ণ স্বাধীনভাবে নিজ নিজ বিষয়ে শিক্ষা ও গবেষণা পরিচালনা করিয়া প্রতিষ্ঠা লাভ করিয়াছে।

প্রকৃতপক্ষে আমাদের দেশে এখনও সুচারুরূপে গবেষণা পরিচালনা হইতেছে না। যে সকল গবেষণা হইতেছে তাহা ব্যক্তিগতভাবে, বিক্ষিপ্ত দিকে এবং কতকটা উদ্দেশ্যহীন ভাবে হইতেছে। জাতীয় প্রয়োজনের প্রতি লক্ষ্য রাখিয়া কোনও নির্দিষ্ট দিকে দলবদ্ধ ভাবে নূতন জ্ঞানের সন্ধান আজও আরম্ভ হয় নাই। একরূপ গবেষণায় নেতৃত্ব করিবার মত জনবলও আমাদের নাই।

আমাদের শিক্ষার সর্বট দুইটি : (১) লক্ষ্যের অস্পষ্টতা, (২) যোগ্যতার বিরলতা। সুতরাং বিশ্ববিদ্যালয়ের সংখ্যা বৃদ্ধি করিয়াই যে আমরা আশা ফল লাভ করিব তাহা মনে করিবার কারণ নাই।

## রঙ্গমল্লী

শ্রীসীতা দেবী

২

স্কুল-কলেজ সব খুলিতে আরম্ভ করিয়াছে গ্রীষ্মের ছুটির পর। ইহারই মধ্যে একদিন পূর্ণিমার পুরাতন কর্মক্ষেত্রে তাহাকে বিদায়-অভিনন্দনও দেওয়া হইয়া গেল। আশ্চর্যের বিবরণ, পূর্ণিমাকে তাহার একটা ভাল ছাপ-ব্যাগই উপহার দিল। ব্যাপার দেখিয়া সরমা ত হাসিয়াই খুন। বলিল, “দেখলে দিদি, যা চেয়েছিলে তাই পেয়ে গেলে। সত্যি মনে হয়, কেউ যেন তাদের গিয়ে বলে দিয়ে এসেছে।”

বিদায়-অভিনন্দনের দিনে পূর্ণিমাকে অফিস হইতে ছুটি লইয়া আসিতে হইয়াছিল। কারণ স্কুল খোলা যে-দিন থাকিবে সেদিন ত সভা করা যাইবে? তা বেশী ছুটি নয়, দুই ঘণ্টার ছুটি।

হিরণ্ময় তাহার আবেদন শুনিয়া বলিলেন, “নিশ্চয়, নিশ্চয়, তা যাবেন বৈকি? এতদিন ছিলেন তাদের মধ্যে, তারা একটু কান্নাকাটি করবে ত, আপনাকে উপলক্ষ্য ক’রে?”

পূর্ণিমা বলিল, “আজকালকার ছেলেমেয়েরা ঢের বেশী কড়া হয়ে গিয়েছে মনের দিক দিয়ে। অল্পে কাঁদে না।”

হিরণ্ময় বলিলেন, “আমরা যখন ছোট ছিলাম, তখন কিন্তু কান্নাকাটি করাটাই রেওয়াজ ছিল। আমাদের এক প্রিয় হেডমাষ্টার যখন বিদায় নিলেন, আমরা ছাত্তেরা ত কেঁদে ভাসিয়ে দিলাম। সে মফঃস্বলের শহর, অত মোটর-টোটর তখন ছিল না। ঘোড়ার গাড়ীর ঘোড়া খুলে দিয়ে আমরাই টেনে নিয়ে গেলাম। আপনি যখন ইচ্ছে যেতে পারেন।”

অভিনন্দনের পর আর অফিসে যাইবার কথা ওঠে না, ততক্ষণ সন্ধ্যা হইয়া গিয়াছে। ট্যান্ডি ডাকিয়া মেয়েরা তাহাকে বাড়ী পৌঁছাইয়া দিল। অত ফুলের মালা পরিয়া আর ফুলের তোড়া হাতে করিয়া ত ট্রামে আসা যায় না?

দীপক সেদিন জিজ্ঞাসা করিল, “কি, কত কাঁদল তোমার ছাত্তীরা?”

পূর্ণিমা বলিল, “হাউ হাউ ক’রে কেউ কাঁদে নি, তবে নাক চোখ মুছেছে কয়েকজন।”

দীপক জিজ্ঞাসা করিল, “তুমি নিজে কি করলে?”

পূর্ণিমা বলিল, “আমিও কাঁদি নি, তবে ধস্তবাস্ত দিতে গিয়ে কেশেছি কয়েকবার।”

“তুমি কাঁদবে না জানতামই। শ্রীলোকের পক্ষে তোমার মনে মায়া-দয়া একটু কম আছে।”

পূর্ণিমা চট্টয়া বলিল, “গড়াগড়ি দিয়ে কাঁদা দরকার ছিল বুঝি আমার? আমার দয়ামারা কম, এটা মনে করবার কি কারণ ঘটল?”

দীপক বলিল, “নাঃ, থাকগে ওসব কথা। আজকাল রোজই খালি ঝগড়া বাধবার উপক্রম হচ্ছে, এটা ভাল নয়।”

পূর্ণিমা বলিল, “তুমি খোঁচাও বলেই ত ঝগড়া বাধে, নইলে বাধত না।”

সেদিন দুজনেই খুব সাবধান হইয়া রহিল, আর যেন তর্ক না বাধে। পূর্ণিমার মনটা অত্যন্তই ভার হইয়া উঠিল। এ কিসের দিকে চলিয়াছে তাহার হৃৎকেন্দ্র?

অফিসে যখন গেল, তখনও তাহার মনের ভার সম্পূর্ণ কাটে নাই। হিরণ্ময়ের ঘরে ঢুকিয়া দেখিল, তিনিও যেন আজ অল্পদিনের অপেক্ষা বেশী গভীর। কাজ আরম্ভ করিতে যাইবে এমন সময় বেয়ারা এক-গোছা চিঠি দিয়া গেল। একখানা চিঠি তাহার দিকে অগ্রসর করিয়া দিয়া মিঃ মজুমদার বলিলেন, “এটা আপনার।”

পূর্ণিমা বিস্মিত হইয়া চিঠিখানা হাতে লইল। খাম ছিঁড়িয়া চিঠি বাহির করিয়া সেদিকে দৃষ্টিপাত করিয়াই যেন তাহার মাথায় বাজ পড়িল। এ কি?

সাধারণ শাদা কাগজে, সবুজ কালিতে লেখা চিঠি। নাম নাই লেখকের। অক্ষরগুলো পূর্ণিমার চোখের সামনে যেন সাপের কণার মত ছলিতে লাগিল।

সুচরিতাসু,

আপনি আমার চেনেন না। কিন্তু আমি আপনার মঙ্গল চাই, তাই এ চিঠি লিখছি। আপনি সংসারজান-হীনা বালিকা মাত্র। না জেনে অতিশয় বিপজ্জনক

পরিষ্কার মধ্য গিয়ে পড়েছেন। আপনি মনে করতে পারেন যে, আপনার কাজের যোগ্যতা দেখে আপনাকে মজুমদার সাহেব সেক্রেটারীরূপে গ্রহণ করেছেন।, কিন্তু আসল ব্যাপার অন্য। আপনি সুন্দরী যুবতী, সেই হিসাবে আপনাকে মনোনীত করা হয়েছে। হিরণ্ময় মজুমদার অতি বিখ্যাত লোক। অনেক যুবতীর সর্কনাশ তিনি করেছেন, তারপর আর কিরেও তাকান নি। আপনি তাঁর নবতম victim। সময় থাকতে স'রে যদি না যান, আপনার অদৃষ্টেও আপনার অগ্রগামিনীদের মত হবে।

ইতি

ভূভাকাজ্ঞী।

নিজের অজ্ঞাতসারেই বোধ হয় পূর্ণিমার মুখ দিয়া একটা অক্ষুট কাতরোক্তি বাহির হইয়া পড়িয়াছিল। চিঠি পড়িতে পড়িতে হিরণ্ময় মুখ তুলিয়া তাকাইলেন। পূর্ণিমার মাথাটা একেবারে হেঁট হইয়া গিয়াছে। যে হাতে সে চিঠি ধরিয়া আছে তাহা কাঁপিতেছে। কোলে যে হাণ্ডব্যাগটা ছিল তাহা পায়ের কাছে সশব্দে পড়িয়া গেল।

চেম্বার ছাড়িয়া উঠিয়া হিরণ্ময় জিজ্ঞাসা করিলেন, “কি হ'ল মিস্ সাত্তাল? চিঠিতে খারাপ খবর আছে কিছু?”

পূর্ণিমা ভাঙা গলায় বলিল, “না।”

“কে লিখেছে চিঠি?”

পূর্ণিমা কোনমতে গলাটা পরিষ্কার করিয়া বলিল, “জানি না। নাম নেই চিঠিতে।”

হিরণ্ময় তাহার পাশে আসিয়া দাঁড়াইলেন। তাহার হাত হইতে চিঠিটা টানিয়া লইয়া বলিলেন, “চিঠিটা দেখছি আমি।”

চিঠি পড়া তাহার দু' মিনিটেই হইয়া গেল। তাহার পর ডাকিলেন, “মিস্ সাত্তাল।”

পূর্ণিমা কোনমতে মাথা তুলিল। মুখ তখন তাহার মোমের মত শাদা, রক্তহীন হইয়া গিয়াছে।

হিরণ্ময় বলিলেন, “দেখুন, মেয়েরা যখন কর্মক্ষেত্রে নামে বাড়ীর আবেষ্টন ছেড়ে, তখন তাদের অজস্র ইতরামি আর নোংরামির সামনে পড়তে হয়। আপনার এই বোধ হয় প্রথম পরিচয়, এই রকম বাদরামির সঙ্গে। খুব ভয় পেয়েছেন আপনি, আর অত্যন্ত upset হয়েছেন। কিন্তু কেন? অপরাধ কি আপনি কিছু করেছেন? জগতে অসংখ্য scoundrel আছে, তার জন্তে কি innocent-রা মাথা হেঁট করে থাকবে? চিঠি আমি ছিঁড়ে waste paper basket-এ ফেলে দিচ্ছি, সেটাই তার উপযুক্ত জায়গা। এসব লোকের খোঁজ পাওয়া

যায় না, সে বিষয়ে তারা খুব সাবধান থাকে। আর খোঁজ নিয়ে হবেই বা কি? আপনিও মন থেকে দূর করে দিন এ সব কথা।”

পূর্ণিমার কাঁপুনি এতক্ষণে থামিল, হাণ্ডব্যাগটাও সে কুড়াইয়া রাখিল। বলিল, “আমি ত কারও অনিষ্ট কখনও করি নি, আমার অনিষ্ট করতে চায় কেন লোকে?”

হিরণ্ময় বলিলেন, “শক্র নেই এমন লোক পৃথিবীতে ক'টা আছে? নাই বা করলেন আপনি কারও অনিষ্ট, তাতে নিষ্কৃতি পাবেন না। শক্রতা করার খাতিরেই অনেকে শক্রতা করে, এও তাদের এক আনন্দ। আবার ভগবান্ এমন মানুষও গড়েছেন, যারা কোন প্রতিদানের আশা না রেখেই মানুষের উপকার করেন। নানা জাতীয় জীব নিয়ে এ সংসার।”

পূর্ণিমা বলিল, “একবার যখন লিখেছে, তখন আবারও পারে ত লিখতে?”

হিরণ্ময় বলিলেন, “তা পারবে না কেন? তবে যদি দেখে যে আপনি কোন notice-ই নিচ্ছেন না ওদের চিঠির, তা হ'লে থেমে যাবে।”

একটু থামিয়া বলিলেন, “আপনি এখনও স্বাভাবিক হতে পারছেন না, বড্ড বেশী shock পেয়েছেন। একটা কথা জিজ্ঞাসা করি। আমার সম্বন্ধে কি কোন ভয় বা সন্দেহ এসেছে আপনার মনে?”

পূর্ণিমা প্রায় আর্জুনাদ করিয়া উঠিল, “না, না, একেবারে না। আপনি আমাকে ছোট বোনের মত ক'রে আগলে রেখেছেন, তাই না আমি এখানে কাজ করতে পারছি? নইলে আমার সাধ্য ছিল না এখানে থাকার। বাইরের জগতের সঙ্গে আমার পরিচয় বড় কম ছিল। আমি ভয়ই পেতাম, কাজ করতে পারতাম না।”

হিরণ্ময় বলিলেন, “তা হ'লে নির্ভয়ে এখানে থাকুন। হিতার্থীদের কথায় কান দেবেন না। আমি যতদিন এখানে আছি, ততদিন কোন অনিষ্ট আপনার হবে না। আমার কাছ থেকেও না, অন্য কারও কাছ থেকেও না। ব্যক্তিগত কথা হ'লেও বলছি, আমি ও লাইনে বিখ্যাত ব্যক্তি মোটেই নয়। কোনও যুবতীর কোন সর্কনাশ করিও নি কোনদিন, করবার ইচ্ছাও রাখি না। যান দেখি, আপনি চোখে-মুখে একটু জল দিয়ে আশ্বুন, তার পর কাজ আরম্ভ করুন। না কি বাড়ী চ'লে যেতে চান আজকের মত?”

পূর্ণিমা বলিল, “না, আমি বাড়ী যেতে চাই না, বাড়ী গেলে আমার বেশী ভয় করবে।”



হিরণ্ময় এতকণে হাসিলেন। বলিলেন, “লক্ষ্মীছাড়া অফিসের ঠিকানায় চিঠি দিয়ে ভালই করেছে তা হ’লে। হয় ত বাড়ীর ঠিকানা জানে না। সম্ভব আপনার চেনা লোক নয়। আমারই কোন বন্ধু। আপনি বড় অল্প বয়সে বাধ্য হয়েছেন এই বীভৎস ভীড়ের মধ্যে এসে দাঁড়াতে। কি আর করা যাবে? তবে ভয় বেশী পাবেন না। আমি সর্বদাই সব রকমে আপনার সাহায্য করতে প্রস্তুত আছি, এটা জানবেন।”

পূর্ণিমা একবার বিস্ফারিত চোখে হিরণ্ময়ের দিকে তাকাইল। তাহার পর বলিল, “আমি খুঁচুটা ধুয়ে আসি। এসে কাজই করব।”

মুখে-চোখে জল দিয়া আসিয়া সে কাজ করিতেই বসিল। আজ হাঝা কাজই অল্প কিছু করিল। হিরণ্ময়ের দৃষ্টি তার তার তাহার অবনত মস্তকের উপর দিয়া ঘুরিয়া যাইতে লাগিল। তাহাতে অসুস্থতা ছিল অনেকখানি, আর কি ছিল কে জানে?

পাঁচটার একটু আগেই হিরণ্ময় বলিলেন, “থাক, আজ আর দরকার নেই কাজ ক’রে। আপনাকে বড় অসুস্থ দেখাচ্ছে। আপনি বাড়ী চ’লে যান। ড্রাইভারকে ব’লে দিচ্ছি, সে আপনাকে রেখে আসবে বাড়ীতে।”

পূর্ণিমা বলিল, “আমি ট্রামেই যেতে পারব। তেমন কিছু খারাপ ত লাগছে না।”

হিরণ্ময় বলিলেন, “দরকার নেই ঐ ধাক্কাধাক্কির মধ্যে গিয়ে আজ। গাড়ীতেই যান। লম্বা rest নিন বাড়ী গিয়ে, একেবারে কাল সকালে উঠবেন।” তিনি বেয়ারাকে ডাকিয়া ড্রাইভারের কাছে আদেশ পাঠাইয়া দিলেন।

অগত্যা জিনিষপত্র গুছাইয়া লইয়া পূর্ণিমা ফিরিয়াই চলিল। দরজার কাছে গিয়া একবার হিরণ্ময়ের দিকে তাকাইল। দৃষ্টিটা তাহার প্রায় পূজারিণীর দৃষ্টির মত হইয়া উঠিয়াছে তখন। বাড়ী ফিরিয়া মায়ের কাছে সত্য-মিথ্যা মিশাইয়া জবাবদিহি করিতে হইল। তাহার পর চা খাইয়া, কাপড়চোপড় বদলাইয়া গুইয়া পড়িল। শরীর মন তাহার বড়ই অবসন্ন লাগিতেছে। আজ আর তাহার উঠবার চেষ্টা করা উচিত নয়। কাল না-হয় দীপকের কাছে জবাবদিহি করা যাইবে।

মনের ভিতর অনেকখানি কান্না তাহার যেন সঞ্চিত হইয়া আছে। কাহার কাছে কাঁদিয়া অনেক এ বোঝা নামাইবে সে? মাকে বলা যায় না। অত্যন্ত স্নেহময়ী তিনি, কিন্তু কষ্টের এ বেদনা তিনি বুঝিবেন না। দীপক? সেও বুঝিবে না, বুঝিলেও কোন সাহায্য সে করিতে পারিবে না।

হঠাৎ চোখ দিয়া তাহার জল বয়িতে আরম্ভ করিয়া কেহ ছিল না ঘরে, কেহ দেখিল না। এ কোথায় ভাসিয়া চলিয়াছে সে? তাহার জীবন লইয়া ভগবান্ এ কি খেলা খেলিতেছেন? সুখ বা আনন্দ তাহার বিগত জীবনে খুব বেশী ছিল না, কিন্তু সংঘাতও ছিল না, এক ধরণের শান্তি ছিল বলা চলে। প্রাণপণ কাজ করিয়া মা ও ছোট ভাইবোন-দু’টির ভরণপোষণ করিতেছিল, ইহাতে একটা চরিতার্থতা সে খুঁজিয়া পাইত। ভবিষ্যতে হয়ত আকাঙ্ক্ষিত সঙ্গী সঙ্গী মিলাইতে পারিবে নিজের জীবনকে, এ আশাও রাখিত, খুব সুস্পষ্ট ভাবে না হইলেও। দীপকের উৎসাহহীন ভাব তাহার ভাল লাগিত না, কিন্তু তাহার নিজের মনই দীপকের হইয়া ওকালতি করিত। অল্প বয়স হইতে বিষম বোঝা বহিয়া সে এই রকম হইয়া গিয়াছে। পৌরুষ তাহার মধ্যে পরিপূর্ণ রূপে জাগ্রত হইতে পারে নাই। দীপক পূর্ণিমার অপেক্ষা প্রায় এক বৎসরের বড় ছিল, কিন্তু তাহার প্রতি পূর্ণিমার যে মনোভাব, তাহার মধ্যে কিছুটা বাৎসল্য মিশ্রিত ছিল।

কিন্তু হঠাৎ একটা ঝড় যেন পূর্ণিমার সম্মুখ উপর দিয়া বহিয়া গেল। পরিচিত পথ-ঘাট সব সে ভুলিয়া গেল। চেনা মুখও যেন অচেনা হইয়া আসিতেছে। এ কি আসিল তাহার জীবনে?

কাঁদিতে কাঁদিতে কখন যে ঘুমাইয়া পড়িল তাহা জানিতেই পারিল না। অনেক রাত্রে মা তাহাকে ডাকিয়া খাওয়াইতে বসিলেন। জিজ্ঞাসা করিলেন, “হঠাৎ অসুস্থ করল কেন রে খুকী? খাটুনি বড় বেশী হয়ে যাচ্ছে, না?”

পূর্ণিমা বলিল, “তেমন আর বেশী কি। আগে ট্যুশানি আর স্কুলের কাজ নিয়ে যতটা সময় যেত, এখন তার চেয়ে বড়জোর ঘণ্টাখানিক বেশী করি। এমনই শরীরটা খারাপ লাগছে, মাস্তুরের শরীর ত? মাঝে মাঝে একটু এদিক্-ওদিক্ হবেই।”

মা বলিলেন, “ডাক্তার দেখিয়ে একটা ওষুদ-বিষুদ খা না কিছু?”

পূর্ণিমা বলিল, “দরকার নেই মা। এমন কিছুই হয় নি। ডাক্তার বরং তুমি দেখাও, বড় রোগা হয়ে যাচ্ছ তুমি।”

শরীর মন তখনও বড় ক্লান্ত, তবু জোর করিয়া উঠিতে হইল, স্নানাহার করিতে হইল। ট্রামে চড়িতে দারুণ অনিচ্ছা বোধ হইল, কিন্তু অতদূর ট্যান্ডি করিয়া

বাওয়ার সম্মতি তাহার নাই। ধীরে ধীরে নির্দিষ্ট পথে অগ্রসর হইল।

হিরণ্ময় বলিলেন, “এখনও ঠিক normal দেখাচ্ছে না। রাতে ঘুমোতে পেরেছিলেন ত ?”

পূর্ণিমা বলিল, “ঘুমিয়েছি, তবে খুব ভাল ক’রে নয়।”

হিরণ্ময় বলিলেন, “এ ধরনের shock এই প্রথম আপনার জীবনে, তাই বেশী লেগেছে। আমরা নার্সী-বেনার্সী নানারকম চিঠি পেয়ে ঝাঙ্ক হয়ে গেছি। কিন্তু মনে হচ্ছে, আজ আপনার overtime-টা না করাই ভাল। কাল হবে না-হয়। আজও পাঁচটার পরে বাড়ীই চ’লে যাবেন।”

পূর্ণিমা বলিল, “না, আজকের কাজ আজই করা ভাল। বাড়ী গিয়ে আমার আরো অস্বস্তি বাড়ে। সেখানে আমাকে পরামর্শ দেবার কেউ নেই, সাহস দেবার কেউ নেই।”

হিরণ্ময় বলিলেন, “ভগবানের কাজের সমালোচনা করা মানুষের সাজে না। তবু মনে হয়, আপনার বাবাকে তিনি বড় অসময়ে নিয়ে গেছেন। ছেলেমানুষ আপনি, এতবড় ভার বহন করার সাধ্য আপনার থাকার কথা নয়।”

পূর্ণিমা নীরবে, নতমুখে কাজ করিতে লাগিল। ভয়ে কথা বলিল না, যদি কণ্ঠস্বর স্বাভাবিক না রাখিতে পারে ?

হিরণ্ময় বলিলেন, “গুজুবীর overtime-এর কাজ চলবে না। ভুলে গিয়েছিলাম যে, সেদিন বিকেলে আমি একবার আসানসোল যাচ্ছি, সোমবার ফিরব। শনিবারে আপনার কাজ থাকবে না কিছু। তবু অফিসে আসবেন, এসে খাতায় নাম লিখে চ’লে যাবেন।”

পূর্ণিমা মুখ তুলিয়া বলিল, “আচ্ছা।”

হিরণ্ময় বলিলেন, “Nervous লাগবে বোধ হয়, না ? কিন্তু এটাও অভ্যাস ক’রে নিতে হবে।”

পূর্ণিমা বলিল, “তা ত করতেই হবে। আমাকে আড়াল ক’রে রাখার লোক চিরজীবনই জুটবে না ত ?” বলিয়াই মনে হইল, এ ভাবে কথা বলা বোধ হয় ঠিক নয়। সে সেক্রেটারী মাত্র, বন্ধুস্থানীয় কেহ নয় হিরণ্ময়ের। তিনি অস্তরঙ্গ সুরে কথা বলা পছন্দ না করিতে পারেন। কিন্তু তিনি পছন্দ করিতেছেন না, এমন কোন লক্ষণ দেখাইলেন না। হাসিয়া বলিলেন, “তা জুটেও যেতে পারে, বলা যায় না।”

পূর্ণিমা কিছুক্ষণ নীরবে কাজ করিতে লাগিল।

তাহার পর জিজ্ঞাসা করিল, “আপনি প্রায়ই যান বুথি বাইরে ?”

হিরণ্ময় বলিলেন, “হ্যাঁ, প্রতিমাসেই এক-আধবার যেতে হয়। আপনি মেয়ে না হয়ে ছেলে হলে আপনাকেও ঘুরতে হ’ত আমার সঙ্গে সঙ্গে। তবে মেয়েদের বেলা এটা কেউ expect করে না।”

খানিক পরে বলিলেন, “আজ overtime-টা একটু বেশী লম্বা হবে। কাল আমার অনেক কাগজপত্র ঠিক ক’রে নিয়ে যেতে হবে। আটটা, সাড়ে আটটা হয়ে যাওয়া বিচিত্র নয়। আপনি এক কাজ করুন, মাকে একটা চিঠি লিখে দিন। আমাদের পিওন গিয়ে দিয়ে আসবে। লিখে দিন যে, আমি আপনাকে পৌঁছে দিয়ে আসব, তিনি যেন ভাবনা না করেন। আর পাঁচটার পর আপনাকে আর একবার এখানে ধেরে নিতে হবে। সেটার খরচ অফিস দেবে।”

পূর্ণিমা চিঠি লিখিতে বসিল। ভাবিল, দীপকের আর একটা ছুতো মিলবে কাল ঝগড়া করবার। কিন্তু ঝগড়া ও প্রায় নিত্যই হচ্ছে, এর নূতনত্ব আর কোথায় ? এ যেন তাহার গা-সওয়া হইয়া গিয়াছে।

পাঁচটার পর হাতমুখ ধুইয়া, আর একবার কিছু খাইয়া লইয়া সে কাজ করিতে বসিল। এত বড় বিরীচি বাড়াইটা যখন খালি হইয়া যায়, তখন ইহার যেন একটা বিষণ্ণ সুর সৃষ্ট হয়। কাজের ফাঁকে ফাঁকে এটা পূর্ণিমা ভনিতো পায়। আজ কেমন যেন অভিভূতের মত কাজ করিতে লাগিল, চোখ ও কান শুধু কাজের মধ্যেই নিবদ্ধ করিয়া রাখিল। আরো যাহারা দুই-চারিজন কাজ করিতেছিল, তাহারা এক এক করিয়া চলিয়া গেল।

আটটার পর হিরণ্ময় বলিলেন, “আজ আর থাক। আর বসিয়ে রাখা উচিত নয় আপনাকে। মেয়ে সেক্রেটারী রাখার সুবিধা যেমন আছে, অসুবিধাও আছে। পুরুষ হ’লে রাত দশটা অবধি আপনাকে বসিয়ে রাখলেও ক্ষতি ছিল না। চলুন।”

পূর্ণিমা উঠিয়া দাঁড়াইল। হাণ্ডব্যাগ, কাগজপত্র তুলিয়া নিল। হিরণ্ময় নিজের দেওয়ালগুলি বন্ধ করিয়া বাহির হইয়া চলিলেন। পূর্ণিমা চলিল তাহার পিছন পিছন।

গাড়ীতে আস্ত শুধু তাহারা দু’জন। পূর্ণিমার বুকের ভিতরটা দুই-চারিবার হুর্হুর্ করিয়া কাঁপিয়া উঠিল, অথচ ভয় ত সে মোটেই পায় নাই ? একমাত্র যখন হিরণ্ময়ের কাছাকাছি থাকিত, তখনই অস্তর তাহার মনকে অধিকার করিয়া রাখিত।

বাড়ী পৌঁছিতে খুব বেশী দেরি হইল না। সত্যই সাড়ে আটটাতেই সে আসিয়া উপস্থিত হইয়াছে। সে নমস্কার করিয়া নাঝিয়া গেল, গাড়ীটা সগৰ্জনে আবার পথ ধরিল।

মা বলিলেন, “তোমার ক্রমেই যে খাটুনি বেড়ে যাচ্ছে খুকী?”

পূর্ণিমা বলিল, “মজুমদার সাহেব বাইরে যাচ্ছেন দু’দিনের জন্যে, তাই আজ অনেক কাজ ক’রে দিতে হ’ল। পরন্তু তিনি থাকবেন না, সেদিনটা প্রায় সবটাই ছুটি পাব।”

রণেন তখনও পড়ার নাম করিয়া ঘোরাঘুরি করিতে-ছিল, একখানা বই হাতে করিয়া সে বলিল, “বেশ ত, মজাই ত তোমার দিদি। কেমন গাড়ী চ’ড়ে এলে।”

দিদি বলিল, “মজা ত বটে, এদিকে যে ঘাড়ে পিঠে ব্যথা ধ’রে গেছে আমার টাইপ করতে করতে।”

পরদিন সমস্তটা দিন কাজ হইল না। হিরণ্ময় তিনটার পর চলিয়া গেলেন। বলিলেন, “মাঝের দুটো দিন খুব ভাল ক’রে বিশ্রাম ক’রে নিন।”

পূর্ণিমা বলিল, “চেষ্টা ত করব।”

পার্ক সেদিন দীপকের সঙ্গে ঝগড়া হইল না অবশ্য, তবে সে বেশ খানিকটা গম্ভীর হইয়া গেল। বলিল, “এই অফিস তোমাকে ক্রমে ক্রমে গ্রাস ক’রে ফেলবে একেবারে।”

পূর্ণিমা বলিল, “আমাকে চাকরি ক’রেই যখন খেতে হবে, তখন ওসব ভাবনা ভেবে কি হবে?”

দীপক বলিল, “এ পাড়াটা খুব আধুনিক নয়। সেকলে লোকই বেশীর ভাগ। তারা যদি দেখে যে। ত রাত ক’রে boss-এর সঙ্গে গাড়ী চ’ড়ে বাড়ী ফিরছ ত একটা অপবাদ তুলে দিতে পারে।”

পূর্ণিমা বলিল, “দিলে দেবে, তার আর কি করব? তবে এইটুকু জেনে রেখো যে, অফিস-পাড়ার মেয়ে-কর্মীরা এটা ক’রেই থাকে দরকার হ’লে। আমি একলা নয়।”

অন্তদিন যতক্ষণ বসে, পূর্ণিমা আজ আর ততক্ষণ বলিল না।

পরদিন সে অফিসে গেল নিয়মমত। চতুর্দিক্ গম্গম্ করিতেছে, যেমন রোজ করে। কিন্তু হিরণ্ময়ের ঘর শুক হইয়া আছে। বেয়ারা ঘর খুলিয়া, ঝাড়িয়া ঝড়িয়া

চলিয়া গিয়াছে। পূর্ণিমা নিজের ঘরে একবার গিয়া বসিল, বেয়ারা খাতা আনিলে খাতার নাম লিখিল। আবার হিরণ্ময়ের ঘরে গিয়া দাঁড়াইল। প্রাণহীন ইটকাঠের ঘর, আসবাবপত্র হঠাৎ যেন সজীব হইয়া উঠিল পূর্ণিমার চোখে। তাহারা যেন পূর্ণিমার মুখের দিকে চাহিয়া নীরবে প্রশ্ন করিতে লাগিল, এ ঘরের অধীশ্বর কোথায়?

একটা হিম শীতল হাত পূর্ণিমার হৃৎপিণ্ডকে মুঠা করিয়া ধরিল। নীরবে নতমস্তকে সে ঘর হইতে বাহির হইয়া আসিল। অল্পক্ষণ পরেই অফিস ত্যাগ করিয়া সে বাড়ীর পথ ধরিল। পূর্ণিমার কাজের দুই মাস পূর্ণ হইল। হিরণ্ময় বলিলেন, “আজ আপনাকে confirm করার অর্ডার দিয়ে দিলাম। সামনের মাস থেকে দু’শ পঁচিশ টাকা ক’রে পাবেন। Maximum বেটা দেওয়া যায়, তাই দিতে বলেছি। এর কমে সত্যিই আপনার চলে না। এখন ইচ্ছে করলে overtime-টা আপনি নাও করতে পারেন। এত খাটুনি আপনার সহ্য হয় না সম্ভবতঃ। ক্রমেই যেন রোগা হয়ে যাচ্ছেন মনে হয়।”

পূর্ণিমা বলিল, “overtime ছাড়া আমার চলবে না। রোজগার ক্রমাগত বাড়ানই আমার দরকার, কমান নয়। ভাইটাকে ভাল একটা স্কুলে না দিলে, বা প্রাইভেট টিউটর একজন না রাখলে সে চিরকাল মূর্খ হইবে থাকবে। বাসীগঞ্জের একটা বাজে স্কুলে পড়ে সে, কোন পরীক্ষাতেই ভাল করতে পারছে না।”

হিরণ্ময় বলিলেন, “বছরের মাঝখানে ছাড়িয়ে লাভ নেই। এখন মাষ্টারই রাখুন, না-হয় কোচিং ক্লাসে দিন। সব পাড়াতেই এখন এ সবের ব্যবস্থা হয়েছে। পরের বছর অল্প কোন ভাল স্কুলে দেবার চেষ্টা করা যাবে। আপনার ছোট বোন কি পড়ছে?”

“সে ত সামনের বছর আই.এ দেবে। দুজনেই পড়াশুনোয় একটু পিছিয়ে আছে।”

“পিছিয়ে থাকলেও ব’সে ত নেই? এটা আপনার কম কৃতিত্ব নয়। অল্প বয়সে পিড়হীন হ’লে অধিকাংশ ক্ষেত্রে হেলেমেয়ে সব বয়েই যায় যদি না অল্প কোন অভিভাবক জোটে। আপনি যে রকম fight ক’রে ওদের মাহুদ করছেন, সে রকম বেশী মেয়েতে পারে না। আশা করি পরবর্তী জীবনে তারা সেটা মনে রাখবে।”

পূর্ণিমা বলিল, “কেউই রাখে না বোধ হয়, ওরাও রাখবে না। অনাস্থীর কাছ থেকে পাওয়া উপকার মাহুদ কৃতজ্ঞতার সঙ্গে স্মরণ করে, আস্থীর কাছ থেকে পাওয়া উপকার পাওনা ব’লেই ধ’রে নেয়।”

হিরণ্ময় বলিলেন, “অনাস্থীর কাছে পাওয়া উপকারও সব মানুষ কৃতজ্ঞতার সঙ্গে স্মরণ করে না মিস্ সান্তাল। এমন অনেক মানুষ আছে যারা কৃতজ্ঞতার বোঝাটা বেড়ে ফেলার জন্তে উপকারীর শত্রু হয়ে দাঁড়ায়, তাকে টেনে নীচে নামাতে চেষ্টা করে।”

পূর্ণিমা বলিল, “তাদের আর মানুষ বলে লাভ কি?”

“তবু মানুষই বলতে হয়, আর কি বলা যাবে তাদের? তারা সংখ্যায় ত কম নয়? ব্যবসা-বাণিজ্যের ক্ষেত্রে এঁদের খুবই দেখা যায়। এখানের নৈতিক মানদণ্ড একটু অল্প রকমের। পুরুষগুলি বেশীর ভাগই পরস্পরের অকারণ শত্রু। নারীরও শত্রু এঁরা, তবে সে শত্রুতা আবার মিত্রতার ছদ্মবেশ প’রে আসে।”

কাজ অনেক পড়িয়া ছিল, কাজেই বেশীক্ষণ আর গল্প করা গেল না।

সেদিন বাড়ী গিয়া কাজ পাকা হওয়া ও মাহিনা বৃদ্ধির কথা বলিয়া পূর্ণিমা সকলকেই অত্যন্ত আনন্দিত করিয়া দিল। মা শুধু মুখে হাসিয়া বলিলেন, “এবার তোদের একটু মাছটাছ দিতে পারব ভাতের সঙ্গে।”

পূর্ণিমা বলিল, “নিজে একবেলা ক’রে ছুধ খাচ্ছ ত, না কাঁকি দিচ্ছ?”

“না গো না, খাচ্ছি ঠিকই।”

সরমা একখানা ছাপা রেশমী শাড়ীর জন্ত আবদার করিয়া রাখিল। রণেনকে একটা ফুটবল দিতে হইবে, তাহাদের ক্লাবের ফুটবলটা ছিঁড়িয়া গিয়াছে। দীপকের কাছে প্রথম দিন সে এ কথা তুলিলই না। কাজের দিক্ দিয়া পূর্ণিমার যত উন্নতি হইতেছে, দীপক যেন আরও স্ত্রিয়মাণ হইয়া পড়িতেছে। এখানেও কি ঈর্ষ্যার আবির্ভাব হইতেছে?

পূর্ণিমার মনের অশান্তি যেন বাড়িয়া চলিয়াছে। সে আর নিজেকে চিনিতে পারে না। কোথায় যে আসিয়া চলিয়াছে তাহা ভাবিতে ভয় পায়। হৃদয়ের উপর অবগুণ্ঠন টানিয়া রাখিতে চায়।

ইহার মধ্যে ছোটখাট একটা অশান্তির কারণ আবার জুটিয়া গেল। বোঝাই হইতে এক বর্জ্যব্যক্তি আসিয়া পৌঁছিলেন। টকুটকে রং, বিশাল চেহারা, মেদের ভারে শুদ্ধলোক যেন চলিতেই পারেন না। প্রায় প্রৌঢ়ে উপনীত, অথচ ধরণ-ধারণ যুবকের মত। কাজের জন্ত আসিয়াছেন, স্ততরাং ইনি মজুরদার সাহেবের ঘরেই

আড্ডা গাড়িলেন। নানা কর্মচারীর ডাক পড়িতে লাগিল, এবং সব চেয়ে বেশী ডাক আসিতে লাগিল পূর্ণিমার, কারণে ও অকারণে। কারণে ডাক দিতে হইল হিরণ্ময়কে, অনেক কাজ আজ। আর অকারণে ডাক পাড়িতে লাগিলেন, আগন্তুক শুদ্ধলোক, শুধু পূর্ণিমাকে দেখিবার জন্তই বোধ হয়। পূর্ণিমার মনটা ক্রমেই বিরক্তিতে পূর্ণ হইয়া উঠিতে লাগিল। দুই-এক-বার হিরণ্ময়ের দিকে তাকাইয়া দেখিল, তাহারও মুখ জকুটি-কুটিল হইয়া উঠিয়াছে।

যাহা হোক, আড়াইটা বাজিতে না বাজিতে শুদ্ধলোক প্রস্থান করিলেন, কোথায় যেন সিনেমা দেখিতে যাইবেন। পূর্ণিমা এইবার হিরণ্ময়ের ঘরে আসিয়া বলিল, “উনি এখানে ক’দিন থাকবেন আর?”

হিরণ্ময় হাসিয়া বলিলেন, “কেন, একেবারে অতিষ্ঠ হয়ে উঠেছেন? কালকের দিনের খানিকটা থাকবেন, দুটোর পরে আর নয়।”

পূর্ণিমা বলিল, “এঁদের মত মানুষের জন্তেই ব্যবসা-বাণিজ্যের ক্ষেত্রে মেয়েদের পাঠাতে লোকে ভয় পায়। যেন উপকথার রাক্ষস-খোকসের দল।”

হিরণ্ময় বলিলেন, “রাক্ষসের হাত থেকে বাঁচাবার লোকও থাকে। আপনি ভয় পাবেন না। কাজ ছেড়ে দেবার সঙ্কল্প করছেন নাকি মনে মনে?”

পূর্ণিমা বলিল, “না, তা করছি না। তবে এইরকম মানুষের কাছে আমি কাজ করতে পারতাম না।”

হিরণ্ময় বলিলেন, “যতটা খারাপ ভাবছেন এদের, ঠিক ততটা খারাপ নয়। Boss-দের সঙ্গে রসিকতা করা, এবং সেক্রেটারীর সঙ্গে অল্প একটু flirt করা এই পর্য্যন্ত এঁদের দৌড়। অবশ্য সত্যিকারের রাক্ষসও যে নেই তা নয়। তবে সম্প্রতি এখানে নেই। আমি সেদিনও বলেছিলাম, আজও বলছি, আমি থাকতে ভয় পাবেন না। যদি এমন অবস্থা হয় যে, আমিও আগলাতে না পারি, তখন আমিই অল্প জায়গায় কাজ নিয়ে দেব আপনার।”

পূর্ণিমা ভাবিল, সেই অল্প জায়গায় আমাকে আগলাইবে কে? সব স্থানে ত তোমার মত মানুষ বসিয়া নাই? ভুগবান্ কত দয়া আর আমাকে করিবেন?

দ্বিতীয় দিনে দেখা গেল যে, বস্বেওয়াল শুল্ললোক আরো উদ্দাম হইয়া উঠিয়াছেন। পূর্ণিমার পাশে আসিয়া বসিবার জন্ত, তাহার হাতখানা একবার স্পর্শ করিবার আকাঙ্ক্ষায় কতরকম কসরৎই বে করিতেছেন, তাহার ঠিক-ঠিকানা নাই। পূর্ণিমা একবার নিরুপায়



দৃষ্টিতে হিরণ্ময়ের দিকে তাকাইল। তিনি গম্ভীর হইয়া আছেন, তবে চোখের চাহনিতে কিছু আশ্বাস যেন পূর্ণিমা পাইল।

হঠাৎ হিরণ্ময় বলিলেন, “মিস্ সান্তাল, আজ আমাদের অনেক কাজ অল্প সময়ের মধ্যে করতে হবে। আপনার speed বেশী নয়, আপনি গিয়ে বিকাশবাবুকে পাঠিয়ে দিন খানিকক্ষণের জন্তে। আপনি ততক্ষণ তাঁর কাজগুলো দেখুন।”

যুক্তির দীর্ঘশ্বাস ফেলিয়া তাড়াতাড়ি পূর্ণিমা ঘর হইতে বাহির হইয়া গেল। সে চৌকাঠ পার হইতে না হইতে আগন্তুক ভদ্রলোক হিরণ্ময়কে বলিলেন, “আপনি সূন্দরী ষ্টেনোটিকে খুব আগলে রাখেন দেখছি। মেয়েটি সত্যি বড় সূন্দরী।”

রাগে পূর্ণিমার গা জ্বলিয়া গেল, কারণ কথাটা সে শুনিতেই পাইল। ভাবিল, ‘তোমার মত পোকস ত নয়, কাজেই আগলে রাখেন।’

বিকাশবাবু বড় সাহেবের আদেশ শুনিয়া তাড়াতাড়ি উঠিয়া পড়িলেন, বলিলেন, “আমি যাচ্ছি, আপনি বসুন এখানে। কাজ খুব বেশী নেই। এই ক’টা। ততক্ষণ করুন আস্তে আস্তে।”

পূর্ণিমা তাঁহার পরিত্যক্ত আসনে বসিয়া কাজ আরম্ভ করিল। সহকর্মীদের বিস্মিত দৃষ্টি সে যেন সর্কাজ দিয়া অনুভব করিতেছিল। তবু কোন দিকে সে তাকাইল না। মনের ভিতর চিন্তার স্রোত তাহার বহিয়া চলিল। পৃথিবীটা মেয়েদের পক্ষে কিছু স্বস্তিকর জায়গা নয়, বিশেষ অল্পবয়সে। ঘর, এই ভদ্রলোকের মত কেউ যদি পূর্ণিমার উপর-ওয়াল হইতেন, তাহা হইলে সে কি করিত? না খাইয়া মরিলেও সে এখানে কাজ করিতে পারিত না। কিন্তু বিধাতার আশীর্বাদে সে এমন লোকের কাছে আসিয়া পড়িল, যিনি নিকলুব-চরিত্র নিজে এবং পরের উৎপাত হইতেও পূর্ণিমার রক্ষাকর্তা।

ঘণ্টাখানিক এইভাবে কাটিয়া গেল। তাহার পর একসঙ্গে হিরণ্ময় ও বিদেশাগত ভদ্রলোক বাহির হইয়া গেলেন। বিকাশবাবু যথাস্থানে আসিয়া বলিলেন, “যান আপনি এবার নিজের ঘরে।”

পূর্ণিমা যথাস্থানে ফিরিয়া আসিল। বিকাশবাবু ঘরখানা একটু অগোছাল করিয়া গিয়াছেন, কাগজপত্র ছড়াইয়া। সেগুলি গুছাইয়া সে ঘরটা ঠিক করিতে লাগিল। হিরণ্ময়ও যে নিজের ঘরে ফিরিয়া আসিয়াছেন, তাহার সাড়া পাইল।

একটু পরেই তাহার ডাক পড়িল। পূর্ণিমা ঘরে

চুকিতেই হিরণ্ময় হাসিয়া বলিলেন, “এমন ব্যাপার হবে জানলে হয় আমি পুরুষ ষ্টেনোটাকার রাখতাম, নয় প্রৌচা মহিলা রাখতাম। প্রায় কতাদায়ত্রস্তের অবস্থা হয়েছে আমার।”

পূর্ণিমা মনে একটু আঘাত পাইল, বলিল, “খুব বিরক্ত হতে হচ্ছে আমার জন্তে, না?”

হিরণ্ময় তাহার দিকে তাকাইয়া বলিলেন, “না, না, বিরক্ত হতে যান কিসের জন্তে? ও সব ঠাট্টা আমার গা-সওয়া হয়ে গেছে। আপনি ভয়ানক ভয় পান, তাতেই একটু বিব্রত লাগে। মনে হয়, আমার কর্তব্য যেন ঠিকমত করতে পারছি না।”

পূর্ণিমা বলিল, “সে কি? কর্তব্যের চেয়ে অনেক বেশী করছেন যে?”

হিরণ্ময় বলিলেন, “employer হিসাবে কর্তব্য বলছি না, মানুষ হিসাবে কর্তব্য। অনেক আশ্বাস দিয়েছি আপনাকে, তার মর্যাদা ত আমায় রাখতে হবে?”

পূর্ণিমার হৃদয় উচ্ছ্বসিত হইয়া উঠিল, বলিল, “এর চেয়ে বেশী আর কি করা যেত বলুন? আমার বাবা মারা যাবার পর এই আমি প্রথম অনুভব করতে পারছি যে ভগবান্ তাঁকে নিয়ে গিয়েছেন বটে পৃথিবী থেকে, কিন্তু তাঁর মঙ্গলেচ্ছা এখনও আমাকে ঘিরে রেখেছে।”

হিরণ্ময় বলিলেন, “এ বিশ্বাস যদি থাকে, তাহলে ভয় পান কেন? ভগবান্ ত এই মঙ্গলেচ্ছাকে বিভিন্ন স্থান কাল আর পাত্রের মধ্যে দিয়ে প্রকাশ করতে পারেন? তবে আর ভাবনা কি?”

পূর্ণিমা বলিল, “একবার পাবার পরম সৌভাগ্য হয়েছে ব’লে চিরকালই কি পাব? এমন কোন্ পুণ্যফল বা আমার আছে?”

হিরণ্ময় কিছুক্ষণ নীরব হইয়া রহিলেন, তাহার পর বলিলেন, “কাজ এখনও কিছু রয়েছে, আশুন সেরে ফেলি। গল্প করতে খুব ভাল লাগে বটে, তবে সময় পাওয়া যায় না।”

কাগজ পেন্সিল গুছাইতে গুছাইতে পূর্ণিমা জিজ্ঞাসা করিল “head office থেকে প্রায়ই এঁরা আসেন বুঝি?”

হিরণ্ময় বলিলেন, “প্রতি মাসেই নয়, তাহলেও বছরে বেশ কয়েকবার আসেন। এখানে কাজ নেবার আগে অফিস পাড়ার একটু খোঁজখবর নেন নি কেন? তাহলে আর এত চমকে যেতে হ’ত না। কাজও হয়ত নিতেন না।”

পূর্ণিমা বলিল, “কাজ নিতেই হ’ত। মানুষ না খেয়ে

থাকতে ত পারে না? টিচারের মাইনেতে সংসার প্রায় অচল হয়ে এসেছিল। তাই এ লাইনে এলাম।”

হিরণ্য বলিলেন, “একেই আপনার খাটুনি বেশী শক্তির তুলনায়, না হলে বলতাম, প্রাইভেট প’ড়ে বি. এ বি, টি, পাস ক’রে নিন্। ঐ লাইনেই আপনি ভাল থাকতেন। এখানে দেখুন, আমি যতক্ষণ আছি, আপনি ভালই থাকবেন। কিন্তু আমি অল্প জায়গায় চ’লে যেতে পারি, ম’রেও যেতে পারি।”

পূর্ণিমাকে যেন কে তপ্ত লৌহশলাকা দিয়া বুকের মধ্যে খোঁচা দিল। কাহার সঙ্গে কথা বলিতেছে তাহা সম্পূর্ণ ভুলিয়া গিয়া কাতর কণ্ঠে বলিয়া উঠিল, “না, না, ও কি বলছেন আপনি।” বলিয়াই মাথাটা তাহার হেঁট হইয়া গেল।

হিরণ্য একবার একটু গভীর দৃষ্টিতে পূর্ণিমার দিকে চাহিয়া দেখিলেন। অত্যন্ত ব্যথিত মুখ, লজ্জা ও আসিয়া ছুটিয়াছে তাহার সঙ্গে। আসিয়া জিনিসটাকে হাক্কা করিয়া দিবার চেষ্টায় বলিলেন, “ওটা কথার কথা আর কি? এ সব জায়গার আবহাওয়ায় একটুখানি কলুষের স্পর্শ থাকেই। আপনি যে তার আঁচও সহ করতে পারেন না। অনেক মেখে আছে যারা এ ব্যাপারগুলোকে বেশ enjoy করে। তাই মনে হয়, মেয়েদের অল্প যে সব লাইন আছে, তার কোনটায় গেলে ভাল হ’ত আপনার।”

ইহার পর কাজ খানিকক্ষণ হইল, জোর করিয়াই দুই জনে অল্প প্রসঙ্গ উত্থাপন করা হইতে নিবৃত্ত রহিল। হিরণ্য যেন একটু বেশী গভীর হইয়া গেলেন। পূর্ণিমার মুখ ক্রমে বিবর্ণ হইতে বিবর্ণতর হইতে লাগিল। ছুটি হইবার পর গভীর একটা দীর্ঘশ্বাস যেন তার বক্ষ ভেদ করিয়া উখিত হইল। অন্তদিন হিরণ্যকে দুই-একটা কথা বলিয়া সে বিদায় গ্রহণ করে, আজ নীরবে চলিয়া গেল। তন্ত্রাঙ্কনের মত পথ অতিক্রম করিল, ট্রামে গিয়া বসিল, বাড়ী আসিয়া পৌঁছিল। সরমা বা রণেন কাহাকেও সে বাড়ীতে দেখিল না, তাহাতে আরামই বোধ করিল। কথা বলিতেই যেন সে পারিতে ছিল না।

চা খাইয়া বাত্বিরে যাইবার জন্ত প্রস্তুত হইল, ‘সফুট-স্বরে নিজেকে নিজে বলিল, “আর নয়, আজ এর একটা শেষ ক’রে ফেলব। মরি ক’তি নেই।”

দীপক আসিতেছে দূর হইতে দেখিতে পাইল। সে কাছে আসিয়াই বলিল, “এ কি পূর্ণিমা, তোমার চেহারা এ রকম দেখাচ্ছে কেন? অসুখ করেছে?”

পূর্ণিমা বলিল, “শরীরটা একটু খারাপ আছে বটে। তুমি বস, তোমার সঙ্গে আজ জরুরী কথা আছে।”

একটুখানি উদ্বিগ্নমুখে দীপক বলিল, “কি বল ত?”

“বলছি। আমার কাজ পাকা হয়ে গেছে, এতদিন বলব বলব ক’রেও তোমায় বলা হয় নি। মাইনে সওয়া দুশো টাকা পাব এখন থেকে। তার উপর overtime আছে, তাও পঁচিশ ত্রিশ টাকা হয়। আমার যে দুটো মেয়ে পড়ানর কাজ ছিল আগে, তাদের একজনরা আবার আমার ডাকছে, শনি-রবিবারে তাদের কাজ আমি করতে পারি। তাতেও গোটা পঁচিশ পাব আশা করছি। এই পৌনে তিন শ’ টাকা থেকে, মাকে আমি আগে যা দিতাম তাই যদি দিই, তাহলে তিনি চালিয়ে নেবেন, কারণ আমার খরচটা বাঁচবে। বাকি যা থাকবে, তাই নিয়ে আমরা সংসার আরম্ভ করতে পারি না? কতকাল আব পথে পথে ঘুরব দীপক?”

দীপকের মুখ একবার লাল হইয়া উঠিল, তাহার পরেই বিবর্ণ হইয়া গেল। বলিল, “এ হয় না পূর্ণিমা।”

পূর্ণিমার মুখটা যেন দীপকের চেয়েও বিবর্ণ হইয়া গেল। চোখের দৃষ্টি অদ্ভুত হইয়া উঠিল। একটু যেন তীব্র স্বরেই বলিল, “কেন হয় না দীপক?”

‘তুমি উদয়াস্ত পরিশ্রম ক’রে টাকা আনবে, আর তাই দিয়ে সংসার চলবে? আমি নিজের কাছে মুখ দেখাব কি ক’রে? আত্মীয়স্বজন, বন্ধুবান্ধবের কাছে মুখ দেখাব কি ক’রে?’

পূর্ণিমার গলাটা ধরিয়া আসিল, যেন কান্না ঠেলিয়া উঠিয়া তাহার কণ্ঠরোধ করিতেছে। বলিল, “তুমি কি এখনও মধ্যযুগে আছ? স্বামী-স্ত্রী মিলে কাজ করে সংসার চালাচ্ছে এ তুমি দেখনি?”

“দেখেছি, কিন্তু তোমার প্রস্তাবের গোড়াতেই মস্ত ভুল রয়েছে পূর্ণিমা। আমার সংসারে এলে এরকম সমস্ত দিন অফিসে কাটাতে তুমি পারবে না, এ রকম রাত ক’রে মনিবের সঙ্গে বাড়ী আসতে পাবে না। আমি যদি মধ্যযুগে বাস করি ত আমার পরিবারের লোকেরা অন্ধকার যুগে বাস করে। তারা এ-সব অতি নিন্দনীয় ভাবে। তাদের কথা তুমি সহিতে পারবে না। এদের ফেলতে আমি পারব না। রক্তের ঋণ আমার এদের কাছে। যে ভালবাসার খাতিরে তুমি সব ক’টি মেনে নিয়ে আসবে আমার কাছে, সেই ভালবাসাই তোমার নষ্ট হয়ে যাবে, পরিবেশের কদর্যতার। তুমি কি কাজ ছেড়ে দেবে, যদি তাই আমি অস্বীকার করি?”

পূর্ণিমার মুখটা যেন মৃত মানুষের মুখের মত

দেখাইতেছিল, সে বলিল, “কাজ ছেড়ে দিতে বলবে? আমার ভাই বোন মা না শেষে মরবে? আর তোমার কাছে যাব আমি কিসের জোরে তবে? এতদিন তাহলে যেতে পারিনি কেন? দিনের পর দিন এই মরুভূমির পথে হেঁটে বেড়াব, শেষে একদিন মুখ খুঁড়ে পড়ে মরে যাব, এই আমার ভবিষ্যৎ?”

দীপক খানিকক্ষণ মুখ নীচু করিয়া বসিয়া রছিল, তাহার পর বলিল, “পূর্ণিমা, আমার সত্যি কোন অধিকার নেই, এ রকম করে তোমার পথ আটকে বসে থাকবার। তবু শেষ আবেদন আমার, ছ’মাস সময় আমাকে দাও। তার মধ্যে যদি কোন এমন ব্যবস্থা আমি না করতে পারি, যাতে সব দিক রক্ষা হয়, তাহলে তোমার পথ থেকে আমি সরে যাব।”

পূর্ণিমা জলের দিকে তাকাইয়া কি ভাবিতেছিল কে জানে? বলিল, “কোন কথা তোমায় আমি দিচ্ছি না। ছ’মাস কেন, ছ’বৎসর হয়ত এই ভাবেই থাকব, আবার ছ’দিন পরে এমন কিছু ঘটতে পারে, যাতে আমার সম্বন্ধে মনই তোমার বদলে যাবে। শুধু মনে রেখ এটুকু যে, আমি যেতে চেয়েছিলাম, তুমি নিতে চাও নি।”

ছইজনে নীরবে খানিকক্ষণ বসিয়া রছিল। তাহার পরে দীপক উঠিয়া বলিল, “আমি আজ যাই পূর্ণিমা। আর কথা বলে বলে নিজের অপদার্থতার অপরাধ বাড়াব না।”

পূর্ণিমা যেমন বসিয়া ছিল, তেমনিই বসিয়া রছিল। দীপকের মুক্তি খনায়মান সঙ্ঘার ছায়ায় মিলাইয়া গেল। তখন বাড়ী যাইবার জন্ত পূর্ণিমা উঠিয়া দাঁড়াইল। মনে মনে বলিল, ‘ভগবান্ আশ্রয়ত্যাগ চেষ্টার সমর্থন করেন না বোধ হয়, চেষ্টা করেও ত পারলাম না আমি।’

বাড়ী আসিয়া তাহার মনে হইল অর আসিয়াছে। চোখ-মুখ জ্বালা করিতেছে, সমস্ত দেহ হইতে একটা উত্তাপ বাহির হইতেছে। থার্মোমিটার লইয়া দেখিল, না, অর আসে নাই। তবু শরীর যেন একেবারেই ভাঙিয়া পড়িতে চায়। হয়ত অরই আসিবে শেষ পর্য্যন্ত। ভাত আর খাইল না, মা কাঠখোলায় অল্প ক’টি চিঁড়া ভাজিয়া দিলেন, তাহাই খাইয়া সে শুইয়া রছিল। সকালে উঠিয়াও কিছু ভাল বোধ করিল না। হিরণ্যকে খবর দিলে তখনি তিনি দুটি দিয়া দিবেন। কিন্তু দুটি যে পূর্ণিমা চায় না? অন্য দিনের মত তাড়াতাড়ি করিতে পারিল না, আন্তে আন্তে প্রস্তুত হইতে লাগিল।

অফিসে পৌঁছিতে আধ ঘণ্টারও বেশী দেরি হইয়া গেল।

হিরণ্য তাহাকে দেখিয়া বলিলেন, “এ কি, এরকম চেহারা কেন? অসুখ করেছে নিশ্চয়। আসবার কি দরকার ছিল? কাজ ঠিকই চলত, আরো ত হুজুন লোক রয়েছে।”

পূর্ণিমা বলিল, “কাজ পাকা হওয়ার সঙ্গে সঙ্গেই যদি কামাই করতে আরম্ভ করি, তা হলে লোকে আমার কি বলবে? অর হয় নি, temperature দেখে এসেছি। সারারাত ঘুমোই নি বলে চেহারা অমন দেখাচ্ছে।”

হিরণ্য বলিলেন, “এসব জায়গায় কাজ করতে হলে একটু গণ্ডারের চামড়া থাকা দরকার, দেহ ও মনের উপর। পর পর দুটো shock খেয়েছেন আপনি, এই অসুস্থতা সেই জন্মেই। শারীরিক অসুখ এটা নয়, ডাক্তারের ওষুধে সারবে না। এ শুধু আপনার নিজের চিকিৎসায় সারতে পারে।”

পূর্ণিমা মৃদুকণ্ঠে বলিল, “চেষ্টা ত করি সারাতে। কিন্তু ব্যাপারগুলো যেই সামনাসামনি এসে পড়ে তখন কিরকম হতবুদ্ধি হয়ে যাই।”

হিরণ্য বলিলেন, “সমবে সমবে যাবে। আর কি বলা যায়? কিন্তু দেখুন, অল্প দিকে যাই অসুবিধা হোক, শরীর নষ্ট করে কাজ করবেন না। তাতে লাভ হবে এই যে, কাজ বেশীদিন আর করতেই পারবেন না। আপনার চেহারা ক্রমেই খারাপ হচ্ছে। কোন একজন ডাক্তারকে consult করুন। ভাল ডাক্তার চেনা যদি কেউ না থাকেন ত আমি সন্ধান দিতে পারি হু’ একজনের।”

পূর্ণিমা বলিল, “ডাক্তারের অভাব ও পাড়ায় নেই, চেনাও চের আছেন। কিন্তু ডাক্তার ডাকতে ইচ্ছা করে না, মনে হয়, এ সবই আমার nervousness-এর জন্মে হচ্ছে, ডাক্তার কি করবে?”

হিরণ্য বলিলেন, “কি নিয়ে এত nervous আপনি বলুন ত? তার কি প্রতিকার নেই?”

পূর্ণিমা বলিল, “আমার হাতে ত নেই। এক ভগবান্ যদি আমার মনটা বদলে দেন, আর একটু যুক্ত করার ক্ষমতা দেন।”

হিরণ্য একবার তীক্ষ্ণদৃষ্টিতে পূর্ণিমার দিকে তাকাইলেন। বলিলেন, “দেবেন হয়ত, যদি একাধে মনে চান।”

# অবনীন্দ্রনাথ ঠাকুর ও সাপ্তাহিক শনিবারের চিঠি

শ্রীযোগানন্দ দাস

‘কল্লোল যুগ’ নিয়ে বই বেরিয়েছে। ‘শনিবারের চিঠি’, বিশেষ করে তার আদি সাপ্তাহিক সংস্করণের ইতিহাস লিখবার প্রয়োজন ঘটেছে অনেক কারণে।

একটি কারণ হ’ল, বাংলা হস্তরসের ও ব্যঙ্গরসের সাহিত্যে ‘শনিবারের চিঠি’ ও তার লেখকদের স্থান নির্ণয় করা, গল্প ও কাব্যে। বঙ্কিম সাহিত্যে ‘কমলাকান্তের দপ্তর’-এর যেমন একটি বিশেষ মূল্য আছে, রবীন্দ্র সাহিত্যে যেমন ‘হাস্ত কৌতুক’ ও ‘ব্যঙ্গ কৌতুক’ একটি বিশিষ্ট আসন অধিকার করে রয়েছে, তেমনি ‘শনিবারের চিঠি’র সাপ্তাহিক সংস্করণ ও আদি পর্ব থেকে যদি একটি সংকলন করা যায়, তবে দেখা যাবে, রবীন্দ্রোত্তর বাংলা সাহিত্যে, অল্প সমস্ত কিছু ছেড়ে দিলেও শুধু হাস্ত রসে ও ব্যঙ্গ রসেই ‘শনিবারের চিঠি’র দান সামান্ত নয়। সাপ্তাহিক ‘শনিবারের চিঠি’র অবদান শুধু সাহিত্যে নয়, সামাজিক আদর্শে ও রাষ্ট্রনীতিতেও।

এ কথা সত্য, ব্যঙ্গ সাহিত্যে ‘শনিবারের চিঠি’র চেয়ে কিছু কম শক্তিশালী ছিল না তার পূর্ববর্তী—১৩২৯ বঙ্গাব্দে প্রতিষ্ঠিত—কৃষ্ণকলা মাসিক পত্রিকা ‘বেপরোয়া’। আকারে ছোট,—বীরবলের বিখ্যাত ‘সবুজপত্র’ পত্রিকার মত। এর সম্পাদক ছিলেন “শ্রীবিষ্ণুচরণ ভট্টাচার্য”। লেখক ছিলেন পঞ্চজন : “শ্রীবিষ্ণুচন্দ্র মজুমদার, বি-এল ; শ্রীচাক্রচন্দ্র ভট্টাচার্য, এম-এ ; শ্রীবনবিহারী মুখোপাধ্যায়, এম্-বি ; শ্রীতুলসীচরণ ভট্টাচার্য, এম্-বি ; শ্রীবিষ্ণুচরণ ভট্টাচার্য, এম-এ।” ‘শনিবারের চিঠি’র ছ’বছর আগে, বর্তমান যুগের সামাজিক কুরুক্ষেত্রে ঐ নব পাঞ্চজন্মের যুদ্ধের আহ্বানে, ঐ পাঁচ ফোড়ন দেওয়া খানি লঙ্কার আলা-ধরানো ব্যঞ্জে সেদিনকার বাংলা সাহিত্যে একটি নূতন তীক্ষ্ণ রসের সঞ্চার হয়েছিল। কি ব্যঙ্গ সাহিত্যে, কি ব্যঙ্গ চিত্রে, এরূপ উচ্চাঙ্গ সুরধার পত্রিকা বাংলা সাহিত্যে এর আগে কখনও বেরোয় নি।

এর মলাটে থাকত ভাঙা কলসী, কাঁটা, ফণীমনসা, সাপ, ব্যাঙ প্রভৃতি অযাত্রার কার্টুন। ছংখের বিষয়, সকল রকম অযাত্রাকে কলা দেখিয়ে যে-পত্রিকার যাত্রা শুরু, কুল্যে তিনটি সংখ্যা বেরুবার পরেই তাকে মহাযাত্রা করতে হ’ল। বর্তমানে ঐ তিনটি সংখ্যা অত্যন্ত ছাপ্রাপ্য। সম্প্রতি শ্রীপরিমল গোস্বামীর সৌজন্যে

মাত্র তৃতীয় সংখ্যাটি (চৈত্র, ১৩২৯) আবার দেখবার সৌভাগ্য লাভ করেছি। ওটি হ’ল “পূজা সংখ্যা”। সকলেই পূজা সংখ্যা বার করে দুর্গাপূজা উপলক্ষে, আশ্বিন-কার্তিকে। ‘বেপরোয়া’র “পূজাসংখ্যা” বেরুলেন চৈত্র মাসে, সশব্দে ভাঙা কলসী বাজিয়ে, ঘেঁটু পূজা করবেন ব’লে।

গোড়াতেই “আবাহন”। খুজুলি-চুলকনা-খোস-দাদ-বসন্ত ইত্যাদি যাবতীয় রোগের চিকিৎসা-বিশারদ ডাঃ বনবিহারী মুখোপাধ্যায় “soap” দিয়ে হাত না ধুয়ে সেই হাতেই অঞ্জলি দিয়ে স্বরচিত সংস্কৃত স্তোত্রের দ্বারা “দেবাদিদেব” ঘেঁটুর পদবন্দনা করলেন। একটি সংস্কৃত স্তোত্রে ঘেঁটুর স্তুতি করা হ’ল, তার পরেই আবাহন। প্রথম অংশটুকু এখানে তুলে দেবার লোভ সঞ্চার করতে পারলাম না (‘বেপরোয়া’, চৈত্র, ১৩২৯, পৃ: ৫৯-৬০) :

“দৃষ্টাঃ স্পৃষ্টা বিমৃষ্টাঃ কচিদপি ন ময়া মাঘবাবীকৃতা পঃ  
হস্তে বাস্তিক্যালোপাচকিতমতিমতা জাতু নারোপিতঃ soap  
অল্প প্রোদ্ধামদীব্যং খুজুলিচুলকনা-খোসদাদীকৃতোহহং  
বন্দে মন্দারশোভং তব পদমমলং হে মহাদেব ঘেঁটো ॥”

“হে দেবাদিদেব, হে ঘেঁটো, একবার আমাদের সম্মুখে দাঁড়াও, আমরা তোমার আবাহন করি। তুমি মহান, তুমি শক্তিমান, আমরা তোমাকে নমস্কার করি। তোমার চরণস্পর্শে বঙ্গদেশ আজ নবশোভা ধারণ করিয়াছে। আজ বসন্ত তাহার শাখা-পল্লবে, বসন্ত তাহার ঘরে ঘরে। আজ শীতলার আর বিরাম নাই। তোমারই বা বিরাম কোথায়? শীতলার তবু একটি গাধা আছে, তোমার তাহাও নাই,—quack বলিয়া আজও গাধা কিনিতে পার নাই। ইহাতে ক্ষুণ্ণ হইও না। এদেশে হাতুড়ের দর কম কিন্তু কদর বেশী।”...

পত্রিকার গোড়ার পাতাতেই, উপরে সম্পাদকের নাম, নীচে লেখকদের নাম, মাঝখানে একটি হাস্তমুখ, বেপরোয়া বিলাতী ‘Devil’-এর কার্টুন। লেখক ত নয়, একেবারে একটা আস্ত daredevil-এর দল।

পত্রিকার শেষে গুটিকয়েক ডায়মণ্ড-কাটা চকুচকে বচন, নাম ‘ফাউ’। আজকের দিনের আসমুদ্র-হিমাচল ভারতজোড়া ‘আধ্যাত্মিকতা’র বিশাল বোঝার উপর শাকের আঁটিটির মত এখানে বনবিহারী-বিরচিত একটি



লক্ষ টাকার ছোট্ট 'কাউ' উপহার দিলাম (ঐ পৃ: ১১১) :  
"পাশের ট্রেন যখন চলতে থাকে তখন মনে হয় আমাদের  
নিশ্চল ট্রেন তার উল্টো দিকে চলছে। পৃথিবীর চৌদ্দ  
আনা যখন materialism-এর দিকে ছুটছে তখন  
আমরা ভাবি আমাদের সমাজ আধ্যাত্মিকতার দিকে  
এগুচ্ছে।"

আসলে আমাদের "সমাজ"-ট্রেনটা 'নট নড়ন চড়ন  
নট কিচ্ছু'। মেট্রিখ্যালিজ্‌মেও দড়ো নই, আধ্যাত্মিক-  
কতাতেও বড়ো নই। যা কিছু সম্বল তা বিগত যুগের  
পোলাও কালিয়ার বাসি ছর্গন্ধ।

যাই হোক, ঘেঁটু-পুজোর পরে সেই যে পত্রিকার  
বিসর্জন হ'ল, অনেক বছর ঘুরে এল, আর তার পুনঃ  
প্রতিষ্ঠা হয় নি; বোঝা গেল, "quack" বলাতে কুপিত  
হয়ে ডাঃ ঘেঁটু 'বেপরোয়া'র বেলায় ইচ্ছাপূর্বক সালসার  
বদলে লেডী ডাক্তার মনসা দেবীর কাছ থেকে ধার করেও  
বিসর্জি চালিয়েছেন।

ব্যঙ্গ সাহিত্যে, রবীন্দ্রোত্তর যুগে 'বেপরোয়া'র পরেই  
'শনিবারের চিঠি'র স্থান, তার সাপ্তাহিক সংস্করণ  
থেকেই। 'বেপরোয়া'র চেয়ে অবশ্য 'শনিবারের চিঠি'র  
বৈচিত্র্য বেশী। এ বিষয়ে তার সাপ্তাহিক সংস্করণ ও  
আদি পর্ব একটি মূল্যবান সৃষ্টি।

'বেপরোয়া'র তিন সংখ্যার মত 'শনিবারের চিঠি'র  
সাপ্তাহিক সংস্করণের (বাংলা ১৩৩১ সাল) ২৭টি সংখ্যা  
অত্যন্ত দুস্প্রাপ্য হয়ে পড়ায় তার সকল লেখকের লেখার  
সঙ্গে জনসাধারণের কোন পরিচয় নেই। এই পরিচয়  
ঘটলে দেখা যাবে, 'শনিবারের চিঠি' কোন একজন  
'আমি'র কীর্তি ছিল না, ছিল বহু প্রতিভার মিলিত সৃষ্টি।  
এই দলের আদি নাম ছিল 'শনিমণ্ডল'। আদি বা মূল  
'শনিবারের চিঠি' গোটা শনিমণ্ডল কর্তৃক নূতন ব্যঙ্গ  
রসের ও হাস্য রসের সাহিত্য সাধনা।

এই সাহিত্য-প্রতিভা তার বিশিষ্ট ছাপ রেখে গিয়েছে  
তার সাপ্তাহিক সংস্করণে। এই সংস্করণ দুস্প্রাপ্য হওয়ার  
সুযোগ গ্রহণ করে কোন কোন লেখক এই পর্বকে "অতি  
তুচ্ছ" বলে উড়িয়ে দেবার সুবিধা পেয়েছেন। সুতরাং  
এই আদি পর্বের পরিচয় নেবার ও দেবার প্রয়োজন  
এসেছে।

এই আলোচনার আর একটি কারণ আছে। যে-  
জন্মই হোক, বর্তমানে 'শনিবারের চিঠি'র প্রতি সংখ্যায়  
যে বর্ষ-গণনা করা হয়, তা থেকে দাঁড়ায়, ঐ কাগজের  
প্রতিষ্ঠা কাতক, ১৩৩৫। কিন্তু আসলে 'শনিবারের  
চিঠি'র প্রথম বর্ষ, প্রথম সংখ্যার (সাপ্তাহিক) তারিখ

হ'ল শ্রাবণ ১০, ১৩৩১। এমন কি তার মাসিক  
সংস্করণেরও সূরু ভাদ্র, ১৩৩৪। সুতরাং ঐ কাগজের  
আদি অস্তিত্ব, তার মূল উদ্দেশ্য ও তার গোড়াকার প্রকৃতি  
সম্বন্ধে জনসাধারণের অজ্ঞতা অত্যন্ত স্বাভাবিক। বর্তমান  
বর্ষ গণনা থেকে সাধারণ পাঠকদের মনে এই ধারণাই  
বদ্ধমূল হবে যে, ১৩৩৫-এর আগে 'শনিবারের চিঠি'র  
কোন অস্তিত্বই ছিল না।

বাংলা সাহিত্যের ভবিষ্যৎ ইতিহাস লেখকের সুবিধার  
জন্তুও এই তারিখের গণগোল দূর করার সবচেয়ে  
ভাল উপায় হ'ল, তার প্রতিধার ও আদি পর্বের প্রকৃত  
ইতিহাস লেখা এবং সেই সঙ্গে তাতে প্রকাশিত বিভিন্ন  
লেখকের বিশ্বত লেখার পরিচয় দেওয়া।

এরূপ ছুটি লেখার পরিচয় এবারে দেব। তার  
আগে কিছু ভূমিকার প্রয়োজন ঘটেছে, নইলে 'চিঠি'র  
আদি লেখকদের বিরুদ্ধে কতকগুলো অজ্ঞায় অবিচার ও  
মিথ্যা অপবাদে কলঙ্ক থেকে যাবে।

'শনিবারের চিঠি'র প্রতিষ্ঠার ইতিহাস ও তার  
সাপ্তাহিক সংস্করণ সম্পর্কে কোন কোন লেখক কিছু কিছু  
লিখেছেন এবং সে সম্বন্ধে কোন প্রমাণ না দেখিয়ে নিজ  
অভিরূচি অমুসারে মন্তব্য প্রকাশও করেছেন। কিন্তু  
প্রধানত যে তিনজনের হাতে ঐ পত্রিকার জন্ম, রামানন্দ  
চট্টোপাধ্যায়ের পুত্র অশোক চট্টোপাধ্যায়, তাঁর ভাতৃপুত্র  
হেমসুন্দর চট্টোপাধ্যায় ও বর্তমান প্রবন্ধের লেখক,—  
এঁদের কেউই এখনও পর্যন্ত 'শনিবারের চিঠি'র জন্মকথা  
লেখেন নি।

তার ফলে, বিশেষ করে তার সাপ্তাহিক সংস্করণ ও  
তার জন্ম বিষয়ে অনেক আজগুবি কথা লেখা হয়েছে,  
কিছুটা অজ্ঞের কাছে শোনা কথা বলে এবং বাকীটা কোন  
কোন লেখকের আত্মজ্ঞপিতার জন্তু।

যেমন, কেউ কেউ বলেছেন, 'শনিবারের চিঠি'র  
প্রতিষ্ঠাতা মোহিতলাল মজুমদার। অবশ্য, এর জন্তু  
দায়ী মোহিতলাল স্বয়ং। তাঁর মৃত্যুর পর তাঁর একটি  
অতি নিম্নশ্রেণীর অপ্রকাশিত রচনা কিছুদিন পূর্বে (খ্রী:  
১৯৫৯, শক ১৮৮১) 'বিংশ শতাব্দী' মাসিক পত্রিকার  
পূজা সংখ্যায় ছাপা হয়। সেই রচনা থেকে মনে হয় যে,  
ঐ মিথ্যা দাবী তিনি জীবিতকালেই প্রচার করতেন, যা'  
থেকে অল্প কাহারও কাহারও সেই ধারণাই হয়েছে।  
প্রবন্ধটিতে 'শনিবারের চিঠি' সম্বন্ধে তিনি লিখেছেন,  
" 'চিঠি' আমারই মানস কল্পা।" (ঐ, পৃ: ২৭০-৭১)।  
প্রবন্ধটির নাম "আমি ও শনিবারের চিঠি" মুড়ায়  
'আমি' ল্যাজে 'শনিবারের চিঠি'। এই অলীক অহমিকা

লেখাটির ছত্রে ছত্রে ফুটে উঠেছে। এক জায়গায় মোহিতলাল লিখেছেন, “শনিবারের চিঠির যাহা কিছু মর্যাদা ও প্রতিষ্ঠা, তাহা একমাত্র আমিই রক্ষা করিতে-হিলাম।” (ঐ, পৃ: ২৭০)। অন্যত্র “আমি উহার রথাক্রমে সেকালের সেই কুরুক্ষেত্রে ভীমজুঁন (sic) ভীষ্মকর্ণের সহিত সম্মুখরণে উহাকে অটল রাখিয়া-হলাম।” (ঐ, পৃ: ২৭০)। এখানে অহমিকার চাপে মোহিতলাল নিজেকে কলিযুগের শ্রীকৃষ্ণ খাড়া করতে গিয়ে একটু ঠিকে ভুল করে ফেলেছেন। “সেকালের কুরুক্ষেত্রে” একই ব্যক্তি “রথীক্রমে” একাধারে “ভীমজুঁন” ও “ভীষ্মকর্ণের” সঙ্গে সম্মুখরণ করেছিলেন বলে মহাভারতে পাওয়া যায় না। আর এক জায়গায় লিখেছেন, “কিন্তু আমি দূরে বসিয়া ব্রহ্মাস্ত্র ত্যাগ করিতে লাগিলাম।” (ঐ, ঐ)। এখানে দেখা যাচ্ছে, শ্রীকৃষ্ণ শুধু “রথী” ন’ন। তিনি স্বয়ং “ব্রহ্মাস্ত্র” ত্যাগ করেছেন। এটাও কবি মোহিতলালের একটি নূতন “সৃষ্টি”। পুনশ্চ, “যে সাহিত্যিক বন্ধুগণেরা তাঁহাকে [সজনীকান্ত দাসকে—॥যো॥] কেন্দ্র করিয়া অতঃপর বাংলার সাহিত্যাকাশে গ্রহ-উপগ্রহের মত ঘূর্ণ্যমান্ ও দীপ্তিমান্ হইয়া উঠিল, তাহারা তাঁহাকেই ‘শনিবারের চিঠি’রও প্রধান ও প্রতিষ্ঠাতা বলিয়া বিশ্বাস করিল : তাহাদের চক্ষে আমি একজন অশ্রুতম বিশিষ্ট লেখক মাত্র।” (ঐ, পৃ: ২৭১) কিন্তু আসলে—মোহিতলাল সঙ্গে সঙ্গে সাবধান করে দিচ্ছেন—“শনিবারের চিঠি আমার ধর্ম ও আদর্শের অসুপ্রেরণায় এবং আমার লেখনীর দৃষ্ট ও সদাজাগ্রত সারস্বত উদ্দীপনায় সকল কুৎসা ও সকল গ্লানির উর্দ্ধে একটি নিজস্ব মহিমায় সকল চিন্তাশীল রসিকের দৃষ্টি আকর্ষণ করিয়াছিল।” ঐ, ২৭২। এই ভাবে প্রবন্ধটির গোড়া থেকে শেষ পর্যন্ত “আমি” ও “আমার”। ধারা ‘সত্যসুন্দর’র এই অসত্য ও অসুন্দর প্রবন্ধটি ছাপবার অসুমতি দিয়েছেন, তাঁরা লোকচক্ষে মোহিতলালকে কতদূর হেয় করেছেন ও তাঁর কৃতি করেছেন, তা এখনও ধারণা করতে পারেন নি।

প্রবন্ধটিতে তিনি আরও বলেছেন যে, ঐ বাগজে তিনি যোগ দেবার আগে সাপ্তাহিক ‘শনিবারের চিঠি’ একটা “অতি তুচ্ছ” “নর্দমার কাগজ” ছিল। মোহিতলাল যোগ দেওয়াতেই তার যা কিছু মর্যাদা ও প্রতিষ্ঠা! শুধু তাই নয়। নিজেকে বাড়াতে গিয়ে বাধ্য হয়ে মূল প্রতিষ্ঠাতাদের নামে মিথ্যা অপবাদের কলঙ্ক আরোপ করতে হয়েছে। “সে পত্রিকার জন্ম হইয়াছিল কয়েকটি বুকের আমোদ-প্রবৃত্তি চরিতার্থ করিবার জন্য, তাহার

পশ্চাতে কোন গুরুতর উদ্দেশ্য ছিল না...‘শনিবারের চিঠি’ নাম দিয়া তাহারা প্রতি সপ্তাহে গড়ে পড়ে এমন সব রচনা প্রকাশ করিত যাহাতে ‘শুভলোকের তকমা-তাবিজ ছিঁড়ে মদোন্মত্ত হাওয়ার’ নিজদিগকে উড়াইবার একটা ছরস্তু শক্তির পরিচয় ছিল। ইহার অধিক কিছু ছিল না।...” (ঐ, পৃ: ২৬৮)।

অবশ্য, ‘শনিবারের চিঠি’র প্রতিষ্ঠায় মূল প্রতিষ্ঠাতাদের “উদ্দেশ্য” বুঝবার ক্ষমতা মোহিতলালের ছিল না, কারণ ঐ প্রতিষ্ঠাতাদের শিক্ষা-দীক্ষা, সামাজিক আদর্শ ও চিন্তাধারার সঙ্গে মোহিতলালের শিক্ষা-দীক্ষা, সামাজিক আদর্শ ও চিন্তাধারার আশমান-ভূমীন্ ফারাক ছিল। সে জগৎ তাঁকে দোষ দেওয়া যায় না। কিন্তু “প্রতি সপ্তাহে” “শুভলোকের তকমা তাবিজ ছিঁড়ে মদোন্মত্ত হাওয়ার” যে জঘন্য অপবাদের কলঙ্ক আরোপ তিনি করেছেন, সেটি যে কতদূর মিথ্যা ও ঘৃণ্য তা’ বোঝা যাবে ‘শনিবারের চিঠি’ প্রতিষ্ঠার প্রকৃত ইতিহাস লেখা হ’লে এবং তার সাপ্তাহিক সংস্করণের সঙ্গে পাঠকের প্রত্যক্ষ পরিচয় ঘটলে। এবং মিথ্যা জেনেই মোহিতলাল তাঁর উক্তির সমর্থনে “প্রতি সপ্তাহের” কোন সপ্তাহের কোন লেখাই উদ্ধৃত করেন নি, করতে পারেন নি।

‘শনিবারের চিঠি’র সাপ্তাহিক সংস্করণের (যার থেকে পত্রিকার নামকরণ হয়) ৬৭টি সংখ্যা বেরুবার পরে সজনীকান্ত দাস ও তিন মাস পরে, দ্বাদশ বা “বিদ্রোহ” সংখ্যা (কার্তিক ৮) থেকে মোহিতলাল মজুমদার ঐ পত্রিকার সঙ্গে যুক্ত হন। ‘শনিবারের চিঠি’ আরম্ভ হবার সময়ে সজনীকান্ত দাসের সঙ্গে পত্রিকার প্রতিষ্ঠাতাদের কারোরই পরিচয় ছিল না, এবং মোহিতলাল তাঁদের কারও কারও কাছে কবি ও প্রবন্ধকার হিসাবে পরিচিত থাকলেও ‘শনিবারের চিঠি’র সঙ্গে তাঁর কোন সম্পর্কই ছিল না। তিনি এই দলে ভিড়বার আগেই ‘শনিবারের চিঠি’র সাপ্তাহিক সংস্করণ বাংলা দেশের পত্রিকা-জগতে একটা সাড়া জাগিয়েছিল বলেই দ্বাদশ সংখ্যা বেরুবার আগে নিজের লেখা কবিতা বগলে নিয়ে হস্তদস্ত ভাবে মোহিতলাল পত্রিকার আপিসে এসে উপস্থিত হন ঐ “অতি তুচ্ছ” কাগজে নিজের লেখা ছাপাবার জন্য এবং ঐ “নর্দমার কাগজের” সঙ্গে যুক্ত হবার আকাঙ্ক্ষায়।

সাপ্তাহিক ‘শনিবারের চিঠি’র আগাগোড়া সাতমাস (শ্রাবণ ১০—ফাল্গুন ৯, ১৩৩১) ঐ কাগজের অবৈতনিক সম্পাদক, প্রকাশক ও মুদ্রাকর ছিল বর্তমান প্রবন্ধের লেখক। এই সাত মাসের মধ্যে এবং তার পরে মাসিক সংস্করণের প্রথম তিন সংখ্যায় (বর্তমান লেখকের

সম্পাদনা কালে) কাগজের নীতি বা উদ্দেশ্য বিষয়ে মোহিতলালের বিন্দুমাত্র প্রভাব ছিল না,—তাকে “উপদেষ্টা”র আসন বা “আদর্শ রক্ষার ভার” দেওয়া ত দূরের কথা, যে দাবী তিনি ঐ আঙ্গণবর্ষ প্রবন্ধে করেছেন (পৃ: ২৬২) অথচ, এই কালের মধ্যেই এক আনা দামের কাগজ হকাররা এক টাকায়ও বিক্রী করেছেন,—মোহিতলালের লেখার জন্ত নয়।

যে সাপ্তাহিক ‘শনিবারের চিঠি’কে মোহিতলাল “অতি তুচ্ছ” ও “নর্দমার কাগজ” বলেছেন, সেই অতি তুচ্ছ নর্দমার কাগজে অর্থাৎ সাপ্তাহিক সংস্করণেই স্বনামে, বেনামে অথবা দুইভাবেই লিখেছেন রামানন্দ চট্টোপাধ্যায়, অবনীন্দ্রনাথ ঠাকুর, ডঃ কালিদাস নাগ, শাস্তা দেবী, রবীন্দ্রনাথ মৈত্র, কবি সুধীরকুমার চৌধুরী, কবি জীবনময় রায়, শিবরাম চক্রবর্তী, প্রভৃতি। এঁদের মধ্যে বেশীর ভাগই ঐ কাগজ বেরুবার আগেই খ্যাতিমান ও সুপ্রতিষ্ঠিত লেখক-লেখিকা। সুতরাং মোহিতলালের মতে এঁরাও “অতি তুচ্ছ” “নর্দমার কাগজের” লেখক ছিলেন।

“অতি তুচ্ছ” বলবার কারণ আছে। যে-উদ্দেশ্যে ‘শনিবারের চিঠি’র জন্ম এবং যে-উদ্দেশ্যের প্রতি উল্লিখিত লেখকদের মত বাংলা দেশের বহু খ্যাতিমান লেখকের সহায়ত্ব ছিল, সেই উদ্দেশ্য বা নীতির প্রতি মোহিতলালের কোন অহুরাগই ছিল না, এবং যে দূরদৃষ্টিসূচক\* রাষ্ট্রনৈতিক মতামত এবং ইংরেজ শাসনের বিরুদ্ধে ব্যঙ্গাত্মক নিবন্ধ (‘সংবাদ সাহিত্য’)+—(প্রধানতঃ অশোক

\* সপ্তম সংখ্যায় (ভাজ ২১, ১৩৩১) “ঐচ্ছিকচিত্তরঞ্জন দাশের বিপ্লবের জয়” শীর্ষক স্বাক্ষরহীন রাষ্ট্রনৈতিক প্রবন্ধে সাপ্তাহিক ‘শনিবারের চিঠি’ ভবিষ্যৎপন্থী করে যে, চিত্তরঞ্জনের একটি চিন্তাশীল ও দায়িত্বজ্ঞানহীন উক্তির ফলে ইংরেজ গবর্ণমেন্ট বিপ্লবীদের বিরুদ্ধে ব্যাপক ধনাংশ ও ধরপাকড় শুরু করবে। ‘চিঠি’র কথা অক্ষরে অক্ষরে ফলে যায়, কিছু কালের মধ্যেই ধরপাকড় শুরু হয়। ত্রয়োদশ সংখ্যায় (কার্তিক ১৫, ১৩৩১) “বাহা বলিয়াছিলাম” শীর্ষে সেই ভবিষ্যৎপন্থী মনে করিয়ে প্রবন্ধটি পুনর্দ্রষ্ট করা হয়, যাতে ক’রে দেশবাসী চিত্তরঞ্জন বিষয়ে সাবধান হ’তে পারে। এই প্রবন্ধটি অগ্রহায়ণ মাসের ‘এবাসী’ ‘পঞ্চমস্যা’ বিভাগে পুরোটা ছেপে দেন। প্রবন্ধটির লেখক অশোক চট্টোপাধ্যায়।

+ গোড়াতে বেনামে লেখা বেশীর ভাগ ও পরে, সাপ্তাহিক সংস্করণের শেষের দিকে, স্বনামে লেখা ব্যঙ্গাত্মক ‘সংবাদ সাহিত্য’ হেমসুন্দরীর লেখা এখানে উল্লেখ করা যেতে পারে, ইংরেজের নাম ক’রে তাদের বিরুদ্ধে কোনো কিছু গিথবার ভরসা ‘জাতীয়তার জনক’ রূপে পরিচিত বঙ্কিমচন্দ্র চট্টোপাধ্যায়েরও কোনোদিন হয় নি,—ব্যঙ্গ করা তো দূরের কথা। ইংরেজ অধীনতার বিরুদ্ধে প্রথম স্বদেশী গান চৈত্র মেলার (১৮৩৭)। ইংরেজ শাসক-শ্রেণীর বিরুদ্ধে তাঁর ব্যঙ্গ রচনার পন

চট্টোপাধ্যায়ের ও হেমসু চট্টোপাধ্যায়ের লেখা)— সাপ্তাহিক ‘শনিবারের চিঠি’তে খুব জোরের সঙ্গে প্রকাশ করা হ’ত, সেই মতামত মোহিতলালের মতের সম্পূর্ণ বিরোধী। ব্রিটিশ সরকারের বিরুদ্ধে একটি কথা বলবার সাহস মোহিতলালের কোনদিন হয় নি। আসলে, রাষ্ট্রনীতির প্রতি মোহিতলালের কোন ঝোঁকই ছিল না। ও-বিষয়টি ছিল তাঁর অধিকারের বাইরে। তিনি ছিলেন কবি ও সাহিত্যিক। ঐ গণ্ডির বাইরে যেখানেই পা বাড়ানোর চেষ্টা করেছেন, সেখানেই ঘটেছে গণ্ডীগোল। অথচ সাপ্তাহিক ‘শনিবারের চিঠি’র সঙ্গে গোড়া থেকেই রাষ্ট্রনীতির একটি ঘনিষ্ঠ সম্বন্ধ। এমন কি তখনকার রাষ্ট্রনীতি ‘শনিবারের চিঠি’র জন্মের একটি মুখ্য কারণ। মোহিতলাল যখন থেকে ‘শনিবারের চিঠি’র সঙ্গে যুক্ত হ’ন (দ্বাদশ সংখ্যা), তখন থেকেই তাঁর ইচ্ছা ও চেষ্টা ছিল ‘শনিবারের চিঠি’কে রাষ্ট্রনীতি থেকে বিযুক্ত ক’রে শুধু সাহিত্যের গণ্ডির মধ্যে আবদ্ধ রাখতে ও বাংলা সাহিত্য বলতে মোহিতলাল যা বুঝতেন সেই সঙ্কীর্ণ ধারা ‘শনিবারের চিঠি’র মাধ্যমে প্রচার করতে। বর্তমান লেখকের সম্পাদনা কালে সেটি তিনি ক’রে উঠতে পারেন নি। সাপ্তাহিক সংস্করণকে ঐ জিনিষ ক’রে তুলতে পারেন নি বলেই, সাহিত্য বিষয়েও মোহিতলালের রবীন্দ্র-বিরোধী, সহজ ও সমগ্র মানবতা-বিরোধী, একান্ত-বাঙালীত্ব-প্রধান, ‘আধুনিক’ সমালোচনার নামে একপেশে রস-বিচারের সাহিত্য-সমালোচনার সঙ্কীর্ণ চিন্তাধারা ঐ সংস্করণে চালাতে পারেন নি বলেই এবং যেটুকু বা যে-ধরণের রাষ্ট্রনীতি তিনি বুঝতেন সেটা সাপ্তাহিক ‘শনিবারের চিঠি’র রাষ্ট্রনৈতিক মতামতের সম্পূর্ণ উল্টো ছিল বলেই তাঁর কাছে ও তাঁর মতে ঐ সাপ্তাহিক সংস্করণটি ছিল “অতি তুচ্ছ” “নর্দমার কাগজ।”

অবস্থা বিশেষে কারও কারও কাছে নাগালের বাইরের আঙুর যেমন “টক” হয়, সাপ্তাহিক অবস্থায়, তেমনি, মোহিতলালের কাছে, ‘শনিবারের চিঠি’ও ছিল “অতি তুচ্ছ” “নর্দমার কাগজ।”

মোহিতলালের মতে ঐ সাপ্তাহিক সংস্করণ শুধু “অতি তুচ্ছ”ই ছিল না, “তা ছাড়া ঐ সাপ্তাহিক ‘শনিবারের চিঠি’র প্রচার একটা বন্ধুদলের মধ্যেই আবদ্ধ ছিল” (ঐ, পৃ: ২৬২)। মোহিতলাল অবশ্য তাঁর উক্তির সমর্থনে কোন প্রমাণ দেন নি।

প্রদর্শক ‘মূলত সমাচার’ (১৮৭০ সাল থেকেই)। ইংরেজী শাসন সম্বন্ধে সত্য কথা বলতে বা তাঁর বিরুদ্ধে বিপ্লবাত্মক গান রচনা করতে রবীন্দ্রনাথ কোনোদিন পিছপা হ’ন নি।



সাপ্তাহিক সংস্করণের ত্রয়োবিংশ সংখ্যার (মাঘ ১১, ১৩২১) গোড়াতেই “কার্যাদ্যক্ষ, শনিবারের চিঠি” স্বাক্ষরে একটি বিজ্ঞপ্তি ছাপা হয়। তাতে দেখা যায় : “প্রথম চারি মাসের ‘শনিবারের চিঠি’ ( ১-১৬ সংখ্যা ) মাত্র ২৮ সেট আছে, প্রত্যেকটি সেটের মূল্য ১২ টাকা।”

কোন নূতন সাপ্তাহিক পত্রিকা শুরু হবার মাত্র ছ’-মাসের মধ্যেই প্রথম ১৬ সংখ্যা “মাত্র ২৮ সেট” অবশিষ্ট থাকারটাই একটা বড় প্রমাণ, ঐ পত্রিকা ( বর্তমান ক্ষেত্রে সাপ্তাহিক ‘শনিবারের চিঠি’ ) কতটা “ভুচ্ছ” ছিল এবং তার প্রচার শুধু “একটা বন্ধুদলের মধ্যেই আবদ্ধ” ছিল কি না। গোড়া থেকেই কলকাতার মোড়ে মোড়ে যে হকাররা ‘শনিবারের চিঠি’ বিক্রী করতেন সেটা কি কেবল “একটা বন্ধুদলের” কাছে ? সুদূর মফঃস্বল থেকে যারা সাময়িক পত্রিকাগুলির সমালোচনা পড়ে গ্রাহক হয়েছিলেন তাঁরা কি “একটা বন্ধুদলের” লোক ? সাপ্তাহিক ‘শনিবারের চিঠি’র পরিচয় ও প্রচার যে “একটা” বন্ধুদলের চেয়ে তার বাইরে ঢের বেশী ছিল, তার অনেক প্রমাণ আছে। সে আলোচনার আপাতত দরকার নেই।

প্রথম ১৬ সংখ্যার চাহিদা যে মোহিতলালের লেখার জন্ত হয় নি তার বড় প্রমাণ হ’ল, ঐ সময়ের মধ্যে তাঁর খুব কম লেখাই সাপ্তাহিক সংস্করণে ছাপা হয়েছে। ঐ ১৬ সংখ্যার মধ্যে দ্বাদশ সংখ্যায় ‘দ্রোণ-গুরু’ নামে মোহিতলালের একটি ও পরে ত্রয়োদশ, চতুর্দশ ও ষোড়শ সংখ্যায় গোড়ায় ‘নব রুবাইয়াত’ ও পরে ‘রুবাইয়াৎ-ই-চামার-খায়-আম’ নামে তিন কিস্তিতে আর একটি কবিতা সাপ্তাহিক সংস্করণে ছাপা হয়।

যে ১৬ সংখ্যার “মাত্র ২৮ সেট” অবশিষ্ট ছিল সেই ১৬ সংখ্যায় ৪৫৫ পৃষ্ঠার মধ্যে বিভিন্ন লেখকের ২০টির উপর কবিতা ছাপা হয় (গোটা ‘বিদ্রোহ’ সংখ্যাটাই, মায় ‘সংবাদ সাহিত্য’ পর্যন্ত কবিতায় ছাপা), তার মধ্যে মোহিতলালের মোট উল্লিখিত চারটি। এবং ঐ সময়ের মধ্যে প্রবন্ধে নাটকে গল্পে নিবন্ধে নস্রায় (‘সংবাদ সাহিত্য’ বাদ দিয়েও) ৮০টির উপর গল্প রচনা ছাপা হয়। তার একটিও মোহিতলালের নয়। গল্পে ও পল্পে ঐ কালের মধ্যে (‘সংবাদ সাহিত্য’ নিয়ে) ২০০টির উপর রচনার একটিরও প্রেরণা বা “আদর্শ” মোহিতলালের নয়। এই দুই শতাধিক গল্প রচনার ও কবিতার অধিকাংশই ছিল হাস্ত-কৌতুকে ও ব্যঙ্গ-কৌতুকে উজ্জ্বল রস-সাহিত্য।

‘শনিবারের চিঠি’তে মোহিতলালের প্রথম কবিতা ‘দ্রোণ-গুরু’ কবি কাজি নজরুল ইসলামের প্রতি ব্যক্তি-

গত আক্রমণ। কবিতার মুখবন্ধে তিনি নিজেকে একাধারে কর্ণের গুরু ও অর্জুনাঙ্গ পাণ্ডবকুলের গুরু ‘দ্রোণাচার্য’ বলে বর্ণনা করেছেন। অর্থাৎ মোহিতলাল বলতে চান যে, এক পক্ষে তিনি নজরুলের “গুরু”, অন্য পক্ষে, অশোক, সজনীকান্ত, হেমন্তকুমার, সুধীর চৌধুরী, জীবন-ময় রায়, অবনী ঠাকুর, প্রভৃতি বেনামীতে যারা যারা ‘শনিবারের চিঠি’তে কবিতা লিখতেন তিনি সকলেরই “গুরু”। অথচ, নজরুল ও মোহিতলাল, উভয়ের কবিতার সঙ্গে যার পরিচয় আছে তিনিই জানেন যে, কি ভাষার দিক থেকে, কি ছন্দের দিক থেকে, নজরুল সহজ এবং অত্যন্ত সাবলীল স্বভাব-কবি, আর মোহিতলালের কবিতা অত্যন্ত মাজা-ঘষা, টাঁছা-ছোলা, ইংরেজীতে যাকে বলে chiselled। উভয়ের কাব্য-শৈলী সম্পূর্ণ পৃথক।

অপর পক্ষে, ‘শনিবারের চিঠি’র কবিরা; কবিতা লিখবার আগে মোহিতলালের কবিতা পড়েছিলেন কি না সন্দেহ। তা ছাড়া, সাপ্তাহিক শনিবারের চিঠির অন্যতম বেনামী কবি অবনীন্দ্রনাথ ঠাকুরের “গুরু” মোহিতলাল মজুমদার, এর চেয়ে হাসির কথা নেই।

বরং ‘নব-রুবাইয়াত’ ও ‘রুবাইয়াৎ-ই-চামার-খায়-আম’ পড়লে দেখা যায়, ব্যঙ্গ কবিতায় মোহিতলাল ‘শনিবারের চিঠি’র নতুন কবিদের সাক্ষরদি করবার চেষ্টা করেছেন। এর আগে, অর্থাৎ ‘শনিবারের চিঠি’র কবিকুলের আওতায় আসবার আগে, মোহিতলাল ব্যঙ্গ কবিতা লেখেন নি। তবে ও ধরণের লেখা তাঁর ঐখানেই শুরু ও ঐখানেই শেষ। আর বেশী দূর অগ্রসর হ’ন নি। কারণ রসসাহিত্য সৃষ্টি স্বভাবত serious—কবি মোহিতলালের প্রকৃতি-বিরুদ্ধ।

যাই হোক ‘শনিবারের চিঠি’র আদি পর্বের বিস্তৃত আলোচনা করা বর্তমান প্রবন্ধের উদ্দেশ্য নয়। মোহিতলালের আত্মপ্রকাশ টাইটুশুর ও বহু ভ্রান্তিতে ভরা উল্লিখিত ব্যক্তিগত খেদোক্তিপূর্ণ গ্লানিময় প্রবন্ধটি ছাপার অক্ষরে প্রকাশ না পেলে ভূমিকা স্বরূপ এত কথা বলবার দরকার হ’ত না। সুবুদ্ধি বশতঃ জীবিতকালে তিনি লেখাটি কোথাও ছাপান নি, ছাপালে তখনই জবাব পেতেন।

বর্তমান প্রবন্ধে কেবল সাপ্তাহিক ‘শনিবারের চিঠি’তে প্রকাশিত অবনীন্দ্রনাথ ঠাকুরের দু’টি লেখার পরিচয় দেব। একটি স্বনামে লেখা গদ্য, অন্যটি “রসুন আলী” এই বেনামীতে কবিতা।

‘শনিবারের চিঠি’র জন্মকালে -১৯২৪ সালে, ভারতে



চলছে গান্ধীবুগ এবং বাংলা দেশে সুরু হয়েছে দেশবন্ধু চিত্তরঞ্জন দাশের সোনার পাথর বাটি 'রেম্পলিভ কো-অপারেশনের' ও কংগ্রেস-খিলাফৎ-স্বরাজ্য পার্টির বা সংক্ষেপে 'স্বরাজ্য পার্টি'র যুগ। এই রাষ্ট্রনৈতিক পটভূমিকার 'শনিবারের চিঠি'র জন্ম, এবং এই পটভূমির সঙ্গে 'শনিবারের চিঠি'র একটা যোগ ছিল। কিন্তু সে-কথা এখন নয়।

ঘরে ঘরে চরখার ঘর্ষ। হাতে মাঠে ঘাটে তকুলি। সকলেই জানেন, সে-সময় দেশ-জোড়া এই বৈচিত্র্যহীন একঘেয়ে চরকা-ঘোরানর বাস্তবিক 'রেজিমেন্টেশন্' পছন্দ করতেন না বৈচিত্র্য-ধর্মী সুরের কবি রবীন্দ্রনাথ। অবনীন্দ্রনাথ ও রবীন্দ্রনাথের আত্মপুত্র ছিলেন না, এ-বিষয়ে তিনি ছিলেন রবীন্দ্রনাথের মানসপুত্র।

অবনীন্দ্রনাথ তাঁর অনবদ্য ভঙ্গিতে সাপ্তাহিক 'শনিবারের চিঠি'র দ্বিতীয় সংখ্যায় (শ্রাবণ ১৭) স্বনামে একটি প্রবন্ধ দিলেন, নাম "চরখা না বেহালা।" প্রবন্ধটি ছোট, পুরোটাই এখানে উদ্ধৃত করে দিলাম।

চরখা না বেহালা

(তুলোনার তুলোধোনা)

চরখা—সুতো কাটে ঘোনর ঘোনর সুরসার কিছুই নেই  
কাছেই লোকে চরখার শব্দ শুনে প্যালা দেয়  
নাই

বেহালা—ছড়া কাটে "টাকা দিবি কি না দিবি বল"  
একেবারে নিছকু কাছের কথা, কিন্তু সুরে  
বলে বেহালা অতএব লোকে শুনে খুসি  
হয় এবং প্যালাও দেয়।

চরখা যে কাটে সে সুতোর সন্ধারে লক্ষ্মীকে পায়, কাপড় যে বোনে সে হাতে বহরে লক্ষ্মীলাভ করে, মহাজন সে তাঁতীকে দাদন দিয়ে লক্ষ্মীকে কষে বাঁধন পরায় এবং ছুই পারে সোনার বেড়ী লাগিয়ে লক্ষ্মী ঠাকুরকে নিজের ঘরে অচলা করে রাখে, কিন্তু মহাজন টেরও পায় না যে, 'লক্ষ্মীবিনাস' যাত্রার বেহালাদার কান মলে তার ঘরের কড়ি নিয়ে গেল। তুলার সঙ্গে সম্পর্ক চরখার, তাঁতের সঙ্গে সম্পর্ক বেহালার, সুতরাং দেশকে কাপড় পরাতে গেলে বেহালারও বিশেষ প্রয়োজন। তা ছাড়া চরখার কান মলাও নেই, ছড়ি চালানও নেই, বেহালাতে এ ছটোই আছে অতএব দেশের বর্তমান অবস্থায় বেহালা যন্ত্র চরখা যন্ত্রের অপেক্ষা অধিক প্রয়োজনীয় পদার্থ বলেই বোধ হচ্ছে—তুলোনার ও তুলোধোনার বেহালাই অবরুদ্ধ এবং ভারি বোধ হচ্ছে—ডবল চরখার চেয়ে।

চরখা একটা যন্ত্র, সমাজ বিদ্যালয় কনগ্রেস এমন কি স্বরাজ তন্ত্র এরাও যন্ত্র (জাতা) ছাড়া আর কিছুই নয়। ঘর্ষর শব্দ ছাড়া সুর বার হতে পারে না এসব থেকে,—কিন্তু বেহালা যন্ত্র হলেও তা থেকে সুর ওঠে, সুতরাং এটি হ'ল সমতুল্য বিধাতার অপূর্ব সৃষ্টি মাহুকের শরীর যন্ত্রটির যেটা খুব কাছের অঞ্চল যা' সুরে বলছে, এই কারণে শরীরের সঙ্গে কবিতা বীণা, বানী, বেহালা, তানপুরা, একতারা ইত্যাদি বাস্তবন্ত্রের উপমা দিয়ে থাকেন, জাতার সঙ্গে উপমা দেন সংগার চক্র ইত্যাদি যা পীড়া দেয় সুর দেয় না।

সুতরাং সুর সৃষ্টি একটা প্রমাণ সাধনা যার কাছে বন্ধুর সৃষ্টি খেলাফৎ সৃষ্টি অসহ দুঃসহ সব রকম সৃষ্টি ও অনাসৃষ্টি হার মেনেছে, এটা ক'দিন বেহালা বাজিয়েই আমি বুঝছি। এবং এও দেখছি যদি দেশ উদ্ধারে যাত্রাই করতে হয় আমাদের তবে একখানা বেহালা ও এক ওস্তাদ না হ'লে জাতা কলে প'ড়ে ছাড় হতে হবে, আমাদের রস জমবে না, যাত্রাও একপা চলবে না।

ইতি—

মন্ত্রী নয় যন্ত্রী

শ্রীঅবনীন্দ্রনাথ ঠাকুর

ঠিক পরের সংখ্যাতেই রামানন্দ চট্টোপাধ্যায় এর জবাবে একটি কিঞ্চিৎ দীর্ঘ প্রবন্ধ দিলেন স্বনামে। প্রবন্ধের নাম "চরখার কথা।" (শনিবারের চিঠি, প্রথম বর্ষ, তৃতীয় সংখ্যা, শ্রাবণ ২৪, ১৩৩১, পৃষ্ঠা: ৪২-৪৪)।

প্রবন্ধটি তিনি আরম্ভ করছেন এই ভাবে:

"একটি সংস্কৃত উদ্ভট শ্লোকে আছে যে, সঙ্গীত ও সাহিত্য রসে যাহারা অনভিজ্ঞ, তাহাদিগকে প্রায় 'পুচ্ছ-বিবাহহীন' পত্র বলিলেও চলে। সুতরাং শিল্পাচার্য অবনীন্দ্রনাথ ঠাকুর যে বেহালার গুণকীর্তন করিয়াছেন, তাহা আশ্চর্যের বিষয় নহে। বাস্তবিক বেসুরা কিছুই ভাল নয়। রূপক ভাষায় বলিতে গেলে, সমস্ত বিশ্ব-ব্যাপারই সুরের আলাপ।"

"চরখারও একটা সুর আছে; আমাদের জাতীয় জীবনের সুরের সঙ্গে তাহার সামঞ্জস্য আছে।"

"সঙ্গীতের এবং বেহালা প্রভৃতি বাদ্যযন্ত্রের প্রয়োজন কেহই অস্বীকার করিতে পারেন না। কিন্তু 'উদরে অন্ন না থাকিলে সঙ্গীতের মত স্বর্গীয় জিনিষও ভাল লাগে না,' তাহা সৃষ্টি বা উপভোগ করিবার ইচ্ছা ও ক্ষমতা থাকে না।"

"চরখা গরিবের অন্নের একটি উপায়। আমি এই দিক্ দিয়েই ইহার সমর্থন করি। সাক্ষাৎভাবে

স্বরাজ লাভের উপায় ইহা না হইতে পারে; কিন্তু নিজেদের অভাব নিজেরা পূর্ণ করিবার ক্ষমতা স্বরাজের একটা অঙ্গ, এবং চরখা তাহার অন্ততম সাধন। তা ছাড়া দারিদ্র্যের 'একান্ত' পীড়ন দূর হইলে, এবং নিজের চেষ্টায় তাহা দূর করিয়াছি এই বিশ্বাস জন্মিলে, মনের যে জোর হয়, তাহা রাষ্ট্রীয় স্বরাজ লাভে সাহায্য করিতে পারে, ইহা বোধ করি স্বীকার্য।”...

পরে এক জায়গায় লিখছেন :

“আমেরিকার প্রসিদ্ধ মোটর গাড়ী নির্মাতা ফোর্ড সাহেব একটা একরূপ কার্যপদ্ধতি উদ্ভাবন করিতে চেষ্টা করিতেছেন, যাহাতে তথাকার লোকে গ্রামে থাকিয়া চাম্বাস করিবার সঙ্গে সঙ্গে অন্যান্য কাজও অবসর সময়ে করিতে পারে। তাহার জন্ত সম্ভবতঃ জলের শক্তি ও বিদ্যুতের শক্তি ব্যবহৃত হইবে। এমন দিন আসিবে যখন আমাদের দেশেও পাড়ারগায়ে লোক ঘরে বসিয়া বৈদ্যুতিক শক্তির সাহায্যে সূতা কাটিতে ও তাঁত চালাইতে পারিবে। তখন তারা মিলের সূতা ও কাপড়ের সঙ্গে টক্কর দিতে পারিবে। কিন্তু সেই দিনের অপেক্ষায় এখন আলস্তে বৃথা গল্পগুজবে বিবাদ-কলহে ব্যসনে অমূল্য জীবন নষ্ট করা উচিত নয়।”...

এই ব'লে প্রবন্ধ শেষ করছেন :

“বিলাতী কলের সূতা ও কাপড় ভারতবর্ষে আসিবার পূর্বে অতি স্বল্প চাকাই মুসলিম চরখার সূতাতেই প্রস্তুত হইত। কিছুদিনের অভ্যাসের পর অনেকে মিহি সূতা কাটিতে পারিবেন। তখন মিহি সূতার খদ্দর পাওয়া যাইবে, এবং স্বল্প বস্ত্র বয়ন শিল্প লোপ পাইবে না।”

প্রবন্ধটি মূল্যবান। আজকে স্বাধীন ভারতেও এর মধ্যে ভাবার কথা আছে।

কিন্তু অবনীন্দ্রনাথ দম্বার পাত্র নন। তিনি শিল্পী ও কবি, কঠিন যুক্তি দিয়ে তাঁকে ঠোকানো সম্ভব নয়। এবার তিনি কবিতার আশ্রয় নিলেন—বেনামীতে। মেঘনাদ এবারে সম্মুখ সমর ছাড়ি চলি গেলা মেঘের আড়ালে।

\* \* \*

চিন্তরঞ্জন-মতিলালের স্বরাজ্য পার্টি জন্মমাট। কলিকাতা কর্পোরেশনে স্বরাজ্য-পার্টির স্বর্ণ-সিংহাসন, মসনদে স্বয়ং দেশবন্ধু। বড় শরিক গান্ধীজীর বাদী পুত্র 'ননু-কো-অপারেশন'-এর মামলায় দেশবন্ধু চিন্তরঞ্জনের বিবাদী পুত্র 'রেম্পলিভ্ কো-অপারেশন'-এর সওয়াল জবাবের বিপুল আওয়াজে বাজার সরগরম। বাদী আদালতে গরহাজির ডিক্রী একতরফা, বিবাদীর জিত।

খিলাফতের ছোট ভাই 'শতকরা ৪৫:৫৫—চুক্তি'র গাঁটছড়ায় হিন্দু-মুসলমানকে অচ্ছেদ্য প্রেমের বাঁধনে আট্টেপুঠে বেঁধে ফেলবার আয়োজন করেছেন দেশবন্ধু।

গরজ বড় বালাই। গরজে খিলাফৎ, গরজে '৪৫:৫৫' হিন্দু-মুসলিম চুক্তি। কিন্তু গরজ ফুরোলে ?

দারুণ দুর্যোগ। আকাশে মেঘের জটাজাল, চারি দিক অন্ধকার। ঘন ঘন বিদ্যুৎ, মুহুমূহ বনশূলী কম্পিত ক'রে বজ্র পতন। মূলধারে বর্ষণ। মধ্যখানে একটুখানি আশ্রয়, পাশাপাশি এসে দাঁড়িয়েছে বাঘে ও হরিণে। কিন্তু বৃষ্টি যখন থামবে, মেঘ যখন কেটে যাবে, আকাশ পরিষ্কার হবে ?

আগত সন্ধ্যার ধনায়মান অন্ধকারে একই গাছে আশ্রয় নিল কাকে-কবুতরে, একই ডালে বাজে-বুলবুলিতে, শুধু যতক্ষণ রাত।

রাষ্ট্রনৈতিক প্রয়োজনে হিন্দু-মুসলমানে 'শতকরা' চুক্তি, চরখার সঙ্গে বেহালার সহাবস্থান, বাজপাখীর সঙ্গে বুলবুলির মিতালি, যত মত তত পথের পেলাই মজলিশ। কিন্তু সাময়িক প্রয়োজন যখন ফুরিয়ে যাবে, মৎলব হাসিল হবে, অন্ধকার রাত প্রভাত হবে, তখন চুক্তির শেষ রক্তে, সহাবস্থানের অবস্থান গোরস্থানে। তখন মিতালির গুলতানি যাবে টুটে, যত মত তত পথ যার যার পথ দেখবে। তখন জোর যার মূলুক তার—গায়ের, গলার বা গিণি সোনার।

\* \* \*

মাস খানেকের মধ্যে অবনীন্দ্রনাথের কবিতা এসে পৌছিল 'শনিবারের চিঠি'র জন্ত। অশোকের মারফৎ পাণ্ডুলিপিটি এল আমার হস্তে, গোপনে। ঠিক রইল, কবির নাম প্রকাশ করা হবে না। লড়াইটা অবনীন্দ্র-রামানন্দ - রবীন্দ্রনাথ ভাস্কী গান্ধীজী। দীর্ঘকাল নাম প্রকাশ করা হয় নি। আজ অবনীন্দ্রনাথও নেই, রামানন্দও নেই, রবীন্দ্রনাথ গান্ধীজী কেহই নেই, আদি পর্বের 'শনিবারের চিঠি'ও নেই, সুতরাং কবি "রসুন আলী"র নাম প্রকাশেও আর বাধা নেই।

কবিতাটি ছোট, পুরো তুলে দিলাম 'শনিবারের চিঠি', প্রথম বর্ষ, নবম সংখ্যা, আশ্বিন ৪, ১৩৩১, পৃ: ২০২-৩)। এই বিচিত্র লিখনশক্তি, বিশিষ্ট শৈলী একমাত্র অবনীন্দ্রনাথেই সম্ভব। এবারে জবাব দেওয়া কঠিন, কারণ হেয়ালিতে লেখা, লিখেছেন শিল্পীর রাজা।

নানা পংহি  
একহী দরখত্ পর  
সামকো দাখিল হো গিয়া  
চুল্বুলাতে রহ গিয়া  
বহতী মজে পর ।

কাউয়া কবুতর এক জগা পর  
এক ডারমে বাজেঁ বুল্বুল  
বোল্তে চুঁচবুল চুঁচবুল চুঁচবুল  
গুল্‌তন্‌ মচায়া ।

রাত গুজ্‌রা ফজ্‌রু হ্যা তো  
ঝট্‌কা মারা এক ছস্‌রেকো  
বটি জোরদার  
পটি সোরসার,  
কাউয়া বোলা  
তটো কবুতর  
হুঁ বুল্বুল।  
হুঁতেই চল্ ।

তিস্‌রে পহর বাদ  
চৌথে পহর মে  
কোই ন হুঁ  
বৈঠ্‌তী মজেমে  
একসে গুর জুদা ঝট্‌পট্  
রৌশন্‌ চৌকী চট্‌পট্  
বোল্‌তী

রসুন্‌ আলী ।

এটা কি “অতি ভুচ্ছ” “নদ’মার” কবিতা ব’লে  
মনে হয় ?


কবিতার নীচে সুরে সুর মিলিয়ে শনিমণ্ডলী-ধাঁচে  
একটু সম্পাদকীয় ফুটনোট জুড়ে দেওয়া গেল :

নানা জাতির, নানা ধর্মের, নানা ভাষার নানান্‌তর আদর্শ,  
উৎসব, সঙ্গীত, বক্তৃতা, উৎসব, দোষ, গুণ, ক্রটি, হাটেরহাঁড়ি, কাটা  
কান, ইত্যাদি, ইত্যাদি । এ সব ইতিহাসের কথা, কালকের কথা, যা  
হয়ে গেছে ও হয়ে এসেছে তার কথা । ও সব নিয়ে খাঁটানো ভাল  
না । আমরা চাই মিলন, চাই একতা । সমস্তের মিলনাশায় অব্যবহা  
রহীন, বর্তমান মশগুল । বিস্ত্রিতা ও বৈচিত্র্যকে একতা মিলনের  
প্রেমসূত্রে সেদাই করে যে প্রচণ্ড সংহত শক্তি, যে উন্নত সম্ভার উদ্ভব  
হবে, এই কবিতাটি সেই উন্নতিরই প্রথম ধাপ ।

সঃ শঃ চিঃ

সেদিন শিল্পী অবনীন্দ্রনাথ সাপ্তাহিক ‘শনিবারের  
চিঠি’র পাতায় যে ছবি এঁকেছিলেন, আজকের ভারতে,  
আজকের দুনিয়ায় সেটা কি হাজার রঙে ফুটে উঠছে  
না ?

‘শনিবারের চিঠি’র সাপ্তাহিক সংস্করণের পাতা-চাপা  
অনেক রত্নই আজ প’ড়ে আছে অবহেলায়, লোকচক্র  
বাইরে । আজকের ‘চিঠি’ দেখে যেন কেউ আদি পর্বের  
‘চিঠি’র বিচার না করেন । আকৃতিতে ও প্রকৃতিতে  
উভয়ের তফাৎ অনেক । সে ‘চিঠি’ আজ তার বহু  
রচনা সম্ভার সমেত বিশ্বতির অতল-তলে ।



## ১৯৩০ সনের বিপ্লব-সাধনার পশ্চাৎপট

শ্রীকমলা দাশগুপ্ত

বিংশ শতাব্দীর প্রথম থেকে ভারতের রাজনৈতিক আশা-আকাঙ্ক্ষা সুস্পষ্ট ভাবে জেগে উঠতে লাগল। বিভিন্ন সভা-সম্মেলনে রাজনৈতিক অধিকারের দাবী সরব হয়ে উঠল। সে দাবী পূরণ না হওয়াতে বিদেশী শাসনের বিরুদ্ধে অসন্তুষ্টি ক্রমেই বেড়ে গেল। ব্রিটিশ কর্তৃপক্ষ মর্নি-মিণ্টো শাসন সংস্কার দিয়ে অসন্তুষ্টি দূর করতে চাইল। কিছু সংখ্যক লোক এই শাসন সংস্কার মেনে নিলেন। কিন্তু রাজনৈতিক সচেতনতা বৃদ্ধির ফলে দেশের মধ্যে অসন্তুষ্টি তীব্রতর হয়ে উঠল। দাবী-দাওয়ার ভাষাও হ'ল তীক্ষ্ণ।

অপর দিকে বিপ্লবীরা শতাব্দীর প্রথম থেকেই ভিন্ন আদর্শে গড়ে ওঠেন। তাঁরা বললেন, আবেদন-নিবেদনে স্বাধীনতা মেলে না, স্বাধীনতা অর্জন করতে হয় নিজেদের শক্তিতে। দুনিয়ার ইতিহাস এই শিক্ষাই দেয়। তাই তাঁরা শশস্ত্র বিপ্লবের পথেই অগ্রসর হন। যথেষ্ট শক্তি সঞ্চয় না করা পর্যন্ত তাঁদের সংগঠন ও কর্মধারা কঠোর গোপনীয়তা রক্ষা করেই চলল। অসাড় নিদ্রার আচ্ছন্ন জাতকে সচকিত জাগ্রত করে তুলবার দুর্দমনীয় আকাঙ্ক্ষা নিয়ে তাঁরা প্রাণের বদলে অকাতরে প্রাণ ঢেলে দিতে লাগলেন। তার পর প্রথম বিশ্বযুদ্ধের কালে ইংরেজের শত্রু জার্মানীর কাছ থেকে অস্ত্রশস্ত্র এনে সারা ভারতব্যাপী একটা বৈপ্লবিক অহুত্থানের চেষ্টায় তাঁদের প্রতিনিধিরা জার্মানীর সঙ্গে যোগাযোগ স্থাপন করেন। উদ্দেশ্য—খণ্ডিত দিয়ে বিপ্লব-যুদ্ধের পথের পরিচয় দেওয়া। কিন্তু দেশের এবং বিদেশের কিছু লোকের বিশ্বাসঘাতকতায় এই প্রচেষ্টার খবর ইংরেজ জেনে ফেলে। সঙ্গে সঙ্গে গ্রেপ্তার, কারাদণ্ড ও নিপীড়ন করে বিপ্লবী সংগঠনকে তারা নিশূল করতে চায়। বিপ্লবী দলের ব্যাপকতা, গভীরতা ও দুঃসাহসিকতার পরিচয় পেয়ে ইংরেজ শত্রুত্বের জন্ত শঙ্কিত হয়ে ওঠে। তাই তারা বিপ্লবকে পিষে মারার জন্ত রাউলাট এ্যাক্ট পাস করে নির্বিচারে সশ্রমবশে গ্রেপ্তার ও অনির্দিষ্ট কালের জন্ত কারারুদ্ধ করে রাখার নোংরা অস্ত্রটি হাতে তুলে নের।

১৯১৯ সনে গান্ধীজীর নেতৃত্বে বে-আইনী আইন

রাউলাট এ্যাক্টের বিরুদ্ধে সারা ভারতব্যাপী প্রতিবাদ ও বিকোভ জেগে ওঠে। প্রতিবাদ দিবসে পাঞ্জাবের জালিয়ানওয়ালাবাগে নিরস্ত্র ভারতীয় জনতার উপর ইংরেজের নিষ্ঠুর হত্যাকাণ্ডের পর গান্ধীজীর নেতৃত্বে কংগ্রেস ইংরেজের বিরুদ্ধে অসহযোগ আন্দোলন শুরু করে ১৯২১ সনে। ভারতের জনসাধারণ অপ্রত্যাশিত সাড়া দিয়ে আন্দোলনে দলে দলে কাঁপিয়ে পড়েন। কারামুক্ত বিপ্লবীরাও গণজাগরণের সুষ্ঠু পছা হিসাবে এই আন্দোলনে আন্তরিকতার সঙ্গে যোগদান করেন। তার পূর্বে অবশ্য গান্ধীজীর সঙ্গে এ নিয়ে এঁদের খোলাখুলি আলোচনা হয়। তাঁরা স্পষ্ট দেখতে পেলেন এই আন্দোলন সফল না হলেও এর ভিতর দিয়ে দেশের জনসাধারণের মধ্যে স্বাধীনতার আকাঙ্ক্ষা, ইংরেজ শাসনের প্রতি প্রবল বিতৃষ্ণা ও প্রতিরোধ-শক্তি জেগে ওঠার সম্ভাবনা আছে।

বিপ্লবীরা গান্ধীজীকে কথা দিলেন, বিপ্লবী আন্দোলনকে এক বছরের জন্ত স্থগিত রাখবেন এবং সর্বান্তঃকরণে কংগ্রেস আন্দোলনের জন্ত কাজ করে যাবেন। ১৯২২ সনে চৌরিচৌরার ঘটনার পর গান্ধীজী কংগ্রেস আন্দোলন প্রত্যাহার করেন। আন্দোলন বন্ধ হয়ে গেল, গান্ধীজীর কাছে কথা দেওয়া সেই এক বছরও কেটে গেছে। তখন আবার বিপ্লবীদের নিজেদের চিন্তা-ধারা অহুত্থানী কর্মসূচী গ্রহণ করবার সময় এল। বিপ্লবীদের পুনর্গঠনের এবং অস্ত্রশস্ত্র সংগ্রহের কাজ আরম্ভ করার সিদ্ধান্ত তাঁরা গ্রহণ করলেন।

দেশবন্ধু চিন্তারঞ্জন দাশ তখন স্বরাজ্য পার্টির কাজে সম্পূর্ণরূপে নির্ভর করছেন এই বিপ্লবীদের উপর সমস্ত জেলায়। তা ছাড়া, বঙ্গীয় প্রাদেশিক কংগ্রেস কমিটিও তখন এঁদের হাতে। এই ভাবে বাংলা দেশের সমস্ত রাজনৈতিক কার্যকলাপ এবং গুপ্ত সংগঠন এই দলের হাতে চ'লে আসছিল। সেটা ইংরেজ শাসকগণ পছন্দ করতে পারে নি। পুলিশ এই দলকে ভেঙে দেবার জন্ত নানা ভাবে চেষ্টা ও কারসাজি করতে থাকে।

১৯২৩-২৪ সনে ইংরেজ গভর্নমেন্ট যুগান্তর দলের নেতা ডাঃ বাহুগোপাল মুখোপাধ্যায়, অমরেন্দ্রনাথ চট্টো-



পাধ্যায়, সুরেন্দ্রমোহন ঘোষ, হরিকুমার চক্রবর্তী, সুভাষ-  
চন্দ্র বসু প্রমুখ বহু বিপ্লবীকে গ্রেপ্তার করে বিনা বিচারে  
রাজবন্দী হিসাবে আটক রাখে ১৯২৮ সন পর্যন্ত।

প্রথম দল গ্রেপ্তার হবার পরেই তরুণ বিপ্লবী গোপী-  
নাথ সাহা অত্যাচারী পুলিশ কমিশনার টেগার্ট সাহেবকে  
হত্যা করার জন্ত অধৈর্য্য হয়ে ওঠেন। একজন এজেন্ট  
প্রভোকেটিওর ইচ্ছে করে টেগার্ট সাহেবের পরিবর্তে  
আর্নেস্ট ডে সাহেবকে দেখিয়ে দেয় গোপীনাথকে। গোপী-  
নাথ এই এজেন্ট প্রভোকেটিওরকে দলের লোক বলেই  
বিশ্বাস করতেন। পুলিশ এই ভাবে দলের ভিতরে  
ভিতরে নিজেদের এজেন্ট প্রভোকেটিওর রাখত। অল্প  
দেখেও এরকম করার ইতিহাস আছে। অকপট বিশ্বাসে  
গোপীনাথ ভুল করে টেগার্ট সাহেবের বদলে আর্নেস্ট  
ডে সাহেবকে হত্যা করেন ১৯২৪ সনের জানুয়ারী  
মাসে। ফাঁসী হয়ে যায় গোপীনাথ সাহার।

১৯০৮ সনে সকল রাজবন্দী মুক্তি পান। মুক্তি  
পাবার আগে জেলের মধ্যেই যুগান্তর ও অহুশীলন দুইটি  
বিপ্লবী দলের নেতৃত্ব বাইরে এসে একসঙ্গে মিলিত  
ভাবে কাজ করার সিদ্ধান্ত গ্রহণ করেন। দুই দলের  
শীর্ষস্থানীয় নয়জন নেতাকে নিয়ে একটি কমিটি গঠিত  
হয়। ডাঃ যাহুগোপাল মুখোপাধ্যায় হলেন এই কমিটির  
প্রধান। এই সময় ড্যান ব্রিন-এর লিপিত 'মাই কাইট  
ফর আইরিশ ফ্রিডম' বইখানি খুব জনপ্রিয় ছিল।  
বাংলার বিপ্লবীদের মধ্যেও একটি স্বেচ্ছাসেবক বাহিনী  
গঠন করার পরিকল্পনা এখন থেকেই আসে। ১৯২৮  
সনে বিপ্লবীদের ঐ নয়জনের শীর্ষ কমিটিতে ভূপেন্দ্রকুমার  
দত্ত প্রস্তাব করেন যে, কলকাতা কংগ্রেস অধিবেশনের  
সুযোগে স্বেচ্ছাসেবক বাহিনী গঠনকে একটি আন্দোলন  
হিসাবে গড়ে তোলা হোক। সেই পরিকল্পনা অহুয়ারী  
কংগ্রেস অধিবেশনের সময়ে স্বেচ্ছাসেবক বাহিনী গঠিত  
হয় এবং তার সর্বাধিনায়কত্বের ভার পড়ল সুভাষচন্দ্র  
বসুর উপর। বাংলার বিভিন্ন জেলা থেকে আগত  
তরুণ স্বেচ্ছাসেবকদের মধ্যে বিপ্লবী ভাবধারা সঞ্চারিত  
করে চললেন বিপ্লবী নেতাগণ। জেলায় জেলায়  
ভলান্টিয়ার দলও গড়ে ওঠে।

ওদিকে কংগ্রেসের ১৯২১ সনের অসহযোগ  
আন্দোলন সকল না হলেও আন্দোলনের কালে ভারতের  
জনসাধারণের মধ্যে ইংরেজের বিরুদ্ধে অসন্তুষ্টি চরম  
আকার ধারণ করে। বিপ্লবী দল এবং কংগ্রেস ছাড়াও  
অসন্তুষ্টি দলগুলির মধ্যে রাজনৈতিক অধিকারের দাবী  
উত্থাপন হয়ে ওঠে। ব্রিটিশ কর্তৃপক্ষ তখন বলেন, রাজ-

নৈতিক দলগুলি একমত হয়ে কোন দাবী উপস্থিত করলে  
তা সহানুভূতির সঙ্গে বিবেচনা করা হবে। এই উদ্দেশ্যে  
১৯২৭-২৮ সনে কংগ্রেস, মুসলীম লীগ, লিবারেল পার্টি,  
হিন্দুমহাসভা প্রভৃতির প্রতিনিধিদের নিয়ে পণ্ডিত মতি-  
লাল নেহরুর সভাপতিত্বে একটি কমিটি গঠিত হয়। এই  
নেহরু কমিটির রিপোর্ট প্রকাশিত হ'লে দেখা গেল,  
ডোমিনিয়ান স্টেটস বা উপনিবেশিক স্বায়ত্ত শাসনই  
ভারতের রাজনৈতিক লক্ষ্য বলে সর্বসম্মতিক্রমে সিদ্ধান্ত  
গ্রহণ করা হয়েছে।

এই সময়ে জহরলাল নেহরু মস্কো থেকে ফিরে এসে  
ইণ্ডিপেন্ডেন্স লীগ গঠন করার কাজে এগিয়েছিলেন।  
বিপ্লবীরা দেখলেন, এই প্রতিষ্ঠানে যোগ দিয়ে এরই  
মারফৎ দেশের মধ্যে বিপ্লবী ভাবধারা প্রচারের সুযোগ  
মিলবে। ১৯২৮ সনে দিল্লীতে নিখিল ভারত কংগ্রেস  
কমিটির (এ. আই. সি. সি.) অধিবেশনে বাংলার  
বিপ্লবীদের কয়েকজন যোগদান করেন। সেখানে  
ইণ্ডিপেন্ডেন্স লীগ পুনর্গঠিত হয় শ্রীনিবাস আয়েঙ্গারকে  
সভাপতি এবং জহরলাল নেহরু ও সুভাষচন্দ্র বসুকে  
যুগ্ম সম্পাদক করে।

১৯২৮ সনের কলকাতা কংগ্রেসের অধিবেশনে সর্ব-  
দলীয় সম্মেলনের সিদ্ধান্ত অহুয়ারী গান্ধীজীর প্রস্তাব ছিল  
যে উপনিবেশিক স্বায়ত্তশাসন বা ডোমিনিয়ান স্টেটস হবে  
কংগ্রেসের লক্ষ্য। কিন্তু বাংলার বিপ্লবীরা এতে বিশেষ  
ভাবে ক্ষুব্ধ ও বিচলিত হন। ব্রিটিশ-কবল-মুক্ত পূর্ণ  
স্বাধীনতাই বিপ্লবীদের আদর্শ। বাংলার বিপ্লবীদের  
চিন্তাধারার সেই ঐতিহ্যের পরিপন্থী ইংরেজের অধীনে  
স্বায়ত্ত শাসন প্রস্তাব বাংলা দেশের বুকে বসে বিনা  
বাধায় গৃহীত হবে এটা তাঁরা কিছুতেই সহ্য করতে  
পারছিলেন না।

এ. আই. সি. সি. মিটিং-এর আগের দিন রাতে  
একটা ঘরোয়া বৈঠকে শ্রীনিবাস আয়েঙ্গার, জহরলাল  
নেহরু এবং সুভাষচন্দ্র বসু এঁরা তিনজন গান্ধীজী এবং  
অসন্তুষ্টি প্রবীণ কংগ্রেস নেতাদের কাছে কথা দিয়ে এলেন  
যে, ডোমিনিয়ান স্টেটসের প্রস্তাব তাঁরা মেনে নেবেন,  
অন্ততঃ তার বিরোধিতা করবেন না।

গভীর রাতে বাংলার বিপ্লবী নেতাদের মধ্যে এ  
বিষয়ে আলোচনার পর স্থির হয় যে, পরদিন সকালে  
এ. আই. সি. সি.র মিটিংয়ে ডোমিনিয়ান স্টেটস প্রস্তাবের  
বিরোধিতা করী হবে। সেই রাতেই শরৎ বসুকে  
রাজী করান হয় এবং সেই অহুসারে তিনি এ. আই. সি.  
সি. মিটিংয়ে প্রস্তাবের বিরোধিতা করেন পরদিন ভোরে।

বিপ্লবীদের তরফ থেকে বিশিষ্ট নেতৃত্ব বিস্তৃত প্রদেশের প্রতিনিধিদের ক্যাম্প ঘুরে ঘুরে এই প্রস্তাবের বিরুদ্ধে মত গঠন করতে থাকেন, তাতে যথেষ্ট সাড়াও পান। এবং বাংলার প্রাদেশিক কংগ্রেসের সভ্যদের নির্বন্ধাতিশয্যে সুভাষচন্দ্রও প্রকাশ্য অধিবেশনে ডোমিনিয়ান স্টেটস প্রস্তাবের বিরোধিতা করেন।

বিষয় নির্বাচনী সমিতিতে বাংলার তরফ থেকে প্রবল বিরোধিতা করা হয় এবং প্রকাশ্য অধিবেশনেও বিরোধিতা করার সিদ্ধান্তে অত্যাচার প্রদেশের প্রতিনিধিদের প্রচুর সমর্থন লাভের সম্ভাবনা দেখা দেয়। ফলে গান্ধীজী মধ্যপন্থা অবলম্বন করাই স্থির করলেন। তিনি ঘোষণা করেন, আপাততঃ ডোমিনিয়ান স্টেটস রইল আদর্শ। কিন্তু যদি এক বছরে ব্রিটিশ গভর্নমেন্ট ডোমিনিয়ান স্টেটস না দেয় তবে এক বছর পরে পূর্ণ স্বরাজ হবে কংগ্রেসের আদর্শ এবং পূর্ণ স্বাধীনতা আনবার জন্তু আইন অমান্য আন্দোলন আরম্ভ করা হবে। প্রকাশ্য অধিবেশনে ডোমিনিয়ান স্টেটস প্রস্তাবের পক্ষে ১.০০ ভোট পড়ে এবং পূর্ণ স্বাধীনতার পক্ষে ৪০০ ভোট। গান্ধীজীর বিরুদ্ধে দাঁড়িয়ে এদিনে এই ভোট সংখ্যাকে বিপ্লবীরা কম মনে করেন নাই। কিন্তু তার চেয়ে বড় লাভ হ'ল গান্ধীজীর ঐ প্রতিশ্রুতি—এক বৎসর পরে পূর্ণ স্বাধীনতা আদর্শ ঘোষণা ক'রে সেই লক্ষ্যে পৌঁছাবার উদ্দেশ্যে প্রত্যক্ষ সংগ্রাম।

এখান থেকে আবার নতুন ক'রে বিপ্লবী কর্মসূচীর সূত্রপাত। তাঁরা বুঝলেন, ইংরেজ স্বেচ্ছায় ডোমিনিয়ান স্টেটস দেবে না এবং এক বছর পরে পূর্ণ স্বরাজের প্রস্তাব পাস হলেও সেটা বাস্তবে পরিণত করতে গেলে সশস্ত্র সংগ্রামের প্রয়োজন হবে। অতএব আগে থেকেই সেই অসুযোগী প্রতিষ্ঠানকে গ'ড়ে তোলা প্রয়োজন। এই পরিকল্পনা অসুযোগী বিপ্লবীদের একটা অংশ কংগ্রেসকে শক্তিশালী করার জন্তু গণ-আন্দোলনে যোগ দিলেন। তাঁরা জাতীয় জাগরণ আনবার জন্তু আত্মনিয়োগ করলেন। আরেকটা অংশ সশস্ত্র বিদ্রোহের প্রস্তুতির জন্তু বিপ্লবী সংগঠন গ'ড়ে তুলবার কাজে সচেষ্ট হলেন।

যুগান্তর দল এই কর্মসূচী কাজে পরিণত করার দিকে মন দিল। যুবমনে বৈপ্লবিক প্রেরণা জুগিয়ে তুলবার প্রয়াসে 'স্বাধীনতা' নামে যুগান্তর দলের একখানা সাপ্তাহিক মুখপত্র প্রকাশিত হতে থাকে। তাতে কংগ্রেসের আইন অমান্য আন্দোলনের গতি-প্রকৃতি ও পরিণতির সম্ভাবনা নিয়ে নিপুণ বিশ্লেষণ এবং আসন্ন বৈপ্লবিক আন্দোলনের ইঙ্গিত পূর্ণ সম্পাদকীয় প্রবন্ধ

সপ্তাহের পর সপ্তাহ বাংলার যুবকদের একটা নতুন চেতনায় উদ্ভূত ক'রে তুলতে লাগল। ১৯৩০ সনে কি ঘটবে সে কথা 'স্বাধীনতা'য় বেশ স্পষ্ট ভাষায় বলা হ'ল। গভর্নমেন্ট ১৯২১ সনের অপেক্ষা অনেক বেশী অত্যাচার চালাবে আন্দোলনকে পিসে মারার জন্তু। সমস্ত হিংস্র শক্তি দিয়ে তারা অহিংস জনতার টুঁটি চেপে ধরবে। সেই অত্যাচারের মুখে একতরফা মার পেতে যেতে অহিংস নিরস্ত্র জনতার নৈতিক বল হয়ত ভেঙে পড়বে। হয়ত হিংসার পীড়নকে রোধ করবার শক্তি তারা হারিয়ে ফেলবে। সেই সময় যদি বিপ্লবীদের পক্ষ থেকে একটা প্রত্যাঘাত করার চেষ্টা হয় তবে হয়ত আইন অমান্য আন্দোলন ব্যর্থ হলেও জাতির নৈতিক বল বাড়বে।

এতে একদিকে ইংরেজ জানবে, তাদের শক্তিমদোন্মত্ত শাসনযন্ত্রের ভিত্তিগূলে আঘাত হানবার স্পর্ধা রাখে দেশের একটা অংশ। তারা বিপ্লবী, তারা মৃত্যুপণে অনমনীয়। তারা দাঁড়িয়ে মরবে না, আঘাত হেনে ইংরেজ শক্তিকে ভূমিকম্পে ফাটিয়ে দিয়ে তবে মরবে। বিপ্লবীরা নিজেদের নিঃশেষে বলি দিয়ে দেশকে শেখাবে অত্যাচারকে আঘাত ক'রে আত্মবিস্ময় দিতে। জাতির মনে জেগে উঠবে আত্মবিশ্বাস। এই উদ্দেশ্য নিয়েই ১৯২৮ সনে থেকে বিপ্লবী আন্দোলনের যে প্রস্তুতি চলছিল সেটাকে আরও ত্বরান্বিত করা হয়। আরম্ভ হয়ে যায় অস্ত্রশস্ত্র সংগ্রহ এবং বোমা-বারুদ তৈরীর কাজ।

এক বছর পার হয়ে গেল, ডোমিনিয়ান স্টেটস মিলল না। সুতরাং ১৯২৯ সনে লাহোর কংগ্রেসে পূর্ণ স্বাধীনতার প্রস্তাব গৃহীত হয় এবং লক্ষ্যে পৌঁছাবার উদ্দেশ্যে আইন অমান্য আন্দোলন আরম্ভ করার সর্ব-প্রকার কর্তৃত্ব গান্ধীজীর উপর অর্পণ করা হয়। যুগান্তর দল গণআন্দোলনের নেতাক্রমে গান্ধীজীকে মেনে নেন।

১৯৩০ সন। শুরু হয়ে গেল কংগ্রেসের আইন অমান্য আন্দোলন। গান্ধীজী স্বয়ং দণ্ডি অভিযান করলেন। ধাড়াশানাতে লবণ আইন ভঙ্গ ক'রে কাঁটা তারের বেড়া (Barbed wire) কেটে সরকারী গোলায় লবণ বের ক'রে আনা হয়। বিপ্লবীরা এই সব লক্ষ্য ক'রে চলেছিলেন। তাঁরা দেখলেন যে, গান্ধীজীর আত্মানে জনগণ ১৯২১ সনের অপেক্ষাও বিপুল শক্তি নিয়ে অধিকতর সংখ্যায় সাড়া দিচ্ছে এবং আরও দেবে।

জেলের মধ্যে যুগান্তর ও অসুযোগী দুইটি বিপ্লবীদের এক সঙ্গে মিলিত ভাবে কাজ করার যে সিদ্ধান্ত গ্রহণ

করা হয়েছিল তা বাইরে এসে বেশীদিন টিকিয়ে রাখা সম্ভব হয় নি। ১৯২৮ সনের মধ্যেই সে মিলনের গ্রহি ছিন্ন হয়ে যায়।

পূর্বে যুগান্তরের অংশ ছিলেন কিন্তু অসহযোগ আন্দোলনের কালে বিচ্ছিন্ন হয়ে যান এমন ছ'একটি দল যুগান্তর অহুশীলনের মিলনের কালে ফিরে আসেন। ১৯২৯ সনের ভিতর অহুশীলনের সঙ্গে মিলন সম্পূর্ণ নষ্ট হয়ে গেলেও এঁরা কিন্তু যুগান্তরের সঙ্গেই থেকে যান এবং এই সময়ের কর্মসূচীতে বিশেষ কৃতিত্ব দেখান।

১৯২৯ সনেই যুগান্তরের নেতারা স্থির করেন যে, বাংলা দেশের সমস্ত জেলাতেই এক সঙ্গে বিপ্লবী সংগ্রাম শুরু হওয়া প্রয়োজন এবং তাই করার যথাসম্ভব ব্যবস্থা হয়।

বোমা তৈরি চলতে থাকে গোপনে কলকাতায়। যোগেন দে সরকার ছিলেন প্রথম বিশ্বযুদ্ধের কালের দলের একজন পুরাণো বিশ্বস্ত কর্মী, প্রাক্তন স্টেট প্রিজনার। তিনি অরুণচন্দ্র গুহ ও ভূপেন্দ্রকুমার দত্তকে বলেন যে, মিলিটারীতে ব্যবহার করা হয় যে টি. এন. টি বোমা তা তৈরি করা যেতে পারে। কয়েকজন যোগ্য কর্মী বোমা তৈরির কাজে নিযুক্ত হ'লে তিনি সর্বপ্রকারে সাহায্য করবেন। তখন পুলিশের কোপদৃষ্টিতে না পড়া একদল কর্মীর উপর এই বোমা তৈরির এবং বিলি ব্যবস্থার সকল রকম আয়োজনের ভার দেওয়া হয়। এঁদেরই একজন ডাঃ নারায়ণ রায় কয়েকটি যুবককে নিয়ে হাতে-কলমে বোমা তৈরির কাজ উৎসাহের সঙ্গে শুরু করলেন। টি. এন. টি তৈরির বাস্তব অসুবিধার ক্ষেত্রে বোমা-বিশেষজ্ঞ যোগেন দে সরকার প্রতি পদে পদে ডাঃ নারায়ণ রায়কে সাহায্য ক'রে বোমা তৈরি সফল ক'রে তুললেন। অস্ত্র যোগাড়ও কিছু কিছু চলতে লাগল।

পরিকল্পনা ছিল, প্রস্তুতি সম্পূর্ণ হ'লে বাংলা দেশের সর্বত্র এবং তার বাইরেও বিপ্লবী সংগ্রাম ছড়িয়ে দেওয়া হবে। ১৯৩০ সনের প্রথম দিকে দেখা গেল, সমস্ত জেলার প্রস্তুতি সম্পূর্ণতার পথে সমানভাবে অগ্রসর হয় নি। অস্ত্র খুবই কম, বোমা তখনও অসম্পূর্ণ। চট্টগ্রামের বিপ্লবীরা কিছু অস্ত্রশস্ত্র যোগাড় করতে পেরেছিলেন। তখনকার উপযোগী একটা কর্মসূচীও স্থির ক'রে ফেলেছিলেন। চট্টগ্রামের কোন কোন কর্মী অর্ধৈর্ধ্য হয়ে উঠেছিলেন এই ভেবে যে, এখনি কিছু করা দরকার, নইলে প্রস্তুত করতে করতেই গ্রেপ্তার হয়ে যেতে হবে, শেষে আর কিছু করা যাবে না। কানাকানি শুনা

গেল, চট্টগ্রামে চল্লিশ জনকে গ্রেপ্তারের আদেশ হয়ে গেছে। আই. বি. পুলিশও তখন খুব কর্মতৎপর হয়ে উঠেছে। এই গ্রেপ্তারের আদেশের খবর চট্টগ্রামের সূর্য সেন পেয়ে গেলেন। তিনি তখন আর দেরি করা, অথবা অস্ত্র জেলার প্রস্তুতি সম্পূর্ণ করার জন্ত অপেক্ষা করা সম্ভব মনে করলেন না। তিনি চট্টগ্রামে ১৮ই এপ্রিল 'ইস্টার রাইজিং' দিবসে বিপ্লবী সংগ্রাম শুরু করার দিন স্থির করলেন।

ভারতের বিপ্লব সংগ্রামের সমগ্র ইতিহাসের সর্বাঙ্গ সফল এবং চমকপ্রদ ঘটনা সংঘটিত হয় ১৯৩০ সনের ১৮ই এপ্রিল সূর্য সেনের (মাস্টারদা) নেতৃত্বে। ঐদিন চট্টগ্রামের পুলিশ ও রেলওয়ে অস্ত্রাগার আক্রমণ ও লুণ্ঠন করা হয়। চট্টগ্রামের বাইরের সঙ্গে সংযোগ ছিন্ন করার জন্ত তাঁরা রেল লাইন, টেলিগ্রাফ, টেলিফোন সমস্ত ধ্বংস ক'রে দেন। ইংরেজ সৈন্তের আগমনের খবর পেয়ে বিপ্লবীরা জালালাবাদ পাহাড়ে সাময়িক ভাবে আশ্রয় নিলেন। ২২শে এপ্রিল ইংরেজ সৈন্ত জালালাবাদ পাহাড় ঘিরে ফেলল। শুরু হ'ল সম্মুখ সংগ্রাম। প্রচণ্ড যুদ্ধ চলছিল দুই ঘণ্টা ব্যাপী। পরাক্রান্ত ইংরেজ সৈন্ত বিপ্লবীদের গুলীর মুখে টিকতে না পেরে পশ্চাৎ অপসারণ করতে বাধ্য হ'ল। ১২ জন বিপ্লবী বীর সেখানে মৃত্যুশয্যা গ্রহণ করলেন। বাকিরা পাহাড়ের অপর দিকে নেমে গিয়ে বিভিন্ন দলে বিভক্ত হয়ে ছড়িয়ে পড়লেন। নেতারা নানা স্থানে আত্মগোপন ক'রে সংগ্রামের ভবিষ্যৎ কর্মধারার প্রস্তুতির জন্ত চেষ্টা করতে লাগলেন। এদিকে বাংলা দেশের সর্বত্র পরিচিত নেতৃস্থানীয় বিপ্লবীদের গ্রেপ্তার করা শুরু হ'ল।

তখন কংগ্রেসের আইন অমান্য আন্দোলন চলছে। ধাড়াসানার অভিযানের পরে গান্ধীজী তখন জেলে। কংগ্রেসকে বে-আইনী প্রতিষ্ঠান ব'লে ঘোষণা করা হয়েছে। কিন্তু কংগ্রেস ওয়ার্কিং কমিটির নিরবচ্ছিন্ন গোপন অধিবেশন চলছে আনন্দভবনে। ওয়ার্কিং কমিটির পক্ষ থেকে মতিলাল নেহরু এবং মৌলানা আজাদ কংগ্রেস কর্মীদের নির্দেশ পাঠাচ্ছেন কংগ্রেসের গুপ্ত ডাকবিভাগের মারফত। ওয়ার্কিং কমিটির একটি গুপ্ত বৃহত্তর অধিবেশনে মতিলাল নেহরু প্রস্তাব করলেন যে, যেদিন সাইমন কমিশন রিপোর্ট (Simon Commission Report) প্রকাশিত হবে সেদিন একই সময়ে সারা ভারতে টেলিগ্রাফ লাইন কেটে দিয়ে প্রতিবাদ জানান হোক। ডাঃ বিধান রায় পণ্ডিতজীকে

বলেন, এ আলোচনা এখন মূলভূমী রাখুন। আমি বরং কলকাতা গিয়ে একজন লোককে পাঠিয়ে দেব, তার সঙ্গে কথা বলুন। ডাঃ রায় কলকাতা ফিরে এসে ভূপেন্দ্রকুমার দত্তকে ডেকে বলেন, “তুমি এলাহাবাদ যাও এবং পশ্চিমবঙ্গের সঙ্গে আলোচনা করে যদি উচিত মনে কর এর ভার নিও।” ১৯৩০ সনের জুন মাসের গোড়ায় ভূপেন্দ্রকুমার এলাহাবাদ যান।

পশ্চিম মতিলাল তাঁর বক্তব্য বললেন—গান্ধীজী ষাড়াসানায় কাঁটা তারের বেড়া কেটে লবণ বার করলে যদি হিংস্র না হয় তবে টেলিগ্রাফ লাইন কাটলে কেন তাতে অহিংসা মারা যাবে? আমি কথাটা ওয়ার্কিং কমিটিতে তুলেছিলাম, বিধান বললেন, ও কথা এখন থাক। পরে দেখলাম, বিধান ঠিকই বলেছেন। পরদিনই কথাটা এলাহাবাদের বাজারময় রাষ্ট্র। এখন দেখ কি করা যায়। তোমাদের ত খাবার মনে হয়, সারা ভারতে একটাই মাত্র দঙ্গ নয়।

ভূপেন্দ্রকুমার স্বীকার করেন এবং বলেন, আপনি যদি একটু দায়িত্ব নেন আমরা এক হয়ে কাজ করতে পারি।

পশ্চিম মতিলাল বলেন, এই বয়সে ফাঁসী যেতে পারব না।

ভূপেন্দ্রকুমার বলেন, ফাঁসী আপনাকে যেতে হবে না। ওয়ার্কিং কমিটির সঙ্গে আপনি বিপ্লবীদের যোগসূত্র হবেন। আপনারা ওয়ার্কিং কমিটি থেকে এই ধরনের কর্মসূচী যা করবেন আমরা তা কাজে পরিণত করব। আমি চার পাঁচটি লোককে আপনার কাছে নিয়ে আসব। তাঁরা হচ্ছেন বাংলার ডাঃ যাহ্নগোপাল মুখার্জি ও সূর্য সেন, উত্তরপ্রদেশের চন্দ্রশেখর আজাদ এবং পাঞ্জাবের ধর্মস্বরী। এই রকম যোগাযোগ হলে আমরা ঐক্য বন্ধায় রেখে সারা ভারতবর্ষে কাজ করতে পারব। টেলিগ্রাফের তার কাটার কাজের জন্ত বিধান-বাবুর কথামত ভূপেন্দ্রকুমার মতিলালের কাছে টাকা চেয়ে আনেন। তিনি কলকাতায় ফিরে এলেন ১০ই জুন। এবং সেই দিনই টাকাটা ডাঃ বিধান রায়কে দিয়ে আসেন। ডাঃ রায় টাকাটা শরৎ বোসের কাছে রেখে ঐ দিনই শিলং চলে যান। ভূপেন্দ্রকুমারকে বলে যান দরকার মত টাকা শরৎ বোসের কাছ থেকে নিতে।

ভূপেন্দ্রকুমারের আশঙ্কা হয়েছিল তাঁর গ্রেপ্তার আসন্ন। তিনি বাংলার কয়েকটি জেলায় নতুন কাজের জন্ত তৈরি হতে ঐদিনই লোক পাঠান। লাহোর থেকে ধর্মস্বরী ইতিপূর্বেই বলে পাঠিয়েছেন, পাঞ্জাবে বিপ্লবী কাজ শুরু করতে আর দেরি করা চলে না, তাঁদের তৈরি বোমা নষ্ট হয়ে যাচ্ছে।

সেই দিনই ১০ই জুন বিকেল বেলায় বাসায় ফিরে ভূপেন্দ্রকুমার হাতের কাছে থাকে গেলেন তাঁকেই দলের সমস্ত যোগসূত্রের কথা এবং আসন্ন বিপ্লবী কর্মধারা সম্বন্ধে নির্দেশ দিয়ে যান। সেই রাতেই ভূপেন্দ্রকুমার দত্ত গ্রেপ্তার হন।

সপ্তাহ তিনেকের ভিতর সাইমন কমিশনের রিপোর্ট প্রকাশিত হয়। কিছু কিছু জায়গায় তার কাটা হয়েছিল। কিন্তু পরিকল্পনা অসুচারী কোন কাজই সম্ভব হয় নি। কারণ, সূত্রভাবেই এই কাজ করার জন্ত যে ভাবে সংগঠন করার দরকার তার সময় পাওয়া যায় নি। অস্তান্ত কাজের ভিতর কথা ছিল ইউরোপীয়ান ক্লাবে বোমা ফেলবার। এ কাজ করতে পারলে কোর্ট উইলিয়াম থেকে সৈন্ত কলকাতার রাস্তায় বের হবার সম্ভাবনা ছিল। তাদের উপর বোমা ফেলবার উদ্দেশ্যে কয়েকটি মোড়ে মোড়ে দোতলার ঘরে কয়েকজনকে বসানো হয়। কলকাতার ইলেকট্রিক ও গ্যাস কারখানাও ভেঙে দেবার ব্যবস্থা হয়।

চট্টগ্রাম অস্ত্রাগার লুণ্ঠনের পর বাংলা দেশের কয়েকটি জেলায় আয়োজন চলে ইংরেজ সাম্রাজ্যের ভিত্তিমূলে উপর্যুপরি একটার পর একটা আঘাত হানবার। পরে আয়োজন যখন অনেকটা সীমাবদ্ধ করা হ'ল তখন কথা হ'ল, টেগার্টের উপর বোমা ফেলাটাই হবে সিগন্যাল আর সঙ্গে সঙ্গে যে-জেলা যা পারে তা করবে। ইতিমধ্যে একদিন সংবাদ প্রচারিত হ'ল, আলিপুর জেলে সুপারিন্টেণ্ডেন্ট সোম দত্ত মেরেছে বাংলার দুই প্রিয় নেতা সুভাষচন্দ্র ও সেনগুপ্তকে। কলকাতার সেদিনের উত্তেজনাকে মূর্ত ক'রে নিয়ে এলেন ভূপেন্দ্রকুমারের কাছে ভূপেন্দ্রকিশোর রক্ষিত রায়। সোম দত্ত ও টেগার্ট দুই-জনেরই গতিবিধির উপর এঁরা ও এঁদের সহকর্মীরা নজর রাখতে শুরু করলেন। কিন্তু যাহ্নগোপালের নির্দেশ হ'ল, ভারতীয় কর্মচারী নয়, অন্ততঃ সিগন্যাল হবে ইংরেজ।

১৯৩০ সনের ২৫শে আগষ্ট তারিখে হয় ডালহাউসি স্কোয়ারে কলকাতার পুলিশ কমিশনার টেগার্টের উপর আক্রমণ। নিজেদের বোমা ফেটেই অহুজা সেন ঘটনাস্থলে প্রাণত্যাগ করেন। দীনেশ মজুমদার গ্রেপ্তার হন। বিচারে তাঁর যাবজ্জীবন কারাদণ্ড হয়। পরে মেদিনীপুর জেল থেকে পলায়ন ক'রে তিনি নানা স্থানে আত্মগোপন ক'রে থাকেন এবং বিপ্লবী পরিকল্পনাগুলি কাজে পরিণত করার প্রচেষ্টায় তৎপর হন। চন্দননগরে পলাতক অবস্থায় করাসী পুলিশ দীনেশদের আশ্রয়স্থল ঘিরে ফেলে।



সঙ্গীদের নিয়ে সেই বাড়ী থেকে পলায়নকালে তাঁদের গুলীতে পশ্চাতে ধাবমান চন্দননগরের পুলিশ কমিশনার কুইন্স (কুই) নিহত হয়। পরে কলকাতায় অবস্থানকালে ১৯৩৩ সনের ২২শে মে প্রত্যুবে পুলিশ সদলবলে তাঁদের আশ্রয়স্থল ঘিরে ফেলে। টের পেয়ে দীনেশ ও তাঁর দুই সঙ্গী গুলী ছুঁড়তে থাকেন। পুলিশ ও বিপ্লবী উভয়পক্ষে গুলী চলে এবং খণ্ডযুদ্ধ হয়। গুলী ফুরিয়ে যাবার পর আহত অবস্থায় তাঁরা গ্রেপ্তার হন। বিচারে দীনেশের ফাঁসীর হুকুম হয়। ১৯৩৪ সনের ৯ই জুন রাতে আলিপুর সেন্ট্রাল জেলে তাঁর ফাঁসী হয়।

১৯৩০ সনের ২৯শে আগষ্ট ঢাকা মেডিকেল স্কুলের কাছে পুলিশ ইন্সপেক্টার জেনারেল লোম্যান ও পুলিশ সুপারিন্টেন্ডেন্ট হডসনকে গুলী করেন বিনয় বসু (এক নম্বর)। লোম্যান তৎক্ষণাৎ নিহত হন এবং হডসন গুরুতর আহত হন। বিনয় বসু পালিয়ে যান। ৮ই ডিসেম্বর তিনি দুইজন বিপ্লবী বন্ধুকে নিয়ে কলকাতার রাইটাস' বিল্ডিং-এ কারাগারের ইন্সপেক্টার জেনারেল কর্ণেল সিম্পসনকে গুলীর আঘাতে শেষ করে দেন এবং শ্বেতাঙ্গদের উপর গুলী চলে যতক্ষণ তাঁদের কাছে গুলী ছিল। গুলী নিঃশেষ হয়ে গেলে পটাসিয়াম সায়নাইড খেয়ে সুধীর গুপ্ত (বাদল) নিজেকে সেখানেই লোপ করে দেন। পাঁচ দিন পরে আহত বিনয় বসু হাসপাতালে শেষ নিঃশ্বাস ত্যাগ করেন। বিচারে দীনেশ গুপ্তের ফাঁসী হয়।

১৯৩০ সনের ১লা ডিসেম্বর। চট্টগ্রামের দুই বিপ্লবী রামকৃষ্ণ বিশ্বাস ও কালীপদ চক্রবর্তী চলেছেন চাঁদপুরের পুলিশ ইন্সপেক্টার জেনারেল মিঃ ক্রেককে অহুসরণ করে। ট্রেনের প্রথম শ্রেণীর কামরার আধা-আলোতে ভুল করে তাঁরা ক্রেক সাহেবের বদলে পুলিশ ইন্সপেক্টার তারিণী মুখার্জীকে নিহত করেন। ফাঁসী হয়ে যায় রামকৃষ্ণ বিশ্বাসের। কালীপদ চক্রবর্তীর ফাঁসীর যোগ্য বয়স ছিল না। তাই তাঁর হয় যাবজ্জীবন স্বীপাস্তর।

ইতিমধ্যে গান্ধী-আরউইন চুক্তি হয়। এই চুক্তির মর্ম বিপ্লবীরাও গ্রহণ করেন। কিন্তু সঙ্গে সঙ্গে গান্ধীজীকে ও তেজবাহাদুর সফ্রকে বকুলা ক্যাম্প থেকে সুরেন্দ্র-মোহন ঘোষ, অরুণচন্দ্র গুহ, ভূপতি মজুমদার ও ভূপেন্দ্র-কুমার দত্ত এই চারজন বিপ্লবী নেতার দস্তখতে জানিয়ে দেওয়া হয় যে, বিপ্লবী দল চুক্তি মেনে নিয়েছেন। ৮ই ডিসেম্বর রাইটাস' বিল্ডিং-এ সিম্পসন হত্যার পর আর কোন ঘটনা সংঘটিত হয় নাই। কিন্তু যদি চুক্তির মর্ম ইংরেজ গবর্নমেন্ট না মানে আর ভগৎ সিংদের এবং

চট্টগ্রাম অত্রাগার লুণ্ঠনের সামান্য অভিযুক্তদের ফাঁসী হয় তা হ'লে বিপ্লবীরা চুক্তি মানবে না। দেশেও শান্তি আসবে না। তেজবাহাদুর এই চিঠিখানি নিয়ে আরউইনের সঙ্গে দেখা করেন। কিন্তু কল কিছু হয় নাই।

বকুলা ক্যাম্প থেকে ইতিমধ্যে বাইরেও খবর যায়, ভগৎ সিংদের ফাঁসী হ'লে ১৫ দিনের ভিতর কিছু করতেই হবে। এবং তার পর যতদিন যতখানে সম্ভব চালিয়ে যেতে হবে। ১৯৩১ সনের ২৩শে মার্চ ভগৎ সিং, ভক-দেব এবং রাজগুরু তিনজনের ফাঁসী হয়। আর ১৯৩১ সনের ৭ই এপ্রিল মেদিনীপুরের জেলা ম্যাজিস্ট্রেট পেডি সাহেবকে নিহত করেন বিমল দাশগুপ্ত। মেদিনীপুরে পেডি, ডগলাস, বার্জ, পর পর তিনজন জেলা ম্যাজিস্ট্রেটকে নিহত করা হয়। ডগলাসকে হত্যার জন্ত ফাঁসীর আদেশ হয় প্রত্যুভাত ভট্টাচার্যের। বার্জ হত্যার ষড়যন্ত্রের সামান্য ফাঁসী হয় নির্মলজীবন ঘোষ, রামকৃষ্ণ রায় এবং ব্রজকিশোর চক্রবর্তীর। খেলার মাঠে বার্জকে গুলী করার সময় যুগাঙ্ক দত্ত ও অনাথবন্ধু পাঁজা দেহরক্ষীর গুলীতে নিহত হন। এ ছাড়া বহু লোকের দীর্ঘমেয়াদী কারাদণ্ড হয়।

ইতিমধ্যে গুলী চলে হিজলী ক্যাম্পে। দুইজন বিনা বিচারে বন্দী এই নৃশংস গুলীতে নিহত এবং প্রায় কুড়ি জন আহত হন। বকুলা থেকে আবার খবর যায়, এর জবাব দিতে হবে।

১৯৩১ সনের ২৭শে জুলাই তারিখে বিচারক গার্লিক সাহেব আদালত কক্ষে বসে বিচার করছেন। বহু বিপ্লবীর দীর্ঘমেয়াদী কারাদণ্ড ও ফাঁসীর হুকুম উচ্চারিত হয়েছে এই বিচারকের মুখ থেকেই। সেদিন এক যুবক হঠাৎ এসে বিচারে আসীন গার্লিক সাহেবকে সর্বসমক্ষে গুলী করে তাঁর বিচার করা চিরদিনের মত ঘুচিয়ে দেন। যুবক তৎক্ষণাৎ পটাসিয়াম সায়নাইড খেয়ে ইহজগৎ থেকে বিলুপ্ত হয়ে যান। পুলিশ শত চেষ্টা করেও তিন বছরের মধ্যে জানতে পারে নি এই দুর্ভাগ্য অদ্ভুত ছেলেটি কে। নাম ছিল তাঁর কানাই ভট্টাচার্য।

১৯৩১ সনের ১৪ই ডিসেম্বর কুমিল্লার অত্যাচারী জেলা ম্যাজিস্ট্রেট স্টিভেন সাহেবের বাংলোতে স্কুলের দু'টি ছাত্রী একখানা দরখাস্ত নিয়ে এসে উপস্থিত। ম্যাজিস্ট্রেট যখন দরখাস্ত পাঠ করছেন তখন ছাত্রী দু'টি শান্তি ঘোষ ও সুনীতি চৌধুরী সেই ম্যাজিস্ট্রেটের অত্যাচারের প্রতিবাদের মূর্ত্তি ধরে তাঁকে লক্ষ্য করে গুলী চালান।

ষ্ট্রিভেল নিহত হন। শান্তি, স্বনীতির যাবজ্জীবন স্বীপান্তরের আদেশ হয়।

১৯৩২ সনের ৬ই ফেব্রুয়ারী। কলকাতা বিশ্ব-বিদ্যালয়ের সমাবর্তন সভা চলেছে। গবর্ণর জ্যাকসন অভিভাষণ পাঠ করছেন। ডিগ্রী গ্রহণকারীদের অন্ততম বীণা দাসের হাতের পিস্তল অকস্মাৎ গর্জে উঠল। গবর্ণর নাকি তৎক্ষণাৎ মাথাটা সরিয়ে নিয়েছিলেন। ঠিক তাঁর কানের পাশ দিয়ে গুলীটা চলে যায়। সামান্য একটুর জ্ঞান লাগে নি। সাজা হয়ে যায় বীণার নয় বৎসর সশ্রম কারাদণ্ড।

একের পর এক আঘাত পড়তে লাগল। ঢাকার জেলা ম্যাজিস্ট্রেট ডুর্নোকে আহত করেন বলে ধরা পড়েন সরোজ গুহ ও রমেন ভৌমিক। পুলিশ সুপারিন্টেন্ডেন্ট গ্রাস্বিকে আঘাত করেন বিনয় বসু (দুই নম্বর) ও বঙ্গেশ্বর রায়। কুমিল্লার সহকারী পুলিশ সুপারিন্টেন্ডেন্ট এলিগন সাহেবকে হত্যা যিনি করেন তিনি ধরা পড়েন নাই, ধরা পড়েন শৈলেশ রায়। কলকাতায় ইউরোপীয়ান এসোসিয়েশনে সভাপতি ভিলিয়ামকে আক্রমণ করেন লোম্যান হত্যাকারী বিনয় বসু (এক নম্বর)। আঘাত পড়েছিল ময়মনসিংহে ডিভিশনাল কমিশনার ক্যাসেল সাহেবের উপরও।

স্টেটসম্যান সম্পাদক ওয়ার্টনসনের উপর দুইবার আক্রমণ চলে। প্রথম বার অকৃতকার্য হয়ে অতুল সেন পটাসিয়াম সায়নাইড খেয়ে মৃত্যুবরণ করেন। দ্বিতীয়বার ঐ একই কারণে অনিল ভাট্টা এবং মণি লাহিড়ীও পটাসিয়াম খেয়ে শেষ হয়ে যান।

১৯৩৪ সনে বিপ্লবী কর্ণধারা শেষ প্রান্তে আসে। শেষ আঘাত হানা হ'ল গবর্ণর এণ্ডারসনের উপর দক্ষিণ-এ লেবং পাহাড়ে ঘোড়দৌড়ের মাঠে। এই সম্পর্কে ধরা পড়েন শবানী ভট্টাচার্য, উজ্জ্বলা মজুমদার, রবীন ব্যানার্জি প্রভৃতি ছয়জন। শবানী ভট্টাচার্যের কাঁসী হয়। অস্ত্রদের দীর্ঘমেয়াদী কারাদণ্ড হয়।

বাংলার অন্যান্য কেন্দ্রে যখন বিপ্লবী তরঙ্গ একটার পর একটা ফেনিয়ে উঠে এগিয়ে আসছিল তখন চট্টগ্রামের পলাতক বিপ্লবীরা স্বর্ঘ্য সেনের নেতৃত্বে আরও দুর্দম হয়ে ওঠেন।

আসামুদ্রা ছিলেন চট্টগ্রামের গোয়েন্দা বিভাগের ভারপ্রাপ্ত। অসামুদ্রিক নির্যাতন করার দুর্নাম ছিল তাঁর। ১৯৩১ সনের ৩০শে অক্টোবর চৌদ্দ-পনেরো বছরের কিশোর বালক হরিপদ ভট্টাচার্য খেলার মাঠে তাঁকে রিডলবারের গুলীতে চিরকালের মত তার

বদেশীদের নিপীড়ন করা বন্ধ ক'রে দেন। বিচারে হরিপদের যাবজ্জীবন কারাদণ্ড হয়।

ধলঘাটে চারজন পলাতক বিপ্লবী আছেন এক বাড়ীতে। স্বর্ঘ্য সেন, নির্মল সেন, অপূর্ব সেন ও প্রীতিলতা ওয়াদাদার। ১৯৩২ সনের ১২ই জুন রাতে মিলিটারী ঘেরাও করে সেই বাড়ীটি। ক্যাপ্টেন ক্যামেরন মই বেয়ে উপরে উঠছিল। নির্মল সেনের গুলীতে তার ইহলীলা সাজ হয়। তার পর দুই পক্ষই গুলী বিনিময় চলে। বীর সৈনিক নির্মল সেন ও অপূর্ব সেন সংগ্রামে আত্মাহুতি দিয়ে গেলেন। স্বর্ঘ্য সেন প্রীতিলতাকে নিয়ে মিলিটারীর ব্যুহ ভেদ ক'রে পালিয়ে যান।

১৯৩২ সনের ২৪শে সেপ্টেম্বর রাত্রি প্রায় দশটার প্রীতিলতা ওয়াদাদারের নেতৃত্বে চট্টগ্রাম পাহাড়তলীর ইউরোপীয়ান ক্লাব আক্রান্ত হয়। ক্লাব ঘরখানা তখন প্রায় চল্লিশ জন খেতাজ নরনারীর নৃত্যগীতে মুগ্ধ। প্রীতিলতা সঙ্গীদের নিয়ে অলঙ্কে ঢুকে পড়েছেন সেই ঘরে। তাঁর আদেশে বোমা ও রিডলবার ছুঁতে থাকল। ক্লাব ঘরের দুই দিক থেকে প্রায় আশ ঘণ্টা যাবৎ আক্রমণ চলে। সফলকাম প্রীতিলতা বন্ধুদের স্থান ত্যাগ করতে নির্দেশ দিয়ে নিজে পটাসিয়াম সায়নাইড খেয়ে প্রাণ দিলেন।

নেতা স্বর্ঘ্য সেন তখন গৈরালাতে পলাতক। সঙ্গে আছেন কল্পনা দত্ত, ব্রজেন সেন প্রভৃতি। ১৯৩৩ সনের ১৬ই ফেব্রুয়ারী রাতে মিলিটারী এসে ঘিরে ফেলে সেই বাড়ী। টের পেয়ে অন্ধকারে বাড়ী ছেড়ে সবাই বেরিয়ে এলেন। কল্পনা ও অন্ত কয়েকজন অন্ধকারে পালিয়ে যেতে সমর্থ হন। ওদিকে শিকারের সন্ধানে পুলিশ একটা আলো-বোমা (illuminating bomb) ছুঁড়ে চারিদিক হঠাৎ আলো ক'রে দিয়ে বেয়নেট চার্জ ক'রে বেতের জঙ্গলের মধ্যে বিপ্লবী বীর স্বর্ঘ্য সেনকে ও ব্রজেন সেনকে ধ'রে ফেলে।

কল্পনা দত্ত, তারকেখর দস্তিদার এবং আরও কয়েক জন বিপ্লবী গহিরায় একটি বাড়ীতে আত্মগোপন ক'রে থাকেন। ১৯৩৩ সনের ১৯শে মে ভোরবেলায় মিলিটারী এসে বাড়ীটি ঘেরাও ক'রে অবিশ্রান্ত গুলী বর্ষণ করতে থাকে। বিপ্লবী পক্ষেরও গুলী চলে। এই অবস্থায় বিপ্লবী মনোরঞ্জন দত্ত এবং আশ্রয়দাতা পূর্ণ তালুকদার নিহত হন। বিপ্লবীদের গুলী সম্পূর্ণ ফুরিয়ে যাবার পরে সকলেই তাঁরা গ্রেপ্তার হন।

মাঠারদা স্বর্ঘ্য সেন, তারকেখর দস্তিদার ও কল্পনা

দলের বিরুদ্ধে চট্টগ্রাম অত্রাগার লুণ্ঠন সেকেও সাল্পিমেণ্টারী কেস হয়। মামলার বিচারে সূর্য সেন ও তারকেশ্বর দস্তিদারের ফাঁসীর আদেশ এবং কল্পনা দলের যাবজ্জীবন দ্বীপান্তরের আদেশ হয়।

১৯৩৪ সনের ১২ই জাহুয়ারী ইংরেজের ফাঁসীর রজুতে সর্কাধিনায়ক মাষ্টারদার মহাজীবন অমর হয়ে রইল। সেদিন তাঁর ফাঁসীর সঙ্গী ছিলেন তাঁরই অহুগত কর্মী তারকেশ্বর দস্তিদার।

তখনও মাষ্টারদার ফাঁসী হ'তে কয়েকদিন বাকী আছে। এই ফাঁসীর প্রতিবাদ জানাতে ১৯৩৪ সনের ৭ই জাহুয়ারী চারজন কিশোর বিপ্লবী এগিয়ে গেলেন খেতাবদের ক্রিকেট খেলার পন্টন মাঠে। কিশোরদের হাতে অগ্নিগর্ভ অস্ত্র গর্জ্জন ক'রে উঠল, গুরু হ'ল সংঘর্ষ। সেখানেই প্রাণ দিলেন নিত্যগোপাল ভট্টাচার্য্য এবং হিমাংগ ভট্টাচার্য্য। ফাঁসীর হুকুম হয়ে গেল কৃষ্ণ চৌধুরী ও হরেন চক্রবর্তী।

মহাব্যত্ন হারিয়েছিল বলে জাত স্বাধীনতা হারিয়েছিল। ভাবজগতে সেই মহাব্যত্নকে জাগিয়ে তোলেন এক শতাব্দী ধ'রে রামমোহন থেকে রবীন্দ্রনাথ পর্যন্ত বাংলার মনীষীরা। ভাবজগতের এই আলোড়নের সৃষ্টি ভারতীয় বিপ্লবের ত্রিশ বছরের ইতিহাস—১৯০৫ থেকে ১৯৩৫। বাংলার একশ' বছরের ইতিহাসে ভাব-জগতের এই নবসৃষ্টিরও যেমন তুলনা কম, তেমনি জগতের কোন দেশের বিপ্লব-প্রচেষ্টার ইতিহাসেও এই ত্রিশ বছরের মতন অকাতরে জীবন বিলিয়ে দেওয়ার সমতুল্য কিছু দেখতে পাওয়া যায় না। এরই ভিতর ১৯৩০ থেকে ১৯৩৪ সন পর্যন্ত ঝাঁকে ঝাঁকে বাংলার ছেলেমেয়েরা শিখিয়ে গেল কি ক'রে মরতে হয়, কি ক'রে বাঁচতে হয়; মরণের ভিতর দিয়ে কি ক'রে প্রাণ পেতে হয়। সেদিনের সংগৃহীত সেই পথের কড়িই জাতকে পৌঁছে দিল ১৯৪২-এ।

—•—

## স্বর্গত উপেন্দ্রকিশোর রায়চৌধুরী

শ্রীমনীষা রায়

জীবনের শেষ সীমানায় দাঁড়িয়ে অতীতের দিকে তাকিয়ে দেখি, কত উজ্জ্বল স্মৃতি তারার মত জীবনাকাশে জল্ জল্ করে ফুটে রয়েছে। এগুলি আমাদের ধন-ভাগ্য, শক্তির আধার। এর প্রভাবে নিজের দীনতা, রিক্ততা যেন দূর হয়, নূতন জীবন পাই। অতীত ঘটনার নীরব আলোচনায় মনে শান্তি আসে। অর্পূর্ব এক অহুত্বের স্পর্শ পাওয়া যায়।

এই রকমই একটি স্মৃতিরত্ন অস্তরের মণিকোঠায় সযত্নে যা রক্ষিত আছে তার পরিচয় দেবার চেষ্টা করব। কিন্তু নিজের অক্ষমতার জন্তে, যা বলতে চাই তার কিছুই হয়ত পরিষ্কার ভাবে প্রকাশ করা হবে না। তবুও চেষ্টা, সে যুগের শিক্ষিত, প্রগতিশীল ওচ্ছাচারী একটি পরিবারের কার্যকলাপ, ঘটনাবলী যা প্রত্যক্ষ করবার সৌভাগ্য আমার হয়েছিল তাই বলব। ঘটনাবহুল বর্ণনা নয়, ঘটনাস্তলি কিছু ধারাবাহিকও নয়। কিন্তু এর তাৎপর্য এই যে, এ থেকে বুঝতে পারি, সমাজ, কিরূপ সামগ্রী লাভ করলে সমৃদ্ধিশালী হতে পারে।

পরমভক্তিভাজন স্বর্গত উপেন্দ্রকিশোর রায়চৌধুরী মহাশয়ের কথা কে না জানে। আনুজ ১৯১০ খ্রীষ্টাব্দের কথা। এই সময়ে উপেন্দ্রবাবু সপরিবারে প্রায় প্রত্যেক

বৎসরেই গিরিডিতে যেতেন স্থান-পরিবর্তনের জন্তে। বারগুণার বহু পরিবারের সঙ্গে তাঁদের ঘনিষ্ঠতা হবার সুযোগ হ'ত। তাঁদের অমায়িক ব্যবহারে সকলেই আকৃষ্ট হতেন। যতদিন তাঁরা গিরিডিতে থাকতেন, আমাদের দিনগুলি যেন উৎসবের মধ্য দিয়ে কেটে যেত। উপেন্দ্রবাবুর শাস্ত, সৌম্য, উন্নত চেহারা তার উপর তাঁর হান্তকৌতুকপূর্ণ সরস গল্প আমাদের মুগ্ধ করত। তাঁর বাড়ীর সকলের সহজ সরল সাদাসিধে ব্যবহার গিরিডি পল্লীবাসীদের কাছে অতি নিবিড় আকর্ষণের কেন্দ্র হয়ে উঠেছিল। তাঁর মেয়েরা শহরবাসী, আর আমরা পাহাড়-জঙ্গলের মেয়ে। কিন্তু কি আশ্চর্য তাঁদের সরল স্বাভাবিক মেলামেশার ধরণ ছিল! আমরা মুগ্ধচিত্তে কি আগ্রহ সহকারে তাঁদের কাছে কাছে কাটাটাম!

উপেন্দ্রবাবু চিত্রকর। তিনি প্রায়ই উত্থীনদীর খোলা-তারের পোলের কাছে নদীর ধারে তাঁর আঁকবার সরঞ্জামপত্র নিয়ে গিয়ে বসতেন প্রাকৃতিক চিত্র আঁকতে। আমরা সন্ধান পেয়ে দূর থেকে তাঁকে দেখতাম। মনে হ'ত যেন তপোবনে ঋষিমূর্তি—কি সুন্দর সে চেহারা! গৌরবর্ণ উন্নত ললাট প্রশস্ত বক্রে সারা প্রাকৃতিক সৌন্দর্যকে যেন আলিঙ্গন করছেন। সে মূর্তি ভোলা যায় না।

ছোট-বড় সকলেরই আকর্ষণের স্থান ছিল উপেন্দ্রবাবুর বাড়ী। খুব বৃদ্ধদের বড় একটা দেখতাম না আমাদের সঙ্গে। হয়ত তাঁরা অন্য কোনও সময়ে আসতেন। সপ্তাহে কয়েকটা দিন ঠিক করা ছিল, বিকাল তিনটা আশ্রয়, অল্পবয়স্ক মেয়েরা উপেন্দ্রবাবুর কাছে ব্রহ্মসঙ্গীত শিখতে আসত। মনে আছে একজন মধ্যবয়স্ক মহিলাও আসতেন—ইনি স্বর্গীয় পার্বতী দত্ত মহাশয়ের স্ত্রী। আমরা তাঁকে বেবী বেবুচুণের মা বলেই জানতাম। পুরাণ ব্রহ্মসঙ্গীত যা বিকৃত সুরে গীত হত, সেগুলোকে শুদ্ধ সুরে স্বরলিপির মাধ্যমে শিক্ষার্থীকে অতি সহজ উপায়ে শিক্ষা দিতেন। একটি একটি করে সুর ধরে নিজে গেয়ে যেতেন এবং বেহালাও বাজাতেন, আর শিক্ষার্থীরা হারমনিয়মে বা এস্রাজে সেই সুর তাঁর সঙ্গে সঙ্গে বাজিয়ে স্বরলিপির সুরে প্রকাশ করত। এইরূপে একেকটি পদ বার বার করে গেয়ে বাজিয়ে শেখান হ'ত। শব্দের উচ্চারণ সম্বন্ধে খুব সজাগ ছিলেন। পরিষ্কার উচ্চারণ সঙ্গীতের অঙ্গ, এই কথা বলতেন তিনি। যুক্তাক্ষর গাইবার সময় যুক্ত অক্ষর দুটিকে দুই ভাগে ভাগ করে পরিষ্কার উচ্চারণ করতে শেখাতেন। পুরাণ গান যেমন “বহে নিরন্তর অনন্ত আনন্দধারা” বা “দাঁড়াও আমার আঁখির আগে” ইত্যাদি তাঁর গলায় শুদ্ধ স্বরলিপির সুরে সুন্দর পরিষ্কার ভাবে প্রকাশ পেত। শিখতে একটুও কষ্ট হ'ত না। কখনও কখনও একটি আরাম-কেদারায় অর্ধশায়িত অবস্থায় তিনি তন্দ্রায় হয়ে সুরগুলি ভাঁজতেন ও আঙ্গুলের ইঙ্গিতে তালের নির্দেশ দিতেন। মনে হ'ত সারা রাত তিনি কেন গান শেখান না। মধ্যে মধ্যে বেহালা বাজাতেন শুধু—সে মন-মাতান বেহালার টান আঁজও কানে যেন বাজে! এসব কি অমূল্য স্মৃতি!

একবার কিছুদিনের জন্যে উপেন্দ্রবাবুর বাড়ীতে কলকাতায় আমার থাকবার সুযোগ হয়েছিল। গিরিডিতে তাঁদের সান্নিধ্যে এসে তাঁর মেয়ে টুনির সঙ্গে বেশ ভাব হওয়াতে একবার তাঁরা আগ্রহভরে আমাকে কলকাতায় নিয়ে এসেছিলেন। পরিবারের ভিতরে থেকে দেখেছিলাম এ পরিবারের মাধুর্য! পরিবারটি কিছু ছোট ছিল না। প্রত্যেকের সঙ্গে প্রত্যেকের কি চমৎকার ব্যবহার! অবহেলা, স্বার্থপরতার স্থান নাই। সবাই পরস্পরের প্রতি ভালবাসায় ও সেবায় আনন্দে ভরপুর। শিশু থেকে আরম্ভ করে বয়স্কদের সঙ্গে গৃহকর্তা ও কর্মীর একটা সহজ স্বাভাবিক যোগ দেখেছি। কোথাও জোড়া-তালি দেওয়া সম্পর্ক নয়। যেন একসূত্রে গাঁথা জমাট ভাব। ষার যা প্রাপ্য সে তাই পেরে যাচ্ছে, কোথাও

কাঁক নেই। কি মিষ্টি ব্যবহার তাঁদের ছ'জনের সকলেরই সঙ্গে! স্নেহ, শ্রদ্ধা, প্রীতির যেন আকর ছিল পরিবারটি। উপেন্দ্রবাবুর জাতুপুত্রী দুইটি তুতু, বুলু তখন সুন্দর বালিকা। তারা দুইজন অতি আদরে-যত্নে-লালিত পালিত হ'ত। জ্যেষ্ঠামশাই-জ্যেষ্ঠিয়ার স্নেহের মধ্যে থেকে মাতার অভাববোধ ছিল না বেচারীদের। দেখেছি তাদের স্মৃতি ও আনন্দ। সন্ধ্যায় সঙ্গীত ও প্রার্থনার পর প্রায়ই তুতু-বুলুর নাচ-গান হ'ত। টুনি পিয়ানো বাজাত আর বালিকারা সুন্দর ভঙ্গিতে নৃত্য করত। কখনও কখনও উপেন্দ্রবাবু নিজে গান ধ'রে তাদের সঙ্গে যোগ দিতেন। শেষে জ্যেষ্ঠামশাইর প্রচুর আদর।

উপেন্দ্রবাবুর আরও অন্যান্য আত্মীয়—ভাই, ভগ্নী, ভাইপো, ভাইব্বি, ভাগ্নী, ভাগ্নিনের ইত্যাদি সকলের মিলনানন্দ দেখতাম। দেখতাম, আর প্রাণটা যেন শীতল হয়ে যেত। মনে হ'ত এঁরা কত লোককে ভাল-বাসেন। আমিও তাঁদের স্নেহ-যত্ন পেয়েছি মনে করলে মন উন্নত হয়ে ওঠে, মনে হয় এ রকম একজন উচ্চস্তরের ব্যক্তির সংস্পর্শে আমার আসবার সৌভাগ্য হয়েছিল। কলকাতার সুকিয়া স্ট্রীটের বাড়ীতে তখন এঁরা ছিলেন। এঁদের কাছে থেকে কত আনন্দ পেয়েছি। আমার বাবা, মা, দাদাদের এঁরা অত্যন্ত শ্রদ্ধার চক্ষে দেখতেন। এঁদের কাছে থেকে কত সাংস্কৃতিক অহুষ্ঠানে যাবার সুযোগ আমার হয়েছিল। মন্দিরের উপাসনাতে মেয়েদের সঙ্গে যেতাম। ১১ই মার্চের গান অভ্যাস করার বৈঠক বসত—হেলেমেয়েদের সঙ্গে উপেন্দ্রবাবু নিজে মেতে যেতেন উৎসবের আয়োজনে। ১১ই মার্চের প্রত্যুষের সেই চিরপরিচিত তাঁর নিজের রচিত গানটি—“জাগো পুরবাসী ভগবত-প্রেম পিয়ালী” কি জমকাল গভীর অথচ মধুর ধ্বনিতে তাঁর পরিচালনায় গীত হ'ত, সঙ্গে থাকত তাঁর নিজ বেহালার মধুর স্বর। কি অপূর্ব সেই সঙ্গীত! মন্দিরের সকলকে মাতিয়ে দিত এবং তার পর উর্ধ্বে কোন্ দেশে গিয়ে যেন উপনীত হ'ত সে সঙ্গীত। মার্চোৎসবের এই স্মৃতি আজও অতি স্পষ্ট স্বচ্ছ হয়ে মনে জাগে।

ভক্তিভাজন উপেন্দ্রবাবু একাধারে চিত্রকর, সঙ্গীতজ্ঞ, লেখক ও সাহিত্যিক ছিলেন। বিশেষ করে শিশুসাহিত্য তাঁর অপূর্ব সৃষ্টি। এই বিশিষ্ট প্রতিভা পূজকল্পাদেয় ও দান করে গেলেন। যে সব গুণ মহাশয়জীবনকে সার্থক করে, সে সব গুণের তিনি অধিকারী ছিলেন। যে সমাজে, যে দেশে এমন মানব জন্মলাভ করেন সে সমাজ, সে দেশ ধন্য। তাঁর অমূল্য অবদানের জন্য আমরা কৃতজ্ঞ। এই উপলক্ষে আমি অবনত মস্তকে তাঁর উদ্দেশ্যে প্রণাম জানাই।






# ঐশ্বর্য



## চেঙ্গিজ খানের দেশ

মঙ্গোলিয়ার দেশ চক্রে মত অধিবাসীর কাছে শারীরিক স্বাস্থ্য ও শারীর-শক্তির চেয়ে বেশী ক'র্য আর কিছু নেই। উন্নয়ন শতাব্দীতে



মঙ্গোলিয়ার ছেলেরা স্ত্রীপুরুষের বোড়দৌড়



মঙ্গোলিয়ার কুস্তি প্রতিযোগিতা

পৃথিবীর ইতিহাসে স্থান লাভের পর থেকে এই ভাবেই তাদের চলে আসছে।

মঙ্গোলীয় সোভিয়েট রিপাব্লিকে প্রতিবৎসর 'জাতীয় দিবসে' যে উৎসবদির আয়োজন হয়, তার মধ্যে পেলাধুনা ও নানাপ্রকার ব্যায়ামের কসরৎ দেখানোর ব্যবস্থা থাকে আর সব-কিছুর চেয়ে বেশী। সমস্ত দেশ জুড়ে সেদিন এইসব নিয়ে প্রতিযোগিতার ধুম পড়ে যায়। রথ এবং অশীতিপর বৃদ্ধ ব্যক্তিরা ভিন্ন ভ্রী-পুরুষ নির্বিশেষে প্রত্যেকে এই সব প্রতিযোগিতার কোনো-না-কোনো একটিতে যোগ দেয়।

ছেলেদেরের বাল্যকাল থেকেই কুস্তি লড়া আর খোড়ায় চড়া দেখানো হয়। সমস্ত রকম শরীর-চর্চার মধ্যে এই দু'টির জনপ্রিয়তা সবচেয়ে বেশী। ক্ষুদে ক্ষুদে বাচ্চাদের সঙ্গে দাড়িগালা বৃদ্ধদের প্রতিযোগিতার ভিড়-করা দর্শকদের শিস্ এবং হাততালির শব্দে চারদিক্ সুধরিত হতে থাকে।

মঙ্গোলীয় স্কুলগুলির শিক্ষাব্যবস্থাতে শরীর-চর্চার অত্যন্ত কড়া কড়ি আর এতে সে-দেশের লোকেরা দাতবান্ও হয়েছে প্রচুর। জনগণের স্বাস্থ্য এতই ভাল যে, ব্যাধি জিনিষটা যে কি-ন্তারা প্রায় জানেই না বলা যেতে পারে, আর সেদেশের বৃদ্ধবৃদ্ধারাও কারও গলগ্রহ হয়ে থাকে না, পরমায়ু শেষ হওয়ার দিন পর্যন্ত তারা যথানিয়মে তাদের সমস্ত প্রাত্যহিক কর্তব্যগুলি ক'রে যায়।

মঙ্গোলিয়া কৃষিপ্রধান দেশ, কোনোরকমের যন্ত্রনির্ভর সেদেশে নেই বললেই হয়। যে অনুর্বর মাটির থেকে কসল উৎপাদন করতে হয়

সেদেশের লোকদের, তাহে তাদের শক্ত-সমর্থ না হয়ে উপায় নেই। স্বাস্থ্যে, শারীরিক শক্তিতে এবং সামর্থ্যে চেঙ্গিজ খানের দেশের এই লোকদের জুড়ি পৃথিবীতে নেই।

## শ্রুতি-অগোচর ধ্বনি

যে ধ্বনির তরঙ্গ সেকেন্ডে ১০ থেকে ১০০০ বার স্পন্দিত হয়, সেই ধ্বনিই সাধারণতঃ মানুষের শ্রুতিগোচর হয়ে থাকে। এর চেয়ে ত্রুততর স্পন্দনের ধ্বনিকে তাই বলা যেতে পারে শ্রুতি-অগোচর ধ্বনি, ইংরেজীতে বাকে বলা হয় supersonic sound। এই যে শব্দ আমাদের কাছে শব্দিত হয় না, ইউরোপ আমেরিকার বিজ্ঞানীরা গবেষণাগারে কৃত্রিম উপায়ে তাদের উৎপন্ন ক'রে তাদের শক্তিকে মানুষের কাজে লাগানো যায় কি না তার পরীক্ষা করছেন।

সেকেন্ডে ২৫০০ কোটি বার স্পন্দিত হয় এমন শ্রুতি-অগোচর ধ্বনি উপরি-উক্ত উপায়ে তাঁর গবেষণাগারে উৎপন্ন করতে সক্ষম হয়েছেন ডক্টর এডওয়ার্ড জ্যাকবসেন নামীয় একজন মার্কিন বিজ্ঞানী। এই রকমের ত্রুতস্পন্দিত ধ্বনির মধ্যে যে কি পরিমাণ শক্তি নিহিত থাকতে পারে তা কতকটা অনুমান করা সম্ভব হবে, যদি মনে রাখা যায় যে, কার্ভসোর কঠিনসঙ্গীতের ধ্বনি এখন সেকেন্ডে ১২০০ বার স্পন্দিত হ'ত তখন কাচের পানপাত্রে চিড় ধ'রে যেত।

বিজ্ঞানীদের পরীক্ষার প্রমাণিত হয়েছে যে, এই রকম ধ্বনির সাহায্যে শক্ত জিনিষে ফুটো করা যায়, ঘন কুয়াসাকে হালকা করা যায়, যে মাংসকে সিদ্ধ ক'রে নরম করা যাচ্ছে না তাকে নরম করা যায়।

কিন্তু মানুষের আরও বেশী প্রয়োজনে একে প্রয়োগ করা হচ্ছে চিকিৎসার ক্ষেত্রে। অল্প-প্রত্যঙ্গ কাঁপে এমনতর পক্ষাঘাত রোগে এই ধ্বনি তরঙ্গের চিকিৎসা অত্যন্ত কসপ্রদ হয়েছে। মস্তিষ্কের যে-সমস্ত রোগাক্রান্ত কোষকে নির্মূল করার জন্যে এককাল অস্ত্রোপচার করা হ'ত, এবং যা করতে গিয়ে কতগুলি মূহ কোষ বিনষ্ট হ'ত, শক্তি-অগোচর ধ্বনি-তরঙ্গ মূহ কোষগুলির কোনো ক্ষতি না ক'রে সেই রকমের রোগাক্রান্ত কোষগুলিকে ধ্বংস ক'রে দিতে পারে তা দেখা গেছে।


ক্যান্সার রোগের চিকিৎসাতেও 'এক্স-রে'র সঙ্গে শক্তি-অগোচর ধ্বনি-তরঙ্গ প্রয়োগ ক'রে প্রচুর হুসুল পাওয়া যাচ্ছে।

আমাদের দেশের বিজ্ঞানীরা হীরেতে আলোর প্রতিফলন নিয়ে গবেষণা করতে থাকুন। সেটাও একটা বড় কাজ সন্দেহ নেই। অন্তত মন্দ কাজ কিছু নয়।

কথাটা বলছি এইজন্যে যে, শক্তি-অগোচর ধ্বনিকে মন্দ কাজেও যে লাগানো যেতে পারে, পরীক্ষার ফলে তাও নিরূপিত হয়েছে। পূর্বে কাছে থেকে এই তরঙ্গ প্রয়োগ ক'রে একটা লোককে প্রাণে মেরে ফেলা যায়, আর ছ'শ গজ থেকে তার হাত-পা অসাড় ক'রে দেওয়া যায়।

### নূতন ধরণের বিমান-বন্দর

ছবিটি দেখলে কি মনে হয়? বিমান-বন্দরের ছবি ব'লে মনে হয় কি? আসলে এটি তাই। একটু লক্ষ্য করলেই এরোপ্লেন পাঁচটিকে এরোপ্লেন ব'লে চিনতে পারবেন।



নূতন ধরণের বিমান বন্দর

সান ফ্রান্সিস্কোর ইন্টারন্যাশনাল এরার পোর্টে ইউনাইটেড এরার লাইনসের স্টেশন এটা। স্টেশন থেকে পাঁচজোড়া চারদিক্ ঢাকা পুলের মত করিডর পাঁচটি এরার ফেনের সঙ্গে গিয়ে লগ্ন হয়। এক সঙ্গে পাঁচটি স্টেনের যাত্রীরা এদের সাহায্যে ওঠানো, করতে পারেন। করিডরগুলি কয়েকটি অংশে বিভক্ত খোলে তৈরি, একটি খোল আর একটির ভিতর ঢুকে যেতে পারে ব'লে এগুলিকে প্রয়োজন মত লম্বায় বাঁচানো কমানো যায়।

### ক্যান্সার কি বংশগত ব্যাধি ?

না। পেন্সিলভ্যানিয়ার 'স্কুল অব মেডিসিন'-এর বিজ্ঞানীরা তাই বলছেন। আটবৎসর ধ'রে বহু রকমের পরীক্ষা করা সম্ভব ভা ক'রে এ'রা বলেছেন, 'বুকের ক্যান্সার নিয়ে যে রোগীরা চিকিৎসার জন্যে আসেন তাঁদের জাতিগোষ্ঠীদের মধ্যে বুক বা দেহের অন্তর্গত ক্যান্সারের বাহ্যিক কোথাও আধার লক্ষ্য করি নি।'

### চীনা এবং জাপানী ভাষা কি সমগোত্রীয় ?

একেবারেই না। দু'টি ভাষার মধ্যে একমাত্র সাদৃশ্য-সূচক জিনিষ হচ্ছে তাদের লিপিপদ্ধতি। মনে হয়, এক সময় জাপানীদের লিপি ব'লে কিছু ছিল না, আর সেই জন্মেই, বহু শতাব্দী আগের কথা এটা, প্রতিবেশী চীনাদের লিপিপদ্ধতিকে নিজেদের কাজে তারা প্রয়োগ করতে শুরু করে। পাশাপাশি দু'টা দেশের পৃথক ভাষা পরস্পরের কাছ থেকে জানে-অজ্ঞানে কিছু কিছু গ্রহণ ক'রে থাকে। সেটুকু বাদ দিলে, চীনা এবং জাপানী এই দু'টি ভাষার মধ্যে শব্দগত, ধাতুগত বা গঠনগত কোনোই সাদৃশ্য নেই।

### মাথা কেন ধরে ?


শতকরা নয়, ইটি মাথা ধরার কারণ হচ্ছে, মাথা ও ঘাড়ের মাংস-পেশীর উপর কোনরকম আঘাতাবিক চাপ বাতে পেশী টাটিকের ওঠে, ও মা'থার মধ্যক'র রক্তবাহী শিরাউপশিরার ক্ষীণতা। আর এই কারণগুলোর মূলে থাকে ঘরে যথেষ্ট হাওয়া চলাচলের অভাব, অর, গুধা কিংবা, সবচেয়ে বেশী যে জন্মে মাথা ধরে, একটা কোনো কাজের মধ্যে অনেকক্ষণ মগ্ন হয়ে থাকা।



যড়্ধা

### যড়্ধা

এ'রা ছ'জন রয়াল এরার কোর্সের প্যারাসুট ট্রেনিং স্কুলের শিক্ষক, হাত ধরাধরি ও পা জগাজড়ি ক'রে এক সঙ্গে প্যারাসুট নিয়ে লাফিয়েছিলেন। ১০০০ ফুট উঁচু থেকে যখন তাঁরা ঐভাবে লাফিয়েছিলেন তখনকার এই ছবি। ৭০০০ ফুট উঁচুতে থাকতে তাঁরা পরস্পর থেকে আলাদা হয়ে গেলেন। ২০০০ ফুট উঁচুতে, তাঁরা যখন পরস্পর থেকে বেশ অনেকটাই বিচ্ছিন্ন, তখন তাঁরা তাঁদের প্যারাসুটগুলো খুলে নির্বিঘ্নে মাটিতে নামলেন।



ব্যাপিস্কেপ

### জলের সাত মাইল নীচে

সমুদ্রতলের তগ্যানুসন্ধানের জন্তে বিজ্ঞানী জাক্স পিকার্ড্‌ যে ডুবো নৌকাটি ব্যবহার করেন তার ছবি সঙ্গে দেওয়া হ'ল। এই ডুবো নৌকা, যার নাম ব্যাপিস্কেপ, এতে ৮'৫ পিকার্ড্‌ ৩৫০০০ ফুট গভীর সমুদ্রতল পর্যবেক্ষণ করে এসেছেন। মনে রাখবেন, এভারেস্টের উচ্চতা ৩০,০০০ ফুটেরও কম।

সমুদ্রের এত গভীরতার জায়গায় কি প্রাণের অস্তিত্ব আছে? পিকার্ড্‌ কীরে এসে বলছেন, বেশ বেশী রকমই আছে। বিবর্তনের ধারার পরিণতির পথে অনেকখানি এপিয়ে এসেছে এমনতর বেক্সদণ্ডী অর্থাৎ শিরশীড়া-গুরালা মাছ সেখানে তিনি দেখে এসেছেন।

সাত মাইল জলের নীচে যে কি নীরন্ধু অন্ধকার তা সহজেই অনুমের। ব্যাপিস্কেপের ফ্লাড লাইট থেকে সেখানে প্রথম আলোকপাত হ'ল বলা চলে। কিন্তু আশ্চর্যের বিষয়, যে মাছগুলোকে পিকার্ড্‌ সেখানে দেখেছেন তাদের মাথার উপরে দু'টি দু'টি ক'রে গোলাকার চোখ আছে। কোন্‌ প্রয়োজনে এদের চোখ আছে? আলো যেখানে নেই, দৃষ্টিও সেখানে চলেতে পারে না। হয়ত সমুদ্রজলে যে কস্করেসেস অলতে দেখা যায়, তারই আলোতে এরা দেখে।

### ক্রান্ত মানুষ চোখ রগড়ায় কেন?

মানুষ ক্রান্ত বোধ করে তখনই, যখন কোনো শ্রমসাধ্য কাজের পরে বা কর্মব্যস্ত দিনের শেষে তার শরীর-বস্ত্রের নানা প্রকার ক্রিয়াকলাপের মধ্যে মন্থরতা আসে। শিঃশাস ধীরে বয়, হৃৎস্পন্দনের গতি কমে যায়, শরীরের বিভিন্ন গ্র্যাণ্ড ইত্যাদিও যেন ঝিমিয়ে পড়ে। এদের মধ্যে একটি হচ্ছে, চোখের ছোট ছোট দু'টি গ্র্যাণ্ড, যাদের কাজ, আত্মতার নিঃসরণে অক্সিগেনিক দুটিকে ভিজিয়ে রাখা। এই আত্মতা একটু কমলেই চোখের মধ্যে আলার মত অসুস্থতি একটু হয়, চোখ করকর করে, আর মানুষ তখন চোখ রগড়ায়।

### আফ্রিকার বৈশিষ্ট্য

পৃথিবীর অল্প মহাদেশগুলির তুলনায় আফ্রিকা খনিজ সম্পদে অনেক বেশী সমৃদ্ধ। স্বর্ণ, হীরক, তাম্র, ক্রোম, কোবাল্ট, ইউরেনিয়াম, লৌহ, অগ্নিময় আছে আফ্রিকায়। আরও যে কতরকমের খনিজ জন্ম আছে আফ্রিকায় তার কোনো হিসাব নেই।

### হৃৎস্পন্দন দ্রুত হওয়া মানেই কি হৃদরোগ?

বেশীরভাগ ক্ষেত্রেই না। যারা অল্পতেই বিচলিত হন, আর যাদের বিচলিত হবার কারণ ঘটেছে তাঁদের হৃৎস্পন্দন দ্রুত হওয়াটা একটা সাধারণ ঘটনা। অত্যন্ত বেশী ক্রান্তি, বেশী কফি, চা বা মদ্যপান, বেশী তাম্বাকু সেবনের কলেও হৃৎস্পন্দন দ্রুত হতে পারে।

### দাম্পত্য-কলহে চৈব

বহুদর্শীদের মতে :

১। বহুকাল ধরে রাগ বা ঐ জাতীয় মনোভাব মনে পুবে রাখার চেয়ে ঝগড়া ক'রে কেলা ঢের ভাল। কেবল দেখবেন, সেই ঝগড়াতে দাম্পত্য সম্পর্কের অবমাননা না হয়, আর কোনো অবস্থাতেই, আগনার সঙ্গে আগনার স্বামী বা স্ত্রীর সম্পর্কটা যে ভালবাসার সম্পর্ক, সেটা ভুলবেন না।

২। ঝগড়াটা অস্ত্রদের সামনে, বিশেষতঃ সম্মানসম্মতিদের সামনে করবেন না। অবশ্য নিতান্ত নিরুপায় হ'লে তাও করবেন।

৩। ঝগড়াটা যখন বেশ দমে চলেছে তখন হঠাৎ চুপ ক'রে যাবেন না। তাতে শান্তির চেয়ে অশান্তির সৃষ্টি হয়ত বেশী হবে।

৪। যত খুশি গুছিয়ে ঝগড়া করুন, কিন্তু এমন একটিও বাক্য ব্যবহার করবেন না যাতে আপনার নির্দমতা প্রকাশ পায়। হয়ত ছ'খা লাগিয়ে দিলে তার চেয়ে কম আঘাত করা হবে।

৫। অল্পগন্ধ যখন হার মানছে, তখন তাকে আরও বেশী হার মানাবার জন্তে কথা বাড়াবেন না।

৩। ঝগড়ার মধ্যে যখন অন্তর্গত কিছু একটা বলছে, বা কোনো একটা ব্যক্তি খাড়া করবার চেষ্টা করছে, তখন সেটা তাকে করতে দেবেন, মাঝখানে বাধা দেবেন না।


৭। ঝগড়া না মিটে যাওয়া পর্যন্ত কিছুতেই ঘুমোতে যাবেন না। দরকার হ'লে সমস্ত রাত জেগে থাকবেন, হয়ত তার দরকার নাও হতে পারে।

৮। কোনো অবস্থাতেই স্বামী-স্ত্রীর দৈহিক সম্পর্কের সুযোগ নিয়ে ঝগড়া মিটিয়ে দেবার চেষ্টা করবেন না।

সবই তা বুঝগার। আমরা বহুদর্শী নয়, কিন্তু ভাবছি, এত রকমের আঁচবাঁচ বেধে ঝগড়া করা সম্ভব যদিও বা হয়, তা সেটা কিরকমের ঝগড়া হবে।

### হলের মধ্যে ফুটবল

পতবৎসর শীতকালে আমেরিকার আটলান্টিক সিটির হাইস্কুলগুলির ফুটবল খেলার প্রতিযোগিতা হয় সেখানকার টাউনহলের মধ্যে। ৩৩০ ফুট



হলের মধ্যে ফুটবল

লম্বা ও ৩০০ ফুট চওড়া এই হলটির মেঝে ঢেকে দেওয়া হয় চার ইঞ্চি পুরু মাটি দিয়ে। হলটির ১৩৭ ফুট উঁচু ছাত বার ভিতরে আমাদের নিউ সেক্টেরিয়েট বিল্ডিংটির স্থান হয়, খেলোয়াড়দের উঁচুর দিকে কিক করা বলের কোনো অহুবিধা ঘটায় নি।

### গেলার হিসাব

খাদ্য, পানীয়, বা মুখের লালানিঃসরণ মানুষ কতবার গেলে? এর উত্তর, গড়গড়ত! হিসাবে :

মুখের মধ্যে পাঁচবার ৩৮ বার।

জাগ্রত অবস্থার বিশ্রামের সময় ঘণ্টায় ৩১ বার।

গড়াশোনা করার সময় ঘণ্টায় ৩৪ বার।

খাওয়ার সময় পাঁচ মিনিটে ২৪ বার।


### আত্মরক্ষার প্রস্তুতি

এর কতটা প্রচার (প্রোপাগান্ডা) আর কতটা সত্যি তা আশ্য বোধ্য শব্দ, তবে সম্প্রতি রুশীয় সৈন্যবাহিনীর ইঞ্জিনিয়ার দলের একজন অধিনায়ক রেডগার নামক তাঁদের একটি কাগজে লিখেছেন : পশ্চিমী সাম্রাজ্যবাদীরা পারমাণবিক যুদ্ধের উদ্ভাবনকে অনেক বেশী বাড়িয়ে প্রচার করেন। তাঁদের উদ্দেশ্য, অন্য দেশগুলিকে ভয় দেখিয়ে, হুমকি দিয়ে, blackmail করে নিজেদের আরওর মধ্যে আনা। কিন্তু তাঁদের এই অপ-প্রচার মোস্তিলেটের জনগণ সম্বন্ধে কার্যকর হবে না, কেননা তারা সুনির্মিত ভাবে আত্মরক্ষার শিক্ষা পেয়ে এমনভাবে তৈরি হয়েছে যে, পারমাণবিক আক্রমণ সম্বন্ধে তাঁদের মনে কোনো ভয়-ভর আর নেই।

আত্মরক্ষার প্রস্তুতি খুবই ভাল জিনিষ, কিন্তু সেইসঙ্গে ভয়-ভরও একটু থাকলে ভাল হ'ত না কি?

### বৈজ্ঞানিক তাল

আপনার বাড়ীঃ সদর দরজার ঠানার চাঁব পংকটে নিয়ে আপনাকে



বৈজ্ঞানিক তাল

ঘুরতে হয় না, যদি মুইডেনে তৈরি এই বৈজ্ঞানিক তাল একটি সংগ্রহ করে আপনি দরজার লাগিয়ে নিতে পারেন। এই তালার কাজ হ বৈজ্ঞানিক শক্তিতে। আপনার নিজের নিকীচিত পাঁচটি সংখ্যা পর প টিপে ডায়াল করলে তাল গুলবে, আর কিছুতেই গুলবে না। যদি আপনাকে কোনো সন্দেহ হয় যে, আপনি কোন্ সংখ্যার পর কোন্ সংখ্যা টিপছে সেটা হয়ত কেউ জেনে গিয়েছে, তা আপনি সংখ্যাগুলির পারস্পর্য বদলে নিতে পারেন, ডায়াল লেকে যে তারগুলি আপনার বাড়ীর ভিত্তে গিয়েছে তাদের মাগগুলিকে একটু এদিক-সেদিক করে সাজিয়ে।

### হাওয়ার কুশন

ইংলণ্ডের যে রাস্তা দিয়ে হবির ঐ ট্রাকট চলছে সেট উঁচুনা! অসম্মান। তাতে ট্রাকের লোকদের খানিকটা ঝাঁকানি বেতে হত





হাওয়ার কুশন

পারে, কিন্তু গ্রেজ জাতীয় যে চাকাহীন যানটিকে ট্রাকটাটেনে নিয়ে চলেছে তার আরোহীর গায়ে একটুও ঝাঁকানি বা দোলা লাগবে না। এর কারণ গ্রেজটি ঠিক রাস্তার উপর দিয়ে চলেছে না, তার আর অসমান রাস্তাটার মধ্যে আছে একটি হাওয়ার কুশন। এই কুশন তৈরি করছে দু'টি পাখা আর হাওয়া ধরে রাখার একটি পর্দা। যুদ্ধক্ষেত্রে আহত ব্যক্তিদের স্ট্রচার তাদের ঝাঁকানি না পাইয়ে অসমান জমি বা রাস্তার উপর দিয়ে বয়ে নিয়ে যাবার জন্তে এই ব্যবস্থা।

শহুরে ব্যাধি

পত্রীক্ষা-নিরীক্ষার ফলে প্রমাণিত হয়েছে যে, নিউ ইয়র্ক শহরে (শহরতলি বাদ দিয়ে) প্রতি পাঁচজন মানুষের মধ্যে চারজনের মনের স্বাস্থ্য স্বাভাবিক নয়, এবং পাঁচজনের মধ্যে একজনকে নিঃসন্দেহে মানসিক পীড়াগ্রস্ত বলা যেতে পারে। আরও যা জানা গেছে তার মধ্যে এইগুলি উল্লেখযোগ্য : বিভবান্দের চেয়ে বিভূহীনদের মধ্যে মানসিক রোগের প্রকোপ বেশী। এই রোগগ্রস্ত বিবাহিত স্ত্রীপুরুষের মধ্যে সংখ্যার অনুপাতের পার্থক্য বিশেষ নেই, কিন্তু অবিবাহিত পুরুষেরা অবিবাহিতা স্ত্রীলোকদের চেয়ে এই রোগে ভোগে বেশী। সবচেয়ে বেশী ভোগে বাদের বিবাহবিচ্ছেদ হয়েছে তারা, স্ত্রীপুরুষ নির্দিশেষে।

মনস্তত্ত্ববিদ বিশেষজ্ঞদের মতে পুণিবীর সমস্ত বড় শহরগুলির এই একই অবস্থা। এইসব শহরে প্রায় সমস্ত অধিবাসীরাই একটু বেন কেমনধারা। একটু অস্বাভাবিক হওয়াই বেন শহুরে মানুষের পক্ষে স্বাভাবিক।


শহর জিনিষটাই কি তা হ'লে অস্বাভাবিক? বোধ হয় তাই। শহরগুলিকে তুলে দেওয়া যায় না? মানুষ কির যেতে পারে না শান্ত-স্বিক প্রাকৃতিক পরিবেশের মধ্যে পল্লীতে পল্লীতে?

এদেশে এক শতাব্দীর মধ্যে হবে কি ?

আমেরিকার নিউ জার্সির লিঙ্কন শহরে খেলার মাঠে গ্রীষ্মকালে দশ সপ্তাহের জন্তে ছেলেমেয়েদের সীতার শেখা ও সীতার কাটার ব্যবস্থা করা হয় চলমান হুইমিং পুলের সাহায্যে। ইম্পাতে ও জল-নষ্ট-হয় না এমন কাঠের তৈরি, দৈর্ঘ্যে ২০ ফুট ও প্রস্থে ৮ ফুট এই হুইমিং পুল মোটরট্রাকে বসিয়ে নিয়ে আসা হয় খেলার মাঠে। সেইসঙ্গে একটি মোটরজান চলে আসে ব্যায়ামের নানা উপকরণ নিয়ে। জ্যানটিতে ছেলেমেয়েরা কাপড় ছাড়ে, বদলায়। একদল ছেলেমেয়ে বধন সীতার শেখা, সীতার কাটে, আর একদল নানা রকমের ব্যায়াম নিয়ে মেতে থাকে।

মালপত্রের ঘোরাঘুরি

অধিকাংশ বিমানবন্দরে মালপত্র বুকে নেবার জন্যে যাত্রীদের ঘোরাঘুরি করতে হয়। সান ফ্রান্সিস্কো'র ইন্টারন্যাশনাল এয়ার পোর্টে, ইউ-নাইটেড এয়ার লাইন্সের যাত্রীদের সহজে ওঠ'নামা করবার একটি নতুন ধরণের ব্যবস্থার কথা পূর্বে আমরা বলেছি। যাত্রীদের সুবিধার জন্যে এটিও উদ্ভাবিত আর একটি অভিনব ব্যবস্থা। আপনার মালপত্রের গৌজে আপনি ঘুরবেন না, আপনার গৌজে আপনার মালপত্র ঘুরবে।



মালপত্রের ঘোরাঘুরি

সবার উপরে


সবচেয়ে দ্রুতগামী পশু : চিত্রাবাঘ। প্রয়োজন হ'লে কতকটা পশু ঘণ্টায় ৮৪ মাইল বেগে এরা ছুটতে পারে।

সবচেয়ে দ্রুতগামী মাছ : সোডকিশ। ঘণ্টায় ৫৭ মাইল পর্যন্ত উঠতে পারে এদের গতিবেগ।

সবচেয়ে দ্রুত বেড়েওঠা গাছ, আফ্রিকার উগাণ্ডায় একজাতীয় ইউক্যালিপ্টাস ছ'বৎসরে ৪৫ ফুট বাড়ে, দেখা গেছে।

সবচেয়ে গতিশীল ট্রেন : করাসীদেশের দু'টি বৈজ্ঞানিক ইঞ্জিন ১৯৫৫ সালে এক শ টন মাল-বোঝাই তিনটি ওয়াগন টেনে নিয়ে ঘণ্টায় ২০৫ মাইলেরও বেশী বেগে চলেছিল অন্ততঃ সওয়া মাইল রাস্তা।

সবচেয়ে দ্রুতগামী বাষ্পীয় ইঞ্জিন : ব্রিটেনের মালার্ড ইঞ্জিন, যা ২৪০



ইতিহাসে বসে মাছধরা

টন ভারবাহী। কোচ টেনে ১৯৬৬-এর জুলাই মাসে নিজের গতিবেগ ঘণ্টায় ১২৬ মাইল পর্যন্ত তুলেছিল।

সবচেয়ে গতিশীল লিফট : দেখতে পাবেন নিউইয়র্কের আর-সি-এ বিল্ডিংএ, এরা ঘণ্টায় ১৬ মাইল বেগে ওঠানামা করে।

সবচেয়ে দ্রুতগামী জলবান : ব্রিটেনের ডোনাল্ড ক্যাম্পবেল ১৯৫৬ সনের ১৬ই সেপ্টেম্বর তার টার্কোইলিন্ডনগালা নৌকাটিকে ঘণ্টায় ২৮৬ মাইল বেগে চালিয়েছিলেন।

সবচেয়ে দ্রুতগামী স্থলবান : লেঃ কর্নেল জন্ এল স্ট্যাপ ১২ মার্চ ১৯৫৪ সনে তার রকেট-প্রোজেক্টর গতিবেগ ঘণ্টায় ৬০২ মাইল পর্যন্ত তুলেছিলেন। চাকাওয়ালা যানের সর্বোচ্চ গতিবেগ ঘণ্টায় ৪০৪'৬০ মাইল পর্যন্ত তুলেছিলেন আমেরিকার মিকি টমসন, ১৯৬০ সনের ৯ সেপ্টেম্বর তারিখে।

কচ্ছপের গতিবেগ : নানারকম প্রলোভনের মুখেও মিনিটে ৫ গজের বেশী ওঠে না।

শামুকের গতিবেগ : ঘণ্টায় ২৩ ইঞ্চি থেকে ৫৫ গজ পর্যন্ত এদের দৌড়।

সবচেয়ে উঁচু সমুদ্রতরঙ্গ : ১৯৬৩ সনের ৬,৭ ফেব্রুয়ারীতে রানাপো নামক একটি আমেরিকান জাহাজ ম্যানিলা থেকে মান্ ডিয়েগো বাবার পথে ভীষণ ঝড়ের মধ্যে পড়ে। বায়ুর গতি ছিল ঘণ্টায় ৭৮ মাইলেরও কিছু বেশী। সেই ঝড়ে সমুদ্রে যে তরঙ্গ ওঠে, জাহাজ থেকে তার উচ্চতার মাপ নেওয়া হয়। এক-একটি তরঙ্গ ১১২ ফুট পর্যন্ত উঁচু হয়েছিল।

পাখীদের সবচেয়ে লম্বা ওড়ার পাল্লা : একটি এ্যান্‌বেট্রস আতীয় পাখী কিলিপাইন দ্বীপপুঞ্জ থেকে প্রশান্ত মহাসাগরের মিডওয়ে এ্যাটলে একটানা উড়ে গিয়েছিল। তারপা ছ'টির ব্যবধান ৪,১২০ মাইল।

রেলপথের সবচেয়ে লম্বা হুড়ক : আকস্ পর্বতের নীচে দিয়ে কেটে নিয়ে যাওয়া এই হুড়কটির দৈর্ঘ্য ১২ মাইল ১,৬৭৭ ফুট। ১৯২২ সনে এর নির্মাণকার্য শেষ হয়। ইটালীর সঙ্গে সুইজারল্যান্ডকে রেলপথের সাহায্যে জুড়েছে এই হুড়ক।

সাধারণ চলাচলের পথের সবচেয়ে লম্বা হুড়ক : এটির নাম কানমন হুড়ক। জাপানের হোনশু থেকে এই ৬.১১ মাইল লম্বা হুড়কটি চ'লে গিয়েছে কিউশু দ্বীপে। ১৯৫৮ সনে এর নির্মাণকার্য শেষ হয়েছে।

কংক্রিটের তৈরী সবচেয়ে বড় বাধ, বা আবার কংক্রিটের বৃহত্তম স্থাপত্য : এটি হচ্ছে আমেরিকার কলম্বিয়া নদীর গ্রাণ্ড কুলী (Grand Coulee) ড্যাম। ৪,১৭০ ফুট লম্বা ও ৫৫০ ফুট উঁচু এই ড্যামটির নির্মাণ কার্য ১৯৪২ সালে শেষ হয়। এতে আছে এক কোটি পাঁচ লক্ষ পঁচালি হাজার বর্গ গজ পরিমাণ কংক্রিট, বার ওজন ছ'কোটি বোল লক্ষ টন। এর বিদ্যুৎ-উপাদান কেন্দ্রে সাড়ে বারো লক্ষ কিলোয়াট বিদ্যুৎ উৎপন্ন হয়। এই ধরনের বিদ্যুৎ-উপাদান কেন্দ্রের মধ্যেও পৃথিবীতে এইটি বৃহত্তম।

সবচেয়ে গভীর গর্ত : আমেরিকার টেনেসসে ভেলের সন্ধানে ১৯৫৮ সালে মলের সাহায্যে যে গর্তটি খোঁজা হয় তার গভীরতা ছিল ২৫,৩৪০ ফুট (৪'৮ মাইল)। এটি খুঁড়তে সময় লেগেছিল ৭৩২ দিন এবং খরচ হয়েছিল ত্রিশ লক্ষ ডলার।

সবচেয়ে গভীর খনি : এটির নাম ইটর্যাণ্ড প্রোপ্রাইটারী মাইম। এটি আছে দক্ষিণ আফ্রিকার ট্রান্সভালে বোক্সবার্গ নামক স্থানে। ১৯৫৮ সালে এর গভীরতা ১১০০ ফুট ছাড়িয়ে যায়।

সবচেয়ে গভীর নলকূপ : অস্ট্রেলিয়ার কুইন্সল্যান্ডে একটি নলকূপের গভীরতা ৭,০০৯ ফুট।

সবচেয়ে নিঃসঙ্গ গাছ : সাহারা মরুভূমির টেপেরার নামক

ওয়েসিসে গাছ আছে মাত্র একটি। এর শিকড় চ'লে গিয়েছে ১০০ ফুট নীচে অর্থাৎ। এর চারদিকে ১০০০ মাইলের মধ্যে আর কোনো গাছ নেই। কিন্তু এমনই দুর্ভাগ্য, যে, ১৯১০ সালে একটি ক্রাসী লরী এর গারে এসে থাকা মারে, কলে গাছট এখন মরবার মুখে।

সবচেয়ে বড় বিস্ফোরণ : ১৮৮৩ সালের ২৭শে আগষ্ট ক্রাকাটোরার অগ্ন্যুদ্গিরণ পৃথিবীর ইতিহাসে সবচেয়ে বড় বিস্ফোরণ। ইণ্ডোনেসিয়ার সুভা প্রদেশীতে ক্রাকাটোরা ঘীপট অর্থাৎ। এই বিস্ফোরণের কলে বড় বড় পাথরের চাই ৩৪ মাইল উঁচু অবধি উৎক্ষিপ্ত হয়েছিল। বিস্ফোরণের দশ দিন পরে ৩,৩১৩ মাইল দূরে এর ধুলো ও ছাই পড়তে দেখা গিয়েছিল। ৩০০০ মাইল দূরবর্তী রড্রিকেন্স ঘীপে চার ঘণ্টা পরে এই বিস্ফোরণের শব্দ শোনা গিয়েছিল, "বড় কামানের গর্জনের মত।" সবচেয়ে শক্তিশালী হাইড্রোজেন বোমার বিস্ফোরণের এক শ' গুণেরও বেশী শক্তি ছিল এই বিস্ফোরণে।

সবচেয়ে উঁচু থেকে পড়া : ১৯৪৪ সনের ২৩শে মার্চ জার্মানীর উপরে ব্রিটিশ রয়্যাল এয়ার ফোর্সের একটি বোমার বিমানে আগুন ধ'রে যায়। তখন সেই অগ্নি বিমান থেকে ২১ বৎসর বয়স্ক ফ্লাইট লেকটেন্যান্ট নিকোলাস স্টিফেন আল্কেমেড বিনা পারাশুটে লাফিয়ে পড়েন। বিমানটি তখন ১৮০০০ ফুট উঁচুতে উড়ছিল। আল্কেমেড সরাসরি মাটিতে না প'ড়ে প্রথমে পড়েছিলেন একটা ঝাঁট গাছের উপরে, সেখান থেকে পড়েন ১৮ ইঞ্চি পুরু বরফের আস্তরণে ঢাকা একটা জায়গায়। আল্কেমেড মারা ত বানই নি, তাঁর শরীরের একটা হাড়ও ভাঙে নি।

সবচেয়ে নমনীয় ধাতু : এটি হচ্ছে সোনা। বিশুদ্ধ সোনা, কিংবা পতকরা তিনভাগ রূপা ও তামার ষাট মেশানো সোনাকে পিটিয়ে এক ইঞ্চির হাজার ভাগের একভাগ থেকে আড়াইলক্ষ ভাগের একভাগের মত পাতলা পাত তৈরি করা যায়। এক গ্র'উন্স সোনাকে টেনে লখা ফ'রে ৫১ মাইল লখা তারে পরিণত করা যায় ছিঁড়তে না দিয়ে।

### শরীরের যন্ত্রাংশ পরিবর্তন

মোটরগাড়ীর কোনো যন্ত্রাংশ ভেঙে বা বিগড়ে গেলে সেটাকে যেমন বদলে নেওয়া সম্ভব হয়, শরীরের কোনো যন্ত্রাংশ অকাজ হলে পড়লে ঠিক সেইভাবে সেটাকে বদলে নেওয়া যেতে পারে কি না, তার পরীক্ষা অত্যন্ত সতর্কতার সঙ্গে এবং অনেক সময় নিয়ে বহুদিন ধ'রে বিজ্ঞানীরা ক'রে চলেছেন।

অস্ত্র লোকের কাছ থেকে ধার করা কিডনী বা মূত্রাশয় নিয়ে বেশ হস্ত শরীরে অস্ত্রতঃ তিমজন লোক এখনো বেঁচে আছেন।

মুশকিল হচ্ছে আমাদের শরীরের একটা ধর্ম এই যে, যেসমস্ত গারীর-কলা বা tissues আমাদের শরীরে নিজে থেকে উপজাত হয় না, আমাদের শরীর সেগুলিকে একেবারে বরদাশ্ত করতে পারে না, বর্জন করে। আর আমাদের শরীর সেটা করে ব'লেই জীবাণুঘটিত অনেক গাধি থেকে আমরা রক্ষা পাই। কিন্তু আবার এই একই কারণে য কোনো মানুষের শরীরের যন্ত্রাংশ যে কোনো অপর মানুষের কাজে গাণে না। ঠিক যেমন ফোর্ড পাড়ীর যন্ত্রাংশ ওপেল গাড়ীর কাজে গাণে না। শারীরবৃত্তি অস্ত্র এমন হৃদয় বমজরাই একমাত্র পরস্পরের শরীরের যন্ত্রাংশ অল্পদে পরস্পরের কাজে লাগাতে পারে।

কিন্তু যে তিমজন মানুষের কথা উপরে বলা হয়েছে তাঁদের বমজ কউ ছিল না ব'লে তাঁরা কিডনী ধার নিয়েছেন তাঁদের অতি নিকট স্বামীদের কাছ থেকে। যেমন, এক ব্যক্তি কিডনী ধার করেছেন তাঁর মায়ের কাছ থেকে। যা এবং ছেলে দুজনেরই এখন একটা একটা কিডনীতে কাজ চলেছে। অবশ্য বেশ ভালভাবেই চলেছে। কিন্তু এখন যন্ত্রাংশগুলিকে লেব'রটরীতে তৈরী করবার চেষ্টা চলেছে। এ বিষয়ে 'একটি চমকপ্রদ তথ্য আগামী মাসের প্রকাশীতে আমরা প্রকাশ করব।

### সবচেয়ে কঠিন পদার্থ কি ?

উত্তর হচ্ছে, হীরা। অনেক মণিমাণিক্য, কিছু কিছু তার নবাবিহৃত, যেমন টাইটেনিয়া, হীরার চেয়েও হৃদয় এবং উজ্জল। কিন্তু সব অবস্থায় ঠিক থাকবে, অর্থাৎ নিজে যা তাই থাকবে, মানুষের প্রমথিত যার সবচেয়ে বেশী প্রয়োজন, সে ক্ষমতার হীরার কাছে কেউ এগোতে পারে না। অদ্যাবধি মানুষের জানা সব পদার্থের মধ্যে হীরাই কঠিনতম।

### শিশুরা কাঁদে কেন ?

শিশুরা কাঁদে, আমরা তাদের কাঁদতে শেখাই ব'লে। শিশুর বধন ক্ষিদে প'র, সে হয় খিভ বের করবে, নয় চোঁট চাটবে। তার শীত করলে সে গা মোড়ামুড়ি দেবে বা কাঁপবে। ভিজিয়ে শুয়ে থাকলে সে ঠাটবে। আমরা যদি তখন তাকে স্ব'র্গের ফুল ভেবে মশগুল হয়ে থাকি, ত সে বেচারাকে কিছু একটা করতে হয় সে বা চায় তা পাবার জন্যে ?

কি সে আর করতে পারে কাঁদা ছাড়া ? তাই সে কাঁদে।

অহুহতার জন্যে যে কাঁদা, সেটা আশা কেউ তাকে শেখায় না। মৃত শিশুদের কাঁদার কথাই বলা হচ্ছে।

### অলৌকিক

ছপুর বারোটার সময় ১৮৫৮ সালের ১১ই ফেব্রুয়ারী চৌদ্দবৎসর বয়সী বারনাডেট্ সেবিরাস তার ছোট বোন ও অপর একজন সঙ্গিনী সহ ফ্রান্সের একটি গ্রাম লুড'সে তাদের বাড়ীতে ফিরছিল। তারা গেস্'স নদীর তীরে কাঠ ও পুরোন হাড় কুড়িয়ে সকাধ কাটিয়েছিল। সঙ্গিনীদের পিছন পিছন যেতে যেতে হঠাৎ একটা ঝাড়া হাওয়া অনুভব করে বারনাডেট্ মূপ তুলে উণ্টোদিকের তীরের দিকে তাকাল। সেইখানে গোলাপকুল ছড়ান গুহার মুখে একটি "ছোট মেয়ে" তার দিকে চেয়ে হাসল - মেয়েটি সজ্জ বেশপারিণী, ও নীল কে'মরবন্ধ ও গুড়নায় সজ্জিত।

এইভাবে একটি অতিশয় দরিদ্র বা তাকালের মালিকের অশিক্ষিতা কন্যা বারনাডেট্ সকাধপ্রথম ভারজিন মেরিকে দেখল—এটি দৈবদৃশ্যের সর্বপ্রথম দৃশ্য। প্রথম প্রথম বকুনি দেওয়া এবং তাকে পাগল প্রতিপন্ন করবার চেষ্টা করা হলেও যুগপৎ চাচ' এবং রাজা অগ্নাশ্র লক্ষ লক্ষ সাধারণ মানুষের ন্যায়ই বারনাডেট্‌র মততা সম্বন্ধে পরে নিঃসন্দেহ হ'ল।

কিছুদিনের মধ্যে ওই গুহার কাছে একটি গাঁড়া বানান হ'ল এবং লুড'সও, গেক্সামেন ও রোমের মত একটি ক্যাপলিক্ তীর্থস্থানে পরিণত হ'তে চল।

ওই দৈবদৃশ্যগুলি ছাড়া যে কারণে এই লুড'স গ্রামটি লোকের কাছে এত আকর্ষণীয় সেটি হচ্ছে এর রোগ সারাবার শক্তিশাল্য জল। এটি বারনাডেট্ ভারজিন মেরির সঙ্গে কপাবাভার সময় আবিষ্কার করে, এটি অনেক মানসিক ও দৈহিক রোগকে সারিয়েছে। একশটির চেয়ে কিছু বেশী ঘটনা চাচ' অলৌকিক ব'লে গণ্য করেছে। বলেছে, "আকস্মিক, চূড়ান্ত, এবং সাধারণ নিয়মাবলীর বর্হিভূত।"

বারনাডেট্ ১৮৭৯ সালে নেভাসের একটি মঠে দেহত্যাগ করে। সে মৃত্যুকালে এই কথাটি স্মরণে রেখেছিল যে ভারজিন মেরি তাকে বলেছিলেন "আমি ইহলোকে তোমাকে হুখী না করলে ও পরলোকে করব।"

### ইজিচেয়ারে ব'সে মাছ ধরা

এই ইজিচেয়ারটি সবদিক দিয়ে অন্য-সব ইজিচেয়ারেরই মতন, তফাৎ কেবল এই যে, এটি জলে ভাসে। গোড়াতে হুইসিং পুলে আয়েস



হাওয়াই নৌকা

ক'রে স্নেসে বেড়াবার জন্যে একে ব্যবহার করা হ'ত, কিন্তু আজকাল মাছ ধরার কাজেও একে লাগানো হচ্ছে। এলুমিনিয়াম টিউবের হৈরি ফাঁপা ফ্রেম, বোনা প্লাস্টিকের সিট, পলিষ্টিরিন ফোমের হৈরি হাত ও পা রাখবার জায়গা। পাদানটাকে খুলে নিয়ে পিছনে লাগালে তার উপরে মাথা রেখে আরাম করা যায়।

### সর্দিগর্শ্মি

Sunstroke বা heat stroke, বাংলাতে থাকে আমরা সর্দিগর্শ্মি বলি, মানুষ তাতে ভোগে, যখন তার শরীরের কতগুলি প্রয়োজনীয় লবণ জাতীয় জিনিষ খানের সঙ্গে খুব বেশী পরিমাণে বেরিয়ে যায়। সেটা যখন ঘাট তখন শরীর যন্ত্রের কতগুলি ক্রিয়া ব্যাহত হয়ে মানুষ অচেতন হয়ে পড়ে। হুতরাং রোগে না বেরোলেও sunstroke বা সর্দিগর্শ্মি মানুষের হতে পারে।

একটু সাবধান হয়ে চললেই সর্দিগর্শ্মির হাত গড়ানো যায়। খুব গরমের মধ্যে কাজ করতে হবে যখন কখনো, তখন পেট বোকাই ক'রে থাকবেন না, সহজে হজম হয় এমন জিনিষ খাবেন, মদ্যপান একেবারেই করবেন না, বিশেষতঃ দিনের বেলায়, এবং তখন একটু বেশী ক'রে খাবেন। চিলেটালঃ এমন কাপড়জামা পরবেন যার ভিতর দিয়ে হাওয়া চলাচল করতে পারে।

সর্দিগর্শ্মি হঠাৎ হয় না, আগে থেকে জানান দিয়ে হয়। যদি দেখেন ছেলেমেয়েদের কান্নার গরমে মাথা ধরেছে, সেই সঙ্গে মাথা ঘুরছে, গা বমি বমি করছে, গা গরম হয়েছে, আর নাড়ীর গতিও দ্রুত, তা হ'লে তাকে অবিলম্বে ঠাণ্ডা জায়গায় নিয়ে গিয়ে শুইয়ে দেবেন।

সর্দিগর্শ্মির আক্রমণ শুরু হয়ে গেলে অবিলম্বে প্রাথমিক চিকিৎসার ব্যবস্থা করতে হয়। রোগীকে ঠাণ্ডা হাওয়ার চলাচল হচ্ছে এমন জায়গায় নিয়ে গিয়ে শুইয়ে দিন, কেবল দেখতে হবে তার মাথাটা ঘেন দেহের তুলনায় বেশ একটু উঁচু হয়ে থাকে। পরনের কাপড়-চোপড় সব ছাড়িয়ে নিয়ে একটি চাদর দিয়ে তার শরীরটা ঢেকে দিন আর সেই চাদরের উপর ঠাণ্ডা জল ছিটকে দিতে থাকুন। আইসব্যাগ, বা ঠাণ্ডা জলে ভেজানো তোয়ালে মাথায় চাপা দিলে ভাল কল পাওয়া যায়। কোনোরকমের উত্তেজক পানীয় কিছুই খেতে দেবেন না, ঘুন মেশানো

ঠাণ্ডাজল কেবল খেতে দেবেন না, মাঝে মাঝে তারপর চাঁড়ার ডাকবেন।

### হাওয়াই নৌকা

হাওয়ার কুশনের কথা আগে বলা হয়েছে। এই নৌকাগুলো হাওয়ার কুশনের উপর দিয়ে চলে না, চলে জলের উপর দিয়ে, কিন্তু হাওয়ার হেনায় চলে বলে অগভীর জল এবং জনস্র উদ্ভিদ ইত্যাদির উপর দিয়ে এদের গতি স্বচ্ছন্দ।

### ভগবান্ আমাদের রাণীকে রক্ষা করুন

God save the Queen ইংরেজদের এই দলবদ্ধ প্রার্থনা আজকে যেমন ইংলণ্ডে প্রত্যন্ত শোনা যায়, রাণী ভিক্টোরিয়ার রাজত্বের সময়ও ঠিক সেই রকমই শোনা যেত। অনেকের বিশ্বাস যে সেসময় একবার অন্তঃ এই প্রার্থনা কনপ্রদ হয়েছিল।

একটি এক্সপ্রেস ট্রেনে রাণী ভিক্টোরিয়া লণ্ডনে আসছিলেন। সারাদিন বৃষ্টি হয়েছে, ঘন কুয়াসায় চারিদিক আবৃত। হঠাৎ ইঞ্জিনের ড্রাইভার দেখতে পেলে, তার সামনে একটা কালো মূর্তি দিগন্তের মত ক্ষিপ্ৰবেগে তাত নেড়ে হসারায় কি যেন বজতে চাইছে। ড্রাইভার ত্রেক ক'রে গাড়ী থামাল। একজন কন্ডাক্টার নেমে গেল দেখতে, কি ব্যাপার। সে দেখল, গাড়ী যেখানে পোমেছে তার হুঁশ গজের মধ্যে বৃষ্টির জনধারা-স্বীত একটা নদীতে রেল লাইনের পুল একটা ভেঙে পড়েছে। ট্রেনযাত্রীদের নিশ্চিত মুহূর্ত থেকে যে রক্ষা করেছে তখন তার সন্ধান শুরু হ'ল, কিন্তু কয়েক মাইলের মধ্যে বৃষ্টি-ভেজা নরম মাটিতে কোনো মানুষের পায়ের চিহ্ন দেখতে পাওয়া গেল না।

কয়েক ঘণ্টা পরে পুলটা মেরামত হ'ল এবং ট্রেনটা আবার চলতে লাগল লণ্ডনের দিকে। ড্রাইভার বখারীতি ইঞ্জিনের সব ঠিক আছে কি না মাঝে মাঝে দেখেছে। ডেডলাইটটা পরীক্ষা করতে নেমে গিয়ে সে একটা অদ্ভুত জিনিষ দেখল। দেখল, একটা মস্তবড় পতঙ্গ ছুই ডানা প্রসারিত করে হেড লাইটের কাঁচের গায়ে লগ্ন হয়ে ম'রে রয়েছে। এরই ডানা ঝাপটানোর ছারাকে একটা কালো মূর্তির ইসারা মনে ক'রে ড্রাইভার ত্রেক ক'রেছিল!

ব্রিটিশ মিউজিয়ামে যদি কখনো যান ত ভিক্টোরিয়ার জীবন রক্ষা করেছিল এই যে পতঙ্গটি, তাকে আপনি দেখতে পাবেন।

স্মি.



# কাশ্মীরী কবি যুজাফর আজিম অবলম্বনে

সুনীলকুমার নন্দী

তুমি কি কখনো দেখেছো প্রভাত জাগা—

সুরু হয় যেই সূর্য পরিক্রমা,

বহু দূরে দূরে পাহাড়ের যত চূড়া

স্নান করে যেন দীপ্ত অরুণরাগে ।

প্রেমিক বৃষ্টি বা প্রেমের খেলার ছলে

মুকুরে কিরণ করে প্রতিবিম্বিত—

চোখের স্পর্শ রক্তে লাগায় দোলা,

হৃদয় বিদ্ধ হয় সে-আলোর তীরে ।

সাহসে ভর করে রাতের এ-আঁপারে

যদি গো যেতে চাও গহন বনে,

শুনতে পাবে তুমি বাতাসে বনভূমি

ফার ও পাইন শাখে কী সুর বোনে !

হয়তো মনে হবে কোন বা বনপরী

বিলায় পথে পথে গানে ঝবর—

সে-কথা মনে হতে হৃদয় নেচে ওঠে,

শুশিভে কল্পিত হয়, মধুর ।

যখন প্রাঙ্গণে পায়রা ঝাঁকে ঝাঁকে

খাওয়াতে বস তুমি, হয়তো উন্মনা

হয়েছ ভেবে এই জীবনে লাভ-কৃতি ।

অথবা মনে পড়ে পুরণো মধুস্মৃতি,

যে এসে তুলে ধরে জীবন-নাট্যের

দৃশ্যাবলীময় পর্দা, ছায়াছবি ।

সৃষ্টি সুরু থেকে ফুলের রূপমায়া

কবির গানে গানে দিয়েছে উপহার ।

তাদের চিন্তাকে করলে অহুসার

বিশাল রূপময় জগৎ উঁকি দেয় ।

আমার কথা শোন, ওই যে-রূপময়

জগতে প্রবেশিলে তার কী বিস্তার

রক্তে ধ্বনি তোলে বেদনামিশ্রিত

মধুর তীব্রতা, যা স্মৃতি তুলে রাখে ।

অবিশ্রান্ত বৃষ্টির সুরে যদি

মনোযোগ আসে, সুন্দর শিবসত্য

করবেই জেনো গানের তন্ত্রী-স্পর্শ—

সৌন্দর্যেই ভরে ওঠে মনমুঠি,

মুক্ত করো না এ-রূপের সঞ্চয় ।

সৌন্দর্যের কয়েকটি দিক তুলে

ধরা কি হয়েছে তোমার সামনে, সখি ?

কী যে লোভ হয়, বলি আজ গানে গানে

আমারি প্রাণের অমর প্রেমের গাথা ।

এ-যে পরীক্ষা কঠিন কঠোর, যাকে

অতিক্রমণে বেদনার যন্ত্রণা ।

রুদ্রাক্ষের মংল্যে কী হবে বল

পরিণে মুক্তো, উজ্জ্বল দ্যুতিময়

মূল্য হারাবে নির্বোধ কোলাহলে

ডুবালে নিখাদ প্রাণের মুক্তোটিকে ।

এ-জীবন আহা সুন্দর মধুময়,

সুন্দর এই পৃথিবীর সব সৃষ্টি—

রূপ-রঙে হয় সব কিছু প্রাণময় ।

তার সে বিকাশ অহুভাবে কার্পণ্য

আসলে জীবন বৃথাই, বিপর্যস্ত ।

টানে যে-সখার যৌবন, জ্ঞান আলো,

তন্ময় প্রেম, বুদ্ধির যত কেলি,—

পৃথিবীর এই যত রূপ সৌন্দর্য

মূলত সব এক, নেই কোন পার্থক্য ।

আয়োজন শুধু অহুপাতে মিশ্রণ ত

মহৎ জীবন বুনতে নিপুণ হস্তে ।

সাবধানে, এর একটির ছুঁভিক্কে

জীবন-প্রবাহ ছঃসহ হয় ছঃখে ।

# বাংলা ও বাঙালীর কথা

শ্রীহেমসুন্দর চট্টোপাধ্যায়

পশ্চিমবঙ্গের উপর নূতন আঘাত

“উদ্বাস্ত-প্রেমী শ্রীমেহেরচাঁদ খান্না বাঙালী উদ্বাস্তদের নাকের জলে চোখের জলে এক করিয়া পুনর্জাগন দপ্তর গুটাইয়াছেন। এখন তিনি কেন্দ্রীয় পূর্ভমন্ত্রী হিসাবে আবেকবার বাংলা দেশের প্রতি নেক নজর দিয়াছেন। সম্প্রতি দক্ষিণ ভারতের কোয়াছাটুরে খান্নাজী সাংবাদিকদের নিকট বলিয়াছেন যে, কলিকাতায় কেন্দ্রীয় সরকারের যে ষ্টেশনারি অফিস আছে সেটাকে বিকেন্দ্রীকরণের সিদ্ধান্ত নেওয়া হইয়াছে। কারণ, কলিকাতার অফিসে ষ্টেশনারি মাল সংগ্রহ ও সরবরাহ করিতে বিলম্ব হয়। এই বিলম্ব দূর করিবার জন্ত কলিকাতার অফিসটিকে তিন টুকরা করিয়া ভারতের তিনটি জায়গায় স্থাপন করা হইবে। এই সংক্ষিপ্ত সমাচারেই কলিকাতার কেন্দ্রীয় ষ্টেশনারি অফিসের ভবিষ্যৎ সম্পর্কে তার ১৪ শত কর্মচারী বিচলিত হইয়া উঠিয়াছেন। বিচলিত হইবার কারণও যথেষ্ট আছে বলিয়া আমরা মনে করি। খান্নাজী কলিকাতা অফিসের বিলম্ব সম্পর্কে যে অভিযোগ করিয়াছেন তাহাই একটা শত বৎসরের পুরাতন অফিসকে ভাঙিয়া তিন টুকরা করার পক্ষে যথেষ্ট কিনা ভাবিয়া দেখা দরকার। কলিকাতা হইতে কেন্দ্রীয় সরকারের অফিস স্থানান্তর নূতন ঘটনা নহে। ইতিপূর্বে আরও কয়েকটি কেন্দ্রীয় সরকারের অফিস কোন না কোন অছিলায় এখান হইতে সরাইয়া লইয়া যাওয়া হইয়াছে। এবারে ষ্টেশনারি অফিসের পালা। কলিকাতার উপর কেন্দ্রীয় সরকারের কি কুদৃষ্টি পড়িয়াছে জানি না। কলিকাতার কেন্দ্রীয় ষ্টেশনারি অফিসের কাজকর্মের ক্ষমতা ইতিমধ্যেই অনেকখানি খর্ব ও সঙ্কুচিত করা হইয়াছে। কলিকাতার এই অফিস গত প্রায় একশত বৎসর ধরিয়া বিভিন্ন কেন্দ্রীয় সরকারী অফিস এবং বিদেশে ভারতীয় মিশন বা দূতাবাসসমূহে কাগজ কলম ইত্যাদি ষ্টেশনারি মালপত্র সরবরাহ করিয়া আসিতেছে। এ ছাড়া টাইপরাইটার, ড্রপিকিটর এবং শুল্ক যন্ত্রাদি সরবরাহের দায়িত্বও এই অফিস এতদিন সুস্থভাবেই পালন করিয়াছে। এই অফিসের ক্রম ক্ষমতা কাড়িয়া

লইবার ফলে এখন কার্যতঃ ইহা ঠুঁটো জগন্নাথে পরিণত। দিল্লীর কর্তাদের হুকুম না পাইলে এখানকার অফিস প্রায় কোন কিছুই ক্রম করিতে পারে না। দৃষ্টান্ত-স্বরূপ উল্লেখ করা যাইতে পারে যে, ষ্টেশনারি অফিসের মোট ক্রয়ের শতকরা ৮৫ ভাগই হইল কাগজ আর রেলওয়ে টিকিট ছাপাইবার বোর্ড। এইগুলি ক্রম করিবার ক্ষমতা কলিকাতা অফিসের নাই। নয়া দিল্লীর ডাইরেক্টর জেনারেল অব সাপ্লাইজ এইগুলি সরাসরি কিনিয়া থাকেন। বাধাইয়ের জিনিষপত্র ক্রয়ের পরিমাণ শতকরা পাঁচ ভাগ। এইগুলির ব্যবস্থাও হয় দিল্লী ও বোম্বাইয়ের উচ্চতন কর্তৃপক্ষের হাত দিয়া। বাকী ১০ শতাংশের মধ্যে পড়ে কার্ভণ, স্টেনসিল পেপার, নিব, পিন ইত্যাদি। এইগুলি কলিকাতা অফিস হইতেই ক্রম করা হয়। কিন্তু তার জন্ত যথারীতি সর্বভারতীয় টেণ্ডার আন্ধান করা হয় এবং এর বিলি ব্যবস্থাও হয় দিল্লীর চীফ কন্ট্রোলারের নির্দেশে। অতএব সরবরাহ কিংবা সংগ্রহের বিলম্ব যদি কিছু হয় তাহা এই দশ শতাংশ জিনিষের এবং তার জন্তও কলিকাতা অফিসের দায়িত্ব অত্যন্ত সীমাবদ্ধ। দিল্লীর দিকে চাহিয়া কাজ করিতে হইলে বিলম্ব হইবেই। কলিকাতা হইতে অফিস সরাইয়া মাদ্রাজে কিম্বা হায়দরাবাদে লইয়া গেলেও এই সমস্তার সমাধান হইবে না। ইহা কেবল কলিকাতা অফিসের দোষ নয়। দোষ সরকারী লালফিতার। তবে কি কলিকাতা হইতে টেণ্ডার আন্ধান হয় বলিয়াই খান্নাজী খান্না হইয়াছেন? এই তুঘলকী সিদ্ধান্ত গ্রহণের আগে কেন্দ্রীয় দপ্তরকে কতকগুলি বিষয় আবার ভাবিয়া দেখিতে অনু-রোধ করি। পশ্চিম বাংলার মত বেকার সমস্জাজর্জরিত একটা রাজ্য হইতে সরকারী অফিস স্থানান্তর শিক্ষিত বেকারদের কর্মসংস্থানের একটা পথ বন্ধ করিবে। বাহারা এখন কাজ করিতেছেন তাঁহারাও আর্থিক বিপর্যয়ের সম্মুখীন হইবেন। তা ছাড়া এই ষ্টেশনারি অফিসে মাল যোগান দিয়া কতকগুলি ক্ষুদ্র কুটীর-শিল্পও বাংলা দেশে গড়িয়া উঠিয়াছে। অফিস স্থানান্তরিত হইলে এই ক্ষুদ্র শিল্পগুলির পাট উঠিবে, তার কর্মচারীদেরও অন্ন সূচিবে।

মন্ত্রী মহাশয় দুর্ভাগা বাঙালীদের এইভাবে ভাতে মারার ব্যবস্থা করিলেন কেন? ইহা কি কল্যাণ-রাষ্ট্রের সমাজ-নীতি এবং অর্থনীতির সহিত সামঞ্জস্যপূর্ণ?—

আরও বেশী মন্তব্য করিবার অবকাশ ‘আনন্দবাজার’ রাখেন—যদিও আমরা অংশমাত্র পাঠকদের নিকট উপস্থিত করিলাম।

উদ্বাস্ত মন্ত্রী বাংলা এবং বাঙালীদের উপর খুলী নহেন নানা কারণে—তাই তিনি নূতন করিয়া আর এক দল বাঙালী উদ্বাস্ত সৃষ্টি করিবার প্রয়াস করিতেছেন।

অবাকু হইয়া ভাবিতেছি, কেন্দ্রীয় মন্ত্রীরা কি প্রত্যেকে এক-একজন স্বাধীন নরপতি? যাহা খুলি তাহাষ্ট করিবেন—বাধা দিবার কেহই নাই?

### ১লা আগষ্ট-এর ট্রামকর্মীদের ধর্মঘট

দৈনিক সংবাদপত্রের রিপোর্ট :

“ট্রামওয়ে কর্তৃপক্ষ দাবীদাওয়া মানিয়া লইতেছেন না এই অভিযোগে বুধবার ট্রামকর্মীগণ হঠাৎ কাজে যোগ দেন না। ফলে এইদিন কলিকাতা ও হাওড়ার অধিকাংশ রুটে ট্রাম চলাচল বন্ধ থাকে এবং প্রায় দশ লক্ষ যাত্রীর হ্রদ্যানির একশেষ হয়। ট্রামকর্মীরা কাজে যোগ দিবেন না এরূপ কোন সংবাদ পূর্বে জানা না থাকায় এইদিন জনসাধারণের দুর্ভোগের একশেষ হয়। বহু অফিসে ১লা তারিখ বেতনের দিন। অথচ ট্রাম বন্ধ, বাসে তিলধারণের স্থান নাই। বস্তুতঃ এইদিন অফিসযাত্রী এবং আরও অনেকে একরূপ হাতে প্রাণ লইয়াই বাসে যাতায়াত করিতে বাধ্য হইয়াছেন। নগরীর উনিশটি রুটের কয়েক হাজার ট্রামচালক ও কণ্ডাক্টর বিভিন্ন ‘শিফটে’ কাজে অস্থপস্থিত থাকিয়াছেন। প্রত্যুষ হইতেই হাওড়ার তিনটি রুটে ট্রাম বাহির হয় নাই। কলিকাতার পথে মাত্র কয়েকটি ট্রাম চলাচল করে। কর্মবিরতি সম্পর্কে পূর্বাঙ্কে কোন ঘোষণা করা হয় নাই। এই অঘোষিত কর্মবিরতির দরুণ আজ কলিকাতায় নাগরিকগণ এক চরম দুর্ভোগের মধ্যে পতিত হন। যে সকল ডিপোতে ট্রাম কণ্ডাক্টর ও ড্রাইভার থাকা সত্ত্বেও ট্রাম চালান হয় নাই, সে সকল ডিপোতে যাত্রীদের সঙ্গে ট্রামকর্মীদের বাদানুবাদ এবং দুইটি ডিপোতে উভয় দলের মধ্যে ঝাড়াধাকি হয়। কোন কোন ক্ষেত্রে কর্মীরা যাত্রীদের প্রহারের ভয় দেখায়। হাওড়ায় বাসে ঝুলিয়া যাইবার সময়ে দুর্ভটনায় পতিত হইয়া একটি যুবক মারা গিয়াছেন ও অপর একজন গুরুতর আহত হইয়াছেন।”

ট্রামকর্মী এবং ট্রাম-কর্তৃপক্ষের বিরোধের বিষয়মূল ফল

ভোগ করিতে হইবে যাত্রীসাধারণকে অথচ ট্রাম চলে এবং ট্রাম চলিবার ফলে ট্রামকর্মীরা বেতন পায় এই হতভাগ্য যাত্রীদের দয়াতেই। যাত্রীরা যদি ট্রাম-চড়া বন্ধ করেন, তাহা হইলে কর্মীদের কি হাল হইবে— তাহা যেন কর্মীরা একবার চিন্তা করিয়া দেখেন।

নিরপরাধ যাত্রীসাধারণ কর্মীদের এ অত্যাচার কত-দিন সহ করিবে বলা যায় না, কিন্তু অত্যাচার এই ভাবে চলিতে থাকিলে কমপক্ষে দশ লক্ষ যাত্রীদের হাতে কর্মীদের কি অবস্থা হইতে পারে তাহাও বিবেচ্য।

নোটিশ না দিয়া ধর্মঘট কিম্বা লক-আউট বে-আইনী কাজ। ইহা দণ্ডনীয়। হঠাৎ কর্মবিরতির ফলে আইনত কর্মীদের কর্মচ্যুতিও ঘটতে পারে এবং আদালত তাহাতে হস্তক্ষেপ বোধ হয় করিতে পারে না।

পেশাদার যে-সব তথাকথিত নেতা ট্রামকর্মীদের এই ধর্মঘট সমর্থন করিয়াছেন (শ্রীজ্যোতি বসু ইহাদের মূল গায়ের) তাহারা কর্মীদের জন্ত কাঁদিয়া বুক ভাসাইয়াছেন, কিন্তু নিরীহ, দল-নিরপেক্ষ এবং অসহায় যাত্রীদের প্রতি তাহাদের দরদ অপ্রকাশ। এই সব সৌখিন নেতা মোটরকারে বিহার করেন, কাজেই তাহারা ট্রাম-বাস যাত্রীদের দুঃখ-বিপদ কি, তাহা কি করিয়া উপলব্ধি করিবেন?

ট্রাম ধর্মঘটের ফলে যে যুবকটির (বোধ হয় দুইটি) মৃত্যু হইল, এবং যাহারা আহত হইল, তাহার জন্ত দাবী ট্রামকর্মীরা, একথা বলা কি অপরাধ হইবে? না।

পশ্চিমবঙ্গ সরকারের শ্রমমন্ত্রী এবং শ্রমদপ্তরকে অসুরোধ করিব, তাহারা যেন হঠাৎ ধর্মঘটে যে অপরাধ হইয়াছে তাহার যথাবিহিত ব্যবস্থা করেন। আমরা শ্রমিকদের কল্যাণ চাহি, চাহি তাহাদের শ্রম দাবী স্বীকৃত হউক। কিন্তু তাহার অর্থ ইহা হইবে না যে, শ্রমিকরা যাহা ইচ্ছা তাহাই করিবে ও তাহাদের সকল অত্যাচার নীরবে সহ করিতে হইবে।

প্রয়োজন হইলে যাত্রীসাধারণকে সমবেত ভাবে পাল্টা ভদাধ দিবার ব্যবস্থাও করিতে হইবে। গত কিছুকাল হইতে এক শ্রেণীর ট্রামকর্মীর ঔদ্ধত্য এবং অভদ্র ব্যবহার অসহনীয় হইয়া উঠিয়াছে। ইহারা ই আবার মালিক কোম্পানীর নিকট হইতে ভদ্র ব্যবহার, আশা নহে, দাবী করে!

### ডিগ্রী কোর্সে বয়সের মার

“কলিকাতা বিশ্ববিদ্যালয়ের একাডেমিক কাউন্সিলের সভায় তিন বৎসরের ডিগ্রী কোর্সের প্রথম বার্ষিক

শ্রেণীতে ভর্তি হওয়ার ন্যূনতম বয়স সম্বন্ধে সিদ্ধান্ত লওয়া হয়। সভায় গৃহীত এক প্রস্তাবে বলা হয় যে, উচ্চ-মাধ্যমিক প্রাক-বিশ্ববিদ্যালয় অথবা সমতুল্য কোন পরীক্ষা পাশের পর যেসব ছাত্রছাত্রী তিন বৎসরের ডিগ্রী কোর্সে ভর্তি হইবে, তাহাদের বয়স ভর্তি হওয়ার বৎসরের পয়লা অক্টোবর মৌল বৎসরের উর্দ্ধে হইতে হইবে। এ সম্পর্কে বিশ্ববিদ্যালয়ের সেনেট পরে চূড়ান্ত সিদ্ধান্ত করিবেন। বিশ্ববিদ্যালয় অর্থমঞ্জুরী কমিশনের (ইউ জি সি) সুপারিশ অনুসারে একাডেমিক কাউন্সিলে ঐ প্রস্তাব গৃহীত হয়। বর্তমানে বিদ্যালয়ে নবম ও দশম কিংবা একাদশ শ্রেণীতে পড়িতেছে এমন অনেক ছাত্রছাত্রী আছে যাহাদের বয়স উচ্চ-মাধ্যমিক কিংবা প্রাক-বিশ্ববিদ্যালয় পরীক্ষা পাশের পরও মৌল বৎসর হইবে না। সুতরাং এই সব ছেলেমেয়েদের ভবিষ্যতে সমস্তায় পড়িতে হইতে পারে বলিয়া শিক্ষাব্রতীমহল আশঙ্কা করিতেছে।”

ইহার অর্থ বোধগম্য হইল না। বয়স লইয়া বাধ্য-বাধকতা প্রবর্তন করিলে বহু মেধাবী এবং যোগ্য ছাত্রের প্রতি ঘোর অবিচার করা হইবে। মৌল বৎসর বয়সের কম বয়সী ছাত্রছাত্রীদের ডিগ্রী কোর্সে ভর্তি করিলে কোন্ মহাভারত অস্ত্র হইবে জানি না। এই নিয়মের ফল এই হইবে যে—যোগ্য এবং মেধাবী ছাত্রছাত্রী কম বয়সে স্কুলের পড়া শেষ করিয়া—তু-এক বৎসর অলস জীবন যাপন করিতে বাধ্য হইবে। অনেকের পড়াশুনা হয়ত চিরতরে বন্ধ হইয়াও যাইবে।

ভাল করিবার ইচ্ছা বা শক্তি নাই, অথচ মন্দ করিবার শক্তি অসীম। পড়াশুনার ব্যাপারে বয়সের সীমা রেখা পৃথিবীর অত্র কোথাও বোধ হয় নাই—অবশ্য অত্র কোন দেশে ইউ জি সি ও নাই।

এ বিষয়ে প্রতিবাদ হওয়া প্রয়োজন। দেশের বাম-পন্থীরা কি বলেন? না তাহাদের পড়াশুনা বা ছাত্র-ছাত্রীদের সত্য-কল্যাণের দিকে দৃষ্টি দিবার সময় নাই! তাহাদের পক্ষে বোধ হয় অলস ছাত্র-ছাত্রী সংখ্যা বৃদ্ধি পাইলেই ভাল। তাহাতে গণ বা জন আন্দোলনে লোক বেশী পাওয়া যাইবে।

#### নারী-হত্যার ভয়াবহ চিত্র

“প্রায় সাত সপ্তাহে কলিকাতার ও উহার পার্শ্ববর্তী চব্বিশ পরগণা, হাওড়া ও হুগলী জেলায় অন্ততঃ ১৩ জন মহিলা খুন হইয়াছেন অথবা রহস্যজনক মৃত্যু বরণ করিয়াছেন। অর্থাৎ গড়ে সপ্তাহে প্রায় দুইজন করিয়া নারী কলিকাতা বা উহার আশেপাশে অসহায়ভাবে

জীবন হারাইয়াছেন এই তথ্য পশ্চিমবঙ্গের অপরাধমূলক কার্যকলাপের এক ভয়াবহ চিত্র মেলিয়া ধরিয়াছে। গত ১লা জুন হইতে ২২শে জুলাই পর্যন্ত ১৩ বৎসরের বালিকা হইতে ৫৫ বৎসরের বৃদ্ধা পর্যন্ত লম্পটের লোভের, দুর্বৃত্তের লাভের অথবা সাংসারিক অশান্তির শিকার হইতেছেন। মৃত্যুদের মধ্যে অবশ্য অধিকাংশের বয়স ২০ হইতে ৩০ বৎসরের মধ্যে। তাহাদের মধ্যে ছাত্রী আছেন, চাকুরিজীবী আছেন, গৃহস্থ বধুও আছেন। পশ্চিমবঙ্গে এই নারীঘাতী বীভৎসতার রোজনামচাটি নিম্নরূপ:

২রা জুন—১৭ বৎসর বয়সের দুর্গা বসাকের মৃতদেহ গড়িয়ার একটি পুকুরে পাওয়া যায়।

৫ই জুন—অনুমান ৪০-৪৫ বৎসর বয়সের একজন অজ্ঞাত-পরিচয় মহিলার মৃতদেহ হাওড়া স্টেশন প্ল্যাটফর্মে পাওয়া যায়।

১২ই জুন—কস্তুর উপর পাশবিক অত্যাচারে বাধা দিতে গিয়া হুগলী জেলার জঙ্গিপাড়া থানার কাপড়পাড়া গ্রামে একজন মহিলা খুন হন।

১৯শে জুন—২২ বৎসর বয়সের বাহুজান বিবিকে গলাকাটা অবস্থায় ক্যানিং থানার সোনাখালী গ্রামে নিজ শয়্যায় মৃত পাওয়া যায়।

২৫শে জুন—৫৫ বৎসর বয়সের এক মহিলার লাশ শিয়ালদহ মেন স্টেশনে পাওয়া যায়।

২৮শে জুন—৩০ বৎসর বয়সের সুহারান বিবি ও ৩৫ বৎসর বয়সের একজন পুরুষের রক্তাশ্রুত মৃতদেহ মধ্য কলিকাতার নবাব সিরাজুল ইসলাম লেনের এক গৃহে পাওয়া যায়।

১লা জুলাই—২৩ বৎসর বয়সের এক নাসের মৃতদেহ নীলরতন সরকার হাসপাতালের নাস কোয়ার্টারে পাওয়া যায়।

১১ই জুলাই—২৮ বৎসর বয়সের শনিবালা হাওড়া জেলার জগৎবল্লভপুর থানার দেভাগাচক গ্রামে স্বামীর হাতে খুন হন। স্বামী পরে আত্মহত্যা করেন।

১৪ই জুলাই—অজ্ঞাত পরিচয় মহিলার মুণ্ডহীন ষড় হুগলী জেলার সিন্দুর থানার হরিশপুর গ্রামে একটি ডোবার মধ্যে পাওয়া যায়।

১৬ই জুলাই—২৭ বৎসর বয়সের সন্ধ্যারাণী মুখো-পাধ্যায় হাওড়া জেলার ডোমজুর থানা এলাকায় স্বামীর হাতে নিহত হন। স্বামী আত্মঘাতী হন।

১৯শে জুলাই—২৫ বৎসর বয়সের নমিতা নন্দীর



গলিত মৃতদেহ শিয়ালদহ ষ্টেশনে একটি নূতন ষ্টাল ট্রাকের মধ্যে পাওয়া যায়।

২০শে জুলাই—১৩ বৎসর বয়সের মহামায়া মণ্ডলের মৃতদেহ নৈহাটি থানার মামুদপুর গ্রামের এক মাঠে পাওয়া যায়।

২১শে জুলাই—৩৫ বৎসর বয়সের লক্ষ্মীর মৃতদেহ আলিপুর পার্ক রোডের গৃহে পাওয়া যায়।”

চব্বিশ পরগণায় পাঁচ মাসে ৫৫টি খুন

“কেবল নারীহত্যা নয়, নরহত্যার খতিয়ানটিও বেশ দীর্ঘ। একমাত্র চব্বিশ পরগণা জেলা হইতেই যদি ইতস্ততঃ কয়েকটি দৃষ্টান্ত লওয়া যায় তাহা হইলে দেখা যাইবে, এই মাসের মধ্যে ক্যানিং থানার বাঁশড়া ইউনিয়নে দুধ আলি নস্বরকে ধারাল অস্ত্রের দ্বারা কোপাইয়া হত্যা করা হইয়াছে, মগরাহাট থানার ঈশ্বরপুর গ্রামে মাণিক ষাড়া ডাকাতদের হাতে নিহত হইয়াছে, বজবজ থানার বনরাজপুর গ্রামে কালীপদ সাধু ডাকাতদের হাতে নিহত হইয়াছেন ও বজবজ থানারই বাগুনেনাড়া গ্রামের সুপতি নস্বর গুম খুন হইয়াছেন। তাহা ছাড়া এই সময়ের মধ্যেই বালী থানার জগদীশপুর গ্রামে মণিলাল কয়াল খুন হইয়াছেন এবং তাহার চারদিন পূর্বে একই থানা এলাকায় দুধের দাম আদায় করিতে গিয়া খুন হইয়াছেন অমূল্যচরণ দাস। বাঁকুড়া জেলার হাটকুম্ভনগর গ্রামে ১২.১৩ বৎসরের বালক, নদীয়া জেলার নবদ্বীপ থানার স্বরূপগঙ্গা গ্রামে নারায়ণ দত্ত নামে এক সাধু এবং হুগলী জেলার আরামবাগ থানার ভাবপুর গ্রামে তিন ব্যক্তি খুন হইয়াছেন। জুলাই মাসের প্রথম সপ্তাহে বর্ধমান জেলার আসানসোল এলাকায় তিনটি ডাকাতি হইয়াছে এবং এই তিনটি ডাকাতিতে মোট ৪ জন ডাকাতদের হাতে নিহত হইয়াছেন। সরকারী হিসাবে প্রকাশ যে, চব্বিশ পরগণা জেলার ১৯৬১ সনের জাহুয়ারী হইতে মে মাসের মধ্যে যেখানে ৩৫টি নরহত্যা হইয়াছিল সেখানে এই বৎসর জাহুয়ারী হইতে মে মাসের মধ্যে ৫৫টি নরহত্যা হইয়াছে অর্থাৎ হত্যার সংখ্যা গত বৎসরের তুলনায় দেড় গুণের বেশী হইয়া গিয়াছে। হত্যা যদিও নিবারণযোগ্য অপরাধ বলিয়া গণ্য হয় না তথাপি হত্যাকাণ্ডগুলির কিনারা করিতে ও অপরাধীর শাস্তিবিধান করিতে পুলিশের ব্যর্থতা হত্যার সংখ্যা বৃদ্ধির জন্ত দায়ী বলিয়া মনে করা হইতেছে। চব্বিশ পরগণা জেলার অন্যান্য অপরাধের বিস্তার স্থানীয় অধিবাসীদের মধ্যে উদ্বেগের সৃষ্টি করিতেছে।

দক্ষিণ চব্বিশ পরগণার দুর্কৃষ্ণদের উৎপাত বিশেষ বৃদ্ধি পাইয়াছে বলিয়া স্থানীয় জনসাধারণ অভিযোগ করিতেছেন। জুন মাসে দক্ষিণ বিষ্ণুপুর থানায় ১টি, মগরাহাট থানায় ৪টি, ডায়মণ্ডহারবারে ২টি ও জয়নগরে ১টি ডাকাতি হইয়াছে।”

মন্তব্য করিবার কিছুই নাই। অসহায় জনগণের সহায় একমাত্র তাহারা নিজেরাই এ কথা মনে রাখিতে হইবে।

স্বাগত প্রফুল্লচন্দ্র

শ্রী প্রফুল্লচন্দ্র সেন পশ্চিমবঙ্গের মুখ্যমন্ত্রী নির্বাচিত হওয়াতে “সাধারণী”—সাধারণের মনের কথাই বলিতেছেন :

“যোগ্যপাত্রে যোগ্য ভার ভ্রম হইয়াছে। আধার ও অধিকারী ভেদ বিবেচনা করলে প্রকৃত অধিকারীই আজ এ অধিকার পেয়েছেন। স্বাধীনতা-যুদ্ধের নেতা প্রফুল্লচন্দ্র, স্বাধীনোত্তর যুগের খাণ্ডমন্ত্রী প্রফুল্লচন্দ্র আর আজকের মুখ্যমন্ত্রী প্রফুল্লচন্দ্রের মধ্যে সেই একই অনন্ত-কর্মা, উৎসর্গীকৃত-জীবন, সেবাত্রী কর্মীকেই দেখতে পাই; কেবল পরিবেশের পরিবর্তন হইয়াছে মাত্র। সুতরাং এ কর্মভার বহন করবার আধারও যে উপযুক্ত, সে বিষয়ে কোন সন্দেহ নেই। তাঁর ব্যক্তিগত স্বার্থবোধ কোনদিনই ছিল না, আজও নেই; তাঁর নিজস্ব বলতে কোনদিনই কিছু ছিল না, আজও নেই। খাণ্ডমন্ত্রীর পীড়িত পশ্চিমবঙ্গের খাণ্ডমন্ত্রী হিসাবে তাঁর উপর দিয়ে যে ঝড়ঝঞ্ঝা বয়ে গেছে অল্প কোন প্রদেশে তার তুলনা নেই। তিনি যে ধৈর্য্য, যে সাহস, যে শক্তির পরিচয় দিয়েছেন তাও সত্যই বিস্ময়কর। বিরোধী দল বিঘোষণার ক’রে সারা দেশময় বিঘ ছড়িয়ে দিয়েছে। সে বিঘ তিনি নীলকণ্ঠের মত আকর্ষণ পান করে পরিবর্তে অমৃতই বিতরণ করবার চেষ্টা করেছেন। গণের মানুষ আমাদের মুখ্যমন্ত্রী। কর্মী ও জনসাধারণের সঙ্গে তাঁর সর্কপ্রকার যোগ বরাবরই অক্ষুণ্ণ আছে। তাঁকে রাষ্ট্রনায়কের চেয়ে রাষ্ট্র-সেবকরূপেই আমরা দেখতে পাই। ডাঃ রায়ের নেতৃত্বে সারা বাংলার কৃষি, রাস্তাঘাট, শিক্ষা, স্বাস্থ্য, শিল্প প্রভৃতির বহুক্ষেত্রেই প্রভূত উন্নতি সাধিত হইয়াছে কিন্তু বাধাও অনেক। ক্রমবর্ধমান জনসংখ্যার সঙ্গে তাল রেখে সকল সমস্যার সমাধান করতে হবে। সুতরাং মুখ্যমন্ত্রী তাঁর এই গুরুদায়িত্ব বহন করবার জন্ত, ডাঃ রায়ের আরও কর্মকে সম্পূর্ণ করবার জন্ত দেশবাসীর আশীর্বাদ, সহায়ত্ব ও সহযোগিতা কামনা করেছেন। জনগণের সক্রিয় সহযোগিতা ছাড়া কোন পরিকল্পনাকেই বাস্তবের

যাহুস্পর্শে আলাদীনের প্রদীপের মত রাতারাতি রূপান্তরিত করা যায় না। তাই যদি আমরা মুখ্যমন্ত্রীর আন্তরিক আহ্বানে সাড়া দিয়ে সহযোগিতার হস্ত প্রসারিত করতে পারি তবেই তাঁর পক্ষে এই দুর্লভ কর্তব্যকর্ম সম্পাদন করা সম্ভব হবে।”

এ বিষয় সকলেই একমত। আমরাও বলি, স্বাগত প্রফুল্লচন্দ্র।

### সামাজিক অত্যাচার ?

“আঙ্গীয়স্বজনের সামাজিক উৎসবে লৌকিকতার দাবী এমন বৃহৎ হইয়া উঠিয়াছে যে, অনেক সময় মধ্যস্থিত গৃহস্থকে লৌকিকতার জন্ত টাকা ধার করিতে হয়। পূর্বে লৌকিকতার বিলাসিতা ছিল না; ধনবানেরাও অল্প ব্যয়ে লৌকিকতার কাজ সারিতেন। তাহার ফলে উৎসবের আনন্দে দরিদ্রদের ব্যাঘাত জন্মিত না। একজন বন্ধু সেদিন বলিতেছিলেন, সপ্তাহে তাঁহার নিকট অন্ততঃ একখানি করিয়া বিবাহ, উপনয়ন বা জন্মদিনের নিমন্ত্রণ চিঠি আসে। সব জায়গায় যাইতে হইলে তিনি নীলামে উঠিবেন। কাজেই কোথাও যান না। একজন দরিদ্র বন্ধু বলিলেন, তিনি এই সকল নিমন্ত্রণ বর্জন করিয়াছেন, কারণ তাঁহার অর্থ নাই। এই প্রকার বহু অসুযোগ প্রত্যহ গুণিতে পাওয়া যায়। ফলে একদিকে বাছিয়া বাছিয়া অর্থবান্দের নিমন্ত্রণ হয়, অন্যদিকে দরিদ্র আঙ্গীয় ও বান্ধব সামাজিক উৎসবে আসেন না। তাই সত্যিকার সামাজিক উৎসব এখন আর নাই। সমাজে অর্থবান্ ও অর্থহীনের মধ্যে দুইটি ভাগ হইয়া যাইতেছে। নিমন্ত্রিতগণ বেশ কিছু না দিলে নিমন্ত্রণ-কর্তা বিশেষতঃ মহিলা-মহলে হতাশার ভাব দেখা যায়। বাল্যকালে দেখিয়াছি, বিবাহ, উপনয়ন প্রভৃতি নিমন্ত্রণে অতি নিকট আঙ্গীয় এক টাকা অথবা দুই টাকা আশীর্বাদী দিতেন, অনাঙ্গীয় বান্ধবগণ আনন্দ করিয়া আহালাদি করিয়া যাইতেন। তাহাতে সামাজিক আনন্দ ও সংহতি থাকিত। অর্থবান্ ও দরিদ্র একত্রে প্রতি সামাজিক অস্থানে যোগদান করিতেন। অধিকাংশই ধান ও দুর্কা দিয়া আশীর্বাদ করিতেন। এই পুরাতন ব্যবস্থা সমাজে পুনরায় চালু করিবার সময় আসিয়াছে। সমাজের অর্থবান্ দল, বিশেষতঃ মহিলাবৃন্দ এ বিষয়ে অগ্রসর হইলে মনে হয় সামাজিক উৎসবগুলি সত্যিকার উৎসবে পরিণত হইবে। সমাজের প্রত্যেকটি লোক পুনরায় সামাজিক হইবার সুযোগ পাইবে।”

‘জনমত’—সত্যিকার জনমতই প্রকাশ করিয়াছেন। কিন্তু ফল কিছুই হইবে কি না সন্দেহ আছে। বর্তমান

সমাজে জন্মদিন, বিবাহ, উপনয়ন, বিবাহ-কার্বিকী, বিবাহ-জয়ন্তী প্রভৃতি উৎসবে প্রকৃত এবং আন্তরিক আদর-আপ্যায়ন নির্ভর করে নিমন্ত্রিতের উপহার-দ্রব্যের মূল্যের বিচারে। এ কথা নিমন্ত্রণকারী এবং নিমন্ত্রিত—উভয় পক্ষই জানেন। লোভ দমন করা সহজ নহে, কাজেই জনমত যাহাই হউক না কেন, জনের মত পরিবর্তন হওয়া কঠিন। উৎসবকে যাহারা প্রাপ্তিযোগ বলিয়া ধরিয়াছেন, তাহারা ইহা পরিত্যাগ করিবেন কি ?

“করণাময়ী” মন্দিরে পশুবলি ও মৎস্যভোগ

“বারাসাত”—এ ঘটনা করিয়া (সচিত্র) প্রকাশ করা হইয়াছে এই আনন্দ-সংবাদ :

“আমডাঙ্গার প্রাচীন মঠ ৮শ্রীশ্রীকরণাময়ী মাতার মন্দিরে পশুবলি প্রথা ও মৎস্যভোগ প্রথা সনাতন কাল হইতে চলিয়া আসিতেছে। এই প্রথা যথার্থ শাস্ত্রানু-মোদিত কিনা তাহা নিদ্বারণের জন্ত গত ৩০শে জুন আমডাঙ্গা মঠে শ্রেষ্ঠ তম পণ্ডিতবর্গের মহাসম্মেলনে চূড়ান্ত নির্দ্ধারিত হইয়াছে। তারকেশ্বর মঠের মোহান্ত মহারাজ দণ্ডিস্বামী ঋষিকেশ (?), আশ্রম মহাসম্মেলনের পৌরোহিত্য করেন। পশুবলিদান ও মৎস্যভোগ প্রথা শাস্ত্রানু-মোদিত কিনা তাহার বিষয়ে মঙ্গল দেশের (?), পণ্ডিতপ্রবর পটুভিয়া শাস্ত্রী, ভট্টপল্লীর পণ্ডিতপ্রবর শ্রীযুক্ত নারায়ণচন্দ্র স্মৃতি-তীর্থ, পণ্ডিতপ্রবর শ্রীযুক্ত শ্রীজীব ঞ্চারতীর্থ প্রমুখ পণ্ডিত-বর্গসহ হাওড়া, বারাকপুর, কলিকাতা, আন্দুল প্রভৃতি স্থানের পণ্ডিতবর্গ শাস্ত্রালোচনায় যোগদান করেন। বারাসাত কেন্দ্রের নির্দ্ধারিত প্রতিনিধি শ্রীযুক্ত অশোক-কৃষ্ণ দত্ত শাস্ত্রালোচনায় অংশ গ্রহণ করেন এবং তাঁহার যুক্তি পণ্ডিতবর্গের পূর্ণ সমর্থন লাভ করে। পণ্ডিতবর্গের দীর্ঘ সময় ব্যাপী শাস্ত্রালোচনায় ইহা স্থিরীকৃত হয় যে, আমডাঙ্গা মঠে ৮শ্রীশ্রীকরণাময়ী মাতার ভোগে মৎস্য-ভোগ্য প্রদান ও পশুবলি প্রথা যাহা স্বরণাতীতকাল হইতে প্রচলিত আছে তাহা শাস্ত্রানু-মোদিত বিষয় অব্যাহত থাকিবে। পশুবলি প্রথা ও মৎস্যভোগ প্রথার বিরুদ্ধে স্থানীয় অঞ্চলে যাহাদের সংশয় ছিল এই শাস্ত্রালোচনা মহাসম্মেলনে উহা দূরীভূত হইয়াছে।”

বুদ্ধিমান শ্রীঅশোককৃষ্ণ দত্ত মহাশয় শাস্ত্রালোচনায় যে এত দক্ষ জানা ছিল না। আগামী নির্দ্ধারনের প্রচার-প্রোপাগাণ্ডা এখন হইতেই করা বুদ্ধিমানের কার্য।

আর এক দিক্

‘বারাসাত-বার্জা’ বলিতেছেন :

“কবিগুরু রবীন্দ্রনাথের ‘বিসর্জন’ নাটকের প্রধান

বিষয় হইতেছে ব্রাহ্মণ ও ক্ষত্রিয় রাজার বন্দ এবং দ্বন্দ্বের প্রধান বিষয় হইতেছে দেবতার পূজার পণ্ডবলি প্রথা। রাজা বলিপ্রথা উচ্ছেদ করিতে চাহেন, ব্রাহ্মণ রঘুপতি সনাতন প্রথা অপরিবর্তিত রাখিতে বন্ধপরিষ্কর। আমডাকা মঠে শ্রীশ্রীকরণাময়ী মাতার মন্দিরে অষ্টাবধি পণ্ডবলি প্রথা অব্যাহত আছে। এই প্রাচীন মঠের প্রথম অন্ত্যায় রাজ-রাজাদের স্মৃতি বিজড়িত রহিয়াছে, কিন্তু পণ্ডবলি প্রথা লইয়া 'বিসর্জন' নাটকের মত কোন নাটকের সৃষ্টি হয় নাই। শ্রীকরণাময়ী মাতার ভোগে মংসুদান ও পণ্ডবলি প্রথা প্রকৃত শাস্ত্রানুযায়ী কি না তাহা নির্দারণের জন্ত পণ্ডিতবর্গের এক মহতী আলোচনা তর্কের তারিখ আগামী ১৫ই আশ্বিন স্থির হইয়াছে। (স্থির হইয়া গিয়াছে—বলি চলিবে!) আজিকার সমাজে পাপ কার্যেই লক্ষ্মীদেবীর আশীর্বাদ আসিতেছে—খাল, ঔষধে ভেজাল, কালোবাজার ও পাচারবাজার ইত্যাদি কার্যে যাহারা ফাঁপিয়া উঠিতেছেন তাহারা দিব্য দেবতার মন্দিরে ছাগশিশু বলি দিয়া নিজ পাপ খণ্ডন করিতেছেন অথথায় পণ্ড মান্ত করিয়া ধর্মের নামে ছাড়িয়া দিতেছেন।"

বিংশ শতাব্দীর বাংলা দেশ! আমরা কেবল এইটুকু বলিব যে, মন্দিরের নাম "শ্রীশ্রীকরণাময়ী" পরিবর্তন করিয়া অথ কিছু দেওয়া হউক। আমরাই মুসলমানদের গো-কোরবানি লইয়া দাস্য করি।

### ১৫ই আগষ্ট

—লাল কেলায় প্রধানমন্ত্রী শ্রীনেহরু কর্তৃক জাতীয় পতাকা উত্তোলনের মধ্য দিয়া স্বাধীনতা দিবসের উদ্বোধন হইবে। ইহার পর তিনি একটি ভাষণ দিবেন। ঐদিন যাহাতে ভারতের সমস্ত রাজ্য, কেন্দ্রীয় শাসিত অঞ্চল এবং গোয়া, দমন ও দিউর স্কুল ও কলেজে বিশেষ অনুষ্ঠান অনুষ্ঠিত হয়, তাহার জন্ত অনুরোধ জানান হইয়াছে। প্রস্তাব করা হইয়াছে যে, এই অনুষ্ঠানে অথথ কৰ্ম-স্বচীসহ সমবেত কণ্ঠে 'জনগণ মন' গাইতে হইবে। এই অনুষ্ঠানে দিল্লীতে সৈন্যদের কুচকাওয়াজ অনুষ্ঠিত হইবে না। তবে বিভিন্ন রাজ্য ও কেন্দ্রীয় শাসিত অঞ্চল স্থানীয় সামরিক কর্তৃপক্ষের সহিত পরামর্শক্রমে এই কুচকাওয়াজের ব্যবস্থা করিতে পারেন। অথথ বৎসরের জায় এই বৎসরও ১৫ই আগষ্ট ছুটির দিন বলিয়া ঘোষিত হইবে।—

সবই হইবে, কিন্তু স্বাধীনতা লাভের পর ভারতের জয়গণের কি হাল হইয়াছে, তাহার প্রকৃত চিত্র কিছু

দেখান হইবে কি? প্রতি বছর এই দিনটিতে একঘেয়ে একই চিত্র দেখাইয়া লাভ কিছুই হয় না। প্রধান মন্ত্রী আড়াই ঘণ্টা ধরিয়া সেই একই কথা বলিবেন, শ্রোতারী সেই একই পরম অমৃত বচন শ্রবণ করিবেন। আকাশবাণী (নেহরুর প্রচার বাহন) সেই একই ধারায় আকাশ মুখরিত করিবেন।

অতঃপর স্বাধীনতা উৎসবে—সুখ-চিত্তের উল্টা দিকটিতে একটু আলোকপাত করিলে সুখী হইব।

### পশ্চিমবঙ্গের দুর্ভাগ্য

—ডাঃ বিধানচন্দ্র রায়ের মৃত্যুতে বাংলার রাজনীতি ক্ষেত্রে উনবিংশ শতাব্দীর শেষ যোগসূত্র ছিন্ন হইয়া গেল। ডাঃ রায়ের প্রথম ব্যক্তিত্ব ছিল এ যুগের এক বিস্ময়। তাঁর সঙ্গে তীব্র মতভেদ ঘটিলেও তাঁহাকে শ্রদ্ধা দানে কাহারও কোন কুণ্ডা হয় নাই। বাঙালী তাঁহাকে ভালবাসিয়াছিল, বিশ্বাস করিয়াছিল। জীবনের শেষ দিন পর্যন্ত দেশের শ্রদ্ধা ও বিশ্বাস ধুব কম গবর্ণমেন্টের কর্ণধার পাইয়াছেন। কেন্দ্রীয় কংগ্রেস হাই কমান্ডের নিকটেও তিনি ছিলেন অতীত যুগের ব্যক্তিত্বের শেষ স্তম্ভ। যতই মতানৈক্য হউক, তাঁর দাবী শেষ পর্যন্ত রক্ষিত হইত। রাজনৈতিক নেতার একটি প্রধান গুণ—সমালোচনায় সহিষ্ণুতা। বিধান সভার ভিতরে ও বাহিরে ডাঃ রায় তীব্র সমালোচনার সম্মুখীন হইয়াছেন। তাঁর উনবিংশ শতাব্দীর চিন্তাধারার সঙ্গে বিংশ শতাব্দীর শেষার্ধ্বের প্রবল বিরোধ বাধিয়াছে, তার সঙ্গে তিনি সমান তালে চলিতে পারেন নাই। দুই শতাব্দীর মাঝখানে সেতুরূপে দীর্ঘজীবন নিয়া যাহারা রাজ্য শাসন করেন তাহাদের জীবনে এই সংঘর্ষ স্বাভাবিক। কিন্তু এই সংঘর্ষে প্রতিপক্ষের প্রতি কোন বিদ্বেষ তিনি পোষণ করেন নাই। ইহা ছিল তাঁর ব্যক্তিত্বের আর একটি মহৎ দিক্। তাঁর আত্মা চিরশান্তি লাভ করুক ইহাই প্রার্থনা করি।—

'যুগবাণী' সত্য কথা বলিয়াছেন। বাংলা তথা ভারতে রামমোহন যে-যুগের সূচনা করেন, বিধানচন্দ্রের সঙ্গে সঙ্গে তাহার শেষ প্রতীক অবলুপ্ত হইল।

বর্তমান সঙ্কট মুহূর্তে পশ্চিম বাংলার পরম দুর্ভাগ্য।

### সরকারী মহলে বিস্ময়

"পশ্চিমবঙ্গের স্বাস্থ্যমন্ত্রী ডাঃ জীবনরতন ধরের সহিত পরামর্শ করিয়া মুখ্যমন্ত্রী শ্রীপ্রফুল্লচন্দ্র সেন স্থির করিয়াছেন যে, স্বাস্থ্য বিভাগের সেক্রেটারিয়েট ও ডিরেক্টরের কর্তৃত্ব ভার পৃথক পৃথক দুই ব্যক্তির উপর অর্পণ করা হইবে।

এতদিন স্বাস্থ্য বিভাগের সেক্রেটারী ও ডিরেক্টর একই ব্যক্তি হওয়ার তিনি একই সঙ্গে সেক্রেটারিয়েট ও ডিরেক্টরেটের উপর কর্তৃত্ব করিতেছিলেন। নূতন সরকারী সিদ্ধান্ত শীঘ্রই কার্যকর করা হইবে বলিয়া আশা করা যাইতেছে। ইতিমধ্যে বিভিন্ন সরকারী মহলে প্রশ্ন উঠিয়াছে, পরলোকগত মুখ্যমন্ত্রী ডাঃ রায় যে আদেশ দিয়া গিয়াছিলেন তাহার পর এখনও লেঃ জেনারেল ডি এন চক্রবর্তী কি করিয়া স্বাস্থ্য বিভাগের সেক্রেটারী ও ডিরেক্টরের পদে কাজ করিয়া যাইতেছেন। ডাঃ রায় আদেশ দিয়াছিলেন যে, লেঃ জেনারেল চক্রবর্তীকে স্বাস্থ্য বিভাগ হইতে ছাড়িয়া দেওয়া হইবে এবং তিনি পূরা সময়ের জন্য কলিকাতা মেট্রোপলিটান প্ল্যানিং অর্গানাইজেশনের সেক্রেটারীর দায়িত্ব গ্রহণ করিবেন। সেই আদেশ সংশোধন করা হয় নাই। অতএব উহা বলবৎ আছে। কিন্তু লেঃ জেনারেল চক্রবর্তী স্বাস্থ্য বিভাগে তাহার দায়িত্বভার এখনও ছাড়িয়া যাইতেছেন না। ফলে পশ্চিমবঙ্গের সরকারী মহলে বিস্ময়ের সৃষ্টি হইয়াছে।”

ক্ষমতাপ্রিয় ব্যক্তিদের স্বভাবই এই যে, তাহারা সহজে এবং সৌজন্মের সহিত কর্তৃত্বের গদি ত্যাগ করিতে চাহেন না। শেষ পর্যন্ত এই প্রকার ব্যক্তিদের এক প্রকার জোর করিয়াই আসনচ্যুত করিবার আবশ্যক হয়। পশ্চিমবঙ্গের স্বাস্থ্য বিভাগের ডিরেক্টর মহাশয়ও এই শ্রেণীর কর্তৃত্ব এবং ক্ষমতালোভী মহাশয় ব্যক্তি।

স্বর্গত বিধানচন্দ্রের এই ব্যক্তিটিকে বহুদিন পূর্বের দেওয়া আদেশ আজ পর্যন্ত কেন প্রতিপালিত হয় নাই বলিতে পারি না—কিন্তু হওয়া উচিত ছিল। স্বাস্থ্য-দপ্তর ত্যাগে ইহার আপত্তির কারণ এই হইতে পারে যে, মেট্রোপলিটান বোর্ডে সর্বময় কর্তৃত্ব ইহার চলিবে না।

সরকারী এবং বেসরকারী হাসপাতালের উপর ছকুম চালান যত সহজ—মেট্রোপলিটান বোর্ডে তাহা সম্ভব হইবে না। বিশেষতঃ যাহার জোরে এই ব্যক্তির এত দাপট ছিল, সেই ব্যক্তির অবর্তমানে। বর্তমান মুখ্যমন্ত্রীকে যতটা জানি, তাহাতে চালাকি এবং স্তোকবাক্যে তাহাকে খুশী করা বা ভুলানো চলিবে না। সরকারী স্বাস্থ্য-দপ্তরের কল্যাণ হউক।

### পাকিস্তানী সৌজন্য-সহবত

পূর্ব-পাকিস্তান হইতে যেসব পরিবার মাইগ্রেশন সার্টিফিকেট লইয়া ভারতে আগমন করেন, পাক-সীমান্ত ঘাঁটিগুলিতে তাহাদের উপর লাঞ্ছনা ও হয়রানি যেন দিনের পর দিন বাড়িয়া গিয়াছে। বরিশাল হইতে

আগত একটি পরিবারকে বেনাপোল পাক-সীমান্ত ঘাঁটিতে পাক-কর্মীদের হাতে অহেতুক লাঞ্চিত হইতে হইয়াছে।

মহিলাদের জন্য নির্দিষ্ট তল্লাসীস্থান থাকিলেও ঐ পরিবারভুক্ত মহিলাদের ট্রেনের কামরায় পারখানার ভিতর লইয়া গিয়া দেহ তল্লাসী করা হয়। উচ্চপদস্থ পাক-কর্মচারীরা উঁকি মারিয়া নাকি এই দৃশ্য উপভোগ করেন। অভিযোগে আরও প্রকাশ, ঐ স্থানে ইণ্ডিয়ান লিয়ান্সে অফিসার স্বয়ং উপস্থিত থাকিলেও তিনি এই ধরণের তল্লাসীতে বিদ্মুত্ত আপত্তি করেন নাই। যে ট্রেনের কামরায় ঐ পরিবারের লোকজনদের তল্লাসী করা হইয়াছে, সেখানে উপস্থিত ছয় ব্যক্তি এই বিস্ময়ের প্রতি উক্ত ভারতীয় লিয়ান্সে অফিসারের দৃষ্টি আকর্ষণ করিলেও তিনি নাকি এই ব্যাপারে সম্পূর্ণ নীরব থাকেন। তাহাদের অভিযোগ, ঐ ব্যক্তি ঐ সময় পাক-অফিসারদের সহিত গল্পগুজবে ব্যস্ত ছিলেন। অভিযোগ এই যে, তল্লাসীকালে পাক কর্মচারীরা ঐ পরিবারের লোকজনের নিকট প্রাপ্ত টাকাকড়ি লইয়া গিয়াছে। অপমানকর উক্তি এবং অভদ্রোচিত ভাষা প্রয়োগ করিয়া পাক-কর্মীরা নিজেদের গায়ের ঝালও মিটাইয়াছেন। যে ছয় ব্যক্তি এই অভিযোগ করিয়াছেন, তাহারা এই ঘটনাটি এক স্মারকলিপির আধারে পশ্চিমবঙ্গ সরকার পাক-হাইকমিশনার প্রভৃতির নিকট প্রেরণ করিয়া এইরূপ গর্হিত কার্যের প্রতিকার প্রার্থনা করিয়াছেন।”

প্রতিকার কি হইবে তাহা আন্দাজ করা সহজ। পাকিস্তানী কর্মচারীরা নারীদের সহিত অশ্রদ্ধব্যবহার করিবে ইহা স্বাভাবিক এবং তাহাদের সহজাত ঐতিহ্য। কিন্তু ভারতীয় বেতনভোগী অফিসারেরা এই সব অশ্রদ্ধ ব্যবহারের কোন প্রতিবাদ কেন করেন নাই বা করেন না, তাহা আমাদের বুদ্ধির অগম্য। সঙ্গদোষে এই সব ভারতীয় হিন্দু-কর্মচারীও কি পাকিস্তানী সৌজন্য সহবতে পোক্ত হইয়া গিয়াছেন?

পশ্চিমবঙ্গ সরকারের দৃষ্টি নিশ্চয়ই কয়েক দিন পূর্বের এই সংবাদটির উপর পড়িয়াছে। এ-বিষয় তাহাদের কি কোন কর্তব্যই নাই? এই প্রশ্নের কোন জবাবই হয়ত পাইব না।

### পাক বীরদের একটি নমুনা

সংবাদে প্রকাশ :

জলপাইগুড়ির রাজগঞ্জ থানার চাউলহাটি গ্রামের শ্রীরাধানন্দ গোপ নামক এক ব্যক্তিকে কয়েকদিন পূর্বে



পাকিস্তান রাইফেল বাহিনীর লোকেরা অপহরণ করিয়া লইয়া যায়। তাহার আত্মীয়স্বজন সংবাদ পাইয়াছেন যে, পূর্ব-পাকিস্তানের পঞ্চগড় থানায় তাহাকে পৈশাচিকভাবে পিটাইয়া হত্যা করা হয়। অভিযোগ পাইবার পর স্থানীয় কর্তৃপক্ষ দিনাজপুর জেলার কর্তৃপক্ষের নিকট এই সম্পর্কে অহুসস্থান করেন, কিন্তু আজ পর্যন্ত কোন উত্তর পাওয়া যায় নাই। সুলতানি গ্রামের একটি বালিকাকেও অপহরণ করিয়া লইয়া গিয়া তাহার শালীনতা নষ্ট করার অভিযোগ জেলা কর্তৃপক্ষের নিকট আসিয়াছে। পাকিস্তান রাইফেল বাহিনীর লোকেরা এই বালিকাটিকে পরে ফেরৎ পাঠাইয়া দিয়াছে।

প্রকাশ, ভারত-পাক সীমান্তে পাকিস্তানীদের অত্যাচার দিন দিনই বাড়িয়া চলিয়াছে। সীমান্তের ভারতীয় মুসলমানরা একত্র হইয়া ভবিষ্যৎ কর্মসূচী সম্পর্কে আলোচনা চালাইতেছে। রাজগঞ্জ থানার পুলিশ রাষ্ট্রবিরোধী এবং অন্তর্ধাতমূলক কার্যে লিপ্ত থাকার অভিযোগে পাঁচজন ভারতীয় মুসলমানকে গ্রেপ্তার করিয়াছে।

রাধানন্দ গোপকে অপহরণ করার সময় সীমান্তের ভারতীয় মুসলমানরা পাকিস্তানীদের সাহায্য করে।

এই প্রকার অপ্রকাশিত সংবাদ বহু আছে। কিন্তু ভারতীয় এলাকা হইতে এই ভাবে মানুষ অপহরণ আর কতদিন চলিবে? ভারতীয় পুলিশ-মিলিটারী কি এতই অহিংস হইয়াছেন যে পাকিস্তানী নারকীয় অত্যাচারের কোন প্রতিবাদ প্রতিকার তাহারা করিতে ভয় পান? নেহরুর অহিংস নীতির এমন বিকট প্রকাশ কল্পনাভীত! ভারতীয় নাগরিকদের খাস ভারতীয় এলাকায় যদি পাকিস্তানী অত্যাচার এবং খুন-খারাপী বিনা বাধায় চলিতে থাকে, তাহা হইলে গরীব এবং অসহায় করদাতাদের রক্তের টাকা পুলিশ-মিলিটারী বাবদ অনাবশ্যক অপব্যয় করিবার সার্থকতা কি জানি না।

প্রসঙ্গক্রমে সীমান্ত এলাকার এক শ্রেণীর ভারতীয় মুসলমানদের ভাবগতিক এবং কার্যকলাপ কি প্রকার তাহা জানা গিয়াছে। ইহারা নামে ভারতীয় হইলেও কাজে এবং মনে-প্রাণে পাকিস্তানী। এই প্রকার ব্যক্তিদের নিকট হইতে ভারতের, বিশেষতঃ পশ্চিমবঙ্গ, আসাম এবং ত্রিপুরার ভবিষ্যৎ বিপদ কতখানি হইতে পারে, তাহা পাক-প্রেরিত ভারতীয় প্রধান মন্ত্রী হইতে ভাবিয়া দেখিবার সময় এখনও পান নাই।

### নেহরুর পাক-নীতির বিষময় ফল

দেশ-বিভাগের পনরো বৎসর পরও উত্তর-পূর্ব ভারতের সীমান্ত-রাজ্যগুলির উপর পাকিস্তান যে একাদিক্রমে চাপ দিতে পারিতেছে, একটির পর একটি ভারতীয় অঞ্চল গ্রাস করিতে আগাইয়া আসিতে পারিতেছে, ইহাও শ্রীনেহরুর তোষণ ও পশ্চাদপসরণ নীতির বিষময় ফল। শ্রীনেহরুর প্রশ্রয় পাইয়াই নিত্যনূতন পাকিস্তানী দাবি গজাইয়া উঠিতেছে। পূর্ব-পাকিস্তানে নোয়াখালির বাসিন্দা মুসলমানরা পাকিস্তান সরকারের নিকট নাগিশ জানাইয়াছে যে, ভারতীয় এলাকা ত্রিপুরা হইতে তাহারা জমির ফসল আনিতে পারিতেছে না। পাকিস্তানী মতে ইহা ঘোর অবিচার, ইহার দ্বারা চুক্তির খেলাপ করা হইতেছে! এ দিকে পূর্ব-পাকিস্তানের লক্ষ লক্ষ হিন্দুর স্বাবর-অস্বাবর সম্পত্তি সব-কিছু কাড়িয়া লইয়া তাহাদের নিঃস্ব অবস্থায় ভারতবর্ষে ঠেলিয়া দিবার বেলায় চুক্তি-খেলাপের কথা পাকিস্তানী বিচারে ঠাই পায় না। চুক্তি অহুযায়ী ভারতবর্ষের জায় পাওয়া কোটি কোটি টাকা পরিশোধ করা বিষয়ে পাকিস্তানী কর্তারা বেবাক কাঁকি দিতে লজ্জা বোধ করেন না। চুক্তির কথা না হয় ছাড়িয়া দিই, পূর্ব-পাকিস্তানে নোয়াখালি, কুমিল্লা ও ঢাকার গ্রামাঞ্চলে হিন্দুদের উপর এখনও যে-সমস্ত জঘন্য অত্যাচার চলিতেছে, তাহার জবাবদিহি করিবে কে?

জবাব পাকিস্তান দিবে না। নেহরুর পত্র দিলে হয়ত একটা মনের মত জবাব অর্থাৎ 'বাণী' পাওয়া যাইবে! ব্যাপার সত্যই চমৎকার। যে পক্ষ ক্রমাগত চুক্তি খেলাপ করিয়া চলিবে, সেই পক্ষই চুক্তি-পালনকারী পক্ষকে চুক্তি-ভঙ্গকারী বলিয়া অভিযুক্ত করিবে! এবং পরম পণ্ডিত, ভারতের প্রধান মন্ত্রী তাহা অবনত মস্তকে স্বীকার করিয়া লইবেন! মিথ্যাকে বারবার সত্য বলিয়া গলা কাটাইয়া চিৎকার করিয়া ঘোষণা করিলে তাহা অবশেষে, অন্তত কিছুলোকের নিকট, সত্যই সত্য বলিয়া প্রতিভাত হইবে পাকিস্তান এই নীতিতে বিশ্বাসী। নেহরুও কি তাহাই?

### পরিহাসপ্রিয় নেহরু

—আসাম ও ত্রিপুরা হইতে অনধিকার-প্রবেশকারী পাকিস্তানী মুসলমানদের ভদ্রভাবে বিদায় করিতে গেলেও পাকিস্তানী কর্তারা সোরগোল শুরু করিয়া দেন এবং শ্রীনেহরু তৎক্ষণাৎ 'তোবা, তোবা' করিয়া পিছু হটিতে থাকেন। এক যাত্রার পৃথক ফলের এই মর্মান্তিক পরিহাস আর কতদিন চলিতে দেওয়া হইবে? ভারতের সহিত পাকিস্তানের বন্ধুত্ব চলিতে পারে না—প্রেসিডেন্ট

আয়ুবের এই স্পষ্ট উক্তি সহিত শ্রীনেহরুর সীমান্তরক্ষা-নীতি ও কর্তব্যপদ্ধতির কিছুমাত্র মিল নাই। পাকিস্তানী হুমকি ও হামলার সমুচিত উত্তর দিতে ভারত সরকার অবিলম্বে উদ্যোগী না হইলে মাত্র দুই-চারিখানি গ্রাম নয়, পশ্চিমবঙ্গ, আসাম ও ত্রিপুরার বিস্তীর্ণ অঞ্চল গ্রাস করিয়াও পাকিস্তানের দাবী কখনও মিটিবে না।

রাজ্য দু'টি যদি বিহার এবং উত্তর প্রদেশ হইত, তাহা হইলে নেহরুর পরিহাসপ্রিয়তা বোধহয় এতখানি দেখা যাইত না।

পরিহাস যদি এই ভাবে চলিতে থাকে, তাহা হইলে অবশেষে হয়ত পশ্চিমবঙ্গ এবং আসামকে যুক্তভাবে প্রাণরক্ষার জন্য প্রয়োজনীয় ব্যবস্থা করিতে হইবে। ভারত সরকারের দয়ার প্রতি বিশ্বাস আমাদের প্রায় নাই বলিলেই চলে।

### পাকিস্তানী অণুপ্রবেশ

জুলাই মাসের প্রথম সপ্তাহে পাকিস্তানী সৈন্যবাহিনী এখান হইতে ৩১ মাইল দূরে লাটিটিল্লা অঞ্চলে অনধিকার প্রবেশ করে। তাহারা ভারতীয় মুসলমানদের পাকিস্তান সরকারের অধীনে চাকুরি গ্রহণ করিতে বলে এবং পাকিস্তানের বাজারে জিনিষপত্র ক্রয়-বিক্রয় করিতে বলে। কারকাহাপিটনী, বড়াপুটনী, ছোটপুটনী, ডুমাবাড়ী এবং লাটিটিল্লা—এই পাঁচটি ভারতীয় গ্রাম পাকিস্তান তাহাদের বলিয়া দাবি করিতেছে। এ সম্পর্কে একটি মামলা ভারতীয় সুলীম কোর্টের বিবেচনাধীন। সুলীম কোর্টের নির্দেশ-সাপেক্ষ এই অঞ্চলের চিহ্নিতকরণ স্বগিত আছে।

পাকিস্তানী সশস্ত্র বাহিনী ভারতীয় সীমান্ত নিরাপত্তা বাহিনীকে সাবধান করিয়া দিয়াছে যে, তাহারা যেন ঐ অঞ্চলে প্রবেশ না করে। কারণ, তাহাদের মতে ঐ অঞ্চল পাকিস্তানের।

এই ঘটনার পর ভারত ও পাকিস্তানের সীমান্ত-রক্ষি-বাহিনীর অধিনায়কগণ গত সপ্তাহে সীমান্তে এক বৈঠকে মিলিত হন। এই বৈঠকে স্থির হইয়াছে যে, এ বিষয়ে চূড়ান্তভাবে নির্ধারণের জন্য উভয় দেশের কর্তৃপক্ষের মধ্যে এক উচ্চ পর্যায়ের বৈঠক হইবে। এই সিদ্ধান্ত না হওয়া পর্যন্ত এই অঞ্চলের অসামরিক প্রশাসন ভারত কর্তৃক নিয়ন্ত্রিত হইবে এবং ভারত বা পাকিস্তানের কাহারও সশস্ত্র টহলদার দল এই অঞ্চলে প্রবেশ করিবে না।

পাকিস্তানের সহিত ইতিপূর্বে চুক্তিগুলির যে পরিণাম হইয়াছে—বর্তমান ক্ষেত্রে তাহার কোন ব্যতিক্রম নাই।

এই চুক্তিপত্রের কালি শুকাইবার পূর্বেই পাকিস্তান যথারীতি অস্ত্র বহস্থলে বে-আইনী প্রবেশ করিয়াছে, বহু স্থান জবরদখল করিয়া পরম আরামে বসবাস করিতেছে। ভারত সরকার নির্বিকার।

কিন্তু গ্রাসে গ্রাসে ক্ষুধা বাড়ে ; চীনের দেখাদেখি পাকিস্তানেরও ক্ষুধা বাড়িতেছে। ভারতবর্ষের উপর হুমকি ও হামলা চালানোয় চীন এবং পাকিস্তান এখন সমানে পাল্লা দিতে সুরু করিয়াছে। কাশ্মীরের এক অংশ গ্রাস করিয়া পাকিস্তানের ক্ষুধা মেটে নাই ; কিন্তু রাষ্ট্র-পুঞ্জের নিরাপত্তা-পরিষদ পাকিস্তানের আবদার অনুযায়ী গোটা কাশ্মীর প্রেসিডেন্ট আয়ুবের হাতে তুলিয়া দিতে নারাজ। কাজেই পাকিস্তানীরা আবার হুমকি ও হামলার জোর বাড়াইয়া যেখানে যতখানি পারা যায় ভারতভূমি জবরদখল করিতে অগ্রসর হইয়াছে। করাচিতে প্রেসিডেন্ট আয়ুব ঘোষণা করিয়াছেন, ভারতের সহিত পাকিস্তানের বন্ধুত্বপূর্ণ সম্পর্ক স্থাপিত না হইলে উভয় দেশের মধ্যে যুদ্ধ বাধিবার সম্ভাবনা সব সময়েই থাকিবে। আয়ুব খাঁ তাঁহার এই হুমকির মর্মার্থ আরও স্পষ্ট করিয়া বলিতেও ক্রটি করেন নাই। তাঁহার দাবি—কাশ্মীর চাই, নহিলে ভারতের সহিত পাকিস্তানের বন্ধুত্বপূর্ণ সম্পর্ক স্থাপিত হইতে পারে না।

“কাশ্মীরের পর দাবী উঠিবে আসাম এবং পশ্চিম-বঙ্গের কি অংশ পাকিস্তানের চাই-ই।”

দেশ ভাগ করিয়া, লক্ষ লক্ষ হিন্দুকে ভিটামাটি ছাড়া করিয়াও পাকিস্তানীদের ক্ষুধার নিবৃত্তি হয় নাই। অতএব আরও চাই, প্রতিবেশী রাষ্ট্রের দেরি ঝগড়িখণ্ড করিয়া উপচৌকন দিলে তবেই পাকিস্তানী কর্তারা খুশী হইয়া বন্ধুত্ব করিতে অগ্রসর হইবেন। আয়ুব খাঁ নিজেও জানেন, ইহা প্রকৃতপক্ষে বন্ধুত্বের প্রস্তাব নয়, ক্রুর, কুটিল পররাজ্যপ্রাসী লালসার নির্লজ্জ প্রকাশ।

আমরা অবাক হইতেছি ভারত সরকারের ক্রৈব্যা দেখিয়া। পাকিস্তানের নিকট হইতে গত ১৫ বছরে এত লাধি চড় গাল এবং জুতা খাইয়াও—ই হাদের পাকিস্তানী প্রেমে কোন ধস্ নামে নাই। প্রধান মন্ত্রী নেহরু জবরদস্ত ব্যক্তি, পাকিস্তান না চাহিলেও তিনি তাহাকে প্রেম করিবেনই! ভগবান্ শ্রীচৈতন্যও বোধ হয় হার মানিলেন! সেই ভগবৎ প্রেমী সন্ন্যাসীও অস্ত্রের প্রতিরোধ স্পৃহায় রুখিয়া দাঁড়াইয়াছিলেন।

### রাষ্ট্রীয় নিরাপত্তা

‘সেবক’ বলিতেছেন :

কোন বিদেশী নাগরিকই কোন দেশে বে-আইনীভাবে

বাস করিতে পারে না। ইংলণ্ডে বিপুল সংখ্যক পাকিস্তানী গিয়া আস্তানা গাড়ায় সেখানের রাজনৈতিক দলের চাপে গভর্ণমেন্টকে আইন করিতে হইয়াছে। ইহা বেশী দিনের কথা নয়। আর আমাদের দেশে বৈদেশিক নাগরিক আইন প্রয়োগ করিতে গেলে রাজনৈতিক দল প্রবল বাধা সৃষ্টি করে। ত্রিপুরায় বসবাসকারী মোট পাকিস্তানীর শতকরা মাত্র ১ জনকে বহিষ্কার করিতে না করিতেই লীগপন্থী ভারতীয় নাগরিক এবং তাহাদের অভিভাবক রাজনৈতিক পাণ্ডারা এমন সব কাণ্ড করিতেছে যাহাতে প্রকারান্তরে পাকিস্তানের হস্তকেই শক্তিশালী করা হইতেছে। এই সমস্ত বিদেশী নাগরিক যে একদিন ভারত রাষ্ট্রের সর্বনাশ ডাকিয়া আনিতে পারে এই জরুরী কথাটিই তাহারা ভাবিতে পারিতেছে না।

যাহারা পাকিস্তানীদের ভারতে অহুপ্রবেশে বিবিধ প্রকারে প্রকাশ এবং গোপন সহায়তা দান করিতেছেন, তাঁহাদের মধ্যে এক শ্রেণীর মুসলমান ছাড়া বিশেষ এক রাজনৈতিক দলও আছেন। এই দল কেবল পাকিস্তান নহে, চীনাদেরও ভারতে দখল দিবার গোপন আয়োজনে লিপ্ত আছেন। ভারত সরকার ইহা জানেন, কিন্তু তাহারা ব্যক্তি এবং দল-স্বাধীনতায় পরম বিশ্বাসী বলিয়া চোরকে চুরি, খুনেকে খুন, ডাকাতকে ডাকাতি, দেশের এবং জাতির প্রতি বিশ্বাসঘাতককে বিশ্বাসঘাতকতা করিবার পূর্ণ স্বাধীনতা দান করিয়াছেন।

ভারতই প্রকৃত ডিমোক্রেটিক রাষ্ট্র—সন্দেহ নাই।

পাকা চাল

হিন্দুবাণীর মতে :

কম্যুনিষ্ট প্রভৃতি দলগুলি বাংলা দেশের ছাত্রদের মধ্যে কি ভাবে কাজ করিয়া যাইতেছে, তাহা একটু সতর্ক দৃষ্টি দিলেই বোঝা যায়। কলিকাতা এবং আরও বিভিন্ন কলেজে প্রতি বৎসর 'ফেল' করিয়া ইহাদের কর্মীরা থাকিয়া যায় এবং ছাত্রদের নিজেদের মতবাদে টানার চেষ্টা করে। এই সব চাই ছাত্রদের মাহিনাও পার্টির তহবিল হইতে দেওয়া হয়। ইহারাই দল পাকাইয়া ছাত্র ইউনিয়ন প্রভৃতি হাত করিয়া রাখে এবং কাজ দেখিবার নামে একটা কিছু অজুহাত বাহির করিয়া হৈ চৈ করিয়া থাকে। আবার মাঝে মাঝে উপরওয়াল রাজনৈতিক মোড়লদের নির্দেশে তুচ্ছ কারণে ধর্মঘট করিয়া ছাত্রদের লইয়া শোভাযাত্রা বাহির করে।

মেডিকেল কলেজের ছাত্রদের বয়স কিছু বেশী হয়, কাজেই তাহাদের নিকট হইতে অধিকতর মর্যাদাবোধের

পরিচয় সকলেই আশা করেন। পড়াশুনার মাঝে নানান অসুবিধা প্রত্যেক কলেজেই থাকে। কিন্তু কিছুকাল আগে পরীক্ষা পিছাইবার দাবী তুলিয়া কলিকাতায় মেডিকেল ছাত্ররা যাহা করিয়াছে, তাহা তাহাদের কলঙ্কিতই করিয়াছে। মেডিকেল ছাত্রদের প্রথম উদ্ভানি আসে কম্যুনিষ্টপন্থী একদল ডাক্তারের তরফ হইতে। তাহারা ছাত্রদের সাহায্য মেডিকেল ছাত্রদের অসুবিধা-গুলির কথা তুলিয়া ছাত্রদের মনে বিকোশ দানা বাঁধিতে সাহায্য করেন।—

সবই জানা কথা, কিন্তু প্রতিকার যাহারা করিতে পারেন, তাহারা যদি ভয়ে চুপ করিয়া থাকেন তাহা হইলে অবস্থার চরম অবনতি হইবে অনতিবিলম্বে।

এ বিষয়ে জনমত সৃষ্টি করিতে পারেন সংবাদপত্র। কিন্তু আমাদের দেশে জনমতই প্রকারান্তরে অধিকাংশ সংবাদপত্রকে প্রভাবান্বিত করিতেছে!

ডি-ভি-সি'র চরম ব্যর্থতা

পশ্চিমবঙ্গ বিধানসভার এক অধিবেশনে সেচ ও দামোদর উপত্যকা পরিকল্পনা খাতে ব্যয়-বরাদ্দের দাবি সম্পর্কে আলোচনাকালে বিরোধী ও কংগ্রেস—উভয় পক্ষের সদস্যগণই চামেরজন্ত সময়মত জল সরবরাহে ডি-ভি-সি'র শোচনীয় ব্যর্থতা সম্পর্কে ঐক্যমত প্রকাশ করেন।

অথচ এই 'ডি-ভি-সি'র জন্ত পশ্চিমবঙ্গকে কোটি কোটি টাকা দিতে হয়। মোট যত টাকা কর্পোরেশনের জন্ত খরচ হয়, তাহার শতকরা কম পক্ষে ৬৫ টাকা পশ্চিম-বঙ্গের দেয়। বাকী টাকার মধ্যে কেন্দ্রীয় সরকার দেন ২০ এবং বিহার বোধ হয় ১৫! অথচ লাভের গুড় যদি থাকে তাহা ভোগ করে বিহার এবং বেশ কিছু সংখ্যক মাদ্রাজী এবং পাঞ্জাবী উচ্চপদস্থ কর্মচারী। অবশ্য—বাস্তবিক একেবারে বঞ্চিত হয় না, পায় কিঞ্চিৎ মাত্র।

সংবাদপত্র যাহারা পড়েন, তাহারা জানেন, ডি-ভি-সি সর্বদিক্ হইতেই ব্যর্থ হইয়াছে। অথচ এই পরিকল্পনার প্রারম্ভে পশ্চিমবঙ্গকে স্বর্গের স্বপ্ন দেখানো হইয়াছিল। দরিদ্র করদাতাদের টাকা দামোদরের জলে এমন করিয়া না ভাসাইলে, সেই টাকায় বহুবিধ ছোট-খাট পরিকল্পনা সার্থক করা যাইত।

কেন্দ্রীয় প্রায় সকল সরকারী পরিকল্পনার পরি-কল্পনাতেই রহিল—ধরা দিল না। ইম্পাত কারখানা-গুলির কথা না বলাই ভাল। এ বিষয়ে পশ্চিমবঙ্গ সরকারের কৃতিত্ব অবশ্য স্বীকার্য। ডাঃ রায় পরিকল্পনাতে তাহার অসাধারণ বাস্তবতার সাক্ষ্য-প্রমাণ রাখিয়া গিয়াছেন। শ্রীপ্রমুদচন্দ্র সেনও এ বিষয়ে তাহার গুরু মান রক্ষা করিবেন, বিশ্বাস করি।

## আমি : তুমি : মিতা

শ্রীতেজেন্দ্রলাল মজুমদার

আমি গল্প শোনাতাম তোমাকে। তুমি আমাকে।

আমি বলতাম, জান, তোমাকে বিয়ে করার আগে আরেকটি মেয়েকে আমি ভালবেসেছিলাম। তার নাম বলব না। শুধু জেনে রাখ, তাকে আমি মিতা বলে ডাকতাম।

তুমি বলতে, জান, তোমাকে বিয়ে করার আগে অনেক ছেলে এসেছিল আমার জীবনে। তাদের কোনও একজনকে আমি হয়ত ভালবাসতাম। কিন্তু আমার মাসভূতো বোন মিনতিদিকে দেখার পর থেকে সে সাহস আমার হয় নি। বেচারী কাকে যেন ভালবেসেছিল। কিন্তু প্রতিদানে কেবল ব্যর্থতা আর অপবাদই পেল।

অবশেষে আমি সম্মতি দিলাম। তুমি লিখলে। আর তোমার মিনতিদি একদিন আমাদের বিলাসপুরের বাড়ীতে এসে উপস্থিত হলেন।

আমি জানলাম, তোমার মিনতিদি আসলে আমার মিতা।

তুমি জানলে, তোমার মিনতিদি যাকে ভালবেসেছিল সে আমিই!

সেই দিন থেকে আমি ঘৃণা করলাম তোমাকে। তুমি আমাকে। আর আমাদের পারস্পরিক সম্পর্কও ক্ষত এগিয়ে গেল একটি বিয়োগান্ত পরিসমাপ্তির দিকে।

ছুরিংক্রমে বসে দৈনিক সংবাদপত্রে একটি রোমহর্ষক নারীহরণের সংবাদ পড়ছিলাম আমি। আমার গজ ছয়েক দূরের সোফাতে বসে অর্ধনিম্নীলিত চোখে, ফেলে আসা জীবনের স্মরণে নিজেকে ডুবিয়ে দিয়েছিল মিতা। এমনি সময় তুমি এসে বলেছিলে আমাকে, হ্যাঁগা, তুমি কি আজ হাসপাতালে যাবার নাম করবে না? ওদিকে সেই সকাল থেকে ত শুধু টেলিফোনের উপর টেলিফোন আসছে।

বলেছিলাম, আসুক গে। একটা দিন না-হয় নাই বা গেলাম।

কেন, আজ আবার শরীর খারাপ করেছে নাকি? কই হাস ত আজ তুমি বেশ ভাল ভাবেই নিচ্ছ।

তোমার প্রশ্ন শুনেই মিতা চোখ মেলে একবারটি দেখেছিল আমার দিকে। জবাবে তোমাকে বলেছিলাম, না, শরীর খারাপ টারাপ নয়, এমনিতেই আজ যেতে ইচ্ছে করছে না।

শোনো কথা! বিস্ময় প্রকাশ করেছিলে তুমি। ডাক্তার ওকু বার বার করে বলেছেন কি একটা সিরিয়াস কেস্ এসেছে হাসপাতালে। তুমি ছাড়া কারুরই সাধ্য নেই কেস্টিকে হাতে নেয়।

অগত্যা উঠে এসেছিলাম আমি। আর আসতে আসতে ভাবছিলাম, তোমার এই হঠাৎ পরিবর্তনকে। এই তুমিই কি কাল পর্যন্তও অসুস্থ শরীরে সারাদিন কাজ নিয়ে থাকি বলে আমার উপর রাগ করতে না?

হাসপাতালে এসে দেখেছিলাম, তুমি মিথ্যা বল নি।

পাঁজরার হাড় ভেঙ্গে ফুসফুসে ঢুকে গিয়েছিল একটি মেয়ের। তার বর্তমানে তার স্বামী অল্প একটি মেয়েকে ভালবাসত বলে, ছাদের উপর থেকে লাফিয়ে আত্ম-হত্যার চেষ্টা করেছিল সে।

হাসপাতাল থেকে ফিরে, লাঞ্চার টেবিলে তোমাদের এই ঘটনাটা শোনাতে শোনাতে আমি আনার মস্তব্য যুক্ত করেছিলাম, উঃ, কি ক্রুট ওই স্বামীটা! ওর কিন্তু কাঁসী হওয়া উচিত। স্পর্ধা দেখ না? হতছাড়া স্ত্রীর বর্তমানে অল্প একটি মেয়ের সঙ্গে প্রেম করতে গেছে।

চকিতে ফ্যাকাশে হয়ে উঠেছিল মিতার মুখ।

তুমি কিন্তু আমার বিচারবোধের রীতিমত প্রশংসা করে এক সময় বলেছিলে, হ্যাঁগা, বোটি বুঝি দেখতে ভাল ছিল না?

তা অবশ্য ছিল না। কিন্তু তাতে কি? বিয়ে করা স্ত্রীকে ছেড়ে অল্প মেয়ের পিছনে দৌড়ান কি অসুস্থ মনুষ্যত্বের লক্ষণ?

পরদিন সকালে মিতাকে হাত ধরে টানতে টানতে তুমিই জোর করে নিয়ে এসেছিলে আমার সামনে। বলেছিলে, ওগো শুনছ কথা! মিনতিদি আজকেই চলে যাবে বলছে।

সে কি? ওর ত এক মাস থাকবার কথা। তা



ছাড়া বিলাসপুরের কিছুই ত এখনও উনি দেখেন নি।

মিতা বলেছিল, আবার যখন আসব, তখন দিন কয়েক বেশ বোরাশুরি করে সব কিছু দেখে নেব রবীনবাবু।

তখন ত আমরা এখানে নাও থাকতে পারি মিনতিদি। জানেন ত, আমার সরকারী চাকরী, তার উপর মেডিক্যাল লাইন। কে জানে কখন কোথায় বদলী হই।

এর পরে মিতার গলাটিকে তোমার ছুটি হাতে ধিরে নিয়ে, তুমি আন্দারের সুরে বলেছিলে, আমি কিন্তু এক মাসের আগে তোমাকে যেতে দেব না মিনতিদি। না, কিছুতেই না।

দিন দুয়েক পরে একদিন হাসপাতাল ফেরতা আমি বাড়ী আসতেই, তুমি একা পেয়ে আমাকে প্রশ্ন করেছিলে, ইঁগা, মিনতিদি খুব সুন্দরী। তাই না?

বলেছিলাম, এই প্রশ্ন কেন?

এমনিই। নিছক কৌতুহল।

না, এই ধরণের কৌতুহল ভাল নয়। উনি আমাদের গুরুজন।

হোক গুরুজন। ও ত আর এখানে গুনে আসছে না? বল না লক্ষীটি।

আমাকে নিরুত্তর দেখে তুমি আমার হাতখানাকে তোমার মুঠিতে তুলে নিয়ে পীড়াপীড়ি করতে যাচ্ছিলে। কিন্তু তার বদলে একটি অক্ষুট যন্ত্রণার অভিব্যক্তি দিয়ে তুমি বলেছিলে, ওমা, তোমার শরীর যে দেখছি আগুনের মত গরম! শরীর খারাপ, তা এতক্ষণ বল নি কেন? চল গুয়ে পড়বে।

বলেছিলাম, এবারের অসুখ আমার কিন্তু আর ভাল হবে না অনিতা।

রাখ দিকি যত অলুক্ষণে কথা।

সেদিন সন্ধ্যায় ডাক্তার ওকের বাড়ীতে তাঁর ছেলের জন্মদিনের নিমন্ত্রণ রক্ষা করতে তুমি একাই গিয়েছিলে। অসুস্থ হয়ে পড়ার দরুণ আমি যেতে পারি নি। আর তোমার অসুস্থস্থিতিতে আমার উপর লক্ষ্য রাখার জন্য মিতাকে তুমি নিজেই সঙ্গে নিয়ে যাও নি।

তুমি চলে যাবার পর মিতাকে এক সময়ে একা কাছে পেয়ে আমি বলেছিলাম, মিতা, একটা কথা যদি বলি রাগ করবে না ত?

মিতা! মিতা কে রবীনবাবু? আমি ত আপনার মিনতিদি।

বেশ, তুমি তাই। বল না, একটা কথা বলব তোমাকে?

কি কথা?

তুমি আমাকে ভুল বুঝেছিলে মিতা।

ভুল বুঝেছি?

হ্যাঁ, ভুল বুঝেছি। জানো, কন্‌জেনটেল হার্ট ডিজিজে দীর্ঘদিন থেকে আমি ভুগছি।

অবাকু বিষয়ে মিতা প্রশ্ন করেছিল, অসুখের সঙ্গে ভুল বুঝাবুঝির কি সম্পর্ক রবীনবাবু?

সে কথাই ত বলতে চাই মিতা। মনে আছে, তোমার সঙ্গে আমার যখন শেষ দেখা হয়, অর্থাৎ সেই ছুবছর আগে, আমি একবার অসুস্থ হয়ে পড়েছিলাম?

হ্যাঁ, মনে আছে।

বিখ্যাত হৃদরোগ বিশেষজ্ঞ ডাক্তার বসু তখন দেখেছিলেন আমাকে। তিনি সব দেখে গুনে বললেন, 'ইন্টার ভেনট্রিকুলার সেপটেল ডিসেক্ট উইথ আরলি ফেইলুওর' হয়েছে আমার। আর এই এত বড় অসুখটা আসলে কি জান? হৃদয়ের প্রকোষ্ঠে গুরু রক্তের সঙ্গে অগুরু রক্তের সংমিশ্রণ হয়ে যাওয়া। নিজেও ডাক্তারী পড়েছি বলে সেদিন বুঝেছিলাম আমি, মৃত্যু আমার অবধারিত। অবশ্য এই অসুখটার মানুষ যে বাঁচে না, তা নয়—বাঁচে। তবে তা শতকরা তিন কি চারজন। তাও আমেরিকায় গিয়ে বহু সহস্র টাকা খরচ করে যদি চিকিৎসা করায় তবেই। সমান্তরাল কেরানী বাবার ছেলে আমি। প্রাইভেট ট্রেনিং করে তখন সবেমাত্র ডাক্তারীটা যা হোক করে পাশ করেছিলাম। বাঁচবার ক্ষীণতম আশা করাও সেদিন আমার গুরু দিবাস্বপ্ন ছিল। আর এই নিশ্চিত মৃত্যু জানার পরেও তোমাকে বিয়ে করা কি জেনে গুনে তোমার সর্কনাশ করা হ'ত না মিতা?

শ্লেষ-বঙ্কিম স্বরে মিতা বলেছিল, আমাকে ভালো-বাসতেন বলে আপনি আমার সর্কনাশ করেন নি রবীনবাবু—গেজন্ড ধন্যবাদ আপনাকে। কিন্তু অনিতার এত বড় সর্কনাশ করার কি অধিকার আপনার ছিল? কেন সব জেনে গুনেও আপনি ওকে বিয়ে করেছেন?

ভ্রান্ত আশাতেই ত মানুষের মন ধাঁধিয়ে যায়। মানুষ কর্তব্যবিস্মৃত হয়। জান মিতা, এই হুরারোগ্য অসুখ হয়েছে জানার পরেও আমি স্বপ্ন দেখলাম ভাল হবার। দীর্ঘজীবন লাভ করার। মনে হ'ল, বিদেশে কোথাও গিয়ে প্রচুর অর্থ ব্যয় করলে হয়ত চিকিৎসা কীরান যেতে

পারে। কিন্তু প্রশ্ন এল, অত টাকা আমি কোথায় পাব ? অবশেষে বিজ্ঞান পিতার একমাত্র সম্মান অনিতাকে আমি বিয়ে করে আনলাম। তুমি বলবে, আমি অনিতার সর্কনাশ করেছি। আর আমি বলি, আমি নিজের সর্কনাশ করেছি।

মিতা বলেছিল, এ সব কথা তুমি আমাকে আগে কেন বল নি রবীন ?

বলে কি লাভ হ'ত মিতা ? শুধু দুঃখই বাড়ত তোমার। ইন্টার্ন ড্রেডার্স কেল পড়ায় তোমার বাবা তখন কপর্দকহীন। তা ছাড়া আমি যদি টাকা চাইতাম, তাহলে তুমি হয়ত ভেবে বসতে, তোমার দুর্বলতার সুযোগ নিয়ে তোমার মা-বাবার উপর জুলুম করছি আমি ! তার চেয়ে এই ভাল হয় নি কি, নিজেকে তোমার ভালবাসার অযোগ্য প্রতিপন্ন করে চোরের মত এমনি পালিয়ে আসা ?

মিতা প্রশ্ন করেছিল, তুমি বিয়ে করেছ আজ হয় মাস। ওখু সেয়ে উঠবে বলেই যদি তোমার এই বিয়ে করা, তাহলে আজও কেন তুমি বিদেশে গেলে না রবীন ?

আমি বলেছিলাম, যেতাম মিতা। কিন্তু ইতিমধ্যে কলকাতায় গিয়ে আরেকটি এক্সরে নিয়ে জেনে এসলাম, আমার অস্থিটি এখন এ্যাডভান্সড্‌ স্টেজে। এই সময় বিদেশ কেন, স্বয়ং ভগবানের কাছে গেলেও আমি বোধ হয় আর ভাল হব না। যাক, এ সব কথা, এবার তুমি বল মিতা, আমাকে তুমি ছুল বোঝ নি ?

উত্তরে মিতা আমার বুকের উপর ঝাঁপিয়ে পড়ে অবোধ শিশুর মত কাঁদতে আরম্ভ করে দিয়েছিল।

ঠিক সেই সময় বাড়ী ফিরে এসে আমাদের দু'জনকে ঐ ভাবে ধরে কেলেছিলে তুমি। প্রশ্নবাণে মিতাকে জর্জরিতা করে দিয়ে তুমি বলেছিলে, মিনতি-দি, এত অনলক্ষ্মী তুমি ? এত বেহায়া ?

সেই রাত্ৰিতেই মিতা মরে গেল গলার দড়ি দিয়ে। টেবিলের উপর থেকে মিতার হাতের এক লাইন লেখা একটি কাগজ তুমি তুলে এনে দিয়েছিলে আমাকে, তাতে লেখা ছিল, তুমি যখন আসছই, তখন কতি কি আমি যদি একটু আগে পৌঁছে যাই।

রোগশয্যার শায়িত আমার মুখের দিকে জিজ্ঞাসার দৃষ্টি বিছিরে দিয়ে, তুমি জানতে চেয়েছিলে এই লাইনটির অর্থ।

দিন কয়েক বাদে মুম্বু আমাকে নিয়ে কলকাতায় আসতেই হৃদরোগ বিশেষজ্ঞ ডাক্তার বনু তোমাকে আমার হয়ে জবাব দিয়েছিলেন, 'ইন্টার ভেনট্রিকুলার সেপটেল ডিকেটে উইথ আরলি ফেইলুওর। যদি বাঁচাতে চান ত শীগগির নিউইয়র্ক নিয়ে যান। ওখানকার হার্ট স্পেশালিষ্ট ডাঃ ডেভিস ছাড়া পৃথিবীতে কারও সাধ্য নেই একে ভাল করে।

আজ তোমার বাবার সঙ্গে নিউইয়র্ক যাবার পথে লণ্ডনে এসে পৌঁছেছি আমি। প্যান আমেরিকানের মস্তবড় যাত্রীবাহী প্লেনটা ঘণ্টাচারেক বিশ্রাম করবে এখানে। এরই মধ্যে এত সব কথা তোমাকে লিখে ফেললাম।

আমি বাঁচব কি ?

তুমি হয়ত লিখে পাঠাবে, ভেঙে পড়ো না, এটা বিজ্ঞানের যুগ, এর চেয়ে বড় বড় অস্থিকেও ভাল করেছেন আজকের চিকিৎসকেরা।

কিন্তু কে জানে কেন, এই মুহূর্তে মিতার লেখা এক লাইনের সেই কাগজটিই বার বার ভেসে আসছে আমার চোখের সামনে।—তুমি যখন আসছই, তখন কতি কি আমি যদি একটু আগে পৌঁছে যাই।

জীবনে যাকে আমি প্রতারণা করেছি, মৃত্যুতেও তাকে আমি প্রতারণা করব কি ?



## ২৩৩

### শ্রীবিমল মিত্র

তার পর নিবারণের দিকে চেয়ে নতুন-বৌ বললে—  
আপনি কি রকম মামুল সরকার মশাই, সবাইকেই কি  
আপনার কর্তামশাই-এর মত মনে করেন? দেখছেন  
সকাল বেলা বাবা স্নান ক'রে ক্লাস্ত হয়ে এসেছেন, এখন  
একটু আফ্রিক করতে বসেছেন, এখন আপনার কথা  
বলবার সময় হ'ল?

সরকার মশাই আড়ষ্ট হয়েই গিয়েছিল। নতুন-  
বৌ-এর কথাতে উঠে দাঁড়াল।

বললে—আমি ত মা সা'মশাইকে আটকে রাখি নি—

—তা কাক-কোকিল ডাকতে না ডাকতে বাড়ীতে  
এসে ব'সে থাকলে কেউ চ'লে যেতে বলতে পারে?

—আর বেশি কথা বলতে হবে না মা, আমি নিজেই  
যাচ্ছি।

ব'লে নিবারণ উঠল। উঠে চ'লেই যাচ্ছিল। কিন্তু  
সা'মশাই ডাকলে।

বললে—রাগ করলে না কি নিবারণ?

—আজ্ঞে না।

—না রাগ ক'রো না, আমার নতুন-বৌ তোমার  
মেয়ের মতন, ওর কথায় আমি রাগ করি নে—

নিবারণ বললে—আর রাগ করলে ত আমার চলবে  
না সা'মশাই, আমি কে? আমি ত হকুমের চাকর বই  
কেউ নই? আমার ওপর হকুম হয়েছিল আপনার কাছে  
আসতে তাই এসেছিলাম, আপনি তাড়িয়ে দিলে আমি  
চ'লে যাব—

সা'মশাই বললে—কে কাকে তাড়ায় নিবারণ! এই  
দেখ না, এই বিজয়ের মা'র কথাই বলছি, আমিই কি  
তাকে তাড়িয়েছি? তবু সে চ'লে গেল কেন? কার হকুমে  
চ'লে গেল? কে তিনি? কোথায় থাকেন তিনি?  
বল, কোথায় গেলে তাঁকে পাই?

ব'লে প্রথমে নিবারণের দিকে ছুঁড়ে দিলে।

কিন্তু নিবারণের মুখে উত্তরটা জোগাল না। দুলাল  
মা'র মুখেও জোগাল না। দুলাল সা' একটা অর্ধপূর্ণ  
হাসি হাসল। বললে—বলতে পারলে না ত? কেউ  
বলতে পারে না। কেউ না! সেই জন্তেই ত দীক্ষা

নিলাম নিবারণ! নইলে কি আমার খেয়ে-দেয়ে দীক্ষা  
নেবার জন্তে এত পাগল হই?

নতুন-বৌ আর ধৈর্য রাখতে পারলে না। কথার  
মাঝখানেই বাধা দিলে।

বললে—বাবা, দেবী হয়ে যাচ্ছে কিন্তু আপনার—  
ব'লে জোর ক'রে ভেতরের দিকে নিয়ে গেল।

চণ্ডীতলার দিকেই আগে ছিল ঝশান। এখনও  
ঝশানটা আছে। একটু দূরে স'রে গেছে। তেঁতুল  
গাছ দিয়ে জায়গাটা ঘেরা। চণ্ডীতলার আগে লোকের  
আনাগোনা বিশেষ ছিল না। যারা মড়া পোড়াতে  
যেত, তারা দিনমানেরই কাজটা সেরে ফেলত। সন্ধ্যার  
পর বড় একটা কেউ যেতে চাইত না ওদিকে।

কিন্তু এখন হাওয়া বদলে গিয়েছে। এখন কেউগু  
থেকে চণ্ডীতলা পর্যন্ত যেতে রাস্তা বলতে কিছু ছিল  
না। এখন পিচ-ঢালা রাস্তা হয়েছে। আশ্বিন-কার্তিক  
মাসে ওই রাস্তার ওপর চাষারা ধান তুকাতে দেয়।  
সাইকেল-টাইকেল সব সেই ধানের ওপর দিয়েই চলাচল  
করে। তাতে কেউ কিছু আপত্তি করে না। তবে  
রাস্তার পাশে রাখালরা লাঠি নিয়ে পাহারা দেয়। গরু-  
ছাগলে না খায়। গরু-ছাগল এলেই লাঠি নিয়ে তাড়া  
করে—ঘ্যাই, হস্, হস্—

গরু-ছাগলের উৎপাতটাই বেশি।

চণ্ডীতলার যেখানে রাস্তাটা শেষ হয়েছে, সেখানেই  
ব্লক-ডেভেলপমেন্ট অফিস। সার সার অনেক বাড়ী  
হয়েছে নতুন-নতুন। এ-অঞ্চলে এ-রকম বাড়ী এই প্রথম।  
বেশ সিমেন্ট-কন্ক্রিটের মজবুত দালান। কন্ক্রিটের ছাদ  
বেশ সামনের দিকে বাড়ানো। সামনে একটু ক'রে  
বাগান। রাণাঘাট কলকাতা থেকে ছেলে-মেয়েরা এসে  
এখানে চাকরি করছে। জেলে-মালো চাষাভূষাদের  
স্কুল হয়েছে। সেখানে বইখাতা-প্লেট নিয়ে পড়তে আসে।  
আগে যারা রাস্তার ঘাটে-জঙ্গলে খেলা ক'রে, মাছ ধ'রে,  
পাখী-শিকার ক'রে বেড়াত, তারা এখন স্কুলে এসে মন  
দিয়ে পড়ে। এখন জামা-কাপড় পরে, বাপ-মা'র কথা  
শোনে।

এ যেন একটা নতুন শহর প'ড়ে উঠেছে এখানে।

ব্লক-ডেভেলপমেন্ট অফিসার নিজের বাড়ির সামনে বাগান তৈরি ক'রে নিয়েছে' ভাল ক'রে। প্লানে ছিল তিন-কামরা ঘর। কন্ট্রাক্টারকে ব'লে চার-কামরা ক'রে নিয়েছে। বেশি ব্যয় নয় সুকান্ত রায়ের।

নিতাই বসাক জিজ্ঞেস করেছিল—চাকরিটা যে পেলেন, কারুর সঙ্গে জানাশোনা ছিল ?

সুকান্ত রায় বলেছিল, না মশাই, বলতে গেলে শ্রেফ লাক্—

—আশ্চর্য্য ত ! নিতাই বসাক সত্যিই অবাক হয়ে গিয়েছিল উত্তরটা শুনে।

—কারুর সঙ্গে আলাপ ছিল না ? প্রফুল্ল ঘোষ, বিধান রায়, অভুল্য ঘোষ, কারুর সঙ্গে নয় ?

—আজ্ঞে না—

—তা হ'লে কি ক'রে চাকরিটা পেলেন তনি ? শুধু দরখাস্ত ক'রে ?

—না।

সুকান্ত রায় বললে, তাও না—

নিতাই বসাক আরও অবাক। সুকান্ত রায় বললে, আমি মশাই এম্-এ পাশ ক'রে ফ্যা ফ্যা ক'রে তখন ঘুরে বেড়াচ্ছি, সেই সময়ে এক কাণ্ড হ'ল।

—কি কাণ্ড ?

সুকান্ত রায় বললে, কিরণশঙ্কর রায়ের নাম শুনেছেন ?

নিতাই বসাক বললে, আ রে কিরণশঙ্কর রায়ের নাম শুনব না ? অত বড় কংগ্রেস লীডার, ম্যাসি সুভাব বোস—

সুকান্ত রায় বললে, তাঁর মরবার খবর পেয়েই আমি তাঁর বাড়ীতে গিয়ে হাজির, তখন তাঁর ডেড-বডি বার করা হচ্ছে, আমি তাঁর সেই খাটের একটা মাথা ধ'রে শ্মশান পর্য্যন্ত সারা রাত্তা ব্যয়ে নিয়ে গিয়েছিলাম—

—তার পর ?

—খবরের কাগজে সেই প্রেসেশনের ছবি বেরিয়েছিল। আমার ছবিটা স্পষ্ট উঠেছে। আমি বুদ্ধি ক'রে আনন্দ-বাজার পত্রিকা অফিস থেকে সেটা কিনে রেখেছিলাম, যখন চাকরির খবরটা কাগজে বেরুল, আমি সেই ছবিটা নিয়ে মোজা রাইটাস বিল্ডিং-এ গিয়ে খোদ-কর্তার সঙ্গে দেখা করলাম—

তার পর ?

সুকান্ত রায় বললে, তার পর একটা নমিঞ্জাল ম্যাপি-কেশন করতে হ'ল, আর সঙ্গে সঙ্গে এই চাকরি।

এই হ'ল সুকান্ত রায়ের গবর্নমেন্ট-চাকরির সংক্ষিপ্ত

ইতিহাস। কিন্তু ওই পর্য্যন্তই। চাকরিটাই শুধু হ'ল বিয়েও হ'ল চাকরির দৌলতে। সুন্দরী বউ পেয়েছে। কিন্তু অল্প পাড়ার। কিন্তু অল্প পাড়ারগে এসে প'ড়ে থাকতে ভাল লাগে না। নিতাই বসাক কলকাতায় যায়। সেক্রেটারিয়েটে দহরম-মহরম আছে। তার সঙ্গে মনের কথাগুলো বলে সুকান্ত রায়। সুকান্ত রায়ের সাজান বৈঠকখানায় ব'সে চা খায় নিতাই বসাক। সুকান্ত রায়ের বউও সঙ্গে থাকে। কিছু দরকার হলে নিতাই বসাক বলে—আমাকে বলেন নি কেন, আমি যোগাড় ক'রে দিতাম—

নিতাই বসাক সুকান্ত রায়ের ডান হাত হয়ে গিয়েছিল। নিতাই বসাক গাড়ি পাঠিয়ে দিত। বলত—যেখানে খুশি আপনারা বেড়াতে যান, গাড়ি ত আমার পড়েই থাকে, আর তা ছাড়া মাসের মধ্যে অর্ধেক দিন ত আমি কলকাতাতেই থাকি—

গাড়ি ছিল, নিতাই বসাক ছিল, তুলাল সা ছিল, তাই ব্লক-ডেভেলপমেন্ট অফিসারের কোনও ভাবনা ছিল না। নতুন কাঁচা ব্যয়, নতুন বউ, সস্তা-গণ্ডার দেশ, কিছুই পাওয়া যেত না, তাই খরচও কিছু ছিল না। কিন্তু বউ বিশেষ সস্তা ছিল না।

বউ বলত—পাড়ারগে আর ভাল লাগছে না—

আসলে এইটেই হয়েছিল মুশকিল। এই মুশকিলের জন্তেই সুকান্ত রায়েরও ভাল লাগত না। নিতাই বসাক কলকাতা থেকে এলেই জিজ্ঞেস করত কি হ'ল নিতাই বাবু, সেক্রেটারিয়েটের খবর কি ?

নিতাই বসাক এসে চেয়ারে ব'সে বলত—এবারে গিয়ে কোনও কাজ হ'ল না স্তার, শ্রেফ পরমা নষ্ট-- গিয়েছিলাম আপনার জন্তে একটু তদ্বির করতে, কিন্তু সব ভেঙে গেল—

—কেন ?

—আবার কেন কি ? আমি যেদিন গিয়ে পৌঁছিলাম, সেই দিনই মিনিষ্টার হের নস্কর মারা গেলেন। তখন কি আর কাজ-কর্ম কিছু হয় ?

—তা সাত দিন ত ছিলেন। সাত দিন ধ'রে থেকেও কিছু কাজ হ'ল না ?

নিতাই বসাক বললে—না, একজন মিনিষ্টার মারা গেলে কি ক'রে, কাজ-কর্ম হবে বলুন স্তার ? অন্ততঃ পনের দিন লাগবে ত শোকের ঘোর কাটতে—তাই চ'লে এলাম—

এমনি করেই দিন কাটছিল। নিতাই বসাকও আশা দিয়ে যাচ্ছিল, সুকান্ত রায়ও চাকরি ক'রে যাচ্ছিল।



এমনি ক'রেই বছর কেটে যাচ্ছিল। টেম্পোরারী ডিপার্ট-মেন্ট, কবে আছে কবে নেই। নিতাই বসাককে ধ'রে যদি অল্প কোনও ডিপার্টমেন্টে যাওয়া যায়, সেই চেষ্টা করত সুকান্ত রায়। কিম্বা যদি কলকাতায় হেড অফিসে চাকরিটা ট্রান্সফার করিয়ে দেওয়া যায়। কিন্তু রাইটাস' বিল্ডিংসে কারও সঙ্গে জানা-শোনা নেই। একমাত্র সেই ফটোটা ভরসা। সেই কিরণশঙ্কর রায়ের মরদেহ বয়ে নিয়ে যাচ্ছে কাঁধে ক'রে—সেইখানা। সেই ফটোখানা বাঁধান ছিল ঘরে। দেয়ালে টাঙান ছিল। সেই পুরাণে শবরের কাগজখানাও ফ্রেমে বাঁধিয়ে টাঙিয়ে রেখে দিয়ে ছিল। জীবনে ঐ একটি মাত্র মূলধন। ঐ মূলধনটি খাটিয়েই যদি ভবিষ্যতে আরও কিছু কাজে লাগান যায়।

লোককে সুযোগ পেলেই সুকান্ত রায় দেখাত। বলত—ঐ দেখুন—আনন্দবাজারে আমার ছবি বেরিয়েছিল।—গ্রামের লোকরা অবাক হুয়ে যেত। ব্লক-ডেভলপমেন্ট অফিসারকে দেখছে না, যেন দেবদর্শন করছে।

স্ত্রীও মেয়েদের বলত—কিরণশঙ্কর রায় তাঁকে খুব স্নেহ করতেন কিনা—

ঠিক এমনি সময়ে হুলাল সা'র বাড়িতে সাধুবাবা এসে হাজির। নিতাই বসাক এসে নেমস্তন্ন ক'রে গেল। আর তার পর দিনট মেরাজ বদলে গেল। নিতাই বসাক সকাল বেলাই এসেছে।

বললে—কি রকম স্তার, কি রকম সাধু দেখলেন বলুন ?

সুকান্ত ছিল, সুকান্তর স্ত্রী ছিল। সুকান্ত বললে—মিরাকুলাস—

—কি রকম ?

সুকান্ত বললে—আমার বাবা কবে মারা গেছেন তার ডেটটা পর্য্যন্ত বলে দিলেন সাধুবাবা—

—আর চাকরি ? চাকরির কথা কিছু বলেন নি ?

সুকান্ত বললে—আর তিন বছর বাকি আছে—

—কিসের বাকি ?

সুকান্ত বললে—উন্নতির। তখন আমার এমন উন্নতি নাকি হবে যে, আমি এখন কল্পনাই করতে পারব না—

নিতাই বসাক বললে—তখন যেন আমাদের ভুলে যাবেন না স্তার, যদি মিনিষ্টার হয়ে যান ও যেন কিছু পারমিট্-টারমিট্ পাই—

—আমার ত মশাই বিশ্বাসই হচ্ছিল না।

সুকান্তর স্ত্রী বললে—অনেক সময় কিন্তু ভবিষ্যদ্বাণী ফলে যায় -

নিতাই বসাক বললে—এমন অলৌকিক সব ব্যাপার

আমার শোনা আছে বা ওনলে আপনারা চম্কে উঠবেন—

সুকান্ত বললে—আমি ও তাই আসবার সময় পাঁচ টাকা প্রণামী দিয়ে এলাম নিতাইবাবু—তা সাধুবাবা চ'লে গেছেন ?

—হ্যাঁ, ভোর চারটের সময় নৌকোর ভুলে নিয়ে এলাম! প্রণামী যত পেয়েছিলেন সব দিতে গেলাম, একটা পাই-পরসা পর্য্যন্ত ছুঁলেন না, তা হুলালকে বললাম—সব হরিসভার ফাণ্ডে জমা ক'রে দিতে—

সুকান্ত বললে—হরিসভা কি এখনও আছে আপনাদের ?

নিতাই বসাক বললে—কি বলছেন আপনি? হরিসভা নেই? হরিসভার আটচালার ভেতরে একদিন গিয়ে দেখবেন, এখনও রোজ ঝাঁট-পাট দেওয়া হয়, রোজ কেউ আর আসে না ব'লে একপাশে হুলালের গরুগুলো রাখা আছে—

তার পর হঠাৎ রাস্তার দিকে নজর পড়তেই দেখলে—নিবারণ যাচ্ছে।

—ওই দেখুন, ওকে চেনেন ?

সুকান্ত বললে—ওই ত কীর্তীশ্বর ভট্চারিয়ার সরকার—

নিতাই বসাক সেখানে ব'সে ব'সেই ডাকলে—নিবারণ, অ নিবারণ, ও সরকার মশাই—

সরকার মশাই ডাক শুনে দাঁড়াল। তার পর এদিকে ফিরে চাইলে।

—এস এস, ভেতরে এস—

নিবারণ আস্তে আস্তে কাছে এসে জুতো ধুলে ভেতরে ঢুকল।

—এত সকালে কোথায় যাচ্ছ ?

নিবারণ বললে—আজ্ঞে, বসাক মশাই, একটু চণ্ডী-তলার দিকে যাব—কর্ত্তামশাইয়ের হুকুম—

—কেন, চণ্ডীতলায় কি করতে ? কোন্ পাড়ায় ?

—আজ্ঞে মালো-পাড়ায়।

—মালো-পাড়ায় এখন কি করতে ? মাছের চেষ্টায় ?

নিবারণ বললে—আজ্ঞে না, সকাল বেলা সা' মশাই-এর বাড়ী গিয়েছিলাম, তিনি আফিক করতে গেলেন, তাই কথা হ'ল না, এখন যাচ্ছি কেঁট মালোর কাছে, কতকগুলো কথা জিজ্ঞেস করতে! ওনেছি এখনও বেঁচে আছে কেঁট মালো—

নিতাই বসাক বললে—বেঁচে আছে বৈ কি। বেশ

হুট-পুট হয়ে বেঁচে আছে, তোমার কর্তামশাই-এর মত অথর্ক হয়ে পড়ে নি—

নিবারণ বললে—আজ্ঞে, কর্তামশাই-এর মত শোক-তাপ ক'জন পেয়েছে বলুন, ছেলে গেছে, ছেলের বউ গেছে, নাওনী গেছে—নিজের স্বাস্থ্যও...

—তা সাধুবাবা যে বললেন নাওনী যায় নি, বেঁচে আছে ?

নিবারণ বললে—সেই শোনার পর থেকেই ত কর্তামশাই কেমন হয়ে গেছেন .

—কি রকম ?

—আজ্ঞে কাল চৌপদ-রাত বুকের বাথায় ভুগেছেন, কর্তামশাইও জেগে, গিরীমাও জেগে, আর আমিও জেগে। তিনজনেই জেগে কাটিয়েছি। এই ভোরবেলাই আমাকে ডেকে, পাঠিঘোঁছলেন সা'মশাই-এর বাড়ীতে! তা সাধুবাবা ত চ'লে গেছেন গুনলান, এখন কেটে মালোর কাছে যাচ্ছি, সে যদি কিছু বলতে পারে—

ক্রমশঃ

## ‘কালের যাত্রা’ প্রসঙ্গে

শ্রীমিহির সিংহ

সিনেমা কিংবা রেডিও কিংবা টেলিভিশনের থেকে মঞ্চে অহুষ্ঠিত অভিনয় একটি বিশেষ অর্থে স্বতন্ত্র। রেডিওতে যে অহুষ্ঠান করা হয় তা শুধুমাত্র শ্রবণীয়—দর্শনের কোনও ব্যাপার তাতে নেই। টেলিভিশন আজকাল আমাদের দেশে কিছু কিছু আবস্ত হয়েছে—তা শ্রবণীয়ও বটে আবার দর্শনীয়ও বটে। কিন্তু তবু তার অস্তিত্ব দর্শকের থেকে অনেক তফাতে।—কাঁচের তৈরী একটি ক্ষুদ্রাকার পর্দার উপরে তাকে আমরা দেখতে পাই, এবং রেডিওরই মতন লাউড স্পীকারের মধ্যে গুনতে পাই। এদের চাইতে সিনেমা অনেকটা এগিয়ে আসে দর্শকের কাছে ;—সফল অহুষ্ঠান হলে ত আমরা অনেক সময়ে ভুলেই যাই যে, সিনেমাটা আবদ্ধ রয়েছে পর্দায় আর লাউড স্পীকারে। তবু আমাদের মাথার মধ্যে এ ভাবনাটা রয়ে যায় যে, সিনেমা তৈরী হয় অনেক আলোতে উজ্জ্বল ফ্লোরে, বড় বড় যন্ত্রপাতির সাহায্যে।

আমরা যারা সিনেমার তৈরী হওয়ার বৃত্তান্ত একটু-আধটু জানি তারা অনেক সময়ে চমক ভেঙে স্মরণ করি যে, এডিটরের কাঁচির সাহায্যে আর সেলরের কাঁচি এড়িয়ে সিনেমার জন্ম। সেটা দেখতে স্বাভাবিক হলেও অনেক কৃত্রিমতার সাহায্যে লাভ করে এই রকম স্বাভাবিকতার চেহারা। আর তা ছাড়া দৈর্ঘ্য, প্রস্থ ও গভীরতা, বস্তুর এই তিন রকমের প্রসার বা three dimensions নিয়ে নানা experiment সত্ত্বেও

এখনও সিনেমা মূলতঃ two dimensional, অর্থাৎ তা আবদ্ধ থাকে শুধু মাত্র দৈর্ঘ্য ও প্রস্থ সম্বলিত একটি পর্দার উপরে। তার তুলনায় মঞ্চে অহুষ্ঠিত কোনও অহুষ্ঠান সাধারণ দর্শকের কাছে অনেক বেশী কাছের জিনিষ। প্রথমতঃ তা three dimensional—মঞ্চে শুধু দৈর্ঘ্য ও প্রস্থই নয়, একটি বেধ বা গভীরতাও স্পষ্ট ভাবে উপস্থিত দ্বিতীয়তঃ এটা একটা জীবন্ত (live) অহুষ্ঠান—অভিনেতা, অভিনেত্রী বা অল্প অংশ-গ্রহণকারীরা সশরীরে বর্তমান মঞ্চে উপরে। তৃতীয়তঃ পুরাতন ও আধুনিক সব কিছু উপকরণ বা যান্ত্রিক সাহায্য সত্ত্বেও মঞ্চে যে অহুষ্ঠান দেখা যায় তাতে অভিনেতা ও দর্শকের মধ্যে একটা ঘনিষ্ঠ যোগাযোগ গড়ে ওঠে, যেটা সিনেমা কিংবা রেডিও কিংবা টেলিভিশনের বেলায় হওয়া সম্ভব নয়।

আরও একটা দিক থেকে বিচার করলে গিয়েটার বা মঞ্চাভিনয়ের সঙ্গে সিনেমা ও রেডিওর প্রভেদটুকু খুব স্পষ্ট ভাবে প্রতীয়মান হবে। সিনেমাতে অভিনেতা অভিনয় করেন দর্শকের সামনে নয়, ক্যামেরার সামনে। দর্শকের চোখের অন্তরালে সেই যে দীর্ঘ অধ্যায়টুকু থাকে তার মন্যে যথেষ্ট অবকাশ থাকে কোনও ক্রটি বিচ্যুতিকে গুণে নেওয়ার। তেমনি তাঁর অভিনয়টি নিছক তাঁর নিজস্ব রূপে দর্শকের সামনে উপস্থাপিত না হয়ে ফোটোগ্রাফী, সাউণ্ড এঞ্জিনিয়ারীং ও এডিটিং-এর অনেক কারিকুরির মধ্যে দিয়ে অনেক পরিবর্তিত রূপে দর্শকের সামনে আসে

রূপালী পর্দায়। কিন্তু মঞ্চে যে অভিনয় হচ্ছে তা একবার খারাপ হলে তাকে আবার ফিরিয়ে ফিরিয়ে করা সম্ভব না। শুধু তাই নয়, মঞ্চাভিনেতা অভিনয় করেন দর্শকের চোখের সামনে এবং প্রকৃতপক্ষে দর্শকের প্রশংসা বা নিন্দা অনেক সময় তখন তখনই ছাপ ফেলে অভিনেতার মনের উপরে। একথা ত সর্জনবিদিত যে সমজ্ঞদার দর্শকের সামনে অভিনয় করতে পারলে অভিনেতার মধ্যে নূতন প্রেরণা আসে,—অভিনয়টাই অল্প অল্প দিনের চাইতে অনেক বেশী উৎসে যায়।

আমরা “অভিনয়” বলে উল্লেখ করলেও মঞ্চে যে সব অস্থান হয়ে থাকে তার মধ্যে বহু রকমফের আছে। আবৃত্তি, গান, বাজনা, নৃত্য, নৃত্যাভিনয়, গীতাভিনয় ইত্যাদি থেকে শুরু করে মুকাভিনয় ও আসল নাটকাভিনয় পর্যন্ত বহু রকম অস্থানই আমরা প্রত্যক্ষ করে থাকি মঞ্চের উপরে।—জানি না বিতর্ক কিম্বা public speakingও এই গোষ্ঠীর মধ্যে পড়ে কিনা! তবে সাধারণ ভাবে বলতে গেলে নাটকের মধ্যে মূল অভিনয় ছাড়াও মিশে থাকে এই সব রকমের ভিনয়ই। আবৃত্তি, গান, বাজনা, নাচ—কিছুই প্রায় মঞ্চে অস্থিত নাটকের মাল-মসলার অন্তর্ভুক্ত না হয়ে থাকে না—এমন কি অভিনয় দেখতে গিয়ে কোনও কোনও চরিত্রের মুখে পুরোপুরি public addressও ত শুনেতে হয় কখনও কখনও! আসলে মহাকবির ভাসা উলটে বলতে হয় যে মঞ্চটি জীবনেরই প্রতিচ্ছবি—জীবনে যা কিছুই স্থান আছে তাই প্রায় স্থান পায় মঞ্চের উপরে, আর নাটকের ভিত্তিই ও জীবনের আদি উপকরণ নিয়ে : বিভিন্ন শক্তির সংঘর্ষ ও তার সমাধান।


তবে নাটকের বেলায় তার এই নাটকীয় প্রকৃতিটাও যেমন গুরুত্বপূর্ণ, তার আঙ্গিকটাও তেমন কম গুরুত্বপূর্ণ নয়। জীবনের কোন্ ক্ষেত্র থেকে আমরা নাটকের রসের সন্ধান করছি তার উপরে যেমন নির্ভর করে নাটকটিকে সামাজিক বলব, না, ঐতিহাসিক বলব না আর কিছু বলব, তেমনি সেই নাটকীয় সংঘর্ষের সমাধান কেমন ভাবে ঘটল তার উপরে নির্ভর করে বলা হয় নাটকটি মিলনান্ত বা বিরোগান্ত। কিন্তু এসব বিচার ছাপিয়ে ওঠে নাটকটির উপস্থাপন রীতি। কারণ, অভিনেতা (ও পরিচালকের) গুরুদায়িত্ব হল মূল কথাটিকে সরাসরিভাবে দর্শকের দেখা ও শোনার মধ্যে দিয়ে তার মনের মধ্যে পৌঁছে দেওয়া। “সরাসরি ভাবে” কথাটি বিশেষ করে বলছি এই জন্তে যে, মঞ্চে অবতীর্ণ হওয়ার পরে অভিনেতা ও দর্শকের মধ্যে

“ব্যবধান” বলতে আর কিছু থাকে না—না স্থানের, না কালের।

এখানে অভিনয় হয় দর্শকের চোখের সামনে। তবু দর্শককে ভুলিয়ে দিতে হয় যে, এটা সত্যি নয়—এটা আসলে একটা অভিনয়। অভিনীত নাটকের আবেদন-টুকু এই ভাবে দর্শকের কাছে পৌঁছে দেওয়ার জন্তে অনেক পদ্ধতি অবলম্বন করা যেতে পারে—যার বিভিন্নতা অস্থায়ী গড়ে ওঠে ভিন্ন ভিন্ন অভিনয়-রীতি ও নাটক-রচনা-রীতি। এই বৈচিত্র্যের কোনও শেষ নেই—নাট্যকার ও পরিচালকের উদ্ভাবনী শক্তি যতদিন সজীব আছে। তবে এই-সব পদ্ধতিগত ভিন্নতাগুলিকে কয়েকটি নির্দিষ্ট শ্রেণীতে বিভক্ত করা যেতে পারে : প্রথমতঃ নাটকের বিস্তারের, দ্বিতীয়তঃ অভিনয়ের ধরণ রূপ ও তৃতীয়তঃ মঞ্চের উপকরণ।

বলা বাহুল্য সার্থক অস্থানের বেলায় এই তিনটির একটি নিগূঢ় সামঞ্জস্য গড়ে উঠতে দেখা যাবে। নাটক যিনি রচনা করেন, মূল বক্তব্যটি তাঁরই। তিনি কথোপকথনের ভাষা ও অভিনেতার আচরণের একটা কাঠামো তৈরি করে দেন এই বক্তব্যটির বাহন হিসাবে। নাটকের পরিচালকের দায়িত্ব থাকে আলোক, মঞ্চসজ্জা ইত্যাদি উপকরণের সাহায্যে ও অভিনেতাদের কুশলতার সাহায্যে বক্তব্যটিকে সম্পূর্ণ ভাবে দর্শকের মনের কাছে পৌঁছে দেওয়ার। ক্ষেত্র বিশেষে অভিন্ন পরিচালক নাটক রচয়িতার ভাষাতেও পরিবর্তন করে থাকেন তাঁর নিজস্ব অভিজ্ঞতার ভিত্তিতে। তবে সব সময়েই মনে রাখা উচিত যে, নাটকের মূল বক্তব্য ও কাঠামো নিতান্ত ভাবেই রচয়িতার—পরিচালকের নয়। পরিচালকের দক্ষতা সেইখানেই, যেখানে তিনি সুলভ ভাবে উপস্থাপিত করতে পারেন রচয়িতার বক্তব্যটুকুকে।

সম্প্রতিকালে কলকাতা শহরে সাড়া জাগিয়েছে এই দিক থেকে সার্থক একটি নাটকের অভিনয়, রবীন্দ্রনাথের ‘কালের যাত্রা’ বা ‘রথের রশি’। নাটকটি symbolic বা প্রতীক-ধর্মী। একদিক থেকে দেখতে গেলে সব নাটকের মধ্যেই প্রায় একটা প্রতীকের চেহারা থাকে : কোনও একটি ঘটনা বা চরিত্র যখন মঞ্চের উপরে উপস্থাপিত হয় তখন তা আমাদের কাছে প্রতিভাত হয় নিঃসঙ্গ ভাবে নয়—জীবনের কোনও দিক বা কোনও বিশেষ শ্রেণীর মানুষের প্রতিনিধি হিসাবে। তবে সাধারণ ভাবে বলতে গেলে প্রতীক ধর্মী নাটকের মধ্যে একটি বিশেষ লক্ষণ থাকে—সেটি হ’ল এই যে, এর



কালের যাত্রা : নকসজ্জা

যা আপাত-বক্তব্য তার মধ্যে দিয়ে কোনও গভীর তর  
বক্তব্যের ইঙ্গিত করা হয়।

আপাত দৃষ্টিতে কালের যাত্রার বিরোধ কয়েকটি  
শ্রেণীর অন্তর্গত মানুষের মধ্যে : উপলক্ষ্য, রথের দড়ি  
টানবে কে? চিরকাল রথ টানার অধিকারটি সীমাবদ্ধ  
থেকে এসেছে সমাজের উপরতলার মানুষদের মধ্যে—  
রাজা অথবা তাঁর কাছাকাছি অবস্থিতদের মধ্যে। কিন্তু  
আজকে দেখা যাচ্ছে, রাজা পারেন নি রথটি টলাতে।  
না পেরেছেন আমন্ত্রিত সাধু কিম্বা ধর্মের ধারা-রক্ষক  
পুরোহিতদের মন্ত্রশক্তি। সাধারণ মানুষরা এখানে  
এসেছে দুই দলে—নগরবাসীরা ও শহরের বধুরা।  
তারাও ছশিছাগ্রস্ত—কেন এমন হ'ল। সৈন্তরা  
আসে—তারাও দ্বিধাগ্রস্ত। ধনপতির দল—যাদের ডাক  
পড়ে সব অনর্থপাতের বেলায়—তারাও হ'ল বিফল।  
এরা যে সকলে সকলের বিফলতার মধ্যে ঐক্যবদ্ধ  
হয়ে রয়েছে তা নয়—প্রত্যেকের সঙ্গে প্রত্যেকের  
শ্রেণীগত বিরোধ প্রতি মুহূর্তেই প্রকাশ পাচ্ছে বিশেষতঃ  
দ্বিধা ও ঘন্দের আবহাওয়ায়।

রথের রশি নাটকটি অতি স্বল্পায়তন। তারই মধ্যে এই  
অন্তবিরোধের ভাবটি বেশ সুন্দর ভাবে ফোটানো আছে।  
বিশেষ করে সৈন্তদের ক্ষত্রশক্তি আর ধনিকদের  
বৈশ্বশক্তির মধ্যে সংঘর্ষটি স্পষ্ট। আবার মন্তোচ্চারণকারী  
পুরোহিতের উপস্থিতি সত্ত্বেও সাধারণ মানুষের কাছে  
যে ধর্মের টান ক'মে এসেছে তার প্রমাণ মেলে, যখন  
নাগরিকেরা ও সৈন্তেরা পরস্পরকে সাহায্য দিয়ে বিদ্রূপ  
করেন নর্গদাতীরের বাবাজিকে, যিনি রাজাজ্ঞায় আনীত  
হয়েছিলেন রথ চালানোর একটা ব্যবস্থা করতে। ধর্মের

অস্থানগুলির একটা মূল্যবোধ মেয়েদের কাছে থাকলেও  
সেটা নেহাৎ ঐ অস্থানগুলির সম্বন্ধেই, ধর্মের প্রতি  
তাদের কোনও আকর্ষণ আছে বলে মনে হয় না।  
অস্থানগুলিকেও ইচ্ছে করে এত ফেনানো হয়েছে মেয়ে-  
দের দিয়ে যে, তাদের অঃসারশূন্যতা খুবই স্পষ্ট। তার  
পরে যখন ধনিকের দলও পরাভূত হয় অনড় দড়ির কাছে,  
'তখন বোঝা যায়, ব্রাহ্মণ ক্ষত্রিয়ই শুধু নয় বৈশ্বশক্তিও  
আজকে অশক্ত। বৈশ্বপ্রধান ধনপতি অত্যাচারের তুলনায়  
স্পষ্টতঃই দূরদৃষ্টিসম্পন্ন। তাঁর মুখেই প্রথম আভাস পাই  
আগামী দিনের সম্ভাবনার। তিনিই প্রথম ধনিকদের  
সতর্ক করে দেন : আঙ্ক যারা চোপে পড়ে না, কাল তারা  
দেখা দেবে সবচেয়ে বেশী। বস্তুতঃপক্ষে ধনিকদের  
প্রস্থানের সঙ্গে শেষ হয় নাটকটির প্রথম অংশ, যে অংশের  
মূল প্রতিপাত্ত বিনয় হ'ল, ক্ষমতার যারা বর্তমান  
অধিকারী, যুগের পরিপ্রেক্ষিতে তাদের ব্যর্থতা ও  
অসম্পূর্ণতা এটা বুঝতে বাকী থাকে না যে, সময়ের  
বিচারে তারা স্কুরিয়ে গেছে।

চরের প্রবেশের সঙ্গে প্রবেশ করে নতুন সময়ের  
নতুন হাওয়ার ঝাপটা। দলে দলে শূদ্ররা আসছে ছুটে,  
বলছে, রথ চালাব আমরা। এর বিরুদ্ধে সকলেই  
একছোট : বলে কি? রশি ছুঁতেই পাবে না। কিন্তু  
মন্ত্রীর বক্তব্য সম্পূর্ণ অর্থ : দল বেঁধে আসছে বলে ভয়  
করিনে—ভয় হচ্ছে, পারবে ওরা। মন্ত্রীর চরিত্রটা সত্যিই  
খুব একটা বলিষ্ঠ চরিত্র। রাজার উপস্থিতি মঞ্চের  
বাইরে, তবে সৈন্তদের কথোপকথনে মনে হয় তাঁর  
আত্মীয়তা ক্ষত্রিয়-শক্তির সঙ্গে। তবে এটা বেশ স্পষ্ট  
যে, রাজ্য চালানোর ব্যপারে মন্ত্রীই প্রধান, রাজা নন



যখন শূদ্রবৃত্তা এসে ঢোকে মঞ্চের উপরে আর সৈন্তরা উত্তত হয় তলোয়ারের বেড়া তুলে তা ঠেকাতে তখন মনে হয়, সংঘর্ষ এড়ানো যাবে না। কিন্তু সেখানে মন্ত্রী আচরণ গভীর বিচক্ষণতার সাক্ষ্য দেয় : বাধা দিও না ওদের। বাধা পেলে শক্তি নিজেই নিজে চিনতে পারে—চিনতে পারলেই আর ঠেকানো যায় না। তিনি যে কেন তাদের দাবী মেনে নিলেন তা স্পষ্ট হয়ে যায়, যখন বলেন : কিন্তু বাবা, সাবধানে রাস্তা বাঁচিয়ে চল। বরাবর যে রাস্তায় রথ চলেছে, যেয়ো সেই রাস্তা ধরে। প'ড়ো না যেন একেবারে আমাদের খাড়ের উপর। অর্থাৎ মন্ত্রীর উদ্দেশ্য, পরিবর্তিত যুগধারার সঙ্গে তাল মিলিয়ে নিজেদের স্বার্থ বাঁচিয়ে চলা। শেষ পর্যন্ত তিনি চলেই যান তাদের সঙ্গে রশি ধরতে—বাঁচবার দিকে ফিরিয়ে আনতে রথটাকে।

নাটকের তৃতীয় অংশটি আমার কাছে সবচাইতে গভীর দ্যোতনাময় বলে মনে হয়। মন্ত্রী চলে গেছেন, রাজশাক্ত আজ সঙ্কী করেছে (করতে বাধ্য হয়েছে) নবোখিত শূদ্রশক্তির সঙ্গে। রথের হাঁক শোনা যাচ্ছে, বাপদাদার পথ না মেনে একটা কাঁচা পথে ছুটেছে বুনো মহিমের মতন। সাবধানী ধনিকেরা এ প্রলয়ের আগেই বিদায় নিয়েছে মঞ্চ থেকে, তাদের খাতাপত্র সামলাতে আর সিন্ধুকগুলো বন্ধ করতে শুরু তালাতে। সৈনিকরা এখনও আছে কিন্তু তারা চরম বিধাত্ত। পুরোহিতও ভাবছেন : রশি ধরব, না শাক্ত আওড়াব? অর্থাৎ যুগান্তকারী প্রলয় ঘটে যাওয়ার পবেও লোকের বোঝার বাকী থাকে অনেক কেননা ইতিহাসের পরিপ্রেক্ষিতেই তদু'তার তাৎপর্য হৃদয়ঙ্গম করা সম্ভব।

সেই বিশেষ দৃষ্টিকোণের পরিচয় দেন কবি,—ইন সেই কবি যিনি পশ্চাতে দেখতে পান, সম্মুখেও যার দৃষ্টি অব্যাহত। এতদিন পুরোহিত বুঝিয়ে এসেছেন কি হওয়া উচিত; আজকে কবি বুঝিয়ে দিলেন কি হয়েছে ইতিহাসের পাতায়।

একটি চরিত্রের কথা আমরা এখনও বলি নি। সেটি হচ্ছে সন্ন্যাসীর চরিত্র। এটি একটি ভয়ঙ্কর মূর্তি, যার প্রথম উক্তি হ'ল : সর্বনাশ এলো। বাধবে যুদ্ধ, জলবে আগুন, লাগবে মারী, ধরণী হবে বহ্ন্যা, জল যাবে তকিয়ে। নাটকটির ঘনায়মান সংঘাতগুলির মধ্যে বারবারই আনাগোনা করছেন এই সর্বনাশের দূতটি। তাঁর উক্তিও বড় ভয়ঙ্কর : তোমরা কেবলি করেছ ঋণ, কিছুই-কর নি শোধ, দেউলে করে দিয়েছ যুগের বিস্ত। ছোট ছোট কথা। কিন্তু তার অর্থব্যাপ্তি

বিরাট। সমাজের বিধিব্যবস্থার উৎপত্তি মাগুনের জীবনযাত্রা ও প্রগতিব পথ অগম করতে। গাছ যখন ছোটো থাকে তখন বেড়া বাঁধতেই হয় তাকে ঘিরে, তাকে নিরাপত্তা দেবার জন্যে। কিন্তু সেই গাছই যখন বড় হয়ে ওঠে, তখন বেড়াটা হয়ে ওঠে স্বাস্কন্ধকারী একটা বাধা স্বরূপ। সেই বেড়া না ভেঙে গাছটা আর বাড়তে পারে না। সন্ন্যাসী সেই ভাঙনেরই মস্তবহনকারী। কবিও বলছেন : যুগাবসানে লাগেই তো আগুন। কিন্তু তিনি তাতেই সন্তুষ্ট হন নি। তাঁর সাস্বনা : যা ছাই হবার তাই ছাই হয়, যা টিকে যায় তাই নিয়ে সৃষ্টি হয় নবযুগের।

ঐখানেই প্রভেদ সন্ন্যাসী ও কবির মধ্যে। সন্ন্যাসী এই গছছুকু কপিথবৎ বর্তমান যুগটার সমাপ্তিতেই ধুশী, কিন্তু কবি স্বপ্ন দেখেছেন নতুন যুগের—এমন কি ততদূর পর্যন্ত দেখেছেন যখন আসবে উল্টোরথের পালা, যখন আবার নতুন যুগের উত্থানে নীচুতে হবে বোঝাপড়া।

কৃষ্টির বিভিন্নতা অনুযায়ী প্রতীকধর্মী নাটক ভিন্ন ভিন্ন ভাবে উপভোগ করতে পারা উচিত। 'রূপকারের' তৈরী কালের যাত্রা একাধিকবার দেখেছি এবং মুগ্ধ হয়েছি এই দেখে যে, বিভিন্ন স্তরের মানুষ বিভিন্নভাবে রসগ্রহণ করতে পারেন নাটকটির। রবীন্দ্রনাথের বক্তব্যটি খুব সহজ নয়। তা ছাড়া অভিযোগ ত আছেই যে, রবীন্দ্রনাথের নাটকগুলির ভাষা ও সংগঠন সাধারণের গ্রহণ-উপযোগী নয়। কিন্তু পরিচালকের অপামাত্ত কৃতিত্ব যে, তিনি কালের যাত্রাকে সাধারণ দর্শকের আওতার মধ্যে এনে দিতে পেরেছেন মৌলিক আবেদনটিকে একটুও অগ্ন না ক'রে। প্রকৃতপক্ষে অনেকের অনেক দিক থেকে ভাল লাগবে নাটকটি : কারুর ভাল লাগবে আপাত-দৃষ্টিতে যে নাটকীয়তা দেখা যায় তারই জন্তে, কারুর ভাল লাগবে কয়েকটি বিশেষ অভিনয় কিম্বা গান, আবার কারুর ভাল লাগবে নাটকের মূল বক্তব্যটি।

এই অসাধ্যসাধন করতে গিয়ে পরিচালক কিছু কিছু হস্তক্ষেপ করেছেন রবীন্দ্রনাথের রচনার উপরে। তার মধ্যে সর্বপ্রধান হ'ল দুটি : কবির কণ্ঠে অনেকগুলি গান দেওয়া হয়েছে এবং কবির আনাগোনা ঘটানো হয়েছে বেশ কয়েকবার। ছ'টিই মনে হয়েছে পরিচালকের অসাধারণ দক্ষতার প্রমাণ। গান দেওয়ার ফলে কবির তথ্য রবীন্দ্রনাথের বক্তব্যটি অনেক সুন্দর ও স্পষ্ট ভাবে উপস্থিত করা গিয়েছে। এবং কবিকে রবীন্দ্রনাথের



রংগের রানি

অনুসরণে প্রলয়ের শেষে শুধু ভাষ্যকার হিসেবে না এনে গোড়া থেকেই নিয়ে এসে এটা বোঝান গিয়েছে যে, কবি ঐতিহাসিক প্রবাহের দ্রষ্টা নন—অংশগ্রহণকাবীও বটে। একদিক থেকে তাঁর গানগুলি ঘটমান পটভূমিকার একটা সুন্দর সম্পূর্ণ ধারাবিবরণীর মত শুনিয়েছে। তেমনি আর একদিক থেকে নাটকের শেষে যখন তিনি বলেন : আজকের মত বল সবাই মিলে—যারা এতদিন মরেছিল তারা উঠুক বেঁচে, যারা যুগে যুগে ছিল পাটো হয়ে তারা দাঁড়াক এক বার মাথা তুলে,—তখন একজন participant এর বক্তব্য হিসেবে এই উক্তির মর্যাদা কি অনেক বেড়ে যায় না ?

কবির চরিত্রে অসামান্য গভীরতা এনেছেন পরিচালক সবিতারত দত্ত স্বয়ং। তাঁর অভিনয় সুন্দর, গলাও সুন্দর—এবং এ দুয়ের সংমিশ্রণ আধুনিক বাংলা রঙ্গক্ষেত্রে খুবই বিরল। তবে নাটক প্রস্তুত করতে গিয়ে তিনি নিজেকে অকারণ প্রাধিক্য দেবার সেই মারাত্মক ভুলটি করেন নি। সংগীতীয় ভূমিকায় বঙ্কিম ঘোষ এবং মন্ত্রী ভূমিকায় ভবরূপ ভট্টাচার্য্য কবির বৈপরীত্যে অসাধারণ দক্ষতার পরিচয় দিয়েছেন। ছোট ছোট চরিত্রগুলিও, যথা গ্রামবাসীরা, মেয়ের দল, ধনিক ত্রয়ী, এঁরাও উচ্চারণের স্পষ্টতায় ও অভিনয়ের সাবলীলতায় মনের মধ্যে অবিস্মরণীয় ছাপ রেখে যান। পুরোহিতের অভিনয় ভাল তবে উচ্চারণের দোষ আছে। সৈন্তরা মোটের পরে অল্প দলগুলির চাইতে দুর্বল ; ধনপতির চরিত্রটিও বোধ হয় আরও ফুটে পারত। আর শূদ্রদল, বিশেষ করে তাদের দলপতি, অপূর্ণ অভিনয় করেছেন নতুন যুগ-ভাড়া awkward গুরুড়ের

ভূমিকায়। নাটকটির বক্তব্য নির্ভর করছে তীক্ষ্ণ সংঘাতের উপরে। বলতে গেলে কবি ছাড়া প্রত্যেকেই নেমে পড়েছেন এই সংঘাতের মধ্যে। তার সঙ্গে ভাল রেখে অভিনয়ও করেছেন সবাই খুব জরুরি ভাবে এবং staccato ভাবে কবিই শুধু তার মধ্যে এনেছেন কোমলতার স্পর্শ।

এটা মনে রাখতে হবে যে, নাটকের বিচার সম্ভব তিন দিক থেকে : রচনারীতি, অভিনয় ও উপকরণ। প্রথম দু'টি দিক থেকে—কালের যাত্রার রূপায়ণ সার্থক হয়েছে সন্দেহ নেই। কিন্তু তৃতীয় দিকটি দেখা এখনও বাকী রয়ে গেছে। এই প্রসঙ্গে প্রথমেই মনে পড়ে মঞ্চসজ্জার কথা। প্রতীকধর্মী নাটকের ক্ষেত্রে মঞ্চসজ্জাটি বিশেষ করে গুরুত্বপূর্ণ এই জন্তে যে, তার মধ্যে দিয়েই ফুটে উঠতে পারে নাটকটির অনেকখানি বক্তব্য। ডাকঘরের সেই ঐতিহাসিক মঞ্চসজ্জায় অবনীন্দ্রনাথের পাখীর খালি দাঁড় বুলিয়ে দেওয়ার গল্প নিশ্চয়ই কারুর অজানা নেই। তবে দুঃখের বিষয়, বাংলা দেশে কিছুদিন আগে পর্যন্ত প্রচলিত ছিল সেই ফোয়ারার ছবিওয়ালার আঁচনের vista দেখানো বীভৎস কাণ্ড। আর এখন চলতি হয়েছে আলোর কারসাজীতে অভিনয়ের দৈত্য লুকোনোর প্রথা। এইসব দেখে দেখে অভ্যস্ত (?) হয়ে যাওয়ার পরে কালের যাত্রার সহজ স্পষ্ট মঞ্চসজ্জাটি বড় সুন্দর লেগেছে। সত্যি, এত সম্পূর্ণ অথচ সংযত মঞ্চসজ্জা বিশেষ দেখা যায় না। বাজনার পরিকল্পনা ভাল হলেও শিল্পীদের কুশলতা বোঝা যায় না। তবে রথের চলার শব্দটা বেশ ভালই এসেছে। আলোর ব্যবহার কিন্তু মোটের উপর অগোছাল রকমের।

## পল্লীকবির মৃত্যু

শ্রীকৃষ্ণদে

চাঁদ উঠেছে হিঙ্গলবনে, দীঘিটি টলমল,  
গহিন্ রাতে চেউয়ের দোলায় ঘুমায় শতদল,  
মেঘের সাদা পান্‌সীগুলো  
নোনাই নিয়ে যাচ্ছে তুলো,  
শিউলি নোপের মাথার উপর তারাটি জল্‌জল্ ;  
—আজকে আমার মরণ-দিনে ওদের কথাই বল্ ।

মাঠের বাতাস বেড়ায় হতাশ কদম কেয়ার বনে,  
চকাচকীর ঘুম আসে না মুখর গুঞ্জরণে,  
হুলিয়ে বেণী সজ্‌নে ফুলে  
কে ডাকে ঐ হাতটি তুলে,  
দনকাপাসীর ফুটল হাসি, চাপার চোখে জল !  
—আজকে আমার মরণ-দিনে ওদের কথাই বল্ ।

শিরীষ ফুলের কোমল রেণু ছাড়বে দিয়ে গায়ে  
বাউল বাতাস চলছে নেচে বনের আলোছায়ে,  
বাঁশের ঝাড়ে নিরাম রাতে  
কি সুর বাজায় একতারাতে,  
সে সুর শুনে প্রহর শুনে আকাশ যে বিহ্বল !  
—আজকে আমার মরণ-দিনে ওদের কথাই বল্ ।

ঘুমন্ত পথ স্বপন দেখে বনতুলসীর কোলে,  
পেঁয়াজটে নোঙর-বাঁধা নৌকাখানি দোলে,  
ঘুমভাঙা কোন্ পাণ্ডার ডানায়  
রাত্রি যে তার বেদন জানায়,  
ঝাড়ুয়ের বনে নুপুর শোনায় স্বপনপরীর দল :  
—আজকে আমার মরণ-দিনে ওদের কথাই বল্ ।

রিক্ত সাজে দাঁড়িয়ে ছিল বিরহী শিমূল,  
কোন্ রসিকা অঙ্গ ভরি সাজিয়ে দিল ফুল !  
রূপ-উপোসী কোন্ রূপসী  
বরণ মালা গাঁথছে বসি,  
ফোটার নিশিগছা-কলি অঞ্জুলি চপল ;  
—আজকে আমার মরণ-দিনে ওদের কথাই বল্ ।

ককিয়ে কাঁদে শালিক ছানা বন-সেঁজুতির ঝাড়ে,  
ওকুনো পাতায় শোলোক শোনায় বাতাস বারে বারে  
করা ফুলের আসন পেতে  
জোনাকু-সারির মালা গঁথে,  
পথ চেয়ে ভায় কার ধুয়ে যায় চোখেরি কাঁজল !  
—আজকে আমার মরণ-দিনে ওদের কথাই বল্ ।

পদ্মপাতার পাশে জ্বরে মাছের ছানার গিড়,  
ছপুর রাতে নেইক যে ভয় মাছরাঙা পাখীর ;  
শেওলা-নাচে চম্‌কে ওঠে  
কি ভয় পেয়ে হঠাৎ ছোটো,  
চাঁদের আলোয় জড়ায় চেউয়ে রূপালি শিকল ;  
—আজকে আমার মরণ-দিনে ওদের কথাই বল্ ।

কুনকো ফুলের হাংলাপনা সইবে না আর বন,  
আল্লাদীকে যতই কেন নাচাকু না পবন :  
ঘুমন্ত ঐ মোমাছীদের  
ঘুর্ণি-হাওয়া জাগালো ফেরু,  
পাতায় পাতায় হালুকা হাসি চলল যে কেবল !  
—আজকে আমার মরণ-দিনে ওদের কথাই বল্ ।

মেঘের মায়া, বনের ছায়া, মায়াবী আকাশ,—  
তুণের গন্ধে ছড়ায় সে কোন্ কুহকিনীর খাস !  
শিশির-কণার মুক্তাগুলি  
আল্‌গোছে ঐ কে নেয় তুলি',  
অপ্রাজিতার পাপ্‌ড়িতে কার ভরেছে আঁচল !  
—আজকে আমার মরণ-দিনে ওদের কথাই বল্ ।

পাকা ধানের গন্ধ আনে তন্দ্রা সুমধুর,  
হাওয়ার দোলে মাঠ ভরে' কার বাজিছে নুপুর :  
লক্ষ্মী পেঁচার ডানায় ঢেকে  
খাঁপিটি তার কে ষায় রেখে,  
আল্‌তাপাটি ফুলে কে তার মুছে চরণতল !  
—আজকে আমার মরণ-দিনে ওদের কথাই বল্ ।

হঠাৎ-জাগার পড়ল সাড়া শব্দটির দলে,  
কৃষ্ণচূড়া-গাছের মাথায় তুকতারাটি জলে ;  
চাঁদ-হারা ঐ কাঁদছে চকোর,  
ঝিমায় ধরা তজ্জা-বিভোর,  
কনক-লেখায় মেঘের রেখায় কার লিপি উজল !  
—আজকে আমার মরণ-দিনে ওদের কথাই বল ।

কি হবে আজ ধর্মগ্রন্থ আমার কাছে আনি',  
কি হবে আর তস্কথ্যা মোক্ষসুধার বাণী,  
মাটির ধরা মুগ্ধকরা  
সকল ব্যথা-বেদন-হরা,  
এরি ধূলায় বুক ভরে পাই শাস্তি স্মৃণীতল ;  
—আজকে আমার মরণ-দিনে এর কথাটিই বল ।

### পূজা সংখ্যা


আগামী আশ্বিনের 'প্রবাসী'ই হইবে পূজার বিশেষ সংখ্যা । শুধু আকারেই বড় হইবে না, খ্যাতনামা সাহিত্যিকদের রচনা হইবে ইহার বড় আকর্ষণ । এক কথায় সংখ্যাটিকে মনোরম করিয়া তুলিবার জন্য সকল প্রকার চেষ্টা করা হইতেছে ।

কর্মাধ্যক্ষ, প্রবাসী



# কে. হোড্জের

## অভিজাত এসাধনী







**বেদমীমাংসা :** অনির্লভ, কলিকতা সংস্কৃত মহাবিদ্যালয় গবেষণা গ্রন্থমালা : সংস্কৃত মহাবিদ্যালয়ের অধ্যক্ষ কর্তৃক প্রকাশিত : মূল্য দশ টাকা।

আলোচ্য গ্রন্থখানি বেদ-অধ্যয়নের ভূমিকা। বাংলা ভাষায় বেদশাস্ত্রের প্রচার এবং প্রসার অবশ্যই কাম্য : ভাষা ভাষা অবৈজ্ঞানিক বিকৃত ভাষা এবং হস্তকপান বৃত্তাংশ জামাদের দেশের সাধারণ মানুষের শাস্ত্র ও পুরাণ জ্ঞান যে অক্ষয় হইয়া আছে, তাহা প্রমাণ করিবার জন্য বিশেষ পঞ্জি-পঞ্জির সাহায্য লইতে হইবে না। পশ্চিমদেশীয় পণ্ডিতের সাহায্যে গ্রন্থটির প্রস্তাভ বিনিয়োগে তদ্ব্যবস্থা ইহা অনায়াসে সম্ভব কবা যাইবে। সুতরাং আমাদের বেদ-বেদান্ত, মনসংহিতা, ব্রাহ্মণ, আরণ্যক, উপনিষদ এবং অজ্ঞাত শাস্ত্রপুরাণ সম্পর্কিত গবেষণায় এবং পণ্ডিতদের পণ্ডিতনীয়তা অনুসন্ধান। বেদ অপৌরুষেয়। আধুনিক বিজ্ঞান যেমন তাহা হইয়াছে তাহা পৌরুষেয়তাকে পরিহার করিয়া গেল তিক নৈমিত্তিক বেদ-পণ্ডিতরা যাদের তত্ত্বাবধীকে 'অপৌরুষেয়' অর্থাৎ অর্থাৎ বহিরাগত বস্তুকে সর্জনীয় স্বাভাবিক লক্ষণমাদের উল্লেখ রাখিবার প্রয়াস পাঠিয়াছেন। এতদসম্পর্কে মীমাংসা যে যুক্তির অব্যবহার করিয়াছেন তাহা প্রশিধানযোগ্য। সাধারণ মানুষের মধ্যে আমরা ভ্রম, প্রমাদ, করণপাটব বা বিশ্রুতি প্রত্যয় করিয়া থাকি। অতএব অর্থাৎ জ্ঞান ও সাধনার ভিত্তিভূমি হইল অপৌরুষেয়, ইহাও স্বাভাবিক। পুরুষ প্রবক্তা হইলেও তাহাও ব্যক্তিগত অর্থাৎ পুরুষের কোনও অধিকার থাকার করি নাই। সত্যের ব্যাপনের ক্ষেত্রে কোন পুরুষের কর্তৃত্বই বেদ-বাদীদের দ্বারা স্বীকৃত হয় নাই; সে পুরুষ যখনই হউন আর কোন দেবী-অবতারই হউন। মনুষ্য বাণী মাত্রে ইহা স্বতন্ত্রের বাণীও নহে। মনুষ্য অস্তিত্ব শক্তি, তাহার স্বাভাবিক স্মৃতি মানুষকে সিদ্ধি ও স্বস্তির পথে প্রাথমিক করিয়া দেয়। মানুষ সশ্রদ্ধ চিত্তে তাহাকে অনুসরণ করিবে। উপনিষদ এই শ্রদ্ধার স্বরূপ ব্যাখ্যাত হইয়াছে। আধুনিক-দর্শনশাস্ত্রীরা ইহাকে ক্লেম (faith) কনভিকশন (conviction) রূপে ব্যাখ্যা করিয়াছেন। বৈদিক দেববাদের ভিত্তি হইল এই শ্রদ্ধা। এই শ্রদ্ধাই হইল মানব-চিত্তের মৌলিক বৃত্তি; অতীন্দ্রিয় সত্যকে পরাক্রমে অনুভব করাই হইল ইহার লক্ষণ। এতদ্ব্যতীত রহিয়াছে 'আবেশ'; 'ওহ' বা 'উহ' শীর্ষক মানবচিত্তের অপর একটা বৃত্তি ইহার প্রতিবেশী। 'ওহ'-কে পরবর্তী রূপে 'তর্ক' ব্যাখ্যা দেওয়া হইয়াছে। তর্কের দৃষ্টি প্রত্যক্ষবৃত্ত; তাহার মূলে রহিয়াছে জিজ্ঞাসা। সাধনার দিক দিয়া ইহার পরিণাম আত্মবাদে দেবতাও অতীন্দ্রিয়, আত্মাও অতীন্দ্রিয়। সুতরাং দেবদর্শন এবং আত্মদর্শন ইহারা উভয়েই অতিপ্রাকৃত; যে পন্থায় এই দর্শনটুকু সম্ভব হয় তাহাও অতিপ্রাকৃত। আপনার আত্মস্তিক প্রকৃতি বা স্বভাব অনুসারে মানুষ দেববাদী বা আত্মবাদী হয়। ইহারা উভয়েই 'বৃহৎ'-কে লোভ করেন; তাহাদের প্রাস্তর, পন্থাটুকু ভিন্ন। দেববাদী ইহাকে লোভ করেন, স্বতন্ত্র আবেগকে আশ্রয় করিয়া; বোধিপ্রায় বস্তুরূপে।

'বৃহৎ' তাহার কাছে প্রত্যক্ষ আত্মবাদী ইহাকে লাভ করেন আপনার বোধকে আশ্রয় করিয়া। 'বৃহৎ' যেন তাহার আত্মরূপায়ণমাত্র। বেদ দেববাদীকে বিনিয়োগে আবেগ করিত। আধুনিক বিনিয়োগে পৌরুষেয় নর একজনের প্রাপ্তির সাধনা শ্রদ্ধা এবং বোধি। অপর জনের তর্ক এবং বুদ্ধি। এই দুইটি মৌলিক চিত্তবৃত্তিকে আলোচন করিয়া আমাদের দেশের সাধনার দ্বারা দুইটি ভিন্ন পন্থা বহমান। ইহাদের বলা হইয়াছে ঋষিধারা ও মুনিধারা। বৈদিক ঋষিরা বহুস্থানেই 'আদব' এবং 'দেবারিদের' শ্রুতি কটাক করিয়াছেন। পরবর্তীকালে ইহাদের 'হেতুক' আশ্রয় ভূমিত করা হইয়াছে। এই হেতুকেরা সম্প্রদায়গত। ইহারা বেদনির্নুক বা নাস্তিক ছিলেন না। হেতুবাদী এই বননশীল মানুষের চিন্তা উন্নতবৈদিক দার্শনিক চিন্তাধারার পণ্ডিত। এতদ্ব্যতীত পরম্পরাগত সকল দর্শন-শাস্ত্রের হইল এই হেতুকেরা। বৌদ্ধ (Rationalist) এবং ব্রাহ্মণ্য ধর্ম (Intuitionist) এই দর্শনচিন্তার অধীভূত হইয়াছে।

বৈদিক সাহিত্য ছন্দোবধি বিনিয়োগে প্রকৃত প্রকৃতিতে মনসংহিতাই ছন্দোবধি। ব্রাহ্মণ, আরণ্যক এবং উপনিষদকে ছন্দোবধি বিনিয়োগে সত্যের অপলম্প করা হইবে। বেদের মনসংহিতার ভাষা প্রাচীনতম : সুতরাং তাহার ব্যাখ্যা উদ্ধার করা সংজ্ঞামাত্র নহে। ইহার উপর আর একটি অর্থনৈতিক হইল এই যে, যে ব্রাহ্মণ্যনিয়মে আমরা বেদমন্ত্রের প্রাচীনতম ব্যাখ্যা পাই তাহাও বারংবার হইবে মনসংহিতা করে না। ব্রাহ্মণ্যভাগ মুখ্যত বেদাঙ্গ মীমাংসা নহে; ইহা কর্তব্য-মীমাংসা মাত্র। ব্রাহ্মণ-মন্ত্রের উপস্থান ক্রমপাণা হইলেও ইহার দ্বারা আমরা মনসংহিতার সম্প্রতি এবং হিন্দু ব্যাখ্যা অধিকাংশ ক্ষেত্রেই পাই না। আরণ্যক এবং উপনিষদ এই ব্রাহ্মণ্যেরই অস্তিত্ব প্রকাশভঙ্গির বিভিন্নতার দিক দিয়া বিচার করিলে মনে যে সাহিত্যের আরম্ভ হইয়াছে উপনিষদে তাহার পরিসমাপ্তি ঘটিয়াছে, ইহা বলা যায়। উপনিষদ ভাব-প্রদান। উপনিষদ বেদের ভাবধারার পাবিত্র্য রূপায়ণ। আলোচ্য গ্রন্থখানিতে এই বৈদিক ভাব, সাধনা এবং সাহিত্যের পূর্ণাঙ্গ আলোচনা সন্নিবেশিত হইয়াছে। বৈদিক জ্ঞানের বিস্তার ঘটাইবার পথে এই গ্রন্থখানি অপরিহার্য। ইহার দ্বারা অর্থাৎ অর্থাৎ পরম জ্ঞানী গ্রন্থকার বৈদিক সাহিত্যের সাধারণ লক্ষণ সম্পর্কে পাণ্ডিত্যপূর্ণ আলোচনা করিয়াছেন। ইহা আমাদের অর্থ-পঠনীয় অধ্যায়। এতদ্ব্যতীত, এই অধ্যায়ের অঙ্গাঙ্গ বিভাগে সাহিত্য, ব্রাহ্মণ, আরণ্যক, উপনিষদ এবং বেদান্তের পূর্ণাঙ্গ আলোচনা সন্নিবেশিত হইয়াছে। সশ্রদ্ধচিত্তে গ্রন্থখানি প্রশিধান করিলে পাঠক যে পরম উপকৃত হইবেন, ইহা নিঃসংশয়ে বলিতে পারি।

এই পুস্তকের প্রকাশ ব্যাপারে বাংলা আশুকুল্য করিয়াছেন তাহার ভারতীয় সংস্কৃতির সংবর্ধনে যথার্থ সহায়ক। তাহার দেশবাসীর ধন্যবাদ।

শ্রীসুধীরকুমার নন্দী।

ব্যাণ্ড মাষ্টারের মা : শ্রীজ্যোতির্শ্রী দেবী, মুদ্রকাশ  
প্রাইভেট লিমিটেড, ৯, রায় বাগান ষ্ট্রিট, কলিকাতা ৩। মূল্য ৩।০ টাকা।

আলোচ্য গ্রন্থখানিতে বারোটি গল্প আছে। সাহিত্যক্ষেত্রে জ্যোতি-  
শ্রী দেবীর নাম চিহ্নিত হইয়া আছে। লেখিকা গল্প বলিতে জানেন।  
কুশলী হাতে পড়িয়া গল্পগুলি এই কারণে শ্রদ্ধাপাঠ্য হইয়াছে। স্বাতন্ত্র্যের  
দিক দিয়া গল্পগুলির বৈশিষ্ট্য আছে। সকলশ্রেণীর পড়ুয়াদেরই  
ইহা ভাল লাগিবে বলিয়া আমাদের বিশ্বাস।

কাকলি : শ্রীপ্রিয়া মজুমদার, আগাপুর, আহারামপুর  
২৪ পরগণা হইতে মরেশচন্দ্র মজুমদার হইয়া প্রকাশ করিয়াছেন।  
মূল্য—১।৫০ ন. প.।

কল্পকটি কবিতার সমষ্টি। নূতন প্রয়াস হিসাবে কবিতাগুলি  
শ্রদ্ধাপাঠ্য হইয়াছে। সবচেয়ে বড় কথা, তাঁহার কবিতাগুলি কোথাও  
কষ্ট-কল্পিত হয় নাহি। আরও একটি 'আশার কথা', কবিতাগুলি  
পড়িতে পড়িতে তাঁহার কবি-মনের পরিচয় মিলে। ভবিষ্যতে ছন্দ  
বিষয়ে সজাগ থাকিলে উন্নতির সম্ভাবনা আছে।

### শ্রীগৌতম সেন

সাংবাদিকের আত্মকথা : ম'সিয়ে এ'ইৎস (অনুবাদক  
মনোজ দাস), প্রকাশক হানিকস্ব পাবলিশার্স, ১০৬৭, মতোন রায়  
রোড কলিকাতা-৩৪। মূল্য—৫ টাকা।

"জনসাধারণের জানা হইতে একটি সাংবাদিকের জন্ম কত পচোয়া,  
কত পরিকল্পনা এবং কত আধাবসায়ের প্রয়োজন হয়, বিশেষ করে তাঁরা  
যখন প্রকাশিত কোন দলিল সাংবাদিকের পক্ষে পাত করেন তখন হয়ত  
ভাবেন শুধুমাত্র চেয়ে বা কিছু টাকা'র বিনিময়েই তা পাওয়া গেছে,  
শুধু টাকা দিয়েই যদি সব সাংবাদিক পাওয়া যায় তবে এর চেয়ে আর কি  
সহজ কাজ থাকতে পারে?" কিন্তু তা পাওয়া যায় না বলেছেন  
ম'সিয়ে এ'ইৎস তাঁর 'মাত মেমরিজ (My Memoire)' নামক গ্রন্থে।  
অনুবাদ করেছেন মনোজ দাস সাংবাদিক। সাংবাদিকের জন্ম সাংবাদিককে কত  
বিপদের নিকি নিতে হয় তারই চমকপ্রদ কাহিনীর বিবরণ আছে এইটির  
পাতায় পাতায়। বহু ঘটনার সহিত ঐতিহাসিক কাহিনী জড়িত। বার্লিন  
ক'গ্রেস, বিসমার্কের সঙ্গে সাংবাদিকের, বিসমার্কের পদত্যাগ, ক্রাসা  
প্রিপদের নির্দমন, গ্যাম্পনের যত্নপ্রাপ্তি বহু ঘটনার নাটকীয়  
বিবরণ দিয়েছেন লেখক। আর তার স্বল্প সাবলীন ভাষায় অনুবাদ  
করেছেন অনুবাদক। বহুটি বাংলা অনুবাদ সাহিত্যে একটি সাংগঠক  
সাংবাদিক হইবে বলেই মনে হয়। প্রচ্ছদপটটিও দৃষ্টি আকর্ষণ করে।

### শ্রীযোগেশচন্দ্র বসু

রবীন্দ্র বৈজয়ন্তী : কালীকঙ্কর সেনগুপ্ত। প্রকাশক  
শ্রীকঙ্করনাথ সেনগুপ্ত, ১৫১১ বি, বিডন ষ্ট্রিট, কলিকাতা। পত্রিকা—৫২,  
মূল্য দুই টাকা।

কবি কালীকঙ্কর সেনগুপ্তের 'রবীন্দ্র বৈজয়ন্তী' গ্রন্থ প্রকাশিত  
হইয়াছিল ৩রা আশ্বিন, ১৩৪৮ সালে, কবিগুরু শতবার্ষিক জন্মদিনে  
ইহা পুনর্মুদ্রিত হইয়াছে; এবং কিছু সংযোজন ও পরিবর্তন লইয়াই  
এ সংস্করণের আত্মপ্রকাশ।

বাংলাসাহিত্যে কবি কালীকঙ্কর সেনগুপ্ত এক বিশিষ্ট স্থান  
অধিকার করিয়া আছেন। গদ্য-পদ্য-রচনায় ও সাহিত্যবিবেচনী  
আলোচনার তাঁহার সমান নৈপুণ্য। আলোচ্যগ্রন্থের প্রথমে তিনি  
অতি সুলভভাবে রবীন্দ্র-কাব্য, রবীন্দ্র-দর্শন ও রবীন্দ্র-মানসের সারগর্ভ  
আলোচনা করিয়াছেন। গ্রন্থকারের বৈবাক্যিক স্নেহে বিপিনবিহারী  
গুপ্ত মহাশয়কে লেখা রবীন্দ্রনাথের দুইখানি অপ্রকাশিতপূর্ক মূল্যবান

পত্র ও রবীন্দ্রনাথের হস্তাক্ষরের প্রক-করা আরও একখানি বৈশিষ্ট্যপূর্ণ  
পত্র এই গ্রন্থের প্রধান আকর্ষণ। একখানি পত্রে রবীন্দ্রনাথ যে সকল  
সমসংকথা বলিয়া কেলিয়াছেন সেগুলি আধুনিক যুগের অনেক  
ধুরকর রবীন্দ্র-গবেষকের প্রতিও প্রযোজ্য। রবীন্দ্রনাথ বলিয়াছেন :  
"আমি কোনদিন কি বলিয়াছি তাহা বাহির হইলে এতই লজ্জাবোধ  
করি যে, তাহা আমি ভাল করিয়া পড়িতেই পারি না এবং বারবার  
মনে হইতে থাকে ঠিক আমি একটাটা বলি নাই।" অসচ আধুনিক  
অনেক লেখকই রবীন্দ্রনাথের নামে কত-কি চালাইতেছেন! নোবেল-  
প্রাইজ পাওয়ার পরে রবীন্দ্রনাথ নতুন হইতে বিপিনবিহারী গুপ্ত  
মহাশয়কে যে পদে লিখিয়াছিলেন সেখানি সমগ্রভাবে প্রক করা হইয়া এই  
পুস্তকে ছাপানো হইয়াছে। নানা কারণে বহু রবীন্দ্রনাথ এই পত্রের  
মধ্যে দেশবাসীর বিক্ষুব্ধ তাঁহার অভিমান ও প্রচ্ছন্ন হৃদয়-বেদনার  
পরিচয় দিয়াছেন। পত্রখানি এখানে সমগ্রভাবে উদ্ধৃত করা বাঞ্ছনীয়  
মনে করি :

C/o Messrs Thomas Cook and Son  
Ludgate Circus  
London  
19 June 1913

সবিনয় নমস্কারপূর্বক নিবেদন

আমার যশকে যে আপন'রা লাভ বলে গণ্য করছেন এহেট্টে আমার  
পরমশ্রুতি। নইলে আর কোনো কারণে যশ জিনিষটাকে নিছক  
মোভাগা বলে জান করতে পারি নে। ম'সিয়ে এ'ইৎস থেকে যেন বড়  
দারের চাকটা উড়িয়ে নিয়ে গেল এখন সংস্র লোকের চণ্ড তাঁরক'র নীচে  
বাস করতে হবে এহে শাস্তি কো'পায়? যাই হোক, অতঃপূর্ব পূর্ণ  
দিয়ে দেশের লোকের হৃদয়ের মধ্যে প্রবেশের অব্যাহিত অধিকার লাভ  
করা গেল যখন কা'ছে ছিলম তখন হয়ত এত কা'ছে ছিলম না কিন্তু  
এই সমস্ত গোল-হরিবালের মধ্যে অনেকটাই ফাঁকা আওয়াজ --  
এতে ভূপ্তি নেই। বয়স যখন অল্প ছিল তখন হয়ত এতে বেশা ধরে  
গেত-এখন কেবল ভয় হচ্চে জীবনের সখ্যাশ্রয়ীটাকে আলিয়ে গোলবার  
মত একটু আড়ান পাব ন বুঝি-চারদিক থেকে তাওয়া দিচ্ছে। দেশের  
লোকের ভয় হয়েছিল আমার একটা নতুন পরিবর্তন হয়েছে কিন্তু  
দেশের লোক হয়ত জানে না এ পরিবর্তন আমার জন্মকালেই হয়েছে।  
বস্তুত আমি যদি ইউরোপের স্পর্শে অচেতন থাকতুম, যদি দেখতুম  
এখনকার হাওয়ার আমার কৃষ্ণবনে কোনো মুকুলই ধরচে না, কোথাও  
কোনো সাদা পাওয়া বাজে না, তা হলেই বুঝতুম আমার পরিবর্তন  
হয়েছে। আমার গান হচ্ছে -

আমি সব দিতে চাই, সব নিতে চাইরে,

আপনাকে তাই মেলবে যে বাইরে।

মানবজীবন নিয়ে এই যে পৃথিবীতে এসেছি এ পৃথিবীকে আমি  
খাটো করে নিজেকে ফাঁকি দিতে পারব না-পশ্চিম দিকের উপর  
আড়ি করলেই যে পূর্ক দিকটাকে বেশি করে পাওয়া যায় এ কথা আমি  
নিবাস করি নে - বরঞ্চ ঠিক এর উল্টো।

শ্রীরবীন্দ্রনাথ ঠাকুর

রবীন্দ্রনাথের এ পত্রটি প্রকাশ করিয়া গ্রন্থকার কালীকঙ্করবাবু  
বহুসাহিত্যের অশেষ উপকার সাধন করিয়াছেন। রবীন্দ্রনাথের আরও  
দুইখানি ছাপা ব্যক্তিগত পত্রও এই পুস্তকে সন্নিবেশিত করিতে তিনি  
কৃষ্ণিত হন নাই। উহাদের একখানিতে রবীন্দ্রনাথ নিজের কাঁচা লেখা  
সম্বন্ধে যে আলোচনা করিয়াছেন তাহা বাস্তবিকই উপভোগ্য।  
রবীন্দ্রনাথ বলিয়াছেন : "এমন-সকল জিনিষকে (নিজের কাঁচা লেখা-  
গুলিকে) নিত্যকালের সিংহাসনের সম্মুখে দাঁড় করানোই বেরাদপি।

কাটা লেখার প্রতি লেখকের সমতা থাকে, কিন্তু জ্যাঠা লেখার প্রতি থাকে না।" সেইজন্য রবীন্দ্রনাথের মতে যে-সকল কাটা লেখাতে "বাল্যের সরলতা নাই, পরিণত বয়সের নৈপুণ্য নাই, মাঝবয়সের কৃত্রিমতার আভির্ভা আছে" সাহিত্যের ভঙ্গ আসরে তাহাদের সঠিক-কারের স্থান নাই।

এই পুস্তকখানি রবীন্দ্রনাথের শতজন্মবার্ষিকী স্মরণ রচনা হইলেও গ্রন্থকার-রচিত স্বতন্ত্র কবিতাগুলির ত্রিভিন্ন দিগন্ত অক্ষর্য্য সাজানো হইয়াছে। লেখক যে শক্তিমান কবি, তাহার পরিচয় প্রত্যেক কবিতার মধ্যেই পাওয়া যায়। এই পুস্তকের মূল্যবান ভূমিকা 'আভাষিকা' রবীন্দ্রনাথ সম্বন্ধে গ্রন্থকারের এক ভাবসমৃদ্ধ রচনা, ইহাতে নানা দিক্ দিয়া রবীন্দ্রনাথকে বিচার করা হইয়াছে এবং সে বিচার বিশেষণ যে মূল্য দৃষ্টিসম্পন্ন বিন্দুসংগঠিত, তাহা বলাই বাহুল্য। আমরা রবীন্দ্রনাথ সম্বন্ধে এরূপ একপাশি পুস্তকের বহুল প্রচার কামনা করি।

রবি-বাসরে রবীন্দ্রনাথ : সংস্কারকুমার দে। প্রকাশক

বিচিত্রা প্রকাশনী, কলিকাতা ৩, পত্রাঙ্ক ১০, মূল্য এক টাকা।

'রবিবাসর' বাংলা দেশে তথা ভারতে এক উন্নত পথ্যায়ের সাহিত্য প্রতিষ্ঠান। লেখক সংস্কারকুমার দে মহাশয় ইহার সহকারী সম্পাদক, তিনি অসাহিত্যিক ও কবি। কবিত্বের জন্মভূমিকা উপলক্ষে রবিবাসরের সঙ্গে কবিত্বের গভীর ও নিবিড় সম্পর্কের কথা স্মরণ করিয়া তিনি এই গ্রন্থখানি সংকলন করিয়াছেন। রবিবাসরের বিচিত্র আধিবেশনে প্রদত্ত রবীন্দ্রনাথের ভাসনগুলি তিনি বহু পরিশ্রমে সংগ্রহ করিয়া এই গ্রন্থে প্রকাশ করিয়াছেন ও এতদ্বারা প্রকারান্তরে বাংলা সাহিত্যের মনোপকায় সাধন করিয়াছেন। এতদ্বারা সুদীর্ঘের প্রত্যক্ষ অভিজ্ঞতা হইতেও রবীন্দ্রচরিত্রের নানাদিকের আলোচনা এই গ্রন্থে স্থান পাইয়াছে। আলোচ্য পুস্তকের সর্বাপেক্ষা বড় আকর্ষণ, — অনেক ভুল বোঝাবুঝির পর - পরৎসর্গক রবীন্দ্রনাথের আশীর্বাদী দানের উল্লেখ। রবীন্দ্রনাথ বলিয়াছেন : "পরৎসর্গের দৃষ্টি ডুব দিয়েছে বাঙ্গালীর হৃদয়-রহসে। সুখে দুঃখে, মিননে নিচ্ছেদে সংঘটিত বিচিত্রপট্টির তিনি এমন করে পরিচয় দিয়েছেন, বাঙ্গালী যাতে আপনাকে প্রত্যক্ষ জানতে পেরেছে।

তিনি কারও স্বাস্থ্যপ্রিত অভিজ্ঞান পদের জন্য আপেক্ষা করেন নি। আত্ম তাঁর অভিনন্দন বাংলা দেশের করে করে স্বতঃস্ফূর্ত সিদ্ধ। ...তিনি বাঙ্গালীর বেদনার কেন্দ্রে আপন বাণীর স্পর্শ দিয়েছেন।" রবীন্দ্রনাথ স্বয়ং বাংলার পল্লীকে যে কত ভালবাসিতেন তাহার পরিচয় তিনি নিশ্চয়ই শাস্তিনিকেতনে অহুত রবিবাসরের এক আধিবেশনে : "আমার জীবনের অনেকদিন নগরের বাইরে পল্লীগ্রামের সুখস্বপ্নের ভিতর দিয়ে কেটেছে, তখনই আমি আমাদের দেশের সঠিককার রূপ কোথায় তা অনুভব করতে পেরেছি। যখন আমি পশ্চানদীর তীরে গিয়ে বাস করেছিলাম, তখন গ্রামের লোকের অভাব অভিযোগ এবং কত বড় অভাগা যে তারা তা' নিতা চোখের মস্মুখে দেখে আমার হৃদয়ে একটা বেদনা জেগেছিল...এই সব গ্রামবাসীরা যে কত অসহায় তা আমি বিশেষভাবে উপলব্ধি করেছিলাম...তখন আমি আমার গল্প, কবিতায়, প্রবন্ধে সেই অসহায়দের সুখস্বপ্ন

ও বেদনার কথা একে একে প্রকাশ করেছিলাম। আমি একথা নিশ্চয় করে বলতে পারি, তুর আপন সাহিত্যে কেউ এই পল্লীর নিঃসত্য অধিবাসীদের বেদনার কথা, গ্রামা জীবনের কথা প্রকাশ করেন নি।" বাংলাসাহিত্যে রবীন্দ্রনাথের এই কথাগুলি যে কত মূল্যবান তাহা বোধ করি কাহাকেও আর বুঝাইয়া বলিতে হইবে না। গ্রন্থকার এই পুস্তক প্রকাশদ্বারা অনেক নতুন কথা আমাদের কাছে পৌঁছাইয়াছেন, এজন্য তিনি সকলেরই ধন্যবাদার্থ। রবিবাসরের সঙ্গে রবীন্দ্রনাথের সম্বন্ধ যে কত খাঞ্চরিকতাপূর্ণ ছিল এই গ্রন্থে তাহার ষপেয় পরিচয় পাওয়া যায়। একথা বলাই বাহুল্য যে, রবীন্দ্রনাথ এই প্রতিষ্ঠানের অধিনায়ক রূপে ইহার মধ্যাদা সুপ্রতিষ্ঠিত করিয়া গিয়াছেন। নানা তপাপূর্ণ এই পুস্তক সুধীসমাজে ষপেয় আদৃত হইবে বলিয়াই আমরা মনে করি।

শ্রীকৃষ্ণধন দে

রাষ্ট্র সাহিত্য জীবন যৌবন—বহুধা চক্রবর্তী প্রণীত।

প্রকাশক জেনারেল প্রিন্টার্স য়াণ্ড পাব্লিশার্স, কলিকাতা- ১৩। মূল্য— ৩/- পৃষ্ঠা ১০০।

প্রবন্ধের বই। কিকিছুদিক পঁচিশ বৎসর ধরিত্রী লেখক বহু প্রবন্ধ লিখিয়াছেন, এই পুস্তক ইহার একটা ক্ষুদ্র সংকলন। ইহাতে আছে : রাষ্ট্রীয় শক্তির কেন্দ্র কোথায় (১৩৪১), মায়'বন্দীর দৃষ্টিতে মহাত্মা গান্ধী (১৩৪৪), প্রথম (১৩৪২), ব্যক্তি ও রাষ্ট্র (১৩৪১), ভারতপথে কাল'বাজ' (১৩৩৩) এবং বাসনম্বা (১৩৩৮)। প্রবন্ধগুলি সমসাময়িক অর্থাৎ প্রাক-স্বাধীন ভারতের অবস্থাকে অবলম্বন করিয়া লেখা। সময়ের সঙ্গে লেখকের চিন্তাশক্তি এবং লেখার ভাষা উভয়ই পরিবর্তিত হইয়াছে ইহা লক্ষ্য করা যায়। লেখক চিন্তাশীল। পুস্তকের ছাপা ও বাধাই উৎকৃষ্ট।

শ্রীঅনাথবন্ধু দত্ত

আমার দেখা নেপাল : শ্রীমূখাল য়োস প্রণীত : সাহিত্য সংসদ, চন্দননগর হইতে প্রকাশিত মূল্য ১/- পৃষ্ঠা ৩৭।

নেপাল ভারতের সর্বাপেক্ষা অনিষ্ট প্রতিবেশী এবং মিত্ররাজ্য। ইহার বৈশিষ্ট্য এই যে সমস্ত ভারত যখন ব্রিটিশ কবলিত তখনও ইহা স্বাধীনতা হারায় নাই। তবে দেশটি গণতন্ত্রী শাসনের অধীন ছিল না। নামে মাত্র একটা রাজবংশ ছিল, প্রকৃত শাসন মনতা এক বস্ত্রী পরিবার বা রাণ্যগোষ্ঠীর হাতে ছিল। পৃথিবীর, এমন কি ভারতের সাহিত্য তাল রাশিয়া এই ভারতীয় হিন্দুরাজ্য আধুনিক অর্থে মোটেই প্রগতিশীল ছিল না। কিন্তু ভারত স্বাধীনতা লাভের পরই নেপালে কয়েকটা বিদ্রোহ হয় এবং বর্তমানেও বিদ্রোহ চলিতেছে। এই প্রজা জাগরণ নেপালকে কোনপথে লইয়া বাইবে ইতিহাস তাহা বলিবে।

বর্তমান পুস্তিকায় লেখক নেপালের প্রায় ৮ বৎসর পুস্তককার অবস্থার বর্ণনা দিয়াছেন। শেষবে পিতার সহিত নেপালে অবস্থানকালে তিনি জ বাহাদুর রাণ্যদেব দেশ দেখিয়াছিলেন। চলচ্চিত্রের ছবির মত পাঠককে মুগ্ধ করিবে এমন সুন্দর বাস্তব বর্ণনা। পুরাতন ইতিহাসের কথাও বাদ যায় নাই। অল্পকথায় নেপালকে জানিবার সুন্দর পুস্তিক।

শ্রীঅনাথবন্ধু দত্ত

সম্পাদক—শ্রীকেশবনাথ চট্টোপাধ্যায়

ড্রাকর ও প্রকাশক—শ্রীনিবারণচন্দ্র দাস, প্রবাসী প্রেস প্রাইভেট লি., ১২০১২ আচার্য্য প্রফুল্লচন্দ্র রোড, কলিকাতা

---

৩রামানন্দ চট্টোপাধ্যায় সম্পাদিত  
কাশীরামদাস বিরচিত  
সচিত্র  
অষ্টাদশশতাব্দীর মহাভারত

ব্যাসদেব রচিত মহাভারত পুরাণ-ইতিহাসের অন্তর্গত হইলেও, কাব্য হিসাবে ইহা মধুরতম। বস্তুতঃ মহাভারতের মত বিরাট গ্রন্থ আর দ্বিতীয় নাই। একসঙ্গে সহস্রাবধিক চরিত্রের যথাযোগ্য মর্যাদা দান কম কৃতিত্বের কথা নয়। অপূর্ব ইহার আখ্যানভাগ। তেমনি অপূর্ব চরিত্র-বিশ্লেষণ। রাজনীতি সমাজনীতির গূঢ়ত্ব ও তাহার অনুশীলনী ইহাকে আরও গুরুত্ব দান করিয়াছে। বস্তুতঃ, ব্যাসদেব শাস্ত্র-সাগর মন্বন করিয়া অমৃত পরিবেশন করিয়াছেন। ‘যা নাই ভারতে, তা নাই ভারতে’ এই প্রবাদবাক্যটিই মহাভারতের শ্রেষ্ঠ পরিচয়।

সংস্কৃত-কাব্যের এই অপূর্ব রসান্বাদনে সাধারণ লোক দীর্ঘদিন বঞ্চিতই ছিল। কাশীরামদাস তাঁহার সুললিত পয়ার ছন্দে সেট অতীব দূর করিলেন। এতই বাঙালীমাত্রই তাঁর নিকট কৃতজ্ঞ।

আজ মুখে মুখে এই মহাভারত সর্বত্র প্রচারিত। ইহার ফল একদিকে যেমন ভাল হইয়াছে তেমনি মন্দও হইয়াছে শতগুণ। মূল কাশীরামদাসের মহাভারত আজ নানা কারণে বিকৃত—যিনি যতটুকু পারিয়াছেন, তিনি ততটুকু আপন মনোমত রচনা ইহাতে সংযোজন করিয়া দিয়াছেন। এই প্রক্ষিপ্ত অংশগুলি ও ভুল পাঠের পুনরুদ্ধার করিতে আজ পর্য্যন্ত কেহই সাহসী হন নাই। তাই-রামানন্দ চট্টোপাধ্যায় সম্পাদিত এই মহাভারতের এত সুনাম।

পূর্ব সংস্করণ শেষ হইয়া যাওয়ার পাঠকের আগ্রহাতিশয্যে বহু অর্থ ব্যয় করিয়া এই অমূল্য গ্রন্থের পুনর্মুদ্রণ নিম্নই আপনাদের হাতে পরিবেশন করিতে পারা যাইবে।

ভারতের শ্রেষ্ঠ শিল্পীদের অঙ্কিত প্রাচীন রঙীন চিত্র প্রায় পঞ্চাশটি সন্নিবেশিত  
সুন্দর ছাপা ও সুন্দর কাগজে এই সংস্করণ আপনাকে লোভনীয় করিয়া তুলিবে।

মূল্য কুড়ি টাকা, ডাকব্যয় স্বতন্ত্র

প্রবাসী প্রেস প্রাইভেট লিমিটেড

১২০১২ আচার্য্য প্রফুল্লচন্দ্র রোড, কলিকাতা-৯ [ফোন : ৩৫-৩২৮১]

---





প্রবাস প্রেস, কলিকতা

রাগ কমল  
( প্রাচীন চিত্র )

শ্রীঅশোক চট্টোপাধ্যায়ের সৌজত্রে



# প্রবাসী

“সত্যম্ শিবম্ সুন্দরম্”

“নারায়ণা বলহীনেন লভ্যঃ”

৬২শ ভাগ  
২য় পত্র

আশ্বিন, ১৩৬৯

৬ষ্ঠ সংখ্যা

## বিবিধ প্রসঙ্গ

### আমাদের প্রতিবেশী রাষ্ট্র

আমাদের প্রতিবেশী রাষ্ট্র তিনটি, পাকিস্তান, চীন ও ব্রহ্মদেশ। ইহাদের মধ্যে ব্রহ্মদেশ নির্লিপ্ত ও প্রতিবেশী হ্রসবে ভদ্র। ব্রহ্মদেশের সহিত আদান-প্রদানে কখনও তিক্ততার আভাস পাওয়া যায় নাই। এমন কি যখন গামাম হইতে পার্কৃত্য উপজাতি মারফৎ আফিংয়ের চোরা চালান ধরা পড়ে তখন ব্রহ্মদেশের তদানীন্তন প্রধানমন্ত্রী আমাদের প্রধানমন্ত্রীকে সাক্ষাৎভাবে জানাইয়া প্রতিকার চাহিয়াছিলেন। শোনা যায় ঐ আফিং চোরা চালান ব্যাপারে আসামের এক কংগ্রেসী ধুরন্ধর যুক্ত থাকার প্রমাণও তিনি সাক্ষাতের সময় দিয়া যান এবং ঐ ব্যক্তির সঙ্গে উপজাতিদিগের যোগ ছিন্ন করার অহরোধও জানাইয়াছিলেন। অন্য ব্যাপারে, যথা কেনা-বেচার খুঁটিনাটি ত্যাগিত্তে, আমাদের সঙ্গে ব্রহ্মদেশের সহজভাবেই সকল কাজ চলে, কখনও মন-কষাকষি হয় নাই।

অন্য দুইটি প্রতিবেশী এ বিষয়ে সম্পূর্ণ ভিন্ন প্রকৃতির। দুইটিই পরস্পরলোলুপ এবং দুইটিই সত্য মিথ্যা স্থানান্তরের সম্পর্ক রাখে না। দুইটিই শক্তিজোটে যুক্ত, তবে দুই বিপরীত শক্তিজোটে। চীন আছে সোভিয়েটের ছাতে এবং পাকিস্তান মার্কিন জোটে। আশ্চর্য্য এই যে, বিপরীত শক্তিজোটে থাকা সত্ত্বেও দুইজনের মধ্যে সম্পৃক্ত যোগাযোগ স্থাপিত হইয়াছে এবং কথাবার্তাও চলিতেছে সহজভাবে। অবশ্য কথাবার্তার ভিত্তি হইলে টের ভাগ ব্যবস্থা লইয়া, যদিও এই “মাসতুত ভাইয়ের ভাগ বাটোয়ারা” শেষ পর্যন্ত কোথায় দাঁড়াইবে তাহার কানও স্থিরতা নাই।

দুই রাষ্ট্রই ভারতের নানা এলাকায় পঞ্চমবাহিনী ও গুপ্তচরের ঘাঁটি স্থাপনে খুব তৎপর। এই কাজে দুই রাষ্ট্রই বিপুল পরিমাণে অর্থ ব্যয় করিতেছে এবং দুইটি ভিন্ন জাতীয় রাজনৈতিক দলের যোগসাজসে এই কাজ প্রসার করিতে চেষ্টিত।

পাকিস্তানী লোকজন ত বিপুল সংখ্যায় পূর্ব-ভারতে অহুপ্রবেশ করিয়াছে ও করিতেছে। এই অহুপ্রবেশের গহনে যে পাকিস্তান সরকারের অসংবদ্ধ পরিকল্পনা ও সমর্থন আছে সে কথা আমরা পূর্বের এক সংখ্যায় লিখিয়াছি। নহিলে সাঁওতাল এদেশে আসিতে গেলে পাকিস্তানি গুলী চালায়, অথচ লক্ষ লক্ষ পাকিস্তানি মুসলমান এদেশে অহুপ্রবেশ ও চোরাপথে যাতায়াত করে কেমনে ?

এই অহুপ্রবেশ ব্যাপারে, পশ্চিমবঙ্গে, আসামে ও ত্রিপুরায়, আমাদের সীমান্তের এপারেও বহু দেশদ্রোহী এই ব্যাপারে প্রত্যক্ষভাবে যুক্ত আছে নিশ্চয়, নহিলে এ ভাবে অহুপ্রবেশকারী পারাপার করে কি করিয়া ?

সম্প্রতি আদমশুমারির ব্যাপারে কতকগুলি অতি আশ্চর্য্যজনক তথ্য পাওয়া যায়, জনসংখ্যার বিচারে। সারা

ভারতে জনসংখ্যা বৃদ্ধি পাইয়াছে শতকরা ২১.৫ হারে, কিন্তু পশ্চিমবঙ্গের বৃদ্ধি-হার দেখা যায় শতকরা ৩২.৭৯, আসামে ৩৪.৪৫, মণিপুরে ৩৫.০৪ এবং ত্রিপুরায় ৭৮.৭১। পশ্চিম ভারতে দিল্লীর বৃদ্ধি-হারও ৫২.৪৪ হইয়াছে, কিন্তু তাহার অনেকটাই দিল্লীর প্রসার ও সেখানে নগরমুখী জনশ্রোতের বসতি হওয়ার দরুন হইয়াছে। কিন্তু পশ্চিমবঙ্গে, আসামে, মণিপুরে ও ত্রিপুরায় এইরূপ অস্বাভাবিক জনসংখ্যা বৃদ্ধির কারণগুলির মধ্যে যে পাকিস্থানিদিগের অসুপ্রবেশ একটি, সে বিষয়ে সন্দেহ কর্তৃপক্ষের কোনও সন্দেহ নাই।

পাকিস্থানিরা এইভাবে আমাদের জনসংখ্যা বৃদ্ধি, খাদ্যের অনটন ইত্যাদি নানা সমস্যা আরও জটিল করিতেছে। অন্তর্দিকে চীনেরা আমাদের দেশের ভূমির অনেকখানি (প্রায় ১২৫০০ বর্গমাইল) দখল করিয়া বসিয়াছে এবং সেই দখল আরও প্রসারিত করিতে চেষ্টা করিতেছে। এই প্রসঙ্গ লিখিবার সময় সংবাদ আসিয়াছে যে, ভারত, ভূটান ও তিব্বতের সীমানার, নেফা অঞ্চলের কামেং সীমান্তের উত্তরে স্থিত একটি ভারতীয় ঘাঁটিকে চীনা-সেনা অবরুদ্ধ করিয়াছে। ঐ অঞ্চল পরিদর্শন করার সময় একটি ভারতীয় বিমান চীনা-সৈন্যের গুলীর লক্ষ্যে হয় তবে তাহার কোনও ক্ষতি হয় নাই। অবশ্য একথাও জানা যায় যে, সেই ঘাঁটিতে এখনও ভারতীয় সেনা দৃঢ়ভাবে অধিষ্ঠিত আছে এবং ঐ অঞ্চলে ভারতীয় সামরিক বিভাগের কর্তৃপক্ষ তৎপরতার সহিত যাবতীয় ব্যবস্থা করিতেছেন।

কিন্তু আমাদের প্রশ্ন এই যে, আর কতদিন আমরা গান্ধীবাদের মিথ্যা অজুহাতে এইভাবে দস্য ও তস্করের হাতে সর্বস্ব খোয়াইতে থাকিব? আমাদের বহিঃরাষ্ট্র-বিষয়ক দপ্তর এখন ত সম্পূর্ণরূপে নেহরুর মুখাপেক্ষী। পণ্ডিত নেহরুর আদেশ নির্দেশ ভিন্ন ওই দপ্তরে কেহই কোন কাজ করিতে সাহস পায় না। আর পণ্ডিত নেহরু? তিনি জীবনে কখনও কোনও কাজে বীর ভাবে বিচার করিয়া কোনও স্থির সিদ্ধান্তে উপনীত হইয়া তাহা দৃঢ়তার সহিত অবলম্বন করিয়াছিলেন, এই অপবাদ তাঁহার সম্পর্কে আমরা কখনও শুনি নাই।

#### কলিকাতায় “ছাত্রবিক্ষোভ”

বিগত ৪ঠা সেপ্টেম্বর, (১৮ই ভাদ্র) কলিকাতা মহানগরীর কেন্দ্রমূলে ছাত্রবিক্ষোভের নামে যে উদ্‌যম গুণ্ডামি ও অগ্নিকাণ্ড ঘটিয়া গিয়াছে তাহাতে সুস্থ-মস্তিষ্ক নাগরিক মাত্রেই মনে চিন্তা ও শিকারের উদয় হইয়াছে। ঘটনার বিবরণ যাহা পাওয়া যায় তাহাতে এই গোলযোগের সৃষ্টি হয় শিয়ালদহ ষ্টেশনে একটি ছেলে তৃতীয় শ্রেণীর টিকেট লইয়া প্রথম শ্রেণীতে যাওয়ার চেকার তাহার নিকট ভাড়ার তফাৎ অসুযায়ী অতিরিক্ত টাকা চাহিয়া না পাওয়ায় তাহাকে পুলিশে দেয়। পুলিশের হাত হইতে তাহাকে ছিনাইয়া লইবার চেষ্টায় শিয়ালদহ ষ্টেশনে হান্সামার সূত্রপাত হয়। হান্সামাকারীদের মধ্যে ছাত্র অনেক ছিল এবং হান্সামাকারীরিগকে ছত্রভঙ্গ করার জন্য যে মারপিট হয় তাহাতে কিছু ছাত্রও মার খায়। তার পর যখন পুলিশ সেই লোকটিকে লইয়া হারিসন রোডে ঘাইতে থাকে তখন গোলযোগ গুরুতর অবস্থায় পৌঁছায়। ছাত্রের দল ইট-পাটকেল চালাইয়া সমস্ত যানবাহন চলাচল বন্ধ করে। তাহার পর ব্যাপকভাবে গোলমালের আরম্ভ হয়।

ঐ দিন রাতে এক সরকারী প্রেস নোটে এই হান্সামার যে বিবরণ দেওয়া হয় তাহাতে ধৃত যাত্রীকে ভলক্রমে ছাত্র বলা হয়। ভুল পরের দিন সংশোধন করিয়া জানান হয় যে, ধৃত ছেলেটি জহরলাল মাস্তা আদৌ ছাত্র নয়, বেতার-শিল্পের শিক্ষানবীশ মেক্যানিক। সরকারী বিবরণ এইরূপ ছিল :

সরকারের পক্ষ হইতে এই প্রেসনোট দেওয়া হয় : তৃতীয় শ্রেণীর মাস্তা লইয়া উচ্চতর শ্রেণীর কামরায় ভ্রমণের অভিযোগে মঙ্গলবার সকালে লোক্যাল ট্রেনের একজন ছাত্র-যাত্রীকে রেল কর্মচারীরা শিয়ালদহ ষ্টেশনে আটক করেন। তাহাকে টিকেট কালেক্টরের অফিসে লইয়া যাওয়ার সময় ছাত্র এবং সাধারণে মিলিয়া প্রায় পঁচাত্তর জনের এক জনতা ঐ অফিস ঘেরাও করে, ধৃত ছাত্রের মুক্তি দাবি করে এবং তাহাকে ছিনাইয়া লইবার চেষ্টা করে। জনতা ইটপাটকেল ছোড়ার শিয়ালদহ রেল ষ্টেশনে কর্তব্যরত চারজন পুলিশ কনষ্টেবল আহত হয়। ঐ সম্পর্কে মোট কুড়িজনকে গ্রেপ্তার করার পর জনতা ছত্রভঙ্গ হইয়া যায়।

ইহার পর হান্সামা ষ্টেশন এলাকার বাহিরেও ছড়াইয়া পড়ে। তখন যে বিপ্রান্তিকর অবস্থার সৃষ্টি হয় তাহার সুযোগ লইয়া সমাজবিরোধীরা জমায়েত হয় এবং জনতাকে উত্তেজিত করিতে শুরু করে। রাষ্ট্রীয় পরিবহনের বাস এবং ট্রাম আক্রান্ত হয়। দুইটি সরকারী বাসের চালক আহত হন এবং তাঁহাদের হাসপাতালে পাঠাইতে হয়। মুচিপাড়া পুলিশ কাঁড়ির উপর প্রবলভাবে ইটপাটকেল বর্ষিত হয়। পুলিশকে বহু রাউণ্ড কাঁড়নে গ্যাস ছুঁড়িতে হয় এবং তার পর ভীড় হটাইবার জন্য লাঠিও ব্যবহৃত হয়।



হারিসন রোডে অপেক্ষমান কয়েকটি ট্রামে ছফ্তকারীরা আগুন ধরাইয়া দেয়। প্রথম দুইটি ট্রাম-গাড়ীর আগুন নিভাইবার কাজে দমকলবাহিনী সাহায্য করে। কিন্তু অলিগলি ও বাড়ীর ছাদ হইতে প্রবল ইটপাটকেল ও সোড়ার বোতল বর্ষণের ফলে দমকলবাহিনীর পক্ষে কাজ করা সম্ভব হয় না। জনতা ধীরমুখী হওয়ার পুলিশকে বারে বারে কাঁছনে গ্যাস ছুঁড়িতে হয় এবং লাঠি চালাইতে হয়।

কলিকাতা ট্রাম কোম্পানীর ধবর অফিসারে তেরটি ট্রামে অগ্নিসংযোগ করা হয়।

রাজাবাজার ও মৌলালীর মোড়ের মধ্যে আপার ও লোয়ার সাকুলার রোডের উপর কয়েকবার হাঙ্গামা হয়। কয়েকটি স্থানে ছফ্তকারীরা আলকাতারার পিপে দিয়া পথ অবরোধ করার পুলিশ-বাহিনীর চলাচলে বাধা সৃষ্ট হয়। পরে পুলিশ অবরোধগুলি অপসারণ করে।

লোয়ার সাকুলার রোডের উপর একটি ট্রাম-গুমটিতে আগুন লাগাইয়া দেওয়া হয়। যথাসময়ে পুলিশের হস্তক্ষেপে ট্রাম কোম্পানীর অর্থ ও সম্পত্তি রক্ষা পায়। অপেক্ষমান বন্দী-গাড়ীতেও আগুন ধরাইয়া দেওয়া হয়। এই ঘটনা ঘটে বেলেঘাটা মেন রোডের মোড়ে।

এই দিনের ঘটনায় প্রায় ৬০ জন পুলিশ কর্মচারী ও অফিসার আহত হয়। এই সকল ঘটনা সম্পর্কে পুলিশ আনুমানিক দুই শত জনকে গ্রেপ্তার করে। উপক্রমত এলাকাগুলিতে হাঙ্গামা শুরু হইবার পরই সরকারী বাস ও ট্রাম চলাচল বন্ধ হইয়া যায়। সন্ধ্যার পর অস্ত্রাস্ত্র অঞ্চলেও ট্রাম ও বাস চলাচল বন্ধ হইয়া যায়। রাত্রি নয়টার পর আর কোন ঘটনার সংবাদ পাওয়া যায় না।

পরের দিন কলিকাতার অবস্থা মোটের উপর শান্তই ছিল যদিও দক্ষিণ কলিকাতার কয়েক স্থলে কিছু উত্তেজনা দেখা যায়। বালিগঞ্জ অঞ্চলে ও ভবানীপুর জম্মাবুর বাজারের নিকটে ট্রাম লক্ষ্য করিয়া ইটপাটকেল নিক্ষেপ হয়। সহরতলীতে কয়েকজন লোক গড়িয়া, যাদবপুর, ঢাকুরিয়া, দমদম, আগড়পাড়া ও বেলঘরিয়ার হাঙ্গামা সৃষ্টি করার চেষ্টা করে। তবে অবস্থা মোটের উপর আয়ত্তে আনা সম্ভব হয়।

এই "বিক্ষোভ" এবং তাহার সঙ্গে ঘনিষ্ঠ ভাবে জড়িত অগ্নিকাণ্ড, হাঙ্গামা ও লুটতরাজের বিষয়ে মুখ্যমন্ত্রী যে বিবৃতি দিয়াছিলেন তৎসংলগ্ন তথ্য 'আনন্দবাজারে' এই ভাবে প্রদত্ত হয় :—

"বুধবার ছপূরে মুখ্যমন্ত্রী শ্রী সেন তাহার বিবৃতিতে আরও বলেন যে, মঙ্গলবারের হাঙ্গামা সম্পর্কে মোট ২৫৮ জনকে গ্রেপ্তার করা হইয়াছে। তাহাদের মধ্যে ছাত্রের সংখ্যা প্রায় ৪০ জন। ছাত্রদের ১৯ জনকে শিয়ালদহ স্টেশনেই গ্রেপ্তার করা হয়।

মুখ্যমন্ত্রী জানান যে, তাহাদের গ্রেপ্তার করা হইয়াছে তাহাদের মধ্যে আহতদের সংখ্যা ছিল ৭০ জন। ৬৪ জনকে, ঐদিনই প্রাথমিক চিকিৎসার পর ছাড়িয়া দেওয়া হয়। বাকি ৬ জন বুধবার সকালে হাসপাতাল হইতে ছাড়া পায়।

ইহা ছাড়া একজন সহকারী পুলিশ কমিশনারকে লইয়া ৬২ জন পুলিশ কর্মচারী ইটপাটকেলে আহত হন।

অর্থাৎ সরকারী হিসাব অনুযায়ী মঙ্গলবারের হাঙ্গামায় আহতের মোট সংখ্যা দাড়ায় ১৩২ ( ৭০ + ৬২ ) জন।

বুধবার সকালে মুখ্যমন্ত্রী পুলিশ হাসপাতালে গিয়া আহত কর্মচারীদের দেখিয়া আসেন। ঐদিন হাসপাতালে ১০ জন আহত পুলিশ কর্মচারী ছিলেন।

ইহা ছাড়া জনৈক সহকারী পুলিশ কমিশনার গুরুতর আহত অবস্থায় বাড়ীতেই আছেন বলিয়াও তিনি জানান।

মুখ্যমন্ত্রী বলেন, মঙ্গলবারের হাঙ্গামায় ১৩টি ট্রাম, ২টি মিক্স বুথ, ১টি ট্রাম গুমটি এবং একটি বাস গুমটিতে অগ্নি-সংযোগ করা হয়।

শ্রী সেন বলেন, আরও বিশ্বয়ের কথা ওই দিন ৪০০।৫০০ ছাত্রের এক মিছিল যখন হারিসন রোড ধরিয়া শিয়ালদহের দিকে অগ্রসর হইতেছিল তখনই প্রথম ট্রামটিতে অগ্নিসংযোগ হয়। ওই সময় বরাবর সমাজবিরোধীদের ভীড় জমিয়া যায়। 'যদি ছাত্ররা ট্রামে আগুন না লাগাইয়া থাকে, তাহা হইলে সমাজবিরোধীরাই... অগ্নি-সংযোগ করিয়াছে' তিনি মন্তব্য করেন।

তিনি বলেন, তিন হাজার হইতে আট হাজার জনতার এক ভীড় পুলিশের উপর ইটপাটকেল ছোঁড়ে। প্রথম ট্রামটিতে যখন আগুন লাগানো হয় তখন সেখানে কোন পুলিশ ছিল না।"

অধিকাংশ ও লুটপাটে ছাত্রদের সক্রিয় অংশ কিছু ছিল একথা বিশ্বাস করিতে আমাদের মন চাহে না, কেননা ছাত্রদের অবনতি যদি ওই নিয়ন্ত্রণে পৌঁছাইয়া থাকে তবে দেশের ভবিষ্যৎ সত্য সত্যই অন্ধকার। আমাদের মনে হয় একদল সমাজদ্রোহী ও রাষ্ট্রধ্বংসকারী ছুর্কৃত্ত ওই উচ্ছৃঙ্খল ও দারিদ্রজ্ঞানশূন্য ছাত্রদের শিখণীরূপে ব্যবহার করিয়া নিজেদের কার্য্য সিদ্ধি করে। এই বিষয়টি বিচারাধীন স্তরায় এই হাজামায় ছাত্রদের অংশ প্রকৃতভাবে নির্দ্ধারিত না হওয়া পর্য্যন্ত সে বিষয়ে মন্তব্য অবাস্তব।

এই ব্যাপারে রাষ্ট্রধ্বংসকারী ছুর্কৃত্তদের যোগ ছিল বলিয়া আমরা মনে করি। ট্রাম ঠিক খড়ের গাদা বা আতসবাজীর জুগুহুর মত দাঙ্গ পদার্থে নির্ম্মিত নহে যে, তাহাতে অগ্নিসংযোগ এতই সহজসাধ্য। যাহারা '৪২ সনের বিক্ষোভে এই কার্য্যের আরম্ভ করে এবং পরে ট্রামের ভাড়া নিরোধের বিক্ষোভে যাহারা এই কাজ ব্যাপকভাবে আরম্ভ করে, তাহাদের নিকট যে বিবরণ আমরা পাইয়াছিলাম, এবং নিরুপায় প্রত্যক্ষদর্শীরূপে ঐ দ্বিতীয় বারের হাজামায় যাহা আমরা দেখিয়াছিলাম তাহাতে আমাদের জানা আছে যে, দুই-একটা ট্রাম পোড়াইতে কতটা পেট্রোল, কেরোসিন, মবিল, আলকাতরা বা কয়লা লাগে এবং ঐ অগ্নিসংযোগে কিরূপ ক্ষিপ্ৰকারিতার সঙ্গে "গুস্তাদ"দের সঙ্গে সঙ্গে সরিয়া আসিতে হয়—অন্তর্ধায় অগ্নিসংযোগের পর প্রবল আগুনের হলকার ভিজান কাপড় জামাতেও আগুন লাগিবার সম্ভাবনা থাকে।

পূর্বেকার হাজামা ব্যাপক হওয়া সত্ত্বেও কোনও একদিনে দুই-তিনটির বেশী ট্রামের অগ্নিদগ্ধ হওয়ার খবর আমাদের মনে পড়ে না। এইবারের হাজামায় একদিনে, অল্পকালের মধ্যে তেরটি ট্রামে এইভাবে অগ্নিসংযোগ করার পিছনে যে কোনও সুপরিকল্পিত ও উদ্ভমভাবে গ্রথিত ব্যবস্থা ছিল না, একথা আমরা বিশ্বাস করিতে অসমর্থ। ছাত্রদের সঙ্গে সমাজদ্রোহীদের যোগাযোগ আছে কিনা জানি না—যদিও থাকা আশ্চর্য্য নয়, তবে উহাদের মধ্যে উচ্ছৃঙ্খল ও দারিদ্রজ্ঞানশূন্যদের সংখ্যা বেশ কিছু আছে এবং কয়েকটি কলেজ ও স্কুলে তাহাদের পরামর্শনাতাদের মধ্যে রাষ্ট্রবিধ্বংসকারী "পঞ্চমবাহিনী" জাতীয় লোকও আছে, যাহাদের উস্কানীতে ঐ অপরিণত মস্তিষ্ক তরুণদের মাথা সহজেই টলে।

ব্যাপক অগ্নিসংযোগ ও দমকলবাহিনীকে প্রতিরোধ, এই দুই কাজেই ঐ ছাত্রদল অন্ততঃপক্ষে শিখণীর কাজ করিয়াছে। উহারা ছড়াইয়া না থাকিলে পুলিশ গুলী চালাইত সন্দেহ নাই এবং একথা স্বামীধ গুণ্ডারা বিলক্ষণ জানে। স্তরায় "চাত্রবিক্ষোভ" এবং অধিকাংশ ও লুটপাট ধনীভাবে পরস্পরের সহিত জড়িত, প্রত্যক্ষভাবেই হউক বা পরোক্ষভাবেই হউক। সেইজন্য এখন আমাদের সকলেরই চিন্তা করা প্রয়োজন যে, কি উপায়ে ছাত্রদের সহিত ছুর্কৃত্তদের এই কথামালার "বিড়াল ও বানর" সম্পর্ক ছেদ করা যায়। তবে বর্তমান ক্ষেত্রে উপাখ্যানের সম্পর্ক ছাড়াও আর একটি সম্পর্ক আছে। কিছু অল্প সংখ্যক ছাত্রের অধঃপতন বেশ অনেক দূর যাওয়ায় তাহারা ঐ সমাজদ্রোহীদের সমপর্য্যায়ে নামিয়াছে। ইহারাই ঐ পেশাদার ছুর্কৃত্ত ও গুণ্ডাদের সঙ্গে ছাত্রদের যোগসূত্র এবং ইহাদের উস্কানীতেই অধিকাংশ ছাত্র উপাখ্যানের নিরোধ বিড়ালের মত নিজেদের হাত পোড়াইয়া ছুর্কৃত্তদিগের কার্য্যসিদ্ধিতে সহায়তা করে। ছুর্কৃত্তদিগের মধ্যে সমাজদ্রোহী গুণ্ডা ও রাষ্ট্রধ্বংসকারী-বিদেশীর দালাল বা পঞ্চমবাহিনীর চর থাকার সম্ভাবনাও আছে।

ছাত্রদের মধ্যে উদ্দাম উচ্ছৃঙ্খলতার মূলে যে সকল শক্তি কাজ করিতেছে, সেগুলিকে প্রতিহত করার কাজ ছাত্রদের সাধ্যাতীত, যদি না সমাজের ও জনসাধারণের প্রত্যক্ষ ও বলিষ্ঠ সহযোগ তাহাদের পিছনে থাকে। এবং এইখানেই যত নষ্টের মূল।

একদিকে ত আঙ্গকার দিনে সাধারণ নাগরিকের জীবনযাত্রা এতই কষ্টকর যে, এ সকল বিষয়ে চিন্তা করার বা সম্ভবত্ব ভাবে প্রতিকারের ব্যবস্থা করার মত উদ্ভম বা প্রবৃত্তি কোনটাই তাহার নাই। উপরন্তু আছে আমাদের অপত্য স্নেহের উচ্ছ্বাস, যাহার বশে সুশিক্ষিত পিতামাতাকেও তাহাদের গুণধর সন্তানদিগকে দোষমুক্ত করার চেষ্টায় তাহাদের সকল অপকীর্ত্তির আজগুবি ও অপকল্প ব্যাখ্যা দিতে দেখা যায়। এ বিষয়ে তাহাদের প্রধান সহায়ক এক শ্রেণীর সাংবাদিক, যাহাদের কৃপায় এই অভাগা প্রদেশের নাগরিকগণের এইরূপ বিভ্রান্ত ও বিকারগ্রস্ত অবস্থা হইয়াছে। বাংলার ছাত্রছাত্রীদের ভবিষ্যৎ বিধময় করার কাজে তাহাদের পিতামাতার একদিকে দারিদ্রপূরণে অবহেলা ও অন্তর্দিকে অন্ধ ও বিকারগ্রস্ত অপত্যস্নেহই সর্কাপেক্ষা প্রবল শক্তি। ইহাদেরই যদি দারিদ্রজ্ঞান না থাকে তবে ইহাদের সন্তানেরা মাহুস হইবে কেমনে ?

ছাত্রদের দৃঢ়ভাবে বুঝাইতে হইবে যে, যতদিন তাহারা দেশ বা সমাজের কোনও কাজে না আসে, যতদিন না তাহারা কর্মজীবনের ও সমাজকল্যাণের পূর্ণ দায়িত্ব গ্রহণে সমর্থ হয়, ততদিন দেশের বা সমাজের উপর তাহাদের সকল দাবিই শুধু স্নেহের ভিত্তিতে স্থাপিত। সে স্নেহের বদলে যদি তাহারা এইরূপে কুর্কর্মের ও যথেষ্টাচারের পথে চলিবার দাবী করে তবে শেষ পর্যন্ত তাহাদের ঐ সাধারণ দুর্কৃত্তেরই মত দুর্কৃত্তির শাস্তি ভোগ করিতে হইবে।

### মুখ্যমন্ত্রীর প্রতিভাষণ

বিগত ২৩শে ভাদ্র রবিবার মুখ্যমন্ত্রী শ্রীপ্রফুল্লচন্দ্র সেনকে কলিকাতা ময়দানে নাগরিক সংবর্ধনা দেওয়া হয়। তাহারা ঐ সংবর্ধনার অংশ গ্রহণ করেন তাহাদের আন্তরিক শুভেচ্ছা ব্যাপক ভাবে জ্ঞাপন করিবার পর মুখ্যমন্ত্রী যাহা বলেন তাহার মধ্যে অতি স্পষ্ট ভাষায় দেশাস্ববোধের প্রেরণা ও দেশের ও দেশের কল্যাণার্থে আত্মনিবেদনের আহ্বান ছিল।

এই পশ্চিম বাংলাকে সবল ও সক্ষম প্রদেশে পরিণত করার জন্ত এদেশবাসীকে অগ্রসর হইয়া সরকারকে নূতন গঠন কাজে সহায়তা করিতে আহ্বান করেন। নিজের ও মন্ত্রিসভার সহকর্মীদের পক্ষ হইতে তিনি জানাইয়াছিলেন যে, “আমি তোমাদের সেবক। আমি নিজের এবং আমার সহকর্মীদের হইয়া এই প্রতিশ্রুতি দিতেছি যে, আমরা এই কাজে অগ্রসর হইবার পথে যে সকল সমস্যা আছে তাহার কোনটাই এড়াইবার চেষ্টা করিব না। আমরা জানি যে, সে সকল সমস্যা পূরণের ক্ষমতা আমাদের আছে। সকল বাধা-বিপত্তি আমরা অতিক্রম করিতে বদ্ধপরিকর। আমাদের ভবিষ্যৎ-সাফল্যের পথে যাহা কিছু প্রতিবন্ধক, সে সকলের সঙ্গে যুদ্ধ করিয়া আমরা প্রগতির পথে চলিবই। কিন্তু এ কাজে জনসাধারণের পূর্ণ সহযোগ ও সমর্থন নিতান্তই প্রয়োজন কেননা গণতান্ত্রিক সমাজব্যবস্থায় এ দায়িত্ব শুধু তাঁহার একার নহে, ‘আমার, আপনার, সকলেরই।’ গণতন্ত্রকে সুপ্রতিষ্ঠিত করিবার দায়িত্বও সকলকে লইতে হইবে।”

পশ্চিমবঙ্গের সমস্ত ‘জটিলতা, গভীরতা ও ব্যাপকতার’ উল্লেখ করিয়া তিনি বলেন, ইচ্ছাশক্তি ও আদর্শ-নিষ্ঠা থাকিলে বাঙালী তাহার শত সহস্র সমস্যার সমাধান করিতে সক্ষম হইবে। শ্রীচৈতন্য, রাজা রামমোহন, রামকৃষ্ণ, বিবেকানন্দের বাঙলায় হিন্দু-মুসলমান-খ্রীষ্টান সকল ধর্মাবলম্বীই আছেন, উহার রাজধানীতে “সমগ্র ভারত মিলিত হইয়াছে।”

৩৫ হাজার বর্গমাইল পরিমিত পশ্চিমবঙ্গে মোট সাড়ে তিন কোটি এবং প্রতি বর্গমাইলে ১০৩১ জন বসবাস করেন; রাজ্যের শতকরা যে ৬৫ ভাগ জমি চাষের উপযোগী, তাহার শতকরা ৮২ ভাগে চাষ হয়—পৃথিবীর আর কোনও স্থানে এত অধিক হারে জমিতে চাষ হয় না। রাজ্যের ৭ লক্ষ পরিবার ভূমিহীন এবং আরও ৭ লক্ষ কৃষি-মজুর। বৃহৎ শিল্পে সোয়া সাত লক্ষ আর ছোট ও মাঝারি শিল্পে সত্তর লক্ষ মানুষ কাজ করিলেও রাজ্যের বেকার সমস্যা এখনও ভয়াবহ, ৩৫ লক্ষ উদ্বাস্তু আসিয়া উহাকে আরও ভয়াবহ করিয়া তুলিয়াছেন।

তিরিশ লক্ষ মানুষের শহর কলিকাতার সমস্যার উল্লেখ করিয়া মুখ্যমন্ত্রী বলেন, নিউইয়র্ক, ওয়াশিংটন, টোকিও, লণ্ডন প্রভৃতি বড় বড় শহরেও প্রতি বর্গমাইলে ৬৫ হাজারের অধিক মানুষ থাকে না, কিন্তু কলিকাতার প্রতি বর্গমাইলে বসবাস করে ৮০ হাজারের মত মানুষ। শহরের অসংখ্য অলিগলি, মোটরগাড়ী আর মাহুমে-টানা লজ্জাকর রিক্‌শার কথা উল্লেখ করিয়া তিনি বলেন, হুগলী নদীর জল কমিয়া যাওয়ায় শহরের গর্ভ উহার বন্দরও দুর্দশায় পড়িয়াছে—আট বৎসরের আগে গঙ্গা-বাঁধ নির্মিত হইবে না, তাহার আগে উহার সমস্যার সমাধানও সম্ভব নহে। কলিকাতাকে বাঁচাইতে হইলে হাওড়া পুলের ছায় আর একটি সেতু দরকার। উহাতে নয় কোটি টাকা লাগিবে। জল-প্লাবন হইতে বন্ধুর জন্ত শহরের ড্রেন ব্যবস্থার আমূল সংস্কার দরকার। শহরের ৪২ হাজার খাটা পায়খানা আর বস্তিগুলির শোচনীয় অবস্থা ভাবিলে লজ্জায় তাহার মাথা হেঁট হইয়া আসে।

দেশবাসীকে “নূতন, বড় আরু.ভাল” কলিকাতা গড়িয়া তুলিতে এবং উহাকে গুণা ও অসামাজিক মানুষের দৌরাত্ম্য হইতে মুক্ত করিতে আহ্বান জানাইয়া তিনি বলেন যে, জনসাধারণের বিশেষ করিয়া দেশের যাহারা ভবিষ্যৎ, সেই ছাত্র-সমাজের সক্রিয় সহযোগিতা পাইলে কলিকাতা আবার সুন্দর আর শাস্তিময় হইয়া উঠিবে। কলিকাতাকে প্রাণ দিয়া রক্ষা করিব, উহার শাস্তি, সম্মান ও বাঙালীর মানরক্ষা করিব—এই শপথ লইতে হইবে।

“বটবৃক্ষের তলে” ছিলেন বলিয়া আগে—মন্ত্রিসভার সদস্যরা অবসর বিনোদনের সময় পাইয়াছেন; কিন্তু এখন

সকলেই প্রত্যহ বার-চৌদ্দ ঘণ্টা করিয়া কাজ করেন, বাংলার মুখ উজ্জ্বল করিবার জন্ত তাঁহারা আরও অধিক সময় কাজ করিবেন। প্রয়োজন হইলে প্রাণ দিবেন—তিনি এইরূপ প্রতিশ্রুতি দেন। গর্ব করিয়া তিনি বলেন যে, মহান নেতার মহাপ্রমানের পথ প্রদেশ কংগ্রেস নেতারা দেখাইয়াছেন যে, দেশের কল্যাণে মান, অস্তিমান ত তুচ্ছ, তাঁহারা সর্বস্ব বিলাইয়া দিতে পারেন।

মুখ্যমন্ত্রীকে তাঁহার ঈশ্বরিত প্রগতির যাত্রায় শুভেচ্ছা জানাইয়া আমরা এই প্রসঙ্গ শেষ করি। জনসাধারণের সক্রিয় সহযোগ পাওয়া ক্রমেই ছুঁহু হইয়া দাঁড়াইতেছে, কিন্তু এখনও তাহার উপায় আছে। যদি ইচ্ছা থাকে তবে সেই সহায়তা ও সহযোগকে সুসংবদ্ধ ও সুগঠিত করিবার কার্যক্রমে ছাত্রদেরও যুক্ত করা চলে। কিন্তু সহযোগ লাভের জন্ত অল্প পথ এবং অল্প রূপ সংস্থা যোজনার আবশ্যিক আছে।

### জাকার্তা

জাকার্তায় এশিয়ার ক্রীড়া প্রতিযোগিতার ফলাফলে দেখা যায় যে, ভারত সরকার বিদেশী অর্থ ক্রয় করিতে অনুমতি না দিয়া যে বহু সংখ্যক ভারতীয় খেলোয়াড়দিগের জাকার্তা গমন নিবারণ করেন; তাহার ফলে ভারতের ক্রীড়াক্ষেত্রে যশের দিক দিয়া অত্যন্ত খারাপ হইয়াছে। কারণ আরও ৩০।৪০ জন খেলোয়াড় জাকার্তা গমন করিলে ভারত অনায়াসে আরও ১০।১৫টি স্বর্ণ, রৌপ্য ও ব্রঞ্জ পদক অর্জন করিতে পারিতেন এবং ভারতের স্থান ইন্দোনেশিয়ার উপরেই হইত সহজেই। এই সকল খেলোয়াড়দিগের মধ্যে মুষ্টিযুদ্ধে অলিম্পিক কমিটি কর্তৃক বাছাই করা আরও পাঁচজনের নাম বিশেষ করিয়া উল্লেখযোগ্য। এই পাঁচজন যাইলে নিশ্চয়ই আরও দুইটি স্বর্ণ পদক ও দুইটি রৌপ্য কিংবা ব্রঞ্জ পদক ভারতের হস্তে আসিত। যে তিনজনকে ভারত সরকার পাঠাইয়াছিলেন তাহাদিগের মধ্যে তিনজনই পদক আহরণ করেন। পদম বাহাদুর মল এশিয়ার শ্রেষ্ঠ মুষ্টিযোদ্ধা বলিয়া নির্ধারিত হ'ন ও নিজ ওজনের যোদ্ধাদিগের মধ্যেও প্রথম স্থান অধিকার করেন। কিন্তু পদম বাহাদুরকেও ভারত সরকার প্রথমে যাইতে দিতে চাহেন নাই। পরে যাইবার দুই একদিন মাত্র পূর্বে পদম বাহাদুরকে যাইবার অনুমতি দেওয়া হয়। পাকিস্তানের একজন মুষ্টিযোদ্ধা কাহারও সহিত না লড়িয়া স্বর্ণ পদক লাভ করেন। ঐ ব্যক্তির ওজনের যে ভারতীয় মুষ্টিযোদ্ধাকে অলিম্পিক কমিটি নির্ধারিত করেন তিনি পাকিস্তানি মুষ্টিযোদ্ধার তুলনায় বহু খ্যাতিমা ও কৌশলী ছিলেন। কিন্তু ভারত সরকার তাহাকে যাইতে না দিয়া যে পরিমাণ বিদেশী অর্থ বাঁচাইলেন, স্বর্ণ পদকটির মূল্যই তাহা অপেক্ষা অনেক অধিক ছিল। ভারত সরকারের দেশের ভিতরে অর্থ অপব্যয় নীতি ও বাহিরে অতিকার্পণ্য ক্রমশঃ ভারতীয়দিগকে বিদেশে হান্ধাম্পদ করিয়া তুলিতেছে। যে রাষ্ট্রের নেতাদিগের হিসাবের গরমিলে অনায়াসে দশ বিশ লক্ষ পাউণ্ড এদিক-ওদিক হয় সেই রাষ্ট্রের কোন লোকই প্রায় বিদেশে ভ্রমণে যাইতে পারেন না; ইহার মূলে নেতাদিগের অক্ষমতা ব্যতীত আর কিছু আছে বলিয়া কে স্বীকার করিবে? এক লক্ষ পাউণ্ড যদি ব্যয় করা যায় তাহা হইলে ৪০০।৫০০ ভারতীয় দুই-তিন মাস বিদেশে ঘুরিয়া আসিতে পারেন। দশ লক্ষ পাউণ্ডে ৪.৫ হাজার লোকের ব্যবস্থা হয়। এবং ভারত সরকার শুধু রাওরকেলার ইম্পাত কারখানায় কত লক্ষ পাউণ্ড অথবা বিদেশী মালমশলা ক্রয় করিয়া নষ্ট করিয়াছেন তাহার হিসাব অনায়াসেই পাওয়া যায়। অধিক সংখ্যক খেলোয়াড় সঙ্গে থাকিলে ভারত হয়ত হকিতে পাকিস্তানের নিকট পরাস্ত হইতেন না। ক্রীড়াক্ষেত্রে জাকার্তায় ভারতের উপযুক্ত সম্মান লাভ না হওয়ার মূলে রহিলেন ভারত সরকার। ক্রীড়াক্ষেত্রের বাহিরেও তাহাই হইল।

ভারতীয় প্রতিনিধি শ্রী সোদ্ধি ইন্দোনেশিয়ার সমালোচনা করার কি হইয়াছিল তাহা সকলেই জানেন। ইন্দোনেশিয়া যখন এশিয়ান ক্রীড়া প্রতিযোগিতার নিমন্ত্রণ-কর্তা হইলেন তখন কেহই জানিত না যে ইন্দোনেশিয়া ক্রীড়াক্ষেত্রে রাষ্ট্রনৈতিক প্রতিদ্বন্দ্বিতার যুদ্ধক্ষেত্রে পরিণত করিবেন। কিন্তু এশিয়ার সকল জাতিকে আমন্ত্রণ না করিয়া ইন্দোনেশিয়া কাহাকেও আসিতে দিলেন এবং অপর কাহারও আগমন নিবারণ করিবার জন্ত তাহার আগমন "ভিসা" দিবার ব্যবস্থা করিলেন না। এই উপায়ে ইন্দোনেশিয়া ফরমোজা ও ইসরাইল হইতে কোনও খেলোয়াড়কেই আসিতে দিলেন না। এই দুই দেশের সহিত ইন্দোনেশিয়ার কোন সাক্ষাৎ বগড়া বিবাদ নাই। অপরের বগড়া নিজেদের স্বন্ধে তুলিয়া লইয়া ইন্দোনেশিয়া অকারণে উপরোক্ত দুই দেশের খেলোয়াড়দিগকে এশিয়ান প্রতিযোগিতায় যোগদান করিতে দিলেন না। শ্রী সোদ্ধি এই কথার আলোচনায় বলায় যে, ইচ্ছামত



যাহাকে তাহাকে বাদ দিয়া নিমন্ত্রণ করিলে এই প্রতিযোগিতা আর পূর্ণ এশিয়ার খেলা বলিয়া পরিচিত হইতে পারে না। ইহার নাম অপর কিছু দেওয়া প্রয়োজন। ইন্দোনেশিয়ার কর্ণধারণ এই কথায় চটয়া ভারতবর্ষের খেলোয়াড়, জাতীয় সঙ্গীত ও জাতীয় পতাকার প্রতি নিজেদের অশ্রদ্ধা জ্ঞাপন করিতে সকল সভ্যতার রীতিনীতি ভুলিয়া নামিয়া পড়িলেন। ভারতের খেলোয়াড়গণ ইন্দোনেশিয়ার বর্করতা উপেক্ষা করিয়া মাথা উঁচু রাখিয়াই সেখান হইতে ফিরিয়া আসিলেন। সঙ্গে লইয়া আসিলেন ১০।১১টি স্বর্ণ পদক। আরও অনেকগুলি স্বর্ণ পদক আসিত যদি না ভারত সরকার নিজেদের স্বভাবসুলভ বিদেশী মুদ্রা কার্পণ্য দেখাইয়া প্রায় অর্ধেক খেলোয়াড়ের গমন নিবারণ করিতেন। ইন্দোনেশিয়ার বর্করতা সম্বন্ধেও ভারত সরকার নিজেদের চিরঅস্থিত রীতি অস্থানে এক গণ্ডে চপেটাঘাত লাভ করিয়া আততায়ীকে অপর গণ্ডে আগাইয়া দিতেছেন। কেননা অসভ্য জাতিগুলির সহিত মিতালি না করিলে হিন্দুস্থানী সভ্যতা কেমন করিয়া সংরক্ষিত হয়? দেশে এই সভ্যতার ধাক্কায় বহু কোটি নরনারী ভিটামাটি ছাড়িয়া যত্রতত্র ভ্রাম্যমাণ। কিছু করা যায় না কারণ নিজ হস্তে গঠিত নবজাত এক বর্কর প্রতিবেশী যদি তাহাতে ক্ষুব্ধ হন এই ভয়। তথাকথিত প্রদেশগুলিতেও সংখ্যালঘু গণ্ডির সৃষ্টি করিয়া সেগুলিকে সংখ্যাগুরুদিগের বর্করতার লক্ষ্য হিসাবে স্থাপন করা হইয়াছে। অর্থাৎ ভারতীয় মানব আত্মসম্মান রক্ষা করিয়া দেশের ভিতরে-বাহিরে, কোথাওই বাস করিতে অথবা চলিতে ফিরিতে পাইবে না, ইহাই বস্তুত ধার্য হইয়াছে। ইহা অতি উচ্চাঙ্গের “পলিসি” হইতে পারে কিন্তু চলিত ভাষায় সাধারণ লোকে ইহাকে ইতর ও কাপুরুষবৃত্তিই বলিবে মনে হয়।

### পূর্ব-সীমান্তে পুনরায় চীন

ইন্দোনেশিয়ার ভারতের প্রতি অপমানজনক ব্যবহার শুনা যায় চীন কর্তৃক প্ররোচিত হইয়াছিল। অবশ্য চীন দেশের লোকে বলে শ্রী সোঙ্কি আমেরিকার প্ররোচনায় ইন্দোনেশিয়ার সমালোচনা করিয়াছিলেন। প্ররোচনা ধরা যাইতে পারে কেহ কোথাও করে নাই; কারণ প্রশ্ন যে স্থলে নাই সেখানে দোষারোপ করা স্মারাহুমোদিত হয় না। কিন্তু শ্রী সোঙ্কি যাহা বলিয়াছিলেন তাহা সত্য কথা এবং ইন্দোনেশিয়া যেক্রম ব্যবহার করিয়াছিলেন তাহা যে বর্করতা একথা অবশ্যই স্বীকার করিতে হইবে। নিখিল এশিয়া ক্রীড়া প্রতিযোগিতা নাম দিয়া তাহা হইতে এশিয়ার দুইটি জাতিকে বাদ দিয়া ইন্দোনেশিয়া প্রতিযোগিতার স্বরূপ নষ্ট করিয়াছিলেন বলা বাহুল্য। এশিয়ার অর্থ ইহা নহে যে, ইন্দোনেশিয়া যে-সকল দেশের প্রতি অস্থূল মনোভাব পোষণ করেন শুধু সেইসকল দেশই এশিয়া। এবং নিমন্ত্রিত জাতির প্রতি প্রকাশ্যে অপমানজনক ব্যবহার করা যে বর্করতা তাহাও অবশ্যগ্রাহ্য। চীন যে ইহার মধ্যে কিছুটা ফোড়ন দিয়াছিলেন তাহা ঘটনার পরে সাক্ষাৎ ভাবেই দেখা যায় চীনের সংবাদপত্রের মতামতের ভিতর। এখন আরও দেখা যাইতেছে চীনের ভারত-বিরুদ্ধতা হঠাৎ প্রবলতর হইয়া উঠিয়াছে। কয়েক দিন পূর্বেই চীন ভারতের পূর্ব-সীমান্তে আবার হানা দিয়াছে। ভারত-তিব্বত-ভূটান এই তিন দেশের সীমান্তে চীনা সৈন্যদল পুনর্বার জোর করিয়া ভারতে প্রবেশ করিয়াছে। চীনের এই দস্যুবৃত্তি তখন হইতেই পূর্ণবেগে চলিতেছে যখন ভারত চীনের প্রতি সখ্য নিবেদন করিয়া চীনের তিব্বত ধর্ষণের সমর্থন করেন। ভারতের নেতা-দিগের যেটুকু ইতিহাসের জ্ঞান আছে তাহাতে একথা তাঁহারা জানিতেন যে, তিব্বত চীন দেশ নহে। তিব্বতের ভাষা, ধর্ম, সামাজিক রীতিনীতি, নৃত্যের হিসাবে জাতি প্রভৃতি কোন কিছু চীনদেশীয় নহে। ইতিহাসে চীনা সাম্রাজ্যবাদের যুগে এক সময় চীন তিব্বত দখল করিয়াছিলেন মাত্র। তেমনি তাহার পূর্বে আর এক যুগে তিব্বতও চীন দেশ দখল করিয়াছিলেন। সাম্রাজ্যবাদের যুগের অধিকার দেখাইয়া যদি চীন তিব্বত দখল করিতে পারেন তাহা হইলে ইংলণ্ডও আবার ভারত দখল করিতে পারেন ও জাপানও চীনের অনেকাংশ অধিকার করিলে কাহারও আপত্তি করা চলে না। কিন্তু আমরা সাম্রাজ্যবাদের অধিকার সকলকে বর্তমান কালে স্বীকার করি না। উপনিবেশ স্থাপনের অধিকার কাহারও নাই বলিয়াই আমরা মনে করি। এই হিসাবে তিব্বতে চীনের উপনিবেশ স্থাপনও সাম্রাজ্যবাদ এবং ভারত সেই অস্ত্রের প্রশ্রয় দিয়া অতি গর্হিত কার্য করিয়াছিলেন। বর্তমানে ভারত সেই অস্ত্রেরই শান্তিভোগ করিতেছেন। যেমন পাকিস্থান সৃষ্টির পাপের ফলে ভারত আজ বহু অপমান সহ করিতে বাধ্য হইতেছেন। কিন্তু ইন্দোনেশিয়ার সহিত ভারতের যে সম্বন্ধ তাহাতে কিছু কিছু বিশ্ব-প্রেমের ভেজাল মাত্রই আছে; সত্যকার বন্ধুত্বের কোন সাক্ষাৎ ও বাস্তব প্রকাশ তাহার মধ্যে নাই। অর্থাৎ পঞ্চশীল কথা বান্দুং

বলিয়া আনন্দাশ্রুপাত করিলেই যে কিছু হয় না, তাহা অনেক বার প্রমাণ হইয়া গিয়াছে। পণ্ডিত নেহরু অতি সহজেই ও অকারণে অপর জাতীয় লোকদের প্রতি প্রেমের বন্ধনে আবদ্ধ হইয়া পড়েন ও পরে সে বন্ধনগুলি তাঁহার “ভূষণ বলে গলার ফাঁসি” হইয়া খাসরোধের কারণ হইয়া দাঁড়ায়। ইন্দোনেশিয়া বর্তমানে যে অসভ্যতা করিয়া পায় পাইয়া যাইতেছেন তাহার মূলে রহিয়াছে ভারত সরকারের নির্বীৰ্য্য ভাব। ভারতের সহিত উক্ত দেশের ব্যবসা বিশেষ হয় না। বৎসরে ১০ কোটিও তাহার পরিমাণ নহে। চীনের সহিত হয় প্রায় ১৫০ কোটি, পঃ জার্মানীর সহিত ১০০ কোটির অধিক, জাপানের সহিতও ৫০.৬০ কোটি। কিন্তু জাপান ইন্দোনেশিয়ার বর্ধিততার জবাব কঠিন ভাষাতেই দিয়াছেন। ভারত এখনও ক্ষীণকণ্ঠে শান্তি ও প্রেমের স্তোত্র আবৃত্তি করিয়া চলিয়াছেন—আশা বিদেশী মুদ্রা আমদানীতে ভাঁটা না পড়ে। শেষ অবধি কি দাঁড়াইবে কেহ বলিতে পারে না। তবে অপমান হজম করিয়া যাওয়া এখন আমরা অভ্যস্ত। ইন্দোনেশিয়ার সহিত সকল সম্বন্ধ বিচ্ছেদ করিলে আমাদের বিশেষ ক্ষতি নাই। কিন্তু কে করিবে সে অসম্ভব কার্য? অ.

### কলিকাতা উন্নয়নের প্রথম কথা

এবার দিল্লীতে গিয়া পশ্চিমবঙ্গের মুখ্যমন্ত্রী শ্রী প্রফুল্লচন্দ্র সেন এক সাংবাদিক সম্মেলনে পশ্চিমবঙ্গের সমস্যাগুলি যে ভাবে তুলিয়া ধরিয়াছেন তাহা উল্লেখযোগ্য। ঐ প্রসঙ্গে বৃহত্তর কলিকাতার উন্নতির জন্ত যে মাষ্টার প্ল্যান রচনার কথা বলিয়াছেন তাহা সকলেই মন দিয়া শুনিয়াছেন বুঝা যাইতেছে। শ্রী প্রফুল্ল সেন নয়াদিল্লীতে স্পষ্টই জানাইয়াছেন যে, তাঁহাদের দৃষ্টি শুধু অদূর ভবিষ্যতের দিকে নিবদ্ধ নয়, বর্তমান এবং অদূর ভবিষ্যতের দাবিও তাঁহারা তুলিয়া যান নাই অর্থাৎ দীর্ঘমেয়াদী পরিকল্পনার সঙ্গে সঙ্গে স্বল্পমেয়াদী প্রকল্পের কথাও তাঁহারা ভাবিয়াছেন।

কলিকাতা নগরী সমগ্র পশ্চিমবঙ্গের হৃৎপিণ্ড। কিন্তু ইহার চারিপাশের প্রায় চার হাজার বর্গমাইল এলাকার আর্থিক ভাগ্য ঘনিষ্ঠভাবে কলিকাতার সহিত জড়িত। এখানকার অধিবাসীদের নানা খাড়া—বিশেষ করিয়া তরিতরকারি এবং মাছ, ডিম ইহারাই যোগাইয়া থাকে। দুধ এবং ছানা সরবরাহের কেন্দ্রও এখানেই। চালও কিছু এ অঞ্চল হইতে পাওয়া যায়। এই বিস্তীর্ণ এলাকার উন্নয়নের দিকে যদি নজর দেওয়া যায়, তাহা হইলে সেখানকার অধিবাসীদের বৈষয়িক সমস্যার সমাধানের একটা উপায় যেমন পাওয়া যায়, তেমনি কলিকাতার বাসিন্দাদেরও তরিতরকারি, এবং মাছের ছুঁড়িকও কিছুটা ঘোচে। যথেষ্ট তরিতরকারি ফল, মাছ এবং ডিম যদি স্থানীয়মূলে কলিকাতায় পাওয়া যায়, তাহা হইলে নাগরিকদের খাওয়ার রুচিও অনেকটা বদলাইবে এবং লোকে শুধু ভাতের উপর ক্ষুধানিবৃত্তির জন্ত নির্ভর করিবে না। শুধু অহরোধ বা অহুনয় করিয়া লোকের খাওয়ার অভ্যাস পরিবর্তন করানো যায় না—তাহার জন্ত প্রয়োজন পরিপূরক খাওয়ার সরবরাহ। এই ব্যবস্থা অনায়াসে সম্ভব হইতে পারে বৃহত্তর কলিকাতার উন্নয়ন করিলে।

অনেকে উৎপাদন বৃদ্ধির কথা হয়ত বলিবেন। কিন্তু উৎপাদন বাড়াইলেই যোগান বাড়ানো যায় না। ইহাতে সরবরাহের ব্যবস্থারও উন্নয়ন প্রয়োজন। তাহার জন্ত কলিকাতার সহিত চারিপাশের অঞ্চলের যোগাযোগ বাহাতে আরও ঘনিষ্ঠ হয় তাহা দেখিতে হইবে। বাহারা রেলপথের বৈহ্যতিকরণের কথা ভাবিতেছেন, তাঁহারা একথা ভুলিবেন না শহরের পরিবহন ব্যবস্থাও উন্নত হওয়া দরকার।

মুখ্যমন্ত্রীর মহাশয় সেদিক দিয়া ঠিক পথেই অগ্রসর হইতেছেন। তাঁহার প্রচেষ্টা জয়যুক্ত হোক।

### কলিকাতা পৌরসভা তথা মজুর মণ্ডলী

বহুদিন পরে কলিকাতা ভদ্র, পরিচ্ছন্ন রূপ ধারণ করিয়াছে। কিন্তু এ কৃতিত্ব কাহাদের? বলিতেই হইবে এ কৃতিত্ব প্রধানত জাতীয় স্বেচ্ছাসেবী-বাহিনীর বাঙালী তরুণদের। প্রধানমন্ত্রী, মুখ্যমন্ত্রী হইতে কলিকাতার সাধারণ নাগরিক সকলের নিকটই তাহারা এ কৃতিত্বের স্বীকৃতি পাইয়াছে। তাহারা প্রমাণ করিয়াছে যে, প্রয়োজন হইলে বাঙালী তরুণেরা যে কোন কাজ করিতে পারে। শুধু করিতে পারে না নয়, নিপুণতা ও শৃঙ্খলার সঙ্গে করিতে পারে। এই কাজে অভ্যস্ত পৌরসভার মজুরদের অপেক্ষাও তাহারা দ্রুততা ও সূক্ষ্মতার সঙ্গে কাজ সম্পন্ন করিতে পারে। তাহাদের নিষ্ঠা ও নীরলস শ্রমের দ্বারা তাহারা প্রমাণিত করিয়াছে যে, বাঙালী জোয়ান শ্রমের মর্যাদা বুঝে, কোন কাজকেই তাহারা ছোট বা ছেয় বলিয়া মনে করে না। কিন্তু ইহাদের ত চিরদিন এ কাজে

নিযুক্ত রাখা সম্ভবও নয়, সম্ভবও নয়। কলিকাতা মহানগরীর পরিচ্ছন্ন রূপ এখন বজায় রাখার দায়িত্ব সম্পূর্ণরূপে কলিকাতা পৌরসভার।

এইবারে পৌরসভার সচেতন হইবার সময় আসিয়াছে। সজাগ হইতে হইবে পৌরসভার মজদুরদেরও। কারণ, তরুণেরা যে কাছ এত কৃতিত্বের ও তৎপরতার সঙ্গে করিয়া গিয়াছে, তাহাদের মধ্যে যদি সে তৎপরতার অভাব দেখা যায়, তাহা হইলে বলিতেই হইবে যে অকৃতিত্ব স্বৈচ্ছাকৃত। স্বস্ত স্বাভাবিক যে কোন মানুষ এরূপ অকৃতিত্বের জন্ত লজ্জিত হয়, তাহা সংশোধনের চেষ্টা করে। কিন্তু ইহাদের সে লজ্জাও নাট, সংশোধনের চেষ্টাও নাই।

এখানে একটা কথা বলা দরকার। এই যে মজদুররা কাজ কম করে কেন? কাছে গড়িমসি করিবার যে প্রবৃত্তি ইহাদের মধ্যে দেখা যায়, তাহার জন্ত দায়ী কে? ব্যক্তিগতভাবে কাহাকেও দায়ী করা বোধ হয় উচিতও হইবে না। স্বতন্ত্রভাবে ইহারা অত্যন্ত সাধারণ মানুষ অপেক্ষা অসামাজিক আচরণে অধিকতর প্রবণ হইবে তাহা মনে করিবার কোন সম্ভব কাৰণ নাই। সুতরাং ইহা নিঃসংশয়ে পরিমা লইতে পারি যে, ইহাব পিছনে কোনো শক্তি কাছ করিতেছে। এই শক্তি হইল, ট্রেড ইউনিয়ন। এইখান হইতেই তাহারা প্রেরণা পায় কিন্তু এই ট্রেড ইউনিয়ন গঠনের উদ্দেশ্য কি শুধু স্ব-সেবা আদায় করাই? স্তম্ভরূপে কর্তব্য সম্পাদনের কথা তাহারা বলেন কই? ছুঃপের বিষয়, আমাদের দেশে যোগরা ট্রেড ইউনিয়নগুলির নেতা বা পরিচালক তাহাদের অধিকাংশই সুবিধা আদায়ের জন্ত অসামাজিক আচরণে প্রবৃত্ত হইবার প্রেরণা যত্নে যোগান, কর্তব্য সম্পাদনে তাহারা একাংশও উৎসাহিত করেন না বা করিতে পারেন না।

কিন্তু আশ্চর্য্যের কথা এই যে, যাহারা একস্থানে কাছ না করার বা কম কাছ করার প্রেরণা যোগান, তাহারা ই আবার অত্র পিয়া কাছ কেন সম্পাদিত হইল না বলিয়া দাপাদাপি ও গলাবাঞ্চি করেন এবং অপরের ঘাড়ে দোষ চাপাইয়া নিজেরা মাধু সাজেন।

পৌরসভা ৭ দিনের সজাগ থাকিলে, সকল দিকেই মঙ্গল। নহিলে এই গোলমাল চলতেই থাকিবে।

### প্রচণ্ড ভূমিকম্পে ইরান অঞ্চল বিধ্বস্ত

গত ১লা সেপ্টেম্বর মধ্যরাত্রিতে ইরানের উত্তর-পশ্চিম অঞ্চলে যে ভয়াবহ ভূমিকম্প হইয়া গিয়াছে, তাহাতে মৃত্যু সংখ্যার হিসাব যাহা পাওয়া গিয়াছে তাহা দশ হাজারেরও অধিক। তেহরান বিশ্ববিদ্যালয়ের ভূতত্ত্ব বিভাগের বিশেষজ্ঞগণ বলিয়াছেন যে, ইরানে ইতিপূর্বে ইহা অপেক্ষা প্রবল ভূমিকম্প বড় ছোর পাঁচ-ছয়টি হইয়াছিল। ইহা হইতেই ক্ষয়ক্ষতির কিছুটা আভাস পাওয়া যায়। তাহারা বলিতেছেন, স্থানীয় সময় রাত্রি দুইটার সময় তেহরান হইতে প্রায় একশত মাইল দূরে ত্রিভূজাকৃতি একটি অঞ্চলে প্রায় ৮ হাজার বর্গমাইল ব্যাপিয়া ভূগর্ভে গভীর আলোড়ন শুরু হইয়াছিল। ফলে মাটির উপরে অবস্থিত অসুতঃ ৭৫টি শহর ও গ্রামের ঘরবাড়ী ধূলিসাৎ হইয়া গিয়াছে। এমন কি, কম্পনের কেন্দ্রস্থল হইতে শতাধিক মাইল দূরে অবস্থিত তেহরান শহরেও অনেক পাকাবাড়ীতে ফাটল ধরিয়াছে। গভীর রাত্রিতে প্রায় সকলেই নিদ্রিত ছিল। প্রবল কম্পনে অনেকে জাগিয়া ওঠে, কিন্তু ঘর ছাড়িয়া খোলা জায়গায় বাতির হওয়ার পূর্বেই ঘরবাড়ীগুলি তাহাদের উপর ধসিয়া পড়ে। অনেকে আবার ঘুমন্ত অবস্থায়ই ভূপ্রোথিত হয়।

প্রকৃতির এই নির্ধম ধ্বংসলীলায় কত লোক যে হতাহত হইয়াছে, কত পিতামাতা যে সন্তান হারাইয়াছেন, কত বালক-বালিকা যে পিতামাতার স্নেহছায়ায় বঞ্চিত হইতে চলিয়াছে—তাহার মোটামুটি আভাসও এখন পর্য্যন্ত পাওয়া যায় নাট। তেহরান হইতে প্রায় একশত মাইল দূরবর্তী একটি গ্রামেই তিন হাজার ঘুমন্ত নরনারী ও শিশু জীবন্ত কবরস্থ হইয়াছে। আর একটি গ্রামে প্রায় এক হাজার অধিবাসীর মধ্যে মাত্র সত্তর জনকে ধ্বংসস্থাপ সরাইয়া জীবন্ত উদ্ধার করা সম্ভব হইয়াছে। অল্পবিস্তর আহতের সংখ্যাই এখন পর্য্যন্ত চার হাজারের বেশী। প্রকৃতির ধ্বংসলীলায় এই ধরনের ক্ষয়ক্ষতি নিতান্ত মর্মান্তিক। কারণ, বর্তমান যুগে বিজ্ঞানের আশ্চর্য্য উন্নতি সত্ত্বেও ভূগর্ভে আলোড়ন রোধের কোন উপায় উদ্ভাবন করা অসম্ভব হইয়াছে—ভবিষ্যতেও কোনদিন ইহা সম্ভব হইবে কি না সন্দেহ।

ইরানের রেডক্রস ইতিমধ্যেই বিধ্বস্ত এলেকায় সাহায্য ও চিকিৎসার সরঞ্জাম প্রভৃতি প্রেরণ করিয়াছে।

শাহের ভগিনী স্বয়ং ইহার তত্ত্বাবধান করিতেছেন। তবু, কেবলমাত্র নিজস্ব সঙ্গতিদ্বারা ক্ষতিগ্রস্তদিগকে পুনর্কাসিত করা ক্ষুদ্র ইরাণ রাজ্যের পক্ষে সম্ভব নয়। ইরাণের প্রধানমন্ত্রী ছর্গতদের জ্ঞাত আন্তর্জাতিক ও বিভিন্ন দেশের সাহায্য প্রার্থনা করিয়াছেন। পৃথিবীর সবদেশেরই ইরাণের ভাগ্যবিপর্যয়ে যথাসাধ্য সাহায্য করা উচিত।

### লীলা পুরস্কার

প্রবাসী সম্পাদক স্বর্গত বামানন্দ চট্টোপাধ্যায় মহাশয়ের আত্মপুত্র স্বর্গত রায়বাহাদুর সুকুমার চট্টোপাধ্যায় মহাশয়ের কন্যা শ্রীযুক্তা পুষ্প দেবী তাঁহার 'উপনিষদ নিম্নালয়' গ্রন্থের জন্য ইউনিভার্সিটি সিন্ডিকেটে হইতে ১৯৬২ সনের লীলা পুরস্কার পাঠিয়াছেন।

গ্রন্থখানি প্রশ্ন মুগ্ধক মাণ্ডুক্য তৈত্তিরীয়ো ও ত্রৈতরীয়োপনিষদের কাব্যানুবাদ। স্বল্প শিক্ষিতদের মধ্যে এই ছুইটি উপনিষদের বাণী প্রচারের উদ্দেশ্যে তিনি এ কার্যে ব্রতী হইয়াছিলেন। তাঁহার এ লেখা সুধীসমাজে বিশেষ প্রশংসাপাভ করিয়াছে। তিনি ইতিপূর্বে শতশ্লোকী গীতা ও কবিতায় অনুবাদ করিয়াছেন। শ্রীযুক্তা পুষ্প প্রেসিডেন্সী কলেজের ভূতপূর্ব অধ্যাপক শ্রীশান্তকুমার মুখোপাধ্যায় মহাশয়ের সহধর্মিণী।

### সত্তর বৎসর পুস্তিতে পবিত্র গঙ্গোপাধ্যায়ের সম্বন্ধনা

গত ২৮শে আগষ্ট হইতে ৩০শে আগষ্ট পর্যন্ত মহাজাতি সদনে শ্রীপবিত্রকুমার গঙ্গোপাধ্যায় মহাশয়ের সত্তর বৎসর পুস্তি উপলক্ষে সাহিত্যিকদের চেষ্টায় যে সম্বন্ধনার আয়োজন-অনুষ্ঠান হইয়া গেল, তাহাতে সুখের বিষয় জনগণও বিপুলভাবে সাড়া দিয়াছে। শুণীজনকে এই ভাবে সম্মানিত করিয়া সেই ব্যক্তিকেই শুধু তাঁরা ধরা করিলেন না, সেই সঙ্গে ভারত-সংস্কৃতির প্রতিও শ্রদ্ধা জানাইলেন।

পবিত্রবাবু সারা জীবন একনিষ্ঠভাবে সাহিত্য-সেবা করিয়া আসিয়াছেন। প্রথম জীবনে প্রথম চৌধুরী মহাশয়ের 'সবুজপত্র'-এর সহিত তিনি একান্তভাবে যুক্ত ছিলেন। কল্লোল যুগে—এক সময় বাঁধারা সাহিত্যে, এক নূতন ধারা প্রবর্তন করিয়া বহু সমালোচনার সম্মুখীন হইয়াছিলেন, আজ তাঁহাদের মধ্যে অনেকেই গাভানা—পবিত্রবাবু তাঁহাদের অন্যতম। সাহিত্য ক্ষেত্রে তিনি সর্বজন পরিচিত। তাঁহার নিষ্ঠা প্রশংসনীয়। তাঁহার মত একরূপ কর্তব্যপরাধণ, সদালাপী, পরোপকারী বন্ধুবৎসল এ যুগে বিরল। অনুবাদ-সাহিত্যে তাঁহার সুনাম আছে। ম্যাট্রামসুনের 'হাজার' গ্রন্থটির অনুবাদ—'বুড়ুকা'র সঙ্গে আজ সকলেই পরিচিত। তাঁহার 'চলমান জীবন' আত্মকথা হইলেও, সাহিত্য ও সাহিত্যিকদের দুই শতকের একটি বিরাট অধ্যায় হইতে সন্নিবেশিত হইয়াছে। সেদিক দিয়া ইহার মূল্যও বড় কম নয়। তিনি লতাযু হইয়া সাহিত্যের সেবা করুন ইহাই কামনা করি।

### পৃথিবী জুড়িয়া এ হাতাকার কেন ?

শান্ত ও কলিযুগের ডিরেক্টর শ্রীবিনয়রঞ্জন সেনের তিসাদ হইতে দেখা যায়, পৃথিবীর ত্রিশ হইতে পঞ্চাশ কোটি মানুষ আজও অন্ধভুক্ত ও অস্বস্তিক। সুতরাং পৃথিবী লওয়া যাঁতে পাবে তাহারা গীন স্বাস্থ্য ও দুর্বল হইয়া পড়িতেছেন। চারিদিকেই দেখি শিল্প-বাণিজ্যের অনগ্রসর অবস্থা, শিক্ষার নগণ্য আয়োজন, চিকিৎসার দৈহিক, এবং নানা দিক দিয়া মানুষের ইতিহাসের এক মর্মান্বিত অধ্যায় উন্মুক্ত হইয়াছে। অথচ আজকার পৃথিবীতে মানুষ জ্ঞান-বিজ্ঞান ও শিল্প-বাণিজ্যে যেরূপ উন্নতি করিয়াছে, যত শান্ত, পরিচ্ছদ, ভ্রমণ ও যানবাহন আজ মানুষের বৈজ্ঞানিক প্রতিভায় উৎপন্ন হইতেছে, তাহাতে মানুষের এরূপ দুর্দশা হইবার কোনও কারণ নাই। সমাজ উন্নয়নে, স্বাস্থ্যোন্নয়নে, দারিদ্র্য দূরীকরণে ও শিক্ষাবিস্তারকল্পে যদি এই সম্পদ বুদ্ধি পাঠাইয়া সমভাবে বণ্টন করিয়া দেওয়া হয়, তাহা হইলে এই ছরবস্থা থাকিবার কথা নয়। দুঃখের বিষয়, তাহা সুষ্ঠুভাবে ও সমানভাবে বণ্টিত হইতেছে না।

মধ্যযুগের শেষ ধাপে ইউরোপে বাষ্প ও বিদ্যুৎ আবিষ্কার করিয়া মানুষ এই বিরাট শক্তি এবং গতি উৎপাদনে নিযুক্ত করিতে অভ্যস্ত হন। তাহার ফলে শিল্প-বাণিজ্যের রাজ্যে তাঁহাদের বৈপ্লবিক পরিবর্তন আসে এবং তাহারা যে ঐশ্বর্যের সন্ধান পান, তা কোন দিন মানুষ কল্পনাও করেন নাই। এই নূতন কারখানা-যুগকে সার্থক করিয়া তোলার জন্য তাহারা তখন পৃথিবীর চতুর্দিকে ছড়াইয়া পড়েন এবং প্রায় সর্বত্রই বড় বড় সাম্রাজ্য ও উপনিবেশ গড়িয়া তোলেন। এই ভাবেই এশিয়া, আফ্রিকা ও দক্ষিণ আমেরিকা জুড়িয়া পশ্চিমী-জাতিদের অধিকার-গুলি গড়াইয়া উঠে। এই সব দেশ হইতে সুলভে কাঁচামাল সংগ্রহ করা এবং নিজ দেশের কারখানায় তৈয়ারী পণ্য



আনিয়া আবার ইহাদের বাজারে বেচা, ইহাই ছিল সাম্রাজ্যবাদীদের একমাত্র লক্ষ্য। এই জন্ত তাঁহারা যতটুকু প্রয়োজন, ঠিক ততটুকুই নগর, বন্দর বানাইয়াছিলেন এবং যানবাহন ও শিক্ষা-দীক্ষার পত্তন করিয়াছিলেন। অর্থাৎ দুই শতাব্দীর বৈজ্ঞানিক প্রগতিতে পশ্চিমী দুনিয়া যখন দিনের পর দিন অকল্পনীয় ধনের অধিকারী হইয়াছে, এই সমস্ত দেশ তখন অনগ্রসর মধ্যযুগীয় সমাজ, শিক্ষা ও উৎপাদন ব্যবস্থা আঁকড়াইয়া থাকিয়াছে। ফলে অশিক্ষা, অস্বাস্থ্য, অনাহার—অধিকাংশ মানুষের ভাগ্যালিপিস্বরূপ হইয়া দাঁড়াইয়াছে। পর পর দুটি বিশ্বযুদ্ধে সাম্রাজ্যবাদের মেরুদণ্ড চূর্ণ হইয়া যাওয়ায়, এ সব দেশ আজ একে একে রাজনীতিক স্বাধীনতা লাভ করিয়াছে। অথবা করিতেছে। কিন্তু অর্থনৈতিক দৈন্য তাহাদের জীর্ণ ও পঞ্জু করিয়া রাখিয়াছে।

এই দৈন্য দূর করিতে হইলে, অনগ্রসর দেশগুলির শিক্ষা বিষয়ে, শিল্প-বাণিজ্য বিষয়ে সর্বাঙ্গিক উন্নয়ন প্রয়োজন। এবং ইহা করিতে হইলে, উন্নত ও অগ্রসর দেশগুলিকে মুনাফালোভের মনোভাব ত্যাগ করিতে হইবে। নিছক মানব-প্রীতি বশেই পশ্চাদবর্তী দেশগুলিকে ঋণ, ঙ্গণ, কলকল্প, কারিগরি সহায়তা ও অর্থাহুকুল্য দিয়া আগাইয়া লইতে চেষ্টা করিতে হইবে। দুঃখের বিষয়, সে মানব-প্রেম বা সে আদর্শ আজ জগৎ হইতে লোপ পাইয়াছে। ইহাব ফলে সাধারণত আনরা দখিতে পাঠ, এক দেশের সঙ্গে আর এক দেশের, এক গোষ্ঠীর সঙ্গে আর এক গোষ্ঠীর নিরন্তর শক্তি-সংঘাত চলিতেছে। আর ইহারই আড়ালে কোটি কোটি মানুষ খালের জন্ত, চিকিৎসার জন্ত, জ্ঞানিকা ও বাসস্থানের জন্ত মাথা কুটিয়া মরিতেছে। অল্প দেশ হইতে দৃষ্টি সংকচিত করিয়া নিজ দেশের দিকে তাকাইলে আমরা কি দেখি? মুষ্টিমেয় মানুষ স্বাধীনতার আশীর্বাদে সমুদ্র হইয়াছেন। কিন্তু কোটি কোটি মানুষের যে দুঃখা আজ হইয়াছে, কোন ত্রীতীহাসিককালে তেমন অবস্থা কাহারও হয় নাই। তাহার ফল আজ প্রত্যক্ষ করিতেছি, চুরি, পাকাতি, হত্যা, আগুৎত্যা। সমাজ-জীবনে এত বড় বিপর্য্যয় আর হয় নাই। কিন্তু ইহার প্রতিকারই বা কি?

### নিত্য ব্যবহার্য্য দ্রব্যের মূল্য বৃদ্ধিতে সরকার

নিত্য ব্যবহার্য্য দ্রব্যাদির মূল্য বৃদ্ধিতে আমরা শঙ্কিত হইয়া পড়িতেছি। ইহার মূল কারণ অহুস্কান করিলে দেখা যাইবে, তরিকারকারি এবং মাছের মূল্য বৃদ্ধিই ইহার অগ্রগত কারণ। মাছ বা আলুর দাম বাড়িলে সেইসঙ্গে শাকসব্জীর দামও বাড়িতে থাকে। অবশ্য প্রতি বৎসরই বর্ষার সময় মাছ আলু ইত্যাদির মূল্য বাড়ে, তথাপি বৃদ্ধিত মূল্যের উপর আরও মূল্য বৃদ্ধি বোম্বার উপর শাকের আঁটির মতই দুর্বিসহ মনে হয়। পশ্চিমবঙ্গ বিধান সভায় এ সম্পর্কে একটি প্রশ্নের উত্তরে বলা হইয়াছে, গত মার্চ মাসের মধ্যভাগের তুলনায় প্রধান প্রধান নিত্য ব্যবহার্য্য দ্রব্যগুলির মধ্যে শুধু চাউল, মুগডাল, চিনি, লবণ, লঙ্কা, হলুদ, মাছ, তরকারি ও মিষ্টি ধূতির দাম বাড়িয়াছে। গম, আটা, ময়দা, কয়লা ও মিহি শাড়ীর দাম স্থির আছে এবং মসুর ডাল, ছোলার ডাল, সরিষার তেল, পাঁঠার মাংস, মসুরারি ও মোটা ধূতি ও শাড়ীর দাম কমিয়াছে।

সরকারী তথ্য যাহাই হউক, সাধারণের বাজারলব্ধ বাস্তব অভিজ্ঞতা এই যে, দৈনন্দিন নিত্য প্রয়োজনীয় দ্রব্য সামগ্রীর প্রায় সব জিনিসের মূল্য বাড়িয়াছে। কিছু-কমার যে তালিকা দেওয়া হইয়াছে, তাহা এত কম যে, উহা চোখে পড়িবার মত নহে। ধাপে ধাপে জিনিসের দাম ক্রমাগত বাড়িয়াই চলিয়াছে—জানি না, উহার শেষ কোথায়?

এই মাছের দুর্মূল্যতা লইয়া বিক্ষোভ ও প্রতিবাদ যথেষ্ট হইয়াছে। সরকারী দপ্তরও সচেতন হইবার এবং উপযুক্ত ব্যবস্থা বিচিন্ত করিবার মত সময় যথেষ্ট পাইয়াছেন। তথাপি মাছের দবের উদ্ধগামিতা নিরোধ করিতে সরকারী দপ্তরের কোন কৃতিত্বের পরিচয় পাওয়া গেল না। ইহা লঙ্কার কথা। তবে হিন্তেছি, আগামী নবেম্বরে তাঁহারা মাছের একটা নির্দিষ্ট দর বাধিয়া দিবেন। দেখা যাক।

ইহার মধ্যে কেন্দ্রীয় পাদামপা ত্রীপাতিল হঠাৎ একটা কথা বলিয়া ফেলিয়াছেন। তিনি বলিয়াছেন, দুধ মাছ বেশী করিয়া খাও, গানের খবর কমিবে। তিনি কোন্ জগৎ হইতে আসিয়াছেন? মাটির জগতের কি কোন খবরই রাখেন না?

### রেল-দুর্ঘটনার জন্ত দায়ী কে ?

রেল-দুর্ঘটনার খতিয়ান দেখিলে আতঙ্কে শিহরিয়া উঠিতে হয়। আশ্চর্যের বিষয়, লোকসভায় রেলমন্ত্রী শ্রীশ্বৰ্ণ সিং স্পষ্টই ঘোষণা করিলেন, ভারতীয় রেলপথে দুর্ঘটনা বৃদ্ধির কোনও লক্ষণ দেখা যাইতেছে না। রেলমন্ত্রীর হিসাব যাহাই বলুক, মস্ত্রতি যেসব বড় বড় রেল-দুর্ঘটনা ঘটিয়াছে তাহাতে হতাহতের সংখ্যা কম নয়। এখন রেলযাত্রীমাত্রেই অশুভব করিতেছে যে, রেলে চড়া মানেই প্রাণ হাতে করিয়া নিরুদ্ধেশের পথে পাড়ি দেওয়া। তবুও রেলমন্ত্রী পরম নিশ্চিন্ত ভাবে গরস দিতেছেন যাহা হইতেছে তাহা কিছুই নয়।

রেল-দপ্তরের উপমন্ত্রীও হিসাব কিছু অল্পরূপ। তিনি হিসাব দেখাইয়াছেন, গত জাহুয়ারী হইতে জুলাই মাসের মধ্যে ভারতীয় রেলপথে এগার শত দুর্ঘটনা ঘটিয়াছে। সাত মাসে এগার শত রেল-দুর্ঘটনা নিশ্চয়ই আজে-বাজে যুক্তি দেখাইয়া উড়াইয়া দেওয়া যায় না। দিন দিন রেল-দুর্ঘটনার সংখ্যা বাড়িয়া চলিয়াছে, রেলমন্ত্রী এই অভিযোগ অস্বীকার করিয়াছেন। রেলমন্ত্রী বুঝাইতে চেষ্টা করিয়াছেন যে, গত বৎসর দুর্ঘটনার সংখ্যা প্রায় নয় হাজার দেখানো হইলেও, উহার মধ্যে শতকরা পঁচাত্তরটি সামান্য রকমের দুর্ঘটনা। দুর্ঘটনা সামান্য কিংবা অসামান্য, তাহার চুলচেরা বিচার না করিয়া রেলমন্ত্রীর মনে রাখা দরকার যে, ছোট-বড় প্রত্যেকটি দুর্ঘটনাই রেল-চলাচলে বিঘ্ন সৃষ্টি করে, জনসাপারণের নিরাপত্তাবোধ নষ্ট করে, স্তভাগ্য রেল-যাত্রীদের ক্ষয়ক্ষতি, প্রাণহানি ইত্যাদি যাহা ঘটে, তাহা আরও মর্মান্তিক এবং রেল-পরিচালনা ব্যবস্থার কলঙ্কসূচক।

রেলমন্ত্রী বলিয়াছেন, দুর্ঘটনা নিবারণের জন্ত নানা রকম সতর্কতামূলক ব্যবস্থা অবলম্বন করা হইতেছে। রেলপথ, রেল এঞ্জিন এবং সাজসরঞ্জাম ঠিকমত যাহাতে চালু থাকে, তাহার উপর নজর দেওয়া হইতেছে। দুর্ঘটনা প্রতিরোধের জন্ত উন্নত পরনের যান্ত্রিক কলামৌশল প্রয়োগের ব্যবস্থাও করা হইতেছে।

এ সব শুধু মামুলা কথা। কিন্তু রেল-দুর্ঘটনার সহিত অনেক ক্ষেত্রে রেলকর্মীদের দায়িত্বহীনতা, কলঙ্কচ্যুতি এবং নাশকতামূলক কার্যকলাপের যে নিগূঢ় যোগাযোগ রহিয়াছে, তাহার উপর রেলমন্ত্রী অথবা লোকসভার সদস্যগণ কেহই বিশেষ গুরুত্ব দিতেছেন না। পুরণো এঞ্জিন, ভাঙ্গাচোরা রেলপথ, অযত্নরক্ষিত ক্রটিপূর্ণ সাজসরঞ্জাম ইত্যাদি লোকসভার কোন কোন সদস্যের মতে দুর্ঘটনার প্রধান কারণ এবং ইহার জন্ত তাহারা দায়ী করিয়াছেন রেল-পরিচালনা ব্যবস্থার উর্দ্ধতন কর্মচারিবৃন্দকে। রেল-লাইনের জোড় খুলিয়া ফেলিয়া, যাত্রী-ট্রেন ও মালগাড়ী লাইনচ্যুত করিয়া স্কোশলে লুটতরাঙ এবং অল্প নানাপ্রকার নাশকতামূলক উদ্দেশ্য সিদ্ধির সুযোগ যাহারা লইয়া থাকে, তাহারা নিশ্চয়ই রেলের উর্দ্ধতন কর্মচারী নয়। অথচ এই সকল অন্ধকারের জীব যে রেল-চলাচল ব্যবস্থার গোপন অন্ধিসন্ধি আবিদারে পাকাহাত, সে বিষয়ে সন্দেহ নাই। কাজেই রেল-দুর্ঘটনার প্রত্যক্ষ কার্যকারণ সম্পর্কে উর্দ্ধতন কর্মচারীদের উপর দোষ চাপাইয়া দিবার কোনই অর্থ হয় না। দুর্ঘটনার জন্ত অনেক ক্ষেত্রেই দায়ী অধস্তন রেলকর্মীদের উচ্ছ্বাল অথবা নাতিবিগর্হিত আচরণ।

স্পষ্ট ভাষায় বলিতে হইলে ইহাই বলিতে হয়, শ্রমিক সংগঠনই রেল-দুর্ঘটনার জন্ত দায়ী। দলীয় রাজনৈতিক কারণে অথবা ড্রেড ইন্টনিয়ন স্বার্থের খাতিরে যাহারা এই সব শ্রমিক-সংগঠনভুক্ত এক শ্রেণীর কর্মীদের অবাঞ্ছিত কার্যকলাপের বিরুদ্ধে একটিও কথা বলিতেছেন না, উপরন্তু নানারূপ প্রশংসা দিতেছেন, রেল-পরিচালনায় এই দুঃ চক্রপোষণের জন্ত তাহারাও অবশ্যই পরোক্ষভাবে দায়ী।

# রবীন্দ্রনাথের সাধনায় ভক্তিতত্ত্ব

শ্রীপ্রফুল্লকুমার দাস

ভক্তি শব্দের উৎপত্তি ভক্ত্-ধাতু হইতে ; ভক্ত্-অর্থ পূজা, ভজন, (=উপাসনা)। (বৈষ্ণব দার্শনিক) রামানুজমতে, ভক্তি শব্দের অর্থ ধ্যান—“এবংক্রমাৎ ক্রবাহুশ্চিৎবেন ভক্তি শব্দেনাভিধীয়তে, উপাসনাপর্যায়ত্বাদ্ ভক্তিশব্দস্ত” —ভক্তি শব্দে ক্রবাহুশ্চিৎই অভিধিতং হয়, কারণ ভক্তি শব্দ উপাসনারই একার্থবোধক : ‘ক্রবাহুশ্চিৎ’ কী?—তৈল-ধারার ত্বায় অবিচ্ছিন্ন ভাবে একাগ্রচিত্তে স্থিররূপে উৎপন্ন বৃত্তিধারা : ক্রবা—একটিমাত্র লক্ষীকৃত বিষয় হইতে অবিচ্যুত। ইহারই নাম ‘ধ্যান’। এই মতে, ভক্তি, ধ্যান, উপাসনা একার্থবোধক।

ভক্ত দার্শনিক নিম্বার্ক মতে, ভক্তি উপাসনা নহে প্রগাঢ় ভগবৎ-প্ৰীতি, ইহা ‘প্রেমবিশেষ লক্ষণা’ হৃদয়বৃত্তিমাত্র, ‘ধ্যানের ত্বায় কর্মনির্দেশনং নহে’।—অত্যাচ্ছ ভক্তিশাস্ত্রমতেও ‘ভক্তি’র সংজ্ঞা ইহাই,—‘সা [ভক্তি] পরাহুরক্তিরীশ্বরে’ ঈশ্বরের প্রতি শ্রেষ্ঠ অমুরাগ। (শাণ্ডিল্য সূত্র)। কিন্তু ইহা কণিকের ভাবাবেগ মাত্র নহে : ভাগবতের ভাষায় ইহা ‘অব্যবহিতা’ অর্থাৎ বিরামহীন একাগ্রচিত্তবৃত্তিধারা (‘অব্যবহিতা যা ভক্তি পুরুগোপমে’)। এই ভক্তই রামানুজাচার্য্য ভক্তিকে ধ্যানোপাসনাদি পর্যায়ভুক্ত বলিয়াছেন, আর ‘ধ্যান’ বলিতে তাঁহার মতে অবিচ্ছিন্ন চিন্তা-প্রবাহ বুঝায়। আমরা এখানে যে ভক্তির আলোচনা করিতে যাইতেছি তাহা অন্ধ ভাবপ্রবণতা নয় ; ইহা জ্ঞান-মূলক প্রেমসাপন। সংক্ষেপে, ইহাব নিম্নোক্ত ব্যাখ্যা দেওয়া যাইতে পারে।—শ্রবণ অর্থাৎ বেদান্তাদি শাস্ত্রপাঠ বা গুরুর উপদেশ শ্রবণ হইতে ব্রহ্মস্বরূপ এবং জীব ও ব্রহ্মের সম্পর্ক (ব্রহ্মবিজ্ঞান) সম্যক বা যথাসম্ভব অবগত হইয়া বাক্যার্থ জ্ঞানকে চিন্তে স্থিরতর করার জন্য মনন এবং ধ্যানাদি উপাসনা দ্বারা যখন ভগবানের আনন্দময় প্রেমস্বরূপই উপলব্ধ হয় তখন তাঁহার প্রতি যে আত্মসমর্পণমূলক গভীর শ্রদ্ধা ও অমুরাগের সঞ্চার হয়, তাহাকেই ভক্তি বা ভগবৎ-প্রেম বলা যাইতে পারে। এই ভক্তি এক প্রকার জ্ঞান (জ্ঞানের অবস্থা), ব্রহ্মজ্ঞান, ‘বেদনম্’ (রামানুজ)। (জ্ঞানমূলক) ধ্যান ও ভক্তি পরস্পরাপেক্ষী : ধ্যান ভক্তির জনক, অপর দিকে ভক্তি বা অমুরাগ ভিন্ন অবিচ্ছিন্ন চিন্তন মনন সম্ভব হয় না। রবীন্দ্রনাথও “ব্রহ্মকে সহজ করে জানবার উপায়” অনবরত মনন ইহা উল্লেখ করিয়াছেন।—“নিম্নত বলতে বলতে আমরা যে সত্যলোকে বাস করছি এই বোধটি ক্রমশঃই আমাদের কাছে সহজ হয়ে আসবে...বার বার তাঁকে বলতে হবে ‘এই তুমি, এই তুমি...বলতে বলতে তাঁর নামে আমার সমস্ত শরীর বাজতে থাকবে’... (সত্য হওয়া শাঃ নিঃ)।

ভক্তি তত্ত্বের আলোচনায় দুইটি বিচারের দিক আছে।—(১) ভক্তের ভগবৎশ্রুতি। (২) ভক্তের প্রতি ভগবানের আকর্ষণ।

(১) ভক্তের সহিত ভগবানের সম্বন্ধ কত নিবিড় তাহা নানা ভাবে ব্যাখ্যাত হইয়া থাকে। ভক্ত তাঁহার ব্রহ্ম লক্ষ্যে ‘পরবৎ তনয়’ হইবা তদগত চিন্তে একমাত্র সেই লক্ষ্য অক্ষরপুরুষকেই দেখিতে পান ; নিছের স্বতন্ত্র অস্তিত্ব ও পারিপার্শ্বিক অবস্থার জ্ঞান থাকে না। একটি সুপরিচিত উদাহরণ দেওয়া যাইতে পারে। দ্রোণাচার্য্য যখন লক্ষ্য-ভেদোপ্ত শিষ্য অর্জুনকে জিজ্ঞাসা করিলেন, ‘দৎস তুমি কী দেখিতে পাইতেছ?’ তখন অর্জুন উত্তর করিয়াছিলেন, ‘আমি আমার লক্ষ্য পক্ষিচক্ষু ভিন্ন আর কিছুই দেখিতে পাইতেছি না।’ ভক্তেরও ব্রহ্মলক্ষ্যে ঠিক সেই-রূপ তনয়তা-প্রাপ্ত স্থির একাগ্রদৃষ্টির অবস্থা হয়। তখন ভক্তের তদগত চিন্তে কী প্রতিভাত হয়?—“পলক নাহি নয়নে, হেরি না কিছু ভুবনে, নিরখি শুধু অস্তরে স্তম্ভর বিরাজে।”\*

নিম্নোক্ত বিবৃতি হইতে অনুমান করা অসম্ভব নয় যে, সকল দেশের প্রকৃত ভক্তগণেরই সাধনলক্ষ অভিজ্ঞতা

\* রামানুজ মতে ভক্তি, ধ্যান, উপাসনা একার্থবোধক হইলেও তাঁহার মতে সমস্ত উপাসনাই ধ্যান নয়, কেবল ‘ক্রবাহুশ্চিৎ’ ধ্যান। ধ্যানের লক্ষণ “প্রত্যৈকতানত্র ধ্যানম্” (পাণ্ডুল যোগসূত্র)। সুতরাং ধ্যানের আত্মবাচক এই মন্তব্য “নিরখি শুধু অস্তরে স্তম্ভর বিরাজে” সাধারণ উপাসনাকালে বা নানা অনুষ্ঠানে গাত হওয়া হই, নয় বিনিময়ই মনে হয়।

এইরূপ। ফ্রান্সের অন্তর্গত Tuscany র সেন্ট বোনাভেন্টুরা (ত্রয়োদশ শতাব্দী), যিনি ভক্তিকে জ্ঞানের অপেক্ষা শ্রেষ্ঠ মনে স্থান দিতেন, বলিয়াছিলেন :

“আমি স্বীকার করি অসুদৃষ্টি পরমাত্মাতে একরূপভাবে লক্ষীভূত করা যায় যে, সাধকের চিত্তে অত্র কিছুই প্রতিভাত হইবে না : অথচ দৃষ্টি সেই অন্তর্জ্যোতি-সমুদ্রে মগ্ন হইয়া তাহাকে বাহিরের দ্বিতীয় বা স্বতন্ত্র বস্তুরূপে দেখিতে পাইবে না। যেন এক নিবিড় অন্ধকারের অহুভূতির উন্নততর স্তরে নীত হইয়া কিছুই দেখিতে পাইতেছে না, কারণ সে অবস্থায় সকল দর্শনযোগ্য বস্তুই দৃষ্টিব বহির্ভূত হইয়া গিয়াছে।” (ইংরাজীর অনুবাদ)

বৃহদারণ্যকের চতুর্থ অধ্যায়ে জনক যাজ্ঞবল্ক্য সংবাদে স্বয়ংজ্যোতি পরমাত্মার সহিত একাত্মত্বলাভের বর্ণনায় ইহাই বলা হইয়াছে—“এই অবস্থায় তিনি দর্শন করেন না কারণ তাহা হইতে এমন কোন দ্বিতীয় বা বিভক্ত বস্তু নাই যাহা তিনি দর্শন করিবেন।” যোগী কেশবচন্দ্রের বর্ণনায়—“যোগেতে এই অভিন্নতা বিশেষ রূপে উপলব্ধ হয় সেই এক অনন্ত বস্তু পুত্রকে গ্রাস করিয়া ফেলেন। এখন হলেতে জল, জ্যোতিতে জ্যোতি।” ইহাই ভক্তি সাধনার চরম লক্ষ্য বা গন্তব্য স্থল : যেহেতু ইহাই ব্রহ্মদর্শন বা প্রত্যক্ষাহুভূতি বা (বন্ধের) প্রত্যক্ষ জ্ঞান।

রবীন্দ্রনাথ তাঁহার সঙ্গীতের উল্লিখিত দুই চরণে (পলক নাহি নশনে...) ব্রহ্মদর্শনের এই অতীন্দ্রিয় অহুভূতিকে দার্শনিক পরিভাষা বর্জিত সহজবোধ্য এক মনোহর রূপে রূপায়িত করিয়াছেন। রবীন্দ্রনাথ রচিত ব্রহ্মসামিধি লাভের অবস্থা জ্ঞাপক আরও একাধিক সঙ্গীত আছে : দুঃখের বিষয় এই সকল সঙ্গীত অত্রতাবরণঃ নানা অযোগ্য পরিবেশে যথেষ্ট ভাবে গীত হইতে শোনা গিয়াছে।

রবীন্দ্রনাথের রচনাবলী হইতে তাঁহার সাধনা সম্বন্ধে যতটুকু জানবার সুযোগ পাওয়া যায় তাহা হইতে দেখিতে পাঠ দৈবরাহুভূতি লাভের ঙ্গত তাঁহার সাধনপথে অহুভূতির উচ্চাচর অবস্থার বর্ণনা আছে। সঙ্গীতগুলির অধিকাংশ ব্রহ্মসাক্ষাৎকারের ঠিক নিয়ন্ত্রণের দর্শনলাভের ঙ্গত প্রথাসের বর্ণনা। সর্কোল্লম্বলক্ষ্য বিষয়জ্ঞানরূপ উপাধিযুক্ত আত্মার পৃথগস্তিত্বের যে বোধ তাহাই ‘অহম্’ বা ‘আমিহ বোধ’ নামে বিদিত। ব্রহ্ম জীবের “সাধনার বাধা অহম্ : যেখানে আমি সেখানে ভগবান নাই ; আমার সম্মুখে ‘আমি’ আছে খাড়া হইয়া, তাহেই তিনি আছেন লুকাইয়া” (দাদু)। এই ‘আমিহ’ বোধের ঙ্গত যে অবস্থায় দর্শনলাভ হইতেছে না, সে অবস্থায় ভক্ত সাধক গাহিতেছেন :

(ক) আমারে আড়াল করিয়া দাঁড়াও হৃদয় পদ্মদলে :

(খ) আরও প্রেমে আরও প্রেমে মোর আমি ডুবে যাক নেমে।

অত্র ইহার ব্যাখ্যায় বলিতেছেন, ‘আমি’ তার সমস্ত বোঝা শুদ্ধ একেবারে তলিখে যাক সেই অতলস্পর্শ সত্যে যেখানে তুমি তোমার সন্তানকে আপনার পরিপূর্ণ আনন্দে আবৃত করে জানছ। (শা. নি. পিতার বোধ)

তবেই ত মিলন সম্পূর্ণ হইবে, এখন ‘হৃদয়পাত্র সুধায় পূর্ণ হবে’ আর অন্তরের অবশিষ্ট অন্ধকারটুকু তাঁহারই কৃপায় উষাগমে অন্ধকারের মত ছিন্ন শিন্ন হইয়া দূরে যাইবে—“তিমির কাপিলে গভীর আলোর রবে।” ইহা অপেক্ষাও নিম্নগ্রামে বাধা সংশয় ও নিরাশার ভাব-প্রকাশক সঙ্গীত আছে।

(ক) স্বামী তুমি এস খাজ অন্ধকার হৃদয় মান

(খ) কোথা আছ প্রভু এসেছি দীন শীন।

এই সকল দৃষ্টান্ত হইতে সিদ্ধান্ত করা ঠিক হইবে না যে, তিনি বেশ কিছুকাল এই প্রকার বিভিন্ন মানসিক অবস্থার গণ্য দিয়া পরবর্তী উন্নত স্তরে উপনীত হন ; তাঁহার ধীশক্তি একরূপ প্রখর ছিল যে, যে সময়কালে উক্ত সঙ্গীত দুইটি রচিত হয় তাহার অতি নিকটবর্তী সময়ে, পূর্বে অথবা পরে, গভীর আধ্যাত্মিকত্বপূর্ণ এই সঙ্গীতটি রচিত হইয়াছিল “সত্য মঙ্গল.....

ইহার শেষ চরণ ‘যেই ভকত সেই জানে তুমি -জানে’—ভাষ্যকারগণ প্রদত্ত ব্যাখ্যার ভিত্তিতে ইহার অর্থ পরে প্রদত্ত হইবে।

দর্শনলাভের ঙ্গত সাধন-পথের শেষ সম্বল দৈবের করণা, কেবল নিষ্ক সাধন বলে দর্শন লাভ হয় না—এই চরম তত্ত্বটি শঙ্কর ও রামানুজ প্রভৃতি জ্ঞানী ও ভক্ত দার্শনিকের গ্রাম ভক্তি-সাধক রবীন্দ্রনাথও তাঁহার রচিত সঙ্গীতে ব্যক্ত করিয়াছেন। শঙ্কর বলিয়াছেন, যে জীব নিষ্পাপ, দৈবর ধ্যানে রত ও সদা সচেত, দৈবর প্রদানে সেই জীবের অজ্ঞানতার



আবরণ বিস্মৃত হইলেই জ্ঞানাবিভূত হয় : যেক্ষণ ঔষধশক্তিবলে অন্ধব্যক্তি দৃষ্টিলাভ করেন । আর রবীন্দ্রনাথ গাণ্ডিষাছেন—

“সহসা একদা আপনা হইতে ভরি দিবে তুমি তোমার অমৃত সেই ভরসাধ করি পদতলে শূন্য হৃদয় দান ।”

রবীন্দ্রনাথ সত্যকতার সহিত একটি condition যোগ করিতেছেন ‘শূন্য হৃদয়’,—“The heart must be emptied of all things else.”

দেহাশ্রিত জীবনে সাধনার উন্নতম স্তরে বন্ধসাক্ষাৎকার লাভ হইলেও স্বার্থী মিলন হওয়া সম্ভব নয় : “তাঁহার কতদিনই চিরমিলন লাভে বিলম্ব যতদিন না তিনি দেহ মুক্ত হন” (ছান্দোগ্য, ৬।১৪।২) । দর্শন লাভের পর, তরু আবার দর্শন লাভের জ্ঞান উৎকৃষ্ট চিন্তে অপেক্ষা করিতে থাকেন । ভক্তি শাস্ত্রের একটি গ্রন্থে তরু চিন্তের এই অবস্থা বর্ণনা করিয়া লিখিত হইয়াছে—“অদৃষ্টে দর্শনোৎকণ্ঠা দৃষ্টে বিশেষভীরুতা—” বিচ্ছেদজনিত অদর্শনের অবস্থায় দর্শনের জ্ঞান উৎকণ্ঠা, আর মিলনের অবস্থায় বিচ্ছেদের ভয় । রবীন্দ্রনাথ ঠিক এই ভাবই ব্যক্ত করিয়াছেন—

“মাঝে মাঝে তব দেহা পাঠে চিরদিন কেন পাই না...।

ক্ষণিক আলোকে আঁখির পলকে তোমারে যবে পাই হে দেখিতে,

হারাই হারাই সদা ভয় হয় ।”...

এই ভাবে ‘পতন-অভ্যুদয় বন্ধুর’ পথে চিরদিন সাধক-যাত্রী যুগে যুগে মুক্তির পথে চলিয়াছেন ।

অনেকে বলিয়া থাকেন রবীন্দ্রনাথের ধ্যানসাধনা অনেকাংশে বৈষ্ণব ধর্মের ভক্তিতত্ত্ব দ্বারা প্রভাবিত । বৈষ্ণব-ধর্মে ভক্তির নানা প্রকার-ভেদ ও স্তর-ভেদ আছে । এ সকলের পৃথক ভাবে বিস্তৃত আলোচনা করিয়া লাভ নাই, কারণ আমরা দেখিব রবীন্দ্রনাথ সাধন জীবনে এ সকল প্রকার-ভেদ ও স্তর-ভেদ অনুসরণ করিয়া চলেন নাই । বৈষ্ণব-শাস্ত্র ভাগবদোক্ত ভক্তি নয় প্রকারের—

এবং কীর্তনং বিষ্ণোঃ স্মরণং পাদসেবনম্ ।

অচনম্, বন্দনম্, দাস্তম্, সখ্যম্, আশ্রয়নিবেদনম্ ।

এই নয়টির মধ্যে শেষ তিনটিই রবীন্দ্রনাথের ভক্তি সাধনা সম্বন্ধে আলোচ্য হইতে পারে—দাস্তম্, সখ্যম্, আশ্রয়-নিবেদনম্ । জীব ও ঈশ্বরের যোগ সম্বন্ধে নানা ভাবে মানবীয় সম্পদ প্রকাশক মনন ও অনুভূতি বিষয়ে কিছু বলিবার পূর্বে উল্লেখ করা প্রয়োজন যে, রবীন্দ্রনাথ সাধক-জীবনে mystic ছিলেন, একথা সকলেই বলিয়া থাকেন । mystic বলিতে কি বুঝায় তাহা ভাষায় স্পষ্ট করিয়া সংক্ষেপে বুঝানো কঠিন : কারণ ইহা ঈশ্বরের সহিত যোগযুক্ত অবস্থায় এক প্রকার অতীন্দ্রিয় অনুভূতি যাহা সাধারণ্যে সমান ভাবে অনুভূত হয় না, সুতরাং অস্পষ্ট । বাংলা ভাষায় ‘মরমিয়া’ বাক্যটি সাধারণতঃ ব্যবহৃত হয় : কিন্তু সাধক কবীরের একশত ভক্তনের তৎকর্তা ইংরাজী অনুবাদ “Hundred songs of Kabir” গ্রন্থের ভূমিকায় কবি এই ইংরাজী বাক্যের যে সংজ্ঞা দিয়াছেন তাহাই তাঁহার mysticism সম্বন্ধে প্রযোজ্য এবং প্রামাণিক বোধে উদ্ধৃত করা যাইতেছে ‘a temperamental reaction to the vision of Reality’ : সুতরাং ইহাকে ‘ব্যক্তিগত স্বাতন্ত্র্য বিশিষ্ট অতীন্দ্রিয় অনুভূতির প্রকাশ’ বলা ভুল হইবে না ; ইহার বিষয়বস্তু তাঁহারই ভাষায় ‘the warmly human and direct apprehension of God as the supreme object of Love, the soul’s comrade, teacher, and bridegroom.’ রবীন্দ্রনাথের প্রেরণার উৎস যে ধর্মশাস্ত্রই হউক না কেন, মানব হৃদয়ের প্রেম ও ভক্তির পাররূপে ঈশ্বরের অনুভূতি প্রকাশ মধ্যে তাঁহার ব্যক্তিগত বৈশিষ্ট্যের ছাপ সর্বত্র বিদ্যমান । তাঁহার প্রত্যেকটি সঙ্গীতের আলোচনা দ্বারা ইহা প্রদর্শিত হইতে পারে এমন ভক্তির প্রকারভেদের আলোচনায় আসা যাউক ।

‘দাস্তম্, সখ্যম্, আশ্রয়নিবেদনম্’—তিনি প্রভু আমি দাস, বৈষ্ণব ধর্ম শাস্ত্রে এই সম্বন্ধ ‘নিত্য’ অর্থাৎ চিরকালস্থায়ী । জীব বন্ধ ও মুক্ত সকল অবস্থায়ই তাঁহার দাস । রবীন্দ্র রচনাদর্শীর মধ্যে তাঁহার ভক্তির এই ভাব কোথাও ব্যক্ত হয় নাই । রবীন্দ্রনাথের ‘প্রভু’ যিনি তিনি উপনিষদের “মহান্ প্রভুর্বে পুরুষ”, তিনি অন্তর্গামা “সদা জ্ঞানাত্ম হৃদয়ে সন্নিবিষ্টঃ” ; গীতাঞ্জলিতে তিনি দর্শনকাতর বিরহী চিয়া কর্তৃক এই ভাবে সম্বোধিত—“প্রভু, তোমা লাগি আঁখি জাগে,” যে সঙ্গীতে তিনি “কোথা আছ প্রভু, এসেছি দীন গীন” বলিয়া পুনঃ পুনঃ সম্বোধিত, সেই সঙ্গীতের মধ্যে তাঁহাকেই বলিতেছেন ‘জগৎ জননী লহ লহ কোলে ।’ কোথাও ‘প্রভু’ শব্দের সহিত ‘দাস’ শব্দের ব্যবহার নাই : বরং আছে ‘প্রভু এসেছি হৃদয় পরাতে রাখী’ : ‘প্রভু...এবে তোমার ক্রোড় চাই ।’ ‘প্রভু’র সহিত ‘দাসত্ব’র

সম্বন্ধ প্রকাশক বর্ণনা একরূপ ভাবে লক্ষ্য করা যায় নাই যাহা হইতে সিদ্ধান্ত করা যাইতে পারে যে, তিনি এই প্রকারের ভক্তি-সাধনা বা ভক্তি ভাবে ধারণা কোনও সীমাবদ্ধ কালে করিয়াছেন।

তাহা হইলে ভগবানকে 'প্রভু' সম্বোধনের মধ্যে রবীন্দ্রনাথের অন্তরের কোন নিগূঢ় ভাব ব্যক্ত হয়?—তাঁহার 'প্রভু', যিনি বিহুদী সাধকের 'Lord of the universe', তিনি রবীন্দ্রনাথেরও 'বিশ্বরাজ', 'মহারাজ', 'দেবাধিদেব মহাদেব' যার 'অসীম সম্পদ, অসীম মহিমা': কিন্তু অন্তর্জগতে সেই মহিমাময়কে প্রেমাস্পদরূপে নিকটতর মনোহর রূপে দর্শনই মিলনের পূর্ণদর্শন; ইহাই প্রকাশ করিয়া বলিয়াছেন—

‘জগতে তুমি রাজা অসীম প্রতাপ,

হৃদয়ে তুমি হৃদয়নাথ, হৃদয়ধারণরূপ!

এ জগৎ তাঁহার 'প্রভু'— তাঁহার 'হৃদয়স্বামী' 'হৃদয়নাথ': এই সঙ্গীতে তার পরিচয়—

“হৃদয়-বেদনা বহিয়া প্রভু এসেছি তব দ্বারে

তুমি অস্বর্গামী, হৃদয়স্বামী, সকলি জানিছ তে,

...সব বিবহ বিচ্ছেদ ভুলিব তব মিলন-অনুভ-দ্বারে ”

‘আরও বিশিষ্ট পরিচয় পরবর্তী সঙ্গীতে—

‘প্রভু আমার, প্রিয় আমার, পরমখন তে।

চির পণের সঙ্গী আমার, চির জীবন তে! ...

—যিনি প্রভু, তিনিই প্রিয়, শুধু প্রিয় নয়—প্রিয়তম, একান্ত প্রিয়তম জ্ঞানেই ‘পরমখন’ রূপে সম্বোধিত; সুতরাং প্রিয়তম যিনি তিনি হৃদয়স্বামী; পরে আছে ‘পরমা গতি,’ ‘নিত্য প্রেমেব পামে পরমপতি,’ ‘মুক্তি আমার ...বন্ধন ডোর’ তিনি তাঁহার ( সাধকের ) সকল কিছুই; কোন ভাবই পরস্পর-বিসৃক্ত ( exclusive ) নয়; একটি ভাব অপরটিকে পরস্পরক্রমে স্থান করিয়া দেয় সেই পূর্ণতাকে প্রকাশ করিবার জন্ত, কারণ ‘সেই পূর্ণতার পামে মন স্থান মাগে’: কিন্তু নিখিলকল্যাণগুণাকর পূর্ণকে কোন্ একটি বাক্যে সংজ্ঞাপন করিবেন? “পূর্ণশ্চ আবাধনম্ কৃত্ত?” এই মিলিত রূপে উপলব্ধি রবীন্দ্রনাথের ভক্তিভাবের অতীন্দ্রিয় অহুত্বিতর ( mystical “religion of love”-এর ) একটি ব্যক্তিগত বৈশিষ্ট্য, যাহা তাঁহার ভাষায় ‘temperamental reaction to the vision of reality’।

তাঁহার ভক্তিভাবের আর একটি উল্লেখযোগ্য বৈশিষ্ট্য প্রদর্শন করিবার আছে। শেষোক্ত সঙ্গীতের আলোচনায়— ‘প্রভু আমার প্রিয় আমার’—আমরা অজ্ঞাতসারে ( বৈশ্বক ধর্মশাস্ত্রে যাহাকে সখ্যভাব বলা হয় তাঁহার ) প্রেমতত্ত্বে আসিয়া পড়িয়াছি। ‘ভগবানের প্রতি ভক্তের যে শ্রেষ্ঠ ও বিস্তৃত অহুরাগ ( highest devotion, পরাহুরক্তি ) তাহার মধ্যে যে উভয়ের মিলন তাহাতেই ব্রহ্মের পূর্ণ ও মাধুর্যময় প্রকাশ; এবং ইহা ভক্তের আত্মনিবেদনের ( self-effacement ) পরিণতি; এই তত্ত্বটি পরবর্তী একটি সঙ্গীতে উদাহৃত হইতেছে—

“উতল ধারা বাদল ধরে...

ওগো বঁধু, দিনের শেষে, এলে তুমি কেমন বেশে।

আঁচল দিয়ে ঢকাব জল, মুছাব পা আকুল বেশে।

নিবিড় হবে তিমির রাত্তি জেলে দেবো প্রেমের বাতি

পরানখানি দেবো পাতি চরণ রেখো তাহার পরে।”

‘মুছাব পা আকুল বেশে’ ইত্যাদি বাক্যে যে ইন্দ্রিয়গত কল্পনার ভাবমূর্ত্তি ( sensuous imagery ) প্রকাশিত, তাহার মধ্যে শ্রদ্ধাপূর্ণ অহুরাগের ভাবই প্রকটিত। ‘নিবিড় হবে তিমির রাত্তি’ যে তিমিরে কিছুই দৃষ্টিগোচর হইবে না, শুধু প্রেমালোকে প্রেমাস্পদকে দেখা ভিন্ন; ইহার সহিত সেন্ট বোনাভেন্টুনার উক্তি তুলনীয়।

“পরানখানি...চরণ রেখো তাহার পরে” ইহা সম্পূর্ণরূপে আত্মনিবেদনের ভাবপ্রকাশক। রবীন্দ্রনাথের ভক্তি-সাধনা শ্রদ্ধা ও আত্মসমর্পণের ভাববজ্জিত প্রেম-সাধনা নয়। ইহা তাঁহার ভক্তি-সাধনার আর একটি বৈশিষ্ট্য; একান্ত তিনি অনেক স্থলে তাঁহার মনের এই ভাবটি বুঝাইবার জন্ত “প্রেম-ভক্তি” এই যুগ্ম বাক্যের ব্যবহার করিয়াছেন—‘প্রেম-ভক্তি ভরে শরণ লাগি’; ‘প্রেমভক্তি মম সকল শক্তি মম তোমারি দয়াক্রমে যেন পাই’। ‘প্রেম ভক্তিতে আনকে পরিপূর্ণতার নত’। এই শ্রদ্ধামূলক প্রেমের আর একটি প্রসিদ্ধ উদাহরণ পাই, যে সঙ্গীতে আছে— ‘মূর্ত্তি তোমার যুগল-সম্মিলনে দেখায় পূর্ণ প্রকাশিছে’, তাহার পূর্বেই আছে—‘তাই তা তুমি রাজার রাজা হয়ে’

তবু আমার হৃদয় লাগি"....এই ( শ্রদ্ধামূলক ) বৈশিষ্ট্য হইতেই তাঁহার প্রেম-সাধনার আর একটি বৈশিষ্ট্যের উদ্ভব। তাহা ( রূপকের মধ্যদ্বারা ) ইন্দ্রিয়গত অমুভূতির বর্ণনাতিশয্য হইতে মুক্ত। কবীরের ভগবৎ-প্রেম প্রকাশক ভজনগুলি এই ভাবমুক্ত ছিল। এট প্রসঙ্গ উত্থাপন করিয়া তিনি নিম্নত আলোচনা করিয়াছেন। ইহা হইতেই বুঝা যায় যে, তিনি তাঁহার অমুভূতি প্রকাশ সম্বন্ধে এই ক্রটি সংস্পর্শ সম্পর্কে সম্পূর্ণ অবহিত ছিলেন।

তাঁহার ভাষায় "These are excessive dramatisations of the symbolism under which the mystic tends instinctively to represent his spiritual intuition to the surface consciousness."

কবীর সম্পর্কে তাঁহার মন্তব্য তাঁহার ক্ষেত্রেও সম্পূর্ণ প্রযুক্ত হইতে পারে। "He escapes the excessive emotionalism, the tendency to an exclusively anthropomorphic devotion seen in India in the exaggerations of Krishna worship, in Europe in the sentimental extravagances of certain Christian saints",

যে সকল ক্রটি বা অতিশয্যোক্তির কথা তাঁহার প্রেম বা ভক্তিতত্ত্ব মপ্যে স্থান পায় নাই তাহার দৃষ্টান্ত প্রদান সম্ভব নয়; অতীত যাহা লক্ষ্যগোচর হয় তাহারও দৃষ্টান্ত উদ্ধৃত করা এস্থলে শোভন হইবে না। তবে একথা ঠিক, তিনি যেমন এক দিকে বৈষ্ণব কবিতার সহিত সুপরিচিত ছিলেন তেমনি খ্রীষ্টিয়ধর্ম জগতের বহু ভক্ত কবি ও mystic সাধকবৃন্দের রচনাবলীও আগ্রহের সহিত পাঠ করিয়াছেন। তাঁহার লিখিত প্রমাণ পাওয়া যায় ও তদীয় ঘনিষ্ঠ শিষ্য এবং সহকর্মীদের নিকট প্রাপ্ত সাক্ষ্যে জানা যায়; 'শাস্তিনিকেতনের' 'আত্মবোধ' নামক উপদেশ মধ্যে একজন ভক্ত ইংরেজ কবির উল্লেখ আছে: আমার সুফী সাধকবৃন্দের রচনা এবং মধ্য যুগের কবীর প্রমুখ সাধকবৃন্দের ভক্তনের মধ্য হইতেও সঙ্গীত রচনার প্রেরণা পাইয়াছেন। কবীরের "এই চন্দ্র তপন জ্যোত বরত হয়" অনেক স্থলেই "আনন্দ-লোকে মঙ্গলালোকে" ও "তাঁরে আরতি করে চন্দ্র তপন" এই দুটি ভক্তনের ভাবোদ্দীপক। এই সকল ভাব আধ্যাত্মিক জগতের সার্বজনীন সম্পদ। কিন্তু কোনও ধর্মসম্প্রদায়ের মতবাদের গণ্ডির মধ্যে তাঁহার ধর্মসাধনা পরিপুষ্ট লাভ করে নাই; সাম্প্রদায়িক মতবাদ (dogma) তাঁহার ধর্মের আদর্শ ও চিন্তা-বিরুদ্ধ। তিনি বলিতেছেন—"ধর্মসাধনার যেখানে উৎকর্ষ সেখানে গতির বাধাহীনতা, ভাবের বৈচিত্র্য এবং অক্ষুণ্ণ মাধুর্যের নিত্য বিকাশ" (রমের ধর্ম)। তাঁহার সাধনায়, ভগবানকে কোন নির্দিষ্ট প্রকার ভক্তিভাবে আরাধনার স্তর বিভাগ ছিলনা।

রবীন্দ্রনাথের ভক্তি-সাধনার অন্তর্গত আর একটি ভাব আছে তাহার উল্লেখ না করিলে বিশেষ অঙ্গহানি হইবে—ঈশ্বরের সঙ্গে পিতৃদেব সম্বন্ধবোধ, 'পিতা-মাতা এক হয়ে আছেন' এই বোধ: শাস্তিনিকেতন গৃহে 'পিতার বোধ': 'মম্বের বাধন' 'প্রাণ ও প্রেম', 'ভয় ও আনন্দ' ইত্যাদি উপদেশ মধ্যে তাঁহার 'পিতার' বোধ বিশিষ্ট রূপ ধরিয়া ব্যক্ত হইয়াছে। তাঁহার এই অমুভূতির উৎস ছিল যজুর্বেদের 'ও পিতা নোহসি পিতা নো বোধি' এই মন্ত্রটি; তাহার শিক্ষা তিনি তদীয় পিতৃদেবের নিকট হইতে পাইয়াছিলেন; এবং 'মহানারায়ণ' উপনিষদের 'স নো বন্ধুর্জনিতা স বিধাতা'—ইহাও তিনি উপদেশ মধ্যে ব্যাখ্যা করিয়াছেন। বহু সঙ্গীতে তিনি ঈশ্বাকে 'পিতা' এবং 'জননী' সম্বোধনে তাঁহার ভক্তিভাব প্রকাশ করিয়াছেন।

২। ভক্তের প্রতি ভগবানের আকর্ষণ, বা ভক্তের প্রতীক্ষায় ভগবান। দেখা যায়, ইহসংসারে দুই হৃদয়ের মিলন তখনই সম্ভব হয় যখন দু'জনেই দু'জনের প্রেমলাভের জ্ঞান থাকিবে। ভগবান এবং ভক্তের মিলনের ক্ষেত্রেও ইহা সত্য। ভগবান ভক্তের প্যানারাধনায় আকৃষ্ট হইয়া তাঁহাকে দর্শন দেন, শুধু তাহাই নহে, তিনিও ভক্তের সহিত মিলিত হইতে অর্থাৎ তাঁহার জ্ঞানে নিজ স্বরূপে প্রকাশিত হইতে চ'ছেন। ভক্তও এই প্রকাশের অপেক্ষায় চিরপ্রতীক্ষাকারী। ভক্ত এই পৃথিবীর ভিক্তকের মত রাঙ্ঘারে তপুলকণার প্রত্যাশী নহেন; তিনি রাজ্যের পদপ্রাপ্তে উপবিষ্ট হইবার আকাঙ্ক্ষা করেন। তিনি যখন সংসারের সকল কিছু পশ্চাতে ফেলিয়া তাঁহার আরাধ্য দেবতার দর্শনলাভের জ্ঞান অগ্রসর হন তখন ভক্তবাহ্যপূর্ণকারী ভগবান তাঁহার সিংহাসন হইতে নামিয়া আসিয়া ভক্তের দিকে অগ্রসর হন ও তাহার হৃদয়দ্বারে সাড়া দিয়া তাহাকে হৃদয়ঙ্গম করিতে দেন যে তিনি ভক্তের সঙ্গে সর্বদাই বর্তমান, ও তাহার দিকে হাত বাড়াইয়া আছেন এবং তাহাকে তাঁহার সান্নিধ্যলাভের জ্ঞান আরও অগ্রসর হইবার সুযোগ করিয়া দেন। গীতায় এই ভক্তটি ব্যাখ্যা করিয়া গীতাকার ঋষি বলিতেছেন:

• যাহারা আমার প্রতি সর্বদা একাগ্রচিত্ত হইয়া ('Constantly devoted') আমাকে ভক্তিহরে পূজা করে

আমি তাহাদিগকে মহত্ববিষয়ক সেই প্রকার সমভাববুদ্ধি জ্ঞান ( 'Concentration of understanding' ) প্রদান করি যাহার সাহায্যে তাহারা আমাকে পাইতে পারে। 'একভক্তি' সাধক যখন এই ভাবে stage by stage' ছুর্গম পথ অতিক্রম করিতে থাকেন, ভগবানও, নিশিদিন তাঁহার দিকে চাহিয়া থাকিয়া তাঁহাকে প্রতি অবস্থায় জ্ঞানালোক প্রদর্শনে লইয়া চলেন, যে পর্য্যন্ত না তিনি সেই অভয়পদ প্রাপ্ত হন 'সোঃক্ষনঃ পারমাপ্নোতি তদ্বিকোঃ পরম্পদং'। ঐশ্বরিক বিধান এইরূপ না হইলে, সাধকের পক্ষে ক্ষুরধারশাণিত পথ অতিক্রম করিয়া ভগবদর্শনলাভ কখনই সম্ভব হইত না। এষ্ট ভাবে প্রেমাস্পদের আকর্ষণ মধুর ধ্বনির মত ভক্তের নিকট নিয়ত আসিয়া পৌঁছিতেছে এবং ভক্ত প্রেরণালাভ করিয়া অগ্রসর হইতেছেন।

ঈশ্বরবিশ্বাসী জ্ঞানী ব্যক্তি এই বলিয়া আপত্তি করিতে পারেন—ইহা ত মানসপটাক্ষিত একটি মনোহর কল্পনার দৃশ্য ; কিন্তু ভগবান যে ভক্তের সহিত মিলিত হইবার জন্ত প্রতীক্ষা করিয়া তাহাকে নিয়ত আকর্ষণ করেন তাহার প্রমাণ কি প্রকারে পাওয়া যায় ? ঠিক কথা, কিন্তু সেই আকর্ষণ অসম্ভব করেন, মধুর ধ্বনি শ্রবণ করেন ভক্ত, যিনি একাগ্রচিত্ত। ঋষিরা যাহাকে 'রসো বৈ সঃ' প্রেমমগ্নরূপে উপলব্ধি করিয়াছেন, সেই রসানভিজ্ঞ ব্যক্তির নিকট যুক্তিতর্কাদি সাহায্যে কিরূপে তাহার প্রমাণ দেওয়া যাইতে পারে ? মাতার হৃদয়ে সন্তানের প্রতি যে নিঃস্বার্থ স্নেহ-ভাণ্ডার সঞ্চিত, নিঃসন্তান ব্যক্তিও তাহার বর্ধকিং বাহ্যিক প্রমাণ পাইতে পারেন, কিন্তু যে প্রেমরসসম্ভোগেব কোন বাহ্যিক প্রমাণ পাওয়া যায় না, যাহা কেবল ভক্তের সম্ভোগের বস্তু, তাহা তর্কাদি প্রমাণলভ্য নয়। শাস্ত্রে এজন্ত বলা হইয়াছে 'অচিন্ত্যাঃ খলু যে ভাবান তাং তুর্কেনযোংয়েৎ', যে সকল ভাব চিন্তা দ্বারা লাভ করা যায় না তাহাদিগকে তর্কাক্রম করিবে না। আর যাহার এই আত্মজ্ঞান লাভ হইয়াছে তাহার এই অভিজ্ঞতা তর্কের দ্বারা প্রাপ্য নয়—বলিয়াছেন কঠোপনিষদ। সুতরাং আমরা দেখিতে পাইতেছি যে, ঈশ্বরবিশ্বাসী হইলেই ঈশ্বরের ভক্ত হওয়া যায় না। রবীন্দ্রনাথ আরও একটু অগ্রসর হইয়া বলিতেছেন, "বন্ধ ত কেবল জ্ঞানের বন্ধ নহেন—রসো বৈ সঃ। বন্ধই যে রসস্বরূপ—ইন্দিই আত্মার পরম আনন্দ বন্ধজ্ঞানী ত বন্ধের ভক্ত নহেন।" 'বন্ধজ্ঞানী' বলিতে রবীন্দ্রনাথ এখানে ইহাই বলিতে চাছেন 'বন্ধবিজ্ঞানী' অর্থাৎ বন্ধবিষয়ক সকল তত্ত্ব যিনি শাস্ত্রাদি হইতে সম্যক অবগত হইয়াছেন। আবার বলিতেছেন "এই জন্তই শাস্ত্রে বনে ধর্মশু তস্তুং নিহিতং গুহায়াং। এ তত্ত্ব বাহিরে নাহিঃ এ তত্ত্ব অন্তরের মধ্যে সকলের মনে নিহিত, সেইজন্ত আমাদের তর্ক বিতর্কের উপর, স্বীকার-অস্বীকারের উপর ইহা নির্ভর নহে। ইহা আছেই।"

রবীন্দ্রনাথ প্রকৃত ভক্ত ছিলেন। তিনি তাহার আধ্যাত্মিক অভিজ্ঞতা এই তত্ত্বটি, অর্থাৎ ভগবান যে ভক্তের সহিত মিলন চাছেন এবং কেন চাছেন, যে ভাবে উপলব্ধি করিয়াছেন ও তাহা প্রকাশ করিয়াছেন তাহারই ভিত্তিতে ব্যাখ্যা করিতে চেষ্টা করিব। যদি কেহ প্রশ্ন তোলেন, যাহা নিগূঢ়, ভক্তের অন্তরেই যাহা অসুভূত হয় তাহা অপরের নিকট প্রকাশের ফল কি ? তাহারও কারণ তিনি এক স্থানে প্রকাশ করিয়া বলিয়াছেন, "অহমিকার প্রভাবেই যে নিজের কথা বলতে চাই তা নয়। যেটা যথার্থ চিন্তা করব, যথার্থ অসুভব করব, যথার্থ প্রাপ্ত হব যথার্থরূপে তাকে প্রকাশ করে তোলাই তার স্বাভাবিক পরিণাম।"

প্রথমে দেখা যাউক রবীন্দ্রনাথের পূর্বে আমাদের দেশের ধর্মশাস্ত্রে এই তত্ত্বটি কি ভাবে বিবৃত হইয়াছে। কঠ এবং মুণ্ডক উভয় উপনিষদে দেখি একই ক্রটি—"নায়মাত্মা প্রবচনেন লভ্যো ন মেধয়া ন বহন্য ক্রতেন ; যমেবৈষ বৃগুতে তেন লভ্যস্তৈশ্চৈষ আত্মা বৃগুতে তনুং স্বাম্" এই পরমাত্মাকে বেদাদি শাস্ত্র অধ্যয়নের দ্বারা বা মেধা দ্বারা কিম্বা বহ উপদেশ বাক্য শ্রবণের দ্বারা লাভ করা যায় না ; [ এজন্তই ত রবীন্দ্রনাথ বলিলেন "বন্ধজ্ঞানী ত বন্ধের ভক্ত নহেন ; ] এই আত্মাই যাহাকে বরণ করেন, তিনি স্বয়ংই তাহার ভক্তের নিকট নিজরূপ প্রকাশ করেন। পরমাত্মা কাহাকে বরণ করেন বা করিবেন ? ভক্ত দার্শনিক রামানুজ ব্যাখ্যা করিয়া বলিতেছেন, সংসারে দেখা যায়, যিনি নিরতিশয় প্রিয়তম ব্যক্তি তাঁহাকেই তাঁহার প্রেমাস্পদ যিনি তিনি বরণ করেন। সেইরূপ এই পরমাত্মা যে ভক্তের নিকট জগতে সর্বাপেক্ষা প্রিয় সেই ভক্তই পরমাত্মার প্রিয়তম বরণীয় হন এবং পরমাত্মা তাঁহারই নিকট নিজ স্বরূপ প্রকাশ করেন। এই অর্থেই রবীন্দ্রনাথ গাইয়াছেন 'যেই ভকত সেই জানে, তুমি জানাও যারে সেই জানে ; 'তুমি জানাও যারে' বলিতে 'যে কোন ব্যক্তি নয়', 'যেই ভকত' তাকেই ত তিনি জানান, দুইটি পৃথক বাক্য নয়। গোড়ীয় বৈষ্ণব শাস্ত্র ব্যাখ্যা তা বলদেব এজন্ত বলিয়াছেন, ভগবানের দর্শন দান নির্ভর করে জীবের অমুরাগের উপর, ঈশ্বর তাঁহাদেরই বরণ করেন যাহারা অনন্ত ভক্তিপরায়ণ। গীতায় ভগবান বলিতেছেন, আম



জ্ঞানীর অত্যন্ত প্রিয় : ( জ্ঞানী অর্থ যিনি ভগবানকে জানিয়াছেন এবং জানিয়াছেন বলিয়াই ভালবাসেন ; to know him is to love him, ) আর সেই জ্ঞানী ব্যক্তিও আমার প্রিয়। ভাগবতে আছে—সাধবো হৃদয়ম্ মহম্ সাধুনাং হৃদয়ম্ হৃদম্, ভক্তগণ আমার হৃদয় অর্থাৎ আমার হৃদয়ে, এবং আমিও তাহাদের হৃদয়। সেইরূপ রবীন্দ্রনাথ বলিলেন, “তুমি যে আমারে চাও আমি সে জানি”, এখানে রবীন্দ্রনাথের দৃষ্টি তাঁহার মত ভক্তকেই কেবল লক্ষ্য করিতেছে না : সকল জীবকেই ভগবান নিকটে পাঠিতে চান, তিনি ইহাই বলিতেছেন। আমার বলিয়াছেন—“তুমি আছ মোরে চাছি” (‘মর্চান্থে মহাকাশে’)। কেন? যিনি বিশ্বব্রহ্মাণ্ডের অপিসক্তি ও শ্রুতি তাঁর এই দীনদীন জীবের জন্য কেন এ আকিঞ্চন? এর উত্তরে যাঠিতে হয় গোড়ার প্রশ্নে—কেন এ জীবকে তিনি সৃষ্টি করিলেন? রবীন্দ্রনাথের উত্তর—

আমার মনে তোমার লীলা হবে  
তাই তো আমি এসেছি এতে ভবে।  
তোমার লীলা হবে এ প্রাণ ভবে  
এ সংসারে রেখেছ তাই ধরে :

আবার,

এ লীলা কি রকম?—

তোমায় আমায় মিলন হবে বলে আলোয় আকাশ ভরা  
তোমায় আমায় মিলন হবে বলে ফুল স্নানল ধরা :—  
তোমায় আমায় মিলন হবে বলে দুগে দুগে বিশ্বভুবন গলে  
পরাণ আমার বধূর বেশে চলে চির স্বধর।

ব্রহ্ম, জ্ঞা ও বিদীন ‘নির্বিনয়,’ নিরপেক্ষ জ্ঞানময় সত্তা রূপে আপনার মধ্যে প্রচ্ছন্ন থাকিলেন না, কেননা তিনি তত্ত্ব জ্ঞানমাত্র (‘জ্ঞানম্’) নহেন, তিনি জ্ঞানদাতা ও আনন্দময় : এই আনন্দময় রূপেই তিনি প্রেমময়—‘রসো বৈসঃ’ শব্দের উক্তি—‘আনন্দস্বরূপত্বং নাম পরম প্রেমাস্পদত্বং’—পরম প্রেমের আধার যিনি তাঁহাকেই আনন্দস্বরূপ বলা হয়। রবীন্দ্রনাথও এইজন্য বলিয়াছেন—আমাদের দেশের ভক্তিতত্ত্বের গোড়ার কথা এই যে, সীমার সঙ্গে অসীমের যে যোগ তাহা আনন্দের যোগ, অর্থাৎ প্রেমের যোগ। সংসারে দেখা যায় প্রেমের উৎস যার অন্তরে সেই অপরকে আনন্দ দিতে চায়, অযাচিত ভাবে কেহ আনন্দ বিতরণ করে না। আনন্দময় এই জন্তই আপনাকে অর্থাৎ নিজ আনন্দকে দিতে চান, প্রকাশ করিতে চান : রবীন্দ্রনাথ এই তত্ত্ব প্রকাশ করিয়া বলিতেছেন, ‘আনন্দের ধর্মই হচ্ছে স্বতই দান করা, স্বতই বিসর্জন করা,’ অর্থাৎ নিজ আনন্দময়ত্ব, আনন্দ প্রাচুর্য্য হইতে তিনি অপরকে আনন্দ দান করিতে চাহেন, নিজ আনন্দকে প্রকাশ করিতে চাহেন “গোপনে প্রেম রখ না ধরে, আলোর মত ছড়িয়ে পড়ে।” কিন্তু কাহার নিকট প্রকাশ করিবেন? সৃষ্টিতে—জীব ও জড় জগৎ সৃষ্টিতে, এজন্য ‘সৃষ্টি’ শব্দের অর্থ ‘বিসর্জন,’ ‘emanation, letting loose’ (রাধাকৃষ্ণ) ঋগ্বেদ পুরুষ সূক্তে উক্ত হইয়াছে, ঈশ্বর সৃষ্টির আদিতে নিজেকে বিচ্ছিন্ন করিলেন, ‘The act of creation is an act of sacrifice’; কিন্তু যাহার নিকট নিজেকে প্রকাশ করিবেন তাহার তো অহুভব করিবার মত জ্ঞান-শক্তি থাকা চাই। জড় জগতে তাহার মতিমামণ্ডিত প্রকাশ এই প্রকাশ অহু-ভবের জন্ত সৃষ্টি করিলেন জীবকে। কি দিয়া? ঈশ্বর জীব সৃষ্টিতে আপনাকে দান করিলেন, নিজ স্বভাবের জ্ঞান, আনন্দ ও প্রেম জীবে বীজ রূপে বা অহুপরিমাণে সঞ্চারিত করিয়া সৃষ্টি করিলেন—‘God made man in his own image’; এই আগ্নদানের মধ্যেই তাঁর প্রেমের প্রকাশ। ( God created the world in love ) ঋষি-কবি বলিতেছেন ‘এই যে তিনি বিসর্জন করেন এর মধ্যে কোনো দায় নেই, প্রয়োজন নেই, কোনো বাধ্যতা নেই।’ ‘তিনি চিরদিনই নিজেকে আমাদের কাছে প্রকাশ করবেন, দান করবেন এই তাঁর আনন্দের লীলা’ জীবলীলা বা সৃষ্টি-লীলা। শব্দ হইতে বাংলা দেশের বলাদেব পর্য্যন্ত সকল ভাষ্যকারই এই সৃষ্টি ঈশ্বরের আনন্দ-(প্রেম) স্বভাববশেই নিষ্পন্ন হয়, খাস-প্রখ্যাসের মত এই বলিয়াছেন। “তিনি ত্যাগ করছেন” এই জন্ত ‘তিনি প্রেমস্বরূপ’; ‘আমাদের জন্ত’, ‘জগতের উপকারার্থে’ বিষ্ণুপূবাণ)। কী রূপে? অব্যাহিত্যের এই বিশ্বভাণ্ডারের রূপরসারস সৌন্দর্য্যের মধ্যে, হৃদয়ের স্নেহ প্রেমজনিত সুখাত্মভবের মধ্যে তাঁর প্রেমের প্রকাশকে ‘অবাধে’ উপলব্ধি করেই আমি মুক্ত হব—(‘তাঁরই প্রদত্ত জ্ঞান, আনন্দ ও প্রেমের সাহায্যে)। “তোমায় আমায় মিলন হবে বলে আলোর আকাশ ভরা”; তাঁহার সচিত মিলনের যে পূজা তাহার বাহ্যিক

উপকরণ অর্থাৎ হইল আকাশ ভরা আলোক, নহিলে এ সকলই অর্থহীন। ‘বিশ্ব তাঁর আনন্দরূপ, কিন্তু আমরা রূপকে দেখি, আনন্দকে দেখি নে’; তিনি নানা দিক থেকে কেবলই বলছেন, “তোমাকে আমার আনন্দ দিচ্ছি, তোমার আনন্দ আমাকে দাও”। এই ইচ্ছার দানের মধ্য প্রেমস্বরূপের সহিত জীবের অন্তরের প্রেমের মিলন, ইহাট মুক্তি। শুষ্ক, তাঁর অন্তরের প্রেম, ভক্তি কৃতজ্ঞতা দ্বারা যখন প্রেমস্বরূপের নিকট আত্মনিবেদন করেন, তখন ‘ভক্তের মধ্যে ভগবানের প্রকাশ সম্পূর্ণ হয়’। এইরূপেই ‘যুগল সম্মিলনের’ মধ্য ভগবানের মূর্তি পূর্ণ প্রকাশিত। সেই প্রকাশ সকল জীবের অন্তরে তিনি চাহিতেছেন; কেননা সকল জীবের সহিত তাঁহার এই আনন্দ-লীলা। ভক্তের নিকট ‘অহংকার বিসর্জনের আত্মান নিয়ত আসিয়া পৌঁছিতেছে, যতদিন না তাঁহার প্রকাশ সম্পূর্ণ হয়’—

‘তাঁহার আত্মান গীত যে ওনেছে কানে, ছুটেছে সে নিভীক পরানে’; তিনি তাঁর জন্ত প্রতীক্ষা করে ‘আছেন, লোক লোকান্তরে যুগযুগান্ত ধরিয়া এই প্রেমের প্রতীক্ষা চলিবে—

Look also, Love, a brooding star,  
A rosy warmth from marge to marge—

তুমি যে চেরে আছ আকাশ ভরে।  
নিশিদিন অনিমেষে দেখছ মোরে।

‘যে কক্ষণ কুঁড়ি না ফুটেছে ততক্ষণ তাঁর পূজার অর্থাৎ ভরছে না’। এই হইল ভক্তের জন্ত ভগবানের প্রতীক্ষা। আর যে তাঁর আত্মান তুলিল না, ‘যে মাগুস তাঁকে দেখতে না পেয়ে গোল কবছে’ তাঁর জন্তও তিনি দৈর্ঘ্য পরে বসে আছেন। “তিনি বলছেন, “আমি তো জোর করে চাইনে, যে ভুলে আছে তাঁর ভুল একদিন ভাবে।” এই হইল প্রাণ জনের জন্ত, সকলের জন্ত তাঁর প্রতীক্ষা, যুগযুগান্ত ধরে অপেক্ষা—ইহাই তাঁহার সৃষ্টি-লীলা, জীবলীলা। প্রতি সৃষ্ট মানবকে এই ভক্তের পদবীতে আকৃষ্ট ও তাঁর সহিত মিলিত হইতে হইবে, যে সুদূর ভবিষ্যতে হইবে— ইহাই Tennyson কবি—

One far off divine event,  
To which the whole creation moves.

‘The final reconciliation or union of all  
Souls with their divine source’ (Bradley).





### প্রোগ্রামার সচিত্র বাক্যালাপ

প্রাঞ্চলিক আশ্রয় আবির্ভাব নূতন কথা নয়। কিন্তু আশ্রয় সচিত্র বাক্যালাপ করার সুযোগ কি ঘটে? কয়েক বৎসর পূর্বে আমার সেই সুযোগই ঘটেছিল।

রংপুর জেলার শৌলমারী গ্রামে বিহারী নামে এক যুবকের বাস। সে আস্তা আনতে পারে শুনে আমার ভাইপো প্রফুল্লকে বললাম তাকে একবার তলব দিতে। প্রফুল্ল সেই অঞ্চলের ডাক্তার। আমাকে তার কাছে তখন যেতে হয়েছিল।

ডাক্তারবাবুর তলব শেষেই বিহারী এসে উপস্থিত হ'ল। লোকটি জাতে নঃশূদ্র, বাবশ করে জেলের। দু'হারা চেহারার যুবক, খালি পা, গায়ে শুধু একটা গেঞ্জি। আচার-বাবহারে বেশ শুদ্ধ।

তাকে ডাকবার উদ্দেশ্য শুনে সে ব'লে গেল আমরা যেন একখানা কুলো ও কিছু নূতন সবমে ভোগাড় ক'রে রাখি। আর তার সঙ্গে দু'তিনখানা পিঁড়িও, তাতে ভূতের আসন হবে। সে রাতে আসবে। রাতে ছাড়া তার প্রক্রিয়া চলেও না।

আসরের আয়োজন করা হ'ল স্থানীয় সরকারী ডাক্তারখানার একপাশে একটা হলঘরে। সেই ঘরটির দু'দিকে দু'দো দরজা ও তিনটে বড় জানালা। একটা দরজা বন্ধই থাকে, অহু দরজাটাও বন্ধ ক'রে দিলে মূল ডাক্তারখানা হ'তে এ ঘরখানি সম্পূর্ণই আলাদা হয়ে যায়। ঘরের একদিকের দু'টো জানালার নীচেই ছোট একটা মাঠ, তার মধ্য দিয়ে পায়ে-চলা পথ। অহু দিকের জানালার ও সম্মুখে মাঠ, তা ডাক্তারখানার কম্পাউণ্ডেরই সামিল। দু'দিকের জানালা দিয়ে বাশ-বাডের কাঁকে একটা নদীর জল চিক্ চিক্ করছে দেখা যায়।

সন্ধ্যার পরেই হলঘরের আসর ঠিক করা হ'ল একটা স্তরক্ষি ও দু'খানা পিঁড়ি পেতে রেখে। কুলো ও সবমে এনেও সেখানে রাখা হ'ল। ব্যাপারটা গোপন রাখার উদ্দেশ্যেই এ বিষয়ে বাইরের কাউকে কিছু বলা হয় নি। আসরের প্রধান অতিথি স্বঃ আমি, দর্শকদের দলে ভাইপো প্রফুল্ল, প্রফুল্লর ছোট ভাই প্রবোধ (ডাক নাম বেটু), ডাক্তারখানার কম্পাউণ্ডার নগেনবাবু এবং তরুণ বয়সের স্থানীয় একজন সরকারী কর্মচারী।



বিহারী বিড় বিড় করে মন্ত্র পড়তে লাগল

বিহারীর আসতে দশ-চার রাত্রি হ'ল। তার সঙ্গে এল তারই স্বছাত্র ও সমবয়সী সুবল। বিহারী একটা পিতলের প্রদীপ হাতে করে নিয়ে এসেছিল। কুলো ও সরমে তার কাছে রেখে দিয়ে ছয়-সাত হাত দূরে এক দিকের জানালার কাছে ছ'খানা পিঁড়ি পেতে রাখা হ'ল। ঘরের দরজা-জানালা সমস্তই বন্ধ করে দেওয়া হয়েছিল। বিহারী পিতলের প্রদীপটা জ্বলে অগ্নি আলো নিভিয়ে দিল। তার পর কুলোর উপরের সরমেগুলো ডান হাত দিয়ে নাড়তে নাড়তে বিড়-বিড় করে কি মন্ত্র পড়তে লাগল। তার এই প্রক্রিয়া ছ-চার মিনিট চলার পরই সুবল ফুঁ দিয়ে পিতলের প্রদীপটা ও নিভিয়ে দিল। ফলে ঘরখানি একেবারেই অন্ধকার হয়ে গেল।

আমাদের আসরে যে সতরঞ্চিখানা পাতা হয়েছিল তার পেছনে ছিল একখানা তক্তপোশ। আমি সেই তক্তপোশের উপর বসে ছিলাম। আমার বাঁদিকে আধা-দাঁড়ান আধা-বসা অবস্থায় ছিল প্রফুল্ল। বিহারী ও সুবল বসে ছিল পাশাপাশি সতরঞ্চির এক কোণ ঘেঁষে। তাদের পাশে কেউ, নগেনবাবু ও সরকারী কর্মচারীটি।



সরমে মেড়ে মস্ত প'ড়ে প'ড়ে বিহারী আধ ঘণ্টার উপর কাটিয়ে দিল। কিন্তু ভূতের সাড়াশব্দ কই? মস্ত পড়ার পাঁচ মিনিটের মধ্যেই ভূত আসার কথা, আর ভূত এসেই বসার আসন পিড়িতে ঠক্ঠক শব্দ ক'রে নাকি আগমনবার্তা জানায়। কিন্তু এতকণের মধ্যেও পিড়ির শব্দ হচ্ছে না দেখে বিহারী নিজেই একটু নিরাশ হয়ে পড়ল। একবার বলল, কি রে শুবল, মাছুলি আনব নাকি? তার পর নিজেই আবার বলল, না, থাক। আজ আর কাজ হবে না। ভূত সেদিন আসবে না, নিশ্চিত বুঝেই হয় ত বিহারী হাল ছেড়ে দিল।

তখন তার মুখে এই মাছুলির রহস্যটা শোনা গেল। মাছুলি পিতলের প্রদীপের শিখায় তাতালে নাকি ভূতের না এসে উপায় নেই। কিন্তু ওকম করায় বিপদও আছে। আঙনের তাত মাছুলিতে লাগলে ভূতের গায়েও যাতনা হয়। যাতনায় ছুঁতে ছুঁতে তার আসতে হয় বনে, কিন্তু সেজন্ত সে চ'টেও যায় বেজায়। তখন আসনের পিড়ি ধ'রে আছড়াতে থাকে। তাতে পিড়ি ও ভাঙ্গারই কথা, একটু অসাবধান হ'লে রোজাও রেহাই পায় না। সেদিনের আসর নিরাশায় ভেঙ্গে গেল। পরের দিন আবার আসবে ব'লে বিহারী ও শুবল বিদায় নিল।

পরের দিন রাতে সেই জায়গায় সেই ভাবেই সমস্ত ব্যবস্থা করা হ'ল। সেদিনের দর্শকও হ'লাম আগেকার মত আমবা ক'জন।

প্রক্রিয়া চলল—পূর্ণ রাত্রির মতই। পাঁচ মিনিট যেতে না যেতেই গুনলাম, ছয়-সাত হাত দূরে পাতা পিড়ির ঠক্ঠকানি শব্দ। বিহারী বলল, এসে গ্যা'ছে। এখন আপনারা কেউ ওদিকে তাকাবেন না, হয় চোখ বুজে, নয় মাথা নীচু ক'রে ব'সে থাকুন। বিহারীর কথামত আমরা দৃষ্টিরোপ করলাম। বিহারী নিজে বিড়বিড় ক'রে মস্ত পড়তে পড়তে কুলোর উপরের সরমে নাড়তে লাগল।

পিড়িতে চার পাঁচবা ঠক্ঠকানির শব্দ হওয়ার পর সেদিক হ'তে ছেলেছোকরার স্বরের মত সরু গলার স্বর শোনা গেল—কেন ডেকেছেন? কি চাই?

আমরা কোন উত্তর দেওয়ার পূর্বেই আর একখানা পিড়িতে দু-তিনটা ঠক্ঠক শব্দ হ'ল, সঙ্গে সঙ্গে মোটা ও কর্কশ গলার স্বর শোনা গেল। আমার ভাইপোর উদ্দেশ্যেই কথা বলতে শোনা গেল—গুড ইভ'নিং, ডাক্তারবাবু, কেমন আছেন? বড় চুপচাপ ব'সে আছেন যে! বড় ভাবনা হচ্ছে বুঝি? কিসের ভাবনা? ট্যাকা—ট্যাকা—ট্যাকা, ট্যাকার ভাবনা, না? একটা হাসির শব্দও হ'ল, হাঃ—হাঃ—হাঃ। তার পরে আবার কথা—তা বেশ, ভাবুন ব'সে ট্যাকার কথা! কিন্তু—কিন্তু পর শব্দটা একটুখানি থেমে গিয়েছিল; পরেই আবার শোনা গেল—আপনার কাছে ব'সে কে উনি?

প্রশ্নের উত্তর দিল প্রফুল্ল। বলল—আমার কাকা। কলকাতা থেকে এসেছেন। আপনাদের সঙ্গে আলাপ পরিচয় করতে চান।

সঙ্গে সঙ্গে আমিও বললাম—আমি আপনাদের কাছে দু-চারটে বিষয় জানতে চাই।

উত্তর পেলাম—বলুন, কি বলতে চান।

জিজ্ঞাসা করলাম—আপনি কে? থাকেনই বা কোথায়?

জবাব এল—আমি প্রেত। থাকি প্রেতস্তরে।

প্রেতস্তবে! প্রশ্ন করলাম সে স্থান কোথায়, আর সেখানে আছেনই বা কি ভাবে?

উত্তর গুনলাম—প্রেতস্তর প্রেতলোকে, পৃথিবীর বাইরে, বড়ই কষ্টকর জায়গা। সেখানে কেমন আছি গুনতে চান? বড় যন্ত্রণা, বড় যন্ত্রণা। কি যে সে যন্ত্রণা তা বুঝাবার নয়।

জিজ্ঞাসা করলাম—এ যন্ত্রণা হ'লে আপনাদের কি মুক্তির উপায় নাই?

জবাব গুনলাম—জানি না। বর্ষাভাগ শেষ না হ'লে হয়ত নাই।

আবার প্রশ্ন করলাম—ওখানে থাকেন কি ভাবে, আর খান-দানই বা কি?

উত্তর হ'ল—থাকি কি ভাবে তা বুঝাতে পারব না। আর খাওয়া-দাওয়া।—সে ত দেখাই সার।

আমি ব্যাখ্যা ক'রে বললাম, দৃষ্টিভোগ।

জবাব এল—হ্যাঁ।

এই পর্যন্ত কথাবার্তা হতেই প্রথম আগন্তকের সরু গলার তন্ত্বর শোনা গেল—দেখুন, দেখুন, ঐ যে উনি চোখ ধুলে আমাদের দিকে তাকাচ্ছেন। ঠেকে মানা করুন, মানা করুন।

সত্যিই, এই সময়ে আমার ছোট ভাইপো কেঁট নাকি চোখ ধুলে আসনের দিকে তাকাচ্ছিল। অভিযোগ শুনেই সে চোখ বুজল।

চোখ মেলে তাকাতে নাই কেন? এই সময়ে এ প্রশ্নটা আমার মনে জাগল। আমি জিজ্ঞাসা করলাম—আচ্ছা, বলুন ত, আপনাদের দিকে তাকানো মানা কেন? তাকালে কি হয়?

উত্তর পেলাম মোটা ও কর্কশ গলায়—আমাদের লজ্জা করে। আমরা ভ্রাংটা কি না?

কথাটা শুনে একটু হাসলাম। তার প্রতিক্রিয়া ওদিকে কিছু হ'ল নাকি বুঝলাম না, তবে মিনিটখানেক পরে সেই গলারই নির্দেশ পেলাম—এবার তাকান দেখি এদিকে।... কিছু দেখছেন?

কই, কিছুই ত চোখে পড়ল না। কিন্তু কানে শুনলাম একটুখানি হাসির মত শব্দ।

ফের সরু গলাওয়ালার কথা শোনা গেল, যেন চটা মেজাজের স্বর—দেখুন ত কম্পাউণ্ডারবাবু, বাইরে কত লোকের ভিড়! আবার আলো জ্বলে দেখা হচ্ছে! ওদের স'রে যেতে বলুন, নইলে দেব দেখিয়ে মজা!

কম্পাউণ্ডার নগেনবাবু দরজা ফাঁক ক'রে উঁকি মেরে দেখলেন—বাস্তবিকই বাইরে কতগুলি লোক এসে দাঁড়িয়েছে। আব তাদের একজন টর্ক জ্বলে জানালার ফাঁকে আলো ফেলার চেষ্টা করছে। তিনি তাদের দৃষ্টি দিয়ে স'রে যেতে বললেন।

নগেনবাবু ফিরে আসতেই মোটাগলার আওয়াজ শোনা গেল—একটু আসছি। আসছি বলার মানে হয় 'ত বাইরে যাওয়া। কাজে হ'লও হয়ত তাই। কেননা, চার-পাঁচ মিনিটের মধ্যে আর বোনও সাড়াশব্দ পাওয়া গেল না। তার পরে আবার পিঁড়িতে শব্দ হ'ল—ঠক ঠক।

বিহারী বলল, ফিরে এসেছে। ওদের কিন্তু আর বেশী সময় রাখা যাবে না। আপনাদের আর কিছু বলার থাকলে চটপট সেরে নিন।

পৃথিবীর বাইরের প্রাণীর সঙ্গে কথা বলছি, তার ত ভুল নেই। এদের দৃষ্টি হয়ত অনেক দূরেই চলে,—এই ভেবে আমার কলকাতার বাসার খবর জানতে উৎসুক হ'লাম। আমার একটি মেয়ে সামান্য অসুস্থ ছিল। তার খবরটা প্রথমে জানতে চাইলাম।

উত্তর পেলাম মোটা ও কর্কশ গলায়—আমরা প্রেত, আমরা কি তা বলতে পারি! তবু চেষ্টা ক'রে দেখি। বলুন ত আপনার মেয়ের নাম।

নাম শুনে আমার ডান হাতখানা উপরে তুলে ধরতে বলা হ'ল। আমি হাত তুলতে একটু পরে শুনেও পেলাম - ভাল আছে। তবে এখনও চিকিৎসা করাতে হবে।

আমার পিতা ছিলেন পূর্ববঙ্গের প্রথম নাট্যকার। নাম মহেশচন্দ্র দাশগুপ্ত। ১৮৩১ সালে কলকাতায় তাঁর মৃত্যু হয়। আমি নয় মাস বয়সের সময়ে মাতৃহারা, সুতরাং আমার পিতাই ছিলেন একাধারে আমার মা-বাপ। তাঁর অভাবের বেদনা ভুলতে পারি নি। তাই তাঁর সম্বন্ধে কিছু জানা যায় কি না, সেই আশায় প্রশ্ন করলাম—বলুন দেখি, আমার বাবা কোথায়?

বাবার নাম ও বিস্তৃত পরিচয়াদি একে একে জেনে নিয়ে মোটা গলাওয়ালার জবাব পেলাম—কই, তাঁকে ত প্রেতস্তরে দেখছি না। এর উপরের স্তরে আমাদের দৃষ্টি চলে না।

এর পরে এদিনকার আলোচনায় পূর্ণচ্ছেদ পড়ল। বিহারী আরও বিচক্ষণ মগ্ন প'ড়ে সরষে নাড়তে লাগল। কিন্তু তাতেও যখন আর কোনও সাড়াশব্দ পাওয়া গেল না তখন কান দিলে বলল, আজ আর কাজ হবে না, চ'লে গ্যাছে।

এর পর আসর যতটুকুই জমুক না কেন, ওতেই আমাদের কোতুহল বেড়ে উঠেছিল। আমরা বিহারীকে আর একদিন আসর করতে বললাম। বিহারীর বাইরে যাওয়ার বরাত ছিল, কাজেই তার ফেরার পর পাঁচ-ছয় দিন বাদে এবারকার আসর বসল।

শুনেছিলাম, বিহারীর তাঁবে আরও দু'টি ভূত আছে। তাদের একজন এক গোসাক্ষী-বাবাজী, আর

একজন মেথর। পূর্বে তাদের জন্ত আসন পেতে রাখা হয় নি, তাই হয়ত তাদের আসাও হয় নি, এই মনে ক'রে এবারকার আসরে চারখানা পিঁড়ি পেতে রাখা হ'ল। আর সব ব্যবস্থাও হ'ল পূর্বের স্থায়। বিহারীর প্রক্রিয়াও চলল সেইরূপ।

একে একে সরু গলাওয়ালার ও মোটা গলাওয়ালার আবির্ভাব টের পেলাম পিঁড়ির ঠক্ঠক্ শব্দ শুনে।

আমি জিজ্ঞাসা করলাম, আপনারা ত প্রেতলোকের বাসিন্দা, সম্ভবতঃ বায়ুভূতো নিরাশ্রয়, অথচ চলছেন-ফিরছেনও ত দেখছি। কি ক'রে তা সম্ভব হয়? ধরুন, এই ঘরের মধ্যেই যাওয়া-আসা চলে কি ক'রে, ঘরের দরজা-জানালা ত বন্ধ?

সরুগলার কথা শুনলাম—আচ্ছা, আপনাকে একটা প্রশ্ন করি। দরজা-জানালা বন্ধ থাকলেও এ ঘরে বাতাস আছে, আসে-যায়ও, ঠিক কি না?

বললাম, হ্যাঁ।

তবেই দেখুন—জবাব পেলাম—দরজা-জানালা বন্ধ থাকলেও বাতাসের মত আমাদেরও চলাফেরা বাধা নেই।

প্রশ্ন করলাম—তা নয় হ'ল, কিন্তু কথাবার্তাও বলা হয় কি ক'রে?

সরু স্বরের প্রশ্ন হ'ল—আপনারা যাকে গ্রামোফোন বলেন তাতে গান হয় কি ক'রে?

বললাম—তাতে ত রেকর্ড আছে।

শুনলাম—এখানেও ত রেকর্ড আছে কুলোখানাই, আর সরষেগুলো রেকর্ড চালাবার পিন্।

ব্যস্, মীমাংসা হয়ে গেল। এর পর ইচ্ছা হ'ল পরলোকের গোটাফতক তত্ত্ব জানতে। তাই মৃত্যু কি, মৃত্যুর পরের অবস্থা কি, স্বর্গ-নরক কি, একে একে এরূপ প্রশ্নের অবতারণা করলাম।

জবাব দিল মোটাগলাওয়াল। কোন কিছুই সমাধান করতে না পেরে শেষে বলল, একটু অপেক্ষা করুন, গোপাণী-বাবাজীকে ডেকে আনছি।

দু-তিন মিনিট বাদে তৃতীয় পিঁড়িখানার শব্দ শুনে বুঝলাম বাবাজী হাজির। ধীর ও গম্ভীর স্বরে সত্যিই যেন এক বৈষ্ণববাবাজীর গলায় কথা ফুটল—কি, বাবারা, কি জানতে চাইছেন?

আমি আমার প্রশ্ন উত্থাপন করলে প্রথমে ভূমিকা শুনলাম—বাবারা, আপনারা জ্ঞানীলোক, আমি চাষাভূষা মুখ্য মাহুষ, আমার নিকট এ প্রশ্ন কেন?

বাবাজীর বিনয়ে থামলাম না। বার বার জেদ করার উত্তর শুনলাম—সবই ত শাস্ত্রে আছে। মৃত্যুর পরের অবস্থা কর্মফল-অহুসারে হয়, স্বর্গ-নরকও কর্মফলের ভোগ। গীতায়ই ত পড়েছেন—এই ব'লে গীতার একটা শ্লোক আবৃত্তি করা হ'ল। তার পর চৈতন্যচরিতামৃতেরও দু-একটা পংক্তি ব'লে কথা শেষ হ'ল—বাবারা, আপনারা জ্ঞানী, শাস্ত্র পড়ুন, সবই জানবেন, আমার মত চাষাভূষা ও মুখ্য মাহুষের কাছে এসব আর কি শুনবেন!

বাবাজীর বৈষ্ণবোচিত বিনয়ে দমলাম না। আমি তৎক্ষণাৎ বললাম—তবে যে শুনি গয়ায় পিণ্ডদান করলে পাপীতাপীরও মুক্তি হয়, তা কি সত্যি না?

ধীর ও গম্ভীর স্বরে জবাব এল—না। কর্মফলের ভোগ শেষ না হলে, না।

হঠাৎ সে স্বর ধেম গেল। প্রশ্ন ক'রেও আর কারও জবাব পেলাম না। বুঝলাম—সবাই চ'লে গিয়েছে।

বিহারীর প্রক্রিয়া তখনও থামে নাই। কাজেই আগেকার দল চ'লে গেলেও চতুর্থ পিঁড়িখানিতে ঠক্ঠক্ শব্দ হ'ল। সঙ্গে সঙ্গে হিন্দীভাষা বাংলায় কথা শুনলাম—সেলাম ডাক্তারবাবু, কুছ খিলাইবেন না?

এ সেই মেথরের গলা। প্রফুল্ল আগেও শুনেছে। তাই চিনতে পেরে বলল—খাওয়াব বইকি? কি খেতে চাস্? জবাব এল—কলা।

প্রফুল্ল বলল—বেশ, দেব কলা। কিন্তু আগে একটা গান গা দেখি।

করমাসের কল পাওয়া গেল। গানের সুরে শোনা গেল ফিরিয়ে ফিরিয়ে একটা কলি, আর তার তালে তালে পিঁড়ির বাজনা—ঠক্ ঠক্। পিঁড়িখানি ঠক্ঠক্ কর্তে কর্তে গানের তালে তালে এগিয়ে আসতে লাগল। বিহারী টের পেলে বাজনা তার পায়ের কাছে এসে পড়েছে, অমনি সে একমুঠো সরসে নিয়ে পিঁড়ির দিকে ছুঁড়ে মারল। সঙ্গে সঙ্গে পিঁড়িও ধেম গেল, গানওয়ালারও সুর বন্ধ হ'ল। শুনলাম—পিঁড়ির তাল সময়মত না ঠেকালে

বিহারীর হয়ত বিপদ হ'ত, কেননা পিঁড়ি তখন রোজার শরীরের বাধা গ্রাহ্য করত না। এ পর্যন্ত পায়েই তাল ঠোকা চলছিল, তার পর হয়ত হাতে তুলে নিয়ে মাথার উপরই পিঁড়ির ঠকাঠক চলত। বস্তুতঃ, ছ'-এক ক্ষেত্রে নাকি রাগের কসরতে ওরূপ ঘটনা ঘটতে দেখাও গিয়েছে।

মেথরকে কলা খাওয়ার আর উপায় রইল না। আশা রইল আর একদিন সে-কথা রক্ষার ব্যবস্থা হবে। কিন্তু সে ব্যবস্থা হওয়ার পূর্বেই আমাকে কলকাতায় ফিরতে হয়েছিল।

তুনেছি, এই ভূতদের সকলেই নাকি কুচবিহারের ওদিক হ'তে আমদানী। মৃত্যুর পূর্বে সরুগলার ছোকরাটি ছিল ইস্কুলের ছাত্র, মোটা ও কর্কশ-গলাওয়ালা ডাক্তার, বৈষ্ণববাবাজীর আখড়াও ছিল একটা। আর মেথর ?—সে ত সর্ব্বঘটে বর্তমান। বিহারীর গুরু নাকি এদের জীবদ্দশায় শরীরের রক্ত নিয়ে রেখেছিল কাপড় ছুপিয়ে আর সেই রক্তমাখা কাপড় গোটাকতক মাছুলিতে পুরে রেখেছিল। সেই মাছুলিই অমুপায়ের উপায় স্বরূপে শেষবারে তাতাবার ব্যবস্থা। এই গুরুটি ছিল ব্যবসাদার ভূতের রোজা। বিহারীও তারই দীক্ষিত শিষ্য। তবে ক্ষেত্র বুনে খয়রাতী কাজও চালায়।

আমাদের সংশয়ী মন। পূর্ক হতেই সন্দেহ ছিল এর মূলে হরবোলার কারসাজি ( ventriloquism ) আছে নাকি। দর্শকদের মধ্যে সকলেই, বিশেষতঃ কাঁচা চোখের দৃষ্টি নিয়ে কেউ, বিহারী ও সুবলের প্রতি কড়া নজর রেখেছিল। কিন্তু নিফল চেষ্টা। মেথরের গানের তালে তালে পিঁড়িখানা এগিয়ে আসা, বাইরের ভিড় ও কেউর চোখ খুলে ধরা পড়া—এই সকল সমস্তার সমাধানই বা কি? তার উপর বিহারী ও সুবল দুজনেই সামান্য লোক, লেখাপড়া অক্ষরপরিচয়েই সীমাবদ্ধ। শুভ ইভনিং বলা শিখে রাখলেও, গীতার শ্লোক কিম্বা চৈতন্যচরিতামৃত আওড়ানোর বিদ্যা তাদের নেই।

### ছায়ামূর্ত্তির মুখোমুখী

দ্বিতীয় মহাযুদ্ধের জাপানী বিভীষিকা দূর হয়েছে বটে, কিন্তু আত্মরক্ষার বৃহৎ ব্যাফ্লওয়াল ( Baffle Wall ) তখনও শহরময় বর্তমান।

এই সময়ে একদিন আমাকে কলকাতার এন্টালী অঞ্চলে যেতে হয়েছিল। বাসে এন্টালী বাজারের সামনে পৌঁছে হাঁটা পথে মিডল্ রোডের এক প্রান্তে আমার গন্তব্যস্থল। যাওয়ার সময় বেলাবেলিই গিয়েছিলাম, ফিরতে রাত হয়ে গেল।

ছোট ছোটো গলির পেট কেটে অপেক্ষাকৃত একটা বড় গলি আড়াআড়ি পূর্বপশ্চিমদিকে গিয়েছে। সেই বড় গলির সংযোগস্থলে একদিকের ছোট গলিটার মুখে একটা ব্যাফ্লওয়াল, তার এক প্রান্ত একটা বাড়ীর কোণে মিশানো; সেদিক থেকে সাত-আট হাতের মধ্যে বাড়ীর দরজা-জানালা কিছুই দেখা যায় না। ব্যাফ্লওয়ালের অপর প্রান্তের সংলগ্ন একটা ফাঁকা জায়গার পাশ ঘেঁষে সরু গলি দিয়ে আমার যাওয়ার পথ। ভাঙাচোরা জায়গাটার মাঝে কয়েকটা ইটের স্তূপ ছিল। যাওয়ার সময়ে সবই নজরে পড়েছিল, কিন্তু দিনের আলোতে কোনো কিছুই অস্বাভাবিক মনে হয় নি।

ফেরার বেলা রাতে এই দেয়ালটার কাছে এসে পাশ ঘেঁষে ফাঁকা জায়গার দিকে পা দিতে যাব, হঠাৎ দেখি দেয়ালের গায়ে এক ছায়ামূর্ত্তি। মাথায় প্রকাণ্ড পাগড়ি, মুখময় দাড়ি, গায়ে আলখাল্লার মত জামা, হাতে লাঠি। আমি চম্কে উঠে বিপরীত দিকে স'রে গেলাম। সঙ্গে সঙ্গে ছায়ামূর্ত্তিটাও আমার সামনে দেয়ালের গায়ে স'রে এল। আমি ডান দিকে ফিরলাম। সে মূর্ত্তিও যেন আমার গতিরোধ করতে সেই দিকের দেয়াল ঘেঁষে দাঁড়াল। একবার সন্দেহ হ'ল আমারই ছায়া নাকি! কিন্তু তক্ষুনি মনে হ'ল, নাঃ, আমার ত খালি মাথা, গায়ে পাঞ্জাবি ও উড়ানি; তার উপর মুখে দাড়ি-গোঁফই বা কই? হাতে ছাতা ছিল, তা দিয়ে আঘাত করলাম, দেয়ালে লেগে ঠকাস্ ক'রে একটা শব্দ হ'ল। কিন্তু মূর্ত্তিটা তখনও আমার সামনে দাঁড়িয়েই রইল। এইবার আমার গা একটু ছম্ছম্ ক'রে উঠল। যে বাড়ীর কোণ ঘেঁষে দেয়ালটি রয়েছে সেদিকে চেয়ে দেখলাম, ভেতরে যাওয়ার পথ নেই, দরজা-জানালাও দেখা যায় না যে কাউকে ডাকি। এদিক-ওদিক স'রেও ছায়ামূর্ত্তিটিকে এড়াতে পারছি না, যেখানেই দাঁড়াই সেটিও আমার মুখোমুখিই এসে দাঁড়ায়। ছ'-চার মিনিটের এ ব্যাপার, কিন্তু আমার মনে হ'ল যেন আধ ঘণ্টা



ধ'রে সে মূর্তির অহুসরণ চলছে। একবার পেছন ফিরে যাওয়ার কথাও ভাবলাম, কিন্তু কি জানি কেন,—তা না ক'রে মরিয়া হয়ে কাঁকা জায়গার পথেই মারলাম ছুট, আর এক ছুটেই গিয়ে পড়লাম বড় গলিটা পেরিয়ে অল্প দিকের সরু গলির পথে। সেখানে দু'চারটে বস্তির পরে একটা খোলার ঘরের বাইরে তরুপোশ পেতে বসে তিন-চারটি মুসলমান বিড়ি পাকাচ্ছিল। আমি তাদের কাছে এসে দু'চারটে কথায় আমার অবস্থা বলতেই তারা উত্তর দিল—বাবু, আপনি চ'লে যান। ওদিকে তাকাবেন না। কোন ভয় নেই।

তাদের এ কথার তাৎপর্য তখন ঠিক বুঝি নি। পরে ভনেছি, কাঁকা জায়গায় কতগুলো ইটের যে ভাঙা স্তূপ দেখেছি, সেখানে নাকি কবর ছিল। সেই কবরের সঙ্গে এই ছায়ামূর্তির সংস্রব ছিল কি না, কে জানে? বিড়িওলারা হয় ত তা জানত, তাই আমাকে ওদিকে না তাকিয়ে চ'লে যেতে বলেছিল।

#### ছায়ামূর্তির ছায়া

আমাদের গ্রামের বাড়ীর হু'দিকে ছিল হু'খানা ব্রাহ্মণ-বাড়ী। বাসিন্দাদের পদবী অহুসারে একখানার নাম পুন্লীবাড়ী, অল্পখানার নাম বারডীবাড়ী। পুন্লীবাড়ী ও আমাদের বাড়ী একেবারে পাশাপাশি। বারডীবাড়ী ও আমাদের বাড়ীর সংলগ্ন একটা দীঘির পাশের একটা খানার ওপারে। সেখানে যাতায়াতের জন্ত ছিল একটা বাঁশের সাঁকো। খান দুই বাঁশ লম্বালম্বি ফেলে সে-সাঁকো তৈরী। উপরের দিকে বাঁশের হাওল থাকে তার। আমাদের দেশে সেরকম সাঁকোকে বলা হয় 'চার'। এক সময়ে একজনের বেশি লোকের সে-চার পার হওয়া চলে না।

আমাদের বাড়ী ও পুন্লীবাড়ীর ছেলে-ছোকরাদের মজলিশের আসর ছিল বারডীবাড়ীতে। আড্ডার সঙ্গে তাদের পড়াশুনা, এমন কি সময়ে সময়ে রাতের শোওয়াও চলত সেখানে। আমার এক খুড়তুত ভাই নরেন্দ্র তখন দেশের ইস্কুলে পড়ে। পুন্লীবাড়ীর বিনোদ তার বন্ধু। তারা দুজনেই ছিল সেখানকার দলে।

একদিন রাত্রে নরেনের বারডীবাড়ীতে গিয়ে শোবার কথা। সেখানে যাওয়ার আগে রাত হয়ে গেল অনেক। নরেন খানাটার কাছে গিয়ে বাঁশের সাঁকো পার হ'তে যাবে, এমন সময়ে দেখে, কে একজন ওপার থেকে এপারের দিকে আসছে। তাকে বাঁশের সাঁকোটা পার হওয়ার সুযোগ দিতে গিয়ে নরেনকে এপারেই দাঁড়িয়ে থাকতে হ'ল। কিন্তু যাকে সে দেখছিল এদিকে আসতে, সে খানিকটা এসেই আবার ফিরে চলল। নরেনও ওপারে যাওয়ার পথ খোলা পেয়ে সাঁকোটার গোড়ায় পা দিল। অমনি ওদিককার দৃশ্যও গেল বদলে। যে ওপারে যাচ্ছিল সে ফিরে এল তড়বড় ক'রে ছুটে, আর এসেই দাঁড়িয়ে পড়ল সাঁকোটার মাঝখানে। তাই দেখে নরেনের আর এগোবার জোঁ রইল না। এই রকম চলতে লাগল অনেকক্ষণ ধ'রেই। নরেন সাঁকোটার উপর পা দিতেই সে-মূর্তি এপারের দিকে ছুটে আসে, আবার সে সাঁকো ছেড়ে দাঁড়াতেই মূর্তিটা চ'লে যায় ওপারের দিকে। কে, কে, ব'লে ডেকেও নরেন কোন সাড়া পাচ্ছিল না।

অন্ধকার রাত্রে মূর্তিটা ছায়ার মতই দেখা যাচ্ছিল। তার চাল-চলন আর কাপড়-চোপড় দেখে নরেনের সন্দেহ হ'ল। বিনোদ পুন্লীই এর নামক। তাই সে বিরক্তির সুরে চৈঁচিয়ে উঠল—বিনোদ, তামাসা করার আর সময় পাস্ নি! ঘুমে আমার চোখ ভেঙে পড়ছে আর তুই মজা করছিস আমাকে যেতে বার বার বাধা দিয়ে। হয় এপারে আর, নয় পথ ছেড়ে চ'লে যা।

বিনোদের মা তাঁর ঘরে তখন জেগে ছিলেন। নরেনের কথা তাঁর কানে গেল। তিনি নরেনকে ডেকে বললেন—বিনোদকে তুই কি বলছিস রে, নরেন?

নরেন বলল—দেখুন ত খুড়ীমা, বিনোদের কাণ্ড! আমাকে চার পার হ'তে দিচ্ছে না।

বিনোদের মা বললেন—তুই আগে আর দেখি একবার আমার কাছে।

নরেন বিনোদের মাঘের কাছে মনেতেই তিনি বললেন—এত রাত্রে তোর আর বারডীবাড়ীতে যেয়ে কাজ নেই। শুয়ে থাক এখানেই ঐ বিছানায়।

বিনোদের মা নরেনকে শোবার জন্ত যে বিছানা দেখিয়ে দিলেন তা পাতা ছিল ঘরের একপাশে। নরেন শুতে গিয়ে দেখে, সেখানে শুয়ে আছে বিনোদ। কিন্তু সে ঘুমে অচেতন।

সেই বাঁশের সাঁকোর রহস্যের এইখানেই শেষ নয়। তার দুই দিকেই ছিল কতগুলো চিতা। •পাড়াগাঁয়ে

আলাদা শ্মশান নেই। বসত-বাড়ীর বাইরেই মৃতের সংকার করা হয়। আমাদের জলের দেশে মৃতের বিছানাপত্র ফেলে দেওয়াও হয় চিতার পাশের খানাডোবায়। সেখানে বারো মাসই জল চলাচল করে। ঐ রকম চিতার পাশের একটা খানায় ফেলে দেওয়া হয়েছিল একটি শবের বিছানাপত্র। শবটির সংকার করা হয়েছিল যে-রাত্রে, তার পরের দিন ভোরে দেখা গেল, সেই বিছানা পাতা রয়েছে পরিপাটিক্রমে তার চিতার উপরে—নীচে হোগলা পেতে তার উপর তোশক, চাদর ও শিয়রের বালিশটি। আর সেই বালিশের উপর দাগ মাথার চাপের—কেউ যেন ঘুম থেকে উঠে সদ্য সে বিছানা ছেড়ে গিয়েছে।

সাঁকোর উপরে নরেনের সঙ্গে যে-মূর্তির কোঁতুক চলছিল, সেই শ্মশানচারীর কেউই হয়ত এই ছুই রহস্যেরই মূলে।

### গেছো ভূত

ঢাকায় আমার পঠদশায় সাহিত্যরথী রায়বাহাদুর কালীপ্রসন্ন ঘোষের সহিত অনেকদিনই আমাকে বৈকালিক ভ্রমণে যেতে হ'ত। ঐ সময়ে তাঁর বাঙ্কব-পত্রিকায় প্রেততত্ত্ববিষয়ক কাহিনী বোধ হয় ছায়াদর্শন—এই নামে প্রকাশিত হ'ত। সেই সকল কাহিনীর লেখক ছিলেন তিনি নিজেই।

একদিন বেড়াতে বেড়াতে রায়বাহাদুরকে আমি জিজ্ঞাসা করলাম—আপনি ত বাঙ্কবে ভূতের কাহিনী অত লিখছেন, নিজে কি ভূতে বিশ্বাস করেন ?

বিশ্বাস করিনে! রায়বাহাদুর আমার কাঁধে হাত দিয়ে থমকে দাঁড়িয়ে বললেন—বিশ্বাস ও করিই, আমি স্বচক্ষে ভূত দেখেছিও।

আমি একটু হেসে বললাম—কোথায় ?

তিনি বললেন—তোমাদেরই বরিশালে।

রায়বাহাদুর ঘটনাটা আমাকে যা বলেছিলেন তার মর্ম এই : তিনি তখন বরিশাল শহরে থাকেন। একদিন ছুপুরবেলা তাঁকে শহরের ভাটিখানা মহলায় যেতে হয়েছিল। সেখানে যেতে পথে পড়ে বেণু সিংহের বাড়ী। বাড়ীর সামনে পুকুর এবং পুকুরপাড়ে বড় একটা গাছ। তিনি সেই পথে যেতেই হঠাৎ তাঁর দৃষ্টি পড়ল গাছটার দিকে। তখন তিনি দেখেন গাছের একটা ডালে পা ঝুলিয়ে ব'সে রয়েছে অদ্ভুত একটি প্রাণী, দেখতে মানুষেরই মত বটে, কিন্তু নেহাৎ বেঁটে, আর গায়ের রং পাঁঠার উজ্জলির ( নাড়িভূঁড়ি-ঢাকা থলের ) মত সবুজে। তাঁকে দেখেই প্রাণীটি সন্ন সন্ন করে উপরে উঠে গেল। তিনি ভয় পেয়ে উর্দ্ধ্বাসে ছুটে গেলেন নিকটে এক আন্নীর বাড়ী। সেখানে গিয়ে শোনেন—লোকের বিশ্বাস ও গাছে ভূত আছে, আর তিনি যে-প্রাণীটিকে দেখেছেন সেটাই সেই ভূত। রায়বাহাদুরের নিজেও বিশ্বাস, তিনি ভূতই দেখেছিলেন।

বেণু সিংহের বাড়ী বরিশালে হয়ত এখনও আছে। তাঁর বাড়ীর সংলগ্ন পুকুর ও পুকুরপাড়ের গাছ কয়েক বৎসর পূর্বে আমি নিজেও দেখেছি। বরিশাল-হিতৈষী-আফিস তখন তারই নিকটে ছিল।

### আন্নীর অতৃপ্ত আকাজক্ষা

মৃত্যুর পূর্বে কারও কোন বিষয়ে প্রবল আকাজক্ষা থাকলে তা মেটাতে মৃতের আন্নী পূর্বেদেহে ফিরে আসে। কবি ককরণানিধান বন্দ্যোপাধ্যায় সে-সময়ে তাঁর প্রত্যক্ষ পারিবারিক একটি কাহিনী আমাকে বলেছিলেন। ঘটনাটি এই :

ককরণানিধানবাবুরা তখন কলকাতায় হেদোর কাছে ডাক্ স্ট্রীটে থাকতেন। তাঁর এক ভাই চাকরি করতেন চুঁচুড়ায়। আফিসের ক'দিনই তিনি সেখানে থাকতেন ; শনিবার আফিস ক'রে আসতেন কলকাতার বাসায় এবং রবিবার পর্যন্ত থেকে সোমবার চুঁচুড়ায় ফিরে যেতেন।

ককরণানিধানবাবুর এই ভাইটি ছিলেন যেমন মাংসপ্রিয় তেমনি ধিয়েটার-ভক্ত। কলকাতার বাড়ীতে এসেই মাংসরাগ্নার করমাস করতেন এবং শনিবার, রবিবার দু'দিনই ধিয়েটার দেখতেন।

একবার তিনি হঠাৎ বৃহস্পতিবারে এসে কলকাতায় উপস্থিত হন এবং মাংসরাগ্নার করমাস করেন। রাত্রে পেট পুরে মাংস খেয়ে ধিয়েটার দেখতে যান। পরের দিন অনেক বেলা পর্যন্ত ঘুমিয়ে রাত্রিজাগরণের ক্লাস্তি দূর

করেন। তার পর ছপুয়ে খাওয়া-দাওয়া  
ক'রে—আমার জরুরী কাজ আছে,  
এক্ষুণি চুঁচুড়ায় যেতে হবে—এই  
ব'লে চ'লে যান।

এই হ'ল শুক্রবারের ঘটনা।  
তিনি চ'লে যাওয়ার কিছুক্ষণ পরে  
করুণানিধান বাবুর বাড়ীতে সংবাদ  
এল—বৃহস্পতিবার আফিসের পর  
তার ভাই সিঁড়ি দিয়ে নামতে গিয়ে  
প'ড়ে গুরুতর আঘাত পান ;  
শুক্রবারই তাঁকে হাসপাতালে পাঠান  
হয়, কিন্তু ছুঃখের ব্যাপার, সেই দিনই  
তার মৃত্যু হয়েছে।

মৃত্যুর সময়টা মিলিয়ে পরে  
দেখা গিয়েছিল, মৃতের আত্মা  
দেহত্যাগের পরক্ষণেই কলকাতায়  
এসেছিলেন ; এবং সম্ভবতঃ অতৃপ্ত  
আকাঙ্ক্ষা মিটিয়ে অস্তিত্ব  
হয়েছিলেন।

করুণানিধান বাবুর স্ত্রীর মৃত্যুর  
পর তিনিও স্বামীকে দেখা দিয়েছিলেন  
সেদিন ছিল বিজয়া দশমী। সেই  
শুভদিনে স্ত্রীর কথা বারবারই  
করুণানিধান বাবুর মনে পড়ছিল।  
সন্ধ্যার পর তিনি চুপ ক'রে শোবার-

ঘরে ব'সে ছিলেন। ভাসান দেখে ছেলেরা ঘরে ফিরে এলে তাদের হাতে যে মিষ্টি দিতে হবে সেকথাও ভুলে  
গিয়েছিলেন। হঠাৎ তাঁর চোখের সামনে ফুটে উঠল স্ত্রীর মূর্তি—যে বেশে তিনি বিদায় নিয়েছিলেন সেই রকমই  
কাপড়চোপড়-পরা। সেই মূর্তি আঙ্গুল দিয়ে তাঁর শোবার ঘরের আলমারিটা দেখিয়ে দিয়েই অদৃশ্য হয়ে গেলেন।  
করুণানিধান বাবুর তখন মনে পড়ল, ছেলের হাতে দেওয়ার জন্ত যে সন্দেশ আনা হয়েছিল তা সেই আলমারিতেই  
আছে। ছেলেরা বাড়ীতে ফিরলেই সেই মিষ্টি তাদের দিতে হবে। বিজয়াদশমীর দিনে ছেলের প্রতি বাপের  
কর্তব্যের ক্রটি না হয়, এই জন্তই হয়ত স্ত্রীর আত্মা স্বামীকে কর্তব্যপালনের নির্দেশ দিতে আবিভূত হয়েছিলেন।

### মৃত্যুর পরেও জীবন্ত মূর্তি

মৈমনসিংহ শহরে ৮গিরীশচন্দ্র সেনগুপ্ত প্রসিদ্ধ কবিরাজ ছিলেন। তাঁর জ্যেষ্ঠ পুত্র শরৎচন্দ্র সেনগুপ্ত ছিলেন  
সেখানকার আদালতের সেরেসাদার।

একদিন গভীর রাতে শহরের এক নির্জন পথে আসতে আসতে শরৎবাবু দেখেন, একখানা খোলার ঘরের  
দাওয়ার একটা ছায়ামূর্তি দাঁড়িয়ে আছে। তার অঙ্গপ্রত্যঙ্গ সমস্তই স্পষ্ট দেখা যাচ্ছিল এবং তার একদিকের গাল  
ঢেকে মাথায় জড়ানো ছিল সাদা-ধবধবে কাপড়।

ব্যাপার কি বুঝতে না পেরেও শরৎবাবু তাড়াতাড়ি পা চালিয়ে গিয়ে পরিচিত এক দোকানে উঠলেন।  
সেখানে গিয়ে যা জানলেন তাতে বুঝলেন—ছায়ামূর্তি ওখানকারই এক হারমোনিয়ামওয়ালার প্রেতাত্মা। অনেক



সেই পথে যেতেই হঠাৎ তাঁর দৃষ্টি পড়লো গাছটার দিকে

দিন হ'ল লোকটির মৃত্যু হয়েছে। জীবদ্দশায় তার গাল পুড়ে গিয়ে বড়ই কদর্য হয়েছিল, তাই সে মাথায় ও গালে সাদা ক্রমাল বেঁধে রাখত। গভীর রাত্রে ও-পথে যে গিয়েছে সেই ঐ দৃশ্য দেখেছে।

শরৎবাবুর পরামর্শে স্থানীয় বাসিন্দারা সেই খোলার ঘরের মধ্যে একটা গাই গরু বেঁধে রেখে তিন দিন ধরে অষ্ট প্রহর মহানামকীর্তন করে। তার পর হ'তে সে ছায়ামূর্তি আর দেখা যায় নি।

#### প্রাঞ্চেটে আত্মার আবির্ভাব

এর পরের ব্যাপার প্রাঞ্চেটের সম্পর্কে। প্রাঞ্চেটে মৃতের আত্মার অস্তিত্বের প্রমাণ পাওয়া যায় দু-রকমে— এক রকমে সন্ধান মেলে, যে-টেবিলের পাশে বসে আত্মাকে আশ্বাস করা হয় সেই টেবিলের পায়ার সাঙ্কেতিক শব্দ শুনে; অল্পরকমে—কাগজের উপর পেন্সিলের লেখায়। আমরা যে কাহিনী বলতে যাচ্ছি তা আত্মার লেখনীতেই প্রকাশ পেয়েছিল।

আমার সহাধ্যায়ী সাহিত্যিক বন্ধু শ্রীসতীশচন্দ্র চক্রবর্তী বরিশাল জেলার পিরোজপুরে ওকালতি করতেন। নন-কোঅপারেশনের সময় ওকালতি ছেড়ে কলকাতায় এসে গুরুপ্রসাদ চৌধুরী লেনে বাসা ক'রে থাকেন।

এই সময়ে তাঁর (তখনকার দিনে একমাত্র) পুত্রের এবং জামাতার মৃত্যু হয়। তাঁর বিধবা কন্যা ননীবালা, পিতার অগোচরে, প্রাঞ্চেটের সহায়তায় স্বামীর আত্মার সন্ধান পান। পরে তা জানতে পেরে সতীশবাবুও মেধের সাহায্যে প্রাঞ্চেটে পারলৌকিক অনেক তথ্য জানতে পারেন। সেই উপলক্ষে তাঁর মৃত পুত্রের, জামাতার ও পিতার, বরিশালের অশ্বিনীকুমার দত্ত ও কালীশ পণ্ডিত মহাশয়বৃন্দের, দাদা-মা ব'লে খ্যাত স্বামী-স্ত্রী-সম্পর্কান্বিত দুজন বিশিষ্ট ব্রহ্মচারী ও ব্রহ্মচারিণীর, এমন কি ১৪১৫ খ্রীষ্টাব্দে এজিনকোর্ট যুদ্ধে নিহত একজন ইংরেজ সেনাপতির আত্মার আবির্ভাব হয়েছিল। এঁদের লেখনীর মুখে প্রত্যেকের প্রকৃতির, ভাষার, মাধ বানানের, বিশেষত্ব পর্যন্ত ধরা পড়েছিল।

পূর্ববঙ্গে শরীরের 'হাড়কে' উচ্চারণ করা হয় 'হার'। সতীশবাবুর পিতার মৃত্যুর পর তাঁর অস্থি (হাড়) গঙ্গায় নিক্ষেপের জন্য একটা বেলগাছের তলায় মাটির নীচে কোঁটায় পুরে রেখে দেওয়া হয়েছিল। সতীশবাবু তা জানতেন না। সেই হাড় তখনও গঙ্গায় দেওয়া হয় নি। তাই মৃতের আত্মা সে-বিশয়ে স্মরণ করিয়ে দিতে গিয়ে পূর্ববঙ্গের ভাষায় হাড়কে লিখেছিলেন হার। ফলে তা নিয়ে একটা সমস্তার সৃষ্টি হ'য়েছিল। সতীশবাবু পরে মায়ের নিকটে তার সন্ধান পান। তাতেই সমস্তার সমাধান হয়।


বরিশালের কালীশ পণ্ডিত মহাশয় ছিলেন সেবাব্রতী উদারস্বভাবের লোক। তিনি হাস্ত করতেন উচ্চৈঃস্বরে। তাঁর আত্মার লেখনীতেও সে রকমই প্রাণখোলা হাসির শব্দ যেন ধরা পড়েছিল। দাদা-মায়ের আদি নিবাস ছিল কুমিল্লায়। সেদেশের ভাষায় তাঁরা 'তোমার' শব্দকে বলতেন 'তুমার'। তাঁদের আত্মাও সে অভ্যাস ত্যাগ করতে পারেন নি।

লোকের মনে প্রতিহিংসা-প্রবৃত্তির প্রাধান্য থাকলে মৃত্যুর পরেও আত্মা তার প্রভাব এড়াতে পারে না। যে ইংরেজ সেনাপতির আত্মার সন্ধান প্রাঞ্চেটে পাওয়া গিয়েছিল, পঁচিশ বছর পরেও তাঁর সে মনোবৃত্তির লোপ হয় নি। তাঁর মৃত্যুর পর তাঁর স্ত্রী অল্প পতি গ্রহণ করেছিলেন। তাঁর আত্মা স্ত্রীর সেই স্বামীর উদ্দেশে আক্রোশ জানিয়েছিলেন, তাকে পেলে গুলী ক'রে মারবেন। এমন কি, সেজন্য তাঁদের তখনকার শত্রু ফরাসী পক্ষেও যোগ দিতে তিনি প্রস্তুত। এসব কথা ব্যক্ত হয়েছিল তাঁর মাতৃভাষা ইংরেজীতেই। স্বদেশী যুগের একটি যুবকের দেশের জন্য প্রাণ দিতে হয়েছিল। মৃত্যুর পরেও তাঁর আত্মা দেশের স্বাধীনতা অর্জনের পন্থা খুঁজে বেড়াচ্ছিলেন। তাঁর সে ইচ্ছা প্রকাশ করেছিলেন প্রাঞ্চেটে।

জনলোক, মহলোক ইত্যাদি উচ্চস্তরের যে-সমস্ত লোকের কথা শাস্ত্রে উল্লিখিত আছে, মৃতের জীবিতাবস্থায় গুণ ও দোষ অনুসারে আত্মার গতিও সেরূপ উচ্চ বা নিম্নস্তরে হয়। প্রাঞ্চেটে লেখনীমুখে তাঁদের নিকট হ'তেই নিজেদের অবস্থান-সম্বন্ধে সে সংবাদ জানা গিয়েছে। এরূপ ক্ষেত্রে আর একটি বিষয়ও প্রাঞ্চেটে প্রকাশিত হয়েছে। তা হচ্ছে গঙ্গায় পিণ্ডদানের পর সতীশবাবুর বাবার আত্মার উর্দ্ধগতি ও বালক-পুত্রের স্বাচ্ছন্দ্যবোধ। 'প্রেতাত্মার সহিত বাক্যালাপে' আমি নিজে কিছু বিপরীত কথাই জেনেছিলাম। অবশ্য, তা হয়ত ছিল বৈষ্ণব-বাবাজীর নিজস্ব মত।



সর্বাঙ্গীণ আশ্চর্য্য ব্যাপার ঘটেছিল দুটি। তার একটি হ'ল, বরিশালের অশ্বিনীকুমার দত্ত প্রমুখ দশটি উচ্চস্তরের আত্মাকে ভোজন করানো; অন্যটি, তারানাথ নামক এক ব্যক্তির অপহৃত্যুর পর তার প্রেতাত্মার ইচ্ছানুসারে ইলিশ মাছ খেতে দেওয়া। সতীশবাবু তাঁর পিতার আত্মা এনে তাঁর কাছে প্রকাশ করলেন, তিনি তাঁর সঙ্গে অশ্বিনীবাবু, কালীশ পণ্ডিত প্রমুখ আর কয়েকটি আত্মাকেও কিছু খাওয়াতে চান। তাঁদের যেন তিনি নিয়ন্ত্রণ করে রাখেন এবং কবে ও কি খাবার তাঁদের দেওয়া যায় যেন জানান। সে খবর পরে প্রাণ্ডেটের লেখনীতে জানা গেল। তখন তাঁদের জন্ত আসন পেতে পায়ে করে খাবার দেওয়া হ'ল ডাবের জল আর আম। সেই খাবার দশটি আত্মা গ্রহণও করেছিলেন। অবশ্য, দৃষ্টি-ভোগেই নাকি তাঁদের খাওয়া হয়েছিল। তাঁরা তা জানিয়েও দিয়েছিলেন। তারানাথের প্রেতাত্মার জন্ত একটা ইলিশমাছ ছাদের উপর রেখে দেওয়া হয়েছিল। আত্মাটা তা খেয়ে ছাদের উপর রেখে গিয়েছিল একরাশ আঁশ। যে-বাড়ীতে সতীশবাবু ছিলেন, সেই বাড়ীতেই একসময়ে তারানাথ আত্মহত্যা করেছিল। সতীশবাবু তা জানতেন না। প্রাণ্ডেটে অশ্বিনী দত্ত-মহাশয়ের আত্মা তা প্রকাশ করে দিয়েছিলেন, আর সতীশবাবুকে সতর্ক করেও দিয়েছিলেন যে, ভূত হয়ে তারানাথ কিন্তু তাঁর বাড়ীতেই আছে। একদিন রাত্রে সেই ভূতেরই ছায়ামূর্ত্তি কলতলায় দেখে ভয় পেয়ে অল্পদিনের অস্থখে সতীশচন্দ্রের পুত্রটি মারা যায়। সেই পুত্রের আত্মার লেখনীতেই এ তথ্য পরে প্রকাশিত হয়েছিল। অকালে কেন সে তার বাপ-মাকে ছেড়ে গেল এ-প্রশ্নের উত্তরে সে জানাল তার নিজের মঙ্গলের জন্তই তা হয়েছে। সে মঙ্গল যে কি তা অবশ্য সে বলতে চায় নি। তারানাথের প্রেতাত্মা এতই নিয়ন্ত্রণের ছিল যে, ঠাকুর-দেবতার নাম উচ্চারণ করা তার পক্ষে সম্ভবপর হ'ত না; উচ্চারণ করতে বললে 'না-না-না-না' অক্ষরগুলো প্রাণ্ডেটে লিখিত হ'ত। অথচ সেই ঠাকুরদেবতার নাম মাহুষের হলে তার নাম নিতে বাধত না। যেমন দশরথের পুত্র শ্রীরামচন্দ্র বলতে হলেই সে 'না-না' লিখে অক্ষমতা জানাত। কিন্তু রামচন্দ্র নামক কোন লোকের নাম দিব্যি লিখে দিতে পারত। সেই রকম গঙ্গানাম নিতে তার বাধত না বটে, কিন্তু গঙ্গাদেবী বলতে হলেই 'না-না' করে উঠত।





আজ অনেক—অনেক দিন পরে অমিতাভ এক অতিপরিচিত, আজ প্রায় ভুলিয়া-যাওয়া হাতের লেখা চিঠি পাইয়াছে। চিঠিটা নিম্নরূপ :

দার্জিলিঙ্  
তুবার-কণা  
১২শে অক্টোবর

বন্ধু, শেষ তোমায় যে চিঠি লিখিয়াছিলাম তাহাতে এই সম্বোধনই করিয়াছিলাম। সে কত বৎসরের কথা ? পাঁচ বৎসরের। মানুষের জীবনে পাঁচ বৎসর খুব বেশি সময় নয়, আবার খুব কম সময়ও নয়। যে সময় বহিয়া গিয়াছে, তার স্রোতকে উজান বহাইবার আর ত কোন উপায় নাই। কিন্তু পাঁচ বৎসর পূর্বে তোমার সাহিত্য যে আচরণ করিয়াছিলাম, তার জন্ত ক্ষমা ভিক্ষা করিয়া তোমাকে অপমানিত করিব না। তোমার বৃকের কালো ক্ষত মুছিয়া দিবার মত কোন সম্বল আমার নাই। বিশ্বাস কর, আমার সে আচরণের কারণ আমি নিজেও বুঝিতে পারি না।

কিন্তু সেই পুরাতন কাহিনী শুনাইবার জন্ত তোমায় এই চিঠি লিখিতেছি না। আজ আমার তোমাকে বড়ই দরকার। আমার বিপদ। মানুষ যেমন বিপদে পড়িয়া ভগবানের শরণ লয়, আমি তেমনই তোমার শরণ লইতেছি। আশা করি বিশ্বাস করিবে না। আমি পথের দিকে চাহিয়া থাকিব। তুমি কবে আসিবে লিখিও। আমি স্টেশনে নিজে উপস্থিত থাকিয়া তোমাকে বাড়ীতে লইয়া আসিব। আমার পুত্র ছ'টিও তাদের মায়েদের সহিত তোমায় সাদর আহ্বান জানাইতেছে। ইতি

নিজেকে আর তোমার বলিতে পারে না এজন্ত ছঃখিত

অনিমা

হাঁ, পাঁচ বৎসর আগেকার কথা। সে সব কথা স্মরণ করিলে অমিতাভর চিন্তা আজও উদ্বেল হইয়া উঠে। সংসারে হাজার হাজার নারীর মধ্যে অনিমা আজ একজন মাত্র। সে নারী-মেলায় মধ্যে চিরতরে হারাইয়া

গিয়াছে। কিন্তু পাঁচ বৎসর আগে মোড়নী অণিমা তার চোখের মণি ছিল, একজন অন্ত্রজনকে চোখের আড়াল করিতে চাহিত না। আর অণিমার ভালবাসা সে গভীর ভালবাসা অরণ করিতেও আজ পরম দুঃখ। সেই অণিমা, অনিন্দ্যসুন্দরী অণিমা, একদিন কেমন করিয়া স্বচ্ছন্দে অন্ত্র এক ব্যক্তিকে বিবাহ করিয়া তাঁর ঘর করিতে চলিয়া গেল, আজও সে তা ভুলিতে পারে না।

সেই হৃদয়-নিংড়ান বেদনার এমন দিনগুলি! সেগুলির কথা মনে পড়িতেও তার সমগ্র দেহ ও মন শিহরিয়া উঠে। সে যে কেন পাগল হইয়া যায় নাই, অথবা আত্মহত্যা করে নাই, তা আজও বুঝিয়া উঠিতে পারে না। পাঁচ বৎসর পূর্বে সে কল্পনা করিতে পারে নাই, অণিমার অদর্শন একদিনও সহ্য করিতে পারিবে। অথচ তার পর পাঁচটি বৎসর চলিয়া গিয়াছে। সেই দুঃসহ-দুঃখও সময়ের প্রলেপে মুছিয়া গিয়াছে। শুধু তাই নয়। তার পর সে বিবাহ করিয়া সংসার-যাত্রাও নির্বাহ করিতেছে। এখন অণিমাকে তার দিনান্তেও মনে পড়ে কি না সন্দেহ, এবং তজ্জন্ত সে দুঃখিত নয়। এমন কি, অণিমার ছবিখানা যে কোথায় রহিয়াছে, তা স্ত্রীর সাহায্য ছাড়া বলিতে পারিবে না।

তথাপি অণিমার আহ্বান তার বুকে খচ্ করিয়া বিঁধিল। সে কিংকর্তব্যবিমূঢ় হইয়া গেল।

কেন এ আহ্বান? অমিতাভকে অণিমার কি প্রয়োজন হইল? পাঁচ বর্ষ নহে, বহু বর্ষ, বহু যুগ পরে যেন এই আহ্বান আসিয়াছে। আজ অণিমা তার কেহ নয়। তবে কোন্ অধিকারে সে অমিতাভকে ডাকিতেছে? আর সেই বা কেন ছুটিয়া যাইবে? একদিন যাকে সব কিছু দেওয়াও সহজ ছিল, আজ তাকে দিবার কিছু নাই। বিপদ! সংসারে কার না বিপদ ঘটে? অমিতাভ পরের বিপদে মাথা ঘামায় কি? অণিমা ত পরের চেয়েও পর। সুতরাং তার বিপদে তার কিছুই আসে যায় না। বরং তার বিপদে অমিতাভের খুশী হইবার কারণ আছে।

কিন্তু অমিতাভ খুশী হইতে পারিল না। সে অগ্নানবদনে চিঠিখানা তার স্ত্রী মমতার হাতে তুলিয়া দিল।

মমতা ত চিঠি পড়িয়া হাসিয়াই খুন।

অমিতাভ এতটা আশা করে নাই। অন্ত্র এক নারীকে বিপদে পড়িতে দেখিয়া মমতা এমন ভাবে হাসিবে, এটা তার ভাল লাগিল না। সে আশ্চর্য হইয়া জিজ্ঞাসা করিল :

‘হাসছ যে?’

‘চিঠি প’ড়ে।’

• অমিতাভ ক্র কুঞ্চিত করিয়া বলিল :

• ‘চিঠিতে হাসির কি পেলে?’

মমতা অমিতাভের ক্রকুঞ্চন লক্ষ্য করিল, কিন্তু গ্রাহ্য করিল না। তেমনি হাসি মুখে বলিল : ‘মাগীর ঢং দেখে হাসছি।’

•• ঢং! নারীকে নারী যত সহজে বুঝিতে পারে, অস্ত্র তত সহজে পারে না। সুতরাং মমতার মস্তব্যে অমিতাভ অপ্রতিভ হইয়া সন্ত্রস্ত দৃষ্টিতে স্ত্রীর দিকে চাহিল।

মমতা জোরে জোরে চিঠিটা ইচ্ছামত বিভিন্ন স্থানে জোর দিয়া পড়িল, তার পর বলিল—‘বন্ধু! বন্ধুতা ত তুমিই চুকিয়েছিলে, আবার ও-ডাক কেন? বিপদের কথা বলেছে, অথচ কি বিপদ তার আভাসমাত্র নেই—’

অমিতাভ বিনীত ভাবে বলিবার চেষ্টা করিল—‘তবে কি সব মিথ্যা লিখেছে? আমি ঠিক বুঝতে পারছি না—’

স্বামীর করুণ প্রশ্নকে আমলমাত্র না দিয়া মমতা বলিয়া চলিল—‘বেশ ত, বিপদে পড়েছিল, সোজাসুজি বল না, বিপদটা কি। তারপর যা পারি সাহায্য করি। তা না, ছুটে এস। মরু জালা, সংসার নেই? চাকরি নেই? তুই পাঁচ বছরের মধ্যে একবারও ত বন্ধুকে মনে করলি না? তোর সুখের দিনে একবারও ত তাদের অরণ হ’ল না। আর আজ বিপদে প’ড়ে সেই পুরাণো প্রেমিককে মনে প’ড়ে গেল। বলিহারি যাই! ধন্ত প্রেম! কালো ক্ষত! কালো ক্ষত দেবার বেলা ত বেশ হাসিমুখ ছিল। আজ আবার বলা হচ্ছে, কেন এমন করেছি জানি না। আঁহা, কচি খুকী আর কি! সাথে বলি, ঢং দেখে আর বাঁচি না।’

এইরূপে অনেকক্ষণ ধরিয়া মমতা বকু বকু করিল আর অধিকারকে বহবার চণ্ডী, মাগী ইত্যাদি বলিয়া গালি দিল। অমিতাভ মাঝে মাঝে ছ'এক কথা বলিতে চেষ্টা করিয়া বিফল হইল।

শেষ কালে মমতা স্বামীকে জিজ্ঞাসা করিল—‘কি বিপদ কিছু বুঝতে পারছ ?’

‘না।’

‘মাগী বিষবা হয়নি ত।’

‘কি ক’রে বলি ? তাও হয়ত না।’

মমতা গালে হাত দিয়া অপক্লপ এক ভঙ্গি করিয়া বলিল, ‘নিজেকে আর তোমার বলিতে পারি না এজন্য দুঃখিত।’ আহা হা! এমন নির্লজ্জ বেহায়া মেয়েমানুষ আর ছ’টি আছে নাকি ? কে তোমায় মানা করেছিল আমার বলতে ? স্বামী বেঁচে আছে, তবু পর-পুরুষকে এমন চিঠি লিখতে বাধে না। কাঁটা মার এই সব মেয়েমানুষের মুখে।

আবার এক প্রহ গালাগালি চলিল। তার পর মমতা ধীরে ধীরে শান্ত হইল। তখন তার মুখ এক অপূর্ব স্ত্রী ধারণ করিয়াছে। মমতা যখনই এইরূপে দেখা দেয় তখনই অমিতাভ ভাবে, ইহাকে ঘরে আনিয়া আমার ঘর আলো হইয়া গিয়াছে।

মমতা মাথার কাপড় একটু টানিয়া দিয়া বলিল—‘কি করবে, ঠিক করেছ ?’

‘তুমি যা বল।’

মমতা মূহু—অতি মূহু হাসিল :

‘স্বীর কথা মত স্বামীরা কখনও চলে ? তুমি যা ভাল মনে কর, তাই করবে।’

‘তোমার ইচ্ছাটা কি তনি।’

‘শুনবে ?’

‘হাঁ।’

দাঁত দিয়া জিভ কাটিয়া মমতা কিছুক্ষণ যেন কি ভাবিল, তার পর ধীরে ধীরে বলিল—‘যা—ও। তার কাছে যাও।’

‘ঐস্! তার পর যদি আর ছেড়ে না দেয়। সে এখন অনেক টাকার মালিক, জান ত ? সে আমায় কিনে রাখতে পারে। আমায় আসতে না দিলে—’

‘ঐস্ নয়, যা-ও। আসতে না দেয়, আসবে না। তুমি স্নেহে থাকলে কি আমি অসুখী হব ?’

‘কি পাগল !’ অমিতাভ স্নেহে মমতার চোখের জল মুছাইয়া দিল। ‘ঠাট্টাও কি বোঝ না ?’

‘আমি ত ঠাট্টা করি নি। তুমি তাকে আজও ভালবাস আমি জানি—’

‘না, না, না—’

‘অস্বীকার ক’রো না। আমার মন জানে, তুমি তাকে ভালবাস। আজ তিন বৎসর তোমার সঙ্গে ঘর ক’রেও যদি তা না বুঝতে পেরে থাকি, তা হ’লে মিথ্যাই তোমাকে ভালবাসলাম। আর তাকে ভালবাসা তোমার ত অন্তায় নয়, অস্বাভাবিকও নয়।’ মমতা আঁচলে চক্ষু মুছিল।

অমিতাভ কিছুক্ষণ মাটির দিকে চুপ করিয়া চাহিয়া রহিল। তার পর দৃঢ়স্বরে বলিল—‘আমি যাব না।’

‘ছিঃ, রাগ ক’রো না।’

‘আমি রাগ করিনি।’

‘তা হ’লে যাও। আমার মাথা খাও, যাও। না গেলে ধর্মে পতিত হবে।’

‘কি ক’রে ?’

‘একজন বিপদে প’ড়ে এমন ভাবে ডাকছে, আর তুমি চুপ ক’রে ব’সে থাকবে, তা হয় না। অন্ততঃ আমি তোমাকে তা করতে দেব না।’

‘তার ত স্বামী আছে।’

‘তা থাকুক। সে যখন স্বামী থাকে সবেও তোমার ডেকেছে, তখন নিশ্চয় তোমাকেই দরকার।’

‘বেশ, কি তার দরকার, তাই না হয় আগে জানাতে লিখি। তার পর অবস্থা বুঝে ব্যবস্থা করা যাবে।’



‘না। এমন হতে পারে তার নিতান্ত দরকার, দেৱি হ’লে কতি হবে। ওগো, মেয়ে হলেও অবিবাহিত না হতে পারে। আর দেৱি না ক’রে চ’লে যাও।’

অমিতাভ অণিমার চিঠিতে বিচলিত হইয়াছিল, কিন্তু যাইতে সে চাহে নাই। দার্জিলিংগামী ট্রেনে উঠিয়া সে প্রথম বৃত্তিতে পারিল, অণিমার মুখ তাকে কি ছবিবাবুবেগে টানিতেছে। কে ভাবিতে পারিয়াছিল, এ জীবনে আবার তার সহিত দেখা হইবে? সে ত তাকে মন হইতে মুছিয়া ফেলিয়াছিল। অণিমাই তাকে ডাক দিবে, এ কল্পনা সে স্বপ্নেও করিতে পারিত না। স্বপ্নাতীত জিনিষ সত্য হইতে যাইতেছে। একবার নয় বহুবার তার মধ্যে পুরুষের অহঙ্কার মাথা খাড়া করিয়া উঠিয়াছে। যে চূড়ান্ত অপমান অণিমা তাকে করিয়াছিল, তার প্রতিশোধ নেবার এই ত উপযুক্ত অবসর। কিন্তু অণিমার বিপদের আশঙ্কায় সে অহঙ্কার জয়লাভ করিতে পারে নাই। তার মন ছুটিয়া চলিযাছে প্রকৃতির লীলা-নিকেতন দার্জিলিং শৈলশিখরে।

পাঁচ বৎসর আগেকার দেখা অণিমা কি আর সেই অণিমা আছে? ইতিমধ্যে সে দুইটি সন্তানের জননী হইয়াছে। হাজার কেন সুখ-লালিতা ও সৌভাগ্যশালিনী হউক না, সময় তার কাজ নীরবে করিয়াছে। একুশ বছরের অণিমা, ছেলেদের মা অণিমা যতটা দেখিবার মত, বড়লোকের ঘরণী অণিমা ততটা নহে।

স্বামীকে বিদায় দিতে মমতা স্টেশনে আসিয়াছিল। সে নম্র-হৃদয়ে চোপের জলের মধ্য দিয়া অমিতাভর পায়ের ধুলা লইল। সে দৃশ্য অনন্ত আকাশপটে বিলীন হইয়া যাইবে না। কল্যাণী মমতার সশঙ্ক স্নেহ ও প্রেম দিনরাত তাকে অহুসরণ করিয়া ফিরিবে। তথাপি পুরাতনকে নূতন করিয়া জয়লাভের আশায় এ যাত্রার উন্মাদনা অসীম।

মেঘ ও রৌদ্রের কানা-হাসি অতিক্রম করিতে করিতে অপরাহ্নে অমিতাভ যখন দার্জিলিং আসিয়া পৌঁছিল, তখন স্টেশন, পথঘাট সব কুয়াশায় আচ্ছন্ন হইয়া গিয়াছে। গাড়ী হইতে মুখ বাড়াইয়াও অমিতাভ প্রথমে কিছু দেখিতে পারে নাই। অণিমাই তাকে প্রথম দেখিয়া কোলাহল করিয়া উঠিল। তার দিকে অঙ্গুলিনির্দেশ করিয়া প্রায় চারি বৎসর বয়স্ক তার পুত্রকে বলিতে লাগিল, ‘কাকা! কাকা! কাকা!’

পুরা সাহেবী পোশাকে সজ্জিত পুত্রও কথাগুলি আবৃত্তি করিল, ‘কাকা! কাকা! কাকা!’

অমিতাভ স্টেশনে পা দিবামাত্র অণিমা, সেই অণিমা স্বাক্ষরিত আলবাসিয়া তার হৃদয় ভাঙ্গিয়া গিয়াছিল এবং অনেক কাঁদিতে হইয়াছিল, মাটিতে হাঁটু গাড়িয়া প্রণাম করিল। অমিতাভর তৎক্ষণাৎ মনে হইল, মমতা সঙ্গে থাকিলে বলিত, মাগীর চং দেখ। তার পর ছেলের কাছে তার পরিচয় মামা বলিয়া না দিয়া কাকা বলিয়া দেওয়াও কি চং নয়?

নতজাহু অণিমার মুখের উপর চোখ পড়িবামাত্র অমিতাভর মনে হইল, এ সেই মুখ যার জন্ত সে এখনও লক্ষ মাইল দূর হইতে ছুটিয়া আসিতে পারে। অণিমা চিরকালই কুশ ছিল। এখন কুশতর হইয়াছে। সৌন্দর্য বাড়াইয়াছে না? কমিয়াছে? বলা কঠিন। কিন্তু তার মোহিনী-শক্তি যে কমে নাই, বাড়িয়াছে, তা বলা কঠিন নয়। আর সৌন্দর্য ও মোহিনী শক্তি যে এক জিনিষ নয়, তা কে না জানে?

অণিমার সহিত বাড়ীর দিকে রওয়ানা হইতে হইতে অমিতাভ জিজ্ঞাসা করিল, ‘গৃহকর্তা? গৃহকর্তা কৈ?’

অণিমা মৃদু-মধুর হাসিল। অপাঙ্গে এক প্রকার দৃষ্টি হানিয়া বলিল, ‘ও আমার কপাল! তেমন ভাগ্য ক’রে আসি নি।’

অণিমার কথা প্রহেলিকার মত মনে হইল। তথাপি তার অর্থ বুঝিবার চেষ্টা করিতে তার সাহস হইল না।

পরক্ষণেই কিন্তু অণিমা গম্ভীর হইয়া গেল। বেশ সহজ ভাবে বলিল, ‘উনি মফঃস্বলে গেছেন। ত্রিশ দিনের মধ্যে উনত্রিশ দিন বাইরে থাকতে হয়। তোমার সঙ্গে দেখা হওয়ার কোন সম্ভাবনা নেই।’

চমৎকার! যেন তাঁর সঙ্গে যাইতে দেখা না হয় যেজন অমিতাভ ব্যাকুল হইয়াছে। বরং এইরূপে চোরের মত পর-গৃহে বাস করাকেই সে ঘৃণা করে। তার মন অস্থিত্তে ভরিয়া উঠিল। কিন্তু অণিমা যেজন তাকে ডাকিয়াছে তা বলিতে দেৱি করিতেছে কেন? সে কি আত্মান? কেন সেই আত্মান? আজ বিপদের কোন লক্ষণ চোখেমুখেও ত প্রকাশ পাইতেছে না। হাসিতে ঐশ্বৰ্যে ঝলমল করে অণিমা। এ কি অভিনয় বা বড়বন্দ? অণিমার কুসুম-কোমল মুখের দিকে চাহিয়া তা বিশ্বাস করিতে ইচ্ছা হয় না।

পরম স্নেহ ও আদরের মধ্যে অমিতাভর চা-পান শেব হইল। বাড়ীর সর্বত্র ঐশ্বর্য ও সুরুচির পরিচয়। কলিকাতার বাসায় বসিয়া বহুমূল্য গালিচার উপর পা রাখিয়া অগ্নিমা ও তার পুত্রের সহিত মুখোমুখি বসিয়া এইরূপ সাক্ষ্য চা-পানের কথা সে ভাবিতেও পারে না। তথাপি অমিতাভর জড়তা ও আড়ষ্টতা দূর হয় না।

অমিতাভ জিজ্ঞাসা করিল, 'কি জন্ম ডেকেছ ?'

'তুনবে বন্ধু, তুনবে। কিন্তু আজ নয়, এখন নয়। শোনার জন্মই ত ডেকেছি। এখন বিশ্রাম কর, নিজেকে উপভোগ কর।'

নিজেকে না তোমাকে ? এই প্রশ্ন অমিতাভর জিভের আগায় আসিয়াছিল। কিন্তু সে নিজেকে সামলাইয়া লইল। ছেলেটি বড় চতুর। যা শোনে তা মনে করিয়া রাখে এবং আত্মস্তি করিতে পারে।

এইরূপে অগ্নিমার বাড়ীতে অমিতাভর দুই দিন কাটিয়া গেল। তার জীবনে বিচিত্র এই দু'দিন। প্রাতে, মধ্যাহ্নে, সন্ধ্যায় পুরাতন দার্জিলিঙের অপক্লপ শোভা সে নূতন করিয়া আবিষ্কার করিল। এই দু'দিনই সে মমতাকে কয়েক পৃষ্ঠাব্যাপী চিঠি লিখিয়াছে, তার কথা অনেকবার ভাবিয়াছে, মনের মধ্যে অস্বস্তি অমুভব করিয়াছে, তথাপি এই দুটি দিন তার মনের মধ্যে অপক্লপ মিষ্টতার সঞ্চিত হইয়া রহিল।

তার মনের অস্বস্তি অগ্নিমা লক্ষ্য করিয়াছিল কি না সেই জানে। সে বার বার করিয়া বলে, 'তোমায় যত্ন করতে পারছি না। তোমার কষ্ট হচ্ছে।'

অমিতাভকে বার বার করিয়া বলিতে হয়, 'না, না, না।'

দার্জিলিঙ প্রকৃতির লীলা-নিকেতন। প্রকৃতির এই রাজ্যে, নিজের অজ্ঞাতে নর-নারীর মনে নব নব দৃশ্য এক বিচিত্র মায়াজালের সৃষ্টি করে। অমিতাভ যতই অধীর হইয়া উঠুক, মমতা তাকে যতই আকর্ষণ করুক, মাঝে মাঝে সে আত্মহার হইয়া যায়। বিশেষতঃ পূর্বতন প্রিয়তার কাছাকাছি হইবার এই অপূর্ব সুযোগ এক অজানা সুরের কাঁপন ধরায়, তার মন রঙীন হইয়া উঠে।

মাঝখানের পাঁচটা বৎসর যদি সত্য না হইয়া স্বপ্ন হইত ! আজ এই সুন্দর দার্জিলিঙ শহরে অগ্নিমা যদি পরের স্ত্রী না হইয়া তার স্ত্রী হইত এবং খোকা ছুইটি তার হইত।

সকালে ও রাতে খাওয়া-দাওয়া চুকিবার পর ছেলেদের লইয়া আয়া চলিয়া যায় অথবা শোয়াইয়া দেয়। তারা দু'জনে চুপচাপ মুখোমুখি হইয়া বসিয়া থাকে। ভারী ভাল লাগে এইরূপে অগ্নিমার সঙ্গ উপভোগ করিতে। বিশেষ, স্নিগ্ধ শীত-গভীর রাতে। অগ্নিমার পল্লব-ঘন দু'টি চোখে কোন্ ভাষা ধীরে ধীরে ফুটিয়া উঠে। সে কি এই ভাষা ?

'বন্ধু, সব স্বপ্ন, সব মায়া, দার্জিলিঙের মেঘ ও রৌদ্রের মত মিথ্যা। সত্য তুমি আর আমি। আমরা একবার ডাক দাও। আমি তোমার হাতে ধরা দিব। তোমার হাতে মরিতে চাই। তুমি মরিবার জন্ম ডাক, ডাক।'

কিন্তু সে ডাক দিনার ক্ষমতা অমিতাভর নাই। অগ্নিমা অমিতাভকে আত্মান করিয়াছে। তার পর স্তব্ধ হইয়া গিয়াছে। একদিন দুইটি জীবনের যাত্রাপথ ভিন্ন হইয়া গিয়াছে, তাদের মিলিত হইবার কোন সম্ভাবনা নাই।

এইরূপে সপ্তাহ কাটিয়া গেল। যে বিপদের কথা বলিয়া অগ্নিমা ব্যাকুলভাবে চিঠি লিখিয়াছিল, তা কি মিথ্যা কথা ? হোক মিথ্যা, অমিতাভ তা লইয়া আর প্রশ্ন করিবে না। সে শুধু সংক্ষেপে জানাইল, 'যেতে হবে।'

'এত শীগ্গির ?'

'শীগ্গির ! এক সপ্তাহ কেটে গেছে।'

অগ্নিমা যেন ঘুম হইতে জাগিল। এক সপ্তাহ ! তার সুশৃঙ্খল সাজান জীবনে এক সপ্তাহ কতটুকু সময় ? কত সপ্তাহ আসে, কত সপ্তাহ যায়, তার পদধ্বনিও শোনা যায় না। কিন্তু এই সপ্তাহ বৃথি অস্ত্র সপ্তাহগুলির মত নয়। আপন মনে কি ভাবিয়া লইয়া তার সুন্দর মাথাটি দোলাইতে দোলাইতে বলিল : 'তা যাবেই ত, তা যাবেই ত। আর দু'দিন অপেক্ষা কর।'

সেদিন তারা দু'জনে কার্ট রোড ধরিয়। অনেক দূর বেড়াইতে চলিয়া গিয়াছে, যেমন প্রতিদিন যায়। কিন্তু অগ্নিমা যেন নূতন মূর্তিতে দেখা দিয়াছে। এ কোন্ অগ্নিমা ? কোন্ কথা স্মরণ করিয়া তার মুখ বার বার



শোন বন্ধু, তোমায় কি জন্তু ডেকেছি বুঝেছ কি ?

সিন্দূরের মত লাল হইয়া উঠিতেছে ? কেন সে এত অমিতাভের চোখের সন্ধান করিতেছে ? কণে কণে  
বুকের নিঃশ্বাস কেন জোরে জোরে পড়িতেছে ?

তারা বসিবার ঠিক সেই জায়গাটিতে আসিয়াছে, যেখান হইতে কাঞ্চনজঙ্ঘা দেখা যায়। হু'জনে  
কাহাকাছি বসিল।

অমিতাভ উচ্ছ্বসিত স্বরে বলিল :

‘কি সুন্দর !’

অণিমার গাল লাল হইয়া গেল।

অমিতাভ নিজের মনে বলিয়া চলিল : ‘কাঞ্চনজঙ্ঘা কখনও পূরণো হয় না। দার্জিলিঙ্ কখনও পূরণো হ  
না। পরিষ্কার আকাশে কাঞ্চনজঙ্ঘাকে যত দেখি, দেখার আশা আর মেটে না। আরও দেখতে ইচ্ছা করে।’

হায় ! এই উচ্ছ্বাসের মধ্যে অণিমার স্থান কোথায় ? আপনার অজ্ঞাতসারে তার বক্ষ হইতে এক দীর্ঘনিঃশ্বাস  
ঝুঁহির হইল। সে আলগোছে অমিতাভের একটি হাত নিজ হাতে তুলিয়া লইয়া বলিল : ‘শোন বন্ধু, তোমায়  
কি জন্তু ডেকেছি, বুঝেছ কি ?’

অমিতাভ নড়িয়া-চড়িয়া স্থির হইয়া বসিল, তার পর গম্ভীর ভাবে বলিল : 'না।'

অণিমার মুখে এক অদ্ভুত হাসি দেখা দিল : 'আমার জীবনে তোমার কোন প্রয়োজন নাই, আজ কোন প্রয়োজন নাই। একদিন ছিল, খুব ছিল, কিন্তু সেদিন কত দূরে চ'লে গেছে, মনে পড়ে না। তবু যে পাঁচ বৎসর পরে তোমায় ডেকেছি, তার কারণ আছে।

'বন্ধু, বিপদে প'ড়েই তোমায় ডেকেছি। অণিমা স্বার্থপর সে ত জানই। একদিন তার চূড়ান্ত পরিচয় পেয়েছিলে। কাজেই বিপদে প'ড়ে তোমায় ডাকব, এতে আশ্চর্য হবার কিছু নেই। আশ্চর্য হযো না, বন্ধু।'

অণিমা কথার মাঝখানে দম্ লইল। কিন্তু অমিতাভর মনে হইল, আজ সপ্তাহ ধরিয়া সে যে স্মরণ স্বপ্ন দেখিতে ছিল, তা এক মুহূর্তে চুরমার হইয়া গেল। অনন্ত প্রত্যাশা ছিল, কিছুমাত্র বাকী রহিল না। তখন তার মনে হইল, সে অণিমার প্রতি অবিচার করিয়াছে। আত্মসমর্পণের উদ্দেশ্যে এই গোপন আত্মান, ক্রমে ক্রমে এই ধারণা তাকে পাইয়া বসিয়াছিল। এখন তার মনে হইল, অণিমা খাঁটি সোনা। সঙ্গে সঙ্গে তার মন আনন্দে ভরিয়া গেল। সে কোন কথা না বলিয়া চূপ করিয়া রহিল।

অণিমা থামিয়া থামিয়া বলিয়া চলিল : 'শোন। এমন বিপদে কোনদিন কোন মানুষ পড়েছে কি না সন্দেহ। আমার কোনদিকে কোন অভাব নাই। স্বামী ভালবাসেন, বিশ্বাস করেন। নইলে কি আজ তোমায় ডেকে আনবার সাহস করতাম? কিন্তু—কিন্তু পাঁচ বৎসর আগে তোমাকে বুকে দাগা দিয়ে যে আমি এসেছি সে কথা কিছুতেই ভুলতে পারি না। প্রত্যেক কাজে, শয়নে, স্বপ্নে আমার বুকে কাঁটা বিঁধে আছে। আহা! না জানি সে সময়ে তুমি কি আঘাতই পেয়েছিলে। সেই আঘাত শতগুণ হয়ে আমার বুকে বাজে। তোমার মলিন-কাতর মুখ আমার সকল সুখকে ম্লান ক'রে দেয়। সুখী আমি হয়েছি, কিন্তু এই পাঁচ বৎসর আমি যে কি অশাস্তির আগুনে জ্বলে-পুড়ে মরেছি, তা তোমায় বলতে পারি না। যখনই ভাবি, তোমাকে যন্ত্রণা দিয়েছি, তখনই আমার সব কিছু, আমার জীবন বিশ্বাস হয়ে যায়। আজ পাঁচ বছর, হাঁ পাঁচ বছর, এই শত্রু আমাকে পিছনে তাড়া ক'রে ফিরেছে।

'তারপর ঠিক করলাম, একে নিমূল করতে হবে। এই বিপদ থেকে উদ্ধার করবার মালিক তুমি। তোমাকে দেখে যদি বুঝতে পারি, তোমার মুখ থেকে নিঃশেষে বেদনার ছাপ মুছে গেছে, তা হ'লে আমি কতকটা সান্ত্বনা পাব। জানি, কি বিষম জ্বালা তুমি একদিন ভোগ করেছ, বন্ধু, আমার এই অন্তরে তা টের পেয়েছি। তাকে মুছে ফেলবার কোন উপায় নাই। যা হয়ে গেছে তা আর ফিরাবার উপায় নাই। কিন্তু ভাবী জীবনকে ত আমরা আরও একটু শাস্তিময় করতে পারি। নিজের ভার আরও একটু লাঘব করতে পারি।

'আমি জানি তুমি বিষয়ে করেছ। তোমার বিষয়ের খবর আমায় প্রথম কি যে সান্ত্বনা দেয়, বলতে পারি না। তখন বুঝলাম, তুমি আমায় ক্ষমা করেছ। কিন্তু তোমার কাছে ক্ষমা চাওয়ার অবসর আমার মিলল কৈ? এতদিন জ্বলে-পুড়ে মরেছি, তবু তোমায় ডাকবার সাহস পাইনি। এবার মরীয়া হয়ে ঠিক করলাম, তোমায় ডাকব। তুমি শোন বা না শোন তোমায় ডাকব। আমার ভাগ্যক্রমে আমার ডাক শুনেই তুমি ছুটে এসেছ। এখন তোমায় জিজ্ঞাসা করি, তুমি বল, কিসে আমার মনের জ্বালা জুড়াই। তুমি আমায় উপায় ব'লে দাও, বন্ধু।'

অমিতাভ চমৎকৃত হইল। অণিমার চোখের জল তাকে বিম্বিত করিল না। সে জানে, নারী কল্যাণময়ী। কিন্তু স্বামীসোহাগিনী কোন নারী যে অন্তের হৃদয়-জ্বালায় একরূপ বেদনা অনুভব করিতে পারে, তা সে ধারণা করিতে পারে না। হউক না সে নারী তার একদিনের প্রিয়তমা। সে ধীরে ধীরে বলিল—'অণি, কিসে তোমার এ জ্বালা যাবে, বল।'

অণি অদ্ভুত কথা বলে—'যদি তোমায় সর্বদা চোখের সামনে দেখতে পেতাম, দেখতাম তুমি সত্যি সুখী হয়েছ, তা হ'লে আমার জ্বালা নিবত, শান্তি পেতাম।'

কিন্তু তা ত হইবার নয়। সুতরাং অমিতাভকে এই অদ্ভুত আবদারে সম্মত হইতে হইল যে, সে সপ্তাহে এক-খানা করিয়া চিঠি অণিমাকে লিখিবে। আর কিছু নয়? না, আর কিছু নয়। শুধু এইটুকু জানাইবে যে সে ভাল আছে। এই চিঠিতে অণিমার মনের জ্বালা জুড়াইবার কি সাহায্য হইবে, অমিতাভ বুঝিতে পারিল না। তবে নারী-চরিত্র নাকি রহস্যময়, তা হোক না সে নারী খাঁটি সোনা, তাই সে সম্মত হইল।



দার্জিলিঙ্ হইতে কলিকাতাগামী ট্রেনে চাপিয়া অমিতাভর অবস্থা তুর্ঘোধনের মত হইল। হরিশে বিবাদ। সে বার বার করিয়া নিজের কাছে আবৃত্তি করিল—‘কিছুই বোঝা গেল না।’

অণিমা অবশ্য চোখের জলের মধ্য দিয়া অমিতাভকে বিদায় দিল। হয়ত অণিমা তাকে কিছুই দেয় নাই।

তথাপি নতজাহু অণিমাকে দেখিয়া তার বলিতে ইচ্ছা করিল—‘তুমি মোরে করেছ সস্ত্রাট্।’

অণিমাকে সে ভাল করিয়া স্পর্শ পর্যন্ত করে নাই, যদিও তাতে বাধা ছিল না। এমন কি, এখন যখন সে চোখের আড়াল হইয়া গিয়াছে, তার মনে হইতেছে তার দিকে ভাল করিয়া তাকাইয়া পর্যন্ত দেখে নাই। আজ তাকে প্রাণ ভরিয়া দেখিয়া লইলেও নিষেধ করিবার কেহ ছিল না।

‘তুমি মোরে করেছ সস্ত্রাট্।’

অণিমার কাছে সে কি পাইয়াছে? কিছু কি পাইয়াছে? সে কি পাইবার আশা করিয়াছিল, নিজেই ভাল করিয়া জানে না। কি পাইয়াছে, তাও জানে না। তবু তার বলিতে ইচ্ছা যাইতেছে

‘তুমি মোরে করেছ সস্ত্রাট্।’

এদিকে যে সময়ে মহরগতি দার্জিলিঙের ট্রেন মেঘ ও রৌদ্রের নানা দৃশ্যের মধ্য দিয়া ছুটিতেছে, তখন অমিতাভর পকেটে অণিমার লেপা এক চিঠিও ছুটিতেছে। এই লিপির কথা অমিতাভ কিছুই জানে না। কারণ তার অজ্ঞাতসারে অণিমা ইহা তার পকেটে রাখিয়া দিয়াছে। পকেটে হাত দিলেই উহা তার হাতে ঠেকিবে এবং সে খুলিয়া পড়িবে, ট্রেনে করিয়া দূরে যাইতে যাইতে পড়িবে, এই আশায় অণিমা ইহা রাখিয়া দিয়াছে। লিপির মর্ম এই—

দার্জিলিঙ

তুমার-কণা

২৭শে অক্টোবর

বন্ধু, তোমার মত ভীকু এবং নির্বোধ লোক আমি পৃথিবীতে ছুটি দেখি নাই। আমি ভারিতে পারি না, তোমার মত আর কেহ আছে। যে তুম্বার্ত পথিক তুম্বার জল সম্মুখে পাইয়াও পান করে না, তাকে কি বলিব? তোমাকে কেন ডাকিয়া লইয়াছিলাম, তুমি কি কিছুই বুঝিতে পার নাই? একবারও জিজ্ঞাসা করিতে পারিতে, কেন ডাকিলাম। না-হয় বিপদের কথা লিখিয়াছিলাম ও গল্প করিয়াছিলাম। তাতে একবার আমার দিকে মুখ তুলিয়া চাহিতে তোমায় কে নিষেধ করিয়াছিল?

এত কাছে সপ্তাহাধিক কাল থাকিলে, তবু তোমার মনে কোন ছায়াপাত হইল না? কোন প্রশ্ন জাগিল না? তুমি যেন কি! জান কি, বন্ধু, তোমার ও আমার মধ্যকার দরজা কোনদিন বন্ধ থাকিত না, ভেদান থাকিত মাত্র। এই কথা শুনিয়া তুমি সুখী হইবে, না দুঃখিত হইবে যে, আমি তোমার অপেক্ষায় বিনীত রজনী কাটাইয়াছি? দিনের পর দিন।

তুমি যে কত বড় ছন্নসহীন, তাও বুঝিলাম। তোমার হৃদয়ে আজ আর অণিমার কোন স্থান নাই। অথচ একদিন ছিল যখন অণিমাকে না হইলে তোমার এক দণ্ডও চলিত না। এই কথা শুনিয়া কি তোমার অন্তর হায় হায় করিয়া উঠিবে না যে, তোমার অণিমাকে তুমি অতি সহজে পাইতে, প্রতিদিন পাইতে, একটু যদি যত্ন করিতে, এবং এখন আর কোনদিন তাকে পাইবে না। দরজা চিরকালের জন্ত বন্ধ হইয়াছে। আমি নিজে অগ্রসর হইতে পারিতাম। কিন্তু লজ্জায় নয়, ভয়ে অগ্রসর হইতে পারি নাই। পাছে তুমি ঘৃণা কর, এই ভয়। বিদায়, নিষ্ঠুর অথচ মধুর বন্ধু, বিদায়। ইতি

তুমি চাও না তবু তোমারই

অণিমা।

সারা পথে পকেটে হাত দিবার প্রয়োজন অমিতাভর একবারও হইল না। সুতরাং অণিমার চিঠি তার কাছে অনাবিকৃত রহিয়া গেল।

অমিতাভ মমতাকে সকল কথাই খুলিয়া বলিল। অণিমাকে সপ্তাহে একখানা চিঠি লিখিবে বলিয়া আসিয়াছে, তাও বাদ দিল না।

সমস্ত শুনিয়া মমতা অলিয়া উঠিল। ‘মাগীর চং-এর আর সীমা নেই।’

অমিতাভ পরামর্শ চাহিল, ‘কি করব ? তুমি যা বলবে তাই করব।’

অগিমার বিরুদ্ধে বিস্তর স্মৃধুর বিশেষণ প্রয়োগ করিবার পর মমতা স্থির হইল।

‘আমার আপত্তি নেই।’

চার-পাঁচ দিন পর। অমিতাভ খাওয়া-দাওয়ার পর আফিসে গিয়াছে। দার্জিলিং-এ যে শীতবস্ত্রগুলি স্বামীর সঙ্গে গিয়াছিল, মমতা সেগুলি রোদে দিতেছে। এমন সময় একটা কোটের পকেট হইতে একখানা চিঠি পড়িয়া গেল। মমতা কুড়াইয়া দেখে, উপরে লেখা অমিতাভ দাশগুপ্ত। ঝাঁটা খাম। টিকিট নাই, নিশ্চয় ডাকে আসে নাই। মেয়েলি হাতের লেখা। কে চিঠি লিখিল ? আর স্বামীর এমন আলস্য, এটা খুলিয়া পড়িবার অবসর পর্যন্ত তাঁর হয় নাই।

সে খাম ছিঁড়িয়া চিঠি পড়িল। পড়িতে পড়িতে তার মনে হইল, কেহ যেন তপ্ত শলাকা তার চোখে বিদ্ধ করিয়া দিয়াছে। উঃ, এই অগিমা ! কি ভয়ঙ্কর মেয়ে ! আজ স্বামী আসুন। এই চিঠি দেখাইয়া একটা হেতুনেস্ত করিতে হইবে। তার সহিত তিনি আর কোন সম্পর্ক রাখিতে পারিবেন না।

বেলা বাড়িয়া চলিয়াছে, সেদিকে মমতার ক্রক্ষেপমাত্র নাই। অস্নাত, অভুক্ত সে বসিয়া আছে। অস্তরের সমস্ত আলার মধ্যে এষ্টটুকু স্মৃধুর হিল্লোল বহিতেছিল যে, স্বামীকে সেই নাগিনী বশ করিতে পারে নাই। স্বামীর বিমল চরিত্রের কথা মনে করিয়া তার গর্ব হইল। উদ্দেশে তাকে বার বার প্রণাম জানাইল।

না, এমন স্ত্রীলোকের সহিত তার স্বামী কোন সম্পর্ক রাখিবেন না। কুনিবামাত্র তাঁর সমস্ত অস্তর ঘুণায় ভরিয়া যাইবে। তিনি ত তাকে কোন কথা গোপন করেন না। আজও করিবেন না। করিবার কিই-বা আছে ? তাঁর অস্তর ত স্বচ্ছ। তারপর আর কি তিনি অগিমার নাম মুখে আনিবেন ? কখনোই না। অগিমার প্রতি তাঁর বর্ধমান অপরিসীম ঘুণার কথা মমতা যত ভাবে তত তার মনে এক বিজাতীয় আনন্দের উদয় হয়। এখন শুধু স্বামীর ফিরিয়া আসার অপেক্ষা।

ঝি দুই-তিনবার স্নানের তাড়া দিয়া নিজে তাড়া খাইল।

‘মা, আজ কি তুমি চান করবে না, মা ?’

‘না, করব না। তোরা তাতে কি ?’

‘ওমা ! বেলা যে গড়িয়ে গেল। বাবু আসবার সময় হ’ল। এসে দেখে রাগ করবেন না ? তোমার হাতে ও কিসের চিঠি মা ?’

‘ঝি, নিজের চরকায় তেল দাও গে যাও। সব কথাই তুমি কথা কইতে আস কেন, বল ত ?’

ঝি’র চোখে জল দেখা দিল। সে তাড়াতাড়ি সরিয়া গেল। চোখের জল দেখিয়া মমতার মনটা একটু খারাপ হইল। চোখে জল আসিবার মত কথা ত সে বলে নাই। আচ্ছা, স্নানটা সারিয়া লওয়া যাক।

অগিমার চিঠির কথা অমিতাভ নিশ্চয় জানে না। মাগী নিশ্চয় তাঁর অলঙ্কিতে তাঁর পকেটে রাখিয়া দিয়াছিল। যে ভোলা মন। পকেটে আর হাত দেন নাই। কিন্তু যদি ঝেনে ঐ চিঠি খুলিয়া পড়িতেন, তা হইলে কি করিতেন ? ভাবিতেও তার শরীর শিহরিয়া উঠে।

কিন্তু—কিন্তু চিঠিটা তাঁর হাতে দেওয়া কি ঠিক হইবে ? হাজার হোক, অগিমা নারী মমতার হাত দিয়া যদি এ চিঠি অমিতাভর হাতে পৌঁছায়, তবে তা হইবে চূড়ান্ত অপমান। নারীর এই পরম লজ্জা নারী হইয়া সে কেমন করিয়া সহ্য করিবে ? অমিতাভ যদি নিজে চিঠি খুলিয়া পড়িত এবং তার পর তা ছিঁড়িয়া ফেলিত বা তার হাতে দিত, তা হইলে অল্প কথা হইত। কিন্তু অগিমার চিঠি মমতা দেখিল যে !

তাই বলিয়া চণ্ডী মাগীর কাণ্ডটা স্বামীর অজানা থাকিবে, ইহা কি উচিত ? অগিমাকে তিনি স্বর্গের দেবী মনে করেন। এইবার বুঝুন—

নাঃ, মাথাটা গরম হইয়া উঠিল। মাথায় সে বানুতি বানুতি জল ঢালিতে লাগিল। মাথা আর ঠাণ্ডা হইতে চায় না। তার পর হঠাৎ ভিজ্জা গায়ে, ভিজ্জা কাপড়ে দৌড়িয়া বাহির হইয়া চিঠিটার উপর পড়িল, চিল বেমন করিয়া শিকারের উপর পড়ে। তার পর সেই চিঠি সে কুচিকুচি করিয়া ছিঁড়িয়া ফেলিল। তার পর শান্ত মনে গিয়া স্নান সারিল ও দরজা বন্ধ করিয়া উইয়া রহিল। বাহিরে গনগনে আঙনে চিঠির টুকরাগুলি ভস্ম হইয়া গেল। ঘরের ভিতরে অকারণে মমতার চোখ দিয়া জল পড়িতে লাগিল।

অমিতাভর ফিরিবার সময় হইতেই সে উঠিয়া ভাল করিয়া মুখ ধুইল। ঝি ময়দা তৈরী করিয়াছিল। সে লুচি ভাজিতে বসিল ও চাঁয়ের জল ঠিক করিয়া রাখিল। এইরূপে মমতা দৈনন্দিন কাজে নিজেকে আবার ব্যাপৃত করিল। ঝিকে তার ভাতগুলি এক ভিখারীকে দিতে বলিল। তার মুখের দিকে চাহিয়া ঝি নিরুত্তরে আদেশ পালন করিল।

অমিতাভ ফিরিয়া আসিয়া রান্নাঘরের রোয়াকে দাঁড়াইবামাত্র মমতা একবার তার হাসিমাখা মুখের দিকে তাকাইল। তারপর গলায় আঁচল দিয়া সাষ্টাঙ্গে প্রণিপাত করিল, বাধা মানিল না।

অপ্রস্তুত অমিতাভ ছুই পা পিছনে সরিয়া গিয়া বলিল, 'কি কর ? কি পাগলামি কর ?'

ততক্ষণে শাস্ত প্রণাম করিয়া মমতা উঠিয়া দাঁড়াইয়াছে।

## কাজী নজরুল ইসলাম বাংলাকাব্যের নবতম দিগ্‌দর্শন

শ্রীরঞ্জিতকুমার সেন

নজরুল-কাব্যের দু'টি মূল দিক হ'চ্ছে প্রেম এবং সমাজ। তাঁর সাধনভূমি স্বদেশও এই সমাজেরই অন্তর্ভুক্ত। তাঁর নারী-প্রেম এবং দেশ-প্রেমের মধ্যে পার্থক্যটা মূলতঃ বাইরের, ভিতরের নয়। আবার একদিকে নারী-প্রেম ও অপরদিকে দেশ-প্রেম তাঁর মধ্যে যে চাঞ্চল্য সৃষ্টি করেছে, তাতে তিনি উদ্ভূক্ত হয়ে উঠেছেন বিদ্রোহীবেশে, প্রেম তাঁকে মাত্র স্বপ্নবিলাসী ক'রে রাখে নি। এখানে নারী-প্রেমের নারী কাল্পনিক দয়িতাও হ'তে পারে, আবার স্বদেশ-লক্ষ্মীও হ'তে পারে। যেমন—

মনে মনে বলি, তুমি যে আমার ছন্দ-সরস্বতী,  
ওগো চঞ্চলা, আমার জীবনে তুমি ছরস্ব গতি।

... ..

তোমার অধরে আঁখি পড়ে যবে, অধীর তৃষ্ণা জাগে,  
মোর কবিতায় রস হয়ে সেই তৃষ্ণার রং লাগে।

... ..

সুর হয়ে ওঠে সুরা যেন, আমি মদিরামন্ত হয়ে  
যৌবনবেগে ওরুণেরে ডাকি খর তরবারি লয়ে। ..

কোন কোন সমালোচক নজরুলের এই নারীকে বাস্তব জগতের দয়িতা হিসেবে অঙ্কন করেছেন। যেমন, সৈয়দ আলী আশরাফ বলেছেন : নজরুলের প্রিয়া কোন আদর্শ কাল্পনিক প্রিয়া নয়, কোন মায়ালোকবাসিনী স্বপ্নলোকবিহারিণী রহস্যময়ী জীবনদেবী বা জীবনদেবতা নয়, এ প্রিয়া একান্তভাবে রক্তমাংস মজ্জায় সজ্জিত মর্ত্যলোকের মানবী। তবে এ মানবীকে কবি দেখেছেন বিভিন্ন সময়ে বিভিন্ন রূপে। কখনও মনে হয়েছে—এ যেন প্রিয়া নয়, এ যেন চিরতৃষ্ণা তাপসকুমারী, আবার কখনও তাঁর প্রিয়া গৃহিণীরূপে অবতীর্ণা হয়েছে। প্রিয়ার বিচিত্র রূপ ও তার সাথে শ্রদ্ধা-অভিমানের পালাই হচ্ছে নজরুলের কাব্যের উপজীব্য। এই প্রিয়াই তাঁর কাছে বিশেষতম নারী হয়ে দেখা দিয়েছে। কখনও সে—

বিজয়িনী নহ তুমি—নহ ভিখারিণী;  
তুমি দেবী চির তৃষ্ণা তাপস-কুমারী,  
তুমি মম চিরপূজারিণী।

## আবার কখনও—

প্রিয়া রূপ ধরে এত দিনে এলে আমার কবিতা তুমি,  
আঁখির পলকে মরুভূমি যেন হয়ে গেল বনভূমি।

নারী যেখানে কবির কাছে কোন বিশেষের মধ্যে পর্ববসিত, সেখানেও যৌবনের আত্মসমর্পণে অতৃপ্তির বিশ্বাসই বেড়ে উঠেছে। তাই বিশেষের মধ্যে কবিসন্ধান করেছেন চিরকালের অনামিকাকে। কখনও কখনও সেই সন্ধান থেকে উদ্ভূত হয়েছে ‘সহজিয়া সাধনার প্রেমিকের মত’ যৌন-দর্শন, যেমন—

প্রেম সত্য চিরন্তন, প্রেমের পাত্র সে বুঝি চিরন্তন নয়,  
জন্ম যার কামনার বীজে,  
কামনারই মাঝে সে যে বেড়ে যায় কল্পতরু নিজে।

... ..

প্রেম সত্য, প্রেমপাত্র বহু অগণন,

তাই চাই, বুকে পাই, তবু কেন কেঁদে ওঠে মন ?

এই ক্রন্দন সেই চিরকালের অনামিকার উদ্দেশ্যেই। কবির কাছে তখন এ পৃথিবীর রক্তমাংসের প্রিয়া মিথ্যা হয়ে যায়, তখন কবি উর্দুলোকে ছুঁচোখ বিক্ষারিত করে বলেন—

অনন্তলোকে অনন্তরূপে কেঁদেছি তোমার লাগি,  
সেই আঁখিগুলি তারা হয়ে আজো আকাশে রয়েছে জাগি

ঔর দোলন চাঁপা, সিদ্ধুহিন্দোল, ছায়ানট, চক্রবাক, নতুন চাঁদ প্রকৃতি গ্রন্থে এই জাতীয় কবিতা স্পষ্ট হয়ে উঠেছে।

তবু একথা নিঃসন্দেহ যে, নজরুল-কাব্যে প্রণয়ের যে প্রকাশ, তা যৌবনের আবেগধর্মী যতটা, পরিণত বয়সের গাঙ্গীর্যের স্পর্শ তাতে তত বেশী নেই। কিন্তু নজরুলের ভাবধারায় হিন্দু-দর্শন-শাস্ত্র ও সূক্ষ্মত্ববাদের প্রভাব বিশেষভাবে লক্ষ্য করবার বিষয়।

নজরুলের পিতা কাজী ফকির আহমদ বিশেষ ধর্মপরায়ণ ব্যক্তি ছিলেন, এবং কাকা কাজী ফজল করীম ভাল ফার্সি জানতেন। শিশুকাল থেকেই নজরুলের উপর ঔর বাবা ও কাকার প্রভাব পড়েছিল। ফকির আহমদের প্রথম চার পুত্রের মৃত্যুর পর জন্ম হয় নজরুলের। বাবা-মা ঔর নাম রাখলেন ‘ছুঁ মিয়া’। বাবা-মার অনেক ছুঁখের ঘন ছিলেন নজরুল। সংসারটাও ছিল অতি গরীব। দারিদ্র্যের সঙ্গে লড়াই ক’বে বহু ছুঁখ তবে বড় হ’তে হয়েছে নজরুলকে। পরবর্তী জীবনে তিনি নিজেই বলেছেন : ‘সকল ব্যাধিতের ব্যাধায়, সকল অসহায়ের অশ্রুজলে আমি আমাকে অশুভব করি।...এই ব্যাধিতের অশ্রুজলের মুকুরে যেন আমি আমার প্রতিচ্ছবি দেখতে পাই।’

ছুঁখের সংসারে ছুঁ মিয়া ধীরে ধীরে বড় হয়ে উঠছিলেন। ১৯১৬ সালে দশ বছর বয়সে গ্রামের মজুব থেকে নিম্ন প্রাথমিক পরীক্ষা পাস করেন নজরুল। ইতিমধ্যে ফকির আহমদ পরলোকগত হন। ছুঁখের সংসার তখন আরও ছুঁখের অভিঘাতে ভেঙে পড়ে। বাধ্য হয়ে মজুবের মাষ্টারী নিতে হয় নজরুলকে। মাঝে মাঝে হাজী পহ্লোয়ানের মাজারে খাদেমগিরি ও ইমামতি করতে থাকেন। ছেলেরা তাঁকে বলত ছোট ওস্তাদজী, আর মোক্তাদিরা বলত বাচ্চা ইমাম। পরবর্তী জীবনে ঔর অধ্যাপনাবোধের প্রথম উন্মেষ এসময় থেকেই অলক্ষ্যে ঘটে। মসজিদে ইমামতি করা থেকেই নজরুলের প্রথম কাব্যসৃষ্টি শুরু হয়। প্রচলিত জীবনযাত্রায় ঔর উদাসীন লক্ষ্য করে প্রতিবেশীরা তাঁকে বলত—ফ্যাপা। তাদের চোখে ছুঁ মিয়া সত্যিই হয়ত তখন কেঁপে উঠেছেন। স্কুলের মাষ্টার থেকে শুরু ক’রে সবাই বলতেন : ‘ও হতভাগা, ওয় কিছু হবে না।’ কিন্তু অলক্ষ্যে প্রকৃতিরাণী কখন তাঁকে নিজের স্কুলে সব পরীক্ষার পাস করিয়ে দিয়েছেন, এ কথা কে জানত ?

নজরুল লেখাপড়া ত্যাগ ক’রে লেটোর নাচের দলে গিয়ে নাম লেখালেন। ঔর শিল্পকৃতি লক্ষ্য ক’রে দলের মাষ্টার ঔর নাম দিলেন ‘ব্যাঙাচি’, বলতেন : ‘আমার ব্যাঙাচি বড় হয়ে সাপ হবে।’ ঔর ভবিষ্যৎ-বাণী ব্যর্থ হয় নি। জীবনে বিষধর সর্পের মতই তিনি জাতির বজ্রাতি ও ব্রিটিশ রাজশক্তিকে দংশন করেছেন। কিন্তু ঔর বিড়ম্বিত ভাগ্য এমনই ছিল যে, লেটোর দলেও বেশীদিন তিনি কাটাতে পারলেন না; চ’লে গেলেন



আসানসোলে। সেখানে এক রুটির কারখানায় চাকুরি নিয়ে জীবিকা নির্বাহ করতে লাগলেন। কিন্তু তার মধ্যেও তাঁর পাঠভূকা ছিল প্রবল; মাঝে মাঝে অবসর মত আপন মনে ব'সে গান করতেন গলা ছেড়ে। এর পরের ইতিহাস—বেঙ্গল রেজিমেন্ট বা বঙ্গবাহিনীতে তাঁর সৈনিক-জীবন যাপন। প্রথম বিশ্বযুদ্ধে সৈনিকবৃত্তি গ্রহণ ক'রে কামানের উপর দাঁড়িয়ে নজরুল হয়ত তাঁর ভবিষ্যৎ জীবনের আশাস পেয়েছিলেন সেদিন। সেই উন্মাদনাময় রণতুন্ডির মধ্যে প্রথম রচনা করেন তিনি 'শাতীল আরব'। আরবদের স্বাধীনচেতা চরিত্র কাহিনীতে মুগ্ধ হয়ে তিনি লিখেছিলেন : 'সাহারায় এরা ধুঁকে মরে তবু শিকল পরে না পঙ্কতির—।'

যুদ্ধ থেকে ফিরে এসে যে নজরুল আমাদের সামনে দাঁড়ালেন—তিনি সৈনিক নন, সৈনিক কবি। তিনি চারণ, তিনি গীতিকার, ঔপন্যাসিক, নাট্যকার ও প্রেমিক। দেশপ্রেমে ও নারীপ্রেমে তিনি প্রভেদ রাখেন নি।

বাংলা কাব্যক্ষেত্রে যে সময়ে নজরুলের আবির্ভাব, সে সময়ের রাজনৈতিক, সামাজিক ও সাংস্কৃতিক ইতিহাস বিশেষ গুরুত্বপূর্ণ। প্রথম মহাযুদ্ধের শেষে একদিকে সন্দেহবাদ, সংশয় ও নেতিবাদ এসে যেমন জাতীয় জীবনে ভর করেছে, তেমনি যুবকশ্রেণীর মধ্য থেকে জাতীয় চেতনামূলক উদ্দীপনার অহুসঙ্কানও চলেছে। অপরদিকে দেখতে পাই—বাংলা কাব্যে রবীন্দ্র-প্রভাব মুক্ত হয়ে তরুণ শিল্পীরা এমন নতুন কোন সুরের সঙ্কান করছিলেন—যা তৎকালে তাঁদের সামনে পুরোপুরি অহুসঙ্কিতই ছিল। এ সময়ে অনেকাংশে রবীন্দ্র-প্রভাব মুক্ত হয়ে যিনি কাব্যক্ষেত্রে এগিয়ে এলেন, তিনি সত্যেন্দ্রনাথ দত্ত। তাঁর ছন্দমাধুর্য ও শব্দবাক্যের বাঙালীচিত্তকে এমন ভাবে আকৃষ্ট করল যে, অল্পকালের মধ্যেই তিনি অসাধারণ জনপ্রিয়তা লাভ করলেন। কিন্তু ভাবসম্পদের গভীরতার অভাবে সেই জনপ্রিয়তা দীর্ঘস্থায়ী হতে পারে নি। বাংলার তরুণ মন তাই এমন কাব্য অহুসঙ্কান করছিল—যার মধ্যে শব্দবিশ্লেষণ, ছন্দমাধুর্য, কাব্যাদর্শ ও ভাবসম্পদের একত্র সমন্বয় খুঁজে পাওয়া যায়। কাব্যে এই মণিভাণ্ডার নিয়ে এলেন নজরুল। রবীন্দ্রপ্রভাব থেকে মুক্তির পথ অহুসঙ্কান ক'রে নজরুল-কাব্যে এসে স্বস্তির নিশ্বাস ফেলতে পারল তৎকালীন বিপ্লবী তরুণসম্প্রদায়। কিন্তু রবীন্দ্রপ্রভাব থেকে মুক্ত হলেও সত্যেন্দ্রনাথের কাব্যরীতির ছাপ থেকে গেল নজরুলের সৃষ্টিতে। কাব্যে তিনি অনেকাংশেই সত্যেন্দ্রপন্থী। তবু জাতীয়তাবাদী বা প্রেমবাদী কাব্যের বহুস্থলে আমরা নজরুলের ছন্দপতন লক্ষ্য করেছি, যদিও উচ্চাঙ্গ ও অভিব্যক্তির ক্ষেত্রে তাঁর দ্রুতসঞ্চারশীলতার ভিত্তিতে সেই ছন্দপতনকে আমরা গুরুত্ব দিই নি। বাঙালীমন তখন এমন উদ্দীপনা খুঁজছিল—যা তারা বহু প্রতীক্ষায় খুঁজে পেল 'বিদ্রোহী' কাব্যে। নজরুল পরিচিত হলেন বিদ্রোহী কবি ব'লে। কাব্যের মাধ্যমে তিনি শুধু এদেশের গণচিত্তে অগ্নিসংযোগই করলেন না, সেই সঙ্গে এদেশের হিন্দু-মুসলিম উভয় সম্প্রদায়ের লতাকীসঞ্চিত কুসংস্কারের মূলেও কুঠারাঘাত করলেন। পুরোহিততন্ত্র ও মোল্লাতন্ত্রকে বরবাদ ক'রে খাঁটি মানব-চিত্তের বিজয়তার প্রতিষ্ঠায় এগিয়ে এলেন তিনি। 'মাহুব' কবিতায় কবি বললেন—

গাহি সাম্যের গান—

মাহুষের চেয়ে বড় কিছু নাই, নহে কিছু মহীয়ান্।

বললেন—

জীর্ণ বস্ত্র শীর্ণ গাত্র, কুধার কণ্ঠ কীর্ণ

ডাকিল পাষ, 'বার খোলো বাবা, খাইনিকো সাতদিন।'

সহসা বন্ধ হলো মন্দির, ভূখারী কিরিয় চলে,

তিমির রাত্রি, পথ জুড়ে তার কুধার মানিক জলে!

ভূখারী কুকারি কয়,

'ঐ মন্দির পূজারীর, হার দেবতা, তোমার নয়!'

মসজিদে কাল শিরণী আহিল—অটেল গোস্ব রুটি

বাঁচিয়া গিয়াছে, মোল্লাগাহেব হেসে তাই কুটি কুটি,

এমন সময় এলো মুসাফির গায়ে আজারির চিন্

বলে, 'বাবা আমি ভূখা কাকা আছি আজ নিয়ে সাতদিন।'

তেরিয়! হইয়া হাঁকিল মোল্লা—'ভ্যালা হ'ল দেখি ল্যাঠা,

ভূখা আহ মরো গো-ভাগাড়ে গিরে; নারাজ পড়িস বেটা!'

ভুখারী কহিল, 'না বাবা!' মোল্লা হাঁকিল—'তা হলে শালা  
সোজা পথ দেখ।' গোস্ব কুটি নিয়া মসজিদে দিল তাল্লা!  
ভুখারী ফিরিয়া চলে,  
চলিতে চলিতে বলে—

'আশীটা বছর কেটে গেল, আমি ডাকিনি তোমায় কত;  
আমার ক্ষুধার অন্ন তা ব'লে বন্ধ করোনি প্রভু।  
তব মসজিদ মন্দিরে প্রভু নাই মানুষের দাবী!  
মোল্লা-পুরুত লাগায়েছে তার সকল ছয়ারে চাবি।'

বললেন : 'জাতের নামে বজ্জাতি সব, জাত-জালিয়াং খেলছে জুয়া।' জাতির জীবনে এমনি ক'রে বর্ণবৈষম্য ভেঙে দিয়ে হিন্দু ও মুসলমানকে মিলিয়ে এক অখণ্ড মানবগোষ্ঠীতে রূপায়িত করতে চেয়েছিলেন তিনি। মধ্যযুগীয় ভারতীয় সাধকবৃন্দের জীবন থেকে এই শিক্ষার উদাহরণ গ্রহণ করা নজরুলের পক্ষে অত্যন্ত সহজ হয়েছিল, কারণ তাঁর মধ্যে হিন্দু তন্ত্র, বৌদ্ধ ও সুফীবাদ, বৈষ্ণব ও শাক্ত রীতি এবং ইসলামের নীতিবোধ এসে একত্রিত হয়েছিল। কাব্যে যেমন তিনি এই উন্নত দর্শনকে রূপায়িত করলেন, তেমনি হেঁয়ালী বর্জন ক'রে সহজতা দান করলেন তিনি কাব্যকে। হিন্দু-মুসলিমের দ্বন্দ্ব মেটাতেও তিনি বর্ণহীন গোটা মানুষকেই প্রতিষ্ঠা ক'রে বলেছেন :

'হিন্দু না ওরা মুসলিম ?' ওই জিজ্ঞাসে কোন্ জন ?  
কাণ্ডারী ! বল, ডুবিছে মানুষ, সন্তান মোর মার।'

বিপ্লবী যৌবনের উপগাতা ছিলেন নজরুল। যৌবনের জয়োল্লাস করেছেন তিনি কাব্যে। এ জয়োল্লাস রবীন্দ্রনাথে শ্রেষ্ঠ রূপ পেয়েছে সন্দেহ নেই; কিন্তু রবীন্দ্রনাথের পর মনে হয়েছিল—হয়ত বাংলা কাব্য থেকে তা দীর্ঘকালের জন্যই অন্তর্হিত হ'ল, কিন্তু নজরুলের লেখনীতে সেই যৌবন আবার নতুন প্রাণশক্তিতে জেগে উঠল। তিনি বললেন, 'আমি আপনারে ছাড়া করি না কাহারে কুণিশ।' বললেন :

আমি তাই করি ভাই যখন চাহে এ মন যা।  
করি শত্রুর সাথে গলাগলি, ধরি মৃত্যুর সাথে পঞ্জা,  
আমি উন্মাদ, আমি বঞ্জা।

তেমনি অন্ত্র তিনি বললেন :

আজকে আমার রুদ্ধ প্রাণের পষলে  
বান ডেকে ঐ জাগল জোয়ার ছয়ার ভাঙা কল্লোলে !

রবীন্দ্রনাথের 'নির্ঝর'ের স্বপ্নভঙ্গের মতই বন্ধনহীন গতি এই যৌবনের। 'সব্যসাচী' কাব্যেও এই যৌবনের অমিত আত্মান গিয়ে ভেঙে পড়েছে সারা দেশে। ছবৃষ্ণের ছর্বিনয় ও পরশাসনের ঔদ্ধত্যকে ভাঙতে সেই যৌবনের প্রতীক পার্শ্বের আবির্ভাবকে কল্পনা ক'রে কবি বললেন :

ওরে ভয় নাই আর, ছলিয়া উঠেছে হিমালয়-চাপা প্রাচী।  
গৌরীশেখরে তুহিন ভেদিয়া জাগিছে সব্যসাচী।  
ছাপর যুগের মৃত্যু ঠেলিয়া  
জাগে মহাযোগী নয়ন মেলিয়া,  
মহাভারতের মহাবীর জাগে, বলে, 'আমি আসিয়াছি।'  
নব্যৌবন-জলতরঙ্গে নাচে রে প্রাচীন প্রাচী !

এক অখণ্ড মানবগোষ্ঠী রূপায়ণের স্বপ্নে পৃথিবীর বিভিন্ন জাতি ও ধর্মের উপর তিনি একেবারেই গুরুত্ব দেন নি। বাঁধ ভেঙে না দিলে যেমন সব ঘাটের সব জলের জোয়ার একীভূত হয়ে মহাসমুদ্রে মিলতে পারে না, তেমনি সব দেশের সব জাতের স্বাতন্ত্র্য না ভেঙে দিলে এক অখণ্ড মানবসমাজ গ'ড়ে উঠতে পারে না। সকলকে এই সমভাবে দর্শন থেকেই সাম্যবাদের সৃষ্টি। সাম্যবাদী নজরুল তাই গাইলেন :

গাহি সাম্যের গান—

যেখানে আসিয়া এক হয়ে গেছে সব বাণা ব্যবধান ।

যেখানে মিশেছে হিন্দু বৌদ্ধ মুসলিম ক্রীশ্চান ।

গাহি সাম্যের গান ।

নারীকেও তিনি এই সাম্যবাদী চোখ নিয়েই দেখেছেন । নারীকে তাই যারা লাঞ্চিত করে, কবির বিচার তাদেরই উপর । আসলে পুরুষে ও নারীতে কোন পার্থক্যই নেই । হৃদয়কে নিয়েই তবে সৃষ্টি সার্থক, জগৎ সার্থক । কবি বললেন :

• সাম্যের গান গাই --

আমার চক্ষে পুরুষ রমণী কোন ভেদাভেদ নাই ।

বিশ্বে যা কিছু মহান সৃষ্টি—চির কল্যাণকর,

অর্ধেক তার করিয়াছে নারী, অর্ধেক তার নর ।

... ..

তাজমহলের পাথর দেখেছ, দেখিয়াছ তার প্রাণ ?

অস্তরে তার মোমতাজ নারী, বাহিরেতে শাজাহান ।

জ্ঞানের লক্ষ্মী, গানের লক্ষ্মী, শস্ত্রলক্ষ্মী নারী,

স্বমালক্ষ্মী নারীই ফিরিছে রূপে রূপে সঞ্চারি ।

... ..

নর বাহে হল, নারী বহে জল, সেই জল-মাটি মিশে

ফসল হইয়া ফলিয়া উঠিল সোনালী ধানের শীষে ।

পুরুষ-শাসিত সমাজে নারী যেমন নির্ভরশীল এবং বহুক্ষেত্রে অবহেলিতা ও নির্যাতিতা, তেমনি সমাজে যারা নিচুতলার মানুষ, যারা মেহনতী লোক, ধনীর ছায়ারে তারা অনাদৃত । এই ভাবেই আমাদের সামাজিক ইতিহাস এতকাল চ'লে আসছিল । কিন্তু নতুন যুগে যে নতুন প্রাণের কল্লোলপ্রবাহ অসুভব করা গেল, তাতে নিচুতলার মানবগোষ্ঠীর একটা সর্বাত্মক জাগরণ আমরা লক্ষ্য করলাম । এই জাগরণের পিছনে আছে এদেশীয় রাজনৈতিক আন্দোলনের প্রভাব ও পাশ্চাত্যদেশীয় মানবিক মূল্যবোধের নবরূপায়ণের প্রেরণা । তাকে রূপ দিতে গিয়ে নজরুল লিখলেন :

চির অবনত তুলিয়াছে আজ গগনে উচ্চশির,

বান্দা আজিকে বন্ধন ছেদি ভেঙেছে কারা-প্রাচীর ।

এই সর্বাত্মক মানব-জাগরণের অসুভূতি থেকেই জাতীয় মুক্তি-আন্দোলনের প্রেরণায় তিনি উদ্বুদ্ধ হয়ে উঠলেন । প্রথম মহাযুদ্ধে যে ইংরেজের পক্ষে বেঙ্গল রেজিমেন্টে সৈনিক হয়ে নজরুল যুদ্ধে নেমেছিলেন, অবশেষে সেই ইংরেজই হ'ল তাঁর প্রধান শত্রু । তাদের শৃঙ্খল যতবারই তাঁকে বন্দী ক'রে কারারুদ্ধ করেছে, ততবারই তিনি চীৎকার ক'রে বলেছেন :

এই শিকল-পরা হল, মোদের এ শিকল-পরা হল,

এই শিকল প'রেই শিকল তোদের করব রে বিকল ।

খিলাফৎ আন্দোলনে, কি গান্ধীজী-প্রবর্তিত অসহযোগ আন্দোলনে বাঙালী সেদিন রবীন্দ্র-সঙ্গীতের সঙ্গে নজরুলের এ-জাতীয় বহু গান গাইতে গাইতে কারারুদ্ধ হয়েছে, হাসিমুখে গলায় পরেছে ফাঁসির দড়ি, গেয়েছে :

মোরা ফাঁসি পরে আনব হাসি মৃত্যুজয়ের ফল ।...

মোদের অস্থি দিয়েই জলবে দেশে আবার বজ্রানল ।

একদিকে তিনি যেমন যৌবনশক্তিকে উদ্বুদ্ধ করেছেন, তেমনি ভ্রাতৃকলহের উর্ধ্ব শত্রুর স্বর্ণলঙ্কা হারখার ক'রে দিতেও তাঁর সমান প্রয়াস দেখেছি । তিনি বলেছেন :

যে লাঠিতে আজ টুটে গম্বুজ পড়ে মন্দির চূড়া,

সেই লাঠি কালি প্রভাতে করিবে শত্রু-দুর্গ গুঁড়া ।

প্রভাতে হবে না ভায়ে ভায়ে রণ,

চিনিবে শক্র, চিনিবে স্বজন,

করুক কলহ, জেগেছে ত তবু, বিজয়কেতন উড়া !

ল্যাঞ্জে তোর যদি লেগেছে আশুন, স্বর্ণলঙ্কা পুড়া ।

এই জাতীয় আরও কয়েকটি কবিতা যেমন : ‘অগ্রপথিক’, ‘যৌবন-জল-তরঙ্গ’, ‘অল্প স্বদেশ-দেবতা’, ‘অস্তর শ্রাশনাল সঙ্গীত’ প্রভৃতির মধ্যে আমরা নজরুলের শুধু জাতীয়তাবোধকেই খুঁজে পাই না, সেই সঙ্গে বড় করে পাই আন্তর্জাতিক মানবগোষ্ঠীর স্বাধিকার প্রতিষ্ঠার প্রতি তাঁর গভীর মমত্ববোধকে ।

কিন্তু এ ছাড়াও নজরুলকে পাই আমরা সামান্য কিছু নাটক, উপন্যাস ও ছোটগল্পকার হিসেবে । এগুলোর মধ্যে তাঁর ‘রিক্তের বেদন’ ও ‘ব্যথার দান’ গল্পগ্রন্থ দু’টি এককালে কিছু জনপ্রিয়তা অর্জন করেছিল সন্দেহ নেই । নজরুলের জীবনকাহিনী ধারা জানেন, তাঁরা এই কাহিনীগুলির মধ্যে নজরুলকেই বিশেষ ভাবে খুঁজে পাবেন ; তবে গল্পগুলো গল্প হয়েও মহাকালের স্বাক্ষর রাখতে পারে নি পাঠকের মনে । সেখানে তাঁর কাব্যের গরেই সঙ্গীতের স্থান ।

সঙ্গীতের ক্ষেত্রে নজরুলের প্রাণের সুবন্দা অত্যন্ত সহজভাবে প্রকাশ পেয়েছে । সেখানে যে ক্রটিবিচ্যুতি বা ভাবব্যঞ্জনার স্থানে স্থানে অসঙ্গতি না ঘটেছে, এমন নয় ; কিন্তু তাঁর স্বকীয় প্রকাশভঙ্গি ও রচনারীতি বাংলা গানের ক্ষেত্রে যে বহুদূর সম্প্রসারিত করেছে, তাতে সন্দেহ নেই । তিনি আত্মলীলায় বা প্রাণের তাগিদে যত না গান রচনা করেছেন, ততোধিক গান তাঁকে রচনা করতে হয়েছে রেকর্ড ও ফিল্ম কোম্পানীগুলির তাগিদে । শুধু গান রচনাই নয়, সঙ্গে সঙ্গে সেই গানে সুরারোপও করতে হয়েছে । তার মধ্যে তাঁর অবকাশ একরকম ছিল না বললেই চলে । নতুবা তাঁর যে গীতিপ্রতিভা ছিল, তাতে বাংলা দেশে গীতিকার ও সুরকার হিসেবে নজরুলের স্থান তাঁর প্রচলিত খ্যাতির আরও উর্ধ্বে গিয়ে পৌঁছাতে পারত । তাঁর মত একই সময়ে বহুতর ভাবের সঙ্গীত খুব কম গীতিকারই রচনা করতে পেরেছেন । কি শ্রামাবিষয়ক বা মাতৃসঙ্গীত, কি জাতীয় সঙ্গীত, কি ইসলামি গান, কি আধুনিক, সুমুর, ভাটিয়ালী ও গজল—সর্বত্র তাঁর লেখনী একই গতিতে চলেছে । তাঁর গান রেকর্ড করেন নি, কিছুকাল আগে পর্যন্তও এমন শিল্পীর সংখ্যা বাংলায় খুব কমই ছিল । তাঁর রচিত—‘বাগিচার বুলবুলি তুই ফুলশাখাতে দিস নে আজি দোল’, ‘যবে তুলসীতলায় প্রিয় সন্ধ্যাবেলায় তুমি করিবে প্রণাম’, ‘তুমি আর একটি দিন থাকো’, ‘কে বিদেশী মন-উদাসী’, ‘বল রে জবা বল’, ‘খেলিছ এ বিশ্ব নিয়ে’, ‘কালো মেয়ের পায়ের তলায় দেখে যা আলোর নাচন’, ‘সুমিরে গেছে শ্রান্ত হয়ে আমার মনের বুলবুলি’, ‘পরমাত্মা নহ তুমি, তুমি যে পরমাত্মীয় মোর’, ‘জাতের নামে বঙ্গাতি সব’, ‘নীলাধরী শাড়ী পরি নীল যমুনার কে যার’, ‘আমি যদি আরব হতাম, মদিনারি পথ’, ‘দুর্গমগিরি কান্তারমরু’, ‘আকাশে হেলান দিয়ে পাহাড় ঘুমায় ঐ’, ‘আমরা ছাত্রদল’, ‘চল চল চল, উর্ধ্বে গগনে বাজে মাদল’ প্রভৃতি গানগুলি বাংলার শিশু-বৃদ্ধ প্রত্যেকেরই জানা । এসব গানের রেকর্ড হাজার হাজার শ্রোতাকে দিনের পর দিন মুগ্ধ করেছে । এ ছাড়া হাসির গানেও নজরুলের বৈশিষ্ট্য লক্ষ্যণীয় ; অন্তর্দিকে চারণের ভূমিকায় ‘ডোমিনিয়ন টেটাস’, ‘লীগ অব নেশন্স’, ‘সাইমন কমিশনের রিপোর্ট’, ‘রাউণ্ড টেবল কন্ফারেন্স’ প্রভৃতি বিষয় নিয়ে তিনি যে সমস্ত কামিক গান রচনা করেন, দেশ ও রাষ্ট্রের উপর তার প্রভাব ছিল অসামান্য । যে যুগে রবীন্দ্রনাথ বৃহত্তরভাবে, এবং ষিজেন্দ্রলাল ও অতুলপ্রসাদ আংশিকভাবে বাংলা সঙ্গীত জগৎকে আচ্ছন্ন করে রেখেছেন, সে যুগে নজরুলের মত আত্মবৈশিষ্ট্যবাদী গীতিকারের অসাধারণ জনপ্রিয়তা লক্ষ্য করে বিস্মিত হ’তে হয় । তিনি একাধারে ট্রেনার ও টেকনিশিয়ান দুইই ছিলেন । প্রথম জীবনে তিনি নিজের কণ্ঠে কিছু গান রেকর্ড করেছিলেন সত্য, কিন্তু পরবর্তী জীবনে মস্তকবিকৃতির পূর্বকাল পর্যন্ত ট্রেনার হিসেবেই তিনি কাজ করেছেন । এ ক্ষেত্রেও তাঁর অসাধারণ কৃতিত্বের ছাপ র’য়ে গেছে ।

এই সঙ্গীত থেকেই মূলতঃ তাঁর সাধনজীবন বা ঈশ্বরাত্মকৃতির পথে বাজা । শেষ বয়সে তাঁর মনের মধ্যে এমন এক উন্নত দর্শন এসে স্থান নেয়—যার মধ্যে কর্ণের অবকাশে মাঝে মাঝেই তিনি এসে সম্পূর্ণভাবে আশ্রয় নিয়েছেন । বাইরে থেকে অপরের পক্ষে তা উপলব্ধি করবার বিবরণ ছিল না । ১৯৪১ সালের ১৩ই মার্চ বনগ্রাম সাহিত্য সম্মেলনে তিনি যে সভাপতির অভিশোধ দেন, তার মধ্যে এই সাধনলব্ধ পারলৌকিক দর্শনের কিছু সূঁচ আভাস আমরা পাই । তিনি বলেন, “আমি কখন যে গভীর সমাধির অতল গহ্বরে গিরে’



প্রবেশ করলাম, তা আজও আমার স্মরণাতীত।...ঐ সমাধির মাঝে তখনতাম, অনন্ত-প্রকাশ জগৎ যেন আমার ঘিরে কাঁদছে: 'ফিরে আর, ফিরে আর।' কেন যেন মনে হ'ত, এ নিখর নির্বিকার শাস্তির পথ আমার নয়। সমাধির তুফা যখন মিটল, পরম একাকীর পরম শূন্য সেদিন যেন আমার সাথীহীন একাকিত্বের বেদনার কেঁদে উঠল। সেই রোদনের অসীম প্রবাহকূলে দেখা পেলাম আমার চির-চাওয়া পরম স্নহরের।...যদি তাঁর অনন্ত শ্রীর একটি রূপ-রেণুকেও আমার কাছে, গানে, সুরে আজ রূপ দিয়ে যেতে পারি, তা হ'লে আমি ধন্ত হব— পৃথিবীতে আসা আমার সার্থক হবে।...আজ আমার সকল সাধনা, তপস্কা, কামনা, বাসনা, চাওয়া-পাওয়া, জীবনমরণ তাঁর পায়ে অঞ্জলি দিয়ে আমি আমিদের বোঝা বওয়ার দুঃখ থেকে মুক্তি পেয়েছি।...আমার এই পরম মধুময় অস্তিত্বের প্রেম-শক্তিতে আত্মসমর্পণ করে আমি বেঁচে গেছি, আমার অনন্ত জীবনকে ফিরে পেয়েছি।"

এই অসুভূতি থেকেই তিনি 'আমার স্নহর' নিবন্ধটি রচনা করেন—যার মধ্যে তাঁর অধ্যাত্মচেতনা পূর্ণ রূপ লাভ ক'রেছে।

তাই, নজরুল শুধু বিদ্রোহী কবি, চারণ ও মরমী গীতিকারই মাত্র ন'ন, সর্বশেষ তিনি সাধক। তিনি একদিকে যেমন বাংলার বিপ্লবী গণমানসের উল্গাতা, অপরদিকে তেমনি সাধনপথের পথিক।



# রঙ্গমল্লী

শ্রীসীতা দেবী

সেদিন ভোররাতে সুরবালার ডাকে পূর্ণিমার ঘুম ভাঙিয়া গেল। ধড়মড় করিয়া উঠিয়া বসিয়া জিজ্ঞাসা করিল।  
“কি হয়েছে মা?”

“অর এসেছে বোধ হয়। মধুর মা এসে পড়বে এখন, তাকে একটু দরজাটা খুলে দিস।”

পূর্ণিমা উঠিয়া পড়িয়া মায়ের কপাল পরীক্ষা করিয়া দেখিল, বলিল, “অরই ত এসেছে। কাল রাত্তিরেই যে তোমার চেহারাটা কেমন দেখাচ্ছিল। মধুর মাকে রাতে থাকতেই ত বলতে পার, তার ত রাতদিনের কাঙ্ক্ষ।”

“শোবার জায়গার অভাব তাই বলতে পারি না। বললে অবিশি থাকে সে। একটা ছেলে আছে বাড়ীতে তাই যেতে চায় আর কি?”

“আচ্ছা, শুয়ে থাক এখন, উঠ না। যা করবার আমি করছি।”

সুরবালা বলিলেন, “করতে কিছুই হবে না। ঐ সব করতে পারবে। তবে তোর অফিস যাওয়ার দেরি ন হয়ে যার।”

“হ’লে হবে, কি আর উপায়? ঐ বোধ হয় ঝি এল,” বলিয়া পূর্ণিমা গিয়া দরজা খুলিয়া দিল।

পুরাণো ঝি, সব কাজে খুব অভ্যস্ত, তাড়াতাড়ি হাত চালাইয়া কাজ করিতে লাগিল। পূর্ণিমা বলিল, “সবাই মিলে যে বেরিয়ে যাব, তা মাকে দেখবে কে? অরটা বেশ বেশী মনে হচ্ছে।”

সরমা বলিল, “আমি থাকি না-হয়। আজ মোটে ছুটো ক্লাস আছে আমার, না গেলেও হয়। Percentage চের আছে আমার।”

পূর্ণিমা বলিল, “তবে তুই-ই থাক।”

সকলে মিলিয়া কাজ করিয়াও কিন্তু পূর্ণিমা ঠিক সময় বাহির হইতে পারিল না। অফিসে পৌঁছিতে তাহার দেরিই হইয়া গেল।

হিরণ্ময় জিজ্ঞাসা করিলেন, “শরীর খারাপ হয়েছে নাকি?”

পূর্ণিমা লজ্জিত হইয়া বলিল, “না, আমার কিছু হয় নি, মা বড় অসুস্থ হয়ে পড়েছেন, তাই একটু দেরি হয়ে গেল। খুব কি অসুবিধা হয়েছে?”

হিরণ্ময় বলিলেন, “না, অসুবিধা কিছু হয় নি। তাই ত, আপনার মা আবার পড়লেন? এ আবার একটা additional স্তর পড়ল আপনার উপরে।”

পূর্ণিমা বলিল, “বোঝা বয়ে বয়ে অভ্যাস হয়ে গেছে। বাবা যখন চ’লে গেলেন, তখন আমি তেরো বছরের মাত্র, কিন্তু তখনই যেন বুড়ো হয়ে গেলাম।”

হিরণ্ময় হাসিয়া বলিলেন, “বাইরের চেহারায় সে বুড়োদের ছাপ কিছু নেই, থাকলে তবু একটু রক্ষা-কবচের কাজ করত। প্রথম দেখলাম যেদিন, সেদিন মনে হয়েছিল, আঠারো-উনিশ বৎসরের বেশী বয়স হবে না, জোর ক’রে বাড়িয়ে বলছে।”

পূর্ণিমা হাসিবার চেষ্টা করিল, বলিল, “তা নিশ্চয়ই ভাবেন নি, তা হ’লে রাখতেন না।”

“রাখলাম নানা consideration-এ। একটা ছেলে candidateও দিল, নিতান্ত মন্দ হ’ত না কাজের দিক দিয়ে। কিন্তু এমন uncouth দেখতে, আর কাপড়-চোপড় এত নোংরা যে, তাকে সারাক্ষণ চোখের সামনে বসিয়ে রাখাও এক যন্ত্রণাদায়ক ব্যাপার হ’ত। আর অন্তান্ত সব অফিসে এ কাজগুলো সচরাচর মেয়েদেরই দেয়। আমিও সেই নিয়ম মেনেই চললাম।”

পূর্ণিমা কাজের কঁাকে কঁাকে মায়ের ভাবনা ভাবিতে লাগিল। বাড়ী গিয়া যদি দেখে অরটা একটু কনের

দিকে, তাহা হইলে ভাল। না হইলে ডাক্তার ডাকিতেই হইবে, যেমন করিয়া হোক। মাসের শেষ হইয়া আসিল এদিকে, পয়সাকড়ি কিছুই নাই হাতে।

বিকালের দিকে কাজ বেশী ছিল না, হিরণ্য তাহাকে ছুটি দিয়া দিলেন। বলিলেন, “বাড়ী যান, মায়ের সঙ্গে কিছু যদি করতে হয়, সকাল সকাল করাই ভাল।”

বাড়ী ফিরিয়া পূর্ণিমা দেখিল, মায়ের অর আরো বেশী মনে হয়। চেহারাটাও বড় খারাপ দেখাইতেছে। কাশি আছে। নিজের দেহাজ খুলিল, মায়ের বাস্রও খুলিয়া দেখিল। মায়ের বাস্র চার টাকা, তাহার নিজের কাছে দুই টাকা মাত্র আছে। এখনও মাহিনা পাইতে তিন দিন বাকি। মাসের শেষের দিকে সর্বদাই তাহাকে কষ্ট করিয়া চালাইতে হয়।

কিন্তু সম্প্রতি উপায় কি? ডাক্তার ডাকিলে তাহাকে চার টাকা ফি দিতে হইবে। ওষুধ-বিশুদ যাহা দিবেন, তাহাতে অন্ততঃ তিন-চার টাকা লাগিবে। তা ছাড়া বাড়ীর খরচ। কিন্তু সে যাহা হয় হইবে, এখন ডাক্তার ডাকা নিতান্ত প্রয়োজন। মায়ের মুখের দিকে চাহিয়া সত্যই তাহার ভয় করিতে লাগিল।

রণেনকে ডাকিয়া বলিল, “রণ, মোড়ের ডিসপেন্সারী থেকে পত্রপতি ডাক্তারবাবুকে একবার ডেকে আনতে পারিস? উনি এখন ঐ দোকানেই থাকেন।”

রণেন দৌড়িয়া চলিয়া গেল। এক পেয়লা চা গুধু খাইয়া পূর্ণিমা মায়ের পাশে বসিয়া তাঁহাকে হাওয়া করিতে লাগিল।

রণেন ডাক্তার লইয়াই ফিরিল একেবারে। তিনি ঘরে ঢুকিয়া রোগিনীকে পরীক্ষা করিতে বসিলেন। ইনি পূর্ণিমার একেবারে অপরিচিত নন, কালভদ্রে চিকিৎসার্থে এ বাড়ীতে আসিয়াছেন।

বুক-পিঠ সব পরীক্ষা করিয়া ডাক্তারের মুখ গভীর হইয়া গেল। রণেনের ছোট ঘরে ঢুকিয়া তিনি পূর্ণিমাকে বলিলেন, “অনুষ্ঠান একটু serious বোধ হচ্ছে। এর আগে ঠেকে সম্প্রতির মধ্যে ডাক্তার দেখানো হয় নি?”

পূর্ণিমা বলিল, “না।”

“দেখালে রোগ আগে ধরা পড়ত। বাড়ীতে যখন অভিব্যবস্থার স্থানীয় আর কেউ নেই, তখন আপনাকেই বলতে হচ্ছে। কালই ঠিক X-Ray করাবার ব্যবস্থা করতে হবে। আর দেখুন, উনি যে ধরে রয়েছেন, সে ঘরে আর কেউ শোবেন না।”

ডাক্তার কি যে বলিতে চাহিতেছেন, তাহা বুঝিতে ভুল হইল না পূর্ণিমার। তাহার মাথায় তখন আকাশ ভাঙিয়া পড়িয়াছে। তবু জিজ্ঞাসা করিল, “X-Ray করতে কোথায় নিয়ে যেতে হবে?”

ডাক্তার বলিলেন, “আমি ব্যবস্থা ক’রে দিচ্ছি। আমারই এক বন্ধু radiologist আছেন। তাঁর chamber কাঁছেই। আমি গিয়েই telephone ক’রে appointment করব। সকাল সাড়ে সাতটায় আমি এখনকার ডিসপেন্সারীতে এসে বসি, তখন আপনি রণেনকে পাঠিয়ে খবর নেবেন। আর এই ওষুধ দুটো আনিয়ে নিন। ঠিক খুব পুষ্টিকর খাবার দরকার। যাক সে সব আলোচনা পরে হবে, আগে X-Rayটা হয়ে যাক আচ্ছা আসি।” বলিয়া টাকা লইয়া তিনি প্রস্থান করিলেন।

পূর্ণিমা এই আকস্মিক আঘাতে কেমন যেন হতবুদ্ধি হইয়া গেল। কি করিবে সে? কাহার সাহায্য চাহিবে? মায়ের হঠাৎ এ কি হইল? ইহারই স্নেহের ছায়ায় তাহারা এতদিন বাঁচিয়া আছে, কোন দুঃখকে দুঃখ বলিয়া মনে করে নাই, কোন অভাবকে অভাব বলিয়া বোঝে নাই। যাহা কিছু করা দরকার মায়ের জন্ত, তাহা পূর্ণিমাকে করিতেই হইবে, যেমন করিয়া হউক। তাহার জীবন ত এখন তমসচ্ছন্ন। আলো কোথাও নাই, সে যেন হাতড়াইয়া হাতড়াইয়া পথ চলিতেছে। যা একটি মাত্র আনন্দের ক্ষীণ সুর তাহার জীবনে বাজিত, তাহাকেও সে চিরদিনের মত স্তব্ধ করিয়া দিয়াছে। উহা হয়ত কল্পনাই ছিল কে জানে?

কিন্তু জীবনাকাশে থাকিয়া থাকিয়া উষার আগমনের আশাস কেন সে দেখিতে পার? ইহাও কি মরীচিকা? না, সত্যই একটু আলো দেখা যায়? ইহারই সহায়তায় সে পথ চলিতেছে, না হইলে এ ভাবে চলিতেও পারিত না, আধারের স্রোতে মিলাইয়া যাইত।

দীর্ঘশ্বাস কেলিয়া সে উঠিয়া দাঁড়াইল। আবার বাহিরে যাইবার জন্ত প্রস্তুত হইল। সরমাকে ডাকিয়া বলিল, “মায়ের দিকে চোখ রাখিস ভাই, আমাকে একটু বেয়োতে হচ্ছে, কয়েকটা ব্যবস্থা করতে।”

রাত্তার মোড়ে একটা বড় কাপড়ের দোকানে টেলিফোন আছে, পয়সা দিয়া সেখান হইতে টেলিফোন করা যায়। পূর্ণিমা গিয়া সেখানে দাঁড়াইল।

পয়সা দিয়া ডায়াল খুরাইতেই, পরিচিত কণ্ঠস্বর কানে আসিল, “হ্যালো!”

“মিঃ মজুমদার আছেন?”

“কথা বলছি। আপনি কি মিস্ সান্তাল নাকি?”

পূর্ণিমা বলিল, “হ্যাঁ। খুব জরুরী দরকার, আপনার সঙ্গে পাঁচ মিনিট কথা বলতে চাই। যাব?”

“আপনি কেন আসতে যাবেন? আমি যাচ্ছি। দশ মিনিটের মধ্যে পৌঁছে যাব, আপনি বাড়ী ফিরে যান।”

পূর্ণিমা যথাসাধ্য দ্রুতপদে ফিরিয়া আসিল। রণেনের ঘরে জিনিষপত্র স্তূপাকার হইয়া আছে। তবু ইহারই মধ্যে বসিতে দিতে হইবে হিরণ্যকে। কোনমতে একটা চেয়ার আনিয়া রাখিল।

হিরণ্যের বাড়ী বেশী দূর নয়। সত্যই দশ মিনিটের মধ্যে আসিয়া পৌঁছিলেন তিনি।

পূর্ণিমা তাঁহাকে লইয়া আসিয়া ছোট ঘরখানায় বসাইল। বসিয়াই তিনি জিজ্ঞাসা করিলেন, “কি হয়েছে বলুন ত? মায়ের অসুখের বাড়াবাড়ি যাচ্ছে নাকি?”

পূর্ণিমা রুদ্ধকণ্ঠে কোনমতে পরিষ্কার করিয়া বলিল, “হ্যাঁ, অর আরও বেড়েছে।”

“ডাক্তার দেখিয়েছেন?”

“দেখালাম অফিস থেকে ফিরে। তিনি সন্দেহ করছেন যে খুব serious কিছু হয়েছে। কালই X-Ray করতে বলছেন।”

হিরণ্য বলিলেন, “ও, এ ত দেখি আর এক ফ্যাসাদ বাধল। কত দিক্ সামলাবেন আপনি? তা X-Ray ব্যবস্থা কি ডাক্তার ক’রে দেবেন, না নিজেদের করতে হবে?”

পূর্ণিমা বলিল, “ডাক্তারবাবুই ক’রে দেবেন। কাছেই ওর এক বন্ধুর chamber আছে। কিন্তু আমার কাছে কিছু নেই যে এখন?”

হিরণ্য বলিলেন, “মাসের শেষে কার কাছেই বা থাকে? এতে লজ্জা পাবার কি আছে? কত দরকার আপনার বলুন ত? ঠিক হিসেব এখন করতে পারবেন না বোধ হয়। আচ্ছা, এই পঞ্চাশটা টাকা রাখুন এখন। কাল আরও দেব দরকার হলেই। কোন সঙ্কোচ না ক’রে আমাকেই যে approach করেছেন, এতে আমি খুব খুশী হয়েছি।”

পূর্ণিমা বিশ্বয়-বিস্ফুরিত নেত্রে হিরণ্যের দিকে তাকাইয়া রহিল। টাকা ধার চাহিতেছে বলিয়া খুশী হইয়াছেন? কেন? পূর্ণিমা বলিয়াই কি? সজোরে মনটাকে সে ফিরাইয়া লইল।

হিরণ্য বলিলেন, “কটার appointment জানাবেন ত? গাড়ীটা পাঠিয়ে দেব। রুধ্ মাহুষ, সাবধানে নিয়ে যাওয়া দরকার।”

পূর্ণিমা জিজ্ঞাসা করিল, “অফিসে যাবেন কি ক’রে তা হ’লে? গাড়ী ফেরত পাঠাতে যদি দেরি হয়ে যায়?”

হিরণ্য বলিলেন, “কিছু অসুবিধা হবে না, অফিস থেকে একটা গাড়ী আনিয়া নেব। এটা আমার নিজের গাড়ী।”

পূর্ণিমা কি যেন বলিতে যাইতেছিল, হিরণ্য বাধা দিয়া বলিলেন, “আচ্ছা, ওহন আর একটা কথা। আপনারা সকলে এক ঘরে শোন নাকি?”

পূর্ণিমা বলিল, “রণেন এই ঘরে শোয়। আমরা দুই বোন মায়ের সঙ্গে এক ঘরে ওই। এই দুটোই মোটে ঘর।”

হিরণ্য বলিলেন, “আজ থেকে রণেনের ঘরেই আপনারা দুজনে শোবেন। না হয় মাটিতেই বিছানা ক’রে শোবেন। গরমের দিনে তাতে কষ্ট হবে না। আপনাদের দু’বোনের মায়ের কাছে খুব বেশীক্ষণ থাকা উচিত নয়। কিন্তু এখনই অল্প কি ব্যবস্থা করা যায়? যাইই করতে যান, একটু সময় লাগবে। আচ্ছা আমি ভেবে দেখছি। Prescriptionটা দিন দেখি, ওষুধগুলো আনিয়া দিই। একটা Dettol জাতীয় antiseptic আনিয়া রাখা ভাল।”



পূর্ণিমা নীরবে তাঁহার হাতে প্রেসক্রিপশন্ট তুলিয়া দিল। তাহার কথা বলিবার ক্ষমতাই যেন চলিয়া গিয়াছিল।

হিরণ্ময় এইবার যাইবার জন্ত উঠিলেন। বলিলেন, “কাল সকালে খবর দেবেন ক’টার গাড়ী দরকার। আর অফিসে যেতে যদি একটু দেরি হয়ে যায় ত ভয় পাবেন না। বিকাশবাবু আছেন, অভিনাব আছে, আমি চালিয়ে নেব। আর দেখুন, বাসন-কোসনও গুঁর আলাদা ক’রে রাখবেন। আচ্ছা, আসি এখন।” তিনি বাহির হইয়া গেলেন।

পূর্ণিমা শুদ্ধ হইয়া বসিয়া রহিল অল্প কিছুক্ষণ। কাহার আশীর্বাদে সে ইঁহার কাছে আসিয়া পড়িয়াছিল? তাহার মাথার উপর যে ছুঁড়াগের কেউ উস্তাল হইয়া উঠিতেছে, তাহাতে ডুবিয়া যাইবারই ত কথা? কিন্তু কাহার হাত তাহাকে বারে বারে টানিয়া তুলিতেছে? ইনি কি পূর্বের কোন জন্মে পূর্ণিমার নিকটতম কেহ ছিলেন? না হইলে কেন এত দয়া তাহার উপর? সেও কেন দেখিয়াই তাঁহাকে চিনিয়াছিল?

কিন্তু চুপ করিয়া বসিয়া থাকিবার সময় নাই। আবার কাজের শ্রোতে পড়িয়া গেল। ওষুধ খাওয়াইল, মায়ের অর দেখিল, তাঁহার পথ্য তৈয়ারি করিল। শুইবার ব্যবস্থার অদল-বদলে রণেন বিধিমতে আপত্তি করিল, কিন্তু তাহার আপত্তি গুনিবার কোন উপায় ছিল না। মধুর মাকে বলিয়া-কহিয়া মায়ের ঘরে রাতে শুইতে রাজী করা হইল। সে বৃদ্ধা মানুষ, বেশী ভয় তাহার নাই হয়ত।

শুইতে অনেক রাত হইয়া গেল। শুইয়াও ঘুম আসিল না। ছশ্চিন্তায় মন যেন ভাঙিয়া পড়িতে চায়। কি উপায় হইবে তাহাদের? বারে বারে গিয়া মাকে দেখিয়া আসে, তিনিও ঘুমাইতে পারিতেছেন না। নিজের বেশী কিছু একটা অসুখ হইয়াছে, তাহা বুঝিতে পারিতেছেন, তবে কি অসুখ সেটা হয়ত বোধেন নাই। পূর্ণিমাকে বার বার করিয়া বলিতে লাগিলেন, “তুই ঘুমোতে যা বাবা, নইলে কাল অত কাজ করবি কি ক’রে?”

রাত্রি ক্রমে শেষ হইল। সারারাত ছটফট করিয়া পূর্ণিমা উঠিয়া বসিল। শুইয়া থাকিয়া লাভ নাই, ঘুরিয়া বেড়ানই ভাল।

ক্রমে ক্রমে সকলে উঠিল, বাড়ীর কাজকর্ম আরম্ভ হইল। মায়ের অবস্থার কোন উন্নতি হয় নাই, প্রায় এক-রকমই আছেন। তাঁহাকে জিজ্ঞাসা করিল, “মা, তোমাকে একটুকুণের জন্তে অল্প একজন ডাক্তারের বাড়ী যেতে হবে। পারবে ত?”

মা বলিলেন, “ট্যান্সি ক’রে ত? তা পারব।”

পূর্ণিমা বলিল, “ট্যান্সি করতে হবে না। মিঃ মজুমদার তাঁর গাড়ী পাঠিয়ে দেবেন, তাতে ঢের আরামে যেতে পারবে।”

মা বলিলেন, “ভদ্রলোককে ভগবান রাজা করুন। পরের জন্তে কেউ এত করে না।”

রণেন গিয়া ডিসপেন্সারী হইতে খবর লইয়া আসিল। সাড়ে আটটায় তাহাদের পৌঁছিতে হইবে, ডাক্তারের chamber-এ। মাকে কাপড়-চোপড় বদলাইয়া প্রস্তুত করিয়া রাখিয়া পূর্ণিমা হিরণ্ময়কে খবর দিতে গেল।

হিরণ্ময় বলিলেন, “সওয়া আটটায় বেরোবেন তা হ’লে। আমি গাড়ী পাঠিয়ে দিচ্ছি। অফিসের গাড়ী ক’রে আমি চ’লে যাব। আপনি যদি ডাক্তারের বাড়ী থেকে কিরে তাড়াতাড়ি তৈরি হয়ে নিতে পারেন, তা হ’লে ঐ গাড়ীতেই অফিসে চ’লে আসবেন।”

পূর্ণিমার এখন যেন নিজের ইচ্ছাশক্তি বলিয়া কিছু ছিল না। হিরণ্ময় যখন যাহা বলিতেছিলেন, সে তাহাই পালন করিতেছিল। অতিরিক্ত পরিশ্রমের পর দেহ যেমন অবশ হইয়া আসে, তাহার মনেরও হইয়াছিল সেই অবস্থা। “আচ্ছা, তাই যাব” বলিয়া রিসিভার রাখিয়া দিয়া সে আবার বাড়ী ফিরিয়া আসিল। তাড়াতাড়ি স্নান করিয়া অফিসে যাইবার জন্ত প্রস্তুত হইল। খাওয়ার ভাবনা এখন থাক, অফিসেই যাহা হোক খাইয়া লইবে। মায়ের কাছে কাহাকে রাখিয়া যাইবে আজ? সরমাকে রোজরোজ কামাই করানো যায় না ত?

রণেন নিজ হইতেই বলিল, “আজ আমি থাকছি দিদি। পালা ক’রে এক-একজনকে থাকতে হবে ত?”

পূর্ণিমা বলিল, “আচ্ছা, ঘড়ি দেখে ঠিক সময় ওষুধ খাওয়াবে। আর সব কাজ মধুর মা করবে এখন। দরকার হলেই অফিসে গিয়ে আমাকে খবর দেবে। আমার অফিস চেন ত?”

রণেন বলিল, “আহা, তা যেন আর চিনি না? কতবার গিয়ে দেখে এসেছি। তুমি আমার ভাব কি?”

পূর্ণিমা হাসিবার চেষ্টা করিয়া বলিল, “হ্যাঁ, তুমি মস্ত বয়স্ক লোক, তা আমি জানি।” বলিতে বলিতেই গাড়ী আসিয়া পড়িল।

মাকে সঙ্গে করিয়া পূর্ণিমা ও সরমা ছুটনেই বাহির হইল। খুব বেশী দূর নয়। গিয়াই অবশ্য তাহারা ডাক্তার মহাশয়কে পাইল না। তিনি আর একজন রোগীকে লইয়া ব্যস্ত ছিলেন। মিনিট পনেরো-কুড়ি কাটিয়া গেল। তাহার পর তাহাদের ডাক পড়িল।

আসল ব্যাপারে সময় লাগিল না, খুব বেশীক্ষণ। মা বাতরও হইলেন না, বেশী কিছু। আবার তাঁহাকে ফিরাইয়া আনিয়া বিছানায় শোওয়াইয়া দিল। বলিল, “আমি এখন যাই মা, মিঃ মজুমদারের গাড়া দাঁড়িয়ে আছে. আমাকে নিয়ে যাবে বলে।”

মা জিজ্ঞাসা করিলেন, “খেয়েচিস ?”

পূর্ণিমা বলিল, “এখন কিছু খাবার সময় হবে না মা। অফিসের canteen থেকে খাবার আনিয়ে খেয়ে নেব। রগু রইল আজ তোমার কাছে।”

গাড়ী করিয়া যাওয়ার জন্ত খুব বেশী দেরি হইবে না বোধ হয়। কাছে ফাঁকি দিবার কল্পনাও এখন তার করা উচিত নয়। যথেষ্ট উৎপাত সে এমনিই করিতেছে হিরণ্ময়ের উপর। কেন, কেন এত করুণা তাঁহার পূর্ণিমার প্রতি? মাহুসটা স্বপ্নবতঃই অত্যন্ত পরকঃখকাতর বলিয়াই কি? না, আর কিছু আছে তাঁহার মনে? কিন্তু পূর্ণিমার মত দুর্ভাগিনীর এ সব চিন্তা করিয়া লাভ কি?

মোড়ের কাছে গাড়ীটা আসিতেই দেখা গেল দীপক বাহির হইয়া কোথায় চলিয়াছে। পূর্ণিমার দিকে একবার ভাবলেশহীন দৃষ্টিতে তাকাইয়া সে চলিয়া গেল। আশ্চর্য্য, এই দু’দিনের মধ্যে একবারও পূর্ণিমার মনে পড়ে নাই দীপকের কথা। এমনি সম্পূর্ণরূপে কি সে পূর্ণিমার জীবন হইতে নির্বাসিত হইয়া গিয়াছে? সাহায্যকারীর জন্ত যখন তাহার প্রাণ আকুল হইয়া খুঁজিতেছিল, তখনও ইহার কথা সে মনে আনে নাই। মাহুসের অতি দুঃখের দিনের সাথী হইবার মত মাহুস দীপক নয়। জীবনে সুখ ও স্বাচ্ছন্দ্য থাকিলে হয়ত সে পাশে পাশে চলিতে পারে।

অফিসে পৌঁছিয়া আজ আর তাহার হাঁটিয়া উঠিতে ইচ্ছা করিল না। বড় ক্লান্ত সে, নড়িতে আর ইচ্ছা করে না। Lift-এই উঠিল, যদিও সেখানে বড় ভীড়। কিন্তু পূর্ণিমা যেন তাহা লক্ষ্যই করিল না।

হিরণ্ময়ের ঘরে কাহারো যেন কথা বলিতেছে। পূর্ণিমা নিজের কাগজপত্র গুছাইতে লাগিল। একটু পরেই তাহার ডাক আসিল। ঘরে ঢুকিতেই হিরণ্ময় জিজ্ঞাসা করিলেন, “X-Rayটা ভালয় ভালয় হয়ে গেল ত? উনি আজ সকালে আছেন কেমন?”

পূর্ণিমা বলিল, “X-Ray হয়ে গেছে। মা একই রকম আছেন।”

“কবে plate পাওয়া যাবে?”

“কাল সকালে দেবে বলেছে।”

হিরণ্ময় নিজের চিঠিপত্র দেখিতেছিলেন। বলিলেন, “কাজ আছে আজ অনেক। পাঁচটা অবধি থাকতে পারবেন ত? টাইপ অত্র ছজন করতে পারে বটে, তবে বড় গল্প ক’রে বেড়ায়। Confidential ব্যাপার থাকে সব, এ রকম না হওয়াই বাঞ্ছনীয়।”

পূর্ণিমা বলিল, “হ্যাঁ, পাঁচটা অবধি থাকতে পারব। রগুকে রেখে এসেছি মায়ের কাছে। সরমাও এসে পড়ে চারটার মধ্যে।”

হিরণ্ময় জিজ্ঞাসা করিলেন, “খেয়ে এসেছেন ত? সকালেই কি রকম যেন শুকনো দেখাচ্ছে।”

পূর্ণিমা বলিল, “না, খাওয়া হয় নি, এখানেই ছপুর্বে খেয়ে নেব। ঘুম হয় না মোটে, তাই এরকম দেখায়।”

হিরণ্ময় বলিলেন, “খাওয়াও হচ্ছে না, ঘুমও হচ্ছে না। এবার নিজে না অসুখে পড়েন। ছপুর্বে ভাল ক’রে খাবেন কিছু শুধু এক পেয়লা চা খেয়ে ব’লে থাকবেন না। আমি গিয়ে দেখে আসব কি খাচ্ছেন। আর একটা কথা। X-Rayর ফল যা হবে বলে অনুমান করছি, তাতে আপনার মাকে হাসপাতালে কি নাগিংহোমে রাখা দরকার হবে। বাড়ীতে থাকবেন আপনারা তিনটি ছেলেমাহুস ভাইবোন। এটা ঠিক হবে না। আজ থেকেই কোনো মাসী-পিসীর সন্ধান করুন, যিনি আপনাদের কাছে থাকতে পারেন। তেমন নেই কেউ?”

পূর্ণিমা বলিল, "আছেন ছুঁচার জন। আজ ফিরে গিয়েই তাঁদের খবর দেব।"

তাহার পর কাজ আরম্ভ হইল। প্রায় দেড়টার সময় শেষ চিঠিখানা শেষ করিয়া পূর্ণিমা উঠিয়া দাঁড়াইল।

হিরণ্ময় বলিলেন, "যান, খেয়ে নিন গিয়ে ভাল ক'রে। ছুটো টোষ্ট অন্ততঃ, তা ছাড়া অমলেট নিশ্চয় খাবেন। চা না খেয়ে কোকো খেলে ভাল। কঁাকি দেবেন না, গুরুজনের কথা মাথা ক'রে নেবেন।"

পূর্ণিমা বাহির হইয়া গেল। গুরুজন? তাই ত বটে! তোমার চেয়ে বড় গুরুজন জগতে কে আমার আছে?

১২

বিকালেও মায়ের অবস্থার বিশেষ কোনো উন্নতি দেখা গেল না। তবে জ্বর আর বাড়িল না। পূর্ণিমা বেশীর ভাগ ব্যারান্ডায় বসিয়া কাটাইল, মাঝে মাঝে ধরে ঢুকিয়া মাকে দেখিয়া আসিতে লাগিল।

এই কয়দিনই সে বাড়ীর বাহির হয় নাই। ইহাতে তাহার শরীর আরো ক্লান্ত ও অবসন্ন বোধ হয়। কিন্তু যাইবে বা কি করিয়া? দীপকের সঙ্গে দেখা হওয়াটা তাহার বহু দিনের অভ্যাসে দাঁড়াইয়াছিল। না দেখা হইলেই মনের মধ্যে খচখচ করিত। ইহা কি শুধু অভ্যাসেরই বন্ধন ছিল, না আর কিছু ছিল ইহার মধ্যে? শুধুই বন্ধু? চিরদিন ইহারই সঙ্গে থাকিবার কল্পনা কি ছিল না পূর্ণিমার? মনে হয়, সে যেন বিগত কোন জন্মের কথা। এখনকার পূর্ণিমার যে জীবন, তাহার মধ্যে দীপকের স্থান কোথায়? পূর্ণিমার মনে তাহার অজ্ঞাতসারেই দীপকের মূর্ত্তি ক্রমে ছায়াময় হইয়া উঠিতেছিল, সে বুঝিতে পারে নাই। ইঠাৎ একদিন সন্ধান লইতে গিয়া দেখিল, ছায়াও যেন আর অবশিষ্ট নাই!

পাক্কে এখন গেলে হয়ত তাহার সঙ্গে দেখা হইতে পারে কিন্তু পূর্ণিমার মন ওদিকে কেমন যেন অসাড় হইয়া গিয়াছে। দীপককে দেখিতে তাহার এগনই ইচ্ছা করে না। যাক্ কয়েকটা দিন! পূর্ণিমার মায়ের অস্থখের কথা পাড়ার অনেকেই জানে, দেখিতে অনেকেই আসে। কিন্তু দীপকের কাছ হইতে কোন গাড়া-শব্দ পাওয়া যায় নাই। অতিরিক্ত অভিমানী স্বভাবের মানুষ সে। কিন্তু অভিমান করার অধিকার কি পূর্ণিমারও নাই? আশ্চর্য্য হইয়া পূর্ণিমা দেখিল, সে অভিমানও করে নাই।

পরদিন সকালে গাড়ী পাঠানোর কথা হিরণ্ময় কিছু বলেন নাই, পূর্ণিমাও বলে নাই। অথচ সকালে গাড়ী আসিয়া উপস্থিত হইল। হিরণ্ময় লিখিয়া পাঠাইয়াছেন, পূর্ণিমা যেন গাড়ী করিয়া গিয়া X-Ray-র plate লইয়া আসে। ডাক্তারকে তাহা দেখাইয়া এবং তাহার ব্যবস্থা লইয়া সে ইচ্ছা করিলে ঐ গাড়ীতেই অফিসে আসিতে পারে। তিনি নিজে আঙ্গু ও অফিসের গাড়ীতেই যাইবেন, কাজেই পূর্ণিমার জন্ত যদি গাড়ীটাকে কিছুকণ অপেক্ষা করিতে হয়, তাহাতেও আসিয়া যাইবে না কিছু।

পূর্ণিমা কেমন যেন হাল ছাড়িয়া দিয়াছিল, কোন কথাই আর প্রতিবাদ করিত না। সে প্রস্তুত হইতে গেল। মনের ভিতর কি যেন একটা পাষণ্ডভারের মত চাপিয়া আছে, উহা কিছুতেই টলে না। শুধু কি মায়ের অস্থখের জন্ত? তাহাও সে বুঝিতে পারে না।

নির্দিষ্ট সময়ে সে গিয়া উপস্থিত হইল, radiologist-এর chamber-এ। তিনি গম্ভীর মুখে খামে পুরিয়া প্লেট বাহির করিয়া দিলেন, টাকা লইলেন। তাহার পর বলিলেন, "আমার report ওটার সঙ্গে পিন্ দিয়ে আটকান আছে, পণ্ডপতিবাবুকে দেখাবেন।"

Report-এর দিকে চোখ পড়িতেই পূর্ণিমার মাথাটা ঘুরিয়া গেল। দুই ফুসফুসেই রোগের আক্রমণের প্রবল চিহ্ন। ডাক্তার অবিলম্বে হাসপাতালে লইয়া যাইবার উপদেশ দিতেছেন।

ইহার পর তাহার যাওয়া উচিত ছিল পণ্ডপতিবাবুর কাছে। যাইবে এখন। তাহার প্রাণটা ছটকট করিতে লাগিল একবার হিরণ্ময়ের কাছে যাইবার জন্ত। তাহার মুখের একটা আশ্বাসবাণী না। ওনিলে সে আর দাঁড়াইতে পারিবে না।

ডাক্তারটিকে জিজ্ঞাসা করিল, "আমি আপনার ফোনটা একটু ব্যবহার করতে পারি কি?"

ডাক্তার বলিলেন, "নিশ্চয়।"

হিরণ্ময় টেলিকোন ধরিলেন আসিয়া। পূর্ণিমা এক নিঃশ্বাসে বলিয়া গেল, "মায়ের X-Ray plate আর ডাক্তারের report পেলাম। খুব খারাপ। আমি যাচ্ছি আপনার কাছে। আপনি কি এখনই বেরোবেন?"

হিরণ্ময় বলিলেন, “আমুন আপনি, আমার এখনও দেরি আছে খানিকটা।”

পূর্ণিমা চলিল। তাহার আর কোন অবলম্বন ত নাই? হিরণ্ময়ের করুণাকে আশ্রয় করিয়াই তাহাকে বাঁচিতে হইবে। একলার তাহার সাধ্য নাই। কিন্তু মাকে বিনা চিকিৎসায় মরিয়া যাইতে দিতে সে পারিবে না।

গাড়ী গিয়া দাঁড়াইল হিরণ্ময়ের বাড়ীর সামনে। তিনি দোতলায় থাকেন। Calling bell টিপিতেই হিরণ্ময়ের চাকর আসিয়া বলিল, “আজ্ঞে উপরে আসুন আপনি, সাহেব অপেক্ষা করছেন।”

উপরে উঠিল পূর্ণিমা। সিঁড়ির মুখেই হিরণ্ময়ের সঙ্গে দেখা হইল। সবে স্নান সারিয়া বাহির হইয়া আসিয়াছেন। পূর্ণিমাকে লইয়া বসিবার ঘরে ঢুকিয়া বলিলেন, “বহুন, ভয়ানক হাঁপাচ্ছেন যে? কই, দেখি ছবি আর রিপোর্ট?”

পূর্ণিমা খাকি রঙের লম্বা খামটা তাহার হাতে তুলিয়া দিল। তাহার অদূরে একটা চেয়ার টানিয়া বসিয়া হিরণ্ময় সেগুলি দেখিতে লাগিলেন। তাহার পর বলিলেন, “ভগবান্ আপনাকে একটার পর একটা পরীক্ষার মধ্যে ফেলছেন। যাই হোক, ঘাড় শক্ত ক’রে মাহুসকে এ সবে মূখোমুখি দাঁড়াতে হয়। যাদবপুরে প্রথম চেষ্টা ক’রে দেখি। ওখানে আমার চেনাশোনা অনেক ডাক্তার আছেন, cousinও একজন কাজ করেন। বলেন ত এখনই ফোন করতে পারি। দেরি করা একেবারে উচিত নয়। রোগিণীর নিজের জ্ঞে নয়, আপনাদের তিনজনের ষাতিরে আরও নয়। এমনিতেই আপনাদের যথেষ্ট exposure হয়ে গিয়েছে।”

পূর্ণিমার মুখে তখন কালো একটা ছায়া ঘনাইয়া আসিয়াছে। বলিল, “ওখানে free seat আছে না কিছু?”

“আছে, তবে পাওয়া শক্ত। অনেক সময় ছ’মাস আট মাস ব’সে থাকতে হয়।”

পূর্ণিমা হতাশ কণ্ঠে বলিল, “ততদিনে আর আমার seat-এর দরকার থাকবে না। যা সর্কনাশ হবার তা হয়ে যাবে।”

হিরণ্ময় বলিলেন, “অত ভয় পাবেন না। আপনি ত সাহসী মেয়ে, শক্ত হয়ে দাঁড়াতে হবে আপনাকে। বাড়ীতেও চিকিৎসা যে না হয় তা নয়, কিন্তু এক্ষেত্রে সেটা চলবে না। বাড়ীতে জায়গা নেই, এবং আপনাদের infected হবার ভয় বড় বেশী। কিন্তু free seatই হতে হবে কেন? Free না পাওয়া যায়, পরসা দিয়েই নিতে হবে।”

পূর্ণিমা বলিল, “আমি পারব কি ক’রে? আমার অবস্থা ত আপনি সবই জানেন?”

হিরণ্ময় বলিলেন, “মিস্ সাত্তাল, বিপদে প’ড়ে আপনি আর কারও কাছে যান নি, আমার কাছেই এসেছেন। এই বিশ্বাসেই এসেছেন যে, আমি আপনাকে সাহায্য করব। তা হ’লে আর এ কথা বলছেন কেন? টাকা যা লাগবে তা আমি দেব আপনাকে।”

পূর্ণিমার চোখ প্রায় অশ্রুপূর্ণ হইয়া উঠিল। কোনমতে জোর করিয়া নিজেকে সম্বরণ করিল। বলিল, “কতদিন তাঁকে সেখানে থাকতে হবে কিছুই জানি না। কিরকম খরচ হবে তাও জানি না। আপনার ঋণ কোনদিন কি আমি শোধ করতে পারব? ভগবান্ সে ক্ষমতা কি আমাকে দেবেন?”

হিরণ্ময় বলিলেন, “ঠিক দেবেন। ক’টাই বা টাকা, তার জ্ঞে এত ভাবনা কেন আপনার? চের উন্নতি হবে আপনার, জীবনে ক’টা দিনই বা আপনার কেটেছে? এ সামান্য জিনিষ নিয়ে অত ব্যস্ত হবেন না। নাও যদি দিতে পারেন, কি এসে যাবে আমার? দেখছেন ত, আমি একলা মাহুস, কোন পোষ্য নেই আমার। ওসব ভাবনা থাক এখন, চের সময় পাওয়া যাবে ওসবের আলোচনার জ্ঞে। আমি আজই seat-এর জ্ঞে চেষ্টা করব। অফিসে যাবার পর ফলাফল আপনি জানতে পারবেন। ব্যবস্থা আজকালের মধ্যে নিশ্চয়ই একটা হয়ে যাবে। কিন্তু নিজের বড় অযত্ন করছেন আপনি। চেহারা ক্রমেই খারাপ হয়ে যাচ্ছে।”

পূর্ণিমা বলিল, “এতখানি দুশ্চিন্তার ভারে আমার প্রায় দম আটকে আসে। ভাববার ক্ষমতাসুদ্ধ যেন নেই মনে হয়।”

“আপনার মাকে হাসপাতালে নিয়ে গেলেই অনেকটা relief পাবেন। আচ্ছা, এরপর আপনি বাড়ী যান, একটু বিশ্রাম ক’রে, নেয়ে-খেয়ে তবে অফিসে আসবেন। আমাকেও ready হতে হবে। অফিস থেকেই আমি ফোনগুলো করব।”

পূর্ণিমা উঠিয়া দাঁড়াইল। তাহার পর হঠাৎ নতজাহ্নু হইয়া হিরণ্ময়ের হুই পায়ের উপর মাথা রাখিয়া প্রণাম করিল। চোখের দু’কোঁটা জলও ঝরিয়া পড়িল।



হিরণ্ময় চমকিয়া তাহার ছই বাহু ধরিয়া টানিয়া তুলিলেন। বলিলেন, “এ কি করছেন বলুন ত? এটা নিয়ম নয় কিন্তু।”

পূর্ণিমা বলিল, “কি জানি, কোন্টা নিয়ম, আর কোন্টা নয়। এই যে একটা হতভাগা অনাস্থীয়া মেয়ের জন্তে এত করছেন, এটাই কি নিয়ম?”

“রক্ত সম্পর্কে অনাস্থীয় হলেই কি তাকে অনাস্থীয় বলা যায়? মানুষের স্নেহের সম্পর্ক ত নানারকম থাকে? আপনি বড় বিচলিত হয়েছেন। হতেই পারেন। আজ অফিসে না যদি যান, তা হ’লে কেমন হয়?”

পূর্ণিমা বলিল, “না, না, আমি অফিসেই যাব। নইলে খবর পাব কি ক’রে? আচ্ছা আসি, আর আপনাকে দেরি করা ব না।” বলিয়া তাড়াতাড়ি ঘর হইতে বাহির হইয়া সিঁড়ি দিয়া নামিয়া গেল। ছই চোখ দিয়া তখন জল পড়িতেছে, তাহা হিরণ্ময়কে আর দেখাইতে পারিল না।

বাড়ীতেও এমন চোখের জলে ভেজা, খমখেম মুখ দেখান যায় না। এ রকম মুখ যে দেখিবে, সেই ভয় পাইবে? নিজের কাপড়-জামা, তোয়ালে লইয়া সে এক রকম ছুটিয়াই স্নানের ঘরে চলিয়া গেল। ভিজা শানের মেঝের উপর বসিয়া পড়িয়া অঝোরে কাঁদিতে লাগিল। আজ সে নিজের কাছে ধরা পড়িয়া গিয়াছে। হিরণ্ময়ের হাত যেখানে তাহাকে স্পর্শ করিয়াছিল, তাহা যেন এখনও শিহরিয়া উঠিতেছে।

ভালবাসা কি এই রকম বস্তু? পূর্ণিমা আজ যদি হিরণ্ময়ের পায়ের উপর আরও খানিকক্ষণ পড়িয়া থাকিতে পাইত, তাহা হইলে এই দারুণ পানাগভার আর কি তাহার বুকে এমনি করিয়া চাপিয়া থাকিত? ওখানে মরিতে পাইলেও তাহার শেষ মুহূর্ত্তে জীবনটাকে সার্থক মনে হইত। কিন্তু সে দিন তাহার জীবনে আসিবে না।

অনাস্থীয়া তাহাকে মনে করেন না, তাহা না হইলে এত কেন করিবেন তাহার জন্ত? স্নেহও একটু হয়ত আছে তাহার জন্ত। ইহাকেই জীবনসম্বল করিয়া পূর্ণিমাকে চলিতে হইবে। ইহার বেশী সে পাইবে না। ভিখারিণীকে ইহার বেশী কেন তিনি দিতে চাহিবেন?

কাঁদিয়া কাঁদিয়া তাহার চোখের জলও যখন ফুরাইয়া গেল, তখন সে উঠিয়া স্নান করিল। হোক খানিকটা দেরি। একটু প্রকৃতিস্থ না হইলে সে হিরণ্ময়েব কাছে মুখ দেখাইবে কি করিয়া? খাওয়া-দাওয়া করিয়া সে যাইবার জন্ত প্রস্তুত হইল। গাড়ীটা তখনও দাঁড়াইয়া আছে। সরমা জিজ্ঞাসা করিল, “আজ মায়ের কাছে কে থাকবে দিদি?”

পূর্ণিমা বলিল, “আজ শুবানীপুরের পিসীমা সাড়ে দশটার মধ্যে আসবেন ব’লে চিঠি লিখে পাঠিয়েছেন। আমি আসা পর্য্যন্ত তিনি থাকবেন মায়ের কাছে।”

অফিসে গিয়া যখন পৌঁছিল তখন সত্যই খানিকটা দেরি হইয়া গিয়াছে। হিরণ্ময়ের ঘরে অভিলাষ বসিয়া কাজ করিতেছে। হিরণ্ময়ের মুখে সুস্পষ্ট বিরক্তির চিহ্ন। তাহাকে দেখিবামাত্র অভিলাষ পলাইবার জন্ত যেন ব্যস্ত হইয়া উঠিল। হিরণ্ময় বলিলেন, “মিস্ সান্তাল, আপনি যদি ready থাকেন ত এখানে এসে বসুন, আমরা আজ অনেক কাজ।”

অভিলাষ বাহির হইয়া যাইতেই, পূর্ণিমা আসিয়া বসিল। প্রথম আসিয়াই একবার হিরণ্ময়ের দিকে তাকাইয়াছিল, তাহার পর সেই যে মাথা নীচু করিয়া বসিয়া কাজ আরম্ভ করিল, মাথা আর তুলিল না। সকালের কথা স্মরণ হইয়া বুকের ভিতর কি রকম একটা অব্যক্ত যন্ত্রণা অসুভব করিতে লাগিল। আবার মায়ের জন্ত দুর্ভাবনাও তাহার মনটা হাহাকার করিতে লাগিল। কিন্তু হিরণ্ময়ের কাজ শেষ না হইলে, অল্প কথা পাড়া যায় না। তিনি পূর্ণিমাকে কি ভাবিয়াছেন কে জানে? হিষ্টিরিয়াগ্রস্ত বালিকাই ভাবিয়া থাকিবেন হয়ত।

কাজ খানিকটা হইয়া যাইবার পর হিরণ্ময় নিজেই বলিলেন, “মিস্ সান্তাল, এবার একটু দম নিতে পারেন। আপনি সকাল থেকে এরকম মাথা নীচু ক’রে ব’সে আছেন কেন? লজ্জা পাবার মত কি ঘটেছে?”

পূর্ণিমা একবার চোখ তুলিয়া তাহার দিকে তাকাইল, আবার মাথা নীচু করিল, বলিল, “সকালে ওরকম করা আমার উচিত হয় নি।”

হিরণ্ময় বলিলেন, “করছেন কি আপনি যে উচিত-অসুচিতের কথা উঠছে? দেখুন, ভগবান্ যে মানুষের মনে emotion জিনিষটা দিয়েছেন, সেটার প্রয়োজন আছে জীবনে ব’লেই দিয়েছেন। Emotion-এরও ভালমন্দ]

আছে অবশ্য। রাগ, ঘেঁষ, হিংসা, এগুলি সংক্রান্ত ভাবোচ্ছ্বাস ত সারাক্ষণই দেখছেন চারদিকে, এ নিয়ে কিন্তু কেউ লক্ষিত হয় না বিশেষ, অত্যন্ত বাড়াবাড়ি না হয়ে গেলে! তা হ'লে মানুষের মনের যেটি সুন্দর দিক, অল্প মানুষের প্রতি তার ভক্তি, শ্রদ্ধা, ভালবাসার দিক, সেখানে কিছু যদি emotion প্রকাশ পায়, তাতে লজ্জার কি আছে? অল্প বরসে মানুষের মন কোমল থাকে, সহজে বিচলিত হয়, তাতে কেউ কি তাদের সমালোচনা করে? আমি নিজে কিন্তু কিছু মনে করি নি। খুশী হয়েছিলাম এই ভেবে যে, আমাকে নিতান্ত একটা পর ভাবলে আপনি আমার কাছে আসতেনও না, চোখের জলও ফেলতেন না! শুধু অফিসের কর্তা যদি ভাবতেন, তা হ'লে formality রক্ষা ক'রেই চলতেন।”

পূর্ণিমা বলিল, “সেটা যে আমি প্রথম থেকে কোনদিনই ভাবতে পারি নি। নিজের পরমাত্মীয় গুরুজনের মতই দেখেছি।”

“খুব ভাল করেছেন। এই আত্মীয়তা আশা করি চিরদিনই থাকবে আমাদের মধ্যে। হ্যাঁ, এখন আর একটা কাজের কথা। খোঁজ খবর অনেক নিলাম। Free seat এখন পাওয়া যাবে না, চের দেরি হবে। এমন seatই ঠিক করলাম। ইচ্ছা করলে কালই মাকে পাঠাতে পারেন। তার পর ঘরদোর জিনিষপত্র খুব ভাল ক'রে disinfect করবেন। আপনাদের সঙ্গে থাকবার কাউকে কি পেলেন?”

পূর্ণিমা বলিল, “একজন পিসীমা আসবেন আজ। তাঁর বিশেষ কামেলা নেই সংসারে, বললে তিনি হয়ত থাকতে রাজী হবেন। আজ বাড়ী গিয়ে তাঁর সঙ্গে দেখা হবে।”

“ওকেই ধ'রে রাখুন। তা হ'লে ঐ seatটা নেওয়ার ব্যবস্থা পাকা ক'রে ফেলি?”

পূর্ণিমা বলিল, “তা করা ছাড়া অন্য কোন উপায় নেই যখন। মাকে কি কাল নিয়ে যাবার জন্তে রেডী করব?”

“তাই করুন। কিছু কাপড়-চোপড় আর personal use-এর জিনিষ ছাড়া, আর কিছু দরকার হবে না।”

পূর্ণিমা বলিল, “কবে যে ভগবান আমাকে নিজের ভার বইবার যোগ্যতা দেবেন। আমি বেঁচে গেলাম আপনার দয়ায়, কিন্তু আপনার জীবনে এ এক নূতন উৎপাতের সৃষ্টি হ'ল। এর শেষ কোথায় দেখতে পাই না।”

হিরণ্ময় বলিলেন, “সত্যি পরমাত্মীয় যদি ভাবতেন, তা হ'লে এমন কথা বলতেন কি? আমি যদি বলি, এই সাহায্যটুকু করতে পেয়ে আমি অত্যন্ত খুশী হয়েছি, তাহলে আপনার মনের দুঃখ একটু কমবে কি?”

পূর্ণিমা এতক্ষণ হিরণ্ময়ের দিকে তাকাইতেই পারে নাই। এখন অতৃপ্ত চোখে কিছুকণ তাঁহার মুখের দিকে চাহিয়া রহিল।

হিরণ্ময় আবার বলিলেন, “বাবা-মায়ের আমি একমাত্র সন্তান। ভাইবোন কেউ নেই, এবং নিকট আত্মীয় বলতে যা বোঝায় তাও কেউ নেই। মানুষের মন একটু তৃপ্ত থাকে এই সব সঙ্ঘর্ষের জন্তে। আপনার মত ছোট বোন যদি আমার একটি থাকত, তা হ'লে খুশী হয়েই কি আমি তাঁর জন্তে এর চেয়ে অনেক বেশী করতাম না? মনে বরুন না, আমার সেই না-পাওয়া ছোট বোনের জায়গাতেই আমি আপনাকে গ্রহণ করছি।”

হিরণ্ময় চোখের জল দেখিলে বিব্রত বোধ করেন, পূর্ণিমা জানিত। তাই প্রাণপণ চেষ্টায় চোখের জল সে চোখেই রাখিয়া দিল। শুধু বলিল, “টাকার কথা আর আমি আপনার সামনে বলব না। শুধু কোনদিন যদি সত্যি ছোট বোনের সেবার আপনার দরকার হয়, তা হ'লে আমাকে মনে করবেন।” হিরণ্ময়ের দিকে আর তাকাইতে পারিল না।

হিরণ্ময় বলিলেন, “নিশ্চয়। জন্মসূত্রে যে বোনকে পাওয়া যায়, তাকে মানুষ অনেক সময় ভুলেও যায়। কিন্তু মানুষ যাকে নিজের চেষ্টায় সংগ্রহ ক'রে আনে, তাকে ত ভোলা যায় না।”

ইহার পর আবার আরম্ভ হইল কাজ। পাঁচটার কাজ শেষ করিয়া উঠিয়া হিরণ্ময় বলিলেন, “তা হ'লে seatটা আমি reserve ক'রে ফেলব বাড়ী গিয়ে। জিনিষপত্র যেমন বললাম গুছিয়ে রাখবেন। আর কিছু যদি দরকার থাকে ওখানে গিয়ে জানা যাবে এবং সংগ্রহ করা যাবে। কালকে ত রবিবার, সেই একটা সুবিধা। আমি আপনার সঙ্গে যেতে পারব, নইলে আপনি একটু nervous হয়ে পড়বেন। ন'টার সময় সব তৈরি রাখবেন।”

বাড়ী যাইতে যাইতে চারিদিকের বাড়ীঘর দোকানপাট কিছুই যেন পূর্ণিমা দেখিতে পাইল না। চোখ তাহার আগাগোড়াই ঝাপসা হইয়া রহিল। সহযাত্রীরা সকলেই একটু বিস্মিত দৃষ্টিতে এই অশ্রুযুক্তী স্তম্ভী তরুণীর দিকে তাকাইতে লাগিল। পূর্ণিমা সেটাও যেন খেয়াল করিল না।

ছোট বোন বলিয়াই শেষে তিনি পূর্ণিমাকে জীবনে স্থান দিলেন? না ওটা কথার কথা, পূর্ণিমাকে একটু গাশ্বনা দিবার জন্ত বলা? হইতেও পারে। তাহার জীবনে হিরণ্যের স্থান কোন্খানে, তাহা আর পূর্ণিমার বুঝিতে বাকি নাই। কিন্তু ভিখারিণীর ত ক্ষমতা নাই মুষ্টিভিক্ষা ফিরাইয়া দিবার? তাহাকে বাঁচিয়া যখন থাকিতে হইবে, তখন ক্ষুধা যাহা ছোটে তাহারই উপর নির্ভর করিয়া সে জীবন কাটাইবে। এক-একবার মনে হইতে লাগিল, দীপকের অভিশাপ কি আসিয়া লাগিতেছে তাহার জীবনে? পূর্ণিমা তাহাকে বিদায় দিয়াছে, তাই কি নিজেও সে নির্কাসিতা হইল নিজের বাঞ্ছিত স্বর্গলোক হইতে?

কিন্তু দীপক সত্যই কি তাহাকে কোনদিন ভালবাসিয়াছিল? তাহা হইলে মিলিত হইবার সব সম্ভাবনাকে সে এমন করিয়া এড়াইয়া চলিত কেন? ইহা যেন ছিল তার একটা মানসিক বিলাস। বিকাল বেলার মৌতাত। না হইলে গা ম্যাজ ম্যাজ করে, মন বিষণ্ণ হইয়া যায়। যেটুকু প্রয়োজন, সেইটুকু জুটিয়া গেলেই আর দরকার থাকে না। তাহার কোন উদ্ভম ছিল না জীবনকে ভাঙিয়া গড়িবার, পাষের বেড়ি ভাঙার বদলে সে যেন আরও প্রাণপণে উহা আঁকড়াইয়া ধরিয়া রাখিত। চেষ্টা যাহা করিবার, তাহা পূর্ণিমাই করিয়াছে।

যাক, সে পর্ত ত চুকিয়াই গিয়াছে। পূর্ণিমাও কি সত্যই কোনদিন তাহাকে সমস্ত প্রাণ দিয়া ভালবাসিয়াছিল? এখন আর ত তাহা মনে হয় না। খুব একটা সখ্য ছিল দীপকের সঙ্গে প্রথম প্রথম। তাহার অদর্শন পূর্ণিমাকে পীড়া দিত, সাহচর্য্য আনন্দ দিত। কিন্তু এই রকম হোমবহির মত বুকের ভিতর কি জলিত? জীবন কি এমন দুর্কিবহ ভার মনে হইত, তাহার বিরহে? দিনের আলো কি উজ্জ্বলতর হইত তাহার মুখ দেখিলে? রাত্রির আকাশের দিকে সেও হয়ত চাহিয়া আছে মনে করিয়া কি সেই নক্ষত্রদীপ্ত আকাশকে স্তম্ভরতর লাগিত চোখে? কোনদিনই তাহা হয় নাই।

বাড়ীতে পৌঁছিয়া দেখিল, পিসীমা আসিয়াছেন, এবং তখনও তাহার জন্ত অপেক্ষা করিয়া আছেন। এখন সব কথা খুলিয়াই বলিতে হইল সকলকে। মা সবচেয়ে বেশী আপত্তি করিবেন, পূর্ণিমা ভাবিয়াছিল, কিন্তু তিনি কোন আপত্তিই করিলেন না। বলিলেন, "তাই করু বাবা, আমাকে পাঠিয়েই দে হাসপাতালে। এখানে তোরা আমাকে নিয়ে বড় বিব্রত হয়ে পড়েছিস। ওখানে দেখা-শোনা ভালই করে গুনেছি।"

• সরমা আর রণেনের ত চোখে জলই আসিয়া গেল। মাকে ছাড়িয়া তাহারা কোনদিন থাকে নাই। বাবার মৃত্যুর কথা তাহাদের মনে পড়ে না, মা-ই ছিলেন তাহাদের বিশ্বজগৎ।

যাহা হোক, সারিয়া-সুরিয়া মা শীঘ্রই ফিরিয়া আসিবেন জুনিয়া তাহারা তখনকার মত চুপ করিয়া গেল। পূর্ণিমা তখন পিসীমার সঙ্গে কথা বলিতে বসিল। সব কিছু সবিস্তারে জুনিয়া তিনি বলিলেন, "মাস দুই-তিন থাকতে পারি যদি দরকার হয়। এখন বৌমা বাপের বাড়ী থেকে ফিরে এসেছে, তাড়া কিছু নেই যাবার।"

তার পর আন্তে আন্তে পূর্ণিমা মাঘের জন্ত জিনিসপত্র গুছাইতে লাগিল। যাহা যাহা দরকার হইবে মনে করিল, সবই দিল। মাও দুই-চারিটি জিনিসের নাম করিলেন। একবার মেয়েকে একলা পাইয়া জিজ্ঞাসা করিলেন, "এত খরচ কি করে চলবে মা?"

মেয়ে বলিল, "সব এখন মজুমদার সাহেব দিচ্ছেন মা। বেঁচে যদি থাকি, তাঁর ঋণ আমি শোধ করব, নইলে টাকা পাবেন না, তবে গুগবানের আশীর্বাদ পাবেন।"

ক্রমশঃ



হুপুর থেকেই আকাশে মেঘের পর মেঘ জমছিল, ক্রাসে ব'সে শীলা অতটা লক্ষ্য করে নি। বিকেলে যখন রাস্তায় পা দিল, তখনও চারদিক অন্ধকার বটে, কিন্তু মেঘ-থমথম আকাশে শুধু গজ'ন, বর্ষনের ছিটে-ফোঁটা নেই।

বেশ খানিকটা হেঁটে গেলে তবে বাস-স্টপ। বইগুলো বুকের মধ্যে জাপটে ধ'রে শীলা জোরে জোরে পা ফেলল। আর একটু পরেই ভিড় শুরু হবে। বাসে তিল ধারণের স্থান থাকবে না। মানপথ থেকে বাসে ওঠাই হুফর, বিশেষ ক'রে মেয়েদের পক্ষে।

কিন্তু বাস-স্টপে পৌছবার আগেই বৃষ্টি শুরু হ'ল। জুঁইফুলি ধারাপাত নয়, একেবারে মুঘলধারায়। একটু ছুটে শীলা এক গাছের তলায় আশ্রয় নিল। কাঁকড়া গাছ। বর্ষার তোয়াজে পত্রের বাহার কম নয়, কিন্তু তাতে শরীর বাঁচল না। বড় বড় ফোঁটা শীলার সারা দেহে পড়ে তাকে বিপর্যস্ত ক'রে তুলল।

বইগুলো শীলা একেবারে ব্লাউজের মধ্যে নিল। রুমাল দিয়ে ঘড়িটা চাপা দিল। মাথায় ঘোমটা তুলে দিয়ে দাঁড়িয়ে দাঁড়িয়ে ভিজতে লাগল।

বাসের দেখা নেই। মোড়ের একটু ওধারে একটু বৃষ্টি হলেই জল দাঁড়ায়। রীতিমত ডোবার সামিল। বাস তখন বুদ্ধিমান গৃহস্থের মতন বিপদ এড়াবার জন্তে ঘুরপথ ধরে। তার মানে, বৃষ্টি থেমে, জল না স'রে গেলে বাস আসার কোন সম্ভাবনা নেই।

নিরুপায় শীলা দাঁড়িয়ে দাঁড়িয়ে বৃষ্টির নুপুর গুনতে লাগল। ভিজছে মাটির সোঁদা গন্ধ নিখাসের সঙ্গে টেনে টেনে নিল কলিজা ভ'রে। হালকা একটা গানের কলি গুন গুন ক'রে গাইল।

আচমকা একটা শব্দে চমকে মুখ ফিরিয়েই শীলা অবাক।

একেবারে গাঁ ঘেঁষে কালো রঙের একটা মোটর। চালকের সীটে একটা উজ্জলোক কাঁচটা তুলে কি বুঝি বলছে।

আমাকে কিছু বলছেন? শীলা ঝুঁকে জিজ্ঞাসা করল।



আপনি কোন্ দিকে যাবেন ? শুভলোক বারিপাতের শব্দের ওপরে গলার স্বর তোলার চেষ্টা করল।

শুবানীপুর।

উঠে আসুন। আমি যাদবপুর যাব। শুবানীপুর আমার পথেই পড়বে।

শীলা কিছু ভাবল না। অপরিচিত এই শুভলোকের আশ্বাসে সাড়া দিয়ে তার মোটরে ওঠা সমীচীন কি না, এত কথা একটাবারের জন্তও মনে এল না। এই দুর্যোগে অত কথা ভাবতে গেলে চলে না। দাঁড়িয়ে দাঁড়িয়ে এভাবে ভিজতে ভিজতে অনির্দিষ্ট বাসের অপেক্ষা করার চেয়ে শুভলোকের সৌজন্যের মর্ষাদা রাখা বুদ্ধির কাজ।

আর স্বিকৃতি না ক'রে শীলা খোলা দরজা দিয়ে শুভলোকের পাশে গিয়ে বসল। ব'সেই বুঝতে পারল, ভুল করেছে।

শাড়ীটা যে এতটা ভিজছে সে খেয়াল শীলার ছিল না। বসার সঙ্গে সঙ্গে সীটটা ত ভিজে গেলই, বেশ কয়েক ফোঁটা ছিটকে শুভলোকের ধোপহরস্ত সার্ট আর প্যান্টের ওপর গিয়েও পড়ল।

ছি, ছি, সীটটা একেবারে ভিজে গেল। শীলা সঙ্কোচভরা কণ্ঠে বলল।

মোটর চালু করতে করতে শুভলোক হাসল, ব্যস্ত হবেন না। সীটের কভারগুলো তকানো যায়, তা ছাড়া জলে ভিজলে মানুষের মতন সীটের অসুখ-বিসুখ হবার সম্ভাবনা কম।

ঠোট চেপে মুখ ফিরিয়ে শীলা হাসল। তার পর বলল, কিন্তু কিছু জলের ফোঁটা ত আপনার গায়েও পড়ল ?

শুভলোক এবার হাসিতে ভেঙে পড়ল, শুধু গান গাইব, এস কর স্নান নবধারা জলে, অথচ জল ছোঁব না, তা কি হ'তে পারে। তা ছাড়া একজন সম্পূর্ণ ভিজবে আর একজন একেবারে তকানো থাকবে, এটাও ত অস্বাভাবিক কথা।

শীলা কিছু বলল না। সীটে হেলান না দিয়ে, একটু সামনে ঝুঁকে বসল। সামনের কাঁচে বৃষ্টির ফোঁটার অবিচল নৃত্য। সর্দীশ্বপ রেখায় জলের ধারা হুড থেকে গড়িয়ে পড়ছে। একজোড়া ওয়াইপার প্রাণপণ চেষ্টাতেও তাদের মুছে ফেলতে পারছে না। চারপাশে নীরঙ্গ বৃষ্টির প্রাচীর। দূরের কিছু দেখবার উপায় নেই।

আপনি এদিকে কোথাও চাকরি করেন বুঝি ? শুভলোক গিয়ার পান্টাতে পান্টাতে প্রশ্ন করল।

চাকরি মানে, আমি হেমাঙ্গিনী বিদ্যালয়কেন্দ্রের মাস্টারি করি।

ও, শুভলোক টোক গিলল, আপনি বোধ হয় খুব কড়া টিচার, তাই না ?

অন্যকু চোখে শীলা শুভলোকের দিকে চাইল, কড়া টিচার ? কেন বলুন ত ?

কড়া টিচার না হ'লে এই দুর্যোগে একটি ছাত্রীও ছত্র ধরতে এগিয়ে এল না ? দিদিমণিকে জলপ্রপাতের মুখে ঠেলে দিয়ে স'রে পড়ল ?

উত্তর দিতে গিয়েও শীলা কিছু বলল না। এত কথা বলার কোন মানে হয় না। একটা প্রতিষ্ঠানের শিক্ষিকা, সেই অহুপাতে তার বেশ একটু গভীর হওয়া উচিত। এমন কিছু আলাপ নেই। জীবনে আর কোনদিন চষত দেখাই হবে না। এমন ভাবে যে কোন লোকই বিপদগ্রস্তা একটি মেয়েকে সাহায্য করত। শুভলোক পুতন কিছু করে নি।

শীলার মনে হ'ল, শুভলোক একটু বেশীই কথা বলে। কথা বলে আর কারণ-অকারণে হাসে।

গাড়ীর গতি মছর করতে করতে শুভলোক বলল, আপনাদের স্কুল ছাড়িয়ে একটু দূরেই আমার কারখানা। কারখানা বলা অবশ্য উচিত নয়। জন ছয়েক লোক কাজ করে, মেশিন মাত্র দু'টি। নাট বন্টু এই সব তৈরী হয়। কাজ দেখতে দেখতে নিজের মাথার নাট বন্টু ঢিলে হয়ে গেল। নামটা বেশ জবরদস্ত। দি টুল এম্পোরিয়াম। নামটা শুনেছেন কখনও ?

শীলা ঘাড় নাড়ল। না, শোনে নি।

অথচ প্রত্যেক রবিবারে দু'তিনটি বড় বড় কাগজে আমি বিজ্ঞাপন দিচ্ছি। অবশ্য এ ত শাড়ী-গয়নার ব্যাপার নয়, যে আপনাদের চোখ পড়বে। এ একেবারে নীরস ব্যাপার কি না।

শুভলোক সশব্দে হেসে উঠল। তার হাসি ধামবার আগেই শীলা বলল, দয়া ক'রে বাঁ দিকে একটু রেখে দিন, আমি এখানে নেমে যাব।

শুভলোক মোটর থামাল বটে, কিন্তু অহুযোগও করল, এখানে নামবেন কোথায়, এ ত মহাসাগর।

এই মহাসাগরেই নামা ছাড়া আর উপায় নেই, কারণ ঝাঁ দিকের গলিতে আমার বাড়ী, সেখানকার ঝাঁ অবস্থা তাতে আপনার গাড়ী ঢুকলে অচল হয়ে যাবে।

কোন উত্তরের অপেক্ষা না ক'রেই শীলা নেমে পড়ল। নামবার আগে ধনুবাদ জানিয়ে হাত তুলে নমস্কার করতে গিয়ে থেমে গেল। 'এই প্রথম সে সোজাসুজি চাইল ভদ্রলোকের দিকে। এতক্ষণ ভিজে শাড়ী নিয়ে একটু বিব্রতই ছিল। তা ছাড়া ভদ্রলোকের পরিহাসের ধরণটাও তার ভাল লাগে নি। তাই সারাক্ষণ বাইরের দিকেই চেয়ে ছিল।

চোখ ফিরিয়েই অবাক হয়ে গেল।

সুগৌর বর্ণ, বুদ্ধিদীপ্ত দু'টি চোখ, প্রশস্ত ললাট। মুখের হাসি অম্লান। অকারণেই শীলার দু'টি গাল আরক্ত হয়ে উঠল। এমন একজন কাস্তিনান পুরুষের পাশাপাশি ব'সে এতটা পথ এসেছে দেখে মনে একটা শিহরণ অনুভব করল।

আবার দেখা দিন-সাতকের মধ্যে।

এবারে দুর্যোগ নয়। বেশ আলো ঝলমল দিন। ক্লাশ শেষ ক'রে স্কুলের বাইরে পা দেবার সঙ্গে সঙ্গে সেই কালো মোটর। এবারেও একেবারে পাশে।

আড়চোখে দেখেই শীলা মন শক্ত ক'রে নিল। না, আর নয়। এবারে মোটরে উঠতে বললে সোজাসুজি প্রত্যাখ্যান করবে। আঙ্কারার নরম মাটি বেখে সোহাগের লতাকে আর উঠতে দেবে না।

ভদ্রলোক মোটর থামাল বটে, কিন্তু শীলাকে উঠতে বলল না। হাত জোড় ক'রে হেসে শুধু বলল, নমস্কার, দেখুন ত এটা আপনার জিনিস কি না ?

তার প্রশারিত হাতের দিকে চেয়েই শীলা উৎফুল্ল হয়ে উঠল। আজ সাতদিন ধ'রে এ জিনিসটা সমস্ত জায়গায় তন্ন তন্ন ক'রে খুঁজেছে। বোনদের সঙ্গে ঝগড়া করেছে, মায়ের সঙ্গে মন কসাকসি।

একটা কানপাশা। ভদ্রলোকের রক্তাভ তালুতে কানপাশাটার ঝলমল যেন শতগুণ বেড়ে গেছে।

সেদিন বৃষ্টিতে ভিজে তাড়াহাড়ি মোটরে ওঠার সময় কি ভাবে খুলে পড়েছে। প্রথমে হুঁত শাড়ীর ভাঁজে আটকে ছিল, তার পর নেমে যেতে গাড়ীর মধ্যে পড়েছে।

হাত বাড়িয়ে জিনিসটা নিতেও শীলার লজ্জা করল, কি জানি যদি হাতে হাতে ঠেকে যায়। ভদ্রলোক আবার কি রসিকতা ক'রে বসবে ঠিক নেই। আর মাথা তুলতে পারবে না শীলা, বিশেষ ক'রে স্কুলের এত কাছে।

ভদ্রলোকই সমস্যার সমাধান ক'রে দিল।

নিম্ন, আঁচল পাতুন।

শীলা অঞ্চল প্রশারিত করল। ভদ্রলোক কানপাশাটা টুপ ক'রে ফেলে দিল।

যাকু, দায়মুক্ত হলাম। ক'দিন যে কি ভাবে কেটেছে। ভদ্রলোক হাসবার চেষ্টা করল।

কানপাশাটা শীলা নিজের ভ্যানিটি ব্যাগে রাখতে রাখতে বলল, আমায় খুঁজে না পেলো কি করতেন ?

কি আর করতাম। কিছুদিন অপেক্ষা ক'রে সোনা বেচে লোহা কিনে নিতাম। আমার কারখানার বাড়-বাড়ন্ত হ'ত।

কথা শেষ ক'রেই ভদ্রলোক মোটরের দরজা খুলে দিলেন।

বাড়ীর দিকে যদি যান, নামিয়ে দিতে পারি।

মোটরটা নজরে পড়া থেকে শীলা ঠিক করেছিল কিছুতেই মোটরে উঠবে না। অহরোধ করলেও পাশ কাটিয়ে যাবে, কিন্তু ভদ্রলোক একবার বলতেই শীলা ইতস্ততঃ করল। দৃঢ় সংকল্প, দুর্বীর প্রতিজ্ঞা সব শিথিল। বাসের বাহুড়-ঝোলা অবস্থার সঙ্গে, হাত-পা ছড়িয়ে মোটরের গদীতে নিজেকে ছেড়ে দেওয়ার কথা তুলনা করতেই শীলা মন ঠিক ক'রে ফেলল। ক্ষতিটা আর কি ! একটা ভদ্রলোকের পাশাপাশি দিনের আলোয় শহরের মধ্যে দি কিছুটা পথ গেলে আর কি অত্যাশ হবে। যে কোন সম্ভ্রজগতেই এ ভাবে ভদ্রমহিলাকে তুলে নেওয়ার রেওয় আছে। তাতে শীলার ভাত যাবে না, ধর্মও নয়।

তবু উঠতে উঠতে শীলা বলল, রোজ রোজ এভাবে আপনাকে বিব্রত করতে আমার ভারি লজ্জা করে।

ভদ্রলোক এ্যাকসিলেরাটরে চাপ দিয়ে মোটরে গতি সঞ্চার ক'রে বলল, রোজ রোজ আর আপনি আসছেন কোথায়। আমার কারখানা থেকে ফেরবার পথেই আপনার স্কুল, যদি অস্তর দেন ত রোজই তুলে নিতে পারি।

শীলা আরক্ত হ'ল। বলল, না, আপনার অত উপকার ক'রে আর দরকার নেই।

কেন বলুন ত? ভদ্রলোক রীতিমত বিস্মিত হ'ল।

কেন আবার, আমার এত কষ্টের সংগ্রহ করা চাকরিটা হু'দিনে যাবে।

চাকরি যাবে?

যাবে না? একশ' কুড়ি টাকা মাইনের শিক্ষিকাকে যদি কেউ বারোহাজারী মোটরে ক'রে রোজ তুলে নিয়ে যান, সেক্রেটারীর কাছে কথাটা উঠলে, তখনই পত্রপাঠ বিদায় ক'রে দেবেন। বলবেন, যাও, সত্যিকারের হুঃখ মেয়েকে স্থান ক'রে দাও।

এবার ভদ্রলোক সশব্দে হেসে উঠল। হাসি থামলে বলল, অবশ্য আমার মোটর বারোহাজারী নয়। সাড়ে আট হাজারে কিনেছি, কিন্তু এর জন্তে যদি আপনার চাকরি যায় তবে থাক, আপনাকে মোটরে তোলার আর চেষ্টা করব না। কিন্তু একটা কথা জিজ্ঞাসা করব, উত্তর দেবেন? যদি কিছু মনে না করেন।

শীলা অকুণ্ঠিত করল। মুখে কিছু বলল না।

এই সব ছেলেমেয়ে পড়ানোর কাজ আপনার ভাল লাগে? দোহাই আপনার, শিক্ষার আদর্শ, নারী-জাগরণ এ সব বড় বড় কথা বলবেন না। ঠিক যা মনে হয়, সেইটুকুই বলুন।

শীলা হাসল, আপনার কি ধারণা মনের মত জীবিকা বেছে নেওয়ার স্বাধীনতা আমাদের আছে? শিক্ষার চাল, তা আবার কাড়া না আকাড়া।

কিন্তু যে জীবিকার সঙ্গে মনের কোন সংযোগ নেই, তেমন কাজ করা অপরাধ ব'লে মনে করেন না? এতে ত ছাত্রছাত্রীদের ও ক্ষতি হয়।

এবার কিন্তু বড় বড় কথা আপনি বলছেন। অপরাধতত্ত্ব বিশ্লেষণ না ক'রেও এটুকু বলতে পারি, এমন অনেক কাজ আমাদের করতে হয়, যাতে মনের সম্মতি পাই না।

যেমন ধরুন, আমার পাল্লায় প'ড়ে মোটরে ওঠা।

ছি, ছি, ওকথা বলছেন কেন? আমার ইচ্ছা না থাকলে আপনি আমাকে কি পারতেন গাড়ীতে ওঠাতে?

কিছুক্ষণ হু'জনেই চুপচাপ। দু'রস্ত হাওয়ায় নিজের এলোমেলো চুলগুলো শীলা হাত দিয়ে ঠিক ক'রে নিল, তার পর প্রতিপ্রশ্ন করল, আপনার মতে মেয়েদের কি করা উচিত?

মেয়েদের? ভদ্রলোক একটু বৃষ্টি ভাবল, তার পর বলল, দিব্যি বিয়ে-থা ক'রে সংসারী হওয়া উচিত। স্বামী বেরিয়ে গেলে পড়শীদের কাছে পান চিবোতে চিবোতে স্বামীর নিন্দা, আবার বিকেলে স্বামী ফিরে এলে তাকে চা দিতে দিতে পড়শীদের কুৎসা।

শীলা হাসল বটে, কিন্তু বলতে ছাড়ল না, ও, মেয়েরা বৃষ্টি পরনিন্দাই করে?

সঙ্গে সঙ্গে ভদ্রলোক উত্তর দিল, না, শুধু পরনিন্দা কেন, আশ্ল-প্রশংসাও করে।

মোটর গলির মধ্যে ঢুকতেই শীলা সচেতন হয়ে উঠল, এ কি গলির মধ্যে মোটর ঢোকালেন কেন?

আজ ত আর জল জমে নেই যে, মোড় থেকেই বিদায় দেবেন? আজ আপনাকে বাড়ীর দরজা পর্যন্ত পৌঁছে দেব।

একটু গিষেই মোটর থামল, শীলারই নির্দেশে। শীলা দরজা খুলে নেমেই দাঁড়িয়ে পড়ল। ঘুরে বলল, আপনাকেও নামতে হবে।

আমাকে?

হ্যাঁ, গরীবের বাড়ী এক কাপ চা খেয়ে যাবেন। আসুন।

শীলার পিছন পিছন ভদ্রলোকও বাড়ীর মধ্যে ঢুকল।

মধ্যবিস্তৃত বাইরের ঘর। দরজায় মোটর থামতে ছোট ছুই বোন উঁকি দিচ্ছিল। পিছনে শীলার বাপের বলিরেখাঙ্কিত মুখের কিছুটা দেখা গেল। তিনিও উৎসাহ দমন করতে পারেন নি।

এক নজরে শীলা একবার ঘরের দিকে দেখে নিল। টেবিলের ওপর একটা ময়লা আস্তরণ। কিছুক্ষণ

আগে বাবা চা খেয়েছিলেন, চায়ের কাপটা তখনও বসান রয়েছে। দেয়ালে বিবর্ণ ক্যালেন্ডার। ওদিকে একটা পর্দা ঝুলছে বটে, কিন্তু যে কোন ভদ্রলোকই একটু লক্ষ্য করলেই বুঝতে পারবে, পর্দাটা আসলে হেঁড়া একটা শাড়ী। তাও ছ'-এক জায়গায় তালি দেওয়া।

কিন্তু উপায় নেই। ভদ্রলোককে আমন্ত্রণ জানাবার সময় এ-সব শীলার মনে পড়ে নি।

শীলার বাবা এগিয়ে এলেন। কৌতূহলী দৃষ্টি বোলালেন ভদ্রলোকের ওপর, তার পর মেয়ের দিকে চোখ ফেরালেন।

পরিচয় করিয়ে দিতে গিয়েই শীলা বিব্রত হ'ল। ভদ্রলোকের নামটা জানা নেই। জানবার কথাও নয়, তাই শুধু বলল, বাবা, সেই বৃষ্টির দিনে ইনিই গাড়ী ক'রে আমায় মোড় পর্যন্ত পৌঁছে দিয়েছিলেন। আজকেও পথে দেখা হয়ে গেল, কিছুতেই ছাড়লেন না।

শীলার বাবা হরদয়ালবাবু রেসকোর্সের কেরানী ছিলেন। অশুপুচ্ছের তাড়নায় বহু আমীরকে ফকির হতে দেখেছেন। ছুনিয়াটা চেনেন রক্তে রক্তে। এখানে বিনা স্বার্থে কেউ কুটোটি নড়ায় না, সেটা তাঁর জানা।

কাজেই বুঝলেন, মেয়ে ব্যাপারটা যত সহজ ব'লে তাঁকে বোঝাতে চাইছে, সব কিছু এত সরল নয়। তা হোক, মেয়ের পছন্দ আছে! ছেলেটি সুপুরুষ। গাড়ী যখন আছে, ছোট খাটো বাড়ী একটা কি আর নেই? সবই ঠিক, কিন্তু, ওই কিন্তু কথাটাই হরদয়ালবাবু ভাবলেন।

মিনিট কয়েক, তার পরই জড়তা কাটিয়ে উঠে হরদয়ালবাবু আবাহনের ভঙ্গিতে ছ'হাত বাডালেন, আসুন, আসুন। আপনার মতন লোকের পায়ে ধুলো এ বাড়ীতে পড়েছে, অসীম সৌভাগ্য আমার। বসুন দয়া ক'রে।

হরদয়ালবাবু সামনের একটা চেয়ার টেনে দিলেন।

অভ্যর্থনার আত্মীয়্যে ভদ্রলোক বিব্রত হ'ল। চেয়ারে বসতে বসতে বলল, আপনি আমায় ওভাবে আপনি, আজ্ঞে করছেন কেন? আমি আপনার ছেলের মতন।

হরদয়ালবাবু টোক গিললেন। আর দেখতে হবে না। বঁড়শি কানকোয় মোক্ষমভাবে বিধেছে, এ মাছ ডাঙায় উঠল বলে।

বেশ ত বাবা, তুমিই বলব। আজকালকার ছেলেদের আবার মেজাজ বোঝা মুশকিল কি না।

আমার নাম প্রিয়ব্রত।

বা, বেশ নাম, চমৎকার নাম। আমি তা হ'লে প্রিয় ব'লেই ডাকব। কথাটা ব'লেই হরদয়ালবাবু থেমে গেলেন। দীর্ঘকাল জানেন, মেয়ে ও ইতিমধ্যে ওই নামে ডাকতে শুরু করেছে কি না।

সেদিন প্রিয়ব্রত চা ভলখাদার খেয়ে যখন উঠল, তখন রাত প্রায় আটটা, হরদয়ালবাবুর অনুরোধের উত্তরে মাঝে মাঝে আসবার প্রতিশ্রুতি দিয়ে।

মাঝরাতে শীলার ঘুম ভেঙে গেল। একটা ঘরের ছোট ছই বোন নিয়ে সে শোয়। পাশের ঘরে মা আর বাবা।

বাপের গলা শোনা গেল, ছেলেটি ত খুবই ভাল। নিজের বাড়ী, গাড়ী, কারখানা। আমাদের পাণ্ডা ঘর। কোন দিকে কোন অশুবিধা নেই। যে ভাবে তোনার মেয়ের দিকে কথাবার্তার ফাঁকে ফাঁকে মাঝে মাঝে দেখছিল, তাতে মনে হ'ল ছুঁনের মধ্যে বেশ আলাপ-সালাপও হয়েছে। আর কিছুদিন পরে কথাটা পাড়লে হয়।

এবার মায়ের কণ্ঠ, সবই ত বুঝলাম, কিন্তু এদিকের কি হবে?

কি আবার হবে। ওতে আটকাবে না।

না বাপু, আমার মনে হয় সব কিছু জানিয়ে দেওয়াই ভাল।

মাথা খারাপ তোমার। জানিয়ে দিলেই পিছু হটবে। এমন পাত্র আমি হাজার বছর মাথা খুঁড়লেও আনতে পারব না।

তা ব'লে, এ ভাবে লুকোচুরি করবে? ভবিষ্যতে জানতে ত পারবেই, তখন মেয়ের জীবনটা যে বিষময় হয়ে উঠবে!

শীলা, আর কিছু ভনতে পেল না। কথাবার্তা খুব চাপা গলায় শুরু হ'ল। আঙু আঙু বিহানা খেদে



উঠে জানালার কাছে গিয়ে বসল। বাইরে অব্যাহত জ্যোৎস্না। টেবিলের ওপর থেকে হাত বাড়িয়ে ছোট আয়নাটা তুলে নিয়ে মুখের সামনে ধরল।

না, কিছু বোঝা যায় না। বোঝবার উপায় শীলা রাখে নি। গাঢ় লাল লিপটিকে ছোটো ঠোটেই রঞ্জিত। নীচের ঠোঁটের সাদা ছাপগুলো অনেক ঝুঁটিয়ে দেখলেও ধরা যায় না।

কিন্তু কতদিন এ ভাবে শীলা লুকিয়ে রাখতে পারবে। একেবারে কাছের মানুষটাকে কি ক'রে ভোলাবে দিনের পর দিন প্রসাধনের প্রলেপ দিয়ে। তা ছাড়া একটু একটু ক'রে খেত চিহ্নগুলো ঠোঁটের উপর ছড়িয়ে পড়ছে, বিস্তার লাভ করছে, খুব শয়ুক গতিতে। কিন্তু তবু একদিন আসবে, যেদিন শীলা লিপটিকেও বুকি আড়াল করতে পারবে না। ছুরারোগ্য ব্যাধির করাল ছায়ায় তার জীবন বিবাক্ত হয়ে উঠবে।

নিজের মনকে শীলা বোঝাল। এই মুহূর্তে এই সব কথা ভাবার কি খুব প্রয়োজন আছে? মাত্র দু'দিনের আলাপ। এই প্রথম দিন প্রিয়তম শীলার বাড়ীতে এসেছে। শুধু এইটুকু সখল ক'রে আকাশে বাসর সাজানো অর্থহীন। আর হয়ত কোনদিনই দেখা হবে না, এতদিন যেমন হয় নি। হাজার জনতার চাপে দু'জন দু'দিকে ছিটকে পড়বে।

সব ঠিক আছে। শীলা বার বার মনে মনে আওড়াল। অর্থহীন চিন্তা ক'রে কোন লাভ নেই। কিন্তু সব সংযম, সব দৃঢ়তার বাঁধ ধ'সে পড়ে। শীলার কানের কাছে স্তম্ভুর কণ্ঠে এক পাখী তার বাপের কথাগুলোর পুনরাবৃত্তি করে। ছুঁজনের মধ্যে বেশ আলাপ-সলাপও হয়েছে।

চায়ের কাপটা দেবার সময়ে একবার বুকি প্রিয়তমের হাতের সঙ্গে শীলার হাতটা ঠেকে গিয়েছিল। শীলা অস্বর্ষস্পৃশ্য নয়। হাজার মানুষের ভিড়ে তাকে যাওয়া-আসা করতে হয়। অস্বাভিক ভাবে বহু ছোঁয়াছুঁয়ি হয়েই থাকে। তার মধ্যে স্ককাস্ত পুরুদ দু'একজন যে না থাকে, এমন নয়। কিন্তু কোনদিন হাতে হাতে স্পর্শের রেশ বুকের সমুদ্রে এ ভাবে উত্তাল ঢেউ তোলেনা। মাতাল করে না মনকে।

এইখানেই শীলার ভয়। এ ভয় কাটিয়ে উঠতে না পারলে সে অতলে তলিয়ে যাবে।

আয়না সরিয়ে রেখে শীলা আবার বিছানাখ এসে গেল। দু'চোখে হাতচাপা দিবে দুখাবার চেষ্টা করল, আর তখনই ধরা প'ড়ে গেল।

দু'চোখ বেধে অশ্রুর ধারা গড়িয়ে পড়ছে, ঠিক যেমন ভাবে পড়ত এই চিহ্ন প্রথম ধরা পড়ার সময়। ছোট তিলের মত সাদা একটা দাগ। চোখ কুঁচকে আয়নার খুব কাছে না গেনে বোঝাই যেত না। হাত দিয়ে ঘ'সে ঘ'সে দাগটা তোলবার অনেক চেষ্টা শীলা করেছিল। শাড়ী দিয়ে মুছেছিল, কিন্তু সে দাগ নিশ্চিহ্ন করতে পারে নি।

আস্তে আস্তে দাগটা ছড়িয়ে পড়ল। শীলার মা একদিন দেখতে পেলেন। মেয়েকে কাছে ডেকে বেশ কিছুক্ষণ ধ'রে নিরীক্ষণ ক'রে বাপকে জানালেন।

হরদয়ালবাবু প্রথমে বিশেষ আমল দেন নি। বলেছিলেন, আরে দূর, ও রোগ বংশে কারো নেই, শীলার হবে কি ক'রে?

কি ক'রে হবে শীলার মা বোঝাতে পারেন নি, কিন্তু এটুকু মনে হয়েছিল, একবার ডাক্তার দেখানো দরকার।

হরদয়ালবাবু অনেক দিন এড়িয়ে গিয়েছিলেন। শীলারও ডাক্তারের কাছে যাবার মোটেই ইচ্ছা ছিল না। তার ভয়, কি জানি এখন যেটা কেবল সন্দেহের ধোঁয়া, সেটা স্থির বিশ্বাসে পরিণত হবে। তার চেয়ে জানা-না-জানার স্বন্দে দোল খাওয়াই ভাল।

কিন্তু শীলার মা ছাড়েন নি। জোর ক'রে বাপের সঙ্গে মেয়েকে ডাক্তারের কাছে পাঠিয়েছিলেন।

ছুঁজনে যখন ফিরে এল, তখন হরদয়ালবাবুর মুখ অস্বাভাবিক গম্ভীর। মেয়ের মুখ দেখে মনে হ'ল সারাটা রাস্তা সে কেঁদেছে।

এসেই শীলা ঘরে ঢুকে দরজা বন্ধ করল। মা-বাপের হাজার ডাকেও বেরোল না। সারা রাত কিছু মুখে দিল না।

তার পর অনেক মলম এল, বড়ি, নানা রঙের ওষুধ। শেষকালে টোটকা আর তাবিজ। কোন ফল হ'ল না।

চের ঠোঁটটা সাদা দাগে ছেয়ে গেল। এতদিন দূর থেকে এতটা বোঝা যেত না, এবার বেশ বিসদৃশ দেখাতে

শীলা প্রসাধনের শরণ নিল। গাঢ় লাল লিপষ্টিকে ছোটো টোট রঞ্জিত করল। কোন সময়ে বিনা লিপষ্টিকে থাকত না।

তা যেন হ'ল। এ ভাবে পথচারী অথবা সহকর্মীদের চোখে ধুলো দেওয়া হয়ত সহজ, কিন্তু জীবনের অন্তরঙ্গ মানুষটিকে কি ভাবে প্রবঞ্চিত করবে! স্বাম-অস্বামের প্রশ্ন বাদ দিয়েও শীলা সম্ভব-অসম্ভবের কথা ভাবল। প্রতি মুহূর্তে যে মানুষটা সঙ্গে সঙ্গে ফিরবে, ঘনিষ্ঠ বাঁধনে বাঁধা, তার চোখ এড়াবে কি করে!

এতদিন এ সমস্তার বালাই ছিল না। হরদয়ালবাবু মেয়ের বিয়ের কোন কথা বলেন নি। চেঁচাও করেন নি। শীলাও নিজের পড়াশোনা নিয়ে আর পড়ানো নিয়ে ব্যস্ত ছিল। নিশ্চিহ্ন বইয়ের প্রাচীর ভেদ করে বসন্তের বাতাস আসার অবকাশই ছিল না।

কিন্তু এতদিন পরে সবকিছু যেন ওলোট-পালোট হয়ে গেল।

ভোর হবার সঙ্গে সঙ্গে শীলা নিজের মনকে শক্ত ক'রে নিল। না, প্রিয়তর সঙ্গে আর কোন সম্পর্ক রাখবে না। হরদয়ালবাবু অবশ্য যা ভেবেছেন, সে ধরনের কোন সম্বন্ধই ছ'জনের মধ্যে গ'ড়ে ওঠে নি। তবু এখন থেকে শীলাকে সাবধান হতে হবে। যা কোনদিন হবার নয়, এমন একটা আশাকে বুকের রক্ত দিয়ে লালন করার কোন মানে হয় না।

সেদিন মাথাধরার অছুহাতে শীলা স্কুল থেকে আধঘণ্টা আগে বেরিয়ে পড়ল। কিছু বলা যায় না, ছুটির সঙ্গে সঙ্গে হয়ত প্রিয়তর কালো মোটরটা গা বেঁসে এসে দাঁড়াবে, মুর্ত্তিমান্ নিভীষিকার মতন। তার চেয়ে একটু আগে বেরিয়ে পড়াই ভাল।

ঠিক বাস-স্টপের কাছাকাছি এসেই শীলা চমকে উঠল। পিছনে মোটরের হর্ণ। সর্বনাশ! কি বলবে শীলা? কি ক'রে প্রিয়তর হাত থেকে নিষ্কৃতি পাবে।

পিছন ফিরেই শীলা স্বস্তির নিশ্বাস ফেলল। কালো মোটর বটে, কিন্তু প্রিয়তর নয়। মোটরে ভর্তি শ্রীলোকের পাল। মাড়োয়ারী মহিলা।

একটু স'রে শীলা পথ ক'রে দিল।

দিন দশেক কালো মোটরের সাক্ষাৎ মিলল না। ক্রমে ক্রমে শীলা নির্ভয় হ'ল। প্রিয়তর সম্ভবত পথ বদলেছে, কিংবা ফেরবার সময়। শীলা নিশ্চিন্তে চলাফেরা করতে পারবে।

শীলা যতটা স্বচ্ছন্দ হতে পারবে মনে করেছিল, ততটা যেন হতে পারল না। মনের নিভৃত স্তরে একটা কাঁটার আভাস। চলতে-ফিরতেই খচ্ ক'রে উঠল। সামান্য বেদনা, রক্তক্ষরণ হয়ত নয়, কিন্তু দারুণ একটা অস্বস্তিতে মন ছেয়ে গেল।

কি হ'ল প্রিয়তর? আর কোন সঙ্গিনী জুটল কি না কে জানে। পথ থেকে তুলে নেওয়া কোন বাছবী।

হরদয়ালবাবু কিন্তু ছাড়লেন না। প্রথম প্রথম মেয়ের মুখের দিকে নিবিষ্টচিন্তে কি পড়ার চেঁচা করলেন। বোধ হয় শীলার প্রশ্ন-কাহিনী। মেয়ে কতটা এগিয়েছে। ছলাকলার বাঁধনে নিবিড় ক'রে প্রিয়তরকে জড়াতে পেরেছে কি না। মাঝে মাঝে তাকে বাড়ীতে আনছে না কেন? বড়লোকের ছেলেকে এই আবর্জনাশূপে টেনে আনতে বৃষ্টি লজ্জা করছে। তা হ'লে বোধ হয় বাইরে দেখা করছে ছ'জনে। আজকাল ত হাজার সুবিধা। সিনেমা, রেস্টুরাঁ, পার্ক। মেয়ের মুখ দেখে কিন্তু কিছু বোঝার উপায় নেই।

হরদয়ালবাবু দ্বিধায় পড়লেন। ঠিক সময়ে বেরিয়ে মেয়ে ঠিক সময়েই ত বাড়ী ফিরছে। তা হ'লে দেখা করছে কখন। অবশ্য আধুনিক মেয়েদের অসাধ্য কিছু নেই।

কোন গোলমাল হয় নি ত? এমন ছেলেকে হাতছাড়া করা চরম নিবুদ্ধিতা। চেহারা ভাল, বাড়ী আছে, গাড়ী আছে। একেবারে ট্রুবল টোট।

হরদয়ালবাবু মেয়েকে সোজা সজ্জি জিজ্ঞাসাই করলেন, হ্যাঁরে, সেই ছোকরার সঙ্গে তোর আর দেখা হয় না?

শীলা স্কুল থেকে ফিরে চায়ের কাপে চুমুক দিচ্ছিল, বাপের কথার কাপ নামিয়ে রেখে জ্ব কোঁচকাল, কার কথা বলছ?



শিলালিপি

ফটো : আনন্দ মুখার্জি



শিশুদের জন্ম পরিকল্পিত নূতন ধরনের খেলার মাঠ  
( হামবুর্গে আন্তর্জাতিক উদ্যান-প্রদর্শনীতে ইহা দেখান হইবে )



গান্ধির হাসি  
ফটো : আনন্দের মুখার্জি



হংস-যুগ্ম  
ফটো : রাগনিকঙ্কর সেন



কি জানি, আর আমার সঙ্গে দেখা হয় নি। চায়ের কাপ হাতে নিয়ে শীলা উঠে দাঁড়াল। দু'এক মিনিট দাঁড়িয়ে রইল, বোধ হয় দ্বিতীয় প্রশ্নের প্রতীক্ষায়, তার পর ভিতরে চলে গেল।

হরদয়ালবাবুর কপালে অনেকগুলো বাড়তি ঝাঁজ পড়ল। একটু বুঝি আলো উঠল দুটো চোখ। ঠিক বোকা গেল না। কোথাও বুঝি একটা গোলমাল হয়েছে। বোকা মেয়ে, তীরে এনে তরণী বানচাল করেছে হয় ত।

ঠিক তার দু'দিন পরেই প্রিয়ব্রতর সঙ্গে শীলার দেখা হ'ল।

স্কুলের ছুটির পর নিঃশব্দচিন্তে পথে পা বাড়িয়েছিল, একেবারে সামনে প্রিয়ব্রত। কালো মোটর নর, ট্যান্ডি।

নমস্কার। প্রিয়ব্রত ট্যান্ডি থেকে নেমে দাঁড়াল।

চোখ চেয়ে দেখেই শীলা চমকে উঠল। উন্মোখ স্কা চুল, পাণ্ডুর মুখ, রীতিমত শীর্ণ চেহারা।

হাত তুলে শীলা প্রতিনন্দনার ক'রে বলল, আপনার শরীর খারাপ নাকি?

বৈশ কয়েকদিন ফুটে ভুগে উঠলাম। এখনো খুব দুর্বল, তাই আর গাড়ী বের করি নি। ট্যান্ডিতে যাওয়া-আসা করছি। হাসল।

একটু দূরে কয়েকজন ছাত্রী জটলা করছিল। স্কুলের গেটে জন দুয়েক শিক্ষিকা। তবু শীলা প্রিয়ব্রতর আহ্বান উপেক্ষা করতে পারল না। তার পাশে গিয়ে বসল।

ট্যান্ডি বেশ কিছুটা যাবার পর প্রিয়ব্রত কথা বলল, জানেন, অরের সময় কেবল আপনাকে মনে পড়েছে।

শীলা একটু শিউরে উঠল। এ শিহরণ আনন্দের না আকস্মিকতার তা সে বলতে পারবে না। চুপচাপ মাথা নীচু ক'রে বসে রইল।

— প্রিয়ব্রত খামল না।

মাঝে মাঝে ভেবেছি, আপনি যদি পাশে বসে সেবা করতেন তা হ'লে বোধ হয় এত কষ্ট হ'ত না।

নিজের কুৎস্পন্দন শীলা নিজের কানে গুনতে পেল। উত্তাল হয়ে উঠেছে রক্তের সমুদ্র। প্রবল আবেগে শিরা, উপশিরা, স্নায়ু থরথরিয়ে কাঁপছে।

খুব বৃহৎ গলায়, প্রায় স্বগতোক্তি করার ধরনে শীলা বলল, আপনার বাড়ীতে আর কেউ নেই?

না, প্রিয়ব্রত ঘাড় নাড়ল, একেবারে ঝি-চাকরের সংসার।

আত্মীয়স্বজন?

• মা আর বাবা গিয়েছেন খুব ছেলেবেলায়। মাহুম হয়েছি নিঃসন্তান কাবার কাছে। যেটুকু লেখাপড়া শিখেছি তাঁরই কল্যাণে। কারখানার পস্তনও তিনিই ক'রে গিয়েছিলেন। গত বছর তিনি মারা গিয়েছেন। কাকীমা গেছেন তাঁর অনেক আগে।

হয়ত অসাবধানে আচমকা প্রিয়ব্রতর একটা হাত শীলার হাতে ঠেকে গেল। তাড়াতাড়ি নিজের অবশ হাতটা শীলা নিজের পোলের ওপর রাখল। সারা দেহ জুড়ে বৃহৎ ভূমিকম্পের আভাস। অদৃশ্য দুর্নিবার এক আকর্ষণে ক্রমেই শীলা স'রে স'রে যাচ্ছে আর একটু দস্তার প্রাণ টানে। মন যেন স্বর্গমুখী হতে চায়। নিজেকে নিবেদন করার ব্যথায় আকুল হয়ে ওঠে।

চোখ তুলেই শীলা স্থির হয়ে গেল। সব উন্মাদনা ছাপিয়ে অব্যক্ত একটা ব্যথায় দেহমন অভিকৃত। সামনের দর্পণে স্পষ্ট দেখা যাচ্ছে শীলার রক্তিম ওষ্ঠাধর। গাঢ় রঙের অস্ত্রাঙ্গে বিষাক্ত এক ব্যাধি আত্মগোপন ক'রে রয়েছে। পাশের মাহুমটা যার সামান্য হৃদিশও পায় নি এখনও।

সেদিন প্রিয়ব্রত শীলাকে বাড়ীর দরজায় নামাল না। গলির মোড়ে ট্যান্ডি খামিয়ে বলল, আমি একটু ডাক্তারের বাড়ী ঘুরে যাব। যদি কিছু মনে না করেন—

না, না, মনে করার কি আছে, শীলা বাধা দিল। নামতে নামতে বলল, আরও কিছুদিন বিশ্রাম নিলেই পারতেন। এ রোগে বড় দুর্বল করে দেয়।

প্রিয়ব্রত হাসল, নিজের ব্যবসার ঐ ত অসুবিধা। ছুটি নিলেই সব অচল।

ট্যান্ডি চলে যাবার পর অনেকক্ষণ শীলা চুপচাপ দাঁড়িয়ে রইল। কেউ নেই প্রিয়ব্রতর। রোগে সেবা করার, যথেষ্ট সাহায্য দেবার, নিজেকে উজাড় ক'রে দেবার মত কেউ নেই। সামান্য কয়েকটা খেতচিহ্নকে যদি কমা করতে

পারত প্রিয়ব্রত, তা হ'লে শীলার কোন আপত্তি ছিল না। আজকে প্রিয়ব্রতর রোগোস্তার্ণ, ক্লান্ত চেহারা দেখে মনের মধ্যে কোথায় একটা পরিবর্তন শুরু হয়েছে। জলোচ্ছ্বাসে মাটি ভেঙে ভেঙে যাওয়ার মত, মনের দৃঢ়তা, নিষ্পৃহতা, কাঠিন্দ্র সব ধুলিসাৎ হয়ে যাচ্ছে।

বাড়ীতে ঢুকেই হরদয়ালবাবুর সঙ্গে দেখা হ'ল।

পুরোণা একটা খবরের কাগজ ধুলে বসেছিলেন, শীলা আসতেই মুখ তুলে দেখলেন।

আজ ইচ্ছা ক'রেই শীলা বাপের কাছে গিয়ে দাঁড়াল। নিজে থেকেই বলল, আজ প্রিয়ব্রতবাবুর সঙ্গে দেখা হ'ল বাবা।

তাই নাকি? ছুটো চোখে জোনাকির ছ্যতি শীলার চোখ এড়াল না, তা বাড়ী নিয়ে এলি না কেন?

শরীর অসুস্থ। ডাক্তারের কাছে যাচ্ছেন।

শরীর অসুস্থ? হাতের কাগজ আছড়ে ফেলে হরদয়ালবাবু লাফিয়ে উঠলেন। যেন খুব নিকটজনের মরণাপন্ন অবস্থার খবর পেয়েছেন।

কি অসুস্থ? কবে থেকে?

কবে থেকে জানি না। বললেন, ফু।

শীলা আর দাঁড়াল না। ভিতরে ঢুকে গেল। হরদয়ালবাবু পিছন পিছন এলেন।

প্রিয়ব্রতর বাড়ী কোথায় জানিস?

না।

কারখানার ঠিকানা?

তাও জানি না।

এ সব খবর রাখতে হয়। মাসুকের দায়বিপদে খোঁজ-খবর নেওয়া উচিত।

বিড় বিড় করতে করতে হরদয়ালবাবু বাইরে চ'লে গেলেন।

বাপের আগ্রহ দেখে শীলা আশ্চর্য হ'ল। এর আগে বিয়েখার ব্যাপারে খুব ঔৎসুক্য প্রকাশ করেন নি। বোধ হয় ভেবেছিলেন, শীলা চ'লে গেলে, এক মুঠো টাকা চ'লে যাবে সংসার থেকে। শুধু পেনশনের সামান্য টাকায় সংসার চালানো মুশকিল হবে।

এখন ব্যাপার আলাদা। সেদিন প্রিয়ব্রতর সঙ্গে কথাবার্তায় এ খবরটুকু হরদয়ালবাবু নিশ্চয় সংগ্রহ করেছেন যে, প্রিয়ব্রত সংসারে একলা। শীলাকে তার সঙ্গে গাঁথতে পারলে এ সংসারে সাহায্য করার পক্ষে কোন অসুবিধা হবে না। বরং সচ্ছল হবে অবস্থা।

পরের দিনও প্রিয়ব্রতর সঙ্গে দেখা হয়ে গেল বাসু স্টপে। শীলাই অপেক্ষা করছিল। পর পর তিনটে বাসু এল আর গেল। শীলা দাঁড়িয়ে রইল পথের দিকে চোখ রেখে।

একটু পরেই প্রিয়ব্রতর মোটর দেখা গেল। শীলার কাছাকাছি এসে মোটর থামল।

প্রিয়ব্রত কিছু বলার আগে শীলাই কথা বলল।

আপনার জন্ম কাল যা বকুনি খেয়েছি বাড়ীতে।

দরজা খুলতে খুলতে প্রিয়ব্রত বলল, আমার জন্ম? সে কি?

ই্যা, আপনি বাড়ী আসেন নি ব'লে। আমি অবশ্য বললাম, আপনি অসুস্থ। ডাক্তারের কাছে গেছেন।

কথা বলতে বলতে শীলা মোটরে উঠে বসল।

আমার নাকি আপনার বাড়ীর ঠিকানা নেওয়াটা উচিত ছিল। সেই দুর্যোগে আপনি আমার এত উপকার করেছেন, আর আপনার অসুস্থের সময় আমরা কিছুই করতে পারলাম না, বাবা এ কথা বলছিলেন।

প্রিয়ব্রত হেসে বলল, বেশ, এবার অসুস্থ হয়ে পড়লে, আপনাকে খবর দেব, আপনি সেবা করতে যাবেন।

অনেকক্ষণ আর কোন কথা হ'ল না। ময়দানের পাশ দিয়ে মোটরটা ডান দিকে ঘুরতেই শীলা ব'লে উঠল, এ দিকে কোথায়?

ভয় নেই, আপনাকে বিপথে নিয়ে যাচ্ছি না। ডাক্তার বলেছে গঙ্গার ধারে রোজ একটু বেড়াতে। একটু পারচারি ক'রেই বাড়ী কিরব। সামান্য দেরি হ'লে আপনার কি খুব অসুবিধা হবে?



অনেক চেষ্টা করেও শীলা বলতে পারল না। ধর ধর করে কেঁপে ওঠা  
ঠোঁটের মাঝখানকার খেত চিহ্নগুলো এই পরম মুহূর্তে আর যেন  
বিষাক্ত বলে মনে হ'ল না।

শীলা কথা বলল না। শুধু মাথা নাড়ল।

গঙ্গার ধারে মোটর রেখে প্রিয়ব্রত জলের ধারে গিয়ে দাঁড়াল। শীলা সামান্য ব্যবধান রেখে, পিছনে।

আবছা অঙ্ককার। আকাশে মেঘ থাকার জন্ত অঙ্ককার নেমেছে অসময়ে।

প্রিয়ব্রত শীলাকে পাশে ডাকল। তার পর ইনিরে বিনিরে কাব্যিক ভাষায় নয়, একেবারে সোজানুজি  
বলল, আত্মীয়স্বজনহীন সংসারে পাশে একজন প্রয়োজন। জীবনের সঙ্গিনী। শীলাকে প্রথম দেখেই তার  
ভাল লেগেছিল। শীলাকে কামনা করা কি তার পক্ষে ছরাশা?

শীলা কিছু উত্তর দেবার আগেই দেখল, তার কটিদেশ বেঁটন করেছে প্রিয়ব্রতের হাত। নদীর কুলুকুলু শব্দের  
সঙ্গে মিল রয়েছে আবেগভরা কণ্ঠের। দূর আকাশের একটি নিঃসঙ্গ নক্ষত্রের জ্যোতির প্রতিচ্ছায়া প্রিয়ব্রতের  
চোখের দৃষ্টিতে।

অনেক চেষ্টা করেও শীলা বলতে পারল না। ধর ধর করে কেঁপে-ওঠা ঠোঁটের মাঝখানের খেতচিহ্নগুলো  
এই পরম মুহূর্তে আর যেন বিষাক্ত বলে মনে হ'ল না। একটা মধুর জীবনকে বঞ্চিত করার শক্তি শীলার নেই।

তার পর এক মাস ধরে প্রাণাস্তকর এক চেষ্টা। সারা রাত শীলা কাঁদল। সারাটা দিন কতবিকৃত হ'ল বিবেকের কশাঘাতে। একবার ভাবল, সব কিছু বলবে প্রিয়ব্রতকে। প্রতারণার বিনিময়ে নতুন জীবন কেনা যায় না। কেনা উচিত নয়; ডাক্তার এটুকু বলেছে, এ রোগ সক্রামক নয়। এক দেহ থেকে আর এক দেহে ছড়াবার কোন ভয় নেই। কিন্তু তবু, নিজের মনকে অব্যাহত ক'রে তুলে ধরার সঙ্গে দেহের সব কিছু খোঁজও দেওয়া প্রয়োজন। কোন লুকোচুরি দিয়ে জীবন শুরু করা ঠিক নয়।

কিন্তু শীলা পারল না। এ ভাবে নিজেকে অন্ত থেকে বঞ্চিত করতে, অস্বীকার করতে নতুন জীবনকে।

সানাই, ফুল, আলোর সমারোহের মধ্যে প্রিয়ব্রত প্রিয়তম হ'ল। যাদবপুরের ছ'তলা মাঝারি আয়তনের এক বাড়ীতে শীলা প্রতিষ্ঠিত হ'ল। প্রিয়ব্রতের কথায় স্কুলের চাকরি ছেড়ে দিল। প্রথম কয়েকটা মাস আদরে, সোহাগে, প্রেমে নিজেকে হারাল।

খুব ধীরে বাইরের সোনালী আবরণটা খসে পড়তে লাগল। প্রথম দিন সামান্য একটু সন্দেহ। শীলার মনে হ'ল, বুঝি ভুলই হয়েছে। অনেকবার বাতাস ঠুকে ঠুকে দেখল। এ গন্ধ শীলার পরিচিত। হরদয়ালবাবু চাকরি-জীবনে মাঝে মাঝে এই রকম নেশা ক'রে আসতেন। খুব সামান্য। একটুও বেসামাল হতেন না। বন্ধুবান্ধবরা রেসে জিতে ফুঁটি করতেন। হরদয়ালবাবুকেও সঙ্গে নিতেন।

ব্যস্, ওই পর্যন্ত। চাকরি যাবার সঙ্গে সঙ্গে নেশাও গেল। বন্ধুদের সঙ্গে যোগাযোগ ছিল। এখন হরদয়াল-বাবু আফিং-সম্বল।

শীলা জিজ্ঞাসা করল, এ কি, কিসের একটা গন্ধ পাচ্ছি ?

পাশ কাটাতে কাটাতে প্রিয়ব্রত বলল, ওই এক পাটিতে গিয়েছিলাম। সকলে চেপে ধরল। তাই একটুখানি।

কথা শেষ না করেই প্রিয়ব্রত বাথরুমে ঢুকে পড়ল।

আবার দিন তিনেক পরে একই অবস্থা। এবার মাত্রা যেন একটু বেশী। সিঁড়িতে এলোমেলো পা ফেলার ভঙ্গি দেখেই শীলা বুঝতে পারল। কিছু জিজ্ঞাসা করার আগেই প্রিয়ব্রতর উচ্চকণ্ঠে হাসি শুরু হ'ল। কোন রকমে চাকরের সাহায্যে প্রিয়ব্রতকে বিছানায় শুইয়ে দিল।

পুরাণো চাকর ভোলা। খুব বিশ্বাসী, সেটা ক'র মাসেই শীলা বুঝতে পেরেছে। সেই বলল, বাবুর মাথাটা ধুইয়ে দিন মা। আর ডয়্যারের মধ্যে ঘূমের ওষুধ আছে, একটা বড়ি খাইয়ে দিন।

মাথা ধুয়ে, বড়ি খাইয়ে শীলা জিজ্ঞাসা করল, তোমার বাবুর এ অসুখটা কতদিনের, ভোলা ?

ভোলা কোন উত্তর দিল না। মাথা চুলকাতে চুলকাতে স'রে গেল।

রোগ একটা নয়। আর একটা রোগের খবর প্রিয়ব্রত নিজেই দিল। একদিন অসংলগ্ন কথার ফাঁকে ফাঁকে একটা নাম বার বার উচ্চারণ করল। মাথায় বাতাস করতে করতে শীলা চূপ ক'রে গুনল। দাঁত দিয়ে নির্মম ভাবে ঠোঁটটা চেপে ধ'রে।

সুমিত্রা! সুমিত্রা! সুমিত্রা!

প্রিয়ব্রত যে গলির নামটা বলল, সেটা শুদ্ধলোকের আস্থানা নয়। তা হ'লে এ সব জায়গাতেও প্রিয়ব্রতর যাতায়াত আছে? যে সুমিত্রা এমন একটা গলির বাসিন্দা, তার কৌলীভ সম্বন্ধে শীলার কোন সন্দেহ রইল না।

সে রাতে আলাদা ঘরে দরজা বন্ধ ক'রে মেঝের ওপর উপুড় হয়ে শুয়ে শীলা অনেকক্ষণ ধ'রে কাঁদল। সহজ অবস্থায় প্রিয়ব্রতর তুলনা হয় না। কথায়বার্তায়, আদরযত্নে ক্রটিহীন। মদের নেশাটুকু শীলা সহ্য করত। প্রিয়ব্রতকে বুঝিয়ে-সুঝিয়ে একটা মাত্রার মধ্যে নামিয়ে আনত আসক্তি। কিন্তু আর একটা রোগকে কি ক'রে ক্ষমা করবে? কোন মেয়েই ক্ষমা করতে পারে না। আর একটা স্ত্রীলোককে অলঙ্কার, পরিবেশ সব কিছুর ভাগ হ'য়ত দেওয়া যায়, কিন্তু স্বামীর শয্যার অংশীদার করা যায় না।

এ কথা নিয়ে সোজাসুজি একদিন প্রিয়ব্রতর সঙ্গে শীলা আলাপ করবে। তার আগে ভোলার কাছে কথাটা পাড়ল।

অনেক চেপে ধরার পর ভোলা শুধু বলল, বুঝতেই ত পারছেন মা, অভিভাবক বলতে ছেলেবেলা থেকে কেউ ছিল না। 'কাকাওঁ!এই ধরণের। তবে এবার আপনি এসেছেন, একটু একটু ক'রে এ রোগ সেরে যাবে।



সহজ অবস্থায় শীলা প্রিয়ব্রতর সঙ্গে এ বিষয়ে কথা বলে দেখেছে, প্রিয়ব্রত প্রথমে অস্বীকার করে তার পর চ'টে ওঠে, শেষকালে বলে, তোমার আর অনুবিধাটা কি হচ্ছে? রাণীর হালে ত রেখেছি। আমি কোথায় কি ক'রে বেড়াচ্ছি, তার ফিরিস্তিতে তোমার প্রয়োজন?

সেই প্রিয়ব্রত, দুর্যোগের লগ্নে যে আহ্বান জানিয়েছিল, গঙ্গার কূলে ব'সে যে প্রতিশ্রুতির পর প্রতিশ্রুতি দিয়েছিল। সোনালী পালিশ এত দ্রুত, এত সহজে উঠে যাবে তা শীলা কল্পনাও করতে পারে নি।

শুধু স্মিত্রা নয়, এ ব্যাপারে প্রিয়ব্রত একনিষ্ঠ এমন অপবাদ কেউ দিতে পারবে না। এক-একদিন মদের ঘোরে এক-এক নাম। মধুপ-বৃত্তিতে প্রিয়ব্রতর বুকি তুলনা নেই। অবসর সময়ে শীলা ভাবে, তার সঙ্গে আলাপ করার মূলে এই বৃত্তিই কাজ করেছে কি না কে জানে! শুধু একটু বৈচিত্র্য, নতুনতর কিছু করার মোহ।

হরদয়ালবাবু মাঝে মাঝে আসেন। কণ্ঠার ঐশ্বর্যে, তার সুপে বিগলিতচিস্ত। জামাইয়ের সঙ্গে প্রায়ই দেখা হয় না। মেয়েকে একান্তে ডেকে জিজ্ঞাসা করেন, প্রিয় কিছু বুঝতে পারে নি ত? খুব সাবধান, সর্বদা লিপটিক দিয়ে রুগুবি। নিজে থেকে জানাবার শোন দরকার নেই।

শীলা কোন কথা বলল না। চোখের জল ঢাকতে মুখ ফিরিয়ে স'রে গেল সেখান থেকে।

অন্যদিন নয়, শুধু শনিবার। শনিবার হলেই প্রিয়ব্রত যেন বদলে যায়। কারখানা থেকে বাড়ী ফেরে না। সোজা চ'লে যায় ফুটি করতে। আগে জানলার ধারে ব'সে শীলা অপেক্ষা করত। সারারাত পর্যন্ত। আজকাল করে না। খাওয়া-দাওয়া সেরে নিজের ঘরে গিয়ে খিল বন্ধ করে। সে রাতে কিছুতেই প্রিয়ব্রতকে শয্যার ভাগ দিতে পারে না।

বিছানায় শোয় বটে, কিন্তু শীলার ঘুম আসে মা। বিনিদ্রচোখে রাতের প্রহর গোণে। জেগে জেগেই শোনে, একটা মানুষের বেসামাল পদধ্বনি।

সে রাতে ব্যাপার চরমে উঠল।

প্রিয়ব্রত অনেক রাতে ফিরল। টলতে টলতে। জামা-কাপড় বর্দমান। গলায় বেলকুঁড়ির ছিন্ন মালা। এসব জায়গায় প্রিয়ব্রত মোটর নিষে বেরোয় না। ট্যান্ডিতে যাওয়াত করে। চেনা ট্যান্ডিচালক বাড়ীতে পৌঁছে দেয়। চাকরের জিন্মায় দিয়ে তবে যায়।

অন্যবার চুপচাপ ফেরে, এবার প্রিয়ব্রত চীৎকার করে গান ধরল। এত জোরে যে আশপাশের বাড়ীতে আলো জ'লে উঠল। হু'একজন দরজা খুলে বাইরেও এসে দাঁড়াল।

লজ্জায় আরক্ত হয়ে শীলা বাইরে বেরোল। একেবারে প্রিয়ব্রতের সামনাসামনি গিয়ে দাঁড়াল।

ছি, ছি, গলায় দড়ি তোমার! লজ্জা বেগ্নার মাথা খেয়েছ? তোমার সম্মান-জ্ঞান না থাকে, আমার আছে। সামান্য বয়েক মুহূর্তের জন্ত প্রিয়ব্রত খেমে গেল। তীক্ষ্ণ দৃষ্টি দিয়ে শীলার আপাদমস্তক জরিপ করল, তারপর কঠিন করল কণ্ঠস্বর।

এমন ভাষা শীলা ভীতনে শোনে নি। হু'কানে আঙ্গুল দিয়ে ছুটে চ'লে গেল ঘরের মধ্যে।

সারারাত হু'জনের কেউ ঘুমাল না। না প্রিয়ব্রত, না শীলা।

প্রিয়ব্রত চীৎকার করল। হু'একটা কাঁচের প্লেট ভাঙল। এক অভিনেত্রীর নাম করতে লাগল জপ করার ভঙ্গিতে।

শীলা বিছানায় মুখ লুকিয়ে অঝোর ধারায় কাঁদল।

পরের দিন ভোর বেলা উঠে শীলা স্নান সেরে নিল। শীলা জানে, রবিবার প্রিয়ব্রত অনেক বেলায় ওঠে। বেলা দশটার আগে নয়। তাও শীলা ডেকে ডেকে তোলে।

ড্রেসিং টেবিলের সামনে ঝুঁকে প'ড়ে প্রসাধন করতে গিয়েই শীলা চমকে উঠল। এতদিন শুধু নীচের ঠোঁটে ছড়ানো ছিল সাদা দাগগুলো, এবার লোটা দুয়েক ওপরের ঠোঁটেও দেখা গেল। হয়ত কিছুদিন পরে ওপরের ঠোঁটটাও চেয়ে যাবে এই রকম দাগে।

লিপটিকটা তুলে ঠোঁটের ওপর ঘসতে গিয়েই শীলা খেমে গেল। দর্পণে কার কঠিন একটা দেহের প্রতিবিম্ব। সন্ধানী হু'টি দৃষ্টি। আন্তে আন্তে মানুষটা এগিয়ে আসছে।

শীলার কাঁধের ওপর বিরোট্ট এক খাবা। তার হাত থেকে লিপটিকটা ছিটকে পড়ল মেয়ের ওপর।

বা, চমৎকার ! তাই ত বলি, দিন গেই, রাত নেই, এত লিপষ্টিকের বাহার কেন ? রোগটা দিব্যি লুকিয়ে আমার ঘাড়ে এসে বসেছ। তোমার মা-বাপকেও বলিহারি। ষুণাকরেও এমন একটা কুৎসিত রোগের কথাটা বলেন নি। লজ্জা হয় না, এ ভাবে লুকিয়ে একজনের সর্বনাশ করতে ?

প্রিয়তর কথা শেষ হবার আগেই শীলা টান হয়ে দাঁড়াল। আঁচল খসে মেঝের ওপর। ঠোঁটের খেত চিহ্নলো বিস্মী ভাবে প্রকট। ছোটো চোখ অঁলে অঁলে উঠল।

আমি শুধু ঠোঁটের কয়েকটা নিরীহ খেতচিহ্ন লুকিয়েছিলাম তোমার কাছ থেকে। যে কোন ডাক্তারের কাছে নিয়ে গিয়ে আমাকে পরীক্ষা করাও, সকলেই বলবে এ রোগ সংক্রামক নয়, মারাত্মক নয়। আমি শুধু এইটুকুই লুকিয়েছি। কিন্তু তুমি যে সারাজীবন, জীবনের ধারা লুকিয়েছ আমার কাছ থেকে। আমি লিপষ্টিকের সাহায্য নিয়েছি, তুমি ভদ্রতার মুখোশে নিজের অন্তরের দীনতা ঢেকেছ। নিজের কুৎসিত জীবনযাত্রার ওপর ছলনার আবরণ টেনেছ। আমার এ ব্যাধির ছায়া তোমার দেহে পড়ার কোন ভয় নেই, কিন্তু তোমার ঘৃণিত ব্যাধি আমার জীবনে চরম সর্বনাশ ডেকে আনবে।

ধর ধর করে শীলার সারা দেহ কেঁপে উঠল। এবারেও পাশের কয়েকটা বাড়ীর জানালা খুলে গেল। ছ'-একজন উঁকিঝুঁকি দিল।

দিক। আর শীলার ভয় নেই। লুকোচুরি করার আর কোনদিন তার প্রয়োজন হবে না।

—\*—

## বিপ্লবের অভিব্যক্তি

শ্রীভূপেন্দ্রকুমার দত্ত ও শ্রীকমলা দাশগুপ্ত

পরাদীনতার শৃঙ্খল মোচনের জন্ম ভারতীয় বিপ্লবীরা প্রথম থেকেই পথ হাতড়েছেন নানা ভাবে। দেশের তখনকার শিক্ষাদীক্ষা, মানসিকতা ও সামাজিক পরিবেশে কি ভাবে কোন্ পথে বিপ্লবকে সফলতার দিকে এগিয়ে নেওয়া যায় সেটাই তাঁরা খুঁজে ফিরেছেন। আধুনিক অর্থে যা জাতীয়তাবোধ (national consciousness), যুগ যুগের ইতিহাসে এদেশে তা ছিল না। সমস্ত দেশটাই যে একটা জাতি (nation), এ কথা দেশের মানুষ বুঝতেন না, উপলব্ধি করতেন না। জাতি বলতে তাঁরা বুঝতেন বিশেষ বিশেষ সম্প্রদায়—যেমন, ব্রাহ্মণ, বৈশ্য, কায়স্থ, নমঃশূদ্র ইত্যাদি অথবা হিন্দু, বৌদ্ধ, মুসলমান, খ্রীষ্টান। ব্যক্তিগতভাবে নিজে অথবা বড় জোর নিজের জাতিটা স্মৃতি স্বচ্ছন্দে যাতে থাকতে পারে এই ছিল তাঁদের চিন্তার ধারা, তার বেশী আর কিছু তাঁরা চাইতেন না, ভাবতেও পারতেন না। তাঁদের বৈষয়িক ও সামাজিক অবস্থার মর্ষাদাটুকু যাতে বজায় থাকে, নিরাপদে থাকে তার জন্ম তাঁরা চাইতেন দেশে সুশাসন—সে শাসন জাতীয় হউক অথবা বৈদেশিক হউক তা নিয়ে তাঁরা মাথা ঘামানোর প্রয়োজন বোধ করতেন না।

ইউরোপীয় সমাজের সংস্পর্শ এখানে ক্রমে জাগিয়ে তুলতে লাগল জাতীয়তাবোধ। বহুযুগের ইতিহাসে ওরা গোটা দেশের সমস্ত লোকের সমবেত স্বার্থ মোটামুটি এক করে দেখতে শিখেছে। সে আদর্শ আমরা পেতে শুরু করলাম ইংরেজী শিক্ষার মধ্য দিয়ে প্রথমটা রাজা রামমোহন রায়ের চেষ্ঠায়। আমাদের শিক্ষিত সম্প্রদায়ের একটা অংশ এই জাতীয়তাবোধের আদর্শে উদ্বুদ্ধ হয়ে পরশাসনের অমর্ষাদা থেকে গোটা জাতিকে মুক্ত করতে চাইলেন, জাতিকে আত্মমর্ষাদায় প্রতিষ্ঠিত করতে সচেষ্ট হ'লেন। এই লক্ষ্য সাধনের উদ্দেশ্যেই রামমোহন এদেশে ইংরেজী শিক্ষার প্রবর্তন চেয়েছিলেন।

বিদেশী শাসনের ভিত্তিমূলে প্রথম আঘাত হানল ১৮৫৭ সালের সিপাহী বিদ্রোহ। নানা ব্যাখ্যা এর হয়েছে কিন্তু এও মূলতঃ আমাদের জাতীয় অসম্মান থেকে বাঁচবার প্রচেষ্টা। নীলকরের বিরুদ্ধে বিদ্রোহ প্রকারান্তরে তাই। জাতির ক্রমজাগরণশীল আত্মমর্ষাদাবোধের প্রকাশ।

মর্ষাদাবোধ যখন জাগতে থাকে পথ খোঁজার তখন আর অস্ত থাকে না। ঐ ছোটো বিদ্রোহকে জোর করে বাইরে থেকে দাবিয়ে দেওয়া হ'ল বটে, কিন্তু শিক্ষিত লোকের মনের আগুন ধিকি ধিকি অলতে রইল। গুপ্ত সমিতি গ'ড়ে তুলবার ছোট ছোট পরিকল্পনা এর পর থেকে বাংলা দেশের প্রায় সর্বত্র ছড়িয়ে পড়ে। জাতীয় কংগ্রেস প্রতিষ্ঠার পূর্ব থেকে সুরেন্দ্রনাথ ও বিপিনচন্দ্র কলকাতার ছাত্রসমাজের কাছে ম্যাটসিনি ও গ্যারিবন্দির আদর্শ প্রচার করতে থাকেন।

উচ্চশিক্ষিতদের মধ্যে রাজনৈতিক প্রশ্ন ও সমস্যা নিয়ে আলাপ-আলোচনা ক্রমে প্রসার লাভ করে। জগতের কাছে জাতির অসম্মানে বেদনাবোধ তাঁদের সর্বদা চঞ্চল ক'রে রাখত। এই অহুত্বটি প্রথম দানা বেঁধে ওঠে ১৮৮৫ সালের জাতীয় কংগ্রেস প্রতিষ্ঠার মধ্য দিয়ে। কিন্তু ইংরেজ শাসনের বিরুদ্ধে কোন সজীব আন্দোলন গ'ড়ে তোলার কল্পনা করতেও যে সাহসের প্রয়োজন তা তখনও দেখা দেয় নি। এই সাহসের ল. সা. গু. হিসাবে দেখা দেয় ইংরেজ কর্তৃপক্ষের নিকট দাবীদাওয়া পেশ ক'রে দেশের জন্য কিছু রাজনৈতিক সুবিধা-সুযোগ আদায় করার পন্থা। বহু নাগরিকের দস্তখত-স্বাক্ষরিত দরখাস্ত রাজার কাছে পেশ করার পন্থা ব্রিটেনের ইতিহাসেও সুপরিচিত। এর উদ্দেশ্য কেবল যে রাজার কাছে থেকে সুবিধা আদায় করা তা' পুরোপুরি সত্য নয়। রাজার বিরুদ্ধে আন্দোলন সৃষ্টিরও এ এক উপায়। তারই অহুত্বেরে ভারতের জাতীয় কংগ্রেসের তরফ থেকে তথাকথিত "আবেদন নিবেদন" করার নীতি গৃহীত হয়।

কংগ্রেসের এই চরিত্র চলতে থাকে নানা আঘাত সংঘাতের ভিতর দিয়ে প্রায় ১৯১৯ সাল পর্যন্ত। এর ভিতরও আবার একান্ত নরমপন্থী ব'লে যারা পরিচিত ছিলেন, এমন কি রাজনীতির সম্পর্কেও আসতেন না, এমনও অনেকে ভারতবর্ষে একটা বিপ্লবের স্বপ্ন দেখতেন, বিপ্লবীদের সঙ্গে যোগাযোগও রাখতেন। কয়েকটি নাম উল্লেখযোগ্য— গোখলে, রমেশচন্দ্র দত্ত, আনন্দমোহন বসু, জগদীশচন্দ্র বসু, আণ্ডতোষ মুখোপাধ্যায়, রাজনারায়ণ বসু, কৃষ্ণকুমার মিত্র, শিবনাথ শাস্ত্রী। পরাধীনতার প্লানি এঁদেরও এতখানি চঞ্চল ক'রে রেখেছিল যে, এঁরা কেউ কেউ যে ইংরেজের কাছে নিগৃহীত হন নাই সে অনেকক্ষেত্রে নিতান্তই আকস্মিক ঘটনাক্রমে।

পথ খোঁজা চলতে থাকে কিন্তু নানা দিকে। কংগ্রেস প্রতিষ্ঠিত হবার মাত্র কয়েক বছর পরে ১৮৯৩ সাল থেকে অরবিন্দ বরোদায় ব'সে 'ইন্দুপ্রকাশ' নামক মহারাষ্ট্রীয় কাগজে লিখতে আরম্ভ করেন। তাতে তিনি এই মত প্রচার করেন যে, জাতিকে স্বাধীন করতে হ'লে বিপ্লবীকাজে প্রথম আসবে মধ্যবিত্ত সম্প্রদায়, কিন্তু তাদের প্রচেষ্টায় বতরুণ না 'প্রলেটেরিয়েট' বা কৃষকশ্রমিকসহ জনসাধারণ যোগদান করবে ততদিন পর্যন্ত স্বাধীনতা সংগ্রাম সফল হবে না। এখানে দৃষ্টি রয়েছে পন্থার অভিব্যক্তির দিকে, মুষ্টিমেয় থেকে জনগণের দিকে। তখনও পর্যন্ত অরবিন্দ ছিলেন চিন্তা ও মননের ক্ষেত্রে বিপ্লবী ভাবধারার প্রচারক। পরে তাঁকে বাস্তব বৈপ্লবিক রাজনীতির ক্ষেত্রে নিয়ে আসেন যতীন বন্দ্যোপাধ্যায় (পরে নিরালম্ব স্বামী), যতীন বন্দ্যোপাধ্যায় বিপ্লবের বীজ ছড়ান বাংলায়, বোম্বাইয়ে, পাঞ্জাবে, যুক্তপ্রদেশে।

আর অরবিন্দকেই এর প্রায় পনের বছর পর আবার দেখি—রবীন্দ্রনাথ, বিপিনচন্দ্র, সতীশ মুখোপাধ্যায়, ব্রহ্মবাহুবের সঙ্গে ইংরেজের অস্তিত্বকে অস্বীকার ক'রে নিজেদের জাতীয় স্বাধীন সত্তা ফুটিয়ে তুলবার নীতির প্রচারক। জাতীয় আত্মসম্মানবোধের এই যে বিকাশ, এ যেন আঘাত খাচ্ছিল কংগ্রেসের সেই প্রায় বিশ বছরের অহুত্ব নীতির কাছে। এই আঘাতের প্রত্যাপাতেই সুরাতে কংগ্রেসের ভাঙাভাঙি হ'ল।

লাল-বাল-পাল (লালা লাজপত রায়, বালগঙ্গাধর তিলক, বিপিনচন্দ্র পাল) আর যেন কংগ্রেসের পুরাণো কাঠামোর ভিতর নিজেদের মানিয়ে চলতে পারছিলেন না।

জাতীয় আত্মমর্ষাদাবোধ থেকে এই যে জাতীয় আত্মপ্রতিষ্ঠার জন্য বেদনাবোধ, বাংলায় তথা ভারতবর্ষে এ থেকেই উৎপত্তি বয়কট ও স্বদেশী আন্দোলনের। এই আন্দোলনের সর্বজনগ্রাহ্য আর একটি রূপ ছিল। সে রূপ বিদেশী শাসনকে আঘাত হানা। রবীন্দ্রনাথ প্রভৃতি নেতৃস্থানীয়রা বলছিলেন, আঘাত হানা গোণ, জাতির গঠন মুখ্য। সে যুগে এ ত সর্বসাধারণের কথা হ'তে পারে না। তাই নেতারা যখন বললেন নিষ্ক্রিয় প্রতিরোধ (passive resistance), দেশের যুবকরা চাইলেন সক্রিয় সংগ্রাম (active struggle)। এ যুবশক্তি থেকেও অরবিন্দ ঘুরে-রইলেন না। বঙ্গভঙ্গের পর জাতীয় চেতনার উন্মেষ যখন উদ্বেল হয়ে উঠল, সে চেতনার ভাষা ফুটল

‘বন্দেমাতরম্’, ‘সন্ধ্যা’, ‘সুগন্ধর’, ‘নবশক্তি’তে। এতে শুধু আন্দোলনপ্রতিষ্ঠার কথাই থাকত না, শত্রু আঘাত হানার কথাও থাকত। আর, অরবিন্দ ছিলেন এই কাগজগুলির সম্পাদকমণ্ডলীর সভাপতি।

এই কথাই বলছিলেন—গোড়া থেকেই ভারতীয় বিপ্লবীরা পথ খুঁজছিলেন, দাসত্বের গ্লানি থেকে মুক্তি পাবার পথ। অতঃপর বাহু-বিচার কিছু নয়—কোন পথে সমগ্র জাতির জাগরণ সম্ভব, কোন পথে শত্রুসমূহ হওয়া সম্ভব। রবীন্দ্রনাথের কথাও বলেছি, অরবিন্দ বিপিনচন্দ্রের মতই তিনি জাতীয় আন্দোলনপ্রতিষ্ঠা মন্ত্রের পুরোহিত। আবার এও জানি, এই রবীন্দ্রনাথই নিজের ভাইবোনদের সঙ্গে নিজের বাড়ীতে গুপ্তসমিতি প্রতিষ্ঠার সহযোগিতা করেছেন। সেখানে তাঁরা বুদ্ধের রক্ত দিয়ে প্রতিজ্ঞা নিয়েছেন। এ ছয়ের ভিতর অসামঞ্জস্য নেই—আছে ঐ পথ খোঁজার প্রবৃত্তি।

ওদিকে, বিগত শতাব্দীর শেষের দিকেই বোম্বাই প্রদেশে বাঙ্গালীরা তিলকের প্রচেষ্টায় বিপ্লবী দল গড়ে ওঠে। ১৮৯৬ সাল মহারাষ্ট্রে মহামারীরূপে প্লেগ দেখা দেয়। একে উপলক্ষ্য করে বেসামরিক ও সামরিক স্বৈরাচারীরা দেশে অনাচার অত্যাচার আরম্ভ করে। জনসাধারণ ক্ষুব্ধ ও উত্তেজিত হবে ওঠে। সবকারী প্লেগ কমিটির সভাপতি ছিলেন র্যাগু এবং সদস্য ছিলেন আয়ার্স্ট। তিলকের উদ্যোগে জাতীয় অসম্মানের প্রতিবাদ-স্বরূপ চাপেকার-দ্রাঘত্ব র্যাগু এবং আয়ার্স্ট সাহেবকে হত্যা করেন ১৮৯৭ সাল। লক্ষ্য, জাতীয় আন্দোলনগোষ্ঠীতে তুলে স্বাধীনতার সংগ্রামে উদ্বুদ্ধ করে তোলা।

প্রায় ঐ একই সময়ে বাংলা দেশে প্লেগ লেগেছিল। বাংলায় কিন্তু জাতিকে জাগাবার জন্য ভিন্ন পন্থা অবলম্বন করলেন ভগিনী নিবেদিতা। স্বামী বিবেকানন্দের উৎসাহে উদ্যোগে নিবেদিতা নিলেন সেবার পন্থা। সেবার ভিতর দিয়ে জাতীয় একতা ও জাতীয় আন্দোলনপ্রতিষ্ঠার চেষ্টা। মূল লক্ষ্য ঐ একই।

প্লেগের সময় নিবেদিতা যখন স্বামী বিবেকানন্দের নির্দেশে কলকাতায় সেবা এবং রিলিফের কাজ করছিলেন সেই সময় যতীন্দ্রনাথ মুখোপাধ্যায় কলকাতায় এসে ঐ কাজে যোগদান করেন। স্বামী অশ্বপ্তানন্দ লিখেছেন, যতীন্দ্রনাথ স্বামী বিবেকানন্দের সঙ্গে মাঝে মাঝে দেখা করতেন এবং তাঁরা দুজনে ঘরে দরজা বন্ধ করে দীর্ঘ সময় ধরে আলাপ করতেন। কি আলাপ হ’ত তা কেউ জানেন না। স্বামী অভেদানন্দ শুধু এইটুকু জানতেন যে, বিবেকানন্দ যতীন্দ্রনাথকে বলতেন, “ভারতের মর্মবানী জগতে শোনাতে হ’লে আগে চাই ভারতের রাষ্ট্রনৈতিক স্বাধীনতা।” বিবেকানন্দের এই প্রণয় দেশপ্রেমের দিকটো ফুটে ওঠে তাঁর সুযোগ্য শিষ্য নিবেদিতার মধ্যে। বিপ্লব আন্দোলনের সঙ্গে যোগাযোগ থাকার দরুণ বিবেকানন্দের মৃত্যুর পর নিবেদিতাকে রামকৃষ্ণ মিশনের সঙ্গে সম্পর্ক ত্যাগ করতে হয়।

যতীন্দ্রনাথের ভিতর জাতীয় অসম্মানের প্রতিবাদ প্রথম যুগে অনেক সময় ফুটে ওঠে ব্যক্তিগত শৌর্ষের ভিতর দিয়ে। খেলার মাঠে দেশীয় আর গেরা খেলোয়াড়দের খেলা দেখতে গিয়ে ভারতীয় দর্শক গোরার হাতে অনেক সময় মার খেয়েছে। মার খেয়ে দৌড়ে পালিয়েছে। যতীন্দ্রনাথ ক্রোধে দাঁড়িয়ে প্রতিপোধ নিয়েছেন একলাই একদল গোরাকে পালাতে বাধ্য করে। শিলিগুড়ি ষ্টেশনের ঘটনা আজ সকলেরই জানা। যতীন্দ্রনাথ বলতেন, অতঃপরো সৈন্তের সঙ্গে একলা লড়া—এ গায়ের জোরের প্রমাণ নয়, এখানে জাতির আন্দোলন দায়ের মত ঘাড় চাপে—যন কাঁধে ভূত চেপেছে।

পরবর্তী যুগে যতীন্দ্রনাথ বলেছেন, ঠ্যালায় ঠ্যালায় দেশ উঠবে। শেষ পর্যন্ত জনসাধারণের সংগ্রাম ছাড়া স্বাধীনতার সম্ভাবনা নেই। প্রথম দিকে প্রয়োজন ছিল, ব্যক্তির বিলোপ দিয়ে দেশে চমক লাগানো, দেশবাসীকে জাগানো। সে কাজ করে গেছে প্রকুল্ল, ক্ষুদীরাম, সত্যেন, কানাই। এখন জাতিকে দেখাতে হবে, জাতীয় জাতি কি করে শত্রুর সঙ্গে লড়াই করে মরতে পারে। তখনকার অবস্থায় সে চেষ্টার সাফল্য যা হয়েছিল তা দেখিয়ে গেছেন তিনি ১৯১৫ সাল বালেশ্বরের আন্দোলনে। এই চেষ্টারই সফলতর রূপ ১৯৩০ সালের চট্টগ্রামে। আর, তার পূর্ণতর রূপ ১৯৪২। এখানেও ঐ একই কথা—আদর্শের অভিব্যক্তি।

আবার পুরাণো কথায় ফিরে যাওয়া যাক। ১৯০৭ সালে ‘বন্দেমাতরম্’ পত্রিকায় রাজমোহনমূলক দু’টি প্রবন্ধ প্রকাশের অভিযোগে অরবিন্দ অভিযুক্ত হন। সাক্ষী বিপিন পাল আদালতে শপথ গ্রহণ করতে অথবা কোন প্রস্তাব উত্তর দিতে অস্বীকার করতে অরবিন্দ মুক্তি পান কিন্তু বিপিন পালের ছয় মাসের শাস্তি কারাদণ্ড হয়। আদালতের বিপুল জনতাকে নিয়ন্ত্রিত করতে না পেরে পুলিশ বেপরোয়া লাঠি চালায়। এক স্বৈরাচারী পুলিশ কিশোর বাগ্‌ক



সুশীল সেনকে ঘৃণা করে। অপমানের প্রতিশোধ নেবার জন্য বিপ্লবী বালক সুশীলও ঘুরে দাঁড়িয়ে তাকে পান্টা খুঁচি করে। সুশীল আদালতে অভিযুক্ত হয়। ম্যাজিস্ট্রেট কিংসফোর্ড সুশীলকে ১৫ ঘণ্টা বেত মারার আদেশ দেন এবং সেইদিনই তাকে বেত মারা হয়।

এই ঘটনায় জাতীয় আন্দোলনে আঘাত লাগে। প্রতিবাদে প্রফুল্ল চাকী ও ফুদিরাম বসু মজঃফরপুরে প্রেরিত হন ম্যাজিস্ট্রেট কিংসফোর্ডকে হত্যা করবার জন্য। কিন্তু ভুলক্রমে তাঁরা শ্রীমতী কেনেডি ও তাঁর কন্যাকে হত্যা করে বসেন। প্রফুল্ল শরীর হাতে ধরা দেবেন না বলে নিজের হাতের পিস্তল দিয়েই নিজেকে শেষ করেন। ফুদিরামের কাঁদা হয়ে যায় ১৯০৮ সালে।

মজঃফরপুরের এই হত্যাকাণ্ডের স্মৃতি ক'রে প্রবন্ধ প্রকাশের জন্য তিলকের ছয় বৎসর কারাদণ্ড হয়।

আদর্শের প্রসার ও অভিব্যক্তি এগিয়ে চলল। ইতিমধ্যে ১৯০৭ সালের শেষভাগে উপাধ্যায় ব্রহ্মবাহুব 'সন্ধ্যা' পত্রিকায় এক রাজদ্রোহমূলক প্রবন্ধ প্রকাশের জন্য অভিযুক্ত হন। ব্রহ্মবাহুব আদালতে বলেন যে, তিনি তাঁর কাজের জন্য কোন বিদেশী সরকারের কাছে কৈফিয়ৎ দিবেন না। বিচারাধীন অবস্থায় এক অস্ত্রোপচারের পর তাঁর মৃত্যু হয়।

জাতীয় আন্দোলন প্রতিষ্ঠার এবং জাতিকে জাগাবার এই আর-এক পন্থা। 'যুগান্তর' পত্রিকার সম্পাদক হিসাবে ভূপেন্দ্রনাথ দত্ত আদালতে অভিযুক্ত হয়ে বললেন, "I have done what I thought to be my duty to my country. You may mete out any punishment you like. I will bear it cheerfully." আমার দেশের প্রতি যা কত বাবোধ করেছি তা আমি করেছি। আপনি যা ইচ্ছা সাজা দিতে পারেন, আমি তা মান্যচিত্তে সহিব।

একখানি রাজদ্রোহমূলক পুস্তক প্রকাশের জন্য বোম্বাইয়ের গণেশ দামোদর সাভারকার ১৯০৯ সালে স্বীপাস্তুর দণ্ডে দণ্ডিত হন। তিন সপ্তাহ পরে লণ্ডনে ভারতসচিব লর্ড মর্গির অডিকং স্মার কার্জন ওয়াইলীকে হত্যা করেন মারাঠী যুবক মদনলাল ধিংড়া। বিচারে ধিংড়ার প্রাণদণ্ড হয়। রায় শুনে ধিংড়া সামরিক কায়দার বিচারপতিকে সেলাম জানিয়ে বলেন, "Thank you my lord, I am glad to have the honour of dying for my country." ধর্মবাদ মহাশয়, আমার দেশের জন্য মৃত্যুবরণের গৌরব লাভে আমি আনন্দিত।

ইতিহাসের অমূল্য অভিব্যক্তি দেখা দেয় মাদ্রাজে বিপিন পালের বক্তৃতার ফলে চিদম্বরম্ পিলে, সুরেন্দ্রনাথ শিব, নীলকণ্ঠ ব্রহ্মচারীর প্রচেষ্টায়।

জাতির অপমানের প্রতিবাদে একে একে বিপ্লবী যুবকরা এগিয়ে আসতে লাগলেন মৃত্যুযজ্ঞে কাঁপিয়ে পড়বার জন্য। এতে যেমন ইংরেজকে উল্টে প্রত্যাঘাত করে প্রতিশোধ নেওয়া হয়েছে, তেমনি জাতিকে জাগানো হয়েছে। এঁদের পথ ছিল maximum sacrifice of the minimum number—মুষ্টিমের বীরের চরম ত্যাগ। বিপ্লবীদের এই আদর্শকে ভুল বোঝাবার জন্য ইংরেজ অপপ্রচার করেছে, এঁদের এনাকিষ্ট ও টেররিষ্ট আখ্যা দিয়ে। আমাদের দেশের শিক্ষিতরাও অপপ্রচার না বুঝেই নির্বোধের মতো বিপ্লবীদের সম্পর্কে এই শব্দগুলি ব্যবহার করে গেছেন। এখনও করেন।

১৯১৪ সালের যুদ্ধের সময় বিদেশের অস্ত্র-সাহায্য নিয়ে দেশের স্বাধীনতার জন্য সারা ভারত জুড়ে সশস্ত্র সংগ্রাম করবার আয়োজন হয়। তখন জাতি চলছে জাগরণের পথে স্বাধীনতার আকাঙ্ক্ষায় উদ্ভুদ্ধ হয়ে। বিপ্লবীরা ভেবেছিলেন, আমরা ম'রে দেবিরে যাব কি করে দেশের স্বাধীনতার জন্য যুদ্ধ করতে হয়, কি করে লড়াইতে গিয়ে মরতে হয়। ঘটনাক্রমে ইংরেজ আগেই জেনে ফেলে এই প্রচেষ্টার কথা। পাক্কাব থেকে শুরু করে বঙ্গোপসাগরের তীর পর্যন্ত এই আয়োজনের শেষ হয় বহু দেশপ্রেমিকের ফাঁসিতে, স্বীপাস্তুরে, জেলে এবং শেষ পর্যন্ত বালেশ্বরের হলদি ঘাটে।

এই সময়ে ইংরেজ সরকার বিপ্লবীদের গুপ্ত সমিতির সংগঠনের ও কার্যকলাপের অনেক গোপন তথ্যের সন্ধান পেয়ে যায়। তারা বহু বিপ্লবীকে গ্রেপ্তার করে বিনা বিচারে দীর্ঘকাল জেলে বন্দী করে রাখে। অহুস্কানের ফলে তারা বিপ্লবী সংগঠনের ব্যাপকতা ও গভীরতা দেখে ভবিষ্যতের জন্য শঙ্কিত হয়ে ওঠে। নামমাত্র বিচার করে বা বিচারের প্রহসন করে এবং সন্দেহবশে বিনা বিচারে অনির্দিষ্টকালের জন্য বন্দী করে রাখার উদ্দেশ্যে ইংরেজ সরকার রাউলার্ট এ্যাক্ট পাস করে। বিপ্লবকে পিছে মারার জন্য স্বৈরাচারী নিষ্ঠুর অস্ত্রটিকে প্রধান অবলম্বনরূপে তারা গ্রহণ করে। এই বে-আইনী আইনের বিরুদ্ধে সারা দেশময় একটা বিক্ষোভ জেগে ওঠে।

গান্ধীজী তখন দক্ষিণ আফ্রিকায় সত্য্যগ্রহ আন্দোলনের অভিজ্ঞতা নিয়ে ফিরে এসেছেন ভারতবর্ষে। তিনি ভাবছিলেন, Servants of India Societyর মতো কোন সেবা-প্রতিষ্ঠানে যোগ দিয়ে জীবন অতিবাহিত করবেন। কিন্তু অত্যাচার ও জাতির অসম্মানমূলক রাউলাট আইন তাঁকে বিচলিত করে তুলল। এই আইনের বিরুদ্ধে তিনি সারা দেশ জুড়ে একটা প্রতিবাদ দিবসের আয়োজন করেন। প্রতিবাদ দিবসে পাঞ্জাবের জালিয়ান-ওয়ালাবাগে নিরস্ত্র জনতার উপর ইংরেজের নির্ধূর হত্যাকাণ্ডের সঙ্গে নাহোরে, কান্সুরে দলে দলে ভারতবাসীর লাঞ্চার পর গান্ধীজী আর স্থির থাকতে পারলেন না। তাঁর নেতৃত্বে কংগ্রেস ইংরেজের বিরুদ্ধে অসহযোগ আন্দোলন শুরু করে ১৯২১ সালে।

জালিয়ান-ওয়ালাবাগের ঘটনা গান্ধীজীকে টেনে নিয়ে এল বৈপ্লবিক রাজনীতির ক্ষেত্রে, স্বাধীনতা আন্দোলনের পথে। রাজনৈতিক চিন্তায় তাঁর ভিতর স্পষ্ট রূপ নিল, যে আদর্শ একদিন ফুটে উঠেছিল বিপিন পাল, অরবিন্দ, রবীন্দ্রনাথের ভিতর। কিন্তু গান্ধীজী তাঁর আন্দোলনকে এক নতুন পন্থায় নিয়ে গেলেন—সে পন্থা অহিংস সত্য্য-গ্রহের পন্থা।

নির্মম স্বৈরতন্ত্রের বিরুদ্ধে দাঁড়িয়ে একটা নিরস্ত্র জাতি কি করে সংগ্রাম করতে পারে তার পরীক্ষা তিনি শুরু করলেন। লক্ষ্য সম্বন্ধে বিপ্লবীদের সঙ্গে তাঁর পার্থক্য তখনও অনেকখানি। তাঁর স্বরাজ ও বিপ্লবীদের স্বাধীনতা—এ দুইয়ের বোঝাপড়া হয় অনেক পরে। তবু পথের মিল হ'ল খানিকটা পর্যন্ত। বিপ্লবীদের চিন্তায় কেবলমাত্র শস্ত্র সংঘর্ষের মধ্য দিয়েই পরিপূর্ণ স্বাধীনতা আসা সম্ভব। গান্ধীজী জাতীয় আঙ্গুপ্রতিষ্ঠা চাইলেন নিরস্ত্র সংগ্রাম দিয়ে। বিপ্লবীরা এ পর্যন্ত চলেছেন গুপ্ত সমিতির ভিতর দিয়ে। কিন্তু অরবিন্দের ১৮৯০ সালের আদর্শ তাঁরা ভোলেন নাই। গণ আন্দোলন ছাড়া দেশের স্বাধীনতা সম্ভব নয়। গান্ধীজীর আন্দোলনে যখন গণজাগরণের সম্ভাবনা দেখা দিল, বিপ্লবীরা তাঁর সঙ্গে যোগ দেবার সংকল্প করলেন।

বিপ্লবীদের তরফ থেকে নাগপুরে ভূপেন্দ্রকুমার দত্ত গান্ধীজীকে প্রশ্ন করেন—আপনি বলেছেন, আপনার প্রোগ্রাম যদি দেশ মেনে নেয় তবে এক বছরের মধ্যে আপনি স্বরাজ দেবেন। এ কথা অর্থ কি? আপনি কি কংগ্রেসকে স্বাধীন রিপাব্লিকান ভারতের পার্লামেন্ট বলে ঘোষণা করতে প্রস্তুত আছেন?

উত্তরে গান্ধীজী বলেন—Exactly that is my idea—ঠিক এই আমার মত।

ভূপেন্দ্রকুমার বলেন—তা যদি আপনি করেন তাতেই দেশ স্বাধীন হয়ে যাবে, আমরা বিশ্বাস করি না, কিন্তু আন্দোলন এতে একটা বিপ্লবী পর্যায়ে উঠবে। বিপ্লবের সেখানে আরম্ভ, শেষ নয়। তিনি গান্ধীজীকে কথা দিলেন যে, বিপ্লবীরা এই এক বছর তাঁদের প্রোগ্রাম স্থগিত রাখবেন এবং সর্বাস্তঃকরণে কংগ্রেস আন্দোলনে যোগদান করবেন। গান্ধীজী সমর্থন জানিয়েছিলেন। তিনি বলেছিলেন, বিপ্লবীরা যদি নীতি হিসাবেও না গ্রহণ করতে পারেন, অন্ততঃ যেন পলিসি হিসাবে অহিংসাকে গ্রহণ করেন। বিপ্লবীদের মনের কথা ছিল—এতে জাতীয় আঙ্গু-মর্ষাদাবোধ পরিস্ফুট হয়ে উঠবে। সমস্ত জাতি সংগ্রামমুখী হয়ে উঠবে।

ইতিমধ্যে এসে গিয়েছিল রাশিয়ায় বলশেভিক বিদ্রোহ। তাতে সাধারণ লোক যারা যুগ যুগ ধরে ক্রমাগত দরিদ্র ও নিরস্ত্র রয়েছেন, যারা আশা করতে ভুলে গেছেন, তাদের মনেও আশার স্পন্দন জাগে।

কংগ্রেসের ভিতর এই সব বিভিন্ন আদর্শের বিরোধসম্মুখে নানারকম আন্দোলন দেখা দেয়। তারই মোটফল দাঁড়ায়, কংগ্রেসকে সংগ্রামমুখী কৃষকশ্রমিক আন্দোলনের রূপ দিয়ে গ'ড়ে তুলবার চেষ্টা হয়। ইতিমধ্যে এসে পড়ে দ্বিতীয় বিশ্বযুদ্ধ। তার ভিতর গান্ধী-আন্দোলনের ও বিপ্লব-আন্দোলনের সম্মুখে ঘটে ১৯৪২ সালে। সহযোগিতা আসে পূর্ব এশিয়া থেকে সুভাষচন্দ্রের নেতৃত্বে 'ইণ্ডিয়ান ন্যাশনাল আর্মির' আক্রমণে। ইংরেজ জাতির কাছে তার সাম্রাজ্যের দুর্বলতা ধরা পড়ে। সর্বনাশের শেষ দেখবার আগে ভারতের কাছে ক্ষমতা হস্তান্তর করে সে স'রে যায়।

প্রায় আকস্মিক ভাবে বিদেশী শাসনের গ্লানি-মুক্ত হয়ে জাতি ধুশী হ'ল। কিন্তু গণ-জাগরণের পরিপূর্ণ প্লাবনে বিপ্লব সাধিত হ'লে দেশের পুনর্গঠনের কাজ পাঁচের সঙ্গে পাঁচ জুড়ে হ'ত না, হ'ত পাঁচের সঙ্গে পাঁচের পূরণে। নানা বাধা বছরের পর বছর চোখের জল বওয়াতে পারত না, এক বছরের বানের জলে ভেসে যেত। দ্বিতীয়তঃ, প্রয়োজন যদি হ'ত ত দেশবিভাগ হয়ে যেত ১৯৪৬ সালের সাধারণ নির্বাচনের সঙ্গে সঙ্গে, অথবা তার আগে—রক্ত-পাতের পর কিছুতেই নয়। এনতার পাশাপাশি কৃতিত্বে অনেক পাকিস্থান সৃষ্টি করে জারের রাজত্ব শেষ হ'তে পারত। সে অমানবিক থেকে ইতিহাস বেঁচেছে গণ-বিপ্লবের কল্যাণে।

কিন্তু আশার কথা—বিপ্লব ব্যর্থতা জানে না। ছলকে পড়া ছুঁধের শোকে ইতিহাসও কখনও মুসড়ে পড়ে না বা ধমুকে দাঁড়ায় না। ঘেরালো পথে হলেও বিপ্লব এগিয়ে চলে। কোথাও বা মানুষের চোখের জলের কাহিনী দীর্ঘ হয়ে ওঠে, কখনও বা মনে হয় অকারণে। এর কোন প্রতিকার নেই, কারণ-অকারণ ইতিহাসের পাতাতেই খুঁজতে হয়।

কি হ'তে পারত, সে বিচারের স্থান কিন্তু এ নয়। এখানে কি হয়েছে, তারই সমীক্ষা।

গান্ধীজীর নেতৃত্বে কংগ্রেস আন্দোলনের ভিতরও স্পষ্ট ফুটে উঠেছে বিপ্লবের অভিব্যক্তির ধারা। প্রাক-গান্ধী যুগের বিপ্লবীরা জাতিকে জাগাবার রাস্তা ধরেছিলেন—maximum sacrifice of the minimum number—জনগণের কাছে পৌঁছবার পথ ছিল সেদিন যেমন অজানা, তেমনি রুদ্ধ, তাই সেদিন পথ ধরতে হয়েছিল স্বল্পসংখ্যকের চূড়ান্ত আত্মত্যাগের।

এর পর গণ-আন্দোলনের নীতিতে যেখানে গান্ধীজীর সঙ্গে বিপ্লবীদের প্রথম মিলন ঘটল, সেখানে পথ হ'ল সর্বাধিক লোকের স্বল্প ত্যাগ—minimum sacrifice of the maximum number-এর। প্রথম স্তরে ১৯২১ সালে শুধু ইংরেজ সরকারের সঙ্গে অসহযোগ। পরের স্তরে আঘাত হানা। শুধু ইংরেজ সরকারের আইন ভেঙে। তাও লবণ আইন।

শেষ স্তরে ১৯৪২ সালের মূলমন্ত্র সর্বাধিক লোকের চরম ত্যাগ—maximum sacrifice of the maximum number, ১৯৩০ সালের চট্টগ্রামের সংগ্রাম এখানে ছড়িয়ে পড়ল সারা ভারতে গণসংগ্রামে।

১৯২৮-৩০ সালে বিপ্লবীদের মুগ্ধপাত্র ছিল সাপ্তাহিক 'স্বাধীনতা'। এ কাগজ স্পষ্ট ভাষায় বলে, জাতির নেতৃত্ব গান্ধীজীর, কিন্তু ১৯৩০ সালে গান্ধীনেতৃত্ব যেদিন পূর্ণ স্বাধীনতার আদর্শে গণসংগ্রাম ঘোষণা করবে সেদিন যদি ইংরেজ সাম্রাজ্যবাদী নিরস্ত ভারতবাসীকে ১৯২১ সালে যেমন করেছিল তেমনি গুরু-ভেড়ার মত লাঠিপেটা করে তা হ'লে বিপ্লবীরা এই জাতীয় অপমানকে স'য়ে যাবে না, চুপ ক'রে ব'সে মার খাবে না, মারের বদলে মার দেবে, ইংরেজ সাম্রাজ্যের তুলনায় তার মারের অস্ত্র যত ক্ষীণই হ'উক। মার হয়ত তাতে আরও বেশীই পড়বে। কিন্তু জাতি লাভবান হবে—সে ক্ষিপ্ত হবে, মরিয়া হবে।

তাই হয়েছিল। জাতির তরফ থেকে বিপ্লবীপন্থার সকল প্রচেষ্টা ১৯৩০ সালে ফুটে ওঠে চট্টগ্রামে। সেই দিন থেকে ১৯৩৪ সাল পর্যন্ত চলে ছনিয়ার ইতিহাসে বিপ্লবী যুবক-যুবতীর আত্মদানের শ্রেষ্ঠতম, সবচেয়ে চমকপ্রদ, সবচেয়ে গৌরবময় অধ্যায়।

গান্ধীজীর স্বরাজের পথ প্রতিটি মানুষের আত্মমর্যাদাবোধ জাগাবার পথ। বিপ্লবীদের জাতীয় স্বাধীনতার পথও জাতীয় আত্মমর্যাদা জাগাবার পথ। দুয়ের মিলনে ১৯৪২ সাল। গান্ধীজী এ মিলন পছন্দ করেন নাই। মৌলানা আজাদ, পণ্ডিত নেহরু, ডাঃ রাজেন্দ্রপ্রসাদ আন্দোলনে যা কিছু ঘটেছে তার দায়িত্ব নিয়েছেন। এমনিই হয়। অমিশ্র আদর্শের পথ ইতিহাসের গতিপথ নয়। অতীত বর্তমানের সঙ্গে মিশে থাকে, বর্তমান ভবিষ্যতের সঙ্গে।

কিন্তু ১৯৪২ সালেও সামনে ছিল অনাগত ভবিষ্যতের হিরোশিমা। আণবিক অস্ত্রের যুগে অস্ত্রের সামনে দাঁড়িয়ে এশিয়া আফ্রিকার অগণিত মানুষের, সারা ছনিয়ারই সমাজের নীচের স্তরের লোকদের সশস্ত্র সংগ্রামে আশা কতটুকু? সেখানে সমগ্র বিশ্বেরই একমাত্র আশার বাণী—অস্ত্র আমরা তৈরি করব না, ধরব না, অসম্মানও সহিব না। প্রতিটি মানুষের স্বরাজের এই দৃন্দ আজও সামনে।

এই হিসাবে ভারতীয় বিপ্লব সমগ্র বিশ্বমানবের শুধু আত্মসম্মানই জাগায় নাই, আত্মসম্মানবোধকে প্রতিষ্ঠিত করবার পথও দেখিয়েছে।



# মিহিরবুতু

## শ্রী আভা পাকডার্সী

এই কাহিনী আমার নিজস্ব নয়। এটা আমার বন্ধু মিহিরের ডায়রী থেকে পাওয়া। সে ছিল একজন ডাক্তার। মস্ত বড় ধরের ছেলে। কলকাতার মিহির বাড়ীর নাম জানেন না এমন কেউ নেই। সুতরাং ডাক্তারী পাস করে আরও ডিগ্রী নেবার জন্ত সে যখন ইংলণ্ডে গেল, তখন সবাই খুব উৎসাহ দিলেও আমরা কিন্তু জানতাম, এ কারণে যাওয়াটা তার গোপন, তার আসল উদ্দেশ্য নানা দেশ বেড়ান। নিয়মিত চিঠি পেতাম তার কাছ থেকে। ছোটবেলা থেকে ছেয়ার স্কুলে, তার পর প্রেসিডেন্সি কলেজে একসঙ্গে পড়েছি, বন্ধুত্বটা গাঢ়ই ছিল। যখন জানলাম সে প্রায় মিহিরের কাছাকাছি এসেছে, তখন তাকে লিখলাম একবার আমার এক্সকাল্ডেশন ক্যাম্পে যুরে যেতে। অনেক দিন বাদে তার মত আনন্দময় বন্ধুকে কাছে পেলে কতটা যে আনন্দিত হব সেটা অকপটেই জানিয়ে দিলাম। উত্তর এল। যাচ্ছি। কয়েকদিনের মধ্যেই পৌঁছব। তখন কি জানতাম যে আগিই তার নিয়তি? এর পর তার ডায়রীটা পেলাম ক্যাম্পের বাইরে বালুর ওপর। কিন্তু তাকে আর খুঁজে পেলাম না। সে এসেছিল আমার কাছে, এই মিহিরে। কিন্তু ফিরে যায় নি আর। তার অহুসন্ধিৎসাই করল তার সর্বনাশ।

### মিহিরের ডায়রী

আজ সন্ধ্যায় মিহির পৌঁছব। দিলীপটা নিতে আসবে। অনেককাল পরে দেখা হবে দিলীপটার সঙ্গে। আর এবার দেখব সেই পিরামিডের রাজত্ব। সেই ফারাওদের দেশ। সেই ছোটবেলার ইতিহাসে পড়া স্বপ্নপূরী মিহির। এসে গেল আলেকজান্দ্রিয়া।

কাল আলেকজান্দ্রিয়া থেকে ট্রেনে কায়রো পৌঁছে বিশেষ কিছুই নূতনও অহুস্তব করি নি। ঠিক যেন ছোটখাট বিলেতের মত আর একটা শহর। আসার পথেও ত কত শহর দেখে এলাম। ফ্রান্সের বন্দর ক্যালেন্তে এলাম। সেখান থেকে ট্রেনে করে ফ্রান্স পার হয়ে, প্যারিসের ওপর দিয়ে মাসেলসে পৌঁছলাম। সেখান থেকে জাহাজে চড়ে আলেকজান্দ্রিয়া। এত কাণ্ড না করে অনায়াসে গেনে আসতে পারতাম কায়রো। দেশে ফেরার পথে দেরি না করাই উচিত, কিন্তু আমার দেশ দেখার নেশায় তা ঘটে উঠল না। শুধু যে দেশই দেখেছি তা নয়, এই



যাত্রাপথে কত বিচিত্র দৃশ্য আর কত চরিত্রের মানুষই যে দেখলাম তার আর ইয়ত্তা নেই। এই সব মানুষের সংস্পর্শে এসে কত বিচিত্র অভিজ্ঞতাই লাভ করেছি, আরও ক'র্ত করব। এই বিদেশে এসে এদেরই মধ্যে খুঁজে পেয়েছি সাহায্যকারী বন্ধু, স্নেহময়ী ম', কল্যাণকামী বোন। শুভাহুধ্যায়ী গুরুজনের আশীষও পেয়েছি, আবার পেয়েছি শিশুদের সরল ভালবাসা। ভরিয়ে দিয়েছে এরা আমার মন। অনাস্থীয়েদের দেশে এসে খুঁজে পেয়েছি আস্থীর।

কালকের ধারণা কিন্তু আজ বদলে গেল সমুদ্রের আর্দ্র বাতাস আর খেজুর গাছের ছড়াছড়ি দেখে। ফেলে আসা প্রাচ্যকে মনে প'ড়ে গেল।

পিরামিড দেখে দিলীপের সঙ্গে ওদের ক্যাম্পে এলাম। ধারে-কাছে কোন বসতি নেই। খালি স্তূপ স্তূপ মাটির ঢিপি। আর বড় বড় গছের। আর সেই গছরের মধ্যে থেকে কোন অতীতের গছরের স্থাপত্য শিল্পের নিদর্শন বা দৈনন্দিন জীবনের রীতিনীতি বহু শতাব্দীর অস্তিত্ব মৃত্তিকা গর্ভের বন্দিশা মুক্ত হয়ে আলোকপ্রাপ্ত হচ্ছে। বড় ভাল লাগছে এই উসালোকে এমন একটা জায়গায় একা ঘুরে বেড়াতে। সবাই এখন কঞ্চল মূড়ি দিয়ে নিজের নিজের ক্যাম্পে ঘুমোচ্ছে। যত বেলা বাড়বে, তার সঙ্গে বাড়বে সূর্যের তাপ। আর রাত্রে দারুণ ঠাণ্ডা। এই ভোরবেলাটিতে মনে হচ্ছে, যেন রাত্রির মত ধীরে ধীরে অতীতের অবসান হচ্ছে, আর বর্তমানের হচ্ছে অভ্যুদয়।

বন্ধু বলেছে, আজ থেকে উত্তর পশ্চিম কোণের ঐ টিলাটা কাটা হবে। কথিত আছে ঐখানে নাকি অতীতে ভিক্ষাগার ছিল। মানে আজকালকার যুগে যাকে বলে লেবরেটারি।

আজ তিন দিন হ'ল খোঁড়া হচ্ছে। দিনে দিনে সূর্যর একটি সুপরিষ্কৃত ভিক্ষাগার রূপ নিচ্ছে। যতটা খুঁড়ে বার করা হয়েছে এদিকুটা, তাও বিস্ময়কর। মাঝখানে এগুটি বড় হুলস্থল মত, তার পরতার সঙ্গে লাগান অরিস্ত কতকগুলি ছোট ছোট খর। কত রকমের কত আকারের মাটির বাসন। কত উহুন। ঘরে কত তাক। কত ভাবেই না তখনকার চিকিৎসকরা ঔষধ তৈরী করত। কি ভাবে সেগুলি রাখত। কত রকমের চামচে, হাতা। দেখতে দেখতে মনে বিষয় জাগে। মনে হয়, কত দূর অতীতে চলে গেছি। হয়ত এইখানেই তৈরী হ'ত সেই আশ্চর্য্য আরক যা মাথিয়ে এরা মরা মানুষের দেহকে পচনশীলতা থেকে বাঁচাতে পারত, হাজার হাজার বছরেও যার অবয়ব নষ্ট হয় না এমন ভাবে ম'ম করত এরা। কি কি জিনিষ দিয়ে তৈরী করত এরা সেই আরক? কোন্ গাছের ছালের সঙ্গে কি শেষজ মেশাত? কেমন ক'রে তৈরী করত? এই কয়দিন যেন স্বপ্ন-সাগরে ডুবে ছিলাম। নতুন দেশ দেখার আনন্দে আর বন্ধুর সঙ্গে গল্পে মশগুল ছিলাম। কিন্তু এখন ধীরে ধীরে আমার মনের মধ্যে সেই ডাক্তারটা জেগে উঠেছে। জেগে উঠে জানতে চাইছে, কি ক'রে, কি ভাবে তৈরী করত এরা সেই ম'ম বানাবার অদ্ভুত আরক।

আজ বেশ চাঁদ উঠেছে। আপন মনে ঘুরে বেড়াচ্ছি ক্যাম্পের চার ধারে। বন্ধু বলেছে, অচেনা জায়গা, বেশী দূরে একা একা যেও না। আজ বিকেলে আমার 'অনারে' বন্ধু অনেক কিছু তৈরী করিয়েছিল। মাটিন চপ, মুগির কাটলেট, স্তাণ্ডউইচ, তার সঙ্গে আবার অদ্ভুত স্বাদের টক আর ঝাল মেশান কিছু খাঁটি মিশরীয় ডিশও ছিল। সেগুলিকে হজম করার জগ্ন তাই একাই বেরিয়ে পড়েছি। হাঁটতে হাঁটতে নতুন কাটা সেই স্তূপটার ওপর উঠেছি। বেশ ঠাণ্ডা লাগছে। ওভার কোর্টটা আনলে হ'ত। ভাবলাম ফিরে যাই। এই ভেবে ঘুরে দাঁড়াতেই পাটা কি রকম ফসকে গেল আর আমি একটা গর্ভের মধ্যে দিয়ে নীচেয় প'ড়ে গেলাম। খুব বেশী নীচে পড়ি নি তাই বেশি লাগে নি। দিক্শী একটা ভ্যাপসা গন্ধে ভ'রে আছে জায়গাটা। কেমন যেন দম বন্ধ হয়ে আসছে। সঙ্গে যে ছোট টর্টটা ছিল সেটা জ্বালিয়ে চারপাশটা একবার দেখলাম। আ রে, এ যে চেয়ার-টেবিল দিয়ে সাজান বেশ সূর্যর একটা ঘর। একপাশে একটা পাথরের উহুন, তার পাশে মাটির বয়েম। ঐ উহুনে বোধহয় ওষুধ জ্বাল দেওয়া হ'ত। বয়েমটার গারে আবার বেশ সূর্যর নক্সা কাটা। মেয়েরা লম্বা মত হামানদিস্তায়, ছ'জন ছ'দিকে দাঁড়িয়ে কি কি সব কুটছে—আবার কেউ সোরাই কাঁধে জল নিয়ে যাচ্ছে। পোড়া-মাটির বয়েমটা একেবারে আস্ত, মোটেই ভাঙা নয়। আশ্চর্য্য ঐ ঘরের কিছুই ভাঙা নয়। যেন ঘরের মালিক কিছুদিন হ'ল বাইরে গেছে, তাই ঘরটা বন্ধ ছিল বলে ধুলো পড়েছে। কেমন যেন একটা কোতুহল পেয়ে বসল আমাকে। চার ধার ঘুরে ঘুরে দেখতে লাগলাম। ঘরটা খুব বড় নয়। তবে যে ক'টা জিনিষ রয়েছে, সবই যেন কেমন একটু অদ্ভুত ধরণের। টেবিলের

ডেস্কটা যতটা সম্ভব মনে হ'ল যেন একটা মানুষের পিঠ। আর সেই টেবিলের ধারে রাখা বাতিদানটা যেন কোন মানুষের ছোটো হাত। তার হাতের চেটোর ওপর রাখা আছে বাতিদান। তাতে মোম ভরা। ছোটো উঁচু টুল মত রয়েছে। কোন মানুষ চেয়ারে বসলে তার ছোটো পা যেমন অবস্থায় থাকে, ঠিক সেই রকম একটা পা একটা টুল, আর একটা পা আর একটা। ভারী অদ্ভুত লাগছিল আমার কাছে। অবাক বিশ্বয়ে তাকিয়ে ছিলাম সেই দিকে, এ আবার কি রকম চেয়ার-টেবিল? কিন্তু দূরে কোন নিশাচর জন্তর ডাকে চমক ভাঙল, মনে হ'ল ফিরতে হবে। বন্ধু ভাবছে। হয়ত বা দেরি দেখে খুঁজতে বেরিয়েছে। হয়ত বা খাবার নিয়ে ব'সে আছে। ডিনার তৈরি।

কিন্তু বেরুতে গিয়েই পড়লাম মুশকিলে। কোথা দিয়ে যে এখানে ঢুকেছিলাম কিছুতেই খুঁজে পাচ্ছি না। টর্চটা ঘুরিয়ে ঘুরিয়ে দেখছি, শুধু পাথরের পর পাথর সাজান, কোথাও এতটুকু কঁক নেই। তবে আমি এলাম কোথা দিয়ে? আশ্চর্য্য ত? এবার আমার মনে একটু ভয়ই জাগল। কি হবে এখন? কি ক'রে বেরুব? হঠাৎ একটা জোর বাতাসের সঙ্গে এক টেলা মাটি পড়ল পায়ের কাছে। টেলাটার আশার জায়গা নিরীক্ষণ ক'রে দেখে বুঝলাম, ছাতটা এমন অ্যাঙ্গেলে ফুটো হয়েছে যে ভেতর থেকে দেখা যাচ্ছে না। যাক, অতি কষ্টে বেরিয়ে এলাম। অদ্ভুত একটা অভিজ্ঞতা হ'ল।

বেরিয়ে এসে সেই রাতেই খেতে বসে বন্ধুকে সব বললাম। সে তখন মুর্গির ঠ্যাং চিবোতেই ব্যস্ত, প্রথমটা ত বিশ্বাসই করল না আমার কথা। বলল, দূর, অন্ধকারে কি দেখতে কি দেখেছিস। তার পর সব শুনে বলল, আচ্ছা কালকেই ঘরটা আবিষ্কার করা যাবে এখন, নে, এখন খেয়ে নে ত তুই।

কিন্তু পরদিন সারাদিন ধ'রে খোঁড়ার পরও সেই ঘরটা পাওয়া গেল না। তার বদলে বেরুল কোন সম্ভ্রান্ত সৌখিন মানুষের থাকার ঘর। সেই ঘর থেকে বেরুল কত অদ্ভুত ধরণের সব ভাঙ্গা বাজনা। একটা বেশ বড় আকারের হার্প। তার তারগুলো কিন্তু বিশেষ নষ্ট হয় নি। ঐ ঘরের পাশে বেরুল মস্ত বড় একটা স্নানাগার। তাতে অনেকগুলো বড় বড় চৌবাচ্ছা কাটা। একসঙ্গে অনেক লোক এতে স্নান করতে পারত। সুগন্ধি জলে হয়ত টলমল করত চৌবাচ্ছাগুলো। এই বাড়ীর অধিবাসী বোধহয় তাঁর আল্পীয়-পরিজন বা বন্ধু-বান্ধব নিয়ে এই স্নানাগারের চৌবাচ্ছাগুলিতে অবগাহন করতেন। তার পর স্নানশেষে ক্রীতদাসরা তাদের গাত্র মার্জনা ক'রে মিশরীয় পোশাক পরিয়ে দিত। মনটা যেন সেই যুগে চ'লে গিয়েছিল। কত অশরীরী মিশরবাসীর ফিস-ফাস কথা-বার্তা আর জলের ছপ্-ছপ্ শব্দ যেন শুনেতে পাচ্ছিলাম। এমন সময় বন্ধু এসে বলল, কাল কি যে একখানা গুল মারলি তুই, কোথায় রে বাপু তোর সেই আছগুবি ঘর? কঙ্ক-কাটা টেবিল? আর ঠ্যাঙের চেয়ার?

সত্যি কাল রাতে যে কোথা দিয়ে সেই অদ্ভুত ঘরটায় ঢুকে ছিলাম তা আর আজ এই দিনের আলোয় কিছুতেই খুঁজে পেলাম না। অথচ বেশী নীচে নয়, অল্প একটু খুঁড়লেই সেই ঘরটা পাওয়া যাবে, এমনি একটা ধারণা কাল রাতে ঐ ঘরটায় প'ড়ে গিয়ে হয়েছিল।

আবার রাত হ'ল। আবার গেলাম সেই জায়গায়। কেমন যেন একটা নেশা আমাকে পেয়ে বসেছে। খুঁজে বের করতেই হবে ঘরটা। গত রাতের চিহ্ন মিলিয়ে মিলিয়ে গিয়ে হাজির হলাম ঠিক সেই জায়গায়। নাঃ, এত খোঁড়া হয়ে গেছে। এটা ত সেই বাজনার ঘর। ঐ ত টর্চের আলোয় বিরাট আকার হার্পটা দেখা যাচ্ছে। তবে? কি ভেবে নেমে পড়লাম ঐ বাজনার ঘরটার মধ্যে। অন্তমনস্কে ঘুরে বেড়াচ্ছি সেই বিরাট হলটার মধ্যে। দেখলাম, একদিকের দেওয়ালে অন্ধকারে কি যেন একটা চক্চকু করছে। সেদিকে এগিয়ে চললাম। কাছে গিয়ে সেই চক্চকে উঁচুমত জিনিষটা হাত দিয়ে দেখতে লাগলাম। অনেকটা যেন আমাদের দেশের বাদর নাচানর ডুগডুগির মত দেখতে সেটা। তবে সেই ডুগডুগিটার একটা দিক দেয়ালের সঙ্গে আটকান। আমি সেটা ধ'রে কত টানাটানি করলাম, কিন্তু খসাতে পারলাম না। এবার বিরক্ত হয়ে সেটাকে ঠেলে দিতেই বিকট একটা ঘড়ঘড় শব্দ হতে লাগল, আর ধুলো-বালি-মাটিতে প্রায় চাপা পড়ার মত হলাম। তার পর দিক্‌বিদিক্‌ জ্ঞানশূন্য হয়ে কোন রকমে ছুট লাগলাম ক্যাম্পের দিকে।

হাঁপাতে হাঁপাতে দিলীপকে বললাম সব ঘটনা। সে শুনেই সঙ্গে সঙ্গে কয়েকজন কুলি আর একটা হাজাক নিয়ে তক্ষুণি এল আমার সঙ্গে সঙ্গে। ভেতরটা তখনও ধুলোবালিতে ধোঁয়াটে হয়ে রয়েছে। তবে শব্দটা বন্ধ হয়ে গেছে। অতি কষ্টে চোখ না বন্ধ ক'রে ভেতরে ঢুকতেই একটা অদ্ভুত ব্যাপার দেখলাম। সেই বাজনার

ঘরের খানিকটা দেয়াল স'রে গিয়ে সেই অসুস্থ ঘরটা বেরিয়ে পড়েছে। দিলীপটাও অবাক বিষয়ে সেই ঘরের জিনিসগুলোর দিকে তাকিয়ে আছে দেখলাম।

ভোর না হতেই আবার গিয়ে হাজির হলাম সেখানে। দেখি, দিলীপও এসেছে পেছু পেছু। দুজনেই একসঙ্গে ঢুকলাম ভেতরে। আজ দিনের আলোর দেখলাম সেই মানুষের পিঠের আকারের টেবিল, আর পায়ের টুল আর হাতের বাতিদান। আর তা ছাড়াও আছে একটা ডাবের মত দেখতে ফুলদানি। দিলীপ বলল, আ রে, এটাই ত সেই এরিকের মাথা। এটা বোধ হয় সেই রাজবৈজ্ঞ পেরিথিউসের ঘর। যে সেই নিত্য-নতুন এক্সপেরিমেন্ট করত। আমি বলি, কি বলছিস? আমি ত এ নাম ককণো শুনি নি? দিলীপের কাছে এবার একটা অসুস্থ ঘটনা শুনলাম। তার এসব বিষয়ে যথেষ্ট পড়াশুনা আছে। তাছাড়া থাকেও ত এই সব নিয়ে।

বহু হাজার বছর আগে এই রাজবৈজ্ঞ পেরিথিউসই প্রথম চেষ্টা করেছিলেন, কি ক'রে মানুষের মৃতদেহ অবিকৃত রাখা যায়। তাঁর ধারণা ছিল প্রত্যেক প্রাণীই তার নিজের দেহটা যে পরিমাণ ভালবাসে তাতে যদি কোন অনিবার্য কারণে তার আত্মাটা তার সেই প্রিয় দেহ ছেড়ে বেরিয়েও যায়, তবু আবার তা ফিরে আসবার চেষ্টা করবে, করতে বাধ্য। কিন্তু তার জন্তু তার সেই দেহটাকে সাজিয়ে রাখতে হবে। নষ্ট করা চলবে না। আর তা হ'লেই সে একদিন না একদিন বেঁচে উঠবে। এই জন্তুই মমি তৈরি করার আরকের সৃষ্টি। এই আরক তৈরি করার জন্তুই তিনি দিনের পর দিন, রাতের পর রাত জেগে গবেষণা করতেন। নানান গাছ-গাছড়া থেকে নির্খ্যাস বার ক'রে আরক তৈরি করতেন। যাতে পচন নিবারণ হয়—সেই আরক, এই ছিল তাঁর প্রাণাস্তকর প্রচেষ্টা। অসুস্থ সাধনা ছিল তাঁর। তিনি মরা মানুষকে মমি করার পর নানা রকম ওষধি মেশান জলে স্নান করতেন। আর তার পর বসতেন বাজনা নিয়ে। বীণা বা হার্পের তারে তারে তাঁর আঙ্গুল চলত দ্রুত তালে। সুরু হ'ত সুরের ইন্দ্রজাল। ধূপদানে কি সব সুগন্ধি পুড়ত, ঘরটা ধোঁয়ায় আচ্ছন্ন হয়ে যেত। তার পর ধীরে ধীরে জেগে উঠত সেই মৃত মমি। তাদের কাছেও তিনি আরক তৈরির উপায় জেনে নিতেন। কখনো তার ফল হ'ত ভাল, কখনো মন্দ। অবশ্য তিনি এগুলিকে নিজের ইচ্ছামত চালাতে পারতেন। তাঁকে সব সময় সাহায্য করত তাঁর একটি ক্রীতদাস। সে ছিল ইউরেশীয়। লম্বাচওড়া গড়নের সুন্দর সুপুরুষ চেহারা ছিল তার। নাম এরিক। পেরিথিউস নিজে ছিলেন অতি কুৎসিত দেখতে। কিন্তু তাঁর মেয়েটি ছিল বড় সুন্দরী আর বুদ্ধিমতী। তারও ছিল এই মমি করার অসুস্থ বোঁক। কিন্তু ছুঃখের বিষয় বাপ তাকে কাছে ঘেঁষতে দিতেন না। কারণ পেরিথিউস ছিলেন বড় অহঙ্কারী। তিনি চাইতেন, জগতে একমাত্র তিনি ছাড়া দ্বিতীয় ব্যক্তি এই বিজ্ঞা জানবে না। তা সে যেই হউক। কিন্তু পেরিথিউসের মেয়ে ইথার প্রচণ্ড কৌতুহলই তাকে টেনে নিয়ে যেত বাপের কাছাকাছি। সেখানে তার লাঞ্ছনা আর গঞ্জনাই সার হ'ত। সে তখন গিয়ে ধরত ঐ বাপের সাহায্যকারী এরিককে। বলত, তুমি আমাকে শিখিয়ে দাও কি ক'রে মমি করে? কি ক'রে তাকে জাগায়?

এরিক তাকে প্রভুকণ্ঠা ব'লে যথেষ্ট সম্মান করত। তবু সে বলত, মমি করা শেখ ক্ষতি নেই কিন্তু মমি জাগাবার চেষ্টা ক'রো না। যার দেহ তারই আত্মা যে সেই দেহে ফিরে আসবে তার কোন মানে নেই। কোন ছুঁছুঁ আত্মা যদি শয়তানের রূপ নিয়ে জেগে ওঠে, সে সাম্বাতিক কাণ্ড করবে। কিন্তু ইথার ভারী সখ, সে ছুটোই শিখবে। মমি করবেও, আবার তাকে জাগাবেও।

কি করে এরিক? সে সব সময় তাই প্রভুর কাছে থেকে থেকে সব শেখবার চেষ্টা করত। প্রথমে শিখল, কি ক'রে আরক তৈরি করতে হয়, তারপর কি ভাবে সেটা প্যাপিরাসের ছালে প্রলেপের মত মাখিয়ে ধীরে ধীরে ডার গায়ে জড়াতে হয় সব সে পারত। শুধু তার প্রহু কোন্ মন্ত্রে যে মমি জাগাতে হয় সেটা তাকে কিছুতেই শুনতে দিতেন না। ওদিকে ইথারও এরিকের কাছ থেকে সে যতটা জানে সবটাই শিখে নিল। নতুন জিনিস শেখার আনন্দেই বিভোর ওরা। নিজেদের অজ্ঞানতাই কখন যে ওরা দুজনে দুজনের কত কাছে চ'লে এসেছে জানে না। এখন মনিব-কণ্ঠা আর ভৃত্যের স্বর্ষক ছাড়িয়ে তাদের মধ্যে বন্ধুত্বের সম্পর্কটাই বড় হয়ে উঠেছে। ইথার খালি জেদ ধরে, বলে বাবার কাছে এবার ঐ মমি জাগানর মন্ত্রটা তুমি শিখে নাও এরিক। এরিকও চেষ্টা করে শেখার, তবে খুব সাবধানে, যাতে কোনক্রমেই পেরিথিউস কিছু জানতে না পারেন, বা তাকে অবিশ্বাস না করেন।

ইথার সারাদিন ধ'রে উৎসুক হয়ে থাকে কখন এরিক আসবে। কখন সন্ধ্যা হবে। এরিক তার নিত্য প্রাপ্য ছুঁছুঁটার ছুটি পাবে। আর সেই অবসরে কাল সে যা শিখেছে বাবার কাছে, তাই তাকে শেখাবে। এরিক তাকে

শেখার, যতটা সে জানে তা শেখাতে কার্পণ্য করে না। কিন্তু নিজে সে জড়িয়ে পড়ছে। ইথার রূপ তাকে সব ভুলিয়ে দিচ্ছে। ইথাও ভুলে যায় যে এরিক ক্রীতদাস। তার পাশে তাকে বসতে নেই। নিজের খাবার পাড়ে তার সঙ্গে একসঙ্গে খেতে নেই। ইথার মা নেই। তাই সে তার গুটিকয়েক সখা ও ক্রীতদাসী সমেত অন্তঃপুরে থাকে। গান, বাজনা, ছবি আঁকা এই ছিল তার এত দিনের নেশা। বড় জোর মিশরীয় ভাষার সুন্দর-সুন্দর গাথা রচনা করত প্যাপিরাসের পাতায়; আবার সেই পাতাটির চার ধারে পাখী, ফুল, লতা, পাতা একে সেটিকে আরও সুন্দর করে তুলত। কিন্তু এই মূর্ত্যুদেবতা রীর মত চেহারা নিয়ে এরিক তার সামনে এসেই বড় বিপদ বাধিয়েছে। যে দু'ঘণ্টা তারা একসঙ্গে থাকে সে সময়টুকু যেন তাদের স্বপ্নের মত কেটে যায়। শুধু মমি করাই এখন শেখে না ইথা, গানও শেখে এরিকের কাছে। বড় সুন্দর গান করে এরিক। ওদের পূর্ব-পুরুষরা ছিলেন চারণকবি। যাদের কাজই ছিল হার্প বাজিয়ে রাজাদের গুণগান করা। বাগান পেরিয়ে সেদিন ওরা যাচ্ছিল জীবন-দেবী আইসিসের মন্দিরে। এরিকের হাত ধরে চলছিল ইথা। সে জানত না যে ঐ বাগানেরই এক ধারে বসে আছেন তার পিতা পেরিথিউস।

এর পরই দারুণ অভিশাপ নেমে এল এরিক আর ইথার জীবনে। তখন কিন্তু মমি জাগানর মন্ত্র দু'জনেই শিখে নিয়েছিল। তবে ইথা জানত না যে, তার বাবা এতটা নিষ্ঠুর বা নৃশংস হতে পারেন। সেই রাতের পরদিন সন্ধ্যাবেলা যখন ইথা এরিকের জন্ত উৎসুক হয়ে অপেক্ষা করছে, ঠিক তখনই তার ঘরে এল ছোটো টুল। সেই টুল ছোটো ছিল এরিকের পায়ের তৈরি। ওর কাটা পা মমি করে ফ্রেমে আটকে টুল তৈরি করা হয়েছে। যন্ত্রণার মূর্ছিত হয়ে পড়ল ইথা। ঐ পা যে তার বড় চেনা। যেদিন সে নাইলে স্নান করতে গিয়ে প্রায় গলিয়ে যাচ্ছিল, তখন এরিকই প্রাণ তুচ্ছ করে সাতার দিয়ে তুলে এনেছিল তাকে। তার পর ঐ পা দু'টির ওপর গুইয়েই তার মুখে ঢেলে দিয়েছিল গরম ওষুধ।

পরদিন এল একটা বাতীদান। সে ছোটোতে যতই মাটির প্রলেপ থাক, সে ছোটো যে এরিকের হাত'ত। সে বেশ চিনতে পারল। ঐ ত কহুইতে সেই ক্রীতদাসের চিহ্ন, পেতলের তাগা। তার পর যেদিন ঐ টেবিলটা এল, সেদিন আর সে সহ করতে পারল না। ছুটে গেল বাপের কাছে। যদিও সে বুঝেছিল, কেন তার পিতা এভাবে হিংস-বিচ্ছিন্ন করেছেন এরিকের দেহটা, তবু সে গেল। গিয়ে করুণ ভাবে আবেদন করেই এরিকের মাথাটা চাইল। চেষ্টা করবে সে, প্রাণপণে চেষ্টা করবে এরিককে জাগাতে। কিন্তু এমনি ছিন্ন-বিচ্ছিন্ন দেহ কি ভাবে জুড়বে সে, এ ত সে কখনো করে নি। তবু শেষ চেষ্টা করবে যদি মাথাটা পায়। তাই সে আকুল হয়ে কাদতে কাদতে চাইল মাথাটা।

বাপ কিন্তু ক্রুর হাসি হেসে বলেন, কেন, মমি জাগান ত তুমি শিখেছ এরিকের কাছে। জাগাও দোখ কেমন জাগাতে পার? এ যেন পিতা কন্ডা নয়, যেন তাদের মধ্যে কোন স্নেহসম্বন্ধ নেই, কোন ভালবাসা নেই। এ যেন একই বিঘ্নার দুই প্রতিদ্বন্দী। যেন দু'জনেই দু'জনকে প্রতিযোগিতার আশ্বাস করছে। একে অপরকে যেন তেন প্রকারে হারিয়ে দিতে পারলেই ধুশী হয়। তবে একজন প্রতিদ্বন্দী এসেছে প্রার্থী হয়ে, আর একজন, কেন তাকে ছলনা করে তার বিঘ্নে শিখে নিয়েছে বলে নিতে চাইছে তার ওপর প্রতিশোধ। পেরিথিউস এরিককে জীবন্ত অবস্থায় যন্ত্রণা দিয়ে দিয়ে তার হাত-পা কাটতে কাটতে জেনে নিয়েছিলেন, সে আর ইথা কি জানে, আর কতটা জানে।

ইথার একটি সখী মারা গিয়েছিল। তাকে মমি করেছিল ইথা। ইদানীং সে এরিকের সঙ্গে গান-বাজনার মেতে থাকত বলে একে আর কোনদিন জাগাবার চেষ্টা করে নি। আজ সে বসল তার হার্পখানি নিয়ে। গাইতে লাগল সেই মমি জাগানর মন্ত্র। প্রথমে আন্তে আন্তে তারপর ক্রমে ক্রমে তার স্বর পর্দায় পর্দায় চড়তে লাগল, ধীরে ধীরে সে তার মনের ব্যাকুলতা, আবেদন পৌঁছে দিল আকাশে-বাতাসে অশরীরীর কানে। আন্তে আন্তে চোখ খুলে গেল সেই মৃত সখীর। এবার নিজের সমস্ত ঘৃণা, প্রতিহিংসা, রাগ, কোড নিজের চোখে একত্র করে একদৃষ্টিতে সেই মৃতের চোখের দিকে চেয়ে চেয়ে গম্ভীর স্ববে অথচ জোরে জোরে উচ্চারণ করে গাইতে লাগল সেই মন্ত্র। অনেকটা আমাদের বেদগানের মত। এবার উঠে দাঁড়াল মমি, আর টলতে টলতে বেরিয়ে গেল ঘর থেকে। সে যাবার আগে ইথা তাকে চিৎকার করে নির্দেশ দিল, তার বাবার কাছ থেকে যেমন করে হোক এরিকের মাথাটা আনা চাই।



মাথা নিতে গিয়েই লাগল সংঘাত। পেরিথিউস মস্তকের জোরে, ঘুম পাড়িয়ে দিতে চাইল ইথার সখীকে। উন্টো কল হ'ল। কেননা, ইথা তার প্রাণ পণ ক'রে জাগিয়েছিল ওকে। আর পেরিথিউস সেদিন ছিলেন খুব ক্লান্ত। সবেমাত্র তিনি একটি মমি ক'রে উঠেছেন। তিনি কিন্তু বুঝেছিলেন ও কি চার। তাই এবার এরিকের মাথাটা তিনি লুকোতে চাইলেন আর সেটাই হ'ল ভুল। ইথার সখী গলা টিপে শেষ ক'রে দিল তাঁকে। আর মাথাটা কেড়ে নিয়ে এল ইথার কাছে। কিন্তু ইথা আর তখন ইহজগতে নেই। সে তার শোকতপ্ত দুর্বল শরীরের সবটুকু ক্ষমতা দিয়ে সখীকে জাগিয়েছিল। এতটা উদ্বেজনা আর তার সম্বন্ধ হ'ল না। শেষ হয়ে গেছে তখন সে। ইথা তখন ইথারে মিশে গেছে।

এইটেই তা হ'লে ইথার গুপ্তধর। এই ঘরেই সে বাবাকে লুকিয়ে এরিকের কাছে মমি করা শিখত। মমি জাগাত। আর এই বড় ঘরটা বোধ হয় ইথারই শয়ন-মন্দির। ঐ স্নান-ঘরও তার। সখাপরিবৃত্তা হয়ে সে-ই ওখানে স্নান করত। এইটেই তা হ'লে ইথার মহল। পেরিথিউসের নয়।

দিলীপের গল্প যখন থামল তখন অকস্মাৎ যেন আমি সে যুগ থেকে এ যুগে চ'লে এলাম। এতক্ষণ এই সব ধুলোবালি-মাথা জারগা আমার চোখ থেকে অদৃশ্য হয়ে গিয়েছিল। সব যেন অল্পরূপে, অল্প রংএ আমার চোখের সামনে ছিল। আমি দেখছিলাম, একটি সুন্দরী মেয়ে ঐ নীচুমত চৌকিটার ব'সে হার্প বাজাচ্ছে। তার গায় ইজিপসিয়ান মেয়েদের মত ডায়লেট রংএর পোশাক আর তার সোনালী চুলের রাশ চূড়ো ক'রে বাধা। কালো কালো ক্রীতদাসীরা এদিক-সেদিক ঘুরে বেড়াচ্ছে। ঘরে সুন্দর গালচে পাতা। প্রত্যেকটি বাতিদানে বাতি জ্বলছে। এখন হঠাৎ বাস্তবে নেমে এলাম। দিলীপ বলল, কি রে, চমকে গেলি যে? আমি বললাম, অ'্যা? তার পর বললাম, হ্যাঁ। তার পর কি হ'ল? ও তখন গোটা কতক বড় বড় খেজুর আমার হাতে দিয়ে বলল, নে, চল্ এখন ক্যাম্পে চল্।

পরদিন আবার খোঁড়া শুরু হ'ল। এবার নিশ্চয়ই পেরিথিউসের বাসস্থান আর সূর্য্যদেব রীর মন্দির বেরুবে। ও ছ'টি কাছাকাছিই ছিল। দিলীপের সব জানা। অদ্ভুত জ্ঞান আছে ওর এই মাটির তলার ইতিহাসে। আমার মনে কিন্তু সেই এক কোঁতুহল, কি দিয়ে ওরা মমি বানাবার আরক তৈরি করত?

এখন প্রধান সমস্যা হ'ল, ঐ সব জিনিষগুলি মিউজিয়মে না পাঠান পর্যন্ত কোথায় রাখা হবে? ফালতু কোন ক্যাম্প আর নেই। আমি বললাম, কেন, আমার ক্যাম্পটা ত বেশ বড়, আমার ক্যাম্পে রাখ। রাজী হ'ল দিলীপ। অন্তত: যতদিন পর্যন্ত না ব্রিটিশ মিউজিয়ম বা লুভ্‌র্ মিউজিয়ম থেকে কোন প্রতিনিধি আসে, ততদিন আমার ক্যাম্পেই থাকবে ঐ কঙ্ককাটা টেবিল আর ঠ্যাঙের চেয়ার।

রাত্রে শুয়ে আছি। পাশে প্যাকিং বাক্সের ওপর মোমবাতি রেখে শুয়ে শুয়ে ডায়রী লিখছি, এটা আমার নিত্যকার অভ্যাস। না লিখলে কি রকম শাস্তি পাই না, মনে হয়, সারাদিন কি যেন একটা কাজ হ'ল না। কি যেন একটা অসম্পূর্ণ রয়ে গেল। কোন উল্লেখযোগ্য ঘটনা সারাদিনে না ঘটলে, শুধু আমার মনের তখনকার চিন্তা-গুলো লিখেও শাস্তি পাই। আজ সত্যিই লেখার মত কিছু ঘটে নি, তাই মনের চিন্তাগুলোই লিখছিলাম, আর এক-একবার পাশে রাখা সেই পায়ের টুল মমিটার হাত বুলোচ্ছিলাম আর ভাবছিলাম, কি ভাবে, কি ক'রে মমি করেছে? কোন্ আরক মাথিয়ে মুড়েছিল এই পাটিকে, যা দেখলে এখনও সেই পুরুষটির স্মৃতি পেশীপুষ্ট ছ'টি পা-কে মনে পড়িয়ে দেয়। উরু থেকে পায়ের চেটো পর্যন্ত চিনতে কোনই অসুবিধে হয় না। পালিশ করা কাঠের ক্রেমে আটকে তাকে টুল বা বসবার আসন করা হয়েছে। ঐ পায়ের দিকে একদৃষ্টে তাকিয়ে ঐগুলি ভাবছি আর মনের কথাগুলি লিখছি, আবার তাকাচ্ছি। হঠাৎ মনে হ'ল, ছটো টুলই নড়ছে। মানে, ছটো পা-ই নড়ছে, মাহুস যে ভাবে ব'সে থেকে দাঁড়িয়ে ওঠবার চেষ্টা করে, ঠিক তেমনি করছে পা ছটো। প্রথমে ত নিজের চোখের ভুল মনে ক'রে আমলই দিলাম না। দেখছি আর লিখছি। আসলে আমি মড়া কাটা ডাক্তার ত, মমি কাছে রয়েছে ব'লে মনে কোন বিকারই ছিল না। কিন্তু এবার শব্দ হ'ল, বেশ জোর শব্দ ক'রে প'ড়ে গেল একটা টুল। আমি সেটাকে হাত দিয়ে সোজা ক'রে রাখলাম। রাত বেশ গভীর হয়েছে। খেজুর গাছের পাতার মধ্যে দিয়ে শন্ শন্ ক'রে হাওয়া বইছে, ঝাপ্‌সা ঠান্ড উঠেছে। আবার লিখতে শুরু করলাম। এবার কেমন যেন মনে হ'ল, আমি লিখছি



বেশ শব্দ ক'রে প'ড়ে গেল একটা টুল, আমি সেটাকে হাত দিয়ে  
সোজা করে রাখলাম।

না, কেউ আমাকে দিয়ে লিখিয়ে নিচ্ছে। পাতার পর পাতার লিখে যাচ্ছি আমি। প্রায় আধ ঘণ্টা আমার হাতটাকে খাটিয়ে আমাকে যখন নিষ্কৃতি দিল অশরীরী, তখন এদেশের প্রচণ্ড ঠাণ্ডা রাত্রেও আমার গা ঘামে ভিজ়ে গেছে। আর সব যেমনকার তেমনি নিথর, নিশ্চুপ, শুধু আমার নিজের হাতের লেখা ঐ ডায়রীর পাতাক'টি ছাড়া কোনই স্বাক্ষর নেই আর। মোমবাতিটা নিবে গিয়েছিল না নিবিয়ে দিয়েছিল, জানি না। অঙ্ককারেই পাতার পর পাতা লিখে গেছি। এবার মোমবাতিটা জ্বলে সেই লেখা পড়তে শুরু করলাম।

লেখা হয়েছে—

ডাক্তার, তুমি এ যুগের ডাক্তার, তুমি সব জানতে চাও। একদিন আমারও এমনি জানার ইচ্ছে ছিল, অবশ্য তার সবটাই নিজের জন্ত নয়। আমার সব চেয়ে প্রিয়জন ইথার ঔৎসুক্যই আমাকে সব কিছু জানার প্রেরণা দিত,

জেনেও ছিলাম। আর সেই জানার জন্য কঠিন শাস্তি ভোগ করেছি। স্বাক্ষর আমার অবস্থা ত তুমি নিজেই দেখছ। তবে তোমার যা-কৌতূহল, কি দিয়ে মমি করার আরক তৈরি করা হ'ত, আর কেমন ক'রে মমি করা হ'ত, তা আমি তোমায় বলব; তবে একটি সর্ভে। তুমি আমাকে বন্ধনদশা থেকে মুক্ত করবে। তারপর তোমার ডাক্তারী মতে, বা নিজের বুদ্ধিতে, যে ভাবে সম্ভব হয়, আমার সব অঙ্গপ্রত্যঙ্গগুলি জুড়ে দেবে। তার পর আমার শেখান মমি জাগানর মস্ত্রে আমাকে জাগাবে। আমি ঐ শয়তান পেরিথিউসের ওপর প্রতিশোধ নিতে চাই। সেই জন্য আমার এখন তোমার সাহায্যের দরকার। যদি তুমি আমাকে জাগাতে পার তা হ'লে আমি আমার কাজ শেষ ক'রে আমার ইথার কাছে চ'লে যাব। বল, রাজী ?

এই হ'ল এরিকের চিঠির সারাংশ। আমি ভাবলাম, পেরিথিউসই বা এখন কোথায় যে এরিক তার ওপর প্রতিশোধ নেবে ? আর ইথাই বা এখন কোথায় ? যে ও তার কাছে চ'লে যাবে ? ঐ ঘরটা খুঁজলে বোধহয় বড়জোর ইথার কঙ্কালের কিছু টুকরো পাওয়া যেতে পারে। কিন্তু আমি যখন এমন সুযোগটা পেয়েছি, ছাড়ি কেন ? সত্যিই যুঁদি জানতে পারি কি নির্যাস দিয়ে মমি করার আরক তৈরি হ'ত তবে ত সারা জগতে সাড়া প'ড়ে যাবে। বিরাট চাকল্যকর ব্যাপার হবে একটা। এইটা মনে মনে ভাবছি, এমন সময় আবার টুল নড়ে উঠল। আবার বসলাম কলম নিয়ে। লেখা হ'ল, তবে আর দেরি নয়। কিন্তু দেখো, যেন কেউ টের না পায়। আর একটা কথা, লক্ষ্য রেখো, কোনরকমে যেন আমার এই মমি করা দেহটায় আগুনের ছোঁয়া না লাগে। তা হ'লে কিন্তু তুমিও রেহাই পাবে না।

পরদিন সকালে ব্রিটিশ মিউজিয়ম থেকে একজন প্রতিনিধি এলেন। নাম মিঃ ফিলিপ্‌স্‌। তিনি ঐ বিস্ময়বর মমিগুলি পরিদর্শন ক'রে ভারী হুশী হলেন। বললেন, যতদূর সম্ভব আমি এগুলিকে নিয়ে যাবার ব্যবস্থা করব। আর কারুর সঙ্গে আপনারা এই মমিগুলি সম্বন্ধে কথাবার্তা বলবেন না। আমাদের কর্তৃপক্ষ এই জিনিষগুলি পেলে আন্তরিক আনন্দিত হবেন।

আমি পড়লাম মহা মুশকিলে। যদি ঐ লোকটি এগুলি নিয়ে চ'লে যায়, তবে আমার আর এক্সপেরিমেন্ট করা হ'ল না। মনটা আজ সেইজন্য কেমন যেন ভার হয়ে রয়েছে। অন্তমনস্ক ডায়রীর পাতায় আঁচড় কাটছি। হঠাৎ সেই হাতের মমি বাতিদানটা উন্টে গেল। আমি সেটাকে সোজা ক'রে রেখে সেটার গায় হাত বুলোচ্ছিলাম। কেমন যেন মনে হ'ল, হাতটা জীবন্ত হাতের মত গরম। চমকে উঠলাম আমি। আমার ডাক্তারী অভ্যাসে ততক্ষণে আমার দুটো আঙ্গুল সেই মমির মণিবন্ধের ওপর চ'লে গেছে। কি আশ্চর্য্য! দপ্‌দপ্‌ করছে যে ? অ্যা, এ যে জীবন্ত মানুষের নাড়ী। কি ক'রে এটা সম্ভব হ'ল ? এখন যদি ভরা ছুপুর না হ'ত, তা হ'লে নির্ধাৎ আমি শয় পেয়ে একটা কাণ্ড বাধিয়ে বসতাম। অবশ্য সঙ্গে সঙ্গেই সেই ব্রিটিশ মিউজিয়মের প্রতিনিধি চুকলেন আমার ক্যাম্পে। তাঁরও দেখলাম এই অদ্ভুত মমিগুলি সম্বন্ধে প্রচুর কৌতূহল রয়েছে। খুব নিবিষ্ট মনে সেগুলো পর্যবেক্ষণ ক'রে দেখতে লাগলেন। দেখতে দেখতে তাঁর মুখটা কেমন যেন একটা ক্রুর হাসিতে ভ'রে উঠল। আমার দিকে চেয়ে এঁকটু স্নেহের স্বরেই বললেন, কি হে ভারতবাসী ডাক্তার, দেখ তোমাদের যাত্রাবিন্দা অ্যাপ্লাই ক'রে আবার যেন এই বিস্মৃত মমিটিকে জাগিয়ে বসো না। অবশ্য তোমরা যেরকম ভীতু হও জানি, তাতে তুমি যে কি ক'রে এই মমি সমেত এক ক্যাম্পে রাত্রিবাস করতে সাহস কর বৃকতে পারছি না। যাক, আর দিন তিনেক তোমাকে কষ্ট দেব। তার পর আমাদের কার্গো প্লেনটা এসে যাবে, আমিও এগুলি নিয়ে চ'লে যাব। কথাটা শেষ হওয়া মাত্রই সেই কঙ্ককাটা টেবিলটা হঠাৎ দড়াম্ ক'রে পড়ল সেই ভদ্রলোকের পায়ে ওপর। অথচ কোথাও এতটুকু ঝড়বাতাসের চিহ্ন পর্যন্ত নেই। আর ঐ ভগদন টেবিল ঝড়ে পড়ার নয়। ভদ্রলোক ত দারুণ ভয়ম হলেন। ব্যাথায় কাৎরাতে লাগলেন। আমি ওঁর ঐ স্নেহপূর্ণ কথায় ওঁর ওপর বিরক্ত হয়ে থাকলেও এখন নিজের কর্তব্যে অবহেলা করলাম না। কিন্তু আচমকা ঐ টেবিলটি কি ক'রে প'ড়ে গেল ? আর কেনই বা প'ড়ে গেল ? মনটা সেই চিন্তায় ভ'রে রইল।

ভদ্রলোক ত পা ভেঙে পড়ু হয়ে প'ড়ে রইলেন ক্যাম্পে। তাঁরই তাগিদে এই মমিগুলো রোজ ঝাড়া-পৌছা হ'ত। দেখাওনো হ'ত। এখন সব বন্ধ। দিলীপটাও এখন নতুন আবিষ্কৃত পেরিথিউসের বাসস্থান নিয়ে মেতেছে। এই আমার পক্ষে সুবর্ণ সুযোগ। আর দেরি নয়। আজ রাত থেকেই কাজ শুরু ক'রে দেব।

•• রাতের খাবার খেয়ে এসে ক্যাম্পে চুকলাম। বেশ ঠাণ্ডা হয়ে এসেছে। দিনের প্রচণ্ড তাপ আর নেই।

কাজ শুরু করে দিলাম। সব অপ্রত্যাশিতভাবেই প্রায় কাঠের আবরণ মুক্ত করে এনেছি। অদ্ভুত কৌশলে সেই কাঠের ডেস্কের মিমটার গলা থেকে উরু পর্যন্ত আটকান ছিল। মিমটাকে পেছন ফিরিয়ে বসান ছিল। পিঠটা ঠিক স্থল ডেস্কের মত উচু করা ছিল। বুকের তলায় একটা বেন্ট মত ছিল, সেটা দিয়ে শক্ত করে বাঁধা ছিল ওটা, এ ডেস্কের সঙ্গে। বেন্টটা মনে হ'ল কোন গাছের লতা। এখনও সেটাতে ইলাস্ট্রিটি রয়েছে। আশ্চর্য শতাব্দীর অঙ্কেও তা জমে কাঠ হয়ে যায় নি। অদ্ভুত লতা। এবার সমস্ত হ'ল মাথাটার কি ব্যবস্থা করি? বাতিদান থেকে হাত খুলেছি, টুল থেকে পা খুলেছি, ডেস্ক থেকে শরীরটা খুলেছি। সবগুলিই প্রায় ঐ একই প্রক্রিয়ায় ঐ লতা দিয়ে কাঠের স্ক্রেমের সঙ্গে বাঁধা ছিল। কিন্তু মাথায় ত তা নয়। সেটা কোন রকম একটা শক্ত জিনিষ। মনে ত হয় সিমেন্ট জাতীয় রঙিন মাটির মত জিনিষ দিয়ে একেবারে মোড়া। হঠাৎ দেখলে মনেই হয় না ওটা মিমির মাথা, মনে হয় বেশ বড়সড় ডাবের আকারের একটা ফুলের টব বা ফুলদানি। যাক, উপস্থিত ত ঐ লতাগুলি দিয়েই মাথাটাকে আঠেপৃষ্ঠে বেঁধে একটা মানুষের আকার দিলাম। তার পর সেটাকে আমার বিছানায় গুইয়ে একটা চাদর ঢাকা দিলাম। ঠিক মনে হচ্ছিল, যেন একটা মানুষ হাঁটু মুড়ে চিং হয়ে গুয়ে আছে। আমি ওর হুমড়ানো পা ছুটো কিছুতেই সোজা করতে পারছিলাম না।

একটা বেশ বড় ক্যাম্প চেয়ার ছিল আমার তাঁবুতে। আমি তাতে গুয়ে একটার পর একটা সিগারেট খেয়ে যাচ্ছি আর ভাবছি, মাথাটার কি ব্যবস্থা করা যায়? এখন বেশ গভীর রাত। ঘুরে ঘুরে এক-একবার দেখছি চাদর-ঢাকা মিমটার দিকে। কেমন মনে হ'ল, যেন চাদরের তলায় অল্প অল্প নড়ছে মিমটা। আমার সেই রাতের কথা মনে পড়ল, ও বলেছিল, ওকে জুড়ে জাগাতে হবে, সেই সর্ভে ও আমাকে আরক তৈরির ফরমূলা বলবে। আমার কাজ ত আমি করতে চলেছি, কিন্তু ও ত বলুক কিছু, তা ছাড়া মাথাটার সমস্তা পারে ত ঐ সমাধান করুক। বসলাম খাতা-কলম নিয়ে।

শুরু হ'ল লেখা। কতগুলো বিদ্যুটে গাছের নাম লিখেছে, কোনটার শেকড়, কোনটার চাল, কোনটার পাতা এই সব আগে সংগ্রহ করতে বলল। তার পর কোনটাকে পচিয়ে, কিছু পাতা বেটে, কিছু শেকড় সেদ্ধ করে তার সঙ্গে পরিমাণ মত সুরা মিশিয়ে রোদ্ধুরে দিয়ে তবে প্রাথমিক ভাবে সেই মিমি করার আরক তৈরি হ'ল। এখন এর সঙ্গে একটা গাছের পাতা এবং ফুল মেশালে তবে সম্পূর্ণ ভাবে আরক তৈরি হবে। কিন্তু সেটা সে এখন বলবে না। তাকে জাগাবার পরে বলবে। নিজের মুখে বলবে। এবার মাথা। ওর মাথার কথা ভেবে ভেবে আমারই মাথা ব্যথা ধরে গেল। কিন্তু যা ও বলল, সেটা ত আর আমি জানতাম না। অবশ্য সেটা আমার মাথাতেও আসে নি। ও লিখল, ঐ যে লাল মাটির বাসনটা দেখছ, আসলে ওটা একটা খাপ। ওটার মাথার ওপর চাপ দিলেই দু'আধখানা হয়ে খসে যাবে। আর ভেতর থেকে আমার মিমিকরা মাথাটা পাবে। আমি অবাক হয়ে তাড়াতাড়ি সেই পাতটা নিয়ে এসে মাথার দিকে চাপ দিলাম, কিন্তু কই, কিছুই ত হ'ল না। এবার আলোর সামনে ধরে ভাল করে পরখ করেও, কোথাও জোড় দেখতে পেলাম না। মনঃস্ক্রম হয়ে রেখে দিয়ে মমিকে এবার চেয়ারে গুইয়ে নিজে গিয়ে খাটে গুয়ে পড়লাম।

বেশ ঘুমিয়ে পড়েছিলাম। হঠাৎ আমার মাথার ঠিক মাঝখানটা যেন কেমন টন টন করে উঠল আর ঘুমটা ভেঙে গেল। মনে হ'ল যেন একটা ভারী কিছু আমার মাথার ওপর থেকে সরে গেল। দেখি সেই মিমির পায়ের একটা টুল আমার মাথার ওপর কাত হয়ে পড়ে রয়েছে। বেশ একটু অবাক হলাম। ওটা মাথার কাছে ছিলই তবে মাথার ওপর পড়াটা বেশ অসম্ভব। কি খেয়াল হতে তাড়াতাড়ি সেই মিমির মাথাটা নিয়ে এলাম আর ঠিক যেখানটার আমার মাথাটা টন টন করছিল, সেখানটার একটা শক্ত পাথর ঠক করে মারলাম। অবাক কাণ্ড, সঙ্গে সঙ্গে সেটা দু'আধখানা হয়ে গেল আর ভেতর থেকে পৌটলার মত মিমির মাথাটা বেরিয়ে এল।

এই আবিষ্কারের আনন্দে তখন আমার মন ভরে উঠেছে। ঘুম মাথার উঠল, মিমি জুড়তে বসে গেলাম। সারারাতের চেষ্ঠায় প্রায় সবটাই জুড়ে ফেললাম—এবার বাকি আছে মাথাটা, সেই পৌটলাটা নিয়ে এসে তার আঠেপৃষ্ঠে বাঁধা প্যাপিরাসের মোড়ক খুলতে লাগলাম আর মনে ভাবতে লাগলাম, আজ থেকে কত যুগ আগে শুধু মাত্র এই মাথাটি পাবার জন্য একটা তরুণীর মনে কতটা আকুলতা ছিল; সেও চেয়েছিল এমনি করে প্রত্যেকটি অঙ্গ-প্রত্যঙ্গ জুড়ে দিয়ে তার প্রিয়তমকে জাগাতে। আজ যদি সেই মেয়েটির,—কি যেন নাম, ইয়া ইধা,—ইথার যদি মিমি থাকত তবে আমি এর সঙ্গে রেখে দিয়ে এদের মিল করিয়ে দিতাম।



জুড়ে দিলাম মাথাটা। ছোটবেলার রামকৃষ্ণমিশন স্কুলে আমাদের সর্ববিজ্ঞা বিশারদ ক'রে তুলতে চেয়েছিল। তাই ব্রতচারী নাচের সঙ্গে ট্যান্ডিমিয়ারও কিছুটা জ্ঞান হয়েছিল। সেই জ্ঞান আজ এত বছর পর কাজে লাগল। দেখতে দেখতে উষার আলো ফুটে উঠল। ভোর হয়ে গেল, আর আমিও সারারাতের ক্লান্তিতে ঘুমিয়ে পড়লাম।

ঘুমিয়ে এক অদ্ভুত স্বপ্ন দেখলাম। ঠিক আমার মাথার কাছে দাঁড়িয়ে আছে একটি মেয়ে, পরনে মিশরীয় পোষাক। অপূর্ণ সুসমায়ী মেয়েটি। বলছে, তোমাকে ধন্যবাদ ডাক্তার, অনেক ধন্যবাদ। তবে আমার একটি অহরোধ, এরিককে জাগিও না, ওকে আমি এমনি ভাবেই আমার কাছে পেতে চাই। আমার ঘরে একটা লম্বা মত বাক্স পেয়েছ না তোমরা? তার মধ্যেই আমি আছি। আমার সেই মৃত্যুসঙ্গী, যাকে আমি আমার মৃত্যুর দিন জাগিয়েছিলাম, সেটা তারই কফিন। সেই আমাকে ওর মধ্যে রেখে না জানি কোথায় চ'লে গিয়েছিল, ওকে নিয়ে গিয়ে আমার পাশে রেখে দাও, ঠিক এমনি ক'রে জুড়ে। আবারও বলছি, সাবধান, ওকে জাগিও না, তা হ'লে তোমার দারুণ ক্ষতি হবে। ছঁাত করে ঘুমটা ভেঙে গেল। দেখি বেশ বেলা হয়ে গেছে—চায়ের সময়ও হয়ে গেছে, এখুনি হয় ত কেউ ডাকতে আসবে। আমি চাই না আমার তাঁবুর মধ্যে কেউ ঢোকে।

পেরিথিউসের বাসভবন আজ সম্পূর্ণ ভাবে মৃত্তিকাগর্ভের অভিশাপ মুক্ত হয়ে রী দেবতা মানে সূর্য্যদেবের মুখ দেখল। ঐ বাসভবন দেখতে দেখতে আজ সারাদিন দারুণ উত্তেজনায় কেটে গেল। কত যে অলিন্দ, কত যে প্রকোষ্ঠ, আর কত রকম আকারের যে মাটির পাত্র আর কাঠের আসবাবপত্র, দেখলে বিশ্বয় জাগে। আজ থেকে হাজার হাজার বছর আগেও মানুষ কত সস্ত্য ছিল। কি অদ্ভুত জ্ঞান ছিল তাদের বাড়ী তৈরি, ছবি আঁকা, বাসন তৈরি, মুদ্রার ব্যবহার আর ওষুধ তৈরিতে, ভাবলে আশ্চর্য হ'তে হয়। কত গভীর জ্ঞান ছিল তাদের বিজ্ঞানে। আর এদেরই কিনা আমরা বলি সেকলে।

— আবার রাত্রি নেমেছে, আবার বসেছি ডায়রীর খাতা খুলে। নিজের লেখা ও লিখছি আর অল্প মনে ভাবছি কখন অশরীরী এরিক এসে ভর করবে আমার হাতে। কাল যতটা ফরমুলা বলেছে আরক তৈরির, আজ বাকিটা শেষ করবে। অবশ্য কালই ও লিখেছে, আর বলবে না এখন, ওকে জাগালে তার পর বলবে। একবার একবার সেই সুন্দরী মিশরবাসিনী ইথার কথাও মনে জাগছে। অমঙ্গল হবে, তোমার অমঙ্গল হবে। আজ দেখছি সেই কারুকার্য করা সুন্দর কাঠের বাক্সটা। তার মধ্যে একটি সরু আর হালকা ককাল। আমি তার ওপরে আমার স্বপ্ন-সুন্দরী ইথাকে কল্পনা করলাম। ঠিক যেন খাপে খাপে মিলে গেল। এবার লিখেছে এরিক, বুঝতে পারছি যে আমি আর লিখছি না। ক'দিনের অভ্যাসে এটা আমি বেশ ধরতে পারি।

• লিখেছে, যদি তুমি গাতেই জান ডাক্তার, তবে যে সুর ভালবাস সেই সুরে বসিয়ে প্রাণ তেলে এই মন্ত্র গাও ডাক্তার। তবেই আমি জেগে উঠব, এটা আর কিছু নয় আমাদের দেব-দেবীর স্তুতি গান।

আমি নাইল নদীতে বিসর্জিত পুত্র। আমার মা-বাবা তাঁদের মানত পূরণ করতে আমার দশ বছর বয়সে আমাকে নদীতে বিসর্জন দিয়েছিলেন, তাঁরা অপুত্রক ছিলেন। নাইল দেবীর পূজা ক'রে তাঁরা আমাকে পান। তখন দেবী স্বপ্ন দেন, তোমার দ্বিতীয় সন্তান হলেই তুমি এই প্রথম সন্তানকে আমায় দেবে, সেইজন্য আমার ভাই জন্মালে আমাকে ওরা নদীতে ভাসিয়ে দিয়ে পূজা দেন নাইল দেবীর। তবে আমার মা'র সেই আকুল ক্রন্দন আমি কখনো ভুলব না। আমাকে সকলে মিলে পূজার মন্ত্রের উচ্চারণের মধ্যে, বাজনা-বাঘ বাজিয়ে জলে ফেলে দেবার পর আমার মা প্রতিটি দেব-দেবীর কাছে কেঁদে কেঁদে প্রার্থনা করছিলেন আমাকে ফিরে পাবার জন্য। হয়ত সেই কারণেই আমি মরি নি। নদী দেবী আমাকে গ্রহণ করেন নি, অবজ্ঞা বা অনিচ্ছার দান তিনি কেনই বা নেবেন। আমি খানিকটা ভেসে যাবার পর রাজার লোকেরা আমাকে জল থেকে তোলে আর তারপর ক্রীতদাস বানায়। আর ফিরে যেতে পারি নি মা-বাবার কাছে।

পালাতে হয়ত পারতাম কিন্তু ইচ্ছে ক'রেই পালাই নি, মনের মধ্যে একটা প্রচণ্ড অভিমান ছিল। সেটা যে কার প্রতি সেটা বুঝতাম না, পরিচয় দিলে হয়ত মুক্তি পেতে পারতাম। ঐ শয়তান পেরিথিউসের অকৃত্রিম বন্ধু ছিলেন আমার বাবা, তিনি ত আর তার এই রূপটা জানতেন না। তবে পরিচয় আমি দিয়েছিলাম যখন ওই পেরিথিউস আমাকে অকণ্ঠ যত্ন দিচ্ছিল তখন, কিন্তু সে তা বিশ্বাস করে নি, করলেও মানতে চায় নি। তার কারণ, তার সবচেয়ে রাগ ছিল আমার ওপর, আমি তার বিশ্বে শিখে নিয়েছি ব'লে, তার মেয়ের সঙ্গে মিশেছি ব'লে, নয়। তার

আমাকে মারা দরকার ছিল, তাই সে আমার পারচর স্বাকার করে নি, না হ'লে আমার সঙ্গে ইথার বিবাহে কোন বাধা ছিল না।

যাক্, দেবীর প্রত্যাখ্যাত জীবন আমার অতি লাঞ্ছনা আর অশেষ কষ্ট পেয়ে শেষ হ'ল। আমি আর ইথা কি জানি, আর কতটা জানি, জানার জন্ত ওই পেরিথিউস আমাকে তিন দিন ধ'রে অকথ্য যন্ত্রণা দিয়ে দিয়ে কেটেছে। ওর সাহায্যকারী ছিল ছোটো কালো নিগ্রো ক্রীতদাস, তারাও তেমনি নিষ্ঠুর, আমাকে এক কোঁটা জল দেয় নি খেতে, আর পাথরের করাত দিয়ে পুঁচিয়ে পুঁচিয়ে কেটেছে আমার হাত-পা, যন্ত্রণার অজ্ঞান হয়ে গেলে ওষুধ খাইয়ে জ্ঞান করিয়েছে পেরিথিউস, তার পর আবার কেটেছে, সেই অস্ত্র তোলা আছে ওদের জন্ত। মনে রেখ, এ জগতে কিছুই ফেলা যায় না, সবই আবার ঘুরে আসে, যত পরেই হোক দিন আবার ফিরে আসে! উঃ, দেবীর অভিশাপ কি ভাবে না আমার ওপর ফলেছিল, মা'র করুণ কাণ্ডায় যদি জীবন-দেবী আইসিস্ আমাকে না বাঁচিয়ে রাখতেন, যদি নাইল দেবী আমাকে উপেক্ষা না ক'রে কোলে তুলে নিতেন, তা হ'লে আর আমাকে এত দুঃখ-কষ্ট সহিতে হ'ত না, তবে আমার কাঁটার-সুরা দুঃখের জীবনে একমাত্র ফুল ছিল ইথা। আর সারাদিন পর যখন ওতে যেতাম, রাতে ঘুমের ঘোরের মধ্যে কানের কাছে মা'র সেই করুণ কাণ্ডা শুনে পেতাম। ও হেঁটে দেবী, তুমি ত জলে থাক, দাও, আমার ছেলেকে এনে দাও। ও জীবন-দেবী আইসিস্, তুমি তোমার সন্তানকে কত মমতায় দুধ পান করাও, আমার সন্তানও তোমার দুধপান করেছে। তুমি তাকে প্রাণ দাও। ও রী দেবতা, তোমার জন্তই সকাল হয়, আমরা আলো পাই। তুমি তোমার আলোর তেজে আমার ছেলেকে জ্যোতির্ষ্ম কর, যাতে তাকে আমি দেখতে পাই। অমনি ক'রে কেঁদে কেঁদে আমাদের ব্যাং দেবী হেঁটে, গরুদেবী আইসিস্, আর সূর্য্যদেব রীর কাছে প্রার্থনা করছিলেন। ওঃ আমি আমার জীবনের কথা বলতে ব'সে তোমাকে মন্তুটাই ত বলি নি। এবার সেটা বলি।

প্রাচীন মিশরীয় ভাষার একটি গাথার মত মন্তু লেখা হ'ল। তারপর এরিক লিখল, গাও ডাক্তার, এই মন্তু গাও। যেন ঝড় উঠছে, গাছ কাঁপছে, নদীর জল উথাল-পাথাল করছে, বালু উড়ছে, চাঁদ নদীর বুকে মিালয়ে যাচ্ছে, মেঘে আকাশ ঢেকে গেল, প্রলয় সুরু হ'ল; গাও ডাক্তার, গাও, ঐ মন্তু ঝড়ের বেগ সুরে প্রকাশ ক'রে আকাশ-বাতাস মাতিয়ে দাও।

আমি কি করি? কোথায় সুর পাই? গাঠতে ত জানতাম। এককালে রবীন্দ্রসঙ্গীত ভালই গাইতাম। মনের মধ্যে হাতড়ে বেড়াই, কোন্ সুরে গাঠ, কি গানের সঙ্গে মেলাই এই ঝড়ের বেগ! হঠাৎই মনে এল:

আজি ঝড়ের রাতে তোমার অভিসার

পরাম-সখা বন্ধু হে আমার—

গেয়েই চলেছিলাম এক মনে। ওর ঐ কথাগুলোতে কবিগুরুর এই গানের সুর বসিয়ে। তার পর কখন যে ওর কথা থেকে স'রে গেছি, আপন মনে মূল গানটাই গেয়ে চলেছি, বাইরে সত্যিই ঝড় উঠেছে, কিছুই জানি না আমি। কোনই পেয়াল ছিল না আমার। গানের খুব কাছে একটা কঠিন বস্তুর ঘর্ষণ আর স্যাপ্‌সা গন্ধে চমক ভাজল আমার। দেখি, আমার কাছ ঘেঁষে দাঁড়িয়েছে মমিটা। শুনলাম, দুর্কোষ্য ভাষার হিস্ হিস্ একটা শব্দ। ঐ কঠিন মমিটা জীবন্ত ঃখে উঠেছে? আতঙ্কে আমার গানের সমস্ত লোম খাড়া হয়ে উঠল। মমিটা তার ধনুকের মত ঝাঁকি পায়ে হাঁটতে হাঁটতে আমার সামনে দিয়ে টলতে টলতে বেরিয়ে গেল। যেন সেই ঝাঁকি করমুলাটা ব'লে আমাকে ধনুবাদ জানিয়ে চ'লে গেল। এই ভাবে যে একটা মমি সত্যিই জীবন্ত মানুষের মত চলবার, বদলার ক্ষমতা ফিরে পেতে পারে তা' আমার ধারণার বাইরে ছিল। এতক্ষণ বা এই ক'দিন ধ'রে যা করেছি, তা যেন কেমন একটা ঘোরের মধ্যে করেছি। আমার বন্ধু আমাকে কতবার অনুযোগ করেছে, দেখ্, তুই যেন কেমন হয়ে গে'ছিস মিহির, তুই সারাক্ষণ কি ভাবিস বন্ ত? এত অল্পমনস্ক থাকিস কেন? কিন্তু এখন এইমাত্র যেন আমি নিজের সস্তা খুঁজে পেলাম। তখনি আতঙ্কে শিউরে উঠে শাবলাম, এ আমি কি করলাম? ও ত প্রতিশোধ নিতে চলল। না জানি কার জীবনে নেমে আসবে মৃত্যুর অঙ্ককার। এই হাজার হাজার বছর পরেও সেই প্রতিহিংসার উদ্ভাপ কি ভাবে জেগে রয়েছে মমিটার বুকে? কে হবে ওর শিকার? কোথায় গেল ও? আর কিছু ভাবতে পারি না। ছুটে বেরিয়ে যাই মমিটাকে ফেরাতে।

এরি--ক, এরি--ক। ফিরে আসছে প্রতিধ্বনি, ঝড়ের বেগে হারিয়ে যাচ্ছে শব্দ। চোখে-মুখে লাগছে বালির ঝাপটা, খুঁজে পাচ্ছি না তাকে। কোথায় গেল সে? আর জানি না।



দেখি, আমার কাছ ঘেঁষে দাঁড়িয়েছে মমিটা।

অরের ঘোরে আমি আজ তিন দিন ছিলাম অজ্ঞান অচেতন। জ্ঞান হতে দেখি, দিলীপ মাথার কাছে বসে। তার মুখ শুকনো, চোখের দৃষ্টি উদ্ভ্রান্ত। আমি আমার দুর্বল হাতটা কোন রকমে বাড়িয়ে দিয়ে তার হাত ধরলাম। সে তক্ষুণি আমার মুখের ওপর ঝুঁকে পড়ে বলল, মিহির, তুই নিজেকে ডাকার, এমনি ক'রে শুয়ে থাকবি? তোকে যে এখন ভীষণ দরকার, শীগ্গির ভাল হয়ে ওঠে ভাই। আমি যে বড় অসহায় বোধ করছি। আমি বলি, কেন দিলীপ, কি হয়েছে? বল, সব আমাকে খুলে বল। ও বলে, না, থাক, আগে তুই ভাল হয়ে ওঠ। আমি অধৈর্যের মত বলে উঠি, না না দিলীপ, তুই বল, আমি এক্ষুণি গুনব, না হলে আমি শাস্তি পাব না। দিলীপ বলে, কি যে করি এই অজানা জায়গায়, পর পর তিনটে লোক ম'রে গেল। কি ক'রে যে এমন বীভৎস ভাবে মরল তাও বুঝতে পারছি না। তবে এটুকু বুঝছি, কেউ তাদের মেরেছে। শুধু মেরেছে নয়, কেটেছে। মিঃ ফিলিপসকে তু'টুকরো টুকরো ক'রে কেটেছে। আর অন্য দু'জনকে ত চূপিয়েছে। ওঃ সে একটা কাহিনী, একটা দুঃস্বপ্ন।

এখনে ত মিঃ ফিলিপসের ওপর দিয়ে গেল। একই রাতে প্রথমে তাঁর দুটো হাত যেন কেউ কেটে নেয়।

তার পর শেখরায়ে ছোটো পা, তার পর মাথা। কে যে তাঁর তাঁবুর মধ্যে ঢুকে এমনি করে তাঁকে কাটল? আশ্চর্য্য, প্রথম রাতে হাত কাটার পর আমরা যথাসাধ্য চেষ্টা করলাম, ব্যাণ্ডেজ বেঁধে দিলাম রক্ত বন্ধ হবার জন্য। তার পর একটু বিশ্রামের জন্য যখন যে যার তাঁবুতে ফিরেছি সেই ফাঁকে এসে আবার পা কেটে দিয়ে গেল। ওঃ, সে কি বীভৎস দৃশ্য, তোকে কি বলি। তার পর ছোটো নিখো পোটার। তাদের ত কুলি ব্যারাক থেকে তুলে নিয়ে গিয়েছে ঐ পেরিথিউসের মহলে। সেখানে নিয়ে গিয়ে একটার ডান হাত, ডান পা কেটেছে। অন্যটার বাঁ হাত বাঁ পা। আমরা তাদের চীৎকার শুনেই দৌড়ে গেছি। কিন্তু কোথায় কোন্ ঘর থেকে চীৎকারের শব্দ আসছে খুঁজে বের করতে করতেই শয়তান তার কাজ সেরে ফেলেছে। ওদের যতরূপ জ্ঞান ছিল, সমানে জিজ্ঞেস করেছি, কে তোমাদের এই দশা করেছে, এমনি ক'রে খুন করেছে বল? কি রকম দেখতে তাকে? কাটা হাত-পায়ের মধ্যে রক্তে ভাসছে তখন লোক ছোটো। তারই মধ্যে কোনরকমে হাঁপাতে হাঁপাতে যা বলল, তাতে এইটুকু বুঝলাম যে, একটা কুঁজো মত লোক, তার পা ছোটো ধুকের মত বাঁকা আর সমস্ত শরীরে শাকড়া জড়ান।

চমকে উঠি আমি। এ তবে এরিকের কাজ। এরিক ছাড়া কেউ নয়। আমি তাকে জোড়ার সময় শত চেষ্টাতেও তার পা সোজা করতে পারি নি। পা ছোটো যে ঐ বসার মত ভাঁজ করেই আমি ক'রে টুল করা হয়েছিল। ঠিকারে ভ'রে গুঠে আমার মন। হিঃ হিঃ এ আমি কি করলাম? কেন এমন শয়তান পাবণ্ডকে প্রাণ দিলাম? ও ত ম'রেই গিয়েছিল। হয়ত অকথ্য যন্ত্রণা পেয়েই মরেছিল। কিন্তু এই তিনজন জীবন্ত লোক যে আজ শুধুমাত্র আমারই অদূরদর্শিতার জন্য প্রাণ হারাল, এটাই আমার কাছে ভীষণ মর্মান্তিক হয়ে বাজল।

এই যে হাজার হাজার বছর পর ও প্রতিশোধ নিল, এরা কি তবে তাদেরই আত্মা? ঐ ব্রিটিশ মিউজিয়মের প্রতিনিধি মিঃ ফিলিপ্‌স্‌ কি রাজবৈষ্ণ পেরিথিউস? কেননা, তাকেই ত জীবন্তে টুকরো টুকরো ক'রে কেটেছে, সবশেষে মাথাটা কেটেছে। ঐ যে কুলি ছোটোর হাত পা কেটেছে, তা হ'লে কি যারা পেরিথিউসের হুকুমে ওর হাত-পা কেটেছিল এরা তখন কি সেই কালো নিখো ক্রীতদাস? আশ্চর্য্য, কোথায় গেল মমিটা? এখনো যদি ওর প্রতিহিংসার আশ্বাস না নিবে থাকে, আরও যদি হত্যা করে? নাঃ, যেমন ক'রে পারি, দরকার হ'লে নিজের প্রাণ দিয়েও এই হত্যালীলা বন্ধ করতে হবে।

শরীরটা ক'দিনের জরে খুবই দুর্বল হয়ে পড়েছিল, তার পর এই বিকট উদ্ভেজনা। সারাটা ছপূরের অসহ্য উত্তাপে কেমন যেন ঝিমিয়ে পড়েছিলাম। সন্ধ্যার দিকে একটা স্যাপ্লা গন্ধ নাকে আসতে হাত করে ঘুমের ঘোরটা কেটে গেল। দেখি আমার পাশের ডেক-চেয়ারটার মমিটা ব'সে। সেই এরিকের মমি। তার গায় জড়ান প্যাপিরাসের ছালগুলো কোথাও কোথাও খুলে গিয়ে ঝুলছে। আর মরা মাছের চোখের মত ঘোলাটে চোখে চেয়ে রয়েছে আমার দিকে। যেন কৃতজ্ঞতা জানাতে চায়। আমার তখন রাগে ঠিকারে অলে যাচ্ছে বুকের ভেতরটা। শেষ ক'রে দেব আজ ওকে, শেষ ক'রে দেব। এই ভেবে জোর ক'রে উঠে বসলাম। আর সঙ্গে-সঙ্গে মনে প'ড়ে গেল, আশ্বাস ছুঁইও না আমার শরীরে। তক্ষুপি দেশলাই-এর একটা কাঠি আলিয়ে ছুঁড়ে দিলাম ওর গায়। দপ করে অলে উঠল মমিটা। বোধ হয় কোন দাহ পদার্থ আছে ঐ মমি করার আরকে। এই বার সেই অসহ্য মমিটা এগিয়ে আসছে—পায় পায় এগিয়ে আসছে আমার দিকে। বুঝতে পেরেছি ওর উদ্দেশ্য, বুঝতে পেরেছি আমি, ও আমাকেও মারতে চায়, নিজের অসহ্য শরীরের সঙ্গে আমাকে চেপে ধ'রে পুড়িয়ে মারতে চায়—কিন্তু আমি যে নিরুপায়, উত্থানশক্তি-রহিত। পালিয়ে যে যাব তার উপায় নেই। আসছে, ঐ আসছে—আশ্বাস—আশ্বাস। উঃ, কি হুঙ্কা—উঠতে পারছি না—পার—ছি না।

এই হ'ল মিহিরের ডায়রী। এতটাই সে লিখেছে। তারপর সব হিজিবিজি। উঃ, আশ্বাসের বেড়া জালে প'ড়েও অসহ্য মমিটা যমদূতের মত এগিয়ে আসছে দেখেও যে কি ক'রে কলম চালিয়েছে জানি না। বোধ হয় তার শেষ অভিজ্ঞতাটুকুও সকলকে জানাতে চেয়েছিল, বোঝাতে চেয়েছিল তার অত্যাশ্চর্য্য মমি করার আরক তৈরির করমূল্য। ঐ অহুসঙ্কিৎসাই তার জীবনান্ত ঘটাল। সে তার জীবন দিয়ে জানিয়ে গেল, কি দিয়ে কোন্ করমূল্য ঐ নির্ভয়াস তৈরি হয়। আর নিজের না বেরুতে পারলেও আশ্বাস থেকে বাঁচবার জন্য ডায়রীটাকে প্রাণপণ শক্তিতে বাইরে ছুঁড়ে দিয়েছিল। আজ হয়ত তার সেই প্রাণের বিনিময়ে লেখা ডায়রীর জন্যই অনেকের অনেক অভিজ্ঞতা হয়েছে।





কলকাতারই একটা পাড়া, তবে একটুখানি পাড়ারগাঁ ঘেঁসা। সামনে বড় রাস্তা, এক সার পাকা দোতলা তিনতলা বাড়ী। তার পিছনে অপরিসর গলি, সেখান দিয়ে একটা মাঝারি গোছের বস্তির প্রবেশ-পথ। বস্তিতে খোলার ঘর, টিনের ঘর নানারকম ছোট-বড় আকারের। কোনরকম নাগরিক সুখ-সুবিধার বালাই নেই। বড় রাস্তার কল থেকে এরা জল ধরে, পাড়ার ভদ্রলোকদের বাড়ীর চাকরদের কলতলা, বাথরুম নির্কিঁচারে ব্যবহার করে। তাড়া খেলে পালিয়ে যায়, এবং দূরে দাঁড়িয়ে গালাগালি করে। ভোররাতে বা মাঝরাতে আবার এসে ঢোকে এই সব জাগরণ। এর ভিতর গোয়াল, ধোপা, মুচি, মিস্ত্রি অনেক রকমই আছে। বেকার, ভিথিরীও যে নেই তা নয়। অনেকগুলি মানুষ আছে যাদের পেণা কেউ জানে না, তবে আন্দাজ করে। তবে পাড়ার উপর এখন পর্যন্ত কোন উৎপাত হয় নি ব'লে কেউ তাদের কিছু বলে না। বউ-ছেলেও আছে কারও কারও ঘরে। পাড়ারগাঁ থেকে অতিথি-অভ্যাগতও এসে ছোটে এখানে মাঝে মাঝে।

পাকা-বাড়ীর বাসিন্দারা যে এদের সঙ্গে খুব মেলামেশা করে তা নয়, তবে ছেলেপিলেরা অহটা আভিজাত্য বঁজায় রাখতে ব্যস্ত নয়, তারা মাঝে মাঝে ডেকে কথা বলে, বেশ হুঁই ছেলে হ'লে পিছনের গলিতে নেমে বস্তির ছেলেদের সঙ্গে হু'একবার ফুটবল খেলেও আসে।

বাঁড়ুজ্যেরা যে বাড়ীটাতে থাকে তার পিছনে একটা টিন-মিস্ত্রির ঘর। লোকটার রোজগার বোধ হয় ভাল, ঘরখানা তার বড়, এবং মজবুত, সামনে এক ফালি উঠোনও আছে। বউ আছে, একটা খোঁড়া ছেলে আছে। সে সকাল হলেই একটা বড় কাঠের পিঁড়ি টেনে নিয়ে ঘরের সামনের ছোট দাওয়াটার এসে বসে, এবং গলা ফাটিয়ে যে যেখানে আছে সকলের সঙ্গে গল্প জোড়ে। গল্প করবার জন্তে কেউ না দাঁড়ালে, অনর্গল গালাগালি দিতে থাকে।

সেদিন সকালে বাঁড়ুজ্যের টিন স্নান ক'রে শাড়ী-জামা মেলে দেবার জন্তে পিছনের বারান্দায় গিয়েছে, এমন সময় দেখে টিন-মিস্ত্রির বাড়ীর উঠোনে অসুস্থ দৃশ্য। সাপুড়ে সাপ খেলাচ্ছে, আর তার বাণীর তালে তালে বড় ঝড়ির মধ্যে থেকে কুণ্ডলী পাকানো মস্ত কালো সাপ ফণা মেলে উঠে পড়েছে। বাবা: কি ভীষণ চেহারা! আর তাকে দেখে ভয় পাওয়া দূরে থাকুক, মিস্ত্রির খোঁড়া ছেলেটা হি হি ক'রে হেসে লুটোচ্ছে।

টিন ত এক দৌড়ে ঘরের ভিতর, "ও ছোট মাসী, দেখবে এস, কি ভীষণ সাপ!"

তুধু ছোট মাসী কেন, প্রায় বাড়ীসুঁছই এসে হাজির এক মিনিটের মধ্যে। সাপুড়ে খুব বেশীক্ষণ খেলা দেখাল না, এখানে ত পরসা পাওয়ার আশা নেই। খেলা যতক্ষণ চলবে, ততক্ষণ সবাই ঠার দাঁড়িয়ে থাকবে, বাহাতক খেলা শেষ, পরসা চাওয়ার সময়, তখন দর্শকবৃন্দ দে ছুট।

সাপ এর স্নেনেকগুলো, কেউ কেউ ফণা নাচাল, কেউ কেউ নির্জীব দড়ির মত প'ড়ে রইল রোদে। একটা অন্নাল সাপের বাচ্চা কিন্বিন্ ক'রে রোদে ছুটোছুটি করতে লাগল। ছেলেপিলের দল ভয়ে হৈ হৈ ক'রে ওঠাতে



সাপুড়ে সাপ খেলাচ্ছে

সাপুড়ে সেটাকে ধরে ঝুলিতে পুরে ফেলল। তার পর গিরগিটি, বহরুপী, গোসাপ অনেক কিছু দেখাল, কোটা-ভর্তি নানা মাপের কাঁকড়া বিছে, তেঁতুলে বিছেও বাদ গেল না।

অতঃপর শুছিয়ে সবগুলোকে তুলে ফেলার পালা। টিনির ভাই বৌচা বলল, “হয়ে গেল এর মধ্যে? আর একটু বাঁশী বাজাও না?”

সাপুড়ে দোতলার বারান্দার দিকে তাকিয়ে বলল, “মাঝের কাছ থেকে একটা টাকা চেয়ে আন না, একঘণ্টা ধরে খেল দেখাব।”

টিনি বলল, “মা ত চুকেছে কলঘরে, দু’ ঘণ্টার কমে সেখান থেকে বেরোবেই না।”

বৌচা বলল, “আচ্ছা, তুমি কি কাল আসবে এদিকে? তা হ’লে না হয় আমি পরসো ছোগাড় ক’রে রাখব।”

সাপুড়ে বলল, “আমি ত এখানেই আছি, আসতে হবে কেন? আচ্ছা বেশ কাল দেখো, যদি সকালে থাকি নানা পাড়া ঘুরতে হয় ত পেটের ধান্দা?”

বৌচা বলল, “এখানে থাক? কই, তোমাকে আগে ত দেখি নি? মিস্ত্রি কে হয় তোমার?”

“হবে আর কে? গেরামের লোক।”

টিনি জিজ্ঞাসা করল, “কতদিন থাকবে তুমি এখানে?”

“তা মাস দুই ত বটে, খুব বর্ষা নামলে দেশে যাই।”

টিনি কিস্ কিস্ ক’রে বলল, “ছোট মাসী, তোমার কাছে পরসো আছে?”

ছোট মাসী হেনা ঠোট উন্টে বলল, "এসেছি ত এক ঘণ্টার জন্তে বেড়াতে, পরস-কড়ি কি আর আঁচলে বেঁধে এনেছি?"

একটি স্ত্রীলোক ঘর থেকে বেরিয়ে সাপুড়ের ঝোলাঝুলি ঝুড়ি সব বয়ে নিয়ে যেতে সাহায্য করছিল। শাড়ীটা ময়লা, তবে গায়ে রূপোর গহনা আছে অনেকগুলি। দেখতেও মোটামোটা, হাসিখুশী। দর্শকদের দিকে তাকিয়ে হেসে বলল, "তবে একখানা শাড়ী দিওগো দিদিমণি, এখানে সবাই কত ভাল ভাল শাড়ী পরে, আর আমার দেখ কি ময়লা ছেঁড়া কাপড়।"

ছোট মাসী হেনা বলল, "তাই বরং আনব, যদি কাল আসি। শাড়ী ত বাস্তব ভর্তি পচছে, নিজে ত শৈরবী বেশ ধরেছি, সেই থেকে।"

হেনা বিধবা, বেণভূষা ঠিক বিধবার মত নয়, কালপেড়ে শাড়ী-পরা, হাতে ছ'গাছি বালা, গলায় সরু হার। বেশ করণা রং, বড় বড় চোখ, তবে দৃষ্টিটা বেশ তীব্র। মুখে দারুণ বিরক্তি আর অসন্তোষের ছাপ। বয়স বেশী নয়, পঁচিশ-ছত্রিকণ হবে।

টিনি বলল, "বাবাঃ, ওকে দেবার বেলা ত বেশ রাজি হচ্ছ, আর আমি সেই লাল ঢাকাইটা চেয়েছিলাম ব'লে মুখ ঝামটা দিয়ে উঠলে।"

হেনা বলল, "তোকে দিতে যাব কেন অলক্ষুণে মাহুসের কাপড়?"

টিনি বলল, "হ্যাঁ, তা না ত আরো কিছু। ঐ ত দিদিমার সব শাড়ী-জামা তোমরা তিন বোনে ভাগ ক'রে নিলে, তাতে বুঝি কিছু হয় না?"

হেনা কি একটা উত্তর দিতে যাচ্ছিল, এমন সময় বোঁচা বলল, "ঐ নাও ছোট মাসী, তোমার পেয়াদা এসে গেছে, একেবারে রিকুশ ডেকেই এনেছে।"

হেনা বলল, "শাড়ীর এদিক নেইত ওদিক আছে। বাড়ীতে যখন থাকি, তখন ত চোখে দেখতেই পার না, কিন্তু বাইরে গিয়ে এক ঘণ্টার বেশী ছ ঘণ্টা থাকি দেখি, অমনি পাইক বরকন্দাজ দৌড়বে।"

যা হোক, পাইক বরকন্দাজের বদলে তার শ্বশুরবাড়ীর বুড়ী ঝি রাজলক্ষী এসে দাঁড়াল। অগত্যা সকলের কাছে বিদায় নিয়ে চ'লেই যেতে হ'ল হেনাকে।

শ্বশুরবাড়ী খুব দূরে নয়, দশ-পনের মিনিটেই পৌঁছে গেল। বাড়ীটি শ্বশুরের নিজেরই, হাত-পা মেলে ধাঁকবার জায়গা আছে। ভাড়াটের সঙ্গে থাকা পছন্দ নয় ব'লে সবটা নিজেরাই ভোগদখল করে আছে। মাহুস বেশী নয়, কর্তা গিন্নী, বিধবা বড় বউ, দ্বিতীয় ছেলে মণীশ আর তার বউ লীলা, এবং অবিবাহিতা ছোট মেয়ে ময়না।

বাড়ীতে হৈ চৈ গোলমাল বেশী নেই, কারণ বালক-বালিকার অভাব। ময়না চৌদ্দ-পনেরো বছরের মেয়ে। বড় বউয়ের ছেলেমেয়ে হয় নি। লীলার বিয়ে হয়েছে মাত্র বছর খানিক আগে, তারও খোকা-খুকী কিছু হয় নি এখনও।

গোলমাল নেই, কিন্তু মনে হয় সুখ-শান্তিও বেশী নেই। একমাত্র ময়নাই যা হাসিখুশী। কর্তা গিন্নি কারও মুখেই হাসি নেই, অত বড় ছেলে হ'ট ক'রে চ'লে গেল, তখন থেকে তাঁদের মনে অন্ধকার যেন বাসা বেঁধে আছে। হেনা সদাই বিরক্ত। লীলার মুখখানি শাস্ত অথচ বিষন্ন। মণীশ যতক্ষণ বাড়ী থাকে, তার বেশীর ভাগ সময়ই একে-ওকে কথার হল ফুটিয়ে বেড়ায়। এক হেনা ছাড়া কারও সঙ্গে ভাল ক'রে কথাই বলে না।

দোতলায় সব শোবার ঘর, নীচে বসবার ঘর, খাবার ঘর, ভাঁড়ার ঘর প্রভৃতি। হেনা আস্তে আস্তে সিঁড়ি দিয়ে উপরে উঠতে লাগল। স্নান সে বেরোবার আগে সেরেই গিয়েছিল, ইলেকট্রিক ষ্টোভে যখন হয় একটা ভাত ভাত ফুটিয়ে নিলেই হবে। খাওয়াটা তার বাধ্য হয়ে বিধবার মত করতেই হয়, শ্বশুরবাড়ীতে আর কিছু চলে না।

দোতলার বারান্দায় উঠে দেখল, ছোট জা লীলা একরাশ রেশমী, পশমী, সূতি কাপড়-জামা বার ক'রে রোদে দিচ্ছে, অবশ্য বারান্দা দিয়ে হাঁটবার একটু পথ রেখেছে।

হেনার চোখ হুটো একটু চকু চকু ক'রে উঠল। সে নিজে বিয়ের সময় খুব যে অটেল গহনা কাপড় পৈয়েছিল

তা নয়, মধ্যবিত্ত গৃহস্থ ঘরের মেয়ে সে। লীলা অপেক্ষাকৃত বড়লোকের মেয়ে, তাও চার ভাইয়ের একমাত্র বোন, কাজেই তার ভাগ্যে ছুটেছে অনেক বেশী।

হেনা পাশ কাটিয়ে যেতে যেতে বলল, “কি গো ছোট বউরাণী, শাড়ী-জামার দোকান সাজাচ্ছ কেন?”

লীলা বলল, “এই একটু রোদে দিচ্ছি, নইলে ছাতা ধরে যায়। এর পর বর্ষাকালে ত আর কিছু বাইরে বার করা যাবে না?”

হেনা বলল, “এত বাস্ত-ভর্তি শাড়ী-জামা, একখানা কি একদিন অঙ্গে তুলতে নেই?”

লীলা শাস্তভাবেই বলল, “কোথায় বা বেরোচ্ছি আমি যে অত আনারসী বেনারসী পরে সাজতে যাব?”

হেনা বলল, “কেন, বাড়ীতে কি মাহুস নেই, না মাহুসদের চোখ নেই? এখানে শুধু ভূত সেজে থাকে যায়?”

লীলা বলল, “ভূতের মতই ত দেখতে ভাই, ভূত সাজলে আর কৃতিটা হচ্ছে কি?”

লীলার স্বামী মণীশ এই সময় কাছে এসে পড়ল। আজ রবিবার, অফিস যাবার তাড়া নেই। হেনার দিকে তাকিয়ে বলল, “ভূত পেড়ীর কথা কি হচ্ছে?”

হেনা বলল, “এই তোমার গিন্নীকে বলছিলাম, এত রাশ রাশ কাপড়-জামা যে পলে বিয়ের সময়, তা একখানা কি অঙ্গে ওঠে না? সারাদিন ভূত সেজে বেড়াও কেন? তা বলছেন, ‘ভূতের মতই ত দেখতে, ভূত সাজলে আর কৃতি কি?’”

মণীশ বলল, “তা লেখাপড়া জানা মেয়ে শুভ্রমহিলা, তাঁর সঙ্গে তুমি কথায় পারবে কেন, পেটে ত বিড়েবুদ্ধি কিছু নেই? রংটাই না হয় ফরশা। তবে ছোট বউয়ের একটু বিনয়ের আধিক্য হয়ে যাচ্ছে না?”

ছোট বউ কথার কোন জবাব দিল না। হেনা দেওরকে জিজ্ঞাসা করল, “বেরনো হচ্ছে কোথায়?”

“কোথায় আর, যে দিকে হুঁ চক্ষু যায়। কেন, তোমার কিছু আনতে টানতে হবে নাকি?”

“এই মাথার তেলটা ফুরিয়ে গেছে। এ দিকুকার দোকানে ওটা পাওয়া যায় না। যদি ও পাড়ায় যাও ত এক শিশি নিয়ে এস।”

মণীশ বলল, “বেশ, ছোট বউয়ের কিছু চাই নাকি?”

লীলা মাথা নেড়ে জানাল তার কিছুই চাই না। পারতপক্ষে সে স্বামীর সঙ্গে কথা বলে না। আবার কাপড় রোদে দেওয়ার কাজ আরম্ভ করল। হেনা তার দিকে একবার কুটিল দৃষ্টিতে তাকিয়ে নিজের ঘরের দিকে চলে গেল।

এ বাড়ীতে বড় বউ হেনা রূপের জোরেই এসেছিল। স্বত্তরবাড়ীর যোগ্য সে আর কোনদিকে নয়, লেখাপড়া বিশেষ শেখে নি, কাজকর্ম করতে নারাজ, বাপ পরশা-কড়িও বেশী কিছু খরচ করতে পারেন না। বেশ রাগী এবং জেদী। শাওড়ীর তাকে একেবারেই পছন্দ হয় নি, অবিশি স্বামী সন্দর মুখে বেশ খানিকটা ভুলেছিলেন। কিন্তু সে মুখ ত কপালে বেশীদিন টিকল না।

লীলা এঁদের সমান ঘরের মেয়ে, টাকা-পরশা খরচ করতে তার বাবা ক্রটি করেন নি। মেয়ে খার্ড ইয়ারে পড়ছিল, তখন তার বিয়ে হয়ে গেল। দেখতে সুন্দরী নয়, বরং শ্যামবর্ণ। তবে কুৎসিত একেবারেই বলা যায় না। মুখে শাস্ত্রী আছে, চোখে বুদ্ধির দীপ্তি আছে। কাজকর্ম জানে, শাওড়ীকে সকল বিষয়ে সাহায্য করে। তবে স্বামীর তাকে পছন্দ হয় নি। বড় বউয়ের পাশে একে বড় মান দেখায়। তার বন্ধুবান্ধবের কাছে বউ বার করতে লজ্জা করে। দাদার গর্বিত মুখের ভাব তার মনে পড়ে। প্রথম প্রথম বউ নিয়ে সে ত একেবারে পাগল হয়ে উঠেছিল। যেন এমনটি আর জগতে কেউ পায় নি। মণীশেরও একটু গর্ব হয়েছিল বই কি এই বৌদিটিকে নিয়ে?

কিন্তু স্বত্তরের সংসারে হেনার নিশ্চেষ্টাই বেশী হ’ল। স্বামী আর দেওর তার শুক থাকলেন অবশ্য, কিন্তু তাঁদেরও উৎসাহটা বাধ্য হয়ে খানিকটা মনে মনেই রাখতে হ’ল। তার পর ত এল সেই বিনামেঘে বজ্রাঘাতের দিন।

সাধারণতঃ বিধবা সম্মানহীন মেয়ে বাপের বাড়ীতেই চলে যায়, কিন্তু হেনার বাবা ইতিমধ্যে মারা গিয়েছিলেন। কোনদিনই অবস্থা ভাল ছিল না, এখন ত প্রায় অচল হয়ে দাঁড়াল। সুতরাং হেনা বাধ্য হয়ে স্বত্তরবাড়ীতেই



থেকে গেল। খাওয়া, পরা, থাকা, এ সবের কোন অসুবিধা ছিল না। তবে সে হাড়ে হাড়ে বুঝতে লাগল যে, সে একটা নিদারুণ অবহেলার পাত্রী হয়ে দাঁড়িয়েছে। নিজেদের মান রক্ষার্থে এঁরা তাকে বাড়ীতে স্থান দিয়েছেন, কিন্তু তার মুখ দেখতেও তাঁদের ইচ্ছে করে না। একবার মণীশ তার দিকে। সে ছেলে কথা বলে, তিনিষপত্র যখন যা দরকার এনে দেয়, শরীর খারাপ হলে চিকিৎসার ব্যবস্থা করে। হাত খুঁচের জন্তে টাকা দেয়। মণীশ না থাকলে হেনা বৌসহয় পাগল হয়ে যেত।

এগুলি কিন্তু কেউ ভাল চোখে দেখে না। শাওড়ী নিজে কিছু বলেন না, কিন্তু আত্মীয়স্বজন সকলেই বড় বউয়ের নিশ্চয় করে। এত ভাবন কেন বিধবা মেয়ের? সোমস্ত বয়সের মানুষ, দেওরের সঙ্গে কি রাস্তা দিন ফুসুর ফুসুর?

হেনা শোনে আর হাড়ে হাড়ে অ'লে যায়। নেগাং কলিযুগে কাউকে তাকিয়ে ভয় ক'রে দেওয়া যায় না, নইলে সে তাই দিত বোধ হয়। প্রতিশোধ নেবার ইচ্ছায় তার রক্তশ্রোত যেন বিষিয়ে ওঠে, কিন্তু আর কেউ তাতে যত্ননা পায় না, সে নিজেই পায়। মণীশের কানেও যে কথাগুলো না আসে তা নয়, কিন্তু তার ব্যবহারের কোন নড়চড় হয় না।

এ হেন সময় মণীশের বিয়ে হয়ে গেল। হেনার মাথায় যেন আশ্বিন ধ'রে গেল। একজন মাত্র লোক ছুনিয়ায় তার কদর বুঝত, সেও এবার পর হয়ে যাবে? কি করবে হেনা? কোথায় যাবে সে? কত লোকে কত পরামর্শ দেয়, লেখাপড়া শেখ, নার্সিং শেখ, নয় ত কোন তীর্থস্থানে গিয়ে কোন আশ্রমে থাক। কিন্তু যার মন ভোগসুখের লালসায় পরিপূর্ণ, তার এসব দিকে মন যাবে কেন?

মণীশের বউ এল। তাকে দেখে হেনার তবু বুকের ভিতরটা জুড়াল। যাক, রূপে অসুতঃ তার পাশে দাঁড়াবার যোগ্য নয়। মণীশ কি এই বউ দেখে খুশী হবে? স্বতঃ-শাওড়ী ত পারলে নতুন বউকে মাথায় তুলে নাটক। তা নাচবেনই ত? অটেল টাকা খরচ করেছে ছোট বউয়ের বাবা।

মণীশ যে খুশী হয় নি তা তার ব্যবহারেই বোঝা গেল। ছোট বউ বাড়ীর পূর্ণ মর্যাদা পেল বটে, কিন্তু স্বামীর ভালবাসা পেল না। বাইরের চালচলনে সেটা বিশেষ কিছু যে ধরা পড়ত তা নয়। স্বামী-স্ত্রী এক ঘরেই থাকে, কথাবার্তা দরকার মত বলে। ছোট বউ সব রকম কর্তব্যই পালন ক'রে চলে, কাজে তার কোথাও খুঁৎ নেই। ঘরদোর পরিপাটি সাজান, মণীশের কোন অযত্ন হয় না। তবে দরকার ছাড়া লীলা কথা বলে না, রাতে সবাই শোবার পর নিজের ছোট ড্রেসিং-রুমে মাতুর পেতে শোয়। খুব গরম লাগলে শোবার ঘরে এসে দক্ষিণদিকী বড় জানলাটার ধারে শুয়ে থাকে। বিয়ের দু'তিন দিন পরেই সে মণীশের মন বুঝতে পেরেছিল। অত্যন্ত আহতচিত্তে সে একেবারেই স'রে দাঁড়াল স্বামীর কাছ থেকে। মণীশ এতে একটু আরাম বোধ করল তবে একটু অপ্রতিভও হ'ল। স্বামী-স্ত্রীর মধ্যে ভালবাসা নেই, অথচ স্বামী-স্ত্রী সম্পর্কটা আছে, এ ত বাংলা দেশে নতুন ব্যাপার নয় কিছু? তা অত দেমাক দেখিয়ে একেবারে স'রে যাবার দরকার কি ছিল? আচ্ছা, এতেই যদি লীলার সুবিধা হয়, ত সে এমনি ক'রেই থাকুক। তার উপর কোন অত্যাচার হচ্ছে এ অসুতঃ কেউ বলতে পারবে না।

হেনা খানিকক্ষণ চুপচাপ নিজের ঘরে ব'সে কি যেন ভাবতে লাগল। তার পর একটু ক্ষিদে বোধ হওয়াতে উঠে গেল ঠোঁটটার কাছে। রোজ ভাতে ভাত খেতে ইচ্ছে করে না, অল্প সবাই কেমন পাঁচ ব্যঞ্জন দিয়ে ভাত খায়। নিরামিষ তরকারি-টারি একটু দিতে পারে হেনাকে, বামুনীতেই রাঁধে, কিন্তু সেদিকে কি কারো দৃষ্টি আছে? শাওড়ী ত হেনা ম'রে গেলেও ফিরে তাকান না, আদরের বউ-ছেলেমেয়েকে গেলাতেই ব্যস্ত। স্বতঃের সঙ্গে তার বাক্যালাপও নেই। এক মণীশ, তা সে পুরুষ মানুষ, সে কি আর কোথায় কে কি খাচ্ছে, না খাচ্ছে তা দেখতে আসে?

ভাতে ভাতই চড়াল। দিদির বাড়ী থেকে খানিক আচার নিয়ে এসেছিল, তারই সাহায্যে খাবে এখন। ভাত ফুটে গেছে, এখন নামালেই হয়, এমন সময় মণীশ ফিরে এল। তেলের শিশিটা হেনার দিকে এগিয়ে দিয়ে বলল, "এই নাও, ধর।"

হেনা জিজ্ঞাসা করল, "হাতে ওটা আবার কি?"

মণীশ বলল, "একখানা নতুন বই বেরিয়েছে উমাশঙ্করের, ছোট বউয়ের জন্তে নিয়ে এলাম, ও খুব ভালবাসে ও'র বই।"

হেনার বুকের ভিতর খচ্ খচ্ করে উঠল। তা হলে উপহারটা আস্তা দেওয়া হয়ে থাকে? বলল, "চেয়েছিল নাকি ছোট বউ?"

"না চায় নি। সে আবার অধমের কাছে কিছু চায় নাকি? ওসব চাওয়া-টাওয়ার উর্ধ্বে সে। এমনি আনলাম। ওদের বাড়ী থেকে ত লরী বোঝাই উপহার নিচ্ছি প্রতি বছর। কিছু না দিলে নিজের কাছে নিজের মান থাকে না।"

হেনা মুখ টিপে হেসে বলল, "তা বটে।" মগীশ চলে গেল। ভাত নামিয়ে হেনা খেতে বসল, কিন্তু খাওয়ার তার যেন সব রুচি চলে গেল।

পরদিনও সকাল বেলা দিদির বাড়ী যেতে চাওয়াতে শাড়ী বললেন, "রোজই যেতে হবে? কে আবার আজ তোমায় নিয়ে আসবে? রাজলক্ষ্মী রোজ যেতে চায় না।"

হেনা বলল, "আমি বোঁচাকে সঙ্গে করে নিজেই আসব, কাউকে যেতে হবে না। দুটো জামা করতে দিয়ে-ছিলাম দিদির দরজীকে, তাই ছোট ব্যাগটা নিয়ে যাচ্ছি। যাব?"

গৃহিণী মুখ ভার করে বললেন, "যাও।" হেনা বেরিয়ে গেল। ঝি রিকুশ ডেকে দিল, তাদের বহু দিনের চেনা পুরাণো রিকুশওয়ালী, তার রিকুশ গলে আর সঙ্গে লোক দিতে হয় না।

টিনি ছোট মাসীকে দেখে ছুটে এল।

"হ্যাঁ ছোট মাসী, কি এনেছ ব্যাগে করে?"

হেনা বলল, "একখানা শাড়ী আনলাম ঐ সাপুড়ে বউটার জন্তে। তোরা সাপখেলা দেখবি বলেছিলি না?"

টিনি হাততালি দিয়ে উঠল, "বেশ মজা হবে। দাঁড়াও, বোঁচাকে ডাকি, সে চোঁচয়ে ওদের ডাকবে।"

বোঁচা চলল পিছনের বারান্দায়, সঙ্গে সঙ্গে অন্তরাও। বাইরের উঠানে তখন টিন-মিস্ত্রীর ছেলে এসে জাঁকিয়ে বসেছে, অন্তদের তখনও দেখা নেই। বোঁচা ডাকতেই বলল, "দাঁড়াও ডেকে দিচ্ছি। এখনও হরিশখুড়ো বেরোয় নি, এই যাব যাব করছে।"

খুড়ো বেরোবার আগে খুড়ী বেরিয়ে এল। হেনাকে দেখে হেসে বলল, "কি দিদিমণি, শাড়ী এনেছ?"

হেনা বলল, "এনেছি ত। কিন্তু এখান থেকে ছুঁড়ে দিলে ত কাদায় পড়ে যাবে। তুমি নীচের খিড়কির দরজার কাছে এসে দাঁড়াও, আমি যাচ্ছি।"

বেশ রঙীন চটকদার একখানা শাড়ী বার করে হেনা নীচে নেমে গেল। সাপুড়ে বউ ততক্ষণে দরজার সামনে এসে দাঁড়িয়েছে। শাড়ী দেখে সে ত আহ্লাদে আটখানা।

হেনা বলল, "ওধু হাসলে হবে না বাপু, আজ অনেকক্ষণ ধরে খেলা দেখাতে হবে।"

বউ বলল, "তা ত বটে দিদিমণি, মুড়ি কটা খেয়ে নিক, এখুনি আসছে।"

এরপর হেনার উপরে চলে আসা উচিত ছিল, কিন্তু সে সেই গলির দরজা ধরে দাঁড়িয়ে গল্প করেই চলল। শাড়ী পেয়ে সাপুড়ে বউয়ের মেজাজটা খুবই ভাল ছিল, সেও নিশ্চিন্ত মনে দাঁড়িয়ে কথার উত্তর দিতে লাগল।

ইতিমধ্যে হরিশ খোলাখুলি চুবড়ী নিয়ে বেরিয়ে এল। হেনা তখন উপরে উঠে বোনপো, বোনঝিদের মধ্যে দাঁড়াল সাপ খেলানো দেখবার জন্তে।

অনেকক্ষণ ধরে চলল খেলা, বালক-বালিকারা পেট ভরে দেখল। তাদের মাও দর্শকদের মধ্যে ছিলেন, কাজেই কয়েক আনা পয়সাও জুটল হরিশের ভাগ্যে।

বোঁচাকে জোগাড় করে খানিক পরে হেনা বাড়ী ফিরে গেল।

বোনের বাড়ী যাওয়া তার লেগেই আছে। কখনও দিদির অসুখ, কখনও দেশের থেকে মাসী এসেছেন, কখনও তাদের বাড়ী কীর্তন হবে। ছলছুতোর অভাব হ'ত না, শাড়ীও বিশেষ আশঙ্কি করতেন না। হেনাকে কোন কাজে পাওয়া যায় না, তিনি ডাকেনও না। তাঁর চোখের আড়ালে থাকলেই ভাল।

বৈশাখ মাসের শেষ দিকটা, দারুণ গরম পড়েছে। হেনা সেদিনও দিদির বাড়ী গিয়েছিল সকালে। সাপুড়ে বউয়ের ভাগ্যে দুটো রঙীন জামাও জুটল। তবে বড় অসহ গরম, বেশীক্ষণ থাকা গেল না। নিজের মার্কোল পাথরের মেজওয়ালী ঘর, আর নূতন পাখাটার জোর হাওয়া তার মনকে টানতে লাগল। এ পাখাটা মগীশই



শাড়ী দেখে সাপুড়ে-বউ আহ্লাদে আটখানা

ব'লে ক'য়ে করিয়ে দিয়েছিল, পুরাণো ক্যান্টো নষ্ট হয়ে যাবার পরে। তা না হ'লে স্বত্তর কখনও বড় বউয়ের জন্তে অতটা করতেন না।

• বাড়ী কিরে এসে রান্নাবান্না ক'রে খেল। যা গরম, কিছু খেতে ইচ্ছাও করে না। কিন্তু পোড়া পেট যে মানেন না, পিণ্ডি গিলতেই হয়। দিদিও তেমনি, একদিন খেতে বলে না, জানেই ত তার অত বাহ্যবিচার নেই, একসঙ্গেই খেতে পারে। ভয় পায় আর কি? পাছে লোক-জানাজানি হয়ে যায়।

রাস্তিরে শোবার সময় আর ঘরে থাকে যায় না। বারান্দা আছে, ছাদ আছে, বেরিয়ে যে না শোওয়া যায় এমন নয়, কিন্তু জো কি? শাড়ী গালমন্দ দিয়ে পাড়া মাথায় করবেন। একেই ত স্বত্তরবাড়ীর লোকের কাছে তার নাম "বেহায়া বৌ"। একটা বেড়কতার টেনে নিয়ে সে ভয়ে পড়ল মেঝের উপর, ঘুম এসে গেলে উঠে খাটে শোবে।

মণীশ সেদিন নিয়ম মত বিছানায়ই শুয়েছিল, লীলা শুয়েছে জানলার ধারে মাত্র পেতে।

মণীশের ঘুম আসছে না, খালি উঃ আঃ করছে, আর পাশ বদলাচ্ছে। খানিক পরে বলল, "আমি ঘুমাতে পারব না এখানে, গদি-তোশক ফুঁড়ে যেন আঙুন বেরোচ্ছে, আর পাখার হাওয়াটা যেন কোন furnace-এর ভিতর থেকে আসছে। আমি নেমে শুই, তোমার কি খুঃ অসুবিধা হবে?"

লীলা উঠে বসল, বলল, "না, কোন অসুবিধে নেই। তুমি এই জানলাটার ধারে শোও, বেশ হাওয়া আসছে। আমি ঐ পূবের জানলাটার ধারে শুচ্ছি, ওখানেও বেশ হাওয়া।"

সে উঠে মণীশের জন্তে শীতলপাটি পেতে দিল, তার বালিশ নামিয়ে দিল, তার পর নিজের মাত্রটা আর একটা জানলার পাশে টেনে নিয়ে, বাতি নিভিয়ে দিয়ে শুয়ে পড়ল।

•• ঘণ্টাখানিক বড়জোর ঘুমিয়েছিল। হঠাৎ দারুণ আর্জনাতে তার ঘুম দেশ ছেড়ে পালাল। বড়মড় ক'রে

উঠে বসতেই মণীশ বলল, “শীগ্গির আলো-জ্বলে দেখ, কি আমার কামড়াল! উঃ গেলাম যে! সাপ নাকি কে জানে!”

লীলা ছুটে গিয়ে ঘরের ছোটো আলোই একসঙ্গে জ্বলে দিল। মণীশ ভয়ানক কাতরাচ্ছে, আর ছট্‌ফট্‌ করছে। লীলা কাছে আসতেই বেশ মাঝারি গোছের একটা কাঁকড়া বিছে ল্যাজ উচু করে গড়গড় ক’রে ঘরের জল নিকাশের নর্দমার মধ্যে ঢুকে গেল।

লীলা বলল, “এত বড় কাঁকড়া বিছে দোতলার ঘরে কি ক’রে এল! সর্কনাশ!”

মণীশ বলল, “শীগ্গির ডাক বাবা-মাকে। ওঃ, আমার প্রাণটা যে বেরিয়ে গেল।”

হু’তিন মিনিটের মধ্যেই বাড়ীর সব ক’জন লোক ঘরের ভিতর এসে জুটল। যার যতরকম টোটকাটুটুকি জানা ছিল সব একসঙ্গে সবাই বলতে লাগল। যা কিছু হাতের কাছে পাওয়া গেল তা কতস্থানে দেওয়াও হতে লাগল। কিন্তু যন্ত্রণা ত কিছুই কমে না। অতবড় বলিষ্ঠ ছেলে, সে যেন ক্রমেই এলিয়ে পড়ছে, তার আর্ন্তনাদ ক্রমে গোষ্ঠানিতে পরিণত হচ্ছে।

মণীশের মা তার মাথা কোলে নিয়ে ব’সে পাগলের মত কাঁদছেন, আর দরজার বাইরে আধ-ঘোমটার মুখ ঢেকে দাঁড়িয়ে আছে হেনা। তাকে দেখে মনে হচ্ছে, সে যেন পাথর হয়ে গিয়েছে, চোখেও যেন দৃষ্টি নেই।

লীলা বলল, “মা, ডাক্তার ডাকতেই হলে, আর দেরি ক’রে কাজ নেই, ও-সব টোটকায় সারবে না।”

শাওড়ী কাঁদতে কাঁদতেই বললেন, “কে যাবে বৌমা? পোড়া-বাড়ীতে টেলিফোন নেই, আজ আসছে, কাল আসছে ক’রে বছর ঘুরে গেল। চাকরসুদ্ধ একটা নেই। রাজলক্ষ্মী বুড়ী রাতে চোখে দেখে না। আর তোমার স্বত্তরের হাঁপানির টান এমন বেড়েছে যে, সিঁড়ির ধার অবধিই যেতে পারবেন না।”

লীলা দৃঢ়স্বরে বলল, “আমি যাচ্ছি। গলি যেখানে শেষ হয়েছে, সেখানে বড় রাস্তার উপর একজন খুব ভাল হোমিওপ্যাথ ডাক্তার থাকেন, তাঁকে ডেকে আনি। ওঁদের ওষুধে খুব চট্‌ ক’রে কাজ হয়।”

শাওড়ী বললেন, “সে কি বৌমা? ছপুর রাতে একলা বৌ-মামুষ কোথায় যাবে?”

লীলা বলল, “যতেই হবে মা। বেশী দূর নয়, এখনি ফিরে আসব। এস ত ময়না, সদর দরজাটা বন্ধ ক’রে একটুক্ষণ ওখানে দাঁড়াবে।”

হু’জনে নেমে গেল। লীলা দরজা খুলে বেরিয়ে পড়ল, ময়না দরজায় হড়কো তুলে দিয়ে পাশের জানলাটা খুলে রাস্তার দিকে তাকিয়ে দাঁড়িয়ে রইল।

লীলা জুতপদে হেঁটে চলল। গলিতে আলো আছে, পথ দেখা যায়। গাড়ী করে আসা-যাওয়া করে গলিটা যে এত নোংরা আর এত খানাপন্ধে ভরা তা তার জানা ছিল না। সৌভাগ্যের বিষয় কয়েকটা নেড়ী কুকুর ছাড়া আর কারো সঙ্গে তার দেখা হ’ল না।

ডাক্তারের বাড়ী পৌঁছতে তার বেশী দেরি হ’ল না। বাঁচা গেল, বাড়ীতে লোক জেগে আছে এখনও, নাচের ঘরটায় আলো জ্বলছে। এই ঘরটাতেই ডাক্তারবাবু সকালবেলা রুগী দেখেন।

লীলা গোলা জানলা দিয়ে দেখতেই পেল, তিনি ব’সে একখানা বই পড়ছেন। সে সামনের বারান্দার সিঁড়ি পার হয়ে সদর দরজায় ঠুক্‌ঠুক্‌ ক’রে যা দিল। ডাক্তার জিজ্ঞাসা করলেন, “কে?”

লীলা বলল, “আমি এই পাড়ারই একজন বউ। আমার স্বামীকে কাঁকড়া বিহেতে কামড়েছে, ভয়ানক যন্ত্রণা। তাই আপনাকে ডাকতে এসেছি, দয়া ক’রে একটু আসুন।”

অল্পবয়সী মেয়ের গলার স্বর শুনে ডাক্তার তাড়াতাড়ি এসে দরজাটা খুলে দিলেন। বললেন, “ভিতরে এসে বসুন মা, আমি কয়েকটা ওষুধ ঙ্ছিয়ে নিচ্ছি।”

লীলা ভিতরে ঢুকে দাঁড়াল। ডাক্তার ব্যাগে কয়েকটা ওষুধ ঢুকিয়ে নিয়ে জুতোছোড়া পায়ে দিয়ে উঠে দাঁড়ালেন। একটা ছোকরা চাকরকে ডেকে দরজা বন্ধ করতে ব’লে তিনি লীলার সঙ্গে রাস্তার নেমে পড়লেন।

ময়না তখনও দরজার পাশে দাঁড়িয়ে, সে ওদের আসতে দেখেই দরজা খুলে দিল। নীচ থেকেই মণীশের কাতর কণ্ঠস্বর ভেসে আসছে।

ডাক্তার নিয়ে উপরে উঠতেই সবাই পথ ক’রে তাঁকে মণীশের কাছে নিয়ে এল। ডাক্তার তার পাশের



অবস্থা দেখে বললেন, "এ জায়গায় এত যা-তা লাগিয়েছেন কেন? ভালোর বদলে মন্দ হবে যে? ওখানটা ধুয়ে দিন দেখি ফোটান জল দিয়ে।"

ডাক্তার ওষুধ বার করে এক ডোস্ তখনই মণীশকে খাইয়ে দিলেন। বাড়ীতে ভাগ্যে ফোটান জল ছিল লীলার ঘরে, সে বাপের বাড়ীর নিয়মই বজায় রেখেছে। এ বাড়ীর লোকেরা ফোটান জল খেতে চায় না, বলে কোন স্বাদ পাওয়া যায় না। লীলা তুলো ভিজিয়ে আস্তে-আস্তে মণীশের পা পরিষ্কার করে দিতে লাগল।

সেখানেও ডাক্তারবাবু ওষুধ জলের পটি দিলেন। ওষুধ খাওয়ান চলতেই লাগল। মণীশের দারুণ ছটকটানি কমে আসতে লাগল, সেই অসহ যন্ত্রণাকাতর আর্তনাদও থেমে গেল। ডাক্তার তার দিকে তাকিয়ে জিজ্ঞাসা করলেন, "ভাল বোধ করছেন কিছ?"

মণীশ বলল, "খানিকটা।"

ডাক্তার বললেন, "আধ ঘণ্টা পরে একেবারে জুড়িয়ে যাবে। ওষুধটা আর একবার খাবেন, তার পর ঘুমোতে চেষ্টা করুন। বিছানায় উঠে তুলে ভাল। বিছেটা মারা হয় নি বোধ হয়, ঘরের মধ্যেই কোথায় লুকিয়ে আছে।"

লীলা বলল, "মারতে পারি নি, ঐ নর্দমায় চুকেছে, আমি বড় একটা ভোয়ালে দিয়ে নর্দমার মুগ ঠেসে বন্ধ করে দিচ্ছি।"

মণীশকে অনেকটা সুস্থ দেখে সবাই আবার কথা বলতে আরম্ভ করল। কর্তা বললেন, "কলকাতার শহরে, বাড়ীতে দোতলার উপর কাঁকড়া বিছে! এমন ব্যাপার কখনও কেউ শুনেছে?"

ডাক্তার বললেন, "কলকাতার শহর আজব জায়গা মশাই। সেদিন তুললাম, আমার এক বন্ধুর বাড়ীতে দোতলার উপর ভাঁড়ার ঘরে সাপ পাওয়া গেছে।"

মণীশের মা শিউরে উঠে বললেন, "কাল সারা বাড়ী আমি ঝাড়াব। সব কটা নর্দমায় লাইসল দিয়ে মুগ বন্ধ করে দেব।"

ডাক্তার বললেন, "আমি তবে উঠি এখন। আর ভয় নেই, যন্ত্রণা গেছে, এর পর ঘুমিয়ে পড়বেন। ভেগে যদি থাকেন, ওষুধটা আর একবার খাইয়ে দেবেন। ঘুমিয়ে পড়লে আর তুলবেন না। সকালে একটা খবর দিয়ে পাঠাবেন।"

কর্তা বললেন, "আজ্ঞে হ্যাঁ, নিশ্চয়।" তাঁর নির্দেশ মত ময়না তার মনিব্যাগ নিয়ে এল। কর্তা ডাক্তারকে তাঁর পাওনা দিতে গিয়ে জিজ্ঞাসা করলেন, "রাত ছপুর্বে টেনে এনেছে, কত আপনাকে দেব বলুন ত?"

ডাক্তার বললেন, "প্রতিবেশী মানুষের কাছে বেশী নিই না, আমাকে আট টাকা দিলেই হবে।"

ব্যাগ গুছিয়ে এবার তিনি নেমে চললেন। ময়না নীচ অবধি নেমে তাঁকে বিদায় দিয়ে এল।

মণীশের মা স্বামীর দিকে তাকিয়ে বললেন, "যাও, তুমি গিয়ে শুয়ে পড়, নইলে হাঁপানি আরও বেড়ে যাবে। ময়না যা ত, বাবার পায়ে একটু হাত বুলিয়ে দিবি, ঘুমিয়ে পড়বেন এখন।"

কর্তা খুবই শ্রান্ত বোধ করছিলেন, ছেলের বিপদ কেটে যাওয়াতে নিশ্চিত হয়ে গুতে চলে গেলেন। হেনাও স'রে গেছে কখন দরজার সামনে থেকে সেটা শুধু মণীশ লক্ষ্য করেছে।

লীলা এবার শাওড়ীর দিকে চেয়ে বলল, "মা, আপনিও গুতে যান, সেই ত ভোররাতে ওঠেন, ছ'এক ঘণ্টা না ঘুমিয়ে নিলে আর মাথা তুলতে পারবেন না। ওষুধ আমি ঠিক সময় খাইয়ে দেব।"

মণীশ এবার উঠে বসল। বলল, "হ্যাঁ মা, যাও। যা হোক একখানা কাণ্ড হ'ল বটে।"

তার মা বললেন, "কাণ্ড ব'লে কাণ্ড। ভাগ্যে বোমা বেটা-ছেলের সাহস ধরে, তাই ত এত শীগ্গির নিষ্কৃতি পেলে, নইলে সারারাত এই তাণ্ডব চলত।"

শাওড়ীও উঠে গেলেন। লীলা বলল, "তুমি এবার বিছানায় উঠে শোও দেখি, আমি বাতিটা নিভিয়ে দিই।"

মণীশ বলল, "তোমাকেও উঠে গুতে হবে। এই ঘরের মেঝের আজ অন্তত: তোমাকে গুতে দিচ্ছি না, আগে বিছে সাপ কোথায় কি আছে সব মারা হোক।"

লীলা বলল, "এখন ত খানিকক্ষণ ভেগেই থাকব। তোমাকে ওষুধ খাওয়াতে হবে আর একবার, যদি না

ঘুমিয়ে পড়। পাশের ঘরের আলোটা জ্বলেই রাখি বরং, আমারও গাটা কেমন ছম্ ছম্ করছে। আর রাতই বা ক'ঘন্টা আছে ?”

মণীশ বলল, “সে যাই হোক; তুমি মেঝেয় শুতে পাবে না, তা হলে আমিও নীচে শোব।”

এ ঘরের দুটো বাতি নিভিয়ে পাশের ঘরের আলোটা জ্বলে রাখল লীলা। মণীশ তখন খোঁড়াতে খোঁড়াতে এসে বিছানায় শুয়েছে। স্ত্রীর হাত ধরে বলল, “উঠে এস, আমার কথা আজ শুনতে হবে।”

লীলা খাটে উঠে বসে রইল মণীশের মাথার কাছে। মণীশের ঘুম ভেঙে না। লীলা বলল, “ধুব গরম লাগছে নাকি ?”

মণীশ বলল, “গরম ত লাগছেই, মনটাও বড় ভার হয়ে আছে।”

লীলা বলল, “মন ভার কেন হ'ল ? কারও দায়ে ত এ ব্যাপার হয় নি ? Accident হয়েই থাকে।”

মণীশ বলল, “পরকে যত্ননা দিলে, নিজেকেও যত্ননা পেতে হয়, এই শিক্ষা হ'ল।”

লীলা ব্যথিত হয়ে বলল, “ওসব কার্য-কারণ খুঁজে লাভ কি ? তুমি ঘুমোতে একটু চেষ্টা কর না ?”

মণীশ তার খানিকটা কাছে এসে বলল, “আমার মাথায় একটু হাত বুলিয়ে দেবে, না ঘেন্না করবে ?”

লীলা একেদারে চমকে গেল, বলল, “না, না, ছি, ছি, এ কি বলছ তুমি ? তোমাকে ঘেন্না করব ? আমি কি পাগল নাকি ?”

সে বসে বসে মণীশের মাথায় হাত বুলাতে লাগল। কিন্তু মণীশের ঘুম আর কিছুতেই আসে না।

ময়না সবার আগে ঘুমিয়ে পড়ল, তার পর ঘুমোলেন তার বাবা আর মা। হেনাব ঘরে সে মেঝেতে লুটোপুটি খতে লাগল।

এ কি ক'রে বসল সে ? সে ও লীলাকে খানিকটা যত্ননা দিয়ে নিজের মনের জ্বালা কুড়োতে চেয়েছিল। মণীশ যে উঠে লীলার জায়গায় শুয়েছে তা সে জানবে কি ক'রে ? শেষে তার হাত দিয়ে মণীশের এত দারুণ একটা ব্যথা পেতে হ'ল ? মণীশ জানবে না, কিন্তু হেনা ও জানে, ভগবানুও যে জানেন। এ সংসারে স্বার্থপ্রনোদিত হয়েও বা একটু প্রীতির সম্বন্ধ তার একজনের সঙ্গে ছিল, তাতেও বিস্মিত মিশল ? ছোট বউয়ের কোন অপকার সে করতে পারে নি, অল্প সকলের কাছে তার দর আরও অনেক বেড়ে গেছে।

যত্ননাকার মণীশের কাছে সে যেতে পারে নি। শাওড়ী খত্তর বাঘের মত তাকে আগলে ছিলেন। ছোট বউ বিবাহিতা স্ত্রীর অধিকারে তার সেবা করেছে। মণীশ কি ভাবল তাকে ? সে শুধু নিতে জানে, দিতে জানে না ?

কতক্ষণ কাটল কে জানে ? বাতী ত নীরব, ডাক্তার চলে যাওয়া অবধি সে ঘরের বাইরেই ছিল। খত্তর শাওড়ী নিজের ঘবে, ময়না এতক্ষণে ঘুমিয়ে পড়েছে।

একবার গিয়ে দেখে আসবে মণীশকে ? দরজা খোলা পাবে না, তবে জানালা ত ওরা খালাই রাখে। মণীশ যদি জেগে থাকে, তা হলে দরজা খোলান যেতে পারে। তার ঘরে চিরদিনই হেনার প্রবেশাধিকায় ছিল সব সময়েই।

উঠে পড়ল হেনা। চুলটা এলো খোঁপা ক'রে জড়িয়ে নিল। ঘরের আলো নিভিয়ে পা টিপে টিপে বারান্দায় বেরিয়ে এল। মণীশের ঘরে আবছা আলো, ঘরের বাতিগুলো জ্বলছে না। পাশের ঘরের আলো জ্বালা আছে।

খাটের উপর মণীশ শুয়ে। তার মাথা লীলার কোলে। উপুড় হয়ে শুয়ে আছে, জেগে আছে কি ঘুমিয়ে আছে বোঝা যায় না। তবে দুই হাত দিয়ে লীলাকে জড়িয়ে ধরে রয়েছে।

হেনা আবার পা টিপে টিপে ফিরে গেল নিজের ঘরে। মাথার চুল টেনে ছিঁড়তে লাগল, পাথরের মেঝেয় টিপ্ টিপ্ ক'রে মাথাটা ঠুকে কালশিরা পড়িয়ে ফেলল।



বেকার জীবনকে ভয় করে আজ জ্যোতির্ময়। চাকরি পেখে ভয় বেড়েছে তার। বুঝেছে ও, জীবন সুখের নয় কারও।

তাই ও বিধেতে আপত্তি তার মনে মনে। সে টলে না মা-বৌদির পীড়াপীড়িতে। মন ভরে না তার, বিয়ের কথায় পৌদি মধুর পরিবেশ সৃষ্টি করলেও। মনে হয়, যে আসবে সে ত বেকার। সে বেকার জীবনে যেমন ভার ছিল সকলের, তেমনি ভার হবে সে এসেও। টাকা দিয়ে যখন সংসারের সব কিছুকে কিনতে হয়, তখন সে টাকা যে আনবে না তার অবস্থা হবে তার বেকার জীবনের মত।

—দেখ খোকা, যে আসে সে তার খাবার নিয়ে আসে। মাখের এ কথা কানে না সে।

—তোমার দাদার একার আয়ে চলে নি আমাদের? কষ্ট হয়েছে বলবে ত! কোন্ সংসারে কষ্ট নই? বৌদির কথা মানলেও কেন মিছামিছি কষ্ট বাড়াবে সে?

কিন্তু টলতে হয় তাকে দিনরাত সকলের পীড়াপীড়িতে, অবশুই তার যুক্তিকে বজায় রেখে। জ্যোতির্ময় চায় চাকরি-করা মেয়ে। বেকার নয়। উপায় করে আনবে সংসারে। তা হ'লে বেকারত্বের জালিম জলতে হবে না তাকে। জ্যোতির্ময়ের মতই সে হবে বাড়ীর সম্পদ। ব্যস্ত থাকবে সকলে তার জন্ত, যেমন আজ থাকে জ্যোতির্ময়কে ঘিরে।

মনে মনে বেদনা অনুভব করেছে এই ভাবে মেয়ে বাছতে গিয়ে। কিন্তু উপায় নেই জ্যোতির্ময়ের। সংসারকে গড়ে তোলার দায়িত্ব তারও। মা-বৌদির মূহু আপত্তি ছিল চাকরি-করা মেয়েতে। মুখে না বললেও বুঝেছে জ্যোতির্ময়। যেন উৎসাহ কম চাকরি-করা মেয়ের কথায়।

তা হোক, জানে জ্যোতির্ময় যে, এ আপত্তিটা নিতান্তই সংসার, মন-গড়া। এ সংসারে রূপের চেয়ে রূপার দাম বেশী, চাকরি পাবার পর বুঝেছে সে হাড়ে হাড়ে। অস্তব দিয়ে করেছে উপলক্ষি। চাকরিটা পাওয়ার পর থেকেই জ্যোতির্ময়ের দর বেড়েছে হঠাৎ। খতিয়ে দেখে আগের অবস্থার সঙ্গে এখনকার।

জ্যোতির্ময়কে দেখলে এখন সবাই মূহু হেসে জিজ্ঞাসা করে কুশল প্রশ্ন। পাশ দিয়ে চলে গেলে বোঝে যে, সপ্রশংস দৃষ্টিতে চেয়ে আছে তার দিকে। অথচ কয়েক মাস আগে স্নায়ুস্বভ্রনের সঙ্গে দেখা হ'লে খামকা বর্ষণ করেছে প্রচুর উপদেশ বানী। বলেছে, এখনও জোগাড় করতে পারলে না কিছু! দেখ তে দেখ, বেকার জীবন কোন কাজের নয়—চেঁটা কর!

—সে কি! জানতাম না যে তুমি বেকার ব'সে! ছুদিন আগে জানলে আমার হাতেই একটা চাকি এসেছিল! কথাটা ব'লেই চুক্ চুক শব্দ ক'রে আপনোব জানাল আত্মীয়টি।

বাড়ীর লোকের কথা না বলাই ভাল। সব সময় মুখ ভার। যেন কত অপরাধ করেছে জ্যোতির্ময়। অত যে হাসিমুখী মাহুদ বৌদি, তারও তাগাদা তাড়াতাড়ি খেয়ে নেবার জন্ত।

—সময়মত খেয়ে নিয়ে আমাদের রেহাই দাও ঠাকুরপো!

সেদিনে একটা চাকরির খোঁজে বেরুবে জ্যোতির্ময়, তাই সকালেই স্নানের ঘরে ঢুকেছিল। ওঃ কি তাগাদা দাদার!

—গোর আবার তাড়া কিসের রে জ্যোতে? সকালবেলাতেই কলঘরে কেন?

মাসীমার বাড়ী গিয়েছিল জ্যোতির্ময় কয়েক দিনের জন্ত বেড়াতে। মেয়েটাও বৃষ্টি দূর সম্পর্কের কেউ। ভারী চমৎকার মেয়ে। মিষ্টি স্বভাব আর কাজ দিয়ে ভুলিয়ে রেখেছিল বাড়ীর লোকদের। সকালে চাক'রে বৃষ্টি নিয়ে আসছিল তার ঘরে। মা তার বলেছে—আমাকে দে সুমি, আমি দিয়ে আসি।

অমন ভাল চা-টা বিশ্বাস লেগেছিল মুখে। বেকারের সুমুখে আইবুড়ো মেয়ে পাঠাতে মায়ের আপত্তি। অথচ চাকরি পাবার পর? মাসীমাই চিঠি লিখেছেন বোনকে। যেন ছেলের বিয়ের কথা কোথাও পাকা না করা হয়, তাঁর আত্মীয় মেয়েটিকে তিনি চান পার করতে। সে মেয়েকে দেখেছে জ্যোতির্ময়। চমৎকার মেয়ে। কাজেকর্মে অতুলনীয়।

জ্যোতির্ময় দেখেছে মেয়েটিকে। অর্থাৎ সেই মেয়েটি, যাকে দিয়ে বেকারের সুমুখে এক কাপ চা পাঠিয়ে দেওয়াও ছিল না নিরাপদ।

অবাক হয়েছেন আর এক আত্মীয়। সে কি কথা দিদি! ছেলের বিয়ে দাও নি এখনও! এমন সোনার চাঁদ ছেলে? ঠিক আছে! আমার জানাশোনা মেয়ে আছে একটা। তারাও এই রকম পাস্তুর খুঁজছে! দেবে-থোবেও অনেক। আমি আজই খবর পাঠাচ্ছি।

এই আত্মীয়টি আগেও এসেছেন তাদের বাড়ী। এতদিন চোখ পড়ে নি এই রত্নের দিকে।

আর মেয়েরা! এতদিন বৃষ্টি করুণার দৃষ্টিতে দেখেছে তাকে। এখন দেখলেই অকারণেই লজ্জায় লাল হয়ে ঘেমে ওঠে। এমন কি পাশের বাড়ীর যে মেয়েটি চোখ তুলে চাইত না ভাল ক'রে, এখন সেও বৃষ্টি সামনে পড়লে চায় অর্ধপূর্ণ দৃষ্টিতে।

রবিবার। ঘরে ব'সে ব'সে কাগজ পড়ে। সপ্তাহের এই ছুটির দিনটাকে শুয়ে-বসে রসিয়ে কাটাতে চায়। মনে হয়, চা ছ'কাপের জায়গায় তিন কাপ হ'লে বেশ জমে সকালটা।

ভাবতে ভাবতেই চায়ের পেয়ালার হাতে হাজির বৌদি!

—চায়ের কথাই ভাবছিলাম বৌদি! কি ক'রে বুঝলে বল ত? বৌদির হাসিমুখ এবার কৌতুকে বলমলিয়ে ওঠে। কি ভাবছিলে তা কি আর বুঝি না ঠাকুরপো!

—কি?

—ভাবছিলে এক নতুন মুখের কথা, যে মিষ্টি হাতে চা নিয়ে ঢুকবে ঘরে...

—সত্যি বৌদি। আমি ভাবছিলাম তোমার কথাই!

—মিথ্যে কথা বলতে নেই ঠাকুরপো! বৌদির চায়ের কি মন ভার?

—তুমি বিশ্বাস কর বৌদি! তোমার চেয়ে ভাল চা কেউ করবে?

—পারবে গো পারবে! তখন আর মুখে রুচবে না বৌদির চা! একটু খেমে বলেন, একা সত্যিই আর পারি নে! এবারে নতুন লোক নিয়ে এস। তোমারও মন ভারবে! ঘরের মধ্যে শুয়ে শুয়ে আর কড়িকাঠ গুণতে হবে না আর আমিও বাঁচব একজন সঙ্গী পেয়ে! আমারও আর ভাল লাগে না একা একা!

অথচ এই বৌদিই আগে তার বিয়ের কথা কখনও উঠলে আপত্তি করেছেন বেজায়। বলেছেন কি হবে একটা পরের মেয়েকে ছুঁখের সংসারে টেনে এনে। আমরা যে জালায় জলছি তার মধ্যে আর একজনকে জালান কেন?

তধু বৌদি নয়, এখন দাদাও চান বিভিন্ন কাজে জ্যোতির্ময়ের পরামর্শ। যেন রাতারাতি জ্যোতির্ময় বিজ্ঞ



হয়ে উঠেছে। এখন ভাইয়ের খোঁজখবর প্রতিটি ব্যাপারে, একসঙ্গে খেতে বসে জ্যোতির্ষের খাওয়ার দিকে তীক্ষ্ণ নজর।

খাওয়ার ব্যাপারে দাদা চিরকালই পেটুক। মাছের মাথা এলে তার দিকে লোভ দাদার চিরকাল। এখন খেতে বসেই বলেন—জ্যোতিকে মাথাটা দিও!

—জ্যোতির্ষ দাদার দিকে আড় চোখে চায়।

ভাবান্তর নেই মুখে। কষ্ট নেই এতটুকু।

—সে আর তোমায় বলতে হবে না! তুমি চাইলেও পাবে না। বৌদির জবাব আসে বখার পিঠেই।

হঠাৎ জ্যোতির্ষ যেন সাপের পাঁচ পা দেখেছে। যেন নতুন মানুষ সে এ সংসারে। অনেক সাধনা আরাধনার পর এসেছে গুরুঠাকুর। বাড়ীসুদ্ধ লোক ব্যস্ত তাকে নিষে, তার সুখ সুবিবার জন্ত ঘুম নেই এতগুলো লোকের। পান থেকে চূণ খসার উপায় নেই, পান না খেলেও খাওয়ার শেষে বৌদি মুখতুচ্ছ নিয়ে দাঁড়িয়ে। চাকরি পাওয়ার আগের দিনেও একশ'বার শুনেছে সংসারের টানাটানির কথা। চাকরি পাওয়ার পরদিন থেকে যেন এ সংসার একটা টাকার গাছের সন্ধান পেয়েছে। কোন জিনিসের অভাব নেই। যখন যা প্রয়োজন তাই আসে হাতের কাছে।

মাও অফিসে যাবার আগে বার বার বলতে থাকেন—খোকা! টিকিনে ফলটল কিনে খাস বাবা! মাথা খাটিয়ে কাজ করতে হয়! না খেলে শরীর টিকবে কেন? দাদাও প্রতিদিন টিকিনের আলাদা পয়সা দেন। এক-এক দিন আট আনা দিয়েও জিজ্ঞাসা করেন ওতে হবে কি না?

অথচ এই আট আনা পয়সা এর আগে হঠাৎ কোনদিন চাইলে বৌদি বলেছেন, আমি বাপু চাইতে পারব না! তুমি গিয়ে বাল দেখ।

আর আজ দাদার ভুল হ'লে বৌদি হাতে গুঁজে দিয়ে যাচ্ছেন আগে আগে। দরকার নাই বললেও পকেটে ফেলে দেন জোর করে।

এক-একদিন মনে হয় জ্যোতির্ষের, এই যে তার আদর, হঠাৎ এই যে তার দাম বেড়ে যাওয়া, কাল যদি চাকরিটা না থাকে তবে? তখন কি এই আদর থাকবে? এমন করে বাড়ীসুদ্ধ সকলের তাকে নিয়ে যে ভাবনা, এ থাকবে কি?

সেদিনও ছুটির দিন। ঘুমিয়েছে জ্যোতির্ষ। কখন দুপুর গড়িয়ে বেলা সন্ধ্যার দিকে চলেছে ছুটে সে জানতেও পারে নি। বৌদি ডেকে তুলছেন চা হাতে নিয়ে। ওঠ ঠাকুরপো! চা খাবে ত ওঠ।

জ্যোতির্ষ উঠে বসেছে ষড়মুড় করে।

—আর পারি না বাপু!

তখনও ঘুম জড়ানো চোখ। হাঁ করে চেয়ে আছে বৌদির দিকে।

—এই ঘুম ভাঙিয়ে চা দেওয়ার দায়িত্ব কি চিরকাল বধে বেড়াতে হবে আমাকেই!

এতক্ষণে সুর গিয়েছে কানে।

জেনেওনেও জ্যোতির্ষ বলে—কে করবে তবে।

—আহা হা—কিছু যেন জানেন না! এমনি করেই কাটবে দিন?

—বেশ ত কাটছে বৌদি!

—আমি আর পারব না।

—তবে ঝি দেখতে হয় একটা!

—তাই দেখ, তবে সেটা তোমার নিজের জন্ত, বুঝলে!

ঐ এক সুর মায়েরও। অফিস থেকে ফিরে যখন বিশ্রাম নেয় জ্যোতির্ষ, তা এক সময় ঘরে এসে বসেন। এ কথা সে কথার পর আসেন আসল কথায়।

—খোকা! সবই ত হ'ল বাবা, এবারে আমার কথাটা রাখ!

—কি কথা মা!

—কবে আছি, কবে নেই। বৌমার মুখ দেখে যেতে চাই রে।

—এক বৌমার মুখ ত দেখছ মা! আর একজনের নাই বা দেখলে?

—তাই কি হয় রে? যখনকার যা! তোকে সংসারী না দেখে আমার যে ম'রেও মুখ নেই।

মায়ের কথায় সায় দিতে গিয়েও থমকে যায় জ্যোতির্ময়। বেশ ত আছে। কিন্তু বেশ থাকতে দেবে না তাকে। অল্পদের সঙ্গে বন্ধুরাও যেন তাকে পাণ্ডিত্য করতে না পারলে দায়মুক্ত হচ্ছে না। তাই মা বৌদি তাদের শরণাপন্ন।

হাসি পায় জ্যোতির্ময়ের। বাড়ীর সমস্ত লোকের চিন্তা এখন তাকে ঘিরে। ভাল লাগে! টাকার এত মূল্য, আগে এমন ক'রে বোঝে নি সে। মাসের শেষে সংসারের জন্তে কয়েকখানা নোট গুঁজে দিলে তার মত বেকার ছেলেও মাহুস হয়ে যায়। মাইনে পেয়েছে ত এক মাস কাজ করার পর। কিন্তু চাকরির প্রথম দিন থেকেই সে বেকারত্ব থেকে মনুষ্যত্বে উন্নীত। দায় থেকে দায়িত্বে উত্তরণ।

কিন্তু জ্যোতির্ময় জানে, সে আজ সংসারের দায় না হলেও বৌদি মা আর বন্ধুর দল যে দায়িত্বের বোঝা চাপাতে চাইছে, সে দায়িত্ব বহন করার পর কি অবশিষ্ট থাকবে তার? আজকে যে তাকে নিয়ে এত মাথাব্যথা, তখন সেই ব্যথাটা হবে অল্প রকম। সংসারের মধ্যে স্মৃষ্ণ ফাটল দেখা দেবে। বেকার থেকে সাকারে আসার আনন্দ থাকবে না আর। দুই ভাইয়ের টাকায় যে আনন্দ, তার ভাগীদার জুটলে ঘাঁটতি পড়বে ভাগে। তখন হবে তার অল্প রূপ। এক জীবনেই তিন জন্ম। বেকার, চাকুরে এবং জীর স্বামী। একটা বছরের মধ্যে তিনটা জীবনের স্বাদ। তিক্ত, মধুর অন্ন!

প্রথম মাইনে পেয়েই কাপড়চোপড় নিয়ে এসেছে দাদা বৌদির আর মার। বৌদির ফ্যাকাশে মুখে যেন রক্তের ছোপ লাগে।

—এত ভাল কাপড় কেন আনলে ঠাকুরপো!

—পছন্দ হয়েছে তোমার?

—খু-উ-ব! কিন্তু আরও আনন্দ পেতাম যদি আর একজনকে আনতে এই রকম ভাল কাপড়ে সাজিয়ে।

জ্যোতির্ময় ভাবে, কি বোকা এই সংসার। শুধু নিজেরা পেয়ে কান্ড নয়, দিতে হবে অল্পকেও। সে এ সংসারে না থাকলে আনতে হবে তাকে। যেন তাকে বাদ দিয়ে চলবে না এদের। সে একই কলসীর জল খাবে, ভাগে কম পড়বে তবু তাকে ছাড়া চলবে না। এরা যেন প্রমাণ করতে চায়, শুধু তার টাকাটাই বড় নয়, টাকাটাকে কত অসংখ্যভাগে ভাগ করা যায় সেটাই কাম্য।

কিন্তু সত্যিই কি তাই! না তাই নয়, সে দেখাতে চায় তা নয়। তাই সে রাজী হয় বিয়েতে শুধু একটা সর্ভে। যে আসবে সেও নিয়ে আসবে। সেও হবে চাকুরে। সেও আদর পাবে তার মত। এমন কি তার চেয়েও বেশী। বেশীটা তার টাকার দিকে চেয়ে, তার স্বন্দর মুখের জ্বরে নয়। জ্যোতির্ময় প্রমাণ করিয়ে দেবে, তার চেয়ে তার টাকাকেই ভালবাসবে তোমরা। সে রাণী হয়ে থাকলে তোমরা করতে চাইবে তাকে পাটরাণী! সে ঘুমাতে চাইলে তোমরাই খুম পাড়াবে তাকে।

বৌদিই খুশী সব চেয়ে বেশী। সে একাই একশ'। নতুন লোক আসছে সংসারে! নতুন বৌ। বৌ নয়, যেন এক ঝলক আলো। বাড়ীর আঁচল উড়িয়ে এল না, যেন নিখে এল দক্ষিণের ঝিরঝিরে বসন্ত বাতাস।

তবু কি হ'ল? কয়েকদিন পরেই যেন ঘুরে গেল দখিনা বাতাস। বয়ে নিয়ে এল উত্তরের উত্তম্ন হিমেল হাওয়া। বৌ ত বৌ হয়ে রইল না ঘরে। এ যেন একটা চাকুরে জীব। সকাল থেকে জ্যোতির্ময়ের সঙ্গে পাঞ্জা অফিস যাওয়া নিয়ে। জ্যোতির্ময় কলঘরে যায় নটায় ত সে সাড়ে আটটায়। জ্যোতির্ময়ের দশটায়, ত তার অফিস সাড়ে নটায়। ঘুম থেকে উঠেই সে অফিসমুখো। সে এ বাড়ীর বৌ নয়, সে শুধু অফিসের কেরাণী। সে বৌদির সঙ্গিনী নয়, মুখের অন্ন। সে নিশ্চিন্ত আরামের অংশীদার নয়, বিলাসের কাস।

মায়ের মুশকিল সবচেয়ে বেশী। তিনি চেয়েছিলেন পুত্রবধু, পেয়েছেন আর একটি পুত্র। যে তাকে সেবা করবে তার কমণীয়তা দিয়ে সে নয়, তাকেই সেবা কর নিজেই পরমামুর গোনা দিনের বিনিময়ে।

আর স্মরণ। তার চোখের স্মৃষ্ণ দিয়ে বাসের হাতল ধ'রে ঝুলতে থাকে মীনা। তাকে সরিয়ে দিয়ে ওঠে ট্রামের পাদানিতে। ভীড়ের মধ্যে ভাস্বর ভাস্কর প্রাণাস্তকর প্রতিদ্বন্দ্বিতা। কাকে ফেলে কে যাবে এগিয়ে।

সবচেয়ে নির্লিপ্ত জ্যোতির্ময়। সে যেন একজন দর্শক এই সংসার রঙ্গভূমে। অফিস থেকে কিরে ক্লাস্ত দেহ-



যখন একখানি শীতল হস্তের কামনা করে সে

মন নিয়ে যখন একখানি শীতল হাতের মধুর স্পর্শ কামনা করে সে, তখন মীনা নিজেকে মিশিয়ে দিয়েছে বিছানায়। একই কামনা বুকি তারও। সেও বুকি চায় এক বলিষ্ঠ হাতের বেটনীর মধ্যে ধরা পড়তে। আশ্রয় নিতে এক লোমশ বৃকের নিরাপদ আশ্রয়ে।

চা নিয়ে এলেন বৌদি ছুজনের জন্তেই। মিলিধে গিয়েছে মুখের হাসি। বিষের আগে যে চোখ ছটো কৌতুকে ঝলমল করত, সে চোখ বুকি বেদনায় ম্লান।

কি কেন? বৌদির মুখের হাসি গেল কোথায়? আগের চেয়ে দামী কাপড় ব্লাউজ উঠেছে গায়ে। যে মুখ ছিল তেন আর ধামের সংমিশ্রণে ভরা, এখন তা স্নো পাউডারের স্পর্শে উজ্জ্বল। শ্বেত শ্বেত শাঁখার বদলে ছ' হাতেই সোনালী চুড়ির ঠুন ঠুন শব্দ। দারিদ্র্যের কাশবন থেকে সম্পদের কমলবনের পদ্মগন্ধ কেন বৌদিকে উজ্জীবিত করতে পারল না! কেন ধূলী হ'ল না সুবাই, মীনার উপায় ক'রে আনা একগোছা নোটের বাড়তি আশুকুল্য সত্ত্বেও।

সংসারটা সচ্ছল ভাষা ভরে উঠলেও ফাঁক রয়ে গেল বুকি মানদ রাহে। তাই সবার আগে বিদ্রোহ করলেন বৌদিই। ফেটে পড়লেন যেন চাপা আক্রোশের কারাগার থেকে।

—পারব না আমি রাজ্যের লোকের ঘনি টানতে! চাকরী করিনে বলে কি আমি মাফুম নই? দাম নেই আমার জীবনের? আমি কি এতই ফেলনা এ সংসারে?

মাও এগিয়ে এসে ধরলেন না রান্নাঘরের হাল। হাতা খুঁটি রইল প'ড়ে। যেন ধর্মঘট করছে বাড়ীস্থল সবাই।

যে কদিন বৌ হয়ে ছিল মীনা, বৌদি শত কাজের মধ্যেও ছিলেন আনন্দে উচ্ছল। আদর যত্ন আর সোহাগে অস্থির ক'রে তুলেছিলেন মীনাকে। কৌতুক আর রঙ্গরসের ঝরণা ঝরত বৌদির চলাফেরার মধ্যেও। কিন্তু এখন এমন হ'ল কেন ?

জ্যোতির্ষমই স্নমুখে পেয়ে ওখাল—কি হ'ল বৌদি ? শরীর খারাপ নাকি ? ঠাকুর রাখব একটা ? গঙ্গার মুখ। বললেন—জানি না।

—এতগুলো লোকের অফিস তো চালাতে হবে ?

—তা আমি কি জানি ? সকলেই অফিসের বাবু। আমি হয়েছি তোমাদের রাঁধুনী। রাঁধুনীরও তো শরীর খারাপ হয় ?

—ছিঃ বৌদি ! তুমি হলে এ বাড়ীর গৃহিণী। তুমিই তো সব ! তুমি যে ভাবে চালাবে, সংসার চলবে সেই ভাবে। তাই তো বলছি রাঁধুনী...

—না—না—না, বৌদি রাগে কোন্ডে ছুঁখে ছুটে বেরিয়ে যান ঘর থেকে।

মীনা চাকরি ছেড়ে ঘরের বৌ হয়ে সজিনী হয়েছে বৌদির। বিয়ের আগে যেমনটি চেয়েছিলেন তেমনটি পেয়েছেন মীনাকে। মীনা চাকরি করার সময় যে খাটুনি খাটতেন বৌদি, ঠিক ততখানিই খাটেন এখনও। কিন্তু যেন অস্ত্র মাহুঘ বৌদি। সেই হাসিখুশা—রঙ্গরসে ভরা। ঠাট্টা আর যে রসিকতা তুলে গিয়েছিলেন বৌদি মীনা চাকরি করার সময়, তা যেন মনে পড়েছে আবার।

মীনার চাকরির এতগুলো টাকা কমে গেল সংসারের আর থেকে, তার জন্ত বৌদির দুঃখ নেই বিন্দুমাত্র। সে সে কথা কেউ তুললে এড়িয়ে যান বৌদি। এখন বৌদি বেজায় সুখী। সুখী শুধু মীনাকে তার পাশে তারই মত একজন হিসাবে পেয়ে।







আমাকে ফায়ারিং শেখাবে চাচা ?

একটা পিনের মাথায় হাতুড়ি দিয়ে ঠুকে ঠুকে দেখছিল ড্রাইভার খালেক চৌধুরী। ঠোকা বন্ধ ক'রে আমার দিকে তাকাল। তার পর হঠাৎ বাঁ হাত আমার কাঁধে রেখে বললে, জরুর বেটা, যো আমাকে চাচা বলে ডাকিয়েসে—সে ত আমার বেটার মাকিক হইয়ে গেলো। হেড মিস্ত্রীকে ডেকে বললে, আরে ওস্তাদজী, লিখাপড়াওয়ালো আদমির দস্তুর আলাগ হয়। আমাকে খোঁকাবাবু চাচা বলে ডাকিয়েসে আর বোলে কাম শিখাতে হোবে।

তার পর বললে, ঠিক হয় বেটা, কালসে হামারা সাথ লাইন পর চলগা।

অথচ এই খালেক চৌধুরীকে আগে কি ভয়ই না করতাম। তখন সবে মাত্র লোকেশেডে চাকরি পেয়েছি। আম গাছের ছায়াচ্ছন্ন পরিবেশে রং-করা একটা মাল গাড়ীতে লোকে অফিস। অফিসের গেট থেকে ছ'দিকে ইটের কেয়ারি করা ইঞ্জিনের ছাই আর ঝামার টুকরো দিয়ে তৈরী এক ফালি রাস্তা ওয়াটার-কলামের কাছ বরাবর গিয়ে শেষ হয়েছে। উটের মত গলা বাড়িয়ে দাঁড়িয়ে আছে ওয়াটার-কলাম। রবারের মোটা নলটা সোজা নেমে এসেছে ইঞ্জিনের ট্যাঙ্কের মুখ পর্যন্ত। নলটার মুখ ভ'রে হড় হড় করে জল পড়ে। কণাগুলো ছিটকে বয়লারের তেল চুকচুকে গায়ে লেগে গড়িয়ে যায়। তার চেয়েও গরম স্টীম পাইপের ওপর প'ড়ে বিজ্ববিজ্ব করতে করতে বাষ্প হয়ে উড়ে যায়। মাথা বাঁকা হুক দিয়ে ছাই ঝাড়া হয়। ছাইয়ের গুঁড়ো বাতাসে ওড়ে। অলস কয়লার ওপর জল প'ড়ে হ্যাঁক ক'রে শব্দ হয়। স্যাপ্সা সোদা গন্ধে বাতাস ভারী হয়ে ওঠে। মুঠো-ভরা ছুটের দড়ি দিয়ে খালসীরা বয়লারের গা চর্বি দিয়ে পালিশ করে। বামে ছাইয়ে আর কয়লার ধুলোতে তাদের মাথার টুপি অথবা কুমাল, গায়ের জামা চবচবে হয়ে ওঠে। আঠার মত গায়ের সঙ্গে লেপটে থাকে। আর একটু উত্তরে ওয়াশ আউট শেড। দিনের পর দিন জল ফুটে ফুটে বয়লারে যে চূপের মত তলানি জন্মে তাই ধুয়ে বার ক'রে দিতে হয়। ক্যানভাস অথবা রবারের পাইপের মুখে লাগানো থাকে তারার নজেল। তার সরু মুখ দিয়ে তোড়ে জল ঢোকে কয়লারের ভেতরে। আবর্তের স্রষ্টি হয়। আর ধুলে-নেওয়া ওয়াশ আউট প্লাগের গর্ভ দিয়ে চূপ-গোলা জল

বেয়িয়ে আসে। রানিংক্রমের বেড়ার পাশে ফুলী আছে। বাং গালাইয়ের কাজ হয়। কাজ হয় কালাইয়ের। নাট বন্টর প্যাচ কাটা হয়। পশ্চিম দিকের কয়লা গাদায় মোটা মোটা হাতুড়ী দিয়ে কয়লা ভাঙা হয়। টেঙারে কুলিরা খুড়ি উঠে কয়লা চালে। তাদের চেহারা হয় কালি-মাখা ভূতের মত। চারিদিকে ব্যস্ততা, হৈ চৈ—যতক্ষণ অবশ্য ইঞ্জিনখানা আছে। এক সময় হঠাৎ সকলকে সচকিত করে বাঁশী বাজায়। তার পর ভন্ ভন্ করে ধোঁয়া আর জল আকাশে ছুঁড়তে ছুঁড়তে লোকো অফিসের পাশ দিয়ে চলে যায়।

সর্বপ্রথম টিগোল আমাকে সঙ্গে করে শেডের মধ্যে নিয়ে এল। সঙ্গে দিল পুরোণ খালসী পচার হাতে। সে আমাকে কাজ শেখাতে লাগল। ইঞ্জিনের ফুট প্লেটের ছধারে (ড্রাইভার ফায়ারম্যান যা ধরে দাঁড়ায়) যে হাত-রোলার আছে সেইগুলো কেমন করে মেজে মেজে রূপোর মত সাদা করতে হয় দেখিয়ে দিল। জুটের দড়ি জলে ভিজিয়ে ছাই বালি আর ঝামার গুঁড়ো মাখিয়ে তাই দিয়ে রোলারের গা ঘষতে হয়।

কিছুক্ষণের মধ্যেই হাত লাল হয়ে আঙ্গুলের গোড়ায় ফোঁস পড়ল। কষ্টে কান্না এল। গলার মধ্যে ঢেলার মতন আটকে গিয়ে গলা বৃদ্ধি এল। যতবার মুঠোতে ছাই-মাখা জুট তুলতে যাচ্ছি, চিন চিন করে আলা করতে থাকে। শেষ পর্যন্ত হতাশ হয়ে কাজ থামিয়ে বসে রইলাম চুপ করে।

এই শালা শূঁয়ারকা বাচ্চা—কে যেন কাকে গাল দিচ্ছে।

শালা, খালেক সাহেবের ইঞ্জিন—যদি জানতে পারে, তোর শালা বাপ চোদ্দ পুরুষের নাম ভুলিয়ে দেবে।

জীব বিশেষকে যার পিতৃস্বানীয় করা হ'ল সেই রোগা তামাটে রংএর খালসীটি আমার বিপরীত দিকের হাত-রোলার মাজছিল। অসাবধানে পেতলের পাইপের ওপর ছাইমাখা জুট রাখার অপরাধে টিগোল তাকে গাল দিচ্ছে।

ইঞ্জিনের ফুট প্লেটে যেখানে ড্রাইভার আর তার ফায়ারম্যান দাঁড়ায় সেখানে তাকিয়ে দেখলাম। আশ্চর্য লাগল। কি পরিষ্কার করে রেখেছে। পেতলের পাইপগুলো দিনের পর দিন মেজে ঘষে সোনার মত করা হয়েছে, আর কি সাজান! পেতলের খুব পাতলা চাদর কেটে ছোট-বড় নানা আকারের পদ্ম আর তারা তৈরি করা হয়েছে। সেগুলোকে জয়েন্টের মুখে নাটের সঙ্গে এঁটে দেওয়া হয়েছে। ফায়ার বক্সের ঠিক মুখের ওপর একটা পতাকা। এত হালুকা যে একটু হাওয়াতেই দোলে। সমস্ত জায়গাটা ধুয়ে-মুছে সাক্ষর করে রাখা হয়েছে। দেখছি, আর কেন জানি না মনে পড়ছে মা'র হাতে নিকোন তুলসীতলার কথা।

কৌতূহল চাপতে না পেরে একজনকে জিজ্ঞেস করলাম,—আচ্ছা, ইঞ্জিনের গায়ে এত পদ্ম আর তারা কেন?

সহকর্মী বললে—পদ্মও নয় তারাও নয়—গয়না, বুঝলে?

আমার হতভম্ব ভাব দেখে সে আবার বললে,—আরে ইঞ্জিন ত আর ইঞ্জিনই নয়। সে খালেক সাহেবের বিবি। বিবিকে ড্রাইভার আদর করে গয়না গড়িয়ে দিয়েছে। বিবি তার কথা মেনে চলে।

খালেক সাহেব কখন আসবেন ভাই?

এবার সহকর্মীর বিস্মিত হওয়ার পাল। লোকোশেডে প্রায় সকল কথার আগেই স্বীর ভাইকে যোগ করা হয়। তাই আমার মুখে ভাই সম্বোধনে সে কিছুটা অবাক হ'ল। বললে, ড্রাইভার সাহেব তিনটির লোক্যাল নিয়ে যাবে। সওয়া একটার শেডে আসবে। ঘড়ির কাঁটা পিছিয়ে থাকতে পারে, কিন্তু ড্রাইভার সাহেব কখনো লেট করে না। আর তখন শেডের চেহারাই পান্টে যাবে। ভীষণ মেজাজদার লোক কিনা? কাজ ঠিক না হ'লে কাউকে ছেড়ে কথা বলে না। মুরুলকে শু একদিন এক লাথি মেরে দিলে। ইঞ্জিনের সামনে স্নোক বক্সের ছাই ছিল। মুরুলের ডিউটি ছিল ধুয়ে দেবার। সে ভুলে যায়, আর সেই ছাই উড়ে এসে ফায়ারম্যান হামিদের চোখে পড়ে।

নোতুন ছোঁড়াটা গেল কোথায় রে পচা?

কিছু বুঝবার আগেই দেখি পলকের মধ্যে যে খালসীটি আমার সঙ্গে কথা বলছিল, বয়লারের নীচে যেখানে চাকা আর যন্ত্রে জট পাকিয়ে আছে সেখানে ঢুকে গেল। যেতে যেতে বলে গেল—শীগগির রোলার ঘষতে আরম্ভ কর। শালা, বাপের বেজম্মা ছেলে আসছে। এখুনি শালা গাল দেবে আর রিপোর্ট হুঁকে দেবে।

একটার পর একটা দিন চলে যায়। কাজ করতে গিয়ে হাত পুড়েছে। হ্যাঁকা লেগেছে যখন-তখন। প্রথম প্রথম কষ্ট হ'ত। সহকর্মীরা বলত—হুদিনেই ঠিক হয়ে যাবে। হ্যাঁকা লেগে এমন হবে যে, শেষে চামড়ার আর

ঠাহর পাবে না। আ রে এই ত আমাদের কাজ। শালা জান কয়লা হুয়ে যাবে—তবু নসীব খুলবে না। বছর ফুরলে মাইনে বাড়বে আট আনা। আর যে শালারা পাখার নীচে বসে আরাম করে—মোটা মোটা তলব নেবে আর ফুটি মারবে। ছুনিয়াটাই এই বকম। একটা অসুত ভঙ্গিতে হাতের তেলোটা উন্টে দিত—যেন সব কিছুই শেষ দেখেছে।

সকাল সাতটায় কাজে আসতাম। এগারোটোর ভেঁা রাজলে খাবার ছুটি। আবার একটা থেকে কাজ। গরম কালে কষ্ট হ'ত খুব। ছপুনের খাঁ খাঁ রোদুয়ে আকাশ ঝলসে যেত। ধুলো উড়ত, ঝড় বইত। বট অখখের পিঙ্গল পাতার দিকে তাকান যেত না। শিমুলের ফুল দেখলে ফায়ার বক্সের ভেতরটার কথা মনে পড়ত। ছুটি হ'ত পাঁচটায়। ছুটির আগে সেগুন তলার কলে হাত-মুখ ধুতাম। পাতায় পাতায় তখন অস্ত-স্বর্ষের রক্তিমতা ছড়াত। সারাদিনের ক্লাস্তি নতুন ক'রে চেপে ধরত।

রাত্রে বেঘোরে ঘুমোতাম। সকালে ঘুম ভাঙলেও চোখ মেলে তাকাতো পারতাম না। মনে হ'ত, কে যেন আমাকে নির্দয় হয়ে প্রহার করেছে, সমস্ত শরীরে পাকা ফোঁড়ার টাটানি, কোন মতে টলতে টলতে পথে বেরোলে সকালের ঠাণ্ডা আমেজে শরীর জুড়িয়ে যেত। লতা ঝোপের ফাঁক দিয়ে স্বর্ষের আলো পথের ধুলোয় লুটোপুটি খেত। আলোর রেখাগুলোকে আমার বোন অভিজ্ঞার আঙ্গুলের মত মনে হ'ত।

সেদিন সকালে আটটা-পঁয়ত্রিশের গাড়ী ছেড়ে গেলে ক্যাটিনে চা খেতে গেলাম। ছ'পয়সার চা আর কুচো নিমকি বিস্কুট খাচ্ছিলাম। ঠাট্টা ইয়াকি হৈ-হট্টগোল সব সময় লেগে আছে। বিলাস এসে দোকানদারকে বললে, এই বৌয়ের ভাই, বোনাইয়ের জন্ম ভাল ক'রে চা বানা।

দোকানদার প্রায় সঙ্গে সঙ্গেই জবাব দিল, আরে শালা, বোনকে বিয়ে দিয়েচিস নিজের কাছে রাখবি ব'লে নাকি? পাঠিয়ে দিস।

• প্রথম প্রথম অস্বস্তি হ'ত খুব। পরে সয়ে গিয়েছিল। আসলে এ গাল-গালাজ নয়। এই এখানকার নির্দোষ ইয়াক। এতে কেউ রাগ করে না। যে আগে সুযোগ পায় অন্তকে স্ত্রীর ভাই করতে চায়। লোহার কাজ। আঙনের কাজ। এ সব কথা বলতে হয় বৈ কি। যে পূজোর যেমন মস্তুর।

চা খাওয়া প্রায় শেষ হয়ে এসেছে। খালেক চৌধুরী এসে দাঁড়াল। বললে—খোঁকাবাবু একটা দরখাস লিখে দেবে?

লিখে প'ড়ে বুঝিয়ে দিতে বললে—ঠিক হইয়েসে, খুব বালো হইয়েসে। শালা ইস্টোর বাবুকে বললাম ত শালার রোয়াবি কত।

সে গাল দিচ্ছিল। আর আমি তাকে দেখছিলাম। মিশকালো গায়ের রং, লম্বা চওড়া দশাসই মাহুম। আঙ্গুল সমেত হাতের তেলোখানাকে খাবার মত মনে হয়। চৌধুরী সোখিন। কাঁচা দাড়ি আর মুর মেহেদী পাতার রংএ রাঙায়। সযত্নে ছাঁটা। চোখের কোলে সূর্য। কিন্তু সবচেয়ে অবাক লাগল চোখের দিকে তাকিয়ে। সে দৃষ্টির সামনে দাঁড়ালে অস্বস্তি হয়। মনে হয় যেন লোকটা আমার বুকের ভেতর পর্যন্ত চালিয়ে দিচ্ছে তার দৃষ্টি। সব কিছু দেখছে তন্ন তন্ন ক'রে। চোখের দিকে তাকান যায় না বেশীক্ষণ। আপনা থেকে মাথা হুয়ে আসে।

! ১৯৪৭-এর সেই ছুদিন এল। দেশ হ'ল স্বাধাভিক্ত। একটা ছোট চেউ, যা মহা সমুদ্রে একবার উঠেই মিলিয়ে যায়, আমাদের শেডে এসে লাগল। শতকরা নিরানব্বই ভাগ ড্রাইভার ফায়ারম্যান মুসলমান—সকলে স্বীকৃতি দিল পাকিস্তানে যাওয়ার। শেড প্রায় অচল হ'ল। খালেক চৌধুরী কিন্তু সাফ জবাব দিল। জোর গলায় বললে, এক রাজা যাবে ত আর এক রাজা হোবে। দেশ ভাগ রাজার কাজ আছে। হামার কাজে ভাগ না যাবে তো হামাভি কুছ বলবে না। আমি এখানেই কাজ কোরবে।

আর আমি এসে বললাম, আমাকে ফায়ারিং শেখাবে চাচা।

স্পষ্ট মনে আছে, যেদিন প্রথম লাইনে গেলাম চৌধুরী বলেছিল—বেটা ইঞ্জিন হামারা বিবি আছে।

একটু খেমে আমার মুখের দিকে চেয়ে হেসে বলেছিল, তুমার চাচী, সমঝা বেটা—তুমার চাচী।—পরম আদরে ইঞ্জিনের গায়ে হাত বুলিয়ে দিয়ে গাচ করে বলেছিল, হামার বিবি হামার সাথে কভি বেইমানি কোরে না।

গার্ডের কাছ থেকে সঙ্কেত পেলেই হামিদ বাশী বাজাত। চৌধুরী ষ্ট্রিম দিত খুলে। প্রথমে একটু কাঁকুনি, কাপলিং হকে একটা আওয়াজ। তারপর ঘাড় থেকে শিরদাঁড়ার ভেতর দিয়ে নেমে যাওয়ার মত একটার পর একটা কাপলিং হকের ভেতর দিয়ে কাঁকুনিটা গাড়ীটার স্ববির দেহে ছড়িয়ে পড়ত। চাকাগুলো এক পাক ঘোরার পর ঝক্-ঝক্ করে একটা শব্দ চিমনির মুখ দিয়ে বেরিয়ে আসত। তার পর একটানা ঝক ঝক শব্দ তুলে সাপের মত বেরিয়ে যেত গাড়ীখানা।

পাশী পড়ানোর মত চৌধুরী আমাকে কাজ শেখাত। বলত, বেটা, এখোন একশো পঁচিশ পাউণ্ড ইষ্ট্রিম আছে। দেখতে হোবে যেন একশোর নীচে না নামে। মগর কৈ ডর নেহি।

সময় হ'লে চোখ দিয়ে ইসারা করত। ঝড়াম ক'রে ফায়ার বক্সের দরজা খুলতাম। বলসে যেত চোখ-মুখ। কোন মতে অপটু হাতে ছ'চার বেলচে কয়লা দিয়ে বন্ধ ক'রে দিতাম ফায়ার বক্সের দরজা। আমার দিকে চেয়ে হামিদ আর চৌধুরী হাসত। চৌধুরী বলত, কিরে বেটা, ইষ্ট্রিম যে পড়িয়ে গেলো।

দেখতাম ষ্ট্রিম ঘড়ির কাঁটা একশোর নীচে নেমে এসেছে। হামিদ এগিয়ে এসে ফায়ারিং করত। চৌধুরী বলত, আভ দেখো, ক্যায়সা ধূঁয়া নিকালতা ছায়। দেখতাম কালো ধামের মত ধোঁয়া গল গল ক'রে বার হচ্ছে আর ষ্ট্রিম ঘড়ির কাঁটা ক্রমশঃ উপরের দিকে উঠছে।

চৌধুরী বলত, যোখন কোয়লা মারতে হোবে, আগে দেখো চিমনিसे ধূঁয়া নিকালতা কি নেহি। তার পর কোয়লা মারো।

আঙ্গুলে আঙ্গুল দিয়ে টোকা মেরে বলত, বায়া কোনমে এক, ডাইনা কোনমে এক, মু'পর এক শাবল; ব্যস হইয়ে গেল।

বলত, সফেদ আগমে কোয়লা ডালো, লাল যাহা মং মারো।

বুঝিয়ে দিত 'একুঝষ্ট্' হওয়ার সঙ্গে সঙ্গে কেমন ক'রে বাইরের হাওয়া আঙনের ফাঁক দিয়ে ঢুকে কয়লা আলায়। কেমন ক'রে জল ফুটে ষ্ট্রিম হয়। আর বলত, লোহেকে ভি জান ছায় বেটা; লোহেকে ভি জান ছায়।

আমাকে যখন তার ফায়ারম্যান ক'রে নিল, গর্ব ক'রে বললে—ইঞ্জিন হামারা বিবি, আউর ফায়ারম্যান আংরেজী বলনেওয়ালো। কোন শালাকে পরোয়া করি? যো সাহাব আসবে, হামি ফায়ারম্যানকে ভিড়িয়ে দেবে। আংরেজীমে বাৎ চিত হোবে—পাঁচ আদমি বলবে—খালেক সাহেব আংরেজী বলনেওয়ালার সাথে কাম কোরে।

অভিজ্ঞার অর হয়েছিল। রেমিটেন্ট কিভারের গতি খারাপের দিকে যেতে যেতে অভিজ্ঞার জীবনের পৃথি বিরাট জিজ্ঞাসার চিহ্ন হয়ে দাঁড়াল। আমার ভাই বিত্ত শেডে আমার ছুটির আবেদনপত্র নিয়ে গিয়েছিল সকালে আর বিকালে এল খালেক চৌধুরী।

স্বর্ঘটা ডুবছে। গাছ-গাছালির মাথায় ঝিকমিকি রোদে। খুটখুট ক'রে দরজার কড়া নড়ে উঠতে মা এগিয়ে গেলেন। অভিজ্ঞার পাশে ব'সে গুনলাম—বহিন্, হামি খালেক চৌধুরী, তুমার বেটার সাথে কাম করি।

আমাকে দেখে বললে, অভিজ্ঞা মাসী কেমন আছে রে বেটা?

কথা বলতে বলতে সে ঘরে ঢুকল। অভিজ্ঞাকে দেখে মাকে বললে—কোন ডর নাই বহিন্। বেটি তুমার আরাম হয়ে যাবে।

মা কিছু বলেন নি শুধু কেঁদেছিলেন। মাকে কোনদিন এত কাঁদতে দেখি নি।

চৌধুরী গিয়ে পীরের দরগায় সিন্ধি মেনেছিল। আর অভিজ্ঞাও বেঁচে গিয়েছিল। তার পর থেকে খালেক চৌধুরী অভিজ্ঞার খেলাঘরের কাদার পায়েসের লোভে বহদিন আমাদের বাড়ীতে এসেছে।

শেডে কত দেশের লোকই না কাজ করে। তারা ছুটি নেয়। বৌ-ছেলেমেয়ে আনতে যার অথবা রেখে আসে। এ ছাড়াও পূজো পার্বণ আছে; সকলেই যায়। যার না কেবল খালেক চৌধুরী।

একদিন বলেছিলাম, আচ্ছা চাচা, তুমি কখনো দেশে যাও না?

আমার প্রশ্ন শেষ হবার আগেই প্রবলভাবে সে বলেছিল, না-না-না।



সব ছিল তার। বৌ-ছেলেমেয়ে। বসন্ত রোগে বৌ-মেয়ে দুইটুই গেল। বুকে ক'রে ছেলেকে মাহুষ করল চৌধুরী। একাধারে বাবা এবং মা হয়ে। ছেলে পুলিশ-সুপার হয়ে বাবার ড্রাইভারের কাজে অসম্মতি জানালে। বাপ বললে, এহি কামকা পয়সা দেকে তুমকো লিখাপড়া শিখলায়া। মং ভুলো।

নিজের সম্মান বাঁচাতে যেদিন ছেলে তাকে চাকর ব'লে পরিয়ে দিয়েছিল, সেদিন থেকে চৌধুরী আর ছেলের মুখ দেখে নি।

ও মেরা নৌঃর হ্যায়। এষ্টটুকুই শুনেছিল চৌধুরী। তার ছেলে বন্ধুকে বলছিল।

বিমুচ হয়ে ব'সে ছিলাম। চৌধুরী বলছিল, আদমি লিখাপড়া শিখে ভি জানবর হয়। নিজের খুনকো ভি পসন্তা নেহি। কেয়া মালুম—তু ভি এক মোজ বড়া অফসর বনকে হামকো বোলগো—এই উল্লু তুম কোই কামকা নোহ।

আর্ডনাদের মত চীংকার ক'রে উঠেছিলাম। না, না, চাচা, আমি বড় হব না। আমি বেইমানি করব না।

কি হা ক'রে হেসে উঠে চৌধুরী জবাব দিয়েছিল—না রে বেটা, বড়া ভরুর হোতে হোবে। না হোলে ত হামারাশি বদনামি। লেকিন বেইমানি কভ্ভি না। বেইমান কো মু' দেখা ভি গোনাহ।

সব রোগের গোড়া মারতে না পারলে শেষে ভয়ঙ্কর হয়। খালেক চৌধুরীর তীক্ষ্ণ অভিজ্ঞ চোখও আমাদের ইঞ্জিনের রোগ ধরতে পারে নি তার ভয়ঙ্কর পরিণতি হ'ল যখন আমরা... নং ডাউন কাজ ক'রে আসছিলাম।

আগের দিন থেকে ব্রোয়ার ঠিক মত কাজ করছিল না। কয়লাও ছিল একদম পাথুরে। আপ ট্রেন নিয়ে যাবার সময় আমার অদৃষ্টি চরমে উঠেছিল। ঘেমে নেয়ে হাত পুড়িয়ে চোট লাগিয়েও কোন মতে ষ্টীম করতে পারি নি। পৌঁছতে দেরি হয়েছিল প্রায় আধ ঘণ্টা মত। নিকাশীপাড়া ওয়াটার কলামে জল নেবার সময় প্যাসেঞ্জার কেপে উঠল। ভদ্রলোকেরা অসভ্যের মত ব্যবহার জুড়ে দিল! একজন সরাসরি আমার সহকারী ফার্মারম্যানকে প্রহর করলে—কি ভাই, ইঞ্জিন খানায় প'ড়ে গেল না কি?

মেজাজ তার ভাল ছিল না। জবাব দিল—না এখনও পড়ে নি, তবে পড়লে আপনাকে তুলতে ডাকব।

তেড়ে উঠলেন ভদ্রলোক—ইঞ্জিন দেখে নিয়ে বেরোতে পার না? শেড়ে ব'সে কয়লা, তেল চুরি করবে আর রাস্তায় এসে বলবে ইঞ্জিন ফেল। ভদ্রলোক দাঁত খিঁচিয়ে উঠলেন।

কেউ কম যায় না। সহকারী জবাব দিল—ভদ্রভাবে কথা বলুন। বাড়ী থেকে সুস্থ শরীরে বেরিয়েছেন ত। ফিরে যাবার আগে যদি প'ড়ে গিয়ে পা ভাঙেন তখন কি পা'খানা 'এগজামিন' না ক'রে বেরোনোর জন্তে নিজেকে দায়ী করবেন?

মৌচাকে ঢিল পড়ল যেন। হাঁ হাঁ ক'রে উঠল সবাই। মার শালাকে, জুতিয়ে মুখ ছিঁড়ে দে। যত বড় মুখ নয় তত বড় কথা।

অকথ্য অশ্রাব্য গালিগালাজে কানপাতা দ্বায় হয়ে উঠল। চৌধুরী ইঞ্জিনে দাঁড়িয়ে সব দেখছিল। সোজা এগিয়ে এল, যে ভদ্রলোক সবচেয়ে বেশী চেষ্টাচ্ছিলেন তার কাছে গিয়ে বললে—মেরা সাথ এক ষ্টিশন চলিয়ে ইঞ্জিন পর। আপনা আঁখসে দেখ লিঞ্জিয়ে তিনো আদমিকো কেয়া হাল হয়। কামমে ফাঁকি—হামারা দস্তর নেহি।

সবাই হকচকিয়ে গেল। আমরা যখন রানিংক্রমে পৌঁছলাম, কেউ কারও সঙ্গে কোন কথা না ব'লে তাড়া-তাড়ি খাওয়া শেষ ক'রে শুয়ে পড়লাম।

...নং ডাউন যখন মহেশপুর ষ্টেশনে এল, ইঞ্জিনের ব্রোয়ার জয়েন্ট বাস্ট করল। যেটুকু বাকী ছিল, কপাল-জোড়ে সেটুকুও ঘটে গেল। ওয়াটার কলামে আগুনের ছাই ঝাড়া শেষ হ'লে চৌধুরী মোক-বক্স খুলে ফেলল। আমি তেল দিতে লাগলাম। সহকারী টেণ্ডারে জল ভরছিল। কাজ শেষ ক'রে চৌধুরীর কাছে গেলাম। ঘেমে নেয়ে উঠেছে। রঙ-করা দাড়ির ডগা থেকে ঘাম ঝরছে টস টস ক'রে। ল্যাপিং দিয়ে যতবার নাট আঁটতে যাচ্ছে, হয় স্প্যানার যাচ্ছে ঘুরে নয় ত পাইপের মুখ যাচ্ছে বঁকে। কিছুতেই কিছু হচ্ছে না। গরম সহ্য করতে না পেরে বাইরে এসে দাঁড়াচ্ছে। কালি-মাখা জুট দিয়ে কপালের ঘাম মুছে নিয়ে গামছার মত ক'রে নিংড়ে ফেলে দিচ্ছে, আর বলছে—শালা খুন পশিনা হয়ে গেল তভ্ভি শালা ঠিক হ'ল না।

ঘড়ির দিকে তাকিয়ে আবার যায়। আমাকে এটা-ওটা করতে বলে।

পয়েন্টসম্যান এসে বললে, মাষ্টার মশাই, জিজ্ঞেস করছেন গাড়ী কখন যাবে।

যখন হবে যাবে—সাক্ষর জবাব দিল।

ঝানাং করে একটা আওয়াজ উঠল। দেখি স্প্যানার ছিটকে তার কপে লেগেছে। গল গল করে রক্ত বেরোচ্ছে। আমি কিছু বলবার আগেই সে হাতুড়ী দিয়ে পাগলের মত জয়েন্টের গোড়ায় আঘাত করছে আর বলছে—হারামী কি বাচ্চী—এ লে তেরী বেইমানী কি নতিজা। খালেক চৌধুরীকো বিবি বননেকো দিল হায় তোঁ বেইমানী কভি না করনা। বেইমানী, হামারা সাথ বেইমানী!

একটার পর একটা হাতুড়ীর আঘাত পড়ছিল আর আমার মনে হচ্ছিল যেন ইঞ্জিনের সমস্ত অস্ত্রাঙ্গা কাঁপছে।  
চাচা কি করছ তুমি?—

চীৎকার করে উঠলাম। নেমে এল সে। কালি-মাখা খামে ভেজা জুট দিয়ে ক্ষতস্থান চেপে ধরে সে স্টেশনের দিকে গেল।

কিছুক্ষণ বিমূঢ় হয়ে থেকে খেয়াল হ'ল স্মোক-বক্সের দরজা খোলা। বন্ধ করতে গিয়ে চোখে পড়ল, শাণ্ডা জয়েন্টের মুখে উস্তাপ কমে যাওয়ার পাইপের ভেতরকার ষ্টাম জমে জল হয়েছে। একটু একটু করে জ'মে ফোঁটার আকার নিচ্ছে। স্বচ্ছ স্ফটিকের মত। সবুজের আভা। তারপর টুপ করে ধ'রে পড়ছে ছাইয়ের ওপর। ছাইগুলো দলা পাকাচ্ছে। ফোঁটা করার সঙ্গে সঙ্গে কিছু ছাই উড়ছেও। আমার মনে হ'ল, অপমানে আঘাতে বিবি কাঁদছে। খালেক চৌধুরীর বিবি। স্মোক-বক্স বন্ধ করে শিশুগাছের তলায় বসলাম। আকাশটা রোদে জ্বলছিল। মনে হচ্ছিল যেন খালেক চৌধুরী বলছে—লোহেকে ভি জান হায় বেটা, লোহেকে ভি জান হায়।

খালেক চৌধুরীর এক দূরসম্পর্কীয় চাচা থাকতেন মুঙ্গেরে। তার মৃত্যুর খবর পেয়ে সে ছুটি নিল। আমি-এই তাকে প্রথম ছুটি নিতে দেখলাম। এক মাস পরে ফিরে এসে আবার সে তার বিবিকে নিয়ে মেতে উঠল। আবার আমি আমার পুরণো ড্রাইভারের সঙ্গে কাজে বেরিয়ে স্বস্তি পেলাম। বিকেল বেলার পড়ন্ত রৌদ্রের ভেতর দিয়ে আমাদের ট্রেন যাচ্ছিল। সামনে দেখা যাচ্ছিল কালুপাড়া স্টেশনের লাল রঙের বিল্ডিং। রোদ চিক্‌চিক্‌ করছিল গাছের পাতায়। দেয়ালে লেগে তা বিবর্ণ দেখাচ্ছিল। মরা নারকেল গাছে শকুন বসে ছিল একটা।

স্টেশনে ঢোকান আগে মোশন পার্টে কি একটা আওয়াজ হতে চৌধুরী বাঁ-হাত দিয়ে রোলার ধ'রে ঝুঁকে পড়ে দেখতে গেল নীচের দিকে। ঠিক সেই মুহূর্তে ইঞ্জিনখানা ভীষণ ভাবে ছলে উঠল। একটা একটানা ঘট ঘটান্ ঘড়র ঘড়র ঘটান্ ঘট আওয়াজ তুলে ইঞ্জিনটি থেমে গেল। কিছু ঠিক করে বুঝবার আগে খালেক চৌধুরীর চীৎকার শুনে পেলাম—‘ড্রাইভার সাহেব গির গিয়া—গির গিয়া’। কি ক'বে সেদিন ইঞ্জিন থেকে নেমেছিলাম আজ আর মনে নেই। যখন চৌধুরীর কাছে গেলাম, দেখি, সে সম্পূর্ণ অচেতন। কানের ইঞ্চিখানেক ওপরে রগ ঘেঁষে গভীর ক্ষত, রক্ত বেরোচ্ছে। ডান হাত ছমড়ে গেছে। বাঁ পায়ের জুতো ছিটকে পড়ে আছে। বুড়ো আঙ্গুলটা খেঁতলে গেছে।

তিন মাস যমে মানুষের টানাটানির পর চৌধুরী ফিরল যা ছিল তার অর্ধেক হয়ে। ডাক্তার সুপারিশ করেছে হালকা কাজ দেওয়ার জন্তে। কেমন যেন আধমরা হয়ে গেল মানুষটা।

কথায় বলে, হাকিম নড়ে ত হকুম নড়ে না। খালেক চৌধুরীর শারীরিক বা মানসিক শ'টার খবরের কোন তোয়াক্কা কেউ করল না। বিভাগীয় অহুসস্থানের তারিখ পড়ল। হোমরাচোমরা সবাই এলেন। অনেক তর্কাতর্কির পর শেষ পর্যন্ত প্রমাণ হ'ল, যে জায়গায় ইঞ্জিন পড়েছে সেখানে ছ' লাইনের মানখানে প্রয়োজনীয় ব্যবধান ছিল না। দোষটা যে সম্পূর্ণ পি. ডব্লিউ. আই.-এর এটা স্পষ্ট হ'ল। কিন্তু বিভাগীয় অধীক্ষক চৌধুরীকে বললেন—তুমি ড্রাইভার নেহি হো। যো ইঞ্জিনসে গির যাতা উসকো পান্ন ড্রাইভার বননা ঠিক হায়।

দপ করে অ'লে উঠল চৌধুরীর চোখ—এ দৃষ্টি আমি চিনি। কিন্তু সে সাগলে নিয়ে বললে, তুমি নেহি বোলনা সাব। আপ বোলনা চাহিয়ে। মেরা ইচ্ছত আপ দেঙ্গে ত আপকো ভি ম্যর দুজা। মেরা কুছ কসুর নেহি। গাড়ী চালানেকো ওয়াখং ম্যর লাইনেকো অন্সর কুছ নেহি দেখ সক্তা। হামারা কুছ হোগা ত পহেলে পি. ডব্লিউ. আই. সাবকো হোনা চাহিয়ে। ছ'চোখে তার ঘৃণা উথলে উঠল।

শেডেকিরে এসে সে লাইন ডিউটি চেয়ে নিলে। শেডের সুস্থির কাজে আর তার মন বসছে না। কিন্তু



তুম্ নেহি বোলনা সাব। আব বোলানা চাহিখে  
মেরা ইচ্ছত আপ দেঙ্গে ত আপকো ভি ম্যয় হুঙ্গা

লাইনে যাওয়া মানে ইঞ্জিনের পেছনে ট্রেন বেঁধে নিয়েই যাওয়া নয়। সে যে তার বিটিকে লোকচকুর সম্মুখে বার  
করবে। না সাজিয়ে কি ক'রে তা সম্ভব?

আর সত্যি কি হাল হয়েছে ইঞ্জিনের। রঙের জৌলুষ নিবে গিয়েছে। এখন আর কোন আশ্রয় নেই।  
আবরণও দীর্ঘ। নানা দোষ হয়েছে। পেতল সোনা হয়েছিল—আবার পেতল হয়েছে। লোহার গায়ে রূপোর  
রঙে মরচে ধরেছে। স্বামীর বুক থেকে ছিনিয়ে নেওয়া বর্ষিতা রমণীর অবস্থা তার।

ট্রেন ছাড়বে এগারটার। চৌধুরী ঘুরে ফিরে সব দেখছে। পেতলের গয়নাগুলো আবার নিজের হাতে এক এক করে পরিবে দিচ্ছে। শোক-বস্ত্রের সামনে থাকত একটা চক্র। সেটাকে লাগিয়ে দিয়ে হঠাৎ বললে—আরে, ভাইলোগ, দেখ, দেখ, নাকছাবি পহিনকে মেরা বিবিকে। খুবসুরং দেখলাতা হায়।

আমাকে থেকে থেকে হাঁসিয়ার করছে। যেন বাপেরবাজী পাঠাবার আগে বিবিকে নিজের হাতে সান্নিধ্যে দিচ্ছে।

এমন সময় এল সেই খবর। চিঠি এসেছে। ঐ দিন থেকেই চৌধুরী এক বছরের জন্তে ডিগ্রেডেড হয়েছে। চিঠির তলার বিভাগীয় অধীক্ষকের সহ অত্যন্ত স্পষ্ট।

সব শুনে একবার তার হাতের পেশী ফুলে উঠল। শূন্যে বাড়িয়ে দিল দুই খাবার মত হাত। তার পর কিছুটা শূন্যই যেন মুঠো ভরে ছিঁড়ে নিল। যে ইঞ্জিনে চড়তে যাচ্ছিল সেই ইঞ্জিনের দিকে একবার শুধু তাকাল। ঠোট ছোটো তার কাঁপতে লাগল। কারও সঙ্গে কোন কথা না বলে সোজা চলে গেল নিজের কোয়ার্টারের দিকে। আমার মনে হ'ল, সমস্ত ইঞ্জিনটার সঙ্গে কে কালি ঢেলে দিয়েছে।

চৌধুরী শাণ্টারের ডিউটি করে। মুখে কথা নেই। যন্ত্রবৎ। তার দুঃখ বুঝি নি, বোঝাতেও পারব না। শুধু দেখেছি মাগুনটা বদলে গেছে। কতদিন দেখতাম চৌধুরী ওয়াশআউট শেডের মাথার ওপর তার ইঞ্জিনের ঠাণ্ডা ফুট-প্লেটের ওপর উপুড় হয়ে শুয়ে। তখন হয়ত ডিউটি নেই। ঘরের আরাম তাকে ধরে রাখতে পারে নি। নিজীব লৌহপিণ্ড তার বেদনায় সাড়া দিত কি না জানি না—কিন্তু সে বিবির সঙ্গে কথা বলত বিড়বিড় করে।

অন্ধকার রাত। ঘুরঘুটি পরিবেশ। ভোর সাড়ে চারটের আমার ছিল ডিউটি। বিশেষ প্রয়োজনে রাপিং-ক্রমে গিয়েছিলাম। ফিরে আসার সময় একটা চাপা কান্নার মত আওয়াজ শুনে পেলাম। মনে হ'ল, মরা ইঞ্জিনটার বয়লারের গায়ে কে যেন উপুড় হয়ে আছে। হাতের টর্চ জ্বালতেই দেখি ঝালেক চৌধুরী। 'চাচা' বলে ডাকলাম। সাড়া দিল না। তার কাছে গিয়ে পিঠে হাত রাখলাম। এবারও সে মুখ তুলল না। ফুঁপিয়ে কাঁদছে আর বলছে—নেহি, নেহি, এ বিচার ঠিক নেহি। মেরা কুছ কসুর নেহি। কিন্তু এ অভিযোগের উত্তর কে দেবে। সকলে যখন অপমান আর আঘাত দিয়েছে তখন সে ছুটে এসেছে তার বিবির কাছে। বিচারের জন্তে নয়—একটু ভাগ দিতে ব্যথার। একটু বুঝি স্নেহ পেতে।

শীতের রাত ভোর হয়ে আসছে। পাতার শিশির টুপ করে বয়লারের গায়ে পড়ে গড়িয়ে যাচ্ছে। হয়ত বা গড়িয়ে গিয়ে ঠেকছে চৌধুরীর রোমশ বুক। বিবির হাতের ঠাণ্ডা হোঁয়া, চোখের জলে জ্বালা বুঝি জুড়িয়ে যাচ্ছে। শেডের কিছু দূরে ক্ষেতে পাকা ধানে বাতাস বইল। সমস্ত শরীর হি হি করে কাঁপতে লাগল। আবার টর্চ জ্বালে চৌধুরীকে দেখলাম। সে এতটুকু বিচলিত হয় নি। তেমনি করে উপুড় হয়ে দু'হাত দিয়ে আঁকড়ে ধরার ভঙ্গিতে বয়লারের গায়ে শুয়ে আছে। মাঝে মাঝে ফুঁপিয়ে উঠছে আর বলছে - নেহি, নেহি।

কিছু না বলে চলে এলাম। থাক, ও ওখানেই থাক। কেঁদে যদি বুক হান্কা হয় হোক। সারাদিন কাজ করে মুখ বুজে। আমাকে পর্যন্ত দেখলে হাসে না আর। পাগল এখনও হয় নি। তাই দিনের আলোর বিবিকে জড়িয়ে ধরে কাঁদতে পারে না। লজ্জা আছে—আছে অপবাদের ভয়। সর্বোপরি আইন। শেডে যা খুঁশি তা ত আর করা যায় না? তাই রাতের অন্ধকারে সোজা এসেছে ইঞ্জিনের কাছে, যাকে সে শুধু লৌহপিণ্ড মনে করে নি। রক্ত-মাংসের তৈরী কোন মানবীর মত দেখেছে, ভালবেসেছে সেই নিষ্ঠায়।

ভাবছিলাম। মনে পড়ল মিশর দেশের সুখী রাজপুত্রের সীসের তৈরি মূর্তির হৃদয় সোয়ালো পাখীর মুখে অস্ত্রের ছুঁখের কথায় কেটে গিয়েছিল। কাল সকালে যদি দেখি...নং ইঞ্জিনের বয়লার কেটে দু'ভাগ হয়েছে, আমি আশ্চর্য হব না।

বুঝি সন্ধ্যা হারিয়েছিলাম। রাত ডিউটির শাণ্টার বললে—কি হে, হাঁ করে দাঁড়িয়ে কেন? সময় হয়ে গেল যে। চেতনা ফিরে এল। পূর্বের আকাশ নিভু আঙনের রঙে লাল হচ্ছে। একটু পরেই আমার ট্রেন ছাড়বে।





তিন দিনের জ্বরে শিবুর বোটা মারা গেল।

দিনরাত্রি বোটা ঝগড়া করত। মারা যেতে শিবু ঝগড়া, অশান্তির হাত থেকে বাঁচল বটে, কিন্তু আর একদিক দিয়ে বিব্রত হয়ে পড়ল।

গুটি-চারেক ছেলেমেয়ে। সবাই ছোট। কেই বা তাদের দেখে-শোনে, কেই বা ছটো রেঁপে দেয়।

শিবু রেলের খালাসী।

কাজ যে খুব বেশী তা নয়। কিন্তু দায়িড় অনেক। হামেহাল হাজির থাকিতে হয়। অধিকন্তু বেগার আছে। সকাল-বিকাল ইন্দারা থেকে রেল-বাবুদের স্নানাহারের জল তুলে দিতে হয়। এই অনস্বায় কখনই বা রাঁধে, কখনই বা বাচ্চা-কাচ্চাদের দেখে!

শিবু মহা বিব্রত হয়ে পড়ল। দিন দিন সে ভুকিয়ে যেতে লাগল। নেজাজ খিটখিটে। কাজে টিল পড়তে লাগল। যখনই সময় পায়, মালের বস্তার আড়ালে বসে ছুই হাঁটুতে মুখ গুঁজে ভাবে। কি যে ভাবে তা সেও জানে না।

বন্ধুরা বললে, হাত দেখিয়ে আসবি চল।

—কোথায়?

—বুড়ো বটতলায় একজন বসে, খাসা হাত দেখে।

সেইখানেই গেল শিবু। বুড়ো বটতলায় চট পেতে, সামনে ছ'খানা বনমাসুমের হাড়, শিকড়-জড়ি, একটা ছক এবং আরও কি কি সাজিয়ে বসে থাকে। যেতে-আসতে শিবু অনেকদিন তাকে দেখেছে। কিন্তু হাত দেখানর কথা কোনদিন মনে হয় নি। দাম্পত্যকলহ সত্ত্বেও তখন তার জীবনের রথ গড়গড়িয়ে চলছিল। সে অবস্বায় মনে হবার কথাও নয়। মাসুম বিব্রত হয়ে যখন চর্ষক্ষে আর কুল-কিনারা দেখতে পার না, তখনই জ্যোতিষীর শরণ নেয়।

জ্যোতিষীও সে কথা জানে।

শিবুকে দেখেই বললে, সময় খুব খাপ্পাপ যাচ্ছে। বিশেষ সাবধানে থাকবে। আরও বিপদ আসতে পারে। শিবুর মুখ শুকিয়ে গেল।

শনি এবং মঙ্গল দুইই কঠিন দেবতা। দুই কোণ থেকে উত্তরের জুঙ্গ দৃষ্টি ওর উপর পড়েছে। একথা শুনে মুখ ওকোবে না, এমন সাহসী মানুষ বাংলা দেশে ক'জন আছে ?

মুখ শুকিয়ে শিবু স্টেশনে ফিরল।

কাজে মন বসে না। তবু কাজ না ক'রেও ত উপায় নেই ?

বাড়ীতে দিনরাত ছেলে-মেয়েদের মধ্যে কুরুক্ষেত্র চলছে :

বড় ছেলেটি মেজ'র মাথায় এমন ইট ছুঁড়েছে যে রক্তগঙ্গা। 'ডাক্তারের কাছে নিয়ে যেতে হয়েছিল। তিনি ঔষধ দিয়ে ব্যাণ্ডেজ বেঁধে দিয়েছেন। তাই নিয়েই সে দিগ্বিদিক ক'রে বেড়াচ্ছে। ছোট মেয়েটা রাস্তায় গাড়ি চাপা পড়তে পড়তে বেঁচে গেছে। এই অবস্থায় কোন বাপেরই কাজে মন বসে না। তবু বসাতে হয়। কাজ না করলে খাবে কি ? তাতে ছেলেমেয়েগুলো গাড়ি চাপাই পড়ুক, আর নিজেরা লাঠালাঠি ক'রে মারা পড়ুক।

এই কথা ভাবতে ভাবতে শিবু চলছিল ডিস্ট্যান্ট সিগন্যালে বাতি লাগাতে। নিজের ভাগ্যের কথা।

বৌটা বেঁচে থাকতে ছিল জ্যাস্ত অশাস্তি। ম'রে গিয়ে সেই অশাস্তি আরও বাড়িয়েছে !

লোহার সিঁড়ি দিয়ে যখন ডিস্ট্যান্ট সিগন্যালের মাঝ বরাবর উঠেছে তখন মনে হ'ল, কারা যেন এসে সিগন্যালের নিচে দাঁড়াল। মনে হ'ল ওরই জন্তে।

পাশের ইয়ার্ডে মালগাড়ি শাফ্টিং করছে।

এই জংশন স্টেশনটার কাছাকাছি কয়েকটা ছোট বড় কারখানা আছে। সেজন্তে মাল আসা-যাওয়া খুবই বেশি হয়। সেজন্তে লাইনও অনেকগুলো।

শিবুকে আরও কতকগুলো সিগন্যালে আলো বাতি লাগাতে হ'ত। আগে সে ছুটে ছুটে চলত, লাকিয়ে লাকিয়ে মই দিয়ে উঠত। এখন পারে না। দেহের সেই চটপটে ভাবটা নষ্ট হয়ে গেছে। আধ ঘণ্টার কাজ এখন এক ঘণ্টাতেও পারে না।

শিবু মালগাড়ির শাফ্টিং একবার অপাঙ্গে চেয়ে দেখলে। তার পর বাতি লাগিয়ে নামতে লাগল।

লোকগুলো তার জন্তেই অপেক্ষা করছে সত্যি। একজন বাদে আর সবাই তার অপরিচিত। যাকে পরিচিত মনে হ'ল, সেও মুখ-চেনা মাত্র। নাম জানে না, প্লাটফর্মে ঘোরাঘুরি করতে দেখেছে।

সেই লোকটা তার সঙ্গীদের বললে, এই হ'ল শিবু। ইয়ার্ডের মালিক বললেই চলে।

এরকম একটা সম্মানজনক পরিচয়ে শিবু হকচকিয়ে গেল। সে সামান্য একজন খালসী। সম্ভ্যার মুখে ডিস্ট্যান্ট সিগন্যালের নিচে কোনদিন মালিক ব'নে যেতে পারে, এ সে জীবনে কখনও কল্পনাও করে নি।

উত্তরে কি বলবে ভেবে পেল না।

লোকগুলি বললে, বসুন শিববাবু, আপনার সঙ্গে কিছু জরুরী কথা আছে।

শিবু কি স্বপ্ন দেখছে ? তাকে কেউ কোনদিন শিববাবু ব'লে ডাকে নি।

বললে, আমার বসবার সময় নেই মশাই। অনেক কাজ আছে।

লোকগুলো হা হা ক'রে হেসে উঠল : কত টাকার কাজ আছে শিববাবু ? আমরা এক বছরের মাইনে গুণে দিচ্ছি, লেন না ?

কথার ভঙ্গিতে লোকটিকে বাঙ্গালী ব'লে মনে হ'ল না।

এবং কথাটাকে একটা উচ্চাঙ্গের রসিকতা ব'লে গ্রহণ ক'রে শিবু বললে, সে আরেক দিন গুণে নোব মশাই। আজ যাই, সত্যি অনেক কাজ আছে।

লোকটির প্রকাণ্ড গোকের ফাঁকে ছ'পাটি ধারাল দাঁত ঝকঝক ক'রে উঠল।

পকেট থেকে এক তাড়া নোট বের ক'রে বললে, বেশ ত মশাই, কাজ আছে কাজে যান। লেकिन মোটগুলো পকেটে রেখে দিন। পাঁচ-শো আছে। বাড়ি গিয়ে গুণে নেবেন।

পাঁচ-শো টাকার নোট শিবুর চোখের সামনে নাচতে লাগল।

না, এটা রসিকতা নয়।



বেশ ত মশাই কাজ আছে কাজে যান। লেकिन নোটগুলো পকেটে রেখে দিন।

শিবুর মাথা বিমঝিম ক'রে উঠল।  
সেইখানে লাইনের উপর ব'সে প'ড়ে শুক কণ্ঠে জিজ্ঞাসা করলে, কি ব্যাপার বলুন তো ?  
—ব্যাপার আর কি ! মা লক্ষ্মী আসছেন, তাঁকে হাত বাড়িয়ে নিয়ে লেন। আর কি ব্যাপার ?  
শিবু বুঝতে পেরেছে ব্যাপারটা কি। এর আগে যে ছিল রেল-গুদামের খালাসী, সে লাল হয়ে গেছে।  
আর চাকরি করে না। মূলক চ'লে গেছে। গোপন খবরে প্রকাশ, সেখানে জিমদারী কিনে রাজার হালে আছে।  
তার জায়গায় কাজ করছে শিবু আজ কয়েক মাস থেকে। সেই সুবাদে তার কাছে এদের আগমন।  
সেই সুবাদে শিবু আজ শিববাবু।  
প্রকাণ্ড বড় প্রলোভন। কিন্তু ভয়ে তার হাত-পা কাঁপছে। গলা শুকিয়ে গেছে।  
তার ডান চোখের সামনে পাঁচশো টাকার নোট। কিন্তু বাঁ চোখের সামনে শনি ও মঙ্গলের ক্রুদ্ধ দৃষ্টি যে বুকের  
উত্তর পর্বস্ত পুড়িয়ে দিচ্ছে। কানে বাজছে জ্যোতিষীর কথা : সামনে আরও বিপদ আসছে। সাবধান !  
বিপদ ত আসতেই পারে। যে রীত্যা দিয়ে মা লক্ষ্মী আসেন, সেই রাস্তা দিয়েই আসে বিপদ।  
শিবু হাতজোড় ক'রে বললে, মাক করতে হবে। আমি পারব না।  
লোকগুলো সাহস দিলে : ভয় কিসের ? কুছু ভয় নেই। এ শেকল অনেক দূর পর্বস্ত গেছে।  
কিন্তু শিবুর তাতেও সাহস এল না।

সে হাত জোড় করে নমস্কার জানিবে ছুটল কাজে। পিছনের লোকগুলোর অট্টহাসি অনেক দূর থেকেও শুনে পেল।

আর একটি খালাসীর পদ খালি হ'ল।

অনেকদিন থেকে শিবুর এক ভাগনে ধরেছে তার একটা চাকরির জন্তে। এতদিন সুযোগ পাশ নি। এখন মনে হ'ল, স্টোরবাবুকে ধরলে হয়।

শিবুর উৎসাহ আরও বাড়ল এইজন্তে যে, ভাগনের বৌ আছে। তাকে আনতে পারলে শিবুর ছেলেগুলোর একটা হিলে হয়। সে নিজের দুটো রাঁধা-ভাত পায়।

স্টোরবাবু তাকে স্নেহ করেন। সুতরাং চেপে ধরলে ভাগনের চাকরিটা হুখে গেলেও যেতে পারে।

এক সময়, যখন স্টোরবাবুর মেজাজটা বেশ ভাল মনে হ'ল, তাকে গিয়ে ধরলে। বেশ চেপেই ধরলে। নিজের দুঃখের কথা সবিস্তারে বললে। ভাগনে এলে তার কি সুবিধা হয় তাও বুঝিয়ে বললে।

কিন্তু হ'ল না।

স্টোরবাবু জানালেন, লোক ঠিক হয়ে গেছে। সে কাল এসে কাজে যোগ দেবে। আরও আগে বললে হ'ত। এখন আর কোন উপায় নেই।

কি আর করা যায়? তার সময় যে খারাপ যাচ্ছে এবং আরও যাবে, তা ত জ্যোতিষী ব'লেই দিয়েছে।

শিবু ক্ষুব্ধ মনে ফিরে আসছিল। স্টোরবাবু আবার ডাকলেন। বললেন, দেখ তোমার শরীর ভাল নয়, মনও ভাল নয়। রেঁধে-বেড়ে খেতে হয়। বাচ্চা-কাচ্চাদেরও দেখাশোনা করা দরকার। তোমার কাজ কিছু হাল্কা করে দিলে কেমন হয়?

বিগলিত-হৃদয়ে শিবু হাত জোড় করে বললে, খুব ভাল হয় বাবু। আমি খারাপ পারছি নি।

শিবুর কাজ অনেক কমে গেল। স্টোরের কাজ রইল না। সে জায়গার ভার নিলে নতুন খালাসী রামরতন। স্টোরের বাইরে টুকিটাকি কাজগুলো শুধু শিবুব উপর রইল।

শিবু খুশী।

বয়স তার বেশি নয়। কিন্তু স্ত্রীবিয়োগের পর যেন বুড়িয়ে গেছে। খাটতে আর ভালও লাগে না। পারেও না।

শিবু মহাখুশী।

এখন সে বিশ্রাম পাচ্ছে। অবসর পাচ্ছে ছেলেমেয়েগুলোকে দেখবার, রান্না-বাড়া করবার। ছেলেমেয়েদের নিয়ে এদিক-ওদিক একটু ঘুরেও বেড়ায়।

শনি এবং মঙ্গল। ছোটোই প্রবল গ্রহ। শিবু খুশী যে সে অতগুলো টাকার প্রলোভন সম্বরণ করতে পেরেছে। নির্ধাৎ বিপদ আসত। গ্রহ বিরূপ থাকলে থানা-পুলিস-জেল-হাজত সবই হ'তে পারত।

শিবুর মনে কোন ক্ষোভ নেই। সে মনের আনন্দে আছে।

হঠাৎ একদিন চোখে পড়ল, তার মুখচেনা সেই লোকটি, যে সিগন্ডালের নিচে অল্প লোকগুলির সঙ্গে পরিচয় করিয়ে দিয়েছিল, সেই লোকটি ঘুরে বেড়াচ্ছে রামরতনের সঙ্গে। চক্ষের পলকে সেই সন্ধ্যার ঘটনা তার মনে পড়ল। রামরতন এখন তার জায়গায়, স্টোরে। বিচিত্র নয়, ওরা এখন একে পাকড়াও করার তালে রয়েছে।

কে জানে হয়ত পাকড়াও করে ফেলেছে। বোধ হচ্ছে গলায় গলায় ভাব জমে গেছে। রামরতনের মত আনকোরা নতুন লোকের পক্ষে পাঁচশো টাকার প্রলোভন সম্বরণ করা সহজ নয়। সামনে শনি-মঙ্গল না থাকলে তার পক্ষেও সম্বরণ করা সহজ হ'ত না।

যাই হোক, সে পেরেছে, কিন্তু রামরতন পারবে না, এ বিষয়ে সে নিশ্চিত।

এ হুদিন রামরতনকে নিরিবিলি পেয়ে জিজ্ঞাসা করলে, কি রামরতন, কাজ কি রকম লাগছে?

রামরতনের মুখে সকল সময় খুশির ভাব। বললে, ভালই লাগছে!

—কিন্তু যে লোকটির সঙ্গে ঘুরছে, ও বড় সুবিধের লোক নয়। সাবধান হয়ে চ'লো।

রামরতন চমকে উঠল : তুমি ওকে জান?



—বিলক্ষণ জানি।

—হঁ।

রামরতন আর বসল না। উঠে চ'লে গেল।

শিবু মনে মনে হাসল : বেটা মরবে একদিন। টোপ গিলেছে স্পষ্ট বোঝা গেল। কিন্তু টোপের ভিতর যে ঝড়শী থাকে, সে এখনও টের পায় নি। পাঁচশো টাকা হাত বাড়িয়ে নেওয়া যত সহজ, হজম করা তত সহজ নয়।

দূরে রামরতন শিসু দিতে দিতে চলেছে শোনা গেল। দাও বাবা, যতদিন না ধরা পড়ছে ততদিন শিসু দাও। যেদিন ধরা পড়বে সেদিন টের পাবে।

শিবুও শিসু দিতে দিতে অন্ধ দিকে চ'লে গেল।

এক লাইনেই ছ'জনের বাসা। শিবুর আর রামরতনের।

• একদিন শিবুর মেয়ে বললে, জান বাবা, রামরতন কাকার বৌ একটা সোনার হার পেয়েছে।

—কোথেকে পেল রে ?

—ওর কে এক মাসী দিয়ে গেছে।

শিবু ফিক্ ক'রে হেসে ফেললে, জানি সে মাসীকে। ইয়া বড় বড় গৌফ ?

—যাঃ! মাসীর আবার গৌফ থাকে নাকি ?

—থাকে। ভাল-ভাল মাসীদের থাকে। তার ফাঁক দিয়ে ঝকঝকে দাঁত বের ক'রে হাসে।

—যাঃ!

—ই্যা রে। আমার নিজের চোখে দেখা। ইয়া বড় বড় গৌফ।

শিবু হাসতে লাগল : মালম্মা আসছেন। লিয়ে লেন শিববাবু। হঁ হঁ বাবা ! ঘুঘু দেখেছ ত ফাঁদ ত দেখ নি। পিছমোড়া দিয়ে বেঁধে কোমরে দড়ি দিয়ে টেনে নিয়ে যায় !

—কে টেনে নিয়ে যায় ? মাসী ?

—মাসী নয় মা, মাসীর ভগ্নীপতিরা। তখন বাপ বাপ ক'রে ডাক ছাড়তে হয়।

বলে আর শিবু হাসে। মনে তার কোন ছঃখ নেই।

কিন্তু হারের পর চুড়ি, চুড়ির পর বালা, রামরতনের স্ত্রীর গহনা ক্রমে বেড়েই চলেছে, মাসীর ভগ্নীপতিদের দেখা নেই। কোথায় নাক ডাকিয়ে ঘুমুচ্ছে তারা ?

• যত দিন যায়, শিবু ততই উদ্বিগ্ন হয়। কোথায় শনি, কোথায় মঙ্গল, কোথায় বা মাসীর ভগ্নীপতিরা ! কাকস্ব পরিবেদনা !

মনে মনেই বললে, দিনকাল বদলে গেছে। ধর্মের কল এখন আর বাতাসে নড়ে না, ঝড় দরকার।

স্টোর তার জানা। ক'টা দিন তাকে তাকে থেকে সে টের পেল, কত হাজার গ্যালন লুব্রিকেটর অয়েল আর কত হাজার গ্যালন কেরোসিন পাচার হয়ে গেল।

সবাই বলাবলি করতে লাগল, পুরাণো রেল বদলাবার জন্তে নতুন রেল এসেছিল অনেক। ইয়ার্ডে গাদা করা ছিল। আর অর্ধেক স'রে গেছে।

শিবুর বুঝতে বিলম্ব হ'ল না, এ কাদের কীর্তি।

সেই সঙ্গে আরও মনে পড়ল সেই মাসীর কথা : ভয় পাবেন না। এ শিকল অনেক দূর পর্যন্ত গেছে।

অনেক দূর পর্যন্ত যে গেছে তাতে ভুল নেই। বুঝলে, তার লোককে খালাসী পদে না নেওয়া এবং তাকেও স্টোর থেকে সরিয়ে দেওয়া, এই দুর্ভাগ্যবশত শিকলেরই কাজ।

রোসো বাবা !

চোরের সাতদিন, সাধুর একদিন।

সেই একদিন, সেই ভয়ংকর শেষের দিন আগতপ্রায়।

শিবু লেখাপড়া জানা একটি বিশ্বস্ত লোককে দিয়ে সমস্ত কথা সবিস্তারে জানিয়ে উর্ধ্বতন মহলে এক দরখাস্ত

করলে, নিজের নাম দিয়েই করলে। সত্যি কথা লিখেছে সে। এর প্রত্যেকটি বর্ণ সে প্রমাণ করতে পারে। হতরাং তার আর ভয় কি ?

দরখাস্ত পাঠিয়ে শিবু দিন গোপে !

এক সপ্তাহ গেল, দু'সপ্তাহ গেল, মাস শেষ হতে চলল, কিন্তু দরখাস্তের ফলাফলের চিহ্ন নেই। সে ভেবেছিল, হঠাৎ একদিন ভারী বুটপরা অজস্র পুলিশ মসুমসু ক'রে এসে স্টোরবাবু আর রামরতনের বাড়ী ঘেরাও ক'রে ফেলবে। স্টোর আর ইয়ার্ড চ'বে ফেলবে।

কিন্তু পুলিশ দূরের কথা, একটা নীল জামা-পরা, পেটি-বাঁধা চৌকিদারেরও আবির্ভাব ঘটল না।

কি ব্যাপার ! দরখাস্ত কি ডাকবিভাগের কল্যাণে যথাস্থানে পৌঁছুল না ?

বিচিত্র কিছুই নয়। কত চিঠি নর্দমায় সঁতার কাটে। কত চিঠি প্রেরক এবং প্রাপকের মৃত্যুর পনের বৎসর পরে গিয়ে পৌঁছয় ! তেমনি কিছু হয় ত। নর্দমায় সঁতার কাটেছে, কিংবা সারা ভারতবর্ষ পরিভ্রমণ ক'রে বেড়াচ্ছে।

আর একখানা দরখাস্ত করবে না কি ?

আগের দরখাস্তের নকল, কিংবা আরও জোর এবং আরও প্রমাণসহ নতুন একখানা দরখাস্ত ?

অথবা কি ভিতরে ভিতরে কাজ আরম্ভ হয়ে গেছে, বাইরে থেকে টের পাওয়া যাচ্ছে না ?

কিন্তু রোজ দেখা হচ্ছে স্টোরবাবু আর রামরতনের সঙ্গে। তাদের ত বেশ স্মৃতির ভাব। উদ্বেগ অথবা হুশিয়ারি চিহ্নমাত্র নেই।

হতে পারে খুব গোপনে কাজ চলছে। ওরাও এখনও টের পায় নি। তার পরে হড়মুড় ক'রে আচম্বিতে একদিন আকাশ ভেঙে পড়বে ওদের মাথার উপর। তখন আর হাত-পা নাড়বারও সময় পাবে না !

হঁ হঁ বাবা ! ঘুঘু দেখেছ ফাঁদ ত দেখ নি ?

তার পরে সত্যি সত্যি একদিন আকাশ ভেঙে পড়ল।

কিন্তু ওদের মাথার উপর নয় ; শিবুরই মাথার উপর। তার বদলীর আদেশ এল গঙ্গাপুরে।

ছেলে ঝিঙ্কাস! করলে, সে কোথায় বাবা ?

—ধাবধাড়া গোবিন্দপুরে। চল ত, দেখবি সন্ধ্যা হতে না হতে কোয়ার্টারের পাশে কচুবনে শেখাল ডাকছে।

—শেখাল !—মেয়েটা ভয়ে কুকড়ে গেল।

—হঁয়ারে বাবা, কেঁদো কেঁদো শেখাল। সারারাত শুয়ে শুয়ে বাণ্ডের ডাক শুনিবি। ঘাসে ঘাসে জৌক। রাতে হুনজল দিয়ে গা ধুইয়ে তবে তোদের বিছানায় শোয়াব।

—হুনজল কেন ?

—জৌকের জন্তে। নইলে সকালে উঠে দেখব বিছানা রক্তে লাল। আর তোরা হলদে হয়ে গেছিস।

—কি সর্বনাশ !

শিবু হো হো ক'রে হেসে উঠল : সর্বনাশের এখনই হয়েছে কি রে ? তোদের মা-মাগী ত ম'রে বেঁচেছে, আমাকে রেখে গেল শনি আর মঙ্গলের সঙ্গে ঘর করতে।

—তারা কে বাবা ?

—তা কি আমিই জানি ছাই। বড় কতী কেউ হবে। দেখা পেলো বলি, ভালোমানুষ পেয়ে যত বজিয়াতি আমার ওপর চ'লালে বাবা ! মরদের বাচ্চা হও ত মাগীর কাছে যাও দিকি। গাঁইতির এক ঘায়ে শুবলীলে সাজ ক'রে দেবে।

শিবু মনের আনন্দে হাসতে লাগল।

জরুরী তলব। দম ফেলবার সময় নেই। সামান্যই জিনিস অবশ্য। খানকয়েক দড়ির খাটেরা ব্রেকে যাবে। আর গোটাকয়েক শতচ্ছিন্ন কাঁথা, আর কয়েকখানা পিতলের থালা-ঘটি-বাটি। আর একখানা ট্রাক, খালি বললেই চলে। কাপড়-জামা কারও কিছু কি আছে ?

ওর মধ্যে একখানা কাঁথা ঐতিহাসিক। বহুকাল আগে তার দিদিমা তাকে উপহার দিয়েছিল, তার নিজের হাতে তৈরি। দিদিমার প্রতি শ্রদ্ধাবশতই হোক, আর সুদীর্ঘ সহবাসজনিত মমতাতেই হোক, সেখানিকে ছাড়ে নি। যখনই ছিঁড়েছে, তখনই তার উপর একখানি ছেঁড়া কাপড় বসিয়েছে। ক্রমাগত এই প্রকার পুলটিসের ফলে সেটি গদির মতো পরিপুষ্ট হয়ে উঠেছে।

বৌ বলত মরণ কাঁথা। অর্থাৎ শিবুর মৃত্যুর আগে ওর ছুটি নেই।

ছেলেমেয়েরাও তা জানত। বললে, ওটাও নিয়ে যাবে বাবা ?

—যাব না ? কতদিনের কাঁথা ?

—কিছু বড় ভারী যে ?

হাত উলটে শিবু বললে, হ'লই বা, আমাদের ত আর বইতে হবে না, বইবে রেলগাড়ি। শালা রেলগাড়ি, অনেক কষ্ট দিয়েছে। ভারীতে আর ছুর্গন্ধে ত্রাহি ত্রাহি ডাক ছাড়বে।

সমস্ত বোকাই করে শিবু ছেলেমেয়ে নিয়ে রেলগাড়িতে উঠল। পরিচিত সহকর্মীদের অনেকে এল তাকে বিদায় দিতে, আর তাদের সুখ-সুবিধার ব্যবস্থা করতে।

সবশেষে এল একজন ইয়া গোঁফ !

—কি শিববাবু ? চললেন শেষ পর্যন্ত !


শিবুর মনে কোন দুঃখ, কোন ক্লান্ত নেই। একগাল হেসে বললে, হ্যাঁ মশাই। আপনাদের রাজত্ব হোক, আমি শেষ পর্যন্ত চললাম।

— থাকলেই পারতেন।

বাঁশি বাজিয়ে ট্রেন ছেড়ে দিলে। শিবু উত্তর দেবার অবকাশ পেল না, ছেলেমেয়েগুলো বড় ছরস্তু। তাদের সামলাতে ব্যস্ত হয়ে পড়ল।

—ও কে বাবা ?

—ওই ত মাসা !



# ভালবাসা

শ্রীকুমুদরঞ্জন মল্লিক

একই জীবনে এত জীবনের—

ভালবাসা যায় পাওয়া ।  
এক 'খেপে' সেই বিপুল পণ্য  
যায় না ক লয়ে যাওয়া ।  
অনেক কিছু যে পড়ে থাকে তার,  
তাই তার ফিরে আসা দরকার ।  
চলে নিরবধি কত আস্থান,  
ডাকাডাকি পথ চাওয়া ।

ধরার এ প্রেম, মাটির এ প্রেম

সত্য অপরিমেয় ।  
গভীর নিবিড় অফুরন্ত যে  
জানিতে পাবে না কেহ ।  
আকাশস্পর্শী আকাজক্ষা তার—  
সে যে বিশ্বয় সব দেবতার,  
ভৃগুফুলে আনে পারিজাত-বাস,  
কল্পতরুর হাওয়া ।

মধুময় করে পার্থিব রজ

ক্ষুদ্র কুটীরে রয়,  
শ্রীভগবান্কে সে পারে আনিতে  
নাহি ভয় সংশয় ।  
বটে শুক্ল, বটে নশ্বর,  
অপরাজেয় সে অবিনশ্বর,  
মাহুনের প্রেম অমরত্বে যে  
সব তার দাবী-দাওয়া ।

স্বর্গে মর্ত্যে এক করে তার

চিরদিন আনাগোনা ।  
সোনা নয়, সে যে পরশ পাথর—  
সব ক'রে দেয় সোনা ।  
'বেহলার' মত প্রণয়ের টানে  
'লখিল্লর'কে ফিরাইয়া আনে,  
সে প্রেমের কাছে মরণ তো শুধু  
অমৃতের হৃদে নাওয়া ।

# ঘণ্টার ভাষা

শ্রীকালিদাস রায়

ঘণ্টা বাজে, মনটা কাজে লাগছে না ।  
সুমটা কারো ভাঙছে না, কেউ জাগছে না ।  
ঘণ্টা বাজে, একাই কণন শুনাছি তাই,  
একটি দু'টি করি রণন শুনাছি তাই ।  
কীক বেঁধে সব নিরুদ্ধেশে যায় চ'লে,  
ডাক দিয়ে যায় তারা আমায় আয় ব'লে ।  
ভাষা তাদের ভাষা ভাষা বুঝছি আর,  
আসল মানে নিজের প্রাণেই বুঝছি তার ।  
ঘণ্টা বলে—হাতের বাকি নে সেরে ।  
মরীচিকার পিছন ধাওয়া দে ছেড়ে ।  
ঘণ্টা বলে—সকল বাঁধন করু' ডিলে,  
গানের চরণ থাকুক পড়ে গরমিলে ।

এখনো যে সরাইখানার টান ভারি,  
ডাকছে শোন্ ঐ শিঙার ফুঁয়ে কাণ্ডারী ।  
ঘণ্টা বলে—পাড়ের কড়ির কৈ পুঁজি,  
পারি না তা আলমারিটার বই খুঁজি ।  
রেখে দে তোর যুক্তি বিচার চুল চিরে ।  
ভুলাবি কি তাতে ঘাটের গুঁড়ীরে !  
ঘণ্টা বলে—কণাগত প্রাণটা যে  
লাগবে কি আর খ্যাতি খাতির মান কাজে ?  
যাবে না বাগ্‌বিলাস ছটা সঙ্গে তোর ।  
হৃদ অসংকারের ঘটা অঙ্গে তোর ।  
কোন্ অভিমান ফেলু' মুছে, রয় যা জমা ।  
সবার কাছে বিদায় নিয়ে চা' কথা ।





প্রবাসী প্রেস, কলিকাতা

আলপনা  
প্রভাত নিষোগী

প্রবাসী: ১৩৫৭ অগ্রহায়ণ হইতে পুনর্মুদ্রিত



# আত্মহত্যার আগে

শ্রীকৃষ্ণদে

শেষ কথা লিখলাম, বাজল যে সাতটা,  
লিখলাম বেছার, তবু কাঁপে হাতটা ;  
ভাদ্রের সন্ধ্যায় টিপ্ টিপ্ বৃষ্টি,  
চোখে জল নেমে আসে ঝাপসা যে দৃষ্টি ;  
এখনো হয় নি জোর রাত্তার আলোতে,  
বিহ্বল ঝিকমিক আকাশের কালোতে ;  
সামনের বাড়ীগুলো চেনা কত দিনকার,  
আজ যেন মুছে গেছে, সাধ নেই চেনবার ;  
লটারির টাকা পেয়ে চৌধুরী অশ্রু  
কিনেছে ও বাড়ীখানা, উঁচু যার গম্বুজ :  
ও-সব পুরণো কথা আজ আর থাক্বে,  
শেষ দাঁড়ি টানলাম এই কালো ভাগ্যে ।

এখন নেই ক আর বাঁচবার মুক্তি  
বিষটা ঢেলেছি গ্লাসে, ও-ই দেবে মুক্তি !  
দেওয়ালে ঘড়িটা শুধু করে যায় টিকটিক,  
মরণের লগ্নটা ঘড়িও যে জানে ঠিক !  
কুসুমিকা আজ রাতে পারবে কি জানতে ?  
কিবা ফল এ জীবনে তার জের টানতে !

হাসি পায়, ভালবাস্যু কি করে সে ভুল্ল,  
কণে কণে ভঙ্গুর,—এই তার মূল্য ?  
মনে পড়ে জীবনের কত উষা সন্ধ্যা,  
কণিকের পথ-চাওয়া কত নিশিগন্ধা !  
মনে পড়ে কেয়া, কুমা,—বাহুবীরগে,  
মন-গড়া স্বপ্নের ঠুনকো সে স্বর্গে !

যেখানে দিয়েছি ব্যথা,—মনে আজ পড়ছে,  
চোখ থেকে ধীরে ধীরে যবনিকা সরছে,  
বন্ধনা করেছি যে,—তারা সব আসছে,  
কত অসহায় মুখ চারপাশে ভাসছে,  
যারা এসে ফিরে গেছে দেখে ষার বন্ধ,  
যারা ঝরে পড়ে গেছে, রেখে গেছে গন্ধ,  
লাভ-কতি নিয়ে যারা সাথে ছিল নিত্য,  
যাদের রেখেছি দূরে অকরণ চিন্ত,—  
তারা আজ একে একে দাঁড়ায় যে সামনে,  
মন বলে : 'এইবার খেসারৎ-দাম নে' !  
বিষটা ধরেছি মুখে,—এ কি কথা রাখবে ?  
— মাটির পৃথিবী, তুমি এর পরও থাকবে-?

—\*—

## কবিকে

শ্রীবাণী রায়

তোমার ডাক আমার মনে আসে, যখন আসে ঝড়ের ডাকে,  
চায়ের কাপে ডুকান তোলে ; শান্ত-নীরব মন, কাঁপায় তাকে ।  
স্বপ্নের পাশে সাজানো যে মোটাপাতার বই—পাতার কাঁকে  
আঙুল রাখে

আমার যেই দেহ,—বিশ্বতির স্মরণ মাখে ।  
উঠেপড়ে ছোটো, তোমার ডাকে ;  
আমার কবি,  
হুঁলি আমি সবি,  
দিনের আলো, গাছের পাতা, ট্রাম বা বাসের চাকা ;  
আমি বসে কেবল গুনি  
রাজকপের মালা ;  
একটি করে অক্ষমালা,  
রাতের সাগা বুনি ।  
গভীর রাতের পথিক তুমি, তুমি আমার কবি,  
সুখনি তখন তোমার ডাকা ।

সন্তপ্ত সমুদ্র আমি উতপ্ত সাগর,  
সারাদিন লেলিহান তপনের আলা  
আলিয়ে পুড়িয়ে গেলে—গোধূলির পালা  
এবার নেমেছে বুকে বিরহে জর্জর ।

উদ্দীপ্ত যৌবন গানে জেগেছি যখন  
তোমার প্রার্থব্য যেন আরো অসহন !  
নিজের সৃষ্টির দৈন্ত পেয়ে তুলনার,  
অলস ব্যর্থতা শুধু মনের সীমার ।

তুমি যদি অস্ত গেলে নিভস্ত গৌরবে  
নামলো সন্ধ্যায় শান্তি দীর্ঘ পিণাসায় ;  
পেলাম হুঁহাতে ধুজে অমৃত অপার  
আমারি উদ্দেশে আছে গানের হারায় ।

তুমি কি নিদাঘ-অস্তে মারুত-প্রবাহ,  
• তুমি কি অনন্ত সুখ দেহমন ব্যোপে ?  
তুমি কি আকাশে কবি, স্নিগ্ধ ওকতারা,  
আজ তুমি নদী, কবি, এ সমুদ্রে হারা ।

# এ কোন্ আকাশ

শ্রীশুধীরকুমার চৌধুরী

তাপজর্জর আগাহার ঝাড়  
অন্নগন্ধী নিঃশ্বাস ছাড়ে ।  
জড়াজড়ি ক'রে অলে পাতাগুলো  
চোখালা-করা প্রথর রৌদ্রে ।  
বেড়ার গা বেয়ে এসে যে লতাটা  
জড়িয়ে ধরেছে গাব গাছটাকে,  
এক খোকা তার পাতার আড়ালে  
টকটকে লাল পাকা তেলাকুচো,  
তেলতেলে তার নিটোল দেহটি ।  
টক গন্ধের আভাস বাতাসে ।

পাতার আড়ালে লুকোনো একটা  
টকটকে লাল পাকা তেলাকুচো  
পাগল করেছে বুনো পাখীটাকে ।  
কি হবে এখন এই পাখীটার ?

যেসব আকাশে উড়ে সে এসেছে  
সেসব আকাশে বাকটো ছিল না,  
ছিল না আপব বোমার ভয়,  
ভয়বহ যা সে বোমার চেয়েও ।  
সেসব আকাশ স্পন্দিত হ'ত  
চিক্‌চিক্‌ ক'রে পাতারা জ্বলে,  
নোদে-জলা সেই পাতার আড়ালে  
টকটকে লাল পাকা তেলাকুচো  
নিভূতে ফললে ।  
এ আকাশ সেই আকাশ ত নয় !

অনেক ঘুরেছে ।  
আকাশে আকাশে অনেক উড়েছে ।  
কখনো বা গান জুড়েছে, কখনো  
রুদ্ধকণ্ঠে কেবল উড়েছে ।  
জলেতে ভিজেছে, রোদে সে পুড়েছে,  
উড়ে উড়ে উড়ে ক্লাস্তি মানেনি ।  
সে যে পাখী, সে যে আকাশের পাখী,  
আকাশের কি যে মায়ী সে ত জানে ?

সে মায়ী ভুলে আরো কি উড়বে ?

সব আকাশই ত বন্ধ ছিল না ।  
নীলও ছিল না ।

চাঁদ তারা আর সূর্য্য ছিল না  
এমনও আকাশে উড়ে সে এসেছে ।  
ঝাপটেছে ডানা এমনও আকাশে  
আকাশ যা নয় ।  
একান্ত তার নিজের ব'লেই  
মনে হত যেন আকাশ সেটাও ।  
এ আকাশ সেই আকাশও ত নয়

এ কোন্ আকাশ, যেখানে এল সে ?

জানে না, হয়ত তবুও উড়বে ।  
টক গন্ধের আভাস বাতাসে ।  
টকটকে লাল পাকা তেলাকুচো,  
তেলতেলে তার নিটোল দেহটি ।  
একে ঘিরে ঘিরে হয়ত ঘুরবে ।

কোথা যাবে আর, এ বুনো পাখীটা ?  
যেসব আকাশে উড়ে সে এসেছে,  
সেসব আকাশ কোথায় মিলালো ?  
মিলালো যদি ত তাকে সাথে নিয়ে  
কেন মিলালো না ?

সে যে আছে, তার  
ডানা আছে, তার  
যে ডানা কিছুতে ক্লাস্তি মানে না ।  
নিজের আকাশে শেখা গানে তার  
বুক ভ'রে আছে,  
গানও সে গাইবে ।  
গান গেয়ে গেয়ে উড়বে, ঘুরবে ।  
বসবে না কারো চালের বাতায়,  
ভাবনা ক'রো না ।

অন্নগন্ধী আগাহার ঝাড়ে  
পাতা-ঢাকা লাল পাকা তেলাকুচো  
ফলে ত এখনো ?  
মান্ধারা-আঁকা চকিত চোখের  
চাওয়ার গভীরে ভীক মন তার  
কথাটি আভাসে বলে ত এখনো ?



## একটি আকাশ

শ্রীকামাক্ষীপ্রসাদ চট্টোপাধ্যায়

একটি আকাশ আমাকে কখনো দিলো,  
মেঘগুলি তার হবে বুঝি পাল, ভাবনা উত্তরীয়।  
সেখানে অনেক মুখের মিছিলে একটুখানিক আশা,  
চন্দন আর কুমকুম সাজে গ্রহ থেকে গ্রহে ভাসা।  
কারা যেন বলে যায়  
তারা-চমকানো নিবিড় আকাশ অবশ মুর্ছনায়।  
শরতের হিম, ফাল্গুনে হাওয়া, আঘাতের মেঘ কালো,  
মাবেমানে তার দেখি মুখ ভার। বিহ্যৎ চমকালো।  
বুক ছুরু ছুরু করে,  
আকাশের ডাক বুঝি নেমে আসে অশান্ত অন্তরে।  
থুঁজে থুঁজে শুধু যাই,  
অন্ধের মতো এ-কোন্ অন্ধকারে  
শুধু পথ হাতড়াই ?  
বেশি কিছু আমি চাই না,  
একটি আকাশ পেয়েও কেন যে পাই না।

## শব

শ্রীকমলেন্দু ভট্টাচার্য

তুনেছি :  
এখানে প্রেম আছে, আছে মন।  
লক্ষ লক্ষ পদচিহ্নে জীবনের স্পন্দন  
শেবেছি :  
জীবন বেঁচে উঠবে সমুজ্জল হয়ে  
আকাশভরা সবুজ প্রান্তরে।  
কিন্তু দেখেছি :  
এখানে জীবন এসেছে  
শুধু আরেকটি শব হবার জন্তে।

## চায়ের কাব্য

শ্রীসমরাদিত্য ঘোষ

মুম পেয়ালাখানি স্পর্শ দেয় উত্তাপ তোমার,  
শরৎ মধুময় চুম্বনের রেখায় রেখায়,  
কল্প মর্ত্যলোক হ'ল ম্লান বর্ণস্বময়,  
ন হয় সিক্তলে তুমি মোর নব আবিষ্কার।

রমণীর অধিকার অমৃতের বটন গৌরব,  
পুরুষে কৃতার্থ কর মিতবাকু অগ্নি গুচিন্মিতে,  
মৃত্যুকে বরিতে পারি এ মুহূর্তে হাসিতে হাসিতে,  
আমার প্রাণসে আজ একাকার তোমার সৌরভ।

হয়ত এখন মাঠে অন্ধকার আরো জমকালো,  
হয়ত গাছেরা শীতে অসহায় কাঁপে ধর ধর,  
পথে কোন লোক নেই, জোনাকিরা হয়েছে তৎপর,  
আমার চলার পথ মসীময়—নেই কোন আলো।

সঙ্গীহীন একা যাই, দৃষ্টি মোর স্বপ্ন-সমাকুল,  
যেখানে চরণ ফেলি ফুটে ওঠে পারিজাত ফুল।

## হিমেল বনভূমি

শ্রীমুনীলকুমার নন্দী

দিও না হাওয়া বৃথা হিমেল বনভূমি  
জাগাও ফুলে ফুলে রক্তে অহরাগে  
লাজুক শিহরণ ; না, তুমি কিরে যাও—  
শীর্ণ প্রশাখায় ফুলের আনাগোনা  
তুলবে চাপা হাসি এপাড়া ওপাড়ায় ।

শূন্য কাক-ডাকা ছপূর...সন্ধ্যায়  
বাহুড় পাখা নাড়ে...সময় ঝরে যায়...  
নিভুতে বসে বসে এখন দিন গোনা ।  
জরতী ইন্দ্রাণী সাজাতে আয়োজন  
করো না...ফুলসাজ সূদূর ইতিহাস ।

তবুও নিবু নিবু বাসনা শিখা মেলে  
দূরের ছায়াপথে, রক্তে শরাঘাত :  
অলুং দীপাবলী...না, তুমি কিরে যাও  
আলোর উৎসব, বিসর্জিত সীতা  
বক্ষে তুলে কেন বাড়াও কোলাহল—  
রঙের সমারোহ পার তো চেলে দাও  
যত্নে বর্ধিত ফুল শাখে শাখে  
অশোক পারিজাত রঙন ছুঁয়ে ছুঁয়ে ।

রিক্ত হিমশাখে এখন দিন গোনা ।


## অভ্যুদয়-অপবর্গ

শ্রীতারকনাথ ঘোষ

অভ্যুদয় অভিহিত বাসনার বার্ষিক আঘাতে ।  
মহর্দির সস্তাবনা প্রতি পলে পরিনষ্ট হয় ।  
অনারস্ত প্রেম-ঐশ্বর্য বীততেজ মন ও হৃদয় ।  
সিদ্ধার্থ নিয়তবৃদ্ধ কাম—চিন্তা ক্ষমতা এ সংঘাতে ॥

অপবর্গে অপহব, কৃতরোধ সংসারের কর ।  
শিবের মানস মূর্তি চূর্ণীকৃত বিকীর্ণ ধ্বলাতে ।  
সংবিৎ বিমূঢ়—সুপ্ত, চেতনায় ছায়াপাতী ভয় ।  
অভীপ্সার নিত্য লয় বকেল্লিকী তামসী মায়াতে ॥

শ্রমক্লিষ্ট ঘর্মপাতে পরিকীর্ণ আশার বীজন ।  
পেচক-স্বংকারে দীর্ণ আর্তরবা রাত্রির হতান ।  
অবচিন্ত-রসাতলে অগোচর প্রাণের অন্নন ।  
এ ঋশানে শবাকীর্ণ শিবারোলে ভয়াত আকাশ ।  
ধ্বংসরূপা যোগিনীর নৃত্যাহত মৃত্যুর নায়ক ।  
তমিস্রার গর্ভকোষে ত্বনিরীক্য উত্তরসাধক ॥



# বাঙ্গলা ও বাঙ্গালীর কথা

শ্রীহেমসুন্দর চট্টোপাধ্যায়

পশ্চিম বাঙ্গলার ভেষজ-শিল্পের বিষম সঙ্কট

জাল এবং ভেজাল ঔষধের যে দেশব্যাপী কারবার চলিতেছে, তাহার জন্ত একমাত্র পশ্চিমবঙ্গেই দায়ী করিয়া বোম্বাই-এ পশ্চিমবঙ্গের বিরুদ্ধে একটা প্রচণ্ড ষড়যন্ত্র দানা বাঁধিয়াছে। বোম্বাই-এর নূতন শ্লোগান—“একমাত্র মহারাষ্ট্রের ঔষধ ক্রয় কর—” অর্থাৎ পশ্চিমবঙ্গের প্রস্তুত ঔষধাদি বয়কট করিয়া ঐ রাজ্যের ভেষজ-শিল্পকে হত্যা কর, এবং এই পুণ্যকর্ম সাধন করিতে পারিলে সমগ্র ভারতে একমাত্র মহারাষ্ট্রের প্রস্তুত জাল-ভেজাল ঔষধাদি চালানো সহজসাধ্য হইবে! মহারাষ্ট্রের সরকারী, বেসরকারী এবং অসংখ্য বহু দায়িত্বশীল এবং সমাজ-জীবনের উচ্চস্তরের ব্যক্তির আজ পশ্চিমবঙ্গের বিরুদ্ধে উগ্র একটা সর্বব্যাপী জেহাদ ঘোষণা করিয়া একজোটে এবং তারম্বরে বলিতেছেন যে—“যেহেতু পশ্চিমবঙ্গের প্রস্তুত ‘সকল’ ঔষধাদিই ভেজাল, অতএব ঐ সব দ্রব্য বিষবৎ পরিত্যাগ করিয়া কেবলমাত্র মহারাষ্ট্রের প্রস্তুত ঔষধ সকলে ক্রয় করুন!” এ-বিষয় আনন্দবাজার পত্রিকায় প্রকাশ (১০-৮-৬২):

“মহারাষ্ট্রের ড্রাগ ইনস্পেক্টররা অনেক জায়গায় বাঙ্গলা দেশের কোন ঔষধ না কেনার জন্ত মৌখিক নির্দেশ দিয়াছেন বলিয়া জানা যায়। এমন কি মহারাষ্ট্র সরকারের ড্রাগ কন্ট্রোলার গত ২রা আগস্ট ভারতীয় চিকিৎসক সমিতির বোম্বাই শাখার সভায় বলিয়াছেন, সকলে যেন মহারাষ্ট্রে তৈরি ঔষধ কেনেন ও রোগীদের দেন। কারণ, এ রাজ্যেই ‘ড্রাগ আইন’ অত্যন্ত কঠোরভাবে মানা হয়। ঐ ড্রাগ কন্ট্রোলারের গত কয়েক বৎসরের রিপোর্ট কিন্তু অন্য কথা বলে। রিপোর্ট পড়িলে বুঝা যায়, মহারাষ্ট্র ভেজাল ঔষধ তৈরির ব্যাপারে কম নয়। গত পাঁচ বৎসরে সেখানে প্রস্তুত অস্তুত ৩ হাজার ঔষধের নমুনা নিয়মানের বলিয়া প্রমাণ হইয়াছে। ড্রাগ কন্ট্রোল বিভাগে উপযুক্ত সংখ্যক কর্মী ও ব্যবস্থাদি না থাকার দরুন ভেজাল ঔষধের ফলাও কারবার সেখানে চলিতেছে।”

কিন্তু তাহাতে কি আসে যায়? মহারাষ্ট্রের অধিবাসীরা মহারাষ্ট্রে প্রস্তুত ভেজাল ঔষধ সেবন করিলে কোন দ্রোষ বা ক্ষতি নাই, কারণ মহারাষ্ট্র-মার্ক ঔষধ—‘খাঁটি’ ভেজাল, ইহাতে কোন ফাঁকি নাই। আর ঔষধ সেবনে যদি মৃত্যুই হয়, তাহা হইলে সে মৃত্যু বাঙ্গলার প্রস্তুত ঔষধে কেন হইবে? বর্গী-বীরেরা ভেতো বাঙ্গালীর ঔষধ সেবনে কেন প্রাণত্যাগ করিবে?

ইহাৎ পশ্চিম বাঙ্গলার প্রতি এ মনোভাব কেন—তাহাও পাঠকের জানা দরকার। মহারাষ্ট্রের ব্যথা-বেদনার উৎস কি এবং কোথায়? সন্ধান এইখানেই মিলিবে:

“ড্রাগ কন্ট্রোলার শ্রীরঙ্গনেকার তাহার বক্তৃতায় বাঙ্গলা দেশের নাম বিশেষভাবে উল্লেখ না করিলেও পরোক্ষভাবে কলিকাতার বিরুদ্ধেই কটাক্ষ করিয়াছেন। কারণ মহারাষ্ট্রের পর ভেষজশিল্পে পশ্চিমবঙ্গেরই স্থান। কঠিন প্রতিযোগিতার মধ্যেও মার্ন ও উৎকর্ষের জন্ত খোদ বোম্বাই শহরে বাঙ্গলা দেশের ঔষধ বহুল-প্রচলিত। কয়েকটি অখ্যাত প্রতিষ্ঠানের তৈরি নিয়মানের ঔষধকে কেন্দ্র করিয়া সামগ্রিকভাবে বাঙ্গলা দেশের ভেষজ-শিল্পের উপর দুর্নাম চাপাইবার পিছনে তাই প্রাদেশিকতার উদ্দেশ্য আছে বলিয়া অনেকে মনে করিতেছেন।”

পশ্চিমবঙ্গের কয়েকটি ভেষজ-প্রতিষ্ঠান বলিয়াছেন, অখ্যাত কয়েকটি প্রতিষ্ঠানের দুর্কর্ষের জন্ত কলিকাতার সব প্রতিষ্ঠানকে দোষী সাব্যস্ত করা যায় না। অথচ বোম্বাই তাহাই করিতেছে।

তাঁহারা সঙ্গে সঙ্গে এই অভিযোগও করিয়াছেন যে, কলিকাতায় অনেক নামকরা কোম্পানীর লেবেল জাল করিয়া সুনাম ভালাইয়া বিস্তর ভেজাল ঔষধ বোম্বাইয়ে তৈরি হইতেছে।

এই অভিযোগের কোন জবাব এখনও বোম্বাই হইতে পাওয়া যায় নাই—কেন, তাহা বুঝা শক্ত নহে।

বোম্বাই-এ প্রায় ১১০টি সরকারী অমোদন-প্রাপ্ত ঔষধ প্রস্তুতকারক প্রতিষ্ঠান আছে। এই সব তথাকথিত ঔষধ প্রস্তুতকারকদের অধিকাংশেরই কোন কারখানা নাই—তোড়জোড় বা সাজ-সরঞ্জামও নাই। বোম্বাই সরকার হইতে এ বিষয় যাচাই করিবার কোন প্রয়োজনই অনুভূত হয় নাই। সোজা কথা, ইহারা অস্ত্রের মাল কিনিয়া নিজেদের মার্ক দিয়া বিক্রয় করে। আরও আছে:

“কল্যাণ শহরের নিকটে ‘উল্লাস-নগরে’ বহু ছোট ছোট প্রতিষ্ঠান আছে। অভিযোগ পাওয়া যায়, বোম্বাইয়ের কিছু ঔষধ-বিক্রেতার সহযোগিতায় ইহারা ভেজাল কারবারে জড়িত। ঐ সকল ঔষধ বিক্রেতার খাঁটি ঔষধের পরিবর্তে নামকরা প্রতিষ্ঠানগুলির ( বিশেষত বাঙ্গলা দেশের ) লেবেল লাগানো শিশিতে এই ভেজাল ঔষধ বিক্রয় করে। স্থানীয় ড্রাগ কন্ট্রোলার এখনও ইহার বিরুদ্ধে যথোচিত কোন ব্যবস্থা গ্রহণ করিতে পারেন নাই।”

বোম্বাই-এর হাসপাতালগুলির জন্ম ঔষধাদি ক্রয় করার ব্যাপারে বোম্বাই-এর ড্রাগ কন্ট্রোলারের বিধিনিয়মও উল্লেখ করা প্রয়োজন :

“সরকারী টেণ্ডার দেওয়ার সময় টেণ্ডারের সঙ্গে ঔষধ সরবরাহকারী ড্রাগ কন্ট্রোলারের একটি সার্টিফিকেট দাখিল করিতে হয়। একবার এই সার্টিফিকেট পাইলে, সরকারী অর্ডার লাভের পর সারা বৎসর বিভিন্ন সময়ে কি ঔষধ সরবরাহ হইতেছে, তাহা আর পরীক্ষা, বা যাচাই করিয়া দেখা হয় না। সরবরাহকারী কোন সময় নিয়মানের বা ভেজাল ঔষধ দিলে তাহা ধরার ব্যবস্থাও ড্রাগ কন্ট্রোলারের নাই।”

কারণ তাহা থাকিলে মহারাষ্ট্রের বহু বহু “শিত” ঔষধ-প্রস্তুত-কারক বিনা পথে অকাল মৃত্যুর পথে যাত্রা করিবে!

এইবার দেখুন :

“পশ্চিমবঙ্গের ভেষজ নিয়ন্ত্রণ বিভাগ কলিকাতার এক দোকানে হানা দিয়া মহারাষ্ট্রে প্রস্তুত পেটেট ঔষধের কিছু নমুনা হস্তগত করিয়াছে। মহারাষ্ট্র ও অন্যান্য কয়েকটি রাজ্যে তৈরি নিয়মানের ঔষধ কলিকাতার বাজারে চলিতেছে বলিয়া ঐ দপ্তরে অভিযোগ আসিয়াছে।

“পশ্চিমবঙ্গের ভেষজ-শিল্পের বিরুদ্ধে মহারাষ্ট্রের অভিযানের প্রতিক্রিয়া ইতিমধ্যেই দেখা দিয়াছে। কেরলায় পরিশোধিত জলের প্রয়োজন হইলে তাহা পার্শ্ববর্তী রাজ্য হইতে সংগ্রহের নির্দেশ দেওয়া হইয়াছে। অর্থাৎ প্রত্যক্ষভাবে পশ্চিমবঙ্গের পরিশোধিত জল বর্জন করিতে না বলিয়া ঘুরাইয়া মহারাষ্ট্রের ডিষ্ট্রিক্ট ওয়াটার লাইতে বলা হয়।”

“ইতিমধ্যে একরূপ অভিযোগ পাওয়া যায় যে, নিয়মানের পরিশোধিত জল এবং ঔষধ বিক্রীর জন্ম এক শ্রেণীর অবাস্তবী ব্যবসায়ী সর্বভারতীয় ভিত্তিতে কারবার খাঁদিয়াছেন। প্রকাশ, ইহারা পশ্চিমবঙ্গের লাইসেন্সহীন কয়েকটি প্রতিষ্ঠানকে অর্থ অগ্রিম দেন। সেখানে নিয়মানের ও জাল লেবেলের ঔষধ প্রস্তুত করাইয়া বোম্বাই সহ ভারতের সর্বত্র বিক্রী করেন।

“এই মুষ্টিমেয় অসাধু ব্যবসায়ীর সমাজবিরোধী কাজের জন্ম যাহাতে পশ্চিমবঙ্গের ভেষজ-শিল্পের সুনাম নষ্ট না হয়, সেজন্য এই রাজ্যের কয়েকটি ভেষজ-সংস্থা এই ছুট্‌চক্রের প্রতি রাজ্য সরকার ও বেঙ্গল স্বাস্থ্যমন্ত্রীর দৃষ্টি আকর্ষণ করিয়াছিলেন। মহারাষ্ট্রে এই রাজ্যের কিছু নিয়মানের পরিশোধিত জাল ঔষধ ধরা পড়িবার আগেই সংশ্লিষ্ট দপ্তরসমূহে ইহারা এই সব অসাধু অবাস্তবী প্রতিষ্ঠানগুলির পুরা নাম-ঠিকানা দিয়া ব্যবস্থা গ্রহণের দাবী জানাইয়াছিলেন। কিন্তু তখন সরকারের টনক নড়ে নাই।” ( যুগান্তর, ১৯-৮-৬১ )

লালফিতার মাহাত্ম্য সর্বত্র এবং সর্বকালে এই প্রকার! সময়ের কাজ সময়ে করিলে, হাতে কাজ থাকিবে না বলিয়াই বোধ হয় এই রীতি!

কিন্তু যত দোষ বাঙ্গালী নন্দ ঘোষের! সরকারী স্বত্রে প্রাপ্ত সংবাদে প্রকাশ যে, ইতিপূর্বে বহুবার মহারাষ্ট্রে প্রস্তুত বহুবিধ ভেজাল এবং নিয়মানের ঔষধ কলিকাতায় ধরা পড়ে। যুগান্তরে ( ১১-৮-৬২ ) প্রকাশ :—

“সম্প্রতি মহারাষ্ট্রে প্রস্তুত এমন একটি দাঁতের ঔষধ কলিকাতায় পাওয়া যায়, যাহার গায়ে কোন লাইসেন্স নম্বর ছিল না। অভিযোগে প্রকাশ, ঐ ঔষধটি কলিকাতার কোন দূতাবাসে ব্যবহৃত হয়। কিন্তু উহার ফল খারাপ দাঁড়ায়। এজন্য দূতাবাস হইতে ঐ ঔষধ জাল সন্দেহে, রাজ্য ভেষজ নিয়ন্ত্রণ বিভাগে পাঠান হয়। তাঁহারা সঙ্গে সঙ্গে ঐ ঔষধ সম্পর্কে মহারাষ্ট্র সরকারের দৃষ্টি আকর্ষণ করেন। কিন্তু তাঁহারা এ সম্পর্কে এখন পর্য্যন্ত কোনো কিছুই জানান নাই!

“আরও কিছুকাল আগে কলিকাতার কোন একটি দোকান হইতে মহারাষ্ট্রে প্রস্তুত কিছু জাল ঔষধ ধরা পড়ে। কলিকাতা কর্তৃপক্ষ যথোচিত ব্যবস্থা গ্রহণ করিয়া ঐ দোকান বন্ধ করিয়া দেন। ঐ সংবাদ যথারীতি



মহারাষ্ট্র সরকারকে জানান হয়। কিন্তু তাঁহারা ঐ প্রস্তুতকারক সংস্থার বিরুদ্ধে কোন শাস্তিমূলক ব্যবস্থা গ্রহণ করিয়াছেন বলিয়া পশ্চিমবঙ্গ সরকারের নিকট এখনও কোন সংবাদ আসে নাই। ( আসিবেও না। )

“আরও জানা যায়, পশ্চিমবঙ্গ রাজ্য ভেদজ নিয়ন্ত্রণ বিভাগ মহারাষ্ট্র সরকারের নিকট ঔষধ প্রস্তুতকারক এবং বিক্রেতাদের নাম পাঠাইতে বলিয়াছিলেন। কিন্তু তাঁহারা শুধু প্রস্তুতকারকদের নাম পাঠান, বিক্রেতাদের নাম দেন নাই। ফলে কলিকাতায় মহারাষ্ট্রের ঔষধের উপর নিয়ন্ত্রণ ব্যবস্থা নাই বলিলেই চলে। ..

“পশ্চিমবঙ্গে প্রস্তুত কিছু নিয়মানের ডিসটিন্ড ওয়াটার এবং ইনজেকশন মহারাষ্ট্রে আটক করার পর ঐ রাজ্যের কয়েকজন এনফোর্সমেন্ট পুলিশ এবং ভেদজ-পরিদর্শক সোমবার কলিকাতায় আসিয়াছেন। তাঁহাদের তালিকা অস্থায়ী তাঁহারা নিজেরাই কলিকাতায় বিভিন্ন কারখানায় অহুসঙ্কান কার্য চালাইতেছেন। বৃহস্পতিবার পর্য্যন্ত এ ব্যাপারে তাঁহারা পশ্চিমবঙ্গ রাজ্য ভেদজ নিয়ন্ত্রণ বিভাগের সহিত একত্রে কাজ করেন নাই। মহারাষ্ট্রে আটক পশ্চিমবঙ্গের ঔষধাদি সম্পর্কে অহুসঙ্কানের জন্ত পশ্চিমবঙ্গ সরকারের ভেদজ-পরিদর্শককে কিছু মহারাষ্ট্রে পাঠান হই নাই।”

পশ্চিমবঙ্গের অতি-উদারতার ফল হাতে হাতে সর্কত এবং সর্কব্যাপারেই দেখা যাইতেছে। মহারাষ্ট্র সরকারের পুলিশ কোন্ অধিকারে এবং কাহার নির্দেশে পশ্চিমবঙ্গে ‘স্বাধীনভাবে’ কাজ করিবার সাহস এবং অধিকার পায় বুঝিলাম না।

পশ্চিমবঙ্গের ভেদজ-শিল্পকে আণবিক বোমা মারিবার যে পরিকল্পনা বোম্বাই করিয়াছে—তাহার প্রতিকার সরকারী ভাবে না হইলে এই রাজ্যকে প্রতিরোধ ব্যবস্থা অন্য ভাবে করিতে হইবে। ভেদজাল এবং জাল ঔষধের প্রচলন বন্ধ হউক আমরাও চাই, কিন্তু তাই বলিয়া কেবল পশ্চিমবঙ্গের উপর সব দোষ চাপাইয়া—ভারতের তথা ওই রাজ্যের একটি প্রধানতম শিল্পকে ধ্বংস করা হইবে, ইহা বরদাস্ত করা যাইবে না।

এইবার দেখুন—মহারাষ্ট্রে কি প্রকার উত্তম এবং অতিশুণসম্পন্ন ঔষধ প্রস্তুত হয়। বহু দৃষ্টান্ত হইতে মাত্র কিছু দেখা হইল :

“কলিকাতা, ১৯শে আগষ্ট—বোম্বাই-এর এক বিখ্যাত ভেদজশিল্প প্রতিষ্ঠানের একটি দামী ইনজেকশনের ফাইলের মধ্যে এক খণ্ড সূতা আবিষ্কৃত হইয়াছে। ইনজেকশনটি ‘ইন-অপারেবেল ক্যাম্পার’ রোগে ব্যবহৃত হয়।

“উত্তর কলিকাতার রাজা গোপেন্দ্র স্ট্রীটের জনৈক রোগিণীর জন্য ডাক্তার ইনজেকশন প্রেসক্রিপশন করেন। ইনজেকশনটি যথারীতি কেনা হয়। কিন্তু ইনজেকশন দিতে গিয়া ডাক্তার ইনজেকশনের মধ্যে সাদা সূতা দেখিতে পান। ইহা দেখিতে পাইয়া তিনি সংশ্লিষ্ট দোকানে উহা লইয়া যান এবং উহা ফিরাইয়া দেন। ভারতে ঐ ইনজেকশনটি বোম্বাই-এর একটি প্রতিষ্ঠান প্রস্তুত করিয়া থাকে।

“ইহা উল্লেখযোগ্য সম্প্রতি বোম্বাই অঞ্চলের আর একটি ভেদজশিল্প প্রতিষ্ঠানের ইনজেকশনের মধ্য হইতে মাছি আবিষ্কৃত হইয়াছিল।”—( যুগান্তর )

মহারাষ্ট্র এ-বিষয়ে হস্ত বলিবেন—ইনজেকশনের মধ্যে প্রাপ্ত সূতা এবং মাছি ভেদজাল নহে, ছুঁটি বস্তাই বোম্বাই-এ প্রস্তুত খাঁটি বস্তা।

পশ্চিমবঙ্গের দৈনিক সংবাদপত্র এমন কি মফঃস্বল পত্রিকাগুলিও ভেদজাল ঔষধ প্রস্তুতকারকদের প্রতি কোন দরদ না দেখাইয়া নির্মম ভাবে এ-পাপদ্যবসায় এবং পাপীদ্যবসায়ীদের কেবল সমালোচনা নহে, কঠোর দণ্ডেরও দাবী করিয়াছেন। এ-বিষয়ে পত্রিকাগুলি বাঙ্গালী অবাঙ্গালী বিচার করেন নাই, সকলকেই একই গোত্রে ফেলিয়াছেন। কিন্তু বোম্বাই-এর পত্র-পত্রিকায় বিষ উদ্গার করা হইয়াছে কেবল পশ্চিমবঙ্গের উপর। দেখুন “বারাসাত বার্তা” কি বলিতেছেন :

### ‘ফাঁসী কাঠে উঠাও’

“ভারতবর্ষের ইংরাজ কর্তৃত্ব ও শাসনের বিরুদ্ধে হাজার হাজার শহীদের রক্তদান, মৃত্যুবরণ এবং লক্ষ লক্ষ ভারতবাসীর স্বাধীনতার সংগ্রামের উদ্দেশ্য এই ছিল না যে, মুষ্টিমেয় গুটিকতর অসাধু ব্যবসায়ী ঔষধের মধ্যে ভেদজাল মিশ্রিত করিবে।

“এই ধূর্ত অসাধু ব্যবসায়ীদের আর কিছু না থাকুক টাকা আছে এবং টাকার দৌলতে আইনকে ফাঁকি দিতে পারে। যদি তাহা না পারে তবে বিচারালয়ের শাস্তি তাহাদের ভোগ করিতে হইবে।” কি সে দণ্ড? কারাবাস ও অর্থদণ্ড? যদি খাণ্ডে ঔষধে ভেজাল মিশাইয়া সামান্য কারাবাস ও অর্থদণ্ড দিয়া নিষ্কৃতি পাওয়া যায় এবং জেলখানা হইতে বাহির হইয়া পুনরায় সমাজ-জীবনে টাকা ছড়াইয়া ‘পজিশন’ তৈরী করা যায় তবে এই কার্য্যে মানুষ প্রলুব্ধ হই বা হইবে না কেন? আমরা রাষ্ট্রের নিকট সোজা কথায় জিজ্ঞাসা করিতেছি, ইংরাজ শাসন সময়ের পরে খাণ্ডে ঔষধে ভেজালের সংখ্যা বাড়িতেছে কেন? ইংরাজ শাসনের পরে রাষ্ট্রীয় শাসন ব্যবস্থার পরিবর্তন হইতেছে। ভারতবর্ষে কি একজনও এইরূপ মেরুদণ্ড-সোজা নির্ভীক পুরুষ নাই যিনি পার্লামেন্টে দাঁড়াইয়া খাণ্ডে ঔষধে ভেজাল মিশ্রণের দণ্ড হিসাবে ফাঁসি অথবা প্রকাশ পথে কোর্ট মার্শালের দাবী করিতে পারেন? খাণ্ডে ঔষধে ভেজালের দণ্ড হিসাবে সশ্রম কারাবাস অর্থদণ্ড তুলিয়া ফাঁসি প্রদানের আইন চালু করিতে না পারিলে এই পাপ ভারতবর্ষের মাটি হইতে উৎখাত করা যাইবে না। অন্ততঃ কয়েকটি ক্ষেত্রে খাণ্ডে ঔষধে ভেজালদাতাদের প্রকাশ পথে গুলী করিয়া দেশ ও জাতির বিরুদ্ধে শক্রতা বিশ্বাসঘাতকতার পরিণাম দেখাইতে পারিলে অপর রাজ্যে কলিকাতার এই বদনাম মুছিয়া দেওয়া যাইত। কিন্তু আমাদের এই দেশ সত্যই বিচিত্র দেশ!”

এই বিষয়ে ‘জনমত’ সাপ্তাহিক মন্তব্য করিয়াছেন :—

“বিধান সভায় পশ্চিমবঙ্গের স্বাস্থ্যমন্ত্রী অবশেষে ঘোষণা করিয়াছেন যে, ভেজাল ঔষধকারক ফার্মসমূহের বিরুদ্ধে শাস্তিমূলক ব্যবস্থা গ্রহণ করা হইবে। এখন নাকি এমন কতকগুলি ঔষধ পাওয়া গিয়াছে যাহা পুরাপুরি ভেজাল এবং মারাত্মক। এইরূপ ব্যবস্থা কিন্তু বহুদিন হইতেই চলিতেছে। এখন ইহা বিরাট আকার ধারণ করিয়াছে। সরকারের অবস্থা কিরূপ হইলে এইরূপ অসাধু ব্যবসায়ীরা মাথাচাড়া দিয়া উঠিতে পারে? সরকার যদি এইরূপ অসাধু ব্যবসায়ীদের একটি নামের তালিকা প্রস্তুত করিয়া জনসাধারণের নিকটে প্রকাশ করিতেন তবে সরকারের উপর আত্মশীল জনসাধারণ নিজেরাই এই সকল অসাধু ব্যবসায়ীদের শাস্তি বিধানের জন্ত নিজেরাই যথাযথ ব্যবস্থা গ্রহণ করিত এবং তাহা যে মোটেই সুখের হইত না তাহা সহজেই অনুমান করা যায়। কারণ যাহারা ঔষধে ভেজাল মিশাইয়া মানুষ মারিতেছে, খাণ্ডে ভেজাল মিশাইয়া মানুষকে পঙ্গু করিতেছে তাহারা যে মানুষের মিত্র নহে তাহা দেশবাসীর বুদ্ধিতে দেখি হইবে না এবং সরকারও জনসাধারণের সরকার বলিয়া দাবী করিতে পারিতেন। কিন্তু দেখা যাইতেছে কার্য্যত তাহা হইতেছে না। বরং দিনের পর দিন ভেজাল কারবার বাড়িয়াই চলিয়াছে এবং তাহারা বহাল তক্কিতে মোটা পয়সা কামাইয়া শহরে সম্মানের সহিত বিচরণ করিতেছে। কিন্তু ইহাদের দুই-একজনকে যদি গুলী করিয়া মারিয়া ফেলা হইত তবে দেশবাসী বুদ্ধিতে পারিত, এই সরকার সত্যসত্যই জনপ্রতিনিধি এবং জনসাধারণের মঙ্গল চায়। কিন্তু কার্য্যতঃ পনেরো বৎসর স্বাধীনতার পরও একটি চোরাকারবারীকে, একটি ভেজালদারকেও শাস্তি দেওয়া হয় নাই। ফলে দেশবাসী সরকারের উপর আত্ম হারাইয়াছে, তাহারা ধরিয়া লইয়াছে এই সরকার ভেজালদারের, চোরাকারবারীর সরকার।”

ভেজাল ঔষধ প্রস্তুত এবং বিক্রয় করার অপরাধের জন্ত দণ্ডবিধানের কথা কেন্দ্রীয় সরকার নাকি চিন্তা করিতেছেন। কেন্দ্রীয় স্বাস্থ্যমন্ত্রীর কথায় ইহা প্রকাশ। ডাঃ সুশীলা নায়ার বলিতেছেন যে :—

আইনে অপরাধীদের কারাদণ্ডে দণ্ডিত করার বিধান থাকা সত্ত্বেও গত বৎসর ২০০টি মামলার মধ্যে মাত্র ১০টি ক্ষেত্রে কারাদণ্ডের আদেশ দেওয়া হইয়াছে। তিনি আরো বলেন : খাণ্ডে ভেজালকারীদের কঠোর শাস্তির ব্যবস্থা করার উদ্দেশ্যে কেন্দ্রীয় খাণ্ডে ভেজাল আইন যথাযথ ভাবে সংশোধন করা হইবে। খাণ্ডে ভেজাল দেওয়ার ঘটনা ক্রমশঃ বৃদ্ধি পাইতেছে এবং জনসাধারণ এ বিষয়ে সতর্ক না হইলে ইহা বাড়িয়াই চলিবে। ভেজাল খাণ্ড বিক্রয় না করার জন্ত তিনি ব্যবসায়ীদের নিকটে আবেদন জানান।

তবু ভাল যে সরকারী দৃষ্টি ‘আবার’ এ-দিকে পড়িয়াছে। কিন্তু এতদিন সরকার কি নিদ্রা যাইতেছিলেন? কিন্তু কবে তাহাদের চিন্তা কার্য্যকরী হইবে—তাহা বলা শক্ত। হঠাৎ হয়ত ওনিব—আগামী পঞ্চম পঞ্চ-বার্ষিকী প্লানে ভেজাল ঔষধাদি নিবারণ ব্যবস্থা হইবে। বহু চিন্তায় ইহাই স্থির হইল

মহারাজ্জে প্রস্তুত বিপুল নির্ভেজাল ঔষধের আর একটি নমুনা !!

কলিকাতা, ২৫শে আগষ্ট—শনিবার পশ্চিমবঙ্গ ড্রাগ লাইসেন্সিং বিভাগ উত্তর ও মধ্য কলিকাতার দুইটি

দোকান হইতে মহারাষ্ট্রের একটি প্রতিষ্ঠান কর্তৃক প্রস্তুত হয় শত শিশি ইনজেকশন বাজেয়াপ্ত করিয়াছেন। স্ত্রীরোগের জন্ত ব্যবহৃত এই ইনজেকশনগুলিকে নিঃশ্রমের বলিয়া সন্দেহ করা হইতেছে। কয়েকটি শিশির মধ্যে স্ত্রী আশ জাতীয় বস্তু পাওয়া গিয়াছে। প্রকাশ, ঔষধগুলিকে ল্যাবরেটরীতে পরীক্ষার জন্ত প্রেরণ করা হইয়াছে।

—(যুগান্তর)

মহারাষ্ট্রে প্রস্তুত ভেজাল ঔষধের সংখ্যা এবং পরিমাণ কি, তাহা বলা অসাধ্য। সাধারণত ১,০০০টি চোরের মধ্যে ২০।২৫ জন চোর ধরা পড়ে।

এমন চোরও একশ্রেণীর আছে—নিজেই চুরি করিয়াই যাহারা “চোর চোর” বলিয়া চীৎকারে লোকটিতে বিভ্রমের সৃষ্টি করিয়া নিজেদের রক্ষা করে। মহারাষ্ট্রও কি এই নীতি গ্রহণ করিয়াছেন? এখন অপরকে চোর না বলিয়া আত্মরক্ষার আর কোন পথই কি নাই? পশ্চিমবঙ্গকে সর্বপ্রকার ভেজাল ও জাল ঔষধের জন্ত দায়ী করিয়া প্রজাবৎসল বোম্বাই সরকার প্রজাপালনের সত্যই এক অপূর্ব দৃষ্টান্ত স্থাপন করিলেন!

কতকদিন পূর্বে বোম্বাই শহরে ঔষধ নহে—বিলাতী মদের এক অপূর্ব ‘দেশী’ কারখানা আবিষ্কৃত হইয়াছে। বোম্বাই রাজ্যে মত্তাদি বিক্রয় আইন করিয়া বন্ধ করা হইয়াছে, অর্থাৎ বোম্বাই-এ “নেশা-বন্দী” (আকাশবাণীর ভাষায়) সার্থক। কাজেই মধ্যবিত্ত এবং গরীব জনসাধারণ মত্তাদি ক্রয় করিয়া পান করিতে পারে না। কিন্তু বড়লোকেরা ৭৫।৮০ টাকায় বোম্বাই-এ প্রস্তুত স্কচ হইস্কী এবং অন্যান্য মদ্যাদি নিয়মিত পাইয়া থাকেন। বলা বাহুল্য পানও করিয়া থাকেন। বিলাতী মদের দেশী কারখানায় দেশী মদে অল্প কিছু মিশাইয়া (টিন্চার আইডীন?) বিলাতী বোতলে এবং লেবেলে নিধুঁত ভাবে প্যাক করিয়া বাজারে ছাড়া হইত! কারখানাটি নাকি এখন পুলিশ দখল করিয়াছে। পরের খবর কিছু প্রকাশ পায় নাই।

### হিন্দীর বিজয় অভিযান

বঙ্গীয় সাহিত্য পরিষদের বার্ষিক সম্মেলনে শ্রীসুনীতিকুমার চট্টোপাধ্যায় সভাপতির ভাষণে বলেন যে, কেন্দ্রীয় সরকার একমাত্র হিন্দী ছাড়া বাংলা ও অন্যান্য ভাষার সমৃদ্ধি চাহেন না। তিনি আরও বলেন: কেবলমাত্র হিন্দীর প্রচারকার্যেই প্রায় ৩৪ কোটি টাকা মঞ্জুর করা হইয়াছে। কিন্তু সে অহুপাতে বাংলা, তামিল বা অন্যান্য আঞ্চলিক ভাষা কতটুকু সাহায্য পাইয়াছে?

এই প্রসঙ্গে যুগান্তরের (১৪-৮-৬২) “আংরেজী হটাও” সম্পাদকীয় (অংশ মাত্র) উল্লেখ করিলাম—

“এলাহাবাদে হিন্দীপ্রেমীদের উদ্যোগে ইংরেজীকে কাঁটাইয়া বিদায় করিবার জন্ত একটি জ্বরদস্ত সম্মেলন আহূত হইয়াছে। এই সম্মেলনের উদ্যোক্তারা নিজেদের পরিচয় দিয়াছেন ‘আংরেজী হটাও কমিটি’ রূপে। এই আধা-হিন্দী, আধা-ইংরেজীর তকুমা আঁটিয়া কমিটি সম্মেলনে প্রস্তাব পাশ করিয়াছে যে, ১৯৬৫ সালের পর আর ইংরেজী রাখা চলিবে না। ইংরেজী রাখিলে হিন্দীর ইচ্ছা থাকিবে না এবং অন্যান্য ভারতীয় ভাষারও সম্মান নষ্ট হইবে। উদ্যোক্তাদের আসল উদ্দেশ্য হিন্দীর একচ্ছত্র আধিপত্য প্রতিষ্ঠা। ইংরেজীর সঙ্গে উগ্র হিন্দীওয়ালারা একটা সপত্নীর সম্পর্ক আবিষ্কার করিয়াই ভাষার দরবারে মহা হট্টগোল সুরু করিয়াছেন। বিষয়টি অত্যন্ত অশোভন ব্যক্ততার মধ্যে উত্থাপিত হইয়াছে এবং যাহারা ইহা লইয়া হৈ-চৈ করিতেছেন তাহাদের মধ্যে ভাষাবিশেষজ্ঞ অপেক্ষা রাজনৈতিক টাউটদের সংখ্যাই বেশী। অতএব ভারতের ভাষা সমস্তা সমাধানের গুরুত্বপূর্ণ প্রশ্নটি এই হিন্দীওয়ালারা টাউটদের হাতে ছাড়িয়া দেওয়া যায় না। এ বিষয়ে সর্বভারতীয় ভিত্তিতে বিশেষজ্ঞ ব্যক্তিদের পরামর্শই বিবেচ্য। কেন্দ্রীয় সরকার ভাষা কমিশনের সিদ্ধান্ত অনুযায়ীই ১৯৬৫ সালের পরও ইংরেজীকে একটি সহযোগী ভাষারূপে সরকারী কার্যপরিচালনার আর কিছুকাল চালু রাখিতে সিদ্ধান্ত করিয়াছেন। আংরেজী হটানেওয়ালারা সে কারণেই এতটা খাপ্পা হইয়া উঠিয়াছেন। এলাহাবাদের সম্মেলনে এই ভাষা-পণ্ডিতরা একটি প্রস্তাবে এইরূপ দাবীও করিয়াছেন যে, পরীক্ষায় ছাত্ররা কেবলমাত্র ইংরেজীতে ফেল করিলে তাহাদিগকে পাশ করাইয়া দিতে হইবে! কারণ, তাহাদের মতে দেশের প্রশাসন কার্য-পরিচালনার কিংবা বৈজ্ঞানিক ও কারিগরি বিষয় শিক্ষা লাভের জন্ত ইংরেজী ভাষার জ্ঞান অপরিহার্য নয়। আর একটি প্রস্তাবে সম্মেলন দাবী করিয়াছে যে, সমস্ত ভারতীয় ভাষার জন্ত দেবনাগরী লিপি প্রবর্তন করা হউক। ইহা দ্বারা সর্বভারতীয় এক্য (?) স্থাপনে সহায়তা হইবে বলিয়া সম্মেলনে আশা প্রকাশ করা হইয়াছে।”

এ বিষয় 'আনন্দবাজার পত্রিকা' ( ১৭-৮-৬২ ) বলিতেছেন :

"রাজধানী দিল্লীতে সম্প্রতি অস্থগ্ঠিত জমজমাট মজলিসে যাহারা 'এক রা' হইয়া 'আংরেজী হঠানো'র রায় দিলেন, তাঁহারা কাহারো ? মজলিসের নাম সর্কভারতীয় ভাষা সম্মেলন—তাহাতে কিছু আসে যায় না, এ দেশে লাল শালু থাকিলেই হয়, যাহা খুশি তাহা লিখিয়া লটকাইয়া দিলে আটকায় কে ? বিবরণে দেখিতেছি, সম্মেলনে হাজির ছিলেন দুই শত ডেলিগেট। ইহাদের নির্বাচন করিয়া পাঠাইলেন কাহারো জানিতে সাধ হয়। অধুনা ইংরেজীবিদ্বেষী ডাঃ লোহিয়া বলিয়া থাকেন যে, আধ কোটি ইংরেজীনবিসদের ইচ্ছা ৪৫ কোটি লোকের উপর চাপাইয়া দেওয়া অত্যাচার। তাঁহার যুক্তি দিয়াই তাঁহার নিকট জানিতে চাই, দুই শত জন 'আপনি মোড়লের' ফতোয়া ৪৫ কোটির উপর চাপানোর মধ্যেই বা জায় কোন্খানে ?

"জাতীয় সংহতির দোহাই পাড়িয়া লাভ নাই। সংহতির অছিগিরি ১৯৪৭ সনে যাহাদের উপর বর্জাইয়াছিল, তাঁহারা ত্রায়ের মর্যাদা রাখিতে পারেন নাই, অঞ্চল, ভূগোল, ভাষা ইত্যাদি নানা কারণে সংহতি ভাঙিয়া খান্খান্ হইয়াছে। কি রাজ্য-পুনর্গঠন-কমিশন, কি ভাষা-কমিশন, গোড়ার গলদে কেহ যান নাই, কোনমতে জোঁড়াডালি আর ঠেকনো দিয়া জাতীয়তাবোধকে খাড়া রাখিবার চেষ্টা করিয়াছেন মাত্র। বেগামাল নেত্রারা কখনও ভাবিয়াছেন, সংহতি মানে হয়ত ডাক-টিকিট, নয়া পয়সা, আর রেলগাড়ির একতা মাত্র, কখনও বা সর্কভারতীয় পুলিশবাহিনী গড়িয়া সংহতি ফিরাইয়া আনিতে চাহিয়াছেন। অর্থাৎ ফৌজ সর্কভারতীয় হইয়াও যাহা পারে নাই, সর্কভারতীয় পুলিশ যেন তাহা পারিবে !

"পুরাপুরি চৈতন্য যে হয় নাই, লোকসভায় স্বরাষ্ট্রমন্ত্রীর বিবৃতি—স্বয়ং প্রধানমন্ত্রী সেদিন সাংবাদিক সম্মেলনে যাহার ভাষ্য করিয়াছেন—তাহার প্রমাণ। মূল আর টীকা মিলাইয়া পড়িয়া এইটুকু বুঝিতেছি যে, অনেক ঠেকিয়াও কর্তারা ইংরেজীকে বড়জোর সহযোগী রাষ্ট্রভাষার মর্যাদা দিতে চান। পূর্ক চাহে না, দক্ষিণ চাহে না, তবু গোটা দেশ জুড়িয়া হিন্দীর ঝাণ্ডা উচা রাখা চাই-ই চাই। মজা এই যে, কর্তারা যখন বলেন, হিন্দী চলিবে, তখন তাঁহারাও জানেন না কোন্ হিন্দী ? এই ভাষাটার একটা প্রাথমিক সংজ্ঞাই আজ অবধি স্থির হইল না, অথচ এদিকে সরাসরি এবং বকলমে কোটি কোটি টাকা হিন্দীর উন্নয়ন এবং প্রচার-প্রসারের জন্ত নাকি জলের মত খরচ হইয়া গেল ! বিহারের হিন্দী উত্তরপ্রদেশে অচল, উত্তরপ্রদেশের হিন্দী পাঞ্জাবে। তবে কি 'আকাশ বাণী' কথিত সমাচারকেই হিন্দীর নমুনা হিসাবে মানিয়া লইব ? সেখানেও ত বিস্তর বখেড়া। সংস্কৃতঘেঁষা হিন্দী গুনিলে আগরা পূর্কাকালের বাসিন্দারা কতকটা স্বস্তি পাই বটে, কিন্তু সেই শব্দভাণ্ডারও কৃত্রিম এবং আড়ষ্ট। তাহা ছাড়া প্রধানমন্ত্রী হইতে সুরু করিয়া লখনউ দিল্লীওয়ালারা সমস্তের হাঁক ছাড়েন, চলবে না, চলবে না। আরও উর্দ্ধুঘেঁষা জবান চাই।...

" 'হিন্দী চাই, হিন্দী চাই' বলিয়া আজ যাহারা চৈতান, আর সেই গোলে বশব্দ যাহারা হরিবোল দেন, তাঁহারা ভুলিয়া যান যে, প্রয়োজন কেবল কাজচলা গোছের একটা সরকারী ভাষা হইলে গোল ছিল না—জ্ঞান-বিজ্ঞান, গবেষণা এবং বৈময়িক উন্নয়নের সঙ্কল্পবদ্ধ স্বাধীন ভারতের একটা সরকারী ভাষাও যে নিতান্তই চাই। এ কথা গোলাধূলি বলার সময় আসিয়াছে যে, 'সহযোগী'কে ভিখু দেওয়া অথবা বিকল্প ভাষার ভাঁওতা দিয়া অ-হিন্দী অঞ্চলকে ভুলাইলে চলিবে না, ইংরেজীকে তাহার যোগ্য মর্যাদায় বহাল রাখিতে হইবে।"

কিন্তু ইহা সত্ত্বেও কাজের কাজ কিছু হইবে কি না সন্দেহ আছে। এই সম্পর্কে ১৭-৮-৬২ তারিখে 'যুগান্তর' মন্তব্য করিয়াছেন :

"শ্রীনেহরু বলিয়াছেন, ১৯৬৫ সনের পরও অনির্দিষ্টকালের জন্ত ইংরেজী সহযোগী সরকারী ভাষারূপে চলিত থাকিবে এবং অহিন্দী ভাষাভাষীরা স্বেচ্ছায় তাহার পরিবর্তন না চাওয়া পর্যন্ত তাহার আসন অব্যাহত থাকিবে। সম্প্রতি দিল্লীতে যে নিখিল ভারত ভাষা সম্মেলন অস্থগ্ঠিত হয়, তাহাতে হিন্দীর সঙ্গে সহযোগী সরকারী ভাষারূপে ইংরেজীর স্বীকৃতির জন্ত সংবিধান সংশোধনের যে প্রয়াস চলিতেছে, তাহার তীব্র বিরোধিতা করা হয় এবং হিন্দীকেই একমাত্র সরকারী ভাষা হিসাবে বলবৎ করা হউক বলিয়া দাবী করা হয়। এই সম্মেলনে গৃহীত প্রস্তাবের পরিপ্রেক্ষিতেই প্রধানমন্ত্রী সাংবাদিক সম্মেলনে উপরোক্ত আশ্বাসবাক্য উচ্চারণ করেন। শুধু তাই নয়, সহযোগী সরকারী ভাষা সম্পর্কীয় ধারাটি সংবিধানে সংযোজিত করার জন্ত শীঘ্রই আইন প্রণয়ন করা হইতেছে বলিয়াও জানান। বলা বাহুল্য, শ্রীনেহরু একথা এই প্রথম বলিলেন না। ইতিপূর্কেই তিনি এবং অধুনা লোকান্তরিত স্বরাষ্ট্রমন্ত্রী শ্রীপহু এই আশ্বাস দিয়াছিলেন এবং তাহার কলে উদ্ভিত অহিন্দী ভাষাভাষীরা তাঁহাদের আন্দোলন



প্রত্যাহার করিয়া নিয়াছিলেন। কিন্তু তা সত্ত্বেও তাঁহারা মৌল আনা আশঙ্কা মুক্ত হইতে পারেন নাই। কেন না, হিন্দী প্রেমিকদের সংহত উত্তম পূর্ণ বেগেই চলিয়াছে এবং অফিস-আদালতে, রেলপথে, ডাকঘরে, বেতানে শনৈঃ শনৈঃ হিন্দী কায়েমের চেষ্টা যেমন চলিতেছে, তেমনি দরাজ হাতে সরকারী টাকাও কেবলমাত্র হিন্দীর উন্নতি ও ব্যাপ্তির জন্ত ব্যয়িত হইতেছে। স্বভাবতই আশঙ্কা করার কারণ আছে যে, জাতীয়তার জিগির তুলিয়া যোগেযোগে একবার ইংরেজীটা হটাইয়া হিন্দীকে সরকারী ভাষার আসনে বহাল করিতে পারিলে, তখন ধীরে ধীরে তাহাকেই উচ্চশিক্ষার মাধ্যম ও আন্তঃরাজ্য আদান-প্রদানের একমাত্র বাহন বানাইয়া অন্তান্ত ভাষাকে কোণঠাসা করা যাইবে। আর এইভাবে হিন্দীভাবীরাই হইবেন ভারতীয় শিক্ষা সংস্কৃতি ও উঁচু সরকারী চাকুরির ক্ষেত্রে একমাত্র অধিকারী।”

কেন্দ্রীয় কর্তারা মুখে যাহাই বলুন—কার্যক্ষেত্রে যে ভাবে হিন্দীর প্রাধান্য দিতেছেন, তাহাতে আমাদের চিন্তার যথেষ্ট অবকাশ ও আশঙ্কা আছে।

কলিকাতা আকাশবাণী প্রচারকেন্দ্রে বাঙ্গলাকে কোণঠাসা করা হইয়াছে। হিন্দী শিক্ষার বে-ফায়দা আসরও নিয়মিত চলিতেছে। সংবাদ প্রচার, তাহার উপর দিল্লী হইতে হিন্দীতে অপূর্ণ ‘নিউজ রীল’ রিলে করিয়া বাঙ্গলা শ্রোতাদের কর্ণে অহরহ গলানো সীসা ঢালিয়া দেওয়া হইতেছে।

বিহারের বাঙ্গালী-প্রধান অঞ্চলগুলিতে বাঙ্গলা ভাষাকে খেদাইয়া দিয়া, জমিঙ্গমার রসিদ, পীরচা, নোটস, টেক্সের চালন-চাহিদা সবই হিন্দীতে হইতেছে। ফলে বাঙ্গালী, যাহাদের সামান্য জমিঙ্গমা বা ধরবাড়ী আছে ঐসব অঞ্চলে, তাহারা ত্রাহি ত্রাহি রব তুলিতেছেন।

রেলের ইঞ্জিনগুলিতে পূর্বে E. R., S. R. প্রভৃতি ইংরেজীতে লেখা থাকিত এখন তাহার বদলে হিন্দী অক্ষরে হইয়াছে ‘পূঃ রে’, ‘দঃ পূঃ রে’ ইত্যাদি।

খাম-পোষ্টকার্ড, মণিঅর্ডার ফরম্, টেলিগ্রাম ফরম্—প্রভৃতিতেও হিন্দী যে ভাবে আসর জমাইয়াছে, আর কিছুকাল পরেই হয়ত ইংরেজীকে একেবারে লোপ করা হইবে।

### ইংরেজী—সহকারী সরকারী ভাষা

যদিও স্মরণ—

“ইংরাজীকে সহযোগী সরকারী ভাষায় পরিণত করিবার জন্ত ভারত সরকার যে সিদ্ধান্ত লইয়াছেন ইউনিভার্সিটি ইনষ্টিটিউট হলে এক জনসভায় তৎপ্রতি অভিনন্দন জানান হয়। যাদবপুর বিশ্ববিদ্যালয়ের রেট্টার ডঃ ত্রিগুণা সেন সভাপতিত্ব করেন।

“ভারত সরকারের এই সিদ্ধান্তকে ‘দেশের বর্তমান অবস্থায় জাতীয় সংহতি সাধনের এক অপরিহার্য অঙ্গ’ বলিয়া সভায় অভিমত প্রকাশ করা হয়। সভায় বিভিন্ন বক্তা হিন্দী গোঁড়ামির নিন্দা করেন এবং এই সিদ্ধান্তের জন্ত প্রধানমন্ত্রী শ্রীনেহরুকে ধন্যবাদ দেন।

“প্রস্তাবে হিন্দীর গোঁড়া সমর্থকদের কার্যকলাপের তীব্র নিন্দা করিয়া বলা হয় যে, ইংরাজী সংবাদপত্রের বহু সংস্করণ করিয়া ইহারা বর্ধরতার আশ্রয় লইয়াছেন। ইহার ফলে জাতীয় সংহতির আদর্শের গুরুতর ক্ষতি হইবে।

“শ্রীরাজাগোপালাচারী মাদ্রাজ হইতে এই সভায় প্রেরিত এক বাণীতে এই মর্মে আশঙ্কা প্রকাশ করেন যে, সংসদে এই বিল লইয়া আলোচনার পরও এই প্রসঙ্গের সমাপ্তি হইবে না। হিন্দীকে প্রাধান্য দেওয়ার জন্ত এবং যাহারা হিন্দী গ্রহণ করিবেন না, তাহাদের সরকারী চাকুরির পরীক্ষার ক্ষেত্রে অসুবিধায় ফেলার জন্ত চেষ্টা চালাইয়া যাওয়া হইবে।”—(আনন্দবাজার, ২০-৮-৫২)

শ্রীরাজাগোপালাচারীর আশঙ্কা অমূলক নহে—এবং এই কারণে সকলকে সর্বদা সতর্ক থাকিতে হইবে। ‘হিন্দী-বীজাণু’ যে সব মহাত্মারা ছড়াইতেছেন, তাহারা সহজ নহেন এবং ইহাদের দমন করিতে হইলে (অন্তত পশ্চিমবঙ্গে)—বাঙ্গলাকে এবং অন্তান্ত রাজ্য ভাষাকে অমোঘ “বীজাণুনাশক” করিয়া তুলিতে হইবে, সক্রিয় এবং ব্যাপক ভাবে।

বদ্ধ উন্মাদদের দমন করিতে সাধারণত যে সকল পন্থা গৃহীত হয়, এই হিন্দী-উন্মাদদের সম্পর্কে ঠিক তাহাই করিতে হইবে, নিজেদের এবং নিজেদের ভাষাকে আমরা যদি বাঁচাইতে চাই।

দুঃখের বিষয় শ্রদ্ধের রাজেন্দ্রপ্রসাদও আবার এট উগ্র হিন্দী উন্মাদদের সঙ্গে নূতন করিয়া হাত মিলাইয়াছেন !

### পশ্চিমবঙ্গে হিন্দী—কেন ?

কংগ্রেসের বহু নেতা হিন্দীর উগ্রতা পছন্দ করেন না, বিশেষ করিয়া দেশের অন্ত-ভাষী অঞ্চলগুলিতে—কিছু হিন্দী-প্রধান স্থানগুলির ভোট সম্পর্কে তাহারা অত্যধিক অবহিত বলিয়া হিন্দীর বিরুদ্ধে কোন কথাই প্রকাশ করিতে ভরসা করেন না। পশ্চিমবঙ্গের কংগ্রেসী নেতাদের অবস্থাও প্রায় একই প্রকার। সর্বভারতীয় কংগ্রেসী নেতৃত্ব এখন প্রধানতঃ “হিন্দী”-ভাষী গুরুজনদের উপর। কাজেই ‘গুরুজনদের’ বিরাগভাজন হইয়া “রাজনৈতিক বিপাকে” পড়িবার ভয়ে বাঙ্গালী কংগ্রেসী নেতারাও রুদ্ধবাক হইয়া আছেন।

হিন্দী-‘ফেরিওয়ালাদের’ একটা কথা মনে রাখা একান্ত প্রয়োজন—(বিশেষতঃ বর্তমানের সঙ্কটকালে চীন এবং পাকিস্তান যখন খাবা তুলিয়া সুযোগের অপেক্ষায় রহিয়াছে)। তামিল অঞ্চলে হিন্দীর বিরুদ্ধে জেহাদ ঘোষণা করা হইয়াছে—হিন্দীর উগ্রতা এবং হিন্দীকে রাষ্ট্রভাষা করিবার উন্মাদনার ফলে—দাক্ষিণাত্যে স্বতন্ত্র তামিল রাজ্যের জন্ম প্রকাশ্য সঙ্কল্পও ঘোষিত হইয়াছে। হিন্দী-প্রচারের উগ্রতা এবং উন্মাদনা ভারতকে আবার একটা পরম-সঙ্কটের মধ্যে নিক্ষেপ করিয়াছে। এ উগ্রতার প্রতিরোধ না হইলে দেশ নূতন করিয়া বহু-বিভক্ত হইতে বিলম্ব হইবে না।

খাস হিন্দী অঞ্চলের হিন্দী-ভাষীরা ইংরেজী বর্জন করুন, ইংরেজীকে আন্দামানে পাঠাইয়া দিঁন, স্কুল-কলেজে সকল বিষয় একমাত্র হিন্দীতে পড়াইবার ব্যবস্থা করুন, মুখ্যতাকে—পাণ্ডিত্যের নিদর্শন করিয়া তুলুন—বলিবার কিছু নাই। কিন্তু ভারতের মাত্র ৮৯ কোটি লোকের অর্ধ-পক্ষ ভাষা হিন্দীকে বাকি ৩৪ কোটি লোকের ওপর চাপাইবার জবরদস্তি ত্যাগ করুন। সময় থাকিতে সাবধান হউন।

### পাকিস্তানী দৌরাণ্য

সংসদের আলোচনা হইতে জানা যায় যে :

গত ১লা জাহুয়ারী হইতে ৩০শে জুন পর্যন্ত এই ৬ মাস সময়ের মধ্যে ১০ জন ভারতীয় নাগরিককে বলপ্রয়োগে বিপর্যস্ত করিয়া ভারতীয় এলাকা হইতে অপহরণ করা হইয়াছে। ইহাদের মধ্যে এ পর্যন্ত কাহাকেও ছাড়িয়া দেওয়া হয় নাই এবং পাকিস্তানে ইহাদের ভাগ্যে যে কি ঘটিয়াছে তাহাও এ পর্যন্ত জানিতে পারা যায় নাই। ইহা ছাড়া গত ২০শে জুলাই তারিখে পুলিশের একজন এসিস্ট্যান্ট সাব ইনস্পেক্টর এবং পশ্চিমবঙ্গ জাতীয় স্বেচ্ছাসেবক বাহিনীর একজন সদস্যকে জোর করিয়া পাকিস্তানে লইয়া যাওয়া হইয়াছে এবং তাহাদের অন্ত্রশস্ত্র এবং গোলাগুলিও কাড়িয়া লওয়া হইয়াছে।

ইহা ছাড়া পাকিস্তানী সৈন্তগণ কর্তৃক সীমান্তে ভারতীয় এলাকার কয়েকটি অংশ, যেমন জলপাইগুড়ি জেলার অন্তর্গত দৈখাতা প্রভৃতি অঞ্চল, বলপূর্বক অধিকৃত হইয়াছে। ভারতীয় সীমান্তরক্ষী সৈন্তগণ কোনওরূপ বাধা না দিয়াই ঐ সমস্ত অঞ্চল হইতে সরিয়া আসিয়াছে। উপযুক্ত অন্ত্রশস্ত্র এবং গোলা-বাক্সদের অভাবেই তাহারা এইরূপ করিয়াছে বলিয়া বোঝা যাইতেছে। পশ্চিমবঙ্গের মুখ্যমন্ত্রী সম্প্রতি এই কথা বলিয়াছেন যে, দৈখাতার একাংশ এখনও পাকিস্তানী সৈন্তদের দখলেই রহিয়া গিয়াছে। পাকিস্তানীদের দ্বারা নিরস্ত ভারতীয় নাগরিকগণের উপর গুলী বর্ষণ এবং তাহাদের প্রাণ হরণ দৈনন্দিন ব্যাপারে পরিণত হইয়াছে।

এই সমস্ত ঘটনার বিরুদ্ধে বারংবার প্রতিবাদ জানাইয়াও কোনও ফল হয় নাই।

আমাদের সৈন্তবাহিনীর জোয়ানদের পরম অহিংস মন্ত্রে দীক্ষার চরম সফল ও সার্থকতা দেখা যাইতেছে। কেন্দ্রীয় স্বরাষ্ট্র মন্ত্রীর সংসদে বর্ণিত পরিসংখ্যান হইতে দেখা যায় যে, ১৯৫১ সাল হইতে গত দশ বৎসরে অন্তত চার লক্ষ পাকিস্তানী পশ্চিমবঙ্গ, আসাম এবং ত্রিপুরায় বেআইনী অহুপ্রবেশ করিয়াছে।

আসামে সবচেয়ে বেশী পাকিস্তানী অহুপ্রবেশ করিয়াছে। স্বরাষ্ট্রমন্ত্রীর মতে বিগত ১০ বৎসরের মধ্যে আড়াই লক্ষ হইতে তিন লক্ষ পাকিস্তানী আসামে অহুপ্রবেশ করিয়াছে। তিনি আরও বলেন যে, এই সময়ের মধ্যে পশ্চিমবঙ্গে ৪৫ হাজার হইতে ৫০ হাজার এবং ত্রিপুরায় ৫০ হাজার পাকিস্তানী অহুপ্রবেশ করিয়াছে।

প্রসঙ্গত প্রকাশ পাইয়াছে যে, পশ্চিমবঙ্গ সীমান্ত রক্ষার ভার রাজ্য সরকারের হাতে স্তব্ধ হইয়া থাকিলেও

পশ্চিমবঙ্গ সরকারকে এইজন্ত উপযুক্ত অর্থ দেওয়া হয় নাই এবং সৈন্যদলও সীমান্তরক্ষী বাহিনীকে কোনওরূপ সাহায্য করে না। সীমান্তে যে সমস্ত ঘাঁটি আছে তাহা রক্ষা করিবার জন্ত উপযুক্ত লোকবল এবং সাজ-সরঞ্জামও নাই।

এ বিষয় বার বার একই মন্তব্য করার কোন সার্থকতা নাই। সাধারণ পাঠক নিজ নিজ মতামত নির্ধারণ করিতে পারেন।

### শহরের জঞ্জাল

পশ্চিমবঙ্গ সরকারের হস্তক্ষেপে কলিকাতার পথঘাট বহু পরিমাণে জঞ্জালমুক্ত হইয়াছে—কলিকাতার পৌর-সভার অকর্ম্মা এবং স্বার্থাশ্রমী কাউন্সিলর ছাড়া আর সব ময়লাই ক্রমশঃ সাক্ষর হইতেছে। রাস্তা হইতে ধর্ম্ম-মণ্ডলি বিতাড়িত হইতেছে—কিন্তু কর্পোরেশনের অকেজো পামগুগুলিকে কবে তাড়ানো হইবে জানি না। কলিকাতার ভাষণ মারাত্মক আর একটি আবর্জনার প্রতি ‘আনন্দবাজার পত্রিকা’ দৃষ্টি আকর্ষণ করিয়াছেন।

‘আরও একটি ভয়ানক আবর্জনা আছে যাহা মানুষের গৃহবাসের শাস্তি বিনষ্ট করিয়া থাকে। তাহা হইল লাউডস্পীকারের উপদ্রব। কিছুকাল আগে আমরা জানিয়া সুখী হইয়াছিলাম যে, কলিকাতার পুলিশ কর্তৃপক্ষ লাউডস্পীকারের ব্যবহার সম্পর্কে যথোচিত কড়াকড়ি করিবেন। পল্লীর শাস্তি বিঘ্নিত হইতে পারে, এমনভাবে লাউডস্পীকার ব্যবহার করিবার সুযোগ কাহাকেও প্রদান করা হইবে না। কিছুদিনের অভিজ্ঞতার ইহাও দেখা গিয়াছে, কলিকাতা শহরে লাউডস্পীকারের যথেষ্টাচার অনেকটা হ্রাস পাইয়াছে; এবং জনসমাজেও দেখা যায় যে, লাউডস্পীকারকে প্রশ্রয় না দিবারই একটি জনমত দৃঢ়তর হইয়াছে।

‘কিন্তু রাজ্য সরকার কি মফস্বলের এবং কলিকাতার শহরতলীর জীবনযাত্রার শাস্তি নিরাপদ করিবার জন্ত লাউডস্পীকারের যথেষ্ট ব্যবহার নিষিদ্ধ করিতে যথোচিত তৎপরতা অবলম্বন করিয়াছেন? মাইকের উপদ্রবে শহরতলীর প্রাত্যহিক জীবনে যে কি দুঃসহতা দেখা দিয়াছে, তাহা পুলিশের পক্ষে না জানিবার কোন কারণ নাই। বৌভাত, অন্তপ্রাশন, শ্রাদ্ধ হইতে শুরু করিয়া মনসাপূজার অস্থান পর্য্যন্ত সব ব্যাপারেই মাইকসংযুক্ত রেকর্ডের সঙ্গীত প্রচণ্ড শব্দের আবর্জনা অহরহ বাতাসে ছিটাইতেছে। মুমূর্ষু রোগীর শেষ মুহূর্তের শাস্তিও দানুব কোলাহলের চিংকারে বিনষ্ট হইতেছে। ছাত্রের অধ্যয়ন, শিল্পীর মনোযোগ, ধর্ম্মনিষ্ঠের পূজা ও ধ্যান—সবই লাউডস্পীকারের করাল শব্দে উৎপীড়িত হইতেছে। চব্বিশ পরগণার পুলিশ কর্তা যদি অহুগ্রহ করিয়া অহুসঙ্কান করেন, তবে জানিতে পারিবেন যে, দমদম ও পাতিপুকুর অঞ্চলে শুধু এক মনসাপূজার ব্যাপারে পাঁচ দিন ধরিয়া দিন-রাত সমানভাবে লাউডস্পীকারের চিংকারিত সঙ্গীত পল্লীর মানুষের উপর কি অত্যাচার করিয়াছে।’

যাদবপুর যক্ষা হাসপাতালের চারিদিকে লাউডস্পীকার হইতে যে প্রকার বিষম সঙ্গীত ও বাদ্যের সাইক্লোন দিবারাত্র চলে, তাহাতে রোগীদের প্রায় প্রাণান্ত ঘটিবার মত হইয়াছে! অথচ কাছেই ২৪ পরগণার পুলিশ থানা!

‘আনন্দবাজার পত্রিকা’ আরও বলিতেছেন :

‘কেহ যদি তাহার প্রতিবেশী ব্যক্তির কানের কাছে মুখ লইয়া এবং চিংকার করিয়া গান করে, তবে তাহা নিশ্চয়ই একটি অপরাধ বলিয়া বিবেচিত হইবে। কিন্তু এই ব্যাপারটি একটি যন্ত্রের সাহায্যে সম্পন্ন করিলেই কি সে নিরপরাধ হইয়া যাইবে? এমন অনেক সঙ্গীত আছে যাহা ব্যক্তিবিশেষের রুচিবোধ এবং ধর্ম্মবোধের পক্ষে আঘাতজনক; এমন সঙ্গীত লাউডস্পীকারের সাহায্যে তাহাদের কানে পৌঁছাইয়া দিয়া তাহাদিগকে অপমানিত করিবার অধিকার কাহারও থাকিতে পারে না। কিন্তু লাউডস্পীকারের যথেষ্ট ব্যবহারে অনেক ক্ষেত্রে এই কাণ্ডই হইতেছে। শালীনতাবিহীন সঙ্গীতকে উচ্চকিত করিয়া পল্লীর অল্পবয়স্ক বালক-বালিকার কৌতুহল বিকৃতও করা হইয়া থাকে।’

‘ট্রামে-বাসে ধূমপান নিষিদ্ধ করা হইয়াছে। ইহাতে সভ্য-আচরণের বিধি নিরাপদ করা হইয়াছে। দশ-জনের সুবিধার জন্ত এক-তুইজন ধূমপায়ীর যথেষ্টা ও সুবিধাকে নাগরিক অধিকার বলিয়া এক্ষেত্রে স্বীকার করা হয় নাই। লাউডস্পীকারের ব্যবহার সম্পর্কেও এই নীতি সরকার প্রয়োগ করিবেন না কেন?

‘প্রত্যেক পল্লীতেই এমন কিছুসংখ্যক লোক থাকে যাহারা বহু প্রতিবেশীর সুবিধা-অসুবিধার প্রতি সম্পূর্ণ অবজ্ঞা প্রদর্শন করিয়া লাউডস্পীকারে রেকর্ডের গান উচ্চকিত করিয়া উৎকট শব্দতাণ্ডব উপভোগ করিতে চাহিবে। ইহাদিগকে সংযত করিতে সরকার যদি না পারেন তবে যে আবর্জনারই কাছে শিল্পীর শাস্তি ও সমাজের সভ্যতাকে অসহায়ভাবে নতি স্বীকার করিতে হইবে।’

এ বিষয় অত্যাচারের বিরুদ্ধে কাহারও কিছু বলিবার অধিকার নাই! প্রতিবাদ করিতে গেলেই কেবল গালাগালি নহে, শারীরিক নির্যাতনের আশঙ্কাও প্রচুর।

একমাত্র সরকারই শাস্তিপ্রিয় মানুষকে এই অত্যাচার হইতে রক্ষা করিতে পারেন। তথাকথিত নেতার দল ভোট হারাইবার ভয়ে কোন প্রতিবাদ চেষ্টা করিবেন না। প্রকারান্তরে ইহারাই সর্বপ্রকার হৈ-হল্লাকারীদের কেবল প্রশ্রয় নয়, বাহবা দেন।

### পৌরপিতাদের বিষম ক্রোধ এবং প্রতিবাদ

রাজ্য সরকার শহরের আবর্জনা পরিষ্কারের জন্ত যে পৃথক সংস্থা গঠন করিতেছেন তাহার বিরুদ্ধে দলমত-নির্কিন্বেষে কাউন্সিলারবৃন্দ প্রতিবাদের ঝড় তোলেন। মেয়র শ্রীরাজেন্দ্র মজুমদার সভায় ঘোষণা করেন যে, রাজ্য সরকার তাঁহার সহিত কোনও পরামর্শ করেন নাই। পৌরসভায় রাজ্য সরকারের কোন হস্তক্ষেপ তিনি অস্বীকার করেন না।

জনৈক কংগ্রেস কাউন্সিলার উদ্বেজিত কণ্ঠে বলেন যে, রাজ্য সরকারের প্রস্তাব পৌরসভার স্বাধীনতার অর্থাৎ যথেষ্টাচারের উপর আঘাত হানা ছাড়া আর কিছুই নয়। তাই তিনি মেয়র, ডেপুটি মেয়র এবং সকল কাউন্সিলারদের পদত্যাগের প্রস্তাব করেন এবং বর্তমান কমিটিগুলি ভাঙ্গিয়া দিবার দাবী করেন। (আহা! সত্যই যদি করেন—আমরা বাঁচিব!)

কংগ্রেস দলের নেতা শ্রী জে, এল, সাহা এক প্রস্তাব উত্থাপন করিয়া বলেন যে, বর্তমান পৌরসভার অর্থ-নৈতিক সমস্যা এবং বাস্তহকারীদের সমস্যার সময় আমাদের সরকারের সকল সাহায্য গ্রহণ করা উচিত। তিনি প্রস্তাবে সরকারকে নিজ অর্থ দিয়া ব্যয়ভার বহন করিতে বলেন। অর্থাৎ ‘তোমরা টাকা দাও, আমরা ধুমসমত তাহার অপব্যয় করি!’—চলতি কথায় যাহাকে বলে—‘তোদের কড়ি, বুদ্ধি মোদের—স্বুর্ভিক্ষ করা যাক!’

একদল অকর্ম্মীর নিকটে হইতে ইহার বেশী আর কিছুই আশা করা যায় না। বর্তমান পৌর (উপ) পিতারা কর্পোরেশনকে তাঁহাদের পৈতৃক জমিদারীতে পরিণত করিয়াছেন এবং সেইমত নিজেদের পেয়ালধুমসমত কাজ করিতেছেন। এই অকর্ম্মীদের লজ্জা বলিয়া কোন কিছু নাই, যদি থাকিত, তবে তাঁহারা অবিলম্বে পদত্যাগ করিয়া কলিকাতাবাসীদের বাঁচাইতেন। কিন্তু আমাদের কপালে সে সৌভাগ্য নাই। পৌরপিতারা আর যাহাই হউন—বোকা নছেন। পরের পয়সায় এমন নবাবী এবং মেজাজ দেখাইবার সুযোগ অল্পত কোথাও যে নাই, ইহা তাঁহারা ভাল করিয়াই জানেন।

কলিকাতাকে উজ্জ্বল মুক্ত করিতে হইলে, রাজ্য সরকারের প্রথম কর্তব্য এই শহরকে অপদার্থ “পৌর (উপ) পিতা” নামক বিষম উজ্জ্বল হইতে সর্বপ্রথম মুক্ত করা। ইহার কলেরা-ছড়ানো মাছি অপেক্ষাও ভীষণতর এবং হীনতর কীট, কিন্তু এই বিষম উজ্জ্বল দূর করিবার মত সাহস এবং সুবুদ্ধি রাজ্য সরকারের হইবে কি?

### একজন দরিদ্রের পথে মৃত্যু

৪৫ বৎসর বয়সের এক দরিদ্র গ্রামবাসী শুক্রবার হাওড়া হইতে কলিকাতার ম্যাডান ষ্ট্রাটে একটি চেষ্ট ক্লিনিকে আসিতেছিলেন তাঁহার যক্ষ্মারোগাক্রান্ত ফুসফুসের এক্সরে ফটো তুলিবার জন্ত। হতভাগ্য ক্লিনিকে প্রবেশ করিতে পারেন নাই, অসংখ্য পথিকের দৃষ্টির সম্মুখে তাঁহার মৃতদেহ ক্লিনিকেরই ছয়ারে পড়িয়া ছিল। দরিদ্রের শেব সম্বল জুতা জোড়াটি, হাতের লাঠি ও টিনের কোটা মৃতদেহের পাশে পথের উপর পড়িয়া বিনা পথ্যে, বিনা চিকিৎসায় একজন যক্ষ্মারোগীর অসহায় মৃত্যুর সাক্ষ্য দিতেছিল।

এ দৃশ্য কলিকাতার রাজপথে নূতন নহে। পৃথিবীর অত্র কোনো দেশে এই প্রকার একটি মৃত্যু ঘটিলে—“সরকার” বদল হইত এক দিনেই। প্রসঙ্গক্রমে একটি কথা বলিব। কলিকাতার কয়েকটি যক্ষ্মা-সংস্থা আছে—ছোট, বড়, মাঝারি। এই সব সংস্থার কর্তব্যই নাকি দরিদ্র অসহায় যক্ষ্মা রোগীর সর্বপ্রকার চিকিৎসা ব্যবস্থা করা, কিন্তু কাজে কর্তব্য পালিত হয় কতটুকু?

যক্ষ্মা-সংস্থাগুলির প্রধান কাজই বোধহয়—যক্ষ্মার এবং সেই সঙ্গে কিছু কিছু ব্যক্তিগত প্রচার। দরিদ্র অসহায় যক্ষ্মারোগীদের শতকরা ৮০ জনই—এই সব সংস্থার বোধ হয় কোন প্রকার কার্যকরী সহায়তা পায় না। নীতি সর্বত্রই প্রায় ‘ফেল টাকা মাখ তেল’।





অনিমেষের ৬ষ্ঠ বছরে তীক্ষ্ণ অসহিষ্ণুতা প্রকাশ পেল। কর্মক্ষেত্রে তার সাফল্যটা এত রূঢ়ভাবে প্রকট অথচ তার নিজের কাছেও এত অভাবিত যে, বেশীক্ষণ চুপ করে বসে অস্ত্রের মুখে অসামান্য মহিলাদের গল্প শোনা তার কাছে বড়ই পীড়াদায়ক। সে-ই কি অসামান্য মহিলা কিছু কম দেখেছে না কি? অবশ্য তার নিজের গণ্ডিতে তারা মহিলাদের girls বলেই ভাবতে অভ্যস্ত। সে বলে উঠল, রাখ রাখ তোদের ঐ সব মামুলী মেয়েদের গল্প। মেয়েরা মামুলী হলে নেহাৎই মিইয়ে-যাওয়া বেগুনীর মতন হয়ে দাঁড়ায়। বরং যদি কিছু মেছাজী গল্প থাকে স্টকে ত ছাড়।

অনিমেষের টেরিলিনের টাইটার উপর দিয়ে চোখটা একবার বুন্ডিয়ে নিয়ে সুরজিত চলে ক'রে ভেবে নেওয়ার চেষ্টা করল, এর উত্তরে কি বলা যায়। তার মুখের কথা কেড়ে নিয়ে নির্মল বলে উঠল, দেখ অনিমেস, জীবনটা সব সময়ে তোদের মার্চেন্ট অফিসের মত ভাল্গার নয়। সিগারেটের জ্বলন্ত ডগাটাকে দক্ষ হাতে অধঃশূন্য পেয়ালার কফিতে ঠেকিয়ে নিভিয়ে ফেলে বা হাতটা দিয়ে নিজের ঘাড়টা শক্ত করে ধ'রে নির্মল বেশ বিচক্ষণ ভঙ্গিতে বলল, জীবনটা সুরজিতের মতন নেহাৎই লিরিক কবিতা হয়ে উঠবে তা অবশ্য আমি বলছি না। আর তাই বা কেন? সুরজিতের জীবনটাই কি আসলে ওর ব্যক্তিগত পাগলামীর মতন কাব্য-মার্কা? ও কি সকালে উঠে জীবনানন্দ দাশের বই নিয়ে বসে, না ছেলেদের পরীক্ষার খাতা নিয়ে বসে? কবিতা না হাতী—ওর জীবনটা বরং তোরা চাইতেও কড়া শাসনে বাঁধা। দশটায় খাওয়া, এগারটায় ক্লাস, পাঁচটায় ছুটি,—হ্যাঁ, বলতে পারিস, সন্ধ্যাবেলা সাতটার পরে ও বাড়ীতে বসে প্রবাসীর জন্তে সাহিত্য-চর্চা করে। কিন্তু ভেবে দেখ, ওর সাহিত্য-চর্চাটাই ওর ভাবালুতার ওষুধ। নেশা নিয়ে প্রবন্ধ লিখতে হলে অতি বড় নেশাখোরেরও নেশা ছুটে যায়। নয় কি? তোর আপত্তি আসলে ওর আদর্শপ্রবণতা নিয়ে নয়। তোর মনে নেতিভাব বেশী হলে কি আর এই বয়সে ঐ রকম আঁকিয়ে চাকরি করতে পারতিস? আসলে তুই সব সময়েই খুঁজিস পষ্টা পষ্টি positive কিছু। প্রেমের ব্যাপারেও।

চাকরির উল্লেখে অনিমেস একটু লজ্জা পেলেও উৎসাহিত বোধ করল। শার্টের কলারের মধ্যে দিয়ে তর্জনীটা একবার চালিয়ে নিয়ে সে একটু জমিয়ে বসল।

নির্মল একবার দেওয়াল ঘড়টার দিকে তাকাল, একবার বাইরের বর্ষার শব্দটা শুনবার চেষ্টা করল কফি-হাউসের মেছোহাটা পেরিয়ে। সে অভিজ্ঞ গল্পিয়ে। Positive কিছু প্রত্যাশার কথা বলে সে যে অনিমেসের মনোযোগটুকু ধ'রে ফেলেছে তা সে বুঝতে পেরে গিয়েছিল। সুরজিতের মনোযোগ আকর্ষণের চেষ্টা লে'করে নি ;

নির্মল-অনিমেষের কথোপকথন আরম্ভ হ'লে সুরজিত চুপচাপ অন্তদিকে তাকিয়ে ব'সে থাকবে কিংবা চুপচাপ টানবে অত্যন্ত ধৈর্যসহকারে—কারণ তাইই সে করে চিরকাল।

Dramatic pause-টা একটু যেন অতিরিক্ত হয়ে গেল, অনিমেষ একটু উসখুসু ক'রে উঠল। নির্মল হেসে ফেলল। বলল, তোর আর কি, কইয়ে বলিয়ে মোটামুটি রুচিসম্পন্ন একজন কেউ হলেই হ'ল। যদি দেখতে সুন্দর হয় আর মেজাজটা ভাল হয় তা হ'লে ত কথাই নেই। তোর বছরখানেকের গল্পের খোরাক জুটে গেল।

অনিমেষ যেন এই রকমই একটা সুযোগের প্রত্যাশা করছিল। সে একটু নাকতোলা হাসি হেসে বলল, কমিউনিষ্টদের এইটাই দোষ, জানিস? তোরা বড় সব জিনিষকে সাদা আর কালো এই দুই ভাগে ভাগ ক'রে ফেলিস। হয় তোর মতন ট্রেড ইউনিয়নের নেতা, সর্বহারাদের জন্তে কেঁদে কেঁদে প্রাণটার সর্দি ধ'রে গেছে, সজিনী বলতে সব তথাকথিত ইম্পাত মানবীর দল। আর নরত বুর্জুয়া সমাজের পেটোয়া আমার মতন সমস্ত ব্যুরোক্রেট, খালি স্টেনোগ্রাফার আর গার্ল ফ্রেন্ড নিয়ে হৈ হৈ ক'রে বেড়াচ্ছে। ভেবে দেখিস না যে সাদা আর কালোর মধ্যে হাজারটা শেড আছে, আসলে যাদের নিয়ে চলছে দুনিয়াটা। স্টেনোগ্রাফার নিয়ে রোমান্স করার কথাই ধরু না কেন। সব স্টেনোগ্রাফারই কি এমন যে, সাহেব বললেই তার সঙ্গে সিনেমা দেখতে ছুটবে না রেস্তোরাতে খেতে যাবে? তুই হয়ত বলবি যে, স্টেনোগ্রাফারটি যেমনই হোক না কেন, তাকে নিয়ে প্রেম সম্ভব নয়, কারণ গোড়া থেকেই ত মন প'ড়ে থাকে নেহাৎ স্কুল আনন্দের সন্ধানে। কিন্তু তোরা যদি এই extreme-টাকে এত অপছন্দ করিস ত সুরজিতের ঐ এনিমিক গল্পতেই বা চটিস না কেন? ওটাও ত একটা extreme—ওধু extremeই নয়, একটা বিকৃতি। ভগবান্—সর্বনাশ! তোরা ত আবার ভগবান্ বললেই চটে যাস্—প্রকৃতি যে পুরুষ মানুষ ব'লে আলাদা একটা জাত তৈরি করেছেন তা ত তাদের ব্যবহারে প্রকাশ পাবে? তা নয়, তোরা ক্রমাগতই—

নির্মল আর একটা সিগারেট ধরাচ্ছিল। এক মুখ ধোঁয়া মার্কেন্টাইল সাহেবের মুখের উপরে ছেড়ে দিয়ে বলল, তুই একটা ভুলই চিরকাল ক'রে গেলি। পুরুষ মানুষের পৌরুষ থাকুক, কিন্তু তাই ব'লে মহাশয়টুকু ত লোপ পাবে না। তার ব্যবহারে ত অস্ত্র জীবজন্তুর চাইতে সে যে একটু পৃথক্ তা প্রকাশ পাবে?

অনিমেষ উদ্বেজিত হয়ে বলল, ঠিক ঠিক, সেটা যে আমি ভুলে যাচ্ছি তা ভাবহিস্ কেন? আমি ওধু বলছি যে, সুরজিতের কাহিনী যেমন একটা extreme মনোভাবের ব্যাপার, সব সময়ে মেয়েদের নিয়ে হৈ চৈ করাও তেমনি আর একটা extreme ব্যাপার। সুরজিতের গল্পটা ওর ঐ সব ভণিতা বাদ দিয়ে ভেবে দেখ ত কেমন শোনায়? ধরু যদি আমি বলতাম গল্পটা:

মফঃবলের উকিলের ছেলে, ছেলেবেলা থেকেই ভাল ছেলে, আদর্শবাদী। কবিতা ওধু পড়িই না, লিখিও। আর চারিদিকে হোক হোক ক'রে ঘুরে বেড়াই কোন মূর্তিমতী প্রেরণাদাত্রীর সন্ধানে। সুরজিতটা চেপে গেল, নইলে নিশ্চয়ই বলত, চালকলের বাড়ীর ছোট মেয়ে সুরমার বেড়া-বিহুনি নিয়ে কবিভু করতে গিয়ে তার দাদার হাতে কেমন খাপড় খেয়েছিল। যাই হোক, এমনি সব ব্যর্থতার ইতিহাসের মধ্যে হঠাৎ একদিন দেখা মিলল এক অপক্লপার। সুরজিতের ভাষায় সজল প্রভাতের শেষ স্বপ্নটির মতন স্নিগ্ধ কোমল। খোঁজ নিয়ে জানা গেল, সন্ত বদলি হয়ে-আসা এস. ডি. ও-র কন্ডা—নাম মিলি!

এস. ডি. ও. সাহেব ছোটবেলায় বিলেত গিয়েছিলেন আই. সি. এস. হ'তে। ব্যর্থ-মনোরথ হয়ে দেশে ফিরে হয়েছেন বি. সি. এস। মনে তাতে খুশী হয়েছেন কি না জানা যায় না। তবে প্রচুর পরিমাণে রোমান্স বিশিষ্ট আচার জাতীয় সাহিত্য সৃষ্টি ক'রে থাকেন, বাংলা দেশের হাকিমী জীবনযাত্রা পদ্ধতি নিয়ে। কন্ডাও বিলিতি রুচি লাভ করেছে উত্তরাধিকার সূত্রে, তার সঙ্গে সাহিত্যিক প্রবণতা। কাজেই গবর্নমেন্ট প্রীড়ারের সূদর্শন ছেলের সঙ্গে তার মনের মিল হতে বিলম্ব হ'ল না।

চাঁদের আলোর ষ্টামার ঘাট, পড়ন্ত সূর্যের আলোর রেলওয়ে স্টেশন, ভোরের আলোর বকুল বাগান তথা কিশোর প্রেমের সব কিছু ইত্যাদিই যথা সগরে এল। ওধু এল না সব-চাইতে স্বাভাবিক বস্তুটি—বেটা খুব সহজেই আসত এবং সকাল সকালই আসত আমার নিজের ব্যাপার হ'লে। কিন্তু সে কথা ব'লে লাভ নেই, সুরজিতের কাণ্ডকারখানা ঐ রকমই কিছু একটা হবে।

যাই হোক, এই ভাবেই ছোটো বছর কাটল। প্রথম পরিচয় ম্যাট্রিক পরীক্ষার পরে ছুটির অবসরে। আর বিচ্ছেদ ইন্টারমিডিয়েট পরীক্ষার পর ছুটির অবসানে। ভেবে দেখ্ নির্মল-ছুজনেরই হ'ল সেই বয়স যে বয়সে পশ্চিম দেশে কিশোর-কিশোরীরা নেকিং পার্টি রপ্ত করেছে। বুঝলাম, সেটা একটা উচ্ছ্বলি আধুনিক বর্বরতা, কিন্তু সেটারও একটা গুণ আছে—তার মধ্যে ছুটি মানুষ, একটি ছেলে ও একটি মেয়ের পরস্পরের প্রতি প্রকৃতিগত আকর্ষণটাকে সহজ ভাবে মেনে নেয়। বুঝলাম, সেটা হ'ল একরকমের পেটুকেপনা। কিন্তু পেটুক হওয়া বরং ভাল, ক্ষিদে অস্বীকার করার শুণামীর চাইতে। নয় কি ?

নির্মল একটু অস্বস্তি বোধ করল। ঈষৎ ইতস্ততঃ করে সামান্য ঘাড় নেড়ে সায় দিল। ওয়েটার এসে আর একপট কফি নামিয়ে দিয়ে ব্যালকনির ধারে এসে নীচের দিকে ঝুঁকে কার একজনের মনোযোগ আকর্ষণের চেষ্টা করতে লাগল। সুরঞ্জিত নীরবে তাকিয়ে রইল ডান-পায়ের জুতোটার দিকে।

একটু দম নিয়ে অনিমেস ব'লে চলল। এই ছুটি বছরের বন্ধুত্বের মধ্যে দিয়ে সুরঞ্জিত জেনেছে, মিলি কোন্ কবিতাটুকি ভাবে পড়তে ভালবাসে, কোন্ মেয়ের বেশভূষার কোন্ দিকটো নিয়ে সমালোচনা পছন্দ করে, রাস্তায় বা বাড়ীতে কখন নৈকট্য চায় আবার কখন চায় না। ছুজনের মধ্যে মফঃস্বল শহরের সাংস্কৃতিক দৈন্তের বিরুদ্ধে মতবাদের এক প্রগাঢ় ঐক্য স্থাপিত হয়েছে। শুধু তাই নয়, তারা ছুজনে একসঙ্গে চলতে-ফিরতে এত অভ্যস্ত হয়ে গিয়েছে যে, সমস্ত শহরের গুঞ্জন সত্ত্বেও তাদের অভিভাবকেরা তাদের ব্যবহারের মধ্যে কোনও ত্রুটি খুঁজে পান না কখনও।

এমনই অবস্থায় মাঠের এক রঙীন সন্ধ্যায় নদীর ধারে অতি-পরিচিত এক নিভৃত তরুতলে সুরঞ্জিত আধফোটা টান্দ, ঝিকিঝিকি জল আর অদূরবর্তিনী মিলির সুখ্রাণে বিহ্বল হয়ে ব'লে বসল, আমি তোমাকে বড্ড ভালবাসি। অঙ্ক-কষা আর ইংরেজী-বলা সপ্রতিভ মিলি কেমন যেন ঘেমে উঠল। তার নিজের ভিতরে, অনেক ভিতরে কোথায় যেন একটা কাঁপন ধরল। সে ছুই হাত দিয়ে নিজেকে শক্ত ক'রে ধ'রে অত্যন্ত কঠিন গলায় বলল, অতএব ? সুরঞ্জিত বেচারী ওর ভিতরটা দেখতে পাচ্ছিল না। সে শুধু ওর গলার কাঠিখটা বুঝতে পারল। সে ঢোঁকে গিলে বলল, অতএব আর কি ? মিলির মুখটা যেন কেমন ফ্যাকাশে হয়ে গেল। সে একটু হাসবার চেষ্টা ক'রে বলল, তাই বল, আমি ভাবলাম সুদীপ্তার ব্যাপার না হয়।

সুদীপ্তা তাদেরই ক্লাসের মেয়ে। মাসখানেক আগে একজন নবাগত শিক্ষকের অবাঞ্ছিত মনোযোগ লাভ ক'রে খ্যাতি অর্জন করেছিল।

একটি অতি দীর্ঘ মিনিট অতিবাহিত হবার পর মিলি জলের মধ্যে ঢিল ফেলতে শুরু করেছিল। সুরঞ্জিত ত.আমাদের বলল যে, প্রত্যেকটি ঢিল তার একেবারে গভীরে গিয়ে পৌঁছেছিল। একটি, দু'টি, তিনটি, চারটি—ঠিক পাঁচটি ঢিল এইভাবে ফেলবার পরে মিলি উঠে দাঁড়িয়ে বলেছিল, আচ্ছা, আজ আমি একলাই চলি জিতু। কাল মণিমালাদের ওখানে সকালে দেখা হবে।

মণিমালাদের বাড়ী অবশ্য সুরঞ্জিত তার পরদিন যায় নি। বিকেলেও না—আর কোনও দিনই না। তার কারণ সুরঞ্জিতের একটি ছোট্ট অভিজ্ঞতা।

সেদিন মিলি চ'লে যাওয়ার সময়ে সুরঞ্জিত নেহাৎ অভ্যাসের বশেই উঠে দাঁড়িয়ে মিলির সঙ্গে ছুটার পা এগিয়ে গিয়েছিল। তার পরেই মিলি চ'লে গেল তার চটির খণ্‌খণ্‌ শব্দে সমস্ত সন্ধ্যাটির বুক বিজ্রপের রেশ রেখে। ঠিক এ ধরনের পরিস্থিতিকে কি ভাবে নিজের আরম্ভে আনতে হয় তা সুরঞ্জিতবাবুর জানা ছিল না। তিনি কিছুক্ষণ পায়চারি করলেন। তার পরে আবার ব'লে প'ড়ে ভাববার চেষ্টা করলেন যে, কি কি কথোপকথন তাদের মধ্যে হয়েছে। অর্থাৎ এমন কিছু হয়েছে কি না যার জন্তে মিলি সত্যিই চটে যেতে পারে। ভেবে-চিন্তে কিছুই কুলকিনারা হ'ল না। কারণ মিলির চিন্তাধারার প্রকৃতিটাই তার অজানা ছিল। কাজেই শেষ পর্যন্ত সুরঞ্জিত ঠিক করল যে, অবিলম্বে একদফা মাপ চেয়ে রাখাই নিরাপদ। তাতে অস্ততঃ ভবিষ্যতের পথটা বন্ধ হবার সম্ভাবনা নেই।

এস. ডি. ওর বাড়ীটা বেশ খানিকটা পথ। লক গেটের উপরে এসে থমকে গেল এইজন্তে যে, বাড়ীটা অন্ধকার। বুকের মধ্যেটা কেমন যেন কাঁকা হয়ে গেল। হঠাৎ মনে পড়ল আজ ত সার্কিট হাউসে বড় পার্টি আছে এবং মিলি ত সেখানে যাবে না। প্রায় এক ছুটে লন পেরিয়ে ঝিমস্ব কুকুরটাকে চকিত আদর ক'রে বারান্দার প্রান্তে মিলির ঘরে ঢুকতে যেতে গিয়ে থমকে দাঁড়াল। অন্ধকার ঘর। শুধু কিশোরী চৌকিটার উপরে টান্দের

আবছায়া আলো এসে পড়েছে। মিলির শাড়ী আর চাঁদের আলোর রচিত মায়ায় পরিবেশেও কিন্তু সে মুগ্ধ হতে পারল না। চৌকির শিররের কাছে কি ও আদালী চিত্ত ?

আহত পত্তর মতন কোঁপাতে কোঁপাতে দৌড়ে বেরিয়ে এল সুরজিত। শুধু মিলির কাছ থেকেই নয়, তার ভাষায় বলতে গেলে বাল্যজীবনটার থেকে, মেয়েদের প্রতি সকল আকর্ষণের গণ্ডি থেকে, আর এখনও নাকি সে দৌড় শেষ হয় নি।

ঠাণ্ডা কফিটা এক চুমুকে শেষ ক'রে একটা টোক গিলে অনিমেষ দুই কনুই ছোট টেবিলটার উপর রেখে সুরজিতের চোখে চোখ রেখে বলল, এই ত তোমার গল্প ? সুরজিত একটু ব্লান হেসে একবার আড়চোখে নির্মলের দিকে তাকিয়ে বলল, আমারই গল্প, তবে বললি আমার চাইতে ভাল। আজকে তোর মুখে আমার গল্পটা শুনে আবার নতুন ক'রে মনে হচ্ছে মিলি কি চেয়েছিল ? ওর কোন্ রূপটা সত্যি ? রুচিবাগীণ তাত্ত্বিক মিলি, না সেদিন সন্ধ্যাবেলার তার যে চেহারা আমার কাছে ধরা পড়েছিল সেইটা ? নাকি সবটাই তার অভিনয় ?

অনিমেষ অপ্রস্তুত ভাবে হেসে বলল, বাজে কথা রাখ। আসল কথা হচ্ছে তুই একটা ইডিয়ট। আমি যদি হতাম—

নির্মল একরূপ অচমমনস্ক ভাবে ব'সে ছিল। একটু ন'ড়ে ব'সে অনিমেষকে বাধা দিয়ে বলল, তুই হলে কি করতিস তা জল্পনা না ক'রে তোর নিজের একটা গল্প বল। মনটা বড্ড ভারী ক'রে দিয়েছিস পরের গল্প ব'লে।

একটুও না দমে অনিমেষ বলল, আমি হ'লে দুই খাবুড়া দিয়ে আদালী ব্যাটাকে বার ক'রে দিয়ে শ্রীমতী কাব্যদেবীকে একটু যুক্তির পথ দেখাতাম। আরে, হাজার হলেও বয়সে ছোট ত ? দরকার হ'লে তাঁকেও আচ্ছা ক'রে একটা ছুটো চপেটাঘাত করতে কুণ্ঠিত হতাম না। কিন্তু সে যাই হোক, তুই যা বললি তাই ঠিক। নিজের গল্পই বর্ণি।

নির্মলই ত বলল যে, আমার রোমান্সের কাহিনী কলকাতার যে কোনও আড্ডায় গেলেই শোনা যায়। আমার ভারী ইচ্ছে করে, ওরা সব কি বলে তা শুনতে। আমি ঠিক জানি না, তবে মনে হয়, আমার সম্বন্ধে বিক্রম বঁধাই সব বলে। বোধ হয় ভাবে, স্থল ব্যাপার ছাড়া আর কিছুতে আমার আগ্রহ নেই। সত্যি কথা কি জানিস ? ওটাও আমার খুব দরকার। এত হাই প্রেশারে কাজ করি যে, ওটা খুব একটা হালকা আনন্দ হিসেবেই নেবার চেষ্টা করি। তা না হ'লে ত চল্লিশ পেরোতে না পেরোতেই থুস্বোসিসের কথা ভাবতে হবে। কিন্তু আমার দুর্ভাগ্য যে, ওর মধ্যেও কেমন যেন এক-একটা সিরিয়াস ব্যাপার ঘটে যায়। এত সিরিয়াস হয়ে পড়ে যে, দু-তিন-চার সপ্তাহ না কাটলে কেমন যেন ধাতস্থ হতে পারি না।

গত বছর জাম্বারীতে পি, হান্ড্রেড ক্লাব-এ একটি মেয়ের সঙ্গে আলাপ হয়েছিল। নামটা তার বলব না, কেননা সেটা নিরাপদ হবে না। তবে তোর হস্ত আঁচ করতেই পারবি। যাই হোক, মেয়েটির খ্যাতি শুনেছিলাম যে, ছেলেদের নাচিয়ে দিতে অসাধারণ পটু। আমার একটু পাল্লা দেওয়ার ইচ্ছে জেগেছিল, নাচাতে আমিও একটু আধটু পারি। প্রথম দিন থেকেই, মানে প্রথম সন্ধ্যা থেকেই কিন্তু সে আমাকে ঘোল খাইয়ে দিল ভাই। কেমন যেন নেপার খোঁরে কাটল মাস কয়েক। প্রচুর পয়সা, সময় এবং শাস্তির বিনিময়ে বাদরীটার মন পাবার চেষ্টা করলাম। আর কিছু পেলাম, কিন্তু মনটা পেলাম না।

নির্মল ব'লে উঠল, মন ব'লে কোন পদার্থ তার ছিল ত ঠিক ?

অনিমেষ হো হো ক'রে হেসে উঠে বলল, দেখ, না হয় আঙ্গুর নাই পেলাম, তাই বলে আঙ্গুর টক ব'লে নিজেকে বোকা বোঝাব কেন ? যাক্গে, উদ্ভ্রমহিলাটি ত আমাকে নিয়ে যথেষ্টই খেললেন। তার পরে একদিন বিধাতার সদয়মুহূর্তে তিনি দিল্লীতে একটা 'এম্ব্যাসীতে' কাজ নিয়ে কলকাতা ত্যাগ করলেন। আমিও প্রচণ্ড প্রেম-অরের পরে আরোগ্যের পথে যাত্রা শুরু করলাম। মনে মনে দারুণ প্রতিজ্ঞা করলাম যে, এসব এবার ছাড়ব।

আগস্ট মাসে আমাদের অফিসে চাকরি নিয়ে এল মিসেস কাপুর। ইন্টারভিউ নেবার সময়ে খুব কিছু বিশেষ ব'লে মনে হয় নি। কোনও গহনা নেই। হাতে ঠিলের ঘড়ি। একটা ফলশাই রঙের শাড়ী আর বেগুনে রঙের জামা পরা। পায়ে একছোড়া নাগরা। হাঁটা, চলা, কথাবলার মধ্যে স্টেনোগ্রাফারদের মতন চটপটে খটখটে ভাবের বেশ প্রভাবই আছে ব'লে মনে হ'ল। মাথার চুলটা বব্ না করা থাকলে স্নিগ্ধ কোমল স্বভাবের একটি



বাঙালী তরুণী বলে ভুল হ'ত। আগেকার কোনও অভিজ্ঞতাও নেই। আমরা হয়ত বাদই দিয়ে দিতাম। কিন্তু শ্বিথ সাহেব তার ধীর ইংরেজী শুনে আর বিলিতি রেফারেন্স দেখে খুব খুঁকে পড়লেন। ফলে তার পরদিন থেকেই মিসেস কাপুর এসে আমাদের হাজিরা খাতায় নাম সই করলেন।

আমার স্টেনোগ্রাফার টাইফয়েডে পড়েছিল। আমি একে-ওকে দিয়ে কাজ করাচ্ছিলাম। শ্বিথ সাহেব ট্রেড ডেলিগেশনের মেম্বার হয়ে বিদেশ পাড়ি দিতে আমি কাপুরকে ধরে নিলাম। অক্টোবর মাসে পনেরো দিনের ছুটি মঞ্জুর করিয়েছিলাম। কাছেই তার খেলার স্বরূপ গোটা সেপ্টেম্বর মাসটা ডবল খাটুনি চলছিল। তার উপর আমার লোকজনের মধ্যে জনকয়েক ছুটি নিয়েছিল অসুখ-বিসুখের দরুণ। কিন্তু ছ'চার দিনের মধ্যেই মিসেস কাপুর কেমন যেন সহজ সরল ভাবে আমার কাজকর্মের মধ্যে একটা ছন্দ এনে দিল। স্টেনোগ্রাফার হিসেবে যে আমার ডিস্জার চাইতে সে ভাল তা মোটেই নয়। কিন্তু আমার সেই সব জটিল কাজকর্মের মধ্যে যেন পুরুশালী পটুতা নিয়ে ঢুকে গেল। নিজের অজ্ঞাতসারেই তার উপর অনেকটা নির্ভর করতে শুরু করলাম। অথচ তার ব্যবহারের মধ্যে পুরুশালী যে বিন্দুমাত্র কিছু ছিল তা নয়।

একদিন অফিসের ছুটির পরে ব'সে কাজ করছি। মিসেস কাপুর আমার জন্তে চাক'রে নিয়ে এলেন। আমি অন্তমনস্ক ভাবেই বললাম, তোমার জন্তেও একটা পেয়লা নিয়ে এস। মুহূর্তে 'ধন্যবাদ' বলে সে বেরিয়ে গেল। প্রায় ষ'চার পিছন পিছনই আমি বেরিয়েছি টয়লেটে যাব বলে। দেখি লম্বা হলে সারি সারি চেয়ার-টেবিল খালি পড়ে রয়েছে, টাইপরাইটারগুলো ঢাকা পরানো পরানো! একেবারে শেষ প্রান্তে জন কয়েক পিছন ব'সে নিজেদের মধ্যে কি প্রাইভেট মিটিং করছে। মোটের পরে কেমন যেন একটা বিষয় অথচ গা-ছম্ছমে আবহাওয়া। সত্যি বলছি ভাই, তোরা সব কবিতা-টবিতা লিখিস, আমার ত ওসব আসেই না। তবু অনেক সময়ে ভাবি, যদি কেউ একটা কবিতা লিখত কিম্বা ছবি আঁকত সন্ধ্যাবেলা বড় কোনও অফিসের হলটাকে নিয়ে ত একটা দারুণ ব্যাপার হ'ত।

যাই হোক, এমনি একটা ব্যাকগ্রাউণ্ডে মিসেস কাপুর দেখি আমার কামরা পেরিয়ে যে জানলাটা, তার ধারে একটা চেয়ারের পিঠটা ছ'হাতে ধরে চুপ ক'রে বাইরের দিকে তাকিয়ে রয়েছে। সে এমন একটা চুপ ক'রে থাকা যে তোরা ভাবতে পারবি না। মনে হ'ল, যেন শুধু তার শরীরটাই নয়, যেন সমস্ত মনটা একেবারে শুরু হয়ে দাঁড়িয়ে রয়েছে কার প্রতীক্ষায়। আমার দিকে পাশ ফিরে—তার profile-টা আমার মনের মধ্যে আগুনের মতন ছাপ একে রেখে গেল চিরদিনের জন্তে। আমার বুকের মধ্যেটা কেমন ক'রে উঠল! আমার মনে হ'ল এভাবে দাঁড়িয়ে এরকম কিছু একটা দেখবার অধিকার আমার নেই। তাড়াতাড়ি টয়লেটে ঢুকে একটা সিগারেট ধরলাম একটু ঠাণ্ডা হবার জন্তে।

মিনিট তিন-চার বাদে ঘরে ফিরে এসে দেখি মিসেস কাপুর এর মধ্যে ফিরে এসেছে। আজও জানি না সে বুঝতে পেরেছিল কি না যে, আমি তাকে ঐ রকম একটা অসতর্ক মুহূর্তে দেখে ফেলেছিলাম। তবে তার ব্যবহারে হঠাৎ যেন কেমন একটা পরিবর্তন এল সেদিন থেকে। আমি ঘরে ঢুকেই অনুভব করেছিলাম যে, সে যেন একটু অল্প রকম, একটু যেন কাছে এগিয়ে এসেছে। এতদিন তাকে বিশেষ লক্ষ্য ক'রে দেখি নি। সাধারণ স্ত্রী মেয়েদের দৃষ্টিতে যেন একটা সচেতনতা থাকে তেমনি ছাড়া আর কিছু বিশেষ মনোভাব আমার ছিল না। হঠাৎ যেন আবিষ্কার করলাম, তার কপালটা কি মন্থণ, যেন পুরাণো হাতীর দাঁত, ভুরু দু'টি তাদের নাতিস্বন্দ্র রেখা দিয়ে অতি দীর্ঘ পল্লবগুলিকে যেন সমুদ্রে আগলে রেখেছে, চোখ দু'টি সন্ধ্যার আকাশের মতন আগুনের আভাস বুকে রেখেও যেন কোন অনির্দিষ্ট বেদনায় করুণ। নাকটি মোটেই টিকোলো নয় কিন্তু তাতেই যেন ব্যক্তিত্বের এক উজ্জ্বল প্রকাশ। ঠোঁট দু'টি পুরু, sensuous, দ্বন্দ্ব প্রসাধনের আমেজে আরও চিত্তাকর্ষক।

নির্মল স্তম্ভিত হয়ে গুনছিল। বলে উঠল, সাবাস্ কমরেড! তুমি যে সুরজিতকেও মেরে দিলে ভাই!

অনিমেব অত্যন্ত বিরক্ত হয়ে কটুক্তির সঙ্গে একটা সিগারেট ধরিয়ে জোরে জোরে টানতে লাগল। সুরজিত হ'মিনিট অপেক্ষা ক'রে একটু শান্তি প্রতিষ্ঠার চেষ্টায় বলল, কেন ওর পিছনে লাগলি? তুই বনু অনিমেব।

নির্মল হেসে ফেলে বলল, তুই চটছিস কেন? তার মধ্যে যে এত সুপ্ত প্রতিভা ছিল তা জানতাম না, গাই আমার স্বতঃস্ফূর্ত বিশ্বয় প্রকাশ করছিলাম। বিক্রম ত আর করি নি? অনিমেব একটু নরম হয়ে বলল,

দাঁড়া আর একটু কফি আনানো যাক, আজ বেশ জমিয়ে বসা গেছে। এখানে ব'সে এতক্ষণ ধ'রে ছাড়া আমাদের বোধ হয় তিন-চার বছরের মধ্যে হয় নি।

সুরঞ্জিত বাধা দিয়ে বলল, তোর গল্প বল।

অনিমেঘ একটু অপ্রস্তুত ভাবে হেসে বলল, ওসব সেন্টিমেন্ট বাদ দিয়েই বলি ভাই—ওধু প্লটটুকু আর কি।

সেপ্টেম্বর মাসটা কাটল আমার খুব ব্যস্ততার মধ্যে। সকাল থেকে ডুবে থাকতাম কাজে। ছুপুরে খেতাম ও হয়ত ঘরে ব'সে। সন্ধ্যাবেলায় বেরিয়ে পড়তাম মিসেস কাপুরের সঙ্গে। ও থাকত একা একটা ঘর নিয়ে লিগুসে স্ট্রিটের একটা ছোট হোটেল মতন বাড়ীতে। কোনও কোনও দিন অফিস থেকে বেরিয়ে আগে যেতাম ওর ঘরে। হয়ত ও কাপড় বদলে নিত। কোনও দিন বা অনেক ঘুরে রাত ক'রে ফিরতাম ওর আস্থানায়। অনেক—প্রায় ছ-সাত-আটজন মেয়ের সঙ্গে এতটা ঘনিষ্ঠ ভাবে মিশেছি কিন্তু এরকম শান্তি কখনও পাই নি। ওর পারিবারিক কথা কখনও বিশেষ কিছু জিজ্ঞাসা করি নি। শুধু একদিন জানতে চেয়েছিলাম, তোমার স্বামী কি বেঁচে আছেন? তাতে হঠাৎ কেমন তীক্ষ্ণভাবে আমাকে পান্টা প্রশ্ন করেছিল, তাতে কিছু কি যায় আসে?

আমি ভয়ানক অপ্রস্তুত হয়ে গিয়েছিলাম। আর কোনও দিন ঐসব ব্যাপার নিয়ে অনধিকার চর্চা করতে যাই নি। আর তা ছাড়া এরকম ধরনের ভেসে-বেড়ানো মেয়ে ত কলকাতা শহরে কিছু অপরিচিত নয়। মিসেস কাপুর অবশ্য যেসব ধরনের রেফারেন্স দিয়েছিল আমাদের চাকুরিতে ত্রোকার সময়ে, তাতে তাকে একেবারে হেঁজিপেঁজি ব'লে মনে হয় নি। তবে যাই হোক, ওসব নিয়ে মাথা ঘামাবার কোনও ইচ্ছে ছিল না আমার।

দিনগুলো কাটছিল খুব দ্রুত গতিতে। পয়লা অক্টোবর থেকে আমার ছুটি। তিন দিনের জন্তে যাব দেশের বাড়ীতে। চৌঠা কলকাতা ফিরে সেদিনই মাদ্রাজ মেলে রওনা হব গোপালপুরের দিকে। সাতাশ আটাশ তারিখ থেকেই আমার মনটা ভয়ানক খারাপ লাগছিল, ক'দিন মিসেস কাপুরের সঙ্গে দেখা হবে না। তা ছাড়া অফিসের আবহাওয়াটাও যেন কেমন সুবিধার ব'লে মনে হচ্ছিল না। আমি খুব আশা করেছিলাম, ও আমার কিছু বলবে। কিন্তু সে একেবারেই যেন তার normal self—কোনও আসন্ন বিরহ ব্যথার ছাপ তার মধ্যে দেখা গেল না।

তিরিশ তারিখটা আমার কাছে একেবারে অসহ্য ব'লে মনে হতে লাগল। ম্যাক্সিম থেকে শেরাজাডে; শেরাজাডে থেকে স্পেন্সেস, স্পেন্সেস থেকে আবার ফিরে প্রিন্সেস সেরে যখন বেরোলাম তখন আমি যে আমি সেও আর দাঁড়াতে পারছি না। লাষ্ট রাইড টুগেদারের লাইনগুলো যা হুটো-একটা মনে ছিল তাই বলবার চেষ্টা করছিলাম আর ও আমাকে ঠাণ্ডা করার চেষ্টা করতে করতে খালি হাসছিল আর ফাজলামি করছিল। হ্যাঁ, তোদের ত একটা কথা বলা হয় নি। ড্রিক ও করত না। নেহাৎ পেড়াপীড়ি করলে একটু শেরী হয়ত চাখত। কাজেই ও সম্পূর্ণ সুস্থ আর আমি সম্পূর্ণই অসুস্থ। এমনি অবস্থায় ওর বাড়ী যখন পৌঁছলাম তখন আমার অবস্থা অত্যন্ত করুণ। এতক্ষণ আমি আশা করছিলাম, ও আমার বিদায় সজ্জাণ কিছু করবে। এখন আমার সব আশাই প্রায় রাতটার মতনই ফুরিয়ে এল। কিন্তু মিসেস কাপুর ত কিছু একটা অশাবিত ব্যাপার করবেই। সে হঠাৎ ড্রাইভারকে ব'লে বসল, রহমান, তুমি গাড়ি গ্যারাজ ক'রে দাও, সাহেবকে আমি ট্যান্ডি ক'রে পৌঁছে দেব।

আমাকে ত সযত্নে ওপরে ওঠান হ'ল। আমার তখন আশায় আশঙ্কায় এক নিদারুণ অবস্থা। আবহাওয়াটাকে তরল করবার জন্তে বললাম, আজি রজনীতে হয়েছে সময় এসেছি বাসবদস্তা।

ব'লেই ভাবলাম, অবস্থাটা ঠিক উন্টো, বাসবদস্তা ফ্যাট না হয়ে উপশুস্ত বেচারীই আজকে ফ্যাট! ভেবেই এমন হাসি পেল যে, পাড়ার লোক জেগে যাওয়ার অবস্থা। কোনও রকমে হাসি ধামিয়ে দেখি, ও এক অপক্লপ হাসি ঠোটে টেনে ব'সে আছে। আমি আর পারলাম না। তার চেয়ারের পাশে মাটিতেই ব'সে প'ড়ে তার হাতটা ধ'রে বললাম, আজ আমাকে মাপ কর, আজ আর আমার কিছু ঠিক-ঠিকানা নেই।

ও বলল, সত্যিই আজ তোমাকে অন্তরকম লাগছে। কেন, তোমার কি হয়েছে?

আমি বললাম, কাল থেকে আমি ছুটিতে যাচ্ছি—দীর্ঘ পনেরো দিন। তার পরে ত দিল্লীতে প্রোডাক্টিভিটি



আমি বললাম, কি দেবে ?  
সে জানতে চাইল, কি চাও ?

কাউন্সিলের সেমিনার, তার পরে যদি স্মিথ সাহেব না ফেরে ত জাপান যতে হবে । এতদিন তোমার না দেখে থাকব কি করে ?

ও একটু ম্লান হেসে বলল, তোমার ত তুললে খারাপ লাগবে, কিন্তু আমারও স্বার্থের ক্ষতি হয়েছে তোমার এই বেরিয়ে যাওয়ার প্যানে ।

খারাপ লাগা ত দূরের কথা । আমার ভয়ানক ভাল লেগে গেল । আমি ব'লে উঠলাম, তোমার জন্তে কিছু কি করতে পারি আমি ?

ও একটুকু চুপ ক'রে রইল ।

—সেই রকম চুপ ক'রে থাকা, যেন ওর সমস্ত অতীত অভিজ্ঞতা, বর্তমান অস্তিত্ব এবং ভবিষ্যৎ আশাটুকুকে নিজের মধ্যে শামুকের মতন গুটিয়ে নিয়ে সমস্ত পৃথিবীর বিরুদ্ধে পাঁচিল তুলে দাঁড়িয়ে রইল কিছুক্ষণ । তার পরে

একটা দীর্ঘশ্বাস ফেলে বলল, বোধহয় এইই ভালো। তাতে খারাপ হতে পারে এই যে, তুমি আমার উপরে শ্রদ্ধাটুকু হারিয়ে ফেলবে। কিন্তু at all যে তোমার শ্রদ্ধা আছে আমার উপরে তাই বা কি ক'রে জানব ?

আমি প্রতিবাদ করতে যাচ্ছিলাম। সে মূহু হেসে আমাকে নিরস্ত ক'রে বলল, আগে আমার কথাটা শোনো। আমি তোমার কাছ থেকে কিছু টাকা চাই। আমার কাছে তা অনেক টাকা—দু হাজার চার শো টাকা। আরও আট শো টাকা আমার দরকার, সেটা আমি জমিয়ে ফেলেছি, কাজেই তোমার কাছ থেকে নিতে হবে না। কিন্তু টাকাটা চাই আমার খুব তাড়াতাড়ি। তা সে যে ক'রেই হোক। যদি না পাই তোমার কাছ থেকে ত আর কিছু উপায় ভাবতে হবে।

আমি প্রকাণ্ড হাঁফ ছেড়ে বললাম, এই কথা ?

আমার তখন এমন অবস্থা যে ও আমাকে বিয়ে করতে চাইলেও বোধ হয় রাজি হয়ে যেতাম! ওরই সাহায্যে একটা চেক লিখে ওর কাছ থেকে একটা পুরাণো খাম চেয়ে নিয়ে তার মধ্যে ক'রে ওর হাতে দিয়ে বললাম, এবার খুশী ?

ও খামটা হাতে নিয়ে প্রথমে টেবিলের উপর রাখল। তার পরে নিজের হাতব্যাগটা খুলে তার মধ্যে রেখে দিয়ে একটুকুণের ভুলে ধর থেকে বেরিয়ে গেল। ফিরে এল যখন, তখন আমার মাথাটায় আরও কিছু ধ'রে এসেছে। সমস্ত ঘটনাটাই যেন আমার কাছে কেমন মাদকতাময় লাগছিল। মেয়েদের প্রত্যক্ষভাবে অথবা পরোক্ষভাবে টাকা দেওয়ার অভিজ্ঞতা ইতিপূর্বেও হয়েছে, কিন্তু এরকম তৃপ্তি যেন পাই নি। ও ঘরে ঢুকে আমার পাশে দাঁড়িয়ে বলল, অনিমেদ, তোমায় কিন্তু ঐ টাকাটা হয়ত কোনও দিনই ফিরিয়ে দিতে পারব না।

আমি বললাম, তাতে কি কিছু যায় আসে ?

সে আমার কথাটা না শুনেই বলল, কিন্তু প্রতিদানে তোমায় কিছু দিতে চাই।

আমি বললাম, কি দেবে ?

সে জানতে চাইল, কি চাও ?

আমি এরকম অবস্থায় সচরাচর একটা চুমুর আশা প্রকাশ ক'রে থাকি। কিন্তু সে আমার মুণের কথা কেড়ে নিয়ে বলল, ছোট কিছু চেও না। আমার কাছে টাকাটা অনেক। বেশা ক'রে কিছু চাও।

নেপার জ্বারে জ্বার বেড়ে গিয়েছিল আমি বললাম, আমার সঙ্গে গোপালপুর চল, চল একটু হৈ হৈ ক'রে আসা যাক।

হঠাৎ পৃথিবীটার ভারসাম্য টলে গেল। ও আমার মাথাটাকে কোলের মধ্যে টেনে নিয়ে ছটো, তিনটে, চারটে চুমু খেয়ে বলল, দেব তোমাকে যা চাও, আমার মাণিক।

পরেরকার ব্যাপারটা খুবই অদ্ভুত। একেবারে হাঙ্গুলীর নভেলের মতন। দশটা দিন পেয়েছিলাম তাকে। আমি বিশ্বাস করতে পারি না যে, ওরকম দশটা দিন পৃথিবীতে আর কোনও মানুষের জীবনে কখনও এসেছে। কিন্তু সব চাইতে অদ্ভুত ব্যাপার এই যে, দশদিন বাদে ও এল কলকাতার পথে, আর আমি গেলাম দিল্লী। আসার সময়ে ছোট্ট ক'রে শুধু জিজ্ঞাসা করল, আমি খুশী হয়েছি কি না।

দিল্লীতে আমার কাছে একটা চিঠি এল, সেদিন তোমার মহত্ব দেখে আমি সত্যিই মুগ্ধ হয়ে গিয়েছিলাম। আমার আশঙ্কা ছিল যে, তুমি বোধ হয় আমাকে বিয়ে করতে চাইবে। তা হ'লে সেটা ভগ্নামি হ'ত। কিন্তু তুমি যে এমন সহজ ভাবে আমার কাছে quid pro quo চাইলে তাতেই মুগ্ধ হলাম। আশা করি তুমি খুশীই হয়েছ। আজ আমার রেজিগনেশন পাঠিয়েছি অফিসে। তোমার সঙ্গে আমার আর দেখা হবে কি না জানি না, তবে তোমার সঙ্গে বন্ধুত্ব অক্ষুণ্ণ রইল।

—কি কাণ্ড বল ত ? এমন কখনও দেখেছ ? আমাকে যদি ভালই বাসবে ত এমন ক'রে চ'লে যাবে কেন, আর যদি চ'লেই যাবে ত ত ভালবাসবে কেন ? না কি সবটাই তার অভিনয়—আসলে সে-ই দিয়ে গেল quid pro quo আমার টাকার বিনিময়ে, আসলে তার টাকারই দরকার ছিল ?

নিচের হলের কোলাহল খেমে এসেছিল। একটা একটা ক'রে আলো নিভছিল। সবাই যেন একটু অপ্রস্তুত হয়ে পড়েছিল। কেমন একটা এ্যাণ্টি ক্লাইম্যাক্সের আবহাওয়া এসে পড়েছিল। সুরজিত বলল, এবার ওঠা,



যাক। সকলেই যেন উঠে পড়ে বাঁচল। কিন্তু কাহিনীটা এখানেই শেষ হওয়ার কথা ছিল না। হঠাৎ নিচে যেন ক্রমশ একটা গুঞ্জন উঠল। গুঞ্জন এগিয়ে এসে প্রায় একটা কোলাহলে পরিণত হ'ল। অনেক মূল্যবান জুগল ছড়িয়ে চোখ ঝলসান একটি তরুণী এসে ঢুকলেন ব্যাল্কনিতে। পিছনে ব্যগ্রবস্ত্র চেহারার এক সুবেশ ভদ্রলোক, কয়েকটি ওয়েটার এবং দশবারোটি কৌতূহল-রোগাক্রান্ত যুবক।

• নির্মলই প্রথম ব্যাপারটা বুঝতে পারল। বলল, নিশ্চয়ই ফিল্ম-ষ্টার।

পাশে এসে দাঁড়ানো ওয়েটারটি ফিস্ ফিস্ ক'রে বলল, হ্যাঁ স্যার, নামটা ভুলে গেছি, ওরই ত একটা ছবি— অনিমেস হঠাৎ এগিয়ে গিয়ে ইংরিজিতে বলল, মিসেস কাপুর তুমি কোথা থেকে উদয় হ'লে ?

ভদ্রমহিলা প্রকৃতিস্থ ছিলেন না। একটু সময় লাগল মনোযোগটিকে কেন্দ্রীভূত করতে অনিমেসের উপরে। তার পরেই হঠাৎ উচ্ছ্বাসিত ভাবে উঠে দাঁড়িয়ে ছুই হাত দিয়ে অনিমেসের বাড়িয়ে-ধরা হাতটি ধ'রে ব'লে উঠলেন, 'আরে সরকার সাহেব! মানে অনিমেস। তুমি এখানে কোথা থেকে? তোমার সঙ্গে ত কতদিন দেখা হয় নি। এখানে কি তুমি আস? আমার এই বড়লোক বন্ধুটি দেখ না ক্রমাগত আমাকে বোঝাতে চেষ্টা করছে যে এসব জায়গায় ভদ্রলোকে আসে না; এস, তোমার সঙ্গে আলাপ করিয়ে দিই—শ্রীযুক্ত অনিমেস সরকার, বেঙ্গল ষ্টালের ছেনারেল ম্যানেজার। আর শ্রীযুক্ত দ্বারকাপ্রসাদ ওঝা, ওয়েষ্টার্ন মুভিটোনের ম্যানেজিং ডাইরেক্টর।

দ্বারকাপ্রসাদ প্রথমে স্পষ্টতঃই বিরুদ্ধ হয়েছিলেন। তার পরে পরিষ্কার বাঙলায় বললেন, অনিমেস সরকারকে আমি চিনি। আমরা পাঁচ গ্যাজেটে একসঙ্গে পড়েছি। ও অবশ্য পরীক্ষা দেয় নি।

• অনিমেস একটু ইতস্ততঃ ক'রে বলল, আমার বন্ধুদের সঙ্গে পরিচয় করিয়ে দিই—শ্রীযুক্ত নির্মল রায় এম. এল. এ., আর হেনি অধ্যাপক সুরজিত মুখার্জি।

ভদ্রমহিলা বিস্ময় হয়ে বললেন, তোমরা সকলেই কি ক'রে সকলকে চিনলে? তাঁর গলায় বাংলা তনে অনিমেস একেবারেই ততভয় হয়ে একটা চেয়ার টেনে নিয়ে ব'সে পড়ল। সুরজিতই জবাব দিল। বলল, অনিমেস আর আমি দোধ ছয় খার্ড ইয়ার থেকেই একসঙ্গে পড়েছি, আর নির্মল এল আমাদের সঙ্গে 'ল' ক্লাসে, কিন্তু তোমার মিলিত ঘুচে কাপুর জুটল কবে?

বিচলিত নির্মলও যেন বিদ্রোহের মধ্যে ভরসা খুঁজে পেল। বলল, তুমি এতদিনে তোমার নিজের লাইন খুঁজে পেয়েছ শ্যামলী। মাছকে বুঝতে পারছি, সেই অপর্যায় চিরঞ্জীবের চুরি করা টাকা পাটি ফাঙে কি ক'রে কোথা থেকে ফেরত দিয়েছিলে। তবে অত কষ্ট ত না করলেও পারতে। অনিমেসের চাইতে অনেক সহজে টাকা পেতে পারতে ফিল্ম প্রোডিউসারদের কাছ থেকে। কত অভিনয়ই ত করলে জীবনে, তোমাকে মাঝে কে?

• সুরজিতের মুখটা অনভ্যস্ত রাগে লাল হয়ে উঠল। সে তীব্রভাবে ব'লে উঠল, নির্মল!

মিলি ওরফে শ্যামলী ওরফে মিসেস কাপুর হঠাৎ কান্নায় ভেঙে পড়ে বলল, কিন্তু তোমরা জান না, বসেই ইতিমধ্যেই আমার নাম ছড়িয়ে পড়েছে খারাপ অভিনেত্রী ব'লে। প্রথমে ওরা সবাই ঝুঁকিয়েছিল আমার দিকে আর এখন ওঝা নিজে এসেছে, পারলে বাংলা দেশের কণ্ট্রাক্ট জোগাড় ক'রে দিতে।

ওঝা আর অনিমেস শুরু হয়ে ব'সে রইল।



ভুলের মধ্যে একদিন রাস্তায় দেখা হয়ে যাওয়ার আগ্রহ ক'রে বাড়ীতে ডেকে এনেছিলাম। সামান্য সেই ভুলের চারাটুকু যে এমন একখানি 'অষ্টোপাস লতা' হয়ে উঠবে তা কে ভেবেছিল ?

ওটুকু আগ্রহ কে না দেখায় অনেক দিন পরে হঠাৎ কোথাও পুরনো টিচারের সঙ্গে দেখা হয়ে গেলে ?

সত্যি বলতে—সেদিন আগ্রহের মধ্যে কোনও খাদ ছিল না। বাস্তবিকই ভারী আনন্দ হয়েছিল অপ্রত্যাশিত ভাবে রেখাদির সঙ্গে দেখা হয়ে যাওয়ার। অনেক দিন সংসার ক'রে-আসা এই 'বর্তমান-সঙ্কট' মন কেমন যেন উত্তলা হয়ে উঠেছিল সেই অনির্কচনীয় পুলক স্বাদে-ভরা অতীত দিনগুলিকে স্মরণ ক'রে। ছাত্রজীবনের চাইতে সুখের আর কি আছে ?

রেখাদিকে তক্ষুণি পথের ভীড়ে হারিয়ে যেতে দিতে ইচ্ছে হয় নি। ডেকে এনে আদর অভ্যর্থনা ক'রে ঘুরে ফিরে দেখিয়েছিলাম নিজের ঘর-বাড়ী। এমন কি রেখাদি আমার রাস্তাঘর ভাঁড়ার ঘর পর্যন্ত দেখলেন।

অবশ্য এতে আমার আনন্দ বৈ লজ্জা পাবার কিছু হয় নি। কারণ কোথাও কিছু অগোছালো থাকে না আমার। পরিচিত মহলে আমার ঘর-সংসারের 'পরিপাটিত' সম্পর্কে বেশ একটু সুনাম আছে।

মিথ্যে বলব না, নিজের মনেও একটু গোপন গর্জ ছিল আমার এই ছবির মত ছোট্ট বাড়ীটি ও গৃহসজ্জার রুচি নিয়ে।

দেখলাম রেখাদির বয়সের রেখাক্রিত মাংসল আর প্রায় ভাবশূন্য মুখটাও খুশিতে উজ্জ্বল হয়ে উঠেছে।

বার বার বলতে লাগলেন, 'ভারী ভাল লাগল মিনতি, তোমার বাড়ী দেখে। খুব খুশী হলাম।'

বললেন, 'শীতাকে মনে আছে তোমার ? সেই যে মুখে পঙ্কের দাগ ? তার সঙ্গে দেখা হয়েছিল একদিন।' হঠাৎ একটু থামলেন রেখাদি। একটু যেন ক্ষুব্ধ হাসি হাসলেন। হেসে বললেন, 'তোমার মত আগ্রহ করে নি, আমি এক বকম নিজেই জোর ক'রে—তা' বাড়ী দেখে ভাল লাগল না। বুঝলে ? একেবারে সাজানো নয়। অর্থাৎ অবস্থা খারাপ নয়। চোখ চাই, রুচি চাই, বুঝলে মিনতি।'

তা এ সেই প্রথম দিনের কথা।

যেদিন আগ্রহ ক'রে বাড়ীতে ডেকে এনেছিলাম রেখাদিকে। বলছিলাম, 'কি আশ্চর্য্য, আপনি এত কাছে—'

তার পর আর ডাকতে হয় নি।

দিন দুই পরেই একবার এসেছিলেন। একটু অপ্রতিভ অপ্রতিভ হেসে বলেছিলেন, 'এলাম আবার... বাচ্ছিলাম এই দিক্ দিয়ে—'

আমি প্রথম দিনের মতই আগ্রহ দেখালাম। বললাম, 'সে কি, সে কি! আসবেনই ত। এত কাছে রয়েছেন যখন। না এলে নিজেই গিয়ে ধরে আনতাম।'

ভদ্র সমাজে অতিথিকে যেমন বলতে হয় তা বলেছিলাম। বাড়ীর অল্প সদস্যরা অবশ্য এখন বলেছে, 'একটু বেশী বলা হয়ে গিয়েছিল।'...বলেছে, 'এতটা বাড়াবাড়ি না দেখালেই হ'ত।' বলেছে, 'এখন নিত্য আবির্ভাবের ঠেলা সামলাও।'

কিন্তু অনেকদিন সংসার ক'রে-আসা পুরনো হয়ে-যাওয়া মন, হঠাৎ পুরনো টিচারের সঙ্গে দেখা হয়ে যাওয়ায়, সেই হারানো দিনগুলি স্মরণ ক'রে এটুকু উল্লাস দেখাবে না?

তখন কে জানত, রেখাদির প্রৌঢ়-কুমারী মন অতৃপ্ত আকাজকায় যে কোনও একটা সংসার আশ্রয় হাতড়ে বেড়াচ্ছিল।

সেই আসার পর থেকেই—

আমার বাড়ীর নিত্য অতিথির খাতায় নাম লেখালেন রেখাদি। যে রেখাদির সঙ্গে এ সংসারের পারিবারিক কোন সম্পর্ক নেই, হৃদয়ের কোনও যোগ নেই, পুরনো কোন পরিচয় নেই। যে রেখাদি নিতান্তই আমার একলার।

আর কেবলমাত্র 'একলার' একটা মানুষকে অল্প পাঁচজনের সংসারে আদরের আসনে প্রতিষ্ঠিত রাখা কি দুঃস্বপ্ন!

অতএব প্রতিটি দিন সমস্তটি সন্ধ্যা আমাকে যাপন করতে হয় রেখাদির সঙ্গে। অবিশিষ্ট কথা আমাকে বেশী বলতে হয় না, কারণ রেখাদি বেশী কথাই মানুষ নয়। আমাকে শুধু ব'সে থাকতে হয় বিনীত হাস্তমুখে, আর রেখাদি মাঝে মাঝে যে সব উপদেশবাণী বিতরণ করেন তাতে সোৎসাহে সায় দিতে হয়।

যেমন রেখাদি বললেন, 'তোমার ওই অ্যাকোয়েরিয়ামটা ঘরের এ কোণে না রেখে ও কোণে রেখে মিনতি, সেটাই বেশী মানাবে।'

আমি সবিনয়ে বললাম, 'আচ্ছা রেখাদি, কালই সরিয়ে নেব। সত্যি, বলেছেন ঠিকই। এদিকটায় রাখলে আলো একটু বেশী পড়বে।'

বলা বাহুল্য সরাবার কোন লক্ষণ প্রকাশ করি না। রেখাদি পরদিন বলেন, 'কই, ওটা সরাও নি মিনতি?'

আমি চরম কুষ্ঠার অভিনয়ে বলি, 'না, হয়ে ওঠে নি। চাকরটা হয়েছে তেমনি। একটু যে সাহায্যে আসবে—'

স্বপ্নের বিষয় একটা কথা বেশীদিন মনে থাকে না রেখাদির। ততক্ষণে তিনি অল্প আর একটা কিছুতে মন দিয়েছেন। কাজেই 'লাল মাছেরা' বাহাল ভবিষ্যতে পূর্বস্থানে বিরাজিত থাকলেও রেখাদি অক্ষুণ্ণচিত্তে দু'দিন পরে বলেন, 'তোমার এই বুককেসটা কিন্তু এ দেয়ালে একেবারে অচল। এটাকে এখানে রেখেছ কেন?'

নেপথ্যে বলতে বাধা নেই, রেখাদির এই মন্তব্যে আমি মনে মনে হেসেছি। কারণ আমার ধারণায় আমার গৃহসজ্জার উপকরণগুলি আমি 'যেখানে যা সাজে', তাই সাজিয়েছি। দামী না হোক, রুচিতে স্মরণ সব উপকরণ।

তবু মুখে আমি সবিনয়ে বলি, 'আপনিও যেমন রেখাদি, কোথায় কি মানায় অত কে দেখছে? ওই বসিয়ে বসিয়ে রেখেছি এক-একটাকে এক-একটা জায়গায়।'

রেখাদি মাথা নেড়ে বলেন, 'না না, আর ত সব বেশ ভালই আছে। শুধু ওইটা! জায়গা বদলে দিও, বুঝলে মিনতি!'

আমি স্বীকারসূচক ঘাড় নেড়ে বলি, 'দেব।'

পরদিন রেখাদি বলেন, 'কই, এটা সরাও নি?'

উত্তর মুখস্থ করা থাকে, সবিনয়ে নিবেদন করি, 'ওই ভাবছি কি রেখাদি, ওটাকে একবার একটু পালিশ করতে দেব। তখন ত নাড়াচাড়া করতেই হবে—'

একটা আসবাব পালিশ করতে দেওয়ার ব্যাপারে 'ভাবনাটা' কাজে পরিণত করতে যেটুকু সময় লাগা চলে, সেটুকুর মধ্যে বুককেসের কথা সম্পূর্ণ বিস্মৃত হয়ে যাবেন রেখাদি, এই ভরসা।

ছোটখাটো জিনিষ রেখাদি নিজের স্বাধীনতাতেই এদিক-ওদিক করেন। আর তারিকও করেন নিজেকে। যেমন একগাল হেসে বলেন, 'দেখেছ মিনতি, তোমার এই পাথরের বুদ্ধকে কোণের টেবিল থেকে সরিয়ে এনে রাখখানে বসিয়ে কেমন ভাল দেখাচ্ছে! এখানেই রেখ। এমন জিনিষটা, কোণে প'ড়ে থাকে, কেউ দেখতেই পায় না।'

আমাকে বলতে হয়, 'তা সত্যি !'

রেখাদি চ'লে গেলেই মেয়ে এসে কেটে পড়ে, 'আহা হা, কি না একখানা মানিয়েছে ! এ্যাশটের পাশে বুর্স ! বুকের ওপর বসিয়ে না রাখলে কেউ দেখতেই পাবে না । সব কথায় এমন "তা' সত্যি" ব'লে ঘাড় নাড় কেন বল ত মা ? যেন তুমি একেবারে বোকা অবোধ ! কেন, বলতে পার না, যেখানে যা মানায়, সেইভাবেই রাখা আছে, কিছু নড়াবার দরকার নেই ?'

'তাই কখনো বলা যায় ?'

ওকে আমি ব'কে উঠি ।

সভ্যতা ভব্যতার যে অ, আ, ক, খ-ও শেখা হচ্ছে না ওদের তা বলি, বলি—তুচ্ছ কারণে মানুষকে আহত ক'রে কি লাভ ? আর বলি, 'ক্লাসের মধ্যে আমাকেই সবচেয়ে ভালবাসতেন রেখাদি, তা জানিস ?'

কিন্তু আমার এই গৌরবের পরিচয়ে মেয়ে যে অভিভূত হয়ে যায়, মোটেই তা নয় । বরং হেসে উঠে বলে, 'কেন বাসতেন তা জান ? সমগোত্র ব'লে । ছ'জনেই ত থাকে বলে কিনা—'ব'য়ে ওকার, 'ক'য়ে আকার ।'

কিন্তু মেয়ের অভিভাবক আর এখন হাসি-খুশির মধ্যে নেই, উত্তরোত্তর উত্তপ্ত তিনি । বলেন, 'ভাল এক জালা হয়েছে ! সন্ধ্যাবেলা বাড়ী এসে বসবার ঘরে একটু বসার জো নেই । ঠিক দেখব তোমার আদরের রেখাদি এসে ব'সে আছেন । আশ্চর্য্য ! আর কি কোনখানে জায়গা নেই ওর ? তাই প্রতিদিন একই বাড়ীতে আসতে হচ্ছে করে !'

মস্তব্যটা রুচ, কিন্তু মানুষটাকে খুব অভদ্র ভাবলেও আবার একটু অবিচার করা হয় । কারণ উত্তাপের কারণ সবটাই 'ঘর' নয় । প্রতিটি সন্ধ্যা যে ঘরগীও হাত ছাড়া !

গৃহাগত কর্মকর্তার সেবাবস্ত্রের সম্পূর্ণ ভার এখন ছহিতার ঘাড়ে । গৃহিণীর টিকিও দুর্লভ ।

দুর্লভ ছাড়া সুলভ আর কি ক'রে হবে ?

রেখাদি যে প্রতি মুহূর্তে বলেন, 'যাই মিনতি, অসময়ে এসে তোমার অসুবিধে ঘটিয়েছি বোধ হয় ।'

অগত্যাই ত বলতে হবে আমার 'না না, সেকি ! কিছু অসময় নয় । মেয়ে ত আজকাল সবই শিখেছে রেখাদি, আমাকে কিছু করতেই হয় না ।'

সংসারের সহানুভূতির বাইরে একা কাউকে বহন করতে হওয়া কম কষ্ট নয়, তাই প্রায় রোজই রেখাদি চ'লে গেলেই মনে মনে বলি, আহা, কাল যেন রেখাদির সঙ্গে ওর অন্ত কোন ছাত্তীর দেখা হয়ে যায় ।

কিন্তু এই গোপন প্রার্থনার অদৃশ্য লোকের কেউ কর্ণপাত করে না ।

পরদিনই আবার ঠিক বিকেল পাঁচটা বাজলেই রেখাদির জুতোর খুটখুট শব্দটি ক্রমে কানে বাজে ।

আর বসবার ঘরে ঢুকে ঘরের ক্যান্টা জোরে খুলে দিয়ে ছপ্ ক'রে ব'সে প'ড়ে ব'লে ওঠেন রেখাদি, 'আঃ ! তোমার বাড়ীটা এত ভাল লাগে মিনতি ।'

বুঝতে পারি ভাল লাগাই স্বাভাবিক ।

বয়স হয়েছে, অবসরপ্রাপ্ত জীবন, অথচ সংসার বলতে কিছু নেই । একটা ঝি আছে, সে-ই যা পারে করে । সারাটা দিন যা হোক ক'রে কাটলেও সন্ধ্যাটা ওই শূন্য জীবনের মাঝখানে টিকতে পারেন না । পালিয়ে আসেন ওর থেকে ।

'তা' এ শূন্যতার দরকারই বা কি ছিল ?'

রেখাদির নিত্য আবির্ভাবে নিজে যিনি 'শূন্য-সন্ধ্যা'র তিক্তবাদে উত্তরোত্তর উত্তপ্ত, তিনি এই তীব্র প্রশ্নটি করেন, 'বিয়ে-টিয়ে, ঘর-সংসার করেন নি কেন ?'

এই তীব্র প্রশ্নের কাঁজ দেখে হেসে কেলি, 'করেন নি ভাগ্যে 'ঘর' জোটে নি ব'লে বোধ হয় ।'

'তা' সত্যি, এমন কে বর্কর আছে যে, ওর মত নিরকোষ মহিলাকে—'

'আহা, ও-কথা ব'লো না বাপু ! এখন বুড়ী হয়ে এমন বোকা বোকা হয়ে গেছেন, নইলে পড়ানোর উনি খুব ভাল ছিলেন ।'

কটু ক'রে টেম্পারেচার কয়েক ডিগ্রী নেমে যায় । তীব্রতার উপর কৌতূকের স্নিগ্ধতা এসে নামে, 'হ্যাঁ, পড়ানোর কত ভাল ছিলেন, সে ত ছাত্তীর বুদ্ধির বহর দেখেই বোঝা যাচ্ছে ।'



‘ইস! ভারী যে! না, শোন একটা কিছু ভারী হাসির ব্যাপার ঘটেছিল ঠুকে নিয়ে। মানে আমরা যখন পড়তাম। হঠাৎ মেয়েদের মধ্যে চাপা আলোচনার উদ্ভেজিত ঢেউ, কিনা রেখাদির সঙ্গে স্কুলের কেরাণী রমাপদবাবুর বিয়ে!

‘হাসি আর বিকারের সেই ঢেউ হেড মিস্ট্রেসের কানে গিয়েও পৌঁছল শেষ অবধি। তিনি একদিন মেয়েদের কয়েকটি হেডকে ডেকে কিছু নৈর্য্যক্তিক উপদেশ দিলেন, যার নিহিত অর্থ হচ্ছে এই, শিক্ষক-শিক্ষিত্রী সম্পর্কে চপল আলোচনা ছাত্র-ছাত্রীদের পক্ষে ‘মাহুষ খুন’ অপেক্ষাও গর্হিত।’ সকালে গুরুগৃহে শিখরা—ইত্যাদি ইত্যাদি।

‘পরদিন দেখলাম রেখাদির মুখ, ইঁ্যা চিরদিনই অমনি ভারী ভারী মুখ ঠুর, আরো ভারী, আরো ধম্বমে। বুঝলাম, উপদেশ কেবলমাত্র এক দিকেই বর্ষিত হয় নি।

‘ওদিকে কিছু এ সংবাদের প্রথম পরিবেশক রমাপদবাবুর পাড়ার সেই মেয়েটা নতুন নতুন সংবাদ পরিবেশন করতে থাকে। রমাপদবাবু আর রেখাদি নাকি একসঙ্গে বিয়ের বাজার করে বেড়াচ্ছেন, রমাপদবাবু আর রেখাদি একসঙ্গে লোকে ব’সে চিনেবাদাম খাচ্ছেন, ইত্যাদি।

‘তার পর কিসের যেন ছুটি গেছে ক’দিন। ওমা, ছুটির পর মাইনে দিতে এসে দেখি, রমাপদবাবুর চেয়ারে ব’সে অল্প লোক কাজ করছে।

‘কি রে বাবা। কি হ’ল!

‘যাক, শেষ সুরসা রমাপদবাবুর পাড়ার সেই মেয়েটা। সে বলল, রমাপদবাবুর বিয়ে, দেশের বাড়ীতে চ’লে গেছেন ওরা সপরিবারে।

‘কেন? নাঃ, রেখাদি নয় মোটেই। ওই দেশ গাঁয়েরই কেউ হবে। তখন আমরা সকলেই বলাবলি করতে লাগলাম, তা হ’লে হয়ত রেখাদি পরোপকারের বশেই রমাপদবাবুর বিয়ের বাজারের সঙ্গিনী হয়েছিলেন।...কিন্তু একটা ষট্কা চিরদিন রয়ে গেল। রমাপদবাবু যদি ছুটি নিয়েই গেলেন, আর ফিরলেন না কেন?...আর রেখাদিই বা তার পর থেকে অমন মরা মাছের মত চোখ নিয়ে পড়াতে আসেন কেন?’

‘তা’ জিগ্যেস করলে না কেউ কাউকে?’

‘বাঃ, হেড মিস্ট্রেসের সেই শাসন নেই? আর ক্রমশঃ ত আবার সব ঠিক হয়ে গেল, আমরাও ও কথা ভুলেই গেলাম। তার পর বা তা ছাড়া রেখাদির জীবনে আর কোন ট্রাজেডি ঘটেছিল কি না কে জানে!’

‘ভদ্রলোক হেসে উঠে বলেন, ‘তা জানবার দরকার নেই। আপাততঃ জানছি, আমার জীবনে তোমার রেখাদি একটা ট্রাজেডি।’

কিন্তু ঠাট্টার কথা ক্রমশঃ সত্যি হয়ে দাঁড়াচ্ছে আমার জীবনেও। রেখাদি আর কেবলমাত্র বসবার ঘরের অতিথি হয়ে থাকতে চাইছেন না। বাড়ীর একজন হয়ে উঠতে চাইছেন।

প্রথম সুর লিচু দিয়ে।

একঝাড় লিচু হাতে ক’রে এলেন রেখাদি।

‘এ কি, এ কেন, ছি ছি! আপনি কি জন্তে এত বাজে খরচা করতে গেলেন!’ বললাম আমি।

রেখাদি মাংসল মুখে পরিতৃপ্তির হাসি হেসে বললেন, ‘বাজে মানে? বাঃ! তুমি এত কর, আমার বুঝি ইচ্ছে করে না—কেন তোমরা খাও না লিচু? ভালবাস না?’

আহা, কে পারে ওই আলো আলো মুখটা নিভিয়ে দিতে?

‘মহোৎসাহে বলতেই হয়, ‘ওমা, ভাল আবার বাসি না? সবাই ভালবাসি। আমার ছেলেটি ত লিচুর যম।’

‘কাল’ হ’ল সেইটিই।

বাড়ীর সকলে এখন বলছে, ‘পরমা রাঙিরেই বেড়াল কাটতে হয়। প্রথম দিন অত উৎসাহ না দেখিয়ে রাগ রাগ ভাব দেখান উচিত ছিল। তা হ’লে সাহস বাড়ত না।’

কিন্তু তাই কখনও পারা যায়?

এখনও কি পারছি?

এই যে রেখাদি রোজ একটা না একটা কিছু এনে হাজির করছেন, বলতে পারছি, ‘খবরদার, আনবেন না!’



বাজে মানে ? বা: তুমি এত কর, আমার বৃষ্টি হচ্ছে করে না ?  
কেন, তোমরা খাও না লিচু ?

বড় জোর সেই, 'এ কি রেখাদি, ছি ছি, ! রোজ রোজ এ ভাবে—না: আপনি ভারী লজ্জার ফেলছেন !... কি সর্কনাশ রেখাদি, ওই অতবড় ইলিশমাছ !...না বাপু আপনাকে নিয়ে আর পারা গেল না !...রেখাদি, এ কি কাণ্ড। আপনি মাংস এনে হাজির করেছেন ? এ রকম করলে কিন্তু রেগে যাব।'

'রেগে যাব !'

এর বেশী কে বলতে পারে ?

কিন্তু রেখাদির মুখে শত বিহ্ব্যতের আভা! 'বেশ বাপু, তুমি রাঁধতে না পার আমি রেধে দিয়ে যাচ্ছি—।'

আমি লজ্জায় মরি।

'বাঃ, সে কি? আমি কি আর রান্নার জন্তে বলছি?'

কিন্তু রেখাদি উৎসাহে অঙ্ক। 'তা' না হোক, আমিই আজ তোমাদের রেঁধে খাওয়াই। তোমার রান্নাঘরটি দেখে গেছি, চমৎকার! দেখে ইচ্ছে করে রাঁধি! আমার বাড়ীতে কি যা বিলী ক'রে রাখে! চুকতে প্রবৃত্তি হয় না। আর'—রেখাদির একটা নিখাস পড়ে, 'কার জন্তেই বা রাঁধব!'

সত্যি, এর পরেও কি রান্না থেকে ঠেকিয়ে রাখা যায় তাঁকে? মানুষ ত আর পাথর নয়?

রান্না করতে করতে রেখাদি হঠাৎ এক সময় ব'লে ওঠেন, 'বুঝলে মিনতি! সত্যি! প্রথম যেদিন তোমার রান্নাঘরটা দেখলাম, ইচ্ছে হ'ল একদিন রাঁধব এখানে।'

•অদ্ভুত সাপ!

হাসিও পায়, করুণাও হয়। কিন্তু 'একদিন' মানে কি? প্রত্যেক দিন!

রেখাদি রান্না করছেন, অতএব রেখাদিকেও খেয়ে যেতে বলতে হয়।

খাবার টেবিলে পুত্র কন্যা স্বামী তিনজনের বিরস মুখের খেদারৎ পোহাতে আমাকেই সারাক্ষণ গল্প করতে হয়, রান্নার উচ্ছ্বাসিত প্রশংসা করতে হয়, বার তিনেক চেয়ে খেতে হয়।

আর ফলস্বরূপ পরদিনই রেখাদি 'শ্রীমতী আর বোন পো বোনঝি'কে 'ফ্রেন্ড টোট' খাওয়ানোর বাসনায় একরাশ ডিম আর পাঁউরুটি নিয়ে হাঙ্গরবদনে এসে দাঁড়ান।

আজকাল আর এসেই হাঁফিয়ে ব'সে পড়েন না রেখাদি, সোজা চ'লে যান রান্নাঘরের দিকে। হাতের জিনিষ নামান, তবে এদিকে এসে একটু বসেন।

কিন্তু কতক্ষণ আর?

তখন ছটফট ক'রে ওঠেন, 'দেরি ক'রে কাজ নেই মিনতি, ওদিকে ঠিক সময়ে হয়ে উঠবে না।'

আজকাল অবস্থা এই দাঁড়িয়েছে—

রেখাদি চ'লে গেলেই বাড়ীতে রীতিমত একটি বচসা শুরু হয়ে যায়। ছেলে মেয়ে স্বামী তিনজনে একদিকে, আমি একা একদিকে। সুরুটা হয় অবশ্য ব্যঙ্গ দিয়েই—

'রেখাদিকে এত তোয়াজ করার মানে এবার পাওয়া যাচ্ছে, বুঝলি খুকু। একবেলার° বাজার খরচ বেঁচে যাচ্ছে। রান্নার পরিশ্রম বেঁচে যাচ্ছে! কম কথা!'

খুকু ঝঙ্কার দিয়ে ওঠে, 'হেস না বাবা, আমি ত ঠিক করেছি এবার স্নেফ্ একদিন ব'লে দেব, আপনার ওই তেল-মশলায় জর্জরিত রান্না খেয়ে খেয়ে লিভারে দোষ ধ'রে যাচ্ছে আমার, আমার ক্ষমা দিন।'

খোকা গম্ভীর ভাবে বলে, 'রোজ রোজ খাবার সময় একজন বাইরের লোক! বিলী লাগে!'

'তা'তে কি!' প্রথম বক্তা বলেন, 'তোমাদের মহীয়সী জননী বিগলিত আনন্দে যে সেই বাইরের লোকটিকে বোঝাচ্ছেন 'আহা কি আনন্দই পেলাম!' অতএব তিনিও—'

এই সব ঝগড়াতে কষ্ট আমারও কিছু কম হয় না, কাজেই দপ্ ক'রে জ'লে উঠি। রেগে রেগে বলি, 'তা' তোমরা সবাই এমন পেঁচা মুখ ক'রে থাক যে, আবহাওয়া একেবারে বিলী হয়ে দাঁড়ায়। বাধ্য হয়েই আমাকে— সৌজন্ত ব'লে একটা কথা আছে ত?

'কিন্তু সৌজন্তেরও একটা সীমা আছে—'

'তা' কি করতে বল? বলব, আর এস না?'

'তা' কেন? একটু বুদ্ধি প্রকাশ ক'রে বুঝিয়ে দেওয়া, এগুলো আমাদের বিরক্তিকর।'

কিন্তু বুদ্ধিটা প্রকাশ করব কখন?

যখন রেখাদি তাঁর সেই মোটা-সোটা দেহখানির প্রত্যেকটি রেখায় আনন্দের হিল্লোল বয়ে এনে বলেন, 'আজ তোমাদের এমন একটা মজার জিনিস খাওয়াব মিনতি—'

তখন?

না, যখন রান্নাঘরে কোমরে আঁচল জড়িয়ে হাতা-খুস্তি-ডেকটির শব্দ ভুলে আর তেল-মশলা মাংস মিষ্টির একটা লোভনীয় সুবাস সৃষ্টি ক'রে তিনি একটা স্বপ্নময় রাজ্যে বিচরণ করেন, তখন ?

অথবা যখন খেতে বসিয়ে বারবার প্রশ্ন করেন, কেমন হয়েছে ? খুব টেটকুল না ? এ রান্নাটা আমি শিখেছিলাম আমার ছোট মাসীর কাছে ! রান্নার ভারী শখ ছিল তাঁর ! তখন ?

না কি চ'লে যাবার মুখে অপরিণীত একটা পরিষ্কৃতির ছাপ মুখে এঁকে যখন বলেন, 'কী ভালই লাগে মিনতি, তোমার বাড়ীটি । তুমি নিজেকে যেমন ভাল, তেমনি তোমার ছেলেমেয়ে স্বামী ! মনেই হয় না যে তোমরা আমার সত্যি নিজের কেউ নও ।'

সেই তখন ?

না, বুদ্ধি প্রকাশ করতে আমি পারি নি ।

শেষ পর্য্যন্ত প্রকাশ ক'রে বসেছিলাম একটু বুদ্ধিহীনতা ! আর তাতেই ত কাজ হয়ে গেল ।

অথচ এমন কিছু ভেবেও নয়, শুধু সামান্য একটু কৌতুক, সামান্য একটু অসতর্কতা !

তার আগের দিনটা অবিশিষ্ট একটু চরমেই উঠেছিল । মানে রেখাদি চ'লে যাওয়ার পরবর্ত্তী বিতর্কটা ।

আমি বলেছিলাম, 'না, পারব না, মানুষের মনে আঘাত দিতে আমি পারব না ! সে আমার যতই অসুবিধে হোক ।'

অপরূপ সদস্যরা বলেছিল, 'অসুবিধেটা তোমার একার নয়, আমাদেরও ।'

'একটা নিঃসঙ্গ মানুষ যদি এখানে এসে একটু তৃপ্তি পায়—।'

'ওটা একটু বেশী মহত্ব হয়ে যাচ্ছে । তোমার রেখাদি যে তোমার সাজানো-গোজানো সংসারটি দেখে পরম পুলকিতচিত্তে তার ওপর দিয়ে সংসার-সুখ মিটিয়ে নিচ্ছেন ওটার শেষ কোথায় ঠিক করছ ?'

বিপন্ন আমিও ত কম হচ্ছিলাম না ! তাই তর্কের বহরটা একটু বেশীই হয়ে গিয়েছিল ।

কিন্তু ওই পর্য্যন্ত ।

তার বেশী না ।

সত্যিই কিছু আর রেখাদিকে 'কিছু' বলব, তা ভাবি নি ।

শুধু একটু অসতর্কতা । কিন্তু কবে আবার ছুপুরবেলা আসেন রেখাদি ?

ছুপুরে হঠাৎ কোন করেছিল অরুণা ।

'এই শোন, কলেজের 'রি-ইউনিয়নে' আসছিস ত ? চামেলি বলছিল—'

আমি হেসে উঠে বলেছিলাম, 'আর কলেজ ! এখন ত আবার নতুন ক'রে স্কুলের ছাত্রী হয়ে পড়েছি ।'

'সে কি, কেন রে ?' বলল অরুণা ।

তার পর হৈ হৈ হাসির উচ্চাসের মধ্য দিয়ে ছুইজনের যা কথার আদান-প্রদান হ'ল তার আমার দিকের অংশটা এই—

'হ্যাঁ হ্যাঁ, আমাদের সেই 'গোলআলু' রেখাদি !...আর বলিসনে ভাই, অপরাধের মধ্যে একদিন রাত্তার দেখা হয়ে যাওয়ার বাড়ীতে ডেকে এনেছিলাম !...কি বলছিস ?...ও হ্যাঁ তাই ত তোকে বলব কি ভাই, তদবধি জীবন মহানিশা !...যা বলেছিস, এই সব বোকা মানুষদের নিয়েই যত আলা !...কী বলছিস ?...ও হো হো ! এডি ডে ! ঝড় বৃষ্টি বজ্রপাত কামাই নেই !...আর জীবনে উনি যত রান্না শিখেছেন, সব আমাদের জিন্তের ওপর দিয়ে একপেরিমেণ্ট করেছেন !...এতদূর কি ক'রে ? ওঃ, সে অনেক কথা । দেখা হ'লে বলব ।

'...শঠনঃ পদ্মা আর কি !...মজা ? আহা...মরে যাই ! মজাই বটে ! রীতিমত সাজা ! গৃহযুদ্ধ, বহুবিক্ষেদ দাম্পত্যকলহ...লিভার ট্রাবল্...'

ওইদিকে হাসিতে ভেঙে পড়েছিল অরুণা ।

এদিকে আমিও ।

তার পর রিসিভারটা নামিয়ে রেখে ঘর থেকে বেরিয়েই পাথর হয়ে গেলাম ।

রেখাদি নীচু হয়ে জুতোর ট্র্যাপ বাঁধছেন !

কিন্তু রান্নাঘরেই । খলচেন না ।



তার মানে রেখাদি এসেছিলেন।

রেখাদি চ'লে যাচ্ছেন!

রেখাদি কখন এসেছিলেন?

রেখাদি ছপুরে এসেছিলেন কেন? না, কথা বলতে আমি পারি নি। মরা মাহের চোখের মত একজোড়া নিভে-যাওয়া চোখের সামনে পাথরের পুতুলের মত আড়ষ্ট হয়ে দাঁড়িয়ে ছিলাম আমি।

রেখাদি কোনও কথা বলেন নি। মুখ নীচু করে আস্তে আস্তে চ'লে গিয়েছিলেন।

হঠাৎ দেখতে পেলাম, রেখাদির জুতোর ড্র্যাপের একটা বকুলস প'ড়ে রয়েছে।

রেখাদির চোখটা কি হঠাৎ ঝাপসা হয়ে গিয়েছিল? বকুলসের ঘরটা খুঁজে পাচ্ছিলেন না? তাই আজীবনে ক'রে টানাটানি করতে গিয়ে ছিঁড়ে গেছে?

রেখাদি আগের দিন বলেছিলেন, 'দিশী রান্না জানি না ভেবেছিস? দেখিস্ এমন গোকুলপিঠে খাওয়াব, ভুলতে পারবি না!'

রসের খাবার করবেন বলে ছপুরবেলাই চ'লে এসেছিলেন রেখাদি। রান্নাঘরের দরজার কাছে নামিয়ে রেখে গেছেন হাতের জিনিষগুলো, রান্নাঘরে ঢোকেন নি।

ক্ষীর আর নারকেল এনেছিলেন রেখাদি।

রেখাদির বোকামীর জ্বালায় আমি অতিষ্ঠ হয়ে উঠেছিলাম, রেখাদি আমার কাছে হাস্যকর, রেখাদির সঙ্গে আমার সম্পর্ক ছিল শুধু সৌজন্যের, তবু রেখাদির নামিয়ে রেখে-যাওয়া সেই তুচ্ছ জিনিস দুটোর দিকে তাকিয়ে থাকতে থাকতে আমার চোখ দিয়ে জল পড়ছিল।

আমি বুঝতে পেরেছিলাম, রেখাদি আর আসবেন না।





আমাদের আড়ার সংখ্যাতাত্ত্বিক শিশেখরের তুচ্ছ ও অস্বত জিনিষের দিকে আশ্চর্য্য রকমের বোঁক। সেদিন অল্প কোন প্রসঙ্গ ওঠবার আগেই সে কথাটা ওঠালে, তোমরা লক্ষ্য করেছ কি না জানি না, আজকাল শহরে ফুটপাত জ্যোতিষীদের সংখ্যা ক্রমশই কমে আসছে।

ঐতিহাসিক স্মরণলাল বললে, উত্তম লক্ষণ, মধ্যযুগের বিশ্বাস আর কুসংস্কার এখনও আমাদের সমাজে অনেক রয়ে গেছে। সেগুলো যত যায়, তত ভাল। রোমক যুগে যে সূখসেয়ানুসূরা ছিল, এরা তার শেষ ছন্নছাড়া ধারাবাহক।

বৈজ্ঞানিক বিদ্যাবরণ বললে, শশী, তুমি কি এ বিষয়ে ষ্ট্যাটিস্টিক্স নিয়েছ? যদি না নিয়ে থাক তা হ'লে রাজ-ভবনের ফুটপাত আর আশপাশের আদালতগুলো একবার ঘুরে এস।

বিদ্যুতের প্রচ্ছন্ন ব্যঙ্গ শিশেখরের কান এড়াবার কথা নয়।

শিশেখর গম্ভীর হয়ে বললে, দেখেছি আর দেখেই বলছি।

আমরা জানি ষ্ট্যাটিস্টিক্স না নিয়ে শশী কোন মত প্রকাশ করে না।

আমি বললাম, কারণটা কি বল ত?

আধুনিক গল্পলেখক দিব্যেন্দু এতক্ষণ চুপ করে ছিল। বললে, ছই মহাযুদ্ধের পর আর বিশেষ করে মহাকাশ বিজয়ের পর দৈবের ওপর মানুষের বিশ্বাস আলগা হয়ে আসছে। আমরা যে যুগের দিকে এগিয়ে যাচ্ছি সেখানে ঈশ্বর নামক কোন বস্তুর স্থান সঙ্কুলান হওয়া মুশকিল। মানুষ তার নিজের শক্তিতে এত বেশি সজাগ হয়ে উঠবে যে, কোন অদৃশ্য সর্বশক্তিমানকে আর পাস্তা দেবে কি না সন্দেহ।

বিদ্যুৎ বললে, তোমাদের যুগ-যজ্ঞগার সঙ্গে এর কোন যোগ-সাজস আছে নাকি? বিদ্যুৎ শুধু বিজ্ঞান নয়, ব্যঙ্গ-বিশারদও। বিদ্যুৎ আধুনিক-পন্থী গল্পলেখকদের ওপর চটা। ও বলে, ওদের ঐ যুগ-যজ্ঞগার হিং টিং ছই পড়লে, ওর ব্লাড-প্রেসার নাকি বেড়ে যায়।

দিব্যেন্দু ধারালো হেসে বললে, আছে বৈকি। সে যরণা অর্থনীতিক। পশারের অভাবে মধ্যযুগের শেষ ধারাবাহক যারা ছিল, তারা না খেতে পেয়ে মরছে, নতুন লোক লাইনে আসছে না। গালভরা ভাল কথা বলে।

ব'লে ওরাও ক্লান্ত হয়ে পড়ছিল, আর ভাগ্যের হাতে মার খাওয়া খন্দেরগুলোও নিফল ভাল কথা শুনে শুনে সমান ক্লান্ত।

বললাম, সুন্দর বিশ্লেষণ, কি বলো শশিশেখর ?

শশিশেখর সায় দিলে।

দিব্যেন্দু বলে ভাল। প্রশংসা পেয়ে সে আরও প্রখর হয়ে উঠল। বললে, কথাটা যখন উঠল, তখন একটা সত্যি গল্প তোমাদের শোনাচ্ছি। এই দৈব বা অদৃশ্য শক্তিতে বিশ্বাস একটি মানুষের জীবন নিয়ে যে কি চিনিমিনি খেলেছিল, এ গল্প না শুনে তোমরা বিশ্বাস করতে পারবে না।

দিব্যেন্দু গল্প লেখে ভাল, বলে আরও ভাল।

বিদ্যুৎ বললে, এটা কি তোমার আগামী গল্পের কোন প্লট নাকি, আমাদের ওপর দিখে পরীক্ষা করিয়ে নিচ্ছ ?

দিব্যেন্দু বললে, আরে না, না। এটা একেবারে সত্যি ঘটনা। এর নায়ক আমার চেনা। বিদ্যুৎ, তুমিও

একে জুনো।

বিদ্যুৎ বিস্মিত হয়ে বললে, কে বল ত।

দিব্যেন্দু বললে, যথাসময়ে বলব।

আমাদের আগ্রহও বেশ প্রখর হয়ে উঠছিল। বললাম, দিব্যেন্দু, তোমার গল্প আরম্ভ কর।

দিব্যেন্দু আরম্ভ করলে, তোমরা জান, আজকাল আমার গল্পে কোন কাহিনী থাকে না। আজকাল গল্পে কাহিনী থাকাতাই সেকলে। এটা তোমরা নিশ্চয়ই স্বীকার করবে যে, পুরণো আঙ্গিকে লেখা গল্পগুলো কি মারাম্বক রকমের একঘেয়ে হয়ে আসছে। কাহিনীর বদলে জীবনের গভীর অভিজ্ঞতা শুধু ছুঁয়ে ছুঁয়ে যাওয়া, আর তার থেকে গভীরতম আইডিয়ায় ইমেজ তৈরি করাই নতুন রীতি। আধুনিক মনের কাছে তার আবেদন অনেক বেশি প্রবল। ধর, কিং লীয়ারকে যদি ফ্রায়েটেড হিউম্যানিটি, আর তার কাঁধে মৃত কর্ডেলিথাকে যদি মানুষের অকৃত্রিম স্নেহ ভালবাসা আর বিশ্বাসের শব হিসেবে ভাব, তা হ'লে কাহিনী ছাড়িয়েও এই প্রতীকের আবেদন আরও গভীর, আরও বিশ্বজনীন হয় না কি ? হয়ত বক্তৃতার মত শোনাচ্ছে, কিন্তু যে গল্প তোমাদের শোনাতে যাচ্ছি, তার ভূমিকা হিসেবে এটা বলা দরকার। কারণ, যখন আমি প্রথম লেখা শুরু করি, তখন ভাবতাম কাহিনীই সব। আর এখানে-সেখানে নতুন নতুন কাহিনীর সন্ধানে ঘুরতাম। ডায়েরি থাকত সঙ্গে, যা দেখতাম, শুনতাম, নোট করে নিতাম। স্বেভার গিয়েছিলাম মুন্ডেরে দিদির বাড়ীতে। মীরকাসিমের কেয়ার ভেতর গঙ্গার ধারটা আমার বড় ভাল লাগত। বিশেষ করে কষ্টহারিণীর ঘাট, আর তার কিছু দূরে মীরকাসিমের প্রাসাদ, এখন অবিশিষ্ট জেলখানা। সকাল-সন্ধ্যায় ফাঁক পেলেই ঘাটে এসে বসতাম। অনেক লোকের আনাগোনা, বেশ লাগত। সকাল বেলা একজন পশ্চিমা জ্যোতিষী ঐ ঘাটের কাছে তার ছকপত্র নিয়ে বসত। খন্দেরও মন্দ মিলত না। সন্ধ্যায় নাটমন্দিরের একধারে তার বিছানাটা পেতে বসে থাকত। ঐ তার আস্তানা। লোকটির মুখ কেমন যেন আমার চেনা চেনা লাগত, কিন্তু কোথায় দেখেছি, স্মরণ করতে পারতাম না। আমার কেন জানি না মনে হয়েছিল, ওর জীবনে গল্প আছে। একদিন আলাপ করলাম। হিন্দীভাষা ভাল আসত না। বেশ অসুবিধা হ'ত। আমি যখনই ওর জীবনের কথা জানতে চাইতাম, ও এড়িয়ে যাবার চেষ্টা করত। তার পর এমনি কৌতূহল মেটাতে একদিন আমার হাতটা দেখতে বললাম। তোমরা বিশ্বাস করবে না, ও আমার ছেলেবেলা থেকে আমার জীবনের অনেক ঘটনা এমনি ঠিক ঠিক ব'লে দিল যে, আমি অবাক হয়ে গেলাম। এমন কি, ক' ভাই, তাদের নাম কি, আমার বাবার নাম, মায় আমার নাম, পর্বত। জ্যোতিষে কোনকালেই আমার বিশ্বাস বা দুর্বলতা নেই। সেই অবিশ্বাসও যেন টলিয়ে দিল। জ্বরী অস্থির হয়ে উঠলাম। শেষে মনে হ'ল, ও নিশ্চয়ই আমাকে, চেনে, জানে। কে হতে পারে ? ছ'তিন রাত্রি ঘুম হ'ল না। চিন্তা করতে লাগলাম। শেষে একদিন মরিয়া হয়ে ওকে জিজ্ঞেস করলাম, কে বল তুমি ? নিশ্চয়ই তুমি আমাকে জান। তোমায় আমি কোথায় দেখেছি, কিন্তু স্মরণ করতে পারছি না।

ও হেসে বললে, হ্যাঁ, তোমাকে আমি চিনি। আমি বাঙালী।

ওর চেহারাটা এমনিই নিভুল পশ্চিমাদের মত হয়ে গিয়েছিল যে, ওর কথা বিশ্বাস হ'ল না। কিন্তু ওর খাঁটি বাঙালী কথা শুনে আমার বিবম ধন্দ লাগল।

আমার সংশয় দেখে ও বলল, আমি সুরেশ। তুমি আমার চিনতে পার নি, তাই আমার বড় কষ্ট লাগছে।

কোন সুরেশ ! ওর মুখের দিকে বার বার তাকাতে লাগলাম। একটা ক্ষীণ আদল ছাড়া গৌক-দাড়িতে ঢাকা ঐ রুক্ষ নিশ্চয় মুখে, ওই লম্বা লালচে দৃষ্টপড়া কটা চুলে আমার জানা সুরেশের বোধ হয় কোন চিহ্নই ছিল না। আন্তে আন্তে সব মনে পড়তে লাগল। এই সুরেশ ত আমাদের জেলা স্কুল থেকে ম্যাট্রিকুলেশনে ফার্স্ট হয়েছিল, আই-এস-সিতে সেকেণ্ড। বিদ্যায়, তুমি নিশ্চয়ই চিনতে পারছ, তুমি খার্ড হয়েছিলে সেবার। কিন্তু ভাব একবার, কোথায় তুমি আর সে কোথায়।

বিদ্যায় কেমিস্ট্রিতে ডক্টরেট পাওয়া নাম-করা অধ্যাপক। বিদ্যায় নির্বাকু বিশ্বয়ে দিব্যেন্দুর মুখের দিকে চেয়ে রইল। গল্পটি খুব জমাট হয়ে ওঠবার প্রত্যাশায় আমরা কোন কথা বললাম না। বললাম—তার পর ?

দিব্যেন্দু আরম্ভ করলে, ম্যাট্রিকুলেশন পরীক্ষার পর সুরেশের সঙ্গে ছাড়াছাড়ি হয়ে গিয়েছিল। ও নিল সায়েন্স, আমি আর্টস। আমি এলাম দক্ষিণের আওতোব কলেজে আর ও ভার্তি হ'ল প্রেসিডেন্সিতে। তবে ওর খবর আমি রাখতাম। মাঝে মাঝে দেখাও হ'ত। ওদের অবস্থা ভাল ছিল না। বিধবা মা ছাড়া আর কোন বিশেষ আত্মীয়স্বজনও ছিল না। দেশে শুধু একটা ভাঙা পুরণো একতলা বাড়ী ছিল। ও আই-এস-সিতেও ভাল রেজাল্ট করবার পর তুনেছিলাম কোন এক মস্ত ধনী ব্যবসায়ী নাকি যেচে ওর মেয়ের সঙ্গে বিয়ে দিয়ে ওকে ঘর-জামাই করে নিয়ে গিয়েছিল। তার পর বি-এস-সিতে ও মিজারেবল রেজাল্ট করে। অনাসু' দূরে থাক, কোন ক্রমে পাশ করেছিল। সে ত বিদ্যায় তুমি জান ! তার পর সুরেশের আর কোন খবর পাই নি।

এই অদ্ভুত বেশে বিদেশে ওকে অমন অবস্থায় দেখে আমি একেবারে স্তম্ভিত হয়ে গিয়েছিলাম। ও ম্লান হেসে বলেছিল, কি বিশ্বাস হচ্ছে না ?

আমি বললাম, তোমার এমন পরিণতি আমি গল্প-লেখক হলেও ভাবতে পারি না। ব্যাপার কি ? আমাকে সব খুলে বল ত

ও ভেমনি ম্লান হেসে বললে, তুনেবে চল একটু নিরিবিলিতে বসি গিয়ে :

একটু দূরে গঙ্গার উঁচু পাড়ের ধারে একটা পাথরের চাকড়ের ওপর ছাঁজনে মুখোমুখি বসলাম। নিচে শুধু অবিরাম জলের ছলছল শব্দ।

মন্দিরে তখন আরতি আরম্ভ হয়ে গিয়েছে। বোলান বড় ঘণ্টাটা ঘন ঘন বাজছিল। অনেক স্ত্রী-পুরুষের মিলিত গুঞ্জন হাওয়ায় ভেঙ্গে আসছিল। কার্তিক মাসের মৌসুমি বৃহ জ্যৈষ্ঠার ওপর পাতলা কুম্বাসা-ঢাকা চারদিক কেমন রহস্যময় মনে হচ্ছিল।

ও বললে, আমার বিয়ের কথা তুনেছিলে নিশ্চয় ?

বললাম, হ্যাঁ।

ও বললে, আমার খবর খুব ধনী, কিন্তু বংশে বিঘে ছিল না। উনি আমার পছন্দ করেছিলেন আমার পরীক্ষায় ভাল ফল আর ভবিষ্যৎ সম্ভাবনার আশায়। বিয়ের পর ওরা আমার নিয়ে গেলেন তাঁদের সেই প্রকাণ্ড প্রাসাদের মত বাড়ীতে। সুন্দরী বউ, না চাইতেই প্রমোদের হাজার উপকরণ চারপাশে সুপাকার হয়ে থাকে। হৈ-হল্লা, খাওয়া-দাওয়া, অসংখ্য ধনী আত্মীয়স্বজন, আজ এখানে, কাল ওখানে নৈমস্তন। সিনেমা, থিয়েটার—এমনি করে দিনগুলো কোথা দিয়ে কেমন করে কেটে যেত, জানতেও পারতাম না। ফল ত তোমরা নিশ্চয়ই ছেনেছিলে।

বললাম, হ্যাঁ, আমরা অবাক হয়ে গিয়েছিলাম। ভেবেছিলাম, বি-এস-সিতে তুমি আরও ভাল করবে।

সুরেশ শুধু একটা দীর্ঘনিশ্বাস ফেলেছিল। তার পর সুরেশ তার সেই সমস্তকার মনের অবস্থা, তার পরের ঘটনা একে একে আমার সব বলেছিল। খবরের মুখ কালো হয়ে গেল। আশা-ভঙ্গের দুঃখ। সুরেশ বললে, তাঁকে দোষ দেওয়া যায় না। এই এক ধাক্কায় সুরেশের অতীত, বর্তমান, ভবিষ্যৎ সব যেন ধুলোয় গুঁড়িয়ে গেল। তার মনে হ'ল, সবাই যেন আঙ্গুল দেখিয়ে বলছে, ওটা একটা ঠগ, ও মিথ্যে শুড়ং দেখিয়ে যা ওর প্রাপ্য নয় তাই ঠকিয়ে নিয়েছে। এখন তার আসল চেহারা ধরা পড়ে গিয়েছে। তার সেই স্ত্রী, যে ছ'বছরের প্রতিটি দিন রাত সুধার ভরে দিয়েছিল, সেও পর্যন্ত গস্তীর হয়ে গেছে। তার সঙ্গে ভাল করে কথা বলে না। তার আর দোষ কি ? সুরেশ ছিল তার অহঙ্কারের জিনিষ। মেয়েদের সেই অহঙ্কার গেলে আর থাকে কি। যদিও মুখে তাকে কেউ কিছু বলে নি, তবুও সেই আদর, যত্ন, রাজভোগ সুরেশের সব বিয়ের মত লাগত। একদিন ভোরবেলা উঠে সে পালিয়ে গেল। তার মনে হ'ল, কেউ যেন তাকে ধাক্কা দিয়ে গেটের বাইরে এনে রাস্তা দেখিয়ে দিলে।



তার খুঁটর অবিষ্টি পরের দিনই তাদের দেশের বাড়ীতে এলেন ! তাকে অনেক বোঝালেন, আবার পড়তে বললেন । সুরেশ তার আঘাতের কারণটা বিচার করে দেখল না । বিষয় বুদ্ধিহীন, অনভিজ্ঞ, তার ওপর বয়স অল্প, লেখাপড়ার ওপর হ'ল প্রবল আকোশ । তার খুঁটর বললেন, বেশ, তাঁর যে কোন কার্মে এসে সে বসুক । সুরেশ তাতেও রাজি নয় । নিজের শক্তিকে সে যাচাই করে দেখাতে চায়, ওঁরা যা ভাবছেন, সে তাই নয় । মা'র কথাও শুনলে না । খুঁটর নিরাশ হয়ে ফিরে গেলেন ।

তার পর অনেক হাঁটাইটি ক'রে একটা মার্চেন্ট আপিসে সুরেশ একটা কেবানির চাকরি যোগাড় করলে । মাইনে তখন সব মিলিয়ে দু'শো টাকা, পরে আরও বাড়বার আশা আছে । সে কলকাতায় ছোটোখাটো একটা বাসা ভাড়া করলে, তার পর তার স্ত্রীকে আনতে গেল ।

ওখানে সকলে একেবারে হৈ হৈ করে উঠল । ওর শাওড়ী বললেন, কার মেয়েকে কোথায় নিয়ে যেতে চাইছ ? তোমার সাহস ত কম নয় বাপু ।

ওর তখন রোখ চেপে গেছে । বেশ জ্বারের সঙ্গেই বললে, ও যে-ই হোক, ও আমার স্ত্রী ।

খুঁটর গভীর হয়ে বললেন, সে রকম কথা ত ছিল না বাবাজী, বেয়ান ঠাকরুণের সঙ্গে । তিনি আনুন, বলুন এসে । আর তা ছাড়া আমায় আগে গিয়ে দেখে আসতে হবে, আমার মেয়ের থাকবার উপযুক্ত জায়গা কিনা ওটা ।

সুরেশ বললে, বেশ, তবে আমি চললাম । আর কখনও আসব না ।

চঠাৎ এক অসম্ভব ব্যাপার ঘটল । ওর স্ত্রী বোধ হয় এতক্ষণ আড়ালে দাঁড়িয়ে শুনছিল । এবার সামনে এসে বললে, বাবা, বরং আমি যাই । আমার কোন কষ্ট হবে না ।

তার মা কাঁড়িয়ে উঠলেন । বাবা বোঝাতে চাইলেন । কিন্তু মেয়ে একটুও বঁকলো না । সেই এক কথা—আমার কোন কষ্ট হবে না ।

তার পর সুরেশ তার স্ত্রীকে নিয়ে উঠল এঁদো গলির ভেতর সেই পঞ্চাশ টাকার ভাড়াতে বাড়ীতে । তার স্ত্রীর ত দেখে কান্না পেল, তবুও সে মুখ বুজে রইল । তাদের ঝি-চাকরেরাও এর চেয়ে ভাল ঘরে থাকে । তার পর আশ্বে আশ্বে সে সব করতে লাগল—রাশা, বাসন-মাজ', কাপড়-কাটা সব । একটা ঠিকে-নি ছিল অবশ্য, কিন্তু যেদিন কামাই করত, সেদিন তাকেই সব করতে হ'ত । সুবেশ অবিষ্টি প্রথম প্রথম বেশি পরিশ্রমের কাজটা নিজেই করে দিত, কিন্তু সে ক'দিন ! তার মা, বাবা দু'জনেই এসেছিলেন কয়েকদিন পর । হুপুরে সুরেশ আপিসে বেরিয়ে যেতে । তার মা বাড়ী দেখে, তার দিন-রাতে খাবার দখে ত হ'উ হাউ করে কেঁদে উঠলেন ।

পরের দিন ওর খুঁটর সকালে এসে সুরেশকে অর্ধসাহায্য করতে চাইল । ও-ও নেবে না, ওর স্ত্রীও এক নিহত দেবে না । মেয়ের দিকে চেয়ে ওর বাবা গুম্ব হয়ে গেলেন । মেয়ের চোখ যেন কীকু ভৎসনা জ্বলছিল, আমার অস্ত্র সব বোনের বেলা তুমি লক্ষপতি, কোটিপতিকে বেছে দিয়েছ । আর আমার বেলা—এখন আর মায়া দেখিয়ে কাজ নেই, আমার যা হয় হবে । তোমরা যাও, আমার কাটা ঘরে আর মূনের ছিটে দিতে এস না । স্বামীর ওপর ভালবাসা না বাপের ওপর অভিমান, কোনটা যে তার প্রবল, তা কেউ বলতে পারে না । তার সেই আধ-ময়লা শাড়ি, নিশ্চয় মুখ দেখে তার বাবা চোখের জল মুছতে মুছতে চলে গেলেন ।

বাপের বাড়ীতে বারো মাসে তেরো পার্বণ লেগেই আছে । তার পর বড় বড় আত্মীয়-স্বজনের বাড়ী কত পার্টি, কত বিয়ে, কত অন্নপ্রাশন—নেমস্ত্র আসে, তারা গাড়ী পাঠিয়ে দেয় । ও নিজেও যায় না, সুরেশকেও যেতে দেয় না । তার অস্ত্র অস্ত্র বোনেরা এসেছিল ওকে দেখতে, ও প্রায় অপমান ক'বে তাদের তাড়িয়ে দিয়েছে । সুরেশকেও তার ভাল লাগে না, বাপের বাড়ীরও কাউকে নয় । সে যেন নিজের আঙনে নিজেই নিঃশব্দে জ্বলতে থাকে ।

এমনি ক'রে চার বছর কেটে গেল । একটি মেয়েও হয়েছে সুরেশের । মানে, আর একটা পেট বেড়েছে । অথচ সুরেশের চাকরি-স্থানেও কোন উন্নতি হয় নি সামান্য কিছু মাইনে বাড়ি ছাড়া । ইংরেজের হাত থেকে ফার্ম চলে গেছে মাদোয়ারির কবলে । হাঁটাই চলেছে । তিন জনের কাজ এখন একজনকে করতে হয় । আরও মাইনে বাড়ি দূরের কথা, এখন চাকরি টিকলে হয় ।

অহরহ এই দারিদ্র্য, অভাব, অনটনের মধ্যে ওর স্ত্রী আশ্বে আশ্বে একেবারে অস্ত্র মানুষ হয়ে গেল । সেই সোনার মত টকটকে রঙ, সেই উজ্জ্বল চোখ, সেই চেউ-খেলান রেশমের মত রাশীকৃত কোঁকড়ান চুল—সে যেন

আর এক জন্মে ছিল। এ আর একটা মাহুষ। এখন প্রতিদিন কাঁকালো গলায় ঝগড়া করে, সুরেশকে ছুঁতাব্য কটু কথা বলে। কচি মেয়েটাকে নিষ্ঠুরের মত মারে। অধিক দিন সুরেশ না খেয়েই আপিসে চলে যায়। যত কিছুই হোক, সুরেশ তার স্ত্রীকে ভালবাসত, গভীর ভালবাসত। একটা পরসাগ সে বাজে খরচ করত না। সে নিজে তালি-মারা কাপড়-জামা পরত। পূজোর সময় বোনাসের টাকায় ধার-দেনা শোধ ক'রে সবটাই স্ত্রীর আর মেয়ের জন্য খরচ করত। তবু ছ'একটা ছাড়া তার দামী গহনাগুলো বাচান যায় নি। তিন বার স্ত্রী আর একবার নিজের মারাত্মক অসুখের সময় সেগুলো বিক্রী হয়ে গেছে। ওর স্ত্রী এখন উঠতে-বসতে সেই গঞ্জনা, সেই খোঁটা দিত।

আশ্চর্য, তার স্ত্রী অদ্ভুত লোভী হয়ে গিয়েছিল। যে বোনাদেরও অপমান ক'রে ভাড়িয়ে দিয়েছিল, তাদের স্বামীর কথা ভুলে সুরেশকে অহরহ খোঁটা দিত। বলত, রোজগার যদি করতে না পার, চুরি করতে পার না?

স্ত্রীর দিকে চেয়ে সুরেশের মন খারাপ হয়ে যেত। মানে মাঝে ভাবত, এখানে ওকে হয়ত না মানলেই ভাল ছিল। ও না-হয় মাঝে মাঝে গিয়ে দেখে আসত, ছ'দণ্ড জুড়িয়ে আসত। একটা সুন্দর ফুল তা হ'লে ক'রে তুকিয়ে এমন আঁসুকুড়ে লুটোত না।

ও কেবলই চিন্তা করত কি ক'রে আয় বাড়ান যায়। টিউশানি করার চেষ্টাও করেছিল। যা পাওয়া যায়, তাতে পেট ভরে না। দেশে শিক্ষিত বেকারদের সংখ্যা ত কম নয়। এতদিন ওর নিজের ওপর আস্থা ছিল, যা খেতে খেতে একেবারে দুর্বল হয়ে পড়ল। তার পর আর-একজন বাড়ল সংসারে। এবারে এল একটা ফুটফুটে ছেলে।

তার পর একদিন অতি কৃষ্ণে সওয়া পাঁচ আনা পরসাগ খরচ ক'রে ও রাজবনের সামনের কুটপাতে এক জ্যোতিষীর সামনে হাত মেলে দিয়েছিল। জ্যোতিষী হেন তেন ব'লে একটা মারাত্মক বিন ওর কানে তুকিয়ে দিল। বললে, আপনার কপালে গুপ্তধন পাওয়ার যোগ আছে। তার পর হেসে বলেছিল, চোখ মেলে পথ চলবেন স্তার।

বাস্, এই হ'ল কাল।

আপিসে যাওয়ার সময় সুরেশ হ'ত না। ছুটির পর এখানে-ওখানে সুরেশ ঘুরে বেড়াত। সমস্ত মন-প্রাণ-চোপ দিয়ে সে যেন পৃথিবীময় কি খুঁজে বেড়াচ্ছে। এই অবস্থায় তাকে দেখলে লোকে বোধ হয় তাকে পাগল ভাবত। রাস্তার শেষ ট্রামে যখন ভিড় একদম নেই সে আসত। তার চোখ ঘুরত কেউ কিছু সিটের ওপর বা সিটের তলায় ফেলে যায় নি ত? দিনরাত এক চিন্তা তার, টাকা তাকে পেতেই হবে। ভাঙ্গা সংসার তাকে জোড়া লাগাতেই হবে। স্ত্রীকে আবার ফিরে পেতেই হবে তাকে। বাড়ীতে যখন ফেরে, বিদ্রাস্তের মত।

এমনি আর কিছুদিন গেলে ও নিশ্চয়ই পুরো পাগল হয়ে যেত। কিন্তু একদিন সেই অখ্যাত সস্তা দামের রাস্তার জ্যোতিষীর ভবিষ্যদ্বাণী সত্যিই ফলে গেল। গুপ্তধন সে পেয়ে গেল, আর তা পথেই।

দিব্যেন্দু বললে, আমি অবাক বিশ্বাসে যেন কোন কুহকগ্রন্থের মত সুরেশের নিজের মুখ থেকে এই অদ্ভুত অবিখ্যাত কাহিনী শুনে যেতে লাগলাম। মন্দিরের কোলাহল কখন এক সময় থেমে গেছে। গঙ্গার জলোচ্ছ্বাস বেড়েছে, দুর্গ-প্রাচীরের পাথরে পাথরে তীব্র ঘা মেরে চেউগুলো যেন হিংস্র গর্জন করছে।

দিব্যেন্দুর মুখ থেকে আমরাও কুহকগ্রন্থের মত এই অদ্ভুত অবিখ্যাত গল্প শুনে যেতে লাগলাম। বললাম, তার পর?—

দিব্যেন্দু আরম্ভ করলে, সেদিন শনিবার। দুপুরে আপিসের ছুটির পর তার নিত্যকর্ম ক'রে ঘুরতে ঘুরতে সে চলে এসেছে ইডেন গার্ডেনের নির্জন এক কোণে। তখন সূর্য অস্ত যাবার আর বেশী বাকি নেই। হঠাৎ তার নজর পড়ল পাশের ঘন ঘোপের ভেতর মাঝারি গোছের একটা কাপড়ের পুঁটলির ওপর। টেনে বের ক'রে একটু ঝলতেই ভেতরে দেখে গোছা গোছা কর করে নতুন নোট। তখন তার হাত কাঁপছে। সারা শরীর থর থর ক'রে হুলছে। তার গলা তুকিয়ে কাঁঠ হয়ে গেছে। পুঁটলিটাকে কোঁচার আড়ালে ক'রে সে সেখান থেকে এক রকম ধটে বরিয়ে গেল। কার টাকা কে রেখেছিল ওখানে লুকিয়ে, কেন রেখেছিল—এ সব ভাববার মত মনের অসঙ্গী তার ছিল না। ট্রামে উঠতে গিয়েও উঠল না। ছ'দিন বাজার হয় নি, তিনটে টাকা দিয়েছিল স্ত্রী বাজার



একটু খুলতেই দেখা গেল, গোছা গোছা করকরে নতুন নোট।

ক'রে নিয়ে যেতে। সে একটা ট্যান্ডি ভাড়া ক'রে ফেললে। স্ত্রী পাছে কিছু সন্দেহ করে তাই বড় রাস্তার মোড়েই ট্যান্ডির ভাড়া চুকিয়ে দিয়ে হন্থন্থন ক'রে বাড়ীতে ঢুকল। স্ত্রী তখন বোধ হয় রান্নাঘরে। ছেলেটা আপন মনে বারান্দায় খেলা করছিল। মেয়েটা বোধ হয় পাশের বাড়ীতে মাসীমার কাছে গেছে। সে আন্তে আন্তে দরজায় খিল লাগিয়ে দিল। তার পর গুণতে লাগল—এক—দুই—তিন—চার—তিরিশ হাজার টাকা—সব একশ' টাকার, দশ টাকার, পাঁচ টাকার নোট, কেতায় কেতায় সাজান। তার সর্ব শরীর তখনও থরথর ক'রে কাঁপছে। তার পর তার নিজস্ব বাক্সের ভেতর স্টাকাটা রেখে চাবি বন্ধ ক'রে দিলে। একবার ভাবলে স্ত্রীকে বলবে। তার পর ভাবলে, না, এখন না। একেবারে অবাক ক'রে দেবে। এমন সুযোগ সে ছাড়বে না। এতদিনের সব অপমান, গঞ্জনা, দুর্ব্যবহারের এক মধুর প্রতিশোধ নেবে চরম বিশ্বাসের মধ্যে।

শরীরের মধ্যে অসহ্য উত্তেজনার ঢেউ ছলছে। কিন্তু বাইরে সে অস্ত্রুত শান্ত হয়ে গেল। তার স্ত্রী কিছুই বুঝতে পারলে না। বাজার আনে নি ব'লে তাকে এক বাক কটুক্তি হজম করতে হ'ল। সুরেশ আজ মনে মনে

হাসতে লাগল। কয়েকদিন যাক। সব ঠিক হয়ে যাবে। কোথাও কোন রুক্ষতা, আলা থাকবে না। নতুন জীবন, নতুন আবহাওয়া। এ বাড়ীটা ছেড়ে দেবে। ব্যবসা করবে, বড়লোক হবে।

সুরেশ সে রাত ঘুমোতে পারল না। মাথার মধ্যে কত কি ভাবনা যে ঘুরপাক খেতে লাগল, কতবার উঠে মাথায় জল দিলে, তার আর ঠিক নেই।

পয়দিন রবিবার। সে বাজার করল। ছেলেদের আদর করল। অনেকদিন পর কাপড়-চোপড় কাচাতে স্ত্রীকে সাহায্য করতে গেল। স্ত্রীর সঙ্গে ছ'একটা রসিকতা করারও চেষ্টা করল। কিন্তু তার গভীর মুখ দেখে সে বেশি এগোতে সাহস করল না। শুধু মনে মনে বললে, আর কয়টা দিন শুধু যাক।

এমনি ক'রে সাত দিন কেটে গেল। কোথাও কোন গোলমাল মেই। কেউ তার কাছে এল না, কেউ কিছু জিজ্ঞেস করলে না। খবরের কাগজ তন্ন তন্ন ক'রে খুঁজে দেখত কেউ হারানো টাকার খোঁজ করছে কিনা, বা সেই রকম কিছু। মাঝে মাঝে বুকের কাছে বিবেক নাড়া দিয়ে ওঠে, কাজটা হয়ত ভাল হচ্ছে না। কিন্তু সঙ্গে সঙ্গেই সে মনের সঙ্গে বোঝাপড়া ক'রে নেয়; এত আশায় দৈব দিয়েছে। এত আমার। আমারই পাওয়ার কথা ছিল। তবে—

শুধু আপিসে না গেলেই নয়, অতি কষ্টে সে সময়টুকু বাইরে থাকে। তার পরই বাড়ী ফেরা, মস্তর্পণে বাস্তব খুলে দেখা— সব ঠিক আছে।

আর এক রবিবার। পাওয়া-দাওয়া তখন চুকে গিয়েছে। খাটে পা ঝুলিয়ে স্ত্রীকে বললে, ভাবছি এ বাড়ীটা ছেড়ে দেব। আর চাকরিটাও বেশি দিন করব না। নিজে একটা ব্যবসা-ট্যাবসা যা হোক করব।

ওর স্ত্রী ওর দিকে কটমট্ ক'রে চলে রইল। ও সেদিকে জ্ঞপ্তি না করে বললে, এ সময়ে তোমার বাবার সাহায্য পেলে খুব ভাল হয়। তার পর যেন হঠাৎ মনে পড়েছে এমনি ভাবে বললে, ভাল কথা, চল দেখি আজ বিকেলে একটু বেরোই। কিছু কেনা-কাটা করতে হবে।

ওর স্ত্রী ঝাঁঝিয়ে উঠল, আজ মাসের কত তারিখ, খেয়াল আছে? অত বড়-মান্নি ফলাচ্ছ যে! না, আজকাল নেশা-ভাঙ্ক কর?

সুরেশ অনেকদিন পরে প্রাণ খুলে দরাজ হাসি হাসতে লাগল। বললে, আশা গিয়েই দেখ না। টাকার ভাবনাটা না-হয় আজ আমার ওপরই ছেড়ে দাও।

তার পর বিকেল বেলা সেজেগুজে স্ত্রী ছেলেদেয়ে সঙ্গে নিয়ে বেরুল। রাস্তা থেকে একটা ট্যান্ডি নিয়ে সোজা উঠল বৌবাজারে প্রকাণ্ড এক গহনার দোকানে ট্যান্ডিওয়ালাকে ভাড়া দিতে গিয়ে প্রথম ত্রি টাকায় হাত দিলে, একটা পাঁচ টাকার নোট নিয়ে। ট্যান্ডিওয়ালার নোটটা নিয়ে তাকে কিবুতি চেঞ্জ দিয়ে আর এক সওয়ারি নিয়ে চ'লে গেল। কলকাতার ট্যান্ডিগুলোর ফুরসৎ নেবার সময় নেই। সুরেশ ভাবে, একটা ট্যান্ডি করতে পারলে বেশ হয়।

সুরেশের স্ত্রী ত অবাক হয়ে গেছে। তার পর সুরেশের অর্ডার মত দোকানের কর্মচারীরা যখন দামী দামী জড়োয়া হার বের করতে লাগল, আর সুরেশ বার বার তাকে পছন্দ করতে বলল, তখন তার মুচ্ছা যাবার মত অবস্থা হয়েছে।

সুরেশ যখন নাছোড়বান্দা, তার স্ত্রী একটা ভাল ডিজাইনের হার পছন্দ করলে। ইতিমধ্যে বড় খন্ডের দেখে মালিক নিজে আপ্যায়িত করতে এসেছেন। দাম বললেন, সাড়ে তিন হাজার। তার পর একজোড়া ব্রেসসেট, ইয়ারিং—তার দাম হ'ল দেড় হাজার। ছেলের জন্তে একটা আংটি, মেয়ের জন্তে একটা হার, ছ'গাছা বালা, সেও হ'ল সাতশো ষাট টাকা। সুরেশ যখন তার কোটের ভেতর-পকেট থেকে একগোছা একশো টাকার আর দশ টাকার, পাঁচ টাকার নোট বার ক'রে গুণে গুণে দোকানদারকে দিচ্ছিল, তার স্ত্রীর যেন আর কথা বলবার শক্তি নেই। সে অবাক হয়ে চেয়ে আছে, যেন স্বপ্ন দেখছে।

সুরেশ আড়চোখে তার দিকে চেয়ে শুধু মিটি মিটি হাসছে। দোকানদার নোট গুণে গুণে পরীক্ষা ক'রে হাতেই ধ'রে রইলেন, তার পর সুরেশের দিকে চেয়ে একটু মুহূ হেসে বললেন, আপনারা ভেতরে আমাদের রিসেপশন্ রুমে একটু বসুন। প্যাকিং করতে একটু সময় লাগবে।



তার দোকানের ভেতর দিকে নিভৃত একটা ঘরের মধ্যে বসল। কর্মচারীরা দামী কাপে চা দিয়ে গেল। সুরেশের জন্তে দামী সিগারেট।

ওর স্ত্রী আর কোঁতুহল চেপে রাখতে পারল না। বললে, হ্যাঁগো, এত টাকা তুমি কোথায় পেলে? অ্যা? আমার যে ভয় করছে।

সুরেশ হেসে বললে, ভয় কি! আমি কি চিরকাল গরীব থাকব, টাকা রোজগার করতে পারি না ভেবেছ?

ওর স্ত্রী তেমনি উৎকণ্ঠার সঙ্গে বললে, না, না, তুমি আমার কাছে লুকোচ্ছ! আমার সব যেন কেমন কেমন ঠেকেছে। সত্যি ক'রে বল না, এত টাকা তুমি কোথায় পেলে।

সুরেশ চায়ে চুমুক দিতে দিতে বললে, তোমার চা যে ঠাণ্ডা হয়ে যাবে, খাও, এঁরা আদর করে দিয়েছেন। বড় খদ্দেরদের কেমন খাতির করে দেখেছ?

সুরেশ অভ্যাসের বশে ভুলে গিয়েছিল যে, তার স্ত্রী এ সব অনেক দেখেছে, সেই কখনও দেখে নি।

বললে, ব্যস্ত হচ্ছে কেন? সব বলব। চল না, এর পর নিউ মার্কেটে তোমার জন্তে একটা বেনারসী শাড়ী, ব্রোকেডের ব্লাউজ কিনে একটা ভাল রেইনকোট যাব। আজ আর রান্নাবান্নার ঝঞ্জাটে কাছ নেই, ওখান থেকেই রাতের খাবার খেয়ে নেব। তার পর বাড়ীতে গিয়ে তোমায় সব বলব। তোমাকে একটুখানি অবাক ক'রে দেবার জন্তে আগে কিছু বলি নি।

ওর স্ত্রীর মুখে অনেকদিন পরে আজ প্রথম হাসি ফুটে বেরুল। মধুর চাপা তর্জন ক'রে বললে, ধন্তি চাপা লোক ত তুমি। বাক্সা, তোমার পেটে পেটে এত? আমি একবারে বিদ্যুৎবিদ্যুৎ জানতে পারি নি।

সুরেশ খুকীর মাথাটা আদর ক'রে নেড়ে দিবে বললে, কি খুকী মা, হার পছন্দ হয়েছে? মেয়েটা ভারী শাস্ত। তার কালো কোঁকড়ানো চুলভর্তি মাথাটা নেড়ে জানাল, সে খুব খুশী হয়েছে।

সেই দামী সিগারেটের প্যাকেট থেকে ছোটো সিগারেট পর পর শেষ ক'রে তিন নম্বর সিগারেট ধরিয়ে ধোঁয়া ছেড়ে সুরেশ যখন দরজার দিকে তাকাল, তখন তার মুখ শুকিয়ে এতটুকু হয়ে গেল, বুকের মধ্যে যেন ধপ্ ধপ্ ক'রে আওয়াজ হতে লাগল। তার হাত থেকে জলন্ত সিগারেটটা দামী কার্পেটের ওপর পড়ে গেল। ছ'তিন জন পুলিশ অফিসার, তাদের পিছনে দোকানের মালিক। এগিয়ে-আসে পুলিশ অফিসারের হাতে একতড়া নোট। ততক্ষণে ওর স্ত্রীও দেখতে পেয়েছে।

পুলিস অফিসার যেন ধমকিয়ে বললেন, এ টাকা আপনি দিয়েছেন?

সুরেশ স্তম্ভিতের মত বললে, হ্যাঁ। তার পর হঠাৎ মরিয়া হয়ে পাগলের মত টেঁচিয়ে উঠল, ও আমার টাকা—ও আমার টাকা—

পুলিস অফিসার ব্যঙ্গ ক'রে বললেন, সে ত নিশ্চয়ই। আপনার নিজে হাতে তৈরি করা টাকা। তার পর বজ্রাঘাতের মত প্রচণ্ড শক ক'রে বলে উঠলেন, এ সব জাল নোট।

আমরা সবাই একসঙ্গে আর্ডনাদের মত বলে উঠলাম—জাল নোট!

দিব্যন্দু বললে, হ্যাঁ, সব জাল নোট। সুরেশের স্ত্রীর মুখ দিয়ে একটাও কাতর চীৎকার বেরুল না। বার বার একটা মর্মান্তিক কথা তার মনে হতে লাগল। মাসের পর মাস সুরেশের অনেক রাত্রি ক'রে বাড়ী ফেরা, তার সেই বিভ্রান্তির মত চেহারা। তার কাছে দিনের আলোর মত সব পরিষ্কার হয়ে গেল। সে শুধু স্বামী দিকে আশ্বিন-ভরা চোখ তুলে কটমট্ ক'রে চেয়ে রইল। খোকন আর খুকীকে ছ'হাত দিয়ে সবলে বুকের মধ্যে চেপে ধ'রে যেন এই ছুর্যোগের ঝড় থেকে আড়াল ক'রে রাখতে চাইল।

তার পর সুরেশের পকেটে আরও চারহাজার, বাড়ী তল্লাসী ক'রে বাকি সব জাল নোট পুলিশ আটক করলে। তার স্ত্রী ছেলেমেয়েকে নিয়ে বহুদিন পরে চিরকালের মত বাপের বাড়ী চলে গেল। একবার সুরেশের দিকে ফিরেও চাইল না।

তার পরের ঘটনা সংক্ষিপ্ত। দিনরাত চলল অত্যাচার। পুলিশ টাকা-তৈরির কারখানার সন্ধান চায়। সুরেশ কোথা থেকে তা দেবে? তার স্বীকারোক্তিতে পুলিশ কানই দিল না। ধরা পড়লে সবাই এই

সব গল্প বলে। তার পর ছোট আদালত থেকে সেশনস আদালত। তার ভুলে জামিন চাইবার কেউ নেই, তার উকিল নেই, মামলা ত্বরিত করবার কেউ নেই। শেষের দিকে তার মা যখন খবর পেলেন, বাড়ী বিক্রি ক'রে তিনি উকিল ব্যারিষ্টার লাগালেন। কিন্তু অত প্রবল প্রমাণের বিরুদ্ধে ব্যারিষ্টার আর কি করবে। তার ছ'বছর জেল হ'ল। জজের রায় শুনে তার মা আদালত ঘরেই অজ্ঞান হয়ে পড়লেন। আর সেই রাত্ৰিতেই হাসপাতালে মারা গেলেন।

দিব্যেন্দু থামলে। কোন প্রশ্ন করবার মত মন আমাদের ছিল না। আমরা বেশ খানিকটা অভিভূত হয়ে পড়েছিলাম। দিব্যেন্দুর বলার গুণে আমাদের মনে হচ্ছিল, যেন একটা দুর্ভাগা জীবনের মর্মান্তিক ট্রাজিডি আমাদের সামনেই অস্তিনীত হচ্ছে।

দিব্যেন্দু আবার বলতে শুরু করলে, তার পর ছ'বছর পরে সুরেশ এক দিন জেল থেকে ছাড়া পেল। অনেক দ্বিধা, দুশ্চিন্তা নিয়ে সে শওরবাড়ীর গেটের সামনে দাঁড়াল। নতুন দারওয়ান তার বেশ-বাস দেখে ভেতরে ঢুকতে দিল না। ভেতরে চিঠি পাঠাল, কেউ তার সঙ্গে দেখা করতে চাইল না। হয়ত মিথ্যে করে ভেতর থেকে খবর এল, তারা সব হাওয়া বদল করতে বাইরে গেছে।

তার পর সুরেশ পথকে সম্বল করে বেরিয়ে পড়ল।

দিব্যেন্দু একটু থেমে আমাদের মুখের দিকে চাইলে, তার পর আবার বলতে লাগল, সুরেশ তার জীবনের দুঃখের কাহিনী এমন নিস্পৃহের মত বলেছিল যে, আমি তার দৃঢ়তা দেখে সত্যিই অবাক হয়ে গিয়েছিলাম, ভেবেছিলাম, ভাগ্যের হাতের এই প্রচণ্ড আঘাত সে প্রতিহত করার মত শক্তি কোথাও পেয়েছে। কিন্তু সে আমার ভুল ধারণা। অস্পষ্ট চাঁদের আলোর আমি তার মুখ ভাল দেখতে পাচ্ছিলাম না। এই কাহিনীর অভিঘাত সেখানে কি চিহ্ন রেখে যাচ্ছিল, তা জানতে পারি নি। হঠাৎ অসহ্য আবেগে বিকৃত তার গলার স্বর শুনে আমি চমকে উঠলাম।

আমার সব চেয়ে দুঃখ কি জানো, দিব্যেন্দু, আমার স্ত্রীর অনাদর আমার অনেকটা সয়ে গিয়েছিল। কিন্তু আমার খোকন, খুকী? তারা ত সত্যি কথা জানবে না, তাদের সামনে সারাজীবন ত আর মুখ দেখাতে পারব না। তারা যখন বড় হবে, যখন জানবে তাদের বাবা জালিয়াৎ, ভাল নোট তৈরি করে জেলে গিয়েছিল, তখন ঘেন্নায় তাদের মুখ কঁচকে উঠবে না? তারা আর বাবা বলে কাছে আসবে, আমার দিকে তাকাবে, কখনও কোনোদিন? তার পর ছেলেমানুষের মত ফুঁ পিয়ে ফুঁ পিয়ে সুরেশের সে কি কাণ্ড।

কিন্তু আশ্চর্য, হঠাৎ সেই কান্না থামতে না থামতেই সুরেশ উঠে দাঁড়াল। বললে, আমি যাই দিব্যেন্দু, আর না—তার পর অন্ধকারের মধ্যে সে যেন হাওয়ায় মিলিয়ে গেল। আমি চীৎকার করে ডাকলাম, সুরেশ শোন, আমার একটা কথা জবাব দিয়ে যাও। সেই নির্জন অন্ধকারে, সেই বিস্তৃত কেল্লার এক প্রান্ত থেকে আরেক প্রান্ত পর্যন্ত আমার ঐ কথাগুলিই শুধু অসংখ্য প্রতিধ্বনিত হতে গেল উঠল। আমি ঘাটে ফিরে এলাম। সেখানেও সুরেশকে দেখতে পেলাম না। ভাবলাম, কাল সকালে সুরেশকে যা জিজ্ঞেস করবার করব। পরের দিন, তার পরের দিন—প্রায় এক মাস ধরে অপেক্ষা করলাম। সুরেশ আর ফেরে নি। তার সেই ছকু, পুঁটলি, বিছানা—কিছুই সে নিয়ে যায় নি। কি তার লজ্জা, কি তার অভিমান, আমি কিছুই বুঝতে পারি নি। আজও না। আমার তাকে প্রয়োজন ছিল। বানিয়ে গল্প অনেক লিখেছি, যেমন ইচ্ছে শেন করেছি। কিন্তু এই সত্যি গল্পের একটা ভাল উপসংহার তৈরি করার আমার বড় ইচ্ছে ছিল। তার জন্তু ওর বউয়ের ঠিকানাটা আমার প্রয়োজন ছিল। আমার কেন জানি না বিশ্বাস হয়েছিল যে, আমি আবার সব ঠিক করে দিতে পারতাম। আমি এখনও হাল ছাড়ি নি, যদি কোনদিন সুরেশের সঙ্গে আবার দেখা হয়।

বিহ্বাৎ হঠাৎ একটা ভারি দীর্ঘনিশ্বাস ফেলে বললে, আশ্চর্য, তুমি ত কোনদিন আমার জিজ্ঞেস করো নি দিব্যেন্দু। আমি জানি, ওর বিয়েতে বরযাত্রী গিয়েছিলাম। আমাদের কলেজের আরও ছ'একজন বন্ধু গিয়েছিল। ভালভালার ওদিকে প্রকাণ্ড বাড়ী। কিন্তু জেনে ত আর কোন লাভ নেই।

দিব্যেন্দু চমকে উঠে বললে, কেন?

বিহ্বাৎ বললে, সুরেশের বউ, ছেলেমেয়ে কেউ বেঁচে নেই। ওদের দেশের বাড়ীতে যাবার সময় কাল-বোশেখী ঝড়ে নৌকো-ডুবি হয়ে সবাই মারা যায়। সুরেশের শাওড়ীও সেই নৌকায় ছিল।

দিব্যেন্দু যেন চীৎকার করে উঠল, তুমি কেমন করে জানলে ?

বিহ্বল বললে, গত বছর একটা উইলের ব্যাপারে ওর স্বত্তর আমার বাবার কাছে এসেছিলেন। ওঁকে চিনতে পেরে আলাপ করি, সেই সময় বলেছিলেন। কিন্তু সুরেশের এ সব কথা ত তিনি কিছুই বলেন নি। শুধু বলেছিলেন, ভাল আছে।

আমরা সকলেই এই পরিণতির জন্মে প্রস্তুত ছিলাম না।


দিব্যেন্দু শুধু বললে, ভাবো একবার, পাছে তার স্ত্রী, ছেলেমেয়ের সঙ্গে আবার দেখা হয়, এই ভয়ে সুরেশ বাংলা দেশ ছেড়ে কোথায় কোথায় না পালিয়ে বেড়াচ্ছে। কিন্তু সমস্তইটা যে মিথ্যে, সুরেশ তার বিন্দুবিসর্গও জানে না। সে শুধু ভাবছে, তার ছেলে বড় হচ্ছে, মেয়ে বড় হচ্ছে। তাদের কাছ থেকে ষত দূরে পালিয়ে থাকার যার, সেই তার জীবনের এখন একমাত্র কাম্য। দেখ, ভগবান বা ওই ধরণের কোন অল্প শক্তি ছাড়া এ ট্যাঙ্কেডি মাহুষের পক্ষে কল্পনা করা শক্ত। ভালই হয়েছে, সুরেশ পালিয়ে বেড়াক তার কল্পনা নিয়ে, সত্যের সামনে যেদ আর কোন দিন তাকে মুখোমুখি দাঁড়াতে না হয়।

আমি বললাম, আচ্ছা, সুরেশের জ্যোতিষী হওয়াটা কেমন যেন অদ্ভুত লাগছে না ?

দিব্যেন্দু বললে, আমিও এ রহস্য ভেদ করতে পারি নি। নিজের স্বাস্থ্যের ওপর দাঁড়িয়ে সে হয়ত মাহুষের দুর্বলতা নিয়ে খেলিয়ে কোন অদ্ভুত মানসিক সাস্থনা পায়। কি যে তার ঠিক মনের কথা, বলা কঠিন।

আমাদের আড্ডার আধুনিক শিল্পী শাস্ত্র কুলকারণি মারাঠি, কিন্তু বাংলা বলে ভালো, লেখেও ভালো। সে এতক্ষণ চুপ করে ছিল, গভীর মনোযোগ দিয়ে এই কাহিনী শুনছিল বললে, আমার হালের ছবি 'মহানগর ও পতঙ্গ' তোমরা ত সকলেই দেখেছ। সেই অনেক পতঙ্গের একটি সুরেশ। অদৃশ্য আশ্রয়ের ছটা সত্যি, দৈব শুধু নিমিত্ত।

আমাদের দ্বিতীয় দফার ধোঁয়া-ওড়া কফির কাপগুলো ছ'জন আর্দালি আমাদের সামনে সাজিয়ে সাজিয়ে দিতে লাগল।



## হরতন

শ্রীবিমল মিত্র

যে পেঁপুলবেড়ের বাঁওড় নিয়ে অত দর-কষাকষি মন-কষাকষি চলেছে, সেই পেঁপুলবেড়ের বাঁওড়ের ওপারেই দেখা গেল কুলি-কাবারি লোকজন সেদিন কোদাল-শাবল নিয়ে কাজ আরম্ভ করে দিয়েছে। মাঠের দিকে ভোরবেলা কারো নজরে পড়ে নি। বাঁওড়ের দিকে ভোরবেলা কে-ই বা যাবে।

কেষ্টগঞ্জ থেকে মাইল আড়াইটাক দূরের পথ। কেদারেশ্বর ভট্টাচার্য্যের আমলে ওখান থেকে মোটা আয় হ'ত। জলকর থেকেও বার্ষিক মোটা আয়ের বন্দোবস্ত ছিল। কর্তামশাইও সে জলকর ভোগ করেছেন। চণ্ডিতলার মালোরা ওখানে মাছের কারবার করত। বার্ষিক ডাক হ'ত। এক-একজন মালো-সর্দার সব সম্প্রদায়ের হয়ে জায়গাটা জমা নিত। সে কুড়ি বছর পঁচিশ বছর আগের কথা। তখন ইছামতীতে জল ছিল। বর্ষার সময় যখন নদীতে ঢল নামত তখন দুপাশের পাড় ভেঙে যেত। জায়গায় জায়গায় পাড়ের মাটিতে ধস নামত। সেই জল পাড় ছাপিয়ে সময়-সময় ডাঙায় এসেও উঠত। ধান-ক্ষেত পেরিয়ে জলের তোড় নাবালু জমির ওপর দিয়ে ওই পেঁপুলবেড়ের বাঁওড়ের গর্ভে গিয়ে পড়ত। একটানা তিন দিন বৃষ্টি হ'লে আর দেখতে হ'ত না। ইছামতী আর বাঁওড় একাকার হয়ে যেত। তখন পোলো নিয়ে বেরিয়ে পড়ত মালোরা। কেষ্টগঞ্জের মানুষ-জনও কুড়ি-গামছা নিয়ে মালকৌচা মেরে নেমে পড়ত ধান-ক্ষেতের ওপর। কার ধান-ক্ষেত কার বাঁওড়, তখন আর তার হিসেব থাকে না। মালোপাড়ার লোকেরা তখন সমস্ত রাত ধরে বাঁওড়ের চারধারে বাঁধ দেবার চেষ্টা করে। বড় বড় গাছের গুঁড়ি আর মাটি ফেলে ফেলে মাছ আটকে রাখবার চেষ্টা করে। সে ক'দিন কেষ্টগঞ্জে মাছের গন্ধে বাতাসও আঁশটে হয়ে ওঠে।

কিন্তু তার পর কি যে হ'ল, ইছামতীর সে তেজও ক্রমে কমে এল। কেষ্টগঞ্জের দক্ষিণে চাণ্ডিপোতার দিকে রেলের নতুন পুল তৈরি হ'ল আর জলের তোড় কমে এল। তখন এক নাগাড়ে দশ দিন বৃষ্টি হলেও পাড় ছাপিয়ে জল আর ডাঙায় ওঠে না। বাঁওড়টা শুকোতে শুকোতে একেবারে ফুটিফাটা হয়ে উঠল। চোত-বোশেখ মাসে রাখালরা গরু, মোষ, ছাগল চরাতে নিয়ে যেত ঐ পেঁপুলবেড়ের বাঁওড়ে। বেশ বড় বড় মানুষ-সমান গজাল ঘাস জন্মায় ওখানে। পেট পুরে খেয়ে বাঁচে গরু ছাগল।

কিন্তু সেই সময় থেকেই কর্তামশাইয়ের খারাপ সময় পড়ল।

আর জলকর দেয় না কেউ। কেউ আর জমা নেয় না বাঁওড়। এককালের সেই জম-জমাট গা ছম-ছম-করা বাঁওড় কাঁকা আকাশের নীচে ধু ধু করে। আর সেই দিকে চেয়ে চেয়ে কর্তামশাইয়ের বুকটা হু হু করে ওঠে। ঐ বাঁওড়টাই ছিল যেন কর্তামশাইয়ের হৃদপিণ্ড। সেই হৃদপিণ্ডটাই শুকিয়ে গিয়েছিল। আর সেই সঙ্গে হরতনও চ'লে গিয়েছিল, ফটিকও নিরুদ্দেশ হয়ে গিয়েছিল, বউমা একলা ছিল—সেও একদিন সব মায়া ত্যাগ করে চ'লে গেল, থাকবার মধ্যে তিনি একলাই রইলেন।

নিবারণ যথারীতি সকালবেলা বাজারে গিয়েছিল। বাজারেই খবরটা প্রথম শোনা গেল।

হলধর পশ্চিমপাড়ার চানী, সেও বাজারে এসেছে।

বললে—সরকার মশাই, কর্তামশাই কি বাঁওড়টা বেচে দিলেন ?

নিবারণ অবাক হয়ে গেল। বললে—কেন ? বেচতে যাবেন কেন ?

—তা হ'লে পথ ধেরাও করে দিচ্ছে যে সা' মশাইয়ের লোক। আমি বাজারে আসবার পথে দেখে এলাম—

পথ ধেরাও করে দিচ্ছে ! কথাটা যেন ব্যাকা ব্যাকা মনে হ'ল। আর দাঁড়াতে পারলে না এক মুহূর্ত। হাঁকতে হাঁকতে আড়াই মাইল পথ পেরিয়ে যখন পেঁপুলবেড়েতে পৌঁছাল নিবারণ, তার আগেই সব কাজ শেষ



হয়ে গেছে। বাঁওড়ের একটা দিক পুরো বেড়া দেওয়া হয়ে গিয়েছে। নিতাই বসাকবাবুর ম্যানেজার সদানন্দ তাঁদারুক করছে আর অমন শ'তিনেক মজুর পুরোদমে হেঁইও-হেঁইও ক'রে কাজ করছে।

নিবারণ খানিকক্ষণ সেখানে দাঁড়িয়েই দম নিলে।

সদানন্দ ছাতার আড়ালে দূর থেকেই দেখেছিল নিবারণকে। কাছে আসতেই বললে—আসুন সরকার মশাই, ছাতার তলায় আসুন—যেমে নেয়ে উঠেছেন একেবারে—

ছাতার তলায় নিবারণ গেল না। তার মুখ দিয়ে কথাও যেন আর বেরোতে পারছে না।

সদানন্দ আবার বললে—আহা, কি মাটি দেখছেন, যেন সোনা—

ব'লে নিচু হয়ে হাতের আঁজলায় ধুলো তুলে নিলে।

নিবারণ সেদিকে দেখলে না। বললে—তুমি কার হুকুমে বাঁওড়ে মজুর লাগিয়েছ ওনি? কে এখানে আসতে হুকুম দিয়েছে তোমাদের?

সদানন্দ বললে—তার মানে?

—তার মানে তুমি ভালো ক'রেই জানো সদানন্দ। এ বাঁওড়ের মালিক তোমার কর্তা নয়, মালিক এখনও বেঁচে আছেন, তিনি এখনও মারা যান নি—তা ত জানোই?

সদানন্দ বললে—আজ্ঞে সরকারমশাই, আমি ত তা জানতাম না—

—তুমি জানো না যে কর্তামশাই বেঁচে আছেন?

সদানন্দ বললে—আজ্ঞে সে কথা বলছি না, আমি বলছি বাঁওড় ত হাত-বদল হয়ে গেছে।

—হাত-বদল হয়ে গেছে কি রকম?

—আজ্ঞে এ বাঁওড় ত সা' মশাই কিনে নিয়েছেন।

কথাটা সদানন্দ নিরাসক্ত হয়েই বললে। কিন্তু নিবারণ যেন আকাশ থেকে পড়ল।

বললে—দেখ সদানন্দ, দেখে অরাজক হয়েছে বটে কিন্তু তা হ'লেও এখনও আকাশে চন্দ্র-সূর্য্য উঠছে, তা জানো? আদালতে গেলে সা' মশাইয়ের দশাটা কি হবে, তাও বোধ হয় ভাল ক'রে বুঝিয়ে বলতে হবে না তোমাকে। এখনও বলছি, তোমার লোকজনদের খামতে বলা, নইলে শেষে কেঁদে কুল পাবে না তোমার বাবু—এই ব'লে রাখছি।

সদানন্দ একটু উত্তেজিত হয়ে উঠল।

বললে—আদালতই যদি দেখাবেন ত কষ্ট ক'রে আর এই রোদ্দুহরে কেন মিছিমিছি দাঁড়িয়ে আছেন, যান না, আদালতেই যান না—

নিবারণও সচরাচর এমন উত্তেজিত হয় না কখনও।

বললে—ভাল কথা বললাম আর তুমি আমাকে আদালত দেখালে সদানন্দ? আদালতে যেতে পারিনি ভেবেছ? কর্তামশাইয়ের অবস্থা খারাপ হয়েছে ব'লে কি আদালত করবার ক্ষমতাটুকুও নেই মনে করেছ?

সদানন্দ আর পারলে না। বললে—যান্ যান, যা পারেন করুন গে যান, মেলা বকবেন না—

—কি বললে?

ওদিকের লোকজনদেরও বোধহয় শেখান ছিল। হঠাৎ নিবারণ চারদিকে চেয়ে কেমন হকুচকিয়ে গেল। হঠাৎ নজরে পড়ল, তার আশে-পাশে চারদিকে অসংখ্য লোক যেন তাকে ঘিরে ধরেছে। চারদিকে ভাল ক'রে দেখে নিয়ে যেন তার মাথাটা ঘুরে গেল বন্ বন্ ক'রে। ঝাঁ-ঝাঁ করছে রোদ্দুর। মাথার তালু ফেটে যাচ্ছিল এতক্ষণ। এবার যেন তা ফুটিকাটা হয়ে গেল। যতক্ষণ জ্ঞান ছিল ততক্ষণ মনে আছে যেন সবাই তার সামনে একেবারে মুখের ওপর ঝাঁপিয়ে পড়েছে। আর কিছু দেখতে পাচ্ছে না, আর কিছু শুনতে পাচ্ছে না, আর কিছু বুঝতেও পারছে না। সব একাকার হয়ে গিয়েছে...

এমনিতে কর্তামশাই-এর কাছে যা-কিছু খবরাখবর আসে তা নিবারণের মারফতই আসে। আগে যখন চোখ ভাল ছিল তখন তিনি খবরের কাগজ কিনতেন, লোককে দিয়ে তা পড়িয়ে নিতেন। আর কেউগণের নানারকম

লোক এসে এটা-ওটা নানা খবর মুখেও ব'লে যেত। ইদানীং তা বন্ধ হয়ে গিয়েছিল। লোকজন এখন সবাই ষার হুলাল না'র বাড়ীতে।

নিবারণ সেই সকালবেলা বাজারে গিয়েছিল, তার পর বেলা হতে চলল, তখনও দেখা নেই।

বড়গিরী যথারীতি উহুনে আঙন দিয়েছিল। তিনটে মাহুঘের ত ভারি রান্না। ফুস ক'রে দেখতে-না-দেখতে রান্না হয়ে যায়। তার পর আর কোনও কাজ থাকে না। একটা কথা বলবার লোকও নেই বাড়ীতে। বড়গিরীরও ত ব্যয়স হয়েছে। ছেলে বউ নাতনী সব গেছে। একটা মেয়ে এসে কাজ-কর্ম একটু ক'রে দেয়। বাটনাটা বেঁটে দিলে। ঘরটা কাঁট দিয়ে দিলে। কিছা কাপড় ক'টা সেদ্ধ ক'রে দিয়ে গেল। তার পর একখালা ভাত নিয়ে আবার নিজের বাড়ী চ'লে গেল।

রাতে সরষের তেল গরম ক'রে নিয়ে কর্তামশাই-এর কাছে এসেও বড় একটা কথা হয় না। বড় কম কথার মাহুঘ। সেদিন কেউ মালোর খোঁজ করতে যাওয়ার পর থেকেই কর্তামশাই একটু যেন চঞ্চল হয়ে উঠেছেন। নিবারণের কাছে কথাটা শুনে পর্যন্ত মনটা ছটফট করছিল।

নিবারণ বলেছিল, সে বলেছে সে নিজে আপনার কাছে আসবে একবার—আপনাকে বেতে হবে না—

কর্তামশাই বলেছিলেন, তা তুমি তাকে একেবারে সঙ্গে ক'রে নিয়ে এলে না কেন ?

—আজ্ঞে সে তখন নাতির বাড়ীতে যাচ্ছিল, তাই আসতে পারলে না। নাতির বাড়ি সেই মোহনপুরে। মোহনপুর থেকে এসেই দেখা করবে বলেছে—

—তা এতদিন হয়ে গেল, এখনও আসছে না কেন ?

—আজ্ঞে মোহনপুর ত এখানে নয়, সেখানে যাবে, নতুন জায়গায় গেলে কি একদিনের মধ্যে ফিরে আসতে পারে ? সে বলেছে, হরতনের সংকারের সময় সে হাজির ছিল, ছোটবাবু চণ্ডীতলার ঋণানে গিয়ে কেউ মালোকে খবর দিয়েছিল—কেউ মালোই লোকজন ডেকে কাঠ জোগাড় করেছিল—

—তার পর ? সংকার হয়েছিল ?

নিবারণ বলেছিল, কেউ মালো কাঠের ব্যবস্থা ক'রে দিয়ে চ'লে গিয়েছিল নিজের বাড়ীতে, তার পর বুড়ো মাহুঘ ঝড়-জল আসছে দেখে আর থাকে নি, নিজের বাড়ী চলে গিয়েছিল—

—তা হ'লে সংকার হয় নি ?

নিবারণ বলেছিল—তার বেশি কিছু বলতে পারলে না সে। কেউ মালো বললে, আর কে কে ছিল তা ত মনে পড়ছে না, আর বুড়ো মাহুঘ সব মনেই নেই তার—

—তা তুমি বললে না কেন আর কাউকে জিজ্ঞেস ক'রে খবরটা নিতে ? মালো-পাড়ার আরও ত অনেকে ছিল সেদিন—

—তাও বলেছিলাম ! তা তখন যাবার জন্তে তৈরি, আমি আর কিছু বললাম না।

—তা তুমি নিজেই কাউকে জিজ্ঞেস করলে না কেন ? মালো-পাড়ায় ত গিয়েই ছিলে—

নিবারণ বলেছিল—কেউ মালো নিজেই বললে, সে মোহনপুর থেকে ফিরে এসে খোঁজ-খবর নেবে, তাই আর আমি কিছু করলাম না, ফিরে এলাম।

কর্তামশাই-এর মনঃপুত হ'ল না কথাটা। এতটুকু আক্কেল যদি থাকে। কোনও মাহুঘকে দিয়ে একটা কাজ হবার নয় ! তবু দু'দিন অপেক্ষা করলেন। ভাবলেন, কেউ মালো বুঝি এল ব'লে। রোজ সোর বেলা সুর থেকে উঠেই বাইরের দিকে চেয়ে দেখেন। চোখে তেমন নজর নেই। রাস্তার লোকজনদেরও চিনতে পারেন না। তবু চেষ্টা করেন। নিচের নেমে এসে জিজ্ঞেস করেন—কই, কেউ মালো এল ?

—আজ্ঞে না, এখনও ত এল না।

—এলে আমাকে ডাকবে !

—আজ্ঞে তা ত ডাকবই। আপনার সঙ্গেই ত সে দেখা করতে আসবে।

—সে ত আসবে, কিন্তু আসছে কই ?

নিবারণ বলত—আজ্ঞে সে মোহনপুরে গেছে, ফিরে এলেই আসবে—কথা যখন দিয়েছে তখন নিশ্চয়ই আসছে, কেউ মালো সে রকম লোক নয়—

কর্তামশাই রেগে যেতেন।

বলতেন—কেষ্ট মালো কি রকম লোক সে আমাকে তোমার আর শেখাতে হবে না। কিন্তু আসছে না কেন তুমি ?

বেশিকণ কথা বললে পাছে মাথা গরম হয়ে যায় তাই আর কথা বলতেন না কর্তামশাই। সোজা আবার ওপরে গিয়ে উঠতেন। দিনের মধ্যে বার তিন-চার ওঠা-নামা করতে করতেই বুকটা টন্ টন্ করে উঠত। তার পর সমস্ত চোটটা গিয়ে পড়ত বড়গিন্নীর ওপর। যেন বড়গিন্নীরই সব অপরাধ। বলতেন—না না, আর তেল মালিশ দরকার নেই।

তবু হাতটা বাড়িয়ে দিত বড়গিন্নী। সারা জীবন কর্তামশাই-এর চোটপাট সহ্য করে এসেছে। মাহুষটাকে চেনা হয়ে গিয়েছে তার। বলত—একটু মালিশ করি, দেখবে ঘুম আসবে—

—ঘুম এসে কি হবে আর ? একেবারে মরণ ঘুম এলেই বাঁচি আমি !

তার পর একটু নরম হতেন যেন। বলতেন—এই দেখ না, কেউ কোনও কন্ডের নয়। নিবারণকে পাঠালাম কেষ্ট মালোর কাছে, তা একটা কাজ যদি হয় নিবারণকে দিয়ে। লোকটা ব'লে গেল সে বেঁচে আছে, আর একটু চেঁচা-চরিত্র করে দেখলে ক্ষতিটা কি ? সবাইকে যা-যা বলেছে সমস্ত মিলে গেছে, আর এটা মিলবে না ? বেঁচে যদি থাকে ত এখন আঠার বছর বয়েস হয়েছে তার, তা জান ? তোমারও ত একটু ভাবনা-টাঁবনা কিছু নেই ! যত ভাবনা সব একলা আমি ভাবব ? তোমার কি একটু মায়া-দয়াও হয় না হরতনের জন্তে ?

অন্ধকারে বড়গিন্নীর মুখটা দেখা গেল না।

তুধু বললে—আমার কথা ছেড়ে দাও—

—তা ত ছেড়েই দিয়েছি, আমার আর কে আছে : আমার কথাটা কেউ ভাবে না। এই যে চোখের ওপর ছুলাল সা' জমি-জমা টাকা-কড়ি হরিসভার নাম করে আমার কাছ থেকে ঠকিয়ে নিলে, কে তার জন্তে ভাবছে ? সে-কথা আমি তোমায় বলতে গেছি ? না তুমিই কোনও দিন তনতে চেয়েছ ?

বড়গিন্নী এ কথারও উত্তর দিলে না।

—বেশ হয়েছে, ভালই হয়েছে। জাহান্নমে যাক সব। আমার কি ? আমি ত ড্যাং-ড্যাং করে চলে যাব ! তখন তোমরাই বুঝবে ! আমি ত আর জমি-জমা কিছু সঙ্গে নিয়ে যাব না। আমি যাবার পর তোমার খাওয়া-পরার কষ্ট যাতে না হয়, তাই এত ভাবি ! নইলে ছুনিয়াতে কে কার ?

এই রকম আবোল-তাবোল কত কি বকতেন রোজ।

কিন্তু সেদিন সকাল বেলা ঘুম থেকে উঠেই আবার ধপ্ ধপ্ করে সিঁড়ি দিয়ে নিচে নেমে এলেন। নিবারণ সবে তখন মুখ হাত পা ধুয়ে জামা গায়ে দিচ্ছে। কর্তামশাই এসেই জিজ্ঞেস করলেন—কি ? আবার সেজেগুজে কোথায় যাচ্ছ ? কোন্ রাজকার্য করতে যাচ্ছ তুমি ?

নিবারণ বললে—কোথাও যেতে বলছেন আমাকে ?

কর্তামশাই বললেন—কোথায় আবার যেতে বলব তোমাকে ? কোন্ কাজটা তোমার ঘারা হয় তুমি ? কোন্ উপকারটা হয় তোমাকে দিয়ে ?

—আজ্ঞে, আপনি বলুন কোথায় যেতে হবে ?

—আমি বলব তবে তুমি যাবে ? তোমার নিজের একটা আকল বিবেচনা নেই ? সেই যে কেষ্ট মালোর কাছে গিয়েছিলে, তার পর এতগুলো দিন কেটে গেল, তবু সে আসছে না। তা তুমি একবার যেতে পারলে না তার কাছে ? একবার গিয়ে দেখে আসতেও পারলে না যে সে মোহনপুর থেকে ফিরে এসেছে কি না !

নিবারণ একটু বিব্রত বোধ করলে।

বললে—এই এখনি যাচ্ছি কর্তামশাই—

—আমি মনে করিয়ে দেব, তবে তুমি যাবে ! কেন ? তোমার মনে একবার কথাটা উদয় হয় না যে, কর্তামশাই ভেবে ভেবে অস্থির হয়ে যাচ্ছেন, দিনে বিশ্রাম নেই, রাতে ঘুম নেই, যাই, একবার মালো-পাড়ায় গিয়ে দেখে আসি কেষ্ট মালো ফিরে এল কি না !

এর পর আর দাঁড়ায় নি নিবারণ। বাজারের থলিটা নিয়ে বেরিয়েছিল। তাড়াতাড়ি কেষ্টগঞ্জের বাজারটা

সেই তার পর কেঁরবার পথে মালো-পাড়াটা ঘুরে বাড়ি ফিরে আসবে। বড়গিন্নীও উহুনে আঙন দিয়ে ব'সে ছিল। মেয়েটা বাটনা বেঁটে দিয়েছে। ছ' বালতি জল তুলে দিয়েছে রান্নাঘরে। তখনও সরকারমশাই ফিরছে না।

পাড়ার মেয়ে। বহুদিন থেকে কাজ-টাজ ক'রে আসছে। আগে মা কাজ করত, এখন মেয়েটা। হাত-হুড়বুড় একটা লোক না হলে চলেই বা কি ক'রে!

বড়গিন্নী বললে, তুই এবার বাড়ী যা গৌরী, তোর মা আবার ভাববে—

গৌরী বললে, তুমি রান্না চড়াবে না মা?

—বাজারই এখনো আনে নি সরকারমশাই, রাখব কি?

তা গৌরী আর কতক্ষণ থাকবে! সেও একসময়ে চ'লে গেল। ভাতের হাঁড়ি চড়িয়ে বড়গিন্নী ব'সে ছিল। ভাত নামল। বড়গিন্নী ভাতের ফ্যান গাললে। তারপর ডাল চড়াল। ডালও হয়ে গেল। তার পর রান্নার আর কিছু নেই। তার পর রান্নাঘরে অনেকক্ষণ ব'সে রইল চুপচাপ। সামনের উঠোনটায় রোদ বেঁকতে বেঁকতে পূবের দালানে গিয়ে সঙ্কীর্ণ হয়ে এল। ছায়া-ছায়া হয়ে এল জায়গাটা। তখনও সরকারমশাই-এর দেখা নেই। সমস্ত বাড়ী তখন রাত-ছপুরের মতন নিঃশব্দ হয়ে টা-টা করছে।

হঠাৎ বাড়ীর সদরে কাদের যেন গলা শোনা গেল। হৈ-চৈ করতে করতে কারা এসেছে সদরে।

কর্তামশাইও চম্কে উঠেছিলেন। বাপ'সা চোখে স্পষ্ট দেখতে পান নি প্রথমে। সামনের কালকাস্তুরির বন ঠেঙিয়ে সরু পায়ে-চলা পথটা ধ'রে যেন অনেক লোক আসছে সদরে। কাছে এলেও চিনতে পারলেন না।

—কে? কে তোমরা?

আজকাল ত তেমন কেউ আগেকার মতন আসে না। তাই একটু অবাকুই হয়ে গিয়েছিলেন।

—আমি হলধর, কর্তামশাই।

হলধরকে চিনতেন কর্তামশাই। কর্তামশাই-এর খাস প্রজা। হঠাৎ সামনে যেন ভূত দেখলেন কর্তামশাই। নিবারণের সারা গায়ে রক্তের ছিটে লেগে আছে। কর্তামশাই চোখ দুটো আরো নামালেন।

—নিবারণ না? কি হ'ল এর?

আরো অনেক লোক জমে গিয়েছিল ঘরের ভেতর। তারা সবাই সরকারমশাইকে ওইয়ে দিলে তরুপোশটার ওপর। নিবারণের মুখ দিয়ে তখন কথা বেরুচ্ছে না। মাথাতেই বোধহয় চোটটা লেগেছিল বেশ। চিঁ চিঁ ক'রে একটু কথা বলতে যাচ্ছিল। তার আগেই হলধর বললে, কেষ্টগঞ্জের বাজারে আমার সঙ্গে দেখা হয়েছিল সরকার মশাই-এর, তা আমি জিজ্ঞেস করলাম—কর্তামশাই কি পেঁপুলবেড়ের বাঁওড়টা বেচে দিলেন?

কর্তামশাই আকাশ থেকে পড়লেন। বললেন, কি বললে হলধর? পেঁপুলবেড়ের বাঁওড় আমি বেচেছি? বেচব কেন? কাকে বেচব?

—আজ্ঞে সা' মশাইকে! তাই ত শুনলাম!

—হুলাল সা'কে বেচেছি? সেই পাশঙটাকে আমি পেঁপুলবেড়ের বাঁওড় বেচেছি? আমার কি মাথা ধারণ হয়েছে?

সমস্ত ব্যাপারটা শুনে তেলে-বেগনে জলে উঠলেন কর্তামশাই। এত পাশঙ হুলাল সা'! বহুদিন থেকেই মতলব আঁটছিল বাঁওড়টা নেবার জন্তে। সুগার মিল করবে! ধর ধর ক'রে কাঁপতে লাগলেন কর্তামশাই সেইখানেই দাঁড়িয়ে দাঁড়িয়ে। হঠাৎ যেন মনে হ'ল তাঁর বাস্তবিতের মাটিটুকু পর্যন্ত তাঁর পায়ের তলা থেকে সরে যাচ্ছে। কেদারেশ্বর ভট্টাচার্য্যের বংশের সমস্ত ঐশ্বর্য্যটুকু যেন এক মুহূর্ত্তে ধূলিসাৎ হয়ে গেল তাঁর চোখের সামনে। ওইটুকুই বলতে গেলে বাকি ছিল। আর ত বড় বড় জমি-জমা সবই গেছে একে একে। এই বাঁওড়টার ওপরই নির্ভর ক'রে ছিলেন তিনি। এইটি গেলে তাঁর আর'কি থাকবে? তাঁর বাস্তবিতটুকু? সেটা যেতেই বা কতক্ষণ?

যারা নিবারণকে ধ'রে নিয়ে এসেছিল তারা তখনও দাঁড়িয়ে ছিল। তারা ছ'পঙ্কের কেউই নয়। কোনও পঙ্কেরই লোক নয় তারা। অথচ যেন ছ'পঙ্কেরই। ছ'পঙ্কের উত্থান-পতনের ছন্দে তারাও ওঠে-নামে।

—ডাক্তারবাবুকে একবার খবর দিয়ে আসি কর্তামশাই।



ব'লে একজন চ'লে গেল। কর্তামশাই নিবারণের মুখের ওপর চোখ নীচু ক'রে দেখছিলেন। কে বুঝি নিবারণের কাপড়টাই ছিঁড়ে মাথায় ফেটি দিয়ে বেঁধে দিয়েছে। তার ওপর রক্তের দাগ লেগে চাপড়া হয়ে গেছে। কর্তামশাই জিজ্ঞেস করলেন, ওরা তোমাকে মারতে গেল কেন নিবারণ? কী করছিলে তুমি?

নিবারণের চোখ দিয়ে জল পড়তে লাগল গড়িয়ে গড়িয়ে।

—কে বললে তোমাকে বাঁওড় বেচার কথা?

নিবারণ আন্তে আন্তে বললে—কর্তামশাই, এর শোধ একদিন ভগবান্ ঠিক নেবেন।

—ভগবানের কথা থাক্ নিবারণ; এত বয়েস হ'ল তোমার, এত দেখলে, তবু ভগবানের নামে নাশিশ করছ?

—আজ্ঞে কর্তামশাই, তা ব'লে চন্দ্র-সূর্য্য ত এখনও উঠছে!

—তা উঠুক! কেন মারলে তোমাকে ওরা তাই বল? তুমি ওদের গায়ে হাত তুলেছিলে?

নিবারণ বললে, আজ্ঞে সদানন্দ তদারক করছিল, সে বললে সা'মশাই নাকি বাঁওড় কিনে নিয়েছে! তাতে আমি বললাম, কর্তামশাই জমি বেচলে আমি টের পাব না? তার পর আর জানি না কি হ'ল।

কর্তামশাই রাগে গর গর ক'রে উঠলেন।

বললেন, হারামজাদা গুলোরের বাচ্ছা মনে করেছে কি? গরীব হয়ে গেছি বলে ভেবেছে কি আমি ম'রে গেছি? থানা-পুলিশ-আদালত-গভর্ণমেন্ট কিছু নেই?

হলধর বললে, কর্তামশাই, খানায় খবর দিন, আমরা সাক্ষী দেব।

নিবারণ হাত নাড়তে লাগল। চি চি ক'রে বললে, না, না—

কর্তামশাই ব'লে উঠলেন, তোমার কিসের ভয় নিবারণ, ছ'টো টাকা হয়েছে ব'লে বে-আইনী কাজ ক'রে যাবে আর আমরা মুখ বুজে সহ্য করব?

হঠাৎ বাইরে একটা গাড়ীর শব্দ হ'ল। সবাই চেয়ে দেখলে অবাক্ কাণ্ড! কালকান্দুর ঝোপেখানে শেষ হয়েছে, সেই সরু হাঁটা-পথটার মুখের সামনে ছলল সা'র মটর গাড়িটা এসে দাঁড়াল। কীর্তীশ্বর ভট্টাচার্য্য চোখে দেখতে না পান, ছলল সা'র গাড়ির শব্দটা চিনতেন। সেই দিকে চেয়ে তিনি দৃষ্টিটাকে আরও তীক্ষ্ণ ক'রে দিলেন। কিন্তু তবু কিছু ঠাহর করতে পারলেন না।

হলধর বললে, সা'মশাই-এর গাড়ি—

কর্তামশাই মনে মনে নিজেকে তৈরি ক'রে নিলেন।

আজ্ঞ আর কোনও মায়া-দয়া নেই। সারা জীবন জালিয়েছে ছলল সা'। বিনয়ের ছদ্মবেশ ধ'রে বরাবর তাঁর মুখের গ্রাস কেড়ে নিয়েছে। একে একে তাঁরই চোখের সামনে কেঁপেগেঁপে মাথা তুলে দাঁড়িয়েছে। তাতেও খুশী হয় নি। এখন জোর জবরদস্তির পথ ধ'রে কীর্তীশ্বরকে সমূলে ধ্বংস করতে চায়। এত বাড় বেড়েছে তার।

হলধর হঠাৎ আবার ব'লে উঠল—না কর্তামশাই সা'মশাই নয়, নতুন-বৌ—

নতুন-বৌ! ছলল সা'র পুত্রবধু।

নতুন-বৌ গাড়ি থেকে নেমে সোজা আসতে লাগল। কর্তামশাই কিছুই দেখতে পাচ্ছিলেন না। যেন ছায়ার মত একটা মূর্তি তাঁর সামনে এসে দাঁড়াল। সামনে এসেই একেবারে তাঁর পায়ে হাত দিয়ে প্রণাম ক'রে হাতটা মাথায় ছোঁয়াল।

—আমি নতুন-বৌ জ্যাঠামশাই!

কর্তামশাই নতুন-বৌ-এর মুখখানার দিকে একদৃষ্টে চেয়ে রইলেন। কী বলবেন বুঝতে পারলেন না।

(ক্রমশঃ)



# ঈশ্বরশাস্ত্র



## হিংস্র উদ্ভিদ

আমাদের এই পৃথিবীতে, অবিদ্যমান হ'লেও, ঠিক পাঁচশ' রকমের এই ধরণের হিংস্র গাছ আছে।

এরা মাংসাদি। এরা খালি যে বাতাস অথবা মাটির উপর ঝাঞ্ঝের জন্ত নির্ভর করে তা না, জন্ত-জগতেও এরা ঝাঞ্ঝের সন্ধান করে।

যে কোন ধূঁক শিকারীর মতই এই খুনী-গাছগুলি শিকারের সন্ধানে অপেক্ষা ক'রে থাকে, তার পরে তাদের ধ'রে ধেরে ধেরে।

গাছের পক্ষে এইরূপ অস্বাভাবিক ধরণের ঝাঞ্ঝ সংগ্রহ ওদের কেন? তার কারণ হচ্ছে, ওরা সাধারণতঃ লবণাক্ত জলাভূমিতে, যেখানে নাইট্রোজেন নেই সেই রকম জায়গায় জন্মায়—এই নাইট্রোজেন সমস্ত গাছপালার পক্ষে জীবনধারণ করবার জন্ত দরকার। সুতরাং যে ভাবে তারা এই নাইট্রোজেন আহরণ করে তাতে তাদের প্রকৃতির সবসেরা আশঙ্ক্য বস্ত্র ব'লে পরিগণিত করা যেতে পারে।

গ্যাডার ওয়াট নামক একটি গাছ—এটি একটি জলজ গাছ, জলের উপরে জন্মায়। এর পাতাগুলি ছোট ছোট ব্যাগে ভর্তি। একটি পোকা জলে সাঁতার দিতে দিতে এই গাছটির সবুজে কিছুমাত্র সন্দেহ অনুভব করে না। কিন্তু বেই ব্যাগের মুখের কাছে ছুঁচোল লম্বা চুলের একটি ছোঁয়, অমনি ব্যাগটি বিস্ফারিত হয়ে ওঠে। বেই এটা ঘটে, অমনি একটা দরজা খুলে যায়, আর জলের শ্রোতের সঙ্গে সঙ্গে পোকাটিও ব্যাগের মধ্যে ঢুকে যায়।

উদ্ভিদ জগতের আরেকটি আশ্চর্য্য বস্তু হচ্ছে পিটার ম্যাট বা কলসী গাছ। এটি একটি উষ্ণ রঙের পাতাওয়ালা গাছ, জলাভূমিতে এর বাস—এটি পোকামাকড়দের ভুলের উপর ঝাঞ্ঝের জন্ত নির্ভর করে না। নিজের উষ্ণ রঙ, হলদে, লাল, বেগুনী যেমনই হোক না কেন, এই দিয়ে শিকার আকর্ষণ করে। অথবা কোন কোন ক্ষেত্রে এমন একটা পক্ষ ছাড়ে যার নাকি পোকাদের কাছে দুর্দমনীয় আকর্ষণ।

প্রকৃতি বোধহয় সান্ডিট গাছের মত নিরীহ দেখতে অথচ এত মারাত্মক আর কোন গাছ সৃষ্টি করে নি। এর গোলাকৃতি পাতাগুলি জলের স্তর পদার্থে ভর্তি—যেটি সূর্যালোকে চক্চক করে—কোন কোন পোকা, এই যে তরল পদার্থ যেটি সূর্যালোকে ঝকঝক করে সেইটের দ্বারা আকৃষ্ট হয়—কোনগুলি আবার ওই তরল পদার্থটির গন্ধেও হয়। একটি পোকা বেই এই চুলগুলির একটিকে বসে অমনি কাছাকাছি যে সব চুল আছে ওর উপর ঝুঁকে পড়ে। শিকার মুক্তি পাবার আগেই এই চুলগুলি তাকে জড়িয়ে ধরে। এই চুলগুলি তারপরে এই শিকার পেকে ঝাঞ্ঝরস বের ক'রে দেয়, তার পর আবার জন্ত শিকারের আশার তাদের আগেকার অবস্থায় ফিরে যায়।—এই পোকাথেকে গাছগুলির মধ্যে সবচেয়ে হিংস্র হচ্ছে ভিনাস ফ্লাইট্রাপ। এরা শিকারের প্রতি হিংস্র ব্যবহার করে ও এরা দক্ষিণ ও উত্তর ক্যারোলিনায় জন্মায়। এর পাতাগুলির ধারে ধারে কাঁটার মত জিনিস জন্মায়। বেই একটি পোকা এর উপর উড়ে এসে পড়ে, অমনি পাতাটি জুড়ে যায়—এই কাঁটাগুলি পরস্পরকে জড়িয়ে ধরে। যে পর্যন্ত পাতাটি না খুলে, এই পোকাটি ওই খুঁনে আলিঙ্গনের মধ্যে ধরা প'ড়ে থাকে যার থেকে আর কোন নিষ্ফুটি নেই।

আশ্চর্য্য যে, এই জন্ত-গাছগুলি ঠিক এরা কি খেতে চায় তা জানে। এরা নাইট্রোজেনওয়ালা খাবার চায়, আর কিছু হ'লে চলবে না। বোটানিষ্টরা অস্বাভাবিক ধরণের খাবার দিয়ে দেখেছেন, কিন্তু এরা সেগুলি প্রত্যাখ্যান করে। বৈজ্ঞানিকগণ প্রায়ই বলেন যে, এই প্রাণীগুলির যে বুদ্ধি নেই, তা বিশ্বাস করা শক্ত।

## পৃথিবীতে কোন্টি সবচেয়ে বড় হীরক ?

এটির নাম হচ্ছে কিউলিনান্—এটির নাম সার টমাস কিউলিনানের নাম অনুসারে রাখা হয়েছিল। সার টমাস কিউলিনান্ দক্ষিণ আফ্রিকার প্রিমিয়ার খনি খুলেছিলেন—যেখানে এই হীরকখণ্ড আবিষ্কৃত হয়। এই কিউলিনান্ হীরকখণ্ডটি ১২০৫ সালে একটি মাইন সুপারিনটেনডেন্ট মাটিতে পড়ে থাকতে লক্ষ্য করেন। এর ওজন ছিল ৩১০০ ক্যারট অথবা ১ এবং এক-তৃতীয়াংশ পাউণ্ড। এটি এত বড় ছিল

যে, এটাকে নিয়ে যে কি করা যায় তাই কেউ ভেবে পেত না। অবশেষে ট্রানসভান গবর্নমেন্ট এটি অতি অল্পমূল্যে, প্রায় ১৫০,০০০ পাউণ্ড, মানে অক্ষয়কার ৪২০,০০০ ডলার দিয়ে কিনে নিলেন এবং রাজা সপ্তম এডওয়ার্ডকে উপহার দিলেন। এটি ব্যবহার করার পক্ষে অত্যন্ত বড় ছিল তাই ১৯০৮ সালে আমস্টারডামের হীরক-বিশেষজ্ঞগণ এটিকে ৯টি বড় মণি ও ৯৬টি ছোট হীরকপাণ্ডে বিভক্ত করলেন। সবচেয়ে বড় চারটি পণ্ডকে বলা হয় “আফ্রিকার তারা”, এদের ব্রিটেনের রাজকীয় সম্পত্তি বলে ধরা হয়। প্রথম তারার ওজন ৩৫০ ক্যারেট; এটির ‘হোপ’ হীরার বারঙণ ওজন, এটি রাজার রংগণ্ডে রাখা হয়েছে। দ্বিতীয়টি (৩১৭ ক্যারেট ওজন) সাম্রাজ্যের মুকুটে দেওয়া হয়েছে। তৃতীয় এবং চতুর্থটি ১৯১১ সালে অতিথিক উৎসবে মহারানী মেরীর মুকুটে বসানো হয়েছিল। এগুলির ফলে পরে মেকী-প্রস্তর সাগনে হয়। অসম হীরকপণ্ডের রাণী মেরীর সম্পত্তি ছিল, এখন তা রাণী এলিজাবেথের সম্পত্তি হয়েছে। রাণী এলিজাবেথ এই ছ’টিকে রাজ বংশের অগ্রস্ত বহুলা মণি-মাণিক্যের সঙ্গে এক করে রেখে দিয়েছেন। মুকুটটি এখন এই মেকী-প্রস্তর সমেতই দেখান হয়।

শ্মি

## অসুত বুদ্ধ

পেনসিলভেনিয়ায় জেনারেল ইন্ডেক্টিক কোম্পানীর এঞ্জিনিয়ার মিঃ উইলসন, পৃথিবীর সর্বাধিক নিরাপদ বান আবিষ্কারের গৌরব অর্জন করেছেন।


দূর থেকে জলের উপর ঠিক একটি বুদ্ধদের মত দেখতে এই বানটির তিনি নাম দিয়েছেন “ওয়াটার ট্রটার”।

যখন জলে রসান হয় তখন এর ওজন এত কম হয়ে যায় যে, জলে ডোবান কোন ভয়ই থাকে না। তার ফলে আরোহীর ডুবে যাওয়ার ভয় থাকে না।

এতে একটা ফুটা হয়ে যাওয়া সত্ত্বেও আপনি নিশ্চিন্ত মনে এতে চড়তে পারেন। তবে ছোটো কি তিনটি ফুটা হলে না চড়াই ভাল।

এই বানটি একরকম শক্ত, দৃঢ় প্লাষ্টিক দিয়ে তৈরী এবং এর খোল ৩৬ ইঞ্চি পুরু। দৃঢ় আবরণ থাকায় আরোহীটি জলের ওপর বসে জলের নীচের অনেক কিছুই দেখার সুযোগ পায় এবং সাবমেরিনের রহস্যও কিছুটা উপলব্ধি করতে পারে।

দশ বছর থেকে একশ বছরের যেকোন অজিহা অনজিহা ব্যক্তি এই বাতায় আনন্দ উপভোগ করতে পারে। এতে বসে আবার হাছ ধরাও যায়। সাধারণতঃ একজনের সঙ্গে নির্দিষ্ট হলেও দু’জনেও আনন্দের সঙ্গে এই বাতায় উপভোগ করতে পারে।



অসুত বুদ্ধ


স. না.

## সবচেয়ে ভাল পাম্প

বিপত্ত ৭০ বৎসর ধরে গবেষণা করেও বিজ্ঞানীরা এখন পর্যন্ত নিশ্চয় করে বলতে পারেন না, কিসের টানে মাটির নীচের রস উপরে উঠে গাছদের পত্র-পল্লবে, শাখা-প্রশাখায় ছড়িয়ে যায়। এমন জাতের গাছ আছে যারা ৩০০ ফুট উঁচু হয় এবং তাদের শিকড় মাটির নীচে ৩০০ ফুট পর্যন্ত চলে যায়। যে রস মাটির থেকে এই গাছরা আহরণ করে তা কোন্ পদ্ধতির সহায়তায় ৩০০ ফুট ঠেলে উপরে ওঠে? মানুষের

হে স্বল্পবয়স্ক একটি পাম্প, যার সাহায্যে মানুষদের রক্তচাপের কাজ সম্পন্ন হয়। এর সমতুল্য কোনো যন্ত্র ৬৫ বছরের ৬৫৫ পেন।  
দের দেখে রসের চলাচল হয় কেমন করে? কোনো সাদৃশ্য নেই, কোনো ব্যাপতি নেই, অথচ একটি পাম্পের কাজ স্থিরমিত ভাবে  
হচ্ছে, কল বিগড়ে গিয়ে কাজ বন্ধ হচ্ছে না, এসব চিন্তা করলে গাছগুলিকে পৃথিবীর সবচেয়ে ভাল পাম্প বলে মানতে হয় বই কি?

কোনো কোনো বিজ্ঞানীর মতে অলঙ্ঘ্য বাতির সলন্তে যে কারণে নিজে থেকে তেলের বোগান উঠে আসে, সেইরকম কোনো কারণেই  
হচ্ছেদের সর্বদেহে মাটির নীচে থেকে রসের বোগান উঠে এসে ছড়িয়ে যায়। অর্থাৎ পত্রপত্রব থেকে রসের জলীয় অংশ ক্রমাগত বাষ্প হয়ে  
উঠে যায়, এবং তার ফাঁকা ভরাতে নীচেকার রস ক্রমাগত উপরে উঠে আসে। খুবই ভাল ব্যাখ্যা সন্দেহ নেই, কিন্তু এখন পর্যন্ত এটা  
কটা অনুমান মাত্র।




কলি ধোঁপের কিছুক-সংগ্রহকারিণী

## সমুদ্র ও নারী

স্বাপানী মেয়েরা কি আশ্চর্য্য সাহস ও দক্ষতা নিয়ে সমুদ্রের  
দুখুখীন হয়ে তার সঙ্গে লড়াই করে, এ বিষয়ে প্রবাসীর পক্ষপাতি  
বিভাগে কিছুদিন আগে আমরা লিখেছি। সম্প্রতি জানা গেল,  
কলি ধোঁপের মেয়েরাও এদিক দিয়ে তাদের স্বাপানী ভগ্নীদের  
চরে কিছুমাত্র কম যায় না।

এরাও সমুদ্রের জন্যে ডুব দিয়ে দিয়ে কিছুক সংগ্রহ  
করে। বড়-কাপ্টাকে এরা একেবারে গ্রাহ্য করে না।  
বাত্যাবিশুদ্ধ সমুদ্রের সঙ্গে যুদ্ধ করতে কীপাসী তরুণীরা বিনা  
স্বিয়ার নেমে যায়! দম নিয়ে এরা যে কত দীর্ঘ সময়  
জলের নীচে থাকতে পারে, না দেখলে তা বিশ্বাস করা  
যায় না।



পেডি-বাস বা পা-বাস

## পেডি-বাস বা পা-বাস

সাইকেল রিকশার ধরণের এই পারে-চালানো সাইকেল  
বাসটিতে চ'ড়ে কয়েকসার (টাইওয়ান) কিলো পহরের বাচ্চারা  
কিওয়ারগাটেন ইন্সুলে যায়। গরাদে দেওয়া জানলা দিয়ে মাথা পলাতে  
পারে না বলে তাদের প'ড়ে যাওয়ার ভয় নেই। বাংলা দেশের  
মহঃনগরের শহরগুলিতে কাচাবাচ্চাদের ইন্সুল যাওয়া-আসার কাজে  
এই ধরণের পা-বাস চালু করা চলতে পারে।

৮৫ মাইল চওড়া ও ২২৫ মাইল লম্বা কয়েকসার (টাইওয়ান)  
ধোঁপে বেশীর ভাগ লোকই সাইকেলে চলাকেনা করে। এই ধোঁপের  
ছয়টি ক্যান্টরীতে বৎসরে ৩০,০০০ সাইকেল তৈরি হয়।

## তুক্তাকের ব্যবসা

একজন পর্যটক লিখেছেন, তিনি কয়েক বৎসর আগে একবার পশ্চিম আফ্রিকার যানার রাজধানী আক্রার একটি ছোট দোকানে গিয়ে  
দেখতে গেলেন, সেখানে সাজান রয়েছে মুরগীর শুঁটকি-করা মুরু, জুতোর হুখতলা, নানারকমের ছত্ৰাপা গাছ-গাছড়া, বাচ্চাদের কুমকুমি, হরিণের  
খুর, উটপাখীর পালক, সাপের চামড়া, এবং এমনি ধারা আরও অনেক-কিছু বাদের একটার সঙ্গে আর-একটার কোন সম্পর্ক নেই, সাধারণ দৃষ্টিতে  
কারণ কোন প্রয়োজনে লাগবার জিনিস বেঙলি নয়, এবং বেঙলির বেশীর ভাগকে বলা যায় উদ্ভট ও অদ্ভুত।

তিনি সন্ধান নিয়ে জানলেন, এটি একটি তুক্তাকের দোকান। মানুষের সবত রকম ছুখ ছুখি, আবিব্যাধি প্রতিকার যে সবত  
তুক্তাকের সাহায্যে হতে পারে তা এই দোকানে কিনতে পাওয়া যায়।



যাঁর চোখ ধারাপ হয়ে ব'চ্ছে, বিনি ভাবছেন তাঁর স্ত্রীর মন আর ঠিক আগের মতন ক'রে এখন পাচ্ছেন না, যাঁর কুকুরের বেলায় ক্রমশঃ ধারাপ হচ্ছে, কিংবা তাঁকে নিজের কাজকর্ম বিবরণ-আশর দিয়ে হুশিয়ারপ্রভ হতে হচ্ছে, তিনি এই দোকানের মালিক মিটার নকোএর কাছে গেলে অর্থাৎ ক্রমশঃ তুচ্ছতার সন্ধান একটা না একটা পেয়ে যাবেন।

পর্ষটক উল্লোকটি একটু মজা করবার জন্তেই বলতে চেয়েছিলেন, তাঁর আঙুলের নখ কামড়ানোর অভ্যাসটি তিনি পরিচ্যাপ করতে পারেন, এমন কোন তুচ্ছতাক্ মিটার নকোএর জানা আছে কি না। জবাবে মিটার নকোএ তাঁকে ছোট একটি কাঠের পুতুল দিয়ে সেটিকে তাঁর শোবার ঘরের দেওয়ালে ঝুলিয়ে রাখবার ব্যবস্থা দিয়েছিলেন।

পর্ষটক ইউরোপীয় উল্লোকটি লিখছেন, যেদিন থেকে ঐ কাঠের পুতুলটিকে তিনি নিজের শোবার ঘরের দেওয়ালে টাঙিয়েছেন, সেইদিন থেকেই তাঁর আশৈশবের আঙুল কামড়ানোর বদভ্যাস একেবারে সম্পূর্ণভাবে সেরে গিয়েছে।

পর্ষটকটি বলছেন, তিনি বুঝতে পারছেন না, এটা faith cure, অর্থাৎ অবিচলিত বিশ্বাস-জনিত রোগমুক্তি, না অত কিছ্।

### সাইকেল-প্লেন

কেবল দৈহিক শক্তির সহায়তার মেন চালিয়ে অন্ততঃ আধ মাইল উড়তে পারলে ৭০০ টাকার মত একটি পুরস্কার দেওয়া হবে ব'লে ঘোষণা করা হয়েছিল। ব্রিটিশ বিমান প্রতিষ্ঠান ডি হাবিল্যাণ্ডের ইঞ্জিনিয়ার ৩৯ বৎসর বয়সের জন উইম্পেনী পায়ে পেডাল-করা গাইডারের ধরণের ছোট একটি মেন চালিয়ে ঘণ্টায় উনিশ মাইল বেগে একটানা ২,৯৭২ ফুট (আধ মাইলের চেয়ে বেশী) উড়তে সমর্থ হয়ে এই পুরস্কারটি অর্জন করেছেন। এক্ষেত্রে তাঁকে কোনো সরকারী সাহায্য নিতে হয়েছে ব'লে আমরা শুনি মি। অন্তর্দেশে কেট একজন উড়বেন ব'লে সরকারী সাহায্যের প্রত্যাশার আছেন। সাহায্য তিনি পান, এই কামনা করি। হয়ত তিনি কেবল আধ মাইল উড়বেন না, বরঞ্চ উড়ে বেড়াবেন। বলা কি যায়?



সাইকেল মেন

### ফেলে দিন না সিগারেটটা ?

লাইটার বের ক'রে সিগারেট ধরাবার সময় এই কথাগুলি একটু মনে রাখবেন।

ধূমপানের সঙ্গে কুসকৃসের ক্যান্সার রোগের অত্যন্ত নিকট সম্পর্ক। এ বিষয়ে ইউরোপ-আমেরিকার বিজ্ঞানীদের মনে কোন সন্দেহই আর প্রায় নেই। আমেরিকার ক্যান্সার সোসাইটি চার বৎসর ধ'রে প্রায় দুই লক্ষ লোককে নিয়ে পরীক্ষা-নিরীক্ষা ক'রে যে সিদ্ধান্তগুলিতে উপনীত হয়েছেন সেগুলি এই :

যাঁরা খুব বেশী ধূমপান করেন, তাঁদের মধ্যে কুসকৃসের ক্যান্সারজনিত মৃত্যুর হার যাঁরা ধূমপান করেন না তাঁদের চেয়ে ২৭ গুণ বেশী। যাঁরা সিগারেট খান না তাঁদের সঙ্গে তুলনার, সিগারেট ধারা খান তাঁরা হৃদরোগেও অনেক বেশী সংখ্যায় মারা যান। অত্যধিক ধূমপানের সঙ্গে আরও অনেক কঠিন ব্যাধির, যেমন পাকস্থলীর কত ইত্যাদিরও নিকট সম্পর্ক।

সিগারেট ধাওয়ার অপকারিতা বিষয়ে সাক্ষ্য প্রমাণ দিনে দিনে স্পষ্টীকৃত হয়ে উঠছে। ইংলণ্ডে মেডিক্যাল রিসার্চ কাউন্সিলের প্রোফেসর ব্রাডফোর্ড হিল ধূমপানীদের এই ব'লে সতর্ক ক'রে দিচ্ছেন যে, ২৫ বৎসর বয়সের কোন মানুষ যদি দৈনিক ২৫ থেকে ৫০টি সিগারেট ক্রমাগত খেয়ে চলে, তা হ'লে তাঁর কুসকৃসের ক্যান্সার রোগে ভুগে মরবার সম্ভাবনা শতকরা দশের পর্ষায় আসবে।

কিন্তু সিগারেট ধাওয়া ছেড়ে দাও বললেই সবাই ছেড়ে দিতে পারেন না তাও সত্যি। এক্ষেত্রে যে-পরিমাণ ইচ্ছা-শক্তির প্রয়োগন হয় তা অনেকেরই স্বভাবে থাকে না। যাঁরা ছাড়বার চেষ্টা করছেন তাঁরা অনেকেরই জানেন, ক্রমশঃ কমিয়ে ছেড়ে দেবার প্রয়াসও বিফল হয়ে যায় অধিকাংশ ক্ষেত্রে।

তবে বিফল হা আসে প্রথম কয়েক মিনিটের মধ্যেই। সপ্তাহ খানেক কোনরকমে সিগারেট না খেয়ে কাটিয়ে দিতে পারলে প্রতি পাঁচজনের মধ্যে চারজন এই কদমতাসের কবল থেকে মুক্ত হয়ে খেতে পারেন দেখা গেছে। তাবলা এই প্রথম সপ্তাহটাকে নিয়েই।

নীল রঙের একটি বুনো কল থেকে পাওয়া ভেষজ লোবেলিস থেকে তৈরি ব্যাট্টন নামক বড়ি এক সপ্তাহ কাল খেতে দিয়ে প্রাণের ধূমপানের অভ্যাস ছাড়ান সম্ভব হচ্ছে ওসব দেশে। এদেশে বড়িটির আমদানী করতে চাইলে আমাদের আইন নিশ্চয় বাধা দেবে।

### পৃথিবীর বয়স : মানুষের বয়স

সপ্তদশ শতাব্দীর মাঝামাঝি সময়ে আইরিশ আর্কবিশপ জেমস আশার, একটি বাইবেল নিয়ে ব'সে চারবৎসর ধ'রে বাইবেল-বর্ণিত পুরবানুক্রমিক হিসাব করে এই স্থির সিদ্ধান্তে পৌঁছেছিলেন, যে পৃথিবী-স্থির তারিখ হচ্ছে, ২৩শে অক্টোবর, ৪০০৪ খ্রীঃপূর্বাব্দ, সকাল ৯টা।



ডেভিলস্ টাওয়ার

পায়ের অস্থি আবিষ্কার করেন; আর সেইসঙ্গে আবিষ্কার করেন তার ব্যবহৃত কয়েকটি পাথরের তৈরি হাতিয়ার। অত্যন্ত ভয়ে ভয়ে তিনি বলেন, এই অস্থি এবং পাথরের হাতিয়ারগুলির বয়স হয় লক্ষ বৎসরেরও বেশী। তাঁর এই সিদ্ধান্ত প্রমাণিত করতে, আয়রল্যান্ডের যে অগ্নু-তপাত-ভিত্তি হাইয়ের মধ্যে এই অস্থি এবং পাথর তিনি পেয়েছিলেন, তা ভূতাত্ত্বিক পরীক্ষার জন্তে পাঠিয়ে দেন কাউন্সিলের বিশ্ববিদ্যালয়ের ডঃ গার্লিং এন্ড্ কার্টসের কাছে। ডঃ কার্টস পরীক্ষা করে বসেছেন, এই অস্থি ও পাথুরে হাতিয়ারগুলির বয়স ন্যূনপক্ষে ১৭,৫০,০০০ বৎসর।

মানুষ ত মানুষ হয়ে বিবর্তিত হ'ব মাত্রই হাতিয়ারের ব্যবহার শেষ নি? তাতে তার অ'রও কত লক্ষ বৎসর লেগেছিল কে জানে?

### যুগান্তকারী দশটি ঘটনা

নিউ ইয়র্ক সিটি কলেজের ইতিহাসের অধ্যাপক, এন্সাইক্লোপিডিয়া ব্রিটানিকার পরামর্শদাতা ডঃ হান্স কোহ্ল, নিম্নোক্ত দশটি ঐতিহাসিক ঘটনাকে যুগান্তকারী ঘটনা ব'লে গণ্য করেন।

সে-সময় কথাটা অনেকই বিশ্বাস করেছিল। বাইবেল যে! কিন্তু বিজ্ঞানীদের উৎপাতে বাইবেলের প্রতিপত্তি কমতে লাগল ক্রমশঃ। পরীক্ষার কলে তাঁরা জানতে পারলেন, ওয়িয়েনিসের ডেভিলস্ টাওয়ার নামক লতা-পাহাড়টির বয়স ৪ কোটি বৎসরেরও বেশী।

এমন গ্র'নাংট পাথর পাওয়া গেছে যার বয়স ৫০ কোটি বৎসর। ভূতত্ত্ববিদরা আমেরিকার ম'নিটোয়াতে এমন খনিজ জ্বালা পেয়েছেন যার বয়স ২৭০ কোটি বৎসর। রাশিয়াতে পৃথিবীর ভিত্তিহীন এমন পাথর পাওয়া গেছে যার বয়স ৩৪০ কোটি বৎসর। রাশিয়া আমেরিকার কাছে এখানেও হার ম'ন'র জী নয়।

পৃথিবীর বয়স এসবের তুলনায় স্বভাবতঃই আরাই বেশী। কত বেশী তা নিশ্চয় ক'রে বলা যায় না, তবে ৪৫০ কোটি বৎসরের কম যে নয়, তা হ'ক ক'রে বলা যেতে পারে। হায় বাইবেল! হায় আর্কবিশপ জেমস আশার আর তাঁর পুরবানুক্রমের হিসাব!

কিন্তু মনুষ্যজাতির বয়সের বেলাতেও বাইবেলের পুরবানুক্রমের হিসাব কোনো কাজে লাগছে না। বিজ্ঞানীরা দেখেছিলেন, মানুষের বয়স বা জ্বালা বাচ্ছে তা ক্রমশঃই বেড়ে চলেছে। ১৯৩০ খ্রীষ্টাব্দে ডঃ লুইস্ এন্স্ বি. লিকি,

টাক্সানিকাতে মনুষ্যজাতীয় একটি জীবের মুণ্ডাধি এবং

প্রথম : আনুমানিক ১৭৫০ খ্রীষ্টপূর্বাব্দে হামুরাবির code বা সংহিতা। বাবিলোনিয়ার এই মহৎকীর্তি রাজার প্রাচীন বিধি-বিধানগুলির প্রথম প্রণয়; যা প্রাচ্য এবং পরবর্তীকালে পাশ্চাত্য জগতের আইন-কানুনগুলোর উপর অত্যন্ত গভীর ভাবে পড়েছে। এই বিধি-বিধানগুলির মূলগত কথা হল, শক্তিমানরা দুর্বলদের ক্ষতি করবে না। জনগণের কল্যাণ, জীবনপত্রের উচ্চতম মূল্য, শত্রুদের নিয়তম পারিশ্রমিক, এই-সমস্ত অতি আধুনিক সমস্যার সমাধানের চেষ্টা রয়েছে এই সংহিতায়।

দ্বিতীয় : আনুমানিক ৫১৪ খ্রীষ্টপূর্বাব্দে গৌতম বুদ্ধের জন্ম। খ্রীষ্টপূর্ব ষষ্ঠ শতাব্দী মানুষের আত্ম-জিজ্ঞাসার দিক দিয়ে একটি পুরণীয় যুগ। ইস্রায়েলে ইসায়া ও হেরেমিয়া, চীনে লাও-ৎসে ও কনফুসিয়াস, গ্রীসে এস্কাইলাস, এইরকম নানা দেশে বিভিন্ন চিন্তাময়দের দ্বারা মানুষের চিন্তাধারা নূতন নূতন দিকে প্রবাহিত হয়েছে।

তৃতীয় : ৩৯৯ খ্রীষ্টপূর্বাব্দে সফেটিসের মৃত্যু। সত্তর বৎসর বয়সে এই গ্রীক মহাত্মাকে রাষ্ট্রশক্তির বিরোধিতা করার অপরাধে প্রাণদণ্ডে দণ্ডিত করা হয়। সফেটিসের মৃত্যু তাঁর শিষ্য প্লেটোকে তাঁর অসীম মিতায় বিশেষ করে অনুপ্রাণিত করে। প্লেটো এবং তাঁর শিষ্য এরিস্টটলের প্রভাবে পাশ্চাত্য দার্শনিক চিন্তা ও শিক্ষানীতি বিশেষভাবে প্রভাবিত।

চতুর্থ : ৪৪ খ্রীষ্টাব্দে ক্রিস্টিয়ান সিজারের মৃত্যু। এই দ্বিধিজয়ী বীর রাজা হয়ে সিংহাসনে বসতে চান সন্দেহ করে রোমক সাম্রাজ্যতন্ত্রের অভিজাত শ্রেণীর নেত্রীরা একজোট হয়ে তাঁকে নিহত করেন। তাঁর মৃত্যুর ফলে রোমে যে অশান্তি শুরু হয়, তাতে জন্ম দেন সিজারের প্রপৌত্র-স্থানীয় অক্টেভিয়াস। অক্টেভিয়াসের সময় থেকে রোম সাম্রাজ্যের সূত্রপাত। সম্রাট অক্টেভিয়াসের রাজত্বকালে বীশ্বব্রহ্মের জন্ম হয়। আর এই সময়েই লাতিন সাহিত্য ভার্জিল, হোরেস, ওভিদ ইত্যাদিকে নিয়ে তার স্বর্ণযুগে উদ্ভূত হয়।

পঞ্চম : ৩৩০ খ্রীষ্টাব্দে রোমীয় সম্রাট প্রথম কনস্টানটিনের ইচ্ছামত গ্রহণ এবং ধর্মীয় সঙ্ঘ ও রাজকীয় শক্তির মিলনে সেই ধর্মের বহুল প্রচার।

ষষ্ঠ : ৬২২ খ্রীষ্টাব্দের ১২ই জুলাই হিজিরা, বা মুসলমান ধর্মের প্রবর্তক মহম্মদের মক্কা ছেড়ে মদিনায় গমন। এই দিনটির থেকে মুসলমানদের আদর্শগণের শুরু, কারণ এই দিন থেকেই অস্বাভাবিকভাবে মহম্মদের শক্তি বৃদ্ধি হতে থাকে। নূতন একটি ধর্মের অনুপ্রাণনা নিয়ে আরব-দেশেরা মহম্মদের তিরোধানের দুই বৎসর পরে পূর্ব রোমক সাম্রাজ্য থেকে সিরিয়া দেশটি ছিনিয়ে নেয়। হিজিরার ১০০ বছরের মধ্যে সমস্ত পশ্চিম এশিয়ায় এবং উত্তর আফ্রিকায় তারা আধিপত্য বিস্তার করে। ইইরে পের মধ্যেও অনেক দূর অগ্রসর তারা তাদের জয়ধ্বজা নিয়ে চুকে যায়। তাদের দর্শন, প্রাচীন গ্রীক চিন্তাধারার সঙ্গে তাদের নির্দিষ্ট পরিচয়ের যোগ, গণিতে তাদের অসামান্য অধিকার, এই সমস্ত নিয়ে আরব-দেশীয় মুসলমানরা মহাযুগীয় ইউরোপীয় সভ্যতাকে নানাভাবে প্রভাবিত করেছিল।

সপ্তম : ১২১২ খ্রীষ্টাব্দে ইংলণ্ডের রাজা জন-এর কাছ থেকে বিদ্রোহী ব্যারনদের মায়া কাটা নামক একটি কনফেডারেশনের প্রতিশ্রুতি-পত্র আদায়। এই প্রতিশ্রুতি-পত্র প্রজার উপর রাজকীয় অধিকারকে সীমিত করে, এবং অশক্তপাত ছাড়া বিচার ও প্রজার সন্তোষসাপেক্ষ করনির্ধারণ প্রচার প্রতিষ্ঠা স্থাপন করে।

অষ্টম : ১৫১৭ খ্রীষ্টাব্দে জায়েনোতে মারিন লুথার কতৃক খ্রীষ্টীয় ধর্মের নামে নানা অনাচারের বিরুদ্ধে বিদ্রোহের ধ্বজা উত্তোলন।

নবম : ১৭৬৯ খ্রীষ্টাব্দে বাষ্পীয় ইঞ্জিন আবিষ্কার। এই বৎসর জেমস্ ওয়াট নামীয় একজন স্কটিশ ইঞ্জিনিয়ার ষ্টীম ইঞ্জিনের পেটেন্ট নেন। একই বৎসরে রিচার্ড আর্নহাট নামীয় একজন ইংরেজ হুতো বুনবার একটি ফ্রেমের পেটেন্ট নেন, যার থেকে আধুনিক কাপড়ের কলগুলির উদ্ভব। এই সময় থেকে প্রথম শিল্প-বিপ্লব বা industrial revolution-এর সূত্রপাত। ১৮২৫ খ্রীষ্টাব্দে এক্স-রে, এবং ১৮৯৭ খ্রীষ্টাব্দে ইলেকট্রনের আবিষ্কার থেকে দ্বিতীয় শিল্প-বিপ্লব শুরু হয়েছে বলে ধরা হয়।

দশম : ১৯০৩ খ্রীষ্টাব্দে গ্যামোভিন শক্তি পরিচালিত এয়ারপ্লেন আবিষ্কার। এই বৎসরের ১৭ই ডিসেম্বর অর্ভিন এবং উইলবার রাইট নামক মার্কিন লাভায় গ্যামোভিন-পরিচালিত একটি এয়ারপ্লেনকে ১২০ ফুট দূর অগ্রসর শূন্যপথে চালিয়ে নিতে সমর্থ হন। দু-এক শতাব্দী পূর্বে যে সব দেশ পরস্পরের আন্তর্বিষয়ে অন্ধ ছিল, এয়ারপ্লেনের কল্যাণে আজ তারা নিকট প্রতিবেশী। হয়ত অনতিকাল পরে গ্রহ-চন্দ্ররাও আমাদের নিকট প্রতিবেশীর দলে যোগ দেবে।

### চোর-ধরা ব্যাগ

বাক দারোয়ানের হাত থেকে এই ব্যাগটি ছিনিয়ে নেবার অনেক বিপদ। প্রথমতঃ দারোয়ান এটা ছোড় দেবার সময় হাতলের একটা সুইচ টিপে দেবে, যার ফলে হাতলটার একটা লুকানো অংশ বেরিয়ে এসে চোরের হাতটা চেপে ধরে রাখবে। প্রায় সঙ্গেসঙ্গেই ব্যাগটিকে তিনদিক থেকে তিনটে লোহার বেশ লম্বা হাতা বেরিয়ে আসবে, যাতে চোর ব্যাগটা নিয়ে কোনো গাড়ী বা বাঙীর দরজা দিয়ে



চোর পরা ব্যাপ

চুকতে না পারে। এতেই শেষ নয়। সেইসঙ্গে একাদিক্রমে একটা হইল, বাজতে থাকবে, বতকন না ঘটনাফলে পুলিশ এসে হাজির হয় 'কলকাতার পুলিশের কথা হচ্ছে না, ব্যাগটি ব্রিটেনে গেরি।

### ষে বয়সের যা

স্বাস্থ্য-রক্ষার নীতিগুলি সব বয়সের মানুষের পক্ষে একই রকম হতে পারে না। খাদ্য, ব্যায়াম, নিদ্রা ইত্যাদির প্রয়োজনীয়তার তারতম্য হয় বিভিন্ন বয়সের মানুষের বেলায়।

খাদ্য : কৈশোর অতিক্রান্ত হবার পর খাদ্যবস্তু যে প্রক্রিয়ায় শরীরের পুষ্টি-সাধন করে তার মধ্যে ক্রমশ বৃদ্ধি আসে। শরীরের পুষ্টির ক্ষেত্রে এক বেলায় আহার্যে ১৮ বৎসরের বালকের যে-পরিমাণ ক্যালরীর প্রয়োজন হয়, ৪০ বৎসর বয়সের মানুষের প্রয়োজন হয় তার চেয়ে ১০০০ ক্যালরী কম। বয়সের সঙ্গে সঙ্গে তাই খাদ্যের পরিমাণ কমিয়ে যেতে হয়, হৃদয়ে বাঁচতে হ'লে। একই কারণে অল্প বয়সে কৃমিবৃত্তি না করলে সবল স্বাস্থ্যসম্পন্ন দেহ লাভ করা যায় না। বেসব ছেলেমেয়েদের আহারে রুচি নেই, তাদের সেই অরুচির কারণ অনুসন্ধান করা অবশ্য কর্তব্য।

ব্যায়াম : ক্রান্তিকর নয় এমন ব্যায়াম সব বয়সের মানুষের পক্ষেই আবশ্যিক। ডাকপিয়ন প্রভৃতি, খাঁদের ঠাঁটাচলা ক'রে কাজ করতে হয় এবং অন্তরঃ খাঁরা অবসর সময়ে নিয়মিত ব্যায়াম ক'রে থাকেন, স্বাস্থ্য পরীক্ষার ঠাঁরাই নখর পেয়ে উত্তীর্ণ হন, ঠাঁদের মধ্যে হৃদরোগের প্রকোপ লক্ষিত হয় সবচেয়ে কম। তবে এটাও ঠিক যে, হাসপাতালগুলিতে অনেক প্রৌঢ়বয়স্ক এবং বৃদ্ধ রোগীরা আসেন, তাড়া হাড় ইত্যাদি নিয়ে, খাঁদের সেই অস্বস্তির ক্ষেত্রে দারী ঠাঁদের নিজেদের বয়স সতর্ক অচেতনতা। বেশী বয়সে শরীরের হাড় ভঙ্গুর হয়ে আসে। তখন এমনতর খেলাধুলা, ছুটোছুটি ও ব্যায়াম ইত্যাদিতে প্রবৃত্ত হওয়া উচিত নয় যাতে প'ড়ে গিয়ে বা অন্য কোন রকমে হাড়ে চোট লাগার সম্ভাবনা থাকে। ষাট বৎসর বয়স উত্তীর্ণ হয়েছে এমন মানুষের পক্ষে হাড় ভেঙে যাওয়া একটি মারাত্মক ছুর্ঘটনা। ঐ বয়সে তাড়া হাড় জোড়া লাগাও যেমন কঠিন, তেমনি হৃদযন্ত্র, ফুসফুস এবং রক্তবাহী শিরা-উপশিরাগুলি প্রায়শই সেই ছুর্ঘটনার খাড়া সামলাতে অপারগ হয়। কিন্তু বয়স বখন অল্প, তখন শরীরকে হৃদ, সবল এবং সচল রাখবার ক্ষেত্রে নিয়মিত এবং আনন্দ-সাধ্য ব্যায়ামই হচ্ছে বিধেয়। এমন অনেকে আছেন, খাঁরা কুকুরকে হৃদ রাখবার জন্যে প্রত্যহ তাকে মাঠে ছুটোছুটি করিয়ে আনেন, কিন্তু নিজের ছেলেমেয়েদের প্রাত্যহিক ব্যায়াম সতর্ক সম্পূর্ণ নির্লিপ্ত।

নিদ্রা : ষাট বৎসর বয়স বয়স হ'ল উত্তীর্ণ হয়েছে এমন একজন উজ্জলোক অল্প কিছুদিন আগে অত্যন্ত চিন্তাধিত হয়ে ডাক্তার দেখাতে গিয়েছিলেন। তাঁর ধারণা, তাঁর ইন্সলিয়া (ঘুমোতে না পারার রোগ) হয়েছে। কেননা তিনি রাত ন'টার ঘুমোতে যান, আর ঠিক তোর রাত্রি সাড়ে তিনটের তাঁর ঘুম ভেঙে যায়, তার পর শত চেষ্টাতেও ঘুম আর আসে না। তাঁর ডাক্তার তাঁকে এই ব'লে কিরিয়ে দিলেন যে, তাঁর বয়সে ষতটা ঘুম তাঁর হচ্ছে তাই যথেষ্ট, আট ঘণ্টাই যে তাঁকে ঘুমোতে হবে এমন কোন কথা নেই। এমন কি, বেশী বয়সে বেশী ঘুম হওয়াটাই শরীরের পক্ষে ক্রান্তিকর হ'তে পারে। অপর দিকে আট ঘণ্টা ঘুমও সব সময়ে যথেষ্ট নয় কিশোর বয়স, অর্থাৎ তের-চোদ্দ থেকে আঠারো-উনিশ বৎসর বয়স পর্যন্ত। ঐ বয়সের ছেলেমেয়েরা দিনরাত খেলাধুলো ইত্যাদিতে যে পরিমাণ শারীরিক শক্তি ব্যয় করে তার পরিপূরণের ক্ষেত্রে দশ ঘণ্টা, এমন কি তার চেয়ে বেশী ঘুমের প্রয়োজন তাদের হয়।

মন : ভাবাবেগ জিনিষটাকে যে-মানুষ জীবনে কখনো অনুভব করে নি, সে হয় অতি-মানুষ, নরত মানুষ নামের আবোগ্য। ছোটদের মনে ভাবপ্রবণতা থাকবে এইটেই স্বাভাবিক। তাদের ভাবপ্রবণ মনে নানারকমের প্রেরণা আসবে, অনুপ্রাণনা আসবে, গগনম্পর্শী উচ্চাকাঙ্ক্ষা তাদের হৃদয় এবং হৃদয়বিদ্য লক্ষ্যের দিকে এগিয়ে নিয়ে যাবে। এতে বাধা দিতে গেলে তাদের মন ভেঙে যায়, তারা অহু হতে পড়ে। বেশী বয়সের নিরম একেবারে টপেটা। অত্যধিক উৎসাহ বা উদ্দীপনা তখন স্বাস্থ্যভঙ্গের কারণ হয়ে দাঁড়াতে পারে। রক্তসংরহন তন্ত্র, হৃদযন্ত্র এবং শরীরের অন্যান্য বিশেষ গুরুত্বপূর্ণ বস্তুত্রাদি হঠাৎ বিকল হয়ে যেতে পারে, যদি তাদের উপর অত্যধিক উত্তেজনার তার চাপা পড়ে হয়।



পক্ষ্য বৃদ্ধদের পক্ষে আনন্দদায়ক হবে যদি তারা যেন রাখেন যে তারা জ্ঞানবুদ্ধ, তাঁদের চিন্তা এবং মননশীলতার বহু অভিজ্ঞতা এবং বিচক্ষণতা-জনিত শান্ত সমাহিত ভাব তাঁরা আনতে পারেন। এ ভাব আনা মানে এই নয় যে, তাঁরা ভাববেন, বৃদ্ধা হয়ে গেছি, কি আর হবে, হাল ছেড়ে দিলাম। ভাবপ্রবণতার অভ্যাসকে গুটিয়ে নিতে হবে ধীরে ধীরে, খুশী মনে ও বিনা প্রয়াসে।

### লাফার

পিঠে একটি জেট এঞ্জিন বেখে এই লোকটি শুল্লে লাক্ষিয়ে উঠে প্রথমবারের চেপ্টাতেই একশ' ফুট দূরে গিয়ে নেমেছিল। লাক্ষিয়ার কারদাটা যাদের এখন ভাল রকম আয়ত্ত হয়েছে, তারা মণ্ডার ৩৫ মাইল বেগে বেশ কয়েকশ' ফুট চ'লে যেতে পারে। পাহাড় থেকে লাক্ষিয়ে নির্ঝিল্পে নীচে নামা, লাক্ষিয়ে চারতলা বাড়ীর ছাদে উঠে যাওয়া, ছোট নদীনালা পার হওয়া, কাঁটাতারের বেড়া ডিঙ্গানো এ সমস্তই এখন এই লাক্ষিয়ারদের পক্ষে সম্ভব। আমাদের বীর হনুমান্ জ্যেষ্ঠায়ুগে লাক্ষিয়ে লক্ষ্য চ'লে গিয়েছিলেন, সুতরাং এইসব ধবরে আমাদের চমৎকৃত হবার আর কি আছে ?



লাফার

স. চ.



# বাংলা দেশে আধুনিক চিত্রাঙ্কন শিল্পের ইতিহাস

শ্রীমিহির সিংহ

আমাদের দেশে আধুনিক চিত্রাঙ্কন শিল্পের ইতিহাস আলোচনা করতে গেলে ই. বি. হ্যাভেল সাহেবের নাম না উঠে পারে না। তবে তাঁর রুচি ও প্রকৃতিগত বৈশিষ্ট্যের কথা বাদ দিলে তাঁর মতন, ভারতীয় চিত্রকলার প্রতি আগ্রহশীল মানুষের দেখা, ইংরেজদের মধ্যে অনেক ছিলবে তাঁর আগে থাকতেই। তাঁরা কেউ ছিলেন শাসনযন্ত্রের পরিচালক শ্রেণীর অস্ত্রভুক্ত, কেউ বা ছিলেন শিক্ষা বা অস্ত্র বৃত্তি ধারণকারী। এদেশের জলহাওয়ায় বাস করতে গিয়ে নিজেদের অঙ্গ-বিস্তার খাপ খাইয়ে নিতেন এদেশের সমাজের সঙ্গে। চিত্রাঙ্কন শিল্পের নিদর্শন যা লভ্য ছিল এদেশে, তার সম্বন্ধে একটা অহুরাগ ও স্বাভাবিক ভাবেই তাঁদের মধ্যে গড়ে উঠত। এ অহুরাগ প্রকাশ পেত দু'টি ভাবে: প্রথমতঃ, যারা সত্যিই রুচিশীল ও বিচারবুদ্ধিসম্পন্ন মানুষ ছিলেন, তাঁরা প্রধানতঃ মুঘল বা অন্ত্যান্ত শৈলীর সুদ্রায়তন ছবিগুলির সংগ্রহ ও সংরক্ষণের প্রতি যত্নশীল হতেন। দ্বিতীয়তঃ, অবসর বিনোদনের জন্তু অনেকে দেশী পটুয়াদের উৎসাহিত করতেন, পাশ্চাত্যে প্রচলিত জলরঙ ব্যবহার পদ্ধতি শিখে এদেশীয়-বিদেশীয় সম্মিলিত এক ধরণে বিভিন্ন ভারতীয় বিষয় নিয়ে পট বা বর্ণনামূলক ছবি আঁকতে।

এই যে শেষোক্ত রকমের ছবিগুলি, এদের অঙ্কনপদ্ধতিও যেমন ছিল মিশ্র-প্রকৃতির, রুচি বা দৃষ্টিভঙ্গিও তেমনি পুরো ভারতীয় হতে পারত না। উনবিংশ শতাব্দীর শেষ পঁচিশ-ত্রিশ বছরে এই মিশ্র ধারাটির সবচাইতে উল্লেখযোগ্য স্ফূরণ ঘটল দাক্ষিণাত্যে রাজা রবিবর্ষার মধ্যে। রবিবর্ষার বিষয়বস্তুগুলি ভারতীয় হলেও তাঁর দৃষ্টিভঙ্গি ছিল সম্পূর্ণভাবে ভিক্টোরিয়ান এবং অঙ্কনপদ্ধতিও ছিল যে-কোনও পেশাদারী ইউরোপীয় প্রতিকৃতি শিল্পীর সমগোত্রীয়। ভিক্টোরিয়ান অঙ্কনপদ্ধতি শিখবার বা শেখাবার লোকের তখন অভাব ছিল না। চারিদিকে সরকারী আর্ট কলেজগুলি প্রতিষ্ঠিত হচ্ছে এবং ইউরোপীয় শিল্পশিক্ষকেরা প্রাণপণে চেষ্টা করছেন চিত্রাঙ্কনের ক্ষেত্রে ভারতীয়দের "মানুষ" করে তুলতে। অপরপক্ষে এই কলেজগুলির বৃহৎ ছাত্রসম্প্রদায়ের তখন একমাত্র উচ্চাশা, রবিবর্ষার মতন খ্যাতি ও স্বীকৃতি লাভ করা।



মানুষ ও পাখী  
শ্রীমিহির সিংহ

তবে এই সব শিক্ষকদের মধ্যে ব্যতিক্রমস্বরূপ দেখা দিলেন ই. বি. হ্যাভেল, এবং ছাত্রের দলে ব্যতিক্রম ছিলেন অবনীন্দ্রনাথ ঠাকুর। এই দুইজনের মিলন ঘটল 'আঠারশ' ছিয়ানব্বই' সালে, যখন হ্যাভেল সাহেব মাদ্রাজ আর্ট কলেজ থেকে কলকাতা আর্ট কলেজের অধ্যক্ষ হয়ে এলেন—ভারতীয় চিত্রকলার নবজাগরণ এই থেকে শুরু হ'ল বলা যেতে পারে।



মা

শ্রীশ্যামল দত্তরায়


অবনীন্দ্রনাথের মধ্যে যে আন্বিক যোগাযোগ প্রতিষ্ঠিত হয়েছিল তার থেকে স্মৃতি হ'ল শিষ্যপরম্পরার এক অপূর্ণ ধারা।

ঐতিহাসিক দৃষ্টিভঙ্গিতে দেখতে গেলে অবনীন্দ্রনাথ যে এদেশে শিল্প-সচেতনতার জনক তাতে বোধ হয় খুব সন্দেহের কারণ নেই। তবে তাঁর সবচাইতে বড় দুর্বলতা ছিল যে, তিনি ভারতীয় চিত্রশিল্পকে আন্বমর্যাদা দিতে গিয়ে ইতিহাসের পথে ফিরে গিয়েছিলেন অতীতে। ঘড়ির কাঁটা পেছিয়ে দিলে তার কলভোগ করতেই হয়, কখনও না

আজকের দিনে, নূতন মূল্যায়নের পরিপ্রেক্ষিতে অবনীন্দ্রনাথ বা হ্যাভেল সম্বন্ধে বিকল্প মনোভাব প্রকাশ করা হয়ত স্বাভাবিক। এটাও হয়ত ঠিক যে, কালের বিচারে হ্যাভেলের শিল্পবিশ্লেষণ বা অবনীন্দ্রনাথের শিল্পসৃষ্টির অনেক নিদর্শনই মহত্বের মাপকাঠিতে, উত্তীর্ণ হতে পারবে না। তবুও আমাদের মনে রাখতে হবে, এই দু'টি মাসুকের দ্বারা ভারতীয় চিত্রকলা তথা চারুশিল্পের জগতে সেদিন কি সংঘটিত হয়েছিল। যে কোনওদিকেই হোক, মাসুকের সৃজনীশক্তির স্ফুরণের জন্তে অবশ্য-প্রয়োজনীয় হ'ল আন্ববিশ্বাস তথা আন্বমর্যাদা। উনবিংশ শতাব্দীর সেই মূল্যহীনতার যুগে যখন চিত্রকরেরা বিশ্বৃত হয়েছেন নিজেদের দেশের প্রবহমান সংস্কৃতির ধারা, অথচ খুঁজে পান নি পাশ্চাত্য সংস্কৃতির চাবিকাঠি, সেই সময়ে এই দু'টি ভিন্নধর্মী, ভিন্ন জাতীয় মাসুকের একাত্ম হয়ে গেলেন ভারতবর্ষের প্রাচীন ঐতিহ্যকে খুঁজে পাওয়ার আনন্দে। এদেশের চিত্রকরেরা তাঁদের দু'জনের মধ্যে দিয়ে ফিরে পেলেন লুপ্ত আন্ববিশ্বাস। আবার, তাঁদের অসংবদ্ধ প্রচারের মধ্যে দিয়ে মধ্যবিত্ত সমাজ দীক্ষিত হলেন নতুন রুচির পথে। শুধু তাই নয়, হ্যাভেল ও

কখনও। তাঁকেও করতে হ'ল, বিশেষ ক'রে তাঁর শিষ্যদের ব্যর্থতার মধ্যে দিয়ে। ছাগেলের অমুপ্ৰেরণায় যখন অবনীন্দ্রনাথ হাতড়াচ্ছিলেন ভারতবর্ষের পক্ষে উপযোগী শিল্পসৃষ্টির মালমশলার সন্ধানে, তখন স্বভাবতঃই তাঁর নজর গিয়েছিল ঐতিহাসিক ও পৌরাণিক বিষয়বস্তুর দিকে এবং অঙ্কন, মূৰ্ত্তি ও রাজপুত্র অঙ্কনপদ্ধতির দিকে। সেটা যদি প্রথম পরিচ্ছেদেই শেষ হয়ে যেত ত আপত্তি ছিল না। কিন্তু যখন দেখা যায় যে, তাঁর শিষ্যদের মধ্যে দেবীপ্রসাদ রায়চৌধুরীর মতন দুই-একজন ছাড়া সবাই ব'লে রইলেন গুরুর বেবে-দেওয়া চৌহদ্দির মতন তখন সত্যিই সেটা হতাশার কারণ হয় বই কি। প্রবাসীর পাতায় তাঁদের বেরনো ছবি একসময়ে আমাদের রুচির ক্ষেত্রে যুগান্তর ঘটিয়েছে। কিন্তু আজকে যদি সেগুলি হাঁটুে দেখা যায় তবে হয়ত মনে হবে যে, অবনীন্দ্রনাথ জলরঙের যে ব্যবহার আরম্ভ কবেছিলেন তা এতদূর পর্যন্ত এগিয়ে নিয়ে গিয়েছিলেন যে, তাঁর শিষ্যদের আর সে পথে বিশেষ কিছু করবার ছিল না।

শিল্প-বিচারের ক্ষেত্রে অবশ্য অনেক আলোচনা হয়ে থাকে মূল্যায়নের মাপকাঠিগুলি নিয়ে। বর্তমান প্রসঙ্গে সে সম্বন্ধে দু'টি-একটি কথা হয়ত ব'লে নেওয়া উচিত। চিত্র-শিল্প যখন সৃষ্টি হয় তখন তার বিচারের দু'টি দিক থাকে। প্রথমতঃ, যিনি শিল্পী তিনি যদি সং ও আত্ম-মৰ্যাদাসম্পন্ন হন ত তিনি নিজের উপরেই নিজে কয়েকটি দাবী রাখেন। শিল্পকর্মটি সমাপ্ত হবার পরে তিনি নিজেই প্রথম দর্শক হিসাবে তার একটি বিচার করেন। তিনি দেখেন তাঁর নিজের যা যা করবার অভিপ্রায় ছিল তা তিনি ক'রে উঠতে পেরেছেন কি না। যদি তাঁর নিজের মনে হয় যে, তিনি এ বিষয়ে সফল হয়েছেন ত চিত্রটি শিল্পনিদর্শন হিসাবে যে মূল্যবান তাতে সন্দেহ নেই। প্রশ্ন উঠবে যে, অল্প দর্শকদের স্থান কোথায়? আমাদের মতে তাদের স্থান শিল্পীর পরে। শিল্পীর শিল্পসৃষ্টি একান্তভাবেই তাঁর নিজের তৃপ্তির জন্য, দর্শকের বা সমাজদারের তৃপ্তির কথা আসে তার পরে। এটা অবশ্য ঠিক যে, বহু দর্শকের ভাল লাগা বা মন্দ লাগার মধ্যে দিয়ে ধীরে ধীরে গ'ড়ে ওঠে শিল্পের আর একটি মূল্য— যে মূল্যের সঙ্গে শিল্পীর আরো-পিত মূল্যের কোনও সাক্ষাৎ সম্পর্ক নেই। সার্থক যে শিল্প তাকে এই বিবিধ মূল্যায়নেই উৎসাহিত হয়। শুধু তাই নয়, সাম্প্রতিক মূল্য ছাড়া তাকে কালের বিচারেও টিকে যেতে হয়, তবে তা স্থান পায় সার্থকতার আসনে।



দেহাঙ্গনা  
(ভাস্কর্য)  
শ্রীঅজিত চক্রবর্তী



শিল্পশ্রুতির মূল কথা মানুষের সহস্রভূতির জগতে নানা দিক থেকে নানা "রূপ" বা "form"-এর মধ্যে পারস্পরিক সম্পর্ক আবিষ্কার করা। সবচাইতে উচ্চরের শিল্পকৌশলির ক্ষেত্রে এই "সম্পর্কের" প্রতি শিল্পীর যেন প্রায় একটা নিরাসক্তির ভাব প্রকাশ পায়। একটি রক্তমাংসে গড়া মানুষ যখন একান্তে ব'সে কোণারক অথবা তাজমহলের পরিকল্পনা করে তখন সৌন্দর্যের প্রতি আবেগও যেন তুচ্ছ হয়ে যায়। চরম সৃষ্টির ক্ষেত্রে শিল্পী কোনও রকমের আসক্তি বা আবেগের কথা মনে স্থান দিতে পারেন ব'লে মনে হয় না। কিন্তু অবনীন্দ্রনাথ ও তাঁর অহুগামীদের মধ্যে সাধারণ ভাবে এই নিরাসক্তির পরিবর্তে একটা রোম্যান্টিক আসক্তির ভাবই লক্ষ্য করা যায়। তার থেকে উল্লেখযোগ্য ব্যতিক্রমরূপ বলা যায় নন্দলাল বসুর উডকাট, দেবীপ্রসাদ রায়চৌধুরীর আশ্চর্য (যা ছাপ ফেলেছে তাঁর চিত্রাঙ্কনের উপরেও) এবং অবনীন্দ্রনাথের নিজের শেষ জীবনের খেলা কাটুয়-কুটুয়ের কথা। এই ধরণের শিল্পশ্রুতির ক্ষেত্রে দেখা যাবে, সচেতন ভাবে চেষ্টা চলছে আমাদের অহুভূতির জগতে বিভিন্ন "form"-এর সম্পর্ক তথা ছক বা "pattern"-কে বোঝার মধ্যে দিয়ে অহুভূতিকেই আরও গভীরতা ও যথার্থ্য (precision) দেওয়ার।



শ্রীমতী  
শ্রীসোমনাথ হোড়

আমাদের বক্তব্যটি হয়ত একটি উদাহরণ দিলে সহজবোধ্য হবে: গল্প যখন পড়ি, তখন প'ড়ে আনন্দ পাই ব'লেই পড়ি। সব চাইতে উচ্চরের সাহিত্যের অন্তর্গত যা গল্প তা কিন্তু নিছক আপাত আনন্দ দেওয়ার পরিবর্তে এমন কিছু উপলক্ষি পৌঁছিয়ে দেয় পাঠকের মনে যা তার মধ্যে গভীরতা আনে, জগৎটাকে হঠাৎ একটা নতুনভাবে বা উজ্জ্বলভাবে বা আরও ভাল ক'রে সে বুঝতে পারে। চিত্র-শিল্পও সেইরকম একটি ব্যাপার। তার সাহায্যেও মানুষের উপলক্ষির গভীরতা বাড়ে—প্রথমতঃ শিল্পীর নিজের ও দ্বিতীয়তঃ রসজ্ঞ দর্শকের। কিন্তু যে জিনিষটা পুরনো বা যাকে ইতিপূর্বে আরও ভালোভাবে দেখা হয়ে গেছে বা বোঝা হয়ে গেছে, তাকে আবার দেখে ত তত আনন্দ নেই? অবনীন্দ্রনাথের শিল্পীদের মধ্যে সেই নিরানন্দের আশ্বাদ অনেক মেলে। তার একটা কারণ হয়ত তৎকালীন সেই শক্তিশালী জাতীয়তাবাদ (যার একটা সব চাইতে উল্লেখযোগ্য ফল হ'ল জাপানী শিল্প-কলার প্রভাব বিস্তার)। স্বাভাভ্যাগিমানের যেমন একটা গ'ড়ে তুলবার ক্ষমতা আছে তেমনি কুপমণ্ডুকতার ফাঁদে বেঁধে রাখবারও ক্ষমতা আছে। অবনীন্দ্রনাথ প্রকৃত শিল্পী ছিলেন ব'লে শেষ বয়সেও প্রকৃতির কারখানার বাতিল ক'রে-দেওয়া মালমশলার সঙ্গে রূপের ছক খুঁজতে বেরিয়েছিলেন, কিন্তু তাঁর অহুগামীরা চিরদিনই ক'রে

চললেন সেই ঝাপসা রঙ আর বিধা-কম্পিত রেখার চর্কিতচর্কণ। তাঁদের সৃষ্টির সঙ্গে আমাদের জীবনের কোনও যোগ তাই দৃষ্টিগোচর হয় না। আমাদের কাছে তা তাই অর্থহীন।

এই জাতীয়তাবাদী কুপমণ্ডুকতার মধ্যে যিনি একেবারেই আবদ্ধ থাকেন নি, তিনি হলেন অবনীন্দ্রনাথের ভ্রাতা গগনেন্দ্রনাথ ঠাকুর। অবনীন্দ্রনাথ ভারতীয় শিল্পীদের স্বাবলম্বী ক'রে তুলবার প্রয়াসে অবলম্বন করেছিলেন প্রাচীন ভারতীয় (ও জাপানী তথা অন্যান্য প্রাচ্য) পদ্ধতিকে। কিন্তু গগনেন্দ্রনাথ সেরকম কোনও সামাজিক মঙ্গলের জন্যে প্রয়াসী ছিলেন না—তিনি বোধহয় নিতান্তই নিজের খেলা-খুশিতে আঁকতেন তাঁর ছবি। তখন পাশ্চাত্যে চলছে ইম্প্রেশনিজম ও তার পরেকার যুগ, বহু শক্তিশালী শিল্পী তখন নতুন যুগের সৃষ্ণার রেখে যাচ্ছেন তাঁদের নিজদের স্বাক্ষর। কি আশ্চর্য যে, আমাদের দেশে এক গগনেন্দ্রনাথ ব্যতীত আর কোনও শিল্পীর সৃষ্টি দেখে মনে হয় না, তাঁরা

একটুও অবহিত ছিলেন সেই সব সংঘটনার সম্বন্ধে। গগনেন্দ্রনাথের শিল্পসাধনার অবশ্য বেশ সচেতন ছাপ পাওয়া যায় পাশ্চাত্য চিন্তাধারার। বিশেষ করে বিভিন্ন রূপের ও আকৃতির জ্যামিতিক বিশ্লেষণ এবং আলো-ছায়ার পারস্পরিক সম্পর্ক নিয়ে যে তাঁর গভীর আগ্রহ ছিল তা বেশ স্পষ্ট। অনেক স্বাবলম্বী মানুষের মতন তাঁর ব্যক্তিগত ট্রাজেডি ছিল এই যে, সারা জীবনই তিনি থেকে গেলেন শিক্ষানবীশ। তবে “শিক্ষানবীশ” তিনি একটি দিকে একেবারেই ছিলেন না—সেটি হ’ল ব্যক্তিচিত্র বা কার্টুনের ক্ষেত্রে। ঠিক জানি না, তবে বোধ হয় গগনেন্দ্রনাথই ভারতীয় কার্টুনের জনক। কালিধাটের পটুয়ারাও হয়ত ব্যক্তিচিত্র আঁকতেন কিন্তু সমসাময়িক রাজনৈতিক ও সামাজিক ঘটনার উপরে মস্তব্যমূলক চিত্র গগনেন্দ্রনাথই বোধহয় এভাবে প্রথম শুরু করলেন। যাই হোক, ব্যক্তিচিত্র নিয়ে আলোচনার ক্ষেত্র এটা নয়। গগনেন্দ্রনাথের যা অন্য সৃষ্টি তাঁর ধারাও তাঁর সঙ্গেই শুরু হয়ে গেল, তাঁর কোন অসুগামী সম্প্রদায় কখনই গড়ে ওঠে নি। গগনেন্দ্রনাথ আমাদের শিল্পজগতে নিতাসুই একটি ধুমকেতুরূপী ব্যক্তিত্ব।

ভারতীয় শিল্প-সৃষ্টির ইতিহাসে অবশ্য সবচাইতে স্বাবলম্বী মানুষটির আবির্ভাব ঘটেছিল সবচাইতে অপ্রত্যাশিত ভাবে—তিনি হলেন স্বয়ং রবীন্দ্রনাথ। তীব্র অসুস্থতা, প্রবল আত্মবিশ্বাস, রূপ সম্বন্ধে তীক্ষ্ণ বিশ্লেষণ ক্ষমতা—সবই তাঁর ছিল, শুধু ছিল না চিত্রাঙ্কনে কোনও শিক্ষানবীশী। কিন্তু তাই বোধহয় তাঁর পক্ষে শাপে বর হয়ে দাঁড়াল। রবীন্দ্রনাথের শিল্প সাধনার সবচাইতে বড় বৈশিষ্ট্যটি হ’ল এই যে, তিনি গোড়া থেকেই আত্মসমর্পণ




যারা গাড়ী টানে  
শ্রীমুহাস রায়

করেছিলেন অবচেতন মনের নির্দেশের কাছে। পাশ্চাত্য ভাবধারার অবচেতন-আশ্রয়ী শিল্পশৈলী—যাকে অনেক সময়ে sur-realism নামে অভিহিত করা হয়—কিছু নতুন নয়, কিন্তু সেখানে শিল্পীর মাথা-ব্যথা থাকে টেকনিক নিয়ে। মেক্সিকোর শিল্পী স্ত্রালভাড়োর ডালির কোনও চিত্র যদি দেখা যায় তবে বোঝা যায় যে, বাস্তবধর্মী শিল্পের আয়াস-সাধ্য টেকনিকের সঙ্গে অবচেতন চিন্তার উপর নির্ভরশীলতার সংমিশ্রণের ফল কি হয়। কিন্তু রবীন্দ্রনাথের বেলায় কোনও রকমের টেকনিক নিয়ে—ব্যস্ততার কারণই ছিল না—তিনি শুধু মেনে চলেছিলেন তাঁর নিজের মনের নির্দেশ-গুলি। তাঁর বহু সৃষ্টির মধ্যেই তাই তাঁর বিরাট তীক্ষ্ণ বীশক্তির নীচে বয়ে-চলা সেই বিচিত্র অবচেতনার দীপ্তি আমাদের চোখ ঝলসে দেয়। তবু তাঁর জীবনের সব দিক যেমন এক-একটা সম্পূর্ণ সাংস্কৃতিক পরিণতির ইতিহাস—চিত্রশিল্পীরূপেও তাঁর মধ্যে দেখি সূচনা, পরিণতি ও অবনতির এক পূর্ণ চিত্র। প্রথম দিকে দেখি, তাঁর আন্তে আন্তে হাতুড়ে নিজের মতন একটা মাধ্যম খোঁজার চেষ্টা; তার পর, তাঁর সেই বিচিত্র-সম্পদে সাজান চিত্রগুলি—যার বর্ণগৌরব ও বিষয়বস্তু এ জগতেরই বাইরের জিনিষ; আর তারও পরে, অবচেতনকে বিসর্জন দিয়ে ‘তুর্কল আত্মসচেতন ভাবে গতানুগতিকতার শিথিল অসুকরণ—সত্যিই সম্পূর্ণ একটা ইতিহাস! এ ইতিহাস অসুসারে তাঁর কোনও অসুগামী থাকবার কথাও নয়, কেউ ছিলও না। সুতরাং আজকের শিল্পী-সমাজের সঙ্গে তাঁর কোনও সাক্ষাৎ যোগাযোগের সূত্র বার করার চেষ্টা না করাই ভাল।

এর পরেই এসে পড়ে তাঁদের কথা যারা সাধারণভাবে পরিচিত “আধুনিক” শিল্পী হিসেবে। “আধুনিক” কথাটির অপপ্রয়োগ অনেক হয়—কাব্য, সাহিত্য, চিত্র সর্লক্ষেত্রেই অপপ্রয়োগ, যারা আধুনিক বলে পরিচিত হতে চান তাঁরা নিজেরাও করেন, আবার যারা নিজেরদের অনাধুনিক বলে পরিচিত করতে চান তাঁরাও করে থাকেন। মুশকিল এই যে “আধুনিক” যেটা আজকে, সেটা কালকে আধুনিক নাও থাকতে পারে—এবং না থাকাই স্বাভাবিক। শুধু তাই

নয়, আমাদের দেশের একটি মস্ত বিড়ম্বনা এই যে, আমাদের অনেক ক্যাশান চালু হয় পশ্চিমের ক্যাশানের অসুকরণে—অর্থাৎ পশ্চিমের থেকে আসতে গিয়ে “ডাকে” দেবী হয়ে যায় অনেক। তবুও, এসব বিবেচনা সত্ত্বেও এ কথাটা স্বীকার করতেই হয় যে, কোনও একটা অর্থে নিশ্চয়ই আধুনিক শিল্প ব’লে একটা ধারা চালু আছে যেটা আজকের দিনেই আধুনিক—কোনও বিচারে নিশ্চয়ই আজকের যুগের উপযোগী। যেখানে টেকনোলজি নিয়ে কথা হয় সেখানে সহজেই বোঝা যায় কোন্টা আধুনিক, কোন্টা নয়; কিন্তু এখানে বিচারের ভিত্তি হ’ল—রুচি, তা সে হোক ব্যক্তিগত কিংবা সমষ্টিগত।

আমাদের দেশে অবশ্য খুব কৌতূহলোদ্দীপক হ’ল এই সামাজিক রুচির প্রকৃতিটি। চিত্রের জগতে, পাশ্চাত্য দেশে, অর্থবান্ ব্যক্তি এবং বড় বড় ট্রাষ্ট গোষ্ঠের প্রতিষ্ঠানের হাতেই থাকে পৃষ্ঠপোষকতার মধ্যে দিয়ে রুচি তৈরি করার দায়িত্ব। আমাদের দেশেও, চিরকালই—সামন্ততান্ত্রিক নেতারা প্রধান ভূমিকা নিয়ে এসেছেন এ ব্যাপারে। কিন্তু সম্প্রতিকালে, বিশেষতঃ বাংলা দেশে, মধ্যবিত্ত সমাজের হাতেই থেকে এসেছে রুচি গঠনের দায়িত্ব। হু’একজন ছাড়া বেশীর ভাগ শিল্পীই এসেছেন মধ্যবিত্ত ও নিম্নমধ্যবিত্ত সমাজের থেকে এবং পৃষ্ঠপোষকতার ক্ষেত্রেও প্রতিষ্ঠানগত সাহায্য বা ধনকুবেরদের সাহায্য মোটের পরে খুব বেশী আসে নি—প্রাকৃ স্বাধীনতা যুগে। কলে পপুলার বা লোকরঞ্জক শিল্পের তুলনায় প্রকৃত শিল্প নিদর্শনগুলি অনাদৃতই থেকে এসেছে। মধ্যবিত্ত সমাজের মধ্যে আধুনিক সাহিত্য সম্বন্ধে রুচি, ইংরেজী (ও অন্যান্য পাশ্চাত্য ভাষার) সাহিত্যের সংস্পর্শে এসে গ’ড়ে উঠেছে খুব তাড়াতাড়ি—কিন্তু চিত্রশিল্প সম্বন্ধে রুচি গড়েছে তার চাইতে শ্লথ গতিতে। এর কারণ অন্তত নির্দেশ করা যাবে, তবে ১৯৪৭ সালের পর থেকে বিদেশী ব্যবসা-প্রতিষ্ঠানগুলির আত্মকূল্যে এবং এ দেশ ও বিদেশে ভ্রমণসুযোগ-বাহুল্যে যত দ্রুত এগিয়ে এসেছে শিল্পরুচি, ১৯৪৭ সালের আগে তার তুলনায় রুচি ছিল অনেক পেছিয়ে এবং তৎকালীন শিল্পীরাও, সচেতন ভাবে হোক বা অবচেতন ভাবে হোক, লোকরঞ্জনের দায়িত্বকে অনেকটাই মেনে নিতেন শিল্প-সাধনার ক্ষেত্রে।



পল্লীগীতির আসর  
ত্রিশৈলেন মিত্র

বলা বাহুল্য যে, লোকরঞ্জক শিল্পের ইতিহাসে আমাদের দেশে সব চাইতে বড় নাম হ’ল যামিনী রাযের। অর্থাৎ বিদেশী শিল্প-সমালোচকদের চোখে তাঁর স্থান শিল্প-সাধনার ক্ষেত্রে ঋবই উঁচুতে, এবং আমাদের দেশেও তাঁর স্থান নতুন ক’রে কিছু ক’রে দেবার নয়। অসাধারণ দক্ষ এই শিল্পীটি সাধনার প্রথম থেকেই যেন জীবনের ব্রত হিসাবে নিয়েছিলেন বিভিন্ন ধারার অঙ্কন-পদ্ধতি আয়ত্ত করার কাজটি। দেশী, বিদেশী বহু শিল্প-ধারার সঙ্গে তাঁর পরিচয় আছে এবং তাঁর অসুস্থত পটুয়া শৈলীর মধ্যে তাদের অনেকেরই ছাপ পাওয়া যাবে একটু খুঁটিয়ে দেখলে।

রঙের ব্যবহার এবং বক্র কিংবা ঋজু রেখাপাতে তাঁর সাহস ভারতীয় শিল্পীদের মধ্যে অনন্তসাধারণ। কিন্তু কালের বিচারে হয়ত দেখা যাবে, কালিঘাটের সেই অনতিপটু পটুয়ারাও উত্তীর্ণ হয়ে গিয়েছে তাদের সততার দাবীতে অর্থাৎ যামিনী রায হতে পারেন নি। তাঁর কারণ তাঁর ছবি, সাধারণ ভাবে বলতে গেলে, লোকরঞ্জক শিল্পের পর্য্যায়ই থেকে গেছে এবং তাঁর বিচার হবে কারুশিল্প হিসাবে, চাকুশিল্প হিসাবে নয়, তা সে দেখতে যত সুন্দরই হোক না কেন। টেকনিকের উপরে তাঁর অবিদ্বান্ দক্ষতা যেখানেই মিলিত হতে পেরেছে শিল্পীমূলভ অসুপ্রেণার

সঙ্গে, সেখানেই তিনি সাকল্যলাভ করেছেন শিল্পের বিচারে। কিন্তু সে যোগাযোগ ঘটেছে বড় কম, তিনি প্রায় সব সময়েই এঁকে গেছেন দর্শকের চাহিদা রাখার রেখে। তাতে ক্রেতার গৃহান্তর সুসজ্জিত হয়েছে সন্দেহ নেই কিন্তু তার চাইতে মহত্তর কিছু ঘটে নি।

যুদ্ধের সমাপ্তি ও স্বাধীনতার সূত্রপাত—এই পর্য্যন্ত এসে গেলেই আমরা পৌঁছিয়ে যাই আমাদের সমসাময়িক যুগে। এ যুগে প্রতিভার অভাব নেই—গোপাল ঘোষ, রামকিঙ্কর বৈজ, কালিকিঙ্কর ঘোষ দস্তিদার ইত্যাদি অনেকের নাম করতে পারি এক নিঃশ্বাসে ষাঁদের কেউই খুব ফ্যালনা ব'লে মনে হয় না। তবে এঁরা এখনও আমাদের এত কাছাকাছি যে এঁদের মূল্যায়ন করার সময় হয়ত এখনও আসে নি। এক দিক থেকে দেখতে গেলে ক্যালকাটা গুপের অন্তর্গত বা তাঁদের সমসাময়িক এই সব শিল্পীদের একটা বিশেষ স্থান দিতে হয় আমাদের দেশের



খিলান


শ্রীঅনিলবরণ সাহা

শিল্প-ইতিহাসে। এঁদের সকলেরই প্রায় গোড়াপত্তন অবনীন্দ্রনাথ-প্রদর্শিত হাওয়ার, তার পরে এসেছে অমৃত শেরগিল প্রমুখ ভারতীয়দের ও ডান গ, শেজানু থেকে শুরু করে গল ক্রে পর্য্যন্ত পাশ্চাত্য শিল্পীদের প্রভাব। এঁদের মধ্যে কেউ কেউ বিদেশে শিক্ষানবিশীও করেছেন, তবে তাছাড়াও ভারতের অন্তর্গত কেন্দ্রের, বিশেষতঃ বোম্বাই অঞ্চলের শিল্পীদের সঙ্গে সাধারণ অর্থে একটা যোগাযোগের সম্পর্ক এঁদের আছে। অর্থাৎ মোটের উপর এঁরা সবাই—বহির্জগৎ সম্বন্ধে সচেতন এবং টেকনিকের উপরে দখল এঁদের মোটের উপরেই বেশ ভালো। তবে বয়সের বিচারে যদি আরও একধাপ আমরা নেমে আসি ত দেখতে পাব সেই সব শিল্পীদের, যারা গড়ে উঠেছেন অবনীন্দ্রনাথে শুরু নবজাগরণের প্রতি বিশেষ কোনও শ্রদ্ধা ছাড়াই এবং ষাঁদের বিশেষ কোনও দ্বিধা নেই দেশীয় ( ? ) বা বিদেশীয় যে কোনও শৈলীর সাহায্যে নিজের নিজের শিল্পী বিবেকের দাবী মেটাতে। ক্যালকাটা গুপের শিল্পীদের কাছ থেকে নতুন কোনও খুব বড় জিনিষ আর বিশেষ আশা করা উচিত নয়। তাঁরা দিয়েছেন অনেক, এখন বাকী আছে ঐতিহাসিক পরিপ্রেক্ষিতে মূল্যায়নের। কিন্তু আধুনিকতর শিল্পীরা সবে পা বাড়িয়েছেন সাধনার পথে, কাজেই তাঁদের শুরুত্বই বোধহয় সম্প্রতিকালে সব চাইতে বেশী—এটা তাঁদেরও মনে রাখতে হবে, আমাদেরও মনে রাখতে হবে।

শিল্পের সাধক হিসাবে তাঁদের কর্তব্য বিশেষ সহজ একটা ব্যাপার নয়। শিল্পীর মূল কর্তব্য, যা ইতিপূর্বেই সংক্ষেপে আলোচনা করেছি, তা ত তাঁদের সামনে আছেই। তা ছাড়া আরও ছাঁটি মারাত্মক সমস্তার সম্মুখীন হতে হবে তাঁদের : একটি হ'ল, শিল্পীর নিজের প্রতি সং হওয়ার সঙ্গে সঙ্গে সমাজের কাছে জীবিকা-নির্ভরতার



স্বীকৃতি লাভ করা এবং বিতরণ: আধুনিকতার ক্যাশানে না মুগ্ধ হয়ে আধুনিক এই যুগটার সঙ্গে প্রকৃত একটি প্রাণের বন্ধন স্থাপন করা। -বলা বাহুল্য, প্রত্যেক শিল্পীর জীবনে এই সমস্যাগুলি তাঁর ব্যক্তিগত সমস্যা হিসেবে উপস্থিত হলেও সমস্যাগুলির সঙ্গে একত্রিত হতে পারলে এই দুর্ভাগ্য সমস্যাগুলির সমাধান ত্বরান্বিত হতে পারে, অন্যতম: তাঁদের নিজের নিজের ব্যক্তিগত সাহস ও বৈশিষ্ট্য আরও দীর্ঘস্থায়ী হতে পারে। সমস্যাগুলির সমাধান Society for Contemporary Artists-এর সঙ্গে পরিচিত হয়ে এই সব কারণে সূখী হয়েছি। এই প্রতিষ্ঠানটিতে যে জন-কুড়িক শিল্পী একত্রিত হয়েছেন তাঁদের মধ্যে বয়স:ক্রোষ্ঠ যিনি তাঁর বর্তমান বয়স ৩৪ এবং বয়স:কনিষ্ঠ দু'জনের বয়স ২৯ -- অর্থাৎ বয়সের বিচারে এঁরা সত্যিই contemporary বা সমসাময়িক। শুধু তাই নয়, এঁরা প্রত্যেকেই ব্যক্তিগতভাবে আধুনিক জীবনযাত্রা সম্বন্ধে গভীর ভাবে অবহিত থাকতে চান, এঁদের উদ্দেশ্যই হ'ল এই বিঘ্নমূলক সময়ের স্রোতের বাইরে না দাঁড়িয়ে থেকে এর মধ্যে অংশ গ্রহণকারী হিসেবে নেমে পড়া। কাজেই, সার্থক হোক বা না হোক, এঁদের কক্ষপহার মধ্যে যে একটা প্রকৃত আধুনিকতা আছে তাতে সন্দেহ নেই।



প্রণয়ী-যুগল  
ত্রিমনং কর

একত্রে এই প্রতিষ্ঠানটির মধ্যে সম্মেলন হলেও নিজের নিজের ব্যক্তিগত বৈশিষ্ট্য-গুলিকে এঁরা কোনও অর্থেই মিশিয়ে দিতে চান না সমষ্টিগত সৃষ্টির মধ্যে। অর্থাৎ এঁরা এই প্রতিষ্ঠানটির মধ্যে দিয়ে চান মানসিক আদান-প্রদানের সুযোগ, চিত্রকলা প্রদর্শনের সুযোগ এবং সম্ভবমত অন্যান্য সুবিধা, যার সাহায্যে প্রত্যেক সদস্য তাঁর ব্যক্তিগত শিল্পসমস্যাগুলির সমাধান খুঁজে পেতে পারেন। প্রকৃতপক্ষে, Young Contemporary Artists of Bengal নাম দিয়ে এঁরা প্রথম একটি প্রদর্শনীর আয়োজন করেন বোম্বাইতে ১৯৫৯ সালে! এঁদের নামটি তার পরে পাটানো হয়েছে এবং ভিন্ন দেশীয় শিল্পীদের সঙ্গে আদান-প্রদানের প্রয়াসে আলিঙ্গান ফ্রান্সেতে নিজের একটি প্রদর্শনী ও পরে চেকোস্লোভাকিয়ার শিল্পীদের প্রস্তুত গ্রাফিক শিল্পের একটি প্রদর্শনীও নিবেদন করেছেন। ১৯৬০ সালে ও ১৯৬১ সালে বার্ষিক একটি প্রদর্শনী ছাড়াও পর পর কয়েকজন সদস্যের ব্যক্তিগত

প্রদর্শনীর ব্যবস্থাও এঁরা করে উঠতে পেরেছেন। ১৯৬২ সালে এই ধরনের ব্যক্তিগত প্রদর্শনীর সুযোগ পেয়েছেন: মাসে সুকুমার দত্ত, জুন মাসে শ্যামল দত্ত ও সোমনাথ হোড়, জুলাই মাসে অনিলবরণ সাহা ও অজিত চক্রবর্তী (ভাস্কর্য) এবং সেপ্টেম্বর মাসে দীপক ব্যানার্জি ও শৈলেন মিত্র। এই ছোট প্রদর্শনীগুলি সবই করা হয়েছে এঁদের নিজের হুঁড়িতে। তা ছাড়াও, এঁদের মধ্যে একজন, অরুণ বসুর চিত্রকলার একটি প্রদর্শনী হয়েছে গত জুলাই মাসে অশোকা গ্যালারীতে। যখন ভেবে দেখা যায় যে, পূর্বে প্রদর্শিত কোনও ছবি এঁরা কোনও প্রদর্শনীতে আনেন না তখন এটা অন্ততঃ বুঝতে পারা যায় যে, এঁরা কাজের ব্যাপারে কোনও কুঁড়ম্বীকে প্রশ্রয় দেন না।

বয়স এঁদের কম, উৎসাহও প্রচুর। সেই সঙ্গে শিল্পসাধনাকে এঁরা জীবনের অবিচ্ছেদ্য অঙ্গ হিসাবে মেনে নিয়েছেন। স্বভাবতঃই প্রশ্ন উঠবে যে, এঁদের জীবিকার সংগ্রামের চেহারাটি কি? জেনে আশ্চর্য হওয়া যায়, এঁরা কেউই সৌখীন শিল্পী নন। শিল্পের উপরেই নির্ভর করে এঁদের জীবনধারণের প্রশ্ন। কিন্তু জীবনধারণ করতে গিয়ে নিজেদের শিল্পকে বিক্রিয়ে দেন নি লোকরঞ্জনের পেশার কাছে। শিল্প-শিক্ষক হিসেবেই অনেকে একটা সামঞ্জস্য বিধান করতে পেরেছেন এই ছুঁছুঁ সমস্তার—স্বাভাবিক অনেকে অযাচিত পৃষ্ঠপোষকতা লাভ করে থাকেন সরকারী গ্যালারী ও ধনী ব্যবসা-প্রতিষ্ঠানগুলির কাছে থেকে। সাধারণ ঘরোয়া মানুষরাও সে তাঁদের শিল্পপ্রতিষ্ঠাকে আদর করে থাকেন তার প্রমাণ ত প্রদর্শনীগুলিতে বিক্রয়ের মধ্যে মিলবেই—তবে আরও সুন্দর একটি প্রমাণ পাওয়া গেল বারুইপুর বেসিক ট্রেনিং কলেজের বার্ষিক মেলায় পর পর গত দুই বছর এঁদের ডাক পড়ায়। এ মেলায় স্থানীয় গ্রাম্য বা আধা শহুরে মানুষেরাই আপন আনন্দলাভ ও অবসর বিনোদনের উদ্দেশ্যে—তাঁরা যদি আদর করে থাকেন এঁদের চিত্রকলাকে তবে যে এঁরা সমসাময়িক জীবনযাত্রার প্রকৃত অংশীদার হতে পেরেছেন তাতে সন্দেহ নেই। তবে কালের অগ্রগতির পথে আরও সব বিচিত্রতর জীবিকার সন্ধান পেয়েছেন এঁরা—কেউ নিজেই গৃহ-সজ্জার বস্তি, কেউ বা প্রাচীন চিত্রসম্পদকে পুনরুদ্ধার ও রক্ষা করার বস্তি। মোটের উপর এঁরা খুবই প্রাণবন্ত, সেটাই এঁদের সবচাইতে বড় বৈশিষ্ট্য।

শিল্পী যদি প্রাণহীন হন, তিনি যদি থাকেন জীবনযাত্রার কোলাহল থেকে অনেক দূরে, তবে তিনি শিল্পী হতে পারেন কি না জানি না, তবে সমসাময়িক হতে পারবেন না কখনই। আমাদের এই অল্পবয়স্ক শিল্পীরা পরিপূর্ণভাবে সমসাময়িক তাতে সন্দেহ নেই—তবে শিল্পশৃষ্টির মাপকাঠিতে উত্তীর্ণ হতে পারবেন কি না সে বিচারের দিন আজও আসে নি। অবনীন্দ্রনাথ গত শতাব্দীতে যখন শিল্পের নবজাগরণের স্বপ্ন দেখেছিলেন, তার থেকে বহু দিন আমরা পিছনে ফেলে এসেছি। আজকের দিনে শিল্পের সমজ্ঞদারের সংখ্যা অনেক বেশী, সফলতার মাপকাঠিও অনেক উঁচু। স্বাধীনতার যুগে কুপমণ্ডুকতার বস্তি অচল—দেশে-বিদেশে প্রবহমান বহু শক্তিশালী ধারার ঢেউ লাগছে তাঁদের গায়ে। এই অভাবিতপূর্ক স্বেচছগের সছ্যবহার তাঁরা করতে পারবেন কি না তা নির্ভর করবে নেহাৎই তাঁদের নিজেদের উপর। টেকনিক নিয়ে বিব্রত থাকা স্বাভাবিক—বিশেষ করে বয়স বা অভিজ্ঞতা যখন অল্প। কিন্তু শিল্পের বিচার টেকনিক দিয়ে নয়—তার বিষয়বস্তু নিয়ে। মহৎ শিল্প মানুষকে সাক্ষাৎ অভিজ্ঞতার মধ্যে দিয়ে নিয়ে যায় গভীরতর উপলক্ষির মধ্যে। শিল্পী যখন কাজে ডুবে যান তখন তাঁর সামনে যে দিগ্দর্শন যন্ত্র থাকে তা হ'ল সততার চৌম্বক শক্তির স্পর্শ-ধ্রু। তার সাহায্যে তিনি নিজেই তাঁর চেতন-অবচেতনের স্ফুর্জ পথ পেরিয়ে উত্তীর্ণ হন নিজের কাছে সফলতার মাপকাঠিতে। দর্শকের স্তুতি, পৃষ্ঠপোষকের সাহায্য ত তার অনেক পরের কথা। প্রাণবন্ত এই তরুণ শিল্পীরা নিশ্চয়ই পাবেন সফলতার স্বাদ—নিষ্ঠা হোক তাঁদের সহায়।



## রাজনারায়ণ বসুকে লিখিত পত্রাবলী .

রাজনারায়ণ বসুর নাম বাংলার বিৎসরাজ্য ছুলিতে পারেন না। তবে সাধারণ শিক্ষিত লোকে হয়ত তাঁহাকে ছুলিয়া গিয়াছে। ইনি জন্মগ্রহণ করেন ১৮২৬ খ্রীষ্টাব্দে এবং সেকালের হিন্দু কলেজে শিক্ষালাভ করেন। বাংলা, ইংরেজী ও সংস্কৃত ছাড়া পারস্যভাষায় তাঁহার যথেষ্ট জ্ঞান ছিল। ইহার রচিত গ্রন্থাবলীর মধ্যে “সেকাল ও একাল” এবং “হিন্দুধর্মের শ্রেষ্ঠতা” আজও মাহুষ স্মরণ করে। “ধর্মতত্ত্বদীপিকা” প্রভৃতি অসংখ্য গ্রন্থও উল্লেখযোগ্য। রাজনারায়ণ বাংলার জাতীয়তার যজ্ঞে অসংখ্যতম পুরোহিত ছিলেন। ১৮৬৩ খ্রীষ্টাব্দে রাজনারায়ণ, নবগোপাল মিত্র, সত্যেন্দ্রনাথ ঠাকুর, দ্বিজেন্দ্রনাথ ঠাকুর প্রভৃতি হিন্দুমেলার উদ্বোধন করেন। কংগ্রেস প্রথম হয় ১৮৬৫-তে। হিন্দুমেলার সত্যেন্দ্রের “জয় ভারতের জয়” গান হয়। রাজনারায়ণকে একজন Grandfather of Nationality নাম দেন। এই সরল ও ধর্মনিষ্ঠ গৃহস্থ জীবনের শেষ ভাগে দেওঘরে বাস করিতেন। সেখানে লোকে তাঁহাকে ঋষি বলিত ও দেওঘরে গিয়া তাঁহাকে না দেখিলে সেখানে যাওয়া বৃথা মনে করিত। রাজনারায়ণের দৌহিত্র অরবিন্দ ঘোষ এবং অসংখ্যতম জামাতা কৃষ্ণকুমার মিত্র। কর্মজীবনে রাজনারায়ণ মেদিনীপুরে বাস করিতেন।

সে-যুগে বাংলার বহু মনস্বীর সঙ্গে তাঁহার গভীর যোগ ছিল। মহর্ষি দেবেন্দ্রনাথ ইহা অপেক্ষা নয় বৎসরের বড় ছিলেন এবং তৎপুত্র দ্বিজেন্দ্রনাথ বোধ হয় রাজনারায়ণ অপেক্ষা বার-তের বৎসরের ছোট ছিলেন। পিতা ও পুত্র উভয়ের সঙ্গেই রাজনারায়ণের গভীর যোগ ছিল। ধর্মতত্ত্ব বিষয়ে তিনি মহর্ষির বন্ধু ছিলেন কিন্তু জাতীয়তা-বোধ, রসবোধ ইত্যাদিতে দ্বিজেন্দ্রনাথই তাঁহার অধিকতর নিকটের ছিলেন। রাজনারায়ণ ও দ্বিজেন্দ্রনাথ উভয়ের প্রাণখোশী অট্টহাস্তই সেকালের লোকের নিকট তাঁহাদের একটা বিশেষত্ব বলিয়া কথিত ছিল। মহর্ষির অসংখ্য পুত্র সত্যেন্দ্রনাথ, জ্যোতিরিন্দ্রনাথ এবং রবীন্দ্রনাথ প্রভৃতির সঙ্গেও রাজনারায়ণের যোগ ছিল। মহর্ষির জ্যেষ্ঠা কন্যা সৌদামিনী দেবীকে রাজনারায়ণ স্নেহভরে “মা” বলিয়া ডাকিতেন। সৌদামিনীর সহিত ইহার পত্র-বিনিময় হইত। রাজনারায়ণ উনিশ বৎসর বয়সে দেবেন্দ্রনাথের সহিত পরিচিত হইয়া আদি ব্রাহ্মসমাজে যোগদান করেন।

প্রবাসীর প্রতিষ্ঠাতা রামানন্দ চট্টোপাধ্যায়কে রাজনারায়ণ ‘স্বর’ রামানন্দ বলিয়া ডাকিতেন, চিঠির উপরে এবং চাঁদার খাতায়ও স্বর রামানন্দ লিখিতেন। ইংরেজ গবর্নমেন্ট স্বর উপাধি দিলে রামানন্দ হয়ত প্রত্যাখ্যান করিতেন। কিন্তু রাজনারায়ণ-প্রদত্ত উপাধি ইনি গ্রহণ করিয়াছিলেন।

আমরা রাজনারায়ণকে লিখিত কয়েকজনের পত্র তাঁহার দৌহিত্রী শ্রীমতী বাসন্তী চক্রবর্তীকে নিকট পাইয়াছি। সেগুলি প্রবাসীতে প্রকাশিত হইবে।

শ্রীশান্তা দেবী

৩

৩ পৌষ বৃহস্পতিবার

পার্ক স্ট্রীট

শ্রদ্ধাস্পদেষু,

অনেক দিবস হইল আপনাকে পত্র লিখি নাই, আমাকে ছেলেরা ধরিয়াছে আপনাকে লিখিবার জন্ত তাদের সাধনা কাগজের কতকগুলি গ্রাহক আপনার করিয়া দিতে হইবে ওখানে আপনার সহিত অনেক লোকের আলাপ হইয়াছে তাদের বলে কহে যদি কাগজ লওয়াতে পারেন; আপনি সাধনা পাইয়াছেন পড়িয়া কিরূপ বোধ হইল ভাল হইয়াছে কি? এখন অপরিপক্ব হাতের লেখা তত ভাল না হবারই কথা।

শান্তিনিকেতনের উপাসনা মন্দির প্রতিষ্ঠার জন্ত ধুব ধুমধাম হইতেছে, বড়দাদা কাল সেখানে যাইবেন আপনি তার সঙ্গি হইলে ধুব আমোদ ভোগ করিতে পাইতেন; সকল দলই সেখানে একত্রিত হইবেন আপনি আসিলে ভাল হইত পৌষ মাসের উৎসব এবং মাঘ মাসের উৎসব দুইটা দেখে যেতেন।

আমি কুঠরোগীদের জন্ত কতকগুলি টাকা চাঁদা তুলিয়া রাখিয়াছি আরো কতকগুলি পাবার আশায় আছি সেইগুলি যদি পাই তবে একত্র করে পাঠাব, আপনার নিকট পাঠাব কিবা এখানে কাহার নিকট পাঠালে

আপনারা পাইতে পারেন তাহা আমাকে লিখিবেন, ৫০ টাকা আমি গগনের নিকট হইতে লইয়া আপনার নিকট পাঠাইয়াছিলাম; মৃত্যুঞ্জয় মুখোপাধ্যায় সত্যপ্রসাদের খত্তর ২৫ টাকা দিয়াছেন 'সেটা কি আপনার নিকট পাঠাব কিম্বা এখানে কাহার নিকট পাঠাব সেটা আমাকে বলে দেবেন; ষাঁহার ২ টাকা দিয়াছেন তাহাদের নাম যদি কাগজে বাহির করেন তবে মৃত্যুঞ্জয় মুখোপাধ্যায় বাড়ি চোরবাগান নামটা দেবেন, আর আমরা মেয়েদের মধ্যে দু এক টাকা জড়ো করে যে টাকাটা তুলেছি সেটার নাম আপনার দিতে হবে না; দেখুন আপনার মা হয়ে আমি চুপ করে বসে নাই ছেলের জন্তে কাজ করে দিচ্ছি, বাস্তবিক গরীব হতভাগ্যদের দুর্দশা শুনে বড় কষ্ট হয়, আপনি যত টাকা পাইয়াছেন তাহাতে ওদের বেশ ভরণপোষণের সবরকম সুবিধা হতে পারিবে ত ? গরীবদের যদি সকল রূপ ভাল করে দিতে পারেন তবে আপনি দেশের একটা মহৎ কাজ করিলেন তাহাতে আর সন্দেহ নাই; আপনাদের দেখাদেখি অন্যান্য তীর্থস্থানেও হতে পারবে।

আপনার শরীর কেমন আছে ? বধুমাতা ও অন্যান্য সকলে কেমন আছেন ?

সৌদামিনী দেবী।

ও

৩০ শ্রাবণ বৃহস্পতিবার

শ্রদ্ধাম্পদেষু,

এবার আপনাকে পত্র লিপিতে বিলম্ব হইয়া গেল, আরবার এখানকার সংবাদ পান নাই বলিয়া ভাবিত ছিলেন সেই কারণে আমি শীঘ্র উত্তর দিয়াছিলাম এবার ততটা শীঘ্র উত্তর দেবার ততটা আবশ্যিক নাই দেখিয়া দীর্ঘে স্নেহে লিপিতেছি।

রাজা রামমোহন রায়ের প্রণীত গ্রন্থাবলি বলিয়া যে একখানি পুস্তক আপনি প্রকাশিত করিয়াছেন, তাহাতে আপনার ও বেদান্তবাগীশ মহাশয়ের অনেক পরিশ্রম করিতে হইয়াছিল, এখানি উৎকৃষ্ট পুস্তক হইয়াছে, বেদের ও উপনিষদের সারমর্ম যাহা তাহা লইয়া তিনি পণ্ডিতদের সহিত অনেক তর্ক-বিতর্ক করিয়াছেন, এবং অনেক দেশের কুপ্রথা নিবারণ করিয়া গিয়াছেন। সহমরণ উঠিয়া দিবার নিমিত্তে কতই তাঁর পরিশ্রম করিতে ও ক্লেশ ভোগ করিতে হইয়াছিল তাহা বলা যায় না, এই পুস্তকটি পাঠ করিয়া তাঁর কাজের অনেক পরিচয় পাওয়া গেল এবং অনেক জ্ঞান লাভ হইল; তিনি যে আমাদের দেশে একটি মহৎ লোক জন্মেছিলেন তাহার আর সন্দেহ নাই

বড়দাদা আজকাল ভারি ব্যস্ত তিনি একটি বিষয় লিখছেন সেইটি এই শনিবারে সাধারণদের নিকট বক্তৃতা দেবেন, তাঁর আহার নিদ্রার অবসর নাই দিনরাত সেই লেখা লইয়া মাথা ঘোরাইতেছেন, সে লেখার বিষয়টি এই আর্ধ্যামি ও সাহেবিআনা, আপনি এ সময়ে এখানে থাকিলে তাঁর পক্ষে বড় ভাল হতো, একএকবার আপনার জন্ত বড় আক্ষেপ করেন।

আপনি ও বধুমাতা সকলেই বোধ হয় কুশলে আছেন, এখানকার মঙ্গল জানিবেন।

সৌদামিনী দেবী।

৬৪ কলেজ ষ্ট্রীট।

১১ই ফেব্রুয়ারী, ১৮৯৪।

শ্রীচরণেষু :—

আপনার প্রেরিত একখানি কার্ড এবং প্রফের সহিত লিখিত কয়েকবৎসরের পত্র পাইয়াছি।

আমি পুস্তক-বিক্রয়ের কোন লাভের অংশ চাই না; কারণ সরুপ উদ্দেশ্যে আমি পুস্তকখানি ছাপাই নাই। লাভ হইলে আপনারই থাকিবে। লোকসান হইলে আমারই হইবে।

ইংলণ্ড ও আমেরিকায় যদি পুস্তকের কাটুতি হয়, তাহা হইলে তাহার জন্ত পুস্তক বাঁধান যাইবে। ইংলণ্ডস্থ ব্যক্তিগণ এবং সম্পাদকগণকে উপহার দিবার জন্ত কয়েক খণ্ড বাঁধান পুস্তক প্রস্তুত করাইব। আপনি যত ইচ্ছা পুস্তক উপহার দিতে পারেন। কিন্তু এগুলি বাঁধান হইবে না। কারণ, এক একখানি পুস্তক বাঁধাইতে অত্যন্ত



ই আনা খরচ পড়িবে। সুতরাং ৭৫খানি পুস্তকের বাঁধাই খরচ ২১/০ পড়িবে। আমার হাতে বেশী টাকা থাকে না। সম্প্রতি ত কিছুই নাই। এ স্থলে, পুস্তক কিরূপ কাটিবে, তাহা না জানিয়া, অধিক খরচ করিতে সাহস হয় না।

পুস্তকের মূল্য, কাগজের মলাট ১০ আনা, এবং বাঁধান ১২/০ আনা করিব মনে করিয়াছি। ইংলণ্ডে ও আমেরিকায় বিক্রয় হইলে তথায় cloth bound edition-এর মূল্য six pence করিব। আগামী সপ্তাহ হইতে আমার এন্টেল পরীক্ষার কাগজ দেখিতে আরম্ভ করিতে হইবে। সুতরাং পুস্তক উপহার দিবার ভার আর কাহারও হাতে দিতে পারিলে ভাল হয়।

অনিচ্ছা সত্ত্বেও আপনার নিকট একটি প্রার্থনা জানাইতেছি। ইন্দুবাবু দাসাশ্রমের কার্যে ময়মনসিংহ গিয়াছেন। আপনি যদি রাজা স্বর্ধ্যকাস্তের নামে দাসাশ্রম সম্বন্ধে কিছু লিখিয়া একখানি চিঠি দেন, তাহা হইলে বিশেষ বাঞ্ছিত হই। যদি কোন সঙ্কোচ বোধ করেন, বা আপত্তি থাকে, তাহা হইলে অন্ততঃ একখানি সার্টিকিফিকেট দিলেও কিছু কাজ হইতে পারে। যদি শারীরিক দৌর্বল্য বশতঃ কিছুই লিখিতে না পারেন, তাহা হইলে কোন কথাই নাই। দাসাশ্রমের কার্য বলিয়া আপনাকে এত কথা লিখিতেছি।

আশা করি আপনারা সকলে কুশলে আছেন।

স্নেহ এবং আশীর্বাদাকাজী

“স্মার” রামানন্দ।

পুঃ শেষ ফর্ম্মাটি ছাপা হইলেই বই পাঠাইব।

ও

২৩ আশ্বিন বুধবার

প্রদ্ব্যম্পদেষু,

আপনাদের দুজনের মিটমাট হয়ে গেছে ভালই হইয়াছে, আপনি লিখেছিলেন বড়দাদাকে বারণ করিতে চিঠি লিখিতে, কিন্তু বড়দাদা যে আপনার চিঠি পড়িতেন, তাঁর ওইটে শুনে আরো রোক হইতো চিঠি লিখিতে তাড়াতাড়ি করে লিখিতে বসিতেন, আপনি কাস্ত হওয়াতে তবে সুস্থির হইয়াছেন।

আপনি যতটা আশঙ্কা করিয়াছেন, ততটা কিছুই হয় নাই এখানে একটিও হিন্দু ঔর বিপক্ষে কিছু লেখে নাই, বলে নাই বরং সকলেই প্রশংসা করিয়াছেন; সকলে বলিলেন এখনকার সমাজের উপযোগী লেখা হইয়াছে হিন্দুদের প্রাণে আঘাত লাগিলে এতদিন কি চূপ করিয়া থাকিতে পারিত কত আন্দোলন চলিত, আপনার ভিতরে যতটা এখনো হিন্দু ভাব আছে, হিন্দু সমাজের মধ্যে ততটা আছে কি না সন্দেহ।

বড়দাদা আপনার শেষ চিঠি পেয়ে বড় খুসী, বলেন তিনি আমার সঙ্গে আড়ি করিয়াছিলেন আমাকে আর চিঠি লিখিবেন না বলিয়াছেন, ভারি মুস্থিলে পড়িয়াছিলেন।

যোগীনের শরীর এখন কেমন আছে? আপনি কেমন আছেন? বধুমাতা কেমন আছেন? এখানকার সকল মঙ্গল জানিবেন।

সৌদামিনী দেবী।

নীচের Vocabulary সমেত তারিখহীন ও স্বাক্ষরহীন এই চিঠিটি দ্বিজেন্দ্রনাথের :

ও

প্রদ্ব্যম্পদেষু,

“Paglasco Narisne”<sup>১</sup> is my motto as regards বাইবোড়ো<sup>২</sup> চিঠি। আইবোড়োর ভাই বাইবোড়ো, আপনাকে ইহা বলা বাহুল্য। আমার শর্তলচ্<sup>৩</sup> কর্তৃমস্<sup>৪</sup> তৎৎ। আমি এখন ব্র<sup>৫</sup> ব্যস্ত। আমি এখন বঙ্গীয় আঙ্গগরিয়ার মানচিত্র লিখিতে ঘোরতর ব্যস্ত আর কিছুদিন বাদে আপনাকে খোলাসা করিয়া তাহার বিবরণ লিখিব—আপাততঃ এই পর্য্যন্ত।

Vocabulary

১। পাগলা সাকো নাড়িসনে। ২। বায়ুবুঝিনক। ৩। শরীর ভাল আছে। ৪। কর্তামশায়। ৫। বড় ব্যস্ত।

তারিখহীন ও DNT স্বাক্ষরিত এই চিঠিটিও দ্বিজেন্দ্রনাথের :

ও

প্রদ্যাম্পদেবু,

আমি যোগীনকে শান্তিনিকেতনে পাঠাইবার অস্বপ্ন যাহা করিয়াছিলাম তাহার একটি নিগূঢ় অভিব্যক্তি ছিল। আমার...রচনার মস্ততত্ত্ব সমস্তই লিপিবদ্ধ হইয়াছে—যোগীনকে পাইলে তাহাকে তাহা রীতিমত গিলাইয়া দিই—এইটিই আমার মর্শ্বগত অভিব্যক্তি। পুরাণে আছে বিশ্বামিত্র ঋষি দশরথের নিকট রামচন্দ্রের loan চাহিয়াছিলেন—তাহাতে দশরথ শিরে হাত দিয়া বসিয়াছিলেন—কৌশল্যা জননী তো কথাই নাই!! কিন্তু জননী জন্মভূমিষ্ট বর্গাদপি গরীয়সী—আমি যোগীনকে মাতৃসেবা হইতে...বিরত করিতে ইচ্ছা করি না—শ্রদ্ধেয়া ঋষিপত্নী যদি ভাল থাকেন তাহা হইলে—এবং তাহা হইলেই (Englishism মাপ করিবেন)—আমি যোগীনের উপর আমার claim-এর ডিক্রীজারি করিব—এখন ডিক্রীপ্রাপ্ত হইয়াই আমি সঙ্কট আছি; তবে কিনা—পাছে তামাদি হয়। সেই একটা ভয় আছে—caution (?) be helped!

শ্রদ্ধেয়া ঋষিপত্নীঠাকুরাণীর পীড়ার সংবাদ শুনিয়া আমার মনটা দমিয়া গেল। তাঁহার কিরূপ চিকিৎসা হইতেছে? ও অঞ্চলে নিপুণ চিকিৎসক আছে কি? বাত রোগটা আমাদের দেশে আজকাল সংক্রামক হইয়া উঠিয়াছে—আমি দেড় বৎসর কাল তাহাকে পুষিয়া এখন গলাধাক্কা দিয়া বাহির করিয়া দিয়াছি। ঝাড়ানোতে আমার কিঞ্চিৎ ফল দর্শিয়াছিল—আপনারা ওখানে ঝাড়াইতে জানেন এমন কোনো ওঝা গোড়ার লোক থাকিলে, তাহাকে দিয়া একবার পরীক্ষা করিয়া দেখিলে ভাল হয়—যদিচ trial মাত্র।

DNT

ও

২৫২ সৌধ সাকুলার রোড্,

১ মে

প্রদ্যাম্পদেবু,

আপনার এই বিপদের সময় আমি কিঞ্চিৎ সাহায্য করিতে পারিলে বড়ই সুখী হইতাম—কিন্তু আমার সাংসারিক অবস্থা এক্ষণে অত্যন্ত শোচনীয়। আপনি বোধ হয় জানেন আমি জাহাজ চালানি করবারে প্রবৃত্ত ছিলাম—ইংরাজ কোম্পানীদিগের সহিত ভয়ানক প্রতিযোগিতা চলিয়াছিল—সেই কারবারে আমি অত্যন্ত কতিপয় হইয়াছি—ঋণজালে একেবারে জড়িত হইয়া পড়িয়াছি—যে টাকা মাসহারা পাই তৎসমস্তই সুদ দিতে ব্যয় হইয়া যায়। আমার নিজের নিতান্ত আবশ্যকীয় খরচ অতি কষ্টে নির্বাহ হয়।

এই অবস্থায় আপনাকে কোনোপ্রকার সাহায্য করা একেবারে আমার পক্ষে অসাধ্য। ঋণের দায় বড় দায়, এ দায় হইতে আপনি কোনোপ্রকার উত্তীর্ণ হইতে পারিয়াছেন জানিলে সুখী হইব। এখানে সমস্ত মঙ্গল।

শ্রীজ্যোতিরিন্দ্রনাথ ঠাকুর

ও

৪ঠা আশ্বিন, শুক্রবার

প্রদ্যাম্পদেবু,

বড়দাদাকে শান্তি দেওয়া উচিত মত কার্য্য নহে বলিয়া আমাদের পারলিমেন্ট হতে তাহা রহিত করা গেল। আমাদের ক্রমাগণও সহস্রগণের পরিচর বড়দাদা ইহা হইতে পাঠলেন।

আমার ভারি ইচ্ছা হয় যে, বড়দাদার ওই বক্তৃতা ইংরাজিতে অস্ববাদ করে ম্যান্মুলারকে উপহার পাঠান হয়। কিন্তু ওরূপ বাঙ্গালা অবিকল অস্ববাদ করা সহজ ব্যাপার নহে আর যে সে লোকেরও কর্তব্য নহে। আপনি যদি একটু কষ্ট লইয়া চেষ্টা করেন, নিজে বোধ হয় এখন পারিবেন না। অল্প কোন লোকের দ্বারা যদি করা হইয়া দেন বড়দাদার ইহাতে খুব মত আছে; আমি ত আপনার উপর ভার দিলাম আপনি কি করেন দেখি।

আপনার জন্ম চার-পাঁচখানি আমশক্ত পাঠাইলাম। ছুধের সহিত খাইবেন। ভাল আমশক্ত। পিতার জন্ম দিয়াছিল, তিনি খাইলেন না, তাহা আপনার জন্ম পাঠাইলাম।

আপনি কেমন আছেন এবং বধুমাতা ও অল্প সকলে কেমন আছেন?

জ্যোদ্ধা (?) কর্মের জন্ত গেছেন তাহা ত বুঝিয়াছি ওরা সক করিয়া টাকা ব্যয় করে তিন মাসের জন্ত বেড়াতে গিয়াছেন, টাকা থাকিলে আর কিপের ভাবনা তখন সকলি পাওয়া যায়।

আমশস্তটা আজ ডাকে পাঠালেম। আপনারা সন্ধান করিয়া ডাকঘর হইতে লইবেন। বেশীদিন থাকিলে বর্ষাতে পুরাপ হইয়া যাইবে।

সৌদামিনী দেবী।

(সৌদামিনী দেবীর এই চিঠিটির দ্বিতীয় প্যারায় সঙ্কটতঃ দ্বিজেন্দ্রনাথের হস্তাকরে আড়াআড়ি ভাবে লেখা আছে—যোগিনের দ্বারা।)

ও

শিলাইদহ  
কুমারখালি।

ভক্তিভাজনেষু,


আমি সম্প্রতি কিছুকাল হইতে মফস্বলে আছি সেইজন্য আপনার পত্র পাইতে ও উত্তর দিতে বিলম্ব হইল। আমার কাছে কাল-সৃগয়া একখানিও নাই—কলিকাতায় থাকিলে সন্ধান করিতে পারিতাম—যদি কোথাও থাকে ত ক্ষিতির নিকটে থাকা সম্ভব।

ভরসা করি আপনারা ভাল আছেন। ইতি ২৫ আশ্বিন। ১৩০২।

বিনত  
রবীন্দ্রনাথ ঠাকুর।



আনন্দ ডিঙ্গল  
ক. হোড়ের  
প্রসাধন সামগ্রী



ক. হোড় ২৩ কোং • কলিকাতা-১৪



আমার কবিতা তুমি : শ্রীরণজিৎ কুমার সেন প্রণীত কাব্যগ্রন্থ। বাণীষিতান : ২৪ এন, গরচা ফাষ্ট লেন, কলিকাতা-১৯।  
মূল্য—ছ'টাকা পঞ্চাশ নগ্না পরস।

খ্যাতিমান্ সাহিত্যিক শ্রীরণজিৎকুমার সেনের নূতন ক'রে কোনো পরিচয়ের আবশ্যিক করে না। কারণ, দীর্ঘকাল তিনি বাংলা সাহিত্যের সেবা ক'রে আসছেন, তাঁর বহু রচনাই পাঠক-সমাজে সমাদৃত হয়েছে। "আমার কবিতা তুমি" তাঁর দ্বিতীয় কাব্যগ্রন্থ - দুই দশকের পরে প্রকাশিত হয়েছে। প্রথম নজরে 'তুমি' কথাটি প'ড়ে পাঠক হয়ত মনে করবেন—বইখানিতে শুধু প্রেমের কবিতা আছে, সেগুলি তাঁর প্রেমিকার উদ্দেশে নিবেদিত। এ 'তুমি' কিন্তু তাঁর স্বদেশ এবং প্রেমসী ছই-ই। এতে প্রেমের কবিতাও আছে, কিন্তু 'স্বদেশ', 'জন্মভূমি', 'ইতিহাস', 'চিনেছি মাটির মারে', 'জনতা', 'নমস্কার', 'উজ্জীবন' ও 'অটোগ্রাফ' এই কবিতাগুলির মধ্যে তাঁর স্বদেশপ্রেমের অচ্ছ সাবলীল সরস ও অকৃত্রিম প্রাণময়তা ফুটে উঠেছে। প্রেমের কবিতাগুলির মধ্যে উল্লেখযোগ্য হ'চ্ছে 'আকাশ-বাসর', 'আমাদের প্রেম অক্ষয় হোক', 'পুষ্পবতী', 'প্রিয়তমাত্ম', 'তুমি যে উজ্জল তারও চেয়ে' প্রভৃতি।

তাঁর স্বদেশ কোনো ভৌগোলিক সীমায় তাঁর পরিধি শেষ ক'রে দেয় নি, সারা পৃথিবী তাঁর স্বদেশ এবং 'সর্বকালের সর্বদেশের' মানুষ তাঁর আত্মীয়। কবির 'স্বপ্নময় মনে' চিন্ময়ী মা' হ'চ্ছেন 'অনন্ত যৌবনা শস্যসামলা ভারতবর্ষ।' তাঁর কাছে তিনি তাঁর অস্তরের 'বহু বাধা' 'বহু অশ্রু' নিবেদন করেছেন, তবু—

‘এসেছে আলোক,  
অকস্মাৎ উদ্ভাসিয়া গুঠে মনোলোক ;  
অজস্র দুর্গম শিলা পেরিয়ে আবার,

স্পর্শ পেয়েছেন 'স্নিগ্ধ এক নব পূর্ণিমার।'

কবি আশাবাদী, তাই তিনি দেশের 'খণ্ডিত দেহের অশ্লথ সত্তা'র ধ্যান ক'রেছেন— মাথা নত ক'রেছেন তাঁর 'সাধনলব্ধ জন্মভূমির পায়ে।' কবি স্বপ্ন দেখেন 'আগামী দিনের' - স্বপ্ন দেখেন 'নতুন তৃণের'— শোনে 'হারানো বীণের সুর' : 'ফসলের দিন আসে, ধানের সকাল।' এ উ আনন্দের কথা, আমাদের কাছে আনন্দের কথা। তিনি কাব্যচিন্তায় স্বপ্নভ্রষ্ট নন, কিন্তু সেই 'রূপালী কাণ্ডে' নিয়ে টানাটানি কেন? তিনি সজ্ঞাত কি কুঠিত হ'য়ে বসেছেন— তিনি 'ব্যক্তিমানসিকতা'র 'আধুনিকতা'র বাইরে নন। আসলে তিনি সেই কবি— যার কপালে আধুনিকতার ট্রেডমার্ক নেই— তিনি কোনো বিশেষ কালের বিশেষ দলের নন, যার ব্যক্তিমানসিকতার যাচাই হয় কালের কষ্টপাথরে— সে কাল কোনো বিশেষ চিহ্নে চিহ্নিত নয়। যার কাব্যকৃতি একটি বিশেষ কালের কড়া পাহারায় আঙ্গিকের বেড়াডালে বন্দী হয়ে থাকে, উদার আকাশের দিকে বাহ্যবিশ্বের ক্ষমতা থাকে না— সূর্যের অতুপণ আলো, বাতাসের অব্যাহত স্পর্শ থেকে বঞ্চিত, তার আয়ুষ্কাল সীমিত, তার পরিস্ফুটন প্রতি-বন্ধকতার মধ্যে অসম্পূর্ণ।

বাইরের পৃথিবীতে চলছে প্রচণ্ড পরিবর্তন আর মানুষের ভিতরে তার সাদা জাগবে না—এ ত অসম্ভব। তাই দেখা যায় যে, রাষ্ট্রে, সমাজে, জনজীবনে এবং সজ্ঞানই সাহিত্যে তার প্রভাব স্বাভাবিক কারণেই সঞ্চারিত হচ্ছে। সে প্রভাব শুধু যে আধুনিক কবিদেরই এক-চেটিয়া এমন প্রচারণা অবশ্য মাঝে মাঝে শুনি। আমাদের বক্তব্য এই যে, কালকাল নির্বিশেষে যিনি রসোত্তীর্ণ কবিতা রচনা করেন, তিনিই সত্যকার কবি— তা তিনি প্রাচীনই হোন আর আধুনিকই হোন।

বিষয়বস্তু হিসেবে এই গ্রন্থের কবিতাগুলিকে ভাগ ক'রে দিলে ভালো হ'ত, তাতে পাঠকচিন্তে কবির অস্তরের ছ'টি দিকের প্রতিফলন অবশ্যই আনন্দদায়ক হ'ত। বহু প্রবন্ধপুস্তকের রচয়িতা এই কবির দ্বিতীয় কাব্যগ্রন্থখানি পাঠক-সমাজে সমাদৃত হবে, এ কথা নিঃসংশয়ে বলা যায়।

শ্রীসাবিত্রীপ্রসন্ন চট্টোপাধ্যায়

বাংলা শিশুসাহিত্যের ক্রমবিকাশ : আশা দেবী। ডি এম. লাইব্রেরী। ৪২, কলিকাতা স্ট্রীট, কলিকাতা-৩।  
মূল্য—আট টাকা।



বিচিত্র মণিপুর—নলিনীকুমার ভদ্র । ইতিহাস স্যামোসিয়েটেড পাবলিশিং কোং প্রাইভেট লিঃ । ১৩, বাহাঙ্গা গাঙ্গী রোড,

কলিকাতা-৭ । দাম তিন টাকা ।

বাংলা সাহিত্যের অস্তিত্ব প্রবাহের মত শিশুসাহিত্যও আর অনুরত নয় । ঠাকুরমার মুখে শোনা যে-রূপকণার রাজ্য একদা বাঙ্গালী শিশুদের কল্পনার দিগন্তরেখা হৃদয়বর্তী করত, তা প্রায় আজ হারিয়ে যেতে বসলেও, সৌভাগ্যের কথা, সেই সঙ্গে এসেছে রবীন্দ্রনাথ, অবনীন্দ্রনাথ, হুমুসার রায়, প্রমোদ মিত্র প্রমুখ লেখকদের রচনাসম্ভার—যা অস্ত্র যে-কোন দেশের শিশুদের প্রাণের বস্তু হ'তে পারে । এই স্বর্ণকসল কলাবার পেছনে রয়েছে দীর্ঘদিনের ইতিহাস, বহুসাহিত্যকর্মীর তরিত পরিশ্রম । অথচ বাংলাসাহিত্যের এই বিবেকবান প্রবাহটি অবহেলায় বড় বেশি মলিন । এর সামান্যতম ইতিহাস গ্রন্থনাও ইতিপূর্বে হৃদয়লভ্য হইয়াছে বলে আমার জানা নেই । হ'লেও এমনই অকিঞ্চিৎকর বা আজো আমার কাছে অদৃশ্য । স্বভাবতই, বহুমান গ্রন্থের লেখিকা শ্রীযুক্তা আশা দেবীর এ-সংসাহসী উদ্যম ও পরিশ্রমসাধ্য অনুশীলনের ফলশ্রুতি লক্ষ্যে সঙ্গে স্বীকার্য ।

এ-গবেষণাগ্রন্থের দীর্ঘপন পরিচয় মনে হ'তে পারে, বিশেষণ অপেক্ষা ওপ্যের চাপ কিঞ্চিৎ অধিক যা হয়ত বর্জন করাও সম্ভব ছিল না । ফলস্বরূপ অজ্ঞাতপ্রায় বহু তথ্য উদ্ধার, বিশেষ ক'রে রবীন্দ্রপূর্ববর্তী হরিনাথ মজুমদার রচিত 'বিজয় বসন্ত' ইত্যাদি নতুন ক'রে আবিষ্কৃত হয়েছে । এবং এই আবিষ্কৃত তথ্যে পরবর্তী গবেষণক আশে উপকৃত হবেন ।

প্রধানত তিনটি সময়-নিষ্ঠ পর্বে লেখিকা মূল আলোচনা দাঁড় করিয়েছেন । প্রথম পর্ব : শিশুসাহিত্যের উৎসমুখ কোর্ট উইলিয়াম কলেজের সুরঙ্গপাত থেকে বিদ্যাসাগর-অক্ষয়কুমার ও তাঁদের সময় । দ্বিতীয় পর্ব : রাজেন্দ্রলাল মিত্রের 'বিবিধার্থসংগ্রহ'এর প্রকাশকাল । তৃতীয় পর্ব : 'কালকল্প' পত্রিকার প্রকাশ, রবীন্দ্রনাথ ও তাঁর পরবর্তী সময় যার প্রান্তরেখা ১৯৩০ । পরিশেষে একটি পৃথক অধ্যায়ে আলোচিত হয়েছে যুরোপ ও আমেরিকার শিশুসাহিত্যের সংক্ষিপ্ত ইতিহাস ।

সহজ ক'রে নীতিকথা শেখানো ও ধর্মবোধ জাগানো নয়, যা নিছক আনন্দে শিশুর হৃদয়কে হৃদয়চরী করে, তার মার্গিক বিকাশে তৃতীয় পর্বের সাহিত্য সর্বাধিক মূল্যবান । বস্তুত, বিশগতক বাংলাশিশুসাহিত্যের অপার ঐর্ষ্যে উদ্ভল । ভবিষ্যতে লেখিকা যদি এ-সময়ের আলোচনা বিস্তৃততর করেন, তা হ'লে সাংস্কৃতিক জগতের অবশ্য প'ঠ গ্রন্থটির আকর্ষণ, সংশয়হীন বৃদ্ধি পাবে বলে আমার বিশ্বাস ।

পরবর্তী আলোচিত গ্রন্থ 'বিচিত্র মণিপুর' । 'বিচিত্র মণিপুর'এর লেখক শ্রীযুক্ত নলিনীকুমার ভদ্রের আদিবাসীদের নিয়ে লেখা কিছু রচনা এক সময় ভাল লেগেছিল । তাঁর সেই লেখার ভাৱ বিবর্তিত অনায়াসভঙ্গি গ্রন্থের প্রতিটি অধ্যায়ে বহুমান । আর সেই সঙ্গে মিলিত হয়েছে লেখকের সরস কৌতুক—যা 'পালামো'-এর সম্ভাব্যত্বের কথা মনে পড়িয়ে দেয় ।

এ-ভ্রমণ বিবরণ রূপসী মণিপুরের কেবলমাত্র প্রাকৃতিক লাবণ্যের বর্ণনা নয় গল্পের আমেজে জড়িয়েছে মণিপুরের ধর্ম ও উপাখ্যান, সংস্কৃতি ও উৎসব, ইতিহাস ও রাষ্ট্রিক বিবর্তনের ইতিবৃত্ত । তা ছাড়া একটি স্বতন্ত্র অধ্যায়ে বর্ণিত হয়েছে দ্বিতীয় মহাযুদ্ধে ভারতীয় জাতীয় বাহিনীর রোমাঞ্চকর মণিপুর অভিযান কাহিনী ।

মণিপুরের মনোরম প্রাকৃতিক দৃশ্যাবলী ও আদিবাসীর অকৃত্রিম আরণ্য জীবন-কথার ফাঁকে ফাঁকে প্রসঙ্গত যে-সব তথ্য বা তথ্যের স্মরণ্য লেখক কল্পেছেন তাতে ভ্রমণবৃত্তান্তটি কিছুমাত্র ভারি হয় নি—বরং মণিপুর সম্পর্কে পাঠকের কৌতুহল ও আগ্রহ বাড়িয়ে তুলেছে । বাংলা দেশের সঙ্গে মণিপুরের মধুর সম্পর্ক কয়েক শতাব্দীর—মধ্যযুগে রচিত বৈষ্ণব গীতিকবিতার ছন্দ, মুর ও তান মণিপুরী নৃত্যসঙ্গীতে আজও ধ্বনিত হয় । লেখক বহু যত্নে প্রয়োজনীয় তথ্যসংগ্রহ ক'রে অতীতের সেই বিশ্বতপ্রায় পটভূমি তুলে এনেছেন । সন্নিবিষ্ট মণিপুরী পুরাণ ও ইতিহাসগ্ৰন্থী কাহিনীগুণির অন্ততম পান্ডা ও পইবির প্রেমময় উপাখ্যান, প্রসঙ্গবিধানে এত স্নিগ্ধ যে, মনে মনে একে লাগন করতে ইচ্ছে হয় ।

শ্রীমুনীলকুমার নন্দী

শিক্ষাদর্শন প্রসঙ্গে : ডক্টর হুমুসারকুমার নন্দী ও শ্রীমুনীল নন্দী । প্রকাশ মন্দির, ৩, কলেজ রো, কলকাতা । মূল্য তিন টাকা

[ অধ্যাপক শ্রীপ্রিয়রঞ্জন সেনের ভূমিকা সম্বলিত । ]

সাম্প্রতিকালে বাংলা সাহিত্যের বিভিন্নবিভাগে নানান সঙ্গ্রহ লিখিত হইয়াছে, ইহা খুবই আশার কথা । শিক্ষাচিন্তাবিষয়ক গ্রন্থের এতদ্বশে বহু প্রকাশ ও প্রচার আমাদের শুভ ঘোষণা করিতেছে । তবুও সর্বিনয়ে এ কথা না বলিয়া পারি না যে, শিক্ষাতত্ত্ব সম্পর্কিত জ্ঞানদের অধিকাংশ গ্রন্থই পশ্চিমদেশীয় পণ্ডিতদের বহুশ্রুত ও অতিপরিচিত মতামতগুলির চর্চিতচর্চণ ব্যতীত আর কিছুই নহে । মৌলিক চিন্তা বা গবেষণার হৃদয়ত অবকাশ পাকা সঙ্গেও অধিকাংশ গ্রন্থরচয়িতাই তাহার সদ্যবহার করেন না বা করিতে পারেন না, ইহা বড়ই আক্ষেপের বিষয় । বারংবার আমরা এই ধরণের পুস্তক সমালোচনা প্রসঙ্গে সেই আক্ষেপ এবং কোণ্ডকে প্রকাশ করিতেছি । কল কিছুই হয় নাই । তাই আলোচ্য গ্রন্থখানি হাতে লইয়া পাঠারম্ভকালে আমাদের যে সংশয় ও দ্বিধা ছিল, তাহা অস্বীকার করিব না । গ্রন্থখানি পাঠ করিতে করিতে প্রবন্ধ হইতে প্রবন্ধান্তরে ষুইবার সময় ভুলিয়াই গিয়াছিলাম যে, সংশয়কূল চিন্তে গ্রন্থটি পাঠ করিতে শুরু করিয়া, ইলাম । প্রথম প্রবন্ধ 'শিক্ষাদর্শন প্রসঙ্গে'—সাবনৌল ভঙ্গিতে লিখিত স্বচ্ছন্দ সহজ পরিভাষায় পরিবেশিত উৎকৃষ্ট মননশীল প্রবন্ধ । শিক্ষাক্ষেত্রে প্রকৃতিবাদ, আদর্শবাদ, প্রয়োজনবাদ ও বাস্তববাদের স্তম্ভ প্রয়োগ ও তৎপ্রয়োগ শিক্ষাসমস্যার সম্যক সমাধান সম্ভব কিনা তাহার মনোজ্ঞ আলোচনা এই অধ্যায়ে সন্নিবিষ্ট হইয়াছে । শিক্ষার উদ্দেশ্য মানুষ তৈয়ারী করা । মুখ্যবিদ্যার বেসান্ধি করিবার জন্য যে বিদ্যাগৃহগুলি স্থাপিত হয় নাই, তাহা আমরা ভুলিতে বসিয়াছি । আশঙ্কানই যে আমাদের পরম কাম্য, তাহাই যে আমাদের চরম লক্ষ্য তাহা গবিবার মত, বিশ্বাস করিবার মত শক্তি আজ আর আমাদের নাই । তাই নতুন করিয়া আমাদের দেশবাসীকে, নব্যতান্ত্রিক সমাজের পুত্র-ন্যাদিগকে শিক্ষার উদ্দেশ্য সর্বদা সচেতন করিয়া তুলিতে হইবে । গ্রন্থকার আলোচ্য গ্রন্থটিতে 'শিক্ষার উদ্দেশ্য' শীর্ষক একটি প্রবন্ধে শিক্ষার মূল্যবোধ ও লক্ষ্যের কথা সবিস্তারে ব্যাখ্যা করিয়াছেন ।

জীবনের বিস্তৃত ক্ষেত্রে ফলস্বরূপে প্রতিষ্ঠা করিতে হইবে। ইহা সকল মানুষেরই কাম্য। তাই আমাদের শিক্ষাব্যবস্থার 'চারুকলা' ও 'কারুকলা' প্রতিষ্ঠা করা দরকার। শিক্ষাক্ষেত্রে 'সৌন্দর্যসাধনার' স্থান কতটুকু, কি ভাবে কোন্ পথে এই সাধনাকে চালিত করিতে হইবে' প্রস্তুত হইবার আলোচনা করিয়াছেন একাধিক প্রবন্ধে। কর্মসূত্রী শিক্ষা, বৈজ্ঞানিক শিক্ষা, এযুগের মানুষের কলনাকে বিশেষভাবে প্রস্তুত করিয়াছে। আলোচ্য গ্রন্থে এতদসম্পর্কে বিশেষ আলোচনা সন্নিবিষ্ট হইয়াছে। শিক্ষায় যেমন সৌন্দর্যসাধনার স্থান, তেমনি নীতি ও নীতি শিক্ষাও শিক্ষাপরিকল্পনার অঙ্গ। বিদ্যাগৃহে তাই ধর্ম ও নীতি শিক্ষাকেও প্রবেশাধিকার দিতে হইবে। উক্ত গ্রন্থে আমাদের অভিজ্ঞতা বড়ই তিক্ত। সাম্প্রদায়িকতাবাদ, ছুইজাতি তত্ত্ব ও দেশবিভাগ, এ সবই আমাদের প্রবল ধর্মহত্যার ফল। তাই আমাদের রাষ্ট্রদায়করা, আমাদের দেশশাসকেরা এ দেশকে 'সেকুলার' আখ্যা দিয়া শিক্ষাক্ষেত্র হইতে ধর্মকে নির্বাসন দিয়াছেন। ব্যবহারবাদের দিক হইতে ইহাকে সমর্থন করা গেলেও তত্ত্বের দিক হইতে ইহা সমর্থনের যোগ্য নহে। ধর্ম অর্থৎ যোগ মানুষের সমগ্র জীবনসত্রাকে ধারণ করিয়া থাকে তাহাকে সম্পূর্ণরূপে শিক্ষাক্ষেত্র হইতে নির্বাসন দেওয়া যুক্তিসঙ্গত হইয়াছে কি না তাহা বারবার ভাবিয়া দেখিতে হইবে। প্রস্তুত হইবার আলোচ্য গ্রন্থে এ সম্পর্কে বিশদ আলোচনা করিয়াছেন। জিজ্ঞাস্য পাঠক-পাঠিকা ইহা পাঠ করিলে চিন্তায় যে পোরা ক পাইবেন, ইহা নিঃসন্দেহ বলিতে পারি।

ঐতিহাসিক আলোচ্য গ্রন্থখানিতে প্রাচীন শিক্ষাদর্শনের উপর কয়েকটি মূল্যবান আলোচনা সংযোজিত হইয়াছে। প্রাচীন হিন্দু শিক্ষাদর্শন, প্রাচীন বৌদ্ধ শিক্ষাদর্শন ও প্রাচীন গ্রীসের শিক্ষাদর্শন, তিনটি অধ্যায়ে আলোচিত হইয়াছে। এ প্রবন্ধত্রয় অতীতযুগের শিক্ষাদর্শনের মার্গিক বিশ্লেষণ। বোদ্ধা পাঠক সহজেই হিন্দু, বৌদ্ধ ও গ্রীক শিক্ষাদর্শনের একটি আনুপাতিক মূল্যায়ন করিতে পারিবেন। সহস্র পাবিত্যায় গাভীর্বপূর্ণ জিননভঙ্গিতে এই তিনটি অধ্যায় আমাদের কাছে অত্যন্ত মূল্যবান বসিয়া বোধ হইয়াছে। বোধ হয় জিজ্ঞাস্য পাঠকের মতিত আমাদের মতের মিল হইবে।

রবীন্দ্রনাথের শিক্ষাতত্ত্ব, স্বামী বিবেকানন্দের শিক্ষাদর্শন, রাধাকৃষ্ণণের শিক্ষাসূত্র আর সমাজীয় প্রবন্ধত্রয় আমাদের শিক্ষকদের চোখে মূল্যবান বলিয়া প্রতিষ্ঠিত হইবে। বাহা আছে, বাহা বাস্তব তাহাকে আদর্শের আলোকে নুতন করিয়া রূপান্তরিত করিতে হইবে। ইহা করিতে হইলে আদর্শের সহিত আমাদের পরিচয় থাকিবে একান্ত প্রয়োজন। রবীন্দ্রনাথ ও স্বামীজীর শিক্ষাদর্শন আমাদের এই আদর্শের সম্ভাষক।

প্রস্তুত হইবার 'শিক্ষা ও শাস্তি' শীর্ষক প্রবন্ধে গ্রন্থের উপসংহার করিয়াছেন। বিনোবাজীর শিক্ষাদর্শন এই অধ্যায়টিকে প্রভূতভাবে প্রভাবিত করিয়াছে। কেমন করিয়া সব সংঘাত ও দন্দ উত্তীর্ণ হইয়া আমরা ভয়হীন শান্তিময় এক নতুন সমাজ ব্যবস্থার পতন করিতে পারি তাহার হিত আলোচ্য প্রবন্ধটিকে মিলিবে। সব মিলিয়া প্রস্থখানি শিক্ষাপ্রদ, চিন্তামূলক ও গবেষণাণীয়।

আমরা ইহার বহুল প্রচার কামনা করি।

শ্রীগৌতম সেন

চন্দননগরে বিশ্বকবি : শ্রীমুখান বোধ প্রণীত, লেখক কঙ্ক চন্দননগর হইতে প্রকাশিত। ১৭ পৃষ্ঠা, মূল্য ১২।

১২৮৮ সালে তরুণ রবীন্দ্রনাথ সর্বপ্রথম চন্দননগরে পদার্পণ করেন। ঐ সময় তিনি জ্যোতির্বিজ্ঞানপ্রণেতা স্যার গঙ্গাধীয়ে মৌরান সাহেবের শ্রম বাগানবাড়ীতে 'কিছু দীর্ঘকাল বাসন' করেন। ভাগীরথী-তীরের এই স্নিগ্ধশান্ত পরিবেশ রবীন্দ্রনাথের কবিত্রাণ্ডা উন্মেষে সাহায্য করিয়াছিল। কবির 'জীবনস্মৃতিতে' এই অবিস্মরণীয় অনুভূতির উল্লেখ রহিয়াছে; ইহার পঞ্চদশ বৎসর পরে ১৩০৩ সালে বিংশ বঙ্গীয় সাহিত্য সম্মেলনে বিশ্বকবি বোধনা করিয়াছিলেন যে, চন্দননগরে মৌরান সাহেবের বাগানে তাঁহার কবিত্রাণ্ডার উন্মেষন! কবি জীবনে নদীর আকর্ষণ এই অবল ছিল এজন্য পদ্মা এবং গঙ্গাধীয়ে তাঁহার বহু অমূল্য সময় কাটাইয়াছেন। চন্দননগরের সম্মেলনের উদ্বোধন ভাষণেও তাঁর তাঁর সত্যতা এবং নিজেদের গানের বলিয়া উল্লেখ করিয়াছিলেন।

লেখক রবীন্দ্রনাথের নিজের উক্তি, নির্ভরযোগ্য তথ্য এবং ব্যক্তিগত অভিজ্ঞতার কথা এই ক্ষুদ্র পুস্তকে লিপিবদ্ধ করিয়াছেন।

শ্রীঅনাথবন্ধ দত্ত

শ্রীমতী সীতাদেবীর উপস্থাস

“রঙ্গমল্লী”

শ্রীবিমল মিত্রের উপস্থাস

“হরতন”

বৈশাখ থেকে চলছে

বৈশাখ থেকে গ্রাহক হোন

সম্পাদক—শ্রীকেশবানন্দনাথ ভট্টাচার্য

মুদ্রাকর ও প্রকাশক—শ্রীনিবারণচন্দ্র দাস, প্রবাসী প্রেস প্রাইভেট লি., ১২০১২ আচার্য্য প্রহ্লাদচন্দ্র রোড, কলিকাতা-১







